

四部要
備史部

二十四史
(一)
舊唐書
(二)

025



中

行

四部備要
史部

後晉司空同中書門下平章事劉昫撰

列傳第三十七

裴炎

劉稹之

魏玄同

李昭德

裴炎絳州聞喜人也少補弘文生每遇休假諸生多出遊炎獨不廢業歲餘有司將薦舉辭以學未篤而止在館垂十載尤曉春秋左氏傳及漢書擢明經第尋為濮州司倉參軍累歷兵部侍郎中書門下平章事侍中中書令永淳元年高宗幸東都留太子哲守京師命炎與劉仁軌薛元超為輔明年高宗不豫炎從太子赴東都侍疾十一月高宗疾篤命太子監國炎奉詔與黃門侍郎劉齊賢中書侍郎鄭正一並於東宮平章事十二月丁巳高宗崩太子即位未聽政宰臣奏議天后降令於門下施行中宗既立欲以后父韋玄貞為侍中又欲與乳母子五品炎固爭以為不可中宗不悅謂左右曰我讓國與玄貞豈不得何為侍中耶炎懼乃與則天定策廢立炎與中書侍郎劉稹之羽林將軍程務挺張虔勗等勸兵入內宣太后令扶帝下殿帝曰我有何罪太后報曰汝若將天下與韋玄貞何得無罪乃廢中宗為廬陵王立豫王旦為帝炎以定策功封河東縣侯太后臨朝天授初又降豫王為皇嗣時太后姪武承嗣請立武氏七廟及追王父祖太后將許之炎進諫曰皇太后天下之母聖德臨朝當存至公不宜追王祖稱以示自私且獨不見呂氏之敗乎臣恐後之視今亦猶今之視昔太后曰呂氏之王權在生人今者追尊事歸前代存歿殊迹豈可同日而言炎曰蔓草難圖漸不可長殷鑒未遠當絕其源太后不悅而止時韓王元嘉魯王靈夔等皆皇屬之近承嗣與從父第三思屢勸太后因事誅之實絕宗室之望劉稹之韋仁約並懷畏懼唯唯無言炎獨固爭以為不可承嗣深憾之文明元年官名改易炎為內史秋徐敬業構逆太后召炎議事炎奏曰皇帝年長未俾親政乃致猜豎有詞若太后返政則此賊不討而解矣御史崔察聞而上言曰裴炎伏事先朝二十餘載受遺顧託大權在己若無異圖何故請太后歸政乃命御史大夫審味道御史魚承暉鞠之鳳閣侍郎胡元範奏曰炎社稷忠臣

有功於國悉心奉上天下所知臣明其不反右衛大將軍程務挺密表申理之文武之間譴炎不反者甚衆太后皆不納光宅元年十月斬炎于都亭驛之前街炎初被擒左右勸炎遷調於使者炎數曰宰相下獄焉有更全之理竟無折節及籍沒其家乃無擔石之蓄胡元範申州義陽人坐救炎流死瓊州程務挺伏法納言劉齊賢貶吉州長史吏部侍郎鄭待舉貶岳州刺史皆坐救炎之罪也先是開耀元年十月定襄道行軍大總管裴行儉獻定襄所獲俘囚除曲赦外斬阿史那伏念温傳等五十四人於都都初行儉討伐之時許伏念以不死伏念乃降時炎嘗行儉之功奏云伏念是程務挺張虔勗逼逐于營又磔北迴紇南向逼之窘急而降乃殺之行儉數曰渾濬之事古今恥之但恐殺降之後無復來者行儉因此稱疾不出炎致國家負義而殺降始能害功構成陰禍其敗也宜哉睿宗踐祚下制曰飾終追遠斯乃舊章表德旌賢有光恆策故中書令裴炎舍弘稟粹履信居貞望重國華才稱人秀唯幾成務績宣于代工偶居無猜義深於奉上文明之際王室多虞保朕躬實著誠節而危疑起疊倉卒罹災歲月屢遷丘封莫樹永言先正感悼良多宜追賞於九原俾增榮於萬古可贈益州大都督炎長子彥先後為太子舍人從子伯先後為工部尚書

劉稹之常州晉陵人也祖與宗陳郡陽王諮議參軍父子異善吟詠有學行隋大業初歷秘書監河東柳顧言甚重之性不容非朋僚有短長面折之友人李伯藥常稱曰劉四雖復罵人入都不恨貞觀元年詔追入京以母老固辭太宗許其終養江南大使李襲譽嘉其至孝恆以米帛賚之因上表旌其門閭改所居為孝慈里母卒服竟徵拜吳王府功曹再遷著作郎弘文館學士預修書書加朝散大夫永徽初卒高宗遣使弔贈給靈輿還鄉有集二十卷稹之少與孟利貞高智周鄭正一俱以文藻知名時人號為劉孟高鄭孟利貞等劉孟昭文館上元中遷左史弘文館直學士與著作郎元萬頃孟利貞等皆楚客右史周思茂韓楚賓等皆召入禁中共撰列女傳臣軌百家新書凡書卷時又密令參決以分宰相之權時人謂之北門學士稹之為給事中兄弟並居兩省論者美之儀鳳二年轉朝議大夫中書侍郎兼後魏府司馬

尋加中大夫。禕之有姊在宮中為內職。天后令省樂國夫人之疾。禕之潛伺見之。坐是配流嶺州。歷數載。天后表請高宗召還。拜中書舍人。轉相王府司馬。復遷檢校中書侍郎。高宗謂曰。相王朕之愛子。以卿忠孝之門。藉卿師範。所冀蓬生麻中。不扶自直耳。禕之居家孝友。甚為士族所稱。每得俸祿。散於親屬。高宗以此重之。則天臨朝。甚見親委。及豫王立。禕之參預其謀。擢拜中書侍郎。同中書門下三品。賜爵臨淮男。時軍國多事。所有詔勅。獨出禕之構。思敏速。皆可立待。及官名改易。禕之為鳳閣侍郎。同鳳閣鸞臺三品。時有司門員外郎房先敏得罪。先授衛州司馬。詣宰相陳訴。內史竇味道謂曰。此乃皇太后處分也。禕之謂先敏曰。緣坐改官。例從臣下奏請。則天聞之。以味道善。則歸已。過則推君。貶青州刺史。以禕之推善於君。引過在己。加授太中大夫。賜物百段。細馬一疋。因謂侍臣曰。夫為臣之體。在揚君之德。君德發揚。豈非臣下之美事。且君為元首。臣作股肱。情同休戚。義均一體。未聞以手足之疾。移於腹背。而得一體安者。味道不存。忠赤已從。屏退禕之。竭忠奉上。情甚可嘉。納言王德真對曰。昔戴至德。每有善事。必推於君。太后曰。先朝每稱至德。能有此事。逮其終歿。有制寒崇。為臣之道。豈過斯行。傳名萬代。可不善歟。儀鳳中。吐蕃為邊患。高宗謂侍臣曰。吐蕃小醜。屢犯邊境。我比務在安輯。未即誅夷。而戎狄豺狼。不識恩造。置之則疆場日駭。圖之則未聞上策。宜論得失。各盡所懷。時劉景仙郭正一皇甫文亮楊思徽薛元超各有所奏。禕之時為中書舍人。對曰。臣觀自古明王聖主。皆患夷狄。吐蕃時擾邊隅。有同禽獸。得其土地。不可攸居。被其憑陵。未足為恥。願戢萬乘之威。且寬百姓之役。高宗嘉其言。後禕之嘗謂鳳閣舍人賈大隱曰。太后既能廢昏立明。何用臨朝稱制。不如返政以安天下之心。大隱密奏其言。則天不悅。謂左右曰。禕之我所引用。乃有背我之心。豈復顧我恩也。垂拱三年。或誣告禕之受歸州都督孫萬榮金。兼與許敬宗幸有私。則天特令肅州刺史王本立推鞠其事。本立宣勅示禕之。禕之曰。不經鳳閣鸞臺。何名為勅。則天大怒。以為拒捍制使。乃賜死於家。時年五十七。初禕之既下獄。睿宗為之抗疏申理。禕之親友咸以為必見原有竊賈之禕之曰。吾必死矣。太后臨朝獨斷。威福任己。

皇帝上表。徒使速吾禍也。禕之在獄時。嘗上疏自陳。及臨終。既洗沐。而神色自若。命其子執筆草謝表。其子將絕。殆不能書。監刑者促之。禕之乃自操數紙。援筆立成。詞理懇至。見者無不傷痛。時麟臺郎郭翰。太子文學周思鈞。共稱歎其文。則天聞而惡之。左遷翰為巫州司法。思鈞為播州司倉。睿宗即位。以禕之官府舊僚。追贈中書令。有集七十卷。傳於時。

魏玄同。定州鼓城人也。舉進士。累轉司列大夫。坐與上官儀文章屬和。配流嶺外。上元初赦還。工部尚書劉審禮薦玄同。有時務之才。拜岐州長史。累遷至吏部侍郎。玄同以既委選舉。恐未盡得人之術。乃上疏曰。臣聞製器者必擇匠。以簡材。為國者必求賢。以莅官。匠之不良。無以成其工。官之非賢。無以致於理。君者。所以牧人也。臣者。所以佐君也。君不養人。失君道矣。臣不輔君。失臣任矣。任者。誠國家之基本。百姓之安危也。方今人不加富。盜賊不戢。獄訟未清。禮義猶闕者。何也。下吏不稱職。庶官非其才也。官之不得其才者。取人之道。有所未盡也。臣又聞傳說曰。明王奉若天道。建邦設都。樹后王君。公承以大夫師長。不惟逸豫。惟以理人。昔之邦國。今之州縣。士有常君。人有定主。自求臣佐。各選英賢。其大臣乃命於王朝耳。秦并天下。罷侯置守。漢氏因之。有公。有草。諸侯得自置吏。四百石以下。其傅相。大官。則漢為置之。州郡掾吏。督郵從事。悉任之於牧守。爰自魏晉。始歸吏部。遞相祖襲。以迄于今。用乃筆以量才。按簿書而察行。法令之弊。其來日久。蓋君子重因循而憚改作。有不得已者。亦當運獨見之明定。卓然之議。如今選司所行者。非上皇之令典。乃近代之權道。所宜遷徙。實為至要。何以言之。夫尺丈之量。所及者盡。鍾庚之器。所積者寧多。非其所及。焉能度之。非其所受。何以容之。況天下之大。士人之眾。而可委之數人之手乎。假使平如權衡。明如水鏡。力有所極。照有所窮。銓綜既多。紊失斯廣。又以此居此任。時有非人。豈直媿彼清通。味於觀察。亦將竭其庸妄。糝彼榮絲。情敢既行。何所不至。職私一啓。以及萬端。至乃為人擇官。為身擇利。顧親疎而下筆。看勢要而措情。悠悠風塵。此焉奔競。擾擾遊宦。同乎市井。加以厚貌深衷。險如溪壑。擇言觀行。猶懼不周。今使百行九能。折之於一面。具僚庶品。專斷於一司。不亦難矣。

且魏人應選所據者乃三分晉氏播遷所臨者非一統遠乎齊宋以及周隋戰
爭之日多安樂之時少瓜分瓦裂各在一方隋氏平陳十餘年耳接以兵禍繼
以饑饉既既業之不逮或時事所未逮非謂是今而非古也武德貞觀與今亦
異皇運之初庶事草創豈唯日不暇給亦乃人物常稀天祚大聖享國永年比
屋可封異人閒出咸以爲有遺恥賤得時無忌諸色入流歲以千計羣司列位
無復新加官有常員人無定限選集之始霧積雲屯擢敘於終十不收一滯繩
雜混玉石難分用捨去留得失相半撫卹事之爲弊及後之滋失夏殷已前
制度多闕周監二代煥乎可觀豈諸侯之臣不皆命於天子王朝庶官亦不專
於一職故周穆王以伯冏爲太僕正命之曰慎簡乃僚無以巧言令色便僻側
媚唯吉士此則令其自擇下吏之文也太僕正中大夫耳尙以僚屬委之則三
公卿亦必然矣周禮太宰內史並掌爵祿廢置司徒司馬別掌輿賢詔事當是
分任於羣司而統之以數職各自求其小者而王命其大者焉夫委任責成君
之體也所委者當所用者精故能得濟濟之多士感芘芘之械襍裴子野有言
曰官人之難先王言之尙矣居家視其孝友鄉黨服其誠信出入觀其志義憂
歡取其智謀煩之以事以觀其能臨之以利以察其廉周禮始於學校論之州
里告諸六事而後貢之王庭其在漢家尙猶然矣州郡積其功能然後爲五府
所辟五府舉其掾屬而昇于朝三公參得除署尙書奏之天子一人之身所關
者衆一士之進其謀也詳故官得其人鮮有敗事魏晉反是所失弘多子野所
論蓋區區之宋朝耳猶謂不勝其弊而況于當今乎又夫從政莅官不可以無
學故書曰學古入官議事以制傳曰我聞學以從政不聞以政入學今貴戚子
弟例早求官鬻亂之年已腰銀艾或童卯之歲已襲朱紫弘文崇賢之生千牛
擎脚之類課試既淺藝能亦薄而門閥有素資望自高夫象賢繼父古之道也
所謂胄子必裁諸學修六禮以節其性明七教以與其德齊八政以防其淫舉
上賢以崇德簡不肖以黜惡少則受業長而出仕並由德進必以才昇然後可
以利用賓王移家事國少仕則廢學輕試則無才於此一沉良足惜也又勳官
三衛流外之徒不待州縣之舉直取之於書判恐非先德而後言才之義也臣

又以爲國之用人有似人之用財貧者賦精樸思短褐富者餘糧肉衣輕裘然
則當衰弊乏賢之時則可磨策朽鈍而乘馭之在太平多士之日亦宜妙選
俊而任使之詩云翹翹錯薪言刈其楚荊荆也在薪之翹翹者方之用才理亦
當爾選人幸多尤宜簡練臣竊見制書每令三品五品薦士下至九品亦令舉
人此聖朝側席旁求之意也但以褒貶不甚明得失無大隔故人不憂黜責
下不盡搜揚苟以應命莫慎所舉且惟賢知賢聖人篤論伊臯既舉不仁咸遠
復患階秩雖同人才異等身且濫進豈知人今欲務得實才兼宜擇其舉主
流清以源深影端由表正不詳舉主之行能而責舉人之庸濫不可得已漢書
云張耳陳餘之賓客廝役皆天下俊傑彼之叢爾猶能若斯況以神皇之聖明
國家之德業而不建久長之策爲無窮之基盡得賢取士之術而但顧望魏晉
之遺風留意周隋之末事臣竊惑之伏願稍迴聖慮時採芻言略依周漢之規
以分吏部之選即望所用精詳解於差失疏奏不納弘道初轉文昌左丞兼地
官尙書同中書門下三品則天臨朝遷太中大夫鸞臺侍郎依前知政事垂拱
三年加銀青光祿大夫檢校納言封鉅鹿男玄同素與裴炎結交能保始終時
人呼爲耐久服而與酷吏周與不協永昌初爲周與所構云玄同言太后老矣
須復皇嗣太后聞之怒乃賜死於家監刑御史房濟謂玄同曰何不告事冀得
召見當自陳訴玄同歎曰人殺鬼殺有何殊也豈能爲告人事乎乃就刑年七
十三子恬開元中爲穎王傳

李昭德京兆長安人也父乾祐貞觀初爲殿中侍御史時有鄭令裴仁軌私役
門夫太宗欲斬之乾祐奏曰法令者陛下制之於上率土尊之於下與天下共
之非陛下獨有也仁軌犯輕罪而致極刑是乖畫一之理刑罰不中則人無所
措手足臣忝憲司不敢奉制太宗意解仁軌竟免乾祐尋遷侍御史母卒廬於
墓側負土成墳太宗遣使就墓弔之仍旌表其門後歷長安令治書御史皆有
能名擢拜御史大夫乾祐與中書令褚遂良不協竟爲遂良所構永徽初繼受
邢魏等州刺史乾祐雖強直有器幹而昵於小人既與外郡與令史結友書疏
往返令伺朝廷之事俄爲友人所發坐流愛州乾祐封中起爲桂州都督歷拜司

刑太常伯。舉京兆功曹參軍。崔擢為尚書郎。事既不果。私以告擢。擢有犯乃告。乾祐泄禁中語。以贖罪。乾祐復坐免官。尋卒。昭德即乾祐之孽子也。強幹有父風。少舉明經。累遷至鳳閣侍郎。長壽二年。增置夏官侍郎三員。時選昭德與婁師德。侯知一為之。是歲。又遷鳳閣鸞臺平章事。尋加檢校內史。長壽中。神都改作文昌臺。及定鼎上東諸門。又城外郭。皆昭德創其制度。時人以爲能。初都城洛水天津之東。立德坊西南隅。有中橋。及利涉橋。以通行。李元中。司農卿。韋機。始移中橋。置于安衆坊之左街。當長夏門。都人甚以爲便。因廢利涉橋。所省萬計。然歲爲洛水衝注。常勞治葺。昭德創意積石爲脚。銳其前。以分水勢。自是竟無漂損。時則天以武承嗣爲文昌左相。昭德密奏曰。承嗣陛下之姪。又是親王。不宜更在機權。以惑衆庶。且自古帝王父子之間。猶相篡奪。況在姑姪。豈得委權與之。脫若乘便。實位寧可安乎。則天矍然曰。我未之思也。承嗣亦嘗返譖昭德。則天曰。自我任昭德。每獲高臥。是代我勞苦。非汝所及也。承嗣俄轉太子少保。罷知政事。延載初。鳳閣舍人張嘉福。令洛陽人王慶之。率輕薄惡少數百人。詣闕上表。請立武承嗣爲皇太子。則天不許。慶之固請不已。則天令昭德詰責之。令散。昭德便杖殺慶之。餘衆乃息。昭德因奏曰。臣聞文武之道。布在方策。豈有姪爲天子。而爲姑立廟乎。以親親言之。則天皇是陛下也。皇嗣是陛下子也。陛下正合傳之子孫。爲萬代計。況陛下承天皇顧託。而有天下。若立承嗣。臣恐天皇不血食矣。則天寤之。乃止。時朝廷諛佞者多。獲進用。故幸恩者。事無大小。但近詔諛。皆獲進見。有人於洛水中。獲白石數點。赤。詣闕獻進。諸宰相詰之。對云。此石赤心。所以來進。昭德叱之曰。此石赤心。洛水中。餘石豈能盡反耶。左右皆笑。是時來俊臣。侯思止。等枉撓刑法。誣陷忠良。人皆懼。昭德每廷奏其狀。由是俊臣黨與。少自摧屈。來俊臣又嘗棄故妻。而娶太原王慶說女。侯思止亦奏娶趙郡李自挹女。勅政事堂共商量。昭德撫掌謂諸宰相曰。大可笑。往年俊臣賊劫王慶說女。已大辱國。今日此奴又請索李自挹女。無乃復辱國耶。尋奏廢之。侯思止後竟爲昭德所繩。撓殺之。既而昭德專權用事。頗爲朝野所惡。前魯王府功曹參軍丘悅上疏言其罪狀。曰。臣聞百王之失。皆由權歸於

下。宰臣持政。常以勢威爲殃。魏冉誅庶族。以安秦。非不忠也。弱諸侯。以強國。亦有功也。然以出入自專。斷無忌。威震人主。不聞有王。張祿一進深言。卒用憂死。向使昭王不即覺悟。魏冉果以專權則秦之霸業。或不傳其子孫。陛下創業與王。撥亂英主。總權收柄。司契握圖。天授已前。萬機獨斷。發命皆中。舉事無遺。公卿百寮。具職而已。自長壽已來。厭息細政。委任昭德。使掌機權。然其幹濟小才。不堪軍國大用。直以性好凌轢。氣負剛強。盲擊下人。芻狗同列。刻薄慶賞。矯枉憲章。國家所賴者。微所妨者。大天下杜口。莫敢一言。聲威翕赫。日已熾盛。臣近於南臺。見勅曰。諸處奏事。陛下已依。昭德請不依。陛下不依。如此改張。不可勝數。昭德參奉機密。獻可替否。事有便利。不預諮謀。要待畫旨。將行。方始別生駁異。揚露專擅。顯示於人。歸美引德。義不如此。州縣列位。臺寺庶官。入謁出辭。望塵惜氣。一切奏謝。與奪事宜。皆承旨意。附會上言。今有秩之吏。多爲昭德之人。陛下勿謂昭德小心。是我手臂。臣觀其膽。乃大於身。鼻息所衝。上拂雲漢。近者新陷來張兩族。兼挫侯王二仇。鋒銳更不可當。方寸良難親測。書曰。知人亦未易。人亦未易。知漢光武將寵龐萌。可以託孤。卒爲戎首。魏明帝期司馬懿以安國。竟肆姦回。夫小家治生。有千百之資。將以託人。尙憂失授。況兼天下之重。而可輕忽委任者乎。今昭德作福。專威橫絕。朝野愛憎與奪。傍若無人。陛下恩遇至深。蔽過甚厚。臣聞蟻穴壞堤。針芒瀉氣。涓涓不絕。必成江河。履霜堅冰。須防其漸。權重一去。收之極難。臣又聞輕議近臣。犯顏深諫。明君聖主。亦有不容。臣孰知今日言之於前。明日伏誅於後。但使國安身死。臣實不悔。陛下深覽臣言。爲萬姓自愛。時長上果毅鄧注。又著頌論數千言。備述昭德專權之狀。鳳閣舍人逢弘敏。據奏其論。則天乃惡昭德。謂納言姚璿曰。昭德身爲內史。備荷殊榮。誠如所言。實負於國。延載初。左遷欽州南賓尉。數日。又命免死配流。尋又召拜監察御史。時大僕少卿來俊臣與昭德素不協。乃誣構昭德有逆謀。因被下獄。與來俊臣同日而誅。是日大雨。士庶莫不痛昭德而慶俊臣也。相謂曰。今日天雨。可謂一悲一喜矣。神龍中。降制曰。故李昭德勤恪在公。強直自達。立朝正色。不吐剛以茹柔。當軸勵詞。必抗情以歷詆。墮履府寺。樹勳良多。變更規模。

歿而不朽。道淪福善。業虧嫉惡。名級不追。風流將沫。式旌壤樹。光被幽明。可贈左御史大夫。德宗建中三年。加贈司空。

史臣曰。裴炎位居相輔。時屬艱難。歷覽前蹤。非無忠節。但見遲而慮淺。又遭命以會時。何者。當是時。高宗晏駕。尙新。武氏革命。未見炎也。唯慮中宗之過失。是其淺也。不見太后之苞藏。是其遲也。及乎承嗣請封祖禰。三思勸殺宗親。然後徒有諫章。何嘗濟事。是辜遺託。豈痛伏誅。時論則然。遲淺須信。沉聞觀構。逆則諒知其才。著述頗精。履歷無愧。師範王府。秉執相權。咸有能名。固愜羣議。何乃失言於大隱。取金於萬榮。潛見內人。私通嬖妾。使濁跡玷其清譽。淫行汙於貞名。若言俗困濫刑。公行誣告。即又自昧周防之道。人非盡戮之冤。賜死於家。猶為多幸。臨終不撓。抑又徒勞。玄同富於詞學。公任權衡。當為典選之時。備疏擇才之理。但以高宗棄代之後。則天居位之間。革命是懷。附己為愛。苟一言之不順。則赤族以難逃。是以唐之名臣。難忘中興之計。周之酷吏。常謀並進之讒。玄同欲復皇儲。固宜難免。死而無過。人殺何妨。昭德強幹為臣。機巧莅事。凡所制置。動有規模。武承嗣方持左相權。將立為皇太子。尋更所任。復寢其謀。咸由昭德之言。能拒則天之旨。又觀其誅侯思止。法王慶之。挫來俊臣。致朋黨漸衰。諛佞稍退。又則天謂承嗣曰。我任昭德。每獲高臥。代我勞苦。非汝所及也。此則強幹機巧之驗焉。公忠之道。亦在其中矣。不然。則何以致是哉。若使昭德用謙御下。以柔守剛。不恃專權。常能寡過。則復皇嗣而非晚。保臣節而必終。蓋由道乏弘持。器難苞貯。純剛是失。卷智不全。所以丘惜抗陳。鄧注深論。瓦解而固難收。捨風摧而豈易扶持。自取誅夷。人誰怨對。

贊曰。政無刑法。時屬艱危。裴炎之智。慮淺見遲。禕之履行。貨色自欺。昭德強猛。何由不虧。死無令譽。孰謂非宜。玄同不幸。顛殞亦隨。

舊唐書卷八十七

舊唐書卷八十七考證

裴炎傳以定策功封河東縣侯。○新書。永清縣男。

魏玄同傳垂拱三年封鉅鹿縣男。○新書。永淳元年封。

李昭德傳乾封中起為桂州都督。○新書。滄州刺史。

舊唐書卷八十七考證

後晉司空同中書門下平章事劉昫撰

列傳第三十八

韋思謙子承慶 陸元方子象先 蘇瓌子頌

韋思謙鄭州陽武人也。本名仁約。字思謙。以音類。則天父諱。故稱字焉。其先自京兆南徙。家于襄陽。舉進士。累補應城令。歲餘調選。思謙在官。坐公事微殿。舊制。多未敘進。吏部尚書高季輔曰。自居選部。今始得此一人。豈以小疵而棄大德。擢授監察御史。由是知名。嘗謂人曰。御史出都。若不動搖。山岳震懼。州縣誠曠職耳。時中書令褚遂良賤市中。書譯語人地。思謙劾其事。遂良左授同州刺史。及遂良復用。思謙不得進。出為清水令。謂人曰。吾狂鄙之性。假以雄權。觸機便發。固宜為身災也。大丈夫當正色之地。必明目張膽。以報國恩。終不能為碌碌之臣。保妻子耳。左肅機皇甫公義檢校沛王府長史。引思謙為同府倉曹。謂思謙曰。公豈池中之物。屈公為數旬之客。以望此府耳。累遷右司郎中。永淳初。歷尚書左丞。御史大夫。時武候將軍田仁會與侍御史張仁禕不協。而誣奏之高宗。臨軒問仁禕。仁禕惶懼。應對失次。思謙歷階而進。曰。臣與仁禕連曹。頗知事由。仁禕懦而不能自理。若仁會眩惑聖聰。致仁禕非常之罪。即臣亦事君不盡矣。請專對其狀。辭辯縱橫。音旨明暢。高宗深納之。思謙在憲司。每見王公未嘗行拜禮。或勸之。答曰。鵬鵠鷹鷂。豈衆禽之偶。奈何設拜以狎之。且耳目之官。固當獨立也。初拜左丞。奏曰。陛下為官擇人。非其人。則闕。今不惜美錦。令臣製之。此陛下知臣之深。亦微臣盡命之秋。振舉綱目。朝廷肅然。則天臨朝。轉宗正卿。會官名改易。改為司屬。卿光宅元年。分置左右肅政臺。復以思謙為右肅政大夫。大夫舊與御史抗禮。思謙獨坐受其拜。或以為辭。思謙曰。國家班列。自有差等。奈何以姑息為事耶。垂拱初。賜爵博昌縣男。遷鳳閣鸞臺三品。二年。代蘇良嗣為納言。三年。上表告老。請致仕。許之。仍加太中大夫。永昌元年九月。卒於家。贈幽州都督。二子。承慶。嗣立。承慶字延休。少恭謹。事繼母以孝聞。弱冠舉進士。補雍王府參軍。府中文翰。皆出於承慶。辭藻之美。擅於一時。累遷太子司

議郎。儀鳳四年五月。詔皇太子賢。監國。時太子頗近聲色。與戶奴等款狎。承慶上書諫曰。臣聞太子者。君之貳國之本也。所以承宗廟之重。繫億兆之心。萬國以貞。四海屬望。殿下以仁孝之德。明教之姿。岳峙泉淙。金貞玉裕。天皇升殿。下以儲副。寄殿下以監撫。欲使照無不及。恩無不覃。百寮仰重。曜之暉。萬姓聞滄雷之響。夫君無民。無以保其位。人非食。無以全其生。故孔子曰。百姓足。君孰與不足。百姓不足。君孰與足。自頃年已來。頻有水旱。菽粟不能豐稔。黎庶自致煎窮。今夏亢陽。米價騰踊。貧窶之室。無以自資。朝夕遑遑。唯憂餒饉。下人之瘼。實可哀矜。稼穡艱難。所宜詳悉。天皇所以垂衣北極。殿下所以守器東宮。為天下之所尊。得天下之所利者。豈唯上玄之幽贊。亦百姓之力也。百姓危。則社稷不得獨安。百姓亂。則帝王不能獨理。故古之明君。飽而知人飢。溫而知人寒。每以天下為憂。不以四海為樂。今關隴之外。兇寇憑陵。西土編氓。凋喪將盡。干戈日用。烽柝荐興。千里有勞於饋糧。三農不遑於稼穡。殿下為臣。為子。乃國乃家。為臣在於竭忠。為子期於盡孝。在家不可以自逸。在國不可以自康。一物有虧。聖上每留神念。三邊或梗。殿下豈不兢懷。況當養德之秋。非是任情之日。伏承北門之內。造作不常。詭好所營。或有煩費。倡優雜伎。不息於前。鼓吹繁聲。亟聞於外。既喧聽覽。且曠宮闈。兼之僕隸小人。緣此得親左右。亦既奉承顏色。能不恃託恩光。作福作威。莫不由此。不加防慎。必有愆非。儻使微累德音。於後悔之何及。書云。不作無益害有益。此皆無益之事。固不可耽。而悅之。臣又聞高而不危。所以長守。貴滿而不溢。所以長守富。是知高危不可不慎。滿溢不可不持。易曰。君子終日乾乾。夕惕若厲。無咎。敬慎之謂也。在於凡庶。能守而行之。猶可以高振聲華。坐致榮祿。況殿下有少陽之位。有天挺之姿。片善而天下必聞。小能而天下咸服。豈可不為盡善盡美之道。以取可大可久之名哉。伏願博覽經書。以廣其德。屏退聲色。以抑其情。靜默無為。恬虛寡欲。非禮勿動。非法不言。居處服玩。必循節儉。收獵遊娛。不為縱遠。正人端士。必引而親之。便僻側媚。必斥而遠之。使惠聲溢於遠近。仁風翔於內外。則可以克享終吉。長保利貞。為上嗣之稱。首奉聖人之鴻業者矣。又嘗為論善箴。以獻太子。太子善之。賜物甚厚。承慶又

以人之用心多擾濁浮躁罕諳冲和之境乃著靈臺賦以廣其志辭多不載調露初東宮廢出為烏程令風化大行長壽中累遷鳳閣舍人兼掌天官選事承慶屬文迅捷雖軍國大事下筆輒成未嘗起草尋坐忤大臣旨出為沂州刺史未幾詔復舊職依前掌天官選事久之以病免改授太子諭德後歷豫讓等州刺史頗著聲績制書褒美長安初入為司僕少卿轉天官侍郎兼修國史承慶自天授以來三掌天官選事銓授平允海內稱之尋拜鳳閣侍郎同鳳閣鸞臺平章事仍依舊兼修國史神龍初坐附推張易之弟昌宗失實配流嶺表時易之等既伏誅承慶去巾解帶待罪時欲草赦書眾議以為無如承慶者乃召承慶為之承慶神色不撓援筆而成辭甚典美當時咸歎服之歲餘起授辰州刺史未之任入為秘書員外少監兼修國史尋以修則天實錄之功賜爵扶陽縣子賚物五百段又制撰則天皇后紀聖文中宗稱善特加銀青光祿大夫俄授黃門侍郎仍依舊兼修國史未拜而卒中宗傷悼久之乃召其弟相州刺史嗣立令赴葬事仍拜黃門侍郎令繼兄位其見用如此贈秘書監諡曰温子長裕膳部員外郎嗣立承慶異母弟也母王氏遇承慶甚嚴每有杖罰嗣立必解衣請代母不聽輒私自杖母察知之漸加恩貸議者比晉人王祥王覽少舉進士累補雙流令政有殊績為蜀中之最三遷萊蕪令會承慶自鳳閣舍人以疾去職則天召嗣立謂曰卿父往日嘗謂朕曰臣有兩男忠孝堪事陛下自卿兄弟効職如卿父言今授卿鳳閣舍人令卿兄弟自相替代即日遷鳳閣舍人時學校頗廢刑法濫酷嗣立上疏諫曰臣聞古先哲王立學官掌教國子以六德六行六藝三教備而人道畢矣禮記曰化人成俗必由學乎學之於人其用蓋博故立大學以教於國設庠序以化於邑王之諸子卿大夫士之子及國之後選皆造焉八歲入小學十五入大學春秋教以禮樂冬夏教以詩書是以教洽而化流行成而不悖自天子以至於庶人未有不須學而成者也國家自承淳已來二十餘載國學廢散胥子衰缺時輕儒學之官莫存章句之選貴門後進競以僥倖昇班寒族常流復因凌替弛業者試之際秀茂罕登驅之臨人何以從政又垂拱之後文明在辰咸與鳩休日書月至因藉際會入仕尤多加以讒

邪兇黨來俊臣之屬妄執威權恣行枉陷正直之伍死亡為憂道路以目人無固志罕有執不撓之懷殉至公之節偷安苟免聊以卒歲遂使綱領不振請託公行選舉之曹彌長滄濫隨班少經術之士攝職多庸瑣之才徒以猛暴相誇罕能清惠自勵使海內黔首騷然不安州縣官寮食鄙未息而望事必循理俗致康寧不可得也陛下誠能下明制發德音廣開庠序大敦學校三館生徒即令追集王公已下子弟不容別求仕進皆入國學服膺訓典崇飾館廟尊尚儒師威陳篋策之儀宏敷諱說之會使士庶觀聽有所發揚弘獎道德於是乎在則四海之內靡然向風延頸舉足咸知所向然後審持衡鏡妙擇良能以之臨人寄之調俗則官無侵暴之政人有安樂之心居人則相與樂業百姓則皆戀桑梓豈復憂其逃散而貧窶哉今天下戶口亡逃過半租調既減國用不足理人之急尤切於茲故知務學之源豈唯潤身進德而已將以誨人利國可不務之哉臣聞堯舜之日晝其衣冠文景之時幾致刑措歷茲千載以為美談臣伏惟陛下睿哲欽明窮神知化自軒昊已降莫之與京獨有往之論法或未盡善皆由主司姦兇惑亂視聽尋而陛下聖察具詳之矣然竟未能顯其本源明其前事令天下萬姓識陛下本心尚使四海多銜冤之人九泉有抱痛之鬼臣誠愚暗不識大綱請為陛下始末而言其事揚豫之後刑獄漸興用法之伍務於窮竟連坐相牽數年不絕遂使巨姦大猾伺隙乘間內苞豺狼之心外示鷹鷂之跡陰圖潛結共相影會構似是之言成不赦之罪皆深為巧詆恣行楚毒人不勝痛便乞自誣公卿士庶連頸受戮道路籍籍雖知非辜而鍛鍊已成辯占皆合縱辜陶為理于公定刑則謂汗宮毀樞猶未寒實雖陛下仁慈哀念恤獄縲死及寬辭狀便已周密皆謂勤鞠得情是其實犯雖欲寬捨其如何於是小乃身誅大則族滅相緣共坐者不可勝言此豈宿構讎嫌將申報復皆圖苟成功効自求官賞當時稱傳謂為羅織其中陷刑得罪者雖有敏識通材被告官者便遭枉抑心徒痛其冤酷口莫能以自明或受誅夷或遭寬宥並甘心引分赴之如歸故知弄法徒文傷人實甚願陛下特迴聖察昭然詳究周與丘勳之類弘義俊臣之徒皆相次伏誅事暴遐邇而朝野慶泰若再觀陽和且如仁

傑元忠俱罹枉陷被勒之際亦皆已自誣向非陛下至明垂以省察則菹醢之戮已及其身欲望輸忠聖代安可復得陛下擢而升之各爲良輔國之棟幹稱此二人何乃前非而後是哉誠由枉陷與甄明爾但恐往之得罪者多並此流則向時之冤者其數甚衆昔殺一孝婦尙或降災而濫者蓋多軍無怨氣怨氣上達則水旱所興欲望歲登不可得也儻陛下弘天地之大德施雷雨之深仁歸罪於削刻之徒降恩於枉濫之伍自垂拱已來大辟罪已下常赦所不原者罪無輕重一皆原洗被以昭蘇伏法之輩追還官爵緣累之徒普釋恩造如此則天下知此所陷罪元非陛下之意咸是虐吏之辜幽明歡欣則感通和氣和氣下降則風雨以時風雨以時則五穀豐稔歲既稔矣人亦安矣太平之美亦何遠哉伏願陛下深察尋遷秋官侍郎三遷鳳閣侍郎同鳳閣鸞臺平章事長安中則天嘗與宰臣議及州縣官吏納言李嶠夏官尚書唐休璟等奏曰臣等謬膺大任不能使兵革止息倉府殷盈戶口尙有逋逃官人未免貪濁使陛下臨朝軫歎屢以爲言夙夜慚惶不知啓處伏思當今要務莫過富國安人富國安人之方在擇刺史竊見朝廷物議莫不重內官輕外職每除授牧伯皆再三披訴比來所遣外任多是貶累之人風俗不澄實由於此今望於臺閣寺監妙簡賢員分典大州共康庶績臣等請較近侍率先具察務在憂國濟人庶當有所補益則天曰卿等處鸞臺鳳閣誰爲此行嗣立率先對曰臣以庸愚謬膺樞擢內掌機密非臣所堪承乏外臺庶當盡節儻垂採錄臣願此行於是嗣立帶本官檢校汴州刺史無幾嗣立兄承慶入知政事嗣立轉成均祭酒兼檢校魏州刺史又徙洛州刺史尋坐承慶左授饒州長史歲餘徵爲太僕少卿兼掌吏部選事神龍二年爲相州刺史及承慶卒代爲黃門侍郎轉太府卿加修文館學士景龍三年轉兵部尚書同中書門下三品時中宗崇飾寺觀又濫食封邑者衆國用虛竭嗣立上疏諫曰臣聞國無九年之儲家無三年之蓄家非其家國非其國故知立國立家皆資於儲蓄矣夫水旱之災關之陰陽運數非人智力所能及也豈遭大水湯遭大旱則知仁聖之君所不能免當此時不至於困弊者積也今陛下倉庫之內比稍空竭尋常用度不支一年儻有水旱人須

賑給徵發時動兵要資裝則將何以備之其緣倉庫不實妨於政化者觸類而是臣竊見比者營造寺觀其數極多皆務取宏博競崇瓌麗大則費耗百十萬小則尙用三五萬餘略計都用資財動至千萬已上轉運木石人牛不停廢人功害農務事既非急時多怨咨故書曰不作無益害有益功乃成不貴異物賤用物民乃足誠哉此言非虛談也且玄奘秘妙歸於空寂苟非修心定慧諸法皆涉有爲至如土木雕刻等功唯是殫竭人力但學相誇壯麗豈關降伏身心且凡所興功皆須掘鑿蟄虫在土種類實多每日殺傷動盈萬計連年如此損害可知聖人慈悲爲心豈有須行此事不然之理較在目前世俗衆僧未通其旨不慮府庫空竭不思聖人憂勞謂廣樹福田即是增修法教儻水旱爲災人至饑餓夷狄作梗兵無資糧陛下雖有龍象如雲伽藍概曰豈能裨萬分之一救元元之苦哉於道法既有乖在生人極爲損陛下豈可不深思之臣竊見食封之家其數甚衆昨略問戶部云用六十餘萬丁一丁兩匹卽是一百二十萬已上臣頃在太府知每年庸調絹數多不過百萬少則七八十萬已來比諸封家所入全少儻有虫霜旱澇曾不半在國家支供何以取給臣聞自封茅土裂山河皆須業著經綸功申草昧然後配宗廟之享承帶礪之恩皇運之初功臣共定天下當時食封才上三二十家今以尋常特恩遂至百家已上國家租賦大半私門私門則費用有餘國家則支計不足有餘則或致奢侈不足則坐致憂危制國之方豈謂爲得封戶之物諸家自徵或是官典或是奴僕多挾勢騁威凌突州縣凡是封戶不勝侵擾或輸物多索裏頭或相知要取中物百姓怨歎遠近共知復有因將貨易轉更生費徵打紛紛曾不寧息貧乏百姓何以克堪若必限丁物送太府封家但於左藏請受不得輒自徵催則必免侵擾人冀蘇息臣又聞設官分職量事置吏此本於理人而務安之也故書曰在官人在安人官人則哲安人則惠能哲而惠何憂乎驩兜何畏乎苗者也是明官得其人而天下自理矣古者取人必先採鄉曲之譽然後辟於州郡州郡有聲然後辟於五府才著五府然後昇之天朝此則用一人所擇者甚悉擢一士所歷者甚深孔子曰譬有美錦不可使人學製此明用人不可不審擇也用得其才

則理非其才則亂理亂所設焉可不深擇之哉今之取人有異此道多未甚試
 効即頓至遷擢夫趨競者人之常情僥倖者人之所趨而今務進不避僥倖者
 接踵比肩布於文武之列有文者用理內外則有回邪賊汗上下敗亂之憂有
 武者用將軍戎則有庸懦怯弱師放喪亡之患補授無限員闕不供遂至員外
 置官數倍正闕曹署典吏困於祇承府庫倉儲竭於資奉國家大事豈甚於此
 古者懸爵待士唯有才者得之若任用無才則有才之路塞賢人君子所以遁
 迹銷聲常懷歎恨者也且賢人君子守於正直之道遠於僥倖之門若僥倖開
 則賢者不可復出矣賢者遠退若欲求人安化洽復不可得也人若不安國將
 危矣陛下安可不深慮之又刺史縣令理人之首近年已來不存簡擇京官有
 犯及聲望下者方遣牧州吏部選人暮年無手筆者方擬縣令此風久扇上下
 同知將此理人何以理國乎臣望下明制具論前事使有司改換簡擇天下刺史
 縣令皆取才能有稱望者充自今已往應有遷除諸曹侍郎兩省兩臺及五品
 已上清望官先於刺史縣令中選用牧宰得人天下大理萬姓欣欣然豈非太
 平樂事哉唯陛下詳擇疏奏不納嗣立與韋庶人宗屬疎遠中宗特令編入屬
 籍由是顯賞尤重書於驪山構營別業中宗親往幸焉自製詩序令從官賦詩
 賜絹二千匹因封嗣立為道遠公名其所居為清虛原幽棲谷韋氏敗幾為亂
 兵所害韋王憲以嗣立是從母之夫救護免之睿宗踐祚拜中書令旬日出為
 許州刺史以定冊尊立睿宗之功賜實封一百戶開元初入為國子祭酒先是
 中宗遺制睿宗輔政宗楚客韋溫等改創葉草嗣立時知政事府不能正之至
 是為憲司所劾左遷岳州別駕久之遷陳州刺史時河南道巡察使工部尚書
 劉知柔奏嗣立清白可陟之狀詔命未下開元七年卒贈兵部尚書諡曰孝中
 書門下又奏嗣立衣冠之內風表才名兄弟之間特稱和睦承恩歷事位列宰
 臣中年以不能正身頗近兇威為憲司糾劾因茲出貶若循其始終是吉人宜
 棄其瑕以從衆望請贈物一百段從之嗣立承慶俱以學行齊名長壽中嗣立
 代承慶為鳳閣舍人長安三年承慶代嗣立為天官侍郎頃之又代嗣立知政

事及承慶卒嗣立又代為黃門侍郎前後四職相代又父子三人皆至宰相有
 唐已來莫與為比嗣立三子李恆濟皆知名李累遷至左司員外郎恆開元初
 為陽山令為政寬惠人吏愛之會車駕東巡縣當供帳時山東州縣皆懼不辦
 務於鞭扑恆獨不杖罰而事皆濟理遠近稱焉御史中丞宇文融即恆之姑子
 也嘗密薦恆有經濟之才請以己之官秩迴授乃擢拜殿中侍御史歷度支左
 司等員外太常少卿給事中二十九年為隴右道河西黜陟使恆至河西時節
 度使蓋嘉運特託中貴公為非法兼偽敘功勞恆抗表請劾之人代其懼因出
 為陳留太守未行而卒時人甚傷惜之濟早以辭翰聞開元初調補野城令時
 有人密奏玄宗今歲吏部選敘太濫縣令非材全不簡擇及縣令謝官日引入
 殿庭問安人策一道試者二百餘人獨濟策第一或有不書紙者擢濟為醴泉
 令二十餘人還舊官四五十人放歸習讀侍郎盧從愿李朝隱貶為刺史濟至
 醴泉以簡易為政人用稱之三遷為庫部員外郎二十四年為尚書戶部侍郎
 累歲轉太原尹製先德詩四章述祖父之行辭致高雅天寶七載又為河南尹
 遷尚書左丞三代為省轄衣冠榮之濟從容雅度所莅人推善政後出為馮翊
 太守

陸元方蘇州吳縣人世為著姓曾祖琛陳給事中黃門侍郎伯父東之以工書
 知名官至太子司議郎元方舉明經又應入科舉累轉監察御史則天革命使
 元方安輯嶺外將涉海時風濤甚壯舟人莫敢舉帆元方曰我受命無私神豈
 害我遽命之濟既而風濤果息使還稱旨除殿中侍御史即以其月擢拜鳳閣
 舍人仍判侍郎事俄為來俊臣所陷則天手勅特赦之長壽二年再遷鸞臺侍
 郎同鳳閣鸞臺平章事延載初又加鳳閣侍郎證聖初內史李昭德得罪以元
 方附會昭德貶絳州刺史尋復為春官侍郎又轉天官侍郎尚書左丞尋拜鸞
 臺侍郎平章事則天嘗問以外事對曰臣備位宰臣有大事即奏人間碎務不
 敢以煩聖覽由是忤旨責授太子右庶子罷知政事尋轉文昌左丞病卒元方
 在官清謹再為宰相則天將有遷除每先以訪之必密封以進未嘗露其私恩
 臨終取前後草奏悉命焚之且曰吾陰德於人多矣其後庶幾福不衰矣又有

書一匣常自緘封家人莫有見者及卒視之乃前後勅書其慎密如此贈越州都督開元十八年又贈揚州大都督子象先象先本名景初少有器量應制舉拜揚州參軍秩滿調選時吉頊爲吏部侍郎擢授洛陽尉元方時亦爲吏部固辭不敢當頊曰爲官擇人至公之道陸景初才望高雅非常流所及實不以吏部之子妄推薦也竟奏授之遷左臺監察御史轉殿中歷授中書侍郎景雲元年冬同中書門下平章事監修國史初太平公主將引中書侍郎崔湜知政事密以告之湜固讓象先主不許之湜因亦請辭主遽言於睿宗乃並拜焉象先清淨寡欲不以細務介意言論高遠雅爲時賢所服湜每謂人曰陸公加於人一等太平公主時既用事同時宰相蕭至忠岑羲及湜等咸傾附之唯象先孤立未嘗造謁先天二年至忠等伏誅象先獨免其難以保護功封充國公賜實封二百戶加銀青光祿大夫時窮討至忠等枝黨連累稍衆象先密有申理全濟甚多然未嘗言及當時無知之者其年出爲益州大都督府長史仍爲劍南

道按察使在官務以寬仁爲政司馬韋抱真言曰望明公稍行杖罰以立威名不然恐下人怠墮無所懼也象先曰爲政者理則可矣何必嚴刑樹威損人益己恐非仁恕之道竟不從抱真之言歷遷河中尹六年廢河中府依舊爲蒲州象先爲刺史仍爲河東道按察使嘗有小人犯罪但示語而遣之錄事白曰此例當合與杖象先曰人情相去不遠此豈不解吾言若必須行杖即當自汝爲始錄事慚懼而退象先嘗謂人曰天下本自無事祇是庸人擾之始爲繁耳但當靜之於源則亦何憂不闕前後爲刺史其政如一入吏咸懷思之按察使傳入爲太子詹事歷工部尚書十年冬知吏部選事又加刑部尚書以繼母憂免官十三年起復同州刺史尋遷太子少保二十四年卒年七十二贈尚書左丞相諡曰文貞象先弟景倩歷監察御史景融歷大理正榮陽郡太守河南尹兵吏部侍郎左右丞工部尚書東都留守襄陽郡太守陳留郡太守並兼採訪使景獻歷殿中侍御史屯田員外郎景喬河南令庫部郎中皆有美譽僧一行少時嘗與象先昆弟相善常謂人曰陸氏兄弟皆有才行古之荀陳無以加也其爲當時所稱如此元方從叔餘慶陳右將軍珣孫也少與知名之士陳子昂

宋之問盧藏用道士司馬承禎道人法成等交遊雖才學不逮子昂等而風流強辯過之累遷中書舍人則天嘗引入草詔餘慶惶惑至晚竟不能措一辭責授左司郎中累除大理卿散騎常侍太子詹事以老疾致仕尋卒象先四代孫文宗太和四年除釋褐參軍文學

蘇瓌字昌容京兆武功人隋尚書右僕射威曾孫也祖夔隋鴻臚卿父勳貞觀中台州刺史瓌弱冠本州舉進士累授豫王府錄事參軍長史王德真司馬劉禕之皆器重之長安中累遷揚州大都督府長史揚州地當衝要多富商大賈珠翠珍怪之產前長史張潛干辯機皆致之數萬唯瓌挺身而去神龍初入爲尚書右丞以明習法律多識臺閣故事特命刪定律令格式尋加銀青光祿大夫是歲再遷戶部尚書奏計帳所管戶時有六百一十五萬六千一百四十一尋加侍中封淮陽縣子充西京留守時秘書員外監鄭普思謀爲妖逆雍岐二州妖黨大發瓌收普思繫獄考訊之普思妻第五氏以鬼道爲韋庶人所寵居止禁中由是中宗特勅慰諭瓌令釋普思之罪瓌上言普思幻惑罪當不赦中宗至京瓌又面陳其狀尚書左僕射魏元忠奏曰蘇瓌長者其忠懇如此願陛下察之帝乃配流普思於儋州其黨並誅瓌遷吏部尚書進封淮陽縣侯景龍三年轉尚書右僕射同中書門下三品進封許國公是歲將拜南郊國子祭酒祝欽明希庶人旨建議請皇后爲亞獻安樂公主爲終獻瓌深非其議嘗於御前折欽明帝雖悟竟從欽明所奏公卿大臣初拜官者例許獻食名爲燒尾瓌拜僕射無所獻後因侍宴將作大匠宗晉卿曰拜僕射竟不燒尾豈不喜耶帝默然瓌奏曰臣聞宰相者主調陰陽代天理物今粒食踊貴百姓不足臣見宿衛兵至有三日不得食者臣愚不稱職所以不敢燒尾是歲六月與唐休瓌並加監修國史四年中宗崩秘不發喪韋庶人召諸宰相安石韋巨源蕭至忠宗楚客紀處訥韋温李嶠韋嗣立唐休瓌趙彥昭及瓌等十人入禁中會議初遺制遣韋庶人輔少主知政事授安國相王太尉參謀輔政中書令宗楚客謂温曰今須請皇太后臨朝宜停相王輔政且皇太后於相王居嫂叔不通問之地甚難爲儀注理全不可瓌獨正色拒之謂楚客等曰遺制是先帝意安可

更改楚客及韋温大怒遂削相王輔政而宣行焉是月韋氏敗相王即帝位下詔曰尚書右僕射同中書門下三品監修國史許國公蘇瓌自周旋近密損益樞機謀猷有成匡贊無忌頃者遺恩顧託先意昭明姦回動搖內外危逼獨申謙讓實挫邪謀沉藩邸寮屬念殷惟舊無德不報抑惟令典可尚書左僕射餘如故景雲元年以老疾轉太子少傅是歲十一月薨贈司空荊州大都督諡曰文貞瓌臨終遺令薄葬及祖載之日官給儀仗外唯有布車一乘論者稱焉開元二年下詔曰曠庸賞善百王攸先追遠飾終千載同德故尚書左丞相太子少傅贈司空荊州大都督許國文貞公瓌履正體道外方內直悉心奉上卑身率禮協贊帷幄三朝有鹽梅之任燮諧台袁九命為社稷之臣先朝曷駕豐起宮掖國擅稱制之姦人懷綴旒之懼兇威孔熾宗祀幾傾顧命遺恩太皇輔政逆臣刊削韋氏臨朝遂能首發昌言侃然正色列諸視聽暴於朝野松檟已遠風烈猶存緬懷誠節良深耿敷可賜實封一百戶四年詔與徐國公劉幽求配享睿宗廟庭十七年加贈司徒瓌子頊少有俊才一覽千言弱冠舉進士授烏程尉累遷左臺監察御史長安中詔頊按覆來俊臣等舊獄頊皆申明其枉由此雪冤者甚眾神龍中累遷給事中加修文館學士俄拜中書舍人尋而頊父同中書門下三品父子同掌樞密時以為榮機事填委文誥皆出頊手中書令李嶠歎曰舍人思如湧泉嶠所不及也俄遷太常少卿景雲中瓌薨詔頊起復為工部侍郎加銀青光祿大夫頊抗表固辭辭理懇切詔許其終制服闋就職龔父爵許國公玄宗謂宰臣曰有從工部侍郎得中書侍郎否對曰任賢用能非臣等所及玄宗曰蘇頊可中書侍郎仍供政事食明日加知制誥有政事食自頊始也頊入謝玄宗曰常欲用卿每有好官闕即望宰相論及宰相皆卿之故人卒無言者朕為卿歎息中書侍郎朕極重惜自陸象先歿後朕每思之無出卿者時李又為紫微侍郎與頊對掌文誥他日上謂頊曰前朝有李嶠蘇味道謂之蘇李今有卿及李又亦不讓之卿所製文誥可錄一本封進題云臣某撰朕要留中披覽其禮遇如此玄宗欲於靖陵建碑頊諫曰帝王及后無神道碑且事不師古動皆不法若靖陵獨建陛下祖宗之陵皆須追造玄宗從其言

而止開元四年遷紫微侍郎同紫微黃門平章事與侍中宋璟同知政事璟剛正多所裁斷頊皆順從其美若上前承旨敷奏及應對則頊為之助相得甚悅璟嘗謂人曰吾與蘇家父子前後同時為宰相僕射長厚誠為國器若蘇可替否盡盡臣節斷割吏事至公無私即頊過其父也八年除禮部尚書罷政事俄知益州大都督府長史事前司馬皇甫恂破庫物織新樣錦以進頊一切罷之或謂頊曰公今在遠豈得忤聖意頊曰明主不以私愛奪至公豈以遠近間易忠臣節也竟奏罷之嶺州蠻酋苴院私與吐蕃連謀將為內寇頊獲其間謀將士咸請出兵討之頊不從乃作書并間謀以送苴院苴院慚悔竟不敢入寇十三年從駕東封玄宗令頊撰朝覲碑文俄又知吏部選事頊性廉儉所得俸祿盡推與諸弟或散之親族家無餘資十五年卒年五十八初優贈之制未出起居舍人韋述上疏曰臣伏見貞觀永徽之時每有公卿大臣薨卒皆輟朝舉哀所以成終始之恩厚君臣之義上有旌賢錄舊之德下有生榮死哀之美列於史冊以示將來昔智悼子卒平公宴樂杜蒯一言方始感悟春秋載其感烈禮經以為美譚今古舊事昭然可觀臣伏見故禮部尚書蘇頊累葉輔弼代傳忠清頊又伏事軒陛二十餘載入參謀猷出總藩牧誠績斯著操履無虧天不慈遺奄違聖代伏願陛下思帷蓋之舊念股肱之親修先朝之盛典鑒晉平之遠跡為之輟朝舉哀以明同體之義使歿者荷德於泉壤存者盡節於周行凡百卿士孰不幸甚臣官忝記事君舉必書敢申舊典上贖宸展希降恩貸俯垂詳擇即日於洛城南門舉哀輟朝兩日贈尚書右丞相諡曰文憲及葬日玄宗遊咸宜宮將出獵聞頊喪出愴然曰蘇頊今日葬吾寧忍娛遊中路還宮頊弟旼表讓旼所授玄宗曰古來有內舉不避親乎頊曰晉祁奚是也玄宗曰若然則朕用蘇旼何得屢言近日卿父子猶同在中書兄弟有何不得卿言非至公也冰為虞部郎中又為職方郎中幹瓌從父兄也父勗武德中為秦王府文學館學士貞觀中尚南康公主拜駙馬都尉累遷魏王泰府司馬勗既博學有美名甚為秦所重因勸秦請開文學館引才名之士撰括地志後歷吏部郎太子左

庶子卒幹少以明經累授徐王府記室參軍徐王好畋獵幹每諫止之垂拱中歷遷魏州刺史時河北饑饉舊吏苛酷百姓多有逃散幹乃督察姦吏務勸農桑由是逃散者皆來復業稱爲良牧召拜右羽林將軍尋遷冬官尚書酷吏來俊臣素忌嫉之遂誣奏幹在魏州與琅邪王沖私書往復因繫獄鞠訊幹發憤而卒瓌四代孫翔文宗太和四年釋褐文學參軍

史臣曰韋思謙始以州縣奮於煙霄持綱不避於權豪報國能忘於妻子自強不息剛毅近仁信有之矣高季輔皇甫公義可謂知人矣且福善餘慶不謂無徵二子構堂俱列相輔文皆經濟政盡明能加以承慶方危梁翰而曾非恐悚嗣立見用襲封而罔墜遺逸無忝父風寧慚祖德謚溫謚孝何愧易名陸元方博學大度再踐鈞衡當則天時非有忠貞應無黜責綏州之任抑又何慚觀其濟海無私狂風自止臨終焚藁溫樹始彰故知正可以動神明德可以延家代象先益高人品尤著相才全濟有名孤立無禍景倩景融景獻景裔等咸居清列得非有後於魯乎蘇瓌孔子云居其室出其言善則千里之外應之況其邇者乎又言行君子之樞機樞機之發榮辱之主也當中宗棄代韋氏奪權預謀者十有九人咸生異議瓌志存大節獨發讜言其後善惡顯彰黜陟明著聖人之言驗於斯矣瓌唯公是相以儉承家李嶠許之湧泉宋瓌稱其過父艱難之際節操不回善始令終先後無愧

舊唐書卷八十八

舊唐書卷八十八考證

韋思謙子嗣立傳若循其始終是吉人○終字下闕一字

陸元方子象先傳景雲元年冬同中書門下平章事○沈炳震曰按通鑑綱目

象先入相俱在二年新書亦然此應誤

元方從叔餘慶傳道士司馬承禎法成等交遊○法成新書作懷一

象先四代孫文宗太和四年除釋褐參軍文學○四代孫不詳其名應闕

蘇瓌傳父昂貞觀中台州刺史○沈炳震曰瓌從父兄幹父名昂瓌父不應亦

名昂新書本傳不書宰相世系表名宜從新書表

瓌子瓌傳玄宗欲於靖陵建碑頌諫曰帝王及后無神道碑云云玄宗從其言

而止○新書帝不納其言互異

舊唐書卷八十八考證

舊唐書卷八十九

後晉司空同中書門下平章事劉昫撰

列傳第三十九

狄仁傑 族曾孫兼讓

王方慶

姚璩 弟班

狄仁傑字懷英并州太原人也祖孝緒貞觀中尚書左丞父知遜夔州長史仁傑兒童時門人有被害者縣吏就詰之衆皆接對唯仁傑堅坐讀書吏責之仁傑曰黃卷之中聖賢備在猶不能接對何暇偶俗吏而見責耶後以明經舉授汴州判佐時工部尚書閻立本爲河南道黜陟使仁傑爲吏人誣告立本見而謝曰仲尼云觀過知仁矣足下可謂海曲之明珠東南之遺寶薦授并州都督府法曹其親在河陽別業仁傑赴并州登太行山南望見白雲孤飛謂左右曰吾親所居在此雲下瞻望佇立久之雲移乃行仁傑孝友絕人在并州有同府法曹鄭崇質母老且病當充使絕域仁傑謂曰太夫人有危疾而公遠使豈可貽親萬里之憂乃詣長史蘭仁基請代崇質而行時仁基與司馬李孝廉不協因謂曰吾等豈獨無愧耶由是相待如初仁傑儀鳳中爲大理丞周歲斷滯獄一萬七千人無冤訴者時武衛大將軍權善才坐誤斫昭陵柏樹仁傑奏罪當免職高宗令即誅之仁傑又奏罪不當死帝作色曰善才斫陵上樹是使我不孝必須殺之左右矚仁傑令出仁傑曰臣聞逆龍鱗忤人主自古以爲難臣愚以爲不然居桀紂時則難堯舜時則易臣今幸逢堯舜不懼比干之誅昔漢文時有盜高廟玉環張釋之廷諍罪止弄市魏文將徙其人辛毗引裾而諫亦見納用且明主可以理奪忠臣不可以威懼今陛下不納臣言瞑目之後羞見釋之辛毗於地下陛下作法懸之象魏徒流死罪俱有等差豈有犯非極刑即令賜死法旣無常則萬姓何所措其手足陛下必欲變法請從今日爲始古人云假使盜長陵一抔土陛下何以加之今陛下以昭陵一株柏殺一將軍千載之後謂陛下爲何主此臣所以不敢奉制殺善才陷陛下於不道帝意稍解善才因而免死居數日授仁傑侍御史時司農卿韋機兼領將作少府二司高宗以恭陵玄宮狹小不容送終之具遣機續成其功機於堦之左右爲便房四所又

造宿羽高山上陽等宮莫不壯麗仁傑奏其太過機竟坐免官左司郎中王本立恃寵用事朝廷懼仁傑奏之請付法寺高宗特原之仁傑奏曰國家雖乏英才豈少本立之類陛下何惜罪人而虧王法必欲曲救本立請弄臣於無人之境爲忠貞將來之誠本立竟得罪繇是朝廷肅然尋加朝散大夫累遷度支郎中高宗將幸汾陽宮以仁傑爲知頓使并州長史李冲玄以道出妬女祠俗云感服過者必致風雷之災乃發數萬人別開御道仁傑曰天子之行千乘萬騎風伯清塵雨師灑道何妬女之害耶遽令罷之高宗聞之歎曰真大丈夫也俄轉寧州刺史撫和戎夏人得歡心郡人勒碑頌德御史郭翰巡察隴右所至多所按劾及入寧州境內耆老歌刺史德美者盈路翰既授館召州吏謂之曰入其境其政可知也願成使君之美無爲久留州人方散翰薦名於朝徵爲冬官侍郎充江南巡撫使吳楚之俗多淫祠仁傑奏毀一千七百所唯留夏禹吳太伯季札伍員四祠轉文昌右丞出爲豫州刺史時越王貞稱兵汝南事敗緣坐者六七百人籍沒者五千口司刑使逼促行刑仁傑哀其誣誤緩其獄密表奏曰臣欲顯奏似爲逆人申理知而不言恐乖陛下存恤之旨表成復毀意不能定此輩咸非本心伏望哀其誣誤特勅原之配流豐州豫囚次於寧州父老迎而勞之曰我狄使君活汝輩耶相攜哭於碑下齋三日而後行豫囚至流所復相與立碑頌狄君之德初越王之亂宰相張光輔率師討平之將士特功多所求取仁傑不之應光輔怒曰州將輕元帥耶仁傑曰亂河南者一越王貞耳今一貞死而萬貞生光輔質其辭仁傑曰明公董戎三十萬平一亂臣不戢兵鋒縱其暴橫無罪之人肝腦塗地此非萬貞何耶且兇威脅從勢難自固及天兵暫臨乘城歸順者萬計繩墜四面成蹊公奈何縱邀功之人殺歸降之衆但恐冤聲騰沸上徹于天如得尙方斬馬劍加於君頸雖死如歸光輔不能詰心甚銜之還都奏仁傑不遜左授復州刺史入爲洛州司馬天授二年九月丁酉轉地官侍郎判尙書同鳳閣鸞臺平章事則天謂曰卿在汝南時甚有善政欲知謬卿者乎仁傑謝曰陛下以臣爲過臣當改之陛下明臣無過臣之幸也臣不知謬者並爲善友臣請不知則天深加歎異未幾爲來俊臣誣搆下獄時一

問即承者，例得減死。來俊臣逼脅仁傑，令一問承反。仁傑數曰：大周革命，萬物唯新，唐朝舊臣，甘從誅戮，反是實。俊臣乃少寬之。判官王德壽謂仁傑曰：尚書必得減死，德壽意欲求少階級，憑尚書牽楊執柔可乎？仁傑曰：若何牽之？德壽曰：尚書為春官，時執柔任其司員，外引之可也。仁傑曰：皇天后土，道仁傑行此事，以頭觸柱，流血被面，德壽懼而謝焉。既承反，所司但待日行刑，不復嚴備。仁傑求守者得筆硯，拆被頭帛書冤，置綿衣中。謂德壽曰：時方熱，請付家人去其綿，德壽不之察。仁傑子光遠得書，持以告變。則天召見，覽之而問俊臣曰：仁傑不免冠帶，寢處甚安，何由伏罪？則天使人視之，俊臣違命。仁傑巾帶而見使者，乃令德壽代仁傑作謝死表，附使者進之。則天召仁傑，謂曰：承反何也？對曰：向若不承反，已死於鞭笞矣。何為作謝死表？曰：臣無此表示，示之乃知代署也。故得免死。貶彭澤令。武承嗣屢奏請誅之，則天曰：朕好生惡殺，志在恤刑。渙汗已行，不可更返。萬歲通天年，契丹寇陷冀州，河北震動。徵仁傑為魏州刺史。前刺史獨孤思莊懼賊至，盡驅百姓入城，繕修守具。仁傑既至，悉放歸農。畝謂曰：賊猶在遠，何必如是？萬一賊來，吾自當之，必不關百姓也。賊聞之自退。百姓咸歌誦之，相與立碑，以紀恩惠。俄轉幽州都督。神功元年，入為鸞臺侍郎，同鳳閣鸞臺平章事。加銀青光祿大夫，兼納言。仁傑以百姓西戍，陳勸等四鎮，極為凋弊。乃上疏曰：臣聞天生四夷，皆在先王封疆之外。故東拒滄海，西隔流沙，北橫大漠，南阻五嶺。此天所以限夷狄而隔中外也。自典籍所紀，聲教所及，三代不能至者，國家盡兼之矣。此則今日之四境，已逾於夏殷者也。詩人矜薄伐於太原，美化行於江漢，則是前代之遺裔，而國家之域中。至前漢時，匈奴無歲不陷邊，殺掠吏人。後漢則西羌侵軼，漢中東寇三輔，入河東上黨，幾至洛陽。由此言之，則陛下今日之土宇，過於漢朝遠矣。若其用武荒外，邀功絕域，竭府庫之寶，以爭磽确不毛之地，得其人不足以增賦，獲其土不可以耕織。苟求冠帶遠夷之稱，不務固本安人之術。此秦皇漢武之所行，非五帝三皇之事業也。若使越荒外以為限，竭資財以騁欲，非但不愛人力，亦所以失天心也。昔始皇窮兵極武，以求廣地，男子不得耕於野，女子不得蠶於室，長城之下，死者如亂麻。於是天下

潰叛，漢武追高文之宿憤，藉四帝之儲實，於是定朝鮮，討西域，平南越，擊匈奴，府庫空虛，盜賊蜂起，百姓嫁妻賣子，流離於道路者萬計。末年覺悟，息兵罷役，封丞相為富民侯，故能為天所祐也。昔人有言：與覆車同軌者未嘗安。此言雖小，可以喻大。近者國家頻歲出師，所費滋廣，西戍四鎮，東戍安東，調發日加，百姓虛弊，閉守西域，事等石田，費用不支，有損無益，轉輸靡絕，杆軸殆空，越磧踰海，分兵防守，行役既久，怨曠亦多。昔詩人云：王事靡盬，不能蓺稷黍，豈不懷歸。畏此罪罟，念彼蒸人，涕零如雨。此則前代怨思之辭也。上不是恤，則政不行而邪氣作，邪氣作則蟲螟生而水旱起。若此，雖禱祀百神，不能調陰陽矣。方今關東饑饉，蜀漢逃亡，江淮以南，徵求不息，人不復業，則相率為盜，本根一搖，憂患不淺。其所以然者，皆為遠戍方外，以竭中國，爭蠻貊不毛之地，垂子養蒼生之道也。昔漢元納買捐之之謀，而罷珠崖郡，宣帝用魏相之策，而奔車師之田，豈不欲慕尚虛名，蓋憚勞人力也。近貞觀年中，剋平九姓，冊李思摩為可汗，使統諸部者，蓋以夷狄叛則伐之，降則撫之，得推亡固存之義，無遠戍勞人之役。此則近日之令典，經邊之故事。竊見阿史那斛瑟羅、陰山貴種、代雄沙漠、老妻之四鎮，使統諸蕃，封為可汗，遣禦寇患，則國家有繼絕之美，荒外無轉輸之役。如臣所見，請指四鎮以肥中國，罷安東以實遠西，省軍費於遠方，并甲兵於塞上，則恆代之鎮重而邊州之備實矣。況綏撫夷狄，蓋防其越逸，無侮侮之患，則可矣。何必窮其窟穴，與螻蟻計校長短哉？且王者外寧，必有內憂，蓋為不勤修政，故也。伏惟陛下下棄之度外，無以絕域未平為念。但當勸邊兵，謹守備，蓄銳以待敵，待其自至，然後擊之。此李牧所以制匈奴也。當今所要者，莫若令邊城警守，遠備斥候，聚軍實，蓄威武，以逸待勞，則戰士力倍，以主禦客，則我得其便，堅壁清野，則寇無所得，自然賊深入必有顛墮之慮，深入必無虜獲之益。如此數年，可使二虜不擊而服矣。仁傑又請廢安東，復高氏為君長，停江南之轉輸，慰河北之勞弊。數年之後，可以安人富國，事雖不行，識者是之。尋檢校納言，兼右肅政臺御史大夫，聖曆初，突厥侵掠，趙定等州，命仁傑為河北道元帥，以便宜從事。突厥盡殺所掠男女萬餘人，從五迴道而去。仁傑總兵十萬追之，不及，便制

仁傑河北道安撫大使。時河朔人庶多爲突厥邊脅。賊退後懼誅。又多逃匿。仁傑上疏曰。臣聞朝廷議者。以爲契丹作梗。始明人之逆順。或因迫脅。或有願從。或受僞官。或爲招慰。或乘外賊。或是土人。跡雖不同。心則無別。誠以山東雄猛。由來重氣。一顧之勢。至死不回。近緣軍機調發。傷重家道悉破。或至逃亡。別屋賣田。人不爲售。內顧生計。四壁皆空。重以官典侵漁。因事而起。取其髓腦。曾無心媿。修築池城。繕造兵甲。州縣役使。十倍軍機。官司不矜。期之必取。枹杖之下。痛切肌膚。事迫情危。不循禮義。愁苦之地。不樂其生。有利則歸。且圖賒死。此乃君子之愧辱。小人之常行。人猶水也。壅之則爲泉。疏之則爲川。通塞隨流。豈有常性。昔董重之亂。神器播遷。及卓被誅。部曲無救。事窮變起。毒害生人。京室丘墟。化爲禾黍。此由恩不普洽。失在機先。臣一讀此書。未嘗不廢卷歎息。今以負罪之伍。必不在家。露宿草行。潛竄山澤。救之則出。不救則狂。山東羣盜。緣茲聚結。臣以邊塵暫起。不足爲憂。中土不安。以此爲事。臣聞持大國者。不可以小道理事。廣者不可以細分。人主恢弘。不拘常法。罪之則衆情恐懼。恕之則反側自安。伏願曲赦河北諸州。一無所問。自神道暢。率土歡心。諸軍凱旋。得無侵擾。制從之。軍還。授內史。聖曆三年。則天幸三陽宮。王公百寮咸經侍從。唯仁傑特賜宅一區。當時恩寵無比。是歲六月。左玉鈐衛大將軍李楷固。右武威衛將軍。務整並契丹李盡忠之別帥也。初盡忠之作亂。楷固等屢率兵以陷官軍。後兵敗來降。有司斷以極法。仁傑議以爲楷固等並有驍將之才。若恕其死。必能感恩効節。又奏請授其官爵。委以專征。制並從之。及楷固等凱旋。則天召仁傑預宴。因舉鵝親勸。歸賞於仁傑。授楷固左玉鈐衛大將軍。賜勳燕國公。則天又將造大像。用功數百萬。令天下僧尼每日出一錢。以助成之。仁傑上疏諫曰。臣聞爲政之本。必先人事。陛下矜羣生迷謬。溺喪無歸。欲令像教兼行。親相生養。非爲塔廟。必欲崇奢。豈令僧尼皆須禮施。得棧尚捨。而況其餘。今之伽藍。制過宮闕。窮奢極壯。費盡工寶。珠殫於綴飾。壤材竭於輪奐。工不使鬼。止在役人。物不天來。終須地出。不損百姓。將何以求生之。有時用之無度。編戶所奉。常若

不充。痛切肌膚。不辭筆楚。遊僧一說。矯陳禍福。剪髮解衣。仍慚其少。亦有離間骨肉。事均路人。身自納妻。謂無彼我。皆託佛法。誑誤生人。里陌動有經坊。闈闈亦立精舍。化誘倍急。切於官徵。法事所須。嚴於制勅。膏腴美業。倍取其多。水碾莊園。數亦不少。逃丁避罪。併集法門。無名之僧。凡有幾萬。都下檢括。已得數千。且一夫不耕。猶受其弊。浮食者衆。又劫人財。臣每思惟。實所悲痛。往往在江表。像法咸興。梁武簡文。捨施無限。及其三淮沸浪。五積騰煙。剝剝盈盈。無救危亡之禍。緇衣蔽路。豈有勤王之師。比年已來。風塵屢擾。水旱不節。征役稍繁。家業先空。瘡痍未復。此時與役。力所未堪。伏惟聖朝功德無量。何必營大像。而以勞費爲名。雖數僧錢。百未支一。尊容既廣。不可露居。覆以百層。尚憂未備。自餘廊廡。不得全無。又云。不損國財。不傷百姓。以此事主。可謂盡忠。臣今思惟。兼採衆議。咸以爲如來設教。以慈悲爲主。下濟羣品。應是真心。豈欲勞人以存虛飾。當今有事。邊境未寧。宜寬征鎮之徭。省不急之費。設令雇作。皆以利趨。既失田時。自然弃本。今不樹稼。來歲必饑。役在其中。難以取給。況無官助。義無得成。若費官財。又盡人力。一隅有難。將何救之。則天乃罷其役。是歲九月。病卒。則天爲之舉哀。廢朝三日。贈文昌右相。諡曰文惠。仁傑常以舉賢爲意。其所引拔。桓彥範。敬暉。竇懷貞。姚崇等。至公卿者數十人。初則天嘗問仁傑曰。朕要一好漢。任使。有乎。仁傑曰。陛下作何任使。則天曰。朕欲待以將相。對曰。臣料陛下若求文章。資歷。則今之宰臣。李嶠。蘇味道。亦足爲文吏矣。豈非文士。齷齪。思得奇才。用之以成天下之務者乎。則天悅曰。此朕心也。仁傑曰。荊州長史張柬之。其人雖老。真宰相才也。且久不遇。若用之。必盡節於國家矣。則天乃召拜洛州司馬。他日又求賢。仁傑曰。臣前言張柬之。猶未用也。則天曰。已遷之矣。對曰。臣薦之爲相。今爲洛州司馬。非用之也。又遷爲秋官侍郎。後竟召爲相。柬之。果能與復中宗。蓋仁傑之推薦也。仁傑嘗爲魏州刺史。人吏爲立生祠。及去職。其子景暉爲魏州司功。參軍。頗貪暴。爲人所惡。乃毀仁傑之祠。長子光嗣。聖曆初。爲司府丞。則天令宰相各舉尚書郎一人。仁傑乃薦光嗣。拜地官員外郎。莅事稱職。則天喜。而言曰。祁奚內舉。果得其人。開元七年。自汴州刺史。轉揚州大都督府長史。坐

賊貶欽州別駕卒。初中宗在房陵，而吉頊李昭德皆有匡復讜言，則天無復辟意。唯仁傑每從容奏對，無不以子母恩情為言，則天亦漸省悟。竟召還中宗，復為儲貳。初中宗自房陵還宮，則天匿之帳中，召仁傑以廬陵為言。仁傑慷慨數奏，言發涕流。遽出中宗謂仁傑曰：「還卿儲君。」仁傑降階泣賀。既已，奏曰：「太子還宮，人無知者，物議安審是非，則天以為然，乃復置中宗於龍門，具禮迎歸。人情感悅，仁傑前後匡復奏對，凡數萬言。開元中，北海太守李邕撰為梁公別傳，備載其辭。中宗反正，追贈司空。睿宗追封梁國公。仁傑族曾孫兼謨，兼謨登進士第，祖郊父邁，仕官皆微。兼謨元和未解褐，襄陽推官，試校書郎。言行剛正，使府知名，憲宗召為左拾遺，累上書言事。歷尚書郎、長慶太和中，歷鄭州刺史，以治行稱入為給事中，開成初，度支左藏庫妄破瀆汚，綿帛等贓罪，文宗以事在赦前，不理兼謨封遺勅書，文宗召而諭之曰：「嘉卿舉職，朕已赦其長官，典吏亦宜在宥，然事或不可，卿勿以封勅為艱。」遷御史中丞，謝曰：「文宗顧謂之曰：『御史臺朝廷綱紀，臺綱正則朝廷理，朝廷正則天下理。』凡執法者，大抵以長忌顧望為心，職業由茲不舉。卿梁公之後，自有家法，豈復為常常之心哉？」兼謨謝曰：「朝法或未得中，臣固悉心彈奏。會江西觀察使吳士矩違額加給軍士，破官錢數十萬計，兼謨奏曰：『觀察使守陛下土地，宜陛下詔條臨戎賞軍，州有定數，而士矩與奪由己，盈縮自專，不唯貽弊一方，必致諸軍援例，請下法司，正行朝典。』士矩坐貶蔡州別駕，兼謨尋轉兵部侍郎。明年，檢校工部尚書、太原尹、充河東節度使，會昌中累歷方鎮卒。

王方慶，雍州咸陽人也。周少司空石泉公慶之曾孫也。其先自瑗邪南度，居於丹陽，為江左冠族。襄北徙入關，始家咸陽焉。祖肅，隋衛尉丞伯父，父弘讓，有美名。貞觀中為中書舍人，父弘直，為漢王元昌友，收獵無度，乃上書切諫，其略曰：「夫天子維城之託者，所以固邦家之業也。大王功無任城戰剋之効，行無河間樂善之譽，爵高五等，邑富千室，當思答極施之洪慈，保無疆之永祚，其為計者，在乎修德，冠履詩禮，收獵史傳，覽古人成敗之所由，鑒既往存亡之異跡，覆前戒，後居安慮危，奈何列騎齊驅，交橫盡敵，野有遊客，巷無居人，貽眾庶之憂，遲一

情之樂，從禽不息，實用寒心。元昌覽書而遽止，漸見疎斥。轉荆王友，龍朔中卒。方慶年十六，起家越王府參軍，嘗就記室任希古受史記漢書，希古遷為太子舍人，方慶隨之卒業。永淳中，累遷太僕少卿，則天臨朝，拜廣州都督，廣州地際南海，每歲有峴崙乘舶以珍物與中國，交市舊都督路元睿冒求其貨，崴崙懷刃殺之，方慶在任數載，秋毫不犯。又管內諸州首領，舊多貪縱，百姓有詣府稱冤者，府官以先受首領參餉，未嘗鞫問。方慶乃集止府寮，絕其交往，首領縱暴者悉繩之。由是境內清肅。當時議者以為有唐以來，治廣州者無出方慶之右。有制襄之曰：「朕以卿歷職，著稱故授此官，既美化遠聞，實副朝寄，今賜卿雜綵六十段，并瑞錦等物，以彰善政也。」證聖元年，召拜洛州長史，尋加銀青光祿大夫，封石泉縣男。萬歲登封元年，轉并州長史，封琅邪縣男。未行，遷鸞臺侍郎，同鳳閣鸞臺平章事。俄轉鳳閣侍郎，依舊知政事。神功元年七月，清邊道大總管建安王攸宜破契丹凱還，欲以是月詣闕獻俘。內史王及善以為將軍入城，例有軍樂，既今上孝明高皇帝忌月，請備而不奏。方慶奏曰：「臣按禮經，但有忌日而無忌月。晉穆帝納后，用九月九日，是康帝忌月，于時持疑不定。太常禮官荀納議，稱禮祇有忌日，無忌月。若有忌月，即有忌時，忌歲，益無理據。當時從納所議，軍樂是軍容，與常不等，臣謂振作於事無嫌，則天從之。則天嘗幸萬安山玉泉寺，以山逕危懸，欲御腰輿而上。方慶諫曰：「昔漢元帝嘗祭廟，出便門，御樓船，光祿勳張猛奏曰：『乘船危，就橋安。』元帝乃從橋，即前代舊事。今山徑危險，石路曲狹，上瞻駭目，下視寒心，比於樓船，安危不等。陛下蒸人父母，奈何踐此畏塗，伏望停輿駐蹕，則天納其言而止。是歲改封石泉子，時有制，每月一日於明堂行告朔之禮，司禮博士辟閭仁誥奏議，其略曰：『經史正文，無天子每月告朔之事。唯禮記玉藻云：『天子聽朔於南門之外，其每月告朔者，諸侯之禮也。』臣謹按禮論及三禮義宗，江都集禮，貞觀禮，顯慶禮及祠令，無天子每月告朔之事。若以為無明堂，故無告朔之禮，有明堂，即合告朔，則周秦有明堂而無天子每月告朔之事，臣等參求，既無其禮，不可習非。以天子之尊，而用諸侯之禮，方慶又奏議，其略曰：『明堂，天子布政之宮也。謹按殷梁傳云：『閏者，附月之餘日。天子

不以告朔非禮也。閏以正時。時以作事。事以厚生。生人之道。於是乎在矣。不告閏朔。棄時政也。臣據此文。則天子閏月亦告朔矣。寧有他月而廢其禮乎。先儒舊說。天子行事。一年十八度。入明堂矣。大享不問卜。一入也。每月告朔。十二入也。四時迎氣。四入也。巡狩之年。一入也。今禮官議。唯歲首一入耳。與先儒既異。在臣不敢同。宋朝何承天。纂集其文。以爲禮論。雖加編次。事則闕如。梁代崔靈恩。撰三禮義宗。但摭摭前儒。因循故事而已。隋煬帝命學士撰江都集禮。祇抄撮舊禮。更無異文。貞觀顯慶禮及祠令。不言告朔者。蓋爲歷代不傳。所以其文乃闕。各有緣由。不足依據。今禮官引爲明證。在臣誠實有疑。則天又令春官廣集衆儒。取方慶仁。諱所奏議。以定得失。時成均博士吳揚善。太學博士郭山暉等。奏按周禮及三傳。皆有天子告朔之禮。秦滅詩書。由是告朔禮廢。望依方慶仁議。有制從之。則天以方慶家多書籍。嘗訪求右軍遺跡。方慶奏曰。臣十代從伯祖義之書。先有四十餘紙。貞觀十二年。太宗購求先臣。並已進之。唯有一卷見今在。又進臣十一代祖導。十代祖洽。九代祖珣。八代祖疊首。七代祖僧綽。六代祖仲寶。五代祖鸞。高祖規。曾祖襄。并九代三從伯祖晉中書令獻之。已下二十八人。書共十卷。則天御武成殿。示羣臣。仍令中書舍人崔融。爲寶章集。以敘其事。復賜方慶。當時甚以爲榮。方慶又舉令杖期喪。大功未葬。不預朝賀。未終喪。不預冥會。比來朝官。不遵禮法。身有哀容。陪預朝會。手舞足蹈。公違憲章。名教既虧。實玷皇化。伏望申明。令式更禁。斷從之。方慶漸以老疾。乞從閑逸。乃授麟臺監。修國史。及中宗立。爲東宮。方慶兼檢校太子左庶子。聖曆二年。宣日。則天欲季冬講武。有司稽緩。延入孟春。方慶上疏曰。謹按禮記月令。孟冬之月。天子命將帥講武。習射御。角力。此乃三時務農。一時講武。以習射御。角力。蓋王者常事。安不忘危之道也。孟春之月。不可以稱兵。兵者。甲冑干戈之總名。兵金性。尅木。春感德在木。而舉金以害感德。逆生氣。孟春行冬令。則水潦爲敗。雪霜大擊。首種不入。蔡邕月令章句云。太陰漸休。少陽尚微。而行冬令。以導水氣。故水潦至而敗生物也。雪霜大擊。折陽者也。太陰干時。雨雪而霜。故大傷首種。首種。謂宿麥也。麥以秋種。故謂之首種。入收也。春爲疇瘳所傷。故至夏麥不成。長

也。今孟春講武。是行冬令。以陰政犯陽氣。害發生之德。臣恐水潦敗物。霜雪損稼。夏麥不登。無所收入也。伏望天恩。不違時令。至孟冬教習。以順天道。手制答曰。比爲久屬太平。多歷年載。人皆廢戰。並悉學文。今者用整兵威。故令教習。卿以春行冬令。則水潦爲敗。舉金傷木。則便害發生。循覽所陳。深合典禮。若違此請。乃月令虛行。佇啓直言。用依來表。是歲正授太子左庶子。封石泉公。餘並如故。俸料同職事三品。兼侍皇太子讀書。方慶又上言。謹按史籍所載。人臣與君主言。及上表。未有稱皇太子名者。當爲太子皇儲。其名尊重。不敢指斥。所以不言。晉尙書僕射山濤。啟事稱皇太子。而不言名。漢中朝名士。必詳典故。其不稱名。應有憑准。朝官尙猶如此。宮臣歸則不疑。今東宮殿及門名。皆有觸犯。臨事論啓。迴避甚難。孝敬皇帝爲太子時。改弘教門爲崇教門。沛王爲皇太子。改崇賢館爲崇文館。皆避名諱。以遵典禮。此卽成例。足爲軌模。伏望天恩。因循舊式。付司改換。制從之。長安二年五月。卒。贈兗州都督。諡曰貞中。宗卽位。以宮寮之舊。追贈吏部尙書。方慶博學好著述。所撰雜書。凡二百餘卷。尤精三禮好事者。多詢訪之。每所酬答。咸有典故。故時人編次名曰禮雜答問。聚書甚多。不減秘閣。至於圖畫。亦多異本。諸子莫能守其業。卒後。尋亦散亡。長子光輔。開元中。官至潞州刺史。少子峻。工書。知名。尤善篆。基。而性多嚴整。官至殿中侍御史。姚璩。字令璋。敬騎常侍。思廉之孫也。少孤。撫弟妹。以友愛稱。博涉經史。有才辯。永徽中。明經擢第。累補太子宮門郎。與司議郎孟利貞等。奉令撰瑤山玉彩書。書成。遷秘書郎。調露中。累遷至中書舍人。封吳興縣男。則天臨朝。遷夏官侍郎。坐從父弟敬節。同徐敬業之亂。貶桂州都督府長史。時則天雅好符瑞。璩至嶺南。訪諸山川草樹。其名號有武字者。皆以爲上應國姓。列奏其事。則天大悅。召拜天官侍郎。善於選補。時人稱之。長壽二年。遷文昌左丞。同鳳閣鸞臺平章事。自承徽以後。左右史雖得對仗承旨。仗下後。謀議。皆不預聞。璩以爲帝王謨訓。不可暫無紀述。若不宜自宰相。史官無從得書。乃表請仗下。所言軍國政要。宰相一人。專知撰錄。號爲時政記。每月封送史館。宰相之撰時政記。自璩始也。是歲九月。坐事。轉司賓少卿。罷。知政事。延載初。擢拜納言。有司以璩從父弟犯法。

奏言不合更爲侍臣。璿上言：昔王敦稱兵，犯順王尊，仍典樞機，密康戮於晉朝。魯紹忠於晉室，竊惟前古，尚不爲疑。今奉聖恩，豈由臣下，必以體例有乖，伏請甘從屏退。則天曰：此乃我意，卿復何言。但當盡忠，無聽浮說。時武三思率著夷酋長，請造天樞於端門外，刻字紀功，以頌周德。璿爲督作使，證聖初，璿加秋官尚書，同平章事。是歲明堂災，則天欲責躬，避正殿。璿奏曰：此實人火，非曰天災。至如成周宣榭，卜代愈隆。漢武建章，感德彌永。臣又見彌勒下生經云：當彌勒成佛之時，七寶臺須與散壞，觀此無常之相，便成正覺之因。故知聖人之道，隨緣示化，方便之利，博濟良多。可使由之，義存於此。況今明堂乃是布政之所，非宗廟之地。陛下若避正殿於禮未爲得也。左拾遺劉承慶廷奏云：明堂宗祀之所，今既被焚，陛下宜輟朝思過。璿又持前議以爭，則天乃依璿奏。先令璿監造天樞。至是以功當賜爵一等。璿表請迴贈父一官，乃追贈其父豫州司戶參軍處平爲博州刺史。天后將封嵩岳，命璿總知撰儀注，并充封禪副使。及重造明堂，又令璿充使督作，以功加銀青光祿大夫。時有大石國使請獻獅子，璿上疏諫曰：獅子猛獸，唯止食肉，遠從碎葉，以至神都，肉既難得，極爲勞費。陛下以百姓爲心，慮一物有失，鷹犬不蓄，漁獵總停，運不殺以闡大慈，垂好生以敷至德。凡在翺飛蠢動，莫不感荷仁恩，豈容自非薄於身，而厚資給於獸。求之至理，必不然乎。疏奏，遽停來使。又九鼎初成，制令黃金千兩塗之。璿進諫曰：夫鼎者神器，貴在質朴，自然無假，別爲浮飾。臣觀其狀，先有五彩輝煥，錯雜其間，豈待金色。方爲炫燿，則天又從之。尋屬契丹犯塞，命梁王武三思爲榆關道安撫大使，璿爲副使，以備之。及還，坐事，神功初，左授益州大都督府長史。蜀中官吏多貪暴，璿屢有發摘，姦無所容。則天嘉之，降璽書勞之曰：夫嚴霜之下，識貞松之擅奇；疾風之前，知勁草之爲貴。物既有此人，亦宜哉。卿早荷朝恩，委任斯重，居中作相，弘益已多。防邊訓兵，心力俱盡，歲寒無改，終始不渝。迺眷蜀中，吐俗殷雜，久缺良守，弊於侵漁，政以賄成人，無厝足。是用命卿出鎮，寄茲存養，果能攬轡澄清，下車整肅，吏不敢姦，姦無所容。前後糾擿，蓋非一緒，貪殘之伍，屏跡於列城。剽奪之儔，遁形於外境。詎勞期月，康此黎元。言念德聲，良深嘉尚。宜布琅邪

之化，當以豫州爲法。則天又嘗謂侍臣曰：凡爲長官，能清自身者甚易，清得寮吏者甚難。至於姚璿，可謂兼之矣。時新都丞朱待辟坐贓至死，逮捕繫獄，待辟素善沙門理中，陰結諸不逞，因待辟以殺璿爲名，擬據巴蜀爲亂。人密表告之者，制令璿按其獄。璿深持之，事涉疑似，引而誅死者僅以千數。則天又令洛州長史宋元爽、御史中丞霍獻可等重加詳覆，亦無所發明。逮繫獄數百人，不勝酷毒，遞相附會，以就反狀。因此籍沒者復五十餘家，其餘稱知反配流者亦十八九。道路冤之。監察御史袁恕己劾奏其事，則天初令璿與恕己對定，又尋令罷推，俄拜地官尚書。歲餘，轉冬官尚書，仍西京留守。長安中，累表乞骸骨，制聽致仕。進爵爲伯。過官名復舊，爲工部尚書。神龍元年卒。遺令薄葬，贈越州都督。諡曰成。弟班少好學，以勤苦自立。舉明經，累除定汴滄號鹽等五州刺史。加銀青光祿大夫，轉秦州刺史，以善政有聞。璽書褒美，賜絹百匹。神龍元年，累封宣城郡公。三遷太子詹事，仍兼左庶子。時節愍太子舉事不法，班前後上書進諫。今載四事，其一曰：臣聞賈誼曰：選天下之端士，孝悌博聞有道術者，使與太子居處出入。故太子見正事聞正言，行正道，左右前後皆正人也。夫習與正人居，不能無正；習與不正人居，不能無不正。太子既冠成人，免於保傅之嚴，則有記過之史，徹膳之宰，進善之旌，誹謗之木，敢諫之鼓，瞽史誦箴，大夫進謀，故習與智長，化與心成。夫教得而左右正，則太子正矣。太子正而天下定矣。臣又聞之，木從繩則正，后從諫則聖。善言古者，所以驗於今。伏惟殿下睿德洪深，天姿聰敏，近代成敗，前古安危，莫不懸鑒在心。動合典禮，臣以庸朽，濫居輔弼，虛備耳目。叨預股肱，輒薦塵露。庶裨山海，伏以內置作坊，工巧得入宮闈之內，禁衛之所，或言語內出，或事狀外通，小人無知，不識輕重，因爲詐僞，有玷徽猷。臣望並付所司，以停宮內造作，如或要須役造，猶望宮外安置，庶得工匠不於宮禁出入。其二曰：臣聞漢文帝身衣弋絺，足履草屨，齊高帝欄檻用銅者，皆易以鐵。經侯帶玉具劍，環珮以過。魏太子不視，經侯曰：魏國亦有寶乎。太子曰：主信臣忠，魏之寶也。經侯委劍佩而去。太子使追還之，謂曰：珠玉珍玩，寒不可衣，鐵不可食，無遺我賊。經侯杜門不出。臣觀聖賢經籍，務以簡素爲貴。皇王政化，皆

以非薄爲德，伏惟殿下留心恭儉，靡尚浮奢。臣愚猶望損之又損之，居簡以行簡，減省造作，節量用度。其三曰：臣聞銀榜銅樓，宮闈嚴秘，門闕來往，皆有簿曆。殿下時有所須，唯門司宣令，或恐姦僞之輩，因此妄爲增減，脫有文狀舛錯，事理便即差違。且近日呂昇之便，乃代署宣勅，伏願殿下審敏，當即覺其姦僞，自餘臣下庸淺，豈能深辨真虛。望墨令及覆事行下，並用內印，印畫署之後，冀得免有詐僞。乃是長久規模，臣又聞之，忠臣事君，有犯而無隱，明主馭下，納諫以進德。故書云：有言逆於志，必求諸道；有言順於心，必求諸非道。伏惟殿下仁明昭著，聖敬日躋，探幽洞微，窮神索隱，事之善惡，毫釐靡差。理有危疑，錙銖無爽。臣以庸謬，叨侍春闈，職居獻替，豈敢緘默。其四曰：臣聞聖人不專其德，賢智必有所師。故曰：與善人言，如入芝蘭之室；久自芬芳；與不善人言，如火銷膏，不覺而盡。今司經見無學士，供奉未有侍讀，伏望時因視膳，奏請置人，所冀講席談筵，務盡忠規之道，披文擲句，方資審論之勤。臣又聞臣之事主，必盡乃誠，君之進賢，務求忠讜。伏惟殿下養德儲闈，以端靜爲務，恭膺守器，以學業爲先。經所以立行修身，史所以誥識成敗，雅誥既習，忠孝乃成。傳記方通，安危斯辨。知父子君臣之道，識古今鑒戒之規。經史爲先，斯乃急務。至於工巧造作，寮吏直司，實爲末事，無足勞慮。臣以庸淺，獻替是司。臣而不言，負譴聖日，言而獲罪，是所甘心。伏願留意經書，簡略細事。一蒙採納，萬殞無辭。尤降儲明，俯矜狂瞽，疏奏。太子雖稱善，竟不悛革。太子敗，詔遣索其宮中，得班諫書，中宗嘉其切直。時宮臣皆貶黜，唯班擢拜右散騎常侍。歲餘，遷祕書監，睿宗卽位，累授戶部尚書。轉太子賓客。先天二年，加金紫光祿大夫，復拜戶部尚書。班與兄璿數年間俱爲定州刺史。戶部尚書時人榮之。開元二年卒。年七十四。班嘗以其曾祖察所撰漢書訓纂，多爲後之注。漢書者，隱沒名氏，將爲已說。班乃撰漢書紹訓四十卷，以發明舊義，行於代。

史臣曰：天子有諍臣七人，雖無道不失其天下。致廬陵復位，唐祚中興，諍由狄公一人以蔽，或曰許之太甚，答曰：當革命之時，朋邪甚衆，非推誠竭力，致身忘家者，孰能與於此乎。仁傑流死不避骨鯁，有彰難逢好殺無辜，能使終畏大義。

竟存天下，豈不然乎。王方慶干城南海，羽翼東宮，臺閣樞機，無不功濟。所謂君子不器者也。苟非文學，斯焉取斯。璿成都布政，始卒不侔，相國上章，或否或中，且焚明堂而避正殿，固諍何多。黜唐頌而立天樞，一言非措，矧乃妄求符瑞，已失忠貞，精擇楚茅，難裨過咎，不常其德，固畏承羞。班規諫有才，牧守多善，儲幄之任，可謂得人。

贊曰：犯顏忤旨，返政扶危，是人難事。狄能有之，終替武氏，克復唐基，功之莫大。人無以師方慶之才，周旋特立，璿也無常，班能操執。

舊唐書卷八十九

舊唐書卷八十九考證

狄仁傑傳韋機造宿羽高山上陽等宮仁傑奏其太過機竟坐免官○臣宗萬
按唐大典宿羽高山二宮在東都禁苑中又統紀云駕幸東都上遊韋弘機
所造宿羽高山等宮乘高臨深有登眺之美乃即勅弘機造高館及成臨幸
即上陽宮也據此仁傑之奏是矣但按機傳云造上陽宮時人稱其省功便
事則不可云太過矣又云儀鳳中坐家人犯盜為憲司所劾免官則機之去
位又不由此矣二者未知孰是而通鑑則本仁傑傳或有所折衷歟新書及
通鑑均作韋弘機

初中宗在房陵而吉項李昭德皆有匡復讜言唯仁傑每從容奏對竟召還○
臣宗萬按談寶錄張易之兄弟貴寵逾分懼不全請計于吉項項曰天下思
唐德久矣主上春秋高武氏諸王殊非所屬意公何不從容請立廬陵王以
繫生人之望易之乘間屢言之既召問項則天意乃定御史臺記及吉項傳
所載略同新書則以易之問計于仁傑仁傑勸迎廬陵為免禍計若然不惟
抹去吉項之論且使仁傑非強李抑武祇為易之兄弟計矣或曰仁傑為易
之計正所以為李氏謀也梁公正色立朝雖處危疑之地時伸讜直之言豈
肯藉易之輩以行其詭遇哉又按朝野僉載曰則天夢鸚鵡兩翅俱折仁傑
云鸚鵡者陛下姓也兩翅折者廬陵相王也陛下起此二子則兩翅全矣據此
則仁傑之從容奏對可見而勸召中宗豈為易之昌宗地哉司馬光作通鑑
故採衆說之可信者存之其大旨則與舊書相合

仁傑前後匡復奏對凡數萬言開元中北海太守李邕撰為梁公別傳備載其
辭○臣宗萬按通鑑考異曰世有狄梁公傳其辭鄙誕殆非邕所為其言曰
陛下將欲繼統非廬陵餘非臣所知是時睿宗為皇嗣若仁傑請以廬陵王
繼統則是勸太后廢立也此未可信按中宗於承隆元年為皇太子弘道元
年高宗崩受遺詔即位天后臨朝稱制嗣聖元年廢帝為廬陵王立相王
為帝是廬陵為高宗所立之皇嗣受高宗所遺之帝位非廬陵不可繼統即
有相王何嫌于廢立仁傑此言所以正君臣之分明兄弟之倫全母子之情

侃侃而談何可厚非且仁傑匡復之言史官不能備載而李邕別撰之舊書
載此者更以正史之不備者當於別傳求之乃斥為鄙誕何耶

舊唐書卷八十九考證

舊唐書卷九十

後晉司空同中書門下平章事劉昫撰

列傳第九十

王及善

杜景儉

朱敬則

楊再思

李懷遠

子景伯景伯子彭年附

巨盧欽望

張光輔崔元綜

史務滋周允元附

王及善洛州邯鄲人也父君愕隋大業末并州人王君廓掠邯鄲君愕往說君廓曰方今萬乘失御英雄競起誠宜撫納遺賫保全形勝按甲以觀時變擁衆而歸真主此富貴可圖也今足下居無尺土之地守無兼旬之糧恣行殘忍所過攘攷竊爲足下寒心矣君廓曰計將安出君愕爲陳井陘之險可先往據之君廓從其言乃屯井陘山歲餘會義師入定關中乃與君廓率所部萬餘人來降拜大將軍頻以戰功封新興縣公累遷左武衛將軍從太宗征遼東兼領左屯營兵馬與高麗戰於駐蹕山君愕先鋒陷陣力戰而死太宗深痛悼之贈左衛大將軍幽州都督邢國公賜東園祕器陪葬昭陵及善年十四以父死王事授朝散大夫襲爵邢國公高宗時累遷左奉裕率孝敬之居春宮因宴集命宮官擲倒次至及善辭曰殿下自有樂官臣止當守職此非臣任也臣將奉令恐非殿下羽翼之備太子謝而遣之高宗聞而特加賞慰賜絹百匹尋除右千牛衛將軍高宗謂曰朕以卿忠謹故與卿三品要職他人非搜辟不得至朕所卿佩大橫刀在朕側知此官貴否俄以病免尋起爲衛尉卿垂拱中歷司屬卿時山東饑及善爲巡撫賑給使拜春官尚書秦州都督轉益州大都督府長史以老病請乞致仕加授光祿大夫後契丹作亂山東不安起授滑州刺史則天謂曰邊賊反叛卿雖疾病可將妻子日行三十里緩步至彼與朕臥理此州以斷河路也因問朝廷得失及善備陳理亂之宜十餘道則天曰彼末事也此爲本也卿不可行乃留拜內史時御史中丞來俊臣常以飛禍陷良善自侯王將相被其羅織受戮者不可勝計後俊臣坐事繫獄有司斷以極刑則天欲赦之及善執奏曰俊臣兇狡不軌所信任者皆屠販小人所誅戮者多名德君子臣愚以爲若不剿絕元惡恐搖動朝廷禍從此始則天納之俄而則天將追盧陵

王立爲太子及善贊成其計及太子立又請太子外朝以慰人心則天從之及善雖無學術在官每以清正見知臨事難奪有大臣之節時張易之兄弟恃寵每內宴皆無人臣之禮及善數奏抑之則天不悅賜及善曰卿既高年不宜更侍遊讌但檢校閣中可也及善因病請假月餘則天都不問之及善數曰豈有中書令而天子得一日不見乎事可知矣乃上疏乞骸骨三上不許聖曆二年拜文昌左相旬日而薨年八十二廢朝三日贈益州大都督諡曰貞陪葬乾陵

杜景儉冀州武邑人也少舉明經累除殿中侍御史出爲益州錄事參軍時隆州司馬房嗣業除益州司馬除書未到即欲視事又鞭笞僚吏將以示威景儉謂曰公雖受命爲此州司馬而州司未受命也何藉數日之祿而不待九重之旨即欲視事不亦急耶嗣業益怒景儉又曰公今持咫尺之制真僞未知即欲攬一州之權誰敢相保揚州之禍非此類耶乃叱左右各令罷散嗣業慚赧而止俄有制除嗣業荊州司馬竟不如志人吏爲之語曰錄事意與天通益州司馬折威風景儉由是稍知名入爲司賓主簿轉司刑丞天授中與徐有功來俊臣侯思止專理制獄時人稱云遇徐杜者必生遇來侯者必死累遷洛州司馬尋轉鳳閣侍郎同鳳閣鸞臺平章事則天嘗以季秋內出梨花一枝示宰臣曰是何祥也諸宰臣曰陛下德及草木故能秋木再花雖周文德及行葦無以過也景儉獨曰謹按洪範五行傳陰陽不相奪倫瀆之即爲災又春秋云冬無愆陽夏無伏陰春無凌風秋無苦雨今已秋矣草木黃落而忽生此花瀆陰陽也臣慮陛下布教施令有虧禮典又臣等忝爲宰臣助天理物理而不和臣之罪也於是再拜謝罪則天曰卿真宰相也延載初爲鳳閣侍郎周允元奏景儉黨於李昭德左遷秦州刺史後累除司刑卿聖曆二年復拜鳳閣侍郎同鳳閣鸞臺平章事時契丹入寇河北諸州多陷賊中及事定河內王武懿宗將盡論其罪景儉以爲皆是驅逼非其本心請悉原之則天竟從景儉議歲餘轉秋官尚書坐漏洩禁中語左授司刑少卿出爲并州長史道病卒贈相州刺史子澄頗以文藻著名官至鞏縣尉

朱敬則字少連亳州永城人也代以孝義稱自周至唐三代旌表門闥六關州

黨美之敬則個儻重節義，早以辭學知名，與三從兄同居，財產無異。又與左史江融、左僕射魏元忠特相友善，咸亨中，高宗聞而召見，與語甚奇之，將加擢用。為中書舍人，李敬玄所毀，乃授涇水尉，長壽中，累除右補闕，敬則以天初臨朝，稱制天下，頗多流言異議，至是既漸，軍官絕告密羅織之徒，上疏曰：臣聞李斯之相秦也，也行申商之法，重刑名之家，杜私門，張公室，弄無用之費，損不急之官，惜日愛功，疾耕急戰，人繁國富，乃屠諸侯，此救弊之術也。故曰：刻薄可施於進趨，變詐可陳於攻戰，兵猶火也，不戢將自焚，況鋒鏑已銷，石城又毀，諒可易之以寬秦，潤之以淳和，八風之樂以柔之，三代之禮以導之，秦既不然，淫虐滋甚，往而不返，卒至土崩，此不知變之禍也。陸賈叔孫通之事漢王也，當穀陽成臯之間，糧饋已窮，智勇俱困，不敢開一說，効一奇，唯進豪猾之材，薦貪暴之客，及區宇適平，干戈向戢，金鼓之聲未歇，傷痍之痛尙聞，二子顧眄，綽有餘態。乃陳詩書說禮樂，開王道，謀帝圖，高皇帝忿然曰：吾以馬上得之，安事詩書乎？對曰：馬上得之，可馬上理之乎？高皇默然。於是陸賈著新語，叔孫通定禮儀，始知天子之尊，此知變之善也。向使高皇排二子而不用，置詩書而不顧，重攻戰之吏，尊首級之材，覆道爭功，張良已知其變，拔劍擊柱，吾屬不得無謀，即暴漏難逾，何十二帝乎？亡秦之續，何二百年乎？故曰：仁義者，聖人之鑿，禮經者，先王之陳迹，然則祝祠向畢，芻狗須投，淳精已流，糟粕可弃，仁義尙捨，況輕此者乎？自文明草昧，天地屯蒙，三叔流言，四凶構難，不設鉤距，無以應天，順人不切刑名，不可摧姦息暴，故置神器，開告端，曲直之影必呈，包藏之心盡露，神道助直，無罪不除，人心保能無妖不戮，以茲妙算，窮造化之幽深，用此神謀，入天人之祕術，故能計不下席，聽不出關，蒼生晏然，紫宸易主，大哉偉哉，無得而稱也。豈比造攻鳴條，大戰牧野，血變草木，頭折不周，可同年而語乎？然而急趨無善迹，促柱少和聲，拯溺不規行，療饑非鼎食，即向時之妙策，乃當今之芻狗也。伏願秦漢之得失，考時事之合宜，審糟粕之可遺，覺遽廬之須毀，見機而作，豈勞終日乎？陛下必不可偃蹇太平，徘徊中路，伏願改法制，立章程，下恬愉之辭，沈曠蕩之澤，去莠非之牙角，頓姦險之鋒芒，望羅織之源，掃朋黨之迹，使天下

蒼生坦然大悅，豈不樂哉！則天甚善之，長安三年，累遷正諫大夫，尋同鳳閣鸞臺平章事，時御史大夫魏元忠、鳳閣舍人張說為張易之兄弟所誣，將陷重辟，諸宰相無敢言者，敬則獨抗疏申理曰：元忠、張說素稱忠正，而所坐無名，若令得罪，豈不失天下之望也？乃得減死四年，以老疾請罷，知政事許之。累轉冬官侍郎，仍依舊兼修國史，張易之昌宗嘗命畫工圖寫武三思及納言李嶠、鳳閣侍郎蘇味道、夏官侍郎李迥秀、麟臺少監王紹宗等十八人形像，號為高士圖，每引敬則預其事，固辭不就，其高潔守正如此。神龍元年，出為鄭州刺史，尋以老致仕。二年，侍御史冉祖雍素與敬則不協，乃誣奏云：與王同皎親善，貶授廬州刺史，經數月，洎代到，環鄉里無淮南一物，唯有所乘馬一匹，諸子姪步從而歸，敬則重然諾，善與人交，每拯人急難，不求其報，又嘗與三從兄同居四十年，財產無異，雅有知人之鑒，凡在品論者，後皆如其言。景龍三年五月卒，于家年七十五。敬則嘗探魏晉已來君臣成敗之事，著十代興亡論，又以前代文士論廢五等者，以秦為失，事未折衷，乃著五等論曰：昔秦廢五等，崔實仲長統王朗曹罔等皆以為秦之失，予竊異之，試通其志云：蓋明王之理天下也，先之以博愛，本之以仁義，張四維，尊五美，懸禮樂於庭宇，置軌範於中衢，然後決玄波，使橫流揚薰風，以高扇，流愷悌之甘澤，浸曠蕩之膏腴，正理革其淫邪，淳風柔其骨體，使天下之心醉而神足，其於忠義也，立則見其參於前，其於進趨也，若章程之在目，禮經所及等日月之難踰，聲教所行，雖風雨之不輕，聖人知俗之漸化也，王道之已行也，於是體國經野，庸功勳親，分山裂河，設磐石之固，內守外禦，有維城之基，連絡偏於城中，膠葛盡於封內，雖道昏時喪，澤竭政塞，鄭伯逐王申侯弑主，愈不供物，宋不成周，吳徵伯宰，楚問九鼎，小白之一匡，天下重耳之一戰，諸侯無君之迹，顯然篡奪之謀，中變者，直以周禮尙存，簡書不隕，故曰：不敢失墜，天威在顏，自春秋之後，禮義漸頹，風俗塵昏，愧恥心盡，疾走先得者為上，奪機投會者為能，加以八世專齊，三家分晉，子貢之亂五國，蘇秦之闢七雄，苛刻繁興，經籍道息，莫不長詐術，貴攻戰，萬姓皆戴爪牙，無人不屬，臂距，所以商鞅欺故友，李斯囚舊交，孫臏喪足於龐涓，張儀得志于陳軫，一拔

之衆便欲稱王再戰之雄爭來奉帝先王會盟之禮昔時樽俎之容三代玄風掃地至盡況始皇削平區宇殊非至公李斯之作股肱罕循大道人無見德唯虐是聞當此時也主猜於上人駭於下父不能保之於子君不能得之於臣欲使始皇分土姦雄建侯薄俗若喻晉鄭之可依便借賊兵而資盜糧寄龍魚而助風雨不可行也是以秦鑿周德之綿深懼已圖之不遠罷侯置守高下在心天下制在一人百姓不聞二主直是不行其世封非薄功臣而賤骨肉也高皇帝揭日月之明懷天地之量算財不足以分賞論地不足以受封邑皆百城土有千里人殷國富地廣兵強五十年間七國同反賈誼憂失其國鼂錯請削其地若言由大而反也不若召陵之師踐土之衆也若言有材而起也劉濞非王霸之材田祿無先管之略也是齊晉以逆禮爲慚吳楚以犯上非規釁由教起其所由來遠矣自此之後雜霸又衰中與不能改物創圖黃初不能深謀遠慮鈔觀漢魏之際尋其經緯之初未有積德重光澤及萬物觀其教偷薄於秦風察其人豺狼於漢日故魏太祖曰若使無孤天下幾人稱帝幾人稱王明竊號議者觸目皆是欲以此時開賜履之祚垂萬代之封必有通車三川以闕周室介馬汾隰而逐翼侯而王司徒屢請於當時曹元首又勤於宗室皆不知時也當時賢者是之敬則知政事時每以用人爲先桂州蠻叛薦裴懷古鳳閣舍人缺薦魏知古右史缺薦張思敬則天以爲知人睿宗即位嘗謂侍臣曰神龍已來李多祚王同皎並復舊官韋月將燕欽融咸有褒贈不知更有何人尙抱冤抑吏部尙書劉幽求對曰故鄭州刺史朱敬則往在則天朝任正諫大夫知政事忠貞義烈爲天下所推神龍時被宗楚客冉祖雍等誣構左授廬州刺史長安年中嘗謂臣云相王必膺期受命當須盡節事之及韋氏篡逆干紀臣遂見危赴難翼戴與曆雖則天誘其事亦是敬則先啓之心今陛下龍興寶位兇黨就戮敬則尙銜冤泉壤未蒙昭雪況復事符先覺誠即可嘉睿宗然之贈敬則秘書監證曰元

楊再思鄭州原武人也少舉明經授玄武尉充使詣京師止於客舍會盜竊其囊裝再思邂逅遇之盜者伏罪再思謂曰足下當苦貧匱至此無行速去勿作

聲恐爲他人所擒幸留公文餘財盡以相遺盜者齎去再思初不言其事假貸以歸累遷天官員外郎歷左右肅政臺御史大夫延載初守鸞臺侍郎同鳳閣鸞臺平章事證聖初轉鳳閣侍郎依前同平章事兼太子右庶子尋遷內史自弘農縣男累封至鄭國公再思自歷事三主知政十餘年未嘗有所薦達爲人巧佞邪媚能得人主微旨主意所不欲必因而毀之主意所欲必因而譽之然恭慎畏忌未嘗忤物或謂再思曰公名高位重何爲屈折如此再思曰世路艱難直者受禍苟不如此何以全其身哉長安末昌宗既爲法司所鞠司刑少卿桓彥範斷解其職昌宗俄又抗表稱冤則天意將申理昌宗廷問宰臣曰昌宗於國有功否再思對曰昌宗往因合鍊神丹聖躬服之有效此實莫大之功則天甚悅昌宗竟以復職時人貴彥範而賤再思也時左補闕戴令言作兩脚野狐賦以譏刺之再思聞之甚怒出令言爲長社令朝士尤加嗤笑再思爲御史大夫時張易之兄司禮少卿同休嘗奏請公卿大臣宴于司禮寺預其會者皆盡醉極歡同休戲曰楊內史面似高麗再思欣然請剪紙自帖於巾却披紫袍爲高麗舞繁頭舒手舉動合節滿座嗤笑又易之弟昌宗以姿貌見寵倖再思又諛之曰人言六郎面似蓮花再思以爲蓮花似六郎非六郎似蓮花也其傾巧取媚也如此長安四年以本官檢校京兆府長史又遷檢校揚州大都督府長史中宗即位拜戶部尙書兼中書令轉侍中以宮寮封鄭國公賜實封三百戶又爲冊順天皇后使賜物五百段鞍馬稱是時武三思將誣殺王同皎再思與吏部尙書李嶠刑部尙書韋巨源並受制考按其獄竟不能發明其枉致同皎至死罪衆冤之再思俄復爲中書令吏部尙書景龍三年遷尙書右僕射加光祿大夫其年薨贈特進并州大都督陪葬乾陵證曰恭子植植子獻並爲司勳員外郎再思弟季昭爲孝功郎中溫玉爲戶部侍郎

李懷遠邢州柏仁人也早孤貧好學善屬文有宗人欲以高蔭相假者懷遠竟拒之退而數日因人之勢高士不爲假蔭求官豈吾本志未幾應四科舉擢益果除司禮少卿出爲邢州刺史以其本鄉固辭不就改授冀州刺史俄歷揚益等州大都督府長史未行又授同州刺史在職以清簡稱入爲太子左庶子兼

太子賓客。歷遷右散騎常侍。春官侍郎。大足年遷鸞臺侍郎。尋同鳳閣鸞臺平章事。歲餘。加銀青光祿大夫。拜秋官尚書。兼檢校太子左庶子。賜爵平鄉縣男。長安四年。以老辭職。聽解秋官尚書。正除太子左庶子。尋授太子賓客。神龍初。除左散騎常侍。兵部尚書。同中書門下三品。加金紫。光祿大夫。進封趙郡公。特賜實封三百戶。俄以疾請致仕。許之。中宗將幸京師。又令以本官知東都留守。懷遠雖久居榮位。而彌尚簡率。園林宅室。無所改作。常乘款段馬。左僕射豆盧欽望謂曰。公榮貴如此。何不買駿馬乘之。答曰。此馬幸免驚駭。無假別求聞者。莫不歎美。神龍二年八月卒。中宗特賜錦被以充斂。輟朝一日。親為文以祭之。贈侍中。諡曰成子。景伯。景龍中為給事中。又遷諫議大夫。中宗嘗宴侍臣。及朝集。使酒酣。令各為迴波辭。眾皆為詔佞之辭。及自要榮位。次至景伯。曰。迴波爾時酒危。徵臣職在箴規。侍宴既過三爵。諱諱竊恐非儀。中宗不悅。中書令蕭至忠稱之曰。此真諫官也。景雲中。累遷右散騎常侍。尋以老疾致仕。開元中卒。子彭年。彭年有吏才。工於剖析。當時稱之。開元中。歷考功員外郎。知舉。又遷中書舍人。給事中。兵部侍郎。天寶初。又為吏部侍郎。與右相李林甫善。慕山東著姓為婚姻。引就清列。以大其門。典銓管七年。後以贓污為御史中丞。宋渾所劾。長流嶺南。臨賀郡。累月渾及弟怒。又以贓下獄。詔渾流嶺南高要郡。怒流南康郡。天寶十二載。起彭年為濟陰太守。又遷馮翊太守。入為中書舍人。給事中。吏部侍郎。十五載。玄宗幸蜀。賊陷西京。彭年沒於賊。脅授偽官。憂憤忽忽不得志。與韋斌相次而卒。及剋復兩京。優制贈彭年為禮部尚書。

巨盧欽望。京兆萬年人也。曾祖通。隨相州刺史。南陳郡公。祖寬。卽隋文帝之甥也。大業末。為梁泉令。及高祖定關中。寬與郡守蕭瑀率豪右赴京師。由是累授殿中監。仍詔其子懷讓尚萬春公主。高祖以寬曾祖。魏大和中。例釋單姓。至是改寬為盧氏。貞觀中。歷遷禮部尚書。左衛大將軍。封芮國公。永徽元年卒。贈特進。并州都督。陪葬昭陵。諡曰定。又復其姓為巨盧氏。父仁業。高宗時為左衛將軍。欽望則天時。累遷司賓卿。長壽二年。代宗秦客為內史。時李昭德亦為內史。執權用事。欽望與同時。宰相辛巨源。陸元方。蘇味道。杜景儉等。並委曲從之。

證聖元年。昭德坐事。左遷涪陵尉。則天以欽望等不能執政。又為司刑少卿。皇甫文備奏。欽望附會昭德。罔上附下。乃左遷欽望為趙州刺史。韋巨源自右丞為鄆州刺史。陸元方自秋官侍郎為綏州刺史。蘇味道自鳳閣侍郎為集州刺史。其年欽望入為司禮卿。遷秋官尚書。封芮國公。出為河北道宣勞使。俄而盧陵王復為皇太子。以欽望為皇太子宮尹。聖曆二年。拜文昌右相。同鳳閣鸞臺三品。尋授太子賓客。停知政事。中宗即位。以欽望宮寮舊臣。拜尚書左僕射。知軍國重事。兼檢校安國相。王府長史。兼中書令。知兵部事。監修國史。欽望作相兩朝。前後十餘年。張易之兄弟及武三思父子。皆專權驕縱。圖為逆亂。欽望獨謹其身。不能有所匡正。以此獲譏於代。神龍二年。拜開府儀同三司。景龍三年五月。表請乞骸。不許。十一月卒。年八十餘。贈司空。并州大都督。諡曰元。賜東園祕器陪葬乾陵。則天時宰相又有張光輔。史務滋。崔元綜。周允元等。並有名績。張光輔者。京北人也。少明辯。有吏幹。累遷司農少卿。文昌右丞。以討平越王貞之功。拜鳳閣侍郎。知政事。永昌元年。遷納言。旬日。又拜內史。皆有名。其年洛州司馬房嗣業。洛陽令張嗣明。坐與徐敬業弟敬真陰相交結。敬真自流。所繡州逃歸。將北投突厥。引虜入寇。途經洛下。嗣業嗣明二人。給其衣糧而遣之。行至定州。為人所覺。嗣業於獄中自縊死。嗣明與敬真多引海內相識。冀緩其死。嗣明稱光輔征豫州日。私說圖讖天文。陰懷兩端。願望以觀成敗。光輔由是被誅。家口籍沒。

史務滋者。宣州溧陽人。累至內史。授中雅州刺史。劉行實及弟渠州刺史行瑜。尚衣奉御行感。并兄子左鷹揚將軍虔通。並為侍御史。來子珣。誣以謀反。誅。又於盱眙。殺其父左監門大將軍伯英。棺柩初移。務滋素與行感。周密意欲獲其反狀。則天怒。令使臣鞠之。務滋恐被陷刑。乃自殺。

崔元綜者。鄭州新鄭人也。祖君肅。武德中黃門侍郎。鴻臚卿。元綜天授中。累轉秋官侍郎。長壽元年。遷鸞臺侍郎。同鳳閣鸞臺平章事。元綜勤於政事。每在中書。必束帶至晚。未嘗休偃。好潔細行。兼辛不歷口者二十餘年。雖外示謹厚。而情深刻薄。每受制勅。必披毛求疵。陷於重辟。以此故人多畏而鄙之。明年犯

罪配流振州。朝野莫不稱慶。尋赦還。復拜監察御史。中宗時。累遷尚書左丞。蒲州刺史。以老疾致仕。晚年好攝養。導引之術。年九十餘卒。

周允元者。豫州人也。弱冠舉進士。延載初。累轉左肅政御史中丞。俄除鳳閣鸞臺平章事。嘗與諸宰臣侍宴。則天令各述書傳中善言。允元曰。恥其君不如堯舜。武三思以爲語有指斥。糾而駭之。則天曰。聞此言。足以爲誠。豈特將爲過耶。證聖元年卒。贈貝州刺史。則天爲七言詩以傷之。又自繕寫時以爲榮。

史官曰。王及善在孝敬東宮。誠能奉職。當俊臣下獄。力諫除兇。是憂濫及賢良。而欲明彰羽翼。與復之志。不謂無心。杜景儉五刑有濫。濟活爲心。四氣不和。歸罪在己。則天謂曰。真宰相。然奈柔順。李昭德。不無吐剛之過也。朱敬則文學有稱。節行無愧。諫諍果決。推擇精真。苟非洞鑒古今。深識王霸。何由立其高論哉。惜乎相不得時矣。楊再思佞而取貴。苟以全身掩不善。而自欺。謂無十目十手也。李懷遠名不苟於假陞。貴不銜於故鄉。無改陋居。常乘劣駟。亦一時之善矣。然匪躬之道。未之聞也。豆盧欽望。張光輔。史務滋。崔元綜。周允元等。或有片言。非無小善。登于大用。可謂具臣。

贊曰。及善奉職。非無智力。景儉當權。不謂不賢。雄文高節。少連爲絕。守道安貧。懷遠當仁。欽望之屬。片善何足。蹈媚再思。祇宜端速。

舊唐書卷九十

舊唐書卷九十考證

王及善傳契丹作亂。山東不安。起授滑州刺史。○新書。魏州。

杜景儉傳。聖歷二年。復拜鳳閣侍郎。○新書。元年。則天本紀。神功元年。臣宗萬

按。杜景儉新書作景儉。蓋實錄以草書致誤。新紀表傳。因而承之。故通鑑從舊書也。

舊唐書卷九十考證

後晉司空同中書門下平章事劉昫撰

列傳第四十一

桓彥範 敬暉 崔玄暉 張柬之 袁恕己

桓彥範潤州曲阿人也。祖法嗣。雍王府諮議參軍。弘文館學士。彥範慷慨俊爽，少以門蔭調補右屯衛聖曆初，累除司衛寺主簿。納言狄仁傑特相禮異，嘗謂曰：「足下才識如是，必能自致遠大，尋擢授監察御史。長安三年，歷遷御史中丞。四年，轉司刑少卿。時司僕卿張昌宗坐遺術人李弘泰，占已有天分，御史中丞宋璟請收付制獄，窮理其罪，則天不許。彥範上疏曰：「昌宗無德無才，謬承恩寵，自宜粉骨碎肌，以答殊造，豈得苞藏禍心，有此占相。陛下以眷屬恩久，不忍加刑。昌宗以逆亂罪多，自招其咎，此是皇天降怒，非唯陛下故誅。違天不祥，乞陛下裁擇原其本奏，以防事敗。事敗即言奏訖，不敗則候時為逆。此乃姦臣詭計，疑惑聖心，今果遂其所謀，陛下何忍不察。若昌宗無此占相，奏後不合更與弘泰往還，尚令修福，復擬禳厄，此則期於必遂，元無悔心。縱雖奏聞，情實難恕。此而可捨，誰其可刑。況經兩度事彰，天恩並垂捨宥。昌宗自為得計，人亦以為為逆臣，不誅社稷亡矣。伏請付鸞臺鳳閣三司考竟其罪，疏奏不報。時又內史李嶠等奏稱：「往屬革命之時，人多逆節，鞠訊決斷，刑獄至嚴，刻薄之吏，恣行酷法。其周與丘勳來俊臣所劾破家者，並請雪免。彥範又奏請自文明元年以後得罪人，除揚豫博三州及諸謀逆魁首，一切赦之。表疏前後十奏，辭旨激切。至是方見允納。彥範凡所奏議，若逢人主詰責，則辭色無懼，爭之愈厲。又嘗謂所親曰：「今既躬為大理，人命所懸，必不能順旨詭辭，以求苟免。是歲冬，則天不豫，張易之與弟昌宗入閣侍疾，潛圖逆亂。鳳閣侍郎張柬之與桓彥範及中臺右丞敬暉等建策將誅之。柬之遽引彥範及暉並為左右羽林將軍，委以禁兵。共圖其事。時皇太子每於北門起居，彥範與暉因得謁見，密陳其計。太子從之神龍元年正月，彥範與敬暉及左羽林將軍李湛、李多祚、右羽林將軍楊元琰、左

威衛將軍薛思行等率左右羽林兵及千騎五百餘人討易之。昌宗於宮中令李湛、李多祚就東宮迎皇太子。兵至玄武門，彥範等奉太子斬關而入。兵士大譟，時則天在迎仙宮之集仙殿，斬易之。昌宗於廊下，并就斬其兄。汴州刺史昌期、司禮少卿同休並梟首於天津橋南。士庶見者莫不懼叫相賀。或擣割其肉，一夕都盡。明日太子即位，彥範以功加銀青光祿大夫，拜納言，賜勳上柱國，封譙郡公，賜實封五百戶。又改為侍中。從新令也。彥範嘗表論時政數條，其大略曰：「昔孔子論詩以關雎為始，言后妃者，人倫之本，理亂之端也。故皇英降而虞道興，任姒歸而姬宗盛。桀奔南巢，禍階妹喜，魯桓滅國，惑以齊媛。伏見陛下每臨朝聽政，皇后必施帷幃坐於殿上，預聞政事。臣愚歷選列辟，詳求往代，帝王有與婦人謀及政者，莫不破國亡身，傾軛繼路。且以陰乘陽，違天也。以婦凌夫，違人也。違天不祥，違人不義。由是古人警以牝雞之晨，惟家之索。易曰：「無攸遂，在中饋。言婦人不得預於國政也。伏願陛下覽古人之言，察古人之意，上以社稷為重，下以蒼生在念。宜令皇后無往正殿，干預外朝。專在中宮，聿修陰教。則坤儀式固，鼎命惟永。又曰：「臣聞京師喧道，路籍籍皆云：胡僧慧範，矯託佛教，詭惑后妃，故得出入禁闈，撓亂時政。陛下又輕騎微行，數幸其室，上下媢黷，有虧尊嚴。臣抑嘗聞與化致理，必由進善。康國寧人，莫大棄惡。故孔子曰：「執左道以亂政者，殺假鬼神以危人者，殺。今慧範之罪，不殊於此也。若不急誅，必生變亂。除惡務本，去邪勿疑。實願天聰早加裁貶，疏奏不納。時有墨勅授方術人鄭普思祕書監，葉淨能國子祭酒。彥範苦言其不可，帝曰：「既要用之，無容便止。彥範又對曰：「陛下自龍飛寶位，遽下制云：軍國政化皆依貞觀故事。昔貞觀中嘗以魏徵處世，南顏師古為祕書監，孔穎達為國子祭酒，至如普思等是方伎庸流，豈足以比蹤前烈。臣恐物議謂陛下官不擇才，濫以天秩加於私愛。惟陛下少加慎擇，帝竟不納。時韋皇后既干朝政，德靜郡王武三思又居中用事，以則天為彥範等所廢，常深憤怨。又慮彥範等漸除武氏，乃先事圖之。皇后韋氏既雅為帝所信，龍言無不從。三思又私通於韋氏，乃曰：「夕讒毀彥範等，帝竟用三思計，進封彥範為扶陽郡王，敬暉為平陽郡王，張柬之為漢陽郡王，崔玄暉

為博陵郡王袁恕己為南陽郡王並加特進令罷知政事彥範仍賜姓韋氏令與皇后同屬籍仍賜雜綵錦繡金銀鞍馬等雖外示優崇而實奪其權也易州刺史趙履溫者即彥範之妻兄也彥範誅易之後奏言先與履溫共謀其事於是召拜司農少卿履溫德之乃以二婢遺彥範及彥範罷知政事履溫又奪奪其婢大為時論所譏尋出為涪州刺史轉濠州刺史二年光祿卿駙馬都尉王同皎以武三思與韋氏姦通潛謀誅之事洩為三思誣構言同皎將廢皇后韋氏彥範等通知其情乃貶彥範為瀧州司馬敬暉崖州司馬袁恕己賣州司馬

崔玄暉白州司馬張東之新州司馬並仍令長任勳封並削彥範仍復其本姓桓氏是歲秋武三思又陰令人疏皇后穢行勝於天津橋請加廢黜中宗聞之怒命御史大夫李承嘉推求其人承嘉希三思旨奏言彥範與敬暉張東之袁恕己崔玄暉等教人密為此勝雖託廢后為名實有危君之計請加族滅制依承嘉所奏大理丞李朝隱執奏云敬暉等既未經鞠問不可即肆誅夷請差御史按罪待至準法處分大理卿裴談奏云敬暉等祇合據跡斷罪不可別俟推鞠請並處斬籍沒中宗納其議仍以彥範等五人嘗賜鐵券許以不死乃長流彥範於瀧州敬暉於崖州張東之於瀧州袁恕己於瓊州崔玄暉於古州並終身禁錮子弟年十六已上者亦配流嶺外擢授承嘉金紫光祿大夫進封襄武郡公韋氏又特賜承嘉綵物五百段端錦被一張擢拜裴談為刑部尚書左貶

李朝隱為開喜令三思俄又諷節愍太子抗表請夷彥範等三族中宗以既有前命不依其請三思猶慮彥範等重被進用又納中書舍人崔湜之計特令湜姨兄嘉州司馬周利貞攝右臺侍御史就嶺外並矯制殺之彥範赴流所行至貴州利貞遇之於途乃令左右執縛曳於竹槎之上肉盡至骨然後杖殺時年五十四睿宗即位延和元年並追復其官爵仍特還其子孫實封二百戶玄宗即位開元六年詔曰皇輿肇建必有輔佐之臣天步多艱爰仗經綸之業故侍中譙國公桓彥範侍中平陽郡公敬暉中書令兼吏部尚書漢陽郡公張東之特進博陵郡公崔玄暉中書令南陽郡公袁恕己等並德惟神降材與運生道協台嶽各盡職責亮帝載勤勞王家參復禹之元謀奉昇唐之景命雖殂謝

既久而勳烈益彰撫彝鼎以念功想旂常而增感緬遵故實用表徽懿俾列在清廟登于明堂克申從祀之儀式茂疇庸之典並可配享中宗孝和皇帝廟庭其子弟咸加收擢建中元年重贈司徒

敬暉絳州太平人也弱冠舉明經聖曆初累除衛州刺史時河北新有突厥之寇方秋而修城不輟暉下車謂曰金湯非粟而不守豈有弃收穫而繕城郭哉悉令罷散由是人吏咸歌詠之再遷夏官侍郎出為秦州刺史大足元年遷洛州長史天后幸長安令暉知副留守事在職以清幹著聞重書勞勉賜物百段長安三年拜中臺右丞加銀青光祿大夫神龍元年轉右羽林將軍以誅張易之昌宗功加金紫光祿大夫擢拜侍中賜爵平陽郡公食實封五百戶尋進封齊國公天后崩遺制加實封通前滿七百戶暉等以唐室中興武氏諸王咸宜降爵上章論奏於是諸武降為公武三思益怒乃諷帝陽尊暉等為郡王罷知政事仍賜鐵券恕十死朔望趨朝初暉與彥範等誅張易之兄弟也洛州長史薛季昶謂暉曰二凶雖除產祿猶在請因兵勢誅武三思之屬匡正王室以安天下暉與張東之屢陳不可乃止季昶數曰吾不知死所矣翌日三思因韋后

之助潛入宮中內行相事反易國政為天下所患時議以此歸咎於暉暉等既失政柄受制於三思暉每推牀嗟惋或彈指出血東之數曰主上曷昔為英王時素稱勇烈吾留諸武冀自誅鋤耳今事勢已去知復何道三思既深憤惋以許州司功參軍鄭愔素被暉等廢黜因令上表陳其罪狀中宗詔曰則天大聖皇后往以憂勞不豫兇豎弄權暉等因與甲兵剷除妖孽朕錄其勞効備極寵勞自謂勳高一時遂欲權傾四海擅作威福輕侮國章悖道弄義莫斯之甚然收其薄効猶為隱忍錫其郡王之重優以特進之榮不謂黔壑之志殊難盈滿既失大權多懷怨望乃與王同皎親規內禁潛相謀結更欲權兵絳闕圖廢椒宮險迹醜辭驚視駭聽屬以帝圖伊始務靜狴牢所以久為含容未能暴諸遐邇自同皎伏法賈跡彌彰儻若無其發明何以懲茲悖亂迹其巨逆合宜嚴誅緣其昔立微功所以特從寬宥咸宜貶降出佐遐藩暉可崖州司馬東之可新州司馬恕己可賣州司馬玄暉可白州司馬並員外置驛到崖州竟為周利貞

八八四

所殺睿宗即位追復五王官爵贈暉秦州都督諡曰肅愍建中初重贈太尉曾孫元膺開成三年自試太子通事舍人為河南縣丞

崔玄暉博陵安平人也父行謹為胡蘇令本名暉以字下體有則天祖諱乃改為玄暉少有學行深為叔父秘書監行功所器重龍朔中舉明經累補庫部員外郎其母盧氏嘗誡之曰吾見燒兄屯田郎中辛玄敷云兒子從宦者有人來云貧乏不能存此是好消息若聞賞貨充足衣馬輕肥此惡消息吾常重此言以為確論比見親表中仕宦者多將錢物上其父母父母但知喜悅竟不問此物從何而來必是祿俸餘資誠亦善事如其非理所得此與盜賊何別縱無大咎獨不內愧於心孟母不受魚鮓之饋蓋為此也汝今坐食祿俸榮幸已多若其不能忠清何以戴天履地孔子云雖日殺三牲之養猶為不孝又曰父母惟其疾之憂特宜修身潔己勿累吾此意也玄暉遵孝母氏教誡以清謹見稱尋授天官郎中遷鳳閣舍人長安元年超拜天官侍郎每介然自守却絕請謁頗為執政者所忌轉文昌左丞經月餘則天謂曰自卿改職以來選司大有罪過或聞令史乃設齋自慶此欲威為貪惡耳今要卿復舊任又除天官侍郎賜雜綵七十段三年拜鸞臺侍郎同鳳閣鸞臺平章事兼太子左庶子四年遷鳳閣侍郎加銀青光祿大夫仍依舊知政事先是來俊臣周興等誣陷良善冀圖爵賞因緣籍沒者數百家玄暉固陳其枉狀則天乃感悟咸從雪免則天季年宋豫劾奏張昌宗謀為不軌玄暉亦屢有讜言則天乃令法司正斷其罪玄暉第昇時為司刑少卿又請寬以大辟其兄弟守正如此是時則天不豫宰相不得召見者累月及疾少間玄暉奏言皇太子相王仁明孝友足可親侍湯藥宮禁事重伏願不令異姓出入則天曰深領卿厚意尋以預誅張易之功擢拜中書令封博陵郡公中宗將授方術人鄭普思為秘書監玄暉切諫竟不納尋進爵為王賜實封四百戶檢校益州大都督府長史兼知都督事其後被累貶授白州司馬在道病卒建中初贈太子太師玄暉與弟昇甚相友愛諸子弟孤貧者多躬自撫養教授頗為當時所稱昇官至尚書左丞玄暉少時頗屬詩賦晚年以為非己所長乃不復構思唯篤志經籍述作為事所撰行己要範十卷友義

傳十卷義士傳十五卷訓注文館辭林第二十卷並行於代子璣頗以文學知名官歷中書舍人禮部侍郎璣子渙自有傳曾孫鄧開成三年自商州防禦判官兼殿中侍御史入為監察御史

張柬之字孟將襄州襄陽人也少補太學生涉獵經史尤好三禮國子祭酒令狐德棻甚重之進士擢第累補青城丞永昌元年以賢良徵試同時策者千餘人柬之獨為當時第一擢拜監察御史聖曆初累遷鳳閣舍人時弘文館直學士王元感著論云三年之喪合三十六月東之著論駁之曰三年之喪二十五月不刊之典也謹案春秋魯僖公三十三年十二月乙巳公薨文公二年冬公于遠如齊納幣左傳曰禮也杜預注云僖公喪終此年十一月納幣在十二月士婚禮納米納徵皆有玄纁束帛諸侯則謂之納幣蓋公為太子已行婚禮故傳稱禮也公羊傳曰納幣不書此何以書譏喪要在三年之外何以譏三年之內不圖婚何休注云僖公以十二月薨至此冬未滿二十五月納采問各納吉皆在三年之內故譏何休以公十二月薨至此冬十二月纔二十四月非二十五月是未三年而圖婚也按經書十二月乙巳公薨杜預以長曆推乙巳是十一月十二日非十二月書十二月是經誤文公元年四月葬我君僖公傳曰緩也諸侯五月而葬若是十二月薨即是五月不得言緩明知是十一月薨故注僖公喪終此年至十二月而滿二十五日故丘明傳曰禮也據此推步杜之考校豈公羊之所能逮況丘明親受經於仲尼乎且二傳何杜所爭唯爭一月不爭一年其二十五日除喪由來無別此則春秋三年之喪二十五日之明驗也尚書伊訓云成湯既沒太甲元年惟元祀十有二月伊尹祀于先王奉嗣王祗見厥祖孔安國注云湯以元年十一月崩據此則二年十一月小祥三年十一月大祥故太甲中篇云惟三祀十有二月朔伊尹以冕服奉嗣王歸于亳是十一月大祥訖十二月朔日加王冕服吉而歸亳也是孔言湯元年十一月之明驗顧命云四月哉生魄王不憚是四月十六日也翌日乙丑王崩是十七日也丁卯命作冊度是十九日也越七日癸酉伯相命士頌材是四月二十五日也則成王崩至康王祿禫禩中問有十月康王方始見顧則知湯崩在十一月

淹停至殮訖方始十二月。祇見其祖顧命見廟訖諸侯出廟門侯伊訓言祇見厥祖。侯甸羣后咸在。則崩及見廟。殷周之禮並同。此周因於殷禮。損益可知也。不得元年以前。別有一年。此尚書三年之喪。二十五月之明驗也。禮記三年問云。三年之喪。二十五月而畢。哀痛未盡。思慕未忘。然而服以是斷之者。豈不送死而已。復生有節。又喪服四制云。變而從宜。故大祥鼓素琴。告人以終。又問傳云。菽而小祥。食菜果。又菽而大祥。而禫。食酒肉。又喪服小記云。再菽之喪。三年也。菽之喪。二年也。九月七月之喪。三時也。五月之喪。二時也。三月之喪。一時也。此禮記三年之喪。二十五月之明驗也。儀禮士虞禮云。菽而小祥。又菽而大祥。中月而禫。是月也。吉祭。此禮周公所制。則儀禮三年之喪。二十五月之明驗也。此四驗者。並禮經正文。或周公所制。或仲尼所述。吾子豈得以禮記載聖所修。輒欲排毀。漢初高堂生傳禮。既未周備。宣帝時少傅后蒼因淹中孔壁所得五十六篇。著曲臺記。以授弟子。戴德。戴聖。慶溥。三人。合以正經。及孫卿所述。並符合。列于學官。年代已久。今無端構造異論。既無依據。深可歎息。其二十五月。先儒考校。唯鄭康成注儀禮中月而禫。以中月間一月。自死至禫。凡二十七月。又解禫云。言澹澹然平安之意也。今皆二十七月。常從鄭議也。踰月入禫。禫既復常。則二十五月為免喪矣。二十五月。二十七。其議本同。竊以子之於父母。喪也有終身之痛。創巨者日久。痛深者愈遲。豈徒歲月而已乎。故練而慨然者。蓋悲慕之懷未盡。而踊擗之情已歇。祥而廓然者。蓋哀傷之痛已除。而孤逝之念更起。此皆情之所致。豈外飾哉。故記曰。三年之喪。義同過隙。先王立其中制。以成文理。是以祥則縞帶素紕。禫則無所不佩。今吾子將徇情奔禮。實為乖僻。夫奔縵麻之服。襲錦黻之衣。行道之人。皆不忍也。直為節之以禮。無可奈何。故由也不能過制。為妨服。輕也不能過菽。哭其母。夫豈不懷懼。名教逼已也。若孔鄭何杜之徒。並命代挺生。範模來裔。官牆積勿。未易可窺。但鑽仰不休。當漸入勝境。詎勞終年。吃吃。虛肆誇言。請所有持。擅先儒。願且以時消息。時人以東之所駁。頗合於禮典。是歲突厥默啜表言。有女請和。親則天感意。許之。欲令淮陽郡王延秀娶之。東之妻曰。自古無天子求娶夷狄女。以配中國。

王者。表入頗忤其旨。神功初出。為合州刺史。尋轉蜀州刺史。舊例每歲差兵募五百人往姚州鎮守。路越山險。死者甚多。東之表論其弊。曰。臣竊按姚州者。古哀牢之舊國。絕域荒外。山高水深。自生人以來。泊於後漢。不與中國交通。前漢唐蒙開夜郎滇。惟而哀牢不附。至光武季年。始請內屬。漢置永昌郡以統理之。乃收其鹽布。麩芻之稅。以利中土。其國西通大秦。南通交趾。奇珍異寶。進貢歲時不闕。劉備據有巴蜀。常以甲兵不充。及備死。諸葛亮五月渡瀘。收其金銀鹽布。以益軍儲。使張伯岐選其勁卒。搜兵以增武備。故蜀志稱自亮南征之後。國以富饒。甲兵充足。由此言之。則前代置郡。其利頗深。今鹽布之稅。不供珍奇之實。不入戈戟之用。不實於戎行。寶貨之資。不輸於大國。而空竭府庫。靡率平人。受役蠻夷。肝腦塗地。臣竊為國家惜之。昔漢以得利既多。歷博南山。涉蘭倉水。更置博南哀牢二縣。蜀人愁怨。行者作歌。曰。歷博南。越蘭津。渡蘭倉。為他人。蓋饑。漢貪珍奇鹽布之利。而為蠻夷之所驅役也。漢獲其利。人且怨歌。今減耗國儲。費用日廣。而使陛下之赤子。身膏野草。骸骨不歸。老母幼子。哀號望祭於千里之外。於國家無絲髮之利。在百姓受終身之酷。臣竊為國家痛之。往者諸葛亮破南中。使其渠率自相統領。不置漢官。亦不留兵鎮守。人問其故。亮言。置官留兵。有三不易。大意以置官吏。漢雜居。猜嫌必起。留兵運糧。為患更重。忽若反叛。勞費更多。但粗設紀綱。自然安定。臣竊以亮之此策。妙得羈縻蠻夷之術。今姚府所置之官。既無安邊靜寇之心。又無葛亮且縱且擒之伎。唯知詭謀狡算。恣情割剝。貪叨劫掠。積以為常。扇動會渠。遺成朋黨。折支詔笑。取媚蠻夷。拜跪趨伏。無復慚恥。提挈子弟。嘯引凶愚。聚會蒲博。一擲累萬。劍南連地。中原亡命。有二千餘戶。見散在彼州。專以掠奪為業。姚州本龍朔中。武陵縣主。簿石子仁。奏置之。後長史李孝讓。辛文協。並為羣蠻所殺。前朝遣郎將趙武貴討擊。貴及蜀兵。應時破敗。噍類無遺。又使將軍李義德等往征。郎將劉惠基在陣戰死。其州乃廢。臣竊以諸葛亮稱置官留兵。有三不易。其言乃驗。至垂拱四年。蠻郎將王善寶。昆州刺史。黨乾福。又請置州。奏言。所有課稅。自出姚府管內。更不勞擾蜀中。及置州後。錄事參軍李稜為蠻所殺。延載中。司馬成琛奏請於瀘南置鎮。

七所。遣蜀兵防守。自此蜀中騷擾。于今不息。且姚府總管五十七州。巨猾遊客。不可勝數。國家設官分職。本以化俗防姦。無恥無厭。復藉至此。今不問夷夏。實罪並深。見道路劫殺。不能禁止。恐一旦驚擾。為禍轉大。伏乞省罷姚州。使隸屬府。歲時朝覲。同之蕃國。瀘南諸鎮。亦皆悉廢。於瀘北置關。百姓自非奉使入蕃。不許交通。往來增營府兵。選擇清良。幸牧以統理之。臣愚將為穩便。疏奏。則天不納。後累拜荊州大都督府長史。長安中。召為司刑少卿。遷秋官侍郎。時夏官尚書姚崇為靈武軍使。將行。則天令舉外司堪為宰相者。崇對曰。張柬之沉厚。有謀。能斷大事。且其人年老。惟陛下急用之。則天登時召見。尋同鳳閣鸞臺平章事。未幾。遷鳳閣侍郎。仍知政事。及誅張易之兄弟。柬之首謀其事。中宗即位。以功擢拜天官尚書。鳳閣鸞臺三品。封漢陽郡公。食實封五百戶。未幾。遷中書令。監修國史。月餘。進封漢陽郡王。加授特進。令罷知政事。其年秋。柬之表請歸襄州養疾。許之。仍特授襄州刺史。又拜其子滿為著作郎。令隨父之任。上親賦詩祖道。又令羣公餞送於定鼎門外。柬之至襄州。有鄉親舊交抵罪者。必深文致法。無所縱捨。其子滿恃以立功。每見諸少長。不以禮接。時議以為不能易荆楚之剽性焉。尋為武三思所構。貶授新州司馬。柬之至新州。憤恚而卒。年八十八。餘景雲元年。制曰。襄德紀功事。華典冊。飾追遠。理光名。教故吏部尚書張柬之。翼戴興運。讓明帝道。經綸睿譔。風範猶存。住屬回邪。構成釁咎。無辜放逐。淪沒荒遐。言念勳賢。良深軫悼。宜加寵贈。式賁幽泉。可贈中書令。封漢陽郡公。建中初。又贈司徒。玄孫璵。開成二年。自宜城尉遷壽安尉。

袁恕己。滄州東光人也。長安中。歷遷司刑少卿。兼知相王府司馬事。敬暉等將誅張易之兄弟。恕己預其謀議。又從相王統率南衙兵仗。以備非常。及事定。加銀青光祿大夫。行中書侍郎。同中書門下三品。封南陽郡公。食實封五百戶。將作少匠楊務廉。素以工巧見用。中與恕己恐其更啓遊娛侈靡之端。言於中宗曰。務廉致位九卿。積有歲年。苦言嘉謀。無足可紀。每宮室營構。必務其侈。若不斥之。何以廣昭聖德。由是左授務廉。陵州刺史。恕己俄擢拜中書令。仍加特進。封南陽郡王。罷知政事。則天崩。遺制加實封滿七百戶。後與敬暉等累遭貶

黜。流于瓊州。尋為周利貞所逼。飲野葛汁數升。恕己常服黃金餌。毒發憤悶。以手掘地取土。而食。爪甲殆盡。竟不死。乃擊殺之。建中初。贈太子太傅。曾孫德文。舉進士。開成三年。授秘書省校書郎。

史臣曰。昔夫差入越。勾踐保於會稽。不聽子胥之言。而有雨東之歎。此五王除兇返正。得計成功。當是時。彥範敬暉。握兵全勢。三思攸鑿。其黨半殲。若從季昶之言。寧有利貞之禍。蓋以心懷不忍。遽失後圖。黜削流移。理固然也。且艾蔓而不能拔本。建謀而尚欠防微。死即無辜。禍由自授。失斷召亂也。不亦宜哉。

贊曰。嗟彼五王。忠子有唐。知火在木。謂其無傷。禍發既刻。勢摧靡當。何事不敏。周身之防。

舊唐書卷九十一

舊唐書卷九十一考證

舊唐書卷九十一考證

敬暉傳東之數曰主上嚙甘為英玉時察稱勇烈吾留諸武冀自誅鋤云云○
新書作桓彥範語

舊唐書卷九十一考證

後晉司空同中書門下平章事劉昫撰

列傳第九十二

魏元忠

字少叔城子況從父兄子抗從祖兄子巨源趙彥昭附蕭至忠處前附

魏元忠宋州宋城人也本名真幸以避則天母號改焉初為太學生志氣倜儻不以舉薦為意累年不調時有左史盤屋人江融撰九州設險圖備載古今用兵之工拙曰臣聞理天下之柄二事焉文與武也然則文武之道雖有二門至於制勝御人其歸一揆方今王略遐宣皇威遠振建禮樂而陶士庶訓軍旅而慚生靈然論武者以弓馬為先而不稽之以權略談文者以篇章為首而不問之以經綸而奔競相因遂成浮俗臣嘗讀魏晉史每鄙何晏王衍終日談空近觀齊梁書才士亦復不少並何益於理亂哉從此而言則陸士衡著辨亡論而不救河橋之敗養由基射能穿札而不知鄴陵之奔斷可知矣昔趙岐撰禦寇之論山濤陳用兵之本皆坐運帷幄暗合孫吳宣尼稱有德者必有言仁者必有勇則何平叔王夷甫豈得同日而言哉臣聞才生於代代實須才何代而不生才何才而不生代故物有不求未有無物之歲士有不用未有無士之時夫有志之士在富貴之與貧賤皆思立於功名冀傳芳於竹帛故班超投筆而歎祖逖擊楫而誓此皆有其才而申其用矣且知己難逢英哲罕遇士之懷琬琰以就埃塵抱棟梁而困溝壑者則悠悠之流宜觀此士之貧賤安知此士之方略哉故漢拜韓信軍軍驚笑蜀用魏延羣臣缺望嗟乎富貴者易為善貧賤者難為功至於此也亦有位處立功之際而不展其志略身為時主所知竟不能盡其才用則貧賤之士焉足道哉漢文帝時魏尚李廣並身任邊將位為郡守文帝不知魏尚之賢而囚之不知李廣之才而不能用之常數李廣恨生不逢時令當高祖曰萬戶侯豈足道哉夫以李廣才氣天下無雙匈奴畏之號為飛將爾時胡騎憑凌足伸其用文帝不能大任反數其生不逢時近不知魏尚李廣之賢而乃遠想廉頗李牧故馮唐曰雖有頗牧而不能用近之矣從此言

之疎斥賈誼復何怪哉此則身為時主所知竟不能盡其才用晉羊祜獻計平

吳賈充荀勗阻其策祜數曰天下不如意恆十居七八祜荀賈不同竟不大舉

此則位處立功之際而不得展其志略而布衣韋帶之人懷一奇抱一策上書

關下朝進而望夕召何可得哉臣請歷訪內外文武職事五品已上得不有智

計如羊祜武藝如李廣在用與不用之間不得聘其才略伏願降寬大之詔使

各言其志無令沒黯直氣臥死於淮陽仲舒大才位屈於諸侯相又曰臣聞帝

王之道務崇經略經略之術必仗英奇自國家良將可得言矣李靖破突厥侯

君集滅高昌蘇定方開西域李勣平遼東雖奉國威靈亦其才力所致古語有

之人無常俗政有理亂兵無強弱將有能否由此觀之安邊境立功名在於良

將也故趙充國征先零馮子明討南羌皆計不空施機不虛發則良將立功之

驗也然兵革之用王者大事存亡所繫若任得其才則摧兇而扼暴苟非其任

則敗國而殄人北齊段孝玄云持大兵者如擊盤水傾在俛仰間一致蹉跌求

止豈得哉從此而言周亞夫堅壁以挫吳楚司馬懿閉營而困葛亮俱為上策

此皆不戰而却敵全軍以制勝是知大將臨戎以智為本漢高之英雄大度尚

曰吾寧關智魏武之機神冠絕猶依法孫吳假有項籍之氣袁紹之基而皆泯

智任情終以破滅何況復出其下哉且上智下愚明暗異等多寡少謀衆寡殊

料故魏用柏直以拒漢韓信輕為堅子燕任慕容評以抗秦王猛謂之奴才即

柏直慕容評智勇俱亡者也夫中材之人素無智略一旦居元帥之任而意氣

軒昂自謂當其鋒者無不摧碎豈知戎昭果毅教詩說禮之事乎故李信求以

二十萬衆獨擊鄢郢其後果辱秦軍樊噲願得十萬衆橫行匈奴登時見折季

布皆其事也當今朝廷用人類取將門子弟亦有死事之家而蒙抽擢者此等

本非幹略見知雖竭力盡誠亦不免於傾敗若之何使當關外之任哉後漢馬

援討西羌皇甫規陳其必敗宋文帝使王玄謨收復河南沈慶之懸知不剋謝

玄以書生之姿拒符堅天下之衆都超明其必勝桓溫提數萬之兵萬里而觀

成都劉真長期於決取雖時有今古人事皆可推之取驗大體觀其銳志與識

略耳明者隨分而察成敗之形昭然自露京房有言後之視今亦猶今之視古

則昔賢之與今哲，意況何殊？當事機之際也，皆隨時而立功，豈復取賢於往代，待才於未來也？卽論知與不知，用與不用，夫建功者言其所濟，不言所起，言其所能，不言所藉。若陳湯呂蒙馬隆孟觀，並出自貧賤，勳濟甚高，未聞其家代爲將帥。董仲舒曰：爲政之用，譬之琴瑟，不調甚者，必解絃而更張之，乃可鼓也。故陰陽不和，權士爲相，蠶夷不糝，拔卒爲將，卽更張之義也。以四海之廣，億兆之衆，其中豈無卓越奇絕之士，臣恐未之思也。夫何遠之有？又曰：臣聞賞者禮之基，罰者刑之本。故禮崇謀夫竭其能，賞厚義士輕其死，刑正君子勸其心，罰重小人懲其過。然則賞罰者，軍國之綱紀，政教之藥石，綱紀舉而衆務自理，藥石行而文武用命。彼吐蕃蟻結蜂聚，本非勅敵，薛仁貴郭待封受閩外之寄，奉命專征，不能激勵，能罷乘機掃撲，敗軍之後，又不能轉禍爲福，因事立功，遂乃棄甲喪師，脫身而走，幸逢寬政，罪止削除，國家網漏吞舟，何以過此？天皇遲念舊恩，收其後效，當今朝廷所少，豈此一二人乎？且賞不勸謂之止善，罰不懲謂之縱惡，仁貴自宣力海東，功無尺寸，坐玩金帛，滯貨無厭，今又不誅，縱惡更甚，臣以疎賤，干非其事，豈欲聞天皇之君臣，生厚薄於仁貴，直以刑賞一虧，百年不復，區區所懷，實在於此。古人云：國無賞罰，雖堯舜不能爲化，今罰不能行，賞亦難信，故人間議者，皆言近日日行，虛有賞格而無其事，良由中才之人，不識大體，恐賞賜勳庸，傾竭倉庫，留意錐刀，將此益國，徇目前之近利，忘經久之遠圖，所謂錯之毫釐，失之千里者也。且黔首雖微，不可欺以得志，瞻望恩澤，必因事而生心，既有所因，須應之以實，豈得懸不信之令，設虛賞之科？比者師出無功，未必不由於此。文字曰：同言而信，信在言前，同令而行，誠在令外。故商君移木以表信，曹公割髮以明法，豈禮也哉？有由然也。自蘇定方定瓊東，李勣破平壤，賞絕不行，勳仍淹滯，數年紛紛，真偽相雜，縱加沙汰，未至澄清。臣以吏不奉法，慢自京師，僞勳所由，主司之過，其則不遠，近在尙書省中，不聞斬一臺郎，戮一令史，使天下知聞。天皇何能照遠而不照近哉？神州化首，萬國共尊，文昌政本，四方是則，軌物宣風，理亂攸在，臣是以披瀝不已，冒死盡言，且明鏡所以照形，往事所以知今，臣識不稽古，請以近事言之。貞觀年中，萬年縣尉司馬玄景，舞

文飾智，以邀乾沒，太宗審其姦詐，棄之都市，及征高麗也，總管張君又擊賊，不進，斬之旗下。臣以僞勳之罪，多於玄景，仁貴等敗，重於君又，向使早誅薛仁貴，郭待封，則自餘諸將，豈敢失利於後哉？韓子云：慈父多敗子，嚴家無格虜。此言雖小，可以喻大。公孫弘有言：人主病不廣大，人臣病不節儉。臣恐天皇病之於不廣大，過在於慈父，斯亦日月之一蝕也。又今之將吏，率多貪暴，所務唯狗馬，所求唯財物，無趙奢吳起散金養士之風，縱使行軍，悉是此屬。臣恐吐蕃之平，未可旦夕望也。帝甚數異之，授秘書省正字，令直中書省，仗內供奉，尋除監察御史。文明年，遷殿中侍御史，其年徐敬業據揚州作亂，左玉鈐衛大將軍李孝逸督軍討之，則天詔元忠監其軍事。孝逸至臨淮，而偏將雷仁智爲敬業先鋒，所敗敬業又攻陷潤州，迴兵以拒孝逸。孝逸懼其鋒，按甲不敢進。元忠謂孝逸曰：朝廷以公王室懿親，故委以閩外之事，天下安危，實資一決，且海內承平日久，忽聞狂狡，莫不注心傾耳，以俟其誅。今大軍留而不進，則解遠近之望，萬一朝廷更命他將代公，其將何辭以逃逗撓之罪？幸速進兵，以立大效。不然，則禍難至矣。孝逸然其言，乃部勒士卒以圖進討。時敬業屯於下阿谿，敬業弟敬猷率偏師以逼淮陰。元忠請先擊敬猷，諸將咸曰：不如先攻敬業，敬業敗，則敬猷不戰而擒矣。若擊敬猷，則敬業引兵救之，是腹背受敵也。元忠曰：不然，賊之勁兵精卒，盡在下阿谿蟻聚而來，利在一決，萬一失捷，則大事去矣。敬猷本出博徒，不習戰鬪，其衆寡弱，人情易搖，大軍臨之，其勢必剋。既剋敬猷，我軍乘勝而進，彼若引救淮陰，計程則不及，又恐我之進掩江都，必邀我於中路，彼則勞倦，我則以逸待之，破之必矣。譬之逐獸，弱者先擒，豈可捨必擒之弱獸，趨難敵之強兵，恐未可也。孝逸從之，乃引兵擊敬猷，一戰而破之。敬猷脫身而遁，孝逸乃進軍，與敬業隔溪相拒。前軍總管蘇孝祥爲賊所破，孝逸又懼，欲引退。初，敬業至下阿有流星墜其營，及是有羣鳥飛噪於陣上。元忠曰：驗此，卽賊敗之兆也。風順，敬業火攻之利，固請決戰。乃平敬業。元忠以功擢司刑正，稍遷洛陽令。尋陷周興獄，詰市將刑，則天以元忠有討平敬業功，特免死配流貴州。時承勅者將至市，先令傳呼，監刑者遽釋元忠令起。元忠曰：未知勅虛實，豈可造次。徐待宣

勃然始起謝觀者感歎其臨刑而神色不撓聖曆元年召授侍御史權拜御史中丞又爲來俊臣侯思止所陷再被流于積善復還授御史中丞元忠前後三被流於時人多稱其無罪則天嘗謂曰卿累負謗讒何也對曰臣猶鹿也羅織之徒有如獵者苟須臣肉作羹耳此輩殺臣以求遠臣復何辜聖曆二年擢拜鳳閣侍郎同鳳閣鸞臺平章事檢校并州長史未幾加銀青光祿大夫遷左肅政臺御史大夫兼檢校洛州長史政號清嚴長安中相王爲并州元帥元忠爲副時奉宸令張易之嘗縱其家奴凌暴百姓元忠笞殺之權豪莫不敬憚時突厥與吐蕃數犯塞元忠加爲大總管拒之元忠在軍唯持重自守竟無所剋獲然亦未嘗敗失中宗在春宮時元忠檢校太子左庶子時張易之昌宗權寵日盛傾朝附之元忠嘗奏則天曰臣承先帝顧眄受陛下厚恩不徇忠死節使小人得在君側臣之罪也則天不悅易之昌宗由是含怒因則天不豫乃譖元忠與司禮丞高叢潛謀曰主上老矣吾屬當挾太子而令天下則天惑其言乃下元忠詔獄召太子相王及諸宰相令昌宗與元忠等殿前參對反復不決昌宗又引鳳閣舍人張說令執證元忠說初僞許之及則天召說驗問說確稱元忠實無此語則天乃悟元忠被誣然以昌宗之故特貶授端州高要尉中宗即位其日釋召元忠授衛尉卿同中書門下三品旬日又遷兵部尚書知政事如故尋進拜侍中兼檢校兵部尚書時則天崩中宗居諒闇多不視事軍國大政獨委元忠者數日未幾遷中書令加授光祿大夫累封齊國公監修國史神龍二年元忠與武三思祝欽明徐彥伯柳沖韋承慶崔融岑羲徐堅等撰則天皇后實錄二十卷編次文集一百二十卷奏之中宗稱善賜元忠物千段仍封其子衛王府諮議參軍昇爲任城縣男時元忠特承寵榮當朝用事初元忠作相於則天朝議者以爲公清至是再居政事天下莫不延首傾屬冀有所弘益元忠乃親附權豪抑棄寒俊竟不能實善罰惡勉修時政議者以此少之四年秋代唐璟爲尚書右僕射兼中書令仍知兵部尚書事監修國史未幾元忠請歸鄉拜掃特賜錦袍一領銀千兩并給千騎四人充其左右手勅曰衣錦晝遊在乎茲日散金敷惠諒屬斯辰元忠至鄉里竟自藏其銀無所賑施及還帝又幸白

馬寺以迎勞之其恩遇如此是時安樂公主嘗私請廢節愍太子立己爲皇太女中宗以問元忠元忠固稱不可乃止尋遷左僕射餘並如故元忠又嫉武三思專權用事心常憤歎思欲誅之三年秋節愍太子起兵誅三思元忠及左羽林大將軍李多祚等皆潛預其事太子既斬三思又率兵詣闕將請廢韋后爲庶人遇元忠子太僕少卿昇於永安門脅令從己太子兵至玄武樓下多祚等猶豫不戰元忠又持兩端由是不刺昇爲亂兵所殺中宗以元忠有平寇之功又素爲高宗天后所禮遇竟不以昇爲累委任如初是時三思之黨兵部尚書宗楚客與侍中紀處訥等又執證元忠及昇云素與節愍太子同謀構逆請夷其三族中宗不許元忠懼不自安上表固請致仕手制聽解左僕射以特進齊國公致仕于家仍朝朔望楚客等又引右衛郎將姚庭筠爲御史中丞令勅奏元忠由是貶渠州員外司馬侍中楊再思中書令李嶠皆依楚客之旨以致元忠之罪唯中書侍郎蕭至忠正議云當從寬宥楚客大怒又遣給事中冉祖雍與楊再思奏言元忠既緣犯逆不合更授內地官遂左遷思州務川尉頃之楚客又令御史袁守一奏言則天昔在三陽宮不豫內史狄仁傑奏請陛下監國元忠密進狀云不可據此則知元忠懷逆日久伏請加以嚴誅中宗謂楊再思等曰以朕思之此是守一大錯人臣專主必在一心豈有主上少有不安即請太子知事乃是狄仁傑樹私惠未見元忠有失守一假借前事羅織元忠豈是道理楚客等遂止元忠行至涪陵而卒年七十餘景龍四年追贈尚書左僕射齊國公本州刺史仍令所司給靈輿送至鄉里睿宗即位制令陪葬定陵景雲三年又降制曰故左僕射齊國公魏元忠代協人望時稱國良歷事三朝俱展誠效晚年遷謫頗非其罪宜特還其子著作郎晃實封一百戶開元六年諡曰貞二子昇晃

韋安石京兆萬年人周大司空鄭國公孝寬曾孫也祖津大業末爲民部侍郎煬帝之幸江都勅津與段達元文都等於洛陽留守仍檢校民部尚書事李密逼東都津拒戰於上東門外兵敗爲密所囚及王世充殺文都等津獨免其難密敗歸東郡世充僭號深被委遇及洛陽平高祖與津有舊徵授諫議大夫檢

校黃門侍郎。出為陵州刺史。卒。父琬。咸州刺史。叔琨。戶部侍郎。琨弟璠。倉部員外。安石應明經舉。累授乾封尉。蘇良嗣甚禮之。永昌元年。三遷雍州司兵。良嗣時為文昌左相。謂安石曰。大材須大用。何為徒勞於州縣也。特薦於則天。擢拜膳部員外郎。永昌令。拜州司馬。則天手制勞之。曰。聞卿在彼。庶事存心。善政表於能官。仁明彰於鎮撫。如此稱職。深慰朕懷。俄拜并州刺史。又歷德鄭二州刺史。安石性持重。少言笑。為政清嚴。所在人吏咸畏憚之。久視年。遷文昌右丞。尋拜鸞臺侍郎。同鳳閣鸞臺平章事。兼太子左庶子。長安三年。為神都留守。兼判天官秋官二尚書事。後與崔神慶等同為侍讀。尋知納言事。是歲。又加檢校中臺左丞。兼太子左庶子。鳳閣鸞臺三品。如故。時張易之兄弟及武三思皆恃寵用權。安石數折辱之。甚為易之等所忌。嘗於內殿賜宴。易之引蜀商宋霸子等數人於前博戲。安石疏奏曰。蜀商等賤類。不合預登此筵。因顧左右令逐出之。座者皆為失色。則天以安石辭直。深慰勉之。時鳳閣侍郎陸元方在座。退而告人曰。此真宰相。非吾等所及也。則天嘗幸興泰宮。欲就捷路。安石奏曰。千金之子。且有垂堂之誠。萬乘之尊。不宜輕乘危險。此路板窄。初成。無自然之固。鑿駕經之。臣等敢不請罪。則天登時為之迴輦。安石俄又舉奏易之等罪狀。初有勅付安石及夏官尚書唐休復推問。未竟。而事變。四年。出為揚州大都督府長史。神龍初。徵拜刑部尚書。是歲。又遷吏部尚書。復知政事。俄代張柬之為中書令。封鄭國公。以嘗為官寮。賜實封三百戶。又兼相王府長史。俄轉戶部尚書。復為侍中。監修國史。中宗與庶人。嘗因正月十五日夜。幸其第。賜資不可勝數。又中宗嘗幸安樂公主城西池館。公主具舟楫。請御樓船。安石諫曰。御輕舟。乘不測。臣恐非帝王之事。乃止。睿宗踐祚。拜太子少保。改封鄭國公。俄又歷侍中。中書令。景雲二年。加開府儀同三司。時太平公主與竇懷真等。潛有異圖。將引安石預其事。公主屢使子婿唐峻。邀安石至宅。安石竟拒而不往。睿宗嘗密召安石。謂曰。聞朝廷傾心東宮。卿何不察也。安石對曰。陛下何得亡國之言。此必太平之計。太子有大功於社稷。仁明孝友。天下所稱。願陛下無信讒言。以致惑也。睿宗矍然曰。朕知之矣。卿勿言也。太平於簾中竊聽之。乃構飛語。欲令鞠之。賴郭

元振保護。獲免。俄而遷尚書左僕射。兼太子賓客。依舊同中書門下三品。雖假以崇寵。實去其權。其冬。罷知政事。拜特進。充東都留守。太常主簿李元澄。即安石之子。婿其妻。病死。安石夫人薛氏。疑元澄先所。幸婢厭殺之。其婢久已轉嫁。薛氏使人捕而捶之。致死。由是為御史中丞楊茂謙所劾。出為蒲州刺史。無幾。轉青州刺史。安石初在蒲州時。太常卿姜皎有所請託。安石拒之。皎大怒。開元二年。皎第晦。為御史中丞。以安石等作相時。同受中宗遺制。宗楚客韋溫。削除相王輔政之辭。安石不能正其事。令侍御史洪子興舉劾之。子興以事經赦。令固稱不可。監察御史郭震希皎等意。越次奏之。於是下詔曰。青州刺史韋安石。太子賓客韋嗣立。刑部尚書趙彥昭等。往在先朝。曲蒙厚賞。因緣幸會。久在廟堂。朋黨比周。關於行路。景龍之末。長蛇縱橫。倉卒之間。人神憤怨。未聞捨生取義。直道昌言。遂削太上皇輔政之辭。用韋氏臨朝之策。比常隱忍。復以崇班。將期愧畏。稍懲前惡。而尚款回邪。苟安榮寵。宜從謫官之典。以勵事君之節。安石可沔州別駕。嗣立可蘇州別駕。彥昭可袁州別駕。並員外置。安石既至沔州。晦又奏云。安石嘗檢校定陵造作。隱官物入己。勅符下州。徵贓。安石數曰。此祗應須我死耳。憤激而卒。年六十四。開元十七年。贈蒲州刺史。天寶初。以子貴。追贈開府儀同三司。尚書左僕射。鄭國公。諡曰文貞。二子。陟。斌。並早知名。陟字殷卿。代為關中著姓。人物衣冠。奕世榮感。安石晚有子。及為并州司馬。始生陟。及斌。俱少聰敏。頗異常童。陟自幼風標整峻。獨立不羣。安石尤愛之。神龍二年。安石為中書令。陟始十歲。拜溫王府東閣祭酒。加朝散大夫。累遷祕書太常丞。有文彩。善隸書。辭人秀士。已遊其門矣。開元初。丁父憂。居喪過禮。自此杜門不出。八年。與弟斌相勸勵。探討典墳。不捨晝夜。文華當代。俱有感名于時。才名之士。王維。崔顥。盧象昇等。常與陟唱和遊處。廣平宋公。見陟數日。感德遺範。盡在是矣。歷洛陽令。轉吏部郎中。張九齡一代辭宗。為中書令。引陟為中書舍人。與孫逖。梁涉對掌文辭。時人以為美談。後為禮部侍郎。陟好接後輩。尤鑒于文。雖辭人後生。靡不諳練。曩者主司。取與皆以一場之善。登其科目。不盡其才。陟先賣舊仍令舉人自通。所工詩筆。先試一日。知其所長。然後依常式考覈。片善無遺。美聲

盈路後爲吏部侍郎常病選人冒名接脚關員既少取士良難正調者被擄僞集者冒進陟剛腸嫉惡風彩嚴正選人疑其有瑕案鞫詰無不首伏每歲皆贖得數百員關以待淹滯常謂所親曰使陟知銓衡一二年則無人可選矣陟門地豪華早踐清列侍兒閨闈列侍左右者十數衣書藥食咸有典章而與馬僮奴勢伴於王家主第自以才地人物坐取三公頗以簡貴自處善誘納後進其同列朝要視之蔑如也如道義相知廝隔貴賤而布衣韋帶之士恆虛席倒屣以迎之時人以此稱重李林甫忌之出爲襄陽太守兼本道採訪使又改陳留採訪使復加銀青光祿大夫天寶中襲封郾國公以親累貶鍾離太守重貶襄陽太守尋移河東太守充本道採訪使十二年入考在華清宮右相楊國忠惡其才望恐踐台衡乃引河東人吳豸之謂曰子能使人告陟乎豸以子爲御史豸之曰能乃告陟與御史中丞吉溫結託欲謀陷朝廷又誘陟姪韋元志證之陟坐貶爲桂州桂嶺尉未之任再貶昭州平樂尉會祿山反陷洛陽陟愛弟斌爲賊所得國忠欲構陟與賊通應潛令吏卒伺其所居欲脅之令陟憂死其士豪人勸陟曰昔張燕公竄逐藏於陳氏以免危亡詔命儻來誰敢申覆未若輕舟千里且泛谿洞候事情徐出豈不美也陟慨然應之曰我積信於國朝非一代也況素所乘心無負神理命之合爾其敢逃刑燕公之謀誠媿厚意不能從也因謝遣之乃堅臥不動經歲餘潼關失守肅宗卽位於靈武起爲吳郡太守兼江南東道採訪使未到郡肅宗使中官賈遊巖手詔追之未至鳳翔會江東王永擅起兵令陟招諭除御史大夫兼江東節度使陟以季廣琛從永王下江非其本意懼罪出奔未有所適乃有表請拜廣琛爲丹陽太守兼御史中丞緣江防禦使以安反側因與淮南節度使高適淮西節度使來瑱等同至安州陟謂適瑒曰今中原未復江淮動搖人心安危實在茲日若不齊盟質信以示四方令知三帥協心萬里同力則難以集事矣陟推瑒爲地主乃爲載書登壇誓衆曰淮西節度使兼御史大夫瑒江東節度使御史大夫陟淮南節度使御史大夫適等銜國威命各鎮方隅糾合三垂翦除兇惡好惡同之無有異志有渝此盟墜命亡族皇天后土祖宗神明實鑒斯言陟等辭旨慷慨血淚俱下三

軍感激莫不隕泣其後江表樹碑以紀忠烈無何有詔令陟赴行在陟以廣琛雖承恩猶且遲迴恐後變生禍貽於陟欲往招慰然後赴徵乃發使上表懇言其急陟馳至歷陽見廣琛且宣恩旨勞徠行賞陟自以私馬數匹賜之安其疑懼卽日便赴行在謁見肅宗肅宗深器之拜御史大夫拾遺杜甫上表論房瑄有大臣度真宰相器聖朝不容辭旨迂誕肅宗令崔光遠與陟及憲部尚書顏真卿同訊之陟因入奏曰杜甫所論房瑄事雖被貶黜不失諫臣大體上由此疎之時朝臣立班多不整肅至有班頭相吊哭者乃罷陟御史大夫顏真卿代授吏部尚書自後任事寵臣皆後來初用望風畏忌道竟不行因宗人伐墓柏坐不能禁出爲絳州刺史乾元二年入爲太常卿呂諲再入相薦爲禮部尚書東京留守判尚書省事兼東京畿觀察處置等使逆賊史思明寇逼河洛副元帥李光弼議守河陽令陟率東京官屬入關迴避乃領兵守陝州有詔遷吏部尚書留守如故令止於永樂不許至京候光弼收復河洛令陟依前居守陟早有台輔之望聞被李林甫楊國忠所擯及中原兵起天下事殷陟常自謂負經緯之器遭後生騰謗明主見疑常鬱鬱不得志乃數曰吾道窮於此乎有志不伸得非天命乎因遭疾上元元年八月卒於虢州時年六十五贈荊州大都督永泰元年詔曰竭忠之臣歿不廢命奉上之節行固無私言念飾終抑惟恆典故金紫光祿大夫吏部尚書兼御史大夫充東京留守兼判留司尚書省事東京畿觀察處置使上柱國郾國公韋陟教敷直方端嚴峻整弘敷典禮表正人倫學冠通儒文合大雅頃者詢謨舊德保釐成周眷彼郊圻實其慎固而兇胡殘醜密邇河洛命居陝號時俟翦除纒加喉舌之榮遽屢霜露之疾方期克享眉壽冀其有瘳奄此殒歿良深震悼昇車而復以申三禮之恩在膺如紳宜崇八座之寵可贈尚書左僕射太常博士程皓議諡爲忠孝刑部尚書顏真卿以爲忠則以身許國見危致命孝則晨昏色養取樂庭闈不合二行殊難以成忠孝主客員外郎歸榮敬又駁之紛議不已右僕射郭英乂不達其體請從太常之狀而奏陟子允斌景雲初安石爲宰相時授太子通事舍人早修整尙文藝容止嚴厲有大臣體與兄陟齊名開元十七年司徒薛王業爲女平原縣主

求婚以斌才地妻配焉。遷秘書丞。天寶初，轉國子司業。徐安貞、王維、崔顥、當代辭人，特為推挹。天寶中，拜中書舍人，兼集賢院學士。兄陟先為中書舍人，未幾遷禮部侍郎。陟在南省，斌又掌文誥。改太常少卿。天寶五載，右相李林甫構陷刑部尚書韋堅，斌以親累貶巴陵太守。移臨安太守，加銀青光祿大夫。斌授五品，時兄陟為河東太守，堂兄由為右金吾將軍，紹為太子少師，四人同時列戟，衣冠之盛罕有其比。十四載，安祿山反，陷洛陽，斌為賊所得，僞授黃門侍郎。憂憤而卒。及剋復兩京，肅宗乾元元年，贈秘書監。安石兄叔夏，別有傳。從父兄子抗，從祖兄子巨源，抗弱冠舉明經，累轉吏部郎中，以清謹著稱。景雲初，為永昌令，不務威刑而政令肅一，都督繁劇，前後為政寬猛得中，無如抗者。無幾，遷右臺御史中丞。人吏詰闕請留，不許。因立碑於通衢，紀其遺惠。開元三年，自左庶子出為益州長史。四年，入為黃門侍郎。八年，河曲叛，胡康待賓擁徒作亂，詔抗持節慰撫，抗素無武略，不為寇所憚。在路遲留不敢進，因墜馬稱疾，竟不至賊所。而還，俄以本官檢校鴻臚卿。代王駿為御史大夫，兼按察京畿時，抗弟拯為萬年令，兄弟同領本部時，人榮之，尋以薦御史非其人，出為安州都督。轉蒲州刺史。十一年，入為大理卿。其年代陸象先為刑部尚書，尋又分掌吏部選事。十四年卒。抗歷職以清儉自守，不務產業，及終喪，事殆不能給。玄宗聞其貧，特令給靈輿，遞送還鄉。贈太子少傅。諡曰貞抗。為京畿按察使時，舉奉天尉梁昇卿、新豐尉王倓、金城尉王冰、華原尉王燾為判官及度支使，其後昇卿等皆名位通顯。時人以抗有知人之鑒。巨源，周京兆尹總曾孫也。祖匡伯，襲祖爵。鄆國公。入隋改封舒國公。官至尚衣奉御。巨源則天時，累遷司賓少卿，轉司府卿。文昌右丞。同鳳閣鸞臺平章事。三年，轉夏官侍郎。依前平章事。有吏才，勾覆省內文案，下符刺微，雖為下所怨，然亦頗收其利。證聖初，出為麟州刺史。尋拜地官尚書，神都留守。長安二年，詔入轉刑部尚書，又加太子賓客，再為神都留守。神龍初，入拜工部尚書，封同安縣子。又遷吏部尚書，同中書門下三品，進封鄆縣伯。時安石為中書令，以是巨源近屬，罷知政事。巨源尋遷侍中，中書令進封舒國公。附入章后三等親，敘為兄弟。編在屬籍。是歲，巨源奉制與唐休養，李懷遠

祝欽明、蘇瓊等定垂拱格及格後勅。前後計二十卷。頒下施行。時武三思先有實封數千戶，在貝州。時屬大水，刺史宋璟議稱租庸及封丁並合捐免。巨源以為數稼雖被湮沉，其蠶桑見在，可勒輸庸調。由是河朔戶口頗多流散。景龍二年，順天胡聖皇后衣箱中裙上有五色雲起，久而方歇。巨源以為非常佳瑞，請布告天下。許之中宗，又令畫工圖其狀，以示百寮。仍大赦天下。內外五品已上官母妻各加封邑。時中宗既雅信符瑞，巨源又贊成其妖妄，是歲星墜如雷，野雉皆雊，咎徵若此。不聞巨源有言。蓋與韋皇后繼敘源流，佞媚官爵，疑其開導。以踵則天時，有驍衛將軍迦葉志忠、太常少卿鄭愔、兵部尚書宗楚客、右補闕趙延禧等，或相諷諭，或上表章，謬說符祥，朋黨取媚。識者嗟憤。景龍三年，拜尚書左僕射，依舊知政事。未幾，又拜尚書令。同中書門下三品，仍舊監修國史。時國家將有事於南郊，而巨源希韋后之旨，協同祝欽明之議。言皇后合助郊祀，竟以皇后為亞獻。巨源為終獻。又以大臣女為齋娘，及韋庶人之難，家人令巨源逃匿。巨源曰：吾國之大臣，豈得聞難不赴。乃出至都街，為亂兵所殺。時年八十。睿宗即位，贈特進。荊州大都督。太常博士李處直議巨源諡曰昭，戶部員外郎李邕駁之曰：三思引之為相，阿章託之為親，無功而封，無德而祿。同族則醜，正安石，他人則附邪。楚客，諡之曰昭，良恐不當。初，巨源與安石迭為宰相，時人以為情不相協。故邕以此稱之。處直仍固請，依前諡為定。邕又駁曰：夫古之諡，在乎勸沮，將杜小人之業。冀長君子之風。故為善者，雖存不貴任，而沒有餘名。此賢達所以砥節也。為惡者，雖生有所幸，死懷所懲。此回邪所以易心也。嗚呼！巨源嘗未斯察，而乃闡義不從，與惡相濟。蓄罔上之志，協羣兒之謀，苟容聖朝，貪味厚祿，自以宰臣之貴，不崇朝而買害者，固鬼得而誅之也。彼則匹夫之微，未受命而行刑者，固人得而誅之也。幽明之憤，斷焉可知。天地之心，自此而見矣。頃者皇運中興，功臣異政，時序未幾，邪逆執權，姦慝者拜爵於私門，忠正者降黜於藩郡。巨源此際，用事方殷，且於阿章何親，而結為昆季。於國家何力，而累忝大官。此則闇通中人，附會武氏，託城社之固，亂皇家之基，其罪一也。又國之大事，在祀與戎，酌於禮經，陳於郊祭，將以對越天地，光揚祖宗，既告成功，以

觀海內惟昔亞獻不聞婦人阿章著無君之忱懷自達之意潛圖帝位議啄皇孫昇壇擬儀拜賜明命將預家事無守國章巨源創跡於前悻逆演成於後時有禮部侍郎徐堅太常博士唐紹蔣欽緒彭景直並言之莫從其罪二也又上天不弔先帝遇毒悔禍無徵阿章將篡畫計未果逆心尚搖周章夷猶倉卒迷謬於是太平公主矯為陳謀上官昭容給草遺詔故得今上輔政阿章參謀將大業垂成而休命中較者職由巨源躡韋温之足楚客附巨源之耳莫聲遽發狠顧相驚以阿章臨朝以韋温當國其罪三也又人為邦本財實聚人奪其財則人心自離無其人則國本何恃巨源屢踐台輔專行勾微廢越條章崇尚侵刻樹怨天下刺害生靈兆庶流離戶口減耗況以三思食邑往在貝州時屬久陰災逢多雨租庸捐免申令昭明匪今獨然自古不易三思慮其封物巨源啓此異端以為稼穡湮沉雖無菽粟蠶桑織絀可輸庸調致使河朔黎人海隅士女去其鄉井鬻其子孫饑寒切身朝夕奔命其罪四也但巨源長於華宗仕於累代作萬國之相處具瞻之地蔽日月之層輝負丘山之重責今乃妄加褒述安能分謗者哉當時雖不從邕議而論者是之巨源與安石及則天時文昌右相待價並是五服之親自餘近屬至大官者數十人

趙彥昭者甘州張掖人也父武孟初以馳騁佃獵爲事嘗獲肥辭以遺母母泣曰汝不讀書而佃獵如是吾無望矣竟不食其膳武孟感激勤學遂博通經史舉進士官至右臺侍御史撰河西人物志十卷彥昭少以文辭知名中宗時累遷中書侍郎同中書門下三品兼修國史充修文館學士景龍四年金城公主出降吐蕃贊普中宗命彥昭爲使彥昭以既充外使恐失其寵殊不悅司農卿趙履温私謂曰公國之宰輔而爲一介之使不亦鄙乎彥昭曰計將安出履温因爲陰託安樂公主密奏留之中宗乃遣左驍衛大將軍楊矩代彥昭而往睿宗時出爲涼州都督爲政清嚴將士已下皆動足股慄又爲宋州刺史入爲吏部侍郎又爲刑部尚書關內道持節巡邊使檢校左御史臺大夫彥昭素與郭元振張說友善及蕭至忠等伏誅元振說等稱彥昭先嘗密圖其事乃以功遷刑部尚書封耿國公賜實封一百戶殿中侍御史郭震奏彥昭以女巫趙五娘

左道亂常託爲諸姑潛相影援既因提挈乃踐台階驅車造門著婦人之服攜妻就謁申猶子之情于時南憲直臣劾以霜憲整加微貶旋登龍秩同惡相濟一至於此乾坤交泰宇宙再清不加貶削法將安措請付紫微黃門律法處分俄而姚崇入相甚惡彥昭之爲人由是累貶江州別駕卒

蕭至忠祕書少監德言曾孫也少仕爲畿尉以清謹稱嘗與友人期於路隅會風雪凍冽諸人皆奔避就字下至忠曰寧有與人期而求安失信乎獨不去衆咸歎服神龍初武三思擅權至忠附之自吏部員外擢拜御史中丞遷吏部侍郎仍兼御史中丞恃武三思勢掌選無所忌憚請謁杜絕威風大行尋遷中書侍郎兼中書令節愍太子誅武三思後有三思黨與宗楚客紀處訥令侍御史冉祖雍奏言安國相王及鎮國太平公主亦與太子連謀舉兵請收付制獄中宗召至忘令按其事至忠泣而奏曰陛下富有四海貴爲天子豈不能保一弟一妹受人羅織宗社存亡實在於此臣雖愚昧竊爲陛下不取漢書云一尺布尙可縫一畝粟尙可舂兄弟二人不相容願陛下詳察此言且往者則天皇後欲令相王爲太子王累日不食請迎陛下固讓之誠天下傳說足明冉祖雍等所奏咸是構虛帝深納其言而止尋轉黃門侍郎同中書門下平章事至忠上疏陳時政曰臣聞王者列職分司爲人求理求理之道必在用賢得其人則公務克修非其才則厥官如曠官曠則事廢事廢則人殘漸至凌遲率由於此頃者選曹授職政事官人或異才昇多非德進皆因依貴重互爲粉飾苟得即是曾無遠圖上下相蒙誰肯言及臣聞官爵者公器也思倖者私惠也祗可金帛富之梁肉食之以存私澤也若以公器爲私用則公議不行而勞人解體以小私而妨至公則私謁門開而正言路絕儉人遞進君子道消日削月陵卒見凋弊者爲官非其人也昔漢館陶公主爲子求郎明帝謂曰郎官上應列宿出宰百里苟非其人則人受其殃賜錢十萬而已此卽至公之道不虧恩私之情無替良史直筆將爲美談于今稱之不較其口者也當今列位已廣冗員倍多祈求未厭日月增數陛下降不賞之澤近咸有無涯之請賣官利已鬻法徇私臺寺之內朱紫盈滿官秩益輕恩賞彌數檢利之輩冒進而莫識廉隅方雅之流

知難而斂分丘隴才者莫用用者不才二事相形十有其五故人不效力而官匪其人欲求其理實亦難哉臣竊見宰相及近侍要官子弟多居美爵此並勢要親戚罕有才藝遞相囑託虛踐官榮詩云東人之子職勞不賚西人之子榮榮衣服私人之子百寮是試或以其酒不以其器鞞鞞佩璆不以其長此言王政不平衆官廢職私家之子列試於榮班非任之人徒長其飾佩臣愚伏願陛下想居安思危之義行改絃易張之道愛惜爵賞審量材識官無虛授人必爲官進大雅於樞近退小子於閑僻政令惟一威恩以信私不害公情不撓法則天下幸甚臣伏見承徽故事宰相子弟多居外職者非直抑強宗分大族亦以退不肖擇賢才伏願陛下遠稽舊典近遵先聖特降明勅令宰相已下及諸司長官子弟並改授外官庶望分職四方共望百姓表裏相統遐邇久安疏奏不納明年代韋巨源爲侍中仍依舊修史尋遷中書令時宗楚客紀處納潛懷姦計自樹朋黨韋巨源楊再思李嶠皆唯諾自全無所匡正至忠處於其間頗存正道時議翕然重之中宗亦曰諸宰相中至忠最憐我韋庶人又爲亡弟贈汝南王洵與至忠亡女爲冥婚合葬及韋氏敗至忠發墓持其女柩歸人以此譏之至忠又以女適庶人舅崔從禮之子成禮日中宗爲蕭氏婚主韋庶人爲崔氏婚主時人謂之天子嫁女皇后娶婦睿宗即位景雲初出爲晉州刺史甚有能名時太平公主用事至忠潛遣間使申意求入爲京職誅韋氏之際至忠一子任千牛爲亂兵所殺公主冀至忠以此怨望可與謀事卽納其請召拜刑部尙書右御史大夫再遷吏部尙書先天二年復爲中書令是歲至忠與竇懷貞魏知古崔湜陸象先柳沖徐堅劉子玄等撰成姓族系錄二百卷有制加爵賜物各有差末幾左僕射竇懷貞侍中岑羲及至忠并戶部尙書李晉太子少保薛稷左散騎常侍賈膺福左羽林大將軍常元楷右羽林將軍李慈等與太平公主謀逆事洩至忠遽遁入山寺數日捕而伏誅籍沒其家至忠雖清儉刻己然簡約自高未嘗接待賓客所得俸祿亦無所賑施及籍沒財帛甚豐由是頓絕聲望矣弟元嘉工部侍郎廣微工部員外

帝由是累遷內史後與楚客及弟晉卿並以姦賊事發配流嶺外秦客死楚客等尋復追還楚客累遷夏官侍郎同鳳閣鸞臺平章事神龍初爲太僕卿武三思用事引楚客爲兵部尙書同中書門下三品晉卿累遷將作大匠節愍太子旣殺武三思兵敗逃於鄆縣楚客遣使追斬之仍令以其首祭三思及崇訓喪柩韋庶人及安樂公主尤加親信未幾遷中書令楚客雖跡附韋氏而書別有異圖與侍中紀處訥共爲朋黨故時人呼爲宗紀景龍中西突厥娑葛與阿史那忠節不和屢相侵擾西陲不安安西都護郭元振奏請徙忠節於內地楚客與晉卿處訥等各納忠節重賂奏請發兵以討娑葛不納元振所奏娑葛知而大怒舉兵入寇甚爲邊患於是監察御史崔琦劾楚客等曰臣聞四牡項領良御不乘二心事君明罰無捨謹案宗楚客紀處訥等性惟險詖志越漢整幸以遭逢聖主累忝殊榮承愷悌之恩居弼諧之地不能刻意砥操憂國如家微效涓塵以裨川嶽遂乃專作威福敢樹朋黨有無君之心關大臣之節潛通險狎納賄不賞公引頑兇受賂無限醜聞充斥穢行昭彰且境外之交情狀難測今娑葛反叛邊鄙不寧由此賊臣取怨中國論之者懼禍以結舌語之者避罪以鉗口但晉卿昔居榮職素闕忠誠屢抵嚴刑皆由贖貨今又叨忝頻沐殊恩厚祿重權當朝莫比曾無悛改仍徇賊私此而可容孰不可恕臣謬參直指義在觸邪請除巨蠹用答天造楚客處訥晉卿等驕恣跋扈人神同疾不加天誅詎清王度並請收禁差三司推鞠舊制大臣有被御史對仗劾彈者卽俯僂趨出立于朝堂待罪楚客更吃鯁作色而進自言以執性忠鯁被琬誣奏中宗竟不能窮覈其事遽令琬與楚客等結爲義兄弟以和解之及韋氏敗楚客與晉卿等皆伏誅

紀處訥者秦州上邽人也娶武三思妻之姊由是累遷太府卿神龍中嘗因穀貴中宗召處訥親問其故武三思諷知太史書右驍衛將軍迦葉志忠太史令傅孝忠奏言其夜有攝提星入太微至帝座此則王者與大臣私相接大臣能納忠故有斯應帝以爲然降勅褒述處訥賜衣一副綵六十段無幾進拜侍中與楚客等同時伏誅

史官曰。大帝孝和之朝。政不由己。則天在位。已絕。纒旒。韋氏司晨。前蹤覆轍。當是時。姦邪有黨。宰執求容。順之則惡。其名彰。逆之則憂。其禍及。欲存身致理者。非中智常才之所能及也。況元忠安石巨源至忠彥昭等行非純一。識昧存亡。徇利貪榮。有始無卒。不得其死。宜哉。楚客晉卿處訥等。讒詔並進。威虐實盈。不使逃刑。可謂政正。

舊唐書卷九十二

舊唐書卷九十二考證
章安石子陟傳太常博士程皓。皓字忠孝。刑部尚書。顏真卿以爲不合。二行。殊高。以成忠孝。○臣德潛按高字應離字之誤也。已改正。
宗楚客傳。武三思用事。引楚客爲兵部尚書。同中書門下三品。○沈炳夏曰。按新書。楚客拜同中書門下三品。在已。殊三思後。本紀亦同。當從新書。

舊唐書卷九十二考證

後晉司空同中書門下平章事劉昫撰

列傳第四十三

襄師德 王孝傑 唐休璟 張仁愿 薛訥 王峻

襄師德鄭州原武人也。弱冠進士擢第授江都尉揚州長史盧承業奇其才嘗謂之曰吾子台輔之器當以子孫相託豈可以官屬常禮待也上元初累補監察御史屬吐蕃犯塞募猛士以討之師德抗表請為猛士高宗大悅特假朝散大夫從軍西討頻有戰功遷殿中侍御史兼河源軍司馬并知營田事天授初累授左金吾將軍兼檢校豐州都督仍依舊知營田事則天降書勞曰卿素積忠勤兼懷武略朕所以寄之襟要授以甲兵自卿受委北陲總司軍任往還靈夏檢校屯田收率既多京坻遽積不煩和糴之費無復轉輸之艱兩軍及北鎮兵數年咸得支給勤勞之誠久而彌著覽以嘉尚欣悅良深長壽元年召拜夏官侍郎判尚書事明年同鳳閣鸞臺平章事則天謂師德曰王師外鎮必藉邊境營田卿須不憚劬勞更充使檢校又以爲河源積石懷遠等軍及河蘭鄯廓等州檢校營田大使稍遷秋官尚書萬歲登封元年轉左肅政御史大夫仍並依舊知政事證聖元年吐蕃寇洮州令師德與夏官尚書王孝傑討之與吐蕃大將論欽陵贊婆戰於素羅汗山官軍敗績師德貶授原州員外司馬萬歲通天二年入爲鳳閣侍郎同鳳閣鸞臺平章事是歲兼檢校右肅政御史大夫仍知左肅政臺事又與王懿宗狄仁傑分道安撫河北諸州神功元年拜納言累封譙縣子尋詔師德充隴右諸軍大使仍檢校河西營田事聖曆二年突厥入寇復令檢校并州長史仍充天兵軍大總管是歲九月卒贈涼州都督諡曰貞初狄仁傑未入相時師德嘗薦之反爲宰相不知師德薦已數排師德令充外使則天嘗出師德嘗表示之仁傑大慚謂人曰吾爲襄公所舍如此方知不逮襄公遠矣師德頗有學涉器量寬厚喜怒不形於色自專綜邊任前後三十餘年恭勤接下孜孜不怠雖參知政事深懷畏避竟能以功名始終甚爲識者所重

王孝傑本北新豐人也高宗末爲副總管從工部尚書劉審禮西討吐蕃戰於大非川爲賊所獲吐蕃贊普見孝傑垂泣曰貌類吾父厚加敬禮由是免死尋得歸則天時累遷右鷹揚衛將軍孝傑久在吐蕃中悉其虛實長壽元年爲武威軍總管與左武衛大將軍阿史那忠節率衆以討吐蕃乃克復龜茲于闐陳勒碎葉四鎮而還則天大悅謂侍臣曰昔貞觀中貝綏得此蕃城其後西陲不守並陷吐蕃今既盡復於蕃邊境自然無事孝傑建斯功效竭此款誠遂能裹足徒行身與士卒齊力如此忠懇深是可嘉乃拜孝傑爲左衛大將軍明年遷夏官尚書同鳳閣鸞臺三品封清源男延載初入爲瀚海道行軍總管餘如故證聖初又爲朔方道總管尋坐與吐蕃戰敗免官萬歲通天年契丹李盡忠孫萬榮反叛復詔孝傑白衣起爲清邊道總管統兵十八萬以討之孝傑軍至東峽石谷遇賊道隘虜甚衆孝傑率精銳之士爲先鋒且戰且前及出谷布方陣以捍賊後軍總管蘇宏暉畏賊衆棄甲而遁孝傑既無後繼爲賊所乘營中潰亂孝傑墮谷而死兵士爲賊所殺及奔驢而死殆盡時張說爲節度管記馳奏其事則天問孝傑敗亡之狀說曰孝傑忠勇敢死乃賊奉國深入寇境以少禦衆但爲後援不至所以致敗於是追贈孝傑夏官尚書封耿國公拜其子無擇爲朝散大夫遣使斬宏暉以徇使未至幽州而宏暉已立功贖罪竟免誅開元中無擇官至左驍衛將軍以恩例贈孝傑特進

唐休璟京兆始平人也曾祖規周驍騎大將軍安邑縣公祖宗隋大業末爲朔方郡丞時爲梁師都舉兵將據城宗抗節不從乃爲所害休璟少以明經擢第永徽中解褐吳王府典籤無異材調授營州戶曹調露中單于突厥背叛誘扇奚契丹侵掠州縣後奚羯胡又與桑乾突厥同反都督周道務遣休璟將兵擊破之於獨讓山斬獲甚衆起拜豐州司馬永淳中突厥圍豐州都督崔智辯戰歿朝議欲罷豐州徙百姓于靈夏休璟以爲不可上書曰豐州控河逼賊實爲襟帶自秦漢已來列爲郡縣田疇良美尤宜耕牧隋季喪亂不能堅守乃遷徙百姓就寧夏二州致使戎羯交侵乃以靈夏爲邊界貞觀之末始募人以實之西北一隅方得寧謐今若廢棄則河傍之地復爲賊有靈夏等州人不安業非

國家之利也。朝廷從其言。豐州復存。垂拱中。遷安西副都護。會吐蕃攻破焉耆。安思道大總管文昌右相。等待價及副使。閻溫古失利。休璟收其餘衆。以安西土。遷西州都督。上表請復取四鎮。則天遣王孝傑破吐蕃。拔四鎮。亦休璟之謀也。聖曆中。爲司衛卿。兼涼州都督。右肅政御史大夫。持節隴右諸軍州大使。久視元年秋。吐蕃大將麴莽布支率騎數萬寇涼州。入自洪源谷。將圍昌松縣。休璟以數千人往擊之。臨陣登高望見賊衣甲鮮盛。謂麾下曰。自欽陵死。贊婆降。麴莽布支新知賊兵。欲曜威武。故其國中貴臣酋豪子弟皆從之。人馬雖精。不習軍事。吾爲諸君取之。乃被甲先登。與賊大戰。六剋大破之。斬其副將二人。獲首二千五百級。築京觀而還。是後休璟入朝。吐蕃亦遣使來請和。因宴屢覘休璟。則天問其故。對曰。往歲洪源戰時。此將軍雄猛無比。殺臣將士甚衆。故欲識之。則天大加歎異。擢拜右武威右金吾二衛大將軍。休璟尤諳練邊事。自碣石西踰四鎮。綿亘萬里。山川要害。皆能記之。長安中。西突厥烏質勒與諸蕃不和。舉兵相持。安西道絕。表奏相繼。則天令休璟與宰相商度事勢。俄頃間草奏。便遣施行。後十餘日。安西諸州表請兵馬。應接程期。一如休璟所畫。則天謂休璟曰。恨用卿晚。因遷夏官尚書。同鳳閣鸞臺三品。又謂魏元忠及楊再思李嶠姚元崇李迥秀等曰。休璟諳練邊事。卿等十不當一也。尋轉太子右庶子。依舊知政事。以契丹入寇。復拜夏官尚書。兼檢校幽營等州都督。兼安東都護。時中宗在春宮。將行。進啓於皇太子曰。張易之兄弟。幸蒙寵遇。數待宴禁中。縱情失禮。非人臣之道。惟加防察。中宗卽位。召拜輔國大將軍。同中書門下三品。封酒泉郡公。顧謂曰。卿曩日直言。朕今不忘。初欲召卿計事。但以遐遠。兼懷北狄之憂。耳。未幾。加特進。拜尚書右僕射。是歲秋大水。休璟兩上表自咎。請免官。甚切辭。多不載。中宗竟不允。手制答曰。陰陽乖爽。事屬在予。待罪私門。難依來表。尋遷中書令。充京師留守。俄加檢校吏部尚書。又以宮寮之舊。賜實封二百戶。累封宋國公。休璟在任。無所弘益。景龍二年。致仕于家。年力雖衰。進取彌銳。時尚宮賀妻氏頗關預國政。憑附者皆得寵榮。休璟乃爲其子李賀妻氏養女爲妻。因以自達。由是起爲太子少師。同中書門下三品。監修國史。仍封宋國公。休璟年

踰八十。而不知止足。佞託求進。爲時所譏。景雲元年。又拜特進。充朔方道行軍大總管。以備突厥。停其舊封。別賜實封二百戶。二年。表請致仕。許之。祿及一品子課。並令全給。休璟初得封時。以絹數千匹分散親族。又以家財數十萬大開塋城。備禮葬其五服之親。時人稱之。延和元年七月。薨。年八十六。贈荊州大都督。諡曰忠。子先慎襲爵。官至陳州刺史。次子先擇。開元中爲右金吾衛將軍。張仁愿。華州下邳人也。本名仁重。以音類。睿宗諱改焉。少有文武材幹。累遷殿中侍御史。時有御史郭霸上表。稱則天是彌勒佛身。鳳閣舍人張嘉福與洛州人王慶之等。請立武承嗣爲皇太子。皆請仁愿連名署表。仁愿正色拒之。甚爲有識所重。尋而夏官尚書王孝傑爲吐刺軍總管。統衆以禦吐蕃。詔仁愿往監之。仁愿與孝傑不協。因入奏。事稱孝傑軍敗。誣罔之狀。孝傑由是免爲庶人。仁愿遽遷侍御史。萬歲通天二年。監察御史孫承景監清邊軍戰還。畫戰圖以奏。每陣必畫承景躬當矢石先鋒禦賊之狀。則天數曰。御史乃能盡誠如此。擢拜右肅政臺中丞。令仁愿敘錄承景下立功人。仁愿未發。都先問承景對陣勝負之狀。承景身實不行。問之皆不能對。又虛增功狀。仁愿廷奏承景罔上之罪。於是左遷崇仁令。擢仁愿爲肅政臺中丞。檢校幽州都督。會突厥默啜入寇。攻隔趙定。擁衆迺至幽州。仁愿勒兵出城。邀擊之。流矢中手。賊亦引退。則天遣使勞問。賜以醫藥。累遷并州大都督府長史。神龍二年。中宗還京。以仁愿爲左屯衛大將軍。兼檢校洛州長史。時都城穀貴。盜竊甚衆。仁愿一切皆捕獲杖殺之。積屍府門。遠近震懼。無敢犯者。初高宗時。買敦頤爲洛州刺史。亦有政績。與仁愿皆爲一時之最。故時人爲之語曰。洛州有前買後張。可敵京兆三王。其見稱如此。三年。突厥入寇。朔方軍總管沙吒忠義爲賊所敗。詔仁愿攝御史大夫。代忠義統衆。仁愿至軍。而賊衆已退。乃躡其後。夜掩大破之。先朔方軍北。與突厥以河爲界。河北岸有拂雲神祠。突厥將入寇。必先詣祠祭。求福。因牧馬料兵。而後渡河。時突厥默啜盡衆西擊突騎施。婆葛仁愿請乘虛奪取漢南之地。於河北築三受降城。首尾相應。以絕其南寇之路。太子少師唐休璟以爲兩漢已來。皆北守黃河。今於寇境築城。恐勞人費功。終爲賊虜。所有建議。以爲不便。仁愿

固請不已，中宗竟從之。仁愿表留年滿鎮兵以助其功，時咸陽兵二百餘人逃歸，仁愿盡擒之。一時斬於城下，軍中股慄，役者盡力。六月而三城俱就，以拂雲祠爲中城，與東西兩城相去各四百餘里，皆據津濟，遙相應接。北拓地三百餘里，於牛頭朝那山北置烽火，一千八百所，自是突厥不得度山放牧，朔方無復寇掠，減鎮兵數萬人。仁愿初建三城，不置墜門，及卻敵戰格之具，或問曰：此邊城禦賊之所，不爲守備何也？仁愿曰：兵貴在攻取，不宜退守，寇若至此，卽當併力出戰，迴顧望城，猶須斬之，何用守備？生其退恐之心也。其後常元楷爲朔方軍總管，始築墜門以備寇，議者以此重仁愿而輕元楷焉。仁愿在朔方，奏用監察御史張敬忠何鸞、長安尉寇泚、鄠縣尉王易從、始平主簿劉體微、分判軍事。太子文學柳彥昭爲管記，義烏尉晁良貞爲隨機，敬忠等皆以文吏著稱，多至大官。時稱仁愿有知人之鑒。景龍二年，拜左衛大將軍，同中書門下三品，累封韓國公。春，還朝，秋復督軍備邊。中宗賦詩祖餞，賞賜不可勝紀，尋加鎮軍大將軍。睿宗卽位，以老致仕，特全給祿俸，又拜兵部尚書，加光祿大夫，依舊致仕。開元二年卒，贈太子少傅，賜物二百段，命五品官一人爲監護，使子之輔開元初爲趙州刺史。

薛訥，絳州萬泉人也。左武衛大將軍仁貴子也，爲藍田令，有富商倪氏於御史臺理其私債，中丞來俊臣受其貨財，斷出義倉米數千石以給之，訥曰：義倉本備水旱以爲儲蓄，安敢絕衆人之命以資一家之產，竟報上不與。會俊臣得罪，其事乃不行。其後突厥入寇河北，則天以訥將門，使攝左武衛將軍，安東道經略，臨行於同明殿，召見與語，訥因奏曰：醜虜憑凌，以廬陵爲辭，今雖有制昇儲外，議猶恐未定，若此命不易，則狂賊自然款伏，則天深然其言，尋拜幽州都督兼安東都護，轉并州大都督府長史，兼檢校左衛大將軍，久當邊鎮之任，累有戰功。玄宗卽位，於新豐講武，訥爲左軍節度，時元帥與禮官得罪，諸部頗亦失序，唯訥及解琬之軍不動。玄宗令輕騎召訥等，至軍門，皆不得入，禮畢，上甚加慰勞。時契丹及奚與突厥連和，屢爲邊患，訥建議請出師討之。開元二年夏，詔與左監門將軍杜賓客、定州刺史崔宣道等率衆二萬出檀州道以討契丹。

等，杜賓客以爲時屬炎暑，將士負戈甲，齎資糧，深入寇境，恐難爲制，勝中書令姚元崇亦以爲然，訥獨曰：夏月草茂，羔犢生息之際，不費糧糧，亦可漸進。一舉振國威靈，不可失也。時議咸以爲不便，玄宗方欲威服四夷，特令訥同紫微黃門三品，總兵擊奚契丹，議者乃息。六月，師至灤河，遇賊，時既蒸暑，諸將失計，會盡爲契丹等所覆，訥脫身走免，歸罪於崔宣道及蕃將李思敬等八人，詔盡令斬之，特免杜賓客之罪。下制曰：并州大都督府長史兼檢校左衛大將軍和戎大武等諸軍州節度大使同紫微黃門三品薛訥，總戎禦邊，建議爲首，暗於料敵，輕於接戰，張我王師，奴之虜境，觀其曠昔，頗常輸罄，每欲資忠報主，見義忘身，特緩嚴刑，俾期來效，宜赦其罪，所有官爵等，並從除削。其年八月，吐蕃大將空達延乞力徐等率衆十萬寇臨洮軍，又進寇蘭州及渭州之渭源縣，掠羣牧而去。詔納白衣攝左羽林將軍爲隴右防禦使，與太僕少卿王峻等率兵邀擊之。十月，訥領衆至渭源，遇賊戰於武階驛，與王峻犄角夾攻之，大破賊衆，追奔至洮水，又戰于長城堡，豐安軍使王海賓先鋒力戰死之，將士乘勢進擊，又敗之，殺獲萬人，擒其將六，指擗彌洪，盡收其所掠羊馬，并獲其器械，不可勝數。時有詔將以十二月親征吐蕃，及聞訥等剋捷，玄宗大悅，乃停親征，追贈王海賓左金吾衛大將軍，賜物三百段，粟三百石，名其稚子爲忠嗣，拜朝散大夫，命紫微舍人倪若水往，卽便敘錄功狀，拜訥爲左羽林軍大將軍，復封平陽郡公，仍拜子暢朝散大夫。俄又充涼州鎮軍大總管，尋以年老，特聽致仕。八年卒，年七十餘，贈太常卿，諡曰昭，定訥沉勇寡言，臨大敵而益壯，訥弟楚玉，開元中爲幽州大都督府長史，以不稱職見代而卒。

王峻，滄州景城人，徙家于洛陽，祖有方，岷州刺史，峻弱冠明經擢第，歷遷殿中侍御史，加朝散大夫。時朔方軍元帥魏元忠討賊失利，歸罪於副將韓思忠，奏請誅之，峻以思忠既是偏裨，制不由己，又有勇智可惜，不可獨殺，非辜，乃廷議爭之，思忠竟得釋，而峻亦由是出爲渭南令。景龍末，累轉爲桂州都督，桂州舊有屯兵，常運衛承等州糧以饋之，峻始改築羅郭，委罷屯兵及轉運，又堰江水開屯田數千頃，百姓賴之。尋上疏請歸鄉拜墓，州人詣闕請留峻，乃下勅曰：彼

州往緣寇盜戶口凋殘委任失材乃令至此卿處事強濟遠邇軍靜築城務農利益已廣隱括綏緝復業者多宜須政成安此黎庶百姓又有表讀不須來也峻在州又一年州人立碑以頌其政再轉鴻臚大卿充朔方軍副大總管兼安西大都護豐安定遠三城及附近軍並受峻節度後轉太僕少卿龍右羣牧使開元二年吐蕃精甲十萬寇臨洮軍峻率所部二千人卷甲倍程與臨洮兩軍合勢以拒之賊營於大來谷口吐蕃將空達延又率兵繼至峻乃出奇兵七百人衣之蕃服夜襲之相去五里置鼓角令前者至寇大呼後者擊鼓以應之賊衆大懼疑有伏兵自相殺傷死者萬計俄而攝右羽林將軍薛訥率衆邀擊吐蕃至武階谷去大來谷二十里爲賊所隔峻率兵迎訥之軍賊置兵於兩軍之間連亘數十里峻夜出壯士衝枚擊之賊又大潰乃與訥合軍掩其餘衆追奔至洮水殺獲不可勝數盡收所掠牧馬而還以功加銀青光祿大夫封清源縣男兼原州都督仍拜其子班爲朝散大夫尋除并州大都督府長史明年突厥默啜爲九姓所殺其下酋長多款塞投降置之河曲之內俄而小殺繼立降者漸叛峻上疏曰突厥時屬亂離所以款塞降附其與部落非有離嫌情異北風理固明矣贊成其釁雖悔何追今者河曲之中安置降虜此輩生梗實難處置日月漸久姦詐逾深窺邊間隙必爲患難今有降者部落不受軍州進止輒動兵馬屢有傷殺詢問勝州左側被損五百餘人私置烽鋪潛爲抗拒公私行李頗實危懼北虜如或南牧降戶必與連衡臣聞沒蕃婦人云却逃者甚衆南北信使委曲通傳此輩降人翻成細作儻收合餘燼來逼軍州虜騎憑凌胡兵應接表裏有敵進退無援難復韓彭之勇孫吳之策令其制勝其可必乎望至秋冬之際朔方軍威陳兵馬告其禍福唱以繒帛之利示以麋鹿之饒說其魚米之鄉陳其畜牧之地並分配淮南河南寬鄉安置仍給程糧送至配所雖復一時勞弊必得久長安穩二十年后漸染淳風將以充兵皆爲勁卒若以北狄降者不可南中安置則高麗俘虜置之沙漠之曲西域編散散在青徐之右唯利是視務安疆場何獨降胡不可移徙近者在邊將士爰及安蕃使人多作諛辭不爲實對或言北虜破滅或言降戶安靜志欲自言功效非有以徇邦家伏

願察斯利口行茲遠慮過荒清晏黎元幸甚臣料留住之議謀者云遵故事必言降戶之輩舊置河曲之中昔年既得康寧今日還應穩便但同時異事先典攸傳往者頤利破亡邊境軍證降戶之輩無復他心所以多歷歲年此類皆無動靜今虜見未破滅降戶私使往來或畏北虜之威或懷北虜之惠又是北虜戚屬夫豈不識親疎將比昔年安可同日臣料其中頗有三策若威陳兵馬散令分配內獲精兵之實外祛黠虜之謀暫勞永安此上策也若多屯士卒廣爲備擬亭障之地蕃漢相參費甚人勞此下策也若置之朔塞任之來往通傳信息結成禍胎此無策也伏願察斯三者詳其善惡利害之狀長短可尋縱因遷移或致逃叛但有移得之者卽是今日良圖留待河冰恐卽有變臣蒙天澤叨居重鎮逆耳利行敢不盡言疏奏未報降虜果叛勅峻帥并州兵西濟河以討之峻乃間行倍道以夜繼晝卷甲捨幕而趨之夜於山中忽遇風雪甚威峻恐失期仰天誓曰峻若事君不忠不討有罪明靈所殛固自當之而士衆何辜令其勞苦若賊心忠烈天監孔明當止雪迴風以濟戎事言訖風迴而雪止時叛者分爲兩道其在東者峻追及之殺一千五百餘人牛獲一千四百餘人馳馬牛羊甚衆峻以功遷左散騎常侍持節朔方道行軍大總管尋遷御史大夫時突厥跌跌部落及僕固都督勺磨等散在受降城左右居止且謀引突厥共爲表裏陷軍城而叛峻因入奏密請誅之八年秋峻誘跌跌等黨與八百餘人於中受降城由是乃授峻兵部尚書復充朔方軍大總管九年蘭池州胡苦於賦役誘降虜餘燼攻夏州反叛詔龍右節度使羽林將軍郭知運與峻相知討之峻奏朔方軍兵自有餘力其郭知運請還本軍未報而知運兵至與峻頗不相協峻所招撫降者知運縱兵擊之賊以爲峻所賣皆相率叛走峻進封清源縣公仍兼御史大夫俄而賊衆復相結聚峻坐左遷梓州刺史十年拜太子詹事累封中山郡公屬車駕北巡以峻爲吏部尚書兼太原尹十一年夏代張說爲兵部尚書同中書門下三品追錄破胡之功加金紫光祿大夫仍充朔方軍節度大使其年冬上親郊祀追峻赴京以會大禮峻以時屬冰壯恐虜騎乘隙入寇表辭不赴手勸慰勉仍賜衣一副會許州刺史王喬家奴告喬與峻潛謀構

逆勅侍中源乾曜中書令張說鞠其狀。峻既無反狀，乃以違詔追不到。左遷新州刺史。十四年，累遷戶部尚書，復爲朔方軍節度使。二十年卒，年七十餘，贈尚書左丞相。諡曰忠烈。往歲魏元忠爲張易之昌宗所構，左授高要尉。峻密狀申明之。宋璟時爲鳳閣舍人，謂峻曰：「魏公且全矣。」子須威嚴而坐，理恐子之狼狽也。峻曰：「魏公忠而獲罪，峻爲義所激，顛沛無恨。」環歎曰：「察不能申，魏公之枉深矣。」峻朝廷矣，峻氣貌雄壯，時人謂之有熊虎之狀。然慕義激勵，有古人之風。御下整肅，人吏畏而愛之。峻卒後，信安王禕於幽州討奚告捷，奏稱軍士咸見峻與蕃將高昭領兵馬先軍討賊，上聞而嗟異。久之，戶部郎中楊伯誠上疏請峻等墳特乞增修封域，量加表異，降使饗祭，優其子孫。玄宗乃遣使就其家廟祭，仍加其子官秩。

史臣曰：婁師德應召而懷憤勇也，薦仁傑而入用，忠也，不使仁傑知之，公也，營田贍軍，智也，恭勤接下，和也，參知政事，功名有卒，是人之難也，又何愧於將相乎？王孝傑、唐休璟、張仁愿、薛訥、王峻等，皆韜武幹，亟立邊功，然孝傑失於再擒，休璟虧於餘行，先敗後勝，薛訥何慙，止雪迴風，王峻難掩，仁愿操履中，否相兼贊曰：「拯物之心，不形於色，將相之材，人何以測，臣有始終，功無爽忒，多忌梁公，自招慙德，唐張訥峻善陣能師，其服戎虜，不憂邊陲。」

舊唐書卷九十三

舊唐書卷九十三考證

婁師德傳：萬歲登封元年，轉左肅政御史大夫。○沈炳震曰：按萬歲登封，卽萬歲通天也。在體聖後，下文云體聖元年，吐蕃寇洮州，明倒置矣。新書：官御史大夫，無萬歲登封元年句，應是衍文。

體聖元年，與吐蕃大將論欽陵贊婆戰于素羅汗山，官軍敗績。○臣德潛按：通鑑綱目：素羅汗山之敗，在萬歲通天元年三月，非體聖也。新書本紀亦然，而新書本傳亦作體聖，蓋承舊書之譌。

舊唐書卷九十三考證

後晉司空同中書門下平章事劉昫撰

列傳第四十四

蘇味道 李嶠 崔融 盧藏用 徐彥伯

蘇味道趙州樂城人也少與鄉人李嶠俱以文辭知名時人謂之蘇李弱冠本州舉進士累轉咸陽尉吏部侍郎裴行儉先知其貴甚加禮遇及征突厥阿史那都之引為管記孝敬皇帝妃父裴居道再登左金吾將軍訪當時才子為謝表託於味道援筆而成辭理精密感傳於代延載初歷遷鳳閣舍人檢校鳳閣侍郎同鳳閣鸞臺平章事尋加正授證聖元年坐事出為集州刺史俄召拜天官侍郎聖曆初遷鳳閣侍郎同鳳閣鸞臺三品味道善敷奏多識臺閣故事然而前後居相位數載竟不能有所發明但脂韋其間苟度取容而已嘗謂人曰處事不欲決斷明白若有錯誤必貽咎譴但摸稜以持兩端可矣時人由是號為蘇摸稜長安中請還鄉改葬其父優制令州縣供其葬事味道因此侵毀鄉人墓田役使過度為憲司所劾左授坊州刺史未幾除益州大都督府長史神龍初以親附張易之昌宗貶授郿州刺史俄而復為益州大都督府長史未行而卒年五十八贈冀州刺史味道與其弟太子洗馬味玄甚相友愛味玄若請託不諧輒面加凌折味道對之怡然不以為忤論者稱焉有文集行於代

李嶠趙州贊皇人隋內史侍郎元操從曾孫也代為著姓父鎮惡襄城令嶠早孤事母以孝聞為兒童時夢有神人遺之雙筆自是漸有學業弱冠舉進士累轉監察御史時橫南豎嚴二州首領反叛發兵討擊高宗令嶠往監軍事嶠乃宣朝旨特赦其罪親入獠洞以招諭之叛者盡降因罷兵而還高宗甚嘉之累遷給事中時酷吏來俊臣構陷狄仁傑李嗣真裴宣禮等三家奏請誅之則天使嶠與大理少卿張德裕侍御史劉憲覆其獄德裕等雖知其枉懼罪並從俊臣所奏嶠曰豈有知其枉濫而不為申明哉孔子曰見義不為無勇也乃與德裕等列其枉狀由是忤旨出為潤州司馬詔入轉鳳閣舍人則天深加接待朝廷每有大事筆皆特令嶠為之時初置右御史臺巡按天下嶠上疏陳其得失

曰陛下創置右臺分巡天下察吏人善惡觀風俗得失斯政途之綱紀禮法之準繩無以加也然猶有未折衷者臣請試論之夫禁網尚疎法令宜簡簡則法易行而不煩雜疎則所羅廣而無苛碎竊見垂拱二年諸道巡察使所奏科目凡有四十四件至於別準格勅令察訪者又有三十餘條而巡察使率是三月已後出都十一月終奏事時限迫促簿書填委晝夜奔逐以赴限期而每道所察文武官多至二千餘人少者一千已下皆須品量才行褻貶得失欲令曲盡行能則皆不暇此非取墮於職而慢於官也實才有限而力不及耳臣望量其功程與其節制使器周於用力濟於時然後進退可以責成得失可以精覈矣又曰今之所察但準漢之六條推而廣之則無不包矣無為多張科目空費簿書且朝廷萬機非無事也機事之動恆在四方是故冠蓋相望郵驛繼踵今巡使既出其他外州之事悉當委之則傳驛大減矣然則御史之職故不可得閑自非分州統理無由濟其繁務請大小相兼率十州置御史一人以周年為限使其親至屬縣或入閭里督察姦訛觀採風俗然後可以求其實效謀其成功若此法果行必大裨政化且御史出持霜簡入奏天闕其於勵己自修奉職存憲比於他吏可相百也若其按劾姦邪亂擿欺隱比於他吏可相十也陛下試用臣言妙擇賢能委之心膺假溫言以制之陳賞罰以勸之則莫不盡力而効死矣何政事之不理何禁令之不行何妖孽之敢與則天善之乃下制分天下為二十道簡擇堪為使者會有沮議者竟不行尋知天官侍郎事遷麟臺少監聖曆初與姚崇偕遷同鳳閣鸞臺平章事俄轉鸞臺侍郎依舊平章事兼修國史久視元年嶠舅天官侍郎張錫入知政事嶠轉成均祭酒罷知政事及修史舅甥相繼在相位時人榮之嶠尋檢校文昌左丞東都留守長安三年嶠復以本官平章事尋知納言事明年遷內史嶠後固辭劇復拜成均祭酒平章事如故長安末則天將建大像於白司馬坂嶠上疏諫之其略曰臣以法王慈敏菩薩護持唯擬饒益眾生非要營修土木伏聞造像稅非戶口錢出僧尼不得州縣祇承必是不能濟辦終須科率豈免勞擾天下編戶貧弱者眾亦有傭力客作以濟糶糧亦有賣舍貼田以供王役造像錢見有一十七萬餘貫若將散

施廣濟貧窮。人與一千。濟得一十七萬餘戶。拯饑寒之弊。省勞役之勤。順諸佛慈悲之心。釋聖君亭育之意。人神皆悅。功德無窮。疏奏不納。中宗即位。嶠以附會張易之兄弟。出為豫州刺史。未行。又貶為通州刺史。數月。徵拜吏部侍郎。封贊皇縣男。無幾。遷吏部尚書。進封縣公。神龍二年。代韋安石為中書令。初。嶠在吏部時。志欲曲行私惠。冀得復居相位。奏置員外官數千人。至是。官寮倍多。府庫減耗。乃抗表引咎辭職。并陳利害十餘事。中宗以嶠昌言時政之失。輒請罷免。手制慰諭而不允。尋令復居舊職。三年。又加修文館大學士。監修國史。封趙國公。景龍三年。罷中書令。以特進守兵部尚書。同中書門下三品。睿宗即位。出為懷州刺史。尋以年老致仕。初中宗崩。嶠密表請處置相王諸子。勿令在京。及玄宗踐祚。宮內獲其表。以示侍臣。或請誅之。中書令張說曰。嶠雖不辯逆順。然亦為當時之謀。吠非其主。不可追討其罪。上從其言。乃下制曰。事君之節。危而不變。為臣則忠。貳乃無赦。特進趙國公李嶠。往緣宗章。弒逆朕恭。行戡定。揖讓之際。天命有歸。嶠有窺覷。不知逆順。狀陳詭計。朕親覽焉。以其早負辭學。累居台輔。忍而莫言。特掩其惡。今忠邪既辨。具物惟新。賞罰儻乖。下人安勸。雖經赦令。猶宜放斥。矜其老疾。俾遂餘生。宜聽隨子虔州刺史。暢赴任。尋起為廬州別駕。而卒。有文集五十卷。

崔融。齊州全節人。初。應入科舉擢第。累補宮門丞。兼直崇文館學士。中宗在春宮。制融為侍讀。兼侍屬文。東朝表疏。多成其手。聖曆中。則天幸嵩嶽。見融所撰。啓母廟碑。深加歎美。及封禪畢。乃命融撰朝覲碑文。自魏州司功參軍擢授著作佐郎。尋轉右史。聖曆二年。除著作郎。仍兼右史。內供奉。四年。遷鳳閣舍人。久視元年。坐忤張昌宗意。左授婺州長史。頃之。昌宗怒解。又請召為春官郎中。知制誥事。長安二年。再遷鳳閣舍人。三年。兼修國史。時有司表稅關市。融深以為不可。上疏諫曰。伏見有司稅關市事。條不限工商。但是行人。盡稅者。臣謹按周禮九賦。其七曰。關市之賦。竊惟市縱繁巧。關通未遊。欲令此徒止抑。所以咸增賦稅。臣謹商度。今古料量。家國竊將為不可稅。謹件事跡如左。伏惟聖旨擇焉。往古之時。淳樸未散。公田籍而不稅。關防譏而不征。中代已來。澆風驟進。桑麻

疲弊。稼穡辛勤。於是各徇通財。爭趨作巧。求徑捷之欲。忘歲計之無餘。遂使田萊日荒。倉廩不積。蠶織休廢。弊緇闕如。饑寒狼狽。亂離斯起。先王懲其若此。所以變古隨時。依本者恆科。占末者增稅。夫關市之稅者。謂市及國門關門者也。唯敎出入之商賈。不稅來往之行人。今若不論商人。通取諸色。事不師古。法乃任情。悠悠末代。於何瞻仰。濟濟咸朝。自取嗤笑。雖欲憲章。姬典。乃是違背。周官。臣知其不可者一也。臣謹案。易繫辭。稱庖羲氏。沒神農氏。作日中為市。致天下之人。聚天下之貨。交易而退。各得其所。班志亦云。財者。帝王聚人守位。養成羣生。奉順天德。理國安人之本也。仕農工商。四人有業。學以居位。曰仕。關土殖穀。曰農。作巧成器。曰工。通財鬻貨。曰商。聖王量能授事。四人陳力受職。然則四人各業久矣。今復安得動而搖之。蕭何云。人情一定。不可復動。班固又云。曹參相齊。齊國安集。大稱賢相。參去。屬其後相曰。以齊獄市為寄。慎勿擾也。後相曰。理無大於此者乎。參曰。不然。夫獄市者。所以并容也。今若擾之。姦人安所容乎。吾是以先之。夫獄市。兼受善惡。若窮極。姦人無所容竄。姦人無所容竄。久且為亂。秦人極刑。而天下叛。孝武峻法。而刑獄繁。此其効也。老子曰。我無為而人自化。我好靜而人自正。參欲以道化其本。不欲擾其末。臣知其不可者二也。四海之廣。九州之雜。關必據險。路市必憑要津。若乃富商大賈。豪宗惡少。輕死重義。結黨連羣。暗鳴則彎弓。睚眦則挺劍。小有失意。且猶如此。一旦變法。定是相驚。乘茲困窮。或致騷動。便恐南走越。北走胡。非唯流逆齊人。亦自攪亂殊俗。又如邊徼之地。寇賊為隣。與胡之旅。歲月相繼。儻同科賦。致有猜疑。一從散亡。何以制禁。求利雖切。為害方深。而有司上言。不識大體。徒欲益帑。藏助軍國。殊不知軍國益擾。帑藏逾空。臣知其不可者三也。孟軻又云。古之為關也。將以禦暴。今之為關也。將以為暴。今行者皆稅。本末同流。且如天下諸津。舟航所聚。旁通巴漢。前指閩越。七澤十數。三江五湖。控引河洛。兼包淮海。弘舸巨艦。千軸萬艘。交貿往還。昧且朶日。今若江津河口。置鋪納稅。納稅則檢覆。檢覆則遲留。此津繞過。彼鋪復止。非唯國家稅錢。更遭主司儻賂。然有大小。載有少多。量物而稅。觸途淹久。統論一日之中。未過十分之一。因此壅滯。必致吁嗟。一朝失利。則萬商

廢業萬商廢業。則人不聊生。其間或有輕諍任俠之徒。斬龍刺蛟之黨。都陽暴虐之客。富平悍壯之夫。居則藏鋒。出便棟劍。加之重稅。因之以威脅。一旦獸窮則搏。鳥窮則攫。執事者復何以安之哉。臣知其不可者四也。五帝之初。不可詳已。三王之後。厥有著云。秦漢相承。典章大備。至如關市之稅。史籍有文。秦政以雄圖武力。捨之而不用也。漢武以霸略英才。去之而勿取也。何則。關為禦暴之所。市為聚人之地。稅市則人散。稅關則暴興。暴興則起異圖。人散則懷不軌。夫人心莫不背善而樂禍。易動而難安。一市不安。則天下之市心搖矣。一關不安。則天下之關心動矣。沉澆風久扇。變法為難。徒欲禁末流。規小利。豈知失立。所以稅關市者。何也。豈不以國用不足。邊寇為虞。一行斯術。冀有殷贍然也。微臣敢借前箸以籌之。伏惟陛下當聖期。御玄籙。沉璧于洛。刻石于嵩。鑄寶鼎以窮姦。坐明堂而布政。神化廣洽。至德潛通。東夷整驚。應時平殄。南蠻纒動。計日歸降。西域五十餘國。廣輪一萬餘里。城堡清夷。亭埃靜謐。比為患者。唯苦二蕃。今吐蕃請命。邊事不起。即日雖尙屯兵。久後終成弛柙。獨有默啜。假息孤恩。惡賈禍盈。覆亡不暇。征役日已省矣。繁費日已稀矣。然猶下明制。運太樸。愛人力。惜人財。王侯舊封。妃主新禮。所有支料。咸令減削。此陛下以躬率先。堯舜之用心也。且關中河北。水旱數年。諸處逃亡。今始安輯。儻加重稅。或慮相驚。況承平歲積。薄賦日久。俗荷深恩。人知自樂。卒有變法。必多生怨。生怨則驚擾。驚擾則不安。中既不安。外何能禦。文王曰。帝王富其人。霸王富其地。理國若不足。亂國若有余。古人有言。帝王藏於天下。諸侯藏於百姓。農夫藏於庾。商賈藏於篋。惟陛下下詳之。必若師與有費。國儲多窘。即請倍算商客。加斂平人。如此則國保富強。人免憂懼。天下幸甚。臣知其不可者六也。陛下留神繫表。屬想政源。冒茲炎熾。早朝晏坐。一日二日。機務不遺。先天後天。虛心密應。時政得失。小子何知。率陳警辭。伏紙惶懼。疏奏則天納之。乃獲其事。四年。除司禮少卿。仍知制誥。時張易之兄弟。頗招集文學之士。融與納言李嶠。鳳閣侍郎蘇味道。麟臺少監王紹宗等。俱以文才降節事之。及易之伏誅。融左授袁州刺史。尋召拜國子司業。兼

修國史。神龍二年。以預修則天實錄。成封清河縣子。賜物五百段。置書褒美。融為文典麗。當時罕有其比。朝廷所須。洛出寶圖。頌則天哀冊文。及諸大手筆。並手勅付融。撰哀冊文。用思精苦。遂發病卒。時年五十四。以侍讀之恩。追贈衡州刺史。諡曰文。有集六十卷。二子。禹錫。魏開。元中相次為中書舍人。

盧藏用字子潛。度支尚書承慶之姪孫也。父瓌。有名於時。官至魏州司馬。藏用少以辭學著稱。初舉進士。選不調。乃著芳草賦。以見意。尋隱居終南山。學辟穀。練氣之術。長安中。徵拜左拾遺。時則天將營興泰宮於萬安山。藏用上疏諫曰。臣愚難不達。時變竊嘗讀書。見自古帝王之迹。乘矣。臣聞土階三尺。茅茨不翦。十家之產。而罷露臺之制者。漢文之明也。並能垂名無窮。為帝皇之烈。豈不以克念徇物。博施濟眾。以臻於仁。恕哉。今陛下崇臺邃宇。離宮別館。亦已多矣。更窮人之力。以事土木。臣恐議者以陛下為不憂人。務奉己也。且頃歲已來。雖年數頗登。而百姓未有儲蓄。陛下西幸東巡。人未休息。土木之役。歲月不空。陛下不因此時。施德布化。復廣造宮苑。臣恐人未易堪。今左右近臣。多以順意為忠。朝廷具僚。皆以犯忤為患。至今陛下不知百姓失業。百姓亦不知左右傷陛下之仁也。臣聞忠臣不避死亡之患。以納君於仁。明主不惡切直之言。以垂名于載。陛下誠能發明怒之制。以勞人為辭。則天下必以陛下為惜人力而苦己也。小臣固陋。不識忌諱。敢冒死上聞。乞下此章。與執事者議其可否。則天下幸甚。神龍中。累轉起居舍人。兼知制誥。俄遷中書舍人。藏用常以俗多拘忌。有乖至理。乃著析滯論。以暢其事。辭曰。客曰。天道玄微。神理幽化。聖人所以法象。衆庶由其運行。故大槩造甲子。容成著律曆。黃公裁變。玄女啟謨。八門御時。六神直事。從之者則兵強國富。違之者則將弱朝危。有同影響。若合符契。先生亦嘗聞之乎。主人曰。何為其然也。子所謂曲學所習。囁味所守。徒識偏方之說。說未究。亨衢之通論。蓋易曰。先天不違。傳稱人神之主。範圍不過。三才所以虛中。進退非邪。百王所以無外。故曰。國之將興。聽於人。將亡。聽於神。又曰。禍福無門。唯人所召。人無靈焉。妖不自作。由是言之。得喪與亡。並關人事。吉凶悔悛。無涉天

時且皇天無親唯德是輔為不善者天降之殃高宗修德桑穀以變宋君引過法星退舍此天道所以從人者也古之為政者刑獄不濫則人壽賦斂獨省則人富法令有常則國靜賞罰得中則兵強所以禮者士之所歸賞者士之所死禮賞不倦則士爭先苟違此途雖卜時行刑擇日出令必無成功矣自叔世遷訛俗多微倖競稱怪力爭誦詭言屈政教而就孤虛葉信賞而從推步附會前史變易舊經依託空文以為徵據覆軍敗將者則隱秘無聞偶同幸中者則共相文飾豈唯德之增惑亦乃學人自是嗚呼習俗訛謬一至此焉昔者甲子與師非成功之日往亡用事異制勝之辰人事苟脩何往不濟至若環城自守接陣重圍無闕地形不乖天道若兵強將智粟積城堅雖屢屢轉魁剛頻移太歲坐推白虎行計貪狼自符雞關之祥多貽蟻附之困故曰任賢使能則不時日而事利明法審令則不下筮而事吉養勞賞功則不禱祠而得福此所謂天時不如地利地利不如人和太公犯兩逆天時也韓信背水乖地利也並存人事俱成大業削樹而斬龐涓舉火而屠張郃未必暗同歲德冥會日遊俱運三門並占四殺杜郵齒劍抑唯計沮垓下悲歌實階刑印若以並資厭勝不事良圖則長平盡坑固須恆濟襄城無噍亦可常保是知拘而多忌終喪大功百姓與能必遺小數金雞玉鶴方為楚國之殃萬畢枕中適構淮南之禍刻符指盜反更亡身被髮邀神翻招夷族嗟乎威斗楛鞭不禳赤伏之運築城斷岡何救素靈之哭火災不驗神寵無力以窺天超乘階凶王孫取監於觀德九徵九變是曰長途人謀鬼謀良歸有道此並經史陳迹賢聖通規仁遠乎哉詎宜濬執客乃蹙然避席曰鄙人困蒙不階至道請事斯語歸于正途而今而後焚著龜毀律曆廢六合斥五行浩然清慮則將奚若答曰此所謂過猶不及也夫甲子所以配日月律曆所以通歲時金木所以備法象著龜所以筮吉凶聖人以此神明德行輔助謀猷存之則協贊成功執之則凝滯於物消息之義其在茲乎客於是循牆匍匐帖然無氣口故心醉不知所以答矣景龍中為吏部侍郎藏用性無狹特多為權要所逼頗驥公道又遷黃門侍郎兼昭文館學士轉工部侍郎尚書右丞先天中坐託附太平公主配流嶺表開元初起為黔州都督府長

史兼判都督事未行而卒年五十餘有集二十卷藏用工篆隸好琴碁當時稱為多能之士少與陳子昂趙貞固友善二人並早卒藏用厚撫其子為時所稱然初隱居之時有貞儉之操往來于少室終南二山時人稱為隨駕隱士及登朝越趨詭佞專事權貴奢靡淫縱以此獲譏于世

徐彥伯兗州瑕丘人也少以文章擅名河北道安撫大使薛元超表薦之對策擢第累轉蒲州司兵參軍時司戶韋暹善判事司李巨工於翰札而彥伯以文辭雅美時人謂之河中三絕彥伯聖曆中累除給事中時王公卿士多以言語不慎密為酷吏周與來俊臣等所陷彥伯乃著樞機論以誠于代其辭曰書曰惟口起羞惟甲冑起戎又云齊乃位度乃口易曰慎言語節飲食又云出其言善千里應之出其言不善千里違之禮亦云不可行也君子不言也

可行也不可言也君子不行也嗚呼先聖知言之為大也知言之為急也精微以勸之典謨以告之禮經以防之守名教者何可不脩其詰訓而服其糟粕乎故曰言語者君子之樞機動則物應物應則得失之見也得之者江海比隆失之者肝膽楚越然後知否泰榮辱繫於言乎夫言者德之柄也行之主也志之端也身之文也既可以濟身亦可以覆身故中庸鑠其心左階銘其背南容復於白圭箕子囁於洪範良有以也是以掩撫瑕玷參詳躁競審無常以階亂將不密以致危利生於口森然覆邦之說道不由衷變彼如簧之刺可不懼之哉

其有識暗邪正慮微形朕破金湯之箭封禍亂之根用詰譎為全計以號敵為令德至若梧宮問答荆齊所以奔命韓魏加肘智伯所以危殘蔡侯繩息媯也亟招甲兵之罰鄭曼圖宗卿也而受鼎鑊之誅史遷輕議終下蠶室張紘詭說更齒龍淵凡此過言其流匪一或穢猶糞土或動成刀劍或苟且其心或脂膏其物挾邪作蠱守之而不懈往輒破的去之而彌遠亦何異韓盧聚首尤也羣吠得死為幸何循名之立乎雖復伯玉沮頹追謝於元凱蔣濟貽恨失譽於王陵犀首沒齒於季章曹瞞辭舌於劉主當何及哉孔子曰子欲無言又云終身為善一言敗之惜也老子亦云多言數窮又云聰明深察而近於死者議人者也何聖人之深思偉慮杜漸防萌之至乎夫不可言而言者曰狂可言而不可

者曰隱，鉗舌拱默，曷通彼此之懷，括囊而處，孰啟謨明之訓，則上言者，下聽也。下言者，上用也。審詰之言，猶天地也。人覆燾而生焉，大雅之言，猶鐘鼓也。人考擊而樂焉，作以龜鏡，姬公之言也。出爲金石，曾子之言也。存其家邦，國僑之言也。立而不朽，臧孫之言也。是謂德音，詰我宗極，滿于天下，貽厥後昆，殷宗甘之於酒醴，孫卿論之以琴瑟，闕里重於四時，郢都輕其千乘，豈不肆哉，豈不休哉。但襟探世猷，克念不訓，審思而應，精慮而動，謀其心以發，擇其交以談，不感趨於非黨，不屏營於詭遇，非先王之至德，不敢行，非先王之法言，不敢道，竊其謀，謀之緒，撲其炎炎之勢，自然介爾景福，錫茲純嘏，則悔吝何由而生，怨惡何由而至哉。孔子曰：終日行不遺己憂，終日言不遺己憂，如此，適可以言也。戒之哉。戒之哉。神龍元年，遷太常少卿，兼修國史，以預修則天實錄，成封高平縣子，賜物五百段，未幾，出爲衛州刺史，以善政聞，璽書勞勉，俄轉蒲州刺史，入爲工部侍郎，尋除衛尉卿，兼昭文館學士。景龍三年，中宗親拜南郊，彥伯作南郊賦，以獻，辭甚典美。景雲初，加銀青光祿大夫，遷右散騎常侍，太子賓客，仍兼昭文館學士。先天元年，以疾乞骸骨，許之。開元二年卒。彥伯事寡嫂甚謹，撫諸姪同於己子。自晚年屬文，好爲強澁之體，頗爲後進所效焉。有文集二十卷，行於時。

史臣曰：才出於智，行出於性，故文章巧拙，由智之深淺也。行義詭實，由性之善惡也。然則智性稟之於氣，不可使之彊也。蘇味道、李嶠等，俱爲輔相，各處宮崇，觀其章疏之能，非無與瞻，驗以弼諧之道，罔有貞純。故狄仁傑有言曰：蘇、李足爲文吏矣，得非齷齪者乎。摸稜之病，尤足可譏。崔融、盧藏用、徐彥伯等，文學之功，不讓蘇、李，知有守常之道，而無應變之機，規諫之深，崔比盧徐稍爲優矣。贊曰：房、杜、姚、宋，俱立大功，咸以二族，譚爲美風。蘇、李文學，一代之雄，有慚輔弼，稱之豈同。凡人有言，未必有德。崔與盧、徐皆攻翰墨，文雖堪尚，義無可則，備位守常，斯言罔忒。

舊唐書卷九十五

後晉司空同中書門下平章事劉昫撰

列傳第四十五

睿宗諸子

讓皇帝憲 惠莊太子橋 惠文太子範 惠宣太子業 隋王隆悌

睿宗六子。昭成順聖皇后賢氏生玄宗。肅明順聖皇后劉氏生讓皇帝。官人柳

氏生惠莊太子。崔孺人生惠文太子。王德妃生惠宣太子。後宮生隋王隆悌。

讓皇帝憲。本名成器。睿宗長子也。初封永平郡王。文明元年立為皇太子。時年

六歲。及睿宗降為皇嗣。則天冊成器為皇孫。與諸弟同日出閣。開府置官屬。

長壽二年。改封壽春郡王。仍却入閣。長安中累轉左贊善大夫。加銀青光祿大

夫。中宗即位。改封蔡王。遷宗正員外卿。加賜實封四百戶。通舊為七百戶。成器

固辭不敢當。大國依舊為壽春郡王。唐隆元年。進封宋王。其月睿宗踐祚。拜左

衛大將軍。時將建儲貳。以成器嫡長。而玄宗有討平韋氏之功。意久不定。成器

辭曰。儲副者。天下之公器。時平則先嫡長。國難則歸有功。若失其宜。海內失望。

非社稷之福。臣今敢以死請。累日涕泣固讓。言甚切至。時諸王公卿亦言。楚王

有社稷大功。合居儲位。睿宗嘉成器之意。乃許之。玄宗又以成器嫡長。再抗表

固讓。睿宗不許。乃下制曰。左衛大將軍宋王成器。朕之元子。當踐副君。以隆基

有社稷大功。人神僉屬。由是朕前懇讓。言在必行。天下至公。誠不可奪。爰符立

季之典。庶協從人之願。成器可雍州牧。揚州大都督。太子太師。別加實封二千

戶。賜物五千段。細馬二十匹。奴婢十房。甲第一區。良田三十頃。其年十一月。拜

尚書左僕射。尋遷司徒。其太師都督。並如故。明年。表讓司徒。拜太子賓客。兼揚

州大都督。如故。時太平公主陰有異圖。姚元之。宋璟等。請出成器及申王成義。

為刺史。以絕謀者之心。由是成器以司徒兼蒲州刺史。玄宗嘗製一大被。長枕

將與成器等共。申友悌之好。睿宗知而大悅。累加賞。數先天元年八月。進封司

空。及玄宗討平蕭至忠。岑羲等。成器又進位太尉。依舊兼揚州大都督。加實封

一千戶。月餘。加授開府儀同三司。其太尉揚州大都督。並停。開元初。歷岐州刺

史。開府如故。四年。避昭成皇后尊號。改名憲。封為寧王。實封累至五千五百戶。

又歷澤潞等州刺史。初。玄宗兄弟聖曆初。出閣。列第於東都積善坊。五人分院

同居。號五王宅。大足元年。從幸西京。賜宅於興慶坊。亦號五王宅。及先天之後。

興慶是龍潛舊邸。因為宮。憲於勝業東南角。賜宅。申王橋。岐王範。於安興坊

東南。賜宅。薛王業。於勝業西北角。賜宅。邸第相望。環於宮側。玄宗於興慶宮西

南置樓。西面題曰花萼相輝之樓。南面題曰勤政務本之樓。玄宗時。登樓。聞諸

王音樂之聲。咸召登樓。同榻宴。或便幸其第。賜金分帛。厚其歡賞。諸王每日

於側門朝見。歸宅之後。即奏樂縱飲。擊球圍。或近郊從禽。或別墅追賞。不絕

於歲月矣。遊踐之所。中使相望。以為天子友悌。近古無比。故人無間然。玄宗既

篤於昆季。雖有讒言交構。其間而友愛如初。憲尤恭謹畏慎。未曾干議。時政及

與人交結。玄宗尤加信重之。嘗與憲及岐王範等書曰。昔魏文帝詩云。西山一

何高高。殊無極。上有兩仙童。不飲亦不食。賜我一丸藥。光耀有五色。服藥四

五日。身輕生羽翼。朕每思服藥。而求羽翼。何如骨肉兄弟。天生之羽翼乎。陳思

有超代之才。堪佐經綸之務。絕其朝謁。卒令憂死。魏祚未終。遭司馬宣王之奪。

王之軌。則于今數千歲。天下歸善焉。朕未嘗不廢寢忘食。欽歎者也。頃因餘暇。

妙選仙經。得此神方。古老云。服之必驗。今分此藥。願與兄弟等同保長齡。永無

限。極憲開元九年。兼太常卿。十四年。停太常卿。依舊為開府儀同三司。二十一

年。復拜太尉。二十八年冬。憲寢疾。上令中使送醫藥及珍膳。相望於路。僧崇一

療。憲稍瘳。上大悅。特賜緋袍魚袋。以賞異崇。一時申王等皆先薨。唯憲獨在上

尤加恩貸。每年至憲生日。必幸其宅。移時宴樂。居常無日不賜酒酪及異饌等。

尚食。摠盤及四方有所進獻。食之稍甘。即皆分以賜之。憲嘗奏請年終錄付史

館。每年至數百紙。二十九年冬。京城寒甚。凝霜封樹。時學者以為春秋兩木冰。

即是。亦名樹介。言其象介也。憲見而數曰。此俗謂樹稼者也。諺曰。樹稼達

官怕。必有大臣當之。吾其死矣。十一月薨。時年六十三。上聞之。號叫失聲。左右

皆掩涕。翌日下制曰。能以位讓。為吳太伯。存則用成。其節。歿則當表其賢。非常

之稱旌德斯在。故太尉軍王憲。誕含粹靈。允膺大雅。孝悌之至。本乎中誠。仁之和。深非因外。擬率由禮度。雅尚文儒。謙以自牧。樂以為善。比兩獻而有光。與二南而合德。自出臨方。鎮入配台。階逾勵中。勤益聞周。慎實謂永為藩屏。以輔邦家。曾不怒遺。奄焉殂沒。友于之痛。震慟良深。惟王朕之元昆。合昇王嗣。以朕奉先朝之睿略。定宗社之陸危。推而不居。請予主鬻。又承慈旨。焉敢固違。不然者。則宸極之尊。豈歸於薄德。茂行若此。身名是憑。自非大號。孰副休烈。按證法推功。尚善曰。讓德性寬柔。曰。讓敬追諡曰。讓皇帝。宜令所司擇日。備禮冊命。憲長子汝陽郡王璉。又上表懇辭。感陳先意。謙退不敢當帝號。手制不許。及冊斂之日。內出御衣一副。仍令右監門大將軍高力士。齎手書。寘于靈座之前。其書曰。隆基白。一代兄弟。一朝存歿。家人之禮。是用申情。與言感恩。悲涕交集。大哥孝友。近古莫儔。嘗號五王。同開邸第。遠自童幼。洎乎長成。出則同遊。學則同業。事均形影。無不相隨。頃以國步艱危。義資克定。先帝御極。日月照臨。大哥嫡長。合當儲貳。以功見讓。爰在薄躬。既嗣守紫宸。萬機事總。聽朝之暇。得展于懷。十數年間。棟華凋落。謂之手足。唯有大哥。今復淪亡。眇然無對。以茲感慕。何恨如之。然以厥初。生人孰不殂謝。所貴光昭德行。以示崇高。立德立名。斯為不朽。大哥事跡。身歿讓存。故冊曰。讓皇帝。神之昭格。當茲寵榮。沉庭訓傳家。璉等申讓。善述先志。實有遺風。成其美也。恭惟緒言。悅焉如在。寄之翰墨。悲不自勝。又制追贈憲妃元氏為恭皇后。祔葬于橋陵之側。及將葬。遣中使勅璉等。務令儉約。送終之物。皆令眾見。所司請依諸陵舊例。壙內置千味食。監護使左僕射裴耀卿奏曰。尚食所料水陸等味一千餘種。每色餅威。安於藏內。皆是非時瓜果。及馬牛驢犢麋鹿等肉。並諸藥酒三十餘色。儀注禮料。皆無所憑。臣據禮司所料。奠祭相次。事無不備。典制分明。天恩每申讓帝之志。務令儉約。禮外加數。竊恐不安。又非時之物。馬犢驢等。並野味魚鴈鵝鴨之屬。所用錢兩。動皆宰殺。盛夏胎養。聖情所禁。又須造作什物。動逾千計。求徽市井。實謂煩勞。千味不供。禮無所關。伏望依禮減省。以取折衷。制從之。及發引時。屬大雨。上令慶王澤已下泥。中步送十數里。制號其墓為惠陵。憲凡十子。璉。嗣莊。琳。璿。珣。瑒。瑛。瑒。瑒。瑒。等十

人。歷官封襲璉。封汝陽郡王。歷太僕卿。與賀知章。褚庭誨。為詩酒之交。天寶初。終父喪。加特進。九載卒。贈太子太師。莊嗣封濟陰郡王。早卒。琳封嗣寧王。歷秘書員外監。從玄宗幸蜀。郡至德二載卒。璿封嗣申王。珣封同安郡王。璿身淳謹。不自矜貴。閨門之內。常默如也。開元二十五年。憲宗甚悼之。輟朝三日。制曰。猶子之恩。特深於情。禮睦親之義。必備於哀榮。同安郡王璿。稟氣淳和。執心忠順。邦國垣翰。宗枝羽儀。磐石疏封。將期永固。逝川不捨。俄歿促齡。悼往之懷。因心所切。宜增寵命。用飾幽泉。可贈太子少保。葬事官給陪葬。橋陵。璿封漢中王。歷都水使者。恒王府司馬。衛尉員外卿。璿早有才望。偉儀表。初為隴西郡公。天寶十五載。從玄宗幸蜀。至漢中。因封漢中王。仍加銀青光祿大夫。漢中郡太守。乾元二年。以特進試太常卿。送寧國公主至迴紇。充冊立使。璿蒼梧郡開國公。歷銀青光祿大夫。秘書監員外置同正員。卒。贈江陵大都督。珣封晉昌郡開國公。瑒魏郡開國公。璿文安郡開國公。天寶十一載。珣瑒璿並食邑三千戶。惠莊太子。擢睿宗第二子也。本名成義。母柳氏。掖庭宮人。擢之初生。則天嘗以示僧。萬迴。萬迴曰。此兒是西域大樹之精。養之宜兄弟。則天甚悅。始令列於兄弟之次。垂拱三年。封恆王。尋却入閣。改封衡陽郡王。累授尚衣奉御。神龍元年。加賜實封二百戶。通前五百戶。遷司農少卿。加銀青光祿大夫。睿宗踐祚。進封申王。遷右衛大將軍。景雲元年七月。遷殿中監。兼檢校右衛大將軍。二年。轉光祿卿。右金吾衛大將軍。先天元年七月。加實封一千戶。八月。行司徒。兼益州大都督。開元二年。帶司徒。兼幽州刺史。俄避昭成太后之稱。改名。歷鄧號。絳三州刺史。八年。因入朝。停刺史。依舊為司徒。性弘裕。儀形瓌偉。善於飲啖。十二年。病薨。冊贈惠莊太子。陪葬橋陵。無子。初。養讓帝子璿。封同安郡王。先卒。天寶三載。又以讓帝子璿為嗣。申王。授鴻臚員外卿。惠文太子。範。睿宗第四子也。本名隆範。後避玄宗連名。改單稱範。初封鄭王。尋改封衛王。長壽二年。隨例却入閣。徙封巴陵郡王。累授尚食奉御。神龍元年。遷太府員外少卿。加賜實封二百戶。通前五百戶。景龍年。兼隴州別駕。加銀青光祿大夫。睿宗踐祚。進封岐王。又加實封五百戶。拜太常卿。兼左羽林大將軍。先

天二年從上討寶懷貞蕭至忠等以功加賜實封滿五千戶下制褒美開元初拜太子少師帶本官歷絳鄭岐三州刺史八年遷太子太傅範好學工書雅愛文章之士士無貴賤皆盡禮接待與閣朝隱劉庭琦張諤鄭絳篇題唱和又多聚書畫古跡為時所稱時上禁約王公不令與外人交結駙馬都尉裴虛已坐與範遊譏乘私挾讎緯之書配徙嶺外萬年尉劉庭琦太祝張諤皆坐與範飲酒賦詩黜庭琦為雅州司戶諤為山在丞然上未嘗聞範恩情如初謂左右曰我兄弟友愛天至必無異意祇是趨競之輩強相託附耳我終不以纖芥之故責及兄弟也時王毛仲等本起微賤皆崇貴傾於朝廷諸王每相見假立引侍獨範見之色莊十四年病薨上哭之甚慟輟朝三日為之追福手寫老子經徹膳累旬百寮上表勸諭然後復常開元十四年命工部尚書攝太尉盧從愿冊贈王為惠文太子陪葬橋陵一子瑾封河東郡王官至太僕卿冒于酒色竟暴卒贈太子少師天寶三載又以惠宣太子男略陽公珍為嗣岐王銀青光祿大夫宗正員外卿上元二年珍與朱融善珍儀表偉如頗類玄宗融乃誘崔昌趙非熊等并中官六軍人同謀逆融謂金吾將軍邢濟曰今城中草草關外近寇憑凌若何濟曰我金吾天子押衙死生隨之安能自脫融曰有一人足下見之自當知縱不出城亦無慮乃引以見珍濟奏之乃令御史中丞敬羽訊之珍賜死其同謀右武衛將軍竇如玢試都水使者崔昌右羽林軍大將軍劉從諫蔚州長鎮將朱融右衛將軍胡冽直司天臺通玄院高抱素右司禦率府率魏兆內侍省內謁者監王道成等九人特宜斬決試太子洗馬兼知司天臺冬官正事趙非熊陳王府長史陳閔楚州司馬張昂右武衛兵曹焦自榮前鳳翔府郿縣主簿李岳國子監廣文進士張免等六人特宜決殺駙馬都尉薛履謙預逆謀宜賜自盡乃以濟兼桂州都督侍御史充桂管防禦都使左散騎常侍張鑄坐與交通貶辰州司戶鄭絳者鄭州滎陽人北齊吏部尚書述五代孫也工五言詩開元初範為岐州刺史絳為長史範失白鷹絳為失白鷹詩當時以為絕唱後為湖州刺史子審亦善詩詠乾元中任袁州刺史

惠宣太子業睿宗第五子也本名隆業後單名業垂拱三年封趙王開府置官

屬長壽二年隨例却入閣改封中山郡王累授都水使者尋又改封彭城郡王

神龍元年加賜實封二百戶通前五百戶景龍二年兼陳州別駕銀青光祿大夫太僕少卿別駕如故睿宗即位進封薛王加封滿一千戶拜秘書監兼右羽林大將軍俄轉宗正卿睿宗以業好學而授秘書監及玄宗誅蕭至忠岑羲等業以珩從之功加實封通舊為五千戶開元初歷太子少保同涇衛衛等州刺史八年遷太子太保初業母早終從母賢妃親鞠養之至是迎賢妃出就外宅事之甚謹業同母妹淮陽涼國二公主亦早卒業撫愛其子逾於己子上以業孝友特加親愛業嘗疾病上親為祈禱及愈車駕幸其第置酒讌樂更為初生之歡玄宗賦詩曰昔見漳濱臥言將人事違今逢誕慶日猶謂學仙歸棠棣花重滿鵲原為再飛其恩意如此十三年上嘗不豫業妃弟內直郎韋賓與殿中監皇甫恂私議休咎事發玄宗令杖殺韋賓左遷皇甫恂為錦州刺史妃惶懼降服待罪業亦不敢入謁上遽令召之業至階下逡巡請罪上降階就執其手曰吾若有心猜阻兄弟者天地神明所共咎罪乃歡讌久之仍慰諭妃令復其位二十一年業進拜司徒二十年正月薨冊贈惠宣太子陪葬橋陵有子十一人瑗瑛安郡王瑒宗正卿瑒陽郡王瑒封嗣薛王珍嗣岐王瑒為金紫光祿大夫鴻臚卿同正員天寶五載坐舅刑部尚書韋監為右相李林甫所構貶夷陵郡別駕長任母隨瑒竟以憂死七載瑒於夜即安置後移南浦郡十四載安祿山反赴于西京

隋王隆悌睿宗第六子也初封汝南郡王長安初拜尚乘直長早薨睿宗踐極追封隋王贈荊州大都督無子

史臣曰夫得天下而治者其道舒而有變讓天下而退者其道卷而常存何者飛龍在天舒也亢龍有悔變也讓皇帝守無咎於或躍利終吉於勞謙其用有光其聞莫朽惠莊惠文惠宣隋王等或守常而獲免終保皇枝或過望而包羞竟鹿青史略陽公信魁偉之狀起圖謀之心福善禍淫宜哉不令

贊曰謙而受益讓以成賢唐屬之美憲得其先長不居震剛不乘乾讓之大者胡可比焉搗範已降同氣連枝性習何遠非車即睽有善有惡禍福不欺

舊唐書卷九十五

後晉司空同中書門下平章事劉昫撰

列傳第四十六

姚崇 宋璟

姚崇，本名元崇，陝州硤石人也。父善懿，貞觀中任雋州都督，元崇為孝敬，挽郎應下筆成章，舉授濮州司倉。五遷夏官郎中，時契丹寇陷河北數州，兵機填委，元崇剖析若流，皆有條貫，則天甚奇之，超遷夏官侍郎，又尋同鳳閣鸞臺平章事。聖曆初，則天謂侍臣曰：「往者周與來俊臣等推勸詔獄，朝臣遞相牽引，咸承反逆，國家有法，朕豈能違？中間疑有枉濫，更使近臣就獄親問，皆得手狀，承引不虛，朕不以為疑，即可其奏。」近日周與來俊臣死後，更無聞有反逆者，然則以前就戮者，不有冤濫耶？元崇對曰：「自垂拱已後，被告身死破家者，皆是枉酷，自誣而死，告者特以為功，天下號為羅織，甚於漢之黨錮，陛下令近臣就獄問者，近臣亦不自保，何敢輒有動搖？被問者若翻，又懼遭其毒手，將軍張虔勗、李安靜等皆是也，賴上天降靈，聖情發痛，誅鋤兇豎，朝廷又安今日已後，臣以微軀及一門百口，保見在內外官，更無反逆者，乞陛下得告狀，但收掌，不須推問。若後有徵驗，反逆有實，臣請受知而不告之罪，則天大悅，曰：「以前宰相皆順成其事，陷朕為淫刑之主，聞卿所說，甚合朕心。」其日遣中使送銀千兩，以賜元崇。時突厥叱利元崇構逆，則天不欲元崇與之同名，乃改為元之，俄遷鳳閣侍郎，依舊知政事。長安四年，元之以母老，表請解職侍養，言甚哀切，則天難違其意，拜相。王府長史罷知政事，俾獲其養，其月又令元之兼知夏官尚書事，同鳳閣鸞臺三品。元之上言臣事相王，知兵馬，不便臣非惜死，恐不益相王，則天深然其言，改為春官尚書。是時張易之請移京城，大德僧十人配定州私置寺僧等苦訴，元之斷停，易之屢以為言，元之終不納，由是為易之所譖，改為司僕卿。知政事如故，使充靈武道大摠管，神龍元年，張柬之、桓彥範等謀誅易之兄弟，適會元之自軍還都，遂預謀，以功封梁縣侯，賜實封二百戶。則天移居上陽宮，中宗率百官就閣起居，王公已下皆放躍稱慶，元之獨嗚咽流涕，彥範東之謂元之

曰：「今日豈是啼泣時，恐公禍從此始。」元之曰：「事則天歲久，乍此辭違，情發於衷，非忍所得，昨預公誅兇逆者，是臣子之常道，豈敢言功？今辭違舊主，悲泣者，亦臣子之終節，緣此獲罪，實所甘心，無幾出為亳州刺史，轉常州刺史，睿宗即位，召拜兵部尚書，同中書門下三品，尋遷中書令，時玄宗在東宮，太平公主干預朝政，宋王成器為閑廐使，岐王範、薛王業皆掌禁兵，外議以為不便，元之同侍公主，公主大怒，玄宗乃上疏以元之環等離間兄弟，請加罪，乃貶元之為申州刺史，再轉揚州長史，淮南按察使，為政簡肅，人吏立碑紀德，俄除同州刺史，先天二年，玄宗講武，在新豐驛，召元之代郭元振為兵部尚書，同中書門下三品，復遷紫微令，避開元尊號，又改名崇，進封梁國公，固辭實封，乃停其舊封，特賜新封一百戶，先是中宗時，公主外戚皆奏請度人為僧尼，亦有出私財造寺者，富戶強丁，皆經營避役，遠近充滿，至是崇奏曰：「佛不在外，求之於心，佛圖澄最賢，無益於全趙羅什多藝，不救於亡秦，何充符融，皆遭敗滅，齊襄梁武，未免災殃，但發心慈悲，行事利益，使蒼生安樂，即是佛身，何用妄度姦人，令壞正法，上納其言，令有司隱括僧徒，以偽濫還俗者萬二千餘人，開元四年，山東蝗蟲大起，崇奏曰：「毛詩云：『秉彼蠹賊，以付炎火。』又漢光武詔曰：『勉順時政，勸督農桑，去彼蝗賊，以及蠹賊，此並除蝗之義也。』蟲既解畏人，易為驅逐，又苗稼皆有地主，救護必不辭勞，蝗既解飛，夜必赴火，夜中設火，火邊掘坑，且焚且瘞，除之可盡。」時山東百姓皆燒香禮拜，設祭祈恩，眼看食苗，手不敢近，自古有討除不得者，祇是人不用命，但使齊心戮力，必是可除，乃遣御史分道殺蝗，汴州刺史倪若水執奏曰：「蝗是天災，自宜修德，劉聰時除既不得，為害更深，仍拒御史，不肯應命，崇大怒，牒報若水曰：『劉聰偽主，德不勝妖，今日聖朝，妖不勝德，古之良守，蝗蟲避境，若其修德可免，彼豈無德致然？今坐看食苗，何忍不救？因以飢饉，將何自安？幸勿遲迴，自招悔悛。』若水乃行焚瘞之法，獲蝗一十四萬石，投汴渠流下，者不可勝紀，時朝廷喧議，皆以驅蝗為不便，上聞之，復以問崇，崇曰：「庸儒執文，不識通變，凡事有遠經而合道者，亦有反道而適權者，昔魏時山東有蝗傷稼，

緣小不忍不除，致使苗稼總盡，人至相食，後秦時有蝗，禾稼及草木俱盡，牛馬至相噉毛，今山東蝗蟲所在流滿，仍極繁息，實所稀聞，河北河南無多，貯積儻不收種，豈免流離事繫安危，不可膠柱縱使除之，不盡猶勝，養以成災，陛下好生惡殺，此事請不煩出勅，乞容臣出牒處分，若除不得，臣在身官爵並請削除，上許之，黃門監盧懷慎謂崇曰：蝗是天災，豈可制以人事，外議咸以為非，又殺蟲太多，有傷和氣，今猶可復，請公思之，崇曰：楚王吞蛭，厥疾用瘳，叔敖殺蛇，其福乃降，趙宣至賢也，恨用其犬，孔丘將聖也，不愛其羊，皆志在安人，思不失禮，今蝗蟲極盛，驅除可得，若其縱食，所在皆空，山東百姓，豈宜餓殺，此事崇已面經奏定，訖請公勿復為言，若救人殺蟲，因緣致禍，崇請獨受義，不仰關懷，懷慎既庶事曲從，竟亦不敢逆崇之意，蝗因此亦漸止息，是時上初即位，務修德政，軍國庶務多訪於崇，同時宰相盧懷慎、源乾曜等，但唯諾而已，崇獨當重任，明於吏道，斷割不滯，然縱其子光祿少卿彝宗，正少卿昇廣，引賓客，受納饋遺，由是為時所讖，時有中書主書趙誨，為崇所親信，受著人珍遺事發，上親加鞠問，下獄處死，崇結奏其罪，復營救之，上由是不悅，其冬，曲赦京城勅文，時標誨名，令決杖一百，配流嶺南，崇自是憂懼，頻面陳避相位，薦宋璟自代，俄授開府儀同三司，罷知政事，居月餘，玄宗將幸東都，而太廟屋壞，上召宋璟、蘇頌問其故，璟等奏言：陛下三年之制未畢，誠不可行幸，凡災變之發，皆所以明教誡，陛下宜增崇大道，以答天意，且停幸東都，上又召崇問曰：朕臨發京邑，太廟無故崩塌，恐神靈誠以東行不便耶，崇對曰：太廟殿本是符堅時所造，隋文帝創立新都，移宇文朝殿造此廟，國家又因隋氏舊制，歲月滋深，朽蠹而毀，山有朽壤，尚不免崩，既久來枯木，合將摧折，偶與行期相會，不是緣行乃崩，且四海為家，兩京相接，陛下以關中不甚豐熟，轉運又有勞費，所以為人行幸，豈是無事煩勞，東都百司已作供擬，不可失信於天下，以臣愚見，舊廟既朽爛，不堪修理，望移神主於太極殿安置，更改造新廟，以申誠敬，車駕依前徑發，上曰：卿言正合朕意，賜絹二百匹，令所司奉七廟神主於太極殿，改新廟，車駕乃幸東都，因令崇五日一參，仍入閣供奉，甚承恩遇，後又除太子少保，以疾不拜，九年薨，年七十二。

贈揚州大都督，諡曰文獻，崇先分其田園，令諸子姪各守其分，仍為遺令，以誠子孫其略曰：古人云：富貴者人之怨也，貴則神忌其滿，人惡其上，富則鬼瞰其室，厲利其財，自開關已來，書籍所載，德薄任重，而能壽考無咎者，未之有也，故范蠡疏廣之輩，知止足之分，前史多之，沉吾才不逮古人，而久竊榮寵，位逾高而益懼，恩彌厚而增憂，往往在中書，避疾虛憊，雖終匪懈，而諸書多闕，薦賢自代，屢有誠祈，人欲天從，竟蒙哀允，優游園沼，放浪形骸，人生一代，斯亦足矣，田巴云：百年之期，未有能至，王逸少云：俯仰之間，已為陳迹，誠哉此言，比見諸達官身亡以後，子孫既失覆蔭，多至貧寒，斗尺之間，參商是競，豈惟自玷，乃更辱先，無論曲直，俱受噬毀，莊田水碾，既眾有之，遞相推倚，或致荒廢，陸賈石苞，皆古之賢達也，所以預為定分，將以絕其後爭，吾靜思之，深所歎服，昔孔子亞聖，母墓毀而不修，梁鴻至賢，父亡席卷而葬，昔楊震趙咨，盧植張奐，皆當代英雄，通識今古，咸有遺言，屬以薄葬，或濯衣時服，或單帛幅巾，知真魂去身，貴於速朽，子孫皆遵成命，迄今以為美談，凡厚葬之家，例非明哲，或溺於流俗，不察幽明，咸以奢厚為忠孝，以儉薄為慳惜，至令亡者致戮，尸暴骸之酷，存者陷不忠不孝之誹，可為痛哉，可為痛哉，死者無知，自同糞土，何煩厚葬，使傷素業，若也有知，神不在柩，復何用違君父之令，破衣食之資，吾身亡後，可殮以常服，四時之衣，各一副而已，吾性甚不愛冠衣，必不得將入棺，墓紫衣玉帶，足便於身，念爾等勿復違之，且神道惡奢，冥塗尚質，若違吾處分，使吾受戮於地下，於汝心安乎，念而思之，今之佛經，羅什所譯，姚興執本，與什對翻，姚興造淫屠於采貴里，傾竭府庫，廣事莊嚴，而與命不得延，國亦隨滅，又齊跨山東，周據關右，周則多除佛法，而修繕兵威，齊則廣置僧徒，而依憑佛力，及至交戰，齊氏滅亡，國既不存，寺復何有，修福之報，何其蔑如，梁武帝以萬乘為奴，胡太后以六宮入道，豈特身戮名辱，皆以亡國破家，近日孝和皇帝，發使贖生，傾國造寺，太平公主武三思，悖逆庶人，張夫人等，皆度人造寺，竟術彌衡，咸不免受戮破家，為天下所笑，經云：求長命得長命，求富貴得富貴，刀尋段段壞，火坑變成池，比求緣精進，得富貴長命者，為誰生前易知，尚覺無應，身後難究，誰見有微，且五帝之時，父

不葬子，兄不哭第，言其致仁壽無天橫也。三王之代，國祚延長，人用休息，其人臣則彭祖老聃之類，皆享遐齡，當此之時，未有佛教，豈抄經鑄像之力，設齋施佛之功耶？宋書西域傳有各僧爲白黑論理證明，白足解沉疑，宜觀而行之。且佛者，覺也，在乎方寸，假有萬像之廣，不出五蘊之中，但平等慈悲，行善不行惡，則佛道備矣。何必溺於小說，惑於凡僧，仍將喻品，用爲實錄，抄經寫像，破業傾家，乃至施身亦無所怪，可謂大惑也。亦有緣亡人造像，名爲造福，方便之教，雖則多端，功德須自發心，旁助軍應，獲報遞相欺誑，浸成風俗，損耗生人，無益亡者，假有通才達識，亦爲時俗所拘，如來普慈，意存利物，損衆生之不足，厚豪僧之有餘，必不然矣。且死者是常，古來不免，所造經像，何所施爲？夫釋迦之本法，爲蒼生之大弊，汝等各宜警策，正法在心，勿效兒女子曹，終身不悟也。吾亡後，必不得爲此弊法，若未能全依正道，須順俗情，從初七至終七，任設七僧齋，若隨齋須布施，宜以吾緣身衣物充，不得輒用餘財，爲無益之枉事，亦不得妄出私物，徇追福之虛談。道士者，本以玄牝爲宗，初無趨競之教，而無識者，慕僧家之有利，約佛教而爲業，敬尋老君之說，亦無過齋之文，抑同僧例，失之彌遠。汝等勿拘鄙俗，輒屈於家，汝等身沒之後，亦教子孫依吾此法云。十七年，重贈崇太子太保，崇長子彝，開元初，光祿少卿，次子昇，坊州刺史，少子奔，少而修謹，開元末爲禮部侍郎，尚書右丞，天寶元年，右相牛仙客薨，彝男閔爲侍御史，仙客判官，見仙客疾亟，逼爲仙客表，請以奔及兵部侍郎盧奕爲宰相，代己，其妻因中使奏之，玄宗聞而怒之，閔決死，奔出爲承陽太守，免爲臨淄太守，玄孫合，登進士第，授武功尉，遷監察御史，位終給事中。

宋璟邢州南和人，其先自廣平徙焉。後魏吏部尚書升七代孫也。父玄撫，以瑒貴，贈邢州刺史，瑒少耿介，有大節，博學，工於文翰，弱冠舉進士，累轉鳳閣舍人，嘗官正色，則天甚重之，長安中，倖臣張易之，誣構御史大夫魏元忠，有不順之言，引鳳閣舍人張說，令證之，說將入於御前，對覆惶迫，懼瑒謂曰：「名義至重，神道難欺，必不可黨邪陷正，以求苟免，若緣犯顏流貶，芬芳多矣，或至不測，吾必叩閣救子，將與子同死，努力萬代，瞻仰在此舉也。」說感其言，及入，乃保明元

忠，竟得免死。瑒尋遷左御史臺中丞，張易之與弟昌宗縱恣益橫，傾朝附之，昌宗私引相工李弘泰，觀占吉凶，言涉不順，爲飛書所告，瑒廷奏請窮究其狀，則天曰：「易之等已自奏聞，不可加罪。」瑒曰：「易之等事露自陳，情在難恕，且謀反大逆，無容首免，請勒就御史臺勘當，以明國法。」易之等久蒙驅使，分外承恩，臣必知言出禍從，然義激於心，雖死不恨，則天不悅。內史楊再思恐忤旨，遽宣勅令瑒出，瑒曰：「天顏咫尺，親奉德音，不煩宰臣擅宣王命，則天意稍解，乃收易之等就臺，將加鞠問，俄有特勅，原之，仍令易之等詣瑒辭謝，瑒拒而不見曰：「公事當公言之，若私見，則法無私也。」瑒嘗侍宴朝堂，時易之兄弟皆爲列卿，位三品，瑒本階六品，在下座，易之素畏瑒，妄悅其意，虛位揖瑒曰：「公第一人，何乃下座？」瑒曰：「才劣品卑，張卿以爲第一人，何也？」當時朝列皆以二張內寵，不名官，呼易之爲五郎，昌宗爲六郎，天官侍郎鄭善果謂瑒曰：「中丞奈何呼五郎爲卿？」瑒曰：「以官言之，正當爲卿，若以親故，當爲張五，足下非易之家奴，何郎之有鄭善果一何懦哉！」其剛正皆此類也。自是易之等常欲因事傷之，則天察其情，竟以獲免。神龍元年，遷吏部侍郎，中宗嘉璟正直，仍令兼諫議大夫，內供奉，仗下後言朝廷得失，尋拜黃門侍郎，時武三思恃寵執權，嘗請託於瑒，瑒正色謂之曰：「當今復子明辟，王宜以侯就第，何得尙干朝政？」王獨不見產祿之事乎？俄有京兆人韋月將上書訟三思潛通宮掖，將爲禍患之漸，三思諷有司奏月將大逆不道，中宗特令誅之，瑒執奏請按除罪狀，然後申明典憲，月將竟免極刑，配流嶺南而死。中宗幸西京，令瑒權檢校并州長史，未行，又帶本官檢校貝州刺史，時河北頻遭水潦，百姓飢餓，三思封邑在貝州，專使徵其租賦，瑒又拒而不與，由是爲三思所擯，又歷杭相二州刺史，在官清嚴，人吏莫有犯者，中宗晏駕，拜洛州長史，睿宗踐祚，遷吏部尚書，同中書門下三品，玄宗在春宮，又兼右庶子，加銀青光祿大夫，先是外戚及諸公主干預朝政，請託滋甚，崔湜鄭愔相次典選，爲權門所制，尤流失敘，預用兩年員闕，注擬不足，更置比冬選人，大爲士庶所歎，至是瑒與侍郎李乂盧從愿等大章前弊，取捨平允，銓綜有敘，時太平公主謀不利於玄宗，嘗於光範門內乘輦伺執政以諷之，衆皆失色，瑒昌言曰：「東宮有

大功於天下。真宗廟社稷之主。安得有異議。乃與姚崇同奏。請令公主就東都。玄宗懼。抗表請加罪於環等。乃貶環為楚州刺史。無幾。歷魏克蕞。三州刺史。河北按察使。遷幽州都督。兼御史大夫。尋拜國子祭酒。兼東都留守。歲餘。轉京兆尹。復拜御史大夫。坐事出為睦州刺史。轉廣州都督。仍為五府經略使。廣州舊族。皆以竹茅為屋。屢有火災。環教人燒瓦。改造店肆。自是無復延燒之患。人皆懷惠。立頌以紀其政。開元初。徵拜刑部尚書。四年。遷吏部尚書。兼黃門監。明年。官名改易。為侍中。累封廣平郡公。其秋。駕幸東都。次永寧之嶠谷。馳道隘狹。車騎停擁。河南尹李朝隱。知頓使。王怡並失於部伍。上令黜其官爵。環入奏曰。陛下富有春秋。方事巡狩。一以墊隘。致罪二臣。竊恐將來人受艱弊。於是遽令捨之。環曰。陛下責之。以臣言免之。是過歸於上。而恩由於下。請且使待罪於朝。然後詔復其職。則進退得其度矣。上深善之。俄又令環與中書侍郎蘇頌為皇子制名及封邑。拜公主等。邑號。環等奏曰。王子將封。三十餘國。周之靡趾。漢之犬牙。彼何足云。於斯為感。竊以鄰邦王等。傍有古邑字。臣等以類推擇。謹件三十國名。又王子先有各者。皆上有嗣字。又公主邑號。亦選擇三十美名。皆文不害意。言足定體。又令臣等別撰一佳名。及一美邑號者。七子均養。百王至仁。今若同等別封。或緣母寵子愛。骨肉之際。人所難言。天地之中。典有常度。昔袁盎降慎夫人之席。文帝竟納之。慎夫人亦不以為嫌。美其得久長之計。臣等故同進。更不別封。上彰覆載無偏之德。上稱敷之七年。開府儀同三司王皎卒。及將築墳。皎子駙馬都尉守一。請同昭成皇后父。實孝謹故事。其墳高五丈一尺。環及蘇頌請一依禮式。上初從之。翼日。又令準孝謹舊例。環等上言曰。夫儉德之恭。後惡之大。高墳乃昔賢所誠。厚葬實君子所非。古者墓而不墳。蓋此道也。凡人子於哀送之際。則不以禮制為思。故周孔設齊斬。總免之差。衣金棺。槨之度。賢者俯就。私懷不果。且蒼梧之野。驪山之徒。善惡分區。圖史所載。眾人皆務奢靡。而獨能革之。斯所謂至孝要道也。中宮若以為言。則此理固可敦論在外。或云。寶太尉墳甚高。取則不遠者。縱令往日無極言。其事偶行。令出一時。故非常式。又貞觀中文德皇后嫁所生女長樂公主。奏請儀注。加於長公主。魏徵諫云。皇

帝之姑姊為長公主。皇帝之女為公主。既有長字。合高於公主。若加於長公主。事甚不可。引漢明故事云。羣臣欲封皇子為王。帝曰。朕子豈敢與先帝子等。時太宗嘉納之。文德皇后奏降中使致謝於徵。此則乾坤輔佐之間。綽有餘裕。豈若韋庶人父追加王位。擅作鄴陵禍。不旋踵為天下笑。則犯類逆耳。阿意順旨。不可同日而言也。況令之所載。預作紀綱。情既無窮。故為之制度。不因人以搖動。不變法以愛憎。頃謂金科玉條。蓋以此也。比來蕃夷等輩。及城市閒人。遞以奢靡相高。不將禮儀為意。今以后父之寵。開府之榮。金穴玉衣之寶。不憂少物。高墳大寢之役。不畏無人。百事皆出於官。一朝亦可以就。而臣等區區不已。以聞。諒欲成朝廷之政。崇國母之德。化浹寰區。聲光竹素。儻中官情不可奪。陛下不能苦違。即準一品合陪陵葬者。墳高三丈。已上四丈。已下。降勅將同陪陵之例。即極是。高下得宜。上謂環等曰。朕每事常欲正身。以成綱紀。至於妻子。情豈有私。然人所難言。亦在於此。卿等乃能再三堅執。成朕美事。足使萬代之後。光揚我史策。乃遣使實綵絹四百匹。分賜之。先是。朝集使每至。春將還。多有改轉。率以為常。環奏請一切勒還。絕其僥求之路。又禁斷惡錢。發使分道檢括。銷毀之。頗招士庶所怨。俄授環開府儀同三司。罷知政事。明年。京北人權梁山。搆逆伏誅。制河南尹王怡。馳傳往長安。窮其枝黨。怡禁繫極眾。久之。未能決斷。乃詔環兼京兆留守。并按覆其獄。環至。惟罪元謀數人。其餘緣梁山。詐稱婚禮。因假借得罪。及脅從者。盡奏原之。十二年。駕又東巡。環復為留守。上臨發。謂環曰。卿國之元老。為朕股肱耳目。今將巡洛邑。為別歷時。所有嘉謀嘉猷。宜相告也。環因極言得失。特賜綵絹等。仍手制曰。所進之言。書之座右。出入觀省。以誠終身。其見重如此。俄又兼吏部尚書。十七年。遷尚書右丞。相與張說。說源乾曜。同日拜官。勅太官設饌。太常奏樂。於尚書都省。大會百寮。玄宗賦詩褒述。自寫與之。二十年。以年老。上表曰。臣聞力不足者。老則更衰。心無主者。疾而尤廢。臣昔聞其語。今驗諸身。況且兼之。何能為也。臣自披跡幽介。欽屬威明。才不逮人。藝非經國。復以久承驅策。屢參試用。命偶時來。榮因歲積。遂使再升台座。三入冢司。進階開府。增封本郡。所更中外。已紊彝章。遽居端揆。左叨名職。何者。丞相官師之

長任重昔時。愚臣衰朽之餘。用慚他日。位則逾盛。人則浸微。盡知其然。何居而可。頃僂從政。蒼黃不言。實懷覆載之德。冀竭涓塵之効。今積羸成瘵。沉痾莫瘳。耳目更昏。手足多廢。顧惟殞越。寧遂宿心。安可以苟徇大名。仍尸重祿。且留章綬。不上闕庭。儀刑此乖。禮法何設。伏惟陛下。審能以授。爲官而擇。察臣之懇詞。矜臣之不逮。使罷歸私第。養疾衡門。上拜官諫。下知死所。則歸全之望。獲在愚臣。養老之恩。成於聖代。日暮途遠。天高聽卑。瞻望軒墀。伏深感戀。謹奉表陳。乞以聞。手勅許之。仍令全給祿俸。環乃退歸。東都私第。屏絕人事。以就醫藥。二十二年。駕幸東都。環於路左迎謁。上遣榮王親勞問之。自是頻遣使送藥餌。二十五年。薨。年七十五。贈太尉。諡曰文貞。子昇。天寶初。太僕少卿。次尙。漢東太守。次渾。與右相李林甫等。引爲諫議大夫。平原太守。御史中丞。東京採訪使。次怒。都官郎中。劍南採訪判官。依倚權勢。頗爲貪暴。渾在平原。重徵一年庸調。作東畿採訪使。又使河南尉楊朝宗。影娶妻鄭氏。鄭氏卽薛稷外孫姊。爲宗婦。嬖居有色。渾有妻。使朝宗聘。而渾納之。妻朝宗爲赤尉。怒在劍南。有雒縣令崔珪。怒之表兄。妻美。怒誘而私之。而貶珪官。又養刺客李晏。至九載。並爲人所發。賊私各數萬貫。林甫奏稱。環子渾。就東京臺推。怒就本使劍南推。皆有實狀。渾流嶺南。高要郡。怒流海康郡。尙其載。又爲人訟其賊。貶臨海長史。其子華。衡。居官皆坐賊。相次流貶。其後渾會赦量移。至東陽郡。下請託過求。及役使人吏。求其資課。人不堪其弊。訟之。配流潯江郡。然兄弟盡善。飲詭。俳優雜戲。衡最麤險。廣平之風教。無復存矣。廣德後。渾除太子諭德。爲物議。薄之。乃留寓於江嶺卒。史臣曰。履艱危則易見。貞臣處平定則難彰。賢相故房杜預創業之功。不可儔匹。而姚宋經武韋二后。政亂刑淫。頗涉履於中。克全聲跡。抑無愧焉。贊曰。姚宋入用。刑政多端。爲政匪易。防刑益難。諫諍以猛。施張用寬。不有其道。將何以安。

舊唐書卷九十六

舊唐書卷九十六考證

姚崇傳○臣德潛按崇上陳十事。使玄宗力行。此生平大節。而傳中不及。新書

詳之。此足補舊書之闕。

宋璟傳內史楊再思恐忤旨。遽宣勅令璟出○新書作姚璩。通鑑綱目俱再思。

舊唐書卷九十六考證

後晉司空同中書門下平章事劉昫撰

列傳第四十七

劉幽求

鍾紹京

郭元振

張說

子均增

陳希烈附

劉幽求冀州武強人也。聖曆年應制舉拜閩中尉。刺史不禮焉。乃弃官而歸。久之授朝邑尉。初桓彥範敬暉等難誅張易之兄弟。竟不殺武三思。幽求謂桓敬曰。三思尚存。公輩終無葬地。若不早圖。恐噬臍無及。桓敬等不從其言。後果為三思誣構。死於嶺外。及韋庶人將行篡逆。幽求與玄宗潛謀誅之。乃與苑總監鍾紹京。長上果毅麻嗣宗及太平公主之子薛崇暉等夜從入禁中討平之。是夜所下制勅百餘道。皆出於幽求。以功擢拜中書舍人。令參知機務。賜爵中山縣男。食實封二百戶。翼日又授其二子五品官。祖父俱追贈刺史。睿宗即位。加銀青光祿大夫。行尚書右丞。仍舊知政事。進封徐國公。加實封通前五百戶。賜物千段。奴婢二十人。宅一區。地十頃。馬四匹。加以金銀雜器。景雲二年。遷戶部尚書。罷知政事。月餘。轉吏部尚書。擢拜侍中。降璽書曰。頃者王室不造。中宗猷代。外戚專政。姦臣擅國。將傾社稷。幾遷鼎鼐。朕躬與王公。皆將及於禍難。卿見危思奮。在變能通。翊贊儲君。協和義士。殄殲元惡。放殛凶徒。我國家之復存。繫茲是賴。厥庸甚茂。朕用嘉焉。故委卿以銜軸。昨卿以茅土。然征賦未廣。龍錫猶輕。昔西漢行封。更擇多戶。東京定賞。復增大邑。故加賜卿實封二百戶。兼舊七百戶。使夫高岸為谷。長河如帶。子子孫孫。傳國無絕。又以卿志韜狗難。宜有恩榮。故特免卿十死罪。並書諸金鐵。俾傳于後。卿其保茲功業。永作國禎。可不美歟。先天元年。拜尚書右僕射。同中書門下三品。監修國史。幽求初自謂功在朝臣之右。而志求左僕射。兼領中書令。俄而竇懷貞為左僕射。崔湜為中書令。幽求心甚不平。形於言色。湜又託附太平公主。將謀逆亂。幽求乃與右羽林將軍張暉請以羽林兵誅之。乃令暉密奏玄宗曰。宰相中有崔湜崔義俱是太平公主進用。見作方計。其事不輕。殿下若不早謀。必成大患。一朝事出意外。太上皇何以得安。古人云。當斷不斷。反受其亂。唯請急殺此賊。劉幽求已共臣作定謀

計。訖願以身正此事。赴死如歸。臣既職典禁兵。若奉殿下命。當即除翦。上深以為然。暉又洩其謀於侍御史鄧光賓。玄宗大懼。遽列上其狀。睿宗下幽求等詔。獄令法官推鞠之法。官奏幽求等以疎閑親罪。當死。玄宗屢救獲免。乃流幽求于封州。暉于峯州。歲餘。太平公主等伏誅。其日下詔曰。劉幽求風雲之感。川嶽之靈。學綜九流。文窮三變。義以臨事。精能貫日。忠以成謀。用若投水。茂勳立難之際。嘉話盈啓沃之初。存謙直以不顧。為姦邪之所忌。瑩胡頰。露譖端。潛發元宰。見逐。讒人孔多。既殄羣兇。方宣大化。期間政於經始。載登賢於夢卜。可依舊金紫。光祿大夫。守尚書左僕射。知軍國事。監修國史。上柱國。徐國公。仍依舊還封七百戶。并賜錦衣一襲。開元初。改尚書左右僕射為左右丞相。乃授幽求尚書左丞相。兼黃門監。未幾。除太子少保。罷知政事。姚崇素嫉忌之。乃奏言幽求鬱快於散職。兼有怨言。貶授睦州刺史。削其實封六百戶。歲餘。稍遷杭州刺史。三年。轉桂陽郡刺史。在道憤恚而卒。年六十一。贈禮部尚書。諡曰文獻。配享睿宗廟庭。建中三年。重贈司徒。

鍾紹京。虔州贛人也。初為司農錄事。以工書直鳳閣。則天時。明堂門額九鼎之銘。及諸宮殿門榜。皆紹京所題。景龍中。為苑總監。玄宗之誅韋氏。紹京夜中帥戶奴及丁夫以從。及事成。其夜拜紹京銀青光祿大夫。中書侍郎。參知機務。翼日。進拜中書令。加光祿大夫。封越國公。賜實封五百戶。賜物二千段。馬十匹。紹京既當朝用事。恣情賞罰。甚為時人所惡。俄又抗疏讓官。睿宗納薛稷之言。乃轉為戶部尚書。出為蜀州刺史。玄宗即位。復召拜戶部尚書。遷太子詹事。時姚崇素惡紹京之為人。因奏紹京發言怨望。左遷綿州刺史。及坐事。累貶琰川尉。盡削其階爵。及實封。俄又歷遷温州別駕。開元十五年入朝。因垂泣奏曰。陛下豈不記曠昔之事耶。何忍斥臣荒外。永不見闕庭。且當時立功之人。今並土殫。唯臣衰老。獨在陛下。豈不垂憐耶。玄宗為之惘然。即日拜銀青光祿大夫。右諭德。久之。轉少詹事。年八十餘。卒。紹京雅好書畫。古跡。聚二王及褚遂良書至數百卷。建中元年。重贈太子太傅。

郭元振。魏州貴鄉人。舉進士。授通泉尉。任俠使氣。不以細務介意。前後掠賣所

部千餘人以遺賓客百姓苦之則天聞其名召見與語甚奇之時吐蕃請和乃授元振右武衛鎧曹充使聘於吐蕃吐蕃大將論欽陵請去四鎮兵分十姓之地朝廷使元振因察其事宜元振還上疏曰臣聞利或生害害亦生利國家難消息者唯吐蕃與默啜耳今吐蕃請和默啜受命是將大利於中國也若圖之不審則害必隨之今欽陵欲分裂十姓去四鎮兵此誠動靜之機不可輕舉措也今若直塞其善意恐邊患之起必甚於前若以鎮不可拔兵不可抽則宜為計以緩之藉事以誘之使彼和望未絕則其惡意亦不得頓生且四鎮之患遠甘涼之患近取捨之計實宜深圖今國之外患者十姓四鎮是也內患者甘涼瓜肅是也關隴之人久事屯戍向三十年力用竭矣脫甘涼有不虞豈堪廣調發耶夫善為國者當先料內以敵外不貪外以害內然後夷夏晏安昇平可保如欽陵云四鎮諸部接界懼漢侵竊故有是請此則吐蕃所要者然青海吐渾密邇蘭鄯比為漢患實在茲輩斯亦國家之要者今宜報欽陵云國家非恠四鎮本置此以扼蕃國之要分蕃國之力使不得併兵東侵今委之於蕃力強易為東擾必實無東侵意則還漢吐渾諸部及青海故地即俟斤部落亦還吐蕃如此則足塞欽陵之口而事未全絕也如欽陵小有乖則曲在彼矣又西邊諸國豈附歲久論其情義豈可與吐蕃同日而言今未知其利害未審其情實遠有分裂亦恐傷彼諸國之意非制馭之長算也則天從之又上言曰臣揣吐蕃百姓倦傷戍久矣咸願早和其大將論欽陵欲分四鎮境統兵專制故不欲歸款若國家每歲發和親使而欽陵常不從命則彼蕃之人怨欽陵日深望國恩日甚設欲廣舉醜徒固亦難矣斯亦離間之漸必可使其上下俱懷猜阻則天甚然之自是數年間吐蕃君臣果相猜貳因誅大將論欽陵其弟贊婆及兄子莽布支並來降則天仍令元振與河源軍大使夫蒙令卿率騎以接之後吐蕃將麴莽布支率兵入寇涼州都督唐休瓌勒兵破之元振奏預其謀以功拜主客郎中大足元年遷涼州都督隴右諸軍州大使先是涼州封界南北不過四百餘里既逼突厥吐蕃一寇頻歲奄至城下百姓苦之元振始於南境破口置和戎城北界積中置白亭軍控其要路乃拓州境一千五百自是寇虜不復更

至城下元振又令甘州刺史李漢通開置屯田盡其水陸之利舊涼州粟斛售至數千及漢通收率之後數年豐稔乃至一匹絹粟數十斛積軍糧支數十年元振風神偉壯而善於撫御在涼州五年夷夏畏慕令行禁止牛羊被野路不拾遺神龍中遷左驍衛將軍兼檢校安西大都護時西突厥首領烏質勒部強感款塞通和元振就其牙帳計會軍事時天大雪元振立於帳前與烏質勒言議須臾雪深風凍元振未嘗移足烏質勒年老不勝寒苦會罷而死其子娑葛以元振故殺其父謀勒兵攻之副使御史中丞解琬知其謀勸元振夜遁元振曰吾以誠信待人何所疑懼且深在寇庭遁將安適乃安臥帳中明日親入虜帳哭之甚哀行弔贈之禮娑葛乃感其義復與元振通好因遣使進馬五十匹及方物制以元振為金山道行軍大總管先是娑葛與阿史那闕啜忠節不和屢相侵掠闕啜兵眾寡弱漸不能支元振奏請追闕啜入朝宿衛移其部落入於瓜沙等州安置制從之闕啜行至播仙城與經略使右威衛將軍周以悌相遇以悌謂之曰國家以高班厚秩待君者以君統攝部落下有兵眾故也今輕身入朝是一老胡耳在朝之人誰復喜見非唯官資難得亦恐性命在人今宰相有宗楚客紀處訥並專權用事何不厚貺二公請留不行仍發安西兵并引吐蕃以擊娑葛求阿史那獻為可汗以招十姓使郭虔瓘往拔汗那徵甲馬以助軍用既得報讎又得存其部落如此與入朝受制於人豈復同也闕啜然其言便勒兵攻陷于闐坎城獲金寶及生口遣人間道納賂於宗紀元振聞其謀遽上疏曰往者吐蕃所爭唯論十姓四鎮國家不能捨與所以不得通和今吐蕃不相侵擾者不是顧國家和信不來直是其國中諸豪及泥婆羅門等屬國自有權貳故贊普躬往南征身殞寇庭國中大亂嫡庶競立將相爭權自相屠滅兼以人畜疲瘠財力困窮人事天時俱未稱愜所以屈志且共漢和并非本心能忘情於十姓四鎮也如國力殷足之後則必爭小事方便絕和縱其醜徒來相吞擾此必然之計也今忠節乃不論國家大計直欲為吐蕃作鄉導主人四鎮危機恐從此登頃錄默啜憑陵所應處兼四鎮兵士歲久貧羸其勢未能得為忠節經略非是憐突騎施也忠節不體國家中外之意而別求吐蕃吐

著得志忠節則在其掌握若爲復得事漢往年吐蕃於國非有恩有力猶欲爭十姓四鎮今若効力樹恩之後或請分子聞踈勒不知欲以何理抑之又其國中諸蠻及婆羅門等國見今攜背忽請漢兵助其除討亦不知欲以何詞拒之是以古之賢人皆不願夷狄妄惠非是不欲其力懼後求請無厭益生中國之事故臣愚以爲用吐蕃之力實爲非便又請阿史那獻者豈不以獻等並可汗子孫來即可以招脅十姓但獻父元慶叔僕羅兄倭子并解瑟羅及懷道豈不俱是可汗子孫往四鎮以他匄十姓不安請冊元慶爲可汗竟不能招脅得十姓却令元慶沒賊四鎮盡淪頃年忠節請解瑟羅及懷道俱爲可汗亦不能招脅得十姓却遣碎葉數年被圍兵士飢餒又吐蕃頃年亦冊倭子及僕羅并拔布相次爲可汗亦不能招得十姓皆自磨滅何則此等子孫非有惠下之才恩義素絕故人心不歸來者既不能招攜唯與四鎮却生瘡痍則知冊可汗子孫亦未獲招脅十姓之算也今料獻之恩義又隔遠於其父兄向來既未樹立威恩亦何由即遣人心懸附若自舉兵力勢能取則可招脅十姓不必要須得可汗子孫也又欲令郭虔瓘入拔汗那稅甲稅馬以充軍用者但往年虔瓘已曾與忠節擅入拔汗那稅甲稅馬臣在疏勒具訪不聞得一甲入軍拔汗那胡不勝優擾南勾吐蕃即將倭子重擾四鎮又虔瓘往入之際拔汗那四面無賊可勾恣意侵吞如獨行無人之境猶引倭子爲敵今此有娑葛強寇知虔瓘等西行必請相救胡人則內堅城壘突厥則外伺邀遮必知虔瓘等不能更如往年得恣其吞噬內外受敵自陷危道徒與賊結隙令四鎮不安臣愚揣之亦爲非計疏奏不省楚客等既受闕噶之賂乃建議遣攝御史中丞馮嘉賓持節安撫闕噶御史呂守素處置四鎮持重書便報元振除牛師獎爲安西副都護便領甘涼已西兵募兼徵吐蕃以討娑葛娑葛進馬使娑臘知楚客計馳還報娑葛娑葛是日發兵五千騎出安西五千騎出撥換五千騎出焉耆五千騎出踈勒時元振在踈勒於河口柵不敢動闕噶在計舒河口候見嘉賓娑葛兵掩至生擒闕噶殺嘉賓等呂守素至僻城亦見害又殺牛師獎於火燒城乃陷安西四鎮路絕楚客又奏請周以悌代元振統衆徵元振將陷之使阿史那獻爲十姓

可汗置軍焉耆以取娑葛娑葛遣元振書曰與漢本來無惡只離於闕噶而宗尙書取闕噶金枉擬破奴部落馮中丞牛都護相次而來奴等豈坐受死又聞史獻欲來徒擾亂軍州恐未有寧日乞大使商量處置元振奏娑葛狀楚客怒奏言元振有異圖元振使其子矯間道奏其狀以悌竟得罪流于白州復以元振代以悌赦娑葛罪冊爲十四姓可汗元振奏稱西土未寧事責安撫逗遛不敢歸京師會楚客等被誅睿宗卽位徵拜太僕卿加銀青光祿大夫景雲二年同中書門下三品代宋璟爲吏部尙書無幾轉兵部尙書封館陶縣男時元振父愛年老在鄉就拜濟州刺史仍聽致仕其冬與韋安石張說等俱罷知政事先天元年爲朔方軍大總管始築定遠城以爲行軍計集之所至今賴之明年復同中書門下三品及蕭至忠竇懷貞等附太平公主潛謀不順玄宗發羽林兵誅之睿宗登承天門元振躬率兵侍衛之事定論功進封代國公食實封四百戶賜物一千段又令兼御史大夫持節爲朔方道大總管以備突厥未行玄宗於驪山講武坐軍容不整坐于纛下將斬以徇劉幽求張說於馬前諫曰元振有翊贊大功雖有罪當從原宥乃赦之流於新州尋又思其舊功起爲饒州司馬元振自恃功勳快快不得志道病卒開元十年追贈太子少保有文集二十卷

張說字道濟其先范陽人代居河東近又徙家河南之洛陽弱冠應詔舉對策乙第授太子校書累轉右補闕預修三教珠英久視年則天幸三陽宮自夏涉秋不時還都說上疏諫曰陛下屯萬乘幸離宮暑退涼歸未降遺旨愚臣固陋恐非良策請爲陛下陳其不可三陽宮去洛城一百六十里有伊水之隔崕坂之峻過夏涉秋水潦方積道壞山險不通轉運河廣無梁咫尺千里扈從兵馬日費資給連兩彌旬卽難周濟陛下太倉武庫並在都邑紅粟利器蘊若山丘奈何去宗廟之上都安山谷之僻處是猶倒持劍戟示人鋒柄臣竊爲陛下不取夫禍變之生在人所忽故曰安樂必誠無行所悔此不可止之理一也宮城褊小萬方輻湊填城溢郭併鋪無所排斥居人蓬宿草次風雨暴至不知庇託孤嫠老病流轉衢巷陛下作人父母將若之何此不可止之理二也池亭奇巧

誘掖上心，創繼起，竭流漲海，俯貫地脉，仰出雲路，易山川之氣，奪農桑之土，延木石，運斧斤，山谷連聲，春夏不輟，勸陛下作此者，豈正人耶？詩云：人亦勞止，汔可小康，此不可止之理三也。御苑東西二十里，所出入來往，雜人甚多，外無牆垣局禁，內有榛藜窟谷，猛獸所伏，暴慝是憑，陛下往往輕行，警蹕不肅，塵蒙密，乘嶮，卒然有逸獸狂夫，驚犯左右，豈不殆哉！雖萬全無疑，然人主之動，不宜易也。易曰：思患預防。願陛下為萬姓持重，此不可止之理四也。今國家北有胡寇，東邊南有夷獠，騷擾關西，小星耕稼是憂，安東近平，輸漕方始，臣願陛下及時旋旆，深居上京，息人以展農修德，以求遠罷，不急之役，省無用之費，澄心澹懷，惟億萬年，蒼蒼羣生，莫不幸甚，臣自度芻蕘，十不一從，何者？沮盤遊之娛，間林止之玩，規遠圖而替近適，要後利而弃前勳，未沃明主之心，已戾貴臣之意，然臣血誠密奏，而不愛死者，不願負陛下言責之職耳。輕觸天威，伏地待罪，疏奏不省，長安初，修三教珠英，畢遷右史，內供奉，兼知考功員舉事，擢拜鳳閣舍人，時臨臺監張易之與其弟昌宗構陷御史大夫魏元忠，稱其謀反，引說令證其事，說至御前，揚言元忠實不反，此是易之誣構耳。元忠由是免誅，說坐忤旨，配流欽州，在嶺外歲餘，中宗即位，召拜兵部員外郎，累轉工部侍郎，景龍中，丁母憂去職，起復授黃門侍郎，累表固辭，言甚切至，優詔方許之，是時風教類紊，多以起復為榮，而說固節懇辭，竟終其喪制，大為識者所稱，服終復為工部侍郎，俄拜兵部侍郎，加弘文館學士，睿宗即位，遷中書侍郎，兼雍州長史，景雲元年秋，譙王重福於東都構逆而死，留守捕繫枝黨數百人，考訊結構之狀，經時不決，睿宗令說往按其獄，一宿捕獲重福謀主張璽均鄭信等，盡得其情狀，自餘枉被繫禁者，一切釋放，睿宗勞之曰：知卿按此獄，不枉良善，又不漏罪人，非卿忠正，豈能如此？玄宗在東宮，說與國子司業褚无量俱為侍讀，深見親敬，明年，同中書門下平章事，監修國史，是歲二月，睿宗謂侍臣曰：有術者上言五日內有急兵入宮，卿等為朕備之，左右相顧莫能對，說進曰：此是讒人設計，擬搖動東宮耳，陛下若使太子監國，則君臣分定，自然親覲路絕，災難不生，睿宗大悅，即日下制皇太子監國，明年，又制皇太子即帝位，俄而太平公主引蕭至忠、崔湜等為宰相，以說為不附，已轉為尚書左丞，罷知政事，仍令往東都留司，說既知太平等懷陰異計，乃因使獻佩刀於玄宗，請先事討之，玄宗深嘉納焉，及至忠等伏誅，徵拜中書令，封燕國公，賜實封二百戶，其冬改易官名，拜紫微令，自則天末，年季冬為潑寒胡戲，中宗嘗御樓以觀之，至是因蕃夷入朝，又作此戲，說上疏諫曰：臣聞韓宣適魯，見周禮而歎孔子會齊，數倡優之罪，列國如此，況天朝乎？今外蕃請和，選使朝謁，所望接以禮樂，示以兵威，雖曰戎夷，不可輕易焉，知無駒支之辯，由余之賢哉！且潑寒胡未聞典故，裸體跳足，威德何觀，揮水投泥，失容斯基，法殊魯禮，褻比齊優，恐非千羽柔遠之義，樽俎折衝之禮，自是此戲乃絕，俄而為姚崇所構，出為相州刺史，仍充河北道按察使，俄又坐事左轉岳州刺史，仍停所食實封三百戶，遷右羽林將軍，兼檢校幽州都督，開元七年，檢校并州大都督府長史，兼天兵軍大使，攝御史大夫，兼修國史，仍實史本隨軍修撰，八年秋，朔方大使王峻誅河曲降虜阿布思等千餘人，時并州大同橫野等軍有九姓同羅拔曳固等部落，皆懷震懼，說率輕騎二十人持旌節直詣其部落，宿于帳下，召酋帥以慰撫之，副使李憲以為夷虜難信，不宜輕涉不測，馳狀以諫，說報書曰：吾肉非黃羊，必不畏喫，血非野馬，必不畏刺，士見危致命，是吾効死之秋也，於是九姓感義，其心乃安，九年四月，胡賊康待賓率眾反，據長泉縣，自稱葉護，攻陷蘭池等六州，詔王峻率兵討之，仍令說相知經略，時叛胡與党項連結，攻銀城連谷，以據倉糧，說統馬步萬人出合河關掩擊，大破之，追至駱駝堰，胡及党項自相殺阻，夜胡乃西遁，入鐵建山，餘黨潰散，說招集党項，復其居業，副使史獻請因此誅党項，絕其翻動之計，說曰：先王之道，推亡固存，如盡誅之，是逆天道也，因奏置麟州，以安置党項餘燼，其年拜兵部尚書，同中書門下三品，仍依舊修國史，明年，又勅說為朔方軍節度大使，往巡五城處置兵馬，時有康待賓餘黨慶州方渠降胡康願子自立為可汗，舉兵反，謀掠監牧馬，西涉河出塞，說進兵討擒之，并獲其家屬於木盤山，送都斬之，其黨悉平，獲男女三千餘人，於是移河曲六州殘胡五萬餘口配許汝唐鄧仙豫等州，始空河南朔方千里之地，說以討賊功，復賜實封二百戶，先是緣邊鎮兵

常六十餘萬，說以時無強寇，不假師衆，秦罷二十餘萬，勒還營農，玄宗頗以爲疑。說奏曰：臣久在疆場，具悉邊事，軍將但欲自衛，及雜使營私，若禦敵制勝，不在多擁閑冗，以妨農務。陛下若以爲疑，臣請以闔門百口爲保，以陛下之明，四夷畏伏，必不慮滅兵而招寇也。上乃從之。時嘗番衛士，浸以貧弱，逃亡略盡，說又建議，請一切召募強壯，令其宿衛，不簡色役，優爲條例，逋逃者必爭來應募。上從之。旬日得精兵一十三萬人，分繫諸衛，更番上下，以實京師。其後驍騎是也。是歲玄宗將還京，而便幸并州，說進言曰：太原是國家王業所起，陛下行幸，振威耀武，建碑紀德，以申永思之意。若便入京路，由河東，有漢武雕上后土之祀，此禮久闕，歷代莫能行之。願陛下紹斯盛典，以爲三農祈穀，此誠萬姓之福也。上從其言。及祀后土禮畢，說次張嘉貞爲中書令。夏四月，玄宗親爲詔曰：動惟直道，累聞獻替之誠，言則不諛，自得謀猷之體，政令必俟其增損，圖書又藉其刊削，才望兼著，理合擢升。考中上說，又首建封禪之議。十三年，受詔與右散騎常侍徐堅、太常少卿韋綽等撰東封儀注舊儀，不便者，說多所裁正。語在禮志。玄宗尋召說及禮官學士等，賜宴於集仙殿，謂說曰：今與卿等賢才同宴，於此，宜改名爲集賢殿。因下制改麗正書院爲集賢殿，書院授說集賢院學士。知院事，及將東封，授說爲右丞相兼中書令。源乾曜爲左丞相兼侍中，蓋勳成岱宗，以明宰相佐成王化也。說又撰封禪壇頌，以紀聖德。初源乾曜本意不欲封禪，而說因贊其事，由是頗不相平。及登山，說引所親攝供奉官及主事等，從升加階，超入五品。其餘官多不得上，又行從兵士，惟加勳不得賜物，由是頗爲內外所怨。先是御史中丞宇文融獻策，請括天下逃戶及籍外剩田，置十道勸農使，分往檢察，說嫌其擾人，不便，數建議連之。及東封還，融又密奏分吏部置十銓，融與禮部尚書蘇頌等分掌選事，融等每有奏請，皆爲說所抑。由是銓綜失敘，融乃與御史大夫崔隱甫、中丞李林甫奏彈說引術士夜解及受贓等狀。勅宰臣源乾曜刑部尚書韋抗大理少卿胡珪御史大夫崔隱甫就尚書省鞫問，說兄左庶子光詣朝堂割耳稱寃。時中書主事張觀左衛長史范堯臣並依倚說勢，詐假納賂，又私度僧王慶則往來與說占卜吉凶，爲隱甫等所鞠伏罪。

說經兩宿，玄宗使中官高力士視之，迴奏說坐於草上，於瓦器中食，蓬首垢面，自罰憂懼之甚。玄宗憫之，力士奏曰：說曾爲侍讀，又於國有功，玄宗然其奏，由是傳兼中書令，觀及慶則決杖而死，連坐還貶者十餘人。隱甫及融等恐說復用爲己患，又密奏毀之。明年，詔說致仕，仍令在家修史。初說爲相時，玄宗意欲討吐蕃，說密奏許其通和，以息邊境。玄宗不從，及瓜州失守，王君奭死，說因獲構州關羊，上表獻之，以申諷諭。其表臣聞勇士冠雞武夫戴鶻，推情舉類，獲此關羊，遠生越構，蓄性剛決，敵不避強，戰不顧死，雖爲微物，志不可挫。伏惟陛下選良家於六郡，求猛士於四方，鳥不遁才，獸不藏伎，如蒙効奇，豎圖角力，天場却鼓，怒以作氣，前躡躡以奮擊，跌若奔雲之交觸，碎如轉石之相叩，裂骨賭勝，濺血爭雄，敢教見而衝冠，驚狼聞而擊節，冀將少助明主，市駿骨，掛怒蛙之意也。若使羊能言，必將曰：若關不解，立有死者，所賴至仁無殘，量力取勸焉。臣緣損足，未堪履地，謹遣男詣金門奉進。玄宗深悟其意，賜絹及雜綵一千匹。十七年，復拜尚書左丞相，集賢院學士，尋代源乾曜爲尚書左丞相，視事之日，上勅所司供帳，設音樂，內出酒食，御製詩一篇以敘其事。尋以修謁儀注功加開府儀同三司，時長子均爲中書舍人，次子均尚寧親公主，拜駙馬都尉。又特授說兄慶王傳光爲銀青光祿大夫，當時榮寵，莫與爲比。十八年，遇疾，玄宗每日令中使問疾，并手寫藥方賜之。十二月薨，時年六十四。上憫久之，遽於光順門舉哀，因罷十九年元正朝會。詔曰：弘濟艱難，參其功者，時倅經緯，禮樂贊其道者，人師式瞻，而百度允釐，既往而千載貽範，台衡軒鼎，垂黼藻於當今，徽策龍章，播芳蕤於後葉，故開府儀同三司尚書左丞相集賢院學士知院事上柱國燕國公張說，辰象降靈，雲龍合契，元和體其冲粹，妙有釋其至蹟，挹而莫測，仰之彌高，精義探繫，表之微英，辭鼓天下之動，昔侍春誦，綢繆歲華，含春容之聲，叩而盡應，蘊泉源之智，啓而斯沃，授命與國，則天衢以通，濟用和民，則朝政惟允，司鈞總六官之紀，端揆爲萬方之式，方弘風緯，俗返本於上古之初，而邁德振仁，不臻於中壽之福，於嗟不慙，既喪斯文，宣室餘談，冷然在耳，王殿遺草，宛留其蹟，言念忠賢，良深震悼，是使當宇，撫几臨樂，徹懸罷稱觴之儀，遵往

禘之禮。可贈太師。賜物五百段。始玄宗在東宮。說已蒙禮遇。及太平用事。儲位頗危。說獨排其黨。請太子監國。深謀密畫。竟清內難。遂爲開元宗臣。前後三秉大政。掌文學之任。凡三十年。爲文俊麗。用思精密。朝廷大手筆。皆特承中旨。撰述。天下詞人。咸輒誦之。尤長於碑文墓誌。當代無能及者。喜延納後進。嘗用己長引文儒之士。佐佐王化。當承平歲久。志在粉飾。感時其封泰山。祠雒上。謁五陵。開集賢。修太宗之政。皆說爲倡首。而又敦氣義。重然諾。於君臣朋友之際。大義甚篤。時中書舍人徐堅自負文學。常以集賢院學士多非其人。所司供膳太厚。嘗謂朝列曰。此輩於國家何益如此。虛費將建議罷之。說曰。自古帝王功成。則有奢縱之失。或興池臺。或玩聲色。今聖上崇儒重道。親自講論。刊正圖書。詳延學者。今屬正書院。天子禮樂之司。永代規模。不易之道也。所費者細。所益者大。徐子之言。何其隘哉。玄宗知之。由是薄堅。說既遭讒。罷知政事。專集賢文史之任。每軍國大事。帝遣中使先訪其可否。說嘗自製其父贈丹州刺史。陽碑文。玄宗聞之。而御書其碑。額賜之曰。嗚呼。積善之墓。有文集三十卷。太常證議曰。文貞左司郎中。陽伯誠。駁議以爲不稱。工部侍郎張九齡立議。請依太常爲定。紛紜未決。玄宗爲說自製神道碑文。御筆賜諡曰。文貞。繇是方定。均皆能文。說在中書。兄弟已掌輪輸之任。居父憂。服闋。均除戶部侍郎。轉兵部。二十六年。坐累貶饒州刺史。以太子左庶子徵。復爲戶部侍郎。九載。遷刑部尚書。自以才名。嘗爲宰相。常爲李林甫所抑。及林甫卒。依附權臣陳希烈。期於必取。既而楊國忠用事。心頗惡之。罷希烈知政事。引文部侍郎韋見素代之。仍以均爲大理卿。均大失望。意常鬱鬱。祿山之亂。受僞命爲中書令。掌樞樞。李崑呂諤條疏陷賊。官均當大辟。肅宗於說有舊恩。特免死。長流合浦郡。均以主婿。玄宗特深恩寵。許於禁中置內宅。侍爲文章。嘗賜珍玩。不可勝數。時兄均亦供奉翰林院。常以所賜示均。戲謂均曰。此婦翁與女婿。非天子賜學士也。天寶中。玄宗嘗幸內宅。謂均曰。希烈累辭機務。朕擇其代者。孰可。均錯愕未對。帝卽曰。無踰吾愛婿矣。均降階謝。楊國忠聞而惡之。及希烈罷。相韋見素代。相。均深嫉。天寶十三年正月。范陽節度使安祿山入朝。時祿山立破奚契丹功。尤加

寵異。祿山求帶平章事。下中書擬議。國忠進言曰。祿山誠立軍功。然眼不識字。制命若行。臣恐四夷輕國。玄宗乃止。加左僕射而已。及祿山還鎮。命中官高力士。錢於漣坡。既還。帝曰。祿山慰意否。力士曰。觀其深心鬱鬱。必伺知宰相之命。不行故也。帝告國忠。國忠曰。此議他人不知。必張均所告。帝怒。盡逐張均兄弟。出均爲建安太守。均爲盧溪郡司馬。均爲宜春郡司馬。歲中召還。再遷爲太常卿。祿山之亂。玄宗幸蜀。宰相韋見素。楊國忠。御史大夫魏方進等。從朝臣多不至。次咸陽。帝謂高力士曰。昨日蒼黃離京。朝官不知所詣。今日誰當至者。力士曰。張均兄弟。世受國恩。又連戚屬。必當先至。房琯素有宰相望。深爲祿山所器。必不此來。帝曰。事未可料。是日琯至。帝大悅。因問均。均曰。臣離京時。亦過其舍。比約同行。均報云。已於城南取馬。觀其趣向。來意不切。既而均弟果受祿山僞命。均與陳希烈爲賊。宰相均死於賊中。

陳希烈者。宋州人也。精玄學。書無不覽。開元中。玄宗留意經義。自褚无量。元行沖。卒後。得希烈與鳳翔人馮朝隱。常於禁中講老易。累遷至祕書少監。代張九齡。專判集賢院事。玄宗凡有撰述。必經希烈之手。李林甫知上睦待深異。又以和裕易制。乃引爲宰相。同知政事。相得甚歡。而林甫居位日久。雖陰謀毒害。足以自固。亦希烈佐佑唱和之力也。累遷兼兵部尚書。左相。封潁川郡開國公。寵遇俾於林甫。及林甫死。楊國忠用事。素忌嫉之。乃引韋見素。同列罷希烈知政事。守太子太師。希烈失恩。心頗快快。祿山之亂。與張均。連奚。瑒。同掌賊之機。衡六等定罪。希烈當斬。肅宗以上皇素遇。賜死於家。

史臣曰。劉徐公負不羈之材。逢抵蟻之運。遂能奮命決策。扶力中興。朝爲徒步之人。夕據公侯之位。苟非輕死重利。不恥不義之富安。及此郭代公張燕公。解連掖。而登將壇。驅龍虎之師。斷彊戎之臂。誓居衡軸。致克隆平。可謂武緯文經。惟申與甫而已。惜乎均。均皆務速失節。賊庭自武德已來。稱賢相者。房杜姚宋四公。皆遭無賴子。弟。行。圯。先業。非獨燕國之不幸也。希烈柔而多智。長於名理。竟死於名。所謂難重。不見其眉睫。與夫平叔。太祖。同膏肓耳。

贊曰。箕微去。封。闕。散。扶。昌。謀。不。近。義。旋。踵。而。亡。曲。求。不。令。道。濟。允。滅。偉。哉。郭。侯。

勳德煌煌

舊唐書卷九十七

舊唐書卷九十七考證

張說子增傳及希烈罷相舉韋見素代相增深缺望○沈炳震曰按天寶十三載三月增貶盧溪郡司馬八月韋見素入相則見素入相時增已就貶非因此而缺望也

舊唐書卷九十七考證

後晉司空同中書門下平章事劉昫撰

列傳第四十八

魏知古 盧懷慎子 源乾曜從孫 光裕 李元紘

杜暹 韓休 裴耀卿孫 信

魏知古深州陸澤人也。性方直，早有才名。弱冠舉進士，累授著作郎，兼修國史。長安中，歷遷鳳閣舍人，衛尉少卿，時睿宗居藩，兼檢校相王府司馬，神龍初，擢拜吏部侍郎，仍並依舊兼修國史。尋進位銀青光祿大夫。明年，丁母憂去職。服闋，授晉州刺史。睿宗即位，以故吏召拜黃門侍郎，兼修國史。景雲二年，遷右散騎常侍。睿宗女金仙玉真二公主入道，有制各造一觀，雖屬季夏感暑，尚營作不止。知古上疏諫曰：「臣聞穀梁傳曰：古之君人者，必時視人之所勤，人勤於力，則功寡罕，人勤於財，則貢賦少，人勤於食，則百事廢。書曰：不作無益害有益，又曰：罔拂百姓以從己之欲。禮曰：季夏之月，樹木方盛，無有斬伐，不可興土功。以妨農。又曰：季夏行冬令，則風寒不時。語曰：修己以安百姓，此皆與化立理之教，為政養人之本。今陛下為公主造觀，將樹功德以祈福祐，但兩觀之地，皆百姓之宅，卒然迫逼，令其轉移，扶老攜幼，投竄無所，發別椽瓦，呼嗟道路，乖人事違天時，起無用之作，崇不急之務，羣心搖搖，眾口籍籍，陛下為人父母，欲何以安之？且國有簡冊，君舉必記，動則左史書之，言則右史書之，是以非禮勿言，非禮勿動。夫如是，則君之所舉，可不慎歟？微臣備位諫諍，兼秉史筆，書而不法，後嗣何觀？臣愚必以為不可，伏願俯順人欲，仰稽天意，降德音，下明策，速罷功役，收之桑榆，疏奏不納。頃之，又進諫曰：「臣聞人以君為天，君以人為本，人安則政理本固，則邦寧。自陛下下賤除兇逆，君臨寶位，蒼生顛顛，以為朝有新政，今風教頹替，日甚一日。府庫空虛，人力凋弊，造作不息，官員日增，今諸司試及員外檢校等官，僅至二千餘人，大府之布帛以理，太倉之米粟難給。又金仙玉真等觀造作，咸非急務，臣先奏請停，竟仍未止。今歲前水後旱，五穀不熟，若至來春，必甚饑饉。陛下為人父母，欲何方以賑恤瘡痍，拯溺須及其時，又突厥為患，其來自

久本無禮儀，焉有誠信。今雖遣使來請結婚，豺狼之心，首鼠何定，弱則卑順，強則驕逆，屬草衰月滿，弓勁馬肥，乘中國飢虛，在和親際會，儻或窺犯，亭鄣國家何以防之。臣所論者，事甚急切，伏願特垂詳察。睿宗嘉其切直，尋令同中書門下平章事玄宗在春官，又令兼左庶子。未幾，遷戶部尚書。餘如故。明年，擢拜侍中。先天元年冬，從上畋獵于渭川，因獻詩諷曰：「嘗聞夏太康，五弟訓禽荒。我后來冬狩，三驅感禮張。順時鷹隼擊，講事武功揚。奔走未及去，翻飛豈暇翔。非熊從渭水，瑞雀想陳倉。此欲誠難縱，茲遊不可常。子雲陳羽獵，傅伯諫漁棠。得失鑒齊楚，仁恩念禹湯。豈照諒在宥，亭毒匪多傷。辛甲今為史，虞箴遠孔彰。手制褒之曰：夫詩者，志之所以為其心懷，實可諷諭君主。是故揚雄陳羽獵，馬卿賦上林，爰自風雅，率由茲道。子頃向溫泉，觀省風俗，時因暇景，掩渭而畋，方開一面之羅，式展三驅之禮，躬親校獵，聊以從禽，豈意卿有箴規，輔予不逮，自非款誠夙著，其孰能繼於此耶。今賜卿物五十段，用申勸獎。二年，累封梁國公。寶懷貞等將謀逆也，知古揭密奏其事，及懷貞誅，賜寶封二百戶，物五百段。仍以前賞猶薄，又手勅曰：魏知古去年十月已前，屢申啓沃，每竭忠誠，姦臣有謀，預奏其兆，事君之節，良有可嘉，可更賜寶封一百戶。其年冬，令往東都知吏部尚書事，深以為稱職。手制曰：卿以宰臣，往知大選，官人之委，情寄尤切，遂能端本，革弊，忘私徇公，正色而行，盾心不撓，鏡已澈則，奸嬖必鑿，銜已舉則，輕重罔違，朕遠聞之，益用嘉歎。今賜卿衣裳一副，以示所懷。開元元年，官名改易，改為黃門監。二年，遷京。上屢有顧問，恩意甚厚，尋改紫微令。姚崇深忌憚之，陰加譏毀，乃除工部尚書，罷知政事。三年卒。時年六十九。御史大夫宋璟聞而歎曰：叔向古之遺直，子產古之遺愛，能兼之者，其在魏公。贈幽州都督，諡曰忠。知古初為黃門侍郎，表薦涇水令呂太一，蒲州司功參軍齊澣，前右內率府騎曹參軍柳澤，及知吏部尚書事，又擢用密縣尉宋遙，左補闕袁暉，右補闕封希顏，伊闕尉陳希烈，後咸累居清要，時論以為有知人之鑒。文集七卷。

盧懷慎滑州豐昌人。其先家于范陽，為山東著姓。祖愨，為靈昌令。因徙焉。懷慎少清謹，舉進士，歷監察御史，吏部員外郎，景龍中，遷右御史臺中丞，上疏以陳

時政得失今略載其三篇其一曰臣聞孔子曰為邦百年可以勝殘去殺又曰苟有用我者期月而已三年有成故書云三載考績校其功也昔子產相鄭更法令布刑書一年而人又歌之曰取我田疇而伍之取我衣冠而褚之執殺子產吾其與之二年而人又歌之曰我有子弟子產教之我有田疇子產殖之子產而死誰其嗣之終有遺愛流芳史策子產賢者也其為政尚累年而化成况其常材乎臣竊見比來州牧上佐及兩畿縣令下車布政罕終四考在任多者一二年少者三五月遽即遷除不論課最或有歷時未改便傾耳而聽企踵而望爭求冒進不顧廉恥亦何暇為陛下宣風布化求瘼恤人哉禮義未能與行風俗未能齊一戶口所以流散倉庫所以空虛百姓凋弊日更滋甚職為此也何則人知吏之不久則不從其教吏知遷之不遠又不盡其力偷安爵祿但養資望陛下雖勤勞之懷宵衣旰食然僥倖路啓上下相蒙共為苟且而已軍盡至公乎此國之病也昔賈誼所謂蹶蹶之病乃小小者耳此弊久而不革臣恐為膏肓難和緩不能療豈蹶蹶而已哉漢宣帝綜覈名實興理致化黃霸良二千石也就增秩賜金以旌其能而不遷於潁川前代之美政也又古之為吏者長子孫倉氏庾氏即其後也書云事不師古以克永代匪說攸聞臣望請諸州都督刺史上佐及兩畿縣令等在任未經四考已上不許遷除察其課効尤異者或錫以車裘或就加祿秩或降使臨問并置書慰勉若公卿有關則擢以勸能其政績無聞及犯貪暴者免歸田里以明聖朝賞罰之信則萬方之人一變于道矣致此之美革彼之弊易於反掌陛下何惜而不行哉其二曰臣聞尚書云唐虞稽古建官惟百夏商官倍亦克用又此省官之義也又云官不必備惟其才又云無曠庶官天工人其代之此為官擇人之義也臣竊見京諸司員外官所在委積多者數倍十倍近古以來未之有也官不必備此則有餘人代天工多不釐務廣有除拜無所裨益俸祿之費歲巨億萬空竭府藏而已豈致理之基哉方今倉庫空虛百姓凋弊河渭漕輓西給京師公私損耗不可勝紀況邊隅未靜兵革尤興節用愛人正在今日增官廣費豈曰其時儻水旱成災租稅減入水衡無實朽之善京庾闕流衍之備或疆場外守兵車遠出或收藏無歲

賑救在辰此軍國之急務也陛下將何以濟之乎書云無輕人事惟艱無安厥位惟危又云不見是圖此皆慎微之深旨也臣竊見員外官中或營樞雅望或臺閣舊人或明習憲章或諳閑政要皆一時之良幹也多不司案牘空尸祿俸滯其才而不申其用尊其位而不盡其力周稱多士漢曰得人豈其然歟必有異於此矣臣望請諸司員外官有才能器識眾共聞知堪為州牧縣宰及上佐者並請遷擢使宣力四方申其智効有老病及不堪理務者咸從廢省使賢不肖較然殊貫此濟時之切務也安可謂行之艱哉其三曰臣聞天吏逸德烈於猛火貪人敗類取與大風則知冒于寵賂侮於鯨鯨為政之蠹莫先于茲臣竊見內外官人有不率憲章公犯贓污侵牟萬姓剽割蒸人鞠按非虛刑憲已及者或復舊實雖負殘削之名還膺牧宰之任或江淮犢犢微示懲貶而徇財贖貨罕能懷草委以共理俟河之清臣聞明主之於萬姓也必暢以平分而無偏施若犯罪之吏作牧退方便是屈法惠姦恤近遺遠矣凡左降之人鮮能省過必懷自弃長惡滋深則小州遠郡蠻貊夷落何負於聖化獨受其弊政乎昔孟嘗廉明方臨合浦隱之清絮乃莅番禺鄆都之鎮靜朔方耿恭之輯寧疎勒地則遐僻必擇賢良務以寧濟為懷豈以遐荒見隔況邊徼之地夷夏雜處貧險恃遠易擾難安彌藉循良以寄綏撫若委失其任官非其才凌虐黎庶侵剝蕃部小則坐致流亡大則起為盜賊由此言之不可用凡材而沉於滑吏乎其內外官人有犯贓賄推勸得實者臣望請削迹褫職十數年間不許齒錄書云旌別淑慝黜陟幽明即其義也若不循此道去邪有疑善政能官甄獎或未之徧擢贓賄賄僥倖或即蒙升則賞罰無章沮勸安寄浮競之風轉扇廉恥之行漸隳其源不塞為蠹斯甚疏奏不納累遷黃門侍郎賜爵漁陽伯先天二年與侍中魏知古於東都分掌選事尋徵還同中書門下三品開元三年遷黃門監懷慎與紫微令姚崇對掌樞密懷慎自以為吏道不及崇每事皆推讓之時人謂之伴食宰相四年兼吏部尚書其秋以疾篤累表乞骸骨許之旬日而卒贈荊州大都督諡曰文成懷慎臨終遺表曰臣素無才識叨沐恩榮待罪樞密頗積年序報國之心空知自竭推賢之志終未克申孤負明恩夙夜惶懼臣染疾

已久形神欲離，爲厲之飛，未爲之少，而大馬之志，終祈上聞，其鳴也哀，乞求聖察。宋環立性公直，執心貞固，文學足以經務，識略期於佐時，動惟直道，行不苟合，聞諸朝野之說，實爲社稷之臣。李傑，勤苦絕倫，貞介獨立，公家之事，知無不爲。幹時之材，衆議推許，李朝隱，操履堅貞，才識通瞻，守文奉法，頗懷鐵石之心。事上竭誠，實盡人臣之節。盧從，履清貞，謹慎，理識周密，始終若一。朝野共知，簡要之才，不可多得，並明時重器。聖代良臣，比經任使，微有愆失，所坐者小，所弃者大。所累者輕，所貶者遠，日月雖近，譴責傷深，望垂矜錄，漸加進用。臣竊聞黃帝所以垂衣裳而天下理者，任風力也。帝堯所以光宅天下者，任稷禹也。且朝廷者，天下之本，賢良者，風化之源，得人則庶績其凝，失士則彝倫攸斁。臣每見陛下憂勞庶政，勤求理道，慎舉羣司，必期稱職，使鸞鷲成列，草澤無遺，故得歲稔時和，政平訟理。此陛下用賢之明効也。臣非木石，早識天心，瞑目不遙，厚恩未報，黜殞之義，敢不庶幾。城郢之言，思布愚懇，上深嘉納之，懷慎清儉，不營產業，器用服飾，無金玉綺文之麗，所得祿俸，皆隨時分散，而家無餘蓄，妻子匱乏，及車駕將幸東都，四門博士張星上言，懷慎忠清，直道終始，不虧，不加寵贈，無以勸善，乃下制賜其家物壹伯段，米粟貳伯石。明年，上還京師，因校獵於城南，經懷慎別業，見家人方設禱齋，憫其貧賤，賜絹百匹，仍遣中書侍郎蘇頌爲製碑文，上自書焉。子奐，早修整，歷任皆以清白聞。開元中，爲中書舍人，御史中丞，陝州刺史。二十四年，玄宗幸京師，次陝城，頌審其能政，於廳事題贊而去。曰：專城之重，分陝之雄，人多惠愛，性實謙沖，亦既利物，在乎匪躬，斯爲國寶，不墜家風。尋除兵部侍郎。天寶初，爲晉陵太守。時南海郡利兼水陸，環寶山積，對巨鱗彭泉，相替爲太守，五府節度皆坐贓鉅萬而死，乃特授奐爲南海太守，還方之地，倉吏斂迹，人用安之，以爲自開元已來四十年，廣府節度清白者有四，謂宋璟、裴奐、先李朝隱及奐中使市舶，亦不干法，加銀青光祿大夫。經三年，入爲尚書右丞。卒，第奕，亦傳清白。歷御史中丞而死。王事見忠義傳。奐子杞，德宗朝位至宰輔，別有傳。

源乾曜，相州臨漳人。隋比部侍郎師之孫也。父直心，高宗時爲司刑太常伯，坐

事配流嶺南而卒。乾曜舉進士，景雲中累遷諫議大夫，時久廢公卿百官三九射禮，乾曜上疏曰：夫聖王之教天下也，必制禮以正人情，人情正則孝於家，忠於國，此道不替，所以理也。所以君子三年不爲禮，禮必壞，三年不爲樂，樂必崩。竊以古之擇士，先觀射禮，以明和容之義，非取一時之樂。夫射者，別正邪，觀德行，中祭祀，辟寇戎，古先哲王，莫不遊藝。臣竊見數年已來，射禮便廢，或緣所司惜費，遂令大射有虧。臣愚以爲所費者財，所全者禮。故孔子云：爾愛其禮，今乾坤再闢，日月貞明，臣望大射之儀，春秋不廢。聖人之教，今古常行，則天下幸甚。乾曜尋出爲梁州都督。開元初，邪王府寮吏有犯法者，上令左右求堪爲王府長史者。太常卿姜皎薦乾曜，公清有吏幹，因召見與語，乾曜神氣清爽，對答皆有倫序，上甚悅之，乃拜少府少監兼邪王府長史。尋遷戶部侍郎，兼御史中丞。無幾，轉尚書左丞。四年冬，擢拜黃門侍郎，同紫微黃門平章事。旬日，與姚元之俱罷。知政事時，行幸東都，以乾曜爲京兆尹，仍京師留守。乾曜政存寬簡，不嚴而理，書有仗內白鷹，因縱逸失所在，上令京兆切捕之，俄於野外獲之，其鷹掛於叢棘而死。官吏懼得罪，相顧失色。乾曜徐曰：事有邂逅，死亦常理。主上仁明，當不以此寘罪，必其獲戾，吾自當之，不須懼也。遂入自請失旨之罪，上一切不問之。衆咸伏乾曜臨事不懼，而能引過在己也。在京兆三年，政令如一。八年春，復爲黃門侍郎，同中書門下三品，尋加銀青光祿大夫，遷侍中。久之，上疏曰：臣竊見形要之家，併求京職，俊乂之士，多任外官。王道平分，不合如此。臣三男俱是京任，望出二人與外官，以叶均平之道。上從之。於是改其子河南府參軍弼爲絳州司功，太祝黎爲鄭尉。因下制曰：源弼等父在樞近，深惟謙挹，恐代官之咸列，慮時才之未序，率先庶寮，崇是讓德，既請外其職，復降責以授傳，不云乎。晉范宣子讓，其下皆讓，晉國之人，於是大和道之或行，仁豈云遠。因令文武百寮父子兄弟三人併任京司者，任自通容，依資次處分。由是公卿子弟京官出外者百餘人。俄又有上書者，以爲國之執政，同其休戚，若不稍加崇寵，何以責其盡心。十年十一月，勅中書門下共食實封三百戶。自乾曜及張嘉

貞張說相次為中書令乾曜不敢與之爭權每事皆推讓之及李元紘杜暹知政事乾曜遂無所參議但唯諾署名而已初乾曜因姜皎所薦遂擢用及皎得罪為張嘉貞所擠乾曜竟不救之議者以此譏焉十七年夏停兼侍中事其秋遷太子少師以祖名師固辭乃拜太子少傅封安陽郡公十九年駕幸東都乾曜以年老辭疾不堪扈從因留京養疾是年冬卒詔贈幽州大都督上於洛城南門舉哀輟朝二日乾曜從孫光裕亦有令譽歷職清謹撫諸弟以友義開初為中書舍人與楊浴劉令植等同刪定開元新格歷刑部戶部二侍郎尚書左丞累遷鄭州刺史稱為良吏尋卒光裕子洵亦早有美稱開元中陝州刺史既歷踐清要天寶中為給事中鄭州刺史翼州刺史本道採訪使及安祿山反既犯東京乃以洵為江陵郡大都督府長史本道採訪使攝御史中丞以兵部郎中徐浩為襄州刺史本州防禦守使以禦之洵至鎮卒

李元紘其先滑州人世居京北之萬年本姓丙氏曾祖榮隋大業中屯衛大將軍屬關中賊起煬帝令榮往京城以西二十四郡逐捕盜賊榮撫循士眾甚得其心及義旗入關榮率其眾歸附拜宗正卿封應國公賜姓李氏高祖與之舊特蒙恩禮遷為左監門大將軍以年老特令乘馬於宮中檢校年八十餘卒諡曰明祖寬高宗時為太常卿別封隴西郡公父道廣則天時為汴州刺史時屬突厥及契丹寇陷河北兼發河南諸州兵募百姓騷擾道廣寬猛折衷稱為善政存心慰撫汴州獨不逃散尋入為殿中監同鳳閣鸞臺平章事累封金城縣侯卒贈秦州都督諡曰成元紘少謹厚初為涇州司兵累遷雍州司戶時太平公主與僧寺爭碾磑公主方承恩用事百司皆希其旨意元紘遂斷還僧寺寶懷貞為雍州長史大懼太平勢促令元紘改斷元紘大署判後曰南山或可改移此判終無搖動竟執正不撓懷貞不能奪之俄轉好時令遷潤州司馬所歷咸有聲績開元初三遷萬年縣令賦役平允不嚴而理俄擢為京兆尹尋有詔令元紘疏決三輔諸王公權要之家皆緣渠立磑以害水田元紘令吏人一切毀之百姓大獲其利又歷工部兵部吏部三侍郎十三年戶部侍郎楊瑒白知慎坐支度失所皆出為刺史上令宰臣及公卿已下精擇堪為戶部者多有

薦元紘者將授以戶部尚書時執政以其資淺未宜超授加中大夫拜戶部侍郎元紘因條奏人聞利害及時政得失以奏之上大悅因賜衣一副絹二百匹明年擢拜中書侍郎同中書門下平章事頃之加銀青光祿大夫賜爵清水男元紘性清儉既知政事稍抑奔競之路務進者頗憚之時初廢京司職田議者請於關輔置屯以實倉廩元紘建議曰軍國不同中外異制若人閑無役地棄不墾發閑人以耕墾地省餽運以實軍糧於是乎有屯田其為益多矣今百官所退職田散在諸縣不可聚也百姓所有私田皆力自耕墾不可取也若置屯田即須公私相換徵發丁夫微役則業廢於家免庸則賦闕於國內地置屯古所未有得不補失或恐未可其議遂止先是左庶子吳兢舊任史官撰唐書一百卷唐春秋三十卷其書未成以丁憂罷職至是上疏請終其功有詔特令就集賢院修成其書及張說致仕又令在家修史元紘奏曰國史者記人君善惡國政損益一字褒貶千載稱之前賢所難事匪容易今張說在家修史吳兢又在集賢撰錄遂令國之大典散在數處且太宗別置史館在於禁中所以重其職而祕其事也望勅說等就史館參詳撰錄則典冊有憑舊章不墜矣從之乃詔說及吳兢就史館修撰元紘在政事累年不改第宅僕馬弊劣未曾改飾所得封物皆散之親族右丞相宋璟嘗嘉數之每謂人曰李侍郎引宋遙之美才黜劉冕之貪冒貴為國相家無儲積雖季文子之德何以加也後與杜暹多所異同情遂不叶至有相執奏者上不悅由是罷知政事出為曹州刺史以疾去官久之拜戶部尚書仍聽致仕二十一年疾瘳起為太子詹事旬日而卒贈太子少傅諡曰文忠

杜暹濮州濮陽人也父承志則天初為監察御史時懷州刺史李文暉以皇枝近屬為讎人所告承志推出之俄而文暉得罪承志坐貶授方義令累轉天官員外郎既羅織事起承志恐懼遂稱疾去官而歸卒于家自暹高祖至暹五代同居暹尤恭謹事繼母以孝聞初舉明經補婺州參軍秩滿將歸州吏以紙萬餘張以贈之暹惟受一百餘悉還之時州寮別者見而數曰昔清吏受一大錢復何異也俄授鄭尉復以清節見知華州司馬楊孚公直士也深賞重之尋而

李遷大理正。遷坐公事下法司結罪。李謂人曰：若此尉得罪，則公清之士何以勸矣？特薦之於執政。由是擢拜大理評事。開元四年，遷監察御史。仍往嶺西覆屯。會安西副都護郭虔瓘與西突厥可汗史獻鎮守使劉遐慶等不叶，更相執奏。詔遷按其事實。時遷已迴，至涼州承詔復往。因入突厥騎施以究虔瓘等犯狀。蕃人贖金以遺遷，固辭不受。左右曰：公遠使絕域，不可失蕃人情。遷不得已受之。埋墓下，既去出境，乃移牒令收取之。蕃人大驚，虔瓘追之不及而止。遷累遷給事中。丁繼母憂去職。十二年，安西都護張孝嵩遷為太原尹，或薦遷往使安西。蕃人伏其清慎，深思慕之。乃奪情擢拜黃門侍郎，兼安西副都護。遷單騎赴職。明年，于闐王尉遲眺陰結突厥及諸蕃國圖為叛亂，遷密知其謀，發兵捕而斬之，并誅其黨與五十餘人。更立君長。于闐遂安。遷以功特加光祿大夫。遷在安西四年，綏撫將士，不憚勤苦，甚得夷夏之心。十四年，詔遷同中書門下平章事。仍遣中使往迎之。及謁見，又賜絹二百匹，馬一匹，宅一區。後與李元紘不叶，罷知政事。出為荊州大都督府長史。又歷魏州刺史、太原尹。二十一年，上幸北都，拜遷為戶部尚書，便令扈從入京。行幸東都，詔遷為京留守。遷因抽當番衛士，繕修三宮，增峻城隍，躬自巡檢，未嘗休懈。上聞而嘉之，賜勅書曰：卿素以清直兼之勤幹，自委居守，每事多能。政肅官寮，惠及黎庶。城隍宮室，隨事修營，且有成功。不疲人力，甚善甚善。慰朕懷也。俄代李林甫為禮部尚書。累封魏縣侯。二十八年病卒。年六十餘。詔贈尚書右丞相。遷在家孝友，愛撫異母弟，豈甚厚。然素無學術，每當朝談議，涉於淺近，常以公清勤儉為己任。時亦矯情為之，弱冠便自誓不受親友贈遺，以終其身。及卒，上甚悼惜之。遣中使就家視其喪事，內出絹二百匹以賜之。尚書省及故吏贈贈者，其子孝友遵其素約，皆拒而不受。太常諡曰貞肅。右司員外郎劉同升、都官員外郎韋廉以遷有忠孝之美，所諡不盡其行，建議駁之。太常博士裴總執曰：杜尚書往以墨纒受職事，雖云奉國，不得為孝。請依舊為定。孝友又詣闕陳訴上聞，而更令所司詳定。竟諡曰貞孝。

韓休，京兆長安人。伯父大敏，則天初為鳳閣舍人。時梁州都督李行褒為部人

誣告。云有逆謀。則天令大敏就州推究。或謂大敏曰：行褒諸李近屬，太后意欲除之。忽若失旨，禍將不細。不可不為身謀也。大敏曰：豈有求身之安，而陷人非罪。竟奏雪之。則天俄又命御史重覆，遂構成其罪。大敏坐推反失情，與知反不告同罪，賜死於家。父大智，官至洛州司功。休早有詞學，初應制舉，累授翰林丞。又舉賢良。玄宗時在春官，親問國政。休對策與校書郎趙冬曦並為乙第。擢授左補闕，尋判主爵員外郎。歷遷中書舍人、禮部侍郎，兼知制誥。出為號州刺史。時號州以地在兩京之間，駕在京及東都，並為近州，常被支稅草，以納閑廐。休奏請均配餘州。中書令張說駁之曰：若獨免號州，即當移向他郡。牧守欲為私惠，國體固不可依。又下符不許之。休復將執奏。寮吏曰：更奏必忤執政之意。休曰：為刺史不能救百姓之弊，何以為政？必以忤上得罪，所甘心也。竟執奏獲免。歲餘，以母艱去職。固陳誠乞終禮制許之。服闕，除工部侍郎。仍知制誥。遷尚書右丞。開元二十一年，侍中裴光庭卒，上令蕭嵩舉朝賢以代光庭者。嵩感稱休志行，遂拜黃門侍郎，同中書門下平章事。休性方直，不務進趨，及拜，甚允當時之望。俄有萬年尉李美玉得罪，上特令流之嶺外。休進曰：美玉卑位，所犯又非巨害。今朝廷有大姦，尚不能去，豈得捨大而取小也？臣竊見金吾大將軍程伯獻，依恃恩寵，所在貪冒，第宅輿馬，僭擬過縱。臣請先出伯獻而後罪美玉。上初不許之。休固爭曰：美玉微細，猶不容。伯獻巨猾，豈得不問。陛下若不出伯獻，臣即不敢奉詔流美玉。上以其切直，從之。初蕭嵩以休柔和易制，故薦引之。休既知政事，多折正嵩，遂與休不叶。宋璟聞之曰：不謂韓休乃能如是。仁者之勇也。其年夏，加銀青光祿大夫。十二月，轉工部尚書。罷知政事。二十四年，遷太子少師。封宜陽子。二十七年病卒。年六十八。贈揚州大都督。諡曰文忠。寶應元年，重贈太子太師。子洽，洪泌，皆有所學。洽，天寶初為殿中侍御史。卒。洪為司庫員外郎。洽弟渾，除大理司直。御史大夫王鉞犯法，籍沒其家。洽兄浩為萬年主簿，捕其資財，有所容隱。為京兆尹鮮于仲通所發。配流循州。洪、泌並坐貶職。後遇赦。量移洪為華州長史。屬安祿山反，西京失守，洪陷於賊。賊授官，將見委任。洪與浩及泌、渾同奔山谷。以投行在。至谷口，洪、浩、渾及洪子四人並

為賊所擒，併命於通衢。洪重交友，藉甚於時。見者掩涕。肅宗聞其重臣子，能以忠而死，贈太常卿，浩贈吏部郎中，渾贈太常少卿，弘上元中為諫議大夫，虎河別有傳。

裴耀卿，贈戶部尚書守真子也。少聰敏，數歲解屬文。童子舉，弱冠拜秘書正字。俄補相王府典籤，時睿宗在藩，甚重之，令與掾丘悅、文學韋利器更直府中，以備顧問。府中稱為學直，及睿宗升極，拜國子主簿，開元初累遷長安令，長安舊有配戶和市之法，百姓苦之，耀卿到官，一切令出儲蓄之家，預給其直，遂無姦。賦之弊，公私甚以為便，在職二年，寬猛得中，及去官，縣人甚思詠之。十三年為濟州刺史，其年車駕東巡，州當大路，道里綿長，而戶口寡弱，耀卿躬自條理，科配得所，時大駕所歷凡十餘州，耀卿稱為知頓之最。又歷宣冀二州刺史，皆有善政，入為戶部侍郎。二十年，禮部尚書信安王禕受詔討契丹，詔以耀卿為副，俄又令耀卿賞絹二十萬匹，分賜立功奚官，就部落以給之。耀卿謂人曰：「夷虜貪殘，見利忘義，今賈持財帛，深入寇境，不可不為備也。」乃令先期而往，分道互進。一朝而給付並畢，時突厥及室韋果勒兵邀險，謀劫襲之，比至而耀卿已還，其冬遷京兆尹。明年秋，霖雨害稼，京城穀貴，上將幸東都，獨召耀卿問救人之術，耀卿對曰：「臣聞前代聖王亦時有憂害，更施惠澤，活國濟人，由是蒼生仰德，史冊書美，伏以陛下仁聖至深，憂動庶政，小有飢乏，降情哀矜，躬親支計，救其危急，上玄降鑿當更延福祚，是因有小災而增輝聖德也。」今既大駕東巡，百司扈從，太倉及三輔先所積貯，且隨見在，發重臣分道賑給，計可支一二年。從東都更廣漕運，以實關輔，待稍充實，車駕西還，即事無不濟。臣以國家帝業本在京師，萬國朝宗，百代不易之所，但為秦中地狹，收粟不多，備遇水旱，便即匱乏。往者貞觀承徵之際，祿廩數少，每年轉運不過一二十萬石，所用便足，以此車駕久得安居，今國用漸廣，漕運數倍於前，支猶不給，陛下數幸東都，以就貯積，為國大計，不憚劬勞，祇為憂人而行，豈是故欲不往，若能更廣陝運，支粟入京，倉廩常有三年之儲，即無憂水旱。今天下輸丁約有四百萬人，每丁支出錢百文，五十文充營營等用，貯納司農及河南府陝州以充其費，租米則各隨遠近，

任自出脚送納東都，從都至陝，河路艱險，既用陸脚，無由廣致，若能開通河漕，變陸為水，則所支有餘，動盈萬計。且河南租船候水始進，吳人不便河漕，由是所在停留，日月既淹，遂生隱盜，臣望泝流相次置倉，上深然其言，尋拜黃門侍郎，同中書門下平章事，充轉運使，語在食貨志。凡三年，運七百萬石，省脚錢三十萬貫，或說耀卿請進所省脚錢，以明功利，耀卿曰：「此蓋公卿盈蠹之利耳，不可以之求龍也。」乃奏充所司，和布等錢明年遷侍中。二十四年，拜尚書左丞相，罷知政事，累封趙城侯。時夷州刺史楊濬犯賊處死，詔令杖六十，配流古州，耀卿上疏諫曰：「伏以聖恩天覆，仁育庶類，凡犯罪之屬，不欲尸諸市朝，全其性命，流竄而已，所以政致刑措，獄無冤人。曠古以來，未有斯美，臣愚以為全生免死，誠為至化，有恥且格，為訓將來，苟有未安，不敢緘默，臣以為為刺史縣令與諸吏稍別，人之父母，風化所瞻，一為本部長官，即合終身致敬，決杖者，五刑之末，只施於挾扑徒隸之間，官階稍高，即免鞭撻，令決杖贖死，誠則已優，解體受答，事頗為辱，法至於死，天下共之，刑至於辱，或有所恥，況本州刺史，百姓所崇，一朝對其人吏，背脊加杖，屈挫拘執，人或哀憐，忘其免死之恩，且有傷心之痛，恐非教官長勸風俗之意，又雜犯死罪，無杖刑奏報，三覆然後行決，今非時不覆，決杖便發，儻獄或未盡，又暑熱不耐，因杖或死，即是促期處分，不得順時將欲生之，却天其命，又恐非聖明寬宥之意，前後頻在州縣，或緣犯決人，每大暑盛夏之時，決杖多死，秋冬已後，至有全者，伏望凡刺史縣令，於本部決杖及夏暑生長之時，所定杖刑，並乞停減，即副陛下好生之德，於死者皆有再生之恩，俄而特進蓋嘉運，破突騎施立功，還詔加河西隴右兩節度使，仍令經略吐蕃，嘉運既承恩寵，日夕酣宴，不時赴軍，耀卿密上疏曰：「伏見蓋嘉運立功破賊，更委兩軍，以勇果之才，承戰勝之勢，吐蕃小醜，不足殲夷，然臣近日與其同班，觀其舉措，精勁勇烈，誠則有餘，言氣矜誇，恐難成事，莫教敗於蒲驢之役，舉趾稍高，春秋書之為懲，誠恐其有驕敵之色，臣竊憂之。」入秋防邊，日稍逼，接對人吏，須識其宜，今將撫邊軍，未言發日，若臨事始去，人吏未識，雖決在一時，恐將非制勝萬全之道。況兵未訓練，不知禮法，人未懷惠，士未同心，求其志，性命於

一時憚嚴刑於少頃，縱威逼而進，因而立功，恐非師中以律久長之義，又萬人性命，決在將軍，不得已而行之，鑿凶門而即路，今酣宴朝夕，優渥有餘，亦恐非愛人憂國之意，不可不察，若不可迴換，即望送進，進途仍乞聖恩，賜以嚴命，疏奏上，乃促嘉運赴軍，竟以無功而還。天寶元年，改爲尚書右僕射，尋轉左僕射。一歲薨，年六十三。贈太子太傅，諡曰文獻。子綜，吏部郎中。綜子信，信字弘正，幼能屬文，弱冠舉進士，補校書郎，判入高等，授藍田尉，時有詔命畿內諸縣城奉天，時嚴郢爲京兆，政尚峻暴，加以朝旨甚迫，尹正之命，急如風霆，本曹尉章重規，其室方娠而疾，畏郢之暴，不敢以事故免，信因請代役，無愆程，當時義之，德宗南狩，信詣行在，拜拾遺，轉補闕，李懷光以河中叛，朝廷欲以舍垢爲意，信抗議請討，上深器之，前席慰免，三遷吏部員外，歷駕部兵部郎中，遷諫議大夫，會黔中觀察使韋士文慘酷馭下，爲夷獠所逐，俾信代之，會渠自化，其後爲瘴毒所侵，堅請入覲，拜同州刺史，徵入爲中書舍人，遷尚書右丞，時兵部尚書李巽兼鹽鐵使，將以使局置於本行，經權已半，會信拜命，堅執以爲不可，遂今徵之，巽恃恩而強，時重信之有守，就拜吏部侍郎，以疾除國子祭酒，尋遷工部尚書致仕。元和八年卒，年六十二。贈吏部尚書，信清勁溫敏，凡所定交，時稱爲第一流，與鄭餘慶特相友善，信歿後，餘慶行朋友之服，搢紳美之。

史臣曰：魏知古，盧懷慎，源乾曜，李元紘，杜暹，韓休，裴耀卿，悉蘊器能，咸居宰輔，或心存啓沃，或志在薦賢，或出愛子爲外官，或止屯田於關輔，或不受著人之賂，或堅勅伯獻之姦，或廣漕渠以充國用，此皆立事立功，有足嘉尚者也。盧李杜三君子，又以清白，垂美簡書，公孫弘之流也。乾曜職當機密，無所是非，持祿保身，焉用彼相。

贊曰：盧魏乾曜，弼違進賢，裴韓李杜，遠財勅姦，汗簡書事，清風肅然，萬歲之後，其名不刊。

舊唐書卷九十八

舊唐書卷九十八考證

魏知古傳：睿宗嘉其切直，尋令同中書門下平章事。○本紀同三品。

尋改紫微令，姚崇深忌憚之，陰加譏毀，乃除工部尚書。○本紀及表俱無改紫

微事。

舊唐書卷九十八考證

後晉司空同中書門下平章事劉煦撰

列傳第四十九

崔日用從兄

張嘉貞弟

蕭嵩子

張九齡仲方

李適之子

嚴挺之

崔日用滑州靈昌人其先自博陵徙家焉進士舉初爲芮城尉大足元年則天幸長安路次陝州宗楚客時爲刺史日用支供頓事廣求珍味稱楚客之命偏饋從官楚客知而大加賞賚感稱薦之由是擢爲新豐尉無幾拜監察御史神龍中秘書監鄭普思納女後宮潛謀左道日用遽奏劾之普思方承恩中宗不之省日用廷爭懇至詞甚抗直普思竟伏其罪時宗楚客武三思武延秀等遞爲朋黨日用潛皆附之驟遷兵部侍郎兼修文館學士中宗暴崩韋庶人稱制日用恐禍及己知玄宗將圖義舉乃因沙門普潤道士王暉密詣藩邸深自結納潛謀翼戴玄宗嘗謂曰今謀此舉直爲親不爲身日用曰此乃孝感動天事必剋捷望速發出其不意若少遲延或恐生變及討平韋氏其夜令權知雍州長史事以功授銀青光祿大夫黃門侍郎參知機務封齊國公食實封二百戶爲相月餘與中書侍郎薛稷不協於中書忿競由是轉雍州長史停知政事尋出爲揚州長史歷婺州二州刺史兗州都督荊州長史因入奏事言太平公主謀逆有期陛下往在宮府欲有討捕猶是子道臣道須用謀用力今既光臨大寶但須下一制誰敢不從忽姦先得志則禍亂不小上曰誠如此直恐驚動太上皇卿宜更思之日用曰臣聞天子孝與庶人孝全別庶人孝謹身節用承順顏色天子孝安國家定社稷今若逆黨竊發即大業都弃豈得成天子之孝乎伏請先定北軍次收逆黨即不驚動太上皇玄宗從其議及討蕭至忠竇懷貞之際又令權檢校雍州長史加實封通前滿四百戶尋拜吏部尚書日用嘗採毛詩大雅小雅二十篇及司馬相如封禪書因上生日表上之以申規諷并述告成之事手詔答曰夫詩者動天地感鬼神厚於人美於教矣朕志之所尚思與之齊庶乎採詩之官補朕之闕且古者封禪升中告成朕以菲德未明於至

道竣然以聽頗壯相如之詞惕然載懷復慚夷吾之語卿洽聞輝具温故知新遠此發揮益彰忠懇豈非討蓬山之籍心不忘於起子因蘭殿之祥言固深於啓沃朕循環覽頌用慰予懷今賜卿衣裳一副物五十段以示無言不酬之信也尋出爲常州刺史削實封三百戶轉汝州刺史開元七年差降口賦特下勅曰唐元之際逆黨構兇崔日用當時潛論其事及于戡翦實預元謀而所食之封後以例減功既居多特宜準初食之封與二百戶十年轉并州大都督長史尋卒時年五十贈吏部尚書諡曰昭後又贈荊州大都督子宗之襲日用才辯過人見事敏速每朝廷有事轉禍爲福以取富貴及先天已後復求入相竟亦不遂常謂人曰吾一生行事皆臨時制變不必重專守始謀每一念之不覺芒刺在於背也日用從父兄日知亦有吏幹景雲中爲洛州司馬會譙王重福入東都作亂羣臣皆避難逃匿日知獨督率人吏赴留守與屯營合勢討賊重福既死以功加銀青光祿大夫累遷京兆尹坐賊爲御史李如璧所劾左遷歙縣丞俄又歷遷殿中監日知素與張說友善說薦之奏請授御史大夫上不許遂以爲左羽林衛大將軍而以河南尹崔隱甫爲御史大夫隱甫由是與說不叶日知俄遷太常卿自以歷任年久每朝士參集常與尚書同列時人號爲尚書裏行遂爲口實開元十六年出爲潞州大都督府長史尋以年老致仕卒諡曰襄

張嘉貞蒲州猗氏人也弱冠應五經舉拜平鄉尉坐事免歸鄉里長安中侍御史張循憲爲河東採訪使薦嘉貞材堪憲官請以己之官秩授之則天召見垂簾與之言嘉貞奏曰以臣草萊而得入謁九重是千載一遇也咫尺之間如隔雲霧竟不親日月恐君臣之道有所未盡則天遽令卷簾與語大悅擢拜監察御史累遷中書舍人歷秦州都督并州長史爲政嚴肅甚爲人吏所畏開元初因奏事至京師上聞其善政數加賞慰嘉貞因奏曰臣少孤兄弟相依以至今臣弟嘉祐今授鄆州別駕與臣各在一方同心離居魂絕萬里乞移就臣側近臣兄弟盡力報國死無所恨上嘉其友愛特改嘉祐爲忻州刺史時突厥九姓新來內附散居太原以北嘉貞奏請置軍以鎮之於是始於并州置天兵軍以

嘉貞為使六年春嘉貞又入朝俄有告其在軍奢僭及贓賄者御史大夫王峻因而劾奏之按驗無狀上將加告者反坐之罪嘉貞奏曰昔者天子聽政於上賧賦贖誦百工諫庶人謗而後天子斟酌焉今反坐此釁是塞言者之路則天下之事無由上達特望免此罪以廣謗誦之道從之遂令減死自是帝以嘉貞為忠嘉貞又嘗奏曰今志力方壯是効命之秋更三數年即衰老無能為也惟陛下早垂任使死且不憚上以其明辯尤重之八年春宋璟蘇頌罷知政事權嘉貞為中書侍郎同中書門下平章事數月加銀青光祿大夫遷中書令嘉貞斷決敏速善於敷奏然性強躁自用頗為時論所譏時中書舍人苗延嗣呂太一考功員外郎員嘉靜殿中侍御史崔訓皆嘉貞所引位列清要常在嘉貞門下共議朝政時人為之語曰令公四俊苗呂員訓開元十年車駕幸東都有洛陽主簿王鈞為嘉貞修宅將以求御史因受贓事發上特令朝堂集眾決殺之嘉貞促所由速其刑以滅口乃歸罪於御史大夫韋抗中丞韋虛心皆貶黜之其冬秘書監姜皎犯罪嘉貞又附會王守一奏請杖之皎遂死于路俄而廣州都督裴佖先下獄上召侍臣問當何罪嘉貞又請杖之兵部尚書張說進曰臣聞刑不上大夫以其近於君也故曰士可殺不可辱臣今秋受詔巡邊中途聞姜皎以罪於朝堂決杖配流而死皎官是三品亦有微功若其有犯應死即殺應流即流不宜決杖廷辱以卒伍待之且律有八議勳貴在焉皎事以往不可追悔佖先祇宜據狀流貶不可輕又決罰上然其言嘉貞不悅退謂說曰何言事之深也說曰宰相者時來即為豈能長據若貴臣盡當可杖但恐吾等行當及之此言非為佖先乃為天下士君子也初嘉貞為兵部員外郎時張說為侍郎及是說位在嘉貞下既無所推讓說頗不平因此言激怒嘉貞由是與說不叶上又以嘉貞弟嘉祐為金吾將軍兄弟並居將相之位甚為時人之所畏憚十一年上幸太原行在所嘉祐贓汙事發張說勸嘉貞素服待罪不得入謁因出為幽州刺史說遂代為中書令嘉貞惋恨謂人曰中書令幸有二員何相迫之甚也明年復拜戶部尚書兼益州長史判都督事勸嘉貞就中書省與宰相會宴嘉貞既恨張說擠己因攘袂勸罵源乾曜王峻共和解之明年坐與王

守一交往左轉台州刺史復代盧從愿為工部尚書定州刺史知北平軍事累封河東侯將行上自賦詩詔百寮於上東門外餞之至州於恆嶽廟中立頌嘉貞自為其文乃書於石其碑用白石為之素質黑文甚為奇麗先是嶽祠為遠近祈賽有錢數百萬嘉貞自以為頌文之功納其數萬十七年嘉貞以疾請就鑿東都制從之至都目暝無所見上令鑿人內直郎田休裕即將呂弘泰馳傳往省療之其秋卒年六十四贈益州大都督諡曰恭肅嘉貞雖久歷清要然不立田園及在定州所親有勸植田業者嘉貞曰吾忝歷官榮曾任國相未死之際豈憂飢餒若負譴責雖富田莊亦無用也比見朝士廣占良田及身沒後皆為無賴子弟作酒色之資甚無謂也聞者皆歎伏初嘉貞作相薦萬年縣主簿韓朝宗權為監察御史及嘉貞卒後十數歲朝宗為京兆尹因奏曰自陛下臨御已來所用宰相皆進退以禮善始令終身雖已沒子孫咸在朝廷唯張嘉貞晚年一子今猶未登官序上亦惘然遽令召之賜名延賞特拜左內率府兵曹參軍德宗朝位至宰相自有傳嘉祐有幹略自右金吾將軍貶浦陽府折衝至二十五年為相州刺史相州自開元已來刺史死貶者十數人嘉祐訪知尉遲迥周末為相州總管身死國難乃立其神祠以邀福經三考改左金吾將軍後吳兢為鄴郡守又加尉遲神冤服自後郡守無患

蕭嵩貞觀初左僕射宋國公瑀之曾姪孫祖鈞中書舍人有名於時嵩美姿稱儀形偉麗初娶會稽賀晦女與吳郡陸象先為僚壻象先時為洛陽尉宰相子門望甚高嵩尚未入仕宣州人夏榮稱有相術謂象先曰陸郎十年內位極人臣然不及蕭郎一門盡貴官位高而有壽時人未之許神龍元年嵩調補洛州參軍尋而侍中扶陽王桓彥範出為洛州刺史見之推重待以殊禮景雲元年為醴泉尉時陸象先已為中書侍郎引為監察御史及象先知政事嵩又驟遷殿中侍御史開元初為中書舍人與崔琳王丘齊澣同列皆以嵩寡學術未異之而紫微令姚崇許其致遠眷之特深歷宋州刺史三遷為尚書左丞兵部侍郎十五年涼州刺史河西節度王君奭特眾每歲攻擊吐蕃吐蕃大將悉諾邏恭祿及燭龍莽布支攻陷瓜州城執刺史田元獻及君奭父壽盡取城中軍資

及倉糧仍毀其城而去。又攻玉門軍及常樂縣。縣令買師順嬰城固守。賊遂引退。無何君奩又爲迴紇諸部殺之於鞏。筆驛河隴震駭。玄宗以君奩勇將無謀。果及於難。擇堪邊任者。乃以嵩爲兵部尚書。河西節度使判涼州事。嵩乃請以裴寬郭虔己牛仙客在其幕下。又請以建康軍使左金吾將軍張守珪爲瓜州刺史。修築州城。招輯百姓。令其復業。又加嵩銀青光祿大夫。時悉諾邏恭祿威名甚振。嵩乃縱反間於吐蕃。言其與中國潛通。贊普遂召而誅之。明年秋。吐蕃大下。悉末明復率衆攻瓜州。守珪出兵擊走之。隴右節度使鄆州都督張志亮引兵至青海西南馮波谷。與吐蕃接戰。大破之。八月。嵩又遣副將杜賓客率弩手四千人與吐蕃戰于祁連城下。自晨至暮。散而復合。賊徒大潰。臨陣斬其副將一人。散走山谷。哭聲四合。露布至。玄宗大悅。乃加嵩同中書門下三品。恩顧莫比。十七年。授宇文融裴光庭宰相。又加嵩兼中書令。自十四年燕國公張說罷中書令後。缺此位四年。而嵩居之。常帶河西節度。遙領之。加集賢殿學士。知院事。兼修國史。進位金紫光祿大夫。子衡尚新昌公主。嵩夫人賀氏入覲拜席。玄宗呼爲親家母。禮儀甚盛。尋又進封徐國公。二十一年二月。侍中裴光庭卒。光庭與嵩同位數年。情頗不協。及是玄宗遣嵩擇相。嵩以右丞韓休長者。舉之。及休入相。嵩舉事。休峭直。輒不相假。互於玄宗前論曲直。因讓位。玄宗眷嵩厚。乃許嵩授尚書右丞相。令罷相。以休爲工部尚書。尋又以嵩子華爲給事中。二十四年。拜太子太師。及幽州節度使張守珪坐賂遺中官牛仙童。貶爲括州刺史。嵩嘗賄仙童。李林甫發之。貶青州刺史。尋又追拜太子太師。嵩又請老。嵩性好服餌。及罷相。於林園植藥。合鍊自適。華時爲工部侍郎。衡以主壻三品。嵩雖然就養十餘年。家財豐贍。衣冠榮之。天寶八年。年八十餘。贈開府儀同三司。子華。天寶末。轉兵部侍郎。祿山之亂。從駕不及。陷賊。僞署魏州刺史。乾元元年。郭子儀與九節度之師渡河。攻安慶緒於相州。華潛通表疏。俟官軍至。爲內應。賊伺知之。禁錮華於獄。崔光遠收魏州。破械出華。魏人美華之惠。政詰光遠。請留朝廷。正授魏州刺史。既而史思明率衆南下。子儀懼華復陷。乃表崔光遠代華。召至軍中。及相州兵潰。華歸京。仍以僞命所汗。降授試秘書少監。華謹重方。

雅。綽有家法。人士稱之。尋遷尚書右丞。乾元二年。出爲河中尹。河中晉絳節度使。上元元年十二月。制曰。弼予之選。審象是求。天步未平。廟謨尤切。必資明表。佇以佐時。畫一之才。取則不遠。正議大夫前河中尹兼御史中丞元本府晉絳等州節度觀察等使上柱國嗣徐國公賜紫金魚袋蕭華。公輔成名。承家繼業。詞標麗則。德蘊謨明。再履宮坊。尤知至行。致君望美。閱相求能。且推伊陟之賢。更啓漢臣之閥。還依日月。佐理陰陽。俾參政於紫宸。閱建中於皇極。可中書侍郎同中書門下平章事。集賢殿崇文館大學士。監修國史。時中官李輔國專典禁兵。怙寵用事。求爲宰相。諷宰臣裴寬等薦己。華頗拒之。輔國怒。肅宗方寢疾。輔國矯命罷華相位。守禮部尚書。仍引元載代華。肅宗崩。代宗在諫閣。元載希輔國旨。貶華爲硤州員外司馬。卒於貶所。衡子復。德宗朝位亦至宰輔。華子恆。恆子儉。大和中宰輔。悟子做。咸通中宰輔。皆自有傳。

張九齡。字子壽。一名博物。曾祖君政。韶州別駕。因家于始興。今爲曲江人。父弘愈。以九齡貴。贈廣州刺史。九齡幼聰敏。善屬文。年十三。以書于廣州刺史王方慶。大嗟賞之。曰。此子必能致遠。登進士第。應舉登乙第。拜校書郎。玄宗在東宮。舉天下文藻之士。親加策問。九齡對策高第。遷右拾遺。時帝未行親郊之禮。九齡上疏曰。伏以天者百神之君。而王者之所由受命也。自古繼統之主。必有郊配之義。蓋以敬天命以報所受。故於郊之義。則不以德澤未洽。年穀不登。凡事之故而闕其禮。孝經云。昔者周公郊祀后稷以配天。斯謂成王幼冲。周公居攝。猶用其禮。明不整廢。漢丞相匡衡亦云。帝王之事。莫重乎郊祀。董仲舒又云。不郊而祭山川。失祭之序。逆於禮正。故春秋非之。臣愚以爲匡衡仲舒古之知禮者。皆謂郊之爲祭所宜先也。伏惟陛下。紹休聖緒。其命惟新。御極已來。於今五載。既光太平之業。未行大報之禮。竊考經傳。義或未通。今百穀嘉生。鳥獸咸若。夷狄內附。兵革用寧。將欲鑄劍爲農。泥金封禪。用彰功德之美。尤答神祇之心。能事畢行。光耀帝載。沉郊祀常典。猶闕其儀。有若怠於事天。臣恐不可以訓。伏望以迎日之至。展焚柴之禮。升紫壇。陳采席。定天位。明天道。則聖朝典則。可謂無遺矣。九齡以才鑒見推。當時吏部試拔萃選人及應舉者。咸令九齡與右拾

遺趙冬曦者其等第前後數四每稱平允開元十年三遷司勳員外郎時張說為中書令與九齡同姓敘為昭穆尤親重之常謂人曰後來詞人稱首也九齡既欣知己亦依附焉十一年拜中書舍人十三年車駕東巡行封禪之禮說自定侍從升中之官多引兩省錄事主書及己之所親攝官而上遂加特進階超授五品初令九齡草詔九齡言於說曰官爵者天下之公器德望為先勞苦次焉若顛倒衣裳則譏謗起矣今登封霽澤千載一遇清流高品不沐殊恩胥吏末班先加章紱但恐制出之後四方失望今進草之際事猶可改唯令公審籌之無貽後悔也說曰事已決矣悠悠之談何足慮也竟不從及制出內外甚咎於說時御史中丞宇文融方知田戶之事每有所奏說多建議連之融亦以此不平於說九齡復勸說為備說又不從其言無幾說果為融所劾罷知政事九齡亦改太常少卿尋出為冀州刺史九齡以母老在鄉而河北道里遠上疏固請換江南一州望得數承母音耗優制許之改為洪州都督俄轉桂州都督仍充嶺南道按察使上又以其第九子九齡為嶺南道刺史令歲時伏臘皆得享親初張說知集賢院事常薦九齡堪為學士以備顧問說卒後上思其言召拜九齡為祕書少監集賢院學士副知院事再遷中書侍郎常密有陳奏多見納用尋丁母喪歸鄉里二十一年十二月起復拜中書侍郎同中書門下平章事明年遷中書令兼修國史時范陽節度使張守珪以裨將安祿山討契丹敗朔執送京師請行朝典九齡奏劾曰穰苴出軍必誅莊賈孫武教戰亦斬宮嬪守珪軍令必行祿山不宜免死上特捨之九齡奏曰祿山狼子野心面有逆相臣請因罪戮之冀絕後患上曰卿勿以王夷甫知石勒故事誤害忠良遂放歸藩二十三年加金紫光祿大夫累封始興縣伯李林甫自無學術以九齡文行為上所知名頗忌之乃引牛仙客知政事九齡屢言不可帝不悅二十四年遷尚書右丞相罷知政事後宰執每薦引公卿上必問風度得如九齡否故事皆播笏於帶而後乘馬九齡體羸常使人持之因設笏囊笏囊之設自九齡始也初九齡為相薦長安尉周子諒為監察御史至是子諒以妄陳休咎上親加詰問令於朝決殺之九齡坐引非其人左遷荊州大都督府長史俄請歸拜墓

因遇疾卒年六十八贈荊州大都督諡曰文憲九齡在相位時建議復置十道採訪使又教河南數州水種稻以廣屯田議置屯田費功無利竟不能就罷之性頗躁急動輒忿晉議者以此少之子極伊闕令祿山之亂陷賊不受偽命兩京克復詔加太子右贊善第九子自尚書郎歷唐徐宋襄廣五州刺史九章歷吉明書三州刺史鴻臚卿九齡為中書令時天長節百寮上壽多獻珍異唯九齡進金鏡錄五卷言前古興廢之道上賞異之又與中書侍郎嚴挺之尚書左丞袁仁敬右庶子梁升卿御史中丞盧怡結交友善挺之等有才幹而交道終始不渝甚為當時之所稱至德初上皇在蜀思九齡之先覺下詔褒贈曰正大履者柱石之力昌帝業者輔相之臣生則保其榮名歿乃稱其威德節終未允於人望加贈實存乎國章故中書令張九齡維嶽降神濟川作相開元之際寅亮成功讜言定其社稷先覺合於著策永懷賢弼可謂大臣竹帛猶存樵蘇必禁爰從八命之秩更進三台之位可贈司徒仍遣使就韶州致祭有集二十卷九章曾孫仲方少明秀為兒童時父友高郢見而奇之曰此子非常必為國器吾獲高位必振發之後郵為御史大夫首請仲方為御史歷金州刺史郡人有田產為中人所奪仲方三疏奏聞竟理其冤入為度支郎中較李吉甫諱吉甫之黨惡之出為遂州司馬稍遷復曹鄭三郡守為諫議大夫時鄂縣令崔發因辱小黃門敬宗赫怒付臺推鞠及元日大赦獨發不得宥仲方上疏其略曰鴻恩將布於天下而不行御前霽澤始被於昆蟲而獨遺崔發由是發得不死時輪美之太和九年為京兆尹將相從累者皆大戮仲方密令識之旋詔下許令收葬得認遺骸實仲方之力也是時軍人橫恣仲方脂韋坐不稱職出為華州刺史改祕書監開成二年卒年七十二贈禮部尚書諡曰成

李適之一名昌恆山王承乾之孫也父象官至懷州別駕適之神龍初起家拜左衛郎將開元中累遷通州刺史以強幹見稱時給事中韓朝宗為按察使特表薦之擢拜秦州都督俄轉陝州刺史入為河南尹適之性簡率不務苛細人吏便之歲餘拜御史大夫開元二十七年兼幽州大都督府長史知節度事適之以租得罪見廢父又遭則天所黜葬禮有闕上疏請歸葬昭陵之闕內於是

下詔追贈承乾爲恆山愍王。象爲越州都督。郇國公伯父厥及亡兄數人並有
褒贈。數喪同至京師。葬禮甚感。仍刊石於墳所。俄拜刑部尚書。適之雅好賓友。
飲酒一斗不亂。夜則寔賞畫。決公務。庭無留事。天寶元年。代牛仙客爲左相。累
封清和縣公。與李林甫爭權不叶。適之性疎。爲其陰中。林甫嘗謂適之曰。華山
有金鑪。探之可以富國。上未之知。適之心善其言。他日從容奏之。玄宗大悅。顧
問林甫對曰。臣知之久矣。然華山陛下本命。王氣所在。不可穿鑿。臣故不敢上
言。帝以爲愛己。薄適之言。疎。龍右節度皇甫惟明。刑部尚書韋堅。戶部尚書裴
寬。京兆尹韓朝宗。悉與適之善。林甫皆中傷之。構成其罪。相繼放逐。適之懼不
自安。求爲散職。五載。罷知政事。守太子少保。遽命親故歡會。賦詩曰。避賢初罷
相。樂聖且銜盃。爲問門前客。今朝幾箇來。竟坐與韋堅等相善。貶宜春太守。後
御史羅希奭。奉使殺韋堅。盧幼臨。裴敦復。李邕等。於貶所。州縣且聞希奭到。無
不惶駭。希奭過宜春郡。適之聞其來。仰藥而死。子季卿。弱冠舉明經。頗工文詞。
應制舉。登博學宏詞科。再遷京兆府鄠縣尉。肅宗朝。累遷中書舍人。以公事坐
貶通州。別駕代宗即位。大舉淹抑。自通州徵爲京兆少尹。尋復中書舍人。拜吏
部侍郎。俄兼御史大夫。奉使河南。江淮宣慰。振拔幽滯。進用忠廉。時人稱之。在
銓衡數年。轉右散騎常侍。季卿有字量。性識博達。善與人交。襟懷豁如。其在朝
以進賢爲務。士以此多之。大曆二年卒。贈禮部尚書。孫融。立性嚴整。善吏事。貞
元十年。歷官至涇州節度使。卒。

嚴挺之。華州華陰人。叔父方疑。景雲中。戶部郎中。挺之少好學。舉進士。神龍元
年。制舉擢第。授義興尉。遇姚崇爲常州刺史。見其體質昂藏。雅有吏幹。深器異
之。及崇再入爲中書令。引挺之爲右拾遺。睿宗好樂。聽之忘倦。玄宗又善音律。
先天二年正月。望。胡僧婆陁。請夜開門。燃百千燈。睿宗御延喜門觀樂。凡經四
日。又追作先天元年。大酺。睿宗御安福門樓觀。百司酺宴。以夜繼晝。經月餘日。
挺之上疏諫曰。微臣竊惟陛下應天順人。發號施令。躬親大禮。昭布鴻澤。孜孜
庶政。業萬幾。蓋以天下心爲心。深戒安危之理。此誠堯舜禹湯之德教也。奈
何親觀城門。以觀大酺。累日兼夜。臣愚竊所未諭。夫酺者。因人所利。合醜爲歡。

無相奪倫。不至糜弊。且臣卜其書史冊。攸存。君舉必書。帝王重慎。今乃暴衣冠
於上路。羅妓樂於中宵。雜鄭衛之音。縱倡優之樂。陛下還淳復古。宵衣旰食。不
矜細行。恐非聖德所宜。臣以爲一不可也。誰何警夜。伐鼓通晨。以備非常。存之
善教。今陛下不深惟戒慎。輕違動息。重門弛禁。巨猾多徒。儻有躍馬奔車。流言
駭叫。一塵聽覽。有累宸衷。臣以爲二不可也。且一人向隅。滿堂不樂。一物失所。
納隍增慮。陛下北宮多暇。西墉整臨。青春日長。已積埃塵之弊。紫微漏永。重聽
歌舞之樂。儻令有司跛倚。下人饑倦。以陛下近猶不恤。而況於遠乎。聖情攸聞。
豈不懷然。祇畏。臣以爲四不可也。且元正首祚。大禮頻光。百姓顛顛。咸謂業感
配天。功垂曠代。今陛下恩似薄於衆望。酺即過於往年。王公貴人。各承徵旨。州
縣坊曲。競爲課稅。吁嗟道路。貿易家產。損萬人之力。營百戲之資。適欲同其歡
而乃遺其患。復令兼夜。人何以堪。臣以爲五不可也。書曰。罔拂百姓以從己之
欲。況自去夏。霖霖經今。亢旱。農乏收成。市有騰貴。損其實。崇其虛。馳不急之務。
擾方春之業。前代聖主。明王。忽於細微。而成過患。多矣。陛下可效之哉。伏望
則歡娛。暮令休息。要令兼夜。恐無益於聖朝。上納其言而止。時侍御史任知古
特憲。咸於朝行。詬晉衣冠。挺之深讓之。以爲不敬。乃爲臺司所劾。左遷萬州員
外參軍。開元中。爲考功員外郎。典舉二年。大稱平允。登科者頗減二分之一。遷
考功郎中。特勅。又令知考功。貢舉事。稍遷給事中。時黃門侍郎杜暹。中書侍郎
李元紘。同列。爲相不叶。暹與挺之善。元紘素重暹。引爲中書舍人。及與起居
舍人張暄等同考吏部等第。判。遂復與挺之好。尙不同。暹言於元紘。元紘詰譖
挺之。挺之曰。明公位尊國相。情溺小人。乃有憎惡。甚爲不取也。詞色俱厲。元紘
曰。小人爲誰。挺之曰。卽宋遙也。因出爲登州刺史。太原少尹。殿中監王毛仲。使
太原朔方。幽州計會兵馬。事隔數年。乃牒太原索器仗。挺之以不挾勅。毛仲龍
幸久。恐有變故。密奏之。尋遷濮汴二州刺史。挺之所歷。皆嚴整。吏不敢犯。及莅
大郡。人乃重足側息。二十年。毛仲得罪。賜死。玄宗思曩日之奏。擢爲刑部侍郎。
深見恩遇。改太府卿。與張九齡相善。九齡入相。用挺之爲尙書左丞。知吏部選。
陸景融知兵部選。皆爲一時精選。時侍中裴耀卿。禮部尙書李林甫。與九齡同

在相位。九齡以詞學進。入視草翰林。又為中書令。甚承恩顧。耀卿與九齡素善。林甫巧密。知九齡方承恩遇。營事之意。未相與。林甫引蕭冕為戶部侍郎。嘗與挺之同行慶平。客次有禮記。蕭冕讀之曰。蒸嘗伏獵。冕早從官。無學術。不識伏獵之意。誤讀之。挺之戲問。冕對如初。挺之曰。省中豈有伏獵侍郎。由是出為岐州刺史。林甫深恨之。九齡嘗欲引挺之同居相位。謂之曰。李尚書深承

聖恩。足下宜一造門款狎。挺之素負氣。薄其為人。三年。非公事。竟不私造其門。以此彌為林甫所嫉。及挺之囑蔚州刺史王元琰。林甫使人詰於禁中。以此九齡罷相。挺之出為洛州刺史。二十九年。移絳郡太守。天寶元年。玄宗嘗謂林甫曰。嚴挺之何在。此人亦堪進用。林甫乃召其弟損之至門。敘故。云當授子員外郎。因謂之曰。聖人視賢。兄極深。要須作一計入城對見。當有大用。令損之取絳郡一狀。云有少風氣。請入京就暨。林甫將狀奏云。挺之年高。近患風。且須授閑官。就暨玄宗歎叱久之。林甫奏授員外詹事。便令東京養疾。挺之素歸心釋典。事僧惠義。及至東都。鬱鬱不得志。成疾。自為墓誌曰。天寶元年。嚴挺之自絳郡太守抗疏陳乞。天恩允請。許養疾歸閑。兼授太子詹事。前後歷任二十五官。每承聖恩。嘗忝獎擢。不盡羅策。驚蹇何階。仰答鴻造。春秋七十。無所展用。為人士所悲。其年九月。癘疾。終於洛陽某里之私第。十一月。葬於大照和尚塔次西原。

禮也。盡忠事君。叨載國史。勉拙從仕。或布人謠。陵谷可以自紀。文章焉用為飾。遺文薄葬。敝以時服。挺之與裴寬皆奉佛。開元末。惠義卒。挺之服縗麻。送於龕所。寬為河南尹。僧普寂卒。寬與妻子皆服縗。經設次哭臨。妻子送喪至嵩山。故挺之誌文云。葬於大照塔側。祈其靈祐也。挺之素重交結。有許與。凡舊交先歿者。厚撫其妻子。凡嫁孤女數十人。時人重之。子武。廣德中。黃門侍郎。成都尹。劍南節度使。

史臣曰。崔日用附會三思。以取高位。預討韋氏。遂握重權。自言吾一生行事。皆臨時制變。不必專守始謀。信矣。與夫守死善道者。不可同年而語也。張嘉貞雖不立田園。奈急於勢利。朋比近習。杖笞皎伯先。非中立之士也。蕭嵩位極中令。異政無聞。樹破虜之勳。真致遠之器。九齡文學政事。咸有所稱。一時之選也。適

之臨下雖簡。在公克勤。惜乎不得其死也。挺之才略器識。不下諸公。恥近權門。為人所惡。不登台輔。養疾宮寮。雖富貴在天。窮達有命。彼林甫者。誠可投界豺虎也。

贊曰。開元之代。多士盈庭。日用無守。嘉貞近名。嵩齡適挺。各有度程。大位俱極。半慚德馨。

舊唐書卷九十九

舊唐書卷九十九考證

崔日用傳尋出為揚州長史歷婺汴二州刺史兗州都督○揚州新書作婺州

婺汴新書作揚汴兗州都督新書作兗州刺史皆互異

張九齡傳子諒以妄陳休咎上親加詰問令於朝決殺之○沈炳震曰按綱自

命操于殿庭絕而復蘇仍杖之朝堂流瀆州至藍田驛死臣宗萬按流瀆州

事新書載之兩傳各據其一也

九齡進金鏡錄○新書進千秋金鑑錄綱目同

臣佛潛按武惠妃陷太子事此玄宗治亂之關九齡林甫忠姦之分也舊書

不載不及新書之識
李適之子李卿傳○新書作李適子見文苑傳中未知孰是

舊唐書卷九十九考證

後晉司空同中書門下平章事劉昫撰

列傳第五十

尹思貞 李傑 解琬 畢構 蘇珣子晉

鄭惟忠 王志愔 盧從愿 李朝隱 裴灌從祖弟

王丘

尹思貞京兆長安人也弱冠明經舉補隆州參軍時晉安縣有豪族蒲氏縱橫不法前後官吏莫能制州司思貞推按發其姦賊萬計竟論殺之遠近稱慶刻石以紀其事由是知名累轉明堂令以善政聞三遷殿中少監檢校洛州刺史會契丹孫萬榮作亂河朔不安思貞善於綏撫境內獨無驚擾則天降璽書褒美之長安中七遷秋官侍郎以忤張昌宗被構出為定州刺史轉晉州刺史尋復入為司府少卿時卿侯知一亦厲威嚴吏人為之語曰不畏侯卿杖惟畏尹卿筆其為人所伏若此尋加銀青光祿大夫於宅中擲得古戟十二俄而門加榮戟時人異焉神龍初為大理卿時武三思擅權御史大夫李承嘉附會之雍州人韋月將上變告三思謀逆中宗大怒命斬之思貞以發生之月固執奏以為不可行刑竟有勅決杖配流嶺南三思令所司因此非法害之思貞又固爭之承嘉希三思旨託以他事不許思貞入朝廷謂承嘉曰公擅作威福不顧憲章附託姦臣以圖不軌將先除忠良以自恣耶承嘉大怒遂劾奏思貞出為青州刺史境內有蠶一年四熟者黜陟使衛州司馬路敬潛八月至州見繭數曰非善政所致孰能至於此乎特表薦之思貞前後為十三州刺史皆以清簡為政奏課連最睿宗即位徵為將作大匠累封天水郡公時左僕射竇懷貞與造金仙玉真兩觀調發夫匠思貞常節減之懷貞怒頻詰責思貞思貞曰公職居端揆任重彌譖不能冀贊聖明光宣大化而乃感興土木害及黎元豈不愧也又受小人之譖輕辱朝臣今日之事不能苟免請從此辭拂衣而去闔門累日上聞而特令視事其年懷貞伏誅乃下制曰國之副相位亞中台自匪邦直執司天憲將作大匠尹思貞賢良方正碩儒耆德剛不讓缺清而長知簡言易

從莊色難犯微先王之體要敷衽必陳折佞臣之怙權拂衣而謝故以事聞海內名動京師鷹隼是擊豺狼自遠必能條理前弊發揮舊章宜承弄印之榮式允登車之志可御史大夫俄兼申王府長史遷戶部尚書轉工部尚書以老疾累表請致仕許之開元四年卒年七十七贈黃門監諡曰簡

李傑本名務光相州滏陽人後魏并州刺史寶之後也其先自隴西徙焉傑少以孝友著稱舉明經累遷天官員外郎明敏有吏才甚得當時之譽神龍初累遷衛尉少卿為河東道巡察黜陟使奏課為諸使之最開元初為河南尹傑既動於聽理每有訴列雖衢路當食無廢處斷由是官無留事人吏愛之先是河汴之間有梁公擾年久堰破江淮漕運不通傑奏調發汴鄭丁夫以濬之省功速就公私深以為利刊石水濱以紀其績尋代宋璟為御史大夫時皇后妹塔尚衣奉御長孫昕與其妹塔楊仙玉因於里巷遇傑遂毆擊之上大怒令斬昕等散騎常侍馬懷素以為陽和之月不可行刑累表陳請乃下勅曰夫為令者自近而及遠行罰者先親而後疎長孫昕楊仙玉等恃怙姻戚恣行兇險輕侮常憲損辱大臣情特難容故令斬決今羣官等累陳表疏固有誠請以陽和之節非肅殺之時援引古今詞義懇切朕志從深諫情亦惜法宜寬異門之罰聽從枯木之斃即宜決殺以謝百寮傑明年以護橋陵作賜爵武威子初傑護作時引侍御史王旭為判官旭貪冒受贓傑將繩之而不得其實反為旭所構出為衢州刺史俄轉揚州大都督府長史又為御史所劾免官歸第尋卒贈戶部尚書

解琬魏州元城人也少應幽素舉拜新政府累轉成都丞因奏事稱旨超遷監察御史丁憂離職則天以琬識練邊事起復舊官令往西域安撫夷虜抗疏固辭則天嘉之下勅曰解琬孝性淳至哀情懇切固辭權奪之榮乞就終喪之典足可以激揚風俗敦經名教宜遂雅懷允其所請仍令服闋後赴上聖曆初遷侍御史充使安撫烏質勒及十姓部落咸得其便宜蕃人大悅以功擢拜御史中丞兼北庭都護持節西域安撫使琬素與郭元振同官相善遂為宗楚客所毀由是左遷滄州刺史為政務存大體甚得人和景龍中遷右臺御史大夫兼

持節朔方行軍大總管。琬前後在軍二十餘載，務農習戰，多所利益。邊境安之，景雲二年，復為朔方軍大總管。琬分遣隨軍要籍官河陽丞張冠宗、肥鄉令章景駿、普安令千處忠等校料三城兵募，於是減十萬人。奏罷之，尋授右武衛大將軍，兼檢校晉州刺史，賜爵濟南縣男。以年老乞骸骨，拜表訖，不待報而去。優詔加金紫，光祿大夫，聽致仕。其祿準品全給。尋降璽書勞之曰：卿器局堅正，才識高遠，公忠彰其立身，貞固足以幹事，類張騫之出使，同魏絳之和戎，職縮文武功申方面，勤于王家，是為國老。頃者顧斯側景，願言勇退，深惜馬援之能，未遂祁奚之請，然章疏頻上，雅懷難奪。今知脫屣歸閑，拂衣高謝，固可以激勸頹俗，儆刑庶僚。永言終始，良可嘉尚。宜善攝養，以介期頤。未幾吐蕃寇邊，復召拜左散騎常侍，令與吐蕃分定地界，兼處置十姓降戶。琬言吐蕃蓄懷叛計，請預支兵十萬於秦渭等州嚴加防遏。其年冬，吐蕃果入寇，竟為支兵所擊，走之。俄又表請致仕，不許。遷太子賓客。開元五年，出為同州刺史。明年卒，年八十餘。畢構，河南偃師人也。父懷，則天時為司衛少卿，構少舉進士，神龍初，累遷中書舍人。時敬暉等奏請降削武氏諸王，構次當讀表，既聲韻朗暢，兼分析其文句，左右聽者，皆歷歷可曉。由是武三思惡之，出為潤州刺史。累除益州大都督府。復授益州大都督府長史，兼充劍南道按察使。所歷州府，咸著聲績。在蜀中尤草舊弊，政號清嚴。睿宗聞而善之，璽書勞曰：我國家創開天地，再造黎元，四夷來王，萬邦會至。置州立郡，分職設官，貞觀承徽之前，皇猷惟穆，咸亨垂拱之後，淳風漸替。征賦將急，調役頗繁。選吏舉人，涉於浮濫，省閣臺寺，罕有公直。苟食祿秩，以度歲時，中外因循，紀綱弛紊，且無懲革。弊乃滋深，為官既不擇人，非親即親，為法又不按罪。作孽軍地，貪殘放手者相仍。清白潔己者斯絕，蓋由賞罰不舉，生殺莫行。更以水旱時乖，邊隅未設，日損一日，微斂不休。大東小東，杆軸為怨，就更割剝，何以克堪。昔聞當官，以留犢還珠為上，今之從職，以充車駟為能。或交結富豪，抑奔貧弱，或矜假典正，樹立腹心。昌屋之間，囊篋俱委，或地有椿幹梓漆，或家有畜產資財，即被暗通，並從取奪。若有固悖，即因事以繩，屬

杖大枷，動傾性命，懷冤抱痛，無所告陳。比差御史委令巡察，或有貴要所矚，未能不避權豪，或有親故在官，又罕絕於顏面，載馳原隰，徒煩出使之名，安閑狃狸，未見埋車之節。揚清激濁，涇渭不分，嫉惡好善，蕭蘭莫別。官守既且若此，下人豈以聊生，數年已來，凋殘更甚。卿孤潔獨行，有古人之風，自臨蜀川，弊化頓易。覽卿前後執奏，何異破柱求姦，諸使之中，在卿為最，並能盡節，似卿如此，百那何憂乎不理。萬人何慮乎不安。卿當益堅，勿為後顧。朕嘉卿直道，今賜袍帶，並衣一副。尋拜戶部尚書，轉吏部尚書，並遙領益州大都督府長史。玄宗即位，累拜河南尹，遷戶部尚書。開元四年，遇疾，上手疏鑿方以賜之。時議戶部尚書為凶官，遽改授太子詹事，冀其有瘳。尋卒。贈黃門監。諡曰景。構初喪，繼母時有二妹在襁，親加鞠養，咸得成立。及構卒，二妹號絕久之，以撫育恩，遂制三年之服。其弟相，亦甚哀毀，並為當時所稱。相官至荊州司馬。蘇珣，雍州藍田人。明經舉，累授鄂縣尉。雍州長史李義琰召而謂曰：鄂縣本多訴訟，近日遂絕，訪問果由明公為其疏理，因願指廳事曰：此座，即明公座也。但恨非遷墓所見耳。垂拱初，拜右臺監察御史。時則天將誅韓魯等諸王，使珣按其密狀。珣訊問皆無微驗，或誣告珣與韓魯等同情。則天召見詰問，珣抗議不回。則天不悅曰：卿大雅之士，朕當別有驅使。此獄不假卿也。遂令珣於河西監軍。五遷右司郎中。時御史王弘義託附來俊臣構陷無罪，朝廷疾之，嘗受詔於就州探木，役使不節。丁夫多死，珣按奏其事。弘義竟以坐黜。珣尋遷給事中，累授左肅政臺御史大夫。時有詔白司馬坡營大像，糜費巨億。珣以妨農上疏切諫，則天納焉。神龍初，武三思擅權，韋月將告三思將有逆謀，返為三思所構。中宗令斬之。珣奏非時不可行刑。由是忤三思旨，轉為右御史大夫。尋出為岐州刺史。復為右臺大夫。會節愍太子貶，詔珣窮其黨與。時睿宗在藩，為得罪者所引。珣因辯析事狀，密奏以保持之。中宗意解，因是多所原免。權珣為戶部尚書，賜歸河內郡公。尋授太子賓客，檢校詹事。以年老致仕。開元三年卒。年八十一。贈兗州都督。諡曰文子。晉亦知名。晉數歲能屬文，作八卦論。吏部侍郎房穎叔，秘書少監王紹宗見而賞歎曰：此後來王粲也。弱冠舉進士，又應大禮舉。嘗居

上第。先天中，累遷中書舍人，兼崇文館學士，玄宗監國，每有制命，皆令晉及賈曾爲之。晉亦數進讜言，深見嘉納。俄出爲泗州刺史，以父老乞辭歸侍，許之。父卒，後歷戶部侍郎，襲爵河內郡公。開元十四年，遷吏部侍郎，時開府宋璟兼尚書事，晉及齊澣遞於京都，知選事，既糊名考判，晉獨多賞拔，甚得當時之譽。俄而侍中裴光庭知尚書事，每遇官應批選者，但對衆披簿，以朱筆點頭而已。晉遂勝選院云：門下點頭者，更引注擬光庭以爲侮，己甚不悅，遂出爲汝州刺史。三遷魏州刺史，加銀青光祿大夫，入爲太子左庶子。二十二年卒，年五十九。初，晉與洛陽人張循之仲之兄弟友善，循之等並以學業著名，循之則天時上書忤旨被誅，仲之神龍中謀殺武三思，爲友人宋之遜所發，下獄死。晉厚撫仲之子漸，有如己子，教之書記，爲營婚宦，及晉卒，漸制猶子之服，時人甚以此稱之。

鄭惟忠，宋州宋城人也。儀鳳中，進士舉，授并陘尉，轉湯陰尉。天授中，應舉召見，則天臨軒問諸舉人，何者爲忠？諸人對不稱旨，惟忠對曰：臣聞忠者，外揚君之美，內匡君之惡，則天曰：善。授左司禦率府曹參軍，累遷水部員外郎，則天幸長安，惟忠待制引見，則天謂曰：朕識卿前於東都，言忠臣外揚君之美，內匡君之惡，至今不忘。尋加朝散大夫，再遷鳳閣舍人。中宗即位，甚敬重之，擢拜黃門侍郎。時議請禁積南首領家畜兵器，惟忠曰：夫爲政不可草以習俗，且吳都賦云：家有鶴膝，戶有犀渠，如或禁之，豈無驚擾耶？遂寢。無何，守大理卿，節愍太子與將軍李多祚等舉兵誅武三思，事覺伏誅，其誣誤守門者，並配流將行，有韋氏黨與密奏，請盡誅之。中宗令推斷，惟忠奏曰：今大獄始決，人心未寧，若更改推，必遞相驚恐，則反側之子，無由自安。勅令百司議，遂依舊斷，所全者甚多。俄拜御史大夫，持節賑給河北道，仍黜陟牧宰，還數奏稱旨，加銀青光祿大夫，封樂陽縣男。開元初，爲禮部尚書，轉太子賓客，十年卒，贈太子少保。

王志愔，博州聊城人也。少以進士擢第，神龍年，累除左臺御史，加朝散大夫，執法剛正，百僚畏憚，時人呼爲卓鵬，言其顧瞻人吏，如鷲鷯之視鶩雀也。尋遷大理正，嘗奏言：法令者，人之隄防，隄防不立，則人無所禁，竊見大理官僚，多不奉

法，以縱罪爲寬恕，以守文爲苛刻，臣懼執刑典，實恐爲衆所諉，遂表上所著，應正論以見志。其詞曰：嘗讀易至萃，利見大人，亨，聚以正也。六二，引吉无咎，注曰：居萃之時，體柔當位，處坤之中，已獨處正，異操而聚，獨正者危，未能變體以違於害，故必見引，然後乃吉而无咎。王肅曰：六二與九五相應，俱履貞正，引由道也，爲吉所迎，何咎之有？未嘗不較書而數曰：居中履正事之常體，見引无咎，道亦宜然，有客聞而惑之，因謂僕曰：今主上文明，城中理定，君累司典憲，不務和同，處正之志雖存，見引之吉誰應，行之不已，余竊懼焉。僕敘律降階，而謝曰：補遺闕於衰職，用忠讜爲己任，以蒙養正，見引獲吉，應此道也。仁何遠哉！昔咎繇謀虞，登朝作士，設教理物，開訓成務，是以五流有宅，五宅三居，怙終賊刑，刑故無小，於是舜美其事曰：汝明於五刑，以弼五教，期于予理，刑期于無刑，人協于中，時乃功懋哉！故孔子歎其政曰：舜舉咎繇，不仁者遠，此非明辟執法，大人見引之應乎？季孫行父之事君也，舉竊寶之愆，黜授邑之賞，明善惡而糾厲，議僭賞以塞違，在虞舜之功，居二十之一，主司得行其道，時君不以爲嫌，此非已獨處正，應正而无咎，觀魚於棠，臧伯正色，路鼎在廟，哀伯抗詞，言者得盡其忠，聞之不加其罪，故春秋稱臧氏之正曰：積善之家，必有余慶，此非異操而聚，引吉之所致乎？魏絳理直，晉侯乃復其位，邾人辭順，趙盾不伐其國，此非正體未變，爲吉所迎者乎？夫在上垂拱，臣下守制，若正應乎上，乃引吉於下，而中士聞道，若存若亡，交戰於誦正之門，懷疑乎語默之境，懼獨正之莫引，忘此正之必享，吁嗟乎！行己立身，居正踐義，其動也直，其正也方，維正直而是與，何往而非攸利，何以明之？坤六二，直方大，不習無不利，文言曰：直，其正也，方，其義也。君子敬以直內，義以方外，敬義立而德不孤，直方大，則不疑其所行也。荀康撰釋私論，曹羲著至公篇，皆以崇公激俗，抑私事主，一言可以蔽之，歸於體正而已矣。禮記曰：刑者，側也，側者，成也，一成而不可變，故君子盡心焉。若以喜怒制刑，輕重設比，是則橋前驚馬，用希旨論人，苑中獵兔，以從欲廢法，理有違而合道，物貴和而不同，不同之和，正在其中矣。昔任延爲武威太守，漢帝誠之曰：善事上官，無失名譽，延對曰：臣聞忠臣不私，私臣不忠，上下雷同，非國家之福，善事上

官臣不敢奉詔任延雅奏漢主是其言此則歸正不回乖旨順義不以忤懷見忌斯亦違而合道晏子春秋景公見梁丘據曰據與我和晏子曰此同也和者君甘則臣酸君澹則臣鹹今據也君甘亦甘所謂同也安得為和是以濟鹽梅以調羹乃適平心之味獻可否而論道方恢政體之節俟引正而遵度故曰物貴和而不同劉曼山辯和同之義有旨哉若以不同見譏未敢聞諍客曰和同乖訓則已聞之援法成而不變者豈恤獄之寬憲耶書曰御眾以寬傳曰寬則得眾若以嚴統物異乎寬政矣對曰刑賞二柄唯人主操之崇厚任寬是謂帝王之德慎子曰以力役法者百姓也以死守法者有司也以道變法者君上也然則匪人臣所操後魏游擊之為廷尉也魏帝嘗私勸擊有所降怒擊執而不從曰陛下自能恕之豈可令臣曲筆也是知寬恕是君道曲從非臣節人或未達斯旨不料其務以平刑為峻將曲法為寬謹守憲章號為深密內律釋種虧戒一誅五百人如來不救其罪豈謂佛法為殘刻耶老子道德經云天網恢恢疎而不漏豈謂道教為凝峻耶家語曰王者之誅有五而竊盜不預焉即心辯言僞之流禮記亦陳四殺破律亂名之謂豈是儒家執禁孔子之深文哉此三教之用法者所以明貞諦重玄猷存天綱立人極也然則乾象震曜天道明威齊眾惟刑百王所以垂範折人以法三后於是成功所務掌憲決平斯廷尉之職耳易曰家人嗃嗃无咎婦子嘻嘻終吝嚴於其家可移於國昔崔實達於理而作政論仲長統曰凡為人主宜寫政論一通置諸坐側其大抵云為國者以嚴致平非以寬致平者也然則稱嚴者不必踰條越制凝網重罰在於施隱括以矯枉用平典以禁非刑故有常罰輕無捨人不易犯防之難越故也但人慢吏濁偽積賊深而曰以寬理之可以無過何異乎命王良御驥捨銜策於奔蹏請俞跗攻疾停藥石於膚腠適見秋駕轉逸膏肓更深人鑿僕夫何功之有又謂僕曰成法而變唯帝王之命歟對曰何為其然也昔漢武帝甥昭平君殺人以公主子廷尉上請論左右為言武帝垂涕歎曰法令者先王之所造也用親故誣先帝之法吾何面目入高廟乎又下負萬人乃可其奏近代隋文帝子秦王俊為并州總管以奢縱免官僕射楊素奏言王陛下愛子請捨其過文帝曰

法不可違若如公意我是五兒之父非兆人之父何不別制天子兒律乎我安能虧法卒不許此是帝王操法協於禮經不變之義況於秋官典職司寇肅事而可變動者乎我皇審哲登圖高視巖廊之上宰衡明允就列輯穆廟堂之下乾坤交泰日月光華庶績其凝眾工咸理聚以正也僕幸利見大人引其吉焉期養正於下位中正是託子何懼乎夫君子百行之基出處二途而已出則策名委質行直道以事人進善納忠仰天階而緝政諤諤其節思為社稷之臣審審匪躬願參柱石之任處則高謝公卿孝友揚名是亦為政烟霞尚志其用承貞行藏事業心迹斯在至如水中泛泛天下悠悠執馭為榮掃門自媚拜塵邀勢括囊守祿從來長息以為深恥客乃送巡不對遂無以間僕也中宗覽而嘉之稍遷駕部郎中景雲元年累轉左御史中丞尋遷大理少卿二年制依漢置刺史監郡於天下衝要大州置都督二十人妙選有威重者為之遂拜志愔齊州都督事竟不行又授齊州刺史充河南道按察使未幾遷汴州刺史仍舊充河南道按察使太極元年又令以本官兼御史中丞內供奉特賜實封一百戶尋加銀青光祿大夫拜戶部侍郎出為魏州刺史轉揚州大都督府長史俱充本道按察使所在令行禁止姦猾屏迹境內肅然久之召拜刑部尚書開元九年上幸東都令充京師留守十年有京北人權梁山偽稱襄王男自號光帝與其黨及左右屯管押官謀反夜半時擁左屯管兵百餘人自景風長樂等門斬關入宮城將殺志愔志愔踰牆避賊俄而屯營兵潰散翻殺梁山等五人傳首東都志愔遂以駭卒

盧從愿相州臨漳人後魏度支尚書祿六代孫也自范陽徙家焉世為山東著姓弱冠明經舉授絳州夏縣尉又應制舉拜右拾遺俄遷右肅政監察御史充山南道黜陟巡撫使奏使稱旨拜殿中侍御史累遷中書舍人睿宗踐祚拜吏部侍郎中宗之後選司頗失綱紀從愿精心條理大稱平允其有冒名偽選及虛增功狀之類皆能擿發其事典選六年前後無及之者上嘉之特與一子太子通事舍人從愿上疏乞迴恩贈父乃贈其父吉陽丞敬一為鄭州長史初高宗時裴行儉馬載為吏部最為稱職及是從愿與李朝隱同時典選亦有美譽

時人稱曰吏部前有馬裴後有盧李開元四年上盡召新授縣令一時於殿庭策試考入下第者一切放歸學問從愿以注擬非才左遷豫州刺史為政嚴簡按察使委課為天下第一等置書勞問賜絹百匹無幾入為工部侍郎轉尚書左丞又與楊浴及吏部侍郎裴濯禮部侍郎王丘中書舍人劉令植刪定開元後格遷中書侍郎十一年拜工部尚書加銀青光祿大夫仍令東都留守十三年從升泰山又加金紫光祿大夫代章抗為刑部尚書頻年充校京外官考使前後威稱允當御史中丞宇文融承恩用事以括獲田戶之功本司校考為上下從愿抑不與之融頗以為恨密奏從愿廣占良田至有百餘頃其後上嘗擇堪為宰相者或薦從愿上曰從愿廣占田園是不廉也遂止不用從愿又因早朝途中為人所射中其從者捕賊竟不獲時議從愿久在選司為被抑者所讎十六年東都留守時坐子起居郎論羅米入官有剩利為憲司所糾出為絳州刺史再遷太子賓客二十年河北數貴勅從愿為宣撫處置使開倉以救饑餒使遇以年老抗表乞骸骨乃拜吏部尚書聽致仕給全祿二十五年卒年七十餘贈益州大都督諡曰文

李朝隱京兆三原人也少以明法舉拜臨汾尉累授大理丞神龍年功臣敬暉桓彥範為武三思所構諷侍御史鄭愔奏請誅之勅大理結其罪朝隱以暉等所犯不經推鞠未可即正刑名時裴談為大理卿異筆斷斬仍籍沒其家朝隱由是忤旨中宗令貶嶺南惡處侍中韋巨源中書令李嶠奏曰朝隱素稱清正斷獄亦甚當事一朝遠徙嶺表恐天下疑其罪中宗意解出為開喜令尋遷侍御史三遷長安令有宦官閻興貴請贖請託朝隱命拽出之睿宗聞而嘉歎廷召朝隱勞曰卿為京縣令能如此朕復何憂乃下制曰夫不吐剛而踏上不茹柔而躡下者君子之事也踐醫必繩登車無屈者正人之務也長安縣令李朝隱德義不回清強自遂亟聞嘉政累者能名近者品官入縣有乖儀式遂能責之以禮繩之以愆但聞暨之流多有憑恃柔寬之代必弄威權歷觀載籍常所歎息朕規誠前古勸求典憲能副朕意實賴斯人昔虞延持皇后之容梅陶鞭太子之傳古稱道直復見於今思欲旌其美行遷以重職為時屬開戶政在養

人宜加一階用表剛烈可太中大夫特賜中上考兼絹百匹七遷絳州刺史兼知吏部選事開元二年遷吏部侍郎銓敘平允甚為當時所稱陸重書褒美授一子太子通事舍人四年春以授縣令非其人出為滑州刺史轉同州刺史駕幸東都路由同州朝隱蒙旨召見賞慰賜衣一副絹百匹尋遷河南尹政甚清嚴豪右屏跡時太子舅趙常奴恃勢侵害平人朝隱曰此而不繩何以為政執而杖之上聞又降勅書慰勉之十年遷大理卿時武強令裴景仙犯乞取贓積五千匹事發逃走上大怒令集眾殺之朝隱執奏曰裴景仙緣是乞贓犯不至死又景仙曾祖故司空叔往屬締構首預元勳載初年中家陷非罪凡有兄弟皆被誅夷唯景仙獨存今見承嫡據贓表當死坐準犯猶入請條十代宥賢功實宜錄一門絕祀情或可哀願寬暴市之刑俾就投荒之役則舊勳斯允手詔不許朝隱又奏曰有斷自天處之極法生殺之柄人主合專輕重有條臣下當守枉法者枉理而取十五正便抵死刑乞取者因乞為贓數千匹止當流坐今若乞取得罪便處斬刑後有枉法當科欲如何辟所以為國惜法期守律文非敢以法隨人曲矜仙命射免魏苑驚馬漢橋初震皇赫竟從廷議豈威不能制而法貴有常又景仙曾祖寂草味忠節定為元勳位至台司恩倍常數載初之際被枉破家諸子各犯非辜唯仙今見承嫡若寂勳都弃仙罪特加則叔向之賢何足稱者若赦之鬼不其饒而捨罪念功乞垂天聽應勅決杖及有犯配流近發德音普擇殊澤杖者既聽減數流者仍許給程天下顯顯孰不幸甚瞻彼四海已被深恩豈於一人獨峻常典伏乞採臣之議致仙於法乃下制曰罪不在大本乎情罰在必行不在重朕垂範作訓庶動植咸若豈嚴刑逞戮使手足無措者哉裴景仙幸藉緒餘超升令宰輕我憲法蠹我風猷不慎畏知之金詎識無貪之寶家盈贖貨身乃逃亡殊不知天鑒可違自愆難追所以不從本法加以殊刑冀懲食暴之流以塞侵漁之路然以其祖父昔預經綸佐命有功締構斯重緬懷實延之義俾協政寬之典宜捨其極法以寬退荒仍決杖一百流嶺南惡處朝隱俄轉岐州刺史母憂去官起為揚州大都督府長史抗疏固辭制許之朝隱性孝友時年已衰暮在喪尤加毀瘠明年制又起為揚州長史不

獲已而就職復入為大理卿累封金城伯代崔隱甫為御史大夫朝隱素有公直之譽每御史大夫缺時議咸許之及居其職竟無所糾劾唯煩於細務時望由是稍減俄轉太常卿二十一年兼判廣州事仍攝御史大夫充嶺南採訪處置使明年卒於嶺外年七十贈吏部尚書官給靈輿兼家口給遞還鄉諡曰貞裴淮絳州聞喜人也世為著姓父琰之永徽中為同州司戶參軍時年少美容儀刺史李崇義初甚輕之先是州中有積年舊案數百道崇義促琰之使斷之琰之命書吏數人連紙進筆斯須剖斷並畢文翰俱美且盡與奪之理崇義大驚謝曰公何忍藏鋒以成鄙夫之過由是大知名號為霹靂手後為永年令有惠政人吏刊石頌之歷任倉部郎中以老疾廢於家淮色養劬勞十數年不求仕進父卒後應大禮舉拜陳留主簿累遷監察御史時吏部侍郎崔湜鄭愷坐贓為御史李尚隱所劾淮同鞠其獄安樂公主及上官昭容阿黨湜等淮竟執正奏其罪甚為當時所稱三遷中書舍人太極元年睿宗為金仙玉真公主造觀及寺等時屬春旱與役不止淮上疏諫曰臣謹案禮記春秋令曰無聚大眾無起大役不可與土功恐妨農事若號令乖度役使不時則加疾疫之危國有水旱之災此五行之必應也今自春至夏時雨愆期下人憂心莫知所出陛下雖降哀矜之旨兩都仍有寺觀之作時旱之應實此之由且春令告期東作方始正是丁壯就功之日而土木方興臣恐所妨尤多所益尤少耕夫蠶妾饑寒之源故春秋莊公三十一年冬不雨五行傳以為歲三臺臺僖公二十一年夏大旱五行傳以時作南門勞人與役陛下每以萬方為念睿旨殷勤安國濟人防微慮遠伏願下明制發德音順天時副人望兩京公私營造及諸和市木石等並請且停則蒼生幸甚農桑失時戶口流散縱寺觀營構豈救黎元饑寒之弊哉疏奏不報尋轉兵部侍郎以銓敘平允特授一子為太子通事舍人開元五年遷吏部侍郎典選數年多所持拔再轉黃門侍郎代韋抗為御史大夫淮早與張說特相友善時說在相位數稱薦之淮又善於敷奏上亦嘉重焉由是擢拜吏部尚書尋轉太子賓客淮家世儉約既久居清要頗飾妓妾後庭有綺羅之賞由是為時論所譏二十四年卒年七十餘贈禮部尚書諡曰懿淮從租

第寬寬父無晦袁州刺史寬通略以文詞進騎射彈棊投壺特妙景雲中為潤州參軍刺史韋統為按察使引為判官清幹善於判斷銑重其才以女妻之後應拔萃舉河南丞再轉為長安尉時宇文融為侍御史括天下田戶使奏差為江南東道勾當租庸地稅兼覆田判官轉太常博士禮部擬國忌之辰享廟用樂下太常寬深達禮節特建新意以為廟尊忌卑則登歌廟卑忌尊則去籥中書令張說謂寬明識舉而行之再遷為刑部員外郎有萬騎將軍馬崇正晝殺人時開府霍國公王毛仲恩幸用事將鬻其獄寬執之不回兵部尚書蕭嵩為河西節度使奏寬及郭虛己為判官累年專見委任嵩加中書令寬歷中書舍人御史中丞兵部侍郎開元二十一年冬裴耀卿以黃門侍郎知政事扈從出關知江淮轉運於河陰置倉奏寬為戶部侍郎為其副寬性友愛弟兄多宦達子姪亦有名稱於東京立第同居八院相對甥姪皆有休憩所擊鼓而食當世榮之選吏部侍郎及玄宗還京又改蒲州刺史州境久旱入境雨乃大決遷河南尹不附權貴務於恤隱政乃大理改左金吾衛大將軍一年除太原尹賜紫金魚袋玄宗賦詩而餞之曰德比岱雲布心如晉水清天寶初除陳留太守兼採訪使尋而范陽節度李適之入為御史大夫除寬范陽節度兼採訪使河北替之其年又加御史大夫時北平軍使烏承恩恃以蕃酋與中貴通恣求貨賂寬以法按之禮州刺史何僧獻生口數十人寬悉命歸之故夷夏感悅三載以安祿山為范陽節度寬為戶部尚書兼御史大夫玄宗素重寬日加恩寵刑部尚書裴敦復討海賊頗張賊勢又廣敘功以開請托之路寬嘗幾微奏之居數日有河北將士入奏咸言寬在范陽能政塞上思之玄宗嗟賞久之李林甫懼其入相又惡寬與李適之善乃呼裴敦復且以寬之語告之敦復使氣性疎與寬素不相下以為林甫推誠於己因願結之且訐其寬先是寬以親故名潘敦復求請軍功至是敦復氣憤發其事林甫曰公宜速奏無後於人尋而敦復扈從幸溫泉宮寬在京城未發遇有敦復下軍將程藏曜即將曹鑿鑿郴州富人藏曜嶺南首領之子皆有他事與人詰臺告訴寬受其狀捕鑿等鞠之敦復判官太常博士王悅聞之謂寬求其過連夜詰湯所以告敦復大懼促裝待罪

因令子燿以五百金賂於貴妃姊楊三娘，楊氏遽爲言之。明日，貶寬爲睢陽太守，寬以清簡爲政，故所莅人皆愛之。當時望爲宰相，及韋堅構寬，寬又以親累，貶爲安陸別駕，員外置。林甫使羅希顛南殺李適之，紆路至安陸，過擬怖死之。寬叩頭祈請，希顛不宿而過，寬又懼死，上表請爲僧，詔不許。崇崇信釋典，常與僧徒往來，焚香禮懺，老而彌篤。累遷東海太守，襄州採訪使，銀青光祿大夫，轉馮翊太守，入拜禮部尚書，十四載卒，年七十五。詔贈太子少傅，賻帛一百五十段，粟一百五十石。兄弟八人，皆明經及第，入臺省，典郡者五人。寬歿之後，弟珣爲河內郡太守，安祿山反，以執父喪，將投闕庭，恐累其母，乃詣河東節度，訴誠而退。後在母憂，又陷史思明，授其僞官，委任使弟朗密奉表疏至上京。代宗時爲左司郎中，兼侍御史，河東道租庸判官。

王丘，光祿卿同皎從兄子也。父同珪，左庶子。丘年十一，童子舉擢第，時類皆以誦經爲課，丘獨以屬文見擢，由是知名。弱冠，又應制舉，拜奉禮郎。丘神氣清古，而志行修潔，尤善詞賦。族人左庶子方慶及御史大夫魏元忠皆稱薦之。長安中，自僊師主簿擢第，拜監察御史。開元初，累遷考功員外郎。先是考功舉人，請托大行，取士頗濫，每年至數百人。丘一切覈其實材，登科者僅滿百人。議者以爲自則天已後，凡數十年，無如丘者。其後席豫嚴挺之爲其次焉。三遷紫微舍人，以知制誥之勤，加朝散大夫，再轉吏部侍郎。典選累年，甚稱平允。擢用山陰尉孫邀，桃林尉張鏡微，湖城尉張晉明，進士王泠然，皆稱一時之秀。俄換尚書左丞。十一年，拜黃門侍郎。其年山東旱，儉朝議選朝臣爲刺史，以撫貧民。制曰：昔咎繇與禹言曰：在知人。在安人。此皆念存邦本，光於帝載，乾乾夕惕，無忘一日，而長吏或不稱，蒼生或未寧，深思循良，以矯過弊，仍重諸侯之選。故自朝廷始之，於是以丘爲懷州刺史。又以中書侍郎崔沔等數人，皆爲山東諸州刺史。至任皆無可稱。唯丘在職清嚴，入吏甚畏慕之。俄又分知吏部選事，入爲尚書左丞。丁父憂去職，服闋，拜右散騎常侍，仍知制誥。二十一年，侍中裴光庭病卒，中書令蕭嵩與丘有舊，將薦丘知政事。丘知而固辭。且感推尚書右丞韓休，嵩因而奏之，及休作相，遂薦丘代崔琳爲御史大夫。丘既訥於言詞，敷奏多不稱。

旨，俄轉太子賓客，襲父爵，宿預男，尋以疾拜禮部尚書，仍聽致仕。丘雖歷要職，固守清儉，未嘗受人饋遺。第宅輿馬，稱爲敝陋。致仕之後，藥餌始將不給，上聞而嘉歎，下制曰：王丘夙負良材，累升茂秩，比緣疾疹，假以優閑，聞其家道屢空，醫藥靡給，久此從宦，遂無餘資，持操若斯，古人何遠，且優賢之義，方冊所先用，急之宜沮，勤攸在，其俸祿一事已上，並宜全給。式表殊常之澤，用旌貞白之吏。天寶二年卒，贈荊州大都督。

史臣曰：有唐之興，綿歷年所，骨鯁清廉之士，懷忠抱義之臣，臺省之間，薦肩接踵，但時有夷險，道有汗隆，用與不用而已。睿玄之世，若李傑、畢構、蘇珣、鄭惟忠、王志愔、盧從愿、裴淮、王丘，並位歷亞台，名德兼著，如尹思貞、李朝隱、折季承、嘉寶、懷貞、辱、蘭與實、趙常、奴、詩人所謂不畏強禦者也。解琬總兵朔野，料敵如神，功遂身退，深知止足，茲亦有足多也。

贊曰：尚書亞台，京尹方伯，我朝重官，云誰稱職，僕構珣忠，能竭其力，惜愿淮丘，聿修厥德，貞茂大僚，隱繩貴戚，琬馳令名，燕蜀之北。

舊唐書卷一百

後晉司空同中書門下平章事劉昫撰

列傳第五十一

李义

薛登

章湊從子盧心虛舟

韓思復思復孫欽

張廷珪

王求禮

辛替否

李义本名尚真趙州房子人也少與兄尚一尚真俱以文章見稱舉進士景龍中累遷中書舍人時中宗遣使江南分遣贖生以所在官物充直又上疏曰江南水鄉採捕為業魚鱉之利黎元所資土地使然有自來矣伏以聖慈含育恩周動植布天下之大德及鱗介之微品雖雲雨之私有霑於末類而生成之惠未洽於平人何則江湖之饒生育無限府庫之用支供易殫費之若少則所濟何成用之儻多則常支有闕在於拯物豈若憂人且鬻生之徒唯利斯視錢刀日至網罟年滋施之一朝營之百倍未若迴救贖之錢物減困貧之徭賦活國愛人其福勝彼又知制誥凡數載景雲元年遷吏部侍郎與宋璟盧從愿同時典選銓敘平允甚為當時所稱尋轉黃門侍郎時睿宗令造金仙玉真二觀又頻上疏諫帝每優容之開元初特令义與中書侍郎蘇頌纂集起居注錄其嘉善昌言可體國經遠者別編奏之又於門下多所駁正開元初姚崇為紫微令又為紫微侍郎外託薦賢其實引在己下去其糾駁之權也俄拜刑部尚書又方雅有學識朝廷稱其有宰相之望會病卒兄尚一清源尉早卒尚貞官至博州刺史兄弟同為一集號曰李氏花萼集總二十卷

薛登本名謙光常州義興人也父士通大業中為鷹揚郎將江都之亂士通與鄉人聞人嗣安等同據本郡以禦寇賊武德二年遣使歸國高祖嘉之降璽書勞勉拜東武州刺史俄而輔公祐於江都構逆遣其將西門君儀等寇常州士通率兵拒戰大破之君儀等僅以身免及公祐平累功封臨汾侯貞觀初歷遷泉州刺史卒謙光博涉文史每與人談論前代故事必廣引證驗有如目擊少與徐堅劉子玄齊名友善文明中解褐闕中主簿天授中為左補闕時選舉頗濫謙光上疏曰臣聞國以得賢為寶臣以舉士為忠是以子皮之讓國僑鮑叔

之推管仲燕昭委兵於樂毅符堅託政於王猛子產受國人之謗夷吾貪共買之財昭王錫駘馬以止讒永固戮樊世以除譖處猶嫌而益信行間毀而無疑此由默而識之委而察之深也至若宰我見愚於宣尼逢萌被知於文叔韓信無聞於項氏毛遂不齒於平原此失士之故也是以人主受不肖之士則政乖得賢良之佐則時泰故堯資八元而庶績其理周任十亂而天下和平由是言之則士不可不察而官不可妄授也何者比來舉薦多不以才假譽馳驟互相推獎希潤身之小計忘臣子之大猷非所以報國求賢副陛下翹翹之望者也臣竊窺古之取士實異於今先觀各行之源考其鄉邑之舉崇禮讓以勵己明節義以標信以敦朴為先最以雕蟲為後科故人崇勸讓之風士去輕浮之行希仕者必修真確不拔之操行難進易退之規眾議以定其高下郡將難誣於曲直故計貢之賢愚即州將之榮辱穢行之彰隱亦鄉人之厚顏是以李陵降而隴西慚干木隱而西河美故名勝於利則小人之道消利勝於名則貪暴之風扇是以化俗之本須擴輕浮昔冀缺以禮讓升朝則晉人知禮文翁以儒林獎俗則蜀士多儒燕昭好馬則駿馬來庭葉公好龍則真龍入室由是言之未有上之所好而下不從其化者也自七國之季雖雜縱橫而漢代求才猶徵百行是以禮節之士敏德自修閭里推高然後為府寺所辟魏氏取人尤愛放達晉宋之後祇重門資獎為人求官之風乖授職惟賢之義有梁薦士雅愛屬詞陳氏簡賢特珍賦詠故其俗以詩酒為重不以修身為務逮至隋室餘風尚在開皇中李諤論之於文帝曰魏之三租更好文詞忽君人之大道好雕蟲之小藝連篇累牘不出月露之形積案盈箱唯是風雲之狀代俗以此相高朝廷以茲擢士故文筆日煩其政日亂帝納李諤之策由是下制禁斷文筆浮詞其年泗州刺史司馬幼之以表不典實得罪於是風俗改勵政化大行煬帝嗣興又變前法置進士等科於是後生之徒復相放傲因陋就寡赴速邀時緝綴小文名之策學不以指實為本而以浮虛為貴有唐纂曆雖漸革於故非陛下君臨思察才於共理樹本崇化惟在旌賢今之舉人有乖事實鄉議決小人之筆行修無長者之論策第喧競於州府祈恩不勝於拜伏或明制纒出試搜搜款驅

禮府寺之門，出入王公之第，上啓陳詩，唯希效唾之澤，摩頂至足，冀荷提攜之恩，故俗號舉人，皆稱寬舉，寬為自求之稱，未是人知之辭，察其行而度其材，則人品於茲見矣。徇己之心，則至公之理乖，貪仕之性，彰則廉潔之風薄，是知人命雖高，異叔度勤動之讓，黃門已貴，無秦嘉耿耿之辭，縱不能抑己推賢，亦不肯待於三命，豈與夫白駒皎皎，不雜風塵，東帛弋弋，榮高物表，校量其廣狹也，是以耿介之士，羞自拔而致其辭，循常之人，捨其疎而取其附，故選司補署，諠然於禮闈，州貢賓王，爭訟於階闈，謗議紛合，浸以成風，夫競榮者必有競利之心，謙遜者亦無貪賄之累，自非上智，焉能不移在於中人，理由習俗，若重謹厚之士，則懷祿者必崇德以修名，若開趨競之門，邀仕者皆成施而附會，則百姓罹其弊，潔己則光庶蒙其福，故風化之漸靡不由茲，今訪鄉閭之談，唯祇歸於里正，縱使名虧禮則，罪挂刑章，或冒籍以偷資，或邀勳而竊級，假其不義之路，則是無犯鄉閭，豈得比郭有道之銓量，茅容望重，裴逸人之賞拔，夏少名高，語其優劣也，祇如才應經邦之流，唯令試策，武能制敵之例，只驗彎弧，若其文擅清奇，便充甲第，藻思微減，便即告歸，以此收人，恐乖事實，何者，樂廣假筆於潘岳，靈運詞高於穆之，平津文劣於長卿，子建筆麗於荀彧，若以射策為最，則潘謝曹馬，必居孫樂之右，若使協贊機猷，則安仁靈運亦無裨附之益，由此言之，不可一槩而取也，至如武藝，則趙雲雖勇，實諸葛之指撝，周勃雖雄，乏陳平之計略，若使樊噲居蕭何之任，必失指縱之機，使蕭何入戲下之軍，亦無免主之功，關將長於摧鋒，謀將審於料事，是以文泉聚米，知隗囂之可圖，陳湯屈指，識烏孫之自解，入難之謀設，高祖追慚於酈生，九拒之計，竊公輸息心於伐宋，謀將不長於弓馬，良相寧資於射策，豈與夫元長自表，妄飾詞鋒，曹植題章，虛飛麗藻，校量其可否也，伏願陛下，降明制，頒峻科，千里一賢，尚不為少，倘倖官進，須立隄防，斷浮虛之飾詞，收實用之良策，不取無稽之說，必求忠告之言，文則試以効官，武則令其守禦，始既察言觀行，終亦循名責實，自然僥倖盪吹之伍，無所藏其妾庸，故晏嬰云，舉之以語，考之以事，察其言而多其行，拙於文而工於事，此取人得賢之道也，其有武藝超絕，文鋒挺秀，有劭伎之偏用，無

經國之大才，為軍鋒之爪牙，作詞賦之標準，自可試凌雲之策，練穿札之工，承上命而賦甘泉，秉中軍而令赴敵，既有隨才之任，必無負乘之憂，臣謹案吳起臨戰，左右進劍，吳子曰，夫提鼓揮桴，臨難決疑，此將事也，一劍之任，非將事也，謹案諸葛亮臨戎，不親戎服，頓蜀兵於渭南，宣王持劍，卒不敢當，此豈弓矢之用也，謹案楊得意請長卿之文，武帝曰，恨不得與此人同時，及相如至，終於文園，不以公卿之位處之者，蓋非其所任故也，謹案漢法，所舉之主，終身保任，揚雄之坐田儼，賈其冒薦，成子之居魏，相酬於得賢，賞罰之令行，則請謁之心絕，退讓之義著，則食競之路消，自然朝廷無爭祿之人，選司有謙撝之士，仍請寬立年限，容其採訪，簡汰堪用者，令其試守，以觀能否，參驗行事，以別是非，不實免王丹之官，得人加翟璜之賞，自然見賢不隱，食祿不專，苟或進鍾繇郭嘉劉隱薦李膺朱穆，勢不云遠，有稱職者，受薦賢之賞，濫舉者，抵欺罔之罪，自然舉得賢行，則君子之道長矣，尋轉水部員外郎，累遷給事中，檢校常州刺史，屬宣州狂寇朱大目作亂，百姓奔走，讓光嚴備安輯，闔境肅然，轉刑部侍郎，加銀青光祿大夫，再遷尚書左丞，景雲中，擢拜御史大夫，時僧惠範恃太平公主權勢，逼奪百姓店肆，州縣不能理，讓光將加彈奏，或請緩之，讓光曰，憲臺理冤滯，何所迴避，朝彈暮黜，亦可矣，遂與殿中慕容珣奏彈之，反為太平公主所構，出為岐州刺史，惠範既誅，遷太子賓客，轉刑部尚書，加金紫光祿大夫，昭文館學士，開元初，為東都留守，又轉太子賓客，以與太子同名，表請行字，特勅賜名登，尋以擊子悅，千牛為憲司所劾，放歸田里，朝廷以其家貧，又特給致仕祿，七年卒，年七十三，贈晉州刺史，撰四時記二十卷。

韋湊，京兆萬年人，曾祖瓊，隋尚書右丞，祖叔諧，蒲州刺史，父玄，桂州都督府長史，湊承淳二年，解褐授婺州參軍，累轉揚府法曹參軍，州人前仁壽令孟神爽，豪縱數犯法，交通貴戚，前後官吏莫敢繩按，湊白長史張潛，請因事除之，會神爽坐事推問，湊無所假借，神爽妄稱有密，究問引虛，遂杖殺之，遠近稱伏，湊景龍中，歷遷將作少匠，司農少卿，嘗以公事忤宗楚客，出為貝州刺史，睿宗即位，拜瀋陽少卿，加銀青光祿大夫，景龍二年，轉太府少卿，又兼通事舍人，時改葬

節愍太子。優詔加諡。又曹李多祚等罪。還其官爵。仍議更加贈官。湊上書曰。臣聞王者發號施令。必法乎天道。使三綱敘。十等威。若者善。善明。惡者著也。善善者。懸爵賞以勸之也。惡惡者。設刑罰以懲之也。其賞罰所不加者。則考行立諡。以褒貶之。所以勸誠將來也。斯並至公之大猷。非私情之可徇。故箕微獲用。管蔡爲戮。諡者。臣議其君。子議其父。而曰。豐曰厲者。不敢以私而亂大猷也。則其餘安可失衷哉。臣竊見節愍太子與李多祚等。擁北軍禁旅。上犯宸居。破扉斬關。突禁而入。兵指黃屋。騎騰紫微。孝和皇帝移御玄武門。親降德音。諭以逆順。而太子據鞍自若。督衆不停。俄而其黨悔非。轉逆爲順。或迴兵討賊。或投狀自拘。多祚等伏誅。太子方事逃竄。向使同惡相濟。天道無徵。賊徒鬪戈之人。侍臣虧陸載之術。其爲禍也。胡可忍言。于時。臣任將作少匠。賜通事舍人。內供奉。其明日。孝和皇帝引見供奉官等。兩淚謂曰。幾不與卿等相見。其爲危懼。不亦甚乎。而今聖朝雪罪禮葬。諡爲節愍。以臣愚識。竊所惑焉。夫臣子之禮。嚴敬斯極。故過位必趨。蹙路馬芻有誅。昔漢成之爲太子也。行不敢絕馳道。當周室之衰微也。秦師過周北門。左右免胄而下。王孫滿猶以其不卷甲東兵。譏其無禮。知其必敗。由是言之。則太子稱兵宮內。跨馬御前。悖禮已甚矣。況將更甚乎。而可褒諡。此臣所未論也。以其斬武三思父子而嘉之乎。然弄兵討逆。以安君父。則可嘉也。而乃因欲自取之。是競爲逆。可褒諡乎。此又臣所未論也。將廢韋氏而嘉之乎。然韋氏逆彰義絕。雖誅之亦可也。當此時也。韋氏未有逆彰。未有義絕。於太子爲母。豈有廢母之理乎。且既非中宗之命而廢之。是劫父廢母。亦悖逆也。可褒諡乎。此又臣所未論也。夫君或不君。臣安可不臣。父或不父。子安可不子。借如君父有桀紂之行。臣子無廢殺之理。況先帝功德格宇宙。德被生靈。廟號中宗。諡曰孝和皇帝。而逆命之子。可褒諡乎。此又臣所未論也。昔獻公感驪姬之譖。將殺其太子申生。公子重耳謂之曰。子盍言子之志於公乎。太子曰。不可。君安驪姬。是我傷君之心也。曰。然則盍行乎。曰。不可。君謂我欲弑君也。天下豈有無父之國哉。吾何行之。使人辭於狐突曰。申生不敢愛其死。雖然。吾君老矣。子少。國家多難。伯氏苟出而圖吾君。申生受賜而死。再拜稽首。乃自縊。其行

如是。其諡僅可爲恭。今太子之行反是。可諡爲節愍乎。此又臣所未論也。昔漢武帝末年。江充與太子有隙。恐帝晏駕。後爲太子所誅。會巫蠱事起。充典理其事。因此爲姦。遂至太子宮。掘蠱得桐木。以誣太子。時武帝避暑甘泉宮。獨皇后太子在。太子不能自明。納其少傅石德謀。遂矯節斬充。因敗逃匿。非稱兵詣闕。無逆謀於父。然身死於湖。不葬無諡。至昭帝時。有男子詣北闕。自稱衛太子。制使公卿視視。至者莫敢發言。京兆尹傳不疑後至。叱從吏收縛之。或曰。是非未可知。且安之無疑。曰。諸君何患於衛太子。昔蒯贖出奔。輒拒而不納。春秋是之。衛太子得罪先帝。亡不即死。今來自詣。此罪人也。遂送制獄。天子聞而嘉之。曰。公卿大臣。當用經術明於大義者。及後太子孫立爲天子。是曰孝宣皇帝。太子方獲禮葬。而諡曰戾。今節愍太子之行比之。豈可同年而語。其於陛下。又猶子也。而諡爲節愍乎。此又臣所未論也。昔項羽之臣丁公。常將危漢高祖。高祖謂之曰。二賢豈相厄哉。丁公乃止。及高祖滅項氏。遂戮丁公。以徇曰。使項王失天下者。丁公也。夫戮之大義。至公也。不私德之。所以誠其後之事君者。今節愍太子之爲逆。復非欲保護陛下。其可褒諡乎。此又臣所未論也。陛下天縱聖哲。所任賢明。以臣至愚。寧可干議。然臣又惟堯舜聖君也。八凱五臣。良佐也。猶廣聽芻蕘之言者。蓋爲智者千慮。或有一失。愚者千慮。或有一得也。故曰。狂夫之言。聖人擇焉。臣輒緣斯義。敢以陳聞。願得與議。諡者對議於御前。若臣言非也。甘受謗聖政之罪。赴鼎鑊之誅。仍請申明義以示天下。使臣輩愚惑者。咸蒙冰釋。則無復異議矣。若所諡不當。奈何施之聖朝。垂之史冊。使後代逆臣賊子。因而引譬。資以爲辭。是開悖亂之門。豈示將來之法。伏望改定其諡。務合禮經。其李多祚等罪。請從宥免。不謂爲雪。以順天下之心。則盡善盡美矣。書奏。睿宗引湊謂曰。誠如卿言。事已如此。如何改動。湊曰。太子實行悖逆。不可褒美。請稱其行。改諡以一字。多祚等以兵犯君。非曰無罪。祇可云放。不可稱雪。帝然其言。當時執政以制令已行。難於改易。唯多祚等停贈官而已。明年春。起金仙玉真兩觀。用工巨億。湊進諫曰。陛下去夏以妨農。停兩觀作。今正農月。翻欲興功。雖知用公主錢。不出庫物。但土木作起。高價雇人。三輔農人。趨目前之利。捨農受雇。

棄本逐末。臣聞一夫不耕，天下有受其饑者。臣竊恐不可，帝不應。湊又奏曰：日陽和布氣，萬物生育，土木之間，昆虫無數。此時興造，傷殺甚多。臣亦恐非仁聖本旨。睿宗方納其言，令在外詳議。中書令崔湜侍中岑義謂湊曰：公敢言此，大是難事。湊曰：叨食厚祿，死且不辭。況在明時，必知不死。尋出為陝州刺史。無幾，轉汝州刺史。開元二年夏，勅增陵建碑，徵料夫匠。湊以自古園陵無建碑之禮，又時正旱，儉不可興功。飛表極諫，工役乃止。尋遷岐州刺史。四年，入為將作大匠。時有勅復孝敬廟為義宗，湊上書曰：臣聞王者制禮，是曰規模，規模之與實，由師古。師古之道必也正名，名之與實，故當相副。其在宗廟，禮之大者，豈可失哉。禮，祖有功而宗有德。祖宗之廟，百代不毀。故殷太甲為太宗，太戊曰中宗，武丁曰高宗，周宗文王，武王，漢則文帝為太宗，武帝為世宗。其後代有稱宗者，皆以方制海內，德澤可宗。列於昭穆，期於不毀。稱宗之義，不亦大乎。伏惟孝敬皇帝，位止東宮，未嘗南面。聖道誠冠於諸副，德教不被於寰瀛。立廟稱宗，恐非合禮。況別起寢廟，不入昭穆，稽諸祀典，何義稱宗。而廟號義宗，稱之萬代，以臣庸識，竊謂不可。陛下率循典禮，以闢大猷，有司所議，以致此失，或虧盡善，豈不惜哉。望更詳議，務合於禮。於是勅太常議，遂停義宗之號。湊前後上書論時政得失，多見採納。再遷河南尹，累封彭城郡公。以公事左授杭州刺史，轉汾州刺史。十年，拜太原尹，兼節度支度營田大使。其年卒。官年六十五。贈幽州都督。諡曰文子。見素自有傳。湊從子虛心，虛心父維少習儒業，博涉文史。舉進士。自大理丞累至戶部郎中，善於剖判。時員外郎宋之問工於詩，時人以為戶部有二妙，終於左庶子。虛心舉孝廉，為官嚴整。累至大理丞，待御史。神龍年，推按大獄。時僕射竇懷貞侍中劉幽求意欲寬假，虛心堅執法令，有不可奪之志。景龍中，西域羌胡背叛，時並擒獲，有勅盡欲誅之。虛心論奏，但罪元首，其所全者千餘人。虛心有孝行，及丁父憂，哀毀過禮。鬻鬢盡白。朝廷深所嗟尚。後遷御史中丞。左丞兵部侍郎荆揚潞長史兼採訪使。所在官吏振肅，威令甚舉。中外以為標準。歷戶部尚書，東京留守。卒。年六十七。季弟虛舟，亦以舉孝廉。自御史累至戶部司勳左司郎中。歷荊州長史，洪州刺史，兼採訪使。多著能政，入為刑部侍郎。

郎終大理卿。家有禮制。父子兄弟更踐郎署。時稱郎官家。韓思復，京兆長安人也。祖倫，貞觀中為左衛率，賜爵長山縣男。思復少襲祖爵，初為汴州司戶參軍，為政寬恕，不行杖罰。在任丁憂，家貧，鬻薪終喪制。時姚崇為夏官侍郎，知政事，深嘉歎之，擢授司禮博士。景龍中，累遷給事中。時左散騎常侍嚴善思坐譙王重福事下制獄，有司言善思昔嘗任汝州刺史，素與重福交遊，召至京師，竟不言其謀逆。唯奏云：東都有兵氣，據狀正當匿，請從絞刑。思復駭奏曰：議獄緣死，列聖明刑，疑從輕。有國常典，嚴善思往在先朝，屬草氏擅內，特寵宮掖，謀侑宗社，善思此時遂能先覺，因詣相府有所發明。進論聖躬必登宸極，難交遊重福，蓋謀陷韋氏及其謁見，猶不奏聞。將此行藏，即從極法。且勅追善思書至便發，向懷逆節，寧即奔命。一面疎網，誠合順生。三驅取禽，來而可宥。惟刑是恤，事合昭詳。請付刑部集羣官議定奏裁，以符慎獄。是時議者多云善思合從原有，有司仍執前議，請誅之。思復又駁曰：臣聞刑人於市，爵人於朝，必命謀攸同，始行之無惑。謹按諸司所議，嚴善思十纜一入，抵罪惟輕。夫帝開九重，塗遠千里，故借天下之耳以聽，聽無不聰。借天下之目以視，視無不接。今羣言上聞，採擇宜審。若棄多就少，臣實懼焉。輿誦一乖，下情不達。雖欲從衆，其可及乎。凡百京司，逢時之泰，列官分職。有賢有親，親則列藩，諸王陛下愛子，賢則胙茅，開國陛下名臣，見無禮於君，寧肯雷同不異。今措詞多出，法令從輕。上納其奏，竟免善思死配流靜州。思復尋轉中書舍人。數上疏陳得失，多見納用。開元初，為諫議大夫。時山東蝗蟲大起，姚崇為中書令，奏遣使分往河南河北諸道殺蝗蟲而埋之。思復以為蝗蟲是天災，當修德以禳之，恐非人力所能剪滅。上疏曰：臣聞河南河北蝗蟲，頃日更益繁熾，經歷之處，苗稼都損。今漸羈飛河西，游食至洛，使命來往，不敢昌言。山東數州，甚為惶懼。且天災流行，埋瘞難盡。望陛下悔過責躬，發使宣慰，損不急之務，召至公之人，上下同心。君臣一德，持此誠實，以答休咎。前後驅蝗使等，伏望總停書云：皇天無親，惟德是輔。人心無親，惟惠是懷。不可不收攬人心也。上深然之。出思復疏以付崇，崇乃請遣思復往山東檢蝗蟲所損之處，及還，具以實奏。崇又請令監察御史劉沼

重加詳覆。詔希崇旨意，遂筆捷百姓，迥改舊狀以奏之。由是河南數州竟不得免。思復遂爲崇所擄，出爲德州刺史。轉絳州刺史，入爲黃門侍郎，加銀青光祿大夫，代裴灌爲御史大夫。思復性恬澹，好玄言，安仁體道，非紀綱之任，無幾轉太子賓客。十三年卒，年七十餘。子朝宗，天寶初爲京兆尹，曾孫伋，字相之，少有文學，性尚簡澹，舉進士，累辟著方，自襄州從事徵拜殿中侍御史，遷刑部員外，求爲澧州刺史，歲滿受代，宰相牛僧孺鎮鄂渚，辟爲從事，徵拜刑部郎中，轉京兆少尹，遷給事中，出爲桂州觀察使，桂管二十餘郡，州掾而下至邑長三百員，由吏部而補者，什一他，皆廉吏量其才而補之，伋既至桂，吏以常所爲官者數百人引謁，一吏執籍而前曰：「具員請補其闕，伋戒曰：『在任有政者，不奪所理，有過者，必繩以法，缺者當俟稽諸故籍，取其可者，然後補之。』會春衣使內官至，求賄於郵吏，三豪家因厚其資，以求邑宰，伋悉諾之，使去，坐以撓法，各笞其背，自是豪猾斂跡，皆得清廉吏以蘇活其人，未幾，詔置五管都監，計所費盡一境地，征不足飽其意，伋特用儉約處之，遂爲定制。君子以爲難，開成二年卒於官，贈工部侍郎。

張廷珪，河南濟源人，其先自常州徙焉。廷珪少以文學知名，性慷慨，有志尚，弱冠應制舉，長安中，累遷監察御史，則天稅天下僧尼出錢，欲於白司馬坂營建大像，廷珪上疏諫曰：「夫佛者，以覺知爲義，因心而成，不可以諸相見也。經云：『若以色見我，以音聲求我，是人行邪道，不能見如來。』此真如之果，不外求也。陛下信心歸依，發弘誓願，壯其塔廟，廣其尊容，已徧於天下久矣。蓋有住於相而行布施，非最上第一希有之法，何以言之？經云：『若人滿三千大千世界七寶，以用布施，及恆河沙等身命布施，其福甚多。』若人於此經中受持及四句偈等，爲人演說，其福勝彼。如佛所言，則陛下傾四海之財，殫萬人之力，窮山之木，以爲塔，極冶之金，以爲像，雖勞則甚矣，費則多矣，而所獲福不愈於一禪房之匹夫，菩薩作福德，不應貪著，蓋有爲之法，不足高也。況此營建，事殷土木，或開發盤礴，峻築基階，或塞穴洞，通轉採薪，輒壓蟲蟻，動盈巨億，豈佛標坐夏之義，慈愍動而不忍害其生哉？又役鬼不可，唯人是營，通計工匠，率多貧窶，朝驅暮役，勞筋

苦骨，單食瓢飲，晨炊星飯，饑渴所致，疾疹交集，豈佛標徒行之義，愍畜獸而不忍殘其力哉？又營築之資，僧尼是稅，雖乞丐所致，而貧闕猶多，州縣徵輸，星火逼迫，或謀計靡所，或鬻賣以充，怨聲載路，和氣未洽，豈佛標禮喜之義，愍愚蒙而不忍奪其產哉？且邊朔未寧，軍裝日給，天下虛竭，海內勞弊，伏惟陛下慎之重之，思菩薩之行爲，利益一切衆生，應如是布施，則其福德若南西北方四維上下虛空，不可思量，夫何必勤於住相，凋蒼生之業，崇不急之務乎？臣以時政論之，則宜先邊境，畜府庫，養人力，臣以釋教論之，則宜救苦厄，滅諸相，崇無爲，伏願陛下察臣之愚，行佛之意，務以理爲上，不以人廢言，幸甚幸甚。則天從其言，即停所作，仍於長生殿召見，深賞慰之。景龍末，爲中書舍人，再轉洪州都督，仍爲江南西道按察使，開元初，入爲禮部侍郎，時久旱，關中饑饉，下制求直諫，昌言弘益政理者，廷珪上疏曰：「臣聞古有多難興王，殷憂啓聖者，皆以事危則志銳，情迫則思深，故能自下登高，轉禍爲福者也。伏見景龍之末，中宗遇禍，先天之際，兇黨構謀，社稷有危於綴旒，國朝將均於絕絃，陛下神武超代，精誠動天，再掃氛沴，六合清明，而後上順皇旨，俯念黔黎，高運璿衡，光膺寶錄，日月所燭之地，書軌未通之鄉，無不霑濡，渥恩被服，淳化十堯九舜，未足稱也。明上帝照臨下土，宜錫介祉，以答鴻休，然屬頃歲已來，陰陽愆候，九穀失稔，萬姓阻饑，關輔之間，更爲尤劇，至有樵蘇莫爨，糧粒靡資，不復聊生，方憂轉死，偶會昌運，違茲難否者，臣竊思之，皇天之意，將恐陛下春秋鼎盛，感神聖在躬，不崇朝而建大功，自藩邸而陞元后，或簡下濟之道，獨滿雄圖之志，輕虞舜而不法，思漢武以自高，是故昭見咎徵，載加善誘，將欲大君日慎一日，雖休勿休，永保太和，以固邦本也。斯皇天於陛下，睠顧深矣，陛下焉可不奉若休言，而寅畏哉？臣愚誠願陛下約心削志，澄思勵精，考羲農之書，敦素朴之道，登庸端士，放黜佞人，屏退後宮，減徹外殿，場無蹴鞠之翫，野絕從禽之賞，休石田之遠境，罷金甲之懸軍，於恤憚癯，蠲薄徭賦，去奇伎淫巧，捐和璧隋珠，不見可欲，使心不亂，自然波清四海，塵銷九域，農夫樂其業，餘糧棲於畝，則和氣上通於天，雖五星連珠，兩曜合璧，未足多也。珍祥下降於地，雖鳳皇異閣，麒麟在郊，未足奇也。或謂天

之炯戒不足畏者。則將上帝憑怒。風雨迷錯。荒饑日甚。無以濟下矣。或謂人之窮乏不足恤者。則將齊吐沮志。億兆攜離。愁苦勢極。無以奉上矣。斯蓋安危所繫。禍福之源。奈何朝廷曾不是察。況今陛下受命伊始。數政惟新。卿士百寮。華典則坐。舉其望哉。再遷黃門侍郎。時監察御史蔣挺以監決杖刑稍輕。勅朝堂杖之。廷珪奏曰。御史憲司。清望耳目之官。有犯當殺。即殺當流。即流不可決杖。士可殺不可辱也。時制命已行。然議者以廷珪之言為是。俄坐泄禁中語。出為河州刺史。又歷蘇宋魏三州刺史。入為少府監。加金紫光祿大夫。封范陽男。四遷太子詹事。以老疾致仕。二十二年卒。年七十餘。贈工部尚書。諡曰貞穆。廷珪素與陳州刺史李邕親善。屢上表薦之。邕所撰碑碣之文。必請廷珪八分書之。廷珪既善楷隸。甚為時人所重。

王求禮。許州長社人。則天朝為左拾遺。遷監察御史。性忠。嘗敢言。每上封彈事。無所畏避。時契丹李盡忠反叛。其將孫萬榮寇陷河北數州。河內王武懿宗擁兵討之。畏懦不敢進。既而賊大掠而去。懿宗條奏滄瀛百姓為賊誣誣者數百家。請誅之。求禮執而勅之曰。此誣誤之人。比無良吏教習。城池又不完固。為賊驅逼。苟狗圖全。豈素有背叛之心哉。懿宗擁強兵數十萬。聞賊將至。走保城邑。罪當誅戮。今乃移禍於誣誤之人。豈是為臣之道。請斬懿宗以謝河北百姓。懿宗大懼。則天竟降制赦之。契丹陷幽州。饋餉不給。左相豆盧欽望請。京官兩月俸料以助軍。求禮謂欽望曰。公祿厚。俸優。較之可也。國家富有四海。足以儲軍國之用。何籍貧官薄俸。公此舉。豈宰相法邪。欽望作色拒之。乃奏曰。秦漢皆有稅算以贍軍。求禮不識大體。妄有訟辭。求禮對曰。秦皇漢武。稅天下。虛中以事邊。奈何使聖朝則效。不知欽望此言。是大體耶。事遂不行。時三月雪。鳳閣侍郎蘇味道等以為瑞草。表將賀。求禮止之曰。宰相調燮陰陽。而致雪降。暮春災也。安得為瑞。如三月雪為瑞雪。則臘月雷亦瑞雷也。舉朝嗤笑。以為口實。求禮竟以剛正。名位不達而卒。

辛替否。京兆人也。景龍年為左拾遺。時中宗置公主府。官屬安樂公主府所補。

尤多狠愷。又耐馬武崇訓死後。棄舊宅別造一宅。侈麗過甚。時又感與佛寺。百姓勞弊。帑藏為之空竭。替否上疏諫曰。臣聞古之建官。員不必備。九卿已下。皆有其位。而闕其選。實一人謀乎三事。職一人訪乎羣司。負寵者畏權勢之在躬。知榮者避權門而不入。故稱實不僭。官不濫。士皆完行。家有廉節。朝廷有餘俸。百姓有餘食。下忠於上。上禮於下。委裘而無倉卒之危。垂拱而無顛沛之患。夫事有惕耳目。動心慮。作不師古。以行於今者。蓋有之矣。伏惟陛下。下百倍行賞。十倍增官。金銀不供其印。束帛無充於錫。何媿於無用之臣。何慙於無力之士。至於公府補授。罕存推擇。遂使富商豪賈。盡居纓冕之流。鬻伎行巫。咸涉膏腴之地。臣聞古人曰。福生有基。禍生有胎。伏惟公主陛下之愛女。選賢良以嫁之。設官職以輔之。傾府庫以賜之。壯第觀以居之。廣池籞以嬉之。可謂之至重也。可謂之至憐也。然而用不合於古義。行不根於人心。將恐變愛成憎。轉福為禍。何者。竭人之力。人怨也。費人之財。人怨也。奪人之家。人怨也。愛數子而取三怨於天下。使邊疆之士不盡力。朝廷之士不盡忠。人之散矣。獨持所愛。何所恃乎。向者魯王賞同諸壻。禮等朝臣。則亦有今日之福。無曩時之禍。人徒見其禍。不知禍之所來。所以禍者。寵愛過於臣子也。去年七月五日。已見其徵矣。而今事無改。更尙因循。棄一宅而造一宅。忘前禍而忽後禍。臣竊謂陛下。下憎之矣。非愛之也。臣聞君以人為本。本固則邦寧。邦寧則陛下夫婦母子。長相保也。伏惟外謀宰臣。為久安之計。以存之。不使姦臣賊子。以伺之。臣聞微不可不防。遠不可不慮。當今疆場危駭。倉廩空虛。揭竿守禦之士。賞不及。肝腦塗地之卒。輸不充。而方大起寺舍。廣造第宅。伐木空山。不足充梁棟。運土塞路。不足充牆壁。誇古耀今。踰章越制。百僚銜口。四海傷心。夫釋教者。以清淨為基。慈悲為主。故當體道以濟物。不欲利己。以損人。故常去己。以全真。不為榮身。以害教。三時之月。掘山穿池。損命也。殫府虛帑。損人也。廣殿長廊。榮身也。損命則不慈。損人則不濟。物。榮身則不清淨。豈大聖大神之心乎。臣以為非真教。非佛意。違時行。違人欲。自像王西下。佛教東傳。青螺不入於周前。白馬方行於漢後。風流雨散。千帝百王。飾彌威。而國彌空。役彌重。而禍彌大。覆車繼軌。曾不改途。晉臣以佞佛取譏。

梁主以捨身構隙。若以造寺必爲其理體。養人不足以經邦。則殷周已往皆暗亂。漢魏已降皆聖明。殷周已往爲不長。漢魏已降爲不短。臣聞夏爲天子二十餘代而殷受之。殷爲天子二十餘代而周受之。周爲天子三十餘代而秦受之。自漢已後歷代可知也。何者。有道之長。無道之短。豈因其窮金玉。修塔廟。方得久長之助乎。臣聞於經曰。菩薩心住於法而行布施。如人入暗。卽無所見。又曰。一切有爲法。如夢幻泡影。如露亦如電。臣以減雕琢之費以賑貧下。是有如來之德。息穿掘之苦以全昆蟲。是有如來之仁。罷營構之直以給邊陲。是有湯武之功。迴不急之祿以購廉清。是有唐虞之理。陛下緩其所急。急其所緩。親未來而疏現在。失真實而冀虛無。重俗人之所爲。而輕天子之功業。臣竊痛之矣。當今出財依勢者。盡度爲沙門。避役姦詭者。盡度爲沙門。其所未度。唯貧窮與善人。將何以作範乎。將何以役力乎。臣以爲出家者。捨塵俗。離朋黨。無私愛。今殖貨營生。非捨塵俗。拔親樹知。非離朋黨。畜妻養孽。非無私愛。是致人以毀道。非廣道以求人。伏見今之宮觀臺榭。京師之與洛陽。不增修飾。猶恐奢麗。陛下尙欲填池壑。捐苑囿。以賑貧人。無產業者。今天下之寺。盡無其數。一寺當陛下下一宮。壯麗之甚矣。用度過之矣。是十分天下之財。而佛有七八。陛下何有之矣。百姓何食之矣。雖以陰陽爲炭。萬物爲銅。役不食之人。使不衣之士。猶尙不給。況資於天生地養。風動雨潤。而後得之乎。臣聞國無九年之儲。國非其國。伏計倉廩。度府庫。百寮供給。百事用度。臣恐卒歲不充。況九年之積乎。一旦風塵再擾。霜雹荐臻。沙門不可攬干戈。寺塔不足獲饑饉。臣竊痛之矣。疏奏不納。歲餘安樂公主被誅。睿宗卽位。又爲金仙玉真公主。廣營二觀。先是中宗時。斜封受官人。一切停任。凡數百千人。又有勅放令却上。替否時。爲左補闕。又上疏陳時政。曰。臣嘗以爲古之用度。不時。爵賞不當。破家亡國者。口說不如身逢。耳聞不如眼見。臣請以有唐已來理國之得失。陛下之所眼見者。以言之。惟陛下審之聽之。擇善而從之。則萬歲之業。自可致矣。何憂乎黎庶之不康。福祚之不永。伏以太宗文武聖皇帝。陛下之祖。撥亂反正。開階立極。得至理之體。設簡要之方。省其官。清其吏。舉天下職司。無一虛受。用天下財帛。無一枉費。實必俟功官必得。

後所爲無不成。所征無不伏。不多造寺觀。而福德自至。不多度僧尼。而殃咎自滅。道合乎天地。德通乎神明。故天地憐之。神明祐之。使陰陽不愆。風雨合度。四人樂其業。五穀遂其成。腐粟爛帛。填街委巷。千里萬里。貢賦於郊。九夷百蠻。歸款於闕。自有帝皇已來。未有若斯之神聖者也。故得享國久長。多歷年所。陛下何不取而則之。中宗孝和皇帝。陛下之兄。居先人之業。忽先人之化。不取賢賈之言。而恣子女之意。官爵非擇。虛食祿者數千人。封建無功。妄食土者百餘戶。造寺不止。枉費財者數百億。度人不休。免租庸者數十萬。是使國家所出加數倍。所入減數倍。倉不停卒歲之儲。庫不貯一時之帛。所惡者逐。逐多忠良。所愛者賞。賞多讒慝。朋佞噪喋。交相傾動。容身不爲於朝廷。保位皆由於黨附。奪百姓之食。以養殘兇。剝萬人之衣。以塗土木。於是人怨神怒。親忿衆離。水旱不調。疾疫屢起。遠近殊論。公私罄然。五六年間。再三禍變。享國不永。受終於兇婦人。寺舍不能保其身。僧尼不能護妻子。取譏萬代。見笑四夷。此陛下之所眼見也。何不除而改之。依太宗之理國。則百官以理。百姓無憂。故太山之安。立可致矣。依中宗之理國。則萬人以怨。百事不寧。故累卵之危。立可致矣。頃自夏已來。驛兩不解。穀荒於壘。麥爛於場。入秋已來。亢旱成災。苗而不實。霜損蟲暴。草葉枯黃。下人咨嗟。未知調賑。而營寺造觀。日繼於時。檢校試官。充臺溢署。伏惟陛下愛兩女。爲造兩觀。燒瓦運木。載土填坑。道路流言。皆云計用錢百餘萬貫。惟陛下聖人也。無所不知。陛下。明君也。無所不見。既知且見。知倉有幾年之儲。庫有幾年之帛。知百姓之間。可存活乎。三邊之上。可轉輸乎。當今發一卒以禦邊陲。遣一兵以衛社稷。多無衣食。皆帶饑寒。賞賜之間。河無所出。軍旅驟敗。莫不由斯。而乃以百萬貫錢。造無用之觀。以受六合之怨乎。以違萬人之心乎。伏惟陛下。續阿章之醜跡。而不改阿章之亂政。忍棄太宗之理本。不忍棄中宗之亂階。忍棄太宗久長之謀。不忍棄中宗短促之計。陛下又何以繼祖宗。親萬國。昔陛下爲皇太子。在阿章之時。危亡是懼。常切齒於羣兇。今貴爲天子。富有海內。而不改羣兇之事。臣恐復有切齒於陛下者也。陛下又何以非羣兇而誅之。臣往見明勅。自今已後。一依貞觀故事。且貞觀之時。豈有今日之造寺營觀。加僧尼。

道士益無用之官。行不急之務而亂政者也。臣以為棄其言而不行其信。慕其善而不遷其惡。陛下又何以刑於四海。往者和帝之憐悖逆也。為姦人之所誤。宗晉卿勸為第宅。趙履溫勸為園亭。損數百家之居。侵數百家之地。工徒斲而未息。義兵紛以交馳。卒使亭不得遊。宅不得坐。信邪佞之說。成骨肉之刑。此陛下之所眼見也。今茲造觀。臣必知非陛下公主之本意。得無趙履溫之徒將勸為之。冀誤其骨肉。不可不明察也。臣聞出家修道者。不預人事。專清其身心。以虛泊為高。以無為為妙。依兩卷老子。視一軀天尊。無欲無營。不損不害。何必璇臺玉樹。寶像珍龕。使人困窮。然後為道哉。且舊觀足可歸依。無造無營。以取窮竭。若此行之三年。國不富人。不安朝廷。不清陛下。不樂。則臣請殺身於朝。以令天下言事者。伏惟陛下。行非常之惠。權停兩觀。以俟豐年。以兩觀之財。為公主施貧窮。填府庫。則公主福德無窮矣。不然。臣恐下人怨望。不減於前朝之時。前朝之時。賢愚知敗。人雖有口而不敢言。言未發聲。禍將及矣。韋月將受誅於丹。傲燕欽融。見殺於紫庭。此人皆不惜其身而納忠於主。身既死矣。朝亦危矣。故先朝誅之。陛下賞之。是陛下知直言之士。有裨於國。臣今直言。亦先代之直。惟陛下察之。疏奏。睿宗嘉其公直。稍遷為右臺殿中侍御史。開元中。累轉。賴王。府長史。天寶初卒。年八十餘。

史臣曰。夫好聞其善。惡聞其過。君人者之常情也。寧諂媚以取容。不逆耳以招禍。臣人者之常情也。能反此者。不亦善乎。李薛等六君。吐忠讜之言。補朝廷之失。有犯無隱。不愧古人。有唐之良臣也。

贊曰。臣之事君。有邪有正。君之使臣。從諫則聖。李薛輸忠。救人之命。韋韓讜言。醫國之病。辛王章疏。犯顏竦聽。張子法言。實禪時政。

舊唐書卷一百一

舊唐書卷一百一考證

薛登傳。屬宣州狂寇朱大目作亂。○新書。鍾大眼。

韋湊傳。使三綱。敘十等。成若者善。善明惡。惡著也。○十等二字下有闕文。

王求禮傳。欽。望。作。色。拒。之。乃。奏。曰。秦。漢。皆。有。稅。算。以。聽。軍。求。禮。不。識。大。體。妄。有。

訟。辭。○新書作姚瑋語。

舊唐書卷一百一考證

後晉司空同中書門下平章事劉昫撰

列傳第五十二

馬懷素

褚无量

劉子玄兄知柔子 徐堅

元行沖

吳兢

韋述弟述道 蕭直蕭穎士

馬懷素潤州丹徒人也寓居江都少師事李善家貧無燈燭晝探薪蘇夜燃讀

書遂博覽經史善屬文舉進士又應制舉登文學優贍科拜郿尉四遷左臺監

察御史長安中御史大夫魏元忠為張易之所構配徒隸表太子僕崔貞慎東

宮率獨孤禱之錢于郊外易之怒使人誣告貞慎等與元忠同謀則天令懷素

按鞠遣中使捉追諷令構成其事懷素執正不受命則天怒召懷素親加詰問

懷素奏曰元忠犯罪配流貞慎等以親故相送誠為可責若以為謀反臣豈誣

罔神明昔彭越以反伏誅樂布奏事於其屍下漢朝不坐況元忠罪非彭越陛

下豈加追送之罪陛下當生殺之柄欲加之罪取決聖衷可矣若付臣推鞠臣

敢不守陛下之法則天意解貞慎等由是獲免時夏官侍郎李迥秀恃張易之

之勢受納貨賄懷素奏劾之迥秀遂罷知政事懷素累轉禮部員外郎與源乾

曜盧懷慎李傑等充十道黜陟使懷素處事平恕當時稱之使還遷考功員外

郎時貴戚縱恣請託公行懷素無所阿順典舉平允擢拜中書舍人開元初為

戶部侍郎加銀青光祿大夫累封常山縣公三遷秘書監兼昭文館學士懷素

雖居史職而篤學手不釋卷謙恭謹慎深為玄宗所禮令與左散騎常侍褚无

量同為侍讀每次閣門則令乘肩輿以進上居別館以路遠則命官中乘馬或

親自送迎以申師資之禮是時秘書省典籍散落條疏無敘懷素上疏曰南齊

已前墳籍舊編王儉七志已後著述其數益多隋志所書亦未詳悉或古書近

出前志闕而未編或近人相傳浮詞鄙而猶記若無編錄難辯淄澠望括檢近

書篇目并前志所遺者續王儉七志藏之祕府上於是召學涉之士國子博士

尹知章等分部撰錄并刊正經史粗創首尾會懷素病卒年六十上特為之舉

哀廢朝一日贈潤州刺史諡曰文

褚无量字弘度杭州鹽官人也幼孤貧勵志好學家近臨平湖時湖中有龍鬬

傾里閉就觀之无量時年十二讀書晏然不動及長尤精三禮及史記舉明經

累除國子博士景龍三年遷國子司業兼修文館學士是歲中宗將親祀南郊

詔禮官學士修定儀注國子祭酒祝欽明司業郭山懌皆希旨請以皇后為亞

獻无量獨與太常博士唐紹蔣欽緒固爭以為不可无量建議曰夫郊祀者明

皇之威事國家之大禮行其禮者不可以臆斷不可以情求皆上順天心下符

人事欽若稽古率由舊章然後可以交神明可以膺福祐然禮文雖眾莫如周

禮周禮者周公致太平之書先聖極由衷之典法天地而行教化辨方位而敘

人倫其義可以幽贊神明其文可以經緯邦國備物致用其可忽乎至如冬至

圓丘祭中最大皇后內主體位甚尊若合郊天助祭則當具著禮典今徧檢周

官無此儀制蓋由祭天南郊不以地配唯將始祖為主不以祖妣配天故唯皇

帝親行其禮皇后不合預也謹按大宗伯職云若王不祭祀則攝位注云王有

故代行其祭事下文云凡大祭祀王后不與則攝而薦豆籩徹若皇后合助祭

承此下文即當云若不祭祀則攝而薦豆籩今於文上更起凡則是別生餘事

夫事與上異則別起凡凡者生上起下之名不專繫於本職周禮一部之內此

例極多備在文中不可具錄又王后助祭親薦豆籩而不徹案九嬪職云凡祭

贊后薦徹豆籩注云后進之而不徹則知中徹者為宗伯生文若宗伯攝祭則

宗伯親徹不別使人又案外宗掌宗廟之祀王后不與則贊宗伯此之一文與

上相證何以明之案外宗唯掌宗廟祭祀不掌郊天足明此文是宗廟祭也案

王后行事總在內宰職中檢其職文唯云大祭祀后裸獻則贊瑤爵亦如之鄭

注云謂祭宗廟也注所以知者以文云裸獻祭天無裸以此得知又祭天之器

則用陶匏亦無瑤爵注以此得知是宗廟也又內司服堂王后六服無祭天之

服而巾車職掌王后之五輅亦無后祭天之輅祭天七獻無后亞獻以此諸文

參之故知后不合助祭天也唯漢書郊祀志則有天地合祭皇后預享之事此

則西漢末代強臣擅朝悖亂彝倫贖神詔祭不經之典事涉誣神故易傳曰誣

神者殃及三代太誓曰正稽古立功立事可以承年承天之大律斯史策之良

誠豈可不知。今南郊禮儀事不稽古，忝守經術，不敢默然。請旁詢碩儒，俯撫舊典，採曲盡之故事，行圓丘之正儀，使聖朝叶昭曠之塗。天下知文物之盛，豈不幸甚。時左僕射韋巨源等阿旨，叶同欽明之議，竟不從。无量所奏，尋以母老請停官歸侍。景雲初，玄宗在春宮，召拜國子司業，兼皇太子侍讀。嘗撰翼善記，以進之。皇太子降書嘉勞，資絹四十匹。太極元年，皇太子國學，釋奠，令无量講。孝經禮記，各隨端立義，博而且辯。觀者歎服焉。既畢，進授銀青光祿大夫，兼賜以章服，并綵絹百段。玄宗即位，遷郊王傅，兼國子祭酒，尋以師傅恩，遷左散騎常侍，仍兼國子祭酒，封舒國公，實封二百戶。未幾，丁憂解職，廬於墓側。其所植松柏，時有鹿犯之，无量泣而言曰：山中眾草不少，何忍犯吾先聖樹哉。因通夕守護，俄有羣鹿馴狎，不復侵害。无量因此終身不食鹿肉。服闋，召拜左散騎常侍，復為侍讀。以其年老，每隨仗出入，特許緩行，又為造腰輿，令內給使輿於內殿。无量頻上書陳時政得失，多見納用。又嘗手勅褒美，賜物二百段。无量以丙庫舊書，自高宗代，即藏在宮中，漸致遺逸，奏請繕寫，刊校以弘經籍之道。玄宗令於東都乾元殿前，施架排次，大加搜寫，廣采天下異本。數年間，四部充備。仍引公卿已下入殿前，令縱觀焉。開元六年，駕還，又勅无量於麗正殿，以續前功。皇太子及鄒王嗣直等五人，年近十歲，尚未就學。无量繕寫論語孝經各五本，以獻。上覽之，曰：吾知无量意，无量遽令選經明篤行之士。國子博士鄒恆通、郭謙光、左拾遺潘元祚等為太子及鄒王已下侍讀。七年，詔太子就國子監行齒。胄之禮，无量登座說經，百寮集觀，禮畢，賞賜甚厚。明年，无量病卒。年七十五。臨終遺言，以麗正寫書未畢為恨，上為舉哀，廢朝兩日，贈禮部尚書。諡曰文初。无量與馬懷素俱為侍讀，顧待甚厚。及无量等卒後，秘書少監康子原、國子博士侯行果等，又入侍讀，雖屢加賞賜，而禮遇不逮褚焉。

劉子玄，本名知幾，楚州刺史胤之族孫也。少與兄知柔俱以詞學知名，弱冠舉進士，授獲嘉主簿。證聖年，有制文武九品已上各言時政得失，知幾上表陳四事，詞甚切直。是時官爵僭濫，而法網嚴密，士類競為趨進，而多陷刑戮。知幾乃著思慎賦，以刺時。且以見意，鳳閣侍郎蘇味道、李嶠見而歎曰：陸機豪士所不

及也。知幾長安中累遷左史，兼修國史，權拜鳳閣舍人。修史如故。景龍初，再轉太子中允，依舊修國史。時侍中韋巨源、紀處納、中書令楊再思、兵部尚書宗楚客、中書侍郎肅至、忠並監修國史。知幾以監修者多，甚為國史之弊。肅至、忠又嘗責知幾著述無課，知幾於是求罷。史任奏記於至，忠曰：僕自策名，士伍待罪朝列，三為史臣，再入東觀，竟不能勒成國典，貽彼後來者。何哉。辭言思之，其不可者五也。何者：古之國史，皆出自一家。如魯漢之丘明子長，晉齊之董狐南史，咸能立言不朽，藏諸名山，未聞藉以榮功。方云絕筆，唯後漢東觀大集羣儒，而著述無主，條章靡立。由是伯度譏其不實，公理以為可焚。張蔡二子，紀之於當代，傳范兩家，嗤之於後葉。今史司取士，有倍東京人，自以為荀爽家，自稱為政駿，每欲記一事，載一言，皆閣筆相視，含毫不斷。故首白可期，而汗青無日。其不可一也。前漢郡國計書，先上太史，副上丞相。後漢公卿所撰，始集公府，乃上蘭臺。由是史官所修，載事為博，原自近古。此道不行，史臣編錄，唯自詢採，而左右二史闕注起居，衣冠百家罕通行狀，求風俗於州郡，視聽不該，討沿革於臺閣，簿籍難見，雖使尼父再出，猶且成其管窺。況限以中才，安能遂其博物。其不可二也。昔董狐之書法也，以示於朝。南史之書獄也，執贖以往。而近代史局，皆通籍禁門，幽居九重，欲人不見，尋其義者，由杜彼顏面，防諸請謁。故也。然今館中作者，多士如林，皆願長喙，無聞齷舌。儻有五始初成，一字加貶，言未絕口，而朝野具知。筆未棲毫，而播紳咸誦。夫孫威實錄，取嫉權門，王韶直書，見讎貴族，人情之能無畏乎。其不可三也。古者刊定一史，纂成一家，體統各殊，指歸咸別。夫尚書之教也，以疏通通知遠為主。春秋之義也，以懲惡勸善為先。史記則退處士而進姦雄，漢書則抑忠臣而飾主闕。斯並曩賢得失之例，良史是非之準。作者言之詳矣。頃史官注記，多取稟監修。楊令公則云：必須直詞。宋尚書則云：宜多隱惡。十羊九牧，其事難行。一國三公，適從焉在。其不可四也。竊以史置監修，雖無古式，尋其名號，可得而言。夫言監者，蓋總領之義耳。如創紀編年，則年有斷限，草傳敘事，則事有豐約，或可略而不略，或應書而不書。此失刊削之例也。屬詞比事，勞逸宜均，揮鉛奮墨，勤惰須等。某表某篇，付之此職。某紀某傳，歸之

此官此銓配之理也。斯並宜明立科條。審定區域。儻人思自勉。則書可立成。今監之者既不指授。修之者又無尊奉。用使爭學苟且。務相推避。坐變炎涼。徒延歲月。其不可五也。凡此不可。其流實多。一言以蔽。三隅自反。而時談物議。焉得笑僕編次無聞者哉。比者伏見明公。每汲汲於勸誘。勤勤於課績。或云墳籍事重。努力用心。或云歲序已淹。何時輟手。竊以綱維不舉。而督課徒勤。雖威以刺骨之刑。勸以懸金之賞。終不可得也。語曰。陳力就列。不能則止。僕所以比者。布懷知己。歷貶羣公。屢辭載筆之官。願罷記言之職者。正謂此耳。當今朝號得人。國稱多士。蓬山之下。良直差肩。芸閣之中。英奇接武。僕既功虧刻鵠。筆未獲麟。徒殫太官之膳。虛索長安之米。乞以本職。還其舊居。多謝簡書。請避賢路。惟明公足下哀而許之。至忠惜其才。不許解史任。宗楚客嫉其正直。謂諸史官曰。此人作書如是。欲置我何地。時知幾又著史通子二十卷。備論史策之體。太子右庶子徐堅深重其書。嘗云。居史職者。宜置此書於座右。知幾自負史才。常慨時無知己。乃委國史於著作郎吳兢。別撰劉氏家史十五卷。譜考三卷。推漢氏爲陸終苗裔。非堯之後。彭城叢亭里諸劉。出自宣帝子楚孝王。嘗曾孫司徒居巢侯劉愷之後。不承楚元王交。皆按據明白。正前代所誤。雖爲流俗所譏。學者服其該博。初知幾每云。若得受封。必以居巢爲名。以紹司徒舊邑。後以修則天實錄功。果封居巢縣子。又鄉人以知幾兄弟六人。進士及第。文學知名。改其鄉里爲高陽鄉。居巢里。景雲中。累遷太子左庶子。兼崇文館學士。仍依舊修國史。加銀青光祿大夫。時玄宗在東宮。知幾以名類上名。乃改子玄。二年。皇太子將親釋奠於國學。有司草儀注。令從臣皆乘馬著衣冠。子玄進議曰。古者自大夫已上。皆乘車而以馬。爲駢服。魏晉已降。迄乎隋代。朝士又駕牛車。歷代經史。具有其事。不可一二言也。至如李廣北征。解鞍憩息。馬援南伐。據鞍顧盼。斯則駢馬之設。行於軍旅。戎服所乘。貴於便習者也。按江左官至尚書郎。而輒乘馬。則爲御史所彈。又顏延之。罷官後。好騎馬。出入閭里。當代稱其放誕。此則專車憑軾。可擢朝衣。單馬御鞍。宜從褻服。求之近古。灼然之明驗也。自皇家撫運。沿革隨時。至如陵廟巡謁。王公冊命。則威服冠履。乘彼駘車。其士庶有衣冠親迎。

者。亦時以服箱充馭。在於他事。無復乘車。貴賤所行。通用駘馬而已。臣伏見此者。鑿與出幸。法駕首途。左右侍臣。皆以朝服乘馬。夫冠履而出。只可配車而行。今乘車既停。而冠履不易。可謂唯知其一。而未知其二也。何者。褻衣博帶。草履高冠。本非馬上所施。自是軍中之服。必也輟而升鐙。既以乘鞍。非唯不師古。道亦自取驚。今俗求諸折中。進退無可。且長裾廣袖。襜如翼如。鳴珮行組。鑿鑿奔馳。馳於風塵之內。出入於旌榮之間。儻馬有驚逸。人從顛墜。遂使屬車之右。遺履不收。清道之傍。銜駘相續。固以受嗤行路。有損威儀。今議者皆云。祕閣有梁武帝南郊圖。多有危冠乘馬者。此則近代故事。不得謂無其文。臣案此圖。是後人所爲。非當時所撰。且觀代間有古今圖畫者多矣。如張僧繇畫羣公祖二疎。而兵士有著芒屨者。閻立本畫明君入匈奴。而婦人有著帷帽者。夫芒屨出於水鄉。非京華所有。帷帽創於隋代。非漢官所作。議者豈可徵此二畫。以爲故實者乎。由斯而言。則梁氏南郊之圖。義同於此。又傳稱因俗。禮貴緣情。殷輅周冕。規模不一。秦冠漢佩。用捨無常。况我國家道軼百王。功高萬古。事有不便。理資變通。其乘馬衣冠。竊謂宜從省廢。臣懷此異議。其來自久。日不暇給。未及推揚。今屬殿下親從齒胃。將臨國學。凡有衣冠乘馬。皆憚此行。所以輒進狂言。用申鄙見。皇太子手令付外。宣行。仍編入令。以爲常式。開元初。遷左散騎常侍。修史如故。九年。長子胤爲太樂令。犯事配流。子玄詰執政。訴理。上聞而怒之。由是貶授安州都督府別駕。子玄掌知國史。首尾二十餘年。多所撰述。甚爲當時所稱。禮部尚書鄭惟忠嘗問子玄曰。自古已來。文士多而史才少。何也。對曰。史才須有三長。世無其人。故史才少也。三長謂才也。學也。識也。夫有學而無才。亦猶有良田百頃。黃金滿籩。而使愚者營生。終不能致於貨殖者矣。如有才而無學。亦猶思兼匠石。巧若公輸。而家無榘杵斧斤。終不果成其宮室者矣。猶好是正直。善惡必書。使驕主賊臣。所以知懼。此則爲虎傅翼。善無可知。所向無敵者矣。脫苟非其才。不可叨居史任。自皇古已來。能應斯目者。罕見其人。時人以爲知言。子玄至安州。無幾而卒。年六十一。自幼及長。述作不倦。朝有論著。必居其職。預修三教珠英。文館詞林。姓族系錄。論孝經。非鄭玄注。老子河上公注。修唐

書實錄皆行於代。有集三十卷。後數年。玄宗勅河南府就家寫史。通以進。讀而善之。追贈汲郡太守。尋又贈工部尚書。諡曰文。兄知柔。少以文學政事。歷荆揚曹益宋海唐等州長史。刺史。戶部侍郎。國子司業。鴻臚卿。尚書右丞。工部尚書。東都留守。卒。贈太子少保。諡曰文。代傳儒學之業。時人以述作名其家。子玄子。居郎。修國史。撰六經外傳三十七卷。續說苑十卷。太學令。壁記三卷。真人。肘後方三卷。天宮舊事一卷。錄右補闕。集賢殿學士。修國史。著史例三卷。傳記三卷。樂府古題解一卷。彙給事中。尚書右丞。左散騎常侍。荆南長沙節度。有集三卷。秩給事中。尚書右丞。國子祭酒。撰政典三十五卷。止戈記七卷。至德新議十二卷。指要三卷。論喪紀制度加運豆。許私鑄錢。改制國學。事各在本志。迅右補闕。撰六說五卷。詢諫議大夫。給事中。有集五卷。貶于淡。滋。彙子贊。滋貞元中位至宰輔。贊觀察使。自有傳。

徐堅。西臺舍人。齊肅子也。少好學。偏覽經史。性寬厚長者。進士舉。累授太學。聖曆中。車駕在三陽宮。御史大夫楊再思。太子左庶子王方慶。為東都留守。引堅為判官。表奏專以委之。方慶善三禮之學。每有疑滯。常就堅質問。堅必能徵著說。訓釋詳明。方慶深善之。又賞其文章典實。常稱曰。掌綸誥之選也。再思亦曰。此鳳閣舍人樣。如此才識。走避不得。堅又與給事中徐彥伯。定王府舍曹劉知幾。右補闕張說。同修三教珠英。時麟臺監張昌宗。及成均祭酒李嶠。總領其事。廣引文詞之士。日夕談論。賦詩聚會。歷年未能下筆。堅獨與說構意撰錄。以文思博要為本。更加姓氏親族二部。漸有條彙。諸人依堅等規制。俄而書成。遷司封員外郎。則天又令堅刪改唐史。會則天遜位而止。神龍初。再遷給事中。時雍州人韋月將。上書告武三思不臣之跡。反為三思所陷。中宗即令殺之。時方感夏。堅上表曰。月將誣構良善。故違制命。準其情狀。誠合嚴誅。但今朱夏在辰。天道生長。即從明戮。有乖時令。謹按月令。夏行秋令。則丘隰水潦。禾稼不熟。陛下誕膺靈命。中興聖圖。將弘義軒之風。以光史策之美。豈可非時行戮。致傷和氣。裁君舉必。將何以訓。伏願詳依國典。許至秋分。則知恤刑之規。冠於千載。哀

矜之惠。洽乎四海。中宗納堅所奏。遂令決杖配流嶺表。睿宗即位。堅自刑部侍郎。加銀青光祿大夫。拜左散騎常侍。俄轉黃門侍郎。時監察御史李知古。請兵以擊姚州西貳河蠻。既降附。又請築城重征稅之。堅以蠻夷生梗。可以羈縻。屬之。未得同華夏之制。勞師涉遠。所損不補。所獲獨建議。以為不便。睿宗不從。令知古發劍南兵往築城。將以列置州縣。知古因是欲誅其豪傑。沒子女。以為奴婢。蠻眾恐懼。乃殺知古。相率反叛。役徒奔潰。姚耨路由是歷年不通。堅妻。即侍中岑羲之妹。堅以與羲近親。固辭機密。乃轉太子詹事。謂人曰。非敢求高。蓋避難也。及義誅。堅竟免坐。累出為絳州刺史。五轉復入為秘書監。開元十三年。再遷左散騎常侍。其年玄宗改麗正書院為集賢院。以堅為學士。副張說知院事。累封東海郡公。以修東封儀注及從升太山之功。特加光祿大夫。堅多識典故。前後修撰格式。氏族及國史等。凡七入書府。時論美之。十七年卒。年七十餘。上深悼惜之。遣中使就家弔。內出絹布以贈之。贈太子少保。諡曰文。堅長姑為太宗充容。次姑為高宗婕妤。並有文藻。堅父子以詞學著聞。議者方之漢世班氏。元行沖。河南人。後魏常山王素連之後也。少孤。為外祖司農卿韋機所養。博學多通。尤善音律及詁訓之書。舉進士。累轉通事舍人。納言狄仁傑甚重之。行沖性不阿順。多進規誡。嘗謂仁傑曰。下之事上。亦猶蓄聚以自資也。譬貴家儲積。則脯腊脰臠。以供滋膳。參朮芝桂。以防痾疾。伏想門下賓客。堪充旨味者多。願以小人備一藥物。仁傑笑而謂人曰。此吾藥籠中物。何可一日無也。九遷至陝州刺史。兼龍右關內兩道按察使。未拜。以太常少卿。行沖以本族出於後魏。而未有編年之史。乃撰魏典三十卷。事詳文簡。為學者所稱。初魏明帝時。河西柳谷瑞石有牛繼馬後之象。魏收舊史。以為晉元帝是牛氏之子。冒姓司馬。以應石文。行沖推尋事跡。以後魏昭成帝名犍。繼晉受命。考校諸識。著論以明之。開元初。自太子詹事出為岐州刺史。又充關內道按察使。行沖自以書生。不堪搏擊之任。固辭按察。乃以寧州刺史崔玳代焉。俄復入為右散騎常侍。東都副留守。時嗣彭王志暉。庶兄志謙。被人誣告謀反。考訊自誣。繫獄待報。連坐十數人。行沖察其冤濫。並奏原之。四遷大理卿。時揚州長史李傑為侍御史。王旭所陷。

詔下大理結罪。行冲以傑歷政清貞，不宜枉為讒邪所構。又奏請從輕條出之。當時雖不見從，深為時論所美。俄又固辭刑獄之官，求為散職。七年，復轉左散騎常侍。九遷國子祭酒。月餘，拜太子賓客。弘文館學士。累封常山郡公。先是，秘書監馬懷素集學者，續王儉今書七志。左散騎常侍褚无量於麗正殿校寫四部書事未就，而懷素无量卒。詔行冲總代其職。於是行冲表請通撰古今書目，名為羣書四錄。命學士鄆縣尉母嬰、樞陽尉韋述、曹州司法參軍殷踐猷、太學助教余欽等分部修檢。歲餘書成，奏上。上嘉之，又特令行冲撰御所注孝經疏義，列於學官。尋以衰老罷知麗正殿校寫書事。初有左衛率府長史魏光乘奏請行用魏徵所注類禮。上遽令行冲集學者撰義疏，將立學官。行冲於是引國子博士范行恭、四門助教施敏本檢討刊削，勒成五十卷。十四年八月，奏上之。尚書左丞相張說駁奏曰：「今之禮記，是前漢戴德、戴聖所編錄，歷代傳習，已向千年。著為經教，不可刊削。至魏孫炎始改舊本，以類相比，有同抄書。先儒所非，竟不行用。貞觀中，魏徵因孫炎所修，更加整比，兼為之法。先朝雖厚加賞錫，其書竟亦不行。今行冲等解徵所注，勒成一家，然與先儒第乖章句，隔絕若欲行用，竊恐未可。」上然其奏。於是賜行冲等絹二百匹，留其書貯於內府，竟不得立於學官。行冲悲諸儒排己，退而著論以自釋。名曰釋疑。其詞曰：客問主人曰：「小戴之學，行之已久。康成銓注，見列學官。傳聞魏公，乃有刊易。又承制旨，造疏將頌。未悉二經孰為優劣。」主人答曰：「小戴之禮，行於漢末。馬融注之，時所未親。盧植分合二十九篇而為說解。代不傳習。鄭經子幹，師於季長。屬黨錮獄起，師門道喪。康成於竄伏之中，理紛舉之典，志存探究。靡所咨謀，而猶緝述。志疲聞義，能徙。具於鄭志。向有百科，章句之徒，曾不親覽。猶覆履，頗類刻舟。王肅因之，重茲開釋。或多改駁。仍按本篇，又鄭學之徒，有孫炎者，雖扶玄義，乃易前編。自後條例支分，箴石間起。馬由增草，向踰百篇。葉遵刪修，僅全十二。魏公病羣言之錯雜，紉眾說之精深。經文不同，未敢刊正。注理睽誤，寧不交勳。成畢上聞，太宗嘉賞。麥糠千匹，錄賜儲藩。將期頌宣，未有疏義。聖皇業業，耽古崇儒。高曾規矩，宜所修襲。乃制昏愚，甄分舊義。其有注遺往說，理變新文。務加搜覈，積絲方

畢。具錄呈進，勅付羣儒。庶能剖詳，以謀疎密。豈悟章句之士，堅持昔言，特嫌知新。欲仍舊貫，沉疑多月。擯壓不申，優劣短長。定於通識，手成口答。安敢銓量客。曰：當局稱迷，傍觀見審。累朝銓定，故是周詳。何所為疑，不為申列。答曰：是何言歟。談豈容易。昔孔安國注壁中書，會巫蠱事。經籍道息，族兄臧與之書曰：「相如比肩皆是，眾非難正。自古而然，誠恐此道未申，而以獨智為議也。則知變易章句，其難一矣。漢有孔季產者，專於古學。有孔扶者，隨俗浮沉，扶謂產云：「今朝廷皆為章句內學，而君獨修古義。修古義則非章句內學，非章句內學則危身之道也。獨善不容於代，必將貽患禍乎。則知變易章句，其難二矣。劉歆以通書屬文待詔官署，見左氏傳而大好之。後蒙親近，欲建斯業。哀帝欣納，令其討論。各遷延推辭，不肯置對。劉歆移書責讓，其言甚切。諸博士等皆忿恨，名儒龔勝時為光祿，見歆此議，乃乞骸骨。司空師丹，因大發怒，奏歆改亂前志，非毀先朝所立。帝曰：「此廣道術，何為毀耶。由是犯忤大臣，懼誅，求出為河南太守。宗室不典三河，又徙五原太守。以君實之著名好學，公仲之深博，守道猶追同門朋黨之議。卒令子駿，負謗於時。則知變易章句，其難三矣。子雍，規玄數十百件，守鄭學者。時有中郎馬昭，上書以為肅縲，詔王學之輩，占答以聞。又遣博士張融案經論詰，融登召集，分別推處，理之是非，具呈證論。王肅酬對，疲於歲時。則知變易章句，其難四矣。卜商疑聖，納誦於曾，與木賜近賢，貽嗤於武叔。自此之後，唯推鄭公。王粲稱伊洛已東，淮漢之北，一人而已。莫不宗焉。咸云：先儒多闕，鄭氏道備，榮竊嗟怪。因求其學，得尚書注，退而思之，以盡其意。意皆盡矣。所疑之者，猶未喻焉。凡有兩卷，列於其集。又王肅改鄭六十八條，張融駁之，將定臧否。融稱玄注，泉深廣博，兩漢四百餘年，未有偉於玄者。然二郊之祭，殊天之祀，此玄誤也。其如皇天祖所自出之帝，亦玄慮之失也。及服虔釋傳，未免差違。後代言之思，弘聖意，非謂揚己之善，掩人之名也。何者：君子用心，願聞其過。故仲尼曰：「過也，人皆見之；更也，人皆仰之是也。而專門之徒，恕己及物，或攻先師之誤，如聞父母之名，將謂亡者之德言，而見壓於重壤也。故王邵史論曰：魏晉浮華，古

道夷養治王蕭杜預更開門戶歷載三百士大夫恥為章句唯草野生以專經自許不能究覽異義擇從其善徒欲父康成兄子慎寧道孔聖誤諱閉鄭服非然於鄭服甚憤憤鄭服之外皆離也則知變易章句其難五也伏以安國尚書劉歆左傳悉遺擯於叢葉見重於來今故知二人之鑿高於漢廷遠矣孔季產云物極則變比及百年外當有明直君子恨不與吾同代者於戲道之行廢必有其時者歟僕非專經罕習章句高名不著易受經輕頃者修撰殆淹年月賴諸賢輩能左右之免致愆尤仍叨賞賚內省昏朽其榮已多何遽持一己之區區抗羣情之噂噎捨勿矜之美成自我之私觸近名之誠與犯眾之禍一舉四失中材不為是用輟聲甘此沉默也行冲俄又累表請致仕制許之十七年卒年七十七贈禮部尚書諡曰獻

吳兢汴州浚儀人也勵志勤學博通經史宋州人魏元忠亳州人朱敬則深器重之及居相輔薦兢有史才堪居近侍因令直史館修國史累月拜右拾遺內供奉神龍中遷右補闕與韋承慶崔融劉子玄撰則天寶錄成轉起居郎俄遷水部郎中丁憂還鄉里開元三年服闕抗疏言曰臣修史已成數十卷自傳職還家匪忘紙札乞終餘功乃拜諫議大夫依前修史俄兼修文館學士歷衛尉少卿右庶子居職殆三十年敘事簡要人用稱之末年傷於太簡國史未成十七年出為荊州司馬制許以史彙自隨中書令蕭常監修國史委取兢所撰國史得六十五卷累遷台洪饒新四州刺史加銀青光祿大夫遷相州長垣縣子天寶初改官名為鄴郡太守入為恆王傅兢嘗以梁陳齊周隋五代史繁雜乃別撰梁齊周史各十卷陳史五卷隋史二十卷又傷疎略就雖難耗猶希史職而行步履僅李林甫以其年老不用天寶八年卒於家時年八十餘兢卒後其子進就所撰唐史八十餘卷事多紕繆不逮於壯年就家聚書頗多嘗目錄其

卷第號吳氏西齋書目
韋述○農卿弘機曾孫也父景駿房州刺史述少聰敏篤志文學家有書二千卷述為兒童時記覽皆偏人駭異之景龍中景駿為肥鄉令述從父至任涪州刺史元行冲景駿姑子為時大儒常載書數車自隨述入其書齋志養與食行

冲異之引與之談貫穿經史事如指掌探賾奧旨如遇師資又試以綴文操牘便就行冲大悅引之同榻曰此吾外家之寶也舉進士西入關時述甚少儀形眇小考功員外郎宋之問曰韋學士童年有何事業述對曰性好著書述有所撰唐春秋三十卷恨未終篇至如詞策仰待明試之問曰本求異才果得還固是歲登科開元五年為樸陽尉秘書監馬懷素受詔編入圖書乃奏用左散騎常侍元行冲左庶子齊澣秘書少監王珣衛尉少卿吳兢并述等二十六人同於秘閣詳錄四部書懷素尋卒行冲代掌其事五年而成其總目二百卷述好譜學秘閣中見嘗侍柳冲先撰姓族系錄二百卷述於分課之外手自抄錄暮則懷歸如是周歲寫錄皆畢百氏源流轉益詳悉乃於柳錄之中別撰成開元譜二十卷其篇志志卷皆此類也轉右補闕中書令張說專集賢院事引述為直學士遷起居舍人說重詞學之士述與張九齡許景先袁暉趙冬曦孫逖王幹常遊其門趙冬曦兄冬日弟知璧居貞安貞頤貞等六人述弟迪道道述亦六人並詞學登科說曰趙韋昆季今之杞梓也十八年兼知史官事轉屯田員外職方吏部二郎中學士知史官事如故及張九齡為中書令即集賢之同職裴耀卿為侍中即述舅皆相推重語必移晷二十七年轉國子司業停知史事俄而復兼史職充集賢學士天寶初歷左右庶子加銀青光祿大夫九載兼充禮儀使其載遷尚書工部侍郎封方城縣侯述在書府四十年居史職二十年嗜著書手不釋卷國史自令孤德棻至於吳兢雖累修撰竟未成一家之言述始定類例補遺續闕勒成國史一百一十二卷并史例一卷事簡而記詳雅有良史之才蘭陵蕭穎士以為謙周陳壽之流述早以儒術進當代宗仰而純厚長者澹於勢利道之同者無間貴賤皆禮接之家聚書二萬卷皆自校定鉛槧雖御府不逮也兼古今朝臣圖歷代知名人畫魏晉已來草隸真跡數百卷古碑古器藥方格式錢譜壘譜之類當代名公尺題無不畢備及祿山之亂兩京陷賊玄宗幸蜀述抱國史藏於南山經籍寶產焚剽殆盡述亦陷於賊庭授偽官至德二年收兩京三司議罪流於渝州為刺史薛怱辱不食而卒其甥蕭直為太尉李光弼判官廣德二年直因入奏言事稱旨乃上疏理述於

蒼黃之際。能存國史。致聖唐大典。得無遺逸。以功補過。合霽恩宥。乃贈右散騎常侍。議者云。自唐已來。氏族之盛。無踰於韋氏。其孝友詞學。承慶嗣立。爲最。明於音律。則萬石爲最。達於禮義。則叔夏爲最。史才博識。以述爲最。所撰唐職儀三十卷。高宗實錄三十卷。御史臺記十卷。兩京新記五卷。凡著書二百餘卷。皆行於代。迨學業亦亞於述。尤精三禮。與述對爲學士。述同爲禮官。時人榮之。累遷考功員外郎。國子司業。以風疾卒。蕭穎士者。聽備過人。富詞學。有名於時。賈曾席豫張瑄及述。皆引爲談客。開元二十三年。登進士第。考功員外郎孫逖稱之於朝。福躒無威儀。與時不偶。前後五授官。旋即駁落。乾元初。終於揚府功曹。述在祕閣時。與鄆縣尉母斐。曹州司法殷踐猷並友善。二人相次卒。踐猷申州刺史。仲容從子。明班史。通於族姓。子寅。有至性。早孤。事母以孝聞。應宏詞舉。爲永寧尉。

史臣曰。前代文學之士。氣壹矣。然以道義偶乖。遭遇斯難。馬懷素褚无量。好古嗜學。博識多聞。遇好文之君。隆師資之禮。儒者之榮。可謂際會矣。劉徐等五公。學際天人才。兼文史。俾西垣東觀。一代粲然。蓋諸公之用心也。然而子玄鬱結於當年。行冲彷徨於極筆。官不過俗吏。寵不逮常才。非過使然。蓋此道非趨時之具也。其窮也宜哉。

贊曰。學者如市。博通甚難。文士措翰。典麗惟艱。馬褚就述。徐元子玄。文學之書。胡寧比焉。

舊唐書卷一百二

舊唐書卷一百二考證

徐堅傳。睿宗即位。堅自刑部侍郎加銀青光祿大夫。拜左散騎常侍。○新書。太

子左庶子。兼崇文館學士。

韋述傳。○臣德潛按傳末附蕭穎士。而文苑中另有蕭穎士傳。此爲贅設。

舊唐書卷一百二考證

後晉司空同中書門下平章事劉昫撰

列傳第五十三

郭虔瓘 張嵩 郭知運 子英傑 王君奭 賈師順附 張守珪

牛仙客 王忠嗣

郭虔瓘，齊州歷城人也。開元初，累遷右驍衛將軍，兼北庭都護。二年春，突厥默啜遣其子移江可汗及同俄特勒率精騎圍逼北庭。虔瓘率眾固守，同俄特勒單騎親逼城下。虔瓘使勇士伏於路左，突起斬之。賊眾既至，失同俄，相率於城下乞降。請盡軍中衣資器仗以贖同俄，及聞其死，三軍慟哭，便引退。默啜女婿火拔頡利發石阿失畢時與同俄特勒同領兵，以同俄之死，懼不敢歸。遂將其妻歸降。虔瓘以破賊之功，拜冠軍大將軍。又下制曰：朕聞賞有功，報有德者，政之急也。若功不賞，德不報，則人何謂哉？雲麾將軍檢校右驍衛將軍兼北庭都護瀚海軍經略使金山道副大總管招慰營田等使上柱國太原縣開國子郭虔瓘，宣威將軍守右驍衛翊府中郎將檢校伊州刺史兼伊吾軍使借紫金魚袋上柱國郭知運等，早負名節，見稱義勇。頃者柳中金滿，偏師禦敵，蕭條窮漠之外，奔迫孤城之下，強寇益侵，援兵不至。既守而戰，自秋涉冬，櫛馬長嘶，戍人遠望，謀以十勝，成其九拒。遂能推日逐之遺種，斬天驕之愛惠。豈耿恭班超，獨高前史；將廉頗李牧，與朕同時。眷言茂勳，是所嘉歎。信可以疇其井邑，昭示遐邇。俾勞臣觀而懦夫立焉。虔瓘可進封太原郡開國公，知運可封介休縣開國公。虔瓘俄轉安西副大都護，攝御史大夫。四鎮經略安撫使，進封潞國公。賜實封一百戶。虔瓘乃奏請募關中兵一萬人往安西討擊，皆給公乘，兼供熟食，勅許之。將作大匠韋濬上疏曰：臣聞兵者凶器，不獲已而用之。今西域諸蕃，莫不順軌，縱鼠竊狗盜，有戍卒鎮兵，足宣式遏之威，非降赫斯之怒。此師之出，未見其名。臣又聞安不忘危，理必資備。自近及遠，強幹弱枝，是以漢實關中，徙諸豪族，今關輔戶口，積久逋逃，承前先虛，見猶未實。屬北虜犯塞，西戎駭邊，凡在丁壯，征行略盡，豈宜更募驍勇，遠資荒服。又一萬行人，詣六千餘里，咸給遞馱，並

供熟食，道次州縣，將何以供。秦隴之西，人戶漸少，涼州已去，沙磧悠然，道彼居人，如何得濟。又萬人賞賜，費用極多，萬里資糧，破損尤廣。縱令必剋，其獲幾何。儻稽天誅，無乃甚損。請令計議所用所得，校其多少，即知利害。況用者必賞，獲者未量，何要此行。頓空畿甸，且上古之時，大同之化，不獨子子，不獨親親，何隔華戎，務均安堵。洎皇道謝古，帝德愍皇，猶尚綏懷，不從征伐，有占風規兩之客，無越海踰山之師。其後漢武膺圖，志恢土宇，西通絕域，北擊匈奴，雖廣獲珍奇，多斬首級，而中國疲耗，殆至危亡。是以俗號昇平，君稱威德者，咸指唐堯之代，不歸漢武之年。其要功不成者，復焉足比。議惟陛下圖之。虔瓘竟無克復之功。尋遷右威衛大將軍，以疾卒。其後又以張嵩為安西都護，以代虔瓘。嵩身長七尺，偉姿儀，初進士舉，常以邊任自許。及在安西，務農重戰，安西府庫遂為充實。十年，轉太原尹。卒。俄又以黃門侍郎杜暹代嵩為安西都護。

郭知運，字逢時，瓜州常樂人，壯勇善射，頗有膽略。初為秦州三度府果毅，以戰功累除左驍衛中郎將，瀚海軍經略使。又轉檢校伊州刺史，兼伊吾軍使。開元二年春，副郭虔瓘破突厥於北庭，以功封界休縣公。加雲麾將軍，擢拜右武衛將軍。其秋吐蕃入寇隴右，掠監牧馬而去。詔知運率眾擊之。知運與薛訥王皎等持角擊敗之。拜知運鄯州都督，隴右諸軍節度大使。四年冬，突厥降戶阿悉爛跌跌思太等率眾反叛，單于副都護張知運為賊所執，詔薛訥領兵討之。叛賊至綏州界，詔知運領朔方兵募橫擊之。大破賊眾於黑山呼延谷。賊捨甲仗走。六年，知運又率兵入討吐蕃，賊徒無備，遂掩至九曲，獲鐵及甲馬犍牛等數萬計。知運獻捷，遂分賜京文武五品已上清官及朝集使。拜知運為兼鴻臚卿，攝御史中丞，加封太原郡公。八年，六州胡康待賓等反，詔知運與王皎討平之。拜左武衛大將軍，授一子官，賜金銀器百事，雜絲千段。九年，卒於軍。贈涼州都督，錫米粟五百斛，絹帛五百段。仍令中書令張說為其碑文。知運自居西陲，甚為蕃夷所懼。其後王君奭亦號勇將。時人稱王郭焉。子英傑、英義、英傑官至左衛將軍。開元二十一年，幽州長史薛楚玉遣英傑及裨將吳克勳為知義羅守忠等率精騎萬人及降奚之眾以討契丹。屯兵於榆關之外。契丹首領可突于

引突厥之眾拒戰於都山之下。官軍不利。知義守忠率麾下便道遁歸。英傑與克勤逢賊力戰。皆沒于陣。其下精銳六千餘人。仍與賊苦戰。賊以英傑之首示之。竟不降。盡為賊所殺。英又劍南西川節度使自有傳。

王君奭。瓜州常樂人也。初為郭知運別奏。驍勇善騎射。以戰功累除右衛副率。及知運為河西隴右節度使。遷右羽林軍將軍。判涼州都督事。開元十六年冬。吐蕃大將悉諾邏率眾入寇大斗谷。又移攻甘州。焚燒市里而去。君奭以其兵疲。整士馬以掩其後。會大雪。賊徒凍死者甚眾。賊遂取積石軍西路而還。君奭令副使馬元慶裨將車蒙追之。不及。君奭先令人潛入賊境。於歸路燒草。悉諾邏還至大非川。將息甲牧馬。而野草皆盡。馬死過半。君奭襲其後。入至青海之西。時海水冰合。君奭與秦州都督張景順等率將士並乘冰而渡。會悉諾邏已度大非山。輜重及疲兵尚在青海之側。君奭縱兵盡俘獲之。及羊馬萬數。君奭以功遷右羽林軍大將軍。攝御史中丞。依舊判涼州都督。封晉昌伯。拜其父壽

為少府監。仍聽致仕。上又嘗於廣達樓引君奭及妻夏氏設宴。賜以金帛。夏氏亦有戰功。故特賞之。封為武威郡夫人。其冬吐蕃寇陷瓜州。執刺史田仁獻及君奭父壽。殺掠人戶。并取軍資及倉糧。又進攻玉門軍。及常樂縣。仍縱僧徒使歸涼州。謂君奭曰。將軍常欲以忠勇報國。今日何不一戰。君奭聞父被執。登陣西向哭。竟不敢出兵。初涼州界有迴紇契苾思結渾四部落。代為酋長。君奭微時往來涼府。為迴紇等所輕。及君奭為河西節度使。迴紇等快快恥在其麾下。君奭以法繩之。迴紇等積怨。密使人詣東都自陳枉狀。君奭遽發驛奏迴紇部落難制。潛有叛謀。上使中使往按問之。迴紇等竟不得理。由是瀚海大都督迴紇承宗長流漢州。渾大得長流吉州。賀蘭都督契苾承明長流藤州。盧山都督

思結歸國。長流瓊州。右散騎常侍李令問。特進契苾嵩。以與迴紇等結婚。貶令問為撫州別駕。嵩連州別駕。於是承宗之黨瀚海州司馬護輸。合黨與謀。殺君奭。以復其怨。會吐蕃使聞道往突厥。君奭率精騎往肅州掩之。還至甘州南。鞏筆驛。護輸伏兵突起。奪君奭旌節。先殺其左右宗貞。剖其心。云是其始謀也。君奭從數十人與賊力戰。自朝至晡。左右盡死。遂殺君奭。馱其屍以奔吐蕃。追

及之。護輸遂棄君奭屍而走。上甚痛惜之。制贈特進荊州大都督。給靈輿。還歸京師。葬於京城之東。官供喪事。仍令張說為其碑文。上自書石以寵異之。吐蕃之寇瓜州也。分遣副將莽布支攻常樂縣。令買師順嬰城固守。及瓜州城陷。大將悉諾邏又盡引其眾乘勢以攻之。數日不陷。城中有分得漢口為妻者。其妻弟在常樂城中。悉諾邏使夜就城下詐為私見。謂師順曰。瓜州已破。吐蕃盡眾來此。豈有拒守之理。小人妻弟在城。情有所念。明府何不早降。以全城中之眾。師順答曰。漢法降賊者。九族為戮。吾受國官爵。祇可以死拒寇。豈得背恩降賊。悉諾邏知師順不降。又攻城八日。復令前使謂師順曰。明府既不肯降。吾眾欲還城中。豈無財物以相贈耶。師順請脫士卒衣裳以為賂。悉諾邏知城中無財。帛。夜燒死人收營而去。引眾毀瓜州城。師順遽開門收器械。更修守備。吐蕃果使精騎迴襲。而巡城知有備。始去。買師順者岐州人也。以守城之功。累遷鄜州都督。隴右節度使。入為左領軍將軍。病卒。

張守珪。陝州河北人也。初以戰功授平樂府別駕。從郭虔瓘於北庭鎮。遣守珪率眾救援。在路逢賊甚眾。守珪身先士卒。與之苦戰。斬首千餘級。生擒賊率。誦斤一人。開元初。突厥又寇北庭。虔瓘令守珪間道入京奏事。守珪因上書陳利害。請引兵自蒲昌輪臺翼而擊之。及賊敗。守珪以功特加游擊將軍。再轉幽州良社府果毅。守珪儀形瓌壯。善騎射。性慷慨。有節義。時盧齊卿為幽州刺史。深禮遇之。常共榻而坐。謂曰。足下數年外。必節度幽源。為國之良將。方以子孫相託。豈得以寮屬常禮相期耶。守珪後累轉左金吾員外將軍。為建康軍使。十五

年。吐蕃寇陷瓜州。王君奭死。河西恟懼。以守珪為瓜州刺史。墨離軍使。領餘眾修築州城。板堞纜立。賊又暴至城下。城中人相顧失色。雖相率登陴。略無守禦之意。守珪曰。彼眾我寡。又創痍之後。不可以矢石相持。須以權道制之也。乃於城上置酒作樂。以會將士。賊疑城中有備。竟不敢攻城而退。守珪縱兵擊敗之。於是修復廨宇。收合流亡。皆復舊業。守珪以戰功加銀青光祿大夫。仍以瓜州為都督府。以守珪為都督。瓜州地多沙磧。不宜稼穡。每年少雨。以雪水溉田。至

是渠堰盡為賊所毀。既地少林。木難為修葺。守珪設祭祈禱。經宿而山水暴至。

大深材木塞澗而流直至城下守珪使取充堰於是水道復舊州人刻石以紀其事明年遷鄴州都督仍充龍右節度二十一年轉幽州長史兼御史中丞營州都督河北節度副大使俄又加河北採訪使先是契丹及奚連年爲邊患契丹衙官可突于驍勇有謀略頗爲夷人所伏趙含章薛楚玉等前後爲幽州長史竟不能拒及守珪到官頻出擊之每戰皆捷契丹首領屈刺與可突于恐懼遣使詐降守珪察知其僞遣管記右衛騎曹王梅詣其部落就謀之梅至屈刺帳徒初無降意乃移其營漸向西北密遣使引突厥將殺梅以叛會契丹別帥李過折與可突于爭權不叶梅潛誘之斬屈刺可突于盡誅其黨率餘衆以降守珪因出師次于紫蒙川大閱軍實譙賞將士傳屈刺可突于等首于東都集於天津橋之南詔封李過折爲北平王使統其衆尋爲可突于餘黨所殺二十三年春守珪詣東都獻捷會籍田禮畢醮宴便爲守珪飲至之禮上賦詩以褒美之遂拜守珪爲輔國大將軍右羽林大將軍兼御史大夫餘官並如故仍賜雜綵一千匹及金銀器物等與二子官仍詔於幽州立碑以紀功賞二十六年守珪裨將趙堪白真陀羅等假以守珪之命逼平盧軍使烏知義令率騎邀叛奚餘衆於涅水之北將踐其禾稼知義初猶固辭真陀羅又詐稱詔命以迫之知義不得已而行及逢賊初勝後敗守珪隱其敗狀而妄奏克獲之功事頗泄上令謁者牛仙童往按之守珪厚賂仙童遂附會其事但歸罪於白真陀羅逼令自縊而死二十七年仙童事露伏法守珪以舊功減罪左遷括州刺史到官無幾疽發背而卒弟守琦左驍衛將軍守瑜金吾將軍守珪子獻誠守瑜子獻恭守琦子獻甫三人皆爲興元節度使各自有傳

牛仙客涇州鶉鵠人也初爲縣小吏縣令傳文靜甚重之文靜後爲隴右營田使引仙客參預其事遂以軍功累轉泚州司馬開元初王君奭爲河西節度使以仙客爲判官甚委信之時又有判官宋貞與仙客俱爲腹心之任及君奭死宋貞亦爲迴紇所殺仙客以不從獲免俄而蕭嵩代君奭爲河西節度又以軍政委於仙客仙客清勤不倦接待上下必以誠信及嵩入知政事數稱薦之稍遷太僕少卿判涼州別駕事仍知節度留後事竟代嵩爲河西節度使判涼州

事歷太僕卿殿中監軍使如故開元二十四年秋代信安王禕爲朔方行軍大總管右散騎常侍崔希逸代仙客知河西節度事初仙客在河西節度時省用所積鉅萬希逸以其事奏聞上令刑部員外郎張利貞馳傳往覆視之仙客所積倉庫盈滿器械精勁皆如希逸之狀上大悅以仙客爲尚書中書令張九齡執奏以爲不可乃加實封二百戶其年十一月九齡等罷知政事遂以仙客爲工部尚書同中書門下三品仍知門下事時有監察御史周子諒竊言于御史大夫李適之曰牛仙客不才濫登相位大夫國之懿親豈得坐觀其事適之遽奏子諒之言上大怒廷詰之子諒辭窮於朝堂決配流瀼州行至藍田而死仙客既居相位獨善其身唯諾而已所有錫賚皆緘封不啓百司有所諮決仙客曰但依令式可也不敢措手裁決明年特封蘭國公贈其父意爲禮部尚書租會爲涇州刺史俄又進拜侍中兼兵部尚書天寶年改易官名拜左相尚書如故其年七月卒年六十八內出絹一千匹布五百端遣中使送至宅以贈之贈尚書左丞諡曰貞簡初仙客爲朔方軍使以姚崇孫閱爲判官及知政事閱累遷侍御史自云能通鬼道預知休咎仙客頗信惑之及疾甚閱請爲仙客祈禱在其門下遂逼仙客令作遺表薦閱叔尚書右丞奕及兵部侍郎盧奕堪代己閱爲起草仙客時既危殆署字不成其妻因中使來弔以其表上玄宗覺而怒之左遷奕爲永陽太守盧奕爲臨淄太守賜閱死

王忠嗣太原祁人也家于華州之鄭縣父海賓太子右衛率豐安軍使太谷男以驍勇聞隴上開元二年七月吐蕃入寇朝廷起薛訥攝左羽林將軍爲隴右防禦使率杜賓客郭知運王峻安思順以禦之以海賓爲先鋒及賊于渭州西界武階驛苦戰勝之殺獲甚衆諸將嫉其功按兵不救海賓以衆寡不敵殞于陣大軍乘其勢擊之斬首一萬七千級獲馬七萬五千匹羊牛十四萬頭玄宗聞而憐之詔贈左金吾大將軍忠嗣初名訓年九歲以父死王事起復拜朝散大夫尚書奉御賜名忠嗣養於禁中累年肅宗在忠邸與之游處及長雄毅寡言嚴重有武略玄宗以其兵家子與之論兵應對縱橫皆出意表玄宗謂之曰爾後必爲良將十八年又贈其父安西大都護其後遂從河西節度兵部尚書

蕭嵩河東副元帥信安王禕並引爲兵馬使二十一年再轉左領軍衛尉將河西討擊副使左威衛將軍賜紫金魚袋清源男兼檢校代州都督嘗短皇甫惟明義弟王昱憾焉遂爲所陷貶東陽府左果毅屬河西節度使杜希望謀拔新城或言忠嗣之材足以輯事必欲取勝非其人不可希望即奏聞詔追忠嗣赴河西既下新城忠嗣之功居多因授左威衛將軍專知行軍兵馬是秋吐蕃大下報新城之役屢壓官軍衆寡不敵師人皆懼焉忠嗣乃以所部策馬而前左右馳突當者無不辟易出而復合殺數百人賊衆遂亂三軍翼而擊之吐蕃大敗以功最詔拜左金吾衛將軍同正員尋又兼左羽林軍上將軍河東節度副使兼大同軍使二十八年以本官兼代州都督攝御史大夫兼充河東節度又加雲麾將軍二十九年代韋光乘爲朔方節度使仍加權知河東節度事其月以田仁琬充河東節度使忠嗣依舊朔方節度天寶元年兼靈州都督是歲北伐與奚怒皆戰于桑乾河三敗之大虜其衆耀武漠北高會而旋時突厥葉護新有內難忠嗣感兵積口以威振之烏蘇米施可汗懼而請降竟遷延不至忠嗣乃縱反間於拔悉密與葛邏祿迴紇三部落攻米施可汗走之忠嗣因出兵伐之取其右廂而歸其西葉護及毗伽可敦男殺葛臘喀率其部落千餘帳入朝因加左武衛大將軍明年又再破奚怒皆及突厥之衆自是塞外晏然虜不敢入天寶三載突厥十姓拔悉密葉護等竟攻殺烏蘇米施可汗傳首京師四載加攝御史大夫充河東節度採訪使五月進封清源縣公忠嗣少以勇敢自負及居節將以持重安邊爲務嘗謂人云國家昇平之時爲將者在撫其衆而已吾不欲疲中國之力以徼功名耳但訓練士馬缺則補之有漆弓百五十斤嘗貯之袋中示無所用軍中皆日夜思戰因多縱間諜以伺虜之隙時以奇兵襲之故士樂爲用師出必勝每軍出即各召本將付其兵器令給士卒雖一弓一箭必書其名姓於上以記之軍罷却納若遺失即驗其名罪之故人人自勸甲仗充切矣四載又兼河東節度採訪使自朔方至雲中緣邊數千里當要害地開拓舊城或自創制斥地各數百里自張仁亶之後四十餘年忠嗣繼之北塞之人復罷戰矣五年正月河龍以皇甫惟明敗歿之後因忠嗣以特節充西平郡

太守判武威郡事充河西龍右節度使其月又權知朔方河東節度使事忠嗣佩四將印控制萬里勁兵重鎮皆歸掌握自國初已來未之有也尋遷鴻臚卿餘如故又加金紫光祿大夫仍授一子五品官後頻戰青海積石皆大剋捷尋又伐吐谷渾於墨離虜其全國而歸初忠嗣在河東朔方日久備諳邊事得士卒心及至河龍頗不習其物情又以功名富貴自處望滅於往日矣其戰四月固讓朔方河東節度許之玄宗方事石堡城詔問以攻取之略忠嗣奏云石堡險固吐蕃舉國而守之若頓兵堅城之下必死者數萬然後事可圖也臣恐所得不如所失請休兵秣馬觀釁而取之計之上者玄宗因不快李林甫尤忌忠嗣日求其過六載會董延光獻策請下石堡城詔忠嗣分兵應接之忠嗣飽餒而從延光不悅河西兵馬使李光弼危之遽而入告將及於庭忠嗣曰李將軍有何事乎光弼進而言曰請議軍忠嗣曰何也對曰向者大夫以士卒爲心有拒董延光之色雖曰受詔實奪其謀何者大夫以數萬衆付之而不懸重賞則何以買三軍之勇乎大夫財帛盈庫何惜數萬段之賞以杜其讒口乎彼如不捷歸罪於大夫矣忠嗣曰李將軍忠嗣計已決矣平生始望及貴乎今爭一城得之未制於敵不得之未害於國忠嗣豈以數萬人之命易一官哉假如明主見責豈失一金吾羽林將軍歸朝宿衛乎其次豈失一黔中上佐乎此所甘心也雖然公實愛我光弼謝曰向者恐累大夫敢以哀告大夫能行古人之事非光弼所及也遂趨而出及延光過期不剋訴忠嗣緩師故師出無功李林甫又令濟陽別駕魏林告忠嗣稱往任朔州刺史忠嗣爲河東節度云早與忠王同養宮中我欲尊奉太子玄宗大怒因徵入朝令三司推訊之幾陷極刑會哥舒翰代忠嗣爲龍右節度特承恩顧因奏忠嗣之枉詞甚懇切請以己官贖贖罪玄宗怒稍解十一月貶漢陽太守七載量移漢東郡太守明年暴卒年四十五子震天寶中祕書丞其後哥舒翰大舉兵伐石堡城拔之死者大半竟如忠嗣之言當代稱爲名將先是忠嗣之在朔方也每至互市時即高估馬價以誘之諸蕃聞之競來求市來輒買之故蕃馬益少而漢軍益壯及至河龍又奏請徙朔方河東戎馬九千匹以實之其軍又壯迄于天寶末戰馬蕃息實應元年

追贈兵部尚書

史臣曰。郭虔瓘。郭知運。王君奭。張守珪。牛仙客。王忠嗣。立功邊域。爲世虎臣。班超傳介子之流也。然虔瓘以萬人征西。請給公乘熟食。可謂謀之不臧矣。君奭以父執登陣。兵竟不出。此則不知門外之事。義斷恩也。守珪以至誠感神。取材成壇。與夫耿恭拜井。有何異焉。仙客爰自方隅。驟登廊廟。顯招物議。獨善其身。蓋才有不周。昧於陳力就列。忠嗣因青蠅之點。幾危其身。讒人之言。誠可畏也。贊曰。隴山之西。幽陵之北。爰有戎夷。世爲殘賊。二郭二王。守珪仙客。禦寇之功。存乎方策。

舊唐書卷一百三

後晉司空同中書門下平章事劉昫撰

列傳第五十四

高仙芝

封常清

哥舒翰

高仙芝本高麗人也父舍難初從河西軍累勞至四鎮十將諸衛將軍仙芝美姿容善騎射勇決驍果少隨父至安西以父有功授游擊將軍年二十餘即拜將軍與父同班秩事節度使田仁琬蓋嘉運未甚任用後夫蒙靈督累拔擢之開元末為安西副都護四鎮都知兵馬使小勃律國王為吐蕃所招妻以公主西北二十餘國皆為吐蕃所制貢獻不通後節度使田仁琬蓋嘉運并靈督累討之不捷玄宗特勅仙芝以馬步萬人為行營節度使往討之時步軍皆有私馬自安西行十五日至撥換城又十餘日至握瑟德又十餘日至疎勒又二十餘日至葱嶺守捉又行二十餘日至播密川又二十餘日至特勒滿川即五識匿國也仙芝乃分為三軍使疎勒守捉使趙崇玘統三千騎趣吐蕃連雲堡自北谷入使撥換守捉使賈崇瓚自赤佛堂路入仙芝與中使邊令誠自護密國入約七月十三日辰時會于吐蕃連雲堡堡中有兵千人又城南十五里因山為柵有兵八九千人城下有婆勒川水漲不可渡仙芝以三牲祭河命諸將選兵馬人齋三日乾糧早集河次水既難渡將士皆以為狂既至人不攝旗馬不濕糲已濟而成列矣仙芝喜謂令誠曰向吾半渡賊來吾屬敗矣今既濟成列是天以此賊賜我也遂登山挑擊從辰至巳大破之至夜奔逐殺五千人生擒千人餘並走散得馬千餘匹軍資器械不可勝數玄宗使術士韓履冰往視日懼不欲行邊令誠亦懼仙芝留令誠等以羸病疴弱三千餘人守其城仙芝遂進三日至坦駒嶺直下峭峻四十餘里仙芝料之曰阿弩越胡若速迎即是好心又恐兵士不下乃先令二十餘騎詐作阿弩越城胡服上嶺來迎既至坦駒嶺兵士果不肯下云大使將我欲何處去言未畢其先使二十人來迎云阿弩越城胡並好心奉迎娑夷河藤橋已斫訖仙芝陽喜以號令兵士盡下娑夷河即古之弱水也不勝草芥毛髮下橫三日越胡果來迎明日至阿弩越城當日

令將軍席元慶實囊餘潤先修橋路仙芝明日進軍又令元慶以一千騎先謂小勃律王曰吾取汝城亦不斫汝橋但借汝路過向大勃律去城中有首領五六人皆赤心吐蕃仙芝先約元慶云軍到首領百姓必走入山谷招呼取以勅命賜綵物等首領至齊縛之以待我元慶既至一如仙芝之所教縛諸首領王及公主走入石窟取不可得仙芝至斬其為吐蕃者五六人急令元慶斫藤橋去勃律猶六十里及暮纔斫了吐蕃兵馬大至已無及矣藤橋闊一箭道修之一年方成勃律先為吐蕃所詐借路遂成此橋至是仙芝徐自招諭勃律及公主出降並平其國天寶六載八月仙芝虜勃律王及公主趣赤佛堂路班師九月復至婆勒川連雲堡與邊令誠等相見其月末還播密川令劉單草告捷書遣中使判官王廷芳告捷仙芝軍還至河西夫蒙靈督都不使人迎勞罵仙芝曰噉狗腸高麗奴噉狗屎高麗奴干闥使誰與汝奏得仙芝曰中丞焉者鎮守使誰邊得曰中丞安西副都護使誰邊得曰中丞安西都知兵馬使誰邊得曰中丞靈督曰此既皆我所奏安得不待我處分懸奏捷書據高麗奴此罪合當斬但緣新立大功不欲處置又謂劉單曰聞爾能作捷書畢恐懼請罪令誠具奏其狀曰仙芝立奇功今將憂死其年六月制授仙芝鴻臚卿攝御史中丞代夫蒙靈督為四鎮節度使徵靈督入朝靈督大懼仙芝每日見之趨走如故靈督益不自安將軍程千里時為副都護大將軍畢思琛為靈督押衙行官王滔康懷順陳奉忠等嘗構譖仙芝靈督仙芝既領節度事謂程千里曰公面似男兒心如婦人何也又謂思琛曰此胡敢來我城東一千石種子莊被汝將去憶之乎對曰此是中丞知思琛辛苦見乞仙芝曰吾此時懼汝作威福豈是憐汝與之我欲不言恐汝懷憂言了無事矣又呼王滔等至掉下將笞良久皆釋之由是軍情不懼八載入朝加特進兼左金吾衛大將軍同正員仍與一子五品九載將兵討石國平之獲其國王以歸仙芝性貪獲石國大瑟瑟十餘石真金五六駝名馬寶玉稱是初舍難以仙芝為懦緩恐其不能自存至是立功家財鉅萬頗能散施人有所求言無不應其載入朝拜開府儀同三司尋除武威太守河西節度使代安思順思諷羣胡割耳勢面請留監察御史裴周南奏之

制復留思順以仙芝為右羽林大將軍十四載封密雲郡公十一月安祿山據范陽叛是日以京北牧榮王琬為討賊元帥仙芝為副命仙芝領飛騎驍騎及朔方河西隴右應赴京兵馬并召募關輔五萬人繼封常清出潼關進討仍以仙芝兼御史大夫十二月師發玄宗御望春亭慰勞遣之仍令監門將軍邊令誠監其軍屯於陝州是月十一日封常清兵敗於汜水十三日祿山陷東京常清以餘眾奔陝州謂仙芝曰累日血戰賊鋒不可當且潼關無兵若狂寇奔突則京師危矣宜棄此守急保潼關常清仙芝乃率見兵取太原倉錢絹分給將士餘皆焚之俄而賊騎繼至諸軍惶駭棄甲而走無復隊伍仙芝至關繕修守具又令索承光守衛和戎賊騎至關已有備矣不能攻而去仙芝之力也

封常清蒲州猗氏人也外祖犯罪流安西効力守胡城南門頗讀書每坐常清於城門樓上教其讀書多所歷覽外祖死常清孤貧三十餘屬夫蒙靈嘗為四鎮節度使將軍高仙芝為都知兵馬使頗有才能每出軍奏倖從三十餘人衣服鮮明常清慨然發憤投牒請預一僚常清細瘦目類脚短而跛仙芝見其貌瘦不納明日又投牒仙芝謂曰吾奏倖已足何煩復來常清怒偃謂仙芝曰常清慕公高義願事鞭轡所以無嫌而前何見拒之深乎公若方圍取人則士大夫所望若以貌取人恐失之子羽矣仙芝猶未納常清自爾仙芝出入晨夕不離其門凡數十日仙芝不得已補為僚開元末會達奚部落背叛自黑山北向西趣碎葉玄宗勅靈嘗邀擊之靈嘗使仙芝以兵北至綏嶺下遇賊擊之達奚行遠人馬皆疲斬殺略盡常清於幕中潛作捷書具言次舍井泉遇賊形勢克獲謀略事頗精審仙芝所欲言無不周悉仙芝大駭異之仙芝軍迴靈嘗勞仙芝去奴祿帶刀見判官劉眺獨孤峻等逆問之曰前者捷書誰之所作副大使幕下何得有如此人仙芝曰即仙芝僚人封常清也眺等揖仙芝命常清進坐與語如舊相識眾人方異之以破達奚功授靈州地下戍主便以為判官累以軍功授鎮將果毅折衝天寶六年從仙芝破小勃律十二月仙芝代夫蒙靈嘗為安西節度使便奏常清為慶王府錄事參軍充節度判官賜紫金魚袋加朝散大夫專知四鎮倉庫屯田甲仗支度營田事仙芝每出征討常令常清知

留後事常清有才學果決知留後時仙芝乳母子鄭德詮已為將德詮母在宅內仙芝視之如兄弟家事皆令知之威望勳三軍常清出迴諸將皆引前德詮見常清出其門素易之自後走馬突常清而去常清至使院命左右密引至廳連節度使宅院凡經數重門德詮既過命隨後閉之德詮至常清離席謂之曰常清起自細微預中丞兵馬使僚中丞再不納即將豈不知乎今中丞過聽以常清為留後使即將何得無禮對中使相凌因叱之曰即將須斃死以肅軍容因令勒迴杖六十面仆地曳出仙芝妻及乳母於門外號哭救之不得因其狀上仙芝仙芝覽之驚曰已死矣及見常清遂無一言常清亦不之謝諸大將有罪者擊殺二人於是軍中股慄十載仙芝改河西節度使奏常清為判官王正見為安西節度奏常清為四鎮支度營田副使行軍司馬十一載正見死乃以常清為安西副大都護攝御史中丞持節充安西四鎮節度經略支度營田副大使知節度事十三載入朝攝御史大夫仍與一子五品官賜第一區土父母皆贈封爵俄而北庭都護程千里入為右金吾大將軍仍令常清權知北庭都護持節充伊西節度等使常清性勤儉每出征或乘驛私馬不過一兩匹賞罰嚴明十四載入朝十一月謁玄宗於華清宮時祿山已叛玄宗言兇胡負恩之狀何方誅討常清奏曰祿山領兇徒十萬徑犯中原太平斯久人不知戰然事有逆順勢有奇變臣請走馬赴東京開府庫募驍勇挑馬箠渡河計日取逆胡之首懸於闕下玄宗方憂壯其言翌日以常清為范陽節度俾募兵東討其日常清乘驛赴東京召募旬日得兵六萬皆備保市井之流乃斫斷河陽橋於東京為固守之備十二月祿山渡河陷陳留入嬰子谷兇威轉熾先鋒至葵園常清使驍騎與柘羯逆戰殺賊數十百人賊大軍繼至常清退入上東門又戰不利賊鼓謀於四城門入殺掠人吏常清又戰於都亭驛不勝退守宣仁門又敗乃從提象門入倒樹以礙之至穀水西奔至陝郡遇高仙芝具以勢賊告之恐賊難與爭鋒仙芝遂退守潼關玄宗聞常清敗削其官爵令白衣與仙芝軍効力仙芝令常清監巡左右廂諸軍常清衣皂衣以從事監軍邊令誠每事干之仙芝多不從令誠入奏事具言仙芝常清逗撓奔敗之狀玄宗怒遣令誠

留後事常清有才學果決知留後時仙芝乳母子鄭德詮已為將德詮母在宅內仙芝視之如兄弟家事皆令知之威望勳三軍常清出迴諸將皆引前德詮見常清出其門素易之自後走馬突常清而去常清至使院命左右密引至廳連節度使宅院凡經數重門德詮既過命隨後閉之德詮至常清離席謂之曰常清起自細微預中丞兵馬使僚中丞再不納即將豈不知乎今中丞過聽以常清為留後使即將何得無禮對中使相凌因叱之曰即將須斃死以肅軍容因令勒迴杖六十面仆地曳出仙芝妻及乳母於門外號哭救之不得因其狀上仙芝仙芝覽之驚曰已死矣及見常清遂無一言常清亦不之謝諸大將有罪者擊殺二人於是軍中股慄十載仙芝改河西節度使奏常清為判官王正見為安西節度奏常清為四鎮支度營田副使行軍司馬十一載正見死乃以常清為安西副大都護攝御史中丞持節充安西四鎮節度經略支度營田副大使知節度事十三載入朝攝御史大夫仍與一子五品官賜第一區土父母皆贈封爵俄而北庭都護程千里入為右金吾大將軍仍令常清權知北庭都護持節充伊西節度等使常清性勤儉每出征或乘驛私馬不過一兩匹賞罰嚴明十四載入朝十一月謁玄宗於華清宮時祿山已叛玄宗言兇胡負恩之狀何方誅討常清奏曰祿山領兇徒十萬徑犯中原太平斯久人不知戰然事有逆順勢有奇變臣請走馬赴東京開府庫募驍勇挑馬箠渡河計日取逆胡之首懸於闕下玄宗方憂壯其言翌日以常清為范陽節度俾募兵東討其日常清乘驛赴東京召募旬日得兵六萬皆備保市井之流乃斫斷河陽橋於東京為固守之備十二月祿山渡河陷陳留入嬰子谷兇威轉熾先鋒至葵園常清使驍騎與柘羯逆戰殺賊數十百人賊大軍繼至常清退入上東門又戰不利賊鼓謀於四城門入殺掠人吏常清又戰於都亭驛不勝退守宣仁門又敗乃從提象門入倒樹以礙之至穀水西奔至陝郡遇高仙芝具以勢賊告之恐賊難與爭鋒仙芝遂退守潼關玄宗聞常清敗削其官爵令白衣與仙芝軍効力仙芝令常清監巡左右廂諸軍常清衣皂衣以從事監軍邊令誠每事干之仙芝多不從令誠入奏事具言仙芝常清逗撓奔敗之狀玄宗怒遣令誠

齊勅至軍並誅之。令誠至潼關，引常清於驛南西街，宣勅示之。常清曰：常清所以不死者，不忍污國家旌麾，受戮賊手，討逆無効，死乃甘心。初常清兵敗入關，欲馳赴關庭，至渭南，有勅令却赴潼關，自草表待罪。是日臨關，託令誠上之。其表曰：中使駱奉仙至，奉宣口勅，恕臣萬死之罪。收臣一朝之効，令臣却赴陝州。隨高仙芝行營，負斧線囚，忽焉解縛，敗軍之將，更許增修。臣常清誠懼誠喜，頓首頓首。臣自城陷已來，前後三度遣使奉表，具述赤心，竟不蒙引對。臣之此來，非求苟活，實欲陳社稷之計，破虎狼之謀，冀拜首闕庭，吐心陛下。論逆胡之兵勢，陳討捍之別謀，酬萬死之恩，以報一生之寵。豈料長安日遠，謁見無由，函谷關遙，陳情不暇。臣讀春秋，見狼羆稱未獲死所，臣今獲矣。昨日者與羯胡接戰，自今月七日交兵，至于十三日不已。臣所將之兵，皆是烏合之徒，素未訓習，率周南市人之衆，當漁陽突騎之師，尚猶殺敵塞路，血流滿野。臣欲挺身刃下，死節軍前，恐長逆胡之威，以挫王師之勢。是以馳御就日，將命歸天。一期陛下斬臣於都市之下，以誠諸將。二期陛下問臣以逆賊之勢，將誠諸軍。三期陛下知臣非惜死之徒，許臣竭盡。臣今將死抗表陛下，或以臣失律之後，誑妄爲辭，陛下或以臣欲盡所忠，肝膽見察。臣死之後，望陛下不輕此賊，無忘臣言。則冀社稷復安，逆胡敗覆。臣之所願畢矣。仰天歛燭，向日封章，卽爲屍諫之臣。死作聖朝之鬼。若使歿而有知，必結草軍前，迴風陣上，引王師之旗鼓，平寇賊之戈鋌。生死酬恩，不任感激。臣常清無任永辭聖代，悲戀之至。常清既死，陳其尸於籬條上。仙芝歸至廳，令誠索陌刀手百餘人，隨而從之。曰：大夫亦有恩命。仙芝遽下，遂至常清所刑處。仙芝曰：我退罪也，死不辭。然以我爲減截兵糧及賜物等，在外素愛仙芝。仙芝呼謂之曰：我於京中召兒郎輩，雖得少許物，裝束亦未能足。方與君輩破賊，然後取高官重賞，不謂賊勢憑陵，引軍至此。亦欲固守潼關故也。我若實有此，君輩卽言實。我若實無之，君輩當言枉。兵齊呼曰：枉，其聲殷地。仙芝又目常清之尸謂之曰：封二子從微至著，我則引拔子爲我判官。俄又代我爲節度使。今日又與子同死於此，豈命也夫。遂斬之。

哥舒翰，突騎施首領哥舒部落之裔也。蕃人多以部落稱姓，因以爲氏。祖沮左清道率，父道元，安西副都護。世居安西。翰家富於財，僮僕任俠，好然諾。蒲酒年四十，遭父喪，三年客居京師，爲長安尉。不禮，慨然發憤，折節仗劍之河西。初事節度使王倕，倕攻新城，使翰經略。三軍無不震懼。後節度使王忠嗣補爲衙將，翰好讀左氏春秋傳及漢書，疎財重氣，士多歸之。忠嗣以爲大斗軍副使，嘗使翰討吐蕃于新城，有同列爲副者，見翰禮倨，不爲用。翰怒，搃殺之。軍中股慄，遷左衛郎將。後吐蕃寇邊，翰拒之于苦拔海。其衆三行，從山差池而下。翰持半段槍當其鋒，擊之，三行皆敗，無不摧靡。由是知名。天寶六載，擢授右武衛員外將軍，充隴右節度副使。都知關西兵馬使河源軍使，先是吐蕃每至麥熟時，卽率部衆至積石軍，獲取之，共呼爲吐蕃麥莊。前後無敢拒之者。至是，翰使王難得、楊景暉等潛引兵至積石軍，設伏以待之。吐蕃以五千騎至，翰於城中率驍勇馳擊，殺之略盡。餘或挺走，伏兵邀擊，匹馬不還。翰有家奴曰左車，年十五六，亦有膂力，翰嘗使槍追賊及之，以槍搭其肩而喝之。賊驚顧，翰從而刺其喉，皆別高三五尺而墮，無不死者。左車輒下馬斬首，率以爲常。其冬，玄宗在華清宮，王忠嗣被劾，勅召翰至，與語悅之，遂以爲鴻臚卿。兼西平郡太守。攝御史中丞，代忠嗣爲隴右節度支度營田副大使。知節度事，仍極言救忠嗣。上起入禁中，翰叩頭隨之而前，言詞慷慨，聲淚俱下。帝感而寬之。貶忠嗣爲漢陽太守。朝廷義而壯之。明年，築神威軍於青海上，吐蕃至，攻破之。又築城於青海中，龍駒島有白龍見，遂名爲應龍城。吐蕃屏跡，不敢近青海。吐蕃保石堡城，路遙而險，久不拔。八載，以朔方河東軍數十萬衆，委翰總統攻石堡城。翰使麾下將高秀巖、張守瑜進攻，不旬日而拔之。上錄其功，拜特進，鴻臚員外卿，與一子五品官。賜物千匹。莊宅各一所。加攝御史大夫。十一載，加開府儀同三司。翰素與祿山思順不協，上每和解之，爲兄弟。其冬，祿山思順、翰並來朝。上使內侍高力士及中貴人於京城東，駙馬崔惠童池亭宴會。翰母尉遲氏，于闐之族也。祿山以思順惡翰，嘗銜之。至是，忽謂翰曰：我父是胡，母是突厥，公父是突厥，母是胡，與公族類同，何不相親乎。翰應之曰：古人云，野狐向窟嗥，不祥。以其志本也，敢不盡心。

焉。祿山以為讎其胡也。大怒。罵翰曰。突厥敢如此耶。翰欲應之。高力士目翰。翰遂止。十二載。進封涼國公。食實封三百戶。加河西節度使。尋封西平郡王。時楊國忠有隙於祿山。頻奏其反狀。故厚實翰以親結之。十三載。拜太子太保。更加實封三百戶。又兼御史大夫。翰好飲酒。頗恣聲色。至土門軍入浴室。遽風疾。絕倒。良久乃蘇。因入京。廢疾于家。及安祿山反。上以封常清高仙芝喪敗。召翰入拜為皇太子先鋒兵馬元帥。以田良丘為御史中丞。充行軍司馬。以王思禮鉞耳。大福李承光。蘇法鼎。管崇嗣。及蕃將火拔歸仁。李武定。渾瑊。鄂苾寧等為裨將。河隴朔方兵及蕃兵與高仙芝舊卒共二十萬。拒賊於潼關。上御勤政樓勞遣之。百寮出餞于郊。十五載。加翰尚書左僕射。同中書門下平章事。翰至潼關。或勸翰曰。祿山阻兵。以誅楊國忠為名。公若留兵三萬守關。悉以精銳迴誅國忠。此漢挫七國之計也。公以為何如。翰心許之。未發。有客泄其謀於國忠。國忠大懼。乃奏曰。兵法安不忘危。今潼關兵眾雖威。而無後殿。萬一不利。京師得無恐乎。請選監牧小兒三千人。訓練於苑中。詔從之。遂遣劍南將軍李福。劉光庭分統焉。又募一萬人屯於灊上。令其腹心杜乾運將之。翰慮為所圖。乃上表請乾運兵隸於潼關。遂召乾運赴潼關計事。因斬之。自是翰心不自安。又素有風疾。至是頗甚。軍中之務。不復躬親。委政於行軍司馬田良丘。良丘復不敢專斷。教令不一。頗無部伍。其將王思禮。李承光。又爭長不叶。人無鬪志。先是翰數奏祿山難竊河朔。而不得人心。請持重以擊之。彼自離心。因而翦滅之。可不傷兵。擒茲寇矣。賊將崔乾祐於陳郡潛鋒蓄銳。而規者奏云。賊殊無備。上然之。命悉眾速討之。翰奏曰。賊既始為兇逆。祿山久習用兵。必不肯無備。是陰計也。且賊兵遠來。利在速戰。今王師自戰其地。利在堅守。不利輕出。若輕出關。是入其算。乞更觀事勢。楊國忠恐其謀已屢奏使出兵。上久處太平。不練軍事。既為國忠眩惑。中使相繼督責。翰不得已。引師出關。六月四日。次于靈寶縣之西原。八日。與賊交戰。官軍南追險嶮。北臨黃河。崔乾祐以數千人先據險要。翰及良丘等浮懸中流。以觀進退。謂乾祐兵少。輕之。遂促將士令進。爭路擁塞。無復隊伍。午後。東風急。乾祐以草車數十乘。縱火焚之。煙焰亘天。將士掩面。閉目不得。

因為兇徒所乘。王師自相排擠。墜于河。後者見前軍陷敗。悉潰。填委于河死者數萬人。號叫之聲。振天地。縛器械。以槍為楫。投北岸。十不存一二。軍既敗。翰與數百騎馳而西歸。為火拔歸仁執降於賊。祿山謂之曰。汝常輕我。今日如何。翰懼。俯伏稱肉。眼不識陛下。遂至於此。陛下為撥亂主。今天下未平。李光弼在土門。來瑊在河南。魯炅在南陽。但留臣。臣以尺書招之。不日平矣。祿山大喜。遂僞署翰司空。作書招光弼等。諸將報書。皆讓翰不死節。祿山知事不諧。遂閉翰於苑中。潛殺之。翰之守潼關也。主天下兵權。肆志報怨。誣奏戶部尚書安思順與祿山潛通。僞令人為祿山遺思順書。於關門擒之以獻。其年三月。思順及弟太僕卿元貞並坐誅。徙其家屬于橫外。天下冤之。

史臣曰。大盜作梗。祿山亂常。詞雖欲誅國忠。志則謀危社稷。于時承平日久。金革道消。封常清高仙芝相次率不教之兵。募市人之眾。以抗兇寇。失律喪師。哥舒翰廢疾于家。起專兵柄。二十萬眾。拒賊關門。軍中之務。不親委任。又非其所及。遇羯賊。旋致敗亡。天子以之播遷。自身以之拘執。此皆命帥而不得其人也。禮曰。大夫死眾。又曰。謀人之軍師。敗則死之。翰受署賊庭。苟延視息。忠義之道。即可知也。豈不愧於顏杲卿乎。抑又聞之。古之命將者。推轂而謂之曰。闔外之事。將軍裁之。觀楊國忠之奏事。邊令誠之護戎。又掣肘於軍政者也。未可偏責三帥。不尤伊人。後之君子。得不深鑒。

贊曰。羯賊犯順。戎車啓行。委任失所。封高敗亡。度劉圻甸。僞縞衣裳。醜哉哥舒翰。不能死王。

舊唐書卷一百四

舊唐書卷一百四考證

高仙芝傳六月制授仙芝鴻臚卿攝御史中丞代夫蒙靈督為四鎮節度使○

臣德潛按此天寶六載六月也而封常清傳又云天寶六載從仙芝破小勃

律十二月仙芝代夫蒙靈督為安西節度使便奏常清為慶王府錄事參軍

二傳互異

封常清傳十二月殺山波河陷陳留○新書陷榮陽

舊唐書卷一百四考證

後晉司空同中書門下平章事劉昫撰

列傳第五十五

宇文融 韋堅 楊慎矜 王鉷

宇文融京兆萬年人隋禮部尚書平昌公歌之玄孫也祖節貞觀中為尚書右丞明習法令以幹局見稱時江夏王道宗嘗以私事託於節遂奏之太宗大悅賜緡二百匹仍勞之曰朕所以不置左右僕射者正以卿在省耳永徽初累遷黃門侍郎同中書門下三品代于志寧為侍中坐房遺愛事配流桂州而卒父嶠萊州長史融開元初累轉富平主簿明辨有吏幹源乾曜孟温相次為京兆尹皆厚禮之俄拜監察御史時天下戶口逃亡免役多偽濫朝廷深以為患融乃陳便宜奏請檢察偽濫搜括逃戶玄宗納其言因令融充使推勾無幾獲偽濫及諸免役甚眾特加朝散大夫再遷兵部員外郎兼侍御史融於是奏置勸農判官十人並攝御史分往天下所在檢括田疇招攝戶口其新附客戶則免其六年賦調但輕稅入官議者頗以為擾人不便陽翟尉皇甫憬上疏曰臣聞智者千慮或有一失愚夫千計亦有一得且無益之事繁則不急之務眾不急之務眾則數役數役則人疲人疲則無聊生矣是以太上務德以靜為本其次化之以安為上但責其疆界嚴之隄防山水之餘即為見地何必聚人阡陌親遣括量故奪農時遂令受弊又應出使之輩未識大體所由殊不知陛下愛人至深務以句刻為計州縣懼罪據牒即徵逃亡之家隣保代出隣保不濟又便更輸急之則都不謀生緩之則慮法交及臣恐逃逸從此更深至如澄流在源止沸由火不可不慎今之具察向逾萬數蠶食府庫侵奪黎人國絕數載之儲家無經月之畜雖其厚稅亦不可供戶口逃亡莫不由此縱使伊畢申術管晏陳謀豈息茲弊若以此給將何以堪雖東海南山盡為粟帛亦恐不足豈括田稅客能周給也左拾遺楊相如上書咸陳括客為不便上方委任融侍中源乾曜及中書舍人陸堅皆贊成其事乃貶璟為益川尉於是諸道括得客戶凡八十餘萬田亦稱是州縣希融旨意務於獲多皆虛張其數亦有以實戶為客

者歲終徵得客戶錢數百萬融由是擢拜御史中丞言事者猶稱括客損居人上令集百寮於尚書省議公卿已下懼融恩勢皆雷同不敢有異詞唯戶部侍郎楊錫獨建議以括客不利居人徵籍外田稅使百姓困弊所得不補所失無幾錫出為外職融乃馳傳巡歷天下事無大小先牒上勸農使而後申中書省司亦待融指搗而後決斷融之所至必招集老幼宣上恩命百姓感其心至有流淚稱父母者融使還具奏乃下制曰人惟邦本本固邦寧必在安人方能固本永言理道實獲朕心思所以康濟黎庶寵華夏上副宗廟乾坤之寄下答萬縣貢獻之勤何嘗不夜分鞍轡日旰忘食然後以眇眇之身當四海之責雖則長想遐邇不可家至日見至于宣布政教安輯逋亡言念再三其勤至矣莫副朕命實用惡焉當展承懷靜言厥緒豈人流自久招諭不還上情靡通于下衆心因達於上求之明發想見其人當屬括地使宇文融謁見于延英殿朕以人必土著因議逃亡嘉其忠讜堪任以事乃授其田戶紀綱兼委之都縣釐革便令充使奉以安人遂能恤我黎元克將朕命發自夏首及於歲終巡按所及歸首百萬仍聞宣制之日老幼欣躍惟令是從多流淚以感朕心咸吐誠以荷王命猶恐朕之薄德未孚于人撫字安存更冀良算遂命百司長吏方州岳牧會議廟堂廣徵異見羣詞盈於札翰環省彌于旬日庶廣朕意豈以為勞稽察考言謂斯折衷欲人必信期於令行凡爾司存勉以遵守夫食為人天富而後教經教養體前哲至言故平糶行於昔王義倉加於近代所以存九年之蓄收上中之斂獲錢則農不傷財災饑則時無菜色救人活國其利博哉今流戶大來王田載理放吏之務瘠瘵所懷其客戶所稅錢宜均充所在常平倉用仍許預付價直任粟麥兼貯并舊常平錢粟並委本道判官向當處置使斂散及時務以矜恤且分災恤患州黨之常情損餘濟關親隣之善貸故木鐸云徇里胥均功夜績相從齊俗以贍今陽和布澤丁壯就田言念饑憐事實拯助宜委使司與州縣商量勸作農社貧富相恤耕耘以時仍每至雨澤之後種穰忙月州縣常務一切停減使趨時急於備寇尺璧賤於寸陰是則天無虛施人無遺力又政在經遠功惟久著今逃亡初復居業未康循逃戶及籍外剩田猶宜勞

理資存撫其十道分判官三五年內使就厥功令有終始當道覆屯及須推効並以委之不須廣差餘使示專其事不擾于人政術有能必行賞罰其已奏復業歸首句當州縣每季一申不須拔名致有勞擾其歸首戶各令新首處與本實計會年戶色役勿欺隱及其兩處徵科宣布天下使明知朕意中書令張說素惡融之為人又患其權重融之所奏多建議爭之融揣其意先事圖之中書舍人張九齡言於說曰宇文融承恩用事辯給多詞不可不備也說曰此狗鼠輩焉能為事融尋兼戶部侍郎從東封還又密陳意見分吏部為十銓典選事所奏又為說所抑融乃與御史大夫崔隱甫連名劾說廷奏其狀說由是罷知政事融悉說復用為己患數譖毀之上惡其朋黨尋出融為魏州刺史俄轉汴州刺史又上表請用禹貢九河舊道開稻田以利人并迴易陸運本錢官收其利雖與役不惠而事多不就十六年復入為鴻臚卿兼戶部侍郎明年拜黃門侍郎與裴光庭並兼同中書門下平章事融既居相位欲以天下為己任謂人曰使吾居此數月庶令海內無事矣於是薦宋璟為右丞相裴耀卿為戶部侍郎許景先為工部侍郎甚允朝廷之望然性躁急多言又引賓客故人晨夕飲譟由是為時論所譏時禮部尚書信安王禕為朔方節度使殿中侍御史李宙釋召將下獄禕既申訴得理融坐阿黨李宙出為汝州刺史在相凡百日而罷裴光庭時兼御史大夫又彈融交遊朋黨及男受贓等事貶昭州平樂尉在嶺外歲餘司農少卿蔣岑舉奏融在汴州迴造船脚隱沒鉅萬給事中馮紹烈又深文案其事實融於是配流巖州地既瘴毒憂患發疾遂詣廣府將停留未還都督耿仁忠謂融曰明公負朝廷深譴以至於此更欲故犯嚴命淹留他境仁忠見恩誠所甘心亦恐朝廷知明公在此必不相容也融遽還卒于路上聞之思其舊恩贈台州刺史

韋堅京兆萬年人父元珪先天中銀青光祿大夫開元初充州刺史堅姪為贈惠宣太子妃堅妻又楚國公姜皎女堅妹又為皇太子妃中外榮感故早從官敘二十五年為長安令以幹濟聞與中貴人善探候主意見宇文融楊慎矜父子以向刺財物等行進奉而致恩顧堅乃以轉運江淮租賦所在置吏督察以

神國之倉廩歲益鉅萬玄宗以為能天寶元年三月擢為陝郡太守水陸轉運使自西漢及隋有運渠自關門西抵長安以通山東租賦奏請於咸陽渭水作與成堰截灞澗水傍渭東注至關西永豐倉下與渭合於長安城東九里長樂坡下澗水之上架苑牆東面有望春樓樓下穿廣運澗以通舟楫二年而成堅預於東京汴宋取小斛底船三百隻置於潭側其船皆署牌表之若廣陵郡船即於柅背上堆積廣陵所出錦鏡銅器海味丹陽郡船即京口綾衫段晉陵郡船即折造官端綾繡會稽郡船即銅器羅吳綾絳紗南海郡船即瑇瑁真珠象牙沉香豫章郡船即名瓷酒器茶釜茶鑪茶碗宣城郡船即空青石紙筆黃連始安郡船即蕉葛蚌蚶膽翡翠船中皆有米吳郡即三破糯米方丈綾凡數十郡駕船人皆大笠子寬袖衫芒屨如吳楚之制先是人間戲唱歌詞云得丁絃都畫反反絃那也絃囊得體耶潭裏船車開揚州銅器多三郎當殿坐看唱得體歌至開元二十九年田同秀上言見玄元皇帝云有寶符在陝州桃林縣古關令尹喜宅發中使求而得之以為殊祥改桃林為靈寶縣及此潭成陝縣尉崔成甫以堅為陝郡太守鑿成新潭又致揚州銅器翻出此詞廣集兩縣官使婦人唱之言得寶弘農野弘農得寶那潭裏船車開揚州銅器多三郎當殿坐着唱得寶歌成甫又作歌詞十首白衣缺脰綠衫錦半臂偏袒膊紅羅抹額於第一船作號頭唱之和者婦人一百人皆鮮服觀者山積京城百姓多不識釋馬船檣應之餘船拾進至樓下連檣彌亘數里觀者山積京城百姓多不識釋馬船檣竿人人駭視堅跪上諸郡輕貨又上百牙盤食府縣進奏教坊出樂迭奏玄宗歡悅下詔勅曰古之善政者貴於足食欲求富國者心先利人朕關輔之間尤資殷贍比來轉輸未免艱辛故置此潭以通漕運萬代之利一朝而成將九叶於永圖豈苟求於縱觀其陝郡太守韋堅始終檢校夙夜勤勞實以懋功則惟常典宜特與三品仍改授一子三品京官兼太守判官等並即量與改轉其事知檢校始末不闕擇所者并孔目官及至典選日優與處分仍委韋堅具名錄奏應役人夫等雖各酬備直終使役日多並放今年地稅且啓鑿功畢舟楫已通既涉遠途又能先至永言觀勵稍宜甄獎其押運綱各賜一中上考準前錄

奏船夫等宜共賜錢二千貫以充宴樂外郡進上物賜貴戚朝官賜名廣運潭時堅姊故惠宣太子妃亦出寶物供樓上鋪設進食竟日而罷李林甫以堅妻氏壻甚狎之至是懼其詭計求進承恩日深堅又與李適之善益怒之恐入為相乃與腹心構成其罪四月進銀青光祿大夫左散騎常侍陝郡太守水陸轉運使句當緣河及江淮南租庸轉運處置使並如故又以判官元撝豆盧友除監察御史三年正月堅又加兼御史中丞封章城男九月拜守刑部尚書奪諸監以楊慎矜代之五載正月望夜堅與河西節度瀟陽皇甫惟明夜遊同過景龍觀道士房為林甫所發以堅戚里不合與節將押暉是構謀親立太子玄宗惑其言遽貶堅為晉雲太守惟明為播川太守尋發使殺惟明於黔中籍其資財六月又貶堅為江夏員外別駕又構堅與李適之善貶適之為宜春太守七月堅又長流嶺南臨封郡堅弟將作少匠蘭鄆縣令冰兵部員外郎芝堅男河南府戶曹諒並遠貶至十月使監察御史羅希奭逐而殺之諸弟及男諒並死堅妻姜氏林甫以其久遭輕賤特放還本宗倉部員外郎鄭章貶兩豐丞殿中侍御史鄭欽說貶夜郎尉監察御史豆盧友貶富水尉監察御史楊惠貶巴東尉連累者數十人又勅嗣薛王瑊夷陵郡員外別駕長任其母隨男任女壻新貶巴陵太守盧幼林長流合浦郡肅宗時為皇太子恐懼上表稱與新婦離絕七載嗣薛王瑊停仍於夜郎郡安置其母亦勒隨男堅貶黜後林甫諷所司發使於江淮東京緣河轉運使恣求堅之罪以聞因之綱典船夫溢於牢獄郡縣徵刺不止隣伍盡成裸形死於公府林甫死乃停

致任時太平且久御府財物山積以為經楊柳者無不精好每歲旬刺省便出錢數百萬貫慎矜沉毅有材幹任氣尚朋執初為汝陽令有能名崇禮罷太府玄宗訪其子堪委其父任者宰臣以慎餘慎矜慎名三人皆動恪清白有父風而慎矜為其最因拜監察御史知太府出納慎餘先為司農丞除太子舍人監京倉尋丁父憂二十六年服闋累遷侍御史仍知太府出納慎名授大理評事攝監察御史充都舍嘉倉出納使甚承恩顧慎矜於諸州納物者有水漬傷破及色下者皆令本州徵折估錢轉市輕貨州縣徵調不絕於歲月矣在臺數年又專知雜事風格甚高天寶二年遷權判御史中丞充京畿採訪使知太府出納使並如故時右相李林甫握權慎矜以遷拜不由其門懼不敢居其任固讓之因除諫議大夫兼侍御史仍依舊知太府出納以鴻臚少卿蕭諒為御史中丞諒至臺無所撓讓頗不相能竟出為陝郡太守林甫以慎矜屈於己復擢為御史中丞仍充諸道鑄錢使餘如故時散騎常侍陝郡太守韋堅兼御史中丞為水陸漕運使權傾宰相侍御史王鉷推堅獄慎矜引身中立以候望鉷恨之林甫亦憾焉慎矜與鉷父璿中外兄弟鉷即表姪少相狎鉷入臺慎矜為臺端亦有推引及鉷選中丞雖與鉷同列每呼為王鉷鉷特與林甫善漸不平之五載慎矜遷戶部侍郎中丞使如故林甫見慎矜受主恩心嫉之又知王鉷於慎矜有間又誘而唱之鉷乃伺其隙以陷之慎矜奪鉷職田背誓鉷詆其母氏鉷不堪其辱慎矜性疎快素昵於鉷嘗語讖書於鉷又與還俗僧史敬忠游處敬忠有學業鉷於林甫構成其罪云慎矜是隋家子孫心規克復隋室故蓄異書與凶人來往而說國家休咎時天寶六載十一月玄宗在華清宮林甫令人發之玄宗震怒擊之於尚書省詔刑部尚書蕭隱之大理卿李道遠少卿楊禕侍御史楊釗殿中侍御史盧鉞同鞠之又使京兆士曹吉溫往東京收慎矜兄少府少監慎餘第洛陽令慎名等雜訊之又令溫於汝州捕史敬忠獲之便赴行在所先令盧鉞收太府少卿張瑄於會昌驛繫而推之瑄不肯答辯鉞百端拷訊不得乃令不長枷瑄以手力絆其足以木按其足間撤其枷柄向前挽其身長校數尺腰細欲絕眼鼻皆血出謂之驢駒拔掖瑄竟不肯答又使鉞與御史

崔器入城搜慎矜宅無所得拷其小妻韓珠圍乃在豎櫃上作一蘭函感誠書等鉞於袖中出而納之詎以示慎矜慎矜曰他日不見今乃來是命也吾死矣及溫以敬忠至戲水驛東十餘里使證說之若至温湯即求首陳不可得矣去温湯十餘里敬忠乞紙筆於桑樹下具吐之比見慎矜敬忠證之慎矜皆引實二十五日詔楊慎矜慎餘慎名並賜自盡史敬忠決重杖一百鮮于賁范浴並決重杖配流遠郡慎矜外甥前通事舍人辛景湊決杖配流義陽郡司馬嗣號王巨與敬忠相識解官於南賓郡安置太府少卿張璋決六十長流嶺南臨封郡亦死於流所慎矜兄弟并史敬忠莊宅官收以男女配流嶺南諸郡其張璋万俟承暉鮮于賁等準此配流乃使監察御史顏真卿送勅至東京殿中侍御史崔寓引慎名令河南法曹張萬頃宣勅示之慎名見慎矜賜自盡初尚撫膺及聞慎餘及身皆爾遂止及宣勅了慎名曰今奉聖恩不敢稽留晷刻但以寡姊老年請作數行書以別之寓揖真卿真卿許之慎名神色不變入房中作書曰拙於謀運不能靜退兄弟并命唯姊尚存老年孤焚何以堪此書後又數條事又宅中作一板池池中魚一皆放之遂益而死監察御史平列齋勅至大理寺慎餘聞死合掌指天而縊初慎矜至温湯正食忽見一鬼物長丈餘朱衣冠幘立於門扇後慎矜叱之良久不滅以熱羹投乃滅無何下獄死兄弟甚友愛事寡姊如母皆偉儀形風韻高期愛客喜飲籍甚於時慎名嘗覽鏡見其鏡面神彩有過於人覆鏡數惋曰吾兄弟三人盡長六尺餘有如此貌如此材而見容當代以期全難矣何不使我少體弱耶竟如其言

王鉞太原祁人也祖方翼夏州都督為時名將生璿璿珣璿璿開元初並歷中書舍人珣兵部侍郎秘書監鉞即璿之子開元十年為鄆縣尉京兆尹稻田判官二十四年再遷監察御史二十九年累除戶部員外郎常兼御史天寶二年充京和市和糴使遷戶部郎中三載長安令柳升以賄敗初韓朝宗為京兆尹引升為京令朝宗又于終南山下為菡家買山居欲以避世亂玄宗怒勅鉞推之朝宗自高平太守貶為吳興別駕又加鉞長春宮使四載加句口色役使又遷御史中丞兼充京畿採訪使五載又為京畿關內道黜陟使又兼充

關內採訪使時右相李林甫怙權用事志謀不利於東儲以除不附己者而鉞有吏幹荷之轉深以為己用既為戶口色役使時有勅給百姓一年復鉞即奏徵其脚錢廣張其數又市輕貨乃甚於不放輸納物者有浸漬折估皆下本郡徵納又勅本郡高戶為租庸脚士皆破其家產彌年不了恣行剝削以媚於時人用嗟怨古制天子六宮皆有品秩高下其俸物因有等差唐法沿於周隋妃嬪宦官位有尊卑亦隨其品而給授以供衣服鉛粉之費以奉於宸極玄宗在位多載妃御承恩多賞賜不欲頻於左右藏取之鉞探旨意歲進錢寶百億萬便貯於內庫以恣主恩錫賚鉞云此是常年額外物非征稅物玄宗以為鉞有富國之術利於王用益厚待之丁嫡母憂起復舊職使如故七載又加檢察內作事遷戶部侍郎仍兼御史中丞賜紫魚金袋八載兼充開殿使及苑內營田五坊宮苑等使隴右羣牧都支度營田使餘並如故太白山人李渾言于金星洞見老人云有玉版石記符聖上長生久視玄宗令鉞入山洞求而得之因上尊號加鉞銀青光祿大夫都知總監及栽接等使九載五月兼京兆尹使並如故鉞威權轉威兼二十餘使近宅為使院文案堆積胥吏求押一字即累日不遂中使賜遺不絕於門雖晉公林甫亦畏避之林甫子岫為將作監供奉禁中鉞子準衛尉少卿亦鬪鷄供奉每諱岫岫常下之萬年尉章黃裳長安尉賈季隣常於廳事貯錢數百緡名倡珍饌常有備擬以候準所適又於宅側自有追歡之所鉞與弟戶部郎中錕召術士任海川遊其門問其相命言有王否海川震懼潛匿不出鉞懼洩其事令逐之至馮翊郡得誣以他事杖殺之定安公主男章會任王府司馬聞之話於私庭乃被侍兒說於傭保者或有憾於會告於鉞鉞遣賈季隣收於長安獄入夜縊之明辰載屍還其家會皇堂外甥同產兄王絲尚承穆公主而惕息不敢言十載封太原縣公又兼殿中監十一載四月錕與故鴻臚少卿邢璣子絳情密累年絳潛構逆謀引右龍武軍萬騎刻取十一月殺龍武將軍因燒諸城門及市分數百人殺楊國忠及右相李林甫左相陳希烈等先期二日事發玄宗臨朝召錕上於玉案前過狀與鉞鉞好弈棋絳曾某鉞因錕與之交故至是意錕在絳處金城坊密召之日晏始令捕賊官捕

之萬年尉薛榮先。長安尉賈季隲等捕之。逢錁於化度寺門。季隲爲錁所引用。爲赤尉。錁謂之曰。我與邢繹故舊。繹今反。恐事急。妾相引。請足下勿受其言。榮先等至。繹門。繹等十餘人持弓刀突出。榮先等遂與格戰。季隲以錁語白。錁謂之曰。我第何得與之有謀乎。錁與國忠共討。逐繹。繹下人曰。勿損太夫人。國忠爲劍南節度使。有隨身官。以白國忠曰。賊有號。不可戰。須臾驃騎大將軍內侍高力士領飛龍小兒甲騎四百人討之。繹爲亂兵所斬。擒其黨善射人韋瑤等。以獻國忠。以白玄宗。玄宗以錁委任深。必不與之知情。錁與錁別生嫉。其富貴。故欲陷錁耳。遂特原錁不問。然意欲錁請罪之。上密令國忠諷之。國忠不敢洩。上意諷錁曰。且主上眷大夫深。今日大夫須割慈存門戶。但抗疏請罪。郎中郎中亦未必至極刑。大夫必存命。何如併命。錁俛首久曰。小弟先人餘愛。平昔頻有處分。義不欲捨之。而謀存。乃進狀。十二日。錁入朝。左相陳希烈言語侵之。錁恨之。憤訴言氣頗高。錁朝迴於中書侍郎廳。修表令人進狀。門司已不納矣。須臾。勅希烈推之。錁以表示宰相。林甫曰。大夫後之矣。遂不許。俄錁至。國忠問大夫知否。錁未及應。侍御史裴寬恐錁引之。寬叱晉之曰。足下爲臣不忠。爲弟不義。聖上以大夫之故。以足下爲戶部郎中。又加五品。恩亦厚矣。大夫豈知梓事乎。國忠愕然。謂錁曰。實知。卽不可隱。不知亦不可妄。引錁方曰。七兄不知。季隲證其罪。及日暮。奏之。錁決杖死於朝堂。賜錁自盡於三衛尉。明日。移於資聖寺廊下。裴寬言於國忠。令歸宅權斂之。又請令妻女送墓所。國忠義而許之。令錁判官齊奇營護之。男準除名。長流嶺南。承化郡。備長流。珠崖郡。至故驛殺之。妻薛氏及在室女並流。初錁與御史中丞戶部侍郎楊慎矜親且情厚。頗爲汲引。及貴。威爭權。錁附於李林甫。爲所誘。陷慎矜家。經五年。而錁至。赤族。豈天道歟。史臣曰。夫奸佞之輩。惟事悅人。聚斂之臣。無非害物。買禍招怨。敗國喪身。罕不由斯道也。君人者。中智已降。亦心緣利動。言爲甘聞。志雖慕於聖明。情不勝於嗜欲。徒有賢佐。無如之何。所以禮經戒其勿蓄。宇文融韋堅楊慎矜王錁。皆開元之佞人也。或以括戶取媚。或以漕運承恩。或以聚貨得權。或以剝下獲寵。貧勢自用。人莫敢違。張說李林甫手握大權。承主恩顧。尙遭凌擯。以身下之。他人

卽可知也。然天道惡盈。器滿則覆。終雖不令其弊已多。夏可痛也。宋璟裴耀卿許景先。獲居重任。因融薦之。此亦有鳳之一毛也。玄宗以聖哲之姿。處高明之位。未免此累。或承之。差後之帝王。得不深鑑。贊曰。財能城人。聚則民散。如何帝王。志求餘羨。融堅矜錁。因利乘便。以徼寵榮。宜招後患。

舊唐書卷一百五

舊唐書 卷一百五考證

舊唐書卷一百五考證

楊慎矜傳太府少卿張瓊決六十長流嶺南○新書瓊與慎矜同賜死

王珙傳祖方翼爲時名將生珙○沈炳震曰按王方翼傳作子璠新書作子瑛

舊唐書卷一百五考證

後晉司空同中書門下平章事劉昫撰

列傳第五十六

李林甫 楊國忠 張暉 王琚

王毛仲 陳玄禮附

李林甫高祖從父弟長平王叔良之曾孫叔良生孝斌官至原州長史孝斌生思誨官至揚府參軍思誨即林甫之父也林甫善音律初為牛牛直長其舅楚國公姜皎深愛之開元初遷太子中允時源乾曜為侍中乾曜姪孫光乘姜皎妹婿乾曜與之親乾曜之男潔白其父曰李林甫求為司門郎中乾曜曰郎官須有素行才望高者哥奴豈是郎官耶數日除諭德哥奴林甫小字累遷國子司業十四年宇文融為御史中丞引之同列因拜御史中丞歷刑吏二侍郎時武惠妃愛傾後宮二子壽王盛王以母愛特見寵異太子瑛益疎薄林甫多與中貴人善乃因中官白惠妃云願保護壽王惠妃德之初侍中裴光庭妻武三思女詭譎有才略與林甫私中官高力士本出三思家及光庭卒武氏銜哀祈於力士請林甫代其夫位力士未敢言玄宗使中書令蕭嵩擇相嵩久之以右丞韓休對玄宗然之乃令草詔力士遽漏於武氏乃令林甫白休休既入相甚德林甫與嵩不和乃薦林甫堪為宰相惠妃陰助之因拜黃門侍郎玄宗眷過益深二十三年以黃門侍郎平章事裴耀卿為侍中中書侍郎平章事張九齡為中書令林甫為禮部尚書同中書門下三品並加銀青光祿大夫林甫面柔而有狡計能伺候人主意故驟歷清列為時委任而中官妃家皆厚結託伺上動靜皆預知之故出言進奏動必稱旨而猜忌陰中人不見於詞色朝廷受主恩顧不由其門則構成其罪與之善者雖廝養下士盡至榮寵尋歷戶兵二尚書知政事如故尋又以太子瑛鄂王瑒光王琚皆以母失愛而有怨言駙馬都尉楊洄白惠妃玄宗怒謀於宰臣將罪之九齡曰陛下三箇成人兒不可得太子國本長在宮中受陛下義方人未見過陛下奈何以喜怒間忍欲廢之臣不敢奉詔玄宗不悅林甫憫然而退初無言既而謂中貴人曰家事何須謀及於

人時朔方節度使牛仙客在鎮有政能玄宗加實封九齡又奏曰邊將訓兵秣馬儲蓄軍實常務耳陛下賞之可也欲賜實職恐未得宜惟聖慮思之帝默然林甫以其言告仙客仙客翌日見上泣讓官爵玄宗欲行實封之命兼為尚書九齡執奏如初帝變色曰事總由卿九齡頓首曰陛下使臣待罪宰相事有未允臣合盡言違忤聖情合當萬死玄宗曰卿以仙客無門藉耶卿有何門闕九齡對曰臣荒微微職仙客中華之士然陛下擢臣踐臺閣掌綸誥仙客本河湟一使典目不職文字若大任之臣恐非宜林甫退而言曰但有材識何必辭學天子用人何有不可玄宗滋不悅九齡與中書侍郎嚴挺之善挺之初娶妻出之妻乃嫁蔚州刺史王元琰時元琰坐賊詔三司使推之挺之救免其罪玄宗察之謂九齡曰王元琰不無賊罪嚴挺之囑託所由輩有顏面九齡曰此挺之前妻今已婚崔氏不合有情玄宗曰卿不知離離之亦却有私玄宗籍前事以九齡有黨與裴耀卿俱罷知政事拜左右丞相出挺之為涪州刺史元琰流于嶺外即日林甫代九齡為中書集賢殿大學士修國史拜牛仙客工部尚書同中書門下平章事知門下省事監察御史周子諒言仙客非宰相器玄宗怒而殺之林甫言子諒本九齡引用乃貶九齡為荊州長史玄宗終用林甫之言廢太子瑛鄂王瑒光王琚為庶人太子妃兄駙馬都尉薛鏞長流瀘州死於故驛人謂之三庶聞者寃之其月佞媚者言有烏鵲巢於大理獄戶天下幾致刑措玄宗推功元輔封林甫晉國公仙客幽國公其冬惠妃病三庶人為祟而薨儲宮虛位玄宗未定所立林甫曰壽王年已成長儲位攸宜玄宗曰忠王仁孝年又居長當守器東宮乃立為皇太子自是林甫懼巧求陰事以傾太子林甫既秉樞衡兼領隴右河西節度又加吏部尚書天寶改易官名為右相停知節度事加光祿大夫遷尚書左僕射六載加開府儀同三司賜實封三百戶而恩渥彌深凡御府膳羞遠方珍味中人宣賜道路相望與宰相李適之雖同宗屬而適之輕率嘗與林甫同論時政多失大體由是主恩益疎以至罷免實門侍郎陳希烈性便佞嘗曲事林甫適之既罷乃引希烈同知政事林甫久典樞衡天下威權並歸於己台司機務希烈不敢參議但唯諾而已每有奏請必先賂遺

左右伺察上旨以固恩寵上在位多載倦於萬機恆以大臣接對拘檢難徇私欲自得林甫一以委成故杜絕逆耳之言恣其宴樂祗席無別不以爲恥由林甫之贊成也林甫京城邸第田園水磴利盡上腴城東有薛王別墅林亭幽邃甲於都邑特以賜之及女樂二部天下珍玩前後賜與不可勝紀宰相用事之感開元已來未有其比然每事過慎條理衆務增修綱紀中外遷除皆有恆度而耽寵固權己自封植朝望稍著必陰計中傷之初韋堅登朝以堅皇太子妃兄引居要職示結恩信實圖傾之乃潛令御史中丞楊慎矜陰伺堅隙會正月望夜皇太子出遊與堅相見慎矜知之奏上上大怒以爲不軌黜堅免太子妃韋氏林甫因是奏李適之與堅昵狎及裴寬韓朝宗並曲附適之上以爲然賜堅自盡裴韓皆坐之斥逐後楊慎矜權位漸盛林甫又忌之乃引王鉷爲御史中丞託以心腹鉷希林甫意遂誣罔密奏慎矜左道不法遂族其家楊國忠以掖房之親出入中禁奏請多允乃擢在臺省令按刑獄會皇太子良娣杜氏父有鄰與子婿柳勳不叶勳飛書告有隣不法引李邕爲證詔王鉷與國忠按問鉷與國忠附會林甫奏之於是賜有隣自盡出良娣爲庶人李邕裴敦復枝黨數人並坐極法林甫之苞藏安忍皆此類也林甫自以始謀不佐皇太子慮爲後患故屢起大獄以危之賴太子重慎無過流言不入林甫嘗令濟陽別駕魏林告隴右河西節度使王忠嗣林往任朔州刺史忠嗣時爲山東節度自云與忠王同養宮中情意相得欲擁兵以佐太子玄宗聞之曰我兒在內何路與外人交通此妄也然忠嗣亦左授漢陽太守八載咸寧太府趙奉章告林甫罪狀二十餘條告未上林甫知之諷御史臺逮捕以爲妖言重杖決死十載林甫兼領安西大都護朔方節度俄兼單于副大都護十一載以朔方副使李獻忠叛讓節度舉安思順自代國家武德貞觀已來蕃將如阿史那社爾契苾何力忠孝有才略亦不專委大將之任多以重臣領使以制之開元中張嘉貞王峻張說蕭嵩杜暹皆以節度使入知政事林甫固位志欲杜出將入相之源嘗奏曰文士爲將怯當矢石不如用寒族蕃人蕃人善戰有勇寒族即無黨援帝以爲然乃用恩順代林甫領使自是高仙芝哥舒翰皆專任大將林甫利其不識文

字無入相由然而祿山竟爲亂階由專得大將之任故也林甫恃其早達與馬被服頗極鮮華自無學術僅能秉筆有才名於時者尤忌之而郭慎微苑咸文士之闖茸者代爲題尺林甫典選部時選人嚴迴判語有用杖杜二字者林甫不識杖字謂吏部侍郎韋陟曰此云杖杜何也陟俛首不敢言太常少卿姜度林甫舅子度妻誕子林甫手書慶之曰聞有弄鑾之慶客視之掩口初楊國忠登朝林甫以微才不之忌及位至中司權傾朝列林甫始惡之時國忠兼領劍南節度會南蠻寇邊林甫請國忠赴鎮帝雖依奏然待國忠方渥有詩送行句末言又相之意又曰卿止到蜀郡處置軍事屈指待卿林甫心尤不悅林甫時已寢疾其年十月扶疾從幸華清宮數日增劇巫言一見聖人差減帝欲視之左右諫止乃勅林甫出於庭中上登降聖閣遙視舉紅巾招慰之林甫不能與使人代拜於席翌日國忠自蜀還謁林甫拜於牀下林甫垂涕託以役事尋卒贈太尉楊州大都督給班劍西園祕器諸子以吉儀護柩還京師發喪於平康坊之第林甫晚年溺於聲妓姬侍盈房自以結怨於人常憂刺客竊發重局複壁絡板蝨石一夕屢徙離家人不知之有子二十五人女二十五人岫爲將作監岫爲司儲郎中岫爲太常少卿子塔張博濟爲鴻臚少卿鄭平爲戶部員外郎杜位爲右補闕齊宣爲諫議大夫元攜爲京兆府戶曹初林甫嘗夢一白哲多鬚長丈夫逼己接之不能去既寤言曰此形狀類裴寬謀代我故也時寬爲戶部尚書兼御史大夫故因李適之黨斥逐之是時楊國忠始爲金吾曹參軍至是不十年林甫卒國忠竟代其任其形狀亦類寬焉國忠素憾林甫既得志誣奏林甫與蕃將阿不思同構逆謀誘林甫親族間素不悅者爲之證詔奪林甫官爵廢爲庶人岫岫諸子並謫於嶺表林甫性沉密城府深阻未嘗以愛憎見於容色自處台衡動循格令衣冠士子非常調無仕進之門所以乘鈞二十年朝野側目憚其威權及國忠誣構天下以爲冤

楊國忠本名釗蒲州永樂人也父珣以國忠貴贈兵部尚書則天朝幸臣張易之即國忠之舅也國忠無學術拘檢能飲酒博博無行爲宗黨所鄙乃發憤從軍事蜀帥以屯優當還益州長史張寬惡其爲人因事笞之竟以屯優授新都

尉稍遷金吾衛兵曹參軍。太真妃，即國忠從姐妹也。天寶初，太真有寵，劍南節度使章仇兼瓊引國忠爲賓佐，既而擢授監察御史，去就輕率，驟履清貴，朝士指目嗤之。時李林甫將不利於皇太子，倚撫陰事以傾之，侍御史楊慎矜望風旨，輕太子妃兄韋堅與皇甫惟明私謁太子，以國忠怙寵敢言，援之爲黨。以按其事，京兆府法曹吉溫舞文巧，貳爲國忠爪牙之用，因深覓堅獄，堅及太子夏娣杜氏，親屬柳勣杜昆吾等，痛繩其罪，以樹威權。於京城別置推院，自是連歲大獄，追捕擄陷，誅夷者數百家，皆國忠發之。林甫方深阻保位，國忠凡所奏劾，涉疑似於太子者，林甫雖不明言以指導之，皆林甫所使，國忠乘而爲邪，得以肆意。上春秋高，意有所愛惡，國忠探知其情，動契所欲，驟選檢校度支員外郎兼侍御史，監水陸運及司農出納錢物，內中市買，召募劍南健兒等使，以稱職遷度支郎中。不替年，兼領十五餘使，轉給事中，兼御史中丞，專判度支事。是歲貴妃姊號國韓，國泰國三夫人同日拜命，兄銛拜鴻臚卿，八載，玄宗召公卿百寮觀左藏庫，喜其貨幣山積，面賜國忠金紫，兼權太府卿事。國忠既專錢穀之任，出入禁中，日加親幸，初楊慎矜希林甫旨，引王銛爲御史中丞，同構大獄，以傾東宮，既帝意不迴，慎矜稍避事防患，因與銛有隙，銛乃附國忠，奏誣慎矜，誅其昆仲，絲是權傾內外，公卿惕息。吉溫爲國忠陳移奪執政之策，國忠用其謀，尋兼兵部侍郎，京兆尹蕭反，御史中丞宋渾，皆林甫所親善，國忠皆誣奏，譴逐林甫不能救，王銛爲御史大夫，兼京兆尹，恩寵侔於國忠，而位望居其右，國忠忌其與己分權，會刑辭事泄，乃陷銛兄弟誅之，因代銛爲御史大夫，權京兆尹，賜名國忠，乃窮竟刑辭獄，令引林甫交私，銛與阿不思事狀，而陳希烈哥舒翰附會國忠，證成其狀，上由是疎薄林甫，南蠻質子閔羅鳳，亡歸不獲，帝怒甚，欲討之，國忠薦閩州人鮮于仲通爲益州長史，令率精兵八萬討南蠻，與羅鳳戰于瀘南，全軍陷沒，國忠掩其敗狀，仍敘其戰功，仍令仲通上表請國忠兼領益部，十載，國忠權知蜀郡都督府長史，充劍南節度副大使，知節度事，仍薦仲通代己爲京兆尹，國忠又使司馬李宓率師七萬再討南蠻，宓渡瀘水，爲蠻所誘，至和城不戰而敗，李宓死於陣，國忠又隱其敗，以捷書上聞，自仲通李宓再

舉討蠻之軍，其徵發皆中國利兵，然於土風不便，沮洳之所陷，瘴疫之所傷，饋餉之所乏，物故者十八九，凡舉二十萬衆，棄之死地，隻輪不還，人銜冤毒，無敢言者。國忠尋兼山南西道採訪使，十一載，南蠻侵蜀，蜀人請國忠赴鎮，林甫亦奏遣之，將辭，兩泣懇陳，必爲林甫所排，帝憐之，不數月召還，會林甫卒，遂代爲右相，兼吏部尚書，集賢殿大學士，太清太微宮使，判度支劍南節度山南西道採訪兩京出納租庸鑄錢等使，並如故。國忠本性疎躁，強力有口辯，既以便佞得宰相，剖決幾務，居之不疑，立朝之際，或攘袂扼腕，自公卿已下，皆頤指氣使，無不懽懽，故事宰相居台輔之地，以元功威德居之，不務威權，出入騎從簡易，自林甫承恩，顧年深，每出車騎滿街，節將侍郎有所關白，皆趨走辟易，有同案吏，舊例宰相午後六刻始出歸第，林甫奏太平無事，以已時還第，機務填委，皆決於私家，主書吳珣持籍就左相陳希烈之第，希烈引籍署名都無可否，國忠代之，亦如前政，國忠自侍御史以至宰相，凡領四十餘使，又專判度支，吏部三銓事務，執掌，但署一字，猶不能盡，皆責成胥吏，賄賂公行，國忠既以宰臣典選，奏請銓日便定留放，不用長名，先天已前，諸司官知政事，午後歸本司決事，兵部尚書侍郎亦分銓注擬，開元已後，宰臣數少，始崇其任，不歸本司，故事吏部三銓，三注三唱，自春及夏，才終其事，國忠使胥吏於私第暗定官員，集百寮於尚書省對注唱，一日令畢，以誇神速，資格差謬，無復倫序，明年注擬，又於私第大集選人，令諸女弟垂簾觀之，笑語之聲，朗聞於外，故事注官訖，過門下侍中給事中，國忠注官時，呼左相陳希烈於座隅，給事在中，列曰：既對注擬，過門下侍中了矣，吏部侍郎韋見素張倚皆衣紫，是日與本曹郎官同咨事，趨走於屏樹之間，既退，國忠謂諸妹曰：兩員紫袍，主事何如人，相對大噱，其所昵京兆尹鮮于仲通，中書舍人竇華，侍御史鄭昂，飄選人於省門立碑，以頌國忠銓綜之能，貴妃姊號國夫人，國忠與之私，於宣義里構連甲第，土木被締繡，棟宇之盛，兩都莫比，晝會夜集，無復禮度，有時與號國並轡入朝，揮鞭走馬，以爲諧謔，衢路觀之，無不駭歎，玄宗每年冬十月幸華清宮，常經冬還宮，國忠山第在宮東門之南，與號國相對，韓國泰國慶棟相接，天子幸其第，必過五家賞賜，每扈從

驪山五家合隊國忠以劍南幢節引於前出有錢路還有軟脚遠近餉遺珍玩狗馬閣侍歌兒相望干道進封衛國公食實封三百戶俄拜司空時安祿山恩寵特深總握兵柄國忠知其跋扈終不出其下將圖之屢於上前言其悖逆之狀上不之信是時祿山已專制河北聚兵奔勁騎陰圖逆節動未有名伺上千秋萬歲之後方圖叛換及見國忠用事慮不利於己祿山遙領內外閑廐使遂以兵部侍郎吉溫知留後兼御史中丞京畿採訪使內伺朝廷動靜國忠使門客蹇昂何盈求祿山陰事圍捕其宅得李超安岱等使侍御史鄭昂縊殺於御史臺又奏貶吉溫於合浦以激怒祿山幸其搖動內以取信於上上竟不之悟由是祿山惶懼遂舉兵以誅國忠為名玄宗聞河朔變起欲以皇太子監國自欲親征謀於國忠國忠大懼歸謂姊妹曰我等死在旦夕今東宮監國當與娘子等併命矣姊妹哭訴於貴妃貴妃銜上請命其事乃止及哥舒翰守潼關諸將以函關距京師二百里利在守險不利出攻國忠以翰持兵未決慮反圖己欲其速戰自中督促之翰不獲已出關及接戰桃林王師奔敗哥舒受擒敗國喪師皆國忠之誤惑也自祿山兵起國忠以身領劍南節制乃布置腹心於梁益間以圖自全之計六月九日潼關不守十二日凌晨上率龍武將軍陳玄禮左相韋見素京兆尹魏方進國忠與貴妃及親屬擁上出延秋門諸王妃主從之不及慮賊奄至令內侍曹大仙擊鼓于春明門外又焚芻蕘之積煙火燭天既渡渭即令斷便橋辰時至咸陽望賢驛官吏駭竄無復貴賤坐宮門大樹下亭午上猶未食有老父獻麥帝令具飯始得食翌日至馬嵬軍士飢而憤怒龍武將軍陳玄禮懼亂先謂軍士曰今天下崩離萬乘震蕩豈不由楊國忠割剝吐庶朝野怨咨以至此耶若不誅之以謝天下何以塞四海之怨憤眾曰念之久矣事行身死固所願也會吐蕃和好使在驛門遮國忠訴事軍士呼曰楊國忠與蕃人謀叛諸軍乃圍驛擒國忠斬首以徇是日貴妃既縊韓國說國二夫人亦為亂兵所殺御史大夫魏方進死左相韋見素傷良久兵解陳玄禮等見上謝罪曰國忠挽救國經構禍亂使黎元塗炭乘輿播越此而不誅患難未已臣等為社稷大計請矯制之罪帝曰朕識之不明任寄失所近亦覺悟審其

詐佞意欲到蜀肆諸市朝今神明啓卿諧朕夙志將曠爵賞何至言焉是時祿山雖據河洛其兵鋒東止於梁宋南不過許鄧李光弼郭子儀統河朔勁卒運收恆定若峭函固守兵不妄動則兇逆之勢不討自弊及哥舒翰出師凡不數日乘輿遷幸朝廷陷沒百家繫頸妃主被戮兵滿天下毒流四海皆國忠之召禍也國忠子暄妣暄為太常卿兼戶部侍郎尚延和郡主妣為孀臚卿尚萬春公主兄弟各立第於親仁里窮極奢侈國忠娶蜀倡裴氏女曰裴柔國忠既死柔與說國夫人皆自剄死暄死於馬嵬妣陷賊被殺曉走漢中郡漢中王瑒榜殺之晞走至陳倉為追兵所殺國忠之黨翰林學士張漸寶華中書舍人宋昱吏部郎中鄭昂等憑國忠之勢招來賂遺車馬盈門財貨山積及國忠敗皆坐誅滅其新喪王室俱一時之慘氣焉

張暉汝州襄城人也祖德政武德中鄆州刺史暉景龍初為銅鞮令家本豪富好賓客以弋獵自娛會臨淄王為路州別駕暉潛識英姿傾身事之日奉遊處及樂人趙元禮自山東來有女美麗善歌舞王幸之止於暉第生廢太子瑛唐隆元年六月王清內難升為皇太子召暉拜宮門大夫每與諸王姜皎崔滌李令問王守一薛伯陽在太子左右以接歡令問其年擢拜左臺侍御史數月遷左御史臺中丞先天元年太子即位帝居武德殿太平公主有異謀廣樹朋黨暉與僕射劉幽求請先為備太平聞之白於睿宗乃流暉於嶺南峯州幽求請於嶺外及太平之敗幽求追拜尚書左僕射兼侍中暉為大理卿封鄧國公實封三百戶逾月又加權兼雍州長史其年十二月改元開元以雍州為京兆府長史為尹暉首遷京兆尹入侍宴私出主都政以為榮寵之極暉亦有應務才幹遷太子詹事判尚書左右丞再除左羽林大將軍三為左金吾大將軍又為殿中監太僕卿二十年以暉年高加特進子履冰李良第暉皆居清列天寶初暉還鄉拜掃特賜錦袍繒綵御賜詩以寵異之乘傳來往勅郡縣供擬暉鬢髮華皓在輿中子弟車馬連接數里衣冠榮之中使中路追賜藥物至襄城月餘詔還京五載薨年九十餘贈開府儀同三司其後履冰為金吾將軍李良殿中監俱列榮戟時人美之暉壽考善保終始

王瑤懷州河內人也。叔父隋客。則天朝爲鳳閣侍郎。瑤少孤而聰敏。有才略。好玄象合鍊之學。神龍初年二十餘。嘗謁尉馬王同皎。同皎甚器之。益歡洽。言及刺武三思事。瑤義而許之。與周瓌張仲之爲忘年之友。及同皎敗。瑤恐爲吏所捕。變姓名詣於江都。備書於富商家。主人後悟其非傭者。以女嫁之。資給其財。經四五年。睿宗登極。瑤具白主人。厚資其行裝。乃至長安。遇玄宗爲太子監國。爲太平公主所忌。思立羸弱。以竊威權。太子憂危。沙門普潤先與玄宗筮判。清內難。加三品。食實封。常入太子宮。瑤見之。說以天時事。歷然可觀。普潤白玄宗。玄宗異之。及瑤於吏部選。補諸暨主簿。於東宮過謝。及殿而行。徐視高中官。曰。殿下在簾下。瑤曰。在外只聞有太平公主。不聞有太子。太子有大功於社稷。大孝於君親。何得有此聲。玄宗遽召見之。瑤曰。頃韋庶人智識淺短。親行弑逆。人心盡搖。思立李氏。殿下誅之爲易。今社稷已安。太平則天之女。凶狡無比。專思立功。朝之大臣。多爲其用。主上以元妹之愛。能忍其過。賤臣淺識。爲殿下深愛。玄宗命之同榻而坐。玄宗泣曰。四哥仁孝。同氣唯有太平。言之恐有違犯。不言憂患。轉深爲臣爲子。計無所出。瑤曰。天子之孝。貴於安宗廟。定萬人。徵之於昔。蓋主漢帝之長姊。帝幼。蓋主共養。帝於宮中。後與上官桀燕王謀害大司馬霍光。不議及君上。漢主恐危劉氏。以大義去之。沉殿下功格天地。位尊儲貳。太平雖姑。臣妾也。何敢議之。今劉曲求張說。郭元振一二大臣。心輔殿下。太平之黨。必有移奪安危之計。不可立談。玄宗又曰。公有何小藝。可隱跡與寡人遊處。瑤曰。飛丹鍊藥。談諧嘲詠。堪與優人比肩。玄宗益喜。與之爲友。恨相知晚。呼爲王十一。翌日。奏授詹事府司直內共奉。兼崇文學士。日與諸王及姜皎等侍奉焉。獨瑤常預秘計。踰月。又拜太子舍人。尋又兼諫議大夫。內供奉。又贈其父故下邳丞仲友。楚州刺史。先天元年七月。玄宗居尊位。在武德殿。八月。擢拜中書侍郎。時劉曲求張暉並流於嶺外。瑤見事迫。請早爲之計。二年七月三日。瑤與岐王範。薛王業。姜皎。李令問。王毛仲。王守一。並預誅逆。以鐵騎至承天門。時睿宗聞鼓譟聲。召郭元振升承天樓。宣詔下關。侍御史任知古召募數百人於朝堂。不得入。頃間。瑤等從玄宗上樓。上誅蕭至忠。岑羲。竇懷貞。常元楷。李季。李猷。

等。睿宗遜居百神殿。十日。拜瑤銀青光祿大夫。戶部尚書。封趙國公。食實封五百戶。皎。銀青光祿大夫。工部尚書。封楚國公。實封五百戶。令問。銀青光祿大夫。殿中監。宋國公。實封三百戶。毛仲。輔國大將軍。左武衛大將軍。檢校閑廐兼知監牧使。霍國公。實封五百戶。守一。銀青光祿大夫。太常卿。員外置同正員。進封晉國公。實封五百戶。瑤。皎。令問。並固讓尚書殿中監。不上。十八日。瑤。皎。依舊官。各加實封二百戶。通前七百戶。累日。玄宗謙於內殿。賜功臣金銀器皿各一床。雜綵各一千匹。絹一千匹。列於庭。謙慰終夕。載之而歸。瑤。轉見恩顧。每延入閣中。迄夜方出。歸休之日。中官至第召之。中官亦使尙宮就瑤宅問訊。瑤母。時果珍味。資之。助其甘旨。瑤在帷幄之側。常參聞大政。時人謂之內宰相。無有比者。又贈其父魏州刺史。或有上說於玄宗曰。彼王瑤。麻嗣宗。誦詭縱橫之士。可與履危。不可得志。天下已定。宜益求純樸經術之士。玄宗乃疎之。十一月。令御史大夫持節巡天兵。以北諸軍。十二月。改年號爲開元。又改官名。與蘇頌同爲紫微侍郎。二年二月。迴。未及京。便除澤州刺史。削封。歷衡。郴。滑。澠。沔。夔。許。潤。九州刺史。又復其封。二十年。丁母憂。二十二年。起復。右庶子。兼樞州刺史。又改同蒲。通鄧。蔡。五州刺史。天寶後。又爲廣平。鄴。郡二太守。性豪侈。著勳中朝。又食實封。典十五州。常受饋遺。下檐帳設。皆數千貫。玄宗念舊。常優容之。侍兒二十人。皆居寶帳。家累三百餘口。作造不遵於法式。雖居州伯。與佐官胥吏。曾豪連榻。飲。譁。或搏捕。藏。鉤。以爲樂。每移一州。車馬填路。數里不絕。攜妓從禽。恣爲歡賞。垂四十年矣。時李邕。王弼。與瑤皆年齒尊高。久在外郡。書疏尺牘。來往。有謔留落之句。右相林甫。以瑤等負材使氣。陰議除之。五載正月。瑤果爲林甫構成。其罪貶。瑤。江華郡員外司馬。削階封。至任。未幾。林甫使羅希奭重按之。希奭排馬。牒至。瑤懼。仰藥。竟不能死。及希奭至。遂自縊而卒。死非其罪。人用憐之。天寶元年。贈太子少保。

王毛仲。本高麗人也。父游擊將軍。職事求。襲犯罪。沒官。生毛仲。因隸于玄宗。性識明悟。玄宗爲臨淄王。常伏事左右。及出兼潞州別駕。又見李宜德。趨捷善騎射。爲人蒼頭。以錢五萬買之。景龍三年冬。玄宗還長安。以二人挾弓矢爲翼。初

太宗貞觀中，擇官戶蕃口中少年驍勇者百人，每出遊獵，令持弓矢於御馬前射生，令騎豹文驍，著畫獸文衫，謂之百騎。至則天時，漸加其人，謂之千騎，分隸左右羽林營。孝和謂之萬騎，亦置使以領之。玄宗在藩邸時，常接其豪俊者，或賜飲食財帛，以此盡歸心焉。毛仲亦悟玄宗旨，待之甚謹。玄宗益憐其敏惠，及四年六月，中宗遇弒，韋后稱制，令韋播高嵩為羽林將軍，令押千騎營，榜極以取威。其營長葛福順、陳玄禮等相與見玄宗，訴冤。會玄宗已與劉幽求、麻嗣宗、薛崇簡等謀舉大計，相顧益歡，令幽求諷之，皆願決死從命。及二十日夜，玄宗入苑中，宜德從焉。毛仲避之不入。乙夜，福順等至，玄宗曰：「與公等除大逆，安社稷，各取富貴，在於俄頃，何以取信？」福順等請號而行，斯須斬韋播、高嵩等頭來。玄宗舉火視之，又召鍾紹京、領總監丁匠、刀鋸百人至，因斬關而入。后及安樂公主等皆為亂兵所殺。其夜少帝以玄宗著大勳，進封平王，以紹京、幽求知政事，署昭勅。崇簡、嗣宗及福順、宜德，功大者為將軍，次者為中郎將。其時梓宮在殯，舉城縞素，及明，玄宗引新立功者，皆衣紫衣，緋持滿鐵騎而出，傾城聚觀歡慰。其犯道者，盡曝屍於城外。毛仲數日而歸。玄宗不責，又超授將軍。及玄宗為皇太子，監國，因奏改左右萬騎，左右營為龍武軍，與左右羽林為北四門軍，以福順等為將軍，以押之。龍武官盡功臣，受錫囊，號為唐元功臣。長安良家子避征徭，納資以求隸於其中，遂每軍至數十人。毛仲專知東宮，駝馬、鷹狗等坊，未逾年，已至大將軍，階三品矣。及先天二年七月，毛仲預誅蕭岑等功，授輔國大將軍，左武衛大將軍，檢校內外閑廐，兼知監牧，使進封霍國公，實封五百戶。毛仲奉公正直，不避權貴。兩營萬騎功臣，閑廐官吏，皆懼其威，人不敢犯。苑中營田草萊常收，率皆豐溢。玄宗以為能，開元十四年，贈其父秦州刺史毛仲，雖有賜莊宅，奴婢駝馬錢帛，不可勝紀。常於閑廐側內宅住，每入侍，謙實與諸王姜皎等，御榻前連榻而坐。玄宗或時不見，則悄然如有所失。見之，則歡洽連宵。有至日晏，其妻已邑號國夫人，賜妻李氏，又為國夫人。每入內朝謁，二夫人同承賜餐，生男孩，稚已授五品，與皇太子同遊。故中官楊恩、高力士等常避畏之。七年，進位特進行太僕卿，餘並如故。九年，持節充朔方道防禦討擊大使，

仍以左領軍大總管王峻與天兵軍節度張說、東與幽州節度裴帥先等計會。毛仲部統嚴整，羣牧孳息，遂數倍其初，芻粟之類，不敢盜竊。每歲迴殘，常致數萬斛。不三年，扈從東封，以諸牧馬數萬匹從，每色為一隊。望如雲錦。玄宗益喜。於岳下以宰相源乾曜、張說加左右丞相，毛仲加開府儀同三司。自玄宗先天正位後，以后父王同皎及姚崇、宋璟及毛仲十五年間，四人至開府，又勅張說為監牧，領以美之。十七年，從朝五陵，又贈毛仲父益州大都督。毛仲益驕，嘗求為兵部尚書。玄宗不悅。毛仲怏怏，見於詞色。又福順子娶毛仲女，宜德、唐地文等數十人，皆與毛仲善，倚之多為不法。中官等妬其全盛，逾己，專發其罪，尤僂慢之中官高品者。毛仲視之蔑如也。如卑品者，小忤意，則坐辱如己之僮僕。力士輩恨入骨髓。毛仲承恩遇，妻產，嘗借苑中亭子納涼。玄宗借之，中官構之，彌甚。曰：「北門奴官太威，豪者皆一心，不除之，必起大患。」後毛仲索甲仗於太原軍器監，時嚴挺之為少尹，奏之。玄宗恐其黨震懼為亂，乃隱其實狀，詔曰：「開府儀同三司兼殿中監震國公，內外閑廐監牧都使王毛仲，是惟微細，非有功績，擢自家臣，升于朝位，恩寵莫二，委任斯崇，無涓塵之益，肆驕盈之至，往屬艱難，遽茲逃匿，念深惟舊，義在優容，仍荷殊榮，蔑聞悛悔，在公無竭盡之效，居常多怨望之詞，迹其深愆，合從誅殛，恕其庸昧，宜從遠貶，可授州別駕員外置，長任，差使馳驛，領送至任，勿許東西及判事。」左領軍大將軍耿國公葛福順貶壁州員外別駕。左監門將軍盧龍子唐地文貶振州員外別駕。右武衛將軍成紀侯李守德貶嚴州員外別駕。守德本宜德也。立功後改名。右威衛將軍王景耀貶黨州員外別駕。右威衛將軍高廣濟貶道州員外別駕。毛仲男太子僕守貞貶施州司戶。太子家令守廉貶溪州司戶。率更令守慶貶鶴州司倉。左監門長史守道貶涪州參軍。連累者數十人。又詔殺毛仲及承州而益之。其後中官益威，而陳玄禮以淳樸自檢，宿衛宮禁，志節不衰。天寶中，玄宗在華清宮，乘馬出宮門，欲幸號國夫人宅。玄禮曰：「未宣勅報臣，天子不可輕去。」玄宗為之迴轡。他年，在華清宮，逼正月半，欲夜遊。玄禮奏曰：「宮外即是曠野，須有備預。若欲夜遊，願歸城闕。」玄宗又不能違，及安祿山反，玄禮欲於城中誅楊國忠，事不果。竟於馬

鬼斬之。從玄宗入巴蜀。迴封蔡國公。實封三百戶。上元元年八月致仕。

史臣曰。李林甫以詔佞進身。位極台輔。不懼盈滿。蔽主聰明。生既唯務陷人。死亦爲人所陷。得非蒼假手。以示禍淫者乎。楊國忠稟性奸回。才薄行穢。領四十餘使。恣弄威權。天子莫見其非。羣臣由之杜口。致祿山叛逆。鑾輅播遷。稟首覆宗。莫救艱步。以玄宗之睿哲而惑於二人者。蓋巧言令色。先意承旨。財利誘之。迷而不悟也。開元任姚崇宋璟而治。幸林甫國忠而亂。與夫齊桓任管仲隰朋。幸堅刁易牙。亦何異哉。書曰。臣有作福作威。害于而家。凶于而國。孔子曰。佞人殆。誠哉是言也。張璋王琚王毛仲。皆鄧通閔孺之流也。琚有締構之功。過多僇。死於非罪。亦可惜之。

贊曰。天啓亂階。甫忠當國。蔽主聰明。秉心譴惡。璋同二王。亦承恩德。吁哉僇踰不知紀極。

舊唐書卷一百六

舊唐書卷一百六考證

李林甫傳○李林甫楊國忠新書入森臣傳

楊國忠傳是日貴妃既縊韓國號國二夫人亦爲亂兵所殺○臣德潛按楊貴妃傳號國至陳倉爲縣令薛景仙所殺未嘗從入蜀也此顯誤

舊唐書卷一百六考證

舊唐書卷一百七

後晉司空同中書門下平章事劉昫撰

列傳第五十七

玄宗諸子

靖德太子琮

庶人瑛

棟王琬

庶人瑤

靖恭太子琬

庶人瑊

夏悼王

儀王璿

頊王璿

懷哀王敏

承王璿

壽王瑁

延王玢

威王琦

濟王環

信王瑄

義王玘

陳王珪

豐王珙

恆王瑱

涼王璿

汧哀王敬

玄宗三十子。元獻楊皇后生肅宗。劉華妃生奉天皇帝琮。靖恭太子琬。儀王璿。趙麗妃生廢太子瑛。錢妃生棟王琬。皇甫德儀生鄂王瑤。劉才人生光王瑊。貞順武皇后生夏悼王一。懷哀王敏。壽王瑁。威王琦。高婕妤生頊王璿。郭順儀生承王璿。柳婕妤生延王玢。鍾美人生濟王環。盧美人生信王瑄。閻才人生義王玘。王美人生陳王珪。陳美人生豐王珙。鄭才人生恆王瑱。武賢儀生涼王璿。汧哀王敬。餘七王早夭。

奉天皇帝琮。玄宗長子也。本名嗣直。景雲元年九月封許昌郡王。先天元年八月。進封鄴王。開元四年正月。遙領安西大都護。仍充安撫河東關內隴右諸蕃大使。三年。改封慶王。仍改名潭。十五年。遙領涼州都督。兼河西諸軍節度大使。二十一年。加太子太師。改名琮。二十四年。拜司徒。天寶元年。兼太原牧。十載薨。贈靖德太子。葬於渭水之南細柳原。仍於啟夏門內置廟。祔享焉。肅宗元年。建寅月九日。詔追冊為奉天皇帝。妃竇氏為恭應皇后。備禮改葬於華清宮北齊陵。以尚書右僕射冀國公裴冕為其使。初開元二十五年。太子瑛得罪廢。令琮養其子。及天寶十一載。琮薨。以玢子倓為嗣。慶王除秘書監。同正員。

廢太子瑛。玄宗第二子也。本名嗣謙。景雲元年九月封真定郡王。先天元年八月。進封鄴王。開元三年正月立為皇太子。十年正月加元服。其年玄宗又令太子詣國子學。行齒胄之禮。仍勅右散騎常侍褚无量升筵講論。學官及文武百官節級加賜。十三年。改名鴻。納妃薛氏。禮畢。曲赦京城之內。侍講潘肅等並加級。改職中書令。肅親迎。特封徐國公。二十五年七月。改名瑛。瑛母趙麗妃。本伎人。有才貌。善歌舞。玄宗在潞州得幸。及景雲升儲之後。其父元禮。兄常奴。擢為京職。開元初。皆至大官。及武惠妃寵幸。麗妃恩乃漸弛。時鄂王瑊母皇甫德儀。光王瑊母劉才人。皆玄宗在臨淄邸以容色見顧。出子朗秀。而母加愛焉。及惠妃承恩。鄂王之母亦漸疎薄。惠妃之子壽王瑁。鍾愛非諸子所比。瑛於內第與鄂王等。自謂母氏失職。嘗有怨望。惠妃女咸宜公主。出降於楊洸。洸希惠妃之旨。規利於己。日求其短。譖於惠妃。妃泣訴於玄宗。以太子結黨。將害於妾。母子。亦指斥於至尊。玄宗惑其言。震怒。謀於宰相。意將廢黜中書張九齡。奏曰。陛下纂嗣。鴻業將三十年。太子已下。常不離深宮。日受聖訓。今天下之人。皆慶陛下享國日久。子孫蕃育。不聞有過。陛下奈何以一日之間。廢棄三子。伏惟陛下思之。且太子國本。難於動搖。昔晉獻公惑寵嬖之言。太子申生憂死。國乃大亂。漢武威加六合。受江充巫蠱之事。將禍及太子。遂至城中流血。晉惠帝有賢子。為太子。容賈后之譖。以至喪亡。隋文帝取寵婦之言。廢太子勇而立晉王廣。遂失天下。由此而論之。不可不慎。今太子既長。無過。二王又賢。臣待罪左右。敢不詳悉。玄宗默然。事且寢。其年駕幸西京。以李林甫代張九齡為中書令。希惠妃之旨。託意於中貴人。揚壽王瑁之美。惠妃深德之。二十五年四月。楊洸又構於惠妃。言瑛兄弟三人。與太子妃兄駙馬薛鏞構異謀。玄宗遽召宰相籌之。林甫曰。此蓋陛下家事。臣不合參知。玄宗意乃決矣。使中官宣詔於宮中。並廢為庶人。鏞配流。俄賜死於城東驛。天下之人。不見其過。咸惜之。其年武惠妃數見三庶人。為異怖。而成疾。巫者祈請。彌月不痊。而殞。瑛有六男。儼伸。僕。備備。儼。慶王瑊。先無子。瑛得罪後。玄宗遣鞠之。天寶中。儼為新平郡王。光祿卿。同正員。伸為平原郡王。宗正卿。同正員。倓為嗣慶王。寶應元年。詔雪瑛瑊瑊之罪。贈瑛為皇太子。瑊復贈為王。

棟王琬。玄宗第四子也。初名嗣真。開元二年十二月。封為鄴王。十二年三月。改

封檢王仍改名洽十五年遙領太原牧太原已北諸軍節度大使二十二年加太子太傅餘如故二十四年改名琰天寶元年六月遙領兼武威郡都督河西隴右經略節度大使先是琰妃韋氏有過琰怒之不敢奏聞乃斥於別室寵二孺人孺人又不相協至十一載孺人乃密求巫者書符置於琰履中以求媚琰與監院中官有隙中官聞其事密奏於玄宗云琰厭魅聖躬玄宗使人掩其履而獲之玄宗大怒引琰詰責之琰頓首謝曰臣之罪合死矣請一言以就鼎鑊然臣與新婦情義絕者二年于茲臣有二孺人又皆爭長臣實不知有符恐此三人所為也惟三哥辯其罪人及推問之竟孺人也玄宗猶疑琰知情怒未解太子已下皆為請命囚於鷹狗坊中絕朝請憂懼而死琰妃即少師韋滔女無子琰死後妃得還其父琰男女繁衍至五十五人天寶中封為王者三人僕為汝南郡王秘書監同正員僑為宜都王衛尉卿同正員僑為濟南王光祿卿同正員寶應元年五月代宗即位捨琰罪贈其王位

鄂王瑤玄宗第五子也初名嗣初開元二年五月封為鄂王十二年改名清遙領幽州都督河北道節度大使二十一年四月加太子太保兼幽州都督餘如故二十三年改名瑤二十五年得罪廢寶應元年五月追復

增恭太子琬玄宗第六子也初名嗣玄開元二年三月封為甄王十二年三月改名滉封為榮王十五年授京兆牧又遙領隴右節度大使二十三年加開府儀同三司餘如故二十五年改名琬天寶元年六月授單于大都護十四年十一月安祿山反於范陽其月制以琬為征討元帥高仙芝為副令仙芝徵河隴兵募屯於陝郡以禦之數日琬薨琬素有雅稱風格秀整時士庶莫琬有所成功忽然殞謝遠近咸失望焉贈靖恭太子葬于見子西原琬諸子尤繁衍男女五十八人天寶中封為郡王者二俯為濟陰王太僕卿同正員僑為北平王國子祭酒同正員

光王琚玄宗第八子也開元十二年封為光王十五年遙領廣州都督五府經略大使二十三年七月光王琚儀王繼穎王灃壽王清延王涇威王洙信王沔義王滉等十五王並授開府儀同三司皇子珪封為陳王澄封為聖王濂封為巨

王滔封為沐王陳王已下第四王幼未授官並置府官寮屬其日光儀等十人同於東官尚書省上詔宰臣及文武百寮送儀注甚盛俄除十五王府元僚並未有府幕同於禮院上亦無精選其時琚兼廣州都督餘如故僑與鄂王瑤皇子中有學尚才識同居內宅最相愛狎琚有才力善騎射初封甚善玄宗愛之以母見疎薄嘗有怨言為人所構得罪人用憐之寶應元年五月追復官爵無子

夏悼王一玄宗第九子也母貞順皇后為惠妃見寵一生而美秀上鍾愛無比名之為一開元五年孩孺而薨玄宗追封諡時車駕在東都葬於城南龍門東岑欲宮中舉目見之

儀王璣玄宗第十二子也初名繼開元十三年五月封為儀王十五年授河南牧二十三年加開府儀同三司兼河西牧其年改名璣永泰元年二月薨廢朝三日贈太傅天寶中有子封王者二人僑為鍾陵郡王光祿卿同正員僑為廣陵王國子祭酒同正員

穎王璣玄宗第十三子也讀書有文詞初名灃開元十三年封穎王十五年遙領安東都護平盧軍節度大使二十三年加開府儀同三司改名璣安祿山反除蜀郡大都督劍南節度大使楊國忠為之副玄宗幸蜀令御史大夫魏方進充置頓使先移牒至蜀託以穎王之藩令設備供玄宗至馬嵬方進殺乃令璣先赴本郡以蜀郡長史崔圓為副璣性儉率將渡綿州江登舟見綵綵席為藉者穎曰此可以為寢處奈何璣之命撤去璣初奉命之藩卒遽不遭受節綿州司馬史實進說曰王帝子也且為節度大使今之藩而不持節單騎徑進人何所瞻請建大纛蒙之油囊為旌節狀先驅道路足以威眾璣笑曰但為真王何用假旌節乎將至成都崔圓逐之拜於馬前璣不止之圓頗怒玄宗至璣視事兩月人甚安之為國所委罷居內宅後令宣慰肅宗於彭原遂從歸京師建中四年薨年六十六輟朝三日子伸天寶中封榮陽郡王授衛尉卿同正員懷哀王敏玄宗第十五子也幼而豐秀以母惠妃之寵玄宗特加顧念纒辟開元八年二月薨追封諡權置於景龍觀天寶十三載改葬京城南以附其母敬

陵也。

承王璘，玄宗第十六子也。母曰郭順儀。劍南節度尚書虛己之妹。璘數歲失母，肅宗收養，夜自抱眠之，少聰敏，好學，貌陋，視物不正。開元十三年三月，封爲永王。十五年五月，遙領荊州大都督。二十年七月，加開府儀同三司，改名璘。天寶十四載十一月，安祿山反，范陽十五載六月，玄宗幸蜀，至漢中郡，下詔以璘爲山東南路及嶺南黔中江南西路四道節度採訪等使，江陵郡大都督。餘如故。璘七月至襄陽，九月至江陵，召募士將數萬人，恣情補署，江淮租賦，山積於江陵，被用鉅億，以薛鏐、李臺、卿、蔡、均爲謀主，因有異志。肅宗聞之，詔令歸覲于蜀，璘不從命。十二月，擅領舟師東下，甲仗五千人，趨廣陵，以季廣琛、渾惟明、高仙琦爲將。璘生於宮中，不更人事，其子襄城王，傷又勇而有力，馭兵權，爲左右眩惑，遂謀狂悖。璘雖有窺江左之心，而未露其事。吳郡採訪使李希言乃平牒，書來往，應有常儀。今乃平牒抗威，落筆署字，漢儀隳紊。一至於斯，乃使渾惟明取希言、季廣琛、趣廣陵，攻採訪李成式。璘進至當塗，希言在丹陽，令元景曜聞敬之，等以兵拒之，身走吳郡。李成式使將李承慶拒之，先是肅宗以璘不受命，先使中官啖廷瑤段喬福招討之，中官至廣陵，成式括得馬數百匹，時河北招討判官司虞郎中李銑在廣陵，瑤等結銑爲兄弟，求之將兵。銑麾下有騎一百八十人，遂率所領屯于揚子，成式使判官評事裴茂以廣陵步卒三千同拒于瓜步洲。伊婁球、希言將元景曜及成式將李神慶並以其衆迎降于璘。璘又殺丹徒太守闞敬之，以徇江左。大駭裴茂，至瓜步洲，廣張旗幟，耀于江津。璘與傷登陣望之，竟日，始有懼色。季廣琛召諸將割臂而盟，以貳於璘。是日，渾惟明走于江軍。馮季康謙投于廣陵之白沙，廣琛以步卒六千趨廣陵，璘使騎追之。廣琛曰：「我感王恩，是以不能決戰，逃而歸國，若逼我，我則不擇地而迴戰矣。」使者返報，其夕，銑等多燃火，人執兩炬以疑之，隔江望者，兼水中之影，一皆爲二矣。璘軍又以火應之，璘懼，以官軍悉濟矣，遂以兒女及麾下宵遁，遁明不見濟者，遂入城，具舟楫，使襄城王驅其衆以奔晉陵。宵諜曰：王走矣。於是江北之軍齊

進，募敢死士，趨偃犀，狄岫，趙連城等共二十人，先鋒遊弈于新豐，皆因醉而寐。璘聞官軍之至，乃使襄城王高仙琦逆擊之，驛騎奔告，備等介馬而出，襄城王已隨而至。銑等奔救，張左右翼擊之，射中襄城王首，傷軍遂敗。高仙琦等四騎與璘南奔，至鄱陽郡，司馬陶備閉城拒之，璘怒，命焚其城，至餘干，及大庾嶺，將南投嶺外，爲江西採訪使皇甫侁下防禦兵所擒，因中矢而薨。子傷等爲亂兵所害。肅宗以璘愛弟，隱而不言。

壽王瑁，玄宗第十八子也。初名清，初瑁母武惠妃，開元元年見幸，寵傾後宮，頻產夏悼王、懷哀王。上僊公主，皆端麗，襁褓不育，及瑁之初生，讓帝妃元氏請瑁在於邸中收養，妃自乳之，名爲己子。十餘年在軍邸，故封建之事晚。諸王宮中常呼爲十八郎。十三年三月，封爲壽王，始入宮中。十五年，遙領益州大都督、劍南節度大使。二十三年，加開府儀同三司，改名瑁。二十五年，惠妃薨，葬以後禮。二十九年，讓帝薨，瑁請制服，以報乳養之恩。玄宗從之。瑁天寶中有子，封爲王者二人，一爲濟陽郡王，僭爲廣陽郡王，鳩臚卿同正員，唐法親王，食封八百戶。有至一千戶，公主三百戶，長公主加三百戶，有至六百戶。高宗朝以沛英、豫王太平公主武后所生，食逾於制，垂拱中，太平至一千二百戶，聖曆初，皇嗣封爲相王，食封與太平同三千戶。長安中，壽春王兄弟五人，並賜實封三百戶。神龍初，相府與太平同至千戶。衛王三千戶，溫王二千戶，成王七百戶，壽春王加四百戶，通前七百戶。嗣雅衛陽臨淄巴陵中山各加二百戶，通前五百戶。安樂初封二千戶，長寧一千五百戶，宣城宣城各一千戶，相王女爲縣主者各三百戶，衛王尋升儲位，相府增至七千戶，太平至五千戶，安樂三千戶，長寧二千五百戶，宣城已下各二千戶，相府太平長寧安樂皆以七千爲限，雖水旱亦不破損，免以正租庸充數。唐隆元年，遺制以嗣雅王守禮、壽春王成器封爲親王，各賜實封一千戶。開元之後，朝恩睦親，以寧府最長，封至五千五百戶，岐薛愛弟著勳五千戶，申府以外家徵，至四千戶，邠府以外枝，至一千八百戶，皇妹爲公主者，食封一千戶，中宗女亦同。其後皇子封王者，賜封二千戶，皇女爲公主者，賜封五百戶，咸宜賜湯沐，以母惠妃封至一千戶，諸皇女爲公主者，例加至

一千戶其封自開元已來皆約以三千為限。

延王玢玄宗第二十子也初名泚玢母即尚書右丞柳範孫也最為名家玄宗深重之玢亦仁愛有學問開元十三年封為延王十五年遷領安西大都護積西節度大使二十三年七月加開府儀同三司餘如故改名玢天寶十五載玄宗幸蜀玢男女三十六人不忍棄於道路數日不及行在所玄宗怒之賴漢中王瑀抗疏救之聽歸於靈武興元元年薨天寶末封子倬彭城郡王秘書監同正員倬平陽郡王殿中監同正員

威王琦玄宗第二十一子也壽王母弟初名沐十三年三月封為威王十五年領揚州大都督二十年加開府儀同三司餘如故改名琦天寶十五年六月玄宗幸蜀在路除琦為廣陵大都督仍領江南東路及淮南河南等路節度支度採訪等使以前江陵大都督府長史劉彙為之副以廣陵長史李成式為副大使兼御史中丞琦竟不行廣德二年四月薨贈太傅天寶末有子封王者二人儻真定郡王太常卿同正員佩封武都郡王殿中監同正員

濟王瓌玄宗第二十二子也初名溢開元十三年三月封濟王二十三年七月授開府儀同三司其月改名瓌天寶末有子封為王者二人儻為永嘉郡王衛尉卿同正員儻為平樂郡王光祿卿同正員

信王瑑玄宗第二十三子也初名沔開元十三年三月封為信王二十三年七月授開府儀同三司仍改名瑑天寶末有子封為王者二人儻為新安郡王太常卿同正員儻為晉陵郡王光祿卿同正員

義王玳玄宗第二十四子也初名灌開元十三年三月封為義王二十二年七月授開府儀同三司仍改名玳天寶末有子封為王者二人儻為舞陽郡王太僕卿同正員儻為高密郡王宗正卿同正員

陳王珪玄宗第二十五子也初名煥開元二十三年七月封為陳王二十四年二月改名珪天寶末男女二十一人封為王者二人儻為臨淮郡王太常卿同正員儻為安陽王殿中監同正員

二月改名珪天寶十五年六月玄宗幸蜀至扶風郡授玳武成郡都督仍領河西隴右安西北庭等路節度支度採訪使以隴右太守鄧景山為之副兼武成長史御史中丞充都副大使玳竟不行廣德元年十月吐蕃凌逼上都上將幸陝州自苑中而出騎從半渡澧水將軍王懷忠遂閉苑門橫截五百餘騎擁十宅諸王西投吐蕃至城西適遇元帥郭子儀懷忠謂子儀曰主上東還社稷無主萬國顛顛何所瞻仰今僕奉諸王等西奔以副天下之望令公身為元帥廢置在手何不行冊立之事乎子儀未及對玳遂越次而言曰令公作何語何不也行軍司馬王延昌責之曰主上雖蒙塵于外聖德欽明王身為藩翰何乃發狂悖之詞也延昌當奏聞于上子儀又數讓之命軍士領之盡赴行在潼關謁見上不之責玳歸幕次詞又不順羣臣恐遂為亂請除之遂賜死天寶中有子二人為王佻齊安郡王宗正卿同正員佻宜春郡王鴻臚卿同正員

恆王瑊玄宗第二十七子也初名溥開元二十三年七月封為恆王性好道常服道士衣授右衛大將軍加開府儀同三司二十四年二月改名瑊天寶十五載從幸巴蜀不復衣道士衣矣

涼王璿玄宗第二十九子也初名縱母武賢儀則天時高平王重規女也開元中入宮中號為小武妃二十三年七月封為涼王二十四年二月改名璿初貞觀中高宗為晉王以文德皇后最少子后崩後累年太宗憐之不令出閣至立為太子高宗朝睿宗為豫王雖成長亦以則天最小子不令出閣及至聖曆初封為相王始出閣中宗時以譙王重福失愛出遷外藩衛王重俊為太子入與成王千里等起兵將誅韋后故温王重茂雖年十六七竟亦居中先天之後皇子幼則居內東封年以漸成長乃於安國寺東附苑城同為大宅分院居為十王宅令中官押之於夾城中起居每日家令進膳又引詞學工書之人入教謂之侍讀十王謂慶忠棟鄂榮光儀賴永延濟蓋舉全數其後感儀壽陳豐恆涼六王又就封入內宅二十五年鄂光得罪忠繼大統天寶中慶棟又歿唯榮儀等十四王居院而府幕列於外坊時通名起居而已外諸孫成長又於十宅外置百孫院每歲幸華清宮宮側亦有十王院百孫院宮人每院四百百孫院三

四十人。又於宮中置維城庫。諸王月俸物。約之而給用。諸孫納妃嫁女。亦就十宅中。太子不居於東宮。但居於乘輿所幸之別院。太子亦分院而居。婚嫁則同親王公主。在於崇仁之禮院。天寶十五載六月。玄宗幸蜀。儀王已下十三王。從至漢中郡。遣永王璘出鎮荊州。至德二年十月。從還京。廣德元年十二月五日。上都失守。有儀穎壽延威濟信義陳恆涼十一王扈從幸陝州。十二月。從還上都。璿之子。天寶中封為王者一人。仿瀘陽郡王。殿中監同正員。

沐哀王璿。玄宗第三十子也。初名溶。開元二十五年七月。封為沐王。二十四年二月。改名璿。以其月薨。

史臣曰。前史有云。母愛者子抱。太子瑛之廢。有由然矣。琬為元帥。不幸遽薨。豈天啓亂階。何失衆望之速也。永王璘父在蜀城。兄居靈武。不能立忠孝之節。為社稷之謀。而乃聚兵江上。規為己利。不義不昵。以災其身。書所謂自作孽。不可追也。豐王珙。因緣厄運。竊有覬覦。不慎樞機。自貽伊咎。悲矣。

贊曰。螽斯之詠。樂有子孫。用建藩屏。以崇本根。讒勝瑛廢。恩移至尊。盜熾琬卒。情乖萬民。口禍豐珙。自災永璘。惜乎二胤。不如仁人。

舊唐書卷一百七

舊唐書卷一百七考證

廢太子瑛傳十年正月。加元服。其年玄宗又令太子詣國子學。行齒青之禮。○沈炳震曰。按玄宗本紀。加元服在八年。行齒青之禮在七年。當從本紀。瑛有六男。儀仲。儀休。儀備。儀微。○新書五男。無微。

舊唐書卷一百七考證

後晉司空同中書門下平章事劉昫撰

列傳第五十八

韋見素子諱益益子顯 崔圓 崔渙子縱

杜鴻漸

韋見素字會微京兆萬年人父湊開元中太原尹見素學科登第景龍中解褐相王府參軍歷衛佐河南府倉曹丁父憂服闋起為大理寺丞襲薛彭城郡公坐事出為坊州司馬入為庫部員外郎加朝散大夫歷右司兵部二員外左司兵部二郎中遷諫議大夫天寶五年充江西山南黔中嶺南等黜陟使觀省風俗彈亂長吏所至肅然使還拜給事中駁正繩違頗振臺閣舊典尋檢校尚書工部侍郎改右丞九載遷吏部侍郎加銀青光祿大夫見素仁恕長者意不忤物及典選累年銓敘平允人士稱之時右相楊國忠用事左相陳希烈畏其權寵凡事唯諾無敢發明玄宗頗知之聖情不悅天寶十三年秋霖雨六十餘日京師廬舍垣墉頽毀殆盡凡一十九坊汙潦天子以宰輔或未稱職見此咎徵命楊國忠精求端士時兵部侍郎吉溫方承寵遇上意用之國忠以溫祿山賓佐懼其威權奏寢其事國忠訪於中書舍人竇華宋昱等華昱言見素方雅柔而易制上亦以經事相王府有舊恩可之其年八月拜武部尚書同中書門下平章事充集賢院學士知門下省事代陳希烈見素既為國忠引用心德之時祿山與國忠爭寵兩相猜嫌見素亦無所是非署字而已遂至兇胡犯順不措一言十五年六月哥舒翰兵敗桃林潼關不守是月玄宗蒼黃出幸莫知所詣楊國忠以身領劍南旄鉞請幸成都見素與國忠御史大夫魏方進遇上於延秋門便扈從之咸陽翌日次馬嵬驛軍士不得食流言不遜龍武將軍陳玄禮懼其亂乃與飛龍馬家李護國謀於皇太子請誅國忠以慰士心是日玄禮等禁軍圍行宮盡誅楊氏見素遁走為亂兵所傷眾呼曰勿傷宰相識者救之獲免上聞之令壽王瑁宣慰賜藥傳瘡魏方進為亂兵所殺是日朝士獨見素一人是夜宿馬嵬上命見素于京兆府司錄參軍諤為御史中丞充置頓使凌晨

將發六軍將士曰國忠反叛不可更往蜀川請之河隴或言靈武太原或云還京議者不一上意在劍南慮違士心無所言諤曰還京須有捍賊之備今兵馬

數少恐非萬全不如且至扶風徐圖去就上詢于眾眾以為然乃令皇太子後殿上至扶風郡從駕諸軍各圖去就顯出醜言陳玄禮不能制上聞之憂懼會

益州貢春綵十萬疋乃以其綱使濛陽尉劉景溫為監察御史其綵悉陳於廷召六軍將士等入上謂之曰卿等皆國之功臣勳勞素著朕之優賞常亦不輕

逆胡負恩事須迴避甚知卿等不得別父母妻子朕亦不及辭九廟言發涕流

又曰朕今須幸蜀蜀路險狹人若多往恐難祇供今有此綵卿等即宜分取各

自圖去就朕自有子弟中官等相隨便與卿等訣別眾咸俯伏號泣曰死生從

陛下上良久曰去住聽卿自便自是醜言方息七月至巴西郡以見素兼左相

武部尚書數日至蜀郡加金紫光祿大夫進封豳國公與一子五品官是月皇

太子即位於靈武道路艱澀音驛未通八月肅宗使至始知靈武即位尋命見

素與宰臣房瑁寶傳國寶玉冊奉使靈武宣傳詔命便行冊禮將行上皇謂見

素等曰皇帝自幼仁孝與諸子有異朕豈不知往十三年已有傳位之意屬其

歲水旱左右勸朕且俟豐年爾來便屬祿山構逆方隅震擾未遂此心昨發馬

嵬亦有處分今皇帝受命朕心頗如釋負勞卿等遠去勉輔佐之多難與王自

古皆有卿等乃心王室以宗社為念早定中原吾之望也見素等悲泣不自勝

仍以見素子諤及中書舍人賈至充冊禮使判官時肅宗已迴幸順化郡九月

見素等至冊禮畢從幸彭原郡肅宗在東宮素聞房瑁名重故虛懷以待以見

素常附國忠禮遇稍薄明年至鳳翔三月除左僕射罷知政事以憲部尚書致

仕苗晉卿代為左相初肅宗在鳳翔喪亂之後綱紀未立兵吏三銓簿籍煨燼

南曹選人文符悉多偽濫上以兇醜未滅且示招懷據到注擬一無檢括見素

曰臣典選歲久周知此弊今實區未復員闕不多若總無條綱恐難持久上然

之未暇釐革及還京選人數千補授無所喧訴于朝由是行見素之言及房瑁

以敗軍左降崔圓崔渙等皆罷知政事上皇所命宰臣無知政事者五月遷見

素太子太師十一月肅宗自右輔還京詔見素入蜀奉迎太上皇十二月上皇

至京師肅宗御樓大赦見素以奉上皇幸蜀功加開府儀同三司食實封三百戶上元中以足疾上表請致仕許之寶應元年十二月卒年七十六贈司空諡曰忠貞喪事官給子侗諱益侗諱皆位至給事中益終刑部員外郎哲終祕書丞侗子頌益子顓字周人生一歲而孤事姊稱爲恭孝性嗜學尤精陰陽象緯經略風俗之書善持論有清譽少以門蔭補千牛備身自鄆縣尉判入等授萬年尉歷御史補闕尚書郎累遷給事中尚書左丞戶部侍郎中丞吏部侍郎其在諫垣與李約李正辭迭申裨諷頗迴大政宰相裴均李絳羣輩多與友善而後進之有浮名者亦遊其門以是稱有時望及李逢吉駕朋黨以專政柄而顓附麗之跡尤密頗爲時人所譏然處身儉約有足多者著易蘊解推演潛允終始之義甚有奧旨寶曆元年七月卒贈禮部尚書

崔圓清河東武城人也後魏左僕射亮之後父景暉官至大理評事圓少孤貧志尚闊博好讀兵書有經濟宇宙之心開元中詔搜訪遺逸圓以鈐謀射策甲科授執戟自負文藝獲武職頗不得意蕭良爲京兆尹薦爲會昌丞累遷司勳員外郎宰臣楊國忠遙制劍南節度使引圓佐理乃委授尚書郎兼蜀郡大都督府左司馬知節度留後天寶末玄宗幸蜀郡特遷蜀郡大都督府長史劍南節度圓素懷功名初聞國難潛使人探國忠深旨知有行幸之計乃增修城池建置館宇儲備什器及乘輿至殿宇牙帳咸如宿設玄宗甚嗟賞之即日拜中書侍郎同中書門下平章事劍南節度餘如故肅宗即位玄宗命圓同房瑄韋見素並赴肅宗行在所玄宗親製遺愛碑于蜀以寵之從肅宗還京以功拜中書令封趙國公賜實封五百戶明年罷知政事遷太子少師留守東都會官軍不利於相州軍迴過洛陽所在剽掠圓棄城南奔襄陽詔削除階封尋起爲濟王傅李光弼用爲懷州刺史除太子詹事改汾州刺史皆以理行稱拜揚州大都督府長史淮南節度觀察使加檢校右僕射兼御史大夫轉檢校左僕射知省事大曆三年六月薨年六十四駁朝三日贈太子太師諡曰昭襄

崔煥祖玄暉神龍功臣封博陵郡王父璩文學知名位至禮部侍郎煥少以士行聞博綜經籍尤善談論累遷尚書司門員外郎天寶末楊國忠出不附己者

煥出爲劍州刺史天寶十五載七月玄宗幸蜀煥迎謁於路抗詞忠懇皆究理體玄宗嘉之以爲得煥晚宰臣房瑄又薦之即日拜黃門侍郎同中書門下平章事扈從成都府肅宗靈武即位八月與左相韋見素同平章事房瑄植園同資冊赴行在時未復京師舉選路絕詔煥充江淮宣諭選補使以收遺逸或於聽受爲下吏所驚濫進者非一以不稱職聞乃罷知政事除左散騎常侍兼餘杭太守江東採訪防禦使旋授正議大夫太子賓客乾元三年正月轉大理卿再遷吏部侍郎檢校工部尚書集賢院待詔性尚簡澹不交世務頗爲時望所歸遷御史大夫加稅地青苗錢物使時以此錢充給京百官料煥爲屬吏希中以下估爲使料上估爲百官料其時爲皇城副留守張清發之詔下有司訊鞫煥無詞以對坐是貶道州刺史大曆三年十二月壬寅以疾終子縱初以蔭補協律郎三遷爲監察御史詔擇令長於臺省除藍田令寬明勤幹德化大行人爲之立碑頌德轉京兆府司錄累遷金部員外郎以父貶道州刺史棄官就養丁父憂終制六遷大理卿兼御史中丞汴西水陸運兩稅鹽鐵等使田悅連敗走魏州嬰城自守諸道兵圍之屢乏食詔縱兼魏州四節度糧料使軍儲稍給德宗幸奉天四方握兵未有至者縱先知之潛告李懷光勸令奔命懷光從之縱乃悉斂軍財與懷光俱來調給具備懷光兵士久戰河外及次河中將遷延縱之貨幣先已渡河縱謂衆曰若濟悉以分賜衆利之乃西至奉天加右庶子充使無幾拜京兆尹兼御史大夫數奏懷光剛愎反覆宜陰備之及行幸梁州左右或短之曰縱素善懷光今不來矣上曰他人不知縱吾可保其心不數日縱至拜御史大夫嘗議其大體不親細事獄訴儀制皆付之僚吏貞元元年

親祠南郊爲大禮使屬兵旱之後賦入尙少縱裁定文物儉而中禮無何萬年丞源遠爲京兆尹李齊運所抑梓至死縱劾奏不行數月除吏部侍郎尋檢校禮部尚書東畿唐汝鄆都觀察使河南尹是時兵革甫定民耗六七縱悉心求瘼爲理簡易先是戍邊之師由洛陽者儲餼取辦於編戶縱始官備不徵於人令五家相保俾自占告發斂以絕胥吏之私又引伊洛水以通里閭都中漕漑濟不逮爲十一二人甚安之徵拜太常卿貞元七年六月卒官年六十二諡曰

忠贈吏部尚書縱孝悌修飭自立以父爲元載排抑居退十餘年左宦外府訖載得罪不求聞達初渙有寵幸鄭氏縱以母事之鄭氏性剛戾待縱不以理雖爲大僚每加笞詬縱率妻子候顏敬順不憚時以爲難

杜鴻漸故相暹之族子祖慎行益州長史父鵬舉官至王友鴻漸敏悟好學舉進士解褐王府參軍天寶末累遷大理司直朔方留後支度副使肅宗北幸至平涼未知所適鴻漸與六城水運使魏少遊節度判官崔漪支度判官盧簡金關內鹽池判官李涵謀曰今胡羯亂常二京陷沒主上南幸於巴蜀皇太子理兵於平涼然平涼散地非聚兵之處必欲制勝非朔方不可若奉殿下旬日之間西收河隴迴紇方強與國通好北徵勁騎南集諸城大兵一舉可復二京雪社稷之恥上報明主下安蒼生亦臣子之用心國家之大計也鴻漸即日草牋具陳兵馬招集之勢錄軍資器械倉儲庫物之數令李涵資赴平涼肅宗大悅鴻漸知肅宗發平涼於北界白草頓迎謁因勞諸使及兵士進言曰朔方天下勁兵靈州用武之處今迴紇請和吐蕃內附天下郡邑人皆堅守以待制命其中雖爲賊所據亦望不日收復殿下整理軍戎長驅一舉則逆胡不足滅也肅宗然之及至靈武鴻漸與裴冕等勸即皇帝位以歸中外之望五上表乃從鴻漸奏習帝王陳布之儀君臣朝見之禮遂採撫舊儀綿蕪其事城南設壇遣先一日具儀注草奏肅宗曰聖君在遠寇逆未平宜罷壇場餘可其奏肅宗即位授兵部郎中知中書舍人事尋轉武部侍郎至德二年兼御史大夫爲河西節度使涼州都督兩京平遷荊州大都督府長史荆南節度使襄州大將康楚元張嘉延盜所管兵據襄州城叛刺史王政遁走嘉延南襲荊州鴻漸聞之棄城而遁澧朗破歸等州聞鴻漸出奔皆惶駭潛竄山谷歲餘徵拜尚書右丞吏部侍郎太常卿充禮儀使二聖屢駕鴻漸監護儀制山陵畢加光祿大夫封衛國公廣德二年代宗將享郊廟拜鴻漸兵部侍郎同中書門下平章事尋轉中書侍郎承泰元年十月劍南西川兵馬使崔旰殺節度使郭英乂據成都自稱留後邛州衙將柏貞節瀘州衙將楊子琳劍州衙將李昌夔等與兵討旰西蜀大亂明年二月命鴻漸以宰相兼充山劍副元帥劍南西川節度使以平蜀亂鴻

漸心無遠圖志氣怯懦又酷好浮圖道不喜軍戎既至成都懼旰雄武不復問罪乃以劍南節制表讓於旰時西戎寇邊關中多事鴻漸孤軍陷險兵威不振代宗不獲已從之仍以旰爲劍南西川行軍司馬柏貞節爲邛州刺史楊子琳爲瀘州刺史各罷兵尋請入覲仍表崔旰爲西川兵馬留後大曆二年詔以旰爲成都尹劍南西川節度使召鴻漸還京鴻漸仍率旰同入覲代宗嘉之後知政事轉門下侍郎讓山南副元帥三年八月代王縉爲東都留守充河南淮西山南東道副元帥平章如故以疾上表乞骸骨從之竟不之任四年十一月卒贈太尉諡曰文憲較朝三日賜物五百疋粟五百石鴻漸晚年樂於退靜私第在長興里館宇華靡賓僚宴集鴻漸悠然賦詩曰常願追禪理安能挹化源朝士多屬和之及休致後病令僧剃頂髮及卒遺命其子依胡法塔葬不多封樹冀類緇流物議哂之

史臣曰祿山狂悖已顯玄宗寵任無疑見素知國危陳廟算直言極諫而君不從獨正犯難而人不咎出生入死善始令終者鮮矣時論以見素取容於國忠無言匡大政且國忠恃內戚弄重權沮林甫姦豪取其大位若見素之孤直豈許取容蓋禍胎已成政柄久紊見素入相餘年言不從而難作雖有周孔之才其能匡救者乎諤才辯顏儉約雅符積善之慶矣圓守文之士非禦侮之才煥才兼行聞命與時會發言上沃主意遠致顯榮當官屢爲吏欺終及竄逐所謂可與適道未可與權縱忠於國能於官孝於家三者備矣孰能繼之鴻漸有衛社之功非干城之責時以任崔旰爲非則不然矣且旰南拒貞節北敗獻誠宜以懷來未可力制終致歸國豈非賊謀尙討之卽爲劇賊矣然事佛微福朋勢取容非君子之道焉

贊曰玄宗失德祿山肆逆見素竭節諸公協力

舊唐書卷一百八

後晉司空同中書門下平章事劉昫撰

列傳第五十九

馮盎

阿史那社余

子道真 叔祖蘇尼失

契苾何力

黑齒常之

李多祚

李嗣業

白孝德

馮盎高州夏德人也累代爲本部大首領盎少有武略隋開皇中爲宋康令仁壽初潮成等五州獠叛盎馳至京請討之文帝勅左僕射楊素與盎論賊形勢素曰不意蠻夷中有此人大可奇也即令盎發江橫兵擊之賊平授金紫光祿大夫仍除漢陽太守武德三年廣新二州賊帥高法澄洗寶徹等並受林士弘節度殺害隋官吏盎率兵擊破之既而寶徹兄子智臣又聚兵於新州自爲渠帥盎趨往擊之兵交盎却兜鞞大呼曰爾等頗識我否賊多棄戈肉袒而拜其徒遂潰擒寶徹智臣等嶺外遂定或有說盎曰自隋季崩離海內騷動今唐難應運而風教未浹南越一隅未有所定公剋平五嶺二十餘州豈與趙佗九郡相比今請上南越王之號盎曰吾居南越于茲五代本州牧伯唯我一門子女玉帛吾之有也人生富貴如我始難常恐弗克負荷以墜先業本州衣錦便足餘復何求越王之號非所聞也四年盎以南越之衆降高祖以其地爲羅香白崖儋林等八州仍授盎上柱國高羅總管封吳國公尋改封越國公拜其子智戴爲春州刺史智或東合州刺史從封盎耿國公貞觀五年盎來朝太宗宴賜甚厚俄而羅寶諸洞獠叛詔令盎率部落二萬爲諸軍先鋒時有賊數萬屯據險要不可攻逼盎持弩語左右曰盡吾此箭可知勝負連發七矢而中七人賊退走因縱兵乘之斬首千餘級太宗令智戴還慰省之自後賞賜不可勝數盎奴婢萬餘人所居地方二千里勤於簿領詰擿姦狀甚得其情二十年卒贈左騎衛大將軍荊州都督

阿史那社余突厥處羅可汗子也年十一以智勇稱於本蕃拜爲拓跋建牙于磧北與欲谷設分統鐵勒紇骨同羅等諸部在位十年無所課敵諸首領或鄙其不能富貴社余曰部落既豐於我便足諸首領咸畏而愛之武德九年延陀

迴紇等諸部皆叛攻破欲谷設社余擊之復爲延陀所敗貞觀二年遂率其餘衆保于西偏依可汗浮圖後遇頡利滅而西蕃葉護又死奚利啞陸可汗兄弟爭國社余揚言降之引兵西上因襲破西蕃半有其國得衆十餘萬自稱都布可汗謂其諸部曰首爲背叛破我國者延陀之罪也今我據有西方大得兵馬不平延陀而取安樂是忘先可汗爲不孝也若天令不捷死亦無恨其酋長咸諫曰今新得西方須留鎮壓若即棄去遠擊延陀只恐葉護子孫必來復國社余不從親率五萬餘騎討延陀於磧北連兵百餘日遇我行人劉善因立同娥設爲啞利始可汗社余部兵又苦久役多委之逃延陀因縱擊敗之復保高昌國其舊兵在者纔萬餘人又與西蕃結隙九年率衆內屬拜左騎衛大將軍歲餘令尙衛陽長公主授駙馬都尉典屯兵於苑內十四年授行軍總管以平高昌諸人咸即受賞社余以未奉詔旨秋毫無所取及降別勅然後受之及所取唯老弱故弊而已軍還太宗美其廉慎以高昌所得寶刀并雜綵千段賜之仍令檢校北門左屯營封畢國公十九年從太宗征遼至駐蹕陣頻遭流矢拔而又進其所部兵士八百其勇盡獲殊勳師旋兼授鴻臚卿二十一年爲崑丘道行軍大總管征龜茲明年軍次西突厥擊處蜜大破之餘衆悉降又下龜茲大撥換城虜龜茲王白河黎布失畢及大臣那利等百餘人而還屬太宗崩請以身殉葬高宗遣使諭以先旨不許遷右衛大將軍永徽四年加位鎮軍大將軍六年卒贈輔國大將軍并州都督陪葬昭陵起冢以象葱山仍爲立碑諡曰元子道真位至左屯衛大將軍貞觀初阿史那蘇尼失者啓民可汗之母弟社余叔祖也其父始畢可汗以爲沙鉢羅設督部落五萬家牙直靈州之西北驍雄有恩惠甚得種落之心及頡利政亂而蘇尼失所部獨不攜離突利之來奔也頡利乃立蘇尼失爲小可汗及頡利爲李靖所破獨騎而投之蘇尼失遂舉其衆歸國因令子忠擒頡利以獻太宗賞賜優厚拜北軍州都督右衛大將軍封懷德郡王貞觀八年卒忠以擒頡利功拜左屯衛將軍妻以宗女定襄縣主賜名爲忠單稱史氏貞觀九年遷右衛大將軍永徽初封薛國公累遷右驍衛大將軍所歷皆以清謹見稱時人比之金日磾上元初卒贈鎮軍大將軍陪葬

昭陵子暉襲封薛國公垂拱中歷位司僕卿

契苾何力其先鐵勒別部之酋長也父葛隋大業中繼為莫賀咄特勤以地偏

吐谷渾所居隘狹又多瘴癘遂入龜茲居于熱海之上特勒死何力時年九歲

降號大俟利發至貞觀六年隨其母率衆千餘家詣沙州奉表內附太宗置其

部落於甘涼二州何力至京授左領軍將軍七年與涼州都督李大亮將軍薛

萬均同征吐谷渾軍次赤水川萬均率騎先行為賊所攻兄弟皆中槍墮馬徒

步而鬪兵士死者十六七何力聞之將數百騎馳往突圍而前縱橫奮擊賊兵

披靡萬均兄弟由是獲免時吐谷渾主在突淪川何力復欲襲之萬均懲其前

敗固言不可何力曰賊非有城郭逐水草以為生若不襲其不虞便恐為驚魚

散一失機會安可傾其巢穴耶乃自選驍兵千餘騎直入突淪川襲破吐谷渾

牙帳斬首數千級獲駝馬牛羊二十餘萬頭渾主脫身以免俘其妻子而還有

詔勞於大斗拔谷萬均乃排毀何力自稱己功何力不勝憤怒拔刀而起欲殺

萬均諸將勸止之太宗聞而責問其故何力言萬均敗惡之事太宗怒將解其

官迺授何力固讓曰以臣之故而解萬均恐諸蕃聞之以為陛下厚著輕漢轉

相誣告馳競必多又夷狄無知或謂漢臣皆如此輩固非安寧之術也太宗乃

止尋令北門宿衛檢校屯營事勅尚臨洮縣主十四年為葱山道副大總管討

平高昌時何力母姑臧夫人母弟賀蘭州都督沙門並在涼府十六年詔許何

力觀省其母兼撫巡部落時薛延陀強盛契苾部落皆願從之何力至聞而大

驚曰主上於汝有厚恩任我又重何忍而圖叛逆諸首領皆曰可敦及都督已

去何故不行何力曰我弟沙門孝而能養我以身許國終不能去也於是衆共

執何力至延陁所置於可汗牙前何力箕踞而坐拔佩刀東向大呼曰豈有大

唐烈士受辱蕃庭天地日月願知我心又割左耳以明志不奪也可汗怒欲殺

之為其妻所抑而止初太宗聞何力之延陁明非其本意或曰人心各樂其土

延陁行有日矣何力抗表固言不可太宗曰吾聞天子無戲言既已許之安可

廢何力曰然臣本請延緩其事不謂總停臣聞六禮之內婿合親迎宜告延陁

親來迎婦縱不敢至京邑即當使詣靈州畏漢必不敢來論親未可有成日既

憂悶臣又攜離不盈一年自相猜忌延陁志性狠戾若死必兩子相爭坐而制

之必然之理太宗從之延陁恐有詐竟不至靈州自後常悒悒不得志一年而

死兩子果爭權各立為主太宗征遼東以何力為前軍總管軍次白崖城為賊

所圍被稍中腰瘡重疾甚太宗自為傳藥及拔賊城勅求傷之者高突勃付何

力自殺之何力奏言大馬猶為其主況於人乎彼為其主況致命冒白刃而刺

臣是其義勇士也本不相識豈是冤讎遂捨之二十二年為崑丘道總管擊龜

茲獲其王詞黎布失畢及諸首領等太宗崩何力欲殺身以殉高宗諭而止之

永徽二年處月處蜜叛以何力為弓月道大總管討平之擒其渠帥處蜜時健

侯斤合支賀等以歸顯慶二年遷左驍衛大將軍累封鄜國公兼檢校鴻臚卿

龍朔元年又為遼東道行軍大總管九月次于鴨綠水其地即高麗之險阻莫

支男生以精兵數萬守之衆莫能濟何力始至會層冰大合趨即渡兵鼓譟而

進賊遂大潰追奔數十里斬首三萬級餘衆盡降男生僅以身免會有詔班師

乃還其年九姓叛以何力為鐵勒道安撫大使乃簡精騎五百馳入九姓中賊

大驚何力乃謂曰國家知汝被誣遂有翻動使我捨汝等過皆可自新罪在

會渠得之則已諸姓大喜共擒偽葉護及設特勒等同惡二百餘人以歸何力

數其罪而誅之乾封元年又為遼東道行軍大總管兼安撫大使高麗有衆十

五萬屯於遼水又引棘藪數萬據南蘇城何力奮擊皆大破之斬首萬餘級乘

勝而進凡拔七城乃迴軍會英國公李勣於鴨綠水共攻辱夷大行二城破之

勣頓軍於鴨綠柵何力引蕃漢兵五十萬先臨平壤勣仍繼至共拔平壤城執

勇健虜其王還授鎮軍大將軍行左衛大將軍徙封涼國公仍檢校右羽林軍

儀鳳二年卒贈輔國大將軍并州都督陪葬昭陵諡曰烈有三子明光貞明左

鷹揚衛大將軍兼賀蘭都督襲爵涼國公光則天時右豹韜衛將軍為酷吏所

殺貞司膳少卿

黑齒常之百濟西部人長七尺餘，驍勇有謀略。初在本蕃任爲達率，兼郡將。猶中國之刺史也。顯慶五年，蘇定方討平百濟，常之率所部隨例送降款。時定方繫左王及太子隆等，仍縱兵劫掠丁壯者多被戮，常之恐懼，遂與左右十餘人遁歸本部。鳩集亡逸，共保存山築柵以自固。旬日而歸附者三萬餘人。定方遣兵攻之，常之領敢死之士拒戰，官軍敗績，遂復本國二百餘城。定方不能討，而還。龍朔三年，高宗遣使招諭之，常之盡率其衆降。累轉左領軍員外將軍，儀鳳中，吐蕃犯邊，常之從李敬玄擊之，劉審禮之沒，賊敬玄欲抽軍，却阻泥溝而計無所出。常之夜率敢死之兵五百人進掩賊營，吐蕃首領跋地設棄軍宵遁。敬玄因此得還，高宗歎其才略，擢授左武衛將軍，兼檢校左羽林軍，賜金五百兩，絹五百疋。仍充河源軍副使，時吐蕃贊婆及素和貴等賊徒三萬餘屯於夏非川，常之率精騎三千夜襲賊營，殺獲二千級，獲羊馬數萬，贊婆等單騎而遁。擢常之爲大使，又賞物四百疋。常之以河源軍正當賊衝，欲加兵鎮守，恐有運轉之費，遂遠置烽戍七十餘所，度開營田五千餘頃，歲收百餘萬石。開耀中，贊婆等屯於青海，常之率精兵一萬騎襲破之，燒其糧貯而還。常之在軍七年，吐蕃深畏憚之，不敢復爲邊患。嗣聖元年，遷左武衛大將軍，仍檢校左羽林軍。垂拱二年，突厥犯邊，命常之率兵拒之，躡至兩井，忽逢賊三千餘衆，常之見賊徒爭下馬，著甲，遂領二百餘騎，身當先鋒，直衝賊遂棄甲而散。俄頃賊衆大至，及日將暮，常之令伐木營中，燃火如烽燧。時東南忽有大風起，賊疑有救兵相應，遂復狼狽。夜遁，以功進封燕國公。三年，突厥入寇朔州，常之又充大總管，以李多祚王九言爲副。追躡至黃花堆，大破之，追奔四十餘里，賊散走磧北。時有中郎將擊寶璧表請窮追餘賊，制常之與寶璧會。遙爲聲援，寶璧以爲破賊在朝夕，貪功先行，竟不與常之謀議，遂全軍而沒。尋爲周興等誣構，云與右鷹揚將軍趙懷節等謀反，繫獄，遂自縊而死。常之嘗有所乘馬爲兵士所損，副使牛師獎等請鞭之，常之曰：「豈可以損私馬而決官兵乎？竟赦之。」前後所得賞賜金帛等，皆分給將士，及死時甚惜之。

李多祚代爲韃靼酋長多祚驍勇善射，意氣感激，少以軍功歷位右羽林軍大

將軍，前後掌禁兵，北門宿衛二十餘年。神龍初，張柬之將誅張易之兄弟，引多祚將籌其事，謂曰：「將軍在北門幾年，曰三十年矣。」東之曰：「將軍擊鍾鼎食，金章紫綬，貴寵當代，位極武臣，豈非大帝之恩乎？」曰：「然。」又曰：「將軍既感大帝殊澤，能有報乎？」大帝之子，見在東宮，逆豎張易之兄弟擅權，朝夕危逼，宗社之重，於將軍誠能報恩，正屬今日。多祚曰：「苟緣王室，惟相公所使，終不顧妻子性命，因即引天地神祇爲要誓，詞氣感動，義形於色。遂與東之等定謀誅易之兄弟，以功進封遼陽郡王，食實封八百戶。仍拜其子承訓爲衛尉少卿。其年將有事於太廟，特令多祚與安國相王登輦夾侍，監察御史王觀上疏諫曰：「竊惟祔廟之禮，在於尊祖奉先，肅事之儀，豈厭惟親與德，伏見恩勅令安國相王與李多祚參乘，且多祚夷人，有功於國，適可加之寵爵，豈宜逼奉至尊，侍帝弟而連衡，與吾君而共輦，誠恐萬方之人，不允所望。昔文帝引趙談參乘，蓋伏車前曰：「臣聞天子所共六尺轡者，皆天下豪英，今漢雖乏人，陛下獨奈何與刀鋸之餘共載，於是斥而下之。多祚雖無趙談之累，亦非卿相之重，不自循省，無聞固讓。豈國乏良輔，更無其人，史官所書，將示於後，何衰益之強諫，獨微臣之不及。惟陛下詳擇焉。」上謂觀曰：「多祚雖是夷人，緣其有功，委以心腹，特令侍輦，卿勿復言也。」節愍太子之殺，武三思也。多祚與羽林大將軍李千里等率兵以從，太子令多祚先至玄武樓下，冀上問以殺三思之意，遂按兵不戰。時有宦閹令楊思勗於樓上侍帝，請拒其先鋒，多祚子壻羽林中郎將野呼利爲先軍總管，思勗挺刃斬之。兵衆大沮，多祚俄爲左右所殺，并殺其二子，籍沒其家。睿宗即位，下制曰：「以忠報國，典冊所稱，感義捐軀，名節斯在。故右羽林大將軍上柱國遼陽郡王李多祚，三韓貴種，百戰餘雄，席寵禁營，迺心王室，仗茲誠信，翻蹈誅夷，賴彼神明，重濟茲懸，永言激烈，深合褒崇，宜追歿後之榮，以復生前之命，可還舊官，仍宥其妻子。」

李嗣業，京兆高陵人也，身長七尺，壯勇絕倫。天寶初，隨募至安西，頻經戰鬪，于時諸軍初用陌刀，咸推嗣業爲能，每爲隊頭，所向必陷，節度使馬靈察知其勇健，每出師，令嗣業與焉。累遷至中郎將，天寶七載，安西都知兵馬使高仙芝奉

詔總軍專征勃律，選嗣業與郎將田珍為左右陌刀將。于時吐蕃聚十萬眾於塗勒城，據山因水，塹斷崖谷，編木為城。仙芝夜引軍渡信圖河，奄至城下。仙芝謂嗣業與田珍曰：「不午時須破此賊。」嗣業引步軍持長刀上山頭，拋擲蔽空而下。嗣業獨引一旗於絕險處先登，諸將因之齊上，賊不虞漢軍暴至，遂大潰。填溪谷，投水溺死，僅十八九。遂長驅至勃律城，擒勃律王吐蕃公主，斬藤橋，以兵三千人戍於是。拂林大食諸胡七十二國皆歸國家，款塞朝獻，嗣業之功也。由此拜右威衛將軍，十載又從平石國，及破九國，胡背叛，突騎施以跳盪加特進，兼本官。初仙芝給石國王約為和好，乃將兵襲破之，殺其老弱，虜其丁壯，取金寶瑟瑟馬等，國人號哭。因掠石國王東獻之于闐下，其子逃難奔走，告於諸胡國，羣胡忿之，與大食連謀將欲攻四鎮。仙芝懼，領兵二萬深入胡地，與大食戰，仙芝大敗。會夜，兩軍解，仙芝乘為大食所殺，存者不過數千。事寔，嗣業白仙芝曰：「將軍深入胡地，後絕救兵，今大食戰勝，諸胡知必乘勝而併力事漢，若全軍沒，嗣業與將軍俱為賊所虜，則何人歸報主？不如馳守白石嶺，早圖奔逸之計。」仙芝曰：「爾戰將也，吾欲收合餘燼，明日復戰，期一勝耳。」嗣業曰：「愚者千慮，或有一得，勢危若此，不可膠柱，固請行，乃從之。」路隘，人馬魚貫而奔，會跋汗那兵眾先奔，人及馳馬塞路，不克過。嗣業持大棒前驅，擊之，人馬應手俱斃。胡等遁路，聞仙芝獲免，仙芝表其功，加驃騎左金吾大將軍，及祿山反，兩京陷，上在靈武，詔嗣業赴行在。嗣業自安西統眾萬里，威令肅然，所過郡縣秋毫不犯。至鳳翔，謁見上曰：「今日得卿，勝數萬眾事之濟否？」實任在卿也。遂與郭子儀僕固懷恩等常侍角，為先鋒將。嗣業每持大棒衝擊，賊眾披靡，所向無敵。祿山之亂，兩京未復，肅宗在鳳翔，至德六年九月，嗣業從廣平王收復京城，與賊大戰于香積寺北，西拒澧水，東臨大川，十里間軍容不斷。嗣業時為鎮西北庭支度行營節度使，為前軍，朔方右行營節度使郭子儀為中軍，關內行營節度使王思禮為後軍，戈鋌鼓鞀，震曜山野，距賊軍數里，列長陣而待之。賊將李歸仁初以銳師數來挑戰，我師攢矢而逐之。賊軍大至，逼我追騎，突入我營，我師驚亂。嗣業謂郭子儀曰：「今日之事，若不以身啖寇，決戰於陣，萬死而冀其一生，不然，則我軍

無子遺矣。」嗣業乃脫衣徒搏，執長刀立於陣前大呼。當嗣業刀者，人馬俱碎，殺十數人，陣容方駐。前軍之士盡執長刀而出，如牆而進。嗣業先登奮命，所向摧靡。是時賊先伏兵於營東，偵者知之，元帥廣平王分迴紇銳卒，令擊其伏兵，賊將大敗。嗣業出賊營之背，與迴紇合勢，表裏夾攻，自午及酉，斬首六萬級，填溝壑而死者十二三。賊帥張通儒安守忠李歸仁等收合殘卒，東走保陝郡。慶緒又命嚴莊率眾數萬赴陝，助通儒輩以拒官軍。廣平王郭子儀王思禮等大軍營於陝西，嗣業與子儀遇賊於新店，與之力戰，數合，我師初勝而後敗。嗣業逐急應接，迴紇從南山望見官軍敗曳白旗而下，徑抵賊背，穿賊陣，賊陣西北角先陷。嗣業又率精騎前擊，表裏齊進，賊眾大敗，走河北。子儀遂收東都，嗣業以功加開府儀同三司，衛尉卿，封號國公，食實封二百戶。乾元二年，諸將同圍相州，是時築堤引漳水灌城，經月餘，城不拔。是時軍無統帥，諸將自圖全，人無鬪志。賊每出戰，嗣業被堅衝鋒，刃為流矢，所中數日，瘡欲愈，臥於帳中，忽聞金鼓之聲，因而大叫，瘡中血出數升，注地而卒。上聞之，震悼，嗟惜久之，詔曰：「臨難忘身為臣之大節，念功加贈經國之常典，故衛尉卿兼懷州刺史充北庭行營節度使號國公李嗣業，植操沉厚，秉心忠烈，懷幹時之勇略，有戡難之遠謀，久仕邊陲，備經任使，自兇渠構亂，中夏不寧，持感激之誠，總驍果之眾，親當矢石，頻立功勳，壯節可嘉，將謀於百勝，忠誠未遂，空恨於九原，言念其功，良深悵悼，死於王事，禮有可加，宜贈裂土之封，用廣飾終之義，可贈武威郡王，其贈贈及緣葬事，所司倍於常式，仍令官給靈輿，遞還所在，以其子佐國襲其官爵，食實封二百戶。」

白孝德，安西胡人也，驍悍有膽力。乾元中，事李光弼為偏裨，史思明攻河陽，使驍將劉龍仙率鐵騎五十臨城挑戰，龍仙捷勇自恃，舉右足加馬鬣上，嫂罵光弼，光弼登城望，顧諸將曰：「孰可取者？」僕固懷恩請行，光弼曰：「此非大將所為，歷選其次，左右曰：白孝德可。」光弼乃招孝德前，問曰：「可乎？」曰：「可。」光弼問所要，幾何？兵，孝德曰：「可。」獨往耳。光弼壯之，終問所欲，對曰：「願選五十騎於軍門為繼，兼請大軍鼓謀，以增氣勢，他無所用。」光弼撫其背以遣之。孝德挾二矛策馬截流而

渡半濟。懷恩賀曰：剋矣！光弼曰：未及。何知其剋？懷恩曰：觀其攬轡便辟，可萬全者。龍仙見其獨來，甚易之，足不降鬣，稍近將動。孝德搖手示之，若使其不動。龍仙不之測，乃止。孝德呼曰：侍中使余致辭，非他也。龍仙去十步，與之言，褻罵如初。孝德息馬伺便，因瞋目曰：賊識我乎？龍仙曰：誰耶？曰：我國之大將，白孝德也。龍仙曰：是何狗狗？孝德發聲虓噉，持矛躍馬而搏之。城上鼓譟，五十騎繼進。龍仙矢不暇發，環走堤上。孝德追及，斬首攜之而歸。賊徒大駭，其後累戰，功至安西北庭，行營節度鄜坊邠寧節度使，歷檢校刑部尚書，封昌化郡王。以家難去職，服闋復舊官。大曆十四年九月，轉太子少傅，尋卒。時年六十六，贈太子太保。史臣曰：歷代武臣，壯勇出衆者有諸，節行勵俗者鮮矣。矧蠻夷之人乎？如馮益、智勇守節，社稷廉慎，知足。蘇尼失恩惠，史忠清謹，凡用兵破吐蕃、谷渾，勇也，心如鐵石，忠也，不解萬均官，怒也，阻延陀之親，智也，捨高突勃之死，識也，立大功，居顯位，夙夜匪懈者，何力有焉？常之以私馬怒官兵，與將士均賞賜，古之名將，無以加焉。多祚忘身許國，孝德壯勇立功，皆三軍之傑也。豈九夷之陋哉！嗣業力贊中興，終歿王事，未可倫而擬也。

贊曰：君子之居，九夷無陋，壯哉嗣業，孰出其右。

舊唐書卷一百九

舊唐書卷一百九考證

阿史那社尒傳：阿史那蘇尼失者，啓民可汗之母弟，社尒叔祖也。其父始畢可汗。○沈炳震曰：按始畢啓民子，蘇尼失兄子也，云其父曷契，茲何力傳陪葬昭陵，證曰：烈○烈，新書作曷。

舊唐書卷一百九考證

後晉司空同中書門下平章事劉昫撰

列傳第六十

李光弼 王思禮 鄧景山 辛雲京

李光弼營州柳城人。其先契丹之酋長。父楷洛。開元初左羽林將軍同正朔方節度副使。封薊國公。以驍果聞。光弼幼持節行。善騎射。能讀班氏漢書。少從戎。嚴毅有大略。起家左衛郎。丁父憂。終喪不入妻室。天寶初。累遷左清道率。兼安北都護府朔方都虞候。五載。河西節度王忠嗣補為兵馬使。充赤水軍使。忠嗣遇之甚厚。常云。光弼必居我位。邊上稱為名將。八載。充節度副使。封薊郡公。十一載。拜單于副使都護。十三載。朔方節度安思順奏為副使。知留後事。思順愛其材。欲妻之。光弼稱疾辭官。隴右節度哥舒翰聞而奏之。得還京師。祿山之亂。封常清高仙芝戰敗。斬於潼關。又以哥舒翰率師拒賊。尋命郭子儀為朔方節度。收兵河西。玄宗眷求良將。委以河北河東之事。以問子儀。子儀薦光弼堪為閫寄。十五載正月。以光弼為雲中太守。攝御史大夫。充河東節度副使。知節度事。二月。轉魏郡太守。河北道採訪使。以朔方兵五千會郭子儀軍東下井陘。收常山郡。賊將史思明以卒數萬來援常山。道擊破之。進收藁城等十餘縣。南攻趙郡。三月八日。光弼兼范陽長史。河北節度使。拔趙郡。自祿山反。常山為戰場。死人蔽野。光弼辭其屍而哭之。為賊幽閉者出之。誓平寇難。以慰其心。六月。與賊將蔡希德史思明尹子奇戰于常山郡之嘉山。大破賊黨。斬首萬計。生擒四千。思明露髮跣足奔于博陵。河北歸順者十餘郡。光弼以范陽祿山之巢穴。將先斷之。使絕根本。會哥舒翰潼關失守。玄宗幸蜀。人心驚駭。肅宗理兵於靈武。遣中使劉智達追光弼子儀赴行在。授光弼戶部尚書。兼太原尹。北京留守。同中書門下平章事。以景城河間之卒五千赴太原。時節度王承業軍政不修。詔御史崔衆交兵於河東。衆侮易承業。或妻甲持槍。突入承業廳。事玩譴之。光弼聞之。素不平。至是交衆兵於光弼。衆以麾下來。光弼出迎。旌旗相接。而不避光弼怒。其無禮。又不即交兵。令收擊之。頃中使至。除衆御史中丞。懷其勸衆所

在。光弼曰。衆有罪。繫之矣。中使以勅示光弼。光弼曰。今只斬侍御史。若宣制命。即斬中丞。若拜宰相。亦斬宰相。中使懼。遂寢之。而還翌日。以兵仗圍衆。至碑堂下。斬之。威震三軍。命其親屬弔之。二年。賊將史思明蔡希德高秀巖牛廷珣等四僞帥率衆十餘萬來攻太原。光弼經河北苦戰。精兵盡赴朔方。麾下皆烏合之衆。不滿萬人。思明調諸將曰。光弼之兵寡弱。可屈指而取。太原鼓行而西。圖河隴朔方。無後顧矣。光弼所部將士聞之。皆懼。議欲修城以待之。光弼曰。城周四十里。賊垂至。令與功役。是未見敵而自疲矣。乃躬率士卒百姓於城外作掘壕。以自固。作塹數十萬。衆莫知所用。及賊攻城於外。光弼即令增壘於內。壞輒補之。賊城外詬詈戲侮者。光弼令穿地道。一夕而擒之。自此賊將行皆視地。不敢逼城。強弩發石以擊之。賊驍將勁卒死者十二三。城中長幼咸伏其勳。智懦兵增氣。而皆欲出戰。史思明揣知之。先歸。留蔡希德等攻之。月餘。我怒而寇怠。光弼率敢死之士出擊。大破之。斬首七萬餘級。軍資器械。皆委棄。賊始至及遁。五十餘日。光弼設小幕。宿於城東南隅。有急即應。行過府門。未嘗迴顧。賊退三日。決軍事畢。始歸府第。轉檢校司徒。收清夷橫野等軍。擒賊將李弘義。以歸。詔曰。銀青光祿大夫檢校司徒兼戶部尚書同中書門下平章事兼御史大夫鴻臚卿太原尹北京留守河東節度副大使薊國公光弼。全德挺生。英才間出。千城禦侮。坐甲安邊。可守司空。兼兵部尚書。中書門下平章事。進封魏國公。食實封八百戶。乾元元年。與關內節度使王思禮入朝。勅朝官四品已上出城迎謁。遷侍中。改封鄭國公。二年七月。制曰。元帥之任。實屬於師。貞左軍之選。諒資於邦傑。自非道申啓沃。學富韜鈴。則何以用分閫而專征。膺鑿門而受律。求諸將相。允得其人。司空兼侍中鄭國公光弼。器識弘遠。志懷沉毅。蘊孫吳之略。有文武之材。往屬艱難。備彰忠勇。協風雲而經始。保宗社於陸危。由是出備長城。入扶大廈。茂功懸於日月。嘉績被於巖廊。屬殘寇猶虞。總戎有命。用擇揮賢之佐。式弘建親之典。必能緝軍邦國。協贊天人。誓于丹浦之師。剿彼綠林之盜。載明朝獎。爰籍舊勳。宜副出車之命。仍踐分麾之寵。為天下兵馬元帥。趙王係之副。知節度行營事。八月。兼幽州大都督府長史。河北節度支度營田經略等使。

餘如故與九節度兵圍安慶緒於相州。拔有日矣。史思明自范陽來救。屢絕糧道。光弼身先士卒苦戰勝之。屬大風晦冥。諸將引眾而退。所在剽掠。唯光弼所部不散。東京留守崔圓。河南尹蘇震南奔襄陽。郭子儀率眾屯于穀水。史思明因殺安慶緒。即僞位。縱兵河南。加光弼太尉。兼中書令。代郭子儀為朔方節度兵馬副元帥。以東師委之。左廂兵馬使張用濟。承子儀之寬。懼光弼之令。與諸將頗有異議。欲逗留其眾。光弼以數千騎出次汜水。餘用濟單騎迎謁。即斬於轅門。諸將懾伏。都兵馬使僕固懷恩先期而至。初光弼次汜州。聞思明悉眾且至。謂許叔冀曰。大夫能守此城浹旬。我必將兵來救。叔冀曰。諾。光弼遣東京。思明至汴。叔冀與戰不利。遂與董秦梁浦劉從諫率眾降。思明賊勢甚熾。遣梁浦劉從諫田神功等將兵徇江淮。謂之曰。收得其地。每人買兩船。玉帛。思明乘勝而西。光弼整眾徐行。至洛。謂留守韋陟曰。賊乘鄰下之勝。再犯玉畿。宜按甲以挫其鋒。不利速戰。洛城非禦備之所。公計若何。陟曰。加兵陝州。退守潼關。據險以待之。足挫其銳矣。光弼曰。此蓋兵家常勢。非用奇之策也。夫兩軍相寇。貴進尺寸之間耳。今委五百里而不顧。是張賊勢也。若移軍河陽。北阻澤潞。三城以抗。勝則擒之。敗則自守。表裏相應。使賊不敢西侵。此則優臂之勢也。夫辨朝廷之禮。光弼不如公。論軍旅之事。公不如光弼。陟無以應。判官韋擢曰。東京帝宅。侍中何不守之。光弼曰。若守洛城。汜水。嵎嶺。皆須人守。子為兵馬判官。能守之乎。遂移牒留守及河南尹并留司官坊市居人出城避寇。空其城。率軍士運油鐵諸物以為戰守之備。時史思明已至。偃師。光弼悉軍赴河陽。賊已至洛城。光弼軍方至石橋。日暮。令棄炬徐行。與賊相隨。而不敢來犯。乙夜。入河陽。三城排闥守備。號令嚴明。與士卒同甘苦。咸奮力戰。賊憚光弼威略。頓兵白馬寺南。不出百里。西不敢犯。宮闕於河陽南築月城。掘壕以拒光弼。十月。賊攻城於中。潭城西大破。逆黨五千餘眾。斬首千餘級。生擒五百餘人。溺死者大半。初光弼謂李抱玉曰。將軍能為我守南城二日乎。抱玉曰。過期若何。光弼曰。過期而救不至。任棄也。抱玉稟命勒兵守南城。將陷。抱玉給賊曰。吾糧盡。明日當降。賊眾大喜。斂軍以俟之。抱玉復得繕完設備。明日。堅壁請戰。賊怒見救。急攻之。抱玉出

奇兵表裏夾擊。殺傷甚眾。賊帥周擊領軍而退。光弼自將於中潭。城外置柵柵外大掘。堦闊二丈深亦如之。周擊捨南城併力攻中潭。光弼命荔非元禮出勁卒於羊馬城以拒賊。光弼於城東北角樹小紅旗。下莖賊軍。賊恃眾直逼其城。以車二乘載木鵝蒙衝。闢樓。植車隨其後。督兵填城下。堦三面各入道。過其兵。又當衝開柵。各置一門。光弼遙望賊逼城。使人語荔非元禮曰。中丞看賊填。斬開柵過兵。居然不顧。何也。元禮報曰。太尉擬守乎。擬戰乎。光弼曰。戰。元禮曰。若戰。賊為我填。復何嫌也。光弼曰。吾智不及公。公其勉之。元禮俟柵開。率其勇敢出戰。一逼賊軍。退走數百步。元禮料敵堅。雖出入馳突。不足破賊。收軍稍退。以息其寇。而攻之。光弼望見收軍。大怒。使人喚元禮。欲按軍令。元禮曰。戰正忙。喚作何物。良久。令軍中鼓譟出柵門。徒搏齊進。賊大潰。周擊復整軍押北城而下。將攻之。光弼遽率眾入北城。登城望曰。彼雖眾。亂而羸。不足懼也。當為公等日午而破之。命出將戰。及期不決。謂諸將曰。向來戰。何處最堅而難犯。或曰。西北角。遽命郝玉曰。爾往擊之。玉曰。玉步卒也。請騎軍五百翼之。光弼與之三百。又問何處最堅。曰。東南隅。即命倫惟貞以所部往擊之。對曰。真。蕃將也。不知步戰。請鐵騎三百。與之百。光弼又出賜馬四十疋分給。且令之曰。爾等望吾旗而戰。若應旗緩。任爾觀望。便宜吾旗連麾。三至地。則萬眾齊入。生死以之。少退者。斬無捨。玉策馬赴賊。有一人將援槍刺賊。洞馬腹。連刺數人。一人逢賊不戰而退。光弼召不戰者。斬。賞援槍者絹五百疋。須臾。郝玉奔歸。光弼望之。驚曰。郝玉退。吾事危矣。命左右取玉頭來。玉見使者曰。馬中箭。非敢取也。使者馳報。光弼令換馬遣之。玉換馬復入。決死而前。光弼連麾。三軍望旗而進。聲動天地。一鼓而賊大潰。斬萬餘級。生擒八千餘人。軍資器械糧儲數萬計。臨陣擒其大將徐瑣。玉李秦授周擊。其大將安太清走保懷州。思明不知擊等敗。尚攻南城。光弼悉驅俘囚臨河以示之。殺數十人。以威之餘。眾懼投河。赴南岸。光弼皆斬之。初光弼將戰。謂左右曰。戰危事。勝負繫之。光弼位為三公。不可死於賊手。苟事之不捷。繼之以死。及是。擊賊常納短刀於靴中。有決死之志。城上面西拜舞。三軍感動。賊既敗走。光弼收懷州。思明來救。迎擊於於水之上。又敗之。賊將安

太清極力拒守，月餘不下。光弼令僕固懷恩郝玉由地道而入，得其軍號，乃登陣大呼。我師同登城，遂拔生擒安太清、周舉揚希文等，送於闕下。即日懷州平，以功進爵臨淮郡王，累加實封至一千五百戶。觀軍容使魚朝恩屢言：賊可滅之狀，朝旨令光弼速收東都。光弼屢表賊鋒尙銳，請候時而動，不可輕進。僕固懷恩又善光弼之功，潛附朝恩，言賊可滅。由是使督戰，光弼不獲已，進軍列陣於北邙山下。賊悉精銳來戰，光弼敗績，軍資器械並爲賊所有。時李抱玉亦棄河陽，光弼渡河保開喜。朝旨以懷恩異同，致敗，優詔徵之。光弼自河中入朝，抗表請罪，詔釋之。光弼懇讓太尉，遂加開府儀同三司、侍中、河南尹、行營節度使。俄復拜太尉，充河南淮南山南東道荆南等副元帥，侍中如故。出鎮臨淮，史朝義乘邛山之勝，寇申光等十三州，自領精騎圍李岑於宋州，將士皆懼。請南保揚州，光弼徑赴徐州以鎮之。遣田神功擊敗之。浙東賊首袁晁攻剽郡縣，浙東大亂，光弼分兵除討，尅定江左。人心乃安。初，光弼將赴臨淮，在道昇疾而行。監軍使以袁晁方擾江淮，光弼兵少，請保潤州以避其鋒。光弼曰：朝廷寄安危於我，今賊雖強，未測吾衆寡，若出其不意，當自退矣。遂徑往泗州。光弼未至河南也。田神功平劉展後，逗留於揚府，尙衡殷仲卿相攻於兗鄆，來填旅拒於襄陽。朝廷患之，及光弼輕騎至徐州，史朝義退走。田神功遽歸河南，尙衡殷仲卿來瑒皆懼其威名，相繼赴闕。寶應元年，進封臨淮王，賜鐵券，圖形凌烟閣。廣德初，吐蕃入寇京畿，代宗詔徵天下兵，光弼與程元振不協，遷延不至。十月，西戎犯京師，代宗幸陝，朝廷方倚光弼爲援，恐成嫌疑，數詔問其母。吐蕃退，乃除光弼東都留守，以察其去就。光弼伺知之，辭以久待勅不至，且歸徐州。欲收江淮租賦以自給。代宗還京，二年正月，遣中使往宣慰。光弼母在河中，密詔子儀與歸京師。其弟光進與李輔國同掌禁兵，委以心膂。至是以光進爲太子太保，兼御史大夫，涼國公。渭北節度使上遇之益厚。光弼御軍嚴肅，天下服其威名。每申號令，諸將不敢仰視，及懼朝恩之害，不敢入朝。田神功等皆不稟命，因愧恥成疾。遣衛將孫珍奉遺表自陳。廣德二年七月，薨於徐州。時年五十七。輟朝三日。贈太保，諡曰武穆。光弼既疾亟，將吏問以後事，曰：吾久在軍中，不得就養，既

爲不孝子，夫復何言。因取已封絹布各三千疋，錢三千貫，文分給將士，部下護喪。邕還京師，代宗遣中官開府魚朝恩弔問其母於私第。又命京兆尹第五琦監護喪事。十一月，葬於三原。詔宰臣百官租送於延平門外。母李氏有養數十莖，長五六寸，以子貴，封韓國太夫人。二子皆節制一品。光弼十年間，三入朝，與第光進在京師，雖與光弼異母，性亦孝悌。雙旌在門，鼎味就養。甲第並開，往來追歡，極一時之榮。

王思禮，營州城傍高麗人也。父虔威，爲朔方軍將，以習戰聞。思禮少習戎旅，隨節度使王忠嗣至河西，與哥舒翰對爲押衙，及翰爲隴右節度使，思禮與中郎周似爲翰押衙，以拔石堡城功，除右金吾衛將軍，充關西兵馬使，兼河源軍使。十一載，加雲麾將軍。十二載，翰征九曲，思禮後期，欲引斬之。續使命釋之。思禮徐言曰：斬則斬，却喚何物。諸將皆壯之。十三年，吐谷渾蘇毗王款塞，詔翰至磨環川應接之。思禮墜馬損脚，翰謂中使李大宜曰：思禮既損脚，更欲何之。十四載六月，加金城太守。祿山反，哥舒翰爲元帥，奏思禮加開府儀同三司，兼太常卿。同正員，充元帥府馬軍都將，每事獨與思禮決之。十五載二月，思禮白翰謀殺安思順，父元貞於紙隔上密語，翰請抗表誅楊國忠，翰不應。復請以三十騎劫之。橫獻來潼關殺之。翰曰：此乃翰反，何預祿山事。六月，潼關失守，思禮西赴行在。至安化郡，思禮與呂崇實、李承光並引於靈下，實以不能堅守，並從軍令。或救之，可收後効。遂斬承光，而釋思禮。崇實與房瑄爲副使，便橋之戰，又不失利。除爲關內節度使，尋遣守武功。賊將安守忠及李歸仁安泰清來戰，思禮以其衆退守扶風。賊兵分至大和關，去鳳翔五十里。王師大駭，鳳翔戒嚴。中官及朝官皆出其孥。上使左右巡御史虞候書其名乃止。遂命司徒郭子儀以朔方之衆擊之。而退。至德二年九月，思禮從元帥廣平王收西京，既破賊，思禮領兵先入景清宮。又從子儀戰陝城，曲江新店，賊軍既敗，收東京。思禮又於鋒郡破賊六千餘衆，器械山積，牛馬萬計。遷戶部尙書，霍國公。食實封三百戶。乾元二年，與子儀等九節度圍安慶緒於相州。思禮領關內及潞府行營步卒三萬，馬軍八千，大軍潰。唯思禮與李光弼兩軍獨全。及光弼鎮河陽，制以思禮爲太原尹。

舊唐書 卷一百一十 列傳

北京留守河東節度使兼御史大夫貯軍糧百萬器械精銳尋加守司空自武德已來三公不居宰輔唯思禮而已上元二年四月以疾薨輟朝一日贈大尉諡曰武烈命鴻臚卿監護喪事思禮長於支計短於用兵然立法嚴整士卒不敢犯時議稱之

鄧景山曹州人也文吏見稱天寶中自大理評事至監察御史至德初擢拜青齊節度使遷揚州長史淮南節度爲政蕭肅關於朝廷居職四年會劉展作亂引平盧副大使田神功兵馬討賊神功至揚州大掠居人資產鞭笞發掘略盡商胡大食波斯等商旅死者數千人上元二年十月進入朝拜尙書左丞太原尹北京留守王思禮軍儲豐實其外又別積米萬石奏請割其半送京師屬思禮薨以管崇嗣代之委任左右失於寬緩數月之間費散殆盡唯存陳爛萬餘石上聞之即日召景山代崇嗣及至太原以鎮撫紀綱爲己任檢覆軍吏隱沒者衆懼有一偏將抵罪當死諸將各請贖其罪景山不許其弟請以身代其兄又不許弟請納馬一疋以贖兄罪景山許其減死衆咸怒謂景山曰我等人命輕如一馬乎軍衆憤怒遂殺景山上以景山統馭失所不復驗其罪遣使諭之軍中因請以都知兵馬使代州刺史辛雲京爲節度使從之

辛雲京者河西之大族也代掌戎旅兄弟數人並以將帥知名雲京有膽略志氣剛決不畏強禦每在戎行以擒生斬馘爲務累建勳勞官至北京都知兵馬使代州刺史鄧景山統馭失所爲軍士所殺請雲京爲節度使因授兼太原尹以北門委之雲京質性沉毅部下有犯令者不貸絲毫其賞功効亦如之故三軍整肅迴紇恃舊勳每入漢界必肆狼貪至太原雲京以戎狄之道待之虜畏雲京不敢惕息數年間太原大理無烽警之虞累加檢校左僕射同中書門下平章事大曆三年八月庚午薨上追悼發哀爲之流涕冊贈太尉輟朝三日諡曰忠獻後宰臣子儀元載等見上言及雲京泫然久之十一月葬命中使弔祭時宰相及諸道節度使祭者凡七十餘幄

史臣曰凡言將者以孫吳韓白爲首如光弼至性居喪人子之情顯矣雄才出將軍旅之政肅然以奇用兵以少敗衆將今比古詢事考言彼四子者或有慚

德邨山之敗閩外之權不專徐州之留君側之人伺隙失律之尤雖免匪躬之義或虧令名不全良可惜也然閩外之事君側之人得不慎諸思禮法令嚴整儲廩豐盈節制之才固不易得景山始以文吏或有虛名仗鉞揚州召匪人而劫掠士庶分茅并部持小法而全昧機權貴馬賤人衆怒身死宜哉雲京賞善懲惡靜亂安邊功著軍中寵加身後不亦美歟

贊曰光弼雄名思禮刑清始致亂者鄧景山何以救之辛雲京

舊唐書卷一百十

舊唐書卷一百十考證

李光弼傳屬大風晦冥諸將引衆而退所在剽掠惟光弼所部不散○臣德潛

按此乾元二年八月文也肅宗本紀相州之敗在乾元二年三月通鑑綱目

俱同此應誤

卸日懷州平以功進爵臨淮郡王○臣德潛按封王賜鐵券在寶應元年此臨

淮郡公非王也

舊唐書卷一百十考證

後晉司空同中書門下平章事劉昫撰

列傳第六十一

崔光遠 房瑄 子瑄 從子式 張鎬 高適 暢瑾

崔光遠滑州靈昌人也本博陵舊族祖敬嗣好博酒飲酒則天初為房州刺史中宗為廬陵王安置在州官吏多無禮度敬嗣獨以親賢待之供給豐贍中宗深德之及登位有益州長史崔敬嗣既同姓名每進擬官皆御筆超拜之者數四後引與語始知誤龍訪敬嗣已卒乃遣中書令韋安石授其子汪官汪嗜酒不堪職任且授洛州司功又改五品光遠即汪之子雖無學術頗有祖風勇決任氣身長六尺餘目睛白黑分明少歷仕州縣開元末為蜀州唐安令與楊國忠以博徒相得累遷至左贊善大夫天寶十一載京兆尹鮮于仲通舉光遠為長安令十四載遷京兆少尹其載使吐蕃弔祭十五載五月使迴十餘日潼關失守玄宗幸蜀詔留光遠為京兆尹兼御史中丞充西京留守採訪使駕發百姓亂入宮禁取左藏大盈庫物既而焚之自旦及午火勢漸盛亦有乘驢上紫宸與慶殿者光遠與中官將軍邊令誠號令百姓救火又募人攝府縣官分守之殺十數人方定使其息東見祿山祿山大悅僞勅復本官先是祿山已令張休攝京兆尹十餘日既得光遠歸款召休歸洛八月同羅背祿山以廐馬二千出至灑水孫孝哲安神威從而召之不得神威懼而憂死府縣官吏驚走獄囚皆空光遠以為賊且逃矣命所由守神威孝哲以光遠之狀報祿山光遠閉府門斬為盜夷落河二人遂與長安令蘇震等同出至開遠門使人前謂門官曰尹巡諸門門官具器仗以迎至則皆斬之領府縣官千餘人於京西號令百姓赴召者百餘人夜過咸陽遠達靈武上喜之擢拜御史大夫兼京兆尹仍使光遠於渭北召集人吏之歸順者嘗有賊剽掠涇陽縣界於僧寺中椎牛醜酒連夜酣飲去光遠營四十里光遠偵知之率馬步二千乙夜趨其所賊徒多醉光遠領百餘騎持滿扼其要分命驍勇持陌刀呼而斬之殺賊徒二千餘人虜馬千疋俘其渠酋一人賊中以光遠勇勁常避其鋒及虜從還京論功行賞制曰

持節京畿採訪計會招召宣慰處置等使崔光遠毀家成國致命前矛可特進行禮部尚書封鄴國公食實封三百戶乾元元年兼御史大夫五月為河南節度使八月代張鎬為汴州刺史兼本州防禦使十二月代蕭華為魏州刺史充魏州節度使初司徒郭子儀與賊戰於汲郡光遠率汴師千人渡河援之及代蕭華入魏州使將軍李處益拒賊賊大至連戰不利子儀怒不救處益遂敗奔還賊逐處益至城下反間之曰處益召我來何為不出光遠乃腰斬處益處益善戰有勇衆皆倚之及死用人危懼魏州城自祿山反袁知泰能元皓等皆繼完之甚為堅壁光遠不能守遂夜潰圍而出度河而還肅宗不之罪除太子少保襄州將士康楚元張嘉延率衆為亂陷荆襄禮朗等州以光遠兼御史大夫持節荆襄招討仍充山南東道處置兵馬都使三年除鳳翔尹充本府及秦隴觀察使先是岐隴吏人郭愔等為土賊掠州縣為五堡光遠使判官監察御史嚴侁召而降之光遠在官好蒲酒晚年不親戎事上元元年冬愔等潛連黨項及奴刺突厥敗韋倫於秦隴殺監軍使擊黃戎肅宗追還以李鼎代之二年兼成都尹充劍南節度管田觀察處置使仍兼御史大夫及段子璋反東川節度使李奐敗走投光遠率將花驚定等討平之將士肆其剽劫婦女有金銀臂釧兵士皆斷其腕以取之亂殺數千人光遠不能禁肅宗遣監軍官使按其罪光遠憂恚成疾上元二年十月卒

房瑄河南人天后朝正議大夫平章事融之子也瑄少好學風儀沉整以門陰補弘文生性好隱遁與東平呂尚於陸渾伊陽山中讀書為事凡十餘歲開元十二年玄宗將封岱岳瑄撰封禪書一篇及履啓以獻中書令張說奇其才奏授秘書省校書郎調補同州馮翊尉無幾去官應堪任縣令舉授號州盧氏令政多惠愛人稱美之二十二年拜監察御史其年坐鞠獄不當貶睦州司戶歷慈溪宋城濟源縣令所在為政多與利除害繕理廡宇頗著能名天寶元年拜主客員外郎三年遷試主客郎中五年正月擢試給事中賜爵漳南縣男時玄宗企慕古道數遊幸近甸乃分新豐縣置會昌縣於驪山下尋改會昌為昭應縣又改溫泉宮為華清宮於宮所立百司廨舍以瑄雅有巧思令充使繕理事

未畢，坐與李適之章堅等善，貶宜春太守。歷瑛邢鄴都扶風三太守。所至多有遺愛。十四年，徵拜左庶子，遷憲部侍郎。十五年六月，玄宗蒼黃幸蜀，大臣陳希烈、張倚等銜於失恩，不時赴難。瑄結張均、張珙兄弟與韋述等行至城南十數里山寺，均皆同行，皆以家在城中，逗留不進。瑄獨馳蜀路。七月，至普安郡，謁見玄宗大悅，即日拜文部尚書，同中書門下平章事，賜紫金魚袋。從幸成都，加銀青光祿大夫，仍與一子官。其年八月，與左相韋見素、門下侍郎崔渙等奏使靈武，冊立肅宗。至順化郡謁見陳上皇，傳付之旨，因言時事，詞情慷慨。肅宗為之改容。時潼關敗將王思禮、呂崇、李承光等引於纛下，將斬之。瑄從容救諫，獨斬承光而已。肅宗以瑄素有重名，傾意待之。瑄亦自負其才，以天下為己任。時行在機務，多決之於瑄。凡有大事，諸將無敢預言，尋抗疏自請將兵以誅寇孽。收復京師，肅宗望其成功，許之。詔加持節，招討西京，兼防禦蒲潼兩關兵馬節度等使。乃與子儀、光弼等計會進兵。瑄請自選參佐，乃以御史中丞鄧景山為副。戶部侍郎李揖為行軍司馬，中丞宋若思起居郎知制誥賈至、右司郎中魏少遊為判官。給事中丞劉秩為參謀。既行，又令兵部尚書王思禮副之。瑄分為三軍，遣楊希文將南軍，自宜壽入。劉蕤將中軍，自武功入。李光進將北軍，自奉天入。瑄自將中軍為前鋒。十月庚子，師次便橋。辛丑，二軍先遇賊於咸陽縣之陳澗，斜接戰。官軍敗績。時瑄用春秋車戰之法，以車二千乘，馬步夾之。既戰，賊順風揚塵，鼓譟，牛皆震駭。因縛芻縱火焚之，人畜撓敗，為所傷殺者四萬餘人。存者數千而已。癸卯，瑄又率南軍即戰，復敗。希文、劉蕤並降於賊。瑄等奔赴行在，肉袒請罪。上並宥之。瑄好賓客，喜談論，用兵素非所長。而天子採其虛聲，冀成實効。瑄既自無廟勝，又以虛名擇將吏，以至於敗。瑄之出師，戎務一委於李揖、劉秩、秩等亦備家子，未嘗習軍旅之事。瑄臨戎謂人曰：逆黨曳落河，雖多豈能當我劉秩等。及與賊對壘，瑄欲持重以伺之。為中使邢延恩等督戰，蒼黃失據，遂及於敗。上猶待之如初，仍令收合散卒，更圖進取。會北海太守賀蘭進明自河南至，詔授南海太守，攝御史大夫，充嶺南節度使。中謝肅宗謂之曰：朕處分房瑄與卿正大夫何為攝也。進明對曰：瑄與臣有隙，上以為然。進明因奏曰：

陛下知晉朝何以至亂。上曰：卿有說乎。進明曰：晉朝以好尚虛名，任王夷甫為宰相，祖習浮華，故至於敗。今陛下方興復社稷，當委用實才，而瑄性疎闊，徒大言耳。非宰相器也。陛下待瑄至厚，以臣觀之，瑄終不為陛下用上。問其故。進明曰：瑄昨於南朝為聖皇制置天下，乃以永王為江南節度，穎王為劍南節度，威王為淮南節度，制云：命元子北略朔方，命諸王分守重鎮。且太子出為撫軍，入曰監國。瑄乃以枝庶悉領大藩，皇儲反居邊鄙。此雖於聖皇似忠，於陛下非忠也。瑄立此意，以為聖皇諸子，但一人得天下，即不失恩寵。又各樹其私黨。劉秩、李揖、劉景山、賈紹之徒，以副戎權，推此而言，瑄豈肯盡誠於陛下乎。臣欲正衙彈劾，不敢不先聞奏。上由是惡瑄，詔以進明為河南節度兼御史大夫。崔圓本蜀中拜相，肅宗幸扶風，始來朝謁。瑄意以為圓纔到，當即免相。故待圓禮薄。圓厚結李輔國，到後數日，頗承恩渥。亦憾於瑄。瑄又多稱病，不時朝謁。於政事簡惰。時議以兩京陷賊，軍駕出次外郊，天下人心惶恐。當主憂臣辱之際，此時瑄為宰相，略無匪懈之意。但與庶子劉秩、諫議李揖何忌等高談虛論，說釋氏因果。老子虛無而已。此外則聽董廷蘭彈琴，大招集琴客筵宴。朝官往往因庭蘭以見瑄。自是亦大招納貨賄，姦賊頗甚。顏真卿時為大夫，彈何忌不孝。瑄既黨何忌，遽託以酒醉入朝，貶為西平郡司馬。憲司又奏彈董庭蘭招納貨賄。瑄入朝自訴，上叱出之。因歸私第，不敢關預人事。諫議大夫張鎬上疏言：瑄大臣，門客受贓，不宜見累。二年五月，貶為太子少師。仍以鎬代瑄為宰相。其年十一月，從肅宗還京師。十二月，大赦策勳行賞。加瑄金紫，光祿大夫。進封清河郡公。瑄既在散位，朝臣多以為言。瑄亦常自言有文武之用。合當國家驅策，冀蒙任遇。又招納賓客，朝夕盈門，遊其門者。又將瑄言議暴揚於朝。瑄又多稱疾。上頗不悅。乾元元年六月，詔曰：崇黨近名，實為害政之本。黜華去薄，方啓至公之路。房瑄素表文學，夙推名器。由是累階清賞，致位台衡。而率情自任，怙氣恃權。虛浮簡傲者，進為同人。濕讓謹令者，捐於異路。所以輔佐之際，謀猷匪弘。頃者時屬艱難，擢居將相。朕承懷反席，冀有成功。而喪我師佐，既虧制勝之任。升其親友，悉彰浮誕之迹。曾未踰時，遽從敗績。自合首明軍令，以謝師旅。猶尚矜其

萬死權以三孤或云緣其切直遂見斥退朕示以堂案令觀所以咸知非舛曠於政事誠宜効茲忠懇以奉國家而乃多稱疾疹莫申朝謁却攀爲政曾不疾其迂迴亞夫事君翻有懷於鬱快又與前國子祭酒劉秩前京兆少尹嚴武等潛爲交結輕肆言談有朋黨不公之名違臣子奉上之體何以儆刑王國訓導儲闈但以書踐台司未忍致之于理況秩武遠更相尙同務虛求不議典章何成沮勸宜從貶秩俾守外藩瑄可邠州刺史秩可閬州刺史武可巴州刺史散官封如故並即馳驛赴任庶各增修朕自臨御實區薦延多士常思聿求賢哲共致雍熙深嫉比周之徒虛僞成俗今茲所譴實屬其辜猶以瑄等妄自標持假延浮稱雖周行具悉悉流俗多疑所以事必縷言蓋欲人知不濫凡百卿士宜悉朕懷時邠州久屯軍旅多以武將兼領刺史法度廢廢州縣解字並爲軍營官吏侵奪百姓室屋以居人甚弊之瑄到任舉陳令式令州縣恭守又緝理公館寮吏各歸官曹頗著政聲二年六月詔褒美之徵拜太子賓客上元元年四月改禮部尙書尋出爲晉州刺史八月改漢州刺史瑄長子乘自少兩目盲瑄到漢州迺厚結司馬李銳以財貨乘聘銳外甥女盧氏時議譴其無士行寶應二年四月拜特進刑部尙書在路遇疾廣德元年八月四日卒於閬州僧舍時年六十七贈太尉孺復瑄之孽子也少黠慧年七八歲即粗解綴文親黨奇之稍長狂疎傲慢任情縱欲年二十淮南節度陳少遊辟爲從事多招陰陽巫覡令揚言已過三十必爲宰相德宗幸奉天包信掌賦於揚州少遊將抑奪之信聞而奔出少遊方遣人劫信令迴孺復請行會信已過江南乃還及少遊卒浙西節度韓滉又辟入幕其長兄宗僊先貶官嶺下而卒及喪柩到揚州孺復未嘗弔初娶鄭氏惡賤其妻多畜婢僕妻之保母累言之孺復乃先具棺槨而集家人生歛保母遠近驚異及妻在產褥三四日遽令上柩即路數日妻遇風而卒孺復以宰相子年少有浮名而奸惡未甚露羅拜杭州刺史又娶台州刺史崔昭女崔妬悍甚一夕杖殺孺復侍兒二人埋之雪中觀察使聞之詔發使鞠案有實孺復坐貶連州司馬仍令與崔氏離異孺復久之遷辰州刺史改容州刺史本管經略使乃潛與妻往來久而上疏請合詔從之二歲餘又奏與崔

氏離異其爲取捨恣逸不顧禮法也如此貞元十三年九月卒時年四十二式瑄之姪舉進士李泌觀察陝州辟爲從事泌入爲相累遷起居郎出入泌門爲其耳目及泌卒再除忠州刺史韋臯表爲雲南安撫使兼御史中丞臯卒詔除兵部郎中屬劉闢反式留不得行性便佞又懼闢每於座中數贊闢之德美比之劉備同陷於賊者皆惡之高崇文既至成都式與王良士崔從盧士玖等白衣麻躡衛士請罪崇文寬禮之乃表其狀尋除吏部郎中時河朔節度劉濟王士真張茂昭皆以兵壯氣豪相持短長屢以表聞迭請加罪上欲止其兵李吉甫薦式爲給事中將命于河朔式歷使諸鎮諷諭之還奏極言除陝統觀察使兼御史中丞轉河南尹時討王承宗於鎮州配河南府饋運車四千兩式表以凶旱人貧力微難以徵發憲宗可其奏既免力役人懷而安之明年移授宣歙池觀察使元和七年七月卒贈左散騎常侍

張鎬博州人也風儀魁岸廓落有大志涉獵經史好談王霸大略少時師事吳兢兢甚重之後遊京師端居一室不交世俗性嗜酒好琴常置座右公卿或有邀之者鎬杖策徑往求醉而已天寶末楊國忠以聲名自高搜天下奇傑聞鎬名召見薦之自褐衣拜左拾遺及祿山阻兵國忠屢以軍國事咨於鎬鎬舉贊善大夫來瑊可當方面之寄數月玄宗幸蜀鎬自山谷徒步扈從肅宗即位玄宗遣鎬赴行在所鎬至鳳翔奏議多有弘益拜諫議大夫尋遷中書侍郎同中書門下平章事時供奉僧在內道場晨夜念佛動數百人聲聞禁外鎬奏曰臣聞天子修福要在安養蒼生靖一風化未聞區區僧教以致太平伏願陛下以無爲爲心不以小乘而撓聖慮肅宗甚然之時方與軍戎帝注意將帥以鎬有文武才尋命兼河南節度使持節都統淮南等道諸軍事鎬既發會張巡宋州圍急倍道兼進傳檄濠州刺史闕丘曉引兵出救曉素愆戾取少恩好獨任己及鎬信至略無稟命又慮兵敗禍及於己遂逗遛不進鎬至淮口宋州已陷鎬怒曉即杖殺之及收復兩京加鎬銀青光祿大夫封南陽郡公詔以本軍鎮汴州招討殘孽時賊帥史思明表請以范陽歸順鎬揣知其僞恐朝廷許之手書密表奏曰思明兇豎因逆竊位兵強則衆附勢奪則人離包藏不測禽獸無

異可以計取難以義招伏望不以威權假之又曰滑州防禦使許叔冀性狡多謀臨難必變望追入宿衛肅宗計意已定表入不省編為人簡澹不事中要會有宦官自范陽及滑州使還者皆言思明叔冀之誠怒肅宗以編不切事機遂罷相位授荊州大都督府長史後思明叔冀之偽皆符編言尋徵為太子賓客改左散騎常侍屬嗣岐王珍被誣告構逆伏法編買珍宅坐累貶辰州司戶代宗即位推恩海內拜撫州刺史遷洪州刺史饒吉等七州都團練觀察等使尋正授江南西道都團練觀察等使廣德二年九月卒編自入仕三十年致位宰相居身清廉不營資產謙恭下士善談論多識大體故天下具瞻雖考秩至淺推為舊德云

高適者渤海蓆人也父從文位終韶州長史適少落不事生業家貧客於梁宋以求丐取給天寶中海內事干進者注意文詞適年過五十始留意詩什數年之間體格漸變以氣質自高每吟一篇已為好事者稱誦宋州刺史張九華深奇之薦舉有道科時右相李林甫擅權薄於文雅唯以舉子待之解褐汴州封丘尉非其好也乃去位客遊河右河西節度哥舒翰見而異之表為左驍衛兵曹充翰府掌書記從翰入朝感稱之於上前祿山之亂徵翰討賊拜適左拾遺轉監察御史仍佐翰守潼關及翰兵敗適自駱谷西馳奔赴行在及河池郡謁見玄宗因陳潼關敗亡之勢曰僕射哥舒翰忠義感激臣頗知之然疾病沉頓智力將竭監軍李大宜與將士約為香火使備婦孺篋篋琵琶以相娛樂樽蒲飲酒不恤軍務蕃渾及秦隴武士感夏五六月於赤日之中食倉米飯且猶不足欲其勇戰安可得乎故有望敵散亡臨陣翻動萬全之地一朝而失南陽之軍奮翼何履光趙國珍各皆持節監軍等數人更相用事軍有是戰而能必勝哉臣與楊國忠爭終不見納陛下因此履巴山劍閣之險西幸蜀中避其蠶毒未足為恥也玄宗嘉之尋遷侍御史至成都八月制曰侍御史高適立節貞峻植躬高朗感激懷經濟之略紛綸瞻文雅之才長策遠圖可云大體謹言義色實謂忠臣宜迴紉繆之任俾超軀論之職可諫議大夫賜鮮魚袋適負氣敢言權幸憚之二年永王璿起兵於江東欲據揚州初上皇以諸王分鎮適切諫

不可及是永王叛肅宗聞其論諫有素召而謀之適因陳江東利害永王必敗上奇其對以適兼御史大夫揚州大都督府長史淮南節度使詔與江東節度來瑱率本部兵平江淮之亂會于安州師將渡而永王敗乃招季廣琛于歷陽兵罷李輔國惡適敢言短於上前乃左授太子少詹事未幾蜀中亂出為蜀州刺史遷彭州劍南自玄宗還京後於綿益二州各置一節度百姓勞敝適因出西山三城置戍論之曰劍南雖名東西兩川其實一道自叩關擊雅界於南蠻也茂州而西經羌中至平戎數城界於吐蕃也臨邊小郡各舉軍戎並取給於劍南其運糧戍以全蜀之力兼山南佐之而猶不舉今梓遂果聞等八州分爲東川節度歲月之計西川不可得而參也而嘉陵比爲夷獠所陷今雖小定瘡痍未平又一年已來耕織都廢而衣食之業皆貨易於成都則其人不可得而役明矣今可稅賦者成都彭蜀漢州又以四州殘敝當他十州之重役其於終久不亦至艱又言利者穿鑿萬端皆取之百姓應差科者自朝至暮案牘千重官吏相承懼於罪譴或責之於鄰保或威之以仗罰督促不已連逃益滋欲無流亡理不可得比日關中米貴而衣冠士庶頗亦出城山南劍南道路相望村坊市肆與蜀人雜居其升合斛儲皆求於蜀人矣且田土疆界蓋亦有涯賦稅差科乃無涯矣爲蜀人之計不亦難哉今所界吐蕃城堡而疲於蜀人不過平戎以西數城矣邈在窮山之巔垂於險絕之末運糧於東馬之路坐甲於無人之鄉以戎狄言之不足以利戎狄以國家言之不足以廣土宇奈何以險阻彈丸之地而困於全蜀太平之人哉恐非今日之急務也國家若將已戍之地不可廢已鎮之兵不可收當宜即停東川併力從事猶恐狼狽安可仰於成都彭漢蜀四川哉慮乖聖朝洗滌關東掃清逆亂之意也儻蜀人復擾豈不貽陛下之憂昔公孫弘願罷西南夷臨海專事朔方賈捐之請棄珠崖以軍中士讜言政本匪一朝一夕巨惡望罷東川節度以一劍南西山不急之城稍以減削則事無窮頭庶免倒懸陛下若以微臣所陳有裨萬一下宰相廷議降公忠大臣定其損益與劍南節度終始處置疏奏不納後梓州副使段子璋反以兵攻東川節度使李旻適率州兵從西川節度使崔光遠攻子璋斬之西川牙將花驚

定者特異既誅子璋大掠東蜀天子怒光遠不能戰軍乃罷之以適代光遠爲成都尹劍南西川節度使代宗即位吐蕃陷隴右漸逼京畿適練兵於蜀臨吐蕃南境以牽制之師出無功而松維等州尋爲蕃兵所陷代宗以黃門侍郎嚴武代還用爲刑部侍郎轉散騎常侍加銀青光祿大夫進封渤海縣侯食邑七百戶永泰元年正月卒贈禮部尚書諡曰忠適喜言王霸大略務功名尚節義逢時多難以安危爲己任然言過其術爲大臣所輕累爲藩牧政存寬簡吏民便之有文集二十卷其與賀蘭進明書令疾救梁宋以親諸軍與許叔冀書綢繆繼好使釋他憾同援梁宋未過淮先與將校書使絕永王各求自白君子以爲義而知變而有唐已來詩人之達者唯適而已

楊瑾河東人也鄉舉進士天寶末安祿山奏爲河北海運判官三遷大理評事副元帥郭子儀辟爲從事至德初肅宗即位大收俊傑或薦瑾召見悅之拜諫議大夫累轉吏部侍郎廣德二年十二月爲散騎常侍河中尹兼御史大夫永泰元年復爲左常侍與裴冕並集賢院待制大曆五年兼判大常卿遷戶部尚書十年七月卒贈太子太師瑾廓落有口才好談王霸之略居職責成屬吏齷齪無過而已

史臣曰祿山寇陷兩京儒生士子被脅從懷苟且者多矣去逆効順毀家爲國者少焉如光遠勇決任氣會權變以立功房瑄文學致身全節義以避寇陸危之時顛沛之際有足稱者然光遠居重藩掌軍政瑄登相位奪將權聚浮薄之徒敗軍旅之事不知機而固位竟無德以自危孺復兇狂式之便仗獲令終者幸焉鑄直躬居位重德鎮時其爲人也鮮矣適以詩人爲戎帥險難之際名節不虧君子哉瑾權第居官守分無過又何咎焉
贊曰光遠房瑄有始有終張鑄國器適瑾儒風

後晉司空同中書門下平章事劉昫撰

列傳第六十二

李暹族弟齊物 齊物子復

李麟

李國貞子麟

李暹族弟若水 李巨子則之

李暹，淮安王神通玄孫，清河王孝節孫也。暹少孤，事母甚謹。睿宗時，累轉衛尉少卿。丁憂去職，在喪柴毀，家人密親未嘗覩其言笑。開元初，授汝州刺史。為政嚴簡，州境肅然。與兄昇弟暹，尤相篤睦。昇等每月自東都省暹，往來微行。州人不之覺，其清慎如此。俄入授太常少卿。三遷黃門侍郎，兼太原尹。仍充太原已北諸軍節度使。太原舊俗，有僧徒以習禪為業，及死不殮，但以屍送近郊，以飼鳥獸。如是積年，土人號其地為黃坑，側有餓狗千數，食死人肉，因侵害幼弱。遠近患之。前後官吏不能禁止。暹到官，申明禮憲，期不再犯。發兵捕殺羣狗，其風遂革。久之，轉太常卿。旬日，拜工部尚書，東都留守。開元二十一年正月，制曰：繼好之義，雖屬邊鄙，受命以出，必在親賢。事欲重於當時，禮故崇於殊俗。選眾之舉，無出宗英。工部尚書李暹，體含柔嘉，識致明允。為公族之領袖，是朝廷之羽儀。金城公主既在蕃中，漢庭公卿非無專對。有懷於遠，夫豈能忘。宜持節充入吐蕃使，准式發遣。以國信物一萬匹，私親物二千匹，皆雜以五綵遺之。及還，金城公主上言，請以今年九月一日樹碑於赤嶺，定蕃漢界。樹碑之日，詔張守珪、李行禕與吐蕃使莽布支同往觀焉。既而吐蕃遣其臣隨漢使分往劍南及河西、積石，歷告邊州曰：兩國和好，無相侵掠。漢使告亦如之。以暹奉使稱職，轉兵部尚書。時吏部告身印與曹印文同，行用參雜，難以區分。暹奏請准司勳兵部印文例，加官告兩字。至今行之。暹風儀秀整，所歷皆以威重見稱。朝廷稱其有宰相之望。累封武都縣伯。俄為太子少傅。病卒，年六十餘。贈益州大都督。齊物，淮安王神通子。鹽州刺史銳孫也。齊物無學術，在官嚴整。開元二十四年，後歷懷、陝二州刺史。齊物天寶初，開砥柱之險，以通流運。於石中得古鐵犁鏵，有平陸字。因改河北縣為平陸縣。加齊物銀青光祿大夫，為鴻臚卿。河南尹齊物與

右相李適之善。適之為林甫所構，貶官。齊物坐謫，竟陵太守。入為司農鴻臚卿。至德初，拜太子賓客，遷刑部尚書。鳳翔尹、太常卿、京兆尹，為政發官吏陰事，以察為能。於物少恩，而清廉自飭。人吏莫敢抵犯。晚年除太子太傅，兼宗正卿。上元二年五月卒。輟朝一日。詔曰：故金紫光祿大夫太子太傅兼宗正卿齊物，宗室珪璋，士林楨幹。清廉獨斷，剛毅不羣。歷踐周行，備經中外。威名益振，忠効彌彰。三尹神州，一登會府。擒姦掩鉤距之術，恤獄正喉舌之官。遂令調護儲闈，再登師傅。從容賓友，師長官寮。桑榆之時，壯志逾勵。松柏之性，晚歲常堅。天不慈遺，奄然祖訓。念親感舊，深軫于懷。宜錫寵章，載光管魄。贈太子太師。子復，字初陽，以父陸累官至江陵府司錄。精曉吏道，衛伯玉厚遇之。府中之事，多以咨委。性苛刻，為伯玉所信。奏為江陵縣令。遷少尹。歷饒州、蘇州刺史。皆著政聲。李希烈背叛，荆南節度張伯儀數出兵，為希烈所敗。朝廷憂之，以復久在江陵，得軍民心。復方在母喪，起為江陵少尹兼御史中丞。充節度行軍司馬。伯儀既受代，以復為容州刺史兼御史中丞。充本管招討使。加檢校常侍。先時西京叛亂，前後經略使征討反者，獲其人皆沒為官奴婢。配作坊重役。復乃令訪其親屬，悉歸還之。在容州三歲，南人安悅。遷廣州刺史兼御史大夫。嶺南節度觀察使。會安南經略使高正平張應相次卒。官其下參佐偏裨。李元度、胡懷義等阻兵。贛州縣賊賊狼藉，復誘懷義杖殺之。奏元度流於荒裔。又勸導百姓，令鑿茅屋為瓦舍。瓊州久陷於蠻獠中，復累遣使喻之。因奏置瓊州都督府以綏撫之。復曉於政道。所在稱理。徵拜宗正卿。加檢校工部尚書。未一歲，會華州節度李元諒卒，以復為華州刺史。潼關禦鎮，國軍使。仍檢校戶部尚書兼御史大夫。貞元十年，鄭滑節度使李融卒，軍中潰亂。以復檢校兵部尚書兼滑州刺史。義成軍節度鄭滑觀察營田等使兼御史大夫。復到任，置營田數百頃，以資軍食。不率於民。眾皆悅之。十二年，加檢校左僕射。十三年四月卒。官年五十九。廢朝三日。贈司空。購布帛米粟有差，復久典方面，積財頗甚。為時所譏。若水，齊物族弟。累官至左金吾大將軍兼通事舍人。容貌甚偉。在館三十年，多識舊儀。每宣勞贊導，周旋俯仰，有可觀者。建中元年八月卒。

李麟皇室之疎屬太宗之從孫也父濬開元初置十道按察使精選吏才以濬爲潤州刺史江南東道按察使轉號潞二州刺史益州大都督府長史攝御史大夫劍南節度按察使所歷以誠信待物稱爲良吏八年卒贈戶部尚書諡曰誠麟以父任補職累授京兆府戶曹開元二十二年舉宗室異能轉殿中侍御史歷戶部考功吏部三員外郎天寶元年遷郎中尋改諫議大夫五載充河西隴右積西等道黜陟使稱旨遷給事中七載遷兵部侍郎同列楊國忠專權不悅麟同職宰臣奏麟以本官權知禮部貢舉俄而國忠爲御史大夫麟復本官十一載遷銀青光祿大夫國子祭酒十四年七月以本官出爲河東太守河東道採訪使爲政清簡民吏稱之其年冬祿山構逆朝廷以麟儒者恐非禦侮之用乃以將軍呂崇實代還復以祭酒歸朝賜爵渭源縣男六月玄宗幸蜀麟奔赴行在既至成都拜戶部侍郎兼左丞遷憲部尚書至德二年正月拜同中書門下平章事時扈從宰相韋見素房琯崔渙已赴鳳翔俄而崔圓繼去玄宗以麟宗室子獨留之行在百司麟總攝其事其年十一月從上皇還京策勳行賞加金紫光祿大夫刑部尚書同中書門下三品進封襄國公時張皇后干預朝政殿中監李輔國以翊衛肅宗之勞判天下兵馬事充元帥府行軍司馬勢傾同朝宰相苗晉卿崔圓已下懼其威權傾心事之唯麟正身謹事無所依附輔國不悅乾元元年罷麟知政事守太子少傅二年八月卒時年六十六贈太子太傅贈絹二百匹葬日詔京兆府差官護送官給所須麟好學能文嘗編聚皇朝已來制集五十卷行於時

李國貞淮安王神通子淄川王孝同之曾孫父廣業劍州長史國貞本名若幽性剛正有吏才歷安定扶風錄事參軍皆稱職乾元中累遷長安令尋拜河南尹會史思明逼城元帥李光弼東保河陽國貞領官吏寓于陝數月徵爲京兆尹上元初改成都尹兼御史大夫充劍南節度使入爲殿中監二年八月遷戶部尚書兼御史大夫持節充朔方鎮西北庭與平陳鄭等節度行營兵馬及河中節度都統處置使鎮于絳賜名國貞既至又加充管內河中晉絳慈隰沁等州觀察處置等使餘並如故國貞既至絳屬軍中素無儲積百姓飢饉難爲聚

斂將士等糧賜多闕國貞頻以狀聞未報軍中譴謫怨讟左右以告國貞國貞喻之曰軍將何苦如是已爲奏聞終有所給信宿軍亂攻國貞夜燒衙城門國貞莫知所圖左右勸國貞棄城遁去國貞曰吾銜命爲將不能墮難安可棄城乎左右固勸迴避乃隱於州獄詐負緹緹會國貞麾下爲賊所擒因指所在遂於獄中執國貞將害之國貞曰軍中乏糧已有陳請人不堪賦子無負於將士耳衆引退突將王元振獨曰今日之事宜須問焉抽刀害國貞及二男三大將國貞有風采清白守法爲政急於操下時論以辨吏稱之追贈揚州大都督子錡以父蔭貞元中累至湖杭二州刺史多以寶貨賂李齊運由是遷潤州刺史兼鹽鐵使持積財進奉以結恩澤德宗甚寵之錡恃恩驕恣有浙西人布衣崔善貞詰闕上封論錡罪狀而德宗械送賜錡錡遂坑殺善貞天下切齒乃增置兵額選善弓矢者聚之一營名曰挽硬隨身以胡奚雜類虬鬚者爲一將名曰蕃落健兒德宗復於潤州置鎮海軍以錡爲節度使罷其鹽鐵使務錡雖罷其利權且得節度反狀未發憲宗卽位已二年諸道僣強者入朝而錡不自安亦請入朝乃拜錡左僕射錡乃署判官王澹爲留後既而遷延發期澹與中使頻喻之不悅遂諷將士以給冬衣日殺澹而食之監軍使聞亂遣衙將趙琦慰喻又鬻食之復以兵注中使之頸錡佯驚救解之囚於別館遂稱兵飾五劍分授管內鎮將令殺刺史於是常州刺史顏防用客李雲謀矯制傳檄于蘇杭湖睦等州遂殺其鎮將李深湖州辛祕亦殺其鎮將趙惟忠而蘇州刺史李素爲鎮將姚志安所繫釘於船舷生致於錡未至而錡敗得免初錡以宣州富饒有并吞之意遣兵馬使張子良李奉仙田少卿領兵三千分略宣池等州三將夙有向順志而錡甥裴行立亦思向順其密謀多決於行立乃迴戈趣城執錡於幕維而出之斬於闕下年六十七其挽硬蕃落將士或投井自縊紛紛枕藉而死者不可勝紀宰相鄭絪等議錡所坐親疎未定乃召兵部郎中蔣武問曰詔罪李錡一房當是大功內耶武曰大功是錡堂兄弟卽淮安王神通之下淮安有大功於國不可以孽孫而上累又問錡親兄弟從坐否武曰錡親兄弟是若幽之子若幽有死王事之功如令錡兄弟從坐若幽卽宜削籍亦所未安宰相頗

以爲然故誅錡詔下唯止元惡一房而已。

李暉太宗第三子吳王恪之孫恪第三子琬生信安王種種生三子暉暉暉志行修立天寶中爲南宮郎歷典諸曹十餘年居父喪哀毀得禮服闋以郡王子例封趙國公楊國忠秉政郎官不附己者悉出於外暉自考功郎中出爲睢陽太守尋而暉出爲魏郡太守兄弟夾河典郡皆以理行稱十四載入計京師屬祿山之亂玄宗幸蜀暉奔赴行在除武部侍郎兼御史大夫俄拜蜀郡太守劍南節度採訪使上皇在成都健兒鄒千仞夜謀亂上皇御玄英樓招諭不從暉與六軍兵馬使陳玄禮等平之以功加金紫光祿大夫時暉爲鳳翔太守匡翊肅宗兄弟俱効勳力從上皇還京爲戶部尚書暉爲御史大夫兼京兆尹封梁國公兄弟同制封公乾元初兼御史大夫持節都統淮南江南江西節度宣慰觀察處置等使二年以宋州刺史劉展握兵河南有異志乃陽拜展淮南節度使而密詔揚州長史鄧景山與暉圖之時展徒黨方強既受詔即以兵渡淮景山拒之壽春爲展所敗暉走渡江保丹陽坐貶袁州司馬寶應二年病卒於貶所追贈揚州大都督官給遞乘護柩還京初暉爲戶部尚書暉爲吏部尚書知政事暉爲戶部侍郎銀青光祿大夫兄弟同居長與里第門列三戟兩國公門十六戟一三品門十二戟榮耀冠時暉位終蜀州刺史暉樂善下士少有更幹以門蔭入仕累遷高陵令政術知名特遷萬年令河南少尹魏郡太守入爲金吾將軍遷將作監改京兆府尹所在皆著聲績天寶十三載連雨六十餘日宰臣楊國忠惡其不附己以兩災歸咎京兆尹乃出爲長沙郡太守時京師米麥踊貴百姓謠曰欲得米粟賤無過追李暉其爲政得人心如此至德初朝廷務收才傑以清寇難暉召至行在拜扶風太守兼御史大夫至德二年十一月制曰銀青光祿大夫守禮部尚書李暉饋軍周給開物成務可光祿大夫行御史大夫兼京兆尹封梁國公乾元二年制曰李暉朝廷碩德宗室蓋臣可中書侍郎同中書門下平章事與呂諲李揆第五琦同拜相暉位望稍高軍國大事諸公莫敢言皆獨決於暉由是諲等銜之初李輔國判行軍司馬潛令官軍於人間聽察是非謂之察事忠良被誣構者繼有之須有追呼諸司莫敢抗

御史臺大理寺重囚有獄推斷未了牒追就銀臺不問輕重一時釋放莫敢違者每日於銀臺門決天下事須處分便稱制勅禁中符印悉佩之出入縱有勅輔國押署然後施行及暉爲相叩頭論輔國專權亂國上悟賞暉正直事並變革輔國以此讓行軍司馬請歸本官察事等並停由是深怨暉鳳翔七馬坊押官先頗爲盜劫掠平人州縣不能制天與縣令知捕賊謝夷甫擒獲決殺之其妻進狀訴夫冤輔國先爲飛龍使黨其人爲之上訴詔監察御史孫鑿推之鑿初直其事其妻又訴詔令御史中丞崔伯陽刑部侍郎李暉大理卿權獻三司與鑿同妻論訴不已詔令侍御史毛若虛覆之若虛歸罪於夷甫又言伯陽等有情不能質定刑獄伯陽怒使人召若虛詞氣不順伯陽欲上言之若虛先馳謁告急於肅宗云已知卿出去若虛奏曰臣出即死上因留在簾內有頃伯陽至上問之伯陽頗言若虛順旨附會中上怒叱出之伯陽貶瑞州高要尉權獻郴州桂陽尉鳳翔尹嚴向及李暉皆貶權下一尉鑿除名長流播州暉以數人咸非其罪所責太重欲理之遂奏若虛希旨用刑不守國法陛下若信之重輕是無御史臺上怒暉言出暉爲蜀州刺史時右散騎常侍韓擇木入對上謂之曰暉欲專權耶何乃云任毛若虛是無御史臺也令貶蜀州刺史朕自覺用法太寬擇木對曰暉言直非專權陛下寬之祇益聖德爾代宗即位徵暉爲荆南節度江陵尹知江淮選補使人爲禮部尚書兼宗正卿屬鑿與幸陝暉由商山路赴行在既還京師拜暉爲黃門侍郎同中書門下平章事故事宰臣不干政事堂邀客時海內多務宰相元載等見中官傳詔命至中書者引之升政事堂仍置榻待之暉爲宰相令去其榻奏請參官各舉堪任諫官憲官者不限人數初收東京授僞官陳希烈已下數百人崔器希旨深刻奏皆處死上意亦欲懲勸天下欲從器議時暉爲三司使執之曰夫事有首從情有輕重若一概處死恐非陛下含弘之義又失國家惟新之典且羯胡亂常無不凌據二京全陷萬乘南巡各顧其生衣冠蕩覆或陛下親戚或勳舊子孫皆實極法恐乖仁恕之旨昔者明王用刑殲厥渠魁脅從罔理况河北殘寇未平官吏多陷苟容漏網適開自新之路若盡行誅是堅叛逆之黨誰人更圖効順因獸猶聞況數

萬人乎。崔器呂諲皆守文之吏，不識大體，殊無變通。廷議數日，方從峴奏，全活甚衆。其料敵決事，皆此類。竟爲中官所擠，罷知政事。爲太子詹事，尋遷吏部尚書。知江淮舉選，置銓洪州。明年，改檢校兵部尚書，兼衢州刺史。永康二年七月，以疾終。時年五十八。

李巨，曾祖父號王鳳，高祖之第十四子也。鳳孫邕，嗣號王。巨，卽邕之第二子也。剛銳果決，頗涉獵書史，好屬文。開元中，爲嗣號王。天寶五載，出爲西河太守。皇太子杜良娣之妹婿柳勣陷詔獄，巨母扶餘氏，吉溫嫡母之妹也。溫爲京兆士曹，推勣之黨，以徐徽等往來巨家資給之。由是坐貶義陽郡司馬。六載，御史中丞楊慎矜爲李林甫王鉷構陷得罪，其黨史敬忠亦伏法。以巨與敬忠相識，坐解官於南賓郡安置。又起爲夷陵郡太守。及祿山陷東京，玄宗方擇將帥，張垍言巨善騎射，有謀略。玄宗追至京師，楊國忠素與巨相識，忌之。謂人曰：如此小兒，豈得令見人主。經月餘日，不得見。玄宗使中官召入奏事。玄宗大悅，遂令中官劉奉庭宣勅，令宰相與巨語。幾亭午，方出。國忠頗怠，對奉庭謂巨曰：比來人多口打，賊公不爾乎。巨曰：不知若箇軍將能與相公手打賊乎。尋授陳留譙郡太守。攝御史大夫。河南節度使翌日，巨稱官銜奉謝。玄宗驚曰：何得令攝，卽日詔兼御史大夫。巨奏曰：方今艱難，恐爲賊所詐，如忽召臣，不知何以取信。玄宗愕木，契分授之。遂以巨兼統嶺南節度使，何履光黔中節度使，趙國珍南陽節度使，魯炅先領三節度事。有詔貶炅爲果毅，以穎川太守來瑛兼御史中丞代之。巨奏曰：若炅能存孤城，其功足以補過，則何以處之。玄宗曰：卿隨宜處置之。巨至內鄉，趣南陽，賊將畢思琛聞之，解圍走。巨趣何履光趙國珍同至南陽，宣勅貶炅，削其章服，令隨軍効力。至日晚，以恩命令炅復位。至德二年，爲太子少傅。十月，收西京爲留守，兼御史大夫。三年夏四月，加太子少師，兼河南尹。充東京留守，判尚書省事。充東畿採訪等使，於城市橋梁稅出入車牛等錢，以供國用。頗有乾沒。士庶怨讟，後與妃張氏不睦。張氏卽皇后從父妹也。宗正卿李遵構之，發其所犯贓賄，貶爲遂州刺史。屬劍南東川節度兵馬使梓州刺史段子璋反，以衆襲節度使李旻於綿州，路經遂州。巨蒼黃修屬郡禮迎之，爲子璋所

殺子，則之以宗室歷官好學，年五十餘，每執經詣太學聽受。嗣曹王暉自荆南來朝，稱薦之。貞元二年，自睦王府長史遷左金吾衛大將軍，以從父甥竇申追遊無閒親累，貶昭州司馬。

史臣曰：曷孝友清慎，居官有稱。齊物貞廉，整肅復節，制權謀。國貞清白守法，皆神通之。曾玄宗室之翹楚，錡之爲逆，不累其親。前人之積德彰矣。當朝之用法明矣。然曷發人陰私，齊物積財與議，國貞急於操下，皆尺之短也。麟修整，姁循良匪躬立事，始終無玷者，皆宗室之英也。峴之剛正才略，有足可稱。初爲國忠所憎，終沮朝恩之勢，處羣邪之內，堅獨正之心，是不吐也。活東都之命，是不茹也。庶幾乎仲山甫之道焉。巨以剛銳果決，亦可嘉焉。終以贓賄貪殘，良可痛也。贊曰：宗室賢良，枝葉茂盛，最尤者誰。峴獨守正。

舊唐書卷一百一十二

舊唐書卷一百十二考證

李暉弟齊物傳齊物准安王神通子鹽州刺史銳孫也○宗室傳作曾孫新書作子

李暉傳詔令御史中丞崔伯陽刑部侍郎李暉大理卿權獻三司與鑾同妻論訴不已○三司下應屬闕文

史臣總論初為國忠所憎終沮朝恩之勢○臣德潛按李暉傳中乃為李輔國持掖非魚朝恩也應誤

舊唐書卷一百十二考證

後晉司空同中書門下平章事劉昫撰

列傳第六十三

苗晉卿

裴冕

裴遵慶子向子寅寅子樞

苗晉卿上黨襄陽人。世以儒素稱。祖夔。高道不仕。追贈禮部尚書。父殆。庶。官至絳州龍門縣丞。早卒。以晉卿贈太子少保。晉卿幼好學。善屬文。進士擢第。初授懷州修武縣尉。歷奉先縣尉。坐累貶徐州司戶參軍。秩滿。隨調。判入高等。授萬年縣尉。遷侍御史。歷度支兵吏部三員外郎。開元二十三年。遷吏部郎中。二十四年。與吏部郎中孫逖並拜中書舍人。二十七年。以本官權知吏部選事。晉卿性謙柔。選人有訴訟。索好官者。雖至數千言。或聲色甚厲者。晉卿必含容之。略無愠色。二十九年。拜吏部侍郎。前後與選五年。政既寬弛。胥吏多因緣為姦。賄賂大行。時天下承平。每年赴選常萬餘人。李林甫為尚書。專任廟堂。銓事唯委晉卿。及同列侍郎宋遙主之。選人既多。每年兼命他官有識者。同考定書判。務求其實。天寶一載。春。御史中丞張倚。男勇。參選晉卿。與遙以倚初承恩。欲悅附之。考選人判等。凡六十四人。分甲乙丙科。爽在其首。眾知爽不讀書。論議紛然。有蘇孝愷者。嘗為范陽刺令。事安祿山。具其事告之。祿山恩寵特異。謁見不常。因而奏之。玄宗大集登科人。御花萼樓。親試登第者。十無一二。而爽手持試紙。竟日不下一字。時謂之曳白。上怒。晉卿貶為安祿山太守。遙為武當郡太守。張倚為淮陽太守。勅曰。門庭之間。不能訓子。選調之際。仍以託人。時士子皆以為戲笑。天寶三載。閏二月。轉魏郡太守。充河北採訪處置使。居職三年。政化洽聞。會入計。因上表請歸鄉里。既至壺關。望縣門而步。小吏進曰。太守位高德重。不宜自輕。晉卿曰。禮下公門。式路馬。沉父母之邦。所宜尊敬。汝何言哉。大會鄉黨。歡飲累日而去。又出傳錢三萬為鄉學本。以教授子弟。尋改河東太守。河東採訪使。入為尚書。東京留守。徵為憲部尚書。屬祿山叛逆。楊國忠以晉卿有時望。將抑之。乃奏云。宜以大臣鎮遏東道。遂出為陝州刺史。陝號兩州防禦使。及入對。固辭老病。由是忤旨。改憲部尚書。致仕。及朝廷失守。衣冠流離道路。多為逆

黨所脅。自陳希烈張均已下數十人。盡赴洛陽。晉卿潛遁山谷。南投金州。會肅宗至鳳翔。手詔追晉卿赴行在。即日拜為左相。軍國大務。悉以咨之。既收兩京。以功封韓國公。食實封五百戶。改為侍中。後以賊寇漸除。屢乞骸骨。優詔許之。罷知政事。為太子太傅。明年。帝思舊臣。復拜為侍中。晉卿寬厚廉謹。為政舉大綱。不問小過。所到有惠化。魏人思之。為立碑頌德。及秉鈞衡。小心長慎。未嘗忤人意。性聰敏。達練事體。百司文簿。經目必曉。而修身守位。以智自全。議者比漢之胡廣。玄宗崩。肅宗詔晉卿攝冢宰。上表固辭曰。臣聞古者。殷高宗在諒闇之中。百官聽於冢宰。更無事跡。但存文字。且一時之事。禮不相沿。今殘寇猶虞。日殷萬務。皆緣兵馬。屯守討襲。善算良謀。立勝擒敵。陛下若行古之道。居喪不言。蒼生何依。百事皆廢。伏讀國家起居注。亦於禮部檢見舊勅。恭惟太宗高宗大行皇帝在位之日。皆有國哀。視事不輟。以為君臨天下。難徇常情。今遺詔有處分。皇帝宜三日而聽政。陛下遵太宗故事。則無冢宰。遵大行皇帝遺詔。便合聽朝。萬姓顛顛。不勝大願。伏惟陛下知理國之重。順人心之切。以義斷恩。從宜無改。今朝臣一命已上。皆言臣心昏貌朽。加以疾病。事有急遽。斷在須臾。凡聖不同。豈合受詔。陛下發哀。已五日矣。願准遺詔。聽政。則四夷萬國。無任悲幸。肅宗時疾彌留。覽表頌絕。乃許。數日。肅宗晏駕。代宗踐祚。又詔晉卿攝冢宰。晉卿上表辭曰。臣以昔者天子居喪之時。百官聽於冢宰者。蓋君幼小。御極事殷。情理當然。沿革不一。今古異同。而周武漢文。合於通變。垂範作則。可舉而行。又土或墨。歲時過金革。豈非銜恤。謂義在斷恩。且百善之至。無加於孝也。其有容瘁心絕。指景悼生。此匹夫守節之常情。殊王者嗣續之大計。昨二十日。陛下於大行皇帝柩前即位。是承先帝遺顧之言。亦前代不易之典。則知所略不為害。所存是適權。防威滅端。所利者大。陛下因心純至。天地明察。伏以報劬勞之恩。申罔極之思。終身之痛。豈計朝夕。但以一日之內。萬務在中。須達宸聽。始成國政。百家萬姓及僧道者。壽等。相顧聚言。以臣老且無能。愚豈測聖。況久無居攝。臣不敢奉詔。特乞陛下遵遺命。三日而聽政。臣博聽眾情。不勝懇願。伏望割痛。抑哀。則天下悲幸。上號泣從之。時晉卿年已衰暮。又患兩足。上特許肩輿至中書。

入閣不趨，累日一視事。歷三朝，皆以謹密見稱。廣德初，吐蕃寇長安，晉卿時病臥於私第，蕃聞之，輿入逼脅，晉卿閉口不言，賊不敢害。及上自陝至，冊為太保，罷知政事。又詔以太保致仕。永泰元年四月，薨。輟朝三日。令京兆少尹一員護喪事，緣葬諸物，並官給。賻絹布五百段，米粟五百石。太常議諡曰懿獻。初，晉卿東都留守，引用大理評事元載為推官。至是載為中書侍郎平章事，懷舊恩，諷有司改諡曰文貞。大曆七年，令配享肅宗廟庭。

裴寬，河東人也。為河東冠族。天寶初，以門蔭再遷渭南縣尉。以吏道聞。御史中丞王鉞充京畿採訪使，表為判官。遷監察御史。歷殿中侍御史。寬雖無學術，守職通明。果於臨事，鉞甚委之。及鉞得罪伏法，時宰臣李林甫方竊權柄，人咸懼之。鉞賓佐數百，不敢窺鉞門。寬獨收鉞屍，親自護喪，瘞于近郊。寬自是知名。河西節度使哥舒翰表為行軍司馬。累遷員外郎。中丞宗幸蜀，至益昌郡，遙詔太子充天下兵馬元帥，以寬為御史中丞兼左庶子為之副。是時寬為河西行軍司馬，授御史中丞，詔赴朝廷。遇太子於平涼，具陳事勢，勸之朔方，亟入靈武。寬與杜鴻漸、崔漪等勸進曰：「主上厭勳大位，南幸蜀川，宗社神器，須有所歸。天意人事，不可少失。況賢智乎？」太子曰：「南平寇逆，奉迎鑾輿，退居儲貳，侍膳左右，豈不樂哉？」公等何言之過也。寬與杜鴻漸又進曰：「殿下藉累聖之資，有天下之表，元貞萬國，二十餘年，殷憂啟聖。正在今日，所從殿下六軍將士，皆關輔百姓，日夜思歸。大軍一散，不可復集。不如因而撫之，以從眾。臣等敢以死請。」凡勸進五上，乃依肅宗即位，以定策功。遷中書侍郎。同中書門下平章事。倚以為政。寬性忠勤，悉心奉公，稍得人心。然不識大體，以聚人曰財，乃下令賣官鬻爵。度尼僧道士，以儲積為務。人不願者，科令就之。其價益賤，事轉為弊。肅宗移幸鳳翔，罷寬知政事。遷右僕射。兩京平，以功封真國公，食實封五百戶。尋加御史大夫。成都尹，充劍南西川節度使。又入為右僕射。永泰元年，與裴遵度等並集賢待制。

代宗求舊，拜寬兼御史大夫，充護山陵使。寬以倖臣李輔國權盛，將附之。乃表輔國親昵術士中書舍人劉烜，充山陵使判官。烜坐法，寬坐貶施州刺史。數月，移澧州刺史。復徵為左僕射。元載秉政，載為新平縣尉。王鉞辟在巡內，寬常引

之。載頗德寬，會宰臣杜鴻漸卒，載遂舉寬代之。寬時已衰，蔡載以其順己，引為同列。受命之際，蹈舞絕倒，載趨而扶起，代為謝詞。寬兼掌兵權，留守之任，俸錢每月二千餘貫。性本侈靡，好尚車服及營珍饈，名馬在櫪，直數百金者常十數。每會賓友，滋味品數，坐客有味於名者，自創巾子，其狀新奇，市肆因而效之。呼為僕射樣。初代鴻漸小吏，以俸錢文簿白之。寬顧子弟喜見於色，其嗜利若此。拜職未盈月，卒。大曆四年十二月也。上悼之，輟朝三日。贈太尉，賻帛五百匹，粟五百石。

裴遵慶，絳州聞喜人也。代襲冠冕，為河東著族。遵慶志氣深厚，機鑿敏達，自幼強學，博涉載籍，謹身晦跡，不干當世之務。以門蔭累授潞府司法參軍。時年已老，未為人所知。隨調吏部，授大理寺丞，剖斷刑獄，舉正綱條，理行始著。遷司門員外，吏部員外郎，專判南曹。天寶中海內無事，九流輻輳，會府每歲吏部選人，動盈萬數。遵慶敏識強記，精覈文簿，詳而不滯。時稱吏事第一。由是大知名。天寶末，楊國忠當國，出不附己者，例為外官。遵慶亦出為郡守。肅宗即位，徵拜給事中。尚書右丞，吏部侍郎，恭儉克己，遲重謹密，頗有時望。上元中，蕭華輔政，素知遵慶，每奏見，累稱之。遷黃門侍郎，同中書門下平章事。廣德初，僕固懷恩阻兵汾上，指中官為詞，上以遵慶忠純，特遣往汾州宣慰懷恩。遵慶既見懷恩，具陳朝旨，懷恩引過聽命，將隨遵慶朝謁。為副將范志誠以邪說惑之，懷恩遂以懼死為詞，會蕃寇陷京師，乘輿幸陝。遵慶自汾州奔赴行在，及乘輿還京，以遵慶為太子少傅。永泰元年，與裴寬等並於集賢院待制。罷知政事，尋改吏部尚書。右僕射。復知選事。時有選人天與縣尉陳瑄，於銓庭言詞不遜，凌突無禮。代宗詔付遵慶於省門鞭三十，貶為吉州員外司。參軍。遵慶敦守儒行，老而彌謹。嘗為風狂，族姪揭登聞鼓，告以不順。上知遵慶不省，其見信如此。大曆十年十月，薨於位。年九十餘。遵慶初登省郎，嘗著王政記，述今古禮體，識者覽之，知有公輔之量。子向，字傑仁，少以門蔭歷官。至太子司議郎。建中初，李紆為同州刺史，奏向為從事。朱泚反，李懷光又叛河中，使其將趙貴先築壘于同州。紆來奔奉天，向領州務。貴先因帶縣尉林寶，役徒板築，不及期，將斬之。吏人百姓奔

竄向卽詣貴先軍壘以逆順之理責之。貴先感悟遂來降。故同州不陷。向繇是知名。累爲京兆府戶曹。轉櫟陽渭南縣令。奏課皆第一。朝廷亟聞其理行。擢爲戶部員外郎。德宗季年。天下方鎮副倖多自選于朝。防一日有變。遂就而授之節制。向已選爲太原少尹。德宗召見。喻旨。尋用爲行軍司馬。兼御史中丞。改汾州刺史。轉鄭州。又復爲太原少尹。兼河東節度副使。改晉州刺史。充本州防禦使。遷陝虢都防禦觀察使。三歲。拜左散騎常侍。自常侍復爲大理。向本以名相。以學行自飭。謹守其門風。歷官仁智推愛。利及於人。至是以年過致政。朝廷優異。乃以吏部尚書致仕于新昌里第。內外支屬百餘人。向所得俸祿。必同其費。及領外任。亦挈而隨之。有孤孀疾苦不能自恤。向尤周給。至今稱其孝睦焉。大和四年九月卒。年八十。贈太子少保。子寅。登進士第。累官至御史大夫。卒。子樞。字紀聖。咸通十二年登進士第。宰相杜審權出鎮河中。辟爲從事。得祕書省校書郎。再遷藍田尉。直弘文館。大學士王鐸深知之。鐸罷相。失職。樞亦久之不調。從僖宗幸蜀。中丞李煥奏爲殿中侍御史。遷起居郎。中和初。王鐸復見用。以舊恩徙爲鄭滑軍書記。檢校司封郎中。賜金紫。入朝。歷兵吏二員外郎。龍紀初。擢拜給事中。改京兆尹。宰相孔緯尤深獎遇。大順中。緯以用兵無功。貶官。樞坐累爲右庶子。尋出爲歙州刺史。乾寧初。入爲右散騎常侍。從昭宗幸華州。爲汴州宣諭使。初。樞自歙州罷。郡歸朝。路經大梁。時朱全忠兵威已振。樞以兄事之。全忠繇是重之。及樞傳詔。全忠皆稟朝旨。獻奉相繼。昭宗甚悅。乃遷兵部侍郎。時崔胤專政。亦倚全忠。二人因是相結。改樞吏部侍郎。未幾。換戶部侍郎。同平章事。其年冬。昭宗幸華州。崔胤貶官。樞亦爲工部尚書。天子自岐下還宮。以樞檢校右僕射。同平章事。出爲廣南節度使。制出。朱全忠保薦之。言樞有經世才。不可棄之。續表。尋復拜門下侍郎。監修國史。累兼吏部尚書。判度支。崔胤誅以全忠素厚。相位如故。從昭宗遷洛陽。駐驛陝州。進右僕射。弘文館大學士。太清宮使。充諸道鹽鐵轉運使。哀帝初。嗣位。柳璨用事。全忠嘗奏用牙將張廷範爲太常卿。諸相議。樞曰。廷範勳臣。幸有方鎮節鉞之命。何藉樂卿。恐非元帥梁王之

旨。乃持之不下。俄而全忠聞樞言。謂家佐曰。吾常以裴十四器識真純。不入浮薄之伍。觀此議論。本態驛矣。切齒含怒。柳璨聞全忠言。尋希旨罷樞相位。和陵附享。拜尚書左僕射。五月。責授朝散大夫。登州刺史。尋再貶瀧州司戶。六月十一日。行及滑州。全忠遣人殺之。於白馬驛投屍於河。時年六十五。史臣曰。晉卿謹身莅事。足爲純臣。避寇全忠。固彰大節。然博達精審。豈不知寬猛之道哉。奉林甫之旨。順胥吏之意。悅附張倚。欺罔時君。生爲重臣。詔林甫之勢也。歿改美謚。引元載之恩焉。或言晉卿不爲巧宦者。誠不信也。冤力贊中與。名居大位。奉公抱義。可以致身。賈官度僧。是何爲政。及其老也。貪冒尤深。遵慶學術。貞明爲國忠所出。恭儉謹密。遇蕭華素知。位重行純。老而彌篤。彼二公固有慚德。向克荷堂構。不墜門風。樞因盜而振。盜憎而亡。宜哉。君子守道遠刑。蓋慮此也。

贊曰。奧矣晉卿。食哉裴冤。遵慶父子。及之者鮮。

舊唐書卷一百十三

後晉司空同中書門下平章事劉昫撰

列傳第六十四

魯炆

裴莪

來瑱

周智光

魯炆，范陽人也，身長七尺餘，涉獵書史。天寶六年，隴右節度使哥舒翰引為別奏，顏真卿為監察御史，使至隴右，翰嘗設宴，真卿謂翰曰：「中丞自即將授將軍，便登節制，後生可畏，得無人乎？」炆時立在階下，翰指炆曰：「此人後當為節度使矣。」後以隴右破吐蕃跳盪功，累授右領軍大將軍，同正員，賜紫金魚袋，祿山之亂，選任將帥，十五載正月，拜炆上洛太守，未行，遷南陽太守，本郡守捉，仍充防禦使，尋兼御史大夫，充南陽節度使，以嶺南黔中山南東道子第五萬人屯葉縣，北澗水之南築柵四面掘壕以自固，至五月，賊將武令珣、畢思琛等來擊之，衆欲出戰，炆不許，賊於營西順風燒烟，管內坐立不得，橫門扇及木爭出，賊矢集如雨，炆與中使薛道等挺身遁走，餘衆盡沒，嶺南節度使何履光黔中節度使趙國珍、襄陽太守徐浩未至，裨將嶺南黔中荆襄子第半在軍，多懷金銀為資糧，軍資器械盡棄於路，如山積，至是，賊徒不勝其富，炆收合殘卒保南陽郡，為賊所圍，尋而潼關失守，賊使哥舒翰招之，不從，又使偽將豫州刺史武令珣等攻之，累月不能尅，武令珣死，又令田承嗣攻之，潁川太守來瑱、襄陽太守魏仲犀合勢救之，犀使弟孟副為將，領兵至明府橋，望賊而走，衆遂大敗，炆城中食盡，煮牛皮筋角而食之，米斛至四五十千，有價無米，鼠一頭至四百文，餓死者相枕藉，肅宗使中官將軍曹日昇來宣慰，路絕不得入，日昇請單騎入致命，仲犀曰：「不可，賊若擒吾，勅使我亦何安，顏真卿適自河北次于襄陽，謂仲犀曰：『曹使既果決，不顧萬死之地，何得沮之？』縱為賊所獲，是亡一使者，苟得人城，則萬人之心固矣，公何愛焉？」中官馮廷瓌曰：「將軍必能入，我請以兩騎助之。」日昇又自有僱騎數人，仲犀又以數騎，共十人同行，賊徒望見，知其驍銳，不敢逼，日昇既入城，炆初以為望絕，忽有使來宣命，皆踴躍一心，日昇以其十人至襄陽，取糧，賊雖追之，不敢擊，遂以一千人取音聲路運糧而入，賊亦不能遏，又得

相持數月，炆在圍中一年，救兵不至，晝夜苦戰，人相食，至德二年五月十五日，

率衆持滿傳矢突圍而出，南陽投襄陽，田承嗣來追，苦戰二日，殺賊甚衆，賊又知其決死，遂不敢逼，朝廷因除御史大夫，襄陽節度使，時賊志欲南侵江漢，賴炆奮命扼其衝要，南夏所以保全，十月，王師收兩京，承嗣令珣等奔於河北，南陽遭大亂之後，距鄧州二百里，人烟斷絕，遺骸委積於牆壑間，十二月，策勳行賞詔曰：「特進太僕卿南陽郡公兼御史大夫權知襄陽節度事上柱國金鄉縣公魯炆，蘊是韜略，副茲節制，竭節保邦，悉心陷敵，表之旗幟，分以土田，可開府儀同三司，兼御史大夫，封岐國公，食實封二百戶，兼京兆尹，乾元元年，兼鄭州刺史，充鄭陳頰亳等州節度使，上元二年，為淮西襄陽節度使，鄧州刺史，十月，與朔方節度使司徒郭子儀、河東節度使太尉李光弼等九節度同圍安慶緒於相州，炆領淮西襄陽節度行營步卒萬人，馬軍三百，以李抱玉為兵馬使，炆分界知東面之北，二年六月六日，賊將史思明自范陽來救，戰於安陽河北，王師不利，炆中流矢奔退，時諸節度以迴紇戰敗，因而退散，盡棄軍糧器械，所過虜掠，炆兵士剽奪尤甚，人因驚怨，五日，至新鄭縣，聞郭子儀已整衆屯穀水，李光弼還太原，炆憂懼，仰藥而卒。

裴莪，以門蔭入仕，累遷京兆府司錄參軍，來瑱鎮陝州，引為判官，瑱移襄州，又為瑒行軍司馬，瑒遇之甚厚，及瑒淮西之敗，逗留不行，莪密表聞奏，朝廷以瑒掌重兵，惡之，密詔以莪代瑒為襄州刺史，充防禦使，莪本鎮數城，及受密命，乃率麾下二千人赴襄陽，時瑒亦奉詔依舊任，瑒遂設具於江津，以俟之，莪初聲言假道入朝，及見瑒，即云奉代，且欲視事，瑒報曰：「瑒已奉恩命復任，此莪惶惑，喻其麾下曰：『此言必妄，遂引射瑒軍，因與瑒兵交戰，莪大敗，士卒死傷殆盡，』」莪走還數城，舊營瑒追擒之，朝旨務安漢南，乃歸谷於莪，寶應元年七月，勅曰：「前襄州刺史裴莪，性本頑疎，行惟狂悖，頃因試用，爰委軍戎，守在要衝，無聞方略，所以申命來瑒，重撫漢南，即宜奔赴闕廷，謝其曠職，而乃顧惜名位，輕圖異端，誣構忠良，妄與兵甲，遽令追召，敢欲逗留，是有無君之心，不唯罔上之罪，又轉輸之物，軍國所資，擅為費用，其數甚廣，據其抵犯，合宜嚴誅，但自朕登極已來，

屢施恩宥。肆諸朝市。所未忍為。宜寬殊死之刑。俾就投荒之謫。宜除名長流。發州。戎器局輕福。初與師徒給用無節。及敗。撓遲迴。赴召。將至京師。會有是命。既行至藍田驛。賜自盡。

來瑱。邠州永壽人也。父曜。起於卒伍。開元十八年。為鴻臚卿。同正員。安西副都護。持節。領西副大使。四鎮節度使。後為右領軍大將軍。仗內五坊等使。名著西陲。寶應元年。以子貴。贈太子太保。瑒少尚名節。慷慨有大志。頗涉書傳。天寶初。四鎮從賊。十一載。為左贊善大夫。殿中侍御史。充西北庭行軍司馬。玄宗詔朝臣。舉智謀果決。才堪統眾者各一人。拾遺張鷟薦瑒。有縱橫之略。臨事能斷。堪當禦侮之任。丁母憂。以孝聞。安祿山反。張洵復薦之。起復兼汝南郡太守。未行。改潁川太守。賊攻之。城中積粟素多。瑒繕修有備。賊繼至。城下。瑒親射之。無不應弦而斃。賊使降將畢思琛招瑒。琛即瑒父曜故將。城下拜泣。瑒不應。前後殺賊頗眾。咸呼瑒為來嚼鐵。以功加銀青光祿大夫。攝御史中丞。本郡防禦使。及河南淮南遊奕逐要招討等使。魯炆敗於葉縣。退守南陽。乃以瑒為南陽太守。兼御史中丞。充山南東道節度防禦處置等使。以代炆。尋以嗣號王巨為御史大夫。河南節度使。因奏炆能守南陽。詔各復本位。賊攻圍南陽累月。瑒分兵與襄陽節度使魏仲犀救之。犀遣弟孟剛將兵至。明府橋望風敗走。賊追蹙。大敗而還。兵素少。遇敗。人情怙懼。瑒經撫訓練。賊不能侵。詔為淮南西道節度使。收復兩京。與魯炆同制。加開府儀同三司。兼御史大夫。封潁國公。食實封二百戶。餘如故。乾元元年。召為殿中監。二年初。除涼州刺史。河南節度使。經略副大使。未行。屬相州官軍為史思明所敗。東京震駭。元帥司徒郭子儀鎮穀水。乃以瑒為陳州刺史。充陝虢等州節度使。并潼關防禦團練鎮守使。乾元三年四月十三日。襄州軍將張維瑾曹玠率眾謀亂。殺刺史。以瑒為襄州刺史。兼御史大夫。充山南東道襄鄆均房金商隨鄆復十州節度觀察處置使。上元三年。肅宗召瑒入京。瑒樂襄州。將士亦慕瑒之政。因諷將吏州牧縣宰。上表請留之。身赴詔命。行及鄆州。復詔歸鎮。肅宗聞其計而惡之。後呂諲王仲昇及中官皆言瑒布恩惠。懼其得士心。以瑒為鄆州刺史。充山南東道襄鄆唐復鄆隨等六州

節度。餘並如故。俄而淮西節度王仲昇與賊將謝欽讓戰於申州城下。為賊所虜。初仲昇被圍累月。呂諲病於江陵。瑒在襄州。又恐仲昇構己。遂顧望不救。及師出。仲昇已沒。裴英頰表陳瑒之狀。謀奪其位。稱瑒善謀而勇。蠲強難制。宜早除之。可一戰而擒也。肅宗然之。遂以瑒檢校戶部尚書。兼御史大夫。安州刺史。

充淮西安斬黃光洩節度觀察兼河南陳豫許鄆汴曹宋潁泗十五州節度觀察使。外示尊崇。實奪其權也。加裴英兼御史中丞。襄鄆等七州防禦使。以代之。瑒懼不自安。上表稱淮西無糧饋軍。臣去秋種得麥。請待收麥。畢赴上。復諷屬吏請留之。裴英於南州召募。以窺去就。寶應元年五月。代宗即位。因復授瑒襄州節度。奉義軍渭北兵馬等使。官如故。潛令裴英圖之。其月十九日。裴英率眾浮漢江而下。日暮。候者白瑒。謀於帳下。副使薛南陽曰。尚書奉詔留鎮。裴英以兵代。是無名也。且英之智勇。非尚書敵也。眾心歸尚書。不歸於英。彼若乘我之不虞。今夕而至。直燒城市。我眾必懼而亂。彼乘亂而擊。則可憂也。若及明而至。尚書破之必矣。翌日。平明。裴英督軍士五千列于穀水。比瑒以兵逆之。登高而陣。呼英將士告之曰。爾何事來。曰。尚書不受命。謹奉中丞伐罪人。若尚書受替。謹當釋兵。瑒曰。恩制復除瑒此州。乃取告身勅書。以示英軍。皆曰。偽也。承命討君。豈千里空歸。富貴在於今日。遂爭射之。瑒奔歸旗下。薛南陽曰。事急矣。請以三百騎為奇兵。尚書勿與之戰。兩軍相見。遂以麾下旁萬山而出。其背表裏夾擊。英軍大敗。投水而死。殺獲殆盡。英及弟薦脫身北走。妻子並為瑒所擒。瑒甚厚撫之。因抗表謝罪。擒英於申口。送至京師。長流費州。賜死於藍田。故驛。八月。瑒入朝謝罪。代宗特寵異之。遷兵部尚書。同中書門下平章事。依前山南東道節度觀察等使。代左僕射裴寬。充山陵使。時中官驃騎大將軍程元振居中用事。發瑒言。涉不順。王仲昇賊平。來歸。證瑒與賊合。故令仲昇陷賊。三年。代宗含怒久之。因是下詔曰。春秋之義。貴在於必書。君臣之間。法存於無赦。沮勸式違於前典。進退莫匪。於至公。惡稔既彰。明罰難貸。開府儀同三司行兵部尚書中書門下平章事。充山南東道節度觀察處置等使。上柱國。潁國公。來瑒。謬當任用。素乏器能。亟歷班榮。累經節制。莅職。聞於成績。登朝。虛美於榮名。頃者分

節度。餘並如故。俄而淮西節度王仲昇與賊將謝欽讓戰於申州城下。為賊所虜。初仲昇被圍累月。呂諲病於江陵。瑒在襄州。又恐仲昇構己。遂顧望不救。及師出。仲昇已沒。裴英頰表陳瑒之狀。謀奪其位。稱瑒善謀而勇。蠲強難制。宜早除之。可一戰而擒也。肅宗然之。遂以瑒檢校戶部尚書。兼御史大夫。安州刺史。充淮西安斬黃光洩節度觀察兼河南陳豫許鄆汴曹宋潁泗十五州節度觀察使。外示尊崇。實奪其權也。加裴英兼御史中丞。襄鄆等七州防禦使。以代之。瑒懼不自安。上表稱淮西無糧饋軍。臣去秋種得麥。請待收麥。畢赴上。復諷屬吏請留之。裴英於南州召募。以窺去就。寶應元年五月。代宗即位。因復授瑒襄州節度。奉義軍渭北兵馬等使。官如故。潛令裴英圖之。其月十九日。裴英率眾浮漢江而下。日暮。候者白瑒。謀於帳下。副使薛南陽曰。尚書奉詔留鎮。裴英以兵代。是無名也。且英之智勇。非尚書敵也。眾心歸尚書。不歸於英。彼若乘我之不虞。今夕而至。直燒城市。我眾必懼而亂。彼乘亂而擊。則可憂也。若及明而至。尚書破之必矣。翌日。平明。裴英督軍士五千列于穀水。比瑒以兵逆之。登高而陣。呼英將士告之曰。爾何事來。曰。尚書不受命。謹奉中丞伐罪人。若尚書受替。謹當釋兵。瑒曰。恩制復除瑒此州。乃取告身勅書。以示英軍。皆曰。偽也。承命討君。豈千里空歸。富貴在於今日。遂爭射之。瑒奔歸旗下。薛南陽曰。事急矣。請以三百騎為奇兵。尚書勿與之戰。兩軍相見。遂以麾下旁萬山而出。其背表裏夾擊。英軍大敗。投水而死。殺獲殆盡。英及弟薦脫身北走。妻子並為瑒所擒。瑒甚厚撫之。因抗表謝罪。擒英於申口。送至京師。長流費州。賜死於藍田。故驛。八月。瑒入朝謝罪。代宗特寵異之。遷兵部尚書。同中書門下平章事。依前山南東道節度觀察等使。代左僕射裴寬。充山陵使。時中官驃騎大將軍程元振居中用事。發瑒言。涉不順。王仲昇賊平。來歸。證瑒與賊合。故令仲昇陷賊。三年。代宗含怒久之。因是下詔曰。春秋之義。貴在於必書。君臣之間。法存於無赦。沮勸式違於前典。進退莫匪。於至公。惡稔既彰。明罰難貸。開府儀同三司行兵部尚書中書門下平章事。充山南東道節度觀察處置等使。上柱國。潁國公。來瑒。謬當任用。素乏器能。亟歷班榮。累經節制。莅職。聞於成績。登朝。虛美於榮名。頃者分

閻頌條久淹江漢，或頻微不至，或移鎮遲留，實乖堂陛之儀，爰及干戈之忿，朕以舊臣宿將，道在舍弘，會其來庭，用甄後効，超登宰輔，光拜夏卿，列在三台，掩其一眚，山陵先遠，事委近臣，謀謨素闕於大猷，卜祝頗聞於私議，實虧周慎，且問樞旨，何以輔弼鼎司，儀刑簪紱，據其所犯，合真殊科，以嘗侍軒闈，用存寬免之辜，縮範舊章，兼濟勳削之譴，其身官爵，一切削除，寶應二年正月，貶播州縣尉，員外置，翌日，賜死於鄂縣，籍沒其家，瑱之被刑也，門客四散，掩于坎中，校書郎殷亮後至，獨哭於屍側，貨所乘驢，以備棺衾，夜詣縣令長孫演，以情告之，演義而從之，亮夜葬而祭，走歸京師，代宗既悟元振之誣構，積其過而配流溱州，先是瑱行軍司馬龐充統兵二千人赴河南，至汝州，聞瑱死，將士魚目等迴兵襲襄州，左兵馬使李昭德之奔虜州，昭及薛南陽與右兵馬使梁崇義不叶，相圖，爲崇義所殺，朝廷授崇義節度使兼御史中丞，以代瑱，崇義爲瑱立祠，四時拜饗，不居瑱廳，及正堂視事於東廂下，構一小室而寢，止，抗疏哀請收葬，優詔許之，廣德元年，追復官爵。

周智光本以騎射從軍，常有戎捷，自行間登偏裨，宦官魚朝恩爲觀軍容使，鎮陝州，與之昵狎，朝恩以扈從功，恩渥崇厚，奏請多允，屢於上前賞拔智光，累遷華州刺史，同華二州節度使及潼關防禦使，加檢校工部尚書，兼御史大夫，永泰元年，吐蕃迴紇黨項羌渾奴刺十餘萬衆寇奉天醴泉等縣，智光邀戰，破於澄城，收駝馬軍資萬計，因逐賊至鄜州，智光與杜冕不協，遂殺鄜州刺史張麟，坑杜冕家屬八十一人，焚坊州盧舍三千餘家，懼罪，召不赴命，朝廷外示優容，俾杜冕使梁州，實避讎也，永泰二年十二月，智光專殺前號州刺史兼御史中丞龐充，充方居綾經，潛行，智光追而斬之，又劫諸節度使進奉貨物及轉運米二萬碩，據州反，智光自鄜坊專殺朝廷患之，遂聚亡命不逞之徒，衆至數萬，縱其剽掠，以結其心，初與陝州節度使皇甫溫不協，監軍張志斌自陝入奏，智光館給禮慢，志斌責其不肅，智光大怒曰：「僕固懷恩豈有反狀，皆由爾鼠輩作福，作威，懼死不敢入朝，我本不反，今爲爾作之，因叱下斬之，櫛其肉以飼從者，時淮南節度使檢校右僕射崔圓入覲，方物百萬，智光強留其半，舉選之士，疎駭，

或竊同州路以過，智光使部將邀斬於乾坑店，橫死者衆，優詔以智光爲尚書左僕射，遣中使余元仙持告身以授之，智光受詔慢罵曰：「智光有數子，皆彎弓二百斤，有萬人敵，堪出將入相，只如挾天子令，諸侯天下，只有周智光合作，因歷數大臣之過，元仙股慄，智光贈絹百匹，遣之，於州郭置生祠，俾將吏百姓祈禱，大曆二年正月，密詔關內河東副元帥中書令郭子儀率兵討智光，許以便宜從事，時同華路絕，上召子儀女婿工部侍郎趙縱受口詔，付子儀，縱裂帛寫詔置蠟丸中，遣家童間道達焉，子儀奉詔將出師，華州將士相顧攜貳，智光大將李漢惠自同州以其所管降子儀，貶智光爲潼州刺史，散官勳封如故，乃聽將一百人隨身，便路赴任，其所部將士官吏，一無所問，乃以兵部侍郎張仲光爲華州刺史，兼御史大夫，潼關防禦使，又以大理卿敬括爲同州刺史，兼御史大夫，長春宮等使，是日智光爲帳下將斬首，并子元耀元幹等二人來獻，丁卯，梟智光首于皇城之南街，二子腰斬以示衆，判官監察御史邵貴都虞候蔣羅漢並伏誅，餘黨各以親疎，准法定罪，命有司具儀奏告太清宮太廟七陵，時淮西節度使李忠臣入覲，次潼關，聞智光阻兵，駐所部將往禦之，及智光死，忠臣進兵入華州，大掠，自赤水至潼關二百里間，畜產財物殆盡，官吏至有著紙衣或數日不食者。

史臣曰：嘗讀李陵傳，戰敗不能死，屈節降虜庭，君不得爲忠臣，母不得爲孝子，每長歎久之，爰收澠水敗衆，守南陽孤城，每蹈危機，竟効死節，料敵雖非其良將，事君不失爲忠臣，茲浮躁無行，狂悖用兵，宜其死矣，瑱善軍政，得士心，庶幾千城禦侮者哉，始固各位，爲裴茂巧言終歸朝廷，遭元振輕構，賜死之辜，匪辨用刑之道不明，致舊將立祠，門吏偷葬，出將入相，一至於斯，惜哉，智光狂悖，不足與論。

贊曰：魯炆竭節，來瑱枉死，裴茂兇人，智光逆子。

舊唐書卷一百十四

舊唐書卷一百十四考證

魯辰傳乾元元年兼鄭州刺史○肅宗本紀在二年

上元二年十日與朔方節度使司徒郭子儀等九節度同圍安慶緒于相州○

臣德潛按九節度圍安慶緒乃乾元元年秋八月非上元二年也但上巳書

元年此不當重書

二年六月六日賊將史思明自范陽來救戰于安陽河北王師不利○臣德潛

按此二年三月事誤作六月六日

舊唐書卷一百十四考證

後晉司空同中書門下平章事劉昫撰

列傳第六十五

崔器 敬括

韋元甫 魏少遊 衛伯玉 李承

崔器深州安平人也曾祖恭禮狀貌豐碩飲酒過斗貞觀中拜駙馬都尉尚神

苑館陶公主父肅然平陰丞器有吏才性介而少通舉明經歷官清謹天寶六

載為萬年尉踰月拜監察御史中丞宋渾為東畿採訪使引器為判官渾坐賊

流貶嶺南器亦貶貶十三年量移京兆府司錄轉都官員外郎出為奉先令逆

胡陷西京器沒於賊仍守奉先居無何屬賊黨同羅叛賊長安守將安守忠張

通儒並亡匿又渭上義兵起一朝聚徒數萬器懼所受賊文牒符勅一時焚之

榜召義師欲應渭上軍及渭上軍破賊將崔乾祐先鎮蒲同使麾下騎三十人

捉器器遂北走靈武器素與呂誼善誼引為御史中丞兼戶部侍郎從肅宗至

鳳翔加禮儀使刺復二京為三司使器草儀注駕入城令陷賊官立於含元殿

前露頭跣足撫膺頓首請罪以刀杖環衛令扈從羣官幸臣已下視之及收東

京令陳希烈已下數百人如西京之儀器性陰刻樂禍殘忍寡恩希旨奏陷賊

官準律並合處死肅宗將從其議三司使梁國公李峴執奏固言不可乃大等

定罪多所原宥唯陳希烈達奚珣斬於獨柳樹下後肅華自相州賊中仕賊官

歸闕奏云賊中仕官等重為安慶緒所驅脅至相州初聞廣平王奉宣恩命釋

放陳希烈已下皆相顧曰我等國家見待如此悔恨何及及聞崔器議刑太重

衆心復搖肅宗曰朕幾為崔器所誤呂誼驟薦器為吏部侍郎御史大夫上元

元年七月器病脚腫月餘疾亟瞑目則見達奚珣叩頭曰大尹不自由左右問

之器答曰達奚大尹嘗訴冤於我我不之許如是三日而器卒

趙國珍梓州之苗裔也天寶中以軍功累遷黔府都督兼本管經略等使時南

蠻閩羅鳳叛宰臣楊國忠兼劍南節度遙制其務屢喪師徒中書舍人張漸薦

國珍有武略習知南方地形國忠遂奏用之在五溪凡十餘年中原與師唯黔

中封境無虞代宗踐祚特嘉之召拜工部尚書大曆三年九月以疾終贈太子

太傅

崔瓌博陵人也以士行聞在職清謹累遷至澧州刺史下車削去煩苛以安人

為務居一年風化大行流亡襁負而至增戶數萬有司以聞優詔特加五階至

銀青光祿大夫以甄能政遷潭州刺史兼御史中丞充湖南都團練觀察處置

使瓌到官政在簡肅恭守禮法將吏自經時艱久不奉法多不便之大曆五年

四月會月給糧儲兵馬使臧玠與判官達奚觀爭觀曰今幸無事玠曰有事

何逃屬色而去是夜玠遂搆亂犯州城以殺達奚觀為名瓌惶遽走達玠兵至

遂遇害代宗聞其事悼惜久之

敬括河東人也少以文詞稱鄉舉進士又應制登科再遷右拾遺內供奉殿中

侍御史天寶末宰臣楊國忠出不附己者括以例為果州刺史累遷給事中兵

部侍郎大理卿性深厚志尚簡淡在職不務求名因循而已大曆初叛臣周智

光伏誅詔選循良為近輔以括為同州刺史歲餘入為御史大夫運重推誠於

下未嘗以私害公士頗稱焉而從容養望不舉綱紀士亦以此少之大曆六年

三月卒

韋元甫少修謹敏於學行初任滑州白馬尉以吏術知名本道採訪使韋涉深

器之奏充支使與同幕判官員錫齊名元甫精於簡牘錫詳於訊覆涉推誠待

之時謂員推章狀元甫有器局所莅有聲累遷蘇州刺史浙江西道都團練觀

察等使大曆初宰臣杜鴻漸首薦之徵為尚書右丞會淮南節度使缺鴻漸又

薦堪當重寄遂授揚州長史兼御史淮南節度觀察等使在揚州三年政尚不

擾事亦粗理大曆六年八月以疾卒於位

魏少遊鉅鹿人也早以吏幹知名歷職至朔方水陸轉運副使肅宗幸靈武杜

鴻漸等奉迎留少遊知留後備宮室掃除之事少遊以肅宗遠離宮闕初至邊

藩故豐供具以悅之將至靈武少遊整騎卒千餘于戈耀日於靈武南界鳴沙

縣奉迎備威儀振旅而入肅宗至靈武殿宇御輿皆象宮闈諸王公主各設本

院飲食進御躬其水陸肅宗曰我至此本欲成大事安用此為命有司稍去之

累遷衛尉卿乾元二年十月議率朝臣馬以助軍少遊與漢中郡王瑀沮其議上知之貶渠州長史後為京兆尹請中書門下及兩省五品已上尚書省四品已上諸司正員三品已上諸王尉馬中春周已上親及女婿外甥不得任京兆府判官畿令赤縣丞簿尉勅從之遷刑部侍郎大曆二年四月出為洪州刺史兼御史大夫充江南西道都團練觀察等使四年六月封趙國公賈明觀者本萬年縣捕賊小胥劉希暹特魚朝恩之勢恣行兇忍毒甚豺虎朝恩希暹既誅元載當權納明觀姦謀容之特令江西効力明觀未出城百姓萬眾聚於城外皆懷墻石候之期投擊以快意載聞之特令所由吏擁百姓入城內由是獲免在洪州二年少遊為觀察使承元載意苟容之及路嗣恭代少遊到州即日杖殺識者以是滅魏之名多路之政大曆六年三月己未卒於官贈太師少遊居職緣飾成務有規檢善任人果於集事前後四領京尹雖無赫赫之名而嚴嚴廉謹有足稱者

衛伯玉有膂力幼習藝天寶中杖劍之安西以邊功累遷至員外諸衛將軍肅宗即位與師靖難伯玉激憤思立功名自安西歸長安初為神策軍兵馬使出鎮乾元二年十月逆賊史思明遣偽將李歸仁鐵騎三千來犯伯玉以數百騎於疆子坂擊破之積尸滿野虜馬六百匹歸仁與其黨東走以功遷右羽林軍大將軍知軍事轉四鎮北庭行營節度使獻俘百餘人至闕下詔解縛而赦之遷伯玉神策軍節度上元二年二月史思明領眾西下圖長安史朝義率其黨夜襲陝州伯玉以兵逆擊大破賊於承寧賊退進位特進封河東郡公廣德元年冬吐蕃寇京師乘輿幸陝以伯玉有幹略可當重寄乃拜江陵尹兼御史大夫充荆南節度觀察等使尋加檢校工部尚書封城陽郡王大曆初丁母憂朝廷以王昉代其任伯玉層層將吏不受詔遂起復以本官為荆南節度等使時議醜之大曆十一年二月入覲以疾卒於京師

李承趙郡高邑人吏部侍郎至遠之孫國子司業舍之第二子也承幼孤兄暉鞠養之既長事兄以孝聞舉明經高第累至大理評事充河南採訪使郭納判官尹子奇圍汴州陷賊拘承送洛陽承在賊庭密疏姦謀多獲聞達兩京討復

例貶撫州臨川尉數月除德清令旬日拜監察御史淮南節度使崔圓請留充判官累遷檢校刑部員外郎兼侍御史圓卒歷撫州江州二刺史課績最遷檢校考功郎中兼江州刺史徵拜吏部郎中尋為淮南西道黜陟使奏於楚州置常豐堰以禦海潮屯田瘠鹵歲收十倍至今受其利時梁崇義縱恣倨慢朝廷將加討伐李希烈揣知之上表數崇義過惡請率先誅討上悅之每對朝臣多稱希烈忠誠承自黜陟因奏之曰希烈將兵討伐必有微勳但恐立功之後縱恣跋扈不稟朝憲必勞王師問罪上初未之信無幾希烈既平崇義果有不順之跡上思承言故驟加擢用建中二年七月拜同州刺史河中尹晉絳都防禦觀察使九月轉襄州刺史山南東道節度觀察鹽鐵等使希烈既破崇義擁兵襄州遂有其地朝廷慮不受命欲以禁兵送承承請單騎徑行既至希烈處承於外館追脅萬態承恬然自安誓死王事希烈不能屈遂剽虜圍境所有而去襄漢為之空承治之一年頗得完復初希烈雖歸蔡州留將校等於襄州守當時所掠得財帛什物等後使襄漢往來不絕承亦使腹心臧叔雅往來許蔡厚結希烈腹心周曾王玢姚愔等及曾等謀殺希烈以眾歸朝多承首建謀也累賜密詔褒美之承尋改檢校工部尚書兼潭州刺史湖南都團練觀察使建中四年七月卒於位年六十二贈吏部尚書承少有雅望至其從官頗以貞廉才術見稱於時

史臣曰自古酷吏濫刑幸免者多矣苟無強冤為累沮議者或焉器深文樂禍居官令終非違奚訴冤無以顯其陰責矣國珍守黔壤僅修禮法括推賊馭下元甫為政寬簡少遊規檢集事皆可稱者伯玉破敵立功足為猛士丁憂冒寵終是武夫承忠懇謀議勸勞盡瘁方之者鮮矣贊曰崔器深文連柔作果七子伊何李承為最

舊唐書卷一百一十五

後晉司空同中書門下平章事劉昫撰

列傳第六十六

肅宗代宗諸子 肅宗十三子 代宗二十子

越王係 承天皇帝俊 衛王佖 彭王儻

兗王儻 涇王侏 鄆王榮 襄王儻

杞王侏 召王偲 恭懿太子召 定王侗

淮陽王儻 昭靖太子邁 均王暹 睦王述

丹王逾 恩王暹 韓王珣 簡王暹

益王迺 隋王迅 荆王暹 蜀王暹

忻王造 昭王暹 嘉王暹 端王暹

循王通 恭王通 原王達 雅王逸

肅宗皇帝十四子。章敬皇后生代宗皇帝。宮人孫氏生越王係。張氏生承天皇帝。王氏生衛王儻。陳婕妤生彭王儻。章妃生兗王儻。張美人生涇王侏。裴昭儀生襄王儻。段婕妤生杞王儻。崔妃生召王偲。張皇后生恭懿太子召。定王侗。宮人生鄆王榮。宋王儻。

越王係本名儻。肅宗第二子也。天寶中封南陽郡王。授特進。至德二年十二月。進封趙王。乾元二年三月。九節度之兵潰於河北。史思明僭號於相州。王師未集。朝廷震駭。詔以李光弼握兵關東。以代子儻。光弼請以親賢統師。七月。詔曰。握兵之要。古先為重。命帥之道。心膂攸憑。是知難離夷兇。必資於金革。總戎授律。實仗於親賢。蓋將底寧邦家。保息黎獻者矣。朕以薄德。繼承鴻緒。往屬元兇。暴亂中夏。不寧。上憑宗社之靈。下藉熊羆之力。由是廓清咸洛。拯此生人。頃以河朔殘妖。尚稽天討。蛇豕竊依於城堡。塗炭久被於齊吐。朕為人父母。寧忘閔念。雖好生息戰。每冀其歸降。而餘孽昧恩。靡聞于悔禍。所以軒后親征於獯鬻。周文致役於昆夷。古之用兵。蓋非獲已。越王係幼稟異操。夙懷韜略。負東平之文學。蘊任城之智勇。性惟中孝。持愛敬以立身。志尚權謀。有經通之遠智。知子

者父。方有屬於維城。擇能而授。俾克申於戎律。且兇徒嘯聚。頗歷歲時。惡既實盈。理當撲滅。君親有命。可不敬乎。俾展龍豹之韜。永清巢窟之類。可充天下兵馬元帥。仍令司空兼侍中。肅宗公光弼副知節度行營事。應緣軍司署置。所司準式。九月。史思明陷洛陽。光弼以副元帥董兵守河陽。王不出京師。十月。下詔車駕親征。諫官論奏乃止。王請行。不許。三年四月。改封越王。寶應元年四月。肅宗寢疾。彌留。皇后張氏與中官李輔國有隙。因皇太子監國。謀誅輔國。使人以肅宗命召太子入宮。皇后謂太子曰。賊臣輔國。久典禁軍。四方詔令。皆出其口。頃矯制命。逼徙聖皇。今聖體彌留。心懷快快。常忌吾與汝。又聞射生內侍程元振。託託黃門。將圖不軌。若不誅之。禍在頃刻。太子泣而對曰。此二人是陛下勳舊。內臣。今聖躬不康。重以此事驚撓聖慮。情所難任。若決行此命。當出外徐圖之。后知太子難與共事。乃召係謂之曰。皇太子仁惠。不足以圖平禍。難復以除輔國。謀告之曰。汝能行此事乎。係曰。能。后令內謁者監段恆俊。與越王謀。召中官有武勇者二百餘人。授甲於長生殿。是月乙丑。皇后矯詔召太子。程元振。係知之。告輔國。元振握兵於凌雲門。候之。太子既至。以難告。太子曰。必無此事。聖恙危篤。吾豈懼死不赴召乎。元振曰。為社稷計。行則禍及矣。遂以兵護太子。匿於飛龍殿。丙寅夜。元振輔國勒兵於三殿前。收捕越王。及同謀內侍朱光輝。段恆俊等百餘人。禁繫幽皇后於別殿。侍者十數人隨之。是日皇后越王俱為輔國所害。係子建道。逾建中元年十一月。封武威郡王。授殿中監。同正員。遣封興道郡王。授中監。同正員。逾封齊國公。光祿卿。同正員。

承天皇帝俊。肅宗第三子也。天寶中封建寧郡王。授太常卿。同正員。英毅有才。略善射。祿山之亂。玄宗幸蜀。俊兄弟與親兵扈從。軍駕渡渭。百姓遮道乞留太子。太子諭之曰。至尊奔播。吾不忍違離左右。俟吾見上。奏聞。俊於行宮謂太子曰。逆胡犯順。四海分崩。不因人情。何以興復。夫有國家者。大孝莫若存社稷。今從至尊入蜀。則散關已東。非皇家所有。何以維屬人情。殿下宜購募豪傑。暫往河西。收拾戎馬。點集防邊。將卒不下十萬人。光弼子儻。全軍河朔。謀為興復。計之上也。廣平王亦贊成之。於是令李輔國奏聞。玄宗忻然聽納。乃分從官士卒

以遣之時敗卒膽破兵仗不完太子既北上渡渭一日百戰倭自選驍騎數百衛從每蒼黃顛沛之際血戰在前太子或過時不得食倭涕泗不自勝上尤憐之軍士屬目歸於倭至靈武太子即帝位廣平既為元子欲以倭為天下兵馬元帥侍臣曰廣平王家嗣有君人之量上曰廣平地當儲貳何假更為元帥左右曰廣平今未冊立艱難時人尤屬望於元帥況太子從曰撫軍守曰監國今之元帥撫軍也廣平為宜遂以廣平為元帥倭使典親軍李輔國為元帥府司馬時張良娣有寵俊性忠養因侍上屢言良娣頗自恣輔國運結內外欲傾動皇嗣自是日為良娣輔國所構云建寧恨不得兵權頗畜異志肅宗怒賜倭死既而省悟悔之明年冬廣平王收復兩京遣判官李泌入朝獻捷泌與上有東宮之舊從容語及建寧事肅宗改容謂泌曰倭於艱難時實得氣力無故為下人所問欲圖害其兄朕以社稷大計割愛而為之所也泌對曰爾時臣在河西豈不知其故廣平兄弟天倫篤睦至今廣平言及建寧則嗚咽不已陛下之言出於謹口也帝因泣下曰事已及此無如之何泌因奏曰臣幼穉時念黃臺瓜辭陛下嘗聞其說乎高宗大帝有八子睿宗最幼天后所生三子自為行第故睿宗第四長曰孝敬皇帝為太子監國而仁明孝悌天后方圖臨朝乃鸞殺孝敬立雍王賢為太子賢每日憂惕知必不保全與二弟同侍於父母之側無由敢言乃作黃臺瓜辭令樂工歌之冀天后聞之省悟即生哀愍辭云種瓜黃臺下瓜熟子離離一摘使瓜好再摘令瓜稀三摘猶尚可四摘抱蔓歸而太子賢終為天后所逐死于黔中陛下有今日運祚已一摘矣慎無再摘上愕然曰公安得有是言時廣平王立大功亦為張皇后所忌潛構流言必因事飄動之及代宗即位深思建寧之冤追贈齊王大曆三年五月詔曰故齊王倭承天祚之慶保鴻名之光降志算賢高才好學藝文博洽智略宏通斷必知來謀皆先事讖無不達理至逾精乃者寇盜橫流變與南幸先聖以宸辰之懋將侍君親惟王以宗廟之重誓寧家國克協朕志載符天時立辨羣議之非同獻五原之計中興之感實藉奇功景命不融早從厚宥天倫之愛震惕良深流涕追封胙于東海頃加表飾未極哀榮夫以參贊邦再造之勳成天下一家之業而存未竣

其等歿未尊其稱非所以旌徽烈明至公也朕以眇身續膺大寶不及讓王之禮莫申太弟之嗣所懷靡殫遐想逾切非常之命寵錫攸宜敬用追諡曰承天皇帝與信公主第十四女張氏冥婚諡曰恭順皇后有司準式擇日冊命改葬于順陵仍祔于奉天皇帝廟同殿異室焉
衛王倭肅宗第四子天寶中封西平郡王授殿中監同正員早薨寶應元年五月追贈衛王

彭王儼肅宗第五子天寶中封新城郡王授鴻臚卿同正員至德二年十二月進封彭王乾元二年冬史思明再陷河洛關東用兵人情震懼羣臣請以親王遙統兵柄三年四月詔曰古之哲王宅中御宇莫不內封子弟外建藩維故周稱百代抑聞麟趾之美漢命六官亦樹犬牙之制歷考前載率由舊章朕以薄德繼承鴻緒屬豺狼未殄金革猶虞賴文武蓋臣協心同德庶克清於玄覆期承保於皇圖且授鉞分符義已先於用武又維城作翰道方弘於建親咨爾分

聞之崇成子磐石之固彭王儼等銀潢毓慶璿專分輝忠孝稟於天成文武稱其備用今三秦之地萬國來庭誠宜列皇子以建封崇懿藩而制勝是實固本委以臨戎彭王儼可充河西節度大使兗王儻可充北庭節度大使涇王倓可充龍右節度大使杞王儼可充陝西節度大使與王伾可充鳳翔節度大使僅是歲薨子鎮授太僕卿同正員封常山郡王

兗王儻肅宗第六子母韋妃刑部尚書堅之妹肅宗在東宮選為太子妃生儻及永和公主後為李林甫誣構被誅太子懼奏請與妃離異於別宮安置儻天寶中封潁川郡王授太子詹事同正員至德二年十二月進封兗王乾元三年領北庭節度大使寶應元年薨

涇王倓肅宗第七子天寶中封東陽郡王授光祿卿同正員至德二載十二月進封涇王乾元三年領龍右節度大使與元元年薨

鄆王榮肅宗第八子天寶中封靈昌郡王早世寶應元年五月追贈鄆王襄王儼肅宗第九子至德二載十二月封襄王貞元七年正月薨

杞王儼肅宗第十子母段婕妤貞元六年六月贈為昭儀僅至德二載封貞元

十四年薨。

召王偁肅宗第十一子。至德二載十二月封元和元年薨。

恭懿太子偁肅宗第十二子。至德二載封與王。上元元年六月薨。召皇后張氏所生。上尤鍾愛。后屢危太子。欲以與王為儲貳。會薨而止。七月丁亥。詔曰。厚禮所以飾終。易名所以表行。況情鍾天屬。寵及後封。載曠加等之美。式備元儲之贈。永懷軫念。有惻彝章。第十二子故與王偁。統慶源。分華若木。天資純孝。神假聰明。河間聚書。幼聞樂善之旨。延陵聽樂。早得知音之妙。頃以暫嬰沉痾。殆積旬時。而資敬益彰。賴晤逾爽。愛親之戀。言不間於斯須。告訣之辭。事先符於夢寐。顧惟至性。實切深哀。將祔土析珪。載崇藩翰。聞詩對易。爰就琢磨。方冀成立。豈期天喪。瑤英始茂。遽摧於當春。際駟俄遷。忽沉於厚夜。與言痛悼。閱惜良深。宜賁寵於青宮。俾哀榮於玄窆。可贈太子。諡曰恭懿。應緣喪葬所司準式。仍令京兆尹劉晏充監護使。詔宰臣李揆持節冊命。十一月葬于高陽原。其哀冊曰。維上元元年。太歲庚子。六月己未朔。二十六日甲申。皇第十二子持節鳳翔等四州節度觀察大使與王偁薨于中京內邸。殯于寢之西階。粵八月丁亥。冊贈皇太子。廟號恭懿。冬十一月庚寅。詔葬于長安之高陽原。禮也。歸。遂開封。龍輶進轍。陳祖載而就位。儼塗芻以成列。皇帝哀玉。林之閱景。憫零露之惟霜。瞻龍綽而增思。懷鴈池而永傷。考諡惟古。褒崇有式。爰詔史司。恭宣懿德。其辭曰。惟天祚唐。累葉重光。中興宸景。再紐乾綱。本枝建國。磐石疏疆。克開龍胤。實曰賢王。驪源孕彩。日幹騰芳。深仁廣孝。蘊藝含章。秀發童年。惠彰齒齒。蹈禮知方。承尊叶旨。對日流辯。占鳳擅美。魯衛後塵。聞平絕軌。胡擊初構。王師未班。爰從禋祫。載歷險艱。愛備中掖。名崇懿藩。居常稟訓。動不違顏。禮及佩觿。朝加分器。胙土延渥。登壇受帥。玉質金聲。文經武緯。樂善為寶。崇儒是貴。濬哲外朗。溫文內深。閱書成誦。觀樂表音。五經在口。六律諧心。才優養洽。絕古超今。蛇豕猶梗。寰區未乂。絲慮祈真。焚香演偈。食去犖血。心依定惠。庶福邦家。俾清兇穢。霧露學疾。聰明害神。沉痾始遘。彌曠盈旬。止慮無援。發言有倫。在膏方亟。問膳逾勤。雲物告徵。星辰變象。楚藥無救。秦醫莫仗。靈儀宣而上賓。徵音邁其長往。違舊

邸於青社。即幽陵於黃壤。嗚呼。哀哉。魂氣奪兮。去何之。精靈存兮。孝有思。念君親之永隔。託夢寐而來醉。延桂宮而震悼。貫椒臺而纏悲。旌遺芳於碣館。賁新命於儲闈。嗚呼。哀哉。先遠戒候。占龜獻吉。指鴉野而西臨。背鳳城而右出。天慘慘而苦霧。山蒼蒼而禮日。望馳道而長辭。赴幽塗而永畢。嗚呼。哀哉。生為寵王。令宸愛所鍾。歿追上嗣。今朝典斯崇。升玉筮於洞府。閱銀榮於泉宮。金石誰固。人生有終。冊攸記。今德音無窮。敢直詞於篆美。庶永代而成風。嗚呼。哀哉。召薨時年八歲。既薨之夕。肅宗張后俱夢。召有如平昔。拜辭流涕而去。帝方寢疾。追念過深。故特以儲闈之贈寵之。上疾累月方平。

定王偁肅宗第十三子。亦張后所生。偁之母弟。至德二年封定王。寶應初薨。時年甚幼。

宋王偁肅宗第十四子。初封淮陽王。早夭。追封宋王。

代宗皇帝二十子。睿真皇后沈氏生。德宗皇帝崔妃生。昭靖太子。獨孤皇后生。韓王洵。餘十七王。舊史不載母氏所出。

昭靖太子。代宗第二子。寶歷元年封鄭王大曆初。代皇太子為天下兵馬元帥。王好讀書。以儒行聞。大曆九年薨。廢朝三日。由是罷元帥之職。上惜其才。早

天冊贈昭靖太子。葬於萬年縣界。

均王暹。代宗第三子。早夭。貞元八年追封。

睦王述。代宗第四子。大曆九年冬。田承嗣謀亂。河朔時。鄭王居長。典兵師。不幸

薨落。諸王皆幼。多未封。建大臣奏。請封親王。分領戎師。以威天下。十年二月。詔曰。虞夏之制。諸子疏封。漢魏以還。十連授律。是用錫珪班瑞。盤石開疆。信通

邑之紀綱。為中都之屏翰。然則旌鉞之寄。推擇攸難。因親之任。各膺其命。第四

子暹。第五子逾。第六子連。第七子迥。第八子遵。第十三子造。第十四子暹。第十

五子運。第十六子遇。第十七子通。第十八子通。第十九子遠。第二十子逸等。並

敏茂純懿。稟於衷誠。溫良孝恭。形於進對。動皆合義。居必有常。可以理眾。靖人

撫封宣化。而總列城之賦。繕分閭之謀。克勸公家。尤輔王室。今則均茅社之寵。

威。槐庭之儀。授鉞登車。嗣茲朝典。維城之固。爾其懋哉。述可封睦王。充橫南節

度使。逾可封均王。充橫南節度使。連可封連王。充橫南節度使。通可封通王。充橫南節度使。遠可封遠王。充橫南節度使。逸可封逸王。充橫南節度使。

度支度營田五府經略觀察處置等大使。遣可封柳王。充渭北鄜坊等州節度大使。遣可封恩王。韓王。邕。可。汴。宋。等節度觀察處置等大使。遣可封鄭王。造。可封沂王。充昭義軍節度觀察處置等大使。遣可封韶王。運。可封嘉王。邁。可封端王。通。可封循王。通。可封恭王。遠。可封原王。逸。可封雅王。仍。可封開府儀同三司。是時皇子勝衣者。盡加王爵。不出閣。德宗朝。述為諸王之長。時分命。中使周行天下。求訪沈太后。詔以睦王為奉迎太后使。以工部尚書喬琳副之。貞元七年薨。

丹王逾。代宗第五子。大曆十年封。柳王。領渭北鄜坊節度大使。建中四年改丹王。元和十五年薨。

恩王遠。代宗第六子。大曆十年封。元和十二年薨。

韓王珣。代宗第七子。以母寵。既生而受封。雖沖幼。恩在鄭王之亞。寶應元年封。韓王。貞元十二年薨。時年四十七。

簡王遵。代宗第八子。大曆十年封。鄜王。建中四年改封簡王。元和四年薨。

益王迺。代宗第九子。大曆四年封。

隋王迅。代宗第十子。大曆十年封。與元元年薨。

荆王選。代宗第十一子。早世。建中二年正月追封。荆王。贈開府儀同三司。

蜀王勣。代宗第十二子。大曆十四年封。本名遂。建中二年改今名。

忻王造。代宗第十三子。大曆十年封。仍領昭義軍節度觀察大使。元和六年薨。

韶王遠。代宗第十四子。大曆十年封。貞元十二年薨。

嘉王運。代宗第十五子。大曆十年封。貞元十七年薨。

端王邁。代宗十六子。大曆十年封。貞元七年薨。

循王通。代宗第十七子。大曆十年封。

恭王通。代宗第十八子。大曆十年封。

原王遠。代宗第十九子。大曆十年封。太和六年薨。

雅王逸。代宗第二十子。大曆十年封。貞元十五年薨。

史臣曰。雖妻破國。孽子敗宗。前代英傑之君。率不免於斯累者。何也。良以愛惡

不由於義。斷毀譽。遠逐於情。移雖申生。孝己之仁。卒不能迴君父之愛。悲哉。孝宜皇帝當屯剌之運。收忠義之心。忍行愛子之刑。終宥姦聞之罪。大雅君子。為之痛心。張后卒以凶終。固其宜矣。

讚曰。牀實之愛。人情易感。以義制情。哲王令德。李侯悟主。願諧金石。襄謹建軍。夏堪太息。

舊唐書卷一百十六

舊唐書卷一百十七

後晉司空同中書門下平章事劉昫撰

列傳第六十七

嚴武

嚴震

郭英乂

崔寧

嚴武中書侍郎挺之子也神氣雋爽敏於聞見幼有成人之風讀書不究精義涉獵而已弱冠以門蔭策名龍右節度使哥舒翰奏充判官遷侍御史至德初肅宗與師靖難大收才傑武杖節赴行在宰相房瑁以武名臣之子素重之及是首薦才略可稱累遷給事中既收長安以武為京兆尹兼御史中丞時年三十二以史思明阻兵不之官優游京師頗自矜大出為綿州刺史遷劍南東川節度使入為太子賓客兼御史中丞上皇詔以劍兩川合為一道拜武成都尹兼御史大夫充劍南節度使入為太子賓客遷京兆尹兼御史大夫二聖山陵以武為橋道使無何罷兼御史大夫改吏部侍郎尋遷黃門侍郎與宰臣元載深相結託冀其引在同列事未行求為方面復拜成都尹充劍南節度等使廣德二年破吐蕃七萬餘衆拔當狗城十月取鹽川城加檢校吏部尚書封鄭國公前後在蜀累年肆志逞欲恣行極政梓州刺史章彝初為武判官及是小不副意赴成都杖殺之由是威震一方蜀士頗饒珍產武窮極奢靡賞賜無度或由一言賞至百萬蜀方閭里以微斂始至置竭然著厲亦不敢犯境而性本狂蕩視事多率胸臆雖慈母言不之顧初為劍南節度使舊相房瑁出為管內刺史瑁於武有薦導之恩武驕倨見瑁略無朝禮甚為時議所貶永泰元年四月以疾終時年四十

郭英乂先朝龍右節度使左羽林軍將軍知運之季子也少以父業習知武藝策名河隴間以軍功累遷諸衛員外將軍至德初肅宗與師朔野英乂以將門子特見任用遷龍右節度使兼御史中丞既收二京徵還闕下掌禁兵遷羽林軍大將軍加特進以家艱去職朝廷方討史思明選任將帥乃起英乂為陝州刺史充陝西節度潼關防禦等使尋加御史大夫兼神策軍節度代宗即位加

檢校戶部尚書兼御史大夫元帥雍王自陝統諸軍討賊洛陽留英乂在陝為後殿東都平以英乂權為東都留守既至東都不能禁暴縱麾下兵與朔方迴紇之衆大掠都城延及鄭汝等州比屋蕩盡廣德元年策勳加實封二百戶徵拜尚書右僕射封定襄郡王特富而驕於京城創起甲第窮極奢靡與宰臣元載交結以久其權會劍南節度使嚴武卒載以英乂代之兼成都尹充劍南節度使既至成都肆行不軌無所忌憚玄宗幸蜀時舊宮置為道士觀內有玄宗鑄金真容及乘輿侍衛圖畫先是節度使每至皆先拜而後視事英乂以觀地形勝乃入居之其真容圖畫悉遭毀壞見者無不憤怒以軍政苛酷無敢發言又頗恣狂蕩衆女人騎驢擊毬製鈿羅鞍及諸服用皆侈靡裝飾日費數萬以為笑樂未嘗問百姓間事人頗怨之又以西山兵馬使崔旰得衆心屢抑之旰因蜀人之怨自西山率麾下五千餘衆襲成都英乂出軍拒之其衆皆叛反攻英乂英乂奔於簡州普州刺史韓澄斬英乂首以送旰并屠其妻子焉

崔寧衛州人本名旰雖儒家子喜縱橫之術衛州刺史茹璋授旰符離令旰罷久不調遂客遊劍南從軍為步卒事鮮于仲通又隨李宓討雲南宓戰敗旰歸成都行軍司馬崔論見旰悅其狀貌又以其宗姓厚遇薦為衙將歷事崔圓裴冕冤澆流謗朝廷將遣使推按旰部下截耳稱冤中使奏之旰亦赴京師授司戈歷司階折衝將軍等官寶應初蜀中亂山城擁絕縣道代宗憂之嚴武薦旰為利州刺史旰至山城遁散由是知名嚴武為劍南節度赴鎮過利州心欲辟旰為部將以利非屬部旰難輒去俾旰籌之旰曰節度使張獻誠見忌且又好利誠能重賂之旰可以從大夫矣武至劍南遺獻誠奇錦珍貝價兼百金獻誠大悅武乃遺獻誠書求旰獻誠然之令旰移疾去郡旰乃之劍南武委為漢州刺史久之吐蕃與諸雜羌寇陷西山柘靜等州詔嚴武收復武遣旰統兵西山旰善撫士卒皆願致死命始次賊城周圍皆石礮攻具無所設唯東南隅環丈之地壤土可穴謀知之以告旰旰晝夜穿地道攻之再宿而拔其城因拓地數百里下城寨數四番衆相語曰崔旰神兵也將更前進以禮盡還師武大悅裝七寶輿迎旰入成都以旰士衆賞資過厚永泰元年五月嚴武卒杜濟為西

川行軍司馬。權知軍府事。時郭英幹為都知兵馬使。郭嘉琳為都虞候。皆請英幹兄英又為節度使。時為西山都知兵馬使。與軍眾共請大將王崇俊為節度使。二妻俱至京師。會朝廷已除英又。旣使因見英又陳其事。英又至成都數日。誣殺王崇俊。又召旣還成都。英又滅將健糧賜。人心怨怒。旣在西山聞之大恐。乃託備吐蕃。未赴成都。英又怒。出兵聲言助旣討吐蕃。其實襲之也。旣家在漢州。英又遷之成都。通其妾。旣知之。轉入深山。英又自率師攻旣。值天大寒。雪深數尺。英又士馬凍死者數百人。眾心離叛。旣遂出兵拒敵。英又與之接戰。英又軍大敗而還。收餘兵纔千人。歸成都。將卒因多逃散。初天寶中。劍南節度使鮮于仲通嘗建一使院。院字甚華麗。及玄宗幸蜀。嘗居之。因為道觀。兼寫玄宗真容。置之正室。英又因入觀行香。悅其竹樹。遂奏請以仲通舊院為軍營。乃移去真容。自居之。旣聞之。謂將士曰。英又反矣。不然。何得除毀玄宗真容。而自居之。乃率兵攻成都。英又出兵於城西門。令柏茂琳為前軍。郭英幹為左軍。郭嘉琳為後軍。與旣戰。茂琳等軍眾敗。軍人多投旣。旣令降將統兵與英又轉戰。大敗之。兵至于城。英又單騎奔蘭州。為普州刺史韓澄所殺。時邛劔所在起兵。相攻。劔南大亂。永泰二年二月。乃以黃門侍郎平章事杜鴻漸兼成都尹。山南西道劔南東川西川南邛等道副元帥。劔南西川節度使。鴻漸出駱谷。有謀者曰。相公駐軍蘭州。遙制劔南。數移牒述英又過失。言旣有方略。旣腹心攝諸州刺史者。皆委正之。令旣及將校不疑。然後與東川節度使張獻誠及諸賊帥合謀。數出兵攻旣。旣數道連兵。未經一年。兵勢減耗。旣窮。必束身歸朝。此上策也。鴻漸畏懼。計疑未決。會旣使至。卑辭厚禮。送錦數千匹。鴻漸貪其利。遂至成都。日與判官杜亞楊炎將吏等高會縱觀。軍州政事悉委旣。仍連表聞薦。先時張獻誠數與旣戰。獻誠屢敗。旣皆為旣所奪。朝廷因鴻漸之請。加成都尹。兼西山防禦使。西川節度行軍司馬。仍賜名曰寧。大曆二年。鴻漸歸朝。遂授寧西川節度使。恃地險人富。乃厚斂財貨。結權貴。令弟寬留京師。元載及諸子有所欲。寬悉與之。故寬驟歷御史知雜事。御史中丞。寬兄蕃亦任郎中。諫議大夫。給事中。寧在蜀十餘年。地險兵強。肆侈窮愁。將吏妻妾。多為所淫。汚朝廷患之。

而不能詰累加尚書左僕射。大曆十四年入朝。還司空平章事。兼山陵使。尋代嘉琳為御史大夫。平章事。寧以為選擇御史。當出大夫。不謀及宰相。乃奏請以李衡于結等數人為御史。楊炎大怒。其狀達。楊炎又數譏毀劉晏。寧又救解之。寧既厚結。元載已久。楊炎又出自載門。寧初附炎。炎因此大怒。其年十月。南蠻大下。與吐蕃三道合進。一出茂州。過文川及灌口。一出扶文。過方維白。一出黎嶺。雅過邛邛。戎會誠其眾曰。吾要蜀川為東府。凡伎巧之工。皆送邛。平歲賦一縑而已。是蠻之入。連陷郡邑。士庶奔亡。山谷屬寧。在朝軍中無帥。德宗促寧還鎮。炎懼寧怨己。入蜀難制。謂德宗曰。蜀川天下奧壤。自寧擅置其中。朝廷失其外府。十四年矣。今寧來朝。尚有全師守蜀。貨利之厚。適中奉給。貢賦所入。與無地同。始軍與諸將等夷。獨因叛亂得位。不敢自有。以恩柔服。威令不行。今雖歸之。必無功。是徒遣也。若有功。義不可奪。則西川之與。敗固失之。勝亦非國家所有。陛下熟察。帝曰。卿策何從。炎曰。請無歸寧。今朱泚所部。范陽勁兵。戎在。近甸。促令與禁兵雜往。寧無不捷。因是役得寬親兵。內其腹中。蜀將必不敢動。然後換授他帥。以收其權。得千里肥饒之地。是因小禍受大福也。帝曰。善。即止寧不行。乃發禁兵四千。范陽兵五千。赴援東川。出軍自江油趣白。與山南兵合擊。蠻兵敗走。范陽軍又擊破於七盤。遂拔新城。戎蠻大敗。凡斬賊六千。生擒六百。傷者殆半。饑寒隕於崖谷者八九萬。寧遠罷西川節度使。制授檢校司空。同中書門下平章事。御史大夫。京畿觀察使。兼靈州大都督。單于鎮北大都護。朔方節度等使。兼鄜坊丹延都團練觀察使。託以重臣。經靖北邊。但令居鄜州。雖以軍為節度。每道皆置留後。自得奏事。炎悉諷令伺寧過犯。杜希全為靈州王。胡為振武。李建徽為鄜州。及戴休顏杜杜從政。呂希情等。皆炎署置也。寧巡邊至夏州。刺史呂希情與寧同力招撫。党項歸降者甚多。炎惡之。因奏希情撫綏之功。才堪委任。召歸朝。除右僕射。知省事。以神武將軍時常春代之。朱泚之亂。上卒迫行幸。百寮諸王。鮮有知者。寧後數日自賊中來。上初喜甚。寧私謂所親曰。聖上聰明英邁。從善如轉規。但為盧杞所惑。至此爾。杞聞之。潛與王翊圖議陷之。初。涇原兵作亂之夕。寧與翊及御史大夫于頔俱出延平門。而西。數下

馬便液，每下輒買久，翹等促之，不敢前。又懼賊兵迫及，翹乃大聲而言曰：「已至此，不必顧望。」至奉天，翹具以事聞。會朱泚行反間，僞除柳潭宰相，署軍中書令。寧朔方掌書記廉湛時為盤屋尉，翹逼湛作軍遺朱泚書，使軍無以自辯。翹遂獻之。杞因誣奏曰：「崔寧初無愛，曩向日之心，聞於城中，與朱泚堅為盟約。所以後於百辟。今事果驗，使兇渠外遁，姦臣內謀，則大事去矣。」因俯伏獻敬曰：「臣備位宰相，危不能持，顯不能扶，宜當萬死，伏待斧鉞。」上命左右扶起之。既還，俄有中人引寧於幕後，二力士自後縊殺之。時年六十一。初，將誅寧，召至朝堂，云：「江淮宣慰，尋命翰林學士陸贄草誅寧制，贄求寧與泚書，將以狀生之。復亂言云：『其書已失，寧既得罪，籍沒其家中外，稱其冤，乃赦其家，歸其資產。』貞元十二年六月，寧故將夏綬銀節度使韓潭奏請以新加禮部尚書恩制以雪寧之罪。詔從之。任其家收葬。初，寧入朝，留弟寬守成都。瀘州楊子琳乘間以精騎數千突入成都，據城守之。寬屢戰力屈。子琳威聲頗盛，寧妻任氏，魁偉果幹，乃出其家財十萬，募勇士，信宿間得千人，設隊伍，將校手自磨兵，以逼子琳。子琳懼，城內糧盡，乃拔城自潰。子琳素有妖術，其夕致大雨，引舟至庭除，登之而遁。寧季第密，密子繪，父子皆以文雅稱。歷使府從事，繪生四子，盡黠確，顏皆以進士擢第。蠡字越卿，元和五年擢第，累辟使府，寶曆中入朝，監察御史。太和初，為侍御史。三遷戶部郎中，出為汝州刺史。開成初，以司勳郎中徵，尋以本官知制誥。明年，正拜舍人。三年，權知禮部貢舉。四年，拜禮部侍郎。轉戶部，上疏論國忌日，設僧齋百官行香，事無經據。詔曰：「朕以郊廟之禮，嚴奉祖宗，備物盡誠，庶幾昭格。恭惟忌日之感，所謂終身之憂，而近代以來，歸依釋老，微二教以設食，會百辟以行香，將以有助聖靈，冥資福祚，有異皇王之術，頗乖教義之宗。昨得崔蠡奏論，遂遣討尋本末，禮文令式，曾不該明，習俗因循，雅當整革。其兩京天下州府，以國忌日為寺觀設齋焚香，起今已後，並宜停罷。蠡尋為華州刺史。鎮國軍等使，再歷方鎮。子堯，堯字野夫，大中二年擢進士第，累官至尚書郎，知制誥。正拜中書舍人，戶部侍郎，乾符中，自尚書右丞遷吏部侍郎。堯美文詞，善談論，而馭事簡率，銓管非所，長出為陝州觀察使，以器韻自高，不屑細故。權移僕下，時河

南寇盜蜂起，王仙芝亂，漢南朝綱不據，而堯自恃清貴，不恤人之疾苦，百姓斷其指，指樹曰：「此尚有葉，何旱之有？」皆之。吏民結怨，既而為軍人所逐，饑渴甚，投民舍求水，民以溺飲之。初為軍人所俘，翦其髭髮，拜而獲免。以失守貶端州司馬，復入為左散騎常侍。卒。子居敬，居儉，終尚書郎。居儉中與終戶部尚書，黯字直卿，太和二年進士擢第，開成初，為青州從事，入為監察御史。奏郊廟祭器不虔，請勅有司。文宗謂宰臣曰：「宗廟之事，朕合親奉其禮，但以千乘萬騎，動費國用，每有司行事之日，被衣冠坐以俟旦，比聞主者不虔，祭器勞敝，非事神濁潔之義，卿宜嚴勅有司。」道吾此意，黯具條奏以聞。尋遷員外郎，會昌中，為諫議大夫。確字岳卿，顏字希卿，位皆至尚書郎。

嚴震，字退閑，梓州鹽亭人，世為田家，以財雄於鄉里。至德乾元已後，震屢出家財以助邊軍，授州長史。王府諮議參軍，東川節度判官章收薦震才用於節度使嚴武，遂授合州長史。及嚴武移西川，署為押衙，改恆王府司馬。嚴武以宗姓之故，軍府之事多委之。又歷試衛尉、太常少卿、嚴武卒，迺罷歸。東川節度使又奏為渝州刺史，以疾免。山南西道節度使又奏為鳳州刺史，加侍御史。丁母憂，罷起復本官，仍充與鳳兩州團練使。累加開府儀同三司，兼御史中丞，為政清嚴，興利除害，遠近稱美。建中初，司勳郎中韋棫為山劍黜陟使，薦震理行為山南第一，特賜上下考，封鄜國公。在鳳州十四年，能政不渝。建中三年，代買耽為梁州刺史，兼御史大夫。山南西道節度觀察等使及朱泚竊據京城，李懷光頓軍咸陽，又與之連結。泚令腹心穆庭光、宋瑛等齎白書誘震同叛，震集眾斬庭光等。時李懷光連賊，德宗欲移幸山南，震既聞順動，遣吏馳表往奉天迎駕，仍令大將張用誠領兵五千至整屋，已東迎護。上聞之喜，既而用誠為賊所誘，欲謀背逆，朝廷憂之。會震又遣牙將馬助奉表迎候，上臨軒召勳與之語，勳對曰：「臣請計日至山南，取節度使符，召用誠，即不受。召臣當斬其首以復。」上喜曰：「卿何日當至？」勳對曰：「時而奏帝勉勞之，助既得震符，乃請壯丁五人，偕行。既出，略谷用誠以助，未知其謀，乃以數百騎迎勳，勳與俱之傳舍。用誠左右森然，勳先聚草發火於驛外，軍士爭附火助，乃從容出懷中符示之曰：『大夫召君用誠，』

惶懼起走壯士自背束手而擒之不虞用誠子居後引刀斫勳勳左右遽承其臂刀下不其微傷勳首遂格殺其子而仆用誠於地壯士跨其腹以刃擬其喉曰出聲即死勳即其營軍士已被甲執兵矣勳大言曰汝等父母妻子皆在梁州一朝棄之欲從用誠反逆有何利也但滅汝族耳大夫使我取張用誠不問汝輩欲何為乎衆皆誓服於是縛用誠送州震杖殺之拔其副將使率其衆迎勳勳以藥封首馳赴行在愆約半日上頗憂之及勳至上喜勳顏色翌日車駕發奉天及入略谷李懷光遣數百騎來襲賴山南兵擊之而退與駕無警急之患尋加震檢校戶部尚書賜實封二百戶三月德宗至梁山山南地貧糧食難給宰臣議請幸成都府震奏曰山南地接京畿李晟方圖收復藉六軍聲援如幸西川則晟未見收復之期也幸陛下徐思其宜議未決李晟表至請車駕駐驛梁洋以圖收復羣議乃止梁漢之間刀耕火耨民以採樵為事雖節察十五郡而賦額不敵中原三數縣自安史之後多為山賊剽掠戶口流散太半洎六師駐驛震設法勸課鳩聚財賦以給行在民不至煩供億無闕其年六月收復京城車駕將還京師進位檢校尚書左僕射詔曰朕遭罹寇難播越梁岷蒸庶煩於供億武旅勤於扞衛凡百執事各奉厥司眷予是邦復我與運宜加崇大以示將來宜改梁州為興元府官各品制同京北河南府鄭縣昇為赤諸縣昇為畿見任州縣官考滿日放選百姓給復一年洋州宜昇為望見任州縣官考滿減兩選山南西道將士並與甄敘以震為興元尹賜實封二百戶貞元元年十一月德宗親祀昊天上帝于南郊震入朝陪祭十一年二月加同平章事貞元十五年六月卒時年七十六廢朝三日冊贈太保贈布帛粟有差及喪將至令百官以次赴宅弔哭

嚴礪震之宗人也性輕躁多姦謀以便佞在軍歷職至山南東道節度都虞候興州刺史兼監察御史貞元十五年嚴震卒以礪權留府事兼遺表薦礪才堪委任七月超授興元尹兼御史大夫山南西道節度支度營田觀察使詔下諫官御史以為除拜不當是日諫議給事補闕拾遺並歸門下省共議礪資歷甚淺人望素輕遠領節旄恐非允當既兼雜話發論喧然拾遺李肇獨奏云昨除

拜嚴礪衆以為不當諫議大夫苗拯云已三度表論未見聽允給事中許孟容曰誠如此不曠職矣又云李元素陳京王舒並見拯及孟容言議上遣三司使詰之拯狀云實於衆中言曾論奏不言三度繁謹之不已孟容等又云拯實言兩度拯請依衆狀翌日貶拯萬州刺史李繁播州參軍並同正礪在位貪殘士民不堪其苦素惡鳳州刺史馬勳誣奏貶實州司戶縱情肆志皆此類也元和四年三月卒卒後御史元稹奉使兩川按察糾劾礪在任日贓罪數十萬詔徵其贓以死恕其罪

史臣曰爵人於朝與衆共之刑人於市與衆棄之縱崔寧除嚴礪時君之政可知矣輔相之才可見矣武不稟父風有違母誨凡為人子者得不誠哉雖有周孔之才不足稱也況狂夫乎英又失政其死也宜哉嚴震立功其道也顯矣贊曰英又失政崔寧發身武為士子震作純臣

舊唐書卷一百一十七

舊唐書卷一百十七考證

嚴武傳上盧誥以劍兩川合為一道○沈炳震曰按方鎮表廣德二年合兩川為一道則是代宗時事非上盧誥也

崔寧傳尋代雷琳為御史大夫平章事○沈炳震曰按紀及宰相表雷琳免後皆無寧入相文疑代琳為御史大夫非平章事也

杜希全為鹽州王翊為振武○本紀張光晟非王翊

贊語武為士子震作純臣○沈炳震曰按傳意言武之狂暴不得為克家子也
士字誤

舊唐書卷一百十七考證

舊唐書卷一百十八

後晉司空同中書門下平章事劉昫撰

列傳第六十八

元載 王昂 李少良 郭慎 附 王縉 楊炎

黎幹 劉忠 附 庚準

元載鳳翔岐山人也家本寒微父景昇任員外官不理產業常居岐州載母攜載適景昇冒姓元氏載自幼嗜學好屬文性敏惠博覽子史尤學道家貧徒步隨鄉賦累上不升第天寶初玄宗崇奉道教下詔求明莊老文列四子之學者載策入高科授邠州新平尉監察御史韋銓充使監選殿中引載為判官載名稍著遷大理評事東都留守苗晉卿又引為判官遷大理司直肅宗即位急於軍務諸道廉使隨才擢用時載避地江左蘇州刺史江東採訪使李希言表載為副拜祠部員外郎遷洪州刺史兩京平入為度支郎中載智性敏悟等奏對肅宗嘉之委以國計俾充使江淮都領漕輓之任尋加御史中丞數月徵入遷戶部侍郎度支使并諸道轉運使既至朝廷會肅宗寢疾載與倖臣李輔國善輔國妻元氏載之諸宗因是相昵狎時輔國權傾海內舉無違者會選京尹輔國乃以載兼京兆尹載意屬國柄詰輔國懇辭京尹輔國識其意然之翌日拜載同中書門下平章事度支轉運使如故旬日肅宗晏駕代宗即位輔國勢愈重稱載於上前載能伺上意頗承恩遇遷中書侍郎同中書門下平章事加集賢殿大學士修國史又加銀青光祿大夫封許昌縣子載以度支轉運使職務繁碎負荷且重慮傷名阻大位素與劉晏相友善乃悉以錢穀之務委之薦晏自代載自加管田使李輔國罷職又加判天下元帥行軍司馬廣德元年與宰臣劉晏裴遵慶同扈從至陝及輿駕還宮遵慶皆罷所任載恩寵彌盛輔國死載復結內侍董秀多與之金帛委主書卓英倩潛通密旨以是上有所屬載必先知之承意探微言必玄合上益信任之妻王氏狠戾自專載出朝謁縱子伯和等遊于外上封人顯絲奏之上方任載以政反罪絲而已內侍魚朝恩負特權寵不與載協載常憚之大曆四年冬乘間密奏朝恩專權不軌請除之朝

恩驕橫天下威怒上亦知之及聞載奏適會於心載遂結北軍大將同謀以防萬慮五年三月朝恩伏法度支使第五琦以朝恩黨坐累載兼判度支志氣自若謂己有除惡之功是非前賢以為文武才略莫己之若外委胥吏內聽婦言城中關南北二甲第室宇宏麗冠絕當時又於近郊起亭榭所至之處帷帳什器皆於宿設儲不改供城南膏腴別墅連疆接畛凡數十所婢僕曳羅綺一百餘人恣為不法侈僭無度江淮方面京董要司皆排去忠良引用貪穢士有求進者不結子弟則謁主書貨賄公行近年以來未有其比與王縉同列縉方務聚財遠睦於載二人相得甚歡日益縱橫代宗盡察其跡以載任寄多年欲全君臣之分載嘗獨見上誠之不悅初扈駕自陝還與縉上表請以河中府為中都秋抄行幸春首還京以避蕃戎侵軼之患帝初納之遣條奏以聞自魚朝恩就誅志頗盈滿遂抗表請建中都文多不載大略以關輔河東等十州戶稅入奉京師創置精兵五萬管在中都以威四方辭多開闢自以為表入事行潛遣所由吏於河中經營節度寄理於涇州大曆八年蕃戎入邠寧之後朝議以為三輔已西無襟帶之固而涇州散地不足為守載嘗為西州刺史知河西隴右之要害指畫於上前曰今國家西境極于潘源吐蕃防戍在摧沙堡而原州界其間原州當西塞之口接隴山之固草肥水甘舊壘存焉吐蕃比毀其垣墉棄之不居其西則監牧故地皆有長濠巨壑重復深固原州雖早霜黍稷不熟而有平涼附其東獨耕一縣可以足食請移京西軍戍原州乘間築之貯粟一年戎人夏牧多在青海羽書覆至已逾月矣今運築並作不二旬可畢移子儀大軍居涇以為根本分兵守石門木峽隴山之關北抵于河皆連山峻嶺寇不可越稍置鳴沙縣豐安軍為之羽翼北帶靈武五城為之形勢然後舉隴右之地以至安西是謂斷西戎之脛朝廷可高枕矣兼圖其地形以獻載密使人踰隴山入原州量井泉計徒庸車乘舂鎔之器皆具檢校左僕射田神功沮之曰夫興師料敵老將所難陛下信一書生言舉國從之聽誤矣上遲疑不決會載得罪乃止初六年載條奏應緣別勅授文武六品以下勅出後望令吏部兵部便附甲團奏不得檢勘從之時功狀奏擬結銜多謬載欲權歸於己慮有司駁正

會有上封人李少良密以載醜跡聞載知之。奏於上前。少良等數人悉斃於公府。由是道路以目。不敢議載之短。門庭之內。非其黨與不接。平素交友。涉於道義者。悉疎棄之。代宗寬仁。明恕審其所由。凡累年。載長惡不悛。眾怒上聞。大曆十二年三月庚辰。仗下後。上御延英殿。命左金吾大將軍吳湊。載緝于政事堂。各留繫本所。并中書主事卓英倩。李待榮。及載舅仲武。李能。並收禁。命吏部尚書劉晏。訊鞫。晏以載受任。樹黨布于天下。不敢專斷。請他官共事。勅御史大夫李涵。石。散騎常侍蕭昕。兵部侍郎袁修。禮部侍郎常袞。諫議大夫杜亞。同推究其狀。辯罪問端。皆出自禁中。仍遣中使詰以陰事。載緝皆伏罪。是日宦官左衛將軍知內侍省事董秀。與載同惡。先載於禁中杖殺之。勅曰。任直去邪。懸於帝典。獎善懲惡。急於時政。和鼎之寄。匪易其人。中書侍郎同中書門下平章事元載。性頗姦回。跡非正直。寵待踰分。早踐鈞衡。亮弼之功。未能經邦。成務。挾邪之志。常以罔上面欺。陰託妖巫。夜行解禳。用圖非望。庶追典章。納受贓私。買鬻官秩。凶妻忍害。暴子侵牟。曾不隄防。恣其凌虐。行僻辭矯。心狠貌恭。使沉抑之流。無因自達。賞罰差謬。罔不由茲。頃以君臣之間。重於去就。冀其遷善。掩而不言。曾無悔非。彌益凶戾。年序滋遠。豐惡貫盈。將肅政於朝班。俾申明於憲網。宜賜自盡。朕涉道猶淺。知人不明。理績未彰。遺闕斯衆。致茲刑辟。憫媿良深。俯俛行之。務申沮勸。凡在中外。悉朕懷焉。又制曰。門下侍郎同中書門下平章事王縉。附會姦邪。阿諛讒佞。據茲犯狀。罪至難容。矜以耄及。未忍加刑。俾申屈法之恩。貸以岳牧之秩。可使持節括州諸軍事。守括州刺史。宜即赴任。於戲朕恭己南面。推誠服肱。數求哲人。將弼予理。昧於任使。過在朕躬。無曠厥官。各慎厥職。初。晏等承旨。縉亦處極法。晏謂涵曰。重刑再覆。國之常典。況誅大臣。豈得不覆。奏又法有首從。二人同刑。亦宜重取。進止涵等咸聽命。及晏等覆奏。上乃減縉罪。從輕。載長子伯和。先是貶在揚州。兵曹參軍。載得罪。命使馳傳於揚州。賜死。次子仲武。祠部員外郎。次子季能。秘書省校書郎。并載妻王氏。並賜死。女資敬。寺尼真一。收入掖庭。王氏。開元中。河西節度使忠嗣之女也。素以兇戾聞。恣其子伯和等為虐。伯和特父威勢。唯以聚斂財貨。徵求音樂。為事。載在相位多

年。權傾四海。外方珍異。皆集其門。如恐不及。名姝異樂。資貨不可勝計。故伯和仲武等得肆其志。輕浮之士。奔其門者。如恐不及。名姝異樂。禁中無者。有之。兄弟各貯妓妾于室。倡優猥褻之戲。天倫同觀。略無愧恥。及得罪。行路無嗟惜者。中使董秀。主書卓英倩。李待榮。及陰陽人李季連。以載之故。皆處極法。遣中官於萬年縣界黃臺鄉。載祖及父母墳墓。斲棺棄柩。及私廟木主。并載大軍里安仁里二宅。充修百司廨宇。以載籍沒。鍾乳五百兩。分賜中書門下御史臺五品已上。尚書省四品已上。王昂者。出自戎旅。以軍功累遷。河中尹。充河中節度使。貪縱不法。務於聚斂。以貨落身。永泰元年正月。檢校刑部尚書。知省事。改殿中少監。元載秉政。與載深相結託。大曆五年六月。為江陵尹。兼御史大夫。充荆南節度觀察使。代衛伯玉。昂既行。伯玉諷大將楊錄等拒昂。乞留伯玉。詔許之。昂復檢校刑部尚書。知省事。專事奢靡。廣修第宅。多蓄妓妾。以逞其志。在刑部。雖公務有程。昂耽狗私。宴連日不視曹事。性貪恠。無媿苟得。乃竊公廨園菜。收其錢。以潤屋。甚為時論所醜。元載誅貶連州刺史。遣中使監至萬州。過硤江。墜江而卒。李少良者。以吏用早從使幕。因職遷殿中侍御史。罷遊京師。于謁權貴。時元載專政。所居第宅崇侈。子弟縱橫。貨賄公行。士庶咸嫉之。少良怨不見用。乘眾怒以抗疏。上聞。留少良於禁內。客省。少良友人韋頌。因至禁門。訪少良。少良漏其言。頌不愼。密遂為載備知之。乃奏少良狂妄。詔下御史臺訊鞫。是時御史大夫缺。載以張延賞為之。屬意焉。少良以泄禁中奏議。制使陸珣。同伏罪。初。韋頌及珣。俱與少良友。善與載子弟親。黨款狎。頌得少良微旨。漏於載。所親遂達於載。載密召珣問之。珣具白其狀。及禁中語。載得之。奏于上前。上大怒。並付京兆府決殺。珣。珣。國子司業。善經之子也。少傳父業。頗通經史。性浮躁。而疎故及于累。大曆中。元載弄權。自恣。人皆惡之。八年七月。晉州男子郇謨。以麻辯髮持竹筐及葦蓆。哭於東市。人問其故。對曰。有三十字請獻於上。若無堪。便以竹筐貯屍。棄之于野。京兆府以聞。上即召見。賜衣館於禁內。客省。其獻三十字。各論一事。其要者。團字監字。團者。請罷諸州團練使。監者。請罷諸道監軍使。殿中御史楊讓議。居左巡。郇謨哭市。讓不聞。奏。上以為蔽匿。貶連州桂陽縣丞。員外

置元載當承龍得志每改張朝政出於載手中外共怒當時歸咎於載故少良封事於前郁謨哭市於後凡百有位宜爲明說

王縉字夏卿河中也少好學與兄維早以文翰著名縉連應草澤及文辭清麗舉累授侍御史武部員外祿山之亂選爲太原少尹與李光弼同守太原効謀略衆所推先加憲部侍郎兼本官時兄維陷賊受傷署職平維付吏議縉請以己官贖維之罪特爲減等縉尋入拜國子祭酒改鳳翔尹秦隴州防禦使歷工部侍郎左散騎常侍撰玄宗哀冊文時稱爲工改兵部侍郎屬平史朝義河朔未安詔縉以本官河北宣慰使稱旨廣德二年拜黃門侍郎同平章事太微宮使弘文崇賢館大學士其年河南副元帥李光弼薨於徐州以縉爲侍中持節都統河南淮西山南東道諸節度行營事縉懇讓侍中從之加上柱國兼東都留守歲餘遷河南副元帥請減軍資錢四十萬貫修東都殿宇大曆三年幽州節度使李懷仙死以縉領幽州盧龍節度縉赴鎮而還委政於燕將朱希彩又屬河東節度辛雲京卒遂棄太原尹北都留守河東節度營田觀察等使縉又讓河南副元帥東都留守從之太原舊將王無縱張奉璋等恃功且以縉儒者易之每事多違約束縉一朝恣召斬之將校股慄二歲罷河東歸朝授門下侍郎中書門下平章事時元載用事縉卑附之不取與忤然恃才與老戎州人也數論事載甚病之而力不能去也幹書白事於縉縉曰尹南方君子也安知朝禮其慢而侮人率如此類縉弟兄奉佛不茹葷血縉晚年尤其與杜鴻漸捨財造寺無限極妻李氏卒捨道政里第爲寺爲之追福奏其額曰寶應度僧三十人住持每節度觀察使入朝必延至寶應寺諷令施財助已修繕初代宗喜祠祀未甚重佛而元載杜鴻漸與縉喜飯僧徒代宗嘗問以福業報應事載等因而啓奏代宗由是奉之過當嘗令僧百餘人於宮中陳設佛像經行念誦謂之內道場其飲膳之厚窮極珍異出入乘廐馬度支具屢給每西蕃入寇必令章僧誦誦仁王經以攘厲寇苟幸其退則橫加錫賜胡僧不空官至卿監封國公通籍禁中勢移公卿爭權擅威日相凌奪凡京畿之豐田美利多歸

於寺觀更不能制僧之徒侶雖有賊姦亂敗數相繼而代宗信心不易乃詔天下官吏不得華與僧尼又見縉等施財立寺窮極瑣麗每對揚啓沃必以業果爲證以爲國家慶祚靈長皆福報所資業力已定雖小有患難不足道也故祿山思明毒亂方熾而皆有子禍僕固懷恩將亂而死西戎犯關未舉而退此皆非人事之明徵也帝信之愈甚公卿大臣旣挂以業報則人事棄而不修故大曆刑政日以凌遲有由然也五臺山有金閣寺鑄銅爲瓦塗金於上照曜山谷計錢巨億萬縉爲宰相給中書符牒令臺山僧數十人分行郡縣聚徒講說以求貨利代宗七月望日於內道場造孟蘭盆鉢以金翠所費百萬又設高祖已下七聖神座備飾節龍拿衣裳之制各書尊號于幡上以識之昇出內陳於寺觀是日排儀仗百寮序立於光順門以俟之幡花鼓舞迎呼道路歲以爲常而識者嗤其不典其傷教之源始於縉也李氏初爲左丞章濟妻濟卒奔縉縉妻之冒稱爲妻實妾也又縱弟妹女尼等廣納財賄貪狼之跡如市買焉元載得罪縉連坐貶括州刺史移處州刺史大曆十四年除太子賓客留司東都建中二年十二月卒年八十二

楊炎字公南鳳翔人曾祖大寶武德初爲龍門令劉武周陷晉絳攻之不降城破被害襄贈全節侯祖哲以孝行有異旌其門閭父播登進士第隱居不仕玄宗徵爲諫議大夫棄官就養亦以孝行稱表其門閭肅宗統加散騎常侍賜號玄靖先生名在逸人傳炎美鬚眉風骨峻峙文藻雄麗汧隴之間號爲小楊山人釋褐辟河西節度掌書記神烏令李大簡嘗因醉辱炎至是與炎同幕率左右反接之鐵棒擗之二百流血被地幾死節度使呂崇實愛其才不之責後副元帥李光弼奏爲判官不應徵拜起居舍人辭祿就養岐下丁憂廬於墓前號泣不絕聲有紫芝白雀之祥又表其門閭孝者三代門樹六闕古未有也服闕久之起爲司勳員外郎改兵部轉禮部郎中知制誥遷中書舍人與常袞並掌綸誥袞長於除書炎善爲德音自開元已來言詔制之美者時稱常楊焉炎樂賢下士以汲引爲己任人士歸之嘗爲李楷落碑辭甚工文士莫不成誦之遷吏部侍郎修國史元載自作相常選擢朝士有文學才望者一人厚遇之將

以代己初引禮部郎中劉單單奉引吏部侍郎薛崇暹又引炎載親重炎無與爲比載敗坐貶道州司馬德宗即位議用宰相崔祐甫薦炎有文學器用上亦自聞其名拜銀青光祿大夫門下侍郎同平章事炎有風儀博以文學早負時稱天下翕然蓋爲賢相初國家舊制天下財賦皆納於左藏庫而太府四時以數聞尚書比部覆其出入上下相轄無失遺及第五琦爲度支鹽鐵使京師多豪將求取無節琦不能禁乃悉以租賦進入大盈內庫以中人主之意天子以取給爲便故不復出是以天下公賦爲人君私藏有司不得窺其多少國用不能計其贏縮殆二十年矣中官以冗名持簿書領其事者三百人皆奉給其間連結根固不可動及炎作相頓首於上前論之曰夫財賦邦國之大本生人之喉命天下理亂輕重皆由焉是以前代歷選重臣主之猶懼不集往往覆敗大計一失則天下動搖先朝權制中人領其職以五尺宦豎操邦之本豐儉盈虛雖大臣不得知則無以計天下利害臣愚待罪宰相陛下至德惟人是恤參校虛弊無斯之甚請出之以歸有司度官中經費一歲幾何量數奉入不敢虧用如此然後可以議政惟陛下察焉詔曰凡財賦皆歸左藏庫一用舊式每歲於數中量進三五十萬入大盈而度支先以其全數聞炎以片言移人主意議者以爲難中外稱之初定令式國家有租賦庸調之法開元中玄宗修道德以寬仁爲理本故不爲版籍之書人戶浸溢隄防不禁丁口轉死非舊名矣田畝移換非舊額矣貧富昇降非舊第矣戶部徒以空文總其故書蓋得非當時之實舊制人丁戊邊者獨其租庸六歲免歸玄宗方事夷狄成者多死不返邊將怙寵而諱不以死申故其實籍之名不除至天寶中王鉞爲戶口使方務聚斂以丁籍且存則丁身漸往是隱課而不出耳遂案舊籍計除六年之外積徵其家三十年租庸天下之人苦而無告則租庸之法弊久矣迨至德之後天下兵起始以兵役因之饑癘徵求運輸百役並作人戶凋耗版圖空虛軍國之用仰給於度支轉運二使四方征鎮又自給於節度都團練使賦斂之司數四而莫相統攝於是綱目大壞朝廷不能覆諸使諸使不能覆諸州四方貢獻悉入內庫權臣猾吏因緣爲姦或公託進獻私爲賊盜者動萬萬計河南山東荆襄劍

南有重兵處皆厚自奉養王賦所入無幾吏職之名隨人署置條給厚薄由其增損故科斂之名凡數百廢者不削重者不去新舊仍積不知其涯百姓受命而供之滌膏血驚親愛旬輸月送無休息吏因其許蠶食千人凡富人多丁者率爲官爲僧以色役免貧人無所入則丁存故課免於上而賦增於下是以天下殘瘁蕩爲浮人鄉居地著者百不四五如是者殆三十年炎因奏對懇言其弊乃請作兩稅法以一其名曰凡百役之費一錢之斂先度其數而賦於人量出以制入戶無主客以見居爲簿人無丁中以貧富爲差不居處而行商者在所郡縣稅三十之一度所與居者均使無僥利居人之稅秋夏兩徵之俗有不便者正之其租庸雜徭悉省而丁額不廢申報出入如舊式其田畝之稅率以大曆十四年墾田之數爲準而均徵之夏稅無過六月秋稅無過十一月逾歲之後有戶增而稅減輕及人散而失均者進退長吏而以尚書度支總統焉德宗善而行之詔論中外而掌賦者沮其非利言租庸之令四百餘年舊制不可輕改上行之不疑天下便之人不土斷而地著賦不加斂而增入版籍不造而得其虛實貪吏不誠而姦無所取自是輕重之權始歸於朝廷炎救時之弊頗有嘉聲莅事數月屬崔祐甫疾病多不視事喬琳罷免炎遂獨當國政祐甫之所制作炎隳之初減薄讓作元陵功優人心始不悅又專意報恩復繼道州錄事參軍王沼有微恩於炎舉沼爲監察御史感元載恩專務行載舊事以報之初載得罪左僕射劉晏訊劾之元載誅炎亦坐貶故深怨晏晏領東都河南江淮山南東道轉運租庸青苗鹽鐵使炎作相數月欲貶晏先罷其使天下錢穀皆歸金部倉部又獻議開豐州陵陽渠發京畿人夫於西城就役閭里騷擾事竟無成初大曆末元載議請城原州以遏西番入寇之衝要事未行而載誅及炎得政建中二年二月奏請城原州先牒原節度使段秀實令爲之具秀實報曰凡安邊御敵之長策宜緩以計圖之無宜草草興功也又春事方作請待農隙而緝其事炎怒徵秀實爲司農卿以郊寧別駕李懷光居前督作以檢校司空平章事朱泚御史大夫平章事崔寧各統兵萬人以翼後三月詔下涇州爲具涇軍怒而言曰吾曹爲國西門之屏十餘年矣始治于郊纒置農桑地者

之安而徙于此置樵莽之中手披足踐纔立城壘又投之塞外吾何罪而實此乎李懷光監朔方軍法令嚴峻頻殺大將涇州裨將劉文喜因人怨怒拒不受詔上疏復求段秀實爲帥否則朱泚於是泚代懷光文喜又不奉詔涇有勁兵二萬閉城拒守令其子入質吐蕃以求援時方炎旱人情騷動羣臣皆請赦文喜上皆不省德宗減服御以給軍人城中軍士嘗受春服賜與如故命朱泚李懷光等軍攻之乃築壘環之涇州別將劉海賓斬文喜首傳之闕下苟非海賓効順必生邊患皆因炎以喜怒易帥涇帥結怨故也原州竟不能城炎既構劉晏之罪貶官司農卿庚進與晏有隙乃用準爲荆南節度使輒令誣晏以忠州叛殺之妻子徙嶺表朝野爲之側目李正己上表請殺晏之罪指斥朝廷炎懼乃遣腹心分往諸道裝冀東都河陽魏博孫成澤潞礪邢幽州盧東美河南淄青李舟山南湖南王定淮西聲言宣慰而意實說誘且言晏之得罪以昔年附會姦邪謀立獨孤妃爲皇后上自惡之非他過也或有密奏炎遣五使往諸鎮者恐天下以殺劉晏之罪歸己推過於上耳乃使中人復旋辭於正己還報信然自此德宗有意誅炎矣待事而發乃擢用盧杞爲門下侍郎平章事炎轉中書侍郎仍平章事二人同事秉政杞無文學儀貌寢陋炎惡而忽之每託疾惠於他閣多不會食杞亦銜恨之舊制中書舍人分押尚書六曹以平奏報開元初廢其職杞請復之炎固以爲不可杞益怒又密啓中書主書過逐之炎怒曰主書吾局吏也有過吾自治之奈何而相侵屬梁崇義叛換德宗欲以淮西節度使李希烈統諸軍討之炎諫曰希烈始與李忠臣爲子親任無雙竟逐忠臣而取其位背本若此豈可信也居常無尺寸功猶敢不奉法異日平賊後特功遽上陛下何以馭之初炎之南來途經襄漢固勸崇義入朝崇義不能從已懷反側尋又使其黨李舟使馳說崇義固而拒命遂圖叛逆皆炎迫而成之至是德宗欲假希烈兵勢以討崇義然後別圖希烈炎又固言不可上不能平乃曰朕業許之矣不能食言遂以希烈統諸軍會德宗嘗訪宰相羣臣中可以大任者盧杞薦張鑑嚴鄆而炎舉崔昭趙惠伯上以炎輪譏陳閑遂罷炎相爲左僕射後數日中謝對於延英及出馳歸不至中書盧杞自是益怒焉杞尋引

嚴鄆爲御史大夫初鄆爲京兆尹不附炎炎怒之輒御史張著彈鄆鄆罷兼御史中丞炎又風聞源休與鄆有隙乃拔休自流人爲京兆尹令同鄆過休莅官後與鄆友善炎大怒張光晟方謀殺鄆迺會鄆炎乃以休爲入迴紇使休幾爲虜所殺鄆尋坐以度田不實改爲大理卿時人惜之至是杞因羣情所欲又知鄆與炎有隙故引薦之炎子弘業不肖多犯禁受賂請託鄆按之兼得其他過初炎將立家廟先有私第在東都令河南尹趙惠伯貨之惠伯爲炎市爲官廨時惠伯自河中尹都團練觀察等使初受代鄆奏追捕惠伯詰案御史以炎爲宰相抑吏貨市私第實估其宅賤入其幣計以爲贓杞召大理正田晉評罪晉曰宰臣於庶官比之監臨官市賈有羨利計其利以乞取論罪當奪官杞怒請晉衡州司馬更召他吏繩之曰監主自盜罪較開元中蕭嵩將於曲江南立私廟尋以玄宗臨幸之所恐置廟非便乃罷之至是炎以其地爲廟有飛語者云此地有王氣炎故取之必有異圖語聞上愈怒及臺司上具獄詔三司使同覆之建中二年十月詔曰尚書左僕射楊炎託以文藝累登清貴難請居荒服而虛稱猶存朕初臨萬邦思弘大化務擢非次招納時髦拔自郡佐登于鼎司獨委心替信任無疑而乃不思竭誠敢爲姦蠹進邪醜正既僞且堅黨援因依動涉情故隱法敗度罔上行私苟利其身不顧於國加以內無訓誡外有交通縱恣詐欺以成贓賄詢其事跡本末乖謬蔑恩棄德負我何深考狀議刑罪在難宥但以朕於將相裁切始終顧全大體特有弘貸俾從遠謫以肅具察可崖州司馬同正仍馳驛發遣去崖州百里賜死年五十五炎早有文章亦勵志節及爲中書舍人附會元載時議已薄之後坐載貶官憤恚益甚歸而得政睚眦必讎險害之性附於心唯其愛憎不顧公道以至於貶惠伯亦坐炎貶費州多田尉尋亦殺之

黎幹者戎州人始以善星緯數術進待詔翰林累官至諫議大夫尋遷京兆尹以嚴肅爲理人頗便之而因緣附會與時上下大曆二年改刑部侍郎魚朝恩伏誅坐交通出爲桂州刺史本管觀察使至江陵丁母憂久之會京兆尹缺人頗思幹八年復拜京兆尹兼御史大夫幹自以得志無心爲理會暴益甚徇於

財色十三年除兵部侍郎性險狹左道結中貴以希主恩代宗甚惑之時中官劉忠翼寵任方威幹結之素厚嘗通其姦謀及德宗初即位幹猶以詭道求進密居舉中諂中翼第事發詔曰兵部侍郎黎幹嘗若豺狼特進劉忠翼掩義隱賊並除名長流既行市里兒僮數千人謀聚懷瓜礮投擊之捕賊尉不能止遂皆賜死於藍田釋忠翼宦官也本名清潭與董秀皆有寵於代宗天憲在口勢迴日月貪饕納賄貨產巨萬大曆中德宗居東宮幹及清潭嘗有姦謀動搖及是積前罪以誅之

廣準常州人父光先天寶中文部侍郎準以門蔭入仕昵於宰相王縉縉驟引至職方郎中知制誥遷中書舍人準素寡文學以柔媚自進既非儒流甚為時論所薄尋改御史中丞遷尚書左丞縉得罪出為汝州刺史復入為司農卿與楊炎厚善炎欲殺劉晏知準與晏有隙乃用為荆南節度準乃上言得晏與朱泚書且有怨望又召補州兵以拒命於是先殺晏然後下詔賜自盡海內冤之炎以殺晏微準為尚書左丞建中三年六月丁巳卒時年五十一贈工部尚書史臣曰仲尼云富與貴是人之欲不以道得之不處反乎是道者小人載詔輔國以進身弄時權而固位衆怒難犯長惡不悛家亡而誅及妻兒身死而殃及祖稱縉附會姦邪以至顛覆炎應崔祐甫之規怒段秀實之直酬恩報怨以私害公三子者咸著文章殊乖德行不常其德或承之羞大易之義也富貴不以其道小人之事哉觀廣準之儉遭王縉之復徇楊炎之意曲致劉晏之冤積惡而獲令終者其在餘殃乎

贊曰載縉炎準交相附會左傳有言貪人敗類

舊唐書卷一百十八

舊唐書卷一百十八考證

元載傳父景昇任員外官不理產業常居岐州載母攜載適景昇冒姓元氏○沈炳震曰按此景昇本姓元氏載始冒姓也據新書父昇本景氏曹王明妃元氏賜田在扶風昇主其租入有勞請于妃冒姓元氏則載父本姓景而冒元也未知孰是

自以為表入事行潛遣所由吏于河中經營節度寄理於涇州○臣德潛按河中經營下應有關文據新書數所由于河中經圖宮殿築私第帝聞惡之置其職初四鎮北庭行營節度使寄治涇州此另起文義也書中關經營宮殿築私第等意

附王昇傳大曆五年六月為江陵尹○據衛伯玉傳當是元年

舊唐書卷一百十八考證

後晉司空同中書門下平章事劉昫撰

列傳第六十九

楊綰

崔祐甫 子植植再從兄 常哀

楊綰字公權華州華陰人也祖溫玉則天朝爲戶部侍郎國子祭酒父係開元中禮泉令皆以儒行稱綰生聰惠年四歲處羣從之中敏識過人晝夜宴親賓各舉坐中物以四聲呼之諸賓未言綰應聲指鐵燈樹曰燈蓋柄曲衆咸異之及長好學不倦博通經史九流七略無不該覽尤工文辭藻思清澹而宗尚玄理沉靜寡欲常獨處一室左右經書凝塵滿席澹如也舍光輝用不欲名彰每屬文恥於自白非知己不可得而見早孤家貧養母以孝聞甘旨或闕憂見干色親友輒令干祿舉進士調補太子正字天寶十三年玄宗御勤政樓試博通墳典洞曉玄經辭藻宏麗軍謀出衆等舉人命有司供食既暮而罷取辭藻宏麗外別試詩賦各一首制舉試詩賦自此始也時登科者三人綰爲之首超授右拾遺天寶末安祿山反肅宗即位於靈武綰自賊中冒難披榛求食以赴行在時朝廷方急賢及綰至衆心咸悅拜起居舍人知制誥歷司勳員外郎職方郎中掌誥如故遷中書舍人兼修國史故事舍人年深者謂之閣老公麻雜料歸閣老者五之四綰以爲品秩同列給受宜均悉平分之甚爲時論歸美再遷禮部侍郎上疏條奏貢舉之弊曰國之選士必藉賢良蓋取孝友純備言行敦實居常育德動不違仁體忠信之資履謙恭之操藏器則未嘗自伐虛心而所應必誠夫如是故能率已從政化人鎮俗者也自叔葉澆詐茲道漫微爭尚文辭互相粉飾馬卿浮薄竟不周於任用趙綰虛誕終取擯於鄉閭自時厥後其道彌感不思實行皆徇空名敗俗傷教備載前史古人比文章於鄭衛蓋有由也近煬帝始置進士之科當時猶試策而已至高祖朝劉思立爲考功員外郎又奏進士加雜文明經填帖從此積弊浸轉成俗幼能就學皆誦當代之詩長而博文不越諸家之集遞相黨與用致虛聲六經則未嘗開卷三史則皆同挂壁况復微以孔門之道責其君子之儒者哉祖習既深奔競爲務矜能者曾無

愧色勇進者但欲凌人以毀讒爲常談以向背爲己任投刺干謁驅馳於要津露才揚己喧騰於當代古之賢良方正豈有如此者乎朝之公卿以此待士家之長老以此垂訓欲其返淳朴懷禮讓守忠信謙隅何可得也譬之於水其流已濁若不澄本何當復清方今聖德御天再寧寰宇四海之內願頹向化皆延頸舉踵聖朝之理也不以此時而理之則太平之政又乖矣凡國之大柄莫先擇士自古哲后皆側席待賢今之取人令投牒自舉非經國之體也望請依古制縣令察孝廉審知其鄉間有孝友信義廉恥之行加以經業才堪策試者以孝廉爲名薦之於州刺史當以禮待之試其所通之學其通者送名於省自縣至省不得令舉人輒自陳牒比來有到狀保辨識牒等一切並停其所習經取左傳公羊穀梁禮記周禮儀禮尚書毛詩周易任通一經務取深義與旨通諸家之義試日差諸司有儒學者對問每經問義十條問畢對策三道其策皆問古今理體及當時要務取堪行用者其經義并對策全通爲上第望付吏部便與官其經義通入策通二爲中第與出身下第罷歸其明經比試帖經殊非古義皆誦帖括冀圖僥倖并近有道舉亦非理國之體望請與明經進士並停其國子監舉人亦請準此如有行業不著所由妄相推薦請量加貶黜所冀數年之間人倫一變既歸實學當識大猷居家者必修德業從政者皆知廉恥淨競自止教龐自勸教人之本實在茲焉事若施行即別立條例詔左右丞諸司侍郎御史大夫中丞給舍同議奏聞給事中李庶論給事中李栖筠尚書左丞賈至京兆尹兼御史大夫嚴武所奏議狀與綰同尚書左丞至議曰謹按夏之政尚忠殷之政尚敬周之政尚文然則文與忠敬皆統人之行也且夫述行美極人文人文興則忠敬存焉是故前代以文取士本文行也由辭以觀行則及辭也宣父稱顏子不遷怒不貳過謂之好學至乎修春秋則游夏之徒不能措一辭不亦明乎聞者禮部取人有非斯義易曰觀乎人文以化成天下關雎之義曰先王以是經夫婦成孝敬厚人倫美教化移風俗蓋王政之所由廢興也故延陵聽詩知諸侯之存亡今試學者以帖字爲精通不窮百義豈能知遷怒貳過之道乎考文者以聲病爲是非唯擇浮豔豈能知移風易俗化天下之事乎

是以上失其源而下襲其流。波蕩不知所止。先王之道。莫能行也。夫先王之道。消則小人之道長。小人之道長。則亂臣賊子生焉。臣弑其君。子弑其父。非一朝一夕之故。其所由來者漸矣。漸者何。謂忠信之凌頹。恥尚之失所。末學之馳騁。儒道之不舉。四者皆取士之失也。夫一國之事。繫一人之本。謂之風。贊揚其風。繫卿大夫也。卿大夫何嘗不出於士乎。今取士試之小道。而不以遠者大者。使干祿之徒。趨馳末術。是誘導之差也。夫以蠅蚋之餌。雜垂滄海。而望吞舟之魚。不亦難乎。所以食垂餌者皆小魚。就科目者皆小藝。四人之業。士最關於風化。近代趨仕靡然向風。致使祿山一呼。而四海震蕩。思明再亂。而十年不復。向使禮讓之道。弘仁義之道。著則忠臣孝子。比屋可封。逆節不得而萌也。人心不得而搖也。且夏有天下四百載。禹之道衰。而殷始興焉。殷有天下六百祀。湯之法業。而周始興焉。周有天下八百年。文武之政廢。而秦始并焉。觀二代之選士任賢。皆考實行。故能風化淳一。運祚長遠。秦坑儒士。二代而亡。漢與雜三代之政。弘四科之舉。西京始振經術之學。東都終持名節之行。至有近戚竊位。強干擅權。弱主孤立。母后專政。而社稷不隕。終彼四百。豈非興學行道。扇化於鄉里哉。厥後文章道弊。尚於浮侈。取士術異。荀濟一時。自魏至隋。僅四百載。三光分景。九州阻域。竊號僭位。德義不修。是以子孫速顛。享國咸促。國家革魏晉梁隋之弊。承夏殷周漢之業。四隩既宅。九州攸同。覆燾亭育。合德天地。安有捨皇王舉士之道。蹤亂代取人之術。此公卿大夫之學也。楊綰所奏。實為正論。然自典午覆敗。中原版蕩。戎狄亂華。衣冠遷徙。南北分裂。人多僑處。聖朝一平區宇。尚復因循。版圖則張。閭井未設。土居鄉土。百無一二。因緣官族。所在耕築。地望繫之。數百年之外。而身皆東南西北之人焉。今欲依古制。鄉舉里選。猶恐取士之未盡也。請兼廣學校。以弘訓誨。今京有太學。州縣有小學。兵革一動。生徒流離。儒臣師氏。祿廩無向。貢士不稱行實。曾子何嘗講習。獨禮部每歲擢甲乙之第。謂弘獎擢。不其謬歟。祇足長浮薄之風。啓僥倖之路矣。其國子博士等。望加員數。厚其祿秩。選通儒碩生。間居其職。十道大郡。置太學館。令博士出外。兼領郡官。召置生徒。依乎故事。保桑梓者。鄉里舉焉。在流寓者。庠序推焉。朝而行之。夕

見其利。如此則青青不復與刺。授據由其歸本矣。人倫之始。王化之先。不是過也。李唐等議。與綰協。文多不載。宰臣等奏。以舉人舊業已成。難於速改。其今歲舉人。望且許應舊舉。來歲奉詔。仍勅禮部。即具條例奏聞。代宗以廢進士科。問翰林學士。對曰。進士行來已久。遽廢之。恐失人業。乃詔孝廉與舊舉兼行。綰又奏。歲貢孝悌力田及童子科等。其孝悌力田。宜有實狀。童子越衆。不在常科。同之歲貢。恐長僥倖之路。詔停之。再遷吏部侍郎。歷典舉選。精覈人物。以公平稱。時元載秉政。公卿多附之。綰孤立中道。清貞自守。未嘗私謁。載以綰雅素高。外示尊重。心實疏忌。會魚朝恩死。載以朝恩嘗判國子監事。塵汚太學。宜得名儒。以清其秩。乃奏為國子祭酒。實欲以散地處之。載貪冒日甚。天下清議。亦歸於綰。上深知之。以載久在樞衡。未即罷遣。仍遷綰為太常卿。充禮儀使。以郊廟禮久廢。藉綰振起之也。亦以觀其效用。是年三月。載伏誅。上乃拜綰中書侍郎。同中書門下平章事。集賢殿崇文館大學士。兼修國史。綰久積公輔之望。及詔出。朝野相賀。綰累表懇讓。上屬意稍重。綰不敢辭。綰素以德行著聞。質性貞廉。車服儉朴。居廟堂未數月。人心自化。御史中丞崔寬。劍南四川節度使。軍之第家。富於財。有別墅在皇城之南。池館臺榭。當時第一。寬即日潛遣毀拆。中書令郭子儀在邠州行營。聞綰拜相。座內音樂。減散五分之四。京北尹黎幹。以承恩。每出入。騶馭百餘。亦即日減損車騎。唯留十騎而已。其餘望風變奢。從儉者。不可勝數。其鎮俗移風。若此。綰有宿痼疾。居職旬日。中風。優詔令就中書省攝養。每引見。延英殿。特許扶入。時釐革舊弊。唯綰是瞻。恩遇莫二。綰累抗疏辭位。頻詔教勉。不許。及綰疾亟。上日發中使。就第存問。尚書御醫。旦夕在側。上聞其有間。喜見容色。數日而薨。中使在門。馳奏於上。代宗震悼久之。輟朝三日。詔曰。王者之於大臣也。存則寄其腹心。均於肢體。參於軍國之重。敘以陰陽之和。殞則諒其事功。加之命數。告於宗廟之祭。禮以絞冕之章。則九原可歸。百辟知勸。故朝議大夫守中書侍郎同中書門下平章事。集賢殿崇文館大學士。監修國史。上柱國。賜紫金魚袋。楊綰。性合元和。身齊律度。道匡雅俗。器重宗彝。寬柔敬恭。協於九德。文行忠信。弘於四教。內無耳目之役。以孝悌傳於家。外無車服之容。

以貞實形於代。西掖專宿密之地。南宮領選舉之源。以儒術首於國庠。以禮度掌於高廟。簡廉其質。條職同休。頃以任非其才。毒流于政。爰登清淨之輔。庶諧至理之期。道風既穆於朝班。儉德已行於海內。雖賢人之業。異於可久。而夫子之命。末如之何。方有憑依。遽此掄謝。屏子之敷。震悼良深。所懷莫從。長想何及。況歷官有素絲之節。居家無匹帛之餘。故飾以華表。增其法賻。備膺典策。載賁朝經。可贈司徒。又詔文武百寮。臨於其第。遣內常侍吳承情會弔。贈絹千匹。布三百端。上深惜之。顧謂朝臣曰。天不使朕致太平。何奪我楊綰之速也。俯及大敘。與卿等悲悼同之。宰輔賻贈恩遇哀榮之感。近年未有其比。太常初禮曰。文貞。詔曰。褒德勸善。春秋之舊章。考行易名。禮經之通典。垂範作則。存乎格言。朝議大夫中書侍郎同中書門下平章事集賢殿崇文館大學士修國史上柱國賜紫金魚袋贈司徒楊綰。履道居貞。含和毓德。行爲人紀。文合典謨。清而晦名。無自伐之善。約以師儉。有不矜之謙。方冊直書。秩宗相禮。辭稱良史。學茂醇儒。委在樞衡。掌茲密命。彌契沃心之道。累陳造膝之誠。將以布天下五行之和。同君臣一德之運。遽軫藏舟之歎。未展濟川之才。素業久而彌彰。清風歿而可尚。自古飾終之義。皆錫以美名。諡法曰。忠信愛人曰文。平易不懈曰簡。宜諡曰文簡。比部郎中蘇端。性疎狂。嫉其賢。乃肆毀謗。異同其議。上怒。貶端爲廣州員外司馬。綰儉薄自樂。未嘗留意家產。口不問生計。累任清要。無宅一區。所得俸祿。隨月分給。親故清識過人。至如往哲微言。五經奧義。先儒未悟者。綰一覽究其精理。雅尚玄言。宗釋道二教。嘗著王開先生傳。以見意。文多不載。凡所知友。皆一時名流。或造之者。清談終日。未嘗及名利。或有客欲以世務干者。見綰言必玄遠。不敢發辭。內愧而退。大曆中。德望日崇。天下雅正之士。爭趨其門。至有數千里來者。以清德坐鎮雅俗。時比之楊震。郎吉。山濤。謝安之儔也。

崔祐甫。字貽孫。祖旺。懷州長史。父沔。黃門侍郎。諡曰孝公。家以清儉禮法爲士流之則。祐甫舉進士。歷壽安尉。安祿山陷洛陽。士庶奔避。祐甫獨崎危於矢石之間。潛入私廟。竄木主以竄。歷起居舍人。司勳吏部員外郎。累拜兼御史中丞。承平軍行軍司馬。尋知本軍。京師留後。性剛直。無所容受。遇事不回。累遷中書

舍人。時中書侍郎闕。祐甫省事。數爲宰相常哀所侵。祐甫不從。哀怒之。奏令分知吏部選。每有擬官。哀多駭下。言數相侵。時朱泚上言。龐州將趙貴家貓鼠同乳。不相爲害。以爲禎祥。詔遣中使以示於朝。哀率百僚慶賀。祐甫獨否。中官詰其故。答曰。此物之失常也。可弔不可賀。中使徵其狀。祐甫上奏言。臣聞天生萬物。剛柔有性。聖人因之。垂訓作則。禮記郊特牲曰。迎貓。爲其食田鼠也。然則貓之食鼠。載在禮典。以其除害利人。雖微必錄。今此貓對鼠不食。仁則仁矣。無乃失於性乎。鼠之爲物。晝伏夜動。詩人賦之曰。相鼠有體。人而無禮。又曰。碩鼠碩鼠。無食我黍。其序曰。貪而畏人。若大鼠也。臣旋觀之。雖云動物。異於麋鹿麋兔。彼皆以時殺獲。爲國之用。貓受人養育。職既不修。亦何異於法吏不勤。觸邪。疆吏不勤。扞敵。又按禮部式。具列三瑞。無貓不食鼠之目。以茲稱慶。臣所未詳。伏以國家化洽。理平。天符洊至。紛綸雜沓。史不絕書。今茲貓鼠。不可盡闕。若以劉向五行傳論之。恐須申命。憲司察聽。貪吏誠諸邊候。無失微巡。貓能致功。鼠不爲害。代宗深嘉之。哀益惡祐甫。代宗初崩。發哀於西宮。哀以獨受任。遇哀逾等禮。例晨夕臨者。皆十五舉音。而哀輒哀慟涕泗。或中堦返哭。顧慕若不能去。同列者皆不悅。及哀與禮司議。羣臣喪服。曰。案禮爲君斬衰三年。漢文權制。猶三十六日。國家太宗崩。遺詔亦三十六日。而羣臣延之。既葬而除。約四月也。高宗崩。服絕輕重。如漢故事。武太后崩亦然。及玄宗肅宗崩。始變天子喪爲二十七日。且當時遺詔。雖曰天下吏人三日釋服。在朝羣臣。實服二十七日而除。則朝臣宜如皇帝之制。祐甫執曰。伏準遺詔。無朝臣庶人之別。但言天下人吏。勅到後出臨。三日皆釋服。則朝野中外。何非天下。凡百執事。誰非吏職。則皇帝宜二十七日而羣臣當三日也。哀曰。案賀循注義。吏者。謂官長所署。則今胥吏耳。非公卿百寮之例。祐甫曰。左傳云。委之三吏。則三公也。史稱循吏。良吏者。豈胥徒歟。哀曰。禮非天降地出。人情而已。且公卿大臣。榮受殊寵。故宜異數。今與黔首同制。信宿而除之。於爾安乎。祐甫曰。若遺詔何。詔旨可改。執不可。哀堅諍不服。而聲色甚厲。不爲禮節。又哀方哭於鉤陳之前。而哀從吏或扶之。祐甫指示於衆曰。哭於君前。有扶禮乎。哀聞之。不堪其怒。乃上言。祐甫率情變禮。輕議國典。

請誦為潮州刺史內議太重改為河南少尹初肅宗時天下事殷而宰相不減三四員更直掌事若休沐各在筦有詔旨出入非大事不欲歷抵諸第許令直事者一人假署同列之名以進遂為故事是時中書令郭子儀檢校司空平章事朱泚名是宰臣當署制敕至於密勿之議則莫得聞時德宗踐祚未旬日居不言之際衰循舊事代署二人之名進貶祐甫救出子儀及泚皆表明祐甫不當貶謫上曰向言可謫今言非罪何也二人皆奏實未嘗有可謫之言德宗大駭謂哀誣罔是日百寮直經序立於月華門立貶哀為河南少尹以祐甫為門下侍郎平章事兩揆其職祐甫出至昭應縣徵還尋轉中書侍郎修國史仍平章事上初即位庶務皆委宰司自至德乾元中天下多戰伐啓奏填委故官賞素雜及承奉之後四方既定而元載秉政公道隘塞官由賄成中書主書卓英情李待榮輩用事勢傾朝列天下官爵大者出元載小者自備榮四方齎貨賄求官者道路相屬靡不稱遂而去於是綱紀大壞及元載敗楊綰尋卒常哀當國杜絕其門四方奏請莫有過者雖權勢與匹夫等非以辭賦登科者莫得進用雖賄賂稍絕然無所甄異故賢愚同滯及祐甫代哀薦延推舉無復疑滯日除十數人作相未逾年凡除吏幾八百員多稱允當上嘗謂曰有人謗卿所除擬官多涉親故何也祐甫奏曰臣類奉聖旨令臣進擬庶官進擬必須詰其才行臣若與其相識方可相詰若素不知聞何由知其言行獲謗之由實在於此上以為然神策軍使王駕鶴掌禁兵十餘年權傾中外德宗初登極將令白秀珪代之懼其生變祐甫召駕鶴與語連之秀珪已赴軍前視事矣時李正己畏懼德宗威德乃表獻錢三十萬貫上欲納其奏慮正己未可誠信以計逗留止之未有其辭延問宰相祐甫對曰正己姦詐誠如聖慮臣請因使往淄青便令宣慰將士因以正己所獻錢錫資諸軍人且使深荷聖德又令外藩知朝廷不重財貨上悅從之正己大慚而心畏服焉祐甫謀猷啓沃多所弘益天下以為可復覲開元之太平也至冬被疾肩輿入中書臥而承旨或休偃在筦大事必令中使咨決憲時年六十上甚悼惜之廢朝三日冊贈太傅賜布帛米粟有差謚曰文貞無子遺命猶子植為嗣有文集三十卷故事門下侍郎未嘗有

贈三師者德宗以祐甫嘗嘗有大臣節故特寵異之朱泚之亂祐甫妻王氏陷於賊中泚以嘗與祐甫同列雅重其為人乃遣王氏縉帛菽粟王氏受而緘封之及德宗還京具陳其狀以獻士君子益重祐甫家法宜其享令名也植字公修祐甫弟廬江令學甫子植既為相上言出繼伯父胤推恩不及於父詔贈嬰甫吏部侍郎植潛心經史尤精易象累歷清要為給事中時稱舉職時皇甫鉉以宰相判度支請減內外官俸祿植封還敕書極諫而止鉉復奏諸州府鹽院兩稅權酒鹽利匹段等加估定數及近年天下所納鹽酒利據估者一切徵收詔皆可之植抗疏論奏令宰臣召植宣旨嘉諭之物議罪罅而笑植尋除御史中丞入閣彈事頗振綱紀長慶初拜中書侍郎同中書門下平章事穆宗嘗謂侍臣曰國家貞觀中文皇帝躬行帝道治致昇平及神龍景龍之間繼有內難玄宗平定興復不易而聲明最盛歷年長久何道而然植對曰前代創業之君多起自人間知百姓疾苦初承丕業皆能屬精思理太宗文皇帝特稟上聖之資同符堯舜之道是以貞觀一朝四海寧晏有房玄齡杜如晦魏徵王珪之屬為輔佐股肱君明臣忠事無不理聖賢相遇固宜如此玄宗守文繼體嘗經天后艱危開元初得姚崇宋璟委之為政此二人者天生俊傑勳必推公夙夜孜孜致君於道察書手寫尚書無逸一篇為圖以獻玄宗置之內殿出入觀省咸記在心每數古人至言後代莫及故任賢戒慾心歸沖淡開元之末因無逸圖朽壤始以山水圖代之自後既無座右箴規又信姦臣用事天寶之世稍倦于勳王道于斯缺矣建中初德宗皇帝嘗問先臣祐甫開元天寶治亂之殊先臣具陳本末臣在童丕即聞其說信知古人以章致作戒其益弘多陛下既虛心理道亦望以無逸為元龜則天下幸甚穆宗善其對他日復謂宰臣曰前史稱漢文帝惜十家之產而罷驪臺又云身衣弋絺履草屨集上書囊以為殿帷何太儉也信有此乎植對曰良史所記必非妄言漢興承上秦殘酷之後項氏戰爭之餘海內凋弊生人力竭漢文仁明之主起自代邸知稼穡之艱難是以即位之後躬行儉約繼以景帝猶遵此風由是海內黔首咸樂其生家給戶足迨至武帝公私殷富用能出師征伐威行四方錢至貫朽穀至紅腐上務修廣實

用復竭末年稅及舟車六畜人不聊生戶口減半乃下哀痛之詔封丞相爲富人侯皆漢史明徵用爲事實且耕蠶之勩出自人力用既無度何由以至富強據武帝嗣位之初物力阜殷前代無比固當因文帝儉約之致也上曰卿言甚善患行之爲難耳憲宗皇帝削平羣盜河朔三鎮復入提封長慶初幽州節度使劉總表以幽薊七州上獻請朝廷命帥總仍懼部將搆亂乃籍其豪銳者先送京師時朱克融在籍中植與同列杜元穎素不知兵且無遠慮克融等在京羈旅窮餓日詣中書乞官殊不介意及張弘靖赴鎮令克融等從還不數月克融囚弘靖害寶佐結王廷湊國家復失河朔職植兄弟之由乃罷知政事守刑部尚書出爲華州刺史太和三年正月卒年五十八植雖器量謹厚而無開物成務之才及喪師異方天下尤其失策倭字德長祖濤大理卿孝公沔之弟也濤生甫終大理丞即倭之父以門蔭由太廟齋郎調授太平東陽二主簿李衡廉察湖南江西辟爲賓佐坐事沉廢久之復以選授宣州錄事參軍觀察使崔衍奇其才奏加章服倭辭而不受李異鎮江西奏爲副使得監察裏行又從異領使爲河陰院鹽鐵留後入爲侍御史尋改膳部員外充轉運判官入爲膳部郎中充荆襄十道兩稅使賜金紫遷蘇州刺史理行爲第一轉潭州刺史湖南都團練觀察使湖南舊法豐年貿易不出境鄰部災荒不相恤倭至謂屬吏曰此非人情也無官閉糴重困於民也自是商賈通流入爲戶部侍郎判度支時倭再從弟植爲宰相倭性剛褊恃其權寵與奪任情時朝廷以王承元歸國命田弘正移帥鎮州弘正之行以魏卒二千爲帳下又以常山之人久隔朝化人情易爲變擾累表請留魏卒爲綱紀其糧賜請度支歲給穆宗下宰臣議倭固言魏鎮各有鎮兵朝廷無例支給恐爲事例不可聽從弘正不獲已遣魏卒遺藩不數日而鎮州亂弘正遇害穆宗失德倭黨方盛人不取亂其罪罷領度支檢校禮部尚書出爲鳳翔節度等使不期歲召爲河南尹時年七十抗疏致仕詔以戶部尚書歸第明年春卒較朝一日贈太子少保諡曰肅倭居官清嚴所至必理然時介急待僚屬不以禮節特己之廉見賊汗者如讎焉子巖登進士第辟襄陽掌書記監察御史方雅有父風

常哀京北人也父無爲三原縣丞以哀累贈僕射哀天寶末舉進士歷太子正字累授補闕起居郎寶應二年選爲翰林學士考功員外郎中知制誥依前翰林學士永泰元年遷中書舍人哀文章俊拔當時推重與楊炎同爲舍人時稱爲常楊性清直孤絕不妄交遊內侍魚朝恩恃權寵兼領國子監事哀上疏以爲不可時朝廷多事西北邊虞連爲寇盜哀累上章陳其利害代宗甚顧遇之加集賢院學士大曆元年遷禮部侍郎仍爲學士時中官劉忠翼權傾內外經原節度馬磷又累著功勳恩寵莫二各有親戚干貢部及求爲兩館生哀皆執理人皆畏之元載之得罪令哀與劉晏李涵等鞠之獄竟拜哀門下侍郎同平章事太清太微宮使崇文弘文館大學士與楊綰同掌樞務代宗尤信重綰綰弘通多可哀頗務苛細求清儉之稱與綰之道不同先是百官俸料寡薄綰與哀奏請加之時韓滉判度支哀與滉各聘私懷所加俸料厚薄由己時少列各定月俸爲三十五千滉怒司業張參唯止給三十千哀惡少詹事趙憇遂給二十五千太子洗馬實司經局長官文學爲之貳哀有親戚任文學者給十二千而給洗馬十千其輕重任情不通時政多如此類無幾楊綰卒哀獨當政故事每日出內廚食以賜宰相饌可食十數人哀特請罷之迄今便爲故事又將故讓堂封同列以爲不可而止議者以爲厚祿重賜所以優賢崇國政也不能當辭位不宜辭祿食政事堂有後門蓋宰相時到中書舍人院咨訪政事以自廣也哀又塞絕其門以示尊大不相往來既懲元載爲政時公道梗澁賄賂朋黨大行不以財勢者無因入仕哀一切杜絕之中外百司奏請皆執不與權與匹夫等尤排擯非辭登科第者雖望賈官之路故事大致壅滯代宗既素重楊綰欲以政事委之綰尋卒哀與綰志尚素異嫉而怒之有司議證綰爲文貞哀微諷比部郎中蘇端令駁之毀綰過甚端坐黜官時既無中書侍郎舍人崔祐甫領省事哀以爲同中書門下平章事兼得總中書省遂管綜中書胥吏省事去就及其案牘祐甫不能平之累至忿競遂令祐甫分知吏部選事所擬官又多駁下時哀散官尙朝議又無封爵郭子儀因入朝奏之遂特加銀青光祿大夫封河南郡公及代宗崩與祐甫爭論喪服輕重代相署奏初換祐甫河南少尹

再貶為潮州刺史楊炎入相素與袞善建中元年遷福建觀察使四年正月卒時年五十五久之贈左僕射有文集六十卷

史臣曰善人為邦百年即可勝殘去殺楊縮入相數日遽致移風易俗周召伊傅蕭張房杜歷代為相之顯者庶聞斯道也嘗讀諸集賞善多溢美書罪多溢惡如楊縮拜相之麻贈官之制改謚之詔則當時秉筆者無媿色矣昔趙文子薦士七十古為美談崔祐甫除吏八百人無間言開物成務之才滅私徇公之道可知也噫公權餘旬日而薨貽孫未暮年而逝遠古已來理世少而亂世多其義在茲矣常袞之輩不足云爾

贊曰公權儒道貽孫相才命乎不永時哉可哀

舊唐書卷一百十九

舊唐書卷一百十九 考證

楊縮傳又奏進士加文明經加屬○臣德潛按新書選舉志進士加雜文明經填帖照此增入

舊唐書卷一百十九 考證

後晉司空同中書門下平章事劉昫撰

列傳第七十

郭子儀 字曜時 號 虜頭 號 朔方 子 儀

郭子儀，華州鄜縣人。父敬之，歷綏涇桂壽泗五州刺史。以子儀貴，贈太保，追封祁國公。子儀長六尺餘，體貌秀傑，始以武舉高等補左衛長史。累歷諸軍使，天寶八載，於木刺山置橫塞軍及安北都護府，命子儀領其使，拜左衛大將軍，十三載，移橫塞軍及安北都護府於永濟柵北築城，仍改橫塞衛為天德軍。子儀為之使，兼九原太守。朔方節度右兵馬使，十四載，安祿山反，十一月，以子儀為衛尉卿兼靈武郡太守，充朔方節度使。詔子儀以本軍東討，遂舉兵出單于府，收靜邊軍，斬賊將周萬頃，傳首關下。祿山遣大同軍使高秀巖寇河曲，子儀擊敗之，進收雲中馬邑，開東陔，以功加御史大夫。十五載正月，賊將蔡希德陷常山郡，執顏果卿，河北郡縣皆為賊守。二月，子儀與河東節度使李光弼率師下井陘，拔常山郡破賊於九門，南攻趙郡，生擒賊四千，皆捨之，斬偽太守郭獻珍。復兵仗數萬，師還常山，賊將史思明以數萬人踵其後，我行亦行，我止亦止，子儀選驍騎五百更挑之。三日，至行唐，賊疲乃退。我軍乘之，又敗於沙河。祿山聞思明敗，乃以精兵益之，我軍至恆陽，賊亦隨至。子儀堅壁自固，賊來則守，賊去則追，晝揚其兵，夕襲其寨，賊人不及息。數日，光弼議曰：「賊怠矣，可以戰。」六月，子儀光弼率僕固懷恩渾釋之陳迴光等陣於嘉山，賊將史思明蔡希德尹子奇等亦結陣而至。一戰，敗之，斬賊四萬級，生擒五千人，獲馬五千匹，思明露髮跣足奔于博陵。於是河北十餘郡皆斬賊守者以迎王師。子儀將北圖范陽，軍聲大振。是月，哥舒翰為賊所敗，潼關不守，玄宗幸蜀。肅宗幸靈武，子儀副使杜鴻漸為朔方留後，委迎車駕。七月，肅宗即位，以賊據兩京，方謀收復，詔子儀班師。八月，子儀與李光弼率步騎五萬至自河北。時朝廷初立，兵眾寡弱，雖得牧馬，軍容缺然。及子儀光弼全師赴行在，軍聲遂振，輿復之勢，民有望焉。詔以子儀為兵部尚書，同中書門下平章事，依前靈州大都督府長史，朔方軍節度使。肅

宗大閱六軍，南趨關輔。至彭原郡，宰相房琯請兵萬人，自為統帥，以討賊。帝素

重琯，許之。兵及陳溝，為賊所敗，喪師殆盡。方事討除，而軍半殲，唯倚朔方軍為根本。十一月，賊將阿史那從禮以同羅僕骨五千騎出塞，誘河曲九府六胡州部落數萬，欲迫行在。子儀與迴紇首領葛邏支往擊敗之，斬獲數萬，河曲平定。賊將崔乾祐守潼關。二年三月，子儀大破賊於潼關。崔乾祐退保蒲津。時承樂尉趙復河東司戶韓旻司士徐昉宗子李藏鋒等陷賊在蒲州，四人密謀，俟王師至，則為內應。及子儀攻蒲州，趙復等斬賊守陣者，開門納子儀。乾祐與麾下數千人走安邑。安邑百姓偽降乾祐，兵入將半，下懸門擊之，乾祐未入，遂得脫身東走。子儀遂收陝郡承豐倉，自是潼關之間，無復寇鈔。是月，安祿山死。朝廷欲圖大舉，詔子儀還鳳翔。四月，進位司空，充關內河東副元帥。五月，詔子儀帥師趨京城，師於橋水之西，與賊將安太清安守忠戰，王師不利。其眾大潰，盡委兵仗於清渠之上。子儀收合餘眾保武功，詣關請罪，乞降官賞。乃降為左僕射。餘如故。九月，從元帥廣平王率藩漢之師十五萬進收長安，迴紇遣葉護太子領四千騎助國討賊。子儀與葉護宴狎修好，相與誓平國難，相得甚好。子儀奉元帥為中軍，與賊將安守忠李歸仁戰於京西香積寺之北。王師結陣橫亘三十里，賊眾十萬陳於北。歸仁先薄我軍，我軍亂。李嗣業奮命馳突，擒賊十餘騎。乃定，迴紇以奇兵出賊陣之後夾攻之，賊軍大潰。自午至酉，斬首六萬級。賊將張通儒守長安，聞歸仁等敗，是夜奔陝郡。翌日，廣平王入京師。老幼百萬，夾道歡叫，涕泣而言曰：「不圖今日復見官軍。」廣平王休士三日，率師東趨。肅宗在鳳翔聞捷，羣臣稱賀。帝以宗廟被焚，悲咽不自勝。臣寮無不感泣。十月，安慶緒遣嚴莊悉其眾十萬來赴陝州，與張通儒同抗官軍。賊聞官軍至，悉其眾屯於陝西，負山為陣。子儀以大眾擊其前，迴紇登山乘其背，遇賊潛師於山中，與關通期。大軍稍却，賊分兵三千人絕我歸路。眾心大搖。子儀慮迴紇令進，盡殺之。師馳至其後，於黃埃中發十餘箭，賊驚顧曰：「迴紇來。」即時大敗，僵屍遍山澤。嚴莊張通儒走歸洛陽，遂與安慶緒渡河保相州。子儀奉廣平王入東都。陳兵於天津橋南，士庶歡呼於路。僞侍中陳希烈，僞中書令張瓘等三百餘人素服請罪。

王慰撫遣之。是時河東河西南賊所盜郡邑皆平。以功加司徒。封代國公。食邑千戶。尋入朝。天子遣兵仗戎容迎于灊。肅宗勞之曰。雖吾之家國。實由卿再造。子儀頓首感謝。十二月。遣東都。命子儀經營北討。乾元元年七月。破賊河上。擒偽將安守忠。以獻。遂朝京師。數百寮班迎於長樂驛。帝御望春樓待之。進位中書令。九月。奉詔大舉。子儀與河東節度使李光弼。關內節度使王恩禮。北庭行營節度李嗣業。襄鄧節度使魯炅。荆南節度李廣琛。河南節度使崔光遠。滑濮節度許叔冀。平盧兵馬使董秦等九節度之師。討安慶緒。帝以子儀光弼俱是元勳。難相統屬。故不立元帥。唯以中官魚朝恩為觀軍容宣慰使。十月。子儀自杏園渡河。圍衛州。安慶緒與其統將安雄俊崔乾祐薛嵩田承嗣悉其眾來援。分爲三軍。子儀陣以待之。預選射者三千人。伏於壁內。賊之曰。俟吾小却。賊必爭進。則登城鼓譟。弓弩齊發。以迫之。既戰。子儀偽遁。賊果乘之。及壘門。遽聞鼓譟。俄而弓弩齊發。矢注如雨。賊徒震駭。子儀整眾追之。賊眾大敗。是役也。獲偽鄭王安慶和以獻。遂收衛州。進軍趙鄆。與賊再戰。于愁思岡。賊軍又敗。乃連營圍之。慶緒遣薛嵩以所乘馬十匹求救於史思明。且言禪代。十二月。思明遣將李歸仁率眾赴之。營于滎陽。二年正月。史思明自率范陽精卒復陷魏州。乃僞稱燕王。王師雖眾。軍無統帥。進退無所承襲。自冬徂春。竟未破賊。但引漳水以灌其城。城中食盡。易子而食。二月。思明率眾自魏州來。李光弼王恩禮許叔冀魯炅前軍遇賊于鄆南。與之接戰。夷傷相半。魯炅中流矢。子儀為後陣。未及合戰。大風遽起。吹沙拔木。天地晦冥。陸步不辨物色。我師潰而南。賊軍潰而北。委棄兵仗輜重。累積於路。諸軍各還本鎮。子儀以朔方軍保河陽。斷許橋。有詔令留守東都。三月。以子儀為東都畿山南東道河南諸道行營元帥。中官魚朝恩素害子儀之功。因其不據。謀奪之。尋召還京師。天子以趙王係為天下兵馬元帥。李光弼副之。委以陝東軍事。代子儀之任。子儀雖失兵柄。乃思王室以禍難未平。不遑寢息。俄而史思明再陷河洛。朝廷旰食。復慮虜寇逼迫京畿。三年正月。授子儀鄆州兩鎮節度使。仍留京師。言事者以子儀有社稷大功。今殘孽未除。不宜置之散地。肅宗深然之。上元元年九月。以子儀為諸道兵馬都

統管崇嗣副之。令率英武威遠等禁軍及河西河東諸鎮之師。取鄆州朔方大回橫野。徑抵范陽。詔下旬日。復為朝恩所間。事竟不行。上元二年二月。李光弼兵敗於邙山。河陽失守。魚朝恩退保陝州。三年二月。河中軍亂。殺其帥李國貞。時太原節度鄧景山亦為部下所殺。恐其合從連賊。朝廷憂之。後輩帥臣未能彈壓。勢不獲已。遂用子儀為朔方河中北庭潞德懷沁等州節度行營兼興平定國副元帥。充本管觀察處置使。進封汾陽郡王。出鎮絳州。三月。子儀辭赴鎮。肅宗不豫。羣臣莫有見者。子儀請曰。老臣受命。將死於外。不見陛下。目不瞑矣。帝乃引至臥內。謂子儀曰。河東之事。一以委卿。子儀嗚咽流涕。賜御馬銀器雜綵。別賜絹四萬匹。布五萬端。以賞軍。子儀至絳。擒其殺國貞賊首王元振。數十人。誅之。太原辛雲京圍子儀。元振亦誅。雲京山者。由是河東諸鎮率皆奉法。四月。代宗即位。內官程元振用事。自矜定策之功。忌嫉宿將。以子儀功高難制。巧行離間。請罷副元帥。加實封七百戶。充肅宗山陵使。子儀既謝恩。上表進肅宗所賜前後詔敕。因自陳訴曰。臣德薄輝真。命輕縞毛。累蒙國恩。猥廁朝列。會天地震盪。中原血戰。臣北自靈武。冊先皇帝。乃舉兵而南。大蒐於岐陽。先帝憂勤。宗社託臣。以家國。傳副陛下。播兩京之妖祲。陛下雄圖丕斷。再造區宇。自後不以臣寡劣。委文武之二柄。外敷邦教。內調鼎鼐。是以常許國家之死。實荷日月之明。臣本愚淺。言多詆直。慮此招謗。上瀆冕旒。陛下居高聽卑。察臣不貳。皇天后土。察臣無私。伏以器忌滿盈。日增兢惕。焉敢偷全。久妨賢路。自受恩塞。下制敵行間。東西十年前。後百戰。天寒劍折。踐血霑衣。野宿魂驚。飲水傷骨。跋涉難阻。出沒死生。所仗唯天。以至今日。陛下曲垂惠獎。念及勳勞。貽臣詔書。一千餘首。聖旨微婉。慰諭綢繆。彰微臣一時之功。成子孫萬代之寶。自靈武河北河。南彭原鄆坊河東鳳翔兩京絳州。臣所經行。賜手詔敕書。凡二十卷。昧死上進。庶煩聽覽。詔答曰。朕不德不明。俾大臣憂疑。朕之過也。朕甚自愧。公勿以為慮。代宗以子儀頃同患難。收復兩京。禮之逾厚。時史朝義尚據洛陽。元帥雍王李師進討。代宗欲以子儀副之。而魚朝恩程元振亂政。殺裴我來瑛。子儀既為所間。其事遂寢。乃留京師。俄而梁崇義據襄陽叛。僕固懷恩阻兵於汾州。引迴訖

吐蕃之衆入寇河西。明年十月，吐蕃陷涇州。虜刺史高暉，暉遂與蕃軍爲鄉導，引賊深入京畿，掠奉天，武功，濟渭而南，緣山而東，渭北行營兵馬使呂日將逆戰于盤屋，自辰至酉，殺蕃軍數千。然其徒多頑賊，將逼京師。君上計無所出，遠詔子儀爲關內副元帥，出鎮咸陽。子儀自相州不利，李光弼代掌兵柄，及徵還朝廷，部曲散去，及是承詔，部下唯二十騎，強取民家畜產以助軍。至咸陽，蕃軍已過渭水。其日天子避狄幸陝州。子儀聞上游狄，雪涕還京。至則車駕已發，射生將王獻忠從，駕沿路遂以四百騎叛，仍逼豐王。已下十王，欲投於賊。子儀入關，遠門遇之，詰豐王等所向，遂護送行在。子儀以三千騎傍南山，至商州，得武關防兵及六軍散卒四千人，招輯亡逸，其軍漸振。蕃寇犯京城，得故邠王守禮，孫廣武王承宏，立帝號，假署百官。子儀遣六軍兵馬使張知節，烏崇福，羽林軍使長孫全緒等將兵萬人爲前鋒，營於韓公堆，威張旗幟，鼓鞀震山谷。全緒遣禁軍舊將王甫入長安，陰結少年豪俠以爲內應。一日齊擊鼓於朱雀街，蕃軍惶駭而去。大將李忠義先屯兵苑中，渭北節度使王仲升守朝堂。子儀以大軍續進，至滻西，射生將王撫自署爲京兆尹，聚兵二千人，擾亂京城。子儀召撫殺之，詔子儀權京城留守。自西蕃入寇，車駕東幸，天下皆咎程元振，東宮屢論之，元振懼，又以子儀復立功，不欲天子還京，勸帝且都洛陽，以避蕃寇。代宗然之，下詔有日。子儀聞之，因兵部侍郎張重光宣慰，迴附章論奏曰：臣聞雍州之地，古稱天府，右控隴蜀，左扼嶺函，前有終南太華之險，後有清渭濁河之固，神明之與王者所都，地方數千里，帶甲十餘萬，兵強士勇，雄視八方，有利則出，無利則入守，此用武之國，非諸夏所同。秦漢因之，卒成帝業，其後或處之而泰去之，而亡，前史所書，不唯一姓，及隋氏季末，煬帝南遷，河洛丘墟，兵戈亂起，高祖唱義，亦先入關，惟能蕪滅秦雄，底定區宇，以至於太宗高宗之盛，中宗玄宗之明，多在秦川。鮮居東洛，聞者揚胡構亂，九服分崩，河北河南，盡從逆命，然而先帝仗朔方之衆，慶緒奔亡，陛下藉西土之師，朝義就戮，豈唯天道助順，抑亦地形使然。此陛下所知，非臣飾說。近因吐蕃凌逼，變駕東巡，蓋以六軍之兵，素非精練，皆市肆屠沽之人，務挂虛名，苟避征賦，及驅以就戰，百無一堪，亦有潛輸

貨財，因以求免。又中官播蔽，庶政多荒，遂令陛下振蕩不安，退居陝服，斯蓋關於委任失所，豈可謂秦地非良者哉。今道路云云，不知信否。咸謂陛下已有成命，將幸洛都，臣熟思其端，未見其利。夫以東周之地，久陷賊中，宮室焚燒，十不存一，百曹荒廢，曾無尺椽，中間畿內，不滿千戶，井邑榛棘，豺狼所嗥，既乏軍儲，又鮮人力，東至鄭汴，達于徐方，北自單懷，經于相土，人烟斷絕，千里蕭條，將何以奉萬乘之牲饋，供百官之衣食，矧其土地狹阨，纔數百里間，東有成皋，南有二室，險不足恃，適爲戰場，陛下奈何棄久安之勢，從至危之策，忽社稷之計，生天下之心，臣雖至愚，竊爲陛下不取，且聖者所慮，豈不以京畿新遭剽掠，田野空虛，恐糧食不充，國用有闕，以臣所見，深謂不然。昔衛文公小國之君，諸侯之主，耳，遭懿公爲狄所滅，始廬于漕，衣大布之衣，冠大帛之冠，元年車革三十乘，季年三百乘，卒能恢復舊業，享無疆之休，況明明天子，躬儉節用，苟能黜素飭之吏，去冗食之官，抑豎刁易牙之權，任邊瑗史釁之直，薄征弛力，卹隱追繇，委諸相以簡賢任能，付老臣以練兵禦侮，則黎元自理，寇盜自平，中興之功，旬月可冀，卜年之期，永承無極矣。願時邁順動，迴轡上都，再造邦家，唯新庶政，奉宗廟以修薦享，謁陵寢以崇孝思，臣雖隕越，死無所恨。代宗省表，垂泣謂左右曰：子儀用心，真社稷臣也。可亟還京師。十一月，車駕自陝還宮。子儀伏地請罪，帝駐車勞之曰：朕用卿不早，故及於此，乃賜鐵券，圖形凌烟閣。是時河北副元帥僕固懷恩方頓軍汾州，掠并汾諸縣以爲己邑，乃以子儀兼關內河東副元帥，河中節度觀察使，出鎮河中。蕃戎既退，僕固懷恩部下離散，是月，懷恩子瑒主兵榆次，爲帳下將張惟岳所殺，傳首京師。惟岳以瑒之衆歸於子儀，懷恩懼，棄其母而走靈州。明年九月，以子儀守太尉，充北道邠寧涇原河西已東通和蕃及朔方招撫觀察使，其關內河東副元帥中書令如故。子儀以懷恩未誅，不宜讓使，堅辭太尉曰：太尉職雄任重，竊憂非據，輒敢上聞，伏奉詔書，未允誠懇，臣嚙昔之分，早知止足，今茲累請，竊懼滿盈，義實由衷，事非矯飾，志之所至，敢不盡言。自兵亂已來，紀綱浸壞，時多躁競，俗少廉隅，德薄而位尊，功微而賞厚，實繁有衆，不可殫論。臣每見之，深以爲念，昔范宣子讓，其下皆讓，鑿鑿爲汰，不敢

連也。臣誠薄劣，竊慕古人，務欲以身率先，大變浮俗，是用勤懇懇，願罷此官。庶禮讓與行，由臣而致也。臣位為上相，爵為真王，參啓沃之謀，受腹心之寄，恩榮已極，功業已成，尋合乞骸，保全餘齒，但以寇讎在近，家國未安，臣子之心，不敢寧處。荷西戎即敘，懷恩就擒，昔官爵，誓無所受，必當追蹤苑叢，繼迹留侯。臣之鄙懷，切在於此，優詔不許，子儀見上，感泣懇讓，乃止。十月，僕固懷恩引吐蕃迴紇，黨項數十萬南下，京師大恐。子儀出鎮奉天，召子儀問禦戎之計。子儀曰：「以臣所見，懷恩無能為也，帝問其故。」對曰：「懷恩雖稱勇將，素失士心，今所以能為亂者，引思歸之人耳。懷恩本臣偏將，其下皆臣之部曲，臣恩信嘗及之，今臣為大將，必不忍以鋒刃相向，以此知其無能為也。」虜寇邠州，子儀在涇陽，子儀令長男朔方兵馬使曜率師援之，與邠軍節度使白孝德閉城拒守。懷恩前鋒至奉天，近城挑戰，諸將請擊之。子儀止之曰：「夫客兵深入，利在速戰，不可爭鋒，彼皆吾之部曲，緩之自當攜貳，若迫之，是速其戰，戰則勝負未可知，敢言戰者，斬。」堅壁待之，果不戰而退。子儀自涇陽入朝，帝御安福門待之，命子儀樓上行朝見之禮，宴賜隆厚。十一月，以子儀為尚書令，上表懇辭曰：「臣以薄劣，素乏行能，達時擾攘，猥蒙驅策，內參朝政，外總兵權，上不能翼戴三光，下不能亂逆羣慝，功微賞厚，任重恩深，履鍊之憂，實盈寤寐。臣昨所以固辭太尉，乞保餘年，殊私曲臨，遂見矜許，竊謂陛下已知其願，深察其心，豈意未歷旬時，復延寵命，以臣褊淺，又冀智謀，安可謬職南宮，當茲大任，況太宗昔居藩邸，嘗踐此官，累聖相承，曠而不置，皇太子為雅王之日，陛下以其總兵薄伐，平定關東，飲至策勳，再有斯授，豈臣末職，敢亂大倫，德薄位尊，難逃天子之責，負乘致寇，復速神明之誅，伏乞天慈，俯停新命，答詔不允。翌日，敕所司令子儀於尚書省視事，詔宰相百寮送上遺射生五百騎執戟翼從，自朝堂至省，賜教坊樂，子儀不受。復上表曰：「臣伏以尚書令，武德之際，太宗為之，昨瀝懇上陳，請罷斯職，而陛下未垂亮察，務欲褒崇，區區微誠，益用惶懼，何則？太宗立極之主，聖德在人，自後因廢此官，永代作則，陛下守文繼體，固當奉而行之，豈可猥私老臣，隳厥成式，上掩陛下之德，下貽萬方之非。臣雖至愚，安敢輕受，況久經兵亂，僭賞者多，一人

之身，兼官數四，朱紫同色，清濁不分，爛羊之譏，復聞聖代，臣頃觀其弊，思革其源，以逆寇猶存，未敢輕議，今元兇沮敗，計日成擒，中外無虞，妖氛漸息，此陛下作法之際，審官之時，固合始於老臣，化及班列，豈可輕為此舉，以亂國章，國章亂於上，則庶政墮於下，海內之政皆亂，則國家又安得承代而無患哉。陛下苟能從臣之言，俯察誠請，彼貪榮冒進者，亦將各讓其所兼之官，自然天下文明，百工式敘，太平之業，可得而復也。臣誠蒙鄙識，昧古今，志之所切，實在於此。手詔答曰：「優崇之命，所以報功，總領之司，期於賦政，卿入居台鉉，出統戎旂，爰自先朝，累匡多難，靖羣氛於海表，凝庶績於天階，敏事而寡言，居敬而行簡，人難其易，爾易其難，所以命掌六聯，首茲百辟，願循時議，僉謂允諧，而屢拜封章，懇懷讓挹，守淳素之道，語政理之源，無待禮成，曲從德讓，宜宣示於外，編之史冊，道內侍魚朝恩傳詔賜美人盧氏等六人，從者八人，并車服帷帳，牀褥珍玩之具，時蕃虜屢寇，京畿倚蒲陝為內地，常以重兵鎮之，永泰元年五月，以子儀都統河南道節度行營，出鎮河中。八月，僕固懷恩誘吐蕃迴紇，黨項羌渾奴刺山賊任數鄭庭郝德劉開元等三十餘萬南下，先發數萬人掠同州，期自華陰趨藍田，以扼南路。懷恩率重兵繼其後，迴紇吐蕃自涇邠鳳翔數道寇京畿，掠奉天醴泉，京師震恐。天子下詔親征，命李忠臣屯東渭橋，李光進屯雲陽，馬璘郝廷玉屯便橋，駱奉先李日越屯盤屋，李抱玉屯鳳翔，周智光屯同州，杜冕屯坊州。天子以禁軍屯苑內，京城壯丁，並令團結，城二門塞其一，魚朝恩括士庶私馬，重兵扼城門，市民由竇穴而遁去，人情危迫，是時急召子儀自河中至，屯於涇陽，而虜騎已合，子儀一軍萬餘人，而雜虜圍之數重，子儀使李國臣高昇拒其東，魏楚玉當其南，陳迴光當其西，朱元琮當其北，子儀率甲騎二千出沒於左右前後，虜見而問曰：「此誰也？」報曰：「郭令公也。」迴紇曰：「令公存乎？」僕固懷恩言天可汗已棄四海，令公亦謝世，中國無主，故從其來，今令公存，天可汗存乎？報之曰：「皇帝萬歲無疆，迴紇皆曰：「懷恩欺我，子儀又使論之曰：「公等頃年遠涉萬里，翦除兇逆，恢復二京，是時子儀與公等周旋艱難，何日忘之，今忽棄舊好，助一叛臣，何其愚也，且懷恩背主棄親，於公等何有，迴紇曰：「謂令公亡矣，不然，何

以至此。令公誠存安得而見之。子儀將出諸將諫曰。戎狄之心不可信也。請無往。子儀曰。虜有數十倍之衆。今力固不敵。且至誠感神。况虜輩乎。諸將曰。請選鐵騎五百衛從。子儀曰。適足以爲害也。乃傳呼曰。令公來虜初疑。持滿注矢以待之。子儀以數十騎徐出。免胄而勞之曰。安乎。久同忠義。何至於此。是迴紇皆捨兵下馬齊拜曰。果吾父也。子儀召其首領各飲之酒。與之羅錦。歡言如初。子儀說迴紇曰。吐蕃本吾舅甥之國。無負而至。是無親也。若倒戈乘之。如捨地芥耳。其羊馬滿野。長數百里。是謂天賜。不可失也。今能逐戎以利舉。與我繼好而凱旋。不亦善乎。會懷恩暴死于鳴沙。羣虜無所統攝。遂許諾。乃遣首領石野那等入朝。子儀遣朔方兵馬使白元光與迴紇會軍。吐蕃知其謀。是夜奔退。迴紇與元光追之。子儀大軍繼其後。大破吐蕃十餘萬於靈武臺西原。斬首五萬。生擒萬人。收其所掠士女四千人。獲牛羊駝馬三百里內不絕。子儀自涇陽入朝。加實封二百戶。還鎮河中。大曆元年十二月。華州節度使周智光殺監軍張志斌。謀叛。帝以同華路阻。召子儀女婿工部侍郎趙縱受口詔。往河中令子儀起軍討之。縱請爲蠟書。令家僮間道賜子儀。奉詔大閱軍戎。將發同華。將吏聞軍起。乃斬智光父子。傳首京師。二年二月。子儀入朝。宰相元載。王縉。僕射裴冕。京兆尹黎幹。內侍魚朝恩。共出錢三十萬置宴於子儀第。恩出羅錦二百匹。爲子儀纏頭之費。極歡而罷。九月。吐蕃寇涇州。詔子儀以步騎三萬自河中移屯涇陽。十月。蕃軍退至靈州。邀擊敗之。斬賊二萬。十二月。盜發子儀父墓。捕盜未獲。人以魚朝恩素惡子儀。疑其使之。子儀心知其故。及自涇陽將入。議者慮其構變。公卿憂之。及子儀入見。帝言之。子儀號泣奏曰。臣久主兵。不能禁暴。軍士殘人之墓。固亦多矣。此臣不忠不孝。上獲天譴。非人患也。朝廷乃安。三年三月。還河中。八月。吐蕃寇靈武。九月。詔子儀率師五萬自河中移鎮奉天。是月。白元光大破吐蕃於靈武。十月。子儀入朝。還鎮河中。時議以西蕃侵寇。京師不安。馬璘雖在邠州。力不能拒。乃以子儀兼邠軍慶節度。自河中移鎮邠州。徙馬璘爲涇原節度使。八年十月。吐蕃寇涇州。子儀遣先鋒兵馬使渾瑊逆戰于宜祿。不利。會馬璘設伏於潘源。與瑊合擊。大破蕃軍。俘斬數萬計。迴紇赤心賣馬一萬匹。有

司以國計不充。請市千匹。子儀以迴紇前後立功。不宜阻意。請自納。一年。傳物充。迴紇馬價雖詔旨不允。內外稱之。九年。入朝。代宗召對延英。語及西蕃充斥。苦戰不暇。言發涕零。既退。復上封論。備吐蕃利害。曰。朔方國之北門。西禦犬戎。北虞獫狁。五城相去三千餘里。開元天寶中。戰士十萬。戰馬三萬。纓敵一隅。自先皇帝龍飛靈武。戰士從陛下收復兩京。東西南北。曾無寧歲。中年以僕固之役。又經耗散。人亡三分之一。比於天寶中有十分之一。今吐蕃充斥。勢強十倍。兼河隴之地。雜羌渾之衆。每歲來闚近郊。以朔方減十倍之軍。當吐蕃加十倍之騎。欲求制勝。豈易爲力。入近內地。稱四節度。每將盈萬。每賊兼乘。數四臣所統將士。不當賊四分之一。所有征馬。不當賊百分之二。誠合固守。不宜與戰。又得馬騫。賊疑涉渭而南。臣若堅壁。恐犯畿甸。若過畿內。則國人大恐。諸道易搖。外有吐蕃之強。中有易搖之衆。外畏內懼。將何以安。臣伏以陛下橫制勝之術。力非不足。但慮簡練未精。進退未一。時淹師老。地闊勢分。願陛下更詢讜議。慎擇名將。俾之統軍。於諸道各抽精卒。成四五萬。則制勝之道必矣。未可失時。臣又料河南北山。南江淮小鎮數千。大鎮數萬。空耗月餼。曾不習戰。臣請抽赴關中。教之戰陣。則軍聲益振。攻守必全。亦長久之計也。臣猥蒙任遇。垂二十年。今齒髮已衰。願避賢路。止足之誠。神明所鑒。詔曰。卿憂深慮遠。殊沃朕心。始終倚賴。未可執辭也。德宗卽位。詔還朝。攝家宰。充山陵使。賜號尚父。進位太尉。中書令。增實封通計二千戶。給一千五百人糧。二百匹馬草料。所領諸使副元帥。並罷。諸子第女婿拜官者十餘人。建中二年。夏。子儀病甚。德宗令舒王誼傳詔省問。及門。郭氏子弟迎拜於外。王不答拜。子儀臥不能興。以手叩頭謝恩而已。六月十四日薨。時年八十五。德宗聞之。震悼。廢朝五日。詔曰。天地以四時成物。元首以股肱作輔。公台之任。鼎足相承。上以調三光。下以蒙五岳。允釐庶績。鎮撫四夷。體元和之氣。根貞一之德。功至大而不伐。身處高而更安。尚父比臣望之名。爲師增周公之位。盛業可久。歿而彌光。故太尉兼中書令。柱國汾陽郡王。尚父子儀。天降人傑。生知王佐。訓師如子。料敵如神。昔天寶多難。羯胡作禍。威秦失險。河洛爲戎。公能扶翼肅宗。載造區夏。於國有患。勞其戡定。於邊有寇。

藉其驅除安社稷必有於絳侯定羌戎無踰於充國終臺綏四散之衆涇陽降十萬之虜勳高今古名聲夷狄而勞乎征鎮二紀于茲頃以春秋既高疆場多事罷彼旌鉞寵在台衡以公柱石四朝藩翰萬里忠貞懸於日月寵過冠於人臣尊其元老加以崇號期壽考之永養勳賢之德膏育生疾藥石靡攻人之云亡梁木斯壞雖購禮加等輟朝增日悼之流涕曷可弭忘更議追崇各位斯極而尊爲尚父官協太師雖爵秩則同而體望尤重敍以袞冕旌我元臣聖祖園陵所宜陪葬式墓表文終之德象山追去病之勳千載如存九原可作冊命之禮有司備焉可贈太師陪葬建陵仍令所司備禮冊命贈絹三千匹布三千端米麥三千石舊令一品墳高丈八而詔特加十尺羣臣以次赴宅弔哭凶喪所須並令官給及葬上御安福門臨哭送之百寮陪位隕泣賜諡曰忠武配饗代宗廟庭子曜吁唏咄咄曙映等八人皆朝廷重官諸孫數十人每羣孫問安不盡辨領之而已參佐官吏六十餘人後位至將相昇朝秩貴位勸其姓名於石今在河中府人士榮之史臣裴洎曰汾陽事上誠盡臨下寬厚每降城下邑所至之處必得士心前後遭罹倖臣程元振魚朝恩譖毀百端時方握強兵或方臨戎敵詔命徵之未嘗不即日應召故讒謗不能行代宗幸陝時令以數十騎規賊及在涇陽又陷於胡虜重圍之中皆以身許國未嘗以危亡易慮亦遇天幸竟免患難田承嗣方跋扈魏州傲狠無禮子儀嘗遣使至承嗣西望拜之指其膝謂使者曰茲膝不屈於人若干歲矣今爲公拜李靈曜據汴州公私財賦一皆遏絕獨子儀封幣經其境莫敢留之必持兵衛送其爲豺虎所服如此麾下老將若李懷光輩數十人皆王侯重貴子儀顧指進退如僕隸焉幕府之感近代無比始與李光弼齊名雖威略不逮而寬厚得人過之歲入官俸二十四萬貫私利不在焉其宅在親仁里居其里四分之一中通承巷家人三千相出入者不知其居前後賜良田美器名園甲館聲色珍玩堆積羨溢不可勝紀代宗不名呼爲大臣天下以其身爲安危者殆二十年校中書令考二十有四權傾天下而朝不忌功蓋一代而主不疑後嗣人欲而君子不之罪富貴壽考繁衍安泰哀榮終始人道之盛此無缺焉唯以讒怒誣奏判官戶部郎

中張譚杖殺之物議爲薄曜子儀長子性孝友廉謹子儀出征於外留曜治家少長千人皆得其所諸弟爭飾池館感其車服曜以儉朴自處累遷至太子賓客建中初子儀罷兵柄乃遍加諸子官以曜爲太子少保子儀薨曜遺命四朝所賜名馬珍玩悉皆上獻德宗復賜之曜乃散諸昆弟子儀薨後楊炎盧杞相次秉政姦詔用事尤忌勳族子儀之壻太僕卿趙縱少府少監李洞清光祿卿王宰皆以家人告訐細過相次貶黜曜家大恐賴宰相張鎰力爲庇護姦人幸其危懼多論奪田宅奴婢曜不敢訴德宗微知之詔曰尚父子儀有大勳力保又皇家嘗誓以山河琢之金石十世之宥其可忘也其家前時與人爲市以子儀身歿或被誣構欲論奪之有司無得爲理詔下方已曜居喪得禮若儒家子服未闋癯疾或勸其茹葱薤曜竟不屬口建中四年三月卒贈太子太傅子儀第三子少善騎射常從父征伐初以戰功授左贊善大夫從廣平王收復兩京勦力戰於香積寺陝西皆出奇兵剋捷以功加銀青光祿大夫瀟灑卿後河中軍亂殺節度使李國貞荔非元禮於絳詔以子儀爲河東關內副元帥鎮絳州時四方擾叛多逐戎帥子儀至絳誅其元惡其黨頗不自安欲謀翻變時知其謀選親兵四千伏甲以防之常持弓警夜不寐者凡七十日叛將竟不敢發以功拜殿中監廣德二年僕固懷恩誘吐蕃迴紇入寇加晞御史中丞領朔方軍以援邠州與馬璘合勢大破蕃軍其年冬懷恩誘虜再寇邠州陣于涇北子儀令晞率步卒五千騎軍五百出西南掩擊之晞以兵寡不敢持而不戰及至晞乘其半濟而擊之大破獯虜斬首五千級是時連戰皆捷詔加御史大夫子儀固讓不受永泰二年檢校左散騎常侍大曆七年加開府儀同三司十二年丁母憂服除加檢校工部尚書判秘書省事建中二年丁父喪持服京城朱泚構逆遣人就第問訊欲令掌兵晞伴瘖禁口不言泚以兵脅之晞終不語賊知其不可用乃止晞潛奔奉天僅而獲免初晞兄曜襲父代國公實封二千戶及曜卒詔曰故尚父太尉中書令汾陽王功格上玄道光下土積其善慶垂裕無窮雖雖長云祖支宗斯感汾陽舊邑盡有不承其男前左散騎常侍駙馬都尉食實封五百戶峻夙風義方居忠履孝儷崇銀榜謄美金章繼撫先封尤

宜聽復。暖兄檢校工部尚書太子賓客趙國公暉，并右金吾將軍祁國公食實封二百五十戶。暉太子論德映等，並休有令名，保其先業，宜尤推恩之。典以明延嗣之誠，其實封二千戶。宜準式減半，餘可分襲。暖可襲代國公，仍通前襲三百戶。暉可二百五十戶，暉可五十戶。通前三百七十戶，映可二百三十五戶。尋又詔尚父子儀男暉、映、曙四人所襲實封，各減五十戶，以賜郭曜男鉞、郭晤男鏞，各襲一百戶。暉至行在復檢校工部尚書，太子詹事，從駕還京，改太子賓客。暉子綱，爲朔方節度使杜希全賓佐，希全以綱攝豐州刺史。暉以綱幼弱，恐不任邊職。貞元七年，暉上章請罷綱官。德宗遣中使召之，綱疑以他事見攝，乃單騎走入吐蕃，蕃將見綱獨叛，不納置之筏上，流入黃河，令歸杜希全得之，送赴京師。賜綱自盡。暉亦坐子免官。明年復授太子賓客。貞元十年卒，贈兵部尚書。暉次子鈞、鈞子承淑別有傳。暖子儀第六子，年十餘歲，尚代宗第四女昇平公主。時昇平年亦與暖相類。大曆中，恩寵冠於戚里，歲時錫賚珍玩，不可勝紀。大曆十三年，有詔毀除白渠水支流碾磑，以妨民溉田。昇平有脂粉碾兩輪，郭子儀私磑兩輪，所司未敢毀。徵公主見代宗，訴之。帝謂公主曰：「吾行此詔，蓋爲蒼生，爾豈不識我意耶？」可爲衆率先。公主即日命毀，由是勢門碾磑八十餘所皆毀之。暖檢校左散騎常侍，建中末，公主坐事，留之禁中，暖亦令出入，既而朱泚之亂，不知車駕幸奉天，爲賊所逼，欲受僞官。暖辭以居喪被疾，既而與兄暉、弟曙及昇平公主皆奔奉天。德宗喜，並釋前咎。待之如初。復銀青光祿大夫檢校左散騎常侍，從駕至山南，改太常卿。同正員。貞元中，帝爲皇孫豫慶，郡王納暖女爲妃。暖貞元十六年七月卒，贈尚書左僕射。昇平公主元和五年十月薨，贈號國大長公主。諡曰懿。廣陵王卽位，爲憲宗皇帝妃，生穆宗皇帝。元和十五年，穆宗卽位，尊郭妃爲皇太后。詔曰：「追遠飾終，先王令典。況積仁累義，事已顯於身，前祥會慶，傳福遠流於天下。式光盛德，爰舉徽章，尊尊親親，於是乎在。皇太后父贈尚書左僕射暖，克荷崇構，有勞王家，孝友本於生知，英華發於事任，實修一德，歷仕三朝，建中末年，屬有大難，畢力扈駕，忘軀卽戎，忠貞之節，國史明備，才高望洽，是膺沁水之祥，德厚流光，乃啓塗山之祚。肆予小子，獲繼

大業，未展定申之命，敢緣聖紀之恩，俾繼維師，用光緝禮，可贈太傅。暖子鈞、鏞、鉞，代宗朝累歷司農卿，居父憂，建中三年冬，舒王誼爲淮西山南諸道大元帥，以曙檢校左庶子，爲元帥府都押牙，京城亂，從幸山南，轉太府卿，隨駕還京，拜左金吾衛大將軍。貞元末卒，鈞、鏞、鉞，身長七尺，方口豐下，沉默寡言，母昇平長公主，代宗朝卽爲外孫，恩寵踰等。起家爲太常寺奉禮郎，德宗朝累官至太子右庶子。元和初，爲左金吾衛大將軍，充左街使。九年十一月，檢校工部尚書，兼郿州刺史。充郿軍節度使，數歲，檢校戶部尚書，入爲司農卿。鈞大勳之後，姻聯戚里，而謙和接物，恭慎自持，居家臨民，無驕怠之色，無奢侈之失。士君子重之。十五年正月，憲宗寢疾彌旬，諸中貴人秉權者欲議廢立，紛紛未定，穆宗在東宮，心甚憂之。遣人問計於鈞，鈞曰：「殿下身爲皇太子，但旦夕視膳，謹守以俟，又何慮乎？迄今稱劍得元舅之體，穆宗卽位，冊皇太后南內，推崇外氏，以鈞兼司農卿，未幾，檢校戶部尚書，充河陽三城懷節度使，歲中換河中尹，河中晉絳慈隰節度使，劍歷踐藩鎮，以汾陽冒胤材能，選用不獨憑板房之勢，所莅簡約不撓，其俗自理。敬宗卽位，尊郭太后爲太皇太后，徵鈞爲兵部尚書，兼檢校尚書左僕射。明年，出爲梓州刺史。劍南東川節度使，文宗卽位，加司空。太和三年冬，南蠻陷嶺州，遂寇西川，杜元穎失於控禦，蠻軍陷成都府外城，朝廷未暇除帥，乃以劍兼領西川節度，蠻軍已寇梓州，諸道援軍未至，川軍寡弱，不可令戰。劍致書於蠻首領，責以侵寇之意，蠻頹曰：「杜元穎不守疆場，屢侵吾圍，以是修報也。」與劍修好，而退朝廷嘉之。授成都尹，劍南西川節度，與南詔立約，疆陲不擾，以疾求代。四年，入爲太常卿，檢校司徒。十二月，在道卒，詔贈司徒子仲文。仲辭，繼母昇平長公主，大曆貞元之閒，恩禮冠諸主。順宗在東宮，以女德陽郡主尚儀，時鏞與公主年未及冠，郡主尤爲德宗之所鍾愛，故鏞之貴寵，焜燿一時。順宗卽位，改封德陽爲漢陽公主，鏞累官至衛尉卿，耐馬都尉，改殿中監。穆宗卽位，鏞爲叔舅，改右金吾衛大將軍，兼御史大夫，充左街使，城南有汾陽王別墅，林泉之致，莫之與比。穆宗常遊幸之，置酒極歡，而罷，賜鏞甚厚，俄加檢校工部尚書，兼太子詹事，充閑殿宮苑使，從容貴位，三十餘年，而板房之寵，

國舅之恩近代已來無有其比而繼恭遜虔恪不以富貴驕人土無賢不肖接之以禮由是中外稱之長慶二年十月卒贈尚書左僕射仍以其弟錡代錡為太子詹事充開府宮苑使仲文太和末為殿中少監開成初詔仲文襲父太原郡公制下給事中封敕奏曰伏準制書贈司徒郭釗嫡男仲文襲封太原郡公

者臣近訪知郭釗妻沈氏公主之女代宗皇帝外孫有男仲辭已選尚主仲文不合假冒自稱嫡子若仲文承嫡即沈氏須黜居別室仲辭不合配尚貴主伏以郭仲文尚父子儀之孫太皇太后之姪戚里勳門無與儔比婚姻嫡庶朝野具知睿宗之配實玷風教且仲文仲辭既非同出襲封尚主不可並行伏請付臺勘當詔曰以萬年縣尉仲辭襲封仲文落下以太皇太后姪不之罪尋以仲辭為銀青光祿大夫檢校殿中少監駙馬都尉襲封太原郡公尚饒陽公主又仲辭兄詹事府丞仲恭為銀青光祿大夫尚金堂公主幼明尚父子儀之母弟也性謹愿無過不工武藝喜賓客飲讌居家御眾皆得其歡心以子儀勳業累歷大卿監大曆八年卒贈太子太傅子昕肅宗末為四鎮留後自關隴陷蕃為虜所隔其四鎮北庭使額李嗣業荔非元禮皆遙領之昕阻隔十五年建中二年與伊西北庭節度使李元忠俱遣于朝德宗嘉之詔曰四鎮二庭統任西夏五十七蕃十姓部落國朝已來相次率職自關隴失守東西阻絕忠義之徒泣血相守慎固封略奉尊朝法皆侯伯守將文修共理之所致也伊西北庭節度使李元忠可北庭大都護四鎮節度留後郭昕可安西大都護四鎮節度使其將吏已下敘官可超七資李元忠本姓曹名令忠以功賜姓名時昕使自迴紇歷諸蕃部方達於朝又有袁光庭者為伊州刺史隴右諸郡皆陷光庭堅守伊州吐蕃攻之累年兵盡食竭光庭先刃其妻子自焚而死因昕使知之贈工部尚書

史臣曰天寶之季盜起幽陵萬乘播遷兩都覆沒天祚土德實生汾陽自河朔班師關西殄寇身扞豺虎手披荆榛七八年間其勳至矣再造王室勳高一代及國威復振羣小肆讒位重懸辭失寵無怨不幸危而邀君父不挾憾以報仇讎晏然効忠有死無二誠大雅君子社稷純臣自秦漢已還勳力之感無與倫比而踴躍於縶粗之中拔身虎口赴難奉天可謂忠孝之門有嗣矣贊曰猗歟汾陽功扶吳蒼乘仁蹈義鐵心石腸四朝靜亂五福其昌為臣之節敢告忠良

舊唐書卷一百二十

比而踴躍於縶粗之中拔身虎口赴難奉天可謂忠孝之門有嗣矣贊曰猗歟汾陽功扶吳蒼乘仁蹈義鐵心石腸四朝靜亂五福其昌為臣之節敢告忠良

史臣曰天寶之季盜起幽陵萬乘播遷兩都覆沒天祚土德實生汾陽自河朔班師關西殄寇身扞豺虎手披荆榛七八年間其勳至矣再造王室勳高一代及國威復振羣小肆讒位重懸辭失寵無怨不幸危而邀君父不挾憾以報仇讎晏然効忠有死無二誠大雅君子社稷純臣自秦漢已還勳力之感無與倫比而踴躍於縶粗之中拔身虎口赴難奉天可謂忠孝之門有嗣矣贊曰猗歟汾陽功扶吳蒼乘仁蹈義鐵心石腸四朝靜亂五福其昌為臣之節敢告忠良

後晉司空同中書門下平章事劉昫撰

列傳第七十一

僕固懷恩 梁崇義 李懷光

僕固懷恩鐵勒部落僕骨歌邏拔延之曾孫語訛謂之僕固貞觀二十九年鐵勒九姓大首領率其部落來降分置瀚海燕然金微幽陵等九都督府於夏州別為蕃州以禦邊授歌邏拔延為右武衛大將軍金微都督拔延生乙李嘏拔乙李嘏拔生懷恩世襲都督天寶中加左領軍大將軍同正員特進歷節度王忠嗣安思順皆以善格圖達諸蕃情有統禦材委之心腹及安祿山反從子儀討高秀巖于雲中破之又敗薛忠義于背度山下抗賊七千騎生擒忠義男襲下馬邑郡十五載進軍與李光弼合勢及史思明戰于常山趙郡沙河嘉山皆大破之懷恩功居多肅宗即位於靈武懷恩從郭子儀赴行在所時同羅部落自西京叛城北寇朔方子儀與懷恩擊之懷恩子玢領徒擊賊兵敗而降尋又自拔而歸懷恩叱而斬之將士懾駭無不一當百遂破同羅千餘騎於河上盡收其器械駝馬肅宗雖仗朔方之衆將假蕃兵以張形勢乃遣懷恩與燉煌王承業使于迴紇請兵結好迴紇可汗遂以女妻承業兼請公主遣首領隨懷恩入朝二年正月又從子儀下馮翊河東二郡走偽將崔乾祐又襲破潼關賊將安守忠李歸仁自京率衆來援苦戰二日官軍敗績懷恩退至渭水無舟楫抱馬以渡存者僅半乃奔歸子儀於河東整其餘衆四月子儀赴鳳翔李歸仁以勁卒五千邀之於三原北子儀窘急使懷恩及王昇陳迴光渾釋之李國貞等五將伏兵於白渠留運橋以待之賊至伏發歸仁大敗而走又從子儀戰于清渠不利歸子儀及迴紇使葉護帝得數千騎來赴國難南蠻大食之卒相繼而至肅宗乃遣廣平王為元帥以子儀為副而懷恩領回紇兵從之汶水賊伏兵於營東懷恩引迴紇馳殺之匹馬不歸賊乃大潰日暮懷恩謂王曰賊必棄城走矣請以二百騎馬追之縛取李歸仁田乾真安守忠張通儒王曰將軍戰亦疲矣且休息追明而後圖之懷恩曰歸仁守忠天下驍賊也驟騰而取此

天與我也奈何繼之不取若使得來復為我患雖悔無及夫戰尙速何明日為王固止之令遣營懷恩又固請往而復反一夕四五起遲明謀至守忠等果逃又從王大破賊於陝西之新店收兩京皆立殊功以前後功加開府儀同三司鴻臚卿同正員同節度副使十二月封豐國公食實封二百戶乾元元年九月遣九節度擊安慶緒於相州從郭子儀領朔方行營破安太清下懷衛二州圍相州戰愁思岡凡經五月常為先鋒堅敵大陣必經其戰勇冠三軍尋充都知兵馬使及李光弼代子儀懷恩又副之乾元二年進封大寧郡王遷御史大夫朔方行營節度又從李光弼守河陽破周又擒徐瑋玉安太清拔懷州皆摧鋒陷敵功冠諸將其勇場又以開府儀同三司從將兵於其軍每深入虜陣以勇敢聞軍中號為鬪將懷恩為人雄毅寡言應對舒緩而剛決犯上始居偏裨之中意有不合雖主將必詬怒之郭子儀為帥以寬厚容衆素重懷恩其麾下皆朔方蕃漢勁卒特功怙將多為不法子儀每事優容之行師用兵倚以輯事而光弼持法嚴肅法不貸下懷恩心憚而頗不叶上元二年從李光弼史思明戰于邙山不利肅宗以懷恩功高恩顧特異諸將至冬加工部尚書敕李輔國及常參官送上大官造食以寵之代宗即位拜龍右節度未行改朔方行營節度以副郭子儀其秋上使中官劉清潭請兵於迴紇登里可汗登里已為史朝義誘之傾國入塞衆號十萬關中騷擾上使殿中監樂子昂馳於塞上勞之遇於忻州先是肅宗以寧國公主下嫁於毗伽闕可汗毗伽闕可汗又以少子請婚肅宗以懷恩女妻之毗伽可汗死小子代立即登里可汗登里立以懷恩女為可教至是可汗請與懷恩及懷恩之母相見詔從之懷恩嫌疑不敢上因賜鐵券手詔以遣之即令其母便發懷恩與迴紇可汗相見於太原可汗大悅遂許助討朝義於是進兵歷太原汾晉營于陝州以俟期十月詔天下兵馬元帥雍王為中軍先鋒以懷恩為副如同中書門下平章事領河東朔方節度行營及鎮西迴紇兵馬赴陝州并令諸道節度一時齊進懷恩與迴紇左殺為先鋒觀軍容使魚朝恩陝州節度郭英又為後殿自福池入陳鄭節度李抱玉自河陽入河南副元帥雍王留陝州懷恩等師至黃水賊徒數萬堅柵自固懷恩陣于

西原上廣張旗幟以當之命驍騎及迴紇之衆傍南山出於東北兩軍舉旗內應表裏擊之一鼓而拔賊死者數萬朝義領鐵騎十萬來救陣於昭覺寺賊皆殊死決戰短兵既接相殺甚衆官軍驟擊之賊陣而不動魚朝恩令射生五百人下馬弓弩亂發多中賊而死陣亦如初鎮西節度使馬璘曰事急矣遂援旗而進單騎奔擊奪賊兩牌突入萬衆之中左右披靡大軍乘之而入朝義大敗斬首一萬六千級生擒四千六百人降者三萬二千人轉戰于石榴園老君廟賊黨又敗人馬蹂躪填於尚書谷朝義輕騎而走懷恩乃進收東京及河陽城封其府庫偽中書令許叔冀王佑等承制釋之悉皆安堵懷恩留迴紇可汗營於河陽乃使其子右廂兵馬使瑒北庭朔方兵馬使高輔成以步軍萬餘衆乘勝逐北懷恩常壓賊而行至于鄭州再戰皆捷進至汴州偽節度張獻誠閉門出降又拔滑州追破朝義于衛州偽睢陽節度田承嗣李進超李盧達等兵馬四萬餘衆又與朝義合據河來拒瑒連整齊師登岸薄之賊黨悉奔長驅至昌樂縣東朝義率魏州兵馬來戰又敗走達盧來降賊徒震駭於是相州偽節度薛嵩以相衛州洛邢趙降于李抱玉高輔成尙文愬偽恆陽節度李寶臣以深恆定易四州降于河東節度辛雲京朝義至貝州又與偽大將薛忠義兩節度合瑒至臨濟縣懼賊氣威駐軍以俟變朝義領衆三萬并攻具來攻瑒令高彥崇渾日進李光逸等設三伏以待之賊半渡伏發合擊而走之其時迴紇又至官軍益振瑒卷甲馳之大戰于下博縣東南賊背水而陣大軍衝擊而崩之積屍擁流而下朝義又走冀州於是河南副元帥都知兵馬使薛兼訓兵馬使郝廷玉克鄆節度使辛雲京會師于下博進軍冀州城下朝義與田承嗣頻出挑戰大敗而旋臨陣殺其偽尙書敬榮朝義懼自分萬餘衆投歸義縣留承嗣守城於是淄青節度侯希逸繼諸將同爲攻守凡月餘日瑒與高彥崇侯希逸薛兼訓等以衆三萬追及朝義於歸義縣交鋒而賊潰屬幽州節度使李懷仙送降款瑒頓兵於其境遣懷仙分兵追躡二年三月朝義至平州石城縣温泉柵窮蹙走入長林自縊懷仙使妻弟徐有濟傳其首以獻又降田承嗣之軍河北悉平懷恩乃與諸將班師先是去冬郭子儀以懷恩有平定河朔之功讓位於

懷恩遂授河北副元帥尙書左僕射兼中書令靈州大都督府長史單于鎮北大都護朔方節度使仍加實封四百戶通前一千戶春又加太子少師充朔方都知兵馬使同節度副大使食實封五百戶莊宅各一所仍與一子五品官高輔成太子少傅兼御史中丞充河北副元帥都知兵馬使實封三百戶仍與一子五品官高彥崇太子賓客依舊朔方右廂兵馬使實封二百戶莊宅各賜一所與一子五品官遂詔懷恩統可汗還蕃遂自相州西郭口趣潞州與迴紇可汗會出太原之北懷恩初至太原辛雲京以可汗是其子塔疑其召戎閉關不報且懼可汗相襲不敢犒軍及還亦如之懷恩父子宣力王室攻城野戰無役不從一舉滅宋朝義復蕪趙韓魏之地自以爲功無以讓至是又爲雲京所拒懷恩怒上表列其狀頓軍汾州會中官駱奉先使于雲京雲京言懷恩與可汗爲約逆狀已露乃與奉先厚結歡奉先迺至懷恩所其母數讓奉先曰爾等與我兒約爲兄弟今又親雲京何兩面乎雖然前事勿論自今母子兄弟如初酒酣懷恩起舞奉先贈纏頭綵懷恩將酬其貺奉先遽告發懷恩曰明日端午請宿爲令節奉先固辭懷恩苦邀之命藏其馬中夕謂其從者曰向者責吾又收吾馬是將害我也奉先懼遂踰垣而走懷恩驚遽令追還其馬奉先使迴奏其反狀懷恩累表請誅雲京奉先上以雲京有功手詔和解之懷恩遂有貳於我至七月改元廣德冊勳拜太保仍與一子三品一子四品官并階仍實封五百戶僕固瑒一子五品官加實封一百戶仍賜鐵券以名藏太廟畫像於凌煙閣尋以瑒爲御史大夫朔方行營節度懷恩以寇難已來一門之內死王事者四十六人女嫁絕域再收兩京皆導引迴紇摧滅強敵而爲人媒孽蕃性猶戻快不已乃上書自敘功伐曰廣德元年八月二十三日開府儀同三司尙書左射僕兼中書令朔方節度副大使河北副元帥上柱國大軍郡王臣懷恩刺肝瀝血謹頓首頓首上書實應聖文神武皇帝陛下臣家本蕃夷代居邊塞爰自祖父早沐國恩臣年未弱冠即蒙上皇羅策出入死生竭力疆場叨承先帝報功時年已授特進洎乎祿山作亂大振王師臣累任偏裨決死靜難上以安社稷下以拯生靈仗皇天之威神滅狂胡之醜類無何思明繼逆又據東周宸極

不安海內騰沸。臣謬承大行皇帝委任，授以兵權，誓雪國讎。以匡時難，闔門忠烈，咸願殺身野戰，攻城皆先士卒。兄弟死於陣敵，子姪沒於軍前，九族之親，十不存一。縱有在者，瘡痍偏身，況陛下潛龍之時，親統師旅，臣奉事陛下，陛下悉臣愚誠。大行皇帝未捐官館之時，臣類立微效，累宿官賞，遂被輔國等讒害，幾至破家。便奪兵權，逾年宿衛。臣雖內省無疚，終懼讒佞傾危，以日繼時，命懸秋葉。至將歸骨泉壤，永謝明時，幸遇陛下龍躍天衢，繼續鴻業。知臣負謗，察臣丹心，遂開獨見之明，杜絕衆多之口。特拔臣於汧隴，再任臣於朔方，誠謂遊魂返骸，枯骨再肉，使臣得竭駑蹇之力，効錐刀之功。上答陛下再造之恩，下展微臣犬馬之志。去年秋末，迴紇仗義而來，士庶不知，悉皆驚駭。陛下以臣與其姻婭，令至太原，祇迎一切事宜。許臣逐便處置，遂與可汗計議，分道用兵，尅復洛陽，平蕩幽薊。惟有神策兵馬，頓軍獨住陳留，可汗時在洛陽，即被朝恩猜阻，要爲流議，已失蕃情。臣自平賊，却迴天恩，又令錢送，臣遂罄竭家產爲國周旋，發遣外蕃，貴圖上道。行至山北，被奉先雲京共生異見，妄作加諸閉城不出，祇迎仍令潛行竊盜，蕃夷怨怒，早欲相離。臣遂彌縫方得境界，及其祖錢事了，迴至太原，臣忝跡鼎司，又承重寄，奉先雲京曾無禮數，閉關不出相看。臣遂過汾州，休息士馬，凡經數日，不遣一介知聞，自以行事乖疎，恐臣先有論奏，遂乃構其謗讟，妄起異端，扇動軍城，以爲設備。又臣從潞府過日，見抱玉祇迎迴紇，庶事用心，總稱家資罄於公用。又與臣馬兼銀器四事，臣與迴紇處得絹，便與抱玉二千匹，以充答贈。今被抱玉共相組織，將此往來之貺，便爲結託之私，實在厚誣。務相傾奪，陛下不垂明察，採聽流言，欲令忠直之臣，枉陷讒邪之黨。臣實不欺天地，不負神明。夙夜三思，臣罪有六。住年同羅背叛，河曲騷然，經略數軍，兵圍不解。臣不顧老母，走投豐州，先帝嘉臣忠誠，遣徵兵討叛，使得河曲清泰，賊徒奔亡。是臣不忠於國，其罪一也。臣男玠嘗被同羅虜將，蓋亦制不由己，旋即棄逆歸順，却來投臣。臣斬之以令士衆，且臣不愛骨肉之重，而徇忠義之誠，是臣不忠於國，其罪二也。臣有二女，俱聘遠蕃，爲國和親，合從討難，致使賊徒殄滅，寰宇清平。是臣不忠於國，其罪三也。臣及男瑒，不顧危亡，身先行陣，父子効

命，志寧邦家。是臣不忠於國，其罪四也。陛下委臣副元帥之權，令臣指麾河北，其新附節度使，皆握強兵。臣之撫綏，悉安反側。州縣既定，賦稅以時。是臣不忠於國，其罪五也。臣叶和迴紇，戡定兇徒，天下削平。蕃夷歸國，使其永爲鄰好。義著急難，萬姓安寧。干戈止息，二聖山陵事畢。陛下忠孝兩全，是臣不忠於國，其罪六也。臣既負六罪，誠合萬誅，延頸贖門，以待斧鑕。過此以往，更無他慮。陛下若以此誅臣，何異伍子胥存吳，卒浮屍於江上。大夫種霸越，終賜劍於稽山。唯當吞恨九泉，銜冤千古。復何訴哉。復何訴哉。且蔡蕃尙解仰陽，犬馬猶能戀主。臣忝恩至重，委任非輕。夙夜思奉天顏，豈暫心離魏闕。誠恐以忠獲罪，龜鏡不遠。頃者來瑛受誅，朝廷不示其罪，天下忠義，從此生疑。況來瑛功業素高，人多所忌，不審聖衷，獨斷復爲姦臣弄權。臣欲入朝，恐罹斯禍，諸道節度使皆懼，非臣獨敢如此。近聞追詔數人，並皆不至，實畏中官讒口，又懼陛下損傷。豈唯是臣不忠，只爲回邪在側。且臣前後所奏駱奉先詞情，非不摭實。陛下竟無處置，寵用彌深，皆由同類相從，致蒙蔽聖聰。人皆懼死，誰復敢言。臣義切君臣，志憂社稷，若無極諫，有負聖朝。敢肆愚忠，以干鼎鑪。況今西有犬戎，背亂東有吳越，不庭均房，羣盜縱橫，廊坊稽胡，草擾陛下，不思外禦，而乃內忌忠良，何以混一車書。而使梯航納費，天下至大，豈可暫輕。伏承四方數奏之人，引對之時，陛下皆云與驃騎商量，曾不委宰臣可否。或有稽留數月，不放歸還，遠近之心，轉加疑阻。且臣朔方將士，功效最高，爲先帝中興主人，是陛下蒙塵故吏，曾不別加優獎，却信嫉妬謗詞，子儀先已被猜，臣今又遭毀讟，弓藏鳥盡，兔死犬烹。臣昔謂非，今方知實。且臣息軍汾上，關鍵大開，收馬放羊，曾無守備，分兵數郡，貴免般糧，勸課農桑，務安黎庶，有何狀跡。而涉異端，陛下必信矯詞，何殊指鹿爲馬。陛下儻斥逐邪佞，親附忠良，蠲削狐疑，敷陳政化，使君臣無二，天下歸心，則窺邊之戎，不足爲患，梗命之寇，將復何憂。偃武修文，其則不遠。陛下若不納愚懇，且貴因循，臣實不敢保家。陛下豈能安國。忠言利行，良藥愈病，伏惟陛下圖之。臣今戎事已安，糧儲且繼，深願一至闕下，披露心肝，再親聖顏，萬死無恨。臣欲公然進發，慮恐將士留連，臣今便託巡省絳等州，於彼遷延，且住。謹遣押衙開

府儀同三司試太常卿張休減先進書兼口奏事伏惟陛下寬臣此書知臣誠懇特垂聖斷勿議近臣待臣如初忤謗不入臣當死節王命蕃酬國恩仍請遣一介專使至絳州問臣臣即便與同行冀獲蹈舞軒陛鄙臣愚慮不顧死亡輕觸天威戰汗無地九月上以迴紇近塞懷恩又與辛雲京有隙上欲其悔過推心以待之恐其不信詔黃門侍郎裴遵慶使汾州喻旨且察其去就遵慶既至懷恩抱其足號泣而訴遵慶因宣聖恩優厚諷令入朝懷恩許諾副將范志誠說之曰公以讒言交構有功高不賞之懼嫌隙已成奈何人不測之朝公不見來瑛李光弼之事乎功成而不見容二臣以走誅懷恩然之明日又以懼死為辭許令一子入朝志誠又不可遵慶復命御史大夫王珣自迴紇使還懷恩與可汗往來恣洩其事乃止之遂令子瑒率眾攻雲京雲京出戰瑒大敗而旋進圍榆次朝廷患之先是尚書右丞顏真卿請奉詔召懷恩因以真卿為刑部尚書兼御史大夫往宣慰之真卿曰臣往請行者時也今方受命事無益矣上問其故對曰懷恩阻兵是其反側明矣頃陛下遊狄于陝郊臣方責以春秋之義云冀君蒙塵於郊敢不恭問官守當是時也懷恩來朝以助討賊則其辭順今陛下擄去犬戎即宮京邑懷恩進不動王退不釋眾其辭曲必不來矣且明懷恩反者獨辛雲京李抱玉駱奉先魚朝恩四人耳自外朝臣咸言其枉然懷恩將士皆子儀部曲恩信結其心陛下何不以子儀代之喻以逆順禍福必相率而歸耳上從之子儀至河中僕固瑒已為朔方兵馬使張惟岳等四人斬其首獻於闕下懷恩聞之率麾下數百騎棄其母渡河北走靈武餘眾聞子儀到東甲來奔歸者數萬懷恩至靈武嘯聚亡命其眾復振上念其勳舊不欲罪功臣厚撫其家懷恩終不從其母月餘日竟以壽終又遙授太師兼中書令大軍王餘並傳是秋為鄉導誘吐蕃十萬人寇涇邠州祭來瑛之墓自序云俱遭放逐寇奉天醜泉郭子儀拒之而退永泰元年上徵天下兵以防之懷恩又亂合諸蕃眾號二十萬南犯京師道吐蕃之眾自北道先寇醜泉奉天任數鄭庭郝德自東道寇奉先同州醜渾奴刺之眾自西道寇盩厔鳳翔朝廷大駭詔遣郭子儀屯涇陽渾日進白元光屯奉天李光進屯雲陽馬璘郝廷玉屯中渭橋董秦

屯東渭橋駱奉先李日越屯盩厔李抱玉屯鳳翔周智光杜冕屯同州上親率六軍令魚朝恩屯苑中下詔親征懷恩領迴紇及朔方之眾繼進行至鳴沙縣遇疾昇歸九月九日死於靈武部曲以鄉法焚而葬之張韶代領其眾為徐瑋玉所殺瑋玉領其眾又為范志誠所殺志誠領其眾迴紇進寇涇陽諸軍堅壁不戰吐蕃相持二十餘日又聞懷恩死與迴紇爭長自相疑貳莫敢先進遂大掠居人焚燒舍宇驅男女數萬而去所過踐禾穀殆盡迴紇乃詣子儀降請擊吐蕃以自効子儀分兵隨之大破吐蕃於涇州界任數又敗走羌渾又多降於李抱玉懷恩逆命三年再犯順連諸蕃之眾為國大患士不解甲糧盡餽軍適幸天亡而上為之隱惡前後下制未嘗言其反及懷恩死羣臣以聞上為之憫默曰懷恩不反為左右所誤其寬仁如此聞十月懷恩姪名臣領千餘騎來降梁崇義長安人以升斗給役於市有督力能卷金舒鉤後為羽林射生從來瑛於襄陽沉默寡言眾悅之累遷為偏裨瑒朝京師分使諸將成福昌南陽來瑛被誅戎者皆潰歸崇義時在南陽統歸師徑來襄州與同列李昭薛南陽相讓為長不決諸將請曰兵非梁卿主之不可遂推崇義為帥寶應二年三月崇義殺昭與南陽以脅眾心朝廷因授其節度焉以襄州梓履兵禍屈法含容姑務息人也歷御史中丞大夫尚書遂與田承嗣李正己薛嵩李寶臣為輔車之勢奄有襄漢七州之地帶甲二萬連結根固未嘗朝朝然於羣兇地最福兵最少法令最理禮貌最恭其地跨東南之衝數有王命之所宣洽故其人知化所親嘗勸其來朝崇義曰吾本帥來公有大勳庸當上元中以聞豈讒讒遠巡稽召及代宗嗣位不俟駕行旋見誅族今吾輩盈而事久若之何見上建中元年淮西節度使李希烈數請與師討崇義崇義懼軍旅之事加嚴焉流人郭昔告其為變崇義聞之請罪昔坐決杖配流命金部員外郎李舟諭旨以安之初劉文喜作難舟嘗入其城說利害文喜拘之會帳下殺文喜而降四方反側者聞之謂舟必能覆軍殺將是以皆惡及舟至又勸其入朝言頗切直崇義益不悅二年春發五使宣諭諸道而舟復如荆襄崇義慮有變拒境不納上言軍中疑懼請換他使緣是益不安兇謀日深實僚或有忠言沮勸多遭傷害時羣兇方自

疑阻朝廷將仗大信欲來而安之。以示天下。仍加崇義同平章事。其妻子悉加封賞。且賜鐵券誓之。兼授其裨將蘭皋爲鄧州刺史。遣御史張著齎手詔徵之。崇義益恐怖。使持滿而受命。蘭皋奉詔書。又不敢發。馳詣崇義請命。崇義益疑懼。對著號哭不受詔。由是徵四方兵。使希烈統擊之。崇義乃發兵攻江陵。以通黔嶺。及四望大敗而歸。遂屯襄鄧。希烈先發千餘人守臨漢。崇義屠之。無遺噍。既而希烈統大軍緣漢。而崇義使將翟暉杜少誠迎戰於蠻水。希烈大破之。復合於涼口。又破之。二將求降。希烈受之。使統本兵入襄陽。號令以安百姓。崇義領親兵老小閉壁。將守者斬關爭出。不可止。其年八月。崇義與其妻投井而死。傳首闕下。其親戚希烈皆戮之。選其嘗從臨漢之役者三千人悉斬之。

李懷光。渤海靺鞨人也。本姓茹。其先徙于幽州。常爲朔方列將。以戰功賜氏。更名嘉慶。懷光少從軍。以武藝壯勇稱。朔方節度使郭子儀禮之益厚。上元中。累遷試太僕太常卿。主右衙兵將。積功勞。至開府儀同三司。爲朔方軍都虞候。永泰初。實封三百戶。大曆六年。兼御史中丞。開一年。兼御史大夫。加爲軍都虞候。性清動嚴。猛而敢誅殺。雖親戚犯法。皆不撓避。子儀性寬厚。不親軍事。紀綱任懷光。軍中尤畏之。亦稱爲理。十二年。以母憂罷職。明年。起復本官。仍兼鄆寧慶三州都將。德宗即位。罷子儀節度副元帥。以其所部分隸諸將。遂以懷光起復檢校刑部尚書。兼河中尹。鄆州刺史。鄆寧慶晉絳慈隰節度支度營田觀察押諸蕃部落等使。先是懷光頻歲率師城長武。以處軍士。城據原首。臨涇水。俯瞰通道。吐蕃自是不敢南侵。爲西邊要防。建中初。涇原四鎮節度使段秀實爲宰相。楊炎所惡。徵爲司農卿。上將復城原州。乃以懷光兼涇州刺史。涇原四鎮北庭節度使時懷光挾私怨。新誅殺朔方舊將溫儒雅等數人。涇州軍士咸畏之。劉文喜因衆不欲。遂以城叛。詔朱泚與懷光將兵討平之。加檢校太子少師。二年。遷檢校左僕射。兼靈州大都督。單于鎮北大都護。朔方節度支度營田觀察鹽池押諸蕃部落六城水運使。實封四百戶。鄆寧節度等使如故。時馬燧李抱真諸軍同討魏城。未拔。朱滔王武俊皆反。連兵救悅。三年。詔遣懷光統朔方兵步騎一萬五千同討田悅。懷光勇而無謀。至魏城之日。營壘未設。因與滔等

大戰于恆山。爲滔等所敗。復爲悅決水以灌之。諸軍不利。因與燧等退軍于魏縣。尋如同平章事。益實封二百戶。自是與滔等相持不戰。明年十月。涇原之卒叛。上居奉天。朱泚既僭大號。遣中使馳告河北諸帥。懷光率軍奔命。時屬泥淖。懷光奮厲軍士。道自蒲津渡河。敗泚騎兵於醴泉。直赴奉天。前數日。先遣裨將張韶持表封蠟丸。隨賊攻城。乘間逾壘。呼城上人曰。朔方軍使也。乃以繩引上城而入。比登樓。身中數十矢。時上在重圍中。守拒益急。既知懷光軍至。令張韶號令於城上。人心乃安。懷光又敗泚兵於魯店。泚乃解兵還走入城。懷光性纒厲疎懷。緣道數言。盧杞趙贊白志貞等姦佞。且曰。天下之亂。皆此輩也。吾見上當請誅之。杞等微知之。懼甚。因說上令懷光乘勝。逐泚收復京師。不可許。至奉天。德宗從之。懷光屯軍咸陽。數上表。暴揚杞等罪惡。上不得已。爲貶杞趙贊白志貞以慰安之。又疏中使翟文秀。上之信任也。又殺之。懷光既不敢進軍。遷延自疑。因謀爲亂。初。詔遣崔漢衡使於吐蕃。出兵佐收京城。蕃相尙結贊曰。蕃法進軍。以統兵大臣爲信。今奉制書。無懷光名。署故不敢前。上聞之。遣翰林學士陸贄詣懷光。議用蕃軍。懷光堅執言不可者三。不肯署制。詞慢。且謂贄曰。爾何所能。與元元年二月。詔加大尉。兼賜鐵券。遣李昇及中使鄧鶴鳴齎券諭言。懷光怒甚。投券於地曰。凡人臣反。則賜鐵券。今授懷光。是使反也。詞氣益悻。衆爲之懼。時懷光部將韓遊瓌掌兵。在奉天。懷光乃與遊瓌書。約令爲變。遊瓌密奏之。翌日。懷光又使趣之。遊瓌復奏聞。數日。懷光又使趣遊瓌。爲門者所捕。懷光且宣言曰。吾今與朱泚連和。車駕當須引避。由是上遽幸梁州。時李晟已移軍東渭橋。懷光復劫李建徽楊惠元等軍。移於好時。其下頗多攜貳。先是朱泚甚畏之。至是因欲臣之。懷光虜無所得。益疑懼不自安。居二旬。乃驅兵分爲部隊。掠涇陽三原富平。自同州往河中。神策將孟涉段威自三原擁兵三千餘人奔歸李晟。懷光不能遏。韓遊瓌殺懷光。留後張昕以鄆州從順。戴休顏自奉天令於軍曰。懷光已反。乃令城守馳表以聞。上於是授遊瓌休顏節度使。乃除懷光太子太保。罷其餘官。其所管委本軍擇一人。功高望崇者統之。皆不奉詔。四月。懷光至河中。遂偷有同絳等州。按兵觀望。李晟既收復京師。上遣給事中孔

巢父中使啖守盈持詔徵之。懷光素服受命，巢父乃宣言於眾：「太尉軍中誰可領軍事者？」懷光左右皆胡虜，因發怒，亂持兵殺巢父及守盈。自是繕兵益修守，拒上還京師。以侍中渾瑊為河中節度副元帥，將兵討懷光。瑊復破同州，屯軍不進，數為懷光所敗。時仍歲旱蝗，京師初復，經費不給，言事者多請赦懷光。時河東節度使馬燧威名素著，乃加燧副元帥，與瑊及鎮國軍節度駱元光、邠寧節度韓遊瓌、鄜坊節度唐朝臣會兵同討懷光。燧率軍拔絳州，至寶鼎，慮懷光西走，唐突京邑，乃捨軍朝京師。既還，與瑊先自河東而降，其驍將尉珪、徐庭光統諸軍以圍河中。貞元元年秋，朔方部將牛勣斬懷光首以降燧，其子瑋、刃其弟數人，乃自殺。懷光死時年五十七。尋詔以男一人為嗣，賜莊宅各一所。仍還懷光屍首，任其收葬。妻子並徙澧州。五年，又詔曰：「懷舊念功，仁之大也，與滅繼絕，義之弘也。昔蔡叔圮族，周公封其子於東土；韓信干紀，漢后爵其孥。以弓高侯君集之不率景化，我太宗存其胤，以主祀詳考先王之道，洎乎烈祖之訓，皆以刑佐德，俾人嚮方。則斧鉞之誅，甲兵之伐，蓋不得已而用也。曩歲盜臣竊發，國步多虞，朕狩于近郊，指期薄伐，將振昆陽之旅，以興涿鹿之功。徵師未達于諸侯，衛士且疲于七萃，而李懷光三軍夙駕，千里勤王，上假雷霆之威，下逐虎狼之衆，議功方始，守節靡終。潛構禍胎，拒違朝命，棄同即異，捨順効逆。為臣至此，在法必誅，猶示綏懷，庶其牽復。而鼻音益厲，狃突莫遷，大戮所加，曾無嗛類。雖自貽伊戚，與眾棄之，而言念爾勞，何嗟及矣。以其前効猶在，孤魂無歸，懷之忼然，是用悽軫。予欲布陳大惠，冀以化成，保合太和，期於刑措。宜以懷光外孫燕八，賜姓李氏，名承緒，授左衛率府曹參軍。承懷光之後，仍賜錢一千万，任於懷光墓側置立莊園，侍養懷光妻王氏，并備四時享奠之禮。嗚呼！朕實不德，臨於兆人，泣辜宥罪，素誠所志。爾其保姓受氏，宣力承家，勉紹乃考之建國庸，無若爾父之違王命。初懷光授首，其子瑋、瑒等皆死，唯妻王氏在。故上特捨其死，及是又思懷光舊勳，哀其絕後，乃命承緒繼之。」

史臣曰：僕固懷恩、李懷光，咸以勇力有勞王家，為臣不終，遂行反噬，其罪大矣。然幸雲京駱奉先、盧杞、白志貞輩致彼二逆，貽憂時君，亦可謂國之讒賊矣。梁

崇義既無令始，又無善終，與妻投泉，何塞其咎。贊曰：臣之事君，有死無二。懷恩、懷光凶終一致，崇義多姦，國家所棄，迷而上歸，自速其斃。

舊唐書卷一百二十一

舊唐書卷一百二十一考證

侯固懷恩傳懷恩領回紇兵從之杖水○沈炳震曰按西京無杖水回紇傳作
還當從傳

公不見來瑒李光弼之事乎功成而不見容二臣以走誅○句疑有誤新書云
二臣功高不賞瑒已及誅文綬較明

張韶代領其衆爲徐瑒玉所殺○新書回鶻傳韶爲懷恩囚死

舊唐書卷一百二十一考證

後晉司空同中書門下平章事劉昫撰

列傳第七十二

張獻誠字獻恭 獻甫 路嗣恭子

曲瓊

崔漢衡

楊朝晟

樊澤

李叔明

裴甫

張獻誠陝西平陸人。幽州節度使幽州大都督府長史守珪之子也。天寶末陷逆賊安祿山。受僞官。連陷史思明。為思明守汴州。統逆兵數萬。寶應元年冬。東都平。史朝義逃歸汴州。獻誠不納。舉州及所統兵歸國。詔拜汴州刺史。充山南西節度使。踰年來朝。代宗寵賜甚厚。三遷檢校工部尚書。兼梁州刺史。充山南西道觀察使。廣德二年十月。擒南山賊帥高玉。以獻誠名馬。二絲絹。雜貨共十萬匹。是月兼充劍南東川節度觀察使。封鄧國公。西川崔旰殺郭英。獻誠率眾戰於梓州。為旰所敗。獻誠僅以身免。大曆二年四月。獻誠以疾上表乞歸私第。仍薦堂弟試太常卿兼右羽林將軍獻恭以自代。詔許之。以獻誠檢校戶部尚書。知省事。八月。獻誠以疾抗疏辭官。無幾卒於私第。獻恭守珪之弟守瑜子。累以軍功官至試太常卿兼右羽林將軍。代獻誠為梁州刺史。兼御史中丞。充山南西道節度觀察使。大曆十三年七月。獻恭破吐蕃萬餘眾於岷州。建中二年正月。加檢校兵部尚書。為東都留守。三年正月。為太府卿。容州刺史。本管經略招討使。四年七月。與渾瑊盧杞司農卿段秀實與吐蕃尚結贊築壇於京城之西。會盟。如清水之儀。與元元年六月。轉檢校吏部尚書。仍與一子正員官盧杞移饒州刺史。給事中袁高論其不可。獻恭因入對紫宸殿。上言高所奏至當。臣恐煩聖聽。不敢繕陳其事。德宗不悟。獻恭復奏曰。袁高是陛下

一頁臣。望特優異。德宗顧謂宰臣李勉等曰。朕欲授杞一小州刺史可乎。對曰。陛下授大州亦可。其奈士庶失望何。獻恭守正不撓也。如此。獻甫守珪弟左武衛將軍贈戶部尚書守珪之子。獻甫少隨諸兄從軍。初為偏裨。以軍功累授試光祿卿。殿中監。河中節度副元帥。都知兵馬使。檢校兵部尚書。兼御史大夫。建中初。從節度使賈耽征梁。崇義於襄漢。以功加太子詹事。及幸奉天。與元。獻甫

首至。從渾瑊征討有功。及復京邑。入為金吾將軍。時李懷光未平。吐蕃侵擾西邊。獻甫領禁軍出鎮咸陽。凡累年。軍民悅之。貞元四年。遷檢校刑部尚書。兼邠州刺史。邠軍慶節度觀察使。乃於彭原置義倉。方渠馬嶺等縣選險要之地。以為烽堡。又上疏請復鹽州及洪門洛原等鎮。各置兵防。以備蕃寇。朝廷從之。貞元四年九月。吐蕃將尚志董星論莽羅等寇寧州。獻甫率眾禦之。斬首百餘級。吐蕃遁。城貞元十二年。加檢校左僕射。五月丙申卒。年六十一。廢朝三日。贈司空。賻物有差。獻恭子胸嘗隨獻甫征討。積戰功。累遷至夏州節度使。元和八年十二月。振武軍逐出節度使李進賢。而屠其家。殺判官嚴憲。憲宗怒。遣殿以夏州兵二千人赴振武。仍許以便宜。擊斷。九年正月。賜絹三萬匹。以助軍資。河東節度使王鐸遣兵五千會於善羊柵。詔入振武。誅作亂。蘇國珍等二百五十三人。乃定。是歲十二月卒。贈太子太保。

路嗣恭京兆三原人。始名劍客。歷任郡縣。有能名。累至神烏令。考績上上。為天下最。以其能。賜名嗣恭。歷工部尚書。兼御史大夫。靈州大都督府長史。充關內副元帥。郭子儀副使。知朔方節度營田押諸蕃部落等使。嗣恭披荆棘以守之。大將御史中丞孫守亮握重兵。倔強不受制。嗣恭稱疾召至。因殺之。威信大行。承泰三年。檢校刑部尚書。知省事。大曆六年七月。為江南西道都團練觀察使。在官恭恪。善理財賦。買明觀者。事北軍都虞候劉希暹。魚朝恩。誅希暹。從坐。明觀積惡犯衆怒。時宰相元載受賂。遣江南効力。魏少遊承載意。苟容之。及嗣恭代少遊。即日杖殺。載者稱之。大曆八年。嶺南將哥舒舒兒殺節度使呂崇贛。反五嶺。擾詔加嗣恭兼嶺南節度觀察使。嗣恭擢流人孟瑤。敬。使分其瑤。瑤主大軍。當其衝。晁自間道輕入。招集義勇。得八十人。以撓其心腹。二人皆有全策。詭計。出其不意。遂斬晁。及誅其同惡萬餘人。築為京觀。俚洞之宿惡者。皆誅之。五嶺削平。拜檢校兵部尚書。知省事。嗣恭起於郡縣。吏以至大官。皆以恭恪為理。著稱。及平廣州。商舶之徒。多因鬼事誅之。嗣恭前後授其家財。實數百萬。盡入私室。不以貢獻。代宗心甚銜之。故嗣恭雖有平方面功。止轉檢校兵部尚書。無所酬勞。及德宗即位。楊炎受其貨。始敘前功。除兵部尚書。東都留守。尋

舊唐書

卷一百二十一

列傳

七

一〇七七

加懷鄭汝陝四州河陽三城節度及東都畿觀察使。徵至京師卒。時年七十一。廢朝一日。贈左僕射。子恕。字體仁。初懷南衙將哥舒晃反。詔嗣恭自江西致討。授檢校工部員外郎。得以軍前便宜從事。俄而降者繼路。於是擢降將伊慎。推心用之。賊平。恕功居多。年纔三十。為懷州刺史。久之。轉京兆少尹。監門衛大將軍兼御史中丞。教練招討等使。其後為鄆坊觀察使。太子詹事。坐事貶吉州刺史。遷太子賓客。以右散騎常侍致仕。卒。年七十三。贈洪州都督。恕私第有佳林園。自貞元初。李紆包信輩迄于元和末。僅四十年。朝之名卿。咸從之遊。高歌縱酒。不屑外慮。未嘗問家事。人亦以和易稱之。

曲環。陝州安邑人也。父彬。為南使正監。因家於隴右。以環故。累贈兵部尚書。環少讀兵書。尤以勇敢騎射聞。天寶中。從哥舒翰攻拔石堡城。收黃河九曲。洪濟等城。累授果毅別將。安祿山反。從襄陽節度魯臯守鄧州。拒賊將武令珣。戰數十合。環功居多。超授左清道率。又從李抱玉守河陽南城。尋將兵守澤州。破賊驍將安曉。敕特拜羽林將軍。又將別部兵合諸軍討史朝義。平河北。累轉金吾大將軍。並同正員。隨李抱玉移軍京西。大曆中。領兵隴州。頻破吐蕃。加特進。大常卿。上初嗣位。吐蕃大寇劍南。詔環以邠隴兵五千馳往。大破戎虜。收七盤城。威武軍及雜茂二州。西戎奔遁。環大振功名。而還。加太子賓客。賜以名馬。與諸將討涇州叛將劉文喜。平之。加開府儀同三司。兼御史中丞。充邠隴兩軍都知兵馬使。時李納擁兵。侵逼徐州。令環與劉文佐同救。援果破李納。逆黨環以功最。加御史大夫。建中三年十月。加檢校左常侍。充邠隴行營節度使。李希烈侵陷汴州。環與諸軍守固寧陵陳州。大破希烈軍於陳州城下。殺逆黨三萬五千。擒其驍將翟暉以獻。希烈因遁歸蔡州。環以功。加檢校工部尚書。兼陳州刺史。希烈平。加環兼許州刺史。陳許等州節度觀察。加實封三百戶。陳蔡二州以希烈擾亂。遺剽劫頗甚。人多逃竄他邑。以避禍。環動身恭儉。賦稅均平。政令寬簡。不三二歲。襁負而歸者相屬。訓農理戎。兵食皆豐羨。十二年。加檢校左僕射。卒。時年七十四。廢朝一日。贈司空。贈布帛粟粟有差。

崔漢衡。博陵人也。性沉厚寬博。善與人交。釋褐授沂州費令。滑州節度使令狐

彰奏署掌記。累遷殿中侍御史。大曆六年。拜檢校禮部員外郎。為和吐蕃副使。還遷右司郎中。改萬年令。建中三年。為殿中少監。兼御史大夫。充和蕃使。與吐蕃使區頰贊至自蕃中。時吐蕃大相尙結息忍而好殺。以常覆敗於劍南。恩刷其恥。不肯約和。其次相尙結贊有材略。因言於贊。請定界明約。以息邊人贊。普然之。竟以結贊代結息為大相。約和好。期以十月十五日會盟於境上。戊申。以漢衡為鴻臚卿。四年。吐蕃朝貢。加檢校工部尚書。復使吐蕃。與元初上居奉天。吐蕃遣帥佐渾瑊。敗朱泚兵於武功。以功。轉檢校兵部尚書。兼秘書監。西京留守。無幾。真拜兵部尚書。為東都滑青魏博賑給宣慰使。明年。為幽州宣慰使。所至皆稱職。貞元三年。副侍中渾瑊與吐蕃會盟於平涼。吐蕃背約。瑊僅免。時無備預。在會免者什無一二。士卒死者以千數。漢衡與同陷者。並至河州。結贊令召之。以頻使於蕃。結贊素信重。與孟日華。中官劉延。皆俱至石門。而遣五騎送至境上。四年七月。加檢校吏部尚書。晉慈隰觀察使。尋加都防禦使。十一年四月卒。

楊朝晟。字叔明。夏州朔方人也。初在朔方為步軍先鋒。嘗有功。授甘泉府果毅。建中初。從李懷光討劉文喜于涇州。斬獲生擒居多。授驃騎大將軍。稍為右先鋒兵馬使。後李納寇徐州。從唐朝臣征討。嘗冠軍鋒。以功。授開府儀同三司。檢校太子賓客。上在奉天。李懷光自山東赴難。以朝晟為左廂兵馬使。將千餘人下咸陽。以控未泚。加御史中丞。實封一百五十戶。及懷光反于河中。朝晟被脅在軍。上幸梁洋。韓遊瓌退于邠寧。懷光以書在邠寧。迫制如屬城。以賊黨張昕在邠州。總後務。昕懼難作。乃大索軍資。徵卒乘。約明潛發。歸于懷光。朝晟父懷賓為遊瓌將。因夜以數十騎斬昕。及同謀遊瓌。即日使懷賓奉表聞奏。上召勞問。授兼御史中丞。正除遊瓌邠寧節度使。聞諜至河中。朝晟聞其事。泣告懷光。曰。父立功於國。子合誅戮。不可主兵矣。懷光遂繫之。及諸軍進圍河中。韓遊瓌管于長春宮。懷賓身當戰伐。及懷光平。上念其忠。俾副元帥渾瑊。特原朝晟。遂為遊瓌都虞候。時父子同軍。皆為開府賓客。御史中丞。榮於軍中。後詔徵遊瓌宿衛。以左金吾將軍張獻甫為檢校刑部尚書。兼御史大夫。邠寧慶節度觀察。

使代韓遊瓌，初遊瓌以吐蕃犯塞，自將兵戍寧州，及受代，以是月壬子夜輕騎潛遁歸關，其將卒素驕怠，畏張獻甫之嚴，因遊瓌夜出，衝內千餘人，遂叛掠，且因監軍楊明義，邀奏出奔，將范希朝為節度，朝晨時為都虞候，初逃於郊，翌日乃來，給其衆曰：所請甚愜，我來賀也。由是稍安，朝晨及諸將謀誅首惡者，乙卯朝晨率諸將經數日，以告曰：前請者不獲，張尙書昨日已入邠州，汝等皆當死，吾不能盡殺，各言戎首以歸罪焉，餘無所問，於是衆中唱二百餘人，斬之，乃定。上擢希朝為寧州刺史，以副獻甫，獻甫入奏朝晨功，加御史大夫，九年城鹽州，徵兵以護外境，朝晨分統士馬鎮木波，獻甫卒，詔以朝晨代之，其年丁母憂，起復左金吾大將軍，同正邠州刺史，大夫如故，十年春，朝晨奏方渠合道木波皆賊路也，請城其地以備之，詔問所須幾何，朝晨奏曰：臣部下兵自可集事，不煩外助，復聞前築鹽州，凡與師七萬，今何其易也，朝晨曰：鹽州之役，諸軍蕃戎盡知之，今臣境迫虜，若大興兵，即蕃戎來寇，寇則戰，戰則無暇城矣，今請密發軍士，不十日至塞下，未三旬而功畢，蕃人始乘障，數日而退，初軍次方渠，無水，師徒窘然，遽有青蛇乘高而下，視其跡，水隨而流，朝晨令築防禦之，遂為停泉，軍人仰飲以足，圖其事，上聞，詔置祠焉，十五年二月免喪，加檢校工部尙書，是夏以防秋移軍寧州，遘疾，來年正月卒。

裴澤，字安時，河中也，父詠，開元中舉，澤授試大理評事，累贈兵部尙書，澤長於河朔，相衛節度薛嵩為磁州司倉，亮山縣令，建中元年，舉實夏對策，禮部侍郎于邵厚遇之，與楊炎善，薦為補闕，歷都官員外郎，澤好讀兵書，朝廷以其有將帥材，尋兼御史中丞，充通和蕃使，蕃中用事宰相尙結贊深禮之，尋從鳳翔節度張鎰與吐蕃會盟於清水，遷金部郎中，御史中丞，山南節度行軍司馬，時李希烈背叛，詔以普王為行軍元帥，徵澤為諫議大夫，元帥行軍右司馬，屬駕幸奉天，普王不行，澤改右庶子，兼中丞，復為山南東道行軍司馬，尋代賈耽為襄州刺史，兼御史大夫，山南東道節度觀察使，澤有武藝，每與諸將射獵，常出其右，人心服之，賊衆畏焉，頻與李希烈兇黨接戰，前後擒降其將張嘉璠，杜文朝，梁俊之，李克誠，薛翼等，收唐隨二州，希烈既平，澤丁母憂，起復右衛

大將軍，同正，餘如故，三年，代張伯儀為荆南節度觀察等使，江陵尹，兼御史大夫，三歲，加檢校禮部尙書，會襄州節度曹王皋卒於鎮，軍中剽劫擾亂，以澤威惠素著於襄漢，復代曹王皋為襄州刺史，山南東道節度使十二年，加檢校右僕射，卒年五十，贈司空，贈布帛米粟有差，其日將宴百官，廢朝，改取他日。

李叔明，字晉卿，蘭州新政人，本姓鮮于氏，代為豪族，兄仲通，天寶末為京兆尹，劍南節度使，兄弟並涉學，輕財好施，叔明初為劍南節度使楊國忠判官，乾元後為司勳員外郎，副漢中王瑒使，迴紇，迴紇禮禮稍倨，叔明難位責之曰：大國通好，賢王奉使，可汗於大唐子婿，豈可恃微功而傲乎，唐法不然，可汗改容加敬，復命，遷司門郎中，後為京兆少尹，無幾，以疾辭，除右庶子，出為邠州刺史，尋拜東川節度，遂州刺史，後移鎮梓州，檢校戶部尙書，時東川兵荒之後，凋殘頗甚，叔明理之，近二十年，招撫吐庶，夷落獲安，大曆末有蘭州嚴氏子，上疏稱叔

明少孤，養子於外族，遂冒姓焉，請復之，詔從焉，叔明初不知其從外氏姓，意曉其事，遂抗表乞賜宗姓，代宗以戎鎮寄重，許之，仍真嚴氏子於法，及駕幸奉天，其子昇珩從，叔明每私疏誠勵，見危臨難，嘗誓以死，昇珩父嚴訓，果著勳効，識者嘉之，叔明既朝京師，以本官兼右僕射，乞骸骨，改太子太傅致仕，卒，諡曰襄。

叔明總戎年深，積聚財貨，子孫驕淫，殺讎數年，遺業蕩盡。

裴胄，字胤叔，其先河東聞喜人，今代薛河南，伯父寬，戶部尙書，有各於開元天寶間，胄明經及第，解褐補太僕寺主簿，屬二京陷覆，淪避他州，賊平，授秘書省正字，累轉秘書郎，陳少遊，陳鄭節度留後，奏胄試大理司直，少遊罷，龍右節度

李抱玉，奏授監察御史，不得意，歸免，陳少遊為宣歙觀察，復辟在幕府，抱玉怒，奏桐廬尉，浙西觀察使李栖筠有重望，虛心下士，幕府感選才彥，觀察判官許

鴻諫有學識，栖筠嘗異席，事多咨之，崔造輩皆所薦引，一見胄，深重之，薦於栖筠，奏授大理評事，觀察支度使，代宗以元載，陳泰朝綱，徵栖筠入朝，內制授御史大夫，方將大用，載怙權，栖筠居顧問，刺舉之職，與不平，及栖筠卒，胄護栖筠喪歸洛陽，衆論危之，胄坦然行，心無所顧，淮南節度陳少遊，奏檢校主客員

外，兼侍御史，觀察判官，尋為行軍司馬，遷宣州刺史，楊炎初作相，銳意為元載

舊唐書 卷一百二十一 列傳

報讎。凡其枝黨無漏。適會胄部人積胄官時服雜俸錢為賊者。炎命酷吏真窩深按其事。貶汀州司馬。尋徵為少府少監。除京兆少尹。以父名不拜。換國子司業。遷湖南觀察都團練使。移江南西道。前江西觀察使李兼罷。省南昌軍千餘人。收其資糧。分為月進。胄至。委其本末。罷之。會京南節度樊澤移鎮襄陽。宰相方議其人。上首命胄代澤。仍兼御史大夫。胄簡儉恆一。時諸道節度觀察使競剝下厚斂。製奇錦異綾。以進。奉為名。又貴人宣命。必竭公藏。以買其歡。胄待之有節。皆不盈數金。常賦之外。無橫斂。宴勞禮止三爵。未嘗酣樂。時武臣多廩養。畜資介。微失則奏流死。胄以書生始。委貶書記。梁易從。君子薄其進。退賓客。不以禮。物議薄之。貞元十九年十月卒。時年七十五。贈右僕射。諡曰成。

史臣曰。三獻軍謀。臣節。克紹家風。路嗣恭從微至著。執法簡廉。環理兵勸。農獨彰善政。漢衛誠怒奉職。朝威忠孝。權謀澤威。惠荆襄。叔明見危。誓死立政。惠民。胄抱義危行。守政奉公。皆賢帥矣。然嗣恭聚財為功名之瑕玷。叔明聚財致子孫之驕淫。財之污人。誠可誠也。

贊曰。張路曲崔樊楊李裴守忠臣之道。皆賢帥之才。

舊唐書卷一百二十二

舊唐書卷一百二十二考證

張獻誠傳。充山南西道觀察使。○新書作節度使。

楊朝晟傳。十五年免喪。加檢校工部尚書。來年正月卒。○新書。十七年卒。于屯。

據德宗本紀。十五年五月卒。當從新書。臣德潛按一百四十四卷中。復立楊。

朝晟傳。文中略有更易。惟前傳云十年春。朝晟奏方渠合道木波。皆賊路也。

隋城其地。以備之後。傳云十三年。顯然互異。

樊澤傳。三年代張伯儀為荆南節度觀察等使。○本紀代嗣曹王畢。

舊唐書卷一百二十二考證

後晉司空同中書門下平章事劉昫撰

列傳第七十三

劉晏 第五琦 班宏 王紹 李巽

劉晏字士安曹州南華人年七歲舉神童授秘書省正字累授夏縣令有能名歷殿中侍御史遷度支郎中杭隴華三州刺史尋遷河南尹時史朝義盜據東都寄理長水入為京兆尹頃之加戶部侍郎兼御史中丞判度支委府事於司錄張羣杜亞綜大體議論號為稱職無何為酷吏敬羽所構貶通州刺史復入為京兆尹戶部侍郎判度支時顏真卿以文學正直出為利州刺史晏舉真卿自代為戶部乃加國子祭酒寶應二年遷吏部尚書平章事領度支鹽鐵轉運租庸使坐與中官程元振交通元振得罪晏罷相為太子賓客尋授御史大夫領東都河南江淮山南等道轉運租庸鹽鐵使如故時新承兵戈之後中外艱食京師米價斗至一千官厨無兼時之積禁軍乏食畿縣百姓乃揆穗以供之晏受命後以轉運為己任凡所經歷必究利病之由至江淮以書遺元載曰浮于淮泗達于汴入于河西循底柱狹石少華楚帆越客直抵建章長樂此安社稷之奇策也晏賓于東朝猶有官謗相公終始故舊不信流言買誼復召宣室弘羊重與功利敢不悉力以答所知驅馬陝郊見三門渠津遺迹到河陰輦落見宇文愷置梁公堰分黃河水入通濟渠大夫李傑新堤故事飾像河廟凜然如生涉榮郊浚澤遙瞻淮甸步步探討知昔人用心則澶衛桂陽必多積穀關輔汲汲只緣兵糧漕引瀟湘洞庭萬里幾日淪波掛席西指長安三秦之人待此而飽六軍之衆待此而強天子無側席之憂都人見泛舟之役四方旅拒者可以破膽三河流離者於茲請命相公匡戴明主為富人侯此今之切務不可失也使僕滷洗瑕穢率罄愚懦當憑經義請護河隄宜勸在官不辭水死然運之利病各有四五焉晏自尹京入為計相共五年矣京師三輔百姓唯苦稅畝傷多若使江湖米來每年三二十萬即頓減徭賦歌舞皇澤其利一也東都殘毀百無一存若米運流通則飢人皆附村落邑廩從此滋多命之日引海陵之

倉以食登洛是計之得者其利二也諸將有在邊者諸戎有侵敗王略者或聞三江五湖貢輸紅粒雲帆桂楫輸納帝鄉軍志曰先聲後實可以震耀夷夏其利三也自古帝王之感皆云書同文車同軌日月所照莫不率俾今舟車既通商賈往來百貨雜集航海梯山神聖輝光漸近貞觀永徽之感其利四也可疑者函陝凋殘東周尤甚過宜陽熊耳至武牢成皋五百里中編戶千餘而已居無尺椽人無煙爨蕭條慘慘遊鬼哭牛必羸角與必說輓棧車輓漕亦不易求今於無人之境與此勞人之運固難就矣其病一也河汴有初不修則毀濶故每年正月發近隄丁男塞長茨決沮淤清明桃花已後遠水自然安流陽侯宓妃不復太息頃因寇難總不掏拓澤減水岸石崩役夫需於沙津吏旋於驛千里河上罔水舟行其病二也東垣底柱繩池二陵北河運處五六百里戍卒久絕縣吏空拳奪攘殺穴窟穴囊囊夾河為藪豺狼猖獗舟行所經寇亦能往其病三也東自淮陰西臨蒲坂亘三千里屯戍相望中軍皆鼎司元侯賤卒儀同青紫每云食半菽又云無挾纒輓漕所至船到便留即非單車使折簡書所能制矣其病四也惟小子畢其慮奔走之惟中書詳其利病藏成之晏累年已來事缺名毀聖慈含育特賜生全月餘家居遽即臨遣恩榮感切恩頌百身見一水不通願荷鋤而先往見一粒不運願負米而先趨焦心苦形期報明主丹誠未射漕引多虞屏營中流掩泣獻狀自此每歲運米數十萬石以濟關中又至德初為國用不足令第五琦於諸道權鹽以助軍用及晏代其任法益精密官無遺利初歲入錢六十萬貫季年所入逾十倍而人無厭苦大曆末通計一歲征賦所入總一千二百萬貫而鹽利且過半累遷吏部尚書大曆四年六月與右僕射裴遵慶同赴本曹視事敕尚食增置儲備許內侍魚朝恩及宰臣已下常朝官咸請省送上八年知三銓選事十二年三月誅宰臣元載晏奉詔訊鞠晏以載居任樹黨布于天下不敢專斷請他官共事敕御史大夫李涵右散騎常侍蕭昕兵部侍郎袁德禮部侍郎常袞諫議大夫杜亞同推戴皆款伏初晏承旨門下侍郎同平章事王縉亦處極法晏謂縉等曰重刑再覆國之常典況昧大臣得不覆奏又法有首從二人同刑亦宜重取進止灑等從命及晏

等覆奏，代宗乃減罪從輕。縉之生，晏平反之力也。十三年十二月，為尚書左僕射，時宰臣常袞專政，以晏久掌銓衡，時議平允，兼司儲蓄，職舉功深，慮公望日崇，上心有屬，竊忌之。乃奏晏朝廷舊德，宜為百吏師長，外示崇重，內實去其權。及奏上，以晏使務方理，代其任者難其人，使務知三銓，並如故。李靈曜之亂也，河南節帥所據，多不奉法令，征賦亦隨之。州縣雖益減，晏以羨餘相補，人不加賦，所入仍舊。議者稱其能，自諸道巡院距京師，重價募疾足，置遞相望，四方物價之上下，雖極遠，不四五日知。故食貨之重輕，盡權在掌握。朝廷獲美利而天下無甚貴賤之憂，得其術矣。凡所任使，多收後進有幹能者，其所總領，務平急促，趨利者化之，遂以成風。當時權勢，或以親戚為託，晏亦應之，俸給之多少，命官之遲速，必如其志。然未嘗得親職事，其所領要務，必一時之選。故晏沒後二十餘年，韓洄、元琇、裴腴、包佶、盧徵、李衡、繼掌財賦，皆晏故吏。其部吏居數千里之外，奉教令如在目前。雖獲與宴語，而無欺給。四方動靜，莫不先知。事有可賀者，必先上章奏。江淮茶橘，晏與本道觀察使各歲貢之，皆欲其先至。有土之官，或封山斷道，禁前發者，晏厚以財力致之。常先他司，由是甚不為藩鎮所便。晏理家以儉約稱，而重交敦舊，頗以財貨遺天下名士，故人多稱之。善訓諸子，咸有學藝。任事十餘年，權勢之重，鄰於宰相。要官重職，頗出其門。既有材力，視事敏速，乘機無滯，然多任數，挾權貴固恩，有口者必利啗之。當大曆時，事貴因循，軍國之用，皆仰於晏。未嘗檢轄德宗嗣位，言事者稱轉運可罷多矣。初楊炎為吏部侍郎，晏為尚書，各恃權使氣，兩不相得。炎坐元載貶，晏快之。昌言於朝，及炎入相，追怒前事。且以晏與元載隙，憚時人言載之得罪，晏有力焉。炎將為載復讎，又時人風言代宗寵獨孤妃，而又愛其韓王迥，晏密啓請立獨孤為皇后。炎因對歎流涕，奏言：「賴祖宗福祐，先皇與陛下不為賊臣所間，不然劉晏黎幹之輩，搖動社稷，凶謀果矣。今幹以伏罪，晏猶領權，臣為宰相，不能正持此事，罪當萬死。」崔祐甫奏言：「此事曖昧，陛下以廓然大赦，不當究尋虛語。朱泚崔寧又從傍與祐甫救解之，寧言頗切，炎大怒，故斥寧令出鎮鄜坊，以權挫之。遂罷晏轉運等使，尋貶為忠州刺史。炎欲誣構其罪，知度準與晏素有隙，舉為荆南

節度，以伺晏動靜。準乃奏晏與朱泚書，祈救解，言多怨望。炎又證成其事，上以為然。是月庚午，晏已受誅，使迴奏報，誣晏以忠州謀叛，下詔暴言其罪。時年六十六。天下冤之。家屬徙嶺表，連累者數十人。貞元五年，上悟，方錄晏子執經授太常博士。少子宗經，秘書郎，執經上請削官贈父，特追贈鄭州刺史。

第五琦，京兆長安人，少孤，事兄華，敬順過人。及長，有吏才，以富國強兵之術自任。天寶初，事韋堅，堅貶官，累至須江丞。時太守賀蘭進明甚重之，會安祿山反，進明遷北海郡太守，奏琦為錄事參軍。祿山已陷河間信都等五郡，進明未有戰功，玄宗大怒，遣中使封刀促之，曰：「收地不得，即斬進明之首。」進明懼，莫知所出。琦乃勸令厚以財帛募勇敢軍士，出奇力戰，遂收所陷之郡。令琦奏事至蜀中，琦得謁見，奏言方今之急在兵，兵之強弱在賦，賦之所出，江淮居多。若假臣職任，使濟軍須，臣能使賞給之資，不勞聖慮。玄宗大喜，即日拜監察御史，勾當江淮租庸使，尋拜殿中侍御史，尋加山南等五道度支使，促辦應卒，事無遺闕。遷司金郎中，兼御史中丞，使如故。於是創立鹽法，就山海井竈收權，其鹽官置吏出糶，其舊業戶并浮入，願為業者，免其雜徭。隸鹽鐵使，盜煮私市罪有差，百姓除租庸外，無得橫賦，人不益稅而用上，以饒。遷戶部侍郎，兼御史中丞，專判度支，領河南等道支度，都勾當轉運租庸鹽鐵鑄錢司農太府出納山南東西江淮南館驛等使。乾元二年，以本官加同中書門下平章事。初琦以國用未足，幣重貨輕，乃請鑄乾元重寶錢，以一當十行用之。及作相，又請更鑄重輪乾元錢，一當五十，與乾元錢及開元通寶錢三品並行，既而穀價騰貴，餓殍死亡，枕藉道路。又盜鑄爭起，中外皆以琦變法之弊。封奏日聞。乾元二年十月，貶忠州長史。既在道，有告琦受人黃金二百兩者，遣御史劉期光追按之。琦對曰：「二百兩金，十三斤重，悉為宰相，不可自持。若其付受有憑，即請準法科罪。」期光以為此是琦伏罪也，遽奏之。請除名配流夷州，馳驛發遣，仍差綱領送至彼。寶應初，起為朗州刺史，甚有能政。入選太子賓客，屬吐蕃寇陷京師，代宗幸陝，關內副元帥郭子儀請琦為糧料使，兼御史大夫，充關內元帥副使。未幾，改京兆尹，車駕尅復，專判度支，兼諸道鑄錢鹽鐵轉運常平等使。累封扶風郡公。又加京

北尹改戶部侍郎判度支前後領財賦十餘年魚朝恩伏誅琦坐與數狎出爲處州刺史歷鱗湖二州入爲太子賓客東都留司上以其材將復任用召還京師信宿而卒年七十贈太子少保子峯峯婦鄭氏女皆以孝著旌表其門

班宏衛州汲人也祖思簡春官員外郎父景倩秘書監宏少舉進士授右司禦曹後爲薛景先鳳翔掌書記又爲高適劍南觀察判官累拜大理司直攝監察御史時青城山有妖賊張安居以左道惑衆事覺多誣引大將軍以緩死宏驗理而速殺之人心乃安既而郭英又代適以厭人望奏署秘書郎兼維令以疾免大曆三年遷起居舍人尋兼理區使四遷至給事中時李寶臣卒於其位

子惟岳匿喪求位上遣宏使成德問疾且喻之惟岳厚賂宏皆不受還報合旨遷刑部侍郎兼官考使時右僕射崔暉考兵部侍郎劉迺上下宏駭曰夷荒靖難專在節制尺籍伍符不校省司夫上行宣美之名則下開趨競之路上行阿容下必朋黨因削去之迺知而謝曰迺雖不敏敢掠一美以徼二罪乎尋除吏部侍郎爲吐蕃會盟使李揆之副貞元初仍歲旱蝗上以賦調爲急改戶部侍郎爲度支使韓滉之副遷尙書復副贛參初爲大理司直宏已爲刑部侍郎及參爲相領度支上以宏久司國計因令副之且曰朕藉參宰相以臨遠衆務

悉委於卿勿以辭也參以宏先貴常私解悅之曰參後來一朝居尙書之上甚不自安一年之後當歸此使宏心喜歲餘參絕不復言宏性剛愎爲人間之且怒食言公事多異揚子院監鐵轉運委藏也宏以御史中丞徐彛主之既不

且以賄聞參欲代之宏執不可參又撰諸院吏未嘗訪宏乃疏參所用者過惡以聞事輒留中無何參以使勞加吏部尙書而宏進封蕭國公怨參以虛號寵之聞惡愈甚每奉詔營建宏必極壯麗親程課役又厚結權倖以傾參張滂先

善於宏宏薦爲司農少卿及參欲以滂分掌江淮鹽鐵詢之於宏宏以滂嫉惡慮以法繩徐彛因曰滂強戾難制不可用滂知之八年三月參遂爲上所疎乃

讓度支使遂以宏專判而參不欲使務悉歸於宏問計京兆尹薛珏珏曰二子交惡而滂剛決若分鹽鐵轉運於滂必能制宏參乃薦滂爲戶部侍郎鹽鐵使

判轉運尙隸於宏以悅之江淮兩稅悉宏王之置巡院然令宏滂共擇其官滂

請鹽鐵舊簿書於宏宏不與之每署院官宏滂更相是非莫有用者滂乃奏曰班宏與臣相戾巡院多闕官臣掌財賦國家大計職不修無所逃罪今宏若此何以輯事遂令分掌之無幾宏言於宰相趙憬陸贄曰宏職轉運年運江淮米五十萬斛前年增七十萬斛以實太倉幸無過今職移於人不知何謂滂時在側忿然曰尙書失言甚矣若運務畢舉朝廷固不奪之蓋由喪公錢縱姦吏故也且凡爲度支胥吏不一歲資累鉅萬僮馬第宅僭於王公非盜官財何以致是道路喧喧無不知之聖上故令滂分掌公向所言無乃歸怨於上乎宏默然不對是日宏稱疾於第滂往問之宏不見懷贄乃以宏滂之言上聞由是遭大曆故事如劉晏韓滉所分滂至揚州按徐彛逮僕妾子姪得贓鉅萬乃徙嶺表故參得罪宏頗有力焉勤恪官署晨入夕歸下吏勞而未嘗厭苦清白勤幹稱之於時貞元八年七月卒年七十三廢朝加贈諡曰敬

王紹本家于太原今爲京兆萬年人舊名與憲宗同承貞年改焉少時頗真卿器重之因紹舊名字之曰德素奏授武康尉蕭復爲常州刺史辟爲從事包侍

領租庸鹽鐵亦以紹爲判官時李希烈阻兵江淮相輸所在艱阻特移運路自賴入汴紹奉信表詰闕屬德宗西幸紹乃督緣路輕貨趣金南路倍程出洋州

以赴行在德宗親勞之謂紹曰六軍未有春服我猶衣裘紹俯伏流涕奏曰包信令臣間道進奉數約五十萬上曰道路回遠經費懸急卿之所奏豈可望耶

後五日而所督繼至上深賴焉貞元中爲倉部員外郎時屬兵革旱蝗之後令戶部收關官俸兼稅茶及諸色無名之錢以爲水旱之備紹自拜倉部便準詔

主判及遷戶部兵部郎中皆獨司其務擢拜戶部侍郎尋判度支後二年遷戶部尙書德宗臨馭歲久機務不由台司自竇參陸贄已後宰臣備位而已德宗以紹謹密恩遇特異凡主重務八年政之大小多所訪決紹未嘗洩漏亦不矜街順宗卽位王叔文始奪其權拜兵部尙書尋除檢校吏部尙書東都留守元和初遷檢校尙書右僕射徐州刺史武寧軍節度復以濠泗二州隸焉時承張愔之後兵騎難治紹修輯軍政人甚安之六年徵拜兵部尙書兼判戶部事九年卒年七十二贈左僕射諡曰敬

李巽字令叔趙郡人少苦心為學以明經調補華州參軍拔萃登科授鄠縣尉周歷臺省由左司郎中出為常州刺史踰年召為給事中出為湖南觀察使銳於為理五年改江西觀察使加檢校散騎常侍兼御史大夫巽持下以法吏不敢欺而動必察之順宗即位入為兵部侍郎司徒杜佑判度支鹽鐵轉運使以巽幹治奏為副使佑辭重位巽遂專領度支鹽鐵使權筭之法號為難重唯大曆中僕射劉晏得術賦入豐羨巽掌使一年征課所入頗晏之多歲明年過之又一年加一百八十萬貫舊制每歲運江淮米五十萬斛抵河陰久不盈其數唯巽三年登焉遷兵部尚書明年改吏部尚書使任如故巽精於吏職蓋性使然也雖在私家亦置案牘簿書勾檢如公署焉人更有過絲毫無所貸雖在千里外其恐慄如在巽前初程异附王叔文貶竄巽知其吏才明辨奏而用之憲宗不違其請异勾檢簿籍又精於巽故課最加行亦异之助焉巽為吏部尚書臥疾郎官相率省問巽初不言其病與之考校程課商略功利至其夕而卒然性強很狡惡忌刻頗甚乘德宗之怒謀殺竇參物論冤之初參為宰相不悅於巽自左司郎中出為常州刺史仍促其行不數月參貶郴州司馬久之巽自給事中為湖南觀察使郴即屬郡也宣武軍節度使劉士寧以擅襲父任物議不可朝廷不得已而授之及參之貶士寧書以絹數千匹賂參巽在湖南具奏其事言參與藩鎮交通德宗怒遂賜參死議者冤之巽廉察江西徇喜怒之情而無罪被戮者多矣元和四年四月卒時年七十一贈尚書左僕射

史臣曰歷代操利柄為國計者莫不損下益上危人自安變法以弄權斂怨以構禍皆有之矣如劉晏通擁滯任才能富其國而不勞於民儉於家而利於眾或問曰鄭子產吏不能欺宓子賤吏不忍欺西門豹吏不敢欺三子者古之賢人也吏皆懷其欺而不能不忍不敢也晏之吏遠近自不欺者何也答曰蓋任其才而得其人也晏歿故吏二十餘年繼掌財賦不其是哉史記貨殖云平糶齊物關市不乏治國之道也晏治天下無甚貴甚賤之物泛言治國者其可及乎舉真卿才忠也滅王縉罪正也忠正之道復出於人嗚呼木秀於林風必摧之常哀見忌於前楊炎致冤於後可為長歎息矣時譏有口者以利啖之苟不

寒讒口何以持重權即無以展其才濟其國矣是其術也又何譏焉第五琦促辦應卒民不加賦而國豐饒亦庶幾矣然鑄錢變法物貴身危其何陋哉凡利國者農商之外不可為也宏滂爭權樹黨皆非令人紹之謹密幹事巽之皦察精辨亦足可稱

贊曰豐財忠良晏道為長琦宏滂巽咸以利彰

舊唐書卷一百二十三

舊唐書卷一百二十三考證

班宏傳勝至揚州按徐乘遠僕妾子侄得贓鉅萬乃從橫表故參得罪宏頗有
力焉○臣德潛按使橫表下明有關文上初未明賣參之得罪而以故字接

下殊不連屬

宏頗有力焉勸格官署晨入夕歸○臣德潛按宏頗有力焉下亦不應如此接
疑有關文

舊唐書卷一百二十三考證

後晉司空同中書門下平章事劉昫撰

列傳第七十四

薛嵩子平嵩第

令狐彰子建運通

田神功第神玉

侯希逸

李正己子納納子師古師道宗人消附

薛嵩絳州萬泉人。祖仁貴。高宗朝名將。封平陽郡公。父楚玉。為范陽平盧節度使。嵩少以門蔭。落拓不事家產。有膂力。善騎射。不知書。自天下兵起。束身戎伍。委質逆徒。廣德元年。東都平。時皇太子為天下兵馬元帥。遣僕固懷恩東收河朔。嵩為賊守相州。聞賊朝義兵潰。王師至。嵩惶惑。迎拜于懷恩馬前。懷恩釋之。令守舊職。時懷恩二心已萌。懷恩平河朔旋。乃奏嵩及田承嗣。張志忠。李懷仙。志忠。懷恆。州。懷仙。鎮幽州。各據數州之地。時多事之後。姑欲安人。遂以重寄委嵩。嵩感恩奉職。數年間。管內粗理。累遷檢校右僕射。大曆八年正月卒。詔遣第嵩知留後。累加專太子少師。大曆十年正月丁酉。昭義軍兵馬使裴志清盜所將兵逐尊。舉眾歸田承嗣。以叛。舉奔于洛州。上表乞入朝。許之。至京。素服於銀臺門待罪。詔釋之。嵩子平。年十二。為磁州刺史。嵩卒。軍吏欲用河北故事。脅平知留後務。平偽許之。讓於叔父尊。一夕以喪歸。及免喪。累授右衛將軍。在南衙。凡三十年。宰相杜黃裳深器之。薦為汝州刺史。兼御史中丞。理有能名。元和七年。淮西用兵。自左龍武大將軍授兼御史大夫。滑州刺史。鄭滑節度觀察等使。累有戰功。滑州城西距黃河二里。每歲常為水患。平詢訪得古河道。接衛州黎陽縣界。平率魏博節度使田弘正同上。開古河南北長十四里。決舊河以分水勢。滑人遂無水患。居鎮六年。人為左金吾大將軍。未幾復為鄭滑節度觀察使。及平李師道。朝廷以東平十二州析為三道。以淄青齊登萊五州為平盧軍。以平為節度觀察等使。仍押新羅渤海兩蕃使。長慶元年。曲鎮叛。叔叔夏統橫海全軍討伐不勝。王庭湊圍牛元翼於深州。棣州為賊所窘。朝廷乃委平以偏師援棣州。平即遣將李叔佐以兵五百救之。居數月。刺史王稷鏡給稍薄。兵士

怨怒。叔佐不能戢。宵潰而歸。仍推突將馬狼兒為帥。行及青城鎮。劫鎮將李自勳。并其眾。次至博昌鎮。復劫其鎮兵。共得七千餘人。徑逼青州。城中兵士不敵。平悉府庫并家財募二千精卒。逆擊之。仍先以騎兵掩其家屬。輜重。賊眾惶惑。反顧因大敗。狼兒與其同惡十數輩脫身竄匿。餘黨降。稍後者斬於鞠場。明日。狼兒亦就擒戮。脅從者放歸田里。詔加右僕射。進封魏國公。由是遠近畏伏。平之威略。在鎮六周歲。兵甲完利。井賦均一。至是入覲。百姓遮道乞留。數日乃得出。時人以為近日節制罕有其比。寶曆元年。歸朝。進加檢校左僕射。兼戶部尚書。踰月。復檢校司空。兼河中絳隰節度觀察等使。太和二年。復以晉州慈州隸河中。益兵三千人。加平檢校司徒。在河中凡六年。召拜太子太保。明年。上疏乞老。以司徒致仕。居一年卒。冊贈太傅。嵩族子雄。初為嵩屬吏。知衛州事。嵩歿。特詔授衛州刺史。魏博節度田承嗣誘為亂。雄不從。承嗣遣刺客殺之。

令狐彰。京兆富平人也。遠祖自燉煌徙家焉。代有冠冕。父驥。天寶中任鄧州錄事參軍。以清白聞。本道採訪使宋鼎引為判官。初任范陽縣尉。通幽州人女。生彰。及秩滿。留彰于母氏。彰遂少長范陽。個儻有膽氣。涉獵書傳。粗知文義。善弓矢。乃策名從軍。事安祿山。天寶中以軍功累遷至左衛員外郎將。安祿山叛。隨賊黨張通儒赴京師。通儒偽署為城內左街使。王師收復二京。隨通儒等遁走河朔。又陷逆賊史思明。偽署為博州刺史及滑州刺史。令統數千兵戍滑臺。彰感激忠義。思立名節。乃潛謀歸順。會中官楊萬定監滑州軍。彰遂募勇士善於水者。俛乘夜涉河。達表奏于萬定。請以所管賊一將兵馬及州縣歸順。萬定以聞。自祿山構逆。為賊守者。未有舉州向化。肅宗得彰表。大悅。賜書慰勞。時彰移鎮杏園渡。遂為思明所疑。思明乃遣所親薛毅統精卒圍杏園攻之。彰乃明示三軍。曉以逆順。眾心感服。悉力為用。與賊兵戰。大破之。潰圍而出。遂以麾下將士數百人隨萬定入朝。肅宗深獎之。禮甚優厚。賜甲第一區。名馬數匹。并帷帳什器。頗感拜御史中丞兼滑州刺史。滑毫魏博等六州節度。仍加銀青光祿大夫。鎮滑州。委平殘寇。及史朝義滅。遷御史大夫。封霍國公。尋加檢校工部尚書。未幾。檢校右僕射。餘並如故。彰在職。風化大行。滑州瘡痍未復。城邑為墟。彰

以身勵下。一志農戰。內檢軍戎。外牧黎庶。法令嚴酷。人不敢犯。數年間。田疇大闢。庫藏充積。歲奉王稅。及修貢獻。未嘗暫闕。時犬戎犯邊。徵兵防狄。彰遣屬吏部統營伍。自滑至京之西郊。向二千餘里。甲士三千人。率自膏糧。所過州縣。路次供擬。皆讓而不受。經閭里。不犯秋毫。識者稱之。然性識猜阻。人有忤意。不加省察。輒至擊踣。此其短也。臨終。手疏辭表。誠子以忠孝守節。又舉能自代。表曰。臣自事陛下。得備藩守。受恩則重。効節未終。長辭聖朝。痛入心骨。臣誠哀懇。頓首頓首。臣受性剛拙。亦能包含。頃因魚朝恩將掠亳州。遂與臣結怨。當其縱暴。臣不敢入朝。專聽天誅。即欲奔謁。及魚朝恩死。即臣屬疾苦。又遭家艱。力微眼暗。行動須人。拜舞不能。數月有闕。欲請替辭。即日望稍瘳。冀得康強。榮歸朝覲。自冬末舊疾益重。瘡腫又生。氣息奄奄。遂期殞歿。不遂一朝天闕。一拜龍顏。臣禮不終。忠誠莫展。臣之大罪。下慚先代。仰媿聖朝。臣竭誠事上。誓立大節。天地神明。實知臣心。心不遂行。言發自痛。當使倉糧錢絹。羊馬牛畜。一切已上。並先有部署。三軍兵士。州縣官吏等。各恭舊職。祇待聖恩。臣伏見吏部尚書劉晏。及工部尚書李勉。知識忠貞。堪委大事。伏願陛下。速令檢校。上副聖心。臣男建等。性不為非。行亦近道。今勒歸東都私第。使他年為臣報國。下慰幽魂。臨歿昏亂。伏表哀咽。上覽表。嗟悼久之。特下詔褒美曰。中衛社稷。外修疆事。合於一體。以靖庶邦。其在有終。謂之不朽。觀前代文武通賢。有匡時戡難。迫於大化。不忘時君。未嘗不嘉尚而流歎也。今有忠烈之臣。彰剛直形外。純和積中。本於孝敬。輔以才略。統制藩閩。服勞王家。往以母老。躬於就養。豈不繼闕。以茲曠年。及苴麻在艱。優論權奪。踴絕傷足。淚盡喪明。入覲之期。良願莫遂。想其風彩。久軫顧懷。遽見淪沒。用深追悼。嗟乎。方疾之時。以情自疏。無所有隱。見之於詞。復節守常。條上軍簿。請擇良帥。命于中朝。乃令遺胤。爰歸東洛。教忠以報國。約禮以居喪。古人所謂生不交利。死不屬其子。夫豈遠哉。節概誠亮。高絕無鄰。喟然感傷。鑿鑿增勳。有以見東州士大夫勤王尊主之志。用嘉其休。可以垂範。宣付史館。式昭名臣。子建。運。建大曆四年十二月。彰遣入朝。特加兼御史中丞。歸滑州。及彰卒。滑三軍。逼奪情禮。建守死不從。舉家歸京師。服闋。累轉至右龍虎軍使。

德宗以涇原兵亂。出幸奉天。建才教射於軍中。遂以四百人隨駕為後殿。至奉天。以建為行在中軍鼓角使。幸梁州。轉行在右廂兵馬使。右羽林大將軍兼御史大夫。與元元年六月。加檢校左散騎常侍。行在都知兵馬使。左神武大將軍。建妻李氏。恆帥寶臣女也。建惡。將棄之。乃誣與傭教生邢士倫姦通。建召士倫榜殺之。因逐其妻。士倫母聞。不勝其痛。卒。李氏奏請按劾。詔令三司詰之。李氏及奴婢款證被誣。頗明白。建方自首伏。建會赦。免坐。德宗詔曰。子育黎元。未能禁暴。在予之責。用軫于懷。宜較常膳五百千文。充葬士倫母子。其父既衰。至無所歸。良深矜念。委京兆尹厚加存恤。貞元四年七月以前。官為右領軍大將軍。五年三月。以專殺不辜。德宗念舊勳。特容貸之。復陳訴。詞甚虛罔。遂貶旄州別駕。同正。卒於貶所。貞元六年九月。贈右領軍大將軍。十年。贈揚州大都督。運為東都留守將。逐賊出郊。其日有劫轉運絹於道者。杜亞以運豪家子。意其為之。乃令判官穆員及從事張弘靖同鞠其事。員與弘靖皆以運職在牙門。必不為盜。抗請不按。亞不聽。而怒斥逐員等。令親事將武金鞠之。金答篋運從者十餘人。一人答死。九人不勝。考掠自誣。竟無贓狀。亞具以聞。請流運於嶺表。德宗令侍御史李元素。刑部員外崔從質。大理司直盧士瞻。三司覆按運獄。既克明。運迹非行盜。以曾捕掠人於家。配流歸州。武金肆虐作威。教人通款。配流建州。後歲餘。齊抗捕得劫轉運絹賊郭部朱瞿疊等七人。及贓絹。詔令杜亞與留臺同劾之。皆首伏。然終不原運。運死於歸州。眾冤之。通。元和。中。宰相李吉甫奏曰。臣伏見代宗朝。滑州節度使令狐彰。臨終上表。悉以土地兵甲。籍上朝廷。遺諸子。隨表歸闕。代宗以彰遺表。宣示百寮。當時在位者。聞之。無不感歎。今有次子通在。臣每感彰同時。河朔諸鎮。付子傳孫。無不燦灼。數代。唯彰忠義。感激。奉國忘家。遣子入朝。以土地歸於先帝。貞元。中。長子建。坐事死於旄州。幼子運。亦無罪。流於歸州。欲使忠義之人。何所激勸。今通幸存。得遇明聖。伏乞陛下。召之。與語。如堪用。望垂獎錄。憲宗念彰之忠。即授通贊善大夫。出為宿州刺史。時討淮蔡。用為泗州刺史。歲中。改壽州團練使。檢校御史中丞。每與賊戰。必虛張虜獲。得賊數人。即為露布。上之。宰相武元衡笑而不奏。如有敗劾。即不敢上聞。後為

賊所攻。境上城柵並陷。通走固州城。閉壁不出。憲宗遣李文通往宣慰。度其將至。遂令代通。貶爲昭州司戶。移撫州司馬。十四年。徵爲右衛將軍。制下。給事中崔植封還制書。言通前刺壽州失律。不宜遽加擢任。憲宗令宰相宣諭。門下言通父有功於國。不宜遂棄其子。制命方行。歲餘。出爲淄州刺史。長慶初。入爲左衛大將軍卒。

田神功。冀州人也。家本微賤。天寶末。爲縣里胥。會河朔兵興。從事幽薊。上元元年。爲平盧節度都知兵馬使。兼鴻臚卿。於鄭州破賊四千餘衆。生擒逆賊大將四人。牛馬器械不可勝數。尋爲鄧景山所引。至揚州。大掠百姓。商人資產。郡內比屋發掘。略僞商胡波斯被殺者數千人。二年二月。生擒逆賊劉展。送于闕下。以擒展功。累遷檢校工部尚書。兼御史大夫。汴宋等八州節度使。大曆三年三月。朝京師。獻馬十匹。金銀器五十件。繒綵一萬匹。時郭子儀入朝。請宴宰臣等。於私第。神功劾其請。亦以許之。尋加檢校右僕射。赴尚書省視事。特詔宰臣已下百官送。上仍加知省事。以寵之。神功忠朴幹勇。當時所稱。八年冬。復覲闕廷。遵疾信宿而終。上悼惜爲之徹樂。廢朝三日。贈司徒。贈絹一千匹。布五百端。特許百官弔喪。賜屏風茵褥於靈座。并賜千僧齋以追福。至德已來。將帥不兼三事者。哀榮無比。弟神玉。自曹州刺史權汴州留後。大曆十年正月。加檢校兵部郎中。兼御史中丞。爲汴州刺史。知汴州節度觀察留後事。并河陽澤潞等兵馬。直據淇門。會李承昭討魏博。田承嗣卒。詔滑州李勉代之。

侯希逸。平盧人也。少習武藝。天寶末。安祿山反。署其腹心。徐歸道爲平盧節度。希逸爲平盧裨將。率兵與安東都護王玄志襲殺歸道。使以聞。詔以玄志爲平盧節度使。乾元元年冬。玄志病卒。軍人共推立希逸爲平盧軍使。朝廷因授節度使。既數爲賊所迫。希逸率勵將士。累破賊徒。向潤客李懷仙等。既淹歲月。且無救援。又爲奚虜所侵。希逸拔其軍二萬餘人。且戰。遂達于青州。會田神功能元皓於兗州。青州遂陷於希逸。詔就加希逸爲平盧淄青節度使。自是迄今。淄青節度皆帶平盧之名也。希逸初領淄青。甚著聲稱。理兵務。農遠近美之。寶應元年。與諸節度同討亂。史朝義平之。加檢校工部尚書。賜實封。圖形凌煙閣。以

私艱去職。大曆十一年九月。起復檢校尚書右僕射。上柱國。封淮陽郡王。後漸縱恣。政事怠惰。尤崇奉釋教。且好畋遊。與功創寺宇。軍州苦之。永泰元年。因與巫者夜宿於城外。軍士乃閉之不納。希逸奔歸朝廷。拜檢校右僕射。久之。加知省事。遷司空。詔出而卒。廢朝三日。贈太保。

李正己。高麗人也。本名懷玉。生於平盧。乾元元年。平盧節度使王玄志卒。會有敕遣使來存問。懷玉恐玄志子爲節度。遂殺之。與軍人共推立侯希逸爲軍帥。希逸母。卽懷玉姑也。後與希逸同至青州。累至折衝將軍。驍健有勇力。寶應中。衆軍討史朝義。至鄭州。迴紇方強。暴恣橫。諸節度皆下之。正己時爲軍候。獨欲以氣吞之。因與其角逐。衆軍聚觀。約曰。後者批之。既逐而先。正己擒其領。而批其背。迴紇尿液俱下。衆軍呼笑。厲聲。絲是不敢爲暴。節度使侯希逸。卽其外兄也。用爲兵馬使。正己沉毅得衆心。希逸因事解其職。軍中皆言其非罪。不當廢會軍人逐希逸。希逸奔走。遂立正己爲帥。朝廷因授平盧淄青節度觀察使。海運押新羅渤海兩蕃使。檢校工部尚書。兼御史大夫。青州刺史。賜名。尋加檢校尚書右僕射。封饒陽郡王。大曆十一年十月。檢校司空。同中書門下平章事。十三年。請入屬籍。從之。爲政嚴酷。所在不敢偶語。初有淄青齊海登萊沂密德棣等州之地。與田承嗣令狐彰薛嵩李寶臣梁崇義更相影響。大曆中。薛嵩死。及李靈曜之亂。諸道共攻其地。得者爲己邑。正己復得曹濮徐兗鄆十有五州。內視同列。貨市渤海名馬。歲歲不絕。法令齊一。賦稅均輕。最稱強。大嘗攻田承嗣威震鄰敵。歷檢校司空左僕射。兼御史大夫。加平章事。太子太保。司徒。後自青州徙居鄆州。使子納及腹心之將分理其地。建中後。畏懼朝廷。多不自安。聞將築汴州。乃移兵屯濟陰。晝夜教習爲備。河南騷然。天下爲憂。羽檄馳走。徵兵以益備。又於徐州增兵以扼江淮。於是運輸爲之改道。未幾。發疽卒。時年四十九。子納。總攬兵政。祕之數月。乃發喪。納阻兵。與元元年四月。歸順。方贈正己太尉。納少時。正己遣將兵備秋代宗召見嘉之。自奉禮郎起拜殿中丞。兼侍御史。賜紫金魚袋。歷檢校倉部郎中。兼總父兵。奏署淄州刺史。正己將兵擊田承嗣。奏署節度觀察留後。尋遷青州刺史。又奏署行軍司馬。兼曹州刺史。曹濮徐

充沂海留後。又加御史大夫。建中初。正己田悅。梁崇義。張惟岳皆反。二年。正己卒。納秘喪。統父衆。仍復爲亂。比會悅於濮陽。遣大將衛俊將兵一千救悅。爲河東節度使。馬燧敗於洹水。殺傷殆盡。詔諸軍誅之。納從叔父洸以徐州。李士真以德州。及棣州。李長卿皆以州歸順。納以彭城險阨。又怒洸背宗。乃悉兵圍之。詔宣武軍節度劉洽與諸軍救之。大敗納兵於城下。後將兵於濮陽。洽攻破其城外。納自城上見洽。涕泣悔罪。遣判官房說以其弟經。男成務。朝京師。請因洽從順。會中使宋鳳朝見之。謂納計蹙。欲誅破之。以爲己功。奏請無捨。上乃械說等繫禁中。納遂歸鄆州。復與李希烈。朱滔。王武俊。田悅。合兵謀皆反。僞稱齊王。建置百官。及與元之降罪。已詔納乃効順。詔加檢校工部尚書。平盧軍節度。淄青等州觀察使。無幾。檢校右僕射。同中書門下平章事。時希烈圍陳州。納遣兵與諸軍奮擊。大破之。因解圍。加檢校司空。封五百戶。貞元初。升鄆州爲大都督府。改授長史。年三十四。薨於位。廢朝三日。贈賻有差。子師古。累奏至青州刺史。貞元八年。納死。軍中以師古代其位。而上請朝廷。因而授之。起復右金吾大將軍。同正。平盧及青淄齊節度。管田觀察。海運陸運。押新羅渤海兩蕃使。成德軍節度王武俊。率師次于德棣二州。將取蛤蜊及三汊城。棣州之鹽池與蛤蜊歲出鹽數十萬斛。棣州之隸淄青也。其刺史李長卿以城入朱滔。而蛤蜊猶爲納據。因城而戍之。以專鹽利。其後武俊以敗朱滔功。以德棣二州隸之。蛤蜊猶爲納。成。納初於德州南跨河而城以守之。謂之三汊。交田緒以通魏博路。而侵掠德州。爲武俊患。及納卒。師古繼之。武俊以其年弱。初立舊將多死。心頗易之。乃率衆兵以取蛤蜊三汊爲名。其實欲窺納之境。師古令棣州降將趙錡拒之。武俊令其子士清將兵先濟於滴河。會士清管中火起。軍驚。惡之。未進。德宗遣使諭旨。武俊即罷還。師古毀三汊口。城從詔旨。師古雖外奉朝命。而嘗畜侵軼之謀。招集亡命。必厚養之。其得罪於朝。而逃詣師古者。因即用之。其有任使于外者。皆留其妻子。或謀歸款於朝。事洩。族其家。衆畏死。而不敢異圖。貞元十年五月。師古服闋。加檢校禮部尚書。十二年正月。檢校尚書右僕射。十一月。師古丁母憂。起復左金吾上將軍。同正。十五年正月。師古杜佑李樂妻。屢並爲國夫人。

十六年六月。與淮南節度使杜佑同制。加中書門下平章事。及德宗遺詔下。告哀使未至。義成軍節度使李元素以與師古鄰道。錄遺詔報師古。以示無外。師古遂集將士。引元素使者謂曰。師古近得邸吏狀。具承聖躬萬福。李元素豈欲反。乃勿僞錄遺詔以寄師古。三代受國恩。位兼將相。見賊不可以不討。遂杖元素使者。遽出兵以討元素爲名。冀因國喪以侵州縣。俄聞順宗即位。師古乃罷兵。後累官至檢校司徒。兼侍中。卒。贈太傅。師古異母弟。其母張忠志。女師道。時知密州事。師古死。其奴不發喪。潛使迎師道於密。而奉之。朝命久未至。師道謀於將吏。或欲加兵於四境。其判官高沐固止之。乃請進兩稅。守鹽法。申官員。遣判官崔承龍。孔目官林英相繼奏事。時杜黃裳作相。欲乘其未定也。以計分削之。憲宗以蜀川方擾。不能加兵於師道。元和元年七月。遂命建王審誦領節度。授師道檢校左散騎常侍。兼御史大夫。權知鄆州事。充淄青節度留後。十月。加檢校工部尚書。兼鄆州大都督府長史。充平盧軍及淄青節度副大使。知節度事。管內支度。營田。觀察。處置。陸運。海運。押新羅渤海兩蕃等使。自正己至師道。竊有鄆曹等十二州。六十年矣。懼衆不附。已皆用嚴法制之。大將持兵鎮于外者。皆質其妻子。或謀歸款於朝。事洩。其家無少長皆殺之。以故能劫其衆。河陰倉。斷建陵橋。初師道置留邸於河南府。兵謀雜以往來。吏不敢辦。因吳元濟北犯。汝鄭郊畿多警。防禦兵盡戍伊闕。師道潛以兵數百人內其邸。謀焚宮闕。而肆殺掠。既烹牛饗衆矣。明日將出。會有小將楊進李再興者。詣留守呂元膺告變。元膺追伊闕兵圍之。半日不敢進攻。防禦判官王茂元殺一人而後進。或有毀其墻而入者。賊衆突出殺人。圍兵奔駭。賊得結伍中衝。內其妻子於囊囊中。以甲冑殿而行。防禦兵不敢追。賊出長夏門。轉掠郊野。東濟伊水。入嵩山。元膺誠境上兵重。購以捕之。數月。有山棚鹿於市。賊遇而奪之。山棚走而徵其黨。或引官軍共圍之谷中。盡獲之。窮理得其魁首。乃中岳寺僧圓靜。年八十餘。嘗爲史思明將。偉悍過人。初執之。使巨力者奮鎚。不能折頸。圓靜罵曰。鼠子。折人脚猶不能。敢稱健兒乎。乃自置其足。教折之。臨刑乃曰。誤我事。不得使

洛城流血死者凡數十人留守禦將二人都亭驛卒五人甘水驛卒三人皆潛受其職署而爲之耳目自始謀及將敗無知者初師道多買田於伊闕陸渾之間凡十所處欲以舍山棚而衣食之有嘗嘉珍門察者潛部分之以屬圓靜以師道錢千萬僞理嵩山之佛光寺期以嘉珍竊發時舉火於山中集二縣山棚人作亂及窮按之嘉珍門察乃賊武元衡者元膺具狀以聞及誅吳元濟師道恐懼上表乞聽朝旨請劉三州并遣長子入侍宿衛詔許之師道識暗政事皆決於羣婢婢有號蒲大姊袁七娘者爲謀主乃言曰自先司徒以來有此十二州奈何一日無苦而割之耶今境內兵士數十萬人不可不獻三州不過發兵相加可以力戰戰不勝乃讓割地未晚也師道從之而止表言軍情不叶乃詔諸軍討伐十年十二月武寧軍節度使李愿遣將王智與擊破師道之衆九千斬首二千餘級獲牛馬四千遂至平陰十一年十一月加師道司空仍遣給事中柳公綽往宣慰且觀所爲欲寬容之師道苟以遜順爲辭長惡不悛十三年七月滄州節度使鄭權破淄青賊於齊州福城縣斬首五百餘級十月徐州節度使李勣兵馬使李祐於兗州魚臺縣破賊三千餘人魏博節度使田弘正率本軍自陽劉渡河距鄆州九十里下營再接再戰破賊三萬餘衆生擒三千人收器械不可勝紀陳許節度使李光顏於濮陽縣界破賊收斗門城杜莊柵田弘正復於故東阿縣界破賊五萬諸軍四合累下城柵師道使劉悟將兵當魏博軍既敗數令促戰師未進乃使奴召悟計事悟知其來殺己乃稱病不出召將吏謀曰魏博兵強乘勝出戰必敗吾師不出則死今天子所誅司空一人而已悟與公等皆初驅逐就死地何如轉禍爲福殺其來使以兵趣鄆州立大功以求富貴衆皆曰善乃迎其使而斬之遂資師道追牒以兵趣鄆州及夜至門示以師道追牒乃得入兵士繼進至毬場因圍其內城以火攻之擒師道而斬其首送于魏博軍元和十四年二月也是月弘正獻於京師天子命左右軍如受餞儀先獻于太廟郊社憲宗御興安門受之百家稱賀初東軍諸道行營節度擒逆賊將夏侯澄等共四十七人詔曰附麗兇黨抗拒王師國有常刑悉合誅戮朕以久居汚俗皆被脅從況討伐已來時日未幾縱懷轉禍之計未有効款之由

情似可矜朕不忍殺況三軍百姓孰非吾人詔令頒行罪止師道方欲拯於塗炭是用活其性命誠爲屈法庶使知恩並宜特從釋放仍令却遞送至魏博及義成行營各委節度收管驅使如父母血屬猶在賊中或羸老疾病情切歸還者仍量事優當放去務相全貸何所疑留及澄等至行營賊規知傳告叛徒皆感朝恩由是劉惲得行其謀焉師道妻魏氏及小男並配掖庭堂第師賢師智配流春州姪弘義配流雷州詔分其十二州爲三節度俾馬總薛平王遂分鎮焉仍命宰臣崔羣撰碑以紀其績國家自天寶末安祿山首亂兩河至寶應元年王師平史朝義其將薛嵩李懷仙田承嗣李寶臣等受僞命分領州郡朝廷厭兵因僕固懷恩請就如官爵及侯希逸爲軍人逐出正己又據齊魯之地既而遞相膠固聯結姻好職貢不入法令不加率以爲常仍皆署其子爲副大使父死子立則以三軍之請聞亦有爲大將所殺而自立者自安史以後迄至于貞元朝廷多務優容每聞擅襲因而授之以故六十餘年兩河號爲反側之俗憲宗知人善任削平亂迹兩河復爲王土焉師道妻魏氏元和十五年出家爲尼消正己從父兄也正己用爲徐州刺史正己死子納犯宋州消以其州歸順加御史大夫封潮陽郡王食實封二百戶充詔諭使初消遣攝巡官崔程奉表至京師令口奏拜白宰相徐州恐不能獨當賊若得徐海沂三州節度都團練使即必立功況海沂兩州亦並爲賊納所據非國家州縣其刺史王涉馬萬通等消並素與之約若有詔命冀必成功程乍自外到關以爲宰相一也乃先以其言白張鎰鎰言於盧杞杞怒程不先白己故消所請不行杞妨公事私皆此類也及李納遣兵攻徐州劉洽與諸將擊退之賊勢未衰始加消徐海沂都團練觀察使尋加密州時海密州皆爲賊所據不受消命旋加消檢校戶部尚書未幾疽發背稍平乃大具糜餅飯僧於市消乘平肩輿自臨其場市人歡呼消驚疽潰於背而卒贈左僕射

史臣曰自安史亂離河朔割據雖外尊朝旨而內蓄姦謀薛嵩祖父國之名將及身濡足賊廷既沐國恩尚存家法守土奉職終身一心果有令人克全餘慶彰居喪循禮有士子之風馭衆權謀著將軍之業中外善政終始名成成功不

居告老致仕。方之者鮮矣。背逆歸國。治兵牧民。上表推誠。舉賢代己。時稱能善。始善終者也。建志稟遺訓。克全令名。不能終保功業。惜哉。神功忠勇。竟著勳名。希逸荒狂。自失茅土。師道祖父。弟兄盜據青鄆。得計則潛圖兇逆。失勢則僞奉朝旨。向背任情。數十年矣。或問曰。師古之前。三帥而不滅。師道繼立。數年而亡者。何哉。答曰。納與師古。自運姦謀。躬臨戎事。朝廷任盧杞。以私妨公。致懷光變。忠爲逆。李納父子。宜其苟延。洎憲宗當朝。裴度爲相。君臣道合。中外情通。師道外任諸奴。內聽羣婢。軍民攜貳。家族滅亡。不亦宜乎。假息數年。猶爲多矣。何所疑焉。

贊曰。田神功勇能立勳。令狐彰死不失節。薛平振家世以顯揚。師道任滅獲而亡滅。

舊唐書卷一百二十四

後晉司空同中書門下平章事劉昫撰

列傳第七十五

張鑑馮河清附

劉從一

蕭復

柳潭

張鑑蘇州人朔方節度使齊丘之子也以門蔭授左衛兵曹參軍郭子儀為關內副元帥以嘗伏事齊丘辟鑑為判官授大理評事遷殿中侍御史乾元初華原令盧縱以公事呵責邑人內侍齊令詭令誅銜之構誣外發鑑按驗縱當降官及下有司縱當杖死鑑具公服白其母曰上疏理縱縱必免死鑑必坐貶若以私則鑑實於當官貶則以太夫人為憂敢問所安母曰爾無累於道吾所安也遂執奏正罪縱獲配流鑑貶撫州司戶量移晉陵令未之官洪吉觀察張鎰辟為判官奏授殿中侍御史遷屯田員外郎轉祠部右司二員外母憂居喪有聞免喪除司勳員外交遊不雜與楊綰崔祐甫相善大曆五年除濠州刺史為政清淨州事大理乃招經術之士講訓生徒比去郡升明經者四十餘人撰三禮圖九卷五經微旨十四卷孟子音義三卷李靈曜反于汴州鎰訓練鄉兵嚴守禦之備詔書褒異加侍御史沿淮鎮守使尋遷壽州刺史使如故德宗即位除江南西道都團練觀察使洪州刺史兼御史中丞徵拜吏部侍郎尋除河中晉絳都防禦觀察使到官數日改汴滑節度觀察使汴州刺史兼御史大夫以疾辭逗留於中路徵入養疾私第未幾洋中書侍郎平章事集賢殿學士修國史建中三年正月太僕卿趙縱為奴當千發其陰事縱下御史臺貶循州司馬留當千於內侍省鎰上疏論之曰伏見趙縱為奴所告下獄人皆震懼未測聖情貞觀二年太宗謂侍臣曰比有奴告其主謀逆此極弊法特須禁斷假令有謀反者必不獨成自有他人論之豈藉其奴告也自今已後奴告主者皆不受盡令斬決由是賤不得干貴下不得陵上教化之本既正悖亂之漸不生為國之經百代難改欲全其事體實在防微頃者長安令李濟得罪因奴萬年令霍晏得罪因婢愚賤之輩悖慢成風主反畏之動遭誣告充溢府縣莫能斷決建中元年五月二十八日詔曰準關競律諸奴婢告主非謀叛已上者同自首法

並準律處分自此奴婢復順獄訴稍息今趙縱非叛逆奴實姦兒奴在禁中縱揚下獄考之於法或恐未正將帥之功莫大於子儀人臣之位莫大於尚父歿身未幾墳土僅乾兩壻先已當辜趙縱今又下獄設令縱實抵法所告非奴縱經數月連罪三壻錄勳念舊猶或可容况在章程本宜看免陛下方誅羣賊大用武臣雖見寵於當時恐息望於他日太宗之令典尚在陛下之明詔始行一朝備違不與眾守於教化恐失於刑法恐煩所益悉無所傷至廣臣非私趙縱非惡此奴叨居股肱職在匡弼斯是大體敢不極言伏乞聖慈納臣愚懇上深納之縱於是左貶而已當千杖殺之鎰乃令召子儀家僮數百人以死奴示之盧杞忌鎰名重道直無以陷之以方用兵西邊杞乃偽請行上固以不可因薦鎰以中書侍郎為鳳翔龍右節度使代朱泚與吐番相向結贊等盟於清水將盟鎰與結贊約各以二千人赴壇所執兵者半之列於壇外二百步散從者半之分立壇下鎰與賓佐齊映齊抗及盟官崔漢衡樊澤常魯于頔等七人皆朝服結贊與其本國將相論悉類藏論熱論利陀斯官者論力徐等亦七人俱昇壇為盟初約漢以牛蕃以馬為牲鎰恥與之盟將殺其禮乃請結贊曰漢非牛不田蕃非馬不行今請以羊豕犬三物代之結贊許諾時塞外無豕結贊請以羝羊鎰出犬白羊乃坎於壇北刑之雜血一器而飲盟文曰唐有天下恢奄馮跡舟車所至莫不率俾以累聖重光十年惟永恢王者之丕業被四海以聲教與吐蕃贊普代為婚姻因結鄰好安危同體甥舅之國將二百年其間或因小忿弄惠為讎封疆駭然靡有寧歲皇帝踐阼愍茲黎元乃釋俘囚悉歸蕃落二國展禮同茲協和行人往復累布成命是必詐謀不起兵革不用矣彼猶以兩國之要求之永久古有結盟今請用之國家務息邊人外其故地棄利蹈義堅盟從約今國家所守界涇州西至彈箏峽西口隴州西至清水縣鳳州西至同父縣暨劍南西山大渡河東為漢界蕃國守鎮在蘭渭原會西使臨洮又東至成州抵劍南西界磨在些諸蠻大渡水西南為蕃界其兵馬鎮守之處州縣見有居人彼此兩邊見屬漢諸蠻以今所分見住處依前為定其黃河以北從故新泉軍直北至大磧南至賀蘭山駱駝嶺為界中間悉為閑田盟文所有不載

者蕃有兵馬處蕃守漢有兵馬處漢守不得侵越其先未有兵馬處不得雜置并築城堡耕種今二國將相受辭而會齋戒將事告天地山川之神照臨無得愆墜其盟文藏於郊廟副在有司二國之誠其永保之結贊亦出盟文不加於坎但埋牲而已盟畢結贊請鎡就疆之西南隅佛帳中焚香為誓誓畢復昇壇飲酒獻酬之禮各用其物以將厚意而歸德宗將幸奉天鎡竊知之將迎鑾駕具財貨服用獻行在李楚琳者嘗事朱泚得其心軍司馬齊映等密謀曰楚琳不去必為亂乃遣楚琳屯於隴州楚琳知其謀乃託故不時發鎡始以迎駕心憂感以楚琳承命去矣殊不促其行鎡修飾邊幅不為軍士所悅是夜楚琳遂與其黨王汾李卓牛僧伽等作亂鎡夜縋而走判官齊映自水竄出齊抗為傭保負荷而逃皆獲免鎡出鳳翔三十里及二子皆為候騎所得楚琳俱殺之判官王沼張元度柳遇李淑被殺尋贈太子太傅葬事官給

馮河清者京兆人也初以武藝從軍隸朔方節度郭子儀以戰功授左衛大將軍同正隸涇原節度馬璘頗以偏師禦吐蕃甚有殺獲之功歷試太子詹事兼御史中丞充兵馬使建中四年節度使姚令言奉詔率兵赴關東以河清知兵馬留後判官殿中侍御史姚況知州事及令言至京師所統兵叛上幸奉天河清與況聞之乃集三軍大哭因共激勵將吏誓敦誠節衆頗義之即時發甲仗器械車百餘兩連夜送行在所時駕初還幸六軍雖集黃黃之際都無戎器及涇州甲仗至軍士大振特詔褒其誠効拜四鎮北庭行軍涇原節度使兼御史大夫姚況兼御史中丞行軍司馬俄加河清檢校工部尚書賊泚及姚令言累遣間諜招誘河清輒拘而戮焉及駕幸梁州其將田希鑿潛通泚使結兇黨害河清尋贈尚書左僕射葬事官給與元元年贈太子少傅

劉從一中書侍郎林甫之玄孫也祖令植禮部侍郎父孺之京兆府少尹從一少舉進士大曆中宏詞授秘書省校書郎以調中第補渭南尉雅為常哀所推重及哀為相遷監察御史居無何丁母憂服除宰相盧杞薦之超遷侍御史居數月以親避除刑部員外郎建中末普王之為元帥也遷吏部郎中兼御史中丞為元帥判官德宗居奉天拜刑部侍郎平章事從幸梁州明年六月改中書

侍郎平章事歲中加集賢殿大學士修史上遇之甚厚以容身遠罪而已不能有所匡輔無幾以疾請告至是病甚辭位章疏六上乃許除戶部尚書尋卒年四十四較朝三日贈太子太傅初林甫生祥道麟德初為右相祥道即從一曾伯祖也令植從父兄齊賢弘道初為侍中自祥道至從一劉氏凡三相

蕭復字履初太子太師嵩之孫新昌公主之子父衡太僕卿駙馬都尉少秉清操其羣從兄弟競飾輿馬以侈靡相尚復衣澣濯之衣獨居一室習學不倦非詞人儒士不與之遊伯華每歎異之以主蔭初為宮門郎累至太子僕廣德中連歲不稔穀價翔貴家貧將鬻昭應別業時宰相王縉聞其林泉之美心欲之乃使弟紘誘焉曰足下之才固宜居右職如以別業奉家兄當以要地處矣復對曰僕以家貧而鬻舊業將以拯濟孀幼耳僕以易美職於身令門內凍餒非鄙夫之心也縉憾之乃罷復官沉廢數年復處之自若後累至尚書郎大曆十四年自常州刺史為潭州刺史湖南觀察使及為同州刺史州人阻饑有京畿

觀察使儲廉在境內復輒以賑貸為有司所劾削階朋友唁之復怡然曰苟利於人敢憚薄罰尋為兵部侍郎建中末普王為襄漢元帥以復為戶部尚書統軍長史以復父名衡特詔避之未行扈駕奉天拜吏部尚書平章事復嘗奏曰宦者自艱難已來初為監軍自爾恩倖過重此輩只合委官掖之寄不可參兵機政事之權上不悅又請別對奏云陛下臨御之初聖德光被自用楊炎盧杞乘政悞瀆皇猷以致今日今雖危急伏願陛下深革睿思微臣敢當此任若令臣依阿偷免臣不敢曠職盧杞奏對於上前阿諛順旨復正色曰盧杞之詞不正德宗愕然退謂左右曰蕭復頗輕朕遂令往江南宣撫先時淮南節度陳少遊首稱臣於李希烈鳳翔將李楚琳殺節度使張鎰以應朱泚鎰判官章皋先

知隴西留後首殺僞叛卒數百人不應楚琳復江南使迴與宰相同對訖復獨留奏曰陛下自返宮闕勳臣已蒙官爵唯旌善懲惡未有區分陳少遊將相之寄最崇首敗臣節章皋名宦最卑特建忠義請令章皋代少遊則天下明然知逆順之理上許之復出宰相李勉盧翰劉從一方同歸中書中使馬欽緒至揖從一附耳語而退諸相各歸閣從一詰復曰適欽緒宣旨令與公商量朝來所

奏便進。勿令李勉。盧翰。知復曰。適來奏對。亦聞斯旨。然未諭聖心。已面陳述。上意尚爾。復未敢言其事。復又曰。唐虞有兪曰之論。朝廷有事。向合與公卿同議。今勉翰不可在相位。即去之。既在相位。合同商量。何故獨避此之一節。且與公行之無爽。但恐寢以成俗。此政之大弊也。竟不言於從一。從一奏之。上漫不悅。復累表辭疾。請罷知政事。從之。守太子左庶子。三年。坐部國公主親累。檢校左庶子。於饒州安置。四年。終於饒州。時年五十七。復門望高華。志厲名節。與流俗不甚通狎。及登台輔。臨事不苟。頗爲同列所嫉。以故居位不久。性孝友。居家甚睦。爲族子所累。晏然屏退。口未嘗言部國公主者。肅宗之女也。出降。駙馬蕭升。升於復爲從兄弟。升早卒。貞元中。蜀州別駕蕭鼎。商州豐陽令章格。前彭州司馬李萬。太子詹事李昇等。出入主第。穢擊流聞。德宗怒。幽主於別第。李萬決殺昇。貶嶺南蕭鼎。章格決四十。長流嶺表。又言公主行獸禱。其子位爲禱文。位第佩儒。偃及異父兄駙馬都尉裴液。並長流端州。公主女爲皇太子妃。卽順宗也。太子懼。亦請與妃離婚。六年。部國壽。位兄弟及液。詔還京師。液父徽。初尙部國徽卒。尙肅升。

柳渾。字夷曠。襄州人。其先自河東徙焉。六代祖恢。梁僕射。渾少孤。父慶休。官至渤海丞。而志學棲貧。天寶初。舉進士。補單父尉。至德中。爲江西採訪使。皇甫悅判官。累除衢州司馬。未至。召拜監察御史。臺中執法之地。動限儀矩。渾性放曠。不甚檢束。寮長拘局。忿其疎縱。渾不樂。乞外任。執政惜其才。奏爲左補闕。明年。除殿中侍御史。知江西租庸院事。大曆初。魏少遊鎮江西。奏署判官。累授檢校司封郎中。州理有開元寺僧與徒夜飲。醉而延火。歸罪於守門僧奴。軍候亦受財。同上其狀。少遊信焉。人知奴冤。莫肯言。渾與崔祐甫遠入白。少遊驚問。醉僧首伏。既而謝曰。微二君子。幾成老夫暗劣矣。自此以公正聞。及路嗣恭領鎮復。以爲都團練副使。十二年。拜袁州刺史。居二年。崔祐甫入相。薦爲諫議大夫。浙江東西黜陟使。累遷尙書左丞。及駕在奉天。微服徒行。道終南山谷。踰旬方達。行在扈從至梁州。改左散騎常侍。初渾之歸行在。賊泚籍其名。甚願以致之。猶疑匿在閭里。乃加宰相。及克復。渾尙名載。乃上言。頃爲狂賊點穢。臣實恥稱舊

名。矧字或帶戈。時當僣武。請改名渾。貞元二年。拜兵部侍郎。封宜城縣伯。二年正月。加同平章事。仍判門下省。時上命玉工爲帶。墜壞一鎊。乃私市以補。及獻上指曰。此何不相類。工人伏罪。上命決死。詔至中書。渾執曰。陛下若便殺則已。若下有司。卽須議職。且方春行刑。容臣條奏定罪。以誤傷乘輿。器械六十餘工。釋放。詔從之。復奏。故尙書左丞田季羔。公忠正直。先朝名臣。其祖父皆以孝行旌表。門閭京城。隋朝舊第。季羔一家而已。今被堂姪伯強。進狀請貸宅。召市人馬。以討吐蕃。一開此門。恐滋不逞。討賊自有國計。豈資僥倖之徒。且毀棄義門。虧損風教。望少寬罰。亦可懲勸。上可其奏。先時韓滉自浙西入覲。朝廷委政待之。至於調兵食。籠鹽鐵。勾官吏。賊罰。鋤豪強。兼并。上悉仗焉。每奏事。或日。軒他相充位而已。公卿救過不能暇。無敢枝梧者。渾雖滉所引。心惡其專政。正色讓之曰。先相公以狷察爲相。不滿歲而罷。今相公撻吏於省中。至死。且非刑人之地。奈何蹈前非而又甚焉。專立威福。豈尊主卑臣之禮。滉感愧悔。爲霽威焉。及白志貞除浙西觀察使。渾奏曰。志貞一末吏。儉人。縱稱廉謹。不當頓居重職。適遇渾以疾稱告。卽日詔下。疾聞。因乞骸骨。優詔不許。其判門下。主吏白當過官。渾愀然曰。列官分職。復更撓之。非禮法也。千里辭家。以干微祿。邑主辭辦。豈慮無能。矧旌善進賢。事不在此。故其年注擬。無退量者。及渾城與吐蕃會盟之日。上御便殿。謂宰相曰。和戎息師。國之大計。今日將士與卿同歡。馬燧前賀曰。今之一盟。百年內更無蕃寇。渾曰。五帝無誥。善之盟。皆在季末。今威明之代。豈又行於夷狄。人面獸心。難以信結。今日盟約。臣竊憂之。李晟繼言曰。臣生長邊城。知蕃戎心。今日之事。誠如渾言。上變色曰。柳渾書生。未達邊事。大臣智略。果亦有斯言乎。皆頓首俯伏。遂令歸中書。其夜三更。郾寧節度韓遊瓌飛驛叩苑門。奏盟會不成。將校覆沒。兵臨近鎮。上驚歎。卽遞其表以示渾。詰曰。臨軒慰勉。渾曰。卿文儒之士。而萬里知軍戎之情。自此驟加禮異。時張延賞與渾同列。延賞怙權。矜已。而嫉渾守正。俾其所厚。謂渾曰。相公舊德。但節言於廟堂。則重位可久。渾曰。爲吾謝張相公。柳渾頭可斷。而舌不可禁也。自是爲其所擠。尋除常侍。罷知政事。貞元五年二月。以疾終。年七十五。有文集十卷。渾母兄識。督意

文章有重名於開元天寶間。與蕭穎士元德秀劉迅相亞。其練理淑端。往往詰極。當時作者。咸伏其簡拔。而趣尚辨博。渾亦善爲文。然趨時向功。非沉思之所及。渾警辯。好諧諱。放達。與人交。豁然無隱。性節儉。不治產業。官至丞相。假宅而居。罷相數日。則命親族尋勝。醺醉方歸。陶陶然忘其黜免。時李勉盧翰皆退罷居第。相謂曰。吾輩方柳宜城。悉爲拘俗之人也。

史臣曰。張鎰蕭復柳渾。節行才能。軒謨亮直。皆足相明主。平泰階。而盧杞忘之於前。延賞排之於後。管仲有言。任君子。使小人間之。害霸也。德宗黜賢。相位姦臣。致朱泚懷光之亂。是失其人也。豈尤其時哉。河清歿於王事。乃顯忠貞。從一舉自姦人。固宜循默。

贊曰。得人則興。失人則亡。鎰復渾去。宗社其殃。

舊唐書卷一百二十五

後晉司空同中書門下平章事劉昫撰

列傳第七十六

李揆

李涵

陳少遊

盧恣

裴誥

李揆字端卿隴西成紀人而家于鄭州代為冠族秦府學士給事中玄道玄孫
 秘書監贈吏部尚書成裕之子少聰敏好學善屬文開元末舉進士補陳留尉
 獻書闕下詔中書試文章擢拜右拾遺改右補闕起居郎知宗子表疏遷司勳
 員外郎考功郎中並知制誥扈從劍南拜中書舍人乾元初兼禮部侍郎揆嘗
 以主司取士多不考實徒峻其隄防索其書策殊未知藝不至者文史之固亦
 不能摘詞深味求賢之意也其試進士文章請於庭中設五經諸史及切韻本
 於床而引貢士謂之曰大國選士但務得才經籍在此請恣尋檢由是數月之
 間美聲上聞未及畢事遷中書侍郎平章事集賢殿崇文館大學士修國史揆
 美風儀善應對每有敷陳皆符獻替肅宗賞數之嘗謂揆曰卿門地人物文章
 皆當代所推故時人稱為三絕其為舍人也宗室請加張皇后珝聖之號肅宗
 召揆問之對曰臣觀往古后妃終則有諡生加尊號未之前聞景龍失政韋氏
 專恣加號珝聖今若加皇后之號與韋氏同陛下明聖動遵典禮豈可蹤景龍
 故事哉肅宗驚曰凡才幾誤我家事遂止時代宗自廣平王改封成王張皇后
 有子數歲陰有奪宗之議揆因對見肅宗從容曰成王嫡長有功今當命嗣卿
 意何如揆拜賀曰陛下言及於此社稷之福天下幸甚臣不勝大慶肅宗喜曰
 朕計決矣自此頗承恩遇遂蒙大用時京師多盜賊有通衢殺人寘溝中者李
 輔國方恣橫上請選羽林騎士五百人以備巡檢揆上疏曰昔西漢以南北軍
 相統攝故周勃因南軍入北軍遂安劉氏皇朝置南北衙文武區分以相伺察
 今以羽林代金吾警夜忽有非常之變將何以制之遂制罷羽林之請揆在相
 位決事獻替雖甚博辨性銳於名利深為物議所非又其兄皆自有時名滯於
 冗官竟不引進同列呂諲地望雖懸政事在揆之右罷相自賓客為荆南節度
 聲聞甚美懼其重入遂密令直省至涇管內構求輕過失諲密疏自陳乃貶揆

萊州長史同正員其制旨曰扇湖南之八州沮江陵之節制揆既黜官數日其
 兄皆改授為司門員外郎後累年揆量移歙州刺史初揆秉政侍中苗晉卿累
 薦元載為重官揆自恃門望以載地寒意甚輕易不納而謂晉卿曰龍章鳳姿
 之士不見用舉頭鼠目之子乃求官載銜恨頗深及載登相位因揆當從職遂
 奏為試秘書監江淮養疾既無祿俸家復貧乏孀孤百口丐食取給萍寄諸州
 凡十五年其牧守稍薄則又移居故其遷徙者蓋十餘州焉元載以罪誅除
 授睦州刺史入拜國子祭酒禮部尚書為盧杞所惡德宗在淮南令充入蕃會
 盟使加左僕射行至鳳州以疾卒與元元年四月也年七十四贈司空喪事官
 給

李涵高平王道之曾孫父少康宋州刺史涵簡素恭慎有名宗室累授贊善大
 夫兼侍御史朔方節度郭子儀奏為關內鹽池判官肅宗北幸平涼未有所適
 涵與朔方留後杜鴻漸草履具朔方兵馬招集之勢軍資倉儲庫物之數咸推
 涵宗枝之英純厚忠信乃令涵奉牋至平涼謁見涵敷奏明辨勸合事機肅宗
 大悅除右司員外郎累至司封郎中宗正少卿寶應元年初平河朔代宗以涵
 忠謹洽聞遷左庶子兼御史中丞河北宣慰使會丁母憂起復本官而行每州
 縣郵驛公事之外未嘗啓口疏飯飲水席地而息使還請罷官終喪制代宗以
 其毀瘠許之服闋除給事中遷尚書左丞以幽州之亂充河朔宣慰使大曆六
 年正月為蘇州刺史兼御史大夫充浙江西道都團練觀察等使十一年來朝
 拜御史大夫京畿觀察使李栖筠歿代之德宗即位以涵和易無割制之才除
 太子少傅充山陵副使涵判官殿中侍御史呂渭上言涵父名少康今官名犯
 諱恐乖禮典宰相崔祐甫奏曰若朝廷事有乖舛羣臣悉能如此實太平之道
 除渭司門員外郎尋有人言涵昔為宗正少卿此時無言今為少傅妄有奏議
 詔曰呂渭僭陳章奏為其本使薄訴官名朕以宋有司城之嫌曾有詞曹之諱
 數其忠於所事亦謂確以上聞乃加殊恩俾膺厚賞近聞所陳少字往歲已任
 少卿昔是今非罔我何甚豈得謬當朝典更廁周行宜佐退藩用誠謙俗可欽
 州司馬同正由是改涵為檢校工部尚書兼光祿卿仍充山陵副使無幾以右

僕射致仕。與元元年九月卒。追贈太子太保。

陳少遊博州人也。祖儼。安西副都護。父慶。右武衛兵曹參軍。以少遊累贈工部尚書。少遊幼聰辯。初習莊列老子。為崇文館學生。眾推引講經。時同列有私習經義者。期昇坐日相問難。及會。少遊攝齊昇坐。音韻清辯。觀者屬目。所引文句。悉兼他義。諸生不能對。甚為大學士陳希烈所歎賞。又以宗同。遇之甚厚。既擢

第。補渝州南平令。理甚有聲。至德中。河東節度王思禮奏為參謀。累授大理司直。監察殿中侍御史。節度判官。寶應元年。入為金部員外郎。尋授侍御史。迴紇

糧料使。改檢校職方員外郎。充使檢校郎官。自少遊始也。明年。僕固懷恩奏為河北副元帥判官。兵部郎中。兼侍御史。遷晉州刺史。改同州刺史。未視事。又歷

晉鄭二州刺史。少遊為理長於權變。時推幹濟。然厚斂財貨。交結權倖。以是頻獲遷擢。無幾。澤潞節度使李抱玉表為副使。御史中丞。陳鄭二州留後。承泰二

年。抱玉又奏為龍右行軍司馬。拜檢校左庶子。依前兼中丞。其年除桂州刺史。桂管觀察使。少遊以積微選遠。欲規求近郡。時中官董秀掌樞密用事。少遊乃

宿於其里。候其下直。際晚謁之。從容曰。七郎家中人數幾何。每月所費復幾何。秀曰。忝近職。家累甚重。又屬時物騰貴。一月過千餘貫。少遊曰。據此之費。俸

錢不足支數日。其餘常須數求外人。方可取濟。儻有輸誠供億者。但留心庇覆之。固易為力耳。少遊雖不才。請以一身獨供七郎之費。每歲請獻錢五萬貫。今

見有大半。請即受納。餘到官續送。免貴人勞慮。不亦可乎。秀既踰於始望。欣愜甚。因與之厚相結。少遊言訖。泣曰。南方炎瘴。深愴違辭。但恐不生。還再親顏

色矣。秀遽曰。中丞美才。不當違官。請從容旬日。冀竭蹶分時。少遊又已納賄於元載。子仲武矣。秀載內外引薦。數日拜宣州刺史。宣歙池都團練觀察使。大曆

五年。改越州刺史。兼御史大夫。浙東觀察使。八年。遷揚州大都督府長史。淮南節度觀察使。仍加銀青光祿大夫。封潁川縣開國子。所在悉心綏輯。而多以任

數為政。好行小惠。胥吏得職。人亦獲安。及朝廷多事。奏請本道兩稅錢千增二百。因詔諸道悉如淮南。鹽每一斛更加一百文。少遊十餘年間。三總大藩。皆天下

下殷厚處也。以故徵求貿易。且無虛日。斂積財寶。累巨億萬。多賂遺權貴。視文

雅清流之士。蔑如也。初結元載。每年饋金帛約十萬貫。又多納賂於用事。中官

駱奉先。劉清潭。吳承倩等。由是美聲達於中禁。後見元載在相位年深。以過犯

漸見疑忌。少遊亦稍陳之。無何。載子伯和貶官揚州。少遊外與之交結。而陰使

人伺其過失。密以上聞。代宗以為忠。待之益厚。上即位。累加檢校禮部兵部尚

書。建中三年。李納反。叛少遊以師收徐海等州。尋棄之。退軍盱眙。又加檢校左

僕射。賜實封三百戶。其年就加同平章事。關播嘗為少遊賓僚。盧杞早年與之

同在僕固懷恩使府。故驟加其官秩。四年十月。駕幸奉天。度支汴東兩稅使包

信在揚州。尚未知也。信判官崔沆。沉遽報少遊。信時所總賦稅錢帛約八百萬貫

在焉。少遊意以為賊據京師。未即收復。遂奪取其財物。先使判官崔穎就信強

索其納給文曆。并請供二百萬貫錢物。以助軍費。信答曰。所用財帛。須承勅命。

未與之。穎勃然曰。中丞若得為劉長卿。不爾。為崔眾矣。長卿嘗任租庸使。為吳

仲儒所困。崔眾供軍。益財。為光弼所殺。故穎言及之。信大懼。不敢固護。財帛將

轉輸入京師者。悉為少遊奪之。信自謁。少遊止焉。長揖而遣。既懼禍。奔往白沙。少遊又遣判官房孺復召之。信愈懼。託以巡檢。因急棹過江。妻子伏案牘中。至上元。復為韓滉所拘留。信先有兵三千守禦財貨。令高越元甫將焉。少遊盡奪之。隨信渡江者。又為韓滉所留。信但領胥吏往江鄂等州。信於彈丸中置表。以少遊奪取財帛事。會少遊使繼至。上問曰。少遊取信財帛。有之乎。對曰。臣發揚州後。非所知也。上曰。少遊國之守臣。或防他盜。供費軍旅。收亦何傷。時方隅阻絕。國命未振。遠近聞之大驚。咸以聖情達於變通。明見萬里。少遊後聞之。乃安。及李希烈陷汴州。聲言欲襲江淮。少遊懼。乃使參謀溫述由壽州送款於希烈。曰。濠壽舒廬。尋令罷壘。輜戈卷甲。佇候指揮。少遊又遣巡官趙詵於鄭州結李納。其年希烈僭號。遣其將楊豐齎敕書赴揚州。至壽州。為刺史張建封候騎所得。建封對中使二人及少遊判官許子瑞。責言豐而斬之。希烈聞之大怒。即署其大將杜少誠為偽僕射。淮南節度。令先平壽州。後取廣陵。建封於霍丘堅柵嚴加守禁。少誠竟不能進。後包信入朝。具奏少遊奪財賦事。狀少遊大懼。乃上表。以所取包信財貨。皆是供軍急用。今請據數却納。既而州府殘破。無以

上填，乃與腹心孔目官等設法重稅管內百姓以供之。無何，劉洽收汴州，得希烈僞起居注，某月日陳少遊上表歸順，少遊聞之，慙憤發疾，數日而卒。年六十一。贈太尉，賜布帛，葬祭如常儀。

盧惹，幽州范陽人也。貞觀中，工部侍郎義恭玄孫也。父子黨，賴王府諮議參軍。以惹贈秘書少監。惹少以門蔭入仕，在職以幹局稱。累授閩州錄事參軍，監察殿中御史侍御史，金州刺史，宰相楊炎遇之頗厚，召入左司郎中。京兆少尹遷大尹，惹無術學，善事權要，為政苛躁，盧杞甚惡之。諷有司彈奏，坐貶撫州司馬。同正改饒州刺史，遷福州刺史，福建觀察使。貞元二年七月以疾終。

裴諤，字士明，河南洛陽人。父寬，禮部尚書，有重名於開元。天寶間，諤少舉明經，補河南府參軍，通達簡率，不好苛細，積官至京兆倉曹。丁父喪，居東都。是時安祿山盜陷二京，東都收復，遷太子司議郎。無幾，號王巨奏署侍御史，襲鄧營田判官。丁母憂，東都復為史思明所陷，諤藏匿山谷。思明嘗為諤父將校，懷舊恩，又素慕諤名，欲必得之，因令捕騎數十，逐得諤。思明見之甚喜，呼為郎君，不名。偽授御史中丞，主擊斷。時思明殘殺宗室，諤陰緩之，全活者數百人。又書疏賊短長以聞，事泄，思明大怒，詬罵，僅而免死。賊平，除太子中允，遷考功郎中。數召見，言事代宗居陝，諤步懷考功及南曹二印赴行在上，見而謂之曰：「疾風知勁草，果信矣。」將以為御史中丞，為元載所排，為河東道租庸鹽鐵等使。時關輔大旱，諤入計代宗，召見便殿，問諤權酷之利。一歲出入幾何，諤久之不對。上復問之，對曰：「臣有所思。」上曰：「何思？」對曰：「臣自河東來，其間所歷三百里，見農人愁歎，穀菽未種，誠謂陛下軫念先問人之疾苦，而乃責臣以利。孟子曰：『理國者，仁義而已。』何以利為？由是未敢即對也。」上前坐曰：「微公言，吾不聞此。」拜左司郎中。上時訪以事，執政者忌之，出為虔州刺史。歷饒、廬、亳三州刺史。入為右金吾將軍。建中初，上以刑名理天下，百吏震悚。時十月禁屠殺，以甫近山陵，禁益嚴。尚父汾陽王郭子儀，隸人殺羊以入門者，覺之，諤列奏狀上，以為不長強禦，累遣宣諭，或謂諤曰：「郭公有社稷功，豈不為盡之諤？」笑曰：「非爾所解。」且郭公威權太盛，上新即位，必謂黨附者衆，今發其細過，以明不弄權耳。吾上以盡事君之道。

下以安大臣，不亦可乎？時於朝堂別置三司以決庶獄，辯爭者輒擊登聞鼓，諤上疏曰：「夫諫鼓謗木之設，所以達幽枉，延直言。今輕猾之人，援桴鳴鼓，始動天聽，竟因纖微，若然者，安用吏理乎？」上然之。悉歸有司，諤以法吏舞文多挾宿怨，因獻獄官箴以諷。無何，坐所善僧抵法，貶閩州司馬。徵為右庶子，改千牛上將軍。會吐蕃入寇，尋拜吏部侍郎，兼御史大夫。為吐蕃使不行，無幾，轉太子賓客。兵部侍郎，河南尹，東都副留守。諤自河南凡五代為官，入視事，未嘗當正處，不鞠人於臧罪，以寬厚和易為理。貞元九年十一月以疾終。年七十五。贈禮部尚書。

史臣曰：李揆發言沃心，幸遇明主，蔽賢固位，終非令人。少遊逐勢利，隨時，盧惹事權要，巧宦，察言觀行，皆無可稱。涵節行著聞，諤和易為理，庶幾近仁也。贊曰：李陳盧惹，言行非真，涵諤和易，庶乎近仁。

舊唐書卷一百二十六

後晉司空同中書門下平章事劉昫撰

列傳第七十七

姚令言

張光晟

源休

喬琳

張涉

蔣鎮

洪經綸

彭偃

姚令言，河中人也。少應募，起於卒伍，隸涇原節度馬燧，以戰功累授金吾大將軍。同正，爲衛前兵馬使，改試太常卿，兼御史中丞。建中元年，孟暉爲涇原節度留後，自以文吏進身，不樂軍旅，頗表薦令言。謹肅堪任將帥，暉尋歸朝廷，遂拜令言爲四鎮北庭行營涇原節度使，涇州刺史，兼御史大夫。建中四年，李希烈叛，寇陷汝州，詔哥舒曜率師攻之，營于襄城，希烈兵數萬圍襄城，勢甚危急。十月，詔令言率本鎮兵五萬赴援，涇師離鎮，多攜子弟而來，望至京師，以獲厚賞。及師上路，一無所賜，時詔京兆尹王翊簡軍士，唯糲食菜啖而已，軍士覆而不顧，皆憤怒。揚言曰：吾輩棄父母妻子，將死於難，而食不得飽，安能以草命捍白刃耶？國家瓊林大盈寶貨堆積，不取此以自活，何往耶？行次澧水，乃返戈大呼，鼓譟而還。令言曰：比約東都有厚賞，兒郎勿草草，此非求活之良圖也。衆不聽，以戈環令言請退，令言急奏之上，恐令內庫出繒綵二十車，馳賜之，軍聲浩浩，令言不能戢街市，居人狼狽走竄，亂兵呼曰：勿走，不稅汝間架矣。德宗令晉王與學士姜公輔往撫勞之，纔出內門，賊已斬關陣于丹鳳樓下，是日德宗倉卒出幸，賊縱入府庫，輦運極力而止。時太尉朱泚罷鎮居晉昌里第，是夜叛，卒謀曰：朱太尉久囚於宅，若近爲主，大事濟矣。泚書節制涇州，衆知其失權，廢居快，快又幸泚寬和，乃請令言率騎迎泚於晉昌里，泚初遲疑，以食飼之，徐觀衆意，既而諸校齊至，乃自第張炬火入居舍元殿，既僭號，乃以令言爲侍中，與源休同知賊政事，既以身先逆亂，頗盡心於賊，宰宗室，圍奉天，皆令言爲首帥也。羣兇宴樂，既醉，令言與源休論功，令言自比蕭何，源休曰：帷幄之謀，成秦之業，無出子之右者。吾比蕭何無譴，子當曹參可矣。時朝士在賊廷者，聞之皆笑，謂源休爲火迫，鄼侯朱泚敗，令言與張廷芝尙有衆萬人，從泚將入吐蕃，至涇州，欲

投田希鑿，希鑿爲致禮誘之，與泚俱斬首來獻。

張光晟，京兆整屋人，起於行間，天寶末，哥舒翰兵敗潼關，大將王思禮所乘馬中流矢而斃，光晟時在騎卒之中，因下，以馬授思禮，思禮問其姓名，不告而退，思禮陰記其形貌，常使人密求之，無何，思禮爲河東節度使，其偏將辛雲京爲代州刺史，屢爲將校譖毀，思禮怒焉，雲京惶懼不知所出，光晟時隸雲京麾下，因間進曰：光晟素有德於王司空，比不言者，恥以舊恩受賞，今使君愛迫，光晟請奉命一見司空，則使君之難可解，雲京然其計，即令之太原，乃謁思禮，未及言舊恩禮識之，遽曰：爾豈非吾故人乎？何相見之晚也？光晟遂陳潼關之事，思禮大喜，因執其手感泣曰：吾有今日，子之力也，求子頗久，竟此相遇，何慰如之？命同榻而坐，結爲兄弟，光晟遂述雲京之屈，思禮曰：雲京比涉謗言，過亦不細，今爲故人，特捨之矣。即日擢光晟爲兵馬使，資田宅，縑帛甚厚，累奏特進，試太常少卿，委以心腹，及雲京爲河東節度使，又奏光晟爲代州刺史，大曆末，遷單于都護，兼御史中丞，振武軍使，代宗密謂之曰：北蕃縱橫日久，當思所禦之計，光晟既受命，至鎮，威令甚行，建中元年，迴紇突董梅錄領衆奔雜種胡等，自京師還國，輿載金帛，相屬於道，光晟訝其裝囊頗多，潛令驛吏以長錐刺之，則皆鞏歸所誘致京師婦人也，遂給突董及所領徒悉令赴宴，酒酣，光晟仗甲，盡拘而殺之，死者千餘人，唯留二胡歸國復命，遂部其婦人，給糧還京，收其金帛，賞資軍士，後迴紇遣使來訴，上不欲甚阻蕃情，徵拜右金吾將軍，迴紇猶怨，對不已，又降爲睦王傅，尋改太僕卿，負才快快不得志，賊泚僭逆，署光晟爲節度使，兼宰相，及泚衆頻敗，遂擇精兵五千配光晟，管於九曲，去東渭橋凡十餘里，光晟潛使於李晟，有歸順之意，晟進兵入苑，光晟勸賊泚宜速西奔，光晟以數千人送泚出城，因率衆迴降於晟，晟以其誠款，又愛其材，欲奏用之，俾令歸私第，表請特減其罪，每大宴會，皆令就坐，華州節度使駱元光詬之曰：吾不能與反虜同席，拂衣還營，晟不得已，拘之私第，後有詔言其狀，跡不可原，乃斬之。源休，相州臨漳人，京兆尹光輿之子也，休以幹局，累授監察御史，殿中侍御史，青苗使判官，遷虞部員外郎，出潭州刺史，入爲主客郎中，遷給事中，御史中丞，

左庶子其妻即吏部侍郎王翊女也因小忿而離妻族上訴下御史臺驗理休遲留不答款狀除名配流溱州久之移岳州建中初楊炎執政以京兆尹嚴郾威名稍著心欲傾之郾即王翊甥也休與王氏離絕之時炎風聞休郾有隙遂擢休自流人為京兆少尹俾令伺郾過失休既職久與郾親善炎怒之奏令以本官兼御史中丞奉使迴紇休至振武軍使張光晟已殺迴紇突董等上初欲遂絕其使令休還待命于太原久之方遣仍令休歸其突董密施大小梅錄等四屍突董者即義可汗之叔父也屍既至可汗令宰臣已下具綵服車馬來迎其宰相顧于思迦坐大帳立休等於帳外雪中詰殺突董等故休曰突董等自與張光晟忿鬪而死非天子也又問使者背唐國負罪當死不能自戮耶不然何假手於我殺之也凡將殺者數矣言頗悖慢乃引去供饋甚薄留之五十餘日乃得還可汗使謂休曰我國人皆欲殺汝唯我不然汝國已殺突董等吾又殺汝猶以血洗血汗益甚爾吾今以水洗血不亦善乎所欠吾馬直絹一百八十萬疋當速歸之遣散支將軍康赤心等隨休來朝休竟不得見其可汗尋遣赤心等歸與之帛十萬疋金銀十萬兩償其馬直休履危而還宰相盧杞又恐復命之日以口辯結恩將至太原遽奏為光祿卿休以其遠使賞薄居常怨望會涇原兵叛立朱泚為主初但稱太尉朝官謁泚者悉勸奉迎鑾駕既不合泚意而退及休至遂屏人移時言及悖逆感陳成敗稱述符命勸令僭號泚悅其言以休為宰相判度支休遂為謀主至於兵食軍實還除補擬內外咨謀一稟休畫故時人云源休之逆甚於朱泚朝廷大臣之奔竄不獲者多為休所誘致以至戮辱職休而為蓋非一焉又勸泚鋤翦宗室以絕人望命萬年縣賊曹尉楊僊專其斷決諸王子孫遇害不可勝數泚敗走休隨至寧州泚死休走鳳翔為其部曲所殺傳首來獻休三子並斬于東市籍沒其家

喬琳太原人少孤貧志學以文詞稱天寶初舉進士補成武尉累授興平尉朔方節度郭子儀辟為掌書記尋拜監察御史琳備儻疎誕好談謔侮諛僚類無禮檢同院御史畢耀初與琳嘲論往復因成釁隙遂以公事互相告訴坐貶巴州員外司戶遂起為南郭令改殿中侍御史充山南節度張獻誠行軍司馬

使罷為劍南東川節度鮮于叔明判官故檢校駕部郎中果綿遂三州刺史兼御史中丞入為大理少卿國子祭酒出為懷州刺史琳素與張涉友善上在春宮涉嘗為侍讀及嗣位多以政事詢訪於涉咸稱琳識度材略堪備大用因拜御史大夫平章事琳本蠹材又年高有耳疾上每顧問對答失次論奏不合時倖居相位凡八十餘日除工部尚書罷知政事尋加迎皇太后副使朱泚之亂扈從至奉天轉吏部尚書遷太子少師再幸梁洋琳從至盤屋託以馬之遲留上以琳舊老心敬重之慰諭頗至以御馬一疋給焉又懇辭以老疾不堪山阻登頓上悵然賜之所執策曰勉為良圖與卿決矣後數日乃削髮為僧止仙遊寺賊泚聞之遂令數十騎追至京城俾為偽吏部尚書令源休被公服饋肉食琳雖辭讓而僧言求施琳掌賊中吏部選人前請曰所注某官不穩便琳謂之曰足下謂此選竟穩便乎及官軍收京師當處極刑時琳已七十餘李晟憫其衰老表請減死上以其累經重任頓虧臣節自受逆命頗聞譏諧悖慢之言背義負恩固不可捨命斬之臨刑歎曰喬琳以七月七日生亦以此日死豈非命歟

張涉者蒲州人家世儒者涉依國學為諸生講說稍選國子博士亦能為文嘗請有司曰試萬言時呼張萬言德宗在春宮授經于涉及即位之夕召涉入宮訪以庶政大小之事皆咨之翌日詔居翰林恩禮甚厚親重莫比自博士遷散騎常侍上方屬意宰輔唯賢是擇故求人於不次之地涉舉懷州刺史喬琳為相上授之不疑天下聞之者皆愕然數月琳以不稱職罷上由是疎涉俄授前湖南都團練使辛京果職事發詔曰尊師之道禮有所加議故之法恩有所掩張涉賄賂交通頗駭時聽常所親重良深歎惜宜放歸田里

蔣鎮常州義興人尚書左丞列之子也與兄鍊並以文學進天寶末舉賢良累授左拾遺司封員外郎轉諫議大夫時戶部侍郎判度支韓滉上言河中鹽池生瑞鹽實上德之士瑞上以秋霖稍多水潦為患不宜生瑞命鎮馳驛檢行之鎮委與滉同仍上表賀請宣付史館并請置神祠錫其嘉號實應鹽池時霖潦彌月壞居人廬舍非一鹽池為潦水所入其味多苦韓滉慮鹽戶減稅詐奏

兩不壞池。池生瑞鹽。鎮庇之飾詐。識者醜之。轉給事中。工部侍郎。以簡儉稱於時。其妹婿源溥。卽休之弟也。以姻媾之故。與休交好。涇師之叛。鎮鎮竄。夜至鄆。縣西馬蹶墮溝中。傷足不能進。時兄鍊已與源休相率受賊僞官。鎮僕人有逃歸。授鍊云。鎮病足在鄆。鍊與源休聞之。大喜。遂言於賊。泚。泚素慕鎮名。卽令騎二百求之。鄆縣西。明日擁鎮而至。署爲僞宰相。既知不免。每憂沮。常懷刃將自裁。多爲兄鍊所救而罷。數日後。復謀竄匿。竟以性懦畏怯。計終不果。然源休與泚頗議欲逼脅潛藏衣冠。大加殺戮。鎮輒力爭救。獲全者甚衆。至是與兄鍊等並授僞職。斬於東市西北街。初鎮父烈。叔渙。當祿山思明之亂。並授僞職。然以家風修整爲士大夫所稱。鎮兄弟亦以教義禮法爲己任。而貪祿愛死。節躓身戮。爲天下笑。

洪經綸。建中初爲黜陟使。至東都。訪聞魏州田悅食糧兵凡七萬人。經綸素昧時機。先以符停其兵四萬人。令歸農畝。田悅僞順命。卽依符罷之。而大集所罷兵士。激怒之。曰。爾等在軍旅。各有父母妻子。旣爲黜陟使所罷。如何得衣食。遂大哭。悅乃盡出家財衣服厚給之。各令還其部伍。自此人堅叛心。由是罷職。及朱泚反。僞授太常少卿。

彭偃。少負俊才。銳於進取。爲當塗者所抑。形於言色。大曆末。爲都官員外郎。時劍南東川觀察使李叔明。上言以佛道二教無益于時。請粗加澄汰。其東川寺觀。請定爲二等。上寺留僧二十一人。上觀留道士十四人。降殺以七。皆精選有道行者。餘悉令返。初。蘭若道場無名者。皆廢。德宗曰。叔明此奏。可爲天下通制。不唯劍南一道。下向書集議。偃獻議曰。王者之政。變人心爲上。因人心次之。不變不因。循常守故者。爲下。故非有獨見之明。不能行非常之事。今陛下以惟新之政。爲萬代法。若不革舊風。令歸正道者。非也。當今道士有名無實。時俗鮮重。亂政猶輕。唯有僧尼。頗爲穢雜。自西方之教。被于中國。去聖日遠。空門不行五濁。比丘但行蠱法。爰自後漢。至于陳隋。僧之廢滅。其亦數乎。或至坑殺。殆無遺餘。前代帝王。皆惡僧道之善如此之深耶。蓋其亂人亦已甚矣。且佛之立教。清淨無爲。若以色見。卽是邪法。開示悟入。唯有一門。所以三乘之人。比之外道。況

今出家者皆是無識下劣之流。縱其戒行高潔。在于王者。已無用矣。況是苟避征徭。於殺盜淫穢。無所不犯者乎。今叔明之心甚善。然臣恐其姦吏詆欺。而去者未必非留者。不必是無益於國不能息姦。旣不變人心。亦不因人心。強制力持。難致遠耳。臣聞天生烝人。必將有職。遊行浮食。王制所禁。故有才者受爵祿。不肖者出租征。此古之常道也。今天下僧道。不耕而食。不織而衣。廣作危言。險語。以惑愚者。一僧衣食。歲計約三萬有餘。五丁所出。不能致此。舉一僧以計天下。其費可知。陛下日旰憂勤。將去人害。此而不救。奚其爲政。臣伏請僧道未滿五十者。每年輪絹四疋。尼及女道士未滿五十者。每年輪絹二疋。其雜色役與百姓同。有才智者。令入仕。請還俗爲平人者。聽但令就役。輪課爲僧。何傷。臣竊料其所出。不下今之租賦三分之一。然則陛下之國富矣。蒼生之害除矣。其年過五十者。請皆免之。夫子曰。五十而知天命。列子曰。不班白。不知道。人年五十。嗜慾已衰。縱不出家。心已近道。況戒律檢其情性。臣以爲此。令旣行。僧道規避還俗者。固已大半。其年老精修者。必盡爲人師。則道釋二教。益重明矣。議者是之。上頗善其言。大臣以二教行之已久。列聖奉之。不宜頓擯。宜去其太甚。其議不行。偃以才地當掌文誥。以躁求爲時論所抑。鬱鬱不得志。涇師之亂。從薦不及。匿於田家。爲賊所得。朱泚素知之。得偃甚喜。僞署中書舍人。僭號辭令。皆偃爲之。賊敗。與僞中丞崔宣。賊將杜如江。吳希光等十三人。李晟收之。俱斬於安國寺前。

史臣曰。肇分陰陽。爰有生。死修短二事。賢愚一途。故君子遇夷險之機。不易其節。小人昧逆順之道。而陷於刑。鴻毛泰山。斯爲至論。令言遠總師徒。首爲叛逆。光晟初當委任。危輸款誠。源休雖曰士流。甚於元惡。喬琳巧辭真主。俯就僞官。蔣鎮貪祿。應節。皆曰小人。經綸之徒。不足言爾。贊曰。時爭逆順。命繫死生。君子守節。小人正刑。

舊唐書卷一百二十七

後晉司空同中書門下平章事劉昫撰

列傳第七十八

段秀實 子伯倫

顏真卿 子顯碩 曾孫弘式

段秀實字成公隴州汧陽人也祖達左衛中郎父行琛洮州司馬以秀實贈揚州大都督秀實性至孝六歲母疾水漿不入口七日疾有間然後飲食及長沉厚有斷天寶四載安西節度馬靈察署為別將從討護蜜有功授安西府別將七載高仙芝代靈察舉兵圍恒邏斯黑衣救至靈察大敗軍士相失夜中聞都將李嗣業之聲因大呼責之曰軍敗而求免非丈夫也嗣業甚怒遂與秀實收合散卒復得成軍師還嗣業請于仙芝以秀實為判官授斥候府果毅十二載封常清代仙芝討大勃律師次賀薩勞城一戰而勝常清逐之秀實進曰賊兵羸餒我也請備左右搜其山林遂殲其伏改綏德府折衝肅宗即位於靈武徵安西兵節度使梁宰宰潛懷異圖秀實謂嗣業曰豈有天子告急臣下晏然信浮妄之說豈明公之意耶嗣業遂見宰請發兵從之乃出步騎五千令嗣業統赴朔方以秀實為援累有戰功而秀實父歿哀毀過禮嗣業既授節制思秀實如失左右手表請起復為義王友充節度判官安慶緒奔剽嗣業與諸軍圍之安西輜重委於河內乃奏秀實為懷州長史知軍州加節度留後諸軍進戰于愁思岡嗣業為流矢所中卒于軍眾推安西兵馬使荔非元禮代之秀實聞嗣業之喪乃遣先鋒將白孝德書令發卒護嗣業喪送河內秀實率將吏更待于境傾私財以奉葬事元禮多其義奏試光祿少卿依前節度判官邛山之敗軍徙翼城元禮為麾下所殺將佐亦多遇害而秀實獨以智全眾推白孝德為節度使人心稍定又還試光祿卿為孝德判官孝德改鎮邠軍奏秀實試太常卿支度營田二副使大軍西遷所過掠奪又以邠軍乏食難於饋運乃請軍於奉天是時公廩亦竭縣吏憂恐多逃匿羣行剽盜孝德不能禁秀實私曰使我為軍候當不如此軍司馬言之遂以秀實為都虞候權知奉天行營事號令嚴一軍府安泰代宗聞而嗟賞久之兵還于邠軍復為都虞候尋拜涇州刺史大曆

元年馬璘奏加開府儀同三司軍中有能引二十四弓而犯盜者璘欲免之秀實曰將有私愛則法令不一雖韓白復生亦不能為理璘善其議竟使殺之璘決事有不合理者必固爭之得璘引過乃已璘城涇州秀實掌留後歸還加御史中丞璘既奉詔徙鎮涇州其士眾嘗自四鎮北庭赴難中原僑居驟移頗積勞怨刀斧將王童之因人心動搖導以為亂或告其事且曰候嚴禁鼓為約矣秀實乃詔鼓人陽怒失節且戒之曰每更籌盡必來報每白之輒延數刻四更畢而曙既差五童之亂不能作明日告者復曰今夜將焚草場期救火者同作亂秀實使嚴加警備夜半火發乃使令於軍中曰救火者斬童之居外營請入救火不許明日斬之捕殺其黨凡十餘人以徇曰敢後者徙族於是遷涇州既至其理所人烟盡絕兵無廩食朝廷憂之遂詔璘遙管鄭頰二州以贍涇原軍俾秀實為留後二州甚理璘思其績用又奏行軍司馬兼都知兵馬使八年吐蕃來寇戰于鹽倉我軍不利璘為寇戎所隔遽暮未還敗將潰兵爭道而入時都將焦令諶與諸將四五輩狼狽而至秀實召讓之曰兵法失將麾下當斬公等忘其死而欲安其家耶令諶等恐懼下拜數十秀實乃悉驅城中士卒未出戰者使驍將統之東依古原列奇兵示賊將戰且以收合敗士卒蕃眾望之不敢逼及夜璘方獲歸十一年璘疾甚不能視事請秀實攝節度副使兼左廂兵馬使秀實乃以十將張羽飛為招召將分兵按甲以備非常璘卒而軍中行哭赴喪事於內李漢惠接賓客於外非其親不得居喪側族談離立者捕而囚之都虞候史廷幹裨將崔珍張景華謀作亂秀實乃送廷幹於京師徙珍及景華外鎮軍中遂定不戮一人尋拜秀實涇州刺史兼御史大夫四鎮北庭行軍涇原鄭頰節度使三四年間吐蕃不敢犯塞清約率易遠近稱之非公會不聽樂飲酒私室無妓媵無贏財退公之後端居靜慮而已德宗嗣位就加檢校禮部尚書張掖郡王建中元年宰相楊炎欲行元載舊志築原州城開陵陽渠詔中使上聞仍問秀實可否之狀秀實以為方春不可與土功請俟農隙炎以其沮己之謀遂除司農卿以邠軍節度李懷光兼涇原節度使以事西拓無何劉文喜叛亦不果城四年朱泚盜據宮闕源休教泚為迎變駕陰濟逆志泚乃遣其將

韓旻領馬步三千疾趨奉天時蒼黃之中未有武備泚以秀實嘗為涇原節度頗得士心後罷兵權以為蓄憤且久必貴同惡乃召與謀議秀實初詐從之陰說大將劉海賓何明禮姚令言判官岐靈岳同謀殺泚以兵迎乘輿三人者皆秀實夙所獎遇遂皆許諾及韓旻追駕秀實以為宗社之危期於頃刻乃使人走諭靈岳竊令言印不遂乃倒用司農印符以追兵旻至駭驛得符軍人亦莫辨其印文惶遽而迴秀實海賓等曰旻之來吾黨無遺類矣我當直搏殺泚不得則死終不能向此賊稱臣乃與海賓約事急為繼而令明禮應於外明日泚召秀實議事源休姚令言李忠臣李子平皆在坐秀實戎服與泚並膝語至僭位秀實勃然而起執休腕奪其象笏奮躍而前唾泚面大罵曰狂賊吾恨不斬汝萬段我豈逐汝反耶遂擊之泚舉臂自捍纒中其頰流血匍匐而走兇徒愕然初不敢動而海賓等不至秀實乃曰我不同汝反何不殺我兇黨羣至遂遇害焉海賓明禮靈岳相次被殺德宗在奉天聞其事惜其委用不至垂涕久之初秀實見禁兵寡少不足以備非常乃上疏曰臣聞天子曰萬乘諸侯曰千乘大夫曰百乘此蓋以大制小以十制一也尊君卑臣強幹弱枝之義在於此矣今外有不庭之虜內有梗命之臣竊觀禁兵不精其數全少卒有患難將何待之且猛虎所以百獸畏者為爪牙也若去其爪牙則犬彘馬牛悉能為敵伏願少留聖慮冀禱萬一及涇原兵作亂召神策六軍遂無一人至者秀實守節不二竟歿於賊其明略義烈如此與元元年二月詔曰見危致命之謂忠臨義有勇之謂烈惟爾克勵臣節不憚殺身惟子式嘉乃勳懋昭大典曰台不德罔克若天違並股憂變起郡邑惟爾卿士放然靡依逼畏所加溜瀉共混故開府儀同三司檢校禮部尚書兼司農卿上柱國張掖郡王段秀實操行岳立忠厚精至義形於色勇必有仁頃者嘗鎮涇原克著威惠叛卒知訓咨爾以賊賊泚藏姦欺爾以詐守人臣之大節見元惡之深情端委國門挺身白刃誓碎兇渠之首以敵君父之讐視死如歸履虎致咥噫天未悔禍事乖垂成雄風壯圖振駭羣盜昔王蠋守死以全節周顛正色而抗詞惟我信臣無愧前哲聲震寰宇義冠古今足以激勵人倫光昭史冊不有殊等之賞孰表非常之功爰議贈庸

特超檢限著之甲令樹此風聲可贈太尉諡曰忠烈宜付史官仍賜實封五百戶莊宅各一區長子與三品正員官諸子並與五品正員官仍歷朝三日收京城之後以禮葬祭旌表門閭朕承天子人臨馭億兆一夫不獲時子之辜況誠信不達屢致寇戎使抱義之臣陷于凶逆有臨危致命歿而逾彰有因事成功權以合道苟利社稷存亡一致酬報之典豈限常倫並委所司訪其事跡續具條奏當加褒異錫其井賦圖形雲閣書功鼎彝以彰我有服節死義之臣傳于不朽德宗還京又詔曰贈太尉秀實授乎貞烈激其頹風蒼黃之中密蘊雄斷將紆國難詭收寇兵撓其兇謀果集吾事挺身徑進奮擊渠魁英名凜然振邁千古宜差官致祭并旌表門閭緣葬所須一切官給仍於墓所官為立碑以揚徽烈自貞元後累朝凡赦書節文褒獎忠烈必以秀實為首其子伯倫累官至太子詹事太和二年正月奏亡父贈太尉秀實準前後制勅令所司置廟立碑今營造已畢取今月二十五日行外祠禮詔曰秀實忠衛宗社功配廟食義風所激千載凜然間代勳力須異等夷宜賜綾絹五百疋以度支物充仍令所司供少牢并給鹵簿人夫兼太常博士一人檢校尋加伯倫檢校左散騎常侍兼殿中監太和四年十一月遷右金吾衛大將軍兼御史大夫充街使八年七月檢校工部尚書充福建等州都團練觀察使入為太僕卿卒宰臣李石奏曰伯倫秀實之子自古歿身以衛社稷者無如秀實之賢文宗憫然曰伯倫宜加贈贈仍輟朝一日以禮忠臣之嗣

顏真卿字清臣琅邪臨沂人也五代祖之推北齊黃門侍郎真卿少勤學業有詞藻尤工書開元中舉進士登甲科事親以孝聞四命為監察御史充河西隴右軍試覆屯交兵使五原有冤獄久不決真卿至立辯之天方旱獄決乃雨郡人呼之為御史雨又充河東朔方試覆屯交兵使有鄭延祚者母卒二十九年殯僧舍垣地真卿劾奏之兄弟三十年不齒天下聳動遷殿中侍御史東都畿採訪判官轉侍御史武部員外郎楊國忠怒其不附己出為平原太守安祿山逆節頗著真卿以霖雨為託修城浚池陰料丁壯儲廩實乃陽會文士泛舟外池飲酒賦詩或譏於祿山祿山亦密偵之以為書生不足慮也無幾祿山果反

河朔盡陷。獨平原城守具備。乃使司兵參軍李平馳奏之。玄宗初聞祿山之變。數曰。河北二十四郡豈無一忠臣乎。得平來。大喜。顧左右曰。朕不識。頗真。卿形狀何如。所爲得如此。祿山初尙移牒真卿。令以平原博平軍屯七千人防河津。以博平太守張獻直爲副。真卿乃募勇士。旬日得萬人。遣錄事參軍李擇文統之。簡閱。以刁萬歲和琳徐浩馬相如高抗朗等爲將。祿山既陷洛陽。殺留守李愔。御史中丞盧弈判官蔣濟。以三首遺段子光來。詢河北。真卿恐搖人心。乃詐謂諸將曰。我識此三人。首皆非也。遂腰斬子光。密藏三首。異日乃取三首冠鈔草續支體。指斂祭殯爲位。慟哭。人心益附。祿山遣其將李欽凌高。幾何千年等守土門。真卿從父兄常山太守杲卿與長史袁履謙謀殺凌。擒千年。送京師。土門既閉。十七郡同日歸順。共推真卿爲帥。得兵二十餘萬。橫絕燕趙。詔加真卿戶部侍郎。依前平原太守。清河客李萼年二十餘。與郡人來乞師。謂真卿曰。聞公義烈。首唱大順。河朔諸郡待公爲長城。今清河實公之西鄰也。僕幸寓家。得其虛實。知可爲長者用。今計其蓄積。足以三平原之富。士卒可以二平原之強。公因而撫之。腹心輔車之郡。其他小城。運之如臂使指耳。唯公所意。誰敢不從。真卿借兵千人。萼將去。真卿謂之曰。兵出也。吾子何以教我。萼曰。今聞朝廷使程千里統衆十萬自太行東下。將出嚙口。爲賊所扼。兵不得前。今若先伐魏郡。斬袁知泰太守司馬垂。使爲西南主。分兵開嚙口之路。出千里之兵。使討鄴。幽陵平原清河合同志十萬之衆。徇洛陽。分兵而制其衝。計王師亦不下十萬。公當壁壁。無與挑戰。不數十日。賊必潰而相圍矣。真卿然之。乃移牒清河等郡。遣其大將李擇文副將平原縣令范東。馥裨將和琳徐浩等進兵。與清河四千人合勢。而博平以千人來。三郡之師屯於博平。去堂邑縣西南十里。袁知泰遣其將白嗣深乙舒蒙等以二萬人來拒戰。賊大敗。斬首萬餘級。肅宗幸靈武。授工部尙書兼御史大夫。河北採訪招討使。祿山乘虛遣史思明尹子奇急攻河。北諸郡。饒陽河間景城樂安相次陷沒。獨平原博平清河三郡城守。然人心危。盪不可復振。至德元年十月。棄郡渡河。歷江淮荆襄。二年四月。朝於鳳翔。授憲部尙書。尋加御史大夫。中書舍人兼吏部侍郎。崔漪帶酒容入朝。諫議大夫李

何忘在班不肅。真卿劾之。貶漪爲右庶子。何忘西平郡司馬。元帥廣平王領朔方蕃漢兵。號二十萬來收長安。出辭之日。百寮致謁於朝堂。百寮拜。答拜。辭亦如之。王當闕不乘馬。步出木馬門。而後乘管崇嗣爲王都虞候。先王上馬。真卿進狀彈之。肅宗曰。朕兒子每出。諄諄教誡之。故不敢失禮。崇嗣老將。有足疾。姑欲優容之。卿勿復言。乃以奏狀還真卿。雖天子蒙塵。典法不廢。洎變興。將復宮闕。遣左司郎中李巽先行陳告宗廟之禮。有司署祝文。稱嗣皇帝。真卿謂禮儀使崔器曰。上皇在蜀。可乎。器遽奏改之。中旨宣勞。以爲名儒深達禮體。時太廟爲賊所毀。真卿奏曰。春秋時新宮災。魯成公三日哭。今太廟既爲盜毀。請築壇於野。皇帝東向哭。然後遣使。竟不能從。軍國之事。知無不言。爲宰相所忌。出爲同州刺史。轉蒲州刺史。爲御史唐長所構。貶饒州刺史。旋拜昇州刺史。浙江西道節度使。徵爲刑部尙書。李輔國矯詔遷玄宗居西宮。真卿乃首率百寮上表。請問起居。輔國惡之。奏貶蓬州長史。代宗嗣位。拜利州刺史。遷戶部侍郎。除荆南節度使。未行而罷。除尙書左丞。車駕自陝將還。真卿請皇帝先謁五陵九廟。而後還宮。宰相元載謂真卿曰。公所見雖美。其如不合事宜。真卿怒。前曰。用捨在相公耳。言者何罪。然朝廷之事。豈堪相公再破除耶。載深銜之。旋改檢校刑部尙書。知省事。累進封魯郡公。時元載引用私黨。懼朝臣論奏其短。乃請百官凡欲論事。皆先白長官。長官白宰相。然後上聞。真卿上疏曰。御史中丞李進等傳宰相語。稱奉進上。緣諸司官奏事頗多。朕不憚省覽。但所奏多挾讒毀。自今論事者。諸司官皆須先白長官。長官白宰相。宰相定可。然後奏聞者。臣自聞此語已來。朝野鬱然。人心亦多衰退。何則。諸司長官皆達官也。言皆專達於天子也。郎官御史者。陛下腹心耳目之臣也。故其出使天下。事無巨細得失。皆令訪察。迴日奏聞。所以明四目。達四聰也。今陛下欲自屏耳目。使不聰明。則天下何述焉。詩云。營營青蠅。止于棘。讒言罔極。交亂四國。以其能變白爲黑。變黑爲白也。詩人深惡之。故曰。取彼讒人。投畀豺虎。豺虎不食。投畀有北。則夏之伯明。楚之無極。漢之江充。皆讒人也。孰不惡之。陛下惡之。深得君人之體矣。陛下何不深迴聽察。其言虛誣者。則讒人也。因誅極之。其言不虛者。則正人也。因獎

勵之陛下捨此不為使眾人皆謂陛下不能明察倦於聽覽以此為辭拒其諫諍臣竊為陛下痛惜之臣聞太宗勤於聽覽庶政以理故著司門式其有無門籍人有急奏者皆令監門司與仗家引奏不許關礙所以防壅蔽也并置立仗馬二疋須有乘騎便往所以平治天下正用此道也天寶已後李林甫威權日盛羣臣不先落宰相輒奏事者仍託以他故中傷猶不敢明約百司令先白宰相又聞官袁思藝日宣詔至中書玄宗動靜必告林甫先意奏請玄宗驚喜若神以此權柄恩寵日甚道路以目上意不宣下情不上達所以漸致潼關之禍皆權臣誤主不遵太宗之法故也陵夷至于今日天下之蔽蓋萃于聖躬豈陛下招致之乎蓋其所從來者漸矣自艱難之初百姓尚未周弊太平之理立可便致屬李輔國用權宰相專政遞相姑息莫肯直言大開三司不安反側逆賊散落將士北走党項合集土賊至今為患偽將更相驚恐因思明危懼扇動却反又今相州敗散東都陷沒先帝由此憂勤至於擗膺臣每思之痛切心骨今天下兵戈未戢瘡痍未平陛下豈得不日聞讜言以廣視聽而欲頓隔忠讜之路乎臣竊聞陛下在陝州時奏事者不限貴賤務廣聞見乃堯舜之事也凡百臣庶以為太宗之理可翹足而待也臣又聞君子難進易退由此言之朝廷開不諱之路猶恐不言况懷厭怠令宰相宣進止使御史臺作條目不令直進從此人人不敢奏事則陛下聞見只在三數人耳天下之事方銜口結舌陛下後見無人奏事必謂朝廷無事可論豈知懼不敢進即林甫國忠復起矣凡百臣庶以為危殆之期又翹足而至也如今日之事曠古未有雖李林甫楊國忠猶不敢公然如此今陛下不早覺悟漸成孤立後縱悔之無及矣臣實知忤大臣者罪在不測不忍孤負陛下無任懇迫之至其激切如此於是中人爭寫內本布於外後攝祭太廟以祭器不修言於朝載坐以誹謗貶破州別駕撫州湖州刺史元載伏誅拜刑部尚書代宗崩為禮儀使又以高祖已下七聖諡號繁多乃上議請取初諡為定哀慘以詔言排之遂罷楊炎為相惡之改太子少傅禮儀使如舊外示崇寵實去其權也盧杞專權忌之改太子太師罷禮儀使論於真卿曰方面之任何處為便真卿候杞於中書曰真卿以福性為小人所

憎竄逐非一今已羸老幸相公庇之相公先中丞傳首至平原面上血真卿不敢衣拭以舌舐之相公忍不相容乎杞驀然下拜而含怒心會李希烈陷汝州杞乃奏曰顏真卿四方所信使諭之可不勞師旅上從之朝廷失色李勉聞之以為失一元老貽朝廷羞乃密表請留又遣逆於路不及初見希烈欲宣詔旨希烈養子千餘人露刃爭前迫真卿將食其肉諸將叢速慢罵舉刀以擬之真卿不動希烈遽以身蔽之而麾其眾眾退乃揖真卿就館舍因逼為章表令雪已願罷兵馬累遣真卿兄子峴與從吏凡數輩繼來京師上皆不報每與諸子書令嚴奉家廟恤諸孤而已希烈大宴逆黨召真卿坐使觀倡優斥黷朝政為戲真卿怒曰相公人臣也奈何使此曹如是乎拂衣而起希烈慙亦呵止時朱滔王武俊田悅李納使在坐目真卿謂希烈曰聞太師名德久矣相公欲建大號而太師至非天命正位欲求宰相孰先太師乎真卿正色叱之曰是何宰相耶君等聞顏泉卿無是吾兄也祿山反首舉義兵及被害詬罵不絕於口吾今年向八十官至太師守吾兄之節死而後已豈受汝輩誘脅耶諸賊不敢復出口希烈乃拘真卿令甲士十人守掘方丈坎於庭曰坑顏真卿怡然不介意後張伯儀敗績於安州希烈令賈伯儀旌節首級誇示真卿真卿慟哭投地後其大將周曾等謀襲汝州因迴兵殺希烈奉真卿為節度事洩希烈殺曾等遂送真卿於龍興寺真卿度必死乃作遺表自為墓誌祭文常指寢室西壁下云吾殯所也希烈既陷汴州僞偽號使人問儀於真卿真卿曰老夫耄矣曾掌國禮所記者諸侯朝聘禮耳與元元年王師復振逆賊慮變起蔡州乃遣其將辛景臻安華至真卿所積柴庭中沃之以油且傳逆詞曰不能屈節當自燒真卿乃投身赴火景臻等遽止之復告希烈德宗復宮闕希烈弟希倩在朱泚黨中例伏誅希烈聞之怒與元元年八月三日乃使閹奴與景臻等殺真卿先日有勅真卿拜奴曰宜賜卿死真卿曰老臣無狀罪當死然不知使人何日從長安來奴曰從大梁來真卿罵曰乃逆賊耳何勒耶遂縊殺之年七十七及淮泗平貞元元年陳仙奇使護送真卿喪歸京師德宗痛悼異常廢朝五日諡曰文忠復下詔曰君臣之義生錄其功歿厚其禮況才優匡國忠至滅身朕自與歎勞於

寤寐。故光祿大夫守太子太師上柱國魯郡公顏真卿。器質天資。公忠傑出。出入四朝。堅貞一志。屬賊臣擾亂。委以存論。拘繫累歲。死而不撓。稽其感節實謂猶生。朕致貽斯禍。愆悼靡及。式崇嘉命。兼延爾嗣。可贈司徒。仍賜布帛五百端。男顏頊等喪制終。所司奏。超授官秩。貞元六年十一月。南郊赦書。節文授真卿一子五品正真官。故顏得錄用。文宗詔曰。朕每覽國史。見忠烈之臣。未嘗不嗟歎久之。思有以報。如聞從覽弘式。實真卿之孫。永惟九原。既不可作。旌其嗣續。諒協典彝。考績已深。於宦途者。命立於中臺。官次未齒。於搢紳者。俾佐於左輔。庶使天下。再新義風。以真卿曾孫弘式。爲同州參軍。

史臣曰。每思先軫。免胄。子路結纓。雖云其忠。未聞於道。如成公孝於家。能於軍。忠於國。是武之英也。苟無楊炎弄權。若任之爲將。遂展其才。豈有朱泚之禍焉。如清臣富於學。守其正。全其節。是文之傑也。苟無盧杞惡直。若任之爲相。遂行其道。豈有希烈之叛焉。夫國得賢則安。失賢則危。德宗內信姦邪。外斥良善。幾致危亡。宜哉。噫。仁以爲己任。不亦重乎。死而後已。不亦遠乎。二君守道。歿身。爲時垂訓。希代之士也。光文武之道焉。

贊曰。自古皆死。得正爲順。二公云亡。萬代垂訓。

舊唐書卷一百二十八

舊唐書卷一百二十八考證

段秀實傳 ○ 臣德潛按柳宗元段太尉逸事狀。一載其屈服郭晞。見其剛正。一載其媿恥。焦令謫。見其慈惠。一載其不受朱泚餽。見其清節。至于以笏擊賊。此殺身成仁大節。不在逸事內也。宗元上之史館。後作唐書時。仍遺之。何耶。

顏真卿傳代宗嗣位拜利州刺史遷戶部侍郎 ○ 新書作吏部

除尚書左丞 ○ 新書作右丞

楊炎爲相惡之改太子少傅 ○ 新書作少保

舊唐書卷一百二十八考證

後晉司空同中書門下平章事劉昫撰

列傳第七十九

韓滉

子弘靖弘靖

子文規次宗

韓滉字太沖太子少師休之子也少貞介好學以蔭解褐左威衛騎曹參軍出爲同官主簿至德初青齊節度鄧景山辟爲判官授監察御史兼北海郡司馬以道阻絕因避地山南探訪使李承昭奏充判官授通州長史彭王府諮議參軍鄧景山移鎮淮南又表爲賓佐未行除殿中侍御史追赴京師先是滉兄法知制誥韋王瑛拜官之詞不加虛美瑛頗銜之及其秉政諸使奏滉兄弟者必以冗官授之瑛免相羣議稱其屈累遷至祠部考功吏部三員外郎滉公潔強直明於吏道判南曹凡五年詳究簿書無遺纖隱大曆中改吏部郎中給事詔原其罪滉密疏駁奏賊遂伏辜遷尚書右丞五年知兵部選六年改戶部侍郎判度支自至德乾元已後所在軍興賦稅無度帑藏給納多務因循滉既掌司計清勤檢轄不容姦妄下吏及四方行綱過犯者必痛繩之又屬大曆五年已後蕃戎罕侵連歲豐稔故滉能儲積穀帛帑藏稍實然計剋頗甚覆治按牘勾剋深文人多咨怨大曆十二年秋霖雨害稼京兆尹黎幹奏畿縣損田滉執云幹奏不實乃命御史巡覆迴奏諸縣凡損三萬一千一百九十五頃時渭南令劉藻曲附滉言所部無損戶部分巡御史趙計復檢行奏與藻合代宗覽奏以爲水旱咸均不宜涓南獨免申命御史朱敖再檢渭南損田三千餘頃上謂敖曰縣令職在字人不損猶宜稱損而不問豈有恤隱之意也卿之此行可謂稱職下有司訊鞫藻計皆伏罪藻貶萬州南浦員外尉計貶豐州員外司戶滉弄權樹黨皆此類也俄改太常卿議未息又出爲晉州刺史數月拜蘇州刺史浙江東西都團練觀察使尋加檢校禮部尚書兼御史大夫潤州刺史鎮海軍節度使滉既移鎮安輯百姓均其租稅未及踰年境內稱理及建中年冬涇師之亂德宗出幸河汴驍然滉訓練士卒鍛礪戈甲稱爲精勁李希烈既陷汴

州滉乃擇其銳卒令裨將李長榮王栖曜與宣武軍節度劉玄佐倚角討襲解軍陵之圍復宋汴之路滉功居多然自關中多難滉即於所部閉關築石頭五城自京口至玉山禁馬牛出境造樓船戰艦三十餘艘以舟師五千人由海門揚威武至申浦而還毀撤上元縣佛寺道觀四十餘所修塙壁建業抵京峴樓雉相屬以佛殿材於石頭城繕置館第數十時滉以國家多難恐有永嘉渡江之事以爲備預以迎變薦亦申傲自守也城中穿深井十丈近百所下與江平俾偏將丘悅營其役涿醜虐士卒日役千人朝令夕辦去城數十里內先賢丘墓多令毀廢明年正月追李長榮等戍鄆還以其所親吏盧復爲宣州刺史採石軍使增營壘教習長兵以佛寺銅鐘鑄弩牙兵器陳少遊時鎮揚州以甲士三千人臨江大閱滉亦以兵三千人臨金山與少遊相應樓船於江中以金銀繒綵互相聘賚而自德宗出居及歸京師軍用既繁道路又阻關中飢饉加以災蝗江南兩浙轉輸粟帛府無虛月朝廷賴焉與元元年就加檢校吏部尚書數月又加檢校右僕射貞元元年七月拜檢校左僕射同平章事使並如故二年春特封晉國公其年十一月來朝京師時右丞元秀判度支以關輔旱儉請運江淮租米以給京師上以滉浙江東節度素著威名加江淮轉運使欲令專督運務秀以滉性剛愎難與集事乃條奏滉督運江南米至揚子凡一十八里揚子以北皆元秀主之滉深怒於秀秀以京師錢重貨輕切疾之乃於江東監院收復見錢四十餘萬貫令轉送入關滉不許乃誣奏云運千錢至京師費錢至萬於國有害請罷之上以問秀秀奏曰一千之重約與一斗米均自江南水路至京一千之所運費三百耳豈至萬乎上然之遣中使齋手詔令運錢滉堅執以爲不可其年十二月加滉度支諸道轉運鹽鐵等使遂遲宿怒累經奏秀貶雷州司戶其責既重舉朝以爲非罪多竊議者尚書左丞董晉謂宰臣劉滋齊映曰元左丞忽有貶責未知罪名用刑一濫誰不危懼假有權臣驕志相公何不奏請三司詳斷之去年關輔用兵時方蝗旱秀總國計夙夜憂勤以贍給師旅不增一賦軍國皆濟斯可謂之勞臣也今見播逐恐失人心人心一搖則有聞鷄起舞者矣竊爲相公痛惜之滋映但引過而已給事袁高又抗疏

申理之。混誣以朋黨寢而不行。時兩河罷兵。中土寧久。混上言吐蕃盜有河湟。為日已久。大曆已前。中國多難。所以肆其侵軼。臣聞其近歲已來。兵衆寢弱。西迫大食之強。北病迴紇之衆。東有南詔之防。計其分鎮之外。戰兵在河龍五六萬而已。國家第令三數良將。長驅十萬衆於涼都。洗渭。並修堅城。各置二萬人。是當守禦之要。臣請以當道所貯蓄財賦。為饋運之資。以充三年之費。然後營田積粟。且耕且戰。收復河龍二十餘州。可翹足而待也。上甚納其言。混之入朝也。路由汴州。厚結劉玄佐。將薦其可任邊事。玄佐納其賂。因許之。及來覲。上訪問焉。初。混稟命。及混以疾歸第。玄佐意怠。遂辭邊任。咸陳大戎未衰。不可輕進。混貞元三年二月。以疾薨。遂寢其事。年六十五。上震悼久之。廢朝三日。贈太傅。賜布帛米粟有差。混宰相子。幼有美名。其所結交。皆時之儔彥。非公直者。不與之親密。性持節儉。志在奉公。衣菜茵祗。十年一易。居處陋薄。繞蔽風雨。第迴常於里宅。增修廊宇。混自江南至。即命撤去之。曰。先公容焉。吾輩奉之。常恐失墜。所有權圯。葺之則已。豈敢改作。以傷儉德。自居重位。愈清儉。嫉惡彌縫。闕漏。知無不為。家人資產。未嘗在意。入任之初。以至卿相。凡四十年。相繼乘馬五疋。皆及敵帷。尤工書。兼善丹青。以繪事非急務。自晦其能。未嘗傳之。好易象及春秋。著春秋通例。及天文事序。議各一卷。然以前輩早達。稍薄後進。晚歲至京師。丞郎卿佐。接之頗倨。衆不能平。其在浙右也。政令明察。末年傷於嚴急。巡內婺州。傍縣有犯其令者。誅及鄰伍。死者數十百人。又俾推覆官分察境內。情涉疑似。必實極法。誅殺殘忍。一判即剿數十人。且無虛日。雖令行禁止。而冤濫相尋。議者以混統制一方。頗著勳績。自幼立名。貞廉。晚途政甚苛慘。身未達則飾情以進。得其志。則本質遂彰。子羣。羣官至考功員外郎。羣字仲聞。夙負令名。而器質重厚。有大臣之度。由雲陽尉擢賢良科。拜左拾遺。轉左補闕。累遷起居郎。考功員外郎。俄丁父艱。德宗遣中人就第慰問。仍宣令論譔混之事業。羣號泣承命。立草數千言。德宗嘉之。及免喪。執政者擬考功郎中。御筆加知制誥。還中書舍人。御史中丞。尚書右丞。兵部侍郎。皆稱職。改京兆尹。妻鄭絳。為倉曹。羣掌錢穀。鋒苛刻。刺下為事。人皆咨怨。又勸羣搜索府中雜錢。折糴百姓粟麥等。二十

萬石進奉。以圖恩寵。羣納其計。尋奏絳為與平縣令。及貞元十四年春夏大旱。粟麥枯槁。畿內百姓。累經旱陳。訴以府中倉庫虛竭。憂迫惶惑。不敢實奏。會唐安公主女出適右庶子李愬。內官中使於愬家往來。百姓遮道投狀。內官繼以事上聞。德宗下詔曰。京邑為四方之則。長吏受親人之寄。實繫邦本。以分朕憂。苟非其才。是紊於理。正議大夫守京兆尹。賜紫金魚袋。韓。比。踐清貴。頗聞謹恪。委之尹正。冀効公忠。乃者邦畿之間。粟麥不稔。朕念茲黎庶。方議蠲除。自宜悉心。以副勤恤。羣奏報失實。處理無方。致令閭井不安。羣然上訴。及令覆試。皆涉虛詞。羣蔽頗深。固惑斯甚。宜加懲誡。以勵守官。可撫州司馬。員外置同正員。馳驛發遣。絳亦尋出為汀州司馬。羣無幾。移杭州刺史。復拜尚書右丞。羣特前輩。頗以簡倨自處。順宗時。王叔文黨。感羣之謂人曰。吾不能事新貴。羣從弟。擘。幸於叔文。以告之。因出為鄂州刺史。岳鄂斬沔等州觀察使。入為東都留守。元和八年六月。加檢校吏部尚書。兼許州刺史。充忠武軍節度等使。以陳許二州水潦之後。賜羣緇絹布萬十萬端疋。以助軍資。宴實。所理以簡儉稱。入為吏部尚書。兼太子少傅。判太常卿事。元和十一年三月。皇太后王氏崩。以羣充大明宮使。十五年閏正月。充憲宗山陵禮儀使。三月。穆宗以師保之舊。加檢校右僕射。十二月。以銓司考科目人失實。與刑部侍郎知選事。李建勳。一月俸料。長慶元年正月。正拜尚書右僕射。二年四月。轉左僕射。赴尚書省上事。命中使宣賜酒饌。及宰臣百寮送上。皆如近式。其年以本官東都留守。行及戲源。驛暴卒。年七十九。贈太子太保。太和元年。諡曰貞。羣生知音律。嘗觀彈琴。至止息。數曰。妙哉。絳生之為是曲也。其當晉魏之際乎。其音主商。商為秋聲。秋也者。天將搖落。蕭殺其歲之晏乎。又晉乘金運。商金聲。此所以知魏之季。而晉將代也。慢其篡絃。與宮同音。是臣奪君之義也。所以知司馬氏之將篡也。司馬懿受魏明帝顧託。後嗣反有篡奪之心。自誅曹爽。逆節彌露。王陵都督揚州。謀立荆王彪。毋丘儉。文欽。諸葛誕。前後相繼。為揚州都督。咸有匡復魏室之謀。皆為懿父子所殺。叔夜以揚州故廣陵之地。彼四人者。皆魏室文。武大臣。咸取散於廣陵始也。止息者。晉雖暴。與終止息於此也。其哀憤蹙蹙。慄痛迫脅之旨。盡在於是矣。永

嘉之亂其應乎。叔夜撰此將貽後代之知音者。且避晉魏之禍。所以託之神鬼也。洄以蔭緒受任。劉晏判鹽鐵度支。辟爲屬吏。累官至諫議大夫。知制誥。與元載。韋載。誅。以累貶邵州司戶正員。建中元年二月。復諫議大夫。先以劉晏兼領度支。晏既罷。黜。令天下錢穀各歸尚書省。本司廢職。罷事。久無綱紀。徒收其名。而莫綜其任。國用出入。未有所統。故轉洄戶部侍郎。判度支。洄上言。江淮七監歲鑄錢四萬五千貫。輸于京師。度工甲轉送之費。每貫計錢二千。是本倍利也。今商州有紅崖冶。出銅益多。又有洛源監。久廢不理。請增工鑿山以取銅。與洛源故監。置十鑪鑄之。歲計出錢七萬二千貫。度工用轉送之費。實計錢九百。則利浮本矣。其江淮七監。請皆罷之。復以天下銅鐵之冶。是曰山澤之利。當歸於王者。非諸侯方岳所有。今諸道節度都團練使皆占之。非宜也。請總隸鹽鐵使。皆從之。洄與楊炎善。炎得罪。常不自安。無何。兄子臯抗疏。理炎罪。德宗意洄令爲之。尋貶蜀州刺史。興元元年三月。入爲兵部侍郎。六月。爲京兆尹。七月。加御史大夫。貞元二年正月。刑部侍郎劉太真。黨於宰相盧杞得罪。以洄代太真爲刑部侍郎。尋復兵部侍郎。貞元七年十一月。爲國子祭酒。

張延賞。中書令嘉貞之子。幼孤。本名寶符。開元末。玄宗召見。賜名延賞。取實延於世之義。特授左司禦率府兵曹參軍。博涉經史。達於政事。侍中韓國公苗晉卿見而奇之。以女妻焉。肅宗在鳳翔。擢拜監察御史。賜緋魚袋。轉殿中侍御史。關內節度使王思禮。請爲從事。思禮領河東。又爲太原少尹。兼行軍司馬。北都副留守。代宗幸陝。除給事中。轉御史中丞。中書舍人。大曆二年。拜河南尹。充諸道營田副使。河洛久當兵衝。閭井丘墟。延賞勤身率下。政尚簡約。疏河渠。道。修築宮廟。數年間。流庸歸附。邦畿復完。詔書褒美焉。時罷河南西山。山南副元帥。以其兵鎮東都。延賞權知東都留守。以領之。理行第一。入朝拜御史大夫。初上封人李少良。潛以元載陰事聞。載黨知之。奏少良狂妄。下御史臺訊鞠。欲有所屬。延賞不承其意。尋出爲揚州刺史。淮南節度觀察等使。屬歲旱。歉。人有亡去他境者。吏或拘之。延賞曰。夫食人之所恃而生也。此居而坐斃。適彼而可生。得存吾人。又何限於彼也。乃具舟楫。而遣之。俾吏修其廬室。已其逋債。而歸者增

於其舊。邊江之瓜洲。舟航湊會。而懸屬江南。延賞奏請以江爲界。人甚爲便。尋以母憂去職。終制授檢校禮部尚書。江陵尹兼御史大夫。荆南節度觀察使。數年。改檢校兵部尚書。成都尹。劍南西川節度觀察使。依前兼御史大夫。尋就加吏部尚書。建中四年十一月。部將西山兵馬使張勗。以兵入成都爲亂。延賞奔漢州。鹿頭戍將叱干遂等討之。其月斬勗及同惡者。復歸成都。先是兵革屢擾。自天寶末。楊國忠用事。南蠻。三蜀疲弊。屬車駕還幸。其後郭英。又淫崔寧之室。遂縱崔寧楊琳交亂。及崔寧得志。復極侈靡。故蜀土殘弊。蕩然無制度。延賞薄賦。約事。動遵法度。僅至庶富焉。建中末。駕在山西。延賞貢奉。俱竭忠力焉。駕在梁州。倚劍南蜀州爲根本。貞元元年。以宰相劉從一有疾。詔徵延賞爲中書侍郎。同中書門下平章事。與鳳翔節度使李晟不協。晟表論延賞過惡。德宗重違晟意。延賞至興元。改授左僕射。初。大曆末。吐蕃寇劍南。李晟領神策軍戍之。及旋師。以成都官妓高氏歸。延賞聞而大怒。即使將吏令追還焉。晟頗銜之。形於詞色。三年正月。晟入朝。詔晟與延賞釋憾。德宗注意於延賞。將用之。會浙西觀察使韓滉來朝。嘗有德於晟。因會讌。說晟使釋憾。遂同飲極歡。且請晟表薦爲相。晟然之。於是復加同中書門下平章事。及延賞當國用事。晟請一子聘其女。固情好焉。延賞拒而不許。晟謂人曰。武人性快。若釋舊惡於盃酒之間。終歡可解。文士難犯。難修睦於外。而蓄怒于內。今不許婚。壘未忘也。得無懼焉。無幾。延賞果謀罷晟兵權。初。吐蕃尙結贊與兵入隴州。抵鳳翔。無所虜掠。且曰。召我來。何不持牛酒勞軍。徐乃引去。持是以間晟。晟令牙將王佖選銳兵三千。設伏汧陽。大敗吐蕃。結贊僅免。自是數遣使乞和。晟朝於京師。奏曰。戎狄無信。不可許。宰相韓滉。又扶晟議。請調軍食以繼之。上意將帥主事。邀功會滉。卒。延賞揣上意。遂行其志。奏令給事中鄭雲遠代之。上不許。且曰。晟有社稷之功。令自舉代已者。於是始用邢君牙焉。拜晟太尉。兼中書令。奉朝請而已。是年五月。吐蕃果背約。以劫渾瑊。及冊晟太尉。故事。臨軒冊拜三公。中書令讀冊。侍中奉禮如闕。即以宰相攝之。延賞欲輕其禮。始令兵部尚書崔漢衡攝。中書令讀冊。時議非之。延賞奏。議請省官員。曰。爲政之本。必先命官。舊制官員繁而且費。州縣

殘破職此之由。臣荆南劍南所管州縣關官員者，少不下數十年。吏部未嘗補授，但令一官假攝公事亦理。以此言之，員可減無疑也。請減官員，收其祿俸資。蕃職戰士，俾劉玄佐復河湟，軍用不乏矣。上然之。初，韓滉入朝，至汴州，厚結劉玄佐，將薦其可委邊任。玄佐亦欲自効，初稟命，及滉卒，玄佐以疾辭。上遣中官勞問，臥以受命。延賞知不可用，奏用李抱真。抱真亦辭不行。時抱真判官陳彥奏事京師，延賞俾彥勤抱真，竟拒絕之。蓋以延賞挾怨罷李晟兵柄，由是武臣不附。自建議減員之後，物議不平。延賞懼，量留其官。下詔曰：諸州府停減及所留官，並合釐務。其中有先考滿及充職掌，遇停減或恐公務有關，宜委長吏於合停官中取考淺人，清白幹舉者，留填闕。官差攝訖，開奏，但取才堪，不限資序。如當州官少，任以鄰州官充。其州縣諸色，部送進舊例，以當州官及本土寄客。有資產幹了者，差遣及減員人眾，道路怨歎。自聞於上，侍中馬燧奏減員太甚，恐不可行。太子少保韋倫及常參官等各抗疏，以減員招怨，並請復之。浙西觀察使白志貞亦以疏論。時延賞疾甚，在私第，李泌初為相，採於羣情，由是官員悉復。貞元三年七月薨，年六十一。廢朝三日。贈太保，諡曰成。蕭子弘靖，字元理，雅厚信直，少以門蔭授河南府參軍，調補藍田尉。東都留守杜亞辟為從事，奏改監察御史。裏行，轉殿中侍御史，內供奉。留守將令孤運逐賊出郊，其日有劫轉運絹於道者，亞以運豪家子，意其為之，乃令判官穆員及弘靖同鞠其事。員與弘靖皆以運職在牙門，必不為盜，堅請不按。亞不聽，遂以獄聞。仍斥員及弘靖出幕府。有詔令三司使雜治之。後果於河南界得賊，無何，德陽公主下嫁，治第將侵弘靖家廟。弘靖拜表陳情，具述祖考之德，德宗慰撫之，不令毀廟。又獻賦美二京之制，德宗嘉其文，擢授監察御史。轉殿中侍御史，禮部員外郎，遷兵部郎中，知制誥。中書舍人知東都選事，拜工部侍郎，轉戶部侍郎。陝州觀察，河中節度使，拜刑部尚書。同中書門下平章事。吳少陽死，其子元濟擅主留務，憲宗怒，欲下詔誅之。弘靖請先命弔贈使，待其不恭，然後加兵。憲宗從其議，尋加中書侍郎，平章事。盜殺宰相武元衡，京師索賊未得。時王承宗邸中有鏡，卒張晏輩數人行止無狀，人多意之。詔錄付御史陳中師按之，皆附致其

罪如京中所說。弘靖疑其不直，驟於上前言之。憲宗不聽，竟殺張晏輩。及田弘正入鄆，按簿書，亦有殺元衡者。但事曖昧，互有所說，卒未得其實。又殺張晏後，憲宗欲遂伐承宗。弘靖以為為戎事，並與鮮有濟者，不若併攻元濟。待淮西平，然後悉師河朔。憲宗業已北討，不為之止。然亦重違其言。弘靖知終不聽，用遂自陳乞罷政事。俄檢校吏部尚書，同中書門下平章事。充太原節度使，行未及鎮，果下詔誅承宗。弘靖以驟諫不行，宜用自効。大開軍實，請躬討承宗。詔許出軍，不許自往。俄而魏博澤潞悉為承宗所敗。有詔賞其前言。弘靖即聞道發使，懇諭承宗。承宗因亦款附，旋徵拜吏部尚書，遷檢校右僕射，宣武軍節度使。時韓弘入覲之後也。弘靖用政寬緩，代弘之理。俄以劉總累求歸闕，且請弘靖代己。制加檢校司空平章事。充幽州盧龍等軍節度使。弘靖之入幽州也，薊人無老幼男女，皆夾道而觀焉。河朔軍帥冒寒暑，多與士卒同，無張蓋安輿之別。弘靖久富貴，又不知風土，入燕之時，肩輿於三軍之中。薊人頗駭之。弘靖以祿山思明之亂，始自幽州，欲於事初盡革其俗，乃發祿山墓，毀其棺柩。人尤失望。從事有韋雍，張宗厚輩，復輕肆嗜酒，常夜飲醉歸，燭火滿街。前後呵叱，薊人所不習之事。又雍等詬責吏卒，多以反虜名之。謂軍士曰：今天下無事，汝輩挽得兩石力弓，不如識一丁字。軍中以意氣自負，深恨之。劉總歸朝，以錢一百萬貫賜軍士。弘靖留二十萬貫充軍府雜用。薊人不勝其憤，遂相率以叛。囚弘靖於薊門館。執韋雍、張宗厚輩數人，皆殺之。續有張徹者，自遠使迴，軍人以其無過，不欲加害。將引置館中，徹不知其心，遂索弘靖所在。大罵軍人，亦為亂兵所殺。明日，吏卒稍稍自悔，悉詣館請弘靖為帥，願改心。事之，凡三請。弘靖卒不對軍人，乃相謂曰：相公無言，是不赦吾曹必矣。軍中豈可一日無帥，遂取朱洄為兵馬。留後朝廷既除洄子克融為幽州節度使，乃貶弘靖為撫州刺史。未幾，遷太子賓客。少保少師。長慶四年六月卒，年六十五。元和初，王承宗阻兵，劉總父濟備陳征討之術，請身先之。及出軍，累拔城邑。總既繼父願，述先志，且欲盡更河朔舊風。長慶初，累表求入朝，兼請分割所理之地。然後歸朝。其意欲以幽涿營州一道請弘靖理之。瀛州為一道，盧士玫理之。平薊，獨檀為一道，請薛平理之。仍

籍軍中宿將，盡薦於闕下。因望朝廷昇獎，使幽薊之人皆有希美爵祿之意。及疏上，穆宗且欲速得范陽，宰臣崔植、杜元穎又不爲遠大經略，但欲重弘靖所授而省其事局。唯瀛、莫兩州許置觀察使，其他郡縣悉命弘靖統之。時總所校俱在京師，放舍中久而不問。朱克融輩僅至假衣丐食，日詣中書求官，不勝其困。及除弘靖，命悉還本軍，克融輩難得復歸，皆深懷缺望。其後因爲叛亂，初總以平薊、矯禮請薛平，於分裂之中，尤爲上策，而朝廷不能行之，竟致後患。人到于今惜之。子文規，景初嗣。慶次宗，文規歷拾遺補闕，吏部員外郎。開元三年十一月，右丞韋溫彈劾文規長慶中父弘靖陷在幽州，文規徘徊京師，不尋赴難，不宜塵汙南宮，乃出爲安州刺史。累遷右散騎常侍，兼御史中丞，桂管都防禦觀察使。景初歷職使府，官止殿中侍御史。嗣慶位終河南少尹。次宗最有文學，稽古履行，開成中爲起居舍人。文宗復故事，每入閣，左右史執筆立于螭頭之下，宰相奏事得以備錄，宰臣既退，上召左右史更質證所奏是非，故開成政事詳於史氏。次宗尤稱奉職，改禮部員外郎，以兄文規爲韋溫不放入省出官，次宗堅辭省秩，改國子博士，兼史館修撰，出爲舒州刺史。卒。文規子彥遠，大中初由左補闕爲尚書祠部員外郎。景初子天保，嗣慶子彥修，次宗子曼容，延賞東都舊第在思順里，亭館之麗，甲於都城。子孫五代無所加工，時號「三相張氏」。云史臣曰：君民足則國富，將相和則國安，反是道焉，非得人者，澠殺元琇，委瑞鹽，逞輪運之能，非貞純之士，刻下罔上，以爲己功，幸逢多事之朝，例在姑息之地，幸而獲免，餘無可稱，延賞以私害公，罷李晟兵柄，使武臣不陳其力矣。惡直醜正，擠柳渾相位，致賢者不進其才矣。象恭僇功，皆四凶之跡也。雖以蔭繼世，以才進身，蹈非道者，實小人哉。延賞歷典名藩，皆稱善政，及登大位，乃彰飾情，辜迭處大寮，徒稱舊德。弘靖輕傲邊事，欺滅軍資，洄附元載，楊炎繼及累貶，俱非守正中立者也。書云：世祿之家，鮮克由禮，不其是歟。

贊曰：韓滉刻下，延賞害公，臯洄繼世，弘靖與戎。

舊唐書卷一百二十九

後晉司空同中書門下平章事劉昫撰

列傳第八十

王瓌 道士李國信附 李泌 子繁 顧況附 崔造 關播 李元平附

王瓌少習禮學博求祠祭儀注以干時開元末玄宗方尊道術靡神不宗瓌抗疏引古今祀典請置香壇祀青帝於國東郊玄宗甚然之因遷太常博士侍御史充祠祭使瓌專以祀事希俸每行祠禮或焚紙錢禱祈福祜迎於巫覡由是過承恩遇肅宗即位累遷太常卿以祠禱每多賜賚乾元三年七月兼蒲州刺史充蒲同絳等州節度使中書令崔圓罷相乃以瓌為中書侍郎同中書門下平章事人物時望素不為眾所稱及當樞務聲問頗減瓌又奏置太一神壇於南郊之東請上躬行祀事肅宗嘗不豫太卜云祟在山川瓌乃遣女巫分行天下新祭名山大川巫皆盛服乘傳而行上令中使監之因緣為姦所至干託長吏以邀賂遺一巫咸年而美以惡少年數十自隨尤為蠹弊與其徒宿於黃州傳舍刺史左震晨至驛門局鑄不可啟震破鎖而入曳女巫階下斬之所從惡少年皆斃聞其賊賂數十萬震籍以上聞仍請贖代貧民租稅其中使發遣歸京肅宗不能詰肅宗親謁九宮神懸敷於祠禱皆瓌所啟也歲餘罷知政事為刑部尚書上元二年兼揚州長史御史大夫充淮南節度使肅宗南郊禮畢以瓌使持節都督越州諸軍事越州刺史充浙江東道節度觀察處置使本官兼御史大夫祠祭使如故入為太子少保轉少師大曆三年六月卒瓌以祭祀妖妄致位將相時以左道進者往往有之廣德二年八月道士李國禎以道術見因奏皇室仙系宜修崇靈跡請於昭應縣南三十里山頂置天華上宮露臺大地婆父三皇道君太古天皇中古伏羲媧皇等祠堂并置掃灑宮戶一百戶又於縣之東義扶谷故湫置龍臺並許之時歲飢荒人甚不安昭應縣令梁鎮上表曰臣聞國以人為本害其本則非國神以人為主虐其主則非神故昔之聖王所以極陳理道明著祀典將愛其人而慎用其財力敬其神而虔恭於祠祭故神享其明德而降之福人受其大賴而盡其力然後神人以和而國家可

保也一昨蠱賊作孽水旱為災雖王畿皆遍而臣職最苦此則神之不能禦大災明矣又何力於陛下而得列祀典哉且以殘弊之餘當凶荒之歲丁壯素出家人仕羸老方飛芻輪粟令但供億王事已不堪命更奔走鬼道何以聊生臣又聞天地之神尊之極者掃地可祭精意可饗陛下亦何必廢先王之典崇俗巫之說走南畝之客殺東鄰之牛而後冀非妄之福陛下雖欲為人祈福福未至而人已困矣其不可一也陛下不視昔者有道之君至德之后曷不卑宮室惡飲食恭己以遂萬物之性哉陛下今違神亭育之心竭人疲困之力如是又何從而致其福哉此又不可二也又陛下宗廟之敬極矣尚無一月三祭之禮今此獨為則宗廟之靈將等以親疎枝以厚薄陛下又何以言哉此又不可三也又大地婆父祀典無文言甚不經義無可取若陛下特與大地建祖宗之廟必上天貽向背之責陛下又何以為詞哉此又不可四也夫湫者龍之所居也龍得水則神無水則螻蟻之匹也故知水存則龍在水竭則龍亡此愚智之所同知矣今湫竭已久龍安所存陛下又崇飾祠宇豐潔薦奠為去龍之穴破生人之產人且怨矣神何歆哉此又不可五也其道君三皇五帝則兩京及所都之處皆建宮觀祠廟時設齋醮饗祀國有彝典官有常禮蓋無闕失何勞神役靈此又不可六也臣稽先王之典禮觀前聖之軌躅休咎豐凶災祥禍福必主帝王五事不在山川百神此又不可七也臣伏察此弊頗知其由蓋以道士李國禎等動眾則得人與工則獲利祭祀則受胙主執則弄權是以鼓勵禁中燬惑天聽踰越險阻負荷乘威以日繫年無時而息曾不謂神功力空止竭人膏血以使人神宵怨災孽並生罔上害人左道亂政原情定罪非殺而何臣昨受命之時親承聖旨務存安緝許逐權宜誠願沉鄰縣之巫安流弊之俗其所與兩祠土木之功丹青之役三六之祭灑掃之戶謹明宣言並以權宜傳訖人吏百姓等知陛下以從善為心嫉惡為務蠲除不急刻章煩苛皆喧呼於庭扞躍於路所徵糧糶無不樂輸臣伏以國禎等並交結中貴校蠹成性臣雖忘身許國不懼讒構終恐賄及豪右復為奸惡其國禎等見據狀推勘如獲贓狀伏望許臣徵收便充當縣館本用其湫既竭不可更置祠堂又不當為大地建立

祖廟臣並請停其三皇道君天皇伏犧女媧等既先各有宮廟望請並於本所依禮齋祭上從之

李泌字長源其先遼東襄平人而魏太保八柱國司徒何弼之六代孫今居京兆吳房令承休之子少聰敏博涉經史精究易象善屬文尤工於詩以王佐自負張九齡韋虛心張廷珪皆器重之泌操尚不羈恥隨常格仕進天寶中自嵩山上書論當世務玄宗召見令待詔翰林仍東宮供奉楊國忠忌其才辯奏泌書為感遇詩諷刺時政詔於斬春郡安置乃潛遁名山以習隱自適天寶末祿山構難肅宗北巡至靈武即位遣使訪召會泌自嵩山冒難奔赴行在至彭原郡謁見陳古今成敗之機甚稱旨延致臥內動皆顧問泌稱山人固辭官秩特以散官寵之解褐拜銀青光祿大夫俸掌樞務至於四方文狀將相遷除皆與泌參議權逾宰相仍判元帥廣平王軍司馬肅宗每謂曰卿當上皇天寶中為朕師友下判廣平王行軍朕父子三人資卿道義其見重如此尋為中書令崔圓佯臣李輔國害其能將有不利於泌泌懼乞遊衡山優詔許之給以三品祿俸遂隱衡岳絕粒栖神數年代宗即位召為翰林學士頗承恩遇及元載輔政惡其異己因江南道觀察都團練使魏少遊奏求參佐稱泌有才拜檢校秘書少監充江南西道判官幸其出也尋改為檢校郎中依前判官元載誅乃馳傳入謁上見悅之又為宰相常哀所忌出為楚州刺史及謝恩具陳戀闕上奏重之留京數月會澧州刺史闕哀感陳泌理行以荆南潤澤遂輟泌理之詔曰荆南都會與在澧陽俾人歸厚惟賢是牧以泌文可以化成風俗政可以全活俾愛命頒條期乎共理無薄淮陽之守勉思渤海之功可檢校御史中丞充澧州團練使重其禮而遣之無幾改杭州刺史以理稱與元初徵赴行在遷左散騎常侍貞元元年除陝州長史充陝州都防禦觀察使二年六月泌奏號州盧氏山冶近出瑟瑟請充獻禁人開採詔曰瑟瑟之寶中土所無今產於近甸實為靈貺朕不飾器玩不尚珍奇常思返朴之風用明躬儉之節其出瑟瑟之處任百姓求採不宜禁止就加必檢校禮部尚書時陳許戍邊卒二千自京西逃歸至州境必潛師險隘左右攻擊盡誅之尋拜中書侍郎平章事集賢

崇文館學士修國史初張延賞大減官員人情恣怨泌請復之以從人欲因是奏罷兼試額內占闕等官加百官俸料隨閑劇加置手力課上從之人人以為便而實參旁奏遂改易使同品之內月俸多少累等泌又奏請罷拾遺補闕上雖不從亦不授人故諫司惟韓皋歸登而已泌仍命收其署泮錢令登等寓食於中書舍人故時戲云韓諫議雖分左右歸拾遺莫辨存亡如是者三年至貞元五年以前東都防禦判官殿中侍御史內供奉韋綬為左補闕監察御史梁肅右補闕既復置人心忻然順宗在春宮妃蕭氏母部國公主交通外人上疑其有他違坐貶黜者數人皇儲亦危泌百端奏說上意方解泌頗有謙直之風而談神仙詭道或云書與赤松子王喬安期羨門遊處故為代所輕雖詭道求容不為時君所重德宗初即位尤惡巫祝怪誕之士初肅宗重陰陽祠祝之說用妖人王瓌為宰相或命巫媪乘驛行郡縣以為厭勝凡有所興造功役動牽禁忌而黎幹用左道位至尹京書內集衆工編刺珠繡為御衣既成而焚之以為禳禮且無虛月德宗在中宮頗知其事即位之後罷集僧於內道場除巫祝之祀有司言宣政內廊壞請修繕而太卜云孟冬為魁岡不利穿窬請卜他月帝曰春秋之義啓塞從時何魁岡之有卒命修之又代宗山陵靈駕發引上號送于承天門見輜輶不當道稍指午未間問其故有司對曰陛下本命在午故不敢當道上號泣曰安有枉靈駕而謀身利卒命直午而行及建中末寇戎內梗桑道茂有城奉天之說上稍以時日禁忌為意而雅聞泌長於鬼道故自外徵還以至大用時論不以為恆及在相位隨時俯仰無足可稱復引顧況輩輕薄之流動為朝士戲侮頗貽譏論年六十八薨贈太子太傅贈禮有加泌放曠敏辯好大言自出入中禁累為權倖忌嫉恆由智免終以言論縱橫上悟聖主以躋相位有文集二十卷子繁少聰警有才名無行義泌為相嘗引薦夏縣處士北平陽城為諫議大夫城道直既遇知己深德之及泌歿戶部尚書裴延齡巧佞奉上德宗信任竊弄威權舉朝側目城中正之士尤忿嫉之一日盡疏其過惡欲密論奏以繁故人子為可親信遂不其疏草兼請繁繕寫繁既寫悉能記之其夕乃徑詣延齡具述其事延齡聞之即時請對盡以城章中欲論事件

一先自解及城疏入德宗以爲妄不之省必與右補闕翰林學士梁肅友善
嘗命繁持所著文請肅潤色繁亦有學術肅待之甚厚因許師事日熟其門
及肅卒繁亂其配士君子無不歎服積年委棄後起爲太常博士太常卿權德
輿奏斥之除河南府士曹掾以其警悟異常必之故人爲宰相左右援拯後得
累居郡守而力學不倦罷隨州刺史歸京師久不承恩章處厚入相厚待之寶
曆二年六月敬宗降誕日御三殿特詔兵部侍郎丁公著太常少卿陸巨與繁
等三人抗浮圖道士講論九月除大理少卿復加弘文館學士時諫官御史章
疏相繼幸臣不得已出爲亳州刺史州境嘗有羣賊剽人廬舍劫取貨財累致
擒捕不獲繁潛設機謀悉知賊之巢穴出兵盡加誅斬時議責繁以不先啓聞
廉使涉於擅與之罪朝廷遣監察御史舒元與按問元與素與繁有隙復以初
官銳於生事乃盡反其獄辭以爲繁愷殺無辜狀奏勅於京兆府賜死時人冤
之其後元與被禍人以爲有報應焉初必流放江南與柳渾顧況爲人外之交
吟詠自適而渾先達故必復得入官於朝

顧況者蘇州人能爲歌詩性詼諧雖王公之貴與之交者必戲侮之然以嘲諷
能文人多狎之柳渾輔政以校書郎徵復遇李泌繼入自謂已知秉樞要當得
達官久之方遷著作郎況心不樂求歸於吳而班列羣官咸有侮玩之目皆惡
嫉之及泌卒不哭而有調笑之言爲憲司所劾貶饒州司戶有文集二十卷其
贈柳宜城辭句率多戲劇文體皆此類也子非熊登進士累佐使府亦有詩
名于時

崔造字文宰博陵安平人少涉學承泰中與韓會盧東美張正則爲友皆僑居
上元好談經濟之略嘗以王佐自許時人號爲四夢浙西觀察使李栖筠引爲
賓僚累至左司員外郎與劉晏善及晏遭楊炎乘準誣奏伏誅造累貶信州長
史朱泚之逆造爲建州刺史聞難作馳檄鄰州請齊舉義兵遂調發所部得二
千人德宗聞而嘉之及收京師詔徵造至藍田以舅源休明逆伏誅上疏請罪
不敢即赴闕上以爲知禮優詔慰勉拜吏部郎中給事中貞元二年正月與中
書舍人齊映各守本官同平章事時京畿兵亂之後仍歲蝗旱府無儲積德宗

以造能言爲能立事故不次登用造久從事江外嫉錢穀諸使罔上之弊乃奏
天下兩稅錢物委本道觀察使本州刺史選官典部送上都諸道水陸運使及
度支巡院江淮轉運使等並停其度支鹽鐵委尙書省本司判其尙書省六職
令宰臣分判乃以戶部侍郎元琇判諸道鹽鐵權酒等事戶部侍郎吉中孚判
度支及諸道兩稅事宰臣齊映判兵部承旨及雜事宰臣李勉判刑部宰臣劉
滋判吏部禮部造判戶部工部又以歲飢浙江東西道入運米每年七十五萬
石今更令兩稅折納米一百萬石委兩浙節度使韓滉運送一百萬石至東渭
橋其淮南濠壽旨米洪潭屯米委淮南節度使杜亞運送二十萬石至東渭橋
諸道有鹽鐵處依舊置巡院勾當河陰見在米及諸道先付度支巡院般運在
路錢物委度支依前勾當其未離本道者分付觀察使發遣仍委中書門下年
終類例諸道課最聞奏造與元琇素厚罷使之後以鹽鐵之任委之而韓滉方
司轉運朝廷仰給其漕發滉以司務久行不可遽改德宗復以滉爲江淮轉運
使餘如造所條奏元琇以滉性剛難制乃復奏江淮轉運其江南米自江至揚
子凡十八里請滉主之揚子已北琇主之滉聞之怒持摭琇鹽鐵司事論奏德
宗不獲已罷琇判使轉尙書右丞其年秋初江淮漕米大至京師德宗嘉其功
以滉專領度支諸道鹽鐵轉運等使造所條奏皆改物議亦以造所奏難舉舊
典然凶荒之歲難爲集事乃罷造知政事守太子右庶子貶琇雷州司戶造初
奏太銳及琇改官憂懼成疾數月不能視事明年九月卒年五十一

關播字務元衛州汲人也天寶末舉進士鄧景山爲淮南節度使辟爲從事累
授衛佐評事遷右補闕善言物理尤精釋氏之學大曆中神策軍使王駕鸞妻
關氏以播與同宗深遇之元載惡其交往出爲河南府兵曹攝職數縣皆有政
能陳少遊領浙東淮南又辟爲判官歷檢校金部員外攝滁州刺史李靈曜阻
兵跋扈於梁汴少遊自總兵鎮汴上所在盜賊蜂起播調開州兵令其守備又
爲政清淨簡惠既無盜賊人甚安之楊綰常哀知政事薦播爲都官員外郎德
宗登極湖南山洞中有王國員者聚衆爲盜令播往宣撫之臨行召對於別殿
上問政理之要播奏云爲政之本須求有道賢人乃可得理上謂播云朕下詔

求賢良當躬親閱試亦遣使臣黜陟廣加搜訪聞薦擢其能者用之冀以傳理播奏曰下詔求賢黜陟舉薦唯得求名文詞之士安有有道賢人肯隨牒舉選乎上悅其言謂播曰卿且使去迴日當與卿論政事播又奏曰臣今奉詔招撫國良不受命臣請便宣恩命語鄰境遠出兵翦除上曰卿言深合朕意使迴改兵部員外遷河中少尹建中初張鑑為河中少尹鑑尋入相二年七月遷播給事中舊例諸司甲庫皆是胥吏章知為弊頗久播始建議並以士人知之至今稱當轉刑部侍郎奉迎皇太后副使盧杞以播柔緩冀其易制驟稱薦之尋遷吏部侍郎轉刑部尚書知刪定奏上元中詔擇古今名將十人於武成王廟配享如文宣王廟之儀播以太公古稱大賢今其下稱亞聖於義不安又孔子十哲皆是當時弟子今所擇名將年代不同於義既乖於事又失臣請刪去各將配享之儀及十哲之稱從之建中三年十月拜銀青光祿大夫中書侍郎同中書門下平章事集賢殿崇文館大學士修國史時政事決在盧杞播但斂衽取容而已至於知人之鑒好大言虛誕者播必悅而親信之有李元平陶公達張憇劉承誠皆言談詭妄誇大可立功名亦有微材薄藝播累奏云元平等皆可將相也請闕試用之上以為然以元平為補闕會淮西節度李希烈叛亂上以汝州要鎮令選擇刺史播薦元平為汝州刺史尋加檢校吏部郎中汝州別駕知州事元平至州旬日為希烈所擒汝州陷賊中外晒之由是公達等未敢任用播與盧杞等從駕幸奉天既而盧杞白志貞等並貶黜播尚知政事中外騫然以為不可遂罷相改刑部尚書大臣韋倫等泣於朝曰宰相不能謀猷翊贊以至今日而尚為尚書可痛心也貞元四年迴紇請和親以咸安公主出降可汗令播以本官加檢校右僕射兼御史大夫持節充送咸安公主及冊可汗奉使往來皆清儉謹慎蕃人悅之使迴遷兵部尚書固辭疾請罷官改太子少師致仕播致仕之後減去僮僕車騎閉關守靜不榮外事士君子重之貞元十三年正月卒時年七十九廢朝一日贈太子太保

李元平者宗室子始為湖南觀察使蕭復判官試大理評事性疎傲敢大言好論兵天下賢士大夫無不可其意者以是人多銜怒關播奇重之許以將帥時希

烈反叛朝廷以汝州與賊接壤刺史章光裔懦弱不任職播乃感稱元平特召見超左補闕不數日擢為檢校吏部郎中兼汝州別駕知州事既至部募工徒繕理郭郭希烈乃使勇士應募執役板築凡十數百人元平不之覺希烈遣偽將李克誠以數百騎突至其城先應募執役者應於內縛元平馳去既見希烈遺下污地希烈見其無賴眇小戲謂克誠曰使汝取李元平何得將元平兒來因媢罵曰盲宰相使汝當我何待我淺耶偽署為御史中丞播聞元平得用仍欺於人曰李生功業濟矣言必能覆希烈而建功也居無何希烈用為宰相或告其有二者乃斷一指以自誓希烈既死或有人言在賊中微有謀慮貸死流於珍州會赦得歸劍中浙東觀察使皇甫政表聞其到以發上怒復流賀州而死

史臣曰蒸嘗禘祀前王制以奉先怪力亂神宣聖鄙而不語凡云左道固有舊章瓊假於鬼神乃至將相既處代天之位爰滋亂政之源國禳妖人疑衆妄恢其祀典梁鎮正士抗疏方悟其用心必見可進而知難退足為高率智辯之士居相位而談鬼神乃見狂妄浮薄之蹤王制云執左道以亂政殺望無畏乎繁之醜行棄於當時竟陷非辜諒由素履造為臣得禮莅事非能播居位取容舉人敗事皆非國器咸歷台司失人者亡國其危矣

贊曰瓊必造播俱非相材國禳左道梁生直哉

舊唐書卷一百三十

舊唐書卷一百三十考證

王瓌傳乾元三年七月兼蒲州刺史充蒲同絳等州節度使○沈炳震曰按本紀乾元三年閏四月改元上元無七月明矣且瓌蒲州之拜紀在二年七月兩書皆作三年誤

中書令崔圓罷相乃以瓌爲中書侍郎同中書門下平章事○沈炳震曰按瓌乾元二年入相二年三月罷爲刑部尚書舊紀新表皆同七月始出爲蒲同絳等州節度使非自蒲州入相也兩書傳皆誤

上元二年兼揚州長史御史大夫充淮南節度使○沈炳震曰按本紀上元二年二月崔圓拜淮南節度使既除崔圓何又除瓌此亦未詳

李泌傳○臣德潛按泌爲童子時賦方圓動靜斥蕭誠軟美已見生平品概至調護玄宗肅代父子間後又保全順宗儲位俱能言人所不敢言此爲生平大節他如建議令李郭制賊辨盧杞姦邪破桑道茂語不使人君以命自諍並識見之卓絕者舊書都不之及但敘其爲宰相後長于鬼道唯以神仙惑人而論斷中謂乃見狂惑浮薄之蹤與王瓌並論爲左道惑衆者殺非公論也當以新書爲正

舊唐書卷一百三十考證

後晉司空同中書門下平章事劉昫撰

列傳第八十一

李勉 李暉 子象古道古

李勉字玄卿鄭王元懿曾孫也父擇言爲漢襄相岐四州刺史安德郡公所歷皆以嚴幹聞在漢州張嘉貞爲益州長史判都督事性簡貴待管內刺史禮隔而引擇言同榻坐談政理時人榮之勉幼勤經史長而沉雅清峻宗於虛玄以近屬陪位累授開封尉時昇平日久且汴水水陸所湊邑居雜糅號爲難理勉與聯尉盧成軌等並有擒奸擿伏之名至德初從至靈武拜監察御史屬朝廷右武勳臣特寵多不知禮大將管崇嗣於行在朝堂背闕而坐言笑自若勉劾之拘於有司肅宗特原之數曰吾有李勉始知朝廷尊也遷司膳員外郎時關東獻俘百餘詔並處斬囚有仰天數者勉過問之對曰某被脅制守官非逆者勉乃哀之上言曰元惡未殄遭點污者半天下皆欲澡心歸化若盡殺之是驅天下以資兇逆也肅宗遽令奔騎有釋由是歸化日至克復西京累歷清要四遷至河南少尹累爲河東節度王思禮朔方河東都統李國貞行軍司馬尋遷梁州都督山南西道觀察使勉以故吏前密縣尉王晬勤幹俸攝南鄭令俄有詔處死勉問其故乃爲權倖所誣勉詢將吏曰上方藉牧宰爲人父母豈以謬言而殺不辜乎即停詔拘晬飛表上聞晬遂獲宥而勉竟爲執政所非迫入爲大理少卿謁見面陳王晬無罪政事修舉盡力吏也肅宗嘉其守正乃除太常少卿王晬後以推擇拜大理評事龍門令終有能名時稱知人肅宗將大用勉會李輔國寵任意欲勉降禮於己勉不爲之屈竟爲所抑出歷汾州魏州刺史改京兆尹檢校右庶子兼御史中丞都畿觀察使尋兼河南尹明年罷尹以中丞歸西臺又除江西觀察使賊帥陳莊連陷江西州縣偏將呂太一武日昇相繼背叛勉與諸道力戰悉攻平之部人有病父以壘道爲木偶人署勉名位瘞于其籠或以告曰爲父禳災亦可矜也捨之大曆二年來朝拜京兆尹兼御史大夫政尚簡肅宦官魚朝恩爲觀軍容使仍知國子監事特寵舍威天憲在舌

前尹黎幹寫心候事勳必求媚每朝恩入監傾府人吏具數百人之饋以侍之及勉莅職旬月朝恩入監府吏先期有請勉曰軍容使判國子監事勳候太學軍容官厚具主禮勉忝京尹軍容儻惠顧府廷豈敢不具蔬饌朝恩聞而銜之因不復至太學勉亦尋受代四年除廣州刺史兼嶺南節度觀察使番禺賊帥馮崇道桂州叛將朱濟時等阻洞爲亂前後累歲陷沒十餘州勉遣將李觀與容州刺史王翊併力招討悉斬之五嶺平前後西域船泛海至者歲纔四五勉性廉潔舶來都不檢閱故末年至者四千餘在官累年器用車服無增飾及代歸至石門停舟悉搜家人所貯南貨犀象諸物投之江中耆老以爲可繼前朝宋璟盧奐李朝隱之徒人吏詣闕請立碑代宗許之十年拜工部尚書及滑毫丞平軍節度令狐彰卒遺表舉勉自代因除之在鎮八年以舊德清重不嚴而理東諸帥雖暴驚者亦宗敬之十一年汴宋留後田神玉卒詔加勉沛州刺史汴宋節度使未行汴州將李靈曜阻兵北結田承嗣承嗣使姪悅將銳兵戍之詔勉與李忠臣馬燧等攻討大破之悅僅以身免靈曜北走勉騎將杜如江擒之以獻代宗褒賞甚厚既而李忠臣代鎮汴州而勉仍舊鎮忠臣遇下食彥明年爲麾下所逐詔復加勉汴宋節度使移理汴州餘並如故德宗嗣位加檢校吏部尚書尋加平章事建中元年檢校左僕射充河南汴宋滑亳河陽等道都統餘如故四年李希烈反以他盜爲名悉衆來寇汴州勉城守累月救援莫至謂其將曰希烈兇逆殘酷若與較力必多殺無辜吾不忍也遂潛師潰圍南奔宋州詔以司徒平章事徵既至朝廷素服請罪優詔復其位勉引過備位而已無何盧杞自新州員外司馬除澶州刺史給事中袁高以杞邪佞蠹政貶未塞責傳詔執表遂授澶州別駕他日上謂勉曰衆人皆言盧杞姦邪朕何不知卿知其狀乎對曰天下皆知其姦邪獨陛下不知所以爲奸邪也時人多其正直然自是見陳粟表辭位遂罷知政事加太子太保貞元四年卒年七十二上頗愍悼之冊贈太傅贈物有差喪葬官給勉坦率素淡好古尚奇清廉簡易爲宗臣之表善鼓琴好屬詩妙知音律能自制琴又有巧思及在相位向二十年祿俸皆遺親黨身沒而無私積其在大官禮賢下士終始盡心以名士李巡張

參爲判官。卒於暮。三歲之內。每遇宴飲。必設虛位於筵次。陳膳執酌。辭色悽惻。論者美之。或曰。勉失守梁城。亦可貶也。議者曰。不然。當賊烈之始。亂其慄悍。陰禍兇焰。不可當天。方厚其毒而降之。罰。沉勉應變。非長援軍。莫至。又其時關輔已倣擾矣。人心已動搖矣。以文吏之才。當虎狼之隊。其全師奔宋。非量力之取也。與其坐受喪敗。不猶愈乎。

李臯。字子蘭。曹王明玄孫。嗣王戡之子。少補左司禦率府兵曹參軍。天寶十一載。嗣封授都水使者。三遷。至祕書少監。皆同正。多智數。善因事以自便。奉太妃鄭氏。以孝聞。上元初。京師旱。米斛直數千。死者甚多。臯度俸不足養。亟請外官。不允。乃故抵微法。貶温州長史。無幾。攝行州事。歲餘。州有官粟數十萬斛。臯欲行賑救。掾吏叩頭乞候。上旨。臯曰。夫人日不再食。當死。安暇稟命。若殺我一身。活數千人命。利莫大焉。於是開倉盡散之。以擅貸之罪。飛章自劾。天子聞而嘉之。答以優詔。就加少府監。臯行縣。見一媪垂白而泣。哀而問之。對曰。李氏之婦。有二子。鈞。鈞。官遊二十年。不歸。貧無以自給。時鈞爲殿中侍御史。鈞爲京兆府法曹。俱以文藝登科。名重於時。臯曰。入則孝。出則悌。行有餘力。然後可以學文。若二子者。豈可備於列位。由是舉奏。並除名。勿齒。改處州別駕。行州事。以良政聞。徵至京。未召見。因上書言理道。拜衡州刺史。坐小法。貶潮州刺史。時楊炎謫官道州。知臯事直。及爲相。復拜衡州。初。臯爲御史。覆訊懼貽太妃憂。竟出則素服。入則公服。言貌如平常。太妃竟不知。及爲潮州。詭詞謂遷。至是復位。方泣以白。且言非疾。不敢有聞。建中元年。遷湖南觀察使。前使辛京杲。食殘。有將王國良鎮邵州。武岡縣豪富京杲。以死罪加之。國良危懼。因人所苦。遂散財聚衆。據縣以叛。諸道同討。聯歲不能下。臯授命日。乃曰。驅疲吐。誅反側。非所以奉聖朝。事遣使遺國良書曰。觀將軍非敢大逆。盡遭讒嫉。救誤死而已。將軍過我。何不速降。我與將軍同爲辛京杲所構。我已蒙聖朝昭雪。使我何心持刃殺將軍耶。將軍以爲不然。我以陣術破將軍陣。以攻法屠將軍城。非將軍所度也。國良捧書且憂且喜。遣使請降。亦未必決。臯即日赴縣受降。中道有候騎馳告曰。國良軍中有變。言降是詐也。臯曰。非爾輩所知。遂留麾下兵。單騎假稱使者。徑入國

良壘中。國良召使者入。臯遂大叫軍中曰。有人識曹王否。只我是國良。何不速降。一軍愕眙。不敢動。適有識者走至。傳呼曰。是國良。匍匐叩頭請罪。臯執手約爲兄弟。盡焚攻守之備。散倉庫。給兵士。令復農桑。有詔赦國良罪。賜名惟新。建中二年。丁母艱。奉喪至江陵。會梁崇義反。乃授起復左衛大將軍。復還湖南。尋加散騎常侍。李希烈反。遷江西道節度使。洪州刺史。兼御史大夫。至州。集將吏而令曰。嘗有功未申者。別爲行。有策謀及器能堪佐軍者。別爲行。有裨將伊慎。李伯潛。劉曼。皆自占。臯察其詞氣。驗其有功。悉補大將。擢王鏐委之中軍。以馬彝許孟容爲賓佐。繕甲兵。具戰艦。將軍二萬餘。初。伊慎將江西兵。從李希烈平襄州。及反。懼臯任之。乃陰遣遺之。鏐甲。又詐爲懷書。往復置遺于境。上聞。即遣中使斬懷。臯表請捨令。自効。會與賊夾江爲陣。中使又至。臯乃勉令以功自贖。賜之以所乘馬及器甲。令將鋒而先。臯率軍繼之。責其有功。果大破賊。斬首數百級。慎方得免罪。賊樹堡柵於蔡山。臯度峻險不可攻。乃聲言西取蘄州。理戰艦。分兵傍南涯。與舟師泝江而上。賊以老弱守柵。引軍循江。隨戰艦。南北與臯兵相直。去蔡山三百餘里。臯令步兵登舟。順流東下。不日拔蔡山。賊還救。間一日。方至。大破之。因進拔蘄州。降其將李良。又取黃州。斬首千餘。兵益振。舒王爲元帥。加臯前軍兵馬使。德宗居奉天。淮南節度陳少遊。強取鹽鐵錢。其使包信。以財幣泝江。次于蘄口。時希烈已屠汴州。又遣驍將杜少誠。將步騎萬餘來寇。蘄黃將絕江道。臯遣伊慎將七千衆禦之。遇于永安。成。慎列三柵。相去纔四里。列鼓角中柵。少誠至。分兵圍之。部隊未嚴。聲鼓而三柵齊出。奮擊。不爲行陣。賊亂。少誠敗走。斬首萬級。封戶爲京觀。以功加銀青光祿大夫。進封五百戶。上至梁州。進獻繼至。臯以上蒙塵于外。不敢居城府。乃於西塞山上。游大洲屯軍。從近縣爲軍市。商貨畢至。加工部尚書。薦還京師。又遣伊慎。王鏐。將兵圍安州。州城阻澗水爲固。攻之累日不下。希烈遣錫劉戒。虛將步騎八千來援。臯命李伯潛。分師迎擊於應山。獲戒。虛及大將二裨將二十。斬首千餘。圍縛戒。虛等之城。下。乃使人說之。賊曰。得大將及賓佐一二人爲信。當降。臯乃使王鏐。馬彝。緝城而入。城中大呼。乃出降。希烈又遣兵援隨州。臯令伊慎。擊於屬鄉。大破之。復平

靜白鴈等關希烈懼乃戢兵貞元初拜江陵尹荆南節度等使江漢倚臯爲固未幾李思登以隨州降凡下州四縣十七大小十餘陣未嘗敗衄淮西既平請護喪祔東都上遣中使弔贈父右僕射母曹國太妃葬畢來朝詔還鎮出東都以拜墓觀者榮之先江陵東北有廢田傍漢古隄二處每夏則溢臯始命塞之廣田五千頃畝得一鍾規江南廢州爲廬舍架江爲二橋流人自占二千餘戶自荆至樂鄉凡二百里旅舍鄉聚凡數十大者皆數百家楚俗侏薄不穿井飲陂澤臯始命合錢開井以使人初平希烈吳少誠殺陳仙奇上以襄鄧要阨三年除襄州刺史山南東道節度等使劉汝隋隸焉練兵積糧市迴驛馬益騎兵嘗大敗以教士少誠憚之性勤儉知人疾苦設監司能參聽下持將吏短長賞罰必信所至常平物價貴出賣之給將吏廩俸豪家不得擅其利常運心巧思爲戰艦挾二輪踏之翔風鼓疾若挂帆席所造省易而久固又造軟器進入內中每遣人物常自稱置署之官匹帛皆印之絕吏之私初扶風馬彝未知名臯始辟之卒以正直稱漢陽王張柬之有林園在州西公府多假之游宴臯將買之彝斂衽而言曰張漢陽有中興功今遺業當百代保之王縱欲之奈何令其子孫自鬻焉臯謝曰主吏失詞爲足下羞微足下安得聞此言以改過遷善知人任下爲己任故賓從將佐多至大官貞元八年三月暴卒于位年六十廢朝三日贈右僕射賻弔有差諡曰成子象古道古復古象古自衡州刺史爲安南都護元和十四年爲楊清所殺妻子支黨無噍類焉楊清者代爲南方酋豪屬象古貪縱人心不附又惡清之強自驩州刺史召爲牙門將鬱鬱不快無何邕管黃家賊叛詔象古發兵數道共討之象古命清領兵三千赴焉清與其子志烈及所親杜士交潛謀迴戈夜襲安南數日城陷象古故及於害朝廷命唐州刺史桂武仲爲都護且招諭之赦清以爲瓊州刺史仲武至境清不納復約東部署刑戮僇虐人無聊生仲武使人諭其酋豪數月間歸附繼至約兵七千餘人收其城斬清及其子志貞籍沒其家志烈與士交敗保于長州之鑿溪尋以所部兵來降道古登進士第遷司門員外郎便佞巧宦早昇朝籍常以酒肴某博游公卿門角賭之際每僞爲不勝而厚償之故當時有虛名而嗜利者悉與

之狎歷利隋唐陸四州刺史由黔中觀察爲鄂岳沔安黃團練觀察使時元和十一年也初以柳公綽在鎮無功議將代之裴度言道古嗣曹王臯之子臯嘗以江漢兵過希烈之亂威惠至今在人復用其子必能繼美憲宗然之故有此授及赴鎮倍道而行以數騎徑入安州城時公綽殊未意道古至惶駭而出家財多爲所奪十二年道古攻申州克其羅城乃進圍逼其中城城中守卒夜帥婦人登城而呼懸門竊發分出其衆道古之衆驚亂爲虜所殺初李聽守安州未嘗退刃及道古至誣奏聽移去之乃自帥兵出木陵士卒驕惰賜給多關其度支供軍錢道古半以奉權倖半以沒己人皆怨怒不肯力戰賊亦易道古以羸兵抵之故道古前後再攻破申州外城而不能拔至李愬入蔡州乃降元和十三年入爲宗正卿道古在鄂州日以貪暴聞懼終得罪乃薦山人柳泌以媚於上後又爲左金吾衛將軍憲宗季年頗信方士銳於服食詔天下搜訪奇士宰相皇甫鎛方諛媚固寵道古言柳泌有道德鎛得而進之待詔翰林憲宗服餌過當暴成狂躁之疾以至棄代穆宗在東宮扼腕於其事及居喪皆竄逐誅之鎛既貶責授道古循州司馬終以服丹藥歐血而卒

史臣曰李勉李臯稟性端莊處身廉潔臨民莅事動有美聲可謂宗臣之英也若夫治軍旅禦戎謀必滅戰必勝則又勉不及臯遠矣道古便佞奸以事君何父子之不相類也

贊曰我宗之英曰臯與勉才雖不同道豈相遠

舊唐書卷一百三十一

舊唐書卷一百三十一考證

李勉傳忠臣遇下貪虐明年為麾下所逐○蒙上文乃大曆十二年也據本紀當作十四年

李暉傳未幾李思登以隨州降凡下州四縣十七大小十餘陣未嘗敗○新書大小戰三十二取州五縣二十斬首三萬三千禽生萬六千

舊唐書卷一百三十一考證

後晉司空同中書門下平章事劉昫撰

列傳第八十二

李抱玉 李抱真 王虔休 盧從史 李芄

李澄族弟元素

李抱玉，武德功臣安興貴之裔，代居河西，善養名馬，為時所稱。羣從兄弟，或徙居京華，習文儒，與士人通婚者，稍染士風。抱玉少長西州，好騎射，嘗從軍幕，沉毅有謀，小心忠謹。乾元初，太尉李光弼引為偏裨，屢建勳績。由是知名。二年，自特進右羽林軍大將軍知軍事，遷鴻臚卿，員外置同正員，持節鄆州諸軍事，兼鄆州刺史，攝御史中丞。鄭陳穎毫四州節度，時史思明陷洛陽，光弼守河陽，賊兵鋒方盛。光弼謂抱玉曰：將軍能為我守南城，二日乎？抱玉曰：過期若何？光弼曰：過期而救不至，任棄城也。賊帥周擊領安太清、徐黃玉等先次南城，將陷之。抱玉乃給之曰：吾糧盡，明日當降。賊眾大喜，敵軍以俟之。抱玉因得繕完設備。明日，堅壁請戰，賊怒，數給急攻之。抱玉出奇兵，表裏夾攻，殺傷甚眾，擊軍退。光弼自將于中灘城，擊捨南城，攻中灘，不勝，乃整軍將攻北城。光弼以兵出戰，大敗之。固河陽，復懷州，皆功。居第一。遷澤州刺史，兼御史中丞，代宗即位，擢為澤潞節度使。潞州大都督府長史，兼御史大夫，加領陳鄭二州。遷兵部尚書。抱玉上言：臣貫屬涼州，本姓安氏，以祿山構禍，恥與同姓，去至德二年五月，蒙恩賜姓李氏。今請割貫屬京兆府長安縣，許之。因是舉宗並賜國姓。廣德元年冬，吐蕃寇京師，乘輿幸陝，諸軍潰卒及村閭亡命相聚，為盜。京城南面，子午等五谷羣盜，頗害居人。朝廷遣薛景仙領兵為五谷使，招討連月不捷。乃詔抱玉兼鳳翔節度使，討之。抱玉探知賊帥行止之處，先分屯諸谷，乃設奇潛使輕銳數百，南自洋州入攻之。賊帥高玉方與諸會，遽為銳卒數十人掩擒之。因大搜獲，倫黨悉斬之。餘黨不討，自潰。旬日內，五谷平。以功遷司空。餘並如故。時吐蕃每歲犯境，上以岐陽國之西門，寄在抱玉，恩寵無比。遷同中書門下平章事，又兼山南西道節度使，河西隴右山南西道副元帥，判梁州事。連統三道節制，兼領

鳳翔潞梁三大府，秩處三公。抱玉以任位崇重，抗疏懇讓。司空及山南西道節度判梁州事，乞退授兵部尚書。上嘉其謙讓，許之。抱玉凡鎮鳳翔十餘年，雖無破虜之功，而禁暴安人，頗為當時所稱。大曆十二年卒。上甚悼之，諡朝三日，贈太保。

李抱真，抱玉從父弟也。抱玉為澤潞節度使，甚器抱真，任以軍事。累授汾州別駕，當是時，僕固懷恩反于汾州，抱真陷焉。乃脫身歸京師，代宗以懷恩倚迴紇，所將朔方兵又勁，憂甚，召見抱真問狀。因奏曰：郭子儀領朔方之眾，人多思之，懷恩欺其眾曰：子儀為朝恩所殺，詐而用之。今復子儀之位，可不戰而克其後。懷恩子瑒為其下，所殺懷恩奔遁多如抱真策。因是遷殿中少監，居領之。為陳鄭澤潞節度留後。抱真因中謝言曰：臣雖無可取，當今百姓勞逸繫在牧守，願得一郡以自試。上許之。改授澤州刺史，兼為澤潞節度副使。居二年，轉懷州刺史。復為懷澤潞觀察使留後。凡八年。抱玉卒，抱真仍領留後。抱真密揣山東當有變，上黨且當兵衝，是時乘戰餘之地，土瘠賦重，人益困無以養軍士。籍戶丁男，三選其一，有材力者免其租徭，給弓矢，令之曰：農之隙，則分曹角射，歲終，吾當會試。及期，按簿而徵之，都試以示賞罰。復命之如初。比三年，則皆善射。抱真曰：軍可用矣。於是舉部內鄉得成卒二萬，前既不廩費，府庫益實。乃繕甲兵，為戰具，遂雄視山東。是時天下稱昭義軍步兵冠諸軍，無幾復代。李承昭為昭義軍及磁邢節度觀察留後，加散騎常侍。德宗即位，拜檢校工部尚書，兼潞州長史。昭義軍節度支度營田澤潞磁邢觀察使。建中三年，田悅以魏博反，乃悉兵圍邢州及臨洛益急。詔河東節度使馬燧及神策兵救之。抱真與燧救悅兵於雙岡，斬悅將楊朝光。又擊破悅于臨洛，遂解臨洛及邢州之圍。以功加檢校兵部尚書，復與燧大破悅於恒水。悅以數百騎走歸魏州，復與燧圍魏州。又敗悅於城下，以功加檢校右僕射。時悅窘蹙，朱滔王武俊皆反，聯兵救悅。抱真與燧等退次魏縣。上幸奉天，中使告問至，諸將皆仰天慟哭。李懷光席卷奔命，馬燧李芄各引兵歸鎮。朱泚既汗宮闕，時李希烈陷大梁，李納亦反鄆州，無何，上幸梁州。李懷光又竊據河中，抱真獨於擾攘傾瀆之中，以山東三州外抗羣賊，內

輯軍士羣賊深憚之與元初遷檢校左僕射平章事時朱滔悉幽薊軍借兵迴
 乾擁衆五萬南向以應泚攻圍貝州初羣賊附於希烈希烈僭偽有臣屬羣賊
 意羣心稍離上自奉天下罪己之詔悉赦羣賊抱真乃遣門客買林以大義說
 武俊合從擊朱滔武俊許之時兩軍尙相疑抱真乃以數騎徑入武俊營其將
 去也賓客皆止之抱真遣軍司馬盧玄卿勸軍部分曰僕今日此舉繫天下安
 危僕死不還領軍事以聽朝命亦唯子奮勵士馬東向雪僕之恥亦唯子言訖
 而去武俊設備甚嚴抱真曰朱泚希烈僭竊大位朱滔攻圍貝州此輩皆欲陵
 駕吾屬足下既不能自振數賊之上捨九葉天子而北面臣反虜乎乃者聖上
 奉天下罪己之詔可謂禹湯之主也因言及播越持武俊哭涕泗交下武俊亦
 哭感動左右因退臥武俊帳中酣寢久之武俊感其不疑待之益恭指心仰天
 曰此身已許公死敵矣遂與結爲兄弟而別約明日合戰遂擊破朱滔于經城
 以功加檢校司空實封五百戶貞元初朝于京師居頃之還鎮抱真沉斷多智
 計嘗欲招致天下賢備聞人之善必令持貨幣數千里邀致之至與語無可採
 者漸退之時天下無事乃大起臺榭穿池沼以自娛晚節又好方士以冀長生
 有徐季長者爲抱真鍊金丹給抱真曰服之當昇僊遂署爲賓僚數謂參佐曰
 此丹秦皇漢武皆不能得唯我遇之他年朝上清不復偶公輩矣復夢駕鶴沖
 天寤而刻木鶴衣道士衣以習乘之凡服丹二萬丸腹堅不食將死不知人者
 數日矣道士牛洞玄以猪肪敷漆下之殆盡病少間季長復曰垂上僊何自業
 也益服三千丸頃之卒初抱真久疾好機祥或令厭勝爲巫祝所惑請降官爵
 以禳除之是年凡七上章讓司空復爲檢校左僕射貞元十年卒時年六十二
 廢朝三日贈太保贈以布帛米粟有差抱真薨之日其子殿中侍御史絳匿喪
 不發營田副使盧會昌令抱真從甥元仲經潛與絳謀其明日將吏會集仲經
 詐爲抱真令曰吾疾甚不能莅職今令絳掌軍事諸軍筆佐之節度副使李說
 及諸將吏俯首皆曰諾須臾絳感服而出衆皆拜之絳乃悉府藏頒賞軍士盧
 會昌仍詐爲抱真表請以職事付絳翌日又令諸將連奏請絳領軍上已聞抱
 真卒乃遣中使第五守進馳傳觀變且令以軍事屬於大將王延貴守進至潞

州絳詐言抱真疾病請見明日如此者凡三日絳乃出見中使左右皆陳兵甚
 嚴備中使謂絳曰朝廷已知相公薨歿今以兵務屬延貴侍御宜歸發喪行服
 也絳愕然出謂諸將曰有詔不許絳掌事諸公意若何將吏莫有對者絳懼以
 退遽以使印及管鑰歸監軍是日乃發喪畢一哭中使召延貴以口詔令視事
 趣遣絳赴東都元仲經逃于外延貴捕得殺之既歸罪仲經盧會昌得不坐絳
 初謀亂遣神將陳榮詐以文書告成德節度使王武俊求假財帛武俊大怒曰
 吾與汝府公善者冀恭王命非同惡也今聞已亡孰詐令其子而不俟朝旨耶
 何敢告我況有求也乃因陳榮而遣使讓絳焉
 王虔休字君佐汝州梁人也本名廷貴少涉獵書籍鄉里間以信義畏慕之尤
 好武藝大曆中汝州刺史李深用之爲將久之澤潞節度李抱真聞名厚以財
 帛招之累授兵馬使押衙建中初抱真統兵馬與諸將征討河北其雙岡水寨
 營等陣虔休攻戰居多擢爲步軍都虞候累加兼御史中丞大夫賜實封百戶
 洎抱真卒裨將元仲經等議立抱真子絳軍中擾亂虔休正色言於衆曰軍州
 是天子軍州將帥關合待朝命何乃云云妄生異意軍中服從其言由是竟免
 潰亂朝廷知而嘉之以邕王爲昭義節度觀察大使授虔休潞州左司馬依前
 兼御史大夫掌留後仍賜名虔休號令安撫軍州大理二歲遷潞州長史昭義
 軍節度澤潞磁邢洛觀察使尋加檢校工部尙書貞元十五年卒年六十二廢
 朝三日贈左僕射贈以布帛米粟虔休性恭勤儉省節用管內州倉庾皆積糧
 儲可支軍人數歲又常撰誕聖樂曲以進其表曰臣聞於師夫君子爲能知樂
 是故審音以知聲審樂以知政則理道備矣清明廣大終始周旋與天地同其
 和與四時合其序豈止於鍾鼓管磬云乎哉臣伏見開元中天長節著于甲令
 每於是日海縣懽娛稱萬壽之無疆樂一人之有慶故能追亮接舜禹踰湯
 自周已後不能議矣臣竊以陛下降誕之辰未有惟新之曲雖太和已布於六
 氣而大樂未宣於八音無乃臣子之分或有所闕愚臣不揆頑味敢思祖述每
 思歌竊抃志擬與食久矣適遇有知音者與臣論及樂章採微曠與窮理盡性
 臣乃遣造繼天誕聖樂一曲大抵以宮爲調表五音之奉君也以土爲德知五

運之居中也凡二十五通法二十四氣而足成一歲也每通一十六拍象八元入凱登庸於朝也所冀雲門咸池永傳於律呂空桑孤竹合薦於宮懸不聞竊嚮之聲長作中和之樂可使九域之人頓忘於肉味四夷之俗皆播於薰風與唐惟休終古盡善臣不勝懇款屏營之至謹昧死陳獻以聞其所造譜謹同封進先時有太常樂工劉玠流落至潯州虔休因令造此曲以進今中和樂起此也

盧從史其先自元魏已來冠冕頗盛父虔少孤好學舉進士歷御史府三院刑部郎中江汝二州刺史秘書監從史少矜力習騎射遊澤潞間節度使李長榮用爲大將德宗中歲每命節制必令採訪本軍爲其所歸者長榮卒從史因軍情且善迎奉中使得授昭義軍節度使漸狂妄不道至奪部將妻妾而辯給矯妄從事孔戡等以言直不從引去前年丁父憂朝旨未議起復屬王士真卒從史竊獻誅承宗計以希上意用是起授委其成功及詔下討賊兵出逗留不進陰與承宗通謀令軍士潛懷賊號又高其芻粟之價售於度支諷朝廷求宰相且誣奏諸軍與賊通兵不可進上深患之護軍中尉吐突承璀將神策兵與之對壘從史往往過其營博戲從史沓食好得承璀出寶帶奇玩以炫耀之時其愛悅而遺焉從史喜甚日益狎上知其事取裴均之謀因戒承璀伺其來博揖語幕下伏壯士突起持棒出帳後縛之內車中馳以赴關從者驚亂斬十數人餘號令乃定且宣諭密詔詔赴關庭都將烏重胤素懷忠順乃嚴戒其軍衆不敢動會夜使疾驅未明出境道路人莫知元和五年四月制曰邪以蓄衆自致覆車奸以事君所宜用鉞故楚人告變韓信患釋於事先蜀土徵災鍾會禍生於部下況害深楚蜀功臣鍾韓構此屬階布於公議懷私負德合宜於嚴科屈法申恩尚從於寬典前昭義軍節度副大使知節度事盧從史擢自裨將居于大藩不思報國之誠每設徇身之計比丁家禍曾無戚容行棄人倫孝虧天性屬常山稱亂朝制未行固願與師苟求復位刻期効用請以身先指日投誠誓云獨致示於懷撫推以信誠排衆論以釋其宜麻決中心而授之鉞委以重任命之專征章奏所陳事無違者恩光是貸予何愛焉而乃冒利蓄奸隱政敗

度成師既出保敵而交通邪計以行臨戎而向背諸侯盡力而不應遺寇遊魂而是託臣節既喪恩豈念於生成台位千求種頓虧於忠敬肆其醜行熾以兇威至於逼脅軍中潛施賊號陵汗壓下實玷皇風貨以藩身虐而用衆士庶怨而罔恤將校勞而不圖粟於陶鈞行事至此視於天地負我何多且辜覆載之仁寧道神鬼之責沉頃年上請就食山東及遣旋師不時恭命致動其衆觀生其心類劉濟抗忠正之辭使邪豎絕遲迴之計加以徧毀隣境密疏事情反覆百端高下萬變心無貽愧事至滿盈朕念以始終務於含貸所期悔過豈謂黷兇而昭義軍忠節夙彰義聲昭著發其衆怒叶以一心顧大惡而不容幸全軀而自免宜從大戮以正彝章尚以曾列方隅嘗經任使惜君臣之體抑中外之情俾投醜魅之鄉以解人神之憤可貶離州司馬嗚呼奸由事驗自開寒絕之門禍實已招豈漏恢疎之網凡百多士宜諒朕懷予繼宗等四人並貶嶺外

李芄字茂初趙郡人也解褐上邽主簿三遷試大理評事攝監察御史山南東道觀察使嚴武爲京兆尹舉爲長安尉李勉爲江西觀察使署奏秘書郎兼監察御史爲判官承泰初轉兼殿中侍御史時宣鏡二州人方清陳莊聚衆據山洞西絕江路劫商旅以爲亂芄乃請於秋浦置州守其要地以破其謀李勉然其計以聞代宗嘉之以宣州之秋浦青陽饒州之至德置池州焉芄攝行州事無幾乃兼侍御史居無何魏少遊代勉爲使復署奏檢校虞部員外郎賜金紫爲都團練副使頃之攝江州刺史州人便之丁母憂免喪承平軍節度李勉署委檢校工部郎中兼侍御史爲判官尋攝陳州刺史歲中即值李靈耀反於汴州勉署芄兼亳州防禦使練達軍事兵備甚肅又開陳潁運路以通漕輓德宗嗣位授檢校太常少卿兼御史中丞河陽三城鎮遏使撫勞備至資廩膳者必先軍士間一年爲節度使路嗣恭之副加檢校左庶子河陽三城懷州節度觀察使以東畿汜水等五縣隸焉時河南北連大兵詔益以神策汝陝之師芄進收新鄉共城遂園衛州明年詔與河東節度馬燧等諸軍破田悅於洹水以功加檢校兵部尚書累封開郡王實封一百戶進圍悅於魏州將符璘以精騎五百夜降芄開營以納之明日歸璘於招討使上居奉天斂軍還與元初檢校

右僕射無何以疾固讓罷歸。凡將請告謂所親曰：今年夏被蝗旱，人主厭兵革，然則天下城壘堅厚矣，戈鋌銛利矣，以力勝之，則有得失，其可盡乎？除弊之急，莫先德化，循而理之，斯易致耳。方鎮之戴翼時主，宜先退讓，貪權持祿，吾所不取也。吾既疾病，豈能言而不踐乎？乃手疏乞罷，貞元元年卒。年六十四。廢朝一日，贈太子太保。

李澄，遼東襄平人。隋蒲山公寬之後也。居京兆，父鎬，清江太守，以澄贈工部尚書。澄以武藝為偏將，累除試將作監。隸於江淮都統李暉，建中初，以檢校太子賓客兼御史中丞，隸於承平軍節度使李勉，及勉移理汴州，乃奏澄為滑州刺史。四年冬，李希烈陷汴州，勉奔歸行在，澄遂以城降希烈，僞署尚書令兼滑州承平軍節度使。與元元年春，澄密令親信人盧融間道賈表達於奉天，上嘉之，乃以帛詔藏於蠟丸中，加澄刑部尚書兼汴州刺史。汴滑節度觀察使澄秘而未宣，乃集州兵嚴加訓習，希烈頗疑之，乃令養子六百人戍之，以虞其變。希烈苦攻軍，遂澄率其衆至石柱，澄令縱火焚營，而僞遁，誘六百人，因驚行刺而加其罪，果大俘掠，悉令斬之，以告希烈，不能窮詰焉。無幾，希烈遣其將翟暉等寇陳州，久之未復。是歲十月，澄以汴州兵寡，度希烈不能制己，又會中官薛盈珍持節且至，加檢校兵部尚書，封武威郡王，賜實封五百戶。澄乃乘勢力焚賊旌節，誓衆歸國。及十一月，希烈既失澄，又聞翟暉大敗，由是奔歸蔡州。澄遽率衆將復汴州，屯於城北門，恒怯不敢進。及宣武軍節度使劉洽師至城東門，賊將田悅憤開關以納之，翌日，澄方自北入，洽已據子城，澄乃舍於凌儀縣。兩軍將士日有忿競，不自安。會鄭州賊將孫液通款於澄，澄遣其子清赴之。先是，河陽軍節度使李元道其將雍穎攻鄭州，穎所過縱掠，液拒之尤固，及清至，遂納之。穎怒攻液，清以衆助之，殺登城者數十人，穎方引退，又焚陽武而歸。澄乃出赴鄭州，朝廷特授清檢校太子賓客兼御史中丞，更名克寧。貞元元年三月，就加澄檢校左僕射，義成軍鄭滑許等州節度使。二年卒。年五十四。廢朝一日，贈司空。賻布帛粟有差，仍令左散騎常侍歸崇敬充弔祭使，所練喪葬並勒官給。澄實以八月癸未終，克寧秘之，以九月庚寅，欲自起視事，其行軍司馬馬鉉不

許克寧陰遣殺之，乃墨經而出，加卒於城門，將為不順。劉洽出師屯於境上，以制之，且使告諭切至。由是克寧不敢妄發，然道路絕商旅者凡十四日。及賈耽代澄，克寧護喪將歸，乃悉索府中財貨，以夜出城，軍人從而剽奪，及明殆盡。澄柩至京師，又賜克寧莊一所，錢千貫，粟麥二千碩，初封隴西郡公，進武威郡王。每上疏連稱二封，頗為時人所哂。

李元素，字大朴，蒲山公密之孫，任侍御史。時杜亞為東都留守，惡大將令狐運會盜發洛城之北，運適與其部下敗于北郊，亞意其為盜，遂執訊之。逮繫者四十餘人，監察御史楊軍按其事，亞以為不直，密表陳之。軍遂得罪，亞將逞其宿怒，且以得賊為功，上表指明運為盜之狀，上信而不疑。宰臣以獄大宜審，奏請覆之。命元素就決，亞迎路以獄成告。元素驗之五日，盡釋其囚，以還亞大驚，且怒，親追送馬上責之。元素不答。亞遂上疏，又誣元素，元素還奏，言未畢，上怒曰：出俟命。元素曰：臣未盡詞，上又曰：且去。元素復奏曰：一出不得復見陛下，乞容盡詞。上意稍緩。元素盡言運冤狀明白，上乃寤曰：非卿孰能辨之。後數月，竟得其真賊。元素由是為時器重，遷給事中。時美官缺，必指元素，遷尚書右丞。數月，鄭滑節度盧羣卒，遂命元素兼御史大夫，鎮鄭滑，就加檢校工部尚書。在鎮稱理元和初，徵拜御史大夫，自貞元中位缺久難其人，至是元素以名望召拜中外，聳聽及居位，一無修舉，但規求作相，久之，浸不得志。見客必曰：無以某官散相，疎也。見屬官必先拜，脂韋在列，大失人情。李錡為亂，江南遂授元素浙西道節度觀察處置等使。數月受代，入拜國子祭酒，尋遷太常卿，轉戶部尚書。判度支。元素少孤，奉長姊友敬如於人，及其姊歿，沉悲遵疾。上疏辭解職，從之。數月，以出妻免官。初，元素再娶妻王氏，石泉公方慶之孫，性柔弱，元素為郎官時，娶之，甚禮重，及貴，溺情僕妾，遂薄之，且無子，而前妻之子已長，無負。元素獲疾昏惑，聽謬遂出之，給與非厚，妻族上訴，乃詔曰：李元素病中上表，懇切披陳，云妻王氏禮義殊乖，願與離絕。初謂素有醜行，不能顯言，以其大官之家，所以令自處置，訪聞不曾告報，妻族亦無明過，可書。蓋是中情不和，遂至於此，脅以王命，當日遣歸，給送之間，又至單薄，不唯王氏受辱，實亦朝情驚驚。如此理家，合

當懲責宜停官仍令與王氏錢物通所奏數五千貫元和五年卒贈陝州大都督

史臣曰李抱玉李抱真以武勇之材兼忠義之行有唐之良將也且如農隙教
遊人之射數騎入武俊之營非有奇謀孰能如是惜乎服食求仙爲藥所誤王
虔休不黨僭命有足可嘉盧從史動多懷奸自貽伊戚凡則老也知足澄則過
而改圖元素爲御史時執德不回居大夫日其心甚短因緣七出益露醜聲善
少惡多又何足算

贊曰抱玉抱真我朝良將虔休之心亦多可尚史懷奸謀凡將祿讓澄迷却行
素貪一嚮吾誰與欺豈如忠諒

舊唐書卷一百三十二

後晉司空同中書門下平章事劉昫撰

列傳第八十三

李晟子愿 惠 憲 怒 恭 王 俊 附

李晟字良器，隴右臨洮人。祖思恭，父欽，代居隴右為裨將。晟生數歲而孤，事母孝謹，性雄烈，有才，善騎射。年十八從軍，身長六尺，勇敢絕倫。時河西節度使王忠嗣擊吐蕃，有驍將乘城拒關，頗傷士卒。忠嗣募軍中能射者，射之，晟引弓一發而斃。三軍皆大呼，忠嗣厚賞之，因撫其背曰：「此萬人敵也。」鳳翔節度使高昇雅聞其名，召補列將，嘗擊疊州叛羌於高當川，又擊宕州連廷羌於罕山，皆破之。累遷左羽林大將軍，同正。廣德初，鳳翔節度使孫志直署晟總遊兵，擊破党項羌高玉等，以功授特進，試光祿卿。轉試太常卿。大曆初，李抱玉鎮鳳翔，署晟為右軍都將。四年，吐蕃圍靈州，抱玉遣晟將兵五千以擊吐蕃。晟辭曰：「以衆則不足，以謀則太多。」乃請將兵千人，疾出大震關，至臨洮，屠定秦堡，焚其積聚。虜堡帥慕容谷鍾而還，吐蕃因解靈州之圍而去。拜開府儀同三司，無幾，兼左金吾衛大將軍。涇原四鎮北庭都知兵馬使，并總遊兵。無何，節度使馬璘與吐蕃戰於鹽倉，兵敗，晟率所部橫擊之，拔璘出亂兵之中，以功封合川郡王。璘忌晟威名，又遇之不以禮，令朝京師。代宗留居宿衛，為右神策都將。德宗即位，吐蕃寇劍南，時節度使崔寧朝京師，三川震恐，乃詔晟將神策兵救之，授太子賓客。晟乃踰漏天，拔飛越，廓清肅寧三城，絕大渡河，獲首虜千餘級，虜乃引退。因留成都數月而還。建中二年，魏博田悅反，將兵圍臨洛邢州，詔以晟為神策先鋒都知兵馬使，與河東節度使馬燧、昭義節度使李抱真合兵救臨洛。尋加兼御史中丞。河東昭義軍攻楊朝光於臨洛南，晟與河東騎將李自良、李奉國擊悅於雙岡，悅兵却，遂斬朝光。戰於臨洛，諸軍皆却，晟引兵渡洛水，乘冰而濟，橫擊悅軍。王師復振，擊悅大破之。三年正月，復以諸道軍擊敗悅軍於洹水，遂進攻魏州。以功加檢校左散騎常侍，實封百戶。無幾，兼魏府左司馬。時朱滔王武俊聯兵在深趙，怒朝廷賞功薄，田悅知其可間，遣使求援。滔與武俊應之，遂以兵

圍康日知于趙州。李抱真分兵二千人守邢州，馬燧大怒，欲班師。晟謂燧曰：「初奉詔進討，三帥齊進，李尚書以邢州與趙州接壤，分兵守之，誠未為害。其精卒銳將皆在於此，令公遽自引去，奈王事何？」燧釋然，謝晟。燧乃自造抱真壘，與之交歡如初。王武俊攻趙州，晟乃獻狀請解趙州之圍，欲引兵赴定州，與張孝忠合勢，欲圖范陽。德宗壯之，加晟御史大夫，俾禁軍將軍莫仁權、趙光鈺、杜季泚皆隸焉。晟自魏州引軍而北，徑趨趙州。武俊聞之，解圍而去。晟留趙州三日，與孝忠兵合。北略恆州，圍朱滔將鄭景濟於清苑，決水以灌之。田悅王武俊皆遣兵來救，戰於白樓，賊犯義武軍，稍却。晟引步騎擊破之，晟所乘馬連中流矢，踰月，城中益急。滔武俊大懼，乃悉收魏博之衆而來，復圍晟軍。晟內圍景濟，外與滔等拒戰，日數合。自正月至于五月，會晟病甚，不知人者數焉。軍吏合謀，乃以馬輿還定州。賊不敢逼。晟疾間，復將進師。會京城變，起德宗在奉天，詔晟赴難。晟承詔泣下，即日欲赴關輔。義武軍聞於朱滔，滔王武俊倚晟為輕重，不欲晟去。數謀沮止晟軍。晟謂將吏曰：「天子播越於外，人臣當百舍一息，死而後已。張義武欲沮吾行，吾當以愛子為質，選良馬以啗其意，乃留子憑以為婚。義武軍有大將為孝忠委信者，謁晟，晟乃解玉帶以遺之，因曰：『吾欲西行，願以為別。』陳赴難之意，受帶者果德晟，乃諫孝忠勿止晟。晟得引軍踰飛狐師次代州，詔加晟檢校工部尚書，神策行營節度使，實封二百戶。晟軍令嚴肅，所過樵採無犯。自河中由蒲津而軍渭北，壁東渭橋，以逼泚。時劉德信將子弟軍救襄城，敗於扈澗，聞率餘軍先次渭南，與晟合軍。軍無統一，晟不能制。因德信入晟軍，乃數其罪，斬之。晟以數騎馳入德信軍，撫勞其衆，無敢動者。既併德信軍，軍益振。時朔方節度使李懷光亦自河北赴難，軍於咸陽，不欲晟獨當一面，以分己功。乃奏請與晟兵合。乃詔晟移軍合懷光軍。晟奉詔引軍至陳濤斜，軍壘未成，賊兵遽至。晟乃出陣，且言於懷光曰：「賊堅保宮苑，攻之未必剋，今離其窟穴，敢出索戰。此殆天以賊賜明公也。」懷光恐晟立功，乃曰：「吾軍適至，馬未秣，士未飯，詎可戰耶？不如著銳養威，俟時而舉。」晟知其意，遂收軍入壘。時與元元年正月也。每將合戰，必自異衣錦裘繡帽前行，親自指導。懷光望見惡之，乃謂晟曰：「將帥當

持重宜自表飾以昭賊也。晟曰：晟久在涇原，軍士頗相畏服，故欲令其先識以奪其心耳。懷光益不悅，陰有異志。遷延不進，晟因人說懷光曰：寇賊竊據京邑，天子出居近甸，兵柄願略，屬在明公。公宜觀兵速進，晟願以所部得奉嚴令，為公前驅。雖死不悔。懷光益拒之。晟兵軍於朔方，軍北，每晨與懷光同至城下。懷光軍輒虜牛馬，百姓苦之。晟軍無所犯，懷光軍惡其獨善，乃分所獲與之。晟軍不敢受。久之，懷光將謀沮晟軍，計未有所出。時神策軍以舊例給賜厚於諸軍，懷光奏曰：賊寇未平，軍中給賜咸宜均一。今神策獨厚，諸軍皆以為言。臣無以止之。惟陛下裁處。懷光計欲因是令晟自署，侵削己軍，以撓破之。德宗憂之，欲以諸軍同神策，則財賦不給，無可奈何。乃遣翰林學士陸贄往懷光軍宣諭。仍令懷光與晟參議所宜以聞。贄俱會於懷光軍，懷光言曰：軍士粟賜不均，何以令戰？贄未有言。數顧晟，晟曰：公為元帥，弛張號令，皆得專之。晟當將一軍，唯公所指以効死命。至於增損衣食，公當裁之。懷光默然，無以難晟。又不欲侵刻神策軍發於自己，乃止。懷光屯咸陽，堅壁八十餘日，不肯出軍。德宗憂之，屢降中使，促以收復之期。懷光託以卒疲，更請休息，以伺其便。然陰與朱泚交通。其迹漸露，晟懼為所併，乃密疏請移軍東渭橋，以分賊勢。上初未之許。晟以懷光反狀已明，緩急宜有所備。蜀漢之路不可壅也，請以裨將趙光鈺為洋州刺史，唐貝臣為利州刺史，晟子塔張或為劍州刺史，各將兵五百以防未然。上初納之，未果行。無何吐蕃請以兵佐誅泚，上欲親總六師，移幸咸陽，以促諸軍進討。懷光聞之大駭，疑上奪其軍謀，益急。時鄜坊節度李建徽、神策將楊惠元及晟並與懷光聯營，晟以事迫，會有中使過晟軍，晟乃宣云：奉詔徙屯渭橋，乃結陣而行。至渭橋，不數日，懷光果劫建徽，惠元而併其兵，建徽遁免。惠元為懷光所害。是日車駕幸梁州，時變生倉卒，百官扈從者十二三，駭谷道路險阻，儲供無素。從官乏食，上數曰：早從李晟之言，三蜀可坐致也。晟大將張少弘自行在傳口詔授晟尚書左僕射，同中書門下平章事，以安眾心。晟拜哭受命。且曰：長安宗廟所在，為天下本。若皆執羈勒，誰復京師？乃浚城隍，繕兵甲，以圖收復。晟以孤軍獨當強寇，恐為二賊之所併，乃卑詞厚幣，偽致誠於懷光，外示

推崇，內為之備。時芻粟未集，乃令檢校戶部郎中張或假京兆少尹，擇官吏以賦渭北畿縣，不旬日，芻糧皆足。晟乃大陳三軍，令之曰：國家多難，亂逆繼興，屬車駕西幸，關中無主子，代受國恩，見危死節，臣子之分。況當此時，不能誅滅兇渠，以取富貴，非人豪也。渭橋橫跨大川，斷賊首尾，吾與公等戮力勤王，擇利而進，與復大業，建不世之功，能從我乎？三軍無不泣下曰：唯公所使，晟亦敢效流涕。是時朱泚盜據京城，懷光圖為反噬，河朔僞偽者三，李納虎視於河南，希烈鴟張於汴鄭，晟內無貨財，外無轉輸，以孤軍而抗劇賊，而銳氣不衰，徒以忠義感於人心，故英豪歸向，戴休顏率奉天之眾，韓遊瓌治邠軍之師，略元光以華州之兵守潼關，尚可孤以神策之旅屯七盤，皆粟晟節度。晟軍大振，懷光以休顏遊瓌從，晟益懼。晟又致書於懷光，論以禍福，令破賊迎鑿，以掩前過。懷光卒不悟，軍眾漸多，離散糧糧且竭，虜剽無所得，懼為晟所襲。三月，懷光自三原富平東抵奉天，所至焚掠，乃自馮翊入據河中。懷光將孟涉、段威勇者，本神策將，惡懷光之不臣，既至富平，結陣於軍中，外向大呼而去。懷光不能制，涉威勇以數千人歸晟，乃陳兵受涉等降卒，乃奏授涉檢校工部尚書，威勇兼御史大夫。德宗之幸山南，既入駱谷，謂渾瑊曰：渭橋在賊腹內，兵勢懸隔，李晟可辦事乎？瑊對曰：李晟秉義執志，臨事不可奪，以臣計之，破賊必矣。帝意始安。是月，渾瑊步將上官望自開道，懷詔書加晟檢校右僕射，兼河中尹。河中晉絳慈隰節度使，益實封三百戶。又兼京畿渭北鄜坊丹延節度，招討使。晟承詔流涕，時帝欲移幸西川，晟上表請駐蹕梁漢，繫億兆之心，圖翦滅之勢。若規小捨大，作都岷峨，即人心失望，武士謀臣無所施矣。四月，有詔加晟京畿渭北鄜坊商華兵馬副元帥。時京兆府司錄李敬仲自京城來，諫議大夫鄭雲逵自奉天至，晟以京兆少尹張或為副使，鄭雲逵為行軍司馬，李敬仲為節度判官，俾同主軍書。又請以懷光舊將唐良臣保潼關，以河中節度授之，戴休顏守奉天，請以鄜坊節度授之上，皆從之。渭橋舊有粟十餘萬斛，度支先饋懷光軍，欲盡。晟又奏曰：近畿雖乘兵亂，猶可賦斂，儻寇賊未滅，宿兵曠時，人廢耕桑，又無儲蓄，非防微制勝之術也。上納之。晟乃於畿甸率聚征賦，吏民樂輸，守禦益固。由是軍不乏食。

神策軍家族多陷於泚，晟家亦百口在賊中。左右或有言及家者，晟因泣下曰：乘輿何在，而敢恤家乎？泚又使晟小吏王無忌之壻詣晟軍，且曰：公家無恙，城中有書聞。晟曰：爾敢與賊爲間，遽命斬之。時轉輸不至，感夏軍士或衣裘褐，晟亦同勞苦。每以大義奮激士，卒無離叛者。會將吏數輩自賊中逃來，言泚衆攜離可滅之狀，士心益奮。先是賊將姚令言及僞中丞崔宣威使謀覘我軍，爲邏騎所得，拘送於晟。晟解縛，食而遣之。誠之曰：爾報崔宣，善爲賊守。諸人勉力自固，勿不忠於賊也。五月三日，晟引軍抵通化門，耀武而還。賊不敢出，晨集將佐。圖兵所向，諸將曰：先拔外城，既有市里，然後北清宮闕。晟曰：若先收坊市，巷陌隘狹，間以居人，若賊設伏格鬪，百姓驚潰，非計也。且賊重兵堅甲，皆在苑中。若自苑擊其心腹，彼將圖走不暇。如此，則宮闕保安，市不易肆，計之上也。諸將曰：善。乃移書渾瑊，略元光尙可孤剋期進軍於城下。其月二十五日夜，晟自東渭橋移軍於光泰門外米倉村，以薄京城。晟臨高指麾，令設壕柵以候賊軍。俄而賊衆大至，賊驍將張庭芝、李希倩逼柵求戰。晟謂諸將曰：吾恐賊不出，今冒死而來，天贊我也。勅吳詵、康英、俊史、萬頃、孟涉等縱兵擊之。時華州營在北，兵少，賊併力攻之。晟遣李演、孟華以精卒救之。中軍鼓譟，演力戰，大破之。乘勝入光泰門，再戰，又敗之。僵屍蔽地，餘衆走入白華，夜聞慟哭之聲。翌日，將復出師，諸將請待西軍至，則左右夾攻。晟曰：賊既傷敗，須乘勝撲滅，若俟其有備，豈王師之利耶？如待西軍，恐失機便。二十八日，晟大集諸將，略元光尙可孤、孤、兵馬使吳詵、王佖、都虞候邢君牙、李演、史萬頃、神策將孟涉、康英、俊、華州將郭審金、權文成、商州將彭元俊等，號令蕃師畢。陳兵於光泰門外，乃使王佖、李演率騎軍，史萬頃領步兵，直抵苑牆，神農村。晟先是夜使人開苑牆，二百餘步。至是，賊已樹木柵之。賊倚柵拒戰。晟叱軍士曰：安得縱賊如此？當先斬公等。萬頃懼，先登拔柵而入。王佖騎軍繼進，賊即奔潰。獲賊將段誠，大軍分道並入，鼓譟雷動。姚令言、張庭芝、李希倩猶力捍官軍。晟令決勝軍使唐良臣、兵馬使趙光詵、楊萬榮、孟日華等步騎齊進，賊軍陣成，而屢北。戰十餘合，乘勝驅蹙，至于白華。忽有賊騎千餘出於官軍之背，晟以麾下百餘騎馳之。左右呼曰：相公來，賊聞之。

驚潰。官軍追斬，不可勝計。朱泚姚令言、張庭芝尙有衆萬人，相率遁走。晟遣田子奇追之。其餘兇黨相率來降。是日，晟軍入京城，勅兵屯於含元殿前。晟舍於右金吾仗，仍號令諸軍曰：晟實不武，上憑睿算，下賴士心，幸得殲厥兇渠。肅清宮禁，皆三軍之力也。長安士庶，久陷賊庭，若小有震驚，則非伐罪弔人之義也。晟與公等各有家室，離別數年，今已成功，相見非晚。五日內不得輒通家信，違命者斬。乃遣京兆尹李齊運攝長安令，陳元衆攝萬年令，韋上俊告喻百姓。居人安堵，秋毫無所犯。尙可孤軍人有擅取賊馬者，晟大將高明、曜、虜、賊、妓、女、一人，司馬伯取賊馬二匹，晟皆立斬之。莫敢忤視。士庶無不感悅。咸獻欲流涕，遠坊居人亦有經宿方知者。二十九日，令孟涉屯於白華，尙可孤屯望仙門，略元光屯章敬寺。晟自屯於安國寺。是日，斬賊將李希倩等八人。徇于市。六月四日，晟破賊露布至梁州，上覽之感泣。羣臣無不隕涕。因上壽稱萬歲。奏曰：李晟虔奉聖謨，盪滌兇醜，然古之樹勳，力復都邑者，往往有之。至於不驚宗廟，不易市肆，長安人不識旗鼓，安堵如初，自三代以來，未之有也。上曰：天生李晟，爲社稷萬人，不爲朕也。百官拜賀而退。是日，晟斬僞相李忠臣、張光晟、蔣鎮、喬琳、洪經綸、崔宣等。又表守臣節不屈于賊者，程鎮之、劉迺、蔣沈、趙暉、薛岌等。晟初屯渭橋時，熒惑守歲，久之方退。賓介或勸曰：今熒惑已退，皇家之利也。可速用兵。晟曰：天子外次，人臣但當死節，垂象玄遠，吾安知天道耶？至是，謂參佐曰：前者士大夫勸晟出兵，非敢拒也。且軍可用之，不可使知之。嘗聞五緯盈縮，無準。晟懼復來守歲，則我軍不戰而自潰。參佐數服皆曰：非所及也。尋拜晟司徒，兼中書令，實封一千戶。晟綜理以備百司，令大將吳詵將兵三千至寶雞，清道。晟又請至鳳翔迎扈。不許。七月十三日，德宗至自興元。渾瑊、韓遊瓌、戴休顏以其兵扈從。晟與略元光尙可孤以其兵奉迎。時元從禁軍及山南隴州鳳翔之衆，步騎凡十餘萬，旌旗連亘數十里。傾城士庶，夾道歡呼。晟以戎服謁見于三橋，上駐馬勞之。晟再拜稽首，初賀元惡殲滅，宗廟再清。官闕咸肅，抃舞感涕。跪而言曰：臣忝備爪牙之任，不能早誅妖逆，至鑿與再遷，及師於城隅，累月方殲賊寇，皆臣庸懦不任職之責。敢請死罪，伏於路左。上爲之掩涕，命給事中齊映宣旨，令

左右起殿於馬前，是月御殿大赦，贈晟父欽太子太保，母王氏，贈代國夫人，賜承崇里第及涇陽上田，延平門之林園，女樂八人，入第之，曰：「京兆府供帳酒饌，賜教坊樂具，鼓吹迎導，宰臣節將，送之京師，以爲榮觀。」上思晟勳力，製紀功碑，俾皇太子書之，刊石立於東渭橋，與天地悠久。又令太子書碑詞，以賜晟。晟以涇州倚邊，屢害戎帥，數爲亂階，乃上書請理，不用命者，兼備耕以積粟，攘却西蕃。上皆從之，詔以晟兼鳳翔尹，鳳翔隴右節度使，仍充隴右涇原節度，兼管內諸軍及四鎮北庭行營兵馬副元帥，改封西平郡王。初帝在奉天，鳳翔軍亂，殺其帥張鑑，立小將李楚琳。至是，楚琳在朝，晟請以楚琳俱往鳳翔，將誅之。上以初復京師，方安反側，不許。八月，晟至鳳翔，殺張鑑之罪，斬王斌等十餘人。初，朱泚亂時，涇州亦殺其帥馮河清，立別將田希鑿，方屬播遷，不違討伐。以涇帥授之。至是，晟奏曰：「近者中原兵禍，皆起涇州，且其地逼西戎，易爲反覆。希鑿兇徒，將校驕逆，若不懲革，終爲後患。從之。晟至鳳翔，託以巡邊，至涇州，希鑿迎謁於坐，執而誅之，并誅害河清者石奇等三十餘人。具事以聞。上曰：「涇州亂逆，泉致非晟莫能理之。還鎮，表右龍武將軍李觀爲涇原節度使，吐蕃深畏之。晟常曰：「河隴之陷也，豈吐蕃力取之，皆因將帥貪暴，種落攜貳，人不得耕稼，展轉東徙，自棄之耳。且土無絲絮，人苦征役，思唐之心，豈有已乎？乃傾家財以賞降者，以懷來之。降虜浪息，曩晟奏封王，每蕃使至，晟必置息曩於坐，衣以錦袍，金帶以寵異之。蕃人皆相指目，榮羨息曩。蕃相尙結贊頗多詐謀，尤惡晟，乃相與議云：「唐之名將，李晟與馬燧，渾瑊耳，不去三人，必爲我憂。」乃行反間，遣使因馬燧之計，乃大與兵入隴州，抵鳳翔，無所虜掠。且曰：「召我來，何不以牛酒犒勞？」徐乃引去，持是聞晟也。是役也，晟先令衙將王伋選銳兵三千，設伏於汧陽，誠之曰：「蕃軍過城下，勿擊首尾，首尾縱敗，中軍力全。若合勢攻汝，必受其弊。但俟其前軍已過，見五方旗，武豹衣，則其中軍也，突其不意，可建奇功。必如晟節度，果遇結贊，及出奮擊，賊皆披靡，似軍不識結贊，故結贊僅而獲免。十月，晟出師襲吐蕃，推沙堡，拔之，斬其堡使屈律悉蒙等。自是結贊數遣使乞和。十二月，晟朝

京師，奏曰：「戎狄無信，不可許。宰相韓滉及扶晟議，請調軍食以給晟，命將擊之。上方默兵，疑將帥生事，邀功會滉卒，張延賞秉政，與晟有隙，屢於上前間晟言，不可久令典兵。延賞欲用劉玄佐，李抱真，委以西北邊事，俾立功以壓晟。德宗竟納延賞之言，罷晟兵柄。三年三月，冊拜晟爲太尉。中書令奉朝請而已。其年閏五月，渾瑊與尙結贊同盟於平涼，果爲蕃兵所劫，瑊單馬僅免，將吏皆陷。六月，罷河東節度使馬燧爲司徒，盡中尙結贊之謀。晟既罷兵權，朝謁之外，罕所過從。有通王府長史丁瓊者，亦爲張延賞所排，心懷怨望，乃求見晟言事。且曰：「太尉功業至大，猶罷兵權，自古功高無有保全者。國家儻有變故，瓊願備左右，校兔三穴。蓋早圖之。晟怒曰：「爾安得不祥之言？遽執瓊以聞。四年三月，詔爲晟立五廟，以晟高祖芝，贈隴州刺史，曾祖嵩，贈澤州刺史，祖思恭，贈幽州大都督，廟成，官給牲牢祭器，牀帳禮官相儀以祔焉。五年九月，晟與侍中馬燧見於延英殿。上嘉其勳力，詔曰：「昔我列祖，乘乾坤之盪滌，掃隋季之荒屯，體元御極，作人父母，則亦有熊羆之士，不二心之臣。左右經綸，參翊締構，昭文德，恢武功，威不若廉，不用端命于上帝，付畀四方，宇宙旣清，日月旣眞，王業旣成，太階旣平，乃圖厥容，列于斯閣，懋昭績，式表儀形，一以不忘于朝夕，一以永垂乎來裔。君臣之義，厚莫重焉。貞元己巳歲秋九月，我行西宮，瞻宏閣崇構，見老臣遺像，飄然肅然，和敬在色，想雲龍之叶應，感致業之艱難，親往思今，取類非遠，且功與時並，才爲代生，苟蘊其才，遇其時，尊主庇人，何代不有。在中宗，則桓彥範等著其輔戴之績，在玄宗，則劉幽求等申異奉之勳，在肅宗，則郭子儀掃掃氛，授今則李晟等保寧朕躬，咸宣力肆勤，光復宗社，訂之前烈，夫豈多謝闕而未錄。孰謂旌賢，况念功德，文祖所爲也。在予曷其敢忘。有司宜敘年代，先後各圖其像於舊臣之次，仍令皇太子書朕是命，紀于壁焉。庶播嘉庸，式昭于下，俾後來者尙揖清顏，知元勳之不朽。復命皇太子書其文，以賜晟。晟刻石於門左。初，晟在鳳翔，謂賓介曰：「魏徵能直言極諫，致太宗於堯舜之上，真忠臣也。僕所慕之。行軍司馬李叔度對曰：「此搢紳儒者之事，非勳德所宜。晟歎容曰：「行軍失言，傳稱邦有道，危言危行。今休明之期，晟幸得備位將相，必有不可忍而不言

豈可謂有犯無隱。知無不爲者耶。是非在人主所擇耳。叔度慚而退。故嚴爲相。每當上所顧問。必極言匪躬。盡大臣之節。性沉默。未嘗泄於所親。臨下明察。每理軍。必曰。某有勞。某能其事。雖腐養小善。必記姓名。尤惡下爲朋黨相構。好善嫉惡。出於天性。嘗有恩者。厚報之。初譚元澄爲嵐州刺史。書有恩於嚴。後坐貶於岳州。比嚴貴。上疏理之。詔贈元澄軍州刺史。元澄三子。嚴撫待動至。皆爲成就。宦學人皆義之。理家以嚴稱。諸子姪非晨昏不得謁見。言不及公事。視王氏甥如己子。嘗正歲。崔氏女歸省。未及階。嚴却之曰。爾有家。况姑在堂。婦當奉酒。醴供饋。以待賓客。遂不視。而遣還家。其達禮敦教如此。貞元九年八月薨。時年六十七。上震悼出涕。廢朝五日。令百官就第臨弔。命京兆尹李充監護喪事。官給葬具。贈賻加等。比大斂。上手書致意。送柩前。曰。皇帝遣官。闡令第五守進致。肯於故太尉中書令西平郡王贈太師之靈曰。天祚我邦。是生才傑。粟陰陽之粹氣。實山岳之降靈。弘濟患難。保佑王室。掃盪氛祲。廓清上京。忠誠感於人神。功業施於社稷。匡時定亂。實賴元勳。洎領上台。克諧中外。訐謀帝道。叶贊皇猷。常竭嘉言。以匡不迨。情所親重。義無間然。方期與國同休。永爲邦翰。比嬰疾恙。雖歷旬時。日冀痊除。重期相見。弼予在位。終致和平。豈圖藥餌無徵。奄至薨逝。喪我賢哲。虧我股肱。天不慈遺。痛惜何極。嗚呼。大廈方構。旋失棟樑。巨川未濟。遂亡舟楫。君臣之義。追慟益深。循省遺章。倍增感切。卿一門胤嗣。朕必終始保持。况愿等弟兄。承卿教訓。朕之志義。豈忘平生。縱卿不言。朕亦存信。比者卿在之日。却未見朕深心。今卿與朕長乖。方冀知朕誠志。無以爲念。發言涕零。是用躬述數行。貴寫所懷。得盡臨紙遺使。不能飾詞。魂而有知。當體朕意。冊贈太師。諡曰忠武。嚴薨後。城鹽州復鹽池。上賜宰臣新鹽。惻然思嚴。乃令致鹽於靈座。又時遣中使至嚴第存撫。諸子教戒備至。聞愿等有一善。上喜形於色。眷遇終始。無與嚴比。元和四年。詔曰。夫能定社稷。濟生人。存不朽之名。垂可久之業者。必報以殊常之寵。待以親比之恩。與國無窮。時惟茂典。故奉天定難功臣太尉兼中書令上柱國西平郡王食實封一千五百戶。贈太師李晟。開代英賢。自天忠義。適濟時之宏算。抱經武之長材。實以至誠。協于一德。嘗遭屯難之際。實著

戡定之功。鯨鯢既殲。宮廟斯復。眷茲勳伐。則旣褒崇。永言天步之夷。載懷邦傑之力。思加崇於往烈。爰協比於後昆。睦以宗親。將子厚意。其家宜令編附屬籍。嚴配饗德宗廟庭。嚴十五子。侗。偕。無。祿。早。世。次。愿。聰。總。孫。愿。聰。聰。聽。恭。堅。聰。總。官。卑。而。卒。而。愿。聰。聽。最。知。名。愿。幼。謙。謹。寡。過。嚴。立。大。勳。諸。子。猶。無。官。宰。相。奏。陳。德。宗。即。日。召。愿。拜。銀。青光。祿。大夫。太子。賓。客。上。柱。國。舊。制。勳。至。上。柱。國。賜。門。戟。即。令。賜。愿。乃。與。父。並。列。榮。戟。於。門。九年。丁。父。憂。十二年。服。闋。德。宗。召。見。愿。等。於。延。英。憫。然。久。之。曰。朕。在。宮。中。常。念。卿。等。追。懷。勳。德。何。日。忘。之。又。聞。卿。等。居。喪。得。禮。朕。甚。嘉。之。各。賜。衣。一。襲。絹。三。千。匹。愿。依。前。授。太子。賓。客。兄弟。同。日。拜。官。者。九。人。尋。轉。左。衛。大。將。軍。元和。元年。八月。檢。校。禮。部。尚。書。兼。夏。州。刺。史。夏。綏。銀。宥。等。州。節。度。使。威。令。簡。肅。甚。得。綏。懷。之。術。客。有。亡。馬。者。以。狀。告。愿。愿。以。狀。榜。於。路。懸。金。以。購。之。不。三。日。所。亡。馬。繫。之。榜。下。仍。置。書。一。緘。曰。馬。逸。及。羣。不。時。告。罪。當。死。敢。以。良。馬。一。匹。贖。罪。并。亡。馬。謹。納。於。路。愿。付。客。亡。馬。而。縱。其。良。馬。境。內。嚴。肅。多。如。此。類。轉。徐。州。刺。史。武。寧。軍。節。度。使。到。鎮。以。青。耶。不。恭。奉。命。討。伐。屠。城。下。邑。捷。奏。屢。聞。無。何。有。疾。以。其。弟。愬。代。爲。徐。帥。入。爲。刑。部。尚。書。疾。愈。檢。校。尚。書。左。僕。射。兼。鳳。翔。尹。鳳。翔。龍。右。節。度。使。然。自。是。頗。怠。於。爲。理。無。復。素。志。聲。色。之。外。全。不。介。懷。長。慶。二。年。二。月。檢。校。司。空。兼。汴。州。刺。史。宣。武。軍。節。度。使。先。是。張。弘。靖。爲。汴。帥。以。厚。賞。安。士。心。及。愿。至。帑。藏。已。竭。而。愿。恣。其。奢侈。門。內。數。百。口。仰。給。官。司。不。恤。軍。政。賞。資。不。及。弘。靖。時。而。以。威。刑。馭。下。又。令。妻。弟。寶。緩。將。親。兵。緩。亦。驕。傲。贖。貨。以。是。羣。情。聚。怨。是。歲。七。月。四。日。夜。牙。將。李。臣。則。薛。志。忠。秦。鄰。等。三。人。宿。直。突。入。寶。緩。帳。中。斬。緩。首。以。徇。愿。聞。有。變。與。左。右。數。人。露。髮。而。走。登。子。城。北。樓。懸。絙。而。下。由。水。竇。而。出。比。曉。行。十。數。里。遇。野。人。驅。驢。奪。而。乘。之。得。至。鄭。州。愿。妻。寶。氏。死。於。亂。兵。之。手。子。三。人。匿。而。獲。免。僕。妾。爲。軍。士。所。俘。城。中。大。掠。三。日。乃。立。其。牙。將。李。忬。爲。留。後。以。邀。旄。鉞。月。餘。方。誅。之。愿。坐。貶。隋。州。刺。史。朝。廷。念。嚴。之。勳。終。不。加。罪。入。爲。左。金。吾。衛。大。將。軍。長。慶。四。年。六。月。復。檢。校。司。空。兼。河。中。尹。充。河。中。晉。絳。慈。隰。節。度。使。河。中。之。政。亦。如。岐。梁。加以。愿。結。託。權。幸。厚。行。賂。遺。賦。入。隨。盡。軍。府。蕭。然。賴。遠。疾。終。不。爾。蒲。人。必。有。更。變。寶。應。元。年。六。月。卒。贈。司。徒。愬。以。父。

隆起家授大常寺協律郎遷衛尉少卿愬早喪所出保養於晉國夫人王氏及卒歲以本非正室令服緦號哭不忍感之因許服緦既練丁父憂愬與仲弟憲廬于墓側德宗不許詔令歸第居一宿徒跣復往上知不可奪遂許終制服闋授右庶子轉少府監左庶子出為坊晉二州刺史以理行殊異加金紫光祿大夫復為庶子累遷至太子詹事官苑閑廡使愬有籌略善騎射元和十一年用兵討蔡州吳元濟七月唐鄧節度使高覆寓戰敗又命袁滋為帥滋亦無功愬抗表自陳願於軍前自効宰相李逢吉亦以愬才可用遂檢校左散騎常侍兼鄧州刺史御史大夫充隨唐鄧節度使兵士摧敗之餘氣勢傷沮愬揣知其情乃不肅軍陣不齊部伍或以不肅為言愬曰賊方安袁尚書之寬易吾不欲使其改備乃給告三軍曰天子知愬柔而忍恥故令撫養爾輩戰者非吾事也軍眾信而樂之愬又散其優樂未嘗宴樂士卒傷痍者親自撫之賊以書取高覆二帥又以愬名位非所畏憚者不甚增其備愬沉勇長算推誠待士故能用其卑弱之勢出賊不意居半歲知人可用乃謀襲蔡表請濟師詔河中鄭坊騎兵二千人益之由是完緝器械陰計戎事嘗獲賊將丁士良召入與語辭氣不撓愬異之因釋其縛置為捉生將士良感之乃曰賊將吳秀琳總眾數千不可遽破者用陳光洽之謀也士良能擒光洽以降秀琳愬從之果擒光洽十二月吳秀琳以文成柵兵三千降愬乃徑從之新與柵遂以秀琳之眾攻吳房縣收其外城初將攻吳房軍吏曰往亡日請避之愬曰賊以往亡謂吾不來正可擊也及戰勝捷而歸賊以驍騎五百追愬愬下馬據胡床令眾悉力赴戰射殺賊將孫忠憲乃退或勸愬遂拔吳房愬曰取之則合勢而固其穴不如留之以分其力初吳秀琳之降愬單騎至柵下與之語親釋其縛署為衙將秀琳感恩期於効報謂愬曰若欲破賊須得李祐某無能為也祐者賊之騎將有膽略守與柵柵常侮易官軍去來不可備愬召其將史用誠誡之曰今祐以眾獲麥於張柴爾可以三百騎伏旁林中又使搖旂於前示將焚麥者祐素易我軍必輕而來逐爾以輕騎搏之必獲祐用誠等如其料果擒祐而還官軍常苦祐皆請殺之愬不聽解縛而客禮之愬乘間常召祐及李忠義屏人而語或至夜分忠義

亦降將也本名憲愬致之軍中多諫愬愬益寵祐始募敢死者三千人以為突將愬自教習之愬將襲元濟會雨水自五月至七月不止溝塍潰溢不可出師軍吏咸以不殺祐為言聞輪日至且言得賊謀者具言其事愬無以止之乃持祐泣曰豈天意不欲平此賊何爾一身見奪於眾口愬又慮諸軍先以謗聞則不能全祐乃械送京師先表請釋且言必殺祐則無以成功者比祐至京詔釋以還愬乃署為散兵馬使令佩刀巡警出入帳中略無猜閑又改為六院兵馬使舊軍令有舍賊謀者屠其家愬除其令因使厚之謀反以情告愬愬益知賊中虛實陳許節度使李光顏勇冠諸軍賊遂以精卒抗光顏由是愬乘其無備十月將襲蔡州其月七日使判官鄭澥告師期於裴度十日夜以李祐率突將三千為先鋒李忠義副之愬自帥中軍三千田進誠以後軍三千殿而行初出文成柵眾請所向愬曰東六十里止至賊境曰張柴砦盡殺其戍卒令軍士少息繕羈勒甲冑發刃殺弓復建旆而出是日陰晦雨雪大風裂旂旗馬慄而不能躍士卒苦寒抱戈僵仆者道路相望其川澤梁逕險夷張柴已東師人未嘗蹈其境皆謂投身不測初至張柴諸將請所止愬曰入蔡州取吳元濟也諸將失色監軍使哭而言曰果落李祐計中愬不聽從令進軍皆謂必不生還然已從愬之令無敢為身計者愬道分五百人斷洳曲路橋其夜凍死者十二三又分五百人斷朗山路自張柴行七十里比至懸瓠城夜半雪愈甚近城有鵝鴨池愬令驚擊之以雜其聲賊恃吳房朗山之固晏然無一人知者李祐李忠義坎墉而先登敢銳者從之盡殺守門卒而登其門留擊柝者黎明雪亦止愬入止元濟外宅裴史告元濟曰城已陷矣元濟曰是洳曲子弟歸求寒衣耳俄聞愬軍號令將士云常侍傳語乃曰何常侍得至此遂驅率左右乘子城拒捍田進誠以兵環而攻之愬計元濟猶望重質來救乃令訪重質家安卹之使其家人持書召重質重質單騎而歸愬白衣泥首愬以客禮待之田進誠焚子城南門元濟城上請罪進誠梯而下之乃檻送京師其申光二州及諸鎮兵尚二萬餘人相次來降自元濟就擒愬不戮一人其為元濟執事帳下廚廡之間者皆復其職使之不疑乃屯兵鞠場以待裴度翌日度至愬具囊鞬候度馬首

度將避之。愬曰：此方不識上下等威之分久矣。請公因以示之。度以宰相禮受。愬迎謁，衆皆聳觀。明日，愬軍還於文成柵。十一月，詔以愬檢校尚書左僕射兼冀州刺史。山南東道節度使鄧陟唐復郢均房等州觀察等使，上柱國，封涼國公，食邑三千戶，食實封五百戶。一子五品正員，憲宗有意復龍右故地。元和十三年五月，授愬鳳翔龍右節度使。仍詔路由關下，愬未發，屬李師道再叛，詔田弘正義成宣武等軍討之。乃移愬爲徐州刺史，武寧軍節度使代其兄。愬兄弟交換岐岐二鎮。旬日間再踐父兄之任。愬至徐方，理兵有方略。時蔡將董重質貶香州司戶，愬上表請恕重質，賜之。堪於軍前驅使，即詔徵還。送武寧軍，愬乃署爲牙將。愬破賊金鄉，凡十一戰，擒賊將五十，俘斬萬計。淄青平，將有事燕趙。元和十五年九月，以愬檢校左僕射，同中書門下平章事。潞州大都督府長史，昭義節度使，仍賜與寧里第。十月，王承宗卒，魏博田弘正移任鎮州。愬至潞州，四月，遷魏州大都督府長史，魏博節度使。長慶元年，幽鎮復亂，愬聞之，素服以令三軍曰：魏人所以富庶而能通知聖化者，由田公故也。天子以其仁而愛人，使理鎮冀，且田公出於魏，撫師七年，一旦鎮人不道，敢茲殘害，以魏爲無人也。若父兄子弟，食田公恩者，其何以報？衆皆慟哭。又以玉帶寶劍與牛元翼，遣使謂之曰：吾先人常以此劍立大勳，吾又以此劍平蔡寇，今鎮人叛逆，公以此翦之。元翼承命感激，乃以劍及帶令於軍中，報之曰：願以衆從，竭其死力。方有制置，會疾作不能治，軍人違紀，律功遂無成。朝廷以田布代之，除太子少保，歸東都。是年十月卒於洛陽。時年四十九。穆宗聞之，震悼，贈卹加等，贈太尉，始屨冠復京城市，不改肆。及愬平淮蔡，復踵其美。父子仍建大勳，雖昆仲皆領兵符，而功業不侔於愬。近代無以比倫。加以行己有常，儉不違禮。第兄席父勳寵，率以僕馬第宅相矜。唯愬六遷大鎮，所處先人舊宅一院而已。晚歲忽於取士，辟請不得其人。至使吏緣爲奸，軍政不肅，物論稍減。惜哉！聽七歲，以蔭授太常寺協律郎。常入公署，吏胥小之，不爲致敬。聽令鞭之，見血。父威奇之，後隨吐突承璀討王承宗，爲神策行營兵馬使。時昭義盧從史持兩端，無心討賊，承璀用聽計，擒從史以獻。轉左驍衛將軍，兼御史中丞，出爲安州刺史。隨鄂岳觀察使柳公

綽討吳元濟，軍中動靜悉用聽謀。軍聲遠振，元和中討李師道，聽爲楚州刺史。統淮南之師，鄆人素易淮軍，聽潛訓練，出其不意。趨海州，據險要，破沐陽兵，降陶山成，懷仁東海兩城。望風乞降。山東平。元和十四年五月，以功授檢校左散騎常侍，夏州刺史，夏綏銀宥節度使。十五年六月，改靈州大都督府長史，靈鹽節度使。境內有光祿渠廢塞歲久，欲起屯田，以代轉輸。聽復開決，舊渠溉田千餘頃。至今賴之。就加檢校工部尚書。初聽爲羽林將軍，有名。穆宗在東宮，令近侍調聽獻之，聽以職總親軍，不敢從。及卽位之始，幽冀不廷，太原與二鎮接壤，方議易帥，宰臣進擬，上皆不允。謂宰臣曰：李聽爲羽林將軍，不與朕馬，是必可任。長慶二年二月，授檢校兵部尚書，太原尹，北京留守，河東節度使，代裴度。四年七月，轉滑州刺史，義成軍節度使。太和二年，討李同捷，時魏博行營將丁志滔潛結滄鎮，擅迴戈，攻其帥史憲誠，詔聽帥師援之。大破其叛卒。志滔奔鎮州，爲王庭湊所殺。聽遂凱旋，以功封涼國公，授一子五品官。王庭湊再違朝旨，詔聽以全師屯貝州，路由魏州。史憲誠懼聽見襲，衷甲郊迎，候吏密白。聽乃令兵士圍刀棄弓，休於野外。魏人遂安。後憲誠欲入覲，竭其府庫，魏人怨之，殺憲誠。衛軍立其大將何進滔，詔聽兼領魏博節度使，將兵北渡。魏人不納。聽乘城拒守，乃屯兵館陶。魏人遽襲，聽不爲備，其軍大敗。無復部伍。晝夜奔走，僅而獲免。喪師過半，輜車兵仗，並皆委棄。御史中丞溫造，殿中侍御史崔蠡彈之曰：臣聞賞罰不立，無以示天下。是非一貫，莫能建大中。竊見義成軍節度使李聽，昨者資其承藉，委以統戎，俾代憲誠付之。雄鎮總二萬虎魏之旅，位極寵榮，兼兩藩節制之權，心無報効。况陛下授以神算，假以天威，入魏之期，尅日先定，而聽擁旆觀望，按甲遷延，變惑人心，逗撓軍政，遂使憲誠陷於屠戮，亂衆肆其奸兇。失六郡於垂成，固危巢於已覆。委員州而不守，燒劫無遺，望洩口而疾驅，狼狽就道，自圖苟免。不忝苞羞，蔑棄朝章。有同兒戲。魏州之亂，職聽之由。論其負恩，萬死猶幸。伏以封常清河南失律，斬於關門，高霞寓唐鄆破傷，投諸遐裔。渾縉節制易定，將戰而兵力不支。袁滋逗留西川，欲進而兇渠尙在。或親當矢石，或躬歷艱危。勢屈賊鋒，竟申朝典。未曾貸法，必震皇威。今李聽罪狀風聞，中外憤

惋比之常清等輩萬萬過之若陛下猶示含弘不寬極法臣等恐憲章墜地天下寒心伏請付法上不之罪罷兵柄為太子少師聽頗路遺權幸以為援居無何復檢校司徒起為邠寧節度使邠州衙廳相傳不利葺修以至墮壞聽曰帥臣鑿凶門而出豈有拘干巫祝而陳公署耶遂命葺之卒無變異太和六年轉

武軍軍節度使時聽有蒼頭為徐州將不欲聽至聽先使親吏慰勞徐人為蒼頭所殺聽不敢進固以疾辭用為太子太保七年出守鳳翔時人榮之九年改陳許節度未至鎮復除太子太保分司開成元年出為河中尹河中晉慈隰節度使四年以疾求代除太子太保是歲十月卒時年六十一贈司徒聽十領節旌所不至者三鎮莅官苛細好將迎遺賂故急於聚斂窮極侈欲位至一品竟

終牖下非西平之遺德焉能及此乎憲晨第五子憲十子憲愬最仁孝及長好儒術以禮法修整起家太原府參軍贈泉縣尉于頓鎮襄陽辟為從事時吳少誠據淮西獨憚頓之威當時咸以憲謀蓋致之元和八年田弘正以魏博奉朝旨辟憲為從事授衛州刺史遷絳州所至以理行稱入為宗正少卿遷光祿卿穆宗即位以太和公主降迴鶻命金吾大將軍胡謩充送公主使命憲副之使還獻入蕃道里記遷檢校左散騎常侍兼太府卿出為洪州刺史江西觀察使

太和二年轉嶺南節度使憲難勳伐之家然累歷事任皆以吏能擢用所履官秩政績流聞性本明恕尤精律學屢詳決冤獄活無罪者數百人以能入官官無敗事士君子多之太和三年八月卒時年五十六憲累歷諸衛大將軍恕太子洗馬並以蔭授官累遷至少卿監悉累官至右龍武大將軍沉湎酒色恣為豪侈積債至數千萬其子貸迴鶻錢一萬餘貫不償為迴鶻所訴文宗怒貶悉為定州司法參軍

王佖晟之甥雄武善騎射自晟河西河北出師佖無役不從朱泚之亂晟攻賊於光泰門賊鋒尚勁佖與兵馬使李演踰苑牆血戰敗賊前鋒諸軍方振論功為神策將吐蕃之寇涇原佖伏卒擊尚結贊獲由是深為吐蕃所畏晟視佖恩寵與愿愬不殊給與過之晟既為張延賞謀擊罷兵權亦不用佖為將帥入

為左衛上將軍元和中愿愬兄弟在方鎮佖檢校工部尚書靈州大都督府長

史朔方靈鹽節度使先是吐蕃欲成烏蘭橋於河壩先貯材木朔方節度使每遣人潛載之委於河流終莫能成至是蕃人知必貪而無謀先厚遺之然後併役成橋仍築月城圍守之自是朔方禦寇不暇邊上至今為恨長慶三年四月卒

史臣曰西平器偉材雄人望而畏出身事主落落有將帥之風見義能勇聽受不疑忠於事君長於應變誠一代之賢將也觀恆山之役立談釋二帥之憾涇師之亂號哭赴奉天之危可不為忠義乎對白華之進軍知平涼之必詐沮星變之議移涇橋之軍可不為應變乎解帶結孝忠之心請婚釋延賞之怨嫉惡

有楚琳之請懲亂行希鑿之誅可不為明於決斷乎而德宗皇帝聽斷不明無人君之量俾功臣困讒匿之口奸人秉衡石之權丁瓊之言誠堪太息雖觀觀刻涇橋之名區區賜煙閣之銘亦何心哉作善遺慶諸子俱才元和乎賊之功聽朔居其半父子昆弟皆以功名始終道家所忌之談李氏以善勝矣贊曰桓桓太師義勇天資運鍾禍亂力拯顛危愬事章武誅蔡平齊凌煙畫圖父子為宜

舊唐書卷一百三十三

舊唐書卷一百三十三考證

李晟傳劉德信敗于麗潤率餘軍先次渭南與晟合軍軍無統一晟不能制德

信因入晟軍乃數其罪斬之○臣西按此李晟斬劉信也今云德信因入晟

軍乃數其罪斬之文法不順據通鑑晟因德信至營中數以罪斬之因字當

在德信字上今改正

將沈○沈誤沈今改正

歷聞有變與左右數人躍發而走登子城北樓懸絙而下水由窓而出○臣西

按張孝忠傳程華聞亂由竇而遁通鑑德宗建中四年鳳翔李楚琳作亂齊

映自水竇出此處水由二字當倒竇字當是竇字之訛蓋既下子城至大城

門閉乃由水竇而出也訛誤顯然今改正

魏博行營將丁志紹○丁誤于今改正

舊唐書卷一百三十三考證

後晉司空同中書門下平章事劉昫撰

列傳第八十四

馬燧字洵美汝州郟城人其先自右扶風徙焉祖珉官至左玉鈐衛倉曹父季龍嘗舉明孫吳儂儂善兵法官至嵐州刺史幽州經略軍使燧少時嘗與諸兄讀書乃輟卷數曰天下將有事矣丈夫當建功於代以濟四海安能乾乾為一儒哉燧姿度魁異長六尺二寸沉勇多智略該涉羣書尤善兵法安祿山反俾光祿卿買循守范陽燧說循曰祿山負恩首亂雖陷洛城必當夷滅公蓋建不代之功誅其逆將向潤客牛廷玢拔其根柢祿山西不能入關則坐而受擒天下可定也循雖善之計不時決事洩祿山果遣韓朝陽來召循朝陽至范陽與循辭陸伏壯士以弓弦縊殺之燧脫身走西山隱者徐遇匿之踰月間行歸平原平原不守復走魏郡寶應中澤潞節度使李抱玉署委趙城尉是時迴紇大軍還國特復東都之功倔強恣睢所過或虜掠廩粟供餽小不如意恣行殺害抱玉具供辦賓介皆憚不敢行燧自贊請主郵驛比迴紇至則先賂其渠帥與明要約迴紇乃授燧旗幟為識犯令者命燧戮之燧取死囚給左右廝役小違令輒殺之迴紇相顧失色虜涉其境無敢暴掠抱玉益奇之燧因說抱玉曰屬者與迴紇言燧得其情今僕固懷恩特功樹黨李懷仙張忠志薛嵩田承嗣分授疆土皆出於懷恩其子瑒兇勇不義以燧度之將必親太原西山以為亂公宜深備之無何懷恩果與太原都將李錫誠通謀將取太原其帥辛雲京覺之斬錫誠固城自守懷恩遣其子瑒率兵圍之初迴紇北歸遣其將安恪石常庭將兵數百及誘募附麗者復數千人以守河陽東都所虜掠重貨悉積河陽是時懷恩遣薛嵩自相衛餽糧以絕河津抱玉令燧詣薛嵩說之嵩乃絕懷恩從順署奏左武衛兵曹歷太子通事舍人遷著作郎營田判官無幾遷秘書少監兼殿中侍御史為節度判官承務郎遷鄭州刺史燧乃勸課農畝總其戶籍歲一稅之州人以為便大曆四年改懷州刺史乘亂兵之後其夏大旱人失耕稼

燧乃務修教化將吏有父母者燧輒遣之施赦收葬暴骨去其煩苛至秋界中生穡穀人頗賴之抱玉移鎮鳳翔以沂陽被邊署奏龍州刺史兼御史中丞州西有通道廣二百餘步上連峻山山與吐蕃相直虜每入寇皆出於此燧乃按行險易立石種樹以塞之下置二門設籬櫓八日而功畢會抱玉入覲與燧俱行久之代宗知其能召見拜商州刺史兼御史中丞防禦水陸運使大曆十年河陽三城兵亂逐鎮將常休明以燧檢校左散騎常侍御史大夫河陽三城使十一年五月汴州大將李靈耀反因據州城絕運路以邀節制代宗務姑息人因授靈耀汴宋等八州節度留後靈耀不受命乃潛結魏博田承嗣乃遣兄子悅將兵援靈耀破承平軍將劉洽詔燧與淮西節度使李忠臣合軍討靈耀忠臣懼賊焚廬舍西走燧勸其還兵請為前鋒擊破田悅進逼汴州忠臣行汴南燧引軍行汴北又敗靈耀將張清於西梁固靈耀選銳兵八千號為餓狼軍燧獨引軍擊破之進至浚儀是時河陽兵寇諸軍承嗣又遣悅將兵二萬救靈耀破承平軍將杜如江略曹州又敗李正己遊軍擊走劉洽長孫全緒等軍乘勝去汴州一舍方陣而進忠臣會宋州淮南浙西兵與戰不利請救於燧燧引四千人為奇兵擊破之田悅匹馬遁去靈耀知悅敗明日以百騎夜走汴州悉降燧讓功於忠臣忠臣素暴戾燧不欲入汴城乃引軍退舍於板橋忠臣入城果專其功因會擊殺宋州刺史李僧惠燧還河陽大曆十四年六月檢校工部尚書太原尹北都留守河東節度留後尋為節度使太原承前政鮑防百井敗軍之後兵甲寡弱燧乃悉召將吏牧馬廝役得數千人悉補騎卒教之數月為精騎造甲者必令長短三等稱其所衣以便進趨又造戰車蒙以狻猊象列戟於後行則載兵甲止則為營陣或塞險以遏奔衝器械無不犀利居一年陳兵三萬開廣場以習戰陣教其進退坐作之勢建中二年六月朝於京師加檢校兵部尚書令還太原初田悅新代承嗣統兵恐人不附己詐劾誠款燧上疏明其必反宜先備之其年悅果與淄青恆冀通謀自將兵三萬圍邢州次臨洛築重城絕其內外以拒救兵邢州將李洪臨洛將張伍皆堅守不拔昭義軍告急乃詔燧將步騎二萬與昭義節度使李抱真神策行營兵馬使李晟合軍救臨洛

燧軍出嚙口。兵未過險。乃遣持書喻悅。且示之好。悅謂燧畏之。十一月。師次邯鄲。悅遣使至。燧皆斬之。以徇。遣兵擊破其支軍。射殺其將成炫之。悅自攻臨洛。遣大將楊朝光將兵萬人。於臨洛南雙岡東西列。二柵以禦燧。燧乃率李抱真。李晟進軍。營於二柵之中。其夜東柵走歸。悅明日。燧進軍。營明山。取其棄柵。以置輜軍。悅謂將吏曰。朝光堅柵。不下萬人。假令燧等盡銳攻之。比數日。計不能下。殺傷必甚。吾此必拔臨洛。賞勞軍士。而與之戰。必勝之術也。悅乃分恆州。李惟岳。救兵五千。以助朝光。燧率軍攻朝光。田悅將萬餘人救之。燧乃令大將李自良。李奉國。將騎兵合神策軍於雙岡禦之。令曰。令悅得過。當斬爾。自良等擊却悅。燧乃令推火車以焚其柵。朝光及大將盧子昌。斬首五千餘級。生虜八百餘人。居五日。進軍至臨洛。田悅悉軍復戰。燧自將銳兵振其衝口。凡百餘合。士皆決死。悅兵大敗。斬首萬餘級。生虜九百人。得穀三十萬斛。器甲稱是。悅收敗兵。夜遁。邢州圍亦解。以功加右僕射。先戰燧。普軍中。戰勝。請以家財行賞。既勝。盡出其私財。以頒將士。德宗嘉之。詔度支出錢五萬貫行賞。還燧家財。尋加魏博招討使。三年正月。田悅求救於淄青。恆冀。李納遣大將衛俊將兵萬人救悅。李惟岳亦遣兵三千赴援。悅收合散卒二萬餘人。壁于洹水。淄青軍其東。恆冀軍其西。首尾相應。燧率諸軍進屯於鄴。奏請益河陽兵。詔河陽節度使李芑將兵會之。軍次于漳。悅遣將王光進以兵守長橋。築月城以爲固。軍不得渡。燧乃於下流以車數百乘。維以鐵鍊。鑿絕中流。實以土囊。以遏水。水稍淺。諸軍畢渡。是時軍糧少。悅深壁不戰。欲老燧軍。燧令諸軍持十日糧。進次倉口。與悅夾洹水而軍。抱真與李芑問曰。糧少而深入。何也。燧曰。糧少利速戰。兵法善於致人不致於人。今田悅與淄青恆冀三軍爲首尾。計欲不戰以老我師。若分軍擊其左右。兵少未可必破。悅且來救。是前後受敵也。兵法所謂攻其必救。彼固當戰也。燧爲諸軍合而破之。燧乃造三橋。逾洹水。日挑戰。悅不敢出。恆州兵以軍少。懼爲燧所并。引軍合於悅。悅謂燧明日復挑戰。乃伏兵萬人。欲邀燧。燧乃令諸軍半夜皆食。先雞鳴時擊鼓吹角。潛師傍洹水。徑趨魏州。令曰。聞賊至則止。爲陣。又令百騎吹鼓角。皆留於後。仍抱薪持火。待軍畢發。止鼓角。匿其旁。伺悅

軍畢渡。焚其橋。軍行十數里。悅乃率淄青恆州步騎四萬餘人。踰橋掩其後。乘風縱火。鼓譟而進。燧乃坐。申令無動。命前除草。斬榛棘。廣百步。以爲陣。燧出陣。募勇力得五千餘人。分爲前列。以俟賊至。比悅軍至。則火止。氣乏。力少。衰乃縱兵擊之。悅軍大敗。時神策昭義河陽軍小却。河東軍既勝。諸軍還鬪。合擊又大破之。追洹水。悅軍走橋。橋已焚矣。悅軍亂。赴水。斬首二萬餘級。級大將孫晉卿。安墨。啜生。獲三千餘人。溺死者不可勝紀。淄青軍殆盡。死者相枕藉三十餘里。悅收敗卒千餘人。走魏州。至門州。將李長春閉門不納。久之。遣兵不至。比明。乃納悅。悅既入。殺長春。舉城自守。數日。李再春以博州降。悅兄昂以洛州降。王光進以長橋降。悅遣符璠。李瑤將五百騎送淄青兵。還鎮。璠瑤因來降。燧魏州先引御河入南流。燧令塞其領口。河流絕。城中益恐。悅乃遣許士則。侯臧。徒步間行。說朱滔。王武俊。借兵求救。時王武俊已殺李惟岳。傳首京師。授武俊恆冀觀察。都防禦使。時武俊同列張孝忠。已爲易定節度使。武俊獨爲防禦使。又割趙深二州爲一鎮。以康日知爲觀察使。甚爲怨望。且素輕孝忠。恥名在下。時朱滔討李惟岳。拔深州。求隸幽州。不得。亦怨望。由是滔武俊同謀。救悅。悅恃趙之援。又出兵二萬。背城而陣。燧復與諸軍擊破之。五月。加燧同中書門下平章事。六月。朱滔。王武俊。聯兵五萬來救悅。至于下城。下諸帥議。退兵。燧固不可。德宗遣朔方節度使李懷光。將朔方軍步騎萬五千人赴燧。是月晦。懷光亦至。懷光勇而無謀。軍至之日。未休息。堅壁與滔等戰。王師不利。悅等決水灌燧等軍。燧兵屈糧少。七日。燧與諸軍退次魏縣。是月。詔加燧魏州大都督府長史。兼魏博貝州四州節度觀察。招討等使。田悅。朱滔。王武俊。軍亦至魏縣。與官軍隔河對壘。十一月。三盜於魏縣軍中。遞相推獎。王號。朱滔稱冀王。田悅稱魏王。王武俊稱趙王。又遣使於李納。納稱齊王。四道共推淮西李希烈爲天下兵馬元帥。太尉建興王皆僭署官號。如國初行臺之制。而名目頗有妖僻者。然未敢僞稱年號。而五盜合從。圖傾社稷。兩河鼎沸。寇盜橫行。燧等難志在勤王。竟莫能鼓勵。患難四年。十月。涇師犯關。帝幸奉天。燧引軍還太原。議者云。燧若乘田悅洹水之敗。併力攻之。時城中敗卒無三二十人。皆夷傷未起。日夕俟降。燧與抱真不和。遷

延於擊賊乃致三盜運結至今爲梗燧之由燧至太原遣行軍司馬王權將兵五千赴奉天又遣男彥及大將之子與俱來壁於中渭橋及帝幸梁州權彥領兵還鎮燧以晉陽王業所起度都城東面平易受敵時天下騷動北邊數有警急乃引晉水架汾而注城之東濬以爲池寇至計省守陣者萬人又決汾水環城多爲池沼樹柳以固隄尋兼保寧軍節度使與元元年正月加檢校司徒封北平郡王七月德宗還京加燧奉誠軍及晉絳慈隰節度使并管內諸軍行營副元帥令與侍中渾瑊鎮國軍節度使駱元光同討河中初李懷光據河中燧遣使招諭之懷光妹婿要廷珍守晉州衛將毛朝啟守隰州鄭抗守慈州皆相次降燧初王武俊自魏縣還鎮雖去僞號而攻圍趙州不解康日知窘蹙欲棄趙州燧奏曰可詔武俊與抱真同擊朱滔以深趙隸武俊請改日知爲晉慈隰節度使日知未至而三州降燧故又加燧晉慈隰節度使燧乃表讓三州於日知且言因降而授之恐後有功者踵以爲常上嘉而許之燧乃遣使迎日知既至籍府庫而歸之日知喜且過望九月十五日燧帥步騎三萬次于絳分兵收夏縣略稷山攻龍門降其將馮萬與任象玉燧以兵攻絳州十月拔其外城其夜僞刺史王克同與大將達奚小進棄城走降其衆四千人又遣大將李自賈谷秀分兵略定聞喜夏縣萬泉虞鄉永樂猗氏六縣降其將辛旻及兵五千人谷秀以犯令虜士女斬之以徇貞元元年軍次寶鼎敗賊騎兵於陶城前鋒將李黯追擊之射殺賊將徐伯文斬首萬餘級獲馬五百匹是歲天下蝗旱物價騰踊軍乏糧餉而京師言事多請捨懷光上意未決燧以懷光逆節尤甚河中密邇京邑反覆不可保信捨之無以示天下慮上爲左右所惑且兵事尙密六月燧乃捨軍以數百騎朝于京師比召見燧曰臣雖不武得芻糧支一月足以平河中上許之七月燧因朝京師乃與渾瑊駱元光韓遊瓊合軍次于長春宮懷光將徐廷光以兵六千守宮城禦備甚嚴燧度長春不下則懷光自固攻之曠日持久所傷必甚乃挺身至城下呼廷光廷光素憚燧威名則拜於城上燧度廷光心已屈乃徐謂之曰我來自朝廷可西面受命廷光復拜燧乃喻之曰公等皆朔方將士祿山以來首建大勳四十餘年功伐最高奈何棄祖父之勳

力背君上爲族滅之計耶從吾非止免禍富貴可圖也賊徒皆不對燧又曰爾以吾言不誠今相去不遠數步爾當射我乃披襟示之廷光感泣俯伏軍士亦泣下先一日賊焦難堡守將尉珪以兵二千因堡降燧廷光東道既絕乃率衆出降燧以數騎徑入城處之不疑莫不畏服衆大呼曰吾輩復得爲王人矣渾瑊是服燧私謂參佐曰予嘗謂馬公用兵與予不相遠但驚怪累敗田悅今觀其行兵料敵吾不迫遠矣八月燧移軍於焦難堡其夜賊太原堡守將吳罔棄堡而遁其下皆降燧率諸軍濟河兵凡八萬陣於城下是日賊將牛名俊斬懷光首以城降其守兵猶一萬六千人斬賊將閻晏孟寶張清吳罔等七人以徇爲懷光驕虜者皆捨之燧自朝京師還行營凡二十七日而河中平詔書褒美遷光祿大夫兼侍中仍與一子五品正員官宴賜畢還太原是行也德宗賜燧宸宸台銜二銘序曰朕每覽上古之書及唐虞之際君臣相得聖賢同時日夕孜孜講論至道或陳其鑿誠或諷以詠歌煥乎典謨百代是式有以見啓沃之道理化之端意甚慕之而未能追也頃靈鹽節度使杜希全著書上獻多所規諫聊爲君臣箴用答其意河東等道副元帥司徒燧固請勅石貽厥後人朕以文旣非工義又非備垂諸來裔良所慙焉起予者商因之有作庶乎朝夕自微且俛後代知我文武殿邦之臣歟宸宸銘曰天生蒸人性命元淳嗜欲交馳利害糾紛無主乃亂樹之以君九域茫茫萬情云云目不備觀耳難備聞觀之聞之矧又非真事失其源道遠莫親理得其要化行如神失源維何不自正身正身之方先誠其意罔從爾欲罔戴爾僞體道崇德本仁率義必信若譽無私象天地感而遂通百慮一致任人之術各當其器捨短從長理無求備事多總集衆才咸遂知而必任任而勿貳以天下之目爲鑒我鑒斯明以天下之心爲謀我謀則智求賢惟廣辨理惟精逆耳拂心必嘉乃誠順旨苟容亦察其情斥去奸諛全度忠貞先人立言爲代作程諤諤者昌唯唯者傾繫以與土曷云其輕承天子人夫豈不貴伊昔哲王夙夜祗畏馭朽爲戒納隍爲志神將害盈天匪假易四海爲家夫豈不富伊昔哲王勤儉固陋土階罔飾露臺罷構遠奇伎淫巧放珍禽怪獸敬之慎之天命可祐欲令必行順人之情欲誠必著清已

之慮心無億詐事必忠恕凡將有為靡不三思喜怒以節動靜以時毫釐或差禍害亦隨慢易厥初悔其曷追刑不可長武不可恃作威逞力厲階斯起垂旒蔽聰難續塞耳舍弘光大是亦為美覆之如天愛之如子仁心感人率土自理嗟予寡昧嗣守不圖寇戎薦興德化未孚大業兢兢其敢以渝俯察物情仰稽典謀作誠斯言寘于坐隅台銜銘曰天列台星垂象于人聖人則天亦建輔臣以翼以弼為銜為鈞如耳目應心如股肱運身是則同體執云非親陰陽相推四序成歲君臣相得萬邦作乂感同風雲合若符契以道匡救盡規獻替木必從繩金其用礪帝者之感時惟陶唐乃聞疇咨及陋明教洎乎有虞二八騰芳爰迨伊尹相于成湯載生姜牙諒彼武王道無不行謀無不滅君聖臣賢運泰時康漢高既興蕭曹亦彰烈烈我祖膺期而昌刻滅羣兇砥平四方惟衛及英啓關封疆曰房與杜振理維綱亦有魏徵忠譽昂昂偉茲萊材為棟為梁蕩蕩巍巍邦家有光是知道之廢與繫于時主主之得失資于台輔經之以文緯之以武出為方伯入作申甫絕維載張闕衰斯補惟德是倚惟才是求人不易知德亦難周傳說板築夷吾射鈞任之不疑千載垂休體於至公何鄙何蠻追惟哲主必賴良弼矧予不德暗於理術師旅繁起政刑多失違茲艱屯夙夜祇懼翊我戴我實惟勳賢內照庶績外總十連威武載揚謀猷日宣長城壓境巨艦濟川同德同心扶危持顛予嘉爾誠爾相予理惟后失道亦臣之恥自昔格言慎終如始功藏鼎彝道冠圖史無俾伊傅克專厥美作鑒勳銘永世是紀燧至太原乃勒二銘於起義堂西偏帝為題額其崇寵如此二年冬吐蕃大將尚結贊陷鹽夏二州各留兵守之結贊大軍屯於鳴沙自冬及春羊馬多死糧餉不繼德宗以燧為綏銀麟勝招討使令與華帥駱元光郭帥韓遊瓌及鳳翔諸鎮之師會於河西進討燧出師次石州結贊聞之懼遣使請和仍約盟會上皆不許又遣其大將論煥厚禮卑辭申請於燧請和燧頗表論奏上堅不許三年正月燧軍還太原四月燧與論煥俱入朝燧感言蕃情可保請許其盟上然之燧既入朝結贊遽自鳴沙還蕃是歲閏五月十五日侍中渾瑊與蕃相尚結贊盟于平涼為蕃軍所劫狼狽僅免陷將吏六十餘員由燧之謬謀也坐是奪

兵權六月以燧守司徒兼侍中北平王如故仍賜妓樂奉朝請而已五年九月燧與太尉李晟召見于延英殿上嘉其有大動力皆圖形凌煙閣列於元臣之次九年七月燧對于延英初上以燧足疾不令朝謁是日燧以冬首入朝勅許不拜而坐時太尉晟初薨帝謂燧曰常時卿與太尉晟同來今獨見卿不覺悲慟上歡歡久之燧既退足疾仆於地上親掖起之送及於陸燧頓首泣謝累上表乞骸陳讓侍中優詔不許貞元十一年八月薨時年七十先是司天頻奏災或太白犯太微上將聞一月而燧薨廢朝四日詔京兆尹韓皋監護喪事嗣吳王獻為弔祭贈贈使冊贈太尉諡曰莊武子棠暢暢以父蔭累遷至鴻臚少卿留京師建中三年燧討田悅於山東時歲旱京師括率商戶人心甚搖鳳翔留鎮幽州兵多離散入南山為盜殿中丞李雲端與其黨袁封舉超俊李誠信葉信等與暢善因飲食聚會言時事將危暢乃遣家人溫靖與父書具陳利害可班師還鎮燧怒執靖具奏其狀令兄炫執暢請罪德宗以燧方討賊不竟其事誅雲端等十一人勅炫就第杖暢三十上於是罷括率之令燧貸甲天下燧既卒暢承舊業屢為豪幸邀取貞元末中尉申志廉諷暢令獻田園第宅順宗復賜暢初為棠妻所析其產中貴又逼取仍指使施於佛寺暢不敢忝晚年財產並盡身歿之後諸子無室可居以至凍餒今奉誠園亭館即暢舊第也暢終少府監贈工部尚書子繼祖以祖蔭四歲為太子舍人累遷至殿中少監年三十七卒炫字弱翁燧之仲兄少以儒學聞於時隱居蘇門山不應辟召至德中李光弼鎮太原辟為掌書記試大理評事監察御史歷侍御史常參謀議光弼甚重之奏授比部刑部郎中田神功鎮汴州奏授節度判官檢校兵部郎中轉連州刺史徵拜吏部郎中又出為閬州刺史入為大理少卿建中初為潤州刺史黜陟使柳載以清白聞徵拜太子右庶子遷左散騎常侍弟燧為司徒以親比拜刑部侍郎以疾辭改兵部尚書致仕貞元七年卒時年七十九

史臣曰燧雄勇強力常先計後戰又善誓師將戰親自號令士無不慷慨感動戰皆決死未嘗折北謀得兵勝冠於一時然力能擒田悅而不取納蕃帥之偽款而保其必盟平涼之會大臣幾陷關畿搖動此謂才有餘而心不至讓者惜

而恨之。

渾瑊，皋蘭州人也。本鐵勒九姓部落之渾部也。高祖大俟利發渾阿貪支，貞觀中爲皋蘭州刺史。曾祖元慶，祖大壽，父釋之，皆代爲皋蘭都督。大壽開元初，歷左領衛中郎將。太子僕同正釋之少，有武藝，從朔方軍積戰功於邊上。累遷至開府儀同三司，試太常卿，寧朔郡王，廣德中與吐蕃戰，沒於靈武。年四十九，瑊本名曰進，年十餘歲，卽善騎射，隨父戰伐，破賀魯部下石堡城，收龍駒島，勇冠諸軍。累授折衝果毅，後節度使安思順遣瑊提偏師深入葛祿部，經狐媚嶺，略特羅斯山，大破阿思布部。又與諸軍城永清柵。天安軍還中郎將，安祿山構逆，斬之。遷右驍衛將軍，既而肅宗卽位於靈武，瑊統兵赴行在。至天德，遇蕃軍入寇，瑊擊敗之。從郭子儀收兩京，討安慶緒，破賊於新鄉，改檢校太僕卿，充武鋒軍使。又從僕固懷恩討史朝義，前後數十戰，朝義平，加開府儀同三司，太常卿，賜實封二百戶。及懷恩謀亂，令子瑒與瑊率軍圍榆次，朔方將殺瑒，瑊率所部歸郭子儀，會瑊父釋之戰死，又起復本官，爲朔方行營左廂兵馬使。從子儀討吐蕃於邠州，以功加御史中丞，軍還，感秋於邠，會吐蕃大入寇，至奉天，瑊拒戰於漠谷，大破蕃軍，以功加太子賓客，復屯於奉天。華州周智光反，子儀奉詔討之，令瑊領馬步萬人攻下同州，智光平，詔以邠寧慶三州隸朔方軍。子儀領之子儀，令瑊先率兵至邠州，便於宜祿縣防秋。歲餘，加兼御史大夫。大曆七年，吐蕃大寇邊，瑊與涇原節度使馬璘會兵，大破蕃賊於黃菩原。自是每年常戍於長武城。臨感秋，十一年，領邠州刺史。其年吐蕃入寇慶州，方渠懷安等鎮，瑊擊却之。十二年，子儀入朝，令瑊知邠寧慶三州兵馬留後。十三年，迴紇侵太原，破鮑防軍，北歸，頗爲邊患。以瑊爲石嶺關已南諸軍都知兵馬使，率兵倚角逐之。虜騎引退。其年八月，加檢校工部尚書，單于副都護，振武軍使。十四年，郭子儀拜太尉，號尙父，分所管內別置三節度，以瑊兼單于大都護，充振武軍東受降城、鎮北大都護府，綏銀麟勝等軍州節度副大使，知節度使事。管內支度營田等使其年復以崔寧爲朔方節度使，領子儀舊管徵瑊爲左金吾衛大將軍兼

左街使。建中四年，李希烈遣間諜詐爲瑊書，與希烈交通，瑊奏其狀。上特保護之，仍賜瑊馬一匹，并鞍轡錦綵二百匹。時以普王爲荆襄等道兵馬元帥，討李希烈，大開府幕，以瑊檢校戶部尚書，御史大夫，充中軍都虞候。會涇師亂，德宗幸奉天，後三日，瑊率家人子弟自京城至，乃署爲行在都虞候，檢校兵部尚書。京畿渭北節度觀察使居數日，邠寧節度使韓游瓌與慶州刺史論惟明統兵三千，自乾陵北過赴醴泉，以拒朱泚。會謀報泚已出兵，帝遽令追遊瓌兵。纔至奉天，賊軍果至，遊瓌等戰于城東，王師不利，遂乘勝奔突，將入官軍與賊隔門相持。自卯至午，殺傷頗甚，門內有草車數乘，瑊令推車塞門，焚之，以外禦。乘火力戰，賊方解去。然重圍已合，賊大修攻具，以僧法堅爲匠師，毀佛寺房宇，以爲梯檣。是月，賊自丁未至辛未，四面攻城。晝夜矢石不絕，瑊隨機應敵，僅能自固。十一月，靈武節度使杜希全、鹽州刺史戴休顏、夏州刺史常春合兵六千人赴難，將至上議其所向。宰相盧杞、白志貞以漠谷路爲便，瑊曰：「漠谷險隘，必爲賊所邀，不若取乾陵北過附柏城而行，便取城東北雞子堆下營，與城中犄角相應。且分賊勢，朱泚必不更於陵寢往來。」杞曰：「漠谷路近，若慮逆賊邀擊，卽出兵應接，若取乾陵路恐驚陵寢。」瑊曰：「今朱泚圍城，斬伐柏城，以夜繼晷，驚動已多。今城中危急，佇望救軍，唯希全等率先赴難，安危是賴，所繫非輕，制置不宜差跌。但令希全等於雞子堆下營，固守善地，賊泚可以計破也。」盧杞等曰：「陛下以順討逆，不可自驚陵寢，白志貞從而贊之。」上從杞議，希全等進至漠谷，果爲賊軍邀擊，奪據水口，乘高以大弩巨石左右夾擊，殺傷頗甚。城中出兵應援，亦爲賊挫銳而退。希全等各歸還本鎮，賊攻城逾急，壕塹圍之旬日，復偏攻東北角，矢石亂入，晝夜如雨。城中死者甚衆，重圍救絕，芻粟俱盡。城中伺賊休息，輒遣人城外拮拾樵採，以進御。人心危蹙，上與瑊對泣。賊泚北據乾陵，下瞰城內，身衣黃衣，蔽以翟扇，前後左右皆朱紫圍官，宴賜拜舞，紛紜旁午。城中動息，賊俯窺之，慢辭戲侮，以爲破在漏刻之頃。時令騎將環城招公卿士庶，責以不識天命。十五日，賊造雲橋，闊數十丈，以巨輪爲脚，推之使前，施濕氈，生牛草多懸水囊，以爲障。直指城東北隅，兩旁構木爲廬，冒以牛草，迴環相屬。質土運薪

於其下以填壕塹矢石不能傷城中恟懼相顧失色上召戒勉諭之令齋空名告身自御史大夫實封五百戶已下者千餘軸募諸軍突將敢死之士以當之兼賜戒御筆一管當戰勝量其功伐即署其名授之不足者筆書其身因命以位仍謂戒曰朕便與卿別更不用對來縱有急切令馬承倩在卿處但令附奏戒俯伏嗚咽上亦悲慟不自勝撫戒背而遣之前一日戒與防城使侯仲莊揣雲橋來路先鑿地道下可深丈餘上積馬糞五六尺次日即令熱火次日復下柴薪夜燒之平明火焰高於城壘是時北風正急賊乃隨風推橋以薄城下賊三千餘人相繼而登城上士卒皆久寒餒又少甲冑戒但感激誠厲之以飢弱之衆當劇賊之鋒雖力戰應敵人憂不濟公卿已下仰首祝天賊徒至地道所橋脚偏陷不能進須臾風迴焰轉雲橋焚為灰燼賊死者數千城中歡譟振地時城中流矢遠自拔之血流霑沫格鬪不已初不言瘡痛以激士心是日上先授戒二子官餘授將校有差賊又別造雲橋周以重鐵方就而朔方節度使李懷光自魏縣行營赴難先遣兵馬使張韶入奏韶至奉天與賊填塹者相雜臨城忽大呼謂城上曰我李懷光使也懷光自河北領大軍至矣即繩引而登城中得懷光表歡聲振動賊衆不之測乃令昇韶巡於城上翌日懷光大軍次醴泉是夜賊解圍而去與元元年正月以戒為行在都知兵馬使二月賜實封五百戶是月德宗移幸山南時懷光叛逆二賊連結寇盜縱橫城分分布諸軍以為翼衛纒入谷口而懷光追騎遠至戒令侯仲莊以後軍擊敗之三月加檢校左僕射同中書門下平章事兼靈州都督靈州豐州定遠西城天德軍節度等使仍充朔方邠寧振武等道兼承平軍奉天行營兵馬副元帥上臨軒授鉞用漢拜韓信故事是月戒將諸軍赴京畿賊將韓昱張廷芝宋歸朝等拒我師於武功戒與吐蕃將論莽羅之衆大破賊於武亭川斬首萬餘級戒便赴奉天應接李晟抗京城西面五月李晟自東渭橋抵京城攻賊戒亦與韓遊瓌戴休頤西面諸軍會合晟破賊之日戒亦進收咸陽尋聞朱泚姚令言奔敗命諸軍分道邀擊其衆離潰相率來降選騎三千急追泚至涇州賊將誅泚傳首來獻六月加戒侍中論收京城之功加實封李晟一千戶戒八百戶韓

遊瓌戴休頤四百戶駱元光尚可孤五百戶七月德宗還宮以戒守本官兼河中尹河中絳慈隰節度使仍充河中同陝號節度及管內諸軍行營兵馬副元帥改封咸寧郡王九月賜戒大軍里甲女樂五人入第之日宰臣節將送之一如李晟入第之儀以李懷光未平又加朔方行營兵馬副元帥與河東節度使馬燧會兵進討貞元元年八月河中平以功加檢校司空與一子五品正員官是冬望皇帝親郊昊天上帝戒入朝陪祀畢還鎮河中三年吐蕃入寇至鳳翔為李晟邀擊之又襲破其推沙堡吐蕃深恨之尚結贊入寇陷我鹽夏二州以兵守之欲長驅犯京師而畏戒與李晟馬燧欲除計圖之乃卑詞遜禮告馬燧請重立盟誓則蕃軍引去德宗不許馬燧自入朝言之上乃令崔翰入蕃報結贊言還我鹽夏則許同盟結贊謂翰曰清水之會同盟人少是以和好輕慢不成今蕃相及元帥已下凡二十一人赴盟靈州節度使杜希全涇原節度使李觀皆和善守信境外重之此時須請預盟翰約盟于清水且先歸我鹽夏二州結贊曰清水非吉地請會盟於原州土梨樹又請盟畢歸二州翰歸備奏其事神策將馬有麟奏曰土梨樹地多險恐蕃軍隱伏不利不如於平涼其地坦平且近涇州就之為便乃定盟於平涼川初結贊請李觀杜希全預盟欲執之徑犯京師詔報之曰杜希全職在靈州不可出境李觀又已改官今遣侍中渾瑊充盟使五月戒自咸陽入朝詔授平涼盟會使兵部尚書崔漢衡副之司勳郎中鄭叔矩為判官戒統兵二萬又詔華州節度使駱元光以本鎮兵從戒閏月十五日戒與結贊會平涼初約以兵三千列於壇之東西散手四百人至壇下各遣遊軍相覘伺是時蕃軍精騎數萬列於壇西蕃之遊軍貫穿我軍之中戒將梁奉貞率六十騎為遊軍纒至壇所為蕃軍所執結贊又謂戒曰請侍中已下具衣冠劍珮戒與監軍宋鳳朝崔漢衡等入幕次坦無他慮結贊命伐鼓三通其衆呼譟而至戒遽出自幕後偶得他馬跨而奔馳追騎雲合流矢兩集而不傷會戒將辛榮以數百人據北阜與賊血戰追騎方止戒僅得免辛榮兵盡失窮力屈而降宋鳳朝戒判官鄭弁為追兵所殺崔漢衡中官俱文珍劉延李清朝漢衡判官鄭叔矩戒判官路泌袁同直大將軍扶餘進馬寧神策將

孟日華、李至言、樂演明、范澄、馬奔等六十餘人皆陷于賊，尙結贊至原州，列坐帳中，召陷蕃將吏讓之，因怒，戒曰：「武功之捷，吐蕃之力，許以涇州、靈州，相報竟食其言，負我深矣。舉國同怨，本劫是盟，志在擒賊，吾已爲金枷待賊，將獻贊，旣已失之，虛致君等何爲？」乃放俱文珍、馬寧、馬奔歸朝。七月，賊自奉天入朝，素服待罪，詔釋之，而後見，俄而吐蕃入寇，京畿，賊鎮奉天。十月，還河中。四年七月，加邠寧慶副元帥。十二年二月，加檢校司徒，兼中書令，諸使副元帥如故。十五年十二月二日，薨於鎮。廢朝五日。羣臣於延英奏慰，詔贈太師，諡曰忠武，賜絹布四千匹，米粟三千碩，及喪車將至，又爲廢朝，應緣喪事，所司準式支給，命京兆尹監護，葬日賜絹五百匹。賊忠勤謹慎，功高不伐，在藩方歲時貢奉，必躬親閱視，每有頒錫，雖居遠地，如在帝前，位極將相，無忘謙抑，物論方之金日磾，故深爲德宗委信，猜間不能入。君子多之子鍊、鑄、鐵、鑄、鐵第二子，性謙謹，多與士大夫遊，歷延唐二州刺史，軍政吏職，有可稱者，及元和中，諸道出師討王承宗，屬義武軍節度使任迪簡病不能軍，以鑄藉父威名，足以鎮定，乃以鑄檢校右散騎常侍，充義武軍節度副使。九月六日，加檢校工部尙書，代迪簡爲節度使，鑄治兵練卒，頗有威望，然不能觀覺養銳，以期必勝，鎮定相去九十里。元和十一年冬，鑄率全師壓賊境，而軍距賊壘三十里，鑄謀慮不周，但耀兵鋒，無所控制，賊乃分兵潛入定州界，焚燒驅掠，鑄怒，進攻賊壘，交鋒而敗，師徒殆喪其半，餘衆還定州，亂不可遏，朝廷乃除陳楚代之。楚聞亂，馳入定州，鑄爲亂兵所劫，以至保露，楚旣整戢，於亂兵處率斂衣服還鑄，方得歸朝，坐貶韶州刺史。後代州刺史韓重華奏收得鑄供軍錢絹十餘萬貫匹，再貶循州刺史。歲餘卒。鐵、鑄第三子，以父蔭起家爲諸衛參軍，歷諸衛將軍。元和初，出爲豐州刺史。天德軍使坐賊貶袁州司戶，憲宗思咸寧之勳，比例從輕。五年，徵爲袁王傅，復賜金紫，遷殿中監，開成初，宰相擬壽州刺史。文宗曰：「鐵勳臣子弟，豈可委以牧民？」仲尼有言：「不如多與之邑。」今我念其先人之功，與之致富可也。宰臣曰：「鐵常歷名郡，有政能，乃從之。」三年，入爲右金吾衛大將軍，知街事，歷諸衛大將軍卒。

史臣曰：馬司徒之方略，渾咸寧之忠盡，各奮節義，爲時名臣。然元城之師，失策

於田悅、平涼之會，幾陷於吐蕃，此亦術有所不至也。緬思建中之亂，四海波騰，賊訖竊發之辰，宗祀不絕如綫，苟非忠臣致命，化危爲安，則李氏之宗社傾矣。贊曰：北平之勳，排難解紛，咸寧蹈義，感慨匡君，再隆基構，克殄昏氛，迴天捧日，實賴將軍。

舊唐書卷一百三十四

舊唐書卷一百三十四考證

馬燧傳悅恃燕趙之援又出兵二萬背城而陣燧復與諸軍擊破之五月加燧

同中書門下平章事六月加燧魏州大都督府長史與元元年正月封北平

郡王○臣宗萬按新書於破悅背城陣後連類書之不分年月似加爵封王

是一時事然當燧擊破之時悅未嘗屈不當疊加晉封也是時燧退次魏縣

加長史兼節度等使所以重其威也及軍還太原燧以晉陽王業所起藉池

固堤為守禦計燧之進戰退守功有足多此封王之自也其爵自當遞加不

應一時並及且此年月鑿鑿無可疑也

渾瑊傳是月賊自丁未至辛未四面攻城晝夜矢石不絕○臣西按德宗紀十

月戊申如奉天丁未未至辛未四面攻城晝夜矢石不絕○臣西按德宗紀十

矣未字當是卯字之訛考本紀甲子瑊及泚戰于城下敗之乙丑將軍高重

捷死之通鑑乙丑賊復攻城將軍高重捷破泚將李日月乘勝逐北賊伏兵

擒之乙丑後二日為丁卯蓋乙丑以前官軍猶時與賊戰至高重捷死後則

城中奪氣官軍不復能出戰而重圍既合自丁卯至辛未攻城尤力者凡五

日也

十一月靈武節度使杜希全鹽州刺史戴休顏夏州刺史常春合兵六千人赴

難○臣西按新書德宗紀杜希全李建徽及朱泚戰于漢谷敗績事在十月

辛酉非十一月也兩書不合未知孰是

若取乾陵北邊附使城守固而行便取城東北鷄子堆下與城中犄角相應○

臣西按通鑑云不若自乾陵北邊附拍城而行營于城北鷄子堆與城中犄

角相應語意明白此處若字上當脫一不字使字乃拍字之訛守固二字衍

蓋因下有圍守善地語故誤衍此二字也下字下當脫一營字俱改正

舊唐書卷一百三十四考證

後晉司空同中書門下平章事劉昫撰

列傳第八十五

盧杞子元輔

白志貞

裴延齡

韋渠牟

李齊運

李實

韋執誼

王叔文王伾附

程异

皇甫鎛鎛

盧杞字子夏故相懷慎之孫父奕天寶末為東臺御史中丞洛城為安祿山所陷奕守司而遇害杞以門蔭解褐清道率府兵曹朔方節度使僕固懷恩辟為

掌書記試大理評事監察御史以病免入補鴻臚丞遷殿中侍御史膳部員外

郎出為忠州刺史至荆南謁節度使衛伯玉伯玉不悅杞移病歸京師歷刑部

員外郎金部吏部二郎中杞貌陋而色如藍人皆鬼視之不恥惡衣糲食人以

為能嗣懷慎之清節亦未識其心頗有口辯出為虢州刺史建中初徵為御史

中丞時尚父子儀病百官造問皆不屏姬侍及聞杞至子儀悉令屏去獨隱几

以待之杞去家人問其故子儀曰杞形陋而心險左右見之必笑若此人得權

即吾族無賴矣及居亂彈顛問之地論奏稱旨遷御史大夫旬日為門下侍郎

同中書門下平章事既居相位忘能妬賢迎吠陰害小不附者必致之於死將

起勢立威以久其權楊炎以杞陋貌無識同處台司心甚不悅為杞所譖遂於

崖州德宗幸奉天崔寧流涕論時事杞聞惡之譖於德宗言寧與朱泚盟誓故

至遲迴寧遂見殺惡顏真卿之直言令奉使李希烈竟殺於賊初京兆尹嚴郾

與楊炎有隙杞乃擢郾為御史大夫以傾炎炎既死心又惡郾圖欲去之幸

相張鑑忠正有才上所委信杞頗惡之會朱泚朱泚弟兄不睦有泚判官蔡廷

玉者離間浴浴論奏請殺之廷玉既貶殿中侍御史鄭詹遣吏監送廷玉投水

而卒杞因奏曰恐朱泚疑為詔旨請三司按鞠詹又御史所為稟大夫命并令

按鄧詹與張鑑善每伺杞晝眠輒詰鑑杞知之他日杞假寢伴熟伺詹果來方

與鑑語杞遽至鑑閣中詹趨避杞杞遽言密事鑑曰殿中鄭侍御在此杞佯愕

曰向者所言非他人所宜聞時三司使方按鄧詹獄未具而奏殺詹貶鄧為驩

州刺史鑑尋罷相出鎮鳳翔其陰禍賊物如此李揆舊德德宗復用乃遣使

西蕃天下無不扼腕痛憤然無敢言者戶部侍郎判度支杜佑甚承恩顧為杞

媒孽貶饒州刺史初上即位擢崔祐甫為相頗用道德寬大以弘上意故建中

初政聲藹然海內想望貞觀之理及杞為相諷上以刑名整齊天下初李希烈

請討梁崇義崇義誅而希烈叛蓋據淮右襄鄧之郡邑恆州李寶臣死其子惟

岳邀節鉞遂與田悅締結以抗王師繇是河北河南連兵不息度支使杜佑計

諸道用軍月費一百餘萬貫京師帑廩不支數月且得五百萬貫可支半歲則

用兵濟矣杞乃以戶部侍郎趙贊判度支贊亦計無所施乃與其黨太常博士

韋都賓等謀行括率以為泉貨所聚在於富商錢出萬貫者留萬貫為業有餘

官借以給軍冀得五百萬貫上許之約以罷兵後以公錢還勅既下京兆少尹

韋積實頗峻長安尉薛荇荷校乘車搜人財貨意其不實即行撈筆人不勝

冤痛或有自縊而死者京師囂然如被賊盜都計富戶田宅奴婢等估纔及八

十八萬貫又以備積納質積錢貨貯粟麥等一切借四分之一封其櫃窖長安

為之罷市百姓相率千萬眾邀宰相於道訴之杞初雖慰諭後無以遏即疾驅

而歸計儲質與借商纔二百萬貫德宗知下民流怨詔皆罷之然宿師在野日

須供饋明六月趙贊又請稅間架算除陌凡屋兩架為一間分為三等上等

每間二千中等一千下等五百所由吏乘筆執籌入人第舍而計之凡沒一間

杖六十告者賞錢五十貫文除陌法天下公私給與貿易率一貫舊算二十益

加算為五十給與物或兩換者約錢為率算之市主人牙子各給印紙人有買

賣隨自署記翌日合算之有自貿易不用市牙子者驗其私簿投狀自其有私

簿投狀其有隱錢百沒入二千杖六十告者賞錢十千出於其家法既行主人

市牙得專其柄率多隱盜公家所入百不得半怨讟之聲鬱然滿於天下及十

月涇師犯關亂兵呼於市曰不奪汝商戶儲質矣不稅汝間架除陌矣是時人

心愁怨涇師乘間謀亂奉天之奔播職杞之由故天下無賢不肖視杞如讐德

宗在奉天為朱泚攻圍李懷光自魏縣赴難或謂王翊趙贊曰懷光累數憤以

為宰相謀議乖方度支賦斂煩重京尹刻薄軍糧乘輿播遷三臣之罪也今懷

光勳業崇重聖上必開襟布誠詢問得失使其言入豈不殆哉翊贊曰於杞杞大駭懼從容奏曰懷光勳業宗社是賴臣聞賊徒破膽皆無守心若因其兵威可以一舉破賊今若許其朝覲則必賜宴賜宴則留連使賊得京城則從容完備恐難圖之不如使懷光乘勝進收京城破竹之勢不可失也帝然之乃詔懷光率眾屯便橋克期齊進懷光大怒遂謀異志德宗方悟為杞所構物議喧騰歸咎於杞乃貶為新州司馬白志貞恩州司馬趙贊為播州司馬遇赦移吉州長史在貶所謂人曰吾必再入用是日上果用杞為饒州刺史給事中袁高宿直當草杞制遂執以謁宰相盧翰劉從一曰杞作相三年矯誣陰賊排斥忠良朋附者效唾立至青雲睚眦者顛盼已擠溝壑傲很背德反亂天常播越鑾輿瘡痍天下皆杞之為也幸免誅戮唯示貶黜尋已稍遷近地更授大郡恐失天下望惟相公執奏之事尚可救翰從一不悅遂改命舍人草制明日詔下袁高執奏曰盧杞為政極恣兇惡三軍將校願食其肉百辟卿士嫉之若讐諫官趙需裴信宇文炫盧景亮張薦等上疏曰伏以吉州長史盧杞外矯儉簡內藏奸邪三年擅權百揆失序惡直醜正亂國殄人天地神祇所知蠻夷華夏同棄伏惟故事皆得上聞自杞為相要官大臣動踰月不敢奏聞百寮惴惴常懼顛危及京邑傾淪皇輿播越陛下炳然覺悟出棄遐荒制曰中謹墜於上聞朝野為之側目由是忠良激勸內外歎忻今復用為饒州刺史衆情失望皆謂非宜臣聞君之所以臨萬姓者政也萬姓之所以戴君者心也儻加巨奸之寵必失萬姓之心乞迴聖慈遽輟新命疏奏不答諫官又論曰盧杞蒙蔽天聽隳紊朝典致亂危國職杞之由可謂公私巨蠹中外棄物自聞再加擢用忠良痛骨士庶寒心臣昨者憑肝上聞冒死不恐冀迴宸睇用快羣情至今拳拳未奉聖旨物議騰沸行路驚嗟人之無良一至於此伏乞俯從衆望永弃奸臣幸免誅夷足明恩貸特加榮寵恐造禍階臣等忝列諫司今陳狂瞽給事中袁高堅執不下乃改授澧州別駕翌日延英上謂宰臣曰朕欲授杞一小州刺史可乎李勉對曰陛下授杞大郡亦可其如兆庶失望何上曰衆人論杞奸邪朕何不知勉曰盧杞奸邪天下人皆知唯陛下不知此所以為奸邪也德宗默然良久散騎常

侍李泌復對上曰盧杞之事朕已可袁高所奏如何泌拜而言曰累日外人竊議以陛下同漢之桓靈臣今親承聖旨乃知堯舜之不迨也德宗大悅慰勉之杞尋卒於澧州子元輔字子望少以清行聞於時進士擢第授崇文館校書郎德宗思杞不已乃求其後特恩拜左拾遺再遷左司員外郎歷杭常絳三州刺史以課最高徵為吏部郎中遷給事中改刑部侍郎自兵部侍郎出為華州刺史潼關防禦鎮國軍等使復為兵部侍郎元輔自祖至曾以名節著於史冊元輔簡潔方直綽繼門風歷踐清貫人亦不以父之醜行為累人士歸美大和三年八月卒時年五十六

白志貞者太原人本名琇珪出於胥吏事節度使李光弼小心勤恪動多計數光弼深委信之帳中之事與琇珪參決代宗素知之光弼薨後用為司農少卿遷太卿在寺十餘年德宗嘗召見與語引為腹心遂用為神策軍使檢校左散騎常侍兼御史大夫賜名志貞善伺候上意言無不從建中四年李希烈陷汝州命志貞為京城招募使時尚父子儀塔端王傅吳仲孺家財巨萬以國家召募有急懼不自安乃上表請以子弟率奴客從軍德宗嘉之超授五品官由是志貞請令節度觀察團練等使并嘗為是官者今家出子弟甲馬從軍亦與其男官是時豪家不肖子幸之貧而有知者苦之自是京師人心搖震不保家室時禁軍募致悉委志貞兩軍應赴京師殺傷殆盡都不奏聞皆以京師沽販之徒以填其闕其人皆在市鄜及涇師犯闕詔志貞以神策軍拒賊無人至者上無以禦寇乃圖出幸時令狐建以龍武軍四百人從駕至奉天仍以志貞為行在都知兵馬使聞李懷光至恐暴揚其罪乃與盧杞同沮懷光入朝衆議喧沸言致播遷盧杞志貞之罪也故與杞同貶遇赦量移潤州別駕貞元二年遷果州刺史宰臣李勉及諫官表疏論列言志貞與盧杞罪均未宜敘用固執不許凡旬日方下其詔貞元三年遷潤州刺史兼御史大夫浙西觀察使是年六月卒

裴延齡河東人父旭和州刺史延齡乾元末為汜水縣尉遇東都陷賊因寓居鄂州綴緝裴翹所注史記之闕遺自號小裴後華州刺史董晉辟為防禦判官

黜陟使薦其能調授太常博士盧杞爲相權爲膳部員外郎集賢院直學士改祠部郎中崔造作相改易度支之務令廷齡知東都度支院及韓滉領度支召赴京守本官廷齡不待詔命遽入集賢院視事宰相延賞惡其輕率出爲昭應令與京兆尹鄭叔則論辨是非攻訐叔則之短時李泌爲相厚於叔則中丞賈參特恩寵惡泌而佑廷齡叔則坐貶爲永州刺史廷齡改著作郎賈參尋作相用爲太府少卿轉司農少卿貞元八年班宏卒以廷齡守本官權領度支官揣不通殖貨之務乃多設鈎距召度支老吏與謀以求恩顧乃奏云天下每年出入錢物新陳相因常不減六七千萬貫唯一庫差舛散失莫可知之請於左藏庫中分置別庫欠負耗贖等庫及季庫月庫納諸色錢物上皆從之且欲多張名目以惑上聽其實於錢物更無增加唯虛費簿書人吏耳其年遷戶部侍郎判度支奏請令京兆府以兩稅青苗錢市草百萬圍送苑中宰相陸贄趙憬議以爲若市送百萬圍草卽一府百姓自冬歷夏般載不了百役供應須悉停罷又妨奪農務請令府縣量市三二萬圍各貯側近處他時要卽支用京西有汙池卑濕處時有蘆葦生焉亦不過數畝廷齡乃奏云廐馬冬月合在槽櫪秣飼夏中卽須牧放臣近尋訪知長安咸陽兩縣界有陂池數百頃請以爲內廐牧馬之地且去京城十數里與苑廐中無別上初信之言於宰相對曰恐必無此上乃差官閱視事皆虛妄廷齡既慚且怒又誣李充爲百姓妄請積年和市物價特勅令折填謂之底折錢嘗因奏對請積年錢帛以實裕藏上曰若爲可得錢物廷齡奏曰開元天寶中天下戶僅千萬百司公務殷繁官員尙或有闕自兵興已來戶口減耗大半今一官可兼領數司伏請自今已後內外百司官闕未須補置收其闕官祿俸以實裕藏後因對事上謂廷齡曰朕所居浴室院殿一椽以年多之故似有損蠹欲換之未能對曰宗廟事至重殿枋事至輕況陛下自有本分錢物用之不竭上驚曰本分錢何也對曰此是經義證據恐儒常材不能知陛下正合問臣唯臣知之準禮經天下賦稅當爲三分一分充乾豆一分充賓客一分充君之庖廚乾豆者供宗廟也今陛下奉宗廟雖至敬至嚴至豐至厚亦不能一分財物也正如鳩臚禮賓諸國蕃客至於迴紇馬價

用一分錢物尙有贏羨甚多況陛下御膳官廚皆極簡儉所用外分賜百官充俸料殮錢等猶未能盡據此而言庖廚者之餘其數尙多皆陛下本分也用修數十殿亦不合疑慮何況一椽上曰經義如此人總不會言之領之而已又因計料造神龍寺須長五十尺松木廷齡奏曰臣近於同州檢得一谷木可數千條皆長八十尺上曰人言開元天寶中側近求覓長五六十尺木尙未易須於嵐勝州採市如今何爲近處便有此木廷齡奏曰臣聞賢材珍寶異物皆在處常有但遇聖君卽出見今此木生關輔蓋爲聖君豈開元天寶合得有也時陸贄秉政上素所禮重每於廷英極論其誕妄不可令掌財賦德宗以爲排擯待廷齡益厚贄上書疏其失曰前歲秋首班宏喪亡特詔廷齡繼司邦賦數日之內遽街功能奏稱勾獲隱欺計錢二十萬貫請貯別庫以爲羨餘供御所須亦無匱乏陛下欣然信納因謂委任得人既賴盈餘之財稍弘心意之欲與作漫廣宣索漸多廷齡務實前言且希睿旨不敢告闕不敢辭難勾獲既是虛言無以應命供辦皆承嚴約苟在及期遂乃搜求市廩豪奪入獻追捕夫匠迫脇就功以勒索爲名而不酬其直以和雇爲稱而不償其傭都城之中列肆爲之晝閉輿役之所百工比於幽囚聚詛連郡遮訴盈路持綱者莫敢致詰巡察者莫敢爲言時有訐而言之翻謂黨邪醜直天子轂下驚聲沸騰四方觀瞻何所取則傷心于上斂怨于人欺天陷君遠近危懼此其罪之大者也總制邦用度支是司出納貨財太府攸職凡是太府出納皆稟度支文符太府依符以奉行度支憑案以勘覆互相關鍵用絕姦欺其出納之數則每旬申聞見在之數則每月計奏皆經度支勾覆又有御史監臨旬旬相承月月相繼明若指掌端如貫珠財貨多少無容隱漏廷齡務行邪詔公肆誣欺遂奏云左藏庫司多有失落近因檢閱使置簿書乃於糞土之中收得十三萬兩其匹段雜貨又百萬有餘皆是文帳脫遺並同已棄之物今所收獲卽是羨餘悉合移入雜庫以供別勅支用者其時特宜進旨並依所奏施行太府卿韋少華抗疏上陳殊不引伏確稱每月申奏皆是見在數中請令推尋足驗奸詐兩司既有論執理須詳辨是非陛下縱其妄欺不加按問以在庫之物爲收獲之功以常賦之財爲羨餘之

廢罔上無畏示人不慚此又罪之大者也國家府庫出納有常延齡險猾售奸
 詭譎求媚遂於左藏之內分建六庫之名意在別貯贏餘以奉人主私欲曾不
 知王者之體天下為家國不足則取之於人人不足則資之於國在國為官物
 在人為私財何謂贏餘須別收貯是必巧詐以變移官物暴法以刻削私財捨
 此二途其將安取陛下務崇信不加檢裁姑務保持曾無詰責延齡謂能蔽
 惑不復懼恩奸威既沮於四方檢餘復行於內府由是蹂躪官屬傾倒貨財移
 東就西便為課績取此適彼遠號羨餘愚弄朝廷有同兒戲夫理天下者以義
 為本以利為末以人為本以財為末本感則其末自舉末大則其本必傾自古
 及今德義立而利用不豐人庶安而財貨不給因以喪邦失位者未之有也故
 曰不患寡而患不均不患貧而患不安有德必有人有人必有土有土必有財
 百姓足君孰與不足蓋謂此也自古及今德義不立而利用克宜人庶不安而
 財貨可保因以興邦固位者未之有也故曰財散則人聚財聚則人散與其有
 聚斂之臣寧有盜臣無令侵削北人為天子取怨于下也且陛下初膺寶曆志
 藹羣兇師旅繁興徵求濼廣權算侵削下無聊生是以涇原叛徒乘人怨咨白
 晝犯關都邑吐庶恬然不驚反與賊眾相從比肩而入宮殿雖蚩蚩之性靡所
 不為然亦由德澤未浹而暴令驅之以至於是也干時內府之積尚如丘山竟
 資兇渠以餽食卒此則陛下躬親之矣是乃失人而聚貨夫何利之有焉車駕
 既幸奉天逆泚旋肆圍逼一壘之內萬乘所屯窘如涸流庶物空匱嘗欲發一
 健步出規賊軍其人懇以苦寒為辭跪奏乞一襦袴陛下為之求竟不致竟閉
 默而遣之又嘗官壘之中服用有闕聖旨方以戎事為急不忍重煩於人乃刺
 親王飾帶之金賣以給直是時行從將吏赴難師徒蒼黃奔馳咸未冬服漸屬
 凝沍且無薪蒸饑凍內攻矢石外迫晝則荷戈奮迅夜則映燄呻吟凌風飄冒
 霜雪躡四旬而眾無攜貳卒能走強賊全危城者陛下豈有嚴刑重賞使之然
 耶唯以不厚其身不藏其貨與眾庶同其憂患與士伍共其有無乃能使人捐
 軀命而扞寇讐餘之不離凍之不憾臨危而不易其守見死而不去其君所謂
 聖人感人心而天下和平此其効也及乎重圍既解諸路稍通賦稅漸臻貢獻

繼至乃於行宮外廡之下別置瓊林大盈之司未賞功勞遽私賄玩甚沮惟新
 之望頗播摧殘之心於是輿誦興譏而軍士始怨矣財聚人散不其然乎旋屬
 彘賊內興翠華南狩奉天所積財貨悉復殲於亂軍既遷岷梁日不暇給獨憑
 大順遂復皇都是知天子者以得人為貴以善義為富人苟歸附何患資義
 苟修崇何憂不富豈在貯之內府方為己有哉故藏於天下者天子之富也藏
 於境內者諸侯之富也藏於困倉儲積者農夫商賈之富也奈何以天子之貴
 海內之富而橫行諸侯之棄德守農商之鄙業哉陛下若謂厚取可以恢武功
 則建中之取既無成矣若謂多積可以為己有則建中之積又不在矣若謂徇
 欲不足傷理化則建中之失傷已甚矣若謂斂怨不足致危亡則建中之亂危
 亦至矣然而遽能靖滔天之禍成中興之功者良以陛下有側身修勵之志有
 罪已悔懼之辭罷息誅求敦尚節儉渙發大號與人更新故靈祇感陛下之誠
 臣庶感陛下之意釋憾迴慮化危為安陛下亦當為宗廟社稷建不拔之永圖
 為子孫黎元立可久之休業懲前事徇欲之失復日新威德之言豈宜更縱險
 邪復行剋暴事之追悔其可再乎臣又竊慮陛下納彼盜言墮其奸計以為搏
 噬擊擄怨集有司積聚豐盈利歸君上是又大謬所宜慎思夫人主昏明繫於
 所任咎繇夔契之道長而虞舜享濬哲之名皇甫湜稱之變行而周厲舉顛覆
 之禍自古何嘗有小人柄用而災患不及邦國者乎譬猶操兵以刃人天下不
 委罪於兵而委罪於所操之主畜蠱以殃物天下不歸咎於蠱而歸咎於所畜
 之家理有必然不可不察臣伏慮陛下以延齡之進獨出宸衷延齡之言多順
 聖旨今若以罪實辟則似為眾所擠故欲保持用彰堅斷若然陛下與人終始
 之意則美矣其於改過勿吝去邪勿疑之道或未盡善今希旨自獻浸以成風
 變之使言猶懼不既若又阻抑誰當貢誠或恐未亮斯言請以一事為證只如
 延齡兇妄流布寰區上自公卿近臣下迨輿臺賤品喧喧談議億萬為徒能以
 上言其人有幾陛下誠令親信博採輿詞參較比來所聞足鑒人間情偽臣以
 卑鄙位當台衡既極崇高又承溫澤豈不知觀時附會足保舊恩隨眾沉浮免
 貽厚責謝病黜退獲知幾之名黨奸苟容無見嫉之患何急自苦獨當豺狼上

違歡情下餌讒口。夏以內顧庸昧一無所堪。夙蒙眷知。唯以誠直。綢繆惟辰。一紀于茲。聖慈既以此見容。愚臣亦以此自負。從陛下歷播遷之危。親陛下致興復之難。至今追思。猶爲心悸。所以畏覆車而駭慮。懼燬室而悲鳴。蓋情激於衷。雖欲罷而不能自默也。因事陳請。雖已煩煩。天聽尙高。未垂諒察。輒申悃款。以極愚誠。憂深故語煩。意懇故詞切。以微臣自固之謀。則過於陛下。慮患之計。則忠。糜軀奉君。所不敢避。沽名街直。亦不忍爲。願迴睿聰。爲國熟慮。社稷是賴。豈唯微臣。書奏。德宗不悅。待延齡益厚。時鹽鐵轉運使張滂。京兆尹李元用。農卿李鈺。以事相關。皆證延齡矯妄。德宗罷陸贄知政事。爲太子賓客。滂充鈺丞。罷職左遷。十一年春暮。上數敗于苑中。時久旱。人情憂懼。延齡遽上疏曰。陸贄李充等失權。心懷怨望。今專大言於衆曰。天下炎旱。人庶流亡。度支多欠。關諸軍糧草。以激怒羣情。後數日。上又幸苑中。適會神策軍人訴度支欠廩馬芻草。上思延齡言。即時迴駕。下詔斥逐贄充滂鈺等。朝廷中外惴恐。延齡方謀害在朝正直之士。會諫議大夫陽城等伏闕切諫。事遂且止。贄充等雖已貶黜。延齡憾之未已。乃補李充腹心吏張忠。捶掠楚痛。令爲之詞。云前後隱沒官錢五十餘萬貫。米麥稱是其錢物。多結託權勢。充妻常於犢車中。將金寶繒帛。遺陸贄妻。忠不勝楚毒。並依延齡教。抑之辭。具於款占。忠妻母於光順門投匭訴冤。詔御史臺推問。一宿得其實狀。事皆虛。乃釋忠。延齡又奏京兆府妄破用錢數。請令比部勾覆。以比部郎中崔元嘗爲陸贄所黜。故也。及崔元勾覆錢數。又無交涉。延齡既銳意以苛刻剝下。附上爲功。每奏對際。皆恣驕詭。怪虛妄。他人莫敢言者。延齡言之不疑。亦人之所未嘗聞。德宗頗知其誣妄。但以其敢言無隱。且欲訪聞外事。故斷意用之。延齡恃之。謂必得宰相。尤好慢罵。毀詆朝臣。班行爲之側目。及臥病。載度支官物置於私家。亦無敢言者。貞元十二年卒。時年六十九。延齡死。中外相賀。唯德宗悼惜不已。冊贈太子少保。

許孟容與渠牟及道士萬參成。沙門譚延等十二人。譚論儒道釋三教。渠牟枝詞游說。捷口水注。上謂其講釋有素。聽之意動。數日。轉秘書郎。奏詩七十韻。旬日。遷右補闕。內供奉。僚列初不有之。在延英。既對宰相。多使中貴人召渠牟於官次。同輩始注目矣。歲終。遷右諫議大夫。時延英對策政賦之臣。晝漏率下二三刻。爲常。渠牟奏事。率漏下五六刻。上笑語款狎。往往外聞。渠牟形神侏蹠。無士君子器。志向不根。道德衆雅。知不能以正道開悟。上意。陸贄免相。後上躬親庶政。不復委成宰相。廟堂備員。行文書而已。除守宰相。皆帝自選擇。然居深宮。所狎而取信者。裴延齡。李齊運。王紹李實。韋執誼。洎渠牟。皆權傾相府。延齡李實。奸欺多端。甚傷國體。紹無所發明。而渠牟名素輕。頗張恩勢。以招趨嚮者。門庭填委。茅山處士。崔苒微至。闕下。鄭隨自山人。再至補闕。馮伉自醴泉。令爲給事中。皇太子侍讀。皆渠牟延薦之。上既偏有所聽。浮薄率皆本街進。不復藏器蘊德。皆奔馳請謁。列蹄甘辭。以附渠牟。居無何。遷太府卿。賜金紫。又轉太常卿。貞元十七年卒。時年五十三。贈刑部尚書。仍諡曰忠。

李齊運者。蔣王憚之孫也。解褐。擢王府東閣祭酒。七遷至監察御史。江淮都統李岷辟爲幕府。累轉工部郎中。爲長安縣令。職事修理。歷京兆少尹。陝府長史。建中末。改河中尹。晉絳慈隰觀察使。時李懷光自山東卷甲奔難。晝夜倍道。比至河中。力疲。休兵三日。齊運傾力犒設。軍人皆悅。懷光既反。驅兵還保河中。齊運不能敵。棄城而走。除爲京兆尹。兼御史大夫。時賊據京城。李晟軍東渭橋。齊運擾攘之中。徵募工役。版築城壘。飛芻輓粟。以應晟。收復之際。頗有力焉。貞元中。蝗旱。方熾。齊運無政術。乃以韓洄代之。改宗正卿。兼御史大夫。開廐宮苑。使改檢校禮部尚書。兼殿中監。尋正拜禮部尚書。兼殿中監。使如故。其後十餘歲。宰臣內殿對後。齊運常次進。實其計慮。以決羣議。齊運無學術。不知大體。但甘言取信而已。薦李錡爲浙西觀察使。受賂數十萬計。舉李詞爲湖州刺史。既而邑人告其贓犯。上以齊運故。不問而遣之。齊運被疾。歲餘不能朝請。朝廷除授。往往降中人。就宅咨決。末以妾衛氏爲正室。身爲禮部尚書。冕服以行。其禮人。士嗤謔。貞元十二年卒。時年七十二。贈尚書左僕射。

李實者道王元慶玄孫以蔭入仕六轉至潭州司馬洪州節度使嗣曹王臯辟為判官遷蘄州刺史臯為山南東道節度使復用為節度判官檢校太子賓客員外郎臯卒新帥未至實知留後刻薄軍士衣食軍士怨叛謀殺之實夜縋城而出歸詣京師用為司農少卿加檢校工部尚書司農卿貞元十九年為京兆尹卿及兼官如故尋封嗣道王自為京尹恃寵強愎不顧文法人皆側目二十一年春夏旱關中大歉實為政猛暴方務聚斂進奉以固恩顧百姓所訴一不介意因入對德宗問人疾苦實奏曰今年雖旱穀田甚好由是租稅皆不免人窮無告乃徹屋瓦木賣麥苗以供賦斂優人成輔端因戲作語為黎民艱苦之狀云秦地城池二百年何期如此賤田園一頃麥苗伍碩米三間堂屋二千錢凡如此語有數十篇實聞之怒言輔端誹謗國政德宗遽令決殺當時言者曰警誦箴諫取其諛諧以託諷諫優伶舊事也設謗木採芻蕘本欲達下情存諷議輔端不可加罪德宗亦深悔京師無不切齒以怒實故事府官避臺官實常遇侍御史王播于道實不肯避導從如常播詰其從者實怒奏播為三原令謝之曰庭詬之陵轍公卿百執事隨其喜怒誣奏逐逐者相繼朝士畏而惡之又誣奏萬年令李衆貶虔州司馬奏虞部員外郎房啓代衆昇黜如其意怙勢之色警然在眉睫間故事吏部將奏科目與密朝官不通書問而實身詣選曹追趙宗儒且以勢恐之前歲權德輿為禮部侍郎實託私薦士不能如意後遂大錄二十人迫德輿曰可依此第之不爾必出外官悔不及也德輿雖不從然頗懼其誣奏二十一年有詔蠲畿內逋租實違詔徵之百姓大困官吏多遭笞罰剝削拮斂聚錢三十萬賈胥吏或犯者即按之有乞丐絲髮固死無者且曰死亦不屈亦杖殺之京師貴賤同苦其暴虐順宗在諫闕逾月實斃人於府者十數遂議逐之乃貶通州長史制出市人皆袖瓦石投其首實知之由月營門自苑西出人人相賀後遇赦量移虢州在道卒

韋執誼者京兆人父浼官卑執誼幼聰俊有才進士擢第應制策高等拜右拾遺召入翰林為學士年纔二十餘德宗尤寵異相與唱和歌詩與裴延齡韋渠牟等出入禁中略備顧問德宗載誕日皇太子獻佛像德宗命執誼為畫像贊

上令太子賜執誼縑帛以酬之執誼至東宮謝太子卒然無以藉言太子因曰學士知王叔文乎彼偉才也執誼因是與叔文交甚密俄丁母憂服闋起為南宮郎德宗時召入禁中初貞元十九年補闕張正一因上書言事得召見王仲舒韋成季劉伯芻裴臣常仲孺呂洞等以嘗同官相善以正一得召見偕往賀之或告執誼曰正一等上疏論君與王叔文朋黨事執誼信然之因召對奏曰韋成季等朋黨親望德宗令金吾伺之得其相過從飲食數度於是盡逐成季等六七人當時莫測其由及順宗即位久疾不任朝政王叔文用事乃用執誼為宰相乃自朝議郎吏部郎中騎都尉賜緋魚袋授尚書左丞同平章事仍賜金紫叔文欲專國政故令執誼為宰相於外己自專於內執誼既為叔文引用不敢負情然迫於公議時時立異密令人謝叔文曰不敢負約為異欲共成國家之事故也叔文詬怒遂成仇怨執誼既因之得位亦欲矛盾掩其迹及憲宗受內禪王侄王叔文徒黨並逐尚以執誼是宰相杜黃裳之壻故數月後貶崖州司戶初執誼自卑官常忌諱不欲人言嶺南州縣名為郎官時嘗與同舍詰職方觀圖每至嶺南州執誼遽命去之閉目不視及拜相還所坐堂見北壁有圖不就省七八日試觀之乃崖州圖也以為不祥甚惡之不敢出口及坐叔文之貶果往崖州卒於貶所

王叔文者越州山陰人也以基待詔粗知書好言理道德宗令直東宮太子嘗與侍讀論政道因言宮市之弊太子曰寡人見上當極言之諸生稱贊其美叔文獨無言罷坐太子謂叔文曰向論宮市君獨無言何也叔文曰皇太子之事上也視膳問安之外不合輒預外事陛下在位歲久如小人離間謂殿下收取人情則安能自解太子謝之曰苟無先生安得聞此言由是重之宮中之事倚之裁決每對太子言則曰某可為相某可為將幸異日用之密結當代知名之士而欲僥倖速進者與韋執誼陸質呂温李景儉韓泰陳諫柳宗元劉禹錫等十數人定為死交而凌準程异又因其黨以進藩鎮侯伯亦有陰行賂遺請交者德宗崩已宣遺詔時上癢疾久不復關庶政深居施簾帷聞官李忠言美人牛昭容侍左右百官上議自惟中可其奏王侄常論上屬意叔文宮中諸

黃門稍知之。其日召自右銀臺門。居于翰林。爲學士。叔文與吏部郎中韋執誼相善。請用爲宰相。叔文因王伾。伾因李忠言。忠言因牛昭容。轉相結構。事下翰林。叔文定可否。宣于中書。俾執誼承奏於外。與韓泰。柳宗元。劉禹錫。陳諫。凌準。韓曄。唱和曰。管曰。葛曰。伊曰。周。凡其黨。惘然自得。謂天下無人。叔文賦時。每言錢穀爲國大本。將以盈縮兵賦。可操柄市士。叔文初入翰林。自蘇州司功爲起居郎。俄兼充度支鹽鐵副使。以杜佑領使。其實成於叔文。數月。轉尚書戶部侍郎。領使學士如故。內官俱文珍惡其弄權。乃削去學士之職。制出。叔文大駭。謂人曰。叔文須時至此。商量公事。若不帶此職。無由入內。王伾爲之論請。乃許三五日。一入翰林。竟削內職。叔文始入內庭。陰構密命機形。不見。因騰口善惡。進退之人。未窺其本。信爲奇才。及司兩使利柄。齒于外朝。愚智同曰。城狐山鬼。必夜號窟居。以禍福人。亦神而畏之一。且晝出路馳。無能必矣。叔文在省署。不復舉其職事。引其黨與。竊語謀奪內官兵柄。乃以故將范希朝。統京西北諸鎮。行營兵馬使。韓泰副之。初中人尙未悟。會邊上諸將。各以狀辭中尉。且言方屬希朝。中人始悟。兵柄爲叔文所奪。中尉乃止。諸鎮無以兵馬入希朝。韓泰已至奉天。諸將不至。乃還。無幾。叔文母死。前一日。叔文置酒饌於翰林院。宴諸學士及內官。李忠言。俱文珍。劉光奇等。中飲。叔文白諸人曰。叔文母疾病。比來盡心戮力爲國家事。不避好惡。難易者。欲以報聖人之重知也。若一去此職。百鍊斯在。誰肯助叔文一言者。望諸君開懷見察。又曰。羊士諤。非毀叔文。欲杖殺之。而韋執誼。儒而不達。叔文生平不識劉闢。乃以韋舉意。求領三川。闢排門相干。欲執叔文手。豈非凶人耶。叔文已令掃木場。將斬之。韋執誼苦執不可。每念失此兩賊。令人不快。又自陳判度支已來。與利除害。以爲己功。俱文珍。隨語折之。叔文無以對。叔文未欲立皇太子。順宗既久疾未平。羣臣中外請立太子。既而詔下。立廣陵王爲太子。天下皆悅。叔文獨有憂色。而不敢言其事。但吟杜甫題諸葛亮祠堂詩。末句云。出師未捷身先死。長使英雄淚滿襟。因歎歎泣下。人皆竊笑之。皇太子監國。貶爲渝州司戶。明年誅之。王伾。杭州人。始爲翰林侍書。待詔累遷。至正議大夫。殿中丞。皇太子侍書。順宗即位。遷左散騎常侍。依前翰林

待詔。伾聞其不如叔文。唯招賄賂。無大志。貌癯陋。吳語。素爲太子之所褻狎。而叔文頗任氣。自許。粗知書。好言事。順宗稍敬之。不得如伾出入無間。叔文入止翰林。而伾入至栢林院。見李忠言。牛昭容等。然各有所主。伾主往來傳授。王叔文主決斷。韋執誼爲文詰。劉禹錫。陳諫。韓泰。韓曄。柳宗元。房啓。凌準等。謀議唱和。採聽外事。而伾與叔文及諸朋黨之門。車馬填溢。而伾門尤盛。珍玩賂遺。歲時不絕。室中爲無門大櫃。唯開一竅。足以受物。以藏金寶。其妻或寢臥於上。與叔文同貶開州司馬。王叔文最所重者。李景儉。呂溫。叔文用事時。景儉居喪於東都。呂溫使吐蕃。留半歲。叔文敗。方歸。陸質爲皇太子侍讀。尋卒。伾叔文既逐。詔貶其黨。韓泰。韓曄。州司馬。韓泰。虔州司馬。陳諫。台州司馬。柳宗元。永州司馬。劉禹錫。朗州司馬。凌準。連州司馬。程异。郴州司馬。韋執誼。崖州司馬。韓曄。宰相。混之族子。有俊才。依附韋執誼。累遷。尙書司封郎中。叔文敗。貶池州刺史。尋改饒州司馬。量移汀州刺史。又轉永州。卒。陳諫。至叔文敗。已出爲河中少尹。自台州司馬。量移封州刺史。轉通州。卒。凌準。貞元二十年。自浙東觀察判官侍御史。召入。王叔文與準有舊。引用爲翰林學士。韓員外郎。坐叔文貶。連州。準有史學。尙古文。撰邪志二卷。韓泰。貞元中。累遷。至戶部郎中。王叔文用爲范希朝神策行營節度行軍司馬。泰最有籌畫。能決陰事。深爲伾叔文之所重。坐貶。自虔州司馬。量移漳州刺史。遷郴州。柳宗元。劉禹錫。自有傳。

程异。京兆長安人。嘗侍父疾。鄉里以孝悌稱。明經及第。釋褐揚州海陵主簿。登開元禮科。授華州鄭縣尉。精於吏職。剴判無滯。杜確刺同州。帥河中。皆從爲賓佐。貞元末。擢授監察御史。遷虞部員外郎。充鹽鐵轉運揚州院留後。時王叔文用事。由逕放利者皆附之。异亦被引用。叔文敗。坐貶岳州刺史。改郴州司馬。元和初。鹽鐵使李巽。薦异曉達。錢穀請棄瑕錄用。擢爲侍御史。復爲揚州留後。累檢校兵部郎中。淮南等五道兩稅使。异自悔前非。厲己竭節。江淮錢穀之弊。多所釐革。入爲太府少卿。太卿。轉衛尉卿。兼御史中丞。充鹽鐵轉運副使。時淮西用兵。國用不足。异使江表。以調征賦。且諷有土者以饒羨入貢。至則不剝下。不浚財。經費以贏。人頗便之。由是專領鹽鐵轉運使。兼御史大夫。三年九月。轉工

部侍郎同中書門下平章事領使如故議者以異起錢數吏一旦位冠百寮人情大為不可自知叨據以謙遜自牧月餘日不敢知印乘筆異知西北邊軍政不理建議置巡邊使上問誰可使者異請自行議未決無疾而卒元和十四年四月也贈左僕射諡曰恭異性廉約歿官第家無餘財人士多之

皇甫鏞安定朝那人祖鄰幾汝州刺史父愉常州刺史鏞貞元初登進士第登賢良文學制科授監察御史丁母憂免喪坐居喪時薄游除詹事府司直轉吏部員外郎判南曹凡三年頗銜判奸吏改吏部郎中三遷司農卿兼御史中丞賜金紫判度支俄拜戶部侍郎時方討淮西切於饋運鏞劾嚴急儲供辦集益承龍過加兼御史大夫十三年與鹽鐵使程異同日以本官同平章事領使如故鏞雖有吏才素無公望特以聚斂媚上刻削希恩詔書既下物情駭異至於買販無識亦相嗤論宰相崔羣裴度以物議上聞憲宗怒而不聽度上疏乞罷知政事因論之曰臣日昨於延英陳乞伏奉聖旨未遂愚衷竊以上古明王

聖帝致理興化雖由元首亦在股肱所以述堯舜之道則言稷契皋夔紀太宗玄宗之德則言房杜姚宋自古至今未有不任輔弼而能獨理天下者況今天下異於十年已前方驅駕文武廓清寇亂建昇平之業十已得八九然華夏安否繫於朝廷朝廷輕重在於宰相如臣駑鈍夙夜戰兢常以為上有聖君下無賢臣不能增日月之明廣天地之德遂使每事皆勞聖心所以平賊安人費力如此實由臣輩不稱所職方期陛下博採物議旁求人望致之輔弼實之化成而乃忽取微人列於重地始則殿庭班列相與驚駭次則街衢市肆相與笑呼伏計遠近流聞與京師無異何者天子如堂宰臣如陛陛高則堂高陛卑則堂不得高矣宰臣失人則天子不得尊矣伏以陛下敷哲文明唯天所授凡所闡

視洞達無遺所以比來選任宰相縱道不周物才不濟時公望所歸皆有可取况皇甫鏞自掌財賦唯事割剝以苛為察以刻為明自京北京西城鎮及百司并遠近州府應是仰給度支之處無不苦口切齒願食其肉猶賴臣等每加勸誠或為奏論庶事之中抑令通濟比者淮西諸軍糧料所破五成錢其實只與一成兩成士卒怨怒皆欲離叛臣到行營方且慰喻直其遷延不進供軍漸難

俱能前行必有優賞以此約定然後勿勒供軍官且支九月一日兩成已上錢俱容努力方將小安不然必有潰散今舊兵悉向淄青討伐忽聞此人人相則必相與驚憂以為更有前時之事則無告訴之憂雖優刻不少然漏落亦多所以罷兵之後經費錢數一千三十萬貫此事猶可直以性惟狡詐言不誠實朝三暮四天下共知惟能上惑聖聽足見奸邪之極程異雖人品凡俗然心事和平處之煩劇或亦得力但昇之相位便在公卿之上實亦非宜如皇甫鏞天下之人怒入骨髓陛下今日收為股肱列在台鼎切恐不可伏惟圖之儻陛下納臣懇款速賜移易以副天下之望則天下幸甚伏聞李修疾病亦求入來如浙西觀察使且與亦得臣知一言出口必犯天威但使言行甘心獲戾今者臣若不退天下之人謂臣有負恩寵今退既未許言又不聽如火燒心若箭攢體臣自無足惜惜陛下今日事勢何者淮西盪定河北咸軍承宗斂手削地程權東身赴關韓弘與疾討賊此豈京師氣力能制其命極是朝廷處置能服其心今既開中與再造區夏陛下何忍却自破除使億萬之眾離心四方諸侯解體凡百君子皆欲慟哭况陛下任臣之意豈比常人臣事陛下之心敢同眾士所以昧死重封以聞如不足觀臣當引領受責陛下引一市肆商徒與臣同列在臣亦有何損陛下實有所傷不勝憤懣惶恐之至時憲宗以世道漸平欲肆意娛樂池臺館宇稍增崇飾而異鏞探知上旨數買羨餘以備經構故帝獨排物議相之見裴度疏以為朋黨竟不省覽鏞知公議不可益以巧媚自固奏減內外官俸錢以贖國用勅下給事中崔祐封還詔書其事方罷時內出積年庫物付度支估價例皆陳朽鏞盡以善價買之以給邊軍羅穀縑絲觸風斷裂隨手散壞軍士怨怒皆聚而焚之裴度奏事因言邊軍焚賜之意鏞因引其足奏曰此靴乃內庫出者臣以俸錢二千買之堅韌可以久服所言不可用皆詐也帝以為然由是鏞益無忌憚裴度有用兵伐叛之功鏞心嫉之與宰相李逢吉令狐楚合勢擢度出鎮太原崔羣有公望為搢紳所重屢言時政之弊鏞惡之因議憲宗尊號乃奏曰昨羣臣議上徽號崔羣於陛下惜孝德兩字憲宗怒勸羣為

湖南觀察使又與金吾將軍李道古叶為奸謀引方士柳泌僧大通言可致

長生中尉吐突承璀恩寵莫二。鏞厚賂結其歡心。故及相位。穆宗在東宮。備聞鏞之奸邪。及居諒闇。聽政之日。詔皇甫鏞器本凡近。性惟險狹。行靡所顧。文無可觀。難早踐朝倫。而素乖公望。自掌邦計。屬當軍興。以剝下爲徇。公既鼓衆。怒以矯迹爲孤立。用塞人言。洎塵台司。益蠹時政。不知經國之大體。不慮安邊之遠圖。三軍多凍餒之憂。百姓深凋瘵之弊。事皆罔蔽。言悉虛誣。遠近咸知。朝野同怨。而又恣求方士。上惑先朝。潛通奸人。罪在難狹。合加寬宥。以正刑章。俾黜退荒。尚存寬典。又詔曰。山人柳泌。輒懷左道。上惑先朝。固求牧人。實欲疑衆。自知虛誕。仍便奔逃。僧大通。鑿方不精。藥術皆妄。既延禍豐。俱是奸邪。邦國固有常刑。人神所宜共棄。宜付京兆府。決重杖。一頓處死。柳泌本曰楊仁力。少習醫術。言多誕妄。李道古。奸回巧宦。與泌密謀。求進言之。於皇甫鏞。因徵入禁中。自云能致靈藥。言天台山多靈草。羣仙所會。臣嘗知之。而力不能致。願爲天台長吏。因以求之。起徒步爲台州刺史。仍賜金紫。諫官論奏曰。列聖亦有好方士者。亦與官號。未嘗令賦政臨民。憲宗曰。煩一郡之力。而致神仙長年。臣子於君父何愛焉。由是莫敢有言者。裴潏以極言被黜。泌到天台。驅役吏民。於山谷間。聲言採藥。鞭笞躁急。歲餘。一無所得。懼詐發獲罪。舉家入山谷。浙東觀察使追捕。送於京師。鏞與李道古。懇保證之。必能可致靈藥。乃待詔翰林院。憲宗服泌藥。日益煩躁。喜怒不常。內官懼非罪見戮。遂爲弒逆。大通自云壽一百五十載。久得藥力。又有田佐元者。鳳翔號人。自言有奇術。能變瓦礫爲金。白衣授號。縣令初柳泌擊京兆府。獄吏叱之曰。何苦作此虛矯。泌曰。吾本無此心。是李道古教我。且云壽四百歲。府吏防虞周密。恐其隱化。及解衣就誅。一無變異。但炙灼之。癍痕映身而已。鏞卒於貶所。鏞弟鏞端士也。亦進士擢第。累歷宣歙鳳翔使府。從事。入爲殿中侍御史。轉比部員外郎。河南縣令。都官郎中。河南少尹。時鏞爲宰相。領度支。恩寵殊異。鏞惡其太甚。每弟兄讌語。即極言之。鏞頗不悅。乃求爲分司。除右庶子。及鏞獲罪。朝廷素知鏞有先見之明。不之罪。徵爲國子祭酒。以太子賓客。秘書監。開成初。除太子少保。分司卒。年四十九。鏞能文。尤工詩什。樂道自怡。不屑世務。當時名士皆與之交。有集十八卷。著性言十四篇。

史臣曰。奸邪害正。自古有之。而矯誕無忌。妬賢傷善。未有如延齡皇甫之甚也。臣每讀陸丞相論延齡疏。未嘗不泣下霑衿。其守正効忠。爲宗社大計。非端士益友。安能感激犯難如此異哉。德宗之爲人主也。忠良不用。譴謫是崇。乃至身播國屯。幾將覆滅。尙獨保延齡之是。不悟盧杞之非。悲夫。執誼叔文。乘時多僻。而欲幹運六合。斟酌萬幾。劉柳諸生。逐臭市利。何狂妄之甚也。章武雄材。睿斷。窮削厲階。洎逐羣度。而相異鏞。蓋季年之妖惑也。夫何言哉。

贊曰。貞元之風。奸佞惡忠。齡鏞善。爲國蠹蟲。裴陸獻替。嫉惡如風。天聽匪謬。吾道斯窮。

舊唐書卷一百三十五

舊唐書卷一百三十五考證

盧杞傳貶鄆為驩州刺史○新書作費州舊書本記亦作費州

驗其私簿投狀自其有私簿投狀其有隱錢百沒入二千○臣酉按自其有私

簿投狀其八字當是衍文

裴延齡傳請于左藏庫中分置別庫欠負耗贖等庫及季庫月給納諸色錢物

○臣酉按新書以天下宿負八百萬緡為負庫抽貫三百萬緡為贖庫據物

三十萬緡為季庫帛以素出以色入者為月庫舊書欠負耗贖季庫俱與新

書合獨無月庫給字當是庫字之訛今改正

舊唐書卷一百三十五考證

後晉司空同中書門下平章事劉昫撰

列傳第八十六

實參從子中附

齊映

劉滋從兄贊附

盧邁

崔損

齊抗

實參字時中工部尚書誕之玄孫父審言聞喜尉以參貴贈吏部尚書參習法令通政術性矜嚴強直而果斷少以門蔭累官至萬年尉時同僚有直官曹者將夕聞親疾請參代之會獄囚亡走京兆尹按直簿將奏參遽請曰彼以不及狀謁參實代之宜當罪坐貶江夏尉人多義之累遷奉先尉縣人曹芬名隸北軍芬素兇暴因醉毆其女弟其父救之不得遂投井死參捕理芬兄弟當死衆官皆請俟免喪參曰子因父生父由于死若以喪延罪是殺父不坐也皆正其罪而杖殺之一縣畏伏轉大理司直按獄江淮次揚州節度使陳少游驕蹇不郊迎令軍吏傳問參正辭讓之少游悔懼促詣參參不俟濟江還奏合旨時婺州刺史鄧珽坐贓八千貫珽與執政有舊以會赦欲免職詔百寮於尚書省雜議多希執政意參獨堅執正之於法竟徵贓明年除監察御史奉使按湖南判官馬彝獄時彝舉屬令贓罪至千貫爲得罪者之子因權幸誣奏彝參竟白彝無罪彝實能吏後累佐曹王舉以正直強幹聞參轉殿中侍御史改金部員外郎刑部郎中侍御史知雜事無幾遷御史中丞不避權貴理獄以嚴稱數蒙召見論天下事又與執政多異同上深器之或參決大政時宰頗忌之多所排抑亦無以傷參然多率情壞法初定百官俸料以嘗爲司直黨其官故給俸多於本寺丞又定百官班秩初令太常少卿在左右庶子之上又惡詹事李昇遂移詹事退居諸府尹之下甚爲有識所嗤尋兼戶部侍郎時京師人家豕生兩首四足有司欲奏參曰此爲豕禍安可上聞命棄之是時郊牛生犢有六足者太僕卿周皓白宰相請奏李必亦戲答以遺之故淮南節度使陳少游子正儀請襲封參大署尚書省門曰陳少游位兼將相之崇節變艱危之際君上舍垢未能發明愚子何心輒求傳襲正儀懼不敢求封而去時神策將軍孟華有戰

功爲大將軍所輕委稱華謀反有右龍武將軍李建玉前陷吐蕃久之自拔爲部曲詭告潛通吐蕃皆當死無以自白參悉理出之由是人皆屬望明年拜中書侍郎同平章事領度支鹽鐵轉運使每宰相間日於延英召對諸相皆出參必居後久之以度支爲難實專大政參無學術但多引用親黨使居要職以爲耳目四方藩帥皆畏懼之李納既憚參饋遺畢至外示敬參實陰間之上所親信多非毀參實申又與吳通玄通犯事覺參任情好惡特權貪利不知紀極終以此敗貶參郴州別駕貞元八年四月也參至郴州汴州節度使劉士寧遣參絹五千匹湖南觀察使李渠與參有隙遂具以聞又中使達士寧使於路亦奏其事德宗大怒欲殺參宰相陸贄曰實參與臣無分因事報怨人之常情然臣參宰衡合存公體以參罪犯置之於死恐用刑太過於是且止尋又遣中使謂贄等曰卿等所奏於大體雖好然此人交結中外其意難測朕尋情狀其事灼然又實參在彼與諸戎帥交通社稷事重卿等速進文書處分贄奏曰臣面承德音幸甚密旨皆以社稷爲言又知根尋已審敢不上同憂憤內絕狐疑豈願遲迴更貽念慮但以參常經重任斯謂大臣進退之間猶宜有禮誅戮之際不可無名劉晏久掌貨財當時亦招怨讎及加罪責事不分明叛者既得以爲辭衆人亦爲之懷怒用刑變味損累不輕事例未遑所宜重慎實參頃司鈞軸頗怙恩私貪受貨財引縱親黨此則朝廷同議天下共傳至於潛懷異圖將起大惡迹既未露人皆莫知臣等親奉天顏議加刑辟但聞兇險之意尙昧結構之由況在衆流何由備悉忽行峻罰必謂冤誣羣情震驚事亦非細若不付外推鞠則恐難定罪名乞留審聽更少詳度實參於臣素亦無分陛下固已明知有何顧懷輒欲營救良以事關國體義絕私嫌所冀典刑不濫於清時君道免虧於聖德乃再貶爲羅州司馬男景伯配泉州女尼真如隸郴州其財物婢妾俸送京師參特爲左右中官深怒謗沮不已未至羅州賜死於邕州武經鎮時年六十實申者參之族子累遷至京兆少尹轉給事中參特愛之每議除授多訪於申申或泄之以招權受賂申所至人目之爲喜讎德宗頗聞其事數誅參曰卿他日必爲申所累不如出之以掩物議參曰臣無疆子姪申雖疎屬臣素親

之不忍遠出請保無他犯帝曰卿雖自保如衆人何參固如前對申亦不悛兵部侍郎陸贄與參有隙吳通微第兄與贄同在翰林俱承德宗顧遇亦爭寵不協金吾大將軍嗣號王則之與申及通微通玄蓋遂相與傾貲考貢舉言贄考貢不實吳通玄取宗室女爲外婦德宗知其毀贄且令察視具得其奸狀乃貶則之爲昭州司馬吳通玄爲泉州司馬贄申爲道州司馬不旬日貶參郴州別駕即日陸贄爲宰相明年贄參再貶離州德宗謂陸贄曰贄申實榮李則之首末同惡無所不至又並細微不比贄參便宜商量處置所有親密並發遣於遠惡處贄奏曰贄參罪犯誠合誅夷聖德含弘務全事體特寬嚴憲俯貸餘生始終之恩實足感於庶品仁胞之惠不獨幸於斯人所議貶官謹具別狀其贄申實榮李則之等既皆同惡固亦難容然以得罪相因法有首從首當居重從合從輕參既蒙恩矜全申等亦宜減降又於黨與之內亦有淑慝之殊稍示區分足彰沮勸實榮與參雖非近屬亦甚相親然於款密之中都無邪僻之事仍聞激憤屢有直言因此漸構猜嫌晚年頗見疎忌若論今者除事則尚未究端由如據比來所行應不至兇險恐須差異以表詳明臣等商量實榮更貶遠官實申則之並除名配流庶允從輕之典以洽好生之恩夫趨勢附權時俗常態苟無高節出衆何能特立不羣實參久屢鈞衡特承寵渥君之所任孰敢不從或游於門庭或序以中表或偏被接引或驟與薦延如此之徒十常八九若聽流議皆謂黨私自非甚與交親安可悉從貶累況實參罷黜殆欲周屋應是私黨近親當時並已連坐人心久定不可復搖臣等商量除與實參陰謀邪事外一切不問詔從之由是申等得配流嶺南既賜參死乃杖殺申諸實皆貶榮得免死

齊映瀛州高陽人父圯試太常少卿兼檢校工部郎中映登進士第應博學宏辭授河南府參軍滑毫節度使令狐彰辟爲掌書記累授監察御史彰疾甚映草遺表因與謀後事映說彰令上表請代令子建歸京師彰皆從之因妻以女彰卒後兵亂映脫身歸東都河陽三城使馬贄辟爲判官奏殿中侍御史建中初盧杞爲宰相薦之遷刑部員外郎會張鑑出鎮鳳翔奏爲判官映口辯頗更

軍事數以論奏合旨尋轉行軍司馬兼御史中丞德宗在奉天鳳翔逼於賊批鎗懦緩不曉兵家事部將有李楚琳者慄悍兇暴軍中畏之乘間將謀亂先數日映與同列齊抗覺其謀乃言於鑑請早圖之鑑不從映言乃示其寬大召楚琳語之曰欲令公使於外楚琳恐是夜作亂乃殺鎗以應泚軍中多爲映指道故得免因赴奉天行在除御史中丞與元初從幸梁州每過險映常執轡會御馬遽駭奔跳頗甚帝懼傷映令捨轡映堅執久之乃止帝問其故曰馬奔驟不過傷臣如捨之或犯清塵雖臣萬死何以塞責上嘉獎無已在梁州拜給事中映白哲長大言音高朗上自山南還京常令映侍左右或令前馬至城邑州鎮俾映宣詔令帝益親信之其年冬轉中書舍人貞元二年以本官與左散騎常侍劉滋給事中崔造同拜平章事滋以端默雅重寡言映謙和美言悅下無所是非政事多決於造無幾造疾病映當國政乘間亦敢言事時吐蕃數入寇人情搖動且言帝欲行幸避狄映奏曰戎狄亂華臣之罪也今人情懼懼謂陛下理裝具糗糧臣聞大福不再奈何不與臣等熟計之因俯伏流涕上亦爲之感動時給事中袁高忤旨映連請爲左丞御史大夫映於東都舉進士及宏詞時張延賞爲河南尹東都留守厚映及映爲相延賞罷相爲左僕射數畫時事令映行之及爲所親求官映多不應延賞怒言映非宰相器三年正月貶映夔州刺史又轉衡州七年授御史中丞桂管觀察使又改洪州刺史江西觀察使映常以頃爲相輔無大過而罷冀其復入用乃捨斂買奉及大爲金銀器以希旨先是銀餅高者五尺餘李兼爲江西觀察使乃進六尺者至是因帝誕日端午映爲餅高八尺者以獻貞元十一年七月卒時年四十八贈禮部尚書

劉滋字公茂左散騎常侍子玄之孫父規開元初爲左拾遺父子仍代爲史官規依劉向說施撰續說苑一十卷以獻玄宗嘉之滋少以門蔭調授太子正字歷漣水令吏部侍郎楊綽薦滋堪爲諫官拜左補闕改太常卿復爲左補闕辭官侍親還東都河南尹李虞壽奏功曹參軍無幾丁母喪服除遷屯田員外郎轉司勳員外郎判南曹勳於吏職孜孜奉法遷司勳郎中累拜給事中從幸奉天轉太常少卿掌禮儀興元元年改吏部侍郎往洪州知選事時京師寇盜之

後天下蝗旱穀價翔貴選人不能赴調乃命滋江南典選以便江嶺之人時稱舉職貞元三年遷左散騎常侍同中書門下平章事在相位無所啓奏但多謙退廉謹畏慎而已三年正月守本官罷知政事四年復爲吏部侍郎六年遷吏部尚書實參以宰相爲吏部尚書換刑部尚書無何御史臺劾奏滋前在吏部選人渝濫詔奪金紫階滋有經學善持論性廉潔刻苦嫉惡掌選多所發擢更代詐僞者尤畏之十年十月卒時年六十六贈陝州大都督滋從兄贊大曆中左散騎常侍兼之子少以資蔭補吏累授鄆縣丞宰相杜鴻漸自劍南還朝途出於鄆贊儲供精辦鴻漸判官楊炎以贊名儒之子薦之累授侍御史浙江觀察判官楊炎作相擢爲歙州刺史以勤幹聞有老婦人捫捨榛蕪猛獸將噬之幼女號呼搏獸而救之母子俱免宣歙觀察使韓滉表其異行加金紫之服再遷常州刺史韓滉入相分舊所統爲三道以贊爲宣州刺史兼御史中丞宣歙池都團練觀察使贊在宣州十餘年贊祖子文開元朝一代名儒父兼博涉經史唯贊不知書但以強猛立威官吏畏之重足一迹宣爲天下沃饒贊久爲廉察厚斂殖貨務貢奉以希恩子弟皆處庭訓雖童年稚齒便能侮易騎人士鄙之貞元十二年卒時年七十贈吏部尚書

盧邁字子玄苑陽人少以孝友謹厚稱深爲叔舅崔祐甫所親重兩經及第歷太子正字藍田尉以書判拔萃授河南主簿充集賢校理朝臣薦其文行遷右補闕侍御史刑部吏部員外郎邁以叔父兄弟姊妹悉在江介屬蝗蟲歲饑懇求江南上佐由是授滁州刺史入爲司門郎中遷右諫議大夫累上表言時政得失轉給事中屬校定考課邁固讓以授官日近未有政績不敢當上考時人重之邁尚書右丞將作監元巨當攝太尉享昭德皇后廟以私忌日不受誓誠爲御史劾奏詔尚書省與禮官法官集議邁奏狀曰臣按禮記大夫士將祭於公既視濯而父母死猶奉祭又按唐禮散齋有大功之喪致齋有周親喪齋中疾病即還家不奉祭事皆無忌日不受誓誠之文雖假軍令忌日給假一日春秋之義不以家事辭王事今直以假寧常式而違攝祭新命酌其輕重誓誠則祀事之嚴校其禮式忌日乃尋常之制詳求典據事緣薦獻不宜以忌日爲辭

由是巨坐罰俸邁九年以本官同中書門下平章事歲餘遷中書侍郎時大政決在陸贄趙憺邁謹身中立守文奉法而已而友愛恭儉邁從父弟延爲劍南西川判官卒於成都歸葬於洛陽路由京師邁妻請至城東哭於其柩許之近代宰臣多自以爲崇重三服之親或不過從而弔臨而邁獨振藩俗請臨第喪士君子是之十二年九月邁於政事堂中風肩輿而歸上表請罷官不許詔宰臣就第問疾自是凡五上表堅乞骸骨詔曰卿操履貞方器識淹茂自居台輔益見忠清方藉謀猷遽嬰疾疹歲月滋久章表屢聞陳請再三搢難奪且備養賢之禮宜遂優閑之秩告免之誠雖爲懇至俯從來奏良用憮然乃除太子賓客貞元十四年卒時年六十贈太子太傅贈以布帛邁再娶無子以從父弟子紀爲嗣

崔損字至無博陵人高祖行功已後名位卑替損大曆末進士擢第登博學宏詞科授秘書省校書郎再授咸陽尉外舅王翊爲京兆尹改大理評事累遷兵部郎中貞元十一年遷右諫議大夫會門下侍郎平章事趙憬卒中書侍郎平章事盧邁風病請告戶部尚書裴延齡素與損善乃薦之于德宗十二年以本官同中書門下平章事與給事中趙宗儒同日知政事並賜金紫初二相有故旬日中外顧望名德損比無聲實及制下之日中外失望性齷齪謹慎每延英論事未嘗有言十四年秋轉門下侍郎平章事是歲以昭陵舊宮爲野火所焚所司請修奉昭陵舊宮在山上置來歲久曾經野火燒蕪摧毀略盡其宮尋移在瑤臺寺左側今屬通年欲議修置錄供水稍遠百姓勞弊今欲於見住行宮處修創冀久遠使人又爲移改舊制恐禮意未周宜令宰臣百寮集議議者多云舊宮既焚宜移就山下上意不欲遷移只於山上重建命損爲入陵修奉使於是獻昭乾定泰五陵造屋五百七十間橋陵一百四十間元陵三十間唯建陵仍舊但修葺而已所錄陵寢中牀褥帷幄一事以上帝親自閱視然後授損送於陵所損以久疾在家賜絹二百匹以爲醫藥南北兩省清粟損皆歷踐之在位無稱於人者身居宰相母野殯不言展墓不議還柩婦爲尼沒於近寺終喪不臨士君子罪之加以過爲恭遜接見便僻不止於容身而已自建己以後

宰相罕有久在位者數歲罪黜損用此中上意竊大任者八年上亦知物議鄙其持祿取容然憐而厚之貞元十九年卒贈太子太傅賜布帛五百端米粟四百石

齊抗字遐舉天寶中平陽太守潞之孫父翺一命卑官卒以抗貴累贈國子祭酒抗少隱會稽刻中讀書為文長於牋奏大曆中壽州刺史張鎰辟為判官明開吏事敏於文學鎰甚重之建中初鎰為江西觀察使抗亦隨在幕府三年鎰自中書侍郎平章事出鎮鳳翔奏抗為監察御史仍為賓佐幕中籌畫多出於抗德宗在奉天鎰為李楚琳所害抗奔赴行在拜侍御史旬日改戶部員外郎宰相蕭復為江淮宣慰使以抗為判官德宗還京大盜之後天下旱蝗國用盡竭鹽鐵轉運使元琇以抗有才用奏授倉部郎中條理江淮鹽務貞元初為水陸運副使督江淮漕運以給京師還諫議大夫歷處州刺史轉潭州刺史湖南都團練觀察使入為給事中又為河南尹歷秘書監太常卿代鄭餘慶為中書侍郎同中書門下平章事先時每年吏部選人試判別奏官考覆第其上下既考中書門下復奏擇官覆定寢以為例抗乃奏曰吏部尚書侍郎已是朝廷精選不宜別差考官重覆其年他官考判訖俾吏部侍郎自覆一歲遂除考判官蓋抗所論奏也故事禮部侍郎掌貢舉其親故即試於考功謂之別頭舉人抗亦奏罷之尋奏省諸州府別駕田曹司田官及判司之雙曹者復省中書省驅使官及諸胥吏尋加修國史抗雖讀書無遠智大略凡為官必求至精末乃滋彰物論薄其隘刻遇疾上表請罷改太子賓客竟不任朝謝貞元二十年卒時年六十五贈戶部尚書又賜其家絹二百匹

史臣曰竇參朋黨不顧君上之誠斯為悖矣齊映曲貢希用其謬而愛君莅事往往有長者之言滋邁家行修謹臨事可稱器雖離齷無廢為君子矣而損抗之比夫何足云遽汗台槐蓋時主之容易耳

贊曰物之同器貴於弘通竇阿齊伎偏諛斯同滋邁之行可以飾躬康濟蒸民胡為厥中

舊唐書卷一百三十六

舊唐書卷一百三十六考證

竇參傳殺人曹芬素凶暴因醉毆其女弟族人救之不得遂投井死參捕理芬兄弟當死衆官皆請俟免喪參曰子因父生父由于死若以喪延罪是殺父

不坐也○新書父教不止患赴井死臣西按下文衆官請免喪者即免父喪也參曰父由于死者謂其父以子毆妹而患赴井死也族人二字是其父二字之訛今改正

劉滋傳脫從兄贊○臣西按滋乃子元之孫脫與衆皆子元子脫子滋衆子贊贊乃滋之從兄也脫字當是滋字之訛今改正

舊唐書卷一百三十六考證

後晉司空同中書門下平章事劉昫撰

列傳第八十七

徐浩 趙涓子博宣 劉太真 李紆 邵說

于邵 崔元翰 于公異 呂涓子溫恭

鄭雲逵 李益 李賀

徐浩字季海越州人父嶠官至洛州刺史浩少舉明經工草隸以文學為張說所器重調授魯山主簿說薦為麗正殿校理三遷右拾遺仍為校理幽州節度使張守珪奏在幕府改監察御史丁父憂服除授京兆司錄以母憂去職數年調授河南司錄歷河陽令以善政稱拜太子司議郎遷金部員外郎歷憲部郎中安祿山反出為襄陽太守本郡防禦使賜以金紫之服肅宗即位召拜中書舍人時天下事殷詔令多出於浩浩屬詞精給又工楷隸肅宗悅其能加兼尚書右丞玄宗傳位誥冊皆浩為之參兩宮文翰龍馭罕與為比除國子祭酒坐事貶廬州長史代宗徵拜中書舍人集賢殿學士尋遷工部侍郎嶺南節度觀察使兼御史大夫又為吏部侍郎集賢殿學士坐以妾弟冒選託侍郎薛邕注授京尉為御史大夫李栖筠所彈坐貶明州別駕德宗即位徵拜彭王傳建中三年以疾卒年八十贈太子少師初浩以文雅稱及授廣州典選部多積貨財又嬖其妾侯莫陳氏頗干政事為時論所貶

趙涓冀州人也幼有文學天寶初舉進士補鄆城尉累授監察御史右司員外郎河南副元帥王緒奏充判官授檢校兵部郎中兼侍御史遷給事中太常少卿出為衢州刺史永泰初涓為監察御史時禁中失火燒屋室數十間火發處與東宮稍近代宗深疑之涓為巡使俾令即訊涓周歷墻圍按據迹狀乃上直中官遺火所致也推鞠明審頗盡事情既奏代宗稱賞焉德宗時在東宮常感涓之究理詳細及刺衢州年考既深又與觀察使韓滉不相得滉奏免涓官德宗見其名謂宰臣曰豈非永泰初御史趙涓乎對曰然即拜尚書左丞無何知吏部選扈從梁州與元元年卒贈戶部尚書子博宣登進士第文章俊拔性率

多酒陳許節度使曲環辟為從事賓筵之間多所忽略環不能容朝廷方討淮蔡環誣奏博宣受吳少誠賂為反間又妄說國家休咎扇惑軍情時博宣權知舞陽縣事詔令環決杖四十流於康州人皆以為枉先是侍御史盧南史坐事貶信州員外司馬至郡準例得廳吏一人每月請紙筆錢前後五年計錢一千貫南史以官閑冗放吏歸納其紙筆錢六十餘千刺史姚勣奏南史以為賊又劾南史買鉛燒黃丹德宗遣監察御史鄭楚相刑部員外郎裴渾大理評事陳正儀充三司使同往按鞠將行並召於延英謂之曰卿等必須詳審無令漏罪銜冤三人將退裴渾獨留奏曰臣按姚勣奏狀稱南史取廳吏紙筆錢計賊六十餘貫雖於公法有違重事且非巨蠹上曰此事亦未為甚未知燒鉛何如渾曰燒鉛為丹格令不禁準天寶十三載勅鉛銅錫不許私家買賣貨易蓋防私鑄錢本亦不言燒鉛為丹南史違勅買鉛不得無罪伏以陛下自登寶位及天寶大曆以來未曾降三司使至江南今忽錄此小事令三司使往非唯損耗州縣亦恐遠處聞之各懷憂懼臣聞開元中張九齡為五嶺按察使有錄事參軍告齡非法朝廷止令大理評事往按大曆中鄂岳觀察使吳仲孺與轉運使判官劉長卿紛競仲孺奏長卿犯賊二十萬貫時止差監察御史苗徑就推今姚勣所奏事狀無多臣堪任此行即請獨往恐不須三司並行為使德宗忻然曰卿言是矣乃復召楚相正儀與渾俱坐謂之曰朕憐於理道處事未精適見裴渾所奏深協事宜亦不用三人總去但行首一人行可也卿等便宜付宰臣改勅德宗不務大體以察為明皆此類也而博宣南史坐誣枉擯逐賴裴渾悟主南史不至深罪後得召還

劉太真宣州人涉學善屬文少師事詞人蕭穎士天寶末舉進士大曆中為淮南節度使陳少遊掌書記徵拜起居郎累歷臺閣自中書舍人轉工部刑部二侍郎性怯懦隨及轉禮部侍郎掌貢舉宰執姻族方鎮子弟先收權之又常敘少遊勳績擬之桓文大招物論貞元五年貶信州刺史到州尋卒太真尤長於詩句每出一篇人皆輒誦德宗文思俊拔每有御製即命朝臣畢和貞元四年九月賜宴曲江亭帝為詩序曰朕在位僅將十載實賴忠賢左右克致小康

是以擇三令節，錫茲宴賞，俾大夫卿士，得同歡洽也。夫共其戚者，同其休，有其初者，貴其終。咨爾羣寮，頌朕不暇，樂而能節，職思其憂。咸若時，則庶乎理矣。因重陽之會，聊示所懷。早衣對廷，煠躬化勤，意誠時此，萬樞暇適，與佳節并，曲池絮寒流，芳菊舒金英，乾坤爽氣，澄臺殿秋光，清朝野慶年豐，高會多歡聲，永懷無荒誠，良士同斯情。因詔曰：卿等重陽會宴，朕想歡洽，欣慰良多，情發于中，因製詩序，今賜卿等一本。可中書門下，簡定文詞，士三五十人，應制，同用清字，明日內於延英門，進來。宰臣李泌等，雖奉詔，簡擇難於取捨，由是百寮皆和。上自考其詩，以太真及李紆等四人為上等，鮑防于邵等四人為次等，張濛殷亮等二十三人為下等。而李晟馬燧李泌三宰相之詩，不加考第，初朱泚懷光之亂，關輔薦饑，貞元三年以後，仍歲豐稔，人始復生人之樂。德宗詔曰：比者卿士內外朝夕公務，今方隅無事，蒸民小康，其正月晦日、三月三日、九月九日三節日，宜任文武百寮，擇勝地追賞，每節宰相常參官共賜錢五百貫文，翰林學士一百貫文，左右神威神策等十軍各賜五百貫，金吾英武威遠及諸衛將軍共賜二百貫，客省奏事共賜一百貫，委度支每節前五日支付，承為常制。

李紆字仲舒，禮部侍郎希言之子，少有文學。天寶末，拜秘書省校書郎。大曆初，吏部侍郎李季卿薦為左補闕，累遷司封員外郎，知制誥，改中書舍人，尋自隸州刺史徵拜禮部侍郎。德宗居奉天，擇為同州刺史，尋棄州詣梁州行在，拜兵部侍郎，反正兼知選事。李懷光誅，河東節度及諸軍會河中，詔往宣勞，節度使還數奏合旨，拜禮部侍郎。紆通達，善談諧，好接後進，厚自奉養，鮮華輿馬，以放達蘊藉稱，雖為大官，而佚遊，不嘗自忘。嘗議享武成王，不當視文宣廟，奏云：準開元十九年，敕置齊太公廟，以張良配。太常卿及少卿丞充三獻官，又按開元禮祝文云：皇帝遣某官昭告于齊太公漢留侯。至上元年，敕追贈太公為武成王，享祭之典，一同文宣王。有司因差，太尉充獻官，兼御署祝板，伏以太公即周之太師，張良即漢之少傅，聖朝列於祀典，已極褒崇，今屈禮於至尊，施敬於臣佐，理或過當。神何敢歆，伏以文宣垂教，百代宗師，五常二綱，非其訓不明，有國有家，非其制不立。故孟軻稱生人已來一人而已，由是正秦王之位，加先

聖之名，樂用官縣，獻差太尉，尊師崇道，雅合政經，且太公述作，止於六韜，勳業形於一代，豈宜擬諸感德，均其殊禮。其祝文請不進署，敕昭告請改為敬祭于其昭告，請改為致祭于留侯，其獻官請準舊式。差太常卿已下，充詔百寮進議，文武官上言，互有異同。詔曰：帝德廣運，乃武乃文，文化武功，皇王之二柄，祀禮教敬國章，孔明自今宜上將軍以下，充獻官，餘依所奏。紆又奉詔為興元紀功述及郊廟樂章，諸所論著甚衆。卒于官，年六十二。貞元八年，贈禮部尚書。

邵說，相州安陽人，舉進士，為史思明判官。歷事思明朝，義常掌兵事。朝義之敗，說降於軍前，郭子儀愛其才，留於幕下，累授長安令，秘書少監，遷吏部侍郎。太子詹事，以才幹稱，談者或以宰相許之。金吾將軍裴徽謂諫議大夫柳載曰：以鄙夫所度，說得禍不久矣。且說與史思明父子定君臣之分，居劇官，掌兵柄，亡軀犯順，前後百戰於賊庭，掠各家子女，以為婢僕者數十人，剽盜寶貨，不知紀極，力屈然後降，朝廷宥以不死，獲齒班序，無厚顏，而又遑遑求財，崇飾第宅，附託貴倖，以求大用，不知愧懼，而有得色，其能久乎。建中三年，嚴鄧得罪，說與鄧厚善，勸朱泚抗疏申其冤，說為草其奏，上知之，貶說歸州刺史，竟卒于貶所。

子邵，字相門，其先家于代，今為京兆萬年人。曾祖筠，戶部尚書。邵天寶末進士登科，書判超絕，授崇文館校書郎，累歷使府，入為起居郎，再遷比部郎中，尚二十考第於吏部，以當稱無何，出為道州刺史。未就道，轉巴州，時歲餘，夷獠數千相聚山澤，圍州掠衆，邵勵州兵以拒之，旬有二日，遣使說諭，盜遂邵面降，邵儒服出城，盜羅拜而降。圍解，節度使李抱玉以聞，超遷梓州，以疾不至，遷兵部郎中。西川節度使崔寧請留為支度副使，尋拜諫議大夫，知制誥，再遷禮部侍郎。史館修撰，為三司使，以撰上尊號冊，賜階三品。當時大詔令，皆出於邵，頃之與御史中丞袁高給事中蔣鎮，雜理左丞薛邕，詔獄邵以為邕犯在赦前，奏出之。失旨，貶桂州長史。貞元初，除原王傅，後為太子賓客，與宰相陸贄不睦。八年，出為杭州刺史，以疾請告，坐貶衢州別駕，移江州別駕。卒，年八十一。邵性孝悌，內行修潔，老而彌篤，初樊澤常舉賢良方正，邵一見之於京師，曰：將相之材也。不十五年，澤為節將，權元翰年近五十，始舉進士，邵異其文，擢第甲科，且曰：不十

五年當掌詔令，竟如其言。獨孤授舉博學宏詞，吏部考爲乙第，在中書覆昇甲科。人稱其當，有集四十卷。

崔元翰者，博陵人，進士擢第，登博學宏詞制科。又應賢良方正直言極諫科。三舉皆昇甲第，年已五十餘。李沂公鎮滑臺，辟爲從事。後北平王馬燧在太原，聞其名，致禮命之。又爲燧府掌書記，入朝爲太常博士，禮部員外郎，實參輔政。用爲知制誥，詔令溫雅，合於典謨。然性太剛褊，不能取容於時。每發言論，略無阿徇，忤執政旨，故掌誥二年而官不遷。竟罷知制誥，守比部郎中。元翰苦心文章，時年七十餘，好學不倦，既介獨耿直，故少交遊。唯乘一操，伏膺翰墨，其對策及奏記碑誌，師法班固蔡伯喈，而致思精密，爲時所擢，終于散位。

于公異者，吳人，登進士第，文章精拔，爲時所稱。建中末，爲李晟招討府掌書記。與元元年收京城，公異爲露布上行，在云：臣已肅清宮禁，祇奉寢園，鐘簾不移，廟貌如故，德宗覽之，泣下不自勝。左右爲之嗚咽，既而曰：不知誰爲之。或對曰：于公異之詞也。上稱善久之。公異初應進士時，與舉人陸贄不協，至是贄爲翰林學士，聞上稱與尤不悅。時議者言之，公異少時不爲後母所容，自遊宦成名，不歸鄉里。及貞元中，陸贄爲宰相，奏公異無素行，黜之。詔曰：祠部員外郎于公異，頃以才名昇於省闈，其少也，爲父母之所不容，宜其引隱在躬，孝行不置，匿名跡於畝，候安否於門閭，俾其親之過不彰，庶其誠之至必感。安於棄斥，遊學遠方，忘其溫清之戀，竟至存亡之隔，爲人子者，忍至是乎。宜放歸田里，俾自循省。其舉公異官，尚書左丞盧邁，宜奪俸兩月。時中書舍人高郢薦監察御史元敦義，及親公異，謹逐，懼爲所累，乃上疏首陳敦義虧於禮教，詔嘉郢之知過，俾敦義罷歸。公異竟名位不振，輒軻而卒。人士惜其才，惡贄之禍急焉。

呂渭字君載，河中人，父延之，越州刺史。浙江東道節度使，渭舉進士，累授婺州承慶令，大理評事。浙西觀察使李涵辟爲支使，再遷殿中侍御史。涵自御史大夫改太子少傅，渭上言：涵父名少康，今涵爲少傅，恐乖朝典。由是特授渭司門員外郎，尋爲御史臺勅奏，涵再任少卿，此時都不言，今爲少傅，疑以散慢，迺爲不可。由是貶渭歙州司馬，改涵檢校工部尚書，兼光祿卿。渭累授舒州刺史，吏

部員外，駕部郎中，知制誥。中書舍人母憂罷，服闋，授太子右庶子，禮部侍郎。中書省有柳樹，建中末枯死，與元元年車駕還京，後其樹再榮，人謂之瑞柳。渭試進士，取瑞柳爲賦題，上聞而嘉之。渭又結附裴廷齡之子操，舉進士，文詞非工，渭擢之，登第，爲正人。嗤鄙，因入閣遺失請託，文記遂出，爲潭州刺史，兼御史中丞。湖南都團練觀察使，在任三歲，政甚煩碎，貞元十六年卒，年六十六。贈陝州大都督，子溫恭，儉讓，溫字化光，貞元末登進士第，與翰林學士韋執誼善。順宗在東宮，侍書王叔文勸太子招納時之英俊，以自輔，溫與執誼尤爲叔文所睚。起家再命拜左拾遺。二十年冬，副工部侍郎張薦爲入吐蕃使，行至鳳翔，轉侍御史，賜緋袍牙笏。明年，德宗晏駕，順宗即位，張薦卒於青海，吐蕃以中國喪禍，留溫經年。時王叔文用事，故與溫同遊東宮者，皆不次任用。溫在蕃中，悲數久之，元和元年使還，轉戶部員外郎。時柳宗元等九人坐叔文貶逐，唯溫以奉使免。溫天才俊拔，文彩瞻逸，爲時流柳宗元、劉禹錫所稱。然性多險詐，好奇近利，與竇羣、羊士諤趣尙相狎，羣爲韋夏卿所薦，自處士不數年至御史中丞。李吉甫尤奇待之。三年，吉甫爲中官所惡，將出鎮揚州，溫欲乘其有閒，傾之。溫自司封員外郎轉刑部郎中，竇羣請爲知雜，吉甫以疾在第，召醫人陳登診視，夜宿于安邑里第。溫伺知之，詰旦令吏捕登鞠問之，又奏劾吉甫交通術士，憲宗異之，召登面訊，其事皆虛，乃貶羣爲湖南觀察使。羊士諤資州刺史，溫均州刺史。朝議以所責太輕，羣再貶黔南，溫貶道州刺史。五年，轉衡州，秩滿歸京，不得意，發疾卒。溫文體富豔，有丘明班固之風，所著凌烟閣功臣銘，張始與書贊，移博士書，頗爲文士所賞。有文集十卷，恭儉皆至侍御史，讓至太子右庶子，皆有美才。自後吉甫再入中書，長慶以後，李德裕黨威，呂氏諸子無至達官者。

鄭雲逵，滎陽人，大曆初舉進士，性果誕，敢言，客遊兩河，以畫于于朱泚，泚悅，乃表爲節度掌書記，檢校祠部員外郎，仍以弟浴女妻之。泚將入覲，先令雲逵入奏，及泚至京，以事怒雲逵，奏貶莫州參軍，浴代泚後，請爲判官，浴助田悅爲逆，雲逵論之不從，遂棄妻子，馳歸長安，帝嘉其來，留於客省，超拜諫議大夫。奉天之難，雲逵奔赴行在，李晟以爲行軍司馬，戎略多以容之，歷秘書少監，給事中。

尋拜大理卿。遷刑部兵部二侍郎。遷御史中丞。元順宗山陵橋道置頓使。雲逵初為朱泚判官。常忤同蕃蔡庭玉。庭玉白泚。黜為莫州錄事參軍。泚復奏為判官。因深構庭玉於泚。泚留俊。事有請於泚。庭玉又輒墮之。又有判官朱體微。亦蒙泚親信。與庭玉常從容言於泚曰。泚非長者。不可付以兵權。泚竊知之。後泚南討有功。雲逵數激怒之。泚乃抗表論庭玉等離間骨肉。及泚叛。帝乃召泚以表示之。故歸罪於庭玉等。以悅泚。泚亦終叛。三年。雲逵妻其弟前太僕丞方逵。受性兇悍。不知君親。眾惡備身。訓教莫及。結聚兇黨。江中劫人。臣亡父先臣。呼臣亡父先臣名親戚所知。無可教語。昨聞於邠寧慶等州干謁節度及州縣乞丐。今見在武功縣南。西戎附近。恐有異謀。若不冒死奏聞。必恐覆臣家。族。詔令京兆府錮身。遞送黔州。付李模於僻遠州驅使。勿許東西。雲逵元和元年拜右金吾衛大將軍。歲中改京兆尹。五年五月卒。

李益。肅宗朝宰相。擢之族子。登進士第。長為歌詩。貞元末。與宗人李賀齊名。每作一篇。為教坊樂人以賂求取。唱為供奉歌詞。其征人歌。早行篇。好事者畫為屏障。迴樂峯前沙似雪。受降城外月如霜之句。天下以為歌詞。然少有癡病。而多猜忌。防閑妻妾。過為苛酷。而有散灰扇戶之譴。聞於時。故時謂妬癡為李益疾。以是久之不調。而流輩皆居顯位。益不得意。北遊河朔。幽州劉濟辟為從事。常與濟詩。而有不上望京樓之句。憲宗雅聞其名。自河北召還。用為秘書少監。集賢殿學士。自負才地。多所凌忽。為眾不容。諫官舉其幽州詩句。降居散秩。俄復用為秘書監。遷太子賓客。集賢學士。判院事。轉右散騎常侍。太和初。以禮部尚書致仕卒。

李賀。字長吉。宗室鄭王之後。父名晉肅。以是不應進士。韓愈為之作諱辨。賀竟不就試。手筆敏捷。尤長於歌篇。其文思體勢。如崇巖峭壁。萬仞崛起。當時文士從而效之。無能鬻者。其樂府詞數十篇。至於雲韶樂工。無不諷誦。補太常寺協律郎卒。時年二十四。

史臣曰。文學之士。代不乏才。永泰貞元之間。如徐浩趙涓諸公。可謂一時之秀。

也。然太真以畏懦聞。邵說以僭侈失。于公異呂涓李益。皆有微累。故知全其德者罕矣。

贊曰。名以才顯。才兼德尊。徐趙劉李。厥聲遠聞。邵于呂鄭。其名久存。半乏全德。愧于後人。

舊唐書卷一百三十七

舊唐書卷一百三十七考證

李紆傳佚游佐宴不嘗自忘○語意不明當有脫文誤字

李賀傳父名晉肅以是不應進士韓愈爲之作諱辯賀竟不就試○臣宗萬按

劇談錄云元和中李賀嘗爲歌篇韓公深所知重於摺紳間每加延譽由是

聲華籍甚時元稹年少以明經擢第常願交結賀一日執贄造門賀覽判令

僕者謂曰明經及第何事來看李賀稹慚憤而退其後稹制策登科日當要

路及爲禮部郎中因譏賀父諱晉肅不合應進士舉文公惜其才爲著諱辨

以明之撫言亦云賀舉進士或務賀不避家諱文公特著諱辨一篇據此則

賀嘗舉進士而元稹誇之史云竟不就試非也

卒時年二十四○新書作二十七

舊唐書卷一百三十七考證

使晉司空同中書門下平章事劉昫撰

列傳第八十八

趙懷 韋倫 賈魴 姜公輔

趙懷字退翁天水隴西人也總章中吏部侍郎同東西臺三品仁本之曾孫祖
 誼歷左司郎中父道先洪州錄事參軍懷少好學志行修潔不求聞達寶應中
 玄宗肅宗梓宮未祔有司議山陵制度時西蕃入寇天下饑饉懷以褐衣上疏
 宜遵儉制時人稱之後連為州從事試江夏尉累遷監察御史隨漢藩府歷殿
 中侍御史太子舍人居母憂哀毀幾絕服除建中初擢授水部員外郎未拜會
 湖南觀察使李承請為副使檢校工部郎中充職歲餘承卒遂知留後事尋授
 潭州刺史兼御史中丞湖南觀察使仍賜金紫居二歲受代歸京師闔門靜居
 不與人交久之特召對於別殿懷多學問有辭辯敷奏稱旨上悅拜給事中貞
 元四年迴紇請結和親詔以咸安公主降迴紇命檢校右僕射關播充使懷以
 本官兼御史中丞為副前後使迴紇者多私賈饋絮蕃中市馬迴以規利懷一
 無所市人歎美之使還還尚書左丞綱轄省務清勤奉職實參為宰相惡其能
 請出為同州刺史上不從八年四月寶參罷黜懷與陸贄並拜中書侍郎同中
 書門下平章事懷深於理道常言為政之本在於選賢能務節儉薄賦斂寬刑
 罰對揚之際必以此為言乃獻審官六議曰臣謬登宰府四年于茲恭承德音
 未嘗不以求賢為切至於延薦職在愚臣雖當代天之工且乏知人之鑒漸積
 歲月實於聖明無補王猷有妨賢路况多疾恙兼慮闕遺頃奉表章備陳肝膈
 陛下以臣性拙直身病可矜不棄屏微尙加委任自此思省報効尤難臬副堯
 舜之心空懷尸素之懼伏惟陛下下法象應期聖神廣運雲行雨施皆發自然訓
 誥典謨悉經睿覽臣所以不敢援引古昔上煩天聰且以用人之要願伸鄙見
 復念稽顙丹陛仰對宸嚴謦訥易窮處數難辯理詳則塵瀆頗甚言略則利害
 未宜若默以求容苟而竊位縱天地之仁幸免而中外之責何逃非陛下用臣
 之意也其所欲言者皆陛下聖慮之內臣以頂戴恩造不知所為身被風毒漸

覺沉痾是以動懇懇切於愚誠也臣聞貞觀開元之際宰輔論事或登上書
 所冀獲盡情理今臣酌前代之損益體當時之通變謹獻審官六議伏惟願聖
 時賜省覽其大指議相則曰宜博採衆賢用為輔弼今中外知其賢者伏願陛
 下用之識其能者任之求其全材恐不可得議進用庶官則曰異同之論是非
 難辨由考課難於實効好惡難於衆聲所以訪之彌多得之彌少選士古今為
 難拔十得五賢愚猶半陛下謂臣曰何必五也十得二三斯可矣聖主思賢至
 是而宰臣不能進之臣之罪也進賢在於廣任用明殿最舉大節棄其小瑕隨
 其所能試之以事用人之大綱也議京諸司闕官則曰當今要官多闕闕官十
 無一二文武任用資序遞遷要官本以材行闕官多由恩澤朝廷或將任多擬
 要官則人少闕多闕官則人多闕少明當選拔者轉少在優容者轉多宜補闕
 員務育材用大廈承固是棟梁榱桷之全也聖朝致理亦庶官羣吏之能也議
 中外考課官則曰漢以數易長吏謂之弊政其有能理者輒增秩賜金或八九
 年十餘年乃入為九卿或遷三輔功績茂異遂至丞相其間不隔數官今陛下
 內選僚僚外委州府課績高者不次超昇致理之法無踰於此臣愚以為黜陟
 且立年限若所居要重未當遷移就加爵秩其餘進退令知褒貶之必應遲速
 之有常如課績在中年考及限與之平轉中外迭處歷試其能使無苟且之心
 又無滯淹之慮議舉遺滯則曰官司既廣必委宰輔以舉之宰輔不能遍知又
 詢于庶官庶官不能遍知又訪於衆人衆聲雖然互有臧否十人舉之未信一
 人毀之可疑迨至于今茲弊未改其所以然者非盡為愛憎也苦於不審實而
 承聲言之大凡常人之心以稱人之善為清以攻人之過為直苟有除授多生
 橫議由是宰臣每將薦用亦自重難日往月來未副聖意宜須採聽時論以所
 舉多者先用必非大故皆不棄之議擢用諸使府僚屬則曰諸使辟吏各自精
 求務於得人將重府望既經試効能否可知擢其賢能置之朝列或曰外使須
 才固不可奪臣知必不然也屬者使府賓介每有登朝本使殊以為榮自喜知
 人且明公選大凡才能之士名位未達多在方鎮日月在上誰不知之思登闕
 庭如望霄漢宜須博採無宜久滯上優詔答之時吏部侍郎杜黃裳為中貴議

譖及他過犯御史中丞穆贊京兆少尹韋武萬年縣令李宜長安令盧雲皆為
 裴延齡構陷將加斥逐懷保讓救解之故多從輕貶初懷廉察湖南令狐峘崔
 徹並為巡屬刺史峘嘗歷中書舍人禮部侍郎徹久在朝列所為或虧法令懷
 每以正道制之峘徹密遣人數懷罪狀毀之於朝及懷為相拔徹自大理卿為
 尚書右丞峘先貶官為別駕又擢為吉州刺史時人多之懷與陸贄同知政事
 贄恃久在禁庭特承恩顧以國政為己任纔周歲轉懷為門下侍郎懷由是深
 銜之數以目疾請告不甚當政事因是不相協裴延齡姦詐恣睢滿朝側目懷
 初與贄約於上前論之及延英奏對贄極言延齡姦邪誣誕之狀不可任用德
 宗不悅形於顏色懷默然無言由是罷贄平章事而懷當國矣時宰相賈勳盧
 邁與懷三人十二年春正月勳邁皆有假故懷獨對於延英上問曰近日起居
 注記何事懷對曰古者左史記言人君動止有實言隨即記錄起居注是也國
 朝承徽中起居唯得對仗承旨仗下後謀議皆不得聞其記注唯編制勅更無
 他事所以長壽中姚璿知政事以為親承德音諷訓若不宣旨宰相史官無以
 得書璿請宰相一人記錄所論軍國政事謂之時政記每月送史館既而時政
 記又廢上曰君舉必書義存勸誡既書有時政記宰相宜依故事為之無何懷
 卒時政記亦不行懷特承恩顧性清儉雖為宰相居第僕使類貧士大夫之家
 所得俸入先置私廟而竟不立第舍田產其年八月遇暴疾信宿而卒時年六
 十一子元亮進懷遺表草曰臣叨荷聖慈羈塵台鼎年序頗久績用無聞負乘
 之敗已彰覆餗之咎俄及而天與之疾福過生災自今日卯時以來稍加困重
 針灸不及藥餌奚施奄然遊魂終當就木冥冥殘喘豈忍辭天號呼涕零側息
 心斷反風結草誓報深恩雖死猶生豈孤素願無任感恩嗚咽痛恨之至德宗
 尤悼惜之廢朝三日冊贈太子太傅賜帛五百端米粟四百石令鴻臚卿王權
 充弔弔使元亮官至左司郎中侍御史知雜事卒次子全亮官至侍御史柱管
 防禦判官元亮兄宣亮弟承亮皆以門蔭授官

韋倫開元天寶中朔方節度使光乘之子少以蔭累授藍田縣尉以吏事勤恪
 揚國忠署為鑄錢內作使判官國忠恃權寵又邀名稱多徵諸州縣農人令鑄

錢農夫既非本色工匠被所由抑令就役多遭差罰人不聊生倫白國忠曰鑄
 錢須得本色人今抑百姓農人為之尤費力無功人且與諍請厚懸市估價募
 工曉者為之由是役使減少而益鑄錢之數天寶末宮內土木之功無虛日內
 作人吏因緣為姦倫乃躬親閱視省費減倍改大理評事會安祿山反車駕幸
 蜀拜倫監察御史劍南節度行軍司馬兼充置頓使判官尋改屯田員外兼侍
 御史時內官禁軍相次到蜀所在侵暴號為難理倫清儉率身以化之蜀川咸
 賴其理竟遭中官毀譖貶衡州司戶屬東都河南並陷賊漕運路絕度支使第
 五琦薦倫有理性拜商州刺史充荆襄等道租庸使會襄州裨將康楚元張嘉
 延聚眾為叛兇黨萬餘人自稱東楚義王襄州刺史王政業城遁走嘉延又南
 襲破江陵漢沔饋運阻絕朝廷旰食倫乃調發兵甲駐鄧州界兇黨有來降者
 必厚加接待數日後楚元眾頗怠倫進軍擊之生擒楚元以獻餘眾悉走散收
 租庸錢物僅二百萬貫並不失墜荆襄二州平詔除崔光遠為襄州節度使徵
 倫為衛尉卿旬日又以本官兼寧州刺史招討處置等使尋又兼隴州刺史乾
 元三年襄州大將張璋殺節度使史翽作亂乃以倫為襄州刺史兼御史大夫
 山南東道襄鄧等十州節度使時李輔國秉權用事節將除拜皆出其門倫既
 為朝廷公用又不私謁輔國倫受命未行改秦州刺史兼御史中丞本州防禦
 使時吐蕃黨項歲歲入寇邊將奔命不暇倫至秦州屢與虜戰兵寡無援頻致
 敗歸連貶巴州長史思州務川縣尉代宗即位起為忠州刺史歷台饒二州以
 中官呂太一於嶺南矯詔募兵為亂乃以倫為韶州刺史兼御史中丞詔連柳
 三州都團練使竟遭太一用路反間貶信州司馬虔州司戶隋州司戶隴州司
 馬遇赦放寓於洪州十數年德宗即位遷堪使絕域者徵倫拜太常少卿兼御
 史中丞持節充通和吐蕃使倫至蕃中初宣諭皇恩次述國威德遠振蕃人大
 悅贊普入獻方物使還遷太常卿兼御史大夫加銀青光祿大夫再入吐蕃奉
 使稱旨西蕃敬服朝廷得失數上疏言之又為宰相盧杞所惡改太子少保累
 加開府儀同三司涇師之亂駕幸奉天及盧杞白志貞趙贊等貶官關播罷相
 為刑部尚書倫於朝堂嗚咽而言曰宰相不能弼諧啓沃使天下一至於此仍

爲尙書天下何由致理聞者敬憚之從駕梁州還京又欲擢用盧杞爲荊州刺史倫又上表切言不可深爲忠正之士所稱數以年踰七十表請休官改太子少師致仕封郢國公時李楚琳以僕射兼衛尉卿李忠誠以尙書兼少府監倫上言曰楚琳兇逆忠誠蕃戎醜類不合廁列清班又表請置義倉以防水旱擇賢良任之左右又言吐蕃必無信約專須防備不可輕易上每善遇之倫居家孝友撫弟姪以慈愛稱貞元十四年十二月卒時年八十三贈揚州都督

賈耽字敦詩滄州南皮人以兩經登第調授貝州臨清縣尉上疏論時政授絳州正平尉從事河東檢校膳部員外郎太原少尹北都副留守又檢校禮部郎中節度副使改汾州刺史在郡七年政績茂異入爲鴻臚卿時左右威遠營隸鴻臚耽仍領其使大曆十四年十一月檢校工部尙書兼御史大夫山南東道節度使德宗移幸梁州與元元二年耽使行軍司馬樊澤奏事於行在澤既復命方大宴諸將有急牒至言澤代耽爲節度使而召耽爲工部尙書耽得牒內懷中宴飲不改容及散召樊澤以詔授之曰詔以行軍爲節度使耽今卽上路因告將吏使謁澤牙將張獻甫曰天子巡幸山南尙書使行軍奉表起居而行軍敢自圖節鉞潛奪尙書土地此可謂事人不忠軍中皆不伏請殺樊澤耽曰公是何言歟天子有命卽爲節度使矣耽今赴行在便與公偕行卽日離鎮以獻甫自隨軍中乃安尋以本官爲東都留守東畿汝南防禦使貞元二年改檢校右僕射兼滑州刺史義成軍節度使是時滑青節度使李納雖去僞王號外奉朝旨而心常蓄併吞之謀納兵士數千人自行營歸路由滑州大將請城外館之耽曰與人鄰道奈何野處其兵命館之城內滑青將士皆心服之耽善射好獵每出畋不過百騎往往獵於李納之境納聞之大喜心畏其度量不敢異圖九年徵爲右僕射同中書門下平章事耽好地理學凡四夷之使及使四夷還者必與之從容訊其山川土地之終始是以九州之夷險百蠻之土俗區分指畫備究源流自吐蕃陷隴右積年國家守於內地舊時鎮戍不可復知耽乃畫隴右山南圖兼黃河經界遠近聚其說爲書十卷表獻曰臣聞楚左史倚

相能讀九丘晉司空裴秀創爲六體九丘乃成賦之古經六體則爲圖之新意臣雖愚昧夙嘗師範景蒙拔擢遂忝台司雖歷踐職任誠多曠闕而率土山川不忘稽察其大圖外薄四海內別九州必藉精詳乃可摹寫見更續集續冀畢功然而隴右一隅久淪蕃寇職方失其圖記境土難以區分輒扣謀虛微探探輿議畫關中隴右及山南九州等圖一軸伏以泐舊舊墟連接豈枚甘涼右地控帶朔陲岐路之偵候交通軍鎮之備禦衝要莫不匠意就實依樣像真如聖恩遣將護邊新書授律則靈慶之設險在目原會之封略可知諸州諸軍須論里數人額諸山諸水須言首尾源流圖上不可備書憑據必資記注謹撰別錄六卷又黃河爲四瀆之宗西戎乃羣羌之帥臣並研尋史牒翦棄浮詞罄所聞知編爲四卷通錄都成十卷文義鄙朴伏增慚悚德宗覽之稱善賜廐馬一匹銀絲百匹銀餅盤各一至十七年又撰成海內華夷圖及古今郡國縣道四夷述四十卷表獻之曰臣聞地以博厚載物萬國萃布海以委輸環外百蠻鑄錯中夏則五服九州殊俗則七戎六狄普天之下莫非王臣昔毋丘出師東銘不耐甘英奉使西抵條支奄蔡乃大澤無涯窮賓則懸度作險或道理回遠或名號改移古來通儒罕遍詳究臣弱冠之歲好聞方言筮仕之辰注意地理究觀研考垂三十年絕域之比鄰異蕃之習俗梯山獻琛之路乘船來朝之人咸究竟其源流訪求其居處闡聞之行賈戎貊之遺老莫不聽其言而撥其要閭閻之瑣語風謠之小說亦收其是而芟其僞然殷周以降封略益明承曆數者八家渾區宇者五姓聲教所及惟唐爲大秦皇罷侯置守長城起於臨洮孝武却地開邊障塞限於鷄鹿東漢則哀牢請吏西晉則神龜結轍隋室列四郡於卑和海西創三州於扶南江北遼陽失律因而棄之高祖神堯皇帝誕膺天命奄有四方太宗繼明重熙柔遠能邇踰太嶺通道北至仙娥於骨利幹置玄闡州高宗嗣守丕績克廣前烈遣單車賫詔西越葱山於波刺斯立疾陵府中宗復配天之業不失舊物睿宗含先天之量惟新承圖玄宗以大孝濟內以無爲理外大宛驥騶歲充內廐與貳師之窮兵贖武豈同年哉肅宗掃平氛濯潤澤生人代宗剷除殘孽彝倫攸敘伏惟皇帝陛下以上聖之姿當太平之運教信明

義履信包元惠養黎蒸懷柔遐裔故瀘南貢麗水之金漠北獻余吾之馬玄化洋溢率土霑濡臣幼切磻於師友長趨侍於軒墀自揣孱愚叨榮非據鴻私莫答夙夜兢惶去與元元年伏奉進止令臣修撰國圖旋即充使魏州汴州出鎮東洛東都間以衆務不遂專門續用尙虧憂愧彌切近乃力竭衰病思殫所聞見蒙於丹青謹令工人畫海內華夷圖一軸廣三丈從三丈三尺率以一寸折成百里別章南左衽奠高山大川縮四極於纖縞分百郡於作績宇宙雖廣舒之不盈庭舟車所通覽之咸在目并撰古今郡國縣道四夷述四十卷中國以禹貢爲首外夷以班史發源郡縣紀其增減蕃落敘其衰盛前地理書以黔州屬西陽今則改入巴郡前西戎志以安國爲安息今則改入康居凡諸疎舛悉從釐正隴西十地播葉於禾初之中遼東樂浪陷屈於建安之際曹公棄陜北晉氏遷江南緣邊累經侵盜故墟日致堙毀舊史撰錄十得二三今書搜補所獲大半周禮職方以滯時爲幽州之浸以華山爲荊河之鎮既有乖於禹貢又不出於淹中多聞闕疑詎敢編次其古郡國題以墨今州縣題以朱今古殊文執習簡易臣學謝小成才非博物伏波之聚米開示衆軍鄭侯之圖書方知阨塞企慕前哲嘗所寄心輒罄庸陋多慚紕繆優詔答之賜錦綵二百匹袍段六錦帳二銀餅盤各一銀槩二馬一匹進封魏國公順宗即位檢校司空守左僕射知政事如故時王叔文用事政出羣小孰惡其亂政屢移病乞骸不許孰性長者不喜臧否人物自居相位凡十三年雖不能以安危大計啓沃於人主而常以檢身厲行以律人每自朝歸第接對賓客終日無倦至於家人近習未嘗見其喜愠之色古之淳德君子何以加焉永貞元年十月卒時年七十六廢朝四日冊贈太傅諡曰元靖

姜公輔不知何許人登進士第爲校書郎應制策科高等授左拾遺召入翰林爲學士歲滿當改官公輔上書自陳以母老家貧以府掾俸給稍優乃求兼京兆尹戶曹參軍特承恩顧才高有器識每對見言事德宗多從之建中四年十月涇師犯關德宗蒼黃自苑北便門出幸公輔馬前諫曰朱泚嘗爲涇原帥得士心昨以朱滔叛坐奪兵權泚常憂憤不得志不如使人捕之使陪鑾駕忽羣

兇立之必貽國患臣頃曾陳奏陛下苟不能坦懷待之則殺之養獸自貽其患悔且無益德宗曰已無及矣從幸至奉天拜諫議大夫俄以本官同中書門下平章事從幸山南車駕至城固縣唐安公主薨上之長女昭德皇后所生性聰敏仁孝上所鍾愛初詔尚韋宥未克禮會而遇播遷及薨上悲悼尤甚詔所司厚其葬禮公輔諫曰非久克復京城公主必須歸葬今於行路且宜儉薄以濟軍士德宗怒謂翰林學士陸贄曰唐安天子不欲於此爲舉擯宜令造一磚塔安置功費甚微不合關宰相論列姜公輔忽進表章都無道理但欲指朕過失擬自取名朕比擢拔爲腹心乃負朕如此贄對曰公輔官是諫議職居宰衡獻替固其職分本立輔臣置之左右朝夕納誨意在防微微而弼之乃其所也陛下以造塔役費微小非宰相所論之事但問理之是非豈論事之大小若造塔爲是役雖大而作之何傷若造塔爲非費雖小而言者何罪帝又曰卿未會朕意朕以公輔才行共宰相都不相當在奉天時已欲罷免後因公輔辭退朕已面許尋屬懷光背叛遂且因循容至山南公輔知朕擬改官所以固論造塔實直取名據此用心豈是良善朕所惆悵者只緣如此贄再三救護帝怒不已乃罷爲左庶子尋丁母憂服闋授右庶子久之不遷洎陸贄知政事以有翰林之舊數告贄求官贄密謂公輔曰予嘗見郴州寶相言爲公奏擬數矣上旨不允有怒公之言公輔恐懼上疏乞罷官爲道士久之未報後又庭奏德宗問其故公輔不敢洩贄便以參言爲對帝怒貶公輔爲泉州別駕又遣中使賞賚贄參順宗即位起爲吉州刺史尋卒憲宗朝贈禮部尚書

史臣曰賈魏公以溫克長者致位丞相拒獻甫之請敗李約之郊則器略可知矣韋郢公慷慨節義困於讒邪命矣夫趙丞相區分檢裁求爲雅士以爭權而陷陸贄則前時以德報怨其可信乎公輔一言悟主驟及台司一言不合禮遽踈薄則加膝墜泉之間君道可知矣

贊曰元靖奸謀真謂純儒手調鼎鼐心運地圖姜躁趙險並躍天衢哀哉韋公終困讒夫

舊唐書卷一百三十八

後晉司空同中書門下平章事劉昫撰

列傳第八十九

陸贄

陸贄字敬輿蘇州嘉興人父備溧陽令以贄貴贈禮部尚書贄少孤特立不羣頗動儒學年十八登進士第以博學宏詞登科授華州鄭縣尉罷秩東歸省母路由壽州刺史張鑑有時名贄往謁之鑑初不甚知留三日再見與語遂大稱賞請結忘年之契及辭遺贄錢百萬曰願備太夫人一日之膳贄不納唯受新茶一串而已曰敢不承君厚意又以書判拔萃選授渭南縣主簿遷監察御史德宗在東宮時素知贄名乃召為翰林學士轉祠部員外郎贄性忠蓋既居近密感人主重知思有以効報故政或有缺巨細必陳絲是顧待益厚建中四年朱泚謀逆從駕幸奉天時天下叛亂機務填委微發指蹤千端萬緒一日之內詔書數百贄揮翰起草思如泉注初若不經思慮既成之後莫不曲盡事情中於機會胥吏簡札不暇同舍皆伏其能轉考功郎中依前充職書啓德宗曰今盜遍天下輿駕播遷陛下宜痛自引過以感動人心昔成湯以罪己勸興楚昭以善言復國陛下誠能不悛改過以言謝天下使書詔無忌臣雖愚陋可以仰副聖情庶令反側之徒草心向化德宗然之故奉天所下書詔雖武夫悍卒無不揮涕感激多贄所為也其年冬議欲以新歲改元而卜祝之流皆以國家數鍾百六凡事宜有變革以應時數上謂贄曰往年羣臣請上尊號聖神文武四字今緣寇難諸事並宜改更衆欲朕舊號之中更加一兩字其事何如贄奏曰尊號之與本非古制行於安泰之日已累謙冲襲乎喪亂之時尤傷事體今者鑿輿播越未復宮闈宗社震驚尙恆禳祀中區多梗大懸猶存此乃人情向背之秋天意去就之際陛下宜深自懲勵收覽羣心痛自貶損以謝靈譴不可近從夫謙重益美名帝曰卿所奏陳雖理體甚切然時運必須小有改變亦不可執滯卿更思量贄曰古之人君稱號或稱皇帝或稱王但一字而已至暴秦乃兼皇帝二字後代因之及昏僻之君乃有聖觀天元之號是知人輕重不在

自稱其號無補於微猷損其名不傷其德矣然而損之有謙光稽古之善崇之獲矜能納諂之譏得失不侔居然可辨況今時遭遠否事屬傾危尤宜懼思以自貶抑必也俯稽術數須有變更與其增美稱而失人心不若黜舊號以祗天戒天時人事理必相符人既好謙天亦助順陛下誠能斷自宸鑒煥發德音引咎降名深示刻惟謙與順一舉而二美從之德宗從之但改與元年號而已初德宗倉皇出幸府藏委棄凝冽之際士衆多寒服御之外無尺縑文帛及賊泚解圍諸藩貢奉繼至乃於奉天行在貯寶物於廊下仍題曰瓊林大盈二庫名贄諫曰瓊林大盈自古悉無其制傳諸書舊之說皆云創自開元貴臣貪權飾巧求媚乃言郡邑貢賦所用盡各區分賦稅當委於有司以給經用貢獻宜歸於天子以奉私求玄宗悅之新是二庫蕩心侈欲萌抵於茲迨乎失邦終以餌寇記曰貨悖而入必悖而出豈其効歟陛下嗣位之初務遵理道教行儉約斥遠貪婪雖內庫舊藏未歸太府而諸方曲獻不入禁闈清風肅然海內丕變近以寇逆亂常輿外幸既屬憂危之運宜增激勵之誠臣昨奉使軍營出經行殿忽覩右廊之下榜列二庫之名懼然若驚不識所以何者天衢尚梗師旅方殷痛心呻吟之聲嗷咻未息忠勳戰守之効賞賚未行諸道貢珍遽私別庫萬目所視孰能忍情竊揣軍情或生缺望或忿形謗讒或醜肆詭語頗含思亂之情亦有悔忠之意是知吐俗昏鄙識昧高卑不可以尊極臨而可以誠義感頃者六師初降百物無儲外扞兇徒內防危堞晝夜不息殆將五旬凍餓交侵死傷相枕畢命同力竟夷大艱良以陛下不厚其身不私其欲絕甘以同卒伍餼食以昭功勞無猛制人而不攜懷所感也無厚賞士而不怨悉所無也今者攻圍已解衣食已豐而謗議方興軍情稍沮豈不以勇夫常性嗜貨矜功其患難既與之同憂而好樂不與之同利苟異恬默能無怨咨此理之常故不足怪記曰財散則民聚豈其効歟陛下天資英聖見善必遷是將化善怨為銜恩反過差為至當促珍遺寇永垂鴻名大聖應機固當不俟終日上嘉納之令去其題署與元元年李懷光異志已萌欲激怒諸軍上表論諸軍衣糧薄神策衣糧厚厚薄不均難以驅戰意在撓沮進軍李晟密奏恐其有變上憂之遣贄使

懷光軍宜諭使還贊奏事曰賊泚稽誅保聚官苑勢窮援絕引日偷生懷光總
 仗順之軍乘制勝之氣鼓行艾藪易若摧枯而乃寇奔不追師老不用諸帥每
 欲進取懷光輒沮其謀據茲事情殊不可解陛下意在全護委曲聽從觀其所
 為亦未知感若不別為規略漸相制持唯以姑息求安終恐變故難測此誠事
 機危迫之秋也故不可以尋常容易處之今李晟奏請移軍適遇臣銜命宣慰
 懷光偶論此事臣遂泛問所宜懷光乃云李晟既欲別行某亦都不要藉臣猶
 慮有翻覆因美其軍強感懷光大自矜夸轉有輕晟之意臣又從容問云昨發
 離行在之日未知有此商量今日從此却迴或恐聖旨顧問事之可否決定何
 如懷光已肆輕言不可中變遂云恩命許去事亦無妨要約再三非不詳審雖
 欲追悔固難為詞伏望即以李晟表出付中書勅下依奏別賜懷光手詔示以
 移軍事由其手詔大意云昨得李晟奏請移軍城東以分賊勢朕緣未知利害
 本欲委卿商量適會陸贄從彼宣慰迴云見卿論敘軍情語及於此仍言許去
 事亦無妨遂勅本軍九其所請卿宜授以謀略分路夾攻務使叶齊射平寇孽
 如此詞婉而直理當而明雖著異端何由起怨臣初奉使諭旨本緣糧料不均
 偶屬移軍事相諧會又幸懷光詭對且無阻絕之言機宜合并有幽贊一失
 其便後何可追幸垂觀察德宗初望懷光迴意破賊故屢屢委移軍不許及贊
 纓陳懷光反狀乃可晟之奏遂移軍東渭橋而鄜坊節度李建徽神策行營陽
 惠元猶在咸陽贊慮懷光併建徽等軍又奏曰懷光當管師徒足以獨制兇寇
 逗留未進抑有他由所患太強不資傍助比者又遣李晟李建徽陽惠元三節
 度之眾附屬其營無益成功祇憂生事何則四軍懸壘羣帥異心論勢力則懸
 絕高卑據職名則不相統屬懷光輕晟等兵微位下而忿其制不從心晟等疑
 懷光養寇蓄奸而怨其事多陵已端居則互防飛誘欲戰則遞恐分功齟齬不
 和嫌聲遠構俾之同處必不兩全強者惡積而後亡弱者勢危而先覆覆亡之
 禍魁足可期舊寇未平新患方起憂數所切實堪疚心大上消懸於未萌其次
 救失於始兆况乎事情已露禍難垂成委而不謀何以制亂李晟見機慮變先
 請移軍就東建徽惠元勢轉孤弱為其吞噬理在必然他日雖有良圖亦恐不

能自拔拯其危急唯在此時今因李晟願行便遣合軍同往託言晟兵素少慮
 為賊泚所邀藉此兩軍迭為犄角仍先諭旨密使促裝詔書至營即日進路懷
 光意雖不欲然亦計無所施是謂先人有奪人之心疾雷不及掩耳者也夫制
 軍馭將所貴見情離合疾徐各有宜適當離者合之則召亂當合者離之則塞
 功當疾而徐則失機當徐而疾則漏策得其要契其時然後舉無敗謀措無危
 勢而今者屯兵而不肯為用聚將而罔能叶心自為鯨鯢變在朝夕留之不足
 以相制徒長厲階析之各競於擅能或成動績事有必應斷無可疑德宗曰卿
 之所料極善然李晟移軍懷光心已惆悵若更遣建徽惠元就東則使得為詞
 且俟旬時晟至東渭橋不旬日懷光果奪兩節度兵建徽單騎遁而獲免惠元
 中路被執害之報至行在人情大恐翌日移幸山南贊練達兵機率如此類二
 月從幸梁州轉諫議大夫依前充學士先是鳳翔衙將李楚琳乘涇師之亂殺
 節度使張鎰歸款朱泚及奉天解圍楚琳遣使貢奉時方艱阻不獲已命為鳳
 翔節度使然德宗忿其弑逆心不能容纔至漢中欲令渾瑊代為節度贊諫曰
 楚琳之罪固不容誅但以乘輿未復大慙猶存勤王之師悉在畿內急宜速告
 晷刻是爭商嶺則道迂且遙駱谷復為賊所扼僅通王命唯在褒斜此路若又
 阻艱南北便成隔絕以諸鎮危疑之勢居二逆誘脅之中悔悔羣情各懷向背
 賊勝則往我勝則來其間事機不容差跌儻楚琳發憾公肆猖狂南塞要衝東
 延巨猾則我咽喉梗而心膂分矣其勢豈不病哉上釋然開悟乃善待楚琳使
 優詔安慰其心德宗至梁欲以谷口已北從臣賜號曰奉天定難功臣谷口已
 南隨扈者曰元從功臣不選朝官一例俱賜贊奏曰破賊扞難武臣之効至如
 宮闈近侍班列員寮但馳走從行而已忽與介冑奮命之士俱號功臣伏恐武
 臣憤惋乃止李晟既收京城遣中使宣付翰林院具錄先散失宮人名字令草
 詔賜渾瑊遣於奉天尋訪以得為限仍量與資糧送赴行在贊不時奉詔進狀
 論之曰頃以理道乖錯禍亂荐鍾陛下思咎懼災裕人罪己屢降大號誓將更
 新天下之人垂涕相賀懲忿釋怨煦仁戴明畢力同心共平多難止土崩於絕
 岸收版蕩於橫流殄寇清都不失舊物實由陛下至誠動於天地深感激於神

人故得百靈降康兆庶歸德苟不如此自古何嘗有捐棄宮闕失守宗祧繼逆於赴難之師再遷於蒙塵之日不踰半歲而復興大業者乎今渠魁始平法駕將返近自郊甸遠周寰瀛百役疲瘵之吐重戰傷殘之卒皆忍死扶病傾耳聳肩想聞德聲翹望聖澤陛下固當感上天悔禍之眷荷列祖垂裕之休念將士鋒刃之殃愍黎元塗炭之酷以致寇爲戒以居上爲危以務理爲憂以復宮爲急損之又損尚懼汰侈之易滋艱之惟艱猶患戒慎之難久謀始盡善克終已稱始而不謀終則何有夫以內人爲號蓋是中壘末流天子之尊富有官掖如此等輩固繁有徒但恐傷多豈憂乏使窮除元惡曾未浹辰奔賈往來道途如此何必自虧君德首訪婦人又令資裝速赴行在萬目閱視衆口流傳恐非所以答慶賴之心副惟新之望也夫事有先後義有重輕重者宜先輕者宜後武王剋殷有未及下車而爲之者蓋美其不失先後之宜也自翠華播越萬姓靡依清廟震驚三時乏祀當今所務莫大於斯誠宜速遣大臣馳傳先往迎復神主修整郊壇展禋享之儀申告謝之意然後平恤死義慰犒有功綏輯黎蒸優問耆耋安定反側寬宥脅從宣暢壅滯褒獎忠直官失職之士復廢業之人是皆宜先不可後也至如崇飾服器繕緝殿臺備耳目之娛選中櫛之侍是皆宜後不可先也散失內人已經累月既當離亂之際必爲將士所私其人若稍有知不求當自陳獻其人若甚無識求之適使憂虞自因寇亂喪亡頗有大於此者一聞搜索懷懼必多餘擊尙繁羣情未一因而善撫猶恐危疑若又懼之於何不有昔人所以掩絕纒而欽盜馬者豈必忘其情愛蓋知爲君之體然也以小妨大明者不爲天下固多憂人何必獨在於此所令撰賜渾瑊詔書未敢順旨帝遂不降詔但遣使而已德宗還京轉中書舍人學士如故初贊受張鑑知得居內職及鑑爲盧杞所排贊常憂懼及杞貶黜始敢上書言事德宗好文益深顧遇奉天解圍後德宗言及違離宗廟嗚咽流涕曰致寇之由實朕之過贊亦流涕而對曰臣思致今日之患者羣臣之罪也贊意蓋爲盧杞趙贊等也上欲掩杞之失則曰雖朕德薄致茲禍亂亦運數前定事不由人贊又極言杞等罪狀上雖貌從心頗不說吳通微兄弟俱在翰林亦承德宗

寵遇文章才器不逾贊而能交結權幸共短贊於上前故劉從一姜公輔自卑品蒼黃之中皆登輔相而贊爲朋黨所擠同職審其能加以言事激切動失上的歡心故久之不爲輔相其於議論應對明練理體敷陳剖判下筆如神當時名流無不推挹貞元初李抱真入朝從容奏曰陛下幸奉天山南時赦書至山東宣諭之時士卒無不感泣臣即時見人情如此知賊不足平也時贊母章氏在江東上遣中使迎至京師搢紳榮之俄丁母憂東歸洛陽寓居嵩山豐樂寺藩鎮賻贈及別陳餉遺一無所取與韋皋布衣時相善唯西川致遺奏而受之贊父初葬蘇州至是欲合葬上遣中使護其柩車至洛其禮遇如此免喪權知兵部侍郎依前充學士申謝曰贊伏地而泣德宗爲之改容教慰恩遇既隆中外屬意爲輔弼而宰相賢參素忘贊贊亦短參之所爲言參贖貨繇是與參不平七年罷學士正拜兵部侍郎知貢舉時崔元翰梁肅文藝冠時贊輸心於肅肅與元翰推薦藝實之士昇第之日雖衆望不愜然一歲選士纔十四五數年之內居臺省清近者十餘人八年四月贊參得罪以贊爲中書侍郎門下同平章事贊久爲朋黨所擠因而得位意在不負恩獎悉心報國以天下事爲己任上即位之初用楊炎盧杞秉政樹立朋黨排擯良善卒致天下沸騰鑾輿奔播德是之失貞元已後雖立輔臣至於小官除擬上必再三詳問久之方下及贊知政事請許臺省長官自薦屬官仍保任之事有曠敗兼坐舉主上許之俄又宣言曰外議云諸司所舉多引用親黨兼通路遺不得實才此法行之非便今後卿等宜自選擇勿用諸司延薦贊論奏曰臣實頑鄙一無所堪猥蒙任使待罪宰相雖懷竊位之懼且乏知人之明自揣庸虛終難上報唯知廣求才之路使賢者各以彙征登至公之門令職司皆得自達既蒙允許即宜宣行南宮舉人纔至十數或非臺省舊吏則是使府佐僚累經薦延多歷事任論其資望既不愧於班行考其行能又未聞干闕敗壞以騰口上煩聖聰道之難行亦可知矣陛下勤求理道務徇物情因謂舉薦非宜復委宰臣揀擇其爲崇任輔弼博採輿詞可謂聖德之盛者然於委任責成之道聽言考實之方閑邪存誠猶恐有關陛下既納臣言而用之旋聞橫議而止之於臣謀不責成於橫議不考實

此乃謀失者得以辭其罪。議曲者得以肆其誣。率是而行。觸類而長。固無必定之計。亦無必實之言。計不定則理道難成。言不實則小人得志。國家之病。常必由之。昔齊桓公問管仲。管仲對曰。得賢不能任。害霸也。用而不能終。害霸也。與賢人謀事。而與小人議之。害霸也。為小人者。不必悉懷險詖。故覆邦家。蓋以其意性回邪。趣向狹促。以沮議為出眾。以自異為不羣。趨近利而味遠圖。効小信而傷大道。況又言行難保。恣其非心者乎。伏以宰相。常制不過數人。人之所知。固有限極。不能遍諳諸士。備閱羣才。若令悉命羣官。理須展轉。詢訪。是則變公舉為私薦。易明敷為暗投。儻如議者之言。所舉多有情。故舉于君上。且未絕私薦於宰臣。安肯無詐失人之弊。必又甚焉。所以承前命官。罕有不涉私諂。雖則秉鈞不一。或自行情。亦由私訪所親。轉為所賣。其弊非遠。聖鑒明知。今又將徇浮言。專任宰臣除吏。宰臣不徧諳識。踵前須訪於人。若訪親朋。則是悔其覆車。不易故轍。若訪於朝列。則是求其私薦。不如公舉之愈也。二者利害。惟陛下更詳擇焉。恐不如委任長官。慎揀僚屬。所揀既少。所求亦精。得賢有鑑識之名。失實當暗謬之責。人之常性。莫不愛身。況於臺省長官。皆是當朝華選。孰肯徇私妄舉。以傷名取責者耶。所謂臺省長官。即僕射尚書左右丞侍郎及御史大夫中丞是也。陛下比擇輔相。多亦出於其中。今之宰臣。則往日臺省長官也。今之臺省長官。乃將來之宰臣也。但是職名暫異。固非行業頭殊。豈有為長官之時不能舉。一二屬吏居宰臣之位。則可擇千百具僚物。議悠悠。其感斯甚。夫求才貴廣。考課貴精。求廣在於各舉所知。長吏之薦。擇是也。貴精在於按名責實。宰臣之序進是也。往者則天太后踐祚。臨朝欲收人心。尤務拔擢。弘委任之意。開汲引之門。進用不疑。求訪無倦。非但人得薦士。亦許自舉其才。所薦必行。所舉輒試。其於選士之道。豈不傷於容易哉。而課責既嚴。進退皆速。不肖者旋黜。才能者驟昇。是以當代謂知人之明。累朝賴多士之用。此乃近於求才貴廣之威。未遑於往時。蓋由賞鑒獨任於聖聰。搜擇頗難於公舉。仍啟登延之路。罕施練嚴之方。遂使先進者漸益凋訕。後來者不相接續。施一令則謗沮互起。用

一人則瘡痍立成。此乃失於選才太精。制法不一之患也。則天舉用之法。傷易而得人。陛下慎揀之規。太精而失士。陛下選任宰相。必異於庶官。精擇長官。必愈於末品。及至宰相。獻規。長吏薦士。陛下即但納橫議。不稽始謀。是乃任以重者。輕其言。待以輕者。重其事。且又不辨所毀之虛實。不校所試之短長。人之多言。何所不至。是將使人無所措其手足。豈獨選任之道。失其端而已乎。上雖嘉其所陳。長官薦士之詔。竟追寢之。國朝舊制。吏部選人。每年調集。自乾元已後。屬宿兵于野。歲或凶荒。遂三年一置選。由是選人停擁。其數很多。文書不接。真偽難辨。吏緣為奸。注授乖濫。而有十年不得調者。贊奏吏部分內外官員。為三分計。關集人。每年置選。故選司之弊。十去七八。天下稱之。贊與買。就盧邁。越懷同知政事。百司有所申覆。皆更讓不言。可否。舊例。宰臣當旬。秉筆決事。每十日一易。贊請準故事。令秉筆者以應之。又以河隴陷蕃。已來。西北邊常以重兵守備。謂之防秋。皆河南江淮諸鎮之軍也。更番往來。疲於戎役。贊以中原之兵。不習邊事。及扞虜戰賊。多有敗衄。又苦邊將名目太多。諸軍統制不一。緩急無以應敵。乃上疏論其事曰。臣歷觀前代書史。皆謂鎮撫四夷。宰相之任。不揆閭閻。屢敢上言。誠以備邊禦戎。國家之重事。理兵足食。備禦之大經。兵不治則無可用之師。食不足則無可固之地。理兵在制置得所。足食在斂導有方。陛下幸聽愚言。先務積穀。人無加賦。官不費財。坐致邊儲。數逾百萬。諸鎮收糴。今已向終。分貯軍城。用防艱急。縱有寇戎之患。必無乏絕之憂。守此成規。以為永制。常收冗費。益贍邊農。則更經二年。可積十萬人三歲之糧矣。足食之原。粗立。理兵之術。未精。敢議籌量。庶備採擇。伏以戎狄為患。自古有之。其於制禦之方。得失之論。備存史籍。可得而言。大抵尊即序者。則曰非德無以化。要荒。曾莫知威不立。則德不能馴也。樂武威者。則曰非兵無以服。凶獷。曾莫知德不修。則兵不可恃也。務和親者。則曰要結可以睦隣。好曾莫知我結之而彼復解也。美長城者。則曰設險可以固邦。國而扞寇讎。曾莫知力不足。兵不堪。則險之不能也有也。尚薄伐者。則曰驅遠可以禁侵。暴而省征徭。曾莫知兵不銳。豈不完。則退之不能勝。驅之不能去也。議邊之要。略盡於斯。雖互相譏評。然各有偏駁。聽一家之說。則

例理可徵考歷代所行則成敗異効是由執常理以御其不常之勢徇所見而昧於所遇之時夫中夏有感衰夷狄有強弱事機有利害措置有安危故無必定之規亦無長勝之法夏后以序戎而聖化茂古公以避狄而王業興周城朔方而檢狄攘秦築臨洮而宗社覆漢武討匈奴而貽悔太宗征突厥而致安文景約和親而不能弭患於當年宣元弘撫納而足以保寧於累葉蓋以中夏之感衰異勢夷狄之強弱異時事機之利害異情措置之安危異便知其事而不度其時則敗附其時而不失其稱則成形變不同胡可專一夫以中國強感夷狄衰微而能屈膝稱臣歸心受制拒之則阻其嚮化威之則類於殺降安得不存而撫之即而序之也又如中國強感夷狄衰微而尚棄信奸盟蔑恩肆毒論之不變責之不懲安得不取亂推亡息人固境也其有遇中國喪亡之弊當夷狄強感之時圖之則彼覺未萌禦之則我力不足安得不卑詞降禮約好通和啗之以親紆其交禍縱不必信且無大侵雖非禦戎之善經蓋時事亦有不得已也儻或夷夏之勢強弱適同撫之不寧威之不靖力足以自保不足以出攻得不設險以固軍訓師以待寇來則薄伐以遏其深入去則攘斥而戒於遠追雖爲安邊之令圖蓋勢力亦有不得不然也故夏之即序周之于攘太宗之翦亂皆乘其時而善用其勢也古公之避狄文景之和親神堯之降禮皆順其時而不失其稱也秦皇之長城漢武之窮討皆知其事而不度其時者也向若遇孔熾之勢行即序之方則見侮而不從矣乘可取之資懷畏避之志則失機而養寇矣有攘却之力和親之謀則示弱而勞費矣當降屈之時務窮伐之略則召禍而危殆矣故曰知其事而不度其時則敗附其時而不失其稱則成是無必定之規亦無長勝之法得失著効不其然歟至於察安危之大情計成敗之大數百代之不變易者蓋有之矣其要在於失人肆怨則必蹶任人從衆則必全此乃古今所同而物理之所壹也國家自祿山播亂河隴用兵以來肅宗中興撤邊備以靖中邦借外威以寧內難於是吐蕃乘釁吞噬無厭迴紇矜功憑陵亦甚中國不遑振旅四十餘年使傷耗遺吐竭力蠶織西輸賄幣北償馬寶尙不足塞其煩言滿其驕志復乃遠徵十馬列戎騷擾猶不能遏其奔衝止

其侵侮小入則驅略黎庶深入則震驚邦畿時有議安邊策者多務於所難而忽於所易勉於所短而略於所長遂使所易所長者行之而其要不精所難所短者圖之而其功靡就憂患未弭職斯之由夫制敵行師必量事勢勢有難易事有先後力大而敵脆則先其所難是謂奪人之心暫勞而承逸者也力寡而敵堅則先其所易是謂固國之本觀釁而後動者也頃屬多故人勞未瘳而欲廣發師徒深踐寇境復其侵地攻其堅城前有勝負未必之虞後有匱運不繼之患儻或撓敗適所以啓戎心而挫國威以此爲安邊之謀可謂不量事勢而務於所難矣天之授者有分事無全功地之產者有物宜無兼利是以五方之俗長短各殊長者不可踰短者不可企勉所短而敵其所長必殆用所長而乘其所短必安強者乃以水草爲邑居以射獵供飲茹多馬而尤便馳突輕生而不恥敗亡此戎狄之所長也戎狄之所長乃中國之所短而欲益兵蒐乘角力爭驅交鋒原野之間決命尋常之內以此爲禦寇之術可謂勉所短而校其所長矣務所難勉所短勞費百倍終於無成雖果成之不挫則廢豈不以越天授而違地產虧時勢以反物宜者哉將欲去危就安息費從省在慎守所易精用所長而已若乃擇將吏以撫寧衆庶修紀律以訓齊師徒耀德以佐威能邇以柔遠禁侵抄之暴以彰吾信抑攻取之議以安戎心彼求和則善待而勿與結盟彼爲寇則嚴備而不務報復此當今之所易也賤力而貴智惡殺而好生輕利而重人忍小以全大安其居而後動俟其時而後行是以修封疆守要害壘蹊隨壘軍謹謹禁防明斥候務農以足食練卒以蓄威非萬全不謀非百尅不圖寇小至則張聲勢以遏其入寇大至則謀其人以邀其歸據險以乘之多方以俟之使其勇無所加衆無所用掠則靡復攻則不能進有腹背受敵之虞退有首尾難救之患所謂乘其弊不戰而屈人之兵此中國之所長也我之所長乃戎狄之所短我之所易乃戎狄之所難以長制短則用力寡而見功多以易敵難則財不匱而事速就捨此不務而反爲所乘斯謂倒持戈矛以鐔授寇者也今則皆務之矣猶且守封未固寇戎未懲者其病在於謀無定用衆無適從所任不必才才者不必任所聞不必實實者不必聞所信不必誠誠者不必信

所行不必當當者未必行故令措置乖方課責虧度財匱於兵衆力分於將多怨生於不均機失於透制臣請為陛下粗陳六者之失惟明主慎聽而熟察之臣聞工欲善其事必先利其器武欲勝其敵必先練其兵練兵之中所用復異用之於救急則權以紓難用之於暫敵則緩以應機故事有便宜而不拘常制謀有奇詭而不拘衆情進退死生唯將所命此所謂攻討之兵也用之於屯戍則事實可久勢異從權非物理所恆不寧非人情所欲不固夫人情者利焉則勸習焉則安保親戚則樂生顧家業則忘死故可以理術馭不可以法制驅此所謂鎮守之兵也夫欲備封疆禦戎狄非一朝一夕之事固當選鎮守之兵以置焉古之善選置者必量其性習辨其土宜察其技能知其欲惡用其力而不違其性齊其俗而不易其宜引其善而不責其所不能禁其非而不處其所不欲而又類其紀伍安其室家然後能使之樂其居定其志奮其氣勢結其恩情撫之以惠則感而不驕臨之以威則肅而不怨靡督課而人自爲用弛禁防而衆自不攜故出則足兵居則足食守則固戰則強其術無他便於人情而已矣今者散徵士卒分戍邊陲更代往來以爲守備是則不量性不辨土宜邀其所不能強其所不欲求廣其數而不考其用將致其力而不察其情斯可以爲羽衛之儀而無益於備禦之實也何者窮邊之地千里蕭條寒風裂膚驚沙慘目與豺狼爲鄰伍以戰鬪爲嬉遊晝則荷戈而耕夜則倚烽而規日有剽害之慮永無休暇之娛地惡人勤於斯爲甚自非生於其域習於其風幼而親焉長而安焉不見樂土而遷焉則罕能享其居而狎其敵也關東之地百物阜殷從軍之徒尤被優養慣於溫飽狎於歡康比諸邊隅若異天地聞絕塞荒陬之苦則辛酸動容聆強蕃勁虜之名則懾駭奪氣而乃使之去親族捨園廬甘其所辛酸抗其所懾駭將軍爲用不亦疎乎矧又有休代之期無統帥之馭資奉若驕子姑息如情人進不邀之以成功退不處之以嚴憲其來也咸負得色其止也莫有固心屈指計歸張頭待餉徵伴者猶患遺期之踰緩常念戎醜之充斥王師挫傷則將乘其亂離布路東瀆情志且爾得之奚爲平居則殫耗資儲以奉浮冗之衆臨難則披棄城鎮以搖遠近之心其弊豈惟無益哉固亦將有所

撓也復有抵犯刑禁請徙軍城意欲增戶實邊兼令展効自贖既是無良之類且加懷土之情思亂幸災又甚戍卒適足煩於防衛諒無望於功庸雖前代時或行之固非良算之可遵者也復有擁旄之帥身不臨邊但分偏師俾守疆場大抵軍中壯銳元戎例選自隨委其疲羸乃配諸鎮節將既居內地精兵祇備紀綱遂令守要禦衝常在寡弱之輩寇戎每至乃勢不支入壘者纔足閉關在野者悉遭劫執恣其焚蹂盡其搜賫比及都府聞知虜已剽獲旋返且安邊之本所切在兵理兵若斯可謂措置乖方矣夫賞以存勳罰以示懲勸以懋有庸懲以威不恪故賞罰之於馭衆也猶繩墨之於曲直權衡之揣重輕輓軌之所以行車銜勒之所以服馬也馭衆而不用賞罰則善惡相混而能否莫殊用之而不當功過則姦妄寵榮而忠實擯抑夫如是若聰明可銜律度無章則用與不用其弊一也自頃權移於下柄失於朝將之號令既鮮克行之於軍國之典章又不能施之於將務相違養苟度歲時欲賞一有功輒慮無功者反側欲罰一有罪復慮同惡者憂虞罪以隱忍而不彰功以嫌疑而不賞姑息之道乃至於斯故使忘身効節者獲誚於等夷率衆先登者取怨於士卒憤軍蹙國者不懷於愧畏緩救失期者自以爲智能褒貶既闕而不行稱毀復紛然相亂人難欲善誰爲言之況又公忠者直己而不求於人反罹困厄敗撓者行私而苟媚於衆例獲優崇此義士所以痛心勇夫所以解體也又有遇敵而所守不固陳謀而其効靡成將帥則以資糧不足爲詞有司復以供給無闕爲解既相執證理合辨明朝廷每爲含糊未嘗窮究曲直措理者吞聲而靡訴誣善者罔上而不懲馭衆若斯可謂課責虧度矣課責虧度措置乖方將不得竭其材卒不得盡其力屯集雖衆戰陣莫前虜每越境橫行若涉無人之地遞相推倚無敢誰何虛張賊勢上聞則曰兵少不敵朝廷莫之省察惟務徵發益師無裨備禦之功重增供億之弊聞井日耗徵求日繁以編戶傾家破產之資兼有司權鹽稅酒之利總其所入半以事邊制用若斯可謂材匱於兵衆矣今四夷之最強威爲中國甚患者莫大於吐蕃舉國勝兵之徒纔當中國十數大郡而已其於內處外備亦與中國不殊所能寇邊數則蓋寡且又器非犀利甲不堅完識迷翰

鈐藝乏種敏動則中國畏其衆而不敢抗靜則中國憚其強而不敢侵厥理何哉良以中國之節制多門蕃醜之統帥專一故也夫統帥專則人心不分人心不分則號令不貳號令不貳則進退可齊進退可齊則疾徐如意疾徐如意則機會靡衍機會靡衍則氣勢自壯斯乃以少爲衆以弱爲強變化翕闢在於反掌之內是猶臂之使指心之制形若所任得人則何敵之有夫節制多門則人心不一人心不一則號令不行號令不行則進退難必進退難必則疾徐失宜疾徐失宜則機會不及機會不及則氣勢自衰斯乃勇廢爲疋衆散爲弱逗撓離析兆乎戰陣之前是猶一國三公十羊九牧欲令齊肅其可得乎開元天寶之間控禦西北兩蕃唯朔方河西隴右三節度而已猶慮權分勢散或使兼而領之中興已來未遑外討僑隸四鎮於安定權附隴右於扶風所當西北兩蕃亦朔方涇原隴右河東節度而已關東戍卒至則屬焉難委任未盡得人而措置尚存典制自頃逆泚誘涇隴之衆叛懷光汙朔方之軍割裂誅鋤所餘無幾而又分朔方之地建牙擁節者凡三使焉其餘鎮軍數且四十皆承特詔委寄各降中貴監臨人得抗衡莫相稟屬每俟邊書告急方令計會用兵既無軍法下臨唯以客禮相待是乃從容拯溺揖讓救焚冀無貽危固亦難矣夫兵以氣勢爲用者也氣聚則威散則消勢合則威析則弱今之邊備勢弱氣消建軍若斯可謂力分於將多矣理戎之要在均齊故軍法無貴賤之差軍實無多少之異是將所以同其志而盡其力也如或誘其志意勉其藝能則當閱其材程其勇校其勞逸度其安危明申練獲優劣之科以爲衣食等級之制使能者企及否者息心雖有薄厚之殊而無缺望之覺蓋所謂日省月試饋粟均事如權量之無情於物萬人莫不安其分而服其平也今者窮邊之地長鎮之兵皆百戰傷夷之餘終年勤苦之劇角其所能則練習度其所處則孤危考其服役則勞察其臨敵則勇然衣糧所給唯止當身例爲妻子所分常有凍餒之色而關東戍卒歲月踐更不安危城不習戎備怯於應敵懈於服勞然衣糧所領厚餼等繼以茶藥之饋益以蔬醬之實豐約相形懸絕斯甚又有素非禁旅本是邊軍將校詭爲媚詞因請遙隸神策不離舊所唯改虛名其於粟賜之饒遂有

三倍之益此儻類所以忿恨忠良所以憂嗟疲人所以流亡經費所以褊隘夫事業未異而給養有殊人情之所不能甘也況乎矯佞行而稟賜厚績藝劣而衣食優苟未忘懷能無愠怒不爲戎首則已可嘉而欲使其協力同心以攘寇難雖有韓白孫吳之將臣知其必不能焉養士若斯可謂怨生於不均矣凡欲選任將帥必先考察行能然後指以所授之方語以所委之事令其自揣可否自陳規模須某色甲兵藉某人參佐要若干士馬用若干資糧某處置軍某時成績始終要領悉俾經綸於是觀其計謀校其聲實若謂材無足取言不可行則當退之於初不宜貽慮於其後也若謂志氣足任方略可施則當要之於終不宜掣肘於其間也夫如是則疑者不使使者不疑勞神於選才端拱於委任既委其事既足其求然後可以覈其否臧行其賞罰受賞者不以爲濫當罰者無得而辭付授之柄既專苟且之心自息是以古之遣將帥者君親推轂而命之曰自闔以外將軍裁之又賜鉞鉞示令專斷故軍容不入國國容不入軍將在軍君命有所不受誠謂機宜不可以遠決號令不可以兩從未有委任不專而望其剋敵成功者也自頃邊軍去就裁斷多出宸衷選置戎臣先求易制多其部以分其力輕其任以弱其心雖有所懲亦有所失遂令分閫責成之義廢死綏任咎之志衰一則聽命二亦聽命爽於軍情亦聽命乖於事宜亦聽命若所置將帥必取於承順無違則如斯可矣若有意平兇靖難則不可夫兩境相接兩軍相持事機之來間不容息蓄謀而俟猶恐失之臨時始謀固已疎矣況乎千里之遠九重之深陳述之難明聽覽之不一欲其事無遺策雖聖者亦有所不能焉設使謀慮能周其如權變無及戎虜虜突迅如風颺驛書上聞旬月方報守土者以兵寡不敢抗敵分鎮者以無詔不肯出師逗留之間寇已奔逼託於救援未至各且閉壘自全牧馬屯牛鞠爲樵婦罄作俘囚雖詔諸鎮發兵唯以虛聲應援互相瞻顧莫敢遮邀賊既縱掠退歸此乃陳功告捷其敗喪則減百而爲一其摺獲則張百而成千將帥既幸於總制在朝不憂於罪累陛下又以爲大權由己不究事情用師若斯可謂機失於遙制矣理兵而措置乖方馭將而賞罰虧度制用而財匱建兵而力分養士而怨生用師而機

失此六者疆場之蠹賊軍旅之膏肓也蠹賊不除而但滋之以糞溉膏肓不療而唯啗之以滑甘適足以養其害速其災欲求稼穡豐登膚革充美固不可得也臣愚謂宜罷諸道將士番替防秋之制率因舊數而三分之其一分委本道節度使募少壯願住邊城者以徙焉其一分則本道但供衣糧委關內河東諸軍州募蕃漢子弟願傳邊軍者以給焉又一分亦令本道但出衣糧加給應募之人以資新徙之業又令度支散於諸道和市耕牛兼雇召工人就諸軍城繕造器具募人至者每家給耕牛一頭又給田農水火之器皆令充備初到之歲與家口二人糧并賜種子勸之播植待經一稔俾自給家若有餘糧官為收糶各酬倍價務振營田既息踐更徵發之煩且無幸災苟免之弊寇至則人自為戰時至則家自力農是乃兵不得不強食不得不足與夫倏來忽往豈可同等而論哉臣又謂宜擇文武能臣一人為隴右元帥應涇隴鳳翔長武城山南西道等節度管內兵馬悉以屬焉又擇一人為朔方元帥應鄜坊邠寧靈夏等節度管內兵馬悉以屬焉又擇一人為河東元帥河東振武等節度管內兵馬悉以屬焉三帥各選臨邊要會之州以為理所見置節度有非要者隨所便近而併之唯元帥得置統軍餘並停罷其三帥部內太原鳳翔等府及諸部戶口稍多者慎揀良吏以為尹守外奉師律內課農桑俾為軍糧以壯戎府理兵之宜既得選帥之授既明然後減奸濫虛浮之費以豐財定衣糧等級之制以和眾弘委任之道以宣其用懸賞罰之典以考其成而又慎守中國之所長謹行當今之所易則八利可致六失可除如是而戎狄不威懷疆場不寧謐者未之有也諸侯軌道庶類服從如是而教令不行天下不理者亦未之有也以陛下之英鑒民心之思安四方之小休兩寇之方靜加以頻年豐稔所在積糧此皆天贊國家可以立制垂統之時也時不久居事不常兼已過而追雖悔無及明主者不以言為罪不以人廢言罄陳狂愚惟所省擇德宗極深嘉納優詔褒獎之實在中書政不便於時者多所修奏德宗雖不能皆可而心頗重之初實參既貶郴州節度使劉士寧餉參數千匹湖南觀察使李異與參有隙具事奏聞德宗不悅會右庶子姜公輔於上前聞奏稱實參嘗語臣云陛下怒臣未已德

宗怒再貶參竟殺之時議云公輔奏實參語得之於實云參之死實有力焉又素惡于公異于邵既輔政而逐之談者亦以為阨戶部侍郎判度支裴延齡奸宄用事天下嫉之如讎以得幸於天子無敢言者實獨以身當之屢於延英面陳其不可累上疏極言其弊延齡日加譖毀十年十二月除太子賓客罷知政事實性畏慎及策免私居朝謁之外不通賓客無所過從十一年春募邊軍芻粟不給具事論訴延齡言實與張滂李充等搖動軍情語在延齡傳德宗怒將誅實等四人會諫議大夫陽城等極言論奏乃貶實為忠州別駕實初入翰林特承德宗異顧歌詩戲狎朝夕陪遊及出居艱阻之中雖有宰臣而謀猷參決多出於實故當時目為內相從幸山南途逢艱險屢從不及與帝相失一夕不至上諭軍士曰得實者賞千金翌日實謁見上喜形顏色其寵待如此既與二吳不協漸加浸潤恩禮稍薄及通玄敗上知誣枉遂復見用實以受人主殊遇不敢愛身事有不可極言無隱朋友規之以為太峻實曰吾上不負天子下不負吾所學不恤其他精於吏事勤酌決斷不失錙銖嘗以詞詔所出中書舍人之職軍興之際從迫應務權令學士代之朝野又寧合歸職分其命將相制詔却付中書行遣又言學士私臣玄宗初令待詔止於唱和文章而已物議是之德宗以實指斥通微通玄故不可其奏實任在忠州十年常閉關靜處人不識其面復避諂不著書家居瘴鄉人多癘疫乃抄撮方書為陸氏集驗方五十卷行於代初實秉政貶駕部員外郎李吉甫為明州刺史實任忠州與吉甫相遇昆弟門人咸為贊憂而吉甫忻然厚禮都不銜前事以宰相禮事之猶恐其未信不安日與實相狎若平生交契者實猶猶慙懼後乃深交時論以吉甫為長者後有薛延者代吉甫為刺史延朝辭日德宗令宣旨慰安而韋臯累上表請以實代己順宗即位與陽城鄭餘慶同詔徵還詔未至而實卒時年五十二贈兵部尚書諡曰宣子簡禮登進士第累辟使府

史臣曰近代論陸宜公比漢之賈誼而高邁之行剛正之節經國成務之要激切仗義之心初蒙天子重知末塗淪躓皆相類也而誼止中大夫實及台鉉不為不過矣昔公孫鞅挾三策說秦王淳于髡以隱語見齊君從古以還正言不

易昔周昭戒急論議正爲此也。費居珥筆之列，調餽之地，欲以片心除衆弊，獨
手遏羣邪，君上不亮其誠，羣小共攻其短，欲無放逐，其可得乎？詩稱其維哲人，
告之詰言，又有誨爾聽我之恨，此皆賢人君子，數言不見用也。故堯咨禹拜，千
載一時，攜手提耳，豈容易哉。

贊曰：良臣悟主，我有嘉猷，多僻之君，爲善不周，忠言救失，啓沃曰讎，勿貽天問，
蒼昊悠悠。

舊唐書卷一百三十九

後晉司空同中書門下平章事劉昫撰

列傳第九十

韋臯 臯 附 張建封 盧 羣

韋臯字城武京兆人。大曆初以建陵挽郎調補華州參軍累授使府監察御史。宰相張鎰出為鳳翔節度使。奏臯為管田判官。得殿中侍御史。權知隴州行營。留後事。建中四年。涇師犯關。德宗幸奉天。鳳翔兵馬使李楚琳殺張鎰。以府城叛歸於朱泚。隴州刺史郝通奔于楚琳。先是朱泚自范陽入朝。以甲士自隨。後泚為鳳翔節度使。既罷。留范陽五百人戍隴州。而泚舊將牛雲光督之。時泚既以逆徒圍奉天。雲光因稱疾。請臯為帥。將謀亂。擒臯以赴泚。臯將瞿暉伺知之。白臯為備。雲光知事洩。遂率其兵以奔泚。行及汧陽。遇泚家僮蘇玉將使于臯所。蘇玉謂雲光曰。太尉已登寶位。使我持詔以韋臯為御史中丞。君可以兵歸隴州。臯若承命。即為吾人。如不受詔。彼書生。可以圖之。事無不濟矣。乃反。施疾趨隴州。臯迎勞之。先納蘇玉受其偽命。乃問雲光曰。始不告而去。今又來。何也。雲光曰。前未知公心。故潛去。知公有新命。今乃復還。願與公戮力定功。同其生死。臯曰善。又謂雲光曰。大使苟不懷詐。請納器甲。使城中無所危疑。乃可入。雲光以書生待臯。且以為信然。乃盡付弓矢戈甲。臯既受之。乃內其兵。明日。臯犒宴蘇玉。雲光之卒於郡舍。伏甲於兩廊。酒既行。伏發。盡誅之。斬雲光。蘇玉首以徇。泚又使家僮劉海廣以臯為鳳翔節度使。臯斬海廣及從者三人。生一人。使報泚。於是詔以臯為御史大夫。隴州刺史。置義義軍。節度以旌之。臯遣從兄平及拿繼入奉天城。城中聞臯有備。士氣增倍。臯乃築壇于廷。血牲與將士等盟曰。上天不弔。國家多難。逆臣乘間。盜據宮闈。而李楚琳亦扇兇兇。傾陷城邑。酷虐所加。爰及本使。既不事上。安能卸下。臯是用激心憤氣。不遑底軍。誓與羣公竭誠王室。凡我同盟。一心協力。仗順除兇。先租之靈。必當幽贊。言誠則志合。義感則心齊。粉骨糜軀。決無所顧。有渝此志。明神殛之。迨於子孫。亦罔遺類。皇天后土。當兆斯言。又遣使入吐蕃求援。十一月。加檢校禮部尚書。與元元年。

德宗還京。徵為左金吾衛將軍。尋遷大將軍。貞元元年。拜檢校戶部尚書。兼成都尹。御史大夫。劍南西川節度使。代張延賞。臯以雲南蠻眾數十萬。與吐蕃和好。蕃人入寇。必以蠻為前鋒。四年。臯遣判官崔佐時入南詔蠻。說令向化。以離吐蕃之助。佐時至蠻國羊咀咩城。其王異牟尋忻然接遇。請絕吐蕃。遣使朝貢。其年。遣東蠻鬼主驪傍直。夢衝直。烏等相率入朝。南蠻自嶺州陷沒。臣屬吐蕃。絕朝貢者二十餘年。至是復通。五年。臯遣大將王有道。習習精卒。以入蕃界。與東蠻於故嶺州臺。登北谷。大破吐蕃青海臘城。二節度。斬首二千級。生擒龍官四十五人。其投崖谷而死者不可勝計。蕃將乞臧遮遮者。蕃之驍將也。久為邊患。自擒遮遮。城柵無不降。數年之內。終復嶺州。以功加吏部尚書。九年。朝廷築鹽州城。慮為吐蕃掩襲。詔臯出兵牽維之。乃命大將董勛張芬出西山及南道。破峨和城。通鶴軍。吐蕃南道元帥論莽熱率眾來援。又破之。殺傷數千人。焚定廉城。凡平堡柵五十餘所。以功進位檢校右僕射。臯又招撫西山羌女詞陵白狗。遣租弱水南王等八國酋長。入貢闕廷。十一年九月。加統押近界諸蕃。西山八國。兼雲南安撫等使。十二年二月。就如同中書門下平章事。十三年。收復嶺州城。十六年。臯命將出軍。累破吐蕃於黎嶠二州。吐蕃怒。遂大搜閱。築壘造舟。欲謀入寇。臯悉控之。於是吐蕃酋帥兼監統羣貢臘城等九節度。舉龍官馬定德。與其大將八十七人。舉部落來降。定德有計略。習知兵法。及山川地形。吐蕃每用兵。定德常乘驛計事。蕃中諸將。稟其成算。至是自以扞邊失律。懼得罪而歸心焉。十七年。吐蕃昆明城管些蠻千餘戶。又降。贊普以其眾外潰。遂北寇靈朔。陷麟州。德宗遣使至成都。府令臯出兵深入蕃界。臯乃令鎮靜軍使陳洎等統兵萬人。出三奇路。威戎軍使崔堯臣。兵千人。出龍溪石門路。南。維保二州。兵馬使仇覽。保霸二州。刺史董振等。兵二千。趨吐蕃維州城。中北路兵馬使邢玘等。四千。趨吐蕃樓老翁城。都將高個。王英俊。兵二千。趨松州。龍東兵馬使元膺。兵八千人。出南道。雅邛黎嶺路。又令鎮南軍使韋良金。兵一千三百。續進。雅州經略使路惟明等。兵三千。趨吐蕃租松等城。黎州經略使王有道。兵二千。人過大渡河。深入蕃界。嶺州經略使陳孝陽。兵馬使何大海。韋義等。及磨些蠻。

東蠻二部落主苴那時等兵四千進攻昆明城。諾濟城自八月出軍齊入。至十月破蕃兵十六萬。拔城七。軍鎮五。戶三千。擒生六千。斬首萬餘級。遂進攻維州。救軍再至。轉戰千里。蕃軍連敗。於是寇靈朔之衆引而南下。贊普遣論莽熱以內大相兼東境五道節度兵馬都驛牧大使率雜虜十萬而來解維州之圍。蜀師萬人據險設伏以待之。先出千人挑戰。莽熱見我師之少。悉衆追之。發伏掩擊。鼓譟雷駭。蕃兵自潰。生擒論莽熱虜衆十萬。殲夷者半。是歲十月。遣使獻論莽熱于朝。德宗數而釋之。賜第於崇仁里。舉以功加檢校司徒。兼中書令。封南康郡王。順宗即位。加檢校太尉。順宗久疾。不能臨朝。聽政官者李忠言。侍蕃待詔王叔文。侍書待詔王伾等二人。頗干國政。高下在心。舉乃遣支度副使劉闢使於京師。闢私謁王叔文曰。太尉使致誠於足下。若能致某都領劍南三川。必有以相酬。如不留意。亦有以奉報。叔文大怒。將斬闢以徇。韋執誼固止之。闢乃私去。舉知王叔文人情不附。又知與韋執誼有隙。自以大臣可議社稷大計。乃上表請皇太子監國。曰。臣聞上承宗廟。下鎮黎元。永固無疆。莫先儲兩。伏聞聖明以山陵未祔。哀毀逾制。心勞萬幾。伏計旬月之間。未甚痊復。皇太子睿質已長。淑問日彰。四海之心。實所倚賴。伏望權令皇太子監撫庶政。以俟聖躬痊平。一日萬幾。免令壅滯。又上皇太子牋曰。殿下體重離之德。當備貳之重。所以克昌九廟。式固萬方。天下安危。繫於殿下。舉位居將相。志切匡扶。先朝獎知。早承恩顧。人臣之分。知無不為。願上答眷私。罄輸肝膈。伏以聖上嗣膺鴻業。睿哲英明。舉感先朝。志存孝理。諒闇之際。方委大臣。但付託偶失於善人。而參決多虧於公政。今羣小得志。隳紊紀綱。官以勢遷。政由情改。朋黨交構。榮感震聽。樹置腹心。逼於貴位。潛結左右。難在蕭牆。國賊放於權門。王稅不入天府。褻慢無忌。高下在心。貨賄流聞。遷轉失敘。先聖屏黜讎犯之類。咸據居省寺之間。至令忠臣隕涕。正人結舌。遐邇痛心。人知不可。伏恐奸雄乘便。因此謀動干戈。危殿下之家邦。傾太宗之王業。伏惟太宗櫛沐風雨。經營廟朝。將垂二百年。欲及千萬祀。而一朝使叔文奸佞之徒。侮弄朝政。恣其胸臆。坐致傾危。臣每思之。痛心疾首。伏望殿下斥逐羣小。委任賢良。懷懷血誠。輸寫於此。太子優令答之。而裴均

嚴殺牋表繼至。由是政歸太子。盡逐伾文之黨。是歲暴疾卒。時年六十一。贈太師。廢朝五日。舉在蜀二十一年。重賦斂以事月進。卒致蜀土虛竭。時論非之。其從事累官稍崇者。則委為屬郡刺史。或又署在府幕。多不令還朝。蓋不欲洩所為於闕下故也。故劉闢因舉故態。圖不軌以求三川。厲階之作。蓋有由然。舉兄韋時為國子司業。劉闢與盧文若據西川。叛舉姪行式先娶文若妹。而韋不奏。既收行式。以其妻沒官。詔御史臺按韋。韋下獄。有司以行式妻在遠。不與兄同情。不當連坐。詔歸行式妻而釋韋。

劉闢者。貞元中進士擢第。宏詞登科。韋舉辟為從事。累遷至御史中丞。支度副使。永貞元年八月。韋舉卒。闢自為西川節度留後。率成都將校上表請降節鉞。朝廷不許。除給事中。便令赴闕。闢不奉詔。時憲宗初即位。以無事息人為務。遂授闢檢校工部尚書。充劍南西川節度使。闢益兇悍。出不臣之言。而求都統三川。與同幕盧文若相善。欲以文若為東川節度使。遂舉兵圍梓州。憲宗難於用兵。宰相杜黃裳奏。劉闢一狂。驟書生耳。王師鼓行而倖之。兵不血刃。臣知神策軍使高崇文驍果可任。舉必成功。帝數日。方從之。於是令高崇文李元奕將神策京西行營兵相續進發。令與嚴礪李康掎角相應以討之。仍許其自新。元和元年正月。崇文出師。三月。收復東川。乃下詔曰。朕聞皇祖玄元之誠曰。兵者凶器也。不得已而用之。恭惟聖謨。常所祇服。故惟文誥有所不至。誠信有所未孚。始務安人。必能忍恥。朕之此志。亦可明徵。近者德宗皇帝舉柔服之規。授宰衡之傑。弘我廟勝。遂康巴庸。故得南詔入貢。西戎寢患。成績始究。元臣喪亡。劉闢乘此變故。坐邀符節。朕以成狂命者。雖乖於理。體從權便者。所冀於輯寧。寬乖卿士之謀。遂允佻求之志。朕之於闢。恩亦弘矣。曾不知恩負牛羊之力。飽則逾兇。畜彘之心。馴之益悍。誑惑士伍。圍逼梓州。誘陷戎臣。塞絕劍路。師徒所至。燒劫無道。千紀之辜。擢髮難數。朕為人司牧。字彼黎元。如闢之罪。非朕敢捨。可削奪在身官爵。六月。崇文破鹿頭關。進收漢州。九月。崇文收成都府。劉闢以數十騎遁走。投水不死。騎將鄭定進入水擒闢於成都府西洋灌田。盧文若先自刃其妻子。然後趨石投江。失其屍。闢檻送京師。在路飲食自若。以為不當死。及

至京西臨驛驛左右神策兵士迎之以帛繫首及手足曳而入乃驚曰何至於此或給之曰國法當爾無憂也是日詔曰劉關生於士族敢害桑心驅劫蜀人拒扞王命肆其狂逆誅誤一州俾我黎元肝腦塗地賊將崔綱等同惡相扇至死不迴咸宜伏辜以正刑典劉關勇起郎等九人並處斬關入京城上御與安樓受伴誠令中使於樓下詰關反狀關曰臣不敢反五院子弟為惡臣不能制又遣詰之曰朕遣中使送旌節官告何故不受關乃伏罪令獻太廟郊社徇于京即日戮於子城西南隅初關嘗病見諸問疾者來皆以手據地倒行入關口關因齧裂食之惟盧文若至則如平常故尤與文若厚竟以同惡俱赤族不其怪歟

張建封字本立兗州人祖仁範洪州南昌縣令貞元初贈鄭州刺史父玠少豪俠輕財重土安祿山反令偽將李庭偉率蕃兵脅下城邑至魯郡太守韓擇木具禮郊迎置於郵館玠率鄉豪張貴孫邑段絳等集兵將殺之擇木怯懦大懼唯員外司兵張孚然其計遂殺庭偉并其黨數十人擇木方遣使奏聞擇木張孚俱受官賞玠因遊蕩江南不言其功以建封貴贈秘書監建封少頗屬文好談論慷慨負氣以功名為己任寶應中李光弼鎮河南時蘇常等州草賊寇掠郡邑代宗遣中使馬日新與光弼將兵馬同征討之建封乃見日新自請說喻賊徒日新從之遂入虎窟蒸里等賊營以利害福禍喻之一夕賊黨數千人並詣日新請降遂悉放歸田里大曆初道州刺史裴虬薦建封於觀察使韋之晉辟為參謀授左清道兵曹不樂吏役而去滑亳節度使令狐彰聞其名辟之彰既未曾朝建封心不悅之遂投刺於轉運使劉晏自述其志不願仕於彰也晏奏試大理評事勾當軍務歲餘復罷歸建封素與馬燧友善大曆十年燧為河陽三城鎮使辟為判官奏授監察御史賜緋魚袋李靈曜反於梁宋間與田悅犄角同為叛逆燧與李忠臣同討平之軍務多咨於建封及燧為河東節度使復奏建封為判官特拜侍御史建中初燧薦之於朝楊炎將用為度支郎中盧杞惡之出為岳州刺史時淮西節度使李希烈乘破滅梁崇義之勢漸繼恣跋扈壽州刺史崔昭數書疏往來淮南節度使陳少遊奏之上遽召宰相

令選壽州刺史盧杞本惡建封是日蒼黃遽薦建封以代崔昭收壽陽李希烈稱兵寇陷汝州擒李元平擊走胡德信唐漢臣等又摧破哥舒曜於襄城連陷鄭汴等州李勉棄城而遁涇師內逆駕幸奉天賊鋒益盛淮南陳少遊潛通希烈尋稱偽號改元遣將楊豐贊偽赦書二道令送少遊及建封至壽州建封縛楊豐徇於軍中適會中使自行在及使江南迴者同至建封集眾對中使斬豐於通衢封偽赦書送行在遠近震駭陳少遊聞之既怒且懼建封乃具奏少遊與希烈往來事狀希烈又偽署其黨杜少誠為淮南節度使令先平壽州趣江都建封令其將賀蘭元均邵怡等守霍丘秋柵少誠竟不能侵軼乃南掠蘄黃等州又為伊慎所挫劾尋加建封兼御史中丞本州團練使車駕還京陳少遊憂憤而卒與元元年十二月乃加兼御史大夫充濠壽廬三州都團練觀察使於是大修緝城池悉心綏撫遠近悅附自是威望益重李希烈選兇黨精悍者率勁卒以攻建封曠日持久無所剋獲而去及希烈平進階封賜一子正員官初建中年李涪以徐州歸附涪尋卒其後高承宗父子獨孤華相繼為刺史為賊侵削貧困不能自存又咽喉要地據江淮運路朝廷延重臣以鎮者久之貞元四年以建封為徐州刺史兼御史大夫徐泗濠節度支度營田觀察使既創置軍伍建封觸事躬親性寬厚容納人過誤而按據綱紀不妄曲法貸人每言事忠義感激人皆畏悅七年進位檢校禮部尚書十二年加檢校右僕射十三年冬入覲京師德宗禮遇加等特以雙日開延英召對又令朝參入大夫班以示殊寵建封賦朝天行一章上獻賜名馬珍玩頗厚時宦者主宮中市買謂之宮市抑買人物稍不如本估末年不復行文書置白望數十百人於兩市及要關坊曲閩人所賣物但稱宮市則斂手付與真偽不復可辨無敢問所從來及論價之高下者率用直百錢物買人直數千物仍索進奉門戶及腳價銀人將物詣市至有空手而歸者名為宮市其實奪之書有農夫以驢馱柴宦者市之與絹數尺又就索門戶仍邀驢送柴至內農夫啼泣以所得絹與之不肯受曰須得爾驢農夫曰我有父母妻子待此而後食今與汝柴而不取直而歸汝尚不肯我有死而已遂毆宦者街使擒之以聞乃黜宦者賜農夫絹十匹然宮

市不為之改諫官御史表疏論列皆不聽吳縉以戚里為京兆尹深言其弊建封入覲具奏之德宗頗深嘉納而戶部侍郎度支蘇弁希宦者之旨因入奏事上問之弁對曰京師游手墮業者數千萬家無土著生業仰官市取給上信之凡言官市者皆不聽用詔書矜免百姓諸色遺賦上問建封對曰凡遺賦殘

欠皆是累積年月無可徵收雖蒙陛下憂恤百姓亦無所裨益時河東節度使李說華州刺史盧微皆中風疾口不能言足不能行但信任左右胥吏決遣之建封皆悉聞奏上深嘉納又金吾大將軍李翰好伺察城中細事加諸聞奏冀求恩寵人畏而惡之建封亦奏之乃下詔曰比來朝官或諸處過從金吾皆有

上聞其間如素是親故或曾同僚友伏臘歲序時有還往亦是常禮人情所通自今以後金吾不須聞十四年春上已賜宰臣百寮宴於曲江亭特令建封與宰相同座而食貞元已後藩帥入朝及還鎮如馬燧渾瑊劉玄佐李抱真曲瓊之崇秩鴻勳未有獲御製詩以送者建封將還鎮特賜詩曰牧守寄所重才賢

生為時宜風自淮甸授鉞膺藩維入朝展遐戀臨軒慰來思忠誠在方寸感激陳清詞報國爾所尚恤人予是實歡宴不盡懷車馬當還期數兩將應候行春猶未遲勿以千里遙而云無已知又令高品中使賈常所執鞭以賜之曰以卿忠貞節義歲寒不移此鞭朕久執用故以賜卿表卿忠節也建封又獻詩一篇以自警勵建封在彭城十年軍州稱理復又禮賢下士無賢不肖遊其門者皆

禮遇之天下名士嚮風延頸其往如歸貞元時文人如許孟容韓愈諸公皆為之從事十六年遇疾連上表請速除代方用韋夏卿為徐泗行軍司馬未至而建封卒時年六十六冊贈司徒子愔愔以蔭授虢州參軍初建封卒判官鄭通誠權知留後事通誠懼軍士謀亂適遇浙西兵還鎮通誠欲引入州城為援事洩三軍怒五六千人斫甲仗庫取戈甲執帶環繞衙城請愔為留後乃殺通誠

楊德宗大將段伯熊吉遠曲澄張秀等軍眾請於朝廷乞授愔旄節初不之許乃劉濠泗二州隸淮南加杜杜同平章事以討徐州既而泗州刺史張伾以兵攻項橋與徐軍接戰伾大敗而還朝廷不獲已乃授愔起復右驍衛將軍同正

兼徐州刺史御史中丞充本州團練使知徐州留後仍以泗州刺史張伾為泗

州留後濠州刺史杜兼為濠州留後正授武寧軍節度檢校工部尚書元和元年被疾上表請代徵為兵部尚書以東都留守王紹為武寧軍節度代愔復濠泗二州於徐徐軍喜復得二州不敢為亂而愔遂赴京師未出界卒愔在徐州七年百姓稱理詔贈右僕射

盧羣字載初范陽人少好讀書初學於太安山淮南節度使陳少遊聞其名辟為從事建中末薦於朝廷會李希烈反叛詔諸將討之以羣為監察御史江西行營糧料使與元元年江西節度嗣曹王皋奏為判官曹王移鎮江陵襄陽羣皆從之幕府之事委以咨決以正直聞貞元六年入拜侍御史有人誣告故尚

父子儀嬖人張氏宅中有寶玉者張氏兄弟又與尚父家子孫相告詬促促按其獄羣奏曰張氏以子儀在時分財子弟不合爭奪然張氏宅與子儀親仁宅皆子儀家事子儀有大勳伏望陛下特赦而勿問俾私自引退德宗從其言時人嘉其識大體累轉左司職方兵部三員外郎中淮西節度使吳少誠擅開決

司洧等水漕輓漚田遣中使止之少誠不奉詔令羣使蔡州詰之少誠曰開大渠大利於人羣曰為臣之道不合自專雖便於人須俟君命且人臣須以恭恪為事若事君不盡恭恪即責下吏恭恪固亦難矣凡數百千言論以君臣之分忠順之義少誠乃從命即停工役羣博涉有口辨好談論與少誠言古今成敗

之事無不聳聽又與唱和賦詩自言以反側常蒙隔在恩外羣於筵中醉而歌曰祥瑞不在鳳凰麒麟太平須得邊將忠臣衛霍真誠奉主魏虎十萬一身江河潛注息浪蠻獠款塞無塵但得百察師長肝膽不用三軍羅綺金銀少誠大

感悅羣以奉使稱旨俄遷檢校秘書監兼御史中丞義成軍節度行軍司馬貞元十六年四月節度姚南仲歸朝拜羣天成軍節度鄭滑觀察等使先寓居鄭州典質良田數頃及為節度使至鎮各與本地契書分付所管令長令召還本土時論稱美羣遇疾其年十月卒時年五十九廢朝一日贈工部尚書贈購布帛米粟有差

史臣曰韋南康張徐州慷慨下位之中橫身喪亂之際力扶衰運氣激壯圖義風凜凜變動羣醜吞盜之喉折賊之角可謂忠矣而韋公季年感賊闖之奸說

欲兼巴益則志未可量徐州請覲頗有規諫之言所謂以道匡君能以功名始
終者盧載初喻少誠還地券君子哉三子之賢不可多得

贊曰南康英壯力匡交喪張侯義烈志平亂象見危能振蹈利無謗韋德不周
張心可亮

舊唐書卷一百四十

後晉司空同中書門下平章事劉昫撰

列傳第九十一

田承嗣姪悅子字安 田弘正子布 張孝忠子茂昭 茂昭子克勳

田承嗣平州人世事盧龍軍為裨校祖環父守義以豪俠聞於遼碣承嗣開元末為軍使安祿山前鋒兵馬使累俘斬奚契丹功補左清道府率遷武衛將軍祿山構逆承嗣與張忠志等為前鋒陷河洛祿山敗史朝義再陷洛陽承嗣為前導偽授魏州刺史代宗遣朔方節度使僕固懷恩引迴紇軍討平河朔帝以二兇繼亂郡邑傷殘務在禁暴戢兵屢行赦宥凡為安史註誤者一切不問時懷恩陰圖不軌慮賊平寵衰欲留賊將為援乃奏承嗣及李懷仙張忠志薛嵩等四人分帥河北諸郡乃以承嗣檢校戶部尚書鄭州刺史俄遷魏州刺史貝博滄瀛等州防禦使居無何授魏博節度使承嗣不習教義沉猜好勇雖外受朝旨而陰圖自固重加稅率修繕兵甲計戶口之眾寡而老弱事耕稼丁壯從征役故數年之間其眾十萬仍選其魁偉強力者萬人以自衛謂之衝兵郡邑官吏皆自署置戶版不籍於天府稅賦不入於朝廷雖曰藩臣實無臣節代宗以黎元久罹寇虐姑務優容累加檢校尚書僕射太尉同中書門下平章事封鴈門郡王賜實封千戶及昇魏州為大都督府以承嗣為長史仍以其子華尚承樂公主冀以結固其心庶其悛革而生於朔野志性兇逆每王人慰安言詞不遜大曆八年相衛節度使薛嵩卒其弟嵩欲邀旄節及用李承昭代嵩衛將裴志清謀亂逐嵩率眾歸於承嗣十年薛嵩歸朝承嗣使親黨扇惑相州將史謀亂遂將兵襲擊謬稱救應代宗遣中使孫知在使魏州宣慰令各守封疆承嗣不奉詔遣大將盧子期攻洛州楊光朝攻衛州殺刺史薛雄仍逼知在令巡磁相二州諷其大將劉耳務面請承嗣為帥知在不能詰四月詔曰田承嗣出自行間策名邊戍早參戎秩効用無聞常輔兇渠驍馳有素洎再平河朔歸命轅門朝廷俯念遺黎久罹兵革自祿山召禍羸博流離思明繼學趙魏理厄以至農桑井邑靡獲安居骨肉室家不能相保念其凋瘵思用撫寧以其先布

款誠寄之為理所以委授旄鉞之任假以方面之榮期爾知恩庶能自効崇資茂賞首冠朝倫列異姓之苜蓿登上公之禮命子第童稚皆聯臺閣之華妻妾僕媵並受國邑之號人臣之寵舉集其門將相之權兼領其職夫宰相者所以盡忠而乃據國家之封壤仗國家之兵戈安國家之黎人調國家之征賦掩有實實憑竊龍豐內包兇邪外示歸順且相衛之略所管素殊而逼脇軍人使之翻覆因其驚擾便進軍師事跡暴彰姦邪可見不然豈志清之亂曾未崇朝子期光朝會于明日足知先有成約指期而來是為蔑棄典刑擅與戈甲既云相州騷擾隣境救災旋又更取磁州重行威虐此實自矛盾不究始終三州既空遠邇驚陷更移兵馬又赴洛州實為暴惡不仁窮極殘忍薛嵩乃衛州刺史固非本藩忿其不附橫加凌虐一門盡屠非復嚙類酷烈無狀人神所究又四州之地皆列屯營長史屬官任情補署精甲利刃良馬勁兵全實之資裝農藏之積實盡收魏府固有子遺其為蓋在無赦欲行討問正厥刑書猶示含容冀其遷善抑于典憲務在慰安乃遣知在遠奉詔書諭以深旨乃命承昭副茲麾下撫彼舊封而承昭又遣親將劉渾先傳詔命承嗣迫巡磁相仍劫知在偕行先令姪悅權扇軍吏至使引刀自割抑令騰口相稽當眾誼譁請歸承嗣論其姦狀足以為憑此而可容何者為罪承嗣宜貶永州刺史仍許一幼男女從行便路赴任委河東節度使薛兼訓成德軍節度使李寶臣幽州節度留後朱滔昭義節度李承昭淄青節度李正己淮西節度李忠臣永平軍節度使李勉汴宋節度田神玉等皆角進軍如承嗣不時就職所在加討按軍法處分詔下承嗣懼而麾下大將復多攜貳倉黃失圖乃遣牙將郝光朝奉表請罪乞束身歸朝代宗重勞師旅特恩詔允并姪悅等悉復舊官仍詔不須入覲十一年汴將李靈耀據城叛詔近鎮加兵靈耀求援於魏承嗣令田悅率眾五千赴之為馬燧李忠臣逆擊敗之悅僅而獲免兵士死者十七八復詔誅之十二年承嗣復上章請罪又赦之復其官爵承嗣有員博魏衛相磁洛等七州復為七州節度使於是承嗣第廷琳及從子悅承嗣子綰緒等皆復本官仍令給事中杜亞宣諭賜鐵券十三年九月卒時年七十五有子十一人繼朝華繼綰綰純純緒

等維爲魏州刺史朝神武將軍華太常少卿駙馬都尉尚承樂公主再尙新都公主餘子皆幼而悅勇冠軍中承嗣愛其才及將卒命悅知軍事而諸子佐之悅初爲魏博中軍兵馬使檢校右散騎常侍魏府左司馬大曆十三年承嗣卒朝廷用悅爲節度留後驍勇有膂力性殘忍好亂而能外飾行義傾財散施人多附之故得兵柄尋拜檢校工部尙書御史大夫充魏博七州節度使大曆末悅尙恭順建中初黜陟使洪經綸至河北方聞悅軍七萬經綸素昧時機先以符傳其兵四萬令歸農畝悅僞亦順命即依符罷之既而大集所罷將士激怒之曰爾等久在軍戎各有父母妻子既爲黜陟使所罷如何得衣食自資衆遂大哭悅乃盡出其家財帛衣服以給之各令還其部伍自此魏博感悅而怨朝廷居無何或謬稱車駕將東封而李勉增廣汴州城李正己聞而猜懼以兵萬人屯曹州遣使說悅同爲拒命悅乃與正己梁崇義等謀各阻兵以判官王侑屬事許士則爲腹心邢曹俊孟希祐李長春符璘康愔爲爪牙建中二年鎮州李寶臣卒子惟岳求襲節鉞俄而淄青李正己卒子納亦求節鉞朝廷皆不允遂與惟岳李納同謀叛逆時朝廷遣張孝忠等討恆州悅將孟希祐率兵五千援之又遣將康愔率兵八千圍邢州楊朝光五千人營於邯鄲西北盧家砦絕昭義糧餉之路悅自將兵甲數萬繼進邢州刺史李洪臨洛將張伍爲賊所攻禦備將竭詔河東節度使馬燧河陽李芑與昭義軍討悅七月三日師自壺關東下收賊盧家砦大破賊於雙岡邢州解圍悅衆遁走保洹水馬燧等三帥距悅軍三十里爲壘李納遣兵八千人助悅魏將邢曹俊者承嗣之舊將老而多智頗知兵法悅昵於屬事以曹俊爲貝州刺史及悅拒官軍於臨洛大爲王師所破悅乃召曹俊而問計焉曹俊曰兵法十倍則攻尙書以逆犯順勢且不侔宜於嚮口置兵萬人以遏西師則河北二十四州悉爲尙書有矣今於臨洛武安設攻城之計糧竭卒盡危凶立至未見其可也祐等以其異已咸譖毀悅復令守貝州悅與淄青兵三萬餘人陣於洹水馬燧等三帥與神策將李晟等來攻悅之衆復敗死傷二萬計悅收合殘卒奔魏州至南郭外大將李長春拒關不內以俟官軍三帥雖進頓兵於魏州南平邑浮圖咸遲留不進長春乃開門

內之悅持佩刀立於軍門謂軍士百姓曰悅藉伯父餘業久與卿等同事今既敗喪相繼不敢圖全然悅所以堅拒天誅者特以淄青恆冀二大人在日爲悅保薦於先朝方獲承襲今二帥云亡子弟求襲悅既不能報効以至與師今軍放敗亡士民塗炭此皆悅之罪也以母親之故不能自剄公等當斬悅首以取功勳無爲俱死也乃自馬投地衆皆憐之或前撫持悅曰久蒙公恩不忍聞此今士民之衆猶可一戰生死以之悅收涕言曰諸公不以悅喪敗猶願同心悅縱身死寧忘厚意於地下乎悅乃自割一髻以爲要誓於是將士自斷其髻結爲兄弟誓同生死其將符璘李再春李瑤悅從兄弟相次以郡邑歸國璘等家在魏州者無少長悉爲悅所害悅觀城內兵仗罄乏士衆衰減甚爲惶駭乃復召邢曹俊與之謀既至完整徒旅繕修營壁人心復堅經旬餘日馬燧等進至城下向使燧等乘勝長驅襲其未備則魏城屠之久矣識者痛惜之會王武俊殺李惟岳朱滔攻深州下之朝廷以武俊爲恆州刺史又以寶臣故將康日知爲深趙二州觀察使是以武俊怨賞功在日知下朱滔怨不得深州二將有憾於朝廷悅知其可間遣判官王侑許士則使於北軍說朱滔曰昨者司徒奉詔征伐徑趨賊境旬朔之內拔東鹿下深州惟岳勢蹙故王大夫獲珍兇渠皆因司徒勝勢又聞司徒離幽州日有詔得惟岳郡縣使隸本鎮今割深州與日知是國家無信於天下也且今上英武獨斷有秦皇漢武之才誅夷豪傑欲掃除河朔不令子孫嗣襲又朝臣立功立事如劉晏輩皆被屠滅昨破梁崇義殺三百餘口投之漢江此司徒之所明知也如馬燧抱真等破魏博後朝廷必以儒德大臣以鎮之則燕趙之危可翹足而待也若魏博全則燕趙無患田尙書必以死報恩義合從連衡救災卹患春秋之義也春秋時諸侯有危者桓公不能救則恥之今司徒聲振宇宙雄略命世救隣之急非徒立義且有利也尙書以貝州奉司徒命某送孔目惟司徒熟計之滔既有貳於國忻然從之乃命判官王郢與許士則同往恆州說王武俊仍許還武俊深州武俊大喜即令判官王巨源報滔仍知深州事武俊又說張孝忠同援悅孝忠不從恐爲後患乃遣小校鄭慆築壘於北境以拒孝忠仍令其子士真爲恆冀深三州留後以兵圍趙

州三年五月悅以救軍將至率其衆出戰於御河之上大敗而還四月朱滔武
俊萬軍於寧晉縣共步騎四萬五月十四日起軍南下次京城滔判官鄭雲遠
及第方遠背滔歸馬燧六月二十八日滔武俊之師至魏州會神策將李懷光
軍亦至懷光銳氣不可遏堅欲與賊戰遂徑薄朱滔陣殺千餘人王武俊與騎
將趙琳趙萬敵等二千騎橫擊懷光陣滔軍繼踵而進禁軍大敗人相蹈藉投
屍於河三十里河水爲之不流馬燧等收軍保壘是夜王武俊決河水入王莽
故河欲隔官軍水已深三尺糧餉路絕王師計無從出乃遣人告朱滔曰鄙夫
輒不自量與諸人合戰王大夫善戰天下無敵司徒五郎與王君圖之放老夫
歸鎮必得聞奏以河北之事委五郎時武俊戰勝滔心忌之即曰大夫二兄敗
官軍馬司徒卑屈若此不宜迫人於險也武俊曰燧等連兵十萬皆是國之名
臣一戰而北貽國之恥不知此等何面見天子耶然吾不惜放還但不行五十
里必反相拒燧等至魏縣軍於河西武俊等三將壁於河東兩軍相持自七月
至十月勝負未決悅感朱滔救助欲推爲盟主滔判官李子牟武俊判官鄭儒
等議曰古有戰國連衡誓約以抗秦請依周末七雄故事並建國號爲諸侯用
國家正朔今年號不可改也於是朱滔稱冀王悅稱魏王武俊稱趙王又請李
納稱齊王十一月一日築壇於魏縣中告天受之滔爲盟主稱孤武俊悅納稱
寡人滔以幽州爲范陽府恆州爲真定府魏州爲大名府鄆州爲東平府皆以
長子爲元帥僞冊之曰其軍上有雲物稍異馬燧等望而笑曰此雲無知乃爲
賊瑞又其營地前三年土長高三尺餘魏州戶曹韋稔爲土長頌曰益土之兆
也四年十月涇師犯關諸師各還本鎮悅滔武俊互相疑惑各去王號遣使歸
國悅亦致書於抱真遣使聞奏與元元年正月加悅檢校尚書右僕射封濟陽
王使並如故仍令給事中兼御史大夫孔巢父往魏州宣慰時悅阻兵四年身
雖驍猛而性愎無謀以故頻致敗士衆死者十七八魏人苦於兵革願息肩
焉聞巢父至莫不無怵悅方巢父爲其從弟緒所殺緒承嗣第六子大曆末
授京兆府參軍承嗣卒時緒年幼稚承嗣慮諸子不任軍政以從子悅便弓馬
性狡黠故任遇之俾代爲帥守及緒年長悅以承嗣委遇之厚待緒等無間令

主衝軍緒兇險多過悅不忍嘗笞而拘之緒頗怨望常俟壘隙會與元元年朝
廷有悅仍令孔巢父往宣慰悅既順命門階微警悅宴巢父夜歸緒率左右數
十人先殺悅腹心蔡濟屬等許士則等挺劍而入其兩弟止之緒斬止者遂徑
升堂悅方沉醉緒手刃悅并悅妻高氏又入別院殺悅母馬氏自河北諸盜殘
害骨肉無酷於緒者緒懼衆不附奔出北門邢曹俊孟希祐等領徒數百追及
之遙呼之曰節度使須郎君爲之他人固不可也乃以緒歸衛推爲留後明日
歸罪於屬等以其首徇然後稟於孔巢父遣使以聞時緒兄綸居長爲亂兵所
殺遂以緒爲留後朝廷授緒銀青光祿大夫魏州大都督府長史兼御史大夫
魏博節度使時朱滔率兵兼引迴紇之衆南侵緒遣兵助王武俊李抱真大破
朱滔于涇城以功授檢校工部尚書貞元元年以嘉誠公主出降緒加駙馬都
尉尋遷檢校左僕射封常山郡王食邑三千戶改封鴈門郡王食實封五百戶
尋加同平章事初田悅性儉嗇衣服飲食皆有節度而緒等兄弟心常不足緒
既得志頗縱豪侈酒色無度貞元十二年四月暴卒時年三十三贈司空贈賚
加等子三人季和季直季安季和爲澶州刺史季直爲衛將季安最幼爲嫡嗣
季安字嬰母微賤嘉誠公主蓄爲己子故寵異諸兄年數歲授左衛曹參軍
改著作佐郎兼侍御史充魏博節度副大使累加至試光祿少卿兼御史大夫
緒卒時季安年纔十五軍人推爲留後朝廷因授起復左金吾衛將軍兼魏州
大都督府長史魏博節度營田觀察處置等使服闋拜銀青光祿大夫檢校尚
書右僕射進位檢校司空襲封鴈門郡王未幾加金紫光祿大夫以本官同中
書門下平章事季安幼守父業懼嘉誠之嚴雖無他才亦亦爲儉禮法及公主
薨遂頗自恣擊鞠從禽色之娛其軍中政務大抵任恂情意賈餘將校言皆不
從免公主喪加檢校司徒元和中王承宗擅襲戎帥憲宗命吐突承璀爲招撫
使會諸軍進討季安亦遣大將率兵赴會仍自供糧餉師還以太子太保季安
性忍酷無所畏懼有進士丘絳者嘗爲田緒從事及季安爲帥絳與同職侯臧
不協相持爭權季安怒斥絳爲下縣尉使人召還先掘坎於路左既至坎所活
排而瘞之其兇暴如此元和七年卒時年三十二贈大尉子懷諫懷禮懷詢懷

懷諫母元誼女及季安卒元氏召諸將欲立懷諫衆皆唯唯懷諫幼未能御
事軍政無巨細皆取決於私白身將士則數以愛憎移易將校衛軍怒取前臨
清鎮將田與爲留後遣懷諫歸第殺將士則等十餘人田與葬季安畢送懷諫
於京師乃起復授右監門衛將軍賜第一區芻米甚厚田氏自承嗣據魏州至
懷諫四世相傳讎四十九年而田與代焉

田弘正本名興祖延憚魏博節度使承嗣之季父也位終安東都護府司馬延
憚生廷玠幼教儒雅不樂軍職起家爲平舒丞遷樂壽清池東城河間四縣令
所至以良吏稱大曆中累官至太府卿滄州別駕遷滄州刺史兼御史中丞充
橫海軍使承嗣與滑青李正己恆州李寶臣不協承嗣既令廷玠守滄州而寶
臣朱滔聯兵攻擊欲兼其土宇廷玠舉城固守連年受敵兵盡食竭人易子而
食卒無叛者卒能保全城守朝廷嘉之遷洛州刺史又改相州屬薛嵩之亂承
嗣蠶食薛嵩所部廷玠守正字民不以宗門回避而改節建中初姪悅代承
嗣領軍政志圖兇逆慮廷玠不從召爲節度副使悅姦謀頗露廷玠謂悅曰爾
藉伯父遺業可稟守朝廷法度坐享富貴何苦與恆鄆同爲叛臣自兵亂已來
謀叛國家者可以歷數鮮有保完宗族者爾若狂志不悛可先殺我無令我見
田氏之赤族也乃謝病不出悅過其第而謝之廷玠杜門不納將吏請納建中
三年鬱憤而卒弘正廷玠之第二子少習儒書頗通兵法善騎射勇而有禮伯
父承嗣堂重之當季安之世爲衙內兵馬使季安惟務侈靡不卹軍務屢行殺
罰弘正每從容規諷軍中甚賴之季安以人情歸附乃出爲臨清鎮將欲捃摭
其過害之弘正假以風痺請告灸灼滿身季安謂其無能爲及季安病篤其子
懷諫幼穉乃召弘正署其舊職季安卒懷諫委家僮將士則改易軍政人情不
悅咸曰都知兵馬使田與可爲吾帥也衙兵數千詣與私第陳請與拒關不出
衆呼噪不已與出衆環而拜請入府署與頓仆於地久之度終不免乃令於軍
中曰三軍不以與不肖令主軍務欲與諸軍前約當聽命否咸曰惟命是從與
曰吾欲守天子法以六州版籍請吏勿犯副大使可乎皆曰諾是日入府視事
殺將士則十數人而已晚自府歸第其兄融責與曰爾卒不能自晦取禍之道

也翌日具事上聞憲宗嘉之加與銀青光祿大夫檢校工部尚書魏州大都督
府長史兼御史大夫上柱國沂國公充魏博等州節度觀察處置支度營田等
使仍賜名弘正仍令中書舍人裴度使魏州宣慰賜魏博三軍賞錢一百五十
萬貫弘正既受節鉞上表曰臣聞君臣父子是謂大倫爰立紀綱以正上下其
或不爲子臣不爲臣覆載莫可得容幽明所宜共殛臣家本邊塞累代唐人
從乃祖乃父以來沐文子文孫之化臣幸因宗族早列偏裨驅馳戎馬之鄉不
親朝廷之禮惟忠與孝天與臣心常思奮不顧生以身殉國無由上達私自感
傷豈意命偶昌時事緣難故台刃之下謬見推崇天慈遠臨免書罪累朝章存
及仍委旂旄錫封壤於全藩列班榮於八座君父之恩已極絲毫之效未伸但
以颺冒知羞低徊自愧是知功榮所著必俟危亂之時微幸之來却在清平之
日循涯揣分以寵爲憂伏自天寶已還幽陵肇亂山東東壤悉化戎墟外撫車
馬內懷梟獍官封代襲刑賞自專國家舍垢匿瑕垂六十載臣每思此事當食
志餐若稍假天年得奉宸算兼弱攻昧批亢搆虛竭鷹犬之資展獲禽之用導
揚和氣洗滌僞風然後退歸田園以避賢路臣懷此志陛下察之優詔褒美弘
正樂聞前代忠孝立功之事於府舍起書樓聚書萬餘卷視事之隙與賓佐講
論古今言行可否今河朔有沂公史例十卷弘正客爲弘正所著也魏州自承
嗣已來館宇服玩有踰常制者悉命徹毀之以正廳大侈不居乃視事于採訪
使廳賓寮參佐請之於朝頗好儒書尤通史氏左傳國史知其大略自弘正歸
國幽恆鄭蔡有齒寒之懼屢遣客間說多方誘阻而弘正終始不移其操裴度
明理體詞說難辯弘正聽其言終夕不倦遂深相結納由是奉上之意逾謹元
和十年朝廷用兵討吳元濟弘正遣子布率兵三千進討屢戰有功李師道以
弘正効忠又襲其後不敢顯助元濟故絕其犄角之援王師得致討焉俄而王
承宗叛詔弘正以全師壓境承宗懼遣使求救於弘正遂表其事承宗遂納二
子獻德棟二州以自解十三年王師加兵於鄭詔弘正與宣武義成武軍橫海
等五鎮之師會軍齊進十一月弘正自帥全師自楊劉渡河築壘距鄭四十里
師道遣大將劉悟率重兵以抗弘正結壘相望前後合戰魏軍大捷而李愬李

光顯三面進攻，賊皆挫敗，其勢將危。十四年三月，劉悟以河上之衆倒戈入鄆，斬師道首。諸弘正請降，滑青十二州平。論功加檢校司徒，同中書門下平章事。是年八月，弘正入覲，憲宗待之隆異。對於麟德殿，參佐將校二百餘人，皆有頒錫。進加檢校司徒，兼侍中，實封三百戶。仍以其兄檢校刑部尚書相州刺史融爲太子賓客，東都留司。弘正三上章，願留闕下。憲宗勞之曰：「昨韓弘至，朝稱疾，懇辭戎務，朕不得不從。今卿復請留，意誠可尙。然魏土樂卿之政，隣境服卿之威，爲我長城，不可辭也。」可亟歸藩。弘正每懼有一旦之憂，嗣襲之風不革。兄弟子姪悉仕於朝，憲宗皆擢居班列。朱紫盈庭，當時榮之。十五年十月，鎮州王承宗卒，穆宗以弘正檢校司徒，兼中書令，鎮州大都督府長史，充成德軍節度，鎮冀深趙觀察等使。弘正以新與鎮人戰，伐有父兄之怨，乃以魏兵二千爲衛從。十一月二十六日，至鎮州，時賜鎮州三軍賞錢一百萬貫。不時至，軍衆諂騰，以爲言。弘正親自撫喻，人情稍安。仍表請留魏兵爲紀綱之僕，以持衆心。其禮賜請給於有司，時度支使崔俊不知大體，固阻其請。凡四上表不報。明年七月，歸卒於魏州。是月二十八日夜，軍亂，弘正并家屬參佐將吏等三百餘口並遇害。穆宗聞之，震悼，冊贈太尉，贈加等。弘正孝友，慈惠骨肉之恩甚厚。兄弟子姪在兩都者數十人，競爲崇飾。日費約二十萬。魏鎮州之財，皆輦屬於道。河北將卒，心不平之，故不能盡變其俗。竟以此致亂。弘正子布，羣卒布弘正第三子。始弘正爲田季安裨將，鎮臨清。布年尚幼，知季安身世必危，密白其父帥其所鎮之衆歸朝。弘正甚奇之。及弘正節制魏博，布掌親兵，國家討淮蔡，布率偏師隸嚴殿軍於唐州，授檢校秘書監，兼殿中侍御史。前後十八戰，破凌雲柵，下郟城。布皆有功，擢授御史中丞。時裴度爲宣撫使，嘗觀兵於柁口，賊將董重質領騎馳遠至，布以二百騎突出溝中擊之，俄而諸軍大集，賊乃退去。淮西平，拜左金吾衛將軍，兼御史大夫。十二年，丁母憂，起復舊官。十五年冬，弘正移鎮成德軍，仍以布爲河陽三城懷節度使。父子俱擁節旄，同日拜命。時韓弘亦與子公武俱爲節度使。然人以忠勤多田氏，長慶元年春，移鎮涇原。其秋，鎮州軍亂，害弘正，都知兵馬使王廷湊爲留後。時魏博節度使李愬病不能軍，無以捍廷湊之

亂。且以魏軍田氏舊族，乃急詔布至，起復爲魏博節度使。仍遷檢校工部尚書，令布乘傳之鎮，布喪服居聖室，去旌節道從之飾，及入魏州，居喪御事，動皆得禮。其祿俸月入百萬，一無所取。又籍魏中舊產，無巨細計錢十餘萬貫，皆出之以頒軍士。牙將史憲誠出已麾下，謂必能輸誠報効，用爲先鋒兵馬使。精銳悉委之時，屢有急詔，促令進軍。十月，布以魏軍三萬七千討之，結壘於南宮縣之南。十二月，進軍下賊二柵，時朱克融囚張弘靖據幽州，與廷湊犄角拒命。河朔三鎮素相連衡，憲誠陰有異志，而魏軍驕倖，怯於格戰，又屬雪寒，糧餉不給，以此愈無鬪志。憲誠從而間之，俄有詔分布軍與李光顏合勢，東救深州。其衆自潰，多爲憲誠所有。布得其衆八千，是月十日還魏州。十一日，會諸將復議與師而將卒益偃，咸曰：「尙書能行河朔舊事，則死生以之。若使復戰，皆不能也。」布以憲誠離間，度衆終不爲用，嘆曰：「功無成矣。」即日密表陳軍情，且稱遺表。略曰：「臣觀衆意終負國恩，臣既無功，不敢忘死。伏願陛下速救光顏，元翼不然，則義士忠臣皆爲河朔屠害，奉表號哭，拜授其從事李石，乃入啓父靈，抽刀自刺曰：「上以謝君父。」下以示三軍。言訖而絕。時議以布才雖不足，能以死謝家國，心志決烈，得燕趙之古風焉。穆宗聞之，駭嘆。廢朝三日，詔曰：「故魏博節度使起復軍遠將軍檢校工部尚書兼魏州大都督府長史御史大夫賜紫金魚袋田布，朕以寡昧，臨御萬邦，戒刑不能禁，干紀之徒，道化不能馴，多僻之俗，致使上公罹禍。田氏銜冤，爰整旅以徂征，每終食而浩嘆，自茲弔伐，驟歷寒暄，雖賈將銳師，率皆協力，而侯時觀釐，未即齊驅，嗟我誠臣，結其哀憤，引遷延之咎，以自刻責，奮決烈之志，以謝君親，白刃實於肝心，鴻毛論其生死，忠臣孝子，一舉兩全，晉稱卞氏之門，漢表戶鄉之節，比方於布，今古爲鄰，況其臨命須臾，處之不撓，載形章表，益深衷悃，聞使發誠，悼心疾首，從先臣於厚載，爾則無愧，親遺像於麟閣，予何所堪，端拱崇名，職垂彝典，據斯以報，聊據承懷，可贈尙書右僕射。布子在宥，大中年爲安南都護，頗立邊功。羣太和八年爲少府少監，充入吐蕃使。歷棟州刺史，安南都護，卒。會昌初爲豐州刺史。天德軍使，歷武軍軍節度使，大中朝爲克海節度使，移鎮天平軍。諸子皆以邊上立功，累更藩鎮，以忠義爲談者所

稱。

張孝忠本奚之種類曾祖靖祖遜代乙失活部落酋帥父謚開元中以衆歸國授鴻臚卿同正以孝忠實贈戶部尚書孝忠以勇聞於燕趙時號張阿勞王沒諾干二人齊名阿勞孝忠本字沒諾干王武俊本字孝忠形體魁偉長六尺餘性寬裕事親恭孝天寶末以善射授內供奉安祿山奏爲偏將破九姓突厥先登陷陣以功授果毅折衝祿山史思明繼陷河洛孝忠皆爲其前鋒史朝義敗入李寶臣帳下上元中奏授左領軍郎將累加左金吾衛將軍同正試殿中監仍賜名孝忠歷飛狐高陽二軍使李寶臣以孝忠謹重驍勇甚委信之以妻妹昧谷氏妻焉仍悉以易州諸鎮兵馬令其統制前後居城鎮十餘年甚著威惠田承嗣之寇冀州也寶臣俾孝忠以精騎數千禦之承嗣見其整肅歎曰張阿勞在焉冀州未易圖也乃焚營遁及寶臣與朱滔戰於瓦橋常慮滔來攻故以孝忠爲易州刺史選精騎七千配焉使扞幽州奏授太子賓客兼御史中丞封范陽郡王既而寶臣疑忌大將殺李獻誠等四五人使召孝忠孝忠懼不往寶臣使孝忠弟孝節召焉孝忠命孝節復命曰諸將無狀連頸受戮孝忠懼死不敢往亦不敢叛猶公之不覲於朝慮禍而已無他志也孝節泣曰兄不行吾歸死矣孝忠曰偕往則并命吾留無患也乃歸果無患無幾寶臣死其子惟岳阻兵不受命朝廷詔幽州節度使討之滔以孝忠宿將善戰有精兵八千在易州慮軍興則撓其後乃使判官蔡雄說孝忠曰惟岳小子驕貴不達人事輒拒朝命滔奉命伐罪使君何用助逆不自求多福耶今昭義河東攻破田悅淮西李僕射收下襄陽梁崇義投井而卒臨漢江而誅者五千人即河南軍計日北首趙魏滅亡可見也使君誠能去逆効順必受重任有先歸國之功矣孝忠然之乃遣衙官隨雄報滔又遣易州錄事參軍董積入朝德宗嘉之授孝忠檢校工部尚書恆州刺史兼御史大夫充成德軍節度使便令與滔合兵攻惟岳仍賜實封二百戶其弟孝義及孝忠三女已適人在恆州者悉爲惟岳所害孝忠甚德滔之保薦以其子茂和聘滔之女契約甚密遂合兵破惟岳之師於東鹿惟岳遁歸恆州滔請乘勝襲之孝忠仍引軍西北還營義豐滔大駭孝忠將佐

曰尚書布赤心於朱司徒相信至矣今逆寇已潰不終其功竊所未論孝忠曰本求破賊賊已破矣然恆州宿將尚多迫之則困獸猶鬪緩之必翻然改圖又朱滔言大讖淺可以慮始難與守成吾壁義豐坐待惟岳之殄滅耳既而朱滔屯東鹿不敢進軍月餘王武俊果斬惟岳首以獻如孝忠所料後定州刺史楊政義以州降孝忠遂有易定之地時既誅惟岳分四州各置觀察使武俊得恆州康日知得深趙二州孝忠得易州以成德軍額在恆州孝忠既降政義朝廷乃於定州置義武軍以孝忠檢校兵部尚書爲義武軍節度易定滄等州觀察等使及朱滔王武俊謀叛將救田悅於魏州慮孝忠踵後滔軍將發復遣蔡雄往說之孝忠曰李惟岳背國作逆孝忠歸國今爲忠臣孝忠性直業已効忠不復助逆矣往與武俊同行且孝忠與武俊俱出蕃部少長相狎深知其心僻能翻覆語司徒當記鄙言忽有蹉跌始相憶也滔又啗以金帛終拒而不從易定居二兕之間四面受敵孝忠脩峻溝壘感勵將士竟不受二兕之勞感議者多之又加檢校左僕射實封至三百戶後孝忠爲朱滔侵逼詔神策兵馬使李晟中官實文場率師援之孝忠以女妻晟子憑與晟戮力同心整訓士衆竟全易定賊不敢深入及上幸奉天令大將楊榮國提銳卒六百從晟入關赴難收京城榮國有功與元元年正月詔以本官同平章事滄州本隸成德軍既移隸魏武其刺史李固烈者惟岳妻兄也請還恆州是歲孝忠遣牙將程華往滄州交檢府藏固烈輜車數十乘上路滄州軍士呼曰士皆菜色刺史不垂賑卹乃稠載而歸官物不可得也殺固烈而剽之程華聞亂由實而遁將士追之謂曰固烈貪暴已誅之矣押牙且知州務孝忠即令攝刺史事及朱滔王武俊稱僞國華與孝忠阻絕不能相援華嬰城拒賊一州獲全朝廷嘉之乃拜華滄州刺史貞元二年河北蝗旱米斛一千五百文復大兵之後民無蓄積餓殍相枕孝忠所食豆膳而已其下皆甘粗糲人皆服其勤儉孝忠爲一時之賢將也三年加檢校司空仍以其子茂宗尚義章公主孝忠遣其妻鄧國夫人昧谷氏入朝執親迎之禮上嘉之實賚隆厚五年七月爲將佐所惑以兵入蔚州尋詔歸鎮仍

以擅與創檢校司空七年二月卒時年六十二廢朝三日追封上谷郡王贈太傅再贈魏州大都督冊贈太師諡曰貞武子茂昭茂宗茂和茂昭本名昇雲幼有志氣好儒書以父蔭累官至檢校工部尚書貞元七年孝忠卒德宗以邕王諒爲義武軍節度大使易定觀察使以昇雲爲定州刺史起復左金吾衛大將軍充節度觀察留後仍賜名茂昭元年正月授節度使累遷檢校僕射司空二十年十月入朝累陳奏河北及西北邊事詞情忠切德宗聳聽嘆曰恨見卿之晚錫宴於麟德殿賜良馬甲第器用珍幣甚厚仍以其第三男克禮尙晉康郡主德宗方欲委之以邊任明年晏駕茂昭入臨於太極殿每朝晡預列聲哀氣咽人皆獎其忠懇順宗聽政加中書門下平章事且令還鎮賜女樂二人三表辭讓及中使押犢車至第茂昭立謂中使曰女樂出自禁中非臣下所宜目覩昔汾陽威寧西平北平嘗受此賜不讓爲宜茂昭無四賢之功迷職入覲人臣常禮奈何當此寵賜後有立功之臣陛下何以加賞順宗聞之深加禮異尤其所讓又錫安仁里第亦固讓不受元和二年又請入覲五上章懇切憲宗許之冬十月至京師留數月詔令歸鎮茂昭願奉朝請於闕下不許加太子太保復令還鎮四年王承宗叛詔河東河中振武三鎮之師合義武軍爲恆州北道招討茂昭創屢厥開道路以待西軍屬正月望夜軍吏請曰舊例上元前後三夜不止行人不閉里門今外道軍戎方集請如軍令茂昭曰三鎮兵馬官軍也安得言外道放燈一如常歲使長男克讓與諸軍分道並進克讓渡木刀溝與賊接戰屢勝茂昭親擐甲冑爲諸軍前鋒累獻戎捷幾覆承宗會朝廷洗雪承宗乃詔班師加檢校太尉兼太子太傅自安史之亂兩河藩帥多阻命自固父死子代唯茂昭表請舉族還朝鄭藩累遣遊客間說茂昭志意堅決拜表求代者數四上乃命左庶子任簡迪爲其行軍司馬乘驛赴之以兩郡之簿書管鑰符印付簡迪遣其妻季氏男克讓克恭等先就路將行誠之曰吾使爾曹侍親出易者庶後之子孫不爲風俗所染則吾無恨矣時五年冬也行及晉州拜檢校太尉兼中書令充河中晉絳慈隰等州節度觀察等使十二月十二日至京師故事雙日不坐是日特開延英殿對茂昭五刻乃罷又上表請遷祖考之骨墓

于京兆在朝兩月未之鎮六年二月疽發於首卒時年五十廢朝五日冊贈太師賜緡三千匹布一千端米粟三十碩喪事所須官給詔京兆尹監護諡曰獻武憲宗念其忠盡諸昆仲子姪皆居職秩仍詔每年給緡二千匹春秋分給克讓克恭官至諸衛大將軍小男克勤長慶中左武衛大將軍時有赦文許一子五品官克勤以子幼請準近例迴授外甥狀至中書下吏部員外郎判廢置裴夷直斷曰一子官恩在念功貴於延賞若無己子許及宗男今張克勤自有息男妄以外甥奏請移於他族知是何人僥涉實官實爲亂法雖援近日勅例難破著定格文國章旣在必行宅相恐難虛授具狀上中書門下克勤所請望宜不允遂爲定例茂宗以父蔭累官至光祿少卿同正貞元三年許尙公主拜銀青光祿大夫本官駙馬都尉以公主幼待年十三屬茂宗母亡遺表請終嘉禮德宗念茂昭之勳即日授雲麾將軍起復授左衛將軍同正駙馬都尉諫官蔣乂等論曰自古以來未聞有駙馬起復而尙公主者上曰卿所言古禮也如今人家往往有借吉爲婚嫁者卿何苦固執又奏曰臣聞近日人家有不甚知禮教者或女居父母服家旣貧乏且無強近至親卽有借吉以就親者至於男子借吉婚娶從古未聞今忽令駙馬起復成禮實恐驚駭物聽況公主年幼更俟一年出降時旣未失且合禮經太常博士韋彤裝堪曰伏見駙馬都尉張茂宗猶在母喪聖恩念其亡母遺表所請許公主出降仍令茂宗卽吉就婚者伏以夫婦之義人倫大端所以關雎冠於詩首者王化所先也天屬之親孝行爲本所以齊斬五服之重者人道之厚也聖人知此二端爲訓人之本不可變也故制婚禮上以承宗願下以繼後嗣至若墨衰奪情事緣金革若使茂宗釋衰服而衣冕裳去聖室而爲親迎雖云輟哀借吉是亦以凶瀆嘉伏願抑茂宗亡母之請願典章不易之義待其終制然後賜婚德宗不納竟以義章公主降茂宗自是以戚里之親頗承恩顧元和中爲開府使國家自貞觀中至於麟德國馬四十萬匹在河隴間開元中尙有二十七萬雜以牛羊雜畜不啻百萬置八使四十八監占隴右金城平涼天水四郡幅員千里自長安至隴右置七馬坊爲會計都領岐隴間善水草及腹田皆屬七馬坊至麟德以後西戎陷隴右國馬

盡散監牧使與七馬坊名額盡廢其地利因歸於閑廐使寶應中鳳翔節度使請以監牧賦給貧民為業土著相承十數年矣又有別勅賜諸寺觀凡千餘頃及茂宗掌閑廐與中尉吐突承璀善遂恃恩舉舊事並以監牧地租歸閑廐司茂宗又奏麟遊縣有岐陽馬坊按舊圖地方三百四十頃制下閑廐司檢計百姓紛紛論訴節度使李惟簡具事上聞詔監察御史孫革往按問之革還奏曰天與縣東五里有隋故岐陽馬坊地在其側蓋因監為名與今岐陽所指百姓侵占處不相接皆有明驗茂宗怒恃有中助誣革所奏不實又令侍御史范傳式覆按乃附茂宗盡翻前奏遂奪居人田業皆屬閑廐乃罷革官長慶初岐人論訴不已詔御史按驗明白乃復以其地還百姓貶傳式官茂宗俄授左金吾衛大將軍長慶二年檢校工部尚書兼兗州刺史御史大夫充充海沂節度等使加檢校兵部尚書太和五年入為左金吾衛大將軍充左衛使轉左龍武統軍卒茂和元和中為左武衛將軍裴度為淮西行營處置用兵討吳元濟建牙赴行營奏用茂和為都押衙茂和嘗以膽氣才略自贊於相府故度奏用之茂和慮度無功淮蔡不可平乃辭之以疾度怒甚奏請斬茂和以勵行者憲宗曰予以其家門忠順為卿遠貶後復用為諸衛將軍卒

陳楚者定州人茂昭之甥少有武幹為義勇牙將事茂昭每出征伐必令典精卒隨茂昭入朝授諸衛大將軍元和十二年義武軍節度使渾鎬襲師定州兵亂乃除楚易定節度令馳傳赴任亂猶未彌楚夜馳入州城楚家世久在定州軍中部校皆楚之舊卒人情大悅軍卒帖然轉河陽三城懷節度使前後亟立戰功入為龍武統軍長慶三年卒

史臣曰朝廷治亂在法制當否形勢得失而已秦人叛上法制失也漢道勃興形勢得也臣觀開元之政舉坐制百蠻天寶之法衰遂淪四海玄宗一失其勢橫流莫救地分於羣盜身播於九夷河朔二十餘州竟為盜穴諸田兇險不近物情而弘正孝忠頗達人臣之節沂國力善無報殆天意之好亂惡治歟茂昭忠梗有禮明禍福大端近代之賢侯也

贊曰田宗不令禍淫無應謂天輔仁胡覆弘正茂昭知止終以善勝孰生厲階

上失威柄

舊唐書卷一百四十一

舊唐書卷一百四十一考證

田承嗣傳十三年九月卒○新書作十四年臣西按舊書代宗紀亦作十四年

九月作三月未知孰是

田布傳十五年秋弘正移鎮○臣西按弘正傳十月王承宗卒十一月弘正至

鎮州皆十五年冬事也秋字誤今改正

張茂宗傳特舉恩舊事○沈炳震本作特恩舉舊事今從之

舊唐書卷一百四十一考證

後晉司空同中書門下平章事劉昫撰

列傳第九十二

李寶臣 子惟岳惟誠惟簡 惟簡子元本 王武俊子士真 士平 士則

王廷湊 子元達 元達子紹鼎 紹鼎 紹懿

李寶臣范陽城旁奚族也。故范陽將張鏐高之假子。故姓張名忠志。幼善騎射。節度使安祿山選為射生官。天寶中隨祿山入朝。玄宗留為射生子第。出入禁中。及祿山叛。忠志遁歸范陽。祿山喜。錄為假子。姓安。常給事帳中。祿山兵將指闕。使忠志領驍騎八千人入太原。劫太原尹楊光輔。忠志挾光輔出太原。萬兵追之。不敢近。祿山使董精甲扼井陘路。軍於土門。安慶緒偽署為恆州刺史。九節度之師圍慶緒於相州。忠志懼。獻章歸國。肅宗因授恆州刺史。及史思明復渡河。偽授忠志工部尚書。恆州刺史。恆趙節度使。統眾三萬守常山。及思明敗。不受朝義之命。乃開土門路。以內王師。河朔平定。忠志與李懷仙薛嵩田承嗣各舉其地歸國。皆賜鐵券。誓以不死。因授忠志開府儀同三司。檢校禮部尚書。恆州刺史。實封二百戶。仍舊為節度使。乃以恆州為成德軍。賜姓名曰李寶臣。時寶臣有恆定易趙深冀六州之地。後又得滄州。步卒五萬馬五千疋。當時勇冠河朔諸帥。寶臣以七州自給。軍用殷積。招集亡命之徒。繕閱兵仗。與薛嵩田承嗣李正己梁崇義等連結姻婭。互為表裏。意在以土地傳付子孫。不稟朝旨。自補官吏。不輸王賦。初天寶中。天下州郡皆鑄銅為文宗真容。擬佛之制。及安史之亂。賊之所部。悉鎔毀之。而恆州獨存。由是實封百戶。初寶臣正己皆為承嗣所易。寶臣弟寶正娶承嗣女。在魏州。與承嗣子維擊鞠。寶正馬馳駭。觸殺維。承嗣怒。繫寶正以告。寶臣謝為教不謹。緘杖令承嗣以示責。承嗣遂鞭殺之。由是交惡。大曆十年。寶臣正己更言承嗣之罪。請討之。代宗欲因其相圖。乃從其請。時幽州節度留後朱滔方恭順朝廷。詔滔與寶臣及太原之師攻其北。正己與滑亳河陽江淮之師攻其南。寶臣正己會軍于棗強。惟牛驪酒。犒將士。仍領優賞。寶臣軍實厚。正己軍實薄。既罷會。正己軍中咄咄有辭。正己聞。懼有變。

即時引退。由是寶臣朱滔共攻承嗣之滄州。連年未下。時承嗣使腹心將盧子

期攻邢州。城將陷。寶臣發精卒赴救。擊敗之。擒子期來獻。河南諸將又大破田

悅于陳留。正己收承嗣之德州。以重兵臨其境。指期進討。承嗣大懼。遂求解於

寶臣。寶臣不許。初正己將發兵。使人至魏。承嗣囚之。及是乃厚禮遣歸。發使與

俱具列境內戶口兵糧之數。悉以奉正己。且告曰。承嗣老矣。今年八十有六。形

體支離。無日月焉。己子不令。悅亦孱弱。不足保其後業。今之所有。為公守耳。曷

足辱公師旅焉。立使者于廷。南向拜而授書。又圖正己形。焚香事之。如神。謂人

曰。真聖人也。正己聞之。且得其數。乃止諸軍。莫敢進者。承嗣止正己。無南軍之

虞。又知范陽寶臣故里。生長其間。心常欲得之。乃勸石為讖。密使寶臣境內。使

望氣者云。此中有玉氣。寶臣掘地得之。有文曰。二帝同功。勢萬全。將田作伴。入

幽燕。二帝指寶臣正己也。承嗣又使客諷之曰。公與朱滔共舉。取吾滄州。設得

之。當歸國。非公所有。誠能捨承嗣之罪。請以滄州奉獻。可不勞師而致。願取范

陽。以自効。公將騎為前驅。承嗣率步卒從。此萬全之勢。寶臣喜。以為事合符命。

遂與承嗣通謀。剽州與之。寶臣乃密圖范陽。承嗣亦陳兵境上。寶臣謂朱滔使

曰。吾聞朱公貌如神。安得而識之。願因繪事而觀可乎。滔乃圖其形以示之。寶

臣懸於射堂。命諸將熟視之。曰。朱公信神人也。他日滔出軍。寶臣密選精卒劫

之。戒其將曰。取彼貌如射堂所懸者。是時二軍不相虞。有變。滔與戰於瓦橋。滔

適衣他服。以不識免。承嗣聞與滔交鋒。其聲已成。乃旋軍。使告寶臣曰。河內有

警急。不暇從公。石上讖文。吾戲為之耳。寶臣慚怒而退。遷左僕射。封龍西郡王。

檢校司空。同中書門下平章事。德宗即位。拜司空。兼太子太傅。寶臣名位既高。

自擅一方。專貯異志。妖人偽為讖語。言寶臣終有天位。寶臣乃為符瑞及靈芝

朱草。作朱書符。又於深室齋戒築壇。上置金匱玉壘。云甘露神酒自出。又偽刻

玉為印。金填文字。告境內云。天降靈瑞。非予所求。不祈而至。將吏無敢言者。妖

輩慮其詐發。乃曰。相公須飲甘露酒。即天神降。寶臣然之。妖人真薑湯中飲之。

三日而卒。寶臣暮年。益多猜忌。以惟岳暗懷。諸將不服。即殺大將辛忠義。盧儼。

定州刺史張南容。趙州刺史張彭老。許崇俊等二十餘人。家口沒入。自是諸將

離心。建中二年春卒。時年六十四。廢朝三日。冊贈太保。子惟岳。惟誠。惟簡。寶臣。卒時。惟岳為行軍司馬。三軍推為留後。仍遣使上表求襲父任。朝言不允。魏博節度使田悅上章保薦。請賜旌節。不許。惟岳乃與田悅。李正己同謀。拒命。判官邵真泣諫。以為不可。惟岳暗懦。初雖聽從。終為左右所惑。而止。而所與圖議。皆森吏胡震。家人王他奴等。唯勸拒逆。為事。惟岳勇谷。從政者。有智略。為寶臣所忌。移病不出。至是。知惟岳之謀。慮其覆宗。乃出諫。惟岳曰。今天下無事。遠方朝貢。主上神武。必致太平。如至不允。必至加兵。雖大夫恩及三軍。萬一不捷。孰為大夫用命者。又先朝相公與幽帥不協。今國家致討。必命朱滔為帥。彼嘗切齒。今遂復讐。可不懼乎。又頃者相公誅滅軍中將校。其子弟存者。口雖不言。心寧無憤。兵猶火也。不戢自焚。往者田承嗣。佐安祿山。史思明。謀亂天下。千征百戰。及頃年。侵擾洛相等州。為官軍所敗。及貶永州。仰天垂泣。願先相公佐佑保援。方獲赦宥。若雷霆不收。承嗣豈有生理。今田悅兇狂。何如承嗣。名望苟欲坐邀富貴。不料破家覆族。而況今之將校。罕有義心。因利乘便。必相傾陷。為大夫盡久長之計。莫若令惟誠知留後。大夫自速入朝。國家念先相公之功。見大夫順命。何求而不得。今與羣逆為自危之計。非保家之道也。惟岳亦素忌從政。皆不聽。竟與魏齊謀叛。既而惟岳大將張孝忠。以郡歸國。朝廷以孝忠為成德軍節度使。仍詔朱滔與孝忠合勢討之。惟岳以精甲屯東廡。以抗之。田悅遣大將孟佑率兵五千助惟岳。建中三年正月。朱滔孝忠大破恆州軍於東廡。惟岳燒營而遁。惟岳大將趙州刺史康日知。以郡歸國。惟岳乃令衙將衛常軍。率士卒五千。兵馬使王武俊率騎軍八百。同討日知。武俊既出恆州。謂常軍曰。武俊盡心於本使。大夫信讒。頗相猜忌。所謂朝不謀夕。豈圖生路。且趙州用兵。捷與不捷。武俊不復入恆州矣。妻子任從屠滅。且以殘生往定州。事張尚書去也。孰能持頭就戮。常軍曰。中丞以大夫不可事。且有詔書。云斬大夫首者。以其官爵授。自大夫拒命已來。張尚書以易州歸國。得節度使。今聞日知已得官爵。觀大夫事勢。終為朱滔所滅。此際轉禍為福。莫若倒戈入使府。誅大夫以取富貴也。況大夫暗昧。左右誑惑。其實易圖。事苟不捷。歸張尚書非晚。武俊然之。三年閏正月。

武俊與常軍自趙州迴戈。達明至恆。武俊子士真應於內。武俊兵突入府署。遣虞任越劫擒惟岳。縊死於戟門外。又誅惟岳妻父鄭華及長慶王他奴等二十餘人。傳首京師。惟誠惟岳異母兄。以父蔭為殿中丞。累遷至檢校戶部員外郎。好儒書。理道。寶臣愛之。委以軍事。性謙厚。以惟岳嫡嗣。讓而不受。同母妹嫁李正己子納。寶臣以其宗姓。請惟誠歸本姓。又令入仕於鄆州。為李納營田副使。歷克溜。淮。泗。四州刺史。竟客死東平。惟簡。寶臣第三子。初。王武俊既誅。惟岳又械惟簡送京師。德宗拘於客省。防伺甚峻。朱泚之亂。惟簡斬關而出。赴奉天。德宗嘉之用。為禁軍將。從渾瑊。率師討賊。頻戰屢捷。加御史中丞。從幸山南。得元從功臣之號。封武安郡王。後授左神威大將軍。轉天威統軍。元和初。檢校戶部尚書。左金吾衛大將軍。充街使。俄拜鳳翔。龍右節度使。元和十三年正月卒。贈尚書右僕射。子元本。生於貴族。輕薄無行。初。張茂昭子克禮。尚襄陽公主。長慶中。主縱恣不法。常遊行市里。有士族子薛樞。薛渾者。俱得幸於主。尤愛渾。每詣渾家。謁渾母行事。姑之禮。有吏離何者。即以厚賂啗之。渾與元本皆少年。遂相誘。掖元本亦得幸於主。出入主第。張克禮不勝其忿。上表陳聞。乃召主。幽于禁中。以元本功臣之後。得減死。杖六十。流象州。樞渾以元本之故。亦從輕杖八十。長流崖州。

王武俊契丹怒皆部落也。租可納干。父路俱。開元中。饒樂府都督李詩率其部落五千帳。與路俱。南河。襲冠帶。有詔褒美。從居劄武。後初號沒諾干。年十五。能騎射。上元中。為史思明恆州刺史。李寶臣裨將。寶應元年。王師入井陘。將平河朔。武俊謂寶臣曰。以寡敵眾。以曲遇直。戰則難守。則潰。銳師遠闕。庸可禦乎。寶臣遂徵警備。以恆定。深。趙。易。五州歸國。與王師協力。東襲遺寇。寶臣除恆定等州節度使。以武俊據魏。兼御史中丞。充本軍先鋒兵馬使。大曆十年。田承嗣因薛嵩死。兼有相衛。磁。邢。洛。五州。承嗣遣將盧子期寇磁州。詔令寶臣與李正己。李勉。李承昭。田神玉。朱滔。李抱真。各出兵討之。諸軍與子期戰于清水。大破之。寶臣將有節生擒子期。以獻代宗。嘉其功。使中貴人馬承倩。寶臣宣勞。承倩將歸。止傳舍。寶臣親道百餘。承倩詣寶臣。擲出道中。寶臣顧左右有愧色。還休府。

中諸將散歸寶臣潛伺屏間獨武俊佩刀立于門下召入解刀與語曰見向者頑堅乎武俊曰今閣下有功尙爾寇平後天子以幅紙之詔召置京下一匹夫耳可乎寶臣曰爲之若何武俊曰不如玩養承嗣以爲己資寶臣曰今與承嗣有夔矣可推腹心哉武俊曰勢同患均轉寇讎爲父子救唾間若傳虛言無益也今中貴人劉清譚在驛斬首送承嗣立質妻孥矣寶臣曰恐不能如此武俊曰朱溶爲國屯兵滄州請擒送承嗣以取信許之立選銳士二千皆乘駿馬通夜馳三百里晨至浴營掩其不備浴軍出戰大敗擒類浴者浴故得脫自此寶臣與田承嗣李正己更相爲援皆武俊萌之寶臣死其子惟岳謀襲父位寶臣舊將易州刺史張孝忠以州順命遂以孝忠代寶臣俾惟岳護喪歸京惟岳不受命建中三年正月詔朱溶張孝忠合軍討之惟岳與武俊復統萬餘衆戰於東鹿武俊率三千騎先進爲浴所敗惟岳遁走趙州刺史康日知遂以州順命惟岳令武俊統兵擊之曰知道人謂武俊曰惟岳辱微而無謀何足同反我城堅衆一未可以歲月下且惟岳恃田悅爲援前歲悅之丁勇甲卒塗地於邢州城下猶不能陷況此城乎復給僞手詔招武俊信之遂倒兵入恆州率數百騎入衙門使謂惟岳曰大夫舉兵與魏齊同惡今田尙書已喪敗李尙書爲趙州所間軍士自東鹿之役傷痛軫心朱僕射強兵宿境內張尙書已授定州三軍俱懼殫首喪家聞有詔徵大夫宜亟赴命不爾禍在漏刻惟岳怖遽睚眦武俊子士真斬惟岳持首而出武俊殺不同己者十數人遂定傳首上聞授武俊檢校秘書少監兼御史大夫恆州刺史恆冀都團練觀察使實封五百戶以康日知爲深趙團練觀察使時惟岳僞定州刺史楊政義以州順命深州刺史楊榮國降朱溶分兵鎮之朝廷旣以定州屬張孝忠深州屬康日知武俊怒失趙定二州且各位不滿其志朱溶怒失深州因誘武俊謀反斥言朝廷遂連率勁兵救田悅時馬燧李抱真李芘李晟方討田悅敗悅於涇水後連歲暴兵然悅勢已蹙至是武俊朱溶復振起之悅勢益張十一月武俊使大將張鍾葵寇趙州康日知擊敗之斬首上獻是日武俊僞建國稱趙王以恆州爲真定府僞命官秩朱溶田悅李納一同僞號分據所部各遣使勸誘蔡州李希烈同僞位號四

年三月希烈旣爲周曾謀潰其腹心或傳希烈已死馬燧等四節度軍中聞之歡聲震外六月李抱真使辯客賈林詐降武俊林至武俊壁曰是來傳詔非降也武俊色動徵其說林曰天子知大夫宿誠及登壇建國之日撫膺顧左右曰我本忠義天子不省是後諸軍會同表論列大夫天子覽表動容語使者曰朕前事誤追無及已朋友間失意尙可謝朕四海主毫芒安可復念哉武俊曰僕庸將尙知存撫百姓天子固不專務殺人以安天下今山東大兵者五比戰勝骨盡暴野雖勝與誰守今不憚歸國以與諸侯盟約虜性直不欲曲在己朝廷能降恩祿盪之僕首倡歸國不從者於以奉辭則上不負天子下不負朋友此謀旣行河朔不五旬可定十月涇原兵犯關上幸奉天京師閉至諸將退軍李抱真將還潞澤田悅說武俊與朱溶襲擊之賈林復說武俊曰今退軍前輜重後銳師人心固一不可圖也且勝而得地則利歸魏博喪師即成德大傷大夫本部易定滄趙四州何不先復故地武俊遂北馬首背田悅約賈林復說武俊曰大夫冀邦豪族不合謀據中華且滔心幽險王室強即藉大夫援之卑即思有併吞且河朔無冀國唯趙魏燕耳今朱溶稱冀則親大夫冀州其兆已形矣若滔力制山東大夫須整臣禮不從即爲所攻奪此時臣滔乎武俊投袂作色曰二百年宗社我尙不能臣誰能臣田舍漢由此計定遂南修好抱真西連盟馬燧會與元元年德宗罪已大赦反側二月武俊集三軍削僞國號詔國子祭酒兼御史大夫董晉中使王進傑自行在至恆州宣命授武俊檢校兵部尙書成德軍節度使三月加司空同中書門下平章事兼幽州盧龍兩道節度使琅邪郡王時朱泚僞冊滔爲皇太弟滔率幽禮勁卒誘迴紇二千騎已圍貝州數十日將絕白馬津南盜洛都與泚合勢時李懷光反據河中李希烈已陷大梁南逼江漢李納尙反於齊田緒未爲用李晟孤軍壁渭上天子羽書所制者天下纔十二三海內蕩析人心失歸賈林又說武俊與抱真合軍同救魏博爲武俊陳利害曰朱滔此行欲先平魏博更逢田悅被害人心不安旬日不救魏貝必下滔益數萬張孝忠見魏貝已拔必臣朱滔三道連衡兼統迴紇長驅至此家族可得免乎常山不守則昭義退保山西河朔地盡入滔今乘魏貝未下李

忠未附公與昭義合軍破之如搃還耳此計就則聲振關中京邑可坐復鑿與反正自公則勳業無二也武俊歡然許之兩軍議定卜日同征五月武俊抱真會軍於鉅鹿東兩軍既交浴震恐抱真為方陣武俊用奇兵朱滔傾壘出戰武俊不擾甲而馳之滔望風奔潰自相踐踏死者十四五收其輜重器甲馬牛不可勝計浴夜奔還幽州武俊班師表讓幽州盧龍節度使許之乃升恆州為大都督府以武俊為長史加檢校司徒實封七百戶餘如故車駕還京龍之逾厚子尚貴王子弟在孩稚者皆賜官名尋丁母憂起復加左金吾上將軍同正免喪加開府儀同三司十二年上念舊勳加檢校太尉兼中書令十七年六月卒時年六十七廢朝五日羣臣詣延英門奉慰如渾瑊故事詔左庶子上公持節冊贈太師贈絹三千匹布千端米粟三千碩太常諡曰威烈德宗曰武俊竭忠奉國宜賜諡忠烈子士真士清士平士則士真嗣士真武俊長子少驍悍冠於軍中沉謀有斷事李寶臣為帳中親將仍以女妻之寶臣末年慮身後諸子暗弱為諸將所奪屢行誅戮諸將離心武俊官位雖卑而勇略邁世寶臣惜其才不忍誅之而士真密結寶臣左右保護其父以是獲免惟岳之世尤加委任武俊亦盡心匡佐既兵敗東鹿張孝忠康日知以地歸國受官賞惟岳稍貯防疑武俊謀自貶損出入不過三兩人左右謂惟岳曰先相公委任武俊以遺大夫兼有治命今披肝膽為大夫者武俊耳又士真即大夫妹婿保無異志今勢危急若不坦懷待之若更如康日知即大事去矣惟岳曰我待武俊自厚不獨先公遺言由是無疑即令將兵攻趙州士真更宿於府衙與同職謀事及武俊倒戈士真等數人擒惟岳出衙縊死之武俊領節鉞以士真為副大使建中年武俊僭稱趙王於魏縣以士真為司空真定府留守充元帥及武俊破朱滔順命以武俊兼幽州盧龍軍節度使仍以士真為副使檢校工部尚書德宗還京進位檢校兵部尚書充德州刺史德棣觀察使封清河郡王十七年武俊卒起復授左金吾衛大將軍同正恆州大都督府長史充成德軍節度恆冀深趙德棣等州觀察等使尋檢校尚書左僕射順宗即位進位檢校司空士真佐父立功備歷艱苦得位之後恬然守善雖自補屬吏賦不上供然歲貢貨財名為進奉

者亦數十萬比幽魏二鎮最為承順元和元年就加同中書門下平章事四年三月卒子承宗承元承通承迪承榮士清以父勳累加官至殿中少監同正元和初為冀州刺史御史大夫封北海郡王早卒士平以父勳補原王府諮議貞元二年選尚義陽公主加祕書少監同正駙馬都尉元和中累遷至安州刺史時公主縱恣不法士平與之爭忿憲宗怒幽公主於禁中士平幽於私第不令出入後釋之出為安州刺史坐與中貴交結貶賀州司戶時輕薄文士蔡南獨孤申叔為義陽主歌詞曰團雪散雪等曲言其遊處離異之狀往往歌於酒席憲宗聞而惡之欲廢進士科令所司網捉搦得南申叔貶之由是稍止及盜殺宰相武元衡旬日捕賊未獲士平與兄士則庭奏盜主於承宗既獲張晏等誅之乃以士平為左金吾衛大將軍及奪承宗官爵仍以士平襲父實封士則士平異母兄承宗既立為節度使不容諸父乃奔于京師用為神策大將軍及承宗叛逆盜殺宰相士則請移賈京北府諸鎮兵討承宗裴度言士則武俊子其軍中必有懷之者乃用士則為邢州刺史兼本州團練使從昭義節度使都士美討賊冀攜離承宗之黨且許以節制士則恃此頗不受士美節制行止以兵自衛雖謁士美而衛兵如故吏呵止之士則不能平見于辭氣士美惡之密以狀聞乃以張遵代還承宗士真長子河朔三鎮自置副大使以嫡長為之承宗累奏至鎮州大都督府右司馬知州事御史大夫充都知兵馬使副大使元和四年三月士真卒三軍推為留後朝廷伺其變累月不問承宗懼累上表陳謝至八月上令京兆少尹裴武往宣諭承宗奉詔甚恭且曰三軍見迫不候朝旨今請割德棣二州上獻以表丹懇由是起復雲麾將軍左金吾衛大將軍同正檢校工部尚書鎮州大都督府長史御史大夫成德軍節度鎮冀深趙等州觀察等使又以德州刺史薛昌朝檢校右散騎常侍德州刺史御史大夫充保信軍節度德棣觀察等使昌朝故昭義節度使嵩之子婚姻於王氏入仕於成德軍故為刺史承宗既獻二州朝廷不欲別命將帥且授其親將保信旌節未至德州承宗遣數百騎馳往德州虜昌朝歸真定囚之朝廷又加棣州刺史田頌充本州團練守捉使冀漸離之令中使景忠信往諭旨令遣昌朝還鎮承宗不

奉詔憲宗怒下詔曰王承宗頃在苦廬潛窺戎鎮而內外以事君之禮逆而必誅分土之儀專則有辟朕念其先祖嘗有茂勳貸以私恩抑於公議使臣旁午以告諭孽童俯伏以陳誠願獻兩州期無二事朕欲收其後効用以曲全授節制於舊疆齒勳賢於列位況德棟本非成德所管昌朝又是承宗懿親俾撫近隣斯誠厚渥外雖兩鎮中實一家而承宗蒙恭懷姦宵覩稔穢欺裴武於得位之後緣昌朝於受命之中豺狼之心飽之而愈發梟獍之性養之而益兇加以表疏之中悖慢斯甚式遏亂略期于無刑恭行天誅于於有制可削承宗在身官爵詔左神策護軍中尉吐突承璀爲左右神策河中河陽浙西宣歙等道赴鎮州行營兵官招討處置等使會諸道軍進討神策兵馬使趙萬敵者王武俊之騎將也驍悍聞於燕趙具言進討必捷承璀因得兵柄與萬敵偕行承璀至行營威令不振禁軍屢挫衄都將鄭定進前擒劉闢有功號爲驍將又陷於賊唯范陽節度使劉濟易定節度使張茂昭至効忠赤戰賊屢捷而昭義節度使盧從史反復難制陰附於賊憲宗密詔承璀擒之送于京師五年七月承宗遣巡官崔遠上表三封乞自陳首且歸過於盧從史其略曰臣頃在苦廬綿歷時序恭守朝旨罔敢闕違復奉詔書令獻州郡迫以三軍之勢不從孤臣之心今天兵四臨王命久絕白刃之下難避國刑殷憂之中轉積疊隙中由盧從史首爲亂階與天下之兵生海內之亂既不忠於國又不孝於家當其聞父之喪已變爲臣之節迫脅天使瀆紊朝經而乃幸臣居喪敗臣求利上敢欺於聖主下不顧其死親矯情徒見於封章邪妄素萌於觴臆今構禍者已就擒獲抱冤者實冀辨明況臣之一軍素守忠義橫被從史離間君臣哀號轅門痛隔恩外伏冀陛下以天地之德容納爲心弘好生之仁許自新之路順陽和而布澤因雷兩以覃恩追念祖父之前勞俯觀臣子之來効特開湯網使樂堯年時朝廷以承璀宿師無功國威日沮頗憂會承宗使至宰臣商量請行赦宥乃全以六郡付之承宗送薛昌朝入朝授以右武衛將軍承宗以國家加兵不勝誣從史姦計得行雖上章表謙恭而心無忌憚十年王師討吳元濟承宗與李師道繼獻章表請宥元濟其牙將尹少卿奏事因爲元濟游說少卿至中書見宰相論列

語意不遜武元衡怒叱出之承宗益不順自是與李師道姦計百端以沮用兵四月遣盜燒河陰倉六月遣盜伏於靖安里殺宰相武元衡京師震恐大索旬日天子爲之旰食是時承宗師道之盜所在竊發焚襄州佛寺斬建陵門戟燒獻陵寢宮欲伏甲屠洛陽憲宗赫怒命田弘正出師臨其境并隣道大節度之衆討之時方淮西用兵國用虛竭河北諸軍多觀望不進獨昭義節度使鄒士美率精兵壓賊壘欲乘釁而取之軍威甚盛承宗懼不敢犯俄詔權罷河北用兵併力淮西十二年十月誅吳元濟承宗始懼求救於田弘正十三年三月弘正遣人送承宗男知感知信及其牙將石汎等詰關請命令於客舍安置又獻德棟二州圖印兼請入管內租稅除補官吏上以弘正表疏相繼違其意乃下詔曰帝者承天子人下臨萬國觀乾坤覆載之施常務其曲全用德刑撫御之方每先其弘貸叛則必伐服而捨之做于典謨亦尙斯道朕祇符前訓續嗣丕圖底寧方隅蕩滌氛祲上以據祖宗之宿憤下以致黎庶之阜康思厚者生務去者殺至於包荒藏惡屈法伸恩苟衷誠之可矜則宥過而無大王承宗頃居喪紀見賣於隣封後領藩城受疑於朝野國恩雖厚時憲不容感實自貽寵非我絕百辟卿士昌言在廷四方諸侯飛奏盈篋竟請致討爭先出軍尙復廣示招懷務存容納至於勳衆事豈願然開境愍懼其殺傷退舍爲伏其士伍取陷救溺能無慘嗟以其先祖武俊有勞王室書于甲令銘在景鍾雖再駕王師再從人欲而十代之宥常切朕懷近以三朝稱慶八表流澤廣此鴻霽開其自新而承宗果能翻然改圖披露忠懇遠遣二子進陳表章緘圖印以上聞獻德棟之名部發困奉粟并竈貢煙地願帥於職方物請歸於司會且天子所臨莫非王土析茲舊服將表爾誠諒由效順之心悉見納忠之志抑而不撫何以示懷朕念此方亦猶赤子一物失所寢與靡寧忍驅樂土之人竟就陳原之戮既克翦暴常思止戈予之此心天地臨鑒沉常山師旅舊有功勞將改往以修來誓酬恩而遷等鑿精誠之俱切俾溼汗而再敷曠綽乃復斷於朕志復此殊渥當懷承圖承宗可依前銀青光祿大夫檢校吏部尚書鎮州大都督府長史御史大夫充成德軍節度鎮冀深趙觀察等使仍令右丞崔從往鎮州宣慰承宗

素服俟命，乃以華州刺史鄭權為德州刺史，充橫海軍節度使，德棣滄景觀察等使，明年加金紫光祿大夫，檢校尚書左僕射，是歲，李師道平，承宗奉法逾謹，請當管四州，每州置錄事參軍一員，判司三員，每縣令一員，主簿一員，吏補授皆聽朝旨，十五年十一月卒，贈侍中，子知感，知信在朝，承元，士真第二子，兄承宗既領節鉞，奏承元為觀察，支使，朝議郎，左金吾衛曹參軍，兼監察御史，年始十六，勸承宗以二千騎佐王師平李師道，承宗不能用其言，元和十五年冬，承宗卒，秘不發喪，大將謀取帥於旁郡，時參謀崔燧密與握兵者謀，乃以祖母涼國夫人之命告親兵及諸將，使拜承元，承元拜泣不受，諸將請之不已，承元曰：天子使中貴人監軍，有事盡先與議，及監軍至，因以諸將意贊之，承元謂諸將曰：諸公未忘先德，不以承元齒幼，欲使領事，承元欲効忠於國，以奉先志，諸公能從之乎？諸將許諾，遂於衙門都將所理視事，約左右不得呼留後，事無巨細決之參佐，密疏請帥，天子嘉之，授銀青光祿大夫，檢校工部尚書兼滑州刺史，義成軍節度，鄭滑觀察等使，隣鎮以兩河近事，承元不聽，諸將亦悔，及起居舍人柏耆齎詔宣諭滑州之命，兵士或拜或泣，承元與柏耆於館驛召諸將諭之，諸將號哭，諄諄承元詰之曰：諸公以先世之故，不欲承元失此，意甚隆厚，然奉詔遲留，其罪大矣，前者李師道未敗時，議赦其罪，時師道欲行，諸將止之，他日殺師道，亦諸將也，今公輩幸勿為師道之事，敢以拜請，遂拜諸將，泣涕不自勝，承元乃盡出家財，籍其人以散之，酌其勤者，擢之，牙將李寂等十數人，固留承元，斬寂等，軍中始定，承元出鎮州，時年十八，所從將吏，有具器用貨幣而行者，承元悉命留之，承元昆弟及從父昆弟，授郡守者四人，登朝者四人，從事將校有勞者，亦皆擢用，祖母涼國夫人入朝，穆宗命內宮筵待，錫賚甚厚，俄而王廷湊殺田弘正，據鎮州，叛移鎮鄜坊丹延節度使，便道請覲，穆宗器之，數召顧問，未幾，改鳳翔節度使，鳳翔西北界接涇原，無山谷之險，吐蕃由是徑往入寇，承元於要衝築壘，分兵千人守之，賜名曰臨研城，詔襲岐國公，累加檢校左僕射，鳳翔城東商旅所集，居人多以烽火相警，承元委益城以環之，居鎮十年，加檢校司空，御史大夫，移授平盧軍節度，淄青登萊觀察等使，時均輸鹽法未

常行於兩河，承元首請鹽法，歸之有司，自是克鄆諸鎮，皆稟均輸之法，承元寬惠有制，所理稱治，太和七年十二月卒於平盧，時年三十三，冊贈司徒，王廷湊本迴鶻阿不思之種，族世隸安東都護府，曾祖曰五哥，之事李寶臣父子，王武俊養為假子，驍果善鬪，武俊愛之，以軍功累授左武衛將軍，同正，贈越州都督，祖末恒，活贈左散騎常侍，父升朝，贈禮部尚書，皆以廷湊貴，加贈典，祖父世為王氏騎將，累遷右職，廷湊沉勇寡言，雄猜有斷，為王承元衙內兵馬使，初承元上稟朝旨，田弘正帥成德軍，國家賞錢一百萬貫，度支聲運不時至，軍情不悅，廷湊每扶其細故，激怒衆心，會弘正以魏兵二千為衛隊，左右有備不能間，長慶元年六月，魏軍還鎮，七月二十八日夜，廷湊乃結衛兵謀於府署，遲明，盡誅弘正與將吏家族三百餘人，廷湊自稱留後，知兵馬使，將吏逼監軍宋惟澄上章請授廷湊節鉞，穆宗怒，下詔徵隣道兵，仍以河東節度裴度充幽鎮兩道招撫使，仍以弘正子涇原節度使布代李愬為魏博節度使，令率魏軍進討，又以承宗故將深州刺史牛元翼為成德軍節度使，下詔購賊廷湊，是月，鎮州大將王位等謀殺廷湊，泄死者二千餘人，時朱克融囚張弘靖，廷湊殺弘正，合從構逆謀，拒王命，兩鎮併力，討除慮難應接，詔朝臣議其可否，東川節度使王涯獻狀曰：幽鎮兩州悖亂，天紀迷亭，育之厚德，肆狼虎之非心，囚繫鼎臣，戕賊戎帥，毒流州郡，虜及賓寮，凡在有情，孰不痛憤，伏以國家文德，誕敷武功，繼立遠無不伏，邇無不安，矧茲二方，敢逆天理，臣竊料詔書朝下，諸鎮夕驅，以魏牀問罪之師，當猖狂失節之寇，傾山壓卵，決海灌焚，勢之相懸，不是過也，但常山刺郡，虞虢相依，一時與師，恐費財力，罪有輕重，事有先後，譬之攻堅，宜從易者，如聞范陽肇亂，出自一時，事非宿謀，迹亦可驗，鎮州構禍，殊匪偶然，扇諸屬城，以兵拒境，如此，則幽薊之衆，可示寬刑，鎮冀之戎，可資先討，況廷湊闡茸不席，父祖之資，成德分離，又多迫脅之勢，今以魏博思復讐之衆，昭義願盡敵之師，參之晉陽，輔以滄德，犄角而進，實若建瓴，盡屠其城，然後北首燕路，在朝廷不為失信，於軍勢實得機宜，臣之愚誠，切在於此，臣又聞用兵若鬪，先拒其喉，今瀛鄆易定，兩賊之咽喉也，誠宜假之威柄，戍以重兵，俾其死生不相知，聞

謀無所入，而以大軍先進，冀趙次臨井陘，此一舉萬全之勢也。於是命易定節度使開境以抗克融，諸軍三面進討，初以滄德為重胤獨當一面，重胤宿將，知不可進，頗遲留，乃以杜叔良代重胤，叔良有中官之援，朝辭日大言云：「賊不足破，時廷湊合幽薊之兵圍深州，梯衝雲合，牛元翼嬰城拒守，十一月，杜叔良為賊所敗，衆皆陷沒，僅以身免。」乃以德州王日簡代之。裴度率衆屯承天軍，諸將控敗，深州危急，乃以鳳翔節度使李光顏為忠武節度使，兼深冀節度，救深州。仍以中官楊永和監光顏軍，國家自憲宗誅除羣盜，窟藏虛竭，穆宗即位賞賜過當，及幽鎮共起，征發百端，財力殫竭，時諸鎮兵十五餘萬，纔出其境，便仰給度支，置南北供軍院，既深入賊境，輦運艱阻，芻薪不繼，諸軍多分番樵採，俄而度支轉運車六百乘，盡為廷湊邀而虜之，兵食益困，賊圍深州數重，雖光顏之善將，亦無以施其方略，其供軍院布帛衣賜，往往不得至院，在途為諸軍強奪，而懸軍深闕者，率無支給，復又每軍遣內官一人監軍，悉選驍健者自衛，羸懦者即戰，以是屢多奔北，而廷湊克融之衆，不過萬餘，而抗官軍十五萬者，良以統制不一，玩寇邀利故也。宰相崔祐甫不曉兵家膠柱於常態，以至復失河朔，既無如之何，遂議休兵而赦廷湊。二年正月，魏府牙將史憲誠誘其軍謀叛，田布不能止，其衆自潰於南宮。二月，詔赦廷湊，仍授檢校右散騎常侍，鎮州大都督府長史，成德軍節度，鎮冀深趙等州觀察等使，以牛元翼為山南東道節度使，遣兵部侍郎韓愈至鎮州宣慰，又遣中使御命入深州，監元翼赴鎮，廷湊雖受命，而深州之圍不解，招撫使裴度與幽鎮書，以大義責之，朱克融解圍而去，廷湊亦退舍，朝廷欲其稟命，並加克融檢校工部尚書。三月，元翼率十餘騎突圍出深州，赴關，深州將校臧平以城降，廷湊責其固守，殺將吏一百八十餘人。五月，遣中使楊再昌至鎮州，取牛元翼家族及田弘正骸骨，廷湊曰：「弘正骸骨，不知所在。」元翼家族請至秋發遣，俄而元翼卒，廷湊乃盡屠其家，其酷毒如此。自獲赦宥，遂與朱克融史憲誠連衡相應，謀拒朝廷。大和初，滄州李全略死，其子同捷欲效河朔事，求代父任，文宗授以充海節度使，同捷不奉詔，據郡構逆，以珍玩器幣妓女子弟投款於廷湊及幽州李載義，時載義初代克融，輸誠効

順，盡送同捷所遣赴關，詔徵幽魏徐克之師進討，廷湊出兵撓魏北境，以援同捷。二年，下詔絕廷湊進奉，既魏博將丁志治以行營兵叛，倒戈攻魏州，諸軍擊志治，廷湊出兵應之，史憲誠危急，詔義武軍節度使李聽擊敗之，志治奔於廷湊。三年六月，誅李同捷，尋又何進滔殺史憲誠，據魏州，朝廷厭兵，誅之不果，遂授進滔魏博節度。八月，廷湊遣使詰問請罪，朝廷因而赦之，依前檢校司徒，成德軍節度使，鎮冀自李寶臣已來，雖惟岳承宗繼叛，而猶親隣畏法，期自新之路，而兇毒好亂，無君不仁，未如廷湊之甚也。又就加太子太傅，太原郡開國公，食邑二千戶。八年十一月卒，冊贈太尉，累贈至太師，子元逵為鎮州右司馬，兼都知兵馬使，廷湊卒，三軍推主軍事，請命於朝，乃起復檢校工部尚書，鎮州大都督府長史，成德軍節度使，累遷檢校左僕射，元逵素懷忠順，頓草父風，及領藩垣，頗輸誠款，歲時貢奉，結轍於途，文宗嘉之，開成二年，詔以壽安公主出降，加駙馬都尉，元逵遣段氏姑詣關納聘禮，段氏進食二千盤，并御衣戰馬，公主粧奩及私白身女口等，其從如雲，朝野榮之。會昌中，昭義節度使劉從諫卒，其子稹擅領軍政，武宗怒誅之，命鄰藩分地而進討，以元逵為北面招討使，詔至之日，出師次趙州，與魏博何弘敬同收山東三州，元逵進攻邢州，俄而賊將裴問高元武降，元逵王釗安玉降，何弘敬並拔三郡，累遷檢校司徒，同中書門下平章事，以破劉稹功，加太傅，太原郡開國公，食邑二千戶，食實封二百戶。大中十一年二月卒，冊贈太師，諡曰忠，子紹鼎，紹懿，紹鼎時為鎮州大都督府左司馬，知府事，節度副使，都知兵馬使，起復授檢校工部尚書，鎮府長史，成德軍節度，鎮冀深趙觀察等使，累加光祿大夫，尚書左僕射，其年七月卒，贈司空，賻布帛三百段，米粟二百碩，累贈司徒，太尉，又贈太傅，子景胤，景崇，景崇為嫡時年幼，紹鼎卒，宣宗以昭王汭為鎮州大都督，成德軍節度副使，都知兵馬使，檢校右散騎常侍，鎮府左司馬，知府事，兼御史中丞，王紹懿本官充成德軍節度，觀察留後，仍賜紫金魚袋，尋正授節度使，檢校工部尚書，累加檢校右僕射，兼御史大夫，太原縣開國伯，食邑七百戶，又加檢校司空，卒，贈司徒，景胤初為成德軍中軍兵馬使，銀青光祿大夫，檢校太子賓客，監察御史，紹鼎卒，出為深

州刺史兼殿中侍御史充本州團練守捉使景崇於季父紹懿時為鎮州大都督府左司馬知府事都知兵馬使紹鼎卒三軍立紹懿數月疾篤召景崇謂之曰亡兄以軍政託予以俟汝成立今危懼如此殆將不救汝雖少年勉自負荷下禮藩鄴上奉朝旨俾吾兄家業不墜惟汝之才也言訖而卒時監軍在席奏其治命上嘉之詔起復忠武將軍守左金吾衛將軍同正檢校右散騎常侍充成德軍節度觀察留後仍賜上柱國賜紫金魚袋尋正授節度使檢校工部尚書咸通中景崇以公主嫡孫特承恩渥季年盜起徐方王師進討景崇令大將從諸軍徐寇平以功授檢校右僕射封太原縣男食邑三百戶祖母章惠長公主薨景崇居喪得禮朝野稱之起復左金吾衛上將軍同正進位檢校司空明年同中書門下平章事累加檢校太尉趙國公食邑三千戶食實封二百戶尋進封常山王丁母秦國夫人憂起復本官乾符末盜起河南黃巢犯關駕幸劍南景崇與定州節度使王處存馳檄藩隣以兵附處存入關討賊奔同行在賈輸相繼關輔平定以功真拜太尉中和二年十二月卒子鎔時年十歲三軍推為留後朝廷因授旄鉞檢校工部尚書時天子蒙塵九州鼎沸河東節度李克用虎視山東方謀吞據鎔以重賂結納以脩和好晉軍討孟方立於邢州鎔常奉以芻糧及方立平晉將李存孝侵鎔南部鎔求援於幽州幽帥李匡威率眾三萬赴之存孝退去景福元年鎔乘存孝有間於其師乃出兵攻堯山晉帥遣大將李存質來援大敗鎮人於堯山死者萬計晉人乘勝至趙州鎔復求援於燕二年匡威率眾數萬來援會邢州節度使李存孝背其帥據城自固存孝單騎入鎮州與鎔面相盟約俄而李克用自率全師攻存孝時匡威離鎮後其弟匡籌奪據其位匡威退無歸路鎔感其援助之恩乃迎入府城築第以居之事之如父匡威亦盡心裨益軍中之事皆為訓練是年五月鎔過匡威第陰遣部下伏甲劫鎔鎔抱持之鎔曰公誠止人勿倉卒吾為晉人所困賴公獲濟猶吾父也軍政請公帥之即並轡歸府署鎮軍拒之竟殺匡威晉人知匡威死克用自率師至城下鎔出練二十萬槁勞修好而退及汴宋節度使朱全忠領鄆青三鎮兵臨天下遣將葛從周張存敬寇邢洛二州乘勝北掠燕趙俄而全忠

率親兵薄於城下鎔倉卒無備謂賓佐曰勢危矣計將安出判官周式者率先而對曰敵人迫我兵不能抗此可以理說耳請見梁帥圖之式即時出見全忠全忠逆謂式曰爾不必言王令朋附并汾遠盟爽信敵賦業已及此期於無捨式曰公言過矣且公為唐室之桓文當以禮義而成霸業乃欲窮兵黷武困人於險難天下其謂公何全忠喜引式袂而慰之曰前言戲之耳且君為王令計如何式曰但修好耳即復見鎔請出牛酒貨幣以犒軍仍以鎔子昭祚及牙將梁公儒李弘規子各一人從昭祚入官于大梁全忠以女妻昭祚及全忠僭天下無主鎔不獲已行其正朔鎔累遷至開府儀同三司守太師中書令仍賜敦睦保定大功臣上柱國趙王食邑一萬五千戶食實封一千戶襲食實封二百五十戶偽梁加尚書及唐室中興去偽尚書令之號天佑七年母魏國太夫人何氏卒起復本官十八年為其大將王德明所殺至於赤族其後事在中興云史臣曰土運中微羣盜孔熾寶臣附麗安史流毒中原終竊土疆為國蠹賊加以武俊之狠狡為其腹心或叛或臣見利忘義蛇吞蝮吐垂二百年哀哉王政不綱以至于此若使明皇不懈於開元之政姚崇久握於阿衡詎有柳城一胡敢窺佐伯況其下者哉觀此無君可為太息

於何叫闕

舊唐書卷一百四十二

舊唐書卷一百四十二考證

王武俊傳大夫舉兵與魏帥同惡○臣酉按下文田尚書魏也李尚書齊也此句不應專目魏帥新書魏齊同惡較是今從之

朱僕射強兵宿境內張尚書已授定州○臣酉按新書無張尚書文惟云幽州

兵近在定張孝忠傳定州刺史楊政義以州降孝忠遂有易定之地朝廷于

定州置義武軍以孝忠為節度其事在武俊斬惟岳之後此處武俊安得先

為此言新書刪之宜矣

初承宗上稟朝旨○宗當作元今改正

舊唐書卷一百四十二考證

後晉司空同中書門下平章事劉昫撰

列傳第九十三

李懷仙 朱希彩附

朱滔

劉惲 子濟 子德 子德

程日華 子懷直 懷直子權

李全略 子同捷

李懷仙，柳城胡人也。世事契丹降將，守營州。祿山之叛，懷仙以裨將從陷河洛。安慶緒敗，又事史思明，善騎射，有智數。朝義時，僞授為燕京留守。范陽尹寶應元年，元帥雍王統迎統諸兵收復東都，朝義渡河北走，乃令副元帥僕固懷恩率兵追之。時羣兇瓦解，國威方振，賊黨聞懷恩至，望風納款。朝義以餘孽數千奔范陽，懷仙誘而擒之，斬首來獻。懷恩私欲樹黨以固兵權，乃保薦懷仙可用。代宗復授幽州大都督府長史，檢校侍中。幽州盧龍等軍節度使與賊將薛嵩田承嗣張忠志等分河朔而帥之，既而懷恩叛逆，西蕃入寇，朝廷多故，懷仙等四將各招合遺孽，治兵繕邑，部下各數萬。武將吏擅自署置，賈賦不入於朝廷，雖稱藩臣，實非王臣也。朝廷初集姑務懷安，以是不能制懷仙。大曆三年為其麾下兵馬使朱希彩所殺。希彩自稱留後，恆州節度使張忠志以懷仙世舊，無辜覆族，遣將率眾討之。為希彩所敗，朝廷不獲已，宥之。以河南副元帥黃門侍郎同平章事王縉為幽州節度使，授希彩御史中丞。充幽州節度副使，權知軍州事。詔縉赴鎮，希彩聞縉之來，蒐選卒伍，大陳戎備以逆之。縉晏然建旌節，而希彩迎謁甚恭，縉知終不可制，勞軍旬日而還。尋加希彩御史大夫，充幽州節度留後。十二月，加希彩幽州大都督府長史，幽州盧龍軍節度使。五年，封高密郡王，既得位，暴橫自恣，無禮於朝廷。七年，孔目官李璣因人之怒，伺隙斬之。軍人立其兵馬使朱泚為留後，泚自有傳。

朱滔，賊泚之弟也。平州刺史朱希彩為幽州節度，以滔同姓，甚愛之。常令將腹心親兵，及泚為節度使，遂使滔將勁兵三千赴京師。請率先諸軍備塞，自祿山反後，山東范陽，外雖示順，實皆強不庭。泚首勅臣節，代宗喜甚，命滔勸兵東入長安，通化門西出開遠門，出師勞還，未有兵還。王城者，今而許之，蓋示優異。

召滔對于三殿，代宗臨軒勞問，既而曰：卿材孰與泚多？滔曰：各有長短。統御士眾，方略明辨，臣不及泚。臣年二十八，獲謁龍顏，泚長臣五歲，未朝，屬闕，此不及臣。代宗愈喜。大曆九年，泚朝覲，因乞留西征吐蕃，以滔試殿中監，權知幽州盧龍節度留後，兼御史大夫。及田承嗣反，與李寶臣、李正己等解磁州圍。建中二年，寶臣死，其子惟岳謀襲父位，滔與成德軍節度張孝忠征之。大破惟岳於東鹿，滔命偏師守東鹿，進圍深州。惟岳乃統萬餘眾，及田悅援兵圍東鹿。惟岳將王武俊以騎三千方陳橫進，滔續帛為後，貌象使猛士百人蒙之，鼓譟奮馳，賊為驚亂，隨擊大破之。惟岳焚營而遁，以功加檢校司徒。為幽州盧龍軍節度使，以德棣二州隸焉。朝廷以康日知為深趙二州團練使，王武俊為恆冀二州團練使。滔怒，失深州。武俊失寶臣故地，滔構武俊同己反，馬燧圍田悅于魏州，悅告急。滔與武俊遂運兵救悅，敗李懷光於恆山。三年十一月，滔僭稱大冀王，僞署百官。與李納田悅王武俊並稱王。南結李希烈，與元初田悅王武俊以朱泚據京師，滔兵強威，首尾相應。田悅常謂武俊曰：朱滔心險，不可隄防，遂相率歸順。泚既僭號，立滔為皇太弟，仍令以重賂招誘迴紇。南攻魏貝，即西入關，與元元年正月，滔驅率燕薊之眾及迴紇雜虜，號五萬，次南河，攻圍貝州。三月，田緒殺田悅，魏州亂。滔令大將馬實分兵逼魏州，營于王莽河。德宗在山南，慮二兇兵合，遣使授王武俊平章事，令與李抱真叶力擊滔。四月，恆潞兩軍次涇城北，行營相距十里，抱真自率二百騎徑入武俊軍面申盟約，結為兄弟。五月四日，進軍距貝州三十里而軍。翌日，滔令大將馬實盧南史引迴紇契丹來挑戰。武俊遣騎將趙珍提精騎三百當之，抱真將王虔休特角待之。武俊與其子士濟自當迴紇契丹部落，兩軍既合，鼓譟震地。迴紇特捷，穿武俊陣而過。武俊乘騎勒馬不動，俟迴紇引退，因而薄之。迴紇勢不能止，武俊父子縱馬急擊，獲迴紇三百騎。滔陣亂東走，兩邊追斬，俘誠數萬計。遇夜，夾滔壘而軍。是夜滔以殘眾千人奔德州，委棄戈甲山積。滔至瀛州，殺騎將蔡雄揚布，以其前鋒先敗，又殺陰陽人尹少伯，以其言舉兵必勝故也。六月，李晟收京城，朱泚姚令言死。滔還幽州，為武俊所攻，僅不能軍。上章待罪。九月，詔曰：朱滔累獻款疏，深効懇誠。

省之惻然良用憫嘆宜委武俊抱真開示大信深加曉諭若誠心益固善跡克彰朕當掩覆錄勳與之昭雪貞元元年尋卒于位時年四十贈司徒

劉怦幽州昌平人也父實常為廣邊大斗軍使怦即朱浴姑之子積軍功為雄武軍使廣屯田節用以辦理稱稍遷涿州刺史居數年朱浴將兵討田承嗣委署怦領留府事以寬緩得衆心時李寶臣為田承嗣間說與之通謀承嗣又以

滄州與寶臣乃以兵劫朱浴於瓦橋關浴脫身走乘勝欲襲取幽州怦設方略鎮撫寶臣不敢進以功加御史中丞寶臣死子惟岳拒朝命德宗令浴與張孝忠同力討之及惟岳平浴怨朝廷違約不與深州舍怒不已會王武俊亦怨割地深趙相謀叛欲救田悅怦時知幽州留後事遣人齎書謂浴曰司徒位崇太尉

尉居宰相恩寵冠藩臣之右榮遇極矣今昌平故里朝廷改為尉卿司徒里此亦大夫不朽之名也但以忠順自持則事無不濟竊思近日務大舉戰不顧成敗而家滅身屠者安史是也暴亂易亡今復何有怦忝密親世荷恩遇默而無告是實重知惟司徒圖之無貽後悔也浴雖不用其言亦嘉其盡言卒無疑貳凡出征伐必以怦總留後事及僭稱大冀王僞署怦為右僕射范陽留守及

泚據京邑召浴南河至貝州挫敗而還兵甲盡喪怦聞浴將至悉蒐范陽兵甲夾道排列二十餘里以迎浴歸於府第人皆嘉怦忠義貞元二年浴卒三軍推怦權撫軍府事怦為衆所服卒有其地朝廷因授怦幽州大都督府長史兼御史大夫幽州盧龍節度副大使知節度事管內營田觀察押奚契丹經略盧龍軍使居位三月以貞元元年九月卒年五十九廢朝三日贈兵部尚書賜布帛

有差子濟繼為幽州節度使濟怦之長子初母難產既產侍者初見濟是一大蛇黑氣勃勃莫不驚走及長頗異常童所居室焚人皆驚救濟從容而出衆異之累歷本管州縣牧宰及怦為節度使以濟兼御史中丞充行軍司馬怦卒軍人習河朔舊事請濟代父為帥朝廷姑務便安因而從之累加至檢校兵部尚書貞元五年遷左僕射充幽州節度使時高桓鮮卑數寇邊濟帥軍擊走之深入千餘里虜獲不可勝紀東北晏然貞元中朝廷優容藩鎮方甚兩河擅自繼襲者尤驕蹇不奉法惟濟最恭順朝獻相繼德宗亦以恩禮接之尋加同中

書門下平章事順宗即位再遷檢校司徒元和初加兼侍中及詔討王承宗諸軍未進濟獨率先前軍擊破之生擒三百餘人斬首千餘級獻逆將於闕優詔褒之又為詩四韻上獻以表中憤之志明年春將大軍次瀛州累攻樂壽博陸安平等縣前後大獻俘獲賞功頗厚仍與子孫六品官者凡四人未幾有疾會赦承宗錄功拜兼中書令濟在鎮二十餘年雖輸忠款竟不入覲又謀殺其弟

擁擁歸國為信臣及濟疾次子總與濟親吏唐弘實通謀誅殺濟數日乃發喪時年五十四詔贈太師廢朝三日贈禮有加諡曰莊武弟源貞元十六年八月為檢校工部尚書兼左武衛將軍初為涿州刺史不受兄教令濟奏之貶漢州參軍復不受詔濟帥師至涿州源出兵拒之未合而自潰濟擒源至幽州上言請令人覲故授官以徵之擁擁之異母弟也喜讀書工武藝輕財愛士得人死

力事朱浴常陳逆順之理後怦為盧龍軍節度使病將卒擁在父側即以父命召兄濟自漢州至竟得授節度使濟常感擁奉己擁為瀛州刺史亦許以擁代己任其後濟乃以其子為副大使擁既怒濟遂請以所部西捍龐塞拔其所部兵一千五百人男女萬餘口直趨京師在道無一人犯令者德宗寵遇特授秦州刺史以普潤縣為理所及順宗傳位稱太上皇有山人羅令則詰擁言異端數百言皆廢立之事擁立命繫之令則又云某之黨多矣約以憲宗山陵時伺

便而動擁械令則送京師杖死之後錄功賜其額曰保義其軍蕃戎畏之不敢為寇常有復河湟之志議者壯之元和二年十二月卒總濟之第二子也性陰賊險譎元和五年濟奉詔討王承宗使長子緄假為副使領留務時總為瀛州刺史濟署為行營都兵馬使屯軍饒陽師久無功總潛伺其隙與判官張玘孔目官成國寶及帳內小將為謀使詐自京至曰朝廷以相公逗留不進除副大

使為節度使矣明日又使人曰副大使旌節已到太原又使人走而呼曰旌節過代州舉軍驚恐濟驚惶憤怒不知所為因殺主兵大將數十人及與緄素厚者乃追緄以張玘兄臯代知留務濟自朝至日晏不食渴索飲總因寘毒而進之濟死緄行至涿州總矯以父命杖殺之總遂領軍務朝廷不知其事因授以

斧鉞累遷至檢校司空及王承宗再拒命總遣兵取賊武強縣遂駐軍持兩端

以朝朝廷供饋賞賜。是時吳元濟尙存。王承宗方跋扈。易定孤危。憲宗暫務姑息。加總同中書門下平章事。及元濟就擒。李師道梟首。王承宗憂死。田弘正入鎮州。總既無黨援。懷懼。每謀自安之計。初總弒逆後。每見父兄爲祟。甚慘。懼乃於官署後置數百僧。厚給衣食。晝夜乞恩謝罪。每公退。則趨于道場。若入他室。則惕息不敢寐。晚年恐悸尤甚。故請落髮爲僧。冀以脫禍。乃以判官張舉爲留後。總以落髮。上表歸朝。穆宗授天平軍節度使。既聞落髮。乃賜紫。號大覺師。總行至易州界。暴卒。較朝五日。贈太尉。擇日備禮冊命。購絹布一千五百段。米粟五百石。先是元和初。王承宗阻兵。總父濟備陳征伐之術。請身先之。及出軍。累拔城邑。旋屬被病。不克成功。總既繼父。願述先志。且欲盡更河朔舊風。長慶初。累疏求入覲。兼請分劃所理之地。然後歸朝。其意欲以幽涿營州爲一道。請弘靖理之。瀛州漢州爲一道。請盧士玫理之。平薊嬌檀爲一道。請薛平理之。仍籍軍中宿將盡薦於闕下。因望朝廷升獎。使幽薊之人。皆有希羨爵祿之意。及疏上。穆宗且欲速得范陽。宰臣崔植杜元穎又不爲久大經略。但欲重弘靖所授。而未能省其使局。惟瀛漢兩州許置觀察。使其他郡縣。悉命弘靖統之時。總所薦將校。又俱在京師旅舍中。久而不問。如朱克融輩。僅至假衣丐食。日請中書求官。不勝其困。及除弘靖。又命悉還本軍。克融輩雖得復歸。皆深懷觖望。其後果爲叛亂。總既以土地歸國。授其弟約及男等一十一人領郡符。加命服者五人。升朝班。佐宿衛者六人。

程日華。定州安喜人。本單名華。父元皓。事安祿山爲帳下將。從陷兩京。頗稱勇力。史思明時。爲定州刺史。華少事本軍。爲張孝忠牙將。初李寶臣授恆州節度。吞削藩籬。有恆冀深趙易定滄德等八州。寶臣既卒。惟岳岳拒朝命。以圖繼襲。寶臣部將張孝忠。以定州歸國。授成德軍節度使。令與朱滔計惟岳岳及惟岳岳。朝廷以恆冀授王武俊。深趙授康日知。易定滄授張孝忠。分爲三帥。時惟岳岳將李固烈守滄州。孝忠令華詣固烈交郡。固烈將歸。真定悉取滄州府藏。累乘而還。軍人怒。殺固烈。皆奪其財。相與詣華曰。李使君貪鄙而死。軍州請押牙權領。不從。已從之。孝忠因授華知滄州事。未幾朱滔合武俊謀叛。滄定往來艱阻。二盜

遂欲取滄州。多遣人遊說。又加兵攻圍。華俱不聽從。乘城自固。久之。錄事參軍李宇爲華謀曰。使君受圍累年。張尙書不能致援。論功獻捷。須至中山。所謂勞而無功者也。請爲足下至京師。自以一州爲使。華即遣之。宇入關。備陳華當二盜之間。疲於矢石。德宗深嘉之。拜華御史中丞。滄州刺史。復置橫海軍。以華爲一使。尋加工部尙書。御史大夫。賜名曰華。仍歲給義武軍糧餉數萬。自是別爲一州。且借騎二百以抗賊。俟道路通。即從命。武俊喜。即以二百騎助之。華乃留其馬。遣人皆還。武俊怒其背約。又以朱滔方攻圍。慮爲所有而止。及武俊歸國。河朔無事。日華即遣所留馬還。武俊別陳珍幣謝過。武俊歎然而釋。貞元四年卒。贈兵部尙書。子懷直。懷直習河朔事。父卒。自知留後事。朝廷嘉父之忠。起復授檢校工部尙書。兼御史大夫。升橫海軍爲節度。以懷直爲留後。又於弓高縣置景州。管東光景城二縣。以爲屬郡。累加至檢校尙書右僕射。五年。起復正授節度觀察使。懷直荒於畋獵。數日方還。不恤軍政。軍士不勝寒餒。其帳下將從父兄懷信。因衆怒。閉門不內。懷直因來朝覲。貞元九年也。德宗優容之。依前檢校右僕射。兼龍武統軍。賜安業里甲第。妓女一人。既而懷信死。懷直子執恭知留後事。乃遣懷直歸滄州。十六年卒。年四十九。廢朝一日。贈楊州大都督。執恭代襲父位。朝廷因而授之。元和六年入朝。憲宗禮遇遺之。加尙書左僕射。嘗夢滄州衙門樓額悉帖權字。遂奏請改名權。十三年。淮西賊平。藩方惕息。權以父子世襲如三鎮事。例心不自安。乃請入朝。十三年至京師。表辭戒帥。因命華州刺史鄭權代之。以靖安里私第側狹。賜地二十畝。令廣其居。尋遷檢校司空。邠州刺史。邠寧節度使。十四年十一月卒。贈司徒。權兄弟子姪在朝列宿衛者三十餘人。

李全略者。本姓王。名曰簡。爲鎮州小將。事王武俊。元和中。節度使王承宗沒。軍情不安。自拔歸朝。授代州刺史。及長慶初。鎮州軍亂。殺田弘正。穆宗爲之。盱食以日簡嘗爲鎮將。召問其計。日簡遂於御前極言利害。兼願有以自効。因授德州刺史。經略其事。明年。擢拜橫海軍節度使。賜姓李氏。各全略。以崇樹之。未幾。

令子同捷入侍兼進錢千萬踰歲同捷歸覲乃奏請授滄州長史知州事兼主中軍兵馬朝廷初不之許後慮其有奇策將副經略之旨遂從之及得讀全略乃陰結軍士潛為久計外示忠順內蓄姦謀棣州刺史王稷奪撫衆且得其心全略忌而殺之仍孛戮其屬凡所為事大率類此寶曆二年四月辛子同捷初為副大使居喪擅留後事仍重賂藩鄰以求續戰朝廷知其所為經年不問屬昭愷晏駕文宗即位同捷冀易世之後稍行恩貸即令母弟同志同異入朝令掌書記崔長奉表備達懇誠請從朝旨詔授同捷檢校左散騎常侍兗州刺史充海節度使以天平節度使烏重胤為滄州節度以代之詔下同捷託以三軍乞留拒命乃命烏重胤率齊兵加討又詔徐帥王智興滑帥李聽平盧康志睦魏博史憲誠易定張瑄幽州李載義等四面進攻同捷世行姦詐自以嘗在成德軍為將校燕趙之師可結為城社乃以玉帛子女賂河北三鎮以求旄鉞李載義初受朝命堅於効順乃囚同捷姪及所賂玉帛妓女四十七人表獻又表朝廷加載義左僕射王廷湊司徒以悅其心事廷湊本蓄狠心欲吞橫海乃出兵于境以赴同捷王智興師次棣州詔曰李同捷幸襲舊勳不思續緒斬豚未幾私行墨綬毒殺忠良擾惑部校稽之國憲難追常刑朕以頃在先朝已稽中旨實遵成命未議改圖乃由留務之權授以戎帥拔負海之陋置之中華推恩舍垢斯亦至矣而同捷益懷迷執閉境練兵大詬鄰封拒捍中使遐邇憤怨中外驚嗟叛命既彰大義當絕事非獲已良用憮然其同捷在身官爵並宜削奪令諸軍進討俄而烏重胤卒授神策節度使李寰代重胤出師無功召還乃加王智興平章事充行營招撫使史憲誠遣大將丁志沼與子唐帥兵二萬五千攻德州大和二年九月智興收棣州因割隸淄青時諸軍在野朝廷特置供軍糧料使日費浸多兩河諸帥每有小捷虛張俘級以邀賞賚實欲困朝廷而緩賊也續帛征馬賜之無算同捷既寤王廷湊援之不及乃令人誘丁志沼俾倒戈攻憲誠許以代為魏博節度志沼信其言而叛憲誠告難詔李聽以諸道兵攻之志沼敗奔于鎮州李寰赴闕又以李祐代為橫海節度三年二月詔諫議大夫柏耆軍前慰撫四月李祐收德州同捷乞降于祐祐疑其詐柏耆請

以騎兵三百入滄州祐從之耆徑入滄州取同捷與其家屬赴京師其月二十六日至德州界謀言廷湊兵來劫篡耆乃斬同捷首傳而獻捷百寮稱賀同捷母孫妻崔兒元達等既獻詔悉宥之配於湖南安置

史臣曰國家崇樹藩屏保界山河得其人則區宇以寧失其授則干戈勃起若懷仙之輩習亂河朔志深狡蠹忠義之談罔經耳目以暴亂為事業以專殺為雄豪或父子弟兄或將帥卒伍迭相屠滅以成風俗斯乃王道淺微教化不及惜哉蒸民陷彼虎吻其間劉總粗貯臣誠然而殺父兄以圖榮落鬢髮而避禍未旋踵而暴卒他境斯謂報應之驗與

贊曰國法不綱賊臣鳴張雖曰父子兇如虎狼惡稔族滅身屠地土蠢茲伏莽汗我彝章

舊唐書卷一百四十三

舊唐書卷一百四十三考證

程日華傳李寶臣吞削藩隣有恆冀深趙易定滄德等八州○臣酉按寶臣傳云時寶臣有恆定易趙深冀六州之地後又得滄州以七州自給又賜惠元傳李寶臣有恆易深趙冀定七州之地德州屬淄青且下文云以恆冀授武俊深趙授日知易定滄授孝忠德州並不在數八當作七德衍文程懷直傳五年起復正授節度觀察使○沈炳震曰日華卒于貞元二年六月不當云起復此蓋承上四年之誤

懷直荒于畋獵其從父兄懷信因衆怒閉門不內懷直因來朝觀貞元九年也既而懷信死懷直子執恭知留後事乃遣懷直歸滄州十六年卒執恭代襲父位朝廷因而授之元和六年入朝奏請改名權○臣酉按新書懷信閉門不納懷直入朝帝不之罪更以虔王爲節度使懷信爲留後明年懷信爲節度矣十六年懷直卒後五年懷信死子權襲領留務二書不合一以權爲懷直子一以權爲懷信子一以懷信卒在前一以懷直卒在前未知孰是至懷直歸滄州新書不載又德宗紀貞元十年懷直入朝復還鎮十一年爲懷信所逐復入朝又與此不合

舊唐書卷一百四十三考證

舊唐書卷一百四十四

後晉司空同中書門下平章事劉昫撰

列傳第九十四

尚可孤 李觀 戴休顏 陽惠元

李元諒 韓遊瓌 賈隱林 杜希全

尉遲勝 邢君牙 楊朝晟 張敬則

尚可孤，東部鮮卑宇文之別種也。代居松漠之間。天寶末歸國，隸范陽節度安祿山。後事史思明。上元中歸順，累授左右威衛二大將軍。同正，充神策大將。以前後功改試太常卿，仍賜實封一百五十戶。魚朝恩之統禁軍，愛其勇，甚委遇之。俾為養子，妻姓魚氏，各智德，以禁兵三千鎮于扶風縣。後移武功。可孤在扶風武功凡十餘年，士伍整肅，軍邑安之。朝恩死，賜可孤姓李氏，名嘉勳。會李希烈反叛，建中四年七月，除兼御史中丞，荆襄應援淮西使，仍復本姓名。尚可孤以所統之衆赴山南，累有戰功。及涇原兵叛，詔徵可孤軍至藍田，賊衆方威，遂營於七盤，修城柵而居之。賊將仇敬等來寇，可孤頻擊破之。因收藍田縣，與元元年三月，遷檢校工部尚書兼御史大夫，神策京畿渭南商州節度使。四月，仇敬又來寇，可孤率兵急擊，擒仇敬斬之。遂進軍與副元帥李晟決策討。五月，晟率可孤及駱元光之軍收京城，可孤之師為先鋒。京師平，以功陞檢校右僕射，封馮翊郡王，增邑通前八百戶。實封二百戶。可孤性謹愿，沉毅，既有勳勳，衆會之中，未嘗言功。賊平之後，營於白花亭，御衆公平，號令嚴整。時人稱焉。李晟甚親重之。及李懷光以河中叛，詔可孤帥師與諸軍進討。次於沙苑，遇疾卒于軍。贈司徒，布帛米粟加等，喪葬所須並令官給。

李觀，洛陽人。其先自趙郡徙焉。秋官員外郎敬仁姪孫也。少習武藝，沉厚寡言。有將帥識度。乾元中以策于朔方節度使郭子儀，子儀善之，令佐坊州刺史吳仲光防遏使，尋以憂免。居盤屋別業，廣德初吐蕃入寇，變駕之隊，觀於盤屋，率鄉里子弟千餘人守黑水之西，戎人不敢近。會嶺南節度楊慎微將之鎮，以觀權謀，委充偏將，俾總軍政。及徐浩李勉繼領廣州，尤加信任。麾下兵甲悉委之。

戴休顏，夏州人。在軍伍以膽略稱。大曆中為郭子儀部將，以戰功累遷至鹽州刺史。奉天之難，倍道以所部蕃漢三千人號泣赴難。德宗嘉之，賜實封二百戶。與渾瑊杜希全韓遊瓌等捍禦有功，車駕再幸梁洋，留守奉天及李懷光叛，據咸陽，使誘休顏。休顏集三軍斬其使，嬰城自守。懷光大駭，遂自涇陽夜遁。其月拜檢校工部尚書。奉天行營節度使李晟收京師，乃與渾瑊破泚偏師，斬首三千級。休顏追賊至中渭橋，李晟既清宮闕，休顏與瑊等率兵赴岐陽邀擊泚餘衆，及策勳加檢校右僕射，封至六百戶。七月，虜駕至京，特賜女樂甲第以褒功。代尋拜左龍武將軍。貞元元年卒，年五十九。廢朝一日，贈賻有差。

陽惠元，平州人。以材力從軍。隸平盧節度劉正臣，後與田神功李忠臣等相繼泛海至青齊間，忠勇多權略，稱為名將。又以兵隸神策，充神策京西兵馬使。鎮奉天，初大曆中，兩河平定，事多姑息。李正己有淄青齊海登萊沂密德棣曹濮徐兗鄆十五州之地，兵十萬，李寶臣有恆易深趙滄冀定七州之地，有兵五萬。田承嗣有魏博相衛洛貝澶七州之地，有兵五萬。梁崇義有襄鄧均房復郢六州之地，其衆二萬。皆始因叛亂得侯，各擅土宇。雖泛稟朝旨，而威刑爵賞，生殺自專，盤根結固，相為表裏。朝廷常示大信，不為拘限。緩之則嫌，急之則合謀。或聞詔旨，將增一城，浚一池，必皆怨怒。有辭，則為之罷役，而自於境內治

平馮崇道朱泚時有功，累遷大將。李勉移鎮滑州，累奏授試殿中監，加開封府儀同三司，追赴闕，授右龍武將軍。建中末，涇師叛，觀時上直，領衛兵千餘人扈從。奉天詔都巡警訓練諸軍戍卒，三數日間，加召二千餘衆。列之通衢，整肅聲鼓。城內因之增氣。德宗倚賴之，賜封二百戶。二子宏，寓授入品京官，及駕出奉天，與令狐建李昇韋清等成執羈勒，周旋艱險，皆著功勞。駕還京師，詔總後軍禁衛，與元元年閏十月，拜四鎮北庭行軍涇原節度使。檢校兵部尚書。在鎮四年，雖無拓境之績，勵卒儲糧，訓整軍輜，及平涼之師，會渾瑊既無戎備，觀何知校謀，潛擇精兵五千要伏險道，及城遁歸，賴觀游軍及李元諒之師表裏，以免帝優賞，賜養甚厚。特詔褒美。其年朝京師，除少府監，檢校工部尚書，以疾終。貞元四年，贈太子少傅。

韓遊瓌，杜希全，韓遊瓌等捍禦有功，車駕再幸梁洋，留守奉天及李懷光叛，據咸陽，使誘休顏。休顏集三軍斬其使，嬰城自守。懷光大駭，遂自涇陽夜遁。其月拜檢校工部尚書。奉天行營節度使李晟收京師，乃與渾瑊破泚偏師，斬首三千級。休顏追賊至中渭橋，李晟既清宮闕，休顏與瑊等率兵赴岐陽邀擊泚餘衆，及策勳加檢校右僕射，封至六百戶。七月，虜駕至京，特賜女樂甲第以褒功。代尋拜左龍武將軍。貞元元年卒，年五十九。廢朝一日，贈賻有差。

賈隱林，杜希全，韓遊瓌等捍禦有功，車駕再幸梁洋，留守奉天及李懷光叛，據咸陽，使誘休顏。休顏集三軍斬其使，嬰城自守。懷光大駭，遂自涇陽夜遁。其月拜檢校工部尚書。奉天行營節度使李晟收京師，乃與渾瑊破泚偏師，斬首三千級。休顏追賊至中渭橋，李晟既清宮闕，休顏與瑊等率兵赴岐陽邀擊泚餘衆，及策勳加檢校右僕射，封至六百戶。七月，虜駕至京，特賜女樂甲第以褒功。代尋拜左龍武將軍。貞元元年卒，年五十九。廢朝一日，贈賻有差。

杜希全，韓遊瓌等捍禦有功，車駕再幸梁洋，留守奉天及李懷光叛，據咸陽，使誘休顏。休顏集三軍斬其使，嬰城自守。懷光大駭，遂自涇陽夜遁。其月拜檢校工部尚書。奉天行營節度使李晟收京師，乃與渾瑊破泚偏師，斬首三千級。休顏追賊至中渭橋，李晟既清宮闕，休顏與瑊等率兵赴岐陽邀擊泚餘衆，及策勳加檢校右僕射，封至六百戶。七月，虜駕至京，特賜女樂甲第以褒功。代尋拜左龍武將軍。貞元元年卒，年五十九。廢朝一日，贈賻有差。

兵繕豐以自固。凡歷三朝。殆二十年。國家不敢與拳石撮土之役。代宗性寬柔。無怒。一切從之。凡河朔諸道健步募計者。必獲賜賚。及德宗即位。嚴察神斷。自誅劉文喜之後。知朝法不可犯。四盜俱不自安。募計者空還。無所賞賜。歸者多怨。或傳說飛語。云帝欲東封。汴州奏以城隘狹。增築城郭。李正己聞之。移兵萬人屯于曹州。田悅亦加兵河上。河南大擾。羽書警急。乃詔移京西戎兵萬二千人以備關東。帝御望春樓。親誓師以遣之。曰。嗚呼。東鄙之警。事非獲已。唯爾將校。羣士各以忠節。勤於王家。南赴蜀門。西定涇壘。甲冑不解。瘡痍未平。今載用爾分鎮于周鄭之郊。敬聽明命。夫王者之師。有征無戰。稽諸理道。用正邦國。宜勵乃戈甲。保固城池。以德和人。以義制事。將備其侵軼。不用越境攻取。載而後動。可謂正矣。今外夷來庭。方春生植。品物資始。農桑是時。俾爾將士。暴露中野。我心痛悼。鬱如焚灼。嗟爾有衆。其悉予懷。士卒多泣下。及賜宴。諸將列坐。酒至神策將士。皆不飲。帝使問之。惠元時為都將。對曰。臣初發奉天。本軍帥張巨濟與臣等約曰。斯役也。將策大勳。建大名。凱旋之日。當共為歡。苟未戎捷。無以飲酒。故臣等不敢違約而飲。既發。有司供饋於道路。他軍無遺。唯惠元一軍。餅壘不發。上稱嘆久之。降璽書慰勞。及田悅反。詔惠元領禁兵三千與諸將討伐。戰御河。奪三橋。皆惠元之功也。尋加檢校工部尚書。攝貝州刺史。令以兵屬李懷光。建中四年冬。自河朔與懷光同赴國難。解奉天之圍。明年二月。懷光背國叛。逆惠元義不受汙。脫身奔竄奉天。會乘輿南幸。懷光怒惠元之逸。令其將冉宗以百餘騎追及於好時縣。惠元計窮。父子三人並投人家井中。冉宗並出而害之。與元元年。贈右僕射。仍賜絹百匹。惠元男尚食奉御。殿中監。左衛兵曹參軍。賜郿州刺史。褒死難也。

李元諒。本駱元光。姓安氏。其先安息人也。少為宦官駱奉先所養。冒姓駱氏。元諒長大。美鬚勇。敢多計。少從軍。備宿衛。積勞試太子詹事。鎮國軍節度使李懷讓署奏。鎮國軍副使。俾領州事。元諒嘗在潼關領軍。積十數年。軍士皆畏服。德宗居奉天。賊泚遣偽將何望之。輕騎襲華州。刺史董晉棄州走。望之遂據城。將聚兵以絕東道。元諒自潼關將所部。仍令義兵。因其未設備。徑攻望之。遂拔華

州。望之走歸。元諒乃修城隍器械。召募不數日。得兵萬餘人。軍益振。以功加御史中丞。賊泚數遣兵來寇。輒擊却之。是時尚可孤守藍田。與元諒犄角。賊東不能逾渭南。元諒功居多。無幾。遷華州刺史。兼御史大夫。潼關防禦。鎮國軍節度使。尋加檢校工部尚書。與元元年五月。詔元諒與副元帥李晟。進收京邑。兵次於陝西。賊悉眾來攻。元諒先士卒奮擊。大敗之。進軍至苑東。與晟力戰。壞苑垣而入。賊聯戰皆敗。遂復京師。元諒讓功於晟。出屯於章敬佛寺。帝還宮。加檢校尚書右僕射。實封七百戶。賜甲第女樂。仍與一子六品正員官。李懷光反於河中。絕河津。詔元諒與副元帥馬燧。渾瑊同討之。時賊將徐庭光以銳兵守長春宮。元諒遣使招之。庭光素輕易元諒。且慢罵之。又以優胡為戲於城上。辱元諒。先祖元諒深以為恥。及馬燧以河東兵至。庭光降於馬燧。詔以庭光為試殿中監。兼御史大夫。河中平。燧待庭光益厚。元諒因遇庭光於軍門。命左右劫而斬之。乃詰燧。匍匐請罪。燧感怒。將殺元諒。久之。以其功高。乃止。德宗以元諒專殺。慮有章疏。先令宰相論諫。官勿論。貞元三年。詔元諒將本軍從渾瑊與吐蕃會盟于平涼。元諒謂瑊曰。本奉詔令營於潘原堡。以應援侍中。竊思潘原去平涼六七十里。蕃情多詐。讜有急變。何由應赴。請次侍中為營。瑊以違詔。固止之。元諒竟與瑊同進。瑊營距盟所二十里。元諒營次之。壕柵深固。及瑊赴會。乃戒嚴部伍。結陣營中。是日虜果伏甲。乘城無備。竊發。時士大夫皆朝服。就執軍士死者十七八。瑊單馬奔還。羣虜追躡。瑊營將李朝彩不能整眾。多已奔散。瑊至。空營而已。賴元諒之軍嚴固。瑊既入營。虜皆散去。是日無元諒軍。瑊幾不免。元諒乃整軍。先遣輜重。次與瑊俱申號令。嚴其部伍。而還。時謂元諒有將帥之風。德宗嘉之。賜良馬十匹。金銀器錦綵等甚厚。丁母憂。加右金吾衛上將軍。起復本官。帝念其勤勞。又賜姓李氏。改名元諒。四年春。加龍右節度支度營田觀察。臨洮軍使。移鎮良原。良原古城多摧圯。龍東要地。虜入寇。常牧馬休兵於此。元諒遣烽埃。培城補堞。身率軍士。與同勞逸。芟林薙草。斬荆榛。俟乾。盡焚之。方數十里。皆為美田。勸軍士樹藝。歲收粟穀數十萬斛。生殖之業。陶冶必備。仍距城築臺。上設軍弩。為城守備。益固無幾。又進築新城。以據便地。虜每寇掠。輒擊卻之。

涇龍由是又安。虜深憚之，以疾。貞元元年十一月卒于夏原，年六十二。帝甚悼惜。廢朝三日，贈司空，賜布帛米粟有差。

韓遊瓌，河西靈武人。仕本軍，累歷偏裨，積功至郿軍節度使。德宗出幸奉天，衛兵未集，遊瓌與慶州刺史論惟明合兵三千人赴難。自乾陵北過赴醴泉，以拒泚。會有人自京城來，言賊信宿當至，上遽令追遊瓌等軍伍，纒入壁，泚黨果至，乃出關城下，小不利，乃退入城。賊急奪門，遊瓌與城隔門血戰，會方解，自是賊日攻城，遊瓌惟明乘城拒守，躬當矢石，不暇寢息。赴難之功，遊瓌首焉。李懷光反，從駕山南。德宗以禁軍無職局，六軍特置統軍一員，秩從二品，以遊瓌惟明賈隱林等分典從駕禁兵。李晟移軍東渭橋，與駱元光尚可孤分扼京東要路。渾瑊與遊瓌載休頹分典京西要路，犄角進攻。與元元年，檢校刑部尚書兼御史大夫，例授奉天定難功臣。李晟收京城，遊瓌三將亦破賊於咸陽。德宗自興元還京，渾瑊與遊瓌休頹三將從李晟尚可孤駱元光三將奉迎，論功行封。與瑊相等次還鎮郿軍三年，以子欽緒與妖賊李廣弘同謀不軌，時遊瓌鎮長武城，事將發，欽緒奔于郿州，郿州將吏械送京師。遊瓌以子大逆，請代歸，固欲詣闕，詔不許。遊瓌錄繫欽緒二子送京師，請從坐，上亦宥之。十二月，遊瓌入朝，素服待罪，入朝堂，遽命釋之，勞過如故。復令還鎮，初遊瓌入覲，郿州將吏以其子謀叛，又御軍無政，謂必受代，餞送之禮甚薄。及遊瓌見上，感論邊事，請築豐義城以備蕃寇，上以特達，委用如初。及還鎮，軍中懼不自安，大將范希朝善將兵，名聞軍中，遊瓌畏其逼己，將因事誅之。希朝懼，出奔鳳翔，上素知名，召入宿衛，及遊瓌遣五百人築豐義城，兩板而潰，又郿州戍卒數百人，縱掠而叛，其無方略，失士心，皆此類也。自郿州卒叛，吐蕃入寇，遊瓌自率衆戍郿州。四年七月，除將軍張獻甫代遊瓌，不俟獻甫至，又不告衆知，乃輕騎夜出歸朝，將卒素驕，聞獻甫殿急，因其無帥，縱兵大掠，且圍監軍楊明義第，請委范希朝為帥，都虞候楊朝晟初逃難郊外，翌日聞請希朝，乃復入城，與軍衆曰：「所請甚愜，我來實也。」叛卒稍安。朝晟乃與諸將密謀，晨率甲兵而出，召叛卒告曰：「前請者不獲，張尚書來，昨日已入郿州，汝等謀叛，皆當死，吾不盡殺，誰為賊首，各首之，以罪歸。」

之餘悉不問，於衆中唱二百餘人，立斬之。軍城方定，上聞軍情，欲希朝，乃授軍州刺史，為獻甫郿軍之副。遊瓌至京，授右龍武統軍。十四年卒。李廣弘者，或云宗室親王之胤，落髮為僧，自云見五岳四瀆神，已當為人主。貞元三年，自郿州至京師，有市人董昌者，通導廣弘，舍于寶敬寺。尼智因之，宣智因本宮人董昌以酒食結殿前射生將韓欽緒、李政諫、南珍霞、神策將魏修、李修、前越州參軍劉昉、陸緩、陸絳、陸充、徐綱等，同謀為逆。廣弘言岳瀆神言，可以十月十日舉事，必捷。自欽緒已下，皆有署置為宰相，以智因尼為后，謀於舉事日夜令欽緒擊鼓於凌雲門，焚飛龍殿舍草積，又令珍霞盜擊街鼓，集城中人，又令政諫修修等領射生神策兵內應，事克，縱剿五日，朝官悉殺之，事未發，魏修李修上變，令內官王希遷等捕其黨與斬之。德宗因禁止諸色人不得輒入寺觀。

賈隱林者，滑州牙將也。建中初，為本軍兵馬使，令率兵宿衛。朱泚之亂，諸軍未集，隱林率衆扈從，性質朴，在奉天，賊急攻城，隱林與侯仲莊逐急救，應難險備至，既而懷光軍至，逆賊解圍，從臣稱慶。隱林舞臺，奏曰：「賊泚奔遁，臣下大慶，此皆宗社無疆之休，然陛下性靈太急，不能容忍，若舊性未改，賊雖奔亡，臣恐憂未艾也。」上不以為忤，甚稱之。累官至檢校右散騎常侍，封武威郡王。將幸山南而卒，贈左僕射，賜其家實封三百戶，賻絹百匹，米百碩，喪葬官給。

杜希全，京兆醴泉人也。少從軍，嘗為郭尚父子儀裨將，積功至朔方軍節度使。軍令嚴肅，士卒皆悅服。初，德宗居奉天，希全首將所部與鹽州刺史戴休頹、夏州刺史時常春合兵赴難。軍已次漢谷，為賊泚邀擊，乘高縱礮，又以大弩射之，傷者衆。德宗令出兵援之，不得進。希全退次郿州，以赴難功，加檢校戶部尚書。行在都知兵馬使，從幸梁州。帝還京師，遷太子少師，檢校右僕射，兼鹽州大都督。御史大夫受降定遠城，天德軍靈鹽豐夏等州節度支度營田觀察，押蕃落等使。餘姚郡王希全將赴靈州，當獻體要八章，多所規諫。德宗深納之，乃著君臣箴以賜之。其辭曰：夫惟德惠人，惟辟奉天，從諫則聖，共理惟賢，皇立有極，職命不易，總萬機以成務，齊六合之殊致，一心不能獨靈，一目不能周視，敷求若人，式序在位，於戲君之任臣，必求一德，臣之事君，咸思正直，何啓沃之所宜自。

古今而未得且以讒言者逆耳讒諛者何側故下情未通而上聽已惑俾夫忠賢敗於凶惡譬彼輕舟悉徒楫之亦有和羹宰夫膳之執云理國不自得師覆車之軌子其儻而高以下升和由甘受惟君無良亦臣之咎聞諸辛毗牽裾魏后則有禽息竭忠碎首勉思獻替以平可否勿謂無傷自微而彰勿謂何害積小成大事有隱而必見令既出而焉悔鼓鍾在宮聲聞于外浩然涉水朕未有艾將質展以虛心期盡忠而納誨在昔稷契實匡舜禹近茲魏徵佑我文祖君臣協德混一區宇肆予寡昧獲續丕緒臣哉隣我爾翼爾輔高秋始肅我武惟揚輟此禁衛殿于大邦戀闕方甚嘉言乃昌是規是諫金玉其相辭高理要入德知方總彼千慮備于八章宣父有言啓子者商殷有盤銘周有敬器或誠以辭或警以事披圖演義發于爾志與金鏡而高懸將座右而同置人皆有初辭慎厥終汝其夙夜期保朕躬無曰爾身在外而爾誠不通一言之應千里攸同等彼遐徐達余四聰華夷仰德時乃之功既往既來懷賢忉忉唱子和汝式示深衷尋兼本管及夏綏節度都統加太子少師希全以鹽州地當要害自貞元三年西蕃劫盟之後州城陷虜自是塞外無保障靈武勢隔西通鄜坊甚為邊患朝議是之九年詔曰設險守國身象垂文有備無患先王令典况修復舊制安固疆里偃甲息人必在於此鹽州地當衝要遠介朔陲東達銀夏西援靈武密邇延慶保扞王畿乃者城池失守制備無據千里庭障烽燧不接三隅要害役戍其勤若非與集師徒繕修壁壘設攻守之具務耕戰之方則封內多虞諸華屢警由中及外皆靡寧居深惟永圖豈忘終食願以謹德至化未孚既不能復前古之治致四夷之守與其臨事而重擾豈若先備而即安是用弘久遠之謀修五原之壘使邊城有守中夏克寧不有暫勞安能永逸宜令左右神策及朔方河中絳邠寧慶兵馬副元帥渾瑊朔方靈鹽豐夏綏銀節度都統杜希全邠寧節度使張獻甫神策行營節度使邢君牙銀夏節度使韓潭鄜坊節度使王栖曜振武節度使范希朝各於所部簡練將士令三萬五千人同赴鹽州神策將軍張昌宜權知鹽州事應板築雜役取六千人充其鹽州防秋將士率三年滿更代仍委杜彥先具名奏聞悉與改轉朕情非已欲志在靖人咨爾將相

之臣忠良之士輸誠奉命陳力忘憂勉茂功勳永安疆場必集兵事實惟衆心各相率勵以副朕志凡役六千人二旬而畢時將板築仍詔涇原劍南山南諸軍深討吐蕃以牽制之由是板築之時虜不及犯塞城畢中外稱賀由是靈武銀夏河西稍安虜不敢深入希全久鎮河西晚節倚邊多恣橫帝嘗寬之豐州刺史李景略威名出其右希全深忌之疑畏代己乃誣奏景略德宗不得已為貶之素病風眩暴戾益甚判官監察御史李起頗忤之希全又誣奏殺之將吏皆重足脅息貞元十年正月卒廢朝三日贈司空

尉遲勝本于闐王珪之長子少嗣位天寶中來朝獻名馬奚玉玄宗嘉之妻以宗室女授右威衛將軍毗沙府都督還國與西安節度使高仙芝同擊破薩毗播仙以功加銀青光祿大夫鴻臚卿改光祿卿皆同正至德初聞安祿山反勝乃命弟曜行國事自率兵五千赴難國人留勝以少女為質而後行肅宗待之甚厚授特進兼殿中監廣德中拜驃騎大將軍毗沙府都督于闐王令還國勝固請留宿衛加開府儀同三司封武都王實封百戶勝請以本國王授曜詔從之勝乃於京師修行里感飾林亭以待賓客好事者多訪之建中末從幸奉天為兼御史中丞駕在興元勝為右領軍將軍俄遷右威衛大將軍歷睦王傳貞元初曜遣使上疏稱有國以來代嫡承嗣兄勝既讓國請傳勝子銳上乃以銳為檢校光祿卿兼毗沙府長史還固辭且言曰曜久行國事人皆悅服銳生於京華不習國俗不可遣往因授詔王諒議兄弟讓國人多稱之府除以勝為原王傳卒時年六十四貞元十年贈涼州都督子銳嗣

邢君牙瀛州樂壽人也少從軍於幽薊平盧以戰功歷果毅折衝郎將充平盧兵馬使安祿山反隨平盧節度使侯希逸過海至青徐間田神功之討劉展君牙又從神功戰伐有功歷將軍試光祿卿神功既為兗鄆節度使令君牙領防秋兵入鎮好時屬吐蕃陵犯代宗幸陝君牙隸屬禁軍扈從後又以戰功加鴻臚卿累封河間郡公建中初河北諸節帥叛李晟率禁軍助馬燧等征之晟以君牙為都虞候累於武安襄國恒水魏縣清豐討賊有功君牙擒生斬級居多屬德宗幸奉天晟率君牙統所部兵倍道兼程來赴國難及駐軍咸陽移營渭

一 二 二 一 〇

橋軍中之事。嚴惟與君牙商之。他人莫可得而聞也。收復官闕。驟加御史大夫。檢校常侍。既而嚴爲鳳翔。涇元帥。數出軍巡邊。常令君牙掌知留後。軍府安悅。貞元三年。嚴以太尉中書令歸朝。君牙代爲鳳翔尹。鳳翔隴州都防禦觀察使。尋遷右神策行營節度。鳳翔隴州觀察使。加檢校工部尚書。吐蕃連歲犯邊。君牙且耕且戰。以爲守備。西戎竟不能爲大患。尋加檢校右僕射。貞元十四年卒。時年七十一。廢朝一日。贈司空。賜布帛米粟有差。

楊朝晟。字叔明。夏州朔方人。初在朔方爲部軍前鋒。常有功。授甘泉果毅。建中初。從李懷光討劉文喜于涇州。斬獲擒生居多。授驃騎大將軍。稍遷右先鋒兵馬使。後李納寇徐州。從唐朝臣征討。常冠軍鋒。以功授開府儀同三司。檢校太子賓客。上在奉天。李懷光自山東赴難。以朝晟爲右廂兵馬使。將千餘人下咸陽。以挫朱泚。加御史中丞。實封一百五十戶。及懷光反於河中。朝晟被脅在軍。上幸梁洋。韓遊瓌退於邠寧。懷光以嘗在邠寧。迫制如屬城。以賊黨張昕在邠州。總後務。所懼難作。乃大索軍資。徵卒乘。約明潛發歸于懷光。時朝晟父懷賓爲遊瓌將。夜後以數十騎斬昕及同謀者。遊瓌即日使懷賓奉表聞奏。上召勞問。授兼御史中丞。正授遊瓌邠寧節度使。聞諜至河中。朝晟聞其事。泣告懷光曰。父立功于國。子合誅戮。不可主兵。懷光遂繫之。及諸軍進圍河中。韓遊瓌營于長春宮。懷賓身當戰伐。及懷光平。上念其忠。俾副元帥渾瑊。特原朝晟。用爲遊瓌都虞候。時父子同軍。皆爲開府賓客。御史中丞。異姓王。榮於軍中。後詔徵遊瓌宿衛。以張獻甫代之。獻甫在道。軍中有裴滿者。扇亂劫朝晟。朝晟陽許之。密計斬三百餘人。獻甫入。改御史大夫。九年。城鹽州。徵兵以護外境。朝晟分統士馬。鎮木波堡。獻甫卒。詔以朝晟代之。其年丁母憂。起復左金吾大將軍。同正。邠州刺史。兼御史大夫。十三年春。朝晟奏方渠合道木波。皆賊路也。請城其地。以備之。詔問須兵幾何。朝晟奏曰。臣部下兵自可集事。不煩外助。復聞前築鹽州。凡與師七萬。今何其易也。朝晟曰。鹽州之役。咸集諸軍。番戎盡知之。今臣境迫虜。若大興兵。即番戎來寇。來寇則戰。戰則無暇城矣。今請密發軍士。不十日。至塞下。未旬而功畢。番人始知。已無奈何。上從之。已事軍還。至馬嶺。吐蕃始來。

數日而退。初軍次方渠。無水。師疲。暮然。遠有青蛇乘高而下。視其迹。水隨而流。朝晟命築防禦之。遂爲涇泉軍人仰飲以足。圖其事。上聞。詔置祠焉。免喪。加檢校工部尚書。是夏。以防秋移軍寧州。遵疾旬餘而卒。

張敬則者。不知何許人。本名昌。後賜名敬則。初助劉玄佐。累有軍功。官至鳳翔節度使。常有復河湟之志。遣大將野詩。良輔發銳卒至隴西。番戎大駭。元和二年六月卒。

史臣曰。有唐中否。逆寇勃興。天王窘以蒙塵。諸侯忠而赴難。可孤生居沙漠。挺然懷效命之風。功冠魏狄。屹爾有不矜之色。李觀文儒之貴。樂習兵戎。戴聖主著定難之勳。救渾瑊於會盟之變。休顏斬使。嬰城懷光。股慄惠元。窮蹙自致。天子軫悼。元諒退兵。章敬力戰讓功。雅有器度。及不忍小忿。專殺庭光。請罪軍門。壯哉烈士。其下諸將。鬱有勞能。勝生異域。推位讓國。堅留宿衛。顧慕華風。居中土者。豈不思廉讓耶。斯乃高祖之基。太宗之業。貽厥孫謀。不徒虛語。

贊曰。建中失國。嘯聚氛塵。景命載延。羣雄畢力。歌鍾甲第。珪組繁錫。凡百人臣。忠爲令德。

舊唐書卷一百四十四

舊唐書卷一百四十四考證

舊唐書卷一百四十四考證

陽惠元傳李正己有淄青濟海登萊沂密德曹濮徐兗鄆十五州之地○臣酉

按淄青至兗鄆僅十四州考通鑑云李正己先有淄青齊海登萊沂密德棣

十州之地及李靈耀之亂諸道合兵攻之所得之地各為己有正己又得曹

濮徐兗鄆五州據此則德字下當脫一棣字濟字當是齊字之訛今改正

甚為邊患○新書下有請復城鹽州五字此當有脫文

舊唐書卷一百四十四考證

後晉司空同中書門下平章事劉昫撰

列傳第九十五

劉玄佐 子士寧 李萬榮附 董晉

陸長源

劉全諒

李忠臣

李希烈

吳少誠

少陽少陽子元濟附

劉玄佐本各洽滑州匡城人也少儻不理生業為縣捕盜吏違法為令所笞僅死乃亡命從軍大曆中為永平軍衙將李靈曜據汴州洽將兵乘其無備徑入宋州遂詔以州隸永平軍節度使李勉奏署宋州刺史建中二年加兼御史中丞毫穎節度等使李正己死子納匿喪謀叛而李洧以徐州歸順納遣兵圍之詔洽與諸軍援洧與賊接戰大破之斬首萬餘級由是轉輸路通加御史大夫又收濮州降將楊令暉分兵挾之恂濮陽降其將高彥昭以通濮陽津還尚書累封四百戶兼曹濮觀察使尋加淄青充鄆招討使又加汴滑都統副使李希烈攻汴州德宗在奉天運戰賊稍卻與元初進加檢校左僕射加平章事希烈圍軍陵洽大將劉昌言堅守不下希烈攻陳州洽遣昌言與諸軍救之大敗賊黨復其將翟崇暉希烈棄汴州洽率軍收汴詔加汴宋節度無幾授本管及陳州諸軍行營都統賜名玄佐是歲來朝又拜涇原四鎮北庭等道兵馬副元帥檢校司空益封八百戶玄佐性豪俊輕財重義厚賞軍士故百姓益困是以汴之卒始於李忠臣訖于玄佐而日益驕恣多逐殺將帥以利剽劫又寵任小吏張士南及養子樂士朝財物鉅萬士朝通玄佐嬖妾玄佐在鎮李納每使來必重贈遺飾美女名樂從其遊娛故多得其陰事常先為備故納憚其心計貞元三年三月薨于位年五十八廢朝三日贈太傅將佐初匿喪稱疾俟帝亦為隱數日乃發喪子士寧士幹初將佐匿喪既發帝遣問所欲立吳湊可乎監軍孟介行軍盧瑗皆曰便及湊次汜水樞將還請備儀瑗不許又令留什物俟新使將士大怒玄佐子壻及親兵乃以三月晦夜激怒三軍明晨銜兵皆甲胄擁士寧登重榻衣以墨綬呼為留後軍士執城將曹金岸凌儀令李邁曰爾等皆請吳湊者遂擲之唯盧瑗獲免士寧乃以財物分賜將士請之為帥孟介以

聞帝召宰臣問計竇參曰今汴人挾李納以邀命若不許懼合於納遂從之授士寧起復金吾衛將軍同正汴州刺史宣武軍節度等使士寧位未定時遣使通王武俊劉濟田緒以士寧未受詔於國皆留之士寧初授節制諸將多不悅服性忍暴淫亂或彎弓挺刃手殺人於杯案間悉悉父之妓妾又強取人之婦女好僕觀婦人每出畋獵數日方還軍府苦之其大將李萬榮與其父玄佐同里閑少相善寬厚得衆心士寧疑之去其兵權令攝汴州事萬榮深怨之將伺其隙逐之十年正月士寧以衆二萬敗於城南兵既出萬榮晨入士寧廨舍召其所留心腹兵千餘人矯謂之曰有詔徵大夫入朝俾吾掌留務汝輩人賜錢三千貫無他憂也兵士皆拜萬榮既約親兵於內又召各營兵於外以是言令之軍士皆聽命萬榮乃分兵閉城門馳使白士寧曰詔徵大夫宜速即路若遲延不行當傳首以獻士寧知衆不為用計無所出乃將五百騎走歸京師比至中牟亡走大半至東都所餘僅隸婢妾數十人而已既至京師詔令歸第服喪禁絕出入萬榮乃斬士寧所親之將辛液白英賢以令於軍凡賞軍士錢二十萬貫詔令籍沒士寧家財以分賞焉遂授萬榮宣武軍兵馬留後初萬榮遣兵三千備秋於京西有親兵三百前為劉士寧所驕者日益橫萬榮惡之悉置行籍中由是深怨萬榮大將韓惟清張彥琳請將往不許萬榮令其子迺將之未發惟清彥琳不得志因親兵銜怨乃作亂共攻萬榮萬榮分兵擊之叛卒兵械少戰不勝乃劫轉運財貨及居人而潰殺傷千餘人叛兵四出多投宋州刺史劉逸準厚撫之韓惟清走鄭州張彥琳走東都以束身歸罪宥以不死並流竄焉萬榮悉捕逃叛將卒妻孥數千人皆誅之萬榮誅叛卒之後人心恟恟不安軍卒數人呼於市曰今夜大兵四面至城當破衆驚駭萬榮悉捕得或云士寧所教萬榮斬之以聞遂以士寧廢處郴州十一年五月授萬榮宣武軍節度使其年八月萬榮病遂署其子迺為司馬乃勸大將李湛伊婁浼張匡往外鎮尋皆令殺之浼匡皆已死惟李湛至尉氏尉氏鎮將郝忠節不肯殺湛是夜軍士逐出李迺遂執送京師萬榮以其日病卒迺至京師付京北府杖殺劉士幹玄佐養子前為太府少卿有樂士朝者亦為玄佐養子因冒劉姓與士幹有隙及

玄佐卒。或云為士朝所歃。士朝知之。及至京師。遣奴持刀於喪位。語士朝曰。有吊客至。因誘殺之。賜士幹死。

董晉。字混成。河中盧鄉人。明經及第。至德初。肅宗自靈武幸彭原。晉上書謁見。授校書郎。翰林待制。再轉衛尉丞。出為汾州司馬。未幾。刺史崔圓改淮南節度。奏晉以本官攝殿中侍御史。充判官。尋歸臺。授本官。遷侍御史。主客員外郎。祠部郎中。大曆中。兵部侍郎李涵送崇徽公主使迴。奏晉為判官。使還。拜司勳郎中。歷秘書太府太常少卿。監左金吾將軍。旬日。德宗嗣位。改太常卿。遷右散騎常侍。兼御史中丞。知臺事。以清勤謹慎。故驟遷右職。尋為華州刺史。兼御史中丞。潼關防禦使。久之。加兼御史大夫。朱泚僭逆於京師。使兇黨仇敬何堊之。侵逼華州。晉奔遁。赴行在。授國子祭酒。尋令往恆州宣慰。從車駕還京師。遷左金吾衛大將軍。改尚書左丞。時右丞元琇領度支使。為韓滉所擠。貶黜。晉嫉之。見宰相極言非罪。舉朝稱之。復拜太常卿。五年。遷門下侍郎。同平章事。時政事決在竇參。晉但奉詔書。領然諾而已。金吾衛將軍沈房有弟喪。公除。不衣。慘服入閣。上問宰相對曰。準式。朝官有周年已下喪者。諸絀纒不合衣淺色。帝曰。南班安得有之。對曰。因循而然。又問晉冠冕之制。對曰。古人服冠冕者。動有佩玉之響。所以節步也。禮云。堂上接武。堂下布武。至恭也。步武有常。君前之禮。進趨而已。今或奔走以致顛仆。非恭慎也。在式。朝官皆是綾袍。袂五品。已上金玉帶。取其文彩。畫飭。以奉上也。是以禹惡衣食。而致美乎黻冕。君親一致。昔尚書郎舍香。老萊彩服。皆此義也。服絀纒。非制也。上深然之。遂詔曰。常參。參官入閣。不得趨走。周期已下喪者。禁慘服朝會。又令服本品綾袍。金玉帶。晉明於禮學。如此。竇參驕滿。既其帝漸惡之。八年。參諷晉奏其姪給事中竇申為吏部侍郎。帝正色曰。豈不是竇參遣卿奏也。晉不敢隱。因問參過失。晉具奏之。旬日。參貶官。晉憂懼。累上表辭位。九年夏。改禮部尚書。兵部尚書。東都留守。東都畿汝州都防禦使。會汴州節度李萬榮疾甚。其子迺為亂。以晉為檢校左僕射。同平章事。兼汴州刺史。宣武軍節度營田。汴宋觀察使。晉既受命。唯將幕官僕從等十數人。都不召集兵馬。既至鄭州。宣武軍迎候將吏無至者。晉左右及鄭州官吏皆懼。

共勸晉云。鄧惟恭承萬榮疾病之甚。遂總領軍州事。今相公到此。尚不使人迎候。其情狀豈可料。即恐須且遲迴。以候事勢。晉曰。奉詔為汴州節度使。即合準勅赴官。何可妄為逗留。人皆憂其不測。晉獨恬然。未至汴州十數里。鄧惟恭方來迎候。晉俾不下馬。既入。乃委惟恭以軍政。眾服晉明於事體。機變而未測。其深淺。初萬榮逐劉士暉。代為節度使。委兵於惟恭。以其同鄉里。及疾甚。李迺將為亂。惟恭乃與監軍同謀。縛迺。送歸朝廷。惟恭自以當便代居其位。故不遣候吏。以疑懼晉心。冀其不敢進。不意晉之速至。晉已近方遠出迎之。然心常快快。竟以驕盈慢法。潛圖不軌。配流嶺南。朝廷恐晉柔懦。尋以汝州刺史陸長源為晉行軍司馬。晉謙恭。簡儉。每事因循。多可。故亂兵相安。長源好更張。云為數請改易舊事務。從削刻。言初皆然之。及案牘已成。晉乃命且罷。又委錢穀支計于判官孟叔度。叔度輕佻。好慢易軍人。皆惡之。晉十五年二月卒。年七十六。廢朝三日。贈太傅。賜布帛有差。卒後未十日。汴州大亂。殺長源叔度等。

陸長源。字泳之。開元天寶中。尚書左丞。太子詹事。餘慶之孫。西河太守。瑊之子。長源淑書史。乾元中。陷河北。諸賊因佐昭義軍節度薛嵩。後久之。歷建信二州刺史。浙西節度韓滉兼領江淮轉運。委長源檢校郎中。兼中丞。充轉運副使。罷為都官郎中。改萬年縣令。出為汝州刺史。貞元十二年。授檢校禮部尚書。宣武軍行軍司馬。汴州政事。皆決斷之。性輕佻。言論容易。恃才傲物。所在人畏而惡之。及至汴州。欲以岐法繩驕兵。而董晉判官楊凝。孟叔度。亦縱恣淫酒。眾情共怒。晉性寬緩。事務因循。以收士心。長源每事守法。晉或苟且。長源輒執而正之。及晉卒。令長源知留後事。長源揚言曰。將士多弛慢。不守憲章。當以法繩之。由是人人恐懼。加以叔度苛刻。多縱聲色。數至樂營。與諸婦人嬉戲。自稱孟郎。眾皆薄之。舊例使長蕘。放布帛於三軍制服。至是人請服。長源初固不允。軍人求之不已。長源等議給其布。直叔度高其鹽價。而賤為布。直每人不過得鹽三二勛。軍情大變。或勸長源。故事有大變。皆賞三軍。三軍乃安。長源曰。不可使。我同河北賊。以錢買健兒。取旌節。兵士怨怒。滋甚。乃執長源及叔度等。擲而食之。斯須骨肉糜散。長源死之日。詔下以爲節度使。及聞其死。中外惜之。贈尚書。

右僕射。

劉全諒懷州武涉人也。父客奴。由征行家於幽州之昌平。少有武藝。從平盧軍開元中有室韋首領段普恪。恃驍勇。數苦邊節度使薛楚玉。以客奴有膽氣。令抗普恪。客奴單騎襲之。斬首以獻。自白身授左驍衛將軍。充遊奕使。自是數有戰功。性忠謹。爲軍人所信。天寶末。安祿山反。詔以安西節度封常清爲范陽節度。以平盧節度副使呂知誨爲平盧節度。以太原尹王承業爲河東節度。祿山既僭位於東都。遣腹心韓朝陽等招誘知誨。知誨遂受逆命。誘殺安東副都護保定軍使馬靈督。祿山遂署知誨爲平盧節度使。客奴與平盧諸將同議。取知誨殺之。仍遣與安東將王玄志遙相應。馳以奏聞。十五載四月。授客奴柳城郡太守。攝御史大夫。平盧節度支度營田陸運。押兩蕃。渤海墨水四府。經略及平盧軍使。仍賜名正臣。又以王玄志爲安東副大都護。攝御史中丞。保定軍及營田使。正臣仍領兵平盧。來襲范陽。未至。爲逆賊將史思明等大敗之。正臣奔歸。爲王玄志所醜。而卒。逆賊署徐歸道平盧節度。王玄志與平盧將侯希逸等。又殺歸道。大曆九年。追贈正臣工部尚書。全諒本名逸。準以父勳授別駕。長史。建中初。劉玄佐爲宋亳節度使。召署爲牙將。以勇果騎射聞。玄佐以宗姪。厚遇之。累署都知兵馬使。試太僕卿。兼御史中丞。玄佐卒。子士寧代爲節度使。疑宋州刺史翟良佐不附己。陽言出巡。至宋州。遽以逸準代良佐爲刺史。及董晉卒。兵亂。殺陸長源。監軍俱文珍。與大將密召逸準赴汴州。令留後朝廷因授以檢校工部尚書。汴州刺史。兼宣武軍節度觀察等使。仍賜名全諒。貞元十五年二月卒。年四十九。廢朝一日。贈右僕射。

李忠臣。本姓董。名泰。平盧人也。世家于幽州薊縣。自云曾祖文昱。棣州刺史。祖玄獎。安東都護府錄事參軍。父神嶠。河內府折衝。忠臣少從軍。在卒伍之中。材力冠異。事幽州節度薛楚玉。張守珪。安祿山等。頻委征討。積勞至折衝。卽將將軍。同正平盧軍先鋒使。及祿山反。與其倫輩密議。殺僞節度呂知誨。立劉正臣爲節度。以忠臣爲兵馬使。攻長楊。戰獨山。襲榆關。北平。殺賊將申子榮。榮先歛。擒周釗。送京師。忠臣功多。又從正臣破漁陽。逆將李歸仁。李咸。白秀芝等。來拒

戰約數十合。並摧破之。無何。潼關失守。郭子儀。李光弼。張巡。忠臣乃引軍北歸。

奚王阿篤孤。初以衆與正臣合。後詐言請以萬餘騎同收范陽。至后城南。中夜反攻。忠臣與戰。遂至温泉山。破之。擒大首領阿布離。斬以祭。盡賊。正臣卒。又與衆議。以安東都護王玄志爲節度使。至德二載正月。玄志令忠臣以步卒三千。自雍奴爲箠。筏過海。賊將石帝庭。烏承洽。來拒。忠臣與董竭。忠退之。轉戰累日。遂收魯城。河間。景城等。大獲資糧。以赴本軍。復與大將田神功。率兵討平原。樂安郡。下之。擒僞刺史臧瑜等。防河。招討使李銑。承制以忠臣爲德州刺史。屬史思明歸順。河南節度張鑄。令忠臣以兵赴鄆州。與諸軍使收河南州縣。又與裨將陽惠元。大破賊將王福德于舒舍口。肅宗累下詔慰諭。仍令鎮濮州。尋移韋城。乾元元年九月。改光祿。卿同正。其年與郭子儀等九節度圍安慶緒於相州。明年二月。諸軍潰歸。忠臣亦退。至滎陽。賊將敬釭。來襲官船。忠臣大破之。獲米二百餘艘。以資汴州軍士。尋拜濮州刺史。緣河守捉使。移鎮杏園。渡及史思明陷汴州。節度使許叔冀與忠臣並力。屈降賊。思明撫忠臣背曰。吾比祗有左手。今得公。兼有右手矣。與俱寇河陽。數日。忠臣夜以五百人斫其營。突圍歸。李光弼以聞。詔加開府儀同三司。殿中監。同正。賜實封二百戶。召至京師。賜姓李氏。名忠臣。封隴西郡公。賜良馬。莊宅。銀器。綵物等。時陝西神策兩節度郭英。義。衛伯玉。鎮陝州。以忠臣爲兩軍節度兵馬使。魚朝恩亦在陝。俾忠臣與賊將李歸仁。李感義等。戰於永寧。莎柵。前後數十陣。皆摧破之。會淮西節度王仲昇。爲賊所擒。寶應元年七月。拜忠臣太常卿。同正。兼御史中丞。淮十一州節度。尋加安州刺史。仍鎮蔡州。其年令忠臣會元帥諸軍。收復東都。二年六月。就加御史大夫。時迴紇可汗既歸。其國留判官安恪。石帝庭。於河陽。守禦財物。因此招聚。亡命爲寇。道路阻隔。詔忠臣討平之。永泰元年。吐蕃犯西陲。京師戒嚴。代宗命。中使追兵。諸道多不時赴難。使至淮西。忠臣方會鞠。卽令整師。飾駕。監軍。大將。固請曰。軍行須擇吉日。忠臣奮臂於衆曰。焉有父母遇寇難。待揀好日。方救患乎。卽日進發。自此方隅有警。忠臣必先期而至。由是代宗嘉其忠節。加本道觀察使。寵賜頗厚。及同華節度周智光。舉兵反。詔忠臣與神策將李太清等。討平

之大曆三年，加檢校工部尚書，實封通前三百戶。五年，加蔡州刺史。七年，檢校右僕射，知省事。李靈曜之叛，田承嗣使悅援之。忠臣與諸軍大破悅等。汴州平。十一年十二月，加檢校司空。平章事。汴州刺史忠臣性貪殘，好色。將吏妻女多被誘脅以通之。又軍無紀綱，所至縱暴，人不堪命。而以妹婿張惠光為衙將，恃勢兇虐。軍中苦之，數有言於忠臣，不之信也。俄以惠光為節度副使，令惠光子為衙將，陵橫甚於其父。忠臣所信任大將李希烈、素善騎射，羣情所伏。因衆心之怒，以十四年三月與少將丁景賢子華監軍判官蔣知璋等舉兵斬惠光父子，以脅逐忠臣。單騎赴京師，朝廷方寵武臣，不之責也。依前檢校司空。平章事。留京師奉朝請，建中初嘗因奏對，德宗謂之曰：卿耳甚大，真貴人也。忠臣對曰：臣聞驢耳甚大，龍耳甚小，臣耳雖大，乃驢耳也。上說之，時常侍張涉承恩用事，坐受財賄事露，帝將以法繩之，涉即帝在春宮時侍講也。忠臣奏曰：陛下貴為天子，而先生以乏財抵法，以愚臣觀之，非先生之過也。帝意解，但令歸田里。前湖南觀察宰京果嘗以忿怒杖殺部曲，有司劾奏京果殺人當死，從之。忠臣奏曰：京果合死久矣，上問之，對曰：渠伯叔某於某處戰死，兄弟某於某處戰死，渠嘗從行，獨不死，以知渠合死久矣。上亦憫然，不令加罪。改授王傅而已。忠臣木強率直，不識書，不喜儒生，及罷兵權，官位崇重，常鬱鬱不得志。及朱泚反，以為偽司空，兼侍中。泚率兵逼奉天，命忠臣京城留守。泚敗，忠臣走樊川，別業。李晟下將士擒忠臣至，繫之有司。與元元年，并其子並誅斬之。時年六十九。籍沒其家。

李希烈，遼西人。父大定，希烈少從平盧軍，後隨李忠臣過海至河南。寶應初，忠臣為淮西節度，署希烈為偏裨。累授將軍，試光祿卿，殿中監。忠臣兼領汴州，希烈為左廂都虞候，加開府儀同三司。大曆末，忠臣軍政不脩，事多委妹婿張惠光為押衙，弄權縱恣，人怨。與少將丁勣等斬惠光父子。忠臣奔赴朝廷，詔以忻王為淮西節度副大使，授希烈蔡州刺史，兼御史中丞。淮西節度留後，令滑毫節度李勉兼領汴州。德宗即位後月餘，加御史大夫。充淮西節度支度營田觀察使。又改淮西節度淮寧軍以寵之。建中元年，又加檢校禮部尚書。會山南東

道節度梁崇義拒捍朝命，迫脅使臣。二年六月，詔諸軍節度率兵討之。加希烈南平郡王，兼漢北都知諸兵馬招撫處置使。希烈破崇義衆，遂討平之。錄希烈功，加檢校右僕射，同平章事，賜實封五百戶。淄青節度李正己又謀不軌。三年秋，加希烈檢校司空，兼淄青兗鄆登萊濟等州節度支度營田，新羅渤海兩蕃使，令討襲正己。希烈遂率所部三萬人移居許州，聲言遣使往青州，招諭李納。其實潛與交通。又移牒汴州，令備供擬將與納同為亂。李勉以其道路合自陳，乃除道具饌以待之。希烈不從，乃大慢罵。自是志意縱肆，言多悖慢。日遣使交通河北諸賊帥等，是歲長至日，朱滔田悅王武俊李納各僭稱王。滔使至希烈，希烈亦僭稱建興王。天下都元帥。四年，希烈遣其將襲陷汝州，執李元平而去。東都大擾亂，朝廷猶為含容，遣太子太師顏真卿往宣慰。真卿發後數日，以龍武將軍哥舒曜為東都兼汝州行營兵馬節度。希烈既見真卿，但肆兇言，令左右慢罵，指斥朝廷。又遣逆黨董待名韓籍露劉敬宗陳質翟暉等四人伺外，侵抄州縣。官軍皆為其所敗。荆南節度張伯儀全軍覆沒。又令周曾王玘姚愔呂從賁康琳等來襲曜。曾玘愔等謀迴軍據蔡州，襲討希烈。事洩，並遇害。神策軍使白志貞又獻策謀，令書為節度都團練使者，各出家僮部曲一人及馬，令劉德信總之。討希烈。尋詔李勉為淮西招討使，哥舒曜為副。至四月，曜率衆屯襄城，頻與賊戰，皆不勝。八月，希烈率衆二萬圍襄城。李勉又令將唐漢臣率兵與劉德信同為曜之影援，皆望風敗。希烈兇逆既甚，帝乃命舒王為荊襄江西沔鄂等道節度諸軍行營兵馬都元帥，大開幕府，文武僚屬之威，前後出師未有其比。又令涇原諸道出兵，皆赴襄城。軍未發，會涇州兵亂，車駕幸奉天。其日，希烈大破曜軍於襄城，曜遁歸東都。賊因乘勝攻陷汴州。李勉奔歸宋州。希烈性慘毒酷，每對戰陣殺人，流血盈前而言笑飲饌自若。以此人畏而服從其教令，盡其死力。其攻汴州，驅百姓令運木土築壘道，又怒其未就，乃驅以填之。謂之溼梢。既入汴州，於是僭號曰武成，以孫廣鄭貫李授李元平為宰相。以汴州為大梁府。李清虛為尹，署百官。遣兵東討，至寧陵，竟為劉洽所拒，不得前。又遣將翟暉率精卒襲陳州，為劉洽李納大破之。生擒暉，以獻諸軍乘勝進攻汴

州希烈遁歸蔡州擒其僞署將相鄭賁劉敬宗等李卓樊澤曲環張建封又四面討襲之累拔其郡縣希烈敗賁貞元二年三月因食牛肉過疾其將陳仙奇令醫人陳仙甫置藥以毒之而死妻男骨肉兄弟共一十七人並誅之初希烈於唐州得象一頭以爲瑞應又上蔡襄城獲其珍寶乃是爛車缸及滑石僞印也陳仙奇者起於行間性忠果自希烈死朝廷授淮西節度頗竭誠節未幾爲別將吳少誠所殺贈太子太保賜布帛米粟有差喪事官給

吳少誠幽州潞縣人父爲魏博節度都虞候少誠以父勳授一子官釋褐王府戶曹後至荆南節度使庾進奇之留爲衙門將準入覲從至襄漢見梁從義不遵憲度知有異志少誠密計有成擒之略將自陳於闕下屬李希烈初授節制銳意立功見少誠計慮乃以少誠所見錄奏有詔慰飭不次封通義郡王未幾崇義違命希烈受制專征以少誠爲前鋒崇義平賜實封五千戶後希烈叛少誠頗爲其用希烈死少誠等初推陳仙奇統戎事朝廷已命仙奇尋爲少誠所殺衆推少誠知留務朝廷遂授以申光蔡等州節度觀察兵馬留後尋正授節度少誠善爲治勤儉無私日事完聚不奉朝廷貞元三年判官鄭常及大將楊冀謀逐少誠以聽命於朝試校書郎劉涉假爲手詔數十潛致於大將欲因少誠之出閉城門以拒之屬少誠將出餞中使常冀等遂謀舉事臨發爲人所告常冀先遇害其將李嘉節等各持假詔請罪少誠悉宥之其大將宋反曹齊奔歸京師十五年陳許節度曲環卒少誠擅出兵攻掠臨縣節度留後上官悅遣兵赴救臨頓鎮使章清與少誠通救兵三千餘人悉擒縛而去九月遂圍許州尋下詔削奪少誠官爵分遣十六道兵馬進討十二月官軍敗駒於小潁河

明年正月夏州節度使韓全義爲淮蔡招討處置使北路行營諸軍將士並取全義指揮陳許節度留後上官悅充副使五月全義與少誠將吳秀吳少陽等戰於潁水南官軍復敗七月全義頓軍於五樓行營爲賊所乘大潰全義與都監軍使賈秀英賈國良等夜遁遂城守潁水汴宋徐泗淄青兵馬直趨陳州列營四面少誠兵逼潁水五六里下營韓全義諸軍又退保陳州其汴州河陽等兵各私歸本道陳許將孟元陽與神策兵各率所部留軍潁水全義斬昭義滑

州河陽河中將凡四人然竟未嘗整陣交鋒而王師累挫少誠尋引兵退歸蔡州遂下詔洗雪復其官爵累加檢校僕射順宗即位加同中書門下平章事元和初遷檢校司空依前平章事元和四年十一月卒年六十廢朝三日贈司徒吳少陽本滄州清池人初吳少誠父翔在魏博軍中與少陽相愛及少誠知淮西留守乃厚以金帛取少陽至則名以堂第署爲軍職累奏官爵出入少誠家情言甚暱少陽度少誠猜忍懼爲所害乃請出外以任防捍之任少誠乃表爲申州刺史兼御史大夫凡五年少陽頗寬易而少誠之衆悅附焉及少誠病亟家僮單于熊兒者僞以少誠意取少陽至時少誠已不知人乃僞署少陽攝副使知軍州事少誠子元慶年二十餘先爲軍職兼御史中丞少陽密害之及少誠死少陽自爲留後時王承宗求繼土真不受詔憲宗怒以討承宗不欲兵連兩河乃詔遂王宥遙領彰義軍節度大使以少陽爲留後遂授彰義軍節度使檢校工部尚書少陽據蔡州凡五年不朝覲汝南多廣野大澤得養馬畜時奪掠壽州茶山之利內則數匿亡命以富實其軍又屢以牧馬來獻詔因善之元和九年九月卒贈右僕射吳元濟少陽長子也初爲試協律郎兼監察御史攝蔡州刺史及父死不發喪以病聞因假爲少陽表請元濟主兵務帝遣醫工候之即稱少陽疾愈不見而還先是少陽判官蘇北楊元卿及其將侯惟清嘗同爲少陽畫朝覲計及元濟自領軍兇狠無義唯暱軍中兇悍之徒素不便北益殺之歸其屍於家械侯惟清而囚之時朝廷誤聞惟清已死贈兵部尚書贈蘇北以右僕射楊元卿先奏事在京師得盡言經略淮西事於宰相李吉甫始少陽以病聞元卿請凡淮西使在道路者所在留止之及少陽卒凡四十日不爲輟朝但易將加兵於外以待其邸吏無何妄傳董重質已殺元濟并屠其家李吉甫遽請對拜賀乃輟朝數日知元濟尚在時賊陰計已成羣衆四出狂悍而不可遏屠舞陽焚葉縣攻掠魯山襄城汝州許州及陽翟人多逃伏山谷荆棘間爲其殺傷驅羣者千里關東大恐十月以陳州刺史李光顏爲忠武軍節度使又以山南東道節度使嚴綬充申光蔡等州招撫使仍令內常侍崔潭峻監設軍十年正月設軍臨賊西境詔曰吳元濟逆絕人理反易天常不居父

喪擅領軍政諭以詔旨曾無謙恭焚惑一方之人迫脅三軍之衆以少陽嘗經任使爲之軫悼命申弔祭臨遣使臣陵虛封疆遂致稽阻絕朝廷之理忘父子之恩旋又掩寇舞陽傷殘吏卒焚燒葉縣騷擾閭閻恣行殺戮無所畏忌朕念賞延之義重傷藩帥之門尙欲納於忠順之途處在顯榮之地未能飭怒猶爲包荒再降詔書俾申招撫而毒孽滋甚恣心靡使毒吞西南又陷鎮柵窮兇稔惡縱暴延災覆載之所不容人神之所共棄良非獲已致此與戎吳元濟在身官爵並宜令削奪令宣武大軍淮南宣歙等道兵馬合勢山南東道及魏博荆南江西劍南東川兵馬與鄂岳許會東都防禦使與懷鄭汝節度及義成兵馬犄角相應同期進討二月殺兵爲賊所襲敗于磁丘退保唐州四月光顏破賊黨元濟遣人求援于鎮州王承宗滑鄭李師道二帥上表于朝廷請赦元濟之罪朝旨不從自是兩河賊帥所在竊發莫以沮撓王師五月承宗師道遣盜燒河陰倉詔御史中丞裴度於軍前宣諭觀用兵形勢度還奏曰臣觀諸將唯光顏勇義盡心必有成功上意甚悅翌日光顏奏大破賊於時曲上曰度知光顏可謂至矣乃以度兼刑部侍郎自是中外相賀決不赦賊徵天下兵環申蔡之郊大小十餘鎮六月承宗師道道盜伏於京城殺宰相武元衡中丞裴度衡先死度重傷而免憲宗特怒即命度爲宰相准右用兵之事一以委之七月李師道道嵩山僧圓淨結山賊與留郎兵欲焚燒東都先事敗而禍弭嚴殺退罷乃以汴州節度使韓弘爲准右行營兵馬都統以高覆寬有名用爲唐鄆節度十一年春諸軍雲合惟李光顏懷汝節度烏重胤心無顧望旦夕血戰繼獻戎捷六月高覆寬爲賊所擊敗于鐵城退保新與柵時諸軍勝負皆不實聞多虛稱克捷及覆寬敗中外惴惴宰相諫官屢以罷兵爲請唯裴度堅於破賊尋以袁滋代覆寬爲唐鄆節度滋柔懦不能軍十二年正月袁滋復貶閑廢使李愬表請軍前自効乃用愬爲唐鄆節度以代滋愬軍壓境拔賊文城柵擒柵將吳秀琳又獲賊將李祐李光顏亦拔賊郾城元濟始懼盡發左右及守城卒屬重重質以抗光顏重胤六月元濟乞降爲羣賊所制不能自拔上以元兇已蹙兵未臨於賊城饒饋日殫因延英問計於宰相裴度曰賊力已困但羣帥不一故未能決

降上曰卿決能行乎曰臣誓不與賊偕全七月詔以度爲彰義軍節度使兼申光蔡四面行營招撫使以郾成爲行在蔡州爲節度所八月度至郾城激勵士衆軍士喜度至以賞罰必行皆願輸聲每出勞軍士有流涕者時李愬營文城柵既得吳秀琳李祐知其可用委信無疑日夜與計事於帳中祐曰元濟勁軍多在洹曲西境防捍而守蔡者皆市人疲羸之卒可以乘虛掩襲直抵懸袍比賊將聞之元濟成擒矣愬然之咨於裴度度曰兵非出奇不勝常侍良圖也十一月愬夜出軍令李祐率勁騎三千爲前鋒田進誠三千爲後軍愬自率三千爲中軍其月十日夜至蔡州城下坎牆而畢登賊不之覺十一日攻衙城擒元濟并其家屬以聞初元濟之叛恃其兇狠然治軍無紀綱其將趙昌洪凌朝江董重質等各據兵外寇李師道鄆州之鹽城往來軍陵雍丘之間韓弘知而不禁淮右自少誠阻兵已來三十餘年王師加討未嘗及其城下常走韓全義敗于頓故驕悍無所顧忌且恃城池重固有陂浸阻迴故以天下兵環攻三年所剋者一縣而已及黜高覆寬李遜袁滋諸軍始進又得陰山府沙陁驍騎邯鄲勇卒光顏重胤之奮命及丞相臨統破諸將首尾之計力擒元惡申蔡之始人劫於希烈少誠之虐法而忘其所歸數十年之後長者衰喪而壯者安於毒暴而恬於搏噬地既少馬而廣畜驟乘之教戰謂之驟子軍尤稱勇悍而甲仗皆畫爲雷公星文以爲厭勝而少誠能以毒謀固衆心初韓全義敗於嫩水蔡兵于全義帳中得公卿問訊書少誠東而諭衆曰朝廷公卿以此書託全義收蔡州日乞一將士妻女以爲婢妾以此激怒其衆絕其歸向之心是以蔡人有老死不聞天子恩宥者故堅爲賊用地雖中州人心過于夷狄乃至搜閱天下衆銳三年而後屈者彼非將才而力備蓋勢驅性習不知教義之所致也元濟至京憲宗御與安門受俘百寮樓前稱賀乃獻廟社徇于兩京斬之於獨柳時年三十五其夜失其首妻沈氏投入掖庭第二人子三人流於江陵誅之判官劉協庶七人皆斬光蔡等州平始復爲王土矣

史臣曰治亂勢也勢亂不能卒治長源以法繩驕軍禍不旋踵則董公之寬柔不無謂古之名將以陰謀德望鮮全其族者董蔡始奮忠義多長者言宜其顯

赫及失意挾邪，俄被淮陰之戮，惜哉！吳少誠為希烈之亂胎，雖謀奪其軍，及嗣而滅，而元濟効希烈之狂悖，謂無天地人之兇險，一至於斯，是知王者御治之道，其可忽諸。

贊曰：聖哲之君，慎名與器，不軌之臣，得寵則戾，董愬而族，吳悖而莖，好亂樂禍，可監前車。

舊唐書卷一百四十五

舊唐書卷一百四十五考證

董晉傳改禮部尚書兵部尚書○沈炳震曰：德宗紀，貞元十二年晉為東都留守，兵部上缺十二年文。

舊唐書卷一百四十五考證

舊唐書卷一百四十六

後晉司空同中書門下平章事劉昫撰

列傳第九十六

薛播

鮑防

李自良

李說

嚴綬

蕭昕

杜亞

王緯

李若初

于頔

盧徵

楊憑

鄭元

杜兼

裴玢

薛伾

薛播河中寶鼎人。中書舍人文思曾孫也。父元暉。什邡令。以播贈工部郎中。播天寶中舉進士。補校書郎。累授萬年縣丞。武功令。殿中侍御史。刑部員外郎。萬年令。播溫敏。善與人交。李栖筠常表崔祐甫皆引擢之。及祐甫輔政。用為中書舍人。出汝州刺史。以公事貶泉州刺史。尋除晉州刺史。河南尹。遷尚書左丞。轉禮部侍郎。遇疾。貞元三年卒。贈禮部尚書。初播伯父元暉。終於隰城丞。其妻濟南林氏。丹陽太守洋之妹。有母儀令德。博涉五經。善屬文。所為篇章。時人多諷詠之。元暉卒後。其子彥輔。彥德。彥偉。彥雲。及播兄弟。擢並早孤。幼悉為林氏所訓導。以至成立。咸致文學之名。開元天寶中。二十年間。彥輔。彥德等七人並舉進士。連中科名。衣冠榮之。

鮑防。襄州人。幼孤貧。篤志好學。善屬文。天寶末舉進士。為浙東觀察使。薛兼訓從事。累至殿中侍御史。入為職方員外郎。改太原少尹。正拜節度使。入為御史大夫。歷福建江西觀察使。徵拜左散騎常侍。屬從奉天。除禮部侍郎。尋遷工部尚書。致仕。防歷洪福京兆。皆有政聲。唯總戎非所宜。而謬執兵柄。以太原草車胡騎雄雜。而迴鶻深入寇防。出拒戰。為虜所敗。為禮部侍郎時。嘗遇知雜侍御史實參於通衢。導騎不時引避。僕人為參所鞭。及參乘政。遽令致仕。防謂親友曰。吾與蕭昕之子齒。而與昕同日懸車。非朽適之致。以餘念見嚴防文學舊人。歷職中外。不因罪戾。而為俗吏所擯。竟以憤終。眾頗憫防。而咎參。故參之敗。不旋踵。非不幸也。

李自良。兗州泗水人。初祿山之亂。自良從兗節度使能元皓。以戰功累授右

衛率。後從袁修討袁晁。陳莊賊積功。至試殿中監。隸浙江東道節度使薛兼訓。兼訓移鎮太原。自良從行。授河東軍節度押衙。兼訓卒。鮑防代。又事防為牙將。會迴鶻入寇。防令大將焦伯瑜。杜榮國將兵擊之。自良謂防曰。迴鶻遠來求戰。未可與爭鋒。但於歸路築二壘。以兵守之。堅壁不動。虜求戰不得。師老自旋。俟其返旆。即乘之。縱不甚捷。虜必狼狽矣。二壘既其歸路。策之上也。防不從。從伯瑜等逆戰。遇虜於百井。伯瑜等大敗而還。由是稍知名。馬燧代防為帥。署奏自良代州刺史。兼御史大夫。仍為軍候。自良勤恪。有謀。燧深委信之。建中年。田悅叛。燧與抱真東討。自良常為河東大將。摧鋒陷陣。破田悅。及討李懷光於河中。自良專河東軍。都將。前後戰績居多。燧之立功名。由自良協輔之力也。貞元三年。從燧入朝。罷燧兵權。德宗欲以自良代燧。自良懇辭事燧。久不欲代為軍帥。物議多之。乃授右龍武大將軍。德宗以河東密邇胡戎。難於擇帥。翌日。自良謝上謂之曰。卿於馬燧存軍中事。分誠為得禮。然北門之寄。無易於卿。即日拜檢校工部尚書。兼御史大夫。太原尹。北都留守。河東節度支度營田觀察使。在鎮九年。以簡儉守職。軍民胥悅。雖出身戎伍。勤必循法。略不以暴戾加人。十一年五月卒。於軍。年六十三。上甚嗟惜之。廢朝一日。贈左僕射。賜布帛米粟有差。

李說。淮安王神通之裔也。父遇。天寶中為御史中丞。說以門蔭歷仕。累佐使幕。馬燧為河陽三城太原節度。皆辟為從事。累轉御史郎官。御史中丞。太原少尹。出為汾州刺史。節度使李自良復奏為太原少尹。檢校庶子。兼中丞。貞元十一年五月。自良病。凡六日而卒。匪喪。陽言病甚。數日發喪。先是都虞候張瑤久在軍。素得士心。嘗請假遷葬。自良未許。至是說與監軍王定遠謀。乃給瑤假。以大将毛朝陽代瑤。然後遣使告自良病。中使第五國珍自雲朔使還。過太原。聞自良病。中使遲留信宿。自良卒。國珍急馳至京。先說使至。乃下制以通王領河東節度大使。以說為行軍司馬。充節度留後。北都副留守。仍令國珍齎說官告。及軍府將吏部內刺史等勅書三十餘通。往太原宣賜。軍中始定。定遠特立說之功。頗恣縱橫。軍政皆自專決。仍請賜印。監軍有印。自定遠始也。定遠既得印。益暴將吏。輒自補授。說不歡。遂成嫌隙。是歲七月。定遠署虞候田宏為列將。以

代彭令茵，令茵不伏，揚言曰：「超補列將，非功不可，宏有何功，敢代子任，定遠聞而含怒，召令茵斬之，埋於馬糞之中，家人請尸，不與，三軍皆怨，說具以事聞，德宗以定遠有奉天扈從之功，恕死，停任，制未至，定遠怒，說奏聞，趨府謀殺說，昇堂未坐，抽刀刺說，說走而獲免，定遠馳至府門，召集將吏，於箱中陳勅牒官告三十餘軸，示諸將曰：「有勅令李景略知留後，遣說赴京，公等皆有恩命，指箱中示之，諸將方拜，大將馬良輔呼而麾衆曰：「箱中皆監軍舊官告，非恩命也，不可受，但備急變爾。」定遠知事敗，走登乾陽樓，召其部下將卒，多不之應，比夜定遠墜城下，槎枿傷而不死，尋有詔削奪長流崖州，大將高迪等同其謀，說皆斬之，尋正拜河東節度使，檢校禮部尚書，說在鎮六年，初勤心吏職，後遇疾，言語行步蹇澁，不能錄軍府之政，悉監軍主之，又為孔目吏宋季等欺誑，軍政事多墮紊，如此累年，十六年十月卒，年六十一，廢朝一日，贈左僕射，是月制以河東節度行軍司馬鄭僑檢校工部尚書，兼太原尹，御史大夫，河東節度度支營田觀察等使，北都留守，在任不期年而卒。

嚴綬，蜀人，曾祖方約，利州司功，祖挹之，符離尉，父丹，殿中侍御史，綬大曆中登進士第，累佐使府，貞元中，由侍御史充宣歙團練副使，深為其使劉贊委遇，政事多所咨訪，十二年，贊卒，綬掌宣歙留務，傾府藏以進獻，由是有恩，召為尚書刑部員外郎，天下賓佐進獻，自綬始也，未幾，河東節度使李說嬰疾，事多曠弛，行軍司馬鄭僑代綜軍政，既而說卒，因授僑河東節度使，是時姑息四方，諸侯未嘗特命帥守，物故即用行軍司馬為帥，冀軍情厭伏，僑既為帥，德宗選朝士可以代僑為行軍司馬者，因綬前日進獻，上頗記之，故命檢校司封郎中，充河東行軍司馬，不周歲，僑卒，遷綬銀青光祿大夫，檢校工部尚書，兼太原尹，御史大夫，北都留守，充河東節度度支營田觀察處置等使，元和元年，楊惠琳叛於夏州，劉闢叛於成都，綬表請出師討伐，綬悉選精甲付牙將李光顏兄弟，光顏累立戰功，蜀夏平，加綬檢校尚書左僕射，尋拜司空，進階金紫，封扶風郡公，綬在鎮九年，以寬惠為政，士馬蕃息，境內稱治，四年，入拜尚書右僕射，綬雖名家子，為吏有方略，然銳於勢利，不存名節，人士以此薄之，嘗預百寮廊下食，上令

中使馬江朝賜櫻桃，綬居兩班之首，在方鎮時，識江朝，敘語次，不覺屈膝而拜，御史大夫高郢亦從而拜，是日為御史所劾，綬待罪于朝，命釋之，翌日，賁江朝降官一等，尋出鎮荆南，進封鄭國公，有澉州蠻首張伯靖者，殺長吏，據辰錦等州，連九洞，以自固，詔綬出兵討之，綬遣部將李忠烈齎書曉諭，盡招降之，九年，吳元濟叛，朝議加兵，以綬有弘恕之稱，可委以戎柄，乃授山南東道節度使，尋加淮西招撫使，綬自帥師壓賊境，無威略以制寇，到軍日，遽發公藏以賞士卒，累年蓄積，一旦而盡，又厚賂中貴人以招聲援，師徒萬餘，閉壁而已，經年無尺寸功，裴度見上，屢言綬非將帥之才，不可責以戎事，乃拜太子少保代歸，尋檢校司空，久之，進位太傅，食封至三千戶，長慶二年五月卒，年七十七，詔贈太保，綬材器不踰常品，事兄嫂過謹，為時所稱，常以寬柔自持，位躋上公，年至大耋，前後統臨三鎮，皆號雄藩，所稱士親睹為將相者，凡九人，其貴壽如此。

蕭昕，河南人，少補崇文進士，開元十九年，首舉博學宏辭，授陽武縣主簿，天寶初，復舉宏辭，授壽安尉，再遷左拾遺，昕嘗與布衣張鎬友，善館而禮之，表薦之，曰：「如鎬者，用之則為王者師，不用則幽谷一叟爾。」玄宗擢鎬拾遺，不數年，出入將相，及安祿山反，昕舉贊善大夫來瑊，堪任將帥，思明之亂，瑊功居多，累遷憲部員外郎，為副元帥，哥舒翰掌書記，潼關敗，間道入蜀，遷司門郎中，尋兼安陸長史，為河南等道都統判官，遷中書舍人，兼楊府司馬，佐軍，仍舊入拜本官，累遷秘書監，代宗幸陝，昕出武關，詣行在，轉國子祭酒，大曆初，持節弔迴，覲時迴，覲特功，廷詰昕曰：「祿山思明之亂，非我無以平定唐國，奈何市馬而失信，不時歸價，眾皆失色，昕答曰：「國家自平寇難，賞功無絲毫之遺，況隣國乎，且僕固懷恩，我之叛臣，乃者爾助為亂，聯西戎而犯郊畿，及吐蕃敗走，迴紇悔懼，啟類乞和，非大唐存念舊功，則當匹馬不得出塞矣，是迴紇自絕，非我失信，迴紇漸退，加禮以歸，為常侍，十二年，朱泚之亂，徒步出城，泚急求之，亡竄山谷間，至奉天，遷太子少傅，貞元初，兼禮部尚書，尋復知貢舉，五年，致仕，七年，卒于家，年九十，廢朝，諡曰懿。」

杜亞，字次公，自云京兆人也，少頗涉學，善言物理及歷代成敗之事，至德初於

靈武獻封章言政事授校書郎其年杜鴻漸爲河西節度辟爲從事累授評事
御史後入朝歷工戶兵吏四員外郎永泰末劍南叛亂鴻漸以宰相出領山劍
副元帥以亞及楊炎並爲判官使還授吏部郎中諫議大夫炎爲禮部郎中知
制誥中書舍人亞自以才用合當柄任雖爲諫議大夫而心不悅李栖筠承恩
衆望必爲宰相亞厚結之元載得罪亞與劉晏李涵等七人同翰訊之載死之
翌日亞遷給事中河北宣慰使宰相常哀亦不悅亞歲餘出爲洪州刺史兼御
史中丞江西都團練觀察使德宗初嗣位勵精求賢令中使召亞亞自揣必以
宰相見徵乃促程而進累路與人言議語及行宰相事方面或以公事諮亞
皆納之既至帝微知之不悅又奏對辭旨疎闊出爲陝州觀察使兼轉運使尋
遷河中晉絳等州防禦觀察使楊炎作相劉晏得罪亞坐貶睦州刺史興元初
召拜刑部侍郎出爲揚州長史兼御史大夫淮南節度觀察使時承陳少遊征
稅煩重奢侈僭濫之後又新遣王紹亂兵剽掠淮南之人望亞之至革刻舊弊
冀以康寧亞自以材當公輔之選而聯出外職志願不適政事多委參佐引
賓客談論而已揚州官河填淤漕輓堙塞又僑寄衣冠及工商等多侵衛造宅
行旅擁弊亞乃開拓疎濬公私悅賴而感爲奢侈江南風俗春中有競渡之戲
方舟並進以急趨疾進者爲勝亞乃令以漆塗船底貴其速進又爲綺羅之服
塗之以油令舟子衣之入水而不濡亞本書生奢縱如此朝廷亟聞之貞元五
年以戶部侍郎竇覲爲淮南節度代亞亞猶以舊望竇覲甚畏之改檢校吏部
尚書判東都尚書省事充東都留守都防禦使既病風尙建利以固寵奏請開
苑內地爲管田以資軍糧減度支每年所給從之亞不躬親部署但委判官張
薦楊昶初奏請取荒地管田其苑內地堪耕食者先爲留司中官及軍人等開
墾已盡亞計急乃取軍中雜錢舉息與畿內百姓每至田收之際多令軍人車
牛散入村鄉收斂百姓所得菽粟將還軍民家略盡無可輸稅人多艱食由是
大致流散乃厚賂中官令奏河南尹無政亞自此亦規兼領河南尹事不果
帝漸知虛誕乃以禮部尚書董晉代爲東都留守召亞還京師既風疾漸深又
患脚膝不任朝謁貞元十四年卒于家年七十四贈太子少傅

王緯字文卿太原人也祖景司門員外萊州刺史父之咸長安尉與昆弟之貴
之煥皆嘗屬文之咸以緯貴故累贈刺史緯舉明經又書判入等歷長安尉出
佐使府授御史郎官入朝爲金部員外郎劍南租庸使檢校司封郎中彭州刺
史檢校庶子兼御史中丞西川節度營田副使初大曆中路嗣恭爲江西觀察
使陷審判官李泌將誅之緯亦爲路嗣恭判官說論救解獲免貞元三年必爲
相擢授檢校給事中未數日又擢爲潤州刺史兼御史中丞浙江西道都團練
觀察使十年加御史大夫兼諸道鹽鐵轉運使三歲加檢校工部尚書緯性勤儉
歷官清潔而傷於苛碎多用削刻之吏督察巡屬人不聊生貞元十四年卒年
七十一廢朝一日贈太子少保

李若初趙郡人貞觀中并州長史工部侍郎弘節之曾孫也祖道謙太府卿若
初少孤貧初爲轉運使劉晏下微冗散職晏判官包佶重其勤幹以女妻之歷
陳州太康令刺史李芘初蒞官若初獻計請收斂羨餘錢物交結權貴芘厚遇
之累歲芘遷河陽三城使奏若初爲從事軍中之事多以委之累授檢校郎中
兼中丞懷州刺史轉虢州刺史坐公事爲觀察使劾奏免歸久之出爲衢州刺
史遷福州刺史兼御史中丞福建都團練使尋遷越州刺史浙江東道都團練
觀察使十四年秋代王緯爲潤州刺史兼御史大夫浙江都團練觀察諸道鹽
鐵轉運使善於吏道性嚴險力東斂下吏人甚畏服方整理鹽法頗有次敘貞
元十五年遇疾卒廢朝一日贈禮部尚書

于頔字休明河南人也父庭謂濟王府舍曹累贈尚書左僕射頔少以吏事聞
累授京兆府士曹爲尹史翻所賞重翻出鎮襄漢奏爲御史充判官翻爲亂兵
所殺頔挺出收葬遺骸時人義之度支使第五琦署爲河東租庸使累授鳳翔
少尹度支郎中兼御史中丞轉運租庸糧料鹽鐵等使頔因奏移轉運汴州院
於河陰以汴州累遇兵亂散失錢帛故也元載爲諸道營田使又署爲郎官令
於東都汝州開置屯田歷戶部侍郎秘書少監京兆尹太府卿代杜濟爲京兆
尹及爲大官好任機數專候權要朝列中無勢利者視之蔑如也曲事元載親
昵之而爲政苛細無大體丁所生母憂罷及載得罪後出爲鄭州刺史遷河南

尹以無政績代還時徵汾州刺史劉暹暹剛腸嫉惡歷典數州皆為廉使畏懼宰相盧杞恐暹為御史大夫虧沮己之所見暹稱薦願為御史大夫以其柔佞易制也從幸奉天改左散騎常侍歷左千牛上將軍徙大理卿太子少保工部尚書因入朝仆地為金吾仗衛掖起改太子少師致仕貞元十五年卒時年七十四

盧徵范陽人也家於鄭之中牟少涉獵書記承泰中江淮轉運使劉晏辟為從事委以腹心之任累授殿中侍御史晏得罪貶珍州司戶元秀亦晏之門人與元中為戶部侍郎判度支薦徵為京兆司錄度支員外秀得罪坐貶為信州長史遷信州刺史入為右司郎中驟遷給事中戶部侍郎參差深遇之方倚以自代貞元八年春同州刺史闕參請以尚書左丞趙懷補之特詔用徵以聞參腹心也數歲轉華州刺史徵冀復入用深結託中貴厚遺之故事同華以近地人貧每正至端午降誕所獻甚薄徵遂竭其財賦每有所進輒加常數人不堪命疾病臥理者數年貞元十六年卒時年六十四

楊憑字虛受弘農人舉進士累佐使府徵為監察御史不樂檢束遂求免累遷起居舍人左司員外郎禮部兵部郎中太常少卿湖南江西觀察使入為左散騎常侍刑部侍郎京兆尹憑工文辭少負氣節與母弟疑凌相友愛皆有時名重交游尚然諾與穆質許孟容李鄴王仲舒為友故時人稱楊穆許李之友仲舒以後進慕而入焉性尚簡傲不能接下以此人多怨之及歷二鎮尤事奢侈元和四年拜京兆尹為御史中丞李夷簡劾奏憑前為江西觀察使贓罪及他不法事勅付御史臺覆按刑部尚書李鄴大理卿趙昌同鞠問臺中又捕得憑前江西判官監察御史楊瓌繫於臺復命大理少卿胡珣左司員外郎胡證侍御史章顛同推鞠之詔曰楊憑頃在先朝委以藩鎮累更選用位列大官近者憲司奏劾暴揚前事計錢累萬曾不報聞蒙蔽之罪於何逃責又營建居室制度過差侈靡之風傷我儉德以其自尹京邑人頗懷之將議刑書是加愍惻宜從復讎以誠百僚可守實州臨實縣尉同正仍馳驛發遣先是憑在江西夷簡自御史出官在巡屬憑頗疎縱不顧接之夷簡常切齒及憑歸朝修第於永寧

里功作併與又廣蓄妓妾於永樂里之別宅時人大以為言夷簡乘衆議舉劾前事且言脩營之僭將欲殺之及下獄置對數日未得其事夷簡持之益急上聞且貶焉追舊從事以驗自貞元以來居方鎮者為德宗所姑息故窮極僭奢無所畏忌及憲宗即位以法制臨下夷簡首舉憑罪故時議以為宜然繩之太過物論又譏其深切矣

鄭元舉進士第累遷御史中丞貞元中為河中節度使杜確行軍司馬確卒遂繼為節度使入拜尚書左丞元和二年轉戶部侍郎兼御史大夫判度支三年春遷刑部尚書兼京兆尹九月復判度支依前刑部尚書兼御史大夫元性嚴毅有威斷更踐劇任時稱其能元和四年以疾辭職守本官逾月卒

杜兼京兆人貞觀中宰相杜正倫五代孫舉進士累辟諸府從事拜濠州刺史兼性浮險豪侈氣屬貞元中德宗厭兵革姑息戎鎮至軍郡刺史亦難於更代兼探上情遂練卒脩武占召勁勇三千人以上聞乃恣凶威錄事參軍章實團練判官陸楚皆以守職論事忤兼密詭奏二人通謀扇動軍中忽有制使至兼率官吏迎于驛中前呼車賞陸楚出宣制杖殺之賞進士擢第楚克公象先之孫皆名家有士林之譽一朝以無罪受戮郡中股慄天下冤敷之又誣奏李藩將殺之語在藩事中故兼所至人側目焉元和初入為刑部吏部郎中拜給事中除金商防禦使旋授河南少尹知府事尋正拜河南尹皆杜佑在相位所借讓也元和四年卒于官

裴玢京兆人五代祖疎勸國王韓武德中來朝授鷹揚大將軍封天山郡公因留關下遂為京兆人玢初為金吾將軍論惟明傑德宗幸奉天以戰功封忠義郡王惟明鎮鄜坊累署玢為都虞候後節度王栖曜卒中軍將何朝宗謀作亂中夜縱火玢匿身不救火燻明而擒朝宗德宗發三司使按問竟斬朝宗及行軍司馬崔輅以同州刺史劉公濟為節度使以玢為坊州長史兼侍御史充行軍司馬明年公濟卒拜玢鄜州刺史兼御史大夫充節度觀察等使三年改授

山南西道節度觀察等使玢歷二鎮頗以公清苦節為政不交權倖不務貢獻疏食弊衣居處纒避風雨而塵虛饒實三軍百姓安業近代將帥無比焉及緡

疾辭位請歸長安元和七年卒年六十五贈尚書左僕射諡曰節

薛平勝州刺史煥之子尚父汾陽王召置麾下著名於諸將間左僕射李愬使西蕃平為將從役時賊泚之難昆夷赴義平馳騎鄉道至于武功擢授左威衛將軍使絕域者前後數四累遷左金吾衛大將軍檢校工部尚書兼將作監出為鄜坊觀察使元和八年卒于官贈潞州大都督

史臣曰薛播温敏有文鮪防董戎無術李嚴太原之敗可謂美矣蕭昕抱則哲之知杜亞懷非次之望王緯清潔而傷苛碎若初善理而性剛嚴于煩好任機權趨附勢利盧徵厚敵貨賄結託中人楊憑好奢鄭元有斷杜兼殺戮端士怙亂邀君裴玢發姦謀安民和衆而玢弊衣糲食不交權倖裕庚咸實郡邑以寧若夫君子無求備於人捨短從長彰善殛惡則裴玢之善抑之更揚杜兼之惡欲蓋而彰耳

舊唐書卷一百四十六

舊唐書卷一百四十六考證

杜亞傳實觀甚長之○臣四按新書貞元中罷歸宰相實參憚其風望以檢校吏部尚書留守東都實參憚亞風望故復出之東都若實觀則代參憚節度者何所畏耶新書當得其實

舊唐書卷一百四十六考證

後晉司空同中書門下平章事劉昫撰

列傳第九十七

杜黃裳

高郢子定

杜佑子式方從都式方子條從都子故

杜黃裳字遵素京兆杜陵人也登進士第宏辭科杜鴻漸深器重之為郢子儀朔方從事子儀入朝令黃裳主留務于朔方郢將李懷光與監軍陰謀代子儀乃為偽詔書欲誅大將溫儒雅等黃裳立辨其偽以告懷光懷光流汗伏罪諸將有難制者黃裳矯子儀命盡出之數月而亂不作後入為臺省官為裴延齡所惡十年不遷貞元末為太常卿王叔文之竊權黃裳終不造其門嘗語其子壻韋執誼令率百官請皇太子監國執誼曰丈人纔得一官可復開口議禁中事耶黃裳勃然曰黃裳受恩三朝豈可以一官見買即拂衣而出尋拜平章事郢州節度使韓全義曾居討伐之任無功黃裳奏罷之劉闢作亂議者以劍南險固不宜生事唯黃裳堅請討除憲宗從之又奏請不以中官為監軍祇委高崇文為使黃裳自經營伐蜀以至成功指授崇文無不懸合崇文素憚劉潼黃裳使人謂崇文曰若不奮命當以劉潼代之由是得崇文之死力既平闢宰臣入賀帝目黃裳曰此卿之功也後與憲宗語及方鎮除授黃裳奏曰德宗自艱難之後事多姑息貞元中每帥守物故必先命中使偵伺其軍動息其副貳大將中有物望者必厚賂近臣以求見用帝必隨其稱美而命之以是因循方鎮罕有特命帥守者陛下宜熟思貞元故事稍以法度整肅諸侯則天下何憂不治憲宗然其言繇是用兵誅蜀夏之後不容藩臣蹇傲則復兩河威令復振蓋黃裳啓其衷也黃裳有經畫之才達於權變然檢身律物寡廉潔之譽以是居鼎職不久二年正月檢校司空同平章事兼河中尹河中晉絳等州節度使八月封邠國公三年九月卒於河中年七十一贈司徒諡曰宣黃裳性雅澹寬恕心雖從長口不忤物始為卿士女嫁韋執誼深不為執誼所稱及執誼誼逐黃裳終保全之洎死嶺表請歸其喪以辦葬事及是被疾醫人誤進其藥疾甚而不怒然為宰相除授不分流品或官以賂遷時論惜之黃裳歿後賄賂事發

八年四月御史臺奏前承樂令吳憑為僧鑿虛受託與故司空杜黃裳於故州

邠軍節度使高崇文處納賂四萬五千貫並付黃裳勇載按問引伏勅曰吳憑

曾佐使府忝履宦途自宜畏法惜身豈得為人通貨事關非道理合懲愆宜配

流昭州其付杜載錢物宰輔之任寵寄實深致茲貨財不能拒絕已令按問悉

合徵收貴全終始之恩俾弘寬大之典其所取錢物並宜矜免杜載等並釋放

載為太子僕長慶中遷太僕少卿兼御史中丞充入吐蕃使載弟勝登進士第

大中朝位給事中勝子廷堅亦進士擢第

高郢字公楚其先渤海裔人九歲通春秋能屬文天寶末盜據京邑父伯祥先

為好時尉抵賊禁將加極刑郢時年十五被髮解衣請代其父賊黨義之乃俱

釋後舉進士擢第應制舉登茂才異行科授華陰尉嘗以魯不合用天子禮樂

乃引公羊傳著魯議見稱於時由是授咸陽尉郢子儀節制朔方辟為掌書記

子儀嘗怒從事張疊奏殺之郢極言爭救忤子儀旨奏貶倚氏丞李懷光節制

邠軍奏為從事累轉副元帥判官檢校禮部郎中懷光背叛將歸河中郢言西

迎大駕豈非忠乎懷光忿而不聽及歸鎮又欲悉眾而西時渾瑊軍孤羣帥未

集郢與李鄴誓死駐之屬懷光長子瑤候郢郢乃論以逆順曰人臣所宜效順

且自天寶以來阻兵者今復誰在況國家自有天命非獨人力今若恃眾西向

自絕于天十室之邑必有忠信安知三軍不有奔潰者乎李瑤震懼流淚氣索

明年春郢與都知兵馬使呂鳴岳都虞候張延英同謀間道上表及受密詔事

洩二將立死懷光乃大集將卒白刃盈庭引郢詰之郢挺然抗辭無所厭懼憤

氣感發觀者淚下懷光慙沮而止德宗遠京命諫議大夫孔巢父中人咬守盈

赴河中宣慰懷光授以太保而懷光怒激其親兵詬晉殺守盈及巢父巢父之

被刃也委於地郢就而撫之及懷光被誅馬燧辟郢為掌書記未幾徵拜主客

員外遷刑部郎中改中書舍人凡九歲拜禮部侍郎時應進士舉者多務朋游

馳逐聲名每歲冬州府薦送後唯追奉讜集罕肆其業郢性剛正尤嫉其風既

領職拒絕請託雖同列通熟無敢言者志在經藝專考程試凡掌貢部三歲進

幽獨抑浮華朋濫之風翕然一變拜太常卿貞元十九年冬進位銀青光祿大

夫守中書侍郎同中書門下平章事順宗即位轉刑部尚書為章執誼等所彈
 尋罷知政事以本官判吏部尚書事明年出鎮華州元和元年冬復拜太常卿
 尋除御史大夫數月轉兵部尚書逾月再表乞骸不許又上言曰臣聞勞生佚
 老天理自然蠕動翺飛日入皆息自非負禹之守經據古趙喜之正身匪懈韓
 暨之志節高潔山濤之道德模表縱過常期詎為貪冒其有當仁不讓急病忘
 身豈止君命猶宜身舉臣野不才久辱高位無任由衷瀝懇之至乃授尚書右
 僕射致仕六年七月卒年七十二贈太子太保諡曰貞野性恭慎廉潔罕與人
 交游守官奉法動恪掌誥累年家無制草或謂之曰前輩皆留制集公焚之何
 也曰王言不可存私家時人重其慎密與鄭珣瑜並命拜相未幾德宗昇遐時
 同在相位杜佑以宿舊居上而章執誼由朋黨專柄順宗風恙方甚樞機不宜
 而王叔文以翰林學士兼戶部侍郎充度支副使是時政事王叔文謀議王伾
 通導李忠言宣下章執誼奉行珣瑜自受命憂形顏色至是以勢不可奪因稱
 疾不起野則因循竟無所發以至於罷物論定此為優劣焉子定嗣定幼聰警
 絕倫年七歲時讀尚書湯誓問野曰奈何以臣伐君野曰應天順人不為非道
 又問曰用命賞于祖不用命戮于社是順人乎父不能對任至京兆參軍小字
 董二人以幼慧多以字稱之尤精王氏易嘗為易圖合入出以畫八卦上圓下
 方合則重轉則演七轉而六十四卦六甲八節備焉著易外傳二十二卷
 杜祐字君卿京兆萬年人曾祖行敏荆益二州都督府長史南陽郡公祖慤右
 司員外郎詳正學士父希望歷鴻臚卿恆州刺史西河太守贈右僕射佑以蔭
 入仕補濟南都參軍刺縣丞時潤州刺史韋元甫嘗受恩於希望佑謁見元甫
 未之知以故人子待之他日元甫視事有疑獄不能決佑時在旁元甫試訊於
 佑佑口對響應皆得其要元甫奇之乃奏為司法參軍元甫為浙西觀察淮南
 節度皆辟為從事深所委信累官至檢校主客員外郎入為工部郎中充江西
 青苗使轉撫州刺史改御史中丞充容管經略使楊炎入相徵入朝歷工部金
 部二郎中並充水陸轉運使改度支郎中兼和籩等使時方軍興餽運之務悉
 委於佑遷戶部侍郎判度支為盧杞所惡出為蘇州刺史佑母在杞以蘇州憂

闕授之佑不行俄換饒州刺史未幾兼御史大夫充嶺南節度使時德宗在興
 元朝廷故事執政往往遺脫舊嶺南節度常兼五管經略使佑獨不兼故五管
 不屬嶺南自佑始也貞元三年徵為尚書左丞又出為陝州觀察使遷檢校禮
 部尚書揚州大都督府長史充淮南節度使丁母憂特詔起復累轉刑部尚書
 檢校右僕射十三年徐州節度使張建封卒其子愔為三軍所立詔佑以淮南
 節制檢校左僕射同平章事兼徐泗節度使委以討伐佑乃大具舟艦遣將孟
 準先當之準渡淮而敗佑杖之固境不敢進及詔以徐州授愔而加佑兼濠泗
 等州觀察使在揚州開設營壘三十餘所士馬修葺然於賓僚間依阿無制判
 官南宮傳李亞鄭元均爭權頗紊軍政德宗知之並竄於嶺外十九年入朝拜
 檢校司空同平章事充太清宮使德宗崩佑攝冢宰尋進位檢校司徒充度支
 鹽鐵等使依前平章事旋又加弘文館大學士時王叔文為副使佑雖總統而
 權歸叔文叔文敗又奏李異為副使頗有所立順宗崩佑復攝冢宰尋讓金穀
 之務引李異自代先是度支以制用惜費漸權百司之職廣署吏員繁而難理
 佑始奏管繕歸之將作木炭歸之司農染練歸之少府綢條頗整公議多之朝
 廷允其議元和元年冊拜司徒同平章事封岐國公時河西党項潛導吐蕃入
 寇邊將邀功亟請擊之佑上疏論之曰臣伏見党項與西戎潛通屢有降人指
 陳事迹而公卿廷議以為誠當謹兵戎備侵軼益發甲卒邀其寇暴此蓋未達
 事機匹夫之常論也夫蠻夷猾夏唐虞已然周宣中興獫狁為害但命南仲往
 城朔方追之太原及境而止誠不欲弊中國而怒遠夷也秦平六國恃其兵力
 北築長城以拒匈奴西逐諸羌出於塞外努力擾人結怨階亂中國未靜白徒
 競起海內雲擾實生謫戍漢武因文景之富命將與師遂至戶口減半竟下哀
 痛之詔罷田輪臺前史書之尚嘉其先迷而後復蓋聖王之理天下也唯務綏
 靜蒸人西至流沙東漸于海在南與北亦存擊教不以遠物為珍匪求遠方之
 貢豈疲內而事外終得少而失多故前代納忠之臣並有匡君之議淮南王請
 息師于閩越賈捐之願棄地于珠崖安危利害高懸前史昔馮奉世矯漢帝之
 詔擊莎車傳其王首於京師威震西域宣帝大悅議加爵土之賞蕭望之獨以

爲矯制違命。雖有功效。不可爲法。恐後之奉使者。爭遂發兵。爲國發生事。述理明白。其言遂行。國家自天后已來。突厥默啜。兵強氣勇。屢寇邊城。爲害頗甚。開元初。邊將郝靈佺親捕斬之。傳首闕下。自以爲功。代莫與二。坐望榮寵。宋璟爲相。慮武臣邀功。爲國生事。止授以郎將。由是訖開元之盛。無人復議開邊。中國遂寧。外夷亦靜。此皆成敗可徵。鑿非遠。且党項小蕃。雜處中國。本懷我德。當示撫綏。間者邊將非廉。或有侵刻。或利其釜馬。或取其子女。便賄方物。徵發役徒。勞苦既多。叛亡遂起。或與北狄通使。或與西戎寇邊。有爲使然。固當懲革。傳曰。遠人不服。則修文德以來之。管子曰。國家無使勇猛者爲邊境。此誠聖哲識微知著之遠略也。今戎醜方強。邊備未實。誠宜慎擇良將。誠之完葺。使保誠信。絕其求取。用示懷柔。來則懲禦。去則謹備。自然懷柔。章其姦謀。何必遽圖與師。坐致勞費。陛下上聖。君人。覆育羣類。動必師古。謀無不臧。伏望堅保永圖。置兵衽席。天下幸甚。臣識昧經綸。學慙博究。竊鼎鉉之寵任。爲朝廷之老臣。恩深莫倫。志懇恩報。臧否備閱。芻蕘上陳。有瀆旒辰。伏深惶悚。上深嘉納。歲餘請致仕。詔不許。但令三五日一入中書。平章政事。每入奏事。憲宗優禮之。不名。常呼司徒。佑城南樊川有佳林亭。卉木幽邃。佑每與公卿講集。其間廣陳伎樂。諸子咸居朝列。當時貴戚莫之與比。元和七年被疾。六月復乞骸骨。表四上。情理切至。憲宗不獲已。許之。詔曰。宣力濟時。爲臣之懿。辭榮告老。行己之高。風况乎任重。公台義深。翼贊秉沖讓之志。堅金石之誠。敦論既勤。所執彌固。則當遂其衷懇。進以崇名。尙齒優賢。斯王化之本也。金紫光祿大夫守司徒。同中書門下平章事。兼弘文館大學士。太清宮使。上柱國。岐國公。食邑三千戶。杜佑嚴廊上才。邦國茂器。蘊經通之識。履溫厚之姿。寬裕本乎性情。謀猷彰乎事業。博聞強學。知歷代訟革之宜。爲政惠人。審羣黎利病之要。由是再司邦用。累歷藩方。出總戎麾。入和鼎寶。聿膺重寄。歷事先朝。左右朕躬。夙夜不懈。命以詔冊。登之上公。蕭恭在廷。華髮承弁。茲可謂國之元老。人之具瞻者。也。朕繼承丕業。思弘景化。選勞求舊。期致時邕。方伸引翼之儀。遽抗懸車之請。而又固辭年疾。乞就休閑。已而復來。星珪屢變。有不可抑。良用耿然。永惟古先哲王。君臣之際。臣有耆

艾以求其退。君有優賜以徇其情。乃駁鄧禹數教之功。仍增王祥輔導之秩。俾養浩然之氣。安於敬止之鄉。庶乎怡神葆和。永綏福履。仍加階級。以厚寵章。可光祿大夫。守太保。致仕。宜朝朔望。是日。上遣中使就佑第賜絹五百匹。錢五百千。其年十一月薨。壽七十八。廢朝三日。冊贈太傅。諡曰安簡。佑性敦厚。強力。尤精吏職。雖外示寬和。而持身有術。爲政弘易。不尙嚴察。掌計治民。物便而濟。取戎應變。卽非所長。性嗜學。該涉古今。以富國安人之術爲己任。初開元末。劉秩探經史百家之言。取周禮六官所職。撰分門書三十五卷。號曰政典。大爲時賢稱賞。房瑄以爲才過劉更生。佑得其書。尋味厥旨。以爲條目未盡。因而廣之。加以開元禮樂書。成二百卷。號曰通典。貞元十七年。自淮南使人詣闕獻之。曰。臣聞太上立德。不可庶幾。其次立功。遂行當代。其次立言。見志後學。由是往哲。遞相祖述。將施有政。用又邦家。臣本以門賁。幼登官序。仕非遊藝。才不逮人。徒懷自強。頗玩墳籍。雖履歷叨幸。或職劇務殷。竊惜光陰。未嘗輕廢。夫孝經尙書毛詩周易三傳。皆父子君臣之要道。十倫五教之宏綱。如日月之下臨。天地之大德。百王是式。終古攸遵。然多記言。罕存法制。愚管窺測。莫遠高深。輒肆荒虛。誠爲億度。每念博學。莫探政經。略觀歷代。衆賢著論。多陳紊失之弊。或闕匡拯之方。臣既庸淺。寧詳損益。未原其始。莫暢其終。尙賴周氏典禮。秦皇蕩滅不盡。縱有繁雜。且用準繩。至於往昔。是非可爲。來今龜鏡。布在方冊。亦粗研尋。自頃纘條。年踰三紀。識寡思拙。心味辭蕪。圖籍實多。事目非少。將事功畢。罔愧乖疎。固不足發揮大猷。但竭愚盡慮而已。書凡九門。計貳佰卷。不敢不具。上獻。庶明鄙志。所之。塵瀆聖聰。悚惶無措。優詔嘉之。命藏書府。其書大傳於時。禮樂刑政之源。千載如指諸掌。大爲士君子所稱。佑性勤而無倦。雖位極將相。手不釋卷。質明視事。接對賓客。夜則燈下讀書。孜孜不怠。與賓佐談論。人憚其辯。而伏其博。設有疑誤。亦能質正。始終言行。無所玷缺。唯在淮南時。妻梁氏亡後。昇妻妾李氏爲正室。封密國夫人。親族子弟言之不從。時論非之。三子。師損嗣。位終司農少卿。式方字考元。以蔭授揚府參軍。轉常州晉陵尉。浙西觀察使王緯辟爲從事。入爲太子通事舍人。改太常寺主簿。明練鍾律。有所考定。深爲高郵所賞。時

父作鎮揚州家財鉅萬甲第在安仁里杜城有別墅亭館林池為城南之最昆仲皆在朝廷與時賢遊從樂而有節既而佑入中書出為昭應令丁父憂服闋遷司農少卿賜金紫加正議大夫太僕卿時少子悰選尚公主式方以右戚移病不視事久之文宗即位轉兼御史中丞充桂管觀察都防禦使長慶二年三月卒於位贈禮部尚書式方性孝友弟兄尤睦季弟從郁少多疾病式方每躬自煎調藥膳水飲非經式方之手不入於口及從郁天喪終年號泣殆不勝情士友多之子悰懷恂恂富平尉悰與平尉悰以蔭三遷太子司議郎元和九年選尚公主召見于麟德殿尋尚岐陽公主加銀青光祿大夫殿中少監駙馬都尉岐陽憲宗長女郭妃之所生自頃選尚多於貴戚或武臣節將之家于時翰林學士獨孤郁權德輿之女壻時德輿作相郁避嫌辭內職上頗重學士不獲已許之且數德輿有佳壻遂令宰臣於卿士家選尚文雅之士可居清列者初於文學後進中選擇皆辭疾不應唯悰願焉累遷至司農卿太和六年轉京兆尹七年檢校刑部尚書出為鳳翔尹鳳翔隴右節度丁內艱八年起復授忠武軍節度使陳許蔡觀察等使就加兵部尚書開成初入為工部尚書判度支屬岐陽公主薨久而未謝文宗怪之問左右戶部侍郎李珣對曰近日駙馬為公主服斬衰三年所以士族之家不願為國戚者半為此也杜悰未謝拘此服紀也上愕然曰子初不知乃詔曰制服輕重必由典禮如聞往者駙馬為公主服三年緣情之義殊非故實違經之制今乃聞知宜令行杖周采為通制三年改戶部尚書兼判戶部度支事會昌中拜中書侍郎中書門下平章事尋加左僕射大中初出鎮西川降先沒吐蕃維州州即古西戎地也其地南界江陽岷山連嶺而西不知其極北望隴山積雪如玉東望成都若在井底地接石紐山夏禹生于石紐山是也其州在岷山之孤峯三面臨江天寶後河隴繼陷惟此州在焉吐蕃利其險要二十年間設計得之遂據其城因號曰無憂城吐蕃由是不虞邛蜀之兵先是李德裕鎮西川維州吐蕃首領悉怛謀以城來降德裕委之執政者與德裕不協遽勒還其城至是復收之亦不因兵刃乃人情所歸也俄復入相加司空繼加司徒歷鎮重藩至是加太傅邠國公悰無他才

常延接寒素甘食糲位而已從郁以蔭貞元末再遷太子司議郎元和初轉左補闕諫官崔羣輩實之獨孤郁等以從郁宰相子不合為諫官乃降授左拾遺羣等復執曰拾遺之與補闕雖資品有殊皆名諫列父為宰相子為諫官若政有得失不可使子論父乃改為秘書丞終駕部員外郎子牧頭俱登進士第頭後病目而卒牧字牧之既以進士擢第又制舉登乙第解褐弘文館校書郎試左武衛兵曹參軍沈傳師廉察江西宣州辟牧為從事試大理評事又為淮南節度推官監察御史裏行轉掌書記俄真拜監察御史分司東都以弟顓病目棄官授宣州團練判官殿中侍御史內供奉遷左補闕史館修撰轉膳部比部員外郎並兼史職出牧黃池睦三郡復遷司勳員外郎史館修撰轉膳部比部郎又以弟病免歸授湖州刺史入拜考功郎中知制誥歲中遷中書舍人牧好讀書工詩為文嘗自負經緯才略武宗朝誅昆夷鮮卑牧上宰相書論兵事言胡戎入寇在秋冬之間盛夏無備宜五六月中擊胡為便李德裕稱之注曹公所定孫武十三篇行於代牧從兄悰隆感于時牧居下位心書不樂將及知命得病自為墓志祭文又嘗夢人告曰爾改名畢踰月奴自家來告曰炊將熟而甑裂牧曰皆不祥也俄又夢書行紙曰皎皎白駒在彼空谷寤寢而歎曰此過際也吾生於角徵還於角為第八宮吾之甚厄也予自湖守還舍人木還角足矣其年以疾終於安仁里年五十有集二十卷曰杜氏樊川集行於代子德祥官至丞郎

史臣曰黃裳以道致君持誠奉主辨懷光之詐罷全義之征討賊闕之兇舉無遺筭葬執誼之板豈曰不仁鄧天縱之性總非之年代父命於臨刑孝也懷光之亂王人被傷撫巢父於賊庭義也抑浮濫之流考藝文之士盡搜曲滯大變時風正也保止足之名辭榮辱之路高避世利退躡昔賢智也忠孝全矣仁智備矣此二子者皆臨大節而不可奪也佑承蔭入仕讞獄受知博古該今輸忠效用位居極品榮遠子孫操修之報不亦宜哉及其賓寮素法嬖妾受封事重因循難平語於正矣牧之文章悰之長厚能否既異才位不倫命矣夫

贊曰貞公壯節臨難奮發言行無玷斯為明哲戡亂阜俗時泰位隆國之名臣

鄭公岐公

舊唐書卷一百四十七

舊唐書卷一百四十七

列傳

一二四一

舊唐書卷一百四十八

後晉司空同中書門下平章事劉昫撰

列傳第九十八

裴埴

李吉甫

李藩

權德輿

裴埴字弘中河東聞喜人垂拱中宰相居道七代孫埴弱冠舉進士貢元中制舉賢良極諫對策第一授美原縣尉秩滿藩府交辟皆不就拜監察御史轉殿中侍御史尚書禮部考功二員外郎時吏部侍郎鄭珣瑜請考詞判埴守正不受請託考數皆務才實元和初召入翰林為學士轉考功郎中知制誥尋遷中書舍人李吉甫自翰林承旨拜平章事詔將下之夕感出涕謂埴曰吉甫自尚書郎流落遠地十餘年方歸便入禁署今纔滿歲後進人物罕所接識宰相之職宜選擢賢俊今則懵然莫知能否卿多精鑒今之才傑為我言之埴取筆疏其名氏得三十餘人數月之內選用略盡當時翕然稱吉甫有得人之稱三年詔舉賢良時有皇甫湜對策其言激切牛僧孺李宗閔亦苦詆時政考官楊於陵韋貫之升三子之策皆上策埴居中覆視無所同異及為貫倖泣訴請罪於上憲宗不得已出於陵貫之官罷埴翰林學士除戶部侍郎然憲宗知埴好直信任彌厚其年秋李吉甫出鎮淮南遂以埴代為中書侍郎同平章事明年加集賢院大學士監修國史埴奏集賢御書院請準六典登朝官五品已上為學士六品已下為直學士自非登朝官不問品秩並為校理其餘名目一切勒停史館請登朝官入館者並為修撰非登朝官並為直史館仍承為常式皆從之元和五年中風病憲宗甚嗟惜中使旁午致問至於藥膳進退皆令疏陳疾益洞罷為兵部尚書仍進階銀青光祿大夫太子賓客卒廢朝禮禮有加贈太子少傅初埴在翰林承旨屬憲宗初平吳蜀勵精思理機密之務一以關埴埴小心敬慎其稱中旨及作相之後懇請旌別淑慝杜絕徑徑齊整法度考課吏理皆蒙垂意聽納吐突承璀自春官侍憲宗恩顧莫二承璀承間欲有所關說憲宗憚埴誠勿復言在禁中常以官呼埴而不名楊於陵為嶺南節度使與監軍許遂振不和遂振誣奏於陵憲宗令追與慢官埴曰以遂振故罪一藩臣不可

請授吏部侍郎嚴綬在太原其政事一出監軍李輔光綬但拱手而已埴具奏其事請以李廓代之王士真死其子承宗以河北故事請代父為帥憲宗意速於太平且頻邊寇奪謂其地可取吐突承璀特恩謀撓埴權遂伺君意請自征討盧從史陰苞逆節內與承宗相結約而外請與師以圖厚利埴皆陳其不可且言武俊有大功於朝前授李師道而後奪承宗是賞罰不一無以沮勸天下逗留半歲憲宗不決承璀之策竟行及師臨賊境從史果攜貳承璀數督戰從史益驕倨反覆官軍病之時王師久暴露無功上意亦怠後從史遣其衙門將王垕元入奏埴延與語微動其心且喻以為臣之節垕元因吐誠言從史惡殺可圖之狀埴遣再往比復還遂得其大將烏重胤等要領埴因從容啟言從史暴戾有無君之心今聞其視承璀如嬰孩往來神策壁壘間益自恃不嚴是天亡之時也若不因其機而致之後雖與師未可以歲月破也憲宗初愕然熟思其計方許之埴因請密其謀憲宗曰此唯李絳梁守謙知之時絳承旨翰林守謙掌密命後承璀竟擒從史平上黨其年秋班師埴以承璀首唱用兵今還無功陛下縱念舊勞不能加顯戮亦請貶黜以謝天下遂罷承璀兵柄先是天下百姓輸賦於州府一曰上供二曰送使三曰留州建中初定兩稅時貨重錢輕是後貨輕錢重齊人所出固已倍其初征而其留州送使所在長吏又降省估使就實估以自封殖而重賦於人及埴為相奏請天下留州送使物一切令依省估其所在觀察使仍以其所蒞之郡租賦自給若不足然後徵於支郡其諸州送使額悉變為上供故江淮稍息肩埴雖年少驟居相位而器局峻整有法度雖大寮前輩其造請不敢干以私諫官言時政得失舊事操權者多不悅其舉職埴在中書有獨孤郁李正辭嚴休復自拾遺轉補闕及參謝之際埴廷詰之曰獨孤與李二補闕孜孜獻納今之遷轉可謂酬勞無愧矣嚴補闕官業或異於斯昨者進擬不無疑緩休復悚慙而退埴在翰林舉李絳崔臺同掌密命及在相位用韋貫之裴度知制誥權李夷簡為御史中丞其後繼踵入相咸著名跡其餘量材賦職皆叶人望選任之精前後莫及議者謂埴作相才與時會知無不為于時朝無佞人百度履理而再周遵疾以至休謝公論惜之

李吉甫字弘憲趙郡人父栖筠代宗朝為御史大夫名重於時國史有傳吉甫少好學能屬文年二十七為太常博士該洽多聞尤精國朝故實沿革折衷時多稱之遷屯田員外郎博士如故改駕部員外宰臣李泌寶參推重其才接遇頗厚及陸贄為相出為明州員外長史久之遇赦起為忠州刺史時贄已謫在忠州議者謂吉甫必逞憾於贄重構其罪及吉甫到部與贄甚歡未嘗以宿嫌介意六年不徙官以疾罷免尋授柳州刺史遷饒州先是州城以頻喪四牧廢而不居物怪變異郡人信驗吉甫至發城門管鑰剪荆榛而居之後人乃安憲宗嗣位徵拜考功郎中知制誥既至闕下旋召入翰林為學士轉中書舍人賜紫憲宗初即位中書小吏滑渙與知樞密中使劉光琦暱善頗竊朝權吉甫請去之劉闢反帝命誅討之計未決吉甫密贊其謀兼請廣徵江淮之師由三峽路入以分蜀寇之力事皆允從由是甚見親信二年春杜黃裳出鎮權吉甫為中書侍郎平章事吉甫性聰敏詳練物務自員外郎出官留滯江淮十五餘年備詳閭里疾苦及是為相患方鎮貪恣乃上言使屬郡刺史得自為政敘進羣材甚有美稱二年秋裴均為僕射判度支交結權倖欲求宰相先是制策試直言極諫科其中有譏刺時政忤權倖者因此均黨揚言皆執政教指冀以搖動吉甫賴諫官李約獨孤郁李正辭蕭儉密疏陳奏帝意乃解吉甫早歲知獎羊士諤擢為監察御史又司封員外郎呂溫有詞藝吉甫亦眷接之寶羣亦與羊呂善羣初拜御史中丞奏請士諤為侍御史溫為郎中知雜事吉甫怒其不先關白而所請又有超資者持之數日不行因而有隙羣遂伺得日者陳克明出入吉甫家密捕以聞憲宗詰之無姦狀吉甫以裴均久在翰林憲宗親信必當大用遂密薦均代己因自圖出鎮其年九月拜檢校兵部尚書兼中書侍郎平章事充淮南節度使上御通化門樓錢之在揚州每有朝廷得失軍國利害皆密疏論列又於高郵縣築堤為塘溉田數千頃人受其惠五年冬裴均病免明年正月授吉甫金紫光祿大夫中書侍郎平章事集賢殿大學士監修國史上柱國趙國公及再入相請減省職員并諸色出身胥吏等及量定中外官俸料時以為當京城諸僧有以莊礎免稅者吉甫奏曰錢米所徵素有定額寬經

徒有餘之力配貧下無告之民必不可許憲宗乃止又請歸普潤軍於涇原七年京兆尹元義方奏永昌公主准禮令起祠堂請其制度初貞元中義陽義章二公主咸於墓所造祠堂一百二十間費錢數萬及永昌之制上令義方減舊制之半吉甫奏曰伏以永昌公主稚年夭枉舉代同悲沉於聖情固所鍾念然陛下猶減制造之半示折衷之規昭儉訓人實越今古臣以祠堂之設禮典無文德宗皇帝恩出一時事因習俗當時人聞不無竊議昔漢章帝時欲為光武原陵明帝顯節陵各起邑屋東平王蒼上疏言其不可東平王即光武之愛子明帝之愛弟賢王之心豈惜費於父兄哉誠以非禮之事人君所當慎也今者依義陽公主起祠堂臣恐不如量置墓戶以充守奉翌日上謂吉甫曰卿昨所奏罷祠堂事深懷朕心朕初疑其冗費緣未知故實是以量減覽卿所陳方知無據然朕不欲破二十戶百姓當揀官戶委之吉甫拜賀上曰卿此豈是難事有關朕身不便於時者苟聞之則改此豈足多耶卿但勤匡正無謂朕不能行也七年七月上御延英顧謂吉甫曰朕近日暇遊悉廢唯喜讀書昨於代宗實錄中見其時綱紀未振朝廷多事亦有所鑒誠向後見卿先人事迹深可嘉歎吉甫降階跪奏曰臣先父伏事代宗盡心盡節迫於流運不待聖時臣之血誠常所追恨陛下耽悅文史聽覽日新見臣先父忠於前朝著在實錄今日特賜褒揚先父雖在九泉如親白曰因俯伏流涕上慰諭之八年十月上御延英殿問時政記何事時吉甫監修國史先對曰是宰相記天子事以授史官之實錄也古者右史記言今起居舍人是左史記事今起居郎是承徽中宰相姚璩監修國史慮造膝之言或不可聞因請隨奏對而記於仗下以授于史官今時政記是也上曰聞或不修何也曰面奉德音未及施行總謂機密故不可書以送史官其間有謀議出於臣下者又不可自書以付史官及已行者制令昭然天下皆得聞知即史官之記不待書以授也且臣觀時政記者姚璩修之於長壽及璩罷而事變賈耽齊抗修之於貞元及耽抗罷而事廢然則關時政化者不虛矣不隱惡謂之良史也是月迴紇部落南過磧取西城柳谷路討吐蕃西城防禦使周懷義表至朝廷大恐以為迴紇聲言討吐蕃意是入寇吉甫奏曰

迥統入寇且當漸絕和事不應便來犯邊但須設備不足爲慮因請自夏州至天德復置廢館一十一所以通緩急又請發夏州騎士五百人營於經略故城應援驍使兼護党項九年請於經略故城置宥州六胡州以在靈鹽界開元中廢六州曰國家舊置宥州以寬宥爲名領諸降戶天寶末宥州寄理於經略軍蓋以地居其中可以總統蕃部北以應接天德南援夏州今經略遙隸靈武又不置軍鎮非舊制也憲宗從其奏復置宥州詔曰天寶中宥州寄理於經略軍寶應已來因循遂廢由是昆夷屢擾党項靡依蕃部之人撫懷莫及朕方弘遠略思復舊規宜於經略軍置宥州仍爲上州於郭下置延恩縣爲上縣屬夏綏銀觀察使准西節度使吳少陽卒其子元濟請襲父位吉甫以爲准西內地不同河朔且四境無黨援國家常宿數十萬兵以爲守禦宜因時而取之頗叶上旨始爲經度准西之謀元和九年冬暴病卒年五十七憲宗傷悼久之遣中使臨弔常贈之外內出絹五百匹以恤其家再贈司空吉甫初爲相頗洽時情及淮南再徵中外延望風采秉政之後視聽時有所蔽人心疑懼之時負公望者慮爲吉甫所忌多避畏憲宗潛知其事未周歲遂擢用李絳大與絳不協而絳性剛訐於上前互有爭論人多直絳然性畏慎雖其不悅者亦無所傷服物食味必極珍美而不殖財產京師一宅之外無他第墅公論以此重之有司諡曰敬憲及會議度支郎中張仲方駁之以爲太優憲宗怒貶仲方賜吉甫諡曰忠懿吉甫嘗討論易象異義附於一行集注之下及綴錄東漢魏晉周隋故事訖其成敗損益大端目爲六代略凡三十卷分天下諸鎮紀其山川險易故事各寫其圖於篇首爲五十四卷號爲元和郡國圖又與史官等錄當時戶賦兵籍號爲國計簿凡十卷纂六典諸職爲百司舉要一卷皆奏上之行於代子德脩德裕

李藩字叔翰趙郡人曾祖至遠天后時李昭德薦爲天官侍郎不諳昭德謝恩時昭德怒奏黜爲壁州刺史祖舍開元時爲考功郎中事母孝謹母卒不勝喪死至遺舍皆以志行名重一時父承爲湖南觀察使亦有名藩少恬淡修檢雅容儀好學父卒家富於財親族弔者有挈去不禁愈務散施不數年而貧年四

十餘未仕讀書揚州困於自給妻子怨尤之晏如也杜亞居守東都以故人子署爲從事洛中盜發有誣牙將令狐運者亞信之拷掠竟罪藩知其冤爭之不得遂辭出後獲真盜宋瞿曼藩益知名張建封在徐州辟爲從事居幕中謙謙未嘗論細微杜兼爲濠州刺史帶使職建封病革兼疾驅到府陰有冀望藩與同列建封出而泣語兼曰僕射公奄忽如此公宜在州防遏今棄州此來欲何也宜疾去不若此當奏聞兼錯愕不虞遂徑歸建封死兼悔所志不就藩甚疑歸揚州兼因誣奏藩建封死時搖動軍中德宗大怒密詔杜佑殺之佑素重藩懷詔旬日不忍發因引藩論釋氏曰因報之事信有之否藩曰信然曰審如此君宜遇事無恐因出詔藩覽之無動色曰某與兼信爲報也佑曰慎勿出口吾已密論持百口保君矣德宗得佑解怒不釋亟追藩赴闕及召見望其儀形曰此豈作惡事人耶乃釋然除祕書郎王紹持權邀藩一相見即用終不就王仲舒章成季呂洞輩爲郎官朋黨輝赫日會聚歌舞酒棊藩名強致同會藩不得已一至仲舒輩好爲訛語俳戲後召藩堅不去曰吾與仲舒輩終日不曉所與言何也後果敗遷主客員外郎尋換右司時順宗冊廣陵王淳爲皇太子兵部尚書王純請改名紹時議非之皆云皇太子亦人臣也東宮之臣改之宜也非其屬而改之詔也如純輩豈爲以禮事上耶藩謂人曰歷代故事皆自不識大體之臣而失之因不可復正無足怪也及太子即位憲宗是也宰相改郡縣名以避上名唯監察御史韋淳不改既而有詔以陸淳爲給事中改名質淳不得已改名處厚議者嘉之藩尋改吏部員外郎元和初遷吏部郎中掌曹事爲吏所蔽濫用官闕黜爲著作郎轉國子司業遷給事中制勅有不可遂於黃勅後批之吏曰宜別連白紙藩曰別以白紙是文狀豈曰批勅耶裴瑒言於帝以爲有宰相器屬鄭綱罷免遂拜藩門下侍郎同平章事藩性忠蓋事無不言上重之以爲無隱四年冬顧謂宰臣曰前代帝王理天下或家給人足或國貧下困其故何也藩對曰古人云儉以足用蓋足用繫於儉約誠使人君不貴珠玉唯務耕桑則人無淫巧俗自敦本百姓既足君孰與不足自然裕藏充羨稼穡豐登若人君竭民力貴異物上行下効風俗日奢去本務末衣食益乏則百姓

不足君執與足自然國貧家困盜賊乘隙而作矣今陛下承鑿前古思躋富庶躬尙勤儉自當理平伏願以知之爲非艱保之爲急務官室輿馬衣服器玩必務損之又損示人變風則天下幸甚帝曰儉約之事是我誠心貧富之由如卿所說唯當上下相勗以保此道似有踰愷極言箴規此固深期於卿等也藩等拜賀而退帝又問曰禱災祈福之說其事信否藩對曰臣竊觀自古聖達皆不禱祠故楚昭王有疾卜者謂河爲祟昭王以河不在楚非所獲罪孔子以爲知天道仲尼病子路請禱仲尼以爲神道助順繫於所行已既全德無愧屋漏故答子路云丘之禱久矣書云惠迪吉從逆凶言順道則吉從逆則凶詩云自求多福則禍福之來咸應行事若苟爲非道則何福可求是以漢文帝每有祭祀使有司敬而不祈其見超然可謂感德若使神明無知則安能降福必其有知則私己求媚之事君子尙不可悅也況於明神乎由此言之則履信思順自天祐之苟異於此實難致福故堯舜之德唯在修己以安百姓管仲云義於人者和於神蓋以人爲神主故但務安人而已說公求神以致危亡王莽妄祈以速漢兵古今明誠書傳所紀伏望陛下每以漢文孔子之意爲準則百福具臻帝深嘉之時河東節度使王鐔用錢數千萬賂遺權倖求兼宰相藩與權德輿在中書有密旨曰王鐔可兼宰相宜即擬來藩遂以筆塗兼相字却奏上云不可德輿失色曰縱不可宜別作奏豈可以筆塗詔耶曰勢迫矣出今日便不可止日又暮何暇別作奏事果獲李吉甫自揚州再入相數日罷藩爲詹事後數月上恩藩召對復有所論列元和六年出爲華州刺史兼御史大夫未行卒年五十八贈戶部尚書藩爲相材能不及裴垪孤峻頗後輩賞之然人物清規亦其流也

權德輿字載之天水略陽人父臯字士孫後秦尚書翼之後少以進士補貝州臨濟尉安祿山以幽州長史充河北按察使假其才名表爲刺縣尉署從事臯陰察祿山有異志畏其猜慮不可以潔退欲潛去又慮禍及老母天寶十四年祿山使臯獻戎俘自京師迴過福昌福昌尉仲蕃臯從父妹婿也密以計約之比至河陽詐以疾亟召蕃至臯示已暗置毒而腹蕃乃勉哀而哭手自含

既逸臯而葬其棺人無知者從吏以詔書還臯母初不知聞臯之死慟哭傷行路祿山不疑其詐死許其母歸臯時微服匿跡候母於淇門既得侍其母乃奉母晝夜南去及渡江祿山已反矣由是名聞天下淮南採訪使高適表臯試大理評事充判官屬丞王璠亂多劫士大夫以自從臯懼見迫又變名易服以免玄宗在蜀聞而嘉之除監察御史會丁母喪因家洪州時南北隔絕或踰歲不聞詔命有中使奉宣至洪州經時未復過有求取州縣苦之時有王遵爲南昌令將執按之因見臯白其事臯不言久之垂涕曰方今何由可致一勅使而遽有此言因掩涕而起遵違拜謝之浙西節度使顏真卿表臯爲行軍司馬詔徵爲起居舍人又以疾辭書曰本自全吾志豈受此之名耶李季卿爲江淮黜陟使奏臯節行改著作郎復不起兩京蹂躪於胡騎士君子多以家渡江東知名之士如李華柳識兄弟者皆仰臯之德而友善之大曆三年卒于家年四十六元和中謚曰貞孝初臯卒韓洄王定爲朋友之喪李華爲其墓表以爲分天下善惡一人而已前贈秘書監至是因子德輿爲相立家廟至元和十二年復贈太子太保德輿生四歲能屬詩七歲居父喪以孝聞十五爲文數百篇編爲童蒙集十卷名聲日大韓洄黜陟河南辟爲從事試秘書省校書郎貞元初復爲江西觀察使李兼判官再遷監察御史府罷杜佑裴胄皆奏請一表同日至京德宗雅聞其名徵爲太常博士轉左補闕八年關東大水上疏請降詔恤隱遂命奚陟等四人使裴延齡以巧倖判度支九年自司農少卿除戶部侍郎仍判度支德輿上疏曰臣伏以爵人於朝與衆共之況經費之司安危所繫延齡頃自權判逮今間歲不稱之聲日甚於初羣情衆口誼於朝市不敢悉煩聖聽今謹略舉所聞多云以常賦正額支用未盡者便爲剩利以爲己功又重破官錢買常平先所收市雜物遂以再給估價用充別貯剩錢又云邊上諸軍皆至懸關自今春已來並不支糧伏以糧場之事所慮非細誠聖憲前定終事切有司陛下必以延齡孤貞獨立爲時所抑醜正有黨結此流言何不以新收剩利徵其本末爲分析條奏又擇朝賢信臣與中使一人巡覆邊軍察其資儲有無虛實倫延齡受任已來精心勳力每事省約別收羨餘於正數各有區分邊軍儲

蓄實猶可支身自斂怨爲國惜費自宜更示優獎以洗羣疑明書厥勞昭示天下如或言者非謬罔上實多豈以邦國重務委之非據臣職在諫曹合採羣議正拜已來今已旬日道路云云無不言此豈京師士庶之衆愚智之多合而爲黨共有讐嫉陛下亦宜稍迴聖鑑俯察羣心況臣之事君如子事父今當聖明不諱之代若猶愛身隱情是不忠不孝莫大之罪敢瀝肝血伏待刑書十年遷起居舍人歲中兼知制誥轉駕部員外郎司勳郎中職如舊遷中書舍人是時德宗親覽庶政重難除授凡命於朝多補自御札始德輿知制誥給事有徐岱舍人有高郢居數歲岱卒郢知禮部貢舉獨德輿直禁垣數旬始歸書上疏請除兩省官德宗曰非不知卿之勞苦禁掖清切須得如卿者所以久難其人德輿居西掖八年其間獨掌者數歲貞元十七年冬以本官知禮部貢舉來年真拜侍郎凡三歲掌貢士至今號爲得人轉戶部侍郎元和初歷兵部吏部侍郎坐郎吏誤用官闕改太子賓客復爲兵部侍郎遷太常卿五年冬宰相裴均廢疾德輿拜禮部尚書平章事與李藩同作相河中節度王鐸來朝實倖多譽鐸者上將加平章事李藩堅執以爲不可德輿繼奏曰夫平章事非序進而得國朝方鎮帶宰相者蓋有大忠大勳大曆已來又有跋扈難制者不得已而與之今王鐸無大忠勳又非姑息之時欲假此名實恐不可上從之運糧使董溪子臯謀盜用官錢詔流嶺南行至湖外密令中使皆殺之他日德輿上疏曰竊以董溪等當陛下憂山東用兵時領糧料供軍重務聖心委付不比尋常敢負恩私恣其賊犯使之萬死不足塞責弘寬大之典流竄太輕陛下合改正罪名兼責臣等疎略但詔令已下四方聞知不書明刑有此處分竊觀衆情有所未喻伏自陛下臨御已來每事以誠實與天地合德與四時同符萬方之人沐浴皇澤至如于董所犯合正典章明下詔書與衆同棄卽人各懼法人各謹身臣誠知其罪不容誅又是已過之事不合論辯上煩聖聽伏以陛下聖德聖姿度越前古頃所下一詔舉一事皆合理本皆順人心伏慮他時更有此比但要有司窮鞫審定罪名或致之極法或使自盡罰一勸百孰不甘心巍巍聖朝事體非細臣每於延英奏對退思陛下求理之言生逢盛明感涕自賀況以愚滯朴訥

聖鑒所知伏惟恕臣迂疎察臣丹懇及李吉甫自淮南詔徵未一年上又繼用李絳時上求理方切軍國無大小一付中書吉甫絳議政頗有異同或於上前論事形於言色其有詰於理者德輿亦不能爲發明時人以此譏之竟以循默而罷復守本官尋以檢校吏部尚書爲東都留守後拜太常卿改刑部尚書先是許孟容蔣乂等奉詔刪定格勅孟容等尋改他官乂獨成三十卷表獻之留中不出德輿請下刑部與侍郎劉伯芻等考定復爲三十卷奏上十一年復以檢校吏部尚書出鎮興元十三年八月有疾詔許歸闕道卒年六十贈左僕射諡曰文德輿自貞元至元和三十年間羽儀朝行性直亮寬恕動作語言一無外飾蘊藉風流爲時稱嚮於述作特感六經百氏游詠漸漬其文雅正而弘博王侯將相洎當時名人薨歿以銘紀爲請者什八九時人以爲宗匠焉尤嗜讀書無寸景髮倦有文集五十卷行於代子璩中書舍人

史臣曰裴均精鑿默識舉賢任能啓沃帝心弼諧王道如崔羣裴度章實之輩咸登將相皆均之薦達立言立事知無不爲吉甫該洽典經詳練故實仗裴均之抽擢致朝倫之式序吉甫知均之能別彥彥均知吉甫之善任賢良相須而成不忘不克叔翰修身慎行力學承家批制勅有夕郎之風塗御書見宰執之器而乃輕財散施天爵是期偉哉自待之意也德輿孝悌力學碧甌有聞疏延齡恣行巧佞論臯謀不書明刑三十年羽儀朝行實臯之餘慶所鍾此四子者所謂經緯之臣又何慙於王佐矣

贊曰二李秉鈞信爲名臣甫柔而黨藩俊而純裴公鑒裁朝無屈人權之藻思文質彬彬

舊唐書卷一百四十八

舊唐書卷一百四十八考證

李吉甫傳裴增為僕射判度支○臣西按增賢者何至交結權倖以求宰相且

增末為僕射判度支也當從新書作裴均為合

舊唐書卷一百四十八考證

舊唐書卷一百四十九

後晉司空同中書門下平章事劉昫撰

列傳第九十九

于休烈 子肅 肅子敷

令狐珣

歸崇敬 子登 登子融

奚陟

張薦 子又新 希復

蔣义 子保伸

柳登 弟冕 子瓌

沈傳師 子詢

于休烈河南人也高祖志軍貞觀中任左僕射為十八學士父默成沛縣令早卒休烈至性貞整機鑿敏悟自幼好學善屬文與會稽賀朝萬齊融延陵包融為文詞之友齊名一時舉進士又應制策登科授秘書省正字累遷右補闕起居郎集賢殿學士轉比部員外郎中楊國忠輔政排不附己者出為中部郡太守值祿山構難肅宗踐祚休烈自中部赴行在擢拜給事中遷太常少卿知禮儀事兼修國史肅宗自鳳翔還京勵精聽受嘗謂休烈曰君舉必書良史也朕有過失卿書之否對曰禹湯罪己其與也勃焉有德之君不忘規過臣不勝大慶時中原蕩覆典章殆盡無史籍檢尋休烈奏曰國史一百六卷開元實錄四十七卷起居注并餘書三千六百八十二卷並在興慶宮史館京城陷賊後皆被焚燒且國史實錄聖朝大典修撰多時今並無本伏望下御史臺推勘史館所由令府縣招訪有人別收得國史實錄如送官司重加購賞若是史官收得仍赦其罪得一部超授官資得一卷賞絹十匹數月之內唯得一兩卷前修史官工部侍郎韋述陷賊入東京至是以其家藏國史一百一十三卷送于官肅宗以太常鐘磬自隋已來所傳五音或有不調乾元初謂休烈曰古者聖人作樂以應天地之和以合陰陽之序則人不夭札物不疵癘且金石絲竹樂之器也比親享郊廟每聽懸樂官商不備或鐘磬失度可盡將鐘磬來朕當於內自定太常集樂工考試數日審知差錯然後令別鑄造磨刻及事畢上臨殿親試考擊皆合五音羣臣稱慶休烈尋轉工部侍郎修國史獻五代帝王論帝甚嘉之宰相李揆矜能忌賢以休烈修國史與己齊列嫉之奏為國子祭酒權留史館修撰以下之休烈恬然自持殊不介意舊儀元正冬至百官不於光順門

朝賀皇后乾元元年張皇后遂行此禮休烈奏曰周禮有命夫朝人主命婦朝女君自顯慶已來則天皇皇后始行此禮其日命婦又朝光順門與百官雜處殊為失禮肅宗詔停之代宗即位甄別名品宰臣元載稱之乃拜右散騎常侍依前兼修國史尋加禮儀使遷工部侍郎又改檢校工部尚書兼判太常卿事正拜工部尚書累封東海郡公加金紫光祿大夫在朝凡三十餘年歷掌清要家無擔石之蓄恭儉溫仁未嘗以喜愠形於顏色而親賢下士推轂後進雖位崇年高曾無倦色篤好墳籍手不釋卷以至子終大曆七年卒年八十一有集十卷行於代嗣子益次子肅相繼為翰林學士是歲春休烈妻韋氏卒上以休烈父子儒行著聞特詔贈韋氏國夫人葬日給園簿鼓吹及閑休烈卒追悼久之襄贈尚書左僕射贈絹百匹布五十端遣謁者內常侍吳承倩就私第宣慰儒者之榮少有其比肅官至給事中肅子敷教字蹈中以家世文史感名少為時彥所稱志行修謹登進士第釋褐秘書省校書郎湖南觀察使楊憑辟為從事府罷鳳翔節度使李鄴鄂岳觀察使呂元膺相繼辟召自協律郎大理評事試監察御史元和六年真拜監察御史轉殿中歷倉部司勳二員外萬年令拜右司郎中出為商州刺史長慶四年入為吏部郎中其年遷給事中昭愍初即位李逢吉用事與翰林學士李紳素不叶遂誣紳以不測之罪逐於嶺外紳同職駕部郎中知制誥龐嚴司封員外郎知制誥蔣防坐紳黨左遷信汀等州刺史黜詔下赦封還詔書時人以為與嚴相善訴其非罪皆曰于給事犯宰執之怒伸龐蔣之屈不亦仁乎及駁奏出乃是論龐嚴貶黜太輕中外無不大噉而逢吉由是擬之尋轉工部侍郎遷刑部出為宣歙觀察使兼御史中丞救溫裕長者與物無忤居官亦未嘗有立周踐臺閣三為列曹侍郎謹順自容而已太和四年八月卒年六十六贈禮部尚書四子球珪璋琮皆登進士第琮落托有大志難以門資為吏久不見用大中朝駙馬都尉鄭元穎以琮世故獨以器度奇之會有詔於士族中選人才尚公主衣冠多避之穎謂琮曰子人才甚佳但不讓細行為世譽所抑久而不調能應此命乎琮然之會李藩知貢舉穎託之登第其年遂升諫列尚廣德公主拜駙馬都尉累踐臺閣揚歷藩府乾符中同平章

事黃寇犯京師，傳宗出幸，琮病不能從，既僭號起琮為相，琮以疾辭，迫脅不已。琮曰：「吾病亟矣，死在旦夕，加以唐室親姻，義不受命，死即甘心，竟為賊所害，而赦公主，主親琮受禍，謂賊曰：『妾李氏女也，義不獨存，願與于公奔命。』賊不許，公主入室，自縊而卒。廣德閩門有禮，咸通乾符中，譽在人口，于族內外冠婚喪祭，主必自預行禮，諸婦班而見之，尊卑各勞，咸有儀法，為時所稱。琮、瑛皆至清顯，令狐姁德棻之玄孫登進士第，祿山之亂，隱居南山，豹林谷，谷中有峴別墅，司徒楊綰未仕時，避亂南山，止於峴舍，姁博學，貫通羣書，有口辯，綰甚稱之，及綰為禮部侍郎，修國史，乃引姁入史館，自華原尉拜右拾遺，累遷起居舍人，皆兼史職。修玄宗實錄一百卷，代宗實錄四十卷，著述雖勤，屬大亂之後，起居注亡，失姁纂開元天寶事，雖得諸家文集，編其詔策，名臣傳記十無三四，後人以漏落處多，不稱良史。大曆八年，改刑部員外郎，德宗即位，將厚奉元陵，姁上疏諫曰：「臣聞傳曰：『近臣盡規，禮記曰：『事君有犯而無隱。』』臣幸偶昌運，參近列，敢竭狂愚，庶裨分寸。伏惟陛下詳察，臣讀漢書劉向傳，見論王者山陵之誠，良史稱數萬古芬芳，何者？聖賢之心，動儉是務，必求諸道，不作無益，故葬葬蒼梧，不變其肆，禹葬會稽，不改其列，周武葬于畢陌，無丘壠之虞，漢文葬於霸陵，因山谷之勢，禹非不忠也，啓非不順也，周公非不悌也，景帝非不孝也，其奉君親，皆從微薄，昔宋文公始為厚葬，用鬻菽益軍馬，其臣華元樂舉，春秋書為不臣，秦始皇葬驪山，魚膏為燈燭，水銀為江海，珍寶之藏，不可勝計，千載非之，宋桓魋為石椁，夫子曰：『不如速朽。』子游問喪具，夫子曰：『稱家之有無。』張釋之對孝文曰：『使其中無可欲，雖無石椁，又何戚焉。漢文帝霸陵，皆以瓦器，不以金銀為飾，由是觀之，有德者葬逾薄，無德者葬逾厚，昭然可親矣。陛下自臨御天下，聖政日新，進忠去邪，減膳節用，不珍雲物之瑞，不近鷹犬之煖，有司給物，悉依元估，利於人也，遠方底貢，唯供祀事，薄於己也。故澤州奏慶雲，詔曰：『以時和為嘉祥。』營州奏金坑，詔曰：『以不貪為瑤，恭惟聖慮，無非至理。』而獨六月一日制節文云：『應緣山陵制度，務從優厚。』當竭帑藏，以供費用，用者此誠仁孝之德，切於聖衷，伏以尊親之義，貴於合禮，陛下每下明詔，發德音，皆比蹤虞夏，超邁周漢，豈取悅凡常

之目，有違賢哲之心，與失德之君，競其奢侈者也。臣又伏讀遺詔曰：『其喪儀制度，務從儉約，不得以金銀錦綵為飾。』陛下恭順先志，動無違者，若制度優厚，豈顧命之意耶？伏惟陛下遠覽虞夏周漢之制，深惟夫子張釋之之誠，虔奉先旨，俯遵禮經，為萬代法，天下幸甚。今赦書雖已頒行，諸條尚猶未出，此時奉遺制，數聖理，固未晚也。伏望速詔有司，悉從古禮。臣聞愚夫之言，明主擇焉。況臣忝職史官，親逢睿德，恥同華元樂舉之為不臣也，願以舜禹之理，紀聖猷也。夙夜懇迫，不敢不言，抵犯聖明，實憂罪譴，言行身黜，雖死猶生，優詔答曰：『朕頃議山陵心，方迷謬，志遵先旨，遂有優厚之文，卿聞見該通，識度弘遠，深知不可，形於至言，援引古今，依據經禮，非唯中朕之病，抑亦成朕之躬，免朕獲不子之名，皆卿之力也。敢不聞義，而徒收之桑榆，奉以始終，期無失墜古之遺直，何以加焉。初，大曆中，劉晏為吏部尚書，楊炎為侍郎，晏用姁判吏部南曹事，姁荷晏之舉，每分闕必擇其善者送晏，不善者送炎，炎心不平之，及建中初，姁為禮部侍郎，炎為宰相，不念舊事，有士子杜封者，故相鴻漸子，求補弘文生，炎嘗出杜氏門下，託封於姁，姁謂使者曰：『相公誠憐封，欲成一各，乞署封名下一字，姁得以志之。』炎不意姁，即署名託封，姁以炎所署奏論，言宰相迫臣以私，臣若從之，則負陛下，不從則炎當害臣，德宗出疏問炎，炎具言其事，德宗怒甚，曰：『此姁人，無可奈何。』欲決杖流之，炎苦救解，貶衡州別駕，遷衡州刺史，貞元中，李泌輔政，召拜右庶子，史館修撰，性既僻異，動失人和，在史館與同職孔述睿等爭忿，細故數侵述睿，述睿長者，讓而不爭，無何，泌卒，實參乘政，惡其為人，貶吉州別駕，久之，授吉州刺史，齊映廉察江西，行部過吉州，故事，刺史始見觀察使，皆戎服趨庭致禮，映雖嘗為宰相，驟達後進，姁自恃前輩，有以過映，不欲以戎服謁，入告其妻韋氏，恥抹首趨庭，謂姁曰：『卿自視何如人？白頭走小生前，卿如不以此禮見映，雖黜死，我亦無恨。』姁曰：『諾。』即以客禮謁之，映雖不言，深以為憾，映至州，奏姁亂前政過失，鞠之無狀，不宜按部臨人，貶衡州別駕，衡州刺史田叡，姁知舉時進士門生也，初，姁當實部放榜，日昃，遂與叡不相面，教聞姁來，喜曰：『始見座主，迎謁之禮甚厚。』教月分俸之半以奉姁，姁在衡州，始十年，順宗即位，以秘

書少監徵既至而卒元和三年。姁子太僕寺丞丕始獻姁所撰代宗實錄四十卷。初姁坐李泌貶監修國史。姁姁所撰實錄一分請於貶所畢功。至是方奏以功贈工部尚書。

歸崇敬字正禮。蘇州吳郡人也。曾祖奧。以崇敬故。追贈秘書監。祖樂。贈房州刺史。父待聘。亦贈秘書監。崇敬少勤學。以經業擢第。遭喪哀毀。以孝聞。調授四門助教。天寶末。對策高第。授左拾遺。改秘書郎。遷起居郎。贊善大夫。兼史館修撰。又加集賢殿校理。以家貧求爲外職。歷同州。潤州。長史。會玄宗肅宗二帝山陵。參掌禮儀。遷主客員外郎。又兼史館修撰。改膳部郎中。崇敬以百官朔望朝服。袴褶非古。上疏云。按三代典禮。兩漢史籍。並無袴褶之制。亦未詳所起之由。隋代已來。始有服者。事不師古。伏請停罷。從之。又諫東都太廟不合置木主。謹按典禮。虞主用桑。練主用栗。作桑主則埋栗主。作栗主則埋桑主。所以神無二主。天無二日。土無二王也。東都太廟。是則天后所建。以置武氏木主。中宗去其主。而存其廟。蓋將以備行幸。遷都之置也。且殷人屢遷。前八後五。則前後遷都一十三度。不可每都而別立神主也。議者或云。東都神主。已曾虔奉而禮之。豈可一朝廢之乎。且虞祭則立桑主。而虔祀練祭。則立栗主。而埋桑主。豈桑主不曾虔祀。而乃埋之。又所闕之主。何須更作。作之不時。恐非禮也。又議云。每年春秋二時。釋奠文宣王。祝板御署。訖北面揖。臣以爲禮太重。謹按大戴禮。師尙父授周武王丹書。武王東面而立。今署祝板。伏請準武王東面之禮。輕重庶得其中。時有術士巨彭祖上疏云。大唐土德。千年合符。請每四季郊祀天地。詔禮官儒者議之。崇敬議曰。按舊禮。立春之日。迎春於東郊。祭青帝。立夏之日。迎夏於南郊。祭赤帝。先立秋十八日。迎黃靈於中地。祀黃帝。秋冬各於其方。黃帝於五行爲土王。在四季生於火。故用火用事之末而祭之。三季則否。漢魏周隋。共行此禮。今彭祖請用四季祠祀。多憑緯候之說。且據陰陽之說。事涉不經。恐難行用。又議祭五人。帝不稱臣。云。太昊五帝。人帝也。於國家卽爲前後之禮。無君臣之義。若於人帝而稱臣。則於天帝復何稱也。議者或云。五人帝列於月令。分配五

時。則五神五音五祀五蟲五奧五穀皆備。以備其時之色數。非謂別有尊崇也。又請太祖景皇帝配天。事已具禮儀志。自是國典大禮。崇敬常參議焉。大曆初。以新羅王卒。授崇敬倉部郎中。兼御史中丞。賜紫金魚袋。充平祭冊立新羅使。至海中流。波濤迅急。舟船壞漏。衆咸驚駭。舟人請以小艇載崇敬避禍。崇敬曰。舟中凡數十百人。我何獨濟。遂巡波濤稍息。竟免爲害。故事使新羅者。至海東。多有所求。或攜資帛。而往貿易。貨物規以爲利。崇敬一皆絕之。東夷稱重其德。使還。授國子司業。兼集賢學士。與諸儒官同修通志。崇敬知禮儀志。衆稱允當。時皇太子欲以仲秋之月於國學行齒胄之禮。崇敬以國學及官名不稱。請改國學之制。兼更其名。曰禮記王制曰。天子學曰辟雍。又五經通義云。辟雍。養老教學之所也。以形制言之。雍。壅也。辟。璧也。壅。水環之。圓如璧形。以義理言之。辟。明也。雍。和也。言以禮樂明和天下。禮記亦謂之澤宮。射義云。天子將祭。必先習射於澤宮。故前代文士。亦呼云璧池。亦曰璧沼。亦謂之學省。後漢光武立明堂。辟雍靈臺。謂之三雍宮。至明帝躬行養老於其中。晉武帝亦作明堂辟雍靈臺。親臨辟雍。行鄉飲酒之禮。又別立國子學。以殊士庶。永嘉南遷。唯有國子學。不立辟雍。北齊立國子寺。隋初亦然。至煬帝大業十三年。改爲國子監。今國家富有四海。聲明文物之盛。唯辟雍獨闕。伏請改國子監爲辟雍省。又以祭酒之名。非學官所宜。按周禮。師氏掌以義詔王。教國子。請改祭酒爲太師氏。位正三品。又司業者。義在禮記。云樂正司業。正長也。言樂官之長。司主此業。爾雅云。大板謂之業。按詩周頌。設業設簾。崇牙樹羽。則業是懸鐘磬之柶也。今太學既不以業。於義則無所取。請改司業一爲左師。一爲右師。位正四品。又以五經六籍古先哲王致理之式也。國家創業。制取賢之法。立明經。發微言於衆學。釋回增美。選賢與能。自艱難已來。取人頗易。考試不求其文義。及第先取於帖經。遂使專門業廢。請益無從。師資禮虧。傳受義絕。今請以禮記左傳爲大經。周禮毛詩爲中經。尚書周易爲小經。各置博士一員。其公羊穀梁文疏少請共準一中經。通置博士一員。所擇博士。兼通孝經論語。依憑章疏。講解分明。注引旁通。問十得九。兼德行純潔。文詞雅正。儀形規範。可爲師表者。令四品以上各舉所知。在

外者給驛年七十已上者蒲輪其國子太學四門三館各立五經博士品秩上下生徒之數各有差其舊博士助教直講經直及律館算館助教請皆罷省其教授之法學生至監謁同業師其所執贖脯脩一束清酒一壺衫布一段其色隨師所服師出中門延入與坐割脩斟酒三爵而止乃發篋出經摺衣前請師為依經辨理略舉一隅然後就室每朝晡二時請益師亦二時居講堂說釋道義發明大體兼教以文行忠信之道示以孝悌睦友之義旬省月試時考歲貢以生徒及第多少為博士考課上下其有不率教者則橫楚朴之國子不率教者則申禮部移為太學太學之不變者移之四門四門之不變者歸本州之學州學之不變者復本役終身不齒雖率教九年而學不成者亦歸之州學其禮部考試之法請無帖經但於所習經中問大義二十得十八為通兼論語孝經各問十得八兼讀所問文注義疏必令通熟者為一通又於本經問時務策三道通二為及第其中有孝行聞於鄉閭者舉解具言於習業之下省試之日觀其所實義少兩道亦請兼收其天下鄉貢亦如之習業考試並以明經為名得第者授官之資與進士同若此則教義日深而禮讓興禮讓興則強不犯弱眾不暴寡此由太學而來者也詔下尚書集百寮定議以聞議者以為省者禁也非外司所宜名周禮代掌其職者曰氏國學非代官不宜曰太師氏其餘大抵以習俗既久重難改作其事不行會國學胥吏以餐錢差舛御史臺按問坐貶饒州司馬建中初又拜國子司業尋選為翰林學士遷左散騎常侍加銀青光祿大夫尋兼普王元帥參謀累加光祿大夫以兩河叛渙之徒初稟朝命令崇敬以本官兼御史大夫持節宣慰奉使稱旨及還上表請歸葬許之賜以繒帛儒者榮之尋加特進檢校戶部尚書遷工部尚書並依前翰林學士充皇太子侍讀累表辭以年老乞骸骨改兵部尚書致仕貞元十五年卒時年八十廢朝一日贈左僕射子登嗣登字冲之雅實弘厚事繼母以孝稱大曆七年舉孝廉高第補四門助教貞元初復登賢良科自美原尉拜右拾遺時裴延齡以姦佞有恩欲為相諫議大夫陽城上疏切直德宗赫怒右補闕熊執易等亦以危言忤旨初執易草疏成示登登愕然曰願寄一名雷電之下安忍令足下獨當

自是同列切諫登每聯署其奏無所迴避時人稱重轉右補闕起居舍人三任十五年同列嘗出其下者多以馳轡至顯官而登與右拾遺蔣武退然自守不以淹速介意後遷兵部員外郎充皇子侍讀尋加史館修撰順宗初以東朝舊恩起拜給事中旋賜金紫仍錫彩笏焉遷工部侍郎與孟簡劉伯芻蕭俛受詔同翻譯大乘本生心地觀經又為東宮及諸王侍讀獻龍樓箴以諷久之改左散騎常侍因中謝憲宗問時所切登以納諫為對時論美之轉兵部侍郎兼判國子祭酒事遷工部尚書元和十五年卒年六十七贈太子少保登有文學工草隸寬博容物嘗使僮飼馬馬蹄蹶僮怒擊折馬足登知而不責晚年頗好服食有鑽金石之藥者且云先嘗之矣登服之不疑藥發毒幾死方訊云未之嘗他人為之怒登視之無愠色常慕陸象先之為人議者亦以為近之子融嗣融進士擢第自監察拾遺入省拜工部員外郎遷考功員外六年轉工部郎中充翰林學士八年正拜舍人九年轉戶部侍郎開成元年兼御史中丞湖南觀察使盧周仁違勅進羨餘錢十萬貫融奏曰天下一家何非君土中外財賦皆陛下府庫也周仁輒陳小利妄設異端言南方火災恐成灰燼進於京國姑徇私誠入財貨以希恩待朝廷而何淺臣恐天下放效以羨餘為名因緣刻剝生人受弊周仁請行重責以例列藩其所進錢請還湖南代貧下租稅詔周仁所進於河陰院收貯以備水旱全部員外郎韓益判度支案子第受人賂三千餘貫半是擬贓上問融曰韓益所犯與盧元中姚康孰甚對曰元中與康枉破官錢三萬餘貫益所取受人事比之殊輕乃貶梧州司戶尋遷京兆尹時府司物力不充特勅賜錢五萬貫府司以所賜之半還司農寺菜錢融因對言之上以融學家因問蔬糲字有賴音何也糲是飯之極糲者耶融以義類對之時兩公主出降府司供帳事殷又俯近上已曲江賜宴奏請改日上曰去年重陽取九月十九日未失重陽之意今改取十三日可也既而李固言作相素不悅融罷尹月餘授秘書監俄而固言罷楊嗣復輔政以融權知兵部侍郎一年內拜吏部三年檢校禮部尚書與元尹兼御史大夫充山南西道節度使融子仁晦仁翰仁憲仁召仁澤皆登進士第咸通中並至達官

奚陟字殷卿亳州人也祖乾繹天寶中弋陽郡太守陟少好讀書登進士第又登制舉文詞清麗科授弘文館校書尋拜大理評事佐入吐蕃使不行授左拾遺丁父母憂哀毀過禮親朋愍之車駕幸與元召拜起居郎翰林學士辭以疾病久不赴職改太子司議郎歷金部吏部員外郎左司郎中彌綸省闈又累奉使皆稱旨貞元八年擢拜中書舍人是歲江南淮西大雨爲災令陟勞問巡慰所在人安悅之中書省故事姑息胥徒以常在宰相左右也陟皆以公道處之先是右省雜給率分等第皆據職田頃畝卽主書所受與右史等陟乃約以料錢爲率自是主書所得減拾遺時中書令李晟所請紙筆雜給皆不受但告雜事舍人令且貯之他日便悉以遺舍人前例雜事舍人自攜私入陟以所得均分省內官又躬親庶務下至園蔬皆悉自點閱人以爲難陟處之無倦遷刑部侍郎裴延齡惡京兆尹李充有能政專意陷害之誣奏充結陸贄數厚賂遺金帛充既貶官又奏充比者妄破用京兆府錢穀至多請令比部勾覆以比部郎中崔元翰陷充怨惡贄也詔許之元翰曲附延齡劾治府史府史到者雖無過犯皆笞決以立威時論喧然陟迺躬自閱視府案具得其實奏言據度支奏京兆府貞元九年兩稅及已前諸色羨餘錢共六十八萬餘貫李充並妄破用今所勾勘一千二百貫已來是諸縣供館驛加破及在諸色人戶腹內合收其斛斛共三十二萬石唯三百餘石諸色輸納所由欠折其餘並是準勅及度支符牒給用已盡陟之寬平守法多如此類元翰既不遂其志因此憤恙而卒陟尋以本官知吏部選事銓綜平允有能名遷吏部侍郎所莅之官時以爲稱職貞元十五年卒年五十五贈禮部尚書

張薦字孝舉深州陸澤人祖鷲字文成聰警絕倫書無不覽爲兒童時夢紫色大鳥五彩成文降于家庭其祖謂之曰五色赤文鳳也紫文鷲鷲也爲鳳之佐吾兒當以文章瑞於明廷因以爲名字初登進士第對策尤工考功員外郎審味道賞之曰如此生天下無雙矣調授岐王府參軍又應下筆成章及才高位下詞標文苑等科鷲凡應八舉皆登甲科再授長安尉遷鴻臚丞凡四參選判策爲銓府之最員外郎員半千謂人曰張子之文如青錢萬簡萬中未聞遺時

時流重之目爲青錢學士然性褻躁不持士行尤爲瑞士所惡姚崇其薄之開元初澄正風俗鷲爲御史李全交所亂言鷲語多譏刺時坐貶嶺南刑部尚書李日知奏論乃追勅移於近處開元中入爲司門員外郎卒鷲下筆敏速著述尤多言頗詼諧是時天下知名無賢不肖皆記誦其文天后朝中使馬仙童陷默啜默啜謂仙童曰張文成在否曰近自御史貶官默啜曰國有此人而不用漢無能爲也新羅日本東夷諸蕃尤重其文每遣使入朝必重出金貝以購其文其才名遠播如此薦少精史傳顏真卿一見歎賞之天寶中浙西觀察使李涵表薦其才可當史任乃詔授左司禦率府兵曹參軍既至闕下以母老疾竟不拜命母喪闋禮部侍郎于邵舉前事以聞召充史館修撰兼陽翟尉朱泚之亂變姓名伏匿城中因著史堉先生傳德宗還宮擢拜左拾遺貞元元年冬上親郊時初克復簿籍多失禮文錯亂乃以薦爲太常博士參典禮儀四年迴紇和親以檢校右僕射刑部尚書關播充使送咸安公主入蕃以薦爲判官轉殿中侍御史使還轉工部員外郎改戶部本司郎中十一年拜諫議大夫仍充史館修撰時裴延齡特寵譖毀士大夫薦欲上書論之屢揚言未果延齡聞之怒奏曰諫官論朝政得失史官書人君善惡則領史職者不宜兼諫議德宗以爲然薦爲諫議月餘改秘書少監延齡排擠不已會差使冊迴紇昆侖懷信可汗及弔祭乃命薦兼御史中丞入迴紇二十年吐蕃贊普死以薦爲工部侍郎兼御史大夫充入吐蕃弔祭使涉蕃界二千餘里至赤嶺東被病歿於紇壁驛吐蕃傳其柩以歸順宗卽位凶問至詔贈禮部尚書薦自拾遺至侍郎僅二十年皆兼史館修撰三使絕域皆兼憲職以博洽多能敏於占對被選有文集三十卷及所撰五服圖宰輔略靈怪集江左寓居錄等並傳于時子又新復皆登進士第又新幼工文善於傳會長慶中宰相李逢吉用事翰林學士李紳深爲穆宗所寵逢吉惡之求朝臣中兇險敢言者搆紳陰事俾暴揚於播紳聞又新與拾遺李續之劉棲楚尤蒙逢吉賤待指爲鷹犬穆宗崩昭愍卽位又新等構紳貶端州司馬朝臣表賀又至中書賀宰相及門門者止之曰請少留緣張補闕在齋內與相公談俄而又新揮汗而出旅揖羣官曰端溪之事又新不

敢多讓，人皆辟易。憚之，與續之等七人時號八關十六子。寶曆三年，逢吉出為山南東道節度使，請又新為副使。李續之為行軍司馬，逢吉為宰相時，用門下省主事田徑，徑犯賊亡命，逢吉保之于外，及罷相，裴度發其事，逢吉坐罰俸。又詔曰：朕在億兆人之上，不令而人化，不言而人信者，法也。法行則君主重，法廢則朝廷輕。田徑常挂亡命之章，偷請養賢之祿，迹在搜捕，公行人間，而更冒選吏曹，顯擬郡佐，及黃樞覆驗，為府追擒，證據皆明，姦狀盡得。三移憲牒，一無申陳。眾狀滿前，羣議溢耳，終則步健不至，現璫空來，蔑視紀綱，頗同侮謔。顧茲參畫，實我上台，閱視連名，伊爾二子，又新可汀州刺史，李續之可涪州刺史，及逢吉致仕，李訓用事，復召二子為尚書郎，訓敗復貶而卒，希復子讀登進士第，有俊才，累官至中書舍人，禮部侍郎，典貢舉，時稱得士，位終尚書左丞。

蔣又字德源，常州義興人也。祖環，太子洗馬，開元中弘文館學士，父將明，累遷至左司郎中，國子司業，集賢殿學士，副知院事，代為名儒。而又，史官吳兢之外孫，以外舍富墳，史幼便記覽，不倦。七歲時，誦庾信哀江南賦數遍，而成誦在口，以聰悟強力，聞於親黨間。弱冠博通羣籍，而史才尤長。其父在集賢時，以兵亂之後，圖籍溷雜，乃白執政請攝，又入院，令整比之，宰相張鎰見而奇之，乃署為集賢小職。又編次踰年，於亂中勒成部帙，得二萬餘卷，再遷王屋尉，充太常禮院修撰。貞元九年，轉右拾遺，充史館修撰。十二年，以故河中節度使張茂昭弟光祿少卿同正茂宗尚義章公主，茂宗方居母喪，有詔起復靈慶將軍成禮，詔下，又上疏諫曰：墨綬之禮，本緣金革，從古已來，未有駙馬起復上主者。既乖典禮，且違人情，切恐不可。上令中使宣諭云：茂宗母臨亡，有請，重違其心，又拜疏辭逾激切。德宗於延英特召入對，上曰：卿所言古禮也。朕聞如今人家往往有借吉為婚嫁者，卿何苦固執？對曰：臣聞里俗有不甚知禮法者，或女居父母服內，家既貧置，旁無至親，即有借吉以就禮者，男子借吉而娶，臣未嘗聞之。況陛下臨御已來，每事憲章典禮，建中年郡縣主出降，皆詔有司依禮，不用俗儀。天下慶戴，忽今駙馬起復成禮，實恐驚駭物聽。臣或聞公主年甚幼小，即更俟一年出降，時既未失，且合禮經，實天下幸甚。上曰：卿言甚善，更俟商量。俄而韋

形裴堪諫疏繼入，上不悅，促令奉行前詔。然上心頗重又，上嘗登凌煙閣，見左壁額刻文字殘缺，每行僅有三五字，命錄之以問宰臣。宰臣遽受宣，無以對。即令召又至，對曰：此聖曆中侍臣圖贊，臣皆記憶，即於御前口誦以補其缺。不失一字。上歎曰：虞世南暗寫列女傳，無以加也。十八年，遷起居舍人，轉司勳員外郎，皆兼史職。時集賢學士甚眾，會詔問神策軍建置之由，相府討求，不知所出。諸學士悉不能對，乃訪於又。又徵引根源，事甚詳悉。宰臣高郢、鄭珣、相對曰：集賢有人矣。翌日，詔兼判集賢院事。父子代為學士，儒者榮之。時順宗祔廟，將行祧遷之禮，詔公卿議。咸云中宗中與之主不當遷，又建議云：中宗既正位，極前乃受母后篡奪，五王翼戴，方復大業，此乃由我失之，因人得之，止可同於返正，不得號為中興。羣議紛然，竟依又所執。元和二年，遷兵部郎中，與許孟容、韋

晉之等受詔制定制勅，成三十卷，奏行用。改秘書少監，復兼史館修撰。尋奉詔與獨孤郁、韋處厚同修德宗實錄。五年，書成奏御，以功拜右諫議大夫。明年，監修國史，裴增罷相，李吉甫再入，以又增之修撰，改授太常少卿。久之，遷秘書監。又性朴直，不能事人，或遇權臣專政，輒數歲不遷官。在朝垂三十年，前後每有大政事，大議論，宰執不能裁決者，必召以咨訪。又徵引典故，以參時事，多合其宜。然亦以此自滯，而好學不倦，老而彌篤。雖甚寒暑，手不釋卷。旁通百家，尤精歷代沿革。家藏書一萬五千卷，本名武，因憲宗召對，奏曰：陛下已誅羣寇，僣武修文，臣名於義，未允請改名。又上忻然從之。時帝方用兵兩河，又亦因此飄論耳。又居史任二十年，所著大唐宰相錄七十卷，凌煙閣功臣秦府十八學士，史臣等傳四十卷，長慶元年卒。年七十五，贈禮部尚書，諡曰懿。子係，伸，偁，仙，信，係大和初授昭應尉，直史館。二年，拜右拾遺，史館修撰，典實有父風。與同職沈傳師、鄭陳夷行、李漢等受詔撰憲宗實錄。四年，書成，奏御，轉尚書工部員外。遷本司郎中，仍兼史職。宰相宋申錫為北軍羅織，罪在不測，係與諫官崔亮、亮泣諫於玉階之下。申錫亦滅死。時論稱之。開成中，轉諫議大夫，武宗朝，李德裕用事，惡李漢，以係與漢僚壻，出為桂管都防禦觀察使。中宗即位，徵拜給事中，集賢殿學士，判院事。轉吏部侍郎，改左丞，出為興元節度使，入為刑部尚書，俄檢

校戶部尚書鳳翔尹充鳳翔節度使入爲兵部尚書以弟伸爲丞相懇辭朝秩檢校尚書左僕射襄州刺史山南東道節度使封淮陽縣開國公食邑五百戶伸登進士第歷佐使府大中初入朝右補闕史館修撰轉中書舍人召入翰林爲學士自員外郎中至戶部侍郎學士承旨轉兵部侍郎大中末中書侍郎平章事仙皆至刺史偕有史才以父任歷官左拾遺史館修撰轉補闕咸通中與同職盧耽牛勳等受詔修文宗實錄蔣氏世以儒史稱不以文藻爲事唯伸及係子兆有文才登進士第然不爲文士所譽與柳氏沈氏父子相繼修國史實錄時推良史京師云蔣氏日曆士族靡不家藏焉

柳登字成伯河東人父芳肅宗朝史官與同職韋述受詔添修吳兢所撰國史殺青未竟而述亡芳緒述凡例勒成國史一百三十卷上自高祖下止乾元而敘天寶後事絕無倫類取捨非工不爲史氏所稱然芳勤於記註含毫罔倦屬安史亂離國史散落編綴所聞率多闕漏上元中坐事徙黔中遇內官高力士亦貶巫州遇諸途芳以所擬禁中事咨於力士力士說開元天寶中時政事芳隨口志之又以國史已成經於奏御不可復改乃別撰唐曆四十卷以力士所傳載於年曆之下芳自承寧尉直史館轉拾遺補闕員外郎皆居史任位終右司郎中集賢學士登少嗜學與弟寬咸以該博著稱登年六十餘方從宦遊累遷至膳部郎中元和初爲大理少卿與刑部侍郎許孟容等七人奉詔刪定開元已後勅格再遷右庶子以衰病改秘書監不拜授右散騎常侍致仕長慶二年卒時九十餘較朝一日贈工部尚書第寬寬文史兼該長於吏職貞元初爲太常博士二年昭德王皇后之喪論皇太子服紀左補闕穆質請依禮周期而除寬與同職張薦等奏議曰準開元禮子爲母齊縗三年此王公已下服紀皇太子爲皇后喪服國禮無聞昔晉武帝元皇后崩其時亦疑太子所服杜元凱奏議曰古者天子三年之喪既葬除服魏氏革命亦以既葬爲節故天子諸侯之禮嘗已具矣惡其害己而削去其節今其存者唯士喪禮一篇載勝之記錯雜其內亦難以取正皇太子配二尊與國爲體固宜卒哭而除服於是山濤魏舒並同其議晉朝從之歷代遵行垂之不朽臣謹按實錄文德皇后以貞觀十

年九月崩十一月葬至十一年正月除晉王治爲并州都督晉王即高宗在藩所封文德皇后幼子據其命官當已除之義也今請皇太子依魏晉故事爲大行皇后喪服葬而虞虞而卒哭卒哭而除心喪終制庶存服降之禮事下中書宰臣召問禮官曰語云子食於有喪者之側未嘗飽也今豈可令皇太子縗服侍膳至於既葬乎準令羣臣齊縗給假三十日即公除約於此制更審議之張薦曰請依宋齊開皇后爲父母服三十日公除例爲皇太子喪服之節三十日公除詣於正內則服墨縗歸至本院縗麻如故穆質曰杜元凱既葬除服之論不足爲法臣愚以爲違三年之制則太重從三十日之變太輕唯行古之道以周年爲定詔宰臣與禮官定可否宰臣以穆質所奏問博士寬對曰準禮三年喪無貴賤一也豈有以父母貴賤而差降喪服之節乎且禮有公門脫齊縗開元禮皇后爲父母服十三日其稟朝旨十三日而除皇太子爲外祖父母服五月其從朝旨則五日而除所以然者恐喪服侍奉有傷至尊之意也故從權制昭著國章公門脫縗義亦在此豈皆爲金革乎皇太子今若抑哀公除墨縗朝覲歸至本院依舊縗麻酌於變通庶可傳繼宰臣然其議遂命太常卿鄭叔則草奏以寬議爲是而穆質堅執前義請依古禮不妨太子墨縗於內也宰臣齊映劉滋參酌羣議請依叔則之議制從之及重晉爲太常卿德宗謂之曰皇太子所行周服非朕本意有諫官橫論之今熟計之即禮官請依魏晉故事斯甚折衷明年冬上以太子久在喪合至正月晦受吉服欲以其年十一月釋衰麻以及新正釋慶有司皆論不可乃止六年十一月上親行郊享上重慎祀典每事依禮時寬爲吏部郎中攝太常博士與司封郎中徐岱倉部郎中陸質工部郎中張薦皆攝禮官同修郊祀儀注以備顧問初詔以皇太子亞獻終獻當受誓戒否寬對曰準開元禮有之然誓詞云不供其職國有常刑今太子受誓請改云各揚其職肅奉常儀上又問升郊廟去劍履及象劍尺寸之度祀文輕重之宜寬據禮經沿革開奏上甚嘉之寬言事頗切執政不便之出爲婺州刺史十三年兼御史中丞福州刺史充福建都團練觀察使寬在福州奏置萬安監牧於泉州置羣羣牧五悉索部內馬五千七百匹驢牛八百頭羊三千口以

為監牧之資。人情大擾。養年無所滋息。詔罷之。以政無狀。詔以閭濟美代歸。而卒。子璟。登進士第。亦以著述知名。璟寶曆初。登進士第。三遷監察御史。時郊廟告祭。差攝三公行事。多以雜品。璟時監察。奏曰。準開元二十三年勅。宗廟大祠。宜差左右丞相。嗣王。特進。少保。少傅。尚書。賓客。御史大夫。又二十五年勅。太廟五享。差丞相。師。傅。尚書。嗣郡王。通攝。餘司不在差限。又元和四年勅。太廟告祭。攝官。太尉。以宰相充。其攝司空司徒。以僕射。尚書。師。傅。充。餘司不在差限。比來吏部因循。不守前後勅文。用人稍輕。請自今年冬季。勅吏部。準開元元和勅例。差官。從之。再遷度支員外郎。轉吏部。開成初。換庫部員外郎。知制誥。尋以本官充翰林學士。初。璟祖芳。精於譜學。永泰中。按宗正譜。自武德已來。宗枝昭穆。相承。撰皇室譜二十卷。號曰永泰新譜。自後無人修續。璟因召對。言及圖譜事。文宗曰。卿祖嘗為皇家圖譜。朕昨觀之。甚為詳悉。卿檢永泰後。試修續之。璟依芳舊式。續德宗後事。成十卷。以附前譜。仍詔戶部供紙筆廚料。五年。拜中書舍人。充職。武宗朝。轉禮部侍郎。再司貢籍。時號得人。子韜。亦以進士擢第。

沈傳師。字子言。吳人。父既濟。博通羣籍。史筆尤工。吏部侍郎楊炎見而稱之。建中初。炎為宰相。薦既濟才堪史任。召拜左拾遺。史館修撰。既濟以吳越撰國史。以則天事立本紀。奏議非之。曰。史氏之作。本乎懲勸。以正君臣。以維家邦。前端正古。後法萬代。使其生不敢差。死不妄懼。緯人倫而經世道。為百王準的。不止屬辭比事。以日繫月而已。故善惡之道。在乎勸誠。勸誠之柄。存乎褒貶。是以春秋之義。尊卑輕重。升降幾微。彗彘。雖一字二字。必有微言存焉。況鴻名大統。其可以貸乎。伏以則天皇后。初以聰明睿哲。內輔時政。厥功茂矣。及弘道之際。孝和以長君嗣位。而太后以專制臨朝。俄又廢帝。或幽或徙。既而握圖稱籙。移運革名。牝司鸞啄之蹤。難乎備述。其後五王建策。皇運復興。讓名之際。得無降損。必將義以親隱。禮從國諱。苟不及損。當如其常。安可橫絕彝典。超居帝籍。昔仲尼有言。必也正名。故夏殷二代為帝者。三十世矣。而周人通名之曰王。吳楚越之君為王者。百餘年。而春秋書之為子。蓋高下自乎彼。而非稽乎我。過者抑之。不及者援之。不為弱減。不為僭奪。握中持平。不振不傾。使其求不可得。而蓋

不可掩。斯古君子所以慎其名也。夫則天體自坤順。位居乾極。以柔乘剛。天紀倒張。進以強有。退非德讓。今史臣追書。當稱之太后。不宜曰上。孝和雖追母后之命。降居藩邸。而體元繼代。本吾君也。史臣追書。宜稱曰皇帝。不宜曰廬陵王。睿宗在景龍已前。天命未集。徒稟后制。假臨大寶。於倫非次。於義無名。史臣書之。宜曰相王。未宜曰帝。若以得失既往。遂而不舉。則是非褒貶。安所辨正。載筆執簡。謂之何哉。則天廢國家曆數。用周正朔。廢國家太廟。立周七廟。鼎命革矣。徽號易矣。旌裳服色。既已殊矣。今安得以周氏年曆。而列為唐書。帝紀徵諸禮經。是謂亂名。且孝和繼天踐祚。在太后之前。而敘年製紀。居太后之下。方之躋傳。是謂不智。詳今考古。並未為可。或曰。班馬良史也。編述漢事。立高后以續帝。豈有非之者乎。答曰。昔高后稱制。因其曠嗣。獨有分王諸呂。負於漢約。無遷鼎革命之甚。況其時孝惠已歿。孝文在下。宮中二子。非劉氏種。不紀呂后。將紀誰焉。雖云其然。議者猶為不可。況遷鼎革命者乎。或曰。若天后不紀。帝緒缺也。則二十二年行事。何所繫乎。曰。孝和以始年登大位。以季年復舊業。雖尊名中奪。而天命未改。足以首事。足以表年。何所拘闕。裂為二紀。昔魯昭之出也。春秋歲書其居。曰公在乾侯。且君在。雖失位不敢廢也。今請併天后紀合孝和紀。每於歲首必書孝和所在。以統之。書曰。其年春正月。皇帝在房陵。太后行某事。改某制云云。則紀稱孝和。而事述太后。俾名不失正。而禮不違常。各禮兩得。人無間矣。其姓氏名諱入宮之由。歷位之資。才藝智略。年辰崩葬。別纂錄入皇后傳。列於廢后王庶人之下。題其篇曰。則天順聖武后云。事雖不行。而史氏稱之。德宗初即位。銳於求理。建中二年夏。勅中書門下兩省。分置待詔官三十員。以見官前任及同正試。攝九品已上。擇文學理道。豁鈐法度之深者為之。各準品。給俸錢。屢饋。力什器。館宇之設。以公錢為之本。收息以贍用。物論以為兩省皆名侍臣。足備顧問。無勞別置冗員。既濟上疏論之曰。臣伏以陛下今日之理。患在官煩。不患員少。患在不問。不患無人。且中書門下兩省。常侍諫議。補闕拾遺。總四十員。及常參待制之官。日有兩人。皆備顧問。亦不少矣。中有二十一員。尚闕人未充。他司缺職。累倍其數。陛下若謂見官非才。不足與議。則當選求能

者以代其人。若欲務廣聰明，畢收淹滯，則當擇其可者，先補缺員，則朝無曠官，俸不徒費。且夫置錢息利，是有司權宜，非陛下經理之法。今官三十員，皆給俸錢，斡力及廚廩什器，建造廳宇，約計一月不減百萬。以他司息錢，傷人破產，積於府縣，實思改革。計之所損，滋甚。當今關輔大病，皆為百司息錢，傷人破產，積於府縣，實思改革。以正本源。又臣嘗計天下財賦耗數之大者，唯二事焉。最多者兵資，次多者官俸。其餘雜費，十不當二事之一。所以黎人重困，杆軸猶空，方斯輯熙，必藉裁減。今四方形勢，兵罷未得，資費之廣，蓋非獲已。陛下躬行儉約，節用愛人，豈俾閑官復為冗食，籍舊而置，猶可省也。若之何加焉。陛下必以制出，不可改請。重難慎擇，遲延寢罷，其事竟不得行。既而楊炎譴逐，既濟坐貶，處州司戶。後復入朝，位終禮部員外郎。傳師，權進士，登制科乙第，授太子校書郎。鄂縣尉，直史館。轉左拾遺，左補闕，並兼史職。遷司門員外郎，知制誥。召充翰林學士，歷司勳兵部郎中。遷中書舍人。性恬退，無競時。翰林未有承旨，次當傳師為之。固稱疾，宣召不起。乞以本官兼史職。俄兼御史中丞，出為潭州刺史，湖南觀察使，入為尚書右丞。出為洪州刺史，江南西道觀察使。轉宣州刺史，宣歙池觀察使，入為吏部侍郎。太和元年卒，年五十九。贈吏部尚書。初，傳師父既濟，撰建中實錄十卷，為時所稱。傳師在史館，預修憲宗實錄，未成。廉察湖南，特詔贖一分史囊。成於理。所有子樞，詢，皆登進士第。詢，歷清顯。中書舍人，翰林學士，禮部侍郎。咸通中，檢校戶部尚書，潞州長史，昭義節度使。為政簡易，性本恬和，奴歸秦者，通詢侍者，詢將戮之，未果。奴結牙將為亂，夜攻府第，詢舉家遇害。

史臣曰：前代以史為學者，率不偶於時。多罹放逐，其故何哉。誠以褒貶是非在於手，賢愚輕重繫乎言。君子道微，俗多忌諱，一言切己，嫉之如讎。所以輒薦坎壈於仕塗，沈柳不登於顯貫。後之載筆執簡者，可以為之痛心。道在必伸，物不終否。子孫藉其餘祐，多至公卿者，蓋有天道存焉。

贊曰：褒貶以言，孔道是模。誅亂以筆，亦有董狐。邦家大典，班馬何辜。懲惡勸善，史不可無。

舊唐書卷一百四十九

舊唐書卷一百四十九考證

歸崇敬傳作桑主則埋粟主作粟主則埋桑主○沈炳震曰按粟主禮無埋文

作桑主以下七字疑衍

多憑緯候之說且據陰陽之說○臣四按之說二字複見意亦雷同疑有衍文

舊唐書卷一百四十九考證

舊唐書卷一百五十

後晉司空同中書門下平章事劉昫撰

列傳第一百

德宗順宗諸子

舒王誼

通王誥

虔王諒

肅王詳

文敬太子諫

資王謙

代王誼

昭王誠

欽王諤

珍王誠

郊王經

均王緯

徽王縱

莒王紆

密王綱

郇王綜

邵王約

宋王結

集王縉

冀王綽

和王綺

衡王綯

欽王績

會王纁

福王綰

珍王繕

撫王紘

岳王緄

袁王紳

桂王綸

翼王綽

斯王緝

德宗皇帝一十子，昭德皇后王氏生順宗皇帝，舒王誼，昭靖太子之子，文敬太子，順宗之子，諸妃生通王已下八王，本錄不載母氏。

舒王誼，本名謀，代宗第三子，昭靖太子遜之子也，以其最幼，德宗憐之，命之為子，大曆十四年六月封舒王，拜開府儀同三司，與通王虔王同日封，仍詔所司

其開府俸料逐月進內，尋以軍興罷支，建中元年，領四鎮北庭行軍，涇原節度

大使，以涇州刺史孟暉為節度留後，以誼愛弟之子，諸王之長，軍國大事，欲其

更踐，必委試之，明年，尚父郭子儀病篤，上御紫宸，命誼持制書省之，誼冠遠遊

冠，絳紗袍，乘象輅，駕駟馬，飛龍騎士三百人隨之，國府之官，皆禱禱而導前

鹵簿，備引而不樂，在過密故也，及門，郭氏子弟迎拜於外，王不答拜，子儀臥不能興，以手叩頭謝恩而已，王解冠佩，以常服傳詔勞問之，三年，蔡帥李希烈叛，詔哥舒曜討之，八月，希烈自帥眾三萬圍哥舒曜于襄城，又詔河南都統李勉

都督持節荆襄江西沔鄂等道節度兼諸軍行營兵馬元帥，改名誼，又以哥舒

翰聲近，士卒竊議，改封普王，令統攝諸軍進攻希烈，仍以兵部侍郎蕭復為戶

部尚書兼御史大夫，元帥府統軍長史，舊例有行軍長史以復父名衡，特更之，

又以新除潭州觀察使孔巢父為右庶子，兼御史大夫，充行軍司馬，以山南東

道節度行軍司馬檢校兵部郎中兼御史中丞樊澤為諫議大夫兼御史中丞，

行軍右司馬，刑部員外郎劉從一為史部郎中兼中丞，侍御史韋儂為工部郎

中兼中丞，並充元帥府判官，兵部員外郎高參為本司郎中，充元帥府掌書記，

以右金吾大將軍潭城檢校工部尚書兼御史大夫為中軍虞候，江西節度使

嗣曹王胤為前軍兵馬使，鄂岳團練使李兼為之副，山南東道節度使買耽為

中軍兵馬使，荆南節度使張伯儀充後軍兵馬使，以左神武軍使王价檢校太

子賓客，左衛將軍高承謙檢校太子詹事，前司農少卿郭曙檢校左庶子，前祕

書省著作郎常原為祕書少監，並充元帥府押衙，制下未行，涇原兵亂而止，德

宗初聞兵士出怨言，不得賞設，乃令誼與翰林學士姜公輔傳詔安撫，許以厚

賞，行及內門，兵已陣於闕前，誼狼狽而還，遂奉德宗出幸奉天，賊之攻城，誼晝

肅王詳德宗第五子大曆十四年六月封建中三年十月薨時年四歲廢朝三日贈揚州大都督性聰惠上尤憐之追念無已不令起墳墓詔如西域法議層輒造塔禮儀使判官司門郎中李若山上言曰墳墓之義經典有常自古至今無聞異制層輒起塔始於天竺名曰浮圖行之中華竊恐非禮況肅王天屬名位尊崇喪葬之儀存乎簡冊舉而不法垂訓非輕伏請準令造墳庶遵典禮詔從之

文敬太子諱順宗之子德宗愛之命為子貞元四年封邕王授開府儀同三司七年定州張孝忠卒以諫領義武軍節度大使易定觀察等使以定州刺史張茂昭為留後十年六月潞帥李抱真卒又以諫領昭義節度大使澤潞邢洛磁觀察等使以潞將王虔休為潞府司馬知留後十五年十月薨時年十八廢朝三日贈文敬太子所司備禮冊命其年十二月葬於昭應有陵無號發引之日百官送於通化門外列位哭送是日風雪寒甚近歲未有詔置陵署令丞資王謙德宗第七子大曆十四年封

代王諱德宗第八子本封縉雲郡王早薨建中二年追封代王昭王諱德宗第九子貞元二十一年封
欽王諱德宗第十子順宗即位詔曰王者之制子弟畢封所以固藩輔而重社稷古今之通義也第十弟諱等寬簡忠厚生知孝敬行皆由禮志不違仁樂善本於性情好賢宗於師傅續修六藝達人倫風化之源博習羣言知惠和睦友之道温恭朝夕允茂厥猷克有嘉聞宜封土字諱可封欽王第十一弟可封珍王

珍王諱德宗第十一子與欽王同制封德宗仁孝勤循法度雖子弟姊妹之親無所假借建中初詔親王子弟帶開府朝秩者出就本班又以公主郡縣主出降與舅姑抗禮詔曰冠婚之義人倫大經昔唐堯降嬪帝乙歸妹迨於漢氏同姓主之爰自近古禮教陵夷公郡法度僭差殊制姻族闕齒序之義舅姑有拜下之禮自家刑國多愧古人今縣主有行將俟嘉命俾親執棗栗以見舅姑敬遵宗婦之儀降就家人之禮事資變革以抑浮華其令禮儀使與禮官博士約

古今舊儀及開元禮詳定公主郡縣主出降親見之文儀以聞初開元中置禮會院于崇仁里自兵興已來廢而不修故公郡縣主不時降嫁殆三十年至有華髮而猶非者雖居內館而不獲覲見十六年矣凡皇族子弟皆散棄無位或流落他縣湮沉不齒錄無異匹庶及德宗即位敕用枝屬以時婚嫁公族老幼莫不悲感初即位將謁太廟始與公郡縣主相見於大次中尊者展其敬幼者申其愛獻歡哭泣之聲聞於朝公卿陪列者為之悽然每將有大禮必與諸父昆弟同其齋次及岳陽信寧宜芳永順朗陵陽安襄城德清南華元城新鄉等十一縣主同日出降勅所司大小之物必周其用至於櫛纓并總皆經於心各給錢三百萬使中官主之以買田業不得侈用其衣服之飾使內司計造不在此數是時所司度人用一籠花計錢七十萬帝曰籠花首飾婦禮不可闕然用費太廣即無謂也宜損之又損之及三萬而止帝謂主等曰吾非有所愛但不欲無益之費耳各以餘錢六十萬賜之以備他用舊例皇姬下嫁舅姑返拜而婦不答及是制下禮官定制曰既成婚於禮會院明晨舅坐於堂東階西向姑南向婦執笄威以棗栗升自西階再拜跪奠於舅席前退降受笄威以臙修升北面再拜跪奠於姑席前降東面拜婿之伯叔兄弟姊妹已而謝恩於光順門婿之親族亦隨之然後會讌於十六宅是日縣主皆如其制初贈司徒沈易夏之妻崔氏即太后之季父母也帝每見之方履而韉召王韋二美人出拜勅崔氏坐受勿答故戚屬之聞罔不憚其敬不肅而遵禮法焉

順宗二十子莊憲皇后王氏生憲宗皇帝王昭儀生鄭王經趙昭儀生宋王結王昭儀生鄭王綜王昭訓生衡王絢餘十八王本錄不載母氏
鄭王經本名漢順宗次子始封建康郡王貞元二十一年進封太和八年薨
均王緯本名沔順宗第三子始封洋川郡王貞元二十一年進封
徽王縱本名洵順宗第四子初授殿中監封臨淮郡王貞元二十一年進封
莒王紆本名浟順宗第五子初授秘書監封弘農郡王貞元二十一年進封太和八年薨
密王綱本名泳順宗第六子始封漢東郡王貞元二十一年進封元和二年九

月薨

鄒王綜，本名湜，順宗第七子，初授少府監，封晉陵郡王，貞元二十一年進封，元和三年四月薨。

邵王約，本名澈，順宗第八子，初授國子祭酒，封高平郡王，貞元二十一年進封。

宋王結，本名滋，順宗第九子，始封雲安郡王，貞元二十一年進封，長慶二年薨。

樂王緝，貞元二十一年封，長慶二年薨。

冀王絳，本名淮，順宗第十子，初授太常卿，封宣城郡王，貞元二十一年進封，太和九年薨。

和王綺，本名濟，順宗第十一子，始封德陽郡王，貞元二十一年進封，大和七年薨。

衡王綯，順宗第十二子，貞元二十一年封，寶曆二年薨。

欽王績，順宗第十三子，貞元二十一年封。

會王纁，順宗第十四子，貞元二十一年封，元和五年十一月薨。

福王綰，本名滄，順宗第十五子，母莊憲王皇后，憲宗同出，初授光祿卿，封河東郡王，貞元二十一年進封，咸通元年，特冊拜司空，明年薨。

珍王縵，本名況，順宗第十六子，初授衛尉卿，封洛交郡王，貞元二十一年進封。

撫王紘，順宗第十七子，貞元二十一年封，咸通四年，特冊拜司空，五年，冊司徒，乾符三年，冊太尉，其年薨。

岳王緝，順宗第十八子，貞元二十一年封，太和二年薨。

袁王紳，順宗第十九子，貞元二十一年封，太和十四年薨。

桂王綸，順宗第二十子，貞元二十一年封，太和九年薨。

翼王綽，順宗第二十一子，貞元二十一年封，咸通二年薨。

斯王緝，順宗第二十二子，咸通八年封。

史臣曰：夫聖人君臨萬縣，肇啓邦基，莫不受命上玄，膺名帝錄，自太昊已降，五運相推，迄于殷湯，曆數綿永，但設均平之化，未聞封建之名，洎乎周漢，始以子弟建侯樹屏，以作維城，及王室浸微，遂有莽卓之亂，唐室自艱難已後，兩河兵

革屢興，諸王雖封，竟不出閭，夫帝王居寰宇之尊，撫億兆之衆，但能平一理道，夙夜嚴恭，任賢使能，設官分職，自然四海樂推，天命所祐，縱無封建，亦鴻基永固，安俟嬰孺鎮重哉。

贊曰：孝文秉禮，道弘藩邸，睦族展親，儀形戚里，自閭臨藩，所謂周爰，無如惡鳥，終懷籠樊。

舊唐書卷一百五十

舊唐書卷一百五十考證

舊唐書卷一百五十考證

斯王錄傳順宗第二十二子咸通八年封○沈炳震曰封字誤當是蕤字新書傳云王六年咸通八年薨此云是年封未知孰是

舊唐書卷一百五十考證

舊唐書卷一百五十一

後晉司空同中書門下平章事劉昫撰

列傳第一百

高崇文

子承勳

伊慎

朱忠亮

范希朝

王鏐

子觀

閻巨源

趙昌

王鏐

子觀

閻巨源

孟元陽

高崇文其先渤海人崇文生幽州朴厚寡言少從平盧軍貞元中隨韓全義鎮長武城治軍有聲五年夏吐蕃三萬寇寧州崇文率甲士三千救之戰于佛堂原大破之死者過半韓全義入朝崇文掌行營節度留務兼御史中丞十四年為長武城使積粟練兵軍聲大振永貞元年冬劉闢阻兵朝議討伐宰臣杜黃裳以為獨任崇文可以成功元和元年春拜檢校工部尚書兼御史大夫充左神策行營節度使兼統左右神策奉天麟游諸鎮兵以討闢時宿將專征者甚衆人人自謂當選及詔出大驚崇文在長武城練卒五千常若寇至及是中使至長武卯時宣命而辰時出師五千器用無闕者軍至興元軍中有折逆旅之七等斬之以徇西從闢中入遂却劍門之師解梓潼之圍賊將邢泚遁歸屯軍梓州因拜崇文為東川節度使先是劉闢攻陷東川擒節度使李康及崇文克梓州乃歸康求雪己罪崇文以康敗軍失守遂斬之成都北一百五十里有鹿頭山扼兩川之要關築城以守又連八柵張犄角之勢以拒王師是日破賊二萬千鹿頭城下大雨如注不克登乃止明日又破千萬勝堆堆在鹿頭之東使驍將高霞寓親鼓士拔緣而上矢石如雨又命敢死士連登奪其堆燒其柵柵中之賊殲焉遂據堆下瞰鹿頭城城中人物可數凡八大戰皆大捷賊搖心矣八月阿跌光顏與崇文約到行營愆一日懼誅乃深入以自贖故軍於鹿頭西大河之口以斷賊糧道賊大駭是日賊綿江柵將李文悅以三千人歸順尋而鹿頭將仇良輔舉城降者衆二萬關之男方叔子塔蘇強先監良輔軍是日械繫送京師降卒投戈面縛者彌十數里遂長驅而直指成都德陽等縣城皆鎮以重兵莫不望旗率服師無留行關大懼以親兵及逆黨盧文若齎重寶西

走吐蕃吐蕃素受其賂且將啓之崇文遣高霞寓鄭定進倍道追之至羊灌田

及焉關自投岷江擒於湧湍之中西蜀平乃檻關送京師伏法文若赴水死王

師入成都介士屯于大遠軍令嚴肅珍寶山積市井不務無秋毫之犯先是賊

將邢泚以兵二萬為鹿頭之援既降又貳斬之以徇衣冠陷逆者皆匍匐衙門

請命崇文條奏全活之制授崇文檢校司空兼成都尹充劍南西川節度管內

度支營田觀察處置統押近界諸蠻西山入國雲南安撫等使改封南平郡王

食實封三百戶詔刻石紀功于鹿頭山下崇文不通文字厭大府案牘諸粟之

繁且以優富之地無所陳力乞居塞上以扞邊戍懇疏累上二年冬制加同中

書門下平章事邠州刺史邠軍慶三州節度觀察等使仍充京西都統恃其功

而侈心大作營藏之富百工之巧舉而自隨蜀都一盤以不習朝儀憚於入覲

優詔令便道之鎮居三年大修戎備元和四年卒年六十四廢朝三日贈司徒

謚曰威武配享憲宗廟庭子承勳少為忠武軍部將後入神策軍以父征劉闢

拜嘉王傅裴度征淮蔡奏承勳以本官兼御史中丞為其軍都押衙准西平詔

以郾城上蔡遂平三縣為濼州治郾城用承勳為刺史尋轉邢州刺史值觀察

使責時賦急承勳代數百戶出其租還宋州刺史屬汴州逐其帥以部將李芥

行帥事芥遣其將賁宋官私財物承勳執而囚之自是汴使來者輒繫之一日

并出斬于軍門之外威震郡中及芥兵大至宋州凡三城已陷南一城承勳保

北兩城以拒凡十餘戰會徐州救兵至芥為汴將李質執之傳送京師兵圍宋

者即遁去授承勳檢校左散騎常侍充海沂密等州節度觀察處置等使俄遷

檢校工部尚書義成軍節度鄭滑潁等州觀察處置等使就加檢校尚書右僕

射入拜右金吾衛大將軍充右街使復出為邠軍慶等州節度觀察處置等使

先是老虞多以秋月犯西邊承勳請軍寧州以備之因疾上言乞入覲即隨表

詣關太和元年八月行至永壽縣傳舍卒贈司空崇文孫駢歷位崇顯終淮南

節度使自有傳

伊慎兗州人善騎射始為果毅喪母將管合祔不識其父之墓晝夜號哭未浹

日夢寐有指導焉遂發塋果得舊記驗大曆八年江西節度使路嗣恭討嶺南

哥舒晃之亂，以慎為先鋒，直逼賊壘，疾戰破之，斬首三千級，由是復始與之地。未幾，與諸將追斬晃於泚溪，函首獻于闕下。嗣恭表慎功，授連州長史。知當州團練副使。三遷江州別駕，討梁崇義之歲，慎以江西牙將統希烈、摧鋒陷敵，功又居多。江漢既平，希烈愛慎之材，數遣善馬，意欲廢之，慎以計遁歸。命本道明年，希烈果反，嗣曹王臯始至鍾陵，大集將吏，得慎而壯之，大集兵將，繕理舟師。希烈懼慎為曹王所任，遺慎七屬之甲，詐為慎書行間焉。上遣中使即軍以詰之，曹王乃抗疏論雪。上章未報，會賊兵泝江來寇，曹王乃召慎勉之令戰，大破三千餘眾。朝廷始信其不貳，累破蔡山柵，取蘄州，降其將李良，又攻黃梅縣，殺賊將韓籍，露斬首千餘級，優詔褒異，授試太子詹事，封南充郡王，又兼御史中丞、蘄州刺史，充節度都知兵馬使。建中末，軍駕在梁洋，鹽鐵使包信以金幣泝江將進獻，次于蘄口，時賊已屠汴州，遣驍將杜少誠將步騎萬餘來寇黃梅，以絕江道。慎兵七千遇於永安戍，慎列樹三柵相去數里，偃旗臥鼓於中柵，聲鼓三柵，悉兵以擊賊軍，大亂，少誠脫身以免，斬級不可勝數。江路遂通，又破芍菴柵，進兵圍安州，賊阻湏水攻之，不能下。希烈遣其甥劉戒虛將騎八千來援，慎分兵迎擊，戰于應山，擒戒虛，縛示城下，遂開門請罪，以功拜安州刺史，兼御史大夫，仍賜實封一百戶。希烈又遣將援隋州，慎擊之於厲鄉，走康叔夜，斬首五千級。希烈死，李惠登為賊守隋州，慎飛書招諭，惠登遂以城降。因密奏惠登可用，詔授隋州刺史。貞元十五年，以慎為安黃等州節度管內支度營田觀察等使。十六年，吳少誠阻命，詔以本道步騎五千，兼統荆南湖南江西三道兵當其一面，於申州城南前後破賊數千，以例加檢校刑部尚書。二十一年，於安黃置奉義軍額，以為奉義軍節度使，檢校右僕射，憲宗即位，入真拜右僕射。元和二年，轉檢校左僕射，兼右金吾衛大將軍，以賂第五從直求鎮河中，為從直所奏，貶右衛將軍。數月，復為檢校尚書右僕射，兼右衛上將軍。元和六年卒。年六十八。贈太子太保。

朱忠亮，本名士明，沛州浚儀人。初事薛嵩為將，大曆中，詔鎮滑州，掌屯田。朱泚之亂，以麾下四十騎奔奉天。德宗嘉之，封東陽郡王。為奉天定難功臣，及大

駕南幸，為虜騎所獲，繫於長安。賊平，李晟釋之，薦於渾瑊，署定平鎮都虞候。鎮使李朝萃卒，遂代之。憲宗即位，加御史大夫。築臨涇城，有勞，特加檢校工部尚書。涇原四鎮節度使，仍賜名，涇土舊俗多賣子，忠亮以俸錢贖而還其親者，約二百人。元和八年卒，贈右僕射。

劉昌裔，太原陽曲人。少遊三蜀，楊琳之亂，昌裔說其歸順。及琳授涪州刺史，以昌裔為從事。琳死，乃去。曲環將幽隴兵收濮州也，辟為判官。詔授監察御史，累加至檢校兵部尚書，賜紫，兼中丞，充營田副使。貞元十五年，環鎮許州，卒，詔上官流知節度留後。吳少誠攻許州，流領事欲棄城走，昌裔追止之，曰：「留後既受詔，宜以死守城。沉城中土馬，足以破賊，但堅壁不戰，不過五七日，賊勢必衰，我以全制之可也。」流然之。賊日夕攻急，堞壞不得修，昌裔令造戰棚木柵以待，募壯士破營，得突將千人，擊城分出，大破之。因立戰棚木柵於城上，城以故不陷。兵馬使安國寧與流不善，謀反，以城降賊。事洩，昌裔密計斬之，即召其麾下千餘人食之，賞練二匹，伏兵諸要巷，令持練者悉斬之，無一人得脫。十六年，以全陳許功，以流為節度使。昌裔為陳州刺史，韓全義之敗，激水也，與諸道兵皆走，保陳州，求舍，昌裔登城謂曰：「天子命公討蔡州，今來陳州，義不敢納，請舍城外，而從千騎入全義營，持牛酒勞軍，全義不意，驚喜數服。」十八年，改充陳許行軍司馬。明年，流卒，詔昌裔為許州刺史，充陳許節度使。再加檢校右僕射。元和八年五月，許州大水，壞廬舍，漂溺居人。六月，徵昌裔，加檢校左僕射，兼左龍武統軍。初，昌裔以老疾而軍府無政，因其水敗軍府，上乃從令韓臯代之。昌裔赴召，至長樂驛，聞有是命，乃上言風眩，請歸私第。許之。其年卒。贈潞州大都督。范希朝字致君，河中虞鄉人。建中年為邠寧虞候，戎政修舉，事節度使韓遊瓌，及德宗幸奉天，希朝戰守有功，累加兼中丞，為寧州刺史。遊瓌入覲，自奉天歸邠州，以希朝素整肅，有聲，長其逼已，求其過將殺之。希朝懼，奔鳳翔。德宗聞之，趣召至京師，實於左神策軍中，遊瓌歿，邠州諸將列名上請希朝為節度，德宗許之。希朝讓於張獻甫，曰：「臣始偪而來，終代其任，非所以防觀，觀安反側也。」詔嘉之，以獻甫統邠軍，數日，除希朝振武節度使，就加檢校禮部尚書。振武有党

項室章文居川阜，凌犯爲盜，日入隱作，謂之刮城門。居人懼駭，鮮有寧日。希朝周知要害，置堡柵，斥候嚴密，人遂獲安。異蕃雖鼠竊狗盜，必殺無赦。戎虜甚憚之，曰：「有張光威，苦我久矣。今聞是乃更姓名而來，其見畏如此，蕃落之俗，有長帥至，必効奇駝名馬。雖廉者猶曰：『當從俗，以致其歡。』希朝一無所受，積十四年，皆保塞而不爲橫。單于城中舊少樹，希朝於他處市柳子，命軍人種之，俄遂成林。居人賴之，貞元末，累表請修朝朝，時節將不以他故自述職者，惟希朝一人。德宗大悅，既至，拜檢校右僕射，兼右金吾大將軍，順宗時，王叔文黨用事，將授轉泰以兵柄，利希朝老疾易制，乃命爲左神策京西諸城鎮行營節度使，鎮奉天，而以泰爲副，欲因代之。叔文敗而罷，憲宗即位，復以檢校僕射爲右金吾出拜檢校司空，充朔方靈鹽節度使，突厥別部有沙陀者，北方推其勇勁，希朝誘致之，自甘州舉族來歸，衆且萬人，其後以之討賊，所至有功。遷河東節度使，率師討鎮州無功，既老且疾，事不理，除左龍武統軍，以太子太保致仕。元和九年卒，贈太子太師。希朝近代號爲名將，人多比之趙充國及張茂昭，擊王承宗，幾覆希朝，詭不前物，議罪之。

王鏐，字昆吾，自言太原人，本湖南團練營將，初楊炎貶道州司馬，鏐候炎於路，炎與言，異之。後嗣曹王暉爲團練使，擢任鏐，頗便之。使招邵州武岡叛將王國良有功，表爲邵州刺史。及暉改江西節度使，李希烈南侵，暉請鏐以勁兵三千鎮尋陽，後暉自以全軍臨九江，旣覲得斬州，盡以衆渡，乃表鏐爲江州刺史，兼中丞，充都虞候。因以鏐從小，心習事，善探得軍府情狀，至於言語動靜，巨細畢以白暉，暉亦推心委之。雖家醜妻女之會，鏐或在焉，鏐感暉之知，事無所避。後暉攻安州，使伊慎威兵圍之，賊懼，暉使至城中以約降，暉使鏐懸而入，旣成約，殺不從者，以出明日城開，暉以其衆入，伊慎以賊恟懼，由其圍也，不下鏐，鏐稱疾避之。及暉爲荆南節度使，表鏐爲江陵少尹，兼中丞，欲列於賓，俾馬轟裴泰，鄧鏐請去，乃復以爲都虞候。明年，從暉至京師，暉稱鏐於德宗，曰：「鏐雖文用，小不足，他皆可以試驗。」遂拜鴻臚少卿，尋除容管經略使。凡八年，谿洞安之，遷廣州刺史，御史大夫，嶺南節度使。廣人與夷人雜處，地征薄而叢，求於川市，鏐能

計居人之業而權其利，所得與兩稅相埒，鏐以兩稅錢上供，時進及供奉外，餘皆自入，西南大海中諸國舶至，則盡沒其利，由是鏐家財富於公藏，日發十餘艇，重以犀象珠貝，稱商貨而出諸境，周以歲時，循環不絕。凡八年，京師樞門多富鏐之財，拜刑部尚書。時淮南節度使杜佑屢請代，乃以鏐檢校兵部尚書，充淮南副節度使，鏐始見佑，以趨拜悅，佑退，坐司馬廳事，數日，詔杜佑以鏐代之。鏐明習簿領，善小數，以持下，吏或有姦，鏐畢究之，嘗聽理有遺，匿名書於前者，左右取以授鏐，鏐內之鞞中，鞞中先有他書，以雜之。及吏退，鏐探取他書焚之，人信其以所匿名者焚也。旣歸省所告者，異日乃以他微事連其所告者，固窮按驗之，以誦衆，下吏以爲神明。鏐長於部領，程作有法，軍州所用竹木其餘碎屑無所棄，皆復爲用。掾曹簾壞，吏以新簾易之，鏐察知，以故者付缸坊以替，若其他率如此，每有饗宴，輒錄其餘以備後用，或云賣之收利，皆自歸，故鏐錢流衍天下。在鎮四年，累至司空，元和二年來朝，真拜左僕射，未幾，除檢校司徒，河中節度，居三年，兼太子太傅，移鎮太原，時方討鎮州，鏐緝訓練，軍府稱理。鏐受符節，居方面，凡二十餘年，九年，加同平章事，十年卒，年七十六，贈太尉，鏐將卒，約東後事甚明，如知其死日，鏐附太原王翺爲從子，以婚閭自炫。翺子第多附鏐，以致名宦，又嘗讀春秋左氏傳，自稱儒者，人皆笑之。子稷，歷官鴻臚少卿，鏐在藩鎮，稷嘗留京師，以家財奉權要，視官高下以進賂，不待白其父而行之。廣治第宅，嘗奏請藉功以益之，作複垣，洞穴實金錢於其中，貴官清品，溺其實，宴而遊，不憚清議，及父卒，爲奴所告，稷換鏐遺表，隱沒所進錢物，上令鞠其奴於內，仗又發中使就東都驗責其家財，宰臣裴度苦諫，於是罷其使，而殺奴。稷長慶二年爲德州刺史，廣濟金寶僕妾以行，節度使李全略利其貨而圖之，故致本州軍亂，殺稷其室女爲全略所虜，以妓媵處之。稷子叔泰，開成四年，滄州節度使劉約上言，王稷爲李全略所殺，家無遺類，稷男叔泰，時年五歲，郡人宋忠獻匿之，獲免，乃收養之，今已成長，臣擬其義，忠獻已補職，叔泰津送以聞，文宗詔曰：「王鏐累朝宣力，王稷一旦捐軀，須錄孤遺，微申憫念。」王叔泰委吏部與九品官，令奉祭。

閻巨源貞元十九年以勝州刺史攝振武行軍司馬屬希朝入覲遂代為節度以材力進無他智能初不知書而好文其言輒乖誤時人多撫其談說以為戲然以寬厚為將卒所懷後為邠寧節度使檢校左僕射元和九年卒

孟元陽起於陳許軍中理戎整肅勳事善部署曲環之為節度元陽已為大將環使董作西華屯元陽感夏芒屨立稻田須役者退而後就舍故其田歲無不稔軍中足食環卒吳少誠寇許州元陽城守外無救兵攻圍甚急而終不能傳其城賊乃罷兵韓全義五樓之敗諸軍多私歸元陽及神策都將蘇元策宣

州都將王幹各率部留軍澠水破賊二千餘人兵罷加御史大夫元和初拜河陽節度檢校尚書五年拜右僕射昭義節度入為右羽林統軍封趙國公俄拜左金吾大將軍復除統軍元和九年卒贈揚州大都督

趙昌字洪祚天水人祖不器父居貞皆有名於時李承昭為昭義節度辟昌在幕府貞元七年為虔州刺史屬安南都護為夷獠所逐拜安南都護夷人率化十年因屋壞傷脛懇疏乞還以檢校兵部郎中裴泰代之入拜國子祭酒及泰為首領所逐德宗詔昌問狀昌時年七十二而精健如少年者德宗奇之復命為都護南人相賀憲宗即位加檢校工部尚書尋轉戶部尚書充嶺南節度元和三年遷鎮荆南徵為太子賓客及得見拜工部尚書兼大理卿歲餘讓卿守

本官六年除華州刺史辭於麟德殿時年八十餘趨拜輕捷召對詳明上退而歎異宣宰臣密訪其頤養之道以奏焉在郡三年入為太子少保九年卒年八十五贈揚州大都督諡曰成

史臣曰高崇文以律貞師勤於軍政戎麾指蜀遠立奇功可謂近朝之良將也伊慎朱忠亮劉昌裔苑希朝閻巨源孟元陽趙昌等各立功立事亦一時之名臣王鏐明可照森忠能奉主此乃垂名於後也至若竹頭木屑曾無棄遺作事有程儉而足用則又士君子之為也如賤收貴出務積珠金唯利是求多財為累則與夫清白遺子孫者遠矣凡百在位得不鑑之

贊曰崇文之功顯於西蜀伊慎之忠見平南服朱劉苑閻各有其目元陽趙昌不無遺蹟惟彼太原戰勳可錄累在多財子孫不祿

不無遺蹟惟彼太原戰勳可錄累在多財子孫不祿

不無遺蹟惟彼太原戰勳可錄累在多財子孫不祿

不無遺蹟惟彼太原戰勳可錄累在多財子孫不祿

不無遺蹟惟彼太原戰勳可錄累在多財子孫不祿

後晉司空同中書門下平章事劉昫撰

列傳第一百二

馬璘 郝廷玉 王栖曜 子茂元 劉昌 子士溫

李景略 張萬福 高固 郝玘

段佐 史敬奉 野詩良輔附

馬璘扶風人也。祖正會，右威衛將軍。父威，右司禦率府兵曹參軍。璘少孤，落拓不事生業。年二十餘，讀馬援傳，至大丈夫當死於邊野，以馬革裹尸而歸，慨然歎曰：豈使吾祖勳業墜于地乎？開元末，杖劍從戎，自効於安西。以前後奇功，累遷至左金吾衛將軍。同正，至德初，王室多難，璘統甲士三千，自二庭赴于鳳翔。肅宗奇之，委以東討。珍寇陝郊，破賊河陽，皆立殊効。嘗從李光弼攻賊洛陽，史朝義自領精卒拒王師于北邙，營壘如山，旌甲耀日。諸將愕眙，不敢動。璘獨率所部橫戈而出，入賊陣者數四，賊因披靡潰去。副元帥李光弼壯之，曰：吾用兵三十年，未見以少擊衆有雄捷如馬將軍者。遷試太常卿。明年，蕃賊寇邊，詔璘赴援河西。廣德初，僕固懷恩不順，誘吐蕃入寇。代宗避狄狄州，璘即日自河右轉鬪戎虜間。至于鳳翔，時蕃軍雲合，鳳翔節度使孫志直方閉城自守。璘乃持滿外向，突入懸門，不解甲，背城出戰，吐蕃奔潰。璘以勁騎追擊，斬數千計，血流于野。由是雄名益振。代宗還宮，召見慰勞之，授兼御史中丞。承泰初，拜四鎮行營節度兼南道和蕃使。委之禁旅，俾清殘寇。俄遷四鎮北庭行營節度，及邠寧節度使兼御史大夫。旋加檢校工部尚書，以犬戎浸歲，虜犯郊境。涇州最鄰戎虜，乃詔璘移鎮涇州，兼權知鳳翔隴右節度副使。涇原節度涇州刺史，四鎮北庭行營節度使如故。復以鄭滑二州隸之。璘詞氣慷慨，以破虜爲己任。既至涇州，分建營堡，繕完戰守之具。頻破吐蕃，以其生口俘賊來獻。前後破吐蕃約三萬餘衆，在涇州令寬而肅，人皆樂爲之用。鎮守凡八年，雖無拓境之功，而城堡獲全，虜不敢犯。加檢校右僕射，上甚重之。遷檢校左僕射，知省事。詔宰臣百寮於尚書省送上進封扶風郡王。璘雖生於士族，少無學術，忠而能勇，武幹絕倫，艱難之中，頗立忠節。中興之猛將也。年五十六，大曆十二年卒。德宗悼之，廢朝，贈司徒。璘久將邊軍，屬西蕃寇擾，國家倚爲屏翰。前後賜與無算，積聚家財，不知紀極。在京師治第舍，尤爲宏侈。天寶中，貴戚勳家已務奢靡，而垣屋猶存制度。然衛公李靖家廟，已爲嬖臣楊氏馬廐矣。及安史大亂之後，法度廢弛，內臣戎帥競務豪華，第舍力窮，乃止。時謂木妖璘之第，經始中堂，費錢二十萬貫。他室降等無幾。及璘卒於軍，子第護喪歸京師，士庶觀其中堂，或假稱故吏，爭往赴弔者，數十百人。德宗在東宮，宿聞其事，及踐祚，條舉格令，第舍不得踰制。仍詔毀璘中堂及內官劉忠翼之第。璘之家園，進屬官司。自後公卿賜冢，多於璘之山池，子第無行，家財尋盡。

郝廷玉者，驍勇善格鬪。事太尉李光弼，爲帳中愛將。乾元中，史思明再陷洛陽，光弼拔東都之師，保河陽。時三城壁壘不完，芻糧不支旬日。賊將安太清等率兵數萬，四面急攻。光弼懼賊勢西犯河潼，極力保孟津，以掩其後。晝夜嬰城，血戰不解。將士夷傷，光弼召諸將訊之曰：賊黨何面難抗，或對曰：西北隅最爲勦敵，乃亟召廷玉謂之曰：兇渠攻西北者，難奈爾爲我決勝，而還辭曰：廷玉所領步卒也，願得騎軍五百。光弼以精騎三百授之。光弼法令嚴峻，是日戰不利而還者，不解甲斬之。廷玉奮命先登，流矢雨集，馬傷不能軍而退。光弼登堞見之，駭然曰：廷玉奔還，吾事敗矣。促令左右取廷玉首來。廷玉見使者曰：馬中毒箭，非敗也。光弼命易馬而復，徑騎衝賊陣，馳突數四，俄而賊黨大敗於河壩。廷玉擒賊將徐瑣，而還。絲是賊解中渾之圍，信宿退去。前後以戰功累授開府儀同三司，試太常卿，封安邊郡王。從光弼鎮徐州。光弼薨，代宗用爲神策將軍。承泰初，僕固懷恩誘吐蕃迴紇入犯京畿，分命諸將屯於要害。廷玉與馬璘率五千人屯於渭橋西，底底觀軍容。使魚朝恩以廷玉善陣，欲觀其教閱。廷玉乃於營內列部伍，鳴鼓角而出，分而爲陣。箕張翼舒，乍離乍合，坐作進退，其衆如一。朝恩歎曰：吾在兵間十餘年，始見郝將軍之訓練耳。治戎若此，豈有前敵耶？廷玉憮然謝曰：此非末校所長。臨淮王之遺法也。太尉善御軍，實當功過每校旗之日，軍士小不如令，必斬之以徇。由是人皆自効，而赴蹈馳突，有心破膽裂者。

太尉薨變已來無復校旗之事此不足軍容見賞王綰為河南副元帥詔以廷玉為其都知兵馬使累授秦州刺史大曆八年卒追錄舊勳贈工部尚書

王栖曜濮州濮陽人也初遊鄉學天寶末安祿山叛尚衡起義兵討之以栖曜為牙將下克鄆諸縣軍威稍振進為衙前總管初逆將邢超然據曹州栖曜攻之超然乘城號令栖曜曰彼可取也一箭頌之城中氣懾遂拔曹州及衡居節制授右威衛將軍先鋒遊奕使隨衡入朝授試金吾衛將軍上元元年王瓌為浙東節度使委為馬軍兵馬使廣德中草賊袁晁起亂台州連結郡縣積粟二十萬盡有浙江之地御史中丞袁孝廉奏栖曜與李長為偏將聯日十餘戰

生擒袁晁收復郡邑十六授常州別駕浙西都知兵馬使時江左兵荒詔內常侍馬日新領汁滑軍五千鎮之日新貪暴賊蕭庭蘭乘人怨訴逐之而劫其眾時栖曜遊奕近郊為賊所脅進圍蘇州栖曜因其懈怠挺身登城率城中兵復出擊賊其眾大潰遷試金吾大將軍李靈曜叛于汴州浙西觀察使李涵俾栖曜將兵四千為河南特角以功加銀青光祿大夫累加至御史中丞李希烈既陷汴州乘勝東侵連陷陳留雍丘頓軍寧陵期襲宋州浙西節度使韓滉命栖曜將強弩數千夜入寧陵希烈不之知晨朝弩矢及希烈坐幄希烈驚曰此江淮弩士入矣遂不敢東去貞元初拜左龍武大將軍旋授鄜坊丹延節度觀察使檢校禮部尚書兼御史大夫貞元十九年卒於位子茂元幼有勇略從父征伐知名元和中為右神策將軍太和中檢校工部尚書廣州刺史嶺南節度使在安南招懷蠻落頗立政能南中多異貨茂元積聚家財鉅萬計李訓之敗中官利其財摘撫其事言茂元因王涯鄭注見用茂元懼審家財以賂兩軍

以是授忠武軍節度陳許觀察使會昌中為河陽節度使是時河北諸軍討劉稹茂元亦以本軍屯天井賊未平而卒

劉昌字公明汴州開封人也出自行間少學騎射及安祿山反昌始從河南節度張介然授易州遂城府左果毅及史朝義遣將圍宋州昌在圍中連月不解城中食盡賊垂將陷之刺史李岑計慶昌為之謀曰今河陽有李光弼制勝且江淮足兵此虜中有數千斤麪可以屑食計援兵不二十日當至東南隅之敵

眾以為危昌請守之昌遂被鎧持盾登城陳逆順以告論賊眾畏服後十五日副元帥李光弼救軍至賊乃宵潰光弼聞其謀召置軍中起授試左金吾衛

郎將光弼卒宰臣王綰令歸宋州為牙門將轉太僕卿兼許州別駕李靈曜據汴州叛刺史李僧惠將受靈曜牽制昌密遣曾神表潛說僧惠僧惠召昌問計昌泣陳其逆順僧惠感之乃使神表齎表詣關請討靈曜遂翦靈曜左翼汴州平李忠臣嫉僧惠功遂欲殺昌昌潛遁及劉玄佐為刺史乃復其職又轉太常卿兼華州別駕玄佐尋為宋毫賴宣武軍節度使昌自下軍為左廂兵馬使李納反以師收考城充行營諸軍馬步都虞候加檢校太子詹事兼御史中丞明年玄佐圍濮州昌攝濮州刺史李希烈既陷汴州玄佐遣將高翼以精兵五千保援夏邑城陷翼赴水死自宋及江淮人心震恐時昌以三千人守寧陵希烈率五萬眾陣于城下昌深堦以遏地道凡四十五日不解甲冑躬勵士卒大破希烈希烈解圍攻陳州刺史李公廉計窮昌從劉玄佐以浙西兵合三萬人救之至陳州西五十里與賊遇昌屢壓其陣及未成列大破之生擒其將翟曜希烈退保蔡州自此不復侵軼詔加檢校左散騎常侍隨玄佐收汴州加檢校工部尚書增實封通前二百戶丁母憂起復加金吾衛大將軍贈其母梁國夫人貞元三年玄佐朝京師上因以宣武士眾八千委昌北出五原軍中有前卻沮

事昌繼斬三百人遂行尋以本官授京西北行營節度使歲餘授涇州刺史充四鎮北庭行營兼涇原節度支度營田等使昌躬率士眾力耕三年軍食豐羨名聞天下復築連雲堡受詔城平涼以扼彈箚峽口昌命徒庀事旬餘而畢又於平涼西別築胡公堡名曰彰信平涼當四會之衝居北地之要分兵援戍竭其要衝遂以保軍邊鄙加檢校右僕射昌初至平涼劫盟之所收聚亡殍將士骸骨坎瘞之因感夢於昌有媿謝之意昌上聞德宗下詔深自贖責遺秘書少

監孔述審及中使以御饌內造衣服數百襲令昌收其骸骨分為大將三十人將士百人各具棺槨衣服葬於淺水原建二塚大將曰旌義塚將士曰懷忠塚詔翰林學士撰銘志祭文昌感陳兵殺蕃次具牢饌祭之昌及大將皆素服臨之焚其衣服紙錢別立二石堆題以塚名諸道師徒莫不感泣昌在西邊僅十

五年，強本節用，軍儲豐羨，及嬰疾，約以是日赴京求醫，未發而卒，年六十四。廢朝一日，贈司空。子士涇，士涇德宗朝尚主，官至少列十餘年，家富於財，結託中貴，交通權倖，憲宗朝遷太府卿，制下給事中韋弘景等封還制書，言士涇不合居九卿，辭語激切，憲宗謂弘景曰：士涇父有功於國，又是戚屬，制書宜下。弘景奉詔，士涇誓胡琴，多遊權倖之門，以此爲之助。時論鄙之。

李景略，幽州良鄉人也。大父楷固，父承悅，檀州刺史，密雲軍使。景略以門蔭補幽府功曹，大曆末寓居河中，闔門讀書。李懷光爲朔方節度，招在幕府，五原有偏將張光者，挾私殺妻，前後不能斷，光富於財，貨獄吏不能劾，景略訊其實，光竟伏法。既而亭午有女厲被髮血身，膝行前謝而去，左右有識光妻者曰：光之妻也。因授大理司直，遷監察御史，及懷光屯軍咸陽，反狀始萌，景略時說懷光請復宮闕，迎大駕，懷光不從。景略出軍門慟哭曰：誰知此軍一日陷於不義，軍士相顧甚義之。因退歸私家，尋爲靈武節度杜希全辟在幕府，轉殿中侍御史，兼豐州刺史。西受降城使豐州，北扼迴紇，迴紇使來中國，豐乃其通道，前爲刺史者多懦弱，虜使至則敵禮抗坐，時迴紇遣梅錄將軍隨中官薛盈珍入朝，景略欲以氣制之，郊迎傳言欲先見中使，梅錄初未喻，景略既見盈珍，乃使謂梅錄曰：知可汗初沒，欲申弔禮，乃登高墮位以待之，梅錄俯僕前哭，景略因撫之曰：可汗棄代，助爾號慕，虜之驕容威氣，索然盡矣。遂以父行呼景略，自此迴紇使至，景略皆拜之于庭，由是有威名。杜希全忌之，上表誣奏，貶袁州司馬，希全死，徵爲左羽林將軍，對干延英殿，奏對衍衍，有大臣風影，時河東李說有疾，詔以景略爲太原少尹，節度行軍司馬，時方鎮節度使少徵入換代者皆死亡，乃命焉。行軍司馬盡簡自上意，受命之日，人心以屬景略，居疑帥之地，勢已難處，迴紇使梅錄將軍入朝，說置宴會，梅錄爭上下坐，說不能過，景略叱之，梅錄前過豐州者也，識景略語音，疾趨前拜曰：非豐州李端公耶，不拜，麾下久矣，何其瘠也。又拜，遂命之居次坐，將吏賓客顧景略，悉加嚴憚，說心不平，厚賂中尉竇文場，將去景略，使爲內應，歲餘，風言迴紇將南下陰山，豐州宜得其人，上素知景略在邊時事，上方軫慮，文場在旁言景略堪爲邊任，乃以景略爲豐州刺史。

兼御史大夫，德軍西受降城，都防禦使，迫寒苦寒，土地鹵瘠，俗貧難處，景略節用約己，與士同甘苦，將卒安之，鑿感應永清二渠，溉田數百頃，公私利焉。庫儲備器械，政令肅智，略明二歲後，軍聲雄冠北邊，迴紇畏之，天下皆惜其理未盡，景略之能，貞元二十年卒於鎮，年五十五，贈工部尚書。

張萬福，魏州元城人，自曾祖至其父，皆明經，止縣令州佐，萬福以父祖業儒，皆不達，不喜爲書生，學騎射，年十七入從軍，遼東有功爲將，而還，累擢舒盧壽三州刺史，舒盧壽三州都團練使，州送租賦，詣京師，至州界，爲盜所奪，萬福領輕兵馳入州界討之，賊不意，萬福至，忙迫不得戰，萬福悉聚而誅之，盡得其所亡物，并得前後所掠人妻子財物牛馬等萬計，悉還其家，不能自致者，萬福給船乘以遣之，尋真拜壽州刺史，淮南節度副使，爲節度使崔圓所忌，失刺史，改鴻臚卿，以節度副使將千人鎮壽州，萬福不以爲恨，許杲以平盧行軍司馬，將卒三千人駐濠州，不去，有窺淮南意，圓令萬福攝濠州刺史，杲聞，即提卒去，止當塗陳莊，賊陷舒州，圓又以萬福爲舒州刺史，督淮南岸盜賊，連破其黨，大曆三年，召赴京師，代宗謂曰：聞卿名久，欲一識卿面，且將累卿以許杲，萬福拜謝，因前奏曰：陛下以一許杲召臣，如河北諸將叛，欲以屬何人，代宗笑謂曰：且與吾了許杲事，方當大用卿，以爲和州刺史，行營防禦使，督淮南岸盜賊，至州，杲懼，移軍上元，杲至楚州，大掠，節度使韋元甫命萬福追討之，未至淮陰，杲爲其將康自勸所逐，自勸擁兵繼掠，循淮而東，萬福倍道追而殺之，免者十二三，盡得其虜掠金帛婦人等，皆送致其家，元甫將厚賞將士，萬福曰：官健常虛費衣糧，無所事，今乃一小賴之，不足過賞，請用三之一，代宗發詔以勞之，賜衣一襲，官錦十雙，久之，詔以本鎮之兵千五百人防秋，西京萬福詣揚州交所領兵，會元甫死，諸將皆願得萬福爲帥，監軍使米重耀亦請萬福知節度事，萬福曰：某非幸人，勿以此相待，遂去之，帶利州刺史鎮成陽，因留宿衛，李正己反，將斷江淮路，令兵守埽橋渦口，江淮進奏，舡千餘隻泊渦下，不敢過，德宗以萬福爲濠州刺史，召見謂曰：先帝改卿名正者，所以褒卿也，朕以爲江淮草木亦知卿威名，若從先帝所改，恐賊不知是卿也，復賜名萬福，馳至渦口，立馬岸上，發進

奉飢溜青兵馬倚岸睥睨不敢動諸道紅繼進改泗州刺史魏州飢父子相賣餓死者接道萬福曰魏州吾鄉里安可不救令其兄子將米百車往饋之又使人於汴口魏人自賣者給車牛贖而遣之為杜亞所忌徵拜右金吾將軍召見德宗驚曰杜亞言卿昏耄卿乃如是健耶詔圖形於凌煙閣數賜酒饌衣服并勅度支籍口畜給其費及陽城等於延英門外請對論事伏閣不去德宗大怒不可測萬福揚言曰國有直臣天下太平矣萬福年已八十見此感事閣前徧揖城等天下益重其名貞元二十一年以左散騎常侍致仕其年五月卒年九十萬福自始從軍至卒祿食七十餘年未嘗病一日典九郡皆有惠愛在泗州時遇德宗幸奉天李希烈反陳少遊悉令管內刺史送妻子在揚州以為質萬福獨不送謂使者曰為某白相公萬福妻老且醜不足煩相公寄意終不之遣由是為人所稱

高固高祖僖永徽中為北庭安撫使有生擒車鼻可汗之功官至安東都護事具前錄固生微賤為叔父所賣展轉為渾城家奴號曰黃茶性敏惠有膂力善騎射好讀左氏春秋城大愛之養如己子以乳母之妻之遂以固名取左氏傳高固之名也少隨城從戎於朔方德宗幸奉天固猶在城麾下是時賊兵已突入東壘門固引甲士亂揮長刀連斫數賊搜車塞圍一以當百賊乃退去眾咸壯之以功封渤海郡王李懷光既反德宗再幸梁漢懷光發跡邠寧至是使留後張昕取將士萬餘人以資援河中固時在軍中乃伺便突入張昕帳中斬首以徇拜檢校右散騎常侍前軍兵馬使貞元十七年節度使楊朝晟卒軍中請固為帥德宗念固功因授檢校工部尚書順宗即位就加檢校禮部尚書憲宗朝進檢校右僕射數年受代入為統軍轉檢校左僕射兼右羽林統軍元和四年七月卒贈陳州大都督

郝玼者涇原之戍將也貞元中為臨涇鎮將勇敢無敵聲振虜庭玼以臨涇地居險要當虜要衝白其帥曰臨涇草木豐茂宜畜牧西蕃入寇每屯其地請完壘益軍以折虜之入寇前帥不從及段佐節制涇原深然其策元和二年佐請築臨涇城朝廷從之仍以為行涼州詔玼為刺史以戍之自此西蕃入寇不過

臨涇玼出自行間前無堅敵在邊三十年每戰得善俘必剝剔而歸其屍蕃人畏之如神贊普下令國人曰有生得郝玼者賞之以等身金蕃中兒啼者呼玼名以怖之十三年檢校左散騎常侍涇州刺史御史大夫充涇原行營節度平涼鎮遠都知兵馬使封保定郡王吐蕃畏其威綱紀欲圖之朝廷慮失驍將移授慶州刺史竟終膺下

段佐者亦以勇敢知名少事汾陽王子儀為牙將從征邊朔績効居多貞元末為涇原節度使練卒保邊亦為西蕃畏懼累至檢校工部尚書右神策大將軍元和五年卒

史敬奉靈武人少事本軍為牙將元和十四年敬奉大破吐蕃於鹽州城下賜實封五十戶先是西戎頻歲犯邊敬奉白節度杜叔良請兵三千備一月糧深入蕃界叔良以二千五百人授之敬奉既行十餘日人莫知其所向皆謂吐蕃盡殺之矣乃由他道深入突出蕃眾之後戎人驚潰敬奉率眾大破之殺戮不可勝紀驅其餘眾於蘆河獲羊馬駝牛萬數敬奉形甚短小若不能勝衣至於野外馳逐能擒奔馬自執鞍勒隨鞍躍上然後羈帶矛矢在手前無強敵甥姪及僮使僅二百人每以自隨臨入敵輒分其隊為四五隨逐水草每數日各不相知及相遇已皆有獲虜矣與鳳翔將野詩良輔涇原將郝玼各以名雄邊上吐蕃嘗謂漢使曰唐國既與吐蕃和好何妄語也問曰何謂曰若不妄語何因遣野詩良輔作隴州刺史其畏憚如此

史臣曰自盜起中原河隴陷虜犬戎作梗屢犯郊畿謀臣運策以竭精武士荷戈而不暇如瑋昌之材力扼腕奮命欲吞虜于胸中郝史驍雄斬將奪旗將申威于塞外而竟不能北踰白道西出蕭關俾十九郡生民竟淪左衽僅能自保功何取焉雖運使時然亦將略有所未至栖驪萬福之節概景略之負氣壯哉贊曰馬劉史郝氣英雄邊朔力扞疆虜終漸衝霍萬福義勇景略氣豪為人所忌慷慨徒勞

後晉司空同中書門下平章事劉昫撰

列傳第一百三

姚南仲

劉迺子伯錫 孫寬夫 曾孫允章 附

袁高

段平仲

薛存誠子廷老 孫子昭緯 保壽 保壽 子昭緯

盧坦

姚南仲華州下邳人乾元初制科登第授太子校書歷高陵昭應萬年三縣尉遷右拾遺轉右補闕大曆十三年貞懿皇后獨孤氏崩代宗悼惜不已令於近城爲陵墓冀朝夕臨望於目前南仲上疏諫曰伏聞貞懿皇后今於城東章敬寺北以起陵廟臣不知有司之請乎陛下之意乎陰陽家流希旨乎臣愚以爲非所宜也謹具疏陳論伏願暫留天睭而省察焉臣聞人臣宅於家君上宅於國長安城是陛下皇居也其可穿鑿與動建陵墓於其側乎此非宜一也夫葬者藏也欲人之不得見也是以古帝前王葬后妃莫不憑丘原遠郊郭今則西臨宮闕南迫康莊若使近而可見死而復生雖在西宮待之可也如骨肉歸土魂無不之章敬之北竟何所益視之兆庶則彰溺愛垂之萬代則累明德此非所宜二也夫帝王者居高明燭幽滯先皇所以因龍首建望春蓋爲此也今若起陵目前動傷宸慮天心一傷數日不平且匹夫向隅精堂爲之不樂萬乘不樂人其可歡心乎又暇日起歌動鐘于內此地皆聞此非宜三也伏以貞懿皇后坤德合天母慈逮下陛下以切軫旒屐久俟著龜始諡之以貞懿終待之以甄近臣竊惑焉非所以稱述后德光被下泉也今國人皆曰貞懿皇后之陵邇於城下者主上將日省而時望焉斯有損於聖德無益於貞懿將欲寵之而返辱之此非宜四也凡此數事實玷大猷天下咸知伏惟陛下熟計而取其長也陛下將偃武靖人一誤於此其傷實多臣恐君子是非史官褒貶大明忽虧於掩蝕至德翻後於堯舜不其惜哉今指日尚遙改卜何害抑皇情之殊眷成貞懿之美號疏奏帝甚嘉之賜緋魚袋特加五品階宣付史館與宰相常袞善衰貶官南仲坐出爲海鹽縣令浙江東西道觀察使韓滉辟爲推官奏授殿中侍御史內供奉充支使尋徵還歷左司兵部員外轉郎中遷御史中丞給事中

同州刺史陝號觀察使貞元十五年代李復爲鄭滑節度使監軍薛盈珍恃勢奪軍政南仲數爲盈珍譏毀德宗頗疑之十六年盈珍遣小使程務盈馳驛奉表誣奏南仲陰事南仲神將曹文洽亦入奏事京師伺知盈珍表中語文洽私懷憤怒遂晨夜兼道追務盈至長樂驛及之與同舍宿中夜殺務盈沉盈珍表於廁中乃自殺日吁驛吏關門見血流塗地旁得文洽二紙一告于南仲一表理南仲之冤且陳首殺務盈上聞其事頗駭異之南仲慮憂深遂乞入朝德宗曰盈珍擾軍政耶南仲對曰盈珍不擾軍政臣自隱陛下法耳如盈珍輩所在有之雖羊杜復生撫百姓御三軍必不能成愷悌父母之政師律善陣之制矣上默然久之授尚書右僕射貞元十九年七月終于位年七十四贈太子太保諡曰貞

劉迺字承夷洛州廣平人高祖武幹武德初拜侍中即中書侍郎林甫從祖兄子也父如璠昫山丞以迺貴贈民部郎中迺少聰穎志學暗記六經日數千言及長文章清雅爲當時推重天寶中舉進士尋丁父艱居喪以孝聞既終制從調選曹迺常以文部選才未爲盡善遂致書於知銓舍人宋昱曰虞書稱知人則哲能官人則惠魏魏唐虞舉以爲難今夫文部既始之以掄材終之以授位是則知人官人斯爲重任昔在禹稷皋陶之衆聖猶曰載采有九德者續以九載近代主司獨委一二小豕宰察言於一幅之判觀行於一揖之內古今遷速何不侔之甚哉夫判者以狹詞短韻語有定規爲體亦猶以一小冶而鼓衆金雖欲爲鼎爲鑪不可得也故曰判之在文至局促者夫銓者必以崇衣冠自媒耀爲賢斯又士之醜行君子所病若引文公尼父登之於銓廷則雖圖書易象之大訓以判體挫之曾不及徐庾雖有至德以喋喋取之曾不若喬夫嗚呼彼干霄蔽日誠巨樹也當求尺寸之材必後於椽杙龍吟武嘯誠希聲也若尙頰舌之感必下於蛙龜觀察之際猶不悲夫執事慮過龜策文合雅詰豈拘以瑣瑣故事曲折因循哉誠能先資以政事次徵以文學退觀其理家進察其臨節則虜鴻深沉之事亦可以窺其門戶矣其載補剡縣尉改會稽尉宣州觀察使殷日用奏爲判官宣慰使李季卿又以表薦連授大理評事兼監察御史轉運

使劉晏奏令巡覆江西多所蠲免改殿中侍御史檢校倉部員外民部郎中並充浙西留後佐晏徵賦頗有裨益晏甚任之大曆十二年元載既誅以迺久在職召拜司門員外郎十四年崔祐甫兼政素與迺友善會加郭子儀尚父以冊禮久廢至是復行之祐甫令兩省官撰冊文未稱旨召迺至閣草之立就詞義典裁祐甫歎賞久之數日擢為給事中尋遷權知兵部侍郎及楊炎盧杞為相意多醜正以故五歲不遷建中四年夏但真拜而已其冬涇師作亂駕幸奉天迺臥疾在私第賊泚遣使以甘言誘之迺稱疾篤又令其僞宰相蔣鎮自來招誘迺託瘧疾爰灼偏身鎮再至知不可劫脅乃歎息曰鎮亦嘗忝列曹郎苟不能死以至於斯寧以自辱獲腥復欲行穢賢哲乎獻歎而退及聞鎮駕再幸梁州迺自投於牀搏膺呼天因是危懼絕食數日而卒時年六十德宗還京聞迺之忠烈追贈禮部尚書子伯芻伯芻字素芝登進士第志行修謹淮南杜佑辟為從事府罷屏居吳中久之徵拜右補闕遷主客員外郎以過從友人飲噉為章執誼密奏貶虔州掾曹復為考功員外郎裴均善其應對機捷遷考功郎中集賢院學士轉給事中裴均罷相為太子賓客未幾而卒李吉甫復入相與均宿嫌不加贈官伯芻上疏論之贈均太子少傅伯芻妻均從姨也或讒於吉甫此以論奏伯芻懼亟請散地因出為號州刺史吉甫卒裴度擢為刑部侍郎俄知吏部選事元和十年以左常侍致仕卒年六十一贈工部尚書伯芻風姿古雅涉學善談笑而動輒時適論者稍薄之子寬夫登進士第歷諸府從事寶曆中入為監察御史嘗上言曰近日攝祭多差王府官僚位望既輕有乖嚴敬伏請今後攝太尉差尚書省三品已上及保傅賓客等官如人少即令丞郎通攝之俄轉左補闕少列陳站進注維摩經得濠州刺史寬夫與同列因對論之言站因供奉僧進經以圖郡牧敬宗怒謂宰相曰陳站不因僧得郡諫官安得此首須推排頭首來寬夫妻曰昨論陳站之時不記發言前後唯握筆草狀即是微臣今論事不當臣合當罪若尋究推排恐傷事體帝嘉其引過欣然釋之寬夫弟端夫為太常博士駁章綬證議知名寬夫子九章煥章九章登進士第累官至翰林學士承旨禮部侍郎咸通九年知貢舉出為鄂州觀察使檢校工部

尚書後遷東都留守黃巢犯洛陽九章不能拒賊不之害坐是廢于家以疾卒袁高字公頭恕己之孫少慷慨慕名節登進士第累辟使府有贊佐裨益之譽代宗登極徵入朝累官至給事中御史中丞建中二年擢為京畿觀察使以論事失旨貶韶州長史復拜為給事中貞元元年德宗復用吉州長史盧杞為饒州刺史令高草詔書高執頭以謁宰相盧翰劉從一曰盧杞作相三年矯詐陰賊戾斥忠良朋附者咳唾立至青雲睚眦者顧盼已擠溝壑傲很明德反易天常播越鑿與瘡痍天下皆杞之為也爰免族戮雖示貶黜尋已稍遷近地若更授大郡恐失天下之望惟相公執奏之事尚可救翰從一不悅改命舍人草之詔出執之不下仍上奏曰盧杞為政窮極兇惡三軍將校願食其肉百辟卿士嫉之若讎遺補陳京趙需裴佶宇文炫盧景亮張薦等上疏論奏次日又上疏高又於正殿奏云陛下用盧杞獨秉鈞軸前後三年棄斥忠良附下罔上使陛下越在草莽皆杞之過且漢時三光失序兩旱不時皆宰相請罪小者免官大者刑戮杞罪合至死陛下好生惡殺赦杞萬死唯貶新州司馬旋復遷移今除刺史是失天下之望伏惟聖意裁擇上謂曰盧杞有不逮是朕之過復奏曰盧杞姦臣常懷詭詐非是不逮上曰朕已有赦高曰赦乃赦其罪不宜授刺史且赦文至優黎民今饒州大郡若命姦臣作牧是一州蒼生獨受其弊望引常參官顧問并擇謹厚中官令探聽於衆若億兆之人異臣之言臣當萬死於是諫官爭論於上前上良久謂曰若與盧杞刺史太優與上佐可乎曰可矣遂追饒州制翌日遣使宣慰高云朕思卿言深理切當依卿所奏太子少保章倫太府卿張獻恭等奏袁高所奏至當高是陛下下一良臣望加優異貞元二年上以關輔祿山之後百姓貧乏田曠荒穢詔諸道進耕牛待諸道觀察使各選擇牛進貢委京兆府勸課民戶勘責有地無牛百姓量其地著以牛均給之其田五十畝已下不在給限高上疏論之聖慈所憂切在貧下有田不滿五十畝者尤是貧人請量三兩家共給牛一頭以濟農事疏奏從之尋卒於官年六十中外數惜憲宗朝宰臣李吉甫嘗言高之忠鯁詔贈禮部尚書段平仲字秉庸武成人隋人部尚書段達六代孫也登進士第杜佑李復相繼

鎮淮南。皆表平仲爲掌書記。復移鎮華州滑州。仍爲從事。入朝爲監察御史。平仲磊落尙氣節。嗜酒傲言。時德宗春秋高。多自聽斷。由是庶務壅隔。事或不理。中外畏上嚴察。無敢言者。平仲嘗謂人曰。主上聰明神武。臣下畏懼不言。自循默耳。如平仲一得召見。必當大有開悟。貞元十四年。京師旱。詔擇御史郎官各一人發廩賑恤。平仲與考功員外陳歸當奉使。因辭得對。乃入近御座。粗陳本。事。上察平仲意有所畜。以歸在側不言。及奏事畢。退。平仲獨不退。欲有奏。啓上。因兼留歸問之。聲色甚厲。雜以他語。平仲錯愕。都不得言。因誤稱其名。上怒。叱出之。平仲蒼黃。又謀趨御障後。歸下階連呼。乃得出。由是坐廢七年。然亦因此名顯。後除屯田膳部二員外郎。東都留守判官。累拜右司郎中。元和初。遷諫議大夫。內官吐突承璀爲招討使。征鎮州。無功而還。平仲與呂元膺抗疏論列。請加黜責。轉給事中。自在要近。朝廷有得失。未嘗不論奏。時人推其狷直。轉尙書左丞。以疾改太子左庶子卒。

薛存誠字實明。河東人。父勝。能文。書作拔河賦。詞致瀏亮。爲時所稱。存誠進士擢第。累辟使府。入朝爲監察御史。知館驛。元和初。王師討劉闢。傳多事。上特令中官爲館驛使。存誠密表論奏。以爲有傷公體。會諫官亦論奏。上乃罷之。轉殿中侍御史。遷度支員外郎。裴均作相。用爲起居郎。轉司勳員外。刑部郎中。兼侍御史。知雜事。改兵部郎中。給事中。瓊林庫使奏占工徒太廣。存誠以爲此皆姦人竄名。以避征役。不可許。咸陽縣尉袁儂與軍鎮相競。軍人無理。遂肆侵誣。儂反受罰。二勅繼至。存誠皆執之。上聞甚悅。命使嘉慰之。由是擢拜御史中丞。儂鑿虛者。自貞元中。交結權倖。招懷賂遺。倚中人爲城社。吏不敢繩。會于頓杜黃裳家私事發。連逮鑿虛。下獄。存誠案鞫得姦贓數十萬。獄成。當大辟。中外權要更於上前保救。上宣令釋放。存誠不奉詔。明日。又令中使詣臺宣旨曰。朕要此僧面詰之。非赦之也。存誠附中使奏曰。鑿虛罪款已具。陛下若召而赦之。請先殺臣。然後可取。不然。臣期不奉詔。上嘉其有守。從之。鑿虛竟答死。洪州監軍高重昌。誣奏信州刺史李位謀大逆。遣赴京師。上令付仗內鞠問。存誠一日三表請付位於御史臺。及推案無狀。位竟得雪。未幾。再授給事中。數月中。丞闕。

上思存誠前効。謂宰相持憲無以易存誠。遂復爲御史中丞。未視事。暴卒。憲宗深惜之。贈刑部侍郎。存誠性和易。於人無所不容。及當官御事。即確乎不拔。士友以是稱重之。子廷老。廷老謹正。有父風。而性通銳。寶曆中。爲右拾遺。敬宗荒恣。宮中造清思院新殿。用銅鏡三千片。黃白金薄十萬番。廷老與同僚入閣奏事曰。臣伏見近日除拜。往往不由中書進擬。或是宣出。伏恐綱紀漸壞。姦邪恣行。敬宗厲聲曰。更諫何事。舒元襄對曰。近日宮中修造太多。上色變。曰。何處修造。元襄不能對。廷老進曰。臣等職是諫官。凡有所聞。即合論奏。莫知修造之所。但見運瓦木絕多。即知有用。乞陛下勿罪臣言。帝曰。所奏已知。尋加史館修撰。時李逢吉秉權。惡廷老言太切直。鄭權因鄭注得廣州節度權。至鎮。盡以公家珍寶。赴京師。以酬恩地。廷老上疏請按權罪。中人由是切齒。又論逢吉黨人張權輿。程昔範。不宜居諫列。逢吉大怒。廷老告滿十旬。逢吉乃出。廷老爲臨晉縣令。文宗卽位。入爲殿中侍御史。大和四年。以本官充翰林學士。與同職李讓夷相善。廷老之入內署。讓夷薦挈之。廷老性放逸嗜酒。不持檢操。終日酣醉。文宗知之。不悅。五年。罷職。守本官。讓夷亦坐廷老罷職。守職方員外郎。廷老尋拜刑部員外郎。轉郎中。遷給事中。開成三年。卒。廷老當官舉職。不求虛譽。偏徇於公卿之間。甚有正人風望。贈刑部侍郎。子保遜。登進士第。位亦至給事中。保遜子昭緯。乾寧中。爲禮部侍郎。貢舉得人。文章秀麗。爲崔胤所惡。出爲礪州刺史。卒。盧坦字保衡。河南洛陽人。其先自范陽徙焉。父繼。贈鄭州刺史。坦嘗爲義成軍判官。節度使李復疾篤。監軍使薛盈珍慮變。遽封府庫。入其麾下。五百人於使牙。軍中恟恟。坦密言於盈珍。促收之。及復卒。坦護喪歸東都。後爲壽安令。時河南尹徵賦限窮。而縣人訴以機織未就。坦請延十日。府不許。坦令戶人。但織而輸。勿顧限也。違之。不過罰令俸耳。既成而輸。坦亦坐罰。由是知名。累遷至庫部員外郎。兼侍御史。知雜事。會李錡反。有司請毀錡祖父廟。墓坦常爲錡從事。乃上言曰。淮安王神通有功於草昧。且古之父子兄弟。罪不相及。況以錡故。累五代祖乎。乃不毀。因賜神通墓五戶。以備灑掃。及武元衡爲宰相。以坦爲中丞。李元素爲大夫。命坦分司東都。未幾。歸臺。裴均爲僕射。在班踰位。坦請退之。均不

受坦曰姚南仲爲僕射例如此均曰南仲何人坦曰南仲是守正而不交權倖者也尋罷爲右庶子時人歸咎於均旬月出爲宣歙池觀察使三年入爲刑部侍郎鹽鐵轉運使改戶部侍郎判度支元和八年西受降城爲河徙浸毀宰相李吉甫請移兵於天德故城坦與李絳叶議以爲西城張仁愿所築制匈奴上策城當磧口居虜要衝美水豐草邊防所利今河流之決不過退就二三里奈何捨萬代永安之策徇一時省費之謀況天德故城僻處碣磧其北枕山與河絕遠烽候警備不相統接虜之唐突勢無由知是無故而蹙國二百里非所利也及城使周懷義奏利害與坦議同事旣不行未幾出爲劍南東川節度使在鎮累年後請收閩月軍吏糧料以助軍行營人多非之貞元十二年九月卒年六十九贈禮部尚書

史臣曰古之諍臣有死於言者其次引裾折檻不改其操亦難矣哉袁高之執盧杞存誠之戮鑿虛有古人之遺風焉平仲觸鱗之氣糾其謬敷文洽奪章以據府憤永夷絕食不飲盜泉節義之士也南仲非葬之言盧坦西城之議量之深也如數子道爲時無君子乃是厚誣

贊曰靈草指佞諫臣匡失惟袁與薛人中屈軼寬夫雀躍廷老鴻軒姚盧啓奏君子之言

舊唐書卷一百五十三

舊唐書卷一百五十四

後晉司空同中書門下平章事劉昫撰

列傳第一百四

孔巢父

許孟容

呂元膺

劉栖楚

張宿

熊莖

柏耆

劉栖楚

孔巢父，冀州人，字弱翁。父如珪，海州司戶參軍。以巢父贈工部郎中。巢父早勤

文史，少時與韓準、裴政、李白、張叔明、陶沔隱於徂徠山。時號竹溪六逸。永王璿

起兵江淮，聞其賢，以從事辟之。巢父知其必敗，側身潛遁。由是知名。廣德中，李

季卿為江淮宣撫使，薦巢父授左衛兵曹參軍。大曆初，澤潞節度使李抱玉奏

為賓幕，累授監察御史，轉殿中檢校庫部員外郎。出授歸州刺史。建中初，涇原

節度留後孟暉表巢父試秘書少監兼御史中丞、行軍司馬，尋拜汾州刺史。入

為諫議大夫，出為潭州刺史、湖南觀察使。未行，會晉王為荆襄副元帥，以巢父

為元帥府行軍司馬兼御史大夫，尋屬涇師之難，從德宗幸奉天，遷給事中。河

中、陝、華等州招討使，累獻破賊之謀，德宗甚賞之。尋兼御史大夫，充魏博宣慰

使。巢父博辯多智，對田悅之衆，陳逆順利害君臣之道，士衆欣悚喜，曰：「不圖

今日復親王化，及就宴，悅酒酣，自矜其騎射之藝，拳勇之略，因曰：「若蒙見用，無

堅不摧。」巢父謂之曰：「若如公言而不早歸國者，但為一好賊耳。悅曰：「為賊既曰

好賊，為臣當作功臣。」巢父曰：「國方有虞，待子而息，悅起謝焉。悅背叛日久，其下

厭亂，且喜巢父之至。數日，田承嗣之子緒以失職怨望，因人心之搖動，遂構謀

殺悅，而與大將邢曹俊等稟命於巢父。巢父因其衆意，令田緒權知軍務，以紓

其難。興元元年，李懷光擁兵河中，七月，復以巢父兼御史大夫，充宣慰使。既傳

詔旨，懷光以巢父嘗使魏博，田悅死於帳下，恐禍及，又朔方蕃渾之衆數千，皆

在行列，頗驕悍，不肅，聞罷懷光兵權，時懷光素服待命，巢父不止之衆，咸忿恚，

咄嗟曰：「太尉盡無官矣。」方宣詔，謹讓懷光亦不禁止。巢父守盈並遇害。上聞之，

震悼，贈尚書左僕射，仍詔收河中，日備禮葬祭，賜其家布帛米粟甚厚。仍授子

正員官。從子戡，戡戡巢父兄，巢父之子，方嚴有家法，重然諾，尚忠義，盧從史

鎮澤潞，辟為書記。從史驍驍，與王承宗、田緒陰相連結，欲效河朔事以固其位。

戡每乘筆至，不軌之言極諫，以為不可。從史怒戡，歲餘謝病歸洛陽。李吉甫鎮

揚州，召為賓佐。從史知之，上疏論列，請行貶逐。憲宗不得已，授衛尉丞。分司洛

陽。貞元中，藩帥詭委從事者，皆不驗，理便行降黜。及戡詔下，給事中呂元膺

執之，上令中使慰喻元膺，制書方下。戡不調而卒。贈駕部員外郎。戡字君嚴，登

進士第。鄭滑節度使盧瑋辟為從事，瑋卒，命戡權掌留務。監軍使以氣凌之，戡

無所屈降，入為侍御史，累轉尚書郎。元和初，改諫議大夫。偉然忠謹，有諫臣體。

上疏論時政四條，帝意嘉納。六年十月，內官劉希光受將軍孫璿賂二十萬貫，

以求方鎮，事敗，賜希光死。時吐突承璀以出軍無功，諫官論列，坐希光事出為

淮南監軍使。太子通事舍人李涉知上待承璀意未衰，欲投匭上疏論承璀有

功，希光無事，久委心腹，不宜遽棄。戡為匭使，得涉副章不受，面詰責之。涉乃進

疏於光順門。戡極論其與中官交結，言甚激切。詔貶涉為陝州司倉，佯臣聞之

側目。人為危之。戡高步公卿間，以方嚴見憚。俄兼太子侍讀，遷吏部侍郎，轉左

丞。九年，信州刺史李位為州將章岳讒陷於本使監軍高重謙，言位結聚術士，

以圖不軌，追位至京師，鞠於禁中。戡奏曰：「刺史得罪，合歸法司按問，不合劾於

內仗，乃出付御史臺。戡與三司訊鞠，得其狀，位好黃老道，時修齋錄，與山人王

恭合鍊藥物，別無逆狀。以岳誣告決殺，貶位建州司馬。時非戡論諫，罪在不測，

人士稱之。愈為中官所惡，尋出為華州刺史。潼關防禦等使，入為大理卿。改國

子祭酒。十二年，嶺南節度使崔詠卒，三軍請帥，宰相奏擬皆不稱旨。因入對，上

謂裴度曰：「嘗有上疏論南海進舶業者，詞甚忠正，此人何在？」卿第求之。度退訪

之，或曰：「祭酒孔戡嘗論此事，度徵疏進之。」即日授廣州刺史兼御史大夫。嶺南

節度使戡，剛正清儉，在南海，請刺史俸料之外，絕其取索。先是帥南海者，京師

權要多託買南人為奴婢，戡不受託。至那禁絕賣女口。先是準詔禱南海神，多

令從事代祠。戡每受詔，自犯風波而往。韓愈在潮州，作詩以美之。時桂管經略

使楊旻、桂仲武、裴行立等騷動生蠻，以求功伐，遂至嶺表累歲用兵。唯戡以清

儉為理，不務邀功。交廣大理，敬宗即位，召為吏部侍郎。長慶中，或告戡在南海

時家人受賂上之責改右散騎常侍二年轉尚書左丞累請老詔以禮部尚書致仕優詔褒美仍令所司歲致羊酒如漢禮徵士故事長慶四年正月卒時年七十三子遵孺温裕皆登進士第大中已後迭居顯職温裕位京兆尹天平軍節度使遵孺子緯自有傳載字方舉號母弟也以季父巢父死難德宗嘉其忠詔與一子正員官因授載修武尉以長兄載未仕固乞迴授舉明經登第判入高等授秘書省校書郎陽翟尉入拜監察御史轉殿中分司東都時昭義節度判官徐致以校歷助成從史之惡從史既得罪孟元陽為昭義節度復欲用致為賓佐載遂隱澤潞收致以俟命然後列狀上聞竟流致播州轉侍御史庫部員外郎初涇師之亂朱泚署彭偃為舍人至是偃子充符為鄜坊從事或薦其才執事者召至京師載謂京兆尹裴武曰朱泚為偽詔指斥乘輿皆彭偃之詞也悖逆之子不能為竄獸伏乃遠道以干譽子盡效季孫行父之逐莒僕以勉事君者武即日逐充符遷京兆尹出為汝州刺史大理卿出為潭州刺史湖南觀察使時兄殲為嶺南兄弟皆居節鎮朝野榮之入為右散騎常侍拜京兆尹時累月亢旱深軫聖情載自禱雨於曲池是夕大雨文宗甚悅詔兼御史大夫太和三年正月卒贈工部尚書子温業登進士第大中後歷位道顯温業子晦

許孟容字公範京兆長安人也父鳴謙究通易象官至撫州刺史贈禮部尚書孟容少以文詞知名舉進士甲科後究王氏易登科授秘書省校書郎趙贊為荆襄等道黜陟使表為判官貞元初徐州節度使張建封辟為從事四還侍御史李納屯兵境上揚言入寇建封遣將吏數輩告諭不聽於是遣孟容單車詣納為陳逆順禍福之計納即日發使追兵因請修好遂表孟容為濠州刺史無幾德宗知其才徵為禮部員外郎有公主之子請補弘文崇文館諸生孟容舉令式不許主訴於上命中使問狀孟容執奏竟得還本曹郎中德宗降誕日御麟德殿命孟容等登座與釋老之徒講論十四年轉兵部郎中未滿歲遷給事中十七年夏好時縣風雹傷麥上命品官覆視不實詔詔京兆尹顧少連已下勅出孟容執奏曰府縣上事不實罪止奪俸停官其於私宥已是殊澤但陛下

使品官覆視後更擇憲官一人再令驗察覆視轉審隱欺益明事宜觀聽法歸綱紀臣受官中謝日伏請詔勅有須詳議者則乞停留晷刻得以奏陳此勅既非急宣可以少駐詔雖不許公議是之十八年浙江東道觀察使裴蕭卒以攝副使齊揆為衢州刺史時揆為蕭刺下進奉以希恩遽授大郡物議喧然詔出孟容執奏曰陛下比者以兵戎之地或有不獲已起授者今衢州無他虞齊揆無殊績忽此超授羣情驚駭揆是浙東判官今詔勅稱權知留後攝都團練副使向來無此勅命便用此詔尤恐不可若揆必有可錄陛下下須要酬勞即明書課最超一兩實與改今舉朝之人不知揆之功能衢州浙東大郡揆自大理評事兼監察御史授之使遐邇不甘兇惡騰口如臣言不切乞陛下暫停此詔密使人聽察必質聖朝無私今齊總詔謹隨狀封進尋有諫官論列乃留中不下德宗召孟容對於延英論之曰使百執事皆如卿朕何憂也自給事中袁高論盧杞後未嘗有可否及聞孟容之奏四方皆感上之聽納嘉孟容之當官十九年夏旱孟容上疏曰臣伏聞陛下數月已來齋居損膳為兆庶心疲又勅有司走於羣望牲於百神而密雲不雨首種未入豈驚膠有闕祈祝非誠為陰陽適然豐歉前定何聖意精至甘澤未答也臣歷觀自古天人交感事未有不由百姓利病之急者切者邦家教令之大者遠者京師是萬國所會強幹弱枝自古通規其一年稅錢及地租出入一百萬貫臣伏冀陛下即日下令全放免之其次三分放二且使旱涸之際免更流亡若播種無望徵斂如舊則必愁怨遷徙不顧墳墓矣臣愚以為德音一發膏澤立應變災為福期在斯須戶部所收掌錢非度歲計本防緩急用今此炎旱直支一百餘萬貫代京兆百姓一年差科實陛下魏魏睿謀天下鼓舞歌揚者也復更省察庶政之中有流移征防當還而未還者徒役禁錮當釋而未釋者逋懸饋送當免而未免者沉滯鬱抑當伸而未伸者有一於此則特降明命令有司條列三日內聞奏其當還當釋當免當伸者下詔之日所在即時施行臣愚以為如此而神不監歲不稔古未之有事雖不行物議嘉之貞元末坐裴延齡李齊運等議謗流貶者動十數年不量移故因旱歉孟容奏此以諷然終貞元世罕有遷移者孟容以諷諭太切

改太常少卿。元和初，遷刑部侍郎。尚書右丞四年，拜京兆尹，賜紫，神策吏李昱假貸長安富人錢八千貫，滿三歲不償，孟容遣吏收捕械繫，剋日命還之，曰：不及期當死。自與元已後，禁軍有功，又中貴之尤有渥恩者，方得護軍，故軍士日益縱橫，府縣不能制。孟容剛正，不懼以法繩之。一軍盡驚，冤訴於上，立命，中使宣旨，令送本軍，孟容繫之不遣。中使再至，乃執奏曰：臣誠知不奉詔當誅，然臣職司鞫覈，合爲陛下彈抑豪強，錢未盡輸，豈不可得。上以其守正，許之。自此豪右斂迹，威望大震。改兵部侍郎。俄以本官權知禮部貢舉，頗抑浮華，選擇才藝，出爲河南尹，亦有威名。俄知禮部選舉，徵拜吏部侍郎。會十年六月，盜殺宰相武元衡，并傷議臣裴度。時淮夷逆命，兇威方熾，王師問罪，未有成功，言事者繼上章疏請罷兵，是時盜賊竊發，人情甚惑，獨孟容詣中書雪涕而言曰：昔漢廷有一汲黯，姦臣尙爲釋謀，今主上英明，朝廷未有過失，而狂賊敢爾無狀，寧謂國無人乎。然轉禍爲福，此其時也。莫若上聞起裴中丞爲相，令主兵柄，大索賊黨，窮其姦源，後數日，度果爲相而下詔行誅，時孟容議論人物，有大臣風采。由太常卿爲尚書左丞，奉詔宣慰汴宋，陳許，河陽，行營諸軍，俄拜東都留守。元和十三年四月卒。年七十六。贈太子少保。諡曰憲。孟容方勁，富有文學，其折衷禮法，考詳訓典，甚堅正，論者稱焉。而又好推轂樂善拔士，士多歸之。

呂元膺字景夫，鄆州東平人。曾祖紹宗，右拾遺，祖需，殿中侍御史。父長卿，右衛倉曹參軍。以元膺贈秘書監。元膺質度瓌偉，有公侯之器。建中初，策賢良，對問第，授同州安邑尉。同州刺史侯鏞聞其名，辟爲長春宮判官，屬蒲賊侵軼，鏞失所。元膺遂潛跡不務進取。貞元初，論惟明節制渭北，延在賓席，自是名達於朝廷。惟明卒，王栖曜代領其鎮，德宗俾栖曜留署使職，咨以軍政，累轉殿中侍御史，徵入，真拜本官，轉侍御史。丁繼母憂，服闋，除右司員外郎。出爲蘄州刺史。頗著恩信，嘗歲終闕郡獄囚，囚有自告者，曰：某有父母在，明日元正，不得相見，因泣下。元膺憫焉，盡脫其械，縱之。與爲期，守吏曰：賊不可縱。元膺曰：吾以忠信待之，及期無後到者。由是羣盜感義，相引而去。元和初，徵拜右司郎中，兼侍御史，知雜事。遷諫議大夫，給事中，規諫較議，大舉其職。及鎮州王承宗之叛，憲宗將

以吐突承璀爲招討處置使。元膺與給事中穆質、孟簡、兵部侍郎許孟容等八人抗論不可。且曰：承璀雖貴，寵然內臣也。若爲帥總兵，恐不爲諸將所伏，指論明切。憲宗納之，爲改使號，然猶專戎柄，無功而還。出爲同州刺史。及中謝，上問時政得失。元膺論奏，辭氣激切。上嘉之，翌日謂宰相曰：元膺有諫言直氣，宜留在左右，使言得失，卿等以爲何如。李藩裴均贊曰：陛下納諫，超冠百王，乃宗社無疆之休。臣等不能廣求端士，又不能數進忠言，孤負聖心，合當罪戾，請留元膺給事左右。尋兼皇太子侍讀，賜以金紫。尋拜御史中丞。未幾，除鄂岳觀察使。入爲尚書左丞，度支使潘孟陽與太府卿王遂迭相奏論，孟陽除散騎常侍，遂爲鄧州刺史，皆假以美詞。元膺封還詔書，請明示枉直。江西觀察使裴堪奏度州刺史李將順賊狀，朝廷不覆按，遽貶將順道州司戶。元膺曰：廉使奏刺史賊罪，不覆檢即謫去，縱堪之詞足信，亦不可爲天下法。又封詔書，請發御史按問。宰臣不能奪，代權德輿爲東都留守，檢校工部尚書，兼御史大夫，都畿防禦使。舊例留守賜旗甲，與方鎮同。及元膺受任，不賜朝論，以淮西用兵，特用元膺守洛，不宜削其儀制，以沮威望。諫官論列，援華汝壽三州例。上曰：此數處並宜不賜留守，不賜旗甲。自元膺始。十年七月，鄆州李師道留邸伏甲謀亂，初師道於東都置邸院，兵謀雜以往來，吏不敢辨。因吳元濟北犯，郊畿多警，防禦兵盡戍伊闕，師道伏甲百餘於邸院，將焚宮室而肆殺掠。已烹牛饗衆，明日將出會小將李再興告變。元膺遣兵伊闕圍之。半月無敢進攻者。防禦判官王茂元殺一人而後進，或有毀其墻而入者，賊衆突出，圍兵奔駭，賊乃圍結，以其孥僧行，出長夏門，轉掠郊野，奪牛馬，東濟伊水，望山而去。元膺誠境上兵重，購以捕之。數月，有山棚賣鹿於市，賊過山棚，乃召集其黨，引官兵圍於谷中，盡獲之。窮理其魁，乃中岳寺僧圓淨。年八十餘，嘗爲史思明將，僥倖過人，初執之，使折其脛，鎚之，不折。圓淨罵曰：脚猶不解折，乃稱健兒乎。自置其足，教折之。臨刑數曰：誤我事，不得使洛城流血，死者凡數十人。留守防禦將二人，都亭驛卒五人，甘水驛卒三人，皆潛受其職，署而爲之耳目。自始謀及將敗，無知者。初師道多買田於伊闕陸渾之間，凡十餘處，故以舍山棚而衣食之。有警嘉珍，門察者，潛部分之。

以屬園淨以師道錢千萬爲理佛寺期以嘉珍竊發時舉火於山中集二縣山棚人作亂及窮按之嘉珍門察皆稱害武元衡者元膺以聞送之上都賞告變人楊進李再與錦絲三百匹宅一區授之即將元膺因請募山河子弟以衛宮城從之盜發之日都城震恐留守兵寡弱不可倚而元膺坐皇城門指使部分氣意自若以故居人帖然數年改河中尹充河中節度等使時方鎮多事姑息元膺獨以堅正自處監軍使往來中貴無不敬憚入拜吏部侍郎因疾固讓改太子賓客元和十五年二月卒年七十二贈吏部尚書元膺學識深遠處事得體正色立朝有台輔之望初遊京師時故相齊映謂人曰吾不及識婁郝始斯人之類乎其業官行已始終無缺云

劉栖楚出於寒微爲吏鎮州王承宗甚奇之後有薦於李逢吉自鄧據擢爲拾遺性果敢逢吉以爲鷹犬之用欲中傷裴度及殺李紳敬宗即位改遊稍多坐朝常晚栖楚出班以額叩龍墀出血苦諫曰臣歷觀前王嗣位之初莫不躬勤庶政坐以待旦陛下即位已來放情嗜癢樂色志憂安臥宮闈日晏方起西宮密邇未過山陵鼓吹之聲日喧於外伏以憲宗皇帝大行皇帝皆是長君恪勤庶政四方猶有叛亂陛下運當少主即位未幾惡德布聞臣慮福祚之不長也臣忝諫官致陛下有此請碎首以謝遂以額叩龍墀久之不已宰臣李逢吉出位宣曰劉栖楚休叩頭候詔旨栖楚捧首而起因更陳論搯頭見血上爲之動容以袖連揮令出栖楚又云不可臣奏臣即碎首死中書侍郎牛僧孺復宣示而出敬宗爲之動容無何遷起居郎至諫議俄又宣授刑部侍郎丞即宣授未之有也改京兆尹摧抑豪右甚有鈎距人多比之於西漢趙廣漢者後恃權寵常以詞氣凌宰相章處厚遂出爲桂州觀察使逾年卒於任時太和元年九月張宿者布衣諸生也憲宗爲廣陵王時因軍使張茂宗薦達出入邸第及上在東宮宿時入謁辯誦敢言宿監撫之際驟承顧擢授左拾遺以舊恩數召對禁中機事不密貶郴州郴縣丞十餘年徵入歷贊善大夫左補闕比部員外郎宰相李逢吉惡之數於上前言其校誦不可保信乃用爲濠州刺史制下宿自理乞留乃追制上欲以爲諫議大夫逢吉奏曰諫議職重當以能可否朝政者爲

之宿細人不足以及賢者位陛下必須用宿請先去臣即可上不悅又逢吉與裴度是非不同上方委度討伐乃出逢吉爲劍南東川節度乃用宿權知諫議大夫俄而內使宣授初宰相崔羣王涯奏曰諫議大夫前時亦有拔自山林起於卒伍者其例則少用皆有由或道義彰明不求聞達或山林卓異出於羣萃以此選求是愜公議或事迹未著恩由一時雖有例超升即時議未允宿本非文辭入用望實稍驟加不次之榮驟恐以身爲累臣等所以累有論諫依資且與郎中事冀適中非於此人情有厚薄請授職方郎中上命如初羣等乃請權知尋又宣授宿怨執政擢己頗加譏毀依附皇甫鎛等傷害清正之士陰事中以圖進取十三年正月充淄青宣慰使至東都暴病卒於是正人相賀詔贈祕書監

熊望者登進士第粗有文詞而性險險有口辯往往得遊公卿間率以大言詭意指挾時政既由此而得進士第務進不已而京兆尹劉栖楚以不次驟居清貫廣樹朋黨門庭無晝夜填委不息望出入栖楚之門爲伺密機陰佐計畫人無知者昭啓嬉遊之際學爲歌詩以翰林學士崇重不可褻狎乃議別置東頭學士以備曲宴賦詩令探卑官才堪任學士者爲之栖楚以望名薦送事未行而昭啓崩文宗即位韋處厚輔政大去姦黨既逐栖楚又詔曰孔門高懸百行由至順者其身必榮朝廷廣設衆官踐正途者其道必達前擢貢進士熊望因緣薄伎偷冀幸營居中之密職擾惑朝經鼓偪下之響聲因依邪隙及衆議波湧累月不寧司門驗繻累月至四考覆謬妄乃非坦途朕大啓康莊以端羣望俾示投荒之典用正向方之流可漳州司戶

柏者將軍良器之子素負志略學縱橫家流會王承宗以常山叛朝廷厭兵欲以恩澤撫之著於蔡州行營以畫千裴度請以朝旨奉使鎮州乃自處士授左拾遺既見承宗以大義陳說承宗泣下請質二男獻兩郡由是知名元和十年王承宗歸國移鎮滑州朝廷賜成德軍賞錢一百萬貫令諫議大夫鄭覃宣慰軍人賞錢未至浩浩然騰口穆宗詔著往諭旨者至令承宗集三軍宣導上旨衆心乃安轉兵部郎中太和初遷諫議大夫俄而李同捷叛兩河藩帥加兵

滄德宿師於野連年同捷窮蹙求降者既宣諭訖與節度使李祐謀者乃帥數百騎入滄州取同捷赴京滄德平諸將害者邀功爭上表論列文宗不獲已貶循州司戶判官沈亞之貶虔州南康尉內官馬國亮又奏者於同捷處取婢九人再命長流愛州尋賜死

史臣曰人臣事君犯顏匡政不避死亡之誅議者以爲徇名臣惡其許也如許京兆之勅軍吏呂尙書之封詔書詞義可觀聳動人聽以爲活激傷善何多而栖楚張宿之徒鷹犬下材爲人鳴吠誠可醜也柏耆特縱橫之算欲俯拾卿相忘身蹈利旋踵而誅宜哉巢父使不辱命志在致君遭罹喪亂竟陷虎吻而幾戡諸子世載忠貞大中之後鬱爲昌族爲善之利豈虛言哉

贊曰君子重義小人殉利巢殞者誅其道卽異許呂封駁照耀黃扉死而可作吾誰與歸

舊唐書卷一百五十四

後晉司空同中書門下平章事劉昫撰

列傳第一百五

穆寧

子贊質員外

崔郾弟鄴

寶羣兄常牟弟羣

李遜

弟建

薛戎弟放

穆寧懷州河內人也父元休以文學著撰洪範外傳十篇開元中獻之玄宗賜帛授儀師縣丞安陽令寧清慎剛正重交遊以氣節自任少以明經調授鹽山尉是時安祿山始叛僞署劉道玄為景城守寧唱義起兵斬道玄首傳檄郡邑多有應者賊將史思明來寇郡寧以攝東光令將兵禦之思明遣使說誘寧立斬之郡懼賊怨深後大兵至奪寧兵及攝縣初寧佐採訪使巡按常過平原與太守顏真卿密揣祿山必叛至是真卿亦唱義舉郡兵以拒祿山會間使持書訪支使寧以長子屬母弟曰惟爾所適苟不之嗣吾無累矣因往平原謂真卿曰先人有嗣矣古所謂死有輕於鴻毛者寧是也願佐公以定危難真卿深然之其後軍計或不行真卿追感棄郡夜渡河而南見肅宗於鳳翔帝問拒賊之狀真卿曰臣不用穆寧之言功業不成帝奇之發驛召寧將以右職待之會真卿以抗直失旨事遂止上元二年累官至殿中侍御史佐鹽鐵轉運使副元帥李光弼以餉運不繼或惡寧者誣譖於光弼光弼揚言欲殺寧寧直抵徐州見光弼喻以大義不為撓折光弼深重之寧得行其職寶應初轉侍御史為河南轉運租庸鹽鐵等副使明年遷戶部員外郎無幾加兼御史中丞為河南江南轉運使廣德初加庫部郎中是時河運不通漕輒由漢沔自商山達京師選鎮夏口者詔以寧為鄂州刺史鄂岳沔河都團練使及淮西鄂岳租庸鹽鐵沿江轉運使賜金紫時淮西節度使李忠臣貪暴不奉法設防戍以稅商賈又縱兵士勦劫行人殆絕與寧夾淮為理憚寧威名寇盜輒止沔州別駕薛彥倬坐事忤旨寧杖之致死寧坐貶虔州司馬重貶昭州平集尉大曆四年起授監察御史領轉運留後事於淄青間一年改檢校司封郎中兼侍御史領轉運留後事於

江西明年拜檢校秘書少監兼和州刺史理有善政居無何官罷代軍者以天寶版籍校見戶誣以逃亡多坐貶泉州司戶寧子贊守闕三年告冤詔遣御史按覆而人戶增倍詔書召寧除右諭德寧強毅不能事權貴執政者以為不附己且憚其難制故處之散位寧默默不得志且曰時不我容我不時殉則非吾之進也在於退乎辭病居家請告幾十旬者數矣親友強之復一朝請上居奉天寧詣行在拜秘書少監與元初改右庶子德宗還京師寧曰可以行吾志矣因移病罷歸東都貞元六年就拜秘書監致仕寧好學善教諸子家道以嚴稱事寡姊以悌聞通達體命未嘗服藥每誠諸子曰吾聞君子之事親養志為大直道而已慎無為詔吾之志也貞元十年十月卒時年七十九子贊質員外贊字相明釋褐為濟源主簿時父寧為和州刺史以剛直不屈於廉使遂被誣奏貶泉州司戶參軍贊奔赴闕庭號泣上訴詔御史覆問寧方得雪詔曰令子申父之冤憲臣奉君之命楚劍不衝於牛斗秦臺自洗於塵埃由是知名累遷京兆兵曹參軍殿中侍御史轉侍御史分司東都時陝州觀察使盧岳妻裴氏以有子岳妻分財不及訴於官贊鞠其事御史中丞盧召佐之令深繩裴罪贊持平不許宰臣贊與召等參召俱持權怒贊以小事不受指使遂下贊獄侍御史杜倫希其意誣贊受裴之金鞭其使以成其獄其急贊第賞馳詣闕揭登聞鼓詔三司使覆理無驗出為郴州刺史參政徵拜刑部郎中因父對德宗嘉其才擢為御史中丞時裴延齡判度支以姦巧承恩屬吏有贓犯贊鞠理承伏延齡請曲法出之贊三執不許以款狀聞延齡誣贊不平貶饒州別駕丁母憂再轉虔常二州刺史憲宗即位拜宣州刺史御史中丞充宣歙觀察使所莅皆有政聲永貞元年十一月卒時年五十八贈工部尚書贊與弟質員外以家行人材為搢紳所仰贊官達父母尚無恙家法清嚴贊兄弟奉指使答責如僮僕贊最孝謹質強直應制策入第三等其所條對至今傳之自補闕至給事中時政得失未嘗不先論諫元和初掌賦使院多擅禁繫戶人而有答掠至死者質乃論奏鹽鐵轉運司應決私鹽繫囚須與州府長史監決自是刑名畫一憲宗以王承宗叛用內官吐突承璀為招討使質率同列伏閣論奏言自古無以中

官為將帥者上雖改其名心頗不悅尋改質為太子左庶子五年坐與楊憑等出為開州刺史未幾卒員工文辭尚節義杜亞為東都留守辟為從事檢校員外郎早卒有文集十卷質兄弟俱有令譽而和粹世以滋味目之質俗而有格為酪質美而多入為酥員為醍醐質為乳腐近代士大夫言家法者以穆氏為高

崔邠字處仁清河武城人祖結父倓官卑邠少舉進士又登賢良方正科貞元中授渭南尉遷拾遺補闕常疏論裴延齡為時所知以兵部員外郎知制誥至中書舍人凡七年又權知吏部選事明年為禮部侍郎轉吏部侍郎賜以金紫邠溫裕沉密尤敦清儉上亦器重之裴均將引為相病難於承答事竟寢兄弟同時奉朝請者四人邠以孝敬睦聞後改太常卿知吏部尚書銓事故事太常卿初上大開四部樂於署觀者縱焉邠自私第去帽親導母輿公卿逢者迴騎避之衢路以為榮居母憂歲餘卒元和十年二月也時年六十二贈吏部尚書諡曰文簡第鄭鄆鄆等六人子璿璿子彥融皆登進士第歷位臺閣鄆少有文學舉進士元和中歷監察御史太和元年十月自太子詹事拜左金吾衛大將軍鄆昆弟六人任官皆至三品邠鄆鄆三人知貢舉掌銓銜冠族聞望為時名德鄆太和九年冬為左金吾大將軍無病暴亡不旬日有訓注之亂其亂始自金吾君子乃知鄆之亡崔氏積善之徵也贈禮部尚書子璿鄆字廣略舉進士平判入等授集賢殿校書郎三命升朝為監察御史刑部員外郎姿質秀偉神情重雅人望而愛之終不可捨不知者以為事高簡拘靜默耳居內憂釋服為吏部員外姦吏不敢欺孤寡無援者未嘗留滯銓敘之美為時所稱再遷左司郎中元和十三年鄭餘慶為禮儀詳定使選時有禮學者共事以鄆為詳定判官吏部郎中十五年遷諫議大夫穆宗即位荒於禽酒坐朝常晚鄆與同列鄭覃等延英切諫穆宗甚嘉之改遷稍簡長慶中轉給事中昭愍即位遷侍講學士轉中書舍人入思政殿謝恩奏曰陛下用臣為侍講半歲有餘未嘗聞臣經義今蒙轉改實慚尸素有愧厚恩帝曰朕機務稍閑即當請益高鉞曰陛下意雖樂善既未延接儒生天下之人寧知重道帝深引咎賜之錦綵鄆退與

同列高重抄撮六經嘉言要道區分事類凡十卷名曰諸經纂要冀人主易於省覽上嘉之賜錦綵二百匹銀器等其年轉禮部侍郎東都試舉人凡兩歲掌貢士平心閱試賞拔藝能所擢者無非名士至大中咸通之代為輔相名卿者十數人出為陝州觀察使舊弊有上供不足奪吏俸以益之歲八十萬鄆以廉使常用之直代之居二年政績聞於朝遷鄂岳安黃等州觀察使又五年移浙西道都團練觀察使至用寬政安疲人及居鄂渚則峻法嚴刑未嘗賈一死罪江湖之間崔蒲是叢因造蒙衝小艦上下千里朞月而盡獲羣盜凡三按廉車率由清簡少事財用有餘人遂寧泰開成元年卒年六十九贈吏部尚書諡曰德鄆與兄邠弟鄭等皆有令譽而鄆疎財恢廓昆仲所不及子璿璿璿璿璿璿拜禮部侍郎出為浙西觀察使又遷鄂州刺史鄂岳觀察使終於位璿璿璿璿璿至郎署給諫瑾大中十年登進士第累居使府歷尚書郎知制誥咸通十二年知貢舉選拔頗為得人尋拜禮部侍郎出為湖南觀察使鄆登進士第累遷監察御史三遷考功郎中太和三年以本官充翰林學士轉中書舍人六年罷學士八年為工部侍郎集賢殿學士權知禮部真拜兵部侍郎本官判吏部東銓事文宗勤於政道每苦選曹訛弊延英謂宰臣曰吏部殊不選才安得撫實無濫可釐革否李石對曰令錄可以商量他官且宜循舊上曰循舊如配官耳賢不肖安能甄別帝召三銓謂之曰卿等比選令錄如何注擬鄆對曰資敘相當問其為治之術視可否而擬之帝曰依資合得而才劣者何授對曰與邊遠慢官帝曰如以不肖之才治邊民則疾苦可知也凡朝廷求理遠近皆須得人苟非其才人受其弊矣尋拜吏部侍郎開成二年出為宣州刺史兼御史中丞宣欽觀察使四年入為太常卿七月以本官同中書門下平章事尋加中書侍郎銀青光祿大夫會昌初李德裕用事與鄆弟兄素善鄆在相位累年歷方鎮太子師保卒

資羣字丹列扶風平陵人祖重同昌郡司馬父叔向以工詩稱代宗朝官至左拾遺羣兄常年第輩皆登進士第唯羣獨為處士隱居毗陵以節操聞及母卒

嚙一指置棺中。因廬墓次終喪。後學春秋於咳助之。門人盧庇者。著書三十四卷。號史記名臣疏。貞元中。蘇州刺史。夏卿以丘園茂異。薦兼獻其書。不報。及夏卿入爲吏部侍郎。改京兆尹。中謝曰。因對復薦羣。徵拜左拾遺。遷侍御史。充入蕃使。秘書監張薦判官。羣因入對。奏曰。陛下即位二十年。始自草澤擢臣爲拾遺。是難其進也。今陛下以二十年難進之臣。用爲和蕃判官。一何易也。德宗異其言。留之。復爲侍御史。王叔文之黨。柳宗元。劉禹錫。皆慢羣。羣不附之。其黨議欲貶羣官。羣執誼止之。羣嘗謁王叔文。叔文命撒榻而進。羣揖之曰。夫事有不可知者。叔文曰。如何。羣曰。去年李實伐恩恃貴。傾動一時。此時公遠巡路旁。乃江南一吏耳。今公已處實形勢。又安得不慮路旁有公者乎。叔文雖異其言。竟不之用。憲宗即位。轉膳部員外。兼侍御史。知雜。出爲唐州刺史。節度使于頔素聞其名。既謁見。羣危言激切。頔甚悅。奏留充山南東道節度副使。檢校兵部郎中。兼御史中丞。賜紫金魚袋。宰相武元衡。李吉甫。皆愛重之。召入爲吏部郎中。元衡輔政。舉羣代己。爲中丞。羣奏刑部郎中呂溫。羊士諤。爲御史。吉甫以羊呂險躁。持之數日不下。羣等怒。怨吉甫。三年八月。吉甫罷。相出鎮淮南。羣等欲因失恩傾之。吉甫嘗召術士陳登。宿于安邑里第。翌日。羣令吏捕登。考劾僞構。吉甫陰事。密以上聞。帝召登面訊之。立辯其僞。憲宗怒。將誅羣等。吉甫救之。出爲湖南觀察使。數日。改黔州刺史。黔州觀察使。在黔中。屬大水壞其城郭。復築其城。徵督谿洞諸蠻。程作頗急。於是辰錦生蠻。乘隙作亂。羣討之。不能定。六年九月。貶開州刺史。在郡二年。改容州刺史。容管經略觀察使。九年。詔還朝。至衡州。病卒。時年五十。羣性狠戾。頗復恩讎。臨事不顧生死。是時徵入。云欲大用人。皆懼駭。聞其卒。方安。二子謙餘。審餘。兄常。字中行。大曆十四年。登進士第。居廣陵之柳楊結廬種樹。不求苟進。以講學著書爲事。凡二十年不出。貞元十四年。鎮州節度使王武俊。聞其賢。遣人致聘。辟爲掌書記。不就。其年杜佑鎮淮南。奏授校書郎。爲節度參謀。元和六年。自湖南判官入爲侍御史。轉水部員外郎。出爲朗州刺史。歷固陵。潯陽。臨川三郡守。入爲國子祭酒。求致仕。寶曆元年卒。時年七十。子弘餘。會昌中。爲黃州刺史。字貽周。貞元二年。登進士第。試祕書省。

校書郎。東都留守。巡官。歷河陽。昭義。從事。檢校水部郎中。賜緋。再爲留守判官。入爲都官郎中。出爲澤州刺史。入爲國子祭酒。長慶二年卒。時年七十四。子周餘。大中年。祕書監。羊弟庠。字胃卿。釋褐。國子主簿。吏部侍郎。韓皋。出鎮武昌。辟爲推官。舉移鎮浙西。奏庠爲節度副使。殿中侍御史。遷澤州刺史。又爲宣歙副使。除奉天令。登州刺史。東都留守判官。歷信安。二州刺史。卒。年六十三。子繇。載鞏。字友封。元和二年。登進士第。袁滋鎮滑州。辟爲從事。滋改荆襄二鎮。皆從之。鞏管記之任。平盧薛平。又辟爲副使。入朝。拜侍御史。歷司勳員外。刑部郎中。元稹觀察浙東。奏爲副使。檢校祕書少監。兼御史中丞。賜金紫。移移鎮武昌。鞏又從之。鞏能五言詩。昆仲之間。與牟詩俱爲時所貴重。性溫雅。多不能持論。士友言議之際。吻動而不發。白居易等目爲囁嚅翁。終于鄂渚。時年六十。子六人。景餘。師裕。最知名。

李遜。字友道。後魏申公發之後。於趙郡。謂之申公房。曾祖進德。太子中允。祖珍。玉昌。明父。震。雅州別駕。世寓於荊州之石首。遜登進士第。辟襄陽掌書記。復從事於湖南。主其留務。頗有聲績。累拜池濠二州刺史。先是濠州之都將楊騰。削刻士卒。州兵三千人。謀殺騰。騰覺之。走揚州。家屬皆死。濠兵不自戢。因行攘。及遜至郡。餘亂未殄。徐驅其間。爲陳逆順利害之勢。衆皆釋甲請罪。因以寧息。觀察使旨限外徵役。皆不從。入拜虞部郎中。元和初。出爲衢州刺史。以政績殊尤。遷越州刺史。兼御史大夫。浙東都團練觀察使。先是貞元初。皇甫政鎮浙東。嘗福建兵亂。逐觀察使吳誅。政以所鎮實。堅閩境。請權益兵三千。俟賊平而罷。賊平向三十年。而所益兵仍舊。遜視事數日。舉奏停之。遜爲政以均一貧富。扶弱抑強。爲己任。故所至稱理。九年。入爲給事中。遜以舊制。隻日視事。對羣臣。遜奏論曰。事君之義。有犯無隱。陳誠啓沃。不必擇辰。今羣臣敷奏。乃候隻日。是畢歲。臣下親天顏。獻可否。能幾何。憲宗嘉之。乃許不擇時。奏對。俄遷戶部侍郎。元和十年。拜襄州刺史。充山南東道節度觀察等使。襄陽前領八郡。唐鄧隋在焉。是時方討吳元濟。朝議以唐蔡鄴接。遂以鄧隸。唐州三郡。別爲節制。命高霞寓領之。事倭攻討。遜以五州賦餉之時。遜代嚴。綬鎮襄陽。綬以八州兵討賊在。

唐州既而綬以無功罷兵柄命高霞寓代綬將兵於唐州其襄陽軍隸于霞寓軍士家口在襄州者遂厚撫之士卒多捨霞寓歸既而霞寓為賊所敗乃移過于遂言供饋不時霞寓本出禁軍內官皆佐之既貶官中人皆言遂撓霞寓軍所以致敗上令中使至襄州聽察曲直奏言遂不直乃左授太子賓客分司又降為恩王傅十三年李師道劾順命遂為左散騎常侍馳赴東平論之師道得詔意動即請劾順旋為其所惑而止遂還未幾除京兆尹改國子祭酒十四年拜許州刺史充忠武節度陳許潁蔡等州觀察處置等使是時新羅兵戰難遽完緝及遂至集大軍與之約束嚴具賞罰必信號令數百言士皆感悅長慶元年幽鎮繼亂遂請身先討賊不許但命以兵一萬會于行營遂奉詔即日發兵故先諸軍而至由是進位檢校吏部尚書尋改鳳翔節度使行至京師以疾陳乞改刑部尚書長慶三年正月卒年六十三廢朝一日贈右僕射遂幼孤寓居江陵與其弟建皆安貧苦易衣併食講習不倦遂兄造知二弟賢日為營巧成其志業建先遂一年卒兄弟同致休顯士君子多之諡曰恭肅建早卒建字杓直家素清貧無舊業與兄造遂於荆南躬耕致養嗜學力文舉進士選授秘書省校書郎德宗聞其名用為右拾遺翰林學士元和六年坐事罷職降詹事府司直高郢為御史大夫奏為殿中侍御史遷兵部郎中知制誥自以草詔思遲不願司文翰改京兆尹與宰相韋貫之友善貫之罷相建亦出為澧州刺史徵拜太常少卿尋以本官知禮部貢舉建取捨非其人又惑於請託故其年選士不精坐罰俸料明年除禮部侍郎竟以人情不洽改為刑部建名位雖顯以廉儉自處家不理垣屋士友推之長慶二年二月卒贈工部尚書三子訥恪朴訥最知名官至華州刺史檢校尚書右僕射

薛戎字元夫河中寶鼎人少有學術不求聞達居於毗陵之陽羨山年餘四十年不易其操江西觀察使李衡辟為從事使者三返方應故相齊映代衡又留署職府罷歸山福建觀察使柳冕表為從事累月轉殿中侍御史會泉州闕刺史冕署戎權領州事是時姚南仲節制鄭滑從事馬摠以其道直為監軍使誣奏貶泉州別駕冕附會權勢欲構成摠罪使戎按問曲成之戎以摠無辜不從冕

意別白其狀戎還自泉州冕感氣據衙而見賓客戎遂歷東廂從容而入冕度勢未可屈徐起以見一揖而退又構其罪以狀聞置戎于佛寺環以武夫恣其侵辱如是累月誘令成摠之罪摠心如一竟不動搖杜佑鎮淮南知戎之冤乃上其表發書論冕戎難方解遂辭職寓居於江湖間後閩濟美為福建觀察使備聞其事奏充副使又隨濟美移鎮浙東改侍御史入拜刑部員外郎出為河南令累改衡湖常三州刺史遷浙東觀察使所莅皆以政績聞居數歲以疾辭官長慶元年十月卒贈左散騎常侍戎檢身處約不務虛名俸入之餘散於宗族身歿之後人無讎焉兄弟五人季弟放最知名放登進士第性端厚寡言於是非不甚繫意累佐藩府莅事幹敏官至試大理評事擢拜右拾遺轉補闕歷水部兵部二員外遷兵部郎中遇憲宗以儲皇好書求端士輔導經義選充皇太子侍讀及穆宗嗣位未聽政間放多在左右密參機命穆宗常謂放曰小子初承大寶懼不克荷先生宜為相以匡不逮放叩頭曰臣賢庸淺獲侍冕旒固不足很塵大位輔弼之任自有賢能其言無矯飾皆此類也穆宗深嘉其誠因召對思政殿賜以金紫之服轉工部侍郎集賢學士雖任非峻切而恩顧轉隆轉刑部侍郎職如故穆宗常謂侍臣曰朕欲習學經史何先放對曰經者先聖之至言仲尼之所發明皆天人之極致誠萬代不刊之典也史記前代成敗得失之迹亦足鑒其興亡然得失相參是非無準的固不可為經典比也帝曰六經所尚不一志學之士白首不能盡通如何得其要對曰論語者六經之菁華孝經者人倫之本窮理執要真可謂聖人至言是以漢朝論語首列學官光武令虎賁之士皆習孝經玄宗親為孝經注解使當時大理四海又寧蓋人知孝慈氣感和樂之所致也上曰聖人以孝為至德要道其信然乎轉兵部侍郎禮部尚書判院事放閨門之內尤推孝睦孤孀百口家貧每不給贍常苦德薄放因召對懇求外任其時偶以節制無闕乃授以廉問及鎮江西惟用清潔為理一方之人至今思之寶曆元年卒於江西觀察使廢朝一日

史臣曰穆祕監之剛正不奪如寒松倚巖千丈勁節而寶容州之敢決如鷲為逐雀英氣動人巖穴之流罕能及此然矯激過當君子不為如塌如蘆不通不

介士行之矣。崔氏諸子有焉。建邕之貞方。戎放之道義。元和已來。稱爲令族。宜哉。

贊曰。穆之贊質。實之常羣。迹參時傑。氣爽人文。二李英英。四崔濟濟。薛氏三門。難兄難弟。

舊唐書卷一百五十五

舊唐書卷一百五十五考證

寶羣傳扶風平陵人。○沈炳震曰。新書。京兆金戍人。案扶風無平陵。金城本始平。疑爲始平。然不屬扶風。

舊唐書卷一百五十五考證

後晉司空同中書門下平章事劉昫撰

列傳第一百六

于頔

韓弘子公武弘弟充李質附王智與子晏平晏宰

于頔字允元河南人也周太師燕文公謹之後也始以蔭補千牛調授華陰尉黜陟使劉灣辟為判官又以櫟陽主簿攝監察御史充入蕃使判官再遷司門員外郎兼侍御史賜紫充入西蕃計會使將命稱旨時論以為有出疆專對之能歷長安縣令駕部郎中出為湖州刺史因行縣至長城方山其下有水曰西湖南朝疏鑿溉田三千頃久堙廢頔命設堤塘以復之歲獲稅稻蒲魚之利人賴以濟州境陸地褊狹其送終者往往不掩其棺槨頔葬朽骨凡十餘所改蘇州刺史濬溝瀆整街衢至今賴之吳俗事鬼頔疾其淫祀廢生業神宇皆撤去唯吳太伯伍員等二數廟存焉雖為政有績然橫暴已甚追憾湖州舊尉封杖以計強決之觀察使王緯奏其事德宗不省及後頔累遷乃與緯書曰一蒙惡奏三度改官由大理卿遷陝院觀察使自以為得志益恣威虐官吏日加科罰共備恐重足一跡揀姚峴不勝其虐與其弟汎舟于河遂自投而死貞元十四年為襄州刺史充山南東道節度觀察地與蔡州鄰吳少誠之叛頔率兵赴唐州收吳房朗山縣又破賊於濯神溝於是廣軍籍募戰士器甲犀利間然專有漢南之地小失意者皆以軍法從事因請升襄州為大都督府府比鄆魏時德宗方姑息方鎮聞頔事狀亦無可奈何但允順而已頔奏請無不從於是公然聚斂恣意虐殺專以凌上威下為務鄧州刺史元洪頔誣以賊罪奏聞朝旨不得已為流端州命中使監焉至隋州襄陽縣頔命部將領士卒數百人劫洪至襄州拘留之中使奔歸京師德宗怒笞之數十頔又表洪其責太重復降中使景忠信宣旨慰諭遂除洪吉州長史然後洪獲赴謫所又怒判官薛正倫奏貶峽州長史及勅下頔怒已解復奏請為判官德宗皆從之正倫卒未殯頔以兵圍其宅令孽男逼娶其嫡女頔累遷至左僕射平章事燕國公俄而不奉詔旨擅擄兵據南陽朝廷幾為之盱食及憲宗即位威肅四方頔稍戒懼以第四子

季友求尚主憲宗以長女永昌公主降焉其第二子方履諷其父歸朝入覲冊拜司空平章事元和中內官梁守謙掌樞密頗招權利有梁正言者勇於射利自言與守謙盟情厚頔與之遊處正言取頔財賄言賂守謙以求出鎮久之無効敏責其貨於正言乃誘正言之僮支解棄于溷中八年春敏奴王再榮詣銀臺門告其事即日捕頔孔目官沈璧家僮十餘人於內侍獄鞠問尋出付臺獄詔御史中丞薛存誠刑部侍郎王播大理卿武少儀為三司使按問乃搜死奴於其第獲之頔率其男贊善大夫正嗣馬都尉季友素服單騎將赴闕下待罪於建福門門司不納退於街南負牆而立遣人進表閣門使以無引不受日沒方歸明日復待罪於建福門宰相喻令還第貶為恩王傅敏長流雷州錮身發遣殿中少監駙馬都尉季友追奪兩任官階令其家循省左贊善大夫正秘書丞方並傳見任孔目官沈璧決四十配流封州奴犀牛與劉幹同手殺人宜付京兆府決殺敏行至商山賜死梁正言僧鑿虛並付京兆府決殺頔其年十月改授太子賓客十年王師討淮蔡諸侯貢財助軍頔進銀七千兩金五百兩玉帶二詔不納復還之十三年頔表求致仕宰臣擬授太子少保御筆改為太子賓客其年八月卒贈太保諡曰厲其子季友從獵苑中訴於穆宗賜諡曰思右丞張正甫封勅請還本諡右補闕高鉞上疏論之曰夫諡者所以懲惡勸善激濁揚清使忠臣義士知勸亂臣賊子知懼雖竊位於當時死如惡諡者所以懲暴戾垂沮勸孔子修春秋亂臣賊子懼蓋為此也垂範如此而不能救況又隳其典法乎臣風聞此事是徐泗節度使李愬奏請李愬勸臣節將陛下寵其勳勞賜其爵祿車服第宅則可若亂朝廷典法將何以沮勸仲尼曰唯名與器不可以假人名器君之所司若以假人與之政也政亡則國家從之頔頃鎮襄漢殺戮不辜恣行兇暴移軍鄧迫脅朝廷擅留逐臣微遮天使當先朝嗣位之始貴安反側以靖四方幸免鈇鉞之誅得全腰領而驚誠宜諡之繆厲以沮兇邪豈可曲加美名以惠奸宄如此則是于頔生為奸臣死獲美諡竊恐天下有識之士謂聖朝無人有此倒置伏請速追前詔却依太常諡為厲使朝典無虧國章不濫太常博士王彥威又疏曰古之聖王立諡法者所以彰善惡

垂勸誠使一字之褒實踰絀寬一言之貶辱過朝市此有國之典禮陛下勸懲之大柄也頓頓擁節旄肆行暴虐人神共憤法令不容擅與全師僞為正樂優辱中使擅止制囚殺戮不辜誅求無度臣故定諡為厲今陛下不忍改賜為思誠出聖慈實審聖政伏以陛下自臨宸辰懋建大中聞善若驚從諫不倦況當統天立極之始所謂執法慎名之時一垂恩光大啓微倖且如頓之不法然而陛下不忍加懲臣恐今後不逞之徒如頓者衆矣死援頓例陛下何以處之是思曲於前而弊生於後若以李吉甫有賜諡之例則甫之為相也有犯上殺人之罪乎以頓況之恐非倫類如以頓常入財助國改過來觀兩使絕域可以贖論夫傷物害人刺下奉上納賄求幸尤不可長其漸焉自兩河宿兵垂七十年王師德征瘡痍未息及張茂昭以易定入覲陳權以滄景歸朝故恩禮殊尤以勸來者而于頓以文吏之職居腹心之地而倔強犯命不獲已而入朝豈茂昭之比乎縱有入財使遠之勤何以掩其惡迹伏望陛下思由義斷澤以禮成褒貶道存倖倖路絕則天下幸甚疏奏不報竟諡為思長慶中以威里勸家諸貴引用于方復至和王傳家富於財方交結遊俠務於速進元稹作相欲以其策平河朔羣盜方以策畫干稹而李逢吉之黨欲傾裴度乃令人告稹欲結刺客刺度事下法司按鞠無狀而方竟坐誅

韓弘穎川人其祖父無聞世居滑之匡城少孤依母族劉玄佐即其舅也事玄佐為州掾累奏試大理評事玄佐卒子士寧被逐弘出汴州為宋州南城將劉全諒時為都知兵馬使貞元十五年全諒卒汴軍懷玄佐之惠又以弘長厚共請為留後環監軍使請表其事朝廷亦以玄佐故許之自試大理評事檢校工部尚書汴州刺史兼御史大夫宣武軍節度副大使知節度事宋亳汴穎觀察等使時吳少誠遣人至汴密與劉全諒謀因曲環卒襲陳許會全諒卒其人在傳舍弘喜獲節鉞即斬其人以聞立出軍三千助禁軍共討少誠汴州自劉士寧之後軍益驕恣及陸長源遇害頗輕主帥其為亂魁黨數十百人弘視事數月皆知其人有部將劉鏐者兇卒之魁也弘欲大振威望一日引短兵於衙門召鏐與其黨三百數其罪盡斬之以徇血流道中弘對賓僚自笑自若自是訖

弘入朝二十餘年軍衆十萬無敢怙亂者累授檢校左右僕射司空憲宗即位加同平章事時王鏐檢校司空平章事致書于宰臣武元衡駁在王鏐之下憲宗方欲用形勢以臨淮西乃授以司徒平章事班在鏐上及用嚴綬為招討為賊所敗弘方鎮汴州當兩河賊之衝要朝廷慮其異志欲以兵柄授之而令李光顏烏重胤實當旗鼓乃授弘淮西諸軍行營都統令兵部郎中知制誥李程宣賜官告弘實不離理所唯令其子公武率師三千隸李光顏弘雖居統帥常不欲諸軍立功陰為逗撓之計每聞獻捷輒數日不怡其危國邀功如是吳元濟誅以統帥功加檢校司徒兼侍中封許國公罷行營都統十四年誅李師道收復河南二州弘大懼其年七月盡攜汴之牙枝千餘人入覲對於便殿拜舞之際以其足疾命中使掖之宴賜加等預冊徽號大禮進絹三十五萬匹紵三萬匹銀器二百七十件三上章堅辭戎務願留京師奉朝請詔曰納大忠樹嘉績為臣所以明極節錫殊寵進高秩有國所以待元臣況乎邦教誕敷王言總會百辟攸憲四方式瞻永念于懷久虛其位載揚成命僉曰休哉宣武軍節度副大使知節度事汴宋亳穎等州觀察處置等使開府儀同三司守司徒兼侍中使持節汴州諸軍事汴州刺史上柱國許國公食邑三千戶韓弘降神挺材積厚成器中蘊深閎之量外標嚴重之姿有匡國濟時之心推誠不耀有夷兇禁暴之略仗義益彰自鎮浚郊二十餘載師徒稟訓而咸肅吏士奉法而愈明俗臻和平人用庶富威聲之重隱若山崇屬者准濱濯征命統羣帥克殄殘孽惟乃有指蹤之功及齊境與妖分師進討遂梟元惡惟乃有略地之効既聞旋旆俄請執珪深陳魏闕之誠遠繼韓侯之志朝有慶就日方伸又抗表章固辭戎旅三加敦諭所守彌堅于蕃于宣諒切於注意我弼我輔難違其衷懇式遂良願載兼上司論道之榮因之以齊八政中樞之長昇之以贊萬務玄衷亦烏備于龍光不有其人孰庸斯任可守司徒兼中書令乃以吏部尚書張弘靖兼平章事代弘鎮宣武憲宗崩以弘攝冢宰十五年六月以本官兼河中尹河中晉絳節度觀察等使時弘弟充為鄭滑節度使子公武為鄆坊節度使父子兄弟皆秉節鉞人臣之寵冠絕一時二年請老乞罷戎鎮三表從之依前守

司徒中書令其年十二月病卒時年五十八贈太尉贈絹二千匹布七百端米粟千碩初弘鎮大梁二十餘載四州征賦皆爲己有未嘗上供有私錢百萬粟三百萬斛馬七千匹器械稱是專務聚財積粟峻法樹威而莊重寡言沉謀勇斷藩封如吳少誠李師道輩皆憚之詔使宣諭弘多偪待及齊蔡賊平勢屈入覲兩朝寵待加等弘竟以名位始終人臣之幸也時公武已卒弘孫紹宗嗣公武自宣武馬步都虞候將兵誅蔡賊平檢校右散騎常侍鄆州刺史鄆坊等州節度使丁所生憂起復金吾將軍仍舊職十四年父弘入朝公武乞罷節度入爲右金吾將軍既而弘出鎮河中季父充移鎮宣武公武數曰二父聯居重鎮吾以孺子當執金吾職家門之威懼不克勝堅辭宿衛改右驍衛將軍性頗恭遜不以富貴自處弘罷河中居永崇里第公武居宣陽里之北門因省父無疾暴卒贈戶部尚書充依舅劉玄佐歷河陽昭義牙將及兄弘節制宣武召歸主親兵奏授御史大夫弘頗酷法人人不自保充獨謙恭執禮未嘗懈怠繇是徧得士心然以親逼權重常不自安元和六年因獵近郊單騎歸于洛陽時朝廷方姑息弘亦憐充之無異志擢拜右金吾衛將軍十二月轉大將軍歷少府監十五年代姪公武爲鄆坊節度使檢校工部尚書長慶二年幽鎮魏復亂朝廷以王承元有冀卒數千在滑州恐封疆相接復相勸誘命充與承元更換所守檢校左僕射是歲汴州節度使李愿被二軍所逐立都將李芥爲留後朝廷以充久在汴州衆心悅附命充爲宣武節度使兼統義成之師往討芥會芥疽發腦屬兵於紀綱李質質以計誅首亂送芥歸京師充遂不戰而入大梁時陳許李光顏亦奉詔討芥軍於尉氏意欲必先收汴因大肆伴掠汴州監軍使姚文壽亦欲招許下之師充在中牟聞其謀率衆徑至城下汴人素懷充來皆踊躍相賀無復疑貳詔加檢校司空詔割潁州隸滑州充既安堵密籍部伍聞得嘗構惡者千餘人一日下令并父母妻子立出之敢逖巡境內者斬自是軍政大理汴人無不愛戴四年八月例加司徒詔未至暴疾卒時年五十五贈司徒諡曰肅充雖內外皆將家素不事豪侈常以簡約自持臨機決策動無遺憾善將者多之

李質者汴之牙將李芥既爲留後倚質爲心腹及朝廷以芥爲郡守志邀節鉞質勸諭不從會芥疽發首乃與監軍姚文壽謀斬芥傳首京師有詔以韓充鎮汴充未至質權知軍州事使衙牙兵二千人皆日給酒食物力爲之損屈充將至質曰若韓公始至頓去二千人日膳人情必大去若不除之後當無繼不可留此弊以遺吾帥遂處分傳日膳而後迎充召爲金吾將軍長慶三年四月卒王智與字匡諫懷州溫縣人也曾祖靖左武衛將軍祖瓌右金吾衛將軍父縉太子詹事智與少驍銳爲徐州衙卒事刺史李洧及李納謀叛欲害洧洧遂以徐州歸國納怒以兵攻徐徐甚急智與健行不四五日齎表京師求援德宗發朔方軍五千人隨智與赴之淄青圍解自是智與常以徐軍抗納累歷滕豐沛狄四鎮將自是二十餘年爲徐將元和中王師誅吳元濟李師道與蔡賊謀撓沮王師頻出軍侵徐徐帥李愿以所部步騎悉委智與以抗之鄆將王朝晏以兵攻沛智與擊敗之賊又令姚海率勁兵二萬圍豐攻城甚急智與復擊敗之於賊壁獲美妾智與懼軍士爭之乃曰軍中有女子安得不敗此雖無罪違軍法也卽斬之以徇累官至侍御史本軍都押衙十三年王師誅李師道智與率徐軍八千會諸道之師進擊與陳許之軍大破賊於金鄉拔魚臺俘斬萬計以功遷御史中丞賊平授沂州刺史長慶初河朔復亂徵兵進討穆宗素知智與善將遷檢校左散騎常侍兼御史大夫充武寧軍節度副使河北行營都知兵馬使初智與以徐軍三千渡河徐之勁卒皆在部下節度使崔羣慮其旋軍難制密表請追赴關授以他官事未行會赦王廷湊諸道班師智與先期入境羣頗憂疑令府僚迎勞且誡之曰兵士悉輸甲仗於外副使以十騎入城智與既首處賓僚聞之心動率歸師斬關而入殺軍中異己者十餘人然後詰衙謝羣曰此軍情也羣治裝赴關智與遣兵士授送羣家屬至桶橋遂掠鹽院緡幣及汴路進奉物商旅賞貨率十取七八遂濠州刺史侯弘度弘度棄城走朝廷以罷兵力不能加討遂授智與檢校工部尚書徐州刺史御史大夫充武寧軍節度徐泗濠觀察使自是智與務積財賄以賂權勢買其聲譽用度不足稅泗口以裒益之累加至檢校僕射司空太和初李同捷據滄德叛智與上意請躬

督士卒討賊從之乃出全軍三萬自備五月糧餉朝廷嘉之加檢校司徒同平章事兼滄德行營招撫使初同捷狂桀犯命濟之以王廷湊王師經年無功及智與拔棣州賊大懼諸軍稍務進取以智與首功加守太傅封鴈門郡王賊平入朝上賜宴麟德殿賞賜珍玩名馬進位侍中改許州刺史忠武軍節度陳許蔡等州觀察使太和七年改授河中尹河中節度晉磁隰觀察等使智與因入朝九年五月改汴州刺史宣武軍節度宋毫汴賴觀察等使開成元年七月卒年七十九贈太尉不視朝三日葬于洛陽榆林之北原四鎮將校會葬者千人智與九子晏平晏宰晏鼻晏實晏恭晏逸晏深晏斌晏輅而晏平晏宰最知名晏平幼從父征伐以討李同捷功授檢校右散騎常侍靈州大都督府長史朔方靈鹽節度丁父憂奔歸洛陽晏平居官貪黷去鎮日擅將征馬四百餘匹及兵仗七千事自衛爲憲司所糾減死長流康州以父喪未赴流所告於河北三鎮三帥上表救解請從昭雪改授撫州司馬給事中韋溫薛廷老盧弘宣封還制書改永州司戶韋溫又執不下文宗令中使宣諭方行晏宰於昆仲間最稱偉器大中後歷上黨太原節度使扞迴鶻党項屢立邊功晏畢仕至左威衛將軍

史臣曰于燕公以儒家子逢時擾攘不持士範非義非俠健者不爲末塗淪蹟固其宜矣韓王二帥乘險蹈利犯上無君豺狼噬人鶴鷗幸夜爵祿過當其可已乎謂之功臣恐多慚色

贊曰于子清狂輕犯彝章韓盧王剽專恣一方元和赫斯揮劍披攘擇肉之倫爪距摧藏

舊唐書卷一百五十六

舊唐書卷一百五十七

後晉司空同中書門下平章事劉昫撰

列傳第一百七

王翊

兄翊

李廓

子柱

辛祕

馬趨

章弘景

王彥威

王翊太原晉陽人也。兄翊。乾元中累官至京兆少尹。性謙柔。淡於聲利。自商州

刺史遷襄州刺史。山南東道節度觀察等使。入朝充北蕃宣慰使。稱職。代宗素

重之。及即位。目為純臣。遷刑部侍郎。御史中丞。居憲司。雖不能舉振綱條。然以

謹重知名。大曆二年卒。翊為侍郎時。翊自折衝授辰州刺史。遷朗州。有威望。智

術所莅立名。大曆五年。遷容州刺史。容管經略使。自安史之亂。頻詔徵發。嶺南

兵募隸。南陽魯旻軍。旻與賊戰於葉縣。大敗。餘眾離散。嶺南谿洞夷獠。乘此相

恐為亂。其首領梁崇牽。自號平南十道大都統。及其黨單問等。誘西原賊張侯

夏。承攻陷城邑。據容州。前後經略使陳仁琇。李抗。侯令儀。耿慎。或元結。長孫全

緒等。雖容州刺史皆寄理藤州。或寄梧州。及翊至藤州。言於眾曰。吾為容州刺

史。安得寄理他邑。乃出私財募將健。許奏以好爵。以是人各盡力。不數月。斬賊

魁歐陽珪。馳於廣州。見節度使李勉。求兵為援。勉曰。容州陷賊已久。羣獠方強。

卒難圖也。若務速攻。祇自敗耳。郡不可復也。翊請曰。大夫如未暇出師。但請移

牒諸州。揚言出千兵援助。冀藉聲勢。成萬一之功。勉然之。翊乃以手札告諭義

州刺史陳仁權。藤州刺史李曉庭等。同盟約討賊。翊復募三千餘人。力戰。日數

合。節度使牒止翊用兵。翊慮或將士匿其牒。奮起士卒。大破賊數萬眾。擒其帥

梁崇牽。賊遁數百里外。盡復容州。故境。翊發使以聞。奏置順州。以遏餘寇。前後

大小百餘戰。生擒賊帥上獻者七十餘人。累加銀青光祿大夫。兼御史中丞。充

招討處置使。翊又令其將張利用。李實等分兵討襲西原。遂收復鬱林諸州。部

內漸安。後因哥舒晃殺節度使呂崇實。嶺南復亂。翊遣大將李實。悉所管兵赴

援廣州。西原賊率軍。問復招合夷獠曰。容州兵馬。盡赴廣州。郡可圖也。於是眾

眾求襲翊。知其來伏兵禦之。生擒單問。其眾大敗。代宗聞而壯之。遣中使慰勞。

加金紫。光祿大夫。時西蕃入寇河中。元帥郭子儀統兵備之。乃徵翊為河中少

尹。充節度留後。領子儀之務。有悍將凌正者。橫暴擾軍政。約其徒夜謀斬關。以

逐翊。有告者。翊縮夜漏數刻。以差其期。賊驚而遁。卒誅正軍城。又安。歷汾州刺

史。京兆尹。屬發涇原兵討李希烈。軍次藍水。翊備供饋。肉敗糧。眾怒。以叛。翊

奔至奉天。加御史大夫。改將作監。從幸山南。軍駕還京。改大理卿。出為福州刺

史。福建觀察使。入為太子賓客。貞元十二年。檢校禮部尚書。代董晉為東都留

守。判尚書省事。東畿汝防禦使。凡開置二十餘屯。市勁勳。良鐵。以為兵器。簡練

士卒。軍政頗修。無何。吳少誠阻命。翊賦車籍甲。不待完結。東畿之人賴之。十八

年卒。時七十餘。贈禮部尚書。

李士美字和夫。高平金鄉人也。父純。字高卿。為李邕。張九齡等知遇。尤以詞學

見推。與顏真卿。蕭穎士。李華。皆相友善。舉進士。繼以書判制策。三中。高第。登朝

歷拾遺。補闕。員外郎。中諫議大夫。中書舍人。處事不迴。為元載所忌。魚朝恩。署

牙將。李琮為兩街功德使。琮暴橫。於銀臺門毀辱京兆尹。崔昭純。詰元載。抗論

以為國恥。請速論奏。載不從。遂以疾辭。退歸東洛。凡十年。自號伊川田父。清名

高節。稱於天下。及德宗即位。崔祐甫作相。召拜左庶子。集賢學士。到京。以年老

乞身。表三上。除太子詹事。致仕。東歸洛陽。德宗召見。屢加褒歎。賜以金紫。公卿

大夫。皆賦詩。祖送於都門。摺紳以為美談。有文集六十卷。行於世。士美少好學

善記覽。父友顏真卿。蕭穎士。輩嘗與之討論經傳。應對如流。既而相謂曰。吾曹

異日當交於二都之間矣。未冠。為陽翟丞。李抱真鎮潞州。辟為從事。雅有姿贊

之績。其後易二帥。皆詔士美佐之。由坊州刺史為黔州刺史。兼御史大夫。持節

黔中。經略招討觀察。鹽鐵等使。時溪州賊帥向子琪。連結夷獠。控據山洞。眾號

七八千。士美設奇略。討平之。詔書勞慰。加檢校右散騎常侍。封高平郡公。再遷

京兆尹。每別殿延問。必咨訪。大政出為鄂州觀察使。貞元十八年。伊慎有功。特

授安黃節度。二十年。慎來朝。其子宥。主留事。朝廷未能去。會宥母卒。於京師。利

主軍權。不時發喪。士美命從事。託以他故。過其境。宥果迎之。告以凶問。先備肩

藍。即日遣之。元和五年。拜河南尹。明年三月。檢校工部尚書。潞州大都督府長

史充昭義節度前政之曹給浮費至皆減損號令嚴肅及朝廷討王承宗士美遣兵馬使王獻領勁兵一萬為前鋒獻兇惡特亂運糧不進遽令召至數其罪斬之下令曰敢後出者斬士美親鼓之兵既合而賊軍大敗下三營環柏鄉屢以捷聞上大悅曰吾故知士美能辦吾事于時四面七八鎮兵共十餘萬以環鎮冀未有首功多犯法士美兵士勇敢畏法威聲甚振承宗大懼指期有破土之勢會詔班師至今兩河間稱之十二年以疾徵為工部尚書稍間拜忠武節度使檢校刑部尚書至鎮踰月獲疾元和十四年九月卒年六十四贈尚書左僕射諡曰景士美善與人交然諾之際豁如也當時名稱翕然

李鄴字建侯江夏人北海太守邕之姪孫父暄官至起居舍人鄴大曆中舉進士又以書判高等授秘書正字為李懷光所辟累遷監察御史及懷光據蒲津叛鄴與母妻陷賊中恐禍及親因為白懷光曰兄病在洛請母往視之懷光許焉且戒妻子無得從鄴皆遣行後懷光知責之對曰鄴名隸軍籍不得隨侍老母奈何不使婦隨姑行也懷光無以罪之時與故相高郢同在賊廷乃密奏賊軍虛實及攻取之勢德宗賜手詔以勞之後事泄懷光嚴兵召鄴與鄴詰責鄴詞激氣壯三軍義之懷光不敢殺囚之獄中懷光死馬燧就獄致禮表為河東從事尋以言不行歸養洛中襄州節度使嗣曹王皋致禮延辟署從事兼殿中侍御史入為吏部員外郎徐州張建封卒其子愔為將校所迫俾領軍務詔擇臨難不懼者即其軍以諭之遂命鄴為徐州宣慰使鄴直抵其軍召將士傳朝旨陳禍福脫監軍使桎梏令復其位兇黨不敢犯及愔上表稱兵馬留後鄴以為非詔令所加不宜稱號立使削去方受其表遷吏部郎中順宗登極拜御史中丞遷京兆尹尚書右丞元和初以京師多盜復選為京兆尹擒奸禁暴威望甚著尋拜檢校禮部尚書鳳翔尹鳳翔隴右節度使是鎮承前命帥多用武將有神策行營之號初受命必詣軍修謁鄴既受命表陳其不可詔遂去神策行營字但為鳳翔隴右節度未幾遷鎮太原入為刑部尚書兼御史大夫諸道鹽鐵轉運使五年冬出為揚州大都督府長史淮南節度使鄴前在兩鎮皆以剛嚴操下遽變舊制人情不安故未幾即改去至淮南數歲就加檢校左僕射

政嚴事理府廩充積及王師征淮夷鄴寇李師道表裏相援鄴發楚壽等州二萬餘兵分壓賊境日費甚廣未嘗請於有司時憲宗以兵與國用不足命鹽鐵副使程异乘驛論江淮諸道俾助軍用鄴以境內富實乃大籍府庫一年所蓄之外咸貢於朝廷諸道以鄴為倡首悉索以獻自此王師無匱乏之憂先是吐突承璀監淮南軍貴寵莫貳鄴亦以剛嚴素著而差相敬憚未嘗稍失承璀歸遂引以為為相十二年徵拜門下侍郎同平章事鄴出入顯重素不以公輔自許年侵勢過頗安外鎮登租筮聞樂而泣下曰宰相之任非吾所長也行頗緩至京師又辭疾歸第既未朝謁亦不領政事竟以疾辭改授戶部尚書俄換檢校左僕射兼太子賓客分司東都尋以太子少傅致仕元和十五年八月卒贈太子太保諡曰肅鄴強直無私銘與楊憑穆質許孟容王仲舒友善皆任氣自負然鄴當官嚴重為吏以峻法立操所至稱理而剛決少恩鎮揚州七年令行禁止擒獍生殺一委軍吏參佐束手居人頗陷非法物議以此少之子柱官至浙東觀察使柱字礪字景望博學多通文章秀絕大中十三年一舉登進士第歸仁海鎮大梁穆仁裕鎮河陽自監察殿中相次奏為從事入為尚書水部員外郎累遷吏部郎中兼史館修撰拜翰林學士中書舍人廣明中分司洛下遇巢讓之亂逃於河橋光啟中避亂淮海有僞襲王詔命礪皆不從王鐸鎮滑臺杖策詣之鐸表薦于朝昭宗雅重之復召入翰林為學士拜戶部侍郎遷禮部尚書景福二年十月與韋昭度並命書門下平章事宣制日水部郎中知制誥劉崇魯掠其麻哭之奏云李礪奸邪挾附權倖以忝學士不合為相時宰臣崔昭緯與昭度及礪素不相協密遣崇魯沮之也乃左授太子少師礪因上十章及納諫論三篇自雪且數崇魯之惡議者重其才而鄙其訟昭宗素愛其才而急於大用至乾寧初又上第十一表乃復命為相數月與昭度同為王行瑜等所殺礪自在臺省聚書至多手不釋卷時人號曰李書樓所撰文章及注解書傳之闕疑僅百餘卷經亂悉亡王行瑜死德音昭雪贈司徒諡曰文子沈字東濟有俊才與父同日遇害詔贈禮部員外郎

辛祕隴西人少嗜學貞元年中累登五經開元禮科選授華元尉判入高等調

補長安尉高郛爲太常卿嘉其禮學授太常博士遷祠部兵部員外郎仍兼
博士山陵及郊丘二禮儀使皆署爲判官當時推其達禮元和初拜湖州刺史
未幾屬李錡命將收支郡遂令大將監守五郡蘇常杭睦四州刺史或以戰
敗或被拘執賊黨以祕儒者甚易之祕密遣衙門將丘知二勒兵數百人候賊
將動逆戰大破之知二中流矢墜馬起而復戰斬其將交其營一州遂安賊平
以功賜金紫由是僉以祕材堪將帥及太原節度范希朝領全師出討王承宗
徵祕爲河東行軍司馬委以留務尋召拜左司郎中出爲汝州刺史九年徵拜
諫議大夫改常州刺史選爲河南尹莅職修政有可稱者十二年拜檢校工部
尚書代郡士美爲潞州大都督府長史御史大夫充昭義軍節度澤潞磁洛邢
等州觀察使是時以再討王承宗澤潞壓境凋費尤甚朝議以兵革之後思能
完復者遂以命祕凡四歲府庫積錢七十萬貫餼糧器械稱是及歸道病先自
爲墓誌將歿又爲書一通命緘致几上其家發之皆送終遺儉之旨久歷重任
無豐財厚產爲時所稱元和十五年十二月卒年六十四贈左僕射諡曰昭
馬摠字會元扶風人少孤貧好學性剛直不妄交遊貞元中姚南仲鎮滑臺辟
爲從事南仲與監軍使不叶監軍誣奏南仲不法及罷免摠坐貶泉州別駕監
軍入掌樞密福建觀察使柳冕希旨欲殺摠從事穆贊輸摠贊稱無罪摠方免
死後量移恩王傳元和初遷虔州刺史四年兼御史中丞充嶺南都護本管經
略使摠敦儒學長於政術在南海累年清廉不撓夷獠服之於漢所立銅柱之
處以銅一千五百斤特鑄二柱刻書唐德以繼伏波之迹以終禮功就加金紫
八年轉桂州刺史桂管經略觀察使入爲刑部侍郎裴度宣慰淮西委爲制置
副使吳元濟誅度留摠蔡州知彰義軍留後尋檢校工部尚書蔡州刺史兼御
史大夫允淮西節度使摠以申光蔡等州久陷賊寇人不知法戒刑勸導咸令
率化奏改彰義軍曰淮西賊之偽迹一皆削盡十三年轉許州刺史中武軍節
度陳許潁等州觀察處置等使明年改華州刺史潼關防禦鎮國軍等使十四
年遷檢校刑部尚書鄆州刺史天平軍節度鄭曹濮等州觀察等使就加檢校
尚書左僕射入爲戶部尚書長慶三年卒贈右僕射摠理道素優軍政多暇公

務之餘手不釋卷所著奏議集年曆通曆子鈔等書百餘卷行於世

章弘景京兆人後周道遠公童之後祖嗣立終宣州司戶父堯終洋州興道令

弘景貞元中始舉進士爲汴州浙東從事元和三年拜左拾遺充集賢殿學士

轉左補闕尋召入翰林爲學士普潤鎮使蘇光榮爲涇原節度使弘景草麻漏

敘光榮之功罷學士改司門員外郎轉吏部員外左司郎中改吏部度支郎中

張仲方貶李吉甫諡上怒貶仲方弘景坐與仲方善出爲綿州刺史宰相李夷

簡出鎮淮南奏爲副使賜以金紫入爲京兆少尹遷給事中劉士涇以駙馬交

通邪佯穆宗用爲太僕卿弘景與給事薛存慶封還詔書論士涇曰伏以司僕

正卿位居九列在周之命伯罔其人所以惟月膺名象河稱重漢朝亦以石慶

之謹愿陳萬年之行潔皆踐斯職謂之大寮今士涇戚里常人班敘散秩以父

任將帥家富貴財聲名不在於士林行義無聞於朝野忽長卿寺有瀆官常以

親則人物未賢以勳則寵待常厚今叨顯任誠謂謬官傳曰惟名與器不可假

人蓋士涇之謂臣等職司違失實在守官其劉士涇肅除太僕卿勅未敢行下

穆宗遣宰臣宣諭弘景等固執如前宰臣不得已改衛尉少卿穆宗復遣諭弘

景曰士涇父昌有邊功士涇爲少列十餘年又尙雲安公主宜有加恩朕思賞

勞睦親之意竟行前命穆宗怒乃令弘景使安南區容宣慰時論翕然推重時

蕭俛以清直在位弘景議論常所補助遷刑部侍郎轉吏部侍郎銓綜平允權

邪憚其嚴勁不敢干以非道掌選二歲改陝統觀察使歲滿徵拜尙書左丞駁

吏部授官不當者六十人弘景素以鯁亮稱及居綢繆之地即吏望風修整會

吏部員外郎楊虞卿以公事爲下吏所訕獄未能辨詔下弘景與憲司就尙書

省詳讞虞卿多朋游人多嚮附之弘景素所不悅時已請告在筭及準詔就召

以公服來謁弘景謂之曰有勅推公虞卿失容自退轉禮部尙書充東都留守

判東都尙書省事繕完宮室至今賴之太和五年五月卒年六十六贈尙書左

僕射弘景歷官行事始終以直道自立議論操持無所阿附當時風教尤爲倚

賴自長慶已來自爲名卿

王彥威太原人世儒家少孤貧苦學尤通三禮無由自達元和中遊京師求爲

太常散吏，卿知其書生，補充檢討官。彥威於禮閣撥拾自隋已來朝廷沿革，吉凶五禮，以類區分，成三十卷獻之。號曰元和新禮。緣是知名，特授太常博士。憲宗晏駕，未定諡，淮南節度使李夷簡以憲宗功高列聖，宜特稱祖。穆宗下禮官議。彥威奏曰：據禮經，三代之制，始封之君，謂之太祖。太祖之外，又祖有功而宗有德。故夏后氏祖顓頊而宗禹，殷人祖契而宗湯，周人郊祀后稷，祖文王而宗武王。自東漢魏晉，漸違經意，沿革不一。子孫以推美為先，自始祖已下，並有建祖之制，蓋非典訓，不可法也。國朝祖宗制度，本於周禮，以景皇帝為太祖，又祖神堯而宗太宗，自高宗已降，但稱宗，謂之尊名，可為成法。不然，則太宗、道、有區夏，理致昇平。玄宗掃清內難，翊戴聖父，肅宗龍飛靈武，收復兩都，此皆應天順人，撥亂反正。至於廟號，亦但稱宗，謹按經義，祖者始也，宗者尊也。故傳曰：始封必為祖。書曰：德高可宗。故號高宗。今宜本三代之定制，去魏晉之亂法，守貞觀開元之憲章，而擬議大名，垂以為訓。大行廟號宜稱宗，制從之。故事，附廟之禮，先告於太極殿，然後奉神主赴太廟，附禮畢，不再告於太極殿。時憲宗附廟禮畢，執政詳舊典，令有司再告，附享禮畢于太極殿。彥威執議以為不可，執政怒。會宗正寺進祝版，誤以憲宗為睿宗，執政銜其強奏，祝版參差，博士之罪。彥威坐削一階。奪兩季俸。彥威殊不低迴，每議禮事，守正不阿。附君子稱之。累轉司封員外郎中。弘文館舊不置學士，文宗特置一員，以待彥威。尋使魏博宣慰，特賜金紫。五年，遷諫議大夫，朝廷自誅李師道，收復淄青十二州，未定戶籍，乃命彥威充十二州勘定兩稅使，朝法振舉，人不以為煩。以本官兼史館修撰。彥威通悉典故，宿儒碩學，皆讓之時。以僕射上事儀注，前後不定。中丞李漢奏定朝議，未以為允。中書門下奏請依元和七年已前儀注，左右僕射上日，請受諸司四品六品丞郎已下拜。彥威奏論曰：臣謹按開元禮，凡受冊官，並與卑官答拜。國朝官品，令三師三公，正一品，尚書令，正二品，並是冊拜授官。上之日，亦無受朝官再拜之文。僕射班次三公，又是尚書令副貳之職，雖端揆之重，有異百寮。然與羣官比肩事主，禮曰：非其臣，即答拜之。又曰：大夫之臣，不稽首，非尊家臣。以避君也。即僕射上日受常參官拜，事頗非儀。況元和七年，已經奏議，酌為定

制，編在國章，近年上儀，又有受拜之禮。禮文乍變，物論未安。請依元和七年勅為定。時李程為左僕射，宰執難於改革，雖不從其議，論者稱之。與平縣人上官與因醉殺人，亡竄，吏執其父，下獄，與自首請罪，以出其父。京兆尹杜悰，御史中丞宇文鼎，以其首罪免父，有光孝義，請減死配流。彥威與諫官上言曰：殺人者死，百王共守。若許殺人不死，是教殺人與雖免父，不合減死。詔竟許決流。彥威詰中書投宰相面論，語訐氣威，執政怒。左授河南少尹。未幾，改司農卿。李宗閔重之。既秉政，授青州刺史兼御史大夫。充平盧軍節度，淄青等觀察使。開成元年，召拜戶部侍郎，尋判度支。彥威儒學雖優，亦勤吏事。然貨泉之柄，素非所長。性既剛訐，自恃有餘。嘗紫宸廷奏曰：臣自計司按見管錢穀文簿，皆量入以為出，使經費必足，無所刻削。且百口之家，猶有歲蓄，而軍用錢物，一切通用，悉隨色額占定。終歲支給，無毫釐之差。儻臣一旦愚迷，欲自欺竊，亦不可得也。名曰度支占額圖。既而又進供軍圖曰：起至德乾元之際，迄於貞觀元和之初，天下有觀察者十節度，二十有九。防禦者四，經略者三，掎角之師，犬牙相制。大都通邑，無不有兵。都計中外各額，至八十餘萬。長慶戶口凡三百三十五萬，而兵額約九十九萬。通計三戶資一兵。今計天下租賦，一歲所入，不過三千五百餘萬，而上供之數，三之一焉。三萬之中，二給衣賜，自留州留使兵士衣賜之外，其餘四十萬眾，仰給度支。伏以時逢理安，運屬神聖，然而兵不可弭，食哉惟時，憂勤之端，兵食是切。臣謬司邦計，虔奉睿圖，輒籌事功，庶裨聖覽。又纂集國初已來至貞元帝代功臣，如左氏傳體敘事，號曰唐典。進之。彥威既掌利權，心希大用。時內官仇士良、魚弘志禁中用事，先是左右神策軍多以所賜衣物於度支。中估判使多曲從，厚給其價。開成初，有詔禁止，然趨利者猶希，意從其請。託至是。彥威大結私恩，凡內官請託，無不如意。物議鄙其躁妄，復修王播舊事，貢奉羨餘，殆無虛日。會邊軍上訴，衣賜不時，兼之朽故，宰臣惡其所為，令攝度支人吏付臺推訊。彥威略不介懷。入司視事，及人吏受罰，左授衛尉卿。停務。方還私第。三年七月，檢校禮部尚書，代殷侑為許州刺史。充忠武軍節度。陳許觀察等使。會昌中，入為兵部侍郎。歷方鎮，檢校兵部尚書卒。贈僕射。諡曰靖。

史臣曰。世以治軍戎。決權變。非儒者之事。而王翊。鄒士美。釋韃掖之儒衣。奮將軍之旗鼓。俾士赴湯火。威振藩籬。何其壯也。所謂非秦無人。吾謀適不用也。二子邁邁英主。伸其効用。宜哉。李建侯不屈於賊庭。馬會元見伸於貝錦。臨危挺操。所謂貞臣。將相之築。固其宜矣。辛澗州之特達。韋僕射之較整。王尙書之果敢。皆一時之偉器也。若以道自牧。求福不回。卽能臣也。而彥威欲爲巧宦。不亦疎乎。

贊曰。見危致命。臨難不恐。士美建侯。仁者之勇。弘景陸離。駭正黃扉。貪名喪道。狂哉彥威。

舊唐書卷一百五十七

舊唐書卷一百五十七考證

王翊傳。兄翊。自商州刺史。遷山南東道節度觀察等使。○沈炳震曰。按本紀。自至德至上元。山南東道爲魯炆。來瑛。史翹。無王翊也。疑是副使。

鄒士美傳。出爲鄂州觀察使。貞元十八年。伊慎有功。特授安黃節度。○沈炳震曰。本紀。貞元二十年。士美自房州除黔中。其拜鄂岳也。本紀無文。然以時推之。當在元和三年。韓皋遷浙西之後。此貞元以下文。乃追序伊慎事。非士美之除鄂岳在十八年前也。

舊唐書卷一百五十七考證

後晉司空同中書門下平章事劉昫撰

列傳第一百八

武元衡從父弟

韋實之兄綬 郭縯 子澳

鄭餘慶子泚 泚子允慎
茂休 處誨 從諱

武元衡字伯蒼河南緱氏人曾祖德載天后從父弟官至湖州刺史祖平一善屬文終考功員外郎修文館學士事在逸人傳父就殿中侍御史以元衡貴追贈吏部侍郎元衡進士登第累辟使府至監察御史後為華原縣令時錢輔有鎮軍督將恃恩矜功者多撓吏民元衡苦之乃稱病去官放情事外沉浮謙詠者久之德宗知其才召授比部員外郎一歲遷左司郎中時以詳整稱重貞元二十年遷御史中丞嘗因延英對罷德宗目送之指示左右曰元衡真宰相器也順宗即位以病不親政事王叔文等使其黨以權利誘元衡元衡拒之時奉德宗山陵元衡為儀仗使監察御史劉禹錫叔文之黨也求充儀仗判官元衡不與其黨滋不悅數日罷元衡為右庶子憲宗即位始冊為皇太子元衡贊引因識之及登極復拜御史中丞持平無私綱條悉舉人甚稱重尋遷戶部侍郎元和二年正月拜門下侍郎平章事賜金紫兼判戶部事上為太子時知其進退守正及是用為宰相甚禮信之初浙西節度李錡請入覲乃拜為右僕射令入朝既而又稱疾請至歲暮上問宰相鄭絪如錡奏元衡曰不可且錡自請入朝詔既許之即又稱疾是可在錡今陛下新臨大寶天下屬耳目若使奸臣得遂其私則威令從茲去矣上以為然遽追之錡果計窮而反先是高崇文平蜀因授以節度使崇文理軍有法而不知州縣之政上難其代者乃以元衡代崇文拜檢校吏部尚書兼門下侍郎平章事充劍南西川節度使將行上御安福門以臨慰之高崇文既發成都盡載其軍資金帛帶幕伎樂工巧以行元衡至則庶事節約務以便人比三年公私稍濟撫蠻夷約東明具不輒生事重慎備謹嚴於接物而開府極一時之選八年徵還至駱谷重拜門下侍郎平章事時李吉甫李絳情不相叶各以事理曲直於上前元衡居中無所違附上

稱為長者及吉甫卒上方討淮蔡悉以機務委之時王承宗遣使奏事請赦吳元濟請事於宰相辭禮悻悻元衡叱之承宗因飛章詆元衡咎怨頗結元衡宅在靜安里十年六月三日將朝出里東門有暗中叱使滅燭者導騎呵之賊射之中肩又有匿樹陰突出者以楛擊元衡左股其徒馭已為賊所格奔逸賊乃持元衡馬東南行十餘步害之批其顛骨懷去及眾呼僧至持火照之見元衡已踣於血中即元衡宅東北隅墻之外時夜漏未盡陌上多朝騎及行人鋪卒連呼十餘里皆云賊殺宰相擊蓬朝堂百官恟恟未知死者誰也須臾元衡馬走至遇人始辨之既明仗至紫宸門有司以元衡遇害聞上震驚却朝而坐延英召見宰相惋慟者久之為之再不食冊贈司徒贈布帛五百匹粟四百碩輟朝五日諡曰忠愍元衡工五言詩好事者傳之往往被於管絃初八年元衡自蜀再輔政時太白犯上相歷執法占者言今之三相皆不利始輕末重月餘李絳以足疾免明年十月李吉甫以暴疾卒至是元衡為盜所害年五十八始元衡與吉甫齊年又同日為宰相及出鎮分領揚益及吉甫再入元衡亦還吉甫先一年以元衡生月卒元衡後一年以吉甫生月卒吉凶之數若符會焉先是長安謠曰打麥打三三三三既而旋其袖曰舞了也解者謂打麥者打麥時也麥打者蓋謂暗中突擊也三三三謂六月三日也舞了也謂元衡之卒也自是京師大恐城門加衛兵察其出入物色伺之其偉狀異製燕趙之音者多執訊之元衡從父弟儒衡儒衡字庭碩才度俊偉氣直貌莊言不妄發與人交友終始不渝相國鄭餘慶不事華潔後進趨其門者多垢衣敗服以望其知而儒衡謁見未嘗輒易所好但與之正言直論餘慶因亦重之憲宗以元衡橫死王事嘗嗟惜之故待儒衡甚厚累遷戶部郎中十二年權知諫議大夫事尋兼知制誥皇甫鑄以宰相領度支剝下以媚上無敢言其罪者儒衡上疏論列鑄密訴其事帝曰勿以儒衡上疏將報怨耶鑄不復敢言儒衡氣岸高雅論事有風彩羣邪惡之尤為宰相令狐楚所忌元和末年垂將大用楚畏其明俊欲以計沮之以離其寵有狄兼謨者梁公仁傑之後時為襄陽從事楚乃自草制詞召狄兼謨為拾遺曰朕聽政餘暇躬覽國書知奸臣擅權之由見母后竊位之

事我國家神器大寶將遂傳於他人洪惟昊穹降鑿儲祉誕生仁傑保佑中宗使絕維更張明辟乃復宜福胤胤與國無窮及兼謀制出儒術泣訴於御前言其祖平一在天后朝辭榮終老當時不以爲累憲宗再三撫慰之自是薄楚之爲人然儒術守道不回嫉惡太甚終不至大任尋正拜中書舍人時元稹依倚內官得知制誥儒術深鄙之會食瓜閣下蠅集於上儒術以扇揮之曰適從何處來而遽集於此同僚失色儒術意氣自若遷禮部侍郎長慶四年卒年五十六

鄭餘慶字居業滎陽人祖長裕官至國子司業終潁川太守長裕弟少微爲中書舍人刑部侍郎兄弟有名於當時父慈與元德秀友善官至太子舍人餘慶少勤學善屬文大曆中舉進士建中末山南節度使嚴震辟爲從事累官殿中侍御史丁父憂罷貞元初入朝歷左司兵部員外郎庫部郎中八年選爲翰林學士十三年六月遷工部侍郎知吏部選事時有玄法寺僧法湊爲寺衆所訐萬年縣尉盧伯達斷遺俗後又復爲僧伯達上表論之詔中丞宇文護刑部侍郎張或大理卿鄭雲逵等三司與功德使判官諸葛述同按鞫時護述胥吏不合與憲臣等同入省按事餘慶上疏論列當時翕然稱重十四年拜中書侍郎平章事餘慶通究六經深旨奏對之際多以古義傳之與度支使于頌素善每奏事餘慶皆議可之未幾頌以罪貶時又歲旱人飢德宗與宰臣議將賑給禁衛六軍事未行爲中書吏所洩餘慶貶郴州司馬凡六載順宗登極徵拜尙書左丞憲宗嗣位之月又擢守本官平章事未幾屬夏州將楊惠琳阻命宰臣等論奏多議兵事餘慶復以古義上言夏州軍士皆仰給縣官又有介馬萬蹄之語時議以餘慶雖好古博雅而未適時有主書滑渙久司中書簿籍與內官典樞密劉光琦情通宰相議事與光琦異同者令渙達意未嘗不遂所欲宰相杜佑鄭絪皆姑息之議者云佑私呼爲滑八四方書幣賞賚充塞其門第詠官至刺史及餘慶再入中書與同僚集議渙指陳是非餘慶怒其侮叱之尋而餘慶罷相爲太子賓客其年八月渙賊汚發賜死上寢聞餘慶叱渙事甚重之乃改爲國子祭酒尋拜河南尹三年檢校兵部尙書兼東都留守六年四月正拜兵

部尙書餘慶再爲相罷免皆非大過尤以清儉爲時所稱洎中外踐更鬱爲耆德朝廷得失言成準的時京兆尹元義方戶部侍郎度支盧坦皆以勳官前任至三品據令合立門戟各請戟立於其第時義方以加上柱國坦以前任宣州觀察使請戟近代立戟者率有銀青階而義方只據勳官有司不詳覆而給之議者非之臺司將劾而未果會餘慶自東都來發論大以爲不可絲是臺司移牒詰禮部左司郎中陸則禮部員外崔備皆罰俸奪元盧之門戟餘慶受詔撰惠昭太子哀冊其辭甚工有鑿工崔環自淮南小將爲黃州司馬勅至南省餘慶執之封還以爲諸道散將無故受正員五品官是開微倖之路且無關可

供言或過理由是稍忤時權改太子少傅兼判太常卿事初德宗自山南還宮關輔有懷光吐蕃之虞都下驚憂遂詔太常集樂去大鼓至是餘慶始奏復用大鼓九年拜檢校右僕射兼與元尹充山南西道節度觀察使三歲受代十二年除太子少師尋以年及懸車請致仕詔不許時果有恩赦欲階及天子親謁郊廟行事官等皆得以恩授三品五品不復計考其使府賓吏又以軍功借賜命服而後入拜者十八九由是在朝衣綠者甚少郎官諫官有被紫垂金者又承郎中謝洎郎官出使多賜章服以示加恩於是寵章尤濫當時不以服章爲貴遂詔餘慶詳格令立制條奏以聞十三年拜尙書左僕射自兵興以來處左右端揆之位者多非其人及餘慶以名臣居之人情美洽憲宗以餘慶諳練典章朝廷禮樂制度有乖故事專委餘慶參酌施行遂用爲詳定使餘慶復奏刑部侍郎韓愈禮部侍郎李程爲副使左司郎中崔暹吏部郎中陳珙刑部員外郎楊嗣復禮部員外郎度敬休並充詳定判官朝廷儀制吉凶五禮咸有損益焉改鳳翔尹鳳翔節度使十四年兼太子少師檢校司空封滎陽郡公兼判國子祭酒事以太學荒毀日久生徒不振奏率文官俸給修兩京國子監及穆宗登極以師傅之舊進位檢校司徒優禮甚至元和十五年十一月卒詔曰故金紫光祿大夫檢校司徒兼太子少師上柱國滎陽郡開國公食邑二千戶鄭餘慶始以衣冠禮樂行於山東餘力文章遂成志學出入清近盈五十年再秉台衡屢分戎律凡所嬰職無不踐更貴而能貧卑以自牧譽諤聞於臺閣柔睦

化於闔門受命有考父之恭待士比公孫之廣焚書逸禮盡可口傳古史舊章如因心匠朕方容稟庶罔昏瞶神將祝予痛悼何及乞言既阻贈禮宜優可贈太保時年七十五諡曰貞餘慶砥名礪行不失儒者之道清儉率素終始不渝四朝居將相之任出入垂五十年祿賜所得分給親黨其家頗類寒素自至德已來方鎮除授必遣中使領旌節就第宣賜皆厚以金帛遺之求媚者唯恐其數不廣故王人一來有獲錢數百萬者餘慶每受方任天子必誠其使曰餘慶家貧不得妄有求取專欲振起儒教後生謁見者率以經學諷之而周其所急理家理身極其儉薄及修官政則喜開廣鎮岐下一歲戎事可觀又創立儒官以來學者雖行己可學而往往近於沽激故當時議者不全德許之上以家素清貧不辦喪事宜令所司特給一月俸料以充贖贖用示哀榮有文集表疏碑誌詩賦共五十卷行於世兄承慶官不顯弟膺甫官至主客員外郎中楚懷鄭三州刺史次第具瞻羽客時然皆官至縣令賓佐餘慶子瀚瀚本名涵以文宗藩邸時名同改名瀚貞元十年舉進士以父謫官累年不任自秘書省校書郎遷洛陽尉充集賢院修撰改長安尉集賢校理轉太常寺主簿職仍故遷太常博士改右補闕獻疏切直人為危之及餘慶入朝憲宗謂餘慶曰卿之令子朕之直臣可更相賀遂遷起居舍人改考功員外郎刺史有驅迫人吏上言政績請刊石紀政者瀚探得其情條實廉使巧跡遂露人服其敏識時餘慶為僕射請改省郎乃換國子博士史館修撰丁母憂除喪拜考功郎中復丁內艱終制退居汜上長慶中徵為司封郎中史館修撰累遷中書舍人文宗登極擢為翰林侍講學士上命撰經史要錄二十卷書成上喜其精博因摘所上書語類上親自發閱瀚應對無滯錫以金紫太和二年遷禮部侍郎典貢舉二年選拔趙秀時號得人轉兵部侍郎改吏部出為河南尹皆著能名入為左丞旋拜刑部尚書兼判左丞事出為山南西道節度觀察使檢校戶部尚書與元尹兼御史大夫餘慶之鎮興元創立儒宮開設學館至瀚之來復繼前美開成四年閏正月以戶部尚書徵詔下之日卒于興元年六十四贈右僕射諡曰宣有文集制誥共三十卷行于世瀚四子允讓茂謀處誨從讓允讓以陰累官臺省歷蜀彭

濂晉四州刺史位終太子右庶子茂謀避國諱改茂休開成二年登進士第四遷太常博士兵部員外郎吏部郎中絳州刺史位終秘書監處誨字延美於昆仲間文章拔秀早為士友所推太和八年登進士第釋褐祕府轉監察拾遺尚書郎給事中累遷工部刑部侍郎出為越州刺史浙東觀察使檢校刑部尚書汴州刺史宣武軍節度觀察等使卒于汴處誨族父朗初朗為定州節度使時處誨為工部侍郎因早朝假寐於待漏院忽夢己為浙東觀察使經過汴州而朗為汴帥留連飲餞仰視屋棟飾以黃土賓從皆所識明年朗果自定州鎮宣武辟重掌書記重將行處誨告以所夢明年處誨轉刑部侍郎其年秋授浙東觀察使行及潼關朗遣從事迎勞仍致手書令先疏所夢比至汴宴于清暑亭賓佐悉符夢中朗仰視屋棟曰此亦黃土也四座感歎移時後五年朗卒處誨繼為汴州節度使乃賦詩一章刻于廳事以盡思朗之悲處誨方雅好古且勤於著述撰集至多為校書郎時撰次明皇雜錄三篇行於世從讓字正求會昌二年登進士第釋褐祕書省校書郎歷拾遺補闕尚書郎知制誥故相令狐綯魏扶皆父貢舉門生為之延譽尋遷中書舍人咸通三年知貢舉拜禮部侍郎轉刑部改吏部侍郎典選平允時無屈人垂將作輔以權臣請託不行改檢校刑部尚書太原尹北都留守河東節度觀察等使踰年乞還不允改檢校兵部尚書汴州刺史宣武軍節度觀察等使暮年報政美聲流聞當塗者懼其大用改廣州刺史嶺南節度使五管為南詔蠻所擾天下徵兵時有龐勳之亂不暇邊事從讓在鎮北兵寡弱夷獠忿然乃擇其土豪授之右職禦侮扞城皆得其効雖郡邑屢陷而交廣晏然俄而懿宗厭代從讓以久在番禺不樂風土思歸總關形於賦詠累上章求為分司散秩僖宗徵還用為刑部尚書尋以本官同平章事乾符中盜起河南天下騷動陰山府沙陁都督李昌昌部族方駿虎視北邊屬靈州防禦使段文楚軍儲不繼郡兵乏食乃密引沙陁部攻城殺文楚遂據振武軍雲朔等州又令其子克章克用大合諸部南侵沂代前帥賈瀚李保李蔚相繼以重臣鎮并部皆不能遏俄而康傳圭為三軍所殺軍士益驕矜功賞賚動為讓聚加以河南河北七道兵帥雲合都下人不聊生沙陁連陷

城邑朝廷難於擇帥，僖宗欲以宰臣臨制之，詔曰：開府儀同三司、隴下侍郎兼兵部尚書充太清宮使弘文館大學士延資庫使上柱國榮陽郡開國公食邑二千戶鄭從讓，自處鈞衡，屢來麟鳳，才高應變，勤必研機，朕以北門與王故地，以爾嘗施惠化，倘有去思，方當用武之時，暫輟調元之職，佇矚兇醜，副我憂勤，可檢校司空、同平章事，太原尹、北都留守、河東節度兼行營招討等使，制下許自擇參佐，乃奏長安令王調為副使，兵部員外郎史館修撰劉崇龜為節度判官，前司勳員外郎史館修撰趙崇為觀察判官，前進士劉崇魯充推官，前左拾遺李渥充掌書記，前長安尉崔澤充支使，開幕之盛，冠於一時，時中朝瞻望者，目太原為小朝廷，言名人之多也，時新承軍亂之後，殺掠攻擄，無日無之，從讓貌溫而氣勁，沉機善斷，奸無遁情，凡兇謀盜發，無不落其彀中，以是羣豪惕息，舊府城都虞候張彥球者，前帥令率兵三千逐沙陀於百井，中路而還，縱兵破鎗，殺故帥康傳圭，及從讓至，搜索其魁，誅之，知彥球意善，有方略，召之開諭，坦然無疑，悉以兵柄委之，廣明初，李鈞率李繼舉本道之師出鴈門，為沙陀所敗，十二月，黃巢犯長安，僖宗出幸，傳詔謂從讓曰：卿志安封城，權總戎麾，夷夏具瞻，社稷全賴，今日五日，草賊黃巢奔衝，十六日，駐驛梁漢，上慚九廟，下媿萬方，藩閫乍開，痛憤應切，專差供奉官劉全及往彼慰喻，卿宜差點本道兵士酌量多少，付北面副招討使諸葛爽，俾令入援，從讓承詔雪涕，團結戎伍，遣牙將論安後院軍使朱致，率步騎五千，從諸葛爽入關，赴難，時中和元年五月也，論安軍次離石，是月，沙陀李克用軍奄至，營于汾東，稱奉詔赴難，入關，從讓具廩餼，槁勞，信宿不發，克用傳城而呼曰：本軍將南下，欲與相公面言，從讓登城謂之曰：僕射父子，咸通以來，舊激忠義，血戰為國，天下之人受賜，老夫歷事累朝，位忝將相，今日羣盜擾攘，輿駕奔播，湯覆神州，不能荷戈討賊，以酬聖獎，老夫之罪也，然多難圖勳，是僕射立功立事之時也，所恨受命守藩，不敢尋命，無以仰陪戎榮，若僕射終以君親為念，破賊之後，車駕還宮，却得待罪闕庭，是所願也，唯僕射自愛，克用拜謝而去，然離虜不戢，肆掠近甸，從讓遣大將王蟾薛威出師追擊之，翌日，契苾部救兵至，沙陀大敗而還，初論安率師入關，至陰地，以數

百卒擅歸，從讓集諸部校，斬之於鞠場，並以兵衆付朱致，赴難，時鄭畋亦以宰相鎮鳳翔，與從讓宗人同年，登進士，畋亦舉兵岐下，以遏賊巢，廣明首唱仗義，斷賊首尾，逆徒名為二鄭，國威復振，二儒帥之功也，二年十一月，代北監軍使陳景思奉詔救沙陀，部許討賊，自贖，絲是沙陀五部數萬人南下，不敢蹈境，乃自嵐石沿河而南，唯李克用以數百騎臨城，敘別，從讓遺之名馬器幣而訣，三年，克用破賊立功，授河東節度，代從讓還，至榆次，遣使致禮，謂從讓曰：予家尊在鴈門，且還朝省，相公徐治行裝，勿遽首途，從讓承詔，即日牒監軍使周從寓，請知兵馬留後事，書記劉崇魯知觀察留後事，戒之曰：俟面李公，按籍而還，五月十五日，從讓離太原，時京城雖復，軍駕未還，道途多寇，行文絳州，唐彥謙為刺史，留駐數月，冬，詔使追赴行在，復輔政，歷司空、司徒，正拜侍中，光啓末，固辭機務，以疾還第，卒，有司諡曰文忠，從讓知人善任，性不驕矜，故所至有聲績，在太原時，大將張彥球強傑難制，前後帥守以疑間貽置，故軍旅不寧，及從讓撫封四年，知其才可用，可委開懷，任遇得其死力，故抗虜全城，多彥球之効也，累奏為行軍司馬，及再秉政，用為金吾將軍，累郡刺史，在絳州時，彥謙判官陸辰嗜學有才思，寓於郡齋，日與之談宴，無間先後，乃稱之於朝，位至清顯，在汴時，以兄處誨書為鎮帥，歿於是郡，訖一政受代，不於公署舉樂，其友悌知禮，操履如此，國之名臣，文忠有焉。

此國之名臣，文忠有焉。

章實之本名純，以憲宗廟諱，遂以字稱，八代祖寬，仕周，號逍遙公，父肇，官至吏部侍郎，有重名於時，實之即其第二子，少舉進士，貞元初，登賢良科，授校書郎，秩滿，從調判入等，再轉長安縣丞，德宗末年，京兆尹李實權移宰相，言其可，否必數日而詔行，人有以實之名薦於實者，答曰：是其人居與吾同里，亟聞其實，但吾得識其面而進於上，舉劾示說者曰：實已記其名氏矣，說者喜，驟以其語告於實之，且曰：子今日詣實而明日受實矣，實之唯唯，數歲終不往，然是後竟不遷，承貞中，始除監察御史，上書舉李弟練自代，時議不以為私，轉右補闕，而練代為監察，元和元年，杜從郁為左補闕，實之與崔羣奏論，尋降為左拾遺，又論遺補雖品不同，皆是諫官，父為宰相，子為諫官，若政有得失，不可使子論父，

改爲秘書丞後與中書舍人張弘靖考制策第其長者十八人其後多以文稱轉禮部員外郎新羅人金忠義以機巧進至少府監蔭其子爲兩館生賈之持其籍不與曰工商之子不當仕忠義以藝通權倖爲請者非一賈之持之愈堅既而疏陳忠義不宜污朝籍詞理懇切竟罷去之改吏部員外郎三年復策賈賈之士又命賈之與戶部侍郎楊於陵左司郎中鄭敬都官郎中李益同爲考策官賈之妻居上第者三人言賈指切時病不顧忌諱雖同考策者皆難其詞直賈之獨署其妻遂出爲果州刺史道中黜巴州刺史俄徵爲都官郎中知制誥踰年拜中書舍人改禮部侍郎凡二年所選士大抵抑浮華先行實由是趨競者稍息轉尚書右丞中謝日面賜金紫明年以本官同中書門下平章事淮西之役鎮州盜竊發聲下殺宰相武元衡傷御史中丞裴度及度爲相二寇並征議者以物力不可賈之請釋鎮以養威攻蔡以專力上方急於太平未可其奏賈之進言陛下豈不知建中之事乎天下之兵始於蔡急魏應齊趙同惡德宗率天下兵命李抱真馬燧急攻之物力用屈於是朱泚乘之爲亂朱滔隨而向關致使梁漢爲府奉天有行皆陛下所聞見非他不能忍待次第速於撲滅故也陛下獨不能寬歲月俟拔蔡而圖鎮邪上深然之而業已下伐鎮詔後滅蔡而鎮自服如其策焉初王師征蔡以汴帥韓弘爲都統又命汝帥烏重胤許帥李光顏合兵而進賈之以爲諸將四面討賊各銳進取今若置統督復令二帥連營則持重養威未可以歲月下也賈之議不從四年而始剋蔡尋遣中書侍郎同列以張仲素段文昌進名爲學士賈之阻之以行止未正不宜在內庭賈之爲相嚴身律下以清流品爲先故門無雜賓有張宿者有口辯得幸於憲宗擢爲左補闕將使淄青宰臣裴度欲爲請章服賈之曰此人得幸何要假其恩寵耶其事遂寢宿深銜之卒爲所構誣以朋黨罷爲吏部侍郎不涉旬出爲湖南觀察使弟號州刺史纒亦貶遠郡時兩河留兵國用不足命鹽鐵副使程異使諸道督課賦異所至方鎮皆輒令採進獻賈之謂兩稅外不忍橫賦加人所獻未滿異意遂率屬內六州留錢以繼獻由是罷爲太子詹事分司東都上卽位擢爲河南尹徵拜工部尚書未行長慶元年卒於東都年六十二詔

贈尚書右僕射賈之自布衣至貴位居室無改易歷重位二十年苞實寶玉不敢到門性沉厚寡言與人交終歲無款曲未曾僞詞以悅人身歿之後家無羨財有文集三十卷伯兄綬德宗朝爲翰林學士貞元之政多參決於內署綬所議論常合中道然畏慎致傷晚得心疾故不極其用纒有精識與學爲士林所器闔門之內名教相樂故韋氏兄弟令稱推於一時纒累官至太常少卿賈之子漢澤漢字子斐太和六年擢進士第又以宏詞登科性貞退寡慾登第後十年不仕伯兄溫與御史中丞高元裕友善溫請用漢爲御史謂漢曰高二十九持憲綱欲與汝相面汝必得御史漢不答溫曰高君端士汝不可輕漢曰然恐無呈身御史竟不詣元裕之門周墀鎮鄭滑辟爲從事墀輔政以漢爲考功員外郎史館修撰墀初作相私謂漢曰才小任重何以相救漢曰苟公重知願公無權足矣墀愕然不喻其旨漢曰爵賞刑罰非公共欲行者願不以喜怒憎愛行之但令百司羣官各舉其職則公敎任於廟堂之上天下自理何要權耶墀深然之不周歲以本官知制誥尋召充翰林學士累遷戶部兵部侍郎學士承旨與同寮蕭實深爲宣宗所遇每二人同直無不召見詢訪時事每有邦國刑政大事中使傳宣草詞漢心欲論諫卽曰此一事須降御札方敢施行遲留至旦必論其可否上旨多從之出爲京兆尹不避權豪京師警懼會判戶部宰相蕭鄴改判度支漢於延英對上曰戶部關判使漢對以府事上言戶部關判使者三又曰卿意何如漢對曰臣近年心力減耗不奈繁劇累會陳乞一小鎮聖慈未垂矜允上默然不樂其奏漢甥柳玭知其對謂漢曰舅之擬遇特承聖知延英奏對恐未得中漢曰吾不爲時相所信忽自宸旨委以使務必以吾他岐得之何以自明我意不錯爾須知時事漸不堪是吾徒貪爵位所致爾宜志之大中十二年檢校工部尚書兼孟州刺史充河陽三城懷孟澤節度等使辭於內殿上曰卿自求便我不去卿在河陽累年中使王居方使魏州令傳詔旨謂漢曰久別無恙知卿奉道得何藥術可具居方口奏漢因中使上章陳謝又曰方士殊不可聽金石有毒切不宜服食帝嘉其忠將召之而帝厭代懿宗卽位遷檢校戶部尚書兼青州刺史平盧節度觀察處置等使入爲戶部侍郎轉吏

部銓綜平允不受請託爲執政所惡出爲邠州刺史邠寧節度使宰相杜審權素不悅於澳會吏部發澳時簿籍吏緣爲奸坐罷鎮以祕書監分司東都嘗戲吟云若將軍鑿同殿鑿錯認容身作保身此句聞於京師權幸尤怒之上表求致仕宰相疑其怨望拜河南尹制出累上章辭疾以松檟在秦川求歸樊川別業許之踰年復授戶部侍郎以疾不拜而卒贈戶部尚書諡曰貞澹亦登進士第無位而卒澹子庾庾序雍郊登進士第累佐使府入朝爲御史累遷兵部郎中諫議大夫從僖宗幸蜀改中書舍人累拜刑部侍郎判戶部事車駕還京充頭遞使至鳳翔病卒序雍郊皆登進士第序雍官至尚書郎郊文學尤高累歷清顯自禮部員外郎知制誥正拜中書舍人昭宗末召充翰林學士累官戶部侍郎學士承旨卒

史臣曰二武朗拔精裁爲時羽儀嫉惡太甚遭罹不幸俾刃喋血誠可哀哉令狐中傷爲惡滋甚君子之行其若是乎鄭貞公博雅好古一代儒宗文忠致君無忝乃祖衣冠之感近代罕儔韋氏三宗世多才俊純纁忠懿爲時元龜作輔論兵言皆體國澳之貞亮不替祖風三代諡貞考行無愧

贊曰后族崢嶸平一辭榮高風襲慶鍾在二衡猗與貞公繼以文忠純纁文雅純有父風

舊唐書卷一百五十八

後晉司空同中書門下平章事劉昫撰

列傳第一百九

衛次公 子孫德孫 韋處厚 崔羣 路隨

衛次公字從周河東人器韻和雅弱冠舉進士禮部侍郎潘炎目為國器擢居上第參選調禮部侍郎盧翰嘉其才補崇文館校書郎改渭南尉次公善鼓琴京兆尹李齊運使其子交歡意欲次公授之琴次公拒之由是終身未嘗操絃嚴震之鎮與元辟為從事授監察轉殿中侍御史貞元八年徵為左補闕尋兼翰林學士二十一年正月德宗昇遐時東宮疾恙方甚倉卒召學士鄭絪等至金鑾殿中人或云內中商量所立未定眾人未對次公遽言曰皇太子雖有疾地居冢嫡內外繫心必不得已當立廣陵王若有異圖禍難未已絪等隨而唱之衆議方定及順宗在諒闇外有王叔文輩操權樹黨無復經制次公與鄭絪同處內廷多所匡正轉司勳員外郎久之以本官知制誥賜紫金魚袋仍為學士權知中書舍人尋知禮部貢舉斥浮華進貞實不為時力所搖真拜中書舍人仍充史館修撰遷兵部侍郎知制誥復兼翰林學士與鄭絪善會鄭絪罷相次公左授太子賓客改尚書右丞兼判戶部事拜陝虢等州都防禦觀察處置等使請獨錢三百萬人得蘇息政聞于朝徵為兵部侍郎選人李勣徐有功之孫名在黜中次公召而謂之曰子之祖先勳在王府豈限常格並優秩而遣之改尚書左丞恩顧頗厚上方命為相已命翰林學士王涯草詔時淮夷宿兵歲久次公累疏請罷會有捷書至相詔方出憲宗令追之遂出為淮南節度使檢校工部尚書兼揚州大都督府長史御史大夫元和十三年十月受代歸朝道次病卒贈太子少保年六十六諡曰敬次公自少入仕歷大寮節操趨尚始終如一為衆推重子洙登進士第尚憲宗女臨真公主累官至給事中耐馬都尉工部侍郎

鄭絪字文明父羨池州刺史絪少有奇志好學善屬文大曆中有儒學高名如張參蔣又楊館常袞皆相知重絪擢進士第登宏詞科授秘書省校書郎鄂縣

尉張延賞鎮西川辟為書記入除補闕起居郎兼史職無幾擢為翰林轉司勳

員外郎知制誥德宗朝在內職十三年小心兢謹上遇之頗厚貞元末德宗晏駕順宗初即位遺詔不時宣下絪與同列衛次公密申正論中人不致違及王

伾王叔文朋黨擅權之際絪又能守道中立憲宗監國遷中書舍人依前學士

俄拜中書侍郎平章事加集賢殿大學士轉門下侍郎弘文館大學士憲宗初

勵精求理絪與杜黃裳同當國柄黃裳多所關決首建議誅惠琳斬劉闢及他

制置絪謙默多無所事由是貶秩為太子賓客出為嶺南節度觀察等使廣州

刺史檢校禮部尚書以廉政稱為工部尚書轉太常卿又為同州刺史長春宮

使改東都留守入歷兵部尚書旋為河中節度使太和二年入為御史大夫檢

校左僕射兼太子少保絪以文學進恬澹踐歷華顯出入中外者踰四十年所

居雖無赫奕之稱而守道敦篤耽悅墳典與當時博聞好古之士為講論名理

之游時人皆仰其耆德焉及文宗即位以年力衰耄累表陳乞遂以太子太傅

致仕三年十月卒年七十八贈司空諡曰宣子祗德祗德子穎登進士第始授

弘文館校書遷右拾遺內供奉詔授銀青光祿大夫遷起居郎尚宣宗女萬壽

公主拜耐馬都尉歷尚書郎給事中禮部侍郎典貢士十二年振拔滯才至今稱

之遷刑部吏部侍郎大中十三年檢校禮部尚書河南尹類居戚里有器度大

中時恩澤無對及宣宗棄代追感恩遇嘗為詩序曰去年壽昌節赴麟德殿上

壽迴聽于長與里第昏然晝寢夢與十數人納涼於別館館宇蕭灑相與聯句

子為數聯同遊甚稱賞既寤不全記諸聯唯省十字云石門霧露白玉殿莓苔

青乃書之于楹怪怪語不祥不敢言於人不數日宣宗不豫廢朝會及宮車上

僂方悟其事追惟顧遇續石門之句為十韻云間歲流虹節歸軒出禁局奔波

陶畏景蕭灑夢殊庭境象非曾到崇嚴昔未經日車鳥斂翼風動鶴飄翎異苑

人爭集涼臺筆不停石門霧露白玉殿莓苔青若匪災先兆何當思入冥御爐

虛仗馬華蓋負云亭白日成千古金縢閱九齡小臣哀絕筆湖上泣青萍未幾

穎亦卒

韋處厚字德載京兆人父萬監察御史為荆南節度參謀處厚本名淳避憲宗

諱改名處厚幼有至性事繼母以孝聞居父母憂廬於墓次既免喪遊長安通五經博覽史籍而文思瞻逸元和初登進士第應賢良方正擢居異等授秘書省校書郎裴垪以宰相監修國史奏以本官充直館改咸陽縣尉遷右拾遺並兼史職修德宗實錄五十卷上之時稱信史轉左補闕禮部考功二員外早為宰相章實之所重時實之以議兵不合旨出官處厚坐友善出為開州刺史入拜戶部郎中俄以本官知制誥穆宗以其學有師法召入翰林為侍讀學士換諫議大夫改中書舍人侍讀如故時張平叔以便佞諂諧他門捷進自京兆少尹為鴻臚卿判度支不數月宣授戶部侍郎平叔以征利中穆宗意欲希大任以權覆舊法為弊年深欲官自糴鹽可富國強兵勸農積貨疏利害十八條詔下其委令公卿議處厚抗論不可以平叔修奏不周經慮未盡以為利者返害為簡者至煩乃取其條目尤不可者發十難以詰之時平叔傾巧有恩自謂言無不允及處厚條件駁奏穆宗稱善令示平叔平叔詞屈無以答其事遂寢處厚以幼主荒怠不親政務既居納諫之地宜有以啓導性靈乃銓擇經義雅言以類相從為二十卷謂之六經法言獻之錫以繒帛銀器仍賜金紫以憲宗實錄未成詔處厚與路隨兼充史館修撰實錄未成許二人分日入內仍放常參處厚俄又權兵部侍郎敬宗嗣位李逢吉用事素惡李紳乃構成其罪禍將不測處厚與紳皆以孤進同年進士心頗傷之乃上疏曰臣竊聞朋黨議論以李紳貶黜尚輕臣受恩至深職備顧問事關聖聽不合不言紳先朝獎用擢在翰林無過可書無罪可戮今羣黨得志讒嫉大興訥於人情皆甚敷駭詩云萋兮菲令成是貝錦彼譖人者亦已太甚又曰讒言罔極交亂四國自古帝王未有遠君子近小人而致太平者古人云三年無改於父之道可謂孝矣李紳是前朝任使縱有罪愆猶宜洗滌絲瑕念舊志過以成無改之美今逢吉門下故吏遍滿朝行便毀加輕何詞不有所貶如此猶為太輕蓋曾參有投杼之疑先師有拾塵之戒伏望陛下斷自聖慮不惑奸邪則天下幸甚建中之初山東向化只緣宰相朋黨上負朝廷楊炎為元載復讎盧杞為劉晏報怨兵連禍結天下不平伏乞聖明察臣愚懇帝悟其事紳得減死貶端州司馬處厚正拜兵部侍郎

謝恩於思政殿時昭愍狂恣屢出畋遊每月坐朝不三四日處厚因謝從容奏曰臣有大罪伏乞面首帝曰何也處厚對曰臣前為諫官不能先朝死諫縱先聖好畋及色以至不壽臣合當誅然所以不死諫者亦為陛下此時在春官年已十五今則陛下皇子始一歲矣臣安得更避死亡之誅上深感悟其意賜錦綵一百匹銀器四事寶曆元年四月羣臣上尊號御殿受冊肆赦李逢吉以李紳之故所撰赦文但云左降官已經量移者與量移不言未量移者蓋欲紳不受恩例處厚上疏曰伏見赦文節目中左降官有不該恩澤者在宥之體有所未弘臣聞物議皆言逢吉恐李紳量移故有此節若如此則應是近年流貶官因李紳一人皆不得量移事體至大豈敢不言李紳先朝獎任曾在內廷自經貶官未蒙恩宥古人云人君當記人之功忘人之過管仲拘囚齊桓舉為國相治長縲繼仲尼選為密親有罪猶宜絲絲無辜豈可終累況鴻名大號冊禮重儀天地百靈之所鑒臨億兆八紘之所瞻戴恩澤不廣實非所宜臣與逢吉素無嫌嫌與李紳本非親黨所論者全大體所陳者在至公伏乞聖慈察臣肝膽備蒙允許仍望宣付宰臣應近年左降官並編入赦條令準舊例得量移近處帝覽奏其事乃追改赦文紳方霽恩例處厚為翰林承旨學士每立視草恆會聖旨常奉急命於宣州徵鷹鷲及楊益兩浙索奇文綾錦皆抗疏不奉命且引前時赦書為證帝皆可其奏寶曆季年急變中起文宗底綏內難詔命將降未有所定處厚聞難奔赴昌言曰春秋之法大義滅親內惡必書以明逆順正名討罪於義何嫌安可依違有所避謹遂奉藩教行焉是夕詔命制置及踐祚禮儀不暇責所司皆出於處厚之議及禮行之後皆協舊章以佐命功旋拜中書侍郎同中書門下平章事監修國史加銀青光祿大夫進爵豐昌郡公處厚在相位務在濟時不為身計中外補授咸得其宜初貞元中宰相齊抗奏滅元員罷諸州別駕其在京百司當入別駕者多處之朝列元和以來兩河用兵偏裨立功者往往擢在周行率以儲案王官雜補之皆感服趨朝朱紫填擁久次當進及受代閑居者常數十人趨中書及宰相私第摩肩候謁繁於辭語及處厚秉政復奏置六雄十望三十四州別駕以處之而清流不雜朝政清肅

文宗動於聽政，然浮於決斷。宰相奏事得請，往往中變。處厚常獨輪奏曰：陛下不以臣等不肖，用為宰相。參議大政，凡有奏請，初蒙聽納，尋易聖懷。若出自宸衷，即示臣等不信。若出於橫議，臣等何名鼎司？且裴度元勳宿德，歷輔四朝，孜孜竭誠，人望所屬。陛下固宜親重，實易直良厚。忠事先朝，陛下固當委信。微臣才薄，首蒙陛下擢用，非出他門。言既不從，臣宜先退，即趨下再拜陳乞。上矍然曰：何至此耶？卿之志業，朕素自知。登庸作輔，百職斯舉。縱朕有所失安，可遽辭，以彰吾薄德。處厚謝之而去。出延英門，復令召還，謂曰：凡卿所欲言，並宜登輪。處厚因對彰善癉惡，歸之法制，凡數百言。又裴度勳高望重，為人盡心切直，宜久任，可壯國威。帝皆聽納。自是宰臣敷奏，人不敢橫議。俄而滄州李同捷叛，朝廷加兵。魏博士憲誠中懷向背，裴度以宿舊自任，待憲誠於不疑。嘗遣親吏請事至中書，處厚謂曰：晉公以百口於上前保爾，使主處厚則不然，但仰俟所為。自有朝典耳。憲誠聞之大懼，自此輪竭，竟有功於滄州。又嘗以理財制用為國之本，撰太和國計二十卷，以獻。李載義累破滄鎮兩軍兵士，每有俘執，多遺剗別。處厚以書喻之，載義深然其言。自此滄鎮所獲生口，配隸遠地，前後全活數百千人。處厚居家循易，如不克任。至於廷辭數啟，及馭轄待胥吏，勁確毅然，不可奪。質狀非魁偉，如甚懦者，而庶僚請事，畏愴相顧，雖與語移晷，不敢私謁。急於用才，酷嗜文學。嘗病前古，有以浮議坐廢者，故推擇羣材，往往棄瑕錄用。亦為時所譏。雅信釋氏，因果晚年尤甚。聚書踰萬卷，多手自刊校。奉詔修元和實錄，未絕筆，其統例取捨，皆處厚創起焉。太和二年十二月，因延英奏對，造膝之際，忽委臣病作，遽退。文宗命宦扶出，歸第一夕而卒。年五十六。贈司空。處厚嘗國柄二周歲，登沃之謀，頗協時譽，咸共惜之。

崔羣字敦詩，清河武城人。山東著姓。十九登進士第，又制策登科，授秘書省校書郎。累遷右補闕。元和初，召為翰林學士。歷中書舍人。羣在內職，常以讜言正論。聞於時。憲宗嘉實，降宣旨云：自今後學士進狀，並取崔羣連署。然後進來。羣以禁密之司，動為故事。自爾學士或惡直醜正，則其下學士無由上言。羣堅不奉詔。三疏論奏，方九元和七年，憲宗太子亮，穆宗時為遂王。憲宗以禮王居長。

又多內助，將建儲貳，命羣與禮王作讓表。羣上言曰：大凡已合當之，則有陳讓之儀，已不合當。因何遽有讓表？今遂王嫡長，所宜正位。青宮竟從其奏，時魏博節度使田季安進絹五千匹，充助修開業寺。羣以為事實無名，體尤不可，請止其所進。羣前後所論多愜旨，無不聽納。遷禮部侍郎。選拔才行，咸為公當。轉戶部侍郎。二年七月，拜中書侍郎，同中書門下平章事。十四年，誅李師道，上顧謂宰臣曰：李師古雖自襲祖父，然朝廷待之始終，其妻於師道，即嫂叔也。雖云逆族，若量罪輕重，亦宜降等。又李宗爽雖抵嚴憲，其情比之大逆，亦有不同。其妻士族也。今其子女俱在掖廷，於法皆似稍深。卿等留意否？羣對曰：聖情仁惻，罪止元兇。其妻近屬，僅獲寬宥，實合弘煦之道。於是師古妻裴氏女宜娘，詔出於鄧州安置。宗爽妻韋氏及男女，先沒掖廷，並釋放。其奴婢資貨，皆復賜之。又鹽鐵福建院官權長孺坐贓，詔付京兆府決殺。長孺母劉氏求哀於宰相，羣因入對言之。憲宗怒其母老，乃曰：朕將屈法救長孺，何如？羣曰：陛下仁惻，即赦之。當速令中使宣諭，如待正勅，即無及也。長孺竟得免死。長流。羣之啓奏，平恕多此類也。時憲宗急於蠶寇，頗獎聚斂之臣。故藩府由是希旨，往往捃拾，目為進奉。虜州刺史苗稷進羨餘錢七千貫。羣議以為違詔受之，則失信於天下。請却賜本州代貧下租稅。時論美之。度支使皇甫鏞陰結權倖，以求宰相。羣累疏其奸邪。嘗因對面論語，及天寶開元中事。羣曰：安危在出令，存亡繫所任。玄宗用姚崇、宋璟、張九齡、韓休、李元紘，杜暹則理用。皇甫鏞、楊國忠則亂人，皆以天寶十五年祿山自范陽起兵，是理亂分時。臣以為開元二十年罷賢相張九齡，專任奸臣李林甫，理亂自此已分矣。用人得失，所繫非小。詞意激切，左右為之感動。鏞深恨之。而憲宗終用鏞為宰相，無何，羣臣議上尊號。皇甫鏞欲加孝德兩字。羣曰：有睿聖，則孝德在其中矣。竟為鏞所構。憲宗不樂出為湖南觀察。都團練使穆宗即位，徵拜吏部侍郎。召見別殿，謂羣曰：我昇儲位，知卿為羽翼。羣曰：先帝之意，元在陛下。頃者授陛下淮西節度使，臣奉命草制，且曰：能辨南陽之牘，允符東海之責。若不知先帝深旨，臣豈敢輕言數日？拜御史中丞。浹旬，授檢校兵部尚書，兼徐州刺史。武寧軍節度徐泗濼觀察等使，初幽鎮逆命，詔授沂州。

刺史王智與為武寧軍節度副使領徐州兵討伐羣以智與早得士心表請因授智與旄鉞竟不報智與自河北迴戈城內皆是父兄開關延入羣為智與所逐朝廷坐其失守授秘書監分司東都未幾改華州刺史兼御史大夫復改宣州刺史欽池等州都團練觀察等使徵拜兵部尚書久之改檢校吏部尚書江陵尹荆南節度觀察使踰歲改檢校右僕射兼太常卿太和五年拜檢校左僕射兼吏部尚書六年八月卒年六十一冊贈司空羣有冲識精裁為時賢相清議以儉素之節其終不及厥初羣年未冠舉進士陸贄知舉訪於梁肅議其登第有才行者肅曰崔羣雖少年他日必至公輔果如其言羣第于登進士官至郎署有令名子充亦以文學進歷三署終東都留守

路隨字南式其先陽平人高祖節高宗朝為越王府東閣祭酒曾祖惟恕官至睦州刺史祖俊之任終太子通事舍人父泌字安期少好學通五經尤嗜詩易左氏春秋能諷其章句皆究深旨博涉史傳工五言詩性端亮寡言以孝悌聞於宗族建中末以長安尉從調與李益章綬等書判同居高第泌授城門郎屬德宗連難奉天泌時在京師妻妻子潛詣行在所又從幸梁州排潰軍而出再為流矢所中裂裳濡血以策說渾瑊瑊深重之辟為從事瑊討懷光累奏為副元帥判官檢校戶部郎中兼御史中丞河中平隨瑊與吐蕃會盟于平涼因劫盟陷蕃在絕域累年棲心於釋氏之教為贊普所重待以賓禮卒於戎鹿貞元十九年吐蕃遣邊將書求和隨哀泣上疏願充其請表三上德宗命中使諭旨朝廷懲其宿詐俟更要於後信訖數歲不報元和中蕃使復款塞隨復五獻封章請修和好又上書於宰相執良訴裴均李藩皆協力敷奏憲宗可之命祠部郎中徐復報聘乃特於詔中疏平涼陷蕃者名氏令歸中國吐蕃因復等遣使來朝遂以泌及鄭叔矩之喪與銘及遺錄至朝野傷歎憲宗憫之贈絳州刺史賜絹二百匹至葬日委所在官給喪事泌累贈太子少保泌陷蕃之歲隨方在孩提後稍長成知父在蕃乃日夜啼號坐必西嚮饑不食肉母氏言其形貌肖先君遂終身不照鏡後以通經調授潤州參軍為李錡所困使知市事隨儵然坐市中一不介意章夏卿為東都留守聞而辟之由是聲名日振元和五年遷

吏以訃至隨居喪益以孝聞服闋擢拜左補闕會李絳諷上納諫憲宗皇帝曰諫官路隨章處厚章疏相繼朕常深用其言自是識者敬伏焉俄遷起居郎轉司勳員外郎自補闕至司勳員外皆充史館修撰穆宗即位遷司勳郎中賜緋魚袋與章處厚同入翰林為侍講學士探三代帝王興衰著六經法言二十卷奏之拜諫議大夫依前侍講學士將脩憲宗實錄復命兼充史職敬宗登極拜中書舍人翰林學士仍賜紫有以金帛謝除制者必叱而却之曰吾以公事接私財耶終無所納文宗即位章處厚入相隨代為承旨轉兵部侍郎知制誥太和二年處厚薨隨代為相拜中書侍郎加監脩國史初韓愈撰順宗實錄說禁中事頗切直內官惡之往往於上前言其不實累朝有詔改修及隨進憲宗實錄後文宗復令改正永貞時事隨奏曰臣昨面奉聖旨以順宗實錄頗非詳實委臣等重加刊正畢日聞奏臣自奉宣命取史本欲加筆削近見衛尉卿周居巢諫議大夫王彥威給事中李固言史官蘇景胤等各上章疏具陳刊改非甚便宜又聞班行如此議論頗衆臣伏以史冊之作勸誠所存事有當書理宜歸實匹夫美惡尚不可誣人君得失無容虛載聖旨以前件實錄記貞元末數事稍非摭實蓋出傳聞審知差舛便令刊正頃因坐日屢形聖旨通計前後至于數四臣及宗閣僧孺亦以永貞已來歲月至近禁中行事在外固難詳知陛下所言皆是接於耳目既聞乖謬因述古今引前史直不疑盜嫂之言及第五倫擲公之說皆多此比類難盡信書所冀審鑒詳於聽言深宮慎於行事持此比類上開聰明特蒙降察稍恕前謬由是近垂宣命令有改脩臣等伏以貞觀已來累朝實錄有經重撰不敢固辭但欲粗刪深悞亦固盡存諸說宗閣僧孺相與商量緣此書成於韓愈今史官李漢蔣係皆愈之子婿若遣參撰或致私嫌以臣既職監脩盡令詳正及經奏請事遂施行今者庶僚競言不知本起表章交奏似有他疑臣雖至昧容非自請既迫羣議輒冒上聞縱臣果獲脩成必懼終為時累且韓愈所書亦非己出元和之後已是相循縱其密親豈容公理使歸本職實謂正名其實錄伏望條示舊記最錯悞者宣付史官委之修定則冀聖祖垂休永無慚於傳信下臣非據獲減戾於便官彭濟朝立政之方表公器

不私之義。流言自誦。時論攸宜。詔曰。其實錄中所書德宗順宗朝禁中事。尋訪根柢。蓋起謬傳。諒非信史。宜令史官詳正。刊去其他。不要更修餘依所奏。四年。轉門下侍郎。加崇文館大學士。七年。兼太子太師。備禮冊拜。表上史官所修憲宗穆宗實錄。八年。辭疾不得謝。會李德裕連貶。至袁州。長史隨不署奏狀。始爲鄭注所忌。九年四月。拜檢校尚書右僕射。同中書門下平章事。兼潤州刺史。鎮海軍節度。浙江西道觀察等使。太和九年七月。避疾于路。薨于揚子江之中流。年六十。冊贈太保。諡曰貞。隨有舉行大度。爲諫官能直言。在內庭。匡益。自寶曆初。爲承旨。學士。即參大政。以後十五年在相位。宗閔德裕朋黨交與。摟臂於其間。李訓鄭注。始終奸詐。接武於其後。而隨藏器韜光。隆污一致。可謂得君子中庸而常居之也。

史臣曰。衛次公。鄭絪。處厚。崔羣。路隨等。皆以文學飾身。致位崇極。兼之忠謙。垂名簡書。茲實有足多也。絪有其位。有其時。懷獨善之謀。晦衆濟之道。左遷非不幸也。次公因獻捷之書。懷已成之詔命也。夫處厚危言切議。振士友之急。稱同列之善。君子哉。

贊曰。衛鄭韋路。兼之博陵。文學政事。爲時所稱。

舊唐書卷一百五十九

舊唐書卷一百五十九考證

鄭絪傳。爲河中節度使。太和二年。入爲御史大夫。檢校左僕射。兼太子少保。○沈炳震曰。按本紀。長慶元年。鄭絪自東都留守遷。吏部尚書。二年。爲太子少傅。四年。自兵部尚書復爲吏部尚書。太和二年。以吏部尚書改太子少保。其間無爲河中節度使文。而傳云。太和二年。自河中入爲御史大夫。則當是寶曆中出鎮。然本紀太和二年。固無拜御史大夫文。而河中自寶曆元年至太和二年。皆屬薛平。又無遷代。則絪未嘗爲河中也。

舊唐書卷一百五十九考證

後晉司空同中書門下平章事劉昫撰

列傳卷第一百十

韓愈 張籍 孟郊 唐衢 李翱

字文籍 劉禹錫 柳宗元 韋辭

韓愈字退之昌黎人父仲卿無名位愈生三歲而孤養於從父兄愈自以孤子幼刻苦學儒不俟獎勵大曆貞元之間文字多尚古學効揚雄董仲舒之述作而獨孤及梁肅最稱淵奧儒林推重愈從其徒遊銳意鑽仰欲自振於一代洎舉進士投文於公卿間故相鄭餘慶頗為之延譽由是知名於時尋登進士第宰相董晉出鎮大梁辟為巡官府除徐州張建封又請為其賓佐愈發言真率無所畏避操行堅正拙於世務調授四門博士轉監察御史德宗晚年政出多門宰相不專機務官市之弊諫官論之不聽愈書上章數千言極論之不聽怒貶為連州山陽令量移江陵府掾曹元和初召為國子博士遷都官員外郎時華州刺史闕濟美以公事停華陰令柳澗縣務俾攝掾曹居數月濟美罷郡出居公館澗遂讓百姓避道索前年軍頓役直後刺史趙昌按得澗罪以聞貶虜州司馬愈因使過華知其事以為刺史相黨上疏理澗留中不下詔監察御史李宗奭按驗得澗贓狀再貶澗封溪尉以愈妄論復為國子博士愈自以才高累被擯黜作進學解以自喻曰國子先生晨入太學召諸生立館下誨之曰業精于勤荒于嬉行成于思毀于隨方今聖賢相逢治具畢張拔去兇邪登崇俊良占小善者率以錄名一藝者無不庸爬羅剔抉刮垢磨光蓋有幸而獲選執云多而不揚諸生業患不能精無患有司之不明行患不能成無患有司之不公言未既有笑于列者曰先生欺子哉弟子事先生于茲有年矣先生口不絕吟於六藝之文手不停披於百家之編記事者必提其要纂言者必鈎其玄貪多務得細大不捐燒膏油以繼晷常矻矻以窮年先生之業可謂勤矣魁排異端攘斥佛老補苴罅漏張皇幽眇尋墜緒之茫茫獨旁搜而遠紹障百川而東之迥狂瀾於既倒先生之於儒可謂有勞矣沉浸醲郁含英咀華作為文章其

書滿家上規姚姬渾渾無涯周諮殷盤信屈聶牙春秋謹嚴左氏浮誇易奇而法詩正而葩下迨莊騷太史所錄子雲相如同工異曲先生之於文可謂閱其中而肆其外矣少始知學勇於最為長通於方左右具宜先生之於為人可謂成矣然而公不見信於人私不見助於友跋前疐後動輒得咎暫為御史遂竄南夷三為博士元不見治命與仇謀取敗幾時冬煖而兒號寒年豐而妻啼饑頭重齒豁竟死何裨不知慮此而反教人為先生曰吁子來前夫大木為杗細木為榑榑榑僅備欄屋椽各得其宜施以成室者匠氏之工也玉札丹砂赤箭青芝牛溲馬勃敗鼓之皮俱收並蓄待用無遺者醫師之良也登明選公雖進巧拙紆餘為妍卓犖為傑校短量長唯器是適者宰相之方也昔者孟軻好辯孔道以明轍環天下卒老于行荀卿守正大論是弘逃讒于楚廢死蘭陵是二儒者吐辭為經舉足為法絕類離倫優入聖域其遇于世何如也今先生學雖勤不繇其統言雖多不要其中文雖奇不濟於用行雖修不顯於眾猶且月費俸錢歲糜廩粟子不知耕婦不知織乘馬從徒安坐而食踵常塗之促促窺陳編以盜竊然而聖主不加誅宰臣不見斥此非其幸哉動而得謗名亦隨之投閑置散乃分之宜若夫商賈賄賂之有無計班資之崇庳忘己量之所稱指前人之瑕疵是所謂詰匠氏之不以杙為楹而訾鑿師以昌陽引年欲進其稀苓也執政覽其文而憐之以其有史才改比部郎中史館修撰踰歲轉考功郎中知制誥拜中書舍人俄有不悅愈者撫其舊事言愈前左降為江陵掾曹荆南節度使裴均館之頗厚均子鏐凡鄙近者鏐還省父愈為序錢鏐仍呼其字此論喧於朝列坐是改太子右庶子元和十二年八月宰臣裴度為淮西宣慰處置使兼彰義軍節度使請愈為行軍司馬仍賜金紫淮蔡平十二月隨度還朝以功授刑部侍郎仍詔愈撰平淮西碑其辭多敘裴度事時先入蔡州擒吳元濟李愬功第一愬不平之愬妻出入禁中因訴碑辭不實詔令磨愈文憲宗命翰林學士段文昌重撰文勒石鳳翔法門寺有護國真身塔塔內有釋迦文佛指骨一節其書本傳法三十年一開開則歲豐人泰十四年正月上令中使杜英奇押宮人三十人持香花赴臨臯驛迎佛骨自光順門入大內留禁中三日

乃送諸寺。王公士庶奔走捨施。唯恐在後。百姓有廢業破產。燒頂灼臂而求供養者。愈素不喜佛。上疏諫曰。伏以佛者。夷狄之一法耳。自後漢時始流入中國。上古未嘗有也。昔黃帝在位百年。年百一十歲。少昊在位八十年。年百歲。顓頊在位七十九年。年九十八歲。帝嚳在位七十年。年百五歲。帝堯在位九十八年。年百一十八歲。帝舜及禹年皆百歲。此時天下太平。百姓安樂。壽考。然而中國未有佛也。其後殷湯亦年百歲。湯孫太戊。在位七十五年。武丁在位五十年。書史不言其壽。推其年數。蓋亦俱不減百歲。周文王年九十七歲。武王年九十三歲。穆王在位百年。此時佛法亦未至中國。非因事佛而致此也。漢明帝時始有佛法。明帝在位纔十八年耳。其後亂亡相繼。運祚不長。宋齊梁陳元魏已下。事佛漸謹。年代尤促。唯梁武帝在位四十八年。前後三度捨身施佛。宗廟之祭。不用牲牢。晝日一食。止於菜果。其後竟為侯景所逼。餓死臺城。國亦尋滅。事佛求福。乃更得禍。由此觀之。佛不足信。亦可知矣。高祖始受隋禪。則議除之。當時羣臣識見不遠。不能深究先王之道。古今之宜。推闡聖明。以救斯弊。其事遂止。臣嘗恨焉。伏惟皇帝陛下。神聖英武。數千百年以來。未有倫比。即位之初。即不許度人為僧尼道士。又不許別立寺觀。臣當時以為高祖之志。必行於陛下之手。今縱未能即行。豈可恣之轉令感也。今聞陛下。令羣僧迎佛骨於鳳翔。御樓以觀。昇入大內。令諸寺遞迎。供養。臣雖至愚。必知陛下不惑於佛。作此崇奉。以祈福祥也。直以年豐人樂。徇人之心。為京都士庶。設詭異之觀。戲玩之具耳。安有聖明若此。而肯信此等事哉。然百姓愚冥。易惑難曉。苟見陛下。如此。將謂真心信佛。皆云天子大聖。猶一心敬信。百姓微賤。於佛豈合惜身命。所以灼頂燔指。百十為羣。解衣散錢。自朝至暮。轉相倣效。唯恐後時。老幼奔波。棄其生業。若不如加禁遏。更歷諸寺。必有斷臂鑿身。以為供養者。傷風敗俗。傳笑四方。非細事也。佛本夷狄之人。與中國言語不通。衣服殊製。口不道先王之法言。身不服先王之法行。不知君臣之義。父子之情。假如其身尚在。奉其國命。來朝京師。陛下容而接之。不過宣政一見。禮賓一設。賜衣一襲。衛而出之於境。不令惑於眾也。況其身死已久。枯朽之骨。凶穢之餘。豈宜以入宮禁。孔子曰。敬鬼神而遠之。古

之諸侯行弔於國。尚令巫祝先以桃茢祓除不祥。然後進弔。今無故取朽穢之物。親臨觀之。巫祝不先。桃茢不用。羣臣不言其非。御史不舉其失。臣實恥之。乞以此骨付之水火。永絕根本。斷天下之疑。絕後代之惑。使天下之人。知大聖人之所作。為出於尋常。萬萬也。豈不感哉。豈不快哉。佛如有靈。能作禍祟。凡有殃咎。宜加臣身。上天鑒臨。臣不怨悔。疏奏。憲宗怒甚。間一日。出疏以示宰臣。將加極法。裴度崔暉奏曰。韓愈上忤尊聽。誠宜得罪。然而非內懷忠懇。不避黜責。豈能至此。伏乞稍賜寬容。以來諫者。上曰。愈言我奉佛太過。我猶為容之。至謂東漢奉佛之後。帝王咸致天促。何言之乖刺也。愈為人臣。敢爾狂妄。固不可赦。于是人情驚惋。乃至國戚諸貴。亦以罪愈太重。因事言之。乃貶為潮州刺史。愈至潮陽。上表曰。臣今年正月十四日。蒙恩授潮州刺史。即日馳驛就路。經涉嶺海。水陸萬里。臣所領州在廣府極東。去廣府雖云二千里。然來往動皆踰月。過海口。下惡水。濟瀧壯猛。難計期程。颶風。鱷魚。患禍不測。州南近界。漲海連天。毒霧瘴氣。日夕發作。臣少多病。年纔五十。髮白齒落。理不久長。加以罪犯至重。所處又極遠惡。憂懼慚悸。死亡無日。單立一身。朝無親黨。居蠻夷之地。與魑魅同羣。苟非陛下哀而念之。誰肯為臣言者。臣受性愚陋。人事多所不通。唯酷好學問。文章未嘗一日暫廢。實為時輩推許。臣於當時之文。亦未有過人者。至於論述陛下功德。與詩書相表裏。作為歌詩。薦之郊廟。紀太山之封。鑱白玉之牒。鋪張對天之宏休。揚厲無前之偉蹟。編於詩書之策。而無愧。措於天地之間。而無虧。難使古人復生。臣未肯多讓。伏以大唐受命有天下。四海之內。莫不臣妾。南北東西。地各萬里。自天寶之後。政治少懈。文致未優。武剋不綱。羣臣姦謀。外順內悖。父死子代。以祖以孫。如古諸侯。自擅其地。不朝不貢。六七十年。四聖傳序。以至陛下。躬親聽斷。干戈所靡。無不從順。宜定樂章。以告神明。東巡泰山。奏功皇天。使永承萬年。服我成烈。當此之際。所謂千載一時。不可逢之嘉會。而臣實罪嬰。疊自拘海島。戚戚嗟嗟。日與死迫。曾不得奏薄伎。於從官之內。隸御之間。窮思畢精。以贖前過。懷痛窮天。死不閉目。瞻望宸極。魂神飛去。伏惟陛下。天地父母。哀而憐之。憲宗謂宰臣曰。昨得韓愈到潮州表。因思其所諫佛骨事。大是愛

我。我豈不知。然愈爲人臣。不當言人主事。佛乃年促也。我以是惡其容易。上欲復用愈。故先語及觀宰臣之奏對。而皇甫鏘惡愈。猶直恐其復用。率先對曰。愈終大狂疎。且可量移一郡。乃授袁州刺史。初。愈至潮陽。旣視事。詢吏民疾苦。皆曰。郡西湫水有鱷魚卵。而化。長數丈。食民畜產。將盡。以是民貧。居數日。愈往視之。令判官秦濟炮一豚。一羊。投之湫水。祝之曰。前代德薄之君。棄楚越之地。則鱷魚涵泳於此。可也。今天子神聖。四海之外。撫而有之。况揚州之境。刺史縣令之所治。出貢賦以共天地宗廟之祀。鱷魚豈可與刺史雜處。此土哉。刺史受天子命。令守此土。而鱷魚睥然不安。谿潭。食民畜產。鹿豕。以肥其身。以繁其卵。與刺史爭爲長刺。史雖驚弱。安肯爲鱷魚低首而下哉。今潮州大海在其南。鯨鵬之大。蝦蟹之細。無不容。鱷魚朝發而夕至。今與鱷魚約。三日。乃至七日。如頑而不徙。須爲物害。則刺史選材。伎壯夫。操勁弓毒矢。與鱷魚從事矣。祝之夕。有暴風雷起於湫中。數日。湫水盡涸。徙於舊湫西六十里。自是潮人無鱷患。袁州之俗。男女隸於人者。踰約則沒入。出錢之家。愈至。設法贖其所沒男女。歸其父母。仍削其俗法。不許隸人。十五年。徵爲國子祭酒。轉兵部侍郎。會鎮州殺田弘正。立王廷湊。令愈往鎮州宣諭。愈既至。集軍民。論以逆順。辭情切至。廷湊畏重之。改吏部侍郎。轉京兆尹。兼御史大夫。以不臺參爲御史中丞。李紳所劾。愈不伏。言。準勅仍不臺參。紳愈性皆褊僻。移刺往來。紛然不止。乃出紳爲浙西觀察。使愈亦罷尹。爲兵部侍郎。及紳面辭赴鎮。泣涕陳敘。穆宗憐之。乃追制以紳爲兵部侍郎。愈復爲吏部侍郎。長慶四年十二月卒。時年五十七。贈禮部尚書。諡曰文。愈性弘通。與人交。榮悴不易。少時與洛陽人孟郊東郡人張籍友善。二人名位未振。愈不避寒暑。稱薦於公卿間。而籍終成科第。榮於祿仕。後雖通貴。每退公之隙。則相與談讌。論文賦詩。如平昔焉。而觀諸權門豪士。如僕隸焉。澄然不顧。而頗能誘厲後進。館之者十六七。雖晨炊不給。怡然不介意。大抵以興起名教。弘獎仁義爲事。凡嫁內外及友朋孤女。僅十人。常以爲自魏晉已還。爲文者多拘偶對。而經誥之指歸。選雄之氣格。不復振起矣。故愈所爲文。務反近體。抒立意。自成一。家新語。後學之士。取爲師法。當時作者甚衆。無以過之。故世

稱韓文焉。然時有特才肆意。亦有整孔孟之旨。若南人妄以柳宗元爲羅地神。而愈譏碑以實之。李賀父名晉。不應進士。而愈爲賀作諱辨。令舉進士。又爲毛穎傳。譏戲不近人情。此文章之甚紕繆者。時謂愈有史筆。及撰順宗實錄。繁簡不當。敘事拙於取捨。頗爲當代所非。穆宗文宗嘗詔史臣添改。時愈增李漢蔣係在顯位。諸公難之。而韋處厚竟別撰順宗實錄三卷。有文集四十卷。李漢爲之序。子昶亦登進士第。

張籍者。貞元中登進士第。性詭激。能爲古體詩。有警策之句。傳於時。調補太常寺。太祝。轉國子助教。秘書郎。以詩名當代。公卿裴度。令狐楚。才名如白居易。元稹。皆與之遊。而韓愈尤重之。累授國子博士。水部員外郎。轉水部郎中。卒。世謂之張水部云。

孟郊者。少隱於嵩山。稱處士。李翱分司洛中。與之遊。薦於留守鄭餘慶。辟爲賓佐。性孤僻。寡合。韓愈一見。以爲忘形之契。常稱其字曰東野。與之唱和於文酒之間。鄭餘慶鎮興元。又奏爲從事。辟書下而卒。餘慶給錢數萬。葬送。贈給其妻子者累年。

唐衢者。應進士。久而不第。能爲歌詩。意多感發。見人文章。有所傷歎者。讀訖必哭。涕泗不能已。每與人言論。既相別。發聲一號。音辭哀切。聞之者莫不悽然泣下。嘗客遊太原。屬戎帥軍宴。衢得預會。酒酣言事。抗音而哭。一席不樂。爲之罷會。故世稱唐衢善哭。左拾遺白居易遺之詩曰。賈誼哭時事。阮籍哭路岐。唐生今亦哭。異代同其悲。唐生者何人。五十寒且饑。不悲口無食。不悲身無衣。所悲忠與義。悲甚則哭之。太尉擊賊日。尙書叱盜時。大夫死兇寇。諫議謫蠻夷。每見如此事。聲發涕輒隨。我亦君之徒。鬱鬱何所爲。不能發聲哭。轉作樂府辭。其爲名流。稱重若此。竟不登一命而卒。

李翱。字習之。涼武昭王之後。父楚金。貝州司法參軍。翱幼勤於儒學。博雅好古。爲文尙氣質。貞元十四年。登進士第。授校書郎。三遷至京兆府司錄參軍。元和初。轉國子博士。史館修撰。十四年。太常丞王經上疏。請去太廟朔望上食。詔百官議。議者以開元禮。太廟每歲祠。蒸嘗臘。凡五享。天寶末。玄宗令尙食每月

朔望具常饌令宮闈令上食於太廟後遂為常由是朔望不視朝比之大祠朝
 奏議曰國語曰王者日祭禮記曰王立七廟皆月祭之周禮時祭禴祠蒸嘗漢
 氏皆雜而用之蓋遭秦火詩書禮經燼滅編殘簡缺漢乃求之先儒穿鑿各伸
 己見皆託古聖賢之名以信其語故所記各不同也古者廟有廢而不墓祭秦
 漢始建廢廟於園陵而上食焉國家因之而不改貞觀開元禮並無宗廟日祭
 月祭之禮蓋以日祭月祭既已行於陵寢矣故太廟之中每歲五舉六告而已
 不然者房玄齡魏徵輩皆一代名臣窮極經史豈不見國語禮記有日祭月祭
 之詞乎斯足以明矣伏以太廟之舉適亘牲牢三代之通禮是貴誠之義也園
 陵之奠改用常饌秦漢之權制乃食味之道也今朔望上食於太廟豈非用常
 饌味而貴多品乎且非禮所謂至敬不饗味而貴氣臭之義也傳稱屈到嗜芟
 有疾召其宗老而屬之曰祭我必以芟及祭薦芟其子違命去芟而用羊饋運
 豆脯醢君子是之言事祖考之義當以禮為重不以其生存所嗜為獻蓋明非
 食味也然則薦常饌於太廟無乃與芟為比乎且非三代聖王之所行也況祭
 器不陳俎豆祭官不命三公執事者唯宮闈令與宗正卿而已謂之上食也安
 得以為祭乎且時享于太廟有司攝事祝文曰孝曾孫皇帝臣某謹遣太尉臣
 名敢昭告于高祖神堯皇帝祖妣太穆皇后竇氏時惟孟春永懷罔極謹以一
 元大武柔毛剛鬣明粢粢嘉蔬嘉薦醴齊敬備時享以申追慕此祝辭也前
 享七日實明太尉蕃百官於尚書省曰某月某日時享于太廟各揚其職不供
 其事國有常刑凡陪享之官散齋四日致齋三日然後可以為祭也宗廟之禮
 非敢擅議雖有知者其誰敢言故六十餘年行之不廢今聖朝以弓矢既棄禮
 樂為大故下百寮可得詳議臣等以為貞觀開元禮並無太廟上食之文以禮
 斷情罷之可也至若陵寢上食探國語禮記日祭月祭之詞因秦漢之制倘而
 存之以廣孝道可也如此則經義可據故事不遺大禮既明永息異論可以繼
 二帝三王而為萬代法與其瀆禮越古貴因循而憚改作猶天地之相遠也知
 禮者是之事竟不行韜性剛急論議無所避執政雖重其學而惡其激許故久
 次不遷期以史官記事不實奏狀曰臣諺得乘筆史館以記注為職夫勸善懲

惡正言直筆紀聖朝功德述忠賢事業載姦臣醜行以傳無窮者史官之任也
 凡人事迹非大善大惡則眾人無由得知舊例皆訪於人又取行狀證議以為
 依據今之作行狀者多是其門生故吏莫不虛加仁義禮智妄言忠肅惠和此
 不唯其處心不實苟欲虛美於受恩之地耳蓋為文者又非游夏遷雄之列務
 於華而忘其實溺於文而棄其理故為文則失六經之古風紀事則非史遷之
 實錄臣今請作行狀者但指事實直載事功假如作魏徵傳但記其諫諍之辭
 足以為正直段秀實但記其倒用司農印以追逆兵以象笏擊朱泚足以為忠
 烈若考功視行狀不依此者不得受依此則考功下太常牒史館然後定諡伏
 乞以臣此奏下考功從之尋權知職方員外郎十五年六月授考功員外郎並
 兼史職朝與李景儉友善初景儉拜諫議大夫舉朝自代至是景儉貶黜七月
 出朝為朗州刺史俄而景儉復為諫議大夫朝亦入為禮部郎中朝自負辭藝
 以為合知制誥以久未如志鬱鬱不樂因入中書謁宰相面數李逢吉之過失
 逢吉不之校朝心不自安乃請告滿百日有司準例停官逢吉妻授廬州刺史
 太和初入朝為諫議大夫尋以本官知制誥三年二月拜中書舍人初諫議大
 夫柏耆將使滄州軍前宣諭朝嘗贊成此行柏耆尋以擅入滄州得罪朝坐謬
 舉左授少府少監俄出為鄭州刺史五年出為桂州刺史御史中丞元桂管都
 防禦使七年改授潭州刺史湖南觀察使八年徵為刑部侍郎九年轉戶部侍
 郎七月檢校戶部尚書襄州刺史充山南東道節度使會昌中卒於鎮諡曰文
 字文籍字夏龜父涇官卑少好學尤通春秋實事自處士徵為右拾遺表籍自
 代由是知名登進士第宰相武元衡出鎮西蜀奏為從事以咸陽尉直史館與
 韓愈同脩順宗實錄遷監察御史王承宗叛詔捕其弟尉馬都尉承系其賓客
 中有為謀識者又蘇表以破淮西策干宰相武元衡元衡不用以籍嘗從事令
 召表詔之籍因與表狎元衡怒坐貶江陵府戶曹參軍至任節度使孫簡知重
 之欲令兼幕府職籍辭曰籍以君命謹聽亦當以君命升俸樂倫獎非所願
 也後考滿遷辟藩府入為侍御史轉著作郎遷駕部員外郎史館修撰與韋處
 厚表表徵路隨沈傳師同脩憲宗實錄俄以本官知制誥轉庫部郎中太和中

遷諫議大夫專掌史筆罷知制誥籍性簡澹寡合耽玩經史精於著述而風望峻整爲時輩推重太和二年正月卒時年五十九贈工部侍郎子臨大和中登進士第

劉禹錫字夢得彭城人祖雲父徽仕歷州縣令佐世以儒學稱禹錫貞元九年擢進士第又登宏辭科禹錫精於古文善五言詩今體文章復多才麗從事淮南節度使杜佑幕典記室尤加禮異從佑入朝爲監察御史與吏部郎中韋執誼相善貞元末王叔文於東宮用事後輩務進多附麗之禹錫尤爲叔文知契以宰相器待之順宗即位久疾不任政事禁中文誥皆出於叔文引禹錫及柳宗元入禁中與之圖議言無不從轉屯田員外郎判度支鹽鐵案兼崇陵使判官頗怙威權中傷端士宗元素不悅武元衡時武元衡爲御史中丞乃左授右庶子侍御史賈羣奏禹錫挾邪亂政不宜在朝羣即日罷官韓皋憑藉貴門不附叔文黨出爲湖南觀察使既任喜怒凌人京師人士不敢指名道路以目時號二王劉柳叔文敗坐貶連州刺史在道貶朗州司馬地居西南夷土風僻陋舉目殊俗無可與言者禹錫在朗州十年唯以文章吟詠陶冶情性蠻俗好巫每淫祠鼓舞必歌俚辭禹錫或從事於其間乃依騷人之作爲新辭以教巫祝故武陵谿洞間夷歌率多禹錫之辭也初禹錫宗元等八人犯衆怒憲宗亦怒故再貶制有逢恩不原之令然執政惜其才欲洗滌痕累漸序用之會程異復掌轉運有詔以韓皋及禹錫等爲遠郡刺史屬武元衡在中書諫官十餘人論列言不可復用而止禹錫積歲在湘澧間鬱悒不怡因讀張九齡文集乃敘其意曰世稱曲江爲相建言放臣不宜於善地多徙五磔不毛之鄉今讀其文章自內職牧始安有瘴癘之數自退相守荆州有拘囚之思託諷禽鳥寄辭草樹鬱然與騷人同風嗟夫身出於退陬一失意而不能堪矧華人士族而必致醜地然後快意哉議者以曲江爲良臣識胡維有反相羞與凡器同列密啓廷諍雖古哲人不及而燕翼無似終爲鈇魂豈枝心失恕陰譴最大雖二美莫贖耶不然何袁公一言明楚獄而鍾鍾四葉以是相較神可誣乎元和十年自武陵召還宰相復欲置之郎署時禹錫作遊玄都觀詠看花君子詩語涉譏刺執政

不悅復出爲播州刺史詔下御史中丞裴度奏曰劉禹錫有母年八十餘今播州西南極遠猿狖所居人迹罕至禹錫誠合得罪然其老母必去不得則與此子爲死別臣恐傷陛下孝理之風伏請屈法稍移近處憲宗曰夫爲人子每事尤須謹慎常恐貽親之憂今禹錫所坐更合重於他人卿豈可以此論之度無以對良久帝改容而言曰朕所言是實人子之事然終不欲傷其所親之心乃改連州刺史去京師又十餘年連刺數郡太和二年自和州刺史徵還拜主客郎中禹錫銜前事未已復作遊玄都觀詩序曰予貞元二十一年爲尚書屯田員外郎時此觀中未有花木是歲出牧連州尋貶朗州司馬居十年召還京師人人皆言有道士手植紅桃滿觀如燦晨霞遂有詩以志一時之事旋又出牧于今十有四年得爲主客郎中重遊茲觀蕩然無復一樹唯兔葵燕麥動搖於春風因再題二十八字以俟後遊其前篇有玄都觀裏桃千樹總是劉郎去後栽之句後篇有種桃道士今何在前度劉郎又到來之句人嘉其才而薄其行禹錫甚怒武元衡李逢吉而裴度稍知之太和中度在中書欲令知制誥執政又聞詩序滋不悅累轉禮部郎中集賢院學士度罷知政事禹錫求分司東都終以恃才褻心不得久處朝列六月授蘇州刺史就賜金紫秩滿入朝授汝州刺史遷太子賓客分司東都禹錫晚年與少傅白居易善詩筆文章時無在其右者常與禹錫唱和往來因集其詩而序之曰彭城劉夢得詩豪者也其鋒森然少敢當者予不量力往往犯之夫合應者聲同交爭者力敵一往一復欲罷不能由是每制一篇先於視草視竟則與作則文成一二年來日尋筆視同和贈答不覺滋多太和三年春以前紙墨所存者凡一百三十八首其餘乘興仗醉率然口號者不在此數因命小姪龜兒編勒成兩軸仍寫二本一付龜兒一授夢得小男峯郎各令收藏附兩家文集予頃與元微之唱和頗多或在人口嘗戲微之云僕與足下二十年來爲文友詩敵幸也亦不幸也吟詠情性播揚名聲其適遺形其樂忘老幸也然江南士女語才子者多云元白以子之故使僕不得獨步於吳越聞此一不幸也今垂老復遇夢得非重不幸耶夢得夢得文之神妙莫先於詩若妙與神則吾豈敢如夢得雪裏高山頭白早

海中仙果子生遲。沉舟側畔千帆過。病樹前頭萬木春之句之類。真謂神妙矣。在在處處。應有靈物護持。豈止兩家子弟秘藏而已。其為名流許與如此。夢得嘗為西塞懷古。金陵五題等詩。江南文士稱為佳作。雖名位不達。公卿大寮。多與之交。開成初。復為太子賓客分司。俄授同州刺史。秩滿。檢校禮部尚書。太子賓客分司。會昌二年七月卒。時年七十一。贈戶部尚書。子承雍。登進士第。亦有才藻。

柳宗元。字子厚。河東人。後魏侍中濟陰公之系孫。曾伯祖顛。高祖朝宰相。父鎮。太常博士。終侍御史。宗元少聰警絕。尤精西漢詩騷。下筆構思。與古為侔。精裁密綴。璨若珠貝。當時流輩咸推之。登進士第。應舉宏辭。授校書郎。藍田尉。貞元十九年。為監察御史。順宗即位。王叔文章執誼用事。尤奇待宗元。與監察呂溫密引禁中。與之圖事。轉尚書禮部員外郎。叔文欲大用之。會居位不久。叔文敗。與同輩七人俱貶。宗元為邵州刺史。在道再貶永州司馬。既罹竄逐。涉履巒瘴。崎嶇堙厄。蘊騷人之鬱悼。寫情敘事。動必以文。為騷文十數篇。覽之者為之悽惻。元和十年。例移為柳州刺史。時朗州司馬劉禹錫得播州刺史。制書下。宗元謂所親曰。禹錫有母年高。今為郡蠻方。西南絕域。往復萬里。如何與母偕行。如母子異方。便為永訣。吾於禹錫為執友。胡忍見其若是。即草章奏請以柳州授禹錫。自往播州。會裴度亦奏其事。禹錫終易連州。柳州土俗以男女質錢。過期則沒入錢主。宗元革其鄉法。其已沒者。仍出私錢贖之。歸其父母。江嶺間為進士者。不遠數千里。皆隨宗元師法。凡經其門。必為名士。著述之。咸名動於時。時號柳州云。有文集四十卷。元和十四年十月五日卒。時年四十七。子周六。周七。纔三四歲。觀察使裴行立為營護其喪。及妻子遷於京師。時人義之。

韋辭。字踐之。祖召卿。洛陽丞。父翹。官至侍御史。辭少以兩經擢第。判入等。為秘書省校書郎。貞元末。東都留守韋夏卿辟為從事。後累佐使府。皆以參畫稱職。元和九年。自藍田令入拜侍御史。以事累出為朗州刺史。再貶江州司馬。長慶初。韋處厚路隨以公望居顯要。素知辭有文學理行。亟稱薦之。權為戶部員外。轉刑部郎中。充京西北和糴使。尋為戶部郎中。兼御史中丞。充鹽鐵副使。轉吏

部郎中。文宗即位。韋處厚執政。且以澄汰浮華。登用藝實為事。乃以辭與李翱同拜中書舍人。辭素無清藻。文筆不過中才。然處事端實。游官無黨。與李翱特相善。俱擅文學。高名。疎達自用。不事檢操。處厚以激時用。頗不厭公論。辭亦倦於潤色。苦求外任。乃出為潭州刺史。御史中丞湖南觀察使。在鎮二年。吏民稱治。太和四年卒。時年五十八。贈右散騎常侍。

史臣曰。貞元太和之間。以文學聳動搢紳之伍者。宗元禹錫而已。其巧麗淵博。屬辭比事。誠一代之宏才。如俾之詠歌。帝載。翻藻王言。足以平揖古賢。氣吞時輩。而蹈道不謹。昵比小人。自致流離。遂墮素業。故君子羣而不黨。戒懼慎獨。正為此也。韓李二文公於陵遲之末。遑遑仁義。有志於持世範。欲以人文化成。而道未果也。至若抑揚墨。排釋老。雖於道未弘。亦端士之用心也。

贊曰。天地經綸。無出斯文。愈朝揮翰。語切典墳。犧雞斷尾。害馬敗羣。僻塗自噬。劉柳諸君。

舊唐書卷一百六十

舊唐書卷一百六十考證

韓愈傳韓愈字退之昌黎人○臣宗萬按退之自稱曰昌黎李自作愈父仲卿

武昌去思碑云南陽人攷元和姓纂云南陽緒陽類皆元孫纂避王莽亂因

居之新書宰相世系表云河南尹籍居堵陽堵音者後魏中郎穎子播徒昌

黎棘城然則韓氏初徙南陽之堵陽後徙昌黎之棘城漢書地理志有兩南

陽一曰河內修武即左傳晉啓南陽是一曰南陽堵陽即韓壽所徙南陽郡

在唐屬鄧州故新書以為鄧州南陽人此云昌黎人又李翱作愈行狀亦云

昌黎蓋據韓氏自稱也

宮市之弊諫官論之不聽愈嘗上章數千言極論之不聽怒貶為連州山陽令

○臣宗萬按愈文集祭張署文有云我落陽山以尹颺錄又連州無山陽顯

屬傳寫之訛當從新書作陽山復按程敏道韓文公歷官記貞元十九年遷

監察御史是年京師旱民飢詔蠲租半有司徵求反急愈與同列張署李方

叔上疏言狀天子惻然卒為幸臣所譏貶連州陽山令洪興祖曰公陽山之

貶寄贈三學士詩敘述甚詳而皇甫持正作公神道碑亦云因疏關中旱飢

專政者惡之則其非為宮市明矣今公集有御史臺論天旱人飢狀與詩正

合況皇甫持正從公遊者不應公嘗疏宮市而不及之也據此則愈之貶謫

山由言旱飢狀矣然兩書皆言論宮市而貶紀又闕愈貶官文而所上之疏

亦復不傳無從質證或者宮市與旱飢兼論史止據其一事也

孟郊傳○新書云年五十得進士第調遷溧陽尉舊書不載

李翱傳不視朝○朝字誤朔今改正

會昌中卒于鎮○沈炳震曰案文宗紀開成元年殷侗拜山南東道自此至會

昌又易數人非翱至會昌時猶為山南東道也當作開成為是

劉禹錫傳今垂老復遇夢得非重不幸耶夢得夢得文之神妙莫先于詩若妙

與神則吾豈敢○原本于復遇夢得下重夢得二字於文之神妙上又脫夢

得二字詩又誤作是今俱從長慶集本改正

柳宗元傳曾伯祖爽○臣宗萬按文安禮柳宗元年譜云子厚有先侍御史府

君神道表云曾伯祖諱爽字子燕則爽於侍御史為曾伯祖於子厚為高伯祖矣新舊史于厚傳及韓退之子厚墓誌皆云曾伯祖恐誤又按新書宰相世系表云爽字子燕與神道表同而列傳則云字子邵不知何所據也

舊唐書卷一百六十考證

舊唐書卷一百六十一

後晉司空同中書門下平章事劉昫撰

列傳卷第一百十一

李光進弟光顏 烏重胤

王沛子達

李珙

李祐

董重質

楊元卿子延宗

劉悟子從諫孫模

劉沔

石雄

李光進本河曲部落稽阿跌之族也父良臣襲羅田州刺史隸朔方軍光進姊適舍利葛旃殺僕固瑒而事河東節度使辛雲京光進兄弟少依葛旃因家于太原光進勇毅果敢其武藝兵略次于葛旃肅宗自靈武觀兵光進從郭子儀破賊收兩京累有戰功至德中授代州刺史封范陽郡公食邑二百戶上元初郭子儀為朔州節度以軍討大同橫野清夷范陽及河北殘寇用光進為都知兵馬使尋遷渭北節度使永泰初進封武威郡王大曆四年檢校戶部尚書知省事未幾又轉檢校刑部尚書兼太子太保是歲冬十月葬母於京城之南原將相致祭者凡四十四幄窮極奢靡城內士庶觀者如堵元和四年王承宗范希朝引師救易定表光進為步都虞候戰於木刀溝光進有功六年拜銀青光祿大夫檢校工部尚書充單于大都護振武節度使詔以光進夙有誠節克著茂勳賜姓李氏其弟光顏除洛州刺史充本州團練使兄弟恩澤同時人皆歎異八年遷靈武節度使光進嘗從馬燧救陸渚戰洹水收河中皆有功前後軍中之職無所不歷中丞大夫悉曾兼帶先是救易定之師光進光顏皆在其行故軍中呼光進為大大夫光顏為小大夫十年七月卒光進兄弟少以孝睦推於軍中及居母喪三年不歸寢室光顏先娶妻其母委以家事母卒光進始娶光顏使其妻奉管籥家籍財物歸于其嫂光進命反之且謂光顏曰新婦逮事母嘗命以主家不可改也因相持泣良久乃如初卒時年六十五贈尚書左僕射光顏與兄光進以葛旃善騎射兄弟自幼皆師之葛旃獨許光顏之勇健已不能逮及長從河東軍為裨將討李懷光楊惠琳皆有功後隨高崇文平蜀奪旗斬將出入如神由是稍稍知名自憲宗元和已來歷授代洛二州刺史兼御

史大夫九年將討淮蔡九月遷陳州刺史充忠武軍都知兵馬使踰月遷忠武軍節度使檢校工部尚書會朝廷徵天下兵環申蔡而討吳元濟詔光顏以本軍獨當一面光顏於是引兵臨澗水抗洄曲明年五月破元濟之師於時曲初賊眾畏光顏之壘而陣光顏不得出乃自毀其柵之左右出騎以突之光顏將數騎冒壘而衝之出入者數四賊眾盡識矢集於身如蝟其子攬光顏馬鞅止其深入光顏舉刀叱之乃退於是人爭奮躍賊乃大潰死者數千人捷聲至京師人人相賀時伐蔡之師大小凡十餘鎮自裴度使還唯奏光顏勇而知義終不辱命至是果立功焉是歲十一月光顏又與懷汝節度烏重胤同破元濟之眾於小澗河平其柵初統韓弘令諸軍齊攻城賊又徑攻烏重胤之壘重胤禦之中數槍馳請救於光顏光顏以小澗橋賊之堡也乘其無備使田穎宋朝隱襲而取之乃平其城壘由是克救重胤韓弘以光顏違令取穎及朝隱將戮之穎及朝隱勇而材軍中皆惋惜之光顏畏弘不敢留會中使景忠信至知其情乃矯詔令所在械繫之走馬入見具以本末聞憲宗赦忠信矯詔罪令即往釋穎及朝隱弘及光顏迭以表論憲宗謂弘使曰穎等違都統令固當處死但光顏以其護賊有功亦可宥之軍有三令五申宜捨此以收來效及以詔諭弘弘不悅十一年光顏連敗元濟之眾拔賊凌雲柵憲宗大悅賜其告捷者奴婢銀錦進位檢校尚書左僕射十二年四月光顏敗元濟之眾三萬于鄆城其將張伯良奔于蔡州殺其賊什二三獲馬千匹器甲三萬聯皆畫雷公符仍書云速破城北軍尋而鄆城守將鄧懷金請以城降光顏許之而收鄆城初鄧懷金以官軍圍青陵城絕其歸路懷金懼謀於鄆城令董昌齡昌齡母素誠其子令降昌齡因此勸懷金歸款于光顏且曰城中之人父母妻子皆質于蔡州如不屈而降則家盡屠矣請來攻城我則舉烽求救救兵將至官軍逆擊之必敗此時當以城降光顏從之賊果敗走於是昌齡執印帥吏列于門外懷金與諸將素服倒戈列于門內光顏受降乃入羅城其城自壞五十餘步時韓弘為汴帥驕矜倔強常倚賊勢索朝廷姑息惡光顏力戰陰圖撓屈計無所施遂舉大梁城求得一美婦人教以歌舞絃管六博之藝飾之以珠翠金玉衣服之具

計費數百萬命使者送遺光顏冀一見悅感而怠於軍政也使者即實書先造光顏壘曰本使令公德公私愛憂公暴露欲進一妓以慰公征役之恩謹以候命光顏曰今日已暮明旦納焉詰朝光顏乃大宴軍士三軍咸集命使者進妓妓至則容止端麗殆非人間所有一座皆驚光顏乃於座上謂來使曰令公憐光顏離家室久捨美妓見贈誠有以荷德也然光顏受國家恩深誓不與逆賊同生日月下今戰卒數萬皆皆妻子蹈白刃光顏奈何以女色為樂言訖涕泣嗚咽堂下兵士數萬皆感激流涕乃厚以縑帛酬其來使俾領其妓自席而上迴謂使者曰為光顏多謝令公光顏事君許國之心死無貳矣自此兵眾之心彌加激勵及裴度至行營率賓從於方城澠口觀板築五溝賊遽至注弩挺刃勢將及度光顏決戰於前以却之時光顏預慮其來先使田布以二百騎伏於溝中出賊不意交擊之度方獲免布又先扼其溝中歸路賊多棄騎越溝相牽墜壓而死者千餘人是日微光顏之救度幾陷矣是月賊知光顏勇冠諸將乃悉其眾出當光顏之師時李勣乘其無備急引兵襲蔡州拔之獲元贍董重質棄泗曲軍入城降愬光顏知之躍馬入賊營大呼以降賊眾萬餘人皆解甲投戈請命賊平加檢校司空十三年春命中官宴光顏於居第賜芻米二十餘車憲宗又御麟德殿召對賜金帶錦綵朝廷東討李師道授光顏義成軍節度使至鎮尋赴行營數旬之內再敗賊軍於濮陽殺戮數千人進軍深入十四年西蕃入寇移授邠寧節度使時鹽州為吐蕃所毀命李文悅為刺史令光顏充勾當修築鹽州城使仍許以陳許六千人隨赴邠寧是歲吐蕃復涇原自田緝鎮夏州以倉狼侵撓党項羌乃引吐蕃入寇及蕃軍攻涇州邊將郝玘血戰始退初光顏聞賊攻涇州料兵赴救邠師喧然曰人給五十千而不識戰陣彼何人也常額衣資不得而前蹈白刃此何人也憤聲恟恟不可遏光顏素得士心曲為陳說大義言發涕流三軍感之亦泣下乃忻然即路擊賊退之穆宗即位就加特進仍與一子四品正員官尋詔赴闕賜開化里第進加同中書門下平章事穆宗以光顏功冠諸將故召赴闕謙賜優給已而帶平章復鎮所以報勳臣也長慶初遷鳳翔節度使依前檢校司空同中書門下平章事歲末復授許州

節度使朝廷以光顏昔鎮陳許頗得士心將討鎮冀故有此拜赴鎮日宰相百寮以故事送別於章敬寺穆宗御通化門臨送之賜錦綵銀器夏馬玉帶等物二年討王廷湊命光顏兼深州行營諸軍節度使光顏既受命而行懸軍討賊艱於饋運朝廷又以滄景德棣等州俾之兼管以其鄰賊之郡可便飛輓光顏以朝廷制置乖方賊帥連結未可朝夕平定事若差跌即前功悉棄乃懇辭兼鎮尋以疾作表祈歸鎮朝廷果討賊無功而赦廷湊四年赦宗即位正拜司徒汴州李亦逐其帥叛詔光顏率陳許之師討之營于尉氏俄而誅穴遷太原尹北京留守河東節度使進階開府儀同三司仍於正衙受冊司徒兼侍中二年九月卒年六十六廢朝三日贈太尉諡曰忠

烏重胤潞州牙將也元和中王承宗叛王師加討潞帥盧從史雖出軍而密與賊通時神策行營吐突承璀與從史軍相近承璀與重胤謀縛從史於帳下是日重胤戒嚴潞軍無敢動者憲宗賞其功授潞府左司馬遷懷州刺史兼充河陽三城節度使會討淮蔡用重胤壓境仍割汝州隸河陽自王師討淮西三年重胤與李光顏角相應大小百餘戰以至元贍誅就加檢校尚書右僕射轉司空憲將有李端者過潞河降重胤其妻為賊束縛於樹樹食至死將絕猶呼其夫曰善事烏僕射其得人心如此元和十三年代鄭權為橫海軍節度使既至鎮上言曰臣以河朔能拒朝命者其大略可見蓋刺史失其職反使鎮將領兵事若刺史各得職分又有鎮兵則節將雖有祿山思明之姦豈能據一州為叛哉所以河朔六十年能拒朝命者祇以奪刺史縣令之職自作威福故也臣所管德棣景三州已舉公牒各還刺史職事訖應在州兵並令刺史收管又景州本是弓高縣請却廢為縣歸化縣本是草市請廢縣依舊屬德州詔並從之由是法制修立各歸名分及屯軍深州重胤以朝廷制置失宜賊方憑凌未可輕進觀望累月穆宗急於誅叛遂以杜叔良代之以重胤檢校司徒兼與元尹充山南西道節度使召至京師復以本官為天平軍節度郵曹僕等州觀察等使李同捷據滄州請襲父位朝廷不從議者慮校重拒命欲以重臣代乃移鎮充海加太子太師平章事俾兼領滄景節度仍舊割齊州隸之蓋望不弊師而

底定制出旬日重胤卒贈太尉重胤自行間及爲長帥赤心奉上龍輿下同
甘苦所至立功未嘗矜伐而善待賓僚禮分同至當時名士咸願依之身歿之
日軍士二十餘人皆割股肉以爲祭醑雖古之名將無以加焉子漢弘嗣起復
授左領軍衛將軍漢弘上表乞終服紀文宗嘉詔從之服闋方授官

王沛許州人年十八有勇決許州節度使上官況奇其才以女妻之署爲牙門
將及況卒子埒田傳迫脅況子欲邀襲位懼監軍使不順其事將結謀伏兵以
圖之沛竊知其謀密告監軍因盡擒其黨於伏匿之所監軍范日用以其事聞
德宗乃以陳許行軍司馬劉昌裔總統其軍賜沛手詔令護況之子赴上都既

至召見德宗謂之曰據卿忠義寵宜加等但昌裔所奏抵牾加監察御史朕意
殊爲不足卿速歸便宣付昌裔更令奏來遂翻騎而還未至許州拜開府儀同
三司兼御史中丞依前本職吳元濟反李光顏受命攻討奇沛節愷署行營兵
馬使別統勁兵屯于近郊及軍合連破蔡寇頰詔進軍諸將觀望無敢先渡澗

河沛率兵五千夜渡澗河合流口徑扼賊喉而成城自是河陽宣武太原魏博
等軍繼渡犄角進攻郟城沛先結壘與賊對賊將鄧懷金率衆來面縛而降蔡賊
平沛隨李光顏入朝光顏具陳沛功加御史大夫既還鎮光顏受詔討鄆寇及
李師道誅詔分許州兵戍于郟以沛爲都將救鹽州擊退吐蕃以功加單州刺

史遷陳州李亦反詔沛兼忠武節度副使率師討亦亦平加檢校右散騎常侍
遷兗海沂密節度觀察等使此邦新造人情猶驚沛明申法令選蒐軍政兼年
大理明年改檢校工部尚書充忠武軍節度陳許蔡觀察等使卒于鎮贈右僕

射子逢逢少沉勇從父征伐有功爲忠武都知兵馬使太和中入宿衛歷諸衛
將軍從石雄劉沔破迴紇于天德性果決用法嚴其時有二千人不上陣官賜
賞給逢皆不與或非之逢曰健兒向前冒白刃若無功而賞其如冒刃者何王
宰攻劉稹逢領陳許七千人屯興城代田令昭賊平檢校左散騎常侍累遷至
忠武軍節度陳許觀察等使

李珙山東甲姓代修婚姻至珙不好讀書唯以弓馬爲務長六尺餘氣貌魁岸
嘗詣澤潞謁李抱真異之將選爲衙門將旋以酒酣使氣復欲棄之都將王虔

休謂抱真曰李珙奇士也若不能用不如殺之無爲他人所得抱真死虔休爲
帥乃依虔休累爲昭義大將吐突承璀之擒盧從史烏重胤實預其謀珙初不
知將救從史聞重胤受朝旨乃觀望不進重胤以此德之後領河陽乃置於歷
下然朝廷以與從史厚善竟出爲北邊一校元和十年征淮西重胤懇表爲諸
道行營都虞候詔特從之俄以母憂去職服闋除右武衛上將軍長慶四年八
月卒年六十四廢朝一日

李祐本蔡州牙將事吳元濟驍勇善戰自王師討淮西祐爲行營將每抗官軍
皆憚之元和十二年爲李愬所擒愬知祐有膽略釋其死厚遇之推誠定分與
同寢食往往帳中密語達曙不寐人有耳屬於外者但屢聞祐感泣聲而軍中
以前時爲祐殺傷者多營壘諸卒會議皆恨不殺祐愬以衆情歸愬慮不能全

因送祐於京師乃上表救之憲宗特恕遂遣祐賜愬大喜即以三千精兵付
之祐所言無有所疑竟以祐破蔡擒元濟以功授神武將軍遷金吾將軍檢校
左散騎常侍夏州刺史御史大夫夏綏銀宥節度使寶曆初入爲右金吾大將
軍尋以吐蕃入寇出爲涇州刺史涇原節度使太和初討李同捷遷檢校戶部
尚書滄州刺史滄德景節度使太和三年五月卒

董重質本淮西牙將吳少誠之子壻也性勇悍識軍機善用兵及元濟拒命重
質又爲謀主領大軍當王師連歲不拔皆重質之謀也元和十二年宰相裴度
督兵淮西至郟城元濟乃悉發左右及守城之卒委重質而拒度時李愬乘虛

入蔡既擒元濟重質之家在蔡愬乃安卹之仍使其子持書禮以召重質重質
見其子知城已陷及元濟囚窘之狀乃慨然以單騎歸愬白衣叩伏懇登城
以賓禮與之食憲宗欲殺之愬奏許以不死而來降請免之且乞於本軍驅使
於是貶春州司戶參軍明年轉太子少詹事委武寧軍收管驅使仍加金紫十

五年徵入授左神武軍將軍知軍事兼御史中丞仍賜金帛與有功者等尋授
鹽州刺史又遷左右神策及諸道劍南四川行營節度使檢校左散騎常侍太
和四年又轉夏綏銀宥節度使五年就加檢校工部尚書重質訓兵立法羌戎
畏服八年八月卒贈尚書右僕射

楊元卿，祖子華，德州安陵縣丞。父寓，申州鍾山縣令。元卿少孤，慷慨有才略。及冠，尚漂蕩江橫之表，縱遊放言。人謂之狂生。時吳少誠專蔡州，朝廷姑息之。元卿白衣謁見，署以劇縣，旋辟為從事。授試大理評事，亦事少陽。後委轉監察裏行。因上奏，宰相李吉甫深加慰納。自是一歲或再隨奏。至京師，元卿每與少陽言，論以大義，乃為兇黨所構，賴節度判官蘇肇保持，故免。元卿潛奉朝廷，內耗少陽之事。及少陽死，其子元濟繼立。元卿說曰：「先尚書性公，諸將皆飢寒，今須布惠以自固也。府中有無，元卿熟知之。曷若散聘諸道，卑辭厚禮，以丈人行呼羣帥，庶幾一助。而諸將大獲矣。」元卿願將留後表上聞。朝廷安得不從哉。元濟許之。元卿即日離蔡，以賊勢盈虛條奏，潛請詔諸道拘留使者。及元濟覺，元卿妻陳氏并四男，並為元濟所殺。同圻一射梁，蘇肇以保持元卿，亦同日被害。詔授元卿岳王府司馬，尋遷太子僕射。元和十三年，授蔡州刺史，兼御史中丞。未行，改授光祿少卿。初，朝廷比令元卿與李愬會議於唐州東境，選要便處，權置行蔡州。如百姓官健有歸順者，便準勸優恤，必令全活。既而召見，元卿遽奏請借度支錢。及言事頗多不合旨，宰相裴度亦以諸將討賊三年，功成在旦暮，如更分土地與元卿，即恐相侵生事。故罷前命而改授焉。是歲既平淮西，元卿奏曰：「淮西甚有寶貨及犀帶，臣知之，往取必得。」上曰：「朕本討賊，為人除害，今賊平人安，則我求之得矣。寶貨犀帶，非所求也。勿復此言。」是月，詔授左金吾衛將軍。未幾，改汾州刺史。復徵為左金吾衛將軍。長慶初，易置鎮魏守臣。元卿詣宰相深陳利害，并見表其事。後穆宗感悟，賜白玉帶，旋授檢校左散騎常侍。涇州刺史。涇原渭節度觀察等使，兼充四鎮北庭行軍。元卿乃奏置屯田五千頃，每屯築牆高數仞，鍵閉牢密，卒然寇至，盡可保守。加檢校工部尚書，營田成。復加使號。居六年，涇人論奏，為立德政碑。移授懷州刺史。充河陽三城節度觀察等使。大和五年，就加檢校司空，進階光祿大夫。以其營田納粟二十萬石，以裨經費。故也。是歲，改授汴宋亳觀察等使。凡所廢置，皆有弘益。詔並從之。年七十，獲疾歸洛陽。詔授太子太保。是歲八月卒。廢朝三日。贈司徒。元卿始以毀家効順，累授方鎮，然性險巧，所至好聚斂，善結交。涇人得情，亦由此也。子延宗，開成中

為磁州刺史。坐謀逐河陽節度使以自立。為其黨所告。臺司推鞠得實，誅之。劉悟，正臣之孫也。正臣本名客奴。天寶末，祿山叛，平盧軍節度使柳知晦受賊僞署。客奴時職居牙門，襲殺知晦，馳章以聞。授平盧軍節度使。賜名正臣。悟少有勇力，叔逸准為汴帥，積緡錢數百萬於洛中。悟輒破局緡，悉盜用之。既而懼上歸李師古，始亦未甚知。後因擊毬馳突，衝師古馬仆。師古怒，將斬之。悟猛以氣語押觸師古，師古奇而免之。因令管壯士將後軍，累署衙門。右職。奏授淄青節度都知兵馬使，兼監察御史。元和末，憲宗既平淮西，下詔誅師道。遣悟將兵拒魏博軍，而數促悟戰。悟未及進，馳使召之。悟度使來必殺己，乃偽疾不出。令都虞候往迎之。使者亦果以賊告其人。云奉命殺悟以代悟。都虞候即時先還。悟勃之得其實，乃召諸將與謀曰：「魏博田弘正兵強，出戰必敗。不出則死。今天子所誅者，司空一人而已。悟與公等皆為所驅迫，使就其死。何如殺其來使，整戈以取鄆，立大功，轉危為富貴耶。」眾咸曰：「善。」唯都將所命。悟於是立斬其使，以兵取鄆，圍其內城。兼以火攻其門，不數刻，擒師道并男二人，並斬其首以獻。擢拜悟檢校工部尚書，兼御史大夫。義成軍節度使，封彭城郡王。仍賜實封五百戶。錢二萬貫。莊宅各一區。十五年正月，入覲。又加檢校兵部尚書。餘如故。穆宗即位，以恩例遷檢校尚書右僕射。是歲十月，移鎮澤潞。旋以本官兼平章事。長慶元年，幽州大將朱克融叛，囚其帥張弘靖。朝廷求名將以鎮漁陽。乃加悟檢校司空，平章事。充盧龍軍節度使。悟以幽州方亂，未克進討。請授之節鉞。徐圖之。乃復以悟為澤潞節度使。拜檢校司徒，兼太子太傅。依前平章事。時監軍劉承偁頗恃恩權，常對眾辱悟。又縱其下亂法。悟不能平。異日有中使至，承偁寔之。請悟欲往，左右皆曰：「往則必為其困辱矣。軍眾因亂，悟不止之，乃擒承偁至牙門，殺其二僕。欲并害承偁。悟救之，獲免。朝廷不獲已，貶承偁。自是悟頗縱恣。欲劾河朔三鎮，朝廷失意不運之徒，多投寄潞州以求援。往往奏章論事，辭旨不遜。寶曆元年九月病卒。贈太尉。遺表請以其子從諫繼續戎事。敬宗下大旨，議僕射李絳以澤潞內地與三鎮事理不同，不可許。宰相李逢吉、中尉王守澄受其賂，曲為奏請。從諫自將作監主簿，起復雲麾將軍，守金吾衛大將軍。同

正檢校左散騎常侍兼御史大夫。充昭義節度副大使知節度觀察等留後。二年。加金吾上將軍。檢校工部尚書。充昭義節度等使。文宗即位。進檢校司空。六年十二月入覲。七年春歸藩。加同中書門下平章事。九年。李訓事敗。宰相王涯等四人被禍。時涯兼掌邦計。雖不與李訓同謀。然不自異於其間。既死。非其罪。悟素德涯之私恩。心頗不平。四上章請涯等罪名。仇士良輩深憚之。是時中官頗橫。天子不能制。朝臣日憂陷族。賴從諫論列。而鄭覃李石方能相乘朝政。先是有蕭洪者。詐稱太后弟。因仇士良保任。許之厚賂。及洪累授方鎮。納賂不滿士良之志。士良怒。遣人上書論洪非太后之親。又以蕭本者為太后弟。從諫深

知內官之故。乃自露府飛章論之曰。臣聞造偽以亂真者。匹夫知之尚不可。況天下皆知乎。執疎以為親者。在匹夫之家尚不可。況處大國之朝乎。臣受國恩深。奉公心切。知有此失。安敢不言。伏唯皇帝陛下仁及萬方。孝教九族。而推心無黨。唯理是求。微臣所以不避直言。切論深事。伏見金吾將軍蕭本。稱是太后親弟。受此官榮。今喧然國都。地聞藩府。自上及下。異口同音。皆言蕭弘是真。蕭本是偽。臣傍聽衆論。遍察羣情。咸思發明。以正名分。今年二月。其蕭弘投臣當道。求臣上聞。自言比者福建觀察使唐扶及監軍劉行立具審根源。已曾論奏。其時蕭本得為外戚。來自左軍。臺司既不敢研窮。聖意遂勒還鄉里。自茲議論。轉益沸騰。臣亦令潛問左軍。權論大體。而士良推至公之道。發不黨之言。蓋蕭本自度孤危。妄有憑恃。伏以名居國舅。位列朝班。而真偽不分。中外所恥。切慮皇太后受此罔惑。已有恩情。若舍若於一時。終取笑於千古。伏乞追蕭弘赴

闕。與蕭本對推。細詰根源。必辨真偽。詔令三司使推按。帝以二蕭雖詐。託名太后之宗。不欲誅之。俱流嶺表。從諫進位檢校司徒。會昌三年卒。大將郭誼等匿喪。用其姪。積權領軍務。時宰相李德裕用事。素惡從諫之姪。因奏請劉護護喪歸洛。以聽朝旨。積竟叛。德裕用中丞李回奉使河朔。說令二鎮加兵討積。乃削奪積官。命徐許滑孟魏鎮幽并八鎮之師四面進攻。四年。郭誼斬積。傳首京師。從諫妻裴氏。初積拒命。裴氏召集大將妻同宴。以酒為壽。泣下不能已。諸婦請命。裴曰。新婦各與汝夫文字。勿忘先相公之拔擢。莫効李丕背恩走投國家子

母為託。故悲不能已也。諸婦亦泣下。故將叛志益堅。積死。裴亦以此極刑。積族屬昆仲九人皆誅。

劉沔。許州牙將也。少事李光顏為帳中親將。元和末。光顏討吳元濟。常用沔為前鋒。蔡將有重寶者。守洄曲。其部下乘驛即戰。號驛子軍。最為勁悍。官軍常警備之。沔號銳善騎射。每與驛軍接戰。必冒刃陷堅。俘賊而還。故中武一軍破賊第一。淮蔡平。隨光顏入朝。憲宗留宿衛。歷三將軍。歷鹽州刺史。天德軍防禦使。在西北邊。累立奇効。太和末。河西党項羌叛。沔以天德之師屢誅其酋渠。移授振武節度使。檢校右散騎常侍。單于大都護。開成中。党項雜虜大擾河西。沔率吐渾契苾沙陀三部落等諸族萬人馬三千騎。徑至銀夏討襲。大破之。俘獲萬計。告捷而還。以功加檢校戶部尚書。會昌初。迴紇部亂。烏介可汗奉太和公主至。漢南求食。過把頭峯。犯雲朔北川。朝廷以太原重地。控扼諸戎。乃移沔河東節度使。檢校尚書左僕射。太原尹。北京留守。詔與幽州張仲武協力招撫。迴紇竟破虜寇。迎公主還宮。以功進位檢校司空。尋改滑州刺史。義成軍節度使。四年。潞帥劉從諫卒。子稷。匿喪擅主留務。要求旌鉞。武宗怒。命忠武節度使王宰。徐州節度李彥佐等充潞府西南面招撫使。遂復授沔太原節度。充潞府北面招討使。沔與張仲武不協。方徵兵幽州。乃移沔為鄭滑節度使。進位檢校司徒。既而以疾求歸洛陽。授太子太保。卒。初。沔為忠武小校。從李光顏討淮西。為捉生將。前後遇賊血戰。鋒刃所傷。幾死者數四。嘗傷重臥草中。月黑不知歸路。昏然而睡。夢人授之雙燭。曰。子方大貴。此行無患。可持此而還。既行。炯然有雙光在前。自後破虜危難。每行。常有此光。及罷鎮後。雙光息。五年。李德裕出鎮。罷沔為太子太保。明年。以太子太保致仕。卒。

石雄。徐州牙校也。王智興之討李同捷。以雄為右廂捉生兵馬使。勇敢善戰。氣凌三軍。自智興以兵臨賊境。率先收棧州。雄先驅渡河。前無堅陣。徐人伏雄之。撫待。惡智興之虐。欲逐之。而立雄。智興以軍在賊境。懼其變生。因其立功。請授一郡刺史。朝廷徵赴京師。授鹽州刺史。智興尋殺雄之素相善諸將士百餘人。仍奏雄搖動軍情。請行誅戮。文宗雅知其能。惜之。乃長流白州。太和。中。河西党

母為託。故悲不能已也。諸婦亦泣下。故將叛志益堅。積死。裴亦以此極刑。積族屬昆仲九人皆誅。

劉沔。許州牙將也。少事李光顏為帳中親將。元和末。光顏討吳元濟。常用沔為前鋒。蔡將有重寶者。守洄曲。其部下乘驛即戰。號驛子軍。最為勁悍。官軍常警備之。沔號銳善騎射。每與驛軍接戰。必冒刃陷堅。俘賊而還。故中武一軍破賊第一。淮蔡平。隨光顏入朝。憲宗留宿衛。歷三將軍。歷鹽州刺史。天德軍防禦使。在西北邊。累立奇効。太和末。河西党項羌叛。沔以天德之師屢誅其酋渠。移授振武節度使。檢校右散騎常侍。單于大都護。開成中。党項雜虜大擾河西。沔率吐渾契苾沙陀三部落等諸族萬人馬三千騎。徑至銀夏討襲。大破之。俘獲萬計。告捷而還。以功加檢校戶部尚書。會昌初。迴紇部亂。烏介可汗奉太和公主至。漢南求食。過把頭峯。犯雲朔北川。朝廷以太原重地。控扼諸戎。乃移沔河東節度使。檢校尚書左僕射。太原尹。北京留守。詔與幽州張仲武協力招撫。迴紇竟破虜寇。迎公主還宮。以功進位檢校司空。尋改滑州刺史。義成軍節度使。四年。潞帥劉從諫卒。子稷。匿喪擅主留務。要求旌鉞。武宗怒。命忠武節度使王宰。徐州節度李彥佐等充潞府西南面招撫使。遂復授沔太原節度。充潞府北面招討使。沔與張仲武不協。方徵兵幽州。乃移沔為鄭滑節度使。進位檢校司徒。既而以疾求歸洛陽。授太子太保。卒。初。沔為忠武小校。從李光顏討淮西。為捉生將。前後遇賊血戰。鋒刃所傷。幾死者數四。嘗傷重臥草中。月黑不知歸路。昏然而睡。夢人授之雙燭。曰。子方大貴。此行無患。可持此而還。既行。炯然有雙光在前。自後破虜危難。每行。常有此光。及罷鎮後。雙光息。五年。李德裕出鎮。罷沔為太子太保。明年。以太子太保致仕。卒。

石雄。徐州牙校也。王智興之討李同捷。以雄為右廂捉生兵馬使。勇敢善戰。氣凌三軍。自智興以兵臨賊境。率先收棧州。雄先驅渡河。前無堅陣。徐人伏雄之。撫待。惡智興之虐。欲逐之。而立雄。智興以軍在賊境。懼其變生。因其立功。請授一郡刺史。朝廷徵赴京師。授鹽州刺史。智興尋殺雄之素相善諸將士百餘人。仍奏雄搖動軍情。請行誅戮。文宗雅知其能。惜之。乃長流白州。太和。中。河西党

項擾亂，選求武士，乃召還隸振武劉沔軍為裨將，累立破羌之功。文宗以智與故未甚提擢，而李紳、李德裕以崔羣舊將，素嘉之。會昌初，迴鶻寇天德，詔命劉沔為招撫迴鶻使。三年，迴鶻大掠雲朔北邊，牙於五原，沔以太原之師屯於雲州。沔謂雄曰：「黠虜離散，不足驅除，國家以公主之故，不欲急攻，今觀其所為，氣凌我輩，若果朝首，或恐依違，我輩捍邊，但能除患，專之可也。公可選驍健，乘其不意，徑趨虜帳，彼以疾雷之勢，不暇枝梧，必棄公主亡竄，事苟不捷，吾自繼進，亦無患也。」雄受教，自選勁騎，得沙陀李國昌三部落，兼契苾拓拔離虜三千騎。月暗，夜發馬邑，徑趨烏介之牙。時虜帳逼振武，雄既入城，登堞視其聚寔，見氈車數十，從者皆衣朱碧，類華人服飾。雄令諜者訊之，此何大人虜曰：「此公主帳也。」雄喻其入曰：「國家兵馬欲取可汗，公主至此，家國也，須謀歸路，俟兵合時，不得動帳。」雄乃大率城內牛馬雜畜及大鼓，夜穴城為十餘門，遲明，城上立旗幟炬火，乃於諸門縱其牛畜，鼓譟從之，直犯烏介牙帳，炬火燭天，鼓譟動地，可汗惶駭，莫測，率騎而奔。雄率勁騎追至殺胡山，急擊之，斬首萬級，生擒五千。羊馬車帳皆委之而去。遂迎公主還太原，以功加檢校左散騎常侍，豐州刺史，兼御史大夫。天德防禦等使雄沉勇，徇義臨財，甚廉，每破賊立功，朝廷特有賜與，皆不入私室，置於軍門，首取一分，餘並分給，以此軍士感義，皆思奮發，累遷檢校左僕射。河中尹、河中晉絳節度使，俄而昭義劉從諫卒，其子稹擅主軍務，朝議問罪，令徐帥李彥佐為潞府西南面招撫使，以晉州刺史李丕為副。時王宰在萬善柵，劉沔在石會，相顧未進。雄受代之翌日，越烏嶺，破賊五峯，斬獲千計。武宗聞捷大悅，謂侍臣曰：「今之義而有勇，罕有雄之比者。」雄既率先破賊，不旬日，王宰收天井關，何弘敬王元逵亦收磁洛等郡。先是潞州狂人折腰於市，謂人曰：「雄七千人至矣。」劉從諫捕而誅之，及稹危蹙，大將郭誼密款請斬稹歸朝。軍中疑其詐，雄信言曰：「賊稹之叛，郭誼為謀主，今請斬稹，即誼自謀，又何疑焉。」武宗亦以狂人之言，詔雄以七千兵受降。雄即徑馳潞州降誼，盡擒其黨與，賊平。進加檢校司空，王宰智與之子，於雄不足，雄以轅門子弟，善禮之，然討潞之役，雄有始卒之功，宰心惡之。及李德裕罷相，宰黨排擯，雄罷鎮，既而聞德裕貶，

發疾而卒。

史臣曰：古所謂名將者，不必蒙輪拔拒之材，拉虎批熊之力，要當以義終始，奸謀而成，而阿跌昆仲，聖氣陰山，率多令範，讓家權於主婦，拒美妓於姦臣，章武恢復之功，義師之効也。重胤忠於事上，仁於撫下，淮蔡之役，勳亞光顏，殿邦之臣也，不可多得。王沛之擒倭壻，李祐之執賊渠，皆因事立功，轉禍為福，智則智矣，仁者不為，而劉悟自恃太尤，世邀繼襲，至於赤族，報亦晚耶。雄沔負羽邊城，聲馳沙漠，奉迎貴主，摧破昆戎，不亦壯乎。雄能感於己知，不為無義美哉。

贊曰：淮鄆砥平，義將輸誠，二凶受縛，亦其同惡，毀義棄忠，必殄爾宗，孰稱善將，劉沔石雄。

舊唐書卷一百六十一

舊唐書卷一百六十一考證

李光進傳肅宗自靈武觀兵至觀者如堵○臣酉按肅宗去憲宗閱世者五光

進聽于元和七年其不及從郭子儀破賊也明矣此乃光弼弟光進事錯簡

於此

石雄傳遷河中尹河中晉絳節度○沈柄震曰按紀雄拜河中在劉稹既平之

後非從諫未死之前當從新書在下

舊唐書卷一百六十一考證

舊唐書卷一百六十二

後晉司空同中書門下平章事劉昫撰

列傳卷第一百十二

潘孟陽

李脩

王遂

曹華

韋綬

鄭權

盧士玖

韓全義

高覆高

高瑀

崔戎

陸亘

張正甫子敷夫 敷夫子禕

潘孟陽禮部侍郎炎之子也孟陽以父蔭進登博學宏辭科累遷殿中侍御史

降為司議郎孟陽母劉晏女也公卿多父友及外祖賓從故得薦用累至兵部

郎中德宗末王紹以恩倖數稱孟陽之材因擢授權知戶部侍郎年未四十順

宗即位承貞內禪王叔文誅杜佑始專判度支請孟陽代叔文為副時憲宗新

即位乃命孟陽巡江淮省財賦仍加鹽鐵轉運副使且察東南鎮之政理時孟

陽以氣豪權重領行從三四百人所歷鎮府但務遊賞與婦女為夜飲至鹽鐵

轉運院廣納財賄補吏職而已及歸大失人望罷為大理卿三年出為華州刺

史遷梓州刺史劍南東川節度使與武元衡有舊元衡作相復召為戶部侍郎

判度支兼京北五城管田使以和釋使韓重華為副太府卿王遂與孟陽不協

議以管田非便持之不下孟陽忿憾形於言二人俱請對上怒不許乃罷孟陽

為左散騎常侍明年復拜戶部侍郎孟陽氣尚豪俊不拘小節居第頗極華峻

憲宗微行至樂遊原見其宏敞工猶未已問之左右以孟陽對孟陽懼而罷工

作性喜宴公卿朝士多與之遊時指怒者不一俄以風緩不能行改左散騎常

侍元和十年八月卒贈兵部尚書憲宗每事求理常發江淮宣慰使左司郎中

鄭敬恭使辭上諫之曰朕宮中用度一匹已上皆有簿籍唯眠卸貧民無所計

算卿經明行修今登車傳命宜體吾懷勿學潘孟陽使所至但務酣飲遊山

寺而已其為人主所薄如此

李脩不知何許人起於寒賤以莊憲皇后妹婿元和已來驟階仕進以恩澤至

坊州絳州刺史無他才性纖巧承迎常飾廚傳以奉往來中使及禁軍中尉賓

客以求善譽治民莊事粗有政能上以為才召拜司農卿遷京兆尹十年莊憲

太后崩脩為山陵橋道置頓使特能惜費每事減損靈駕至灊橋頓從官多不

得食及至渭城北門門壞先是橋道司請改造渭城北門計錢三萬脩以勞費

不從令深鑿軌道以通靈駕掘土既深旁柱皆懸因而頓壞所不及輟車者

數步而已初欲壞城之東北墉以出靈駕中人皆不可乃停輟徹去墉門土木

而後行脩懼誣奏輟輅軸折山陵使李逢吉令御史封其車軸自陵還奏請免

脩官上以用兵務集財賦以脩前後進奉不之責但罰俸而已逢吉極言其罪

乃削銀青階翌日復賜金紫自此朝廷端士多遭譴毀義士為之側目時宿師

於野饋運不集浙西重鎮號為殷阜乃以脩為潤州刺史浙西觀察使令設法

鳩聚財貨淮西用兵頗賴其賦十四年以病求還京師未朝謁而卒

王遂宰相方慶之孫也以吏能聞於時尤長於與利銳於操下法頗嚴酷累遷

至鄧州刺史以曉達錢穀入為太府卿潘孟陽判度支與遂私憾互有爭論遂

為西北供軍使言管田非便與孟陽會議相非各求請對上怒俱不見出遂為

柳州刺史遂親吏章柳季常請課料於兩池務屬遂罷務季常等為吏所

誣各笞四十遂柳州制出左丞呂元膺執奏曰遂以補吏犯賊法當從坐其除

官制云清能業官據遂犯狀不宜有清字柳州大郡出守為優謹封還制書上

令喻之方行數年用兵淮西天子藉錢穀吏以集財賦知遂強幹乃用為宣州

刺史宣歙觀察使淮蔡平王師東討召拜光祿卿充淄青行營諸軍糧料使以

光祿職當祠祭改檢校左散騎常侍兼御史大夫初師之出也歲計兵食三百

萬石及鄆賊誅遂進羨餘一百萬上以為能時分師道所據十二州為三鎮乃

以遂為沂州刺史沂兗海等州觀察使遂性狷忿不存大體而軍州民吏久染

汙俗率多獷戾而遂數因公事嘗置將卒曰反虜將卒不勝其忿牙將王弁乘

人心怨怒十四年七月遂方宴集弁謀集其徒害遂於席判官張實李甫等同

遇害及曹華代遂至鎮盡擄亂黨王弁等誅之遂器用不弘僻於聚斂而非兼

撫之才但峻威刑以繩亂俗其所製笞杖率踰常制遂既死監軍使封其杖進

呈上令出示於朝以誠廉使

曹華宋州楚丘人仕宣武軍為牙校貞元末吳少誠叛本軍以華驍果有智算用為襄城戍將蔡賊攻襄城華屢敗之德宗特賜旗甲元和九年以功授寧州刺史未行而吳元濟叛朝廷命河陽帥烏重胤討賊重胤請華為懷汝節度行營副使前後數十戰大破賊於青陵城賊平授棣州刺史封陳留郡王棣降於鄆賊屢侵逼華招募羣盜之勁者補之軍卒分據要路其後賊至皆擊敗之鄆人不敢北顧及李師道誅分所管十二州為三鎮王遂為沂兗海觀察使福刻不能馭眾為牙將王弁所害朝廷遂授華左散騎常侍沂州刺史沂海兗觀察使華至鎮視事三日宴將吏伏甲士千人於幕下羣校既集華喻之曰吾受命廉問奉聖旨以鄆州將士分割三處有遺途轉徙之勞今有頒給此州兵稍厚鄆州士卒處右州兵處左冀易以區別分定並令州兵出外既出圍門乃謂鄆卒曰天子深知鄆人之勞然前害主帥者不能免罪甲士自幕中出周環之凡鄆一千二百人立斬于庭血流成渠是日門屏之間有赤霧高丈餘久之方散自是海沂之人重足股慄無敢為盜者華惡沂之地福請移理於兗許之初李正己盜有青鄆十二州傳襲四世垂五十年人俗頑驚不知禮教華令將吏曰鄆魯儒者之鄉不宜忘於禮義乃躬禮儒士習俎豆之容春秋釋奠於孔子廟立學講經儒冠四集出家財贖給俸成名入仕其往者如歸及鎮州軍亂殺田弘正華表請以本軍進討就加檢校工部尚書昇充海為武軍節度賜之節鉞李亦叛於大梁華不俟命赴討芥方遣兵三千人取宋州華逆擊敗之由是宋毫不從芥亂亦平以功加檢校尚書右僕射以河朔拒命移華為滑州刺史義成軍節度使長慶三年七月卒於鎮時年六十九華雖出自戎行而動必由禮尤重士大夫未嘗以富貴驕人下迨僕隸走使之徒必待之以誠信人以為難贈司空

韋綬字子章京北人少有至性喪父刺血寫佛經初為長安縣尉遭朱泚之亂變服乘驢赴奉天于嶺鎮襄陽辟為賓佐嘗因言政面刺頰之縱恣入朝為工部員外轉屯田郎中元和十年改職方郎中充太子諸王侍讀再遷諫議大夫時穆宗在東宮方幼好戲綬讀書之際頗以嘲諷悅之嘗密齋家所造食入宮

餉太子憲宗嘗召對綬奏曰太子學書至依字輒去旁人臣問之太子云君父以此字可天下奏事臣子不合全書上益嘉太子之賢賜綬錦綵綬無威儀時以人間鄙說戲言以取悅太子太子因入侍道綬語憲宗不悅謂侍臣曰凡侍讀者當以經義輔導太子納之軌物而綬語及此子何望耶乃罷侍讀出為度州刺史穆宗即位以師友之恩召為尚書右丞兼集賢院學士甚承恩顧出入禁中綬以七月六日是穆宗誕節請以是日百官詣光順門賀太后然後上皇帝壽時政道頗僻勅出人不敬議久之宰臣奏古無生日稱賀之儀其事終獲綬在集賢院遇重陽賜宰臣百官曲江宴綬請與集賢學士別為一會從之長慶元年三月轉禮部尚書判集賢院事帝嘗問福災祈禱其可必乎綬對曰昔宋景公以一善言而法星退之三舍此禳災以德也漢文帝除秘祝每於祠祭盡敬而已言無所祈以明福不可以求致也而二君卒能變已變之災享自致之福著於史傳其理甚明如失德以祈災消媚神以祈福至神苟有知當因以致譴非祈禳之道也時人主失德綬因以諷之二年十月檢校戶部尚書與元尹山南西道節度使辭日請門戟十二自將赴鎮又訴家貧請賜錢二百萬又面乞授子元弼官上皆可之綬御事無術洎臨戎鎮庶政墮紊二年八月卒贈尚書右僕射博士劉端夫請諡為通殿中侍御史孟瑄上言以為非當博士權安請諡為謬竟不施行

鄭權榮陽開封人也登進士第釋褐涇原從事節度使劉昌符病亟請入覲度軍情必變以權寬厚容眾俾主留務及昌符上路兵果亂權挺身入白刃中抗辭喻以逆順因殺其首亂者數人三軍畏伏德宗聞而嘉之時天子賦兵藩鎮將吏得軍情者多超授官爵自試衛佐權授行軍司馬御史中丞入朝為倉部郎中累遷至河南尹十一年代李遜為襄州刺史山南東道節度使十二年轉華州刺史權瀕防禦鎮國軍使十三年遷德州刺史德棣滄景節度使時朝廷用兵討李師道權以德棣之兵臨境奏於平原安德二縣之間置歸化縣以集降民滄州刺史李宗奭與權不協每事多違不稟節制權奏之上令中使追之宗奭諷州兵留己上言懼亂未敢離郡乃以烏重胤鎮橫海代權歸朝滄州將

史懼共逐宗頤宗頤方奔歸京師詔以悻慢之罪斬於獨柳之下其弟宗爽長流汀州授權節度使會天德軍使上章論宗頤之寃為權誣奏權降授原王使傳尋遷右金吾衛大將軍充左街使穆宗即位改左散騎常侍充入迴鶻告哀使懼其遠役辭以足疾不獲免肩輿而行權器度魁偉有辭辯既至虜廷與虜主爭論曲直言辭激壯可汗深敬異之長慶元年使還出為河南尹入拜工部侍郎遷本曹尚書以家人數多俸入不足求為鎮守旬月檢校右僕射廣州刺史嶺南節度使初權出鎮有中之助南海多珍貨權頗積聚以遺之大為朝士所嗾二年十月卒

盧士攻山東右族以文儒進性端厚與物雅有令聞始為吏部員外郎稱職轉郎中京兆少尹奉憲宗園寢刑簡事集時論推其有才權知京兆尹事會幽州劉總願釋兵柄入朝請用張弘靖代己復請析瀛漠兩州用士攻為帥朝廷一皆從之士攻遂授檢校右常侍充瀛漠兩州都防禦觀察使無何幽州亂害賓佐繫弘靖取裨將朱克融領軍務遣兵襲瀛漠朝廷慮防禦之名不足抗凶逆即日除士攻檢校工部尚書充瀛漠節度使士攻亦罄家財助軍用堅拒叛徒者累月竟以官軍救之不至又瀛漠之卒親愛多在幽州遂為其下陰導克融之兵以潰士攻及從事皆被拘執送幽州囚於賓館及朝廷召克融之罪士攻方得歸東洛尋拜太子賓客留司洛中旋除虢州刺史復為賓客寶曆元年七月卒贈工部尚書

韓全義出自行間少從禁軍事實文場及文場為中尉用全義為帳中偏將典禁兵在長武城貞元十二年為神策行營節度長武城使代韓潭為夏綏銀青節度詔以長武兵赴鎮全義貪而無勇短於撫御制未下軍中知之相與謀曰夏州沙磧之地無耕蠶生業盛夏移徙吾所不能是夜戍卒鼓譟為亂全義踰城而免殺其親將王栖巖趙虔曜等賴都虞候高崇文誅其亂首而止之全義方獲赴鎮明年吳少誠拒命詔徵十七鎮之師討之時軍無統帥兵無多少皆以內官監之師之進退不由主將十五年冬王師為賊所敗于少微河德宗以文場素待全義乃用為蔡州四面行營招討使仍以陳許節度使上官況副之

諸鎮之師皆取全義節度全義將略非所長能以巧佞財賄結中貴人以被薦用及師臨賊境又制在監軍每議兵出一帳之中中人十數紛然爭論莫決蔡賊聞之屢求決戰十六年五月遇賊於澠水南廣利城旗鼓未交諸軍大潰為賊所乘全義退保五樓賊對壘相望潰兵未集乃與監軍買英秀買國良等保澠水縣賊距澠水五六里而軍全義懼其凌突退保陳州其汴宋河北之軍皆亡歸本鎮唯陳許將孟元陽神策將蘇光榮等數千人守澠水全義誘潞州大將夏侯仲宣滑將時昂河陽將權文度河中將郭湘等誅之繇是軍情稍固少誠知王師無能為致書幣以告監軍願求昭洗德宗召大臣議宰相賈耽曰昨全義五樓退軍賊不追襲者應望國家恩貸臣伏恐須開生路上然之又得監軍等奏即下制洗滌加其爵秩十七年全義自陳州班師而中人掩其敗迹上待之如初全義武臣不達朝儀託以足疾不任謁見全義司馬崔放入對德宗勞問放引過言招撫無功德宗曰全義為招討使招得吳少誠歸國其功大矣何必殺人乃為功耶旋命還鎮令中使就第賜宴錫賚頗厚自還至辭都不謁見而去議者以贖敗法制從古已還未如貞元之甚憲宗在藩常惡其事及即位全義懼求入覲詔以太子太保致仕其年七月卒

高霞寓范陽人祖仙父栖鶴皆以孝聞凡五代同爨德宗朝採訪使洪經綸奏旌表其門閭鄉里稱美其事霞寓少讀左氏春秋及孫吳兵法好大言頗以節概自許貞元中徙步遼長武城使高崇文待以猶子之分擢授軍職累奏憲宗甚見委任元和初詔授兼御史大夫從崇文將兵擊劉闢連戰皆克下鹿頭城降李元悅仇良輔蜀平以功拜彭州刺史尋繼崇文為長武城使封感義郡王元和五年以左威衛將軍隨吐突承璀擊王承宗又加左散騎常侍明年改豐州刺史三城都團練防禦使六遷至檢校工部尚書元和十年朝廷討吳元璣以霞寓宿將乃析山南東道為兩鎮以霞寓為唐鄧節度使霞寓雖稱勇敢素昧機略至於統制尤非所長及達所部乃率兵趣蕭陂與賊決戰既小勝又進至文城柵賊軍偽敗而退霞寓逐之不已因為伏兵所掩王師大衄霞寓僅以身免坐貶歸州刺史後以恩例徵為右衛大將軍十三年出為振武節度使

入為左武衛大將軍長慶元年授邠寧節度使三年就加檢校右僕射四年加檢校司空又加司徒寶曆二年疽發首不能理事求歸闕下其夏授右金吾衛大將軍檢校司徒次奉天而卒年五十五贈太保霞寓卒伍常材始因宦官進用遂階節將位望既高言多不遜朝廷知之欲議移罷霞寓頗懷憂恐捨私第為佛寺上言請額為懷恩用資聖福大率姦妄兇狡如此又非斥朝列侮慢僚屬鄙辭俚語日聞於時

高瑀渤海人少好論兵釋褐右金吾曹累辟諸府從事歷陳蔡二郡刺史入為太僕卿太和初忠武節度使王沛卒物議以陳許軍四征有功必自擇帥或以禁軍之將得之宰相裴度韋處厚議瑀深沉方雅曾刺陳蔡人懷良政又熟忠武軍情欲請用瑀事未聞陳許表至果請瑀為帥乃授檢校左散騎常侍許州刺史忠武節度使自大曆已來節制之除拜多出禁軍中尉凡命一帥必廣輸重賂禁軍將校當為帥者自無家財必取資於人得鎮之後則膏血疲民以償之及瑀之拜以內外公議搢紳相慶曰韋公作相債帥鮮矣三年就加檢校工部尚書比年水旱人民薦饑瑀召集州民繞郭立堤塘一百八十里蓄洩既均人無饑年加檢校右僕射六年移授徐州刺史武寧軍節度等使議者以徐泗王智與之後軍士驕恣宜得雄帥鎮之乃以太府卿崔瑛代瑀徵為刑部尚書以疾求分司拜太子少傅其月復授檢校右僕射陳許蔡節度使八年六月卒贈司空瑀性寬和有體量為官雖無赫赫之譽所至皆理尤得士心論者美之

崔戎字可大高伯祖支暉神龍初有大功封博陵郡王祖嬰鄆州刺史父貞固太原榆次尉戎舉兩經登科授太子校書調判入等授藍田主簿為藩鎮名公文辟裴度領太原署為參謀時王承宗據鎮州叛度請戎單車往諭之承宗感泣受教入為殿中侍御史累拜吏部郎中遷諫議大夫尋為劍南東西兩川宣慰使西州承繼寇之後戎既宣撫兼再定稅稅廢置得所公私便之還拜給事中駁奏為當時所稱改華州刺史遷兗海沂密都團練觀察等使將行州人戀惜遮道至有解鞵斷韉者理究一年太和八年五月卒贈禮部尚書

陸亶字景山吳郡人祖元明睦州司馬父持詮惠陵臺令亶以書判授集賢殿正字華原縣尉應制舉授萬年縣丞自京兆府兵曹參軍拜太常博士寺有禮生孟真久於其事凡凶大儀禮官不能達率訪真真亦賴是須要姑息元和七年冊皇太子將撰儀注真亦欲參預亶管之由是禮儀不專於胥吏自虞部員外郎出為鄆州刺史其後入為戶部郎中秘書少監太常少卿歷刺兗蔡號蘇四郡遷越州刺史浙東團練觀察等使移宣歙觀察使加御史大夫太和八年九月卒年七十一贈禮部尚書亶強明嚴毅所至稱理初赴兗州廷英面奏曰凡節度使握兵分屯屬郡者刺史不能制遂為一州之弊宜有處分因詔天下兵分屯屬郡者隸于刺史越之永嘉郡城于海墻常陷寇境集官吏廉祿之半以代常賦因循相踵吏返為侍亶按舉贓罪表請郡守以降增給其俸人皆賴之

張正甫字踐方南陽人曾祖大禮坊州刺史祖紹貞尚書右丞父泚蘇州司馬正甫登進士第從樊澤為襄陽從事累轉監察御史于頔代澤辟留正甫正甫堅辭之遂誣奏貶郴州長史後由邕府徵拜殿中侍御史遷戶部員外郎轉司封員外兼侍御史知雜事遷戶部郎中改河南尹由尚書右丞為同州刺史入拜左散騎常侍集賢殿學士判院事轉工部尚書五年檢校兵部尚書太子詹事明年以吏部尚書致仕正甫仁而端亮涖官清強居外任所至稱理太和八年九月卒年八十三累贈太師子毅夫毅夫登進士第初正甫兄式大曆中進士登第繼之以正甫式子元夫傑夫微夫又相次登科太和中文章之感世共稱之元夫太和初兵部郎中知制誥遷中書舍人出為汝州刺史毅夫位至戶部侍郎弘文館學士判院事諸羣從登第者數人而毅夫子禕最知名禕字冠章釋褐汴州從事戶部判官入為藍田尉集賢校理趙隱鎮浙西劉鄩鎮淮南皆辟為賓佐入為監察御史遷左補闕乾符中詔入翰林為學士累官至中書舍人黃巢犯京師從僖宗幸蜀拜工部侍郎判戶部事奉使江淮還為當塗者不協改太子賓客左散騎常侍轉吏部侍郎歷刑部兵部尚書從昭宗在華為韓建所構貶衡州司馬昭宗還京徵拜禮部尚書太常卿充禮儀使遷兵部尚

書禮苦心爲文老而益壯爲刑部時劉鄴子單當巢寇時避禍於金吾將軍張直方之第被害傳宗還京而惡單者以託附逆黨死不以義下三司詳罪禱上章申理言單父子併命於賊廷豈附逆耶其家竟獲洗雪單亦贈官其行義始終皆如此類

史臣曰孟陽王遂儒雅之曹才有可稱竟以財媚時君陷爲俗吏蹈道之論可不懼耶全義官由妾進覆寓位以卒升勇毅不足以啓行謀慮不足以應變敗亡之辱不亦宜乎朝無責帥之刑蓋自恥也權璠長者末塗喪貞雖牽於食貧純則僞矣

贊曰蘊仁則哲蘊利則狂播紳之胤勿效潘王全義逃賈貞元失策覆寓薄刑元和復興

舊唐書卷一百六十二

舊唐書卷一百六十二考證

李輔傳翌日復賜金紫○沈炳震曰新書翌日復賜黃金按輔方以宰相言削銀青階不應翌日反賜金紫當從新書

舊唐書卷一百六十二考證

舊唐書卷一百六十三

後晉司空同中書門下平章事劉昫撰

列傳卷第一百十三

孟簡

胡証

崔元略字鉉鉉子沆元略

杜元穎

崔弘禮

李虞仲

王質

盧簡辭

兄簡能 弟弘正 簡求 簡能 簡求子嗣業 汝弼

孟簡字幾道平昌人天后時同州刺史說之孫工詩有名擢進士第登宏辭科累官至倉部員外郎戶部侍郎王叔文竊政簡為子司多不附之叔文惡之雖甚亦不至擯斥尋遷司封郎中元和四年起拜諫議大夫知誦事簡明於內與六年詔與給事中劉伯芻工部侍郎歸登右補闕蕭偉等同就醴泉佛寺翻譯大乘本生心地觀經簡最擅其理王承宗叛詔以吐突承瓘為招討使簡抗疏論之坐語訐出為常州刺史八年就加金紫光祿大夫簡始到郡開古孟濟長四十一里灌漑沃壤四千餘頃為廉使舉其課績是有就加之命是歲徵拜為給事中九年出為越州刺史兼御史中丞浙東觀察使承瓘抑遏士族恣縱編戶之後及簡為政一皆反之而農估多受其弊當時以為兩未可也十二年人為戶部侍郎十三年代崔元略為御史中丞仍兼戶部侍郎是歲出為冀州刺史山南東道節度使十四年勅於穀城縣置羣牧令曰臨漢監令簡充使簡奏請均州鄆鄉縣鎮遏使趙潔充本縣令臺司奏有虧刑典罰一月俸是歲改授太子賓客分司東都十五年穆宗即位貶吉州司馬員外置同正員初簡在襄陽以腹心吏陸翰知上都進奏委以關通中貴翰持簡隱事漸不可制簡怒追至州以土囊殺之且欲滅口翰子弟詣闕進狀訴冤且告簡賊狀御史臺按驗獲簡賂吐突承瓘錢帛等共計七千餘貫匹事狀明白故再貶之長慶元年大赦量移睦州刺史二年移常州刺史三年入為太子賓客分司東都其年十二月卒簡性俊拔尚義早歲交友先歿者視其孤每厚於周卹議者以為有前輩風然溺於浮圖之教為儒曹所詬

胡証字登中河東人父瑱伯父玖登進士第証貞元中繼登科咸寧王渾瑊辟

為河中從事自殿中侍御史拜韶州刺史以母年高不可適遠收授太子舍人襄陽節度使于頔請為掌書記檢校祠部員外郎元和四年由侍御史歷左司員外郎長安縣令戶部郎中田弘正以魏博內屬請除副貳乃兼御史中丞充魏博節度副使仍兼左庶子入選左諫議大夫九年以党項寇邊以証有安邊才略乃授單于都護御史大夫振武軍節度使前任將帥非統馭之才邊事曠廢朝廷故特用証以鎮十三年徵為金吾大將軍依前兼御史大夫十四年充京西京北巡邊使訪其利害以聞長慶元年太和公主出降迴紇詔以本官檢校工部尚書元和親使舊制以使車出境有行人私觀之禮官不能給召富家子納質於使者而命之官及証將行首請羣輩偷受省貲以絕鬻官之門行及漠南虜騎繼至狼心犬態一日千狀欲以戎服變革華服又欲以王姬疾驅徑路証抗志不拔守漢儀黜夷法竟不辱君命使還拜工部侍郎敬宗即位之初檢校戶部尚書守京兆尹數月遷左散騎常侍寶曆初拜戶部尚書判度支上表乞免願効藩服二年檢校兵部尚書廣州刺史充嶺南節度使太和二年以疾上表求還京師是歲十月卒于嶺南時年七十一廢朝一日贈左僕射廣州有海之利貨貝狎至証善蓄積務華侈厚自奉養童奴數百於京城倚行里起第連巨閭巷嶺表奇貨道途不絕京邑推為富家証素與買鍊等及李訓事敗禁軍利其財稱証子澀匿餼乃破其家一日之內家財並盡軍人執澀入左軍仇士良命斬之以徇時澀弟湘為太原從事忽白書見綠衣人無首血流被地入于室湘惡之翌日澀凶問至而湘獲免

崔元略博陵人祖渾之父徵貞元中官至尚書左丞元略舉進士歷佐使府元和八年拜殿中侍御史十二年遷刑部郎中知臺雜事擢拜御史中丞元和十三年以李夷簡自西川徵拜御史大夫乃命元略留司東臺尋除京兆尹知府事仍加金紫數月真拜京兆尹明年改左散騎常侍穆宗即位命元略使党項宣撫辭疾不行出為黔南觀察使兼御史中丞初元略受命使党項意宰臣以私憾排斥頗出怨言宰相崔植奏曰比以聖意切在安撫党項乃差元略往使受命之後苦不樂行言辭之間頗乖去就豈有身忝重恩不思報效苟非便

胡証字登中河東人父瑱伯父玖登進士第証貞元中繼登科咸寧王渾瑊辟為河中從事自殿中侍御史拜韶州刺史以母年高不可適遠收授太子舍人襄陽節度使于頔請為掌書記檢校祠部員外郎元和四年由侍御史歷左司員外郎長安縣令戶部郎中田弘正以魏博內屬請除副貳乃兼御史中丞充魏博節度副使仍兼左庶子入選左諫議大夫九年以党項寇邊以証有安邊才略乃授單于都護御史大夫振武軍節度使前任將帥非統馭之才邊事曠廢朝廷故特用証以鎮十三年徵為金吾大將軍依前兼御史大夫十四年充京西京北巡邊使訪其利害以聞長慶元年太和公主出降迴紇詔以本官檢校工部尚書元和親使舊制以使車出境有行人私觀之禮官不能給召富家子納質於使者而命之官及証將行首請羣輩偷受省貲以絕鬻官之門行及漠南虜騎繼至狼心犬態一日千狀欲以戎服變革華服又欲以王姬疾驅徑路証抗志不拔守漢儀黜夷法竟不辱君命使還拜工部侍郎敬宗即位之初檢校戶部尚書守京兆尹數月遷左散騎常侍寶曆初拜戶部尚書判度支上表乞免願効藩服二年檢校兵部尚書廣州刺史充嶺南節度使太和二年以疾上表求還京師是歲十月卒于嶺南時年七十一廢朝一日贈左僕射廣州有海之利貨貝狎至証善蓄積務華侈厚自奉養童奴數百於京城倚行里起第連巨閭巷嶺表奇貨道途不絕京邑推為富家証素與買鍊等及李訓事敗禁軍利其財稱証子澀匿餼乃破其家一日之內家財並盡軍人執澀入左軍仇士良命斬之以徇時澀弟湘為太原從事忽白書見綠衣人無首血流被地入于室湘惡之翌日澀凶問至而湘獲免

崔元略博陵人祖渾之父徵貞元中官至尚書左丞元略舉進士歷佐使府元和八年拜殿中侍御史十二年遷刑部郎中知臺雜事擢拜御史中丞元和十三年以李夷簡自西川徵拜御史大夫乃命元略留司東臺尋除京兆尹知府事仍加金紫數月真拜京兆尹明年改左散騎常侍穆宗即位命元略使党項宣撫辭疾不行出為黔南觀察使兼御史中丞初元略受命使党項意宰臣以私憾排斥頗出怨言宰相崔植奏曰比以聖意切在安撫党項乃差元略往使受命之後苦不樂行言辭之間頗乖去就豈有身忝重恩不思報效苟非便

己即不肯行，須有薄德，以肅在位，請出為黔中觀察使。初，崔植任吏部郎中，元略任刑部郎中。知雜時，中丞改京兆尹，物議以植有風憲之望，元略因入閣，妄稱植失儀，命御史彈之。時二人皆進擬為中丞，中旨果授元略。植深銜之，及植為相，元略以左散騎常侍使於光項，元略意植之見排，辭疾不行，被譴出，踰年轉鄂州刺史。鄂岳都團練觀察使長慶四年，人為大理卿，敕宗即位，復為京兆尹，尋兼御史大夫，以誤微畿甸，絀赦免放，緡錢萬七千貫，為侍御史蕭澈彈劾，有詔刑部郎中趙元亮、大理正元從質、侍御史溫造充三司覆理。元略有中助，止於削兼大夫，初元略有宰相望，及是事望益減。寶曆元年，遷戶部侍郎，議者以元略版圖之拜，出於宣授，諫官有疏指言內常侍崔潭峻方有權寵，元略以諸父事之，故雖被彈劾而遽遷顯要，元略亦上章自辨。且曰：「昨府縣條疏臺司舉劾，孤立無黨，謗言益彰，不謂詔出宸衷，恩延望外，處南宮之重位，列左戶之清班，豈臣庸虛，敢自干冒。天心所擇，雖驚特進之恩，眾口相非，乃致因緣之說，詔答之曰：朕所命官，豈非公選，卿能稱職，奚恤人言。然元略終不能挑父事潭峻之名，寶曆二年四月，京兆府以元略前任尹日為橋道使，遣東渭橋時，被本典鄭位判官鄭復虛長物價，據估給用，不還人工價直，率斂工匠破用，計贓二萬一千七百九貫，劾云：元略不能檢下，有涉慢官，罰一月俸料。時劉栖楚自為京兆尹，有覬覦相位之意，元略方在次對，又多遊裴度門，栖楚恐礙己，以計摧之，乃按舉山陵時錢物以汚之。太和三年，轉戶部尚書。四年，判度支。五年，檢校吏部尚書，出為東都留守，畿汝等防禦使。是歲又遷滑州刺史，義成軍節度使。十二月卒。廢朝三日，贈尚書左僕射，子鉉，鉉字台碩，登進士第。三辟諸侯府，荆南西蜀掌書記，會昌初，入為左拾遺，再遷員外郎，知制誥，召入翰林，充學士。累遷戶部侍郎，承旨，會昌末，以本官同平章事，為同列李德裕所嫉，罷相，為陝隴觀察使，檢校刑部尚書，宣宗即位，遷檢校兵部尚書，河中尹，博陵縣開國子，食邑五百戶。大中三年，召拜御史大夫，尋加正議大夫，中書侍郎，同平章事。累遷金紫光祿大夫，守左僕射，門下侍郎，太清宮使，弘文館大學士，博陵縣開國公，食邑至二千戶。七年，以館中學士崔球薛逢等撰續會要四十卷，獻之。九

年，檢校司徒揚州大都督長史，進封魏國公，淮南節度使，宣宗於太液亭賦詩宴錢，有七載乘釣調四序之句，儒者榮之，咸誦初，移鎮襄州，咸通八年，徐州戍將龐勛自桂管擅還，道途剽掠，鉉時為荆南節度，聞徐州軍至，湖南，盡率州兵點募丁壯，分扼江湘要害，欲盡擒之，徐寇聞之，踰嶺自江西，淮右北渡，朝議壯之，卒於江陵。子沅、汀、潭、沂，沅、汀、潭、沂皆進士第。官至員外郎，知制誥，拜中書舍人。坐事貶循州司戶，乾符初，復拜舍人，尋遷禮部侍郎，典貢舉，選名士十數人，多至卿相。乾符末，本官同平章事，遇京國盜掠，從駕不及而卒。沂後官亦隆顯。元略弟元受，元式，元儒，元受登進士第，高陵尉，直史館，元和初，子舉謀為河北行營糧料使，元受與章碭薛異、王湘等皆為舉謀判官，分督供饋，既罷兵，或以舉謀隱沒贓罪除名，賜死，元受從坐，皆逐嶺表，竟坎壤不達而卒。子鈞，錙，錙相繼登進士第，辟諸侯府。元式，會昌三年，檢校左散騎常侍，河中尹，河中晉絳觀察使，四年，檢校禮部尚書，太原尹，北都留守，河東節度使，六年，入為刑部尚書，宣宗朝，領度支，以本官同平章事。元儒，元和五年登進士第，元式子錯，仕至京兆尹。杜元穎，萊公如晦裔孫也，父佐，官卑，元穎貞元末進士登第，再辟使府，元和中為左拾遺，右補闕，召入翰林，充學士，手筆敏速，憲宗稱之。吳元濟，平，以書詔之勳，賜緋魚袋，轉司勳員外郎，知制誥，穆宗即位，召對思政殿，賜金紫，超拜中書舍人。其年冬，拜戶部侍郎，承旨，長慶元年三月，以本官同平章事，加上柱國，建安男。元穎自穆宗登極，自補闕至侍郎，不周歲居輔相之地，辭臣速達，未有如元穎之比也。三年冬，帶平章事，出鎮蜀州，穆宗御安福門臨錢，昭愔即位，童心多僻，務為奢侈，而元穎求蜀中珍異，玩好之具，貢奉相繼，以固恩寵，以故筆斂刻削，工作無虛日，軍民嗟怨，流聞于朝。太和三年，南詔蠻攻陷戎、博等州，徑犯成都，兵及城下，一無備擬，方率左右固牙城而已。蠻兵大掠，蜀城玉帛子女工巧之具而去，是時蠻三道而來，東道攻梓州，郭劍禦之而退，時元穎幾陷，賴郭劍擊敗其衆，方還，蠻驅蜀人至大渡河，謂之曰：「此南吾境，放爾別鄉國，數萬士女，一時憫哭，風日為之慘悽，哭已，赴水而死者千餘，怨毒之聲，累年不息。蠻首領箠顛遺人，上表曰：蠻軍比修職貢，遽敢侵邊，但杜元穎不恤三軍，令人蠻

疆作賊移文報彼都不見信故蜀部軍人繼爲鄉導蓋蜀人怨苦之深祈我此行誅虐帥也誅之不遂無以慰蜀士之心願陛下誅之監軍小使張士謙至備言元穎之咎坐貶循州司馬判官崔璜連州司馬紇干臬鄧州長史盧奔唐州司馬皆以佐元穎無狀也六年卒於貶所臨終上表乞贈官贈湖州刺史元穎弟元絳位終太子賓客絳子審權位至宰相自有傳

崔弘禮字從周博陵人北齊懷遠之七代孫祖育常州江陰令父季湖州長城令弘禮風貌魁偉磊落有大志舉進士累佐藩府官至侍御史元和中和呂元膺爲東都留守以弘禮爲從事時淮西吳少陽初死吳元濟阻兵拒命山東反側之徒爲之影援東結李師道謀襲東洛以脅朝廷弘禮爲元膺籌畫部分兵衆以固東都卒亦無患累除汾州棣州刺史會田弘正請入覲請副使乃授弘禮衛州刺史充魏博節度副使歷鄭州刺史長慶元年劉總入覲張弘靖移鎮范陽復加弘禮檢校左散騎常侍充幽州盧龍軍節度副使未及境幽鎮兵亂改爲絳州刺史明年汴州李亦反急詔追弘禮爲河南尹兼御史大夫東都畿汝都防禦副使亦平遷河陽節度使整練戈矛頗壯戎備又上言請於秦渠下闢荒田三百頃歲收粟二萬斛詔皆從之以疾連表請代數歲拜檢校戶部尚書華州刺史會天平軍節度使烏重胤卒朝廷難其人復以弘禮爲天平軍節度使仍詔即日乘遞赴鎮文宗即位就加檢校左僕射理鄆三載改授東都留守仍遷刑部尚書詔赴闕以疾未至太和四年十月復除留守是歲十二月卒年六十四贈司空弘禮少時專以個儻意氣自任通涉兵書留心軍旅之要用此累更選用歷踐藩鎮所居無可尙之績雖繕完有素然善治生蓄積物議少之李虞仲字見之趙郡人祖震大理丞父端登進士第工詩大曆中與韓翃錢起盧綸等文詠唱和馳名都下號大曆十才子時郭尙父少子曖尙代宗女昇平公主賢明有才思尤喜詩人而端等十人在曖之門下每宴集賦詩公主坐視簾中詩之美者賞百縑曖因拜官會十子曰詩先成者賞時端先獻警句云薰荀令偏憐小傅粉何郎不解愁主即以百縑賞之錢起曰李校書誠有才此篇宿構也願賦一韻正之請以起姓爲韻端即變牋而獻曰方塘似鏡草芊芊

初月如鉤未上弦新開金埭教調馬舊賜銅山許鑄錢曖曰此愈工也起等始服端自校書郎移疾江南授杭州司馬而卒虞仲亦工詩元和初登進士第又以制策登科授弘文校書從事荆南入爲太常博士遷兵部員外司勳郎中寶曆中考制策甚精轉兵部郎中知制誥拜中書舍人太和四年出爲華州刺史兼御史大夫入拜左散騎常侍兼祕書監八年轉尙書右丞九年爲兵部侍郎尋改吏部開成元年四月卒時年六十五虞仲簡澹寡欲立性方雅奕代文學達而不矜士友重之

王質字華卿太原祁人五代祖通字仲淹隋末大儒號文中子通生福祚終上蔡主簿福祚生勉登進士第制策登科位終寶鼎令勉生怡終渝州司戶怡生潛揚州天長丞質則潛之第五子少負志操以家世官卑思立名於世以大其門寓居壽春躬耕以養母專以講學爲事門人受業者大集其門年甫強仕不求聞達親友規之曰以華卿之才取名位如俯拾地芥耳安自苦於闢茸者乎揚名顯親非耕稼可致也質乃白於母請赴鄉舉元和六年登進士甲科釋褐嶺南管記歷佐淮蔡許昌梓潼興元四府累奏兼監察御史入朝爲殿中遷侍御史戶部員外郎爲舊府延薦檢校司封郎中賜金紫充興元節度副使入爲戶部郎中遷諫議大夫太和中王守澄構陷宰相宋申錫文宗怒欲加極法質與常侍崔玄亮兩泣切諫請付外推申錫方從輕典質爲中人側目執政出爲虢州刺史質射策時深爲李吉甫所器及德裕爲相甚禮之事必咨決拜召爲給事中河南尹八年爲宣州刺史兼御史中丞宣歙團練觀察使在政三年開成元年十二月無疾暴卒時年六十八贈左散騎常侍諡曰定質清廉方雅爲政有聲雖權臣待之厚而行己有素不涉朋比之議在宣城辟崔珣劉蕡裴夷直趙哲爲從事皆一代名流視其所與人士重之子曰慶存

盧簡辭字子策范陽人後徙家于蒲祖翰父綸天寶末舉進士遇亂不第奉親避地於鄆陽與郡人吉中孚爲林泉之友大曆初還京師宰相王縉奏爲集賢學士祕書省校書郎王縉兄弟有詩名於世縉既官重凡所延辟皆辭人名士以給能詩禮待逾厚會縉得罪坐累久之調陝州戶曹河南密縣令建中初爲

昭應令朱泚之亂，咸寧王渾瑊充京城西面副元帥，乃拔綸為元帥判官，檢校金部郎中，貞元中，吉中孚為翰林學士，戶部侍郎，典邦賦，薦綸于朝，會丁家艱，而中孚卒，大府卿韋渠牟得幸於德宗，綸即渠牟之甥也，數稱綸之才，德宗召之內殿，令和御製詩，超拜戶部郎中，方欲委之掌諸，居無何卒，初，大曆中，詩人李端，錢起，韓翃，能為五言詩，而辭情捷麗，綸作工，至貞元末，錢李諸公凋落，綸嘗懷舊詩五十韻，敘其事曰：吾與吉侍郎中孚，司空郎中曙，苗員外發，崔補闕峒，耿拾遺津，李校書端，風塵追遊，向三十載，數公皆負當時盛稱榮耀，未幾俱沉下泉，傷悼之際，常暢博士追感前事，賦詩五十韻見寄，輒有所酬，以申悲舊，兼寄夏侯審侍御，其歷言諸子云：侍郎文章宗，傑出淮楚靈，掌賦若吹簫，司言如建瓴，郎中善慶餘，雅韻與琴清，鬱鬱松帶雪，蕭蕭鴻入冥，員外貞貴，儒弱冠被華纓，月香飄桂實，乳溜瀝瓊英，補闕思冲融，巾拂藝亦精，彩蝶戲芳圃，瑞雲滋翠屏，拾遺與難侔，逸調曠無程，九醞貯彌潔，三花寒轉馨，校書才智雄，舉世一娉婷，賭墅鬼神變，屬辭鸞鳳驚，差肩曳長裾，摠轡奉和鈴，共賦瑤臺雪，同觀金谷笙，倚天方比劍，沉水忽如瓶，君持玉盤珠，寫我懷袖盈，讀罷涕交頤，願言躋百齡，綸之才思，皆此類也，文宗好文，尤重綸詩，嘗問侍臣曰：盧綸集幾卷，有子弟否，李德裕對曰：綸有四男，皆登進士第，今員外郎簡能，侍御史簡辭是也，即遣中使詣其家，令進文集，簡能盡以所集五百篇上獻，優詔嘉之，簡辭元和六年登第，三辟諸使府，長慶末入朝為監察，轉侍御史，文雅之餘，尤精法律，歷朝簿籍，靡不經懷，寶曆中，故京北尹黎幹，男媚，詣臺治父業，縣舊業，臺司莫知本末，簡辭曰：幹坐魚朝恩黨，誅田產籍沒，大曆已來，多少赦令，豈有雪朝恩黎幹節，文沉其田產分給百姓，將及百年，而媚恃中助而冒論耶，乃移汝州刺史，裴通準，大曆元年勅給百姓，又福建鹽鐵院官盧昂，坐贓三十萬，簡辭按之，於其家得金牀，瑟瑟枕，大如斗，昭愍見之曰：此宮中所無，而盧昂為吏可知也，尋轉考功員外郎，轉郎中，太和中，坐事自太僕卿出為衢州刺史，會昌中，入為刑部侍郎，轉戶部，大和中，轉兵部侍郎，檢校工部尚書，許州刺史，御史大夫，武軍節度使，遷檢校刑部尚書，襄州刺史，山南東道節度使卒，簡辭兄簡

能，簡能字子拙，登第後，再辟藩府，入為監察御史，太和九年，由駕部員外檢校司封郎中，充鳳翔節度判官，時鄭注得幸，李訓與之謀誅宦官，俾注鎮鳳翔，仍妙選當時才俊，以為賓佐，簡能與蕭儉，弟傑，錢起子可復，皆為訓所選，從注及訓敗，注誅，簡能蕭儉等四人皆為監軍使所害，簡辭弟弘正，簡求，弘正字子強，元和末，登進士第，累辟使府掌書記，入朝為監察御史，侍御史，太和中，華州刺史，字文鼎，戶部員外，盧允中坐贓，弘正按之，文宗怒，將殺鼎，弘正奏曰：鼎歷持綱憲，繩糾之官，今為近輔刺史，以贓污聞，死固常典，但取受之首罪，在允中，監司之責，鼎當連坐，文宗釋之，鼎方減等，三遷兵部郎中，給事中，會昌末，王師討劉稹，時詔河北三帥收山，東州郡，俄而何弘敬，王元逵，得邢洛磁三郡宰臣奏議曰：山東三郡以賊稹未誅，宜且立留後，如弘敬元逵有所陳請，則朝廷難以依違，上曰：然，誰可任者，李德裕曰：給事中盧弘正，嘗為昭義判官，性又通敏，推擇攸宜，即命為邢洛磁團練觀察，留後未行而稹誅，乃令弘正銜命宣諭河北三鎮，使還，拜工部侍郎，大和中，轉戶部侍郎，充鹽鐵轉運使，前是安邑解縣兩池鹽法積弊，課入不充，弘正令判官司空輿至池務檢察，特立新法，仍奏與為兩池使，三年，課入加倍，其法至今賴之，檢校戶部尚書，出為徐州刺史，武寧軍節度使，徐泗濠觀察等使，徐方自智與之後，軍士驕怠，有銀刀都，尤勞姑息，前後屢逐主帥，弘正在鎮，募年，皆去其首惡，喻之忠義，訖於受代，軍旅無譁，鎮徐四年，遷檢校兵部尚書，汴州刺史，宣武軍節度使，宋毫賴觀察等使，卒于鎮，簡求字子藏，長慶元年登進士第，釋褐，江西王仲舒從事，又從元稹為浙東江夏二府掌書記，裴度鎮襄陽，保釐洛都，皆辟為賓佐，奏殿中侍御史，入朝拜監察，裴度鎮太原，復奏為記室，入為殿中，賜緋，牛僧孺鎮襄漢，辟為觀察判官，入為水部戶部二員外郎，會昌末，討劉稹，詔以許帥李彦佐為招討使，朝廷以簡求累佐使府，達於機略，乃以簡求為忠武節度副使，知節度事，本道供軍使，入為吏部員外，轉本司郎中，求為蘇州刺史，時簡辭鎮漢南，弘正為侍郎，領使務，昆仲皆居顯列，時人榮之，既而宰執不協，弘正出鎮，簡求為左庶子，分司，數年，出為壽州刺史，九年，党項叛，以簡求為四鎮北庭行軍，涇州刺史，涇原渭武節度

押蕃落等使檢校左散騎常侍上柱國范陽縣男食邑三百戶十一年遷檢校工部尚書定州刺史御史大夫義武軍節度北平軍等使十三年檢校刑部尚書鳳翔尹鳳翔隴西節度觀察等使十四年八月代裴休爲太原尹北都留守充河東節度觀察等使簡求辭翰縱橫長於應變所歷四鎮皆控邊陲屬雜虜寇邊因之移授所至撫御邊鄙晏然太原軍素管垣渾契苾沙陀三部落或撫納不至多爲邊患前政或要之詛盟質之子弟然爲盜不息簡求開懷撫待接以恩信所質子弟一切遣之故五部之人忻然聽命咸通初以疾辭表章瀝懇制以太子太師致仕還於東都都城有園林別墅歲時行樂子弟侍側公卿在席詩酒賞詠竟日志歸如是者累年五年十月卒時年七十六贈尚書左僕射簡能子知猷知猷登進士第釋褐祕書省正字宰臣蕭鄴鎮江陵成都辟爲兩府記室入拜左拾遺改右補闕史館脩撰轉員外郎出爲饒州刺史入拜兵部郎中賜緋魚改吏部郎中太常少卿出爲商州刺史徵拜給事中轉中書舍人僖宗幸山東裴王僞署乃避地金州駕還徵拜工部侍郎轉戶部判史館遷尙書右丞兵部侍郎歷太常卿工部戶部尙書復領太常卿昭宗在華下加檢校右僕射守太子少師進位太子太師檢校司空卒於華下知猷器度長厚文辭美麗尤工書落簡措翰人爭模倣子文度位亦至丞郎簡辭無子以簡求子貽殷玄禧入繼貽殷終光祿少卿玄禧登進士第終國子博士弘正子虔灌有俊才進士登第所著文筆爲時所稱位終祕書監簡求十子而嗣業汝弼最知名嗣業進士登第累辟使府廣明初以長安尉直昭文館左拾遺右補闕王鐸徵兵收兩京辟爲都統判官檢校禮部郎中卒汝弼登進士第累遷至祠部員外郎知制誥從昭宗遷洛屬柳璨黨附賊臣誣陷士族汝弼懼移疾退居客遊上黨遇潞府爲太原所攻節度使丁會歸降從會至太原李克用奏爲節度副使累奏戶部侍郎太原使府有龍泉亭簡求節制時手書詩一章在亭之西壁汝弼復爲亞帥每亭中讌集未嘗居賓位西向俛首而已人士嘉之盧氏兩世貴戚六卿方鎮相繼而未有居輔相者至中興嗣業子文紀仕至尙書中書侍郎平章事

史臣曰孟襄陽之清節胡廣州之堅正卒以結權倖而敗積貨賄而亡人如面焉固難知也二崔以綱黨相傾元穎以獻奇取媚雖遭時多僻位至鼎司言之正人亦孔之醜而父事宦者何所逃讓以端綸之才任不踰元士而盧簡辭之昆仲雲搏水擊鬱爲鼎門非德積慶鍾安能及此辭人之後不亦休哉贊曰君子喻義小人近利孟謹胡亡家財掃地聲勢相傾崔杜醜名端綸諸子奕葉光榮

舊唐書卷一百六十三

後晉司空同中書門下平章事劉昫撰

列傳卷第一百十四

王播子式 弟炎起 起子龜 龜子龜 炎子鱗 李絳 楊於陵

王播字明敷曾祖璉嘉州司馬祖昇咸陽令父恕揚府參軍播擢進士第登賢

良方正制科授集賢校理再遷監察御史轉殿中歷侍御史貞元末倖臣李實

為京兆尹恃恩頗橫嘗遇播於途不避故事尹避臺官播移文詆之實怒後奏

播為三原令欲控之播受命趨府謁謝盡府縣之儀及臨所部政理脩明恃勢

豪門未嘗貸法歲終考課為畿邑之最實以其人有政術甚禮重之頗薦之于

上德宗奇之將不次拔用會母喪順宗即位除駕部郎中改長安令歲中遷工

部郎中知臺雜刺舉綱憲為人所稱轉考功郎中出為虢州刺史李巽領鹽鐵

奏為副使兵部郎中元和五年代李夷簡為御史中丞振舉朝章百職脩舉十

月代許孟容為京兆尹時禁軍諸鎮布列畿內軍人出入屬鞬佩劍往往盜發

難以擒姦而播奏請畿內軍鎮將卒出入不得持戎具諸王駙馬權豪之家不

得於畿內按試鷹犬畋獵之具詔從之自是姦盜弭息六年三月轉刑部侍郎

充諸道鹽鐵轉運使播長於吏術雖案牘鞅掌剖析如流黠吏詆欺無不彰敗

時天下多故法寺議讞科條繁雜播備舉前後格條置之座右凡有詳決疾速

如神當時屬僚歎服不暇十年四月改禮部尚書領使如故先是李巽以程异

為江淮院官异又通泉貨及播領使奏之為副當王師討吳元濟令异乘傳往

江淮賦輿大集以至賊平深有力焉及皇甫鏞用事恐播大用乃請以使務命

程异領之播守本官而已十三年檢校戶部尚書成都尹劍南西川節度使穆

宗即位皇甫鏞貶播累表求還京師長慶元年七月徵還拜刑部尚書復領鹽

鐵轉運等使十月兼中書侍郎平章事領使如故長慶中內外權臣率多假借

播因銅鹽擢居輔弼專以承迎為事而安危存亡不措一言時河北復叛朝廷

用兵會裴度自太原入覲朝野物論言度不宜居外明年三月留度復知政事

以播代度為淮南節度使檢校右僕射領使如故仍請備鹽鐵印赴鎮上都院

印請別給賜從之播至淮南屬歲早儉人相啖食課最不充設法措斂比屋嗟

怨敬宗即位就加銀青光祿大夫檢校司空罷鹽鐵轉運使時中尉王守澄用

事播自落利權廣求珍異令腹心吏內結守澄以為之助守澄乘間啓奏言播

有才上於延英言之諫議大夫獨孤朗張仲方起居郎孔敏行柳公權宋申錫

補闕韋仁實劉敦儒拾遺李景讓薛廷老等請開延英面奏播之姦邪交結寵

倖復求大用天子冲幼不能用其言自是物議紛然不息明年正月播復領鹽

鐵轉運使播既得舊職乃於銅鹽之內巧為賦斂以事月進名為羨餘其實正

額務希盤擯不恤人言時揚州城內官河水淺遇旱即漕漕船乃委自城南閘

門西七里港開河向東屈曲取禪智寺橋通舊官河閉鑿稍深舟航易濟所開

長一十九里其工役料度不破省錢當使方圓自備而漕運不阻後政賴之文

宗即位就加檢校司徒太和元年五月自淮南入覲進大小銀盃三千四百枚

綾絹二十萬匹六月拜尚書左僕射同平章事領使如故二年進封太原公太

清宮使四年正月患喉腫暴卒時年七十二廢朝三日贈太尉播出自單門以

文辭自立踐昇華顯鬱有能名而隨勢沉浮不存士行姦邪進取君子恥之然

天性勤於吏事使務填委胥吏盈廷取決簿書堆案盈几他人若不堪勝而播

用此為適播子式弟炎起炎貞元十五年登進士第累官至太常博士早世子

鐸錄起字舉之貞元十四年擢進士第釋褐集賢校理登制策直言極諫科授

藍田尉宰相李吉甫鎮淮南以監察充掌書記入朝為殿中遷起居郎司勳員

外郎直史館元和十四年以比部郎中知制誥穆宗即位拜中書舍人長慶元

年遷禮部侍郎其年錢徽掌貢士為朝臣請託人以為濫起起與同職白居易

覆試覆落者多徽貶官起遂代徽為禮部侍郎掌貢二年得士尤精先是貢舉

猥濫勢門子弟交相酬酢寒門俊造十棄六七及元稹李紳在翰林深怒其事

故有覆試之科及起考貢士奏當司所選進士據所考雜文先送中書令宰臣

閱視可否然後下當司放榜從之議者以為起雖避是非失貢職也故出為河

南尹入為吏部侍郎文宗即位加集賢學士判院事以兄播為僕射輔政不欲

典選部改兵部侍郎太和二年出為陝觀察使兼御史大夫四年入拜尚書

左丞居播之喪號毀過禮友悌尤至遷戶部尚書判度支以西北邊備歲有和
 市以給軍勞人饋餼奏於靈武邠寧起營田六年檢校吏部尚書河中
 晉絳節度使時屬蝗旱粟價暴踊豪門閉糴以邀善價起嚴誠儲蓄之家出粟
 於市隱者致之於法絲是民獲濟焉七年入為兵部尚書八年檢校右僕射襄
 州刺史充山南東道節度江漢水田前政撓法塘堰缺壞起下車命從事李業
 行屬郡檢視而補繕特為水法民無凶年九年就加銀青光祿大夫時李訓用
 事訓即起貢舉門生也欲援起為相八月詔拜兵部侍郎判戶部事其冬訓敗
 起以儒素長者人不以為累但罷判戶部事文宗好又尤尚古學鄭覃長於經
 義起長於博洽俱引翰林講論經史起僻於嗜學雖官位崇重耽玩無數夙夜
 孜孜殆忘寢食書無不覽經目靡遺轉兵部尚書以莊恪太子登儲欲令儒者
 授經乃兼太子侍讀判太常卿充禮儀詳定使創造禮神九玉奏議曰邦國之
 禮祀為大事珪璧之議經有前規謹按周禮天地四方以蒼璧禮天黃琮禮地
 青珪禮東方赤璋禮南方白琥禮西方黑璜禮北方又云四圭有邸以祀天兩
 圭有邸以祀地主璧以祀日月星辰凡此九器皆祀神之玉也又云以禮祀祀
 昊天上帝鄭玄云禮煙也為玉幣祭訖燔之而升煙以報陽也今與開元禮義
 同此則焚玉之驗也又周禮寧國之玉鎮大寶器若大祭既事而藏之此則收
 玉之證也梁代崔靈恩撰三禮義宗云凡祭天神各有二玉一以禮神一則燔
 之禮神者訖事却收祀神者與牲俱燎則靈恩之義合于禮經今國家郊天祀
 地祀神之玉常用守經據古禮神之玉則無臣等請下有司精求良玉創造蒼
 璧黃琮等九器祭訖則藏之其燔玉即依常制從之為太子廣五運圖及文場
 秀句等獻之二年以本官充翰林侍講學士莊恪太子薨詔起為哀冊文辭情
 婉麗四年遷太子少師判兵部事侍講如故以其家貧特詔每月割仙韶院月
 料錢三百千添給起富於文學而理家無法俸料入門即為僕妾所有帝以師
 友之恩特加周給議者以與伶官分給可為恥之武宗即位八月充山陵鹵簿
 使樞密使劉弘逸薛季稜懼誅欲因山陵兵士謀廢立起與山陵使知其謀密
 奏皆伏誅尋檢校左僕射東都留守判東都尚書省事會昌元年徵拜吏部尚

書判太常卿事三年權知禮部貢舉明年正拜左僕射復知貢舉起前後四典
 貢部所選皆當代辭藝之士有名於時人皆賞其精鑒徇公也其年秋出為興
 元尹兼同平章事充山南東道節度使赴鎮日延英辭帝謂之曰卿國之耆老
 宰相無內外朕有關政飛表以聞宴賜頗厚在鎮二年以老疾求代不許大中
 元年卒于鎮時年八十八廢朝三日贈太尉諡曰文懿文集一百二十卷五緯
 圖十卷為宣十卷起侍講時或僻字疑事令中使口宣即以膀子對故名曰寫
 宣子龜嗣龜字大年性簡澹蕭灑不樂仕進少以詩酒琴書自適不從科試京
 城光福里第起兄弟同居斯為宏敞龜意在人外倦接朋游乃於永達里園林
 深僻處創書齋吟嘯其閑目為半隱亭及從父起在河中於中條山谷中起草
 堂與山人道士遊朔望一還府第後人目為郎君谷及起保釐東周龜於龍門
 西谷構松齋棲息往來放懷事外起鎮興元又於漢陽之龍山立隱舍每浮舟
 而往其閑逸如此武宗知之以左拾遺徵久之方至殿廷一謝陳請曰臣才疎
 散無用於時加以疾病所嬰不任祿仕臣父年將九十作鎮遠藩喜懼之年闕
 於供侍乞罷今職以奉晨昏上優詔許之明年丁父憂服闋以右補闕徵遷侍
 御史尚書郎大中末出為宣歙團練觀察副使賜緋入為祠部郎中史館修撰
 前從崔瑒貳宣歙及瑒鎮河中又奏為副使入為兵部郎中賜金紫尋知制誥
 咸通末以弟鐸在中書不欲在禁掖改太常少卿尋檢校右散騎常侍同州刺
 史牙將白約者甚狡蠹前後防禦使不能制龜因事發笞死以徇人皆畏威自
 效十四年轉越州刺史御史大夫浙東團練觀察使先是龜兄式撫臨此郡有
 惠政聞龜復至舞扞迎之屬徐泗之亂江淮盜起山越亂攻郡為賊所害贈工
 部尚書子蕤苦學善屬文以季父作相避嫌不就科試乾符初崔瑾廉察湖
 南崔涓鎮江陵皆辟為從事蕭暹作相奏授藍田尉直史館遷左拾遺右補闕
 中丞盧涯奏為侍御史從僖宗幸山南拜右司員外郎卒子權中與仕至兵部
 尚書式以門蔭累遷監察御史轉殿中亦巧宦太和中依倚鄭注謁王守澄為
 中丞歸融所劾出為江陵少尹大中後踐更省署咸通初為浙東觀察使草賊
 仇甫據明州叛來攻會稽式討平之式有威略三年徐州銀刀軍叛以式為徐

州節度使。式至鎮。盡誅銀刀等七軍。徐方平定。天子嘉之。後累歷方任。卒。鐸字昭範。會昌初。進士第。兩辟使府。大中初。入爲監察御史。咸通初。由駕部郎中知制誥。拜中書舍人。五年。轉禮部侍郎。典貢士兩歲。時稱得人。七年。以戶部侍郎判度支。遷禮部尚書。十二年。以本官同平章事。時宰相韋保衡以拔擢之恩。事鐸尤謹。累兼刑部吏部尚書。僖宗卽位。加右僕射。保衡得罪。以鐸檢校右僕射。出爲汴州刺史。宣武軍節度使。鐸有經世大志。以安邦爲己任。士友推之。乾符二年。河南江左相繼寇盜結集。內官田令孜素聞鐸名。乃復召鐸。拜右僕射。門下侍郎。同平章事。四年。賊陷江陵。楊知溫失守。宋威破賊。失策。朝議統率。宰相盧攜稱高駢累立戰功。宜付軍柄。物議未允。鐸廷奏曰。臣忝宰執之長。在朝不足分陛下之憂。臣願自率諸軍。邊滌羣盜。朝議然之。五年。以鐸守司徒。門下侍郎。同平章事。兼江陵尹。荆南節度使。充諸道行營兵馬都統。鐸至鎮。綏懷流散。完葺軍戎。葦年之間。武備嚴整。時兗州節度使李係者。西平王晟之孫。以其家世將才。奏用爲都統。都押衙兼湘南團練使時黃巢在嶺南。鐸悉以精甲付係。令分兵扼嶺路。係無將略。微有口才。軍政不理。廣明初。賊自嶺南寇湖南。諸郡保守城自固。不敢出戰。賊編木爲棧。沿湘而下。急攻潭州。陷之。係甲兵五萬。皆爲賊所殺。投屍於江。鐸聞係敗。令部將董漢宏守江陵。自率兵萬餘。會襄陽之師。江陵竟陷於賊。天子不之責。罷相守太子太師。宰相盧攜用事。竟以淮南高駢代鐸爲都統。其年秋。賊焚剽淮南。高駢挫敗。及賊陷兩京。盧攜得罪。天子用鄭畋爲兵馬都統。明年。畋病歸行在。朝議復以鐸爲侍中。滑州刺史。義武軍節度使。充諸道行營都統。率禁軍山南東蜀之師三萬。營於鰲屋東。進屯靈威寺。明年春。兗鄆徐許鄭滑郓寧鳳翔十鎮之師大集關內。時賊已僭名號。以前浙東觀察使崔瑒尙讓爲宰相。傳僞命。天下藩帥多持兩端。既聞鐸傳檄四方。諸侯翻然景附。賊之號令。東西不過岐華。南北止及山河。而勁卒驍將日馳突於國門。羣賊由是離心。其年秋。賊將朱温降。收同州。十一月。賊華州戍卒七千來奔。三年二月。沙陀軍至。收華州。四月。賊賊於良田坡。遂收京城。封鐸晉國公。鐸加中書令。以收城諸將。量其功伐。高下。承制爵賞。以聞。是時國命危若綴旒。天

子播越。變陬。大事去矣。若非鄭畋之奮發。鐸之忠義。則土運之隆替。未可知也。自巢讓之亂。關東方鎮牙將。皆逐主帥。自號藩臣。時溥據徐州。朱瑄據鄆州。朱瑾據兗州。王敬武據青州。周岌據許州。王重榮據河中。諸葛爽據河陽。皆自擅一藩。職貢不入。賞罰由己。既逐賊出關。尤恃功伐。朝廷姑息不暇。巢賊出關。東與蔡帥秦宗權合縱。時溥舉兵徐方。請身先討賊。乃授溥都統之命。十軍軍容使田令孜以內官楊復光有監護用師之功。尤忌儒臣立事。故有時溥之授。初鐸出軍。兼鄭滑節度使。以便供饋。至是罷鐸都統之權。令仗節歸藩。鐸以未全忠於己。有恩。尙爲藩蔽。初全忠辭禮恭順。既而全忠軍旅稍集。其意漸倨。鐸知不可依。表求還朝。其年冬。僖宗自蜀將還。乃以鐸爲滄景節度使。時楊全致在滄州。聞鐸之來。訴於魏州樂彥貞。鐸受命赴鎮。至魏州旬日。彥貞迎謁宴勞甚至。鐸以上台元老。功蓋羣后。行則肩輿。妓女夾侍。賓僚服御。盡美一時。彥貞子從訓。兇戾無行。竊所慕之。令甘陵州卒數百人。伏於漳南之高雞泊。及鐸行李至。皆爲所掠。鐸與賓客十餘人。皆遇害。時光啓四年十二月也。鐸弟鐸累官至汝州刺史。王仙芝陷郡城。被害。

李絳字深之。趙郡贊皇人也。曾祖貞簡。祖剛。官終宰邑。父元善。襄州錄事參軍。絳舉進士。登宏辭科。授祕書省校書郎。秩滿。補渭南尉。貞元末。拜監察御史。元和二年。以本官充翰林學士。未幾。改尙書主客員外郎。踰年。轉司勳員外郎。五年。遷本司郎中。知制誥。皆不離內職。孜孜以匡諫爲己任。憲宗卽位。叛臣李錡阻兵於浙右。錡既誅。朝廷將鞏其所沒家財。絳上言曰。李錡兇狡叛戾。僞後誅求。刻剝六州之人。積成一遭之苦。聖恩本以叛亂致討。蘇息一方。今輦運錢帛。播聞四海。非所謂式遏亂略。惠綏困窮。伏望天慈。並賜本道代貧下戶今年租稅。則萬姓欣戴。四海歌詠矣。憲宗嘉之。時中官吐突承璀自藩邸承恩。寵爲神策護軍中尉。乃於安國佛寺建立聖政碑。大興功作。仍請翰林爲其文。絳上言曰。陛下布惟新之政。刻積習之弊。四海延頸。日望德音。今忽立聖政碑。示天下以不廣。易稱大人者。與天地合德。與日月合明。執契垂拱。勵精求理。豈可以文字而盡聖德。碑表而贊皇猷。若可敘述。是有分限。虧損威德。豈謂敷揚至道哉。

故自堯舜禹湯文武並無建碑之事。至秦始皇荒逸之君，頹酷之政，然後有累
 碑之碑，揚誅伐之功，紀巡幸之跡，適足為百王所笑。萬代所譏。至今稱為失道
 亡國之主，豈可擬議於此。陛下嗣高祖太宗之業，舉貞觀開元之政，思理不違
 食，從謙如順流，固可與堯舜禹湯文武方駕而行。又安得追秦皇暴虐不經之
 事，而自損聖政。近者聞巨源請立紀聖功碑，陛下詳盡事宜，皆不允許。今忽令
 立此與前事頗乖。況此碑既在安國寺，不得不敘載遊觀崇飾之事。述遊觀且
 乖理要，敘崇飾又匪政經，固非哲王所宜行也。其碑伏乞聖恩，特令罷罷。憲宗
 深然之。其碑遂止。絳後因浴堂北廊奏對，極論中官縱恣，方鎮進獻之事。憲宗
 怒，厲聲曰：卿所論奏何太過耶。絳前論不已，曰：臣所諫論於臣無利，是國家之
 利。陛下不以臣愚，使處腹心之地，豈可見事虧聖德，致損清時，而惜身不言，仰
 屋竊歎。是臣負陛下也。若不顧患禍，盡誠奏論，旁忤倖臣，上犯聖旨，以此獲罪，
 是陛下負臣也。且臣與中官素不相識，又無嫌讐，祇是感福太盛，上損聖朝。臣
 所以不敢不論耳。使臣緘默，非社稷之福也。憲宗見其誠切，改容慰喻之曰：卿
 盡節於朕，人所難言者，卿悉言之。使朕聞所不聞，真忠正誠節之臣也。他日南
 面，亦須如此。絳拜恩而退。遽宣宰臣，令與改官，乃授中書舍人。依前翰林學士。
 翌日，面賜金紫。帝親為絳擇良笏賜之。前後朝臣裴武、柳公綽、白居易等，或為
 姦人所排，陷特加貶黜。絳每以密疏申論，皆獲寬宥。及鎮州節度使王士真死，
 朝廷將用兵討除。絳深陳以為未可。絳既盡心匡益，帝每有詢訪多協事機，六
 年猶以中人之故，罷學士。守戶部侍郎。判本司事。嘗因對，憲宗曰：戶部比有
 進獻，至卿獨無，何也。絳曰：將戶部錢獻入內藏，是用物以結私恩。上嗔然，益嘉
 其直。吐突承璀恩寵莫二。是歲將用絳為宰相。前一日，出承璀為淮南監軍。翌
 日降制，以絳為中書侍郎。同中書門下平章事。同列李吉甫，便僻善逢迎。上意
 絳梗直，多所規諫。故與吉甫不協。時議者以吉甫通於承璀，故絳尤惡之。絳性
 剛訐，每與吉甫爭論，人多直絳。憲宗察絳忠正，自立故絳論奏，多所允從。上嘗
 謂絳曰：卜筮之事，習者罕精。或中或否。近日風俗，尤更崇尚，何也。對曰：臣聞古
 先哲王畏天命，示不敢專，邦有大事，可疑者，故先謀於卿士。庶人友決於卜筮。

俱協則行之。末俗浮偽，幸以微福，正行慮危，邪謀覲安，遲疑昏惑，謂小數能決
 之。而愚夫愚婦假時日鬼神者，欲利欺詐，參之見聞，用以刺射小近之事，神而
 異之。近者風俗近巫，此誠弊俗。聖旨所及，實辦邪源，但存而不論，弊斯息矣。他
 日延英上曰：朕讀玄宗實錄，見開元致理，天寶北亂，事出一朝，治亂相反，何也。
 絳對曰：臣聞理生於危心，亂生於肆志。玄宗自天后朝出居藩邸，嘗蒞官守，接
 時賢於外，知人事之艱難，臨御之初，任姚崇、宋璟，二人皆忠鯁上才，動以致主
 為心，明皇乘思理之初，亦勵精聽納，故當時名賢在位，左右前後皆尚忠正，是
 以君臣交泰，內外寧謐。開元二十年以後，李林甫、楊國忠相繼用事，專引柔佞
 之人，分居要劇，苟媚于上，不聞直言，嗜慾轉熾，國用不足，姦臣說以興利，武夫
 說以開邊，天下騷動，姦盜乘隙，遂至兩都覆敗，四海沸騰，乘輿播遷，幾至難復。
 蓋小人啓導，縱逸生驕之致也。至今兵宿兩河，西疆削盡，吐戶凋耗，府藏空虚，
 皆因天寶喪亂，以至於此。安危理亂，實繫時主所行。陛下思廣天聰，親覽國史，
 垂意精覽，覽于化源，實天下幸甚。上又曰：凡人行事，常患不通於理，已然之失，
 追悔誠難。古人處此，復有道否。絳對曰：行事過差，聖哲皆所不免。故天子致諄
 臣以匡其失，故主心理於中，臣論正於外，制理於未亂，銷患於未萌，主或過舉，
 則諫以正之，故上下同體，猶手足之於心，齊交相為用，以致康寧。此亦常理，非
 難遵之事。但矜得護，失常情所蔽，古人責改過不悛，從善如流，良為此也。臣等
 備位無所發明，但陛下不廢芻言，則端士賢臣必當自效。帝曰：朕擢用卿等，所
 冀直言，各宜盡心無隱。以匡不逮，無以護失為慮也。其秋，魏博節度使田季安
 死，其子懷諫幼弱，軍中立其大將田興使主軍事，與卒以六州之地歸命。其經
 始營創，皆絳之謀也。時教坊忽稱密旨，取賈家士女及衣冠笈妓人，京師駭
 然。絳謂同列曰：此事大虧損聖德，須有論諫。或曰：此嗜欲聞事，自有諫官論列。
 絳曰：相公居常病諫官論事，此難事。即推與諫官可乎。乃極言論奏。翌日延英，
 憲宗舉手謂絳曰：昨見卿狀所論採擇事，非卿盡忠於朕，何以至此。朕都不知
 向外事。此是教坊罪過，不論朕意，以至於此。朕緣丹王已下四人，院中都無侍
 者。朕令於樂工中及閭里有情願者，厚其餼帛，祇取四人。四王各與一人，伊不

會朕意便如此生事朕已令科罰其所取人並已放歸若非卿言朕寧知此過八年封高邑縣男絳以足疾拜章求免九年罷知政事授禮部尚書十年檢校戶部尚書出為華州刺史未幾入為兵部尚書丁母憂十四年檢校吏部尚書出為河中觀察使河中舊為節制皇甫鏗惡絳抵以觀察命之十五年鐔得罪絳復為兵部尚書穆宗即位改御史大夫穆宗亟於改遊行幸絳於延英切諫帝不能用絳以疾辭復為兵部尚書長慶元年轉吏部尚書是歲加檢校尚書右僕射判東都尚書省事充東都留守二年正月檢校本官兗州刺史充海節度觀察等使三年復為東都留守四年就加檢校司空寶曆初入為尚書左僕射二年九月昭義節度使劉悟卒遣表請以子從諫嗣襲將吏詰關論請絳密奏請速除近澤錄四面將帥一人以充節度令倍程赴鎮使從諫未及拒命新使已到所謂疾雷不及掩耳潞州軍心自有所繫從諫無位何名主張時宰相李逢吉王守澄已受從諫賂俱請以從諫留後不能用絳言絳以直道進退聞望傾於一時然剛腸嫉惡實不肖太分以此為非正之徒所忌又嘗與御史中丞王播相遇於道播不為之避絳奏論事體勅令兩省詳議咸以絳論委是李逢吉佑播惡絳乃罷絳僕射改授太子少師分司東都太宗即位徵為太常卿二年檢校司空出為興元尹山南西道節度使三年冬南蠻寇西蜀詔徵赴援絳於本道募兵千人赴蜀及中路糧軍已退所募皆遺興元兵額素定募卒悉令罷歸四年二月十日絳晨與視事召募卒以詔旨喻而遣之仍給以廩麥皆快快而退監軍使楊叔元貪財怙寵怨絳不奉己乃因募卒實薄衆辭之際以言激之欲其為亂以逞私憾募卒因監軍之言怒氣益甚乃謀聚趨府劫庫兵以入使衙絳方與賓僚會宴不及設備聞亂北走登陣衙將王景延力戰以禦之兵折矢窮景延死絳乃為亂兵所害時年六十七絳初登陣左右請絳離城可以避免絳不從乃奔從事趙存約薛齊俱死焉文宗聞奏震悼下制曰朝有正人時稱令德入參廟算出總師千方當寵任之臣橫權不幸之酷殄瘁與歎播紳所同故山南西道節度管內觀察處置等使銀青光祿大夫檢校司空兼興元尹御史大夫上柱國趙郡開國公食邑二千戶李絳神授聰明天賦清直

抱仁義以希前哲立標準以程後來抑揚時情坐致台輔佐我烈祖格于皇天仗鉞宣風聯居樂土乘軒鳴玉嘗極清班先聲而物議皆歸不約而羣情自許漢中名部俾遠便安而變起不圖禍生無兆殲良之慟聞計增傷是極哀榮用優典禮三公正秩品數甚崇式表異恩以據沉痛可贈司徒仍令所司擇日備禮冊命賜布帛三千段米粟二百碩子璋璋登進士第盧鈞鎮太原辟為從事大中末入朝為監察轉侍御史出刺兩郡宣歙觀察使于德林

楊於陵字達夫弘農人漢太尉震之第五子奉之後曾祖珪為辰州掾曹祖冠俗奉先尉父太清宋州單父尉於陵天寶末家寄河朔祿山亂其父歿於賊於陵始六歲及長客於江南好學有奇志弱冠舉進士釋褐為潤州句容主簿時韓滉節制金陵滉性剛嚴少所接與及於陵以屬吏謁謝滉甚奇之謂其妻柳氏曰夫人常擇佳婿吾聞人多矣無如楊主簿者後竟以女妻之秩滿為鄂岳江南二府從事累官至侍御史韓滉自江南入朝總將相財賦之任頗承顧遇權傾中外於陵自江西府罷以婦翁權幸方熾不欲進取乃卜築於建昌以讀書山水為樂滉歿貞元八年始入朝為膳部員外郎歷考功吏部二員外判南曹時宰相有密親調集文書不如式於陵駁之大協物論遷右司郎中復轉吏部郎中改京兆尹出為絳州刺史德宗雅聞其名將辭赴郡詔留之拜中書舍人時李實為京兆尹恃承恩寵於陵與給事中許孟容俱不附協為實煤孽孟容改太常少卿於陵為祕書少監貞元末實輩敗遷於陵為華州刺史充潼關防禦鎮國軍等使未幾遷浙江東道都團練觀察等使政聲流聞入拜戶部侍郎復改京兆尹先是禁軍影占編戶無以區別自於陵請致拔名每五丁者得兩丁入軍四丁三丁者各以條限由是京師豪強復知所畏再遷戶部侍郎

元和初以考策昇直言極諫牛僧孺等為執政所怒出為嶺南節度使會監軍使許遠振悍戾貪恣干撓軍政於陵奉公潔己遠振無能奈何乃以飛語上聞憲宗驚惑賴宰相裴均為於陵申理憲宗感悟五年入為吏部侍郎遠振終自得罪於陵為吏部凡四周歲監察姦吏調補平允當時稱之初吏部試判別差考判官三人校能否元和初罷之七年吏部尚書鄭餘慶以疾請告乃復置考

判官以兵部員外郎韋顥屯田員外張仲素太學博士陸巨等為之於陵自東都來言曰本司考判自當公心非次置官不知曹內公事考官祇論判之能否不計闕員本司祇計員闕幾何定其留放置官不便宰執以已置顥等祇令考科目選人其餘常調委本司自考於陵又以甲曆年深朽斷吏緣為姦奏換大曆七年至貞元二十年甲庫曆令本司郎官監換九年妖人楊叔高自廣州來干於陵請為己輔於陵執奏殺之改兵部侍郎判度支時淮西用兵於陵用所親為唐鄧供軍使節度使高霞寓以供軍有關移牒度支於陵不為之易其闕如舊霞寓軍屢有推敗詔書督責之乃奏以度支饋運不繼憲宗怒十一年貶於陵為桂陽郡守量移原王傅復遷戶部侍郎知吏部選事會誅李師道分其地為三鎮朝廷思有所制置以於陵兼御史大夫充淄青十二州宣慰使還奏合旨穆宗即位遷戶部尚書長慶初拜太常卿充東都留守年高拜章辭位寶曆二年授檢校右僕射兼太子太傅旋以左僕射致仕詔給全俸懇讓不受於陵器度弘雅進止有常居朝三十餘年踐更中外始終不失其正居官奉職亦善操守時人皆仰其風德太和四年十月卒年七十八冊贈司空諡貞孝子四人景復嗣復紹復師復嗣復自有傳景復位終同州刺史紹復進士擢第宏辭登科位終中書舍人師復位終大理卿大中後楊氏諸子登進士第者十人嗣復子授技拭擢紹復子擢拯揆師復子拙振等擢終給事中拯司封員外郎據右補闕揆左諫議大夫拙左庶子振左拾遺

史臣曰王氏二英播起位崇將相善始令終而炎薄祐短齡美鍾於鏗而能驪首矯翼凌厲亨衢仗鉞秉衡扶持衰運天胡罰善遇盜而殂悲哉李趙公頡頑禁林討讓相府嘉言啓沃不以身為廢軀將壇沒有餘裕楊僕射避婦翁之當軸疏驕尹之怙權守道居貞壽考終吉行已始卒人以為難美哉

贊曰王氏儒宗一門三相趙公排擢言猶鯁亮干將雖折不改其剛楊君之德韶夏洋洋

舊唐書卷一百六十五

後晉司空同中書門下平章事劉昫撰

列傳第一百一十五

韋夏卿

王正雅族孫凝

柳公綽

仲鄂孫

崔玄亮

温造子璋

郭承嘏

殷侗孫盈孫

徐晦

韋夏卿字雲客，杜陵人。父迢，檢校都官郎中，嶺南節度行軍司馬。夏卿苦學，大曆中與第正卿俱應制舉，同時策入高等，授高陵主簿。累遷刑部員外郎。時久旱蝗，詔於郎官中選赤畿令，改奉天縣令，以課最第一，轉長安令，改吏部員外郎。轉本司郎中，拜給事中，出為常州刺史。夏卿深於儒術，所至招禮通經之士。時處士賈羣寓於郡界，夏卿以其所著史論薦之于朝，遂為門人。改蘇州刺史。貞元末，徐州張建封卒，初授夏卿徐州行軍司馬，尋授徐泗濠節度使。夏卿未至，建封子愔為軍人立為留後，因授旄鉞。徵夏卿為吏部侍郎，轉京兆尹。太子賓客檢校工部尚書，東都留守。遷太子少保卒。時年六十四，贈左僕射。夏卿有風韻，善談議，與人同處，終年而喜，愔不形於色。撫孤侄恩踰己子，早有時稱。其所與游，皆一時名士，為政務通適，不喜改作。始在東都，傾心辟士，頗得才彥。其後多至卿相，世謂之知人。

王正雅字光謙，其先太原尹東都留守翊之子。伯父玠，代宗朝御史大夫，以貞亮鯁直，名於當代。卒，諡曰忠惠。正雅少時以孝行修謹聞。元和初，舉進士，登甲科。禮部侍郎崔郊甚知之，累從職使府。元和十一年，拜監察御史。三遷為萬年縣令。當穆宗時，京邑號為難理，正雅抑強扶弱，政甚有聲。會柳公綽為京兆尹，上前褒稱。穆宗命以緋衣銀章就縣宣賜。遷戶部郎中，尋加知臺雜事。再遷太常少卿，出為汝州刺史。元本州防禦使，有中人為監軍，怙權干政，正雅不能堪，乃謝病免。入為大理卿。會宋申錫事起，獄自內出，卒無證驗。是時王守澄之威權，鄭注之寵勢，雖宰相重臣，無敢顯言其事者。唯正雅與京兆尹崔綰上疏請出遣事者付外考驗，其事別具狀聞。由是獄情稍緩。申錫止於貶官，中外翕然

推重之。太和五年十一月卒，贈左散騎常侍。正雅從弟重，翊之子也。位止河東令。重子衆仲，登進士第，累官衡州刺史。衆仲子凝，凝字致平，少孤，宰相鄭肅之甥。少依舅氏。年十五，兩經擢第，常著京城六尚銘，為文士所稱。再登進士甲科。崔瓌領鹽鐵，辟為巡官。歷佐梓潼宣歙使幕。宰相崔龜從奏為尋縣尉，集賢校理。遷監察御史，轉殿中。宰相崔鉉出鎮揚州，奏為節度副使，入為起居郎。歷禮部兵部考功三員外，遷司封郎中。長安令中丞鄭處誨奏知臺雜換考功郎中。遷中書舍人。時政不協，出為同州刺史。賜金紫。暮年，移疾華州。數水別墅，踰年以禮部侍郎徵。凝性堅正，貢闈取士，拔其寒俊，而權豪請託不行。為其所怒，出為商州刺史。明年，檢校右散騎常侍，潭州刺史，湖南團練觀察使。入為兵部侍郎。領鹽鐵，轉運使。又以不奉權倖，改秘書監。出為河南尹。檢校禮部尚書。宣州刺史宣歙觀察使凝，咸通中兩佐宣城使幕。備究人之利病，除積弊，民俗阜康。踰歲，黃巢自嶺表北歸，大掠淮南，攻圍和州。凝令牙將樊儵率師據采石，以援之。儵犯令，凝即斬之，以徇。命別將烏穎代儵赴援，竟解歷陽之圍。賊怒，引眾攻宣城。大將王涇請出軍逆戰，凝曰：「賊忿而來，宜持重待之。彼眾我寡，萬一不捷，則州城危矣。消銳意，請行。」凝即閱集丁壯，分守要害。登陴設備，涇果戰死。賊乘勝而來，則守有備矣。賊為梯衝之具，急攻數月。備力殫，吏民請曰：「賊之兇勢不可當，願尚書歸款。」凝懼，覆尚書家，族凝曰：「人皆有族，子豈獨全。誓與此城同存亡也。」既而賊退去。時乾符五年也。其年夏，疾甚，有大星墜於正寢。八月卒于郡。時年五十八。無子。以弟子鑣為嗣。鑣兄鉅，位終兵部侍郎。

柳公綽字起之，京兆華原人也。祖正禮，邠州士曹參軍。父子温，丹州刺史。公綽幼聰敏，年十八，應制舉。登賢良方正，直言極諫科。授秘書省校書郎。貞元元年也。貞元四年，復應制舉，再登賢良方正科。時年二十一，制出授渭南尉。公綽性謹重，動循禮法，屬歲飢，其家雖給，而每飯不過一器。歲終復初，家甚貧，有書千卷，不讀非聖之書。為文不尚浮靡，慈隱觀察使姚齊梧奏為判官。得殿中侍御史。冬，薦授開州刺史。入為侍御史。再遷吏部員外郎。武元衡罷相，鎮西蜀，與裴度俱為元衡判官。尤相善。先度入為吏部郎中，度以詩錢別，有兩人同日事征

西今日君先捧紫泥之句元和初憲宗頗出遊畋銳意用兵公綽欲因事諷諫五年十一月獻太醫箴一篇其辭曰天布寒暑不私於人品類既一崇高以均惟謹好愛能保其身清淨無瑕輝光以新寒暑滿天地之間淡肌膚於外好愛溢耳目之前誘心知於內清潔為隄奔射猶敗氣行無間隙不在大睿聖之姿清明絕俗心正無邪志高寡欲謂天高矣氣蒙晦之謂地厚矣橫流潰之聖德超邁萬方賴之飲食所以資身也過則生患衣服所以稱德也侈則生慢唯過與侈心必隨之氣與心流疾亦伺之聖心不惑孰能移之畋遊恣樂流情蕩志馳騁勞形叱傷氣惟天之重從禽為累不養其外前脩所忌聖心非之孰敢違之人乘氣生嗜欲以萌氣離有患氣凝則成巧必喪真智必誘情去彼煩慮在此誠明醫之上者理於未然患居慮後防處事先心靜樂行體和道全然後能德施萬物以享億年聖人在上各有攸處庶政有官羣藝有署臣司太醫敢告諸御憲宗深嘉之旬日降中使獎勞之曰卿所獻之文云氣行無間隙不在大何憂朕之深也踰月拜御史中丞公綽素與裴垰厚李吉甫出鎮淮南深怨垰六年吉甫復輔政以公綽為潭州刺史兼御史中丞充湖南觀察使湖南地氣卑濕公綽以母在京師不可迎侍致書宰相乞分司洛陽以便奉養久不許八年移為鄂州刺史鄂岳觀察使乃迎母至江夏九年吳元濬據蔡州叛王師討伐詔公綽以鄂岳兵五千隸安州刺史李聽率赴行營公綽曰朝廷以吾儒生不知兵耶即日上奏願自征行許之公綽自鄂濟湘江直抵安州李聽以廉使之禮事之公綽謂之曰公所以屬韃負督者豈非為兵事耶若去戎容被公服兩郡守耳何所統攝乎以公名家曉兵若吾不足以指麾則當赴闕不然吾且署職名以兵法從事矣聽曰唯公所命即署聽為鄂岳都知兵馬使中軍先鋒行營兵馬都虞候三牒授之乃選卒六千屬聽戒其部校曰行營之事一決都將聽感恩畏威如出麾下其知權制變甚為當時所稱鄂軍既在行營公綽時令左右省問其家如疾病養生送死必厚廩給之軍士之妻冶容不謹者沉之于江行卒相感曰中丞為我輩知家事何以報効故鄂人戰每剋捷十一年入為給事中李師道歸朝遣公綽往鄭州宣諭使還拜京兆尹以母憂免十四

年起為刑部侍郎領鹽鐵轉運使轉兵部侍郎兼御史大夫領使如故長慶元年罷使為京兆尹兼御史大夫時河朔復叛朝廷用兵補授行營諸將朝令夕改驛騎相望公綽奏曰自幽鎮用兵使命繁併館遞匱乏鞍馬多闕又勅使行李人數都無限約其衣緋紫乘馬者二十三十匹衣黃綠者不下十匹五匹驛吏不得視券牒隨口即供驛馬既盡遂奪路人鞍馬衣冠士庶驚擾怨嗟遠近喧騰行李將絕伏望聖慈聊為定限乃下中書條疏人數自是吏不告勞以言直為北司所惡尋轉吏部侍郎二年九月遷御史大夫韓弘病自河中入朝以弘守司徒中書令詔百寮問疾弘遣其子達情言不能接見公綽謂其子曰聖上以公官重令百司省問異禮也如拜君賜宜力疾公見安有臥令子弟傳言耶弘懼挾扶而出人皆聳然三年改尚書左丞又拜檢校戶部尚書襄州刺史山南東道節度使行部至鄧縣縣二吏犯法一贓賄一舞文縣令以公綽守法必殺贓吏獄具判之曰贓吏犯法法在姦吏壞法法亡誅舞文者公綽馬害圍人命斬之賓客進言曰可惜良馬圍人自防不至公綽曰安有良馬害人乎亟命殺之牛僧孺罷相鎮江夏公綽具戎容於郵舍候之軍吏自以漢上地高於鄂禮太過公綽曰奇章纒離台席方鎮重宰相是尊朝廷也竟以戎容見有道士獻丹藥試之有驗問所從來曰鍊此丹於薊門時朱克融方叛公綽遽謂之曰惜哉至藥來於賊臣之境雖驗何益乃沉之于江而逐道士鄧縣人鄭懷政病狂妄稱天子公綽捕而殺之敬宗即位加檢校左僕射寶曆元年入為刑部尚書二年授邠州刺史邠寧慶節度使所部有神策諸鎮屯列要地承前不受節度使制置遂致北虜深入公綽上疏論之因詔諸鎮皆稟邠寧節度使制置三年入為刑部尚書京兆尹有姑鞭婦致死者府斷以償死公綽議曰尊嚴卑非闕且其子在以妻而戮其母非教也竟滅死太和四年復檢校左僕射太原尹北都留守河南節度觀察等使是歲北虜遣梅祿將軍李暢以馬萬匹來市託云入貢所經州府守帥假之禮分嚴其兵備留館則戒卒於外懼其襲奪大原故事出兵送之暢及界上公綽使牙將粗考恭單馬勞問待以修好之意暢感義出涕徐驅道中不妄馳獵及至關牙門令譯引謁宴以常禮及市馬而還

不敢侵犯。陞北有沙陁部落，自九姓六州，皆畏避之。公綽至鎮，召其酋朱耶執宜直抵雲朔塞下，治廢柵十一所，募兵三千付之，留屯塞上，以禦匈奴。其妻母來太原者，請梁國夫人對酒食，問遺之。沙陁感之深，得其効六年，以病求代。三月，授兵部尚書，徵還京師。四月卒，贈太子太保，諡曰成。公綽，天資仁孝，初丁母崔夫人之喪，三年不沐浴，事繼繼薛氏三十年，姻戚不知公綽非薛氏所生。外兄薛官早卒，一女孤，配張毅夫，資遺甚於己子。性端介，寡合，與錢徽、蔣乂、杜元穎、薛存誠、文雅相知，交情款密。凡六開府，幕得人尤盛。錢徽嘗貢之年，鄭朗覆落，公綽將赴襄陽，首辟之，朗竟為名相。盧簡辭、崔瑗、夏侯章、長李續、李拭，皆至公卿。為吏部侍郎，與舅左丞崔從同省。人士榮之。子仲鄧，第公權、公諒。仲鄧字諭蒙，元和十三年進士，擢第，釋褐，秘書省校書郎，牛僧孺鎮江夏，辟為從事。仲鄧有父風，勤修禮法，僧孺歎曰：「非積習名教，安能及此。」入為監察御史。五年，遷侍御史，富平縣人李秀才，籍在禁軍，誣鄉人斫父墓柏射殺之法，司以專殺論。文宗以中官所庇，決杖配流。右補闕蔣係上疏論之，不省。仲鄧執奏曰：「聖王作憲，殺人有必死之令，聖明在上，當官無壞法之臣。今秀才犯殺人之科，愚臣備監決之任，此賊不死，是亂典章。臣雖至微，豈敢曠職。其秀才未敢行決，望別降勅處分。」乃詔御史蕭傑監之，傑又執奏，帝遂詔京兆府行決，不用監之。然朝廷嘉其守法，會昌中，三遷吏部郎中。李德裕頗知之，武宗有詔減冗官，吏部條疏欲牒天下州府取額外官員。仲鄧曰：「諸州每冬申闕，何煩牒耶？」倅門頗塞，仲鄧條理旬日，減一千二百員，時議為愜。遷諫議大夫。五年，淮南奏吳湘獄，御史崔元藻覆按得罪，仲鄧上疏理之，人皆危懼。德裕知其無私，益重之。武宗築望仙臺，仲鄧累疏切諫，帝召論之曰：「聊因舊趾增葺，愧卿忠言。」德裕奏為京兆尹，謝日言曰：「下官不期太尉恩獎及此，仰報厚德，敢不如奇章門館。」德裕不以為嫌，時廢浮圖法，以銅像鑄錢，仲鄧為京畿鑄錢使，錢工欲於模加新字，仲鄧止之。唯淮南加新字，後竟為僧人取之，為像設鐘磬，紇于鼻，斯表甥劉詡，詡為禁軍小校，仲鄧不俟奏，下杖殺之。為北司所譴，改右散騎常侍。權知吏部尚書銓事，宣宗即位，德裕罷相，出仲鄧為鄭州刺史。周擇自江西移鎮滑臺，過鄭，觀

其境內大理，甚擬之。俄而擢入輔政，遷為河南尹。蒞事踰月，召拜戶部侍郎，居無何，擢罷知政事，同列有疑仲鄧與擇善，左授秘書監。數月復出為河南尹，以寬惠為政，言事者以為不類京兆之政。仲鄧曰：「鞏毅之下，彈壓為先，郡邑之治，惠養為本。何取類耶？」大中五年，轉梓州刺史。劍南東川節度使，孔目吏邊章，閉者以貨交近侍，前後廉使無如之何。仲鄧因事決殺部內肅然，不俟行法而自理。在鎮五年，美績流聞，徵為吏部侍郎。入朝未謝，改兵部侍郎。充諸道鹽鐵轉運使。大中十二年，罷使守刑部尚書，咸通初，轉兵部，加金紫光祿大夫，河東男，食邑三百戶。俄出為興元尹。山南西道節度使，鳳州刺史，盧方又以輕罪決部民數日而斃，其妻列訴，又旁引他吏械繫滿獄。仲鄧召其妻謂之曰：「刺史科小罪，誠人，但本非死刑，雖未出辜，其實病死，罰方又百首繫者，皆釋，郡人深感之，因決贖吏過當。」以太子賓客分司東都，踰年為虢州刺史。數月，檢校尚書左僕射，東都留守，盜發先人墓，棄官歸華原，除華州刺史，不拜。數月，以本官為鄆州刺史。天平軍節度觀察等使，授節鉞於華原，別墅卒於鎮。初，仲鄧自拜諫議後，每還官，羣鳥大集於昇平里第，廷樹戟架皆滿，凡五日而散。詔下，不復集。家人以為候唯除天平鳥不集。仲鄧嚴禮法，重氣義，嘗感李德裕之知，大中朝，李氏無祿仕者，仲鄧領鹽鐵時，取德裕兄子從質為推官，知蘇州院事，令以祿利贍南宅，令孤獨為宰相，頗不悅。仲鄧與綸書自明其要，云：「任安不去，常自愧於昔人。」吳詠自裁，亦何施於今日。李太尉受責既久，其家已空，遂絕蒸嘗，誠增痛側。綸深感，數尋與從質正員官。仲鄧以禮法自持，私居未嘗不拱手，內齋未嘗不束帶。三為大鎮，殿無名馬，衣不薰香，退公布卷，不捨晝夜。九經三史一鈔，魏晉已來南北史再鈔，手鈔分門三十卷。號柳氏自備，又精釋典，瑜伽智度大論，皆再鈔。自餘佛書，多手記，要義小楷，精謹無一字肆筆。撰尚書二十四司箴，韓愈柳宗元深賞之。有文集二十卷，子珪、璧、玘、珪、字鎮方。大中五年登進士第，累辟使府。早卒。璧，大中九年登進士第，文格高雅，嘗為馬嵬詩。詩人韓琮、李商隱、嘉之。馬植鎮陳許，辟為掌書記，又從植汴州。李瓊鎮桂管，奏為觀察判官。軍政不愜，璧極言不納，拂衣而去。桂府尋亂，入為右補闕。僖宗幸蜀，召充翰林學士，累遷

諫議大夫充職。玘應兩經舉釋褐秘書正字。又書判拔萃。高湜辟為度支推官。踰年拜右補闕。湜出鎮澤潞。奏為節度副使。入為殿中侍御史。李蔚鎮襄陽。辟為掌書記。湜再鎮澤潞。復為副使。入為刑部員外。湜為亂將。所逐貶高要尉。玘三上疏申理。湜見疏。本數曰。我自辨析。亦不及此。尋出廣州節度副使。明年。黃巢陷廣州。郡人鄧承勳以小舟載玘脫禍。召為起居郎。賊陷長安。為刃所傷。出奔行在。歷諫議。給事中。位至御史大夫。玘嘗著書誡其子弟曰。夫門地高者。可畏。不可恃。可畏者。立身行己。一事有隆。先訓則罪大於他人。雖生可以苟取名位。死何以見祖先於地下。不可恃者。門高則自驕。族盛則人之所嫉。實藝懿行。人未必信。纖瑕微累。十手爭指矣。所以承世胄者。修己不得不懇。為學不得不堅。夫人生世。以無能望他人。用。以無善望他人。愛。用。愛。無狀。則曰。我不遇時。時不急賢。亦由農夫鹵莽而種。而怨天澤之不潤。雖欲弗餒。其可得乎。予幼聞先訓。講論家法。立身以孝悌為基。以恭默為本。以畏怯為務。以勤儉為法。以交結為末事。以氣義為凶人。肥家以忍順。保文以簡敬。百行備。疑身之未周。三緘密慮。言之或失。廣記如不及。求名如儻來。去。去。去。與。與。與。庶幾滅過。蒞官則潔己省事。而後可以言守法。守法而後可以言養人。直不近禍。廉不沽名。廉。祿。雖微。不可易。黎。吐。之。膏。血。覆。楚。雖。用。不。可。恣。褻。褻。之。胸。襟。憂。與。福。不。借。潔。與。富。不。並。比。見。門。家。子。孫。其。先。正。直。當。官。耿。介。特。立。不。畏。強。禦。及。其。衰。也。唯。好。犯。上。更。無。他。能。如。其。先。遂。順。處。己。和。柔。保。身。以。遠。悔。尤。及。其。衰。也。但。有。暗。劣。莫。知。所。宗。此。際。幾。微。非。賢。不。達。夫。壞。名。災。己。辱。先。喪。家。其。失。尤。大。者。五。宜。深。誌。之。其。一。自。求。安。逸。靡。甘。澹。泊。苟。利。於。己。不。恤。人。言。其。二。不。知。儒。術。不。悅。古。道。憐。前。經。而。不。恥。論。當。世。而。解。頤。身。既。寡。知。惡。人。有。學。其。三。勝。己。者。厭。之。佞。己。者。悅。之。唯。樂。戲。譚。甚。思。古。道。聞。人。之。善。嫉。之。聞。人。之。惡。揚。之。漫。漬。頹。僻。銷。刻。德。義。警。裾。徒。在。斯。養。何。殊。其。四。崇。好。慢。遊。耽。嗜。麴。蘖。以。銜。杯。為。高。致。以。勤。事。為。俗。流。習。之。易。荒。覺。已。難。悔。其。五。急。於。名。宦。匿。近。權。要。一。資。半。級。雖。或。得。之。眾。怒。羣。猜。鮮。有。存。者。茲。五。不。是。甚。於。瘞。疽。瘞。疽。則。砭。石。可。瘳。五。失。則。巫。醫。莫。及。前。賢。炯。誠。方。冊。具。存。近。代。覆。車。聞。見。相。接。夫。中。人。已。下。修。辭。力。學。者。則。踈。進。患。失。思。展。其。用。審。命。知。退。者。則。業。

荒文蕪。一不足採。唯上智則研其慮。博其聞。堅其習。精其業。用之則行。捨之則藏。苟異於斯。豈為君子。初公綽理家甚嚴。子弟克舉誠訓。言家法者。世稱柳氏云。公權字誠懸。幼嗜學。十二能為辭賦。元和初。進士擢第。釋褐秘書省校書郎。李聽鎮夏州。辟為掌書記。穆宗即位。入奏事。帝召見。謂公權曰。我於佛寺見卿筆蹟。思之久矣。即日拜右拾遺。充翰林侍書學士。遷右補闕。司封員外郎。穆宗政僻。嘗問公權筆何盡善。對曰。用筆在心。心正則筆正。上改容。知其筆諫也。歷移敬文三朝。侍書中禁。公綽在太原。致書于宰相李宗閔云。家弟苦心辭藝。先朝以侍書見用。頗借工祝。心實恥之。乞換一散秩。乃遷右司郎中。累換司封兵部二郎中。弘文館學士。文宗思之。復召侍書。還諫議大夫。俄改中書舍人。充翰林書詔學士。每浴堂召對。繼燭見跋。語猶未盡。不欲取燭。宮人以蠟淚揉紙。繼之。從幸未央宮。苑中駐輦。謂公權曰。我有一喜事。邊上衣賜。不及時。今年二月。給春衣。訖。公權前奉賀。上曰。單賀未了。卿可賀我。以詩。宮人迫其口進。公權應聲曰。去歲雖無戰。今年未得歸。皇恩何以報。春日得春衣。上悅。激賞久之。便殿對六學士。上語及漢文恭儉。帝舉袂曰。此澣濯者三矣。學士皆贊詠。帝之儉德。唯公權無言。帝留而問之。對曰。人主當進賢。良。不。肖。納。諫。諱。明。賞。罰。服。澣濯之衣。乃小節耳。時周墀同對。為之股慄。公權辭氣不可奪。帝謂之曰。極知舍人不合作諫議。以卿言事有諍臣風彩。却授卿諫議大夫。翌日降制。以諫議知制誥。學士如故。開成三年。轉工部侍郎。充職。嘗入對。上謂曰。近日外議如何。公權對曰。自郭耽除授。物議頗有臧否。帝曰。耽是尚父之從子。太皇太后之季父。在官無過。自金吾大將授。郭寧小鎮。何事議論耶。公權曰。以耽勳德。除鎮。攸宜。人情論議者。言耽進二女入宮。致此除拜。此信乎。帝曰。二女入宮。參太后。非獻也。公權曰。瓜李之嫌。何以戶曉。因引王珪諫。太宗出廬江王妃故事。帝即令南內使張日華送二女還。公權忠言。皆此類也。累遷學士承旨。武宗即位。罷內職。授右散騎常侍。宰相崔珙用為集賢學士。判院事。李德裕素待公權厚。及為琪奏薦。頗不悅。左授太子詹事。改賓客。累遷金紫。光祿大夫。上柱國。河東郡開國公。食邑二千戶。復為左常侍。國子祭酒。歷工部尚書。咸通初。改太。

子少傳改少師居三品二品班三十年六年卒贈太子太師時年八十八公權初學王書遍閱近代筆法體勢勁媚自成一家當時公卿大臣家碑板不得公權手筆者人以爲不孝外夷入貢皆別署貨貝曰此購柳書上都西明寺金剛經碑備有鍾王歐虞褚陸之體尤爲得意文宗夏日與學士聯句帝曰人皆苦炎熱我愛夏日長公權續曰薰風自南來殿閣生微涼時丁亥五學士皆屬繼帝獨諷公權兩句曰辭清意足不可多得乃令公權題於殿壁字方圓五寸帝視之歎曰鍾王復生無以加焉大初中初轉少師中謝宣宗召昇殿御前書三紙軍容使西門季玄捧視樞密使崔巨源過筆一紙真書十字曰衛夫人傳筆法於王右軍一紙行書十一字曰永禪師真草千字文得家法一紙草書八字曰謂語助者焉哉乎也賜錦綵緋盤等銀器仍令自書謝狀勿拘真行帝尤奇惜之公權志耽書學不能治生爲勳戚家碑板問遺歲時鉅萬多爲主藏堅海鷗龍安所竊別貯酒器杯盃一箇絨藤如故其器皆亡訊海鷗乃曰不測其亡公權晒曰銀杯羽化耳不復更言所寶唯筆硯圖畫自扁鵲之常評硯以青州石末爲第一言墨易冷絳州黑硯次之尤精左氏傳國語尙書毛詩莊子每說一義必誦數紙性曉音律不好奏樂常云聞樂令人驕怠故也公緯伯父子華永泰初爲嚴武西蜀判官妻爲成都令畧遷池州刺史入爲昭應令知府東十三縣捕賊尋檢校金部郎中修葺華清宮使元載欲用爲京兆尹未拜而卒自知死日預爲墓誌有知人之明公緯生三日視之謂其弟子溫曰保惜此兒福祚吾兄弟不能及與吾門者此兒也因起之爲公緯字子華二子公器公度公度善攝生年八十餘步履輕便或祈其術曰吾初無術但未嘗以元氣佐喜怒氣海嘗溫耳位止光祿少卿公器子遵遵子璩璩仕至宰相自有傳

崔玄亮字晦叔山東礪州人也玄亮貞元十一年登進士第從事諸侯府性雅澹好道術不樂趨競久遊江湖至元和初因知己薦達入朝再遷監察御史轉侍御史出爲密湖曹三郡刺史每一遷秩謙讓輒形於色太和初入爲太常少卿四年拜諫議大夫中謝日面賜金紫朝廷推其名望遷右散騎常侍來年宰相宋申錫爲鄭注所構獄自內起京師震懼玄亮首率諫官十四人詣延英請

對與文宗往復數百言文宗初不省其諫欲實申錫於法玄亮泣奏曰孟軻有言衆人皆曰殺之未可也卿大夫皆曰殺之未可也天下皆曰殺之然後察之方實於法今至聖之代殺一凡庶尙須合於典法況無辜殺一宰相乎臣爲陛下惜天下法實不爲申錫也言訖俯伏嗚咽文宗爲之感悟玄亮繇此名重於朝七年以疾求爲外任宰相以弘農便其所請乃授檢校左散騎常侍號州刺史是歲七月卒於郡所中外無不歎惜始玄亮登第純亮實亮相次昇進士科藩府辟召而玄亮最遠玄亮孫貽孫位至侍郎

溫造字簡與河內人祖景倩南鄭令父輔國太常丞造幼嗜學不喜試吏自負節概少所降志隱居王屋以漁釣逍遙爲事壽州刺史張建封聞風致書幣招延造欣然謂所親曰此可人也從家從之建封動靜咨詢而不敢廢以職任及建封授節彭門造歸下邳有高天下之心建封恐一旦失造乃以兄女妻之時李希烈方悖侵襄陽陸贄陷郡邑天下城鎮恃兵者從而動搖多逐主帥自立留後邀求節鉞德宗患之以范陽劉濟方輸忠款但未能盡達朝廷倚賴之意乃密詔建封選特達識略之士往喻之建封乃強署造節度參謀使于幽州造與語未訖濟俯伏流涕曰濟僻在遐裔不知天子神聖大臣忠盡願得率先諸侯效以死節造還建封以其名上聞德宗愛其才召至京師謂之曰卿離家子年復幾何造對曰臣五代祖大雅外五代祖李勣臣犬馬之年三十有二德宗奇之欲用爲諫官以語泄事獲長慶元年授京兆府司錄參軍奉使河朔稱旨遷殿中侍御史既而幽州劉總請以所部九州聽朝旨穆宗選可使者或薦造帝召而謂之曰朕以劉總輸忠雖書詔便蕃未盡朕之深意以卿素能辦事爲朕此行造對曰臣府縣走吏初受憲職望輕事重恐辱國命無能諭旨帝曰我在東宮時聞劉總請親及我卽位比年上書不絕及約以行期卽瘖默不報卿識機知變往喻我懷無多讓也乃拜起居舍人賜緋魚袋充太原鎮州幽州宣諭使造初至范陽劉總具饗餼郊迎乃宣聖旨示以禍福總俯伏流汗若兵加於頸矣及造使還總遂移家人覲朝廷遂以張弘靖代之及朱克融逐弘靖鎮州殺田弘正朝廷用兵乃先令造銜命河東魏博澤潞橫海深冀易定等道喻

以軍期事皆稱旨俄而坐與讓議大夫李景檢史館飲酒景儉醉謁丞相出造為朔州刺史在任開後鄉渠九十七里溉田二千頃郡人獲利乃名為右史渠居四年召拜侍御史請復置彈事朱衣冠於外廊大臣阻而不行李祐自夏州入拜金吾違制進馬一百五十四造正衙彈奏祐股戰汗流祐私謂人曰吾夜踰蔡州城擒吳元濟未嘗心動今日膽落于温御史吁可畏哉遷左司郎中再知雜事尋拜御史中丞太和二年十一月宮中昭德寺火寺在宣政殿東隔垣火勢將及宰臣兩省京兆尹中尉樞密皆環立於日華門外令神策兵士救之捕後稍息是日唯臺官不到造奏曰昨宮中遺火緣臺有繫囚恐緣為竊追集吏吏隄防所以至朝堂在後臣請自罰三十直其兩巡使崔蠡姚合火滅方到請別議責罰勅曰事出非常臺有囚繫官曹警備亦為周慮即合待罪朝堂候取進止量罰自許事涉乖儀温造姚合崔蠡各罰一月俸料造性剛福人或激觸不顧貴勢以氣凌籍嘗遇左補闕李虞於街怒其不避捕祗承人決脊十下左拾遺舒元襄等上疏論之曰國朝故事供奉官街中除宰相外無所迴避温造蔑朝廷典禮凌陛下侍臣恣行胸臆曾無畏忌凡事有小而關分理者不可失也分理一失亂由之生遺補官秩雖卑陛下侍臣也中丞雖高法吏也侍臣見凌是不廣敬法吏壞法何以持繩前時中書舍人李虞仲與造相逢造乃曳去引馬知制誥崔咸與造相逢造又捉其從人當時緣不上聞所以暴犯益甚臣聞元和長慶中中丞行李不過半坊今乃遠至兩坊謂之龍街喝道但以崇高自大不思僭擬之嫌若不糾繩實虧彝典勅曰憲官之職在指佞劾邪不在行李自大侍臣之職在獻可替否不在道路相高並列通班合知名分如聞喧競亦已再三既招人言其損朝體其臺官與供奉官同道聽先後而行道途即祗揖而過其參從人則各隨本官之後少相辟避勿言衝突又聞近日已來應合導從官事力多者街衢之中行李太過自今後傳呼前後不得過三百步然造之舉奏無所吐茹朝廷有費不以禮配不以類者悉勅之獲僞官王果等九十餘人杖殺南曹吏李寶等六人刑於都市遷尚書右丞加大中大夫封祁縣開國子賜金紫四年與元軍亂殺節度使李絳文宗以造氣豪嫉惡乃授檢

校右散騎常侍與元尹山南西道節度使造辭赴鎮以與元北亂之狀奏之文宗盡悟其根本許以便宜從事帝慮用兵勞費造奏曰臣計諸道征蠻之兵已過俟臣行程至襄陽望賜臣密詔使受約束比臣及與元諸軍相續而至臣用此足矣乃授造手詔四通神策行營將董重質河中將温德彝郃陽都將劉士和等咸令棄造之命造行至襄陽會與元都將衛志忠征蠻迴謁見造即留以自衛密與志忠謀又召亞將張丕李少直各諭其旨誓發襄陽城以八百人為衝隊五百人為前軍入府分守諸門造下車置宴所司供帳於廳事造曰此隘狹不足以擣士卒移之牙門坐定將卒羅拜志忠兵周環之造曰吾欲問新軍去住之意可悉前舊軍無得錯雜勢問既畢傳言令坐有未至者因令昇酒巡行及酒匝未至者皆至牙兵圍之亦合坐卒未悟席上有先覺者揮令起造傳言叱之因帖息不敢動即召坐卒詰以殺絳之狀志忠張丕夾階立拔劍呼曰殺圍兵齊奮其賊首教練使丘鑄等并官健千人皆斬首於地血流四注監軍楊叔元在座遽起求哀擁造靴以請命遣兵衝出之以俟朝旨勅旨配流康州其親刀絳者斬一百斷號令者斬三斷餘並斬首內一百首祭李絳三十首祭王景延趙存約等並投屍於江以功就加檢校禮部尚書五年四月入為兵部侍郎以耳疾求退七月檢校戶部尚書東都留守判東都尚書省事東畿汝防禦使造至洛中九月制改授河陽懷慶節度觀察等使造以河內膏腴民戶凋瘵奏開浚懷州古秦梁枋口堰役工四萬溉濟源河內温武陟四縣田五千餘頃七年十一月入為御史大夫造初赴鎮漢中遇大雨平地水深尺餘乃禱難翁山祈晴俄而疾風驅雲即時開霽文宗嘗聞其事會造入對言之乃詔封難翁山為侯九年五月轉禮部尚書其年六月病卒時年七十贈右僕射有文集八十卷造於晚年積聚財貨一無散施時頗譏之子璋嗣璋以廢入仕累佐使府歷三郡刺史咸通末為徐泗節度使徐州牙卒曰銀刀軍頗驕橫璋至誅其惡者五百餘人自是軍中畏法入為京兆尹持法太深豪右一皆屏迹會同昌公主薨懿宗怒殺監官其家屬宗枝下獄者三百人璋上疏切諫以為刑法太深帝怒貶璋振州司馬制出璋數日生不達時死何足惜是夜自縊而卒

郭承淑字復卿，官祖尚父汾陽王，祖端，諸衛將軍，父鈞，承淑生而秀異，乳保之年，即好筆硯，比及成童，能通五經，元和四年，禮部侍郎弘靖知其才，擢升進士，第累辟使幕，歷渭南尉，入朝爲監察御史，遷起居舍人，丁內艱，以孝聞，終喪，爲侍御史，職方兵部二員外，兵部郎中，太和六年，拜諫議大夫，頻上疏言時政得失，文宗以鄭注爲太僕卿，承淑論諫激切，注甚懼之，本官知匭院事，九年，轉給事中，開成元年，出爲華州刺史，兼御史中丞，詔下，兩省迭詰，中書求承淑出歷之由，給事中盧載封還詔書，奏曰：承淑自居此官，繼有封駁，能奉其職，宜在鎖闥，牧守之才，易爲推擇，文宗謂宰臣曰：承淑久在黃扉，欲優其祿俸，暫令廉問，近關而諫，列拜章，惜其稱職，甚美事也，乃復爲給事中，文宗以淮南諸道累歲大旱，租賦不登，國用多闕，及是，以度支戶部分命宰臣鎮之，承淑論之曰：宰相者，上調陰陽，下安黎庶，致君堯舜，致時清平，俾之閱簿書，算緡帛，非所宜也，帝深嘉之，遷刑部侍郎，時因朔望，以刑法官得對，文宗從容顧問，恩禮甚厚，未及大用，以二年二月卒，承淑身歿之後，家無餘財，喪祭所費，皆親友共給，而後具緡紳之流，無不痛惜，贈吏部尚書。

殷侗，陳郡人，父憚，侗爲兒童時，勵志力學，不問家人資產，及長，通經，以講習自娛，貞元末，以五經登第，精於歷代沿革，禮元和和中，累爲太常博士，時迴紇請和，親朝廷計費五百萬緡，朝廷方用兵伐叛，費用百端，欲緩其期，乃命宗正少卿李孝誠奉使宣諭，以侗爲副，侗謹重有節概，臨事俊辯，既至虜庭，可汗初待漢使，感陳兵甲，欲臣漢使而不答拜，侗堅立不動，宣論畢，可汗責其倨，宣言欲留而不遣，行者皆懼，侗謂虜使曰：可汗是漢家子婿，欲坐受使臣拜，是可汗失禮，非使臣之倨也，可汗憚其言，卒不敢逼，使還，拜虞部員外郎，王承宗拒命，遣侗街命招諭之，承宗尋稟朝旨，獻德棣二州，遣二子入朝，還侗諫議大夫，凡朝廷之得失，悉以陳論，前後上八十四章，以言激切，出爲桂管觀察使，寶曆元年，檢校右散騎常侍，洪州刺史，轉江西觀察使，所至以潔廉著稱，入爲衛尉卿，文宗初即位，滄州李同捷叛，而王廷湊助逆，欲加兵鎮州，詔五品已上都省集議，時上銳於破賊，宰臣莫敢異議，獨侗以廷湊再亂，河朔方徇，懷難附兇，徒未甚

彰，宜且含容，專討同捷，其疏末云：伏願以宗社安危爲大計，以善師攻心爲神武，以含垢安人爲遠圖，以網漏吞舟爲至誠，文宗雖不納，深所嘉之，滄景平，以侗書爲滄州行軍司馬，太和四年，加檢校工部尚書，滄齊德觀察使，時大兵之後，滿目荆棘，遺骸蔽野，寂無人煙，侗不以妻子之官，始至空城而已，侗攻苦食淡，與士卒同勞苦，周歲之後，流民襁負而歸，侗上表請借耕牛三萬，以給流民，乃詔度支賜綾絹五萬匹，買牛以給之，數年之後，戶口滋饒，倉廩盈積，人皆忘亡，初州兵三萬，悉取給於度支，侗一歲而賦入自贖其半，二歲而給用悉周，請罷度支給賜，而勸課多方，民吏胥悅，上表請立德政碑，以功加檢校吏部尚書，侗以郭下清池縣在子城北，非便，奏移於南郭之內，六年，入爲刑部尚書，尋復檢校吏部尚書，鄆州刺史，兼御史大夫，充天平軍節度，鄆曹濮觀察等使，自元和末收復師道十二州爲三鎮，朝廷務安反側，征賦所入，盡留贍軍，賈緡尺帛，不入王府，侗以軍賦有餘，賦不上供，非法也，乃上表起太和七年，請歲供兩稅權酒等錢十五萬貫，粟五萬碩，詔曰：鄆曹濮等州，元和已來，地本殷實，自分三道十五餘年，雖頒詔書，竟未入賦，股侗承兵戈之後，當歡軍之餘，勤力奉公，謹身守法，纔及周歲，已致阜安，而又體國輸忠，率先入貢，成三軍奉上之志，陳一境樂輸之心，尋有表章，良用嘉歎，尋就加檢校右僕射，九年，御史大夫溫造劾侗不由制旨，增監軍俸入，賦斂於人，上不問，以庚承宣代還，其年，濮州錄事參軍崔元武於五縣人吏率斂及縣官料錢，以私馬擡估納官，計緡一百二十匹，大理寺斷三犯俱發，以重者論，祇以中私馬爲重，止令削三任官，而刑部覆奏令決杖配流，微未決，侗奏曰：法官不習法律，三犯不同，即坐其所重，元武所犯，皆枉法取受，準律，枉法十五匹已上，絞，律疏云：即以贓致罪，頻犯者，並累科，據元武所犯，令當入處，絞刑，疏奏元武依刑部奏決六十，流賀州，乃授侗刑部尚書，八月，檢校右僕射，復爲天平軍節度使，上以溫造所奏深文，故也，開成元年，復召爲刑部尚書，時初經李訓之亂，上問侗治安之術，侗極言委任責成，宜在朝之耆德，新進小生，無宜輕用，帝深嘉之，賜錦綵三百匹，及中謝，又令中使就第賜金十斤，其年七月，檢校左僕射，出爲襄州刺史，山南東道節度使，二年

三月以病求代以太子賓客分司東都十一月復檢校右僕射出為忠武節度陳許蔡觀察等使三年七月卒于鎮時年七十二贈司空有以通經入仕觀風撫俗所莅有聲而晚年急於大用稍通權倖物望減於往時子羽羽太和五年登進士第藩府辟召不至通顯子盈孫盈孫乾符末為成都掾駕在西川用為太常博士禮學有祖風光啓二年冬隨駕自成都還三年二月駐蹕鳳翔時宗廟為賊所焚車駕至京告享無所四月盈孫謂宰執曰太廟十一室并祧廟八室及三太后三室因光啓元年十二月二十五日車駕出宮其錄室法物神主本司載行至鄆縣並被盜剽奪皇帝還宮合先製造宰相鄭延昌奏曰太廟大殿二十二間功績至大計料支費不少兼宗廟制度損益重難今未審依元料修奉為復別有商量勅付禮院詳議時博士四人杜用勳在利州崔澄在河中封舜卿在巴南獨盈孫獻議曰太廟制度歷代參詳皆符典經難議損益謹按舊制十一室二十三間十一架垣墉廣袤之度堂室淺深之規階陛等級之差棟宇崇低之則前古所謂奢不能侈儉不能踰者也今以朝廷帑藏方虛費用稍廣須資變禮將務從宜固不可易前聖之規模狹大朝之制度當憑典實別有參詳謹按至德二年以太廟方修新作神主於長安殿安置便行饗告之禮如同宗廟之儀以俟廟成方為遷祔當時議論無所是非竊知今者京城除大內正衙外別無殿宇伏聞先有詔旨且以少府監大廳權充太廟伏緣十一室於五間之中陳設隘狹伏請接續廳之兩頭成一十室薦饗之三太后廟即於監內西南別取屋宇三間且充廟室候太廟修奉畢日別議遷祔勅旨依奏其神主法物樂懸皆盈孫奏重修製知禮者稱為博洽龍紀元年十一月昭宗郊祀圓丘兩中尉楊復恭及兩樞密皆請朝服盈孫上疏曰臣昨赴齋宮見中尉樞密內臣皆具朝服臣尋前代及國朝典令無內官朝服製度伏以皇帝陛下承天御曆聖祚中興祗見宗祧克陳大禮皆稟高祖太宗之成制必循虞夏商周之舊經軒冕服章式遵彝憲若內官要衣朝服令依所守官本品之服事雖無據粗可行之臣忝禮司合具陳奏時中貴皆如宰相大臣朝服故盈孫論之帝雖不從嘉其所守轉秘書少監卒

徐晦進士擢第登直言極諫制科授樞陽尉皆自楊憑所薦及憑得罪貶臨賀尉交親無敢相送者獨晦送至藍田與憑言別時故相權德輿與憑交分最深知晦之行因謂晦曰今日送臨賀誠為厚矣無乃為累乎晦曰晦自布衣受楊公之眷方茲流播爭忍無言而別如他日相公為姦邪所譖失意於外晦安得與相公輕別德輿嘉其真懇大稱之於朝不數日御史中丞李夷簡請為監察晦白夷簡曰生平不踐公門公何取信而見擢拔夷簡曰聞君送楊臨賀不顧犯難肯負國乎由是知名歷殿中侍御史尚書郎出為晉州刺史入拜中書舍人寶曆元年出為福建觀察使二年入為工部侍郎出為同州刺史兼御史中丞太和四年徵拜兵部侍郎五年為太子賓客分司東都晦性強直不隨世態當官守正唯嗜酒太過晚年喪明乃至沉廢以禮部尚書致仕開成三年二月卒贈兵部尚書

史臣曰温柳二公以文行飾躬砥礪名節當官守法備備有大臣之節而竟不登三事位止正卿所以知公輔之量以和為貴漢武帝長汲黯而相孫弘太宗重魏徵而委玄齡其旨遠也韋崔名士薦賢致主綽有古風殷司空治民斯為循吏而忠規壯節至晚不衰徐郭謙言鬱為佳士如數君者實為令人贊曰柳氏禮法公忠節概搏擊為優彌綸則隘夏卿獎拔晦叔匡將徐郭之議金玉鏘鏘

舊唐書卷一百六十五

舊唐書卷一百六十五考證

柳公綽傳馬害圍人命斬之○臣酉按韓愈與公綽書此事在元和用兵時今敘在長慶三年爲山南東道節度時似誤

舊唐書卷一百六十五考證

後晉司空同中書門下平章事劉昫撰

列傳第一百一十六

元稹 龐嚴附

白居易 孫行簡 敬中附

元稹字微之河南人後魏昭成皇帝稹十代祖也兵部尚書昌平公嚴六代祖也曾祖延景岐州參軍祖悱南頓丞父寬比部郎中舒王府長史以稹貴贈左僕射稹八歲喪父其母鄭夫人賢明婦人也家貧為稹自授書教之書學稹九歲能屬文十五兩經擢第二十四調判入第四等授秘書省校書郎二十八應制舉才識兼茂明於體用科登第者十八人稹為第一元和元年四月也制下除右拾遺稹性鋒銳見事風生既居諫垣不欲碌碌自滯事無不言即日上疏論諫職又以前時王叔文王伾以猥褻待詔蒙幸太子永貞之際大撓朝政是以訓導太子官官宜選正人乃獻教本書曰臣伏見陛下降明詔修廢學增胄子選司成大哉堯之為君伯夷典禮夔教胄子之深旨也然而事有萬萬於此者臣敢冒昧殊死而言之臣聞諸賈生曰三代之君仁且久者教之然也誠哉是言且夫周成王人之中才也近管蔡則譏入有周召則義聞豈可謂天聰明哉然而克終于道者得不謂教之然耶俾伯禽唐叔與之游禮樂詩書為之習目不得聞淫豔妖誘之色耳不得聞優笑凌亂之音口不得習操斷擊搏之書居不得近容順陰邪之黨游不得縱追禽逐獸之樂玩不得有退異僻絕之珍凡此數者非謂備之於前而不為也亦將不得見之矣及其長而為君也血氣既定遊習既成雖有放心快己之事日陳于前固不能奪已成之習已定之心矣則彼忠直道德之言固吾之所習聞也陳之者有以諭焉彼庸佞違道之說固吾之所積懼也詔之者有以辨焉人之情莫不欲耀其所能而黨其所近苟將得志則必快其所蘊矣物之性亦然是以魚得水而游馬逸駕而走鳥得風而翔火得薪而熾此皆物之快其所蘊也今夫成王所蘊道德也所近聖賢也是以舉其近則周公左而召公右伯禽魯而太公齊快其蘊則興禮樂而朝諸侯措刑罰而美教化之至也可不謂信然哉及夫秦則不然滅先王之學曰將

以愚天下黜師保之位曰將以明君臣胡亥之生也詩書不得聞聖賢不得近彼趙高者詐官之戮人也而傳之以殘忍裁賊之術且曰恣睢天下以為貴莫見其面以為尊是以天下之人人未盡愚而胡亥固已不能分獸畜矣趙高之威懾天下而胡亥固已自曲於深宮矣後李斯秦之龍丞相也因讒冤死無所自明而沉于陳遠之臣庶乎若然則秦之亡有以教之也漢高承之以兵革漢文守之以廉謹卒不能蘇復大訓是以景武昭宣天資甚美才可以免禍亂哀平之閒則不能虞篡殺矣然而惠帝廢易之際猶賴羽翼以勝邪心是後有國之君議教化者莫不以興廉舉孝設學崇儒為意曾不知教化之不行自貴始略其貴者教其賤者無乃降於倒置乎洎我太宗文皇帝之在藩邸以至於為太子也選知道德者十八人與之遊習即位之後雖遊宴飲食之間若十八人者實在其中上失無不言下情無不達不四三年而名高威古豈一日二日而致是乎游習之漸也貞觀已還師傳皆宰相兼領其餘宮寮亦甚重焉馬周以位高恨不得為司議郎此其驗也文皇之後漸疎賤之用至母后臨朝萬葉王室當中睿二聖勤勞之際雖有骨鯁敢言之士既不得在調護保安之職終不能吐扶衛之一辭而令豎匠安金藏剖腹以明之豈不大哀也耶兵興已來茲弊尤甚師實保傅之官非疾廢耗贖不任事者為之即休戎罷帥不知書者處之至于友論贊議之徒疎冗散賤之甚者縉紳恥由之夫以匹士之愛其子者猶求明哲慈惠之師以教之直諫多聞之友以成之豈天下之元良而可以疾廢耗贖不知書者為之師乎疎冗散賤不適用者為之友乎此何不及上古之甚也近制宮寮之外往往以沉滯僻老之儒充侍直侍讀之選而又疎棄斥逐之越月踰時不得召見彼又安能傳成道德而保養其身軀哉臣以為積此弊者豈不以皇天眷佑祚我唐德以舜繼堯傳陛下十一聖矣莫不生而神明長而仁聖以是為屑屑習儀者故不之省耳臣獨以為為於列聖之謀則可也計傳後嗣則不可脫或萬代之後若有周成之中才而又生於深宮優笑之間無周召保助之教則將不能知喜怒哀樂之所自矣况稼穡艱難乎今陛下以上聖之資肇臨海內是天下之人傾耳注心之日特願陛下思成王訓導之功念文

皇游習之漸，選重師保，慎擇宮寮，皆用博厚弘深之儒，而又明達機務者為之。更相進見，日就月將，因令皇太子聚諸生，定齒實，禮業之儀，行嚴師問道之禮。至德要道以成之，微膳記過以警之，血氣未定，則去禽色之娛，以就學聖賢已備，則實遊習之善，以弘德。此所謂一人元良，萬方以貞之化也。宜直修廢學，選司成，而足倫匹其威哉，而又俾則百王，莫不幼同師，長同術，識君道之素定，知天倫之自然，然後選用賢良，樹為藩屏，出則有晉鄭魯衛之成，入則有東牟朱虛之強，蓋所謂宗子維城，犬牙盤石之勢也。又嘗與夫魏晉以降，凶賊其兄弟，而自翦其本枝者，同年而語哉。憲宗寬之甚悅，又論西北邊事，皆朝政之大者。憲宗召對，問方略，為執政所忌，出為河南縣尉。丁母憂，服除，拜監察御史。四年，奉使東蜀，勸奏故劍南東川節度使嚴礪，連制擅賦，又籍沒塗山甫等吏民八十八戶田宅一百一十一，奴婢二十七人，草千五百束，錢七千貫，時礪已死，七州刺史皆責罰，礪雖舉職，而執政有與礪厚者，惡之，使還，令分務東臺。浙西觀察使韓皋封杖決湖州安吉令孫憐，四日內死。徐州監軍使孟昇卒，節度使王沼傳送昇喪柩還京，給券乘驛，仍於郵舍安喪柩，並勸奏以法。河南尹房式為不法事，礪欲追攝，擅令停務，既飛表聞奏，罰式一月俸，仍召礪還京，宿數水驛，內官劉士元後至，爭廳，士元怒，排其戶，礪襍而走，廳後，士元追之，後以筆擊礪傷面，執政以礪少年俊，勸作威福，貶為江陵府士曹參軍，礪聽警絕人，年少有才名，與太原白居易友善，工為詩，善狀詠風態物色，當時言詩者，稱元白焉。白衣冠士子至閩闕下，俚悉傳風之，號為元和體，既以俊爽不容於朝，流放荆蠻者僅十年，俄而白居易亦貶江州司馬，礪量移通州司馬，雖通江懸絕，而二人來往贈答，凡所為詩，自有三十五韻，乃至百韻者，江南人士傳道諷誦，流聞闕下，里巷相傳，為之紙貴，觀其流離放逐之意，靡不慷慨，十四年，自號州長史，徵還為膳部員外郎，宰相令孤楚一代文宗，雅知礪之辭學，謂礪曰：嘗覽足下製作，所恨不多，遲之久矣，請出其所有，以贍予懷，礪因獻其文，自敘曰：礪初不好文，徒以仕無他岐，強由科試，及有罪，謫棄之，後自以為廢滯潦倒，不復為文字，有聞於人矣，曾不知好事者，扶掖芻蕘，慶濟算重，竊承相公特於廊廟

間道，讀詩句，昨又面奉教約，令獻舊文，戰汗悚慄，無地，自御史府謫官，於今十餘年矣，閑誕無事，遂專力於詩章，日益月滋，有詩句千餘首，其閒感物，寓意，可備賸警之風者，有之，辭直氣蘊，罪尤是懼，固不敢陳露於人，唯杯酒光景間，屢為小碎篇章，以自吟暢，然以為律體卑瑣，格力不揚，苟無姿態，則陷流俗，常欲得思深語近，韻律調新，屬對無差，而風情宛然，而病未能也。江湖間多新進小生，不知天下文有宗主，妄相放效，而又從而失之，遂至於支離褻淺之辭，皆目為元和詩體，礪與同門生白居易友善，居易雅能詩，就中愛驅駕文字，窮極聲韻，或為千言，或五百言律詩，以相投寄，小生自審不能過之，往往戲排舊韻，別創新辭，名為次韻，相酬，蓋欲以難相排，自爾江湖間為詩者，復相放效力，或不足，則至於顛倒語言，重複首尾，韻同意等，不異前篇，亦目為元和詩體，而司文者考變雅之由，往往歸咎於礪，嘗以為雕蟲小事，不足以自明，始聞相公記憶，累旬已來，實慮糞土之牆，庇之以大廈，使不復破壞，永為板築者之誤，輒為古體歌詩一百首，百韻至兩韻律詩一百首，為五卷，奉啓跪陳，或希構廈之餘，一賜觀覽，知小生於章句中，櫛櫛棧槓之材，盡曾量度，則十餘年之遭迴，不為無用矣，楚深稱賞，以為今代之鮑謝也，穆宗皇帝在東宮，有妃嬪左右，嘗誦礪歌詩，以為樂曲者，知礪所為，嘗稱其善，宮中呼為元才子，荆南監軍崔潭峻甚禮接，礪不以據吏遇之，常徵其詩什，諷誦之，長慶初，潭峻歸朝，出礪連昌宮辭等百餘篇，奏御，穆宗大悅，問礪安在，對曰：今為南宮散郎，即日轉祠部郎中，知制誥，朝廷以書命不由相府，甚鄙之，然辭誥所出，實然與古為侔，遂感傳於代，由是極承恩顧，嘗為長慶宮辭數十篇，京師競相傳唱，居無何，召入翰林，為中書舍人，承旨學士，中人以潭峻之故，爭與礪交，而知樞密魏弘簡尤與礪相善，穆宗愈深知重，河東節度使裴度三上疏言，礪與弘簡為刎頸之交，謀亂朝政，言甚激，許穆宗顧中外人情，乃罷礪內職，授工部侍郎，上恩顧未衰，長慶二年，拜平章事，詔下之日，朝野無不輕笑之，時王廷湊朱克融連兵圍牛元所立，以報上有和王傳于方者，故司空顧之子，于進於礪，言有奇士王昭王友

明二人嘗客於燕趙間頗與賊黨通熟可以反間而出元翼仍自以家財資其行仍賂兵吏部令史爲出告身二十通以便宜給賜稹皆然之有李實者知于方之謀以稹與裴度有隙乃告度云于方爲稹所使欲結客王昭等刺度度隱而不發及神策軍中尉奏于方之事乃詔三司使韓皋等訊鞠而害裴事無驗而前事盡露遂俱罷稹度平章事乃出稹爲同州刺史度守僕射諫官上疏言實度太重稹太輕上心憐稹止削長春宮使稹初罷相三司獄未奏京兆尹劉遵古遣坊所由潛選稹居第稹奏訴之上怒罰遵古遣中人撫諭稹稹至同州因表謝上自敘曰臣稹辜負聖明辱累恩獎便合自求死所豈謂尚忝官榮臣獲死罪臣八歲喪父家貧無業母兄乞巧以供資養衣不布體食不充腸幼學之年不蒙師訓因感鄰里兒稚有父兄爲開學校涕咽發憤願知詩書慈母哀臣親爲教授年十有五得明經出身由是苦心爲文夙夜強學年二十四登吏部乙科授校書郎年二十八蒙制舉首選授左拾遺始自爲學至於昇朝無朋友爲臣吹噓無親戚爲臣援庇莫非苦己實不因人獨立性成遂無交結任拾遺日屢陳時政蒙先皇帝召問於延英旋爲宰相所憎出臣河南縣尉及爲監察御史又不規避專心糾繩復爲宰相怒臣不庇親黨因以他事貶臣江陵判司廢棄十年分死溝瀆元和十四年憲宗皇帝開釋有罪始授臣膳部員外郎與臣同省署者多是臣登朝時舉人任卿相者半是臣同諫院時拾遺補闕愚臣既不料陛下天聽過卑知臣薄藝朱書授臣制誥延英召臣賜餅宰相惡臣不出其門由是百萬侵毀陛下察臣無罪寵榮踰深召臣固授舍人遣永承旨翰林學士金章紫服光飾陋軀人生之榮臣亦至矣然臣益遭讒謗日夜憂危唯陛下聖鑒昭臨彌加保任竟排羣議擢授台司臣忝有肺腑豈並尋常宰相況當行營退散之後牛元翼未出之間每聞陛下軫念之言愚臣恨不身先士卒所問千方計策遣王友明等解救深州蓋欲上副聖情豈是別懷他意不料森人疑臣殺害裴度妄有告論塵瀆聖聰愧羞天地臣本待辨明一了便擬殺身謝責豈料聖慈尙加薄貶同州雖連咫尺之間不遠郊圻之境伏料必是宸衷獨斷乞臣此官若遣他人商量乍可與臣遠處方鎮豈肯遣臣俯近闕廷所

恨今月三日尙蒙召對延英此時不解泣血仰辭天顏乃至今日竄逐臣自難京國目斷魂銷每至五更朝謁之時實制淚不已臣若餘生未死他時萬一歸還不敢更望得見天顏但得再聞京城鐘鼓之音臣雖黃土覆面無恨九泉臣無任自恨自慚慙慙聖慈之至在郡二年改授越州刺史兼御史大夫浙東觀察使會稽山水奇秀稹所辟幕職皆當時文士而鏡湖秦望之遊月三四焉而飄詠詩什動盈卷帙副使賈章海內詩名與稹酬唱最多至今稱蘭亭絕唱稹旣放棄遊稍不修邊幅以漕貨聞於時凡在越八年太初就加檢校禮部尙書三年九月入爲尙書左丞振舉紀綱出郎官頗乖公議者七人然以稹素無檢操人情不厭服會宰相王播倉卒而卒稹大爲路歧經營相位四年正月檢校戶部尙書兼鄂州刺史御史大夫武昌軍節度使五年七月二十二日暴疾一日而卒于鎮時年五十三贈尙書右僕射有子曰道讓時年三歲稹仲兄司農少卿積管護喪事所著詩賦詔冊銘誥論議等雜文一百卷號曰元氏長慶集又著古今刑政書三百卷號類集並行於代稹長慶末因編刪其文彙自敘曰劉歆云制不可削予以爲有可得而削之者賈謀猷持嗜慾君有之則譽歸于上臣專之則譽歸於下苟而存之其攘也非道也經制度明利害區邪正辨嫌疑存之則事分著去之則是非泯苟而削之其過也非道也元和初章武皇帝新即位臣下未有以言劄視聽者予時始以對詔在拾遺中供奉由是獻教本書諫職論事等表十數通仍爲裴度李正辭章稟訟所言當而宰相曲道上語上頗悟召見問狀宰相大惡之不一月出爲河南尉後累歲補御史使東川謹以元和赦書勅節度使嚴礪籍塗山甫等八十八家過賦梓遠之民數百萬朝廷異之奪七刺史料悉以所籍歸於人會潘孟陽代礪爲節度使貪過礪且有所承迎雖不敢盡廢詔因命當得所籍者皆入資資過其稱惟薪益賦無不爲仍爲礪密狀不當得醜證予自東川還朋礪者潛切齒矣無何分蒞東都臺天子久不在都都下多不法者百司皆牢獄有裁接吏械人逾歲而臺府不得而知之者予因飛奏絕百司專禁錮河南尉判官于勅之忤宰相旨監徐使死於軍徐帥郵傳其柩柩至洛其下歐詬主郵吏予命吏徙柩於外不得復乘

傳浙西觀察使封杖決安吉令至死河南尹誣奏書生尹太階請死之飛龍使誘趙寔家逃奴為養子田季安盜娶洛陽衣冠女汴州沒入死商錢且千萬滑州賦於民以千授於人以八伯朝廷饋東師主計者誤命牛車四千三百乘飛芻越太行類是數十事或移或奏皆主之貞元已來不慣用文法內外龍臣皆暗鳴會河南尹房式詐譏事發奏攝之前所暗鳴者叫噪宰相素以劾判官事相銜乘是黜子江陵掾後十年始為膳部員外郎穆宗初宰相更相用事丞相段公一日獨得對因請亟用兵部郎中薛存慶考功員外郎牛僧孺予亦在請中上然之不十數日次用為給舍他忿恨者日夜構飛語予懼罪比上書自明上憐之三召與語語及兵賦洎西北邊事因命經紀之是後書奏及進見皆言天下事外聞不知多臆度陛下益憐其不漏禁中語召入禁林且欲亟用為宰相是時裴度在太原亦有宰相望巧者謀欲俱廢之乃以予所無構於裴裴奏至驗之皆失實上以裴方握兵不欲校曲直出予為工部侍郎而相裴之期亦衰矣不累月上盡得所構者雖不能暴揚之遠果初意卒用子與裴俱為宰相復有購狂民告子借客刺裴者鞠之復無狀而裴與子以故俱免始元和十五年八月得見上至是未二歲僭忝恩寵無是之速者遭權勢咎亦無是之甚者是以心腹腎腸糜費於扶衛危亡之不暇又惡暇經紀陛下之所付哉然而造次顛沛之中前後列上兵賦邊防之狀可得而存者一百一十五苟而削之是傷先帝之器使也至于陳暢辨謗之章去之則無以自明於朋友矣其餘郡縣之奏請賀慶之禮因亦附於件目始教本書至於為人雜奏二十有七軸凡二百二十有七奏終歿吾世貽之子孫式所以明經制之難行而銷毀之易至也其自敘如此欲知其作者之意備於此篇撰文友與白居易最善後進之士最重龐嚴言其文體類己保薦之

龐嚴者壽春人父景昭嚴元和中登進士第長慶元年應制舉賢良方正能直言極諫科策入三等冠制科之首是月拜左拾遺聰敏絕人文章峭麗翰林學士元稹李紳頗知之明年二月召入翰林為學士轉左補闕再遷駕部郎中知制誥嚴與右拾遺蔣防俱為稹紳保薦至諫官內職四年昭愍即位李紳為宰

相李逢吉所排貶端州司馬嚴坐累出為江州刺史給事中于敖素與嚴善制既下敖封還時人凜然相顧曰于給事犯宰相怒而為知己不亦危乎及覆制出乃知敖較制書貶嚴太輕中外無不嘖論以為口實初李紳請官朝官皆賀逢吉唯右拾遺吳思不賀逢吉怒改為殿中侍御史充入蕃告哀使嚴復入為庫部郎中太和二年二月上試制舉人命嚴與左散騎常侍馮宿太常少卿賈鍊為試官以裴休為甲等制科之首有應直言極諫舉人劉蕡條對激切凡數千言不中選人咸以為屈其所對策大行於時登科者有請以身名授資者嚴再遷太常少卿五年權知京兆尹以強幹不避權豪稱然無士君子之檢操貪勢嗜利因醉而卒

白居易字樂天太原人北齊五兵尚書建之仍孫建生士通皇朝利州都督士通生志善尚衣奉御志善生温檢校都官郎中温生鎰歷酸棗鞏二縣令鎰生季庚建中初為彭城令時李正己據河南十餘州叛正己宗人洧為徐州刺史季庚說洧以彭門歸國因授朝散大夫大理少卿徐州別駕賜緋魚袋兼徐泗觀察判官歷衢州襄州別駕自鎰至季庚世教儒業皆以明經出身季庚生居易初建立功於高齊賜田於韓城子孫家焉遂移籍同州至温徙於下邳今為下邳人焉居易幼聰慧絕人襟懷宏放年十五六時袖文一編投著作郎吳人顧況况能文而性浮薄後進文章無可意者覽居易文不覺迎門禮遇曰吾謂斯文遂絕復得吾子矣貞元十四年始以進士就試禮部侍郎高郢擢昇甲科吏部判入等授秘書省校書郎元和元年四月憲宗策試制舉人應才識兼茂明於體用科策入第四等授盩厔縣尉集賢校理居易文辭富贍尤精於詩筆自讎校至結綬畿甸所著歌詩數十百篇皆意存諷賦箴時之病補政之缺而士君子多之而往往流聞禁中章武皇帝納諫思理渴聞讜言二年十一月召入翰林為學士三年五月拜左拾遺居易自以逢好文之主非次拔擢欲以生平所貯仰酬恩造拜命之日獻疏言事曰蒙恩授臣左拾遺依前翰林學士已與崔羣同狀陳謝但言忝冒未吐衷誠今再瀆宸嚴伏惟重賜詳覽臣謹按六典左右拾遺掌供奉諫諍凡發令舉事有不便於時不合於道者小則上封大

則廷辭其選甚重其秩甚卑所以然者抑有由也。大凡人之情位高則惜其位身貴則愛其身惜位則偷合而不言愛身則苟容而不諫此必然之理也。故捨遺之置所以卑其秩者使位未足惜身未足愛也。所以重其選者使下不忍負心上不忍負恩也。夫位不足惜恩不忍負然後能有闕必規有違必諫朝廷得失無不察天下利病無不言此國朝置捨遺之本意也。由是而言豈小臣愚劣暗懦所宜居之哉。況臣本鄉校豎儒府縣走吏委心泥滓絕望煙霄豈意聖慈擢居近職每宴飲無不先預每慶賜無不先霽中廡之馬代其勞內廚之膳給其食朝慚夕惕已逾半年慶曠漸深憂愧彌劇未申微効又擢清班臣所以授官已來僅經十日食不知味寢不遑安唯思粉身以答殊寵但未獲粉身之所耳。今陛下肇臨皇極初受鴻名夙夜憂勤以求致理每施一政舉一事無不合於道便於時者萬一事有不便於時者陛下豈不欲聞之乎萬一政有不合於道者陛下豈不欲知之乎儻陛下言動之際詔令之間小有闕遺稍關損益臣必密陳所見潛獻所聞但在聖心裁斷而已臣又職在禁中不同外司欲竭愚誠合先陳露伏希天鑒深察赤誠居易與河南元稹相善同年登制舉交情隆厚稹自監察御史謫為江陵府士曹掾翰林學士李絳崔羣上前面論稹無罪居易累疏切諫曰臣昨緣元稹左降頻已奏聞臣內察事情外聽眾議元稹左降有不可者三何者元稹守官正直人所共知自受御史已來舉委不避權勢祇如奏李佐公等事多是朝廷親情人誰無私因以挾恨或假公議將報私嫌遂使誣謗之聲上聞天聽臣恐元稹左降已後凡在位者每欲舉職必先以稹為戒無人肯為陛下當官守法無人肯為陛下嫉惡繩愆內外權貴親黨縱有大過大罪者必相容隱而已陛下從此無由得知此其不可者一也昨元稹所追勘房式之事心雖徇公事稍過當既從重罰足以懲違況經謝恩旋又左降雖引前事以為責辭然外議喧喧皆以為稹與中使劉士元爭廳因此獲罪至於爭廳事理已具前狀奏陳況聞士元踢破驛門奪將鞍馬仍索弓箭嚇辱朝官承前已來未有此事今中官有罪未聞處置御史無過却先貶官遠近聞知實損聖德臣恐從今已後中官出使縱暴益甚朝官受辱必不敢言縱有被凌

辱毆打者亦以元稹為戒但吞聲而已陛下從此無由得聞此其不可二也臣又訪聞元稹自去年已來舉奏嚴礪在東川日枉法沒入平人資產八十餘家又奏王沼違法給券令監軍押樞及家口入驛又奏裴玢違勅徵百姓草又奏韓皋使軍將封杖打殺縣令如此之事前後甚多屬朝廷法行悉有懲罰計天下方鎮皆怒元稹守官今貶為江陵判司即是送與方鎮從此方便報怨朝廷何由得知臣伏聞德宗時有崔善貞者告李錡必反德宗不信送與李錡錡掘坑熾火燒殺善貞曾未數年李錡果反至今天下為之痛心臣恐元稹貶官方鎮有過無人敢言陛下無由得知不法之事此其不可者三也若無此三不可假如朝廷誤左降一御史蓋是小事臣安敢煩瀆聖聽至于再三誠以所損者深所關者大以此思慮敢不極言疏入不報又潛青節度使李師道進絹為魏徵子孫贖宅居易諫曰徵是陛下先朝宰相太宗嘗賜殿材成其正室尤與諸家第宅不同子孫典貼其錢不多自可官中為之收贖而令師道掠美事實非宜憲宗深然之上又欲加河東王鐔平章事居易諫曰宰相是陛下輔臣非賢良不可當此位鐔誅剝民財以市恩澤不可使四方之人謂陛下得王鐔進奉而與之宰相深無益於聖朝乃止王承宗拒命上令神策中尉吐突承璀為招討使諫官上章者十七八居易面論辭情切至既而又請罷河北用兵凡數千百言皆人之難言者上多聽納唯諫承璀事切上頗不悅謂李絳曰白居易小子是朕拔擢致名位而無禮於朕朕實難奈絳對曰居易所以不避死亡之誅事無巨細必言者蓋酬陛下特力拔擢耳非輕言也陛下欲開諫諍之路不宜阻居易言上曰卿言是也絳是多見聽納五年當改官上謂崔羣曰居易官卑俸薄拘於資地不能超等其官可聽自便奏來居易奏曰臣聞姜公輔為內職求為京府判司為奉親也臣有老母家貧養薄乞如公輔例於是除京兆府戶曹參軍六年四月丁母陳夫人之喪退居下邳九年冬入朝授太子左贊善大夫十年七月盜殺宰相武元衡居易首上疏論其冤急請捕賊以雪國恥宰相以官官非諫職不當先諫官言事會有素惡居易者指撫居易言浮華無行其母因看花墮井而死而居易作賞花及新井詩甚傷名教不宜寬彼周行執政

方惡其言事，奏貶為江表刺史。詔出，中書舍人王涯上疏論之，言居易所犯狀迹，不宜治郡，追詔授江州司馬，居易儒學之外，尤通釋典，常以忘懷處順為事，都不以選請介意，在盛城，立隱舍於廬山，遺愛寺，嘗與人書言之曰：予去年秋始遊廬山，到東西二林間，香鑪峯下，見雲木泉石勝絕第一，愛不能捨，因立草堂，前有喬松十數株，脩竹千餘竿，青蘿為牆援，白石為橋道，流水周於舍下，飛泉落於簷間，紅榴白蓮，羅生池砌，居易與湊滿兩晦四禪師，追承遠宗雷之迹，為人外之交，每相攜遊，躋危登險，極林泉之幽邃，至於儻然順適之際，幾欲忘其形骸，或經時不歸，或踰月而返，郡守以朝貴遇之，不之責，時元稹在通州，篇詠贈答往來，不以數千里為遠，嘗與稹書，因論作文之大旨曰：夫文尚矣，三才各有文，天之文，三光首之，地之文，五行首之，人之文，六經首之，就六經言，詩又首之，何者？聖人感人心而天下和平，感人心者，莫先乎情，莫始乎言，莫切乎聲，莫深乎義，詩者，根情苗言華聲實義，上自賢聖，下至叟媿，微及豚魚，幽及鬼神，羣分而氣同，形異而情一，未有聲入而不應，情交而不感者，聖人知其然，因其言，經之以六義，緣其聲，緯之以五音，音有韻，義有類，韻協則言順，言順則聲易入，類舉則情見，情見則感易交，於是乎孕大含深，貫微洞密，上下通而二氣泰，憂樂合而百志熙，二帝三王所以直道而行，垂拱而理者，揭此以為大柄，決此以為大寶也，故聞元首明，股肱良之歌，則知虞道昌矣，聞五子洛汭之歌，則知夏政荒矣，言者無罪，聞者作誠，言者聞者，莫不兩盡其心焉，洎周衰秦興，探知夏政荒矣，言者無罪，聞者作誠，言者聞者，莫不兩盡其心焉，洎周衰秦興，探詩官廢，上不以詩補察時政，下不以歌洩道人情，用至於詔成之風動，救失之道缺，于時六義始剝矣，國風變為騷辭，五言始於蘇李，詩騷皆不遇者，各繫其志，發而為文，故河梁之句，止於傷別，澤畔之吟，歸于怨思，彷徨抑鬱，不暇及他耳，然去詩未遠，梗概尚存，故與離別，則引雙鸞一鴈為喻，諷君子小人，則引香草惡鳥為比，雖義類不具，猶得風人之什二三焉，于時六義始缺矣，晉宋已還，得者蓋寡，以康樂之興博，多溺於山水，以淵明之高古，偏放於田園，江鮑之流，又狹於此，如梁鴻五噫之例者，百無一二，于時六義濼微矣，陵夷至于梁陳間，率不過嘲風雪，弄花草而已，噫，風雪花草之物，三百篇中豈捨之乎，顧所用何

如耳，設如北風其涼，假風以刺威虐，雨雪霏霏，因雪以愍征役，棠棣之華，感華以誦兄弟，采芣苢，美草以樂有子也，皆興發於此而義歸於彼，反是者，可乎哉，然則餘霞散成綺，澄江淨如練，歸花先委露，別葉乍辭風之什，麗則麗矣，吾不知其所諷焉，故僕所謂嘲風雪弄花草而已，于時六義盡去矣，唐興二百年，其間詩人不可勝數，所可舉者，陳子昂有感遇詩二十首，鮑防感興詩十五篇，又詩之豪者，世稱李杜，李之作才矣，奇矣，人不迨矣，索其風雅比興，十無一焉，杜詩最多，可傳者千餘首，至於貫穿古今，覩縷格律，盡工盡善，又過於李焉，然撮其新安石壕，潼關吏，廬山，花門之章，朱門酒肉臭，路有凍死骨之句，亦不過三四十杜，尚如此，況不迨杜者乎，僕常痛詩道崩壞，忽憤發，或廢食廢寢，不量才力，欲扶起之，嗟乎，事有大謬者，又不可一二而言，然亦不能不粗陳於左右，僕始生六七月時，乳母抱弄於書屏下，有指之字，無字示僕者，僕口未能言，心已默識，後有問此二字者，雖百十其試，而指之不差，則知僕宿習之緣，已在文字中矣，及五六歲，便學為詩，九歲，暗識聲韻，十五六始知有進士，苦節讀書，二十已來，晝課賦，夜課書，間又課詩，不遑寢息矣，以至于口舌成瘡，手肘成胝，既壯而膚革不豐盈，末老而齒髮早衰白，發然如飛蠅垂珠在眸子中者，動以萬數，蓋以苦學力文之所致，又自悲家貧多故，年二十七，方從鄉賦，既第之後，雖專於科試，亦不廢詩及授校書郎時，已盈三四百首，或出示交友，如足下輩，見皆謂之工，其實未窺作者之域耳，自登朝來，年齒漸長，閱事漸多，每與人言，多詢時務，每讀書史，多求理道，始知文章合為時而著，歌詩合為事而作，是時皇帝初即位，幸府有正人，屢降璽書，訪人急病，僕會此日，擢在翰林，身是諫官，月請諫紙，啟奏之間，有可以救濟人病禱補時闕，而難於指言者，輒詠歌之，欲稍稍進聞於上，以廣宸聽，副憂勤，次以酬恩，擬塞言責，下以復吾平生之志，豈圖志未就而悔已生，言未聞而謗已成矣，又請為左右終言之，凡聞僕賀兩詩，眾口籍籍，以為非宜矣，聞僕哭孔戡詩，眾面脈脈，盡不悅矣，聞秦中吟，則權豪貴近者，相目而變色矣，聞登樂遊園寄足下詩，則執政柄者，扼腕矣，聞宿紫閣村詩，則握軍要者，切齒矣，大率如此，不可偏舉，不相與者，號為沽學，號為

詆訐，號爲訕諤，苟相與者，則如牛僧孺之誠焉，乃至骨肉妻孥，皆以我爲非也。其不我非者，舉世不過三兩人，有鄧魴者，見僕詩而喜，無何魴死，有唐衢者，見僕詩而泣，未幾而衢死，其餘卽足下。足下又十年來因隨若此，嗚呼，豈大義四始之風，天將破壞，不可支持耶？抑又不知天意不欲使下人病苦，聞于上耶？不然，何有志於詩者，不利若此之甚也？然僕又自思，關東一男子耳，除讀書屬文外，其他懵然無知，乃至書畫藝博，可以接羣居之歡者，一無通曉，卽其愚拙可知矣。初應進士時，中朝無總麻之親，達官無半面之舊，策蹇步於利足之途，張空拳於戰文之場，十年之間，三登科第，名落衆耳，迹昇清賞，出交賢後，入侍冕旒，始得名於文章，終得罪於文章，亦其宜也。日者聞親友間說禮吏部舉選人，多以僕私試賦判爲準的，其餘詩句，亦往往在人口中，僕惡然自愧，不之信也。及再來長安，又聞有軍使高霞寓者，欲聘倡妓，妓大誇曰：我誦得白學士長恨歌，豈同他哉？由是增價，又足下書云：到通州日，見江館柱間有題僕詩者，何人哉？又昨過漢南日，適遇主人集衆娛樂，他賓諸妓見僕來，指而相顧曰：此是秦中吟，長恨歌，主耳，自長安抵江西三四千里，凡鄉校佛寺逆旅行舟之中，往往有題僕詩者。士庶僧徒孺婦處女之口，每有詠僕詩者，此誠雕篆之戲，不足爲多。然今時俗所重，正在此耳。雖前賢如淵雲者，前輩如李杜者，亦未能忘情於其間。古人云：名者公器，不可多取。僕是何者？竊時之名已多，既竊時名，又欲竊時之富貴，使己爲造物者，肯兼與之乎？今之屯窮，理固然也。況詩人多蹇，如陳子昂、杜甫，各授一拾遺，而屯刺至死，孟浩然輩不及一命，窮悴終身。近日孟郊六十終試，協律張籍五十未離一太祝，彼何人哉！沉僕之才，又不迨彼，今雖謫佐遠郡，而官品至第五，月俸四五萬，寒有衣，饑有食，給身之外，施及家人，亦可謂不負白氏子矣。微之微之，勿念我哉！僕數月來檢討囊帙中，得新舊詩各以類分，分爲卷目，自拾遺來，凡所遇所感，關於美刺與比者，又自武德至元和，因事立題，題爲新樂府者，共一百五十首，謂之諷諭詩；又或退公或取病閑居，知足保和，吟玩性情者，共一百首，謂之閑適詩；又有事物牽於外，情理動於內，隨感遇而形於敷詠者，一百首，謂之感傷詩；又有五言七言長句絕句，自百韻至兩

韻者四百餘首，謂之雜律詩。凡爲十五卷，約八百首，異時相見，當盡致於執事。微之，古人云：窮則獨善其身，達則兼濟天下。僕雖不肖，常師此語。大丈夫所守者道，所待者時，時之來也，爲雲龍，爲風鶴，勃然突然，陳力以出，時之不來也，爲羸狗，爲冥鴻，寂兮寥兮，奉身而退，進退出處，何往而不自得哉！故僕志在兼濟，行在獨善，奉而始終之，則爲道言，而發明之，則爲詩。謂之諷諭詩，兼濟之志也。謂之閑適詩，獨善之義也。故覽僕詩者，知僕之道焉。其餘雜律詩，或誘於一時一物，發於一笑一吟，率然成章，非平生所尚者，但以親朋合散之際，取其釋恨佐歡，今銓次之間，未能刪去，他時有爲我編集斯文者，略之可也。微之，夫貴耳賤目，榮古陋今，人之大情也。僕不能遠徵古舊，如近歲韋蘇州歌行才麗之外，頗近與諷，其五言詩又高雅閑澹，自成一體，今之兼筆者，誰能及之。然當蘇州在時，人亦未甚愛重，必待身後，人始貴之。今僕之詩，人所愛者，悉不過雜律詩與長恨歌已下耳。時之所重，僕之所輕，至於諷諭者，意激而言質，閑適者，思澹而辭迂，以質合迂，宜人之不愛也。今所愛者，並世而生，獨足下耳。然百千年後，安知復無如足下者出，而知愛我詩哉？故自八九年來，與足下小通，則以詩相戒，小窮，則以詩相勉，索居則以詩相慰，同處則以詩相娛，知吾罪吾，率以詩也。如今年春遊城南時，與足下馬上相戲，因各誦新詩，小律不雜他篇，自皇子陂歸昭國里，迭吟遞唱，不絕聲者二十里餘。樊李在傍，無所措口，知我者以爲詩仙，不知我者以爲詩魔，何則？勞心費力，聲氣連朝，接夕，不自知其苦，非魔而何？偶同人當美景，或花時宴罷，或月夜酒酣，一詠一吟，不覺老之將至，雖驂鸞鶴遊蓬瀛者之適，無以加於此焉。又非仙而何？微之，此吾所以與足下外形骸，脫蹤迹，傲軒鼎，輕人寰者，又以此也。當此之時，足下與有餘力，且欲與僕悉索還往中詩，取其尤長者，如張十八古樂府，李二十新歌行，盧揚二秘書律詩，費七元八絕句，博搜精採，編而次之，號爲元白往還集。衆君子得擬議於此者，莫不踴躍欣喜，以爲盛事。嗟乎！言未終，則足下左轉，不數月而僕又繼行，心期索然，何日成就，又可爲之太息矣。僕常語足下，凡人爲文，私於自是，不忍於割截，或失於繁多，其間妍媸，益又自感，必待文友有公鑒無姑息者，討論而

削奪之然後繁簡當否得其中矣沈僕與足下為文尤惠其多已尙病沉他人乎今且各纂詩筆粗為卷第待與足下相見日各出所有終前志焉又不知相遇是何年相見是何地嗟然而至則如之何微之知我心哉薄陽臘月江風苦寒歲暮辭歡夜長少睡引筆鋪紙情然燈前有念則書言無餘次勿以繁雜為倦且以代一夕之話言也居易自敘如此文士以為信然十三年冬量移忠州刺史自潯陽浮江上峽十四年三月元稹會居易於峽口停舟夷陵三日時季弟行簡從行三人於峽州西二十里黃牛峽口石洞中置酒賦詩戀戀不能訣南賓郡當峽路之深險處也花木多奇居易在郡為木蓮荔枝園寄朝中親友各記其狀曰荔枝生巴峽間形圓如帷蓋葉如桂冬青華如橘香榮實如丹夏熟采如蒲萄核如枇杷殼如紅繒膜如紫縮瓢肉瑩白如雪漿液甘酸如醴酪大略如此其實過之若離本枝一日而色變二日而香變三日而味變四日而外色香味盡去矣木蓮大者高四五丈巴民呼為黃心樹經冬不凋身如青楊有白文葉如桂厚大無香花如蓮香色豔膩皆同房獨藥有異四月初始開自開迨謝僅二十日元和十四年夏命道士母丘元志寫之惜其退僻因以三絕賦之有天教拋擲在深山之句咸傳於都下好事者喧然模寫其年冬召還京師拜司門員外郎明年轉主客郎中知制誥加朝散大夫始著緋時元稹亦徵還為尚書郎知制誥同在綸閣長慶元年三月受詔與中書舍人王起覆試禮部侍郎錢徽下及第人鄭朗等一十四人十月轉中書舍人十一月穆宗親試制舉人又與賈餗陳岵為考官凡朝廷文字之職無不首居其選然多為排擯不得用其才時天子荒縱不法執政非其人制御乖方河朔復亂居易累上疏論其事天子不能用乃求外任七月除杭州刺史俄而元稹罷相自馮翊轉浙東觀察使交契素深杭越鄰境篇詠往來不間旬浹嘗會于境上數日而別秩滿除太子左庶子分司東都寶曆中復出為蘇州刺史文宗即位徵拜秘書監賜金紫九月上誕節召居易與僧惟澄道士趙常盈對御講論於麟德殿居易論難鋒起辭辨泉注上疑宿構深嗟挹之太和二年正月轉刑部侍郎封晉陽縣男食邑三百戶三年稱病東歸求為分司官尋除太子賓客居易初對策

高第擢入翰林蒙英主特達顧遇頗欲奮厲效報苟致身於許讓之地則兼濟生靈蓄意未果望風為當路者所擠流徙江湖四五年間幾淪癯瘠自是宦情衰落落無意於出處唯以逍遙自得吟詠情性為事太和已後李宗閔李德裕朋黨事起是非排陷朝昇暮黜天子亦無如之何楊穎士楊虞卿與宗閔善居易妻穎士從父妹也居易愈不自安懼以黨人見斥乃求致身散地冀於遠害凡所居官未嘗終秩率以病免固求分務識者多之五年除河南尹七年復授太子賓客分司初居易罷杭州歸洛陽於履道里得故散騎常侍楊馮宅竹木池館有林泉之致家妓樊素蠻子者能歌善舞居易既以尹正罷歸每獨酌賦詠於舟中因為池上篇曰東都風土水木之勝在東南偏東南之勝在履道里里之勝在西北隅西開北垣第一第即白氏叟樂天退老之地地方十七畝屋室三之一水五之一竹九之一而島樹橋道間之初樂天既為主喜且曰雖有池臺無粟不能守也乃作池東粟廩又曰雖有子弟無書不能訓也乃作池北書庫又曰雖有賓朋無琴酒不能娛也乃作池西琴亭加石榭焉樂天罷杭州刺史得天竺石一華亭鶴二以歸始作西平橋開環池路罷蘇州刺史時得太湖石五白蓮折腰菱青板舫以歸又作中高橋通三島逕罷刑部侍郎時有粟千斛書一車洎滅獲之習管聲絃歌者指百以歸先是穎川陳孝仙與釀酒法味甚佳博陵崔晦叔與琴韻甚清蜀客姜發授秋思聲甚澹弘農楊貞一與青石三方長平滑可以坐臥太和三年夏樂天始得請為太子賓客分秩於落下息躬於池上凡三任所得四人所與迨吾不才身今率為池中物每至池風春池月秋水香蓮開之旦露清鶴唳之夕拂楊石舉陳酒援崔琴彈秋思頽然自適悠揚於竹煙波月之際者久之曲未竟而樂天陶然石上矣睡起偶詠非詩非賦阿龜握筆因題石間視其粗成韻章命為池上篇云十畝之宅五畝之園有水一池有竹千竿勿謂土狹勿謂地偏足以容膝足以息肩有堂有亭有橋有船有書有酒有歌有絃有叟在中白鬚飄然識分知足外無求焉如鳥擇木姑務巢安如蛙作坎不知海寬靈鵲怪石紫菱白蓮皆吾所好盡在我前時引一

杯或吟一篇，妻孥照照，雞犬閉閉，優哉游哉，吾將老乎其間，又効陶潛五柳先生傳作醉吟先生傳以自況，文章曠達，皆此類也。大和末，李訓構禍，衣冠塗地，士林傷感，居易愈無官情，開成元年，除同州刺史，辭疾不拜，尋授太子少傅，進封馮翊縣開國侯，四年冬，得風病，伏枕者累月，乃放諸妓女，焚香等，仍自爲墓志，病中吟詠不輟，自言曰：予年六十，有八始，患風痺之疾，體癢首眩，左足不支，蓋老病相乘，有時而至耳，予栖心釋梵，演述老莊，因疾觀身，果有所得，何則？外形骸而內忘憂患，先釋觀而後順醫治，旬月以還，厥疾少間，杜門高枕，澹然安閑，吟詠興來，亦不能遏，遂爲病中詩十五篇，以自論，會昌中，請罷太子少傅，以刑部尚書致仕，與香山僧如滿結香火社，每肩輿往來，白衣鳩杖，自稱香山居士，大中元年卒，時年七十六，贈尚書右僕射，有文集七十五卷，經史事類三十卷，並行於世，長慶末，浙東觀察使元稹爲居易集序曰：樂天始未言，試指之無字，能不誤，始既言，讀書勤敏，與他兒異，五六歲識聲韻，十五志辭賦，二十七舉進士，貞元末，進士尚馳競，不尙文，就中六籍尤擢，落禮部侍郎高郢始用經藝爲進士，樂天一舉擢上第，明年中拔萃甲科，由是性習相近，遠玄珠，斬白蛇，劍等賦，洎百節判，新進士競相傳於京師，會憲宗皇帝策召天下士，對詔稱旨，又登甲科，未幾，選入翰林，掌制誥，比上書言得失，因爲賀雨詩，秦中吟等數十章，指言天下事，時人比之風騷焉，予始與樂天同祕書，前後多以詩章相贈答，予體據江陵，樂天猶在翰林，寄予百韻律體及雜體前後數十詩，是後各佐江通，復相酬寄，巴蜀江楚間，洎長安中少年，遞相做效，競作新辭，自謂爲元和詩，而樂天秦中吟，賀雨，諷諭，閑適等篇，時人罕能知者，然而二十年間，禁省觀寺，郵候牆壁之上，無不書，王公妾婦，牛童馬走之口，無不道，其繕寫模勒，街賣於市井，或因之以交酒茗者，處處皆是，其甚有至盜竊名姓，苟求自售，雜亂廁廁，無可奈何，予常於平水市中，見村校諸童，競習歌詠，召而問之，皆對曰：先生教我樂天微之詩，固亦不知予爲微之也，又難林買人求市頗切，自云本國宰相，每以一金換一篇，其僞者，宰相輒能辨別之，自篇章已來，未有如是流傳之廣者，長慶四年，樂天自杭州刺史，以右庶子召還，予時刺會稽，因得盡徵其文手

自排續成五十卷，凡二千二百五十一首，前輩多以前集中集爲名，予以爲陛下明年當改元長慶，乾於是矣，因號曰長慶集，大凡人之文，各有所長，樂天長可以爲多矣，夫輻輳之詩，長於激，閑適之詩，長於道，感傷之詩，長於切，五字律詩，百言而上，長於纏，五字七字百言而下，長於情，賦贊箴誥之類，長於當碑，記敘事制誥，長於實，啓奏表狀，長於直，書檄辭冊，判判，長於盡，總而言之，不亦多乎哉，人以爲積序盡其能事，居易嘗爲其文集，送江州東西二林寺，洛城香山聖善等寺，如佛書雜傳，例流行之無子，以其姪孫嗣，遺命不歸下邳，可葬於香山，如滿師塔之側，家人從命而葬焉，行簡字知退，貞元末，登進士第，授秘書省校書郎，元和中，盧坦鎮東蜀，辟爲掌書記，府罷歸，陽居易授江州司馬，從兄之郡，十五年，居易入朝，爲尚書郎，行簡亦授左拾遺，累遷司門員外郎，主客郎中，長慶末，擢武安水運營田使，賀拔志言營田數過實，詔令行簡按覆之，不實，志弘自刺死，行簡實曆二年冬病卒，有文集一十卷，行簡文筆有兄風，辭賦尤稱精密，文士皆師法之，居易友愛過人，兄弟相持，如賓客，行簡子龜兒，多自教習，以至成名，當時友悌，無以比焉，敏中字用晦，居易從父弟也，祖鏐，位終揚府錄事參軍，父季康，溧陽令，敏中少孤，爲諸兄之所訓，屬長慶初，登進士第，佐李聽，歷河東鄭滑邠寧三府節度掌書記，試大理評事，大和七年丁母憂，還居下邳，會昌初，爲殿中侍御史，分司東都，尋除戶部員外郎，還京，武宗皇帝素聞居易之名，及即位，欲徵用之，宰相李德裕言居易衰病，不任朝謁，因言從弟敏中，辭藝類居易，卽日知制誥，召入翰林，充學士，遷中書舍人，累至兵部侍郎，學士承旨，會昌末，同平章事，兼刑部尚書，集賢史館大學士，宣宗卽位，加右僕射，金紫光祿大夫，太清宮使，太原郡開國公，食邑二千戶，及李德裕再貶，嶺南敏中居四輔之首，雷同毀譽，無一言伸理，物論罪之，五年，罷相，檢校司空，出爲邠州刺史，邠軍節度招撫使，項都制置等使，七年，進位特進，成都尹，劍南西川節度副大使，知節度等事，十一年二月，檢校司徒，平章事，江陵尹，荆南節度使，懿宗卽位，徵拜司徒，門下侍郎，平章事，復輔政，尋加侍中，三年，罷相，爲河中尹，河中督餉節度使，累遷中書令，太子太師，致仕卒。

史臣曰。舉才選士之法。尚矣。自漢策賢良。隋加詩賦。罷中正之法。委銓舉之司。繇是爭務雕蟲。罕趨函丈。矯首皆希於屈宋。薦肩並擬於風騷。或侔箴闕之篇。或敷補亡之句。咸欲錙銖採葛。糠粃懷沙。較麗藻於碧羅。闢新奇於白鳳。暨編之簡牘。播在管絃。未逃季緒之詆訶。孰望子虛之稱賞。迄今千載。不乏辭人。統論六義之源。較其三變之體。如一班者。蓋寡。類七子者。幾何。至潘陸情致之文。鮑謝清便之作。迨於徐庾。踵麗增華。纂組成而耀以珠璣。瑤臺構而間之金碧。國初開文館。高宗禮茂才。虞許擅價於前。蘇李馳聲於後。或位昇台鼎。學際天人。潤色之文。咸布編集。然而向古者。傷於太僻。徇華者。或至不經。齷齪者。局於宮商。放縱者。流於鄭衛。若品調律度。揚摧古今。賢不肖皆賞其文。未如元白之盛也。昔建安才子。始定霸於曹劉。永明辭宗。先讓功於沈謝。元和主盟。微之樂天而已。臣觀元之制策。白之奏議。極文章之壺奧。盡治亂之根荑。非徒謠頌之片言。盤盂之小說。就文觀行。居易爲優。放心於自得之場。置器於必安之地。優游卒歲。不亦賢乎。

贊曰。文章新體。建安永明。沈謝既往。元白挺生。但留金石。長有莖英。不習孫吳。焉知用兵。

舊唐書卷一百六十六

舊唐書卷一百六十七

後晉司空同中書門下平章事劉昫撰

列傳第一百一十七

趙宗儒

賈易直

李逢吉

段文昌子成式

宋申錫

李程

趙宗儒字秉文八代祖彤仕後魏為征南將軍父禕為秘書少監宗儒舉進士初授弘文館校書郎滿歲又以書判入高等補陸渾主簿數月徵拜右拾遺充翰林學士時父禕秘書少監與父並命出於一日當時榮之建中四年轉屯田員外郎內職如故居父憂免喪授司門司勳二員外郎貞元六年領考功事定百史考績黜陟公當無所長避右司郎中獨孤良器殿中侍御史杜倫各以過黜之尚書左丞裴郁御史中丞盧紹比皆考中上宗儒貶之中中又秘書少監鄭雲逵考其同官孫昌裔入上下宗儒復入中上凡考之中上者不過五十人餘多減入中中德宗聞而善之遷考功郎中丁母憂終喪授吏部郎中十一年遷給事中十二年與諫議大夫崔損同日以本官同中書門下平章事俱賜紫

金魚袋十四年罷相為右庶子宗儒端居守道勤奉朝請而已德宗聞而嘉之二十年遷吏部侍郎召見勞之曰知卿閉關六年故有此拜曩者與先臣並命向念之耶宗儒因俯伏流涕德宗崩順宗命為德宗哀冊文辭頗悽惋元和初檢校禮部尚書判東都尚書省事兼御史大夫充東都留守畿汝都防禦使入為禮部戶部二尚書尋檢校吏部尚書守江陵尹兼御史大夫荆南節度營田觀察等使散冗食之戍二千人六年又入為刑部尚書八年轉檢校吏部尚書

與元尹兼御史大夫充山南西道節度觀察等使九年召拜御史大夫俄遷檢校右僕射河中尹兼御史大夫晉絳磁隰節度觀察等使赴鎮後擅用供軍錢八千餘貫坐罰一月俸十一年七月入為兵部尚書九月改太子少傅權知吏部尚書銓事十四年九月拜吏部尚書穆宗即位以初釋服令尚書省官試先朝所徵集應制舉人宗儒奏曰准今月十五日勅比者先朝徵集應制人等已及時限恐皆來自遠方難於久住酌宜審事遂委有司定日就試聞所集之人

多已分散須知審的然後裁定宜令所司商量聞奏者伏以制科所設本在親臨南省試人亦非舊典今聖恩既畢庶政惟新況山陵日近公務繁迫待問之士就試非多臣等商量恐須權罷從之復拜太子少傅判太常卿事長慶元年二月檢校右僕射守太常卿太常有師子樂備五方之色非會朝聘事不作坊君荒誕伶官縱肆中人掌教坊者移牒取之宗儒不敢違以狀白宰相宰相以為事在有司執守不合關白以宗儒怯不任事改太子少師寶曆元年遷太子太保昭肅為駕為大明宮留守太和四年拜檢校司空兼太子太傅文宗召見詔以理道對曰堯舜之化慈愷而已願陛下守而勿失文宗嘉納之五年宋申錫被誣上召師保已下讓其刑上以宗儒高年宣令不拜尋拜疏請老六年詔以司空致仕是歲九月卒年八十七廢朝冊贈司徒宗儒以文學進前後三鎮方任八領選部略於儀矩切於治生時論以此少之

賈易直字宗玄京兆人祖元昌彭州九龍縣令父或廬州刺史易直舉明經為秘書省校書郎再以判入等授藍田尉累歷右司兵部吏部三郎中元和六年遷御史中丞謝日賜緋魚袋八年改給事中九月出為陝隴都防禦觀察使仍賜紫入為京兆尹萬年尉韓晤姦賊事發易直令曹官章正晤訊之得贓三十萬上意其未盡詔重鞠坐贓三百萬貶易直金州刺史正晤長流昭州十三年六月遷宣州刺史宣歙池都團練觀察等使長慶二年七月汴州將李亦逐其帥李愿易直聞之欲出官物以賞軍或謂易直曰賞給無名却恐生患乃已軍士已聞之時江淮旱水淺轉運司錢帛委積不能漕州將王國清指以為賞激

諷兵謀亂先事有告者乃收國清下獄其黨數千大呼入獄中篡取國清而出之因欲大戮易直登樓謂將吏曰能誅為亂者每獲一人賞十萬眾喜倒戈擊亂黨並擒之國清等三百餘人皆斬之九月以李德裕代還為吏部侍郎十一月改戶部兼御史大夫判度支四年五月以本官同平章事判使如故改門下侍郎封晉陽郡公寶曆元年七月罷判度支太和二年十月罷相檢校左僕射平章事襄州刺史山南西道節度使五年入為左僕射判太常卿事十一月檢校司空鳳翔節度使六年以疾求還京師七年四月卒贈司徒諡曰恭惠易

直自入仕十年餘常居散秩不應請辟及居方任亦以公廉聞在相位未嘗論用親黨凡於公舉即無所避然元和中吏部尚書鄭餘慶議僕射上日儀制不與隔品官九禮易直時為御史中丞奏駁餘慶所議及易直為右僕射却行隔品致敬之禮時論非之

李逢吉字虛舟隴西人貞觀中學士李玄道曾孫祖顏父歸期逢吉登進士第釋褐授振武節度掌書記入朝為左拾遺左補闕改侍御史充入吐蕃冊命副使工部員外郎又充入南詔副使元和四年使還拜祠部郎中轉右司六年遷給事中七年與司勳員外郎李巨並為太子諸王侍讀九年改中書舍人十一年二月權知禮部貢舉騎都尉賜緋四月加朝議大夫門下侍郎同平章事賜金紫其貢院事仍委禮部尚書王播署勝逢吉天與姦回妬賢傷善時用兵討淮蔡憲宗以兵機委裴度逢吉慮其成功密沮之繇是相惡及度親征學士令狐楚為度制辭言不合旨楚與逢吉相善帝皆黜之罷楚學士罷逢吉政事出為劍南東川節度使檢校兵部尚書穆宗即位移襄州刺史山南東道節度使逢吉於帝有侍讀之恩遣人密結侍臣求還京師長慶二年三月召為兵部尚書時裴度亦自太原入朝以度招懷河朔功復留度與工部侍郎元稹相次拜平章事度在太原時嘗上表論稹姦邪及捕于方鞠之無狀稹度俱罷相位人告和王傅于方結客欲為元稹刺裴度及捕于方鞠之無狀稹度俱罷相位逢吉代度為門下侍郎平章事自是寢以恩澤結朝臣之不逞者造作謗言百端中傷裴度賴學士李紳章處厚等顯於上前言度為逢吉排斥而度於國有功不宜擯棄故得以僕射在朝時已失河朔而王智興擅據徐州李汴據汴州國威不振天下延頸俟度再秉國鈞以攘暴亂及為逢吉嫁禍奪其權四海為之側目朝士上疏論列者十餘人屬時君荒淫政出羣小而度竟逐外藩學士李紳有寵逢吉惡之乃除為中丞又欲出於外乃以吏部侍郎韓愈為京兆尹兼御史大夫放臺參以紳褊直必與愈爭及制出紳果移牒往來愈性木強遂至語辭不遜喧論於朝逢吉乃罷愈為兵部侍郎紳為江西觀察使紳中謝曰帝留而不遣翼城人鄭注以醫藥得幸於中尉王守澄逢吉令其從子仲言略

注求結於守澄仲言辯請多端守澄見之甚悅自是逢吉有助事無違者敬宗初即位年方童卯守澄從容奏曰陛下得為太子逢吉之力也是時杜元穎李紳堅請立深王為太子乃貶紳端州司馬朝士代逢吉嗚吠者張又新李續之張權輿劉栖楚李虞程普範姜洽李仲言時號八關十六子又新等八人居要劇而胥附者又八人有求於逢吉者必先經此八人納賂無不如意者逢吉尋封涼國公邑千戶兼右僕射昭愨即位左右屢言裴度之賢曾立大勳帝甚嘉之因中使往與元即令問訊實曆初度連上章請入朝逢吉之黨坐不安席如矢攢身乃相與為謀欲沮其來張權輿撰非衣小兒之謠傳於閭巷言度相有天命應謫讖而韋處厚於上前解析言權輿所撰之言既不能沮又令衛尉卿劉遵古從人安再榮告武昭謀害逢吉武昭者有才力裴度破淮蔡時獎用之累奏為刺史及度被斥昭以門吏久不見用客于京師途窮頗有怨言逢吉冀法司鞠昭行止則顯裴度任用以沮入朝之行逢吉又與同列李程不協太學博士李涉金吾兵曹茅彙者於京師貴遊間以氣俠相許二人出入程及逢吉之門水部郎中李仍叔程之族知武昭鬱鬱恨不得官仍叔謂昭曰程欲與公官但逢吉阻之昭愈憤怒因酒與京師人劉審張少騰說刺逢吉之言審以昭言告張權輿乃聞於逢吉即令茅彙召昭相見逢吉厚相結託自是疑怨之言稍息逢吉待茅彙尤厚嘗與彙書云足下當字僕為自求僕當字足下為利見文字往來其間甚密及裴度求覲無計沮之即令武昭專以暴揚其迹再榮既告李仲言誠彙曰言武昭與李程同謀則活否則爾死彙曰冤死甘心輕人以自免子不為也及昭下獄逢吉之醜迹皆彰昭死仲言流象州茅彙流博州李涉流康州李虞自拾遺為河南士曹敬宗時裴度益厚乃自漢中召還復知政事逢吉檢校司空平章事襄州刺史山南東道節度使仍請張又新李續之為參佐大和二年改汴州刺史宣武軍節度使五年八月入為太子太師東都留守東畿汝防禦使加開府儀同三司八年李訓用事三月徵拜左僕射兼守司徒時逢吉已老病足不任朝謁即以司徒致仕九年正月卒時年七十八贈太尉諡曰成

段文昌字墨卿西河人高祖志文陪葬昭陵圖形凌煙閣祖德較贈給事中父
諱循州刺史贈左僕射文昌家于荊州備儻有氣義節度使裴君知之而不能
用韋臯在蜀表授校書郎李吉甫刺忠州文昌書以文干之及吉甫居相位與
裴均同加獎擢授登封尉集賢校理俄拜監察御史遷補闕改祠部員外郎元
和十一年守本官充翰林學士文昌武元衡之子培也元衡與宰相韋貫之不
協憲宗欲召文昌爲學士貫之奏曰文昌志尚不修不可權居近密至是貫之
罷相李逢吉乃用文昌爲學士轉祠部郎中賜緋依前充職十四年加知制誥
十五年穆宗即位正拜中書舍人尋拜中書侍郎平章事長慶元年拜章請退
朝廷以文昌少在西蜀詔授西川節度使同中書門下平章事文昌素洽蜀人
之情至是以寬政爲治嚴靜有斷蠻夷畏服二年雲南入寇黔中觀察使崔元
略上言朝廷憂之乃詔文昌禦備文昌走一介之使以喻之蠻寇即退敬宗即
位徵拜刑部尚書轉兵部兼判左丞事文宗即位遷御史大夫尋檢校尚書右
僕射揚州大都督府長史同平章事淮南節度使太和四年移鎮荆南文昌於
荆蜀皆有先祖故第至是贖爲浮圖祠又以先人墳墓在荊州別營居第以置
祖禰影堂歲時伏臘辰辰辰美景享薦之徵祭即以音聲歌舞繼之如事生者摺
紳非焉六年復爲劍南西川節度九年三月賜春衣中使至受宣畢無疾而卒
年六十三贈太尉有文集三十卷文昌布素之時所向不偶及其達也揚歷顯
重出入將相洎二十年其服飾玩好歌童妓女苟悅於心無所愛惜乃至奢侈
過度物議貶之子成式成式字柯古以蔭入官爲秘書省校書郎研精苦學祕
閣書籍披閱皆遍累遷尚書郎咸通初出爲江州刺史解印寓居襄陽以閑放
自適家多書史用以自娛尤深於佛書所著西陽雜俎傳於時

宋申錫字慶臣祖素父叔夜申錫少孤貧有文學登進士第釋褐祕書省校書
郎韋貫之罷相出湖南辟爲從事其後累佐使府長慶初拜監察御史二年遷
起居舍人寶曆二年轉禮部員外郎尋充翰林侍講學士申錫始自策名及在
朝行清慎介潔不趨黨與當長慶寶曆之間時風黨薄朋比大扇及申錫被用
時論以爲激勸文宗即位拜戶部郎中知制誥太和二年正拜中書舍人復爲

翰林學士初文宗常患中人權柄大威自元和寶曆比致官禁之禍及王守澄
之領禁兵恃其宿舊跋扈尤甚有鄭注者依恃守澄爲姦利出入禁軍賣官販
權中外咸扼腕視之文宗雅知之不能堪申錫時居內廷文宗察其忠厚可任
以事嘗因召對與申錫從容言及守澄無可奈何令與外廷朝臣謀去之且約
命爲宰相申錫頓首謝之未幾拜左丞踰月加平章事申錫素能謹直竊遇超
輩時情大爲屬望及到中書割斷循常望實頗不相副太和五年忽降中人召
宰相入赴延英路隨李宗閔牛僧孺等既至中書東門中人云所召無宋申錫

申錫始知被罪望延英以笏叩頭而退隨等至文宗以神策軍中尉王守澄所
奏得本軍虞候豆盧著狀告宋申錫與漳王謀反隨等相顧愕然初守澄於浴
堂以鄭注所構告于文宗守澄即時於市肆追捕又將以二百騎就靖恭里屠
申錫之家會內官馬存亮同入諍於文宗曰謀反者適宋申錫耳何不召南司

會議今卒然如此京師企足自爲亂矣守澄不能難乃止乃召三相告之又遣
右軍差人於申錫宅捕孔目官張全真家人買子練信等又於十六宅及市肆
追捕胥吏以成其獄文宗又召師保僕射尚書丞郎常侍給事諫議舍人御史
中丞京兆尹大理卿同於中書及集賢院參驗其事翌日開延英召宰臣及議

事官帝自詢問左常侍崔玄亮給事中李固言諫議大夫王質補闕盧鈞舒元
褒羅泰蔣係裴休竇宗直韋溫拾遺李羣韋端符丁居晦袁都等一十四人皆
伏玉階下奏以申錫獄付外請不於禁中訊鞫文宗曰吾已謀於公卿大僚卿

等且出玄亮固言援引今古辭理懇切玄亮泣涕久之文宗意稍解貶申錫爲
右庶子漳王爲巢縣公再貶申錫爲開州司馬初申錫既得密旨乃除王璠爲
京兆尹以密旨喻之璠不能謀而注與守澄知之潛爲其備漳王湊文宗之愛

弟也賢而有人望豆盧著者職屬禁軍與注親表文宗不省其詐乃罷申錫爲
庶子時京城恟恟衆庶譁言以爲宰相真連十宅謀反百家震駭居一二日方
審其詐諫官伏閣懇論文宗震怒叱諫官令出者數四時中外屬望大察三數

人廷辯其事僕射竇易直曰人臣無將將而必誅聞者愕然唯京兆尹崔瑄大
理卿王正雅連上疏請出內獄且曰王師文未獲即獄未具請出豆盧著與申

翰林學士初文宗常患中人權柄大威自元和寶曆比致官禁之禍及王守澄
之領禁兵恃其宿舊跋扈尤甚有鄭注者依恃守澄爲姦利出入禁軍賣官販
權中外咸扼腕視之文宗雅知之不能堪申錫時居內廷文宗察其忠厚可任
以事嘗因召對與申錫從容言及守澄無可奈何令與外廷朝臣謀去之且約
命爲宰相申錫頓首謝之未幾拜左丞踰月加平章事申錫素能謹直竊遇超
輩時情大爲屬望及到中書割斷循常望實頗不相副太和五年忽降中人召
宰相入赴延英路隨李宗閔牛僧孺等既至中書東門中人云所召無宋申錫
申錫始知被罪望延英以笏叩頭而退隨等至文宗以神策軍中尉王守澄所
奏得本軍虞候豆盧著狀告宋申錫與漳王謀反隨等相顧愕然初守澄於浴
堂以鄭注所構告于文宗守澄即時於市肆追捕又將以二百騎就靖恭里屠
申錫之家會內官馬存亮同入諍於文宗曰謀反者適宋申錫耳何不召南司
會議今卒然如此京師企足自爲亂矣守澄不能難乃止乃召三相告之又遣
右軍差人於申錫宅捕孔目官張全真家人買子練信等又於十六宅及市肆
追捕胥吏以成其獄文宗又召師保僕射尚書丞郎常侍給事諫議舍人御史
中丞京兆尹大理卿同於中書及集賢院參驗其事翌日開延英召宰臣及議
事官帝自詢問左常侍崔玄亮給事中李固言諫議大夫王質補闕盧鈞舒元
褒羅泰蔣係裴休竇宗直韋溫拾遺李羣韋端符丁居晦袁都等一十四人皆
伏玉階下奏以申錫獄付外請不於禁中訊鞫文宗曰吾已謀於公卿大僚卿
等且出玄亮固言援引今古辭理懇切玄亮泣涕久之文宗意稍解貶申錫爲
右庶子漳王爲巢縣公再貶申錫爲開州司馬初申錫既得密旨乃除王璠爲
京兆尹以密旨喻之璠不能謀而注與守澄知之潛爲其備漳王湊文宗之愛
弟也賢而有人望豆盧著者職屬禁軍與注親表文宗不省其詐乃罷申錫爲
庶子時京城恟恟衆庶譁言以爲宰相真連十宅謀反百家震駭居一二日方
審其詐諫官伏閣懇論文宗震怒叱諫官令出者數四時中外屬望大察三數
人廷辯其事僕射竇易直曰人臣無將將而必誅聞者愕然唯京兆尹崔瑄大
理卿王正雅連上疏請出內獄且曰王師文未獲即獄未具請出豆盧著與申

錫同付外廷勸當時人情翕然推重初議申錫抵死顧物論不可又將投於嶺
表文宗終悟外廷之言乃有開州之命初申錫既被罪怡然不以爲意自中書
歸私第止於外廳素服以俟命其妻出謂之曰公爲宰相人臣位極於此何負
天子反乎申錫曰吾生被厚恩擢相位不能鋤去姦亂反爲所羅織夫人察申
錫豈反者乎因相與泣下申錫自居內廷及爲宰相以時風侈靡居要位者尤
納賄賂遂成風俗不暇更方遠害且與貞元時甚相背矣申錫至此約身謹潔
尤以公廉爲己任四方問遺悉無所受既被罪爲有司驗劾多獲其四方受領
所遺問遺之狀朝野爲之歎息七年七月卒於開州詔曰申錫雖不能周慎自
抵憲章聞其士死退荒良用悲惻宜許其歸葬鄉里以示寬恩開成元年九月
詔復申錫正議大夫尚書左丞同中書門下平章事上柱國賜紫兼贈兵部尚
書仍以其子慎徽爲城固縣尉

李程字表臣隴西人父麟伯程貞元十二年進士擢第又登宏辭科累辟使府
二十年入朝爲監察御史其年秋召充翰林學士順宗即位爲王叔文所排罷
學士三遷爲員外郎元和中出爲劍南西川節度行軍司馬十年入爲兵部郎
中尋知制誥韓弘爲淮西都統詔程銜命宣諭明年拜中書舍人權知京兆尹
事十二年權知禮部貢舉十三年四月拜禮部侍郎六月出爲鄂州刺史鄂岳
觀察使入爲吏部侍郎封渭源男食邑三百戶敬宗即位之五月以本官同平
章事敬宗冲幼好治宮室畋遊無度欲於宮中營新殿程諫曰自古聖帝明王
以恭儉化天下陛下在諒闇之中不宜興作願以瓦木迴奉園陵上欣然從之
程又奏請置侍講學士數陳經義程辯給多智算能移人主之意尋加中書侍
郎進封彭原郡公寶應二年罷相檢校兵部尚書同平章事太原尹北京留守
河東節度使太和四年三月檢校尚書左僕射平章事河中尹河中晉絳節度
使六年就加檢校司空七月徵爲左僕射中謝日奏曰臣所忝官上禮前後儀
注不同在元和長慶中僕射數人上日不受四品已下官拜近日再定儀注四
品已下官悉許受拜王涯賈易直已行之於前今御史臺云已聞奏太常寺定
取十五日上臣進退未知所據時中丞李漢以爲受四品已下拜太重勅曰僕

射上儀近已詳定所緣拜禮皆約令文已經施行不合更改宜準太和四年十
一月六日勅處分程藝學優深然性放蕩不修儀檢滑稽好戲而居師長之地
物議輕之七年六月檢校司空汴州刺史宣武軍節度使九年復爲河中晉絳
節度使就加檢校司徒開成元年五月復入爲右僕射兼判太常卿事十一月
兼判吏部尚書銓事二年三月檢校司徒出爲襄州刺史山南東道節度使卒
有司諡曰繆子廓廓進士登第以詩名聞於時大中末累官至潁州刺史再爲
觀察使廓子畫亦登進士第

史臣曰宗儒易直以寬柔養望坐致公台與時沉浮壽考終吉可謂能奉身矣
逢吉起徒步而至鼎司欺蔽幼君依憑內豎蛇虺其腹毒害正人而不與李訓
同誅天道福淫明矣申錫小器大謀貶死爲幸程不持士範殺獲醜名君子操
修豈宜容易

贊曰趙寶優柔坐享公侯蝮蛇野葛逢吉之流豈無令人主輔謨猷程錫弼諧
于道難周

舊唐書卷一百六十七

舊唐書卷一百六十七考證

竇易直傳遷宣州刺史宣歙池都團練觀察等使○沈炳震曰案紀元和十四年五月易直自宣歙遷浙西觀察使下皆浙西事傳缺遷浙西文

舊唐書卷一百六十七考證

後晉司空同中書門下平章事劉昫撰

列傳第一百一十八

韋溫蕭祐附

獨孤郁弟明

錢徽子可復

高鈞弟銖附

馮宿弟定審

封敖

韋溫字弘育京兆人祖肇吏部侍郎父授德宗朝翰林學士以散騎常侍致仕
 授第實之憲宗朝宰相自有傳溫七歲時日念毛詩一卷年十一歲應兩經舉
 登第釋褐太常寺奉禮郎以書判拔萃調補秘書省校書郎時授致仕田園開
 溫登第愕然曰判入高等在羣士之上得非交結權幸而致耶令設席於廷自
 出判目試兩節溫命筆即成授喜曰此無愧也調授咸陽尉入為監察御史以
 父在田里憲府禮拘難於省謁不拜換著作郎一謝即還侍省父疾溫侍醫藥
 衣不解帶垂二十年父憂毀瘠踰制免喪久之為右補闕忠鯁救時宋申錫被
 誣溫倡言曰宋公履行有素身居台輔不當有此是姦人陷害也吾輩諫官豈
 避一時之雷電而致聖君賢相蒙蔽惑之咎耶因率同列伏閣切爭之由是知
 名太和五年太廟第四第六室缺漏上怒罰宗正卿李銳將作王堪乃詔中使
 鳩工補葺之溫上疏曰臣聞吏舉其職國家所以治事歸於正朝廷所以尊夫
 設制度立官司事存典故國有經費而最重者孝宗廟也伏以太廟當修詔下
 踰月有司弛墮曾不加誠宜黜慢官以懲不恪之罪擇可任者責以繕完之功
 此則事歸于正吏舉其職也而聖恩不勞百職無曠今慢官不恪止于罰俸宗
 廟所切便委內臣是許百司之官公然廢職以宗廟之重為陛下所私羣官有
 司便同委棄此臣竊為聖朝惜此事也事關宗廟皆書史策苟非舊典不可率
 然伏乞更下詔書得委所司營繕則制度不紊官業文修上乃止內使羣臣上
 尊號溫上疏曰德如三皇止稱皇功如五帝止稱帝徽號之來乃聖王之末事
 今歲三川水災江淮旱歉恐非崇飾徽稱之時帝深嘉之乃止改侍御史李德
 裕作相遷禮部員外郎或以溫厚於牛僧孺言於德裕德裕曰此人堅正中立
 君子也鄭注鎮鳳翔自知不為所齒求德門弟子為參佐請溫為副使或以為

理不可拒拒則生患溫曰擇禍莫若輕拒之止於遠貶從之有不測之禍鄭注
 殊轉考功員外郎尋知制誥召入翰林為學士以父職禁廷憂長成病遺誠不
 令居禁職懇辭不拜俄兼太子侍讀每履至少陽院午見莊恪太子溫曰殿下
 感年宜早起學周文王為太子雞鳴時問安西宮太子幼不能行其言稱疾上
 不悅改太常少卿未幾拜給事中王晏平為靈武刻削軍士贓罪發帝以智與
 之故減死貶官溫三封詔書文帝深獎之莊恪得罪百寮論之溫曰太子年
 幼陛下下訓之不早到此非獨太子之過遷尙書右丞吏部員外郎張文規父弘
 靖長慶初在幽州為朱克融所囚文規不時省赴人士喧然罪之溫居綱轉首
 糾其事出文規為安州刺史鹽鐵判官姚勛知河陰院書雪冤獄鹽鐵使崔瑛
 奏加酬獎乃令權知職方員外郎制出令勛上省溫執奏曰國朝已來郎官最
 為清選不可以賞能吏上令中使宣諭言勛能官且放入省溫堅執不奉詔乃
 改勛檢校禮部郎中翌日帝謂楊嗣復曰韋溫不放姚勛入省有故事否嗣復
 對曰韋溫志在銓擇清流然姚勛士行無玷梁公元崇之孫自殿中判鹽鐵案
 陛下獎之宜也若人有吏能不入清流孰為陛下當煩劇者此衰晉之風也上
 素重溫亦不奪其操出為陝虢觀察使武宗即位李德裕用事召拜吏部侍郎
 欲引以為相時李漢以家行不謹貶汾州司馬溫從容白德裕曰李漢不為相
 公所知昨以不孝之罪絕免乞加按問德裕曰親情耶溫曰雖非親昵久相知
 耳德裕不悅居無何出溫為宣歙觀察使辟鄭處誨為觀察判官德裕愈不悅
 池州人訟郡守溫按之無狀杖殺之明年瘍生於首謂愛聳張復魯曰子任校
 書郎時夢二黃衣人齋符來追及滌將渡一人續至曰彼墳至大功須萬日遂
 不涉而瘳計今萬日矣與公訣矣明日卒贈工部尙書諡曰孝溫在朝時與李
 珣楊嗣復周旋及楊李禍作數曰楊三李七若取我語豈至是耶初溫以楊李
 與德裕交怨及居位溫勸楊李徵用德裕釋憾解溫二人不能用故及禍溫無
 子女適薛蒙著書文續曹大家女訓十二章士族傳寫行于時溫剛腸寡合人
 多疎簡唯與常侍蕭祐善
 蕭祐者蘭陵人少孤貧耿介苦學事親以孝聞自處士徵拜左拾遺累遷至考

功郎中。祐博雅好古。尤喜圖畫。前代鍾王遺法。蕭張筆勢。編序真偽。為二十卷。元和末。進御。優詔嘉之。授兵部郎中。出為號州刺史。御史入為太常少卿。轉諫議大夫。踰月。為桂州刺史。中丞桂管防禦觀察使。太和二年八月卒于官。贈右散騎常侍。祐閑澹貞退。善鼓琴賦詩。書畫盡妙。遊心林壑。嘯詠終日。而名人高士。多與之遊。給事中韋溫。尤重之。結為林泉之友。

獨孤郁。河南人。父及。天寶末。與李華蕭穎士等齊名。善為文。所著仙掌銘。大為時流所賞。位終常州刺史。郁貞元十四年登進士第。文學有父風。尤為舍人權德輿所稱。以子妻之。貞元末。為監察御史。元和初。應制舉。才識兼茂。明於體用。策入第四等。拜左拾遺。太子司議郎。杜從郁拜左補闕。郁與同列論之曰。從郁是宰臣佑之子。父居宰執。從郁不宜居諫列。乃改為左拾遺。又論曰。補闕之與拾遺。實品雖殊。同是諫官。若時政或有得失。不可令子論父。從郁竟改他官。四年。轉右補闕。又與同列拜章論。中官吐突承璀不宜為河北招討使。乃改招撫宣慰使。五年。兼史館修撰。尋召充翰林學士。遷起居郎。權德輿作相。郁以婦公辭內職。憲宗曰。德輿乃有此佳婿。因詔宰相於士族之家。選尚公主者。遷郁考功員外郎。充史館修撰。判館事。預修德宗實錄。七年。以本官復知制誥。八年。轉駕部郎中。其年十月。復召為翰林學士。九年。以疾辭內職。十一月。改秘書少監。卒。郁第朗。嘗居諫官。請罷淮西用兵。不協。官貶與元戶曹。入為監察御史。轉殿中。十五年。兼充史館修撰。遷都官員外郎。長慶初。諫議大夫李景儉於史館飲酒。馮醉謁宰相。語辭侮朗。坐同飲。出為漳州刺史。入為左司員外郎。遷諫議大夫。揚州節度使王播罷兼鹽鐵使。行賂於中人。求復領銅鹽。朗上章論之。寶曆元年十一月。拜御史中丞。二年六月。賜金紫之服。侍御史李道樞乘醉謁朗。朗劾之。左授司議郎。憲府故事。三院御史。由大夫中丞自辟。請命于朝。時崔兗鄭居中。不由憲長而除。皆丞相之僚舊也。勅命雖行。朗拒而不納。兗竟改太常博士。居中分司東臺。其年十月。高少逸入閣失儀。朗不彈奏。宰相銜阻。崔兗事左授少逸。贊善大夫。朗亦罰俸。朗稱執法不稱。乞罷。中丞。敬宗令中使諭之。不允。其讓文宗。即位。改工部侍郎。太和元年八月。出為福州刺史。御史中丞。福達

觀察使。是月赴官。暴卒於路。贈右散騎常侍。郁子庠。亦登進士第。大中後官達。亦至侍郎。

錢徽。字蔚章。吳郡人。父起。天寶十年登進士第。起能五言詩。初從鄉薦。寄家江湖。常於客舍。月夜獨吟。遠聞人吟於廷。曰。曲終人不見。江上數峯青。起愕然。攝衣視之。無所見矣。以為鬼怪。而志其一十字。起就試之年。李暉所試。湘靈鼓瑟詩。題中有青字。起即以鬼語十字為落句。暉深嘉之。稱為絕唱。是歲發第。釋褐。秘書省校書郎。大曆中。與韓翃李端輩十人。俱以能詩。出入貴遊之門。時號十才子。形於圖畫。起位終尚書郎。徵貞元進士擢第。從事戎幕。元和初入朝。三遷祠部員外郎。召充翰林學士。六年。轉祠部郎中。知制誥。八年。改司封郎中。賜緋魚袋。職如故。九年。拜中書舍人。十一年。王師討淮西。詔朝臣議兵。徵上疏。言用兵累歲。供饋力殫。宜罷淮西之征。憲宗不悅。罷徵學士之職。守本官。長慶元年。為禮部侍郎。時宰相段文昌出鎮蜀川。文昌好學。尤喜圖畫。古畫。政刑部侍郎楊憑兄弟。以文學知名。家多書畫。鍾王張鄭之蹟。在書畫品者。兼而有之。憑子潭。之求進。盡以家藏書畫獻文昌。求致進士第。文昌將發。面託錢徽。繼以私書保薦。翰林學士李紳。亦託舉于周漢賓。於徵及榜出。潭之漢賓皆不中選。李宗閔與元稹素相厚善。初稹以直道譴逐。久之。及得還朝。大改前志。由逕以徵進。連宗閔亦急於進取。二人遂有嫌隙。楊汝士與徵有舊。是歲宗閔子塔蘇。巢及汝士子弟。股士俱及第。故文昌大怒。文昌赴鎮辭日。內殿面奏。言徵所放進士。鄭朗等十四人。皆子弟。不當在選中。穆宗以其事訪於學士元稹。李紳。二人對與文昌同。遂命中書舍人王起。主客郎中知制誥白居易。於子亭重試。內出題目。孤竹管賦。為散餘花落詩。而十人不中選。詔曰。國家設文學之科。本求才實。苟容僥倖。則異至公。訪聞近日。浮薄之徒。扇為朋黨。謂之關節。干撓主司。每歲策名。無不先定。求言敗俗。深用與懷。鄭朗等昨令重試。意在精覈。藝能。不於異書之中。固求深僻題目。責令所試成就。以觀學藝。深深。孤竹管是祭天之樂。出於周禮。正經。闕其呈試之文。都不知其本事。辭律鄙淺。蕪累亦多。比令宣示。錢徽。庶其深自懷愧。誠宜盡棄。以誓將來。但以四海無虞。人心方泰。

用弘寧式示殊恩特授爾環庶明子志孔溫葉趙存約賈洵直所試粗通與
及第裴讓特賜及第鄭明等十人並落下自今後禮部舉人宜準開元二十五
年勅及第訖所試雜文并策送中書門下詳覆尋貶徽爲江州刺史中書舍人
李宗閔劍州刺史右補闕楊汝士開江令初職貶徽宗閔汝士令徽以文昌李
紳私書進呈上必開悟徽曰不然苟無愧心得喪一致修身慎行安可以私書
相證耶令子弟焚之人士稱徽長者旣而穆宗知其朋比之端乃下詔曰昔者
卿大夫相與讓於朝士庶人相與讓於列國成王刑措不用漢文帝恥言人過
真理古也朕甚慕焉中代已遠爭端斯起掩抑其言則專蔽其說則便誣
自非實備名不能彰善彈惡故孝宣必有告訐及下光武不以單辭遽行語
稱勸上之非律有匿名之禁皆以防三至之毀重兩造之明是以爵人於朝則
皆勸刑人於市則皆懼罪有歸而賞當事也未代偷巧內在外剛卿大夫無進
思盡忠之誠多退有後言之謗士庶人無切磋琢磨之益多銷鑠漫漶之譏進
則諛官詭笑以相求退則羣居州處以相讓留中不出之請蓋發其陰私論
不容之誅是生於朋黨擢一官則曰恩皆自我黜一職則曰事出他門比周之
迹已彰尙矜介特由徑之蹤盡露自謂貞方居者寺者不以勤恪蒞官而曰務
從簡易提紀綱者不以準繩檢下而曰密奏風聞獻章疏者更相是非備顧問
者互有憎愛苟非秦鏡照膽竟羊觸邪時君聽之安可不惑參斷一謬俗化益
訛禍發齒牙言生枝葉率是道也朕甚懼焉我國家貞觀開元同符三代風俗
歸厚禮讓皆行兵與已來人散久矣始欲導之以德不欲驅之以刑然而信有
未孚理有未至曾無恥格益用雕刑小則錄嚴之權見侵於下輩大則樞機之
重旁撓於薄徒尙念因而化之亦莫去其尤者而宰臣懼其建策未克澄濟備
引祖宗之書願垂勸誡之詔遠伸告諭頗用殷勤各當自省厥躬與我同底于
道元稹之辭也制出朋比之徒如捷於市咸睚眦於紳種徽明年遷華州刺史
禮闈防禦鎮國軍等使文宗即位徵拜尙書左丞太和元年十二月復授華州
刺史二年秋以疾辭位授吏部尙書致仕三年三月卒時年七十五子可復可
及皆登進士第可復累官至禮部郎中太和九年鄭注出鎮鳳翔李訓選名家

子以爲賓佐授可復檢校兵部郎中兼御史中丞充鳳翔節度副使其年十一
月李訓敗鄭注誅可復爲鳳翔監軍使所害

高鉞字翹之祖鄭寶宋州寧陵令父去疾攝監察御史鉞元和初進士及第判
入等補秘書省校書郎累遷至右補闕元史館修撰十四年上疏請不以內官
爲京西北和樞使十五年轉起居郎依前充職鉞孤貞無黨而能累陳時政得
失長慶元年穆宗憐之面賜緋於恩殿仍命以本官充翰林學士二年遷兵
部員外郎依前充職四年四月禁中有張韶之變敬宗幸左軍是夜鉞從帝宿
於左軍翌日賊平實從臣賜鉞錦綵七十四轉戶部郎中知制誥十二月正拜
中書舍人充職如故謝恩於恩殿因諫敬宗以求理莫若躬親用示憂勤之
旨也帝深納其言又賜錦綵五十匹寶曆二年三月罷學士守本官太和三年
七月授刑部侍郎四年冬遷吏部侍郎銓錄之司官業振舉七年出爲同州刺
史兼御史中丞八年六月卒贈兵部尙書遺命薄葬鉞少時孤貧累己力行與
弟銖銖皆以檢靜自立致位崇顯居家友睦爲播紳所重銖元和六年登進士
第穆宗即位入朝爲監察御史累遷員外郎吏部郎中太和五年拜給事中七
年爲外官監考使八年十月文宗用國子助教李仲言爲侍讀銖率諫官伏閣
論曰仲言素行纖邪若聽用必亂國經上令中使宣諭曰朕要仲言讀書非有
聽用也是歲先旱後水京師數價騰踊善星爲變衆選皆停人情離然號譏鄭
注恣謀日聞于外銖等犯難論諱冀上省悟旣奉宣傳相顧失色以其危亡可
懸足而待也明年訓注竊權惡銖不附己五月出爲越州刺史御史中丞浙東
觀察使開成三年就加檢校左散騎常侍尋入爲刑部侍郎四年七月出爲河
南尹會昌末爲吏部侍郎銖元和九年登進士第昇宏辭科累遷吏部員外太
和三年準勅試別頭進士明經鄭齊之等十八人勝出之後語辭紛競監察御
史姚中立以聞詔鑄審定乃昇李景王淑等人以爲公六年二月自劾郎中
轉諫議大夫七年遷中書舍人九年十月以本官權知禮部貢舉開成元年春
試舉進呈及第人名文宗謂侍臣曰從前文格非佳昨出進士題目是朕出之
所試似勝去年鄭軍曰陛下改詩賦格調以正頹俗然高鉞亦不能勵精進士仰

副聖旨帝又曰近日諸侯章奏語太浮華有乖典實宜罰掌書記以誠其流李石曰古人因事為文今人以文害事懲弊抑末實在感時乃以鑄為禮部侍郎凡掌貢部三年每歲登第者四十人三年勝出後勅曰進士每歲四十人其數過多則乖精選官途填委要望其源宜改每年限放三十人如不登其數亦聽然鑄選權難多願得實才抑豪華權孤進至今稱之尋轉吏部侍郎其年九月出為鄂州刺史御史大夫鄂岳觀察使率鉞子湜鑄子湘僧登進士第湜咸通十二年為禮部侍郎湘自員外郎知制誥正拜中書舍人咸通年改諫議大夫坐宰相劉瞻親厚貶高州司馬乾符初復為中書舍人三年遷禮部侍郎選士得人出為潞州大都督府長史昭義節度澤潞觀察等使卒

馮宿東陽人非歲隨父子華廬祖墓有靈芝白兔之祥宿昆弟二人皆幼有文學宿登進士第徐州節度張建封辟為掌書記後建封卒其子情為軍士所立李師古欲乘喪襲取時王武俊且觀其聲情恐懼計無所出宿乃以檄書招師古而說武俊曰張公與君為兄弟欲同力驅兩河歸天子眾所知也今張公歿幼子為亂兵所脅內則誠款隔絕於朝廷外則境土侵逼於強寇孤危若此公安得坐視哉誠能奏天子念先僕射之忠勳捨其子之迫脅使得束身自歸則公於朝廷有靖亂之功於張氏有繼絕之德矣武俊大悅即以表聞由是朝廷賜情節鉞仍贈建封司徒宿以書從建封不樂與其子處乃從浙東觀察使賈全府辟情恨其去已奏貶泉州司戶徵為太常博士王士真死以其子承宗不願不加諡宿以為懷柔之義不可遺其中勞乃加之美諡轉虞部都官二員外郎元和十二年從裴度東征為彰義軍節度判官淮西平拜比部郎中會韓愈輪佛骨時宰疑宿草疏出為歙州刺史為刑部郎中十五年權判考功宿以宰臣及三品已下官故事內校考別封以進翰林學士職居內署事莫能知請依前書上考諫官御史亦請仍舊並書中上考長慶元年以本官知制誥二年轉兵部郎中依前元職牛元翼以深州不從王庭湊詔授襄州節度使元翼未出深州為庭湊所圍二年以宿檢校右庶子兼御史中丞賜紫金魚袋往總留務監軍使周進榮不違詔命宿以狀聞元翼既至宿歸朝拜中書舍人轉太常少

卿敬宗即位宿常導引乘輿出為華州刺史以父名拜章乞罷改左散騎常侍兼集賢殿學士充考制策官太和二年拜河南尹時洛苑使姚文壽縱部下侵欺百姓吏不敢捕一日過大會嘗所捕者傲睨於文壽之側宿知而掩之杖死太和四年入為工部侍郎六年遷刑部侍郎修格後勅三十卷遷兵部侍郎九年出為劍南東川節度使檢校禮部尚書開成元年十二月卒廢朝贈吏部尚書諡曰懿有文集四十卷子圖陶翰三人皆登進士揚歷清顯宿第定字介夫儀貌壯偉與宿俱有文學而定過之貞元中皆舉進士時人比之漢朝二馮君于順牧姑蘇也定寓焉順友於布衣間後順帥襄陽定乘驢詣軍門吏不時白定不留而去順頓首答軍吏馳載錢五十萬及境謝之定飯逆旅復書責以貴傲而返其遺順深以為恨權德輿掌貢士擢居上第後於潤州佐薛苾幕得校書郎尋為鄂縣尉充集賢校理定先時居父憂因號毀得肺病趨或不及時大舉士疑其恃才簡怠乃奪其職俾為大理評事登朝為太常博士轉祠部員外郎寶曆二年出為鄂州刺史長壽縣尉馬洪洸告定強奪人妻及將闕官職田祿粟入己費用詔監察御史李願行鞠之獄具上聞制曰馮定經使臣推問無入己贓私所告罰錢又皆公用然長吏之體頗涉無儀刑賞或乖宴遊不節緣經恩赦難更科書猶持郡符公議不可宜傳見任尋除國子司業河南少尹太和九年八月為太常少卿文宗每聽樂鄙鄭衛聲詔常習開元中霓裳羽衣舞以雲韶樂和之舞曲成定總樂工聞於庭定立於其間文宗以其端凝若植問其姓氏翰林學士李程對曰此馮定也文宗喜問曰豈非能為古章句者耶乃召昇階文宗自吟定送客西江詩吟罷益喜因錫禁中瑞錦仍令大錄所著古體詩以獻尋遷諫議大夫知禮部事是歲李訓事敗伏誅衣冠橫權其禍中外危疑及改元御殿中尉仇士良請用神策仗衛在殿門定抗疏輪罷人情危之又請許左右史隨宰臣入延英記事宰臣不樂二年改太子詹事三年宰臣鄭覃拜太子太師欲於尚書省上事定奏曰據大典太師居詹事府不合於都省禮上乃詔於本司上事人推美之四年遷衛尉卿是歲上意請老詔以左散騎常侍致仕會昌六年改工部尚書而卒先是慶中源叔使新羅國見其國人傳寓

卿敬宗即位宿常導引乘輿出為華州刺史以父名拜章乞罷改左散騎常侍兼集賢殿學士充考制策官太和二年拜河南尹時洛苑使姚文壽縱部下侵欺百姓吏不敢捕一日過大會嘗所捕者傲睨於文壽之側宿知而掩之杖死太和四年入為工部侍郎六年遷刑部侍郎修格後勅三十卷遷兵部侍郎九年出為劍南東川節度使檢校禮部尚書開成元年十二月卒廢朝贈吏部尚書諡曰懿有文集四十卷子圖陶翰三人皆登進士揚歷清顯宿第定字介夫儀貌壯偉與宿俱有文學而定過之貞元中皆舉進士時人比之漢朝二馮君于順牧姑蘇也定寓焉順友於布衣間後順帥襄陽定乘驢詣軍門吏不時白定不留而去順頓首答軍吏馳載錢五十萬及境謝之定飯逆旅復書責以貴傲而返其遺順深以為恨權德輿掌貢士擢居上第後於潤州佐薛苾幕得校書郎尋為鄂縣尉充集賢校理定先時居父憂因號毀得肺病趨或不及時大舉士疑其恃才簡怠乃奪其職俾為大理評事登朝為太常博士轉祠部員外郎寶曆二年出為鄂州刺史長壽縣尉馬洪洸告定強奪人妻及將闕官職田祿粟入己費用詔監察御史李願行鞠之獄具上聞制曰馮定經使臣推問無入己贓私所告罰錢又皆公用然長吏之體頗涉無儀刑賞或乖宴遊不節緣經恩赦難更科書猶持郡符公議不可宜傳見任尋除國子司業河南少尹太和九年八月為太常少卿文宗每聽樂鄙鄭衛聲詔常習開元中霓裳羽衣舞以雲韶樂和之舞曲成定總樂工聞於庭定立於其間文宗以其端凝若植問其姓氏翰林學士李程對曰此馮定也文宗喜問曰豈非能為古章句者耶乃召昇階文宗自吟定送客西江詩吟罷益喜因錫禁中瑞錦仍令大錄所著古體詩以獻尋遷諫議大夫知禮部事是歲李訓事敗伏誅衣冠橫權其禍中外危疑及改元御殿中尉仇士良請用神策仗衛在殿門定抗疏輪罷人情危之又請許左右史隨宰臣入延英記事宰臣不樂二年改太子詹事三年宰臣鄭覃拜太子太師欲於尚書省上事定奏曰據大典太師居詹事府不合於都省禮上乃詔於本司上事人推美之四年遷衛尉卿是歲上意請老詔以左散騎常侍致仕會昌六年改工部尚書而卒先是慶中源叔使新羅國見其國人傳寓

輒念定所爲黑水碑，書魏記，韋休符之使西番也。見其國人寫定商山記於屏障，其文名馳於戎夷如此。子袁頴軒，慶四人皆進士登第，咸通中歷任臺省，宿從第審覈。審父子郁，審貞元十二年登進士第，累辟使府，入爲監察御史，累遷至兵部郎中，開成三年遷諫議大夫。四年九月，出爲桂州刺史，桂管觀察使，入爲國子祭酒。國子監有孔子碑，審宗篆額加大周兩字，蓋武后時篆也。審請琢去偽號，從。大唐字從之，咸通中卒於秘書監。審弟寬，子絳，皆進士擢第，知名於時。

封教字碩夫，其先渤海舊人，祖希爽，父諒，官卑。教元和十年登進士第，累辟諸侯府，太和中入朝爲右拾遺，會昌初以員外郎知制誥，召入翰林爲學士，拜中書舍人，教構思敏速，語近而理勝，不務奇澁。武宗深重之，嘗草賜陳傷邊將詔，書句云：傷居爾體，痛在朕躬，帝覽而善之，賜之官錦，李德裕在相位，定策破迴鶻，殊劉稹，兵之際，同列或有不可之言，唯德裕籌計指畫，竟立奇功。武宗賞之，封衛國公，守太尉，其制誥有邊橫議於風波，定奇謀於掌握，逆稜盜兵，靈關畫錄，造膝嘉話，開懷靜思，意皆我同，言不他，馭制出，教往慶之，德裕口誦此數句，撫教曰：陸生有言，所恨文不迫意，如卿此語，秉筆者不易措言，座中解其所賜玉帶以遺教，深禮重之。然教不持士範，人重其才而輕其所爲，德裕不能大用之，德裕罷相，教亦罷內職，宣宗即位，遷禮部侍郎，大中二年，典貢部，多權文士，轉吏部侍郎，渤海男，食邑七百戶。四年，出爲興元尹，御史大夫，山南西道節度使，歷左散騎常侍，十一年，拜太常卿，出爲淄青節度使，入爲戶部尚書，卒，子彥卿，彥卿從子特卿，皆進士及第，咸通後歷位清顯。

史臣曰：韋公鯁亮守官，犯而得禮，蕭子恬於吏隱，抑亦名實，蔚章操履非高，而從容長者，郁朗襟概，鬱有世風，三高並秀於一時，二馮爭驅於千里，咸以摘英拔藻，華國揚名，潤色之能，封無與讓，壽考垂慶，備何負哉。

贊曰：伏蒲進諫，梁翰爲文，揚孤韋氏，志在匡君，馮高諸子，綺繡繽紛，禁垣擅美，渤海凌雲。

舊唐書卷一百六十八

舊唐書卷一百六十八考證

高饒子相傳出爲潯州大都督府長史，昭毅節度澤潞觀察等使。○臣西按本紀，高饒爲昭毅節度使，乾符四年，軍亂被逐，未見有湘拜昭毅文，沈炳震曰：此自乾符初已下，疑皆言誤，因與湘連文，遂似屬湘，其實是提之歷官也。

舊唐書卷一百六十八考證

後晉司空同中書門下平章事劉昫撰

列傳第一百二十九

李訓 鄭注 王涯 王璠 賈餗

舒元興 郭行餘 羅立言 李孝本

李訓肅宗時宰相之族孫也始名仲言進士擢第形貌魁梧神情灑落辭敏智捷善揣人意寶曆中從父達吉為宰相以訓險險善計事愈親厚之初與茅彥等欲中傷李程及武昭事發訓坐長流嶺表會赦得還丁母憂居洛中時達吉為留守思復為宰相且深怨彥居常憤鬱不樂訓揣知其意即以奇計勸之自言與鄭注善達吉以為然道訓金帛珍寶數百萬令持入長安以賂注注得賂甚悅乘間薦于中尉王守澄乃以往之藥術訓之易道合薦于文宗守澄以訓穢粗難入禁中帝令訓戎服號王山人與注入內帝見其指趣甚奇之及訓釋服在京師太和八年自流人補四門助教召入內殿面賜緋魚其年十月遷國子周易博士充翰林侍講學士入院日賜宴宣法曲第子二十人就院奏法曲以寵之兩省諫官伏閣切諫言訓森邪海內聞知不宜令侍宸展終不聽文宗性守正嫉惡以宦者權寵太過繼為禍胎元和末弑逆之徒尚在左右雖外示優假心不堪之思欲芟落本根以雪讎恥九重深慮難與將相明言前與侍講宋申錫謀之不滅幾成反噬自是巷伯尤憤因鄭注得幸守澄俾之援訓冀黃門之無疑也訓既在翰林解易之際或語及巷伯事則再三憤激以動上心以其言論縱橫謂其必能成事遂以真誠謀於訓注自是二人寵幸言無不從而深秘之謀往往流聞於外上慮中人猜慮乃疏易義六條示於百辟有能出訓之意者賞之蓋欲知上以師友寵之九年七月改兵部郎中知制誥充翰林學士九月遷禮部侍郎同平章事仍賜金紫之服詔以平章之暇三五日一入翰林訓既秉權衡即謀誅內豎中官陳弘慶者自元和末實弑逆之名忠義之士無不扼腕時為襄陽監軍乃召自漢南至青泥驛遣人封杖決殺王守澄自長慶已來知樞密典禁軍作威作福訓既作相以守澄為六軍十二衛觀

軍容使罷其禁掖之權尋賜就殺之訓愈承恩顧每別殿妻對他宰相莫不顧成其首黃門禁軍迎拜戲飲訓本以纖達門庭趨附之士率皆狂怪險異之流時亦能取正人偉望以鎮人心天下之人有冀訓以致太平者不獨人主惑其言訓雖為鄭注引用及祿位俱大勢不兩立託以中外應赴之謀出注為鳳翔節度使俟誅內豎即兼圖注約以其年十一月誅中官須假兵力乃以大理卿郭行餘為邠軍節度使戶部尚書王璠為太原節度使京兆少尹羅立言權知大尹事太府卿韓約為金吾街使刑部郎中知雜李孝本權知中丞事皆訓之親厚者王璠郭行餘未赴鎮聞廣令召募豪俠及金吾臺府之從者俾集其事是月二十一日帝御紫宸班定韓約不報平安奏曰金吾左仗院石榴樹夜來有甘露臣已進狀詔乃蹈舞再拜宰相百官相次稱賀李訓奏曰甘露降祥俯在宮禁陛下宜親幸左仗觀之班退上乘軟昇出紫宸門由舍元殿東階昇殿宰相侍臣分立於副階文武兩班列於殿前上令宰相兩省官先往視之既還曰臣等恐非真甘露不敢輕言言出四方必稱賀也上曰韓約妄耶乃令左右軍中尉樞密內臣往視之既去訓召王璠郭行餘曰來受勅旨璠恐懷不能前行餘獨拜殿下時兩鎮官健皆執兵在丹鳳門外訓已令召之唯璠從兵入邠軍兵竟不至中尉樞密至左仗聞幕下有兵聲驚恐走出聞者欲局錄之為中人所叱執關而不能下內官迴奏韓約氣喘汗流不能舉首中官謂之曰將軍何及此耶又奏曰事急矣請陛下入內即舉軟輿迎帝訓殿上呼曰金吾衛士上殿來護乘輿者人賞百千內官決殿後采恩舉輿疾趨訓舉呼曰陛下不得入內金吾衛士數十人隨訓而入羅立言率府中從人自東來李孝本率臺中從人自西來共四百餘人上殿縱擊內官死傷者數十人訓時愈急遽逸入宣政門帝瞋目叱訓內官郝志榮奮拳擊其胸訓即僵仆於地帝入東上閣門門即闔內官呼萬歲者數四須臾內官率禁兵五百人露刃出閣門遇人即殺宰相王涯賈餗舒元興方中書會食聞難出走諸司從吏死者六七百人是日訓中奉而仆知事不濟乃單騎走入終南山投寺僧密訓與宗密素善欲刺其髮匿之從者止之乃趨鳳翔欲依鄭注出山為整屋鎮將宗楚所得械送京

師至昆明池訓悉入軍別受榜掠乃謂兵士曰所在有兵得我者即富貴不如持我首行免被奪取乃斬訓持首而行訓弟仲景再從第戶部員外郎元暉皆伏法仇士良以宗密容李訓遣人縛入左軍責以不告之罪將殺之宗密怡然曰貧僧識訓年深亦知反叛然本師教法遇苦即救不愛身命死固甘心中尉魚弘志嘉之奏釋其罪

鄭注絳州翼城人始以藥術游長安權豪之門本姓魚冒姓鄭氏故時號魚鄭注用事時人目之為水族元和十三年李愬為襄陽節度使往往依之愬得其藥力因厚遇之署為節度衙推從愬移鎮徐州又為職事軍政可否愬與之參決注詭辯陰狡善探人意旨與愬籌謀未嘗不中其意然挾邪任數專作威福軍府患之時王守澄監徐軍深怒注一日以軍情患注白于愬愬曰彼雖如此實奇才也將軍試與之語苟不如旨去未為晚愬即令謁監軍守澄初有難色及延坐與語機辯縱衡盡中其意遂延于內室促膝投分恨相見之晚翌日守澄謂愬曰誠如公言實奇才也自是出入守澄之門都無限隔愬署為巡官齒於賓席及守澄入知樞密當長慶寶曆之際國政多專於守澄注晝夜動文通賂遺初則讒邪姦巧之徒附之以圖進取數年之後達察權臣爭湊其門累從山東京西諸軍歷衛佐評事御史又檢校庫部郎中為昭義節度副使既以陰事誣陷宋申錫守道正人始側目焉太和七年罷鄂軍行軍司馬入京師御史李欽闈內彈之曰鄭注內通勅使外結朝官兩地往來卜射財貨晝伏夜動干竊化權人不取言道路以目請付法司旬日內諫章十數文宗不納尋授注通王府司馬充右神策判官中外駭數八年九月注進藥方一卷令守澄召注對浴堂門賜錦綵召對之夕慧出東方長三尺光耀甚繁其年十二月拜太僕卿兼御史大夫注起第善和里通於采巷長廊複壁日聚京師輕薄子弟方鎮將吏以招權利聞日入禁軍與守澄款密語必移時或通夕不寐李訓既附注以進承間入謁而輕浮躁進者盈於注門九年八月遷工部尚書充翰林侍講學士召自九仙門帝面賜告身時李訓已在禁庭二人相洽日侍君側諱貫太平之術以為朝夕可致昇平兩姦合從天子益惑其說是時訓注之權赫於天

下既得行其志生平恩讎絲毫必報因楊虞卿之獄挾忌李宗閔李德裕心所惡者目為二人之黨朝士相繼斥逐班列為之一空人人惴惴若崩厥角帝微知之下詔諭人情稍安訓注天資狂妄偷合苟容至於經略謀猷無可稱者初浴堂召對上訪以富人之術乃以權茶為對其法欲以江湖百姓茶園官自造作量給直分命使者主之帝惑其言乃命王涯兼權茶使又言秦中有災宜興工役以禳之文宗能詩嘗吟杜甫江頭篇云江頭宮殿鏤千門細柳新蒲為誰綠始知天寶已前環曲江四岸有樓臺行宮麻署心切慕之既得注言即命左右神策軍差人淘曲江昆明二池仍許公卿士大夫之家於江頭立亭館以時追賞時兩軍造紫雲樓彩霞亭內出樓額以賜之注言無不從皆此類也九月檢校尚書左僕射鳳翔尹鳳翔節度使蓋與李訓謀事有期欲中外協勢十一月注聞訓事發自鳳翔率親兵五百餘人赴關至扶風聞訓敗乃還監軍使張仲清已得密詔迎而勞之召至軍府議事注倚兵衛即赴之仲清已伏兵幕下注方坐伏兵發斬注傳首京師部下潰散注家屬屠滅靡有孑遺初未獲注京師憂恐至是人人相慶注兩目不能遠視自言有金丹之術可去癯弱重臃之疾始李愬自云得効乃移之守澄亦神其事絲是中官視注皆憐之卒以是售其狂謀而守澄自貽其患復致衣冠塗地豈一時之沙氣歟既籍沒其家財得絹一百萬匹他貨稱是

王涯字廣津太原人父見涯貞元八年進士擢第登宏辭科釋褐藍田尉貞元二年十月召充翰林學士拜右拾遺左補闕起居舍人皆充內職元和三年為宰相李吉甫所怒罷學士守都官員外郎再貶虢州司馬五年入為吏部員外七年改兵部員外郎知制誥九年八月正拜舍人十年轉工部侍郎知制誥加通議大夫清源縣開國男學士如故十一年十二月加中書侍郎同平章事十三年八月罷相守兵部侍郎尋遷吏部穆宗即位以檢校禮部尚書梓州刺史劍南東川節度使其年十一月吐蕃南北犄角入寇西北邊騷動詔兩川兵拒之時蕃軍逼雅州涯上疏曰臣當遣出軍徑入賊腹有兩路一路從龍州清川鎮入蕃界徑抵故松州城是吐蕃舊置節度之所一路從綿州威蕃柵入蕃界

徑抵樓羅城皆吐蕃險要之地又曰臣伏見方今天下無犬吠之警海內同履
孟之安每蕃戎一警則中外咸震致陛下有肝食軫懷之憂斯乃臣等居大官
受重寄者之深責也雖承詔發卒心馳寇廷期於爲國討除使戎人芟翦晝夜
思忖何補涓毫所以懷懣懣心願陳萬一臣觀自古長策昭然可徵在於實邊
兵選良將明斥候廣資儲杜其姦謀險其走集此立朝士大夫皆知不獨微臣
知之也祇在舉行之耳然臣愚見所及猶欲布露者誠願陛下不愛金帛之費
以鈞北虜之心臨遣信臣與之定約曰犬戎恃亂負恩爲邊鄙患者數矣能制
而服之者唯在北蕃如能發兵深入殺若干人取若干地則受若干之賞開懷
以示之厚利以昭之所以勸發要約者異於他日則匈奴之銳可得出矣一戰
之後西戎之力衰矣穆宗不能用其謀長慶元年幽鎮復亂王師征之未聞剋
捷涯在鎮上書論用兵曰伏以幽鎮兩州悖亂天紀迷亭育之厚德肆豺虎之
非心囚繫鼎臣戕賊戎帥毒流列郡暨及賓僚凡在有情孰不扼腕咸欲橫戈
荷戟問罪賊廷伏以國家文德誕敷武功繼立遠無不服邇無不安矧茲二方
敢逆天理臣竊料詔書朝下諸鎮夕驅以魏絳問罪之師當猖狂失節之寇傾
山壓卵決海灌熒勢之相懸不是過也但以常山燕郡虞號相依一時與師恐
費財力且夫罪有輕重事有後先攻堅宜從易者如聞范陽肇亂出自一時事
非宿謀情亦可驗鎮州構禍殊匪偶然扇動屬城以兵拒境如此則幽薊之衆
可示寬刑鎮冀之戎必資先討況廷湊關耳不席父祖之恩成德分難人多迫
脅之勢今以魏博思復讎之衆昭義願盡敵之師參之晉陽輔以滄易犄角而
進易若建瓴盡屠其城然後北首燕路在朝廷不爲失信於軍勢實得機宜臣
之愚忠輒在於此臣又聞用兵若鬪先扼其喉今瀛莫易定兩賊之咽喉也誠
宜假之威柄戍以重兵俾其死生不相知間諜無所入而以大軍先迫冀趙次
下井陘此百舉百全之勢也臣受恩深至無以上酬輕冒陳聞不勝戰越涓涯
疏至盧士致已爲賊劫陷瀛莫州兇勢不可遏俄而二兇俱宥之二年入爲御
史大夫敬宗即位改戶部侍郎兼御史大夫充鹽鐵轉運使俄遷禮部尚書充
職寶曆二年檢校尚書左僕射與元尹山南西道節度使就加檢校司空太和

三年正月入爲太常卿文宗以樂府之音鄭衛太甚欲閉古樂命涯詢於舊工
取開元時雅樂選樂童按之各曰雲韶樂樂曲成涯與太常丞李廓少府監庾
承憲押樂工獻於梨園亭帝按之於會昌殿上悅賜涯等錦綵四年正月守吏
部尚書檢校司空復領鹽鐵轉運使其年九月守左僕射領使奏李師道前據
河南十二州其克鄆淄青濰州界舊有銅鐵冶每年額利百餘萬自收復未定
稅額請復舊額司依建中元年九月勅例制置從之七年七月以本官同平
章事進封代國公食邑二千戶八年正月加檢校司空門下侍郎弘文館大學
士太清宮使九年五月正拜司空仍令所司冊命加開府儀同三司仍兼領江
南權茶使十一月二十一日李訓事敗文宗入內涯與同列歸中書會食未下
勛吏報有兵自閣門出逢人即殺涯等甚惶步出至永昌里茶肆爲禁兵所擒
并其家屬奴婢皆繫於獄仇士良鞠涯反狀涯實不知其故械縛既急撻笞不
勝其酷乃令手書反狀自誣與訓同謀獄具左軍兵馬三百人領涯與王璠羅
立言右軍兵馬三百人領買煉舒元與李孝本先赴郊廟徇兩市乃腰斬於子
城西南隅獨柳樹下涯以權茶事百姓怨恨詬罵之投瓦礫以擊之中書房吏
焦寓焦璠臺吏李楚等十餘人吏卒爭取殺之籍沒其家涯子工部郎中集賢
殿學士孟堅太常博士仲翔其餘稚小妻女連襟係頸送入兩軍無少長盡誅
之自涯已下十一家資貨悉爲軍卒所分涯積家財鉅萬計兩軍士卒及市人
亂取之竟日不盡涯博學好古能爲文以辭藝登科踐揚清峻而食糧固寵不
遠邪佞之流以至赤族涯家書數萬卷倖於祕府前代法書名畫人所保惜者
以厚貨致之不受貨者即以官爵致之厚爲垣殿而藏之復壁至是人破其垣
取之或剔取函奩金寶之飾與其玉軸而棄之涯之死也以爲冤昭義節度
使劉從諫三上章求示涯等三相罪名仇士良頗懷憂恐初宦官縱毒凌藉南
司及從諫奏論兇焰稍息人士賴之

王璠字魯玉父徙進士文辭知名元和五年擢進士第登宏辭科風儀修飾操
履甚堅累辟諸侯府元和中入朝爲監察御史再遷起居舍人副鄭覃宣慰於
鎮州長慶中累歷員外郎十四年以職方郎中知制誥寶曆元年二月轉御史

中丞時李達吉為宰相與璠親厚故自郎官掌誥便拜中丞特達吉之勢稍橫嘗與左僕射李絳相遇於街交車而不避絳上疏論之曰左右僕射師長庶寮開元中名之丞相其後雖去三事機務猶總百司之權表狀之中不署其姓尚書已下每月合銜上日百寮列班宰相居上中丞御史列位於廷禮儀之崇中外特異所以自武德貞觀已來聖君賢臣布政除弊不革此禮謂為合宜苟有不妥尋亦合廢近年緣有才不當位恩加特拜者遂從權便不用舊儀酌於羣情事實未嘗今或有僕射初除就中丞院門相看即與欲參何殊或中丞新授亦無見僕射處及參贊處或僕射先至中丞後來憲度乖宜尊卑倒置儻人才忝位自合別授賢良若朝命守官豈得有虧法制伏望下百寮詳定事體使承可運行勅旨令兩省詳議兩省奏曰元和中伊慎忝居師長之位太常博士韋謙削去舊儀今李絳所論於禮甚當達吉素惡絳之直天子雖許行舊儀中書竟無處分乃罷璠中丞遷工部侍郎尋罷絳僕射以太子少師分司東都其弄權怙寵如此璠二年七月出為河南尹太和二年以本官權知東都選十月轉尚書右丞勅選舉入朝三年改吏部侍郎四年七月拜京兆尹兼御史大夫十二月遷左丞判太常卿事六年八月檢校禮部尚書潤州刺史浙西觀察使八年李訓得幸累薦于上召還復拜右丞璠以達吉故吏自是傾心於訓權倖傾朝九年五月遷戶部尚書判度支謝曰召對浴堂錫之錦綵其年十一月李訓將誅內官令璠召募豪俠乃授太原節度使託以募爪牙為名訓敗之日璠歸長輿第是夜為禁軍所捕舉家下獄斬璠於楊柳樹家無少長皆死璠子退休直弘文館李訓舉事之日退休於館中禮上同職駕部郎中令狐定等五六人送之是日悉為亂兵所執定以兄楚為僕射軍士釋之獨執退休誅之初璠在浙西緝城壕役人掘得方石上有十二字云山有石石有五玉有瑕瑕即休璠視莫知其旨京口老人講之曰此石非尚書之吉兆也尚書祖名楚蓋生礎是山有石也礎生尚書是石有五也尚書之子名退休休絕也此非吉徵果亦族賈鍊字子美河南人祖渭父寧鍊進士擢第又登制策甲科文史兼美四遷至考功員外郎長慶初策召賢良選當時名士考策鍊與白居易俱為考策官選

文人以為公尋以本官知制誥遷庫部郎中充職四年為張又新所構出為常州刺史太和初入為太常少卿二年以本官知制誥三年七月拜中書舍人四年九月權知禮部貢舉五年勝出後正拜禮部侍郎凡典禮闈三歲所選士七十五人得其名人多至公卿者七年五月轉兵部侍郎八年十一月遷京兆尹兼御史大夫九年四月檢校禮部尚書潤州刺史浙西觀察使制出未行拜中書侍郎同平章事進金紫階封姑臧男食邑三百戶未幾加集賢殿學士監修國史其年十一月李訓事發兵交殿廷禁軍肆掠鍊易服步行出內潛身人間翌日自投神策軍與王涯等皆族誅鍊雖中立自持然不能以身犯難排斥姦織脂韋其間遂至覆族逾時多僻死非其罪世多冤之舒元與者江州人元和八年登進士第釋褐諸府從事太和初入朝為監察轉侍御史初天寶中玄宗祀九宮壇次郊壇行事御署祝板元與為監察監祭事以為太重奏曰臣伏見祀九宮貴神祝板九片陛下親署御名及稱臣於九宮之神臣伏以天子之尊除祭天地宗廟之外無合稱臣者王者父天母地兄日姊月而貴神以九宮為目是宜分方而守其位臣數其名號太一天一招搖軒轅咸池青龍太陰天符攝提也此九神於天地猶子男也於日月猶侯伯也陛下為天子豈可反臣於天子男耶臣竊以為過縱陰陽者流言其合祀則陛下當合稱皇帝遣某官致祭于九宮之神不宜稱臣與名臣雖愚警未知其可乞下禮官詳議從之尋轉刑部員外郎元與自負奇才銳於進取乃進所業文章乞試効用宰執謂其躁競五年八月改授著作郎分司東都時李訓丁母憂在洛與元與性俱詭激乘險蹈利相得甚歡及訓為文宗寵遇復召為尚書郎九年以右司郎中知臺雜七月權知中丞事九年拜御史中丞兼判刑部侍郎是月以本官同平章事與訓同知政事而深謀詭算變惑主聽皆生於二兇也訓竊發之日兵自內出元與易服單馬出安化門為追騎所擒送左軍族誅之郭行餘者亦登進士第太和初累官至楚州刺史五年移刺汝州兼御史中丞九月入為大理卿李訓在東都時與行餘親善行餘數相餉遺至是用為九列十一月訓欲竊殺令其募兵乃授汝軍節度使訓敗族誅

羅立言者，父名敷，貞元末登進士第，寶曆初檢校主客員外郎，爲鹽鐵河陰院官，二年坐糶米不實，計贓一萬九千貫，鹽鐵使借其吏能，定罪止削所兼侍御史，大和中，爲司農少卿，主太倉出納物，以貨厚賂鄭注，李訓亦重之，訓將竊發，須兵集事，以京兆府多吏卒，用立言爲京兆少尹，知府事，訓敗日，族誅，長安縣令孟瑄貶，陝州長史萬年，捕賊官鄭洪懼禍，託疾，既而詐死，令家人喪服，故也，初立言集兩縣吏卒，萬年捕賊官鄭洪懼禍，託疾，既而詐死，令家人喪服，聚哭，姚中立陰知其故，恐以詐聞，不免其累，乃以狀告洪之詐仇士良，拘洪入軍，洪銜中立之告，謂士良曰，追集所由，皆因縣令處分，予何罪也，故中立坐貶，洪免死。

李孝本者，宗室之子也，累官至刑部郎中，而依于訓，注以求進，舒元興作相，訓用孝本知臺雜，權知中丞事，最預訓謀，竊發之日，孝本從人殺內官十餘人於殿廷，知事不濟，單騎走投鄭注，至咸陽西原，爲追騎所捕，族誅之，坐訓注而族者，凡十一家人，以爲寬。

史臣曰：王者之政以德，霸者之政以權，古先后王率由茲道，而遠能息人靖亂，垂統作則者，如梓人共柯而殊工，夏商同梓而獨勝，蓋在得其術，則事無後艱，昭獻皇帝端冕深帷，慎其廚養，欲雖宮居之弊，載澄刑政之源，當宜禮一代正人，訪先朝著德，修文教而厚風俗，設武備以服要荒，俾西被東漸，皆陶於景化，柔祗蒼昊，必降於闕祥，自然懷德以寧，無思不服，況區區宦官者，獨能悖化哉，故豎刁易牙，不廢齊桓之霸，韓嫣籍孺，何妨漢帝之明，蓋有管仲亞夫之賢，屬之以大政，故也，此二君者，制御關寺，得其道也，而昭獻忽君人之大體，惑纖校之庸儒，雖終日橫經運篇，屬思，但得好文之譽，庸非致治之先，且李訓者，狙詐百端，陰險萬狀，背澄而勸醜，出鄭注以擅權，祗如盡隕四星，兼權八校，小人方寸，卽又難知，但慮爲蚤蝨而探溪蓀，翻獲墳柴之患也，嗚呼明主，夫何不思，遽致血戰黃門，兵交青瑣，苟無藩后之勢，黃屋危哉，涯鍊綽有士風，晚爲利喪，致身鬼域之伍，何逃賊室之災，非天不仁，子失道也。

贊曰：輿旦與周，斯高亡秦，禍福非天，治亂由人，訓注姦僞，血頰象魏，非時乏賢。

君迷倒置

舊唐書卷一百六十九

後晉司空同中書門下平章事劉昫撰

列傳第一百二十

裴度

裴度字中立河東聞喜人祖有鄰濮州濮陽令父徽河南府瀋池丞度貞元五年進士擢第登宏辭科應制舉賢良方正能直言極諫科對策高等授河陰縣尉遷監察御史密疏論權倖語切忤旨出為河南府功曹遷起居舍人元和六年以司封員外郎知制誥尋轉本司郎中七年魏博節度使田季安卒其子懷諱幼年不任軍政牙軍立小將田興為留後興布心腹於朝廷請守國法除吏輸常賦憲宗遣度使魏州宣諭與承修之後車服垣屋有踰制度視事齋閣尤加宏敞興惡之不於其間視事乃除舊採訪使廳居之請度為壁記述興謙降奉法魏人深德之興又請度遍至屬郡宣述詔旨魏人郊迎感悅使還拜中書舍人九年十月改御史中丞宣徽院五坊小使每歲秋按鷹犬於畿甸所至官吏必厚邀餉小不如意即恣其須索百姓畏之如寇盜先是貞元末此輩暴橫尤甚乃至張網羅於民家門及井不令出入汲水曰驚我供奉鳥雀又羣聚於賣酒食家肆情飲啖將去留她一篋誠之曰吾以此她致供奉鳥雀可善飼之無使飢渴主人賂而謝之方肯攜她篋而去至元和初雖數治其弊故態未絕小使嘗至下邳縣縣令裴寰性嚴刻嫉其兇暴公館之外一無曲奉小使怒構寰出慢言及上聞憲宗怒促令攝寰下獄欲以大不敬論宰相武元衡等以理開悟帝怒不解度入延英奏事因極言論列言寰無罪上愈怒曰如卿之言寰無罪即決五坊小使如小使無罪即決裴寰度對曰按罪誠如聖旨但以裴寰為令長憂惜陛下百姓如此豈可加罪上怒色遽霽翌日令釋寰尋以度兼刑部侍郎奉使蔡州行營宣諭諸軍既還帝問諸將之才度曰臣觀李光顏見義能勇終有所成不數日光顏奏大破賊軍於時曲帝尤歎度之知人十年六月王承宗李師道俱遣刺客刺宰相武元衡亦令刺度是日度出通化里盜三以劍擊度初斷鞶帶次中背繞絕單衣後微傷其首度墮馬會度帶靴帽故

瘡不至深賊又揮刃追度度從人王義乃持賊連呼甚急賊反刃斷義手乃得去度已墮溝中賊謂度已死乃捨去居三日詔以度為門下侍郎同中書門下平章事度劾正而言辯尤長於政體凡所陳論感動物情自魏博使還宣達稱旨帝深嘉屬又自蔡州勞軍還益聽其言尚以元衡秉政大用未果自盜發都邑便以大計屬之初元衡遇害獻計者或請罷度官以安二鎮之心憲宗大怒曰若罷度官是姦計得行朝綱何以振舉吾用度一人足以破此二賊矣度亦以平賊為己任度以所傳請告二十餘日詔以衛兵宿度私第中使問訊不絕未拜前一日宣旨謂度曰不用宣政參假即延英對來及度入對撫諭周至時羣盜干紀變起都城朝野恐駭及度命相制下人情始安以為必能殄寇自是誅賊之計日聞獻替用軍愈急十一年莊憲皇后崩度為禮儀使上不聽政欲準故事置冢宰以總百司度獻議曰冢宰是殷周六官之首既掌邦理實統百司故王者諒闇百官有權聽之制後代設官既無此號不可虛設且國朝故事或置或否古今異制不必因循勅旨曰諸司公事宜權取中書門下處分識者是之六月蔡州行營唐節度使高覆高兵敗于鐵城中外洶駭先是詔羣臣各獻誅吳元濟可否之狀朝臣多言罷兵赦罪為便翰林學士錢徽蕭俛語尤切唯度言賊不可赦及覆高敗宰相以上必厭兵欲以罷兵為對廷英方奏憲宗曰夫一勝一負兵家常勢若帝王之兵不合敗則自古何難於用兵累聖不應留此兇賊今但論此兵合用與否及朝廷制置當否卿等唯須要害處置將帥有不可者去之勿疑兵力有不足者速與應接何可以一將不利便沮成計於是宰臣不得措言朝廷無敢言罷兵者故度計得行王稷家二奴告稷接父遺表隱沒進奉物留其奴於仗內遣中使往東都檢責稷之家財度奏曰王鏐身歿之後其家進奉已多今因其奴告檢責其家事臣恐天下將帥聞之必有以家為計者憲宗即日遣中使遣二奴付京兆府決殺十二年李愬李光顏屢奏破賊然國家聚兵淮右四年度支供餉不勝其弊諸將玩寇相視未有成功上亦病之宰相李逢吉王涯等三人以勞師弊賦意欲罷兵見上互陳利害度獨無言帝問之對曰臣請身自督戰明日廷英重議逢吉等出獨留度謂之曰

卿必能為朕行乎。度俯伏流涕曰：臣誓不與此賊偕全。上亦為之改容。度復奏曰：臣昨見吳元濟乞降表，料此逆賊勢實窘蹙，但諸將不一，未能迫之，故未降耳。若臣自赴行營，則諸將各欲立功以固恩寵，破賊必矣。上然之。翌日詔曰：輔弼之臣，軍國是賴，與化致理，秉鈞以居，取威定功，則分闡而出，所以同君臣之體。一中外之任焉。屬者問罪汝南，致誅淮右，蓋欲刷其汗俗，弔彼頑人，雖擊地求生者實繁有徒，而嬰城執迷者未窮其類，何獸困而猶鬪，豈鳥窮之無歸歟。由是遙聽鼓聲，更張琴瑟，煩我台席，董茲戎旆，朝議大夫守中書侍郎同平章事飛騎尉賜紫金魚袋裴度為時降生，協朕夢卜，精辨宣力，堅明納忠，當軸而才謀老成，運籌而智略有定，司其樞務，備知四方之事，付以兵要，必得萬人之心，是用禱于上，玄揀此吉日，帶丞相之印綬，所以尊其名，賜諸侯之斧鉞，所以重其命。爾宜宣布清問，恢壯皇猷，感勵連營，蕩平多壘，招懷孤疾，字撫夷傷，沉淮西一軍，素効忠節，適海赴難，史冊書勳，建中初，攻破襄陽，擒滅崇義，比者脅於凶逆，歸命無由，每念前勞，常思安撫，所以內轅輔臣，俾為師率，實欲保全慰諭，各使得宜，汝往欽哉，無越我不訓。門下侍郎同中書門下平章事蔡州刺史元彰義軍節度使申光蔡觀察等使，仍充淮西宣慰招討處置使，詔出度以韓弘為淮西行營都統，不欲更為招討，請祗稱宣慰處置使，又以此行既兼招撫，請改其類為軍，其志又以弘己為都統，請改更張，張瑟為近轅，樞衝，請改煩我台席為授以成算，皆從之。仍奏刑部侍郎馬總為宣慰副使，太子右庶子韓愈為彰義行軍司馬，司勳員外郎李正封，都官員外郎馮宿，禮部員外郎李宗閔等為兩使判官，書記皆從之。初，德宗朝政多僻，朝官或相過從，多令金吾伺察，密奏，宰相不敢於私第見賓客，及度輔政，以羣賊未誅，宜延接奇士，共為籌畫，乃請於私居接延賓客，憲宗許之。自是天下賢俊，得以効計議於丞相，接士於私第，由度之請也。自討淮西，王師屢敗，論者以殺傷滋甚，轉輸不絕，擬議密疏，紛紜交進，度以腹心之疾，不時去之，終為大患，不然，兩河之盜，亦將視此為高下，遂堅請討伐。上深委信，故聽之不疑。度既受命，召對於延英，奏曰：主憂臣辱，義在必死，賊滅則朝天，有日，賊在則歸闕無期，上為之惻然流涕。十二年八

月三日，度赴淮西，詔以神策軍三百騎衛從。上御通化門，慰勉之。度樓下銜涕而辭，賜之犀帶，度名雖宣慰，其實行元帥事，仍以鄆城為治所。上以李逢吉與度不協，乃罷知政事，出為劍南東川節度使。既離京，淮西行營大將李光顏、烏重胤謂監軍梁守謙曰：若侯度至而有功，即非我利，可疾戰先事立功。是月六日，將出兵，與賊戰於賈店，為賊所敗。度二十七日，至鄆城，巡撫諸軍，宣達上旨，士皆奮勇，時諸道兵皆有中使監陣，進退不由主將，戰勝則先使獻捷，偶奴則凌挫百端，度至行營，並奏去之，兵柄專制之於將，眾皆喜悅。軍法嚴肅，詔令盡一，以是出戰皆捷。度遣使入蔡州，元濟與度書曰：比密有降款，而索日進隔河大呼，遂令三軍防元濟，故歸首無路。十月十一日，唐鄆節度使李勣襲破懸瓠城，擒吳元濟，度先遣宣慰副使馬總入城安撫，明日，度建彰義軍節領回曲降卒萬人，繼進，李勣具乘轎以軍禮迎度，拜之路左，度既視事，蔡人大悅，舊令途無偶語，夜不燃燭，人或以酒食相過從者，以軍法論，度乃約法，唯盜賊鬪殺外，餘盡除之。其往來者，不復以晝夜為限，於是蔡之遺黎，始知有生人之樂。初，度以蔡卒為牙兵，或以為反側之子，其心未安，不可自去其備。度笑而答曰：吾受命為彰義軍節度使，元惡就擒，蔡人即吾人也，蔡之父老無不感泣，申光之民，即時平定。十一月二十八日，度自蔡州入朝，留副使馬總為彰義軍留後。初，度入蔡州，或謂度沒入元濟婦女珍寶，聞上頗疑之，上欲盡誅元濟舊將，封二劍以授梁守謙，使往蔡州，度迺至鄆城，遇之，乃復與守謙入蔡州，量罪加刑，不盡如詔。守謙固以詔止，度先以疏陳，乃徑赴闕下。二月，詔加度金紫光祿大夫，弘文館大學士，賜勳上柱國，封晉國公，食邑三千戶。復知政事，憲宗以淮西賊平，因功臣李光顏等來朝，欲開內宴，詔六軍使修麟德殿之東廊，軍使張奉國以公費不足，出私財以助用，訴於執政，度從容啟曰：陛下營造，有將作監等司局，豈可使功臣破產營繕。上怒奉國泄漏，乃令致仕。其浚龍首渠，起凝輝殿，雕飾綺煥，徙佛寺花木以植千庭，有程昇、皇甫鏞者，森織用事，二人領度支鹽鐵，數貢羨餘錢，助帝營造，帝又以昇、鏞平蔡時供饋不乏，二人並命拜同平章事。度廷英面論曰：程昇、皇甫鏞，錢穀吏耳，非代天理物之器也。陛下徇耳目之欲，拔置

相位天下人騰口掉舌以爲不可於陛下無益願徐思其宜帝不省納度三上疏論之請罷己相位上都不省事見鍾傳又賈人張陟貨五坊使楊朝汶息利錢潛匿朝汶於陟家得私簿記有貨錢人盧載初云是故西川節度使盧坦大夫書迹朝汶即捕坦家人拘之坦男不敢申理即以私錢償之及徵驗書迹乃故鄭滑節度盧羣手書也坦男理其事朝汶曰錢已進過不可復得御史中丞蕭儉及諫官上疏陳其暴橫之狀度與崔羣因廷英對極言之憲宗曰且欲與卿商量東軍此小事我自處置度奏曰用兵小事也五坊追捕平人大事也兵事不理祇憂山東五坊使暴橫恐亂輦輦上不悅帝久方省悟召楊朝汶數之曰向者爲爾使我羞見宰相遽命誅之初准蔡旣平鎮冀王承宗甚懼度遣辯士遊說客於趙魏間使說承宗令割地入質以效順故承宗求援於田弘正由度使客諷勳之故兵不血刃而承宗鼠伏十三年李師道翻覆違命詔宣武義成武軍橫海四節度之師與田弘正會軍討之弘正奏請取黎陽渡河會李光顏等軍齊進帝召宰臣於廷英議可否皆曰閩外之事大將制之既有奏陳宜遂其請度獨以爲不可奏曰魏博一軍不同諸道過河之後却退不得便須進擊方見成功若取黎陽渡河既離本界便至滑州徒有供餉之勞又生顧望之勢况弘正光顏並少威斷更相疑惑必恐遷延然兵事不從中制一定處分或慮不可若欲於河南持重則不如河北養威不然則且秣馬厲兵候霜降水落於楊劉度河直抵鄆州但得至陽穀已來下營則兵勢自威賊形自撓上曰卿言是矣乃詔弘正取楊劉渡河及弘正軍既濟河而南距鄆州四十里築壘賊勢果蹙頃之誅師度執性不回忠於事上時政或有所關靡不極言之故爲姦臣皇甫鏞所構憲宗不悅十四年檢校左僕射同中書門下平章事太原尹北都留守河東節度使穆宗即位長慶元年秋張弘靖爲幽州軍所囚田弘正於鎮州遇害朱克融王廷湊復亂河朔詔度以本官充鎮州四面行營招討使時驕主荒僻輔相庸才制置非宜致其復亂雖李光顏烏重胤等稱爲名將以十數萬兵擊賊無尺寸之功蓋以勢旣橫流無能復振然度受命之日蒐兵補卒不遑寢息自董西師臨於賊境屠城斬將屢以捷聞穆宗深嘉其忠教中

使撫諭無虛月進位檢校司空兼充押北山諸蕃使時翰林學士元稹交結內官求爲宰相與知樞密魏弘簡爲刎頸之交稹雖與度無憾然頗忌前達加於己上度方用兵山東每處置軍事有所論奏多爲稹輩所持天下皆言稹特寵煇惑上聽度在軍上疏論之曰臣聞主聖臣直今既遇聖主輒爲直臣上答殊私下塞羣謗善除國蠹無以家爲苟獻替之可行何性命之足惜伏惟皇帝陛下恭承丕業光啓雄圖方矜頑人之風以立太平之事而逆豎構亂震驚山東姦臣作朋撓敗國政陛下欲掃蕩幽鎮宜肅清朝廷何者爲患有大小議事有先後河朔逆賊祇亂山東禁關姦臣必亂天下是則河朔患小禁關患大小者臣等與諸戎臣必能翦滅大者非陛下制斷非陛下覺悟無計驅除今文武百寮中外萬品有心者無不憤忿有口者無不咨嗟直以威權方重擬用方深無所畏避不敢抵觸恐事未行而禍已及不爲國計且爲身謀臣比者猶思隱忍不願發明一則以罪惡如山怨謗如電伏料聖明必自誅殛一則以四方無事萬樞且過雖紀綱潛壞賄賂公行俟其賈盈必自顛覆今屬兇徒擾攘震衷憂軫凡有制命計於安危痛此姦邪恣行欺罔干亂聖略非止一途又輪苑舊臣結爲朋黨陛下聽其所說更訪於近臣私相計會更唱迭和蔽惑聰明所以臣自兵興已來所陳章疏事皆要切所奉書詔多有差差惜陛下委付之意不輕被姦臣抑損之事不少臣素知佞倖亦無讎嫌祇是昨者臣請乘傳詣闕面陳戎事姦臣之徒最所畏懼知臣若到御坐之前必能悉數其過以此百計止臣此行臣又請領兵齊進逐便攻討姦臣之黨曲加阻礙恐臣統率諸道或有成功進退皆受羈牽意見悉遭蔽塞復共一二檢校同辭合力或兩道招撫逗留旬時或遣蔚州行營拖曳日月但欲令臣失所使臣無成則天下理亂山東勝負悉不顧矣爲臣事君一至於此且陛下左右前後忠良至多亦有熟會典章亦有飽諳師旅足得任使何獨斯人以臣愚見若朝中姦臣盡去則河朔逆賊不討而自平若朝中姦臣尙在則逆賊縱平無益臣讀國史知代宗朝蕃戎侵軼直犯都城代宗不知蓋被程元振蒙蔽幾危社稷當時柳伉乃太常一博士耳猶能抗表歸罪爲國除害今臣所處兼總將相豈肯坐觀凶邪有曠日月不

勝感憤嫉惡之至謹附中使趙奉國以聞儻陛下未信忠言猶惑姦黨伏乞出臣此表令三事大夫與百寮集議彼不受責臣合伏辜天鑿孔明照臣肝血但得天下之人知臣不負陛下則雖死之日猶生之年繼上三章辭情激切穆宗雖不悅然懼大臣正議乃以魏弘簡為弓箭庫使罷元稹內職然寵褻之意未衰俄拜獲平章事尋罷度兵權守司徒同平章事充東都留守諫官相率伏閣詰延英門者日二三帝知其諫不即被召皆上疏言時未偃兵度有將相全才不宜置之散地帝以章疏旁午無如之何知人情在度遂詔度自太原由京師赴洛及元稹為相請上罷兵洗雪廷湊克融解深州之圍蓋欲罷度兵柄故也二年三月度至京師既見先敘克融廷湊暴亂河朔受命討賊無功次陳除職東都許令人覲辭和氣勁感動左右度伏奏龍墀涕泗嗚咽帝為之動容口自諭之曰所謝知朕於延英待卿初人以度無左右之助為姦邪排擯雖度動德恐不能感動人主及度奏河北事慷慨激切揚於殿廷在位者無不聳動雖武夫貴介亦有咨嗟出涕者翌日以度守司徒揚州大都督府長史充淮南節度使進階光祿大夫時朱克融王廷湊雖受朝廷節鉞未解深州之圍度初發太原與二鎮書諭以大義克融解圍而去廷湊亦退舍有中使自深州來言之穆宗甚喜即日又遣中使往深州取牛元翼更命度致書與廷湊度沿路奉詔中使得度書云朝謝後即歸留務恐廷湊知度無兵權即背前約請度易之中使乃進度書草具奏其事及度至京師進退明辯帝方憂深州之圍遂授度淮南節度使先是監軍使劉承偕恃寵凌節度使劉悟三軍憤發大譟擒承偕欲殺之已殺其二僕悟救之獲免而囚承偕詔遣歸京悟託以軍情不時奉詔至是宰臣延英奏事度亦在列上顧謂度曰劉悟拘承偕而不遣如何處置度辭以藩臣不合議軍國事上固問之且曰劉悟負我以僕射寵之近又賜絹五百萬正不思報功翻縱軍衆凌辱監軍我實難奈此事度對曰承偕在昭義不法臣盡知之昨劉悟在行營與臣書數論其事是時有中使趙弘亮在臣軍仍持悟書將去欲自奏不知奏否上曰我都不知悟何不密奏其事我豈不能處置度曰劉悟武臣不知大臣體例雖然臣竊以悟縱有密奏陛下必不能處置今

日事狀如此臣等面論陛下猶未能決悟單辭豈能動聖聽哉上曰前事勿論直言此時如何處置度曰陛下必欲收忠義之心使天下戎臣為陛下死節唯有一半紙詔書言任使不明致承偕亂法如此令悟集三軍斬之如此則萬方畢命羣盜破膽天下無事矣苟不能如此雖與劉悟改官賜絹臣亦恐於事無益上俛首良久曰朕不惜承偕緣是太后養子今被囚繫太后未知如卿處置未得可更議其宜度與王播等復奏曰但配流遠惡處承偕必得出上以為然承偕果得歸度方受冊司徒徐州奏節度副使王智興自河北行營率師還逐節度使崔彙自稱留後朝廷駭懼即日宣制以度守司徒同平章事復知政事乃以宰相王播代度鎮淮南度與李逢吉素不協度自太原入朝而惡度者以逢吉善於陰計足能構度乃自襄陽召逢吉入朝為兵部尚書度既復知政事而魏弘簡劉承偕之黨在禁中逢吉用族子仲言之謀因暨人鄭注與中尉王守澄交結內官皆為之助五月左神策軍奏告事人李實稱和王府司馬于方受元稹所使結客欲刺裴度詔左僕射韓皋給事中鄭覃與李逢吉三人鞠于方之獄未竟罷元稹為同州刺史罷度為左僕射李逢吉代度為宰相自是逢吉之黨李仲言張又新李續等內結中官外扇朝士立朋黨以沮度時號八關十六子皆交結相關之人數也而度之醜譽日聞俄出度為山南西道節度使不帶平章事長慶四年襄陽節度使牛元翼卒其家先在鎮州朝廷累遣中使取之王廷湊遷延不遣至是聞元翼卒乃盡屠其家昭愍皇帝聞之嗟惋累日因數幸輔非才致姦臣悖逆如此翰林學士韋處厚上言曰臣聞汲黯在朝淮南不敢謀叛干木處魏諸侯不敢加兵王霸之理皆以一士而止百萬之師以一賢而制千里之難臣伏以裴度勳高中夏聲播外夷廷湊克融皆憚其用吐蕃迴鶻悉服其名今若置之嚴廊委其參決西夷北虜未測中華河北山東必稟廟算沉曲鎮未靜尤資重臣管仲曰人離而聽之則愚合而聽之則聖理亂之本非有他術順人則理違人則亂伏承陛下當食歎息恨無蕭曹今有一裴度尚不留驅使此馮生所以感悟漢文云雖有廉頗李牧不能用也夫御宰相當委之信之親之禮之如於事不效於國無勞則置之散寮黜之遠郡如此則

在位者不敢不勵，將進者不敢苟求，陛下存終始之分，但不采棄，則君臣之厚也。今進皆負四海責望，退不失六部尚書，不肖者無因而勳，臣與李逢吉素無讎嫌，臣嘗被裴度因事貶黜，今之所陳，上答聖明，下達羣議，披肝感激，伏地涕洟，伏望鑒臣愛君，矜臣體國，則天下幸甚。昭愍愕然省悟，見度奏狀，不帶平章事，謂度厚曰：度曾為宰相，何無平章事？度厚因奏為逢吉所擠，度自僕射出鎮，與元遂於舊使衙中，減落帝曰：何至是也？翌日，下制復兼同平章事，然逢吉之黨，巧為毀沮，恐度復用，有陳留人武昭者，性果敢而辯舌，度之討淮西也，昭求進於軍門，乃令人蔡州說吳元濟、元濟臨之以兵，昭氣色自若，魯待而還，度以為可用，署之軍職，隨度鎮太原，奏授石州刺史，罷郡，除袁王府長史，昭既在散位，心微怏鬱，而有怨逢吉之言，而姦邪之黨使衛尉尉劉遵吉從人安再榮告事，言武昭欲謀害李逢吉，獄具而武昭死，蓋欲訐度舊事以污之也，然士君子公論皆佐度而罪逢吉，天子漸明其端，每中使過與元，必傳密旨撫諭，且有徵還之約，寶曆元年十一月，度疏請入覲京師，明年正月，度至帝禮遇隆厚，數日，宣制復知政事，而逢吉黨有左拾遺張權輿者，尤出死力，度自與元請入朝也，權輿上疏曰：度名應圖讖，宅據岡原，不召自來，其心可見，先是姦黨忌度，作謠辭云：非衣小兒坦其腹，天上有口被驅逐，天口言度嘗平吳元濟也，又帝城東西橫亘六崗，合易象乾卦之數，度平樂里第，偶當第五崗，故權輿取為語，語昭愍雖少年，深明其誣謗，度之意不衰，姦邪無能措言，時昭愍欲行幸洛陽，宰相李逢吉及兩省諫官累疏論列，帝正色曰：朕去意已定，其從官宮人，悉令自備糗糧，不勞百姓供饋，逢吉頓首言曰：東都千里而近，官關具存，以時巡遊，固亦常典，但以法駕一動，事須備儀，千乘萬騎，不可減省，縱不費用絕廣，亦須豐儉得宜，豈可自備糗糧，頓失大體，今千戈未甚戢，邊鄙未甚寧，恐人心動搖，伏乞稍迴宸慮，帝不聽，令度支員外郎盧貞往東都已來，檢計行宮及洛陽大內，朝廷方懷憂恐，會度自與元來，因延英奏事，帝語及巡幸，度曰：國家營創兩都，蓋備巡幸，然自艱難已來，此事遂絕，東都宮闕及大軍營壘，百司廨署，悉多荒廢，陛下必欲行幸，亦須稍稍修葺，一年半歲後，方可議行，帝曰：羣臣意不及此。

但云不合去，若如卿奏，不行亦得止，後期旋又朱克融史憲誠各請以丁匠五千助修東都，帝遂停東幸，幽州朱克融執留賜春衣使楊文端，奏稱衣段疎薄，又奏今歲三軍春衣不足，擬於度支請給一季春衣約三十萬端匹，又請助丁匠五千修東都，上憂其不遜，問宰臣曰：克融所奏，如何處分，我欲遣一重臣往宣慰，便索春衣使，可乎？度對曰：克融家本兇族，無故又行凌悖，必將滅亡，陛下不足為慮，譬如一豺虎於山林間，自吼自躍，但不以為事，則自無能為，此賊祇敢於巢穴中無禮，動即不得，今亦不須遣使宣慰，亦不要索所留勅使，但更緩旬日已來，與一詔云：聞中官到彼稍失去，就待到，我當有處分，所賜春衣，有司製造不謹，我甚要知之，已令科處，所請丁匠五千人及兵馬赴東都，固是虛語，臣料賊中必出不得，今欲直挫其姦意，即報云：卿所請丁匠修宮闕，可速遣來，已勅魏博等道令所在排比供擬，料得此詔，必章惶失計，若未能如此，猶示含容，則報云：東都宮闕所要修葺，事在有司，不假卿遣丁匠遠來，又所言三軍春衣，自是本道常事，比來朝廷或有事賜與，皆緣徵發，須是優恩，若尋常則無此例，我固不惜三二十萬端匹，祇是事體不可獨與范陽，卿宜知悉，祇如此處分，即得，陛下更不要介意，上從之，遂進詔草，至皆如度所料，不旬日，幽州殺克融，并其二子，時帝童年驕縱，倦接羣臣，度從容奏曰：比者陛下每月約六七度坐朝，天下人心無不知陛下躬親庶政，乃至河北賊臣遠聞，亦皆聳聽，自兩月已來，入閣開延英稍稀，或恐大段公事須稟審謀者，有所擁擯，伏冀陛下乘涼數坐，以廣延問，伏以頤養聖躬，在於順適時候，若飲食有節，寢興有常，四體唯和，萬壽可保，道書云：春夏早起，取雞鳴時，秋冬晏起，取日出時，蓋在陽則欲及陰涼，在陰則欲及溫暖，今陛下憂勤庶政，親覽萬機，每御延英召臣等奏對，方屬盛夏，宜在清晨，如至巳午之間，即當炎赫之際，雖日昃志食，不憚其勞，仰瞻辰旒，亦似煩熱，臣等已曾陳論，切望聽納，自後視事稍煩，未幾兼領度支，屬盜起禁闈，官車晏駕，度與中貴人密謀，誅劉克明等，迎江王，立為天子，以功加門下侍郎，集賢殿大學士，太清宮使，餘如故，以贊導之勳，進階特進，時滄景節度使李全略死，其子同捷竊弄兵柄，以求繼襲，度請行誅伐，踰年而同捷誅，因拜

疏上陳調兵食非宰相專請歸諸有司詔從之賜實封三百戶度年高多病上疏懇辭機務恩禮彌厚文宗遣御醫診視日令中使撫問四年六月詔曰昔漢以孔光降置几之詔晉以鄭冲申奉冊之命雖優隆者德顯重元臣而議政不及於咨詢用禮止在於安逸朕勤求至理所祈唯賢顧提舊勞敢不加敬絲是委宰制於大政釋參決於繁務時因聽斷誠望弼諧運秩上公式是殊寵特進守司徒兼門下侍郎同中書門下平章事充集賢殿大學士上柱國晉國公食邑三千戶食實封三百戶裴度稟河嶽之英靈受乾坤之積氣珪璋特達城府洞開外茂九功內苞一德器為社稷之鎮才實邦國之楨故能祇事累朝宣融景化在憲宗時掃滌區宇爾則有出車珍寇之勳在穆宗時混同文軌爾則有參戎入輔之績在敬宗時阜康兆庶爾則有活國庇人之勳迨弼朕躬總齊方夏爾則有弔伐底寧之力皆不遺廟筭布在簡編功利及人不可悉數而朝論益重我心實知方用臯陶之謨適值留侯之疾瀝懇牢讓備列奏章塞詔上言動形顏色果聞勿藥之喜更俟調鼎之功而體力未和音容尙阻不有優崇之命孰彰寵待之恩宜其協贊機衡弘敷教典論道而儀刑卿士宣德而鎮撫華夷奮養精神保綏福履為國元老毗予一人可司徒平章軍國重事待疾損日每三日五日一度入中書散官勳封實封如故仍備禮冊命度表辭曰伏以公台崇禮典冊威儀庸臣當之實謂忝越况累承寵命亦為便蕃前後三度已行此禮令臣猶參樞近竊懼無以弼諧重此勞煩有覲面目伏乞天恩且謀臣効官實臣實事冊命之儀特賜停罷則素餐高位空負恥於中心弁冕輕車免議請於衆口優詔從之九月加守司徒兼侍中襄州刺史充山南東道節度觀察臨漢監牧等使度素稱堅正事上不回故畧為姦邪所排幾至顛沛及晚節稍浮沉以避禍初度支鹽鐵使王播廣事進奉以希寵度亦撥捨羨餘以効播士君子少之復引韋厚叔南卓為補闕拾遺俾彌縫結納為自安之計而後進宰相李宗閔牛僧孺等不悅其所為故因度謝病罷相位復出為襄陽節度初元和十四年於襄陽置臨漢監牧廢百姓田四百頃其牧馬三千二百餘匹度以牧馬數少虛廢民田奏罷之除其使名八年三月以本官判東都尚書省事充

東都留守九年十月進位中書令十一月誅李訓王涯買煉舒元興等四宰相其親屬門人從坐者數十百人下獄訊劾欲加流寬度上疏理之全活者數十家自是中官用事衣冠道喪度以年及懸輿王綱版蕩不復以出處為意東都立第於集賢里築山穿池竹木叢萃有風亭水榭梯橋架閣島嶼迴環極都城之勝概又於午橋創別墅花木萬株中起涼臺暑館名曰綠野堂引甘水實其中驪引脈分映帶左右度視事之隙與詩人白居易劉禹錫酣宴終日高歌放言以詩酒琴書自樂當時名士皆從之遊每有人士自都還京文宗必先問之曰卿見裴度否上以其足疾不便朝謁而年未甚衰開成二年五月復以本官兼太原尹北都留守河東節度使詔出度累表固辭老疾不願更典兵權優詔不允文宗遣吏部郎中盧弘往東都宣旨曰卿雖多病年未甚老為朕臥鎮北門可也促令上路度不獲已之任三年冬病甚乞還東都養病四年正月詔許還京拜中書令以疾未任朝謝詔曰司徒中書令度雖有大勳畧居台鼎今以疾恙未任謝上其本官俸料宜自計日支給又遣國醫就第診視屬上已曲江賜宴羣臣賦詩度以疾不能赴文宗遣中使賜度詩曰注想待元老識君恨不早我家柱石衰憂來學丘禱仍賜御札曰朕詩集中欲得見卿唱和詩故令示此卿疾恙未痊固無心力但異日進來春時俗說難於將攝勉加調護速就和平千百賀懷不具一二藥物所須無憚奏請之煩也御札及門而度已薨四年三月四日也上聞之震悼久之重令繕寫置之靈座時年七十五冊贈太傅轅朝四日贈賻加等詔京兆尹鄭復監護喪事所須皆官給上怪度無遺表中使問之家人進其藁草其首以未定儲貳為憂言不及家事度始自書生以辭策中科選數年之間翔泳清切達時艱否而能奮命決策橫身討賊為中興宗臣當元和長慶間亂臣賊子蓄銳喪氣懼度之威稜度狀貌不踰中人而風彩俊爽占對雄辯觀聽者為之變然時有奉使絕域者四夷君長必問度之年齡幾何狀貌孰似天子用否其威名播於懷俗為華夷畏服也如此時咸望德業倅於郭子儀出入中外以身繫國之安危時之輕重者二十年凡命將相無賢不肖皆推度為首其為士君子愛重也如此雖江左王導謝安坐鎮雅俗而許讓

方略。度又過之。有子五人。識讓讓。識讓以蔭授官。累遷至通議大夫。檢校右散騎常侍。壽州刺史。本州團練使。上柱國。襲晉國公。食邑三千戶。實封一百五十戶。賜紫金魚袋。大和中。改潭州刺史。御史中丞。充河南都團練觀察使。八年。加檢校戶部尚書。鳳翔尹。鳳翔。隴右節度使。十一年。本官移許州刺史。忠武軍節度。陳許觀察等使。讓長慶元年。登進士第。讓初任京兆府參軍。太和中。度鎮襄陽。奏乞讓從行。諡大中五年。自大中大夫。檢校右散騎常侍。御史大夫。宣州刺史。宣歙觀察使。上柱國。河東男。食邑三百戶。賜紫金魚袋。入朝。權知刑部侍郎。兄弟並列方鎮。時人榮之。

史臣曰。德宗懲建中之難。姑息藩臣。貞元季年。威令衰削。章武皇帝志據宿憤。廷訪嘉猷。始得杜邈公。用高崇文。誅劉闢。中得武丞相。運籌訓戎。贊成睿斷。終得裴晉公。耀武伸威。竟殄兩河宿盜。雄哉章武之果斷也。晉公以書生素業。致位台衡。逢時遘屯。扼腕兇醜。誓以身殉。不亦壯乎。夫人臣事君。唯忠與義。大則以訐讓排禍難。小則以讜正匡過失。內不慮身計。外不恤人言。古之所難也。晉公能之。誠社稷之良臣。股肱之賢相。元和中。與之力。公胡讓焉。昔仲尼數周室陵遲。齊桓霸異。而有微管之論。當承宗師道之濟惡也。姦人遍四海。刺客滿京師。乃至關吏禁兵。附賊陰計。讓臣言未出口。刃已挺。芻苟非死義之臣。孰肯橫身冒難。以輔天子者。苟裴令不用。元代之世。則時運未可知也。臣所以明左衽之數。宣聖獎賢之深。

贊曰。晉公伐叛。以身犯難。用之則治。捨之則亂。公去巖廊。復失冀方。穎植之謀。信爲不滅。

舊唐書卷一百七十

後晉司空同中書門下平章事劉昫撰

列傳第一百二十一

李渤 張仲方 裴潏張奉附 李中敏

李甘 高元裕兄少逸 李漢 李景儉

李渤字潛之。後魏橫野將軍申國公發之後。祖玄珪。衛尉寺主簿。父鈞。殿中侍御史。以母喪不時舉。流于施州。渤恥其家污。堅苦不仕。勵志於文學。不從科舉。隱於嵩山。以讀書業文為事。元和初。戶部侍郎鹽鐵轉運使李巽。諫議大夫韋況。更薦之。以山人徵為左拾遺。渤託疾不赴。遂家東都。朝廷政有得失。附章疏陳論。又撰禦戎新錄二十卷。表獻之。九年。以著作郎徵之。詔曰。特降新恩。用清舊議。渤於是赴官。歲餘。遷右補闕。連上章疏忤旨。改丹王府諮議參軍。分司東都。十二年。遷贊善大夫。依前分司。十三年。遣人上疏論時政。凡五事。一禮樂。二食貨。三刑政。四議都。五辨讒。渤以散秩在東都。以上章疏為己任。前後四十五封。再遷為庫部員外郎。時皇甫鏞作相。刺下希旨。會澤潞節度使鄒士美卒。渤充吊祭使。路次陝西。渤上疏曰。臣出使經行。歷求利病。竊知渭南縣長源鄉本有四百戶。今纔一百餘戶。閿鄉縣本有三千戶。今纔有一千戶。其他州縣。大約相似。訪尋積弊。始自均攤逃戶。凡十家之內。大半逃亡。亦須五家攤稅。似投石井中。非到底不止。攤逃之弊。苛虐如斯。此皆聚斂之臣。刺下媚上。唯思竭澤。不慮無魚。乞降詔書。絕攤逃之弊。其逃亡戶。以其家產錢數為定徵。有所欠。乞降特恩免之。計不數年。人必歸於農矣。夫農者。國之本。本立然後可以議太平。若不由茲。而云太平者。謬矣。又言道途不修。驛馬多死。憲宗覽疏。驚異。即以飛龍馬數百匹。付畿內諸驛。渤既以草疏切直。大忤宰相。乃謝病東歸。穆宗即位。召為考功員外郎。十一月。定京官考。不避權幸。皆行昇黜。奏曰。宰臣蕭俛。段文昌。崔植。是陛下君臨之初。用為輔弼。安危理亂。決在此時。況陛下思天下和平。敬大臣禮切。固未有昵比左右。侈滿自賢之心。而宰相之權。宰相之事。陛下以付之。實君義臣。行千載一遇之時也。此時若失。他更無時。而俛等上不能推至

公。申炯誠。陳先王道德。以沃君心。又不能正色匪躬。振舉舊法。復百司之本。俾教化大立。臣聞政之興廢。在於賞罰。俛等作相已來。未聞獎一人德義。禁守官奉公者。使天下在官之徒。有所激勸。又不聞黜一人職事。不理。持祿養驕者。使尸祿之徒。有所懼如此。則刑法不立矣。邪正莫辨。混然無章。教化不行。賞罰不設。天下之事。復何望哉。一昨陛下遊幸驪山。宰相翰林學士。是陛下股肱心腹。宜皆知之。蕭俛等不能先事未形。忘軀懇諫。而使陛下有忽諫之名。流於史冊。是陷君於過也。孔子曰。所謂大臣者。以道事君。不可則止。若俛等言行計從。不當如是。若言不行。計不從。須奉身速退。不宜尸素於化源。進退辰也。何所避辭。其蕭俛段文昌崔植三人。并翰林學士。杜元穎等。並請考中下。御史大夫李絳。左散騎常侍張惟素。右散騎常侍李益等。諫幸驪山。鄭覃等。諫改遊。是皆恐陛下行幸不息。恣情無度。又恐馬有銜蹶不測之變。風寒生疾之憂。急奏無所詰。國璽委於婦人。中倖之手。絳等能率御史。諫官。論列於朝。有懇激事君之體。其李絳張惟素李益三人。伏請賜上下考外。特與選官。以彰陛下優忠賞諫之美。其崔元略冠供奉之首。合考上下。緣與于輩上下考。于輩以犯贓處死。準令須降請。賜考中中。大理卿許季同。任使于輩。韋道沖。韋正。皆以犯贓。或左降。或處死。合考中下。然頃者。陷劉闢之亂。棄家歸朝。忠節明著。今宜以功補過。請賜考中中。少府監裴通。職事修舉。合考中上。以其請追封所生母。而捨嫡母。是明罔於君。幽欺其先。請考中下。伏以昔在幸夫入寢。擅飲師曠。李調。今愚臣守官。請書宰相學士中下考。上愛聖運。下振頹綱。故臣懼不言之為罪。不懼言之為罪也。其二品官考。伏緣限在今月內進。輒先具如前。其四品以下官。續具條疏聞奏。狀入留中。不下。議者以宰相曠官。自宜上疏論列。而渤越職釣名。非盡事君之道。未幾。渤以墜馬傷足。請告。會魏博節度使田弘正表。渤為副使。杜元穎奏曰。渤賣直沽名。動多狂躁。聖恩矜貸。且使居官。而干進多端。外交方鎮。遠求奏請。不能自安。久留在朝。轉恐生事。乃出為虔州刺史。渤至州。奏還鄰境信州。所移兩稅錢二百萬。免稅米二萬斛。減所由一千六百人。觀察使以其事上聞。未滿歲。遷江州刺史。張平叔判度支。奏徵久遠。逋懸。渤在州上疏曰。伏奉詔勅。

云度支使所奏，令臣設計徵填當州貞元二年逃戶所欠錢四千四百一十貫。臣當州管田二千一百九十七頃，今已旱死一千九百頃有餘，若更勒徇度支使所為，必懼史官書陛下於大旱中徵三十六年前逋懸，臣任刺史罪無所逃，臣既上不副聖情，下不忍鞭笞黎庶，不敢輕符印，特乞放臣歸田，乃下詔曰：江州所奏實為懇誠，若不蠲容，必難存濟，所訴逋欠並放，長慶二年入為職方郎中。三年遷諫議大夫，敬宗冲年即位，坐朝常晚，一日入閣，久不坐，羣臣候立紫宸門外，有耆年衰病者，幾將頓仆，渤出次白宰相曰：昨日拜疏陳論，今坐益晚，是諫官不能迴人主之意，渤之罪也，請先出閣待罪於金吾仗，語次喚仗，乃止。渤又以左右常侍職參規諷，而循默無言論之曰：若設官不責其事，不如罷之以省經費，苟未能罷，則請責職業，渤无理，既奏曰：事之大者聞奏，次申中書門下次移諸司，諸司處理不當，再來投匭，即具事奏聞，如妄訴無理，本罪外加一等，準勅告密人付金吾，留身待進止，今欲留身後牒臺府，冀止絕兇人從之，長慶寶曆中，政出多門，事歸邪佞，渤不顧患難，章疏論列，曾無虛日，帝雖昏縱，亦為之感悟，轉給事中，面賜金紫，寶曆元年，改元大赦，先是鄂縣令崔發聞門外喧嘩，縣吏言五坊使下毆擊百姓，發怒，命吏捕之，曳押既至，時已曠黑，不問色目，良久與語，乃知是一內官，天子聞之，怒，收發繫御史臺，御樓之日，放繫以庶蔽之，方免，是日繫囚皆釋，發獨不免，渤疏論之曰：縣令不合曳中人，中人不合毆囚，其罪一也，然縣令所犯在恩前，中人所犯在恩後，中人橫暴一至於此，是朝廷馴致使然，若不早正刑書，臣恐四夷之人及藩鎮奏事傳道此語，則慢易之心萌矣，渤又宣言于朝云：郊禮前一日，兩神策軍於青城內奪京兆府進食牙盤，不時處置，致有毆擊崔發之事，上聞之，按問左右，皆言無奪食事，以渤黨發，出為桂州刺史，兼御史中丞，充桂管都防禦觀察使，渤雖被斥，正論不已，而諫官繼論其屈後，宰相李逢吉實易直李程因延英上語及崔發達吉等奏曰：崔發凌轢中人，誠大不敬，然發母是故相，相賈之姊，年僅八十，自發下獄，積憂成疾，伏以陛下孝治天下，稍垂恩宥，帝怒然良久曰：比諫官論奏，但言

發屈未嘗言不敬之罪，亦不言有老母，如卿等言，寧無愍惻，即遣中使送發至其家，兼撫問發母，韋夫人號哭對中使杖發四十，拜章謝恩，帝又遣中使慰安之，渤在桂管二年，風恙求代，罷歸洛陽，太和五年，以太子賓客徵至京師，月餘卒，時年五十九，贈禮部尚書，渤孤貞，力行操尚，不苟合，而蘭茸之流，非其沽激，至於以言擯退，終不息言以救時病，服名節者重之，子祝，會昌中登進士第，辟諸侯府。張仲方，韶州始興人，祖九皋，廣州刺史，殿中監，嶺南節度使，父抗，贈右僕射，仲方伯祖始興文獻公九齡，開元朝名相，仲方貞元中進士擢第，宏辭登科，釋褐，集賢校理，丁母憂免，服闋，補秘書省正字，調授咸陽尉，出為邠州從事，入朝，歷侍御史，倉部員外郎，會呂溫羊士諤誣告宰相李吉甫陰事，二人俱貶，仲方坐呂溫貢舉門生，出為金州刺史，吉甫卒，入為度支郎中，時太常定吉甫諡為恭懿，博士尉遲汾請為敬憲，仲方駁議曰：古者易名請諡，禮之典也，處大位者，取其巨節，莫諸細行，垂範當代，昭示後人，然後書之，垂于不朽，善善惡惡，不可以輕故稱一字，則至明矣，定褒貶是非之宜，派同異紛綸之論，贈司徒吉甫，秉氣生材，乘時佐治，博涉多藝，含章炳文，燮贊陰陽，經緯邦國，惜乎通敏，率性便媚，取容，故載踐樞衡，疊致台衮，大權在己，沈謀罕成，好惡徇情，輕諾寡信，詔淚在臉，遇便則流，巧言如簧，應機必發，夫人臣之異戴元后者，端恪致治，孜孜夙夜，緝熙庶績，平章百揆，兵者凶器，不可從我始，及乎伐罪，則料敵以成功，至使內有善輔臣之盜，外有懷毒叢之孽，師徒暴野，戎馬生郊，皇上旰食宵衣，公卿大夫且慙且恥，農人不得在畝，緝婦不得在桑，耗敝賦之常賞，散帑廩之中積，徵邊徼之備，竭運輓之勞，僵尸血流，齒齧成岳，酷毒之痛，號訴無辜，勳絕羣生，迨今四載，禍胎之兆，寔始其謀，遺君父之愛，而豈謂之先覺者乎，夫論大功者，不可以妄取，不可以枉致，為實畫者，體理不顯不競，而豈妨令矣，當削平西蜀，乃言語侍從之臣，擒翦東吳，則許讓廊廟之輔，較其功則有異，言其力則不倫，何捨其所重，而錄其所輕，收其所小，而略其所大，且奢靡是嗜，而曰愛人以儉，受授無守，而曰慎才以補，斥諫諍之士于外，豈不近之蔽聰乎，兼忠烈之廟于內，

豈不近之嗜愛也。焉有蔽聰嗜愛家範無制，而能垂法作程，憲章百度乎。謹按
證法，敬以直內而不肅，何以刑于外。憲者，法也。戴記曰：憲章文武。又曰：發慮
憲，義以為敬，恪終始，載考歷位，未嘗効一法官。議一小獄，及居重位，以安和平
易寬柔自處，考其名，與其行不類，研其事，與其道不侔，一定之辭，惟精惟審，異
日詳制，貽諸史官，請俟察寇將平，天下無事，然後都堂聚議，證亦未遲。憲宗方
用兵，惡仲方深，言其事，怒甚，貶為遂州司馬。量移復州司馬，遷河東少尹，未幾
拜鄭州刺史，祭陽大海佛寺，有高祖為隋鄭州刺史，日為太宗疾祈福。於此寺
造石像一軀，凡刊勒十六字，以誌之。歲久剝缺，樂陽令李光慶重加脩飾。仲方
再刊石記之，以聞。及敬宗即位，李程作相，與仲方同年登進士第，召仲方為右
諫議大夫。敬宗童年戲慢，詔淮南王播造上已競渡船三十隻，播將船材於京
師造作，計用半年轉運之費，方得成。仲方詰延英面論，言甚懇激，帝只令造十
隻，以進。帝又欲幸華清宮，仲方諫曰：萬乘所幸，出須備儀，無宜輕行，以失威重。
帝雖不從，慰勞之。太和初，出為福州刺史，兼御史中丞，福建觀察使。三年，入為
太子賓客。五年四月，轉右散騎常侍。七年，李德裕輔政，出為太子賓客分司。八
年，德裕罷相，李宗閔復召仲方為常侍。九年十一月，李訓之亂，四宰相中丞京
兆尹皆死。翌日，兩省官入朝，宣政衙門未開，百官錯立於朝堂，無人吏引接。遂
巡閣門，使馬元贛斜開宣政衙門，傳宣曰：有勅，召左散騎常侍張仲方。仲方出
班，元贛宣曰：仲方可京兆尹，然後衙門大開。喚仗，月餘，鄭軍作相，用薛元賞為
京兆尹。出仲方為華州刺史，開成元年五月，入為祕書監。外議以鄭軍黨李德
裕排擠仲方，覃恐涉朋黨，因紫宸奏事，覃啟曰：丞郎闕人，臣欲用張仲方。文宗
曰：中臺侍郎朝廷華選，仲方作牧，守無政，安可以丞郎處之。累加銀青光祿大
夫，上柱國，曲江縣開國伯，食邑七千戶。二年四月卒。仲方貞確自立，諱有祖風。
自較諡之後，為德裕之黨，擯斥坎壈而死。人士悲之，有文集三十卷。兄仲端，位
終都昌令。弟仲孚，登進士第，為監察御史。

五者，特恩暴戾，遇四方使多促，有至掉辱者。宰相李吉甫奏罷之。十二年，淮西
用兵，復以內官為使。濬上疏曰：館驛之務，每驛皆有專知官。畿內有京兆尹，外
道有觀察使，刺史送相監臨臺中，又有御史充館驛使，專察過關，伏知近有敗
事，上聞聖聰，但明示科條，督責官吏，據其所犯重加貶黜，敢不惕懼。日夜厲精，
若令宮闈之臣，出參館驛之務，則內臣外事，職分各殊，切在塞侵官之源，絕出
位之漸，事有不便，必誠以初，令或有妨，不必在大。當掃靜妖氛之日，開太平至
理之風，澄本正名，實在今日。言雖不用，帝意嘉之。遷起居舍人。憲宗季年，銳於
服餌，詔天下搜訪奇士，宰相皇甫鏘與金吾將軍李道古挾邪固寵，薦山人柳
泌及僧大通、鳳翔人田佐元，皆待詔翰林。憲宗服泌藥，日增躁渴，流聞于外。濬
上疏諫曰：臣聞除天下之害者，受天下之利，共天下之樂者，饗天下之福。故上
自黃帝顛頊，堯舜禹湯，下及周文王武王，咸以功濟生靈，德配天地，故天皆報
之以上壽，垂祚於無疆。伏見陛下以大孝安宗廟，以至仁牧黎元，自踐祚已來，
刻積代之妖咒，開削平之洪業，而禮敬宰輔，待以終始，內能大斷外，寬小故，夫
此神功聖化，皆自古聖王明君所不及。陛下躬親行之，實光映千古矣。是則天
地神祇，必報陛下以山岳之壽，宗廟聖靈，必福陛下以億萬之齡。四海蒼生，咸
祈陛下以覆載之永，自然萬靈保祐，聖壽無疆。伏見自去年已來，諸處頻薦藥
術之士，有韋山甫、柳泌等，或更相稱引，迄今狂謬，薦送漸多。臣伏以真仙有道
之士，皆匿其姓名，無求於代，潛遁山林，滅影雲壑，唯恐人見，唯懼人聞，豈肯干
謁公卿，自鬻其術。今者所有誇術藥術者，必非知道之士，咸為求利而來，自言
飛鍊為神，以誘權貴賄賂，大言怪論，驚聽惑時，及其假偽敗露，曾不恥於逃遁。
如此情狀，豈可保信其術。親餌其藥，哉禮曰：夫人食味別聲，被色而生者，也。春
秋左氏傳曰：味以行氣，氣以實志。又曰：水火醢醢鹽梅，以烹魚肉，宰夫和之，齊
之以味，君子食之以平其心。夫三牲五穀，稟自五行，發為五味，蓋天地生之所
以奉人，也是以聖人節而食之，以致康強逢吉之福。若夫藥石者，前聖以之療
疾，蓋非常食之物。況金石皆含酷烈熱毒之性，加以燒治動經歲月，既兼烈火
之氣，必恐難為防制。若乃遠徵前史，則秦漢之君，皆信方士，如盧生徐福樂大

李少君其後皆姦偽事殺其藥竟無所成事者史記漢書皆可驗視曰君之藥臣先嘗之親之藥于先嘗之臣子一也臣願所有金石鍊藥人及所薦之人皆先服一年以考其真偽則自然明驗矣伏惟元和聖文神武法天應道皇帝陛下合日月照臨之明稟乾元利貞之德崇正若指南受諫如轉規是必發精金之刃斷可疑之網所有藥術虛誕之徒伏乞特賜罷遣禁其幻惑使浮雲盡徹朗日增輝道化伸養農悠久配天地實在此矣伏以貞觀已來左右起居有褚遂良杜正倫呂向章述等咸能竭其忠誠悉心規諫小臣謬蒙待從職奉起居侍從之中最近左右傳曰近臣盡規則近侍之臣上達忠教實其本職也疏奏忤旨貶為江陵令穆宗即位柳泌等誅徵濬為兵部員外郎遷刑部郎中有前宰相曹元衡者杖殺百姓柏公成母法官以公成母死在事外元衡父任軍使使以父蔭徵銅柏公成私受元衡資貨母死不聞公府法寺以經恩免罪議曰典刑者公柄也在官者得施於部屬之內若非在官又非部屬雖有私罪必告於官官為之理以明不得擅行鞭撻於齊人也且元衡身非在官公成母非部屬而擅憑威力橫此殘虐豈合拘於常典柏公成取貨於譽利母之死悖逆天性犯則必誅奏下元衡杖六十配流公成以法論至死公議稱之轉考功吏部二郎中寶曆初拜給事中太和四年出為汝州刺史兼御史中丞賜紫坐違法杖殺人貶左庶子分司東都七年遷左散騎常侍充集賢殿學士集歷代文章續梁昭明太子文選成三十卷目曰大和通選并音義目錄一卷上之當時文士非素與游遊者其文章少在其選時論咸薄之八年轉刑部侍郎尋改華州刺史九年復拜刑部侍郎開成元年轉兵部侍郎二年加集賢院學士判院事尋出為河南尹入為兵部侍郎三年四月卒贈戶部尚書諡曰敬懿以道義自處事上盡心尤嫉朋黨故不為權幸所知憲宗完以藥誤不壽君子以溝為知言穆宗雖誅柳泌既而自惑左右近習稍稍復進方士時有處士張舉上疏曰神慮澹則血氣和嗜欲勝則疾疹作和則必臻於壽考作則必致於傷殘是以古之聖賢務自頤養不以外物撓耳目不徇聲色敗性情由是和平自臻福慶斯集故易曰無妄之疾勿藥有喜詩曰自天降康降福穰穰此皆理

合天人著在經訓然則藥以攻疾無疾固不可餌之也高宗朝處士孫思邈者精識高道深達攝生所著千金方三十卷行之於代其序論云凡人無故不宜服藥藥氣偏有所助令人臟氣不平思邈此言可謂洞於事理也或寒暑為寇節宜有乖事實醫方尚須重慎故禮云醫不三代不服其藥施於凡庶猶且如此況在天子豈得自輕先朝暮年頗好方士徵集非一嘗試亦多果致危疾聞於中外足為駭鑿皆陛下素所詳知必不可更踵前車自貽後悔今朝野之人紛紛構議直長忤旨莫敢獻言臣竊艾微生麋鹿同處既非邀寵亦又何求但泛覽古今粗知忠義有聞而默於理不安願陛下無怒芻蕘庶禱萬一穆宗數擬其言尋令訪舉不獲

李中敏隴西人父嬰中敏元和末登進士第性剛褊敢言與進士杜牧李甘相善文章趣向大率相類中敏累從府辟入為監察歷侍御史大和中為司門員外郎六年夏旱時王守澄方寵鄭注及誣構宋申錫後人側目畏之上以久旱詔求致雨之方中敏上言曰仍歲大旱非聖德不至直以宋申錫之冤濫鄭注之姦弊今致雨之方莫若斬鄭注而雪申錫士大夫皆危之疏留中不下明年中敏謝病歸洛陽及訓注誅竟雪申錫召中敏為司勳員外郎尋遷刑部郎中知臺雜其年拜諫議大夫充理區使上言曰據舊例投區進狀人先以副本呈區使或詭異難行者不令進入臣檢尋文按不見本勅所由但云貞元奉宣恐是一時之事臣以為本置區函每日從內將出日暮進入意在使寬濫無告有司不為申理者或論時政或陳利害宜開其必達之路所以廣聰明而慮曲枉也若令有司先見裁其可否即非重密其事俾壅塞自伸於九重之意臣伏請今後所有進狀及封事臣但為引進取捨可否斷自中旨庶使名實任茲以明置區之本從之尋拜給事中

李甘字和鼎長慶末進士擢第又制策登科大和中累官至侍御史鄭注入翰林侍講舒元興既作相注亦求入中書甘唱於朝曰宰相者代天理物先德望而後文藝注乃何人敢茲叨竊白麻若出吾必壞之會李訓亦惡注之所求相注之事竟獲訓不獲已貶甘封州司馬又有李敖者與中敏同時為侍御史鄭

注郭寧入朝款伏閣彈注云內通勅使外結朝官兩地往來卜射財貨文宗不之省及注用事款亦被逐開成中累官至諫議大夫出爲蘇州刺史遷洪州刺史江西觀察使杜牧自有傳

高元裕字景圭渤海人祖麤父集官卑元裕登進士第本名允中大和初爲侍御史奏改元裕累遷左司郎中李宗閔作相用爲諫議大夫尋改中書舍人九年宗閔得罪南遷元裕出城餞送爲李訓所怒出爲閬州刺史時鄭注入翰林元裕注制辭言注以醫藥奉君親注怒會送宗閔乃貶之訓注既誅復徵爲諫議大夫開成三年充翰林侍講學士文宗寵莊恪太子欲正人爲師友乃兼太子賓客四年改御史中丞風望峻整上言曰御史府紀綱之地官屬選用宜得實才其不稱者臣請出之監察御史杜宣猷柳壤崔郇侍御史魏中庸高弘簡並以不稱出爲府縣之職尋而藍田縣人賀蘭進與里內五十餘人相聚念佛神策鎮將皆捕之以爲謀逆當大辟元裕疑其冤上疏請出賀蘭進等付臺覆問然後行刑從之會昌中爲京兆尹大中初爲刑部尚書二年檢校吏部尚書襄州刺史加銀青光祿大夫渤海郡公山南東道節度使入爲吏部尚書卒元裕兄少逸元恭少逸長慶末爲侍御史坐弟元裕貶官左授贊善大夫累遷左司郎中元裕爲中丞少逸遷諫議大夫代元裕爲侍講學士兄弟迭處禁密時人榮之會昌中爲給事中多所封奏大中初檢校禮部尚書華州刺史潼關防禦鎮國軍使入爲左散騎常侍工部尚書卒元裕子璩登進士第大中朝由外制歷丞郎判度支咸通中守中書侍郎平章事

李漢字南紀宗室淮陽王道明之後道明生景融景融生務該務該生思思生岌岌已上無名位至岌爲蜀州晉原尉岌生荆荆爲陝州司馬荆生漢漢元和七年登進士第累辟使府長慶末爲左拾遺敬宗好治宮室波斯買人李蘇沙獻沈香亭子材漢上疏論之曰若以沈香爲亭子卽與瑤臺瓊室事同寶曆中王政日僻漢與同列薛延老因入閣廷奏曰近日除授不由中書擬議多是宣出施行臣恐自此紀綱大壞姦邪恣行願陛下各勅有司稍存典故坐言忤旨出爲興元從事文宗卽位召爲屯田員外郎史館修撰漢韓愈子塔少師愈爲

文長於古學剛訐亦類愈預修憲宗實錄尤爲李德裕所憎大和四年轉兵部員外郎李宗閔作相用爲知制誥尋遷駕部郎中八年代宇文鼎爲御史中丞時李程爲左僕射以儀注不定奏請定制先是太和三年兩省官同定左右僕射儀注御史中丞已下與僕射相遇依令致敬敵馬側立待僕射謝官日大夫中丞三院御史就幕次參見其觀象門外立班既以後至爲重大夫中丞到班後朝堂所由引僕射就位傳呼贊導如大夫就列之儀班退贊導亦如之御史大夫與僕射道途相遇則分道而行舊事左右僕射初上御史中丞吏部侍郎已下羅拜四年中書奏曰僕射受中丞侍郎拜則似太重答郎官已下拜則太輕起今後諸司四品已下官及御史臺六品已下并郎官並望準故事餘依元和七年勅處分可之至是因李程奏漢議曰左右僕射初上受左右丞諸曹侍郎諸司四品及御史中丞已下拜謹按開元禮及六典並無此儀注不知所起之由或以爲僕射師長百寮此語亦無證據唯有曹魏時賈詡讓官表中一句語耳且尙書今是正長尙無受拜之文故事與御史中丞司隸校尉號三獨坐伏以朝廷比肩同事聖主南面受拜臣下何安縱有明文尙須釐革故禮記曰君於士不答拜非其臣則答之況御史中丞殿中御史是供奉官尤爲不可儀制令雖有隔品之文不知便是受拜否及御史大夫亦曾受御史已下拜今並不行蓋以禮數僭逼非人臣所安元和六年七月詔崔郇段平仲與當時禮官王涇韋公肅等同議其事理甚精詳今請舉而行之庶爲折衷時程入省竟依舊儀議者以漢奏爲是七年轉禮部侍郎八年改戶部侍郎九年四月轉吏部侍郎六月李宗閔得罪罷相漢坐其黨出爲邠州刺史宗閔再貶漢亦改汾州司馬仍三二十年不得錄用會昌中李德裕用事漢竟淪墮而卒漢弟漢濬漢濬皆登進士第潘大中初爲禮部侍郎漢子胤亦登進士第

李景儉字寬中漢中王瑀之孫父緒太子中舍景儉貞元十五年登進士第性俊朗博聞強記頗聞前史詳其成敗自負王霸之略於士大夫間無所屈降貞元末韋執誼王叔文東宮用事尤重之待以管葛之才叔文竊政屬景儉居母喪故不及從坐韋更卿留守東都辟爲從事實羣爲御史中丞引爲監察御史

羣以罪左遷景儉坐貶江陵戶曹累轉忠州刺史元和末入朝執政惡之出爲
澧州刺史與元稹李紳相善時紳稹在翰林屢言於上前及延英辭日景儉自
陳己屈穆宗憐之追詔拜倉部員外郎月餘驟遷諫議大夫性既矜誕寵擢之
後凌蔑公卿大臣使酒尤甚中丞蕭俛學士段文昌相次輔政景儉輕之形於
談謔二人俱訴之穆宗不獲已貶之制日諫議大夫李景儉擢自宗枝嘗探儒
術荐歷臺閣亦分郡符動或違仁行不由義附權幸以虧節通姦黨之陰謀衆
情皆疑羣議難息據因緣之狀當實嚴科順長養之時特從寬典勉宜省過無
或徇非可建州刺史未幾元稹用事自郡召還復爲諫議大夫其年十二月景
儉朝退與兵部郎中知制誥馮宿庫部郎中知制誥楊嗣復起居舍人溫造司
勳員外郎李肇刑部員外郎王鎰等同謁史官獨孤朗乃於史館飲酒景儉乘
醉詰中書謁宰相呼王播崔植杜元穎名面疏其失辭頗悻慢宰相遜言止之
旋奏貶漳州刺史是日同飲於史館者皆貶逐景儉未至漳州而元稹作相改
授楚州刺史議者以景儉使酒凌忽宰臣詔令纔行遽遷大郡積懼其物議追
還授少府少監從坐者皆召還而景儉竟以忤物不得志而卒景儉疏財尚義
雖不厲名節死之日知名之士咸惜之景儉弟景儒景信景仁皆有藝學知名
於時景信景仁皆登進士第

史臣曰仲尼有言不得中行而與之必也狂狷乎若渤論考第仲方駁證誠知
後悔不能息言可謂狷歟當賊注挾邪之辰羣公結舌而獲默而中敏李甘元
裕或肆其言或奮其筆暴揚醜迹不憚擦癢謂之爲狂卽有遺恨比夫請劍斷
佞亦可同年而語也南紀有良史才足以自立而協比權幸顛沛終身君子慎
獨庸可忽諸景儉自負太過蕩而無檢良驥訴馳之患也

贊曰張李切言利刃決雲裴諫方士深誠愛君言排賊注高李不羣漢儉朋比
夫何足云

後晉司空同中書門下平章事劉昫撰

列傳第一百二十二

令狐楚字毅士

李石字知微

牛僧孺字籍奉

蕭俛字德從

令狐楚字毅士自言國初十八學士德棻之裔祖崇亮綿州昌明縣令父承簡
 太原府功曹家世儒素楚兒童時已學屬文弱冠應進士貞元七年登第桂管
 觀察使王拱愛其才欲以禮辟召懼楚不從乃先聞奏而後致聘楚以父掾太
 原有庭蘭之戀又感拱厚意登第後徑往桂林謝拱不預宴遊乞歸奉養即還
 太原人皆義之李說嚴綬鄭儁相繼鎮太原高其行義皆辟為從事自掌書記
 至節度判官歷殿中侍御史楚才思俊麗德宗好文每太原奏至能辨楚之所
 為頗稱之鄭儁在鎮暴卒不及處分後事軍中喧譁將有急變中夜十數騎持
 刃迫楚至軍門諸將環之令草遺表楚在白刃之中搦管即成讀示三軍無不
 感泣軍情乃安自是聲名益重丁父憂以孝聞免喪徵拜右拾遺改太常博士
 禮部員外郎母憂去官服闋以刑部員外郎徵轉職方員外郎知制誥楚與皇
 甫鏞蕭俛同年登進士第元和九年鏞初以財賦得幸薦俛楚俱入翰林充學
 士遷職方郎中中書舍人皆居內職時用兵淮西言事者以師久無功宜宥賊
 罷兵唯裴度與憲宗志在殄寇十二年夏度自宰相兼彰義軍節度淮西招撫
 宣慰處置使宰相李逢吉與度不協與楚相善楚草度淮西招撫使制不合度
 旨度請改制內三數句語憲宗方責度用兵乃罷逢吉相任亦罷楚內職守中
 書舍人元和十三年四月出為華州刺史其年十月皇甫鏞作相其月以楚為
 河陽懷節度使十四年四月裴度出鎮太原七月皇甫鏞薦楚入朝自朝議郎
 授朝議大夫中書侍郎同平章事與鏞同處台衡深承顧待十五年正月憲宗
 崩詔楚為山陵使仍撰哀冊文時天下怒皇甫鏞之奸邪穆宗即位之四日羣
 臣素服班於月華門外宣詔貶鏞將殺之會蕭俛作相託中官救解方貶崖州
 物議以楚因鏞作相而逐裴度羣情共怒以蕭俛之故無敢措言其年六月山

陵畢會有告楚親吏賊行事發出為宣歙觀察使楚充奉山陵時親吏韋正牧
 奉天令于疊翰林陰陽官等同隱官錢不給工徒價錢移為羨餘十五萬貫上
 獻怨訴盈路正牧等下獄伏罪皆誅楚再貶衡州刺史時元稹初得幸為學士
 素惡楚與鏞膠固希寵稹草楚衡州制略曰楚早以文藝得踐班資憲宗念才
 擢居禁近異端斯害獨見不明密隱討伐之謀潛附奸邪之黨因緣得地進取
 多門遂忝台階實妨賢路楚深恨稹長慶元年四月量移郢州刺史遷太子賓
 客分司東都二年十一月授陝州大都督府長史兼御史大夫陝隴觀察使制
 下旬日諫官論奏言楚所犯非輕未合居廉察之任上知之遽令追制時楚已
 至陝州視事一日矣復授賓客歸東都時李逢吉作相極力援楚以李紳在禁
 密沮之未能擅柄敬宗即位逢吉逐李紳尋用楚為河南尹兼御史大夫其年
 九月檢校禮部尚書汴州刺史宣武軍節度汴宋亳觀察等使汴軍素驕累逐
 主帥前後韓弘兄弟率以峻法繩之人皆偷生未能革志楚長於撫理前鎮河
 陽代烏重胤移鎮滄州以河陽軍三千人為牙卒卒咸不願從中路叛歸又不
 敢歸州聚於境上楚初赴任聞之乃疾驅赴懷州潰卒亦至楚單騎喻之咸令
 棄弓解甲用為前驅卒不敢亂及莅汴州解其酷法以仁惠為治去其太甚軍
 民咸悅倉然從化後竟為善地汴帥前例始至率以錢二百萬實其私藏楚獨
 不取以其羨財治解舍數百間太和二年九月徵為戶部尚書三年三月檢校
 兵部尚書東都留守東畿汝都防禦使其年十一月進位檢校右僕射鄆州刺
 史天平軍節度鄭曹濮觀察等使奏故東平縣為天平縣屬歲旱儉人至相食
 楚均富贍貧而無流亡者六年二月改太原尹北都留守河東節度等使楚久
 在并州練其風俗因人所利而利之雖屬歲旱人無轉徙楚始自書生隨計成
 名皆在太原實如故里及是秉旄作鎮邑老歡迎楚綏撫有方軍民胥悅七年
 六月入為吏部尚書仍檢校右僕射故事檢校高官者便從其班楚以正官三
 品不宜從二品之列請從本班優詔嘉之九年六月轉太常卿十月尚書左
 僕射進封彭陽郡開國公十一月李訓北亂京師大擾訓亂之夜文宗召左僕
 射鄭覃與楚宿于禁中商量制勅上皆欲用為宰相楚以王涯賈餗冤死敘其

罪狀浮泛仇士良等不悅故輔弼之命移於李石乃以本官領鹽鐵轉運等使先是鄭注上封置權茶使額驥使兼領之楚委罷之曰伏以江淮數年已來水旱疾疫凋傷頗甚愁歎未平今夏及秋稍枝豐稔方須惠卹各使安存昨者忽委權茶實為蠹政蓋是王涯破滅將至怨怒合歸豈有令百姓移茶樹於官場中栽植摘茶葉於官場中造作有同兒戲不近人情方在恩權孰敢阻議朝班相顧而失色道路以目而吞聲今宗社降靈奸兇盡戮聖明垂祐黎庶公安微臣蒙恩兼領使務官銜之內猶帶此名俯仰若驚夙宵知懼伏乞特迴聖聽下鑒愚誠速委宰臣除此使額驥軍國之用或關山澤之利有遺許臣條疏續具聞奏探造將及妨廢為虞前月二十一日內殿奏對之次鄭軍與同陳論訖伏望聖慈早賜處分一依舊法不用新條唯納權之時須節級加價商人轉賣必校稍貴即是錢出萬國利歸有司既不害茶商又不擾茶戶上以彰陛下愛人之德下以竭微臣憂國之心遠近傳聞必當感悅從之先是元和十年出內庫弓箭刀賜左右街使充宰相入朝以為異術及建福門而止至是因訓注之亂悉罷之楚又奏諸道新授方鎮節度使等具帑抹帶器仗就尚書省兵部參詳伏以軍國異容古今定制若不由舊斯為改常未聞省閣之門忽內弓刀之器鄭注外蒙恩寵內善兇狂首創奸謀將與亂兆致王璠郭行餘之輩敢驅將吏直詣闕庭震驚乘輿騷動京國血濺朝路尸僵禁街史冊所書人神共憤既往不咎其源倘開前件事宜伏乞速令停罷如須參謝即具公服從之又奏請罷修曲江亭絹一萬三千七百匹迺修尚書省從之開成元年前上已賜百家曲江亭宴楚以新誅大臣不宜實異獨稱疾不赴論者美之以權在內官累上疏乞解使務其年四月檢校左僕射與元尹充山山西道節度使二年十一月卒于鎮年七十二冊贈司空諡曰文楚風儀嚴重若不可犯然寬厚有禮門無雜賓嘗與從事晏語方酣有非類偶至立命徹席毅然色變累居重任貞操如初未終前二日猶吟詠自若疾甚諸子進藥未嘗入口曰修短之期分以定矣何須此物前一日召從事李商隱曰吾氣魄已殫情思俱盡然所懷未已強欲自寫聞天恐辭語乖舛子當助我成之即秉筆自書曰臣忝惟際會受國深恩

以祖以父皆蒙襲贈有弟有子並列班行全腰領以從先人委體魄而事先帝此不自達誠為甚愚但以承去泉扁長辭雲陸更陳尸諫猶進警言雖號叫而不能豈誠明之敢忘今陛下春秋鼎盛寰海鏡清是修教化之初當復理平之始然自前年夏秋已來貶謫者至多誅戮者不少望昔加禱造稍霽皇威歿者昭洗以雲雷存者霑濡以雨露使五穀嘉熟兆人安康納臣將盡之苦言慰臣承蒙之曲魄書訖謂其子緒綢曰吾生無益於人勿請諡葬日勿請鼓吹唯以布車一乘餘勿加飾銘誌但志宗門乘筆者無擇高位當歿之日有大星貫於寢室之上其光燭廷楚端坐與家人告訣言已而終嗣子奉行遺旨詔曰生為名臣歿有理由命終始之分可謂兩全國薄哀榮之末節難違往意諡諡國家之大典須守彝章國傳宜傳易名須準舊例後詢貴累贈至太尉有文集一百卷行於時所撰憲宗哀冊文辭情典鬱為文士所重楚第定字履常元和十一年進士及第累辟使府大和九年累遷至職方員外郎弘文館直學士檢校右散騎常侍桂州刺史桂管都防禦觀察等使卒贈禮部尚書緒以蔭授官歷隨壽汝三郡刺史在汝州日有能政郡人請立碑頌德緒以第綯在輔弼上言曰臣先父元和中特承恩顧第綯官不因人出自宸衷臣伏觀詔書以臣刺汝州日粗立政勞吏民求立碑頌德乞追罷臣任隨州日郡人乞留得上下考及轉河南少尹加金紫此名已聞於日下不必更立碑頌乞賜優待宣宗嘉其意從之綯字子直太和四年登進士第釋褐弘文館校書郎開成初為左拾遺二年丁父喪服闋授本官尋改左補闕史館修撰累遷庫部員外郎會昌五年出為湖州刺史大中二年召拜考功郎中尋知制誥其年召入充翰林學士三年拜中書舍人襲封彭陽男食邑三百戶尋拜御史中丞四年轉戶部侍郎判本司事其年改兵部侍郎同中書門下平章事綯以舊事帶尚書省官合先省上上日同列集於少府監時白敏中崔龜從曾為太常博士至相位欲榮其舊署乃改集於太常禮院龜從手筆志其事於壁綯輔政十年累官至吏部尚書右僕射涼國公食邑二千戶三十年罷相檢校司空同中書門下平章事河中尹河中晉絳等節度使咸通二年改汴州刺史宣武軍節度使三年冬遷揚州

大都督府長史淮南節度副大使知節度事累加開府儀同三司檢校司徒進食邑至三千戶九年徐州戍兵應勳自桂州擅還七月至浙西沿江自白沙入濁河刺奪舟船而進詢聞勳至遣使慰撫供給芻米都押衙李相白詢曰徐兵擅還必無好意雖無詔命除討權變制在藩方昨其黨來投言其數不踰二千而虛張舟航旗幟恐人見其實涉境已來心頗憂懼計其水路須出高郵縣界河岸斗峻而水深狹若出奇兵邀之俾放船縱火於前勁兵奮擊於後敗走必矣若不於此誅鋤俟濟淮泗合徐人貨怨之徒不下十萬則禍亂非細也詢性儒緩又以不奉詔命謂相曰長淮已南他不為暴從他過去餘非吾事也其年冬龐勳殺崔彥曾據徐州聚眾六七萬徐無兵食乃分遣賊帥攻剽淮南諸郡滁和楚壽繼陷穀食既盡淮南之民多為賊所噉時兩淮郡縣多陷唯杜愔守泗州賊攻之經年不能下初詔詢為徐州南面招討使賊攻泗州急詢令李相將兵五千人援之賊聞相來援遣人致書于詢辭情遜順言朝廷累有詔赦宥但抗拒者三兩人耳旦夕圖去之即束身請命願相公保任之詢即奏聞請賜勳節鉞仍誡李相但戍淮口賊已招降不得立異緣是相軍解甲安寢去警備備日與賊軍相對歡笑交言一日賊軍乘間步騎徑入相壘淮卒五千人皆被生繫送徐州為賊蒸而食之相與監軍郭厚本為龐勳斷手足以徇於康承訓軍時浙西杜審權發軍千人與李相約會兵大將翼行約勇敢知名浙軍未至而相軍敗賊乃分兵立淮南旗幟為交關之狀行約軍望見急趨之千人並為賊所縛送徐州詢既喪師朝廷以左衛大將軍徐州西南面招討使馬舉代詢為淮南節度使十二年八月授檢校司徒太子太保分司東都十三年以本官為鳳翔尹鳳翔節度使進封趙國公食邑三千戶卒子滿漢漢滿少舉進士以父在內職而止及緡輔政十年滿以鄭顛之親驕縱不法日事遊宴貨賄盈門中外為之側目以緡黨援方感無敢措言及懿宗即位懿者不一故緡罷權軸既至河上言曰臣男滿爰自孩提便從師訓至於詞藝頗及輩流會昌二年臣任戶部員外郎時已令應舉至大中二年猶未成名臣自湖州刺史兼先帝擢授考功郎中知制誥尋充學士繼叨渥澤遂忝樞衡事體有妨因令罷舉

自當廢絕一十九年每遣遺藏更令勸勵臣以祿位逾分齒髮已衰男滿年過長成未嘗一第犬馬私愛實切憫傷臣二三年來頻乞罷免每年取得文解意待纒雜中書便令赴舉昨蒙恩制寵以近藩伏緣已過禮部試期便令就試至於與奪出自主司臣固不敢撓其銜柄臣初離機務合具上聞昨延英奉辭本擬面奏伏以戀恩方切陳誠至難伏冀宸慈察臣丹懇詔令就試是歲中書舍人裴坦權知貢舉登第者三十人有鄭義者故戶部尚書澣之孫裴弘餘故相休之子魏審故相扶之子及滿皆名臣子弟官無實才諫議大夫崔瑄上疏論之曰令狐滿昨以父居相位權在一門求請者號黨風趨妄動者羣邪雲集每歲貢闈登第在朝清列除官事望雖出於緡取捨全由於滿喧然如市旁若無人權動寰中勢傾天下及緡罷相作鎮之日便令滿納卷貢闈豈可以父在樞衡獨撓文柄請下御史臺按問文解日月者奏疏不下滿既及第釋褐長安尉集賢校理咸通二年遷右拾遺史館修撰制出左拾遺劉蛻起居郎張雲各上疏極論滿云恃父秉權受貨賂取李琢錢除琢安南都護遂致覆陷交州張雲言大中十年詢以諫議大夫盧籍刑部郎中李鄴為妻王已下侍讀欲立妻王為東宮欲亂先朝子弟之序滿內倚鄭顛人誰敢言時詢在淮南累表自雪懿宗重傷大臣意貶雲為興元少尹蛻為華陰令改滿詹事府司直滿為眾所非宦名不達漢風俱登進士第漢位至中書舍人定子緡子澄湘澄亦以進士登第累辟使府

牛僧孺字思黯隨侯射奇章公弘之後祖紹父幼簡官卑僧孺進士擢第登賢良方正制科釋褐伊闕尉遷監察御史轉殿中歷禮部員外郎元和中和改都官知臺雜尋換考功員外郎充集賢直學士穆宗即位以庫部郎中知制誥其年十一月改御史中丞以州府刑獄淹滯人多冤抑僧孺條疏奏請按劾相繼中外肅然長慶元年宿州刺史李直臣坐贓當死直臣賂中貴人為之申理僧孺堅執不回穆宗面諭之曰直臣事雖備失然此人有經度才可委之邊任朕欲貸其法僧孺對曰凡人不才止於持祿取容耳帝王立法東顧奸雄正為才多者祿山朱泚以才過人獨亂天下況直臣小才又何屈法哉上嘉其守法面賜

金紫二年正月拜戶部侍郎三年三月以本官同平章事初韓弘入朝以宣武舊事人多流言其子公武以家財厚賂權幸及多言者班列之中悉受其遺俄而父子俱卒孤孫幼小穆宗恐為廝養竊盜乃命中使至其家閱其宅簿以付家老而簿上具有納賂之所唯於僧孺官側朱書曰某月日送牛侍郎物若干不受却付訖穆宗按簿甚悅居無何議命相帝首可僧孺之名敬宗即位加中書侍郎銀青光祿大夫封奇章子邑五百戶十二月加金紫階進封郡公集賢殿大學士監修國史寶曆中朝廷政事出於邪佞大臣朋比僧孺不奈羣小拜章求罷者數四帝曰侯子郊禮畢放卿及穆宗祔廟郊報後又拜章陳退乃於鄂州置武昌軍額以僧孺檢校禮部尚書同中書門下平章事鄂州刺史武昌軍節度鄂岳蕲黃觀察等使江夏城風土散惡難立垣墉每年加板築賦菁芴以覆之吏緣為奸蠹弊綿歲僧孺至計芴苦板築之費歲十餘萬即賦之以埤以當苦築之價凡五年墉皆甃葺蠹弊永除屬郡沔州與鄂隔江相對虛張吏員乃奏廢之以其所管漢陽汝川兩縣隸鄂州文宗即位就加檢校吏部尚書凡鎮江夏五年大和三年李宗閔輔政屢薦僧孺有才不宜居外四年正月召還守兵部尚書同平章事五年正月幽州軍亂逐其帥李載義文宗以載義輸忠於國遽聞失帥駭然急召宰臣謂之曰范陽之變奈何僧孺對曰此不足煩聖慮且范陽得失不繫國家休戚自安史已來翻覆如此前時劉總以土地歸國朝廷耗費百萬終不得范陽尺帛斗粟入于天府尋復為梗至今志誠亦由前載義也但因而撫之俾扞奚契丹不令入寇朝廷所賴也假以節旄必自陳力不足以逆順治之帝曰吾初不詳思卿言是也即日命中使宣慰尋加門下侍郎弘文館大學士六年吐蕃遣使論董勳義入朝修好俄而西川節度李德裕奏吐蕃維州守將悉恒謀以城降德裕又上利害云若以生羌三千出戎不意燒十三橋據戎之腹心可以得志矣上感其事下尚書省議眾狀請如德裕之策僧孺奏曰此議非也吐蕃疆土四面萬里失一維州無損其勢况論董勳義遠遁劉元鼎未到比來修好約罷戍兵中國禦戎守信為上應敵次之今一朝失信戎醜得以為詞聞贊普牧馬茹川俯於秦隴若東襲龍坂徑走回中不

三日抵咸陽橋而發兵枝梧駭動京國事或及此雖得百維州亦何補也上曰然遂詔西川不內維州降將僧孺素與德裕仇怨雖議邊公體而怙德裕者以僧孺害其功諂諛沸然帝亦以為不直其年十二月檢校左僕射兼平章事揚州大都督府長史淮南節度副大使知節度事時中尉王守澄用事多納鐵人竊議時政禁中事密莫知其說一日延英對宰相文宗曰天下何由太平卿等有意於此乎僧孺奏曰臣等待罪輔弼無能康濟然臣思太平亦無象今四夷不至交侵百姓不至流散上無淫虐下無怨讟私室無強家公議無壅滯雖未及至理亦謂小康陛下若別求太平非臣等所及既退至中書謂同列曰吾輩為宰相天子責成如是安可久處茲地耶旬日間三上章請退不許會德裕黨威垂將入朝僧孺故得請上既受左右邪說急於太平奸人伺其銳意故訓注見用數年之間幾危宗社而僧孺進退以道讓者稱之開成初搢紳道喪闕寺弄權僧孺嫌歲重藩求歸散地累拜章不允凡在淮甸六年開成二年五月加檢校司空食邑二千戶判東都尚書省事東都留守東畿汝都防禦使僧孺職量弘遠心居事外不以細故介懷洛都築第於歸仁里任淮南時嘉木怪石置之階廷館宇清華木竹幽邃常與詩人白居易吟詠其間無復進取之懷三年九月徵拜左僕射仍令左軍副使王元直齎告身宣賜舊例留守入朝無中使賜詔例恐僧孺退讓促令赴闕僧孺不獲已入朝屬莊恪太子初薨延英中謝日語及太子乃懇陳父子君臣之義人倫大經不可輕移國本上為之流涕是時宰相皆僧孺僚舊未嘗造其門上頻宣召託以足疾久之上謂楊嗣復曰僧孺稱疾不任趨朝未可即令自便四年八月復檢校司空兼平章事襄州刺史山南東道節度使加食邑至三千戶辭曰賜賜散樽杓等金銀古器令中使喻之曰以卿正人賜此古器卿且少留僧孺奏曰漢南水旱之後流民待理不宜淹留再三請行方允武宗即位就加檢校司徒會昌二年李德裕用事罷僧孺兵權徵為太子少保累加太子少師大中初卒贈太子太師諡曰文貞僧孺少與李宗閔同門生尤為德裕所惡會昌中宗閔棄斥不為生遺僧孺數為德裕持撫欲加之罪但以僧孺貞方有素人望式瞻無以伺其隙德裕南遷所著窮

愁志引里俗積子之讖以斥僧孺又目爲太平公其相憎恨如此僧孺二子蔚
藎蔚字大章十五應兩經舉太和九年復登進士第三府辟署爲從事入朝爲
監察御史大和中初爲右補闕屢陳章疏指斥時病宣宗嘉之曰牛氏子有父風
差慰人意尋改司門員外郎出爲金州刺史入拜禮吏二郎中以祀事準禮天
官司所掌班列有特權越職者蔚奏正之爲時權所忌左授國子博士分司東
都踰月權臣罷免復徵爲吏部郎中兼史館修撰遷左諫議大夫咸通中爲給
事中延英謝日面賜金紫蔚封駁無避帝嘉之踰歲遷戶部侍郎蔚封奇章侯
以公事免歲中復本官歷工禮刑三尚書咸通末檢校兵部尚書與元尹山南
西道節度使在鎮三年時中官用事急於賄賂屬徐方用兵兩中尉諷諸藩貢
奉助軍蔚盡索軍府之有三萬端匹隨表進納中官怒即以神策將吳行魯代
還及黃巢犯闕乃自京師奔遁避地山南拜章請老以尚書左僕射致仕卒累
贈太尉子循徵咸通八年登進士第三佐諸侯府得殿中侍御史賜緋魚入
朝爲右補闕再遷吏部員外郎乾符中選曹猥濫吏爲姦弊每歲選人四千餘
員徵性貞剛特爲奏請由是銓敘稍正能否旌別物議稱之巢賊犯京師父蔚
方病徵與其子自扶藍輿投竄山南閣路險狹盜賊縱橫谷中與盜擊破破首
流血被體而捉與不輟盜苦迫之徵拜之曰父年高疾甚不欲駭動人皆有父
幸相垂恤盜感之而止及前谷又逢前盜相告語曰此孝子也即同舉輿延於
其家以帛封瘡纒飲奉蔚留之信宿得達梁州故吏感恩爭來奔問時僖宗已
幸成都徵至行朝拜章乞歸侍疾已除諫議大夫不拜謂宰相杜讓能曰願留
兄猶在朝以當門戶乞侍醫藥時循爲給事中丞相許之其年鍾家艱執喪梁
漢既除以中書舍人徵未赴疾作以舍人編制之地不可曠官請授散秩改給
事中從駕還京至陳倉疾甚經年方闕宰相張濬爲招討使奏徵爲判官檢校
左散騎常侍詔下鳳翔促令赴闕徵謂所親曰國步方艱皇居初復帑廩皆虛
正賴羣臣協力同心王室而於破敗之餘圖雄霸之舉俾諸侯離心必貽後悔
也以吾衰疾之年安能爲之扞難辭疾不起明年濬敗召徵爲給事中楊復恭
叛歸山南李茂貞上表請自出兵糧問罪但授臣招討使奏不待報茂貞與王

行瑜軍已出疆上怒其專不時可之茂貞恃強章疏不已昭宗延英召諫官宰
相議可否以邠鳳皆有中人內應不敢極言相顧辭遜上情不悅徵奏曰兩朝
多難茂貞實有翼衛之功惡諸楊阻兵意在嫉惡所造次者不俟命而出師也
近聞兩鎮兵入界多有殺傷陛下若不處分梁漢之民盡矣須授以使名明行
約束則軍中爭不畏法帝曰此言極是乃以招討之命授之及茂貞平賊自恃
寢驕多撓國政命杜讓能料兵討之徵諫曰岐是國門茂貞倔強不顧禍患萬
一蹉跌挫國威也不若漸以制之及師出復召徵謂之曰卿能斟酌時事岐軍
烏合朕料必平卿以爲捷在何日徵對曰臣忝侍從諫諍之列所言軍國據理
陳聞如破賊之期在陛下考著龜責將帥非臣之職也而王師果覲大臣被害
徵尋改中書舍人歲中遷刑部侍郎封奇章男崔胤連結汴州惡徵言事改散
騎常侍不拜換太子賓客天復初賊臣用事朝政不綱拜章請罷詔以刑部尚
書致仕乃歸樊川別墅病卒贈吏部尚書藎字表齡開成二年登進士第出佐
使府歷踐臺省乾符中位至劍南西川節度使黃巢之亂從幸西川拜太常卿
以病求爲巴州刺史不許駕還拜吏部尚書襄王之亂避地太原卒子矯位至
尚書郎

蕭儉字思謙曾祖太師徐國公嵩開元中宰相祖華襲徐國公肅宗朝宰相父
恆贈吏部尚書皆自有傳儉貞元七年進士擢第元和初復登賢夏方正制科
拜右拾遺遷右補闕元和六年召充翰林學士七年轉司封員外郎九年改駕
部郎中知制誥內職如故坐與張仲方善仲方駁李吉甫證議言用兵徵發之
弊由吉甫而生憲宗怒貶仲方儉亦罷學士左授太僕少卿十三年皇甫鏞用
事言於憲宗拜儉御史中丞儉與鏞及令狐楚同年登進士第明年鏞援楚作
相二人雙薦儉於上自是顯明日隆進階朝議郎飛騎尉襲徐國公賜緋魚袋
穆宗卽位之月讓命宰相令狐楚援之拜中書侍郎平章事仍賜金紫之服八
月轉門下侍郎十月吐蕃寇涇原命中使以禁軍援之穆宗謂宰相曰用兵有
必勝之法乎儉對曰兵者凶器戰者危事聖主不得已而用之以仁討不仁以
義討不義先務招懷不爲掩襲古之用兵不斬祀不殺厲不擒二毛不犯田稼

安人禁暴師之上也如救之甚於水火故王者之師有征無戰此必勝之道也如或縱肆小忿輕動干戈使敵人怨結師出無名非惟不勝乃自危之道也固宜深慎帝然之時令狐楚左遷西川節度使王播廣以貨幣賂中人權幸求為宰相而宰相段文昌復左右之俛性嫉惡延英面言播之讎邪納賄喧於中外不可以汙台司事已垂成帝不之省俛三上章求罷相任長慶元年正月守左僕射進封徐國公罷知政事俛居相位孜孜正道重慎名器每除一官常慮乖當故鮮有簡拔而涉剋深然志嫉奸邪脫屣重位時論稱之穆宗乘章武恢復之餘即位之始兩河廓定四鄙無虞而俛與段文昌屢獻太平之策以為兵以靜亂時已治矣不宜黷武勳穆宗休兵偃武又以兵不可頓去請密詔天下軍鎮有兵處每年百人之中限八人逃死謂之消兵帝既荒縱不能深料遂詔天下如其策而行之而藩籜之卒合而為盜伏於山林明年朱克融王廷湊復亂河朔一呼而遺卒皆至朝廷方徵兵諸藩籜既不充尋行招募為合之徒動為賊敗由是復失河朔蓋消兵之失也俛性介獨持法守正以己輔政日淺起擢太僕三上章懇辭俛射不拜詔曰蕭俛以動事國以疾退身本末始終不失其道既罷樞務俛居端揆朕欲加恩超等復吾前言而繼有讓章至於三四教諭頗切陳乞彌堅成爾謙光移之選部可吏部尚書俛又以選曹簿書煩雜非攝生之道乞換散秩其年十月改兵部尚書二年以疾表求分司不許三月改太子少保尋授同州刺史寶曆三年復以少保分司東都文宗即位授檢校左僕射守太子少師俛稱疾篤不任赴闕乞罷所授官詔曰新除太子少師蕭俛代炳台耀躬茂天爵文可以經緯邦俗行可以感動神祇夷澹粹和精深敏直進退由道周旋令名近以師傳之榮囁于舊德俛從優逸冀保養踵而抗疏懇辭男退知止嘗亦教諭確乎難拔遂茲牢讓以厚時風可銀青光祿大夫守尚書左僕射致仕俛趣尚簡潔不以聲利自污在相位時穆宗詔撰成德軍節度使王士真神道碑對曰臣器穉狹此不能強王承宗先朝阻命事無可觀如臣兼筆不能溢美或撰進之後例行取道臣若公然阻絕則違陛下撫納之宜俛僥受之則非微臣平生之志臣不願為之兼筆帝嘉而免之俛家行尤孝母章

氏賢明有禮理家甚嚴俛雖為宰相待母左右不異褐衣時丁母喪毀瘠踰制免喪文宗徵詔懇以疾辭既致仕于家以洛都官屬賓友避歲時請謁之煩乃歸濟源別墅遺遙山野嘯詠窮年八年以莊恪太子在東宮上欲以耆德輔導復以少師徵之俛令弟傑奉表京師復納制書堅辭痼疾詔曰不待年而求謝於理身之道則至矣其如朝廷之望何朕以肇建元良精求師傅退想漢朝故事文成石慶當時重德咸歷此官吾以元子幼沖切於師訓欲以賴汝發明古今冀忠孝之規日聞于耳特遣左右至於林園而卿高蹈翛然屏絕趨進復遣令弟還吾詔書天爵自優冥鴻方遠不轉之志其堅若山猶省來章致煩為愧終以呂尚之秩遂其疎曠之心勵俗激貪所補多矣有益於政寄聲以聞亦有望於舊臣矣可太子太傅致仕開成二年俛弟傑授楚州刺史辭曰文宗謂俛曰蕭俛先朝名相勛力未衰可一來京國朕賜俛詔書匹帛卿便實至濟源道吾此意詔曰卿道冠時髦業高儒行著作礪濟川之効弘致君匡國之規留芳巖廊逸老林壑累降褒詔亟加崇秩而志不可奪情見乎辭滿飛入冥吟想增歎今賜絹三百匹便令蕭俛宣示俛竟不起卒傑字素士元和十二年登進士第累官侍御史遷主客員外郎太和九年十月鄭注為鳳翔節度使憤遷奉佐李訓以傑檢校工部郎中充鳳翔觀察判官其年十一月鄭注誅傑為鳳翔監軍使所害傑以陸授官太和中累遷至河南少尹九年五月拜諫議大夫開成二年出為楚州刺史四年三月遷越州刺史御史中丞浙東都團練觀察使會昌中入為左散騎常侍遷檢校刑部尚書華州刺史潼關防禦等使大中初坐在華州時斷獄不法授太子賓客大中十三年以太子少保分司東都奉俛從父弟海節度使復入為太子賓客大中十三年以太子少保分司東都奉俛從父弟做做父悞恆之弟也悞仕至大理司直做大和元年登進士第大中朝歷諫議大夫給事中咸通初遷左散騎常侍懿宗怠臨朝政僻於奉佛內結道場聚僧念佛又數幸諸寺施與過當做上疏論之曰臣聞玄祖之道由慈儉為先而素王之風以仁義為首相沿百代作則千年至聖至明不可易也如佛者生於天竺去彼王宮割愛中之至難取滅後之殊勝名歸象外理絕塵中非為帝王之

所能慕也。昔貞觀中高宗在東宮，以長孫皇后疾亟，嘗上言曰：欲請度僧以資福事，后曰：爲善有徵，吾未爲惡，善或無報，求福非宜。且佛者，異方之教，所可存而勿論。豈以一女子而紊王道乎？故證爲文德。且母后之論，尙能如斯。哲王之謨，安可反是？伏觀陛下留神天竺，屬意桑門，內設道場，中開講會，或手錄梵策，或口揚佛音，雖時啓於延英，從容四輔，慮稍稀於聽政，廢失萬機，居安思危，不可忽也。夫從容者，君也，必嚙咨於臣，盡忠匡救，外逆其耳，內沃其心，陳事陶之，謀，使仲虺之誥，發揮王道，恢益帝國，非賜對之閒，徒侍坐而已。夫廢失者，上拒其諫，下希其旨，言則狎玩，意在順從，漢重神仙，東方朔著十洲之記，梁崇佛法，劉孝儀詠七覺之詩，致祠禱無休，禱誦不已，以至大空海內，中輟江東，以此言之，是廢失也。然佛者，當可以悟取，不可以相求。漢晉已來，互與寶刹，姚石之際，亦有高僧，或問以苦空，究其不滅，止聞有性，多曰忘言，執著食緣，非其旨也。必乞陛下力求民瘼，虔奉宗祧，思緣實與，禮刑其殃，立至俟勝殘而去，殺得福甚多。幸罷講筵，頻親政事，昔年韓愈，已得罪於憲宗，今日微臣，固甘心於退微，疏奏，帝甚嘉之。四年，本官權知貢舉，運禮部侍郎，轉戶部以檢校工部尙書出爲滑州刺史，充義成軍節度，鄭滑潁觀察處置等使，在鎮四年，滑臨黃河，頻年水潦，河流泛溢，壞西北隄，做委移河四里，兩月畢功，畫圖以進，懿宗嘉之，就加刑部尙書，入爲兵部尙書，判度支，轉吏部尙書，遷序平允，咸通末，復爲兵部尙書，判度支，尋以本官同平章事，累遷中書門下二侍郎，兼戶部兵部尙書，遷左右僕射，改司空，弘文館大學士，蘭陵郡開國侯，俄而盜起河南，內官握兵，王室濁亂，做氣勁論直，同列忌之，罷知政事，出爲廣州刺史，嶺南節度使，做性公廉，南海雖富珍奇，月俸之外，不入其門，家人疾病，醫工治藥，須鳥梅左右於公府取之，做知而命還，促買於市，遇亂不至京師，而卒。子廩，咸通三年進士，擢第，累遷尙書郎，乾符中以父出鎮南海，免官侍行，中和中徵爲中書舍人，再遷京兆尹，僖宗再幸山南，廩以疾不能從，襄王僭竊，廩宗人遭受僞署，廩懼，自洛避地河朔，鎮冀節度使王鐸館之於深州，光化三年卒，廩貞退寡合，綽有家法，初從父南海，地多穀紙，做勅子弟繕寫，缺落文史，廩白曰：家書缺者，誠宜補葺，然此去

京師水陸萬里，不可覈實，當須德節，人觀兼乘，謂是貨財，古人憲政之嫌，得爲深誠，做曰：吾不之思也。故獨亂之際，克保令名，子頌，亦登進士第，後官位顯達，李石字中玉，隴西人，祖堅，父明，石元和十三年進士，擢第，從涼國公李聽歷四鎮從事，石機辯有方略，尤精吏術，藩府稱之，自聽征伐，常司留使務，事無不辦，太和三年，爲鄭滑行軍司馬，時聽握兵河北，令石入朝奏事，占對明辯，文宗目而嘉之，府罷入爲工部郎中，判鹽鐵案，五年，改刑部郎中，由兵部郎中令狐楚請爲太原節度副使，七年，拜給事中，九年七月，權知京兆尹事，十月，遷戶部侍郎，判度支事，文宗自德裕宗，閉朋黨相傾，大和七年已後，宿素大臣，疑而不用，意在擢用新進，孤立庶幾無黨，以革前弊，故買鍊舒元，與驟階大用，及訓注伏誅，欲用令狐楚，尋而中輟，石自朝議，即加朝議大夫，以本官同平章事，判使如故，石器度豁如，當官不撓，自京師變亂之後，宦者氣威，凌轢南司，延英議事，中貴語必引訓以折文臣，石與鄭軍嘗謂之曰：京師之亂，始自訓注，而訓注之起，始自何人，仇士良等不能對，其勢稍抑，搢紳賴之，是時踰月，人情不安，帝謂侍臣曰：如聞人心尙未安帖，比日何如，石對曰：比日苦寒，蓋刑殺太過，致此陰慘，昨聞鄭注到鳳翔，招募士卒，不至捕索，誅夷不已，臣恐邊上聞之，乘此生事，宜降詔安喻其心，從之，江西河南兩道觀察使，以新經訓注之亂，吏卒多死，進官健衣糧一百二十分，充宰相，募召從人，石奏曰：宰相上弼聖政，下理羣司，若忠正無私，宗社所祐，縱逢盜賊，兵不能傷，若事涉隱欺，心懷矯妄，雖有防衛，鬼得而誅，臣等願推赤心，以答聖鑒，孟軻知非，滅氏孔子不畏，匡人其兩道，所進衣糧，並望停廢，依從前制，置祇以金吾手力引從，可之，帝又曰：宰相之任，在選賢任能，石曰：臣與鄭軍常以此事爲切，但以人各有求，苟遠所效，則美譽至，稍不如意，則謗議生，只宜各委所司，薦用，臣等擇可授之，則物議息矣，其年十二月，中使田全操，劉行深，巡邊，遇走馬入金光門，從者訛言兵至，百官朝退，倉惶駭散，有不及束帶，轡而乘者，市人叫譟，塵坐四起，二相在中書，人吏稍散，鄭軍曰：耳目頗異，且宜出去，石曰：事勢不可知，但宜堅坐鎮之，冀將軍惠，若宰相亦走，則中外亂矣，必若繼亂，走亦何逃，任重官崇，人心所屬，不可忽也，石視律書，沛

然自若京城無賴之徒皆戎服兵仗北望闕門以俟變內使連催閉皇城門金吾大將軍陳君實率其徒立望仙門下謂中使曰假如有賊閉門不曉請徐觀其變無宜自弱晡曉方定是日苟非石之鎮靜君實之禦侮幾將亂矣開成元年改元大赦石等商量節文放京畿一年租稅及正至端午進奉並停三年其錢代充百姓紐配錢諸道除藥物口味茶菓外不得進獻諸司宜索製造並停三年赦後紫宸宣對鄭覃曰陛下改元御殿全放京畿一年租稅又停天下節鎮進奉恩澤所該實當要切近年赦令皆不及此上曰朕務行其實不欲崇長空文石對曰赦書須內置一本陛下時省覽之十道勳陟使發日付與公事根本令與長吏詳擇施行方盡利害之要石以從前德音雖降人君不能守姦吏從而違之故有內置之奏以諷之尋加中書侍郎集賢殿大學士領鹽鐵轉運使上御紫宸論政曰為國之道致治甚難石對曰朝廷法令行則易臣聞文王陟降在上陛下推赤誠上達于天何憂不治上又曰治亂由人邪正由時運耶鄭覃對曰由聖帝由忠臣是由人也石曰亦由時運九廟聖靈鍾德於陛下時也陛下行之道則是由人而前代帝王甚有德者當亂離無奈何之際又安得不推運耶帝曰卿言是也石又奏咸陽令韓遠請開渠成渠者漕在咸陽縣西十八里東達永豐倉自秦漢已來疏鑿其後埋廢昨遠計度用功不多此漕若成自咸陽抵潼關三百里內無車輓之勤則輟下牛盡得歸耕永利秦中矣李固言曰王涯已前已曾陳奏實秦中之利但恐微役今非其時上曰莫有陰陽拘忌否苟利於人朕無所慮也石辭領使務八月罷鹽鐵轉運使石用金部員外郎韓益判度支案益坐贓繫臺石奏曰臣以韓益曉錢穀錄用之不謂貪猥如此帝曰宰相但知人則用有過則懲卿所用人且不掩其惡可謂至公從前宰相用人有過曲為蔽之不欲人彈劾此大謬也但知能則舉舉不失職則變之自然易得其人何必容隱二年正月五日石自親仁里將贖入朝盜發於故郭尚父宅引弓追及矢鏃破膚馬逸而迴盜已伏坊門揮刀斫石斷馬尾竟以馬逸得遺私第上聞之駭愕遣中使撫問賜金瘡藥因差六軍兵士三十人衛從宰相是日京師大恐常參官入朝者九人而已旬日方安石拜章辭位者

三乃加金紫光祿大夫中書侍郎同平章事江陵尹荆南節度使李訓之亂人情危迫天子起石於常察之中付以衡柄石以身殉國不顧患難振舉朝綱國威再復而中官仇士良切齒惡之而伏戎加害天子深知其故畏傷而不能理乃至罷免及石赴鎮賜長之儀並關人士傷之恥君子之道消也石至鎮表讓中書侍郎乃加檢校兵部尚書兼平章事武宗即位就加檢校尚書右僕射會昌三年十月加檢校司空平章事隴西郡開國伯食邑七百戶太原尹北都留守河東節度觀察等使時澤潞劉稹阻兵以石嘗為太原副使諳練北門軍政故代劉鎮之初兩以兵三千人戍橫水王師之討澤潞也王遂軍於橋社訴兵少請益之詔石以太原之卒赴橋社石乃割橫水戍卒一千五百人令別將楊弁率之以赴王遂舊例發軍人給二縑石以支計不足量減一匹軍人聚怨又將及歲除促令上路眾愈不悅楊弁乘其豐謀亂出言激勸軍人四年正月軍亂逐石朝廷乃以晉絳觀察使崔元式代還五年檢校司徒東都留守判東都尚書省事畿汝都防禦使以太子少保分司卒石弟福字能之太和七年登進士第累辟使府石為宰相自薦第於延英官福才堪理人授監察御史累遷尚書郎出為商鄭汝潁四州刺史大中時檢校工部尚書滑州刺史兼御史大夫充義成軍節度鄭滑觀察使入為刑部侍郎累遷刑部戶部尚書乾符初以檢校右僕射襄州刺史兼御史大夫充山南東道節度四年草賊王仙芝徒黨數萬寇掠山南福團練鄉兵屯集要路賊不敢犯其秋賊陷岳鄂饒信等州十二月逼江陵節度使楊知溫求援於福福即率州兵及沙陁五百騎赴援時賊已陷江陵之郭聞福兵至乃退去僖宗嘉之就加檢校司空同平章事歸朝終於太子太傅

史臣曰彭陽奇童起徒步而昇台鼎觀其人文彪炳潤色邦典射策命中橫絕一時誠俊賢也而峨冠曳組論道於華髮之伍執曰不然如能蹈道匪躬中立無黨則其善盡矣蕭太師貞獨嫉惡不為利回不以夷惠礙之俾之經綸則其道至矣開成之始帝道方淪石於此時欲振頹緒幾舉戕賊可為咄嗟多僻之時止堪太息

贊曰：喬松孤立，羣鳥食緣，柔附凌雲，豈曰能賢。嗚呼！楚羈，道喪曲全，蕭李相才，致之外篇。

舊唐書卷一百七十二

舊唐書卷一百七十二考證

牛僧孺傳：德裕又上利見云。○臣四按：德裕傳云：因陳出攻之利害，見字當是

害字之訛，今改正。

牛蔚傳：蔚盡索軍府之有三十萬端匹，隨表進納中官，每○臣四按：新書索府

帛三萬以獻，中人嫌其吝，若三十萬端匹，不得為吝矣。十字衍文無疑，今刪。

舊唐書卷一百七十二考證

後晉司空同中書門下平章事劉昫撰

列傳第一百二十三

鄭軍 編明 陳夷行 李紳 吳汝訥 李回

李珣 李固言

鄭軍故相珣之子，以父蔭補弘文校理，歷拾遺補闕，考功員外郎，刑部郎中。元和十四年二月，遷諫議大夫。憲宗用內官五人為京西北和耀使，軍上疏論罷，穆宗不恤政事，喜遊晏，即位之始，吐蕃寇邊，軍與同職崔玄亮等廷奏曰：陛下即位已來，晏樂過多，耽遊無度，今蕃寇在境，緩急奏報，不知乘輿所在，臣等忝備諫官，不勝憂惕，伏願稍減遊縱，留心政道，伏聞陛下晨夜呢狎倡優，近習之徒，賞賜太厚，凡金銀貨幣，皆出自生靈膏血，不可使無功之人，濫霑賜與，縱內藏有餘，亦乞用之有節，如邊上警急，即支用無闕，免令有司重斂百姓，實天下幸甚。帝初不悅其言，顧宰相蕭俛曰：此輩何人，俛對曰：諫官也。帝意稍解，乃曰：朕之過失，臣下盡規，忠也。乃謂軍曰：閣中奏事，殊不從容，今後有事，面陳，朕與卿延英相見，時久無闕，中奏事，軍等抗論，人皆相賀，鎮奠節度使王承宗死，其弟承元聽朝旨，移授鄭滑節度，鎮之三軍留承元，以難不能赴鎮，承元乞重臣宣諭，乃以軍為宣諭使，起居舍人王璠副之。初鎮卒辭語不遜，軍至宣詔，諭以大義，軍人釋然聽命。長慶元年十一月，轉給事中。四年，遷御史中丞。十一月，權知工部侍郎，寶曆元年，拜京兆尹。文宗即位，改左散騎常侍。三年，以本官充翰林侍講學士。四年四月，拜工部侍郎，軍長於經學，稽古守正，帝尤重之。軍從容奏曰：經籍訛謬，博士相沿，難為改正，請召宿儒與學校定大籍，準後漢故事，勒石於太學，永代作則，以正其闕。從之。五年，李宗閔牛僧孺輔政，宗閔以軍與李德裕相善，薄之。時德裕自浙西入朝，復為閔孺所排出，鎮蜀川，宗閔惡軍禁中言事，奏為工部尚書，罷侍講學士。文宗好經義，心頗思之。六年二月，復召為侍講學士。七年春，德裕作相五月，以軍為御史大夫。文宗嘗於延英謂宰相曰：股脩通經學，為人頗似鄭軍，宗閔曰：軍脩誠有經學，於議論不足聽覽。李德裕

對曰：股鄭之言，他人不欲聞，唯陛下切欲聞之。軍嘗嫉人朋黨，為宗閔所薄，故也。八年，遷戶部尚書。其年德裕罷相，宗閔復知政，與李訓鄭注同排斥李德裕。李紳，二人貶黜，軍亦左授秘書監。九年六月，楊虞卿李宗閔得罪長流，復以軍為刑部尚書。十月，遷尚書左僕射，兼判國子祭酒，訓注伏誅，召軍入禁中草制。勅明日，以本官同平章事，封樂陽郡公，食邑二千戶。軍雖精經義，不能為文，賦進士浮華，開成初，奏禮部貢院宜罷進士科，初紫宸對上語及選士，軍曰：南北朝多用文華，所以不治，士以才堪即用，何必文辭。帝曰：進士及第人，已曾為州縣官者，方鎮奏署，即可之餘，即否。軍曰：此科率多輕薄，不必盡用。帝曰：輕薄敦厚，色色有之，未必獨在進士。此科置已二百年，亦不可遽改。軍曰：亦不可過有崇樹，帝嘗謂宰臣曰：百司弛慢，要重條舉。因指前香爐曰：此爐始亦華好，用之既久，乃無光彩，若不加飾，何由復初。軍對曰：丕變風俗，當考實効。自三十年已來，多不務實，取於頹情，如穉阮之流，不攝職事。李石云：此本因治平，人人無事，安逸所致。今之人，俗亦甚王夷甫，恥不能及之。上曰：卿等輔朕在振舉法度而已。時太學勅石經，軍奏起居郎周墀，水部員外郎崔球，監察御史張次宗，禮部員外郎溫業等，校定九經文字，旋令上石，加門下侍郎弘文館大學士，監修國史。上嘗於延英論古今詩句工拙，軍曰：孔子所刪三百篇是也。降此五言七言，辭非雅正，不足帝王賞詠。夫詩之雅頌，皆下刺上，所為非上化下而作。王者採詩，以考風俗得失，仲尼刪定，以為世規。近代陳後主，隋煬帝，皆能章句，不知王者大端，終有季年之失。章句小道，願陛下不取也。軍以宰相兼判國子祭酒，奏太學置五經博士各一人，緣無職田，請依王府官例賜祿粟。從之。又進石壁九經一百六十卷。其年李固言復為宰相，固言與李宗閔楊嗣復善，軍憎之。因起居郎闕，固言奏曰：周敬復，崔球，張次宗等三人皆堪此任。軍曰：崔球遊宗閔之門，且赤墀下乘筆，為千古法，不可朋黨。如裴中孺，李讓夷，臣不敢有纖芥異論。乃止。三年，楊嗣復自西川入拜平章事，與軍尤相矛盾，加之以固言李珣入對之際，是非蜂起。二月，軍進位太子太師。文宗以旱放繫囚，出宮人劉好奴等五百餘人，送兩街寺觀，任歸親戚。紫宸對李珣曰：陛下放宮女數多，德遠千古，漢

制八月選人晉武平吳亦多採擇仲尼所謂未見好德如好色今陛下以為無益放之微臣敢賀軍曰晉武帝以採擇之失中原化為左衽陛下以為殷鑒放去攸宜其年十二月三上章求罷詔落太子太師餘如故仍三五日一入中書商量政事四年五月罷相守左僕射武宗即位李德裕用事欲援為宰相固以足疾不任朝謁會昌二年守司徒致仕卒子裔綽以陸授渭南尉直弘文館軍少清苦貞貞不造次與人款狎位至相國所居未嘗增飾纔庇風雨家無媵妾人皆仰其素風然嫉惡太過多所不容眾憚而惡之軍第朗潤字有融長慶元年登進士甲科再遷右拾遺開成中為起居郎太和末風俗稍奢文宗恭勤節儉儉革其風宰臣等言曰陛下節儉省用風俗已移長裾大袂漸以減損若更令戚屬絕其侈靡不慮下不從教帝曰此事亦難戶曉但去其泰甚自以儉德化之朕聞前時內庫唯二錦袍飾以金鳥一袍玄宗幸温湯御之一即與貴妃當時貴重如此如今奢靡豈復貴之料今富家往往皆有左衛副使張元昌便用金唾壺昨因李訓已誅之矣時朗執筆請下宰臣退上謂朗曰適所議論卿記錄未吾試觀之朗對曰臣執筆所記便名為史伏準故事帝王不可取觀昔太宗欲覽國史諫議大夫朱子奢云史官所述不隱善惡或主非上智飾非讓失見之則致怨所以義不可觀又褚遂良曰今之起居郎古之左右史也記人君言行善惡必書庶幾不為非法不聞帝王躬自觀史帝曰適來所記無可否減見亦何爽乃宣謂宰臣曰鄭朗引故事不欲朕見起居注夫人君之言善惡必書朕恐平常閑話不關理體垂諸將來竊以為恥異日臨朝庶幾稍改何妨一見以誠隨言朗遂進之朗轉考功郎中四年遷諫議大夫會昌初為給事中出為華州刺史入為御史中丞戶部侍郎判本司事大中朝出為定州刺史義武軍節度使定觀察北平軍等使尋遷檢校戶部尚書汴州刺史宣武軍節度宋毫汴穎觀察等使入為工部尚書判度支遷御史大夫改禮部尚書以本官同平章事加中書侍郎集賢殿大學士修國史大中十年以疾辭位進加檢校右僕射守太子少師十一年十月卒詔曰故通議大夫檢校尚書右僕射兼太子少師上柱國賜紫金魚袋鄭朗植操端方稟氣莊重藹若瑞玉澹如

澄川智略合乎著龜誠信服于僚友自膺寵寄頗負全才竭匪躬于諫垣彰盡瘁于瓊闥載踐方嶽亟登師壇觀風推惠愛之心訓士得撫循之術政盜聞聽念茲徵還位冠冬卿職重邦計經費有節財用不虧繁彼休功明我推擇爰嘉峭峻倬總紀綱公望益隆典彝具舉式諧注意且沃深衷俄參化源以提政柄三事仰清康之節百度見損益之能近煦和風遠浹膏雨方俟坐鎮雅俗表率庶官頤養或乖騰理生疾屢陳章疏乞遂退閑既堅乃誠式允其請每圖懿績唯冀有瘳何竟至於彌留而遽聞於捐代閱奏與悼臨軒載懷將輟視朝之儀兼列上公之秩慰茲幽壤期爾有知可贈司空潛字無悶亦登進士第陳夷行字周道潁川人祖忠父邑夷行元和七年登進士第累辟使府寶曆末由侍御史改虞部員外郎皆分務東都太和三年入為起居郎史館修撰預修憲宗實錄四年獻上轉司封員外郎五年遷吏部郎中四月召充翰林學士八年兼充皇太子侍讀詔五日一度入長生院侍太子讀經上召對面賜緋衣牙笏遷諫議大夫知制誥餘職如故九年八月改太常少卿知制誥學士侍讀如故開成二年四月以本官同平章事三年楊嗣復李珣繼入輔政夷行介特素惡其所為每上前議政語侵嗣復遂至往復性不能堪上表稱足疾辭位不許詔中使就第宣勞七月以王彥威為忠武節度使史孝章為邠軍節度使皆嗣復擬議因廷英對上問夷行曰昨除二鎮當否夷行對曰但出自聖心即當楊嗣復曰若出自聖心當即人情皆慳如事或過當臣下安得無言帝曰誠如此朕固無私也夷行曰自三數年來姦臣竊權陛下不可倒持太阿授人鐔柄嗣復曰齊桓用管仲於讎虜豈有大阿之慮乎上不悅仙韶院樂官尉遲瓌授王府率右拾遺賈洵直當衙衛曰伶人自有本色官不合授之清秩鄭軍曰此小事何足當衙衛列王府率是六品雜官謂之清秩與洵直得否此近名也嗣復曰嘗聞洵直曲今當衙衛一樂官曲則有之亦不足怪夷行曰諫官當衙衛合論宰相得失不合論樂官然業已陳論須與處置今後樂人每七八年與轉一官不然則加手力課三數人帝曰別與一官乃授光州長史賜洵直絹百疋夷行尋轉門下侍郎上紫宸議政因曰天寶中政事實不甚佳當時姚宋在否李

珏曰：燒亡而宋罷珏，因言人君明哲終始尤難。玄宗嘗云：自即位已來，未嘗殺一不辜，而任林甫陷害破人家族，不亦惑乎？夷行曰：陛下不可移權與人，嗣復曰：夷行之言容易，且太宗用房玄齡十六年，魏徵十五年，何嘗失道？臣以爲用房魏多時，不爲不理，用邪佞一日便足，夷行之言皆指嗣復專權。文宗用郭遵爲坊州刺史，右拾遺宋祁論列以爲不可，既而遂坐贓，帝謂宰相曰：宋祁論事可嘉，祁授官來幾時，嗣復曰：去年因曰：諫官論事，陛下但記其姓名，稍加優獎，如不當，亦須令知。夷行曰：諫官論事是其本職，若論一事即加一官，則官何由得，不免有情。帝曰：情固不免，理平之時亦不可免，上竟以夷行議論太過，恩禮漸薄，尋罷知政事。守吏部尚書。四年九月，檢校禮部尚書，出爲華州刺史。五年，武宗即位，李德裕秉政，七月，自華召入，復爲中書侍郎。平章事會昌三年十一月，檢校司空，平章事。河中尹，河中晉絳節度使卒，贈司徒。第玄錫、夷實，皆進士擢第，玄錫又制策登科。

李紳，字公垂，潤州無錫人。本山，東著姓，高祖敬玄，則天朝中書令，封趙國文憲公。自有傳。祖守一，成都郫縣令，父晤，歷金壇、烏程、晉陵三縣令。因家無錫。紳六歲而孤，母盧氏教以經義，紳形狀眇小而精悍，能爲歌詩，鄉賦之年，諷誦多在人口。元和初，登進士第，釋褐國子助教，非其好也。東歸金陵，觀察使李錡愛其才，辟爲從事。紳以錡所爲專恣，不受其書幣，錡怒，將殺紳，遁而獲免。錡誅朝廷嘉之，召拜右拾遺。歲餘，穆宗召爲翰林學士，與李德裕元稹同在禁署，時稱三俊。情意相善，尋轉右補闕。長慶元年三月，改司勳員外郎，知制誥。二年二月，超拜中書舍人，內職如故。俄而稹作相，尋爲李逢吉教人告稹陰事，稹罷相，出爲同州刺史。時德裕與牛僧孺俱有相望，德裕恩顧稍深，逢吉欲用僧孺，懼紳與德裕沮於禁中。二年九月，出德裕爲浙西觀察使，乃用僧孺爲平章事，以紳爲御史中丞，冀離內職，易持撫而逐之。乃以吏部侍郎韓愈爲京兆尹，兼御史大夫，放臺參知紳剛褊，必與韓愈忿爭，制出，紳果移牒往來，論臺府事體，而愈復性許，言辭不遜，大喧物論。由是兩罷之。愈改兵部侍郎，紳爲江西觀察使。天子待紳素厚，不悟逢吉之嫁禍，爲其心希外任，乃令中使就第宣勞，賜之玉帶，紳

對中使泣訴其事，言爲逢吉所排，戀闕之情無已。及中謝日，面自陳訴，帝方省悟，乃改授戶部侍郎，中尉王守澄用事，逢吉令門生故吏結託守澄爲援，以傾紳。晝夜計畫會紳族子虞文學知名，隱居華陽，自言不樂仕進，時來京師省紳，虞與從伯耆，進士程普範，皆依紳，及耆拜左拾遺，虞在華陽寓書與耆求薦書，誤達於紳，紳以其進退二三，以書謂之，虞大怨望。及來京師，盡以紳書所密語，言逢吉姦邪附會之語告逢吉，逢吉大怒，問計於門人張又新，李續之，咸曰：搢紳皆自惜，毛羽執肯爲相公搏擊，須得非常奇士出死力者，有前鄧州司倉劉栖楚者，嘗爲吏，鎮州王承宗以事繩之，栖楚以首觸地固爭，而承宗竟不能奪，其果銳如此，若相公取之爲諫官，令伺紳之失，一旦於上前暴揚其過，恩寵必替，事苟不行，過在栖楚，亦不足惜也。逢吉乃用李虞程普範劉栖楚皆擢爲拾遺，以伺紳隙。俄而穆宗晏駕，敬宗初即位，逢吉快紳失勢，虞嗣君復用之，張又新等謀逐紳，會荊州刺史蘇邁入朝，邁能決陰事，衆問計於邁，邁曰：上聽政後，當開延英，必有次對，官欲拔本塞源，先以次對爲慮，餘不足恃。羣黨深然之，逢吉乃以邁爲左常侍，王守澄每從容謂敬宗曰：陛下登九五，逢吉之助也。先朝初定儲貳，唯臣備知，時翰林學士杜元穎、李紳勸立深王，而逢吉固請立陛下，而李續之、李虞繼獻章疏，帝雖沖年，亦疑其事。會逢吉進擬，言李紳在內署時，嘗不利於陛下，請行貶逐。帝初即位，方倚大臣，不能自執，乃貶紳端州司馬，貶制既行，百寮中書賀宰相，唯右拾遺吳思不賀。逢吉怒，改爲殿中侍御史，充入吐蕃告哀使，紳之貶也。正人腹誹無敢有言，唯翰林學士韋處厚上疏極言逢吉姦邪，誣誣紳罪，語在處厚傳。天子亦稍開悟，會禁中檢尋舊事，得穆宗時封書一篋，發之，得裴度、杜元穎與紳三人所獻疏，請立敬宗爲太子，帝感悟，與歎。悉命焚逢吉黨所上謗書，由是讒言稍息。紳黨得保全，及寶曆改元，大赦，逢吉定赦書節文，不欲紳量移，但云左降官已經量移者與量移，不言左降官與量移。韋處厚復上疏論之，語在處厚傳。帝特追赦書，添節文云：左降官與量移紳方移爲江州長史，再遷太子賓客，分司東都。大和七年，李德裕作相，七月，檢校左常侍，越州刺史，浙東觀察使。九年，李訓用事，李宗閔復相，與李訓鄭注連衡。

排擯德裕罷相紳與德裕俱以太子賓客分司開成元年鄭鄴輔政起德裕為浙西觀察使紳為河南尹六月檢校戶部尚書汴州刺史宣武節度宋毫汴類觀察等使二年夏秋旱大蝗獨不入汴宋之境詔書褒美又於州置利潤樓店四年就加檢校兵部尚書武宗即位加檢校尚書右僕射揚州大都督府長史知淮南節度大使事會昌元年入為兵部侍郎同平章事改中書侍郎累遷守右僕射門下侍郎監修國史上柱國趙國公食邑二千戶四年暴中風恙足緩不任朝謁拜章求罷十一月守僕射平章事出為淮南節度使六年卒紳始以文藝節操進用受顧禁中後為朋黨所擠濱於禍患賴正人匡救得以功名始終歿後宣宗即位李德裕失勢罷相歸洛陽而宗閣嗣復之黨崔鉞白敏中令狐綯欲實德裕深罪大中初教人發紳鎮揚州時舊事以傾德裕初會昌五年揚州江都縣尉吳湘坐贓下獄準法當死具事上聞諫官疑其冤論之遣御史崔元藻覆推與揚州所奏多同湘竟伏法及德裕罷相羣怨方構湘兄進士汝訥詣闕訴冤言紳在淮南恃德裕之勢枉殺臣弟德裕既貶紳亦追削三任官告

吳汝訥者澧州人故韶州刺史武陵兄之子武陵進士登第有史學與劉軻並以史才直史館武陵撰十三代史駁議二十卷自尚書員外郎出為忠州刺史改韶州坐贓貶播州司戶卒汝訥亦進士擢第以季父贓罪久之不調會昌中為河南府永寧縣尉初武陵坐贓時李德裕作相貶之故汝訥以不調挾怨而附宗閣嗣復之黨同作謗言會汝訥第湘為江都尉為部人所訟贓罪兼娶百姓顏悅女為妻有踰格律李紳令觀察判官魏劍鞠之贓狀明白伏法湘妻顏顏繼母焦皆管而釋之仍令江都令張弘思以船監送湘妻顏及兒女送澧州及揚州上具獄物議以德裕素憎吳氏疑李紳織成其罪諫官論之乃差御史崔元藻為制使覆吳湘獄據款伏妄破程糧錢計贓進法其特官娶百姓顏悅女為妻則稱悅是前青州衙推悅先娶王氏是衣冠女非繼室焦所生與揚州案小有不同德裕以元藻無定奪奏貶崖州司戶及汝訥進狀追元藻覆問元藻既恨德裕陰為崔鉞白敏中令狐綯所利誘即言湘難坐贓罪不至死又云

顏悅實非百姓此獄是鄭亞首唱元壽協李恪鍛成李回便奏遂下三司詳鞠故德裕再貶李回鄭亞等皆竄逐吳汝訥崔元藻為崔白令狐所礙數年並至顯官

李回字昭度宗室鄒王禕之後父如仙回本名驪以避武宗廟諱長慶初進士擢第又登賢良方正制科釋褐滑臺從事揚州掌書記得監察御史入為京兆府戶曹轉司錄參軍登朝為左補闕起居郎尤為宰相李德裕所知回強幹有吏才遇事通敏官曹無不理授職方員外郎判戶部案歷吏部員外郎判南曹以刑部員外郎知臺雜賜緋開成初以庫部郎中知制誥拜中書舍人賜金紫服武宗即位拜工部侍郎轉戶部侍郎判本司事三年兼御史中丞會昌三年劉稹據潞州邀求旄鉞朝議不允加兵問罪武宗懼稹陰附河朔三鎮以沮王師乃命回奉使河朔魏博何弘敬鎮冀王元逵皆具鞶韉郊迎回喻以朝旨言澤潞密邇王畿不同河北自艱難已來唯魏鎮兩藩列聖皆許讎而稹無功欲効河朔故事理即太悍聖上但以山東三郡境連魏鎮用軍便近王師不欲輕出山東請魏鎮兩藩抵收山東三郡弘敬元逵俯儀從命幽州張仲武與太原劉沔攻迴鶻時兩人不協朝廷方用兵不欲藩帥不和回至幽州喻以和協之旨仲武欣然釋憾乃移劉沔鎮滑臺命仲武領太原軍攻潞賊平以本官同平章事累加中書侍郎轉門下歷戶吏二尚書武宗崩回充山陵使附廟竟出為成都尹劍南西川節度大中元年冬坐與李德裕親善改潭州刺史湖南觀察使再貶撫州刺史白敏中令狐綯罷相入朝為兵部尚書復出為成都尹劍南西川節度使卒贈司徒諡曰文懿

李珣字待價趙郡人父仲朝珣進士擢第又登書判拔萃科累官至右拾遺穆宗荒於酒色纒終易月之制即與勳臣飲宴珣與同列上疏論之曰臣聞人臣之節本於忠盡苟有所見即宜上陳况為陛下諫官食陛下厚祿豈敢腹誹巷議辜負恩榮臣等聞諸道路不知信否皆云有詔追李光顏李愬欲於重陽節日合宴羣臣儻誠有之乃陛下念羣臣數惠澤之慈旨也然元朔未改國慶尚新雖陛下執易月之期俯從人欲而禮經著三年之制猶服心喪今違同軌之

會適去於中邦告遠夷之使未復其來命通密苑禁蓋爲齊人合宴內廷事將未可夫明王之舉動爲天下法王言既降其出如輪荷玷皇猷徒章直諫臣等是以昧死上聞且光顏李愬久立忠勞今方感秋務拓邊境如或召見詔以謀猷襄其宿勳付以疆事則與歌鍾合宴酒食邀歡不得同年而語也陛下自繼嗣以來發號施令無非孝理因心形于詔勅固以感動於人倫更在敬慎威儀保持聖德而已上雖不用其言慰勞遺之長慶元年鹽鐵使王播增茶稅初稅一百增之五十珽上疏論之曰權率救弊起自干戈天下無事即宜蠲省況稅茶之事尤出近年在貞元元年中不得不爾今四海鏡清八方砥平厚斂於人殊傷國體其不可一也茶爲食物無異米鹽於人所資遠近同俗既祛竭乏難捨斯須田間之閒嗜好尤切今增稅既重時估必增流弊於民先及貧弱其不可二也且山澤之饒出無定數量斤輸稅所冀售多價高則市者稀價賤則市者廣歲終上計其利幾何未見阜財徒聞斂怨其不可三也臣不敢遺微故事直以目前所見陳之伏望暫留聰明稍垂念慮特追成命更賜商量陛下即位之初已懲聚斂外官押贖旋有詔停洋德音千古不朽今若權茶加稅頗失人情臣忝諫司不敢緘默時禁中造百尺樓國計不充王播希恩增稅奉帝嗜慾疏奏不省遷吏部員外郎轉司勳員外郎知制誥太和五年李宗閔牛僧孺爲相與珽親厚改度支郎中知制誥遷入翰林充學士七年三月正拜中書舍人九年五月轉戶部侍郎充職七月宗閔得罪珽坐累出爲江州刺史開成元年四月以太子賓客分司東都遷河南尹二年五月李固言入相召珽復爲戶部侍郎判本司事三年楊嗣復輔政薦珽以本官同平章事珽與固言嗣復相善自固言得位相繼援引居大政以傾鄭覃陳夷行李德裕三人凡有奏議必以朋黨爲謀屢爲覃所廷折之珽自朝議即進階正議大夫其年十二月上疏求罷不許四年三月文宗謂宰臣曰朕在位十四年屬天下無事雖未至理亦少有如今日之無事也珽對曰邦國安危亦如人之身當四體和平之時長宜調適以順寒暄之節如特安自忽則疾患旋生朝廷當無事之時恩省闕失而補之則禍難不作矣文宗以杜棕領度支稱職欲加戶部尙書因紫宸言之陳

夷行曰一切恩權合歸君上陛下自看可否珽對曰太宗用宰臣天下事皆先平章謂之平章事代天理物上下無疑所以致太平者也若拜一官命一職事皆決於君上即藩用彼相昔隋文帝一切自勞心力臣下發輪則疑凡臣下用之則宰相不用則常察豈可自保陛下常語臣云實易直勸我宰相進擬但五人留三人兩人勾一人渠即合勸我擇宰相不合勸我疑宰相帝曰易直此言甚鄙又曰韋處厚作相三日薦六度師亦大可怪珽曰處厚淫於奉佛不悟其是非也其年五月上謂宰臣曰貞元政事初年至好珽曰德宗中年好貨方鎮進奉即如恩澤租賦出自百姓更令貪吏剝削聚貨以希恩理道故不可也上曰人君聚斂猶自不可但輕賦節用可也珽又曰貞觀中房杜王魏啓告文皇帝在此請不易初心自古好事克終實難上曰朕心終不改也尋封贊皇男食邑三百戶武宗即位之年九月與楊嗣復俱罷相出爲桂州刺史桂管觀察使三年長流驩州大中二年崔鉞白敏中逐李德裕徵入朝爲戶部尙書出爲河陽節度使入爲吏部尙書累遷金紫光祿大夫檢校尙書右僕射揚州大都督府長史淮南節度使上柱國贊皇郡開國公食邑一千五百戶大中七年卒贈司空

李固言趙郡人祖并父現固言元和七年登進士甲科太和初累官至駕部郎中知臺雜四年李宗閔作相用爲給事中五年宋申錫爲王守澄誣陷固言與同列伏閣論之將作監王堪修奉太廟弛慢罰俸仍改官爲太子賓客制出固言封還曰東宮調護之地不可令弛慢被罰之人處之改爲均王傅六年遷工部侍郎七年四月轉尙書左丞奉詔定左右僕射上事儀注八年李德裕輔政出爲華州刺史其年十月宗閔復入召拜吏部侍郎九年五月遷御史大夫六月宗閔得罪固言代爲門下侍郎平章事尋加崇文館大學士時李訓鄭注用事自欲竊輔相之權宗閔既逐外示公體爰立固言其實惡與宗閔朋黨九月以兵部尙書出爲興元節度使李訓自代固言爲平章事訓注誅文宗恩其議正開成元年四月復召爲平章事判戶部事二年羣臣上徽號上紫宸言曰中外上章請加徽號朕思理道猶鬱實愧岳牧之請如聞州郡甚有無政處固言

曰人言鄧州王堪衰老隋州鄭襄無政帝曰堪是貞元時御史祇有此一人鄭
覃曰臣以王堪舊人舉為刺史鄭襄比來守官亦無敗事若言外郡不理何止
二人帝曰濟濟多士又王以寧德宗時班行多閑員豈時乏才耶李石對曰十
室之邑必有忠信安有大國無人蓋貞元中仕進路塞所以有才之人或託迹
他所此乃不敘進人才之過也固言曰求才之道有人保任便宜獎用隨其稱
職與否昇黜之上曰宰相薦人莫計親疎實易直作相未嘗論用親情若己非
相才自宜引退若是公舉親亦何嫌人鮮全才但用其所長爾尋進階金紫判
戶部事其年十月以門下侍郎平章事出為成都尹劍南西川節度使代楊嗣
復上表讓門下侍郎乃檢校左僕射會昌初入朝歷兵戶二尚書宣宗即位累
授檢校司徒東都留守東畿汝都防禦使大中末以太常卿孫簡代之拜太子
太傅分司東都卒

史臣曰陳鄭諸公章疏議論綽有端士之風天子待以賢能付之以鼎職延英
獻納罕聞康濟之謀文陛敷敷莫副具瞻之望加以互生傾奪競起愛憎惟回
奉使命而喻藩臣救危邦而除宿憾沉昭獻文章可以為世範德行可以為人
師有啓誦之上才非桓靈之失道詎可不思己過祇務面欺輔弼之宜安可垂
訓若俾韓非之言進矣子輩安可逃乎士運之衰斯為翹翹悲夫

贊曰愛而知惡憎不忘善平心救非可居鼎鉞吠聲濟惡結黨專朝謀身壞國
何名燮調

舊唐書卷一百七十三

舊唐書卷一百七十三考證

鄭覃傳故相珣瑜之子○新書有珣瑜傳此缺

贊石云此本因拾平人人無事○臣西按是時覃與李石並相所云者當是李

石語贊字當是李字之訛今改

陳夷行傳宋祁○祁誤祈今改正

舊唐書卷一百七十三考證

後晉司空同中書門下平章事劉昫撰

列傳第一百二十四

李德裕

李德裕字文饒趙郡人祖栖筠御史大夫父吉甫趙國忠公元和初宰相祖父自有傳德裕幼有壯志苦心力學尤精西漢書左氏春秋恥與諸生同鄉賦不喜科試年纔及冠志業大成貞元中以父譴逐蠻方隨侍左右不求仕進元和初以父再秉國鈞避嫌不仕臺省累辟諸府從事十一年張弘靖罷相鎮太原辟爲掌書記由大理評事得殿中侍御史十四年府罷從弘靖入朝真拜監察御史明年正月穆宗即位召入翰林充學士帝在東宮素聞吉甫之名既見德裕尤重之禁中書詔大手筆多詔德裕草之是月召對思政殿賜金紫之服踰月改屯田員外郎穆宗不持政道多所恩貸戚里諸親邪謀請謁傳導中人之旨與權臣往來德裕嫉之長慶元年正月上疏論之曰伏見國朝故事駙馬緣是親密不合與朝廷要官往來玄宗開元中禁止尤切訪聞近日駙馬輒至宰相及要官私第此輩無他才伎可以延接唯是洩漏禁密交通中外羣情所知以爲甚弊其朝官素是雜流則不妨來往若職在清列豈可知聞伏乞宣示宰臣其駙馬諸親今後公事即於中書見宰相請不令詣私第上然之尋轉考功郎中知制誥二年二月轉中書舍人學士如故初吉甫在相位時牛僧孺李宗閱應制舉直言極諫科二人對詔深詆時政之失吉甫泣訴於上前由是考策官皆貶事在李宗閱傳元和初用兵伐叛始於杜黃裳誅蜀吉甫經畫欲定兩河方欲出師而卒繼之元衡裴度而韋實之李逢吉沮議深以用兵爲非而韋李相次罷相故逢吉常怒吉甫裴度而德裕於元和時久之不調而逢吉僧孺宗閱以私怨恆排擯之時德裕與李紳元稹俱在翰林以學識才名相類情頗款密而逢吉之黨深惡之其月罷學士出爲御史中丞時元稹自禁中出拜工部侍郎平章事三月裴度自太原復輔政是月李逢吉亦自襄陽入朝乃密路織人構成于方獄六月元植裴度俱罷相復出爲同州刺史逢吉代裴度爲門

下侍郎平章事既得權位銳意報怨時德裕與牛僧孺俱有相望逢吉欲引僧

孺權紳與德裕禁中沮之九月出德裕爲浙西觀察使尋引僧孺同平章事絲

是交怨愈深潤州承王國清兵亂之後前使賈易直傾府藏賞給軍旅寢驕財

用殫竭德裕儉於自奉留州所得盡以贍軍雖施與不豐將卒無怨二年之後

賦興復集德裕壯年得位銳於布政凡舊俗之害民者悉革其弊江嶺之間信

巫覡惑鬼怪有父母兄弟厲疾者舉室棄之而去德裕欲變其風擇鄉人之有

識者諭之以言繩之以法數年之間弊風頓革屬郡祠廟按方志前代名臣賢

后則祠之四郡之內除淫祠一千一十所又罷私邑山房一千四百六十以清

寇盜人樂其政優詔嘉之昭愍皇帝童年續廢頗事奢靡即位之年七月詔浙

西造銀盞子粧具二十事進內德裕奏曰臣百生多幸獲遇昌期受寄名藩常

憂曠職孜孜夙夜上報國恩數年已來災旱相繼罄竭微慮粗免流亡物力之

間尚未完復臣伏準今年三月三日敕文常貢之外不令進獻此則陛下至聖

至明細微洞照一恐聚斂之吏緣以成奸一恐凋瘵之人不勝其弊上弘儉約

之德下敷惻憫之心萬國羣臣鼓舞未息昨奉五月二十三日詔書令訪茅山

真隱將欲師虞謙守約之道發務實去華之美雖無入上塞丹詔實率士已偃

玄風豈止微臣獨懷抃賀況進獻之事臣子常心雖有勸文不許亦合竭力上

貢唯臣當道素號富饒近年已來比舊即異貞元中李絳任觀察使日職兼鹽

鐵百姓除隨貢出榷酒錢外更置官酤兩重納榷獲利至厚又訪聞當時進奉

亦兼用鹽鐵羨餘貢獻繁多自後莫及至薛平任觀察使時又奏置榷酒上供

之外頗有餘財軍用之間實爲優足自元和十四年七月三日勅却停榷酤又

準元和十五年五月七日敕文諸州羨餘不令送使唯有留使錢五十萬貫每

年支用猶欠十三萬貫不足常須是事節儉百計補填經費之中未免懸欠至

於綾紗等物猶是本州所出易於方圓金銀不出當州皆須外處迴市去二月

中奉宣令進盞子計用銀九千四百餘兩其時貯備都無二三百兩乃諸頭收

市方獲製造上供昨又奉宣旨令進粧具二十件計用銀一萬三千兩金一百

三十兩尋令併合四節進奉金銀造成兩具進納訖今差人於淮南收買旋到

旋造星夜不輟。雖力營求，深憂不迫。臣若因循不奏，則負陛下任使之恩。若分外誅求，又累陛下慈儉之德。伏乞陛下覽前件權酷及諸州羨餘之目，則知臣軍用偏短，本未有由。伏料陛下見臣奏論，必賜詳悉。知臣竭愛君守事之節，盡納忠聲直之心。伏乞聖慈，宣令宰臣商議，何以遣臣上不違宣索，下不關軍儲，不困疲人，不斂物怨。前後詔勅，並可遵承。輒冒宸嚴，不勝戰汗之至。時進救不許，進獻踰月之後，徵貢之使，道路相繼。故德裕因訴而諷之，事奏不報。又詔進可幅盤條練綾一千匹，德裕又論曰：臣昨緣宣索，已具軍資歲計及近年物力開奏。伏料聖慈，必垂省覽。又奉詔旨，令織定羅紗袍段，及可幅盤條練綾一千匹。伏讀詔書，倍增惶灼。臣伏見太宗朝，臺使至涼州，見名鷹諷李大亮獻之，大亮密表陳誠。太宗賜詔云：使遣獻之，遂不曲順。再三嘉歎，載在史書。又玄宗命，中使於江南採鴉鵲諸鳥，汴州刺史倪若水陳論。玄宗亦賜詔嘉納，其鳥即時皆放。又令皇甫詢於益州織半臂背子，琵琶扞撥，鑊牙合子等，蘇頌不奉詔書，輒自停織。太宗玄宗，皆不加罪。欣納所陳，臣竊以鴉鵲鑊牙，至為微細。若水等尚以勞人損德，瀝款效忠。當聖祖之朝，有臣如此。豈明王之代，獨無其人。蓋有位者蔽而不言，必非陛下拒而不納。又伏觀四月二十三日德音云：方召侯伯，有位於上，無或棄吾。謂不可教，其有違道傷理，徇欲懷安，面刺廷攻，無有隱諱。則是陛下納諫從善，道光祖宗，不盡忠規，過在臣下。況玄鵠天馬，柎豹盤條，文彩珍奇，只合聖躬自服。今所織千匹，費用至多。在臣愚誠，亦所未諭。昔漢文帝衣弋綈之衣，元帝罷輕織之服，仁德慈愷，至今稱之。伏乞陛下近覽太宗玄宗之容納，遠思漢文孝元之恭己，以臣前表，宣示羣臣。酌臣當道物力所宜，更賜節減。則海隅蒼生，無不受賜。臣不勝懇切兢惶之至。優詔報之。其綾綾罷進，元和已來，累勅天下州府，不得私度僧尼。徐州節度使王智興聚貨無厭，以敬宗誕月，請於泗州置僧壇度人資福，以邀厚利。江淮之民，皆羣黨渡淮，德裕奏論曰：王智興於所屬泗州置僧尼戒壇，自去冬於江淮已南，所在懸榜，招置江淮。自元和二年後，不敢私度。自聞泗州有壇，戶有三丁，必令一丁落髮。意在規避王徭，影庇資產。自正月已來，落髮者無算。臣今於蒜山渡點其過者，一日一百

餘人。勘問唯十四人是。舊日沙彌，餘是蘇常百姓，亦無本州文憑。尋已勸還本貫。訪聞泗州置壇次第，凡僧徒到者，人納二緡，給牒即迴。別無法事，若不特行禁止，比到誕節，計江淮已南，失却六十萬丁壯。此事非細，繫於朝廷法度。狀奏。即日詔徐州罷之。敬宗荒僻，日甚。遊幸無恆，疎遠賢能。昵比羣小，坐朝月不二三度。大臣罕得進言。海內憂危，慮移宗社。德裕身居廉鎮，傾心王室，遣使獻丹。展箴六首，曰：臣聞心乎愛矣，退不謂矣。此古之賢人所以篤於事君者也。夫迹疎而言親者，危地遠而意忠者，忤。然臣竊念拔自先聖，偏荷寵光，若不愛君以忠，則是上負靈鑒，臣頃事先朝，屬多陰沴，嘗獻大明賦，以諷頡蒙。先朝嘉納，臣今日盡節明主，亦由是心。昔張敞之守遠郡，梅福之在遐徼，尚竭誠盡忠，不避尤悔。況臣嘗學舊史，頗知箴諷。雖在疎遠，猶思獻替。謹獻丹展箴六首，仰塵睿鑒。伏積兢惶，其宵衣箴曰：先王聽政，昧爽以俟。鷄鳴既盈，日出而視。伯禹大聖，寸陰為貴，光武至仁，反支不忘。無俾姜后，獨去警珥。彤管記言，克念前志。其正服箴曰：聖人作服，法象可觀。雖在宴遊，尚不懷安。汲黯莊色，能正不冠。楊阜毅然，亦譏纒紉。四時所御，各有其官。非此勿服，惟辟所難。其罷獻箴曰：漢文罷獻，詔還駮耳。鑾輅徐驅，焉用千里。厥後令王，亦能恭己。翟裘既焚，筒布則毀。道德為麗，慈仁為美。不過天道，斯為至理。其納諫箴曰：惟后納諫，以求厥中。從善如流，乃能成功。漢驚流涵，舉白浮鍾。魏密修汰，凌霄作宮。忠雖不忤，善亦不從。以規為瑣，是謂塞聰。其辯邪箴曰：居上處深，在察微萌。雖有讒慝，不能蔽明。漢之有昭，德過周成。上書知僞，照奸得情。燕蓋既折，王猷洽平。百代之後，乃流淑聲。其防微箴曰：天子之孝，敬遵王度。安必思危，乃無遺虞。亂臣倡厥，非可遽數。玄黃莫辨，觸瑟始仆。柏谷微行，豺豕塞路。睹貌獻殮，斯可誠懼。帝手詔答曰：卿文雅大臣，方隅重寄。表率諸部，肅清全吳。化洽行春，風澄坐嘯。眷言善政，想敷在懷。卿之宗門，累著聲績。冠內廷者兩代，襲侯伯者六朝。果能激愛君之誠，喻詩人之旨。在遠而不忘忠告，諷上而常深慮微。博我以端躬，約予以循禮。三復規諫，累夕稱嗟。置之座隅，用比章絃之益。銘諸心腑，何啻藥石之功。卿既以投誠，朕每懷開諫。苟有過舉，無忘密陳。山川既遐，膝屬何已。必當克己，以副乃誠。德

裕意在勿諫不欲斥言既箴以盡意宵衣輒坐朝稀曉也正服輒服御乖異也罷獻諷徵求玩好也納誨諷海藥謙言也辨邪輒信任羣小也防微輒輕出遊幸也帝雖不能盡用其言命學士章處厚殷勤答詔頗嘉納其心焉德裕久留江介心戀闕廷因事寄情望迴聖獎而逢吉當軸杖棘其塗竟不得內從實曆二年亳州言出聖水飲之者愈疾德裕奏曰臣訪聞此水本因妖僧誑惑校計巧錢數月已來江南之人奔走塞路每三二十家都顧一人取水擬取之時疾者斷食聲血既飲之後又二七日疏殄危疾之人俟之愈病其水斛價三貫而取者益之他水沿路轉以市人老疾飲之多至危篤昨點兩浙福建百姓渡江者日三五十人臣於蒜山渡已加捉搦若不絕其根本終無益黎甿昔吳時有聖水宋齊有聖火事皆妖妄古人所非乞下本道觀察使令狐楚速令填塞以絕妖源從之敬宗爲兩街道士趙歸真說以神仙之術宜訪求異人以師其道僧惟貞齊賢正簡說以祠禱修福以致長年四人皆出入禁中日進邪說山人杜景先進狀請於江南求訪異人至浙西言有隱士周惠元壽數百歲帝即令高品薛季稜往潤州迎之仍詔德裕給公乘遣之德裕因中使還獻疏曰臣聞道之高者莫若廣成玄元人之聖者莫若軒黃孔子昔軒黃問廣成子理身之要何以長久對曰無視無聽抱神以靜形將自正神必自清無勞子形無搖子精乃可長生慎守其一以處其和故我修身千二百歲矣吾形未嘗衰又云得吾道者上爲皇而下爲王玄元語孔子曰去子之驕氣與多欲態色與淫志是皆無益於子之身吾所告子者是已故軒黃發謂天之數孔子與猶龍之感前聖於道不其至乎伏惟文武大聖廣孝皇帝陛下用玄祖之訓修軒黃之術凝神閉館物色異人將以觀冰雪之姿屈順風之請恭惟聖感必降真仙若使廣成玄元混迹而至語陛下之道授陛下之言以臣度思無出於此臣所慮赴召者必迂怪之士苟合之徒使物淖冰以爲小術街耀邪僻欺蔽聰明如文成五利一無可驗臣所以三年之內四奉詔書未敢以一人塞詔實有所懼臣又聞前代帝王雖好方士未有服其藥者故漢書稱黃金可成以爲飲食器則益壽又高宗朝劉道合玄宗朝孫甌生皆成黃金二租竟不敢服豈不以宗廟社稷

之重不可輕易此事炳然載於國史以臣微見備陛下睿慮精求必致真隱唯問保和之術不求餌藥之功縱使必成黃金止可充於玩好則九廟靈鑒必當慰悅寰海兆庶誰不歡心臣思竭愚衷以裨玄化無任兢憂之至息元至京帝館之於山亭問以道術自言識張果葉靜能詔寫真待詔李士昉問其形狀圖之以進息元山野常人本無道學言事誕妄不近人情及昭愍遇盜而祖文宗放還江左德裕深識守正皆此類也文宗即位就加檢校禮部尚書太和三年八月召爲兵部侍郎裴度薦以爲相而吏部侍郎李宗閔有中之助是月拜平章事懼德裕大用九月檢校禮部尚書出爲鄭滑節度使德裕爲達吉所擯在浙西八年雖遠闕庭每上章言事文宗素知忠盡探朝論微之到未旬時又爲宗閔所逐中懷於悒無以自申賴鄭覃侍講禁中時稱其善雖朋黨流言帝乃心未已宗閔尋引牛僧孺同知政事二憾相結凡德裕之善者皆斥之於外四年十月以德裕檢校兵部尚書成都尹劍南西川節度副大使知節度事管內觀察處置西山八國雲南招撫等使裴度於宗閔有恩度征淮西時請宗閔爲彰義觀察判官自後各位日進至是恨度援德裕罷度相位出爲興元節度使牛李權赫於天下西川承鸞寇剽虜之後郭釗撫理無術人不聊生德裕乃復葺關防繕完兵守又遣人入南詔求其所伴工匠得僧道工巧四千餘人復歸成都五年九月吐蕃維州守將悉怛謀請以城降其州南界江陽岷山連嶺而西不知其極北望隴山積雪如玉東望成都若在井底一面孤峯三面臨江是西蜀控吐蕃之要地至德後河隴陷蕃唯此州尚存吐蕃利其險要將婦人嫁於此州闈者二十年後婦人生二子成長及蕃兵攻城二子內應其州遂陷吐蕃得之號曰無憂城貞元中章舉鎮蜀經略西山八國萬計取之不獲至是悉怛謀遣人送款德裕疑其詐遣人送錦袍金帶與之託云候取進悉怛謀乃盡率郡人歸成都德裕乃發兵鎮守因陳出攻之利害時牛僧孺沮議言新與吐蕃結盟不宜取約語在僧孺傳乃詔德裕却送悉怛謀一部之人還維州贊普得之皆加虐刑德裕六年復修邛峽關移藩州於臺登城以扞蠻德裕所歷征鎮以政績聞其在蜀也西拒吐蕃南平蠻蠻數年之內夜犬不驚瘡痍之

民粗以完復會監軍王踐言入朝知樞密嘗於上前言悉恒謀縛送以快戎心
 絕歸降之義上頗尤僧孺其年冬召德裕為兵部尚書僧孺罷相出為淮南節
 度使七年二月德裕以本官平章事進封贊皇伯食邑七千戶六月宗閔亦罷
 德裕代為中書侍郎集賢大學士其年十二月文宗暴風恙不能言者月餘八
 年正月十六日始力疾御紫宸見百寮宰臣退問安否上數醫無名工者久之
 由是王守澄進鄭注初注構宋申錫事帝深惡之欲令京兆尹杖殺之至是以
 藥稍効始善遇之守澄復進李訓善易其年秋上欲授訓諫官德裕奏曰李訓
 小人不可在陛下左右頃年惡積天下皆知無故用之必駭視聽上曰人誰無
 過俟其悛改朕以逢吉所託不忍負言德裕曰聖人有改過之義訓天性奸邪
 無悛改之理上顧王涯曰商量別與一官遂授四門助教制出給事中鄭肅韓
 俟封之不下王涯召肅面諭令下俄而鄭注亦自絳州至訓注惡德裕排己九
 月十日復召宗閔於興元授中書侍郎平章事代德裕出德裕為興元節度使
 德裕中謝曰自陳戀闕不願出藩追勅守兵部尚書宗閔奏制命已行不宜自
 便尋改檢校尚書左僕射潤州刺史鎮海軍節度蘇常杭潤觀察等使代王璠
 德裕至鎮奉詔安排宮人杜仲陽於道觀與之供給仲陽者漳王養母王得罪
 放仲陽於潤州故也九年三月左丞王璠戶部侍郎李漢進狀論德裕在鎮厚
 賂仲陽結託漳王圖為不軌四月帝於蓬萊殿召王涯李固言路隨王璠李漢
 鄭注等面證其事璠漢加誣構結語甚切至路隨奏曰德裕實不至此誠如璠
 漢之言微臣亦合得罪羣論稍息尋授德裕太子賓客分司東都其月又貶袁
 州長史路隨坐證德裕罷相出鎮浙西其年七月宗閔坐救楊虞卿貶虞州李
 漢坐黨宗閔貶汾州十一月王璠與李訓造亂伏誅而文宗深悟前事知德裕
 為朋黨所誣明年三月授德裕銀青光祿大夫量移滁州刺史七月遷太子賓
 客十一月檢校戶部尚書復浙西觀察使德裕凡三鎮浙西前後十餘年開成
 二年五月授揚州大都督府長史淮南節度副大使知節度使事代牛僧孺初
 僧孺聞德裕代己乃以軍府事文付副使張鷟即時入朝時揚州府藏錢帛八
 十萬貫匹及德裕至鎮奏領得止四十萬半為張鷟支用訖僧孺上章訟其事

詔德裕重檢括果如僧孺之數德裕稱初到鎮疾病為吏隱欺請罰詔釋之補
 闕王績魏謨崔黨有翼拾遺令狐綯韋楚老樊宗仁等連章論德裕妄委錢
 帛以傾僧孺上竟不問四年四月就加檢校尚書左僕射五年正月武宗即位
 七月召德裕於淮南九月授門下侍郎同平章事初德裕父吉甫年五十一出
 鎮淮南五十四自淮南復相今德裕鎮淮南復入相一如父之年亦為異事會
 昌元年兼左僕射開成末迴紇為黠戛斯所攻戰敗部族離散烏介可汗奉太
 和公主南來會昌二年二月牙於塞上遣使求助兵糧收復本國權借天德軍
 以安公主時天德軍使田牟請以沙陁退渾諸部落兵擊之上意未決下百寮
 商議議者多云如牟之奏德裕曰頃者國家艱難之際迴紇繼立大功今國破
 家亡竄投無所自居塞上未至侵淫以窮來歸遽行殺伐非漢宣待呼韓邪之
 道也不如聊濟資糧徐觀其變宰相陳夷行曰此借寇兵而資盜糧非計也不
 如擊之便德裕曰田牟韋仲平言沙陁退渾並願擊賊此緩急不可恃也夫見
 利則進遇敵則散是雜虜之常態必不肯為國家扞禦邊境天德一城戍兵寡
 弱而欲與勁虜結離陷之必矣不如以理卸之俟其越軼用兵為便帝以為然
 許借米三萬碩俄而迴紇宰相嗚沒斯殺赤心宰相以其眾來降赤心部族又
 投幽州烏介勢孤而不與之米其眾饑乏漸近振武保大柵杷頭峯突入朔州
 州界沙陁退渾皆以其家保山險雲州張獻節嬰城自固虜大縱掠卒無拒者
 上憂之與宰臣計事德裕曰杷頭峯北便是沙陁彼中野戰須用騎兵若以步
 卒敵之理難必勝今烏介所恃者公主如令勇將出奇奪得公主虜自敗矣上
 然之即令德裕草制處分代北諸軍固關防以出奇形勢授劉沔沔令大將石
 雄急擊可汗于殺胡山敗之迎公主還宮語在石雄傳尋進位司空三年二月
 趙蕃奏黠戛斯攻安西北庭都護府宜出師應援德裕奏曰據地志安西去京
 七千一百里北庭去京五千二百里承平時向西路自河西龍右出玉門關進
 還國家州縣所在皆有重兵其安西北庭要兵便於側近微發自難難已後
 河龍盡陷吐蕃若通安西北庭須取迴紇路去今迴紇破滅又不知的屬黠戛
 斯否縱令救得便須却置都護須以漢兵鎮守每處不下萬人萬人從何徵發

饋運取何遺路。今天德振武去京至近，兵力常苦不足，無事時貯糧不支得三年。朝廷力猶不及，況保七千里安西哉。臣所以謂縱令得之，實無用也。昔漢宣帝時，魏相請罷車師之田，漢元帝時，賈捐之請棄珠崖郡，國朝賢相狄仁傑亦請棄四鎮，立解懸羅爲可汗，又請棄安東，却立高氏，蓋不欲貪外虛內，耗竭生靈。此二臣者，當自有之時，尚欲棄之，以肥中國，況隔越萬里，安能救之哉。臣恐蕃戎多計，知國力不及，僞且許之，邀求中國金帛，陛下不可不悔。此則將實費以換虛事，卽是滅一週而更生之，恐計非便，乃止。德裕又以太和五年，吐蕃維州守將以城降，爲牛僧孺所沮，終失維州。奏論之曰：臣在先朝，出鎮西蜀，其時吐蕃維州首領悉怛謀，雖是雜虜，久樂皇風，將彼堅城，降臣本道。臣尋差兵馬，入據其城，飛章以聞。先帝驚歎，其時與臣不足者，望風嫉臣，遽獻疑言，上罔宸聽，以爲與吐蕃盟約，不可背之，必恐將此爲辭，侵犯郊境。詔臣還却此城，兼執送悉怛謀等，令彼自戮，復降中使，迫促送還。昔白起殺降，終于杜郵，致禍陳湯，見從，是爲郅支報讎，感歎前事，愧心終日。今者幸逢英主，忝備台司，輒敢追論伏希省察。且維州據高山絕頂，三面臨江，在戎虜平川之衝，是漢地入兵之路，初河隴盡沒，此州獨存。吐蕃潛將婦人嫁與此州門子，二十年後，兩男長成，竊開壘門，引兵夜入，因茲陷沒。號曰無憂，因併力於西邊，遂無虞於南路。憑凌近甸，宵旰累朝。貞元中，章奉欲經略河湟，須以此城爲始。盡銳萬旅，急攻累年，吐蕃愛惜，既甚，遂遣舅輪莽熱來援，堆堞高峻，臨衝難及，於層霄爲逕，屈盤猛士多，糜於礪石，莫展公輸之巧，空擒莽熱而還。及南蠻負恩，掃地驅劫，臣初到西蜀，衆心未安，外揚國威，中緝邊備，其維州執臣信令，乃送款與臣。臣告以須俟奏聞，所冀探其情僞，其悉怛謀率一城之兵衆，奔州印甲仗，塞途相繼，空壁歸臣。臣大出牙兵，受其降禮。南蠻在列，莫敢仰視。況西山入國，隔在此州，比帶使名，都成虛語。諸羌久苦蕃中征役，願作大國王人，自維州降後，皆云但得臣信牒，帽子便相率內屬。其蕃界合水樓鷄等城，既失險阨，自須抽歸，可滅入處鎮兵，坐收千里舊地。臣見莫大之利，乃爲恢復之基。繼具奏聞，請以酬賞。臣自與錦袍金帶，願俟詔書。且吐蕃維州未降已前一年，猶圍魯州，以此言之，豈

守盟約。況臣未嘗用兵攻取，彼自感化來降，又沮議之人，不知事實，犬戎遲鈍，土贖人稀，每欲乘秋犯邊，皆須數歲就食。臣得維州踰月，未有一使入疆，自此之後，方應破膽，豈有慮其後患。鼓此游詞，臣受降之時，指天爲誓，寧忍將三百餘人性命，棄信偷安。累表上陳，乞垂矜救，答詔嚴切，竟令執還，加以體披桎梏，昇於竹舂，及將就路，冤叫呼天。將吏對臣，無不流涕，其部送者，便遭蕃帥讒，曰：既已降彼，何須送來。乃却將此降人，戮于漢界之上，恣行殘害，用固播羅，乃至擲其嬰孩，承以槍槊。臣聞楚靈誘殺蠻子，春秋明譏，周文外送鄧叔，簡冊深鄙。況乎大國，負此異類，絕忠款之路，快兇虐之情。從古以來，未有此事。臣實痛悉怛謀，舉城受醜，由臣陷此無辜，乞慰忠魂，特加褒贈，帝意傷之，尋賜贈官。其年德裕兼守司徒，四月，澤潞節度使劉從諫卒，軍人以其姪稹擅總留後，三軍請降旄鉞，帝與宰臣議可否。德裕曰：澤潞國家內地，不同河朔，前後命帥，皆用儒臣，頃者李抱真成立此軍，身歿之後，德宗尚不許繼襲，令李絳護喪歸洛，洎劉悟作鎮，長慶中頗亦自專，屬敬宗因循，遂許從諫繼襲，開成初於長子屯軍，欲興晉陽之甲，以除君側，與鄭注李訓交結至深，外託効忠，實懷窺伺，自疾病之初，便令劉稹管兵馬，若不加討伐，何以號令四方。若因循授之，則藩鎮相効，自茲威令去矣。帝曰：卿算用兵必剋否。對曰：劉稹所恃者，河朔三鎮耳，但得魏鎮不與稹同，破之必矣。請遣重臣一人，傳達聖旨，言澤潞命帥不同三鎮，自艱難已來，列聖皆許三鎮嗣襲，已成故事。今國家欲加兵誅稹，禁軍不欲出山東，其山東三州，委鎮魏出兵攻取，上然之。乃令御史中丞李回使三鎮，諭旨，賜魏鎮詔書云：卿勿爲子孫之謀，欲存輔車之勢，何弘敬王元逵承詔，雖然從命，初議出兵，朝官上疏相繼，請依從諫例，許之繼襲，而宰臣四人，亦有以出師非便者。德裕奏曰：如師出無功，臣請自當罪戾，請不累李紳讓夷等。及弘敬元逵出兵，德裕又奏曰：貞元太和之間，朝廷伐叛，詔諸道會兵，纔出界，便費度支供餉，遲留逗撓，以困國力，或密與賊商量，取一縣一柵，以爲勝捷，所以師出無功。今請處分元逵弘敬，只令收州，勿攻縣邑。帝然之。及王宰石雄進討，經年未拔澤潞，及弘敬元逵收邪洛磁三州，稹黨遂離，以至平珍，皆如其筭。時王師方討澤

懿三年十二月太原橫水戍兵因移戍榆社乃倒戈入太原城逐節度使李石
 推其都將楊弁為留後武宗以賊種未殄又起太原之亂心頗憂之遣中使馬
 元實往太原宣諭規其所為元實受楊弁賂欲保祐之四年正月使還奏曰楊
 弁兵馬極多自牙門列隊至柳子十五餘里明光甲曳地德裕奏曰李石比以
 城內無兵抽橫水兵一千五百人赴榆社安能朝夕間便致十五里兵甲耶元
 實曰晉人驍敢盡可為兵重賞招致耳德裕曰招召須財昨橫水兵亂止為欠
 絹一匹李石無處得楊弁從何致耶又太原有一聯甲並在行營安致十五里
 明光耶元實詞屈德裕奏曰楊弁微賊決不可恕如國力不及寧捨割讓即時
 請降詔令王逢起榆社軍又令王元逵兵自土門入會于太原河東監軍呂義
 忠聞之即日召榆社本道兵誅楊弁以聞自開成五年冬迴紇至天德至會昌
 四年八月平澤潞首尾五年其籌度機宜選用將帥軍中書詔奏請雲合起草
 指蹤皆獨決於德裕諸相無預焉以功兼守太尉進封衛國公三千戶五年武
 宗上徽號後累表乞骸不許德裕病月餘堅請解機務乃以本官平章事兼江
 陵尹荆南節度使數月追還復知政事宣宗即位罷相出為東都留守東畿汝
 都防禦使德裕特承武宗恩顧委以樞衡決策論兵舉無遺悔以身扞難功流
 社稷及昭肅棄天下不逞之伍咸害其功白敏中令狐綯在會昌中德裕不以
 朋黨疑之置之臺閣顧待甚優及德裕失勢抵掌戟手同謀斥逐而崔鉉亦以
 會昌末罷相怨德裕大中初敏中復薦鉉在中書乃相與持撫構致令其黨人
 李咸者訟德裕輔政時陰事乃罷德裕留守以太子少保分司東都時大中元
 年秋尋再貶潮州司馬敏中等又令前承寧縣尉吳汝納進狀訟李紳鎮揚州
 時謬斷刑獄明年冬又貶潮州司戶德裕既貶大中二年自洛陽水路經江淮
 赴潮州其年冬至潮陽又貶崖州司戶至三年正月方達珠崖郡十二月卒時
 年六十三德裕以器業自負特達不羣好著書為文獎善嫉惡雖位極台輔而
 讀書不輟有劉三復者長於章奏尤奇待之自德裕始鎮浙西迄於淮甸皆參
 佐賓筵軍政之餘與之吟詠終日在長安私第別構起草院院有精思亭每朝
 廷用兵詔令制置而獨處亭中凝然握管左右侍者無能預焉東都於伊闕南

置平泉別墅清流翠篠樹石幽奇初未仕時講學其中及從官播磨出將入相
 三十年不復重遊而題寄歌詩皆銘之於石今有花木記歌詩篇錄二石存焉
 有文集二十卷記述舊事則有次柳氏舊聞御臣要略伐叛志獻替錄行於世
 初貶潮州雖蒼黃顛沛之中猶留心著述雜序數十篇號曰窮愁志其論冥數
 曰仲尼罕言命不語神非謂無也欲人嚴三綱之道奉五常之教修天爵而致
 人爵不欲信富貴于天命委福祿於冥數昔衛卜協于沙丘為諶已久秦塞屬
 於臨洮名子不悟朝歌未滅而國流丹鳥白帝尚在而漢斷秦蛇皆兆發於先
 而符應於後不可以智測也周孔與天地合德與神明合契將來之數無所遁
 情而狼跋於周鳳衰于楚豈親戚之義不可去也人倫之教不可廢也條侯之
 貴鄧通之富死於兵革可也死于女室可也唯不宜以鏹終此又不可以理得
 也命偶時來盜有名器者謂禍福出於胸懷榮枯生於口吻沛然而安澹然而
 笑曾不知黃雀遊於茂樹而挾彈者在其後也乙丑歲子自荆楚保釐東周路
 出方城間有隱者困于泥塗不知其所如謂方城長曰此官人居守後二年南
 行萬里則知憾子者必因天譴謫子者乃自鬼謀雖抱至冤固不為恨子嘗三
 遇異人非卜祝之流皆遁世者初掌記北門管涔隱者謂子曰君明年當在人
 君左右為文翰之職須值少主予聞之愕然變色隱者亦悔失言避席求去子
 問曰何為事少主對曰君與少主已有宿緣其年秋登朝至明年正月穆宗繼
 緒召入禁苑及為中丞閩中隱者叩門請見子下榻與語曰時事非久公不早
 去冬必作相禍將至矣若亟請居外則代公者受惠公後十年終當作相自西
 而入是秋出鎮吳門時年三十六歲經入稔尋又仗劍南燕秋暮有邑子于生
 引鄴郡道士至纔升階未及命席謂子曰公當為西南節制孟冬望舒前符節
 至矣三者皆與之協不差歲月自憲闈竟十年居相位由西蜀而入代子持憲
 者俄亦竄逐唯再請南荒未嘗有前知之士為子言之豈禍患不可移者神道
 所秘莫得預聞其自序如此斯論可以警夫躁競者故書於事末德裕三子燁
 檢校祠部員外郎汴宋毫觀察判官大中二年坐父貶象州立山尉二子幼從
 父歿於崖州燁咸通初量移郴州郴縣尉卒於桂陽子延古

史臣曰。臣總角時。亟聞着德言衛公故事。是時天子神武。明於聽斷。公亦以身犯難。剛特達之遇。言行計從。功成事遂。君臣之分。千載一時。觀其禁掖彌綸。嚴廊登奏。料敵制勝。襟靈獨斷。如由革命中。罔有虛發。實奇才也。語文章則嚴馬扶輪。論政事則蕭曹避席。罪其竊位。即太深文。所可議者。不能釋憾解仇。以德報怨。非於度外。齊彼我於環中。與夫市井之徒。力戰錐刀之末。淪身瘴海。可爲傷心。古所謂覆金都下。忽於市人。萬裏不見於眉睫。才則才矣。語道則難贊。曰。公之智決。利若青萍。破虜誅叛。摧枯建瓴。功成北闕。骨葬南溟。嗚呼。煙閣誰上丹青。

舊唐書卷一百七十四

舊唐書卷一百七十四考證

李德裕傳忠雖不忤善亦不從以規爲瑛是謂塞聰○原本作而善亦從以規爲視今據通鑑改正。

以本官平章事兼江陵尹荆南節度使○沈炳震曰。按紀宣宗即位罷相拜荆南節度武宗朝未嘗免也。誤。

舊唐書卷一百七十四考證

後晉司空同中書門下平章事劉昫撰

列傳第一百二十五

憲宗二十子 穆宗五子 敬宗五子 文宗二子

武宗五子 宣宗十一子 懿宗八子 僖宗二子

昭宗十子 嗣襄王繼朱 改王行瑜附

憲宗二十子 穆宗皇帝 宣宗皇帝 惠昭太子 寧 澧王 惲 深王 恂 洋王 忻 絳王 悟 建王 恪 鄜王 懷 瓊 王 悅 沔王 恂 羣王 懌 茂王 愔 潛王 協 衡王 憺 澶王 忱 棟 王 懌 彭王 惕 信王 愔 榮王 慎

惠昭太子 寧 憲宗長子也 母曰紀美人 貞元二十一年四月封平原郡王 元和元年八月 進封鄧王 四年閏二月 立為皇太子 改名 甫 尋復今名 其年有司將行冊禮 以孟夏孟秋再卜日 臨事皆以雨罷 至十月方行冊禮 元和六年十二月 薨 年十九 廢朝十三日 時勅國子司業裴彦攝太常博士 西內勾當 臣通習古今禮儀 嘗為太常博士 及官至郎中 每兼其職 至改司業 方罷兼領 國典無皇太子薨禮 故又命陸領之 廢朝十三日 蓋用期服以日易月之制也 諡曰惠昭

澧王 惲 憲宗第二子也 本名寬 貞元二十一年封同安郡王 元和元年 進封澧王 七年改今名 時吐突承璀恩寵特異 惠昭太子薨 議立儲副 承璀獨排羣議 屬澧王 欲以威權自樹 賴憲宗明斷不惑 上將冊拜太子 詔翰林學士崔羣代澧王作讓表 一羣羣奏曰 凡事已合當之而不為 則有退讓焉 上深納之 及憲宗晏駕 承璀死 王亦薨於其夕 以元和十五年四月丁丑發喪 廢朝三日 長子漢 東陽郡王 次子 源 安陸郡王 第三子 演 臨安郡王

深王 恂 本名察 憲宗第四子也 貞元二十一年封彭城郡王 元和元年 進封深王 改今名 長子 潭 河內郡王 次子 淑 吳興郡王 洋王 忻 本名憲 憲宗第五子也 貞元二十一年 封為高密郡王 元和元年 進封洋王 七年改今名 太和二年 薨 長子 沛 太和八年 封潁川郡王

絳王 悟 本名察 憲宗第六子也 貞元二十一年封文安郡王 元和元年 進封絳王 七年改今名 寶曆二年冬 遇害 長子 洙 太和八年 封新安郡王 第二子 滂 封高平郡王

建王 恪 本名憲 憲宗第十子也 元和元年八月 潛青節度李師古卒 其弟師道擅領軍務 以邀符節 朝廷方與討罰之師 不欲分兵兩地 乃封審為建王 間一日 授開府儀同三司 鄆州大都督 充平盧軍淄青等州節度營田觀察處置陸運海運 押新羅渤海兩蕃等使 而以師道為節度留後 不出閣 七年改今名 長慶元年 薨

鄜王 懌 長慶元年 封 開成四年七月 薨 長子 溥 平陽郡王

瓊王 悅 長慶元年 封 第二子 津 河間郡王

沔王 恂 長慶元年 封 長子 瀛 晉陵郡王

羣王 懌 長慶元年 封 長子 清 新平郡王

茂王 愔 長慶元年 封 長子 濬 武功郡王

潛王 協 憲宗第十四子也 長慶元年 封 開成元年 薨 長子 潞 太和八年八月 封許昌郡王 第三子 漢 馮翊郡王

衡王 憺 長慶元年 封 長子 涉 晉平郡王

澶王 忱 長慶元年 封 長子 潭 鴈門郡王

棟王 懌 大中六年 封 咸通三年 薨

彭王 惕 大中三年 封

信王 愔 大中十四年 封 咸通八年 薨

榮王 慎 咸通三年 封 廣明元年 八月十九日 授開府儀同三司 守司空 其年十月九日 薨 其子 令平 嗣王

穆宗五子 敬宗 皇帝 文宗 皇帝 武宗 皇帝 懷懿 太子 湊 安王 溶

懷懿太子 湊 穆宗第六子 少寬和溫雅 齊莊有度 長慶初 封漳王 文宗以王守澄恃權 深怒 閣官 欲盡誅之 密令宰相宋申錫與外臣謀畫其計 守澄聞人鄭注伺知其事 欲先事誅申錫 以漳王賢而有望 乃令神策虞候巨盧著告變言

十六宅官市典晏敬則朱訓與申錫親吏王師文同謀不軌朱訓與王師文言聖上多病太子年少若立兄弟次是漳王要先結託乃於師文處得銀五錠絹八百匹又晏敬則於十六宅將出漳王吳綾汗衫一領熟練綾一匹以答申錫其事皆鄭注憑虛結構而擒朱訓等於黃門獄鍛鍊偽成其款居三四日朝臣方悟其誣構諫官崔玄亮等閣中極諫叩頭出血請出申錫獄付外勒鞠鄭注輩恐其偽迹敗露乃請行貶黜制曰王者教先入愛義不遺親豈於同氣之中可致異詞之間如或慎修不至註誤有聞構為厲階犯我邦紀未加極竄尚屈彝章漳王湊手足之親盤石是固居崇寵秩列在威藩頃多克順之心亦有尚賢之志而滿盈生患敗覆是圖姦凶會同謀議聯及汚我皇化彰于外朝初駭子衷再驚羣聽尚以未具獄詞稽實審慎建侯之命姑務從寬可降封冀縣公制下上令中使齋冀縣官告就十宅賜湊言國法須此爾官寬勉八年堯贈封齊王鄭注伏誅帝恩濫被陷而心傷之開成三年正月制曰襄善飾終王者常典况我友于之愛手足之親永言痛悼之懷用錫元良之命故齊王湊孕靈天字擢秀本枝孝敬知於孩提惠和洽於親愛將固磐石遂分茅社學探蟻術之精習有家舟之妙好書樂善造次不失其清規置醴尊師風雨不忘其至敬方期台耆以保怡怡天胡不仁殲我同氣念周官好愛之分長慟莫追覽魏文榮樂之言軫懷無已繇是稽諸前典式展追榮特峻彝章表恩泉壤雖禮命之儀則爾而天倫之恨何據遐想幽魂宜膺寵數可贈懷懿太子有司擇日冊命安王溶穆宗第八子母楊賢妃長慶元年封太和八年授開府儀同三司檢校吏部尚書開成初勅安王頊王並以百官例逐月給料錢武宗即位李德裕秉政或告文宗崩時楊嗣復以與賢妃宗家欲立安王為嗣故王受禍嗣復貶官敬宗五子悼懷太子普梁王休復襄王執中紀王言揚陳王成美

悼懷太子普敬宗長子也母曰郭妃寶曆元年封晉王太和二年薨年五歲上撫念之甚厚冊贈悼懷太子

梁王休復開成二年八月詔曰王者胙土畫疆封建子弟所以承衛帝室蕃茂本枝祖宗成式朕曷敢廢況天付正性夙奉至訓尊賢好善體仁由禮是可舉

建侯之命膺分社之榮親親賢賢於是乎在敬宗皇帝第二子休復第三子執中第四子言揚第六子成美皆氣蘊中和行推敬慎游泳墳索佩服師言宜開土字之封用申睦族之典休復可封梁王執中可封襄王言揚可封紀王成美可封陳王宜令有司擇日備禮冊命

襄王執中與梁王同時受封第三男梁樂平郡王

紀王與襄王同時受封

陳王成美與紀王言揚同時受封開成四年十月詔曰古先哲王之有天下也何嘗不正國本而承天序建儲貳而主重離朕以寡昧祗荷丕圖虔恭寅畏思固鴻業慎擇全懿曠于旬時而卿士獻謀龜筮告吉以為少陽虛位願舉感儀列聖垂休俾合予志選賢而立式表無私敬宗皇帝第六男陳王成美天假忠孝日新道德温文合雅謙敬保和裕端明之體度尚詩書之辭訓言皆中禮行不違仁是可以訓者舊章欽若成命授之七鬯以奉柔威宜迥朱邱之榮俾踐青宮之重可立為皇太子宜令所司擇日備禮冊命自莊恪太子薨將相大臣洎職言者拜章面陳凡累月上遂命立陳王未行冊禮復降仍舊其年殂於藩邸第十九男儼宣城郡王

文宗二子莊恪太子永蔣王宗儉

莊恪太子永文宗長子也母曰王德妃太和四年正月封魯王六年上以王年幼思得賢傅輔導之時王傳和元亮因待制召問元亮出於卒史不知書一不能對後宰相延英奏事上從容曰魯王質性可教官擇賢士大夫為官屬不可復用和元亮之輩因以戶部侍郎庾敬休守本官兼魯王傅太常卿鄭肅守本官兼王府長史戶部郎中李踐方守本官兼王府司馬其年十月降詔冊為皇太子上自即位承敬宗盤遊荒怠之後恭儉惕慎以安天下以晉王謹愿且欲建為儲貳未幾晉王薨上哀悼甚不復言東宮事久之今有是命中外慶悅後以王起陳夷行為侍讀開成三年上以皇太子宴遊敗度不可教導將議廢黜特開延英召宰臣及兩省御史臺五品已上南班四品已上官對宰臣及眾官以為儲后年少可俟改過國本至重願寬宥御史中丞狄兼善上前雪涕以諫

詞理懇切。翌日翰林學士六人洎神策六軍使十六人又進表陳論。上意稍解。其日一更。太子歸少陽院。以中人張克己柏常心充少陽院使。如京使王少華判官袁載和及品官白身內園小兒官人等數十人連坐至死。及剝色流竄。尋詔侍讀竇宗直周敬慎依前隔日入少陽院。其年薨。勅兵部尚書王起撰哀冊文曰。維大唐開成三年歲次戊午十月乙酉朔十六日庚子皇太子薨于少陽院。十七日辛丑遷座于大吉殿。十一月乙卯朔二十四日戊寅命冊使太子太師兼右僕射門下侍郎國子祭酒平章事鄭覃副使中書侍郎平章事楊嗣復持節冊諡曰莊恪。十二月乙酉朔十二日丙申葬于驪山之北原莊恪陵。禮也。玉璫歲終金靈漏盡。祖奠告徹。哀笳將引。庭滅燎而月寒。路搖旒而風緊。皇帝念主芻之缺位。悼佩纊之夭年。銅樓已閉。銀牒徒懸。方追思於對日。遽冥寞而賓天。典冊具舉。文物咸備。爰詔侍臣顯揚上嗣。其詞曰。皇矣帝緒。肇基綿古。種德尊道。宗文祖武。上聖開成。天下和平。儲祉發祥。是生元良。覃訏之初。岐嶷用彰。蘊才游藝。玉裕金相。既免孩提。是加封殖。俾維城於東魯。錫介珪於上國。辭榮朱邸。正位青宮。尊師重傅。養德全聰。畏軌道而不絕。問兼門而益恭。招賢警戒。齒青謙冲。冀日躋於三善。奉天慈於九重。漢莊好學。既顯於外。魏不能文。方循於內。美不二於顏。過嘉得三。於鯉。退焜耀甲觀。鏗鏘瓊珮。方積善於爲山。何反真而游岱。嗚呼哀哉。憂兢損壽。沉痾始遘。羣望並走。百靈宜祐。吳客之問。徒爲越人之方。靡救占前星之掩曜。知東朝之降咎。天垂象而則然。人由己而何有。嗚呼哀哉。稅駕乘華。令即宮夜。臺鳳笙長絕。今蜃轆徐來。啟青宮而右出。歷玄灊而左迴。度涸林兮魂斷。入曠野兮心摧。水助挽而曲咽。雲帶嬰而徘徊。悲佳城之已掩。見新廟之方開。嗚呼哀哉。授經兮易期。執紼兮增歎。九原作今。何嗟及。七日還令安可希。有少海之波逝。無西園之蓋飛。商山之羽翼已散。莖苑之賓客咸歸。瑟彼玉簡。闕于泉扉。用傳信於文字。願不昧於音徽。嗚呼哀哉。初上以太子稍長。不循法度。昵近小人。欲加廢黜。迫於公卿之請。乃止。太子終不悛改。至是暴薨。時傳云。太子德妃之出也。晚年寵衰。賢妃楊氏恩渥方深。懼太子他日不利於己。故日加誣譖。太子終不能自辨明也。太子既薨。上意追悔。

四年。因會寧殿宴。小兒綠權有一夫在下。憂其墮地。有若狂者。上問之。乃其父也。上因感泣。謂左右曰。朕富有天下。不能全一子。遂召樂官劉楚材。宮人張十。十等責之曰。陷吾太子。皆爾曹也。今已有太子。更欲踵前耶。立命殺之。

蔣王宗儉。文宗第二子。開成二年封。

武宗五子。杞王峻。開成五年封。

益王峴。克王岐。德王暉。昌王嗟。皆會昌二年封。

宣宗十一子。懿宗皇帝。餘並封王。

靖懷太子漢。會昌六年封。雅王。大中六年薨。冊贈靖懷太子。

雅王涇。宣宗第二子。大中元年封。

衛王權。大中十一年封。十四年薨。

夔王滋。宣宗第三子也。會昌六年封。咸通四年薨。

慶王沂。第四子也。會昌六年封。大中十四年薨。

濮王澤。第五子也。大中二年封。

鄂王潤。第六子也。大中五年封。乾符三年薨。

懷王洽。第七子也。大中八年封。

昭王訥。第八子也。大中八年封。乾符三年薨。

康王汶。大中八年封。

廣王灑。大中十一年封。

懿宗八子。傳宗皇帝。昭宗皇帝。餘並封王。

魏王儉。咸通三年封。

涼王健。咸通三年封。乾符六年薨。

蜀王信。咸通三年封。

威王保。咸通六年封。鄆王。十年。改封今王。

吉王保。咸通十三年封。文德元年八月九日。授開府儀同三司。檢校太傅。仍加

食邑三百戶。

睦王倚。咸通十三年封。

傳宗二子建王震中和元年九月十六日封

益王暉光啓三年十一月十四日封

昭宗十子哀帝餘並封王

德王裕昭宗長子也大順二年六月二十八日封乾寧四年二月十四日冊為皇太子時駕在華州韓建畏諸王主兵誘防城卒張行思花重武相次告通王以下欲殺建建他日又造訛言云諸王欲劫遷車駕別幸藩鎮諸王懼詣建自陳建乃延入臥內密遣人奏云今日睦王濟王昭王通王彭王韓王儀王陳王等八人到臣理所不測事由臣竊量事體不合與諸王相見兼恐久在臣所於事非宜忽然及門意不可測又上疏抗請歸十六宅如是者數四帝不允建懼為諸王所圖乃以精甲數千圍行宮請誅定州護駕軍都將李筠帝懼甚詔斬筠於大雲橋其三都軍士尋放還本道殿後都亦與三都元繞行宮扈蹕至是並急詔散之罷諸王兵柄建慮上不悅乃上表請立德王為皇太子其年八月嗣廷王戒不自太原還詔與通王已下八王並賜死于石堤谷光化末樞密使劉季述王仲先等幽昭宗於東內冊裕為帝及天復初誅季述仲先與寺人藏於右軍羣臣請殺之昭宗曰太子冲幼為賊輩所立依舊令歸少陽院及朱全忠自鳳翔迎駕還京以德王眉目疎秀春秋漸感常惡之謂崔胤曰德王曾竊居寶位天下知之大義滅親何得久留是教後代以不孝也請公密殺胤然之昭宗不納他日言於全忠全忠曰此國家大事臣安敢竊議乃崔胤置臣也尋以哀帝為天下兵馬元帥後昭宗至洛下一日幸福先寺謂樞密使蔣玄暉曰德王朕之愛子全忠何故須令廢之又欲殺之言訖淚下因蓄其中指血流玄暉具報全忠由是轉恚昭宗遇弒之日蔣玄暉於內西置社筵酒酣德王已下六王皆為玄暉所殺投屍九曲池

棟王禛乾寧元年十月八日封

虔王禛折王禛遂王禛並與棟王同時封冊

景王祕乾寧四年十月二十二日封

祁王稷與景王同時封冊

雅王禛瓊王祥並光化元年十一月九日封

嗣襲王焜性柔善無他能光啓二年春駕在寶雞西軍逼請幸岐龍帝以數十騎自大散關幸興元時焜有疾不能從因為朱玫所挾至鳳翔有臺省官從行未及者僅百人四月玫乃與宰相蕭遘裴澈率羣寮冊焜為監國焜以鄭昌圖判度支而鹽鐵戶部各置副使三司之事一以委焉目曰廢置相公五月焜遣偽戶部侍郎柳陟等十餘人分諭關東河北諸道納偽命者甚眾十月朱玫率蕭遘等冊焜為帝改元曰永貞遘尊傳宗為太上元皇聖帝初河中王重榮表率東諸侯進貢唯蔡賊與太原不順秦宗權自僭號太原不協于朱玫故也及王行瑜殺朱玫焜奔至渭上王重榮使人迎之焜與偽百官泣別謂曰朕見重榮當令與卿等各備所服以接卿殺朱玫之期日焜為鄜州亂軍所殺行瑜遂函首送行在焜四月監國至十二月死凡在偽位九月矣

朱玫者邠州人也少從邊以功歷郡守乾符末領邠軍節制中和中收復京師與太原李克用東方達同制加使相光啓元年冬受詔招討河中軍敗以軍容使田令孜失策時諸軍皆怒乃徇人情表請誅令孜令孜與楊復恭挾帝西幸玫又失策乃虜嗣襲王焜與蕭遘等同立為帝大行封拜以啖諸侯而天下之人歸者十五六焉與李昌符始謀冊立及後玫自稱大丞相吐握在己昌符怒之乃以表送款行在復密結樞密使楊復恭人心乃離時行在出令有能斬朱玫首者則授以邠帥賊將王行瑜以大唐峯不利退保鳳州終慮得罪與腹心密謀徑入京師時玫有第在和善里行瑜率兵仗入見玫猶責以擅還行瑜曰我要代爾領邠州節制何復多言遂斬之

王行瑜者邠州人也少隸本軍事朱玫為偏將平巢寇有功光啓二年玫冊嗣襲王焜為偽帝授天平軍節度使領兵守大散關攻大唐峯為李鋌所敗乃送款行在以部下反攻朱玫于闕下斬之因授邠州節度使後平楊守亮于山南以功累加至中書令景福中暹朝廷加尙書令宰臣韋昭度密奏不可會韓建李茂貞稱兵入觀欲行廢立不果乃請殺昭度與李璣是歲又遣第行約攻河中河中引太原軍至由是大敗行約行實劫駕不獲遂歸邠州行瑜率兵屯梨

國王師圍急行實行約先敗次保龍泉行瑜又墮至邠州不能守乾化二年十一月擊族至慶州爲部下所殺

史臣曰自天寶已降內官握禁旅中閹篡繼皆出其心故手纒攬於萬機目已睨於六宅防閑禁錮不近人情文宗好古睦親至敦友悌悔前非於齊湊褒以儲闈付後事於陳王歸其冑席或降與朱邸對食瓊筵怡怡申肺腑之情穆穆盡棟華之義近朝感矣可洽風謠昭肅感讒毒流安邸雖覽大臣之議欲使磐維竟無出閣之儀終身幽枉谷風之怨可爲傷心大中咸通已來寶圖世及大牙麟趾雖不迨於姬周豆什布謠未甚悲於宗籍於姬不足比魏有餘贊曰周封子弟運祚綿長管蔡勦絕魯魏克昌誅叛賞順三者大綱法不私親棣萼其芳

舊唐書卷一百七十五

舊唐書卷一百七十五考證

陳王成美傳第十九男儼宣城郡王○臣西按新書宗室表宣城王儼爲玄宗

子陳王珪子與此不合

襄王煜○臣西按煜肅宗子襄王儼之裔孫朱玖傳乃虜嗣襄王煜王行瑜傳

攻冊嗣襄王煜爲僞帝則右一行封嗣之嗣字當在襄王上今改正

舊唐書卷一百七十五考證

舊唐書卷一百七十六

後晉司空同中書門下平章事劉昫撰

列傳第一百二十六

李宗閔

楊嗣復

子授機

楊虞卿

弟讓公從

馬植

李讓夷

魏書

周燁

崔龜從

鄭肅

盧商

李宗閔字損之宗室鄭王元懿之後祖自仙楚州別駕父嗣宗正卿出為華州

刺史鎮國軍潼關防禦等使嗣兄夷簡元和和中宰相宗閔貞元二十一年進士

擢第元和四年復登制舉賢良方正科初宗閔與牛僧孺同年登進士第又與

僧孺同年登制科應制之歲李吉甫為宰相當國宗閔僧孺對策指切時政之

失言甚鯁直無所迴避考策官楊於陵章實之李益等又第其策為中等又為

不中第者注解牛李策語同為唱詠又言翰林學士王涯甥皇甫湜中選考覈

之際不先上言裴垕時為學士居中覆視無所異同吉甫泣訴於上前憲宗不

獲已罷王涯裴垕學士垕守戶部侍郎涯守都官員外郎吏部尚書楊於陵出

為嶺南節度使吏部員外郎章實之出為果州刺史王涯再貶號州司馬實之

再貶巴州刺史僧孺宗閔亦久之不調隨牒諸侯府七年吉甫卒方入朝為監

察御史累遷禮部員外郎元和十二年宰相裴度出征吳元濟奏宗閔為彰義

軍觀察判官賊平遷駕部郎中又以本官知制誥穆宗即位拜中書舍人時嗣

自宗正卿出刺華州父子同時承恩制人士榮之長慶元年子壻蘇巢於錢徽

下進士及第其年巢覆落宗閔涉請託貶劍州刺史時李吉甫子德裕為翰林

學士錢徽勝出德裕與同職李紳元稹連衡言於上前云徽受請託所試不公

故致重覆比相嫌惡因是列為朋黨皆挾邪取權兩相傾軋自是紛紜排陷垂

四十年復入為中書舍人三年冬權知禮部侍郎四年貢舉事畢權知兵部侍

郎寶曆元年正拜兵部侍郎父憂免太和二年起為吏部侍郎賜金紫之服三

年八月以本官同平章事時裴度薦李德裕將大用德裕自浙西入朝為中人

助宗閔者所沮復出鎮尋引牛僧孺同知政事二人唱和凡德裕之黨皆逐之

累轉中書侍郎集賢大學士七年德裕作相六月罷宗閔知政事檢校禮部尚

書同平章事與元尹山南西道節度使宗閔為吏部侍郎時因駙馬都尉沈璿

結託女學士宋若憲及知樞密楊承和二人數稱之於上前故獲徵用及德裕

秉政羣邪不悅而鄭注李訓深惡之文宗乃復召宗閔於與元為中書侍郎平

章事命德裕代宗閔為與元尹既再得權位輔之以訓注尤恣所欲進封襲武

侯食邑千戶九年六月京兆尹楊虞卿得罪宗閔極言救解文宗怒叱之曰爾

嘗謂鄭覃是妖氣今作妖單耶爾耶翌日貶明州刺史尋再貶處州長史七月

鄭注發沈璿宋若憲事內官楊承和韋元素沈璿及若憲烟黨坐貶者十餘人

又貶宗閔潮州司戶時訓注竊弄威權凡不附己者目為宗閔德裕之黨貶逐

無虛日中外震駭連月陰晦人情不安九月詔曰朕承天續曆燭理不明勞虛

襟以求賢勵寬德以容眾頃者或台輔乖弼違之道而具寮屬朋附之風翕然

相從實數彝憲致使薰蕕共器賢不肖並馳退迹者成後時之夫登門者有迎

吠之客繆戾之氣埋鬱和平而望陰陽順時疢癘不作朝廷清肅班列和安自

古及今未嘗有也今既再申朝典一變澆風掃清朋比之徒匡飭貞廉之俗凡

百卿士惟新令猷如聞周行之中尚蓄疑懼或有妄相指目令不自安今斯曠

然明喻朕意應與宗閔德裕或親或故及門生舊吏等除今日已前黜遠之外

一切不問各安職業勿復為嫌文宗以二李朋黨繩之不能去嘗謂侍臣曰去

河北賊非難去此朋黨實難宗閔雖驟放黜竟免李訓之禍開成元年量移衛

州司馬三年楊嗣復輔政與宗閔厚善欲拔用之而畏鄭覃沮議乃託中人密

諷於上以嗣復故因紫宸對謂宰相曰宗閔在外四五年宜別授一官鄭覃

曰陛下憐其地遠宜移近內地三五百里不可再用姦邪陛下若欲用宗閔臣

請先退陳夷行曰比者宗閔得罪以朋黨之故怒死為幸寶曆初李續之張又

新蘇景胤等朋比姦險幾傾朝廷時號八關十六子李珣曰主此事者罪在遠

吉李續之居喪服闋不可不與一官臣恐中外衣冠交與議論非為續之輩也

夷行曰昔舜逐四凶天下治朝廷求理何惜此十數職人嗣復曰事貴得中不

可但徇憎愛上曰與一郡可也鄭覃曰與郡太優止可洪州司馬耳夷行曰宗

閱養成鄭注之惡。幾覆邦家。國之巨蠹也。嗣復曰。比者陛下欲加鄭注官。宗閣不肯。陛下亦當記憶。覃曰。嗣復黨庇宗閣。臣觀宗閣之惡。甚於李林甫。嗣復曰。覃語大過。昔玄宗季年。委用林甫。妬賢害能。破人家族。宗閣在位。固無此事。况太和末宗閣德裕同時得罪。二年之間。德裕再領重鎮。而宗閣未離貶所。陛下懲惡勸善。進退之理宜均。非臣獨敢黨庇。昨殷侑與韓益奏。官及章服。臣以益前年犯賊。未可其妻。鄭覃託臣云。幸且勿論。孰為黨庇。翌日。以宗閣為杭州刺史。四年冬。遷太子賓客。分司東都。時鄭覃陳夷行罷相。嗣復方再拔用。宗閣知政事。俄而文宗崩。會昌初。李德裕秉政。嗣復李珣皆竄嶺表。三年。劉稹據澤潞。叛。德裕以宗閣素與劉從諫厚。上黨近東都。宗閣分司非便。出為封州刺史。又發其舊事。貶郴州司馬。卒於貶所。子珣。大中朝。皆進士。擢第。令孤絢作相。特加擢。拔。自員外郎知制誥。歷中書舍人。翰林學士。絢罷相。出為桂管觀察使。御軍無政。為卒所逐。貶死。自天寶艱難之後。宗室子弟賢而立功者。唯鄭王曹王子孫耳。夷簡再從李父汾國公勉。德宗朝宰相。夷簡諸弟夷亮。夷則。夷範。皆登進士第。宗閣弟宗冉。宗冉子深。湯。湯累官至給事中。咸通中。踐更臺閣。知名於時。

楊嗣復字繼之。僕射於陵子也。初於陵十九登進士第。二十再登博學宏詞科。調補潤州句容尉。浙西觀察使韓滉有知人之鑒。見之甚悅。滉有愛女。方擇佳婿。謂其妻柳氏曰。吾閩人多矣。無如楊生貴而有壽。生子必為宰相。於陵秩滿。寓居揚州。而生嗣復。後滉見之。撫其首曰。名位果踰於父。楊門之慶也。因字曰慶門。嗣復十八歲時。已能秉筆為文。年二十。進士擢第。二十一。又登博學宏詞科。釋褐祕書省校書郎。遷右拾遺直史館。以嗣復深於禮學。改太常博士。元和十年。累遷至刑部員外郎。鄭餘慶為詳定禮儀使。奏為判官。改禮部員外郎。時父於陵為戶部侍郎。嗣復上言。與父同省。非便。請掾他官。詔曰。應同司官有大功以下親者。但非連判及勾檢之官。并官長。則不在迴避之限。如官署同。職司異。雖父子兄弟。無所避嫌。再遷兵部郎中。長慶元年十月。以庫部郎中知制誥。正拜中書舍人。嗣復與牛僧孺。李宗閔。皆權德輿真舉門生。情義相得。進退取

捨多與之同。四年。僧孺作相。欲薦拔大用。又以於陵為東都留守。未歷相位。乃令嗣復權知禮部侍郎。寶曆元年二月。選貢士六十八人。後多至達官。文宗即位。拜戶部侍郎。以父於陵太子少傅致仕。年高多疾。懇辭侍養。不之許。太和四年。丁父憂免。七年三月。起為尚書左丞。其年宗閣罷相。德裕輔政。七月。以嗣復檢校禮部尚書。梓州刺史。劍南東川節度觀察等使。九年。宗閣復知政事。三月。以嗣復檢校戶部尚書。成都尹。劍南西川節度副大使。知節度事。觀察處置等使。開成二年十月。入為戶部侍郎。領諸道鹽鐵轉運使。三年正月。與同列李珣。並以本官同平章事。領使如故。進階金紫。弘農伯。食邑七百戶。上以幣輕錢重。問鹽鐵使何以去其太甚。嗣復曰。此事累朝制置未得。但且禁銅。未可變法。法變擾人。終亦未能去弊。李珣曰。禁銅之令。朝廷常典。但行之不嚴。不如無令。今江淮已南。銅器成肆。市井逐利者。銷錢一緡。可為數器。售利三四倍。遠民不知法令。率以為常。縱國家加鑄鑄錢。何以供銷鑄之弊。所以禁銅之令。不得不嚴。八月。紫宸奏事曰。聖人在上。野無遺賢。陸洿上疏論兵。雖不中時事。意亦可獎。閑居蘇州累年。宜與一官。李珣曰。士子趨競者多。若獎陸洿。貪夫知勸矣。昨賣洿直論事。陛下賞之以幣帛。況與陸洿官耶。帝曰。洿直擬其直心。不言事之當否。鄭覃曰。若苞藏則不可知。嗣復曰。臣深知洿直無邪惡。所奏陸洿官。尚未奉聖旨。鄭覃曰。陛下須防朋黨。嗣復曰。鄭覃疑臣朋黨。乞陛下放臣歸去。因拜。乞罷免。李珣曰。比來朋黨。近亦稍弭。覃曰。近有小朋黨生。帝曰。此輩凋喪向盡。覃曰。楊漢公張又新李續之。即今尚在。珣曰。今有邊事論奏。覃曰。論邊事安危。臣不如珣嫉惡。則珣不如臣。嗣復曰。臣聞左右佩劍。彼此相笑。臣今不知鄭覃指誰為朋黨。因當香案前奏曰。臣待罪宰相。不能申夔龍之道。唯以朋黨見譏。必乞陛下罷臣鼎職。上慰勉之。文宗方以政事委嗣復。惡覃言切。帝疑英謂宰臣曰。人傳符讖之語。自何而來。嗣復對曰。漢光武好以讖書決事。近代隋文帝亦信此言。自是此說日滋。只如班彪王命論所引。蓋矯意以止賊亂。非所重也。李珣曰。喪亂之時。佐命者務神符命。理平之代。只合推諸人事。上曰。卿言是也。帝又曰。天后用人。有自布衣至宰相者。當時還得力否。嗣復曰。天后重行刑辟。輕

用官爵皆自圖之計耳。凡用入之道，歷試方見其能否。當艱難之時，或須拔擢無事之日，不如且循資級。古人拔卒為將，非治平之時，蓋不獲已而用之也。上又問修開元政要，敘致何如。嗣復曰：臣等未見陛下若敘遺之子孫，則請宣付臣等參詳可否。玄宗或好遊畋，或好聲色，與貞觀之政不同，故取捨須當。方堪流傳。四年五月，上問廷英政事，逐日何人記錄。監修李珣曰：是臣職司。陳夷行曰：宰相所錄，必當自伐聖德，即將掩之。臣所以頻言不欲威權在下。珣曰：夷行此言，是疑宰相中有賣威權，貨刑賞者。不然，何自為宰相而出此言。臣累奏求退，若得王傅臣之幸也。鄭覃曰：陛下開成元年二年，政事至好。三年四年，漸不如前。嗣復曰：元年二年，是鄭覃夷行用事。三年四年，臣與李珣同之。臣蒙聖慈，權處相位，不能悉心奉職。鄭覃云：三年之後，一年不如一年。臣之罪也。陛下縱不誅夷，臣合自求減。因叩頭曰：臣今日便辭玉階，不敢更入中書。即趨去。上令中使召遺，勞之曰：鄭覃失言，卿何及此。覃起謝曰：臣性愚拙，言無顧慮。近日事亦漸好，未免些些不公，亦無甚處。臣亦不獨斥嗣復，遠何至此。所為若是，乃嗣復不容臣耳。嗣復曰：陛下不以臣微才，用為中書侍郎。時政善否，其實在臣。陛下月費俸錢數十萬，時新珍異，必先賜與。蓋欲輔佐聖明，臻于至理。既一年不如一年，非惟臣合得罪，亦上累聖德。伏請別命賢能，許臣休退。上曰：鄭覃之言，偶然耳。奚執咎耶。嗣復數日不入，上表請罷。帝方委用，乃罷鄭覃夷行知政事。自是政歸嗣復。進加門下侍郎。明年正月，文宗崩，先是以敬宗子陳王為皇太子。中尉仇士良違遺令立武宗，武宗之立，既非宰相本意，甚薄執政之臣。其年秋，李德裕自淮南入輔政。九月，出嗣復為湖南觀察使。明年，誅樞密薛季稜、劉弘逸。中人言：二人頃附嗣復，李珣不利於陛下。武宗性急，立命中使往湖南，桂管殺嗣復與珣。宰相崔胤、崔瑋等亟請開延英，因極言國朝故事。大臣非惡逆顯著，未有誅戮者。願陛下復思其宜。帝良久改容曰：朕讀嗣之際，宰相何嘗比數。李珣季稜志在扶冊，陳王嗣復弘逸志在樹立安王。立陳王猶是文宗遺旨，嗣復欲立安王，全是希楊妃意。旨嗣復嘗與妃書云：姑姑何不教則天臨朝。珣等曰：此事變味，真虛難辨。帝曰：楊妃曾臥疾，妃弟文思，文宗令人內侍疾

月餘。此時通導意旨，朕細問內人情狀，較然。我不欲宣出於外，向使安王得志，我豈有今日。然為卿等怒之，乃追譴桂二中使，再貶嗣復。潮州刺史宣宗即位，徵拜吏部尚書。大中二年，自潮陽還，至岳州病，一日而卒。時年六十六。贈左僕射。諡曰孝穆。子損，授技，拭，搗，而授最賢。授字得符。大中九年，進士擢第，釋褐從事諸侯府。入為鄂縣尉。集賢校理。歷監察御史。殿中分務東臺。再遷司勳員外郎。洛陽令。兵部員外郎。李福為東都留守，奏充判官。改兵部郎中。由吏部拜左諫議大夫。給事中。出為河南尹。盧攜作相，召拜工部侍郎。黃巢犯京師，傳宗幸蜀。徵拜戶部侍郎。以母病求散秩。改秘書監分司。車駕還，拜兵部侍郎。宰相有報怨者，改左散騎常侍。國子祭酒。又轉太子賓客。從昭宗在華下。改刑部尚書。太子少保。卒。贈左僕射。子昶，射子昶，子公隱。進士及第。再遷左拾遺。昭宗初即位，喜遊宴，不恤時事。昶上疏極諫。帝面賜緋袍象笏。崔安潛出鎮青州，辟為支使。不至。鎮改太常博士。歷主客戶部二員外郎。關中亂，崔胤引朱全忠入京師，乃擊家避地湖南。官終諫議大夫。損字子默，以蔭受官。為藍田尉。三遷京兆府司錄參軍。入為殿中侍御史。家在新昌里，與宰相路巖地相接。巖以地狹欲易，損厲嚴廣之。遣人致意，時損伯叔昆仲在朝者十餘人，相與議曰：家門損益，時相何可拒之。損曰：非也。凡尺寸地，非吾等所有。先人舊業，安可以奉權臣。窮達命也。巖不悅。會差制使鞠獄黔中，乃遣損使焉。踰年而還。改戶部員外郎。洛陽縣令。入為吏部員外。出為絳州刺史。路巖罷相，徵拜給事中。遷京兆尹。盧攜作相，有宿憾。復拜給事中。出為陝州觀察使。時軍亂，逐前使崔瑋，損至，盡誅其亂首。踰年，改青州刺史。御史大夫。淄青節度使。又檢校刑部尚書。鄆州刺史。天平軍節度使。未赴鄆，復留青州。卒於鎮。技進士及第。位至中書舍人。拭官終考功員外郎。攜終兵部郎中。拭，攜並進士擢第。

楊虞卿字師皋，號州弘農人。祖燕客。父軍。貞元中，為長安尉。少有棲遁之志。以處士徵入朝。有口辨。優游公卿間。實參尤重之。會參貶，仕進不達。而卒。虞卿元和五年，進士擢第。又應博學宏辭科。元和末，累官至監察御史。穆宗初即位，不修政道，盤遊無節。虞卿上疏諫曰：臣聞為道害則仁為逝，諱謗不誅，則良言

進充詔旨勅諭許陳愚誠故臣不敢避誅以獻狂瞽竊聞堯舜受命以天下為憂不聞以位為樂况北虜猶梗西戎未賓兩河之瘡痍未平五嶺之妖氛未解生人之疾苦盡在朝廷之制度莫修邊儲屢空國用猶屈固未可以高枕無虞也陛下初臨萬萬有憂天下之志宜日延輔臣公卿百執事凝旒而問造膝以求使四方內外有所觀焉自聽政已來六十日矣八開延英獨三數大臣仰龍顏承聖問其餘侍從詔詰之臣借入而齊出何足以聞政事哉諫臣盈廷忠言未聞於聖聽臣實羞之蓋由主恩尚疎而衆正之路未啓也夫公卿大臣宜朝夕接見論道賜與從容則君臣之情相接而理道備聞矣今自宰相已下四五人時得頃刻侍坐天威不遠鞠躬隨隨旨上下無能往來此由君太尊臣太卑故也自公卿已下雖歷踐清地曾未祗奉天睽以承下問鬱塞正路偷安倖門况陛下神聖如五帝臣下莫能望清光所宜周偏顧問惠其氣色使支體相輔君臣喻明陛下求理於公卿公卿求理於臣輩自然上下孜孜相問使進忠若趨利論政若訴冤如此而不聞過失不致昇平者未之有也自古帝王居危思安之心不相殊而居安慮危之心不相及故不得皆為聖帝明王小臣疎賤豈宜及此獨不忍冒榮偷祿以負聖朝惟陛下圖之帝深獎其言尋令奉使西北邊橋賞戍卒遷侍御史再轉禮部員外郎史館修撰長慶四年八月改吏部員外郎太和二年南曹令史李寶等六人偽出告身籤符賣鑿空偽官令赴任者六十五人取受錢一萬六千七百三十貫虞卿按得偽狀捕寶等移御史臺鞠勅寶稱六人共率錢二千貫與虞卿廳典温亮求不發舉偽溫事迹乃詔給事中嚴休復中書舍人高鉞左丞章景休充三司推案而温亮逃竄寶等既伏誅虞卿以檢下無術停見任及李宗閔牛僧孺輔政起為左司郎中五年六月拜諫議大夫充弘文館學士判院事六年轉給事中七年宗閔罷相李德裕知政事出為常州刺史虞卿性柔佞能阿附權幸以為姦利每歲銓費貢部為舉選人馳走取科第占員闕無不得其所欲升沉取捨出其脅吻而李宗閔待之如骨肉以能朋比唱和故時號黨魁八年宗閔復入相尋召為工部侍郎九年四月拜京兆尹其年六月京師訛言鄭注為上合金丹須小兒心肝密旨捕小

兒無算民間相告語局鎖小兒甚密街肆恟懼上聞之不悅鄭注頗不自安御史大夫李固言素嫉虞卿朋黨乃奏曰臣昨窮問其由此語出於京兆尹從人因此扇於都下上怒即令收虞卿下獄虞卿弟漢公并男知進等八人自繫搗鼓訴冤詔虞卿歸私第翌日貶虔州司馬再貶虔州司戶卒於貶所子知進知退堪第漢公皆登進士第知退歷都官戶部二郎中堪庫部吏部二員外郎漢公太和八年擢進士第又書判拔萃釋褐為李絳與元從事絳遇害漢公適而獲免累遷戶部郎中史館修撰太和七年遷司封郎中漢公子範皆登進士第累辟使府虞卿從兄汝士汝士字慕元元和四年進士擢第又登博學宏詞科累辟使府長慶元年為右補闕坐第殿士貢舉覆落貶開江令入為戶部員外再遷職方郎中太和三年七月以本官知制誥時李宗閔牛僧孺輔政待汝士厚尋正拜中書舍人改工部侍郎八年出為同州刺史九年九月入為戶部侍郎開成元年七月轉兵部侍郎其年十二月檢校禮部尚書梓州刺史劍南東川節度使時宗人嗣復鎮西川兄弟對居節制時人榮之四年九月入為吏部侍郎位至尚書卒子知温知遠知權皆登進士第知温累官至禮部郎中知制誥入為翰林學士戶部侍郎轉左丞出為河南尹陝觀察使遷檢校兵部尚書襄州刺史山南東道節度使知温第知至累官至比部郎中知制誥坐故府劉瞻罷相貶官知至亦貶瓊州司馬入為諫議大夫累遷京兆尹工部侍郎知温知至皆位至列曹尚書汝士第魯士魯士字宗尹本名殷士長慶元年進士擢第其年詔翰林覆試殷士與鄭朗等覆落因改名魯士復登制科位不達而卒初汝士中第有時名遂歷清貫其後諸子皆至正卿鬱為昌族所居靜恭里知温兄弟並列門戟咸通中昆仲子孫在朝行方鏡者十餘人

馬植扶風人父曠植元和十四年進士擢第又登制策科釋褐壽州團練副使得秘書省校書郎三遷饒州刺史開成初遷安南都護御史中丞安南招討使植文雅之餘長於吏術三年奏當管轄廣州首領或居巢穴自固或為南蠻所誘不可招諭事有可虞臣自到鎮約之以信誠曉之以逆順今諸首領總發忠言願納賦稅其武陸縣請升為州以首領為刺史從之又奏陸州界廢珠池復

生珠以能政就加檢校左散騎常侍加中散大夫轉黔中觀察使會昌中入爲大理卿植以文學政事爲時所知久在邊遠及還朝不獲顯官心微有望李德裕素不重之宣宗即位宰相白敏中與德裕有隙凡德裕所薄者必不次拔擢之乃加植金紫光祿大夫行刑部侍郎充諸道鹽鐵轉運使轉戶部侍郎領使如故俄以本官同平章事遷中書侍郎兼禮部尚書敏中罷相植亦罷爲太子賓客分司東都數年出爲許州刺史檢校刑部尚書忠武軍節度觀察等使大中末遷汴州刺史宣武軍節度觀察等使卒于鎮

李讓夷字達心隴西人祖悅父應規讓夷元和十四年擢進士第釋褐諸侯府太和初入朝爲右拾遺召充翰林學士轉左補闕三年遷職方員外郎左司郎中充職九年拜諫議大夫開成元年以本官兼知起居舍人事時起居舍人李褒有痼疾請罷官宰臣李石奏關官上曰褚遂良爲諫議大夫嘗兼此官卿可盡言今諫議大夫姓名石遂奏李讓夷馮定孫簡蕭倣帝曰讓夷可也李固言欲用崔球張次宗鄭覃曰崔球遊宗閔之門赤墀下秉筆記注爲千古法不可用朋黨如裴中孺李讓夷臣不敢有纖芥異論其爲人主大臣知重如此二年拜中書舍人以鄭覃此言深爲李珣楊嗣復所惡終文宗世官不達及德裕秉政驟加拔擢歷工戶二侍郎轉左丞累遷檢校尚書右僕射俄拜中書侍郎同平章事宣宗即位罷相以太子賓客分司卒

魏謩字申之鉅鹿人五代祖文貞公徵貞觀朝名相曾祖殷汝陽令祖明亦爲縣令父馮獻陵臺令謩太和七年登進士第楊汝士牧同州辟爲防禦判官得祕書省校書郎汝士入朝薦爲右拾遺文宗以謩魏徵之裔頗奇待之前嘗管經略使董昌齡枉殺錄事參軍衡方厚坐貶澶州司戶至是量移破州刺史謩上疏論之曰王者施渙汗之恩以赦有罪唯故意殺人無赦昌齡比者錄以微効授之方隅不能祗慎寵光恣其狂暴無辜專殺事跡顯彰妻孥銜冤萬里披訴及按鞠伏罪貸以微生中外議論以爲屈法今若授之牧守以理疲人則殺人者拔擢而冤苦者何伸交泰憲章有乖至理疏奏乃改爲洪州別駕御史中丞李孝本皇族也坐李訓誅有女沒入掖廷謩諫曰臣聞治國家者先責於德

義德義不修家邦必壞故王者以德服人以義使人服使之術要在修身修身之道在於孜孜夫一失百虧之戒存乎久要之源前志曰勿以小惡而爲之勿以小善而不爲斯則懼於漸也臣又聞君如日焉顯晦之微人皆瞻仰照臨之大何以掩藏前代設敢諫之鼓立誹謗之木實聞其過也陛下即位已來誕敷文德不悅聲色出後宮之怨婦配在外之鰥夫洎今十年未嘗採擇自數月已來天睭稍迴留神妓樂教坊百人二百人選試未已莊宅司收市臺聲有聞昨又宣取李孝本之女入內宗姓不異寵幸何名此事深累慎修有虧一貫陛下九重之內不得聞知凡此之流大生物議實傷理道之本未免塵穢之嫌夫欲人不知莫若勿爲諺曰止寒莫若重裘止謗莫若自修伏希陛下照鑒不惑崇千載之盛德去一旦之玩好教坊停息宗女遣還則大正人倫之風深弘王者之體疏奏帝即日出孝本女遷暮右補闕詔曰昔乃先租貞觀中諫書十上指事直言無所避諱每覽國史未嘗不沉吟伸卷嘉尚久之爾爲拾遺其風不墜屢獻章疏必道其所以至於備灑掃於諸王非自廣其聲妓也恤譽亂之宗女固無嫌於徵取也雖然疑似之間不可家至而戶曉爾能詞旨深切是博我之意多也噫人能匪躬謬似其先租吾豈不能虛懷延納仰希貞觀之理歟而暮居官日淺未當敘進吾豈限以常典以待直臣可右補闕帝謂宰臣曰昔太宗皇帝得魏徵禪補闕失弼成聖政我得魏謩於疑似之間必能極諫不敢希貞觀之政庶幾處無過之地矣教坊副使雲朝霞善吹笛新聲變律深愜上旨自左驍衛將軍宣授兼揚府司馬宰臣奏曰揚府司馬品高郎官刺史迭處不可授伶官上意欲授之因宰臣對亟稱朝霞之善暮聞之累疏陳論乃改授潤州司馬荆南監軍使呂令琮從人擅入江陵縣毀罵縣令韓忠觀察使韋長申狀與樞密使訴之暮上疏曰伏以州縣侵屈只合上聞中外關連須存舊制韋長任膺廉使體合精詳公事都不奏聞私情擅爲踰越況事無巨細不可將迎縣令官業有乖便宜理罪監軍職司侵越即合聞天或以慮煩聖聽何不但申門下今則首紊常典理合糾繩伏望聖慈速加懲誅疏奏不出時論惜之三年轉起居舍人紫宸中謝帝謂之曰以卿論事忠切有文貞之風故不循月限授

卿此官。又謂之曰。卿家有何舊書。詔對曰。比多失墜。惟舊券見存。上令進來。鄭
 單曰。在人不在笏。上曰。鄭單不會我意。此即甘棠之義。非在笏而已。舊將退。又
 召誠之曰。事有不當。即須奏論。善曰。臣頃為諫官。合伸規諷。今居史職。職在記
 言。臣不敢輒踰職分。帝曰。凡兩省官。並合論事。勿拘此言。尋以本官直弘文館。
 四年。拜諫議大夫。仍兼起居舍人。判弘文館事。紫宸入閣。遣中使取善起居注。
 欲視之。善執奏曰。自古置史官。書事以明鑒誠。陛下但為善事。勿畏臣不書。如
 陛下所行錯忤。臣縱不書。天下之人。書之。臣豈敢陷陛下為非法。陛下
 遂良。帝又曰。我嘗取觀之。善曰。由史官不守職分。臣豈敢陷陛下為非法。陛下
 一覽之後。自此書事須有迴避。如此。善惡不直。非史也。遺後代何以取信。乃止。
 善初立朝。為李固言。李珣楊嗣復所引。數年之內。至諫議大夫。武宗即位。李德
 裕用事。善坐楊李之黨。出為汾州刺史。楊李貶官。善亦貶信州長史。宣宗即位。
 白敏中當國。量移鄂州刺史。尋換商州。二年。內徵為給事中。遷御史中丞。謝曰。
 面賜金紫之服。彈駙馬都尉杜中立。贓罪。貴戚。兼戶部侍郎。判本司事。善
 奏曰。御史臺。紀綱之地。不宜與泉貨吏雜處。乞罷中司。專綜戶部公事。從之。尋
 以本官同平章事。判使如故。謝曰。善曰。臣無夔契之才。驟叨夔契之任。將何以
 仰報鴻私。今邊戍粗安。海內寧息。臣愚所切者。陛下未立東宮。俾正人傳導。以
 存副貳之重。因泣下。上感而聽之。先是。累朝人君不欲人言立儲。貳若非人主
 已欲。臣下不敢獻言。宣宗春秋高。嫡嗣未辨。善作相之日。率先啓奏。人士重之。
 尋兼集賢大學士。詹毗國獻象。善以其性不安中土。請還其使。從之。太原節度
 使李業殺降虜。北邊大擾。業有所恃。人不敢非。善即奏其事。乃移業滑州。加中
 書侍郎。大理卿。馬曙從人。王慶告曙家藏兵甲。曙坐貶官。而慶無罪。善引法律
 論之。竟杖殺慶。進階銀青光祿大夫。兼禮部尚書。監修國史。修成文宗實錄。四
 十卷。上之。其修史官。給事中盧耽。太常少卿蔣偕。司勳員外郎王溥。右補闕盧
 告。膳部員外郎牛勣。皆頒賜錦綵銀器。序遷職秩。善轉門下侍郎。兼戶部尚書。
 大中十年。以本官平章事。成都尹。劍南西川節度副大使。知節度事。十一年。以
 疾求代。徵拜吏部尚書。以疾未痊。乞授散秩。改檢校右僕射。守太子少保。十二

年十二月卒。時年六十六。贈司徒。善儀容魁偉。言論切直。與同列上前言事。他
 宰相必委曲規諷。唯善謙言無所畏避。宣宗每曰。魏善綽有祖風。名公子孫。我
 心重之。然竟以語辭太剛。為令狐綯所忌。罷之。善嘗鈔撮子書要言。以類相從。
 二十卷。號曰魏氏手略。有文集十卷。子潛。潛登進士第。潛子敷。敷登進士第。後琮
 為相。潛歷顯官。
 周墀。字德升。汝南人。祖頊。父需。擢長慶二年。擢進士第。太和末。累遷。至起居郎。
 墀能為古文。有史才。文宗重之。補集賢學士。轉考功員外郎。仍兼起居舍人。事
 開成二年冬。以本官知制誥。尋召充翰林學士。三年。遷職方郎中。四年十月。正
 拜中書舍人。內職如故。武宗即位。出為華州刺史。鎮國軍。潼關防禦等使。改鄂
 州刺史。御史中丞。鄂岳觀察使。會昌六年十一月。遷洪州刺史。江南西道觀察
 使。大中初。檢校禮部尚書。滑州刺史。義成軍節度。鄭滑觀察等使。上柱國。汝南
 男。食邑三百戶。入朝為兵部侍郎。判度支。尋以本官同平章事。累遷銀青光祿
 大夫。中書侍郎。監修國史。兼刑部尚書。罷相。檢校刑部尚書。梓州刺史。御史大
 夫。劍南東川節度使。未行。追制改檢校右僕射。加食邑五百戶。歷方鎮卒。
 崔龜從。字玄告。清河人。祖璜。父誠。官微。龜從元和十二年。擢進士第。又登賢良
 方正制科。及書判拔萃二科。釋褐。拜右拾遺。太和二年。改太常博士。龜從長於
 禮學。精歷代沿革。問無不通。時饗宗廟於敬宗室。祝板稱皇帝孝弟。龜從議曰。
 臣審詳孝字。載考禮文。義本主於子孫。理難施於兄弟。按禮記卜虞之文。子孫
 曰哀。兄弟曰某。然則虞之稱哀。與祭之稱孝。其義一也。於祖禰則理宜稱孝。於
 伯仲則止可稱名。又東晉溫嶠議宗廟祝辭。於孝字非子者。則不稱。傍親直言
 敬告。當時朝議。咸以為宜。今臣上考禮經。無兄弟稱孝之義。下徵晉史。有不稱
 傍親之文。臣謂饗敬宗廟。宜去孝弟兩字。又以祀九宮壇。舊是大祠。龜從議曰。
 九宮貴神。經典不載。天寶中。術士奏請。遂立祠壇。事出一時。禮同郊祀。臣詳其
 圖法。皆主星名。縱司水旱兵荒。品秩不過列宿。今者五星悉是從祀。日月猶在
 中祠。豈容九宮。獨越常禮。備列王事。誠誓百官。尊卑乖儀。莫甚於此。若以書在
 祀典。不可廢除。臣請降為中祠。制從之。龜從又以大臣壽謝。不於闕哀日。輟朝。

奏議曰：伏以廢朝軫悼，義重君臣，所貴及哀，尤宜示信。自頃已來，輟朝非奏報之時，備禮於數日之外，雖違常制，似不本情。臣不敢遠徵古書，請引國朝故事。貞觀中任瓌卒，有司對仗奏聞，太宗責其乖禮，岑文本既歿，其夕為罷警嚴，張公謹之亡，哭之，不避辰日，是知閔悼之意，不宜過時。臣謂大臣薨，禮合輟朝，縱有機務急速，便殿須召宰臣，不臨正朝，無爽事體。如此則由衷之信，載感於幽明，稱情之文，無虧於典禮。又奏文武三品官薨卒，輟朝，有未經親重之官，今任又是散列者，為之變禮，誠恐非宜。自今後文武三品以上官，非曾任將相，及曾在密近，宜加恩禮者，餘請不在輟朝之限。從之。累轉考功郎中，史館修撰。九年，轉司勳郎中，知制誥。十二月，正拜中書舍人，開成初，出為華州刺史。三年三月，入為戶部侍郎，判本司事。四年，權判吏部尚書銓事。大中四年，為中書侍郎，同平章事，兼吏部尚書。五年七月，撰成續唐曆三十卷上之。六年，罷相，檢校吏部尚書。汴州刺史，宣武軍節度觀察等使，累歷方鎮卒。

鄭肅，滎陽人，祖烈，父閱，世儒家，肅苦心力學。元和三年，擢進士第，又以書判拔萃，歷佐使府。太和初，入朝為尚書郎。六年，轉太常少卿，肅能為古文，長於經學。左丘明三禮儀注，疑議博士以下，必就肅決之。時肅王承有寵，文宗擇名儒為其府屬，用戶部侍郎庾敬休兼王傅，戶部郎中李踐方兼司馬，以肅本官兼長史。由是知名。明年，肅王為太子，肅加給事中。九年，改刑部侍郎，尋改尚書右丞，權判吏部西銓事。開成初，出為陝虢都防禦觀察使，兼御史大夫。二年九月，召拜吏部侍郎，帝以肅書侍太子，言論典正，復令兼太子賓客，為東宮授經，既而太子失寵，上不悅，有廢斥意。肅因召見，深陳邦國大本，君臣父子之義，上改容嘉之。而太子竟以楊妃故得罪，乃以肅檢校禮部尚書，兼河中尹，河中節度，晉絳觀察等使。會昌初，武宗思太子承之無罪，盡誅陷承之黨，朝議稱肅忠正。有大臣之節，召拜太常卿，累遷戶部尚書。五年，以本官同平章事，加中書門下二侍郎，監修國史，兼尚書右僕射。素與李德裕親厚，宣宗即位，德裕罷，知政事，肅亦罷相，復為河中節度使，以疾辭。拜太子太保，卒。子洎，咸通中，累官尚書郎，出為刺史。洎子仁規，仁表，俱有俊才，文翰高逸，仁規累遷拾遺，補闕，尚書郎。

湖州刺史，尚書郎，知制誥，正拜中書舍人，卒。仁表擢第後，從杜審權趙陽為華州河中掌書記，入為起居郎。仁表文章尤稱俊拔，然恃才傲物，人士薄之。自謂門地人物，文章具美，嘗曰：天瑞有五色雲，人瑞有鄭仁表。劉鄩少時投文於洎，仁表兄弟嗤鄙之。咸通末，鄩為宰相，仁表竟貶死南荒。

盧商，字為臣，范陽人，祖昂，澧州刺史，父廣，河南縣尉。商元和四年擢進士第，又書判拔萃，登科。少孤貧，力學，釋褐秘書省校書郎，范傳式廉察宣歙，辟為從事。王播段文昌相繼鎮西蜀，商皆佐職為記室，累改禮部員外郎，入朝為工部員外郎。河南縣令，歷工部度支司封三郎中。太和九年，改京兆少尹，權大理卿事。開成初，出為蘇州刺史。中謝日，賜金紫之服，初郡人苦鹽法太煩，姦吏侵漁，商至，籍見戶，量所要自售，無定額，蘇人便之。歲課增倍，宰相領鹽鐵，以其績上，遷潤州刺史。浙西團練觀察使，入為刑部侍郎，轉京兆尹。三年，朝廷用兵，上黨飛輓，越太行者，環地六七鎮，以商為戶部侍郎，判度支，兼供軍使，軍用無闕，逆積邊平。加檢校禮部尚書。梓州刺史，劍南東川節度使。宣宗即位，入為兵部侍郎，尋以本官同平章事。范陽郡開國公，食邑二千戶。加兼工部尚書。數年，檢校工部尚書，出為鄂岳觀察使，就加檢校兵部尚書。大中十三年，以疾求代，徵拜戶部尚書。其年八月卒于漢陰驛。時年七十一。子知遠，知微，知宗，僧朗，堯。

史臣曰：宗閔嗣復，承宗室世家之地，有文學政事之美名，徊翔清華，出入隆顯，苟能義以為上，羣而不黨，議太平於稷契之列，致人主於助華之感，遭時得位，誰曰不然。而捨彼鴻猷，狎茲鼠輩，養虞卿而射利，抗德裕以報仇，矛盾相攻，幾傾王室，沒身變瘴，其利伊何。古者廉聞解仇，冀全國體，而邀權釋憾，實亂大倫。世道銷刑，一至於此。崔魏二丞相，嘉言啟奏，無忝正人，握讓史才，肅之禮學，商之長者，或登三事，或踐六卿，以道始終，夫何不肆。

贊曰：漢誅鉤黨，魏破疽囊，何鄧之後，二李二楊，偷權報怨，任國存亡，書茲覆轍，敢告巖廊。

舊唐書卷一百七十六

舊唐書卷一百七十六考證

楊汝士子知溫傳選山南東道節度使○沈炳震曰按本紀知溫乾符中為荆南節度新書本傳終荆南節度使未嘗為山南東道也疑誤

舊唐書卷一百七十六考證

後晉司空同中書門下平章事劉昫撰

列傳第一百二十七

崔慎由字安潛伯父能能子恣會慎由子胤崔琪兄瑄弟瑒瑛瑛瑒瑛瑓瑔瑕瑖瑗瑘瑙瑚瑛瑜瑝瑞瑟瑠瑡瑢瑣瑤瑖瑗瑘瑙瑚瑛瑜瑝瑞瑟瑠瑡瑢瑣瑤瑖瑗瑘瑙瑚瑛瑜瑝瑞瑟瑠瑡瑢瑣瑤瑖瑗瑘瑙瑚盧鈞

裴休楊收兄發弟敷子鉅韋保衡

路巖夏侯孜劉瞻

劉球曹確畢誠

杜審權子謙能志林弘徽劉鄴巨盧球

崔慎由字敬止清河武城人高祖融位終國子司業諡曰文自有傳曾祖翹位

終禮部尚書東都留守祖異位終梁州刺史父從少孤貧寓居太原與仲兄能

同隱山林苦心力學屬歲兵荒至於絕食第兄採栢拾橡實飲水棲衡而講誦

不輟怡然終日不出山巖如是者十年貞元初進士登第釋褐山南西道推官

府公嚴震待以殊禮以父憂免第兄廬于父墓手植松柏免喪不應辟命久之

西川節度使韋皋開西南夷置兩路運糧使奏從掌西山運務後權知邛州事

及臯薨副使劉闢阻命欲奔東川以謀告從從以書諭闢怒出兵攻之從嬰

城拒守卒不從之高崇文平蜀從事坐累多伏法惟從以拒闢免盧坦在宣州

辟為團練觀察副使元和初入朝累遷吏部員外郎九年裴度為中丞奏從為

侍御史知雜守右司郎中度作相用從自代為中丞從氣貌孤峻正色立朝彈

奏不避權幸事關臺閣或付仗內者必抗章論列請歸有司選辟御史必先質

重貞退者改給事中數月出為陝州大都督府長史陝號團練觀察使兼御史

中丞賜紫金魚袋入為尚書右丞淄青賊平鎮州王承宗懼上章請割德棣二

州自贖又令二子入侍憲宗選使臣宣諭以從中選議者以承宗罪惡貫盈每

多姦譎入朝二子必非血胤人頗憂之從次魏州田弘正以路由寇境欲以五

百騎援之從辭之以童奴十數騎徑至鎮州於鞠場宣勅三軍大集從諭以逆

順辭情慷慨軍士感動承宗泣下禮貌益恭遂按德棣戶口符印而還其年八

月出為興元尹御史大夫山南西道節度觀察等使監軍使知上意欲大用之

每為中貴傳達意旨欲其賂遺從終不答穆宗即位召拜尚書左丞長慶二年

檢校禮部尚書鄜州刺史鄜坊丹延節度等使鄜時內接畿甸神策軍鎮相望

踰禁犯法累政不能制而從撫遏舉奏軍士惕然党項羌有以羊馬來市者必

先遺帥守從皆不受撫諭遣之羣羌不敢為盜四年入為吏部侍郎尋改太常

卿寶曆二年檢校吏部尚書充東都留守太和三年入為戶部尚書李宗閔秉

政以從與裴度李德裕厚善惡之改檢校尚書右僕射太子賓客東都分司從

請告百日罷官物論咎執政宗閔懼四年三月召拜檢校左僕射兼揚州大都

督府長史御史大夫充淮南節度副大使知節度事揚府舊有貨麴之利資產

奴婢交易者皆有賈率羊有口算每歲收利以給用從悉除之舊制官吏祿俸

有布帛加估之給節度使獨不在此例從至一例估折給之六年十月卒于鎮

贈司空諡曰貞從少以貞晦恭讓自處不交權利忠厚方嚴正人多所推仰階

品合立門戟終不之請四為大鎮家無妓樂士友多之慎由大和初擢進士第

又登賢良方正制科聰敏強記字量端厚有父風釋褐諸侯府大中初入朝為

右拾遺員外郎知制誥正拜舍人召充翰林學士戶部侍郎再歷方鎮入朝為

工部尚書十年以本官同平章事兼集賢殿大學士轉監修國史上柱國加太

中大夫兼禮部尚書初慎由與蕭鄴同在翰林情不相洽及慎由作相罷鄴學

士俄而鄴自判度支為平章事恩顧甚隆鄴引劉球同知政事十二年二月詔

曰太中大夫中書侍郎兼禮部尚書同中書門下平章事監修國史上柱國賜

紫金魚袋崔慎由繼美德門承家貴位指紳偉望禮樂上流挺松筠之貞姿服

蘭蓀之懿行自居名器累歷清華禁林才擅於多能綸閣詞推於巨麗物情愈

茂延譽甚高再列二卿之崇亟闡六條之化爰加獎任益委重難屢啟嘉謀俄

參大柄而周涉舉備兇器能道已著於始終恩豈殊於中外可檢校禮部尚

書梓州刺史兼御史大夫劍南東川節度使咸通初改為華州刺史潼關防禦

鎮國軍等使加檢校司空河中尹河中晉絳節度使入為吏部尚書移疾請老

拜太子太保分司東都卒子胤第安潛安潛字進之大中三年登進士第咸通

中累歷清顯出為許州刺史忠武軍節度觀察等使乾符中遷成都尹劍南西

川節度等使黃巢之亂從僖宗幸蜀王鐸為諸道行營都統安潛為副收復兩京以功累加至檢校侍中龍紀初青州王敬武卒以安潛代敬武子師範拒命安潛赴鎮至棧州刺史張瞻出州兵攻青州為師範所敗朝廷竟授之節鉞安潛還京師累加太子太傅卒贈太師諡曰貞孝子柅驥柅景福中為起居郎繼為右拾遺柅累官至尚書從兄能少勵志苦學累辟使府元和初為蜀州刺史六年轉黔中觀察使坐為南蠻所攻陷郡邑貶永州刺史穆宗即位第從居顯列召拜將作監長慶四年九月出為廣州刺史御史大夫嶺南節度使卒子彥曾曾幹局大中末歷三郡刺史咸通初累遷太僕卿七年檢校左散騎常侍徐州刺史御史大夫充武寧軍節度使彥曾通於法律性嚴急以徐軍驕命彥曾治之長於撫養而短於軍政用親吏尹戡徐行儉當要職二人貪狠不恤軍旅士卒怨之先是六年南蠻寇五管陷交趾詔徐州節度使孟球召募二千人赴援分八百人戍桂州舊三年一代至是戍卒求代尹戡以軍帑匱乏難以發兵且留舊戍一年其戍卒家人飛書桂林戍卒怒牙官許佶趙可立王幼誠劉景傳叔張實王弘立孟敬文姚周等九人殺都頭王仲甫立糧料判官龐勛為都將羣伍突入監軍院取兵甲乃剽湘潭衡山兩縣虜其丁壯乃擅迴戈沿江自浙西入淮南界由濁河達泗口其眾千餘人每將過郡縣先令倡卒弄傀儡以觀人情慮其邀擊既離泗口彥曾令押牙田厚簡慰諭又令都虞候元密伏兵任山館龐勛遣吏送狀登訴以軍士思歸勢不能遏願至府外解甲歸兵便還家彥曾怒誅之勛等擁眾攻宿州陷之出官帑召募翌日得兵二千人乃虜奪舟船五千餘艘步卒在懸騎軍夾岸鼓譟而進元密發伏邀之為賊所敗時亡命者歸賊如市彥曾驅城中下男城守九年九月十四日賊逼徐州十五日後每旦大霧不開十六日彥曾並誅逆卒家口十七日昏霧尤其賊四面斬關而入龐勛先謁漢高祖廟便入牙城監軍張道謹相見不交一言乃止大彭館收尹戡徐行儉及判官焦璠李悅崔溫溫廷皓韋廷义並殺之翌日賊將趙可立害彥曾龐勛自稱武寧軍節度使慎由子胤胤字昌遐乾寧二年登進士第王重榮鎮河中辟為從事入朝累遷考功吏部二員外郎轉郎中給事中中書

舍人大順中歷兵部吏部二侍郎尋以本官同平章事時王室多故南北司爭權咸樹朋黨外結藩籬胤胤長於陰計巧於附麗外示凝重而心險躁自李茂貞王行瑜怙亂兵勢不遜杜讓能章昭度繼遭誅戮而宰臣崔昭緯深結行瑜以自固而待胤胤以宗人之分屢加薦用累遷中書侍郎判戶部事昭宗出幸石門胤胤與同列徐彥若王搏等從車駕還宮加禮部尚書並賜執扶危匡國致理功臣三年李茂貞犯京師胤胤昭宗幸華州帝復雪杜讓能章昭度李璣之枉懣昭緯之前惡胤胤政事檢校兵部尚書廣州刺史嶺南東道節度等使時朱全忠方霸於關東胤胤密致書全忠求援全忠上疏理胤胤之功不可離輔弼之地胤胤已至湖南復召拜平章事胤胤既獲汴州之援頗弄威權恨徐彥若王搏發昭緯前事深排抑之俄出彥若為南海節度又撫王搏交結勅使同危宗社全忠上疏論之光化中貶搏溪州司馬賜死於藍田驛誅中尉宋道弼景務修自是朝廷權政皆歸於己兼領三司使務官官側目不勝其忿及劉季述幽昭宗於東內以德王監國季述畏全忠之強不敢殺胤胤但罷知政事落使務守本官而已胤胤復致書於全忠請出師反正故全忠令大將張存敬急攻晉絳河中胤胤以天子幽囚諸侯觀變有神策軍巡使孫德昭者頗怒季述之廢立胤胤伺知之令判官石戡與德昭遊伺其深意每酒酣德昭泣下戡知其誠乃與之謀曰今中外大臣自廢立已來無不合怒至於軍旅亦懷憤惋今謀反者獨季述仲先耳足下誅此二豎復帝寶位垂名萬代今正其時持疑不斷則功落他人之手也德昭謝曰子軍吏耳社稷大計不敢自專如相公委使不敢避也胤胤乃割衣帶手書以通其意十二月晦德昭伏兵誅季述昭宗反正胤胤進位司空復知政事兼領度支鹽鐵三司等使明年夏朱全忠攻陷河中晉絳進兵至同華中尉韓全誨以胤胤交結全忠慮汴軍逼京師請罷知政事落使務其年冬全誨挾帝幸鳳翔胤胤怒廢黜不扈從遣使告全忠請於岐陽迎駕令太子太師盧知猷率百官迎全忠入京師初全忠至華州遣掌書記裴鑄入奏胤胤言欲以兵士迎駕及入京師又上表曰臣獨兼四鎮迨事兩朝分數千里之封疆受二十年之恩渥微同物類猶解感知忝齒人倫寧忘報効臣昨將兵士奔赴闕庭尋過京畿

遣迎車駕。初因幕吏面奉德音，尋有宰臣類飛密札，或以京都紛擾，委制置於中朝，或以變格播遷，俾奉迎於近甸。臣是以遠離藩鎮，不憚疲勞。昨奉詔書，兼宣口勅，令臣速抽兵士，且歸本藩，仍遣百官，俾赴行在，親諭言於鳳紙。若面丹擢，認御札於龍衣，如親翠蓋，然知從來書詔，出自宰臣，每降宣傳，皆非聖旨。致臣誤將師旅，遽入關畿，比令迎駕之行，翻掛背君之過。臣今見與茂貞要約，釋兩地猜嫌，早致萬乘歸京，以副八紘懸望。其宰臣百官已下，非臣輒有阻留，伏乞詔赴行朝，以備還駕。昭宗得全忠表，怒胤尤甚。是月二十六日，詔曰：食君之祿，合務於盡忠，秉國之鈞，宜思於致理。其有疊膺異渥，繼執重權，遽萌狂悖之心，忽構傾危之計，人知不可，天固難容。扶危定亂，致理功臣，開府儀同三司守司空兼門下侍郎同平章事，太清宮使弘文館大學士，延資庫使諸道鹽鐵轉運等使，判度支上柱國魏國公食邑五千戶崔胤，奕葉公台，蟬聯珪組，冠歲名升於甲乙，壯年位列於公卿，趣向有聞，行藏可尚。朕採於羣議，詢彼輿情，有冀小康，遂登大用，殊不知漏卮難滿，小器易盈，曾無報國之心，但作危邦之計，四居極位，一無可稱，豈有都城合聚兵甲，暗養死士，將亂國經聚，魏武以保其一坊，致刁斗連連於右輔，始則將京兆府官錢，委元規召卒，後則用度支使權利，令陳班聚兵，事去公朝，權歸私室，百辟休戚，由其顧眄之間，四方是非，繫彼指呼之際，令狐渙姦縱有素，操守無堪，用作腹心，共張聲勢，遂令溷居深密，日在禁闈，罔惑朕躬，僞行書詔，致茲播越，職爾之由，豈有權重位崇，恩深獎厚，曾無惕厲，轉恣睢野，顯構外兵，將圖不軌，朕以庶士流散，兵革繁多，遂命宰臣與之商議，五降內使，一頁表章，堅臥不來，拒召如此，況又拘留庶吏，廢闕農趨，人既奔驚，朕須巡幸，果見兵塵聳擊，火照宮闈，烟塵漲天，干戈匝野，致朕奔迫，及於岐陽，翠輦未安，鐵騎旋至，圍逼行在，焚燒屋廬，觀此阨危，咎將誰執，近省全忠章表，兼遣幕吏數陳，言宰臣繼飛密緘，促其兵士西上，靜詳構扇，孰測苞藏，無功及人，爲國生事，於戲！君人之道，委之宰衡，庶務殷繁，豈能親理，盡將機事，付爾主張，實我何多構亂至此，仍存大體，不謂無恩，可責授朝散大夫，守工部尚書。初，天復反正之後，宦官尤畏胤事，無大小咸稟之，每內殿奏對，夜則繼之。

以觸常說，昭宗請盡誅內官，但以宮人掌內司事，中尉韓全誨張弘彥黃易簡等，伺知之，於帝前求哀請命，乃詔胤密事進囊封，勿更口奏，宦官無由知其謀，乃求知書美婦人進內，以偵陰事，由是胤謀頗洩，宦官每相聚流涕，愈不自安，故全誨等爲劫幸之謀，由胤忌嫉之太過也。及全忠攻鳳翔，胤寓居華州，爲全忠畫圖王之策，天復二年，全忠自岐下還河中，胤迎謁于渭橋，捧卮上壽，持板爲全忠唱歌，仍自撰歌辭，贊其功業。三年，李茂貞殺韓全誨等，與全忠通和，昭宗急詔徵胤赴行在，凡四降詔，三賜朱書，御札稱病不赴，及帝出鳳翔，胤乃迎於中路，即日降制復舊官，知政事，進位司徒，兼判六軍諸衛事，仍詔移家入左軍，賜帳幄器用十車，胤奏京兆尹鄭元規爲六軍副使，胤與全忠奏罷左右神策內諸司等使，及諸道監軍副監小使內官三百餘人，同日斬之于內侍省，諸道監軍隨處斬首以聞。昭宗初幸鳳翔，命盧光啓韋贍範蘇檢等作相，及還京，胤皆貶斥之。又貶陸辰爲沂王傅，王溥太子賓客，學士薛貽矩夔州司戶，韓偓濮州司戶，姚洎景王府咨議，應從幸羣官，貶逐者三十餘人，唯用裴贄爲相，以其孤立易制也。內官既盡，屠戮諸使，悉罷天子宣傳詔命，惟令宮人龍顏等宣事，而欺君蠹國，所不忍聞，胤所悅者，闢茸下輩，所惡者，正人君子，人人懷懼，朝不保夕。其年十月，全忠子友倫宿衛京師，因擊鞠墜馬而卒，全忠愛之，殺會鞠者十餘人，而疑胤陰謀，由是怒胤。初，天子還宮，全忠東歸，胤以事權在己，慮全忠急於篡代，乃與鄭元規謀招致兵甲，以扞茂貞爲辭，全忠知其意，從之。胤毀城外木浮圖，取銅鐵爲兵仗，全忠令汴州軍人入關應募者數百人，及友倫死，全忠怒，遣其子宿衛軍使友諒誅胤，而應募者突然而出。四年正月，初貶太子賓客，尋爲汴軍所殺，胤傾險樂禍，外示寬弘，初拜平章事，其季父安潛謂所親曰：吾父兄刻苦樹立門戶，一旦終當爲緇郎所壞，果如其言。胤累加至侍中，封魏國公，初，全忠雖竊有河南方鎮，憚河朔河東未萌鼎峙之志，及得胤爲鄉導，乃電擊潼關，始謀移國，自古與盜合從，覆亡宗社，無如胤之甚也。子有鄰，崔珙，博陵安平人，祖懿，父頊，貞元初進士登第，元和初累官至少府監，四年，出爲同州刺史，卒，頊有子八人，皆至達官，時人比漢之荀氏，號曰八龍，長曰瑄，貞

甲等。

盧鈞字子和本范陽人祖炆父繼鈞元和四年進士擢第又書判拔萃調補校書郎累佐諸侯府太和五年遷左補闕與同職理宋申錫之枉由是知名歷尚書郎出爲常州刺史九年拜給事中開成元年出爲華州刺史潼關防禦鎮國軍等使其年冬代李從易爲廣州刺史御史大夫韓南節度使南海有蠻舶之利珍貨輻湊舊帥作法與利以致富凡爲南海者靡不相載而還鈞性仁恕爲政廉潔請監軍領市舶使己一不干預自貞元已來衣冠得罪流放橫表者因而物故子孫貧悴雖遇赦不能自還凡在封境者鈞減俸錢爲營櫓積其家疾病死喪則爲之醫藥殯殮孤兒稚女爲之婚嫁凡數百家由是山越之俗服其德義令不嚴而人化三年將代華蠻數千人詣闕請立生祠銘功頌德先是土人與蠻獠雜居婚娶相通吏或撓之相誘爲亂鈞至立法俾華蠻異處婚娶不通蠻人不得立田宅由是徼外肅清而不相犯會昌初遷襄州刺史山南東道節度使四年誅劉稹以鈞檢校兵部尚書兼潞州大都督府長史昭義節度澤潞邢洛磁觀察等使是冬詔鈞出潞軍五千戍代北鈞升城門錢送其家設帳觀之潞卒素驕因與家人訣別乘醉倒戈攻城門監軍以州兵拒之至晚撫勞方定詔鈞入朝拜戶部侍郎判度支遷戶部尚書大和中初檢校尚書右僕射汴州刺史御史大夫宣武軍節度宋毫汴穎觀察等使就加檢校司空四年入爲太子少師進位上柱國范陽郡開國公食邑二千戶六年復檢校司空太原尹北都留守河東節度使九年詔曰河東軍節度使盧鈞長才博達敏識宏深萬山河之靈抱瑚璉之器多能不懼用晦而彰由嶺表而至太原五換節鉞仁聲載路公論彌高藩垣之和氣不衰臺閣之清風常在宜升揆路以表羣寮可尚書左僕射鈞踐歷中外事功益茂後輩子弟多至台司至是急徵謂當輔弼雖居端揆心殊失望常移病不視事與親舊遊城南別墅或累日一歸宰臣令狐絢惡之乃罷僕射仍加檢校司空守太子太師物議以鈞長者罪絢弄權絢懼十一年九月以鈞檢校司徒同中書門下平章事與元尹充山南西道節度使入爲太子太師卒

裴休字公美河內濟源人也祖宣父蕭貞元中自常州刺史兼御史中丞越州刺史浙東團練觀察等使時山賊累鎗誘山越爲亂陷浙東郡縣肅州兵討平之因紀其事號平戎記上之德宗嘉賞蕭生三子儵休儵皆登進士第休志操堅正童亂時兄弟同學于濟源別墅休經年不出野門晝講經籍夜課詩賦虞人有以鹿贖佛者儵俛之召休食休曰我等窮生菜食不充今日食肉翌日何繼無宜改鑊獨不食長慶中從鄉賦登第又應賢良方正升甲科太和初歷諸藩辟召入爲監察御史右補闕史館修撰會昌中自尚書郎歷典數郡大和中累官戶部侍郎充諸道鹽鐵轉運使轉兵部侍郎兼御史大夫領使如故六年八月以本官同平章事判使如故自太和已來重臣領使者歲漕江淮米不過四十萬石能至渭河倉者十不三四漕吏校蠹敗爛百端官舟沉溺者歲七十餘隻緣河姦吏大紊劉晏之法洎休領使分命僚佐深按其弊因是所過地里悉令縣令兼董漕事能者獎之自江津達渭口以四十萬之備歲計緡錢二十八萬貫悉使歸諸漕史巡院無得侵牟舉新法凡十條奏行之又立稅茶法二十條奏行之物議是之初休典使三歲漕米至渭河倉者一百二十萬斛更無沉舟之弊累轉中書侍郎兼禮部尚書休在相位五年十年罷相檢校戶部尚書汴州刺史御史大夫充宣武軍節度使其年冬進階金紫光祿大夫上柱國河東縣子食邑五百戶守太子少保分司東都十一年冬檢校戶部尚書潞州大都督府長史御史大夫充昭義節度潞磁邢洛觀察使十三年十月加檢校吏部尚書太原尹北都留守河東節度觀察等使十四年八月以本官兼鳳翔尹充鳳翔隴州節度使咸通初入爲戶部尚書累遷吏部尚書太子少師卒休性寬惠爲官不尚敬察而吏民畏服嘗爲文長於書翰自成筆法家世奉佛休尤深於釋典太原鳳翔近名山多僧寺視事之隙遊踐山林與義學僧講求佛理中年後不食葷血常齋戒屏嗜慾香爐貝典不離齊中詠歌贊頌以爲法樂與尚書紇于臬皆以法號相字時人重其高潔而鄙其太過多以詞語嘲之休不以爲忤休字冠識亦登進士第休子玆

楊收字藏之同州馮翊人自言隋越公素之後高祖悟虛應賢良制科擢第位

終朔州司馬曾祖幼烈位終寧州司馬祖藏器邠州三水丞父遺直位終濠州錄事參軍家世為儒遺直客於蘇州講學為事因家于吳遺直生四子發假收嚴發字至之太和四年登進士第又以書判拔萃釋褐校書郎湖南觀察推官再辟西蜀從事入朝為監察轉侍御史累遷至禮部郎中大中三年改左司郎中宣宗追尊順宗憲宗等尊號禮院奏廟中神主已題舊號請改造及重題詔禮官議發與都官郎中盧搏獻議曰臣等伏尋舊典粟主升祔之後在禮無改造之文亦無重加尊諡改題神主之例求之曠古實無其文周加太王王季文王之諡但以德合王周遂加王號未聞改諡易主且文物大備禮法可稱最在兩漢並無其事光武中興都洛陽遣大司馬鄧禹入關奉高祖已下十一帝后神主祔洛陽宗廟蓋神主不合新造故也自魏晉迄於周隋雖代有放恣之君亦有知禮講學之士不聞加諡追尊改主重題書之史策可以覆視今議者惟引東晉重造鄭太后神主事為證伏以鄭太后本琅琊王妃薨後已祔琅琊廟其後母以子貴將升祔太廟實循重造新主改題皇后之號備禮告祔當時用之伏以諸侯廟主與天子廟主長短不同若以王妃八寸之主上配至極禮似不同時詔神食君之私用此謬禮改造神主比量晉事又絕非宜且宣懿非穆宗之後實武宗之母母以子之貴已祔別廟正為得禮舉薦無虧今若從祀至尊題主稱為太后因臣因子正得其宜今乃別造新主題去太字即是穆宗上仙之後臣下追致作殯之禮瀆亂正經實驚有識臣當時並列朝行實知謬戾以漢律擅論宗廟者以大不敬論又其時無詔下議遂默塞不敢出言今又欲重用東晉謬禮穢聖朝大典猥蒙下問敢不盡言臣謹按國朝前例甚有明文武德元年五月備法駕於長安通義里舊廟奉迎宣簡公懿王景皇帝神主升祔太廟既言於舊廟奉迎足明必奉舊主其加諡追尊之禮自古本無其事自則天太后攝政之後累有之自此之後數用其禮歷檢國史並無改造重題之文若故事有之無不書於簡冊臣等愚見宜但告新諡于廟而止其改造重題之文開元初太常卿韋縉以高宗廟題武后神主云天后聖帝武氏縉奏請削去天后聖帝之號別題云則天順聖皇后武氏詔從之即不知其時削

舊題耶重造主耶亦不知用何代典禮禮之疑者決在宸衷以臣所見但以新諡冊冊告陵廟正得其宜改造重題恐乖禮意時宰相覆奏請神主改題而知禮者非之以發議為長改授太常少卿出為蘇州刺史蘇發之鄉里也恭長慈幼人士稱之遷改福州刺史福建觀察使歐閩之人美其能政者老以善績聞朝廷以發長於邊事移授廣州刺史嶺南節度使屬前政不率禮夏威德發以嚴為理軍亂為軍人所囚致於郵舍坐貶婺州刺史卒于治所子乘亦登進士第有俊才尤能為歌詩歷顯職假字仁之進士擢第故相鄭軍刺華州署為從事從軍鎮京口得大理評事入為監察轉侍御史由司封郎中知雜事轉太常少卿出為常州刺史卒官初遺直娶元氏生發繼室長孫氏生收嚴收長六尺二寸廣額深頤疎眉秀目寡言笑方於事上博聞強記初家寄潯陽甚貧收七歲喪父居喪有如成人而長孫夫人知書親自教授十三略通諸經義善於文詠吳人呼為神童兄發戲令詠蛙即曰兔邊分玉樹龍底耀銅儀會當同鼓吹不復問官私又令詠筆仍賦鑽字即曰雖匪囊中物何堅不可鑽一朝操政專定使冠三端每辰辰美景吳人造門觀神童讀為詩什觀者壓敗其藩收嘲曰爾幸無羸角何用觸吾藩若是升堂者還應自得門收以母奉佛幼不食肉母亦勗之曰俟爾登進士第可肉食也收以仲兄假未登第久之不從鄉賦開成末假擢第是冬收之長安明年一舉登第年纔二十六時發為潤州從事因家金陵收得第東歸路由淮右故相司徒杜琮鎮揚州延收署節度推官委授校書郎琮領度支以收為巡官琮罷相鎮東蜀奏授掌書記得協律郎琮移鎮西川復管記室宰相馬植奏授渭南尉充集賢校理改監察御史收辭曰僕兄弟進退以義頃仲兄假鄉賦未第收不出衡門今假從事僕府僕不忍先為御史相公必欲振恤孤生俟僕粟兄旨命可也馬公嘉之收即密達意於西蜀杜公願復為參佐琮即表為節度判官馬公乃以收弟嚴為渭南尉集賢校理代收之任周樞罷相鎮東蜀表嚴為掌書記握至鎮而卒琮乃辟嚴為觀察判官兄弟同幕為兩使判官時人榮之俄而假自浙西觀察判官入為監察御史收亦自西川入為監察兄弟並居憲府特為新例裴休作相以收深於禮學用為

太常博士時收第嚴亦自揚州從事入爲監察尋丁母喪歸蘇州既除崔珙罷相鎮淮南以收爲觀察支使入爲侍御史改職方員外郎分司東都宰相夏侯攷領度支用收爲判官罷職改司勳員外郎長安令秩滿改吏部員外郎上言先人未葬旅殯毗陵擬遷卜於河南之偃師請兄弟自往從之及葬東周會葬者千人時政府杜琮夏侯攷皆在洛二公聯薦收於執政宰相令狐綯用收爲翰林學士以庫部郎中知制誥正拜中書舍人賜金紫轉兵部侍郎學士承旨左軍中尉楊玄价以收宗姓深左右之乃加銀青光祿大夫中書侍郎同平章事累遷門下侍郎刑部尚書收以交趾未復南蠻擾亂請治軍江西以壯出橫之師乃於洪州置鎮南軍屯兵積粟以餉南海天子嘉之進位尚書右僕射太清太微宮使弘文館大學士晉陽縣男食邑三百戶收居位稍務華靡頗爲名輩所譏而門吏僮奴倚爲姦利時楊玄价弟兄掌機務招來方鎮之賂屢有請託收不能盡從玄价以爲背己由是傾之八年十月罷知政事檢校工部尚書出爲宣歙觀察使韋保衡作相又發收陰事言前用嚴譟爲江西節度納賂百萬明年八月貶爲端州司馬尋盡削官封長流羅州又令內養郭全穆齋詔賜死九年三月十五日全穆追及之宣詔訖收謂全穆曰收爲宰相無狀得死爲幸心所悲者第兄淪喪將盡只有弟嚴一人以奉先人之祀予欲味死上塵天聽可容一刻之命以俟秉筆乎全穆許之收自書曰臣賦畀下才謬當委任心乖報國罪積彌天特舉朝章賜之顯戮臣誠悲誠感頓首死罪臣出自寒門旁無勢援幸逢休運累污清資聖鑒曲流遂叨重任上不能罄輸臣節以答龍光下不能迴避禍胎以延俊乂苟利尸素頻歷歲時果至聖朝難寬大典誠知一死未塞深愆固不合將泉壤之詞上塵天聽伏乞陛下哀臣愚懇稍緩雷霆臣頃蒙擢在台衡不敢令弟嚴守官闕下旋蒙聖造令刺浙東所有罪愆是臣自負伏乞聖慈貸嚴微命臣血屬皆幼更無近親只有弟嚴才力廷粹家族所恃在嚴一人俾存歿曲全在陛下弘覆臣無任魂魂望恩之至全穆復奏懿宗怒然宥嚴判官朱僞常隣閩均族人楊公慶嚴季實楊全益何師玄李孟勳馬全祐李羽王彥復等皆配流嶺表收子鑿鉅鏐皆登進士第鉅乾軍初以尚書郎

知制誥召充翰林學士拜中書舍人戶部侍郎封晉陽男食邑三百戶從昭宗東遷爲左散騎常侍卒鑄登第後補集賢校理藍田尉乾寧中累遷尚書郎嚴字孺之會昌四年進士擢第是歲僕射王起典貢部選士三十人嚴與楊知至寶臧源鄭朴五人試文合格物議以子弟非之起覆奏武宗勅曰楊嚴一人可及第餘四人落下嚴釋褐諸侯府咸通中累遷吏部員外轉郎中拜給事中工部侍郎尋以本官充翰林學士兄收作相封章請外職拜越州刺史御史中丞浙東團練觀察使收罷相貶官嚴坐貶邵州刺史收得雪嚴量移吉王傳乾符四年累遷兵部侍郎五年判度支其年病卒二子涉涉涉乾符二年登進士第昭宗朝累遷吏部郎中禮刑二侍郎乾符四年改吏部侍郎天祐初轉左丞從昭宗遷洛陽改吏部尚書輝王即位本官平章事加中書侍郎涉性端厚乘禮乾寧之後賊臣竊發王室凌微及天祐東遷大事去矣涉爲時所嬰不能自退及命相之日與家人相向灑泣曰吾不能脫此網羅禍將至矣謂其子凝式曰今日之命吾家重不幸矣必累爾等涉謙退等處竟以令終注中和二年進士登第昭宗朝累官考功員外刑部郎中尋知制誥正拜中書舍人召充翰林學士累遷戶部侍郎輝王繼曆兄涉爲宰相注避嫌辭內職守戶部侍郎韋保衡者字蘊用京兆人祖元貞父愨皆進士登第愨字端士太和初登第後累佐使府入朝亟歷臺閣大中四年拜禮部侍郎五年選士頗得名人戴領方鎮節度卒保衡咸通五年登進士第累拜起居郎十年正月尚懿宗女同昌公主公主郭淑妃所生妃有寵出降之日傾宮中珍玩以爲贈送之資尋以保衡爲翰林學士轉郎中正拜中書舍人兵部侍郎承旨不期年以本官平章事保衡恃恩權素所不悅者必加排斥王鐸貢舉之師蕭遵同門生以素薄其爲人皆擯斥之以楊收路巖在中書不加禮接媒孽逐之自起居郎至宰相二年之間階至特進扶風縣開國侯食邑二千戶集賢殿大學士十一年八月公主薨自後恩禮漸薄咸通末淮徐盜起素所怨者發其陰事保衡竟得罪賜死第保又進士登第尚書郎知制誥召充翰林學士禮禮戶兵三侍郎學士承旨坐保衡免官

路巖者字魯瞻陽平寇氏人也祖季登大曆六年登進士第累辟諸侯府升朝
 為尚書郎遷左諫議大夫卒生三子羣庶單皆登進士第羣字正夫既擢進士
 又書判拔萃累佐使府入朝為監察御史穆宗初即位遣使西北邊犒宴軍士
 稱旨累加兵部郎中太和二年遷諫議大夫以本官充侍講學士四年罷侍講
 為翰林學士五年正拜中書舍人學士如故羣精經學善屬文性仁孝志行貞
 潔父母歿後終身不茹葷血歷踐臺閣受時君異寵未嘗以勢位自矜與士友
 結交榮達如一八年正月病卒君子惜之二子嶽巖大中中相次進士登第巖
 幼聰敏過人父友踐方鎮書幣交辟久之方就數年之間出入禁署累遷中書
 舍人戶部侍郎咸通三年以本官同平章事年始三十六在相位八年累兼左
 僕射懿宗時王政多僻宰臣用事巖既承委遇稍務奢靡頗通賂遺及章保衡
 尚公主素惡巖為人保衡作相罷巖知政事以檢校左僕射出為成都尹劍南
 西川節度使未幾改荆南節度詔令六月下峽赴鎮尋復罷之嶽歷兩郡刺史
 入為給事中子德延

夏侯孜字好學本譙人父審封孜寶曆二年登進士第釋褐諸侯府累遷參錄
 二郡刺史入為諫議大夫轉給事中十年改刑部侍郎十一年兼御史中丞遷
 尚書右丞上柱國賜紫金魚袋十一年二月遷朝議大夫守戶部侍郎判戶部
 事再加兵部侍郎充諸道鹽鐵轉運等使懿宗即位以本官同平章事領使如
 故累加左僕射門下侍郎封諫郡侯與路巖楊收同輔政咸通八年罷相檢校
 司空同平章事兼成都尹充劍南西川節度使屬南蠻入寇蜀中飢饉軍儲不
 備蠻陷巖州蜀川大擾尋移孜為河中尹檢校司徒河中晉絳節度使九年龐
 勛據徐州南蠻深入天子懲治治蜀無政詔曰河中晉絳繇節度使開府儀
 同三司檢校司徒同中書門下平章事河中尹上柱國譙郡開國公食邑二千
 戶夏侯孜早以文詞遂登科第累更清實亦有能名東陽推撫俗之能故絳著
 臨人之稱其後用司風憲龍領藩條皆以公才不辜時選洎掌于經費備歷重
 難居然要會之權頗得均平之道錄其績勳擢處鈞衡造膝之時亦聞其算畫
 沃心之際備見其謀猷於是念彼邊隅控臨巴蜀藉其才術再靜蠻陬翻致帑

廩空虚軍資窘竭冤流闐境寇逼連蔓雖勇帥已來頻移星瑄而無備之後歲
 有干戈昨者微障初安瘡痍復疊敷尋事實果驗根由既乖經濟之源益昧君
 臣之義出於物論非獨子懷是議難處近藩愛更散秩可太子少保分司東都
 未幾卒子潭澤皆登進士第潭累官至禮部侍郎中和三年遷士多至卿相子
 坦

劉瞻字幾之彭城人祖升父景瞻太和初進士擢第四年又登博學宏詞科歷
 佐使府咸通初升朝累遷太常博士劉琰作相以宗人過之薦為翰林學士轉
 員外郎中正拜中書舍人戶部侍郎承旨出為太原尹河東節度使入拜京兆
 尹復為戶部侍郎翰林學士十年以本官同平章事加中書侍郎兼刑部尚書
 集賢殿大學士十一年八月同昌公主薨懿宗尤嗟惜之以翰林暨官韓宗召
 康仲殷等用藥無效收之下獄兩家宗族枝蔓盡捕三百餘人狴牢皆滿瞻召
 諫官令上疏無敢極言瞻自上疏曰臣聞修短之期人之定分賢愚共一今古
 攸同喬松薜花粟氣各異至如錢鏐壽考不因有智而延齡顏子早亡不為不
 賢而促壽此皆含靈粟氣修短自然之理也一昨同昌公主久舉危疾深移聖
 慈鑿藥無徵幽明遠隔陛下過鍾宸愛痛切追思爰責醫工令從嚴憲然韓宗
 召等因緣藝術備荷寵榮想於診候之時無不盡其方術亦欲病如沃雪藥暫
 通神其奈禍福難移竟成差跌原其情狀亦可哀矜而差悞之愆死未塞責自
 陛下雷震一怒朝野震驚囚九族於狴牢因兩人之藥悞老幼械繫三百餘人
 咸云宗召荷恩之日寸祿不霑進藥之時又不同議此乃禍從天降罪匪己為
 物議沸騰道路嗟嘆陛下以寬仁厚德御宇十年四海萬邦咸歌聖政何事遽
 移前志頓易初心以達理知命之君涉肆暴不明之謗且殉宮女而違道囚平
 人而結冤此皆陛下安不思危忿不顧難者也陛下信崇釋典留意生天大要
 不過喜捨慈悲方便布施不生惡念所謂福田則業累盡消往生切利比居濁
 惡未可同年伏望陛下盡釋繫囚易怒為喜虔奉空王之教以資愛主之靈中
 外臣寮同深懇激帝聞疏大怒即日罷瞻相位檢校刑部尚書同平章事江陵
 尹充荆南節度等使再貶廣州刺史量移虢州刺史入朝為太子賓客分司翰

林學士戶部侍郎鄭啟右諫議大夫高湘比部郎中知制誥楊知至禮部郎中魏齊兵部員外張頴刑部員外崔彥融御史中丞孫理等皆坐瞻親善貶逐京兆尹溫璋仰藥而卒

劉璋者彭城人祖璠父煇璋開成初進士擢第會昌末累遷尚書郎知制誥正拜中書舍人大中初轉刑部侍郎璋精於法律選大中以前二百四十四年制勅可行用者二千八百六十五條分爲六百四十六門議其輕重別成一家法書號大中統類奏行用之出爲河南尹遷檢校工部尚書汴州刺史宣武軍節度使十一年五月加檢校禮部尚書太原尹北都留守河東節度觀察等使其年十二月入朝拜戶部侍郎判度支尋以本官同平章事領使如故十二年累加集賢殿大學士罷相又歷方鎮卒第頊亦登進士第

曹確字剛中河南人父景伯貞元十九年進士擢第又登制科確開成二年登進士第歷聘藩府入朝爲侍御史以工部員外郎知制誥轉郎中入內署爲學士正拜中書舍人賜金紫權知河南尹事入爲兵部侍郎咸通五年以本官同平章事加中書侍郎監修國史確精儒術器識謹重循法度懿宗以伶官李可及爲威衛將軍確執奏曰臣覽貞觀故事太宗初定官品令文武官共六百四十三員顧謂房玄齡曰朕設此官員以待賢士工商雜色之流假令術踰僞類止可厚給財物必不可超授官秩與朝賢君子比肩而立同坐而食太和中文宗欲以樂官尉遲璋爲王府率拾遺賈洵直極諫乃改授光州長史伏乞以兩朝故事別授可及之官帝不之聽可及善音律尤能轉喉爲新聲音辭曲折聽者忘倦京師屠沽效之呼爲拍彈同昌公主除喪後帝與淑妃思念不已可及乃爲數百年舞曲舞人珠翠威飾者數百人畫魚龍地衣用官絁五千匹曲終樂闌珠璣覆地詞語悽愴聞者涕流帝故寵之嘗於安國寺作菩薩蠻舞如佛降生帝益憐之可及嘗爲子娶婦帝賜酒二銀樽啓之非酒乃金翠也人無敢非之者唯確與中尉西門季玄屢論之帝猶顧待不衰僖宗即位崔彥昭奏逐之死於橫表確累加右僕射判度支事在相位六年九年罷相檢校司徒平章事潤州刺史鎮海軍節度觀察等使以出師扞虜勦功就加太子太師第汾

亦進士登第累官尚書郎知制誥正拜中書舍人出爲河南尹遷檢校工部尚書許州刺史忠武軍節度觀察等使入爲戶部侍郎判度支弟兄並列將相之任人士榮之確與畢誠俱以儒術進用及居相位廉儉貞苦君子多之稱爲曹

畢誠者字存之鄆州須昌人也伯祖構高宗時吏部尚書構弟相鄆王府司馬生凌凌爲汾州長史生勻爲協律郎勻生誠少孤貧燃薪讀書刻苦自勵既長博通經史尤能歌詩端整好古交遊不雜太和中進士擢第又以書判拔萃尚書杜琮鎮許昌辟爲從事琮領度支誠爲巡官琮鎮揚州又從之琮入相誠爲監察轉侍御史武宗朝宰相李德裕專政出琮爲東蜀節度琮之故吏莫敢錢送問訊唯誠無所顧慮問遺不絕德裕怒出誠爲礪州刺史宣宗即位德裕得罪比被譴者皆徵還誠入爲戶部員外郎分司東都歷駕部員外郎倉部郎中故事勢門子弟郵倉駕二曹居之者不悅唯誠受命恬然恭遜口無異言執政多之改職方郎中兼侍御史知雜期年召爲翰林學士中書舍人遷刑部侍郎自大中末党項羌叛屢擾河西懿宗召學士對邊事誠即援引古今論列破羌之狀上悅曰吾方擇能帥安集河西不期頗牧在吾禁署卿爲朕行乎誠忻然從命即用誠爲邠寧節度河西供軍安撫等使誠至軍遣使告諭叛徒諸羌率化又以邊境禦戎以兵多積穀爲上策乃召募軍士開置屯田歲收穀三十萬石省度支錢數百萬詔書嘉之就加檢校工部尚書移鎮澤潞充昭義節度使二年改太原尹北都留守河東節度使太原近胡九姓爲亂誠明賞罰謹斥候期年諸部革心就加檢校尚書左僕射移授汴州刺史充宣武軍節度宋亳汴觀察等使其年入爲戶部尚書領度支月餘改禮部尚書同平章事累遷中書侍郎兵部尚書集賢大學士在相位三年十月以疾固辭位詔守兵部尚書以其本官同平章事出鎮河中十二月二十三日卒于鎮時年六十二誠謹重長於文學尤精吏術在相位以同官任情不法固辭而免君子美之子紹顏知顏登進士第累歷顯官

杜審權字殷衡京兆人也國初萊成公如晦六代孫祖佐位終大理正佐生二

子元頴元絳元頹穆宗朝宰相絳位終太子賓客絳生二子審權蔚並登進士第審權釋褐江西觀察判官又以書判拔萃拜右拾遺轉左補闕大初遷司勳員外郎轉郎中知雜又以本官知制誥正拜中書舍人十年權知禮部貢舉十一年遷士三十人後多至達官正拜禮部侍郎其年冬出為陝州大都督府長史陝號都團練觀察使加檢校戶部尚書河中尹河中晉絳節度使懿宗即位召拜吏部尚書三年以本官同平章事累加門下侍郎右僕射九年罷相檢校司空兼潤州刺史鎮海軍節度使蘇杭常等州觀察使時徐州成將龐勛自桂州擅還據徐泗大擾淮南審權與淮南節度使令狐綯荆南節度使崔鉉奉詔出師持角討賊而浙西饋運不絕繼破徐戎賊平召拜尚書左僕射十一年制曰開府儀同三司檢校司空尚書左僕射上柱國襄陽郡開國公食邑二千戶杜審權顏合黃鍾行真白璧冲粹孕靈嶽之秀精明涵列宿之光塵外孤標雲間獨步踐歷華貫餘二十年鑒裁名流凡幾百輩清切之任無不試重難之務無不經靜而立名嚴以肅物絕分毫徇己之意乘尺寸度量之懷貞方飾躬溫茂繕性儉不偪下畏以居高語默適時喜愠莫見頃罷龍機務鎮于金陵值淮夷猖狂干戈悖起累發猛士控彼賊鋒廣備糗糧助茲軍食深惟將相之大體頗親文武之全才王導以蕭灑之名不忘戎事謝安以恬澹之德亦在兵間及駟馬來朝擢居端揆嚴重自處恬曠不渝虞芮之故都前蹤尚爾郇瑕之舊地往事依然兼以股肱之良為吾腹心之寄改佩相印更握兵符仍五教之崇名極一時之感禮可檢校司徒同平章事河中尹充河中晉絳節度觀察等使數年以本官兼許州刺史忠武軍節度觀察等使入為太子太傅分司東都卒贈太師諡曰德三子讓能彥林弘徽讓能咸通十四年登進士第釋褐咸陽尉宰相王鐸鎮汴奏為推官入為長安尉集賢校理丁母憂以孝聞服闋淮南節度使劉鄩辟掌記室得殿中賜緋入為監察牛蔚鎮興元奏為節度判官入為右補闕歷侍御史起居郎禮部兵部員外郎蕭遘領度支以本官判度支案黃巢犯京師奔赴行在拜禮部郎中史館修撰尋以本官知制誥正拜中書舍人謝日面賜金紫之服尋召充翰林學士六飛在蜀關東用兵徵發招懷書詔雲

委讓能詞才敏速筆無點竄動中事機僖宗嘉之累遷戶部侍郎從駕還京加禮部尚書進階銀青光祿大夫封建平縣開國子食邑五百戶轉兵部尚書學士承旨沙陀逼京師傳宗蒼黃出幸是夜讓能宿直禁中聞難作步出從駕出城十餘里得遺馬一匹無羈勒以紳束首而乘之駕在鳳翔失致兵遽至傳宗急幸寶雞近臣唯讓能獨從翌日孔緯等六七人至邠師攻關帝幸梁漢棧道為石協所毀崎嶇險阻之間不離左右帝顧謂之曰朕之失道再致播遷險難之中卿常在側古所謂忠子所事卿無負矣讓能謝曰臣家世歷重任蒙國厚恩陛下不以臣愚擢居近侍臨難苟免臣之恥也獲扞牧圉臣之幸也至襄中加金紫光祿大夫改兵部侍郎同平章事時朱玫立襄王稱制天下牧伯附之者十六七貢賦殆絕朝士纒十數人行帑無寸金衛兵不宿飽帝垂泣側席無如之何讓能首陳大計請以重臣使河中諭王重榮以大義果承詔請雪以圖討逆京師平拜特進中書侍郎兼兵部尚書集賢殿大學士進封襄陽郡開國公食邑二千戶駕在鳳翔李昌符作亂倏然變起讓能單步入侍時朝臣受僞署者眾法司請行極法以戒事君讓能固爭之獲全者十七人昭宗驚嗣賜扶危啓運保乂功臣加開府儀同三司尚書左僕射封晉國公增邑千戶仍賜鐵券誅秦宗權許蔡平定加司空門下侍郎監修國史昭宗郊禮畢進位司徒太清宮使弘文館大學士延資庫使諸道鹽鐵轉運等使加食邑一千戶明年冊拜太尉加食邑一千戶自大順已來鳳翔李茂貞大聚兵甲恃功驕恣會楊復恭走山南茂貞欲兼有梁漢之地亟請問罪詔未允而出師昭宗怒其專不得已而從之及山南平詔授以茂貞鎮興元徐彥若鎮鳳翔仍割果蘭兩州隸武定軍茂貞怒上章論列語辭不遜又與讓能書曰宰相之職外撫四夷內安百姓除陽不順猶實變理之功宇宙將傾須假扶持之力即萬靈舒慘四海安危盡繫朝綱咸由廟算既為重任方屬元臣況今國步猶艱皇居未壯曩日九衢三市草擁荒墟當時萬戶千門霜凝白骨大廈傾欹而未已沉痾綿息以無餘皆云非賢后無以拯社稷之危非真宰無以阜實區之弊今明公捨樂入憂投竿為師踐履中台制臨外閭不究興亡之理罕聞沉斷之機蓋意有所不平心

有所未悟。輒思上問。願審滅謀。竊見楊守亮擅舉干戈。阻艱西道。將圖割據。吞併東川。居巴鑿爲一窟。豺狼在梁。漢致十年。荆棘果開。敗奴尋挫。凶狂既前去。而不諧。思却歸而無地。當道與邠州見爲隔絕。網運方舉。問罪兵師。忽聞朝廷授武定之雙旌。劉果蘭之兩郡。未審是何名目。酬何功勞。秦大國之紀綱。蓋天子之州縣。非惟取笑於重雅。抑亦羞於馬牛。自謂奇謀。信爲獨見。伏慮是明公賞凶黨。無君之輩。挫忠臣奉國之心。要助姦邪。須權正直。又聞公切於保位。利在安家。商量不自於中書。割削全通於內地。雖知深奧。罕測津涯。亦聞駭異。羣情頗足喧騰。衆口其悖戾如此。京師百姓聞茂貞聚兵。羣情恟恟。數千百人守關門。候中尉西門重遂出。擁馬論列曰。乞不分割山南。請姑息鳳翔。與百姓爲主。重遂曰。此非吾事。出於宰相也。昭宗怒。詔讓能。只在中書調發。畫計不歸。第月餘。宰相崔昭緯陰結邠岐爲城社。凡讓能出一言。即日達於茂貞。行瑜茂貞令健兒數百人。雜市人於街。崔昭緯鄭延昌歸第。市人擁肩與訴曰。岐帥無罪。宰相公不加討伐。致都邑不寧。二相輿中喻之曰。大政聖上委杜太尉。吾等不預。市豪黨簾熟視。又不之識。因投瓦石擊二相之輿。崔鄭下輿散走。匿身獲免。是日喪堂印公服。天子怒。捕魁首誅之。由是用兵之意愈堅。京師之人相與藏竄。嚴刑不能已。讓能奏曰。陛下初臨大寶。國步未安。自艱難已來。且行貞元故事。姑息藩鎮。茂貞邇在國門。不宜起怨。臣料此時未可行也。帝曰。政刑削弱。詔令不出城門。此實生動。哭之際也。又書不云乎。藥不瞑眩。厥疾弗瘳。膠不能辱辱度日。坐觀凌弱。卿爲我主張調發。用兵吾委諸王。讓能對曰。陛下憤藩臣之倔強。必欲強幹弱枝。以隆王室。此則中外大臣所宜戮力。以成陛下之志。不宜獨任微臣。帝曰。卿位居元輔。與朕同休共戚。無宜避事。讓能泣辭曰。臣待罪台司。未乞骸骨者。思有以報國恩耳。安敢愛身避事。況陛下之心。憲祖之志也。但時有所不便。勢有所必然。他日臣雖受冕錯之誅。但不足以珍七國之患。敢不奉詔。繼之以死。景福二年秋。上以嗣單王爲招討使。神策將李鏞副之。率禁軍三萬送彥若赴鎮。崔昭緯密與邠鳳結託。心害讓能。言討伐非上意。出於太尉也。九月。茂貞出軍逆戰。王師敗于盤屋。岐兵乘勝至三橋。讓能奏曰。臣固

預言之矣。請歸罪於臣。可以紓難。上涕下不能已。曰。與卿訣矣。即日貶爲雷州司戶。茂貞在臨臯。驛請誅讓能。尋賜死。時年五十三。駕自石門還京。念讓能之寬。追贈太師。子光。又曉。以父枉橫。不求聞達。曉入梁。位亦至宰輔。彥林。弘徽。乾符中。相次登進士第。彥林。光化中。累官至尚書郎。知制誥。拜中書舍人。天祐初。爲御史中丞。弘徽累官至中書舍人。遷戶部侍郎。尤弘文館學士。判館事。與兄同日被害。

劉鄩。字漢藩。潤州句容人也。父三復。聰敏絕人。幼善屬文。少孤貧。母有廢疾。三復丐食供養。不離左右。久之。不遂鄉賦。長慶中。李德裕拜浙西觀察使。三復以德裕禁密大臣。以所業文詣郡干謁。德裕閱其文。倒屣迎之。乃辟爲從事。管記室。母亡。哀毀殆不勝喪。德裕三爲浙西。凡十年。三復皆從之。太和中。德裕輔政。用爲員外郎。居無何。罷相。復鎮浙西。三復從之。汝州刺史劉禹錫以宗人遇之。深重其才。嘗爲詩贈三復。序曰。從第三復。三爲浙右從事。凡十餘年。往年主公入相。薦用登朝。中復從公之京口。未幾而罷。昨以尚書員外郎奉使至潞。旋承新命。改轍而東。三從公皆在舊地。徵諸故事。實無其比。因賦詩餞別。以志之。又從德裕歷滑臺。西蜀揚州。累遷御史中丞。會昌中。德裕用事。自諫議給事。拜刑部侍郎。弘文館學士。判館事。朝廷用兵。誅劉稹。澤潞既平。朝議以劉從諫妻裴氏。是裴問之妹。欲原之。法司定罪。以劉稹之叛。裴以酒食會潞州將校妻女。泣告以固逆謀。三復奏曰。劉從諫苞藏逆謀。比雖已露。今推窮僕妾。尤得事情。據其圖謀語言。制度服物。人臣僭亂。一至於斯。雖生前幸免於顯誅。而死後已從於追戮。凡在朝野。同深慶快。且自古人臣叛逆。合有三族之誅。尚書曰。乃有顛越不恭。我則劇珍滅之。無遺育。無俾易種子。茲新邑如此。則阿裴已不得免於極法矣。又況從諫死後。主張狂謀。罪狀非一。劉稹年既幼小。逆節未深。裴爲母氏。固宜誠誘。若廣說忠孝之道。深陳禍福之源。必冀虺毒不施。梟音全革。而乃激厲凶黨。膠固叛心。廣招將校之妻。適有酒食之宴。號哭激其衆意。贈遺結其羣情。遂使叛黨稽不捨之。誅。擊重延必死之命。以至周歲。方就誅夷。此阿裴之罪也。雖以裴問之功。或希減等。而國家有法。難議從輕。伏以管叔。周公之親弟。

也。有罪而且誅之。以周公之賢。尚不捨兄弟之罪。況髡問之功效。安能破朝廷法耶。據阿裴廢臣妾之道。懷逆亂之謀。裴問如周公之功。尚合行周公之戮。况於朝典。固在不疑。阿裴請準法從之。三復未幾病卒。鄭六七歲能賦詩。李德裕尤憐之。與諸子同硯席師學。大中初。德裕貶逐。鄭無所依。以文章客遊江浙。每有制人。皆稱誦。高元裕廉察陝。署為團練推官。得秘書省校書郎。咸通初。劉瞻高璩居要職。以故人子薦為左拾遺。召充翰林學士。轉尚書郎中。知制誥。正拜中書舍人。戶部侍郎。學士承旨。鄭以李德裕貶死。珠崖。大中朝。以令狐綯當權。累有赦宥。不蒙恩列。懿宗即位。綯在方鎮。屬郊天。大赦。鄭奏論之。曰。故崖州司戶參軍李德裕。其父吉甫。元和中。以直道明誠。高居相位。中外咸理。許謀有功。德裕以偉望宏才。繼登台榭。險夷不易。勁正無羣。累周勳厚重之姿。慕楊乘忠貞之節。頃以微累。竄于遐荒。既迫衰殘。竟歸冥寞。其子燁坐貶象州立山縣尉。去年。遇陛下。布惟新之命。覃作解之恩。移授郴州郴縣尉。今已歿於貶所。儻德裕猶有親援。可期振揚。微臣固不敢上論。以招浮議。今骨肉將盡。生涯已空。皆傷榮戰之門。遽作荆榛之地。孤骨未歸於塋。一男又沒於湘江。特乞聖明俯垂哀愍。俾還遺骨。兼賜贈官。上弘錄舊之仁。下激徇公之節。詔從之。鄭尋以本官領諸道鹽鐵轉運使。其年。同平章事。判度支。轉中書侍郎。兼吏部尚書。累加太清宮使。弘文館大學士。傳宗即位。蕭倣。崔彥昭。乘政。素惡鄭。乃罷鄭知政事。檢校尚書左僕射。同平章事。揚州大都督府長史。淮南節度使。是日。鄭押班宣麻。竟通事引。鄭內殿謝。不及笏。記。鄭自敘十餘句。語云。霖雨無功。深愧代天之用。烟霄失路。未知歸骨之期。帝為之惻然。黃巢渡淮而南。詔以浙西高駢代還。尋除鳳翔尹。鳳翔龍右節度使。以疾辭。拜左僕射。巢賊犯長安。鄭從。駕不及。與崔沆。豆盧瑑。於金吾將軍張直方之家。旬日。賊嚴切追捕。三人夜竄。為賊所得。迫以偽命。稱病不應。俱為賊所害。

豆盧瑑者。河東人。祖愿。父籍。皆以進士擢第。瑑大中十三年。亦登進士科。咸通末。累遷兵部員外郎。轉戶部郎中。知制誥。召充翰林學士。正拜中書舍人。乾符中。累遷戶部侍郎。學士承旨。六年。與吏部侍郎崔沆。同日拜平章事。宣制日。大

風雷雨拔樹。左丞韋贍與瑑善。往賀之。瑑言及雷雨之異。贍曰。此應相公為霖作解之祥也。瑑笑答曰。霖何甚耶。及巢賊犯京師。從僖宗出關。遠門。為盜所制。乃匿於張直方之家。遇害。識者以風雷。不令之兆也。第瑑。瑑皆進士登第。累歷清要。瑑子草。中興位亦至宰輔。

史臣曰。近代衣冠人物。門族昌盛。從頽之後。實富名流。而彥曾屬徐亂之秋。胤接李亡之數。計則繆矣。天可逃乎。楊劉曹畢諸族。門非世貴。位以藝升。伏膺典墳。俯拾青紫。而收得位求後。以至敗名。行已飭躬。此為深誠。杜氏三世輔相。太尉陷於橫流。臨難忘身。可為流涕。

贊曰。漢代荀陳。我朝崔杜。有子有弟。多登宰輔。裴士改節。楊子敗名。膏梁移性。信而有徵。

舊唐書卷一百七十七

舊唐書卷一百七十八

後晉司空同中書門下平章事劉昫撰

列傳第一百二十八

趙隱字光遠

光胤

張揚字文蔚

李蔚

崔彥昭

鄭畋

盧攜

王徽

趙隱字大隱京兆華天人也祖植建中末朱泚之亂德宗幸奉天時倉卒變起羽衛不集數日間賊來攻城植以家人奴客奮力拒守仍獻家財以助軍賞天子嘉之賊平咸寧王渾瑊辟為推官累遷殿中侍御史貞元初遷鄭州刺史鄭滑節度使李融奏兼副使十年融病軍府之政委於植大將宋朝宴構三軍為亂中夜火發植與監軍列卒待之遲明亂卒自潰即日誅斬皆盡帝優詔嘉之入為衛尉少卿三遷尚書工部侍郎十七年出為廣州刺史兼御史大夫嶺南東道節度觀察等使卒於鎮子存約滂存約大和三年為與元從事是時軍亂存約與節度使李絳方宴語吏報新軍亂突入府廨公宜避之絳曰吾為帥臣去之安往應存約令遁存約曰荷公厚德獲奉賓階背恩苟免非吾志也即欲部分左右拒賊是日與絳同遇害隱以父罹非禍泣守松楸十餘年杜門讀書不應辟命會昌中父友當權要教勉仕進方應弓招累為從事大中三年應進士登第累遷郡守尚書郎給事中河南尹歷戶兵二侍郎領鹽鐵轉運等使咸通末以本官同平章事加中書侍郎兼禮部尚書進階特進天水伯食邑七伯戶隱性仁孝與弟隔尤稱友悌少孤貧弟兄力耕稼以奉親造次不干親戚既居宰輔不以權位自高退朝易衣弟兄侍母左右歲時伏臘公卿大臣盈門通訊而大臣及母之榮無如其比乾符中罷相檢校兵部尚書潤州刺史浙西觀察等使入為太常卿轉吏部尚書累加尚書左僕射廣明中卒子光遠光裔光胤弟隔亦以進士登第大中末與兄隱並踐省閣咸通初以兵部員外郎知制誥轉郎中正拜中書舍人六年權知貢舉七年選士多得名流拜禮部侍郎御史中丞累遷華州刺史潼關防禦鎮國軍等使卒光遠乾符五年登進士第釋

褐鳳翔推官入朝為監察御史丁父憂免僖宗還京授太常博士歷禮部司勳吏部三員外郎集賢殿學士轉禮部郎中景福中以祠部郎中知制誥尋召充翰林學士正拜中書舍人戶部侍郎學士承旨改兵部侍郎尚書左丞學士如故乾寧三年從駕幸華州拜御史中丞改禮部侍郎劉季述廢立之後宰相崔胤與黃門爭權衣冠道喪光遠移疾退居洛陽閉關却掃六七年昭宗遷洛起為吏部侍郎復為左丞歷太常卿鼎沒於梁累官至宰輔封齊國公光裔光啓三年進士擢第乾寧中累遷司勳郎中弘文館學士改膳部郎中知制誥賜金紫之服兄弟對掌內外制命時人榮之季述廢立之後光遠歸洛光裔旅遊江表以避患嶺南劉隱深禮之奏為副使因家嶺外光胤大順二年進士登第天祐初累官至駕部郎中入梁歷顯位中興用為宰輔

張昺字公表河間人父君卿元和中舉進士詞學知名累歷郡守昺會昌四年進士擢第釋褐壽州防禦判官于琮布衣時客遊壽春郡守待之不厚昺以琮衣冠子異禮遇之琮將別謂昺曰吾餉逆旅翁五十千郡將之惠不登其數如何昺方奉母家貧適得俸絹五十匹盡以遺琮約曰他時出處窮達交相卹也昺累辟太原掌書記大中朝琮為翰林學士俄登宰輔判度支琮召昺為司勳員外郎判度支尋用為翰林學士轉郎中知制誥拜中書舍人戶部侍郎學士承旨咸通末琮為韋保衡所構譴逐昺坐貶封州司馬保衡誅琮得雪昺量移入朝為太子賓客遷吏部侍郎京兆尹乾符三年出為華州刺史其年冬檢校吏部尚書鄆州刺史天平軍節度觀察等使四年卒于鎮時年六十四子文蔚濟美貽憲文蔚乾符二年進士擢第累佐使府龍紀初入朝為尚書郎乾寧中以祠部郎中知制誥正拜中書舍人賜紫崔胤擅朝政與蔚同年進士尤相善用為翰林學士戶部侍郎轉兵部從昭宗遷洛陽輝王時拜中書侍郎平章事入梁卒濟美貽憲相繼以進士登第貽憲覆試洛籍為戶部巡官集賢校理李蔚字茂休隴西人祖上公位司農卿元和初為陝虢觀察使父景素太和進士蔚開成末進士擢第釋褐襄陽從事會昌末調選又以書判拔萃拜監察御史轉殿中監大中七年以員外郎知臺雜尋知制誥轉郎中正拜中書舍人

咸通五年，權知禮部貢舉。六年，拜禮部侍郎，轉尚書右丞。懿宗奉佛太過，常於禁中飯僧，親為贊頌，以旃檀為二高座，賜安國寺僧微，遂入飯萬僧。蔚上疏諫曰：「臣聞孔丘，聖者也。言則引周任之言，符融賢者也。諫必稱王猛之議，誠以事求師古，詞貴達情。陛下自續帝圖，克崇佛事，止當修外，未甚得中。臣略採本朝名臣啓奏之言，以證奉佛初終之要。天后時，曾營大像，功費百萬，狄仁傑諫曰：『夫寶鉸殫于綴飾，瓊材竭于輪奐，功不使鬼，必在役人。物不天來，皆從地出。非苦百姓，物何以求？物生有時，用之無度，臣每思惟，實所悲痛。』至如往在江表，像法咸興，梁武簡文，施捨無限，及乎三淮沸浪，五嶺騰烟，列刹盈衢，無救危亡之禍。緇衣蔽路，豈益勤王之師。况近年以來，風塵屢擾，水旱失節，征役稍繁，必若多費官財，又苦人力。一隅有難，將何以救此切當之言。一也。中宗時，公主外戚奏度僧尼，姚崇諫曰：『佛不在外，求之于心。佛圖澄最賢，無益於後。趙羅什多藝，不救於姚秦。何充符融，皆遭敗滅。齊襄梁武，未免災殃。但志發慈悲，心行利益。若蒼生安樂，即是佛身。此切當之言。二也。睿宗為金仙玉真二公主造二道宮，辛替否諫曰：『自夏已來，淫雨不解，穀荒于壠，麥爛于場。入秋已來，亢旱為災，苗而不實，霜損蟲暴，草萊枯黃。下人咨嗟，未加賑貸。陛下愛兩女而造兩觀，燒瓦運木，載土填沙，道路流言。皆云用錢百萬。陛下聖人也，遠無不知。陛下明君也，細無不見。既知且見，知倉有幾年之儲，庫有幾年之帛，知百姓之間，可存活乎。三邊之士，可轉輸乎。今發一卒以扞邊陲，追一兵以衛社稷，多無衣食，皆帶饑寒賞賜之間，迺無所出。軍旅驟敗，莫不由斯。而陛下破百萬貫錢，造不急之觀，以買六合之怨，以違萬人之心。此切當之言。三也。替否又諫造寺曰：『釋教以清淨為基，慈悲為主，常體道以濟物，不利己而害人。每去己以全真，不營身以害教。今三時之月，築山穿池，損命也。殫府虛藏，損人也。廣殿長廊，營身也。損命則不慈悲，損人則不濟物，營身則不清淨。豈大聖至神之心乎。佛書曰：『一切有為法，如夢幻泡影，如露亦如電。臣以為滅雕琢之費，以賑貧人，是有如來之德。息穿掘之苦，以全昆蟲，是有如來之仁。罷營葺之直，以給邊陲，是有湯武之功。迴不急之祿，以購清廉，是有唐虞之治。陛下緩其所急，急其所緩，親未來而疎見

在，失真實而冀虛無，重俗人之所為，輕天子之功業。臣實痛之。此切當之言。四也。臣觀仁傑，天后時上公也。姚崇，開元時賢相也。替否，睿宗之直臣也。臣每覽斯言，未嘗不廢卷而太息，痛其言之不行也。伏以陛下深重經流，妙崇佛事，其為樂善，實邁前蹤。但細詳時代之安危，眇鑒昔賢之敷奏，則思過半矣。道遠乎哉。臣過忝恩，言虧匡諫，但舉從繩之義，少裨負辰之明。管轄之間，稍宜停減。優詔嘉之，尋拜京兆尹、太常卿。尋以本官同平章事，加中書侍郎，與盧攜、鄭畋同輔政。罷相出為襄州刺史。山南東道節度使，入為吏部尚書，加檢校尚書右僕射、汴州刺史、宣武軍節度觀察等使。咸通十四年，轉揚州大都督府長史，淮南節度副大使，知節度事。乾符三年受代。百姓詣闕乞留一年，從之。四年，復為吏部尚書，尋遷檢校司空、東都留守，東畿汝都防禦使。六年，河南軍亂，殺崔季康，詔以邠軍李侖鎮太原，軍情不伏，以蔚嘗為太原從事，軍民懷之。八月，以蔚為太原尹、北都留守，河東節度觀察等使。其年十月到鎮，下車三日，暴病卒。弟綰，從兄繪，累官至刺史。蔚三子：渥、洵、澤。渥，咸通末進士及第，釋褐太原從事。累拜中書舍人、禮部侍郎。光化三年，選貢士，洵至福建觀察使。

崔彥昭，字思文，清河人。父豈，彥昭大中三年進士，擢第，釋褐諸侯府。咸通初，累遷兵部員外郎，轉郎中，知制誥，拜中書舍人。再遷戶部侍郎，判本司事。彥昭長於經濟，儒學優深，精於吏事，前治數郡，所莅有聲。動多遺愛，十年，檢校禮部尚書。孟州刺史，河陽懷節度使，進階金紫。十二年正月，加檢校刑部尚書。太原尹、北都留守，河東節度管內觀察等使。時徐泗用兵之後，北戎多寇邊，沙陀諸部動干紀律。彥昭柔以恩惠，來以兵威。三年之間，北門大治，軍民歌之。考滿受代。耆老數千詣闕乞留，詔報曰：『彥昭早著令名，累更劇任，入司邦計，開張用經緯之文，出統藩維，撫馭得輪鈴之術。自臨并部，隱若長城。但先和衆安人，不欲恃險與馬，遂致三軍百姓，灑懇同詞，備述政能。唯恐罷去，願茲重鎮。方委長材，既獲便安，未議移替。想當知悉。』僖宗即位，就加檢校吏部尚書。時趙隱、高璩知政事，與彥昭同年進士。薦彥昭長於治財賦。十五年三月，召為吏部侍郎。充諸道鹽鐵轉運使。乾符初，以本官同平章事，判度支。先是楊收路巖章保衡皆以朋

黨奸賂得罪，蕭做秉政，頗革前弊，而彥昭輔政數月，百職斯舉，察而不煩，士君子稱之。二年，因其轉官，傳宗誠曰：彥昭歷試有勞，食儲無愧，涉於六月，秉是一心，修乃文，可以與文教，勵乃武，可以成武功，重整前規，兩司大計，清能壁立，政乃風行，姦欺屏絕，於多岐，請託銷摧，於正議，不煩內庫，有助涓毫，不假外藩，有進絲髮，軍食所入，餘剩於明年，郊廟所供，克辦於今歲，頗符神化，真謂廟謀，不有良臣，安能富國，宜酬勳於黃閣，俾正位於紫垣，敬服誠詞，永堅茂業，嗚呼！秉鈞之道，何所難哉！覆車之塗，近已多矣，與其樹黨，不若修身，與其收恩，不如乘直，買暫勝者，貽其永敗，沽小智者，靈其大愚，不貴及人，唯爭自我，初誠潤屋，尋以危家，金玉滿堂，莫之能守，縱經營而得位，用枉撓而當辜，唯爾選自朕心，採於人望，宜詔既畢，閉門未知，來遂奔車，退無私謝，獨推元老，曾請急徵，以守道而自臻，實榮親之最重，爾其堅持正直，尤執規程，但畏幽陰，必歸公當，甘言可憚，敘往可嗤，獎善須明，懲姦須銳，利於人者，雖難必舉，利於己者，雖易勿為，頻念孤寒，每思耕織，常自勤於數事，便有望於中興，彰朕知臣在卿，匡國必使恩從下布，法自上行，但立直標，終無曲影，苟致我於堯舜，亦比爾於皋夔，可中書侍郎，依前判度支事，彥昭事母至孝，雖位居宰輔，退朝侍膳，與家人雜處，承奉左右，未嘗高言，歲時慶賀，公卿拜席，時人榮之，累遷門下侍郎，兼刑部尚書，充太清宮使，弘文館大學士，與鄭畋李蔚同知政事，三加兼官，皆領度支，如故，進階特進，累兼尚書右僕射，罷相，歷方鎮，以太子太保分司，卒，子保謙。

亞出桂州，畋隨侍左右，大中朝，白敏中令狐綯相繼秉政十餘年，素與德裕相惡，凡德裕親舊，多廢斥之，畋久不借於士伍，咸通中，令狐綯出鎮，劉瞻鎮北門，辟為從事，入朝為虞部員外郎，右丞鄭薰，令狐之黨也，撫畋舊事，覆奏不放入，省畋復出為從事，五年，入為刑部員外郎，轉萬年令，九年，劉瞻作相，薦為翰林學士，轉戶部郎中，畋以久罹擯棄，幸承拔擢，因授官自陳曰：臣十八進士及第，二十二書判登科，此時結綬王畿，便貯青雲之望，洎一沉風水，久換星霜，服外府之罽毼，渴明庭之禮樂，咸通五年，方始登朝，若匪遭逢聖君，無以發揚曲迹，臣任刑部員外郎，日累於閤內對數，去冬蒙擢宰萬年，又得延英中謝，傾覆幸依於白日，捨盆終親於青天，昨以京縣浩穰，苦心為政，疲羸相息，強禦無蹤，方專宰字之心，用副憂勤之化，陛下過垂採聽，超授恩榮，播於百里之中，致在三清之上，纔超翰苑，遽改郎曹，尋加知制誥，又自陳曰：臣會昌二年，進士及第，大中首歲，書判登科，其時替故昭義節度使沈詢作渭南縣尉，兩考罷免，楊收以結綬替臣，詢則備歷顯榮，歿經數載，收則寵極台輔，綬已三年，臣則外困賓筵，內甘散秩，仰規霄漢，空敷雲泥，雖云賦命屯奇，實以遭人排忌，其因事自洗滌，如此，俄遷中書舍人，十年，王師討徐方，禁庭書詔，旁午，畋灑翰泉涌，動無滯思，言皆破的，同僚閣筆推之，尋遷戶部侍郎，龐勳平，以本官充承旨，畋以德望先峻重，偏膺顧問，首冠英賢，今之宰輔四人，三以此官騰躍，其為威美，更異尋常，豈謂凡流，繼茲芳躅，臣所以憂不稱承旨之任也，至若繼劉瞻之慎密，守保衡之規程，瀝懇事君，披肝翊聖，以貞方為介胄，用忠信作藩籬，丹青帝文，金玉王度，臣亦不敢讓承旨之職，況沉舟墜羽，因聖主發揚，有蓬蘞微才，受鴻恩知遇，再周寒暑，六忝官榮，由郎吏以至於貳卿，自末僚而遷於上列，其切於大用如此，其年八月，劉瞻以諫囚，鑿工宗族，罷相出為荆南節度使，畋草制，過為美詞，懿宗省之，甚怒，責之曰：畋頃以行跡玷穢，為時棄捐，朝籍周行，無階踐歷，竟因由徑，遂致叨居，塵步既多，校蠹尤甚，且居承旨，合體朕懷，一昨劉瞻出藩，朕豈無意，爾次當視草，過為美詞，逞諂詭於筆端，寵愛憎於形內，徒知報瞻效唾之

惠誰思篤我拔擢之恩載詳言僞而堅果明同惡相濟人之多僻一至於斯宜行竄逐之科用屏回邪之黨可梧州刺史傳宗即位召還授右散騎常侍改兵部侍郎乾符四年遷吏部侍郎尋降制曰頃者時鬱正途權歸邪幸爾改執心無感秉節被讒徵復篤行愈洽人望既負彌綸之業宜居輔弼之司可本官同平章事傳宗上尊號禮畢進加中書侍郎進階特進轉門下侍郎兼禮部尚書集賢殿大學士五年黃巢起曹鄴南犯荆襄東渡江淮衆歸百萬所經屢陷郡邑六年陷安南府據之致書與浙東觀察使崔瑒求鄆州節鉞瑒言賊勢難圖宜因授之以絕北顧之患天子下百寮議初黃巢之起也宰相盧攜以浙西觀察使高駢素有軍功奏為淮南節度使令扼賊衝尋以駢為諸道行營都統及崔瑒之奏朝臣議之有請假節以紓患者駁採羣議欲以南海節制糜之攜以始用高駢欲立奇功以圖勝攜曰高駢將略無雙淮土甲兵甚銳今諸道之師方集最爾鐵寇不足平珍何事捨之示怯而令諸軍解體耶駁曰巢賊之亂本因饑歲人以利合乃至實繁江淮以南薦食殆半國家久不用兵士皆忘戰所在節將閉門自守尚不能枝不如釋咎包容權降恩澤彼本以饑年利合一遇豐歲孰不懷思鄉土其衆一離則巢賊凡上肉耳此所謂不戰而屈人兵也若此際不以計攻全恃兵力恐天下之憂未艾也羣議然之而左僕射于琮曰南海有市舶之利歲貢珠璣如令妖賊百萬橫行天下高公遷延玩寇無意翦除又攜議及中書商量制勅駁曰妖賊百萬橫行天下高公遷延玩寇無意翦除又從而保之彼得計矣國祚安危在我輩三四人畫度公倚淮南用兵吾不知稅駕之所矣攜怒拂衣而起袂染於硯因投之傳宗聞之怒曰大臣相詬何以表儀四海二人俱罷政事以太子賓客分司東都廣明元年賊自嶺表北渡江浙虜崔瑒陷淮南郡縣高駢止令張璠控制衝要閉壁自固天子始思改前言二人俱徵還拜改禮部尚書尋出為鳳翔龍右節度使是冬賊陷京師傳宗出幸改聞難作候駕於斜谷迎謁垂泣曰將相候陛下以至於此臣實罪人請死以懲無狀上曰非卿失也朕以狂寇凌犯且駐蹕興元卿宜堅扼賊衝勿令滋蔓駁對曰臣心報國死而後已請陛下無東顧之憂然道路艱虞奏報梗澁臨機

不能遠稟聖旨願聽臣便宜從事上曰苟利宗社任卿所行改遣鎮蒐乘補卒繕修戎仗漆飾城壘盡出家財以散士卒晝夜如臨大敵中和元年二月賊將尙讓王璠率衆五萬欲攻鳳翔改預知賊至令大將李昌言等伏於要害賊以改儒者必不能拒步騎長驅部伍不整改以銳卒數千陳于高岡虛立旗幟延袤數里距賊十餘里伐鼓而陣賊不之測衆寡始欲列卒而陣後軍未至而昌言等發伏擊之其衆大撓日既晡矣岐軍四合追擊於龍尾陂賊委兵仗自潰斬賊萬計得其鎧仗岐軍大振天子聞之謂宰相曰予知改不盡儒者之勇甚慰予懷即授改檢校尙書左僕射同平章事充京西諸道行營都統時畿內諸鎮禁軍尙數萬賊巢行京師後衆無所歸改承制招諭諸鎮將校皆萃岐陽改分財以結其心與之盟誓期匡王室又傳檄天下曰鳳翔龍右節度使檢校尙書左僕射同中書門下平章事充京西諸道行營都統上柱國蔡陽郡開國公食邑二千戶鄭改移檄告諸藩鎮郡縣侯伯牧守將吏曰夫屯屯有數否泰相沿如日月之蔽虧似陰陽之愆伏是以漢朝方威則莽卓肆其姦凶夏道未衰而羿浞聘其殘酷不無僭越尋亦誅夷即知妖孽之生古今難免代有忠貞之士力爲匡復之謀我國家應五運以承乾躡三王之垂統綿區欽化匝宇歸仁十八帝之鴻猷銘於神鼎三百年之睿澤播在人謠加以政尙寬弘刑無枉濫翼翼勤行於王道孜孜務恤於生靈足可傳寶祚於無窮御璫圖於不朽近歲螟蝗作害旱暵延災因令無賴之徒遽起亂常之暴難加討逐猶肆猖狂草賊黃巢奴僕下才豺狼醜類寒耕熟耨不勵力於田疇媮食靡衣務偷生於剽奪結連凶黨驅迫平民始擾害於里閭遂侵凌於郡邑屬以藩臣不武戎士貪財徒加討逐之名竟作遷延之役致令滋蔓累有邀求聖上愛育情深舍弘道廣指萬方而罪己用百姓以爲心假以節旄委之藩鎮冀其悛革免困疲羸而殊無犬馬之誠但恣蟲蛇之毒剽掠我征鎮覆沒我京都凌辱我衣冠屠殘我士庶視人命有同於草芥謂大寶易取如奕碁而乃竊據官闈僞稱名號爛羊頭而拜爵續狗尾以命官驚巢幕以誇安魚在鼎而猶戲珠不知五侯勃怒期分項羽之屍四塚既成待薛蚩尤之骨猶復廣侵田宅濫濟貨財比駱壑以難盈

類烏禽而縱攫，茫茫赤縣，僅同夷貊之鄉，備備黔黎，若在狴牢之內，固已人神共怒，行路傷心，敗謬領藩垣，兼將相，每枕戈而待旦，常泣血以忘餐，誓與義士忠臣共翦狐狗盜，近承詔命，會合諸軍，皇帝親御六師，即離三蜀，霜戈萬隊，鐵馬千羣，雕虎肅以風生，應龍騰而雲起，淮南高相公會關東諸道百萬雄師，計以夏初，會於關內，敗與涇原節度使程宗楚，秦州節度使仇公遇等，已驅組練，大集關畿，爭麾隴右之蛇矛，待掃關中之蟻聚，而吐蕃党項，以久被皇化，深憤國讎，願以沙漠之軍，共獻盪平之捷，此際華戎合勢，藩鎮連衡，旌旗煥爛，於雲霞，劍戟晶瑩，於霜雪，莫不持繩待試，買勇爭先，思垂竹帛之功，誓雪朝廷之恥，矧茲殘孽，不足殄除，況諸道世受國恩，身縻好爵，皆貯匡邦之略，咸傾致主之誠，自函洛構氛，鑾輿避狄，莫不指銅駝而皆裂，望玉壘以魂銷，聞此勤王，固宜投袂，更希憤激，速殄寇讎，永圖社稷之勳，以報君親之德，抑鑿反正，豈不休哉，時駕在坤維，音驛阻絕，以為朝廷無能復振，及敗傳檄，諸藩聳動，各治勤王之師，巢賊聞之大懼，自是賊騎不過京西，當時非敗扼賊之衝，憂蜀危矣，尋進位檢校司空，其年冬，敗暴病，以岐山方輦，賊衝宜須驍將鎮守，表薦大將李昌言，詔可之，詔敗赴行在，二年正月，至成都，以王鐸代敗將兵收復，敗尋以僕射平章事，以疾久之不拜，累表乞解機務，二年冬，罷相，授太子少保，僖宗以敗子給事中，凝績為隴州刺史，詔侍敗就郡養疾，薨於郡舍，時年五十九，光啓末，李茂貞授鳳翔節度使，敗會兵時，茂貞為博野軍小校，在奉天，敗盡召其軍至岐下，以茂貞勤於軍旅，甚奇之，委以遊邏之任，至是，茂貞思敗獎待之恩，上表論之曰：臣伏見當道故檢校司空同平章事鄭敗，瑞應星精，祥開月角，建洪鑪於聖代，成庶績於明時，鳳毛方浴於春池，龍節忽移於右輔，旋以羣鷗嘯聚，萬蟻鋒攢，蒼黃而玉輅省方，次第而金門徹鑰，九州相望，初猶豫以從風，百辟無歸，半狐疑而委質，而敗衝冠怒髮，投袂治兵，羅劍戟於鐘前，練貔貅於闔外，坎牲誓衆，覺鼓出師，馳羽檄於四方，暢皇威於萬里，身維地軸，決橫流而盡入東溟，手正天關，掃妖星而重尊北極，及至囊沙滅寇，伐鼓揚旌，四凶方侈於獸心，一陣盡塗於龍尾，大振建瓴之捷，只於反掌之閒，不期天柱朝摧，將星夜隕，竹

帛徒書於茂烈，松楸未煥於易名，臣始仕從戎，爰承指顧，稟三令五申之戒，預一匡九合之謀，今則謬以微功，獲居重鎮，尋武侯之遺愛，城壘宛然，念叔子之高蹤，涕零何極，伏冀特加贈諡，以慰泉扃，昭宗嘉之，詔贈司徒，諡曰文昭，敗文學優深，器量弘恕，美風儀，神彩如玉，尤能賦詩，與人結交，榮悴如一，始為員外郎，為鄭薰不放省上，敗不以為憾，及敗作相，薰子為郎，敗特獎拔，為給事中，列曹侍郎，其以德報怨，多此類也，子凝績，景福中，歷刑部戶部侍郎。

盧攜，字子升，范陽人，祖損，父求，寶曆初，登進士第，應諸府辟，召位終郡守，攜大中九年，進士擢第，授集賢校理，出佐使府，咸通中，入朝，為右拾遺，殿中侍御史，累轉員外郎，中長安縣令，鄭州刺史，召拜諫議大夫，乾符初，以本官充翰林學士，拜中書舍人，乾符末，加戶部侍郎，學士承旨，四年，以本官同中書門下平章事，累加門下侍郎，兼兵部尚書，弘文館大學士，五年，黃巢陷荆南，江西外郭及虔吉饒信等州，自浙東陷福建，遂至嶺南，陷廣州，殺節度使李岩，遂抗表求節鉞，初，王仙芝起河南，攜舉宋威，齊克讓，曾褒等有將略，用為招討使，及宋威殺尚君長，致賊充斥，朝廷遂以宰臣王鐸為都統，攜深不悅，浙帥崔瑒等上表請假黃巢廣州節鉞，上令宰臣議，攜以王鐸為統帥，欲激怒黃巢，堅言不可，假賊節制，止授率府率而已，與同列鄭畋爭論，投硯於地，由是兩罷之，為太子賓客，分司，六年，高駢大將張麟頻破賊，攜素待高駢厚，常舉可為統帥，天子以駢立功，復召攜輔政，及王鐸失守，罷都統，以高駢代之，由是自潼關以東，汝陝許鄧，汴滑青兗，皆易帥，王鐸鄭畋所授任者，皆易之，攜內倚田令孜，外以高駢為援，朝廷大政高下在心，時攜病風，精神恍惚，政事可否，皆決於親吏溫季修，貨賄公行，及賊擾淮南，張麟被殺，而許州逐帥，激水兵潰，朝廷震懼，皆歸罪於攜，及賊陷潼關，攜攜相，為太子賓客，是夜仰藥而死，子晏，天祐初，為河南縣尉，為柳璨所殺。

王徽，字昭文，京兆杜陵人，其先出於梁魏，魏為秦滅，始皇徙關東豪族實關中，魏諸公子徙於霸陵，以其故王族，遂為王氏，後周同州刺史熊徽之十代祖，葬咸陽之鳳岐原，子孫因家焉，曾祖擇從兄易從，天后朝登進士第，從弟明從，言

從睿宗朝並以進士擢第。昆仲四人。開元中三至鳳閣舍人。故時號鳳閣王家。其後易從子定。定子達。達弟仲周。定兄密。密子行古。行古子收。收子超。皆以進士登第。王氏自易從已降。至大中朝。登進士科者一十八人。登臺省。歷牧守賓佐者三十餘人。擇從大足三年登進士第。先天中。又應賢良方正制。舉升乙第。再遷京兆。曹參軍。充麗正殿學士。租察。至德二年登進士第。位終連州刺史。父自立。位終緱氏令。徵大中十一年進士。擢釋褐。秘書省校書郎。戶部侍郎。沈詢判度支。辟為巡官。宰相徐商領鹽鐵。又奏為參佐。時懿宗詔宰相於進士中選子弟為主。或以徵籍上聞。徵性冲澹。遠勢利。聞之。憂形於色。徵登第時年踰四十。見宰相劉瑑哀祈。具陳年已高矣。居常多病。不足以塵汚禁衛。瑑於上前言之。方免。從令狐綯歷宣武淮南兩鎮。掌書記。得大理評事。召拜右拾遺。前後上疏論事二十三人。難言者。必犯顏爭之。人士翕然稱重。會徐商罷相。鎮江陵。以徵舊僚。欲加奏辟。而不敢言。徵探知其旨。即席言曰。僕在進士中。荷公重顧。公佩印臨戎。下官安得不從。商甚喜。奏授殿中侍御史。賜緋。荆南節度判官。高澍時恃憲綱。奏為侍御史。知雜職。方員外郎。轉考功員外。時考簿上中下字。朱書。吏錄為姦。多有楷改。徵白僕射。請以墨書。遂絕姦吏之弊。宰相蕭倣以徵明於吏術。尤重之。乾封初。遷司封郎中。長安縣令。學士闕人。倣用徵為翰林學士。改職方郎中。知制誥。正拜中書舍人。延英中。謝面賜金紫。遷戶部侍郎。學士承旨。改兵部侍郎。尚書左丞。學士承旨。如故。廣明元年十二月三日。改戶部侍郎。同平章事。是日黃巢入潼關。其夜傳宗出幸。徵與同列崔沆。豆盧瑑。僕射千琮。至驛方知車駕出幸。遂相奔馳。赴行在。徵夜落荆棘中。墜於崖谷。為賊所得。追還京師。將授之僑命。徵示以足折口瘡。雖白刃環之。終無懼色。賊令與歸第。命醫工視之。月餘。守視者稍怠。徵乃離於貨販。竄之河中。遣人問道。奉絹表入蜀。天子嘉之。詔授光祿大夫。守兵部尚書。將赴行在。尋詔徵以本官充東面宣慰使。催陣使。時王鐸都統行營兵馬在河中。累年未能破賊。徵與行營都監楊復光。謀殺沙陀三部落。令赴難。其年夏。代北軍至。決戰。累捷。收復京師。以功加尚書左僕射。光啓中。潞州軍亂。殺其帥成麟。以兵部侍郎鄭昌圖。權知昭義軍

事。時孟方立割據山東三州。別為一鎮。上黨支郡。唯澤州耳。而軍中之人多附方立。昌圖不能制。宰相奏請以重臣鎮之。乃授徵檢校尚書左僕射。同平章事。潞州大都督府長史。澤潞邢洛磁觀察等使。時鑾輅未還。關東聚盜。而河東李克用與孟方立方爭澤潞。以朝廷兵力必不能加上。表訴之曰。臣聞量才授任。本切於安人。奉上推忠。莫先於體國。臣早逢昌運。備歷華實。止仗竭誠。幸無躁迹。六年內置。雖叨侍從之榮。一日台司。未展匡扶之志。敢忘急病。用副憂勤。況重鎮兵符。元戎相印。特膺寵寄。出自宸衷。豈合憚勞。更陳衷款。但以鄭昌圖主留累月。將結深根。孟方立專據三州。轉成積壘。招其外則潞人。胥怨。撫其內則邢將。益疑。禍方熾於既焚。計奈何於已失。須觀勝負。乃決安危。欲遵命而勇行。則獲與百慮。思奉身而先退。則事體兩全。伏乞聖慈。博求廷議。擇其可付。理在從長。免微臣負懷寵之譏。使上黨破必爭之勢。觸藩知難。庶無愧於前言。報國圖功。豈無伸於此日。天子乃以昌圖鎮之。以徵為諸道租庸供軍等使。餘官如故。時京師收復之後。宮寺焚燒。園陵毀廢。故車駕久而未還。乃以徵為大明宮留守。京畿安撫制置修奉園陵等使。徵方治財賦。又兼制置王畿之人。大半流喪。乃招合遺散。撫之如子。數年之間。版戶稍葺。東內齋閣。繕完有序。徵拜表請車駕還京。曰。昨者狂寇將逃。延災方甚。而端門鳳時。鎮福地而獨存。王氣龍盤。鬱祥烟而不散。足表宗祧降祉。臨御非遙。今雖初議修崇。未全壯麗。式示卑宮之儉。更擬馭道之尊。且肅宗纔見捷書。便離岐下。德宗雖嘗感暑。不駐漢中。故事具存。昌期難緩。願迴鑾輅。早復京師。臣謬以散材。叨膺重寄。閉閣深念。拜章累陳。審時事之安危。繫廟謀之得失。臣雖隨宜制置。竭力撫綏。如或鑿駕未迴。必恐人心復散。縱成微効。終負殊私。勢有必然。理宜過慮。以茲淹駐。轉失機宜。實希采摭。震聰。亟還清蹕。帝深嘉納。進位檢校司空。御史大夫。權知京兆尹事。中外權臣。遣人治第京師。因其亂後。多侵犯居人。百姓告訴相繼。徵不避權豪。平之以法。由是殘民安業。而權幸側目。惡其強。乃以其黨薛杞為少尹。知府事。杞方居父喪。徵執奏不令入府。權臣愈怒。奏罷徵使務。以本官徵赴行在。尋授太子少師。移疾。退居蒲州。滿十旬。請罷。傳宗遣官復授太子少師。疾未任朝謁。

宰相以微怨望，奏貶集州刺史。微乃與疾赴貶所，不旬日，沙陀逼京師，僖宗出幸寶雞，而軍容田令孜得咎，天子以微無罪，召拜吏部尚書，封瑯邪郡侯，食邑千戶。微將赴行在，而襄王僞僞，郿岐兵士追逼乘輿，天子幸漢中，微不能進。李煜僞制至河中府，召微赴關，微託以風疾不能步履，煜將僞號，逼內外臣寮署誓狀，微稱臂緩不能秉筆，竟不署名。朱玫既誅，天子自襄中還，至鳳翔，召微拜御史大夫，車駕還宮，微上章以足膝風痺，不任朝拜，乞除散秩，復授太子少師，及便殿中謝，昭宗顧瞻進對曰：「王徽神氣尚強，安可自便。」乃改授吏部尚書。大亂之後，銓選失緒，吏爲姦蠹，有重疊補擬者，微從初注授，便置手曆，一檢視，人無擁滯，內外稱之。進位檢校司空，守尚書左僕射。大順元年十二月卒，贈太尉。諡曰貞子，三人椿、樛、松。

史臣曰：議兵之難，古無百勝，蓋以行權制變，法斷在於臨機，出奇無窮，聲實懸於中的。昔晉國之平孫皓，買公閭堅沮渡江，吳人欲拒曹瞞，張輔吳終慚失策。彼之苞藏，未免悔尤，沉盧子昇平代，書生素迷軍志，只保高駢之平昔，不料高駢之苞藏，以至力困黃巢，毒流赤縣，絕吭仰藥，何所補焉。台文氣激壯圖，志捷宿憤，慷慨誓衆，叱咤臨戎，竟扼賊喉，以康天步，謂之不武，斯焉取斯。崔趙以鼎職奉親，天倫並達，積慶垂裕，播美士林，微志吐盜泉，脫身虎口，功名不墜，君子多之。

贊曰：武以伸威，謀以制敵，何必臨戎。陳師衽席，高駢玩寇，盧攜保姦，聖斷一誤，崎嶇劍山。

舊唐書卷一百七十八

舊唐書卷一百七十八考證

趙光裔傳季述廢立之後，光胤歸洛。○臣按：光胤傳，光胤移疾，退居洛陽，光胤傳並無歸洛之事，此處胤字當是逢字之訛，今改正。

張揚傳其年冬檢校吏部尚書，鄆州刺史，天平軍節度使。○沈炳震曰：按本紀，四年三月，黃巢陷鄆州，殺節度使薛崇，則三年冬不應除天平也。且本紀揚拜天平，又在二年七月，皆誤。

李蔚傳拜太常卿，尋以本官同平章事，加中書侍郎，與盧攜鄭畋同輔政。○沈炳震曰：此數句疑當在下文乾符四年上。

乾符三年受代。○沈炳震曰：案蔚咸通十四年遷吏部尚書，乾符三年入相，此云淮南受代，誤。

四年復爲吏部尚書，尋遷檢校司空，東都留守，東畿汝都防禦使。○沈炳震曰：四年當作五年，按懿宗紀咸通九年蔚以吏部侍郎出爲宣武軍節度使，十一年徙鎮淮南，非十四年也。僖宗紀乾符二年爲太常卿，三年以本官同平章事，五年罷爲東都留守，蔚相僖宗，非懿宗傳平章事文，在宣武節度使上，誤。

舊唐書卷一百七十八考證

舊唐書卷一百七十九

後晉司空同中書門下平章事劉昫撰

列傳第一百二十九

蕭遘 孔緯

張濬 朱朴

徐彥若 陸辰

韋昭度 崔紹禧

鄭葵 劉崇望 兄崇龜弟崇慎

柳璨

蕭遘，蘭陵人。開元朝宰相。師徐國公蕭之四代孫。蕭生衛，衛生復，德宗朝宰相。復生湛，湛生真，咸通中宰相。真生遘，以咸通五年登進士第，釋褐秘書省校書郎。太原從事，入朝為右拾遺，再遷起居舍人。與韋保衡同年登進士第，保衡以幸進無藝，同年門生皆薄之，遘形神秀偉，志操不羣。自比李德裕，同年皆戲呼太尉，保衡心銜之。及保衡作相，持遘之失，貶為播州司馬。途經三峽，維舟月夜賦詩，自悼。慮保衡見害，遽有神人謂之曰：「相公勿憂，予當禦侮。」奉衛違心異之。過峽州，經白帝祠，即所親之神人也。保衡誅，以禮部員外郎徵還。轉考功員外郎，知制誥。乾符初，召充翰林學士，正拜中書舍人，累遷戶部侍郎，翰林承旨。黃巢犯關，僖宗出幸，以供饋不給，須近臣掌計，改兵部侍郎，判度支。中和元年三月，自襄中幸成都，次綿州，以本官同平章事。加中書侍郎，累兼吏部尚書，監修國史。遣少負大節，以經濟為己任。洎處台司，風望尤峻。奏對朗拔，天子器之光啓。初，王綱不振，是時天下諸侯半出羣盜，強弱相噬，怙眾邀寵，國法莫能制。有李凝古者，從支詳為徐州從事，詳為衛將，時溥所逐，而賓佐陷於徐，及溥為節度使，因食中毒，而惡凝古者，譖之。云為支詳報讎行，誅溥，凝古殺之。凝古父損時為右常侍，溥上章披訴，言損與凝古同謀，內官田令孜受溥厚賂，由奏請收損下獄。中丞盧渥附令孜，鍛鍊其獄。侍御史王華嫉惡，堅執奏證，損無罪。令孜怒，奏移損付神策獄。按問，王華拒不奉詔，奏曰：「李損位居近侍，當死即死，安可取辱於黃門之手。」遘非時進狀，請開延英，奏曰：「李凝古行誅之謀，其事曖昧，已遭屠害，今不復論。李損父子相別三四年，音問斷絕，安得誣罔同謀？時溥恃勳壞法，凌蔑朝廷，而抗表請按侍臣，悻悻何其甚。厚誣良善，人皆痛心。若李損

羅織而誅，行當便及臣等。帝為之改容，損得免。止於停任。時田令孜專總禁軍，公卿察庶，無不候其顏色。唯遘以道自處，未嘗屈降。是年冬，令孜奏安邑兩池鹽利，請直屬禁軍。王重榮上章論列，乃奏移重榮別鎮。重榮不受，令孜請率禁軍討之。重榮求援於太原，李克用引軍赴之，拒戰沙苑。禁軍大敗，逼京城。僖宗懼，出幸鳳翔。諸藩上章抗論，令孜生事，離間方面。遘素惡令孜，乃與裴澈、鄭元胤、朱玫、以邠州之軍五千迎駕，仍與河中太原修睦。請同匡王室。由是諸鎮繼上章請駕還京。令孜聞攻軍至，迫脅天子幸陳倉。時僖宗倉卒出城，夜中百官不及扈從，致怒令孜弄權。又以天子不諒其忠，語辭怨望，乃訴于遘曰：「主上六年奔播，百端艱險，中原土庶與賊血戰，肝腦塗地，十室九空。比至收復京都，十七七八殘民遺老，方喜車駕歸宮，主上不念生靈轉輸之勞，甲士血戰之效，將勤王之功業，為勅使之寵榮，而更志在亂邦，與國生事，召戎結怨，不自他人。昨奉指蹤徑來奔問，不蒙見信，翻類脅君。古者忠而獲罪，正如此也。吾等報國之心極矣，戰賊之力殫矣，安能垂頭疊翼，喘喘於闕寺之手哉？春秋之義，喪君有君，相公徐思其宜，改圖可也。」遘曰：「主上臨御十餘年，未聞過行，比來喪亂播越，失於授任，非才近年令孜掣肘，動不如意，上每言之，流涕不已。昨去陳倉，上無行意，令孜陳兵帳下，列卒階前，造次迫行，不容俟旦，靜言此賊罪不容誅，至尊之心，孰不深鑒。足下乃心王室，止有歸兵還鎮，拜表迎鑾，德業功名，益光圖史。捨此已往，理或未安，改圖之言，未敢聞命。」攻曰：「李家王子極多，有天下者豈一王哉？遘曰：「廢立危事，雖有伊尹霍光之賢，尚貽後悔。古人云：『勿為福始，勿為禍先。』如公矢謀，未見其利。攻退而宣言曰：『我冊簡王子為主，不從者斬。』及立襲王，請遘為冊文。遘曰：『少嬰衰疾，文思減落，比來禁署，未免倩人，請命能者，竟不措筆。』乃命鄭昌圖為之。攻滋不悅，及還長安，以昌圖代遘為相。署遘太子太保，乃移疾滿百日，退居河中之永樂縣。遘在相位五年，累兼尚書右僕射，進封楚國公。僖宗再還京，宰相孔緯與遘不協，以其受僞命，奏貶官。尋賜死於永樂。咸通中，王鐸掌貢籍，遘與韋保衡俱以進士中選，而保衡暴貴，與鐸同在中書。及僖宗在蜀，遘又與鐸並居相位。帝嘗召宰臣，鐸年高，昇階足跌，踏勾陳中，遘旁

披起帝目之喜曰輔弼之臣和予之幸也謂違曰適見卿扶王鐸予喜卿善事長矣違對曰臣扶王鐸不獨司長臣應舉歲鐸為主司以臣中選門生也上笑曰王鐸選進士朕選宰相於卿無負矣違謝之而退違為大臣士行無缺逢時不幸為僞煇所污不以令終人士惜之第違時為永樂令

孔緯字化文魯曲阜人宣尼之裔曾祖岑父位終祕書省著作佐郎諫議大夫巢父兄也祖戮位終禮部尚書自有傳父遵孺終華陰縣丞緯少孤依諸父温裕温業皆居方鎮與各公文故緯聲籍早達大中十三年進士擢第釋褐祕書省校書郎崔慎由鎮梓州辟為從事又從崔鉉為揚州支使得協律郎崔慎由鎮華州河中緯皆從之歷觀察判官宰相楊收奏授長安尉直弘文館御史中丞王鐸奏為監察御史轉禮部員外郎宰相徐商奏兼集賢直學士改考功員外郎丁內憂免服闋以右司員外郎入朝宰相趙隱嘉其能文薦為翰林學士轉考功郎中知制誥賜緋正拜中書舍人累遷戶部侍郎謝曰面賜金紫之服乾符中罷學士出為御史中丞緯器志方雅嫉惡如讎既總憲綱中外不繩而自肅歷戶部兵部吏部二侍郎居選曹勳循格令權要有所託私書盈几不之省執政怒之改太常卿黃巢之亂從僖宗幸蜀改刑部尚書判戶部事宰相蕭遘在翰林時與緯情旨不協至是因戶部取給不充移之散秩改太子少保光啓元年從駕還京是時田令孜軍敗沙陀逼京師帝移幸鳳翔郊帥朱玫引兵來迎駕令孜挾帝幸山南時中夜出幸百官不及扈從而隨駕者黃門衛士數百人而已帝駐寶雞候百官詔授緯御史大夫遣中使傳詔令緯率百寮赴行在時京師急變從駕官屬至整屋並為亂兵所戮資裝殆盡緯承命見宰相論事蕭遘裴澈以田令孜在帝左右意不欲行辭疾不見緯緯遣臺吏促百官上路皆以袍笏不具為詞緯無如之何乃召三院御史謂之曰吾輩世荷國恩身居憲秩雖六飛奔迫而咫尺天顏累詔追徵皆無承粟非臣子之義也凡布衣交舊緩急猶相救卹况在君親策名委質安可背也言竟泣下三院曰夫豈不懷但盡屋剗剗之餘乞食不給今若首途聊營一日之費俟信宿繼行可也緯拂衣起曰吾妻危疾且不保夕丈夫豈以妻子之故怠君父之急乎公輩善自

為謀吾行決矣即日見李昌符告曰主上再有詔命令促百寮前進觀羣公立意未有發期僕忝憲闈不宜居後道途多梗明公幸假五十騎送至陳倉昌符嘉之謂緯曰路無頓遞裏糧辦耶乃送錢五十緡令騎士授緯違散關緯知朱致必蓄異志奏曰關城小邑不足以駐六師請速幸梁州翌日車駕離陳倉纔入關而郿岐之兵圍寶雞攻散關微緯之言幾危矣至褒中改兵部侍郎同中書門下平章事尋改中書侍郎集賢殿大學士王行瑜斬朱致平定京城遷門下侍郎監修國史從駕還京駐蹕岐陽進階特進兼吏部尚書領諸道鹽鐵轉運使車駕還宮進位左僕射賜持危啓運保乂功臣食邑四千戶食實封二百戶賜鐵券恕十死罪賜天與縣莊等和里宅各一區兼領京畿營田使僖宗晏駕充山陵使僖宗祔廟緯準故事不入朝昭宗遣中使召赴延英令緯依舊視事進加司空以國學盜火所焚令緯完葺仍兼領國子祭酒蔡賊秦宗權伏誅進階開府儀同三司進位司徒封魯國公十一月昭宗謁郊廟兩中尉內樞密請朝服所司申前例中貴人無例朝服助祭之禮少府監亦無素製冠服中尉怒立令製造下太常禮院禮官舉故事亦稱無中尉朝服助祭之文諫官亦論之緯奏曰中貴不衣朝服助祭國典也陛下欲以權道寵內臣則請依所兼之官而為之服天子召諫官謂之曰大禮日近無宜立異為朕容之於是內官以朝服助祭郊禮畢進位兼太保大順元年夏幽州汴州請討太原宰相張濬請自率禁軍為招討上持疑未決問計於緯緯以討之為便語在濬傳其年秋濬軍為太原所擊大敗而還濬罷相貶官緯坐附濬以檢校太保江陵尹荆南節度觀察等使未離闕下再貶均州刺史緯濬密遣人求援於汴州朱全忠上章論救緯至商州有詔傳令就便遂寓居華州乾寧二年五月三鎮入京師殺宰相韋昭度李谿帝以大臣朋黨外交方鎮思用骨鯁正人遣中使趨華州召緯入朝以疾未任上路六月授太子賓客其日之夕改吏部尚書翌日拜司空兼門下侍郎同平章事太清宮使修奉太廟弘文館大學士延資庫使階爵功臣名食邑並如故旬日之內驛騎敦促相望于路扶疾至京師延英中謝奏曰臣前時待罪宰相智術短淺有負謫諧陛下特貸刑書曲全腰領臣期於死報泉

壤不望生叩玉階復拜龍顏實臣榮幸然臣比嬰衰疾伏枕累年形骸雖存生意都盡平居勉強御事猶疎況比疴羸寧勝重委國祚方泰英彥盈庭豈以朽腐之人再塵機務臣力疾一拜殿庭乞陛下許臣自便因嗚咽流涕緯久疾拜蹈艱難上令中使止之改容軫念令閣門使送緯中書視事不旬日沙陀次河中同州王行約入京師謀亂天子出幸石門緯從駕至莎城疾漸危篤先還京城九月卒於光德里第贈太尉緯家尚節義挺然不屈雖權勢燻灼未嘗假以恩禮大順初天武都頭李順節恃恩頗橫不期年領浙西節度使俄加平章事謝日臺吏申中書稱天武相公衙謝準例班見百寮緯判曰不用立班順節聽暴小人不閑朝法感飾趨中書既見無班心甚快快他日因會順節微言之緯曰必知公嫌也夫百辟卿士天子庭臣也比來班見宰相以輔臣居班列之首奉長之義也公握天武健兒而於政事廳受百寮班見意自安乎必若須此儀俟去都頭二字可也順節不敢復言其秉禮不回多此類也孔氏自元和後昆仲實感至正卿方鎮者六七十未有為宰輔者至緯始在鼎司子崇弼亦登進士第任至散騎常侍

韋昭度字正紀京兆人祖縉父逢昭度咸通八年進士擢第乾符中累遷尚書郎知制誥正拜中書舍人從僖宗幸蜀拜戶部侍郎中和元年權知禮部貢舉明年以本官同平章事兼吏部尚書昭宗即位閬州刺史王建攻陳敬瑄於成都隔絕貢奉乃以昭度檢校司空同平章事成都尹劍南西川節度招撫宣慰等使昭度赴鎮敬瑄不受代詔東川顧彥朗與王建合勢討之昭度為行營招討卒歲止拔漢州王建謂昭度曰相公勞師弊衆遠事蠻夷訪聞京洛以東羣侯相噬禍難未已朝廷不治腹心之疾也相公宜亟還京師咨謀匡合平定兩河國家之利也敬瑄小醜以日月制之擒之必矣此事實建可辦昭度然之奏請還都昭度未及京師建以重兵守劍門急攻成都下之殺敬瑄自稱留後昭度還以檢校司空充東都留守召還為右僕射景福二年冬宰相杜讓能為鳳翔所殺復委昭度知政事與李穀並命時宰相崔昭緯專政惡李穀之為人降制日令知制誥劉崇魯哭麻以沮之谿上表論列天子待穀益厚明年春復命

谿同平章事昭緯不勝其忿先是邠州王行瑜求為尚書令昭度奏議云國朝已來功如郭子儀未省曾兼此官乃賜號尚父崔昭緯宗人鉉曾為行瑜從事朝廷每降制勅不便於昭緯者即令鉉訴於行瑜俾上章論列朝言小有依違即表章不遂至是李穀入拜昭緯謂鉉曰前時尚父之命已行而昭度沮之今又引谿同列此人姦纖惑上視聽宗社不寧恐復有杜太尉之事行瑜與李茂貞上章言命相非其人懼危宗社天子優昭曉諭官谿有才其年五月行瑜茂貞華州韓建以兵入觀面奏昭度李穀之姦邪請加譴逐制勅未行三鎮兵害昭度於都亭驛及行瑜誅降制復其官爵令其家收葬

崔昭緯清河人也祖庇滑州酸棗縣尉父璩鄂州觀察使昭緯進士及第昭宗朝歷中書舍人翰林學士戶部侍郎同平章事性姦纖忌前達內結中人外連藩閩屬朝廷微弱每託援以凌人主昭宗明察心不能堪以誘召三鎮將兵詰闕賊殺幸輔內臣帝深切齒會太原之師誅行瑜罷相授右僕射後又以託附汴州再貶梧州司馬尋降制曰崔昭緯頃居內署粗著微勞擢於侍從之司委以變調之任不能中貞報國端慎處身潛交結於姦臣致漏泄於機事星霜累換巨輔茂聞爾罪一也又快其私忿輒恣陰謀託崔鉉之險譴進行瑜之計畫遂致稱兵向闕怙衆脅君故宰臣韋昭度李穀並以無辜見害幾危宗社顯辱君親爾罪二也及行瑜敗滅京國甫安而乃自懼欺誣別謀託附又於藩閩潛請薦論不唯苟免罪戾兼亦再希任用貪榮冒寵僭濫無厭敗俗傷風賢愚共鄙爾罪三也又將厚賂欲結諸王輕侮我憲章玷瀆我骨肉貨財之數文字具存賴諸王作朕腹心嫉其蠹害盡將昭緯情款兼其親吏姓名直具奏聞拒其求託昭緯曾居宰輔久歷清崇但欲逞其回邪都不顧其事體觀其識見實駭聽聞爾罪四也自姦邪既露情狀難容尚示寬刑未行嚴憲投于荒裔冀其自新而不能退省過尤恭承制命速赴貶所用守常規而猶自務宴安尋聞所在留駐攪擾藩鎮侮慢朝章曾無畏之心可驗苞藏之計罔知懲咎唯謗朝廷爾罪五也朕以恩澤者帝王之雨露刑法者邦國之雷霆無雨露則庶物不榮無雷霆則萬邦不肅朕體天道以化育遵王道以澄清罪既昭彰理難含垢凡

百多士宜體予懷宜所在賜自盡時昭緯行次至荆南中使至斬之兄昭符仕至禮部尚書昭愿太子少保昭矩給事中昭遠考功員外郎

張濬字禹川河間人祖仲素位至中書舍人父錄官卑家高州濬儻不羈涉獵文史好大言為士友之所擯棄初從鄉賦隨計咸諱其為人濬憤憤不得志乃田衣野服隱於金鳳山學鬼谷縱橫之術欲以捭闔取貴仕乾符中樞密使楊復恭因使遇之自處士薦為太常博士累轉度支員外郎黃巢將逼關輔濬託疾請告待其母挈族避亂商州賊犯京師僖宗召濬出幸途無供頓衛軍不得食漢陰令李康獻糶餉數百騾綱軍士始得食僖宗召康問曰卿為縣令安操心及此康對曰臣為塵吏敢有此進獻張濬員外教臣也帝異之急召至行在拜兵部郎中未幾拜諫議大夫其年冬宰相王鐸至滑臺兼充天下行營都統方徵兵諸侯奏用濬為都統判官時王敬武初破弘霸軍威大振累詔徵平盧兵敬武獨不赴援鐸遣濬往說之敬武已受僞命復怙強不迎詔使濬至謁見責之曰公為天子守藩王臣齎詔宣諭而侮慢詔使既未識君臣禮分復何顏以御軍民哉敬武愕然謝咎既宣詔軍士按兵默然濬並召將佐集於鞠場而論之曰人生效忠仗義所冀粗分順逆懸知利害黃巢前日販鹽虜耳公等捨累葉天子而臣販鹽白丁何利害之可論耶今諸侯勤王天下響應公等獨據一州坐觀成敗賊平之後去就何安若能此際排難解紛陳師鞠旅共誅寇盜迎奉變輿則富貴功名指掌可取吾惜公輩捨安而即危也諸將改容引過謂敬武曰諫議之言是也即時出軍從濬入援京師賊平累遷戶部侍郎僖宗再幸山南拜平章事判度支濬初發迹依楊復恭及復恭失勢乃依田令孜以至重位而反薄復恭及再幸山南復恭代令孜為中尉罷濬知政事昭宗初在藩邸深嫉宦官復恭有援立大勳特恩任事上心不平之當時趨向者多言濬有方略能畫大計復用為宰相判度支上嘗問濬致理何事最急對曰莫若強兵兵強而天下服上繇是專務蒐補兵甲欲以武功勝天下後延英論前代為治得失濬曰不必遠徵漢晉之弊臣竊見陛下春秋鼎盛英睿如此內外偏於強臣每思之實痛心而泣血也會朱全忠誅秦宗權安居受殺李克恭以潞州

降全忠幽州李匡威雲州赫連鐸等奏請出軍討太原詔四品以上官議皆言國祚未安不宜生事假如得太原亦非國家所有濬議曰先帝頻至播越王室不寧原其亂階由克用全忠之矛盾也請因其奏乘全忠立功可斷兩雄之勢上曰收復之功克用第一今乘其危困而加兵諸侯其謂我何濬懇論用兵之利害蓋欲示外勢而擠復恭也上旨未決宰臣孔緯曰張濬所陳萬代之利也陛下所惜即日之利也以臣所料師渡河而賊必自破昨計度軍中轉餉橋勞一二年間必無闕事陛下斷意行之既二相俱論乃以濬為河東行營兵馬都招討宣慰使以京兆尹孫揆副之仍授揆昭義節度使華州韓建為供軍使朱全忠為太原西南面招討使李匡威赫連鐸為東北面招討使全忠以汴軍三千為濬牙隊大順元年六月濬率軍五十二都兼邠寧鄜夏雜虜共五萬人騎發自京師昭宗御安喜樓臨送濬酒酣泣奏曰陛下動為賊臣掣肘臣所以誓死憤慨為陛下除其僭偽楊復恭聞之不悅中尉內使錢於長樂復恭奉卮酒屬濬濬辭曰聖人賜酒已醉矣復恭戲曰相公握禁兵擁大旆獨當一面不領復恭意作面子耶濬笑曰賊平之後方見面子復恭銜之時汴華邠岐之師渡河會濬於晉州汴將朱崇節權知潞州事太原將李存孝攻之濬慮賊平汴人據昭義乃令孫揆分兵赴鎮中使韓歸範送旌節至軍八月揆與歸範赴潞州至潞並為存孝擒送太原九月汴將葛從周奔潞州十月濬軍至陰地邠岐華三鎮之師營平陽李存孝擊之一戰而敗委兵仗潰散進攻晉州數日中夜濬斂衆遁走比曙喪師殆半存孝進收晉絳磁隰等州濬狼狽由舍山踰王屋出清河折屋木縛筏濟河部下離散將盡李克用上章論訴曰晉州長軍關使張承暉於當道錄到張濬榜并詔曰張濬充招討制置使令率師討臣兼創臣屬籍官爵者臣誠寬誠憤頓首頓首伏以宰臣張濬欺天蔽日廊廟不容讒臣於君奪臣之位憑燕帥妄奏與汴賊結恩矯託皇威擅宣王命徵集師旅撥亂乾坤悞陛下中興之謀資黔黎重傷之困臣實何罪而陛下伐之此則宰臣持權面欺陛下沉臣父子三代受恩四朝破徐方救荆楚收鳳關碎巢巢致陛下今日冠通天之冠佩白玉之璽臣之屬籍聽皇所賜臣之師律先帝所命臣無逆

節濬討何名。陛下若厭逐功臣，欲用文吏，自可遷臣封邑，以侯就第，奈何加諸其罪，執肯無詞。若以臣雲中之伐，獲罪於時，則拓拔思恭取郿延，朱全忠侵徐鄆，陛下何不討之。假令李孝德不忠於主，伐之爲是，則朱瑄時溥，有何罪耶。此乃同坐而異名，賞彼而誅此，使天下藩服，強者扼腕，弱者自動，流言竊議，爲臣怨嗟，固非中興之術也。且陛下下陸危之秋，則獎臣爲韓彭伊霍，旣安之後，罵臣曰戎羯蕃夷，海內握兵，立事如臣者衆矣。寧不懼陛下他時之罵哉。臣昨遇燕軍，以禮退舍，匡威遠味，厚自矜誇，乃言臣中矢石覆士卒，致內外吠聲一發，短謀競陳，誤陛下君臣之分，況命官選將，自有典刑，不必幸臣之弱，而後取之。儻臣延期挺命，尙固一方，彼實何顏以見陛下。此則姦邪朋黨，輕弄邦典，陛下下疑旒端，何由知之。今張濬旣以出軍微臣固難束手，臣便欲叫閭，輕騎面叩玉階，訴邪佞於陛下之形，擲納詔命於先皇之宗廟，然後束身司敗，甘處憲章，時克用令所擒中使奉表表至，而濬取朝廷聲震制曰：漢武因恭儉富庶之後，建置朔方，孫弘沮之，十不得一，而良史以弘有宰相體者，誠以愛人治國爲先，拓境開疆爲末，及孝宣值雄才削平之餘，將議北征，魏相爭之，五將尋罷，果致中興，號爲賢輔，況朕承天厭兵戈之後，人思休息之時，敢望臯夔，共成堯日，庶幾孫魏相及漢年，苟易於斯，如何倚注光祿大夫門下侍郎兼戶部尙書同中書門下平章事上柱國清河郡開國伯食邑一千二百戶充河東行營諸道兵馬招討制置等使張濬，早以威名稱爲奇士，緣是再加徵用，委以鈞衡，謂其必致小康，克勝大任，而乃罔思守道，但欲邀功，用不詭之詢謀，起無名之兵革，自云一舉止在旬時，堅請抗論，勢莫能奪，輕葛亮涓濱之役，小斐度淮右之行，經歷寒暄，耗費百萬，虛誕彰于朝野，詐詭布於華夷，橫草蔑閭，燎原愈急，俾擁旌乘驛之使，囚在虜庭，勳王奉國之軍，懷歸本土，忘廊廟之威重，結藩屏之仇讎，欲使海內生靈，竭其貢賦，不獨河中郡邑，蕩爲丘墟，濬生厲階，欲誰歸咎，於戲微晁錯之故事，思王恢之舊章，國有明文，爾當何追，尙以愛人以禮，理體宜然，廉鎮劇權，武昌善地，宜罷樞軸之務，仍停支度之司，勉自思惟，以逃後命，可檢校戶部尙書鄂州刺史，武昌軍節度觀察等使，尋貶連州刺史，馳驛發遣，行至藍

田關，不行，留華州，依韓建，時朝廷微弱，竟不能詰，乾寧二年，三鎮殺韋昭度，帝召孔緯欲大用，亦以濬爲兵部尙書，又領天下租庸使，三年，天子幸華州，罷濬使務，守尙書右僕射，上疏乞致仕，授左僕射致仕，乃還洛陽，居於長水縣別墅，濬雖退居山墅，朝廷或有得失，必章疏上言，德王廢立之際，濬致書諸藩，請圖匡復，王師範青州起兵，欲取濬爲謀主，事雖不果，其迹頗泄，朱全忠將圖篡代，懼濬搆亂四方，不欲顯誅，密諷張全義令圖之，乃令牙將楊麟率健卒五十人，有如劫盜圍其墅而殺之，天復三年十二月晦夜也，永寧縣吏葉彥者，張氏待之素厚，楊麟之來，彥知之，告濬第二子格曰：相公之禍不可免，即君宜自爲謀，格濬父子，號咷而已，濬謂格曰：留則併命，去或可免，汝自圖之，勿以吾爲累，冀存後祀也，格拜辭而去，葉彥率義士三十人，送渡漢江，而旋格由荊江上峽入蜀，王建僭號，用爲宰相，中興平蜀，任圖搆格而還，格感葉彥之惠，訪之，身已歿，而厚報其家，濬第三子竄於楊行密，自乾寧之後，賊臣內侮，王室凌微，昭宗不堪凌弱，欲簡拔奇材以爲相，然採於羣小之論，未嘗獲一名人，登用之徒，無不爲時嗤誚。

朱朴者，乾寧中爲國子博士，腐儒木強，無他才伎，道士許巖士出入禁中，嘗依朴爲姦利，從容上前，薦朴有經濟才，昭宗召見，對以經義，甚悅，即日拜諫議大夫，平章事，在中書與各公齒，筆札議論，動爲笑端，數月巖士事敗，俱爲韓建所殺。

鄭紫者，以進士登第，歷監察殿中倉戶二員外，金刑右司三郎中，家貧求郡出爲廬州刺史，黃巢自嶺表還，經淮南，剽掠紫，移黃巢文牒，請不犯郡界，巢笑而從之，一郡獨不被寇，天子嘉之，賜緋魚袋，罷郡，有錢子緡寄州帑，後郡數陷盜，不犯鄭使君寄庫錢，至楊行密爲刺史，送所寄於京師，還紫，紫善爲詩，多侮劇刺時，故落格調，時號鄭五歇後體，初去廬江，與郡人別，云：唯有兩行公廩淚，一時灑向渡頭風，滑稽皆此類也，王徽爲御史大夫，奏紫爲兵部郎中，知臺雜，遷給事中，賜金紫，僖宗自山南還，以宰相杜讓能弟弘徽爲中書舍人，紫以弘徽兄，在中書，第不宜同居禁近，封還制書，天子不報，紫即移病休官，無幾，以左散

騎常侍徵還。朝政有闕無不上章論列。事雖不行。喧傳都下。執政惡之。改國子祭酒。物議以蔡匡諫而置之散地。不可執。政懼。復用為常侍。光化初。昭宗還宮。庶政未懷。蔡每形於詩什。而嘲之。中人或誦其語於上前。昭宗見其激訐。謂有蘊蓄。就常奏班簿側注云。鄭蔡可禮部侍郎。平章事。中書胥吏詰其家參謁。蔡笑而問之曰。諸君大誤。俾天下人並不識字。宰相不及鄭五也。胥吏曰。出自聖旨。特恩來日制下。抗其手曰。萬一如此。笑殺他人。明日果制下。親賓來賀。搔首言曰。歇後鄭五作宰相。時事可知矣。累表遜讓。不獲。既入視事。侃然守道。無復諛諧。終以物望非宜。自求引退。三月餘。移疾乞骸。以太子少保致仕。光化二年卒。時議以昭宗命台臣潘朴蔡三人尤謬。季末之妖也。

劉崇望。字希徒。其先代郡人。隨元魏。孝文帝徙洛陽。遂為河南人。八代祖隋大理卿坦。生政會。輔太宗起義晉陽。官至戶部尚書。封渝國公。圖形凌烟閣。政會生玄意。尚太子女南平公主。歷洪鏡八州採訪使。玄意生奇。位至吏部侍郎。奇生慎。知仕至獲嘉令。慎知生襲。仕至東阿令。襲生藻。位終秘書郎。藻生符。進士登第。咸通中。位終蔡州刺史。生八子。崇龜。崇望。崇奮。崇最。知名。崇龜。咸通六年。進士擢第。累遷起居舍人。禮部兵部二員外。丁母憂。免。廣明元年。春。鄭從謙罷相。鎮太原。委崇龜為度支判官。檢校吏部郎中。御史中丞。賜金紫。中和三年。入朝為兵部郎中。拜給事中。大順中。遷左散騎常侍。集賢殿學士。判院事。改戶部侍郎。檢校戶部尚書。出為廣州刺史。清海軍節度。嶺南東道觀察處置等使。卒。崇望。咸通十五年。登進士科。王凝廉問。宣歙。辟為轉運巡官。戶部侍郎。裴坦領鹽鐵。辟為參佐。崔安潛。鎮許昌。成。崇望。昆仲四人。皆在安潛幕下。入為長安尉。直弘文館。遷監察御史。右補闕。起居郎。弘文館學士。轉司勳。吏部二員外郎。崔安潛為吏部尚書。崇望判南曹。滌除宿弊。復清選部。田令孜干政。藩鎮怨望。河中尤甚。不修職貢。傳宗在。山南。以蒲坂近關。欲其効用。選使諭旨。以崇望為諫議大夫。既至。諭以大義。重榮奉詔恭順。誓心匡復。請殺朱致自贖。使還。上悅。召入翰林充學士。累遷戶部侍郎。承旨。轉兵部。在禁署四年。昭宗即位。拜中書侍郎。同平章事。累兼兵部。吏部尚書。大順初。同列張濬。畫策討太原。崇望以

為不可。濬果敗。濬黜。崇望代為門下侍郎。監修國史。判度支。明年。玉山都頭楊守信。協楊復恭。兵闕下。陣于通化門。上陳兵於延嘉門。是夜。命崇望守度支。庫明日曉。入含光門。未開。門內禁軍列于左右。俟門開。即劫掠兩市。及聞傳呼。宰相來。門方啟。崇望駐馬慰諭之曰。聖上在街東。親總戎事。公等禁軍。何不樓前殺賊。立取功名。切不可剽掠街市。圖小利以成惡名也。將士唯唯。從崇望至長樂門。守信見兵來。即遁去。軍士呼萬歲。是日。庫布獲全。軍人不亂。擊崇望之方略也。尋加左僕射。時溥與朱全忠爭衡。全忠謀兼徐泗。上表請以重臣鎮徐。乃以崇望守本官。充武寧軍節度使。溥不受代。行至華陰。而還。拜太常卿。王重盈死。王珂。王珙。爭河中節制。朝廷以宰相崔胤。胤為河中節度使。珂。李克用之子。塔也。河東進奏官薛志勳。揚言曰。崔相雖重德。如作鎮河中代。王珂。不如光德。劉公。於我公事素也。及三鎮以兵入朝。殺害大臣。以志勳之言。實授崇望昭州司馬。及王行瑜。誅太原。上表言崇望無辜放逐。時已至荆南。有詔召還。拜吏部尚書。未至。王溥再知政事。兼吏部尚書。乃改崇望兵部尚書。時四川。復寇。顧彥暉。欲併東川。以崇望檢校右僕射。平章事。梓州刺史。劍南東川節度使。未至。鎮召還。復為兵部尚書。光化二年卒。時年六十二。冊贈司空。崇奮。廣明元年。登進士第。鄭從謙。奏充太原推官。時兄崇龜為節度判官。昆仲同居幕府。尋轉掌書記。中和二年。入朝。拜右拾遺。左補闕。景福初。以水部員外郎知制誥。二年。杜讓能得罪。昭宗復命。韋昭度為相。翰林學士李崧。同平章事。崇奮與崔昭緯相善。昭緯恃邪。岐之授讓能。既誅之後。權歸於己。昭宗師李崧為文。懼居位得寵。則恩顧漸衰。乃私與崇龜謀沮之。及崧宣制之日。出班而哭。謂昭緯曰。朝廷雖乏賢。不可用織人為宰相。昭比依復。恭重。遂居內職。前日杜太尉復籍。為朝廷深恥。今則削弱如此。安可更遭覆轍乎。由是崧命不行。崧自十一月初至歲暮。聯上十表。訴冤。其詞詆毀。所不忍聞。明年春。復命崧為平章事。昭緯召李茂貞。王行瑜。韓建。稱兵入朝。殺昭度與崧。其年太原。誅王行瑜。昭緯貶官。崇奮坐貶崖州司戶。初崇龜在外。聞崇奮哭麻。大恚。數日不食。謂所親曰。吾家兄弟。進身有素。未嘗以聲利敗名。吾門不幸。生此等兒。崇讓中和三年。進士及第。乾寧末。為

太常少卿弘文館直學士

徐彥若，天后朝大理卿有功之裔，曾祖宰，祖陶，父商，三世繼登進士科，商字義聲，大中十三年及第，釋褐祕書省校書郎，累遷侍御史，改禮部員外郎，尋知制誥，轉郎中，召充翰林學士，拜中書舍人，戶部侍郎，判本司事，檢校戶部尚書，襄州刺史，山南東道節度等使，入爲御史大夫，咸通初，加刑部尚書，充諸道鹽鐵轉運使，遷兵部尚書，東莞子，食邑五百戶，四年，以本官同平章事，六年，罷相，檢校右僕射，江陵尹，荆南節度觀察等使，入爲吏部尚書，累遷太子太保，卒，彥若咸通十二年進士擢第，乾符末，以尚書郎知制誥，正拜中書舍人，昭宗卽位，遷御史中丞，轉吏部侍郎，檢校戶部尚書，代李茂貞爲鳳翔節度使，茂貞不受，代復拜中丞，改兵部侍郎，同平章事，進加中書侍郎，累兼左僕射，監修國史，扈昭宗石門，還宮，加開府儀同三司，守司空，進封齊國公，太清宮，修奉太廟等使，加弘文館大學士，賜扶危匡國致理功臣名，昭宗自華還宮，進位太保，門下侍郎，時崔胤專權，以彥若在上，欲事權萃於其門，二年九月，以彥若檢校太尉，同平章事，廣州刺史，清海軍節度，嶺南東道節度等使，卒於鎮，弟彥樞，位至太常少卿，子綰，天祐初，歷司勳兵部二員外，戶部兵部二郎中。

陸辰，字祥文，本名允迪，吳郡人，徙家于陝，今爲陝州人，曾祖禮，位終殿中侍御史，祖師德，淮南觀察支使，父鄴，陝州法曹參軍，辰光啓二年登進士第，其年從傳宗幸興元，九月，宰相韋昭度領鹽鐵，奏爲巡官，明年，宰相孔緯奏直史館，得校書郎，尋丁母憂，免，龍紀元年冬，召授藍田尉，直弘文館，遷左拾遺，兼集賢學士，中丞，柳玘奏改監察御史，大順二年三月，召充翰林學士，改屯田員外郎，賜緋，景福元年，加祠部郎中，知制誥，二年元日朝賀，面賜金紫之服，五月，拜中書舍人，辰文思敏速，初無思慮，揮翰如飛，文理俱極，同舍服其能，天子顧待特異，嘗金鑾作賦，命學士和，辰先成，帝覽而嗟挹之，曰：朕聞貞元時有陸贄吳通玄兄弟，能作內庭文書，後來絕不相繼，今吾得卿，斯文不墜矣，乾寧初，轉戶部侍郎，二年，改兵部，進階銀青光祿大夫，嘉興男，三百戶，三年正月，宣授學士承旨，尋改左丞，其年七月，改戶部侍郎，同平章事，故事三署除拜，有光署錢以宴舊

僚，內署卽無斯例，辰拜輔相之月，送學士光院錢五百貫，特舉新例，內署榮之，八月，加中書侍郎，集賢殿大學士，判戶部事，九月，覃王率師送徐彥若赴鳳翔，師之起也，辰堅請曰：播越之後，國步初集，不宜與近輔交惡，必爲他盜所窺，加以親王統兵，物議騰口，無益於事，祇貽後患，昭宗已發兵，怒辰沮議，是月十九日，責授破州刺史，師出果敗，車駕出幸，四年二月，復授辰工部尚書，八月，轉兵部尚書，從昭宗自華還宮，明年正月，復拜中書侍郎，同平章事，光化三年四月，兼戶部尚書，進封吳郡開國公，食邑一千戶，九月，轉門下侍郎，監修國史，天復元年五月，進階特進，兼兵部尚書，加食邑五百戶，車駕自鳳翔還京，赦後諸道皆降詔書，獨鳳翔無詔，辰奏曰：鳳翔近在國門，責其心迹，罪實難容，然比來職貢無虧，朝廷未與之絕，一朝獨無詔命，示人不廣也，崔胤怒，奏貶辰沂王傅，分司東都，削階至正議大夫，居無何，崔胤誅，復授吏部尚書，階封如故，從昭宗還洛，其年秋，昭宗遇弒，明年五月，責授濮州司戶，與裴樞崔遠獨孤損等被害於滑州白馬驛，時年五十九，子瑑，後爲緱氏令。

柳璨，河東人，曾祖子華，租公器，僕射公綽之再從弟也，父遵，璨少孤貧，好學，僻居林泉，晝則採樵，夜則燃木葉以照書，性褻直無緣飾，宗人璧玘，貴仕於朝，鄙璨朴鈍，不以諸宗齒之，光化中登進士第，尤精漢史，魯國顏義深重之，義爲中書舍人，判史館，引爲直學士，璨以劉子玄所撰史通譏駁經史，過當，璨紀子玄之失，別爲十卷，號柳氏釋史，學者伏其優贖，遷左拾遺，公卿朝野，託爲賤妾，時譽日洽，以其博學，目爲柳篋子，昭宗好文，初寵待李穀頗厚，泊穀不得其死，心常惜之，求文士似穀者，或薦璨高才，召見，試以詩什，甚喜，無幾，召爲翰林學士，崔胤得罪前一日，召璨入內殿，草制勅胤死之，曰：旣夕，璨自內出，前驅傳呼相公來，人未見制勅，莫測所以，翌日對學士，上謂之曰：朕以柳璨奇特，似可擬任，若令預政事，宜授何官，承旨張文蔚曰：陛下拔用賢能，固不拘資級，思命高下，出自聖懷，若循兩省遷轉，拾遺超等入起居郎，臨大位，非宜也，帝曰：超至諫議大夫，可乎，文蔚曰：此命甚愜，卽以諫議大夫，平章事，改中書侍郎，任人之速，古無茲例，同列裴樞獨孤損崔遠皆宿素名德，遽與璨同列，意微輕之，璨深蓄怨。

昭宗遷洛。諸司內使宿衛將佐皆朱全忠腹心也。璨皆將迎接之。以恩厚相交。結。故當時權任皆歸之。二年五月。西北長星竟天。掃太微文昌帝座。諸宿全忠方謀篡代。而妖星請見。占者云。君臣俱災。宜刑殺以應天變。蔣玄暉張廷範謀殺衣冠。宿望難制者。璨即首疏。素所不快者三十餘人。相次誅殺。班行爲之一空。冤聲載路。傷害既甚。朱全忠心惡之。會全忠授九錫。蔣玄暉等別陳意見。王殷至大梁。誣玄暉等通導官掖。欲與復李氏。全忠怒。捕廷範。令河南聚衆。五車分裂之。兼誅璨。臨刑呼曰。貧國賊柳璨。死其宜矣。初。璨遷洛後。累兼戶部尚書。守司空。進階光祿大夫。鹽鐵轉運使。其弟瑀。瑊。坐璨笞死。

史臣曰。嗚呼。李氏之失馭也。宇珍之氣紛如。仁義之徒殆盡。狐鳴鷓鴣。瓦斛土崩。帶河礪鐵之門。寂無現迹。奮挺揭竿之類。唯効敦玄。手未捨於棘矜。心已萌于問鼎。加以鷲浮士子。闢茸鯁儒。昧管葛濟時之才。無王謝扶顛之業。邀功射利。陷族喪邦。潘緯養虎於前。胤璨刺廬於後。逐徐薛於瘴海。置繁朴於巖廊。殿廷有哭制之夫。輔弼走破輿之黨。九疇既紊。百怪斯呈。木將朽而蠹蝎生。厲既篤而夔臚見。妖徒若此。亡國宜然。何必長星。更臨衰運。
贊曰。蕭召朱玫。孔符張濬。身世罹殃。邦家起釁。如木斯蠹。自潰於中。抵巇侮亂。安責伏戎。

舊唐書卷一百七十九

舊唐書卷一百七十九考證

張濬傳復用爲宰相。○沈炳震曰。按紀。濬光啓元年正月入相。大順元年十二月免。新書則三年九月入相。大順二年正月免。中間無罷而復相文。疑誤。

舊唐書卷一百七十九考證

Blank lines for additional text or commentary.

後晉司空同中書門下平章事劉昫撰

列傳第一百三十一

朱克融

李載義

楊志誠

張仲武 子直方

張允伸

張公素

李可舉

李全忠 子匡威 匡籌

朱克融賊泚之從孫也。祖滔，父洄，克融少為幽州軍校。事節度使劉總，總將歸朝，慮其有變，籍軍中素有異志者，薦之闕下。時克融亦在籍中，宰相崔植、杜元穎、時洄廢疾於家，軍中素伏其謀略。至是，眾欲立之，洄自以老且病，推克融統軍務。焉朝廷尋加檢校左散騎常侍，授以符節。寶曆二年，遣使送方鎮及三軍時服，克融怒，所賜疎弱，執中使以聞。上特優容，別命使宣諭，仍改賜衣物，流其使楊文端等。先是，克融執中使奏稱，竊聞陛下欲幸東都，請將兵馬并丁匠五千人修理宮闕，迎候車駕。又上言無衣，擬於朝廷請三十萬端疋，以備一歲所費。不然，則三軍不安。天子怒其悖慢，取宰臣裴度謀優容之，語見別卷。克融官至檢校司空，吳興郡王。其年五月，本州軍亂，殺之子延齡，亦遇害。次子延嗣，竊立，尋為大將李載義所殺。

李載義，字方毅，常山愍王之後，代以武力稱。繼為幽州屬郡守，載義少孤，與鄉曲之不令者遊，有勇力，善挽強角，能劉濟為幽州節度使，見而偉之，致於親軍。從征伐，以功遷衙前都知兵馬使，檢校光祿大夫，兼監察御史，寶曆中，幽師殺朱克融，其子延嗣竊襲父位，不遵朝旨，虐用其人，載義遂殺之，數其罪以聞。敬宗嘉之，拜檢校戶部尚書，兼御史大夫，封武威郡王。充幽州盧龍等軍節度副大使，知節度事。未幾，李同捷據滄景，以邀襲父爵，載義上表請討同捷，以自効。上嘉其誠懇，特加檢校右僕射，累破賊軍，以功加司空，進階金紫。太和三年，平滄景，策勳加平章事，仍賜實封三百戶。四年，契丹寇邊，以兵擊走之。仍虜其名王，就加太保。五年春，為其部下楊志誠所逐，因入覲，上以載義有平滄景之功，又能恭順朝旨，再拜太保，同平章事。其年，改山南西道節度觀察等使，兼興元

尹。七年，遷北都留守，兼太原尹，充河南節度觀察處置等使，尋加開府儀同三司。丁母憂，起復驃騎大將軍，餘如故。迴鶻每遣使入朝，所至疆暴，邊城長吏多務苟安，不敢制之以法。但嚴兵防守，虜益驕悍，或突入市肆，暴橫無所懼。至是有迴鶻將軍李暢者，曉習中國事，知不能以法制馭，益驕恣，鞭捶驛吏，貪求無已。載義因召李暢，與語曰：「可汗使將軍朝貢，以固舅甥之好，不當使將軍暴踐中華，今朝廷饗饋至厚，所以禮蕃客也。苟有不至，吏當坐死。若將軍之部伍不戢，凌侮上國，剽掠廬舍，載義必殺為盜者，將軍勿以法令可輕而不戒勵之。遂罷防守之兵，而使兩卒司其門，虜知其心為下，無敢犯令。九年，加侍中，開成二年卒。年五十，贈太尉，載義晚年驕恣，暴一方，以楊志誠復為部下所逐，過太原，載義躬身殿擊，遂欲殺之，賴從事救解以免，然而擅殺志誠之妻孥及將卒，朝廷錄其功，屈法不問。

楊志誠，太和五年為幽州後院副兵馬使事。李載義時，朝廷賜載義德政碑文，載義延中使擊鞠，志誠亦與焉。遂於鞠場叫呼謀亂，載義奔於易州。志誠乃為本道馬步都知兵馬使，文宗聞之，驚急召宰臣，時牛僧孺先至，上謂曰：「幽州今日之事，可奈何？」僧孺曰：「此不足煩聖慮，臣被召疾趨氣促，容臣稍緩息，以對。」良久曰：「卿以為不足憂，何也？」僧孺對曰：「陛下以范陽得失繫國家休戚，且自安史之後，范陽非國家所有，前時劉總向化，以土地歸闕，朝廷約用錢八十萬貫，而未嘗得范陽尺布斗粟，上供天府，則今日志誠之得，猶前日載義之得也。陛下但因而撫之，亦事之宜也。且范陽國家所賴者，以其北捍突厥，不令南寇。今若假志誠節鉞，惜其土地，必自為力，則爪牙之用，固不計於逆順。臣固曰：不足煩聖慮。」上大喜曰：「如卿之言，吾洗然矣。」尋以嘉王運送領節度，以志誠為節度觀察，留後，檢校左散騎常侍，兼幽州左司馬，尋改檢校工部尚書，節度副大使，知節度事。七年，轉檢校吏部尚書，詔下進奏官徐迪詣中書，白宰相曰：「軍中不識朝廷體位，只知自尚書改僕射為遷，何知工部轉吏部為美，且軍士威飾以待新恩，一旦復為尚書，軍中必慚。今中使往彼，其勢恐不得出，及使至其，僕奔還奏曰：楊志誠怒不得僕射，三軍亦有怨言。春衣使魏寶義兼他使，焦泰鸞

尹士恭並為志誠繫留矣。志誠遣將王文穎謝恩，并讓官。復賜官告批答，文穎不受而歸。朝廷納裴度言，務以舍垢，下詔諭之。因再遣使加尚書右僕射。八年，為三軍所逐而立。史元忠、元忠進志誠所造哀龍衣二副及被服鞍轡，皆繡飾鸞鳳日月之形，或為王字。因付御史臺按問。流嶺南，行至商州殺之。初，元忠既逐志誠，詔以通王淳遙領節度，授元忠左散騎常侍。幽州大都督府左司馬知府事。元忠節度留後，明年轉檢校工部尚書，節度副大使，知節度事。後為偏將陳行泰所殺。

張仲武，范陽人也。仲武少業左氏春秋，擲筆為劇北雄武軍使。會昌初，陳行泰殺節度使史元忠，權主留後。俄而行泰又為次將張絳所殺。令三軍上表請降符節。時仲武遣軍吏吳仲舒表請以本軍伐叛，上遣宰臣詢其事。仲舒曰：絳與行泰皆是游客，主軍人心不附。仲武是軍中舊將張光朝之子，年五十餘，兼曉儒書，老於戎事，性抱忠義，願歸心闕廷。李德裕因奏陳行泰張絳皆令大將上奏，邀求節旄，所以必不可與。今仲武上表布誠，先陳密款，因而拔用，即似有名許之。乃授兵馬留後，詔撫王紘遙領節度，尋改仲武節度副大使，知節度事。檢校工部尚書，幽州大都督府長史，兼御史大夫，蘭陵郡王。俄而迴鶻擾邊，時迴鶻有將勒那頤，啜擁赤心，宰相一族七千帳東逼漁陽。仲武遣其弟仲至與裨將游奉寰王如清等率銳兵三萬人大破之。前後收其侯王貴族千餘人，降三萬人，獲牛馬橐駝旗纛廚幕不可勝計。遣從事李周瞳牙門將國從玘相次獻捷，詔加檢校兵部尚書，兼東面招撫迴鶻使。先是奚契丹皆有迴鶻監護使，督以歲貢，且為漢謀。至是遣裨將石公緒等諭意兩部，凡戮八百餘人。又迴鶻初遣宣門將軍等四十七人，詭詞結歡，潛伺邊隙。仲武使密賂其下，盡得陰謀。且欲馳入五原，羅掠雜虜，遂逗遛其使，緩彼師期。人馬病死，竟不遣之。迴鶻為介可汗既敗，不敢近邊，乃依康居求活。盡徙餘種，寄託黑車子部。仲武由是威加北狄，表請於劇北立紀聖功銘，勅李德裕為之文。其銘曰：太和之初，赤氣霄興，開成之末，彤雲暮凝。異鳥南來，胡滅之徵。北夷虜掃，版圖土崩。追迫遷徙，震我邊鄙。長蛇去穴，奔鯨失水。上都薊門，兵連千里。曾不長天，猶為驕子。巧我邊報，

邀我王師。假我一城，建彼幡旗。歸計強漢，郅支燉離。狼顧朔野，伏莽見羸。鴈門之北，羌戎雜處。激澗羣羊，茫茫大鹵。縱其梟騎，驚我牧圉。暴若豺狼，疾如風雨。皇赫斯怒，羽檄徵兵。謀而泉默，斷乃霆聲。沉機變化，動合神明。沙漠之外，虜無隱情。漁陽突騎，燕歌壯氣。赴赴元戎，耽耽虎視。金鼓蕃衆，干旄蔽地。爰命其弟，屬之大事。翩翩飛將，董我三軍。稟兄之制，代帥之勤。威略火烈，胡馬星分。戈迴白日，劍薄浮雲。天街之北，旄頭已落。絕轡之野，蚩尤未縛。俾我元侯，恢弘遠略。終取單于，係之徽索。陰山巖鋒，亭微殺弓。萬里昆夷，九譯而通。蠻夷既同，天子之功。儒臣篆美，刊石垂鴻。仲武歷官至司徒，中書門下平章事。大中年卒，諡曰莊。子直方，以幽州節度副使襲父位。動多不法，慮為將卒所圖。三年冬，託以遊獵，奔赴闕庭，尋授金吾將軍。直方性率暴，行豪奪之事，以罪累貶柳州司馬。十一年，遷右驍衛將軍，分司東都。咸通中，位至羽林統軍。中和歲，賊巢犯關，公卿特其豪，多隱藏於第。直方納招亡命，謀欲劫巢，或有告者，由是以兵圍而害之。張允伸，字逢昌，范陽人也。曾祖秀，檀州刺史。祖嚴，納降軍使。父朝掖，贈太尉。允伸世仕幽州軍門，累職至押衙，兼馬步都知兵馬使。大中四年，戎帥周緜獲疾，表允伸為留後。朝廷可其奏，加右散騎常侍。其年冬，詔賜旌節，遷檢校工部尚書。咸通九年，累加至光祿大夫，檢校司徒，兼太傅。同中書門下平章事。燕國公十年，徐人作亂，請以第九舉領兵伐叛。懿宗不允，進助軍米五十萬石，鹽二萬石，詔嘉之。賜以錦綵玉帶金銀器等。冬，又加特進，兼侍中。十二年，以風恙拜章請就醫藥，詔許之。以子簡會檢校工部尚書，充節度副大使。十三年，允伸再上表進納所賜旌節，朝命未至。其年正月二十五日卒，年八十八。再贈太尉，諡曰忠烈。允伸鎮鎮凡二十三年，克勤克儉，比歲豐登，邊鄙無虞。軍民用乂，至今談者美之。有子十四人，簡真，幽州左司馬。先允伸卒。簡壽，右領軍衛大將軍。餘或昇朝籍，或為刺史郡佐。

張公素，范陽人。咸通中為幽州軍校，事張允伸。累遷至平州刺史。允伸卒，子簡會權主留後事。公素領本郡兵赴焉。三軍素畏公素威望，簡會知力不能制，即時出奔。遂立為帥。朝廷尋授旌節，累加至中書門下平章事。無幾，李茂勳奪其

位公素歸闕，貶復州司戶參軍。

李可舉本迴鶻阿不思之族也。張仲武破迴鶻，可舉父茂勳與本部侯王降焉。茂勳善騎射，性沉毅，仲武器之，常遣拓邊，以功封郡王，賜姓名，咸通末，納降軍使陳貢言者，幽之宿將，人所信服，茂勳密謀劫而殺之，聲云貢言舉兵，張公素以兵逆擊，不利，公素走，茂勳入城，軍民方知其非貢言也，既有其衆，遂推而立之，朝廷卽降符節，無幾，以疾告老，授右僕射致仕，表可舉自節度副使，幽州左司馬加右散騎常侍，爲節度留後，中和中，果官至檢校太尉，中和末，以太原李克用兵勢方威，與定州王處存密相締結，可舉慮其窺伺山東，終爲己患，遂遣使構雲中，赫連鐸乘其背，則與鎮州合謀舉兵，兼言易定是燕趙之餘，云得其地，則正其疆理而分之，時可舉遣將李全忠攻易州，有次將劉仁恭者，多權數，攻之彌月不下，乃穴地道以入，其城既下，易州士卒稍驕，王處存引輕軍三千，以羊皮蒙之，夜伏於城外，仍別於間道以騎士伺之，燕軍望見，謂之羣羊，爭趨焉，處存乘其無部伍，一擊大敗之，尋復其城，全忠遁歸，懼可舉罪之，收其餘衆，反攻幽州，可舉危急，收集其族，登樓自燔而死。

李全忠，范陽人，廣明中爲棣州司馬，有蘆生于室，一尺三節，心惡之，謂別駕張建曰：吾室生蘆，無乃怪歟？建曰：蘆茅類，得澤而滋，公家有茅土之慶，殆天意乎？其生三節，必傳節鉞者三人，公勉樹功名，無忘斯言。全忠秩滿還鄉里，事節度使李可舉爲牙將，時可舉兵鋒方威，欲與鎮人分易定，遣全忠將兵攻之，爲定州軍大敗於易水，全忠懼，率其餘衆，掩攻幽州，可舉死，三軍推全忠爲留後，朝廷因以節鉞授之，光啓元年春也。全忠卒，子匡威自襲父位，稱留後，匡威素稱豪爽，屬遇亂，離繕甲燕薊，有吞四海之志，赫連鐸據雲中，屢引匡威與河東爭雲，交代兵積年，景福初，鎮州王鎔誘河東將李存孝，克用怒，加兵討之，時鎔幼童，求援於燕，匡威親率軍應之，二年春，河東復出師井陘，再乞師，匡威來援，匡威弟匡籌妻張氏，有國色，師將發，家人會別，匡威酒酣，留張氏報之，匡籌私懷忿怒，匡威軍至博野，匡籌乃據城自爲節度，匡威部下聞之，亡歸者半，匡威退，無歸路，將入覲京師，時匡威留於深州，遣判官李抱貞奏章以聞，屬京師大亂，

之後，聞匡威來朝，市人震恐，咸曰：金頭王來謀社稷，士庶有亡竄山谷者。匡威其實不行，欲圖鎮州，示無留意，鎔以匡威再來，援己，致其失師，遣使迎歸府第，三軍素忠於王氏，惡其所爲，會鎔過，匡威第尉忌辰，匡威縞衣裹甲，伏兵劫鎔入牙城，鎔兵逆戰，燔東偏門，軍士呼譟登屋，矢下如雨，鎔僕墨君和亂中扶鎔登屋免難，而斬匡威以徇，是歲，匡籌出師攻鎮之樂壽武彊，以報恥，匡威部曲劉仁恭歸於河東，乾寧元年冬，河東聽仁恭之謀，出師進討，二月，敗燕軍於居庸，匡籌挈其族遁去，將赴京師，至景城，爲滄州節度使盧彥威所殺，掠其輜車妓妾，匡籌妻張氏產於路，不能進，劉仁恭獲之，獻於李克用，後立爲夫人，嬖寵專房，李氏父子三葉十年而亡。

史臣曰：大都偶國亂之本也，故古先哲王，建國公侯之封，不過千乘，所以疆幹弱枝，防其悻慢，彼幽州者，列九圍之一，地方千里而遙，其民剛彊，厥田沃壤，遠則慕田光荆卿之義，近則染祿山思明之風，二百餘年，自相崇樹，雖朝廷有時命帥，而土人多務逐君，習苦忘非，尾大不掉，非一朝一夕之故也。若李載義、張仲武、張允伸，因利乘便，獲領旌旗，以仁守之，恭順朝旨，亦足多也。如朱克融、楊志誠、史元忠、張公素、李可舉、李全忠，以不仁得之，靡更曩志，或尋爲篡奪，或僅傳子孫，咸非令終，蓋其宜也。

贊曰：碣石之野，氣勁人豪，二百餘載，自相尊高，載義、仲武，亦多忠勞，餘因篡得，不仁何逃。

舊唐書卷一百八十

後晉司空同中書門下平章事劉昫撰

列傳第一百三十一

史憲誠子孝章

何進洺子弘敷

韓允忠子簡

樂彥禎子從訓

羅弘信子威

史憲誠其先出於奚虜今為靈武建康人祖道德開府儀同三司試太常卿上柱國懷澤郡王父周洛為魏博軍校事田季安至兵馬大使銀青光祿大夫檢校太子賓客兼御史中丞柱國北海郡王憲誠始以材勇隨父歷軍中右職兼監察御史元和中田弘正討李師道令憲誠以先鋒四千人濟河累下其城柵

復以大軍齊進乘勢逐北魏之全師迫于鄆之城下師道窮蹙劉悟斬首投魏軍錄功超授憲誠兼中丞鎮州王承宗死弘正自魏移鎮州居數月為王庭湊所殺遂以兵叛朝廷以弘正子布為魏博節度使領兵討伐俾復父冤時幽州朱克融援助廷湊布不能制因自引決軍情憲誠為中軍都知兵馬使乘亂以河朔舊事動其人心諸軍即擁而歸魏共立為帥國家因而命之時克融廷湊並據兵為亂憲誠喜得旄節雖外順朝旨而中與朱王為輔車之勢長慶二年正月也尋遣司門郎中韋文恪宣慰時李宥為亂與憲誠書問交通憲誠表請與宥節鉞仍於黎陽熸舟欲渡河及見文恪舉止驕倨其言甚悖旋聞宥為帳下所殺乃從改過謂文恪曰憲誠著人猶狗也唯能識主雖被棒打終不忍離其校誦如此朝廷每為優容尋加左僕射敬宗即位進秩司空大和二年滄景節度使李全略卒其子同捷竊據軍城表邀符節舉兵伐之先是憲誠與全略婚媾及同捷叛復潛以糧餉為助上屢發使申諭尋又就加平章事憲誠書遣驍將至闕下恣為張大宰相韋處厚以語折劉之憲誠不敢復與同捷為應時憲誠示出師共討同捷及滄景平加司徒憲誠心不自安乃遣子孝章入覲又飛章願以所管奉命上嘉之乃加侍中移鎮河中憲誠素懷向背不能以忠誠感激其眾未及出城大和三年六月二十六日夜為軍眾所害冊贈太尉孝章幼聰悟好學元和中李愬為魏帥取大將子弟列于軍籍孝章倡言

願効文職愬奇之令攝府參軍及憲誠領節鉞改士曹參軍兼監察御史賜緋孝章以父在鎮多違朝旨嘗雪涕極諫備陳逆順之理朝廷聞而嘉之乃授檢校太子左諭德兼侍御史充節度副使累遷至散騎常侍兼御史大夫賜紫領本道兵同平滄景加工部尚書尋請赴闕文宗慰勞甚厚憲誠亦因懇乞朝覲上知憲誠之入覲自孝章之謀遂加禮部尚書分相衛瀘三州別為一鎮俾孝章領之孝章未到鎮憲誠遇害上以孝章有忠節起復為右金吾衛將軍間歲授鄆坊節度使居四年遷于滑一歲入為右領軍大將軍改右金吾大將軍俄授邠軍節度孝章歷三鎮雖無異績而謹身長法以保初終開成三年十月卒贈右僕射

何進洺靈武人也曾祖孝物祖俊並本州軍校父默夏州衙前兵馬使檢校太子賓客試太常卿以進洺之貴贈左散騎常侍進洺客寄於魏委質軍門事節度使田弘正弘正奉詔討鄆州破李師道時進洺為衙內都知兵馬使以功授兼侍御史大和三年軍眾害史憲誠連聲而呼曰得衙內都知兵馬使何端公知留後即三軍安矣推而立之朝廷因授進洺左散騎常侍魏博等州節度觀察處置等使為魏帥十餘年大得民情累官至司徒平章事卒子弘敷襲其位朝廷時遣河中帥李執方滄州帥劉約各遣使勸令歸闕別俟朝旨弘敷不從竟就加節制及劉稹反不時起兵鎮州王元逵下邢洛二州兵次上黨弘敷方出師壓境大中後宣宗務其姑息繼加官爵亦至使相咸通初卒子全暉嗣之朝廷尋降符節累官亦至同平章事十一年為軍人所害子孫相繼四十餘年

韓允忠魏州人也舊名君雄懿宗改賜今名父國昌歷本州右職會昌中從何弘敬破劉稹以功為貝州刺史兼御史中丞以允忠故累贈兵部尚書允忠少仕軍門繼升裨校潞州之役亦與其行咸通十一年何全隴為軍眾所殺推允忠為帥時傳宗為普王即降詔遙領節度授允忠左散騎常侍兼御史中丞充節度觀察留後不數月轉檢校工部尚書魏州大都督府長史充魏博節度觀察等使累加至檢校司空同平章事乾符元年十一月卒年六十一累贈太尉子簡自允忠初授戎帥便為節度副使乾符初累官至檢校工部尚書允忠卒

即起復為節度觀察留後。踰月，加檢校右僕射。其後累加至侍中，封昌黎郡王。賊巢之亂，諸葛爽受僞命為河陽節度使。時僖宗在蜀，寇盜蜂起。簡據有六州，甲兵彊盛，竊懷僭亂之志。且欲啟其封疆，乃舉兵攻河陽，爽棄城而走。簡遂留兵保守。因北掠邢洛而歸，遂移軍攻鄆。鄆帥曹全最出戰，為簡所敗，死之。鄆將崔君裕收合殘眾保鄆州。簡進攻其城，半年不下。河陽復為諸葛爽所襲，簡因欲先討君裕。次及河陽，乃舉兵至鄆。君裕請降，尋移軍復攻河陽，行及新鄉，為爽軍逆擊敗之。簡單騎奔迴，憂憤疽發背而卒。時中和元年十一月也。

樂彥禎，魏州人也。父少寂，歷瀘博貝三州刺史。贈工部尚書。彥禎少為本州軍校，韓簡之領節旄也，以彥禎為馬步軍都虞候。轉博州刺史。下河陽，走諸葛爽，有功。遷澶州刺史。簡再討河陽之敗也，彥禎以一軍先歸。魏人遂共立之。朝廷尋授檢校工部尚書，知魏博留後。俄加戶部尚書，充節度觀察處置等使。中和四年，累加至尚書左僕射。同平章事。僖宗自蜀迴，加開府儀同三司，再拜司徒。彥禎志滿驕，大動多不法。一旦徵六州之眾，板築羅城，約河門舊堤，周八十里。月餘而畢。人用怨咨。又其子從訓，天資悖逆。王鐸自滑移鎮滄州，過魏郊，從訓見其女妓，利之，先伏兵於漳南高雞泊，俟鐸之至，圍而害之，掠其所有。時朝廷微弱，不能詰。魏人素知鐸名望，議者惜之，而罪從訓。從訓又召亡命之徒五百餘輩，出入臥內，號為子將，委以腹心。軍人籍籍，各有異議。從訓聞而忌之，易服遁出。止於近縣。彥禎因命為六州都指揮使。未幾，又兼相州刺史。到任之後，般輦軍器取索錢帛，使人來往，交午塗路。軍府疑貳，彥禎危憤而卒。眾推都將趙文珩知留後事。從訓自相州領兵三萬餘人至城下。文珩按兵不出，眾懷疑懼。復害文珩，推羅弘信為帥。弘信以兵出戰，敗之。從訓招集餘眾，次於洹水。弘信遣將程公佐領兵討擊，大敗之。眾從訓首於軍門。時文德元年春也。

羅弘信，字德孚，魏州貴鄉人。曾祖秀，祖珍，父讓，皆為本州軍校。從信少從戎，役歷事節度使韓簡、樂彥禎。光啓末，彥禎子從訓忌牙軍，出居於外。軍眾廢彥禎，推趙文珩權主軍州事。眾復以為不便，因推弘信為帥。先是有鄰人密謂弘信曰：「某嘗夜遇一白鬚翁相告云：君當為土地主。如是者再三，弘信竊異之。及廢

文珩，軍人聚呼曰：孰願為節度使者？弘信即應之曰：白鬚翁早以命我，眾乃環而視之，曰：可也。由是立之。僖宗聞之，文德元年四月，詔加工部尚書，權知節度。留後七月，復加金紫光祿大夫，檢校尚書右僕射，充魏博節度觀察處置等使。龍紀中，加檢校司空。同平章事。封豫章郡公。乾寧中，朱全忠急攻鄆，朱瑄求援於太原。太原發軍假道於魏，令大將李存信屯莘縣，存信御軍無法，侵魏之芻牧。弘信不平之。全忠復遣人謂之曰：太原志吞河朔，迴戈之日，貴道堪憂。弘信乃託好於汴，出師三萬攻存信，敗之。太原怒，舉兵攻魏，營於觀音門外。汴將葛從周援之，屯於洹水。李克用子落落時為鐵林軍使，為從周所擒，乃退歸。自是太原之師每歲侵擾相魏。魏人患之。朱全忠方事兗，鄆懼弘信離貳，每歲時賂遺，必卑辭厚禮，答貺。全忠對魏使北面拜而受之。曰：六兄比子倍年已上，兄弟之國，安得以常鄰遇之。弘信以為厚己，亦推心焉。弘信累官至檢校太師，守侍中，臨清王。光化元年九月卒。年六十三。贈太師，追封北平王。諡曰莊肅。子威，威字端己。文德初，授左散騎常侍，充天雄軍節度副使。自龍紀至乾寧十年之中，累加官爵。弘信卒，襲父位為留後。朝廷從而命之。天復末，累加至檢校太傅，兼侍中。長沙王天祐初，授檢校太尉，守侍中，進封鄴王。賜號忠勤，宣力致理功臣。魏之牙中軍者，自至德中田承嗣盜據相魏，瀘博衛貝等六州，召募軍中子弟，置之部下，遂以為號，皆豐給厚賜，不勝驕寵。年代遠，父子相襲，親黨膠固。其兇戾者，疆買豪奪，踰法犯令。長吏不能禁，變易主帥，有同兒戲。如史憲誠，何進滔，韓君雄，樂彥禎，皆為其所立。優獎小不如意，則舉族被害。威懲其往弊，雖以貨賂姑息，而心銜之。威嗣世之明年正月，幽州劉仁恭擁兵十萬，謀亂河朔。進陷貝州。長驅攻魏，威求援於汴。朱全忠遣將李恩安屯於洹水。葛從周自邢洛引軍入魏，燕將劉守文軍可及攻汴軍於內黃。恩安逆戰，大敗之。乘勝追躡。從周出會掩擊，復敗燕軍，斬首三萬。威引汴軍攻滄州以報之。自是威感全忠援助之恩，合從景附。天祐二年七月十三日夜，牙軍裨校李公佐作亂，威僅以身免。公佐出奔滄州。自是愈懼。遣使求援於全忠，密謀破之。全忠遣李思安會魏博軍再攻滄州。全忠女妻威子廷規，先是卒。全忠遣長直軍校馬嗣勳

選兵千人密於輿中實兵甲入魏言助女葬事三年正月五日嗣勳至全忠親率大軍濟河言視行營於滄景威欲因而出迎至期即假全忠帳下銳卒入而夾攻之牙軍頗疑堅請不出威恐洩其事慰納之是月十四日夜率廝養百十輩與嗣勳合攻之時宿於牙城者千人遲明殺之殆盡凡八千家皆破其族魏軍攻滄州者在歷亭聞有變其將史仁遇擁之保于高堂六州之內皆爲讐敵累月平之威仕梁數年後卒年三十四位至守太師兼中書令贈尚書令諡曰貞莊威性明敏達於吏道伏膺儒術招納文人聚書至萬卷每花朝月夕與賓佐賦咏甚有情致錢塘人羅隱者有當世詩名自號江東生威遣使賂遺敘其宗姓推爲叔父隱亦集其詩寄之威酷嗜其作自己所爲曰偷江東集凡五卷今鄴中人七諷詠之

史臣曰魏鎮燕三鎮不能制之也久矣兵疆地廣合從連衡爵命雖假於朝廷羣臣自謀於元帥如史憲誠等五家其初皆因此而得之其後亦因此而失之蓋不知取之以權守之以仁則遠矣若善繼者史氏羅氏之二子有焉其餘不足觀也

贊曰逆取順守古亦有之如其逆守滅亡必隨史何韓樂世數威衰足以爲鑒念茲在茲

舊唐書卷一百八十一

舊唐書卷一百八十一考證
韓簡傳時中和元年十一月也○沈炳震曰案本紀在中和三年二月爲部下所殺新書同當從本紀

舊唐書卷一百八十一考證

後晉司空同中書門下平章事劉昫撰

列傳第一百三十二

王重榮

子珂

王處存

弟處直

諸葛爽

高駢

師鐸

秦彥

時溥

朱瑄

弟瑄

朱瑄

朱瑄

王重榮河中人父繼鹽州刺史咸通中有邊功重榮以父蔭補軍校與兄重盈俱號驍雄名響軍中廣明初重榮為河中馬步軍都虞候巢賊據長安蒲帥李都不能拒稱臣於賊賊僞授重榮節度副使河中密邇京師賊徵求無已軍府疲於供億賊使百輩填委傳舍重榮謂都曰吾以外援未至詭謀附賊以紓難今軍府積實苦被徵求復來收兵是賊危我也儻不改圖危亡必矣請絕橋道壘城自固都曰吾兵微力寡絕之立見其患唯公圖之願以節鉞假公翌日都歸行在重榮知留後事乃斬賊使求援鄰藩既而賊將朱溫舟師自同州至黃鄴之兵自華陰至數萬攻之重榮戒勵士眾大敗之獲其兵仗軍聲益振朝廷遂授節鉞檢校司空時中和元年夏也俄而忠武監軍楊復光率陳蔡之師萬人與重榮合賊將李祥守華州重榮合勢攻之擒祥以徇俄而朱溫以同州降賊既失同華狂躁益熾黃巢自率精兵數萬至梁田坡時重榮軍華陰南楊復光在渭北犄角破賊出其不意大敗賊軍獲其將趙璋巢中流矢而退而重榮之師亡耗殆半懼賊復來深憂之謂復光曰軍雖小捷銳放士失萬一賊黨復來其將何軍以應吾之成敗未可知也復光曰鴈門李僕射與僕家事舊其尊人與僕父兄同患難僕射奮不顧身死義知己儻得李鴈門為援吾事濟矣因遣使傳詔徵兵明年李克用領兵至大敗巢賊收復京城其倡義啟導之功實重榮居首京師平以功檢校太尉同平章事瑒邪郡王光啓元年僖宗還京喪亂之後六軍初復國藏虛竭觀軍容使田令孜奏以安邑解縣兩池權課直屬省司以充贍給舊事河中節度兼權使每年額輸省課重榮累表論列既循往例兼特大功令孜不許奏請移重榮為定州節度制下不奉詔令孜率禁軍攻之屯于沙苑為重榮擊敗之十二月令孜挾天子出幸寶雞太原聞之乃與

重榮入援京師遣使迎駕還宮令孜尤懼却劫幸山南及朱玫立襄王稱制重榮不受命會太原之師於河西以圖與復明年王行瑜殺朱玫傳宗反正重榮之忠力居多重榮用法稍嚴季年尤甚部下常行僞者嘗有所譴罰深銜之光啓三年六月行儒以兵攻府第重榮夜出於城外別墅詰旦為行儒所害行儒乃推重盈為帥重盈既立誅行儒與其黨安集軍民乾寧初重盈卒軍府推行軍司馬王珂為留後重盈子珙時為陝帥瑤為絳州刺史珂即重榮兄重簡子出繼重榮絲是爭為蒲帥瑤珙上章論列又與朱溫書云珂非吾兄弟家之蒼頭也小字蟲兒安得繼嗣珂上章云亡父有與復之功遣使求援於太原太原保薦於朝珙厚結王行瑜李茂貞韓建為援三鎮互相表薦昭宗詔諭之曰吾以太原與重榮有再造之功已俞其奏矣故明年五月茂貞等三人率兵入觀賊害時政請以河中授珙珙瑤連兵攻河中李克用怒出師討三鎮瑤珙兵退克用拔絳州斬瑤乃師於渭北天子以珂為河中節度授以旄鉞仍充供軍糧料使既誅王行瑜克用以女妻之珂親至太原太原令李嗣昭將兵助珂珙珙每戰頻敗珙性慘刻人有踰犯必斬首置於座前言笑自若部下咸苦之因其削弱皆懷離叛光化二年六月部將李瑋殺珙自稱留後光化末朱溫初伏鎮定將圖關輔屬劉季述廢立之際京師倏擾崔胤潛乞師於汴以圖反正溫謂其將張存敬侯言曰王珂恃太原之勢侮慢藩鄰骨肉相殘自大其事爾為我持一繩以縛之存敬等率兵數萬渡河由含山出其不意天復元年正月兵攻晉絳珂將絳州刺史陶建釗晉州刺史張漢瑜既無備即開門降溫令別將何紹守晉州扼其援路二月存敬大軍逼河中珂遣告急於太原晉絳既當兵衝援師不能進珂妻書告太原曰賊勢攻逼朝夕為俘囚乞食大梁大人安忍不救克用曰賊阻前途眾寡不敵救則與爾兩亡可與王郎歸朝廷珂計無從出即謀歸京師又使人告李茂貞曰聖上初返正詔藩鎮無相侵伐同匡王室朱公不顧國家約束卒遣賊臣急攻敝邑則朱公之心可見矣敝邑若亡則同華邠岐非諸君所能保也天子神器拱手而授人矣此自然之勢也公可與華州令公早出精銳固潼關以應敝邑僕自量不武請於公之西偏求為鎮守此

地請公有之。關西安危。國祚延促。繫公此舉也。茂貞不答。珂勢賊將渡河歸京師。人情離合。時河橋毀圯。凌澌礙塞。舟楫難濟。珂族織舟有日。珂夜自慰諭守陣者。默然無應。牙將劉訓夜半至珂寢門。珂叱之曰。兵欲反耶。訓解衣袒臂曰。公苟懷疑。訓請斷臂。珂曰。事勢如何。計將安出。訓曰。若夜出整棹待濟。人必爭舟。苟一夫踴張。其禍莫測。不如俟明旦。以情諭三軍。願從者必半。然後登舟赴關。可以前濟。不然則召諸將校。且為款狀。以緩賊軍。徐圖向背。策之上也。珂然之。即登城謂存敬曰。吾於汴王有家世事。分公宜退舍。俟汴王至。吾自聽命。存敬即日退舍。三月。朱溫自洛陽至。先哭於重榮之墓。悲不自勝。陳辭致祭。蒲人聞之。感悅。珂欲面縛牽羊。以見溫報曰。太師阿舅之恩。何時可忘耶。郎君若以亡國之禮相見。黃泉其謂我何。及珂出迎之於路。握手歎歎。聯轡而入。居半月。以存敬守河中。珂舉家徙于汴。後溫令珂入覲。遣人殺之於華州。傳舍。自重榮初帥河中。傳至珂二十年。

王處存。京兆萬年縣勝業里人。世隸神策軍。為京師富族。財產數百萬。父宗。自軍校累至檢校司空。金吾大將軍。左街使。遙領興元節度。宗善與利。乘時貿易。由是富擬王者。仕宦因賞而貴。侯服玉食。僮奴萬指。處存起家右軍鎮使。累至驍衛將軍。左軍巡使。乾符六年十月。檢校刑部尚書。義武軍節度使。明年。黃巢犯關。傳宗出幸。處存號哭累日。不俟詔命。即率本軍入援。遣二千人間道往山南。衛從軍。駕時李都守河中降賊。會王重榮斬僞使。通使於處存。乃同盟誓師。營於渭北。時巢賊僭號天下。藩鎮多受其僞命。唯鄭畋守鳳翔。鄭從讓守太原。處存王重榮首倡義舉。以招太原。俄而鄭畋破賊前鋒。王鐸自行在至。故諸鎮翻然改圖。以出勤王之師。中和元年四月。涇原行軍唐弘夫敗賊將林言。尚讓軍。乘勝進逼京師。處存自渭北親選驍卒五千。皆以白縹為號。夜入京城。賊已遁去。京師故人見處存。遮道慟哭。大呼塞路。軍人皆釋兵爭據第宅。坊市少年多帶白號雜軍。翌日。賊偵知自灊上。復襲京師。市人以為王師。歡呼迎之。處存為賊所迫。收軍還營。賊怒。召集兩市丁壯七八萬。併殺之。血流成渠。處存家在京師。世受國恩。以賊寇未平。鑾輿出狩。每言及時事。未嘗不喑嗚流涕。諸軍義

之前後。遣使十輩迎李克用。既奕世姻好。特相款昵。洎收京師。王鐸第其功勳。王舉義。處存為之最。收城破賊。克用為之最。以功檢校司空。後又遣大將張公慶率勁兵三千。合諸軍滅賊。巢於泰山。以功檢校司徒。田令孜討王重榮。詔處存為河中節度。處存上章申理。言重榮無罪。有大功於國。不宜輕有除改。以搖藩鎮之心。初。幽鎮兩藩。兵甲彊盛。易定於其間。疲於侵寇。及匡威得志。驕盈恆欲兼并之。賴與太原姻好。每為之援。處存亦睦鄰以禮。優撫軍民。折節下士。人多歸之。以至抗衡列鎮。累加侍中。檢校太尉。乾寧二年九月卒。年六十五。贈太子太師。諡曰忠肅。三軍以河朔舊事。推其子副大使。部為留後。朝廷從而命之。授以旄鉞。尋加檢校司空。同平章事。累至太保。光化三年七月。汴將張存敬進寇幽州。旋入祁溝。部遣馬步都將王處直將兵拒之。為存敬所敗。退營沙河。汴人進擊。營於懷德驛。處直之眾奔撓。城中大恐。十月。部委城攜族奔於太原。太原累表授檢校太尉。天復初卒於晉陽。其弟鄴。克用以女妻之。歷嵐石沔三州刺史。大同軍防禦使。天祐中卒。處直字九明。處存母弟也。初。為定州後院軍都知兵馬使。汴人入寇。處直拒戰不利而退。三軍大譟。推處直為帥。及部出奔。乃權留後事。汴將張存敬攻城。梯衝雲合。處直登城呼曰。敵邑於朝廷。未嘗不忠。於藩鄰。未嘗失禮。不虞君之涉吾地。何也。朱溫遣人報之曰。何以附太原而弱鄰道。處直報曰。吾兄與太原同時立勳。王室地。又親鄰。倘好往來。常道也。請從此改圖。溫許之。仍歸罪於孔目吏梁問。出絹十萬匹。牛酒以犒汴軍。存敬脩盟而退。溫因表授旄鉞。檢校左僕射。天祐元年。加太保。封太原王。後仕僞梁。授北平王。檢校太尉。不數歲。復於莊宗。後十餘年。為其子都廢歸私第。尋卒。年六十。

一。諸葛爽。青州博昌人。役屬縣為伍伯。為令所管。乃棄役。以里謳自給。會龐勛之亂。乃委身為徐卒。累軍功。至小校。官軍討徐。龐勛勢蹙。率百餘人與泗州守將陽羣歸國。累授汝州防禦使。李琢為招討使。討沙陁於雲州。表爽為副。廣明元年。賊陷京師。詔爽率代北行營兵馬。赴難關中。爽軍屯櫟陽。潼關不守。車駕出幸。爽乃降賊。巢以爽為河陽節度使。巢賊敗。復表歸國。進位檢校司徒。時魏博

韓簡軍勢方盛中和元年四月魏人攻河陽大敗爽軍於修武爽棄城遁走簡令大將守河陽乃出師討曹全敗於鄆州十月孟州人復誘爽爽自金商率兵千人復入河陽乃犒勞魏人令趙文珪率之而去十一月爽攻新鄉簡自鄆來逆戰軍於獲嘉西北時簡將引魏人入趨關輔誅除巢孽自有圖王之志三軍屢諫不從偏將樂彥積因衆心搖說激之牙軍奔歸魏州爽軍乘之簡鄉兵八萬大敗奔騰亂死清水爲之不流明年正月簡爲牙軍所殺爽軍由是大振及巢賊將敗爽復歸國爽雖起羣盜既貴之後善於爲理所至法令澄清人無怨歎人士以此多之光啓二年爽卒帳中將劉經張言以爽子仲方爲孟帥俄而蔡賊孫儒率衆攻之城陷於賊仲方歸於汴儒遂據孟州

高駢字千里幽州人祖崇文元和初功臣封南平王自有傳父承明神策虞候駢家世仕禁軍幼而朗拔好爲文多與儒者遊喜言理道兩軍中貴翕然稱重乃廢之勇爵累歷神策都虞候會党項羌叛令率禁兵萬人戍長武城時諸將禦羌無功唯駢伺隙用兵出無不捷懿宗深嘉之西蕃寇邊移鎮秦州尋授秦州刺史本州經略使先是李琢爲安南都護貪於貨賄虐賦夷獠人多怨叛遂結蠻軍合勢攻安南陷之自是累年亟命將帥未能收復五年移駢爲安南都護至則匡合五管之兵期年之內招懷溪洞誅其首惡一戰而蠻卒遁去收復交州郡邑又以廣州饋運艱澁駢視其水路自交至廣多有巨石梗途乃購募工徒作法去之由是舟楫無滯安南儲備不乏至今賴之天子嘉其才遷檢校工部尚書鄆州刺史天平軍節度觀察等使治鄆之政民吏歌之南詔蠻寇構州渡瀘肆掠乃以駢爲成都尹劍南西川節度觀察等使蜀土散惡成都比無垣墉駢乃計每歲完葺之費費之以墁雉雉堞由是完堅傳檄雲南以兵壓境講信修好不敢入寇進位檢校尚書右僕射江陵尹荆南節度觀察等使乾符四年進位檢校司空潤州刺史鎮海軍節度浙江西道觀察等使進封燕國公

時草賊王仙芝陷荆襄宋威率諸道師討逐其衆離散過江表天子以駢前鎮鄆軍民畏服仙芝徒黨鄆人也故授駢京口節鉞以招懷之尋授諸道兵馬都統江淮鹽鐵轉運等使駢令其將張璠梁纘分兵討賊前後累捷降其首領數

十人賊南趨績表天子嘉之六年冬進位檢校司徒揚州大都督府長史淮南節度副大使知節度事兵馬都統鹽鐵轉運使如故駢至淮南繕完城壘招募軍旅土客之軍七萬乃傳檄徵天下兵威望大振朝廷深倚賴之進位檢校太尉同平章事既而黃巢賊合仙芝殘黨復陷湖南浙西州郡衆號百萬巢據廣州求天平節鉞朝廷議欲以南海節鉞授之宰相盧攜與駢素善以駢前在浙西已立討賊之功今方集諸道之師於淮甸不宜捨賊以弱士心鄭畋議且宜假賊方鎮以紓難二人爭論於朝以言詞不遜由是兩罷之駢方持兵柄聞朝議異同心頗不平之廣明元年夏黃巢之黨自嶺表北趨江淮由採石渡江張璠勒兵天長欲擊之駢怨朝議有不附己者欲賊縱橫河洛令朝廷聳振則從而誅之大將畢師鐸曰妖賊百萬所經鎮戍若蹈無人之境今朝廷所恃者都統破賊要害之地唯江淮爲首彼衆我寡若不據津要以擊之俾北渡長淮何以扼束中原陷覆必矣駢駭然曰君言是也即令出軍有愛將呂用之者以左

道媚駢駢頗用其言用之懼師鐸等立功即奪己權從容謂駢曰相公勳業高矣妖賊未殄朝廷已有間言賊若盪平則威望震主功居不賞公安稅駕耶爲公良畫莫若觀變自求多福駢深然之乃止諸將但握兵保境而已其年冬賊陷河洛中使促駢討賊冠蓋相望駢終逗撓不行既而兩京覆沒盧攜死駢大聞軍師欲兼并兩浙爲孫策三分之計天子在蜀亟命出師中和二年五月雉雉於揚州廡舍占者云野鳥入室軍府將空駢心惡之其月盡出兵於東塘結壘而處每日教閱如赴難之勢仍與浙西周寶書請同入援京師寶大喜即點

關將赴之遣人偵之知其非實駢在東塘凡百日復還廣慶蓋覆雉之異也傳宗知駢無赴難意乃以宰臣王鐸爲京城四面諸道行營兵馬都統崔安潛副之韋昭度領江淮鹽鐵轉運使增駢階爵使務並停駢既失兵柄又落利權攜袂大詬累上章論列語詞不遜其末章曰臣伏奉詔命令臣自省更勿依違者臣仰天訴地血淚交流如劍戟攢心若湯火在己只如黃巢大寇圍逼天長小城四旬有餘竟至敗走臣散徵諸道兵甲盡出家財賞給而諸道多不發兵財物卽爲己有縱然遣使徵得勅旨不許過淮其時黃巢殘兇纒及二萬經過

數千里軍鎮盡若無人只如潼關已東止有一徑其為險固甚於井陘豈有狂寇奔衝略無阻礙即百二之地固是虛言神策六軍此時安在陛下蒼黃西出內官奔命東來黎庶盡被殺傷衣冠悉遭屠戮今則圍陵開毀宗廟荆榛遠近痛傷遐邇嗟怨雖然姦臣未悟陛下猶迷不思宗廟之焚燒不痛園陵之開毀臣之痛也實在於斯此事見之多年不獨知於今日況自崔蒲盜起朝廷徵用至多上至帥臣下及裨將以臣所料悉可坐擒用此為謀安能辦事陛下今用王鐸盡主兵權誠知狂寇必殲巢巢即覆臣讀禮至宣尼射於矍相之圃蓋觀者如堵牆使子路出延射曰潰軍之將亡國之大夫與為人後者不入於射也嚴誠如斯圖功也豈宜容易陛下安忍委敗軍之將陷一儒臣崔安潛到處貪殘只如西川可為驗矣委之副貳詎可平戎況天下兵驕在處僭越豈二儒士能戢彊兵萬一乖張將何救助願陛下下念黎庶上為宗祀無使百代有抱恨之臣千古留刮席之恥臣但慮寇生東土劉氏復興即軼道之災豈獨往日乞陛下稍留神慮以安宗社今賢才在野儉人滿朝致陛下為土國之君此等計將安出伏乞戮賣官鬻爵之輩徵鯁直公正之臣委之重難置之左右剋復宮闕莫尚於斯若此時謗排忠臣沉埋烈士匡復宗社未見有期臣受國恩深不覺語切無任憂懼之至詔報駢曰省表具悉卿一門忠孝三代勳庸銘於景鍾煥在青史卿承祖父之訓襲弓冶之基起自禁軍從微至著始則囊錐露穎稍

以春初入朝遂命上相親領師徒因落卿都統之名固亦不乖事例仍加封賞貴表優恩何迺疑忿太深指陳過當移時省讀深用震嗟聊舉諸條相申報復卿表云自是陛下不用微臣固非微臣有負陛下者朕拔卿汶上超領劍南荆潤維揚聯居四鎮縮利則牢益在手主兵則都統當權直至京北京南神策諸鎮悉在指揮之下可知董制之雄而乃貴作司徒榮為太尉以為不用何名為用乎卿又云若欲俯念舊勳佇觀後效何不以王鐸權位與臣主持必能糾率諸侯誅鋤羣盜者朕緣久付卿兵柄不能翦滅元兇自天長漏網過淮不出一兵襲逐奄殘元國首尾三年廣陵之師未離封部忠臣積望勇士興譏所以擢用元臣誅夷巨寇心期魏武便掃機槍卿初委張璠請放却諸道兵士辛勤召置容易放還璠果敗亡巢益顛越卿前年初夏逞發神機與京中朝貴書題云得靈仙教導芒種之後賊必蕩平尋聞圍逼天長必謂死在卿手豈知魚跳鼎釜狐脫網羅遽過長淮竟為大憨都統既不能禦邊諸將更何以枝梧果致連犯關河繼繼都邑從來倚仗之意一旦控告無門凝睇東南惟增悽惻及朕蒙塵入蜀宗廟汚於賊庭天下人心無不雪涕既知曆數猶在詭譎未移則懷忠扼怒之臣貯救難除姦之志便須果決安可因循況恩厚者其報深位重者其心急此際天下義舉皆望淮海率先豈知近輔儒臣先為首唱而窮邊勇將著志平戎關東寂寥不見干羽洎乎初秋覽表方云仲夏發兵便詔軍前并移汶上喜聞兵勢渴見旌幢尋稱宣潤阻難難從天討謝玄破符堅於淝水裴度平元濟於淮西未必儒臣不如武將卿又云若不斥逐邪佞親近忠良臣既不能保家陛下豈能安國忽當今日棄若寒灰者未委誰是忠良誰為邪佞終日寵榮富貴何嘗不保其家無人扞禦寇戎所以不安其國豈有位兼將相使帶銅鹽自謂寒灰真同浪語卿又云不痛園陵之開毀不念宗廟之焚燒臣實痛之實在茲也且龜玉毀於櫝中誰之過也鯨鯢漏於網外抑有其由卿手握彊兵身居大鎮不能遮圍擒戮致令脫漏猖狂雖則上繫天時抑亦由人事朕自到西蜀不離一室之中屏棄笙歌杜絕遊獵蔬食適口布服被身焚香以望園陵雪涕以思宗廟省躬罪己不敢違安姦臣未悟之言誰人肯忍陛下猶迷之

語朕不敢當卿又云自來所用將帥上至帥臣下及裨將以臣所料悉可坐擒用此爲謀安能集事者且十室之邑猶有忠信天下至大豈無英雄况守固城池悉嚴兵甲縱非盡美安得平欺卿尚不能縛黃巢於天長安能坐擒諸將只如拓拔思恭諸葛瓌輩安能坐擒耶勿務大言不堪垂訓卿又云王鐸是敗軍之將兼徵引曩相射義者昔曹沫三敗終復魯魯孟明再奔竟雪秦恥近代汾陽尚父威軍太師亦曾不利鼓擊尋則功成鍾鼎安知王鐸不立大勳卿又云無使百代有抱恨之臣千古留刮席之恥但慮寇生東土劉氏復興即取道之災豈獨往日者我國家景祚方遠天命未窮海內人心尙樂唐德朕不荒酒色不虧刑名不結怨於生靈不貪財於高縣自知運曆必促延洪況巡省已來積祥薦降西蜀半年之內聲名又以備全塞北日南悉來朝貢黔憂善聞並至梯航但慮天寶建中未如今日清宮復國必有近期卿云劉氏復興不知誰爲其首遽言刮席之恥比朕於劉盆子耶仍憂取道之災方朕於秦子嬰也雖稱直行何太罔誣三復斯言尤深駭異卿又云賢才在野憐人滿朝致陛下爲亡國之君此子等計將安出伏乞戮賣官鬻爵之輩徵鯁直公正之臣者且唐虞之世未必盡是忠良今巖野之間安得不遺賢彥朕每令銓擇亦遣訪求其於選將料兵安人救物但屬收復之業講求理化之基自有長才同匡大計賣官鬻爵之士中外必不有之勿聽狂辭以資游說且朕遠違宮闕寄寓巴邛所失恩者甚多尙不與怨卿落一都統何足介懷況天步未傾皇綱尙整三靈不昧百度猶存但守君臣之軌儀正上下之名分宜遵教約未可驕凌朕雖沖人安得輕侮但以知卿歲久許卿分深貴存終始之恩勿貯猜嫌之慮所宜深省無更過言駢始以兵權欲臨藩鎮吞併江南一朝失之威望頓減陰謀自阻故累表堅論欲其復故明年四月王鐸與諸道之師敗賊關中收復京城駢聞之悔恨萬狀而部下多叛計無所出乃託求神仙屏絕戎政軍中可否取決於呂用之光啓初僖宗再幸山南李煜僭號僞授駢中書令諸道兵馬都統江淮鹽鐵轉運等使駢方想望而甘於僞署稱藩納賄不絕於途宴安自得日以神仙爲事呂用之又薦暨工諸葛殷張守一有長年之術駢並署爲牙將於府第別建道

院院有迎仙樓延和閣高八十尺飾以珠璣金鈿侍女數百皆羽衣霓服和聲度曲擬之鈞天日與用之殷守一三人授道家法錄談論於其間賓佐罕見其面府第有隋煬帝所造門屋數間俗號中書門最爲宏壯光啓元年無故自壞明年淮南饑蝗自西來行而不飛烽火綠城而入府第道院竹木一夕如藁經像禮節皆蓄去其首撲之不能止旬日之內蝗自食噉而盡其年九月兩魚是月十日夜大星隕于延和閣前其聲如雷火光燦地自二年十一月兩雪陰晦至三年二月不解比歲不稔食物踊貴道種相望饑餓蔽地是月浙西周寶爲三軍所逐駢喜以爲妖異當之三月蔡賊過淮口駢令畢師鐸出軍禦之師鐸與高郵鎮將張神劍鄭漢璋等率行營兵反攻揚州四月城陷師鐸囚駢於道院召宣州觀察使秦彥爲廣陵帥既而蔡賊揚行密自壽州率兵三萬乘虛攻城城中米粟五十千餓死大半駢家屬並在道院秦彥供給甚薄薪蒸亦闕奴僕徹延和閣欄檻衰草帶食之互相篡咬駢召從事盧況謂之曰予三朝爲國粗立功名比擺脫塵埃自求清淨非與人世爭利一旦至此神道其何望耶掩涕不能已初師鐸之入城也愛將申及謂駢曰逆黨人數不多即日弛於防禁願奉令公潛出廣陵依投支郡以圖雪恥賊不足平也若持疑不決及旦夕不得在公左右駢怯懼不能行其謀九月師鐸出城戰敗慮駢爲賊內應又有尼奉仙自言通神謂師鐸曰揚府災當有大人死應之自此善也秦彥曰大人非高令公耶即令師鐸以兵攻道院侍者白駢曰有賊攻門曰此秦彥來整衣候之俄而亂卒升階曳駢數之曰公上負天子恩下陷揚州民淮南塗炭公之罪也駢未暇言首已墮地矣駢既死左右奴客踰垣而遁入行密軍行密聞之舉軍縞素繞城大哭者竟日仍焚紙奠酒信宿不已駢與兒姪死於道院都一坎瘞之裹之以氈行密入城以駢孫俞爲判官令主喪事葬送未行而俞卒後故吏曠師虔收葬之初師鐸入城呂用之張守一出奔揚行密詐言所居有金行密入城掘其家地下得銅人長三尺餘身被桎梏釘其心刻高駢二字於胸蓋以魅道厭勝蠱惑其心以至族滅

畢師鐸者曹州冤胸人乾符初與里人王仙芝嘯聚爲盜相與陷曹鄆荆襄師

鐸善騎射其徒目為鷄子仙芝死來降高駢初敗黃巢於浙西皆師鐸梁繼之効也頗寵待之駢末年惑於呂用之舊將俞公楚姚歸禮皆為用之謀構見殺師鐸意不自安有愛妾復為用之所奪光啓三年三月蔡賊楊行密逼淮口駢令師鐸率三百騎戍高郵戍將張神劍亦怒用之兩人謀自安之計用之伺知亟請召還師鐸母在廣陵遣信令師鐸遁去或謂師鐸曰請殺神劍併高郵之兵趨府令公必殺用之為解又曰不如投徐州則身存而家保師鐸曰非計也呂用之誑惑主帥塗炭生民七八年來鬼怨人怒今日之事安知天不假手誅妖亂而康淮甸耶又曰鄭漢璋是我歸順時副使常切齒於用之今率精兵在淮口聞吾此舉即樂從也乃趨淮口與漢璋合得兵千人又相與至高郵問計於張神劍神劍曰公見事晚耶用之一妖物耳前受襄王偽命作鎮廣州遲留不行志圖淮海節鎮令公已奪其魄彼一旦成事焉能北面事妖物耶即割臂血為盟推師鐸為盟主稱大丞相移檄郡縣以誅用之守一殿為名乃署其卒長唐宏王朗駱玄真倪詳述本趙簡等分董其卒三千人四月趨廣陵營於大明寺揚州大駭呂用之分兵城守高駢登延和閣聞鼓譟聲怪之用之曰師鐸兵士迴戈止遏不得適已隨宜處置公幸勿憂苟不聽徒勞玄女一符耳師鐸陳兵數日用之屢出戰師鐸憂其不尅求救于宣州秦彥曰苟得廣陵則迎公為帥彥牙將秦稠率兵三千助之師鐸門客畢慕顏自城中出曰人心已離破之必矣秦稠軍至兵威漸振駢聞甚憂謂用之曰吾以心腹仗爾不能駕馭此輩悞我何多百姓遭罹飢饉不可虛用吾自枉手札喻師鐸可令大將一人自行用之即以其黨許截送駢書師鐸怒曰梁繼韓問何在令爾來耶即斬之

用之選勁兵自衛一日至道院駢叱去之乃令猶子傑握牙兵令師鐸母作書遣大將古錡與師鐸子出城喻之師鐸令子還白曰不敢負公恩德正為淮南除弊但斬用之守一即日退還高郵秦稠攻西南隅城中應之即日城陷呂用之由參佐門遁走駢聞師鐸至改服俟之與師鐸交拜如賓主之儀即日署為節度副使漢璋神劍皆署職事秦稠點閱府庫監守之仍密召彥於宣州或謂師鐸曰公昨舉兵誅二妖物故人情樂從今軍府已安以事理論之公宜還

政高公自典兵馬戎權在手取捨自由藩鄰聞之不失大義議者皆言秦稠破城之日已召秦彥彥若為帥兵權非足下有也公感其援但以金玉報之阻其渡江最為上策若秦彥作帥則楊行密朝聞夕至如高令復帥外寇必自卷懷師鐸猶豫未決而秦彥軍至五月彥為節度使署師鐸為行軍司馬移居牙外心頗不悅是月楊行密引軍攻揚州彥兵拒戰繼敗八月師鐸與鄭漢璋出軍萬人擊行密皆大敗而還自是不復出九月師鐸殺高駢十月秦彥師鐸突圍而遁十一月秦彥師鐸引蔡賊孫儒之兵三萬圍揚州行密求救于汴朱全忠遣大將李璠率師淮口以為聲援孫儒以廣陵未下而汴卒來又慮秦彥師鐸異志四年正月孫儒斬秦彥師鐸于高郵之南鄭漢璋亦死焉

秦彥者徐州人本名立為卒隸徐州乾符中坐盜繫獄將死夢人謂之曰爾可隨我及寤械破乃得逸去因改名彥乃聚徒百人殺下邳令取其資裝入黃巢軍巢兵敗於淮南乃與許勳俱降高駢累奏授和州刺史中和二年宣歙觀察使竇滂病彥以兵襲取之遂代滂為觀察使朝廷因而命之光啓三年揚州牙將畢師鐸因其帥高駢懼外寇來侵乃迎彥為帥彥召池州刺史趙錕知宣州事自率衆入揚州師鐸推彥為帥五月壽州刺史楊行密率兵攻彥遣其將張神劍令統兵屯灣頭山光寺行密屯大雲寺北跨長崗前臨大道自揚子江北至槐家橋柵壘相聯秦彥登城望之懼形於色令秦稠師鐸率勁卒八千出關為行密所掩盡沒稠死之彥急求援於蘇州刺史張雄雄率兵赴之屯于東塘重圍半年城中芻糧盡盡草根木實市肆藥物皮囊草帶食之亦盡外軍掠人而賣人五十千死者十六七縱存者鬼形為面氣息奄奄然張雄多軍糧相約交市中以寶貝市米金一斤通犀帶一得米五升雄軍得貨不戰而去九月畢師鐸出戰又敗自是日與秦彥相對嗟惋問神尼奉仙何以獲濟尼曰走為上計也十月彥與師鐸突圍投孫儒並為所殺江淮之間廣陵大鎮富甲天下自師鐸秦彥之後孫儒行密繼踵相攻四五年間連兵不息廬舍焚蕩民戶喪亡廣陵之雄富掃地矣

時溥彭城人徐之牙將黃巢據長安詔徵天下兵進討中和二年武寧軍節度

使支詳遣溥與副將陳璠率師五千赴難行至河陰軍亂剽河陰縣溥召合撫諭其衆復集懼罪屯于境上詳遣人迎橋悉怒之溥乃移軍向徐州既入軍人大呼推溥爲留後送詳於大彭館溥大出資裝遣陳璠援詳歸京詳宿七里亭其夜爲璠所殺舉家屠害溥以璠爲宿州刺史竟以違命殺詳溥誅璠又令別將帥軍三千赴難京師天子還宮授之節鉞及黃巢攻陳州秦宗權據蔡州與賊連結徐蔡相近溥出師討之軍鋒益盛每戰屢捷黃巢之敗也其將尙讓以數千人降溥後林言又斬黃巢首歸徐州時溥功居第一詔授檢校太尉中書令鉅鹿郡王宗權未平仍授溥徐州行營兵馬都統蔡賊平朱全忠與之爭功遂相嫌怨淮南亂朝廷以全忠遙領淮南節度以平孫儒行密之亂汴人應援路出徐方溥阻之全忠怒出師攻徐自光啓至大順六七年間汴軍四集徐泗三郡民無耕稼頻歲水災人喪十六七溥窘蹙求和于汴全忠曰移鎮則可然之朝廷以尙書劉崇望代溥以溥爲太子太師溥懼出城見害不受代汴將龐師古陳兵于野溥求援于兗州朱瑾出兵救之值大雪糧盡而還城中守陣者飢甚加之病疫汴將王重師牛存節夜乘梯而入溥與妻子登樓自焚而卒景福二年四月也地入于汴

朱瑄宋州人父慶盜鹽抵法瑄逃於青州爲王敬武牙卒中和初黃巢據長安詔徵天下兵敬武遣牙將曹全最率兵三千赴難關西以瑄爲軍候會青州警急敬武召全最還路由鄆州時鄆帥薛崇爲草賊王仙芝所殺鄆將崔君裕權知州事全最知其兵寡襲殺君裕據有鄆州自稱留後以瑄有功署爲濮州刺史留將牙軍光啓初魏博韓勣兼并曹鄆以兵濟河收鄆全最出兵逆戰爲魏軍所敗全最死之瑄收合殘卒保州城韓勣攻圍半年不能拔會魏軍亂退去朝廷嘉之授以節鉞時瑄有衆三萬其弟瑾勇冠三軍有爭天下之心秦宗權之威也屢侵鄆汴朱全忠爲賊所攻甚窘求救於瑄瑄令朱瑾出師援之擊敗秦宗權全忠乃與瑄情極隆厚全忠校誦翻覆虎視藩鄰會宗權誅乃急攻徐州時溥求援于瑄瑄與全忠書請釋溥倚好僞許之瑄以恩及全忠遣使讓之又令朱瑾出軍援溥及徐泗平全忠乃移兵攻鄆三四年間每春秋入其境

剽掠人不得耕織民爲俘者十五六瑄僉備殫竭景福末與弟瑾合兩鎮之兵與汴人大戰于魚山下瑄瑾俱敗兵士陷沒汴將朱友裕以長墜圍之乾寧四年正月城中食竭瑄與妻榮氏出奔至中都爲野人所害傳首汴州榮氏至汴州爲尼朱瑾瑄之母弟驍果善戰初乾符末朝廷以將軍齊克讓爲兗州節度瑄將襲取之乃求婚於克讓及親迎瑾選勇士衛從禮會之夜竊發逐克讓遂據城稱留後朝廷不獲已以節鉞授之及朱瑄平汴人移兵攻克經年食盡瑾出城求食比還爲別將所拒不得入乃渡淮依楊行密行密寵待之用爲壽州刺史大敗汴軍于清口自此全忠不敢以兵渡淮瑾楊溥時謀亂爲徐知訓所殺

史臣曰疾風知勁草世亂見忠臣誠哉是言也土運中微賊巢僭越藩伯勳王赴難者率有聲而無實唯重榮斬賊使於近關處存舉義師於安喜橫身泣赴不顧禍患遂得義徒雲合逆黨勢窮宜乎服冕乘軒傳家胙土而重榮傷於峻法嚴而少恩禍發輿臺誠悲枉橫高駢起家禁旅頗立功名玩寇崇妖致茲狼籍後來勳德可誠前車瑄溥不以善取固宜凶終瑾持此狠心安逃虎口王綱之素羣盜及茲復何言哉

贊曰王者撫運居安慮危不以德處卽爲盜關乾坤盪覆生聚流離讀駢章疏可爲涕洟

舊唐書卷一百八十二

大夫代韋安石為尚書左僕射監脩國史賜爵魏國公睿宗為金仙玉真二公主創立兩觀料功甚多時議皆以為不可唯懷貞贊成其事躬自監役懷貞族弟管司直維縉謂懷貞曰兄位極台衮當思獻可替否以輔明主奈何校量瓦木廁跡工匠之間欲令海內何所瞻仰也懷貞不能對而監作如故時人為之語曰竇僕射前為韋氏國奢後作公主邑丞言懷貞伏事公主同於邑官也

先天二年太平公主逆謀事洩懷貞懼罪投水而死追戮其屍改姓毒氏德明族弟孝謹孝謹刑部尚書誕之子昭成順聖皇后父也則天時歷太常少卿潤州刺史長壽二年後母龐氏被酷吏所陷誣與后呪詛不道孝謹左遷羅州司馬而卒子希城希球希瓏並流嶺南神龍初隨例雪免景雲年追贈孝謹太尉邠國公希城襲爵玄宗即位加贈孝謹太保希球等以舅氏甚見優寵希城累遷太子少傅邠國公尋卒希球官至太子賓客封冀國公開元二十七年卒及卒諡曰靖希瓏初賜爵畢國公後改名瓏初為左散騎常侍及希球卒因授開府儀同三司玄宗以早失太后尤重外家瓏兄弟三人皆國公食實封瓏子鐸又尚玄宗女永昌長公主恩寵賜資實為厚矣而兄弟皆貪鄙過自封植瓏又甚之天寶七年有竇勳潛交巫祝勳犯法瓏坐信其詭說被停官放歸田園尋以尊老又授開府儀同三司依舊朝會十三載十二月卒玄宗哭於行在贈司徒財貨鉅萬瓏從父弟維縉好學以撰著為業時宗族咸以外戚崇飾與馬維縉獨清儉自守中書令張說黃門侍郎盧藏用給事中裴子餘皆與之親善官至水部郎中卒撰吉凶禮要二十卷行於代

長孫敵文德順聖皇后之叔父也任隋為左衛郎將煬帝幸江都留敵守京城禁苑及義旗入關率子弟迎謁於新豐從平京城以功除將作少監出為杞州刺史貞觀初坐贓免太宗以後親常令內給絹以供私費尋拜宗正少卿致仕加金紫光祿大夫累封平原郡公卒贈幽州都督諡曰貞陪葬昭陵敵從父弟操周大司徒薛國公覽之子也武德中為陝東道行臺金部郎中出為陝州刺史自州東引水入城以代井汲百姓于今利之貞觀中歷洛州刺史益揚二州都督府長史並有善政二十三年以子詮尚太宗女新城公主拜岐州刺史永

徽初加金紫光祿大夫賜爵樂壽男尋卒贈吏部尚書并州都督諡曰安詮官至尚衣奉御詮即侍中韓瑗妻弟也及瑗得罪事連於詮滅死配流嶺州詮至流所縣令希旨杖殺之詮之甥有趙持滿者工書善射力搏猛獸捷及奔馬而親仁愛衆多所交結京師無貴賤皆愛慕之初為涼州長史嘗逐野馬自後射之無不洞于胸腋邊人深伏之許敬宗懼其作難誣與詮及無忌同反及拷訊終無異詞且曰身可殺辭不可奪吏竟代為款以殺之

武承嗣荊州都督士驍之孫則天順聖皇后兄子也初士驍娶相里氏生元慶元爽又娶楊氏生三女長適越王府功曹賀蘭越石次則天次適郭氏士驍卒後兄子惟良懷運及元爽等遇楊氏失禮及則天立為皇后追贈士驍為司徒周忠孝王封楊氏代國夫人賀蘭越石早卒封其妻為韓國夫人尋又加贈士驍為太尉楊氏改封為榮國夫人時元慶仕為宗正少卿元爽為少府少監惟良為衛尉少卿榮國夫人恨其驕日薄己諷皇后抗疏請出元慶等為外職惟良為退讓其實惡之也是元慶為龍州刺史元爽為濠州刺史惟良為始州刺史元慶至州病卒元爽自濠州又配流振州而死乾封年惟良與弟淄州刺史懷運以岳牧例集於泰山之下時韓國夫人女賀蘭氏在宮中頗承恩寵則天意欲除之諷高宗幸其母宅因惟良等獻食則天密令人以毒藥貯賀蘭氏食中賀蘭氏食之暴卒歸罪於惟良懷運乃誅之仍諷百寮抗表請改其姓為虬氏絕其屬籍元爽等緣坐配流嶺外而死乃以韓國夫人之子敏之為士驍嗣改姓武氏累拜左侍極蘭臺太史襲爵周國公仍令鳩集學士李嗣真吳兢之徒於蘭臺刊正經史并著撰傳記敏之既年少色美悉於榮國夫人恃寵多愆犯則天頗不悅之咸亨二年榮國夫人卒則天出內大瑞錦令敏之造佛像追福敏之自隱用之又司衛少卿楊思儉女有殊色高宗及則天自選以為太子妃咸有定日矣敏之又逼而淫焉及在榮國服內私釋衰絰著吉服奏妓樂時

太平公主尚幼往來榮國之家宮人侍行又嘗為敏之所逼俄而姦汙事發配流雷州行至韶州以馬輻自縊而死承嗣元爽子也敏之死後自嶺南召還拜尚衣奉御襲祖爵周國公俄遷秘書監則天臨朝追尊士驍為忠孝太皇置崇

都督府長史並有善政二十三年以子詮尚太宗女新城公主拜岐州刺史永

徽初加金紫光祿大夫賜爵樂壽男尋卒贈吏部尚書并州都督諡曰安詮官至尚衣奉御詮即侍中韓瑗妻弟也及瑗得罪事連於詮滅死配流嶺州詮至流所縣令希旨杖殺之詮之甥有趙持滿者工書善射力搏猛獸捷及奔馬而親仁愛衆多所交結京師無貴賤皆愛慕之初為涼州長史嘗逐野馬自後射之無不洞于胸腋邊人深伏之許敬宗懼其作難誣與詮及無忌同反及拷訊終無異詞且曰身可殺辭不可奪吏竟代為款以殺之

先府官屬五代祖已下皆爲王嗣聖元年以承嗣爲禮部尙書尋除太常卿同中書門下三品垂拱中轉春官尙書依舊知政事載初元年代蘇良嗣爲文昌左相同鳳閣鸞臺三品兼知內史事天授元年於東都創置武氏七廟追尊周文王爲始祖文皇帝王子武爲睿祖康皇帝云武氏之先也后五代祖贈太原靖王居常爲嚴祖成皇帝高祖贈趙肅恭王克己爲肅祖章敬皇帝曾祖贈魏康王儉爲烈祖昭安皇帝祖贈周安成王華爲顯祖文穆皇帝考忠孝太宗爲太祖孝明高皇帝妣皆隨帝號曰皇后元慶爲梁憲王元爽爲魏德王又追封伯父及兄弟俱爲王諸姑姊爲長公主於是封承嗣爲魏王元慶子夏官尙書三思爲梁王后從父兄子納言攸寧爲建昌王太子通事舍人攸歸爲九江王司禮卿重規爲高平王左衛親府中郎將載德爲潁川王右衛將軍攸暨爲千乘王司農卿懿宗爲河內王左千牛中郎將嗣宗爲臨川王右衛勳二府中郎將攸宜爲建安王尙乘直長攸望爲會稽王太子通事舍人攸緒爲安平王攸止爲恆安王又封承嗣男延基爲南陽王延秀爲淮陽王三思男崇訓爲高陽王崇烈爲新安王后兄子贈陳王承業男延暉爲嗣陳王延祚爲咸安王承嗣嘗諷則天革命盡誅皇室諸王及公卿中不附己者承嗣從父第三思又感贊其計天下于今冤之俄又賜承嗣實封千戶仍監修國史承嗣自爲次當爲皇儲令鳳閣舍人張嘉福諷諭百姓抗表陳請則天竟不許如意元年授特進尋拜太子太保罷知政事承嗣以不得立爲皇太子怏怏而卒贈太尉并州牧諡曰宣子延基襲爵則天避其父名封爲繼魏王尋與其妻永泰郡主及懿德太子等語及張易之兄弟出入宮中恐有不利後忿爭不協洩之則天聞而大怒咸令自殺復以承嗣次子延義爲繼魏王中宗即位侍中敬暉等以唐室中興武氏諸王宜削其王爵乃率羣官上表曰臣聞神器者天下之至公必歸乎有德皇極者域中之大寶必順乎天命歷考前古詳觀帝業皆不並與莫有二主故三皇氏沒而五帝氏興夏商氏衰而周漢氏作何則帝王之曆數必應乎五行水盛則火衰木衰則金盛天地之運也合乎四時春往則夏來暑退則寒集則知五行之數也帝王不可違違之則宗社不安生人不理四時之序天地不

能變變之則霜露不均水旱交錯自有隋失御海內崩離天曆之重歸于唐室萬方樂業荷撥亂之功三聖重光布生成之德可謂有功於四海有德於蒸人自弘道遏密生靈降禍百辟哀號如喪考妣則天后臨御帝圖明目達聰躬親庶績則有譏邪凶孽誣惑教德構害宗枝誅夷殆盡英藩賢戚百不一存餘類在者投竄荒裔冤酷人神感傷天地忠臣義士實所痛心自天授之際時稱改革武家子姪咸樹封建十餘年間實亦榮極于時唐室藩屏豈得並封故知事有升降時使然也今則天皇帝厭倦萬機神器大寶重歸陛下百姓謳歌欣復唐業上至卿士下及蒼生黃髮之倫童兒之輩莫不歡欣舞抃如見父母豈不以唐家恩德感幽祇之心陛下仁明順天下之望今皇業重構聖祚中興神祇之道有助於先德矣黎人之誠無負於陛下矣臣又聞之業不兩成事不兩大故天無二日土無二王前聖之格言先哲之明誠自皇明反正天命惟新武家諸王封建依舊生者既加茅土死者仍追賦邑萬姓失望卿士寒心何則開關已來罕有斯理帝王之道實無此法陛下縱欲開恩以行私惠豈可違五行之曆數乎乖四時之寒暑乎又海內衆情朝廷竊議爲武氏諸王身計亦適將有損何則處之未得其所居之實恐不安陛下雖欲寵之翻乃陷之不遵古典故也且唐曆有歸周命已去爵重則難保祿薄則易全又則天皇帝親政之時武氏諸王亦分外職今居京輦不降舊封天下之心竊將不可陛下縱欲敦崇外戚曲流恩貸奈宗廟社稷之計何奈卿士黎庶之議何伏願陛下爲社稷之遠圖割私情之小愛內崇經邦之要外順遐邇之心豈不固宗社之基允人靈之願則陛下巍巍之業實三光而洞九泉親親之義上有倫而下有序臣特承榮寵恩竭丹赤既爲唐臣實爲唐計伏乞聖慈俯垂矜納中書舍人岑義之詞也上答曰朕嘗因暇景博覽前修帝籍皇圖略稽其迹至若二靈筆判三才筆興驪連粟陸之辰尊盧大庭之日時猶朴略未著圖書洵乎出震應期畫八卦而成象爰皇御曆播百穀以興農車服創於軒轅之朝曆象建於唐堯之代封建之事闕爾無聞自周漢已來方崇藩屏至於三微夏王五運迭興以古揆今事迹有爽比者別宗撫曆異姓與邦伏以則天大聖皇帝內輔外臨將五十載

在朕躬則為慈母於士庶即是明君往者垂拱之中嗣皇臨政當此之際魯衛
 並存及乎全節與妖頑構逆災連七國豐結三監既行大義之懷遂有泣誅
 之事周唐革命蓋為從權子姪封王國之常典卿等表云天授之際武家封建
 唐家藩屏豈得並封者至如千里一房不預逆謀還依姓李無改舊惠豈非善
 惡區分申明逆順矣今以聖上乖豫高枕怡神委政朕躬纂承丕緒昨者二月
 之首攸暨等屢請削封朕獨斷德懷不依來請昔漢祖以布衣取天下猶封異
 姓為王況朕以累聖開基豈可削封外族羣公等以天無二日土無二王抗表
 紫庭用申丹懇者然以賞罰之典經國大綱攸暨三思皆悉預告凶豎雖不親
 冒白刃而亦早獻丹誠今若却除舊封便慮有功難勸於是降封梁王三思為
 德靜郡王量減實封二百戶定王嗣馬都尉攸暨為樂壽郡王河內郡王懿宗
 為耿國公建昌郡王攸寧為江國公會稽郡王攸望為鄴國公臨川郡王嗣宗
 為管國公建安郡王攸宜為息國公高平郡王重規為鄆國公繼魏王延義為
 魏國公安平郡王攸緒為巢國公高陽郡王嗣馬都尉崇訓為鄴國公淮陽郡
 王延秀為栢國公咸安郡王延祚為咸安郡公中宗時嗣宗至曹州刺史攸宜
 工部尚書重規岐州刺史相次病卒攸望至太常卿左遷春州司馬而死延秀
 伏誅後武氏宗屬緣坐誅死及配流殆將盡矣先天二年制削士獲帝號依舊
 追贈太原王妻楊氏亦削后號依舊為太原王妃延秀承嗣第二子也則天時
 突厥默啜上言有女請和親制延秀與聞知微俱往突厥將親迎默啜女為妻
 既而默啜執知微入寇趙定等州故延秀久不得還神龍初默啜更請通和先
 令延秀送款始得歸封桓國公又授左衛中郎將時武崇訓為安樂公主婿即
 延秀從父兄數引至主第延秀久在蕃中解突厥語常於主第延秀唱突厥歌
 作胡旋舞有姿媚主甚喜之及崇訓死延秀得幸遂尚公主主章后所生男女
 中最小中宗遷於房州欲達州境生於路次性惠敏容質秀絕中宗章后愛
 寵日深恣其所欲奏請無不允許特寵橫縱權傾天下自王侯宰相已下除拜
 多出其門所營第宅并造安樂佛寺擬於宮掖巧妙過之令楊務廉於城西造
 定昆池於其莊延表數里出降之時以皇后仗發於宮中中宗與章后御安福

門觀之燈燭供擬徹明如晝延秀拜席日授太常卿兼右衛將軍嗣馬都尉改
 封恆國公實封五百戶廢休祿宅於金城坊造宅窮極壯麗貯藏為之空竭崇
 訓子數歲因加金紫光祿大夫太常卿同正員左衛將軍封歸國公賜實封五
 百戶以嗣其父公主產男滿月中宗章后幸其第就第放赦遣宰臣李嶠文士
 宋之問沈佺期張說閻朝隱等數百人賦詩美之延秀既恃恩放縱無所忌憚
 又公主府倉曹符鳳知延秀有不臣之心遂說曰今天下蒼生猶以武氏為念
 大周必可再興按讖書云黑衣神孫披天裳駙馬即神皇之孫也每勸令著早
 襖子以應之及韋庶人敗延秀與公主在內宅格戰良久皆斬之後追貶為悖
 逆庶人三思元慶子也少以后族累轉右衛將軍則天臨朝擢拜夏官尚書及
 革命封梁王賜實封一千戶尋拜天官尚書證聖元年轉春官尚書監修國史
 聖曆元年檢校內史二年進拜特進太子賓客仍並依舊監修國史三思略涉
 文史性傾巧便僻善事人由是特蒙信任則天數幸其第賞賜甚厚時薛懷義
 張易之昌宗皆承恩顧三思與承嗣每折節事之懷義欲乘馬承嗣三思必為
 之執轡又贈昌宗詩感稱昌宗才貌是王子晉後身仍令朝士遞相屬和三思
 又以則天厭居深宮又欲與張易之昌宗等扈從馳聘以弄其權乃請創造三
 陽宮于嵩高山與泰宮于萬壽山請則天每歲臨幸前後工役甚重百姓怨之
 神龍初進拜司空同中書門下三品加實封五百戶固辭不受未幾隨例降封
 為德靜郡王量減實封二百戶尋拜左散騎常侍則天遺制令復其所減實封
 初敬暉等立功後掌知國政三思慮其更為己患而令其子崇訓因安樂公主
 構誣敬暉等並流于嶺表而死自是三思威權日盛軍國政事多所參綜敬暉
 等所斥黜者皆能引復舊職令百官復修則天之法時人皆言其陰懷篡逆以
 比曹孟德司馬仲達雍州人韋月將高軫等並上疏言三思父子必為逆亂三
 思知而求索其罪有司希旨奏月將坐當棄市軫配流嶺外黃門侍郎宋璟執
 奏云月將所犯不合至死三思怒竟斥宋璟為外職三思既猜嫉正士嘗言不
 知何等名作好人唯有向我好者是好人耳又與其所親兵部尚書宗楚客將
 作大匠宗晉卿太府卿紀處訥矯臚卿甘元東遞相引致干贖時政侍御史周

利用再租雍太僕丞李俊光祿丞宋之璣監察御史姚紹之等五人常爲其耳目時人呼爲三思五狗中宗尋又制武氏崇恩廟一依天授時舊禮享祭其吳陵順陵並置官員皆三思意也三思既與韋庶人及上官昭容私通嘗忌節愍太子又因安樂公主密謀廢黜之三年七月太子率羽林大將軍李多祚等發左右羽林兵殺三思及其子崇訓于其第并殺其親黨十餘人俄而事變太子既死中宗爲三思哀廢朝五日贈太尉追封梁王諡曰宣安樂公主又以節愍太子首致祭于三思及崇訓靈柩前睿宗踐祚以三思父子俱有逆節制令斷棺暴屍平其墳墓崇訓三思第二子也則天時封爲高陽郡王長安中尚安樂郡主時三思用事於朝欲寵其禮中宗爲太子在東宮三思宅在天津橋南自重光門內行親迎禮歸於其宅三思又令宰臣李嶠蘇味道詞人沈佺期宋之問徐彦伯張說閻朝隱崔融崔湜鄭愔等賦花燭行以美之其時張易之昌宗宗楚客兄弟貴盛時假詞於人皆有新句崇訓授左衛中郎將神龍元年拜尉馬都尉遷太常卿兼左衛將軍降封鄴國公仍賜實封五百戶尋徙封歸國公二年兼太子賓客攝左衛將軍及爲節愍太子所殺優制贈開府儀同三司追贈魯王諡曰忠懿宗則天伯父士逸之孫也父元忠高宗時仕至倉部郎中

實封四百戶攸寧歷遷鳳閣侍郎納言冬官尚書病卒攸暨初爲右衛中郎將尚太平公主授尉馬都尉累遷右衛將軍進封定王又加實封三百戶俄又改安定郡王歷遷司禮卿左散騎常侍加特進神龍中拜司徒復封定王實封滿一千戶固辭不拜尋而隨例降封樂壽郡王拜右散騎常侍加開府儀同三司延秀等誅後又降封楚國公延和元年卒贈太尉并州大都督追封定王尋以公主謀逆令平毀其墓太平公主者高宗少女也以則天所生特承恩寵初承隆年降尉馬薛紹紹垂拱中被誣告與諸王謀謀伏誅則天私殺攸暨之妻以配主焉公主豐碩方額廣頤多權略則天以爲類己每預謀議官禁嚴峻事不令洩公主亦畏懼自檢但崇飾邸第二十餘年天下獨有太平一公主父爲帝母爲后夫爲親王子爲郡王貴戚無比永淳己前朝制親王食實封八百戶有至一千戶公主出降三百戶公主加五十戶太平食湯沐之邑一千二百戶聖曆初加至三千戶神龍元年預誅張易之謀有功進號鎮國太平公主相王加號安國相王並食實封通前五千戶賞賜不可勝紀公主薛氏二男二女武氏二男一女並食實封及相王衛王重俊成王千里宅道衛士宿衛環其所居十步置一仗舍持兵巡徼同於宮禁太平長寧安樂三公主置鋪一如親王二年正月置公主府景龍二年公主男崇簡崇敏崇行同授三品與漁陽王兄弟四人同制時中宗仁善皇后上官昭容用事禁中皆以爲智謀不及公主甚憚之公主日益豪橫進達朝士多至大官詞人後進造其門者或有貧窘則遺之金帛士亦翕然稱之及唐隆元年六月皇后作逆稱制僞尊溫王玄宗居臨淄邸憤之將濟內難公主又預其謀令男崇簡從之及立溫王數日天下之心歸於相府難爲其議公主入啓幼主以王室多故資於長君乃提下幼主因與玄宗大臣尊立睿宗公主類著大勳益尊重乃加實封五千戶通前滿一萬戶公主子崇行崇敏崇簡三人封異姓王崇行國子祭酒四人九卿三品每人奏事坐語移時所言皆聽薦人或驟歷清職或至南北衙將相權移人主軍國大政事必參決如不朝謁則宰臣就第議其可否公主由是滋驕田園遍於近甸膏腴而市易造作器物吳蜀嶺南供送相屬於路綺疏寶帳音樂與乘同於宮掖侍

兒披羅綺常數百人蒼頭監壚必盈千數外州供狗馬玩好滋味不可紀極有胡僧惠範家富於財寶善事權貴公主與之私奏為聖善寺主加三品封公殖貨流於江劍公主懼玄宗英武乃連結將相專謀異計其時宰相七人五出公主門常元楷李慈掌禁兵常私謁公主先天二年七月玄宗在武德殿事漸危逼乃勒兵誅其黨實懷貞蕭至忠岑羲等公主遽入山寺數日方出賜死千家公主諸子及黨與死者數十人籍其家財貨山積珍奇寶物俸於御府馬牧羊牧田園質庫數年徵斂不盡惠範家產亦數十萬貫儲蓄惟良子也少有志行天授中封安平郡王歷遷殿中監出為揚州大都督府長史聖曆中棄官隱于嵩山以琴書藥餌為務中宗即位以安車備禮徵之降書曰朕聞大隱忘情不去朝市至人無迹何所凝滯王高標峻尚雅操孤貞有成一之用弘體二之德學究深遠理實精微草芥貂蟬錙銖纒絳陵松山而辭竹苑去朱邱而臥清溪逍遙林壑傲睨箕頰有年歲矣朕虔膺聖曆重闡皇基保乂邦家輟輟區寓求賢採彥俯谷窺山王之所居接近嵩岳長望高烈思滿風烟駐驪喬巖道尋大隗鳴鑾峒岫詢訪廣成機務殷繁有懷莫遂今遣國子司業杜慎盈以禮命徵辟掃夔龍之第虛稷契之筵神化丹青朕之志也豈以黃屋之貴傾彼白雲之心通變之宜希從降志延貯闔闔若在汾陽攸緒應召至都授太子賓客尋請歸嵩山制從之令京官五品已上餞送于定鼎門外及三思延秀等構逆諸武多坐誅戮唯攸緒以隱居不預其禍時論美之睿宗即位又降勅曰頃以賊臣結黨后族擅權扇動官闈肆行鳩毒靈祇所感姦惡伏誅今得宗社乂安天地交泰卿久厭簪紱早慕林泉守道不回見幾而作興言高尚有足嘉稱但怒用不遷罪無相及為善有驗卿之謂與或慮驚疑故令慰謝其見重如此尋徵為太子賓客不就開元二年攸緒又請就廬山居止制不許仍令州縣數加存問不令外人侵擾十一年卒年六十九

薛懷義者京兆鄠縣人本姓馮名小寶以鬻薑貨為業偉形神有膂力為市於洛陽得幸於千金公主侍兒公主知之入宮言曰小寶有非常材用可以近侍因得召見恩遇日深則天欲隱其迹便於出入禁中乃度為僧又以懷義非士

族乃改姓薛令與太平公主婿薛紹合族令紹以季父事之自是與洛陽大德僧法明處一惠儼稜行感德感知靜軌宣政等在內道場念誦懷義出入乘廐馬中官侍從諸武朝貴匍匐禮謁人間呼為薛師垂拱初說則天於洛陽城西脩故白馬寺懷義自護作寺成自為寺主頗恃恩狂曠其下犯法人不敢言右臺御史馮思昂屢以法劾之懷義遇劾於途令從者毆之幾死又於建春門內敬愛寺別造殿宇改名佛授記寺垂拱四年拆乾元殿於其地造明堂懷義充使督作凡役數萬人曳一大木千人置號頭頭一嚙千人齊和明堂大屋凡三層計高二百尺又於明堂北起天堂廣袤亞於明堂懷義以功拜左威衛大將軍封梁國公永昌中突厥默啜犯邊以懷義為清平道大總管率軍擊之至單于臺刻石紀功而還加輔國大將軍進右衛大將軍改封鄂國公柱國賜帛二千段懷義與法明等造大雲經陳符命言則天是彌勒下生作閻浮提主唐氏合微故則天革命稱周懷義與法明等九人並封縣公賜物有差皆賜紫裝袋銀龜袋其偽大雲經頒於天下寺各藏一本令昇高座講說則天將革命誅殺宗屬諸王唯千金公主以巧媚善進奉獨存抗疏請以則天為母因得曲加恩寵改邑號為延安大長公主加實封賜姓武氏以子克又娶魏王武承嗣女內門參問不限早晚進則盡歡長壽二年默啜復犯塞又以懷義為代北道行軍大總管以李多祚蘇宏暉為將未行改朔方道行軍大總管以內史李昭德為行軍長史鳳閣侍郎平章事蘇味道為行軍司馬契苾明曹仁師沙吒忠義等十八將軍以討之未行虜退乃止懷義後厭入宮中多居白馬寺刺血畫大像選有膂力白丁度為僧數滿千人侍御史周矩疑其姦奏請劾之不許固請之則天曰卿且退朕即令去矩至臺薛師亦至乘馬踰階而下便坦腹於牀矩召臺吏將按之遽乘馬而去矩具以聞則天曰此道人風病不可苦問所度僧任卿勘當矩按之窮其狀以聞諸僧悉配遠州遷矩天官員外郎竟為薛師所構下獄免官後有御醫沈南璆得幸薛師恩漸衰恨怒頗甚證聖中乃焚明堂天堂並為灰燼則天愧而隱之又令懷義充使督作乃於明堂下置九州鼎鑄銅為十二屬形象置於本辰位皆高一丈懷義率人作號頭安置之其後益驕

僂則天惡之令太平公主擇膏力婦人數十密防慮之人有發其陰謀者太平公主乳母張夫人令壯士縛而縊殺之以輦車載屍送白馬寺其侍者僧徒皆流竄遠惡處

韋温中宗韋庶人從父兄也父玄儼高宗末官至許州刺史玄儼第玄貞初爲普州參軍以女爲皇太子妃擢拜豫州刺史中宗嗣位妃爲后及帝降爲廬陵王玄貞配流欽州而死后母崔氏爲欽州首領甯承兄弟所殺玄貞有四子洵浩洵泚亦死於容州后二妹逃竄獲免間行歸長安及中宗復位韋氏復爲皇后其日追贈玄貞爲上洛郡王左拾遺賈虛己上疏諫曰孔子曰惟名與器不可以假人且非李氏而王自古盟書所棄今陛下創制謀始垂範將來爲皇王令圖子孫明鏡匡復未幾后族有私臣雖庸愚尙知未可史官執簡必是直書今萬姓顛然聞一善令莫不途歌里頌延頸向風欣然慕化日恐不及陛下奈何行私惠使樵夫議之即先朝贈太原王殷鑒不遠同雲生於膚寸尋木起於孽裁誠可惜也洵汗既行難改成命臣望請皇后抗表固辭使天下知弘讓之風形管著冲謙之德是則巍巍聖鑒無得而稱疏奏不省尋又追贈玄貞爲太師雍州牧益州大都督玄儼爲特進拜州大都督魯國公遣使迎玄貞及崔氏喪柩歸京師又遣廣州都督周仁軌率兵討斬甯承兄弟以其首祭于崔氏擢拜仁軌左羽林大將軍賜爵汝南郡公食實封五百戶及玄貞等柩將至上輿后登長樂宮望喪而泣加贈玄貞爲鄴王諡曰文獻仍號其廟曰襄德陵曰榮先各置官員并給戶一百人守衛灑掃又贈玄貞子洵爲吏部尙書汝南郡王浩太常卿武陵郡王洞衛尉卿淮南郡王泚太僕卿上蔡郡王亦遣使迎其喪柩於京師温神龍中累遷禮部尙書封魯國公弟湑左羽林將軍封曹國公后妹夫陸頌爲國子祭酒馮太和爲太常少卿太和尋卒又適嗣號王邕湑子捷尙成安公主温從祖弟濯尙成安公主皆拜駙馬都尉景龍二年温遷太子少保同中書門下三品仍遙授揚州大都督温等既居榮要煥灼朝野時人比之武氏湑及陸頌相次病卒贈甚厚及中宗崩后令温總知內外兵馬守援宮掖又引從子播族弟璿弟捷濯等分掌屯營及左右羽林軍臨淄王討韋氏温

等皆坐斬宗族無少長皆死語在韋庶人傳睿宗即位仍令削平玄貞及洵等墳墓

王仁皎玄宗王庶人父也景龍中官至上果毅玄宗即位以后父歷將作大匠太僕卿遷開府儀同三司封和國公仁皎不預朝政但厚自奉養積子女財貨而已開元七年卒贈太尉官供葬事柩車既發上於望春亭遠望之令張說爲其碑文玄宗親書石焉子守一守一與后雙生守一與玄宗有舊及上登極以清陽公主妻之從計蕭至忠岑羲等有功自尙乘奉御遷殿中少監特封晉國公累轉太子少保父卒襲爵和國公十一年坐與庶人潛通左道左遷柳州司馬行至藍田驛賜死守一性貪鄙積財巨萬及籍沒其家財帛不可勝計吳淑章敬皇后之弟也濮州濮陽人祖神泉位終縣令父令珪益州郫縣丞寶曆二年代宗始封拜外族贈神泉司徒令珪太尉令珪母弟前宣城令令瑤爲開府儀同三司太子家令封濮陽郡公中郎將令瑜爲開府儀同三司太子論德濟陽郡公淑時爲威王府錄事參軍拜開府儀同三司太子詹事濮陽郡公以元舅遷鴻臚少卿金吾將軍建中初遷大將軍淑雖居戚屬恭遜謙和人皆重之涇師之亂從幸奉天盧杞白志貞謂德宗曰臣細觀朱泚心迹必不至爲戎首佇當効順宜擇大臣一人入京師慰諭以觀其心上召從幸羣臣言之皆憚其行淑起奏曰不以臣才望無堪臣願此行德宗甚悅淑退而謂人曰人臣食君之祿死君之難臨危自計非忠也吾忝戚屬今日委身於賊誠知必死不欲聖情憐於無人犯難也即日齋詔見泚深陳上待屬之意時泚逆謀已定貌雖從命而心已異乃留淑於客省竟被審上聞之悲悼不已贈太子太傅賜其家實封二百戶一子五品正員官勅收城日葬事官給第溱溱寶曆中與兄淑同日開府授太子詹事俱封濮陽郡公溱以兄第三品固辭太過乞授卑官乃以湊檢校太子賓客兼太子家令充十宅王使累轉左金吾衛大將軍溱小心謹慎智識周敏特承顧問偏見委信大曆中滑帥令孤彰汗帥田神功相次歿於理所時藩方兵驍乘戎帥喪亡人情多梗代宗命溱銜命撫慰至必委曲說諭隨所欲爲之奏請皆得軍民和協帝深重之宰臣元載弄權招致賄賂醜迹

日彰帝惡之將加之法恐左右洩漏無與言者唯與湊密計圖之及收載於內侍省同列王緡其黨楊炎王昂韓洄包佶韓會等皆當從坐籍沒湊諫救百端言法宜從寬緡等從坐理不至死若不降以等差一例極刑恐虧損聖德絲是緡等得減死流貶之大曆末丁繼母喪免建中初起為右衛將軍兼通州刺史貞元初入為太子賓客出為福州刺史御史中丞福建觀察使為政動儉清苦美譽日聞宰相竇參以私怨惡之數加譖毀又言湊風病不任趨馳德宗召湊至京師對於別殿上令殿上行走以驗其病否由是悟參之誣因是惡參尋以湊為陝州大都督府長史陝虢觀察使以代參之黨李翼會劉玄佐卒以湊檢校兵部尚書汴州刺史御史大夫宣武軍節度使時汴州軍亂殺牙將曹金岸縣令李邁謀立玄佐子士寧上將遣兵送湊赴鎮召宰臣議竇參深沮其行恐軍中拒命乃召湊迴授右金吾衛大將軍而以梁宋節度使授士寧貞元十四年春夏旱穀貴人多流亡京兆尹韓皋以政事不理黜官上召湊面授京兆尹即日令視事經宿方下制湊孜孜為理以勤儉為務人樂其政時宮中選內官買物於市倚勢強買物不充價人畏而避之呼為宮市掌賦者多與中貴人交結假借不言其弊湊為京尹便殿從容論之曰物議以中人買物於市稍不便於人此事甚細虛撥流議凡宮中所須責臣可辦不必更差中使若以臣府縣外吏不合預聞宮中所須則乞選內官年高謹重者充宮市令庶息人閒論議又

奏掌閑驍騎飛龍內園芙蓉及禁軍諸司等使雜供手力資課太多量宜減省上多從之初府掾吏以湊起自戚藩不諳簿領凡有疑難難決之事多候湊將出時方呈冀免指撻瑕病湊雖倉卒閱視必指其姦倖之處下筆決斷無毫釐之差掾吏非大過不行笞責而召面按問詰責而釋之吏尤惕厲庶務咸舉文敬太子義章公主相繼薨歿上深追念葬送之儀頗厚召集工役載土築墳妨民農務湊候上顧問極言之宗屬門吏以湊論諫太繁恐上厭苦每以簡約規之湊曰聖上明哲憂勞四海必不以公主太子之鍾念而忽疲民但人多順旨不言若再三啓諫必動宸情則生民受賜長吏不言是為阿旨如竊民上訴罪在何人議者重之以能政兼兵部尚書官街樹缺所司植榆以補之湊曰榆非

九衢之玩亟命易之以槐及槐陰成而湊卒人指樹而懷之湊於德宗為老舅漢魏故事多退居散地纔免罪戾而已湊自貞元已來特承恩顧歷中外顯貴雖聖鑒隆深亦由湊小心辦事奉職有方故也湊既疾不召巫醫藥不入口家人泣而勉之對曰吾以凡才濫因外戚進用起家便授三品歷顯位四十年壽登七十為人足矣更欲何求古之以親戚進用者罕有善終吾得歸全以待先人幸也德宗知之令御醫進藥不獲已服之貞元十六年四月卒時年七十一贈尚書左僕射罷朝一日

寶觀昭成皇后姪姪父光華原尉觀以親蔭釋褐右衛率府兵曹參軍鄜坊節度臧希讓奏為判官累授監察殿中侍御史檢校工部員外郎坊州刺史與元元年討李懷光於河中詔觀以坊州兵七百人屯郃陽賊平以功兼御史中丞遷同州刺史入朝為戶部侍郎觀無他才伎為吏有計數又以韓滉子增故藩府辟召遂歷牧守宰相竇參觀再從姪參少依觀及參秉政力薦於朝故有二卿之拜數月為揚州大都督府長史御史大夫充淮南節度副大使知節度事既非德舉人咸薄之赴鎮旬日暴卒詔贈禮部尚書

柳晟者肅宗皇后之甥母和政公主父潭官至太僕卿駙馬都尉晟少無檢操代宗於諸甥之中特加撫鞠俾與太子諸王同學授詩書恩寵罕比累試太常卿德宗即位以與晟幼同視席尤親之涇師之亂從幸奉天晟密啓曰願受詔入京城遊說羣賊冀其攜貳德宗壯而許之晟與賊帥多有舊出入其門說誘之事洩為朱泚所擒械之於獄晟有力乃於獄中穿垣破械而遁落髮為僧閉道歸行在還將作少監元和初檢校工部尚書與元尹山南西道節度使罷鎮入朝以違詔進奉為御史元稹所劾詔宥之俄充入迴鶻冊立使復命遷左金吾衛大將軍元和十三年卒贈太子少保

王子顏瑒邪臨沂人莊憲皇后之父也祖思敬少從軍累試太子賓客父難得有勇決善騎射天寶初為河源軍使吐蕃贊普王子耶支都有勇乘詣真馬寶鈿裝鞍出陣求鬪無敢與校者難得挾槍奮馬突前刺殺耶支都斬其首傳於京師軍還玄宗召見之令於殿前乘馬挾槍作刺耶支都之狀賜以錦袍金帶

累拜金吾將軍同正員。天寶七載，從哥舒翰擊吐蕃於積石，虜吐谷渾王子悉弄參及子增悉頰藏而還。累拜左武衛將軍，關西遊弈使。九載，擊吐蕃，收五橋，拔樹敦城，補白水軍使。十三載，從收九曲，加特進，祿山之叛，從哥舒翰戰於潼關，關門不守，從肅宗幸靈武。時行在關軍，賞難得，進絹三千疋及金銀器等。至德初，試衛尉卿，與平軍使兼鳳翔都知兵馬使進收京城，與賊軍戰，其下斬元曜戰酣，墮馬，難得馳救之，賊射之中眉，皮穿披下，鄣目，難得自拔去箭，并皮製落馳馬復戰，血流被面而抗，賊不已。肅宗深嘉之，從郭子儀攻安慶緒於相州，累封琅邪郡公。英武軍使寶應二年卒，贈潞州大都督。子顏少從父征，役累官金紫光祿大夫，檢校衛尉卿。生后而卒，順宗內禪，以后生憲宗皇帝，襲贈先代思敬司徒，難得太傅。子顏太師，顏子重榮，官至福王傅，用官至太子賓客，金吾將軍。

贊曰：威里之賢，避寵畏權，不卸禍患，鮮能保全。福盈者敗，勢壓者顛，武之惟良，明於自然。

舊唐書卷一百八十三

舊唐書卷一百八十三考證

武承嗣傳高平郡王駙馬都尉崇訓為鄴國公○臣西按前三思男崇訓為高陽王，新書亦作高陽，且重規已封高平矣，平字必是陽字之訛，今改正。

舊唐書卷一百八十三

舊唐書卷一百八十四

後晉司空同中書門下平章事劉昫撰

列傳第一百三十四

宦官

楊思勳

高力士

李輔國

程元振

魚朝恩

劉希暉
賈明觀

竇文場

霍仙鳴

俱文珍

吐突承璀

王守澄

田令孜

楊復光

楊復恭

唐制有內侍省其官員內侍四人內常侍六人內謁者監六人內給事八人謁者十二人典引十八人寺伯二人寺人六人別有五局掖廷局掌宮人簿籍宮闈局掌宮內門禁其屬有掌扇給使等員奚官局掌宮人疾病死喪內僕局掌宮中供帳燈燭內府局主中藏給納五局有令丞皆內官為之貞觀中太宗定制內侍省不置三品官內侍是長官階四品至永淳末向七十年權未假於內官但在閣門守禦黃衣廩食而已則天稱制二十年間差增員位中宗性慈務崇恩賞神龍中宦官二千餘人超授七品以上員外官者千餘人然衣朱紫者尚寡玄宗在位既久崇重宮禁中官稍稱旨者即授三品左右監門將軍得門施榮職開元天寶中長安大內大明興慶三宮皇子十宅院皇孫百孫院東都大內上陽兩宮大率宮女四萬人品官黃衣已上三千人衣朱紫者千餘人後李輔國從幸靈武程元振翼衛代宗怙寵邀君乃至守三公封王爵干預國政亦未全握兵權代宗時子儀北伐親王東討遂特立觀軍容宣慰使命魚朝恩為之然自有統帥亦監領而已德宗避涇師之難幸山南內官竇文場霍仙鳴擁從賊平之後不欲武臣典重兵其左右神策天威等軍欲委宦者主之乃置護軍中尉兩員中護軍兩員分掌禁兵以文場仙鳴為兩中尉自是神策親軍之權全歸於宦者矣貞元之後威權日熾蘭將臣率皆子蓄藩方戎帥必以賄成萬機之與奪任情九重之廢立由己元和之季毒被乘輿長慶續隆徒鬱枕干之憤臨軒暇逸旋忘塗地之寃而易月未除滔天盡怒甲第名園之賜

莫匪伶官朱袍紫綬之榮無非巷伯是時高品白身之數四千六百一十八人內則參乘戎權外則監臨藩蔽文宗包祖宗之恥痛肘腋之讐思屬厲階去其太甚宋申錫言未出口尋以破家李仲言謀之不臧幾乎取國何寶之徒轉職讓珪之勢尤狂五十餘年禍胎愈煽昭宗之季所不忍聞臣遍覽前書考茲覆轍試言大較庶竭其源何者自書契已來不無關寺沉重之天象備見職官即如秦皇漢武宮闈之內宦官以待宴遊但英睿之君措置斯得及荒僻之主奢蕩是求委番聚蹶稱之徒飾姬姜狗馬之玩外言不入惟欲是從雖並列五侯猶為賞薄遍封萬戶尚慊思疎苟思捧日之勤遂據迴天之勢及三綱錯亂四海崩離衰本初之入北宮無鬚殆盡石冉閔之攻鄴下內豎咸誅旋至珍瘁邦家不獨感傷和氣淫刑斯逞可為傷心向使不假威權但趨帷展何止四星終吉抑亦萬乘延洪昔賢為社鼠之喻不其然乎今錄楊思勳已下所行事以為鑒誠云

楊思勳本姓蘇羅州石城人為內官楊氏所養以聞從事內侍省預討李多祚功超拜銀青光祿大夫行內常侍思勳有膂力殘忍好殺從臨淄王誅韋氏遂從王為爪士累遷右監門衛將軍開元初安南首領梅玄成叛自稱黑帝與林邑真臘國通謀陷安南府詔思勳將兵討之思勳至嶺表鳩募首領子弟兵馬十餘萬取伏波故道以進出其不意玄成遽開兵至惶惑計無所出竟為官軍所擒臨陣斬之盡誅其黨與積屍為京觀而還十二年五谿首領單行璋作亂思勳復受詔率兵討之生擒行璋斬其黨三萬餘級以軍功累加輔國大將軍後從東封又加驃騎大將軍封號國公十四年邕州賊帥梁大海擁橫嶺等數州反叛思勳又統兵討之生擒梁大海等三千餘人斬餘黨二萬餘級復積屍為京觀十六年隴州首領陳行範何遊魯馮璘等聚徒作亂陷四十餘城行範自稱帝遊魯稱定國大將軍璘稱南越王割據嶺表詔思勳率永連道等兵及淮南弩手十萬人進討兵至隴州臨陣擒遊魯馮璘斬之行範潛竄深州投雲際盤遶二洞思勳悉眾攻之生擒行範斬之斬其黨六萬級獲口馬金玉巨萬計思勳性剛決所得俘囚多生剝其面或髡髮際去頭皮將士已下望風懼

憚莫敢仰視故所至立功內給事牛仙童使幽州受張守珪厚賂玄宗怒命思
勛殺之思勛縛架之數日乃採取其心截去手足割肉而啖之其殘酷如此二
十八年卒時年八十餘

高力士潘州人本姓馮少闢與同類金剛二人聖曆元年嶺南討擊使李千里
進入宮則天嘉其黠惠總角修整令給事左右後因小過撻而逐之內官高延
福收為假子延福出自武三思家力士遂往來三思第歲餘則天復召入禁中
隸司宮臺廩食之長六尺五寸性謹密能傳詔勅授宮闈丞景龍中玄宗在藩
力士傾心奉之接以恩顧及唐隆平內難昇儲位奏力士屬內坊日侍左右擢
授朝散大夫內給事先天中預誅蕭岑等功超拜銀青光祿大夫行內侍同正
員開元初加右監門衛將軍知內侍省事玄宗尊重宮闈中官稍稱旨即授三
品將軍門施榮戟故楊思勳黎敬仁林招隱尹鳳祥等貴寵與力士等楊則持
節討伐黎林則奉使宣傳尹則主書院其餘孫六韓莊楊八牛仙童劉奉廷王
承恩張道斌李大宜朱文輝郭全邊令誠等殿頭供奉監軍入蕃教坊功德主
當皆為委任之務監軍則權過節度出使則列郡辟易其郡縣豐贍中官一至
軍則所冀千萬計修功德市鳥獸詣一處則不啻千貫皆在力士可否故帝城
中甲第畿甸上田菓園池沼中官參半於其間矣每四方進奏文表必先呈力
士然後進御小事便決之玄宗常曰力士當上我獲則釋故常止於宮中稀出
外宅若附會者想望風彩以冀吹噓竭肝膽者多矣宇文融李林甫李適之蓋
嘉運韋堅楊慎矜王鉞楊國忠安祿山安思順高仙芝因之而取將相高位其
餘職不可勝紀肅宗在春宮呼為二兄諸王公主皆呼阿翁駙馬輩呼為爺力
士於寢殿側簾帷中休息殿側亦有一院中有修功德處雕甍瓌瑋極精妙
力士謹慎無大過然自宇文融已下用權相噬以素朝綱皆力士之由又與時
消息觀其勢候雖至親愛臨覆敗皆不之救力士義父高延福夫妻正授供奉
橫南節度使於潘州求其本母麥氏送長安令兩媪在堂備於甘脆金吾大將
軍程伯獻與力士結為兄弟麥氏亡伯獻於靈鐘散鼓具綾綵受寶帛答十七
年贈力士父廣州大都督麥氏越國夫人開元初瀛州呂玄晤作吏京師女有

姿色力士娶之為婦擢玄晤為少卿刺史子弟皆為王傅呂夫人卒葬城東葬
禮甚盛中外爭致祭贈充益衢路自第至墓車馬不絕天寶初加力士冠軍大
將軍右監門衛大將軍進封渤海郡公七載加驃騎大將軍力士資產殷厚非
王侯能擬於來庭坊造寶壽佛寺與寧坊造華封道士觀寶殿珍臺倅於國力
於京城西北截澧水作碾並轉五輪日破麥三百斛初寶壽寺鐘成力士齋慶
之舉朝畢至凡擊鐘者一擊百千有規其意者擊至二十杵少尚十杵其後又
有華州袁思藝特承恩顧然力士巧密人悅之思藝驕倨人士踈懼之十四載
置內侍省內侍監兩員秩正三品以力士思藝對任之玄宗幸蜀思藝走投祿
山力士從幸成都進封齊國公從上皇還京加開府儀同三司賜實封五百戶
上元元年八月上皇移居西內甘露殿力士與內官王承恩魏悅等因侍上皇

登長慶樓為李輔國所構配流黔中道力士至巫州地多瘴而不食因感傷而
詠之曰兩京作斤賣五谿無人採夷夏雖不同氣味終不改寶應元年二月會
赦歸至朗州遇流人言京國事始知上皇厭代力士北望號慟嘔血而卒代宗
以其耆宿保護先朝贈揚州大都督陪葬泰陵
李輔國本名靜忠閑廐馬家小兒少為閹貌陋粗知書計為僕事高力士年且
四十餘今掌廐中簿籍天寶中閑廐使王鉞嘉其畜牧之能薦入東宮祿山之
亂玄宗幸蜀輔國侍太子扈從至馬嵬誅楊國忠輔國獻計太子請分玄宗廐
下兵北趨朔方以圖與復輔國從至靈武勸太子即帝位以系人心肅宗即位
擢為太子家令判元帥府行軍司馬事以心腹委之仍賜名護國四方奏事御
前符印軍號一以委之輔國不茹葷血常為僧行視事之際手持念珠人皆信
以為善從幸鳳翔授太子詹事改名輔國肅宗還京拜殿中監閑廐五坊宮院
管田栽接總監等使又兼龍右羣牧京畿鑄錢長春宮等使勾當少府殿中二
監都使至德二年十二月加開府儀同三司進封郾國公食實封五百戶宰臣
百司不時奏事皆因輔國上決常在銀臺門受事置察事廳子數十人官吏有
小過無不伺知即加推訊府縣按鞠三司制獄必詰輔國取決隨意區分皆稱
制勅無敢異議者每出則甲士數百人衛從中貴人不敢呼其官但呼五郎宰

相李授。山東甲族。位居台輔。見輔國執子弟之禮。謂之五父。肅宗又爲輔國娶故吏部侍郎元希聲姪擢女爲妻。擢弟挹。時並引入臺省。擢爲梁州長史。輔國判元帥行軍司馬。專掌禁兵。賜內宅居止。上皇自蜀還京。居與慶宮。肅宗自夾城中起居。上皇時召伶官奏樂。持盈公主往來宮中。輔國常陰候其隙而問之。上元元年。上皇嘗登長慶樓。與公主語。劍南奏事官過朝謁。上皇令公主及如仙媛作主人。輔國起微賤。貴達日近。不爲上皇左右所禮。慮恩顧或衰。乃潛畫奇謀以自固。因持盈待客。乃奏云。南內有異謀。矯詔移上皇居西內。送持盈於玉真觀。高力士等皆坐流竄。二年八月。拜兵部尚書。餘官如故。詔羣臣於尚書省送上。賜御府酒饌。太常樂。武士戎服夾道。朝列畢會。輔國驕恣日甚。求爲宰臣。肅宗曰。以公勳力。何官不可。但未允朝望。如何。輔國諷僕射裴冕聯章薦已。肅宗密謂宰臣蕭華曰。輔國欲帶平章事。卿等欲有意薦。信乎。華不對。問裴冕曰。初無此事。吾臂可截。宰臣不可得也。華復入奏。上喜曰。冕固堪大用。輔國銜之。寶應元年四月。肅宗寢疾。宰臣等不可謁見。輔國誣奏華專權。請黜之。上不許。輔國固請不已。乃罷華知政事。守禮部尚書。及帝崩。華竟被斥逐。代宗卽位。輔國與程元振有定策功。愈恣橫。私奏曰。大家但內裏坐。外事聽老奴處置。代宗怒其不遜。以方握禁軍。不欲遽責。乃尊爲尚父。政無巨細。皆委參決。五月。加司空。中書令。食寶封八百戶。程元振欲奪其權。請上漸加禁制。乘其有間。乃罷輔國判元帥行軍事。其閑廐已下使名。並分授諸貴。仍移居外。輔國始懼。茫然失據。詔進封博陸王。罷中書令。許朝朔望。輔國欲入中書修謝表。閹吏止之曰。尚父罷相。不合復入此門。乃氣憤而言曰。老奴死罪。事即君不了。請於地下事先帝。上猶優詔答之。十月十八日夜。盜入輔國第。殺輔國。搗首臂而去。詔刻木首葬之。仍贈太傅。

保定縣侯。充寶應軍使。九月。加驃騎大將軍。封邠國公。贈其父元貞司空。母郗氏。趙國夫人。是時元振之權甚於輔國。軍中呼爲十郎。元振常請託於襄陽節度使來瑱。瑒不從。及元振握權。徵瑒入朝。瑒遷延不至。廣德元年。破裴茂。遂入朝。拜兵部尚書。元振欲報私憾。誣瑒之罪。竟坐誅。宰臣裴冕爲肅宗山陵使。有事與元振相違。乃發小吏賊私。貶冕施州刺史。來瑒名將。裴冕元勳。二人既被誣陷。天下方鎮皆解體。元振猶以驕豪自處。不顧物議。九月。吐蕃党項入犯京畿。下詔徵兵。諸道卒無至者。十月。蕃軍至便橋。代宗蒼黃出幸陝州。賊陷京師。府庫蕩盡。及至行在。太常博士柳伉上疏切諫。誅元振以謝天下。代宗顧人情。歸咎乃罷元振官。放歸田里。家在三原。十二月。車駕還京。元振服縵麻於車中。入京城。以規任用。與御史大夫王昇飲酒。爲御史所彈。詔曰。族談錯立法。尙不容。同惡陰謀。議當從重。有一於此。情實難原。程元振性惟兇。懷質本庸愚。最爾之身。合當萬死。頃已寬其嚴典。念其微勞。屈法伸恩。放歸田里。仍乖克己。尙未知非。既忘念煦之仁。別貯覬覦之望。敢爲嘯聚。仍欲動搖。不令之臣。共爲睥睨。妄談休咎。仍懷怨望。束兵裹甲。變服潛行。無顧君親。將圖不軌。按驗皆是。無所逃刑。首足異門。未云塞責。朕猶不忘薄効。再捨罪人。特寬斧鉞之誅。俾正投荒之典。宜長流榛野。百姓委京兆府。差網遞送。路次州縣。差人防援。至彼捉拘。勿許東西。縱有非常之赦。不在會恩之限。凡百寮庶。宜體朕懷。

魚朝恩。天寶末。以宦者入內侍省。初爲品官。給事黃門。性黠惠。善宣答。通書計。至德中。常令監軍事。九節度討安慶緒於相州。不立統帥。以朝恩爲觀軍容。宣慰處置使。觀軍容使名。自朝恩始也。以功累加左監門衛大將軍。時郭子儀頻立大功。當代無出其右。朝恩妬其功高。屢行間諜。子儀悉心奉上。殊不介意。肅宗英悟。特察其心。故朝恩之間不行。自相州之敗。史思明再陷河洛。朝恩常統禁軍鎮陝。以殿東夏。廣德元年。西蕃入犯京畿。代宗幸陝。時禁軍不集。徵召離散。北至華陰。朝恩大軍遽至。迎奉。六師方振。絲是深加寵異。改爲天下觀軍容宣慰處置使。時四方未寧。萬務事殷。上方注意勳臣。朝恩專典神策軍。出入禁中。賞賜無算。朝恩性本凡劣。恃勳自伐。靡所忌憚。時引腐儒及輕薄文士於門。

下講授經籍作為文章粗能把筆釋義乃大言於朝士之中自謂有文武才幹以邀恩寵上優遇之加判國子監事光祿瀟陽禮賓內飛龍閑殿等使赴國子監視事特詔宰臣百寮六軍將軍送上京北府造食教坊賜樂大臣羣官二百餘人皆以本官備章服充附學生列於監之廊下待詔給錢萬貫充食本以供學生廚料朝恩恣橫求取無厭凡有奏請以先允為度幸臣未有其比大曆二年朝恩獻通化門外賜莊為寺以資章敬太后冥福仍請以章敬為名復加興造窮極壯麗以城中材木不足充費乃奏壞曲江亭館華清宮觀樓及百司行廡將相沒官宅給其用土木之役僅逾萬億三年讓判國子監事加韓國公章敬太后忌日百寮於興唐寺行香朝恩置齋饌於寺外之車坊延宰臣百寮就食朝恩恣口談時政公卿惕息戶部郎中相里造殿中侍御史李衍以正言折之朝恩不悅乃罷會後嘗釋奠於國子監宰臣百寮皆會朝恩諱易徵鼎封覆鍊之義以譏元載載心銜之陰圖除去之上以朝恩太橫亦惡之載欲伺其便巧中傷之乃用心腹崔昭為京兆尹伺朝恩出處昭不悞財賂潛與朝恩黨陝州觀察使皇甫溫相結溫與昭協自是朝恩動靜載皆知之巨細悉以聞上益怒朝恩未之察日以驕橫載奏加朝恩實封又加皇甫溫權位以肆其欲五年朝恩所昵武將劉希暹微有過忤上諷之詔罷朝恩觀軍容使加實封通前一千戶朝恩始疑然每朝謁恩顧如常亦不以載為意會寒食宴近臣朝恩入謁先是每宴罷必出還營是日有詔留之朝恩始懼言頗悖慢上亦以舊恩不之責是日朝恩還第自經而卒劉希暹亦下獄賜死

希暹出自戎伍有膂力形貌光偉以騎射聞朝恩用之為神策都虞候封交河郡王善候朝恩意旨深被委信累遷至太僕卿與兵馬使王駕鸞同掌禁兵所為不法輒朝恩於北軍置獄召坊市兇惡少年羅織城內富人誣以違法捕置獄中忍酷考訊錄其家產並沒於軍或有舉選之士財貨稍殷客於旅舍遇橫死者非一坊市苦之謂之入地牢捕賊吏有賈明觀者尤凶蠹以屢置大獄家產巨萬希暹黨之地在禁密人無敢言者朝恩死上寬宥之以素志非順慮不見容常自疑懼與王駕鸞聯職希暹辭多不遜駕鸞純謹上信任之至是以希

暹語上聞乃誅之

賈明觀者本萬年縣捕賊吏事希暹恣為兇惡毒甚豺狼朝恩希暹既死元載復受明觀姦謀潛容之特奏令江西効力明觀將出城百姓數萬人懷磚石候之載令市吏止約明觀在洪州二年觀察使魏少遊容之及路嗣恭代少遊至郡之日召明觀笞殺之識者滅魏之名多路之正朝恩素待禮部尚書裴士淹戶部侍郎判度支第五琦二人亦坐貶官

竇文場霍仙鳴者始在東宮事德宗初魚朝恩誅後內官不復典兵德宗以親軍委白志貞志貞多納豪民賂補為軍士取其傭直身無在軍者但以名籍請給而已涇師之亂帝召禁軍禦賊志貞召集無素是時並無至者唯文場仙鳴率諸宦者及親王左右從行志貞貶官左右禁旅悉委文場主之從幸山南兩軍漸集德宗還京頗忌宿將凡握兵多者悉罷之禁旅文場仙鳴分統焉貞元十二年六月特立護軍中尉兩員中護軍兩員以帥禁軍乃以文場為左神策護軍中尉仙鳴為右神策護軍中尉右神威軍使張尚進為右神策中護軍內謁者監焦希望為左神策中護軍自文場等始也時竇霍之權振於天下藩鎮節將多出禁軍臺省清要時出其門文場累加驃騎大將軍是歲仙鳴病帝賜馬十匹令於諸寺為僧齋以祈福久病不愈十四年倉卒而卒上疑左右小使正將食中加毒配流者數十人仙鳴死後以開府內常侍第五守亮為右軍中尉文場連表請致仕許之十五年已後楊志廉孫榮義為左右軍中尉亦踵竇霍之事怙寵驕恣貪利冒寵之徒利其納賄多附麗之至於貞元末宦官復威順宗即位王叔文用事與韋執誼謀奪神策軍權乃用宿將范希朝為京西北禁軍都將事未行為內官俱文珍等所排叔文貶而止

俱文珍貞元末宦官後從義父姓曰劉貞亮性忠正剛而踏義順宗即位風疾不能視朝政而宦官李忠言與牛美人侍病美人受旨於帝復宣之於忠言忠言授之王叔文叔文與朝士柳宗元劉禹錫韓日華等圖議然後下中書俾韋執誼施行故王之權振天下叔文欲奪宦者兵權每忠言宣命內臣無敢言者唯貞亮建議與之爭知其朋徒熾慮墮朝政乃與中官劉光琦薛文珍尚衍解

玉等謀奏請立廣陵王爲皇太子，勾當軍國大事。順宗可之。貞亮遂召學士衛次公、鄭絪、李程、王涯入金鑾殿，草立儲君詔。及太子受內禪，盡逐叔文之黨。政事悉委舊臣。時議嘉貞亮之忠，蓋累遷至右衛大將軍。知內侍省事。元和八年卒。憲宗思其翊戴之功，贈開府儀同三司。

吐突承璀，幼以小黃門直東宮，性慧敏，有才幹。憲宗即位，授內常侍，知內省事。左監門將軍，俄授左軍中尉，功德使。四年，王承宗叛，詔以承璀爲河中、河南、浙西、宣歙等道赴鎮州行營兵馬招討等使。內侍省常侍，宋惟澄爲河南、陝州、河陽、已東館驛使。內官曹淮、玉劉國珍、馬江朝等分爲河北行營糧料館驛等使。諫官御史上疏相屬，皆言自古無中貴人爲兵馬統帥者。補闕獨孤郁、段平仲尤激切。憲宗不獲已，改爲充鎮州已東招撫處置等使。及承璀率禁軍上路，帝御通化門樓，慰諭遣之。出師經年，無功。乃遣密人告王承宗，令上疏待罪。許以罷兵爲解。仍奏昭義節度使盧從史素與賊通，許爲承宗求節鉞。乃誘潞州牙將烏重胤謀執從史，送京師。及承宗表至，朝廷議罷兵。承璀班師，仍爲禁軍中尉。段平仲抗疏極論承璀輕弊，請斬之，以謝天下。憲宗不獲已，降爲軍器使。俄復爲左衛上將軍。知內侍省事。時弓箭庫使劉希先取羽林大將軍孫彥錢二十萬以求方鎮，事發，賜死。辭相告許，事連承璀，乃出爲淮南節度監軍使。太子通事舍人李涉性狂險，投匭上書論希先承璀無罪，不宜貶戮。諫議大夫知樞事孔戣見涉疏之副本，不受其章，涉持疏於光順門欲進之。戣上疏論其纖邪，貶涉硤州司倉。上待承璀之意未已，而宰相李絳在翰林時數論承璀之過，故出之。八年，欲召承璀還，乃罷絳相位。承璀還，復爲神策中尉。憲昭太子薨，承建建議請立禮王寬爲太子。憲宗不納，立遂王宥。穆宗即位，銜承璀不佑己，誅之。憲宗時，中尉馬存亮論承璀之冤，詔雪之。仍令假子士嘩以禮收葬。

王守澄，元和末宦者。憲宗疾大漸，內官陳弘慶等弑逆。憲宗英武威德，在人內官祕之，不敢除討。但云藥發暴崩。時守澄與中尉馬進潭、梁守謙、劉承偕、韋元素等定冊立穆宗皇帝。長慶中，守澄知樞密事。初，元和、中守澄爲徐州監軍，遇翼城醫人鄭注，出入節度使李愬家。注敏悟過人，博通典藝，甚弄醫卜。尤臻於

妙。人見之者，無不歎然。注嘗爲李愬煮黃金服一刀圭，可愈痿弱重腿之疾。復能反老成童。愬與守澄服之，頗効。守澄知樞密，薦引入禁中。穆宗待之亦厚。注多奇詭，每與守澄言，必通夕。文宗即位，守澄爲驃騎大將軍。充右軍中尉。注復得幸於文宗。後依倚守澄，大爲姦弊。文宗以元和逆黨尙在，其黨大感，心常憤惋。端居不怡。翰林學士宋申錫嘗獨對探知，上略言其意。申錫請漸除其偏。帝亦以申錫沉厚，有方略，爲其事可成。乃用爲宰相。申錫謀未果，爲注所察。守澄乃令軍吏豆盧革誣告申錫與漳王謀逆。申錫坐貶。宰相李逢吉從子訓與注交通，訓亦機詭萬端。二人情義相得，俱爲守澄所重。復引訓入禁中，爲上講。周易既得幸，又探知帝旨，復以除宦官謀中帝意。帝以訓才辯縱橫，以爲其事必捷。待以殊寵。自流入中，用爲學官。充侍講學士。時仇士良有翬上之功，爲守澄所抑。位未通顯。訓奏用士良分守澄之權。乃以士良爲左軍中尉。守澄不悅。兩相矛盾，因其惡大。和元年，帝令內養李好古實醜賜守澄，祕而不殺。守澄死，仍贈揚州大都督。其弟守涓爲徐州監軍，召還。至中牟，誅之。守澄養訓，注反，罹其禍。人皆快其受佞而惡訓。注之陰狡，李訓既殺守澄，復惡鄭注。乃奏用注爲鳳翔節度使。訓欲盡誅宦官，乃與金吾將軍韓約、新除太原節度使王璠、新除邠寧節度使郭行餘、權御史中丞李孝本、權京兆尹羅立言謀。其年十一月二十一日，上御宣政殿，百寮班定。韓約不奏平安，乃奏曰：臣當仗廊內石榴樹，夜來降甘露，請陛下幸仗舍觀之。帝乘輦趨金吾仗。中尉仇士良與諸官先往石榴樹觀之，伺知其詐。又聞幕下兵仗聲蒼黃，而還。奏曰：南衙有變，遂扶帝輦入閣門。李訓從輦大呼曰：邠寧太原之兵，何不赴難，衛乘輿者！人賞百千。於是誰何之卒及御史臺從人持兵入宣政殿院，宦官死者甚衆。輦既入閣門，內官呼萬歲。俄而士良等率禁兵五百餘人，露刃出東上閣門。逢人即殺。王涯、賈餗、舒元興、李訓等四人宰相及王璠、郭行餘等十一人屍橫闕下。自是權歸士良與魚弘志。至宣宗即位，復誅其太甚者。而闕寺之勢，仍握軍權之重焉。

田令孜，本姓陳，咸通中從義父入內侍省爲宦者。頗知書，有謀略。自諸司小使監諸鎮用兵，累遷神策中尉、左監門衛大將軍。乾符中，盜起關東，諸軍誅盜，以

令孜為觀軍容制置左右神策護駕十軍等使京師不守從信宗幸蜀變與返正令孜頗有匡佐之功時令孜威權振天下時關中寇亂初平國用虛竭諸軍不給令孜請以安邑解縣兩池權鹽課利全隸神策軍詔下河中王重榮抗章論列言使名久例隸當道省賦自有常規令孜怒用王處存為河中節度使重榮不奉詔令孜率禁軍討之重榮引太原軍為援戰於沙苑禁軍大敗京師復亂信宗出幸寶雞又移幸山南方鎮皆憾令孜生事令孜懼引前樞密楊復恭代己從幸梁州求為西川監軍西川節度使陳敬瑄即令孜之弟也昭宗即位三川大亂詔宰相韋昭度鎮西川陳敬瑄不受代令孜引蘭州刺史王建為援建素以父事令孜時建方亂東川聞其召也以西蜀可圖欣然赴之建以所領千餘兵至漢州陳敬瑄以建雄豪難制辭而遣之建曰十軍阿父召予及門而拒鄰藩聞之執肯相容為子報令公建至此無所歸也遂遣使上表請討陳敬瑄以自効朝廷嘉之即命昭度為招討入蜀加兵經年無功昭度還京建遂絕棧道不通詔使歲中急擊成都陳敬瑄計窘遣令孜出城與建通和建竟自為蜀帥令孜以義父之故依倚仍舊監軍事既而陳敬瑄遇醜令孜亦為建所殺楊復光內常侍楊玄价之養子也幼以宦者入內侍省慷慨負節義有籌略為小黃門監鎮兵征討乾符中賊渠黃巢之犯江西復光為排陣使遣判官吳彥宏入城諭朝旨巢即令其將尚君長奉表歸國招討使宋威害其功併兵擊賊巢怒復作剽朝廷誅尚君長怨愈深宋威戰敗復光總其兵權進攻洪州擒賊將徐唐莒詔以荆南節度使王鐸為招討代宋威復光監忠武軍屯于鄧州以遏賊衝京師陷賊節度使周岌受僞命賊使往來旁午岌嘗夜宴急召復光左右曰周公歸賊必謀害內侍不如勿往復光曰事勢如此義不圖全即赴之酒酣岌言本朝事復光因泣下良久曰丈夫所感者恩義而規利害非丈夫也公自匹夫享公侯之貴豈捨十八葉天子而北面臣賊何恩義利害之可言乎聲淚俱發岌亦為之流涕岌曰吾不能獨力拒賊貌奉而心圖之故召公憑酒為盟是夜復光遣其養子守亮殺賊使於傳舍時秦宗權叛岌據蔡州復光得忠武之師三千入蔡州說宗權俾同義舉宗權遣將王淑率眾萬人從復光收

荆襄次鄧州王淑逗遛不進復光斬之併其軍分為八都鹿晏弘晉暉李師泰王建韓建等皆入都之大將也進攻南陽賊將朱溫何勳來逆戰復光敗之進收鄧州獻捷行在中和元年五月也復光乘勝追賊至藍橋丁母憂還尋起復受詔充天下兵馬都監押諸軍入定關輔王重榮為東面招討使復光以兵會之二年七月至河中賊將朱溫守同州復光遣使諭之九月溫以所部來降時賊將李翔守華州巢寇益盛王重榮憂之謂復光曰臣賊則貧國拒戰則兵微今日成敗未可知也公其圖之復光曰鴈門李僕射以威武振北陲其家尊與吾先世同患難李鴈門奮不顧身自播遷已來徵兵未至者蓋太原阻路也如以朝旨諭鄭公詔到其軍必至重榮曰善王鐸遣使奉墨詔之太原太原以兵從之及收京城三敗巢賊復光與其子守亮守宗等身先犯難功烈居多其年六月卒於河中時年四十二復光雖黃門近幸然慷慨有大志善撫士卒及死之日軍中慟哭累日身後平賊立功者多是復光部下門人故將也諸假子守亮與元節度使守宗忠武節度使守信商州防禦使守忠洋州節度使其餘以守為名者數十人皆為牧守將帥楊復恭貞元末中尉楊志廉之後志廉子欽義大中朝為神策中尉欽義子三人玄翼玄价玄寔玄翼咸通中掌樞密玄寔乾符中為右軍中尉玄价河陽監軍復恭即玄翼子也以父幼為宦者入內侍省知書有學術每監諸鎮兵應助之亂監陣有功自河南監軍入為宣徽使咸通十年玄翼卒起復為樞密使時黃巢犯關左軍中尉田令孜為天下觀軍容制置使專制中外復恭每事力爭得失令孜怒左授復恭飛龍使乃稱疾退於藍田傳宗自蜀還京田令孜出師內外經略皆出於復恭車駕還京授觀軍容使封魏國公信宗晏駕迎壽王踐祚文德元年加開府金吾上將軍專典禁兵既軍權在手頗擅朝政昭宗惡之政事多訪於宰臣故韋昭度張濬杜讓能每有陳奏即舉大中故事稍抑宦者之權上性明察由是偏聽之聲生焉國舅王瓌頗居中任事復恭惡之奏授黔南節度至吉栢江覆舟而沒物議歸咎於復恭上每切齒道復恭復恭假子天

威軍使守立權勇冠於六軍人皆避之上欲罪復恭懼守立爲亂乃謂復恭曰
吾要卿家守立在左右可進來乃賜姓李名順節恩寵特異勢極權要乃與復
恭爭權每中傷其陰事授順節鎮海軍節度使同平章事大順二年九月詔復
恭致仕賜杖履復恭既失勢欲退止商山別居第在昭化里近玉山營假子守
信爲玉山軍使守信時候復恭於其第或誣告云玉山軍使與復恭謀亂詔李
順節率禁軍攻之昭宗御延喜樓守信以兵拒之順節屢敗際曉守信復恭擊
其族出通化門趨興元守信令部將張縮殿其後縮戰敗被擒復恭至興元節
度使楊守亮乃糾合諸守義兄弟舉兵以討順節爲名天子詔李茂貞王行瑜
討之明年守亮兵敗復恭與守亮擊其族將奔太原入商山至乾元縣爲華州
兵所獲執送京師皆梟首於市李茂貞收興元進復恭前後與守亮私書六十
紙內訴致仕之由云承天是隋家舊業大姪但積粟訓兵不要進奉吾於荆榛
中援立壽王有如此真心門生天子既得尊位乃廢定策國老其不遜如是後
復恭假子彥博奔太原收復恭骸骨葬於介休縣之抱腹山復恭之後宦者西
門重遂爲右軍中尉李茂貞初併山南兵衆強威干預朝政宰相杜讓能與重
遂等謀誅之師與茂貞所敗重遂被誅乃以內官路全瓊劉景宣爲左右軍
中尉乾寧二年春李茂貞王行瑜以兵入朝殺宰相章昭度李路河東節度使
李克用率師渡河討汾岐二帥軍於渭北駱全瓊與茂貞宿衛將閻圭脅天子
幸岐州昭宗蒼黃幸莎城茂貞以太原問罪乃誅全瓊閻圭以自解昭宗幸華
州宦官稍微及光化還宮內官景務修宋道弼復專國政宰相崔胤深惡之中
外不睦宰相徐彥若王搏有度量見其陰險相傾懼危時事書奏曰人君當務
大體平心御物無有偏私偏任偏聽古人所患今中官怙寵道路目之皆知此
弊然未能卒改俟多難漸平以道消息之陛下勿泄聖謀致其姦詐崔胤知搏
所奏頗銜之他日見上曰王搏姦邪已爲勅使外應不可在相位二年六月貶
搏官賜死於藍田道弼務修亦賜死以樞密使劉季述王季先爲兩軍中尉出
徐彥若鎮南海崔胤秉政而排擯宦官季述等外結藩侯以爲黨援十一月六
日季述矯詔以皇太子監國遂廢昭宗居東內奪傳國寶授太子昭宗以何皇

后宮嬪數人隨行幽于東宮季述手持銀槓於上前以繩畫地數上罪狀云某
時某事你不從我言其罪一也其悖逆如此乃令李師度以兵圍之鎗錫錮其
屬備時方擬列嬪御無被哭聲聞于外穴牆通食者兩月十二月晦崔胤等謀
反正誅季述季先復迎昭宗即位改元復元其歲十一月朱全忠寇河中
華州陷之京師震恐中尉韓全誨請上且幸鳳翔全忠追逼乘輿兵團鳳翔者
累年三年正月茂貞殺兩軍中尉韓全誨張弘彥樞密使袁易簡周敬容等二
十二人皆斬首以布囊貯之令學士薛貽矩送於全忠忠和是月全忠迎駕還
長安詔以崔胤爲宰相兼判六軍諸衛胤奏曰高祖太宗承平時無內官典軍
旅自天寶已後宦官凌威貞元元和分羽林衛爲左右神策軍使衛從令宦官
主之唯以二千人爲定制自是參掌樞密由是內務百司皆歸宦者上下彌縫
共爲不法大則傾覆朝政小則構扇藩方車駕頻致播遷朝廷漸加微弱原其
禍作始自中人自先帝臨御已來陛下繼承之後朋儕日熾交亂朝綱此不窮
其本根終爲國之蠹賊內諸司使務宦官主者蓋一切罷之諸道監軍使並追
赴闕廷即國家萬世之便也詔曰宦官之興肇于秦漢趙高閻樂竟滅嬴宗張
讓段珪遂傾劉祚肆其志則國必受禍悟其事則運可延長朕所以斷在不疑
祈天永命者也先皇帝嗣位之始年在幼沖羣臣相推奄專大政於是毒流宇
內兵起山東運幸三川幾淪神器迴鑾之始率土思安而田令孜妬能忌功遷
搖近鎮陳倉播越愚難相仍洎朕纂承益相侮慢復恭重遂逞其禍道弼季述
繼其兇凶辱朕躬凌脅孺子天復返正罪己求安兩軍內樞一切假借韓全誨
等每懷憤惋曾務報警視將相若血仇輕君上如木偶末周屋歲竟致播遷及
在岐陽過於羈縻上憂宗社傾墜下痛民庶流離茫然孤居無所控告全忠位
兼二柄深識朕心駐兵近及於三年獨斷方誅於元惡今謝罪郊廟即宅宮闈
正刑當在於事初除惡官絕其根本先朝及朕五致播遷王畿之吐滅耗太半
父不能庇子夫不能妻室官念于茲痛深骨髓其誰之罪爾輩之由帝王之爲
治也內有宰輔卿士外有藩翰大臣豈可令刑餘之人參預大政況此輩皆朕
之家臣也比於人臣之家則奴隸之流恣橫如此罪惡貫盈天命誅之罪豈能

捨橫屍伏法固不足矜含容久之亦所多愧其第五可範已下並宜賜死其在畿甸同華河中並盡底處置訖諸道監軍使已下及管內經過并居停內使勅到並仰隨處誅夷訖聞奏已令準國朝故事量留三十人各賜黃絹衫一領以備宮內指使仍不得輒有養男其左右神策軍並令停廢是日諸司宦官百餘人及隨駕鳳翔羣小又二百餘人一時斬首於內侍省血流塗地及宮人宋柔等十一人兩街僧道與內官相善者二十餘人並皆死於京兆府內諸司一切罷之皆歸省寺自是京城並無宦官天子每宣傳詔命即令宮人出入崔胤雖復仇快志國祚旋亦覆亡悲夫

贊曰崇墉大廈壯其極礎殿邦禦侮亦俟明德宵人意福動不量力投鼠敗器良堪太息

舊唐書卷一百八十四

舊唐書卷一百八十四考證

魚朝恩傳大臣羣官二百餘人皆以本官備章服充附學生○臣酉按新書大

臣子弟二百餘人朱紫雜然為附學生則子弟二字為合此云羣官誤矣

賈明觀傳朝恩希逼既死元載復受希逼姦謀○臣酉按希逼已死當是明觀

今改正

楊復恭傳乃亂合請守義兄弟○臣酉按請字無義當是諸字復光傳云諸假

子以守為名者數十人即此所謂諸守也今改正

舊唐書卷一百八十四考證

後晉司空同中書門下平章事劉昫撰

列傳卷第一百三十五

良吏上

章仁壽

陳君賓

張允濟

李桐客

李素立孫至遠至

薛大鼎

賈敦頤弟敦實

李君球

崔知溫

高智周

田仁會子歸道

章機孫岳岳子

權懷恩叔祖萬紀

馮元常弟元淑

蔣儼

王方翼

薛季昶

漢宣帝曰使政平訟息民無愁歎與我共理其惟良二千石乎故漢代命官重外輕內郎官出宰百里郡守入作三公世祖中興尤深吏術慎選名儒為輔相不以吏事實功臣政優則增秩賜金績負則論輸左校選任之道皇漢其優隋政不綱彝倫斯紊天子事巡遊而務征伐具寮逞側媚而竊恩權是時朝廷無正人方岳無廉吏跨州連郡莫非豺虎之流佩紫懷黃悉奮爪牙之毒以至土崩不救旋踵而亡武德之初餘風未殄太宗皇帝削平亂迹滌洗汚風唯思稼穡之艱不以珠璣為寶以是人知恥格俗尚貞修太平之基率由茲道洎天后玄宗之代貞元長慶之間或以卿士大夫泣方州或以御史郎官宰畿甸行古道也所病不能自武德已遺歷年三百其間岳牧不乏循良今錄其政術有闕為之立傳所冀表吏師而儆不恪也

章仁壽雍州萬年人也大業末為蜀郡司法書佐斷獄平恕其得罪者皆曰章君所斷死而無恨高祖入關遣使定巴蜀使者承制拜仁壽嶺州都督府長史時南寧州內附朝廷每遣使安撫類皆受賄邊人患之或有叛者高祖以仁壽素有能名令檢校南寧州都督寄聽政於越嶲使每歲一至其地以慰撫之仁壽將兵五百人至西洱河承制置八州十七縣授其豪帥為牧宰法令清肅人懷歡悅及將還會長號泣曰天子遣公鎮撫南寧何得便去仁壽以城池未立

為辭諸會長乃相與築城立廨舍旬日而就仁壽又曰吾奉詔但令巡撫不敢擅住及將歸歸夷父老各揮涕相送因遣子弟隨之入朝賈方物高祖大悅仁壽復請徙居南寧以兵鎮守有詔特聽以便宜從事令益州給兵送之刺史竇軌害其功託以蜀中山獠反叛未遠遠略不時發遣經歲餘仁壽病卒

陳君賓陳郡陽王伯山子也任隋為襄國太守武德初以郡歸款封東陽公拜邢州刺史貞觀元年累轉鄴州刺史州邑喪亂之後百姓流離君賓至纒三月皆來復業二年天下諸州並遭霜澇君賓一境獨免當年多有儲積蒲虞等州戶口盡入其境遂食太宗下詔勞之曰朕以隋末亂離毒被海內率土百姓零落殆盡州里蕭條十不存一瘠瘵思之心焉若疾是以日昃忘食未明求衣曉夜孜孜唯以安養為慮每見水旱降災霜雹失所撫躬責己自慚德薄恐貧乏之黎庶不免饑餒傾竭倉廩普加賑恤其有一人絕食若朕奪之分命庶幾盡心匡救去年關內六州及蒲虞陝鼎等復遭亢旱禾稼不登糧儲既少遂令分房就食比聞刺史以下及百姓等並識朕懷逐糧戶到遞相安養迴還之日各有贏糧乃別齎布帛以申贈遺如此用意嘉數良深一則知水旱無常彼此遞相拯贍不慮凶年二則知禮讓與行輕財重義四海士庶皆為兄弟變燒薄之風敦仁慈之俗政化如此朕復何憂其安置客口官人支配得所並令考司錄為功最養戶百姓不悛財帛已勅下者免今年調物宜知此意善相勸勉其年入為太府少卿轉少府少監九年坐事除名後起授虔州刺史卒

張允濟青州北海人也隋大業中為武陽令務以德教訓下百姓懷之元武縣與其鄰接有人以牸牛依其妻家者八九年牛草產至十餘頭及將異居妻家不與縣司累政不能決其人詣武陽質於允濟允濟曰爾自有令何至此也其人垂泣不止具言所以允濟遂令左右縛牛主以形蒙其頭將詣妻家村中云捕盜牛賊召村中牛悉集各問所從來處妻家不知其故恐被連及指其所斬牛曰此是女婿家牛也非我所知允濟遂發蒙謂妻家人曰此即女婿可以牛歸之妻家叩頭服罪元武縣司聞之皆大慚又嘗道逢一老母種葱者結菴守之允濟謂母曰但歸不煩守也若遇盜當來告令老母如其言居一宿而葱大

失母以告允濟悉召慈地十里中男女畢集允濟呼前驗問果得盜慈者曾有行人候曉先發遺衫於道行十數里方覺或謂曰我武陽境內路不拾遺但能運取物必當在如言果得遠近稱之政績尤異遷高陽郡丞時無郡將允濟獨統大郡吏人畏悅及賊帥王須拔攻圍時城中糧盡吏人取槐葉菜節食之竟無叛者貞觀初累遷刑部侍郎封武城縣男出為幽州刺史尋卒

李桐客冀州衡水人也任隋為門下錄事大業末煬帝幸江都時四方兵起謀欲徙都丹陽召百寮會議公卿希旨俱言江右黔黎皆思望幸巡狩吳會勒石紀功復禹之跡今其時也桐客獨議曰江南卑濕地狹州小內奉萬乘外給三軍吳人力屈不堪命且踰越險阻非社稷之福御史奏桐客謗毀朝政僅而獲免後隋滅從字文化及至黎陽轉沒寶建德建德平太宗召授秦府法曹參軍貞觀初累遷通巴二州所在清平流譽百姓呼為慈父後卒於家

李素立趙州高邑人北齊梁州刺史義深曾孫也祖齡散騎常侍父政藻隋水部郎中大業末充使淮南為盜所殺素立德初為監察御史時有犯法不至死者高祖特命殺之素立諫曰三尺之法與天下共之法一動搖則人無所措手足陛下南創鴻業遐荒尙阻奈何聲教之下便棄刑書臣忝法司不敢奉旨高祖從之自是屢承恩顧素立尋丁憂高祖令所司奪情授以七品清要官所司擬雍州司戶參軍高祖曰此官要而不清又擬秘書郎高祖曰此官清而不

要遂擢授侍御史高祖曰此官清而復要貞觀中累轉揚州大都督府司馬時突厥鐵勒部相率內附太宗於其地置瀚海都護府以統之以素立為瀚海都護又有關泥執別部猶為邊患素立遣使招諭降之哀人感其惠率馬牛以饋素立素立唯受其酒一盃餘悉遺之為建立廟舍開置屯田久之轉綿州刺史承徵初遷蒲州刺史及將之任所餘糧儲及什物皆令州司收之唯齋己之書籍而去道病卒高宗聞而特為廢朝一日諡曰平其孫至遠有重名長壽中為

天官郎中內史李昭德重其才薦於則天權令知流內選事或勸至遠謝其私恩至遠曰李公以公見用豈得以私謁也竟不謝遂為昭德所銜因事出為壁州刺史卒至遠子會初為汜水主簿處事敏速有聲稱雖村童厮養之輩一聞

之後無不知替代姓名者累轉國子司業事母甚謹闔門皆睦累代同居每歲時拜慶長幼男女咸有禮節及妻卒時母已先病惟恐傷母意約家人不令哭聲使聞于母朝夕定省不曾見其憂念之色士友甚以此稱之及母終過毀卒于喪至遠弟從遠景雲中歷黃門侍郎太府卿素立從兄子遊道則天時官至冬官尚書同鳳閣鸞臺三品

薛大鼎蒲州汾陽人周太子少傅博平公善孫也父粹隋介州長史漢王諒謀反授絳州刺史諒敗伏誅大鼎以年幼免死配流辰州後得還鄉里義旗初建於龍門謁高祖因說請勿攻河東從龍門直渡據永豐倉傳檄遠近則足食足兵既總天府據百二之所斯亦拊背扼喉之計高祖深然之時將士咸請先攻河東遂從眾議授大將軍府察非據貞觀中累轉瀋州刺史州界有無棣河隋末填廢大鼎奏開之引魚鹽於海百姓歌之曰新河得通州截利直達滄海鹽魚至昔日徒行今駟美哉薛公德滂被大鼎又以州界卑下遂決

長蘆及漳衛等三河分洩夏潦境內無復水害時與瀛州刺史賈敦頤曹州刺史鄭德本俱有美政河北稱為錯脚刺史承徵四年授銀青光祿大夫行荊州大都督府長史明年卒有二子克構克勤克構天授中官至麟臺監克勤歷司農少卿為來俊臣所陷伏誅克構坐配流嶺表而死

賈敦頤曹州冤句人也貞觀中歷遷滄州刺史在職清潔每入朝盡室而行唯弊車一乘羸馬數匹羈勒有闕以繩為之見者不知其刺史也二十三年轉瀛州刺史州界滹沱河及澧水每歲泛溢漂流居人敦頤奏立隄堰自是無復水患承徵五年累遷洛州刺史時豪富之室皆籍外占田敦頤都括獲三千餘頃以給貧乏又發姦摘伏有若神明尋卒弟敦實敦實貞觀中為饒陽令政化清靜老幼懷之時敦頤復授瀛州刺史舊制大功以上不復連官朝廷以其兄弟在職俱有能名竟不遷替咸亨元年累轉洛州長史甚有惠政時洛陽令楊德幹杖殺人吏以立威名敦實曰政在養人義須存撫傷生過多雖能亦不足貴也常抑止德幹德幹亦為之稍減四年遷太子右庶子初敦頤為洛州刺史百

姓共樹碑于大市通衢及敦實去職復刻石頌美立于兄之碑側時人號為棠

棟碑敦實後爲懷州刺史永淳初以年老致仕及病篤子孫迎醫視之敦實曰未聞良醫能治老也終不服藥垂拱四年卒時年九十餘子膺福先天中歷左散騎常侍昭文館學士坐預竇懷貞等謀逆伏誅

李君球齊州平陵人也父義滿屬隋亂糾合宗黨保固村閭外盜不敢侵逼以功累授齊郡通守武德初遠申誠款詔以其宅爲譚州仍拜爲總管封平陵郡公君球少任俠頗涉書籍貞觀中齊州都督齊王據州城舉兵作亂君球與兄子行均守縣城事平太宗聞而嘉之擢授游擊將軍仍改其本縣爲全節縣君球累補左統衛義全府折衝都尉龍朔三年高宗將伐高麗君球上疏諫曰臣聞心之病者不能緩聲事之急者不能安言性之慈者不能隱情且食君之祿者死君之事今臣食陛下之祿矣其敢愛身乎臣聞司馬法曰國雖大好戰必亡天下雖安忘戰必危兵者凶器戰者危事故聖主明王重行之也愛人力之盡悉府庫之殫懼社稷之危生中國之患故古人云務廣德者昌務廣地者亡昔秦始皇好戰不已至于失國是不愛其內而務其外故也漢武遠討朔方迨乎萬里廣拓南海分爲八郡終於戶口減半國用空虛至於末年方垂哀痛之詔自悔其失彼高麗者僻側小醜潛藏山海之間得其人不足以彰聖化棄其地不足以損天威何至乎疲中國之人傾府庫之實使男子不得耕耘女子不得蠶織陛下爲人父母不垂惻隱之心傾其有限之賞貪於無用之地設令高麗既滅卽不得不發兵鎮守少發則兵威不足多發則人心不安是乃疲於轉戍萬姓無聊生也萬姓無聊卽天下敗矣天下既敗陛下何以自安故臣以爲征之不如不征滅之不如不滅書奏不納尋遷蔚州刺史未行改爲興州刺史累遷揚州大都督府長史政尚嚴肅人吏懼之盜賊屏跡高宗頻降書勞勉時有吐谷渾犯塞以君球素有威重轉爲靈州都督尋卒官

崔知溫許州鄆陵人祖樞司農卿父義真陝州刺史知溫初爲左千牛麟德中累轉靈州都督府司馬州界有渾斛薛部落萬餘帳數侵掠居人百姓咸廢農業習騎射以備之知溫表請徙於河北斛薛不願遷移時將軍契苾何力爲之言於高宗遂寢其奏知溫前後十五上詔竟從之於是百姓始就耕種後斛薛

入朝因過州謝曰前蒙妻徙河北實有怨心然牧地膏腴水草不乏部落日富始荷公恩拜伏而去知溫四遷蘭州刺史會有党項三萬餘衆來寇州城城內勝兵既少衆大懼不知所爲知溫使開城門延賊賊恐有伏不敢進俄而將軍權善才率兵來救大破党項之衆善才因其降欲盡坑之以絕後患知溫曰弗逆克奔古人之善戰誅無噍類禍及後昆又谿谷崢嶸草木幽蔚萬一變生悔之何及善才然其計又欲分降口五百人以與知溫知溫曰向論安危之策乃公事也豈圖私利哉固辭不受党項餘衆由是悉來降附知溫累遷尚書左丞轉黃門侍郎同中書門下三品兼修國史永隆二年七月遷中書令永淳三年三月卒年五十七贈荊州大都督子泰之開元中官至工部尚書少子諤之諤之神龍初爲將作少匠預誅張易之有功封博陵縣侯賜實封二百戶開元初累遷少府監知溫兄知悌知悌高宗時官至戶部尚書

高智周常州晉陵人少好學舉進士累補費縣令與丞尉均分俸錢政化大行人吏刊石以頌之尋授秘書郎弘文館直學士預撰瑤山玉彩文館辭林等三遷蘭臺大夫時孝敏在東宮智周與司文郎中賀凱司經大夫王真儒等俱以儒學詔授爲侍讀總章元年請假歸葬其父母因謂所親曰知進而不知退取患之道也迺稱疾去職俄起授壽州刺史政存寬惠百姓安之每行部必先召學官見諸生試其講誦訪以經義及時政得失然後問及墾田獄訟之事咸亨二年召拜正諫大夫兼檢校禮部侍郎尋遷黃門侍郎同中書門下三品兼修國史俄轉御史大夫累表固辭煩劇之任高宗嘉其意拜右散騎常侍又請致仕許之永淳二年十月卒於家年八十二贈越州都督府智周少與鄉人蔣子慎善同詣善相者曰明公位極人臣而胤嗣微弱蔣侯官祿至薄而子孫轉盛子慎後累年爲建安尉卒其子繪來謁智周智周已貴矣曰吾與子父有故子復有才因以女妻之永淳中爲魏氏尉鄭州司兵卒繪子捷舉進士開元中歷臺省仕至湖延二州刺史子貴贈揚州大都督捷子冽漢並進士及第冽歷禮吏戶部三侍郎尚書左丞漢天寶末給事中永泰初右散騎常侍高氏珍滅已久異符相者之言初冽兄弟在父艱廬於墓側植松柏千餘株又同時榮貴人

推其友愛，列子鍊，漢子鍊，亦進士舉。

田仁會，雍州長安人。祖軌，隋幽州刺史。信都郡公。父弘，陵州刺史。襲信都郡公。

仁會武德初，應制舉，授左衛兵曹。累遷左武候中郎將。貞觀十八年，太宗征遼，發後薛延陀數萬騎抄河南。太宗令仁會及執失思力率兵擊破之。逐北數百里。延陀脫身走免。太宗嘉其功，降璽書慰勞。永徽二年，授平州刺史。勸學務農。

稱爲善政。轉鄆州刺史。屬時旱，仁會自曝祈禱，竟獲甘澤。其年大熟。百姓歌曰：父母育我，田使君。精誠爲人，上天聞田中致雨。山出雲，倉廩既實，禮義申，但願常在。不患貧。五遷勝州都督。州界有山賊阻險，劫奪行。仁會發騎盡捕殺之。自是外戶不閉，盜賊絕跡。入爲太府少卿。麟德二年，轉右金吾將軍。所得祿俸，估外有餘，輒以納官。時人頗譏其邀名。仁會強力疾惡，晝夜巡警，自宮城至於衢路，絲毫越法，無不立發。每日庭引百餘人，躬自閱罰。略無寬者。京城貴賤，咸畏憚之。時有女巫蔡氏，以鬼道惑衆，自云能令死者復生。市里以爲神明。仁會驗其假妄，奏請徙邊。高宗曰：若死者不活，便是妖妄。若死者得生，更是罪過。竟依仁會所奏。仁會總章二年，遷太常正卿。咸亨初，又轉右衛將軍。以年老致仕。

儀鳳四年卒。年七十八。諡曰威神。龍中以子歸道，贈戶部尚書。歸道弱冠明經舉。長壽中，累補司賓丞。仍通事舍人。內供奉。久之，轉左衛郎將。聖曆初，突厥默啜遣使請和。制道左豹韜衛將軍。聞知，微入蕃冊，爲立功報國。可汗默啜又遣使入朝謝恩。知微遇諸途，便與之緋袍銀帶，兼表請蕃使入都。曰：大備陳設，歸道上言曰：突厥背恩，積稔。悔過來朝，宜待聖恩，寬其罪戾。解辦削社，須臾天慈。知微擅與袍帶，國家更將何物充賜。望反初服，以俟朝恩。且小蕃使到，不勞大備之儀。則天然之及。默啜將至，單于都護府。乃令歸道攝司賓卿，迎勞之。默啜又奏請六胡州及單于都護府之地。則天不許。默啜深怨，遂拘繫歸道，將害之。歸道辭色不撓。更責以無厭求請，兼喻其禍福。默啜意稍解。會有制賜默啜粟三萬碩，雜絲五萬段，農器三千事，并許之。結婚。於是歸道得還。遂面陳默啜不利之狀。請加防禦。則天納焉。頃之，默啜果叛。挾聞知，微入寇，趨定等州。擢拜歸道夏官侍郎。甚見親委。累遷左金吾將軍。司膳卿。兼押千騎。未幾，除尚方監。加

銀青光祿大夫。轉殿中監。仍令依舊押千騎。宿衛於玄武門。敬暉等討張易之昌宗也。遣使就索千騎。歸道既先不預謀，拒而不與。及事定，暉等將誅之。歸道執辭免。令歸私第。中宗嘉其忠壯，召拜太僕少卿。驟除殿中少監。右金吾將軍。歲餘病卒。贈輔國大將軍。追封原國公。中宗親爲文以祭之。子賓庭。開元中爲光祿卿。

韋機，雍州萬年人。祖元禮，隋浙州刺史。父恪，洛州別駕。機貞觀中爲左千牛曹。曹充使往西突厥，冊立同俄設爲可汗。會石國反叛，路絕。三年不得歸。機裂裳錄所經諸國風俗物產，名爲西征記。及還，太宗問蕃中事。機因奏所撰書。太宗大悅。擢拜朝散大夫。累遷至殿中監。顯慶中，爲檀州刺史。遷州素無學校。機教勸生徒，創立孔子廟。圖七十二子及自古賢達，皆爲之贊述。會契苾何力東討高麗，軍衆至檀州，而灤河泛漲，師不能進。供其資糧數日不乏。何力全師還，以其事聞。高宗以爲能，超拜司農少卿。兼知東都管田。甚見委遇。有宦者於苑中犯法，機杖而後奏。高宗嗟賞，賜絹數十疋。謂曰：更有犯者，卿即鞭之。不煩奏也。上元中，遷司農卿。檢校園苑。造上陽宮，并移中橋。從立德坊曲徙於長夏門街。時人稱其省功便事。有道士朱欽，遂爲天后所使，馳傳至都，所爲橫恣。機囚之。因密奏曰：道士假稱中宮驛使，依倚形勢，臣恐虧損皇明，爲禍患之漸。高宗特發中使慰諭機，而欽遂配流邊州。天后由是不悅。儀鳳中，機坐家人犯盜，爲憲司所劾。免官。永淳中，高宗幸東都，至芳桂宮驛。召機令白衣檢校園苑。將復本官。爲天后所擠，而止。俄令檢校司農少卿事。會卒。子餘慶。餘慶官至右驍衛兵曹。早卒。餘慶子岳岳，亦以吏幹著名。則天時，累轉汝州司馬。會則天幸長安，召拜尚舍奉御。從駕還京。因召見，則天謂曰：卿是畫機之孫，勤幹固有家風也。卿之家事，朕悉知之。因問家人名。賞慰良久。尋拜太原尹。岳素不習武，固辭。邊任由是忤旨。左遷宋州長史。歷海陵、二州刺史。所在皆著威名。睿宗時，入爲殿中少監。甚承恩顧。及賈懷貞、李晉等伏誅，以岳嘗與交往，爲姜皎所陷。左遷渠州別駕。稍遷陝州刺史。開元中，卒於潁州別駕。子景駿。景駿明經舉。神龍中，累轉肥鄉令。縣北界漳水。連年泛溢，舊隄迫近水漕，難修築不息。而漂流相繼。景

一四九八

峻審其地勢，拓南數里，因高築隄，暴水至，隄南以無患，水去而隄北稱為腴田。漳水舊有架柱長橋，每年修葺，景駿又改造為浮橋，自是無復水患。至今賴焉。時河北飢，景駿躬撫合境，村閭必通贖恤，貧弱獨免流離，及去任，人吏立碑頌德。開元中，為貴鄉令，縣人有母子相訟者，景駿謂之曰：「吾少孤，每見人養親，自恨終天無分，汝幸在溫清之地，何得如此錫類不行，令之罪也。」因垂泣嗚咽，仍取孝經付令習讀之。於是母子感悟，各請改悔，遂稱慈孝。累轉趙州長史，路由肥鄉，人吏驚喜，競來饋餞，留連經日。有童稚數人，年甫十餘歲，亦在其中。景駿謂曰：「計吾為此令時，汝輩未生，既無舊恩，何慙慙之甚也。」咸對曰：「此間長宿傳說，縣中麻字學堂，館舍隄橋，並是明公遺跡，將謂古人不意親得瞻覩，不覺欣懣倍於常也。其為人所思如此。」十七年，遷房州刺史。州帶山谷，俗參蠻夷，好淫祀而不修學校，景駿始開貢舉，悉除淫祀，又通狹路，并造傳館，行旅甚以為便。二十年，轉奉先令，未行而卒。

權懷恩，雍州萬年人。周荊州刺史千金郡公景宣玄孫也。其先自天水徙家焉。祖弘壽，大業末為臨汾郡司倉書佐，高祖鎮晉陽，引判留守事，以從義師之功。累轉秦王府長史，太宗遇之甚厚，又從平王世充，拜太僕卿，累封盧國公。卒，諡曰恭。父知讓，襲爵官至博州刺史。懷恩初以蔭授太子洗馬，咸亨初，累轉尚乘奉御，襲爵盧國公。時有奉乘安畢羅，善於調馬，甚為高宗所寵，懷恩奏事，遇畢羅在帝左右，戲無禮，懷恩退而杖之四十。高宗知而嗟賞之，謂侍臣曰：「懷恩乃能不避險禦，真良吏也。」即日拜萬年令，為政清肅，令行禁止。前後京縣令無及之者。後歷慶萊衛邢四州刺史。洛州長史，懷恩姿狀雄毅，東帶之後，妻子不敢仰視。所歷皆以威名御下，人吏重足而立。俄出為宋州刺史。時汴州刺史楊德幹亦以嚴肅與懷恩齊名，至是懷恩路由汴州，德幹送之出郊，懷恩見新橋中，途立木以禁車過者，謂德幹曰：「一言處分豈不得，何用此為？」德幹大慚。時議以為不如懷恩也。轉益州大都督府長史，卒。姪楚璧，官至左領軍衛兵曹參軍。開元十年，駕在東都，楚璧乃與故兵部尚書李迥秀、秀齊損、從祖弟金吾淑、陳倉尉盧玘及京城左屯管押官長上折衝周履濟、楊楚劍、元令琪等舉兵反，立

楚璧兄子梁山，年十五，詐稱襄王男，號為光帝，擁左屯營兵百餘人，梯上景風門，逾城而入。居長樂恭禮門，入宮城，求留守刑部尚書王志愔，不獲，屬天曉屯營兵，自相翻覆，盡殺梁山等。傳首東都。楚璧並坐籍沒。懷恩叔祖萬紀，萬紀性強正，好直言。貞觀中，為治書侍御史，以公事奏劾魏徵、溫彥博等。太宗以為不避豪貴，甚禮之。遷尚書左丞，封冀氏男。再轉齊王祐府長史，祐既失德，數匡正之，竟為祐所殺。在祐傳，祐既死，贈萬紀齊州都督，武都公。諡曰敬。子玄福，高宗時為兵部侍郎。

馮元常，相州安陽人，自長樂徙家焉。北齊右僕射子琮曾孫也。舉明經，高宗時累遷監察御史，為劍南道巡察使，與利除害。蜀土賴焉。永淳中，為尚書左丞，元常清鑒，有理識，甚為高宗之所賞。嘗密奏中宮權重，宜稍抑損。高宗雖不能用，深以其言為然。則天聞而甚惡之。及臨朝，四方承旨，多獻符瑞，嵩陽令樊文進瑞石，則天命於朝堂，示百官。元常奏言狀涉詭譎，不可誣罔。士庶則天不悅，出為龍州刺史。俄而天下岳牧集，乾陵會葬，則天不欲元常赴陵，所中途改授眉州刺史。劍南先時光火賊夜掠居人，晝潛山谷。元常至，喻以恩信，許其首露，仍切加捕逐，賊徒捨器械，杖面縛，自陳者相繼。又轉廣州都督，便道之任，不許詣都。尋屬安南首領李嗣仙殺都護劉延祐，剽陷州縣，勅元常討之。率士卒濟南海，先馳檄示以感恩，喻以禍福。嗣仙徒黨多相率歸降。因縱兵誅其魁首，安慰居人而旋離屢有政績，則天竟不賞之。尋為酷吏周興所陷，追赴都，下獄死。元常聞門雍肅，雅有禮度，雖小功之喪，未嘗褻于私室。甚為士類所稱。從父弟元淑，則天時為清漳令，政有殊績，百姓號為神明。又歷浚儀，始平二縣令，皆單騎赴職，未嘗以妻子之官，所乘馬午後則不與芻，云令其作齊身及奴僕，每日一食而已。俸祿之餘，皆供公用，并給與貧士。人或譏其邀名，元淑曰：「此吾本性，不為苦也。」中宗時，陞重書勞勉，仍令史官編其事跡。卒於祠部郎中。

蔣儼，常州義興人。貞觀中，為右屯衛兵曹參軍。太宗將征遼東，募使高麗者，眾皆畏憚，儼謂人曰：「主上雄略，華夷畏威，高麗小蕃，豈敢圖其使者。縱其凌虐，亦是吾死所也。」遂出請行。及至高麗，其難支置於窟室中，脅以兵刃，終不屈。稅會

高麗敗得歸太宗奇之拜朝散大夫再遷幽州司馬以善政為巡察使劉祥道所薦擢為會州刺史再遷殿中少監數陳意見高宗每優納之再轉蒲州刺史蒲州戶口殷劇前後刺史多不稱職儼下車未幾令行禁止稱為良牧永淳元年拜太僕卿以父名卿固辭乃除太子右衛副率時徵隱士田遊巖為太子洗馬在宮竟無匡輔儼乃貽書以責之曰足下負巢由之峻節傲唐虞之聖主養煙覆之逸氣守林壑之遁情有年載矣故能聲出區宇名流海內主上屈萬乘之重申三顧之榮遇子以商山之客待子以不臣之禮將以輔導儲貳漸染芝蘭耳皇太子春秋鼎盛聖道未周拾遺補闕臣子恆務僕以不才猶參廷議誠以素非德望位班宰伍言以人廢不蒙採擢足下受調讓之寄是可言之秋唯唯而無一談悠悠以卒年歲向使不食周粟僕何敢言祿及親矣將何酬塞想為不達謹書起予遊巖竟不能荅儼尋檢校太常卿文明中封義興縣子歷右衛大將軍太子詹事以年老致仕垂拱三年卒年七十八文集五卷

王方翼并州祈人也高宗王庶人從祖兄也祖裕武德初隋州刺史裕妻即高祖妹同安大長公主也太宗時以公主屬尊年老特加敬異數幸其第賞賜累萬方翼父仁表貞觀中為岐州刺史仁表卒妻李氏為主所斥居於鳳泉別業時方翼尚幼乃與傭保齊力動作苦心計功不虛業數年闢田數十頃修飾館宇列植竹木遂為富室公主卒後歸長安友人趙持滿犯罪被誅暴尸於城西親戚莫敢收視方翼歎曰樂布之哭彭越大義也周文之掩朽骼至仁也絕友之義蔽主之仁何以事君乃收其屍具禮葬之高宗聞而嘉數由是知名永徽中累授安定令誅大姓皇甫氏盜賊止息號為善政五遷肅州刺史時州城荒毀又無壕塹數為寇賊所乘方翼發卒濬築引多樂水環城為壕又出私財造水碾磑稅其利以養飢餓宅側起舍十餘行以居之屬蝗儉諸州貧人死於道路而肅州全活者甚衆州人為立碑頌美會吏部侍郎裴行儉西討遮國奏方翼為副兼檢校安西都護又築碎葉鎮城立四面十二門皆屈曲作隱伏出沒之狀五旬而畢西越諸胡競來觀之因獻方物永隆中車簿反叛圍弓月城方翼引軍救之至伊麗河賊前來拒因縱擊大破之斬首千餘級俄而二姓咽麴

悉發衆十萬與車簿合勢以拒方翼屯兵熱海與賊連戰流矢貫臂徐以佩刀截之左右莫有覺者既而所將蕃兵懷貳謀執方翼以應賊方翼密知之悉召會議佯出軍資以賜之續續引去便令斬之會大風又振金鼓以亂其聲遂誅七千餘人因遣裨將分道討襲咽麴等賊既無備因是大潰擒首領突騎施等三百人西域遂定以功遷夏州都督屬牛疫無以營農方翼造人耕之法施關鍵使人推之百姓賴焉永淳二年詔徵方翼將議西域之事於奉天宮謁見賜食與語方翼衣有戰時血漬之處高宗問其故方翼具對熱海苦戰之狀高宗使袒視其瘡數曰吾親也賞賜甚厚俄屬綏州白鐵余舉兵反乃詔方翼副程務挺討之賊平封太原郡公則天臨朝以方翼是庶人近屬欲除之及程務挺被誅以方翼與務挺連職素善追赴都下獄遂流于崖州而死子珣珣珣並知名珣珣開元中皆為中書舍人珣至秘書監

薛季昶絳州龍門人也則天初上封事解褐拜監察御史頻按制獄稱旨累遷御史中丞萬歲通天元年夏官郎中侯味虛統兵討契丹不利奏言賊徒熾威常有虵虎導其軍則天命季昶按驗其狀便為河北道按察使季昶先馳至軍斬味虛以聞又有襄城尉吳澤者貪虐縱橫嘗射殺驛使截百姓子女髮以為鬻州將不能制甚為人所患季昶又杖殺之由是威震遠近州縣望風懾懼然後布以恩信旌揚善吏有汴州孝女李氏年八歲父卒柩殯在堂十餘載每日哭臨無限及年長母欲嫁之遂截髮自誓請在家終養及喪母號毀殆至滅性家無丈夫自營棺槨州里欽其至孝送葬者千餘人葬畢屢於墓側蓬頭跣足實土成墳手植松柏數百株季昶列上其狀有制特表門閭賜以粟帛久視元年季昶自定州刺史入為雍州長史威名甚著前後京尹無及之者俄遷文昌左丞歷魏陝二州刺史長安末為洛州長史所在皆以嚴肅為政神龍初以預誅張易之兄弟功加銀青光祿大夫拜戶部侍郎時季昶勸敬暉等因兵勢殺武三思暉等不從竟以此敗語在暉傳季昶亦因是累貶自桂州都督授儋州司馬初季昶與昭州首領周慶立及廣州司馬光楚客不協及將之儋州懼慶立兇殺將往廣州又惡楚客乃歎曰薛季昶行事至是耶因自製棺仰藥而

死。睿宗即位，下制曰：故儋州司馬薛季昶，剛幹義烈，早承先顧，驅策中外，績譽昭宣。有莊揚之推舉，同汲黯之強直，屬魏正操衡，除其異己，橫加竄責，卒至殞亡。言念忠冤，有懷嘉悼，可贈左御史大夫，仍同敬暉等例，與一子官。

舊唐書卷一百八十五上

舊唐書卷一百八十五下

後晉司空同中書門下平章事劉昫撰

列傳第一百三十五

良吏下

裴懷古

張知審兄知玄弟知泰

知晦

楊元琰

倪若水

李濬

陽嶠

宋慶禮

姜師度

強循和達弟

潘好禮

楊茂謙

楊瑒

崔隱甫

李尙隱

呂誼

蕭定

蔣沈

薛珏

李惠登

任迪簡

范傳正

袁滋

薛萃

閻濟美

裴懷古壽州壽春人也儀鳳中詣闕上書授下部主簿長壽中累轉監察御史時姚崇讒首反叛詔懷古往招輯之懷古申明賞罰賊徒歸附者日以千數乃俘其魁首處其居人而還蠻夷荷恩立碑頌德時恆州鹿泉寺僧淨滿為弟子所謀密畫女人居高樓仍作淨滿引弓而射之藏於經笥已而詣闕上言僧呪詛大逆不道則天命懷古按問誅之懷古究其辭狀釋淨滿以聞則天大怒懷古奏曰陛下法無親疎當與天下畫一豈使臣誅無辜之人以希聖旨向使淨滿有不臣之狀臣復何顏能寬之乎臣今慎守平典雖死無恨也則天意乃解聖曆中聞知微充使往突厥懷古監其軍至虜庭默啜立知微為南面可汗將授懷古偽職懷古不從將殺之懷古抗辭曰寧守忠以就死不毀節以求生請就斬所不避也乃禁錮隨軍因挺身奔竄以歸拜祠部員外郎時姚崇讒首相率詣闕頌懷古經撫之狀請為牧守以撫之遂授姚州都督以疾不行轉司封郎中時始安賊歐陽倩擁徒數萬剽陷州縣授懷古桂州都督仍充招慰討擊使纒及積飛書招誘示以禍福賊徒迎降自陳為吏人侵逼乃舉兵耳懷古知

其誠懇乃輕騎以赴之左右曰夷獠難親未可信也懷古曰吾仗忠信可通於神明況於人乎因造其營以慰諭之羣賊喜悅歸其所掠財貨納於公府諸洞酋長素持兩端者盡來款附嶺外悉定復歷相州刺史并州大都督府長史所在為人吏所慕神龍中遷左羽林大將軍行未達都復授并州長史吏人聞懷古還老幼相攜郊野歡迎時崔宣道代懷古為并州下車而罷出郊以候懷古懷古恐傷宣道之意命官吏驅逐出迎之人而百姓奔赴愈眾其為人所思如此俄轉幽州都督徵為左威衛大將軍尋卒

張知審蒲州河東人也徙家于岐少與兄知玄知晦弟知泰知默五人勵志讀書皆以明經擢第儀質瓌偉眉目疎朗曉於玄理清介自守故當時名公爭引薦之遞歷畿赤知審知泰知默調露後又歷臺省知審天授後歷房和舒延德定稷晉洛宜貝十一州刺史所涖有威嚴人不敢犯通天中知泰為洛州司馬知默為秋官郎中知審自德州入計則天重其才幹又目其狀貌過人命畫工寫之以賜其本曰人或有才未必有貌卿家昆弟可謂兩絕時人稱之尋以知泰為夏官地官侍郎益州長史中臺右丞初知審為房州時中宗以廬陵王安置房州制約甚急知審與董玄質崔敬嗣相次為刺史皆保護供擬豐贍中宗德之及神龍元年中宗踐極自貝州追知審為左衛將軍加雲麾將軍封范陽郡公知泰自兵部侍郎授右御史大夫加銀青光祿大夫進封漁陽郡公鬚髮華皓同貴於朝時望甚美之知泰以忤武三思出為并州刺史天平軍使仍帶本官尋又為魏州刺史景龍二年卒優詔襲贈諡曰定時知審為洛州長史東都副留守又歷左右羽林大將軍同華州刺史大理卿致仕開元中卒年八十知審敏於從政性亮直不喜有請託求進無才而冒位者故子姪經義不精不許論舉知默嘗與來俊臣周興等同掌詔獄陷於酷吏子孫禁錮知泰開元中累贈刑部尚書特進知玄子景昇知泰子景佚開元中皆至大官門列戟戟

楊元琰號州闕鄉人隋禮部尚書希曾孫也初生時數歲不能言相者曰語遲者神定此必成大器也及長偉姿儀以器局見稱初為平棘令號為善政載初中累遷安南副都護又歷蘄蒲晉魏宣許六州刺史涼梁二都督荆府長史前

後九度清白昇進累降璽書褒美長安中張柬之代元琰為荊州長史與元琰泛江中流言及則天革命議諸武擅權之狀元琰發言慷慨有匡復之意及東之知政事妻引元琰為右羽林將軍至都東之謂曰記昔江中之言乎今日之授意不細也乃結元琰與李多祚等定計誅張易之兄弟及事成加雲麾將軍封弘農郡公食實封五百戶仍賜鐵券恕十死俄而張柬之敬暉等為武三思所構元琰覺變奏請削髮出家仍辭官爵實封中宗不許敬暉聞而笑曰向不知奏請出家合贊成其事刺却胡頭豈不妙也元琰多鬚類胡暉以此言戲之元琰曰功成名遂不將危此由衷之請不徒然也暉知其意翼然不悅及暉等得罪元琰竟以先覺獲全尋加金紫光祿大夫轉衛尉卿明年李多祚等被誅元琰以曾與多祚同立功亦被繫獄問狀賴中書侍郎蕭至忠保明之竟得免罪又轉光祿卿景龍中抗疏請削在身官爵迴贈父官中宗許之乃追贈其父越州長史睿宗即位三遷刑部尚書改封魏國公開元初拜太子賓客致仕六年卒于家年七十九子仲嗣密州刺史仲昌吏部郎中

倪若水恆州襄城人也開元初歷遷中書舍人尚書右丞出為汴州刺史政尚清靜人吏安之又增修孔子廟堂及州縣學舍勸勵生徒儒教甚盛河汴間稱誅不已四年玄宗令宦官往江南採鵝鶩等諸鳥路由汴州若水知之上表諫曰方今九夏時忙三農作苦田夫擁耒蠶婦持桑而以此時採捕奇禽異鳥供園池之翫遠自江橫達於京師水備舟舩陸僦擔負飯之以魚肉間之以稻粱道路觀者豈不以陛下賤人貴鳥也陛下當以鳳皇為凡鳥麒麟為凡獸即鵝鶩鷓鴣易足貴也陛下昔潛龍藩邸備歷艱虞今氣稔廓清高居九五玉帛子女充於後庭職貢珍奇盈於內府過此之外復何求哉臣承國厚恩超居重任葦芥賤命常欲殺身以効忠葵藿微心常願曝肝以報主瞻望庭闕敢布腹心直言忤旨甘從鼎鑊手詔答曰朕先使人取少雜鳥其使不識朕意採鳥稍多卿具奏其事辭誠忠懇深稱朕意卿達識周材義方敬直改駭網轄之重委以方面之權果能閉邪存誠守節彌固骨鯁忠烈遇事無隱言念忠謹深用嘉慰使人朕已量事決罰禽為並令放訖今賜卿物四十段用答至言尋入拜戶

部侍郎七年復授尚書右丞卒
李濬隴西人祖世武睿宗即位加銀青光祿大夫上在東宮選為太子中允又出為麟州刺史政有能名開元初置諸道按察使咸選能吏授濬潤州刺史江東按察使累封真源縣子州人孫處玄以學行著名濬特加禮異累表薦之仍令子麟與之結交處玄竟稱疾不起濬尋拜號路二州刺史又拜益州長史劍南節度使攝御史大夫所歷皆以誠信待物稱為良吏及去職咸有遺愛八年卒官贈戶部尚書諡曰成子麟自有傳

陽嶠河南洛陽人其先自北平徙焉北齊右僕射休之玄孫也儀鳳中應八科舉授將陵尉累遷管司直長安中桓彥範為左御史中丞袁恕己為右御史中丞爭薦嶠請引為御史內史楊再思素與嶠善知嶠不樂擢擊之任謂彥範等曰聞其不情願如何彥範曰為官擇人豈待情願唯不情願者尤須與之所以長難進之風抑躁求之路再思然其言擢為右臺侍御史景龍末累轉國子司業嶠恭謹好學有儒者之風又勤於政理循循善誘及在學司時人以為稱職奏修先聖廟及講堂因建碑前庭以紀崇儒之事睿宗即位拜尚書右丞時分建都督府以統外臺精擇良吏以嶠為涇州都督府尋停不行又歷魏州刺史充兗州都督荊州長史為本道按察使所在以清白聞魏州人詣闕割耳請嶠重臨其郡又除魏州刺史入為國子祭酒累封北平伯薦尹知章范行恭趙玄默等為學官皆稱名儒時學徒漸弛嶠課率經業稍行鞭筆學生怨之頗有喧謗乃相率乘夜於街中毆之上聞而令所由杖殺無理者由是始息嶠素友悌撫孤姪如己子常謂人曰吾雖位登方伯而心不異於曩時一尉耳識者甚稱歎之尋以年老致仕卒于家諡曰敬

宋慶禮涪州永年人舉明經授衛縣尉則天時侍御史桓彥範受詔於河北斷塞居庸岳嶺五迴等路以備突厥特召慶禮以謀其事慶禮雅有方略彥範甚禮之尋遷大理評事仍充嶺南採訪使時崖振等五州首領更相侵掠荒俗不安承前使人懼其炎瘴莫有到者慶禮躬至其境詢問風俗示以禍福於是安堵遠罷鎮兵五千人開元中累遷貝州刺史仍為河北支度營田使初營州都

督府置在柳城控帶奚契丹則天時都督趙文翹政理乖方兩蕃反叛攻陷州城其後移於幽州東二百里漁陽城安置開元五年奚契丹各款塞歸附玄宗欲復營州於舊城侍中宋璟固爭以爲不可獨慶禮感陳其利乃詔慶禮及太子詹事姜師度左驍衛將軍邵宏充使更於柳城築營州城與役三旬而畢俄拜慶禮御史中丞兼檢校營州都督開屯田八十餘所追拔幽州及漁陽淄青等戶并招輯商胡爲立店肆數年間營州倉廩頗實居人漸殷慶禮爲政清嚴而勤於聽理所歷之處人吏不敢犯然好與功役多所改更嘗於邊險置竅立槍以邀賊路議者頗嗤其不切事也七年卒贈工部尚書太常博士張星議曰宋慶禮大剛則折至察無徒有事東北所亡萬計所謂害於而家凶於而國案諡法好巧自是曰專請諡曰專禮部員外郎張九齡駁曰慶禮在人苦節爲國勞臣一行邊陲三十年所戶庭可樂彼獨安於傳遞稼穡爲艱又能實於軍廩莫不服勞學之事而匪懈其心守貞堅之規而自盡其力有一於此人之所難況營州者鎮彼戎夷扼喉斷臂逆則制其死命順則爲其主人是稱樂都其來尚矣往緣趙翻作牧馭之非才自經廢廢便長寇孽故二十年間有事東鄙僱屍暴骨敗將覆軍蓋不可勝紀大明臨下聖謀獨斷恢祖宗之舊復大馬之迹以數千之役徒無甲兵之強衛指期遂往稟命而行於是量畚築執鼓鼓親總其役不愆所慮俾柳城爲金湯之險林胡生腹心之疾蓋爲此也尋而罷海運收歲儲邊亭晏然河朔無擾與夫與師之費轉輸之勞較其優劣孰爲利害而云所亡萬計一何謬哉及契丹背誕之日懼我犄角之勢雖鼠穴自固而駒牧無侵蓋張皇彼都繫賴之力也安有踐其迹以制其實貶其諡以徇其虛探慮始之謗聲忘經遠之權利義非得所孰謂其可請以所議更下太常庶素行之迹可尋易名之典不墜者也星復執前議慶禮兄子辭玉又請闕稱寬乃諡曰敬

姜師度魏人也明經舉神龍初累遷易州刺史兼御史中丞爲河北道監察兼支度營田使師度勤於爲政又有巧思頗知溝恤之利始於薊門之北漲水爲溝以備奚契丹之寇又約魏武舊渠傍海穿漕號爲平廣渠以避海艱糧運者

至今利焉尋加銀青光祿大夫累遷大理卿景雲二年轉司農卿開元初遷陝西刺史州西太原倉控兩京水陸二運常自倉車載米至河際然後登舟師度遠鑿地道自上注之便至水次所省萬計六年以蒲州爲河中府拜師度爲河中尹令其繕緝府寺先是安邑鹽池漸涸師度發卒開拓疏決水道置爲鹽屯公私大收其利再遷同州刺史又於朝邑河西二縣界就古通靈陂擇地引維水及堰黃河灌之以種稻田凡二千餘頃內置屯十餘所收穫萬計特加金紫光祿大夫尋遷將作大匠明年左拾遺劉彤上言請置鹽鐵之官收利以供國用則免重賦貧人使窮困者獲濟疏奏令宰相議其可否咸以爲鹽鐵之利甚裨國用遂令師度與戶部侍郎強循並攝御史中丞與諸道按察使計會以收海內鹽鐵其後頗多沮議者事竟不行師度以十一年病卒年七十餘師度既好溝洫所在必發衆穿鑿雖時有不利而成功亦多先是太史令傅孝忠善占星緯時人爲之語曰傅孝忠兩眼看天姜師度一心穿地傳之以爲口實強循者鳳州人亦以吏幹知名官至大理卿又有和逢堯者岐州岐山人性詭譎有辭辯睿宗時突厥默啜請尙公主許之逢堯以御史中丞攝鴻臚卿充使報命既至虜庭默啜遣其大臣謂逢堯曰勅書送金鑊鞍檢乃銀胎金塗豈是天子意爲是使人換却如此虛假公主必應非實請還信物罷和親之事遂策馬而去逢堯大呼命左右引馬迴謂曰漢法重女壻令送鞍者祇取平安長久之義何必以金銀爲升降耶若爾乃是可汗貪金而輕銀豈是重人而貴信默啜聞之曰承前漢使不敢如此不可輕也遂設宴備禮逢堯又說默啜令裏頭著紫衫南面再拜遣子隨逢堯入朝逢堯以奉使功驟遷戶部侍郎尋以附會太平公主左遷朗州司馬開元中累轉柘州刺史卒于官

潘好禮貝州宋城人少與鄉人孟溫禮楊茂謙爲莫逆之友好禮舉明經累授上蔡令理有異績擢爲監察御史開元三年累轉郿王府長史俄而郿王出爲滑州刺史以好禮兼郿王府司馬知滑州事王欲有所遊觀好禮輒諫止之後王將鷹犬與家人出獵好禮聞而遮道請還王初不從好禮遂臥於馬前呼曰今正是農月王何得非時將此惡少狗馬踐暴禾稼縱樂以損於人請先賜殺

司馬然後聽王所為也王慚懼謝之而還好禮尋遷豫州刺史為政孜孜而繁於細事人吏雖憚其清嚴亦厭其苛察其子請歸鄉預明經舉好禮謂曰國法須平汝若經業未精則不可妄求也乃自試其子經義未通好禮大怒集州寮管而加之立於州門以徇於衆俄坐事左遷温州別駕卒好禮常自以直道不附於人又未嘗敘累階勳服用麤陋形骸土木議者亦嫌其邀名

楊茂謙者清河人實懷貞初為清河令甚重之起家應制舉拜左拾遺出為臨洛令時洛州稱茂謙與清漳令馮元淑肥鄉令章景駿皆有政理之聲茂謙以清白聞擢為祕書郎時實懷貞為相數稱薦之由是歷遷大理正御史中丞開元初出為魏州刺史河北道按察使與司馬張懷玉本同鄉曲初善而未隙遂相糾訐坐貶桂州都督尋轉廣州都督以疾卒

楊瑒華陰人高祖縉陳中書舍人以辭學知名陳亡始自江左徙關中祖琮絳州刺史瑒初為麟遊令時御史大夫實懷貞檢校造金仙玉真二觀移牒近縣徵百姓所隱逆人資財以充觀用瑒拒而不受懷貞怒曰焉有縣令卑微敢拒大夫之命乎瑒曰所論為人冤抑不知計位高卑懷貞壯其對又中宗時韋庶人上表請以年二十二為丁限及韋氏敗省司舉徵租調瑒執曰韋庶人臨朝當國制書非一或進階卿士或赦宥罪人何獨於已役中男重徵丁課恐非保人之術省司遂依瑒所執一切免之瑒由是知名擢拜殿中侍御史開元初遷

侍御史時崔日知為京兆尹貪暴犯法瑒與御史大夫李傑將糾劾之傑反為日知所構瑒廷奏曰糾彈之司若遭恐脅以成姦人之謀御史臺固可廢矣上以其言切直遽令傑依舊視事日知為歙縣丞瑒歷遷御史中丞戶部侍郎上曾於延英殿召中書門下與諸司尚書及瑒議戶口之事瑒因奏人間損益甚見嗟賞時御史中丞宇文融奏括戶口議者或以為不便勅百寮省中集議時融方在權要公卿已下多雷同融議瑒獨與盡理爭之尋出為華州刺史十

六年遷國子祭酒表薦滄州人王迥質瀛州人尹子路汴州人白履忠皆經學優長德行純茂堪為後生師範請追授學官令其教授以獎儒學之路及迥至迥質起家拜諫議大夫仍為皇太子侍讀履忠以年老不任職事拜朝散大夫

放歸家子路直弘文館教授瑒又奏曰竊見今之舉明經者主司不詳其述作之意曲求其文句之難每至帖試必取年頭月日孤經絕句且今之明經習左傳者十無二三若此久行臣恐左氏之學廢無日矣臣望請自今已後考試者盡帖平文以存大典又儀禮及公羊穀梁始將廢絕若無甄異恐後代便棄望請能通周儀禮公羊穀梁者亦量加優獎於是下制明經習左氏及通周禮等四經者出身免任散官遂著於式由是生徒為瑒立頌於學門之外再遷大理卿以老疾辭職二十三年拜左散騎常侍尋卒贈戶部尚書諡曰貞瑒常嘆禮儀廢絕雖士大夫不能行之其家子女婚冠及有吉凶之會皆按據舊文更為儀注使長幼遵行焉

崔隱甫貝州武城人散騎侍郎儻之曾孫也祖濟太子洗馬父元彥太平令隱甫開元初再遷洛陽令理有威名九年自華州刺史轉太原尹人吏刊石頌其美政十二年入為河南尹十四年代程行誼為御史大夫時中書令張說當朝用事隱甫與御史中丞宇文融李林甫劾其犯狀說遂罷知政事隱甫在職強正無所迴避自貞觀年李乾祐為御史大夫別置臺獄有所鞠訊便輒擊之由是自中丞侍御史已下各自禁人牢扉常滿隱甫引故事奏以為不便遂掘去

之又憲司故事大夫已下至監察御史競為官政略無承襲隱甫一切督責事無大小悉令諮決稍有忤意者便列上其罪前後貶黜者殆半羣寮側目是冬勅隱甫校外官考舊例皆委細參問經春未定隱甫召天下朝集使一時集省中一日校考便畢時人伏其敏斷帝嘗謂曰卿為御史大夫海內咸云稱職甚副朕之所委也隱甫既與張說有隙俄又遞為朋黨帝聞而惡之特免官令歸侍母歲餘復授御史大夫遷刑部尚書母憂去官二十一年起復太原尹仍為河東採訪處置使復為刑部尚書兼河南尹二十四年車駕還京以隱甫為東

都留守為政嚴肅甚為入吏之所嘆服尋卒李尚隱其先趙郡人世居潞州之銅鞮近又徙家京兆之萬年弱冠明經累舉補下邳主簿時姚珽為同州刺史甚禮之景龍中為左臺監察御史時中書侍郎知吏部選事崔湜及吏部侍郎鄭愔同時典選傾附勢要逆用三年員闕士

庶孽極尋而相次知政事尙隱與同列御史李懷讓於殿庭勅之湜等遂下獄推究竟貶黜之時又有睦州刺史馮昭泰誣奏桐廬令李師等二百餘家稱其妖逆詔御史按覆之諸御史憚昭泰剛愎皆稱病不敢往尙隱嘆曰豈可使夏管陷枉刑而不爲申明哉遂越次請往竟推雪李師等奏免之俄而崔湜鄭愔等復用尙隱自殿中侍御史出爲伊闕令懷讓爲魏縣令湜等既死尙隱又自定州司馬擢拜吏部員外郎懷讓自河陽令擢拜兵部員外郎尙隱累遷御史中丞時御史王旭頗用威權爲士庶所患會爲營者所訟尙隱按之無所容貸獲其姦贓鉅萬旭遂得罪尙隱尋轉兵部侍郎再遷河南尹尙隱性率剛直言無所隱處事明斷其御下嚴如也又詳練故事近年制勅皆暗記之所在稱爲良吏十三年夏妖賊劉定高夜犯通洛門尙隱坐不能覺察所部左遷桂州都督臨行帝使謂之曰知卿公忠然國法須爾因賜雜綵百匹以慰之俄又遷廣州都督仍充五府經略使及去任有懷金以贈尙隱者尙隱固辭之曰吾自性分不可改易非爲慎四知也竟不受之累轉京兆尹歷蒲華二州刺史加銀青光祿大夫賜爵高邑伯入爲大理卿代王錡爲御史大夫時司農卿陳思問多引小人爲其屬吏隱盜錢穀積至累萬尙隱又舉按之思問遂流橫南而死尙隱三爲憲官輒去朝廷之所惡者時議甚以此稱之二十四年拜戶部尙書東都留守二十八年轉太子賓客尋卒年七十五諡曰貞

呂誼蒲州河東人志行修整勤於學業少孤貧不能自振里人程楚賓家富於財誼娶其女楚賓及子震皆重其才厚與資給遂遊京師天寶初進士及第調授寧陵尉本道採訪使韋陟嘉其才辟爲支使隴右河西節度使哥舒翰奏充度支判官累兼衛佐太子通事舍人誼性謹守勤於吏職雖同寮追賞而塊然視事不離案簿翰益親之累兼虞部員外郎侍御史祿山之亂哥舒翰敗肅宗卽位于靈武誼馳赴行在內官朱光輝李連驟薦有才子帝深遇之起拜御史中丞進奏無不允從幸鳳翔運武部侍郎賜金紫之服十月克復兩京詔誼與三司官詳定陷賊官陳希烈已下數百人罪戾輕重誼用法太深君子薄之乾元二年三月以本官同中書門下平章事知門下省事七月丁母憂免十月起復

授本官兼充度支使遷黃門侍郎上元元年正月加同中書門下三品賜門戟既立於第門或謂誼曰吉慶之事不宜以服受之誼遂權釋縶麻當中而拜人皆笑其失禮累加銀青光祿大夫東平男誼既爲相用妻父程楚賓爲衛尉少卿子震爲員外郎中官馬上言出納詔命誼昵之有納賂於上言求官者誼補之藍田尉五月上言事洩笞死以其肉令從官食之誼坐貶太子賓客七月授誼荊州大都督府長史兼御史大夫充禮部忠祿五州節度觀察處置等使誼至治所上言請於江陵置南都九月敕改荊州爲江陵府永平軍團練三千人以遏吳蜀之衝又析江陵置長寧縣又請割潭衡連道邵柳涪等七州隸江陵府先是張惟一爲荊州長史已爲防禦使陳希昂爲司馬希昂衡州酋帥家兵千人在部下自爲藩衛有牟遂金仕至將軍爲惟一親將與希昂積憾率兵入惟一衙索遂金之首惟一懼卽令斬首與之自是軍政歸於希昂及誼至奏進希昂赴上都除侍御史出爲常州刺史本州防禦使希昂路由江陵誼伏甲擊殺之部下皆斬積屍於府門府中僞服始奏其罪又妖人申奉芝以左道事李輔國權爲諫議大夫輔國奏於道州界置軍令奉芝爲軍校誘引羣蠻納其金帛賞以緋紫用囊中勅書賜衣以示之人用聽信軍人例衣朱紫作剽殺洞吏不敢制已積年矣潭州刺史龐承鼎忿之因奉芝入奏至長沙繫之首賊巨萬及左道文記一時搜獲遣使奏聞輔國黨奉芝奏召奉芝赴闕既得召見具言承鼎曲加誣陷詔鞠承鼎誣罔之罪令荆南府按問誼令判官監察御史嚴郢鞠之誼上疏論其事肅宗怒流郢於建州承鼎竟得雪後奉芝竟以賊敗流死人重誼之守正其剛斷不撓皆此類也初誼作相與同列李揆不協及誼被斥二年以善政聞揆惡之因言置軍湖南不便又使人往荆湖密伺誼誼知之乃上疏論揆揆坐貶袁州長史誼素羸疾元年建卯月卒贈吏部尙書有司謚曰肅故吏度支員外郎嚴郢請以二字曰忠肅博士獨孤及堅議以肅爲當從之誼在台司無異稱及理江陵三年號爲良守初郡人立祠誼歿後歲餘江陵

將吏合錢十萬於府西爽塏地大立祠宇四時祠禱之肅定字梅臣江南蘭陵人左僕射宋國公瑀曾孫也父恕號州刺史以定贈工

部尚書。定以陸授陝州參軍。金城丞。以吏事清幹聞。給事中裴遵慶奏為選補。黜陟使判官。迺改萬年主簿。累遷侍御史。考功員外郎。左右司二郎中。為元載所擠。出為秘書少監。兼袁州刺史。歷信州宋睦潤五州刺史。所治有政聲。大曆中有司條天下牧守課績。唯定與常州刺史蕭復。袁州刺史張鑑為理行第一。其勤農桑。均賦稅。逋亡歸復。戶口增加。定又冠焉。尋遷戶部侍郎。太常卿。朱泚之逆。變姓名藏匿里閭間。京師平。首蒙旌擢。除太子少師。與元元年卒。年七十七。加贈太子太師。

蔣沈。萊州膠水人。吏部侍郎欽緒之子也。性介獨好學。早有名稱。以孝廉累授洛陽尉。監察御史。與兄演。溶。弟清。俱以幹局吏事。擅能名於天寶中。長史韓朝宗。裴迺咸以推覆檢勾之任。委之處事。平允。剴斷精當。勳為羣察楷式。乾元後。授陸渾。整屋。咸陽。高陵四縣令。當軍旅之後。瘡痍未平。沈竭心綏撫。所至安輯。副元帥郭子儀。每統兵。由其縣。必誠軍吏曰。蔣沈。令清而嚴。幹供億。故當有素士。眾得蔬飯。見饋則足。無撓清政。其為名人所知如此。稍遷長安令。刑部郎中。兼侍御史。領渭橋河運。出納使。時元載秉政。廉潔守道者多不更職。沈以故滯於郎位。久不徙官。大曆十二年。常哀以羣議。稱沈。屈擢拜御史中丞。東都副留守。尋遷刑部侍郎。刪定副使。改大理卿。持法明審。號為稱職。建中元年冬。變駕幸奉天。沈奔行在。為賊候騎所拘。執欲以偽職誘之。因絕食稱病。潛竄里閭間。京師平。首蒙旌擢。拜右散騎常侍。尋以疾終。年七十四。追贈工部尚書。

薛珏。字溫如。河中寶鼎人。祖寶胤。邠州刺史。父紘。蒲州刺史。珏少以門蔭授懿德太子廟令。累授乾陵臺令。無幾。拜試太子中允。兼渭南尉。奏課第一。間歲復以清名。尤異聞。遷昭德令。縣人請立碑紀政。珏固讓不受。遷楚州刺史。本州營田使。先是州營田。宰相遙領使。刺史得專達。俸錢及他給。百餘萬。田官數百員。奉廩役者三千戶。歲以優授官者。復十餘人。珏皆條去之。十留一二。而租入有贏。為觀察使。誣奏。左授硤州刺史。遷陳州刺史。建中初。上分命使臣黜陟官吏。淮南李承以珏楚州之去煩政簡。使山南趙贊以珏硤州之廉清。使淮南盧翰以珏之蕭物。皆以陟狀聞。加中散大夫。賜紫。宣武軍節度使劉玄佐。署奏兼御

史大夫。汴宋都統行軍司馬。無幾。李希烈自汴州走。除珏汴州刺史。遷河南尹。入統司農卿。當是時。詔天下舉可任刺史縣令者。殆有百。人有詔令與羣官詢考。及延問人。問疾苦及胥吏得失。取其有惻隱。通達事理者。條舉。什纔一二。宰相將以辭策校之。珏曰。求良吏不可。兼責以文學。宜以聖君愛人之本為心。執政卒無難之。皆敘進官。頗多稱職。貞元五年。拜京兆尹。珏剛嚴明察。練達法理。以勤身率下。失於纖巧。無文學大體。八年。坐寶參改太子賓客。無幾。除嶺南節度觀察使。以疾卒。年七十四。廢朝一日。贈工部尚書。有子存慶。自有傳。

李惠登。平盧人也。少為平盧裨將。安祿山反。遂從兵馬使董秦。海轉收滄棣等州。輕師遠鬪。賊不能支。史思明反。復陷于賊。脫身投山南節度使來瑱。奏授試金吾衛將軍。李希烈反。授惠登兵二千。鎮隋州。貞元初。舉州歸順。授隋州刺史。兼御史中丞。遭李忠臣希烈殲殘之後。野曠無人。惠登朴素。不知學。居官無拔萃。率心為政。皆與理順。利人者因行之。病人者因去之。二十年間。田疇闢。戶口加。諸州奏吏入其境。無不歌謠其能。及于頗為山南東道節度。以其績上聞。加御史大夫。升其州為上。尋加檢校國子祭酒。及卒。加贈洪州都督。

任迪簡。京兆萬年人。舉進士。初為天德軍使李景略判官。性重厚。書有軍實。行酒者誤以醴進。迪簡知誤。以景略性嚴。慮坐主酒者。乃勉飲盡之。而偽容其過。以酒薄白景略。請換之。於是軍中皆感悅。及景略卒。眾以迪簡長者。議請為帥。監軍使聞之。拘迪簡於別室。軍眾連呼而至。發戶局取之。表聞。德宗使察焉。具以軍情。奏除豐州刺史。天德軍使自殿中授兼御史大夫。再如常侍。追入拜太常少卿。汝州刺史。左庶子。及張茂昭去。易定。以迪簡為行軍司馬。既至。屬虞候楊伯玉以府城叛。俄而眾殺之。迪簡兵馬使張佐元。又叛。迪簡攻殺之。乃得入。尋加檢校工部尚書。充節度使。初。茂昭奢蕩不節。公私殫罄。迪簡至。欲饗士。無所取給。乃以糲食與士同之。身居戟門下。凡周月。軍吏感之。請歸堂。獲迪簡乃安其位。三年。以疾代。除工部侍郎。至京。竟不能朝謝。改太子賓客。卒。贈刑部尚書。

范傳正。字西老。南陽順陽人也。父倫。戶部員外郎。與郡人李華。敦交友之契。傳

正舉進士。又以博學宏辭及書判皆登甲科。授集賢殿校書郎。渭南尉。拜監察殿中侍御史。自比部員外郎出爲歙州刺史。轉湖州刺史。歷三郡。以政事脩理聞。擢爲宣歙觀察使。受代。至京師。憲宗聞其里第過侈。薄之。因拜光祿卿。以風恙卒。贈左散騎常侍。傳正精悍有立。好古自飭。及爲廉察。頗事奢侈。厚以財貨。問遺權貴。視公蓄如私藏。幸而不至甚敗。褐衣時遊西邊。著西陲要略三卷。袁滋字德深。陳郡汝南人也。弱歲強學。以外兄道州刺史元結有重名。往來依焉。每讀書玄解旨奧。結甚重之。無何。黜陟使趙贊以處士薦。授試校書郎。何士幹鎮武昌。辟爲從事。累官詹事府司直。部有邑長。下吏誣以盜金。滋察其冤。竟出之。御史中丞韋紹聞之。薦爲侍御史。轉工部員外郎。貞元十九年。韋皋始通西南蠻夷。酋長異牟尋貢琛。請使朝廷。方命撫諭。選郎吏可行者。皆以西南遐遠。憚之。滋獨不辭。德宗甚嘉之。以本官兼御史中丞。持節。充入南詔使。未行。遷祠部郎中。使如故。來年夏。使還。擢爲諫議大夫。俄拜尚書右丞。知吏部選事。出爲華州刺史。兼御史中丞。潼關防禦使。鎮國軍使。以寬易清簡爲政。百姓有至自他境者。皆給地以居。名其居曰義合里。專以慈惠爲本人。甚愛之。然百姓有過犯者。皆縱而不理。擒盜輒捨。或以物償之。徵拜金吾衛大將軍。耆耄繇寡。遮道不得進。楊於陵代其任。宣言謂百姓曰。於陵不敢易袁公之政。然後羅拜而訣。上始監國。與杜黃裳俱爲相。拜中書侍郎。平章事。會章泉歿。劉闢擁兵擅命。滋持節安撫。行及中路。拜檢校吏部尚書。平章事。劍南西川節度使。百姓立生祠。禱之。徵拜戶部尚書。連爲荆襄二帥。改彰義軍節度。隨唐鄧申光等州觀察使。逆賊吳元濟與官軍對壘者數年。滋竟以淹留無功。貶撫州刺史。未幾。遷湖南觀察使。卒。年七十。贈太子少保。滋工篆籀書。雅有古法。因使行著雲南記五卷。書讀劉暉悲。甘陵賦。嘆其褒善懲惡。雖失春秋之旨。然其文不可廢。因著甘陵賦後序。子都。仕至翰林學士。

歷三鎮。凡十餘年。家無聲樂。俸祿悉以散諸親族。故人子弟。除左散騎常侍致仕。時有年過懸車而不知止者。唯辛年。至而無疾。請告。角巾東洛。時甚高之。卒。年七十四。贈工部尚書。

閻濟美。登進士第。累歷臺省。有長者之譽。自婺州刺史爲福建觀察使。復爲潤州刺史。浙西觀察使。所至以簡澹爲理。兩地之人。常賦之外。不知其他。入拜右散騎常侍。華州刺史。潼關防禦使。鎮國軍使。入爲秘書監。以年及懸車。上表乞骸骨。以工部尚書致仕。後以恩例。累有進改。及歿。于家。年九十餘。

贊曰。聖人造世。才傑濟時。在理致治。無爲而爲。坑隍非議。簡易從規。樂只君子。邦家之基。

舊唐書卷一百八十五下

舊唐書卷一百八十六上

後晉司空同中書門下平章事劉昫撰

列傳第一百三十六

酷吏上

來俊臣

周興

傅遊藝

丘神勣

索元禮

侯思止

萬國俊

來子珣

王弘義

郭霸

吉頊

古今御天下者其政有四五帝尚仁禮文德也三王仗義立武功也五霸崇信

取威令也七雄任力重刑名也蓋仁義既廢然後齊之以威刑威刑既衰而酷

吏爲用於是商鞅李斯諸詐設矣持法任術尊君卑臣奮其策而鞭撻宇宙持

危救弊先王不得已而用之天下之人謂之苛法降及兩漢承其餘烈於是前

有郵都張湯之徒持其刻後有董宣陽球之屬肆其猛雖然異代亦克公方天

下之人謂之酷吏此又鞅斯之罪人也然而網既密而姦不勝矣夫子曰刑罰

不中則人無所措手足誠哉是言也唐初革前古之敝務於勝殘垂衣而理且

七十載而人不敢欺由是觀之在彼不在此遠則天以女主臨朝大臣未附委

政獄吏剪除宗枝於是來俊臣索元禮萬國俊周興丘神勣侯思止郭霸王弘

義之屬紛紛而出然後起告密之刑制羅織之獄生人屏息莫能自固至於懷

忠蹈義連頭就戮者不可勝言武后因之坐移唐鼎天網一舉而卒籠八荒酷

之爲用斯害也已遂使酷吏之黨橫噬於朝制公卿之死命擅王者之威力貴

從其欲毒修其心天誅發於脣吻國柄乘於掌握凶惡之士榮而慕之身赴鼎

鑊死而無悔若是者何哉要時希旨見利忘義也嘗試而論之今夫國家行斧

鉞之誅設狴牢之禁以防盜者雖云固矣而猶踰垣掘塚揭篋探囊死者於前

盜者於後何者以其間有欲也然所徇者不過數金之資耳彼酷吏與時上下

取重人主無怵惕之憂坐致尊寵杖起卒伍富擬封君豈唯數金之利耶則盜

官者爲幸矣故有國者則必望覲覲之路杜僥倖之門可不務乎況乎樂觀時

變恣懷陰賊斯又郵都董宣之罪人也異哉又有效於斯者中與四十載而有

吉溫羅希頭之蠹政又數載而有敬羽毛若虛之危法朝經四葉獄訟再起此
周惡黨勳絕善人屢撓將措之刑以傷太和之氣幸災樂禍苟售其身此又來
索之罪人也嗚呼天道禍淫人道惡殺既爲禍始必以凶終故自鞅斯至于毛
敬蹈其跡者卒以誅夷非不幸也嗚呼執愚買害任天下之怨反道辱名歸天
下之惡或肆諸原野人得而誅之或投之魑魅鬼得而誅之天人報應豈虛也
哉俾千載之後聞其名者曾地冢之不若悲夫昔春秋之義善惡不隱今爲酷
吏傳亦所以懲勸也語曰前事不忘將來之師意在斯乎意在斯乎

來俊臣雍州萬年人也父操博徒與鄉人蔡本結友遂通其妻因得蒲羸本錢
數十萬本無以酬操遂納本妻入操門時先已有娠而生俊臣凶險不事生產
反覆殘害舉無與比曾於和州犯奸盜被鞠遂妄告密召見奏刺史東平王續
杖之一百後續天授中被誅俊臣復告密召見奏言前所告密是豫博州事枉
被續決杖遂不得申則天以爲忠累遷侍御史加朝散大夫按制獄少不會意
者必引之前後坐族千餘家二年擢拜左臺御史中丞朝廷累息無交言者道
路以目與侍御史侯思止王弘義郭霸李仁敬司刑評事康暉衛遂忠等同惡
相濟招集無賴數百人令其告事共爲羅織千里響應欲誣陷一人即數處別
告皆是事狀不異以惑上下仍皆云請付來俊臣推勘必獲實情則天於是於
麗景門別置推事院俊臣推勘必獲專令俊臣等按鞠亦號爲新開門但入新
開門者百不全一弘義戲謂麗景門爲例竟門言入此門者例皆竟也俊臣與
其黨朱南山輩造告密羅織經一卷皆有條貫支節布置事狀由緒俊臣每鞠
囚無問輕重多以醋灌鼻禁地牢中或感之氣中以火圍逸之並絕其糧餉
至有抽衣絮以噉之者又令瘞處糞穢備諸苦毒自非身死終不得出每有赦
令俊臣必先遣獄卒盡殺重囚然後宣示又以索元禮等作大枷凡有十號一
曰定百脈二曰喘不得三曰突地吼四曰著即承五曰失魂膽六曰實同反七
曰反是實八曰死猪愁九曰求即死十曰求破家復有鐵籠頭連其枷者輪轉
于地斯須悶絕矣囚人無貴賤必先布枷棒于地召囚前曰此是作具見之魂
膽飛越無不自誣矣則天重其賞以酬之故吏競勸爲酷吏由是告密之徒紛

然道路名流僂僂聞日而已朝士多因入朝默遭掩襲以至千族與其家無復音息故每入朝者必與其家訣曰不知重相見不如意元年地官尚書狄仁傑益州長史任令暉冬官尚書李遊道秋官尚書袁智宏司賓卿崔神基文昌左丞盧獻等六人並為其羅告俊臣既以族人家為功苟引之承反乃奏請降勅一問即承同首例得減死及齊仁傑等反仁傑嘆曰大周革命萬物惟新唐朝舊臣甘從誅戮反是實俊臣乃少寬之其判官王德壽謂仁傑曰尚書事已爾得減死德壽今業已受驅策欲求少階級憑尚書牽楊執柔可乎仁傑曰若之何德壽曰尚書昔在春官時執柔任某司員外引之可也仁傑曰皇天后土遣狄仁傑行此事以頭觸柱血流被面德壽懼而止焉仁傑既承反有司但待報行刑不復嚴備仁傑得憑守者求筆視拆頭帛書之敘冤苦置于錦衣道謂德壽曰時方熱請付家人去其綿德壽不復疑矣家人得衣中書仁傑子光遠持之稱變得召見則天覽之愕然召問俊臣曰卿言仁傑等承反今子弟訟冤何故也俊臣曰此等何能自伏其罪臣寢處甚安亦不去其巾帶則天令通事舍人周琳視之俊臣遽令獄卒令假仁傑等巾帶行立於西命琳視之琳懼俊臣莫敢西顧但視東唯諾而已俊臣令琳少留附進狀乃令判官妄為仁傑等作謝死表代署而進之鳳閣侍郎樂思晦男年八九歲其家已族宜隸于司農上變得召見言俊臣苛毒願陛下假條反狀以付之無大小皆如狀矣則天意少解乃召見仁傑曰卿承反何也仁傑等曰不承反臣已死於枷棒矣則天曰何謂作謝死表仁傑曰無因以表示之乃知其代署遂出此六家俊臣復按大將軍張虔場大將軍內侍范雲仙於洛陽牧院虔場等不堪其苦自訟於徐有功言辭頗厲俊臣命衛士以亂刀斬殺之雲仙亦言歷事先朝稱所司冤苦俊臣命截去其舌士庶破膽無敢言者俊臣累坐職為衛吏紀履忠所告下獄長壽二年除殿中丞又坐職出為同州參軍適奪同列參軍妻仍辱其母萬歲通天元年召為合官尉擢拜洛陽令司農少卿則天賜其奴婢十人當受於司農時西蕃酋長阿史那斛瑟羅家有細婢善歌舞俊臣因令其黨羅告斛瑟羅反將圖其婢諸蕃長詣闕割耳誓面訟冤者數十人乃得不族時兼連羅劉恩禮

等有異謀明堂尉吉頊知之不自安以白俊臣發之連坐族者數十輩俊臣將擅其功復羅告頊得召見僅而免俊臣先逼妻太原王慶誅女俊臣與河東衛遂忠有舊遂忠行雖不著然好學有詞辯嘗攜酒謁俊臣俊臣方與妻族宴集應門者給云已出矣遂忠知妄入其宅慢罵毀辱之俊臣恥其妻族命毆擊反接既而免之自此構隙俊臣將羅告武氏諸王及太平公主張易之等遂相持摭則天屢保持之而諸武及太平公主恐懼共發其罪乃棄市國人無少長皆怨之競刺其肉斯須盡矣中宗神龍元年三月八日詔曰國之大綱惟刑與政刑之不中其政乃虧劉光業王德壽王處貞屈貞筠鮑思恭劉景陽等庸流賤職姦吏險夫以蠱暴為能官以凶殘為奉法往往按察害虐在心倏忽加刑呼吸就戮曝骨流血其數甚多冤濫之聲盈於海內朕唯布新澤恩被人祗撫事長懷尤深惻隱光業等五人積惡成釁並謝生涯雖其人已殂而其跡可貶所有官爵並宜追奪其枉殺殺人各令州縣以禮埋葬還其官蔭劉景陽身今見在情不可矜特以會恩免其嚴罰宜從貶降以雪冤情可棧州樂單縣員外尉自今內外法官咸宜敬慎其文深刺骨跡徇凝脂高下任情輕重隨意如酷吏丘神勳來子珣萬國俊周興來俊臣魚承暉王景昭索元禮傳遊藝王弘義張知默裴籍焦仁重侯思止郭霸李仁敬皇甫文備陳嘉言等其身已死自垂拱已來枉濫殺人有官者並令削奪唐奉一依前配流李泰授曹仁哲並與嶺南惡處開元十三年三月十二日御史大夫程行謹奏周朝酷吏來子珣萬國俊王弘義侯思止郭霸焦仁重張知默李敬仁唐奉一來俊臣周興與丘神勳索元禮曹仁哲王景昭裴籍李泰授劉光業王德壽屈貞筠鮑思恭劉景陽王處貞二十三人殘害宗枝毒陷良善情狀尤重子孫不許與官陳嘉言魚承暉皇甫文備傳遊藝四人情狀稍輕子孫不許近任

周興者雍州長安人也少以明習法律為尚書省都事累遷司刑少卿秋官侍郎自垂拱已來屢受制獄被其陷害者數千人天授元年九月革命除尚書左丞上疏除李家宗正屬籍二年十一月與丘神勳同下獄當誅則天特免之徙於嶺表在道為蠻人所殺

傳遊藝衛州汲人也。載初元年爲合官主簿。左肅政臺御史。除左補闕。上書稱武氏符瑞合草姓受命。則天甚悅。擢爲給事中。數月。加同鳳閣鸞臺平章事。同月。又加朝散大夫。守鸞臺侍郎。依舊同平章事。其年九月。革命。改天授元年。賜姓武氏。二年五月。加銀青光祿大夫。兄神童。爲冬官尚書。兄弟並承榮寵。逾月。除司禮少卿。停知政事。夢登湛露殿。且而陳於所親。爲其所發。伏誅。時人號爲四時仕宦。言一年。自青而綠。及於朱紫也。希則天旨。誣族皇枝。神龍初。禁錮其子孫。初遊藝請。則天發六道使。雖身死之後。竟從其謀。於是萬國俊輩。志慙戮矣。

丘神勳。左衛大將軍。行恭子也。永淳元年。爲左金吾衛將軍。弘道元年。高宗崩。則天使於巴州。害章懷太子。既而歸罪於神勳。左遷臺州刺史。尋復入爲左金吾衛將軍。深見親委。受詔與周興來俊。臣鞠制獄。俱號爲酷吏。垂拱四年。博州刺史。現邪王冲起兵。以神勳爲清平道大總管。尋而冲爲百姓孟青。棒吳希智所殺。神勳至州。官吏素服來迎。神勳揮刀盡殺之。破千餘家。因加左金吾衛大將軍。天授二年十月。下詔獄伏誅。

索元禮。胡人也。光宅初。徐敬業起兵揚州。以匡復爲名。則天震怒。又恐人心動搖。欲以威制天下。元禮探其旨。告事。召見。擢爲游擊將軍。令於洛州牧院推案制獄。元禮性殘忍。推一人。廣令引數千百人。衣冠震懼。甚於狼虎。則天數召見賞賜。張其權勢。凡爲殺戮者數千人。於是周興來俊臣之徒。效之而起矣。時有諸州告密人。皆給公乘。州縣護送至闕下。於賓館以廩之。稍稱旨。必授以爵賞。以誘之。貴以威於遠近。元禮尋以酷毒轉甚。則天收人望而殺之。天下之人謂之來索。言酷毒之極。又首按制獄也。載初元年十月。左臺御史周矩上疏諫曰。頃者小人告訐。習以爲常。內外諸司。人懷苟免。姑息臺吏。承接強梁。非故欲規避。誣構耳。又推劾之吏。皆以深刻爲功。擊空爭能。相矜以虐。泥耳籠頭。枷研楔。數摺脅鐵。爪懸髮薰耳。臥隣穢濁。曾不聊生。號爲獄持。或累日節食。連宵緩問。晝夜搖撼。使不得眠。號曰宿囚。此等既非木石。且救目前。苟求賒死。巨羸羸。輿議皆稱天下太平。何苦須反。豈被告者盡是英雄。以求帝王耶。只是不勝楚毒。

自輕耳。何以嚴之。陛下試取所告狀。酌其虛實者。付令推微。訊動以探其情。所推者。必上下其手。希聖旨也。願陛下察之。今滿朝側息不安。皆以爲陛下朝與之密。夕與之讐。不可保也。聞有追攝與妻子。卽爲死訣。改爲國者。以仁爲宗。以刑爲助。周用仁而昌。秦用刑而亡。此之謂也。願陛下緩刑用仁。天下幸甚。則天從之。由是制獄稍息。

侯恩。止雍州醴泉人也。貧窮不能理生業。乃樂事渤海高元禮。家性無賴。詭譎。時恒州刺史裴貞杖一判司。則天將不利王室。羅反之徒。已與矣。判司教恩止。說游擊將軍高元禮。因請狀。乃告舒王元名及裴貞反。周與按之。並族滅。授恩止游擊將軍。元禮懼而曲媚。引與同坐。呼爲侯大。曰。國家用人。以不次若言。侯大不識字。卽委云。擲多。默亦不識字。而能觸邪。則天果如其言。恩止以擲多對之。則天大悅。天授三年。乃拜朝散大夫。左臺侍御史。元禮復教曰。在上知侯大無宅。儻以諸役官宅見借。可辭謝而不受。在上必問所由。卽奏云。諸反逆人。臣惡其名。不願坐其宅。則天復大悅。恩澤甚優。恩止既按制獄。苛酷日甚。嘗按中丞魏元忠。曰。急認白司馬。不然。卽喫孟青。白司馬者。洛陽有坂。號白司馬坂。孟青者。將軍姓孟。青棒。卽殺現邪王冲者也。恩止聞巷庸奴。常以此謂諸囚也。元忠辭氣不屈。恩止怒而倒曳元忠。元忠徐起曰。我薄命。如乘惡驢。墜脚爲鏗。所挂被拖曳。恩止大怒。又曳之。曰。汝拒捍制使。妾斬之。元忠曰。侯恩止。汝今爲國家御史。須識禮數。輕重。如必須魏元忠頭。何以鋸截。將無爲抑我。承反。奈何。爾佩服朱紫。親銜天命。不行正直之事。乃言白司馬孟青。是何言也。非魏元忠。無人抑教。恩止驚起。悚怍曰。恩止死罪。幸蒙中丞教。引上牀坐而問之。元忠徐就坐。自若。恩止言竟不正。時人効之。以爲談謔之資。侍御史霍獻可。笑之。恩止以聞。則天怒。請獻可曰。我已用之。卿笑何也。獻可具以其言奏。則天亦大笑。時來俊臣妻改妻。逼娶太原王慶詵女。恩止亦奏請娶趙郡李自挹女。勅政事商量。鳳閣侍郎李昭德。撫掌爲諸宰相曰。大可笑。諸宰相問故。昭德曰。往年來俊臣賊劫王慶詵女。已大辱國。今日此奴又請索李自挹女。無乃復辱國乎。竟爲李昭德撈殺之。

萬國後洛陽人少譎異險詐垂拱後與來俊臣同為羅織經層覆宗枝朝貴以作威勢自司刑評事俊臣同引為判官天授二年攝右臺監察御史常與俊臣同按制獄長壽二年有上封事言嶺南流人有陰謀逆者乃遣國俊就按之若得反狀便斬決國俊至廣州逼召流人置于別所矯制賜自盡並號哭稱冤不服國俊乃引出擁之水曲以次加戮三百餘人一時併命然後鍛鍊曲成反狀仍誣奏云諸流人咸有怨望若不推究為變不遠則天深然其奏乃命右衛翊二府兵曹參軍劉光業司刑評事王德壽苑南面監丞鮑思恭尚輦直長王大貞右武衛兵曹參軍屈貞筠等並攝監察御史分往劍南黔中安南等六道鞠流人尋擢授國俊朝散大夫肅政臺侍御史光業等見國俊威行殘殺得加榮貴乃共肆其凶忍唯恐後之光業殺九百人德壽殺七百人其餘少者咸五百人亦有遠年流人非革命時犯罪亦同殺之則天後知其冤濫下制被六道使所殺之家口未歸者並遞還本管國俊等俄亦相次而死皆見鬼物為祟或有流竄而終

來子珣雍州長安人永昌元年四月以上書陳事除左臺監察御史時朝士有不帶靴而朝者子珣彈之曰臣聞東帝立於朝舉朝大噓則天委之按制獄多希旨賜姓武氏字家臣天授中丁父憂起復朝散大夫侍御史時雅州刺史劉行實及第渠州刺史行瑜尚衣奉御行威并兄子鷹揚將軍度通等為子珣誣告謀反誅又於盱眙毀其父左監門大將軍伯英棺柩俄又轉為游擊將軍右羽林中郎將常衣錦半臂言笑自若朝士謂之長壽元年配流愛州卒王弘義冀州衡水人也告變授游擊將軍天授中拜右臺殿中侍御史長壽中拜左臺侍御史與來俊臣羅告衣冠延載元年後臣貶弘義亦流放瓊州妄稱勅追時胡元禮為侍御史使嶺南道次于襄鄧會而按之弘義詞窮乃謂曰與公氣類元禮曰足下任御史元禮任洛陽尉元禮今為御史公乃流囚復何氣類乃撈殺之弘義每暑月繫囚必於小房中積蒿而施種得遺之者斯須氣絕矣苟自輕引則易於他房與俊臣常行移牒州縣懼懼自矜曰我之文牒有如瓊野葛也弘義常於鄉里傍舍求瓜主怪之弘義乃狀言瓜園中有白兔懸

官命人捕逐斯須圓苗盡矣丙史李昭德曰昔聞蒼鷹獄吏今見白兔御史郭霸廬江人也天授二年自宋州寧陵丞應革命舉拜左臺監察御史如意元年除左臺殿中侍御史長壽二年右臺侍御史初舉集召見於則天前自陳忠鯁云往年征徐敬業臣願抽其筋食其肉飲其血絕其髓則天悅故拜焉時人號為四其御史時大夫魏元忠臥疾諸御史盡往省之霸獨居後比見元忠憂懼請示元忠便液以驗疾之輕重元忠驚悚霸悅曰大夫糞味甘或不糞今味苦當即愈矣元忠剛直殊惡之以其事露朝士嘗推芳州刺史李思徽榜捶考禁不勝而死聖曆中屢見思徽甚惡之嘗因退朝還歸命家人曰速請僧轉經設齋須臾思徽從數十騎上其廷曰汝在陷我我今取汝霸獨意惶怖援刀自刺其腹斯須爛矣是日閭里亦見兵馬數十騎駐于門少頃不復見矣時洛陽橋壞行李弊之至是功畢則天嘗問羣臣比在外有何好事舍人張元一素滑稽對曰百姓喜洛橋成幸郭霸死此即好事

吉頊洛州河南人也身長七尺陰毒敢言事進士舉累轉明堂尉萬歲通天二年有箕州刺史劉恩禮自云學於張懷瓘善相云洛州錄事參軍裴遠耀應圖識有兩角麒麟兒之符命項告之則天付武懿宗與項對訊懿宗與項誘恩禮令廣引朝士必全其命恩禮乃引鳳閣侍郎李元素夏官侍郎孫元通天官侍郎劉奇石抱忠鳳閣舍人王處來庭主簿柳尋給事中周潘涇州刺史王勵監察御史王助司議郎路敬淳司門員外郎劉慎之右司員外郎宇文全志等三十六家微有忤意者必構之楚毒百端以成其獄皆海內賢士名家天下究之親故連累逐者千餘人項由是擢拜右肅政臺中丞日見恩遇明年突厥寇陷趙定等州則天召項檢校相州刺史以斷賊南侵之路項以素不習武為辭則天曰賊勢將退藉卿威名鎮遏耳初太原有術士濕彬茂高宗時老臨死封一狀謂其妻曰吾死後年各垂拱即詣闕獻之慎勿聞也垂拱初其妻獻之狀中預陳則天革命及突厥至趙定之事故則天知賊至趙州而退項初至州募人略無應者俄而詔以皇太子為元帥應募者不可勝數及賊退項入朝奏之則天甚悅聖曆二年臘月遷天官侍郎同鳳閣鸞臺平章事時易之昌宗諷則

天置控鶴監官員。則天以易之爲控鶴監。項素與易之兄弟親善。遂引項以殿中少監田歸道。屬閣舍人薛稷。正諫大夫員半千。夏官侍郎李迺秀。俱爲控鶴內供奉。時議甚不悅。初。則天以項幹辦有口才。俸饒質堪委以心腹。故擢任之。及與武懿宗爭趙州功於殿中。懿宗短小俯僂。項聲氣凌厲。下視懿宗。嘗不相假。則天以爲卑。我諸武於我前。其可倚與。其年十月。以弟作僞官。貶琰川尉。後改安固尉。尋卒。初中宗未立爲皇太子時。易之昌宗書密問項自安之策。項云。公兄弟承恩既深。非有大功於天下。則不全矣。今天下士庶咸思李家。廬陵既在房州。相王又在幽閉。主上春秋既高。須有付託。武氏諸王。殊非屬意。明公若能從容請建立廬陵及相王。以副生人之望。豈止轉禍爲福。必長享茅土之重矣。易之然其言。遂承間奏請。則天知項首謀。召而問之。項曰。廬陵王及相王。皆陛下之子。先帝顧託於陛下。當有主意。唯陛下裁之。則天意乃定。項既得罪。時無知者。睿宗即位。左右發明其事。乃下制曰。故吏部侍郎同中書門下平章事吉頊。體識宏遠。風規久大。嘗以經緯之才。允膺匡佐之委。時王命。中否。人謀未輯。首陳返政之議。克副祈天之基。永懷遺烈。寧忘厥効。可贈左御史臺大夫。

舊唐書卷一百八十六上

舊唐書卷一百八十六上考證

索元禮傳加研榷總○臣四按通鑑作加研榷。注加研以加研其頭。榷。以鐵圍敷其首而加榷也。總字當是榷字之訛。今改正。

舊唐書卷一百八十六上考證

後晉司空同中書門下平章事劉昫撰

列傳第一百三十六

酷吏下

姚紹之

周利貞

王旭

吉温王鈞嚴安之盧鉞附

羅希奭

毛若虛

敬羽

裴昇舉附

諷利貞殺之為桂州都督王峻護之逗遛獲免無何玄宗正位利貞與薛季昶宋之間同賜死於桂州驛

王旭太原祁人也曾祖珪貞觀初為侍中尚承寧公主旭解褐鴻州參軍轉充州兵曹神龍元年正月張柬之桓彥範等誅張易之昌宗兄弟尊立孝和皇帝

其兄昌儀先貶乾封尉旭斬之賈其首赴于東都遷并州錄事參軍唐隆元年玄宗誅韋庶人等并州長史周仁軌韋氏之黨有詔誅之旭不覆勅又斬其首

馳赴西京開元二年累遷左臺侍御史時光祿少卿盧崇道以崔湜妻父貶於嶺外逃歸匿於東都為警家所發詔旭究其獄旭欲擅其威權因捕崇道親黨數十人皆極其楚毒然後結成其罪崇道及三子並杖死於都亭驛門生親友

皆決杖流貶時得罪多是知名之士四海冤之旭又與御史大夫李傑不叶遞相糾許傑竟左遷衡州刺史旭既得志擅行威福由是朝廷畏而鄙之五年遷

左司郎中常帶侍御史旭為吏嚴許左右無敢支梧每銜命推劾一見無不輸款者時宋王憲府掾紀希虬兄任劍南縣令被告有贓私旭使至蜀鞠之其妻

美旭威逼之因奏決殺縣令納贓數千萬至六年希虬遣奴詐為祗承人受顧在臺事旭累月旭賞之召入宅中委以腹心其奴密記旭受饋遺囑託事乃成

數千貫歸謁希虬希虬銜泣見憲敘以家冤憲憫之執其狀以奏詔付臺司劾之賊私累巨萬貶龍平尉憤毒而死甚為時人之所慶快

吉温天官侍郎瑊弟瑒之孽子也諂詭能詭事人遊於中貴門愛若親戚性禁害果於推劾天寶初為新豐丞時太子文學薛稷承恩俸引温入對玄宗目之

而謂疑曰是一不肖漢朕不要也時蕭芻為河南尹河南府有事京臺差温推詰事連芻堅執不捨賴芻與右相李林甫善抑而免之及温遷芻已為京兆尹

一唱萬年尉即就其官人為危之時驃騎高力士常止宿宮禁或時出外第芻必謁焉温先馳與力士言謹甚洽握手呼行第芻觀之歎伏及他日温謁芻於

府庭遽布心腹曰他日不敢隳國家法今日已後洗心事公芻復與盡歡會林甫與左相李適之駙馬張垠不叶適之兼兵部尚書垠兄均為兵部侍郎林甫

遣人訐出兵部銓曹主簿事令史六十餘人偽濫事圖覆其官長詔出付京北

傳弓今為所按紹之死矣逃入西京為萬年尉擒之擊折其足因授南陵令員外置開元十三年累轉括州長史同正員不預知州事死

周利貞神龍初為侍御史附託權要為桓彥範敬暉等五王嫉之出為嘉州司馬時中書舍人崔湜與桓敬暉等武三思用事禁中彥範憂之託心腹於湜湜反

露其計於三思為三思所中盡流嶺南湜勸盡殺之以絕其歸望三思問誰可使者利貞即湜之表兄因舉為此行利貞至皆燭殺之因擢為左臺御史中丞

先天元年為廣州都督時湜為中書令與僕射劉幽求不叶幽求求徙于嶺表

汝當訴爾於天帝因裂衫以束之乃自誣反而遇誅紹之自此神氣自若朝廷側目累遷左臺侍御史奉使江左經汴州辱錄事參軍魏傳弓尋拜監察御史

紹之後坐贓污詔傳弓按之獲贓五千餘貫以聞當坐死韋庶人妹保持之遂黜放為嶺南瓊山尉傳弓初按紹之紹之在揚州色動謂長吏盧萬石曰頃辱

傳弓今為所按紹之死矣逃入西京為萬年尉擒之擊折其足因授南陵令員外置開元十三年累轉括州長史同正員不預知州事死

周利貞神龍初為侍御史附託權要為桓彥範敬暉等五王嫉之出為嘉州司馬時中書舍人崔湜與桓敬暉等武三思用事禁中彥範憂之託心腹於湜湜反

露其計於三思為三思所中盡流嶺南湜勸盡殺之以絕其歸望三思問誰可使者利貞即湜之表兄因舉為此行利貞至皆燭殺之因擢為左臺御史中丞

先天元年為廣州都督時湜為中書令與僕射劉幽求不叶幽求求徙于嶺表

汝當訴爾於天帝因裂衫以束之乃自誣反而遇誅紹之自此神氣自若朝廷側目累遷左臺侍御史奉使江左經汴州辱錄事參軍魏傳弓尋拜監察御史

紹之後坐贓污詔傳弓按之獲贓五千餘貫以聞當坐死韋庶人妹保持之遂黜放為嶺南瓊山尉傳弓初按紹之紹之在揚州色動謂長吏盧萬石曰頃辱

府與憲司對問數日竟不究其由。使溫勅之。溫於院中分囚於兩處。溫於後廳伴取兩重囚訊之。或杖或壓。痛苦之聲所不忍聞。即云。若存性命。乞紙盡答。令史輩素諳溫。各自誣伏罪。及溫引問。無敢違者。尋刻問事。輯囚無拷訊決。罰處常云。若遇知己。南山白額獸不足縛也。會李林甫將起刑獄。除不附己者。乃引之於門。與羅希顛同鍛鍊詔獄。五載。因中官納其外甥武敏一女為感王琦妃。擢京兆府士曹。時林甫專謀不利於東儲。以左驍衛兵曹柳勣杜良娣妹。婿令溫推之。溫追著作郎王曾。前右司禦率府倉曹王修己。左武衛司戈盧寧。左威衛騎曹徐徵。同就臺鞠。數日而獄成。勣等杖死。積屍於大理寺。六載。林甫又以戶部侍郎兼御史中丞楊慎矜。連忤其旨。御史中丞王鉞與慎矜親而嫉之。同構其事。云。嘗圖讖。以己是隋煬帝子孫。關於與復。林甫又奏付溫鞠焉。慎矜下獄繫之。使溫於東京收捕其兄少府少監慎餘。弟洛陽令慎名。於汝州捕其門客史敬忠。敬忠頗有學。嘗與朝貴遊。蹉跎不進。與溫父瑛情契甚密。溫孩孺時。敬忠嘗抱撫之。溫令河南丞姚開就擒之。鎖其頸布袂蒙面。以見溫。溫驅之於前。不交一言。欲及京。使典誘之云。楊慎矜今赦招已成。須子一辨。若解人意。必活。忤之必死。敬忠迴首曰。七郎乞一紙。溫伴不與。見詞懇。乃於桑下令答。三紙。辭皆符溫旨。喜曰。丈人莫相怪。遂徐下拜。及至溫湯。始鞠慎矜。以敬忠詞為證。及再搜其家。不得圖讖。林甫恐事洩。危之。乃使御史盧鉞入搜。鉞乃袖識書而入。於隱僻中詬而出曰。逆賊牢藏秘記。今得之矣。指於慎矜小妻韓珠。團婢見舉家惶懼。且行捶擊。誰敢忤焉。獄乃成。慎矜兄弟賜死。溫自是威振衣冠。不敢偶言。溫早以嚴毒聞。頗知詔獄。忍行枉濫。推事未訊問。已作奏狀。計贓數。及被引問。便懼。即隨意而書。無敢惜其生者。因不加拷擊。獄成矣。林甫深以溫為能。擢戶部郎中。常帶御史。林甫雖倚以爪牙。溫又見安祿山受主恩。驃騎高力士居中用事。皆附會其間。結為兄弟。常謂祿山曰。李右相雖觀察人事。親於三兄。必不以兄為宰相。溫雖被驅使。必不超擢。若三兄奏溫為相。即奏兄堪大任。擢出林甫。是兩人必為相矣。祿山悅之。時祿山承恩無敵。驟言溫能。玄宗亦忘曩歲之語。十載。祿山加河東節度。因奏溫為河東節度副使。并知節度營。

田及管內採訪監察留後事。其載又加兼鳳門太守。仍知安邊郡鑄錢事。賜紫金魚袋。及丁所生憂。祿山又奏起復為本官。尋復奏為魏郡太守。兼侍御史。楊國忠入相。素與溫交通。進入為御史中丞。仍充京畿關內採訪處置使。溫於范陽辭。祿山令累路館驛作白紬帳。以候之。又令男慶緒出界送。捕馬出驛數十步。及至西京。朝廷動靜。輒報祿山。信宿而達。十三載正月。祿山入朝。拜左僕射。充閑廐使。因奏加溫武部侍郎。兼御史中丞。充閑廐苑內營田五坊等副使。時楊國忠與祿山嫌隙已成。溫轉厚於祿山。國忠又忌之。其冬。河東太守韋陟入奏於華清宮。陟自謂失職。託於溫結歡於祿山。廣獻河東土物饋於溫。又及權貴。國忠諷評事吳彤之使。鄉人告之。召付中書門下。對法官鞠之。陟伏其狀。貶桂嶺尉。溫遭陽長史。溫判官員錫新與尉。明年。溫又坐贓七千匹及奪人口馬。奸穢事發。貶端州高要尉。溫至嶺外。遷延不進。依於張博濟。止於始安郡。八月。遣大理司直蔣沈鞠之。溫死於獄中。博濟及始安太守羅希顛死於州門。初。溫之貶斥。玄宗在華清宮。謂朝臣曰。吉溫是酷吏子姪。朕被人誑。感用之至此。屢勸朕起刑獄。以作威福。朕不受其言。今去矣。卿等皆可安枕也。初。開元九年。有王鈞為洛陽尉。十八年。有嚴安之為河南丞。皆性毒虐。管罰人畏其不死。皆杖乾不放鬆。須其腫憤。徐乃重杖之。懷血流地。苦楚欲死。鈞與安之始眉目喜暢。故人吏懼溫。則傳身權貴。噉噉衣冠。來頗異耳。溫九月死。始與十一月。祿山起兵作亂。人謂與溫報讐耳。祿山入洛陽城。即偽位。玄宗幸蜀後。祿山求得溫一子。纔六七歲。授河南府參軍。給與財帛。初。溫之接楊慎矜。侍御史盧鉞同其事。鉞初為御史。作韋堅判官。及堅為李林甫所嫉。鉞以堅教曲。發於林甫。冀售其身。及按慎矜。鉞先與張瑄同臺。情旨素厚。貴取媚於權臣。誣瑄與楊慎矜共解圖讖。持之為驪駒板。概以成其獄。又為王鉞閑廐判官。鉞陰邪。詳事朝堂。被推。鉞證云。大夫將白帖索廐馬五百匹。以助逆。我不與之。鉞死在暴刻。鉞忍誣之。衆咸怒恨焉。及被貶為廬江長史。在郡。忽見瑄為梟。乃云。端公何得來。乞命。不自由。鉞須臾而卒。

羅希顛。本杭州人也。近家洛陽。鴻臚少卿張博濟堂外甥。為吏持法深刻。天寶

初右相李林甫引與吉溫持獄，又與希夷烟姪，自御史臺主簿再遷殿中侍御史，自韋堅、皇甫惟明、李適之、柳勣、裴敦復、李邕、鄒元昌、楊慎矜、趙奉璋下獄事，皆與溫、鍊、錮、故時稱羅錮吉網，惡其深刻也。八載，除刑部員外轉郎中。十一載，李林甫卒，出爲中部始安太守，仍充當管經略使。十四載，以張博濟、吉溫、韋陟、韋誠、李從一、員錫等流貶，皆於始安。希夷或令假攝。右相楊國忠奏遣司直蔣沈往按之，復令張光奇替爲始安太守，仍降勅曰：前始安郡太守充當管經略使羅希夷，幸此資序，叨居牧守，地列要荒，人多竄殛，尤加委任，冀絕姦訛，翻乃肅結，連逃羣聚，不逞，應是流貶，公然安置，或差攝郡縣，割刺黎配，或輟借館宇，侵擾吏吏，不唯輕侮典憲，實亦隳壞紀綱，擢髮數條，豈多其罪，可貶海東郡海康尉。員外置張博濟往託回邪，跡惟憑恃，嘗自抵犯，又坐親姻，前後貶官，歲月頗久，逗遛不赴，情狀難容，及命按舉，仍更潛匿，亡命遁刑，莫斯爲甚，並當切害，合峻常刑，宜於所在各決重杖六十，使夫爲政之士，克守章程，負罪之人，期於後革，凡厥在位，宜各悉心。時員錫、李從一章，誠著吉承恩，並決杖，遣司直宇文審往監之。

毛若虛，絳州太平人也。眉毛覆於眼，其性殘忍，初爲蜀川縣尉，使司以推覓見任。天寶末，爲武功丞，年已六十餘矣。肅宗收兩京，除監察御史，審國用不足，上策徵剝財貨，有潤於公者，日有進奉。漸見任用，稱旨，每推一人，未鞠，即先收其家資，以定贓數，不滿望，即攤徵鄉里，近親，峻其威權，人皆懼死，輸納不差。尋刻乾元二年，鳳翔府七坊押官先行剽劫州縣，不能制，因有劫殺事，縣尉謝夷甫因衆怒，遂撈殺之。其妻訴於李輔國，輔國奏請御史孫登鞠之，登不能正其事，又令中丞崔伯陽三司使雜訊之，又不證成其罪，因令若虛推之，遂歸罪於夷甫。伯陽與之言，若虛頗不遜，伯陽數讓之，若虛馳謁告急。肅宗曰：卿且出，對曰：臣出即死矣。肅宗潛留若虛簾內，召伯陽至，伯陽頗短若虛，上怒，叱出之。因流貶伯陽同推官十餘人，皆於嶺外遠惡處。宰相李峴，以左右於登等，亦被貶斥。於是若虛威震朝列，公卿懼矣。尋擢爲御史中丞。上元元年，貶賓化尉而死。敬羽，寶鼎人也。父昭道，開元初爲監察御史，羽貌寢而性便僻，善候人意。官

寶九載，爲康成縣尉，安思順爲朔方節度使，引在幕下。及肅宗於靈武，卽大位，羽尋擢爲監察御史，以苛刻徵刺求進，及收兩京後，轉見委任，作大枷，有劾尾，槍者卽悶絕。又臥囚於地，以門關輻其腹，號爲肉婢，掘地爲坑，實以棘刺，以敗席覆上，領囚臨坑，訊之，必墜其中，萬刺攢之。又捕逐錢貨，不減毛若虛。上元中，擢爲御史中丞。太子少傅宗正卿鄭國公李遵，爲宗子通事舍人，李若冰告其贓，私詔羽按之。羽延遵，各危坐於小牀，羽小瘦，遵豐碩，頃間卽倒，請垂足。羽曰：尙書下獄，是囚，羽禮延坐，何得慢耶。遵絕倒者數四，請開。羽徐應之，授紙筆書贓數千貫，奏之。肅宗以勳舊捨之，但停宗正卿。及嗣薛王珍潛謀不軌，詔羽鞠之。羽召支黨羅於廷，索劬尾，榆枷之，布拷訊之，具以繞之，信宿成獄。珍坐死。右衛將軍竇如玢，試都水使者，崔昌等九人，並斬。太子洗馬趙非熊，陳王府長史陳閔，楚州司馬張昂，左武衛兵曹參軍焦自榮，前鳳翔府郿縣主簿李岳，廣文館進士張寬等六人，決殺。耐馬都尉薛履謙，賜自盡。左散騎常侍張錫，貶辰州司戶。胡人康謙，善買賣，資產億萬計。楊國忠爲相，授安南都護，至德中，爲試鴻臚卿，專知山南東路驛人，嫉之，告其陰通史朝義，謀殺，長三尺，過帶，按之。兩宿鬢髮皆禿，膝蹠亦拷碎視之，者以爲鬼物，非人類也。乞捨其生，以後送狀。奏殺之，沒其資產。羽與毛若虛在臺五六年間，臺中囚繫不絕，又有裴昇，畢曜同爲御史，皆酷毒，人之陷刑，當時有毛敬裴畢之稱。裴昇尋又流黔中。羽實應元年，貶爲道州刺史。尋有詔殺之。羽聞之，衣凶服，南奔溪洞，爲吏所擒，臨刑，袖中執州縣官吏犯贓私狀數紙，曰：有人通此狀，恨不得推究其事。主州政者，無宜寢也。

贊曰：王德將衰，政在姦臣，鷹犬搏擊，縱之者人，遭其毒螫，可爲悲辛。作法爲害，延濫不仁。

舊唐書卷一百八十六下

舊唐書卷一百八十七上

後晉司空同中書門下平章事劉昫撰

列傳第一百三十七

忠義上

夏侯端

劉感

常達

羅士信

呂子臧

張道源族子楚金附

李公逸

張善相

李玄通

敬君弘

馮立

謝叔方

王義方

成三郎

尹元貞

高毅子仲舒崔琳附

王同皎

周懷附

蘇安恆

俞文俊

王求禮

燕欽融

郎裴附

安全藏

語曰無求生以害仁有殺身以成仁孟軻曰生亦我所欲義亦我所欲捨生而取義可也古之德行君子動必由禮守之以仁造次顛沛不愆于素有若仲由之結纆鉅虜之觸樹紀信之蹈火豫讓之斬衣此所謂殺身成仁臨難不苟者也然受刑一代顧瞻七族不犯難者有終身之利隨市道者獲當世之榮苟非氣義不羣貞剛絕俗安能碎所重之支體徇他人之義哉則由虜信讓之徒君人者常宜血祀況自有其臣乎即如安全藏剖腹以明皇嗣段秀實挺笏而擊元兇張巡姚閻之守城杲卿真卿之罵賊又愈於金藏秀實等各見本傳今採夏侯端李澄已下附于此篇

夏侯端壽州壽春人梁尚書左僕射詳之孫也仕隋為大理司直高祖龍潛時與其結交大業中高祖帥師於河東討捕迺請端為副時煬帝幸江都盜賊日滋端頗知玄象善相人說高祖曰金玉牀搖動此帝座不安參墟得歲必有真人起於實沉之次天下方亂能安之者在明公但主上曉察情多猜忍切忌諸李強者先誅全才既死明公豈非其次若早為計則應天福不然者則誅矣高祖深然其言及義師起端在河東為吏所捕送于長安囚之高祖入京城釋之引入臥內與語極歡授秘書監屬李密為王世充所破以眾來降關東之地未有所屬端固請往招諭之乃加大將軍持節為河南道招慰使至黎陽李勣

發兵送之自檀水濟河傳檄郡縣東至于海南至于淮二十餘州並遣使送款行次譙州會亳州刺史丁叔則及汴州刺史王要漢並以所部降於世充路遂隔絕端素得衆心所從二千人雖糧盡不忍委去端知事必不濟乃坐澤中盡殺私馬以會軍士因獻教曰今王師已敗諸處並沒卿等土壤悉皆從僞特以共事之情未能見委然我奉王命不可從卿有妻子無宜劬我可斬吾首持歸於賊必獲富貴衆皆流涕端又曰卿不忍見殺吾當自刎衆士抱持之皆曰公於唐家非有親屬但以忠義之故不辭於死諸人與公共事涉艱危豈有害公而取富貴復與同進潛行五日餒死者十三四又為賊所擊奔潰相失者大半端唯與三十餘人東走採生登豆而食之猶持節與之俱臥起謂衆人曰平生不知死地乃在此中我受國恩所以然耳今卿等何乃相伴死乎可散投賊猶全性命吾當抱此一節與之俱殞衆又不去屬李公逸為唐守杞州聞而勒兵迎館之于時河南之地皆入世充唯公逸感端之義獨堅守不下世充遣使召端解衣遺之禮甚厚仍送除書以端為淮南郡公吏部尚書端對其使者曰夏侯端天子大使豈受王世充之官自非斬我頭將往見汝何容身苟活而屈於賊乎遂焚其書拔刀斬其所遺衣服因發路西歸解節旌懷之取竿加刃從間道得至宜陽初山中險峻先無蹊徑但冒履榛梗晝夜兼行從者三十二人或墜崖溺水遇猛獸而死又半其餘至者皆鬢髮禿落形貌枯瘠端馳驛奉見但謝無功殊不自言艱苦高祖憫之復以為秘書監俄出為梓州刺史所得料錢皆散施孤寡貞觀元年病卒

劉感岐州鳳泉人後魏司徒高昌王豐生之孫也武德初以驃騎將軍鎮涇州薛仁果率衆圍之感嬰城拒守城中糧盡遂殺所乘馬以分將士感一無所噉唯煮馬骨取汁和木屑食之城垂陷者數矣長平王叔良援兵至仁果解圍而去感與叔良出戰為賊所擒仁果復圍涇州令感語城中云援軍已敗徒守孤城何益也宜早出降以全家室感許之及至城下大呼曰逆賊飢餓亡在朝夕秦王率數十萬衆四面俱集城中勿憂各宜勉以全忠節仁果大怒執感於城邊埋脚至膝馳騎射殺之至死聲色逾厲賊平高祖購得其屍祭以少牢贈瀛

州刺史。封平原郡公。諡曰忠壯。令其子襲官爵。并賜田宅。

常達。陝人也。初仕隋。為鷹揚郎將。數從高祖征伐。甚蒙親待。及義兵起。達在霍

邑。從宋老生來拒戰。老生敗。達懼。自匿不出。高祖謂達已死。令人闚扉求之。及

達奉見。高祖大悅。以為統軍。武德初。拜隴州刺史。時薛舉屢攻之。不能剋。乃遣

其將仵士政以數百人偽降。達不之測。厚加撫接。士政伺隙。以其徒劫達。擁

城中二千人。而叛。達以見於舉。達詞色抗厲。不為之屈。舉指其妻謂達曰。識

皇后否。達曰。正是。舉老嫗。何足可識。竟釋之。有賊帥張貴謂達曰。汝識我否。答

曰。汝逃死奴。瞋目視之。貴怒。拔刀將斫。人救之。獲免。及仁果平。高祖見達。謂

曰。卿之忠節。便可求之。古人命起居舍人令狐德棻曰。劉感常達。須載之。史策

也。執仵士政。撲殺之。賜達布帛三百段。復拜隴州刺史卒。

羅士信。齊州歷城人也。大業中。長白山賊王簿。左才相。孟讓來寇齊郡。通守張

須陀。率兵討擊。士信年始十四。固請自効。須陀謂曰。汝形容未勝衣甲。何可入

陣。士信怒。重著二甲。左右雙鞭而上。馬。須陀壯而從之。擊賊灘水之上。陣纒列。

士信馳至賊所。刺倒數人。斬一人首。擲於空中。用槍承之。戴以略陣。賊眾愕然。

無攻逼者。須陀因而奮擊。賊眾大潰。士信逐北。每殺一人。輒刺其鼻。而懷之。及

還。則驗鼻以表殺賊之多少也。須陀甚加數賞。以所乘馬遺之。引置左右。每戰

須陀先登。士信為副。煬帝遣使慰喻之。又令畫工寫須陀士信戰陣之圖。上于

內史。及須陀為李密所殺。士信隨裴仁基。率眾歸于密。署為總管。使統所部。隨

密擊王世充。敗。士信躍馬突進。身中數矢。乃陷於世充軍。世充知其驍勇。厚禮

之。與同寢食。後世充破李密。得密將郟元真等。盡拜為將軍。不復尊重之。士信

恥與為伍。率所部千餘人。奔于穀州。高祖以為陝州道行軍總管。使圖世充。及

大軍至洛陽。士信以兵圍世充千金堡。中有大罵之者。士信怒。夜遣百餘人。將

舉兒數十。至千金堡下。詐言從東都來投羅總管。因令舉兒啼諷。既而伴驚曰。此

兩雪。大軍不得救。經數日。城陷。為賊所擒。黑闥聞其勇。意欲活之。士信詞色不

屈。遂遇害。年二十。太宗聞而傷惜。購得其屍。葬之。諡曰勇士。信初為裴仁基所

禮。嘗感其知己之恩。及東都平。遂以家財收斂。葬於北邙。又云。我死後。當葬此

墓側。及卒。果就仁基左而託葬焉。

呂子臧。蒲州河東人也。大業末。為南陽郡丞。高祖引京師。遣馬元規撫慰。山南

子臧堅守不下。元規遣使諷諭之。前後數輩。皆為子臧所殺。及煬帝被殺。高祖

又遣其婿薛君倩。實手詔諭旨。子臧乃為煬帝發喪成禮。而後歸國。拜鄧州刺

史。封南陽郡公。時朱粲新敗。子臧率所部數千人。與元規併力將擊之。謂元規

曰。朱粲新破之後。上下危懼。一戰可擒。若更遷延。部眾稍集。力強食盡。必死戰

於我。為患不細也。元規不納。子臧請以本兵獨戰。又不許。俄而粲眾大至。元規

懼。退保南陽。子臧謂元規曰。言不見納。以至於此。老夫今坐公死矣。粲果率兵

圍之。遇霖雨。城壁皆壞。所親者知城必陷。固勸其降。子臧曰。安有天子方伯降

賊者乎。於是率其麾下。赴敵而死。俄而城陷。元規亦遇害。

張道源。并州祁人也。年十五。父死。居喪以孝行稱。縣令郭湛改其所居為復禮

鄉。至孝里。道源嘗與友人客遊。友人病。中宵而卒。道源恐驚擾主人。遂共屍臥

達曙方哭。親步營送。至其本鄉里。高祖舉義。召授大將軍府戶曹參軍。及平京

城。道源撫慰山東燕趙之地。爭來款附。高祖下書褒美。累封苑陽郡公。後拜

大理卿。時何稠士澄有罪。家口籍沒。仍以賜之。道源歎曰。人有否泰。蓋亦是常

安可因己之泰。利人之否。取其子女以為僕妾。豈近仁者之心乎。皆捨之。一無

所取。尋轉太僕卿。後歷相州都督。武德七年。卒。官。贈工部尚書。諡曰節。道源雖

歷職九卿。身死日。唯粟兩碩。高祖深異之。賜其家帛三百段。族子楚金。楚金

少有志行。事親以孝聞。初與兄越石同預鄉貢。進士。州司將罷越石而薦楚金。辭曰。以順則越石長。以才則楚金不如。固請俱退。時李勣為都督。數曰。貢士本

求才行。相推如此。何嫌雙居也。乃俱薦擢第。楚金高宗時。累遷刑部侍郎。俄鳳

年有妖星見。楚金上疏極言得失。高宗優納。賜帛二百段。則天臨朝。歷位吏部

侍郎。秋。官尚書。賜爵南陽侯。為酷吏周興所陷。配流積表。竟卒於徙所。著輪苑

擊劉黑闥於河北。有洛水人以城來降。遣士信入城據守。賊悉眾攻之。甚急。遇

其開門。奮擊大破之。殺無遺類。世充平。擢授絳州總管。封劍國公。尋從太宗

擊劉黑闥於河北。有洛水人以城來降。遣士信入城據守。賊悉眾攻之。甚急。遇

其開門。奮擊大破之。殺無遺類。世充平。擢授絳州總管。封劍國公。尋從太宗

擊劉黑闥於河北。有洛水人以城來降。遣士信入城據守。賊悉眾攻之。甚急。遇

其開門。奮擊大破之。殺無遺類。世充平。擢授絳州總管。封劍國公。尋從太宗

擊劉黑闥於河北。有洛水人以城來降。遣士信入城據守。賊悉眾攻之。甚急。遇

其開門。奮擊大破之。殺無遺類。世充平。擢授絳州總管。封劍國公。尋從太宗

擊劉黑闥於河北。有洛水人以城來降。遣士信入城據守。賊悉眾攻之。甚急。遇

其開門。奮擊大破之。殺無遺類。世充平。擢授絳州總管。封劍國公。尋從太宗

擊劉黑闥於河北。有洛水人以城來降。遣士信入城據守。賊悉眾攻之。甚急。遇

其開門。奮擊大破之。殺無遺類。世充平。擢授絳州總管。封劍國公。尋從太宗

擊劉黑闥於河北。有洛水人以城來降。遣士信入城據守。賊悉眾攻之。甚急。遇

其開門。奮擊大破之。殺無遺類。世充平。擢授絳州總管。封劍國公。尋從太宗

擊劉黑闥於河北。有洛水人以城來降。遣士信入城據守。賊悉眾攻之。甚急。遇

其開門。奮擊大破之。殺無遺類。世充平。擢授絳州總管。封劍國公。尋從太宗

擊劉黑闥於河北。有洛水人以城來降。遣士信入城據守。賊悉眾攻之。甚急。遇

其開門。奮擊大破之。殺無遺類。世充平。擢授絳州總管。封劍國公。尋從太宗

李公逸，汴梁雍丘人也。隋末與族弟善行以義勇為人所附。初歸王世充，知其必敗，遣間使請降。高祖因以雍丘置杞州，拜為總管，封陽夏郡公。又以善行為杞州刺史。世充遣其從弟辨率眾攻之，公逸遣使請援。高祖以其懸隔賊境，未出兵。公逸乃留善行居守，自入朝請援。行至襄城，為世充伊州刺史張殷所獲，送于洛陽。世充謂曰：「卿越鄭臣唐，其說安在？」公逸答曰：「我於天下，唯聞有唐，世充怒，斬之。善行竟沒於賊。高祖聞而悼惜，封其子為襄城郡公。」

張善相，許州襄城人也。大業末，為里長，每督縣兵，逐小盜，為眾所附。遂據本郡，歸於李密。密敗，以城歸國。高祖授伊州總管。王世充數攻之，善相頻遣使請救。兵既不赴，城中糧盡，自知必敗，謂眾屬曰：「死當斬吾頭以歸世充，眾皆泣曰：『軍與公同死，終不獨生。』」後城陷被擒，送於世充。辭色不撓，罵世充極口，尋被害。高祖數曰：「吾賞善相，善相不負吾，封其子為襄城郡公。」

李玄通，雍州藍田人。仕隋，鷹揚郎將。義兵入關，率所部歸國。累除定州總管。劉黑闥反叛，攻之，城陷被擒。黑闥重其才，欲以為大將。玄通數罵曰：「吾荷朝恩，作藩東夏，孤城無援，遂陷虜庭。當守臣節，以忠報國，豈能降志，輒受賊官，拒而不受。故吏有以酒食餽之者，玄通曰：『諸君哀吾困辱，故以酒食來相寬慰，吾當為諸君一醉，遂與樂飲。』謂守者曰：『吾能舞劍，可借吾刀。』守者與之。及曲終，太息而言：『大丈夫受國厚恩，鎮撫方面，不能保全所守，亦何面目視息世間哉！』因潰腹而死。高祖聞而為之流涕，拜其子伏護為大將。

敬君弘，絳州太平人。齊右僕射顯儁曾孫也。武德中為驃騎將軍，封黔昌縣侯。掌屯營兵於玄武門，加授雲鷹將軍。隱太子建成之誅也，其餘黨馮立、謝叔方率兵犯玄武門，君弘挺身出戰，其所親止之曰：「事未可知，當且觀變。」待兵集，成列而戰。未晚也，君弘不從，乃與中郎將呂世衡大呼而進，並遇害。太宗甚嗟賞之。贈君弘左屯衛大將軍，世衡右驍衛將軍。

馮立，同州馮翊人也。有武藝，略涉書記。隱太子建成引為翊衛車騎將軍，託以心膂。建成被誅，其左右多逃散。立數曰：「豈有生受其恩而死逃其難，於是率兵

犯玄武門，苦戰久之，殺屯營將軍敬君弘。謂其徒曰：「微以報太子矣。遂解兵遁於野，俄而來請罪。太宗數之曰：『汝在東宮，潛為間構，阻我骨肉，汝罪一也。』昨日復出兵來戰，殺傷我將士，汝罪二也。何以逃死？對曰：『出身事主，期之効命，當職之日，無所顧憚。因伏地獻款，悲不自勝。太宗慰勉之，立歸。謂所親曰：『逢莫大之恩，幸而獲濟，終當以死奉答。』未幾，突厥至，便橋立，率數百騎與虜戰於咸陽，殺獲甚眾。太宗聞而嘉歎，拜廣州都督。前後作牧者，多以贖貨為蠻夷所患，由是數怨叛，立到，不營產業，衣食取給而已。嘗至貧，眾數曰：『此吳隱之所酌泉也，飲一盃水，何足道哉？』吾當汲而為食，豈止一盃耶？安能易吾性乎？遂畢飲而去。在職數年，甚有惠政。卒於官。」

謝叔方，雍州萬年人也。初從巢刺王元吉征討，數有戰功。元吉奏授屈啞直府左軍騎。太宗誅隱太子及元吉于玄武門，叔方率府兵與馮立合軍拒戰于北闕下。殺敬君弘、呂世衡。太宗兵不振，秦府護軍尉遲敬德傳元吉首以示之。叔方下馬號哭，而通明日出首。太宗曰：「義士也，命釋之。」歷遷西伊二州刺史。善經邊鎮，胡戎愛而敬之。如事嚴父。貞觀末，累加銀青光祿大夫，歷洪廣二州都督，承徵中卒。

王義方，泗州漣水人也。少孤貧，事母甚謹。博通五經，而嘗傲獨行。初舉明經，因詣京師，中路逢徒步者，自云父為類上令，聞病篤，倍道將往焉。徒步不前，計無所出。義方解所乘馬與之，不告姓名而去。俄授晉王府參軍。直弘文館，特進魏徵，其禮之將以姪女妻之。義方竟娶徵之姪女。告人曰：「昔不附宰相之勢，今感知己之言，故也。」轉太子校書，無何，坐與刑部尚書張亮交通，貶為儋州吉安丞。行至海南，舟人以酒脯致祭，義方曰：「黍稷非馨，義在明德，乃酌水而祭。」為文曰：「思帝鄉而北顧，望海浦而南浮，必也行憶諸己，義負前修。長鯨擊水，天吳覆舟，因忠獲戾，以孝見尤。四維霧廓，千里安流，靈應如響，無作神羞。時當盛夏，風濤蒸毒，既而開霽，南渡吉安，蠻俗荒梗，義方召諸首領，集生徒，親為講經，行釋奠之禮。清歌吹簫，登降有序，蠻酋大喜。貞觀二十三年，改授涇水丞。時張亮兄子皎配流在崖州，來依義方而卒。臨終，託以妻子及致屍還鄉。義方與皎妻自

誓於海神使奴負板令皎妻抱其赤子乘義方之馬身獨步從而還先之原武
 葬皎告祭張亮送皎妻子歸其家而往洹水轉雲陽丞擢為著作佐郎顯慶元
 年遷侍御史時中書侍郎李義府執權用事婦人淳于氏有美色坐事繫大理
 義府悅之託大理丞畢正義枉法出之高宗又勅給事中劉仁軌侍御史張倫
 重按其事正義自縊高宗特原義府之罪義方以義府姦毒害政將加彈奏以
 問其母母曰昔王陵母伏劍成子之義汝能盡忠立名吾之願也雖死不恨義
 方乃先奏曰臣聞春鷺鳴於獻歲蟋蟀吟於始秋物有微而應時人有賤而言
 忠臣去歲冬初雲陽下縣丞耳今春及夏陛下擢臣著作佐郎極文學之清選
 未幾又拜臣侍御史濫朝廷之雄職顧願生涯隕首非報唯欲有犯無隱以廣
 天聽伏以李義府枉殺寺丞陛下已赦之臣不應更有鞠問然天子置三公九
 卿二十七大夫八十一元士本欲水火相濟鹽梅相成然後庶績咸熙風雨交
 泰亦不可獨是獨非皆由聖旨昔唐堯失之於凶漢祖失之於陳穉光武失
 之於逢萌魏武失之於張邈此四帝者英雄之主然失之於前得之於後今陛
 下繼聖撫育萬邦蠻陬夷落猶懼疎網沉鞶穀尺茲臣肆虐足使忠臣抗憤
 義士扼腕縱令正義自縊彌不可容便是畏義府之權勢能殺身以滅口此則
 生殺之威上非王出賞罰之柄下移佞寵臣恐履霜堅冰積小成大請重鞠正
 義死由雪冤氣於幽泉誅姦臣於白日乃廷劾義府曰臣聞附下罔上聖主之
 所宜誅心狠貌恭明時之所必罰是以隱賊掩義不容唐帝之朝竊幸乘權終
 齒漢皇之劍中書侍郎李義府因緣際會遂階通顯不能盡忠竭節對歎王休
 策蹇勵駕祇奉皇眷而反憑附城社蔽虧日月請託公行交遊羣小貪洽容之
 笑原有罪之淳于恐漏洩其謀殞無辜之正義雖挾山超海之力望此猶輕迴
 天轉日之威方斯更劣此而可恕孰不可容金風屆節玉露盈塗霜簡與秋典
 共清忠臣將鷹鷂並擊請除君側少答鴻私碎首玉階庶明臣節高宗以義方
 毀辱大臣言詞不遜左遷萊州司戶參軍秩滿家于昌樂聚徒教授母卒遂不
 復仕進總章二年卒年五十五撰筆海十卷文集十卷門人何彥光貞半子為
 義方制師服三年喪畢而去半子者齊州全節人也事義方經十餘年博涉經

史知名河朔則天時官至天官侍郎撰三國春秋二十卷行於代自有傳
 成三郎幽州漁陽人也光宅年為左豹韜衛長上果毅李孝逸之討徐敬業以
 為前鋒與賊戰於高郵官軍敗績被擒送于江都賊黨唐之奇給其粟曰此李
 孝逸也將斬之三郎大呼曰我是果毅成三郎不是將軍李孝逸官軍已圍爾
 數重破爾在於朝夕我死妻子受榮爾死家口配沒終不及我之奇怒斬之敬
 業平贈左監門將軍諡曰勇時曲阿令尹元貞亦死敬業之難
 尹元貞者瀛州河間人也曲阿聞敬業攻陷潤州率兵赴援及戰敗被擒敬
 業臨以白刃脅令附己將加任用元貞詞色慷慨竟不之屈尋遇害敬業平贈
 潤州刺史諡曰壯
 高歡雍州萬年人隋尚書左僕射頊孫也父表仁穀州刺史歡少以明經累除
 桂州都督尋加銀青光祿大夫轉趙州刺史封平昌縣子聖曆初突厥默啜來
 寇歡嬰城固守長史唐波若見城圍甚急遂潛謀應賊歡覺之將自殺不死俄
 而城陷被擒更令招諭諸縣未降者歡竟不從遂為所殺初賊將至州境或謂
 歡曰突厥所向無前百姓喪膽明公力不能禦不若降之歡曰吾為天子刺史
 不戰而降其罪大矣則天聞而深歎息之贈冬官尚書諡曰節及賊退唐波若
 伏誅家口籍沒因下制曰故趙州刺史高歡狂賊既至死節不降長史唐波若
 不能固城相率歸賊高歡已加褒贈波若等身死破家賞罰既行須教懲勸宜
 頒示天下咸使知聞子仲舒博通經史尤明三禮及詰訓之書神龍中為相王
 府文學王甚敬重之開元中累授中書舍人侍中宋璟中書侍郎蘇頌每詢訪
 故事焉時又有中書舍人崔琳深達政理璟等亦禮焉嘗謂人曰古事問高仲
 舒今事問崔琳則又何所疑矣仲舒累遷太子右庶子卒
 王同皎相州安陽人陳侍中尉遲之曾孫其先自琅邪仕江左陳亡徙
 家河北同皎長安中尚皇太子女定安郡主授朝散大夫行太子典膳郎敬暉
 等討張易之兄弟也遭同皎與右羽林將軍李多祚迎太子於東宮請太子至
 玄武門指麾將士太子初拒而不許同皎諷諭切至太子乃就駕以功授右千
 牛將軍封琅邪郡公賜實封五百戶及郡主進封為公主拜同皎為駙馬都尉

尋加銀青光祿大夫遷光祿卿神龍二年同皎以武三思專權任勢謀爲逆亂乃招集壯士期以則天靈駕發引劫殺三思同謀人撫州司倉冉祖雍具以其計密告三思三思乃遣校書郎李俊上言同皎潛謀殺三思後將擁兵詣闕廢黜皇后帝然之遂斬同皎于都亭驛前籍沒其家臨刑神色不變天下莫不寬之睿宗卽位令復其官爵執冉祖雍李俊並誅之初與同皎叶謀有武當丞周懷者壽州壽春人也事既洩遁於比干廟中自刎而死臨終謂左右曰比干古之忠臣也儻神道聰明應知周懷忠而死也韋后亂朝寵樹邪佞武三思干上犯順虐害忠良吾知其滅亡不久也可懸吾頭於國門觀其身首異門而出其後皆如其言

蘇安恆冀州武邑人也博學尤明周禮及春秋左氏傳大足元年投匭上疏曰陛下欽聖皇之顧託受嗣子之推讓應天順人二十年矣豈不思虞舜篡襲周公復辟良以大禹至聖成王既長推位讓國其道備焉故舜之於禹是其族親且舉成王不離叔父且族親何如子之愛叔父何如母之恩今太子孝敬是崇春秋既壯若使統臨宸極何異陛下之身陛下年德既尊寶位將倦機務殷重浩蕩心神何不禪位東宮自怡聖體臣聞自昔明王之孝理天下者不見二姓而俱王也當今梁定河內建昌諸王等承陛下之蔭履並得封王臣恐千秋萬歲之後於事非便臣請黜爲公侯任以閑簡臣又聞陛下有二十餘孫今無尺土之封此非長久之計也臣請四面都督府及要衝州郡分土而王之縱今年尚幼小未爛養人之術請擇立師傅成其孝敬之道將以夾輔周室藩屏皇家使累葉重光饗祀不輟斯爲美矣豈不大哉疏奏則天召見賜食慰諭而遣之長安二年又上疏曰忠臣不順時而取寵烈士不惜死而偷生故君道不明者忠臣之過歟臣道不軌者烈士之過歟昔者先皇晏駕留其顧託將以萬機殷廣令陛下兼知其事雖唐堯虞舜居其位而共工驩兜在其間陛下骨肉之恩阻陛下子母之愛志臣請聖情以運祚將喪極斯大節天下謂陛下微弱李氏貪天之功何以年在耄倦而不能復子明辟使忠言莫進姦佞成朋夷狄紛擾屠害黎庶陛下雖納隍軫念亦罔能救此生靈臣聞天下者神堯文武之天下

也昔有隋失取小人道長羣雄駭鹿四海瞻烏皇唐親事戎旃鳳翔野削平寓縣龍踐宸極敵血爲盟指河爲誓非李氏不王非功臣不封陛下雖居正統寶唐氏舊基故詩曰惟鵠有巢唯鳩居之此言雖小可以喻大陛下自坤生德乘乾作主豈不以上符天意下順人心東宮昔在諒陰相王又非長子陛下恐宗祀中絕所以應其謳謠當今太子追迺年德俱感陛下食其寶位而忘母子深恩臣聞京邑翼翼四方取則陛下太子之元良在太子之神器何以教天下母慈子孝焉能使天下移風易俗焉惟陛下下思之將何聖顏以見唐太宗廟將何詰命以謁大帝墳陵陛下何故日夜積憂不知鍾鳴漏盡臣愚以天意人事還歸李家陛下雖安天位殊不知物極則反器滿則傾故語曰當斷不斷反受其亂此之謂也陛下不知高揖機務自恬聖躬命史臣以書之令樂府以歌之斯亦太平之感事也臣聞見過不諫非忠臣也畏死不言非勇士也臣何惜一朝之命而不安萬乘之國哉故曰苟利國家雖死可矣願陛下稍輟萬機詳臣愚見陛下若以臣爲忠則從諫如流擇是而用若以臣爲不忠則斬取臣頭以令天下疏奏不納明年御史大夫魏元忠爲張易之兄弟所構安恆又抗疏申理之曰臣聞明王有含天下之量有濟天下之心能進天下之善除天下之惡若爲君王而不行此四者則當神冤鬼怒陰錯陽亂欲使國家榮泰其可得乎陛下革命之初勤於庶政親總萬機博採謀猷傍求俊乂故海內以陛下爲之主矣暮年已來怠於政教讒邪結黨水火成災百姓不親五品不遜故四海之內以陛下爲受佞之主矣邪正莫辨訟訟含冤豈陛下昔是而今非蓋居安忘危之失也臣竊見御史大夫檢校太子右庶子同鳳閣鸞臺平章事魏元忠廉直有聞位居宰輔履忠正之基者用元忠爲龜鏡踐邪佞之路者嫉元忠若仇讐麟臺監張易之兄弟在身無德於國無功不逾數年遂極隆貴自當飲冰懷懼酌水思清夙夜兢兢以答恩造不謂鑿鑿其志豺狼其心欲指鹿而獻馬先害忠而損善將斯亂代之法汗我明君之朝自元忠下獄臣見長安城內街談巷議皆以陛下委任姦兇斥逐賢良以元忠必無不順之言以易之必有交亂之意相逢偶語人心不安雖有忠臣烈士空撫牌於私室而鉗口不敢言者

皆懼易之等威權恐無辜而受戮亦徒虛死耳今賊虜強威微斂煩重以臣言
 之萬姓不勝其弊况又聞陛下縱逸讒慝禁錮良善賞刑失中則遐邇生變臣
 恐四夷因之則窺覘得失以為邊郡之患百姓因之即結聚義兵以除君側之
 惡復恐逐鹿之黨叩關而至亂階之徒從中相應爭鋒於朱雀門內問鼎於大
 明殿前陛下將何事以謝之復何方以禦之臣今為陛下計安百姓之心者莫
 若收雷電之威解元忠之網復其爵位君臣如初則天下幸甚陛下好生惡殺
 縱不能斬佞臣頭以塞人望臣請奪其榮寵翦其羽翼無使權柄在手驕橫日
 滋專國倍於獲侯迴天過於左憎則社稷危矣惟陛下圖之臣本微賤不識元
 忠易之豈此可親而彼可疎但恐讒邪長而忠臣絕伏願陛下鑒垂天鑒察臣
 此心即微臣朝志得行夕死無恨疏奏易之等大怒欲遣刺客殺之賴正諫大
 夫朱敬則鳳閣舍人桓彥範著作郎魏知古等保護以免安恆神龍初為集賢
 館內教節愍太子之殺武三思也或言安恆預其謀遂下獄死睿宗即位知其
 冤下制曰故蘇安恆文學基身鯁直成操往年抗疏忠諫可嘉屬回邪擅權
 從非命與言軫悼用惻予懷宜贈寵章式旌激烈可贈諫議大夫時又有俞文
 俊王求禮亦以直言見稱

俞文俊者荊州江陵人則天載初年新豐因風雷山移乃改縣名為慶山四方
 畢賀文俊詣闕上書曰臣聞天氣不和而寒暑併人氣不和而疠蠶生地氣不
 和而蝗草出今陛下以女主處陽位反易剛柔故地氣隔塞而山變為災陛下
 謂之慶山臣以為非慶也臣愚以為宜側身修德以答天譴不然恐殃禍至矣
 則天大怒流於嶺外後為六道使所殺

王求禮者許州長社人則天時為左拾遺時武懿宗統兵討契丹畏懼不敢進
 及賊平懿宗委滄瀛等數百家從賊請誅之求禮廷折之曰此等素無武備城
 池不完遇賊畏懼苟從之以求生豈素有背叛之心也懿宗擁強兵數十萬聞
 賊輒退使其滋蔓又欲移罪於草澤註誤之人豈為臣之道臣請先斬懿宗以
 謝河北懿宗不能答則天遂寬脅從者之罪後都城三月雨雪鳳閣侍郎蘇味
 道以為瑞雪率羣官表賀求禮曰公為宰相不能變理陰陽非時降雪又將災

而為瑞証罔視聽若以三月雪為瑞雪即臘雷亦為瑞雷耶味道不從求禮累
 遷左臺殿中侍御史神龍初為衛王豫病卒
 燕欽融洛州偃師人也景龍末為許州司戶參軍時韋庶人干預國政威封拜
 羣從子弟又與悖逆庶人及駙馬都尉武延秀中書令宗楚客等將圖危宗社
 欽融連上奏其事庶人大怒勸中宗召欽融廷見撲殺之宗楚客又私令執法
 者加刃欽融因而致死睿宗即位下制曰故許州司戶參軍燕欽融先陳忠諫
 頗列章奏雖干非其位而進不顧身永言奄亡誠所傷悼方開諫路宜慰寃宥
 可贈諫議大夫仍令備禮改葬特授一子官先是定州人郎岌亦備陳韋庶人
 及宗楚客將為逆亂之狀中宗不納而韋庶人勸杖殺之睿宗即位追贈諫議
 大夫

安金藏京兆長安人初為太常工人載初年則天稱制睿宗號為皇嗣少府監
 裴匪躬內侍范雲仙並以私謁皇嗣腰斬自此公卿已下並不得見之唯金藏
 等工人得在左右或有誣告皇嗣潛有異謀者則天令來使臣鞫其狀左右
 不勝楚毒皆欲自誣唯金藏確然無辭大呼謂後臣曰公不信金藏之言請剖
 心以明皇嗣不反即引佩刀自剖其胃五藏並出流血被地因氣絕而仆則天
 聞之令輿入宮中遣醫人却內五藏以桑白皮為線縫合傳之藥經宿金藏始
 甦則天親臨視之數曰吾子不能自明不如爾之忠也即令俊臣停推睿宗由
 是免難金藏神龍初喪母寓葬於都南關口之北廬於墓側躬造石墳石塔晝
 夜不息原上舊無水忽有湧泉自出又有李樹感冬開花大鹿相狎本道使盧
 懷慎上聞勅旌表其門景雲中累遷右武衛中郎將玄宗即位追思金藏忠節
 下制褒美擢拜右衛衛將軍乃令史官編次其事開元二十年又特封代國公
 仍於東岳等諸碑鐫勒其名竟以壽終贈兵部尚書

舊唐書卷一百八十七上

舊唐書卷一百八十七下

後晉司空同中書門下平章事劉昫撰

列傳第一百三十七

忠義下

李愬子源彭 張介然 崔無敵 盧奕

蔣清彭孫景誠 顏杲卿子果明 薛愿龐聖附 張巡姚闡附

許遠 程千里 袁光庭 邵真

符璘 趙曄 石演芬張名振附 張伾

甄濟 劉敦儒 高沐 賈直言

庚敬休 辛謙

李愬太原水人父希情中宗神龍初右臺監察御史愬早聰敏以明經舉開元初為咸陽尉時張說自紫微令燕國公出為相州刺史河北按察使有洛州劉行善相人說問察案後誰貴達行乃稱愬及臨河尉鄭巖說乃以女妻巖妹婿陰行真女妻於愬及說為并州長史太平軍大使引愬常在幕下九年入為相愬又為長安尉屬宇文融為御史括田戶奏知名之士崔希逸咸真業宇文順于濡卿李宙及愬為判官攝監察御史分路檢察以課並遷監察御史愬驟歷兵吏部郎中給事中愬有吏幹明於凡案甚有當官之稱二十八年為河南少尹時蕭昇為尹依倚權貴洩事多不法愬以公正正之人用繫賴又道士孫甌生以左道求進託以修功德往來嵩山求請無度愬必挫之昇及甌生患之而構於朝廷天寶初出為清河太守十一載累轉河南太守本道採訪謁於行在所改尚書右丞京兆尹十四載轉光祿卿東京留守判尚書省事其載十一月安祿山反於洛陽人心震懼玄宗遣安西節度封常清兼御史大夫為將召募於東京以禦之愬與留臺御史中丞盧奕河南尹達奚珣綏輯將士完繕城郭遏其侵逼遷愬禮部尚書依前留守自逆徒發范陽至渡河令嚴規候計絕及渡河陷陳留蔡陽二郡殺張介然崔無敵數日間已至都城下祿山所統皆蕃漢精兵訓練已久常滑之衆多市井之人初不知戰及兵交之後被鐵騎唐

突飛矢如雨皆魂慄色沮望賊奔散愬謂奕曰吾曹荷國重寄誓無避死雖力不敵其若官守何奕亦便許願守本司於是愬居留守宅奕獨居臺中及常清西奔祿山領其衆椎鼓大呼以入都城殺掠數千人箭及宮闕然後住居於闕殿中令擒愬及奕判官蔣清等三人害之以威於衆祿山傳愬奕清三之首以徇河北信宿至平原太守顏真卿斬其使浴其首殮以木函祭而瘞之以聞玄宗贈愬司徒仍與一子五品官奕武部尚書崔無敵工部尚書各與一子官蔣清文部郎中愬豐於產業伊川膏腴水陸上田脩竹茂樹自城及關口別業相望與吏部侍郎李彭年皆有地癖鄭巖天寶中仕至絳郡太守入為少府監田產亞於愬愬有子十餘人二子為僧與愬同遇害二子彭源存焉源時年八歲為賊所俘轉徙流離凡七八年及史朝義走河北洛陽故吏有義源者贖之於民家代宗聞之授河南府參軍轉司農寺主簿以父死禍難無心祿仕誓不昏妻不食酒肉洛陽之北惠林寺愬之舊墅也源乃依寺僧寓居一室依僧齋戒人未嘗見其所習先穴地為墓預為終制時時偃仰於穴中長慶三年御史中丞李德裕表薦之曰處士李源即故禮部尚書東都留守贈司徒忠烈公李愬之少子天與忠孝嗣茲貞烈以父死國難哀纏終身自司農寺主簿絕心祿仕垂五十年暨于衰暮多依惠林佛寺本愬之墅也寺之正殿即愬之寢室源過殿必趨未嘗登踐隨僧一食已五十年其端心執孝無有不至抱此貞節業於清朝臣竊為陛下惜之詔曰禮著死經傳稱握節捐生守位取重人倫為義甚明其風或替言念於此慨然興懷而朝之公卿有上言者云天寶之季盜起幽陵振蕩生靈噬吞河洛贈司徒忠烈公愬處難居首正色受屠兩河聞風再固危壁首立殊節到今稱之其子源有曾閔之行可貴于神明有巢由之風可希于太古山林以寄其迹爵祿不入于心泊然無營五十餘載夫褒忠可以勸臣節旌孝可以激人倫尚義可以警澆浮敬老可以厚風俗舉茲四者大儆于時是用權自衡門立於文陛處以諫職冀聞讜言仍加印紱式示光寵可守左諫議大夫賜緋魚袋仍勅河南尹差官就所居教諭遣發移宗尋令中使齎手詔緋袍牙笏絹二百匹往洛陽惠林寺宣賜源受詔對中使苦陳疾甚年高不

能趨拜附表謝恩其官告服色絹皆辭不受竟卒於寺彭以一子官累歷州縣令長子宏仕官愈卑生三子景讓景莊景溫自元和後相繼以進士登第景讓大和中為尚書郎出為商州刺史開元二年入朝為中書舍人二年十月出為華州刺史潼關防禦鎮國軍使四年入為禮部侍郎五年選貢士李蔚後至宰相楊知退為尚書大中朝為襄州刺史山南道節度使入為吏部尚書十一年轉御史大夫景讓有大志事親以孝聞正色立朝言無避忌為大夫時宣宗舅鄭光卒詔贈司徒罷朝三日景讓曰國舅雖親朝典有素無容過越乃上言曰鄭光是陛下親舅外族之愛誠軫聖心況皇太后哀切之時理合加等而賜之粟帛隆其第宅自家刑國尤謂合宜今以輟朝之數比於親王公主則前例所無縱有亦不可施用何者先王制禮所以防微大凡人情於外族則深於宗廟則薄所以先王制禮割愛厚親土庶猶然況當萬乘親王公主宗屬也舅氏外族也今朝廷公卿以至庶人據開元禮外祖父母及親舅喪服小功五月若親伯叔親兄弟即服齊縗周年所以疎其外而密於內也有天下者尤不可使外戚強盛故西漢有呂氏之後幾滅劉氏國朝有則天之篡殆革唐命皆非一朝一夕其所由來漸也今鄭光輟朝日數與親王公主同設使陛下速改詔命輟朝一日或兩日示其升降有差恩禮無備使四方見陛下欽明之德青史傳陛下制度之文垂之百王播之芳烈臣愚不肖謬竊恩私實願陛下處於堯舜之上義軒之列所以甘心鼎鑊伏進危言優詔報之乃罷兩日景讓復為吏部尚書卒諡曰孝景溫登第後踐歷臺閣咸通中自工部侍郎出為華州刺史潼關防禦鎮國軍使景莊亦至達官

張介然者蒲州猗氏人也本名大朗謹慎善籌算為郡守在河隴及天寶中王忠嗣皇甫惟明哥舒翰相次為節將並委以營田支度等使進位衛尉卿仍兼行軍司馬使如故及加銀青光祿大夫帶上柱國因入奏稱旨特加賜餐介然乘間奏曰臣今三品合列榮戟若列於帝城鄉里不知臣貴臣河東人也請列戟於故鄉玄宗曰所給可列故鄉京城守當別賜介然拜謝而出仍賜緡五百匹令宴集閭里以寵異之本鄉列戟自介然始也哥舒翰追在西京薦為少府

監安祿山將犯河洛以介然為河南防禦使令守陳留陳留水陸所湊邑居萬家而素不習戰介然至任數日賊已渡河雖率兵登城兼守要害虜騎十萬所過殺戮煙塵亘天彌漫數十里介然之眾聞吹角鼓譟之聲授甲不得氣已奪矣故至覆敗初玄宗以祿山起逆於河南要路懸榜以購其首又諭已殺其子慶宗等祿山入陳留北郭安慶緒見勝白於祿山祿山於輿中兩手撫膺大哭數聲曰我有何罪已殺我兒便縱凶毒前有陳留兵將降者向萬人行列於路祿山命其牙將殺戮皆盡流血如川乃斬介然於軍門祿山氣乃稍解頓軍於陳留郭下以其將李庭望為節度鎮之十五載玄宗贈介然工部尚書與一子五品官

崔無敵者京兆長安人也本博陵舊族父從禮中宗韋庶人之舅景龍中衛尉卿時中書令鄴國公蕭至忠才位素高甚承恩顧勅亡先女婚韋庶人亡弟無敵婚至忠女后為女家中宗為兒家供擬甚厚時人為之語曰皇后嫁女天子娶婦及韋庶人敗至忠女亦死無敵坐累久貶在外開元中為益州司馬會楊國忠為新都尉與之歡甚國忠因事引用之累轉陝郡太守少府監滎陽郡太守安祿山率眾南向無敵召募拒之及賊陷陳留郡後凶威轉盛戈矛鼓角驚駭城邑兩宿及滎陽乘城自墜如兩敵無敵及官吏盡為賊所虜賊以其將武令珣鎮之

盧奕黃門監懷慎之少子也與其兄奐齊名大腹豐下眉目疎朗謹愿寡然不尚輿馬克己自勵開元中任京兆司錄參軍天寶初為鄂縣令兵部郎中所歷有聲皆如奐之所治也天寶八載轉給事中十一載為御史中丞始懷慎及奐並為中丞父子三繼清節不易時人美之奕留臺東都又分知東都武部選事十四載安祿山犯東都人吏奔散奕在臺獨居為賊所執與李愷同見害玄宗聞而怒之贈兵部尚書太常議諡博士獨孤及議曰盧奕剛毅朴忠直方而清勵精吏事所居可紀天寶十四載洛陽陷沒于時東京人士狼狽鹿駭猛虎磨牙而爭其肉居位者皆欲保命而全妻子或先策高足爭脫奔殺或不恥苟活甘飲盜泉奕獨正身守位義不去以死全節誓不辱勢窘力屈以朝服就執猶

慷慨感憤，數賊梟獍之罪，觀者股栗，奕不變其色。而北面辭君，然後受害，雖古烈士方之者鮮矣。或曰：洛陽之存亡，操兵者實任其咎，非執法吏所能抗，師敗將奔，去之可也。委身寇讐，以死誰對，及以爲不然，勇者禦而忠者守，必社稷是衛，則死生以之，危而去之，是智免也。於忠何有？昔荀息殺身於晉，不食其言也。仲由結纓於衛，食焉不避其難也。玄奘動其官而水死，守位而忘軀也。伯姬待保姆而火死，先禮而後身也。彼四人者，死之日，皆於事無補，夫豈愛死而買福也，以爲死輕於義，故蹈義而捐身。古史書之，使事君者勤然則祿山之亂，大於里克，懼，奕廉察之任，切於玄冥之官，分命所繫，不啻於保姆，逆黨兵威，甚于水火于斯時也，能與執干戈者同其戮力，挽之不去，豈不以師可虧，免不可苟，身可殺，節不可奪，故全其特操於白刃之下，孰與夫懷安偷生者同其風哉？謹按證法，圖國忘身，身曰貞，秉德遵業，曰烈，奕執憲戎馬之間，志藩王室，可謂圖國，國危不能拯而繼之以死，可謂忘身，歷官一十任，言必正，事必果，而清節不撓，去之若始至，可謂秉德，先黃門以直道佐時，奕嗣之以忠純，可謂遵業，請證曰貞烈從之。

蔣清者，故吏部侍郎欽緒之子，舉明經，調補太子校書郎，鞏縣丞，盧奕留之，憲府清與諸兄溢演，沈知名于時，奕之被害，清亦死焉。

顏杲卿，琅琊臨沂人，世仕江左，五代祖之推北齊黃門侍郎，修文館學士，齊亡入周，始家關內，遂爲長安人焉。曾伯祖師古，貞觀中秘書監，自有傳。曾祖勳禮，崇文館學士，祖甫，曹王侍讀，父元孫，垂拱初登進士第，考功員外郎，劉奇榜其詞策，文瑰俊，拔多士，聳觀，歷官長安尉，太子舍人，亳州刺史，卒。杲卿以蔭受官，性剛直，有吏幹，開元中爲魏州錄事參軍，振舉綱目，政稱第一，天寶十四載，攝常山太守，時安祿山爲河北河東採訪使，常山在其部內，其年十一月，祿山舉范陽之兵詣闕，十二月十二日，陷東都，杲卿忠誠感發，懼賊遂寇潼關，卽危宗社，時從弟真卿爲平原太守，初聞祿山逆謀，陰養死士，招懷豪右，爲拒賊之計，至是遣使告杲卿，相與起義，兵倚角斷賊歸路，以紓西寇之勢，杲卿乃與長史袁履謙，兩真定令賈深前內，丘丞張通幽等謀開土門，以背之時，祿山遣蔣欽

湊高邈率衆五千守土門，杲卿欲誅欽湊，開土門之路，時欽湊軍隸常山郡，屬欽湊，遣高邈往幽州，未還，杲卿遣吏召欽湊至郡計事，是月二十二日夜，欽湊至，舍之於傳舍，會飲既醉，令袁履謙與參軍馮虔，縣尉李栖默，手力翟萬德等殺欽湊，中夜履謙與欽湊首見，杲卿相與垂泣，喜事交濟也。是夜，臺城尉崔安石報高邈還至蒲城，卽令馮虔，翟萬德與安石往圖之，詰朝高邈之騎從數人至臺城驛，安石皆殺之，俄而邈至，安石給之曰：太守備酒樂於傳舍，邈方據廳下馬，馮虔等擒而繫之，是日賊將何千年自東都來，趙郡馮虔，萬德伏兵於醴泉驛，千年至，又擒之，卽日縛二賊將還郡，杲卿遣子安平尉泉明及買深，張通幽，翟萬德，函欽湊之首，械二賊送於京師，至太原節度使王承業，留泉明，買深等，寢杲卿之表，承業自上表獻之，以爲己功，玄宗不知，擢拜承業大將軍，牙官獲賞者百數，玄宗尋知杲卿之功，乃加衛尉卿，兼御史大夫，以袁履謙爲常山太守，杲卿爲司馬，杲卿既斬賊將，收兵練卒，乃檄告河北郡縣，言朝廷以榮王爲河北兵馬大元帥，哥舒翰爲副統，衆三十萬，卽出土門，郡縣聞之，皆殺賊守將，遠近響應，時十五郡皆爲國家所守，時安祿山遣使傳李愷，盧奕之首，徇河北至平原，真卿殺賊使，收藏愷等首，清池尉買載亦斬僞署景城守劉玄道，傳首於平原，饒陽郡守盧全誠亦據郡舉兵，會于真卿，時常山平原二郡兵威大振，祿山方自率衆而西，已至陝，聞河北有變，而還，乃命史思明，蔡希德率衆渡河，十五年正月，思明攻常山郡，城中兵少，衆寡不敵，禦備皆竭，其月八日，城陷，杲卿履謙爲賊所執，送於東都，思明既陷常山，遂攻諸郡，鄴，廣平，鉅鹿，趙郡，上谷，博陵，文安，魏郡，信都，復爲賊守，祿山見杲卿，面責之曰：汝昨自范陽戶曹，我奏爲判官，遂得光祿太常二丞，便用汝攝常山太守，負汝何事而背我耶？杲卿瞋目而報曰：我世爲唐臣，常守忠義，縱受汝委署，復合從汝反乎？且汝本營州一牧羊羯奴，耳切竊恩寵，致身及此，天子負汝何事而汝反耶？祿山怒甚，令縛於中橋南頭，從西第二柱，節解之比，至氣絕，大罵不息，是日杲卿幼子誕姪，詔及袁履謙，皆被先截手足，何千年弟在傍，含血噴其面，因加割鬚，路人見之，流涕，其年二月，李光弼，郭子儀之師自土門東下，復收常山郡，杲卿履謙等妻

女數百人繫之獄中，光弼破械出之，令行喪服，給遺周厚。至德二年冬，廣平王收復兩京，史思明以河朔歸國，時真卿為蒲州刺史，乃令泉明於河北求訪血屬，果卿妹先適，故檢次令張景儻，妹女流落賊中，泉明一女亦落賊中，俱索贖錢三萬，泉明悉索所費，購姑女而還，比復納贖，己女遂失，而哀履謙已下，父之將吏妻子奴隸三百餘人，轉徙賊中，窮窘無告，泉明悉以歸蒲州，真卿贖給久之，隨其所詣而資送之。泉明求其父屍於東都，得其行刑者，言果卿被害時，先斷一足，與履謙同坎瘞之，及發瘞得屍，果無一足，即日與履謙之屍各為一柩，扶護還長安，初履謙妻疑夫柩殮衣儉薄，發棺視之，一與果卿等，履謙妻號踊感歎待之，如父。泉明之志行仁義如此，乾元元年五月詔曰：故衛尉卿兼御史中丞恆州刺史顏杲卿，任彼專城，志氣狂厲，艱難之際，忠義在心，憤羣凶而慷慨，臨大節而奮發，遂擒元惡，成此茂勳，屬胡虜憑陵，流毒方熾，孤城力屈，見陷寇讐，身歿名存，實彰忠烈，夫仁者有勇，驗之於臨難，臣之報國，義存於捐軀，嘉其死節之誠，未備飾終之禮，可贈太子太保。

薛愿，河東汾陰人，父紹，禮部郎中，兄崇，尚書宣太子女宜君縣主，女弟為廢太子瑛妃，愿坐宮廢貶官，祿山之亂，南陽節度使魯炆奏用愿為潁州太守，本郡防禦使，時賊已陷陳留，滎陽汝南等郡，方圍南陽，潁川當其來往之路，愿與防禦副使龐堅同力固守，城中儲蓄無素，兵卒單寡，自至德元年正月至十一月，賊晝夜攻之不息，距城百里，廬舍墳墓，樹開發，斬徹殆盡，而外救無至，賊將阿史那承慶悉以銳卒併攻，為木驢木鶴，雲梯衝棚，四面雲合，鼓譟如雷，矢石如雨，力攻十餘日，城中守備皆竭，賊夜半乘梯而入，愿堅俱被執，送於東都，將支解之，或說祿山曰：薛愿，龐堅，義士也，人各為其主，屠之不祥，乃繫於洛水之濱，屬苦寒，一夕凍死，堅武德功臣王玄孫初娶弟王守禮女，建寧縣主，魯炆妻為潁州郡長史，兼防禦副使。

張巡，蒲州河東人，兄曉，開元中監察御史，兄弟皆以文行知名，巡聰悟，有才幹，舉進士，三以書判拔萃入等，天寶中調授清河令，有能名，重義尚氣節，人以危窘告者，必傾財以恤之，祿山之亂，巡為真源令，說譙郡太守，令完城，募市人為

拒賊之勢，時吳王祗為靈昌太守，奉詔亂率河南諸郡練兵以拒逆黨，濟南太守李隨副之，巡與單父尉賈責各召募豪傑，同為義舉，時雍丘令狐潮欲以其城降賊，民吏百餘人不從命，潮皆反接，仆之于地，將斬之，會賊來攻城，潮遽出關，而反接者自解其縛，閉城門拒潮，召責，責與巡引眾入雍丘，殺潮妻子，嬰城守備，吳王祗承制授賈監察御史，數日賊來攻城，責出關而死，巡乃合責之眾，城守令狐潮引賊將李廷望攻圍累月，賊傷夷大半，祿山乃於雍丘北置柵，築城壘以絕餉路，自是內外隔絕，又相持累月，賊鋒轉熾，城中益困，時許遠為睢陽守，與城父令姚闓同守睢陽，賊攻之不下，初祿山陷河洛，許叔冀守靈昌，薛愿守潁川，許遠守睢陽，皆城孤無援，愿守一年而城陷，叔冀一年而自拔，獨睢陽堅守，賊將尹子奇攻圍經年，巡以雍丘小邑，儲備不足，大寇臨之，必難保守，乃列卒結陣詐降，至德二年正月也，玄宗聞而壯之，授巡主客郎中，兼御史中丞，尹子奇攻圍既久，城中糧盡，易子而食，折骸而爨，人心危恐，慮將有變，巡乃出其妾對三軍殺之，以饗軍士，曰：諸公為國家戮力守城，一心無二，經年乏食，忠義不衰，巡不能自割肌膚以啖將士，豈可惜此婦人坐視危迫，將士皆泣下，不忍食，巡強令食之，乃括城中婦人既盡，以男夫老小繼之，所食人口二三萬，人心終不離變，時賀蘭進明以重兵守臨淮，巡遣帳下之士南霽雲夜縫出城，求援於進明，進明日與諸將張樂高會，無出師意，霽雲泣告之曰：本州強寇凌逼，重圍半年，食盡兵窮，計無從出，初圍城之日，城中數萬口，今婦人老幼相食殆盡，張中丞殺愛妾以啖軍人，今見存之數不過數千，城中之人，分當餌賊，但睢陽既拔，即及臨淮，皮毛相依，理須援助，霽雲所以冒賊鋒刃，匍匐乞師，謂大夫深念危亡，言發響應，何得宴安自處，殊無救恤之心，夫忠臣義士之所為，豈宜如此，霽雲既不能達主將之意，請嚙一指，留於大夫，示之以信，歸報本州，霽雲自臨淮還，睢陽繩城而入，城中將吏知救不至，慟哭累日，十月城陷，巡與姚闓南霽雲許遠皆為賊所執，巡神氣慷慨，每與賊戰，大呼奮師，皆裂血流齒，牙皆碎，城將陷，西向再拜曰：臣智勇俱竭，不能成退，強寇保守孤城，臣雖為鬼，誓與賊為厲，以答明恩，及城陷，尹子奇請巡曰：聞君每戰皆裂齒，齒皆碎，

為鬼，誓與賊為厲，以答明恩，及城陷，尹子奇請巡曰：聞君每戰皆裂齒，齒皆碎，

何至此耶。巡曰：吾欲氣吞逆賊，但力不逮耳。子奇以大刀剔巡口，視其齒，存者不過三數。巡大罵曰：我爲君父義死，爾附逆賊，犬彘也。安能久哉。子奇義其言，將禮之。左右曰：此人守義，必不爲我用。素得士心，不可久留。是日與姚閻霽雲同被害。唯許遠執送洛陽。姚閻者，汝州平陸人，故相梁國公崇之姪孫。父奔開元，初歷處州刺史。閻性豪蕩，好飲譟，善絲竹。歷壽安尉。城父令，與張巡素相親善，以守睢陽之功。至德二年春，加檢校尚書侍郎，賈黃者，故蘭州刺史。璿之子也。

許遠者，杭州鹽官人也。世任江右。曾祖高陽公敬宗，龍朔中宰相，自有傳。遠清幹，初從軍河西，爲積西支度判官。章仇兼瓊鎮劍南，又辟爲從事。慕其門，欲以子妻之。遠辭，兼瓊怒，積他事中，傷貶爲高要尉。後遇赦，得還。祿山之亂，不次拔將帥，或薦遠素練戎事。玄宗召見，拜睢陽太守。累加侍御史，本州防禦使。及賊將尹子奇攻圍，遠與張巡、姚閻嬰城拒守。經年，外救不至，兵糧俱盡，而城陷。尹子奇執送洛陽，與哥舒翰程千里俱囚之。客省及安慶緒敗，渡河北走，使嚴莊皆審之。初，賀蘭進明與房瑄素不相叶，及瑄爲宰相，進明時爲御史大夫。瑄奏用進明爲彭城太守，河南節度使兼御史大夫，代嗣號王巨。復用鹽昌太守許叔冀爲進明都知兵馬，兼御史大夫。重其官，以挫進明。號王巨受代之時，盡將部曲而行，所留者，揀退羸兵數千人，劣馬數百匹，不堪扞賊。叔冀特部下精銳，又名位等於進明，自謂匹敵，不受進明節制。故南霽雲之乞師，進明不敢分兵。懼叔冀見，襲兩相觀望，坐視危亡。致河南郡邑爲墟，由執政之乖經制也。

程千里，京兆人，身長七尺，骨相魁岸，有勇力。本積西募人，累以戎勳官至安西副都護。天寶十一載，授御史中丞。十二載，兼北庭都護，充安西北庭節度使。突厥首領阿布思先率衆內附，隸朔方軍。玄宗賜姓名曰李獻忠。李林甫遙領朔方節度，用獻忠爲副將。後有詔移獻忠部落，隸幽州。獻忠素與祿山有隙，懼不奉詔，乃叛歸積北。數爲邊患。玄宗憤之，命千里將兵討之。十二載十一月，千里兵至積西，以書喻葛祿，令其相應。獻忠勢窮，歸葛祿部。葛祿縛獻忠，并其妻子及帳下數千人，送之。千里飛表獻捷。天子壯之。十三載三月，千里獻俘於勤政

樓，斬之於朱雀街，以功授右金吾衛大將軍。同正，仍留佐羽林軍。祿山之亂，詔千里於河東召募，充河東節度副使。雲中太守，十五載正月，遷上黨郡長史。特進攝御史中丞，以兵守上黨。賊來攻城，屢爲千里所敗，以功累加開府儀同三司。禮部尚書，兼御史大夫。至德二年九月，賊將蔡希德圍城，數以輕騎挑戰。千里恃其驍果，閉懸門，率百騎欲生擒希德，勁騎搏之，垂將擒，而希德救兵至。千里斂騎而退，橋壞墜坑，反爲希德所執。仰首告諸騎曰：非吾戰之過，此天也。爲我報諸將士，卒可失帥，不可失城。軍人聞之，泣下。晝夜嚴兵城守，賊竟不能拔。千里至東都，安慶緒捨之，僞署特進，囚之客省。及慶緒敗走，爲嚴莊所審。其年十二月，上御丹鳳樓，大赦，節文曰：忠臣事君，有死無貳。烈士殉義，雖殺如存。其李愷、盧奕、袁履謙、張巡、許遠、張介然、蔣清、龍堅等，卽與追贈，訪其子孫，厚其官爵。家口深加優恤。自是赦恩，無不該於節義。而程千里終以生執賊庭，不沾褒贈。

袁光庭者，河西戍將。天寶末，爲伊州刺史。祿山之亂，西北邊戎兵入，赴難。河隴郡邑，皆爲吐蕃所拔。唯光庭守伊州累年，外救不至，虜百端誘說，終不之屈。部下如一，及矢石既盡，糧儲並竭，城將陷沒。光庭手殺其妻子，自焚而死。朝廷聞之，贈工部尚書。

邵真者，恆州節度使李寶臣之判官也。累加檢校司封郎中，兼御史中丞，專掌文翰。寶臣深所信任。寶臣死，其子惟岳擅領父衆。李正己田悅遣人說惟岳同叛。真泣諫曰：先公位兼將相，受國厚恩，大夫縶絰之中，遽欲違命，同鄰道之惡。違先公之志，必不可也。田悅與我密邇，絕之，又恐速禍。正己稍遠，絕之，易耳。但令悅使還報，請徐思其宜。執正己使送京師，因請致討。朝廷必嘉大夫之忠，而旌節可得。惟岳然之，令真草奏，將發。孔目吏胡翼謂惟岳曰：此事非細，請與將史會議。長史畢華曰：先公與二道親好，二十餘年，一朝背之，伏恐生事。今執其來使，送於京師，大善。脫未爲朝廷所信，正己兵強，忽來襲城，孤軍無援，何以敵之。不若仍舊勿絕，徐觀其變。惟岳又從之。真又勸惟岳遣其弟惟簡入朝，仍遣軍吏薛廣嗣詣河東，節度馬燧軍求保薦。田悅屯兵東廡，聞其謀，遣人謂惟岳

曰邵真惑亂軍政必速殺之不然吾且討其罪矣惟岳懼遂殺真朝廷聞而嘉之贈戶部尚書

符璘者田悅之將初馬燧李抱真李芑等破田悅於涇水燧等進屯魏州時悅與李納會於濮陽因請助兵納分麾下數千人隨之至是納為河南諸軍所逼自濮陽奔歸濮州徵兵於悅悅遣璘將三百騎護送之納兵既歸遂悉其眾降於燧遷璘試太子詹事兼御史中丞封義陽郡王實封一百戶璘父令奇初為悅部將至是因璘之出遂令三子同降於燧悅怒執令奇令奇大呼慢罵之悅族其家贈令奇戶部尚書

趙暉字雲卿鄧州穰人其先自天水徙焉貞觀中主客員外郎德音曾孫也父敬先殿中侍御史暉志學善屬文開元中舉進士連擢科第補太子正字累授大理評事貶北陽尉移雷澤河東二丞河東採訪使暉陟以暉履操清直頗推敬之表為賓僚陟罷陳留採訪使郭納復奏暉為支使及安祿山陷陳留因沒于賊時有京兆韋氏夫任職官以不供賊軍遇害暉被逆賊沒入為婢江西觀察使韋儂族兄弟也暉哀其冤抑以錢贖之俾其妻置之別院厚供衣食而暉竟不面其人明年收復東都暉以家財資給而訪其親屬歸之識者咸重焉乾元初三司議罪貶晉江尉數年改錄事參軍徵拜左補闕未至福建觀察使李承昭奏為判官授試大理司直兼監察御史試司議郎兼殿中侍御史入為膳部比部二員外膳部倉部二郎中秘書少監暉性孝悌敦重交友雖經艱危不改其操少時與殷寅顏真卿柳芳陸據蕭穎士李華邵軫同志友善故天寶中語曰殷顏柳陸蕭李邵趙以其重行義敦交道也而暉早擅高名在宦途五十年累經貶謫蹇躓備至入仕三十年方露省官身在郎署子嘗徒步官既散曹

俸祿單寡衣食不充以至亡殍服名檢者為之歎息建中四年冬涇原兵叛暉竄于山谷尋以疾終追贈華州刺史子宗儒別有傳

石演芬本西域胡人也以武勇為朔方節度兵馬使兼御史大夫李懷光養為子累至右武鋒都將時懷光軍屯三橋將與朱泚通謀演芬乃使門客邵成義密疏且言懷光無狀請罷其總統成義至奉天乃反以其言告懷光子瑤

瑤密告其父懷光乃召演芬責之曰以爾為子奈何欲破我家今死可乎演芬對曰天子以公為腹心公上負天子安可責演芬且演芬胡人不解異心欲守事一人幸免呼為賊死常分也懷光使左右樹食之皆曰此忠烈士也可令速死乃以刀斷其頸德宗追思義烈贈兵部尚書仍賜錢三百千又捕得邵成義于朔方戮之先是詔賜懷光鐵券懷光奉詔倨慢左都將張名振大呼軍門曰太尉見賊不擊天使到不迎固將反耶且安史兩賊僕固懷恩今皆族滅公欲何為是實忠義之士立功勳耳懷光聞之召謂曰我不反為賊強盛須蓄銳俟時耳無幾懷光引軍入咸陽名振曰公乃言不反今此來何也不急攻朱泚收復京城以圖富貴懷光曰名振病狂使左右殺之

張伾建中初以澤潞將鎮臨洛田悅攻之伾度兵力不能出戰嚴設守備嬰城拒守賊不能拔累月攻之益急士多死傷糧儲漸乏救兵未至伾知事不濟無以激士心乃悉召將卒於軍門命其女出拜之謂曰將士辛苦守戰伾之家無尺寸物與公等獨有此女幸未嫁人願出賣之為將士一日之費眾皆大哭曰誓為將軍死戰幸無慮也會馬燧與太原之師至與眾合擊悅於城下大敗之伾乘勢出戰士卒無不一當百圍解以功遷泗州刺史在州十餘年拜右金吾衛大將軍詔未至病卒貞元二十一年贈尚書右僕射有子重政軍吏欲立為

郡將重政母徐氏固拒不從詔曰前昭義軍泗州行營衙前兵馬使大中大夫試太子賓客兼監察御史張重政門有勳力惟推義勇夙聞克家之美常稱撫眾之才近者其父初亡羣小扇惑誘以奇計俾執軍麾而重政與其母兄號泣固拒遂全懇願奔告元戎不為利回成其先志於家為孝子在國為忠臣軍政又安行義昭著念茲名節感歎良深宜洽恩榮俾弘激勸禮無避於金革理當由於權奪戎章憲府式示兼崇可起復雲麾將軍守金吾衛大將軍員外置同正員檢校太子詹事兼御史中丞仍委淮南節度使與要職事任使又詔曰張

重政母高平郡夫人徐氏族茂姻闕行表柔明懷正家之美有擇鄰之識頃當變故曾不詭隨保其門宗訓成忠孝雖圖史所載何以加之念其令子已申獎用特彰母儀之德俾崇封國之榮可封魯國太夫人

甄濟字孟成中山無極人家於衛州少孤天寶中隱居衛州青岩山人伏其操行約不畋漁探訪使安祿山表薦之授試大理評事充范陽郡節度掌書記天寶末安祿山有異志謀以智免衛縣令齊玘誠信可託乃求使至衛具以誠告弟澄密求羊血以爲備至夜偽嘔血疾不能支遂昇歸及祿山反使偽節度使蔡希德領行戮者李揆等二人封刀來召察濟詐不起即就戮之濟以左手書云去不得李揆持刀而前濟引首以待希德獻歎嗟歎之曰李揆退以實病報祿山後安慶緒亦使人至縣強昇至東都安國觀經月餘代宗收東京濟起詣軍門上謁乃送上都肅宗館之於三司使令受偽命官瞻望以媿其心授秘書郎轉太子舍人寶應初拜刑部員外郎魏少遊奏授著作郎兼侍御史終於襄州元和中襄州節度使袁滋奏其節行詔曰符風樹節謂之立名歿加褒贈所以誘善故朝散大夫祕書省著作郎兼侍御史甄濟早以文雅見稱於時嘗因辟召亦佐戎府而能保堅貞之正性不履危機觀逆亂之潛萌不從脅汚義聲可傳於竹帛顯贈未責於松楸藩方所陳尤叶彝典追加命秩以獎忠魂可贈祕書少監

劉敦儒開元朝史官左散騎常侍子玄之孫敦儒母有心疾非日鞭人不安子弟僕使不勝其苦皆逃遁他處唯敦儒侍養不怠體常流血及母亡居喪毀瘠骨立洛中謂之劉孝子元和中東都留守權德輿具奏其至行詔曰孝子劉敦儒生於儒門稟此至性王祥篤行起孝敬而不移曾參養志積歲年而罔怠用弘勸獎而服官常分曹洛師俸送私志可左龍武軍兵曹參軍分司東都

高沐渤海人父憑從事于宣武軍知曹州事李靈曜作亂憑密遣使奏賊中事狀詔除曹州刺史無何李正己盜有曹濮憑遂陷于賊數年卒沐貞元中進士及第以家族在鄆李師古置爲判官居數年師道擅襲每謀不順沐與同列郭昉李公度等必廣引古今成敗論之前後說師道爲筆者凡千言其判官李文會孔目官林英皆爲師道信用乘間相與涕泣於師道前曰文會等血誠憂尙書家事反爲高沐輩所嫉尙書奈何不惜十二州之城成高沐等百代之名乎復日夜讒構緣是漸見疑忌令沐知萊州事林英因奏事至京逼邸吏密報師

道云高沐潛有誠款至朝廷矣師道大怒李文會從而構成之沐遂遇害於遷所而囚郭昉於萊州其血屬皆徙遠地及淮西平師道漸懼李公度與其將李英曇乘其懼也說師道獻三州及入質長子初甚然之中悔將殺公度賈直言聞之謂師道用事奴曰今大禍將至豈非高沐冤氣所爲又殺公度是益其疾也乃止逐英曇於萊州未至縊殺之又有崔承寵楊偕陳佑崔清皆以仗順爲賊所惡李文會呼爲高沐之黨沐遇害承寵等同被囚放郭昉名亞於沐雖不死備嘗困辱矣及劉悟平賊遽召李公度執手獻歎既除滑州節度首辟昉及公度爲從事元和十四年四月詔曰圖難忘死爲臣之峻節顯忠旌善有國之令猷日者妖豎反覆侮我朝章而濮州刺史高沐劫在凶威潛輸忠款諷其不庭之咎將冀革心數其責海之饒聿求利國伏奏必陳於逆節漏師常破其陰謀竟以盜憎遂死王事歿而不朽風聲凜然式表滿泉之澤且彰勁草之節可贈吏部尚書仍委馬總訪其遺骸以禮收葬優恤其家若有子孫具名聞奏賈直言者父道沖以伎術得罪貶之賜酹於路直言僞令其父拜四方辭上下神祇伺使者視稍怠即取其醜以飲遂迷仆而死明日酹洩于足而復蘇代宗聞之減父死直言亦自此病變後從事於李師道師道不恭朝命直言冒刃說者二輿櫬說者一師道訖不從及劉惲斬師道節制鄭滑得直言於禁錮之間又嘉其所爲因奏置幕中後遷於潞亦與之俱行惲纖微乖失直言必盡理箴規以是美譽日聞於朝穆宗以諫議大夫徵之惲拜章乞留復授檢校右庶子兼御史大夫依前充昭義軍行軍司馬悟用其言終身不虧臣節後歷太子賓客元和九年二月卒廢朝一日贈工部尚書

唐敬休字順之其先南陽新野人祖光烈與仲弟光先祿山迫以僞官皆潛伏奔竄光烈爲大理少卿光先爲吏部侍郎父河當賊泚盜據官闕與季弟倬逃窟山谷河終兵部郎中敬休舉進士以宏詞登科授祕書省校書郎從事宣州旋授渭南尉集賢校理遷右拾遺集賢學士歷右補闕稱職轉起居舍人俄遷禮部員外郎入爲翰林學士遷禮部郎中罷職歸官又遷兵部郎中知制誥丁憂服闋改工部侍郎權知吏部選事遷吏部侍郎上將立魯王爲太子慎選師

傳改工部侍郎兼魯王傅奏劍南西川山南西道每年稅茶及除陌錢舊例委度支巡院勾當權稅當司於上都召商人便換太和元年戶部侍郎崔元略與西川節度使商量取其穩便遂奏請茶稅事使司自勾當每年出錢四萬貫送省近年已來不依元奏三道諸色錢物州府逗留多不送省請取江西例於歸州置巡院一所自勾當收管諸色錢物送省所冀免有通懸欲令巡官李演專往與德裕遵古商量制置續具奏聞從之又奏兩川米價騰踊百姓流亡請糶兩川關官職田祿米以救貧人從之再為尚書左丞大和九年三月卒于家敬休姿容溫雅襟抱夷曠不飲酒茹葷不邇聲色著論善錄七卷贈吏部尚書

辛諱故太原尹雲京之孫壽州刺史晦之猶子也性慷慨重然諾專務賑人之急年五十不求苟進有濟時匡難之志咸通十年龐勛亂徐泗時杜慆守泗州賊以郡當江淮要害極力攻之時兩淮郡縣皆陷慆守臨淮久之援軍雖集賊未解圍時諱寓居廣陵乃仗劍率小艇趨泗口貫城柵入城見慆素聞有義而不相面喜諱至握手謝曰判官李延樞方話子為人何遽至耶吾無憂矣時賊三面攻城王師結壘于洪源驛相顧不前諱夜以小舟穿賊壘至洪源驛見監軍郭厚本論泗州危急且宜速救厚本然之淮南都將王公弁謂厚本曰賊衆我寡無宜輕舉當俟可行諱坐中拔劍瞋目謂公弁曰賊百道攻城陷在旦夕公等奉詔赴援而逗留不進更欲何為不唯有負國恩丈夫氣義亦宜感發假如臨淮陷賊淮南即是寇場公何獨存耶即欲揮刃向公弁厚本持之諱望泗州大哭經日帳下為之流涕厚本義其心選用士三百隨諱入泗州夜半斬賊柵大呼由水門而入賊軍大駭既知援兵入賊乃退舍人心遂固浙西觀察使杜審權遣大將翟行約率軍三千赴援屯蓮塘驛慆欲遣人勞之將吏皆憚其行諱曰杜相公以大夫宗盟急難相赴安得令使者無言而還即齎幣幣橋其使淮南大將李湘率師五千來援賊詐降敗于淮口湘與郭厚本皆為賊所執自是無援賊併兵急攻以鐵鑊斷淮流梯衝雲合凡周七月晝夜不息乘

城之士不遑寢寐面目生瘡軍儲漸少分食稀粥賴諱犯難伏義求救於淮北諸軍既而馬舉以大軍至賊解圍而去諱無子猶子山僧元老等寄在廣陵每

出城則書二姓名謂慆曰志之得嗣為幸慆益感之賊平授諱泗州團練判官侍御史慆遷鄭滑節度諱亦從之為賓佐慆卒乃退歸江東以隱居為事贊曰獸解觸邪草能指佞烈士殉義見危致命國有忠臣士而復存何以喪邦森邪受恩

舊唐書卷一百八十七下

舊唐書卷一百八十七下考證

李愷傳二子為僧與愷同遇害○臣西按新書云愷十餘子紅涵瀛瀛等同遇

害惟源彭脫舊書為僧下當有脫文

盧奕傳與其兄奕齊名○奕誤逸今改正

舊唐書卷一百八十七下考證

舊唐書卷一百八十八

後晉司空同中書門下平章事劉昫撰

列傳第一百三十八

孝友

李知本

張志寬

劉君良 宋與貴張公壽附

王君操 周智善智爽許坦王少玄附

趙弘智

陳集原

元讓

裴敬彝

裴守真 子子餘

李日知

崔沔

陸南金 弟趙鑑

張琇 兄理

梁文貞 李處恭張鏡貞呂元簡附

崔衍

丁公著

羅讓

善父母為孝善兄弟為友夫善於父母必能隱身錫類仁惠逮于胤嗣矣善於兄弟必能因心廣濟德信被于宗族矣推而言之可以移於君施於有政承上而順下令終而善始雖蠻貊猶行焉雖窘迫猶亨焉自昔立身揚名未有不借孝友而成者也前代史官所傳孝友傳多錄當時旌表之士人或微細非眾所聞事出閭里又難詳究今錄衣冠威德眾所知者以為稱首至於州縣薦飾者必覆其殊尤可以勸世者亦載之

李知本趙州元氏人後魏洛州刺史靈六世孫也父孝端隋獲嘉丞初孝端與族弟太冲俱有世閥而太冲官宦最高孝端方之為劣鄉族為之語曰太冲無兄孝端無弟知本頗涉經史事親至孝與弟知隱甚稱雍睦子孫百餘口財物僮僕纖毫無間隋末盜賊過其閭而不入因相讓曰無犯義門同時避難者五百餘家皆賴而獲免知本貞觀初官至夏津令知隱至伊闕丞知本孫瓌開元中為給事中楊州刺史知隱孫頤有文詞亦歷給事中太保少卿從祖兄弟凡為給事者四人

張志寬蒲州安邑人隋末喪父哀毀骨立為州里所稱賊帥王君廓屢為寇掠聞其名獨不犯其閭鄰里賴之而免者百餘家後為里正詣縣稱母疾急求歸縣令問其狀對曰母嘗有所苦志寬亦有所苦向患心痛知母有疾令怒曰妖

妄之辭也繫之於獄馳驗其母竟如所言令異之慰喻遣去及丁母憂質土成墳廬於墓側手植松柏千餘株高祖聞之遣使就弔授員外散騎常侍賜物四十段表其門閭

劉君良瀛州饒陽人也累代義居兄弟雖至四從皆如同氣尺布斗粟人無私焉大業末天下饑饉君良妻勸其分析乃竊取庭樹上為鷄交置諸巢中令羣鳥鬪競舉家怪之其妻曰方今天下大亂爭鬪之秋禽鳥尚不能相容況於人乎君良從之分別後月餘方知其計中夜遂攫妻髮大呼曰此即破家賊耳召諸昆弟哭以告之是夜棄其妻更與諸兄弟同居處情契如初屬盜起閭里依之為堡者數百家因名為義成堡武德七年深州別駕楊弘業造其第見有六院唯一飼子弟數十人皆有禮節咨嗟而去貞觀六年詔加旌表又有宋與貴者雍州萬年人累世同居躬耕致養至興貴已四從矣高祖聞而嘉之武德二年詔曰人累五常仁義為重士有百行孝敬為先自古哲王經邦致治設教垂範皆尚於斯叔世澆訛人多偽薄修身克己事實誘勸朕恭膺靈命撫臨四海愍茲弊俗方思遷導宋與貴立操雍和志情友移同居合巹累代積年務本力農崇謙履順弘長名教敦勵風俗宜加褒顯以勸將來可表其門閭蠲免課役布告天下使明知之與貴尋卒鄆州壽張人張公藝九代同居北齊時東安王高永樂詣宅慰撫旌表焉隋開皇中大使邵陽公梁子恭亦親慰撫重表其門貞觀中特赦吏加旌表麟德中高宗有事泰山路過鄆州親幸其宅問其義由其人請紙筆但書百餘忍字高宗為之流涕賜以練帛

王君操棗州即墨人也其父隋大業中與鄉人李君則鬪競因被毆殺君操時年六歲其母劉氏告縣收捕君則棄家亡命追訪數年弗獲貞觀初君則自以世代遷革不慮國刑又見君操孤微謂其無復讎之志遂詣州府自首而君操密袖白刃刺殺之剗腹取其心肝噉食立盡詣刺史具自陳告州司以其擅殺戮問曰殺人償死律有明文何方自理以求生路對曰亡父被殺二十餘載聞諸典禮父讎不可同天早願圖之久而未遂常懼亡滅不展冤情今大恥既雪甘從刑憲州司據法處死列上其狀太宗特詔原免

周智壽者雍州同官人其父承徽初被族人安吉所害智壽及弟智爽乃候安吉於途擊殺之兄弟相率歸罪於縣爭為謀首官司經數年不能決鄉人或證智爽先謀竟伏誅臨刑神色自若顧謂市人曰父讎已報死亦何恨智壽頓絕衝路流血徧體又收智爽屍舐取智爽血食之皆盡見者莫不傷焉豫州人許坦年十歲餘父入山採藥為猛獸所噬即號叫以杖擊之獸遂奔走父以得全太宗聞而謂侍臣曰坦雖幼童遂能致命救親至孝自中深可嘉尚授文林郎賜帛五十段博州聊城人王少玄者父隋末於郡西為亂兵所害少玄遺腹生年十餘歲問父所在其母告之因哀泣便欲求屍以葬時白骨蔽野無由可辨或曰以子血濡父骨即滲入焉少玄乃刺其體以試之凡經旬日竟獲父骸以葬盡體病瘡歷年方愈貞觀中本州聞薦拜除王府參軍

趙弘智洛州新安人後魏車騎大將軍肅孫父玄軌隋陝州刺史弘智早喪母事父以孝聞學通三禮史記漢書隋大業中為司隸從事武德初太禮卿郎楚之應詔舉之授詹事府主簿又預修六代史初與秘書丞令狐德芬齊王文學袁朗等十數人同修藝文類聚轉太子舍人貞觀中累遷黃門侍郎兼弘文館學士以疾出為萊州刺史弘智事兄弘安同於事父所得俸祿皆送于兄處及兄亡哀毀過禮事寡嫂甚謹撫孤姪以慈愛稱稍遷太子右庶子及宮廢坐除名尋起為光州刺史永徽初累轉陳王師高宗令弘智於百福殿講孝經召中書門下三品及弘文館學士太學儒者並預講筵弘智演暢微言備陳五孝學士等難問相繼弘智酬應如響高宗怡然曰朕願耽墳籍至於孝經偏所習觀然孝之為德弘益實深故云德教加於百姓刑于四海是知孝道之為大也顧謂弘智宜略陳此經切要者以輔不逮弘智對曰昔者天子有諍臣七人雖無道不失其天下微臣願愚願以此言奏獻帝甚悅賜綵絹二百匹名馬一疋尋遷國子祭酒仍為崇賢館學士四年卒年八十二諡曰宣有文集二十卷

陳原隴州開陽人也代為積表會長父龍樹欽州刺史集原幼有孝行父纒有疾即終日不食承徵中喪父嘔血數升枕服苦廬悲感行路賣財田宅及僮僕三十餘人並以讓兄弟則天時官至左豹衛將軍

元讓雍州武功人也弱冠明經擢第以母疾遂不求仕躬親藥膳承侍致養不出閭里者數十餘年及母終廬於墓側蓬髮不栉沐菜食飲水而已咸亨中孝敬監國下令表其門閭永淳元年巡察使奏讓孝悌殊異擢拜太子右內率府長史後以歲滿還鄉里鄉人有所爭訟不詣州縣皆就讓決焉聖曆中宗居春宮召拜太子司議郎及謁見則天謂曰卿既能孝於家必能忠於國今授此職須知朕意宜以孝道輔弼我兒尋卒

裴敬彝絳州聞喜人也曾祖子通隋開皇中太中大夫母終廬於墓側哭泣無節目遂喪明俄有白鳥巢於墳樹子通弟兄八人復以友悌著名詔旌表其門鄉人至今稱為義門裴氏敬彝少聰敏七歲解屬文性又端謹宗族咸重之號為甘露頂年十四侍御史唐臨為河北巡察使敬彝父智周時為內黃令為郡人所訟敬彝詣臨論其冤臨大奇之因令作詞賦智周事得釋特表薦敬彝補陳王府典籤智周在官暴卒敬彝時在長安忽泣涕不食謂所親曰大人每有痛處吾即輒然不安今日心痛手足皆廢事在不測得無戚乎遂請急還倍道言歸果聞父喪羸毀逾禮事母復以孝聞乾封初累轉監察御史時母病有醫人許仁則足疾不能乘馬敬彝每肩輿之以候母焉及母卒特輅贈以練帛仍官造靈輿服闋拜著作郎兼修國史儀鳳中自中書舍人歷吏部侍郎左庶子則天臨朝為酷吏所陷配流嶺南尋卒

裴守真絳州稷山人也後魏冀州刺史叔業六世孫也父育大業中為淮南郡司戶屬郡人楊琳田瓚據郡作亂盡殺官吏以育素有仁政相誠不許驚害仍令人護送育及妻子還鄉貞觀中官至鄭令守真早孤事母至孝及母終哀毀骨立殆不勝喪復事寡姊及兄甚謹閨門禮則士友所推初舉進士及應八科舉累轉乾封郡丞承淳初關中大饑守真盡以祿俸供姊及諸甥身及妻子糲糲不充初無倦色尋授太常博士守真尤善禮儀之學當時以為稱職高宗時封嵩山詔禮官議射牲之事守真奏曰據周禮及國語郊祀天地天子自射其牲漢武唯封太山令侍中儒者射牲行事至於餘祀亦無射牲之文但親春射牲雖是古禮久從廢省據封禪禮曰未明十五刻幸人以鸞刀割牲質明而

則天臨朝為酷吏所陷配流嶺南尋卒

行事比鸞駕至時，宰牲總畢。天皇唯奠玉酌獻而已。今祀前一日射牲，事即傷早。祀日方始射牲，事又傷晚。若依漢武故事，即非親射之儀，事不可行。又神功破陣樂，功成慶善樂二舞，每奏上皆立對守真。又議曰：竊唯二舞聲與謳吟，攸屬贊九功之茂烈，叶萬國之歡心。義均韶夏，用兼賓祭。皆祖宗威德，而子孫享之。詳覽博記，未有皇王立觀之禮。況升中大事，華夷畢集，九服仰垂拱之安，百禮懷率舞之慶。甄陶化育，莫匪神功。豈於樂舞，別申嚴敬。臣等詳議奏二舞時，天皇不合起立，時並從守真議。會高宗不豫，事竟不行。及高宗崩，時無大行凶儀，守真與同時博士韋叔夏、輔鮑素等討論舊事，創爲之。當時稱爲得禮之中。守真天授中爲司府丞，則天特令推究詔獄，務存平恕。前後奏免數十家，由是不合旨。出爲汴州司錄。累轉成州刺史，爲政不務成刑，甚爲人吏所愛。俄轉寧州刺史，成州人送出境者數千人。長安中卒。子子餘，事繼母以孝聞。舉明經，累補鄆縣尉。時同列李朝隱程行誨，皆以文法著稱。子餘獨以詞學知名。或問雍州長史陳崇業子餘與朝隱行誨優劣，崇業曰：譬如春蘭秋菊，俱不可廢也。景龍中爲左臺監察御史。時涇岐二州有隋代蕃戶，子孫數千家。司農卿趙履溫奏悉沒爲官戶，奴婢仍充賜口，以給貴幸。子餘以爲官戶承恩，始爲蕃戶。又是子孫不可抑之爲賤，奏劾其事。時履溫依附宗楚客等，與子餘廷對曲直。子餘詞色不撓，履溫等詞屈。從子餘奏爲定開元初，累遷冀州刺史，政存寬惠。人吏稱之。又爲岐王府長史，加銀青光祿大夫。十四年卒。諡曰孝。子餘居官清儉，友愛諸兄弟。兄弟六人，皆有志行。次弟巨卿，衛尉卿，耀別有傳。

李曰知，鄭州滎陽人也。舉進士。天授中累遷司刑丞，時用法嚴急，曰知獨寬平，無寬濫，嘗免一死囚。少卿胡元禮請斷殺之，與曰知往復。至千數四，元禮怒曰：元禮不離刑曹，此囚終無生理。答曰：曰知不離刑曹，此囚終無死法。因以兩狀列上。曰知果直，神龍初爲給事中。曰知事母至孝，時母老，嘗疾病，曰知取急，調侍數日而髮變白。尋加朝散大夫。其母未受命，婦邑號而卒，將葬，發引，吏人賫告身而至。曰知於路上，即時頌絕。久之乃蘇。左右皆哀慟，莫能仰視。巡察使衛州司馬路敬潛將聞其孝悌之跡，使求其狀。曰知辭讓不報，服闋累遷黃門。

侍郎時安樂公主池館新成，中宗親往臨幸，從官皆預宴賦詩。曰知獨存規誡，其末章曰：所願賢思居者逸，莫使時稱作者勞。論者多之。景雲九年，同中書門下平章事，轉御史大夫。知政事如故。明年進拜侍中。先天元年，轉刑部尚書，罷知政事，頻乞骸骨，請致仕。許之。初，曰知將有陳請，而不與妻謀。歸家而使左右飾裝，將出居別業。妻驚曰：家產屢空，子弟名宦未立，何爲遽辭職也。曰知曰：書生至此，已過本分，人情無厭，若恣其心，是無止足之日。及歸田園，不事產業，但葺構池亭，多引後進，與之談議。開元三年卒。初，曰知以官在權要，諸子弟年纔總角，皆結婚名族。時議以爲失禮之中。卒後少子伊衡以妾爲妻，費散田宅，仍列訟諸兄家風譽矣。

崔沔，京兆長安人。周隴州刺史。士約玄孫也。自博陵徙關中，世爲著姓。父禮，庫部員外郎。汝州長史。沔淳謹，口無二言。事親至孝。博學有文詞，初應制舉，對策高第，俄被落第者所援，則天令所司重試。沔所對策，又工於前，爲天下第一。由是大知名。再轉陸渾主簿，秩滿，調遷吏部侍郎。岑義深賞重之，謂人曰：此今之郊詭也。特表薦，擢爲左補闕。累遷祠部員外郎。沔爲人舒緩，訥於造次。當官正色，未嘗撓沮。睿宗時，徵拜中書舍人。時沔母老疾，在東都，沔不忍捨之，固請開官，以申侍養。由是改爲虞部郎中，無何，檢校御史中丞。時監察御史宋宣遠恃虛懷慎之親，頗犯法，沔舉劾之。又姚崇之子光祿少卿彝，留司東都，頗通賓客，廣納賄賂。沔又將按驗其事。姚盧時在政事，遽薦沔有史才，轉爲著作郎。其實去權也。開元七年，爲太子左庶子。母卒，哀毀逾禮。常於廬前受弔，賓客未嘗至於靈座之室。謂人曰：平生非至親者，未嘗升堂入謁，豈可以存亡而變其禮也。中書令張說數稱薦之，服闋，拜中書侍郎。或謂沔曰：今之中書，皆是宰相承宣制命，侍郎雖是副貳，但署位而已，甚無事也。沔曰：不然，設官分職，上下相維，各申所見，方爲濟理。豈可俛默偷安而爲懷祿士也。自是每有制敕及曹事，沔多所異同。張說頗不悅焉。尋出爲魏州刺史。奏課第一。徵還朝廷，分掌吏部十銓事。以清直歷祿書監。太子賓客。二十四年，制令禮官議加蓮豆之數及服制之紀。太常卿韋縉奏請加宗廟之奠，每坐邊豆各十二。外祖服請加至大功九月。

舅服加至小功五月堂姨堂舅舅母服請加至袒免時又令百官詳議可否河
 建議曰竊聞識禮樂之情者能作達禮樂之文者能述述作之義聖賢所重禮
 樂之本古今所崇變而通之所以久也所謂變者變其文也所謂通者通其情
 也祭祀之興肇於大古人所飲食必先嚴獻未有火化茹毛飲血則有毛血之
 薦未有麴蘗汗罇杯飲則有玄酒之奠施及後王禮物漸備作為酒醴伏其犧
 牲以致馨香以極豐潔故有三牲入簋之盛五齊九獻之殷然以神道至玄可
 存而不可測也祭禮主敬可備而不敢廢也是以血腥爛熟玄罇犧象靡不畢
 登於明薦矣然而薦貴於新味不尚熟雖則備物猶存節制故禮云天之所生
 地之所長苟可薦者莫不咸在備物之情也三牲之俎八簋之實美物備矣昆
 蟲之異草木之實陰陽之物備矣此則節制之文也銅俎蓮豆簠簋蠶絲之實
 皆周人之時饌也其用通於饗饗賓客而周公制禮咸與毛血玄酒同薦於先
 晉中郎盧湛近古之知禮者家祭禮者也觀其所薦皆晉時常食不復純用禮
 經舊文然則當時飲食不可闕於祭祀明矣是變禮文而通其情也我國家由
 禮立朝因時制範考圖史於前典稽周漢之舊儀清廟時享禮饌畢陳用周制
 也而古式存焉圓饗上食時膳具設遵漢法也而珍味極焉職貢來祭致遠物
 也而新必薦順時令也苑囿之內躬稼所收蒐狩之時親發所中莫不割鮮擇
 美薦而後食盡誠敬也若此至矣復何加焉但當申教有司祭如神在無或簡
 怠最增虔誠其進貢珍羞或時物鮮美考諸祠典無有漏落皆詳名目編諸甲
 令因宜而薦以類相從則新鮮肥濃盡在是矣不必加於蓮豆之數也至於祭
 器隨物所宜故大羹古食也感於瓠瓠古器也和羹時饌也感於銅錡時器也
 亦有古饌而感於時器故毛血感於盤玄酒感於罇未有薦時饌而追用古器
 者由古質而今文便於事也雖加蓮豆十二未足以盡天下美物而措諸清廟
 有兼倍之名近於侈矣魯人丹桓宮之楹又刻其楹春秋書以非禮御孫諫曰
 儉德之恭也侈惡之大也先君有恭德而君納諸惡無乃不可乎是不可以越
 禮而崇侈於宗廟也又據漢書藝文志墨家之流出於清廟是以貴儉由此觀
 之清廟之不尚於奢舊矣太常所請恐未可行又按太常奏狀今酌獻酒爵制

度全小僅未一合執持甚難不可全依古制猶望稍須廣大竊據禮文有以小
 為貴者獻以爵貴其小也小不及制敬而非禮是有司之失其傳也固可隨失
 釐正無待議而後革然禮失於板蕩猶奢而車儉非大過也未如今制何所依準
 請兼詳令式據文而行又按太常奏狀外祖服請加至大功九月舅服請加至
 小功五月堂姨堂舅舅母請加至袒免者竊聞大道既隱天下為家聖人因之
 然後制禮禮教之設本於正家正道正而天下定矣正家之道不可以貳總一
 之義理歸本宗所以父以尊榮母以服降豈亡愛敬宜存倫序是以內有齊斬
 外服皆總尊名所加不過一等此先王不易之道前聖所志後賢所傳其來久
 矣昔辛有適伊川見被髮而祭於野者曰不及百年此其戎乎其禮先亡矣往
 修新禮時改舊章漸廣涓陽之恩不遵洙泗之典及弘道之後唐元之開國命
 再移於外族矣禮亡徵兆儻或斯見天人之際可不試哉開元初補闕盧履冰
 嘗進狀論喪服輕重敕令會議于時羣議紛舉各安積習太常禮部奏依舊定
 陛下運稽古之明特降別敕一依古禮事符典故人知向方式固宗盟社稷之
 福更圖異議竊所未詳時職方郎中韋述戶部郎中楊伯成禮部員外郎楊冲
 昌監門兵曹劉秩等亦建議與沔相符俄又令中書門下參詳為定於是宗廟
 之典蓮豆每座各加至六親姨舅為小功舅母加總麻堂姨至袒免餘依舊定
 乃下制施行焉沔既善禮經朝廷每有疑議皆取決焉二十七年卒時年六十
 七贈禮部尚書

陸南金蘇州吳郡人也祖士季從同郡顧野王學左氏傳兼通史記漢書隋末
 為越王侗記室兼侍讀同稱制授著作郎時王世充將行篡奪侗不平之謂士
 季曰隋有天下三十餘載朝廷文武遂無烈者乎士季對曰見危授命臣之宿
 心請因其啟事便加手刃事頗洩遂停士季侍讀貞觀初為太學博士兼弘文
 館學士尋卒南金初為奉禮郎開元初太常少卿盧崇道犯罪流嶺表逃歸東
 都時南金以母喪在家崇道事急假稱弔賓遣南金言其情南金哀而納焉崇
 道俄為魯人所殺詔使侍御史王旭按其事遂捕獲崇道連引南金旭遂繩以
 重法南金弟趙璧詣旭自言藏崇道請代兄死南金固稱弟實自認身請當罪

兄弟讒死，旭怪而問其故。趙璧曰：「兄是長嫡，又能幹家事，亡母未葬，小妹未嫁，自惟幼劣，生無所益，身自請死，旭遂列上狀。上嘉其友義，並特宥之。南金由是大知名。南金頗涉經史，言行修謹，左丞相張說及宗人太子少保象先皆欲重之。累轉庫部員外郎，以疾固辭，不堪繁劇，轉爲太子洗馬卒。年五十餘。」

張秀者，蒲州解人也。父審素，爲蒲州都督，在邊累載，俄有糾其軍中賊罪，敕監察御史楊汪馳傳就軍按之。汪在路爲審素黨與所劫，對汪殺告事者，脇汪令奏雪審素之罪。俄而州人輒殺審素之黨汪始得還。至益州，奏稱審素謀反，因深按審素，構成其罪，斬之。籍沒其家。秀與兄理，以年幼坐徙嶺外，尋各逃歸。累年隱匿。汪後累轉殿中侍御史，改名萬頃，開元二十三年，理秀候萬頃於都城，挺刃殺之。理雖年長，其發謀及手刃，皆秀爲之。既殺萬頃，繫表於斧刃，自言報讐之狀，便逃奔。將就江外殺與萬頃同謀構父罪者，行至泥水，爲捕者所獲。時都城士女，皆矜秀等幼稚孝烈，能復父讐，多言其合矜恕者。中書令張九齡又欲活之。裴耀卿、李林甫固言國法不可縱報讐，上以爲然。因謂九齡等曰：「復讐雖禮法所許，殺人亦格律具存。孝子之情，義不顧命，國家設法，焉得容此。殺之成復讐之志，赦之虧律格之條。然道路誼議，故須告示，乃下敕曰：「張理等兄弟同殺，推問款承，律有正條，俱各至死。近聞士庶頗有誼詞，矜其爲父復讐，或言本罪寬濫，但國家設法，事在經久。蓋以濟人期於止殺，各申爲子之志，誰非徇孝之夫。展轉相繼，相殺何限。咎絲作土，法在必行。曾參殺人，亦不可恕，不能加以刑戮。肆諸市朝，宜付河南府告示決殺。理秀既死，士庶咸傷愍之，爲作哀諫，勝於衢路。市人斂錢於死所造義井，并葬理秀於北邙，又恐萬頃家人發之，并作疑塚數所，其爲時人所傷如此。」

梁文貞號州閩鄉人，少從征，役比迴，而父母皆卒。文貞恨不獲終養，乃穿墻爲門，磴道出入。晨夕灑掃其中，結廬墓側，未嘗暫離。自是不言三十年。家人有所問，但畫字以對。其後山水衝斷驛路，更於原上開道。經文貞墓前，由是行旅見之，遠近莫不欽歎。有甘露降坐前樹，白兔馴擾，擲人以爲孝感所致。開元初，縣令崔季友刊石以紀之。十四年，刺史許景先奏文貞孝行絕倫，泣血廬墓。三十

餘年，請宣付史官。是歲御史大夫崔隱甫廷奏恆州鹿泉人李處恭，張義貞兩家祖父自國初已來，異姓同居，至今三代，百有餘年。又青州北海人呂元朗，四代同居，至所畜牛馬羊狗，皆異母共乳，請加旌表，仍編入史館，制皆許之。

崔衍，左丞倫之子，繼母李氏，不慈於衍。衍時爲富平尉，倫使于吐蕃，久方歸。李氏衣弊衣以見倫，倫問其故，李氏稱自倫使于蕃中，衍不給衣食，倫大怒，召衍責詬，命僕隸拉于地，袒其背，將鞭之。衍涕泣終不自陳。倫第殷聞之，趨往以身蔽衍，杖不得下。因大言曰：「衍每月俸錢，皆送媵處，殷所具知，何忍乃言衍不給衣食，倫怒乃解。由是倫遂不聽李氏之譖，及倫卒，衍事李氏益謹。李氏所生子，每多取子母錢，使其主以契書徵負于衍，衍歲爲償之。故衍官至江州刺史，而妻子衣食無所餘。後歷蘇、越、二州刺史，號居陝華二州之間，而稅重數倍。其青苗錢，華陝之郊，或出十有八，而號之郊，每徵十之七。衍乃上其事，時裴延齡領度支，方務聚斂，乃給衍以前後刺史無言者，衍又上陳人困曰：「臣所治多是山田，且當郵傳衝要，屬歲不登，頗甚流離，舊額賦租，特望蠲減，臣伏見比來諸郡論百姓閭事，患在長吏因循不爲申請，不諳實，不患朝廷不矜放，有以不言受譴者，未有言而獲罪者。陛下拔臣牧大郡，委臣撫疲民，臣所以不敢顧望，苟求自安，敢罄狂瞽，上千聖覽。帝以衍詞理切直，乃特敕度支，令減號州青苗錢，還宜歛池，觀察使政務簡便，人頗懷之。其所擇從事，多得名流，時有位者，待賓僚率輕傲，衍獨加禮敬。幕中之士，後多顯達。貞元中，天下好進奉，以結主恩，徵求聚斂，州郡耗竭，韋臯劉贊裴肅爲之首，贊死而衍代其位，衍雖不能驟革其弊，居宣州十年，頗勤儉，府庫盈溢，及穆贊代衍，宣州歲饋遂以錢四十二萬貫，代百姓稅，故宣州人不至流散。貞元二十一年，詔加工部尚書。」

丁公著，字平子，蘇州吳郡人。祖衷，父緒，皆不仕。公著生三歲，喪所親，七歲見鄰母抱其子，哀感不食，因請於父，絕粒奉道，冀其幽贊。父憫而從之。年十七，父勉令就學。年二十一，五經及第。明年，又通開元禮，授集賢校書郎。秩未終，歸侍鄉里，不應請辟。居父喪，躬負土成墳，哀毀之容，人爲憂之。至閩聞風，皆敦孝悌，觀察使薛華表其行，詔賜粟帛，旌其門閭。淮南節度使李吉甫慕其才行，薦授太

子文學兼集賢殿校理吉甫自淮南入相廷薦其行即日授右補闕遷集賢直學士尋授水部員外郎充皇太子及諸王侍讀著皇太子及諸王訓十卷轉駕部員外仍兼舊職穆宗即位未及聽政召居禁中詢訪朝典以宰相許之公著陳情詞意極切超授給事中賜紫金魚袋未幾遷工部侍郎仍兼集賢殿學士龍青宮之舊也知吏部選事公著知將欲大用以疾辭退因求外官遂授浙江西道都團練觀察使二年授河南尹皆以清靜爲理改尚書右丞轉兵部吏部侍郎遷禮部尚書翰林侍講學士上以浙西災寇詢求良帥命檢校戶部尚書領之詔賜米七萬碩以賑給浙民賴之改授太常卿以疾請歸鄉里未至而終年六十四贈右僕射廢朝一日著禮志十卷公著清儉守道每得一官未嘗不憂色滿容年四十四喪室以至終身無妓妾聲樂之好凶問至日中外痛惜之羅讓字景宣祖懷操父珣官至京兆尹讓少以文學知名舉進士應詔對策高等爲咸陽尉丁父憂服除尚衣麻茹菜不從四方之辟者十餘年李獻爲淮南節度使就其所居請爲從事除監察御史轉殿中歷尚書郎給事中累遷至福建觀察使兼御史中丞著仁惠有以女奴遺讓者讓問其所因曰本某等家人兄弟九人皆爲官所賣其留者唯老母耳讓慘然焚其券書以女奴歸其母入爲散騎常侍未幾除江西都團練觀察使兼御史大夫年七十一卒贈禮部尚書子劭京字子峻進士擢第又登科讓再從弟詠詠子劭權字昭衡進士擢第劭京劭權知名於時並歷清貫

贊曰麒麟鳳凰飛走之類唯孝與悌亦爲人瑞表門賜爵勸乃錫類彼禽者象傷仁害義

舊唐書卷一百八十八

舊唐書卷一百八十九上

後晉司空同中書門下平章事劉昫撰

列傳第一百三十九

儒學上

徐文遠

陸德明

曹

曹

歐陽詢

子通

朱子奢

張士衡

賈公彥

李玄植附

張後胤

子儒

蓋文達

宗人文

谷那律

蕭德言

許叔牙

子子儒

敬播

劉伯莊

子之宏

秦景通

羅道琮

古稱儒學家者流本出於司徒之官可以正君臣明貴賤美教化移風俗莫若

於此焉故前古哲王咸用儒術之士漢家宰相無不精通一經朝廷若有疑事

皆引經決定由是人識禮教理致昇平近代重文輕儒或參以法律儒道既喪

淳風大衰故近理國多劣於前古自隋氏道消海內版蕩彝倫攸斁戎馬生郊

先代之舊章往聖之遺訓掃地盡矣及高祖建義太原初定京邑難得之馬上

而頗好儒臣以義寧三年五月初令國子學置生七十二員取三品已上子孫

太學置生一百四十員取五品已上子孫四門學生一百三十員取七品已上

子孫上郡學置生六十員中郡五十員下郡四十員上縣學並四十員中縣三

十員下縣二十員武德元年詔皇族子孫及功臣子弟於秘書外省別立小學

二年詔曰威德必祀義存方策達人命世流慶後昆建國君人弘風闡教崇賢

彰善莫尚於茲自八卦初陳九疇攸敘徽章五垂節文不備爰始姬旦匡翊周

邦創設禮經尤明典憲啟生人之耳目窮法度之本源化起二南業隆八百豐

功茂德冠于終古暨乎王道既衰頌聲不作諸侯力爭禮樂陵遲粵若宣父天

資睿哲經綸齊魯之內揖讓洙泗之間綜理遺文弘宣舊制四科之教歷代不

刊三千之文風流無歇惟茲二聖道著羣生守祀不修明襲尚闕朕君臨區宇

興化崇儒永言先達情深紹嗣宜令有司於國子學立周公孔子廟各一所四

時致祭仍博求其後具以名聞詳考所宜當加爵土是以學者慕嚮儒教革興

至三年太宗討平東夏海內無事乃銳意經籍於秦府開文學館廣引文學之

士下詔以府屬杜如晦等十八人為學士給五品珍膳分為三番更直宿于閣

下及即位又於正殿之左置弘文學館精選天下文儒之士虞世南褚亮姚思

廉等各以本官兼署學士令更日宿直聽朝之暇引入殿內講論經義商略政

事或至夜分乃罷又召勳賢三品已上子孫為弘文館學士貞觀二年停以周

公為先聖始立孔子廟堂於國學以宣父為先聖顏子為先師大徵天下儒士

以為學官數幸國學令祭酒博士講論舉賜以束帛學士能通一大經已上咸

得署吏又於國學增築學舍一千二百間太學四門博士亦增置生員其書算

合置博士學生以備藝文凡三千二百六十員其玄武門屯營飛騎亦給博士

授以經業有能通經者聽之貢舉是時四方儒士多抱負典籍雲會京師俄而

高麗及百濟新羅高昌吐蕃等諸國酋長亦遣子弟請入於國學之內鼓篋而

升講筵者八千餘人濟濟洋洋焉儒學之盛古昔未之有也太宗又以經籍去

聖久遠文字多訛諺詔前中書侍郎顏師古考定五經頒於天下命學者習焉

又以儒學多門章句繁雜詔國子祭酒孔穎達與諸儒撰定五經義疏凡一百

七十卷名曰五經正義令天下傳習十四年詔曰梁皇極備仲都周熊安生沈

重陳沈文阿周弘正張譔隋何妥劉炫等並前代名儒經術可紀加以所在學

徒多行其疏宜加優異以勸後生可訪其子孫見在者錄名奏聞當加引擢二

十一年又詔曰左丘明卜子夏公羊高穀梁赤伏勝高堂生戴聖毛萇孔安國

劉向鄭衆杜子春馬融盧植鄭玄服虔何休王肅王弼杜元凱范甯等二十一

人並用其書垂於國賈既行其道理合褒崇自今有事太學可與顏子俱配享

孔子廟堂其尊重儒道如此高宗嗣位政教漸衰禮於儒術尤重文吏於是醇

醜日去華競日彰猶火銷膏而莫之覺也及則天稱制以權道臨下不悛官爵

取悅當時其國子祭酒多授諸王及駙馬都尉準貞觀舊事祭酒孔穎達等赴

上日皆講五經題至是諸王與駙馬赴上唯判祥瑞按三道而已至於博士助

教唯有學官之名多非儒雅之實是時復將親祠明堂及南郊又拜洛封嵩嶽

將取弘文國子生充齊郎行事皆令出身放選前後不可勝數因是生徒不復

以經學為意唯苟希僥倖二十年間學校頽頽廢矣玄宗在東宮親幸太學

大開講論。學官生徒各賜束帛。及即位。數詔州縣及百官薦舉經通之士。又置集賢院。招集學者。校選。募儒士及博涉著實之流。以為儒學篇。

徐文遠。洛州偃師人。陳司空孝嗣玄孫。其先自東海徙家焉。父徽。梁祕書郎。尚元帝女安昌公主。而生文遠。屬江陵陷。被虜於長安。家貧無以自給。其兄休。書為事。文遠日閱書于肆。博覽五經。尤精春秋。左氏傳。時有大儒沈重。講于太學。聽者常千餘人。文遠就質問。數日便去。或問曰。何辭去之速。答曰。觀其所說。悉是紙上語耳。僕皆先已誦得之。至於奧曠之境。翻似未見。有以其言告重者。重呼與議論。十餘反。重甚歎服之。文遠方正純厚。有儒者風。實感。楊玄感。李密。皆從其受學。開皇中。累遷太學博士。詔令往并州為漢王諒。講孝經禮記及諒反除名。大業初。禮部侍郎許善心舉文遠與包愷。褚徽。陸德明。魯達為學官。遂擢授文遠國子博士。愷等並為太學博士。時人稱文遠之左氏。褚徽之禮。魯達之詩。陸德明之易。皆為一時之最。文遠所講釋。多立新義。先儒異論。皆定其是非。然後詰駁諸家。又出己意。博而且辨。聽者忘倦。後越王侗署為國子祭酒。時洛陽飢饉。文遠出城權探。為李密軍所執。密令文遠南面坐。備第于禮北面拜之。文遠曰。老夫嚙昔之日。幸以先王之道。仰授將軍。時經興替。倏焉已久。今將軍屬風雲之際。為義眾所歸。權鎮萬物。威加四海。猶能屈體弘尊師之義。此將軍之德也。老夫之幸也。既荷茲厚禮。安不盡言乎。但未審將軍意耳。欲為伊霍繼絕。快傾離運。慕猶願盡力。若為莽卓乘危。迫險。則老夫耄矣。無能為也。密頓首曰。昨奉朝命。垂拜上公。冀竭庸虛。匡奉國難。所以未朝見者。不測城內人情。且欲先征化及。報復冤恥。立功贖罪。然後凱旋入拜天闕。此密之本意。惟先生教之。文遠曰。將軍名臣之子。累顯忠節。前受誤於玄感。遂乃墜墜家聲。行迷未遠。而迴車復路。終於忠孝。用康家國。天下之人。是所望於將軍也。密又頓首曰。敬聞命矣。請奉以周旋。及征化及還。而王世充已殺元文都等。權兵專制。密又問計於文遠。答曰。王世充亦門人也。頗得識之。是人殘忍。意又福促。既乘此勢。必有異圖。將軍前計。為不諧矣。非破王世充。不可朝覲。密曰。嘗謂先生儒者。不學軍旅之事。今籌大計。殊有明略。及密敗。復入東都。王世充給其廩食。而文遠

盡敬見之。先拜。或問曰。聞君踞見李密。而敬王公。何也。答曰。李密君子也。能受鄭生之揖。王公。小人也。有殺故人之義。相時而動。豈不然歟。後王世充僭號。復以為國子博士。因出權探。為羅士信獲之。送於京師。復授國子博士。武德六年。高祖幸國學。觀釋奠。遣文遠發春秋題。諸儒設難蜂起。隨方占對。皆莫能屈。封東莞縣男。年七十四卒。官撰左傳音三卷。義疏六十卷。孫有功。自有傳。

陸德明。蘇州吳人也。初受學於周弘正。善言玄理。陳大建中。太子徵四方名儒。講于承先殿。德明年始弱冠。往參焉。國子祭酒徐克開講。特貴縱辨。眾莫敢當。德明獨與抗對。合朝賞歎。解褐始與王國左常侍。遷國子助教。陳亡。歸鄉里。隋煬帝嗣位。以為祕書學士。大業中。廣召經明之士。四方至者甚眾。德明與魯孔褒俱會門下。省共相交。難無出其右者。授國子助教。王世充僭號。封其子為漢王。署德明為師。就其家。將行東修之禮。德明恥之。因服巴豆。散臥東壁下。王世充子入。跪牀前對之。遺痢。竟不與語。遂移病於成。杜絕人事。王世充平。太宗徵為秦府文學館學士。命中山王承乾從其受業。尋補太學博士。後高祖親臨釋奠。時徐文遠講孝經。沙門惠乘講波若經。道士劉進喜講老子。德明難此三人。各因宗指。隨端立義。眾皆為之屈。高祖善之。賜帛五十匹。貞觀初。拜國子博士。封吳縣男。尋卒。撰經典釋文三十卷。老子疏十五卷。易疏二十卷。並行於世。太宗後嘗閱德明經典釋文。甚嘉之。賜其束帛二百段。子教信。龍朔中。官至左侍極。同東西臺三品。

曹憲。揚州江都人也。仕隋為祕書學士。每聚徒教授。諸生數百人。當時公卿已下。亦多從之。受業。憲又精諸家文字之書。自漢代杜林衛宏之後。古文泯絕。由憲。此學復興。大業中。煬帝令與諸學者撰桂苑珠叢一百卷。時人稱其該博。憲又訓注張揖所撰博雅。分為十卷。煬帝令藏于祕閣。貞觀中。揚州長史李襲譽表薦之。太宗徵為弘文館學士。以年老不仕。乃遣使就家拜朝散大夫。學者榮之。太宗又嘗讀書。有難字。字書所闕者。錄以問憲。憲皆為之音訓。及引證明白。太宗甚奇之。年一百五歲卒。所撰文選音義。甚為當時所重。初江淮間為文選學者。本之於憲。又有許淹。李善。公孫羅。復相繼以文選教授。由是其學大興於

代。許淹者潤州句容人也。少出家爲僧。後又還俗。博物洽聞。尤精詰訓。撰《文選音十卷》。

李善者揚州江都人。方雅清勁。有士君子之風。明慶中。累補太子內率府錄事參軍。崇賢館直學士。兼沛王侍讀。嘗注解《文選》。分爲六十卷。表上之。賜絹一百二十匹。詔藏于秘閣。除潞王府記室參軍。轉祕書郎。乾封中。出爲經城令。坐與賀蘭敏之周密。配流姚州。後遇赦得還。以教授爲業。諸生多自遠方而至。又撰《漢書辯惑》三十卷。載初元年卒。子邕亦知名。

公孫羅。江都人也。歷沛王府參軍。無錫縣丞。撰《文選音義》十卷。行於代。

歐陽詢。潭州臨湘人。陳大司空頴之孫也。父統。陳廣州刺史。以謀反誅。詢嘗從坐。僅而獲免。陳尚書令江總與詢有舊。收養之。教以書計。雖貌甚癯。而聰悟絕倫。讀書卽數行俱下。博覽經史。尤精三史。任職爲太常博士。高祖徵時。引爲賓客。及卽位。累遷給事中。詢初學王羲之書。後更漸變其體。筆力險勁。爲一時之絕人。得尺牘文字。咸以爲楷範焉。高麗甚重其書。遣使求之。高祖數曰。不意詢之書名。遠播夷狄。彼觀其迹。固謂其形魁梧邪。武德七年。詔與裴矩陳叔達撰《藝文類聚》一百卷。奏之。賜帛二百段。貞觀初。官至太子率更令。弘文館學士。封渤海縣男。年八十餘卒。子通。少孤。母徐氏教其父書。每遺通錢給云。質汝父書迹之直。通慕名甚銳。晝夜精力無倦。遂亞於詢。儀鳳中。累遷中書舍人。丁母憂。居喪過禮。起復本官。每入朝。必徒跣至皇城門外。直宿在省。則席地籍藁。非公事不言。亦未嘗啓齒。歸家必衣練。終無恆。自武德已來。起復後而能哀感合禮者。無與通比。年凶未葬。四年居廬不釋服。家人冬月密以麩絮置所眠席下。通覺。大怒。遽令徹之。五遷。垂拱中。至殿中監。賜爵渤海子。天授元年。封夏官尚書。二年。轉司禮卿。判納言事。爲相月餘。會鳳閣舍人張嘉福等請立武承嗣爲皇太子。通與岑長倩固執以爲不可。遂忤諸武意。爲酷吏所陷。被誅。神龍初。追復官爵。

朱子奢。蘇州吳人也。少從鄉人顧彪習春秋左氏傳。後博觀子史。善屬文。隋大

業中。直祕書學士。及天下大亂。辭職歸鄉里。尋附于杜伏威。武德四年。隨伏威入朝。授國子助教。貞觀初。高麗百濟同伐新羅。連兵數年不解。新羅遣使告急。乃假子奢員外散騎侍郎。充使喻。可以釋三國之憾。雅有儀觀。東夷大欽敬之。三國王皆上表謝罪。賜遣甚厚。初子奢之出使也。太宗謂曰。海夷頗重學問。卿爲大國使。必勿藉其束修。爲之講說。使還稱旨。當以中書舍人待卿。子奢至其國。欲悅夷虜之情。遂爲發春秋左傳題。又納其美女之贈。使還。太宗責其違旨。猶惜其才。不至深譴。令散官直國子學。轉諫議大夫。弘文館學士。遷國子司業。仍爲學士。子奢風流蘊藉。頗滑稽。又輔之以文義。由是數蒙宴遇。或使論難於前。十五年卒。

張士衡。瀛州樂壽人也。父之慶。齊國子助教。士衡九歲喪母。哀慕過禮。父友齊國博士劉軌思見之。每爲掩泣。謂其父曰。昔伯饒號張曾子。亦豈能遠過吾聞君子不親教。當爲成就之。及長。軌思授以毛詩周禮。又從熊安生及劉焯受禮記。皆精究大義。此後徧講五經。尤攻三禮。仕隋爲餘杭令。後以年老歸鄉里。貞觀中。幽州都督燕王靈夔備玄纁束帛之禮。就家迎聘。北面師之。庶人承乾在東宮。又加旌命。及至洛陽宮。謁見太宗。延之升殿。賜食。擢授朝散大夫。崇賢館學士。承乾見之。問以齊氏滅亡之由。緒對曰。齊後主悖虐無度。昵近小人。至高阿那瓌駱提婆韓長鸞等。皆奴僕下才。凶險無賴。是信是使。以爲心腹。誅害忠良。疎忘骨肉。窮極奢靡。剝喪黎元。所以周師臨郊。人莫爲用。以至覆滅。實此之由。承乾又問曰。布施營功德。有果報不對曰。事佛在於清淨。無欲仁恕爲心。如其貪悭無厭。驕虐是務。雖復傾財事佛。無救目前之禍。且善惡之報。若影隨形。此是儒書之言。豈徒佛經所說。是爲人君父當須仁慈。爲人臣子。宜盡忠孝。仁慈忠孝。則福祚永承。如或反此。則殃禍斯及。此理昭然。願殿下勿爲憂慮。及承乾廢黜。敕給乘傳。令歸本鄉。十九年卒。士衡既禮學爲優。當時受其業禮名於時者。唯賈公彥爲最焉。

賈公彥。洛州永年人。永徽中。官至太學博士。撰《周禮義疏》五十卷。儀禮義疏四十卷。子大隱。官至禮部侍郎。時有趙州李玄植。又受三禮於公彥。撰《三禮音義》。

行於代。玄植兼習春秋。左氏傳於王德韶。受毛詩於齊威。博涉漢史及老莊諸子之說。貞觀中。累遷太子文學。弘文館直學士。高宗時。屢被召見。與道士沙門在御前講說經義。玄植辨論甚美。申規諷帝深禮之。後坐事左遷汜水令。卒。官張後胤。蘇州崑山人也。父中。有儒學。隋漢王諒出牧并州。引為博士。後胤從父在并州。以學行見稱。時高祖鎮太原。引居賓館。太宗就授春秋左氏傳。武德中。累除燕王諮議參軍。貞觀中。後胤上言。陛下昔在太原。問臣隋氏運終。何族當得天下。臣奉對李姓必得。公家德業。天下繫心。若於此首謀。長驅關右。以圖帝業。孰不幸賴。此實微臣早識天命。太宗曰。此事並記之耳。因詔入賜宴。言及平昔。從容謂曰。今弟子何如。後胤對曰。昔孔子領徒三千。達者無子男之位。臣翼贊一人。為萬乘主。計臣功逾於先聖。太宗甚悅。賜良馬五匹。拜燕王府司馬。遷國子祭酒。轉散騎常侍。承徽初。請致仕。加金紫。光祿大夫。給賜並同職事。卒。贈禮部侍郎。陪葬昭陵。

蓋文達。冀州信都人也。博涉經史。尤明三傳。性方雅。美鬚貌。有士君子之風。刺史竇抗嘗廣集儒生。令相問難。其大儒劉焯。劉軌思。孔穎達。咸在坐。文達亦參焉。既論難。皆出諸儒意表。抗大奇之。問曰。蓋生就誰受學。劉焯對曰。此生岐嶷。出自天然。以多問寡。焯為師。首抗曰。可謂冰生於水而寒於水也。武德中。累授國子助教。太宗在藩。召為文學館直學士。貞觀十年。遷諫議大夫。兼弘文館學士。十三年。除國子司業。俄拜蜀王師。以王有罪坐免。十八年。授崇賢館學士。尋卒。其宗人文懿。亦以儒業知名。當時稱為二蓋焉。文懿者。貝州宋城人也。武德初。歷國子助教。時高宗別於秘書省置學教授。王公之子。時以文懿為博士。文懿嘗開講。毛詩發題。公卿咸萃。更相問難。文懿發揚風雅。甚得詩人之致。貞觀中。卒於國子博士。

谷那律。魏州昌樂人也。貞觀中。累補國子博士。黃門侍郎。褚遂良稱為九經庫。尋遷諫議大夫。兼弘文館學士。嘗從太宗出獵。在塗遇雨。因問雨衣若為。得不濕。那律曰。能以瓦為之。必不漏矣。意欲太宗不為。改獵。太宗悅。賜帛二百段。永徽初。卒官。

蕭德言。雍州長安人。齊尚書左僕射思話玄孫也。本蘭陵人。陳亡。徙關中。祖介。梁侍中。都官尚書。父引。陳吏部侍郎。並有名於時。德言博涉經史。尤精春秋。左氏傳。好屬文。貞觀中。除著作郎。兼弘文館學士。德言晚年尤篤志於學。自晝達夜。略無休倦。每欲開五經。必束帶盥濯。危坐對之。妻子候問。請曰。終日如是。無乃勞乎。德言曰。敬先聖之言。豈憚如此。時高宗為晉王。詔德言授經講業。及升春宮。仍兼侍讀。尋以年老請致仕。太宗不許。又遺之書曰。朕歷觀前代。詳覽儒林。至於顏閔之才。不終其壽。游夏之德。不逮其學。惟卿幼挺珪璋。早標美譽。下帷閉戶。包括六經。映雪聚螢。牢籠百氏。自隋季版蕩。庠序無聞。儒道墜泥塗。詩書填坑突。眷言墳典。每用傷懷。頃年已來。天下無事。方欲建禮作樂。偃武修文。卿年齒已衰。教將何恃。所冀才德猶茂。臥振高風。使濟南伏生。重在於茲。日關西孔子。故顯於當今。令問令望。何其美也。念卿疲朽。何以可言。尋賜爵封陽縣侯。十七年。拜秘書少監。兩宮禮賜甚厚。二十三年。累表請致仕。許之高宗。嗣位。以師傅恩。加銀青光祿大夫。承徽五年。卒於家。年九十七。高宗為之輟朝。贈太常卿。文集三十卷。曾孫至忠。自有傳。

許叔牙。潤州句容人。少精於毛詩禮記。尤善諷詠。貞觀初。累授晉王文學。兼侍讀。尋遷太常博士。升春宮。加朝散大夫。遷太子洗馬。兼崇賢館學士。仍兼侍讀。嘗撰毛詩義十卷。以進皇太子。太子賜帛百段。兼令寫本付司經局。御史大夫高智周嘗謂人曰。凡欲言詩者。必須先讀此書。貞觀二十三年。卒。子子儒。子儒亦以學藝稱。長壽中。官至天官侍郎。弘文館學士。子儒居選部。不以藻鑑為意。委令史句直。以為腹心。注官之次。子儒但高枕而臥。時云句直平配。由是補授失序。無復綱紀。道路以為口實。其所注史記。竟未就而終。敬播。蒲州河東人也。貞觀初。舉進士。俄有詔。詣秘書省。內省佐顏師古。孔穎達。修隋史。尋授太子校書。史成。遷著作郎。兼修國史。與給事中許敬宗。撰高祖太宗實錄。自創業至于貞觀十四年。凡四十卷。奏之。賜物五百段。太宗之破高麗。名所戰六山。為駐蹕。播謂人曰。聖人者。與天地合德。山名駐蹕。此蓋以變與不復更東矣。卒如所言。時梁國公房玄齡深稱播有良史之才。曰。陳壽之流也。玄齡

以顏師古所注漢書文繁難省令播撮其機要撰成四十卷傳於代尋以撰實錄功遷太子司議郎時初置此官極爲清望中書令馬周數曰所恨資品妄高不獲歷居此職參傳晉書播與令狐德棻陽仁卿李巖等四人總其類會刑部奏言律律謀反大逆父子皆坐死兄弟處流此則輕而不懲望請改從重法制遣百寮詳議播議曰昆季孔懷天倫雖重比於父子性理已殊生有異室之文死有別宗之義今有高官重爵本蔭唯逮子孫胙土錫珪餘光不及昆季豈有不沾其蔭輒受其辜背禮違情殊爲太甚必期反茲春令踵彼秋荼創次骨於道德之辰建深文於措刑之日臣將以爲不可詔從之永徽初拜著作郎與許敬宗等撰西域圖後歷諫議大夫給事中並依舊兼修國史又撰太宗實錄從貞觀十五年至二十三年爲二十卷奏之賜帛三百段後坐事出爲越州都督府長史龍朔三年卒官播又著隋略二十卷

劉伯莊徐州彭城人也貞觀中累除國子助教與其舅太學博士侯孝遵齊爲弘文館學士當代榮之尋遷國子博士其後又與許敬宗等參修文思博要及文館詞林龍朔中兼授崇賢館學士撰史記音義史記地名漢書音義各二十卷行於代子之宏亦傳父業則天時累遷著作郎兼修國史卒於相王府司馬睿宗即位以故吏贈祕書少監

秦景通常州晉陵人也與弟暉尤精漢書當時習漢書者皆宗師之常稱景通爲大秦君暉爲小秦君若不經其兄弟指授則謂之不經師匠無足采也景通貞觀中累遷太子洗馬兼崇賢館學士爲漢書學者又有劉納言亦爲當時宗匠納言乾封中歷都水監主簿以漢書授沛王賢及賢爲皇太子累遷太子洗馬兼充侍讀常撰俳諧集十五卷以進太子及東宮廢高宗見而怒之詔曰劉納言收其餘藝參侍經史自府入宮久淹歲月朝遊夕處竟無匡贊闕忠孝之良規進諛諧之鄙說儲宮敗德抑有所由情在好生不忍加戮宜從屏棄以勵將來可除名後又坐事配流振州而死

羅道琮蒲州虞鄉人也祖順武德初爲興州刺史勤於學業而慷慨有節義貞觀末上書忤旨配流嶺表時有同被流者至荆襄間病死臨終泣謂道琮曰人

生有死所恨委骨異壤道琮曰我若生還終不獨歸棄卿於此瘞之路左而去歲餘遇赦得還至殯所屬霖潦瀟漫屍柩不復可得道琮設祭慟哭告以欲與俱歸之意若有靈者幸相警示言訖路側水中忽然湧沸道琮又呪云若所沸處是願更令一沸呪訖又沸道琮便取得其屍銘誌可驗遂負之還鄉當時識者稱道琮誠感所致道琮尋以明經登第高宗末官至太學博士每與太學助教康國安道士李榮等講論爲時所稱卒

舊唐書卷一百八十九上

舊唐書卷一百八十九上考證

備學傳下郡五十員○新書作四十員臣四按上郡六十中郡五十以避而除

則下郡四十員當以新書為是今改正

國學增築學舍國學四門博士亦增置生員○臣四按新書云三學益生員謂

國學太學及四門學也舊書下國字當是太字之訛蓋上句言國學增築學

舍下句言太學及四門學增置生員不言國學者蒙上省文也必無獨遺太

學之理今改正

舊唐書卷一百八十九上考證

後晉司空同中書門下平章事劉昫撰

列傳第一百三十九

儒學下

邢文偉 高子貢 郎餘令 路敬淳

王元感 王紹宗 韋叔夏 祝欽明

郭山暉 柳冲 盧榮 尹知章 孫季夏附

徐岱 蘇弁 陸質 馮伉

章表微 許康佐

邢文偉，徐州全椒人也。少與和州高子貢、壽州裴懷實俱以博學知名於江淮間。咸亨中，累遷太子典膳丞。時孝敬在東宮，罕與宮臣接見。文偉輒減膳上書曰：「臣竊見禮載記曰：太子既冠成人，免於保傅之嚴，則有司過之史。微膳之宰，史之義，不得不司過。宰之義，不得不微膳。微膳則死，今皇帝式稽前典，妙簡英俊，自庶子已下，至諸議舍人及學士侍讀等，使翼佐殿下，以成聖德。近日已來，未甚延納，談議不狎，謁見尚稀。三朝之後，但與內人獨居，何由發揮聖智，使睿哲文明者乎？今史雖闕官，宰當奉職，忝備所司，未敢逃死，謹守禮經，輒申減膳。太子答書曰：「願以庸虛，早尚墳典，每欲研精政術，極意書林，但往在幼年，未閑將衛，竭誠耽誦，因即損心。比日以來，風虛更積，中奉恩旨，不許重勞，加以趨侍舍元，溫清朝夕，承親以無專之道，遵禮以色養為先，所以屢闕坐朝，時乖學緒，公潛申勸戒，聿薦忠規，敬尋來請，良符宿志，自非情思審論，義均弼諧，豈能進此藥言，形於簡墨，撫躬三省，感愧兼深。文偉自是益知名，其後右史缺官，高宗謂侍臣曰：「邢文偉事我兒，能減膳切諫，此正直人也。」遂擢拜右史。則天臨朝，累遷鳳閣侍郎，兼弘文館學士。載初元年，遷內史。天授初，內史秦宗客以姦賊獲罪，文偉坐附會秦宗客，貶授珍州刺史。後有制使至其州境，文偉以為殺己，遽自縊而死。

高子貢者，和州歷陽人也。弱冠遊太學，徧涉六經，尤精史記。與文偉及亳州朱

敬則為莫逆之交，明經舉，歷祕書正字。弘文館直學士，鬱鬱不得志，棄官而歸。屬徐敬業作亂於揚州，道弟敬猷統兵五千人，緣江西上將逼和州，子貢率鄉曲數百人拒之，自是賊不敢犯。以功擢授朝散大夫，拜成均助教，號王鳳之子。東莞公融曾為和州刺史，從子貢受業，情義特深。及融為申州，陰懷異志，令黃公讓結交於子貢，推為謀主。潛謀密議，書信往復，諸王內外相應，皆出自其策。尋而事發被誅。

郎餘令，定州新樂人也。祖楚之，少與兄蔚之俱有重名。隋大業中，蔚之為左丞，楚之為尚書民曹郎。煬帝重其兄弟，稱為二郎。楚之武德初為大理卿，與太子少保李綱侍中陳叔達撰定律令。後受詔招諭山東，為竇建德所獲，脅以兵刃，又誘以厚利。楚之竟不為屈，及還，以年老致仕。貞觀初卒，時年八十餘。令父知運，貝州刺史。兄餘慶，高宗時為年令，理有威名。京城路不拾遺，後卒於交州都督。餘令少以博學知名，舉進士，初授霍王元軌府參軍，數上詞賦。元軌深禮之，先是餘令從父知年為霍王友，亦見推仰。元軌謂人曰：「郎氏兩賢，人之望也。相次入府，不意培塿而松柏成林，轉曲州錄事參軍。時有客僧聚眾欲自焚，長史裴照率官屬欲往觀之。餘令曰：「好生惡死，人之性也。遠越教義，不近人情。明公佐守重藩，須察其姦詐，豈得輕舉。觀此妖妄，照從其言，因收僧按問，果得詐狀。孝敬在東宮，餘令續梁元帝孝德傳，撰孝子後傳三十卷以獻，甚見嗟重。累轉著作佐郎，撰隋書未成，會病卒。時人甚痛惜之。」

路敬淳，貝州臨清人也。父文逸，隋大業末，闔門遇盜，文逸潛匿草澤，晝伏於死人中，夜行避難，自傷窮梗，閉口不食，同侶聞其謹願，勸以不當減性，措拾以食之。遞貧之而行，遂免於難。貞觀末，官至申州司馬。敬淳與季弟敬潛俱早知名，敬淳尤勤學，不窺門庭，徧覽墳籍。而孝友篤敬，遭喪三年不出廬，履服免方號慟，入見其妻，形容羸毀，妻不之識也。後舉進士，天授中，歷司禮博士，太子司議郎，兼修國史。仍授崇賢館學士，數受詔修緝吉凶雜儀，則天深重之。萬歲通天二年，坐與婁連耀結交，下獄死。敬淳尤明譜學，盡能究其根源枝派，近代已來無及之者。撰著姓略記十卷，行於時。又撰衣冠本系，未成而死。神龍初，追贈祕

書少監敬潛仕至中書舍人。

王元感濮州鄆城人也。少舉明經。累補博城縣丞。兗州都督紀王慎深禮之。命

其子東平王續從元感受學。天授中。稍遷左衛率府錄事。兼直弘文館。是後則

天親稱南郊。及享明堂。封嵩嶽。元感皆受詔共諸儒撰定儀注。凡所立議。衆咸

推服之。轉四門博士。仍直弘文館。元感時雖年老。猶能燭下看書。通宵不寐。長

安三年。表上其所撰尚書糾謬十卷。春秋振滯二十卷。禮記繩愆三十卷。并所

注孝經史記彙草。請官給紙筆寫上。秘書閣詔令弘文崇賢兩館學士及成均

博士詳其可否。學士祝欽明郭山暉李憲等皆專守先儒章句。深譏元感。倚撫

舊義。元感隨方應答。竟不之屈。鳳閣舍人魏知古。司封郎中徐堅。左史劉知幾。

右史張思敬。雅好異聞。每為元感申理其義。連表薦之。尋下詔曰。王元感質性

溫敏博聞強記。手不釋卷。老而彌篤。倚前達之失。究先聖之旨。是謂儒宗。不可

多得。可太子司議郎。兼崇賢館學士。魏知古嘗稱其所撰書曰。信可謂五經之

指南也。中宗即位。以春宮舊僚。進加朝散大夫。拜崇賢館學士。尋卒。

王紹宗。楊州江都人也。梁左民尚書銓曾孫也。其先自琅邪徙焉。紹宗少勤學。

偏覽經史。尤工草隸。家貧。常傭力為佛經。以自給。每月自支錢足。即止。雖高價

盈倍。亦即拒之。寓居寺中。以清淨自守。垂三十年。文明中。徐敬業於揚州作亂。

聞其高行。遣使徵之。紹宗稱疾固辭。又令唐之奇親詣所居逼之。竟不起。敬業

大怒。將殺之。之奇曰。紹宗人望。殺之恐傷士衆之心。由是獲免。及賊平。行軍大

總管李孝逸以其狀聞。則天驛召赴東都。引入禁中。親加慰撫。擢拜太子文學。

累轉秘書少監。仍侍皇太子讀書。紹宗性澹雅。以儒素見稱。當時朝廷之士咸

敬慕之。張易之兄弟。亦加厚禮。易之伏誅。紹宗坐以交往見廢。卒于鄉里。

韋叔夏尚書左僕射安石兄也。少而精通三禮。其叔父太子詹事瑒嘗謂曰。汝

能如是。可以繼丞相業矣。舉明經。調露年。累除太常博士。後屬高宗崩。山陵舊

儀多廢缺。叔夏與中書舍人賈太隱。太常博士裴守貞等草創撰定。由是授春

官員外郎。則天將拜洛及享明堂。皆別受制。共當時大儒祝欽明郭山暉撰定

儀注。凡所立議。衆咸推服之。累遷成均司業。久視元年。特下制曰。吉凶禮儀。國

家所重。司禮博士。未甚詳明。成均司業韋叔夏。太子率更令祝欽明等。博涉禮

經。多所該練。委以參掌。冀弘典式。自今司禮所修儀注。並委叔夏等。刊定。訖然

後進奏。長安四年。擢春官侍郎。神龍初。轉太常少卿。充建立廟社使。以功進銀

青光祿大夫。三年。拜國子祭酒。累封沛國郡公。卒。時年七十餘。撰五禮要記三

十卷。行於代。贈兗州都督。修文館學士。諡曰文子。紹太常卿。

祝欽明。雍州始平人也。少通五經。兼涉衆史。百家之說。舉明經。長安元年。累遷

太子率更令。兼崇文館學士。中宗在春宮。欽明兼充侍讀。二年。遷太子少保。中

宗即位。以待讀之故。擢拜國子祭酒。同中書門下三品。加位銀青光祿大夫。歷

刑部禮部二尚書。兼修國史。仍舊知政事。累封魯國公。食實封三百戶。尋以匿

忌日。為御史中丞蕭至忠所劾。貶授申州刺史。久之。入為國子祭酒。景龍三年。

中宗將親祀南郊。欽明與國子司業郭山暉二人。奏言。皇后亦合助祭。遂建議

曰。謹按周禮。天神曰祀。地祇曰祭。宗廟曰享。大宗伯職曰。祀大神。祭大祇。享大

鬼。理其大禮。若王有故。不預。則攝位。凡大祭祀。王后不預。則攝。而薦豆。籩。徹。又

追師職。掌王后之首服。以待祭祀。又內司服職。掌王后之六服。凡祭祀。供后之

衣服。又九嬪職。大祭祀。后裸。獻則贊。璠。爵亦如之。據此諸文。即皇后合助皇帝

祀。天神。祭地祇。明矣。故鄭玄注內司服云。闕狄。皇后助王祭。羣小祀之服。然則

小祀尚助王祭。中大推理可知。闕狄之上。猶有兩服。第一禕衣。第二搖狄。第三

闕狄。此三狄。皆助祭之服。闕狄。即助祭小祀。即知搖狄。助祭中祀。禕衣。助祭大

祀。鄭舉一隅。故不委說。唯祭宗廟。周禮。王有兩服。先王衰冕。先公鷩冕。鄭玄因

此。以后助祭宗廟。亦分兩服云。禕衣。助祭先王。搖狄。助祭先公。不言助祭天地

社稷。自宜三隅而反。且周禮正文。凡祭。王后不預。既不專言宗廟。即知兼祀天

地。故云。凡也。又春秋外傳云。禕郊之事。天子親射其牲。王后親舂其黍。故代婦

職。但云。詔王后之禮事。不主言宗廟也。若專主宗廟者。則內宗外宗。職皆言掌

宗廟之祭祀。此皆禮文分明。不合疑惑。舊說以天子父天。母地。兄日。姊月。所以

祀天於南郊。祭地於北郊。朝日於東門之外。以昭事神。訓人事。若必躬親。以禮

文。有故。然後使攝。此其義也。禮記祭統曰。夫祭也者。必夫婦親之。所以備內外

之官也。官備則具備。又哀公問於孔子曰：「冕而親迎，不已重乎？」孔子愀然作色而對曰：「合二姓之好，以繼先聖之後，以爲天地宗廟社稷之主，君何謂已重焉？」又漢書郊祀志云：「天地合祭，先祖配天，先妣配地，天地合精，夫婦判合，祭天南郊，則以地配，一體之義也。」據此諸文，即知皇后合助祭，望請別修助祭儀注，同進，帝頗以爲疑，召禮官親問之。太常博士唐紹、蔣欽緒對曰：「皇后南郊助祭於禮，不合。但欽明所執，是祭宗廟，非祭天地禮。謹按魏晉宋及齊梁周隋等歷代史籍，至於郊天祀地，並無皇后助祭之事。帝令宰相取兩家狀對定，欽緒與唐紹及太常博士彭景直又奏議曰：「周禮凡言祭祀享三者，皆祭之互名。本無定義，何以明之？」按周禮典瑞職云：「兩珪有邸以祀地，則祭地亦稱祀也。」又司筮云：「設祀先王之胙席，則祭宗廟亦稱祀也。」又內宗職云：「掌宗廟之祭祀，此又非獨天稱祀，地稱祭也。」又按禮記云：「惟聖爲能享帝，此即祀天帝亦言享也。」又按孝經云：「春秋祭祀，以時思之。」此即宗廟亦言祭祀也。經典此文不可備數。據此則欽明所執天曰祀，地曰祭，廟曰享，未得爲定明矣。又周禮凡言大祭祀者，祭天地宗廟之總名，不獨天地爲大祭也。何以明之？按爵人職云：「大祭祀與量人授舉聲之宰，尸與聲皆宗廟之事。」則宗廟亦稱大祭祀。又欽明狀引九嬪職：「大祭祀，后裸獻則贊瑤爵，據祭天無裸，亦無瑤爵，此乃宗廟稱大祭祀之明文。欽明所執大祭祀即爲祭天地，未得爲定明矣。又周禮大宗伯職云：「凡大祭祀，王后有故不預，則攝而薦豆。」遵徹欽明唯執此文以爲王后有祭天地之禮。欽緒等據此，乃是王后薦宗廟之禮，非祭天地之事。何以明之？按此文凡祀大神，祭大祇，享大鬼，帥執事而卜，日宿，視滌濯，灌，泄，玉鬯，省牲，鑊，奉玉盥，詔大號，理其大禮，詔相王之禮，若王不與祭祀，則攝位，此已上一凡，直是王兼祭天地宗廟之事。故通言大神大祇大鬼之祭也。已下文云：「凡大祭祀，王后不與，則攝而薦豆。」遵徹此一凡，直是王后祭廟之事。故唯言大祭祀也。若云王后助祭天地，不應重起凡大祭祀之文也。爲嫌王后有祭天地之疑，故重起後凡以別之耳。王后祭廟自是大祭祀，何故取上凡相王之禮以混下此王后祭宗廟之文？此是本經科段明白。又按周禮外宗掌宗廟之祭祀，佐王后薦玉豆，凡后之獻，亦

如之。王后有故不預，則宗伯攝而薦豆。遵外宗無佐祭天地之禮，但天地尙質，宗廟尙文，玉豆宗廟之器，初非祭天所設。請問欽明：若王后助祭天地，在周禮使何人贊佐？若宗伯攝后薦豆祭天，又合何人贊佐？並請明徹禮文，即知攝薦是宗廟之禮明矣。按周禮司服云：「王祀昊天上帝，則服大裘而冕，享先王，則衰冕，內司服，掌王后祭服，無王后祭天之服。按三禮義宗，明王后六服，謂褙衣，搖翟，闕翟，鞠衣，展衣，褙衣，褙衣從王祭先王，則服之。搖翟祭先公及饗諸侯，則服之。鞠衣以采桑，則服之。展衣以禮見王及見賓客，則服之。褙衣燕居服之。王后無助祭於天地之服，但自先王已下，又三禮義宗，明二夫人之服云：「后不助祭天地五嶽，故無助天地四望之服。按此，則王后無祭天之服明矣。三禮義宗，明王后五輅，謂重翟，厭翟，安車，翟車，鞶車也。重翟者，后從王祭先王，先公所乘也。厭翟者，后從王饗諸侯所乘也。安車者，后宮中朝夕見於王所乘也。翟車者，后求桑所乘也。鞶車者，后遊宴所乘也。按此，則王后無祭天之車明矣。又禮記郊特牲義贊云：「祭天無裸，鄭玄注云：「唯人道宗廟有裸，天地大神，至尊不裸。」圓丘之祭與宗廟不同，朝踐王酌泛齊以獻，是一獻后無祭天之事。大宗伯次酌醴齊以獻，是爲二獻。按此，則祭圓丘，大宗伯次王爲獻，非攝王后之事。欽明等所執王后有故不預，則宗伯攝薦豆，遵更明攝王后宗廟之薦，非攝天地之祀明矣。欽明建議引禮記祭統曰：「夫祭也者，必夫婦親之。」按此是王與后祭宗廟之禮，非關祀天地之義。按漢魏晉宋後魏齊梁周陳隋等歷代史籍，與王令主郊天祀地，代有其禮，史不闕書，並不見往代皇后助祭之事。又高祖神堯皇帝太宗文武聖皇帝南郊祀天，無皇后助祭處。高宗天皇大帝永徽二年十一月辛酉，親有事于南郊，又總章元年十二月丁卯，親拜南郊，亦並無皇后助祭處。又按大唐禮，亦無皇后南郊助祭之禮。欽緒等幸禋禮官，親承聖問，竭盡聞見，不敢依隨，伏以主上稽古，志遵舊典，所議助祭，實無明文。時尚書左僕射韋巨源，又希旨，協同欽明之議，上納其言，竟以后爲亞獻，仍補大臣李嶠等女爲齊娘，以執籩豆，及禮畢，特詔齊娘有夫婿者，咸爲改官，景雲初，侍御史倪若水劾奏欽明及郭山暉曰：「欽明等本自腐儒，素無操行，崇班列爵，實爲叨忝，而涓塵莫

勃詔佞為能遂使曲臺之禮園丘之制百王故事一朝墜失所謂亂常改作希
肯病君人之不才遂至於此今聖明馭曆賢良入用惟茲小人猶在朝列臣請
並從黜放以肅周行於是左授欽明饒州刺史後入為崇文館學士尋卒

郭山憚蒲州河東人少通三禮景龍中累遷國子司業時中宗數引近臣及修
文學士與之宴集嘗令各効伎藝以為笑樂工部尚書張錫為談容娘舞將作
大匠宗晉卿舞渾脫左衛將軍張洽舞黃鸞左金吾衛將軍杜元琰誦婆羅門
呪給事中李行言唱駕車西河中書舍人盧藏用効道士上章山憚獨奏曰臣
無所解請誦古詩兩篇帝從之於是誦鹿鳴蟋蟀之詩奏未畢中書令李嶠以

其詞有好樂無荒之語頗涉規諷怒為忤旨遂止之翌日帝嘉山憚之意詔曰
郭山憚業優經史識貯古今八索九丘由來徧覽前言往往行實所該昨者因
其豫遊式宴朝彥既乘離洽咸使詠歌遂能志在匡時潛申規諷譽譽之誠彌
切諄諄之操逾明宜示褒揚美茲鯁直賜時服一幅尋與祝欽明同獻皇后助
祭郊祀之儀景雲中左授括州長史開元初復入為國子司業卒于官

柳冲蒲州虞鄉人也隋饒州刺史莊曾孫也其先仕江左世居襄陽陳亡還鄉
里父楚賢大業末為河北縣長時堯君素固守郡城以拒義師楚賢進說曰隋
之將亡天下皆知唐公名應圖錄動以信義豪傑響應天所贊也君子見機而
作不俟終日轉禍為福今其時也君素不從楚賢潛行歸國高祖甚悅拜侍御
史貞觀中累轉光祿少卿使突厥存撫李思摩突厥贈馬百疋及方物悉拒而
不受累轉交桂二州都督皆有能名卒於杭州刺史冲博學尤明世族名亞路

敬淳天授初為司府主簿受詔往淮南安撫使還賜爵河東縣男景龍中累遷
為左散騎常侍修國史初貞觀中太宗命學者撰氏族志百卷以甄別士庶至
是向百年而諸姓至有與舊冲乃上表請改修氏族中宗命冲與左僕射魏元
忠及史官張錫徐堅劉憲等八人依據氏族志重加修撰元忠等施功未半相
繼而卒乃遷為外職至先天初冲始與侍中魏知古中書侍郎陸象先及徐堅

劉子玄吳兢等撰成氏族系錄二百卷奏上冲後歷太子詹事太子賓客宋王
傳昭文館學士以老疾致仕開元二年又救冲及著作郎薛南金判定系錄奏

上賜絹百疋五年卒

盧榮幽州范陽人後魏侍中陽為五代孫祖彥卿撰後魏紀二十卷行於時官

至合肥令叔父行嘉亦有學涉高宗時為雍王記室榮博覽經史弱冠舉進士
景龍二年累遷給事中時節愍太子初立章庶人以非己所生深加忌嫉勸中
宗下敕令太子却取衛府封物每年以供服用榮駁奏曰皇太子處繼明之重
當主鬻之算歲時服用自可百司供擬又據周官諸應用財器歲終則會唯王
及太子應用物並不會此則儲君之費咸與王同今與列國諸侯齊衡入封豈
所謂憲章在昔垂法將來者也必謂青官初啟服用所資自當廣支庫物不可
長存藩封詔從之後安樂公主壻武崇訓為節愍太子所殺特追封為魯王令

司農少卿趙履履監護葬事履濕諷公主奏請依承泰公主故事為崇訓造陵
詔從其請榮駁奏曰伏尋陵之稱謂本屬皇王及儲君等自皇家已來諸王及
公主墓無稱陵者唯承泰公主承恩特葬事越常塗不合引以為名春秋左氏
傳云衛孫桓子與齊戰衛新築大夫仲叔于奚救孫桓子桓子以免衛人賞之
以邑于奚辭請曲懸繁纓以朝許之仲尼聞之曰惜也不如多與之邑唯名與

器不可以假人若以假人與之政也政亡則國從之聖人知微知章不可不慎
魯王哀榮之典誠別承恩然國之名器豈可妄假又榮北之稱不應假承泰公
主為名請比貞觀已來諸王舊例足得豐厚手敕答曰安樂公主與承泰公主
無異同穴之義古今不殊魯王緣自特為陵制不煩固執榮又奏曰臣聞陵之
稱謂施於尊極不屬王公已下且魯王若欲論親等第則不親於雍王雍王之

墓尚不稱陵魯王自不可因尚公主而加號且君之舉事則載於方冊或稽之
往典或考自前朝臣歷檢貞觀已來耐馬墓無得稱陵者且君人之禮服絕於
傍期蓋為不獨親其親不獨子其子陛下以膝下之恩愛施及其夫贈贈之儀
哀榮足備豈得使上下無辨君臣一貫者哉又安樂公主承兩儀之澤履福祿
之基指南山以錫年仰北辰而承庇魯王之葬車服有章加等之儀備有常數

榮北之稱不應假承泰公主為名非所謂垂法將來作則羣辟者也帝克依榮
所奏公主大怒榮以忤旨出為陳州刺史累轉祕書少監開元初卒

尹知章，絳州翼城人，少勤學，嘗夢神人以大鑿開其心，以藥內之，自是日益開明。盡通諸經精義，未幾而諸師友北面受業焉。長安中，駙馬都尉武攸暨重其經學，奏授其府定王文學，神龍初，轉太常博士。中宗初即位，建立宗廟，議者欲以涼武昭王為始祖，以備七代之數。知章以為武昭遠世，非王業所因，特奏議以為不可。當時竟從知章之議，俄拜陸渾令，以公玷臺官，時散騎常侍解琬亦罷職歸田園，與知章共居汝洛間，以修學為事。睿宗初即位，中書令張說薦知章有古人之風，足以坐鎮雅俗，拜禮部員外郎，俄轉國子博士，後秘書監馬懷素奏引知章就秘書省與學者刊定經史。知章雖居吏職，歸家則講授不輟，尤明易及莊老玄言之學，遠近咸來受業，其有貧匱者，知章盡其家財以衣食之，性和厚，喜愠不形於色，未嘗言及家人產業，其子嘗請併市樵米，以備歲時之費，知章曰：如汝所言，則下人何以取資？吾幸食祿，不宜奪其利也，竟不從。開元六年卒，時年五十有餘。所注孝經、老子、莊子、韓子、管子、鬼谷子，頗行於時。門人孫季良等立碑於東都國子監之門外，以頌其德。

集三卷，行於代。

徐岱，字處仁，蘇州嘉興人也。家世以農為業，岱好學，六籍諸子，悉所探究，問無不通，難莫能訕。大曆中，轉運使劉晏表薦之，授校書郎，浙西觀察使李栖筠厚遇之，敕故所居為復禮鄉，尋為朝廷推援，改河南府偃師縣尉。建中年，禮儀使蔣鎮特薦為太常博士，掌禮儀，從幸奉天，與元改膳部員外郎兼博士。貞元初，遷水部郎中，充皇太子及舒王已下侍讀，尋改司封郎中，擢拜給事中，加兼史館修撰，並依舊侍讀，承兩宮恩顧，時無與比，而謹慎過甚，未嘗洩禁中語，亦不談人之短，婚嫁甥姪之孤遺者，時人以此稱之，然恚嗇頗甚，倉庫管鑰，皆自執掌，獲讖於時，卒，時年五十，上歎惜之，賜以帛絹，皇太子又遺絹一百疋，贈禮部尚書。

蘇弁，字元容，京兆武功人，曾叔祖良嗣，天后朝宰相，國史有傳，弁少有文學，舉進士，授秘書省正字，轉奉天主簿，朱泚之亂，德宗倉卒出幸，縣令杜正元上府

計事，聞大駕至，官吏惶惑，皆欲奔竄山谷，弁諭之曰：君上遊狄，臣下當伏難死節，昔肅宗幸靈武，至新平安定，二太守皆潛遁，帝命斬之，以徇諸君知其事乎？衆心乃安，及車駕至，迎扈備無闕，德宗嘉之，就加試大理司直，賊平，拜監察御史，歷三院，累轉倉部郎中，仍判度支案，裴延齡卒，德宗聞其才，特開延英面賜金紫，授度支郎中，副知度支事，仍命立於正郎之首，副知之號，自弁始也。承延齡之後，以寬閑代煩慮，人甚稱之，遷戶部侍郎，依前判度支，改太子詹事，弁初入朝，班位失序，殿中侍御史鄒儒立對仗彈之，弁於金吾待罪數刻，特釋，放舊制，太子詹事班次太常宗正卿已下，貞元三年，御史中丞賈參敘定班，移詹事在河南太原尹之下，弁乃引舊班制立臺官，詰之，仍給云：自己白宰相請依舊，故為儒立彈之，旋坐給長武城軍糧朽敗，貶河州司戶參軍，當德宗時，朝臣受譴，少蒙再錄，至晚年尤甚，唯弁與韓皋得起為刺史，授滁州，轉杭州，弁與兄冕，皆以友弟儒學稱，冕續國朝政事，撰會要四十卷，行於時，弁聚書至二萬卷，皆手自刊校，至今言蘇氏書，次於集賢秘閣焉。貞元二十一年卒，子家，哀自贊，善大夫，貶永州司戶參軍，救蘇哀貶官，本緣第連坐，矜其年暮，加以疾患，宜令所在勸迴，任歸私第，哀年且七十，兩目無見已逾年，以弁之故，竟未停官，及貶，上聞之，哀憫，故許還家，尋卒，初冕既坐弁貶官，或有人言冕才學，上悔不早知，業已貶出，又復還哀，難於再追冕，乃止。

陸質，吳郡人，本名淳，避憲宗名，改之，質有經學，尤深於春秋，少師事趙匡，匡師啖助，助匡皆為異儒，頗傳其學，由是知名，陳少遊鎮揚州，愛其才，辟為從事，後薦於朝，拜左拾遺，轉太常博士，累遷左司郎中，坐細故，改國子博士，歷信台二州刺史，順宗即位，質素與章執誼善，由是徵為給事中，皇太子侍讀，仍改賜名質，時執誼得幸，順帝寢疾，與王叔文等竊弄權柄，上在春宮，執誼懼質已用事，故令質入侍，而潛伺上意，因用解，及質發言，上果怒曰：陛下令先生與寡人講義，何得言他，質惶懼而出，未幾病卒，質著集注春秋二十卷，類禮二十卷，君臣圖異二十五卷，並行於代，貞元二十一年卒。

馮伉，本魏州元城人，父玠，後家于京兆，少有經學，大曆初，登五經秀才科，授秘

書郎建中四年。又登博學三史科。三遷尚書膳部員外郎。充睦王已下侍讀。澤潞節度使李抱貞卒。為弔贈使。抱貞勇遺仇帛數百匹。不納。又專送至京。伉因表奏。固請不受。屬醴泉關縣令。宰臣進人名。帝意不可。謂宰臣曰。前使澤潞不受財帛者。此人必有清政。可以授之。遂改醴泉令。縣中百姓多稱。為著論蒙十四篇。大略指明中孝仁義。勸學務農。每鄉給一卷。俾其傳習。在縣七年。章渠奉薦為給事中。充皇太子及諸王侍讀。召見於別殿。賜金紫。著三傳異同三卷。順宗即位。拜尚書兵部侍郎。改國子祭酒。為同州刺史。入拜左散騎常侍。復領太學。元和四年卒。年六十六。贈禮部尚書。子蒞。進士擢第。又登制科。仕尚書郎。章表徵。始舉進士。登第。累佐藩府。元和十五年。拜監察御史。逾年。以本官充翰林學士。遷左補闕。庫部員外郎。知制誥。滿歲。擢遷中書舍人。俄拜戶部侍郎。職並如故。時自長慶寶曆。國家比有變故。凡在翰林。遷擢例無滿歲。由是表徵自監察。六七年間。秩正貳卿。命服金紫。承遇恩渥。感於一時。卒。年六十。表徵少時刻苦自立。著九經師授譜一卷。春秋三傳總例二十卷。子蟾。進士登第。咸通末為尚書左丞。

許廉佐。父審。廉佐登進士第。又登宏詞科。以家貧母老。求為知院官。人或怪之。笑而不答。及母亡。服除。不就侯府之辟。君子始知其不擇祿養親之志也。故名益重。遷侍御史。轉職方員外郎。累遷至駕部郎中。充翰林侍講學士。仍賜金紫。歷諫議大夫。中書舍人。皆在內庭。為戶部侍郎。以疾解職。除兵部侍郎。轉禮部尚書。卒。年七十二。贈吏部尚書。撰九鼎記四卷。第堯佐。元佐。堯佐子道敏。並登進士第。歷官清顯。

贊曰。積學成功。開談辨治。儒道玄機。聖人雅旨。出必由戶。行跡其軌。邈有其人。光乎信史。

舊唐書卷一百八十九下

舊唐書卷一百八十九下考證

章叔夏傳天地合精夫婦判合。原本脫天地二字。今據漢書增。

后無祭天之事。臣西按上下文不接。疑有錯簡。或是衍文。

蘇弁傳或有人言袁才學。臣西按上下文義。袁當作冕。新書亦云。又有釋冕才者。今改正。

舊唐書卷一百八十九下考證

許廉佐。父審。廉佐登進士第。又登宏詞科。以家貧母老。求為知院官。人或怪之。笑而不答。及母亡。服除。不就侯府之辟。君子始知其不擇祿養親之志也。故名益重。遷侍御史。轉職方員外郎。累遷至駕部郎中。充翰林侍講學士。仍賜金紫。歷諫議大夫。中書舍人。皆在內庭。為戶部侍郎。以疾解職。除兵部侍郎。轉禮部尚書。卒。年七十二。贈吏部尚書。撰九鼎記四卷。第堯佐。元佐。堯佐子道敏。並登進士第。歷官清顯。

後晉司空同中書門下平章事劉昫撰

列傳第一百四十

文苑上

孔紹安字慎孫 袁昶弟承序 賀德仁 庾抱

蔡允恭 鄭世翼 謝偃 崔信明

張蘊古 劉胤之弟子延祐 張昌齡 崔行功

孟利貞 董思恭 元思敬 徐齊聃

杜易簡從祖弟 盧照鄰 楊炯 王勃兄勳

駱賓王 鄧玄挺

臣觀前代兼筆論文者多矣莫不憲章謨謔祖述詩騷遠宗毛鄭之訓論近鄙班揚之述作謂采采芣苢獨高比興之源湛湛江楓長擅詠歌之體殊不知世代之有文質風俗有淳醜學識有淺深才性有工拙昔仲尼演三代之易刪諸國之詩非求勝於昔賢要取名於今代實以淳朴之時傷質民俗之語不經故飾以文言考之絃誦然後致遠不泥承代作程即知是古非今未為通論夫執鑿寫形持術品物非伯樂不能分駑驥之狀非延陵不能別雅鄭之音若空混吹竽之人即異聞韶之歎近代唯沈隱侯斟酌二南剖陳三變擷雲淵之抑鬱振潘陸之風徽俾律呂和諧官商輯洽不獨子建總建安之霸客兒擅江左之雄爰及我朝挺生賢俊文皇帝解戎衣而開學校飾黃帛而禮儒生門羅吐鳳之才人擅握蛇之價靡不發言為論下筆成文足以緯俗經邦豈止雕章縉句韻諧金奏詞炳丹青故貞觀之風同乎三代高宗天后尤重詳延天子賦橫汾之詩臣下繼柏梁之奏魏魏濟濟輝燦古今如燕許之潤色王官吳陸之鋪揚滿業元稹劉蕡之對策王維杜甫之雕蟲並非肄業使然自是天機秀絕若隋珠色澤無假淬磨孔璣翠羽自成華彩置之文苑實煥細圖其間爵位崇高別為之傳今採孔紹安已下為文苑三篇觀懷才懽懽之徒千古見知於作者

孔紹安越州山陰人陳吏部尚書奐之子少與兄紹新俱以文詞知名十三陳

亡入隋徙居京兆鄠縣閉門讀書誦古文集數十萬言外兄虞世南數異之紹新嘗謂世南曰本朝淪陷分從湮滅但見此弟竊謂家族不亡矣時有詞人孫萬壽與紹安篤忘年之好時人稱爲孫孔紹安大業末爲監察御史時高祖爲隋討賊於河東詔紹安監高祖之軍深見接遇及高祖受禪紹安自洛陽間行來奔高祖見之甚悅拜內史舍人賜宅一區良馬兩匹錢米絹布等時夏侯端亦嘗爲御史監高祖軍先紹安歸朝授秘書監紹安因侍宴應詔詠石榴詩曰祇爲時晚開花不及春時人稱之尋詔撰梁史未成而卒有文集五卷子禎高祖時爲蘇州長史曹王明爲刺史不循法度禎每進諫明曰寡人天子之第豈失於爲王哉禎曰恩寵不可恃大王不奉行國命恐今之榮位非大王所保獨不見淮南之事乎明不悅明左右有侵暴下人者禎捕而殺之明後果坐法遷於黔中謂人曰吾愧不用孔長史言以及於此禎累遷絳州刺史封武昌縣子卒諡曰溫子季詡早知名官至左補闕紹安孫若思若思孤母褚氏親自教訓遂以學行知名年少時有人賣褚遂良書跡數卷以遺若思唯受其一卷其人曰此書當今所重價比黃金何不總取若思曰若價比金實此爲多矣更截去半以還之明經舉累遷庫部郎中若思常謂人曰仕至郎中足矣至是持一石止水置於座右以示有止足之意尋遷給事中中宗卽位敬暉桓彥範等知國政以若思多識故事所有改革大事及疑議多訪於若思再轉禮部侍郎出衛州刺史先是諸州別駕皆以宗室爲之不爲刺史致敬由是多行不法若思至州舉奏別駕李道欽犯狀請加鞠訊乃詔別駕於刺史致禮自若思始也俄以清白稱加銀青光祿大夫賜絹百疋歷汝州刺史太子右諭德封樂郡公開元十七年卒諡曰惠

袁朗雍州長安人陳尚書左僕射樞之子其先自陳郡仕江左世爲冠族陳亡徙關中朗勳學好屬文在陳釋褐祕書郎甚爲尚書令江總所重嘗製千字詩當時以爲感作陳後主聞而召入禁中使爲月賦朗染翰立成後主曰觀此賦謝希逸不能獨美於前矣又使爲芝草嘉蓮二頌深見優賞歷太子洗馬德教殿學士遷祕書丞陳亡仕隋爲尚書儀曹郎武德初授齊王文學祠部郎中封

汝南縣男再轉給事中貞觀初本官太宗為之廢朝一日謂高士廉曰袁朗在任雖近然其性謹厚特使人傷惜因敕給其喪事并存問妻子有文集十四卷從父弟承序陳尚書僕射憲之子武德中齊王元吉聞其名召為學士府屬累轉建昌令在任清靜士吏懷之高宗在藩太宗選學行之士為其僚屬謂中書侍郎岑文本曰梁陳名臣有誰可稱復有子弟堪招引否文本因言隋師入陳百司奔散莫有留者唯袁憲獨在其主之傍王世充將受隋禪郡僚表請勸進憲子給事中承家託疾獨不署名此父子足稱忠烈承家弟承序清貞雅操實繼先風由是召守晉王友仍令侍讀加授弘文館學士未幾卒朗從祖弟利貞陳中書令敬之孫也高宗時為太常博士周王侍讀永隆二年王立為皇太子百官上禮高宗將會百官及命婦於宣政殿并設九部伎及散樂利貞上疏諫曰臣以前殿正寢非命婦宴會之地象闕路門非倡優進御之所望詔命婦會於別殿九部伎從東西門入散樂一色伏望停省若於三殿別所自可備極恩私微臣庸蔽不閑典則忝預禮司輕陳狂瞽帝納其言即令移於麟德殿至會日酒酣帝使中書侍郎薛元超謂利貞曰卿門承忠鯁能抗疏直言不加厚賜何以獎勵賜物百段俄遷祠部員外郎卒中宗即位以待讀恩追贈秘書少監朗十三代祖漢司徒滂滂生魏國郎中御史大夫渙渙生晉尚書準準生東晉右將軍豫章太守冲冲生司徒從事中郎就就生琅邪內史質質生丹陽尹宋公長史約約生宋吳郡太守洵累代有高名重位前史有傳五代叔祖宋太尉淑高祖父左僕射雍州刺史顯高祖司空察皆死國難曾祖梁中書監司空穆公昂仕齊為吳興太守及梁高祖禪齊久辭朝命父福叔父憲仕陳皆為陳僕射叔祖敬中書令及陳亡憲冒難扶護後主朗自以中外人物為海內冠族雖琅邪王氏繼有台鼎而歷朝首為佐命鄙之不以為伍朗孫誼又處世南外孫神功中為蘇州刺史嘗因視事司馬清河張沛通謁沛即侍中文瑾之子誼揖之曰司馬何事沛曰此州得一長史是龍西李重天下甲門誼曰司馬何言之失門戶須歷代人賢名節風教為衣冠顧瞻始可稱舉老夫是也夫山東人尚於婚媾求於稜利作時柱石見危授命則曠代無人何可說之以為門戶沛懷

漸而退時人以為口實賀德仁越州山陰人也父明陳散騎常侍德仁少與從兄德基俱事國子祭酒周弘正咸以詞學見稱時人語曰學行可師賀德基文質彬彬賀德仁德仁兄弟八人時人方之荀氏陳都陽王伯山為會稽太守改其所居甘澗里為高陽里德仁事陳至吳興王友入隋僕射楊素薦之授豫章王府記室參軍王以師實禮之恩遇甚厚及煬帝即位豫章王改封齊王又授齊王府屬及齊王獲譴府僚皆被誅責唯德仁以忠謹免罪出補河東郡司法素與隱太子善及高祖平京師隱太子封隴西公用德仁為隴西公友尋遷太子中舍人以衰老不習史事轉太子洗馬時蕭德言亦為洗馬陳子良為右衛率府長史皆為東宮學士貞觀初德仁轉趙王友無幾卒年七十餘有文集二十卷德仁弟子紀數亦以博學知名高宗時紀官至太子洗馬修五禮數至率更令兼太子侍讀兄弟並為崇賢館學士學者榮之

庾抱泗州江寧人也其先自潁川徙家焉祖衆陳御史中丞父超南平王記室抱開皇中為廷州參軍事後累歲調吏部尚書牛弘知其有學術給筆札令自序援翰便就弘甚奇之後補元德太子學士禮賜甚優會皇孫載誕太子宴賓客抱於坐中獻嫡皇孫頌深被嗟賞後為越構主簿稱病不行義寧中隱太子弘引為隴西公府記室時軍國多務公文檄皆出於抱尋轉太子舍人未幾卒有集十卷

蔡允恭荊州江陵人也祖點梁尚書儀曹郎父大業後梁左民尚書允恭有風彩善綴文仕隋歷著作佐郎起居舍人雅善吟詠煬帝屬詞賦多令諷誦之嘗遣教宮女允恭深以為恥因稱氣疾不時應召煬帝又許授以內史舍人更令入內教宮人允恭固辭不就以是稍被疎絕江都之難允恭從字文化及西上沒於寶建德及平東夏太宗引為秦府參軍兼文學館學士貞觀初除太子洗馬尋致仕卒于家有集十卷又撰後梁春秋十卷

鄭世翼鄭州滎陽人也世為著姓祖敬德周儀同大將軍父機司武中士世翼弱冠有威名武德中歷萬年丞楊州錄事參軍數以言辭忤物稱為輕薄時崔

信明自謂文章獨步，多所凌轍。世翼遇諸江中，謂之曰：嘗聞楓落吳江冷，信明欣然示百餘篇。世翼覽之未終，曰：所見不如所聞，投之於江。信明不能對，擁檝而去。世翼貞觀中坐想謗，配流嶺州卒。文集多遺失，撰交遊傳，頗行於時。

謝偃，衛縣人也。本姓直勒氏，祖孝政，北齊散騎常侍，改姓謝氏。偃仕隋爲散從正員郎，貞觀初應詔對策及第，歷高陵主簿。十一年，駕幸東都，穀洛泛溢，洛陽宮，詔求直諫之士。偃上封事極言得失，太宗稱善，引爲弘文館直學士。拜魏王府功曹，偃嘗爲塵影二賦，甚工。太宗聞而詔見，自制賦序，言區宇又安，功德茂盛，令其爲賦。偃奉詔撰成，名曰述聖賦，賜絲數十匹。偃又獻惟皇誠德賦，以申諷曰：臣聞理忘亂，安忘危，逸忘勞，得志失此四者，人君莫不皆然。是以夏桀以瑤臺璇室爲麗，而不悟鳴條南巢之禍；殷辛以象箸玉杯爲華，而不知牧野白旗之敗。故當其盛也，謂四海爲己力，及其衰焉，乃匹夫之制，當其信也，謂天下爲無危，及其疑也，則顧盼皆讐敵。是知必有其德，則賊結戎夷，化行荒裔，苟失其度，則變生骨肉，覺起腹心矣。是以爲人主者，不可忘初，處殿堂，則思前主之所以亡，朝萬國，則思今己之所以貴。巡府庫，則思今己之所以得，視功臣，則思其爲己之始。見名將，則思其用力之初，苟弗忘舊，則人無易心，何患乎天下之不化。故旦行之，則爲堯舜，暮失之，則爲桀紂，豈異人哉。其詞曰：周墳藉以遷觀，總宇宙而一窺，結繩往而莫紀，書契崇而可知。惟皇王之迭代，信步驟之恆規，莫不慮失者常得，懷安者必危。是以戰戰慄慄，日慎一日，守約守儉，去奢去逸，外無荒禽，內無荒色。唯賢是授，唯人斯恤，則三皇不足六，五帝不足十。若夫特聖驕力，狼戾倔強，忠良是棄，詔佞斯發，擡崇臺以造天，穿深池以絕壤，厚賦重斂，積寶藏，無罪加刑，有功不賞。則夏桀可二，殷辛易兩。在危所恃，居安勿忘。功臣無逐，故人無放，放故者亡，逐功者喪。四海岌岌，九土漫漫，覆之甚易，存之實難。是以一人有悅，萬國同歡。一人失所，兆庶俱殘。喜則隆冬可熱，怒則感夏成寒。一動而入表亂，一言而天下安。舉君過者曰忠，忠主美者爲佞。苟承顏以順旨，必蔽視而稱聖。故使曲者亂直，邪者疑正，改華服以就胡，變雅音而入鄭。雖往古之軌躅，亦當今之龜鏡。崔嵬龍殿，赫奕鳳門，苞四海以稱主，冠天下

而獨尊。既兄日而姊月，亦父乾而母坤。視則金翠溢目，聽則絲竹盈耳。信賞罰之在躬，實榮辱之由己。語義皇而易匹，言堯舜之可擬。驕志自此而生，侈心因茲而起。常懼覆而懼亡，必思足而思止。勿忘潛龍之初，當懷布衣之始。在位稱寶，居器曰神。鐘鼓庭設，玉帛階陳。得必有兆，失必有因。一替一立，或周或秦。既承前代，當思後人。唯德可以久，天道無常親。時李百藥工爲五言詩，而偃善作賦。時人稱爲李詩謝賦焉。十七年，府廢，出爲湘潭令。卒。文集十卷。

崔信明，青州益都人也。後魏七兵尚書光伯曾孫也。祖綽，北海郡守。信明以五月五日，日正中時生，有異雀數頭，身形甚小，五色畢備。集于庭樹，鼓翼齊鳴，聲清宛亮。隋太史令史夏使至青州，遇而占之，曰：五月爲火，火爲離，離爲文彩，曰正中，文之盛也。又有雀五色，奮翼而鳴。此兒必文藻煥爛，聲名播於天下。雀形既小，祿位殆不高。及長，博聞強記，下筆成章。鄉人高孝基有知人之鑒，每謂人曰：崔信明才學富贍，雖名冠一時，但恨其位不達耳。大業中，爲堯城令。竇建德僭號，欲引用之。信明族弟敬素爲建德鴻臚卿，說信明曰：隋主無道，天下鼎沸，衣冠禮樂，掃地無餘。兄遁跡下僚，不被收用，豫讓所以不報范中行，祇以衆人遇我者也。夏王英武，有併吞天下之心。士女襁負而至者，不可稱數。此時不立功立事，豈是見幾而作者乎。信明曰：昔申胥海畔漁者，尙能固其節，吾終不能屈身僞主。求斗筲之職，遂踰城而遁。隱於太行山。貞觀六年，應詔舉，授與世丞。遷秦川令。卒。信明頗蹇傲，自伐，常賦詩吟嘯。自謂過於李百藥。時人多不許之。又矜其門族，輕侮四海士望。由是爲世所譏。子冬日，則天時爲黃門侍郎，被酷吏所殺。

張蘊古，相州涇水人也。性聰敏，博涉書傳，善綴文。能背碑覆局，尤曉時務。爲州閩所稱。自幽州總管府記室直中書省。太宗初即位，上大寶箴，以諷其詞曰：今來古往，俯察仰觀，惟辟作福，爲君實難。主善天下之，處王公之上。任土貢其所求，具僚和其所唱。是故兢懼之心，日弛邪僻之情。轉放豈知事起乎所忽，禍生乎無妄。固以聖人受命，拯溺亨屯，歸過於己，推恩於民。大明無偏照，至公無私親。故以一人治天下，不以天下奉一人。禮以禁其奢，樂以防其佚。左言而右事，

出警而入蹕，四時同其慘舒，三光同其得失，故身爲之度而聲爲之律，勿謂無知，居高聽卑，勿謂何害，積小成大，樂不可極，極樂生哀，欲不可縱，縱欲成災，壯九重於內，所居不過容膝，彼昏不知，瑤其臺而瓊其室，羅八品於前，所食不過適口，唯狂罔念，丘其糟而池其酒，勿內荒於色，勿外荒於禽，勿貴難得之貨，勿聽亡國之音，內荒伐人性，外荒蕩人心，難得之貨，亡國之聲，淫，勿謂我尊而傲賢，侮士，勿謂我智而拒諫，矜己，聞之夏王，據饋頻起，亦有魏帝，牽裾不止，安彼反側，如春陽秋露，巍巍蕩蕩，恢漢高大，度撫茲庶事，如履薄臨深，戰戰慄慄，用周文小心，詩云不識不知，書曰無偏無黨，一彼此於胸臆，指好惡於心想，衆棄而後加刑，衆悅而後命賞，弱其強而治其亂，申其屈而直其枉，故曰如衡如石，不定物以數物之懸者，輕重自具，如水如鏡，不示物以情物之鑒者，妍媸自生，勿渾渾而濁，勿皎皎而清，勿沒沒而聞，勿察察而明，雖冤旒蔽目而視於未形，雖黈纆塞耳而聽於無聲，縱心乎湛然之城，遊神於至道之精，扣之者應洪纖而効響，酌之者隨深淺而皆盈，故曰天之清地之寧，王之貞四時不言而代序，萬物無爲而受成，豈知帝有其力，而天下和平，吾王撥亂，戡以智力，民懼其威，未懷其德，我皇撫運，扇以淳風，民懷其始，未保其終，爰述金鏡，窮神盡聖，使人以心，應言以行，包括治體，抑揚詞令，天下爲公，一人有慶，開羅起祝，援琴命詩，一日二日，念茲在茲，唯人所召，自天祐之，爭臣司直，敢告前疑，太宗嘉之，賜以東帛，除大理丞，初河內人李孝德，素有風疾，而語涉妄妖，蘊古究其獄，稱好德，癩病有徵法，不當坐治，書侍御史權萬紀，劾蘊古家住相州，好德之兄，厚德爲其刺史，情在阿縱，奏事不實，太宗大怒，曰：小子乃敢亂吾法耶，令斬於東市，太宗尋悔，因發制，凡決死者，命所司五覆，奏自蘊古始也。

劉胤之，徐州彭城人也，祖禕之後，魏臨淮鎮將，胤之少有學業，與隋信都丞孫萬壽，宗正卿李百藥爲忘年之友，武德中，御史大夫杜淹表薦之，再遷信都令，甚存惠政，采微初，累轉著作郎，弘文館學士，與國子祭酒令狐德棻，著作郎楊仁卿等撰成國史及實錄，奏上之，封陽城縣男，尋以老不堪著述，出爲楚州刺史，卒，弟子延祐，弱冠本州舉進士，累補渭南尉，刀筆吏能爲畿邑當時之冠，司

空李勣書謂曰：足下春秋甫爾，便擅大名，宜稍自貶抑，無爲獨出人右也，後歷右司郎中，檢校司賓少卿，封薛縣男，徐敬業之亂，楊州初平，所有刑名，莫能決定，延祐奉使至軍所決之，時議者斷受賊五品官者斬，六品者流，延祐以爲諸非元謀，迫脇從盜，則實極刑，事涉枉濫，乃斷受賊五品者流，六品已下，俱除名而已，其得全濟者甚衆，出爲箕州刺史，轉安南都護，嶺南俚戶，舊輸半課，及延祐到，遂勒全輸，由是其下皆怨，謀欲將叛，延祐乃誅其首惡李嗣仙，垂拱三年，嗣仙黨與丁建，李思慎等，遂率衆圍安南府，時城中勝兵不過數百，乃禁門堅守，以候鄰境之援，廣州大族馮子猷，幸災樂禍，欲因危立功，遂按兵縱敵，使其爲害滋甚，延祐遂爲思慎所害，其後桂州司馬曹玄靜率兵討思慎等，擒之，盡斬於安南城下，胤之從父兄子藏器，亦有詞學，官至宋州司馬，藏器子知柔，開元初爲工部尚書，知柔弟知幾，避玄宗名，改子玄，自有傳。

張昌齡，冀州南宮人，弱冠以文詞知名，本州欲以秀才舉之，昌齡以時廢此科已久，固辭，乃充進士貢舉，及第，貞觀二十一年，翠微宮成，詣闕獻頌，太宗召見，試作息兵詔，草俄頃而就，太宗甚悅，因謂之曰：昔禰衡潘岳，皆恃才傲物，以至非命，汝才不減二賢，宜追鑒前軌，以副吾所取也，乃敕於通事舍人裏供奉，尋爲崑山道行軍記室，破盧明月，平龜茲，軍書露布，皆昌齡之文也，再轉長安尉，出爲襄州司戶，丁憂去官，後賀蘭敏之奏引於北門，修撰尋又罷去，乾封元年，卒，文集二十卷，兄昌宗，亦有學業，官至太子舍人，修文館學士，撰古文紀年新傳三十卷。

崔行功，恆州井陘人，北齊鉅鹿太守伯讓曾孫也，自博陵徙家焉，行功少好學，中書侍郎唐儉愛其才，以女妻之，儉前後征討，所有文表，皆行功之文，高宗時，累轉吏部郎中，以善數奏，嘗兼通事舍人，內供奉，坐事貶爲游安令，尋徵爲司文郎中，當時朝廷大手筆，多是行功及蘭臺侍郎李懷儼之詞，先是太宗命秘書監魏徵寫四部羣書，將進內貯庫，別置讐校二十人，書手一百人，徵改職之後，令虞世南顏師古等續其事，至高宗初，其功未畢，顯慶中，罷讐校及御書手，令工書人繕寫，計直酬備，擇散官隨番讐校，其後又詔東臺侍郎趙仁本，東臺

舍人張文瓘及行功懷儼等相次充使檢校又置詳正學士以校理之行功仍
專知御案遷蘭臺侍郎咸亨中官名復舊改爲秘書少監上元元年卒官有集
六十卷兄子玄暉別有傳行功前後撰撰晉書及文思博要等同時又有孟利
貞董思恭元思敬等並以文藻知名

孟利貞者華州華陰人也父神慶高宗初爲州刺史以清介著名利貞初爲
太子司議郎中宗在東宮深懼之受詔與少師許敬宗崇賢館學士郭瑜顧胤
董思恭等撰瑤山玉彩五百卷龍朔二年奏上之高宗稱善加級賜物有差利
貞累轉著作郎加弘文館學士垂拱初卒又撰續文選十三卷兄允忠垂拱中
爲天官侍郎

董思恭者蘇州吳人著篇詠甚爲時人所重初爲右史知考功舉事坐預泄
問目配流嶺表而死

元思敬者總章中爲協律郎預修芳林要覽又撰詩人秀句兩卷傳於世

徐齊聃湖州長城人也父孝德以女爲才入官至果州刺史齊聃少善屬文高
宗時累遷蘭臺舍人時敕令有突厥酋會長子第事東宮齊聃上疏曰昔姬誦與
伯禽同業晉儲以師曠爲友匪唯專賴師實固亦詳觀近習皇太子自可招集
圓綺寤寐應劉階闢小臣必採於端士驅馳所任並歸於正人方流好善之風
永播崇賢之美今乃使甄婁之子解辨而待春闈冒頓之苗削衽而陪望苑在
於道義臣竊有疑詩云敬慎威儀以近有德書曰任官惟賢才左右惟其人蓋
殷勤於此防微之至也齊聃又嘗上奏曰齊獻公卽陛下外氏雖子孫有犯不
合上延于祖今周忠孝公廟甚修崇而齊獻公廟遽毀壞不審陛下將何以重
示海內以彰孝理之風帝皆納其言齊聃善於文誥甚爲當時所稱高宗愛其
文令侍周王等屬文以職在樞劇仍敕間日來往焉以漏泄機密左授蘇州司
馬俄又坐事配流欽州咸亨中卒年四十餘睿宗卽位追錄舊恩累贈禮部尚
書子堅別有傳

杜易簡襄州襄陽人周破州刺史叔昆曾孫也九歲能屬文及長博學有高名
姨兄中書令岑文本甚推重之登進士第累轉殿中侍御史咸亨中爲考功員

外郎時吏部侍郎裴行儉李敬玄相與不叶易簡與吏部員外郎賈言忠希行
儉之旨上封陳敬玄罪狀高宗惡其朋黨左轉易簡爲開州司馬尋卒易簡頗
善著述撰御史臺雜注五卷文集二十卷行於代易簡從祖弟審言審言進士
舉初爲隰城尉雅善五言詩工書翰有能名然恃才嘗傲甚爲時輩所嫉乾封
中蘇味道爲天官侍郎審言預選試判訖謂人曰蘇味道必死人問其故審言
曰見吾判卽自當羞死矣又嘗謂人曰吾之文章合得屈宋作衙官吾之書跡
合得王羲之北面其於誕如此累轉洛陽丞坐事貶授吉州司戶參軍又與州
僚不叶司馬周季重與員外司戶郭若訥共構審言罪狀繫獄將因事殺之既
而季重等府中酣讌審言子并年十二懷刃以擊之季重中傷死而并亦爲左
右所殺季重臨死曰吾不知審言有孝子郭若訥誤我至此審言因此免官還
東都自爲文祭并士友咸哀并孝烈蘇頌爲墓誌劉九濟爲祭文後則天召見

審言將加擢用閉曰卿歡喜否審言蹈舞謝恩因令作歡喜詩甚見嘉賞拜著
作佐郎俄遷膳部員外郎神龍初坐與張易之兄弟交往配流嶺外尋召授國
子監主簿加修文館直學士年六十餘卒有文集十卷次子閑閑子甫別有傳
盧照鄰字昇之幽州范陽人也年十餘歲就曹憲王義方授蒼雅及經史博學
善屬文初授鄧王府典籤王甚愛重之曾謂羣官曰此即寡人相如也後拜新
都尉因染風疾去官處太白山中以服餌爲事後疾轉篤徙居陽翟之具茨山
著釋疾文五悲等誦頗有騷人之風甚爲文士所重照鄰既沉痾屢屢不堪其
苦嘗與親屬執別遂自投頰水而死時年四十文集二十卷兄光乘亦知名長
壽中爲隴州刺史

楊炯華陰人伯祖虔威武德中官至右衛將軍炯幼聰敏博學善屬文神童舉
拜校書郎爲崇文館學士儀鳳中太常博士蘇知幾上表以公卿已下冕服請
別立節文敕下有司詳議炯獻議曰古者太昊庖羲氏仰以觀象俯以察法造
書契而文籍生次有黃帝軒轅氏長而敦敏成而聰明垂衣裳而天下理其後
數遷五德君非一姓體國經野建邦設都文質所以再而復正朔所以三而改
夫改正朔者謂夏后氏之建寅殷人建丑周人建子至於以日繫月以月繫時

夫改正朔者謂夏后氏之建寅殷人建丑周人建子至於以日繫月以月繫時

以時繫年，此三王相襲之道也。夫易服色者，謂夏后氏尚黑，殷人尚白，周人尚赤。至於山龍華蟲，宗彝藻火，粉米黼黻，此又百代可知之道。謹按虞書曰：子欲觀古人之象，日月星辰，山龍華蟲，作會，宗彝藻火，粉米黼黻，繡繡，由此言之，則其所從來者尚矣。日月星辰者，明光照下土也。山者，布散雲雨，象聖王大澤霑下也。龍者，變化無方，象聖王應時布教也。華蟲者，雉也，身被五彩，象聖王體兼文明也。宗彝者，武雉也，以剛猛制物，象聖王神武定亂也。藻者，逐水上下，象聖王隨代而應也。火者，陶冶烹飪，象聖王至德日新也。粉米者，人特以生，象聖王為物之所賴也。黼能斷割，象聖王臨事能決也。黻者，兩己相背，象君臣可否相濟也。迨有周氏，乃以日月星辰為旌旗之飾，又登龍於山，登火於宗彝，於是乎制袞冕以祀先王也。九章者，法陽數也，以龍為首章，表者，卷也，龍德神異，應變潛見，表聖王深識遠智，卷舒神化也。又制鷩冕以祭先公也，鷩者，雉也，有耿介之志，表公有賢才，能守耿介之節也。又制鷩冕以祭四望也，四望者，岳瀆之神也。武雉者，山林所生，明其象也。制絺冕以祭社稷也，社稷者，土穀之神也。粉米由之而成，象其功也。又制玄冕以祭羣小祀也，百神異形，難可遍擬，但取黻之相背，昭異名也。夫以周公之多才也，故治定制禮，功成作樂，夫以孔宣之將聖也，故行夏之時，服周之冕，先王之法服，乃此之自出矣。天下之能事，又於是乎畢矣。今知幾表狀，請制大明冕十三章，乘輿服之者，謹按日月星辰者，已施於旌旗矣。龍武山火者，又不踰於古矣。而云麟鳳有四靈之名，玄龜有負圖之應，雲有紀官之號，水有威德之祥，此蓋別表休徵，終是無踰比象，然則皇王受命，天地與符，仰觀則璧合珠連，俯察則銀黃玉紫，輝兩宮之粉壁，不足寫其形狀。響東觀之鉛黃，未可紀其名實，固不可畢陳於法服也。雲者，龍之氣也，水者，藻之自生也，又不假別為章目，此蓋不經之甚也。又鷩冕八章，三公服之者，鷩者，太平之瑞也，非三公之德也。鷩鷩者，鷩鷩也，適可以辨祥刑之職也。熊羆者，猛獸也，適可以旌武臣之力也。又稱藻為水草，無所法象，引張衡賦，帶倒茄於藻，并披紅葩之狎獵，請為藻華，取其文彩者，夫茹者，連也，若以連代藻，變古從今，既不知草木之名，亦未達文章之意，此又不經之甚也。又鷩冕六章，三品服之

者，按此王者祀四望服之名也。今三品乃得同王之鷩冕，而三公不得同王之衮名，豈唯顛倒衣裳，抑亦自相矛盾。此又不經之甚也。又鷩冕四章，五品服之者，考之於古，則無其名，驗之於今，則非章首，此又不經之甚也。若夫禮唯從俗，則命為制，令為詔，乃秦皇之故事，猶可以適於今矣。若夫義取隨時，則出稱善，入稱譴，乃漢國之舊儀，猶可以行於代矣。亦何取變周公之軌物，改宣尼之法度者哉。由是竟廢知幾所請，烟俄遷詹事司直，則天初坐從祖第，神護犯逆，左轉梓州司法參軍，秩滿，遷授盈川令，如意元年七月望日，官中出孟蘭盆分送佛寺，則天御洛南門與百寮觀之，烟獻孟蘭盆賦，詞甚雅麗，烟至官，為政殘酷，人吏動不如意，輒榜殺之，又所居府舍，多進士亭臺，皆書勝額，為之美名，大為遠近所笑。無何卒官，中宗即位，以舊寮追贈著作郎，文集三十卷，烟與王勃、盧照鄰、駱賓王，以文詞齊名，海內稱為王、楊、盧、駱，亦號為四傑。烟聞之，謂人曰：吾愧在盧前，恥居王後，當時議者亦以為然。其後崔融、李嶠、張說，俱重四傑之文，崔融曰：王勃文章宏逸，有絕塵之跡，固非常流所及，烟與照鄰，可以企之。盈川之言信矣。說曰：楊盈川文思如懸河注水，酌之不竭，既優於盧，亦不減王。恥居王後，信然。愧在盧前，謙也。開元中，說為集賢大學士，十餘年，常與學士徐堅論近代文士，悲其凋喪，堅曰：李趙公崔文公之筆術，擅價一時，其間孰優，說曰：李嶠、崔融、薛稷、宋之問之文，如夏金美玉，無施不可，富嘉謨之文，如孤峰絕岸，壁立萬仞，瀟灑雲霓，震雷發，誠可畏也。若施於廊廟，則駭矣。閻朝隱之文，如麗服觀粧，燕歌趙舞，觀者忘疲，若類之風雅，則罪人矣。問後進詞人之優劣，說曰：韓休之文，如大羹旨酒，雅有典則，而薄於滋味，許景先之文，如豐肌膩理，雖復華可愛，而微少風骨，張九齡之文，如輕縑素練，實濟時用，而微窘邊幅，王翰之文，如瓊杯玉翠，雖爛然可珍，而多有玷缺，堅以為然。虔威子德幹，高宗末，歷澤、齊、汴、相四州刺史，治有威名，郡人為之語曰：軍食三斗蒜，不逢楊德幹，子神讓。天授初，與徐敬業於揚州謀叛，父子伏誅。王勃，字子安，絳州龍門人，祖通，隋蜀郡司戶書佐，大業末，棄官歸，以著書講學為業，依春秋體例，自撰麟後歷秦漢至於後魏著紀年之書，謂之元經，又依孔

子家薛揚雄法言例爲客主對答之說。號曰中說。皆爲儒士所稱。義寧元年。卒。門人薛收等相與議。諡曰文中子。二子。福時。福郊。勳。六歲解屬文。構思無滯。詞情英邁。與兄勳。勳才藻相類。父友杜易簡常稱之曰。此王氏三珠樹也。勳年未及冠。應曲素舉。及第。乾封初。詣關上。度遊東嶽。領時東都造乾元殿。又上乾元殿頌。沛王賢聞其名。召爲沛府修撰。甚愛重之。諸王鬪難。互有勝負。勳戲爲檄。英王難文高宗覽之。怒曰。據此是交構之漸。即日斥勳。不令入府。久之。補虢州參軍。勳恃才傲物。爲同僚所嫉。有官奴曹達犯罪。勳匿之。又懼事洩。乃殺達以塞口。事發當誅。會赦除名。時勳父福時爲雍州司戶參軍。坐勳左遷交趾令。上元二年。勳往交趾省父。道出江中。爲探運賦。以見意。其辭甚美。渡南海。墮水而卒。時年二十八。勳弱冠進士登第。累除太子典膳丞。長壽中。擢爲鳳閣舍人。時壽春王成器。衡陽王成義等五王初出閣。同日授冊。有司撰儀注。志載冊文。及百寮在列。方知闕禮。宰相相顧失色。勳立召書吏五人。各令執筆。口占分寫。一時俱畢。詞理典贍。人皆歎服。尋加弘文館學士。兼知天官侍郎。勳頗任權勢。交結非類。萬歲通天二年。秦達種謀逆。事泄。勳坐與耀善。并弟勳並伏誅。勳累官至涇州刺史。神龍初。有詔追復勳勳官位。福時天后朝以子貴。累轉澤州長史。卒。初吏部侍郎裴行儉與選。有知人之鑒。見勳與蘇味道。謂人曰。二子亦當掌銓衡之任。李敏玄尤重楊炯。盧照鄰。駱賓王與勳等四人。必當顯貴。行儉曰。士之致遠。先器識。而後文藝。勳等雖有文才。而浮躁淺露。豈享爵祿之器耶。楊子沉靜。應至令長。餘得令終。爲幸果如其言。勳文章敏捷。下筆則成。尤好著書。撰周易發揮五卷。及次論等書。數部。勳亡後。並多遺失。有文集三十卷。勳聰警絕衆。於推步曆算尤精。嘗作大曆千歲曆。言唐德靈長千年。不合承周隋短祚。其論大旨云。以土王者。五十代。而一千年。金王者。四十九代。而九百年。水王者。二十代。而六百年。木王者。三十代。而八百年。火王者。二十代。而七百年。此天地之常期。符曆之數也。自黃帝至漢。並是五運真主。五行已遍。土運復歸。唐德承之。宜矣。魏晉至于周隋。咸非正統。五行之沴氣也。故不可承之。大率如此。

駱賓王。越州義烏人。少善屬文。尤妙於五言詩。常作帝京篇。當時以爲絕唱。然

落魄無行。好與博徒遊。高宗末。爲長安主簿。坐贓左遷臨海丞。怏怏失志。棄官而去。文明中。與徐敬業於揚州作亂。敬業軍中書檄皆賓王之詞也。敬業敗。伏誅。文多散失。則天素重其文。遣使求之。有兗州人鄒雲卿集成十卷。感傳於世。鄒玄挺。雍州藍田人。少善屬文。累遷左史。坐與上官儀善。出爲頓丘令。有善政。重書。勞問。累授中書舍人。性俊辨。機捷過人。每有朝議。朝廷稱爲口實。則天臨朝。遷吏部侍郎。既不稱職。甚爲時說所鄙。又患消渴之疾。選人目爲鄧渴。爲勝於衝路。自有唐已來。掌選之失。未有如玄挺者。坐此左遷澧州刺史。在州復以善政聞。遷晉州刺史。召拜麟臺少監。重爲天官侍郎。其失又甚於前。玄挺女爲道王子誼妻。又與蔣王子煒相善。誼謀迎中宗於房陵。以問玄挺。煒又嘗謂玄挺曰。欲作急計如何。玄挺雖皆不答。而不以告。永昌元年得罪。下獄死。

舊唐書卷一百九十九上

舊唐書卷一百九十九上考證

張蘊古傳稱生乎無妄○稱原本誤稱今從文粹改。

使人以心應言以行○原本人誤文以誤與今並改正。

王勃傳唐德靈長千年合承周隋短祚臣四按下文云魏晉至于周隋咸非正

統五行之診氣也故不可承之據此則合字上當脫一不字今增。

舊唐書卷一百九十九上考證

後晉司空同中書門下平章事劉昫撰

列傳第一百四十

文苑中

郭正一

元萬頃范履冰苗神客周思茂胡楚賓附

喬知之徐保備附

劉允濟

富嘉謨吳少微谷倚附

員半千丘悅附

劉憲

王適司馬鍾梁載言附

沈佺期

陳子昂閻丘均附

宋之問

閻朝隱王無競李適尹元凱附

賈曾子至

許景先

賀知章邢巨包融李益之附

席豫徐安貞附

齊澣

王澣

李邕

孫邀

子成

郭正一，定州彭城人，貞觀中舉進士，累轉中書舍人，弘文館學士。永隆二年，遷秘書少監，檢校中書侍郎，與魏玄同、郭待舉並同中書門下平章事。宰相以平章事為名，自正一始也。永淳二年，正除中書侍郎，正一在中書累年，明習舊事，兼有詞學，制敕多出其手。當時號為稱職，則天臨朝，轉國子祭酒，罷知政事，尋出為晉州刺史，入為麟臺監，又檢校陝州刺史。永昌元年，為酷吏所陷，流配嶺南而死。家口籍沒，文集多遺失。先是，儀鳳中，吐蕃入寇，工部尚書劉審禮率兵十八萬與蕃將倫欽陵戰于青海，王師大敗，審禮沒于陣。高宗駭然，乃召侍臣，問以禦戎之策，正一對曰：吐蕃作梗，年歲已深，命將與師，相繼不絕，空勞士馬，虛費糧儲。近討則徒損兵威，深入則未窮巢穴。臣望少發兵募，且遣備邊，明立烽候，勿令侵擾，伺國用豐足，人心叶同，寬之數年，可一舉而滅。給事中劉齊賢、皇甫文亮等亦以為嚴守為便，正一才略，率多此類。

元萬頃，洛陽人，後魏景穆皇帝之胤。祖白澤，武德中總管，萬頃善屬文，起家拜通事舍人，乾封中，從英國公李勣征高麗，為遠東道總管，記室別帥。馮本以大軍援裨將郭待封，船破失期，待封欲作書與勣，恐高麗知其救兵不至，乘危迫之，乃作離合詩贈勣，勣不達其意，大怒曰：軍機急切，何用詩為？必斬之。萬頃為

解釋之，乃止。勣嘗令萬頃作文，極高麗其語有譏高麗不知守鴨綠之險，莫難支報云，謹聞命矣。遂移兵固守鴨綠，官軍不得入。萬頃坐是流于嶺外，後會赦得還。拜著作郎。時天后顯高宗，廣召文詞之士入禁中修撰，萬頃與左史范履冰、苗神客、右史周思茂、胡楚賓，咸預其選。前後撰列女傳、臣軌、百寮新誠、樂書等凡千餘卷。朝廷疑議及百司表疏，皆密令萬頃等參決，以分宰相之權。時人謂之北門學士。萬頃屬文敏速，然性疎曠，不拘細節，無備者之風。則天臨朝，遷鳳閣舍人，無幾，擢拜鳳閣侍郎。萬頃素與徐敬業兄弟友善，永昌元年，為酷吏所陷，配流嶺南而死。時神客、楚賓已卒，履冰、思茂相次為酷吏所殺。

范履冰者，懷州河內人，自周王府戶曹召入禁中，凡二十餘年，垂拱中，歷鸞臺天官二侍郎，尋遷春官尚書，同鳳閣鸞臺平章事，兼修國史。載初元年，坐嘗舉犯逆者被殺。

苗神客者，滄州東光人，官至著作郎。

周思茂者，貝州漳南人，少與弟思鈞俱知名。自右史轉太子舍人，與范履冰在禁中，最蒙親遇。至於政事損益，多參預焉。累遷麟臺少監，崇文館學士，垂拱四年，下獄死。

胡楚賓者，宣州秋浦人，屬文敏速，每飲半酣而後操筆，高宗每令作文，必以金銀杯盛酒，令飲，便以杯賜之。楚賓終日酣宴，家無所藏，費盡復入，待詔得賜，又出，然性慎密，未嘗言禁中事，醉後人或問之，答以他事而已。自殷王文學，拜右史，崇賢直學士而卒。

喬知之，同州馮翊人也。父師望，尚高祖女廬陵公主，拜駙馬都尉，官至同州刺史。知之與弟備，備並以文詞知名，知之尤稱俊才，所作篇詠，時人多諷誦之。則天時，累除右補闕，遷左司郎中。知之有侍婢，曰窈娘，美麗善歌舞，為武承嗣所奪。知之怨惜，因作綠珠篇以寄情，密送與婢，婢感憤自殺，承嗣大怒，因諷酷吏羅織誅之。備開元初為兗州都督，備預修三教珠英，長安中卒於襄陽。令時又有汝州人劉希夷，善為從軍闔情之詩，詞調哀苦，為時所重，志行不修，為姦人所殺。

劉允濟洛州鞏人其先自沛國徙焉南齊彭城郡丞職六代孫也少孤事母甚謹博學善屬文與絳州王勃早齊名特相友善弱冠本州舉進士累除著作佐郎允濟嘗採撫魯哀公後十二代至于戰國遺事撰魯後春秋二十卷表上之遷左史兼直弘文館垂拱四年明堂初成允濟奏上明堂賦以觀則天甚嘉歎之手制褒美拜著作郎天授中為來俊臣所構當坐死以其母老特許終其餘年仍留繫獄久之會赦免貶授大庾尉長安中累遷著作佐郎兼修國史未幾擢拜鳳閣舍人中與初坐與張易之款附左授青州長史為吏清白河南道巡察使路敬潛甚稱薦之尋丁母憂服闋而卒

富嘉謨雍州武功人也舉進士長安中累轉晉陽尉與新安吳少微友善同官先是文士撰碑頌皆以徐庾為宗氣調漸劣嘉謨與少微屬詞皆以經典為本時人欽慕之文體一變稱為富吳體嘉謨作雙龍泉頌千蠲谷頌少微撰崇福寺鐘銘詞最高雅作者推重并州長史張仁重待以殊禮坐必同榻嘉謨後為壽安尉預修三教珠英中與初為左臺監察御史卒有文集五卷少微亦舉進士累至晉陽尉中與初調於吏部侍郎韋嗣立稱薦拜右臺監察御史臥病聞嘉謨死哭而賦詩尋亦卒有文集五卷嘉謨與少微在晉陽魏郡谷倚為太原主簿皆以文詞著名時人謂之北京三傑後流寓客死文章遺失微子鞏開元中為中書舍人

員半千本名餘慶晉州臨汾人少與齊州人何彥先同師事學士王義方義方嘉重之嘗謂之曰五百年一賢足下當之矣因改名半千及義方卒半千與彥先皆制服喪畢而去上元初應八科舉授武陟尉屬頻歲旱饑勸縣令殷子良開倉以賑貧餒子良不從會子良赴州半千便發倉粟以給饑人懷州刺史郭齊宗大驚因而按之時黃門侍郎薛元超為河北道存撫使謂齊宗曰公百姓不能救之而使惠歸一尉豈不愧也遽令釋之尋又應獻牧宰高宗御武成殿召諸州舉人親問曰兵書所云天陣地陣人陣各何謂也半千越次而進曰臣觀載籍此事多矣或謂天陣星宿孤虛地陣山川向背人陣偏伍彌縫以臣愚見謂不然矣夫師出以義有若時雨得天之時此天陣也兵在足食且耕且戰

得地之利此地陣也善用兵者使三軍之士如父子兄弟得人之和此人陣也三者去矣其何以戰高宗甚嗟賞之及對策擢為上第垂拱中累補左衛曹曹仍充宣慰吐蕃使及引辭則天曰久聞卿名謂是古人不意乃在朝列境外小事不足煩卿宜留待制也即日使人閣供奉嗣聖元年半千為左衛長史與鳳閣舍人王處知天官侍郎石抱忠並為弘文館直學士仍與著作佐郎路敬潛分日於顯福門待制半千因撰明堂新禮三卷上之則天封中獻半千又撰封禪四壇碑十二首以進則天稱善前後賜絹千餘匹長安中五遷正諫大夫兼右控鶴內供奉半千以控鶴之職古無其事又授斯任者率多輕薄非朝廷進德之選上疏請罷之由是忤旨左遷水部郎中預修三教珠英中宗時為濠州刺史睿宗即位徵拜太子右諭德兼崇文館學士加銀青光祿大夫累封平原郡公開元二年卒文集多遺失半千同時學士丘悅

丘悅者河南陸渾人也亦有學業景龍中為相王府掾與文學韋利器典籤裴耀卿俱為王府直學士睿宗在藩甚重之官至岐王傅開元初卒撰三國典故三十卷行於時

劉憲宋州軍陵人也父思立高宗時為侍御史屬河南河北旱儉遣御史中丞崔融等分道存問賑給思立上疏諫曰今麥序方秋蠶功未畢三時之務萬姓所先敕使撫巡人皆竦抃忘其家業冀此天恩踴躍參迎必難抑止集眾既廣妨廢亦多加以途程往還兼之晨夕停滯既緣賑給須立簿書本欲安存却成煩擾又無釋之慮其馬稍難簡擇公私須預追集兩後農務特切常情整廢須臾即虧歲計每為一馬遠勞數家從此相乘恐更滋甚且委州縣賑給待秋閉時出使賑貶疏奏證等遂不行後選考功員外郎始奏請明經加帖進士試雜文自思立始也尋卒官憲弱冠舉進士累除冬官員外郎天授中受詔推按來俊臣憲嫉其酷暴欲因事繩之反為俊臣所構貶濬水令再遷司僕丞及俊臣伏誅憲為給事中尋轉鳳閣舍人神龍初坐書為張易之所引自吏部侍郎出為滄州刺史俄復入為太僕少卿兼修國史加修文館學士景雲初三遷太子詹事玄宗在東宮留意經籍憲因上啓曰自古及今皆重千學至于光耀

威德發揚令問安靜身心保寧家國無以加焉殿下居副君之位有絕人之才豈假尋章摘句盡資略知大意用功甚少為利極多伏願克成美志無棄暇日上以慰至尊之心下以答庶寮之望侍讀褚無量經明行修昔年宿望時賜召問以察其言幸甚玄宗甚嘉納之明年憲卒贈兗州都督有集三十卷初則天時敕吏部糊名考選人判以求才彦憲與王適司馬鍾梁載言相次判入第二等

王適幽州人官至雍州司功司馬鍾涇州溫人也神龍中卒于黃門侍郎

梁載言博州聊城人歷鳳閣舍人專知制誥撰具員故事十卷十道志十六卷並傳於時中宗時為懷州刺史

沈佺期相州內黃人也進士舉長安中累遷通事舍人預修三教珠英佺期善屬文尤長七言之作與宋之間齊名時人稱為沈宋再轉考功員外郎坐貶配流嶺表神龍中授起居郎加修文館直學士後歷中書舍人太子詹事開元初卒有文集十卷第全交及子亦以文詞知名

陳子昂梓州射洪人家世富豪子昂獨苦節讀書尤善屬文初為感遇詩二十首京兆司功王適見而驚曰此子必為天下文宗矣由是知名舉進士會高宗崩靈駕將還長安子昂詣闕上書感陳東都形勝可以安置山陵關中早儉靈駕西行不便曰梓州射洪縣草莽愚臣子昂謹頓首冒死獻書闕下臣聞明王不惡切直之言以納忠烈士不憚死亡之誅以極諫故有非常之策者必待非常之時得非常之時者必待非常之主然後危言正色抗義直辭赴湯履而不迴至誅夷而無悔豈徒欲詭世誇俗厭生樂死者哉實以為殺身之害小存國之利大故審計定議而甘心焉况乎得非常之時遇非常之主言必獲用死亦何驚千載之跡將不朽於今日矣伏惟大行皇帝遺天下棄羣臣萬國震驚百姓屠裂陛下以恂齊之聖承宗廟之重天下之望喁喁如也莫不冀蒙聖化以保餘年太平之主將復在於茲矣况皇太后又以文母之賢協軒宮之耀軍國大事遺詔決之唐虞之際於斯威矣臣伏見詔書梓宮將遷西京鑾輿亦欲陪

幸計非上策智者失圖廟堂未聞有骨鯁之諫朝廷多見有順從之議巨竊咸以為過矣伏自思之生聖日沐皇風摩頂至踵莫非幸育不能歷丹鳳抵濯龍北面玉階東望金屋抗音而正諫者聖王之罪人也所以不顧萬死乞獻一言願蒙聽覽甘就鼎鑊伏惟陛下察之臣聞秦都咸陽之時漢都長安之日山河為固天下服矣然猶北取胡苑之利南資巴蜀之饒自渭入河轉關東之粟躡沙絕漠致山西之儲然後能削平天下彈壓諸侯長轡利策橫制宇宙今則不然燕代迫匈奴之侵巴虜嬰吐蕃之患西蜀疲老千里贏糧北國丁男十五乘塞歲月奔命其弊不堪秦之首尾今為關矣即所餘者獨三輔之間耳頃遭荒饑人被拜飢自河已西莫非赤地循隴已北罕逢青草莫不父兄轉徙妻子流離委家棄業膏原潤莽此朝廷之所備知也賴以宗廟神靈皇天悔禍去歲薄稔前秋稍登使贏鐵之餘得保性命天下幸甚可謂厚矣然而流人未返田野尚蕪白骨縱橫阡陌無主至於蓄積尤可哀傷陛下不料其難貴從先意遂欲長驅大駕按節秦京千乘萬騎何方取給况山陵初制穿復未央土木工匠必資徒役今欲率疲弊之眾與數萬之軍徵發近畿輟糶贏老靈山探石羅以就功春作無時秋成絕望凋瘵遺嘆再罹艱苦儻不堪弊必有遺挑子來之頌將何以述之此亦宗廟之大機不可不審圖也况國無兼歲之儲家鮮匠時之蓄一旬不雨猶可深憂忽加水旱人何以濟陛下不深察始終獨違羣議臣恐三輔之弊不止如前日矣且天子以四海為家聖人包六合為宇歷觀遠古以至於今何嘗不以三王為仁五帝為聖雖周公制作夫子著明莫不祖述堯舜憲章文武為百王之模烈作千載之雄圖然而舜死陟方葬蒼梧而不返禹會羣后殛殛山而采終豈其愛蠻夷之鄉而鄙中國哉實將欲示聖人無外也故能使墳籍以為美談帝王以為高範况我巍巍大聖樂帝登皇日月所照莫不率俾何獨秦豐之地可置山陵河洛之都不可置園寢陛下豈不察之愚臣竊為陛下惜也且景山崇麗秀冠羣峰北對嵩邱西望汝海居祝融之故地運太昊之遺墟帝王圖跡縱橫左右園陵之美復何如焉陛下曾未察之謂其不可愚臣鄙見良足尚矣况瀟灑之中天地交會北有太行之險南有宛葉之饒東歷江

淮食湖淮之利西馳嶺瀨據關河之寶以聰明之主養純粹之人天下和平恭己正南面而已陛下不思遷洛之壯觀關隴之荒蕪乃欲棄太山之安履焦原之險忘神器之大寶徇會閔之小節愚臣暗昧以為甚也陛下何不覽爭臣之策采行路之謠語讓太后平章宰輔使蒼生之望知有所安天下豈不幸甚昔者平王遷都光武都洛山陵寢廟不在東京宗社墳塋並居西土然而春秋矣為始王漢書載為代祖豈其不願孝哉何聖賢褒貶於斯濫矣實以時有不可事有必然蓋欲遺小存大去禍歸福聖人所以貴也夫小不忍亂大謀仲尼之至誠願陛下察之若以臣愚不用朝議遂行臣恐關隴之憂無時休也臣又聞太原蓄鉅萬之倉洛口積天下之粟國家之資斯為大矣今欲捨而不顧背以長驅使有識驚嗟天下失望儻鼠竊狗盜萬一不圖西入邠州之郊東犯武牢之鎮盜救倉一抔之粟陛下何以遏之此天下之至機不可不深懼也雖則盜未旋踵誅刑已及滅其九族焚其妻子泣辜雖恨將何及焉故曰先謀後事者逸先事後謀者失國之利器不可以示人斯言豈徒設也固願陛下念之則天召見奇其對拜麟臺正字則天將事雅州討生羌子昂上書曰麟臺正字臣子昂昧死上言臣聞道路云國家欲開蜀山自雅州道入討生羌因以襲擊吐蕃執事者不審圖其利害遂發梁鳳巴嶷兵以徇之臣愚以為西蜀之禍自此結矣臣聞亂生必由於怨雅州邊羌自國初已來未嘗一日為盜今一旦無罪受戮其怨必甚怨甚懼誅必蜂駭西山西山盜起則蜀之邊邑不得不連兵備守兵久不解則蜀之禍構矣昔後漢末西京喪敗蓋由此諸羌此一事也且臣聞吐蕃桀黠之虜君長相信而多姦謀自敢抗天誅邇來向二十餘載大戰則大勝小戰則小勝未嘗敗一隊亡一夫國家往以薛仁貴郭待封為虜武之將屠十一萬衆於大非之川一甲不返又以李敬玄劉審禮為廓廟之器辱十八萬乘於青海之澤身囚虜庭是時精甲勇士勢如雲雷然竟不能擒一戎誠一醜至今而關隴為空今乃欲以李處一為將驅顛預之兵將襲吐蕃臣竊憂之而為此虜所笑此二事也且夫事有求利而得害者則蜀昔時不通中國秦惠王欲帝天下而并諸侯以為不兼寶不取蜀勢未可舉乃用張儀計飾美女誦金

牛因間以咬蜀侯蜀侯果食其利使五十力士鑿通谷棧褒斜置道於秦自是險阻不關山谷不閉張儀驕蹇乘便縱兵大破之蜀侯誅寶邑滅至今蜀為中州是食利而亡此三事也且臣聞吐蕃羯虜愛蜀之珍富欲盜之久有日矣然其勢不能舉者徒以山川阻絕障隘不通此其所以頓餓狼之喙而不得侵食也今國家乃撤邊羌開隘道使其收奔亡之種為鄉導以攻邊是乃借寇兵而為賊除道舉全蜀以遺之此四事也臣竊觀蜀為西南一都會國家之寶庫天下珍貨聚出其中又人富粟多順江而下可以兼濟中國今執事者乃圖僥倖之利悉以委事西羌地不足以富國徒殺無辜之衆以傷陛下之仁糜費隨之無益聖德又况僥倖之利未可圖哉此五事也夫蜀之所恃有險也人之所安無役也今國家乃開其險役其人險開則便寇人役則傷財臣恐未見羌戎已有姦盜在其中矣往年益州長史李崇真圖此姦利傳檄稱吐蕃欲寇松州遂使國家威軍師大轉餉以備之未二三年巴蜀二十餘州騷然大弊竟不見吐蕃之面而崇真賊錢已計鉅萬矣蜀人殘破幾不堪命此之近事猶在人口陛下所親知臣愚意者不有姦臣欲圖此利復以生羌為計者哉此六事也且蜀人羸劣不習兵戰一虜持矛百人莫敢當又山川阻曠去中夏精兵處遠今國家若擊西羌棒吐蕃遂能破滅其國奴虜其人使其君長保首北闕計亦可矣若不到如此臣方見蜀之邊陲不守而為羌夷所橫暴昔辛有見被髮而祭伊川者以為不出百年此其為戎臣恐不及百年而蜀為戎此七事也且國家近者廢安北拔單于棄龜茲放疎勒天下翕然謂之威德所以者何蓋以陛下務在仁不在廣務在養不在殺將以此息邊鄙休甲兵行三星五帝之事者也今又恂貪夫之議謀動兵戈將誅無罪之戎而遺全蜀之患將何以令天下乎此愚臣所以不甚悟者也况當今山東饑關隴弊歷歲枯旱人有流亡誠是聖人寧靜思和天人之時不可動甲兵與大役以自生亂臣又流聞西軍失守北軍不利邊人忙動情有不安今者復驅此兵投之不測臣聞自古亡國破家未嘗不由釁兵今小人議夷狄之利非帝王之至德也又况弊中夏哉臣聞古之善為天下者計大而不計小務德而不務利圖其安則思其危謀其利則慮其害

然後能長享福祿，伏願陛下熟計之。再轉右拾遺，數上疏陳事，詞皆典美。時有同州下邳人徐元慶，父爲縣尉趙師韞所殺，後師韞爲御史，元慶變姓名於釋家，傭力，候師韞手刃殺之，議者以元慶孝烈，欲捨其罪。子昂建議，以爲國法專殺者死，元慶宜正國法。然後旌其閭墓，以褒其孝義可也。當時議者咸以子昂爲是。俄授麟臺正字，武攸宜統軍北討契丹，以子昂爲管記，軍中文翰皆委之。子昂父在鄉，爲縣令段簡所辱，子昂聞之，遽還鄉里。簡乃因事收繫獄中，憂憤而卒。時年四十餘。子昂褊躁無威儀，然文詞宏麗，甚爲當時所重。有集十卷。友人黃門侍郎盧藏用爲之序，盛行於代。子昂卒後，益州成都人閻丘均，亦以文章著稱。景龍中，爲安樂公主所薦，起家拜太常博士，而公主被誅，均坐貶爲循州司倉卒，有集十卷。

宋之問，號州弘農人，父今文，有勇力而工書，善屬文。高宗時爲左驍衛郎將，東臺詳正學士。之問弱冠知名，尤善五言詩，當時無能出其右者。初徵令與楊炯分直內教，俄授洛州參軍，累轉尚方監丞。左奉宸內供奉，易之兄弟，雅愛其才。之問亦傾附焉。預修三教珠英，常扈從遊宴，則天幸洛陽龍門，令從官賦詩。左史東方虬詩先成，則天以錦袍賜之。及之問詩成，則天稱其詞愈高，奪虬錦袍以賞之。及易之等敗，左遷隴州參軍，未幾逃還，匿於洛陽人張仲之家。仲之與駙馬都尉王同皎等謀殺武三思，之問令兄子發其事，以自贖。及同皎等獲罪，起之問爲鴻臚主簿。由是深爲義士所譏。景龍中，再轉考功員外郎。時中宗增置修文館學士，擇朝中文學之士，之問與薛稷、杜審言等首膺其選。當時榮之，及典舉引拔後進，多知名者。尋轉越州長史。睿宗卽位，以之問嘗附張易之，武三思配徙欽州。先天中，賜死於徙所。之問再被竄謫，經途江嶺，所有篇詠，傳布遠近。友人武平一爲之纂集，成十卷。傳於代。世人以之問父爲三絕，之問以文詞知名，弟之悌有勇力，之遜善書。議者云各得父之一絕，之悌開元中自右羽林將軍出爲益州長史，劍南節度兼採訪使，尋遷太原尹。

閻朝隱，趙州樂城人也。少與兄鏡、幾、弟仙舟俱知名。朝隱文章雖無風雅之體，善構奇，甚爲時人所賞。累遷給事中，預修三教珠英。張易之等所作篇什，多是

朝隱及宋之問潛代爲之。聖曆二年，則天不豫，令朝隱往少室山祈禱。朝隱乃由申悅媚，以身爲犧牲，請代上所苦。及將康復，賜絹綵百匹，金銀器十事。俄轉麟臺少監。易之伏誅，坐徙嶺外，尋召還。先天中，復爲秘書少監。又坐事貶爲通州別駕。卒官。朝隱修三教珠英時，成均祭酒李嶠與張昌宗爲修書使，盡收天下文詞之士爲學士，預其列者，有王無競、李適尹、元凱，並知名於時。自餘有事跡者，各見其本傳。

王無競者，字仲烈，其先琅邪人，因官徙居東萊。宋太尉弘之十一代孫，父侃，祿州司馬。無競有文學，初應下筆成章舉，及第，解褐授趙州樂城縣尉。歷秘書省正字，轉右武衛倉曹。洛陽縣尉遷監察御史，轉殿中。舊例每日更直於殿前，正班時，宰相宗楚客、楊再思常離班，偶語無競前曰：朝禮至敬，公等大臣，不宜輕易以慢恆典。楚客等大怒，轉無競爲太子舍人。神龍初，坐訶詆權倖，出爲蘇州司馬。及張易之等敗，以嘗交往，再貶嶺外，卒於廣州。年五十四。

李適者，雍州萬年人。景龍中爲中書舍人。俄轉工部侍郎。睿宗時，天台山道士司馬承禎被徵至京師，及還，適贈詩序其高尚之致，其詞甚美。當時朝廷之士無不屬和。凡三百餘人。徐彥伯編而敘之，謂之白雲記，頗傳於代。尋卒。

尹元凱者，瀛州樂壽人。初爲磁州司倉，坐事免。乃棲遲山林，不求仕進。垂三十年。與張說、盧藏用特相友善，徵拜右補闕，卒於并州司馬。

賈曾，河南洛陽人也。父言忠，乾封中爲侍御史。時朝廷有事，遠東言忠奉使往支軍糧，及還，高宗問以軍事，言忠畫其山川地勢及陳遠東可平之狀。高宗大悅。又問諸將優劣，言忠曰：李勣先朝舊臣，聖鑒所悉，龍同善，雖非關將，而持軍嚴整，薛仁貴勇冠三軍，名可振敵，高俛儉素自處，忠果有謀，契必何力，沉毅持重，有統御之才。然頗有忌前之癖，諸將夙夜小心，忘身憂國，莫過於李勣者。高宗深然之。累轉吏部員外郎，坐事左遷邵州司馬。曾少知名，景雲中爲吏部員外郎。玄宗在東宮，感擇官寮，拜曾爲太子舍人。時太子頻遣使訪召女樂，命宮臣就率更署閱樂，多奏女妓。曾啓諫曰：臣聞作樂崇德，以感人神，詔夏有容，成英有節，婦人嫫媿，無豫其間。昔魯用孔子，幾至於霸，齊人懼之，饋以女樂，魯

君既受孔子所以行戎有由餘兵強國富秦人反間遺之女妓戎王耽悅由餘乃奔斯則大聖名賢嫉之已久良以婦人為樂必務冶容哇姣動心蠱惑喪志上行下效淫俗將成敗國亂人實由茲起伏惟殿下神武命代文思登庸宇內顧願瞻仰德化而渴賢之美未敢於民心好妓之聲或聞於人聽豈所以追啓誦之激烈震堯舜之英風者哉至若監撫餘閑宴私多豫後庭妓樂古或有之非以風人為弊猶隱至於所司教習章示羣寮慢使淫聲實虧容化伏願下教令發德音屏倡優敦雅頌率更女樂並令禁斷諸使採召一切皆停則朝野內外皆知殿下放鄭遠仗輝光日新凡在含生執不忤戴太子手令答曰比書聞公正直信亦不虛寡人近日頗尋典籍至於政化偏所留心女樂之徒亦擬禁斷公之所言雅符本意俄特授會中書舍人曾以父名忠固辭乃拜諫議大夫知制誥明年有事於南郊有司立議唯祭昊天上帝而不設皇地祇之位曾奏議請於南郊方丘設皇地祇及從祀等坐則禮惟稽古義得緣情睿宗令宰相及禮官詳議竟依會所奏開元初復拜中書舍人曾又固辭議者以為中書是曹司名又與曾父音同字別於禮無嫌曾乃就職與蘇晉同掌制誥皆以詞學見知時人稱為蘇賈曾後坐事貶洋州刺史開元六年玄宗念舊特恩甄敘繼歷慶鄭等州刺史入拜光祿少卿遷禮部侍郎十五年本子至天寶末為中書舍人祿山之亂從上皇幸蜀時肅宗即位於靈武上皇遣至為傳位冊文上皇覽之數曰昔先帝遜位於朕冊文則卿之先父所為今朕以神器大寶付諸君卿又當演詰累朝盛典出卿父子之手可謂難矣至伏於御前嗚咽感涕寶應二年為尚書左丞時禮部侍郎楊綰上疏請依古制縣令舉孝廉於刺史試其所通之學送名於省省試每經問義十條對策三道取其通否詔令左右丞諸司侍郎大夫中丞給舍等參議議者多與綰同至議曰夏之政尚忠殷之政尚敬周之政尚文然則文與忠敬皆統人之行也是故前代以文取士本行也由詞以觀行則及詞也宣父稱顏子不遷怒不貳過謂之好學至乎修春秋則游夏不能措一辭不亦明乎問者禮部取人有乖斯義試學者以帖字為精通而不窮首義豈能知遷怒貳過之道乎考文者以聲病為是非唯擇浮豔豈能

知移風易俗化天下之事乎是以上失其源下襲其流乘流波蕩不知所止先王之遺莫能行也夫先王之遺猶則小人之道長小人之道長則亂臣賊子由是出焉臣弑其君子弑其父非一朝一夕之故其所由來者漸矣漸者何儒道不舉取士之失也夫一國之事繫一人之本謂之風贊揚其風繫卿大夫也卿大夫何嘗不出於士乎今取士試之小道不以遠者大者使干祿之徒趨馳末術是誘導之差也所以祿山一呼四海震蕩思明再亂十年不復尚使禮讓之道弘仁義之風著則忠臣孝子比屋可封逆節不得而萌也人心不得而搖也且夏有天下四百載禹之道衰而殷始與焉殷有天下六百祀湯之法棄而周始興焉周有天下八百載文武之政弊而秦始并焉觀三代之選士任賢皆考實行故能風俗淳一運祚長遠秦坑儒士二代而亡漢興雜用三代之政弘四科之舉終彼四百豈非學行道風化行於鄉里哉自魏至隋僅四百載竊號僭位德義不修是以子孫速類享國威促國家草魏晉隋梁之弊承夏殷周漢之業四隩既宅九州攸同覆幬生育德合天地安有捨皇王舉士之道從亂代取人之術此公卿大夫之辱也今西京有太學州縣有小學兵革一動生徒流離儒臣師氏祿廩無由貢士不稱行實曾子何嘗諱習禮部每歲舉甲乙之第謂弘獎勸不其謬歟祇足以長浮薄之風啓僥倖之路矣其國子博士等望加員數厚其祿秩通儒碩生閒居其職十道大郡置置太學館令博士出外兼領郡官召置生徒依乎故事保桑梓者鄉里舉焉在流寓者庠序推焉朝而行之夕見其利讓者然之宰臣等奏以舉人舊業已成難於速改其今歲舉人望且依舊賈至所議來年尤之廣德二年轉禮部侍郎是歲至以時艱歲歉舉人赴省者奏請兩都試舉人自至始也永泰元年加集賢院待制大曆初改兵部侍郎五年轉京兆尹兼御史大夫卒

許景先常州義興人後徙家洛陽少舉進士授夏陽尉神龍初東都起聖善寺報慈閣景先詣闕獻大像閣賦詞甚美麗擢拜左拾遺累遷給事中開元初每年賜射節級賜物屢年儉甚費府庫景先奏曰近臣三九之辰頻賜宴射已著格令猶降論言但古制不存禮章多闕官員累倍祿藏未充水旱相仍繼之師

族既不足以觀德又未足以威邊耗國損人且為不急夫古之天子以射選諸侯以射飾禮樂以射觀容志故有駟虞經首之奏采蘋藻之樂天子則以備官為節諸侯則以時會為節卿大夫以循法為節士以不失職為節皆審志固行德美事成陰陽克和暴亂不作故諸侯貢士亦試於射宮容體有虧則絀其地是諸侯君臣皆盡志於射之禮也大矣哉今則不然來官既多鳴鏑亂下以苟獲為利以偶中為能素無五善之容頗失三侯之禮冗官厚秩禁衛榮班動盈累千其算無數近河南北水滂處多林胡小蕃見寇郊壘軍書日至河朔騷然命將除凶未圖克捷與師十萬日費千金去歲豫毫兩州微遭軍損庸賦不辦以致流亡聖人憂勤降使招恤流離歲月猶未能安人之困窮以至於此今一箭偶中是一丁庸調用之既無惻隱獲之固無恥慚考古循今則為未可且禁衛武官隨番許射能中的者必有賞焉此則訓武習戎時習不闕待寇軍歲稔率由舊章則愛禮養人幸甚幸甚自是乃停賜射之禮俄轉中書舍人自開元初景先與中書舍人齊瀚王丘輔休張九齡掌知制誥以文翰見稱中書令張說嘗稱曰許舍人之文雖無峻峰激流斬絕之勢然屬詞豐美得中和之氣亦一時之秀也十年夏伊汝泛溢漂擯居人廬舍溺死者甚眾景先言於侍中源乾曜曰災眚所降必責修德以禳之左傳所載降服出次即其事也誠宜發德音遣大臣存問憂人罪己以答天譴明公位存輔弼當發明大體以啓沃明主不可緘默也乾曜然其言遽以聞奏乃下詔遣戶部尚書陸象先往賑給窮乏十三年玄宗令宰臣擇刺史之任必在得人景先首中其選自吏部侍郎即出為魏州刺史後轉岐州入拜吏部侍郎卒

賀知章會稽永興人太子洗馬德仁之族孫也少以文詞知名舉進士初授國子四門博士又遷太常博士皆陸象先在中書引薦也開元十年兵部尚書張說為麗正殿修書使奏請知章及秘書員外監徐堅監察御史趙冬曦皆入書院同撰六典及文集等累年書竟不就後轉太常少卿十三年遷禮部侍郎加集賢院學士又充皇太子侍讀是歲玄宗封東嶽有詔應行從羣臣並留於谷口上獨與宰臣及外壇行事官登於嶽上齋宮之所初上以靈山清潔不欲喧

繁召知章講定儀注因奏曰昊天上帝君位五方諸帝臣位帝號雖同而君臣異位陛下享君位於山上羣臣祀臣位於山下誠足垂範來葉為變禮之大者也然禮成於三獻亞終合於一處上曰朕正欲如是故問卿耳於是敷三獻於山上行事五方帝及諸神座於下壇行事俄屬惠文太子薨有詔禮部選挽郎知章取捨非允為門蔭子弟喧訴盈庭知章於是以椽登櫓首出決事時人咸喧之由是改授工部侍郎兼秘書監同正員依舊充集賢院學士俄遷太子賓客銀青光祿大夫兼正授秘書監知章性放曠善談笑當時賢達皆傾慕之工部尚書陸象先即知章之族姑子也與知章甚相親善象先常謂人曰賀兄言論備儻真可謂風流之士吾與子弟離闕都不思之一日不見賀兄則鄙吝生矣知章晚年尤加縱誕無復規檢自號四明狂客又稱秘書外監遊遊里巷醉後屬詞動成卷軸文不加點咸有可觀又善草隸書好事者供其棧輪每紙不過數十字共傳寶之時有吳郡張旭亦與知章相善旭善草書而好酒每醉後號呼狂走索筆揮灑變化無窮若有神助時人號為張顛天寶三載知章因病恍惚乃上疏請度為道士求還鄉里仍捨本鄉宅為觀上許之仍拜其子典設郎曾為會稽郡司馬仍令侍養御制詩以贈行皇太子已下咸就執別至鄉無幾壽終年八十六肅宗以侍讀之舊乾元元年十一月詔曰故越州千秋觀道士賀知章器職夷淡襟懷和雅神清志逸學富才雄挺會稽之美箭蘊崑崙之良玉故飛名仙省侍講龍樓常靜默以養閑因談諧而諷諫以暮齒辭祿再見款誠願追二老之蹤克遠四明之客尤叶初志脫落朝衣駕青牛而不還狎白衣而長往丹壑非昔人琴兩亡惟舊之懷有深追悼宜加緝禮式展良榮可贈禮部尚書先是神龍中知章與越州賀朝萬齊融楊州張若虛邢巨湖州包融俱以吳越之士文詞俊秀名揚於上京朝萬止山陰尉齊融崑山令若虛兗州兵曹巨監察御史融遇張九齡引為懷州司戶集賢直學士數子人間往往傳其文獨知章最貴神龍中有尉氏李登之善五言詩蹉跌不偶六十餘為宋州參軍卒

席豫襄陽人湖州刺史固七世孫徙家河南豫進士及第開元中累官至考功

員外郎與舉得士為時所稱三選中書舍人與韓休許景先徐安貞孫逖相次掌制誥皆有能名轉戶部侍郎充江南東道巡撫使兼鄭州刺史入為吏部侍郎
耶玄宗謂之曰卿以前為考功職事修舉故有此授豫與選六年復有令譽天寶初改尚書左丞尋檢校禮部尚書封襄陽縣子玄宗幸溫東宮登朝元閣賦詩羣臣屬和帝以豫詩為工手制褒美曰覽卿所進實詩人之首出作者之冠
冕也豫與弟晉俱以詞藻見稱而豫性尤謹雖與子弟書及吏曹簿領未嘗草書謂人曰不敬他人是自不敬也或曰此事甚細卿何介意豫曰細猶不謹而况巨耶七載卒于位時年六十九疾篤謂其子曰吾亡三日斂斂日即葬勿更久留貽公私之煩家無餘財可賣所居聊備葬禮人嘉其達贈江陵大都督諡曰文

徐安貞者信安龍丘人尤善五言詩嘗應制舉一歲三擢甲科人士稱之開元中為中書舍人集賢院學士上每屬文及作手詔多命安貞視草甚承恩顧累遷中書侍郎天寶初卒

齊澣定州義豐人少以詞學稱冠以制科登第釋褐蒲州司法參軍景雲二年中書令姚崇用為監察御史彈劾建犯先於風教當時以為稱職開元中崇復用為給事中遷中書舍人論駁書詔潤色王言皆以古義諷誥為準的侍中宋璟中書侍郎蘇頌並重之秘書監馬懷素右常侍元行冲受詔編次四庫羣書乃奏澣為編修使改秘書少監尋丁憂免十二年出為汴州刺史河南汴為雄郡自江淮達于河洛舟車輻輳前後牧守多不稱職唯悅若水與澣皆以清嚴為治民吏歌之中書令張說擇左右丞之才舉懷州刺史王丘為左丞以澣為右丞李元紘杜暹為相以開府廣平公宋璟為吏部尚書又用戶部侍郎蘇晉與澣為吏部侍郎當時以為高選時開府王毛仲寵幸用事與龍武將軍葛福順為姻親故北門官見毛仲奏請無不之允皆受毛仲之惠進退隨其指使澣惡之乘間論之曰福順與兵馬與毛仲婚姻小人寵極則姦生若不預圖恐後為患惟陛下思之况腹心之委何必毛仲而高力士小心謹慎又

身惟聖慮密之玄宗嘉其誠諭之曰卿且出朕知卿忠義徐俟其宜會大理丞麻察坐事出為興州別駕澣與察善出城錢之因語禁中諫語察性諱諱遠以澣語奏之玄宗怒令中書門下鞠問又召澣於內殿謂之曰卿向朕道君不密則失臣臣不密則失身而疑朕不密而翻告麻察是何密耶麻察輕險無行常遊太平之門此日之事卿豈不知耶澣免冠頓首謝罪乃貶高州良德丞又貶察為潯州皇化尉澣數年量移常州刺史二十五年遷潤州刺史充江南東道採訪處置使潤州北界隔吳江至瓜步沙尾紆匯六十里船繞瓜步多為風濤之所漂損澣乃移其漕路於京口塘下直渡江二十里又開伊婁河二十五里即達揚子縣自是免漂損之災歲減脚錢數十萬又立伊婁塘官收其課迄今利濟焉數年復為汴州刺史淮汴水運路自虹縣至臨淮一百五十里水流迅急舊用牛曳竹索上下流急難制澣乃奏自虹縣下開河三十餘里入于清河百餘里出清水又開河至淮陰縣北岸入淮免淮流湍險之害久之新河水復

迅急又多僵石漕運難進行旅弊之澣因高力士中助運為兩道採訪使遂與開漕之利以中人主意復勾剝貨財賂遺中貴物議薄之又納劉戒之女為妾凌其正室專制家政李林甫惡之遣人持撫其失會澣判官犯贓澣連坐遂廢歸田里天寶初起為員外少詹事留司東都時絳州刺史嚴挺之為林甫所構除員外少詹事留司東都與澣皆朝廷舊德既廢居家巷每園林行樂則杖屨相過談讌終日林甫聞而患之欲離其勢五年用澣為平陽太守卒於郡肅宗

即位為林甫所陷者皆得雪澣受褒贈
王澣并州晉陽人少豪蕩不羈登進士第日以蒲酒為事并州長史張嘉真奇其才禮接甚厚澣感之撰樂詞以敘情於席上自唱自舞神氣豪邁張說鎮并州禮澣益至會說復知政事以澣為秘書正字擢拜通事舍人遷駕部員外極多名馬家有妓樂澣發言立意自比王侯頤指儕類人多嫉之說既罷相出澣為汝州長史改仙州別駕至郡日聚英豪從禽擊鼓恣為歡賞文士租詠杜華常在座於是貶道州司馬卒有文集十卷
李邕廣陵江都人父善嘗受文選於同郡人曹憲後為左侍極贊蘭敏之所薦

引爲崇賢館學士。轉蘭臺郎。敏之敗。善坐配流嶺外。會赦還。因寓居汴鄭之間。以譚文選爲業。年老疾卒。所注文選六十卷。大行於時。邕少知名。長安初。內史李嶠及監察御史張廷珪並薦邕詞高行直堪爲諫諍之官。由是召拜左拾遺。俄而御史中丞宋璟奏侍臣張昌宗兄弟有不順之言。請付法推斷。則天初不應。邕在階下進曰。臣觀宋璟之言。事關社稷。陛下可其奏。則天色稍解。始允。宋璟所請。既出。或謂邕曰。吾子名位尙卑。若不稱旨。禍將不測。何爲造次如是。邕曰。不願不狂。其名不彰。若不如此。後代何以稱也。及中宗卽位。以妖人鄭普思爲祕書監。邕上書諫曰。蓋人有一餐之惠。頹七尺之身。况臣爲陛下官。受陛下祿。而目有所見。口不言之。是負恩矣。自陛下親政。日近復在九重。所以未聞在外羣下竊議道路籍籍。皆云普思多行詭惑。妄說妖祥。唯陛下不知。尙見驅使。此道若行。必撓亂朝政。臣至愚至賤。不敢以胸臆對揚天威。請以古事爲明證。孔丘云。詩三百。一言以蔽之曰。思無邪。陛下今若以普思有奇術。可致長生久視之道。則爽鳩氏久應得之。承有天下。非陛下今日可得而求。若以普思可致仙方。則秦皇漢武久應得之。承有天下。亦非陛下今日可得而求。若以普思可致佛法。則漢明梁武久應得之。承有天下。亦非陛下今日可得而求。若以普思可致鬼道。則墨翟干寶各獻於至尊矣。而二主得之。承有天下。亦非陛下今日可得而求。此皆事涉虛妄。歷代無効。臣愚不願陛下復行之於明時。唯堯舜二帝。自古稱聖。臣觀所得。故在人事。敦睦九族。平章百姓。不聞以鬼神之道理天下。伏願陛下察之。則天下幸甚。疏奏不納。以與張柬之等。出爲南和令。又貶富州司戶。唐隆元年。玄宗清內難。召拜左臺殿中侍御史。改戶部員外郎。又貶崖州舍城丞。開元三年。擢爲戶部郎中。邕素與黃門侍郎張廷珪友善。時姜皎用事。與廷珪謀引邕爲憲官。事洩。中書令姚崇嫉邕險譏。因而構成其罪。左遷括州司馬。後徵爲陳州刺史。十三年。玄宗車駕東封迴。邕於汴州謁見。累獻詞賦。甚稱上旨。由是頗自矜街。自言當居相位。張說爲中書令。甚惡之。俄而陳州賊行事發。下獄鞠訊。罪當死。許州人孔璋上書救邕曰。臣聞明主御寓捨過舉能。取材業行。烈士抗節。勇不避死。見危授命。晉用林父。豈念過乎。漢用陳平。

豈念行乎。禽患殞身。北郭碎首。豈愛死乎。向若林父誅。陳平死。百里不用。晏嬰見逐。是晉無赤狄之士。漢無皇極之尊。秦不并西戎。齊不霸東海。矣。臣伏見陳州刺史李邕。學成師範。文堪經國。剛毅忠烈。難不苟免。往者張易之用權。人畏其口。而邕折其角。韋氏恃勢。言出禍應。而邕挫其鋒。雖身受謫。屈而森謀中。損即邕有大造於我邦家也。且斯人所能者。拯孤恤窮。救乏賑惠。積而便散。家無私聚。今聞坐贓。下吏鞠訊。待報。將至極刑。死在朝夕。臣聞生無益於國。不若殺身以明賢。臣朽賤庸夫。輪轅無取。獸禽視雖生何爲。况賢爲國寶。社稷之衛。是臣痛惜深矣。臣願六尺之軀。甘受膏斧。以代邕死。臣之死。所謂落一毛。邕之生。有足照千里。然臣與邕生平不款。臣知有邕。邕不知有臣。臣不逮邕。明矣。夫知賢而舉。仁也。代人任患。義也。臣獲二善而死。且不朽。則又何求。陛下若以臣之賤。不足以贖邕。屬門縫掖有効矣。伏惟陛下寬邕之生。速臣之死。令邕率德改行。想林父之功。使臣得瞑目黃泉。附北郭之迹。臣之大願畢矣。陛下即以陽和之始。難於用鉞。俟天成命。敢忘伏劍。豈煩大刑。然後歸死。皇天后土。實照臣之心。昔吳楚七國叛。因亞夫得劇孟。則寇不足憂。夫以一賢之能。敵七國之衆。伏惟敷舍垢之道。存棄瑕之義。遠思劇孟。近取李邕。豈惟成惜悌之澤。實亦歸天下之望。况大禮之後。天地更新。赦而復論。人誰無罪。惟明主圖之。臣聞士爲知己者死。且臣不爲死者所知。甘於死者。豈獨爲惜邕之賢。亦成陛下矜能之德。惟明主圖之。疏奏。邕已會減死。貶爲欽州遵化縣尉。璋亦配流嶺南而死。邕後於嶺南。從中官楊思勗討賊有功。又累轉括淄滑三州刺史。上計京師。邕素負美名。頗被貶斥。皆以邕能文。養士。賈生信陵之流。執事忌勝。剝落在外。人間素有聲稱。後進不識。京洛阡陌。聚觀以爲古人。或將眉目有異。衣冠望風。尋訪門巷。又中使臨問。索其新文。復爲人陰中。竟不得進。天寶初。爲汲郡北海二太守。邕性豪倖。不拘細行。所在縱求財貨。馳獵自恣。五載。姦賊事發。又嘗與左驍衛兵曹柳勳馬一匹。及勳下獄。吉温令勳引邕議。及休咎。厚相賂遺。詞狀連引。敕刑部員外郎祁順之。監察御史羅希奭。馳往就郡決殺之。時年七十餘。初邕早擅才名。尤長碑頌。雖貶職在外。中朝衣冠。及天下寺觀。多齎持金帛。往求其

文前後所製凡數百首受納饋遺亦至鉅萬時議以為自古文獲財未有如
邕者有文集七十卷其韓公行狀洪州放生池碑批韋巨源謚議文士推重之
後因恩例得贈秘書監

孫逖潯州涉縣人曾祖仲將壽張丞祖希莊韓王府典籤父嘉之天冊年進士
擢第又以書判拔萃授蜀州新津主簿歷曲周襄邑二縣令以宋州司馬致仕
卒年八十三逖幼而英俊文思敏速始年十五謁雍州長史崔日用日用小之
令為土火爐賦逖握翰即成詞理典贍日用覽之駭然遂為忘年之交以是價
譽益重開元初應哲人奇士舉授山陰尉遷秘書正字十年應制登文藻宏麗
科拜左拾遺張說尤重其才逖日遊其門轉左補闕黃門侍郎李暹出鎮太原
辟為從事暹在鎮與蒲州刺史李尚隱遊于伯樂川逖為之記文士咸稱之二
十一年入為考功員外郎集賢修撰逖選貢士二年多得俊才初年則杜鴻漸
至宰輔頗真卿為尚書後年拔李華蕭穎士趙驊登上第逖謂人曰此三人便
堪掌綸誥二十四年拜逖中書舍人逖自以通籍禁闈其父官纔邑宰乃上表
陳情曰臣父嘉之雖當暮齒幸遇明時綿歷驅馳纔及令長臣夙荷嚴訓累登
清秩頻遷省闈又拜掖垣地近班榮臣則過量途遙日暮父乃後時在公府有
偷榮之責於私庭無報德之効反慚烏鳥徒廁鴛鴦伏望降臣一外官特乞微
恩稍霽臣父玄宗優詔擬之授嘉之宋州司馬致仕尋卒丁父喪免二十九年
服闋復為中書舍人其年充河東黜陟使天寶三載權判刑部侍郎五載以風
病求散秩改太子左庶子逖掌誥八年制敕所出為時流歎服議者以為自開
元已來蘇頌齊澣蘇晉賈曾韓休許景先及逖為王言之最逖尤善思文理精
練加之謙退不伐人多稱之以疾沉廢累年轉太子詹事上元中卒廣德二年
詔贈尚書右僕射諡曰文有集三十卷子宿絳成逖弟通遠造通遠終左武衛兵
曹宿歷河東掌記代宗朝歷刑部郎中中書舍人出為華州刺史卒成字思退
以父蔭累授雲陽長安尉歷監察御史轉殿中隴右副元帥李抱玉奏充掌書
記入為屯田司勳二員外郎丁母喪免終制出為洛陽令轉長安令時兄宿為
華州刺史因失火驚懼成瘖病成素孝悌蒼黃請急不俟報而趨華代宗嘉之

數曰急難之切觀過知仁歷倉部郎中京兆少尹出為信州刺史有惠政郡人
請立碑頌德優詔褒美轉蘇州刺史貞元四年改桂州刺史桂管觀察使五年
卒宿子公器官至信州刺史邕管經略使公器子簡範並舉進士會昌後兄弟
繼居顯秩歷諸道觀察使簡兵部尚書子紆徽並登進士第

舊唐書卷一百九十九中

舊唐書卷一百九十中考證

齊濟傳瓜步沙尾○原本脫沙字今從新書增

王濟傳○濟新書作翰臣四按此與齊濟傳連屬明是傳寫之訛當從新書

舊唐書卷一百九十中考證

後晉司空同中書門下平章事劉昫撰
列傳第一百四十下

文苑下

李華

蕭穎士 李翰附

陸據

崔穎

王昌齡

孟浩然

元德秀

王維

李白

杜甫

吳通文 兄通微

王仲舒

崔威

唐次子 扶持持

劉蕡

李商隱

溫庭筠

薛逢 子廷珪

李拯

李巨川

司空圖

李華字遐叔趙郡人開元二十三年進士擢第天寶中登朝為監察御史累轉

侍御史禮部吏部二員外郎華善屬文與蘭陵蕭穎士友善華進士時著舍元

賦賦萬餘言穎士見而賞之曰景福之上靈光之下華文體溫麗少宏傑之氣

穎士詞鋒俊發華自以所業過之疑其誣詞乃為祭古戰場文灑汗之如故物

置於佛書之閣華與穎士因閱佛書得之華謂之曰此文何如穎士曰可矣華

曰當代秉筆者誰及於此穎士曰君稍精思便可及此華愕然華著論言龜卜

可廢通人當其言祿山陷京師玄宗出幸華扈從不及陷賊偽署為鳳閣舍人

收城後三司類例減等從輕貶官遂廢於家卒華嘗為魯山令元德秀墓碑頌

真卿書李陽冰篆額後人爭模寫之號為四絕碑有文集十卷行於時

蕭穎士者字茂挺與華同年登進士第當開元中天下承平人物駢集如賈曾

席豫張洎韋述輩皆有盛名而穎士皆與之遊由是縉紳多譽之李林甫採其

名欲拔用之乃召見時穎士寓居廣陵母喪即縉麻而詣京師徑謁林甫於政

事省林甫素不識遽見縉麻大惡之即令斥去穎士大忿乃為伐櫻桃賦以刺

林甫云擢無庸之瑣質因本枝而自庇涓枝幹而非據專廟廷之右地雖先獲

而或薦豈和羹之正味其狂率不遜皆此類也然而聰警絕倫嘗與李華陸據

同遊洛南龍門三人共讀路側古碑穎士一閱即能誦之華再閱據三閱方能

記之議者以三人才格高下亦如此是時外夷亦知穎士之名新羅使入朝言
國人願得蕭夫子為師其名動華夷若此終以誕傲褊忿困躓而卒華宗人翰
亦以進士知名天寶中寓居陽翟為文精密用思苦澁常從陽翟令皇甫曾求
音樂每思涸則奏樂神逸則著文祿山之亂從友人張巡客宋州巡率州人守
城賊攻圍經年食盡矢窮方陷當時薄巡者言其降賊翰乃序巡守城事迹撰
張巡姚闡等傳兩卷上之肅宗方明巡之忠義士友稱之上元中為衛尉尉入
朝為侍御史

陸據者周上庸公騰六代孫少孤文章俊逸言論縱橫年三十餘始遊京師舉

進士公卿覽其文稱重之辟為從事累官至司勳員外郎天寶十三載卒開元

天寶間文士知名者汴州崔穎京兆王昌齡高適襄陽孟浩然皆名位不振唯

高適官達自有傳

崔穎者登進士第有俊才無士行好捕博飲酒及遊京師娶妻擇有貌者稍不

愜意即去之前後數四累官司勳員外郎天寶十三年卒

王昌齡者進士登第補秘書省校書郎又以博學宏詞登科再遷汜水縣尉不

護細行屢見貶斥卒昌齡為文緒微而思清有集五卷

孟浩然隱鹿門山以詩自適年四十來遊京師應進士不第還襄陽張九齡鎮

荊州署為從事與之唱和不達而卒

元德秀者河南人字紫芝開元二十一年登進士第性純朴無緣飾動師古道

父為廷州刺史德秀少孤貧事母以孝聞開元中從鄉賦歲遊京師不忍離親

每行則自負板輿與母詣長安登第後母亡廬於墓所食無鹽醯藉無茵席刺

血畫像寫佛經久之以孤幼牽於祿仕調授邢州南和尉佐治有惠政黜陟使

上聞召補龍武錄事參軍德秀早失恃怙縉麻相繼不及親而在而娶既孤之後

遂不娶婚族人以絕嗣規之德秀曰吾兄有子繼先人之祀以兄子婚娶家貧

無以為禮求為魯山令先是墮車傷足不任趨拜汝郡守以客禮待之部人為

盜吏捕之繫獄會縣界有猛獸為暴盜自陳曰願格殺猛獸以自贖德秀許之

胥吏曰盜詭計苟免擅放官囚無乃累乎德秀曰吾不欲貨約累則吾坐必請

不及諸君，即破械出之。翌日格猛獸而還，誠信化人。大率此類，秩滿南遊陸渾，見佳山水，杳然有長往之志。乃結廬山阿，歲屬饑歉，庖廚不爨，而彈琴讀書，怡然自得。好事者載酒餽過之，不擇賢不肖與之對酌。陶陶然遺身物外，琴觴之餘，間以文詠率情而書，語無雕刻。所著季子聽樂論、寒士賦，為高人所稱。天寶十三年卒，時年五十九。門人相證為文行先生。士大夫高其行，不名謂之元魯山。

王維字摩詰，太原祁人。父處廉，終汾州司馬。徙家于蒲，遂為河東人。維開元九年進士擢第，事母崔氏以孝聞。與弟縉俱有俊才，博學多藝，亦齊名。閨門友悌，多士推之。歷右拾遺、監察御史、左補闕、庫部郎中。居母喪，毀毀骨立，殆不勝喪。服闋，拜吏部郎中。天寶末，為給事中。祿山陷兩都，玄宗出幸，維扈從不及，為賊所得。維服藥取痢，僞稱瘖病。祿山素憐之，遣人迎置洛陽，拘於普施寺。追以為僞署祿山，寔其徒於凝碧宮。其工皆梨園弟子，教坊工人。維聞之，悲惻，潛為詩曰：萬戶傷心生野煙，百官何日再朝天。秋槐花落空宮裏，凝碧池頭奏箏絃。賊平，陷賊官三等定罪。維以凝碧詩聞于行在，肅宗嘉之，會縉請削己刑部侍郎，以贖兄罪。特宥之，責授太子中允。乾元中，遷太子中庶子。中書舍人復拜給事中，轉尚書右丞。維以詩名，感於開元。天寶間，昆仲宦遊兩都，凡諸王駙馬豪右貴勢之門，無不拂席迎之。寧王薛王待之如師友。維尤長五言詩，書畫特臻其妙。筆蹤措思，參於造化，而創意經圖，即有所缺。如山水平遠雲峯石色，絕迹天機，非繪者之所及也。人有得奏樂圖，不知其名。維視之曰：覽裳第三疊第一拍也。好事者集樂工技之，一無差忒。服其精思，維弟兄俱奉佛，居常蔬食，不茹葷血。晚年長齋，不衣文綵。得宋之問藍田別墅，在輞口，輞水周於舍下。別張竹洲花塢，與道友裴迪浮舟往來，彈琴賦詩，嘯詠終日。嘗聚其田園所為詩，號輞川集。在京師日飯十數名僧，以玄譚為樂。齋中無所有，唯茶鏞藥白經案繩床而已。退朝之後，焚香獨坐，以禪誦為事。妻亡不再娶。三十年孤居一室，屏絕塵累。乾元二年七月卒。臨終之際，以緡在鳳翔，忽索筆作別緡書，又與平生親故作別書數幅，多教屬朋友奉佛修心之旨。捨筆而絕。代宗時，緡為宰相，代宗好文，常

謂緡曰：卿之伯氏天寶中詩名冠代，朕嘗於諸王座聞其樂章，今有多少文集，卿可進來。緡曰：臣兄開元中詩百千餘篇，天寶事後十不存一。比於中外親故，間相與編綴，都得四百餘篇。翌日上之，帝優詔褒賞。緡自有傳。

李白字太白，山東人。少有逸才，志氣宏放，飄然有超世之心。父為任城尉，因家焉。少與魯中諸生孔巢父、韓沔、裴政、張叔明、陶沔等隱於徂徠山，酣歌縱酒，時號竹溪六逸。天寶初，客遊會稽，與道士吳筠隱於剡中。既嗜酒，日與飲，徒醉於酒肆。玄宗度曲，欲造樂府新詞，亟召白，白已臥於酒肆矣。召入，以水灑面，即令秉筆，頃之成十餘章。帝頗嘉之，嘗沉醉殿上，引足令高力士脫靴，由是斥去。乃浪迹江湖，終日沉飲。時侍御史崔宗之謫官金陵，與白詩酒唱和，嘗月夜乘舟自采石達金陵，白衣宮錦袍，於舟中顧瞻笑傲，傍若無人。初，賀知章見白，賞之曰：此天上謫仙人也。祿山之亂，玄宗幸蜀，在途以永王璣為江淮兵馬都督，揚州節度大使。白在宣州謁見，遂辟從事。永王謀亂，兵敗，白坐長流夜郎，後遇赦得還。竟以飲酒過度醉死於宣城。有文集二十卷行於時。

杜甫字子美，本襄陽人。後徙河南鞏縣。曾祖依藝，位終膳部員外郎。自有傳。父閑，終奉天令。甫天寶初應進士，不第。天寶末獻三大禮賦，玄宗奇之，召試文章，授京兆府兵曹參軍。十五載，祿山陷京師，肅宗徵兵，置武甫自京師，宵遁赴河西，謁肅宗於彭原郡，拜右拾遺。房琯布衣時與甫善，時琯為宰相，請自帥師討賊，帝許之。其年十月，琯兵敗於陳濤斜，明年春，琯罷相，甫上疏言琯有才，不宜罷免。肅宗怒，貶琯為刺史，出甫為華州司功參軍。時關畿亂，離穀食踊貴，甫寓居成州同谷縣，自負薪採椹，兒女餓殍者數人。久之，召補京兆府功曹。上元二年冬，貴門侍郎鄭國公嚴武鎮成都，委為節度參謀，檢校尚書工部員外郎，賜緋魚袋。武與甫世舊，待遇甚隆。甫性褻躁，無器度，恃恩放恣，嘗憑醉登武之牀，瞪視武曰：嚴挺之，乃有此兒。武雖急暴，不以為忤。甫於成都浣花里種竹植樹，結廬枕江，縱酒嘯詠，與田夫野老相狎蕩，無拘檢。嚴武過之，有時不冠，其傲誕如此。永泰元年夏，武卒，甫無所依，及郭英、代武鎮成都，英又武人，相暴，無能刺諫，乃遊東蜀，依高適，既至而適卒，是歲崔寧殺英，又楊子

吳通玄海州人父道瑾為道士善教誘童孺大曆中召入宮為太子諸王授經

德宗在東宮師道瑾而通玄兄弟出入宮掖恆侍太子遊故遇之厚通玄與兄

通微俱博學善屬文文彩綺麗通玄幼應神童舉釋褐秘書正字左驍衛兵曹

大理評事建中初策賢良方正等科通玄應文詞清麗登乙第授同州司戶京

兆戶曹貞元初召充翰林學士遷起居舍人知制誥與陸贄吉中孚韋執誼等

同視草陸贄富詞藻特承德宗重顧經歷艱難通玄弟兄又以東宮侍上由是

爭寵頗相嫌恨贄性褊急屢於上前短通玄又言承平時工藝書畫之徒待詔

翰林比無學士只自至德後天子召集賢學士于禁中草書詔因在翰林院待

進止遂以為名奔播之時道途或豫除改權令草制今四方無事百揆時序制

書職分宜歸中書舍人學士之名理須停廢贄以通玄援引朋黨於禁中叶力

排己故欲廢之德宗缺文計會贄權知兵部侍郎知貢舉乃正拜之罷內

職皆通玄譖之也七年自起居郎拜諫議大夫知制誥通玄自以久次當拜中

書舍人而反除諫議殊失望陸贄與宰相竇參相惡參從子給事中申參尤寵

之每預中書擬議所至人呼申為喜鵲申嗣號王則之從父甥也申與則之親

善則之為金吾將軍好學有文申與則之潛結吳通玄兄弟為參共傾陸贄則

之令人造謗書言贄考試舉人不實招納賄賂時通玄取宗室女為外婦德宗

知之既聞申則之譖陸贄綱紀伺之果與通玄結構其謀帝大怒罷竇參知政

事尋貶柳州司馬竇參錦州司戶李則之昭州司馬通玄泉州司馬帝召見之

親自臨問責以汚辱近屬行至華州長城驛賜死尋以陸贄為中書侍郎平章

事代竇參通微建中四年自壽安縣令人為金部員外召充翰林學士尋改職

方郎中知制誥與弟通玄同職禁署人士榮之七年改禮部郎中尋轉中書舍

人通玄死素服待罪於國門帝特宥之通微竟不敢為喪服通玄詞藻婉麗帝

尤憐之貞元初昭德王皇后崩詔李紆為諡冊文宰相張延賞柳渾為廟樂章

及進皆不稱旨並召通玄重撰凡中旨撰述非通玄之筆無不憐然重之如此

王仲舒字弘中太原人少孤貧事母以孝聞嗜學工文不就鄉舉凡與結交必

琳攻西川蜀中大亂甫以其家避亂荆楚扁舟下峽未維舟而江陵亂乃泝沿

湘流遊衡山寓居耒陽甫嘗遊嶽廟為暴水所阻旬日不得食耒陽尋令知之

自棹舟迎甫而還永泰二年啗牛肉白酒一夕而卒於耒陽時年五十九子宗

武流落湖南而卒元和中宗武子嗣業自耒陽還甫之柩歸葬於偃師縣西北

首陽山之前天寶末詩人甫與李白齊名而白自負文格放達譏甫齷齪而有

飯顆山之嘲諷元和中詞人元稹論李杜之優劣曰予讀詩至杜子美而知小

大之有所總萃焉始堯舜之時君臣以廣歌相和是後詩人繼作歷夏殷周千

餘年仲尼緝拾遺摭取其干預教化之尤者三百餘無所闕駭人作而怨憤之

態繁然猶去風雅日近尚相比擬秦漢已還採詩之官既廢天下妖淫民謳歌

頌賦曲度嬉戲之辭亦隨時間作至漢武賦柏梁而七言之體興蘇子卿李

少卿之徒尤工為五言雖句讀文律各異雅鄭之音亦雜而辭意簡遠指事言

情自非有為而為則文不妄作建安之後天下之士遭罹兵戰曹氏父子鞍馬

間為文往往橫槊賦詩故其遺壯抑揚冤哀悲離之作尤極於古晉世風概稍

存宋齊之間教失根本士以簡護翕習舒徐相尚文章以風容色澤放曠精清

為高蓋吟寫性靈留連光景之文也意義格力無取焉陵遲至於梁陳淫麗刻

飾佻巧小碎之詞劇又宋齊之所不取也唐與學官大振歷世能者之文互出

而又沈宋之流研練精切穩順聲勢謂之為律詩由是之後文體之變極焉然

而莫不好古者遺近務華者去實効齊梁則不迫於魏晉工樂府則力屈於五

言律切則骨格不存閑暇則纖穠莫備至於子美蓋所謂上薄風騷下該沈宋

言奪蘇李氣吞曹劉掩顏謝之孤高雜徐庾之流麗盡得古今之體勢而兼人

人之所獨專矣使仲尼考覈其旨要尚不知貴其多乎哉苟以為能所不能無

可無不可則詩人已來未有如子美者是時山東人李白亦以文奇取稱時人

謂之李杜予觀其壯浪縱恣擺去拘束模寫物象及樂府歌詩誠亦差肩於子

美矣至若鋪陳終始排比聲韻大或千言次猶數百詞氣豪邁而風調清深屬

知名之士與楊瑒梁聿裴樞為忘形之契貞元十年策試賢良方正能直言極諫等科仲舒登乙第超拜右拾遺裴延齡領度支樞誕大言中傷良善仲舒上疏極論之累轉尚書郎元和五年自職方郎中知制誥仲舒文思溫雅制誥所出人皆傳寫京兆尹楊憑為中丞李夷簡所劾貶臨賀尉仲舒與憑善宣言於朝言夷簡持摠憑罪仲舒坐貶硤州刺史遷蘇州穆宗即位復召為中書舍人其年出為洪州刺史御史中丞江南西道觀察使江西前例權酒私釀法深仲舒至鎮奏罷之又出官錢二萬贖代貧戶輸稅長慶三年冬卒于鎮

崔咸字重易博陵人祖父安石父銳位終給事中咸元和二年進士擢第又登博學宏詞科鄭餘慶李夷簡辟為賓佐待如師友及登朝歷踐臺閣獨行守正時望甚重敬宗欲幸東都人心不安裴度以勳舊自與元隨表入朝既至李逢吉不欲度復入中書京兆尹劉栖楚逢吉黨也栖楚等十餘人駕肩排度而朝士持兩端者日擁度門一日度留客命酒栖楚矯求度之歡曲躬附裴耳而語咸嫉其矯舉爵罰度曰丞相不當許所由官咄囁耳語度笑而飲之栖楚不自安趨出坐客皆壯之累遷陝州大都督府長史陝號觀察等使自旦至暮與賓僚痛飲恆醉不醒簿領堆積夜分省覽剖判決斷無毫釐之差胥吏以為神人入為右散騎常侍秘書監太和八年十月卒初銳佐李抱真為澤潞從事有道人自稱盧老曾事隋朝雲際寺李先生預知過往未來之事屬河朔禁遊客館館之於家一旦辭去且曰我死當與君為子因指口下黑子願以為志咸之生也果有黑子其形神即盧老也父即以盧老字之既冠樸心高尚志於林壑往往獨遊南山經時方還尤長於歌詩或風景晴明花朝月夕朗吟意愜必懷怡襟襟肯趣高奇名流嗟挹有文集二十卷

唐次并州晉陽人也國初功臣禮部尚書儉之後建中初進士擢第累辟使府貞元初歷侍御史實參深重之轉禮部員外郎八年參貶官次坐出為開州刺史在巴峽間十餘年不獲進用西川節度使韋臯抗表請為副使德宗密諭臯令罷之次久滯蠻荒孤心抑鬱怨謗所積執與申明乃探自古忠臣賢士遭權讒謗放逐遂至殺身而君猶不悟其書三篇謂之辯謗略上之德宗省之猶怒

謂左右曰唐次乃方吾為古之昏主何自論如此改夔州刺史憲宗即位與李吉甫同自峽內召還授次禮部郎中尋以本官知制誥正拜中書舍人卒韋武皇帝明哲嫉惡尤惡人朋比傾陷嘗閱書禁中得次所上書三篇覽而善之謂學士沈傳師曰唐次所集辯謗之書實君人者時宜觀覽朕思古書中多有此事次編錄未盡卿家傳史學可與學士類例廣之傳師奉詔與令狐楚杜元穎等分功脩續廣為十卷號元和辯謗略其序曰臣聞乾坤定而上下分矣至於播四時之候遂萬物之宜在驗乎妖祥之二氣祥氣降則為豐為茂妖氣降則為珍為災君臣立而卑高隔矣至於處神明之奧詢獻納之辭在審乎邪正之二說正言勝則為忠為讓邪言勝則為讒為諛故詩云萋兮斐兮成是貝錦刺其組織之甚巧也語曰邪徑敗良田讒口亂善人惡其善言之蠹政也蓋謂似信而詐似忠而非便便可以動心捷捷可以亂德豈止鷓鴣彫卉蕙艾感珠者哉況立國家自中徂外道偏則刑罰不中讒勝則忠孝靡彰欲覽前聞縮想近古招賢容鯁遠佞嫉邪慮之則深防之未至伏惟睿聖文武皇帝陛下垂衣御寓化洽文明謨猷博訪於縉紳旌實屢臻於巖穴尚復廣四目周四聰制理皆在於未萌作範將垂於不朽乃詔掌文之臣令狐楚等上自周漢下洎隋朝求史籍之忠賢罹讒謗之事迹敘瑕釁之本末紀謠詠之淺深編次指明勒成十卷昔虞舜有聖讒之命我皇脩辯謗之書千古一心同垂至理將俟法官退日長之政別殿備乙夜之觀則聖慮先辨謗何由興上天不言而民自信矣憲宗優詔答之次子扶持扶字雲翔元和五年進士登第累佐使府入朝為監察御史出為刺史太和初入朝為屯田郎中十五年充山南道宣撫使至鄧州奏內鄉縣行市黃澗兩場倉督鄧琬等先主掌河南江西運到糴米至浙川縣於荒野中國貯除支用外六千九百四十五碩糜爛成灰塵度支牒徵元掌所由自貞元二十年鄧琬父子兄弟至玄孫相承禁繫二十八年前後禁死九人今琬孫及玄孫見在枷禁者勅曰如聞鹽鐵度支兩使此類極多其鄧琬等四人資產全已賣納禁繫三代瘐死獄中實傷和氣鄧琬等並疏放天下州府監院如有此類不得禁繫三年已上速便疏理以開物議嘉扶有宣撫之才俄轉司勳

郎中。八年充弘文館學士。判院事。九年轉職方郎中。權知中書舍人。事開成初。正拜舍人。踰月授福州刺史。御史中丞福建團練觀察使。四年十一月卒于鎮。扶佐幕立事。登朝有名。及廉問。閩政事不治。身歿之後。僕妾爭財。詣闕論訴。法司按劾。其家財十萬貫。歸於二妾。又嘗枉殺部人。爲其家所訴。行已前後不類。時論非之。持字德守。元和十五年擢進士第。累辟諸侯府。入朝爲侍御史。尚書郎。大中末。自工部郎中出爲容州刺史。御史中丞。容管經略招討使。入爲給事中。大中末。檢校左散騎常侍。靈州大都督府長史。朔方節度。靈武六城轉運等使。進位檢校戶部尚書。潞州大都督府長史。昭義節度。澤潞邢洛磁觀察處置等使。卒。子彥謙。字茂業。咸通末。應進士。才高負氣。無所屈降。十餘年不第。乾符末。河南盜起。兩都覆沒。以其家避地。漢南。中和中。王重榮鎮河中。辟爲從事。累奏至河中節度副使。歷晉絳二州刺史。彥謙博學多藝。文詞壯麗。至於書畫。音樂博飲之技。無不出於輩流。尤能七言詩。少時師溫廷筠。故文格類之。光啓末。王重榮爲部下所害。朝議責參佐。彥謙與書記李巨川俱貶漢中。掾曹。時楊守亮鎮興元。素聞其名。彥謙以本府參承守亮見之。喜握手曰。聞尚書名久矣。邂逅於茲。翌日署爲判官。累官至副使。閩壁二郡刺史。卒於漢中。有詩數百篇。禮部侍郎薛廷珪爲之序。號鹿門先生集。行於時。子渙。位亦至郡守。次第款欣。款貞元六年登進士第。累辟使府。登朝爲御史。出爲郡守。卒。子技。字已有。會昌末。累遷刑部員外。轉郎中。累歷刺史。卒。

劉實字去華。昌平人。父勉。實寶曆二年進士。擢第。博學善屬文。尤精左氏春秋。與朋友交。好談王霸大略。耿介嫉惡。言及世務。慨然有澄清之志。自元和末。開寺權威。握兵宮闈。橫制天下。天子廢立。由其可否。干撓庶政。當時目爲南北司。愛惡相攻。有同水火。實草澤中居。常憤惋。文字。即位。恭儉求理。太和二年。策試賢良曰。朕聞古先哲王之理也。玄默無爲。端拱思道。陶民心以居簡。凝日而而不宰。厚下以立本。推誠而建中。繇是天人通。陰陽和。俗躋仁壽。物無疵癘。嘖感德之所臻。豈乎莫可及也。三代令王。質文迭究。百偽滋熾。風流寢微。自漢而降。足徵蓋寡。朕顧惟味道。祗荷不構。奉若謨訓。不敢怠荒。任賢厲厲。宵衣旰食。詎

追三五之遺軌。庶紹祖宗之鴻緒。而心有所未達。行有所未孚。由中及外。闕政斯廣。是以人不率化。氣或理厄。災旱竟歲。播植愆時。國廩罕蓄。乏九年之儲。吏道多端。微三載之績。京師諸夏之本也。將以觀理。而豪猾時踰。檢太學明教之源也。期於變風。而生徒多惰業。列郡在乎頌條。而干禁或未絕。百工在乎按度。而淫巧或未衰。俗墮風靡。積訛成蠹。其擇官濟理也。聽人以言。則枝葉難辨。御下以法。則恥格不形。其阜財發號也。生之寡而食之衆。煩於令而解於理。思所以究此繆。致之治平。茲心浩然。若涉泉水。故前詔有司。博延羣彥。佇啓宿懣。冀臻時雍。子大夫識達古今。明於康濟。造廷待問。副朕虛懷。必當箴主之闕。辯政之疵。明綱條之致紊。稽富庶之所急。何施斯草於前弊。何澤斯惠乎下土。何脩而理古可近。何道而和氣克充。推之本源。著於條對。至於夷吾輕重之權。執輔於理。嚴尤底定之策。孰叶於時。元凱之考課。何先。叔子之克平。何務。推此龜鏡。擇乎中庸。期在洽聞。朕將親覽。時對策者百餘人。所對止循常務。唯黃切論。黃門太橫。將危宗社。對曰。臣誠不佞。有匡國致君之術。無位而不得行。有犯顏敢諫之心。無路而不得進。但懷憤鬱。抑思有時而一發耳。常欲與庶人議於道。商旅諉於市。得通上聽。一悟主心。雖被妖言之罪。無所悔焉。況逢陛下。以至德嗣興。以大明垂照。詢求過闕。咨訪謨猷。制詔中外。舉直言極諫者。臣既辱斯舉。專承大問。敢不悉意以言。至於上之所忌。時之所禁。權倖之所諱。惡。有司之所與奪。臣愚不識。伏惟陛下。少加優容。不使聖朝有讜直而受戮者。乃天下之幸也。謹昧死以對。伏惟聖策有思。先古之理。念玄默之化。將欲通天人以齊俗。和陰陽以照物。見陛下慕道之深也。臣以爲哲王之理。其則不遠。惟陛下致之之道。何如爾。伏惟聖策有祗。荷不構。而不敢荒寧。奉若謨訓。而罔有怠忽。見陛下憂勞之志也。若夫任賢厲厲。宵衣旰食。宜黜左右之織。進股肱之大臣。若夫追蹤三五。紹復祖宗。宜鑒前古之興亡。明當時之成敗。心有所未達。以下情塞而不得上通行。有所未孚。以上澤壅而不得下浹。欲人之化也。在脩己以先之。欲氣之和也。在遂性以導之。救災患在致乎精誠。廣播植在視乎食力。國廩罕蓄。本乎冗食。尚繁吏道。多端。本乎選用失當。蒙猶踰制。由中外之法殊。生徒惰

業由學校之官廢列郡干禁由授任非人百工淫巧由制度不立伏以聖策有擇官濟理之心阜財發號之數見陛下教化之本也且進人以行則枝葉安有難別乎防下以禮則恥格安有不形乎念生寡而食衆可罷斥惰游念令煩而理鮮要察其行否博延羣彥願陛下必納其言造廷待問則小臣安敢愛死伏以聖策有求賢箴闕之言審政辯疵之念見陛下咨訪之勤也遂小臣屏竊蒙之志則弊革於前守陛下念康濟之心則惠敷於下邪正之道分則理古可近禮樂之所先不若唐虞之考績叔子之所務不若重華之舞干且俱非大德之中庸未為上聖之龜鑑何足以為陛下道之哉或有以繫安危之機兆存亡之變者臣請披瀝肝膽為陛下而重言之臣前所稱哲王之理其則不遠者在陛下慎思之力行之終始不懈而已臣謹按春秋元者氣之始也春者歲之始也春秋以元加於歲以春加於王明王者當奉若天道以謹其始也又舉時以終歲舉月以終時春秋雖無事必書首月以存時明王者當奉若天道以謹其終也王者動作終始必法於天者以其運行不息也陛下既能謹其始又能謹其終懋而脩之勤而行之則可以執契而居簡無為而不宰廣立本之大業崇建中之威德矣又安有三代循環之弊而為百偽滋熾之漸乎臣故曰惟陛下致之之道何如耳臣前所謂若夫任賢揚厲宵衣旰食宜罷黜左右之織佞進股肱之大臣者實以陛下憂勞之至也臣聞不宜憂而憂者國必衰宜憂而不憂者國必危今陛下不以國家存亡之事社稷安危之策而降於清閑臣未知陛下以布衣之臣不足以定大計耶或萬機之動而聖慮有所未至耶不然何宜憂而不憂者乎臣以為陛下宜先憂者官闈將變社稷將危天下將傾海內將亂此四者國家已然之兆故臣謂聖慮宜先及之夫帝業既艱難而成之故不可容易而守之昔太祖肇其基高祖勳其績太宗定其業玄宗繼其明至于陛下二百有餘載矣其間明聖相因憂亂繼作未有不委用賢士親近正人而能紹與其徽烈者也或一日不念則顛覆大器宗廟之恥萬古為恨臣謹按春秋人君之道在體元以居正昔董仲舒為漢武帝言之略矣其所未盡者臣

得為陛下備而論之夫繼故必書即位所以正其始也終必書所終之地所以正其終也故為君者所發必正言所履必正道所居必正位所近必正人臣又按春秋闡弒吳子餘祭不書其君春秋譏其疎遠賢士昵近刑人有不君之道矣伏惟陛下思祖宗開國之勤念春秋繼故之誠將明法度之端則發正言而履正道將杜篡弒之漸則居正位而近正人遠刀鋸之賤親骨鯁之直輔相得以專其任庶職得以守其官奈何以褻近五六人總天下大政外專陛下之命內竊陛下之權威攝朝廷勢傾海內羣臣莫敢指其狀天子不得制其心禍稔蕭牆姦生帷幄臣恐曹節侯覽復生於今日此宮闈之所以將變也臣謹按春秋憲定公元年春王不吉正月者春秋以其先君不得正其終則後君不得正其始故曰定無正也今忠賢無腹心之寄闈寺持廢立之權陷先君不得正其終致陛下不得正其始況皇儲未建郊祀未脩將相之職不歸名分之宜不定此社稷之所以將危也臣謹按春秋王札子殺召伯毛伯春秋之義兩下相殺不書而此書者重其專王命也且天之所授者在君君之所授者在命操其命而失之者是不君也侵其命而專之者是不臣也君不君臣不臣此天下所以將傾也臣謹按春秋晉趙鞅以晉陽之兵叛入于晉書其歸者以其能逐君側惡人以安其君故春秋善之今威柄凌夷藩臣跋扈或有不達人臣之節首亂者以安君為名不究春秋之微稱兵者以逐惡為義則政刑不由乎天子攻伐必自於諸侯此海內之所以將亂也又樊噲排闥而雪涕爰盎當車以抗詞京房發憤以殞身竇武不顧而畢命此皆陛下明知之矣臣謹按春秋晉狐射姑殺陽處父書襄公殺之者以其上漏言也襄公不能固陰重之機處父所以及戕賊之禍故春秋非之夫上漏其情則下不敢盡意上泄其事則下不敢盡言傳有造膝詭辭之文易有殺身害成之戒今公卿大臣非不能為陛下言之慮陛下必不能用之陛下既忽之而不用必洩其言臣下既言之而不行必舉其禍適足以鉗直臣之口重奸臣之威是以欲盡其言則起失身之懼欲盡其意則有害成之憂故徘徊鬱塞以俟陛下感悟然後盡其啓沃耳陛下何不聽朝之餘時御便殿召當時賢相與舊德老臣訪持變扶危之謀求定傾救亂之

術，寒陰邪之路，屏棄狎之臣，制侵凌迫脇之心，復門戶掃除之役，戒其所宜戒，憂其所宜憂，既不能治於前，當治於後，既不能正其始，當正其終，則可以虔奉典謨，克承不構，終任賢之效，無盱食之憂矣。臣前所謂者，夫追蹤三五，紹復祖宗，宜鑒前古之興亡，明當時之成敗者，臣聞堯舜之爲君而天下之人理者，以其能任九官，四獄十二牧，不失其舉，不貳其業，不侵其職，居官惟其能，左右惟其賢，元凱在下，雖微必舉，凶凶在朝，雖強必誅，若其安危，明其取捨，至秦之二代，漢之元成，咸欲措國如唐虞，致身如堯舜，而終敗亡者，以其不見安危之機，不知取捨之道，不任大臣，不辨姦人，不親忠良，不遠讒佞，伏惟陛下察唐虞之所以興而景行於前，鑒秦漢之所以亡而戒懼於後，陛下無謂廟堂無賢相，庶官無賢士，今紀綱未絕，典刑猶在人，誰不欲致身爲王臣，致時爲太平，陛下何忽而不用之耶？又有居官非其能，左右非其賢，其惡如四凶，其詐如趙高，其姦如恭顯，陛下又何憚而不去之耶？神器固有歸，天命固有分，祖廟固有靈，忠臣固有心，陛下其念之哉！昔秦之亡也，失於強暴，漢之亡也，失於微弱，強暴則賊臣畏死而害上，微弱則姦臣竊權而震主，伏見敬宗皇帝不虞亡秦之禍，不聽其萌，伏惟陛下深軫亡漢之憂，以杜其漸，則祖宗之鴻業可紹，三五之遐軌可追矣。臣前所謂陛下心有所未達，以下情塞而不能上通，行有所未孚，以上澤壅而不得下浹者，且百姓塗炭之苦，陛下無由而知，則陛下有子育之心，百姓無由而信，臣謹按春秋書梁亡，不書取者，梁自亡也，以其思慮昏而耳目塞，上出惡政，人爲寇盜，皆不知其所以然，以自取其滅亡也。臣聞國君之所以尊者，重其社稷也，社稷之所以重者，存其百姓也，苟百姓之不存，則社稷不得固其重，苟社稷之不重，則國君不得保其尊，故治天下不可不知百姓之情，夫百姓者，陛下之赤子也，陛下宜令仁慈者親育之，如保傅焉，如乳哺焉，如師之教導焉，故人信於上也，敬之如神明，愛之如父母，今或不然，陛下親近貴倖，分曹補署，建除卒吏，召致賓客，因其貨賄，假其氣勢，大者統藩方，小者爲牧守，居上無清惠之致，而有鑿鑿之害，居下無忠誠之節，而有姦欺之罪，故人之於上也，畏之如豺狼，惡之如讎敵，今海內困窮，處處流散，饑者不得食，寒者不得衣，饑寒

孤獨者不得存，老幼疾病者不得養，加以國之權柄，專在左右，貪臣聚斂以固寵，姦吏因緣而弄法，冤痛之聲，上達于九天，下流於九泉，鬼神怨怒，陰陽爲之愆錯，君門萬里而不得告訴，士人無所歸化，百姓無所歸命，官亂人貧，盜賊並起，土崩之勢，憂在旦夕，卽不幸因之以疾厲，繼之以凶荒，臣恐陳勝吳廣不獨起於秦，赤眉黃巾不獨起於漢，故臣所以爲陛下發憤扼腕，痛心泣血爾。如此則百姓有塗炭之苦，陛下何由而知之？陛下有子育之心，百姓安得而信之乎？致使陛下行有所未孚，心有所未達者，固其然也。臣聞昔漢元帝卽位之初，更制七十餘事，其心甚誠，其稱甚美，然而紀綱日紊，國祚日衰，姦宄日強，黎元日困者，以其不能擇賢明而任之，失其操柄也。自陛下卽位，憂勤兆庶，降德音四海之內，莫不抗首而長息，自喜復生於死亡之中也。伏惟陛下慎終如始，以塞萬方之望，誠能揭國權以歸其相持，兵柄以歸其將，去貪臣聚斂之政，除姦吏因緣之害，惟忠實是近，惟正直是用，內寵便僻無所聽焉，選清慎之官，擇仁惠之長，敏之以利，煦之以仁，教之以孝，慈導之以德，義去耳目之塞，通上下之情，俾萬國歡康，兆民蘇息，則心無不達，行無不孚矣。臣前所謂欲兆人之化也，在脩己以先之者，臣聞德以脩己教以導人，脩己之也，則人不勸而自至，導之也，則人敦行而率從，是以君子欲政之必行也，故以身先之，欲人之從化也，故以道御之，今陛下先之以身而政未必行，御之以道而人未從化，豈不以立教之旨未盡其方也？夫立教之方在乎君以明制之，臣以忠行之，君以知人爲明，臣以匡時爲忠，知人則任賢而去邪，匡時則固本而守法，賢不任則重賞不足以勸善，邪不去則嚴刑不足以禁非，本不固則民流，法不守則政散，而欲教之使必至，化之使必行，不可得也。陛下能斥姦邪，不私其左右，舉賢正，不遺其疎遠，則化浹於朝廷矣，愛人以敦本分職，而奉法脩其身，以及其人，始於中而成於外，則化行於天下矣。臣前所謂欲氣之和也，在於遂性以導之者，當納人於仁壽也，夫欲人之仁壽也，在乎立制度，脩教化，夫制度立則財用省，財用省則賦斂輕，賦斂輕則人富矣，教化脩則爭競息，爭競息則刑罰清，刑罰清則人安矣，既富矣，則仁義興焉，既安矣，則壽考至焉，仁壽之心感於下，和平之氣應於上，

故災害不作，休祥萃臻，四方底寧，萬物咸遂矣。臣前所謂救災旱在致乎精誠者，臣謹按春秋魯僖公七月之中，三書不雨者，以其君有恤人之志也。魯文公三年之中，一書不雨者，以其君無憫人之心也。故傳公致精誠而旱不害物，文公無卹閭而旱則成災，陛下誠能有卹人之心，則無成災之變矣。臣前所謂廣播植在視乎食力者，臣謹按春秋君人者必時視人之所勤，人勤於力則功築罕，人勤於財則貢賦少，人勤於食則百事廢，今食與財力皆勤矣，願陛下廢百事之勞，廣三時之務，則播植不怨矣。臣前所謂國庫罕蓄本乎冗食尙繁者，臣謹按春秋臧孫辰告糴于齊，春秋譏其國無九年之蓄，一年不登而百姓饑，臣願斥游惰之人以篤其耕植，省不急之費以贍其黎元，則廩蓄不乏矣。臣前所謂吏道多端本乎選用失當者，由國家取人不盡其才，任人不明其要故也。今陛下之用人也，求其聲而不得其實，故人之趨進也務其末而不務其本。臣願覈考課之實，定遷序之制，則多端之吏息矣。臣前所謂豪猾踰檢由中外之法殊者，以其官禁不一也。臣謹按春秋齊桓公盟諸侯不以日，而葵丘之盟特以日者，美其能宣明天子之禁，率奉王官之法，故春秋備而書之。夫官者，五帝三王之所建也。法者，高祖太宗之所制也。法宜畫一，官宜正名。今又分外官中官之員，立南司北司之局，或犯禁於南，則亡命于北，或正刑于外，則破律於中。法出多門，人無所措。實由兵農勢異，而中外法殊也。臣聞古者因井田而制軍賦，間農事以脩武備，提封約卒乘之數，命將在公卿之列，故兵農一致而文武同方，可以保乂邦家。式遏禍亂，暨太宗皇帝肇建邦典，亦置府兵，盡省軍衛，文武參掌，居閑歲則彘弓力櫓，將有事則釋耒荷戈，所以脩復古制，不廢舊物。今則不然，夏官不知兵籍，止於奉朝請，六軍不主兵事，止於養勳，軍容合中宮之政，戎律附內臣之職，首一戴武弁，嫉文吏如仇讐，足一蹈軍門，視農夫如草芥，謀不足以翦除凶逆，而詐足以抑揚威福，勇不足以鎮衛社稷，而暴足以侵軼里閭，羈縻藩臣，干凌宰輔，墜裂王度，汨亂朝經，張武夫之威，上以制君父，假天子之命，下以御英豪，有藏茲觀置之心，無伏節死難之義，豈先王經文緯武之旨耶？臣願陛下貫文武之道，均兵農之功，正貴賤之名，一中外之法，選軍衛之

職，脩省署之官，近崇貞觀之規，遠復成周之制，自邦畿以刑于下國，始天子以達于諸侯，則可以制豪猾之強，無踰檢之患矣。臣前所謂生徒墮業由學校之官廢者，蓋以國家貴其祿而賤其能，先其事而後其行，故庶官乏通經之學，諸生無倚業之心矣。臣前所謂列郡干禁由授任非其人者，臣以為刺史之任，理亂之根本繫焉，朝廷之法制在焉，權可以抑豪猾，恩可以惠孤寡，強可以禦姦寇，政可以移風俗，其將校有曾經戰陣，及功臣子弟，各請隨宜酬賞，如無治人之術者，不當授任此官，則絕干禁之患矣。臣前所謂百工淫巧由制度不立者，臣請以官位祿秩，制其器用車服，禁人金銀珠玉錦繡雕鏤，不著於私室，則無蕩心之巧矣。臣前所謂辯枝葉者，考其言以詢行也。臣前所謂形貽格者，遺德而齊禮也。臣前所謂念生寡而食眾，可罷斥惰遊者，已備之於前矣。臣前所謂令煩而理鮮，要察其行否者，臣聞號令者，乃理國之具也，君審而出之，臣奉而行之，或虧上旨，罪在不赦。今陛下令煩而理鮮，得非持之者有所蔽歟乎？臣前所謂博延羣彥，願陛下必納其言，造廷待問，則小臣不敢愛死者。臣聞晁錯為漢畫削諸侯之策，非不知禍之將至也，忠臣之心，壯夫之節，苟利社稷，死無悔焉。今臣非不知言發而禍應，計行而身戮，蓋所以痛社稷之危，哀生人之困，豈忍姑息時忘竊陛下之一命之寵哉？昔龍逢死而啓殷，比干死而啓周，韓非死而啓漢，陳蕃死而啓魏，今臣之來也，有司或不敢薦臣之言，陛下又無以察臣之心，退必受戮於權臣之手，臣幸得從四子於地下，固臣之願也，所不知殺臣者，臣死之後，將孰為啓之哉？至於人主之闕，政教之疵，前日之弊，臣既言之矣，若乃流下土之惠，修近古之理，而致其和平者，在陛下行之而已。然上之所陳者，實以臣親奉聖問，敢不條對，雖臣之愚，以為未極教化之大端，皇王之要道，伏惟陛下下事天地以教人，敬奉宗廟以教人，孝養高年以教人，悌長字百姓以教人，慈幼調元氣以教人，肅大和於仁壽，可以遠遙無為，垂拱成化，至若念陶鈞之道，在擇宰相而任之，使權造物之柄，念保定之功，在擇將帥而任之，使脩分閭之寄，念百度之未貞，在擇庶官而任之，使專職業之守，念百姓之愁痛，在擇長吏而任之，使明惠育之術，自然言足以為天下教，行足以為天下法，仁足以

勤善義足以禁非。又何必宵衣旰食，勞神傷慮，然後以致其理哉。是歲左散騎常侍馮宿，太常少卿賈鍊，庫部郎中龐嚴爲考策官。三人者，時之文士也。親賁條對，數服嗟愴，以爲漢之晁董無以過之。言論激切，士林感動。時登科者二十二人，而中官當途考官不敢留賁在籍中，物論喧然不平。守道正人傳讀其文，至有相對垂泣者。諫官御史扼腕憤發，而執政之臣從而弭之，以避黃門之怨。唯登科人李邵謂人曰：劉賁不第，我輩登科，實厚顏矣。請以所授官讓賁，事雖不行，人士多之。令狐楚在興元，牛僧孺鎮襄陽，辟爲從事，待如師友。位終使府御史。

李商隱字義山，懷州河內人。曾祖叔恆，年十九登進士第，位終安陽令。祖備，位終邢州錄事參軍，父嗣。商隱幼能爲文。令狐楚鎮河陽，以所業文干之，年纔及弱冠。楚以其少俊，深禮之，令與諸子遊。楚鎮天平汴州，從爲巡官，歲給資裝，令隨計上都。開成二年，方登進士第，釋褐祕書省校書郎，調補弘農尉。會昌二年，又以書判拔萃。王茂元鎮河陽，辟爲掌書記，得侍御史茂元愛其才，以子妻之。茂元雖讀書爲儒，然本將家子，李德裕素遇之。時德裕秉政，用爲河陽帥。德裕與李宗閔楊嗣復令狐楚大相讎，怨商隱既爲茂元從事，宗閔黨大薄之。時令狐楚已卒，子綯爲員外郎，以商隱背恩，尤惡其無行。俄而茂元卒，來遊京師，久之不調。會給事中鄭亞廉察桂州，請爲觀察判官，檢校水部員外郎。大中初，白敏中執政，令狐綯在內署，共排李德裕逐之。亞坐德裕黨，亦貶循州刺史。商隱隨亞在嶺，表累載。三年入朝，京兆尹盧弘正奏署掾曹，令典牋奏。明年，令狐綯作相，商隱屢啓陳情，綯不之省。弘正鎮徐州，又從爲掌書記。府罷入朝，復以文章干綯，乃補太學博士。會河南尹柳仲郢鎮東蜀，辟爲節度判官，檢校工部郎中。大中末，仲郢坐專殺左遷，商隱廢罷，還鄭州。未幾病卒。商隱能爲古文，不喜偶對。從事令狐楚慕楚能章奏，遂以其道授商隱。自是始爲今體章奏。博學強記，下筆不能自休，尤善爲誄奠之辭。與太原溫庭筠、南郡段成式、齊名。時號三十六文。思清麗，庭筠過之，而俱無持操。恃才詭激，爲當塗者所薄。名宦不進，坎壈終身。第義叟亦以進士擢第，累爲賓佐。商隱有表狀集四十卷。

溫庭筠者，太原人，本名岐，字飛卿。大中初，應進士，苦心硯席，尤長於詩賦。初至京師，人士翕然推重。然士行塵雜，不脩邊幅，能逐絃吹之音，爲測豔之詞。公卿家無賴子弟，裴誠令狐綯之徒，相與蒲飲，酣醉終日。由是累年不第。徐商鎮襄陽，往依之，署爲巡官。咸通中，失意歸江東，路由廣陵，心怨令狐綯在位時不爲成名，既至，與新進少年狂遊狹邪，久不刺謁。又乞索於楊子院，醉而犯夜，爲虞候所擊，敗面折齒。方還揚州，訴之，令狐綯捕虞候治之，極言庭筠狹邪醜迹，乃兩釋之。自是汙行聞于京師。庭筠自至長安，致書公卿，問雪冤，屬徐商知政事，頗爲言之。無何，商罷相，出鎮楊收，怒之，貶爲方城尉。再遷，隨縣尉卒。子憲，以進士擢第，第庭皓，咸通中爲徐州從事，節度使崔彥魯爲龐勛所殺，庭皓亦被害。庭筠著述頗多，而詩賦韻格清拔，文士稱之。

薛逢字陶臣，河東人。父倚，逢會昌初進士，擢第，釋褐祕書省校書郎。崔鉉罷相，鎮河中，辟爲從事，鉉復輔政，奏授萬年尉。直弘文館，累遷侍御史，尚書郎。逢文詞俊拔，論議激切，自負經畫之略。久之不達，應進士時與彭城劉瓌尤相善，而瓌詞藝不迨逢。逢每侮之。至大中末，瓌揚歷禁署，逢愈不得意，自是相怨。俄而瓌知政事，或薦逢知制誥。瓌奏曰：先朝立制，兩省官給事中，舍人除拜，須先歷州縣。逢未嘗治郡，宜先試之。乃出爲巴州刺史。既而沈詢楊收王鐸由學士相繼爲將相，同年進士，而逢文藝最優，楊收作相後，逢有詩云：須知金印朝天客，同是沙隄避路人。咸鳳偶時皆瑞聖，潛龍無水護通神。收聞大銜之，又出爲蓬州刺史。收罷相，入爲太常少卿，給事中。王鐸作相，逢又有詩云：昨日鴻毛萬鈞重，今朝山嶽一塵輕。鐸又怨之，以恃才褻忿，人士鄙之。遷秘書監卒。子廷珪，中和中登進士第，大順初累遷司勳員外郎，知制誥。正拜中書舍人。乾寧三年，奉使太原復命，昭宗幸華州，改左散騎常侍，移疾免。客遊成都，光化中復爲中書舍人。遷刑部吏部二侍郎，權知禮部貢舉，拜尚書左丞，入梁，至禮部尚書。李拯字昌時，隴西人。咸通十二年登進士第，乾符中累佐府幕黃巢之亂，避地平陽。僖宗還京，召拜尚書郎，轉考功郎中，知制誥。僖宗再幸寶雞，拯扈從不及，在鳳翔，襄王僖號，逼爲翰林學士，拯既污僞署，心不自安。後朱致柔秉政，百揆無

欽典章獨亂控著朝退駐馬國門望南山而吟曰紫宸朝罷綬鸞鸞丹鳳樓前駐馬看唯有終南山色在晴明依舊滿長安吟已涕下及王行瑜殺未致襄王出奔京城亂拯為亂兵所殺妻盧氏知書能文有姿色拯既死伏其屍慟哭賊逼之堅哭不動又臨之以兵至於斷一臂終不顧為賊所害人皆傷之

李巨川字下已隴右人國初十八學士道玄之後故相逢吉之姪曾孫父循大中八年登進士第巨川乾符中應進士屬天下大亂流離奔播切於祿位乃以刀筆從諸侯府王重榮鎮河中辟為掌書記時車駕在蜀賊據京師重榮匡合諸藩叶力誅寇軍書奏請堆案盈几巨川文思敏速翰動如飛傳之藩隣無不聳動重榮收復功巨川之助也及重榮為部下所害朝議罪參佐貶為漢中掾時楊守亮帥興元素知之聞巨川至喜謂客曰天以李書記遺我也即命管記室累遷幕職景福中守亮為李茂貞所攻城陷以部下數百人欲投太原入秦為華軍所擒巨川時從守亮亦被械繫在途巨川題詩於樹葉以遺華帥韓建詞情哀鳴建欣然解縛守亮誅即命為掌書記俄而李茂貞犯京師天子駐蹕於華韓建以一州之力供億萬乘慮其不濟遣巨川傳檄天下請助轉輸同匡王室完葺京城四方書檄酬報輻湊巨川灑翰陳敘文理俱愜昭宗深重之即時巨川之名聞于天下昭宗還京特授諫議大夫仍留佐建光化初朱全忠陷河中進兵入潼關建懼令巨川見全忠送款至河中從容言事巨川指陳利害全忠方圖問鼎聞巨川所陳心惡之判官敬翔亦以文筆見知於全忠慮得巨川減落名價謂全忠曰李諫議文章信美但不利主人是日為全忠所害

司空圖字表聖本臨淄人曾祖遂密令祖素水部郎中父與精吏術大初中戶部侍郎盧弘正領鹽鐵委與為安邑兩池權鹽使檢校司封郎中先是鹽法條例疎闊吏多犯禁與乃特定新法十條奏之至今以為便入朝為司門員外郎遷戶部郎中卒圖咸通十年登進士第主司王凝於進士中尤奇之凝左授商州刺史圖請從之凝加器重洎廉問宣歙辟為上客召拜殿中侍御史以赴關遷留責授光祿寺主簿分司東都乾符六年宰相盧攜罷免以賓客分司圖與之遊攜嘉其高節厚禮之嘗過圖舍手題于壁曰姓氏司空貴官班御史卑老

夫如且在不用念屯奇明年攜復入朝路由陝號謂陝帥盧渥曰司空御史高士也公其厚之渥即日奏為賓佐其年攜復知政事召圖為禮部員外郎賜緋魚袋遷本司郎中其年冬巢賊犯京師天子出幸圖從之不及乃退還河中時故相王徽亦在蒲待圖頗厚數年徽受詔鎮潞乃表圖為副使徽不赴鎮而止僖宗自蜀還次鳳翔召圖知制誥尋正拜中書舍人其年僖宗出幸寶雞復從之不及退還河中龍紀初復召拜舍人未幾又以疾辭河北亂乃寓居華陰景福中又以諫議大夫徵時朝廷微弱紀綱大壞圖自深惟出不如處移疾不起乾寧中又以戶部侍郎徵一至闕廷致謝數日乞還山許之昭宗在華徵拜兵部侍郎稱足疾不任趨拜致章謝之而已昭宗還洛鼎鑪歸梁柳璨希賊旨陷害舊族詔圖入朝圖懼見誅力疾至洛陽謁見之曰墮笏失儀旨趣極野疎知不可屈詔曰司空圖俊造登科朱紫升籍既養高以傲代類移山以釣名心惟樂于漱流任非專於祿食匪夷匪惠難居公正之朝載省載思當徇樓衡之志可放還山圖有先人別墅在中條山之王官谷泉石林亭頗稱幽棲之趣自考槃高臥日與名僧高士遊詠其中晚年為文尤事放達嘗擬白居易醉吟傳為休休亭記曰司空氏禎貽漢之休休亭本名濯纓亭為陝軍所焚天復癸亥歲復葺於壞垣之中乃更名曰休休休休也美也既休而具美存焉蓋量其才一宜休揣其分二宜休耄且曠三宜休又少而情長而率老而迂是三者皆非濟時之用又宜休也尚慮多難不能自信既而晝寢遇二僧謂子曰吾嘗為汝師汝昔矯於道鏡而不固為利慾之所拘幸悟而悔將復從我於是蹙耳且汝雖退亦嘗為匪人之所嫉宜耐辱自警庶保其終始與靖節醉吟第其品級於千載之下復何求哉因為耐辱居士歌題於東北楹曰咄咄休休休莫莫莫伎倆雖多性靈惡賴是長教閑處著休休休莫莫莫一局棋一爐藥天意時情可料度白日偏催快活人黃金難買堪騎鶴若曰爾何能答云耐辱莫其疏濼濼傲多此類也圖脫柳璨之禍還山乃預為壽藏終制故人來者引之壙中賦詩對酌人或難色圖規之曰達人大觀曲類一致非止暫遊此中公何不廣哉圖布衣鳩杖出則以女家人嚮臺自隨歲時村社粢祠禱鼓舞會集圖必造之

與野老同席。曾無傲色。王重榮父子兄弟尤重之。伏臘饋遺不絕於途。唐祚亡之明年。聞輝王遇弒于濟陰。不憚而疾。數日卒。時年七十二。有文集三十卷。圖贊曰。國之華彩。人文化成。間代傑出。奮藻擢英。騏驎逸步。咸韶正聲。燦流細素。下視姬嬴。

舊唐書卷一百九十下

舊唐書卷一百九十下考證

李翰傳從友人張巡客宋州。○原本脫從字。今增。

杜甫傳天寶末獻三大禮賦。○臣宗萬按新書本傳天寶十三載。南秦賦三篇。

與此異。黃鶴曰。舊書玄宗紀十載正月乙酉朔壬辰。朝獻太清宮。癸巳朝享。

太廟。甲午有事于南郊。朝享太廟。賦曰。壬辰既格于道。祖乘輿。卽以是日致。

齋乎九室。有事于南郊。賦曰。二之日。朝廟之禮既畢。與舊紀甲子俱合。則篇。

十載獻賦明矣。錢謙益云。諸書載十三載獻賦。並承新書本傳之誤。據此書。

書天寶十載爲合。此云天寶末竟不書年。又與紀抵牾矣。

王仲舒傳字弘中。○臣宗萬按洪興祖韓子年譜云。有王仲舒碑。一本云公諱。

弘中。字某。司馬公云。實錄新舊傳皆各作舒。字弘中。又宴喜亭記稱王弘中。

則弘中必字也。

貞元十年策試賢良方正能直言極諫等科。仲舒登乙第。起拜右拾遺。○臣宗。

萬按韓愈王仲舒碑云。貞元初射策。拜左拾遺。此云右不合。且曰貞元初。則。

登第非十年矣。又按墓誌。則云貞元十年。與傳同。

舊唐書卷一百九十下考證

後晉司空同中書門下平章事劉昫撰

列傳第一百四十一

方伎

崔善為

薛頤

甄權字立言

宋俠

許胤宗

乙弗弘禮

袁天綱

孫思邈

明崇儼

張懷藏

李嗣真

張文仲字茂章

尚獻甫裴知古附

孟詵

嚴善思

金梁鳳

張果

葉法善

僧玄奘

神秀慧能皆寂

一行秘師附

桑道茂

夫術數占相之法，出于陰陽家流，自劉向演繹範之言，京房傳焦贛之法，莫不望氣視祿，知災異之來，運策揲著，預定吉凶之會，固已詳於魯史，載彼周官，其弊者，肆業非精，順非行，而庸人不修德義，妄冀遭逢，如魏豹之納薄姬，孫皓之邀青蓋，王莽隨式而移坐，劉歆聞讖而改名，近者，秦運耀之構異端，蘇玄明之犯官禁，皆因占候，輔此姦兇，聖王禁星緯之書，良有以也。國史載袁天綱前知武后恐匿格言，而李淳風剛方伎書，備言其要，舊本錄崔善為已下，此深於其術者，兼桑門道士方伎等，並附此篇。

崔善為，貝州武城人也。祖顓，後魏員外散騎侍郎，父權會，齊丞相府參軍事，善為好學，兼善天文算曆。明達時務，弱冠州舉，授文林郎，屬隋文帝營仁壽宮，善為領丁匠五百人，右僕射楊素為總監，巡至善為之所，索簿點人，善為手持簿暗唱之，五百人一無差失，素大驚，自是有四方疑獄，多使善為推按，無不妙盡。其理仁壽中，稍遷樓煩郡司戶書佐，高祖時為太守，甚禮遇之，善為以隋政傾頹，乃密勸進，高祖深納之，義旗建，引為大將軍府司戶參軍，封清河縣公。武德中，歷內史舍人，尚書左丞，甚得譽，諸曹令史惡其聰察，因其身短而僂，嘲之曰：

崔子曲如鉤，隨例得封侯，轉上全無項，胸前別有頭，高祖聞之，勞勉之曰：「燒薄之人，醜正惡直，昔齊末姦吏，歌解律明月，而高緯愚暗，遂滅其家，朕雖不德，幸免斯事，因購流言者，使加其罪，時傅仁均所撰，戊寅元曆，議者紛然，多有同異，李淳風又駁其短，十有八條，高祖令善為考校，二家得失，多有駁正，貞觀初拜陝州刺史，時朝廷立議，戶殿之處，得徙寬鄉，善為上表稱畿內之地，是謂戶殿，丁壯之人，悉入軍府，若聽移轉，便出關外，此則虛近實遠，非經通之議，其事乃止。後歷大理司農二卿，名為稱職，坐與少卿不協，出為秦州刺史，卒，贈刑部尚書。」

薛頤，滑州人也。大業中為道士，解天文律曆，尤曉雜占，煬帝引入內道場，亟令章醮，武德初，追直秦府，頤書密謂秦王曰：「德星守秦分，王當有天下，願王自愛。」秦王乃奏授太史丞，累遷太史令，貞觀中，太宗將封禪泰山，有彗星見，頤因言：「考諸玄象，恐未可東封，會稽遂良亦言其事，於是乃止。」頤後上表請為道士，太宗為置紫府觀於九嵎山，拜頤中大夫，行紫府觀主事，又勅於觀中建一清臺，候玄象，有災祥，薄蝕，謫見等事，隨狀聞奏，前後所奏，與京臺李淳風多相符契，後數歲卒。

甄權，許州扶溝人也。嘗以母病，與弟立言專醫方，得其旨趣，隋開皇初為秘書省正字，後稱疾免，隋魯州刺史，庫狄弼苦風患，手不得引弓，諸醫莫能療，權謂曰：「但將弓箭向塚，一針可以射矣。」針其肩隅一穴，應時即射，權之療疾多此類也。貞觀十七年，權年一百三歲，太宗幸其家，視其飲食，訪以藥性，因授朝散大夫，賜几杖衣服，其年卒。撰脈經針方，明堂人形圖各一卷，弟立言，武德中累遷太常丞，御史大夫，杜淹患風毒發腫，太宗令立言視之，既而奏曰：「從今更十一日午時必死，果如其言，時有尼明律年六十餘，患心腹鼓脹，身體羸瘦，已經二年，立言診脈曰：「其腹內有蟲，當是誤食髮為之耳。」因令服雄黃，須臾吐一蛇，如人手小指，唯無眼，燒之，猶有髮氣，其疾乃愈。立言尋卒，撰本草音義七卷，古今錄驗方五十卷。

宋俠者，洛州清潭人，北齊東平王文學孝正之子也，亦以醫術著名，官至朝散

大夫藥藏監撰經心錄十卷行於代。

許胤宗常州義興人也初事陳為新蔡王外兵參軍時柳太后病風不言名醫治皆不愈脈益沉而噤胤宗曰口不可下藥宜以湯氣薰之令藥入腠理周理即差乃造黃耆防風湯數十斛置於牀下氣如烟霧其夜便得語由是起拜義興太守陳亡入隋歷尚藥奉御武德初累授散騎侍郎時關中多骨蒸病得之必死遞相傳染諸醫無能療者胤宗每療無不愈或謂曰公醫術若神何不著書以貽將來胤宗曰醫者意也在人思慮又脈候幽微苦其難別意之所解口莫能宣且古之名手唯是別脈脈既精別然後識病夫病之於藥有正相當者唯須單用一味直攻彼病藥力既純病即立愈今人不能別脈莫識病源以情臆度多安藥味譬之於獵未知兔所多發人馬空地遮圍或冀一人偶然逢也如此療疾不亦疎乎假令一藥偶然當病復共他味相和君臣相制氣勢不行所以難差諒由於此脈之深趣既不可言虛設經方豈加於舊吾思之久矣故不能著述耳年九十餘卒

乙弗弘禮貝州高唐人也隋煬帝居藩召令相已弘禮跪而賀曰大王骨法非常必為萬乘之主誠願戒之在德煬帝即位召天下道術人置坊以居之仍令弘禮統攝帝見海內漸亂玄象錯謬內懷憂恐嘗謂弘禮曰卿昔相朕其言已驗且占相道術朕頗自知卿更相朕終當何如弘禮逡巡不敢答帝追曰卿言與朕術不同罪當死弘禮曰臣本觀相書凡人之相有類於陛下者不得善終臣聞聖人不相故知凡聖不同耳自是帝嘗遣使監之不得與人交言初泗州刺史薛大鼎隋時嘗坐事沒為奴貞觀初與數人詣之大鼎次至弘禮曰君奴也欲何所相咸曰何以知之弘禮曰觀其頭目直是賤人但不知餘處何如耳大鼎有慚色乃解衣視之弘禮曰看君面不異前言占君自腰已下當為方嶽之任其占相皆此類也貞觀末卒

賈天綱益州成都人也尤工相術隋大業中為黃官令武德初蜀道使詹俊亦驟授火井令初天綱以大業元年至洛陽時杜淹王珪章瑛就之相天綱謂淹曰公蘭臺成就學堂寬博必得親糾察之官以文藻見知謂王曰公三亭成就

天地相臨從今十年已外必得五品要職謂韋曰公面似大獸之面交友極誠必得士友攜接初為武職復謂淹等二十年后終恐三賢同被責黜暫去即還淹尋遷侍御史武德中為天策府兵曹文學館學士王珪為太子中允韋挺隋末與隱太子友善後太子引以為為宰至武德六年俱配流嶺南等至益州見天綱曰袁公洛邑之言則信矣未知今日之後何如天綱曰公等骨法大勝往時終當俱受榮貴至九年被召入京共造天綱天綱謂杜公曰即當得三品要職年壽非天綱所知王韋二公在後當得三品官兼有年壽然晚途皆不稱愜韋公尤甚淹至京拜御史大夫檢校吏部尚書王珪尋授侍中出為同州刺史嘗問天綱天綱謂曰君額上伏犀貫玉枕輔角又成必於梁益州大樹功業武德初軌為益州行臺僕射引天綱深禮之天綱又謂軌曰骨法成就不異往時之言然目氣赤脈貫瞳子語則赤氣浮面如為將軍恐多殺人願深自誠慎武德九年軌坐事被徵將赴京謂天綱曰更得何官曰面上家人坐仍未見動輔角右畔光澤更有喜色至京必承恩還來此任其年果重授益州都督則天初在襁褓天綱來至第中謂其母曰唯夫人骨法必生貴子乃召諸子令天綱相之見元慶元爽曰此二子皆保家之主官可至三品見韓國夫人曰此女亦大貴然不利其夫乳母時抱則天衣男子之服天綱曰此郎君子神色爽徹不可易知試令行看於是步於牀前仍令舉目天綱大驚曰此郎君子龍睛鳳頸貴人之極也更轉側視之又驚曰必若是女實不可窺測後當為天下之主矣貞觀八年太宗聞其名召至九成宮時中書舍人岑文本令視之天綱曰舍人學堂成就眉覆過目文才振於海內頭又生骨猶未大成若得三品恐是損壽之徵文本官至中書令尋卒其年侍御史張行成馬周同問天綱天綱曰馬侍御伏犀貫腦兼有玉枕又背如貨物當富貴不可言近古已來君臣道合罕有如公者公面色赤命門色暗耳後骨不起耳無根只恐非壽者周後位至中書令兼吏部尚書年四十八卒謂行成曰公五舉四瀆成就下亭豐滿得官雖晚終居宰輔之地行成後至尚書右僕射天綱相人所中皆此類也申國公高士廉

書謂曰君更作何官天綱曰自知相命今年四月盡矣果至四月而卒

孫思邈京兆華原人也七歲就學日誦千餘言弱冠善談莊老及百家之說兼好釋典洛州總管獨孤信見而數曰此聖童也但恨其器大難爲用也周宣帝時思邈以王室多故隱居太白山隋文帝輔政乃徵爲國子博士稱疾不起嘗謂所親曰過五十年當有聖人出吾方助之以濟人及太宗即位召詣京師嗟其容色甚少謂曰故知有道者誠可尊重美門廣成豈虛言哉將授以爵位固辭不受顯慶四年高宗召見拜諫議大夫又固辭不受上元元年辭疾請歸特賜良馬及鄆陽公主邑司以居焉當時知名之士宋令文孟詵盧照鄰等執師實之禮以事焉思邈嘗從幸九成宮照鄰留在其宅時庭前有病梨樹照鄰爲賦其序曰癸酉之歲余臥疾長安光德坊之官舍父老云是鄆陽公主邑司昔公主未嫁而卒故其邑廢時有孫思邈處士居之邈道合古今學殫數術高談正一則古之蒙莊子深入不二則今之維摩詰其推步甲乙度量乾坤則洛下閔安期先生之儔也照鄰有惡疾醫所不能愈乃問思邈名醫愈疾其道何如思邈曰吾聞善言天者必質之於人善言人者亦本之於天天有四時五行寒暑迭代其轉運也和而爲雨怒而爲風凝而爲霜雪張而爲虹蜺此天地之常數也人有四支五藏一覺一寢呼吸吐納精氣往來流而爲榮衛彰而爲氣色發而爲音聲此人之常數也陽用其形陰用其精天人之所同也及其失也蒸則生熱否則生寒結而爲癆贅陷而爲癰疽奔而爲喘乏竭而爲燥枯診發乎面變動乎形推此以及天地亦如之故五緯盈縮星辰錯行日月薄蝕宇彗飛流此天地之危診也寒暑不時天地之蒸否也石立土踊天地之癰贅也山崩土陷天地之癰疽也奔風暴雨天地之喘乏也川瀆竭涸天地之燥枯也良醫導之以藥石救之以鍼劑聖人反之以至德輔之以人事故形體有可愈之疾天地有可消之災又曰膽欲大而心欲小智欲圓而行欲方詩曰如臨深淵如履薄冰謂小心也赴赴武夫公侯干城謂大膽也不爲利回不爲義疚行之方也見機而作不俟終日智之圓也思邈自云開辛酉歲生至今年九十三矣詢之鄉里咸云數百歲人詰周齊間事歷歷如眼見以此參之不啻百歲人矣

然猶視聽不衰神采甚茂可謂古之聰明博達不死者也初魏徵等受詔修齊梁陳周隋五代史恐有遺漏屢訪之思邈口以傳授有如目覩東臺侍郎孫處約將其五子從徵後佑佗以謁思邈思邈曰後當先貴佑當晚達佗最名重禍在執兵後皆如其言太子詹事盧齊卿童幼時請問人倫之事思邈曰汝後五十年位登方伯吾孫當爲屬吏可自保也後齊卿爲徐州刺史思邈孫博果爲徐州蕭縣丞思邈初謂齊卿之時溥猶未生而預知其事凡諸異迹多此類也永淳元年卒遺令薄葬不藏冥器祭祀無牲牢經月餘顏貌不改舉屍就木猶若空衣時人異之自注老子莊子撰千金方三十卷行於代又撰福祿論三卷攝生真錄及枕中素書會三教論各一卷子行天授中爲鳳閣侍郎

明崇儼洛州偃師人其先平原士族世仕江左父恪豫州刺史崇儼年少時隨父任安喜令父之小吏有善役召鬼神者崇儼盡能傳其術乾封初應封獻舉授黃安丞會刺史有女病篤崇儼致他方殊物以療之其疾乃愈高宗聞其名召與語悅之擢授冀王府文學儀鳳二年累遷正諫大夫特令入閣供奉崇儼每因謁見輒假以神道頗陳時政得失帝深加允納潤州栖霞寺是其五代祖梁處士山賓故宅帝特爲製碑文親書於石論者榮之四年爲盜所殺時語以爲崇儼密與天后爲厭勝之法又私奏章懷太子不堪承繼大位太子密知之潛使人害之優制贈侍中諡曰莊仍拜其子珪爲秘書郎珪開元中仕至懷州刺史

張懷藏許州長社人少工相術與袁天綱齊名太子詹事將儼年少時嘗遇懷藏因問祿命懷藏曰公從今二年當得東宮掌兵之官秩未終而免職免職之後厄在三尺土下又經六年據此合是死徵然後當享富貴各位俱感卽又不合中年至六十一爲蒲州刺史十月三十日午時祿絕儼後皆如其言嘗奉使高麗被莫離支囚於地窖中經六年然後得歸及在蒲州年六十一矣至期召人吏妻子與之告別自云當死俄而有勅許令致仕左僕射劉仁軌徵時嘗與鄉人靖思賢各齎絹贈懷藏以問官祿懷藏謂仁軌曰公居五品要官雖斲解黜終當位極人臣仁軌後自給事中坐事令白衣向海東効力固辭思賢之贈

曰公當孤獨客死及仁軌為僕射賈尚存謂人曰張懷藏相劉僕射則妙矣吾今已有三子田宅自如豈其言亦有不中也俄而三子相繼而死盡貨田宅寄死於所親園內懷藏相之妙皆此類竟不仕以壽終

李嗣真滑州匡城人也父彥琛趙州長史嗣真博學曉音律兼善陰陽推算之術弱冠明經舉補許州司功時左侍極實蘭敏之受詔於東臺修撰奏嗣真弘文館參預其事嗣真與同時學士劉獻臣徐昭俱稱少俊館中號為三少敏之既恃寵驕盈嗣真知其必敗謂所親曰此非庇身之所也因咸亨年中京中大饑乃求出補義烏令無何敏之敗修撰官皆連坐流放嗣真獨不預焉調露中為始平令風化大行時章懷太子居春宮嗣真嘗於太清觀奏樂謂道士劉概輔殿曰此曲何哀思不和之甚也概儼曰此太子所作寶慶樂也居數日太子廢為庶人概等以其事聞奏高宗大奇之徵拜司禮丞仍掌五禮儀注加中散大夫封常山子永昌中拜右御史中丞知大夫事時酷吏來俊臣構陷無罪嗣真上書諫曰臣聞陳平事漢祖謀疎楚君臣乃用黃金五萬勸行反間之術項王果疑臣下陳平反間果行今告事紛紜虛多實少焉知必無陳平先謀疎陛下君臣後謀除國家良善臣恐為社稷之禍伏乞陛下特迴天慮察臣狂瞽然後退就鼎鑊實無所恨疏奏不納尋被俊臣所陷配流嶺南萬歲通天年徵還至桂陽自筮死日預託桂陽官屬備凶器依期暴卒則天深加憫勅州縣遞靈輿還鄉贈齊州刺史神龍初又贈御史大夫撰明堂新禮十卷孝經指要詩品書品畫品各一卷

張文仲洛州洛陽人也少與鄉人李虔經京兆人韋慈藏並以醫術知名文仲則天初為侍御醫時特進蘇良嗣於殿庭因拜跪便絕倒則天令文仲慈藏隨至宅候之文仲曰此因憂憤邪氣激也若痛衝脇則劇難救自朝候之未及食時即苦衝脇絞痛文仲曰若入心即不可療俄頃心痛不復下藥日旰而卒文仲尤善療風疾其後則天令文仲集當時名醫共撰療風氣諸方仍令麟臺監王方慶監其修撰文仲奏曰風有一百二十四種氣有八十種大抵醫藥難同人性各異庸醫不達藥之性使冬夏失節因此殺人唯脚氣頭風上氣書須服

藥不絕自餘則隨其發動臨時消息之但有風氣之人春末夏初及秋寒要得通洩即不困劇於是撰四時常服及輕重大小諸方十八首表上之文仲久視年終於尚藥奉御撰隨身備急方三卷行於代度縱官至侍御醫慈藏景龍中光祿卿自則天中宗已後諸醫咸推文仲等三人為首

尚獻甫衛州汲人也尤善天文初出家為道士則天時召見起家拜太史令固辭曰臣久從放誕不能屈事官長則天乃改太史局為渾儀監不隸秘書省以獻甫為渾儀監數顧問災異事皆符驗又令獻甫於上陽宮集學者撰方域圖長安二年獻甫奏曰臣本命納音在金今癸感厄五諸侯太史之位發火也能射金土是臣將死之徵則天曰為卿禳之遽轉獻甫為水衡都尉謂曰水能生金今又去太史之位卿無憂矣其秋獻甫卒則天甚嗟異惜之復以渾儀監為太史局依舊隸秘書監時又有雍州人裴知古善於音律長安中為太樂丞神龍元年正月春享西京太廟知古預其事謂萬年令元行沖曰金石諧和當有吉慶之事其在唐室子孫乎其月中宗即位復改國為唐知古又能聽婚夕環珮之聲知其夫妻終始後卒於太樂令

孟詵汝州梁人也舉進士垂拱初累遷鳳閣舍人詵少好方術嘗於鳳閣侍郎劉禕之家見其勅賜金謂禕之曰此藥金也若燒火其上當有五色氣試之果然則天聞而不悅因事出為台州司馬後累遷春官侍郎睿宗在藩召侍讀長安中為同州刺史加銀青光祿大夫神龍初致仕歸伊陽之山第以藥餌為事詵年雖晚暮志力如壯嘗謂所親曰若能保身養性者常須善言莫離口良藥莫離手睿宗即位召赴京師將加任用固辭衰老景雲二年優詔賜物一百段又令每歲春秋二時特給羊酒糜粥開元初河南尹畢構以詵有古人之風改其所居為子平里尋卒年九十三詵所居官好勾剝為政雖繁而理撰家祭禮各一卷喪服要二卷補養方必効方各三卷

嚴善思同州朝邑人也少以學涉知名尤善天文曆數及卜相之術初應消聲幽數科舉擢第則天時為監察御史權右拾遺內供奉數上表陳時政得失多見納用稍遷太史令聖曆二年癸感厄與鬼則天以問善思善思對曰商姓大

臣嘗之其年文昌左相王及善卒長安中熒惑入月鎮星犯天關善思奏曰法有亂臣伏罪且有臣下謀上之象歲餘張東之敬暉等起兵誅張易之昌宗其占驗皆此類也神龍初遷給事中則天崩將合葬乾陵善思奏議曰謹按天元房錄葬法云尊者先葬卑者不合於後開入則天太后卑於天皇大帝今欲開乾陵合葬即是以卑動尊事既不經恐非安穩臣又聞乾陵玄闕其門以石閉塞其石縫隙鑄鐵以固其中今若開陵必須鑄鑿然以神明之道體尚幽玄今乃動衆加功誠恐多所驚竊又若別開門道以入玄宮即往者葬時神位先定今更改作爲害益深又以修築乾陵之後國頻有難遂至則天太后權總萬機二十餘年其難始定今乃更加營作伏恐還有難生但合葬非古者在禮經緣情爲用無足依准況今事有不安豈可復循斯制伏見漢時諸陵皇后多不合葬魏晉已降始有合者然以兩漢積年向餘四百魏晉之後祚皆不長雖受命應期有因天假然以循機享德亦在天時但陵墓所安必資勝地後之胤嗣用託靈根或有不妥後嗣亦難長享伏望依漢朝之故事改魏晉之類綱於乾陵之傍更擇吉地取生墓之法別起一陵既得從葬之儀又成固本之業臣伏以合葬者人緣私情不合者前修故事若以神道有知幽途自得通會若以死者無知合之復有何益然以山川精氣土爲星象若葬得其所則神安後昌若葬失其宜則神危後損所以先哲垂範具之葬經欲使生人之道必安死者之神必泰伏望少迴天眷俯覽臣言行古昔之明規割私情之愛欲使社稷長享天下又安凡在懷生孰不慶幸疏奏不納景龍中遷禮部侍郎出爲汝州刺史睿宗在藩善思嘗謂姚元之曰相王必登帝位及踐祚元之以事聞奏由是召拜右散騎常侍唐隆元年鄭愔謀冊譙王重福爲帝乃草儀制除善思爲禮部尚書知吏部選事及譙王下獄景雲元年大理寺奏善思與逆人重福通謀合從極法給事中韓思復奏曰議獄緩死列聖明規刑疑惟輕有國恆典嚴善思往在先朝屬韋氏擅內恃寵宮掖謀危社稷善思比時乃能先覺因詣相府有所發明進論聖躬必登宸極雖交遊重福謀陷韋氏勅追善思書至便發向懷逆節寧即奔命一面疎網誠合順生三驅取禽來而有宥唯刑是恤理合昭詳請

付刑部集羣官議定奏裁以符慎獄時議者多云善思合從原有司仍執前議請誅之思復又刺妻惡直睿宗納其妻竟免善思死配流靜州無幾遇赦還年八十五開元十七年卒初善思爲御史時中書舍人劉允濟爲酷吏所陷當死善思感其老密表奏請允濟乃得免誅善思後見允濟竟不自言其事韓思復奏免善思之罪亦未嘗有所言謝時人稱其長者善思子向乾元中爲鳳翔尹寶應中授大常員外卿始善思父徐州長史延及善思俱年八十五而卒廣德二年向卒又年八十五向兄前趙郡司馬宙長向十歲向卒時宙並無恙金梁鳳不知何許人也天寶十三載客於河西善相人又言玄象時哥舒翰爲節度使詔入京師裴冕爲祠部郎中知河西留後在武威梁鳳謂冕曰玄象有變半年間有兵起郎中此時當得中丞不拜中丞即得宰相不離天子左右大富貴冕曰公乃狂言冕何至此梁鳳曰有一日向東京一日入蜀川一日來向朔方此時公得相冕懼其言深謝絕之其後安祿山反南犯洛陽僭稱僞位哥舒翰東守潼關累月冕爲御史中丞追赴京冕又詰曰事驗也冕又問三日之兆梁鳳曰東京日即自磨滅蜀川日亦不能久此間日何轉分明不可說冕志之既潼關失守玄宗幸蜀肅宗北如靈武冕會之勸成策立改元爲至德元年冕果爲中書侍郎平章事冕奏之肅宗召拜都水使者梁鳳在河隴謂呂諲曰判官骨相合得宰相須得一大驚怖即得諲後至驛責讓驛長榜之驛吏武將性羸猛持弓矢突人射諲矢兩發幾中諲面諲逾牆得免以報梁鳳梁鳳曰此必入相逾年諲自黃門侍郎知政事梁鳳在鳳翔李揆盧九二人同見之俱素服自稱選人梁鳳謂之曰公等並至清望官那得云無官揆九以實對梁鳳遣二人行謂揆曰公從舍人即入相一年內事謂九曰公好即是吏部郎中及勅復兩京揆自中書舍人知禮部侍郎事入爲中書侍郎平章事乃以九爲吏部郎中其驗多此類爾後倖孽以自晦冕爲右僕射兼御史大夫成都尹劍南節度使有進止令將梁鳳行後乃病卒

張果者不知何許人也則天時隱於中條山往來汾晉間時人傳其有長年秘術自云年數百歲矣嘗著陰符經玄解盡其玄理則天遣使召之果佯死不赴

後人復見之。往來恆州山中。開元二十一年。恆州刺史韋濟以狀奏聞。玄宗令通事舍人裴晤往迎之。果對使絕氣如死。良久漸蘇。晤不敢逼。馳還奏狀。又遣中書舍人徐嶠齋書以邀迎之。果乃隨嶠至東都。肩輿入東宮中。玄宗初即位。親訪理道及神仙方藥之事。及聞變化不測而疑之。有邢和璞者。善算人而知天壽善惡。玄宗令算果。則愕然莫知其甲子。又有師夜光者。善視鬼。玄宗召果與之密坐。令夜光視之。夜光進曰。果今安在。夜光對面終莫能見。玄宗謂力士曰。吾聞飲董汁無苦者。真奇士也。會天寒。使以董汁飲果。果乃引飲三卮。醺然如醉所作。顧曰。非佳酒也。乃瘦頃之。取鏡視齒。則盡燼。且齧命左右取鐵如意擊齒。墮藏于帶。乃懷中出神仙藥。微紅。墮齒之斷。復蘇。良久。齒皆出矣。察然潔白。玄宗方信之。玄宗好神仙。而欲果尙公主。果固未知之。謂秘書少監王迥質。太常少卿蕭華曰。諺云。娶婦得公主。真可畏也。迥質與華相顧。未曉其言。即有中使至。宣曰。王真公主早歲好道。欲降先生。果大笑。竟不奉詔。迥質等方悟向來之言。後懇辭歸山。因下制曰。恆州張果先生。遊外方者也。跡先高尚。深入窈冥。是渾光塵。應召城闕。莫詳甲子之數。且謂羲皇上人。問以道樞。盡會宗極。今特行朝禮。爰昇寵命。可銀青光祿大夫。號曰通玄先生。其年請入恆山。錫以衣服及雜綵等。便放歸山。乃入恆山。不知所之。玄宗為造樓覆觀於隱所。在蒲吾縣。後改為平山縣。

道士葉法善。括州括蒼縣人。自曾祖三代為道士。皆有攝養占卜之術。法善少傳符籙。尤能厭劾鬼神。顯慶中。高宗聞其名。徵詣京師。將加爵位。固辭不受。求為道士。因留在內道場。供待甚厚。時高宗令廣徵諸方道術之士。合鍊黃白法。善上言金丹難就。徒費財物。有虧政理。請嚴其真偽。帝然其言。因令法善試之。由是乃出九十餘人。因一切罷之。法善又嘗於東都凌空觀設壇醮祭。城中士女競往觀之。俄頃數十人自投火中。觀者大驚。救之而免。法善曰。此皆魅病。為吾法所攝耳。問之果然。法善悉為禁劾。其病乃愈。法善自高宗則天。中宗。歷五十年。常往來名山。數召入禁中。盡禮問道。然排擠佛法。議者或譏其向背。以其術高。終莫之測。睿宗即位。稱法善有冥助之力。先天二年。拜鴻臚卿。封越國公。

仍依舊為道士。止於京師之景龍觀。又贈其父為歙州刺史。當時尊寵莫與為比。法善生於隋大業之丙子。死於開元之庚子。凡一百七歲。八年卒。詔曰。故道士鴻臚卿員外置。越國公葉法善。天真精密。妙理玄暢。包括秘要。發揮靈符。固以冥默難源。希夷罕測。而情棲蓬閣。迹混朝伍。保黃冠而不杖。加紫綬而非榮。卓爾孤秀。泠然獨往。勝氣絕俗。真風無塵。金骨外聳。珠光內應。斯乃體應中山。各昇上德。朕當聽政之暇。屢詢至道。公以理國之法。數奏昌言。謀參隱諷。事宣弘益。歎德音之未泯。悲形解之俄留。曾莫慙遺。殲良奄及。永惟平昔。感愴于懷。宜申禮命。式旌泉壤。可贈越州都督。

僧玄奘。姓陳氏。洛州偃師人。大業末出家。博涉經論。嘗謂翻譯者多有訛謬。故就西域廣求異本。以參驗之。貞觀初。隨商人往遊西域。玄奘既歸。博出羣所在。必為講釋。論難。蕃人遠近咸尊伏之。在西域十七年。經百餘國。悉解其國之語。仍採其山川。謠俗。土地。所有。撰西域記十二卷。貞觀十九年。歸至京師。太宗見之大悅。與之談論。於是詔將梵本六百五十七部。於弘福寺翻譯。仍勅右僕射房玄齡。太子左庶子許敬宗。廣召碩學。沙門五十餘人。相助整比。高宗在宮。為文德太后追福。造慈恩寺。及翻經院。內出大幡。勅九部樂。及京城諸寺。幡蓋。伎送玄奘。及所翻經像。諸高僧等。入住慈恩寺。顯慶元年。高宗又令左僕射于志寧。侍中許敬宗。中書令來濟。李義府。杜正倫。黃門侍郎薛元超等。共潤色玄奘所定之經。國子博士苑義碩。太子洗馬郭瑜。弘文館學士高若思等。助加翻譯。凡成七十五部。奏上之後。以京城人眾。競來禮謁。玄奘乃奏請逐靜翻譯。勅乃移於宜君山。故玉華宮。六年卒。時年五十六。歸葬於白鹿原。士女送葬者數萬人。

僧神秀。姓李氏。汴州尉氏人。少遍覽經史。隋末出家。為僧。後遇蘄州雙峯山東山寺僧弘忍。以坐禪為業。乃歎伏曰。此真吾師也。便往事弘忍。專以樵汲自役。以求其道。昔後魏末。有僧達摩者。本天竺王子。以護國出家。入南海。得禪宗妙法。云。自釋迦相傳。有衣鉢為記。世相付授。達摩齋衣鉢航海而來。至梁。詣武帝。帝問以有為之事。達摩不說。乃之魏。隱於嵩山少林寺。遇毒而卒。其年魏使宋

雲於葱嶺回。見之門徒發其墓。但有衣履而已。達摩傳慧可。慧可嘗斷其左臂。以求其法。慧可傳璨。璨傳道信。道信傳弘忍。弘忍姓周氏。黃梅人。初弘忍與道信並住東山寺。故謂其法爲東山法門。神秀既師事弘忍。弘忍深器異之。謂曰。吾度人多矣。至於縣解圓照。無先汝者。弘忍以咸亨五年卒。神秀乃往荊州。居於當陽山。則天聞其名。追赴都。肩輿上殿。親加跪禮。勅當陽山置度門寺。以旌其德。時王公已下及京都士庶。聞風爭來謁見。望塵拜伏。曰。以萬數中。宗即位。尤加敬異。中書舍人張說嘗問道。執弟子之禮。退謂人曰。禪師身長八尺。龍眉秀耳。威德巍巍。王霸之器也。初神秀同學僧慧能者。新州人也。與神秀行業相埒。弘忍卒後。慧能住韶州廣果寺。韶州山中舊多虎豹。一朝盡去。遠近驚歎。咸歸伏焉。神秀嘗奏則天。請追慧能赴都。慧能固辭。神秀又自作書重邀之。慧能謂使者曰。吾形貌短陋。北土見之。恐不敬吾法。又先師以吾南中有緣。亦不可遠也。竟不度嶺而死。天下乃散傳其道。謂神秀爲北宗。慧能爲南宗。神秀以神龍二年卒。士庶皆來送葬。有詔賜諡曰大通禪師。又於相王舊宅置報恩寺。岐王範張說及徵士盧鴻一皆爲其碑文。神秀卒後。弟子普寂義福並爲時人所重。普寂姓馮氏。蒲州河東人也。年少時通尋高僧。以學經律。時神秀在荊州玉泉寺。普寂乃往師事。凡六年。神秀奇之。盡以其道授焉。久視中。則天召神秀至高年。特下制。令普寂代神秀統其法衆。開元十三年。勅普寂於都城居止。時王公士庶競來禮謁。普寂嚴重少言。來者難見。其和悅之容。遠近尤以此重之。二十七年。終於都城興唐寺。年八十九。時都城士庶曾謁者。皆制弟子之服。有制賜號爲大照禪師。及葬。河南尹裴寬及其妻子並衰麻列于門徒之次。士庶傾城哭送。閭里爲之空焉。義福姓姜氏。潞州銅鞮人。初止藍田化感寺。處方丈之室。凡二十餘年。未嘗出宇之外。後隸京城慈恩寺。開元十一年。從駕往東都。途經蒲州二州。刺史及官吏士女皆齋幡花迎之。所在塗路充塞。以二十年卒。有制賜號大智禪師。葬於伊闕之北。送葬者數萬人。中書侍郎嚴挺之爲製碑文。神秀禪門之傑。雖有禪行。得帝王重之。而未嘗聚徒開堂傳法。至弟子普寂始

於都城傳教。二十餘年。人皆仰之。

僧一行姓張氏。先名遂。魏州昌樂人。襄州都督鄧國公公謹之孫也。父擅武功令。一行少聰敏。博覽經史。尤精曆象陰陽五行之學。時道士尹崇博學先達。素多墳籍。一行詣崇借揚雄太玄經。將歸讀之。數日復詣崇還其書。崇曰。此書意指稍深。吾尋之積年。尚不能曉。吾子試更研求。何遽見還也。一行曰。究其義矣。因出所撰大衍支圖及義訣一卷以示崇。崇大驚。因與一行談其奧蹟。甚嗟伏之。謂人曰。此後生顏子也。一行由是大知名。武三思慕其學。行就讀與結交。一行逃匿以避之。尋出家爲僧。隱於嵩山。師事沙門普寂。睿宗即位。勅東都留守韋安石以禮徵。一行固辭以疾。不應命。後步往荊州當陽山。依沙門悟真以習梵律。開元五年。玄宗令其族叔禮部郎中洽齋勅書就荊州強起之。一行至京。置於光太殿。數就之。訪以安國撫人之道。言皆切直。無有所隱。開元十年。永穆公主出降。勅有司優厚發遣。依太平公主故事。一行以爲高宗末年。唯有一女。所以特加其禮。又太平驕僭。竟以得罪。不應引以爲例。上納其言。遽追勅不行。但依常禮。其諫諍皆此類也。一行尤明著述。撰大衍論三卷。攝調伏藏十卷。天一太一經及太一局遁甲經釋氏系錄各一卷。時麟德曆經推步漸疎。勅一行考前代諸家曆法。改撰新曆。又令率府長史梁令瓚等與工人創造黃道游儀。以考七曜行度。互相證明。於是一行推周易大衍之數。立衍以應之。故撰開元大衍曆經。至十五年卒。年四十五。賜諡曰大慧禪師。初一行從祖東臺舍人太素。撰後魏書一百卷。其天文志未成一。行續而成之。上爲一行製碑文。親書於石。出內庫錢五十萬爲起塔於銅人之原。明年幸溫湯。過其塔前。又駐騎徘徊。令品官就塔以告其出豫之意。更賜絹五十匹。以蒔塔前松柏焉。初一行求訪師資。以窮大衍。至天台山國濟寺。見一院古松十數。門有流水。一行立於門屏間。聞院僧於庭布算臺。而謂其徒曰。今日當有弟子自遠來。吾算法。已合到門。豈無人導達也。卽除一算。又謂曰。門前水當却西流。弟子亦至。一行承其言而趨入。稽首請法。盡受其術焉。而門前水果却西流。道士邢和璞嘗謂尹惜曰。一行其聖人乎。漢之洛下閎造曆。云後八百歲當差一日。必有聖人正之。今年期

畢矣。而一行造大衍正其差謬，則洛下閎之言信矣。非聖人而何。時又有黃州僧泓者，善葬法，每行視山原，卽爲之圖，張說深信重之。

桑道茂者，大曆中遊京師，善太一遁甲五行災異之說，言事無不中。代宗召之禁中，待詔翰林。建中初，神策軍修奉天城，道茂請高其垣牆，大爲制度。德宗不之省。及朱泚之亂，帝蒼卒出幸，至奉天。方思道茂之言，時道茂已卒，命祭之。

贊曰：術數之精，事必前知，粲如垂象，變告無疑。怪誕之夫，誣罔著龜，致彼庸妄，幸時艱危。

舊唐書卷一百九十一

舊唐書卷一百九十二

後晉司空同中書門下平章事劉昫撰

列傳第一百四十二

隱逸

王績

田遊巖

史德義

王友貞

盧鴻一

王希夷

衛大經

李元愷

王守慎

徐仁紀

孫處玄

白履忠

王遠知

潘師正

劉道合

司馬承禎

吳筠

孔述睿子敏行

陽城

崔觀

前代賣丘園招隱逸所以重貞退之節息貪競之風故蒙叟矯讓王之篇玄宴立高人之傳箕穎之迹粲然可觀而漢二龔之流乃心王室不事莽朝忍渴盜泉本非絕俗甚可嘉也皇甫謐陶淵明慢世逃名放情肆志逍遙泉石無意於出處之間又其善也即有身在江湖之上心遊魏闕之下託薛蘿以射利假巖壑以釣名退無肥遁之貞進乏濟時之具山移見諍海鳥興譏無足多也阮嗣宗傲世伴狂王無功嗜酒放蕩才不足而智有餘傷其時而晦其用深識之士也高宗天后訪道山林飛書巖穴屢造幽人之宅堅迴隱士之車而遊巖德義之徒所高者獨行盧鴻一承禎之比所重者逃名至於出處語默之大方未足與議也今存其舊說以備雜篇

王績字無功絳州龍門人少與李播呂才為莫逆之交隋大業中應孝悌廉潔舉授揚州六合縣丞非其所好棄官還鄉里績河渚中先有田數頃鄰渚有隱士仲長子先服食養性績重其貞素願與相近乃結廬河渚以琴酒自樂嘗遊北山因為北山賦以見志詞多不載績嘗躬耕於東臯故時人號東臯子或經過酒肆動經數日往往題壁作詩多為好事者諷詠貞觀十八年卒臨終自剋死日遺命薄葬兼預自為墓誌有文集五卷又撰隋書未就而卒兄通字仲淹隋大業中名儒號文中子自有傳

田遊巖京兆三原人也初補太學生後罷歸遊於太白山每遇林泉會意輒留

連不能去其母及妻子並有方外之志與遊巖同遊山水二十餘年後入箕山就許由廟東築室而居自稱許由東鄰調露中高宗幸嵩山遣中書侍郎薛元超就問其母遊巖山衣冠出拜帝令左右扶止之謂曰先生養道山中比得佳否遊巖曰臣泉石膏肓烟霞痼疾既逢聖代幸得逍遙帝曰朕今得卿何異漢復四皓乎薛元超曰漢高祖欲廢嫡立庶黃綺方來豈如陛下崇重隱淪親問巖穴帝甚歡因將遊巖就行宮并家口給傳乘赴都授崇文館學士令與太子少傅劉仁軌談論帝後將營奉天宮于嵩山遊巖舊宅先居宮側特令不毀仍親書題額懸其門曰隱士田遊巖宅文明中進授朝散大夫拜太子洗馬垂拱初坐與裴炎交結特放還山

史德義蘇州崑山人也咸亨初隱居武丘山以琴書自適或騎牛帶瓢出入郊郭塵市號為逸人高宗聞其名徵赴洛陽尋稱疾東歸公卿已下皆賦詩餞別德義亦以詩留贈其文甚美天授初江南道宣勞使文昌左丞周興表薦之則天徵赴都詔曰蘇州隱士史德義志尚虛玄業履貞確謙冲彰於里閭孝友表於閭庭固辭徵辟長往嚴陵之瀨多謝警裾高蹈愚公之谷博聞強識說禮敦指薛帶應休運而解荷裳粵自海隅來遊魏闕行藏之理斯得去就之節無違風操可嘉啓沃攸佇特宜優擬委以諫曹可朝散大夫後周興伏誅德義坐為所薦免官以朝散大夫放歸丘壑自此聲譽稍減於隱居之前

王友貞懷州河內人也父知敬則天時麟臺少監以工書知名友貞弱冠時母病篤醫言唯啖人肉乃差友貞獨念無可求治乃割股肉以餵親母病尋差則天聞之令就其家驗問特加旌表友貞素好學讀九經皆百遍訓誨子弟如嚴君焉口不名人過尤好釋典屏絕羶味出言未嘗負諾時論以為真君子也長安年歷任長水令後罷歸田里中宗在春宮召為司議郎不就神龍初又拜太子中舍仍令所司以禮徵赴及至固以疾辭詔曰敦夷齊之行可以激貪尚顏閔之道用能勸俗新除太子中舍人王友貞德義最數人倫茂異孝始於事親信表於行己富有文史廉於財貨久歷官政累開課績有古人之風保君子之

德乃抗志塵外棲情物表深歸解脫之門誓守薰修之誠頃加徵命作護諸國
固在辭榮累陳情懇堅持淨義不登於車服惟悅於禪網味靡求於珍饈朕方
崇獎廉退懲抑澆淳雖思廊廟之賢豈違山林之願宜加優秩仍遂雅懷可太
子中舍人員外置給全祿以畢其身任其在家修道仍令所在州縣存問四時
送祿至其住所玄宗在東宮又表請禮徵之以年老竟辭疾不赴年九十餘開
元四年卒時下制曰貴德尊賢飾終念遠此聖人所以治天下厚風俗也王友
貞稟氣元精遊心大朴孝惟不置獨貫於神明道則難名高謝於人代言念錫
類方期鎮俗遠爾凋租良深慰愍生無大位雖隔外臣之儀歿有餘榮宜贈上
卿之服可贈銀青光祿大夫仍委本縣長特加弔祭

盧鴻一字浩然本范陽人徙家洛陽少有學業頗善籀篆楷隸隱於嵩山開元
初遣幣禮再徵不至五年下詔曰朕以寡薄忝膺大位嘗恨玄風久替淳化未
昇每用遐想遺賢冀聞上皇之訓以卿黃中通理鉤深詣微窮太一之道踐中
庸之德確乎高尚足侔古人故比下徵書佇諸善績而每輒託辭拒違不至使
朕虛心引領于今數年雖得素履幽人之貞而失考父滋養之命豈朝廷之故
與生殊趣耶將縱欲山林不能反乎禮有大倫君臣之義不可廢也今城闕密
邇不足為難便勅齋束帛之貺重宣斯旨想有以翻然易節副朕意焉鴻一赴
徵六年至東都謁見不拜宰相通事舍人問其故奏曰臣聞老君言禮者忠
信之所薄不足可依山臣鴻一敢以忠信奉見上別召昇內殿賜之酒食詔曰
盧鴻一應辟而至訪之至道有會淳風舉逸人用勸天下特宜授諫議大夫鴻
一固辭又制曰昔在帝堯全許由之節緬惟大禹聽伯成之高則知天子有所
不臣諸侯有所不友邈之時義大矣哉嵩山隱士盧鴻一抗迹幽遠凝情素
隱居以求其志行義以達其道雲臥林壑多歷年載傳不云乎舉逸人天下之
人歸心焉是乃飛書巖穴備禮徵聘方佇獻替式弘政理而矯然不羣確乎難
拔靜己以鎮其操洗心以激其流固辭榮寵將厚風俗不降其志用保厥躬會
稽嚴陵未可名屈太原王霸終以病歸宜以諫議大夫放還山歲給米百碩絹
五十匹充其藥物仍令府縣送隱居之所若知朝廷得失具以狀聞將還山又

賜隱居之服并其草堂一所恩禮甚厚
王希夷徐州滕縣人也孤貧好道父母終為人牧羊收傭以供葬葬畢隱於嵩
山師道士黃頤向四十年盡能傳其閉氣導養之術頤卒更居兗州徂來山中
與道士劉玄博為樓遁之友好易及老子嘗餌松柏葉及雜花散景龍中年七
十餘氣力益壯刺史盧齊卿就謁致禮因訪以字人之術希夷曰孔子稱己所
不欲勿施於人可以終身行之矣及玄宗東巡勅州縣以禮徵召至駕前年已
九十六上令中書令張說訪以遺義宦官扶入宮中與語甚悅開元十四年下
制曰徐州處士王希夷絕學棄智抱一居貞久謝羣塵獨往林壑朕為封巒展
禮側席旌賢實然來思克應嘉召雖綺綺季之跡已過伏生之年宜命秩以尊
儒俾全高於尚齒可朝散大夫守國子博士聽致仕還山州縣春秋致束帛酒
肉仍賜衣一副絹一百匹尋壽終自則天中宗已後有蒲州人衛大經邢州人
李元愷皆潔志不仕蒲州人王守慎常州人徐仁紀潤州人孫處玄皆退身辭
職為時所稱

衛大經者篤學善易口無二言則天降詔徵之辭疾不赴與魏州人夏侯乾重
有舊聞乾重母卒徒步往弔之鄉人止之曰當夏溽暑豈可步涉千里致書可
也大經曰尺書無能盡意遂行至魏州會乾重出行大經造門設席行弔禮不
訊其家人而還開元初畢構為刺史謂解令孔慎言曰衛生德厚宜有旌異古
人式干木之間禮賢故也慎言造門就謁時大經已年老辭疾不見嘗預筮死
日鑿墓自為誌文果如筮而終
李元愷者博學善天文律曆然性恭慎口未嘗言人之過鄉人宋璟年少時師
事之及璟作相使人遺元愷束帛將薦舉之皆拒而不答景龍中元行冲為洛
州刺史遺元愷至州問以經義因遺衣服元愷辭曰微軀不宜服新麗但恐不
能勝其美以速咎也行冲乃以泥塗汗而與之不獲已而受及還乃以己之所
蠶素絲五兩以酬行冲曰義不受無妄之財先是定州人崔元鑒明三禮鄉人
張易之寵幸用事薦之起家拜朝散大夫致仕于家在鄉請半祿元愷謂之曰
無功受祿災也元愷年八十餘壽終

王守慎者，有美名，垂拱中爲監察御史，時羅織事起，守慎勇秋官侍郎，張知默推詔獄，妻守慎同知其事，守慎以疾辭，因請爲僧，則天初甚怪之，守慎陳情，詞理甚當，則天欣然從之，賜號往成，識鑿高雅，爲時賢所重，以壽終。

徐仁紀者，聖曆中徵拜左拾遺，三上書論得失，不納，謂人曰：「三諫不聽，可去矣。」遂移病歸鄉里，神龍初，宣慰使舉仁紀之行，可以激俗，又徵拜左補闕，三上書，又不省，乃詣執政求出，俄授靈昌令，妻子不之官，麻舍唯衣履及書疏而已，餘無所蓄。

孫處玄，長安中徵爲左拾遺，頗善屬文，嘗恨天下無書以廣新聞，神龍初，功臣桓彥範等用事，處玄遺彥範書論時事得失，彥範竟不用其言，乃去官還鄉里，以病卒。

白履忠，陳留浚儀人也，博涉文史，嘗隱居于古大梁城，時人號爲梁丘子，景雲中徵拜校書郎，尋棄官而歸，開元十年，刑部尚書王志愔表薦履忠，隱居讀書，貞苦守操，有古人之風，堪代褚無量，馬懷素入閣侍讀，十七年，國子祭酒楊珣又表薦履忠，堪爲學官，乃徵赴京師，及至，履忠辭以老病，不任職事，詔曰：「處士前秘書省校書郎，白履忠，學優細簡，道實丘園，探蹟以見其微，隱居能達其志，故以汲引，殊泗物色，夷門素風自高，玄冕非貴，几杖云暮，章秩宜加，俾承禮命之優，式副龍賢之美，可朝散大夫履忠，尋表請還鄉手詔曰：「孝悌立身，靜退放俗，年過從耄，不離風塵，感德子聞，通班是錫，豈惟旌黃山藪，實欲擬勸人倫，且遊上京，徐還故里，乃俾留數月而歸，履忠鄉人左庶子吳兢謂履忠曰：「吾子家室屢空，竟不露斗米，匹帛雖得五品，何益於實也，履忠欣然曰：「往歲契丹入寇，家家盡著括排門夫，履忠特以少讀書籍，縣司放免，至今惶愧，今雖不得，且是吾家終身高臥免徭役，豈易得也，尋壽終，著三玄精辯論一卷，註老子及黃庭內景經，有文集十卷。」

道士王遠知，琅琊人也，祖景賢，梁江州刺史，父曇選，陳揚州刺史，遠知母，梁駕部郎中丁超女也，嘗畫寢，夢靈鳳集其身，因而有娠，又聞腹中啼聲，沙門寶誌謂曇選曰：「生子當爲神仙之宗伯也，遠知少聰敏，博綜羣書，初入茅山師事陶

弘景，傳其道法，後又師事宗道先生，臧兢，陳主閔其名，召入重陽殿，令講論，甚見嗟賞，及隋煬帝爲晉王，鎮揚州，使王子相柳顧言相次召之，遠知乃來，謁見，斯須而鬚髮變白，晉王懼而遣之，少頃又復其舊，煬帝幸涿郡，遣員外郎崔鳳舉就邀之，遠知見於臨朔宮，煬帝親執弟子之禮，勅都城起玉清玄壇，以處之，及幸揚州，遠知諫不宜遠去京國，煬帝不從，高祖之龍潛也，遠知嘗密傳符命，武德中，太宗平王世充，與房玄齡微服以謁之，遠知迎謂曰：「此中有聖人，得非秦王乎？」太宗因以實告，遠知曰：「方作太平天子，願自惜也。」太宗登極，將加重位，固請歸山，至貞觀九年，勅潤州於茅山置太受觀，拜度道士二十七人，降靈書曰：「先生操履夷簡，德業冲粹，屏棄塵雜，栖志虛玄，吐故納新，食芝餌，允念衆妙，於三清之表，返華髮於百齡之外，道邁前烈，聲高自古，非夫得秘訣於金壇，受幽文於玉笈者，其孰能與此乎？朕昔在藩朝，早獲問道，眷言風範，無忘瘖瘖，近覽來奏，請歸舊山，已有別勅，不違高志，并許置觀，用表宿心，未知先生早晚已居江外，所營棟宇，何當就功，付聞委曲，副茲引領，近已令太史薛頤等往詣，令宣朕意，其年遠知謂弟子潘師正曰：「吾見仙格，以吾小時誤損一童子物，不得白日昇天，見署少室伯，將行在即，翌日沐浴，加冠衣焚香而寢，卒年一百二十六歲，調露二年，追贈遠知太中大夫，諡曰昇真先生，則天臨朝，追贈金紫光祿大夫，天授二年，改諡曰昇玄先生。」

潘師正，趙州贊皇人也，少喪母，廬於墓側，以至孝聞，大業中，度爲道士，師事王遠知，盡以道門隱訣及符籙授之，師正清淨寡欲，居於嵩山之逍遙谷，積二十餘年，但服松葉飲水而已，高宗幸東都，因召見與語，問師正山中有何所須，師正對曰：「所須松樹清泉，山中不乏，高宗與天后甚尊敬之，留連信宿而還，尋勅所司於師正所居造崇唐觀，嶺山別起精思觀，以處之初，置奉天宮，帝令所司於逍遙谷口特開一門，號曰仙遊門，又於苑北面置尋真門，皆爲師正立名焉，時太常奏所造樂曲，帝又令以祈仙望，仙翹仙爲名，前後贈詩凡數十首，師正以永淳元年卒，時年九十八，高宗及天后追思不已，贈太中大夫，賜諡曰體玄先生。」

舊唐書卷一百九十一 列傳

一五九七

道士劉道合者，陳州宛丘人。初與潘師正同隱於嵩山。高宗聞其名，令於隱所置太一觀以居之。召入宮中，深尊禮之。及將封太山，屬久雨，帝令道合於儀鸞殿作止雨之術。俄而霽，帝大悅。又令道合馳傳先上太山，以祈福祐。前後賞賜皆散施貧乏，未嘗有所蓄積。高宗又令道合合還丹，丹成而上之。咸亨中卒。及帝營奉天宮，遷道合之殯室。弟子開棺將改葬，其尸惟有空皮，而背上開拆，有似蟬蛻，盡失其齒骨。眾謂尸解。高宗聞之不悅，曰：劉師為我合丹，自服仙去，其所進者，亦無異焉。

道士司馬承禎字子微，河內溫人。周晉州刺史瑛邪公裔。玄孫少好學，薄於為吏。遂為道士。事潘師正，傳其符籙及辟穀導引服餌之術。師正特賞異之，謂曰：我自陶隱居傳正一之法，至汝四葉矣。承禎嘗遍遊名山，乃止於天台山。則天聞其名，召至都降手勅以讚美之。及將還，勅驛臺監李嶠餞之於洛橋之東。景雲二年，睿宗令其兄承禕就天台山追之至京，引入宮中，問以陰陽術數之事。承禎對曰：道經之旨，為道日損，損之又損，以至於無為。且心目所知見者，每損之，尚未能已。豈復攻乎異端而增其智慮哉？帝曰：理身無為，則清高矣。理國無為，如何？對曰：國猶身也。老子曰：遊心於澹，合氣於漠，順物自然，而無私焉。而天下理易。曰：聖人者，與天地合其德，是知天不言而信，無為而成，無為之旨。理國之道也。睿宗歎息曰：廣成之言，即斯是也。承禎固辭還山，仍賜寶琴一張，及覆紋被而遣之。朝中詞人贈詩者百餘人。開元九年，玄宗又遣使迎入京，親受法錄。前後賞賜甚厚。十年，駕還西都，承禎又請還天台山。玄宗賦詩以遣之。十五年，又召至都。玄宗令承禎於王屋山自選形勝，置壇室以居焉。承禎因上言：今五嶽神祠，皆是山林之神，非正真之神也。五嶽皆有洞府，各有上清真人，降任其職。山川風雨陰陽氣序，是所理焉。冠冕章服，佐從神仙，皆有各數。請別立齋祠之所。玄宗從其言，因勅五嶽各置真君祠一所。其形象制度，皆令承禎推按道經，創意為之。承禎頗善篆隸書。玄宗令以三體寫老子經，因刊正文句，定著五千三百八十字，言為真本，以奏上之。以承禎王屋所居為陽臺觀。上自題額，遣使送之。賜絹三百匹，以充藥餌之用。俄又令玉真公主及光祿卿韋縉至其所。

居脩金錄齋，復加以錫齋。是歲卒於王屋山。時年八十九。其弟子表稱死之日，有雙鶴遶壇，及白雲從壇中涌出。上連于天，而師容色如生。玄宗深歎之。乃下制曰：混成不測，入寥自化。雖獨立有象，而至極則冥。故王屋山道士司馬子微，心依道勝，理會玄遠。遍遊名山，密契仙洞，存觀其妙。逍遙得意之場，亡復其根。冥息無何之境，固以名登真格。位在靈官，林壑未改。退霄已曠，言念高烈。有槍千懷，宜贈徽章。用光丹籙，可銀青光祿大夫。號真一先生。仍為親製碑文。

吳筠，會中之儒士也。少通經，善屬文。舉進士不第，性高潔，不奈流俗，乃入嵩山。依潘師正為道士。傳正一之法，苦心鑽仰，乃盡通其術。開元中南遊金陵，訪道茅山。久之，東遊天台。筠尤善著述，在剡與越中文士為詩酒之會。所著歌篇傳於京師。玄宗聞其名，遣使徵之。既至，與語甚悅，令待詔翰林。帝問以道法，對曰：道法之精，無如五千言。其諸枝詞，蔓說徒費紙劄耳。又問神仙脩鍊之事，對曰：此野人之事，當以歲月功行求之，非人主之所宜適意。每與緇黃列坐，朝臣啓奏，筠之所陳，但名教世務而已。間之以韻詠，以達其誠。玄宗深重之。天寶中，李林甫楊國忠用事，紀綱日紊。筠知天下將亂，堅求還嵩山。累表不許。乃詔於嶽觀別立道院。祿山將亂，求還茅山。許之。既而中原大亂，江淮多盜，乃東遊會稽。嘗於天台剡中往來，與詩人李白孔巢父詩篇酬和。道遙泉石，人多從之。竟終於越中。文集二十卷。其玄綱三篇，神仙可學論等，為達識之士所稱。筠在翰林時，特承恩顧。絲是為羣僧之所嫉。驃騎高力士素奉佛書，短筠于上前。筠不悅，乃求還山。故所著文賦，深詆釋氏。亦為通人所譏。然詞理宏通，文彩煥發。每製一篇，人皆傳寫。雖李白之放蕩，杜甫之壯麗，能兼之者，其唯筠乎。

孔述睿，越州人也。曾祖昌，鸞膳部郎中。祖舜，監察御史。父齊參，寶鼎令。述睿少與兄克符，弟克讓，皆事親以孝聞。既孤，俱隱於嵩山。述睿好學不倦。大曆中，轉運使劉晏累表薦述睿有類閔之行。遊夏之學。代宗以太常寺協律郎徵之。轉國子博士。歷遷尚書司勳員外郎。史館脩撰。述睿每加恩命，暫至朝廷，謝恩旬日，即辭疾，却歸舊隱。德宗踐祚，以諫議大夫銀章朱綬，命河南尹趙惠伯齎詔書，玄纁束帛，就嵩山以禮徵聘。述睿既至，召對於別殿，特賜第宅，給以殿馬。兼

爲皇太子侍讀旬日後累表固辭依前乞還舊山詔報之曰卿懷伊摯匡時之道有廣成嘉遁之風養素丘園屢辭命秩朕以崕山問道渭水求師亦何必務執勞謙固求退讓無違朕旨且啓乃心述睿既懸辭不獲方就職久之改秘書少監兼右庶子再加史館脩撰述睿精於地理在館乃重脩地理誌時稱詳究而又性謙和退讓與物無競每親朋集會嘗恂恂然似不能言者人皆敬之時令狐岷亦充脩撰與述睿同職多以細碎之事侵述睿述睿皆讓之竟不與爭時人稱爲長者貞元四年命齊詔并御縵衣服數百襲往平涼盟會處祭陷殺將士骸骨以述睿性精懇故也九年以疾上表請罷官詔不許報之曰朕以卿德重朝端行教風俗不言之教所賴攸深未依來請想宜悉也述睿再三上表方獲允許乃以太子賓客賜紫金魚袋致仕放還鄉里仍賜帛五十匹衣一襲故事致仕還鄉者皆不給公乘德宗優寵儒者特命給而遣之貞元十六年九月卒年七十一贈工部尚書子敏行敏行字至之舉進士元和五年禮部侍郎崔樞下擢第臣元膺廉問岳鄂辟爲賓佐丁母憂而罷後元膺爲東都留守移鎮河中敏行皆從之十四年入爲右拾遺遷左補闕長慶中爲起居郎改左司員外郎歷司勳郎中充集賢殿學士遷吏部郎中俄拜諫議大夫上疏論興元監軍楊叔元陰激募卒爲亂殺節度使李絳人不敢發其事敏行上表極諍之故叔元得罪時論稱美敏行名臣之子少而脩潔爲人所稱及游宦與當時豪俊爲友雖名華爲一時冠而貞規雅操與父遠矣大和九年正月卒年四十九贈尚書工部侍郎

陽城字元宗北平人也代爲宦族家貧不能得書乃求爲集賢寫書吏竊官書讀之晝夜不出房經六年乃無所不通既而隱於中條山遠近慕其德行多從之學閭里相訟者不詣官府詣城請決陝號觀察使李泌聞其名親詣其里訪之與語甚悅必爲宰相薦爲著作郎德宗令長安縣尉楊寧齋束帛詣夏縣所居而召之城乃衣褐赴京上章辭讓德宗遣中官持章服衣之而後詔賜帛五十匹尋遷諫議大夫初未至京人皆想望風彩曰陽城山人能自刻苦不樂名利今爲諫官必能以死奉職人咸畏憚之及至諸諫官紛紜言事細碎無不聞

達天子益服苦之而城方與二弟及客日夜痛飲人莫能窺其際皆以虛名號之有造城所居將問其所以者城望風知其意引之與坐輒強以酒客辭城輒引自飲客不能已乃與城酬酢客或時先醉臥席上城或時先醉臥客懷中不能聽客語約其二弟云吾所得月俸汝可度吾家有幾口月食米當幾何買薪菜鹽凡用幾錢先具之其餘悉以送酒媪無留也未嘗有所蓄積雖所服用有切急不可闕者客稱其物佳可愛城輒喜舉而授之有陳某者候其始請月俸常往稱其錢帛之美月有獲焉時德宗在位多不假宰相權而左右得以因緣用事於是裴延齡李齊運韋渠牟尋以姦佞相次進用誣譖時宰毀詆大臣陸贄等咸遭枉黜無敢救者城乃伏閣上疏與拾遺王仲舒共論延齡姦佞贄等無罪德宗大怒召宰相入議將加城罪時順宗在東宮爲城獨開解之城賴之獲免於是金吾將軍張萬福開諫官伏閣諫趨往至延英門大言賀曰朝廷有直臣天下必太平矣乃造城及王仲舒等曰諸諫議能如此言事天下安得不太平已而連呼太平太平萬福武人年八十餘自此名重天下時朝夕欲相延齡城曰脫以延齡爲相城當取白麻壞之竟坐延齡事改國子司業城既至國學乃召諸生告之曰凡學者所以學爲忠與孝也諸生寧有久不省其親者乎明日告城歸養者二十餘人有薛約者嘗學於城性狂躁以言事得罪徙連州客寄無根蒂臺吏以蹤跡求得之於城家城坐臺吏於門與約酒訣別涕泣送之郊外德宗聞之以城黨罪人出爲道州刺史太學生王魯卿季儂等二百七十人詣闕乞留經數日吏遮止之疏不得上在道州以家人法待吏人宜罰者罰之宜賞者賞之不以簿書介意道州土地產民多矮每年常配鄉戶竟以其男號爲矮奴城下車禁以良爲賤又憫其編叱歲有離異之苦乃抗疏論而免之自是乃停其貢民皆賴之無不泣荷前刺史有贓罪觀察使方推鞠之吏有幸於前刺史者捨其不法事以告自爲功城立杖殺之賦稅不登觀察使數加誚讓州上考功第城自署其第曰撫字心勞微科政拙考下下觀察使遣判官督其賦至州怪城不出迎以問州吏曰刺史聞判官來以爲有罪自囚於獄不敢出判官大驚馳入謁城於獄曰使君何罪某奉命來候安否耳留一二日

未去城因不復歸館門外有故門扇橫地城晝夜坐臥其上判官不自安辭去其後又遣他判官往按之他判官義不欲按乃載妻子行中道而自逸順宗卽位詔徵之而城已卒士君子惜之是歲四月賜其家錢二百貫文仍令所在州縣給遞以喪歸葬焉。

崔觀梁州城固人爲儒不樂仕進以耕稼爲業老而無子乃以田宅家財分給奴婢令各爲生業觀夫妻遂隱於城固南山家事不問約奴婢遞過其舍至則供給酒食而已夫婦林泉相對以嘯咏自娛山南西道節度使鄭餘慶高其行辟爲節度參謀累邀方至府第爲吏無方略苦不達人事餘慶以長者優容之大和八年左補闕王直方上疏論事得召見文宗便殿訪以時事直方亦與元人與觀城固山爲鄰是日因薦觀有高行詔以起居郎徵之觀辭疾不起卒於山。

贊曰高士志懷不隱不顯依隱釣名真風漸鮮結廬泉石投絃市朝心無出處是曰逍遙。

舊唐書卷一百九十二

後晉司空同中書門下平章事劉昫撰

列傳第一百四十三

列女

李德武妻裴氏

楊慶妻王氏孤嗣仁乳母王氏附

楊三安妻李氏

魏衡妻王氏

樊會仁母敬氏

絳州孝女衛氏

濮州孝女賈氏

鄭義宗妻盧氏

劉寂妻夏侯氏

楚王靈龜妃上官氏

楊紹宗妻王氏

于敏直妻張氏

冀州女子王氏

樊彥琛妻魏氏

鄒保英妻奚氏古玄應妻高氏附

宋庭瑜妻魏氏

崔繪妻盧氏

奉天縣賈氏二女

盧南妻李氏王泛妻裴氏附

鄒待微妻陳氏

李湍妻

董昌齡母楊氏

章雍妻蘭陵縣君蕭氏

衛方厚妻武昌縣君程氏

女道士李玄真

李女王和子鄭神佐女附

女子稟陰柔之質有從人之義前代誌貞婦烈女蓋善其能以禮自防至若失身賊庭不污非義臨白刃而慷慨誓丹衷而激發粉身不顧視死如歸雖在壯夫恐難守節竊窹之操不其賢乎其次梁鴻之妻無辭借隱共姜之誓不踐二庭婦道母儀克彰圖史又其長也末代風靡貞行寂寥聊播椒蘭以貽閨壺形管之職幸無忽焉

李德武妻裴氏字淑英戶部尚書安邑公矩之女也性婉順有容德事父母以孝聞德武經一年而德武坐從父金才事徙積表矩時為黃門侍郎奏請德武離婚煬帝許之德武將與裴別謂曰燕婉始爾便事分離方遠投瘴癘恐無還理尊君妾留必欲改嫁耳於此即事長訣矣裴泣而對曰婦人事夫無再醮

之禮夫者天也何可背乎守之以死必無他志因操刀欲割耳自誓保者禁之乃止裴與德武別後容貌毀悴常讀佛經不御膏澤李氏之姊妹在都邑者歲時朝望必命左右致敬而省焉裴又嘗讀烈女傳見稱述不改嫁者乃謂所親曰不踐二庭婦人常理何為以此載於記傳乎後十餘年間與德武音信斷絕矩欲奪其志時有柳直求婚許之期有定日乃以剪斷其髮悲泣絕粒矩不可奪乃止德武已於積表娶介朱氏為妻及遇赦得還至襄州聞裴守節乃出其後妻重與裴合生三男四女貞觀中德武終於鹿城令裴歲餘亦卒

楊慶妻王氏世充兄之女也慶即隋河間王弘之子大業末封郇王為滎陽太守後陷於世充世充以兄女妻之授管州刺史及太宗攻圍洛陽慶謀背世充欲與其妻俱來歸國妻謂慶曰鄭國以妾奉箕箒於公者所以結公心耳今既二三其行實思背義自為身謀妾將奈何若至長安則公家之婢耳願送至東都公之惠也慶不聽伺慶出後謂侍者曰唐兵若勝我家則戚鄭國無危吾夫又死進退維谷何以生焉乃飲藥而卒慶既入朝官至宜州刺史時又有獨孤武都謀叛王世充歸國事覺誅死武都子師仁年始三歲世充以其年幼不殺使禁葦之乳母王氏號蘭英請髡髮求入保養世充許之蘭英撫育提攜備盡筋力時喪亂年饑人多餓死蘭英扶路乞丐捫拾遇有所得便歸與師仁蘭英唯啖土飲水而已後詐探拾乃竊師仁歸于京師高祖嘉其義下詔曰師仁乳母王氏慈惠有聞撫鞠無倦提攜遺幼背逆歸朝宜有褒隆以賜其號可封永壽郡君

楊三安妻李氏雍州涇陽人也事舅姑以孝聞及舅姑亡沒三安亦死二子孩童家至貧窶李晝則力田夜紡績數年間葬舅姑及夫之叔姪兄弟者七喪深為遠近所嗟尚太宗聞而異之賜帛二百段遣州縣所在存恤之

魏衡妻王氏梓州郪人也武德初薛仁果舊將房企地侵掠梁郡因獲王氏逼而妻之後企地漸強威衡謀以城應賊企地領眾將趨梁州未至數十里飲酒醉臥王氏取其佩刀斬之攜其首入城賊眾乃散高祖大悅封為崇義夫人捨衛同賊之罪

樊會仁母敬氏字像子蒲州河東人也年十五適樊氏生會仁而夫喪事舅姑姊姒以謹順聞及服終母兄以其成年將奪其志微加諷諭便悲恨嗚咽如此者數四母兄乃潛許人為婚嬌稱母患以召之凡所營具皆寄之鄰里像子既至省母無疾鄰家復具餽饋像子知為所欺伴為不悟者其嫂復請像子沐浴像子私謂會仁曰吾不幸孀居誓與汝父同穴所以不死者徒以我母羸老汝身幼弱今汝舅欲奪吾志將加逼迫於汝何如會仁失聲啼泣像子撫之曰汝勿啼吾向偽不覺者令汝舅不我為意聞汝啼知吾覺悟必加防備則吾難為計矣會仁便伴睡像子於是伺隙攜之遁歸中路兄使追及之將逼與俱返像子誓以必死辭情甚切其兄感歎而止後會仁年十八病卒時像子母已終既葬像子謂其所親曰吾老母不幸又夫死子亡義無久活於是號慟不食數日而死

絳州孝女衛氏字無忌夏縣人也初其父為鄉人衛長則所殺無忌年六歲母又改嫁無兄弟及長常思復讎無忌從伯常設宴為樂長則時亦預坐無忌以磚擊殺之既而詣吏稱父讎既報請就刑戮巡察大使黃門侍郎褚遂良以聞太宗嘉其孝烈特令免罪給傳乘徙於雍州并給田宅仍令州縣以禮嫁之孝女賈氏濮州鄆城人也年始十五其父為宗人玄基所害其弟強仁年幼賈氏撫育之誓以不嫁及強仁成童共思報復乃俟玄基殺之取其心肝以祭父墓遣強仁自列於縣司斷以極刑賈氏詣闕自陳已為請代強仁死高宗哀之特下制賈氏及強仁免罪移其家於洛陽

鄭義宗妻盧氏幽州范陽人盧彥衡之女也略涉書史事舅姑甚得婦道晝夜有強盜數十人持杖鼓譟踰垣而入家人悉奔竄唯有姑獨在室盧冒白刃往至姑側為賊捶擊之幾至於死賊去後家人問曰羣兇擾橫人盡奔逃何獨不懼答曰人所以異於禽獸者以其仁義也昔宋伯姬守義赴火流稱至今吾雖不敏安敢忘義且鄰里有急尚相赴救况在於姑而可委棄若萬一危禍豈宜獨生其姑每嘆云古人稱歲寒然後知松柏之後凋也吾今乃知盧新婦之心矣貞觀中卒

劉寂妻夏侯氏滑州胙城人字碎金父長雲為鹽城縣丞因疾喪明碎金乃求離其夫以終侍養經十五年兼事後母以至孝聞及父卒毀瘠殆不勝喪被髮徒跣質土成墳廬於墓側每日一食如此者積年貞觀中有制表其門閭賜以粟帛

楚王靈龜妃上官氏秦州上邽人父懷仁右金吾將軍上官年十八歸于靈龜繼楚哀王後本生具存朝夕侍奉恭謹彌甚凡有新味非舅姑啜訖未曾先嘗經數載靈龜薨及將葬其前妃閻氏嫁不踰年而卒又無近族業議欲不舉之上官氏曰必神而靈寧可使孤魂無託於是備禮同葬聞者莫不嘉歎服終諸兄弟謂曰妃年尚少又無所生改醮異門禮儀常範妃可思之妃掩泣對曰丈夫以義烈標名婦人以守節為行未能即先犬馬以殉溝壑寧可復飾粧服有他志乎遽將刀截鼻割耳以自誓諸兄弟知其志不可奪歎息而止尋卒

楊紹宗妻王氏華州華陰人也初年二歲所生母亡為繼母鞠養至年十五父又征遠而歿繼母亦卒王乃收所生及繼母屍柩并立父形像招魂遷葬訖廬於墓側陪其祖父母及父母墳承徵中詔曰故楊紹宗妻王氏因心為孝率性成道年迫桑榆筋力衰謝以往在隋朝父歿遠左招魂遷葬質土成墳又葬其祖父母等塋此老年親加板築痛結晨昏哀感行路永言志行嘉尚良深宜標其門閭用旌敏德賜物三十段粟五十石

于敏直妻張氏營州都督皖城公儉之女也數歲時父母權有疾即觀察顏色不離左右晝夜省侍宛若成人及稍成長恭順彌甚適延壽公于敏明子敏直初聞儉有疾便即號踊自傷期於必死儉卒後凶問至號哭一慟而絕高宗下詔賜物百段仍令史官錄之

冀州鹿城女子王阿足者早孤無兄弟唯姊一人阿足初適同縣李氏未有子而夫亡時年尚少人多聘之為姊年老孤寡不能捨去乃誓不嫁以養其姊每晝營田業夜便紡績衣食所須無非阿足出者如此二十餘年及姊喪葬送以禮鄉人莫不稱其節行競令妻女求與相識後數歲竟終于家

樊彥琛妻魏氏楚州淮陰人彥琛病篤將卒魏泣而言曰幸以愚陋託身明德

奉侍衣裳二十餘載，豈意覺妨所招，遽見此禍。同入黃泉，是其願也。彥琛答曰：死生常道，無所多恨。君宜勉勵，養諸孤，使其成立，若相從而死，適足貽累，非吾所取也。彥琛卒後，屬李敬業之亂，乃為賊所獲。賊黨知其素解絲竹，逼令彈箏。魏氏歎曰：我夫不幸工役，不能自盡，苟爾偷生，今爾見逼管絃，豈非禍從手發耶？乃引刀斬指棄之於地。賊黨又欲妻之，魏以必死自固，賊等忿怒，以刀加頸。語云：若不從我，即當殞命。乃厲聲罵曰：爾等狗盜，乃欲污辱好人，今得速死，會我本志，賊乃斬之，聞者莫不傷惜。

鄒保英妻奚氏，不知何許人也。萬歲通天年，契丹賊李盡忠來寇平州，保英時任刺史，領兵討擊。既而城孤援寡，勢將欲陷，奚氏乃率家僮及城內女丁相助固守。賊退，所司以聞，優制封為誠節夫人。時有古玄應妻高氏，亦能固守飛狐縣城，卒免為突厥所陷。下詔曰：頃屬默啜攻城，咸憂陷沒，丈夫固守，猶不能堅，婦人懷忠，不憚流矢，由茲感激，危城重安，如不褒異，何以獎勵。古玄應妻可封為狗忠縣君。

宋庭瑜妻魏氏，定州鼓城人。隋著作郎彥泉之後也。世為山東士族，父克己，有詞學，則天時為天官侍郎。魏氏善屬文，先天中庭瑜自司農少卿左遷涪州別駕，魏氏隨夫之任，中路作南征賦，以敘志，詞甚典美。開元中，庭瑜累遷慶州都督，初中書令張說年少時為克己所重，魏氏恨其夫為外職，乃作書與說，敘亡父曠昔之事，并為庭瑜申理，乃錄南征賦寄說，說歎曰：曹大家東征之流也。庭瑜尋轉廣州都督，道病卒。魏氏旬日亦殞，時人莫不傷之。

崔繪妻盧氏，幽州范陽人也。為山東著姓，祖幼孫，常州刺史。父獻，有美名，則天時歷鸞臺侍郎。文昌左丞，天授中為醜吏來俊臣所陷，左遷西鄉令而卒。繪早終，盧既年少，諸兄常欲嫁之。盧輒稱病固辭，盧亡姊之夫李思冲，神龍初為工部侍郎，又求續親，時思冲當朝美職，諸兄不敢拒，將婚之夕，方以告盧，盧又固辭不可，仍令人防其門。盧謂左右曰：吾自誓久已定矣，乃夜中出自竇中，奔歸崔氏，髮面盡為糞穢，所污宗族見者，皆為之垂淚。因出家為尼，諸尼欽其操行，皆尊事之。開元中以老病而卒。

奉天縣寶氏二女，伯娘、仲娘，雖長於村野，而幼有志操。住與邠州接壤，承泰中，草賊數千人持兵刃入其村落，行剽劫，聞二女有容色，姊年十九，妹年十六，藏於岩窟間。賊徒擬為逼辱，乃先曳伯娘出行，數十步，又曳仲娘出，賊相顧自慰，行臨深谷，伯娘曰：我豈受賊污辱，乃投之於谷。賊方驚駭，仲娘又投於谷。谷深數百尺，姊尋卒，仲娘折面破血流，被體氣絕，良久而蘇。賊義之而去。京兆尹第五琦感其貞烈，奏之，詔旌表門閭，長免丁役。二女葬，事官給，京兆尹曹陸海著賦以美之。

順武尉盧甫妻李氏，隴西成紀人也。父瀾，承泰元年春任蘄縣令，界內先有草賊二千餘人，瀾挺身入賊結，以誠信賊，並降附。百姓復業者二百餘家，時曹昇任徐州刺史，知賊降，領兵掩襲，賊得脫後，入縣殺瀾，瀾將被殺，從父弟渤請賊救瀾，請代兄死。瀾又請留弟，兄爭死，瀾女盧甫妻又泣請代父死，並為賊所害。宣慰使吏部侍郎李季卿以節義聞，又有尉氏尉王泛妻裴氏，儀王傳巨卿之女也，素有容範，為賊所俘，賊逼之，裴曰：吾衣冠之子，當死即死，終不苟全一命，受污於賊，賊脅之以兵，逼之以罵，裴堅力抗之，賊怒，乃支解裴氏，至死不屈。季卿亦以狀述聞，詔曰：鄭州原武縣尉盧甫亡妻李氏，汴州尉氏縣尉王泛亡妻裴氏等，懿範傳家，柔明植性，頃因寇難，克彰義烈，或請代父死，表因心之孝，或誓逐夫亡，操難奪之節，宜膺贈律，俾光休美。李氏可贈孝昌縣君，裴氏可贈河東縣君，仍編入史冊，瀾、渤亦贈官秩。

鄉待徵妻薄氏，待徵大曆中為常州山陰縣尉，其妻為海賊所掠，薄氏守節，出待徵官語於懷中，託付村人，使謂待徵曰：義不受辱，乃投江而死。賊退，潮落，待徵於江岸得妻屍焉。江左文士多著節婦文以記之。

李湍妻湍吳元濟之軍人也。元和中，淮南未平，湍心懷向順，乃急渡澗河東降，為重胤，其妻遂為賊東縛，在樹櫛而食之，至死叫其夫曰：每事為僕射，觀者義之。至是重胤以其事請列史冊。十三年，憲宗下詔從之。

董昌齡母楊氏，昌齡常為泗州長史，世居干蔡，少孤，受訓於母，累事吳少誠，少陽。至元濟時，為吳房令楊氏潛誠曰：逆順之理，成敗可知，汝宜圖之。昌齡志未

果元濟又署為鄆城令楊氏復誦曰逆黨欺天天所不福汝當速降無以前敗為慮無以老母為念汝為忠臣吾雖歿無恨矣及王師逼鄆城昌齡乃以城降且說賊將鄧懷金歸款於李光顏憲宗聞之喜急召昌齡至闕直授鄆城令兼監察御史仍賜緋魚昌齡泣謝曰此皆老母之訓憲宗嗟數良久元濟因楊氏欲殺之而止者數矣蔡平楊氏幸無恙元和十五年陳許節度使李遜疏楊氏之強明節義以聞乃封北平郡太君

韋雍妻蕭氏雍故太子賓客張弘靖鎮幽州日奏授觀察判官攝監察御史時屬朝廷制置未備幽州俗本兇悍尤不樂文儒為主帥實佐習於常態忿其變通議論不密卒然起亂雍時家亦從劫蕭氏聞難號呼專執夫袂左右格去以死不從及雍臨刃蕭氏涕而告曰妾不幸年少義不苟活今日之事願先就死執刀者斷其臂而殺雍蕭氏詞氣不撓雖兇悍圍視無不嗟嘆其夕蕭氏亦卒大和六年節度使楊志誠表明其事因降勅追封蘭陵縣君

衡方厚妻程氏方厚大和中任邕州都督府錄事參軍為招討使董昌齡誣枉殺之程氏力不能免乃抑其哀如非冤者昌齡雅不疑慮聽其歸葬程氏故得以徒行詣闕截耳於右銀臺門告夫被殺之冤御史臺鞠之得實諫官亦有章疏故昌齡再受譴逐程氏開成元年降勅曰乃者吏為不道虐殺爾夫詣闕申冤徒行萬里崎嶇偏畏濱於危亡血誠既昭曲憤果雪雖古之烈婦何以加焉如聞孤孀無依畫哭待盡俾榮祿養仍賜疏封可封武昌縣君仍賜一子九品正真官

女道士李玄真越王貞之女孫曾祖珍子越王第六男也先天中得罪配流嶺南玄真祖父皆亡歿於嶺外雖曾經恩赦而未昭雪玄真進狀曰去開成三年十二月內得嶺南節度使盧鈞出俸錢接措哀妾三代旅櫬暴露各在一方特與發遣歸就大學合祔今護四喪已到長樂旅店權下未委故越王墳所在伏乞天恩允妾所奏許歸大學妾年已六十三孤孀家貧更無依倚詔曰越王事跡國史著明枉陷非辜尋已洗雪其珍子他事配流數代漂零不還京國玄真弱女孝節卓然啟護四喪綿歷萬里况是近族必可加恩行路猶或嗟稱朝廷

固須恤助委宗正寺京兆府與訪越王墳墓報知如不是陪陵任附塋次卜葬其葬事仍令京兆府接措必使備禮葬畢玄真如願住京城便配咸宜觀安置孝女王和子者徐州人其父及兄為防秋卒戍涇州元和中吐蕃寇邊父兄戰死無子母先亡和子時年十七聞父兄歿於邊上被髮徒跣縷裳獨往涇州行丐取父兄之喪歸徐營葬手植松柏翦髮壞形廬於墓所節度使王智興以狀聞詔旌表之又大中五年兗州瑕丘縣人鄭神佐女年二十四先許適馳雄牙官李玄慶神佐亦為官健戍慶州時党項叛神佐戰死其母先亡無子女以父戰歿邊城無由得還乃翦髮壞形自往慶州護父喪還至瑕丘縣進賢鄉馬青村與母合葬便廬於墳所手植松檜誓不適人節度使蕭淑以狀奏之曰伏以閭里之中罕知禮教女子之性尤味義方鄭氏女痛結窮泉哀深陟岵投身沙磧歸父遺骸遠自邊陲得還閭里感慕我以積恨守丘墓以誓心克彰孝理之仁足厲貞方之節詔旌表門閭

贊曰政教隆平男忠女貞禮以自防義不苟生形管有焯蘭闈振聲關雎合雅始號文明

舊唐書卷一百九十三

舊唐書卷一百九十三考證

楊紹宗妻王氏傳陪其祖母及父母墳○臣酉按紹曰又葬其祖父母等則祖

下當脫一父字今增

舊唐書卷一百九十三考證

後晉司空同中書門下平章事劉昫撰

列傳第一百四十四上

突厥上

突厥之始，啓民之前，隋書載之備矣。祇以入國之事而述之。

始畢可汗咄吉者，啓民可汗子也。隋大業中嗣位，值天下大亂，中國人奔之者衆，其族強盛，東自契丹，室韋，西盡吐谷渾，高昌諸國，皆臣屬焉。控弦百餘萬，北狄之威，未之有也。高視陰山，有輕中夏之志。可汗者，猶古之單于，妻號可賀敦，猶古之閼氏也。其子弟謂之特勒，別部領兵者皆謂之設，其大官屈律噶次阿波，次頡利發，次吐屯，次俟斤，並代居其官而無員數。父兄死，則子弟承襲。高祖起義太原，遣大將軍府司馬劉文靜聘于始畢，引以為援。始畢遣其特勒康利等獻馬千匹，會于絳郡。又遣二千騎助軍，從平京城。及高祖即位，前後賞賜不可勝紀。始畢自恃其功，益驕踞。每遣使者至長安，頗多橫恣。高祖以中原未定，每優容之。武德元年，始畢使骨咄祿特勒來朝，宴于太極殿，奏九部樂，齊錦綵布絹，各有差。二年二月，始畢帥兵渡河，至夏州，賊帥梁師都出兵會之，謀入抄掠，授馬邑賊帥劉武周兵五百餘騎，遣入向注。又遣兵大集，欲侵太原。是月始畢卒，其子什鉢茲以年幼不堪嗣位，立爲泥步設，使居東偏，直幽州之北，立其弟俟利弗設，是爲處羅可汗。

處羅可汗嗣位，又以隋義城公主爲妻，遣使入朝告喪。高祖爲之舉哀，廢朝三日。詔百官就館弔其使者，又遣內史舍人鄭德挺往弔。處羅賜物三萬段。處羅此後頻遣使朝貢，先是隋煬帝蕭后及齊王暕之子政道陷于竇建德，三年二月，處羅迎之，至于牙所，立政道爲隋王。隋末中國人在虜庭者，悉隸于政道，行隋正朔。置百官，居于定襄城，有徒一萬。時太宗在藩，受詔討劉武周，師次太原，處羅遣其弟步利設率二千騎與官軍會。六月，處羅至并州，總管李仲文出迎，勞之，留三日。城中美婦人多爲所掠，仲文不能制，俄而處羅卒，義城公主以其子奧射設醜弱，廢不立之，遂立處羅之弟咄茲，是爲頡利可汗。

頡利可汗者，啓民可汗第三子也。初爲莫賀咄設牙直五原之北，高祖入長安，薛舉猶據隴右，遣其將宗羅喉攻陷平涼郡。北與頡利連結，高祖患之，遣光祿卿宇文歆齎金帛以賂頡利，歆說之，令絕交於薛舉。初，隋五原太守張長遜，因亂以其所部五原城隸於突厥，故又說頡利遣長遜入朝，以五原地歸于我，頡利並從之。因發突厥兵及長遜之衆，並會於太宗軍所。武德三年，頡利又納義城公主爲妻，以始畢之子什鉢茲爲突利可汗，遣使入朝，告處羅死。高祖爲之罷朝一日。詔百官就館弔其使者，頡利初嗣立，承父兄之實，兵馬強盛，有憑陵中國之志。高祖以中原初定，不遑外略，每優容之，賜與不可勝計。頡利言辭倣傲，求請無厭。四年四月，頡利自率萬餘騎，與馬邑賊施君璋將兵六千人共攻厲門，定襄王李大恩擊走之。先是漢陽公蘇瓌、太常卿鄭元璵、左驍衛大將軍長孫順德等各使于突厥，頡利並拘之。我亦留其使，前後數輩，至是爲大恩所挫，於是乃懼，仍放順德還，更請和好。獻魚膠數十觔，欲令二國同於此。膠，高祖嘉之，放其使者，特勒熱寒、阿史德等還，蕃賜以金帛。五年春，李大恩奏言突厥飢荒，馬邑可圖。詔大恩與殿內少監獨孤晟帥師討苑君璋，期以二月會于馬邑。晟後期不至，大恩不能獨進，頓兵新城以待之。頡利遣數萬騎與劉黑闥合軍，入抄河北。頡利復自率五萬騎南侵，至于汾州，又遣數千騎西入靈原等州。詔隱太子出幽州道，太宗出蒲州道以討之。時頡利攻圍并州，又分兵入汾潞等州，掠男女五千餘口。聞太宗兵至蒲州，乃引兵出塞。七年八月，頡利突利二可汗舉國入寇，道自原州，連管南上。太宗受詔北討，齊王元吉隸焉。初，關中霖雨，糧運阻絕，太宗頗患之。諸將憂見於色，頡兵於幽州，頡利率萬餘騎奄至城西，乘高而陣，將士大駭。太宗乃親率百騎馳詣虜陣，告之曰：國家與可汗誓不相負，何爲背約深入吾地？我秦王也，故來一決。可汗若自來，我當與可汗兩人獨戰，若欲兵馬總來，我唯百騎相禦耳。頡利弗之測，笑而不對。太宗又前，令騎告突利曰：爾往與我盟，急難相救，爾今將兵來，何無香火之情也？亦宜早出一決勝負。突利亦不對。太宗前，將渡溝水，頡利見太宗輕出，又聞香火之言，乃

陰猜突利因遣使曰王不須渡我無惡意更欲共王自斷當耳於是稍引却各
 敵軍而退太宗因繼反間於突利突利悅而歸心焉遂不欲戰其叔姪內離頡
 利欲戰不可因遣突利及夾畢特勒阿史那思摩奉見請和許之突利因自託
 於太宗願結為兄弟思摩初奉見高祖引昇御榻頡利固辭高祖謂曰頡利誠
 心遣特勒朝拜今見特勒如見頡利固引之乃就坐尋封思摩為和順王八年
 七月頡利集兵十餘萬大掠朔州又襲將軍張瑾于太原瑾全軍並沒脫身奔
 於李靖出師拒戰頡利不得進屯于并州太宗帥師討之次蒲州頡利引兵而
 去太宗旋師九年七月頡利自率十萬餘騎進寇武功京師戒嚴已卯進寇高
 陵行軍總管左武侯大將軍尉遲敬德與之戰于涇陽大破之獲後斤阿史德
 烏沒啜斬首千餘級癸未頡利遣其腹心執失思力入朝為覘因張形勢云二
 可汗總兵百萬今已至矣太宗謂之曰我與突厥面自和親汝則背之我實無
 愧又義軍入京之初爾父子並親從我賜汝玉帛前後極多何故輒將兵入我
 畿縣爾雖突厥亦須頗有人心何故全志大恩自誇強盛我當先戮爾矣思力
 懼而請命太宗不許繫之於門下省太宗與侍中高士廉中書令房玄齡將軍
 周範馳六騎幸渭水之上與頡利隔津而語責以負約其酋帥大驚皆下馬羅
 拜俄而衆軍繼至頡利見軍容大威又知思力就拘由是大懼太宗獨與頡利
 臨水交言歷諸軍却而陣焉蕭瑀以輕敵固諫于馬前上曰吾已籌之非卿所
 知也突厥所以空其境內直入渭濱應是聞我國家初有內難朕又新登九五
 將謂不敢拒之朕若閉門虜必大掠強弱之勢在今一舉朕故獨出以示輕之
 又耀軍容使知必戰事出不意乖其本圖虜人既深理當自懼與戰則必刻與
 和則必固制服匈奴自茲始矣是日頡利請和隨詔許焉車駕即日還宮乙酉
 又幸城西刑白馬與頡利同盟于便橋之上頡利引兵而退蕭瑀進曰初頡利
 之未和也謀臣猛將多請戰而陛下不納臣以為疑既而虜自退其策安在上
 曰我觀突厥之兵雖衆而不整君臣之計唯財利是視可汗獨在水西會帥皆
 來謁我我因而襲擊其衆勢同拉朽然我已令無忌李靖設伏於幽州以待之
 虜若奔還伏兵邀其前大軍躡其後覆之如反掌矣我所以不戰者即位日淺

為國之道安靜為務一與虜戰必有死傷又匈奴一敗或當懼而修德結怨於
 我為患不細我今卷甲輜戈昭以玉帛頑虜驕恣必自此始破亡之漸其在茲
 乎將欲取之必固與之此之謂也九月頡利獻馬三千匹羊萬口上不受詔頡
 利所掠中國戶口者悉令歸之貞觀元年陰山已北薛延陀迴紇拔也古等部
 皆相率背叛擊走其欲谷設頡利遣突利討之師又敗績輕騎奔還頡利怒恚
 之十餘日突利由是怨望內欲背之其國大雪平地數尺羊馬皆死人大飢乃
 懼我師出乘其弊引兵入朔州揚言會獵實設備焉侍臣咸曰夷狄無信先自
 猜疑盟後將兵忽踐疆境可乘其便數以背約因而討之太宗曰匹夫一言尚
 須存信何況天下主乎豈有親與之和利其災禍而乘危迫險以滅之耶諸公
 為可朕不為也縱突厥部落叛盡六畜皆死朕終示以信不妄討之待其無禮
 方擒取耳三年突利遣使奏言與頡利有隙奏請擊之詔秦武通以并州兵馬
 隨便應接三年薛延陀自稱可汗于漠北遣使來貢方物頡利始稱臣尚公主
 請修婿禮頡利每委任諸胡疎遠族類胡人貪冒性多翻覆以故法令滋彰兵
 革歲動國人患之諸部攜貳頻年大雪六畜多死國中大饑頡利用度不給復
 重斂諸部由是下不堪命內外多叛之上以其請和後復援梁師都詔兵部尚
 書李靖代州都督張公謹出定襄道并州都督李勣右武衛將軍丘行恭出通
 漢道左武衛大將軍柴紹出金河道衛孝節出恆安道薛萬徹出暢武道俱受
 靖節度以討之十二月突利可汗及郁射設薩奈特勒等並帥所部來奔四年
 正月李靖進屯惡陽嶺夜襲定襄頡利驚擾因徙牙於磧口胡會康蘇密等遂
 以隋蕭后及楊政道來降二月頡利計窘竄于鐵山兵尚數萬使執失思力入
 朝謝罪請舉國內附太宗遣鴻臚卿唐儉將軍安修仁持節安撫之頡利稍自
 安靖乘間襲擊大破之遂滅其國頡利乘千里馬獨騎奔于從姪沙鉢羅部落
 三月行軍副總管張寶相率衆奄至沙鉢羅營生擒頡利送于京師太宗謂曰
 凡有功於我者必不能忘有惡於我者終亦不紀論爾之罪狀誠為不小但自
 渭水會面為盟從此以來未有深犯所以錄此不相責耳仍詔還其家口館於
 大僕廩食之頡利鬱鬱不得志與其家人或相對悲歌而泣帝見羸瘠授號州

刺史以彼土多羣鹿，縱其收獵，庶不失物性。頡利辭不願往，遂授右衛大將軍，賜以田宅。五年，太宗謂侍臣曰：「天道福善禍淫，事猶影響。昔啓民亡國奔隋，文帝不恡粟帛，大興士衆，營衛安置，乃得存立。既而強威當須子子孫孫，思念報德，纔至始畢，即起兵圍煬帝於厲門，及隋國將亂，又特強深入，遂使昔安立其家國者，身及子孫，並爲頡利兄弟之所屠戮。今頡利破亡，豈非背恩忘義所致也？」八年，卒詔其國人葬之，從其俗禮，焚屍於灑水之東，贈歸義王，諡曰荒，其舊臣胡祿達官吐谷渾邪，自刎以殉。渾邪者，頡利之母婆施氏之媵臣也。頡利初誕，以付渾邪，至是哀慟而死。太宗聞而異之，贈中郎將，仍葬於頡利墓側，樹碑以紀之。突利可汗什鉢苾者，始畢可汗之嫡子，頡利之姪也。隋大業中，突利年數歲，始畢遣領其東牙之兵，號爲泥步，設隋淮南公主之北也。遂妻之，頡利嗣位，以爲突利可汗。牙直幽州之北，突利在東，偏管奚、霫等數十部，徵稅無度，諸部多怨之。貞觀初，奚、霫等並來歸附，頡利怒其失衆，遣北征，延陁又喪師，遂囚而擄焉。突利初自武德時，深自結於太宗，太宗亦以恩義撫之，結爲兄弟，與盟而去。後頡利政亂，驟徵兵於突利，拒之不與，由是有隙。貞觀三年，表請入朝，上謂侍臣曰：「朕觀前代爲國者，勞心以憂萬姓，世祚乃長，役人以奉其身，社稷必滅。今北蕃百姓喪亡，誠由其君不君之故也。至使突利情願入朝，若非困迫，何能至此？夷狄弱則邊境無虞，亦甚爲慰。然見其顛覆，又不能不懼，所以然者，慮己有不逮，恐禍變亦爾。朕今視不能遠見，聽不能遠聞，唯藉公等盡忠匡弼，無得情於諫諍也。突利尋爲頡利所攻，遣使來乞師，太宗謂近臣曰：「朕於突利結爲兄弟，不可以不救。杜如晦進曰：「夷狄無信，其來自久，國家雖爲守約，彼必背之。不若因其亂而取之，所謂取亂侮亡之道。」太宗然之，因令將軍周範屯太原，以圖進取。突利乃率其衆來奔，太宗禮之甚厚，頻賜以御膳。四年，授右衛大將軍，封北平郡王，食邑封七百戶，以其下兵衆置順祐等州，帥部落還蕃。太宗謂曰：「昔爾祖啓民，亡失兵馬，一身投隋，隋家望立，遂至強盛，荷隋之恩，未嘗報德。至爾父始畢，乃爲隋家之患，自爾已後，無歲不侵擾中國，天實禍淫，大降災變，爾衆散亂，死亡略盡，既事窮後，乃來投我，所以我所以不立爾爲可汗者，正爲啓民

前事故也。改變前法，欲中國久安，爾宗族承固，是以授爾都督，當須依我國法，整齊所部，不得妄相侵掠。如有所違，當獲重罪。五年，徵入朝，至并州，道病卒。年二十九。太宗爲之舉哀，詔中書侍郎岑文本爲其碑，文子賀遜，嗣突利弟，結射率貞觀初入朝，歷位中郎將。十三年，從幸九成宮，陰結部落得四十餘人，并擁賀遜，相與夜犯御營，鎗第四重幕，引弓亂發，殺衛士數十人，折衝孫武開率兵奮擊，乃退。北走渡渭水，欲奔其部落，尋皆捕而斬之。詔原賀遜，流于嶺外。頡利之敗也，其部落或走薛延陁，或走西域，而來降者甚衆，詔議安邊之術。朝士多言突厥特強，擾亂中國爲日久矣。今天實喪之，窮來歸我，本非慕義之心，因其歸命，分其種落，俘之河南，充豫之地，散居州縣，各使耕織，百萬胡虜，可得化爲百姓，則中國有加戶之利，塞北可常空矣。唯中書令溫彥博議請準漢建武時置降匈奴於五原塞下，全其部落，得爲捍蔽，又不離其土俗，因而撫之。一則實空虛之地，二則示無猜心。若遣向河南，充豫，則乖物性，故非含育之道。太宗將從之，祕書監魏徵奏言：「突厥自古至今，未有如斯之破敗者也。此是上天勳絕，宗廟神武，且其世寇中國，百姓冤讎，陛下以其降伏，不能誅滅，即宜遣還河北，居其故土，匈奴人面獸心，非我族類，強必寇盜，弱則卑服，不顧恩義，其天性也。秦漢患其若是，故發猛將以擊之，收取河南，以爲郡縣，陛下奈何以內地居之？且今降者幾至十萬，數年之間，孽息百倍，居我肘腋，密邇王畿，心腹之疾，將爲後患，尤不可河南處也。溫彥博奏曰：「天子之物也，天覆地載，有歸我者，則必養之。今突厥破滅之餘，歸心降附，陛下不加憐愍，棄而不納，非天地之道。阻四夷之意，臣愚甚謂不可。」遣居河南，所謂死而生之，亡而存之，懷我德惠，終無叛逆。魏徵又曰：「晉代有魏時，胡落分居近郡，平吳已後，郭欽江統勸武帝逐出塞外，不用欽等言，數年之後，遂傾瀛洛，前代覆車，殷鑒不遠。陛下必用彥博之言，遣居河南，所謂養獸自遺患也。彥博又曰：「聞聖人之道，無所不通。古先哲王有教無類，突厥餘魂，以命歸我，我援護之，收居內地，粟我指麾，教以禮法，數年之後，盡爲農民，選其酋首，遣居宿衛，畏威懷德，何患之有？光武居南單于於內郡，爲漢藩翰，終乎一代，不有叛逆。彥博既口給，引類百端，太宗遂用其計。

於朔方之地自幽州至靈州置順祐化長四州都督府又分頡利之地六州左
置定襄都督府右置雲中都督府以統其部眾其酋首至者皆拜為將軍中郎
將等官布列朝廷五品以上百餘人因而入居長安者數千家自結社率之反
也太宗始患之又上書者多云處突厥於中國殊謂非便乃徙於河北立右武
候大將軍化州都督懷化郡王思摩為乙彌泥孰俟利苾可汗賜姓李氏率所
部建牙於河北

思摩者頡利族人始畢處羅以其貌似胡人不類突厥疑非阿史那族類故
歷處羅頡利世常為夾畢特勒終不得典兵為設武德初數來朝貢高祖封為
和順郡王及其國亂諸部多歸中國唯思摩隨逐頡利竟與同擒太宗嘉其忠
除右武侯大將軍化州都督令統頡利舊部落於河南之地尋改封懷化郡王
及將徙於白道之北思摩等咸懼薛延陀不肯出塞太宗遣司農卿郭嗣本賜
延陀書曰突厥頡利可汗未破已前自恃強盛抄掠中國百姓被其殺者不
可勝紀我發兵擊破之諸部落悉歸化我略其舊過嘉其從善並授官爵同我
百寮所有部落愛之如子與我百姓不異但中國禮義不滅爾國前破突厥止
為頡利一人為百姓之害所以廢而黜之實不貪其土地利其人馬也自黜廢
頡利以後恆欲更立可汗是以所降部落等並處河南任其放牧今戶口羊馬
日向滋多元許冊立不可失信即欲遣突厥渡河復其田土我策爾延陀日月
在前今突厥居後後者為小前者為大爾在磧北突厥居磧南各守土境鎮撫
部落若其踰越故相抄掠我即將兵各問其罪此約既定非但有便爾身貽厥
子孫長守富貴也於是命禮部尚書趙郡王孝恭齎書就思摩部落築壇於河
上以拜之并賜之鼓纛突厥及胡在諸州安置者並令渡河北還其舊部又以
左屯衛將軍阿史那忠為左賢王左武衛將軍阿史那泥孰為右賢王以貳之
薛延陀聞太宗遣思摩渡河北慮其部落翻附磧北預蓄輕騎伺至而擊之太
宗遣勅之曰擅相侵者國有常刑延陀已至尊道莫相侵掠敢不奉詔然突厥
翻覆難信其未破前連年殺中國人動以千萬計至尊破突厥須收為奴婢將
與百姓而反養之如子結社率竟反此輩獸心不可信也臣荷恩甚深請為至

尊誅之時思摩下部眾渡河者凡十萬勝兵四萬人思摩不能撫其眾皆不愜
服至十七年相率叛之南渡河請分處於勝夏二州之間詔許之思摩遂輕騎
入朝策授右武衛將軍從征遼東為流矢所中太宗親為吮血其見顧遇如此
未幾卒于京師贈兵部尚書夏州都督陪葬昭陵立墳以象白道山詔為立碑
於化州先是貞觀中突厥利部有車鼻者亦阿史那之族也代為小可汗牙干
金山之北頡利可汗之敗北荒諸部將推為大可汗遇薛延陀為可汗車鼻不
敢當遂率所部歸於延陀為人勇烈有謀略頗為眾附延陀惡而將誅之車鼻
密知其謀竄歸於舊所其地去京師萬里勝兵三萬人自稱乙注車鼻可汗西
有歌羅祿北有結骨皆附隸之自延陀破後遣其子沙鉢羅特勒來朝貢方物
又請身入朝太宗遣將軍郭廣敬徵之竟不至太宗大怒貞觀二十三年遣右
驍衛郎將高倫潛引迴紇僕骨等兵眾襲擊之其酋長歌邏祿泥孰俟利發
乃拔塞蜀處木昆莫實咄俟斤等率部落背車鼻相繼來降永徽元年倂軍次

阿息山車鼻聞王師至召所部兵皆不赴遂攜其妻子從數百騎而遁其眾盡
降倂率精騎追車鼻獲之送于京師仍獻于社廟又獻于昭陵高宗數其罪而
赦之拜左武衛將軍賜宅於長安處其餘眾於鬱督軍山置狼山都督以統之
車鼻長子羯漫陀先統拔悉密部車鼻未敗前遣其子菴鑠入朝太宗嘉之拜
左屯衛將軍更置新黎州以統其眾車鼻既破之後突厥盡為封疆之臣於是
分置單于瀚海二都護府單于都護領狼山雲中桑乾三都督蘇農等一十四
州瀚海都護領金微新黎等七都督仙尊寶爾等八州各以其首領為都督刺
史高宗東封泰山狼山都督葛邏祿社利等首領三十餘人並扈從至嶽下勒
名於封禪之碑自永徽已後殆三十年北鄙無事調露元年單于管內突厥首
領阿史德溫傳奉職二部落始相率反叛立泥孰為可汗二十四州並叛應
之高宗遣鴻臚卿蕭嗣業右千牛將軍李景嘉率眾討之反為溫傳所敗兵士
死者萬餘人又詔禮部尚書裴行儉為定襄道行軍大總管率太僕少卿李思
文營州都督周道務等統眾三十餘萬討擊溫傳大破之泥孰為其下所殺
并擒奉職而還永隆元年突厥有迎頡利兄之子阿史那伏念於夏州將渡河

立爲可汗。諸部落復響應從之。又詔裴行儉率將軍曹繼叔程務挺李崇直李文疎等討之。伏念蒼急。詣行儉降。行儉遂虜伏念。詣京師。斬于東市。永淳二年。突厥阿史那骨咄祿復反叛。

骨咄祿者。頡利之疎屬。亦姓阿史那氏。其祖父本是單于。右雲中都督舍利元英下首領也。世襲吐屯。伏念既破。骨咄祿鳩集亡散。入總材山。聚爲羣盜。有衆五千餘人。又抄掠九姓。得羊馬甚多。漸至強盛。乃自立爲可汗。以其弟默啜爲設。咄悉匄爲護。時有阿史德元珍。在單于檢校降戶部。嘗坐事爲單于長史。王本立所拘繫。會骨咄祿入寇。元珍請依舊檢校部落。本立許之。因而便投骨咄祿。骨咄祿得之。甚喜。立爲阿波達干。令專統兵馬。事永淳二年。進寇蔚州。豐州都督崔智辯擊之。反爲賊所殺。文明元年。又寇朔州。殺掠人吏。則天詔左武威衛大將軍程務挺爲單于道安撫。大使以備之。垂拱二年。骨咄祿又寇朔代等州。左玉鈐衛中郎將淳于處平爲陽曲道總管。與副將中郎將蒲英節率兵赴援。行至忻州。與賊戰。大敗。死者五千餘人。三年。骨咄祿及元珍又寇昌平。詔左鷹揚衛大將軍黑齒常之擊卻之。其年八月。又寇朔州。復以常之爲燕然道大總管。擊賊於黃花堆。大破之。追奔四十餘里。賊衆遂散。走磧北。右監門衛中郎將龔寶璧。又率精兵一萬三千人。出塞窮追。反爲骨咄祿所敗。全軍盡沒。寶璧輕騎遁歸。初。寶璧見常之破賊。遽表請窮其餘黨。則天詔常之與寶璧計議。遂爲擊援。寶璧以爲破賊在朝夕。貪功先行。又令人出塞二千餘里。覘候。見元珍等部落。皆不設備。遂率衆掩襲之。既至。又遣人報賊。令得設備。出戰。遂爲賊所覆。寶璧坐此伏誅。則天大怒。因改骨咄祿爲不卒祿。元珍後率兵討突騎施。臨陣戰死。骨咄祿天授中病卒。

默啜者。骨咄祿之弟也。骨咄祿死時。其子尙幼。默啜遂篡其位。自立爲可汗。長壽二年。率衆寇靈州。殺掠人吏。則天道白馬寺僧薛懷義爲代北道行軍大總管。領十大將軍以討之。既不遇賊。尋班師焉。默啜俄遣使來朝。則天大悅。冊授左衛大將軍。封歸國公。賜物五十段。明年復遣使請和。又加授遷善可汗。萬歲通天元年。契丹首領李盡忠孫萬榮反叛。攻陷營府。默啜遣使上言。請還河西

降戶。即率部落兵馬爲國家討擊契丹。制許之。默啜遂攻討契丹。部衆大潰。盡獲其家。默啜自此兵衆漸盛。則天尋遣使冊立默啜爲特進。誦陟利施大單于。立功報國可汗。聖曆元年。默啜表請與則天爲子。并言有女請和親。咸亨中。突厥諸部落來降附者。多處之豐勝靈夏朔代等六州。謂之降戶。默啜至是。又索世降戶及單于都護府之地。兼請農器種子。則天初不許。默啜大怨怒。言辭甚慢。拘我使人。司賓卿田歸道將害之時。朝廷懼其兵勢。納言姚璿鸞臺侍郎楊再思。建議請許其和親。遂盡驅六州降戶數千帳。并種子四萬餘碩。農器三千事。以與之。默啜浸強。由此也。其年則天令魏王武承嗣男淮陽王延秀就納其女爲妃。遣右豹韜衛大將軍閻知微攝春官尙書。右武威衛副將楊鸞莊攝司賓卿。大賚金帛。送赴虜庭。行至黑沙南庭。默啜謂知微等曰。我女擬嫁與李家天子兒。你今將武家兒來。此是天子兒否。我突厥積代已來。降附李家。今聞李家天子種末總盡。唯有兩兒在。我今將兵助立。遂收延秀等。拘之。別所僞號。知微爲可汗。與之率衆十餘萬。襲我靜難及平狄清夷等軍。靜難軍使左正鋒

衛將軍慕容玄贍。以兵五千人降之。俄進寇媯檀等州。則天令司屬卿武重規爲天兵中道大總管。右武威衛將軍沙吒忠義爲天兵西道前軍總管。幽州都督張仁重爲天兵東道總管。率兵三十萬擊之。右羽林衛大將軍閻敬容爲天兵西道後軍總管。統兵十五萬。以爲後援。默啜又出自恆岳道。寇蔚州。陷飛狐縣。俄進攻定州。殺刺史孫彥高。焚燒百姓廬舍。虜掠男女。無少長皆殺之。則天大怒。購斬默啜者。封王。改默啜號爲斬啜。尋又圍逼趙州。長史唐波若翻城應之。刺史高寂抗節不從。遂遇害。則天乃立廬陵王爲皇太子。令充河北道行軍大元帥。軍未發而默啜盡抄掠趙定等州男女八九萬人。從五回道而去。所過殘殺不可勝紀。沙吒忠義及後軍總管李多祚等。皆持重兵與賊相望。不敢戰。河北道元帥納言狄仁傑總兵十萬追之。無所及。二年。默啜立其弟咄悉匄爲左廂察。骨咄祿子默矩爲右廂察。各主兵馬二萬餘人。又立其子匄俱爲小可汗。位在兩察之上。仍主處木昆等十姓兵馬四萬餘人。又號爲拓西可汗。自是連歲寇邊。元視元年。掠隴右諸監馬萬餘匹而去。制右肅政御史大夫魏元忠

為靈武道行軍大總管以備之。又命安北大都督相王旦為天兵道元帥統諸軍討擊。竟未行而賊退。長安三年。默啜遣使賀達干。請以女妻皇太子之子。則天令太子男平恩王重俊。義興王重明。廷立見之。默啜遣大酋移力貪汗入朝。獻馬千匹。及方物以謝許親之意。則天燕之於宿羽亭。太子相王及朝集使三品以上。並預會。重賜以遣之中宗。即位默啜又寇靈州。鳴沙縣靈武軍大總管沙吒忠義拒戰。久之。官軍敗績。死者六千餘人。賊遂進寇原會等州。掠龍右驛牧馬萬餘匹而去。忠義坐免。中宗下制。絕其請婚。仍購募能斬復默啜者。封國王。授諸衛大將軍。賞物二千段。又命內外官各進破突厥諸策。右補闕盧備上疏曰。臣聞有虞咸熙。苗人逆命。殷宗大化。鬼方不賓。則戎狄交侵。其求遠矣。漢高帝納婁敬之議。與匈奴和親。妻以宗女。賂以鉅萬。冒頓益驕。邊寇不止。則遠荒之地。凶悍之俗。難以德綏。可以威制。而降自三代。無聞上策。今匈奴不臣。擾我亭障。皇赫斯怒。將整元戎。臣聞方叔帥師。功歌周雅。去病耀武。勳勒燕山。則萬里折衝。在於擇將。春秋謀元帥。取其說禮樂。敦詩書。晉臣杜預射不穿札。而建平吳之勳。是知中權制謀。不在一夫之勇。其蕃將沙吒忠義等。身雖驍悍。志無遠圖。此乃騎將之材。本不可當大任。且師出以律。將軍死綏。秦剋長平。趙括受戮。胡去馬邑。王恢坐誅。則棄軍有刑。古之常典。近者鳴沙之役。主將先逃。輕挫國威。須正邦憲。又其中軍既敗。陣亂矢窮。義勇之士。猶能死戰。功合紀錄。以勸戎行。賞罰既明。將士盡節。此擒敵之術也。臣聞以蠻夷攻蠻夷。中國之長算。故陳湯統西域。而郅支滅。常惠用烏孫。而匈奴敗。取請購辦勇之士。班傳之備。旁結諸蕃。與圖攻取。此又犄角之勢也。臣聞昔置新秦。以實塞下。宜因古法。募人徙邊。選其勝兵。免其行役。次廬伍。明教令。則習習戎事。究識夷情。其所虜獲。因而賞之。近戰則守家。遠戰則利貨。趨赴鋒鏑。不勞訓誓。朝賦楊柳。夕歌枌杜。三年之後。可以久安。臣聞漢拜郅都。匈奴避境。趙李牧。林胡遠竄。則朔方之安危。邊城之勝負。地方千里。制在一賢。其邊州刺史。不可不慎擇。得其人。而任之。寬乘訓兵。屯田積粟。謹設烽燧。精飾戈矛。來則懲而禦之。去則備而守之。此又古之善經也。去歲亢陽。天下不稔。利在保境。不可窮兵。使內郡黔黎。各安其

業。擇其宰牧。輕其賦徭。事無過舉。爵不以私。愛人之財。節其徭役。惜人之力。不廣臺榭。察地利。天時。以趨耕種。命秋獮冬狩。以教戰陣。則數年之後。有勇知方。怒藏山積。金草犀利。然後整六軍。絕大漠。雷擊萬里。風掃二庭。斬歸林之酋。懸葦街之邸。使百蠻震怖。五兵載戢。則上合天時。下順人事。理內以及外。綏近以來。遠以惠中國。以靜四方。臣少慕文儒。不習軍旅。奇正之術。多媿前良。獻替是司。輕陳警議。上覽而善之。默啜於是殺我行人。假瀟驢。卿滅思言。思言對賊。不屈節。特贈瀟驢。卿仍命左屯衛大將軍張仁重。攝右御史。盛大夫。充朔方道大總管。以禦之。仁重始於河外。築三受降城。絕其南寇之路。睿宗踐祚。默啜又遣使請和。親制以宋王成器女為金山公主。許嫁之。默啜乃遣其男楊我支特勒來朝。授右驍衛員外大將軍。俄而睿宗傳位。親竟不成。初。默啜景雲中。率兵西擊娑葛。破滅之。契丹及奚。自神功之後。常受其徵役。其地東西萬餘里。控弦四十萬。自頡利之後。最為強盛。自恃兵威。虐用其衆。默啜既老。部落漸多。逃散開元二年。遣其子移涅可汗及同俄特勒。妹婿火拔頭利。發石阿失。畢率精騎圍逼北庭。右驍衛將軍郭虔瓘嬰城固守。俄而出兵。擒同俄特勒于城下。斬之。虜因退縮。火拔懼不敢歸。攜其妻來奔。制授左衛大將軍。封燕北郡王。封其妻為金山公主。賜宅一區。奴婢十人。馬十匹。物千段。明年。十姓部落。左廂五咄六。右廂五弩失畢。五俟斤。及子塔高麗。莫離支。高文簡。跌跌。都督跌跌。思泰等。各率其衆。相繼來降。前後總萬餘帳。制令居河南之舊地。授高文簡左衛員外大將軍。封遠西郡王。跌跌。思泰為特進。右衛員外大將軍。兼跌跌。都督。封樓煩郡公。自餘首領。封拜賜物。各有差。默啜女婿阿史德胡祿。俄又歸朝。授以特進。其秋。默啜與九姓首領阿不思等。戰于磧北。九姓大潰。人畜多死。阿不思率衆來降。四年。默啜又北討。九姓拔曳固。戰于獨樂河。拔曳固大敗。默啜負勝輕歸。而不設備。遇拔曳固。進卒頭質略於柳林中。突出擊默啜。斬之。仍與入蕃使郝靈筌。傳默啜首。至京師。骨咄祿之子闕特勒。鳩合蕃部。殺默啜子小可汗。及諸弟。并親信略盡。立其兄左賢王默棘連。是為毗伽可汗。

毗伽可汗以開元四年即位。本蕃號為小殺。性仁友。自以得國。是闕特勒之功。

固讓之。關特勒不受，遂以爲左賢王。專掌兵馬，是時奚契丹相率款塞突騎施蘇祿自立，爲可汗。突厥部落頗多攜貳，乃召默啜時衛官，徵欲谷爲謀主。初，默啜下衛官，盡爲關特勒所殺。徵欲谷以女爲小殺可敦，遂免死，廢歸部落。及復用，年已七十餘。蕃人甚敬伏之，俄而降戶阿悉爛，跌思泰等，復自河曲叛歸。初，降戶南至，單于左衛大將軍單于副都護張知運，盡收其器仗，令渡河而南。蕃人怨怒，御史中丞姜晦爲巡邊使，蕃人訴無弓矢，不得射獵，晦悉給還之。故有抗敵之具。張知運既不設備，與降戶戰于青剛嶺，爲降戶所敗。臨陣生擒知運，擬送與突厥。朔方總管薛納率兵追討之，賊至大城縣，又爲將軍郭知運所擊。賊衆潰散，投黑山呼延谷，釋張知運而去。上以張知運喪師，斬之以徇。小殺既得降戶，謀欲南入爲寇。徵欲谷曰：「唐王英武，人和年豐，未有間隙，不可動也。我衆新集，猶尙疲羸，須且息養之。」數年，始可觀變而舉。小殺又欲修築城壁，造立寺觀，徵欲谷曰：「不可。突厥人戶寡少，不敵唐家百分之一，所以常能抗拒者，正以隨逐水草，居處無常，射獵爲業，又皆習武，強則進兵抄掠，弱則窟伏山林。唐兵雖多，無所施用。若築城而居，改變舊俗，一朝失利，必將爲唐所併。且寺觀之法，教人仁弱，本非用武爭強之道，不可置也。」小殺等深然其策。八年冬，御史大夫王峻爲朔方大總管，奏請西徵拔悉密。東發奚契丹兩蕃，期以明年秋，初引朔方兵數道俱入，掩突厥衙帳於稽落河上。小殺聞之，大恐，徵欲谷曰：「拔悉密今在北庭，與兩蕃東西相去極遠，勢必不合。王峻兵馬，計亦無能至此。必若能來，候其臨到，即移衙帳向北三日，唐兵糧盡，自然去矣。」且拔悉密輕而好利，聞命必是先來。王峻與張嘉貞不協，奏請有所不愜，必不敢動。若王峻兵馬不來，拔悉密獨至，即須擊取之，勢易爲也。」九年秋，拔悉密果臨突厥衙帳，而王峻兵及兩蕃不至。拔悉密懼而引退，突厥欲擊之。徵欲谷曰：「此衆去家千里，必將死戰，未可擊也。不如以兵驕之。」去北庭二百里，徵欲谷分兵間道先掩北庭。因縱卒擊拔悉密之遺衆，遂散走投北庭，而城陷不得入。盡爲突厥所擒，屠其男女，而還。徵欲谷迴兵，因而出赤亭，以掠涼州羊馬。時楊敬述爲涼州都督，遣副將盧公利判官元澄，出兵邀擊之。徵欲谷曰：「敬述若守城自固，即與連和。」

若出兵相當，即須決戰。我今乘勝，必有功矣。公利等兵至剛丹，遇賊，元澄令兵士擅臂持滿，仍急結其袖，會風雪凍裂，盡墜弓矢。由是官軍大敗。元澄脫身而走。敬述坐削除官爵。白衣檢校涼州事。小殺由是大振，盡有默啜之衆。俄又遣使請和，乞與玄宗爲子。上許之，仍請尙公主。上但厚賜而遣之。十三年，玄宗將東巡，中書令張說謀欲加兵以備突厥。兵部郎中裴光庭曰：「封禪者，告成之事。忽此徵發，豈非名實相乖。」說曰：「突厥比雖請和，默心難測。且小殺者，仁而愛人，衆爲之用。關特勒驍武善戰，所向無前。徵欲谷深沉有謀，老而益智。李靖徐勣之流也。三虜協心，動無遺策。知我舉國東巡，萬一窺邊，何以禦之。」光庭請遣使徵其大臣，扈從則突厥不敢不從。又亦難爲舉動。說然其言。乃遣中書直省袁振攝鴻臚卿往突厥，以告其意。小殺與其妻及關特勒、徵欲谷等，環坐帳中，設宴。謂振曰：「吐蕃狗種，唐國與之爲婚。奚及契丹，舊是突厥之奴，亦尙唐家公主。突厥前後請結和親，獨不蒙許，何也。」袁振曰：「可汗既與皇帝爲子，父子豈合爲婚姻。小殺等曰：「兩蕃亦蒙賜姓，猶得尙主。但依此例，有何不可。」且聞入蕃公主，皆非天子之女。今之所求，豈問真假。煩請不得實，亦差見諸蕃。振許爲奏。請小殺乃遣其大臣阿史德頡利發入朝貢獻。因扈從東巡。玄宗發都至嘉會，頡利發及諸蕃酋長入仗，仍與之弓箭，時有兔起於御馬之前，上引弓傍射，一發獲之。頡利發便下馬捧兔蹈舞曰：「聖人神武超絕，若天上則不知，人間無也。」上因令問飢否。對曰：「仰觀聖武如此，十日不食，猶爲飽也。自是常令突厥入仗，馳射起居，舍人呂向上疏曰：「臣聞鳴鳥不鳴，未爲瑞鳥。猛虎難伏，豈齊仁獸。是由醜性毒行，久務常積故也。今夫突厥者，正與此類。安忍殘賊，莫顧君親。陛下持武義臨之，修文德來之，既懼威靈，又沐聲教，以力以勢，不得不庭。故稽顙稱臣，奔命遣使。陛下乃能收其傾効，雜以從官，赴封禪之禮。麥玉帛之會，此德業自感，固不可名焉。因復詔許侍遊，召入禁仗，仍英姿之四照，送神藝之百發，恩意俱極，誠無得踰焉。乃更賜以馳逐使，操弓矢，競飛鏃於前，同獲獸之樂。是屑略太過，未敢取也。雖聖胸豁達，於物無猜，而愚心徘徊，與時加慄。儻此等各懷犬吠交肆，盜憎荆卿，詭動何羅，竊至暫逼嚴躡，稍冒清塵，縱即墮玄方，墟幽土。」

單于為醜，宜為汚，何塞過實，特願陛下勿復親近，使知分限，行不失常，歸於得所，以謂迴兩曜之鑿，祛九宇之憂，孰不幸甚，上納其言，遂令諸蕃先發，東封迴上為額，利發設燕，厚賜而遣之，竟不許其和親，十五年，小殺使其大臣梅錄啜來朝，獻名馬三十匹，時吐蕃與小殺書，將計議同時入寇，小殺并獻其書，上嘉其誠，引梅錄啜宴於紫宸殿，厚加賞賚，仍許於朔方軍西受降城為互市之所，每年齎縑帛數十萬匹，就邊以遺之，二十年，闕特勒死，詔金吾將軍張去逸、都官郎中呂向、廣置書入蕃，弔祭，并為立碑，上自為碑文，仍立祠廟，刻石為像，四壁畫其戰陣之狀，二十年，小殺為其大臣梅錄啜所毒，藥發未死，先討斬梅錄啜，盡滅其黨，既卒，國人立其子為伊然可汗，詔宗正卿李佺往弔祭，并冊立伊然為立碑廟，仍令史官起居舍人李融為其碑文，無幾，伊然病卒，又立其弟為登利可汗。

登利者猶華言果報也，登利年幼，其母即瞰欲谷之女，與其小臣欽斯達干姦通，干預國政，不為蕃人所伏，登利從叔父二人分掌兵馬，在東者號為左殺，在西者號為右殺，其精銳皆分在兩殺之下，二十八年，上遣右金吾將軍李質齎璽書，又冊立登利為可汗，俄而登利與其母誘斬西殺，盡併其衆，而左殺懼禍及己，勒兵攻登利，殺之，自立，號烏蘇米施可汗，左殺又不為國人所附，拔悉密部落起兵擊之，左殺大敗，脫身遁走，國中大亂，西殺妻子及默啜之孫勃德支特勒、毗伽可汗女大洛公主、伊然可汗小妻余塞匭、登利可汗女余燭公主及阿不思、額利發等，並率其部衆，相次來降，天寶元年八月，降虜至京師，上令先謁太廟，仍於殿庭引見，御華尊樓以宴之，上賦詩以紀其事。

舊唐書卷一百九十四上

舊唐書卷一百九十四上考證

毗伽可汗傳上引弓俯射一發獲之○原本射字下空兩格無一發二字今據

新書添

舊唐書卷一百九十四上考證

後晉司空同中書門下平章事劉昫撰

列傳第一百四十四下

突厥下

西突厥本與北突厥同祖初木杆與沙鉢略可汗有隙因分爲二其國即烏孫之故地東至突厥國西至雷海南至疎勒北至瀚海在長安北七千里自焉耆國西北七日程至其南庭又正北八日程至其北庭鐵勒龜茲及西域諸胡國皆歸附之其人雜有都陸及弩失畢歌邏祿處月處密伊吾等諸種風俗大抵與突厥同唯言語微差其官有葉護有特勤常以可汗子弟及宗族爲之又

有乙斤屈利啜闊洪達頡利發吐屯俟斤等官皆代襲其位

處羅可汗隋煬帝大業中與其弟闕達設及特勤大奈入朝仍從煬帝征高麗

賜號爲曷薩那可汗過江都之亂從宇文文化及至河北化及敗歸長安高祖爲

之降擄引與同坐封歸義郡王獻大珠於高祖高祖勞之曰珠信爲寶朕所重

者赤心珠無所用竟不受之先與始畢有隙及在京師始畢遣使請殺之高祖

不許羣臣諫曰今若不與則是存一人而失一國也後必爲患太宗曰人窮來

歸我殺之不義諫於高祖由是遲迴者久之不得已乃引曷薩那於內殿與

之縱酒既而送至中書省縱北突厥使殺之太宗即位令以禮改葬闕達設初

居於會寧有部落三千餘騎至隋末自稱闕達可汗武德初遣使內屬拜吐烏

過拔闕可汗厚加撫慰尋爲李軌所滅特勤大奈隋大業中與曷薩那可汗同

歸中國及從煬帝討遼東以功授金紫光祿大夫後分其部落於樓煩會高祖

舉兵大奈率其衆以從隋將柔顯和叢義軍於飲馬泉諸軍多已奔退大奈將

數百騎出顯和後掩其不備擊大破之諸軍復振拜光祿大夫及平京城以力

戰功賞物五千段賜姓史氏武德初從太宗破薛舉又從平王世充破竇建德

劉黑闥並有殊功賜宮女三人雜綵萬餘段貞觀三年累遷右武衛大將軍檢

校曹州都督封齊國公實封三百戶十二年卒贈輔國大將軍初曷薩那之朝

隋也爲煬帝所拘其國人遂立薩那之叔父曰射匱可汗

射匱可汗者遠頭可汗之孫也既立後始開土宇東至金山西至海自玉門已西諸國皆役屬之遂與北突厥爲敵乃建庭於龜茲北三彌山尋弟統葉護

可汗代立

統葉護可汗勇而有謀善攻戰遂北奔鐵勒西拒波斯南接罽賓悉歸之控弦

數十萬霸有西域據舊烏孫之地又移庭於石國北之千泉其西域諸國王悉

授頡利發并遣吐屯一人監統之督其征賦西戎之威未之有也武德三年遣

使貢條支巨卵時北突厥作患高祖恩加撫結與之并力以圖北蕃統葉護許

以五年冬大軍將發頡利可汗聞之大懼復與統葉護通和無相征伐統葉護

尋遣使來請婚高祖謂侍臣曰西突厥去我懸遠急疾不相得力今請婚其計

安在封德彝對曰當今之務莫若遠交而近攻正可權許其婚以威北狄待數

年後中國威全徐思其宜高祖遂許之婚令高平王道立至其國統葉護大悅

遇頡利可汗頻歲入寇西蕃路梗由是未果爲婚貞觀元年遣真珠統俟斤與

高平王道立來獻萬釘寶鈿金帶馬五千疋時統葉護自負強盛無恩於國部

衆咸怨歌邏祿種多叛之頡利可汗不悅中國與之和親數遣兵入寇又遣人

謂統葉護曰汝若迎唐家公主要須經我國中而過統葉護患之未克婚爲其

伯父所殺而自立是爲莫賀咄侯屈利俟毗可汗太宗聞統葉護之死甚悼之

遣齋玉帛至其死所祭而焚之會其國亂不果至而止

莫賀咄侯屈利俟毗可汗先分統突厥種類爲小可汗及此自稱大可汗國人

不附弩失畢部共推泥孰莫賀設爲可汗泥孰不從時統葉護之子啞力特勤

避莫賀咄之難亡在康居泥孰遂迎而立之是爲乙毘羅肆葉護可汗連兵

不息俱遣使來朝各請婚於我太宗答之曰汝國擾亂君臣未定戰爭不息何

得言婚竟不許仍諷令各保所部無相征伐其西域諸國及鐵勒先役屬於西

突厥者悉叛之國內虛耗肆葉護既是舊主之子爲衆心所歸其西面都陸可

汗及莫賀咄可汗部衆帥多來附之又與兵以擊莫賀咄大敗之莫賀咄遁於

金山尋爲咄陸可汗所害國人乃奉肆葉護爲大可汗肆葉護可汗立大發兵

北征鐵勒薛延陀逆擊之反爲所敗肆葉護性猜狠信讒無統馭之略有乙利

可汗者。於肆葉護功最多。由是授小可汗。以非罪族滅之。羣下震駭。莫能自固。肆葉護素憚泥孰。而陰欲圖之。泥孰遂適焉者。其後沒卑連干與突厥。弩失畢二部。蒙帥潛謀擊之。肆葉護以輕騎遁於康居。尋卒。國人迎泥孰於焉耆而立之。是為咄陸可汗。

咄陸可汗泥孰者。亦稱大渡可汗。父莫質設。本練統葉護。武德中。嘗至京師。時太宗居藩。務加懷輯。與之結盟。為兄弟。既被推為可汗。遣使詣闕請降。太宗遣使賜以名號。及鼓纛。貞觀七年。遣瀟臚少卿劉善因。至其國。冊授為吞阿婁拔奚利郊咄陸可汗。明年泥孰卒。其弟同娥設立。是為沙鉢羅嚙利失可汗。

沙鉢羅嚙利失可汗。以貞觀九年。上表請婚。獻馬五百匹。朝廷唯厚加撫慰。未許其婚。俄而其國分為十部。每部令一人統之。號為十設。每設賜以一箭。故稱十箭焉。又分十箭為左右廂。一廂各置五箭。其左廂號五咄。六部落置五大噉。一噉管一箭。其左廂號為五弩。失畢。置五大倭斤。一倭斤管一箭。都號為十箭。其後或稱一箭為一部。落大箭頭為大首領。五咄六部落居於碎葉。已東。五弩失畢部落居於碎葉。已西。自是都號為十姓部落。嚙利失既不為眾所歸。部眾攜貳為其統。吐屯所襲。麾下亡散。嚙利失以左右百餘騎拒之。戰數合。統吐屯不利而去。嚙利失奔其弟步利設。與保焉耆。其阿悉吉闕俟斤與統吐屯等召國人將立。欲谷設為大可汗。以嚙利失為小可汗。統吐屯為人所殺。欲谷設兵又為其倭斤所破。嚙利失復得舊地。弩失畢。處密等並歸嚙利失。十二年。西部竟立。欲谷設為乙昆咄陸可汗。乙昆咄陸可汗既立。與嚙利失大戰。兩軍多死。各引去。因與嚙利失中分。自伊列河。已西屬咄陸。已東屬嚙利失。咄陸可汗又建庭於鐵曷山西。謂為北庭。自厥越失拔悉彌駁馬。結骨。火燭。觸水。昆諸國。皆臣之。十三年。嚙利失為其吐屯俟利發。與欲谷設通謀作難。嚙利失窮蹙。奔拔汗那。而死。弩失畢部落會帥迎嚙利失弟伽那之子。薩布特勒而立之。是為乙昆沙鉢羅葉護可汗。

乙昆沙鉢羅葉護可汗既立。建庭於睢合水北。謂之南庭。東以伊列河為界。自龜茲郡。善且末。吐火羅焉耆。石國。史國。何國。穆國。康國。皆受其節度。累遣使朝貢。太宗降璽書慰勉。貞觀十五年。令左領軍將軍張大師往授焉耆。賜以鼓纛。于時咄陸可汗與葉護頻相攻擊。會咄陸遣使詣闕。太宗諭以救陸之道。咄陸于時兵眾漸強。西域諸國復來歸附。未幾。咄陸遣石國吐屯。攻葉護擒之。送於咄陸。尋為所殺。咄陸可汗既并其國。弩失畢諸姓心不服。咄陸皆叛之。咄陸復率兵擊吐火羅。破之。自恃其強。專擅西域。遣兵寇伊州。安西。都護郭恪率輕騎二千。自烏骨。邀擊敗之。咄陸又遣處月。處密等圍天山。駱。郭恪又擊走之。恪乘勝進拔。處月。俟斤所居之城。迫奔及於遏索山。斬首千餘級。降其處密之眾。而歸咄陸。初以泥孰。噉。自擅取所部物。斬之以徇。尋為泥孰。噉。部將胡祿。居所襲。眾多亡逸。其國大亂。貞觀十五年。部下屋利。噉。等謀欲廢咄陸。各遣使詣闕請立可汗。太宗遣使齎璽書。立莫質。咄。乙昆。可汗之子。是為乙昆射置可汗。乙昆射置可汗立。乃發弩失畢兵。就白水擊咄陸。自知不為眾所附。乃西走吐火羅國。中國使人先為咄陸所拘者。射置悉以禮實送歸長安。復遣使貢方物。請賜婚。太宗許之。詔令割龜茲。于闐。疎勒。朱俱波。葱嶺等五國為聘禮。及太宗崩。質魯反。叛射置部落為其所併。

阿史那質魯者。曳步利設。射置特勒之子也。初阿史那步真既來歸國。咄陸可汗乃立質魯為葉護。以繼步真。居於多邏斯川。在西州直北一千五百里。統處密。處月。姑蘇。歌羅。祿。弩失畢五姓之眾。其後咄陸西走吐火羅國。射置可汗遣兵追逐。質魯不常厥居。貞觀二十二年。乃率其部落內屬。詔居廷州。尋授左驍衛將軍。瑤池都督。高宗即位。進拜左驍衛大將軍。瑤池都督。如故。永徽二年。與其子。啞。運。率眾西遁。據咄陸可汗之地。總有西域諸部。建牙于雙河及千泉。自號沙鉢羅可汗。統攝咄陸。弩失畢十姓。其咄陸有五噉。一曰。處木昆。律。噉。二曰。胡祿。居。關。噉。質魯以女妻之。三曰。攝。舍。提。噉。四曰。突。騎。施。質。噉。五曰。鼠。尼。施。處。半。噉。弩失畢有五倭斤。一曰。阿。悉。結。關。俟。斤。最。為。強。盛。二曰。哥。舒。處。半。噉。三曰。拔。悉。幹。噉。沙。鉢。斤。四曰。阿。悉。結。泥。孰。俟。斤。五曰。哥。舒。處。半。噉。斤。各有所部勝兵數十萬。並羈屬質魯。西域諸國亦多附。練焉。質魯尋立啞。運。為莫質。咄。葉。護。數。侵。擾。西。蕃。諸。部。又。進。寇。廷。州。三。年。詔。遣。左。武。衛。大。將。軍。梁。建。方。右。驍。

貢。太宗降璽書慰勉。貞觀十五年。令左領軍將軍張大師往授焉耆。賜以鼓纛。于時咄陸可汗與葉護頻相攻擊。會咄陸遣使詣闕。太宗諭以救陸之道。咄陸于時兵眾漸強。西域諸國復來歸附。未幾。咄陸遣石國吐屯。攻葉護擒之。送於咄陸。尋為所殺。咄陸可汗既并其國。弩失畢諸姓心不服。咄陸皆叛之。咄陸復率兵擊吐火羅。破之。自恃其強。專擅西域。遣兵寇伊州。安西。都護郭恪率輕騎二千。自烏骨。邀擊敗之。咄陸又遣處月。處密等圍天山。駱。郭恪又擊走之。恪乘勝進拔。處月。俟斤所居之城。迫奔及於遏索山。斬首千餘級。降其處密之眾。而歸咄陸。初以泥孰。噉。自擅取所部物。斬之以徇。尋為泥孰。噉。部將胡祿。居所襲。眾多亡逸。其國大亂。貞觀十五年。部下屋利。噉。等謀欲廢咄陸。各遣使詣闕請立可汗。太宗遣使齎璽書。立莫質。咄。乙昆。可汗之子。是為乙昆射置可汗。乙昆射置可汗立。乃發弩失畢兵。就白水擊咄陸。自知不為眾所附。乃西走吐火羅國。中國使人先為咄陸所拘者。射置悉以禮實送歸長安。復遣使貢方物。請賜婚。太宗許之。詔令割龜茲。于闐。疎勒。朱俱波。葱嶺等五國為聘禮。及太宗崩。質魯反。叛射置部落為其所併。

衛大將軍契苾何力率燕然都護所部迴紇兵五萬騎討之前後斬首五千級虜渠帥六十餘人四年咄陸可汗死其子真珠讓與五弩失畢請擊賀魯破其牙帳斬首千餘級顯慶二年遣右屯衛將軍蘇定方燕然都護任雅相副都護蕭嗣業左驍衛大將軍瀚海都督迴紇婆閭等率師討擊仍使右武衛大將軍阿史那彌射左屯衛大將軍阿史那步真爲安撫大使定方行至曳咥河西賀魯率胡後居闕等二萬餘騎列陣而定方率副總管任雅相等與之交戰賊衆大敗斬大首領都塔達干等二百餘人賀魯及闕等輕騎奔竄渡伊麗河兵馬溺死者甚衆嗣業至千泉賀魯下牙之處彌射進軍至伊麗水處月處密等部各率衆來降彌射又進次雙河賀魯先使步失達干鳩集散卒據柵拒戰彌射步真攻之大潰又與蘇定方攻賀魯於碎葉水大破之賀魯與臣運欲投鼠糲設至石國之蘇咄城傍人馬飢乏城主伊涅達干許將酒食出迎賀魯信其言入城遂被拘執蕭嗣業既至石國鼠糲設乃以賀魯屬之賀魯謂嗣業曰我破亡虜耳先帝厚我而我背之今日之敗天怒我也舊聞漢法殺人皆於都市至京殺我請向昭陵使得謝罪於先帝是本願也高宗聞而怒之及俘賀魯至京師令獻於昭陵及太廟詔特免死分其種落置崑崙池二都護府其所役屬諸國皆分置州府西盡于波斯並隸安西都護府四年賀魯卒詔葬于頡利墓側刻石以紀其事

阿史那彌射者室點密可汗五代孫也初室點密從單于統領十大首領有兵十萬衆往平西域諸胡國自爲可汗號十姓部落世統其衆在本蕃爲莫賀咄葉護貞觀六年詔遣鴻臚少卿劉善因就蕃立爲奚利娑羅可汗賜以鼓纛綵帛萬段其族兄步真欲自立爲可汗遂謀殺彌射弟姪二十餘人彌射既與步真有隙以貞觀十三年車所部處月處密部落入朝授右監門大將軍其後步真遂自立爲咄陸葉護其部落多不服委之遞去步真復攜家屬入朝授左屯衛大將軍彌射後從太宗征高麗有功封平襄縣伯顯慶二年轉右武衛大將軍及討平賀魯乃冊立彌射爲興昔亡可汗兼右衛大將軍崑崙池都護分押賀魯下五咄六部落步真授繼往絕可汗兼右衛大將軍濛池都護仍分押五

弩失畢部落因下詔曰自西蕃罹亂三十餘年比者賀魯猖狂百姓重被劫掠朕君臨四海情均養育不可使凶狡之虜恣行侵漁無辜之吐久遭塗炭故遣右屯衛將軍蘇定方等統率騎勇北路討逐卿等宜暢朝風南道撫育遂使凶渠畏威夷人慕德伐叛柔服西域總平賀魯父子既已擒獲諸頭部落須有統領卿早歸闕庭久參宿衛深感恩義甚知法式所以冊立卿等各爲一部可汗但諸姓從賀魯非其本情卿等議至卽降亦是赤心向國卿宜與盧承慶等準其部落大小位望高下節級授刺史以下官龍朔中又令彌射步真率所部從颶海道大總管蘇海政討龜茲步真嘗欲並彌射部落遂密告海政云彌射欲謀反請以計誅之時海政兵纔數千懸師在彌射境內遂集軍吏而謀曰彌射欲反我輩卽無噍類今宜先舉事則可克捷乃僞稱有勅令大總管齎物數百萬段分賜可汗及諸首領由是彌射率其麾下隨例請物海政盡收斬之其後西蕃感言彌射非反爲步真所誣而海政不能審察愷行誅戮則天臨朝十姓無主數年部落多散失垂拱初遂擢授彌射子左豹韜衛翊府中郎將元慶爲左玉鈐衛將軍兼崑崙池都護令襲興昔亡可汗押五咄六部落步真子斛瑟羅爲右玉鈐衛將軍兼濛池都護押五弩失畢部落尋進授元慶左衛大將軍如意元年爲來俊臣誣謀反被害其子獻配流崖州長安二年召還累授右驍衛大將軍襲父興昔亡可汗充安撫招慰十姓大使獻本蕃漸爲默廢及烏質勒所侵遂不敢還國開元中累遷右金吾大將軍卒于長安

阿史那步真者在本蕃授左屯衛大將軍與彌射討平賀魯加授驃騎大將軍行右衛大將軍濛池都護繼往絕可汗押五弩失畢部落尋卒其子斛瑟羅本蕃爲步利殺垂拱初授右玉鈐衛將軍兼濛池都護繼往絕可汗押五弩失畢部落天授元年拜左衛大將軍改封竭忠事主可汗仍賜濛池都護尋卒子懷道神龍年累授右屯衛大將軍光祿卿轉太僕卿兼濛池都護十姓可汗自垂拱已後十姓部落頻被突厥默啜侵掠死散殆盡及隨斛瑟羅纔六七萬人徙居內地西突厥阿史那氏於是遂絕

突騎施烏質勒者西突厥之別種也初隸在斛瑟羅下號爲莫賀達干後以斛

瑟羅用刑嚴酷，衆皆畏之。尤能撫恤其部落，由是為遠近諸胡所歸附。其下置都督二十員，各統兵七千人，嘗屯聚碎葉西北界，後漸攻陷碎葉，徙其牙帳居之。東北與突厥為鄰，西南與諸胡相接。東南至西廷州，解瑟羅以部衆削弱，自則天時入朝，不敢還蕃。其地並為烏質勒所併。景龍二年，詔封為西河郡王，令攝御史大夫，解琬就加冊立，未至。烏質勒卒，其長子娑葛代統其衆，詔便立娑葛為金河郡王，仍賜以宮女四人。初，娑葛代父統兵，烏質勒下部將闕曷忠節甚忌之，以兵部尚書宗楚客當朝任勢，密遣使齎金七百兩以賂楚客，請停娑葛統兵。楚客乃遣御史中丞馮嘉賓充使至其境，陰與忠節籌其事，并自致書以申意。在路為娑葛遊兵所獲，遂斬嘉賓，仍進兵攻陷火燒等城。遣使上表以索楚客頭。景龍三年，娑葛弟遮弩恨所分部落少於其兄，遂叛入突厥，請為鄉導以討娑葛。默啜乃留遮弩，遣兵二萬人與其左右來討娑葛，擒之而還。默啜顧謂遮弩曰：汝於兄弟尚不和協，豈能盡心於我？遂與娑葛俱殺之。默啜兵還，娑葛下部將蘇祿鳩集餘衆，自立為可汗。

蘇祿者，突騎施別種也。頗善綏撫，十姓部落漸歸附之。衆二十萬，遂雄西域之地。尋遣使來朝。開元三年，制授蘇祿為左羽林軍大將軍，金方道經略大使，進為特勤。遣侍御史解忠順齎寶書冊立為忠順可汗。自是每年遣使朝獻。上乃立史懷道女為金河公主，以妻之。時杜暹為安西都護，公主遣牙官齎馬千疋詣安西互市。使者宣公主教與暹，暹怒曰：阿史那氏女，豈合宣教與吾節度耶？杖其使者，留而不遣。其馬經雪，寒死並盡。蘇祿大怒，發兵分寇四鎮。會杜暹入知政事，趙頊貞代為安西都護，城守久之。由是四鎮貯積及人畜並為蘇祿所掠。安西僅全。蘇祿既聞杜暹入相，稍引退，俄又遣使入朝獻方物。十八年，蘇祿使至京師，玄宗御丹鳳樓設宴，突厥先遣使入朝，是日亦來預宴。與蘇祿使爭長，突厥使曰：突騎施國小，本是突厥之臣，不宜居上。蘇祿使曰：今日此宴，乃為我設，不合居下。於是中書門下及百寮議，遂於東西幕下兩處分坐。突厥使在東，突騎使在西，宴訖，厚饗而遣之。蘇祿性尤清儉，每戰伐有所克獲，盡分與將士及諸部落。其下愛之，甚為其用。潛又遣使南通吐蕃，附突厥，突厥及吐蕃亦

嫁女與蘇祿，既以三國女為可教，又分立數子為葉護，費用漸廣，先既不為積貯，晚年抄掠所得者，留不分之，又因風病，一手變縮，其下諸部心始攜貳，有大首領莫賀達干都摩度兩部落，最為強盛，百姓又分為黃姓黑姓兩種，互相猜阻。二十六年夏，莫賀達干勒兵夜攻蘇祿，殺之都摩度，初與莫賀達干連謀，俄又相背。立蘇祿之子咄火仙為可汗，以輯其餘衆，與莫賀達干自相攻擊。莫賀達干遣使告安西都護蓋嘉運，嘉運率兵討之，大敗都摩度之衆，臨陣擒咄火仙，并收得金河公主而還。又欲立史懷道之子昕為可汗，以鎮撫之。莫賀達干不肯曰：討平蘇祿本是我之元謀，若立史昕為主，則國家何以酬賞於我？乃不立史昕，便令莫賀達干統衆。二十七年二月，嘉運率將士詣闕獻俘。玄宗御花萼樓以宴之，仍令將吐火仙獻于太廟，俄又黃姓黑姓自相屠殺，各遣使降附。史臣曰：中原多事，外國窺邊，周餘仇，漢匈奴之後，其類實繁。前史論之備矣。突厥自隋文修王道，肅軍容，示恩威，以羈縻之。煬帝失政，教生戎心，肇亂離以啓厥之高祖，借其力而入平京師，羣賊附其強而迭據河朔，高祖同御榻以延其使，太宗幸便橋以約其和，當其時焉，不其感矣。竟滅其族而身死於國者，何也。咸謂太宗有馭夷狄之道，李勣著戡定之功，殊不知突厥之始也。實罰明而將士戮力，遇煬帝之亂，亡命善怒者既附之，其與也。宜哉。頡利之衰也，兄弟構隙而部族離心，當太宗之理，謀臣猛將討逐之，其亡也。宜哉。洎武后亂朝，默啜犯塞，玄宗纂嗣，傳首京師，東封太山，西戎屢蹕，開元之代，繼踵來降，西突厥諸族，遇其理則衆心悅附，而甲兵與焉。遇其亂則族類怨怒，而本根破矣。理亂二道，華夷一途，或質言於感衰倚伏，未為確論。

贊曰：中國失政，邊夷幸災，理亂之道，取鑒將來。

舊唐書卷一百九十四下

舊唐書卷一百九十四下考證

西突厥傳木杆與沙鉢略可汗有隙○臣西按新書木杆合其子大邏便而立

弟佗鉢可汗佗鉢死子菴羅立菴羅後讓木杆兄子攝圖是為沙鉢略可汗

而大邏便別為阿波可汗自臣所部沙鉢略讓擊之殺其母阿波西走達頭

則與沙鉢略有隙者乃木杆之子大邏便也此當誤

今左領軍左右將軍○左右二字衍從新書刪

舊唐書卷一百九十四下考證

後晉司空同中書門下平章事劉昫撰

列傳第一百四十五

迴紇

迴紇其先匈奴之裔也。在後魏時號鐵勒部落。其象微小。其俗驍強。依託高車。臣屬突厥。近謂之特勒。無君長。居無恆所。隨水草流移。人性凶忍。善騎射。食芻尤甚。以寇抄為生。自突厥有國。東西征討。皆資其用。以制北荒。隋開皇末。晉王廣北征突厥。大破步迦可汗。特勒於是分散。大業元年。突厥處羅可汗擊特勒諸部。厚斂其物。又猜忌薛延陀。恐為變。遂集其渠帥數百人。盡誅之。特勒由是叛。特勒始有健骨。同羅迴紇拔野古。覆羅步。號侯斤。後稱迴紇焉。在薛延陀北境。居婆陵水側。去長安六千九百里。隨逐水草。勝兵五萬人。口十萬人。初有特健侯斤死。有子曰菩薩。部落以為賢而立之。貞觀初。菩薩與薛延陀侵突厥北邊。突厥頡利可汗遣子欲谷設率十萬騎討之。菩薩領騎五千與戰。破之。於馬鬣山。因逐北至於天山。又進擊大破之。俘其部眾迴紇。由是大振。因率其眾附于薛延陀。號菩薩為活頡利發。仍遣使朝貢。菩薩勁勇有膽氣。善籌策。每對敵臨陣。必身先士卒。以少制眾。常以戰陣射獵為務。其母烏羅渾。主知爭訟之事。平反嚴明。部內齊肅。迴紇之感。由菩薩之與焉。貞觀中。擒降突厥頡利等。可汗之後。北虜唯菩薩延陀為威。太宗冊北突厥莫賀咄為可汗。道統迴紇僕骨。同羅。思結。阿跌等部。迴紇酋帥吐迷度與諸部大破薛延陀。多彌可汗。遂併其部。奄有其地。貞觀二十年。南過賀蘭山。臨黃河。遣使入貢。以破薛延陀功。賜軍內殿。太宗幸靈武。受其降款。因請迴紇已南置郵遞。通管北方。太宗為置六府七州。府置都督。州置刺史。府州皆置長史。司馬。已下官。主之以迴紇部為瀚海府。拜其侯利發吐迷度為懷化大將軍。兼瀚海都督。時吐迷度已自稱可汗。署官號皆如突厥故事。以多覽為燕然府僕骨。為金微府。拔野古為幽陵府。同羅為龜林府。思結為盧山府。渾都部為皋蘭州。斛薩為高闕州。阿跌為難田州。契苾為榆溪州。跌結為難鹿州。阿不思為歸林州。白雲為寶顏州。又以迴紇西

北結骨為堅昆府。其北骨利幹為玄闕州。東北俱羅勃為燭龍州。於故單于臺置燕然都護府。統之以導賓貢。貞觀二十二年。吐迷度為其姪高紇所殺。初高紇蒸其叔母。遂與俱薩莫賀達干俱羅勃潛謀殺吐迷度。以歸車鼻。高紇俱羅勃並車鼻之婿也。高紇遂夜領騎十餘劫吐迷度殺之。燕然副都護元禮臣遣人給高紇云。將奏而為都督替吐迷度也。高紇輕騎至禮臣所。跪拜致謝。禮臣擒而斬之。以聞。太宗恐迴紇部落攜離。十月。遣兵部尚書崔敦敏往安撫之。仍以敦禮為金山道副將軍。贈吐迷度左衛大將軍。賜物及衣服。設祭甚厚。以吐迷度子前左屯衛大將軍胡左。即將婆閭為左驍衛大將軍。大俟利發使持節迴紇部落諸軍事。瀚海都督。後俱羅勃來朝。太宗留之不遣。詔西突厥可汗阿史那賀魯統五噶五侯斤二十餘部。居多羅斯水南。去西州馬行十五日。程迴紇不肯西屬突厥。永徽二年。賀魯破北庭。詔將軍梁建方。契苾何力領兵二萬。取迴紇五萬騎。大破賀魯。收復北庭。顯慶元年。賀魯又犯邊。詔程知節。蘇定方。任雅相。蕭嗣業領兵。并迴紇大破賀魯於陰山。再破於金牙山。盡收所據之地。西逐至耶羅川。賀魯西奔石國。婆閭隨蘇定方逐賀魯至石國西北蘇咄城。城主伊涅達干執賀魯送洛陽。以其地置濛池。崑陵府。以阿史那彌射。阿史那步真為二府都督。統十姓左廂五弩失畢。右廂五咄陸。以賀魯種落分置州縣。西盡波斯加婆閭。右衛大將軍。兼瀚海都督。永徽六年。迴紇遣兵隨蕭嗣業討高麗。龍朔中。婆閭死。妹比粟毒主領迴紇。與同羅僕固。固犯邊。高宗命鄭仁泰討平僕固等。比粟毒敗走。因以鐵勒本部為天山縣。永隆中。獨解支。嗣聖中。伏帝匍。開元中。承宗伏帝難。並繼為酋長。皆受都督號。以統蕃州。左殺右殺。分管諸部。開元中。迴紇漸盛。殺涼州都督王君奐。斷安西諸國入長安路。玄宗命郭知運等討逐。退保烏德健山。南去西城一千七百里。西城即漢之高闕塞也。西城北去積石口三百里。有十一都督。本九姓部落。一曰藥羅葛。即可汗之姓。二曰胡咄葛。三曰咄羅勿。四曰貂歌息訖。五曰阿勿喃。六曰葛薩。七曰斛嗚素。八曰藥勿葛。九曰奚耶勿。每一部落一都督。破拔息密。收一部落。破葛邏祿。收一部落。各置都督一人。統號十一部落。每行止關戰。常以二客部落為軍鋒。天寶初。其

會長葉護頡利吐發遣使入朝封奉義王三載擊破拔悉密自稱骨咄祿昆伽
 闕可汗又遣使入朝因冊為懷仁可汗及至德元載七月肅宗於靈武即位遣
 故邠王男承家封為燉煌王將軍石定番使于迴紇以修好徵兵及至其牙可
 汗以女嫁於承家遣首領來朝請和親封迴紇公主為昆伽公主肅宗在彭原
 遇之甚厚二載二月迴紇又使首領大將軍多攬等十五人入朝九月戊寅加
 承家開府儀同三司拜宗正卿納迴紇公主為妃迴紇遣其太子葉護領其將
 帝德等兵馬四千餘眾助國討逆肅宗宴賜甚厚又命元帥廣平王見葉護約
 為兄弟接之頗有恩義葉護大喜謂王為兄戊子迴紇大首領達干等一十三
 人先至扶風與朔方將士見僕射郭子儀留之宴設三日葉護太子曰國家有
 難遠來相助何暇食為子儀固留之宴畢便發其軍每日給羊二百口牛二十
 頭米四十碩及元帥廣平王率郭子儀等至香積寺東二十里西臨澧水賊埋
 精騎於大營東將襲我軍之背朔方左廂兵馬使僕固懷恩指迴紇馳救之匹
 馬不歸因收西京十月廣平王副元帥郭子儀領迴紇兵馬與賊戰於陝西初
 次于曲沃葉護使其將軍車鼻施吐撥裴羅等旁南山而東遇賊伏兵于谷中
 盡殲之子儀至新店遇賊戰軍却數里迴紇望見踰山西橫上曳白旗而趨擊
 之直出其後賊眾大敗軍而北坑逐北二十餘里人馬相枕藉蹂踐而死者不
 可勝數斬首十餘萬伏屍三十里賊黨嚴莊馳告安慶緒率其黨背東京北走
 渡河而葉護從廣平王僕射郭子儀入東京初收西京迴紇欲入城劫掠廣平
 王固止之及收東京迴紇遂入府庫收財帛於市井村坊剽掠三日而止財物
 不可勝計廣平王又齎之以錦繡寶貝葉護大喜及肅宗還西京十一月癸酉
 葉護自東京至勅百官於長樂驛迎上御宣政殿宴勞之葉護升殿其餘酋長
 列於階下賜錦繡繒綵金銀器皿及辭歸蕃上謂曰能為國家就大事成義勇
 者卿等力也葉護奏曰迴紇戰兵留在沙苑今且須歸靈夏取馬更收范陽討
 除殘賊己丑詔曰功濟艱難義存邦國萬里絕域一德同心求之古今所未聞
 也迴紇葉護特舉英姿挺生奇略言必忠信行表溫良才為萬人之敵位列諸
 蕃之長屬凶醜亂常中原未靖以可汗有兄弟之約與國家與父子之軍奮其

智謀討彼兇逆一鼓作氣萬里摧鋒二旬之間兩京克定力拔山岳精貫風雲
 蒙犯不以辭其勞急難無以踰其分固可懸之日月傳之子孫豈惟裂土之封
 蕃河之賞而已矣夫位之崇者司空第一名之大者封王最高可司空仍封忠
 義王每載送絹二萬匹至朔方軍宜差使受領乾元元年五月壬申朔迴紇使
 多亥阿波八十人黑衣大食酋長閣之等六人並朝見至閣門爭長通事舍人
 乃分為左右從東西門並入六月戊戌宴迴紇使於紫宸殿前秋七月丁亥詔
 以幼女封為寧國公主出降其降蕃日仍以堂弟漢中郡王瑀為特進試太常
 卿攝御史大夫充冊命英武威遠昆伽可汗使以堂姪左司郎中葉為兵部郎
 中攝御史中丞瀋陽副之兼充寧國公主禮會使特差重臣開府儀同三司
 行尚書右僕射冀國公裴冕送至界首癸巳以冊立迴紇英武威遠昆伽可汗
 上御宣政殿漢中王瑀受冊命甲午肅宗送寧國公主至咸陽驛門驛公主泣
 而言曰國家事重死且無恨上流涕而還及瑀至其牙帳昆伽可汗衣赭黃
 袍胡帽坐於帳中榻上儀衛甚威引瑀立於帳外謂瑀曰王是天可汗何親瑀
 曰是唐天子堂弟又問於王上立者為誰瑀曰中使雷盧俊可汗又報曰中使
 是奴何得向郎君上立雷盧俊棟懼跳身向下立定瑀不拜而立可汗報曰兩
 國主君臣有禮何得不拜瑀曰唐天子以可汗有功故將女嫁與可汗結姻好
 比者中國與外蕃親皆宗室子女名為公主今寧國公主天子真女又有才貌
 萬里嫁與可汗可汗是唐家天子女婿合有禮數豈得坐於榻上受詔命耶可
 汗乃起奉詔便受冊命翼日冊公主為可敦著會歡欣曰唐國天子貴重將真
 女來瑀所送國信繒綵衣服金銀器皿可汗盡分與衙官酋長等及瑀回可汗
 獻馬五百匹瑀奏曰既八月迴紇使王子骨咄特勤及宰相帝德等驍將三千
 人助國討逆肅宗嘉其遠至賜宴命隨朔方行營使僕固懷恩押之九月甲申
 迴紇使大首領蓋將等謝公主下降兼奏破堅昆五萬人宴於紫宸殿賜物有
 差十二月甲午迴紇使三婦人謝寧國公主之聘也賜宴紫宸殿乾元二年迴
 紇骨咄特勤等率眾從郭子儀與九節度於相州城下戰不利三月壬子迴紇
 王子骨咄特勤及宰相帝德等十五人自相州奔于西京肅宗宴之子紫宸殿

實物有差其月庚寅迺特勸辭還行營上宴之于紫宸殿賜物有差乙未以迺統王子新除左羽林軍大將軍員外置督殿特勸爲銀青光祿大夫鴻臚卿員外置夏四月迺統昆伽爾可汗死長子葉護先被殺乃立其少子登里可汗其妻爲可敦六月丙午以左金吾衛將軍李通爲試鴻臚卿攝御史中丞充弔祭迺統使昆伽爾可汗初死其牙官都督等欲以寧國公主徇葬公主曰我中國法增死即持喪朝夕哭臨三年行服今迺統喪婦須慕中國禮若今依本國法何須萬里結婚然公主亦依迺統法慶面大哭竟以無子得歸秋八月寧國公主自迺統還詔百官於明鳳門外迎之上元元年九月己丑迺統九姓可汗使大臣俱陸莫達干等入朝奉表起居乙卯迺統使二十人於延英殿通謁賜物有差十一月戊辰迺統使延支伽羅等十人於延英殿謁見賜物有差寶應元年代宗初卽位以史朝義尙在河洛遣中使劉清潭徵兵於迺統又修舊好其秋清潭入迺統庭迺統已爲史朝義所誘云唐家天子頻有大喪國亂無主請發兵來收府庫可汗乃領衆而南已八月矣清潭資勅書國信至可汗曰我聞唐家已無主何爲更有勅書中使對曰我唐家天子雖棄萬國嗣天子廣平王天生英武往年與迺統葉護兵馬同收兩京破安慶緒與可汗有故又每年與可汗繕絹數萬匹可汗豈忘之耶然迺統業已發至三城北見荒城無戍卒州縣盡爲空曠有輕唐色乃遣使北收單于兵馬倉糧又大辱清潭清潭發使來奏云迺統登里可汗傾國自來有衆十萬羊馬不知其數京師大駭上使殿中監葉子昂馳勞之及於太原北忻州南子昂密數其丁壯得四千人老小婦人相兼萬餘人戰馬四萬匹半羊不紀先是昆伽爾可汗請以子婚肅宗以僕固懷恩女嫁之及是爲可敦與可汗同來請懷恩及懷恩母相見上勸懷恩自汾州見之於太原懷恩又諫國家恩信不可違背初欲自蒲關入取沙苑路由潼關東向破賊子昂說之云國家頻遭寇逆州縣虛乏難爲供擬恐可汗失望不如取土門路入直取邢洛衛懷賊中兵馬盡在東京可汗收其財帛東裝南向最爲上策可汗不從又說取懷州太行路南據河陰之險直扼賊之喉亦上策也可汗又不從又說取陝州太陽津路食太原倉粟而東與澤潞河南懷鄭

節度同入亦上策也可汗從之子昂因入奏上以雍王适爲兵馬元帥加懷恩同中書門下平章事又以子昂兼御史中丞與前潞府兼御史中丞魏瑋爲左右廂兵馬使以中書舍人韋少華充元帥判官兼掌書記給事中李進兼御史中丞充元帥行軍司馬東會迺統登里可汗營於陝州黃河北元帥雍王領子昂等從而見之可汗責雍王不於帳前舞蹈禮倨子昂辭以元帥是嫡孫兩宮在殯不合有舞蹈迺統宰相及車鼻將軍庭詰曰唐天子與登里可汗約爲兄弟今可汗卽雍王叔姪有禮數何得不舞蹈子昂苦辭以身有喪禮不合又報云元帥卽唐太子也太子卽儲君也豈有中國儲君向外國可汗前舞蹈相拒久之車鼻遂引子昂李進少華魏瑋各榜捶一百少華瑋因榜捶一宿而死以王少年未諳事放歸本營而懷恩與迺統右殺爲先鋒及諸節度同攻賊破之史朝義率殘寇而走元帥雍王退歸靈寶迺統可汗繼進於河陽列營而止數月去營百餘里人被剽劫逼辱不勝其弊懷恩常爲軍殿及諸節度收河北州縣僕固瑒與迺統之衆追躡二千餘里至平州石城縣冀朝義首而歸河北悉平懷恩自相州西出崞口路而西可汗自河陽北出澤潞與懷恩會歷太原遣使拔賀那上表賀收東京并進逆賊史朝義旌旗等物辭還蕃代宗引見於內殿賜綵二百段初迺統至東京以賊平恣行殘忍士女懼之皆登聖善寺及白馬寺二閣以避之迺統縱火焚二閣傷死者萬計累旬火焰不止及是朝賀又縱橫大辱官吏以陝州節度使郭英又權知東都留守時東郡再經賊亂朔方軍及郭英又魚朝恩等軍不能禁暴與迺統縱掠坊市及汝鄭等州比屋蕩盡人悉以紙爲衣或有衣經者代宗御宣政殿出冊文加冊可汗爲登里頭咄咄華言社稷法用登密施華言封竟舍俱錄華言羅羅昆伽華言足意智婆墨華言得憐以散騎常侍兼御史大夫王珣充使就可汗行營行冊命焉可汗可救及左右殺諸都督內外宰相已下共加實封二千戶令王珣就牙帳前禮冊左殺封爲雄朔王右殺封爲寧朔王胡祿都督封金河王拔覽將軍封爲靜漠王諸都督一十一人並封國公尋而懷恩叛投靈武有朔方舊將任數張韶等

收合餘燼衆至數萬廣德二年秋乃引吐蕃之衆數萬人至奉天縣朔方節度郭子儀率衆拒之而退永泰元年秋懷恩遣兵馬使范至誠任數將兵又誘迴紇吐蕃吐谷渾党項奴刺之衆二十餘萬以犯奉天醴泉鳳翔同州等處被其逆命先以郭子儀屯涇陽渾日進屯奉天數摧其鋒又聞懷恩死吐蕃將馬重英等十月初引退取邠州舊路而歸迴紇首領羅達干等率其衆二千餘騎詣涇陽請降子儀許之率衆被甲持滿數千人迴紇譯曰此來非惡心要見令公子儀曰我令公也迴紇曰請去甲子儀便脫兜鍪策馬挺身而前迴紇酋長相顧曰是也時太子太保李光進兼御史大夫路嗣恭戎裝介馬在子儀之側子儀指視迴紇曰此是渭北節度李太保又曰此是朔方軍糧使路大夫迴紇便下馬羅拜子儀亦下馬迴紇之衆爲左右翼各數百人漸進子儀麾下亦馳而至子儀麾退之子儀命酒與之飲贈之纏頭絲三千匹子儀執迴紇大將可汗弟合胡祿都督藥羅葛等手責讓之曰我國家知汝迴紇有功報汝大厚汝何背約負信犯我王畿我須與汝戰何乃降爲我一身挺入汝營任汝拘繫我麾下將士須與汝戰迴紇又譯曰懷恩負心來報可汗云唐國天子今已向江淮令公亦不主兵我是以敢來今知天可汗見在上郭令公爲將懷恩天又殺之今請追殺吐蕃收其羊馬以報國恩然懷恩子可敦兄弟請勿殺之合胡祿都督等與宰相磨咄莫賀達干宰相噉莫賀達干宰相讓都毘伽將軍宰相揭拉裴羅達干宰相梅錄大將軍羅達干平章事海盈闕達干等子儀先執杯合胡祿都督請咒子儀咒曰大唐天子萬萬歲迴紇可汗亦萬歲兩國將相亦萬歲若起負心違背盟約者身死陣前家口屠戮合胡祿都督等失色及杯至卽譯曰如令公盟約皆喜曰初發本部來日將巫師兩人來云此行大安穩然不與唐家兵馬鬪見一大人卽歸今日領兵見令公令公不爲疑脫去衣甲單騎相見誰有此心膽是不戰鬪見一大人巫師有徵矣歡躍久之子儀撫其背首領等分纏頭絲以賞巫師請諸將同擊吐蕃子儀如其約翌日使領迴紇首領開府古野那等六人入京朝見又五日朔方先鋒兵馬使開府南陽郡王白元光與迴紇兵馬合於涇州靈臺縣西五十里赤山嶺共破吐蕃等十餘萬衆

斬首五萬餘級生擒一萬餘人駝馬牛羊凡百里相繼不可勝紀收得蕃落五千餘人初白元光等到靈臺縣西探知賊勢爲月明思少陰晦迴紇使巫師便致風雪及遲明戰吐蕃盡寒凍弓矢皆廢披鈇徐進元光與迴紇隨而殺之敵野僕固名臣懷恩之姪尤爲驍將亦領千餘騎來降尋而子儀又使迴紇宰相護地毘伽將軍宰相梅錄大將軍開府儀同三司試太常卿羅達干等一百九十六人來見上賜宴於延英殿錫賚甚厚閏月子儀自涇陽領僕固名臣入奏迴紇進馬及宴別前後賞繒絲十萬匹而還時帑藏空虛朝官無祿俸隨月給手力謂之資課錢稅朝官閏十月十一月十二月課以供之大曆六年正月迴紇於鴻臚寺擅出坊市掠人子女所在官奪返駭怒以三百騎犯金光門朱雀門是日皇城諸門盡閉上使中使劉清潭宣慰乃止七年七月迴紇出鴻臚寺入坊市強暴逐長安令邵說於含光門之街奪說所乘馬將去說脫身避走有司不能禁八年十一月迴紇一百四十人還蕃以信物一千餘乘迴紇特功自乾元之後屢遣使以馬和市繒帛仍歲來市以馬一匹易絹四十匹動至數萬馬其使候遣繼留於鴻臚寺者非一蕃得帛無厭我得馬無用朝廷甚苦之是時特詔厚賜遣之示以廣恩且俾知愧也是月迴紇使使赤心領馬一萬匹來求市代宗以馬價出於租賦不欲重困於民命有司量入計許市六千匹十年九月迴紇白晝刺人於東市市人執之拘於萬年縣其首領赤心聞之自鴻臚寺馳入縣獄劫囚而出斫傷獄吏十三年正月迴紇寇太原過榆次太谷河東節度留後太原尹兼御史大夫鮑防與迴紇戰于陽曲我師敗績死者千餘人代州都督張光晟與迴紇戰于羊武谷破之迴紇引退先是辛雲京守太原迴紇懼雲京不敢窺并代知鮑防無武略乃敢凌逼賴光晟邀戰勝之北人乃安德宗卽位使中官梁文秀告哀於迴紇且修舊好可汗移地健不爲禮而九姓胡素屬於迴紇者又陳中國便利以誘其心可汗乃舉國南下將乘我喪其宰相頭莫賀達干諫曰唐大國也且無負於我前年入太原獲羊馬數萬計可謂大捷矣以道途艱阻比及國傷耗殆盡今若舉而不捷將安歸乎可汗不聽頭莫賀乘人之心因擊殺之并殺其親信及九姓胡所誘來者凡二千人頭莫

賀自立號爲合骨咄祿毘伽可汗。使其酋長建達干隨文秀來朝。命京兆尹源休持節冊爲武義成功可汗。貞元三年八月。迴紇可汗遣首領墨啜達干。多覽將軍合闐達干等來貢方物。且請和親。四年十月。迴紇公主及使至自蕃。德宗御延喜門見之。時迴紇可汗喜於和親。其禮甚恭。上言昔爲兄弟。今爲子婿。半子也。又嘗辱吐蕃使者。及使大首領等妻妾凡五十六婦人來迎。可敦。凡遣人千餘。納聘馬二千。德宗令朔州太原分留七百人。其宰相首領皆至。分館鴻臚將作。癸巳。見於宣政殿。乙未。德宗召迴紇公主出使。使者對於麟德殿。各有頒錫。庚子。詔咸安公主降迴紇可汗。仍置府官屬視親王例。以殿中監嗣滕王湛然爲咸安公主婚禮使。關播檢校右僕射。送咸安公主及冊。迴紇可汗使。貞元五年十二月。迴紇汨咄祿長壽天親毘伽可汗薨。廢朝三日。文武三品已上。就鴻臚寺弔其來使。貞元六年六月。迴紇使移職伽達干歸蕃。賜馬價絹三十萬匹。以鴻臚卿郭鋒兼御史大夫充冊迴紇忠貞可汗使。是歲四月。忠貞可汗爲其弟所殺。而篡立。時迴紇大將詣干伽斯西擊吐蕃未回。其次相率國人縱殺篡者而立忠貞之子爲可汗。年方十六。七月及六月。詣干伽斯西討回。將至牙帳。次相等懼其後有廢立。不欲漢使知之。留鋒數月而回。詣干伽斯之至也。可汗等出迎郊野。陳郭鋒所送國信器幣。可汗與次將相等皆俯伏自說廢立之由。且請命曰。惟大相生死之悉。以所陳器幣贈詣干伽斯。以悅之。可汗又拜泣曰。兒愚幼無知。今幸得立。惟仰食於阿爹。可汗以子事之。詣干伽斯以卑遜與感。乃相持號哭。遂執臣子之禮焉。盡以所陳器幣頒賜左右諸從行將士。已無所取。自是其國稍安。乃遣達比特勒梅錄將軍告忠貞可汗之哀。干我。且請冊新君。使至。廢朝三日。仍令三品已上官就鴻臚寺弔其使。是歲吐蕃陷北庭。都護府。初北庭安西既假道於迴紇。以朝奏。因附庸焉。迴紇徵求無厭。北庭差近。凡生事之資。必強取之。又有沙陀部落六千餘帳。與北庭相依。亦屬於迴紇。肆行抄奪。尤所厭苦。其先葛祿部落及白服突厥素與迴紇通和。亦憾其侵掠。因吐蕃厚賂見誘。遂附之。於是吐蕃率葛祿白服之衆。去冬寇北庭。迴紇大相詣干伽斯率衆援之。頻敗吐蕃。急攻之。北庭之人既苦迴紇。乃舉城降焉。沙陀部落亦

降。節度使檢校工部尚書楊襲古將麾下二千餘衆。出奔西州。詣干利亦遣十年秋。悉其國丁壯五萬人。召襲古將復焉。俄爲所敗。死者大半。詣干利收合餘燼。晨夜奔還。襲古餘衆僅百六十。將復入西州。詣干伽斯給之曰。第與我同。至牙帳。當送君歸本朝。既及牙帳。留而不遣。竟殺之。自是安西阻絕。莫知存亡。唯西州之人。猶固守焉。詣干伽斯敗。葛祿乘勝取迴紇之浮圖川。迴紇震恐。悉遷西北部落羊馬於牙帳之南。以避之。貞元七年五月。庚申朔。以鴻臚少卿庚鈺兼御史大夫。冊迴紇可汗及弔祭使。是月。迴紇遣使律支達干等來朝。告小軍國公主薨。廢朝三日。故肅宗以寧國公主降迴紇。又以榮王女勝之。及寧國來歸。榮王女爲可敦。迴紇號爲小軍國公主。歷配英武。英義二可汗。及天親可汗。立出居於外。生英武二子。爲天親可汗所殺。無幾。七年八月。迴紇遣使獻敗吐蕃葛祿於北庭所捷及其俘畜。先是吐蕃入靈州。爲迴紇所敗。夜以火攻。駭而退。十二月。迴紇遣殺支將軍獻吐蕃俘大首領結心。德宗御延喜門觀之。八年七月。以迴紇藥羅葛靈檢校右僕射。靈本唐人。姓呂氏。因入迴紇。爲可汗養子。遂以可汗姓爲藥羅葛靈。在國用事。因來朝。寵資甚厚。仍給市馬絹七萬匹。九年九月。遣使來朝貢。貞元十一年六月。庚寅。冊拜迴紇騰里邏羽錄沒密施合祿胡昆懷信可汗。元和四年。鶻德易里祿沒弭施合密昆迦可汗遣使改爲迴鶻。義取迴旋輕捷如鶻也。八年四月。迴鶻請和親。使伊難珠還蕃。宴于三殿。賜以銀器繒帛。是歲。迴鶻數千騎至鵬鵠泉。邊軍戒嚴。十二月二日。宴歸國迴鶻摩尼八人。令至中書見宰臣。先是迴鶻請和親。憲宗使有司計之。禮費約五百萬貫。方內有誅計。未任其親。以摩尼爲迴鶻信奉。故使宰臣言其不可。乃詔宗正少卿李孝誠使于迴鶻。太常博士殷侗副之。諭其來請之意。長慶元年。昆伽保義可汗薨。廢朝三日。仍令諸司三品已上官就鴻臚寺弔其使者。四月。正衙冊迴鶻君長爲登羅羽錄沒密施句主錄毘伽可汗。以少府監裴通爲檢校左散騎常侍兼御史大夫。持節冊立兼弔祭使。五月。迴鶻宰相都督公主摩尼等五百七十三人入朝。迎公主。於鴻臚寺安置。勅太和公主出降。迴鶻爲可敦。宜令中書舍人王起赴鴻臚寺宣示。以左金吾衛大將軍胡證檢校戶部尚書

持節充送公主入迴鶻及冊可汗使光祿卿李憲加兼御史中丞充副使太常博士殷侗改殿中侍御史充判官吐蕃犯青塞堡以迴紇和親故也鹽州刺史李文悅發兵擊退之迴鶻奏以一萬騎出北庭一萬騎出安西拓吐蕃以迎太和公主歸國其月勅太和公主出降迴紇宜特置府其官屬宜視親王例迴鶻自咸安公主歿後屢歸款請繼前好久未之許至元和末其請彌切憲宗以北虜有勳勞於王室又西戎比歲為邊患遂許以妻之既許而憲宗崩穆宗即位踰年乃封第十妹為太和公主將出降迴紇登羅骨沒密施合昆伽可汗遣使伊難珠句錄都督思結并外宰相尉馬梅錄司馬兼公主一人葉護公主一人及達干并駝馬千餘來迎太和公主發赴迴紇國穆宗御通化門左个臨送使百寮章敬寺前立班儀衛甚盛士女傾城觀焉十一月振武節度張惟清奏準詔發兵三千赴蔚州數內已發一千人訖餘二千人待太和公主出界即發遣又奏天德轉牒云迴鶻七百六十人將駝馬及車相次至黃蘆泉迎候公主豐州刺史李祐奏迎太和公主迴鶻三千於柳泉下營拓吐蕃二年二月賜迴紇馬價絹五萬匹三月又賜馬價絹七萬匹是月裴度招討幽鎮之亂迴鶻請以兵從度討伐朝議以寶應初迴紇收復兩京特功驕恣難制咸以為不可遂命中使止迴紇令歸會其已上豐州北界不從上詔發繒帛七萬匹賜之方還五月命使冊立登囉骨沒密施合昆伽可汗遣品官田務豐領國信十二車使迴鶻賜可汗及太和公主長慶二年閏十月金吾大將軍胡謩副使光祿卿李憲婚禮使衛尉卿李銳副使宗正少卿李子鴻判官虞部郎中張敏太常博士殷侗送太和公主至自迴紇皆云初公主去迴紇牙帳尚可信宿可汗遣數百騎來請與公主先從他道去胡謩曰不可虜使曰前咸安公主來時去花門數百里即先去今何獨拒我證曰我天子詔送公主以投可汗今未見可汗豈宜先往虜使乃止既至虜庭乃擇吉日冊公主為迴鶻可敦可汗先升樓東向坐設氈幄於樓下以居公主使羣胡主教公主以胡法公主始解唐服而衣胡服以一媪侍出樓前西向拜可汗坐而視公主再俯拜訖復入氈幄中解前所服而披可敦服通裙大襦皆茜色金飾冠如角前指後出樓俯拜可汗如初禮虜

先設大輿曲展前設小座相者引公主升輿迴紇九姓相分負其輿隨日右轉於庭者九公主乃降輿升樓與可汗俱東向坐自此臣下朝謁并拜可敦可敦自有牙帳二相出入帳中證等將歸可敦寔之帳中留連號啼者竟日可汗因贈漢使以厚貲太和元年命中使以絹二十萬匹付鴻臚寺宣賜迴鶻充馬價三年正月中使以絹二十三萬匹賜迴紇充馬價七年三月迴紇李義節等將駝馬到且報可汗三月二十七日薨已冊親弟薩特勒廢朝三日仍令諸司文武三品尚書省四品已上官就鴻臚寺弔其使者以左驍衛將軍皇城留守唐弘實為金吾將軍兼御史大夫持節充入迴鶻弔祭冊立使九年六月入朝迴鶻進太和公主所獻馬射女子七人沙陀小兒二人開成初其相有安允合者與特勒柴草欲篡薩特勒可汗薩特勒可汗覺殺柴草及安允合又有迴紇相掘羅勿者擁兵在外怨誅柴草安允合又殺薩特勒可汗以盧駸特勒為可汗有將軍句錄末賀恨掘羅勿走引黠戛斯領十萬騎破迴鶻城殺盧駸斬掘羅勿燒蕩殆盡迴鶻散奔諸蕃有迴鶻相駸職者擁外甥龐特勒及男鹿并退粉等兄弟五人一十五部西奔葛邏祿一支投吐蕃一支投安西又有近可汗牙十三部以特勒烏介為可汗南來附漢初黠戛斯破迴鶻得太和公主黠戛斯自稱李陵之後與國同姓遂令達干十人送公主至塞上烏介途遇黠戛斯使達干等並被殺太和公主却歸烏介可汗乃質公主同行南渡大磧至天德界奏請天德城與太和公主居有迴鶻相赤心者與連位相姓僕固者與特勒那頡囉擁部眾不賓烏介赤心欲犯塞烏介遣其屬温沒斯先布誠於天德軍使田牟然後誘赤心宰相同謁烏介可汗執赤心於可汗帳下并僕固二人那頡囉勝全占赤心下七千帳東瞰振武大同據室韋黑沙榆林東南入幽州雄武軍西北界幽州節度使張仲武遣弟仲至率兵大破那頡囉之眾全收七千帳殺戮收擒老小近九萬人那頡囉中箭透軀羣潛脫烏介獲而殺之烏介諸部猶稱十萬眾駐牙大同軍北關門山時會昌二年秋頡囉劫東陝已北天德振武雲朔比雁俘戮詔諸道兵悉至防捍以河東節度使劉沔沔充南面招控迴鶻使以幽州節度使張仲武充東面招控迴鶻使二年冬三年春迴鶻特勒龐俱遮阿

敦寧二部迴鶻公主密賜可敦一部外相諸洛固阿跌一部及牙帳大將曹磨
你等七部共三萬衆相次降於幽州詔配諸道有特勒嗚沒斯阿歷支習勿吸
三部迴鶻相愛耶勿弘順迴鶻尙書呂衡等諸部降振武三部首領皆賜姓李
氏及名思忠思貞思惠思恩充歸義使有特勒葉被活兄李二部南奔吐蕃有
特勒可質力二部東北奔大室韋有特勒荷勿吸東討契丹戰死會昌三年迴
鶻尙書僕固繆到幽州約以太和公主歸幽州烏介去幽州界八十里下營其
親信骨肉及摩尼志淨等四人已先入振武軍是夜河東劉沔率兵奄至烏介
營烏介驚走東北約四百里外依和解室韋下營不及將太和公主同走豐州
刺史石雄兵遇太和公主帳因迎歸國烏介部衆至大中元年詣幽州降留者

漂流餓凍衆十萬所存止三千已下烏介嫁妹與室韋託附之爲迴鶻相美權
者逸隱吸逼諸迴鶻殺烏介於金山以其弟特勒遏捺爲可汗復有衆五千已
上其食用糧羊皆取給於奚王碩金朗大中元年春張仲武大破奚衆其迴鶻
無所取給日有耗散至二年春唯存名王貴臣五百人已下依室韋張仲武因
賀正室韋經過幽州仲武却令還蕃遣送遏捺等來向幽州遏捺等懼是夜與
妻葛祿子特勒毒斯等九騎西走餘衆奔之不及迴鶻諸相逢官老幼大哭室
韋分迴鶻餘衆爲七分七姓室韋各占一分經三宿黠戛斯相阿播領諸蕃兵
稱七萬從西南天德北界來取遏捺及諸迴鶻大敗室韋迴鶻在室韋者阿播
皆收歸磧北在外猶數帳散藏諸山深林盜劫諸蕃皆西向傾心望安西龐勒
之到龐勒已自稱可汗有磧西諸城其後嗣君弱臣強居甘州無復昔時之威
到今時遣使入朝進玉馬二物及本土所產交易而返

史臣曰自三代已前兩漢之後西羌北狄互與部族其名不同爲患一也蔡邕
云邊陲之患爲手足之疥中國之困爲胸背之疽突厥爲煬帝之患深矣隋竟
滅中國之困其理昭然自太宗平突厥破延陀而迴紇興焉太宗幸靈武以降
之置州府以安之以名爵玉帛以恩之其義何哉蓋以狄不可盡而以威惠羈
縻之開元中三綱正百姓足四夷八蠻翕然向化要荒之外長威懷惠不其感
矣天寶末奸臣弄權於內逆臣跋扈於外內外結讐而車駕遽遷華夷生心而

神器將墜肅宗誘迴紇以復京畿代宗誘迴紇以平河朔戡難中興之功大即
大矣然生靈之膏血已乾不能供其求取朝廷之法令並弛無以抑其憑陵忍
恥和親姑息不暇僕固懷恩爲叛尤甚怙危郭子儀之能軍終免侵軼比昔諸
戎於國之功最大爲民之害亦深及勢利日隆威衰時變冰消瓦解如存若亡
竟爲手足之疥焉僖昭之世黃朱迭興竟爲胸背之疽焉手亦背疽誠爲確論
贊曰土德初隆比屋可封朝綱中否邊鄙與戎安史亂國迴紇恃功恃功伊何
咸議姑息民不聊生國殫其力華夷有截威衰如織彼既長惡我乃修德疽疥
之義百代可則

舊唐書卷一百九十五

舊唐書卷一百九十五考證

舊唐書卷一百九十五考證

迴紇傳吐蕃徵求無厭○臣酉按新書作回紇觀後云北庭之人既苦回紇乃舉城降則吐蕃當作迴紇無疑今改正

舊唐書卷一百九十五考證

後晉司空同中書門下平章事劉昫撰

列傳第一百四十六上

吐蕃上

吐蕃在長安之西八千里，本漢西羌之地也。其種落莫知所出也。或云南涼秃髮利鹿孤之後也。利鹿孤有子曰樊尼，及利鹿孤卒，樊尼尚幼，弟儂禮嗣位。以樊尼為安西將軍，後魏神瑞元年，儂禮為西秦乞佛熾盤所滅。樊尼招集餘眾，以投沮渠蒙遜。蒙遜以為臨松太守，及蒙遜滅，樊尼乃率眾西奔，濟黃河，逾積石，於羌中建國，開地千里。樊尼威惠夙著，為羣羌所懷，皆撫以恩信。歸之如市，遂改姓為罕勒野，以秃髮為國號。語訛謂之吐蕃。其後子孫繁昌，又侵伐不息。土宇漸廣，歷周及隋，猶隔諸羌，未通於中國。其國人號其王為贊普，相為大論，小論以統理國事，無文字，刻木結繩為約。雖有官，不常厥職。臨時統領徵兵，用金箭，寇至舉烽燧，百里一亭，用刑嚴峻，小罪刺眼鼻，或皮鞭鞭之，但隨喜怒而無常科。囚人於地牢，深數丈，二三年方出之。宴異國賓客，必驅犛牛，令客自射牲以供饌，與其臣下一年一小盟，刑羊狗獼猴，先折其足而殺之，繼裂其腸而屠之，令巫者告于天地山川日月星辰之神云：若心遷變，懷奸反覆，神明鑒之，同於羊狗。三年一大盟，夜於壇墀之上，與眾陳設肴饌，殺犬馬牛驢以為牲。咒曰：爾等咸須同心戮力，共保我家，惟天神地祇共知爾志，有負此盟，使爾身體屠裂，同於此牲。其地氣候大寒，不生秔稻，有青糲麥、藍豆、小麥、蕎麥、畜多犛牛、猪、大羊、馬，又有天鼠，狀如雀鼠，其大如猫，皮可為裘，又多金銀銅錫。其人或隨畜牧，而不常厥居，然頗有城郭。其國都城號為邏些城，屋皆平頂，高者至數十尺。貴人處於大氈帳，名為拂盧，履處汗穢，絕不櫛沐，接手飲酒，以麩為盤，捺麩為梳，實以羹酪，并而食之。多事辦瓶之神，人信巫覡，不知節候。麥熟為歲首，圍棋陸博，吹蠶鳴鼓為戲，弓劍不離身，重壯賤老，母拜於子，子倨於父，出入皆少者在前，老者居其後。軍令嚴肅，每戰前隊皆死，後隊方進，重兵死，惡病終，累代戰沒，以為甲門。臨陣敗北者，懸狐尾於其首，表其似狐之怯。獼人廣眾，必以狗

焉。其俗恥之，以為次死，拜必兩手據地，作狗吠之聲，以身再揖而止。居父母喪，截髮，青黛塗面，衣服皆黑，既葬即吉。其贊普死，以人殉葬，衣服珍玩及書所乘馬弓劍之類，皆悉埋之。仍於墓上起大室，立土堆，插雜木為祠祭之所。貞觀八年，其贊普棄宗弄讚始遣使朝貢，弄讚弱冠嗣位，性驍武，多英略，其鄰國羊同及諸羌並賓伏之。太宗遣行人馮德遐往撫慰之，見德遐大悅，聞突厥及吐谷渾皆尚公主，乃遣使隨德遐入朝，多寶金寶，奉表求婚。太宗未之許，使者既反，言於弄讚曰：初至大國，待我甚厚，許嫁公主，會吐谷渾王入朝，有相離間，由是禮薄，遂不許嫁。弄讚遂與羊同連發兵以擊吐谷渾，吐谷渾不能支，遁於青海之上，以避其鋒。其國人畜並為吐蕃所掠，於是進兵攻破党項及白蘭諸羌，率其眾二十餘萬，頓於松州西境。遣使貢金帛，云來迎公主，又謂其屬曰：若大國不嫁公主與我，即當入寇，遂進攻松州。都督韓威輕騎規賊，反為所敗，邊人大擾。太宗遣吏部尚書侯君集為當彌道行營大總管，右領軍大將軍執失思力為白蘭道行軍總管，左武衛將軍牛進達為闕水道行軍總管，右領軍將軍劉蘭為洮河道行軍總管，率步騎五萬以擊之。進達先鋒自松州夜襲其營，斬千餘級，弄讚大懼，引兵而退。遣使謝罪，因復請婚。太宗許之，弄讚乃遣其相祿東贊致禮，獻金五千兩，自餘寶玩數百事。貞觀十五年，太宗以文成公主妻之，令禮部尚書江夏郡王道宗主婚，持節送公主于吐蕃。弄讚率其部兵次柏海，親迎于河源。見道宗執子婿之禮甚恭，既而數大國服飾禮儀之美，俯仰有愧沮之色。及與公主歸國，謂所親曰：我父祖未有通婚上國者，今我得尚大唐公主，為幸實多。當為公主築一城，以誇示後代。遂築城，邑立棟宇，以居處焉。公主惡其人，楮面，弄讚令國中權且罷之，自亦釋氍毹，漸慕華風。仍遣酋豪子弟請入國學，以習詩書。又請中國識文之人，典其表疏。太宗伐遼東，遣祿東贊來賀，奉表曰：聖天子平定四方，日月所照之國，並為臣妾，而高麗特遠，闕於臣禮。天子自領百萬，度遼致討，陳城陷陣，指日凱旋，夷狄纒闔，陛下發駕少進之間，已聞歸國，鴈飛迅越，不及陛下速疾，奴忝預子婿，喜百常夷，夫鵝猶屬也。故作金鵝，奉獻其鵝，黃金鑄成，其高七尺，中可實酒三斛。二十二年，右衛率府

長史王玄策使往西域為中天竺所掠吐蕃發精兵與玄策擊天竺大破之遣使來獻捷高宗嗣位授弄讚為駙馬都尉封西海郡王賜物二千段弄讚因致書于司徒長孫無忌等云天子初即位若臣下有不忠之心者當勒兵以赴國除討并獻金銀珠寶十五種請置太宗靈座之前高宗嘉之進封為賓王賜雜綵三千段因請蠶種及造酒碾硃墨之匠並許焉乃刊石像其形列昭陵玄闕之下永徽元年弄讚卒高宗為之舉哀遣右武候將軍鮮于巨濟持節賫書弔祭弄讚子早死其孫繼立復號贊普時年幼國事皆委祿東贊祿東姓藝氏雖不識文記而性明毅嚴重講兵訓師雅有節制吐蕃之并諸羌雜羈本土多其謀也初太宗既許降文成公主贊普使祿東贊來迎召見顧問進對合旨太宗禮之有異諸蕃乃拜祿東贊為右衛大將軍又以瑛邪長公主外孫女段氏妻之祿東贊辭曰臣本國有婦父母所聘情不忍乖且贊普未謁公主陪臣安敢輒娶太宗嘉之欲撫以厚恩雖奇其答而不遂其請祿東贊有子五人長曰贊悉若早死次欽陵次贊婆次悉多其次勒論及東贊死欽陵兄弟復專其國後與吐谷渾不和龍朔麟德中遞相表奏各論曲直國家依違未為與奪吐蕃怒遂率兵以擊吐谷渾吐谷渾大敗河源王慕容諾曷鉢及弘化公主脫身走投涼州遣使告急咸亨元年四月詔以右威衛大將軍薛仁貴為邏婆道行軍大總管左衛員外大將軍阿史那道真右衛將軍郭待封為副率眾十餘萬以討之軍至大非川為吐蕃大將論欽陵所敗仁貴等並坐除名吐谷渾全國盡沒唯慕容諾曷鉢及其親信數千帳來內屬仍徙於豐州自是吐蕃連歲寇邊當悉等州諸羌盡降之上元三年進寇鄯廓等州殺掠人吏高宗命尚書左僕射劉仁軌往洸河軍鎮守以禦之儀鳳三年又命中書令李敬玄兼鄯州都督往代仁軌於洸河鎮守仍召募關內河東及諸州驍勇以為猛士不簡色役亦有嘗任文武官者召入殿庭賜軍遣往擊之又令益州長史李孝逸備州都督拓王奉等發劍南山南兵募以防禦之其年秋敬玄與工部尚書劉審禮率兵與吐蕃戰于青海官軍敗績審禮沒于陣敬玄按軍不敢救俄而收軍却出頓於承風嶺阻泥溝不能動賊屯於高岡以壓之偏將左領軍員外將軍黑

齒常之率敢死之士五百人夜斫賊營賊遂潰亂自相蹂踐死者三百餘人敬玄遂擁眾鄯州坐改為衡州刺史往劍南兵募於茂州之西南築安戎城以壓其境俄有生羌為吐蕃鄉導攻陷其城遂引兵守之時吐蕃盡收羊同党項及諸羌之地東與涼松茂等州相接南至婆羅門西又攻陷龜茲疏勒等四鎮北抵突厥地方萬餘里自漢魏已來戎之威未之有也高宗聞審禮等敗沒召侍臣問綏禦之策中書舍人郭正一曰吐蕃作梗年歲已深命將與師相繼不絕空勞士馬虛費糧儲近討則徒損兵威深入則未窮巢穴望少發兵募且遣備邊明烽堠勿令侵抄使國用豐足人心叶同寬之數年可一舉而滅給事中劉齊賢皇甫文亮等皆言嚴守之便尋而黑齒常之破吐蕃大將贊婆及素和貴於夏非川殺獲二千餘級吐蕃遂引退詔以常之為河源軍使以鎮禦之儀鳳四年贊普卒其子器弩悉弄嗣位復號贊普時年八歲國政復委於欽陵遣其大臣論寒調傍來告喪且請和高宗遣郎將宋令文入蕃會葬永隆元年文成公主薨高宗又遣使弔祭之則天臨朝命文昌右相韋待價為安息道大總管安西大都護閻溫古為副永昌元年率兵往征吐蕃遲留不進待價坐流浦州溫古處斬待價素無統禦之才遂狼狽失據士卒饑饉皆轉死溝壑明年又命文昌右相岑長倩為武威道行軍大總管以討吐蕃中路退還軍竟不行如意元年吐蕃大首領曷蘇率其所屬并貴川部落請降則天令右玉鈐衛大將軍張玄邁率精卒二萬充安撫使以納之師次大渡水曷蘇事洩為本國所擒又有大首領咎捶率羌蠻部落八千餘人詣玄邁內附玄邁以其部落置葉川州以咎捶為刺史仍於大度西山勒石紀功而還長壽元年武威軍總管王孝傑大破吐蕃之眾克復龜茲于闐疎勒碎葉等四鎮乃於龜茲置安西都護府發兵以鎮守之萬歲登封元年孝傑復為肅邊道大總管率副總管婁師德與吐蕃將論欽陵贊婆戰于素羅汗山官軍敗績孝傑坐免官萬歲通天元年吐蕃四萬眾奄至涼州城下都督許欽明初不之覺輕出按部遂遇賊拒戰久之力屈為賊所殺時吐蕃又遣使請和則天將許之論欽陵乃請去安西四鎮兵仍索分十姓之地則天竟不許之吐蕃自論欽陵兄弟專統兵馬欽陵每居

中用事諸第分據方面，贊婆則專在東境與中國爲隣，三十餘年，常爲邊患。其兄弟皆有才略，諸蕃憚之。聖曆二年，其贊普器弩悉弄年漸長，乃與其大臣論巖等密圖之。時欽陵在外，贊普乃佯言將獵，召兵執欽陵親黨二千餘人殺之。發使召欽陵贊婆等，欽陵舉兵不受，贊普自帥衆討之。欽陵未戰而潰，遂自殺。其親信左右同日自殺者百餘人。贊婆率所部千餘人及其兄子莽布支等來降。則天遣羽林飛騎郊外迎之，授贊婆輔國大將軍，行右衛大將軍，封歸德郡王，優賜甚厚。仍令領其部兵於洪源谷討擊，尋卒。贈特進，安西大都護。久視元年，吐蕃又遣其將趨莽布支寇涼州，圍通昌松縣，龍右諸軍州大使唐休璟與莽布支戰于洪源谷，斬其副將二人，獲首二千五百級。長安二年，贊普率衆萬餘人寇悉州，都督陳大慈與賊凡四戰皆破之，斬首千餘級。於是吐蕃遣使論彌薩等入朝請求和，則天宴之於麟德殿，奏百戲於殿庭。論彌薩曰：「臣生於邊荒，由來不識中國音樂，乞放臣親觀。」則天許之。於是論彌薩等相視笑，仆拜謝曰：「臣自歸投聖朝，前後禮數優渥，又得親觀奇樂，一生所未見，自顧微瑣，何以仰答天恩。區區福心，唯願大家萬歲。明年又遣使獻馬千匹，金二千兩以求婚。則天許之。時吐蕃南境屬國泥婆羅門等皆叛，贊普自往討之，卒於軍中。諸子爭立，久之，國人立器弩悉弄之子棄隸，踏贊爲贊普。時年七歲。中宗神龍元年，吐蕃使來告喪，中宗爲之舉哀。廢朝一日。俄而贊普之祖母遣其大臣悉薰然來獻方物，爲其孫請婚。中宗以所養雍王宗禮女爲金城公主，許嫁之。自是頻歲貢獻。景龍三年十一月，又遣其大臣尙贊吐等來迎女。中宗宴之於苑內，球場命尉馬都尉楊慎交與吐蕃使打聽。中宗幸侍臣觀之。四年正月，制曰：「聖人布化，用百姓爲心。王者垂仁，以八荒無外。故能光宅遐邇，裁成品物。由是隆周理曆，恢柔遠之圖。強漢乘時，建和親之議。斯蓋萬長策，經邦茂範。朕受命上靈，克纂洪業。庶幾前烈，永致和平。曩彼吐蕃，僻在西服。皇運之始，早申朝貢。太宗文武聖皇帝，德侔覆載，情深億兆。思偃兵甲，遂通姻好。數十年間，一方清淨。自文成公主化往，其國因多變革。我之邊隅，亟與師旅。彼之蕃落，頗聞彫弊。頃者贊普及祖母可敦，曾長等屢披誠款，積有歲時。思託舊親，崇新好。金城公

主朕之少女，豈不鍾念。但爲人父母，志息元黎。若尤乃誠，祈更教和好。則邊土寧晏，兵役服息。遂劉深慈，爲國大計。築茲外館，畢膺嘉禮。降彼吐蕃贊普，即以今月進發。朕親自送于郊外。中宗召侍中紀處訥謂曰：「昔文成公主出降，則江夏王送之，卿雅識蕃情，有安邊之略。可爲朕充吐蕃使也。處訥拜謝，既而以不練邊事固辭。上又令中書侍郎趙彥昭充使。彥昭以既充外使，恐失其權，寵殊不悅。司農卿趙履溫私謂之曰：「公國之宰輔，而爲一介之使，不亦鄙乎。彥昭曰：「然計將安出。履溫因陰託安樂公主密奏留之。於是左衛大將軍楊矩使焉。其月帝幸始平縣，以送公主。設帳殿於百頃泊側，引王公宰相及吐蕃使入宴。中坐酒闌，命吐蕃使進前，諭以公主孩幼，割慈遠嫁之旨。上悲泣，獻款久之。因命從臣賦詩餞別。曲赦始平縣大辟罪已下。百姓給復一年。改始平縣爲金城縣。又改其地爲鳳池，擲別里。公主既至吐蕃，別築一城以居之。睿宗卽位，擢監察御史李知古上言：「姚州諸蠻，先屬吐蕃，請發兵擊之。遂令知古徵劍南兵募往經略之。蠻酋傍名乃引吐蕃攻知古，殺之。仍斷其屍以祭天。時張玄表爲安西都護，又與吐蕃比境，互相攻掠。吐蕃內難，怨外教和好。時楊矩爲鄯州都督，吐蕃遣使厚遺之。因請河西九曲之地，以爲金城公主湯沐之所。矩遂奏與之。吐蕃既得九曲，其地肥良，堪頓兵畜牧。又與唐境接近，自是復叛。始率兵入寇。開元二年秋，吐蕃大將黨達焉乞力徐等率衆十餘萬寇臨洮軍，又進寇蘭州。都督探監牧羊馬而去。楊矩悔懼，飲藥而死。玄宗令攝左羽林將軍薛訥及太僕少卿王峻率兵邀擊之。仍下詔將大舉親征，召募將士。克期進發。俄而峻等與賊相遇于渭源之武階驛。前軍王海寶力戰死之。峻等率兵而進，大破吐蕃之衆，殺數萬人。盡收得所掠羊馬，賊餘黨奔北。相枕藉而死。洮水爲之不流。上遂罷親征，命紫微舍人倪若水往按軍實。仍弔祭王海寶而還。吐蕃遣其大臣宗俄因子至洮河祭其死亡之士，仍獻塞請和。上不許之。自是連年犯邊。郭知運王君奭相次爲河西節度使，以捍之。吐蕃既自恃兵強，每通表疏求敵國之禮，言詞悻悻。上甚怒之。及封禪禮畢，中書令張說奏言：「吐蕃醜逆，誠負萬誅。然又事征討，實爲勞弊。且十數年甘涼河都徵發不息，縱令屢勝，亦不能補。

聞其悔過請和惟陛下遣使許其稽顙內屬以息邊境則蒼生幸甚上曰待吾與王君奭善之說出謂源乾曜曰君奭勇而無謀常思僥倖兩國和好何以爲功若入陳謀則吾計不遂矣尋而君奭入朝奏事遂請率兵深入以討之十五年正月君奭率兵破吐蕃於青海之西虜其輜重及羊馬而還先是吐蕃大將悉諾邏率衆入攻大斗谷又移攻甘州焚燒市里君奭畏其鋒不敢出戰會大雪賊凍死者甚衆遂取積石軍西路而還君奭先令人潛入賊境於其歸路燒草悉諾邏軍還至大非山將士息甲牧馬而野草皆盡馬死過半君奭與秦州都督張景順等率衆襲其後入至青海之西時海水冰合將士並乘冰而渡會悉諾邏已渡大非川輜重及疲兵尚在青海之側君奭縱兵俘之而還其年九月吐蕃大將悉諾邏恭祿及燭龍莽布支攻陷瓜州城執刺史田元獻及王君奭之父壽盡取城中軍資及倉糧仍毀其城而去又進攻玉門軍及常樂縣縣令賈師順嬰城固守凡八十日賊遂引退俄而王君奭爲迴紇餘黨所殺乃命兵部尚書蕭嵩爲河西節度使以建康軍使左金吾將軍張守珪爲瓜州刺史修築州城招輯百姓令其復業時悉諾邏恭祿威名甚振蕭嵩乃縱反間於吐蕃云其與中國潛通贊普遂召而誅之明年秋吐蕃大將悉末朗復率衆攻瓜州守珪出兵擊走之隴右節度使鄯州都督張忠亮引兵至青海西南渴波谷與吐蕃接戰大破之俄而積石莫門兩軍兵馬總至與忠亮合勢追討破其大莫門城生擒千餘人獲馬一千匹犂牛五百頭器仗衣資甚衆又焚其駱駝橋而還八月蕭嵩又遣副將杜賓客率弩手四千人與吐蕃戰于祁連城下自辰至暮散而復合賊徒大潰臨戰斬其副將一人賊敗散走投山哭聲四合初上聞吐蕃重來入寇謂侍臣曰吐蕃驕暴恃力而來朕今按地圖審利害親指授將帥破之必矣數日而露布至十七年朔方大總管信安王禕又率兵赴隴右拔其石堡城斬首四百餘級生擒二百餘口遂於石堡城置振武軍仍獻其俘囚于太廟於是吐蕃頻遣使請和忠王友皇甫惟明因奏事面陳通和之便上曰吐蕃贊普往年嘗與朕書悻悻無禮朕意欲討之何得和也惟明曰開元之初贊普幼稚豈能如此必是在邊軍將務邀一時之功僞作此書激怒陛下兩

國既鬪與師動衆因利乘便公行隱盜僞作功狀以希勳爵所損鉅萬何益國家今河西隴右百姓疲竭事皆由此若陛下遣使往視金城公主因與贊普面約通和令其稽顙稱臣永息邊境此永代安人之道也上然其言因令惟明及內侍張元方充使往問吐蕃惟明元方等至吐蕃既見贊普及公主具宣上意贊普等欣然請和盡出貞觀已來前後勅書以示惟明等令其重臣名悉獵隨惟明等入朝上表曰外甥是先皇帝舅宿親又蒙降金城公主遂和同爲一家天下百姓普皆安樂中間爲張文表李知古等東西兩處先動兵馬侵抄吐蕃邊將所以互相征討迄至今日遂成釁隙外甥以先代文成公主今金城公主之故深識尊卑豈敢失禮又緣年小枉被邊將讒構亂令舅致怪伏乞垂察追留死將萬足前數度使人入朝皆被邊將不許所以不敢自奏去冬公主遣使人妻衆失若將狀專往蒙降使看公主來外甥不勝喜荷謹遣論名悉獵及副使押衙將軍浪些紇夜悉獵入朝奏取進止兩國事悉獵所知外甥蕃中已處分邊將不許抄掠若有漢人來投便令却送伏望皇帝舅遠察赤心許依舊好長令百姓快樂如蒙聖恩千年萬歲外甥終不敢先違盟誓謹奉金胡瓶一金盤一金梳一馬腦盃一零羊衫段一謹充微國之禮金城公主又別進金鴨盤蓋雜器物等十八年十月名悉獵等至京師上御宣政殿列羽林仗以見之悉獵頗曉書記先會迎金城公主至長安當時朝廷皆稱其才辯及是上引入內宴與語甚禮之賜紫袍金帶及魚袋并時服繒絲銀盤胡瓶仍於別館供擬甚厚悉獵受袍帶器物而却進魚袋辭曰本國無此章服不敢當殊異之賞上嘉而許之詔御史大夫崔琳充使報聘仍於赤嶺各堅分界之碑約以更不相侵時吐蕃使奏云公主請毛詩禮記左傳文選各一部制令秘書省寫與之正字于休烈上疏請曰臣聞戎狄國之寇也經籍國之典也戎之生心不可以無備典有恆制不可以假人傳曰裔不謀夏夷不亂華所以格其非心在乎有備無患昔東平王入朝求史記諸子漢帝不與蓋以史記多兵謀諸子雜詭術夫以東平漢之懿懿尙不欲示征戰之書今西戎國之寇讎豈可貽經典之事且臣聞吐蕃之性慍悍果決敏情持銳善學不迴若達於書必能知戰深於詩

則知武夫有師千之試深於禮則知月令有廢與之兵深於傳則知用師多詭詐之計深於文則知往來有書檄之制何異借寇兵而資盜糧也臣聞魯乘周禮齊不加兵吳獲乘車楚疲奔命一以守典存國一以喪法危邦可取鑿也且公主下嫁從人遠適異國合慕夷禮返求良書愚臣料之恐非公主本意也慮有奔北之類勸教於中若陛下慮失蕃情以備國信必不得已請去春秋當周德既衰諸侯強威禮樂自出戰伐交與情偽於是乎生變詐於是乎起則有以臣召君之事取成定霸之名若與此書國之患也傳曰于奚請曲縣鞶纆仲尼云惜也不如多與之臣惟名與器不可假人狄固貪婪貴易土正可錫之錦綺厚以玉帛何必率從其求以資其智臣忝叨列位職刊秘籍實痛經典棄在戎夷昧死上聞惟陛下深察疏奏不省二十一年又制工部尚書李暹往聘吐蕃每唐使入境所在威陳甲兵及騎馬以矜其精銳二十二年遣將軍李佺於赤嶺與吐蕃分界立碑二十四年正月吐蕃遣使貢方物金銀器玩數百事皆形制奇異上令列於提象門外以示百寮其年吐蕃西擊勃律遣使來告急上使報吐蕃令其罷兵吐蕃不受詔遂攻破勃律國上甚怒之時散騎常侍崔希逸爲河西節度使於涼州鎮守時吐蕃與漢樹柵爲界置守捉使希逸謂吐蕃將乞力徐曰兩國和好何須守捉妨人耕種請皆罷之以成一家豈不善也乞力徐報曰常侍忠厚必是誠言但恐朝廷未必皆相信任萬一有人交構掩吾不備後悔無益也希逸固請之遂發使與乞力徐殺白狗爲盟各去守備於是吐蕃畜牧被野俄而希逸僚人孫誨入朝奏事誨欲自邀其功因奏言吐蕃無備若發兵掩之必刺捷上使內給事趙惠琮與孫誨馳往觀察事宜惠琮等至涼州遂播詔令希逸掩襲之希逸不得已而從之大破吐蕃於青海之上殺獲甚衆乞力徐輕身遁逸惠琮誨皆加厚賞吐蕃自是復絕朝貢希逸以失信怏怏在軍不得志俄遷爲河南尹行至京師與趙惠琮俱見白狗爲祟相次而死孫誨亦以罪被戮詔以岐州刺史蕭晟爲戶部侍郎涼州事代希逸爲河西節度使鄯州都督杜希望爲龍右節度使太僕卿王昊爲益州長史劍南節度使分道經略以討吐蕃仍令毀其分界之碑二十六年四月杜希望率衆攻

吐蕃新城拔之以其城爲威武軍發兵一千以鎮之其年七月希望又從鄯州發兵奪吐蕃河橋於河左築鹽泉城吐蕃將兵三萬人以拒官軍希望引衆擊破之因於鹽泉城置鎮西軍時王昊又率劍南兵募攻其安戎城先於安戎城左右築兩城以爲攻拒之所頓兵於蓬婆嶺下運劍南道資糧以守之其年九月吐蕃悉銳以救安戎城官軍大敗兩城並爲賊所陷昊脫身走免將士已下數萬人及軍糧資仗等並沒于賊昊坐左遷括州刺史初昊之在軍謬賞其子錢帛萬計并擅與紫袍等所費鉅萬坐是尋又重貶爲端州高要尉而死二十七年七月吐蕃又寇白草安人等軍勅臨洮朔方等軍分兵救援時吐蕃於中路屯兵斷臨洮軍之路白水軍守捉使高干于拒守連旬俄而賊退蕭昊遣偏將掩其後擊破之王昊既敗之後詔以華州刺史張有爲益州長史劍南防禦使主客員外郎童仇兼瓊爲益州司馬防禦副使有既文史素無攻戰之策兼瓊遂專其戎事俄而兼瓊入奏感陳攻取安戎之策上甚悅徙張有爲光祿卿拔兼瓊令知益州長史事代張有節度仍爲之親畫取城之計二十八年春兼瓊密與安戎城中吐蕃瞿都局及維州別駕董承宴等通謀都局等遂翻城歸款因引官軍入城盡殺吐蕃將士使監察御史許遠率兵鎮守上聞之甚悅中書令李林甫等上表曰伏以吐蕃此城正當衝要憑險自固恃以窺邊積年已來燻聚爲患縱有百萬之衆難以施功陛下親紆秘策不與師旅頃令中使李思敬曉喻羌族莫不懷恩翻然改圖自相謀陷神算運於不測睿略通於未然累載通誅一朝蕩滅又臣等今日奏事陛下從容問臣等曰卿等但看四夷不久當漸推喪德音纔降遽聞戎捷則知聖與天合應如響至前古已來所未有也請宣示百寮編諸史策手制答曰此城儼鳳年中羌引吐蕃遂被固守歲月既久攻伐亦多其地險阻非力所制朝廷羣議不合取之朕以小蕃無知事須處置授以奇計所以行之獲彼戎心歸我城守有足爲慰也其年十月吐蕃又引衆寇安戎城及維州童仇兼瓊遣裨將率衆禦之仍發關中驍騎以救援焉時屬凝寒賊久之自引退詔改安戎城爲平戎城二十九年春金城公主薨吐蕃遣使來告哀仍請和上不許之使到數月後始爲公主舉哀於光順門外輟

朝三日六月吐蕃四十萬攻承風堡至河源軍西入長寧橋至安仁軍渾崖峯騎將威希液以衆五千攻而破之十二月吐蕃又襲石堡城節度使蓋嘉運不能守玄宗憤之天寶初令皇甫惟明王忠嗣爲龍右節度皆不能克七載以哥舒翰爲龍右節度使攻而拔之改石堡城爲神武軍天寶十四載贊普乞黎蘇龍獵贊死大臣立其子婆悉籠獵贊爲主復爲贊普玄宗遣京兆少尹崔光遠兼御史中丞持節贊國信冊命弔祭之及還而安祿山已竊據洛陽以河龍兵募令哥舒翰爲將屯潼關昔秦以龍山已西爲龍西郡漢懷匈奴於河右置姑臧張掖酒泉伊吾等郡又於磧外置西域都護控引胡國又分龍西爲金城西平等郡雜以氐羌居之歷代喪亂不爲賢豪所據則爲遠夷侵廢迨千年矣武德初薛仁果奄有隴上之地至於河虜李數盡有涼州之城通於磧外貞觀中李靖破吐谷渾侯君集平高昌阿史那社爾開西域置四鎮前王之所未伏盡爲臣妾秦漢之封域得議其土境耶於是歲調山東丁男爲戍卒繒帛爲軍資有屯田以資糗糧牧使以斃羊馬大軍萬人小軍千人烽戍邏卒萬里相繼以却於強敵龍右鄯州爲節度河西涼州爲節度安西北庭亦置節度關內則於靈州置朔方節度又有受降城單于都護庭爲之藩衛及潼關失守河洛阻兵於是盡徵河隴朔方之將鎮兵入靖國難謂之行營曩時軍管邊州無備預矣乾元之後吐蕃乘我間隙日躡邊城或爲虜掠傷殺或轉死溝壑數年之後鳳翔之西邠州之北盡蕃戎之境埋沒者數十州肅宗元年建寅月甲辰吐蕃遣使來朝請和勅宰相郭子儀蕭華張遠慶等於中書設宴將詣光宅寺爲盟誓取三牲血飲之無向佛寺之事請明日須於鴻臚寺飲血以申蕃戎之禮從之寶應元年六月吐蕃使燭番莽耳等二人貢方物入朝乃於延英殿引見勞賜各有差而劍南西山又與吐蕃氏羌隣接武德已來開置州縣立軍防即漢之笮路乾元之後亦陷於吐蕃寶應二年三月遣左散騎常侍兼御史大夫李之芳左庶子兼御史中丞崔倫使于吐蕃至其境而留之廣德元年九月吐蕃寇陷涇州十月寇邠州又陷奉天縣遣中書令郭子儀西禦吐蕃以吐谷渾党項羌之衆二十餘萬自龍光度而東郭子儀退軍車駕幸陝州京師失守降將高

暉引吐蕃入上都城與吐蕃大將馬重英等立故邠王男廣武王承宏爲帝立年號大赦署置官員尋以司封崔瓌等爲相郭子儀退軍南保商州吐蕃居城十五日退官軍收上都以郭子儀爲留守初車駕東幸衣冠戚里盡南投荆襄及隴巖山谷於是六軍將士持兵剽劫所在阻絕郭子儀領部曲數百人及其妻子僕從南入牛心谷駝馬車牛數百兩子儀遲留未知所適行軍判官中書舍人王延昌監察御史李萼謂子儀曰令公身爲元帥主上蒙塵于外家國之事一至於此今吐蕃之勢日逼豈可懷安于谷中何不南趨商州漸赴行在子儀遽從之延昌曰吐蕃知令公南行必分兵來逼若當大路事即危矣不如取玉山路而去出其不意子儀又從之延昌與李萼皆從子儀子儀之隊千餘人山路狹險連延百餘里人不得馳延昌與萼恐狹徑被追前後不相救至倒迴口遂與子儀別行踰絕澗登七盤趨于商州先是六軍將張知節與麾下數百人自城奔于商州大掠避難朝官士庶及居人資財鞍馬已有日矣延昌與萼既至說知節曰將軍身掌禁兵軍敗而不赴行在又恣其下虜掠何所歸乎今郭令公元帥也已欲至洛南將軍若整頓士卒喻以禍福請令公來撫之以圖收長安此則將軍非常之功也知節大悅其時諸軍將減希讓高昇彭體盈李惟統等數人各有部曲率其數十騎相次而至又從其計皆相率爲軍約不侵暴延昌留于軍中主約萼以數騎往迎子儀去洛南十餘里及之遂與子儀迴至商州諸將大喜皆遵其約束吐蕃將入京師也前光祿卿殷仲卿逃難而出鞍馬衣服盡爲土賊所掠仲卿至藍田糾合散兵及諸驍勇願從者百餘人南保藍田以拒吐蕃其衆漸振至于千人子儀既至商州未知仲卿之舉募人往探賊勢羽林將軍長孫全緒請行以二百騎隸之又令太子賓客第五琦攝京兆尹同收長安全緒至韓公堆晝則擊鼓廣張旗幟夜則多燃火以疑吐蕃仲卿探知官軍其勢益壯遂相爲表裏以狀聞于子儀仲卿二百餘騎遊奕直渡澗水吐蕃懼問百姓百姓皆給之曰郭令公自商州領衆却收長安大軍不知其數賊以爲然遂抽軍而還餘衆尙在城軍將王撫及御史大夫王仲昇頓兵自苑中入椎鼓大呼仲卿之師又入城吐蕃皆奔走乃收上都郭子儀乘之鼓

行人長安。人心乃安。吐蕃退至鳳翔。節度孫志直閉門拒之。吐蕃圍守數日。會鎮西節度兼御史中丞馬燧領精騎千餘自河西救楊志烈。迴引兵入城。遽明單騎持滿直衝賊衆。左右願從者百餘騎。燧奮擊大呼。賊徒披靡無敢當者。賊疲而歸。賊衆恃其驍勇。翌日又逼城請戰。燧被甲開懸門。賊乃抽退。皆曰。此將不惜死。不可當。且避之。又復居原會成渭之地。十二月。乘輿還上都。二年五月。放李之芳還。九月。叛將僕射大軍郡王僕固懷恩自靈武遣其黨范志誠任數等引吐蕃吐谷渾之衆來犯王畿。十月。懷恩之衆至邠州挑戰。節度白孝德及副元帥先鋒郭鋒舉城拒之。以挫其鋒。賊衆逼奉天。縣西二十里爲營。郭子儀屯於奉天。又按軍不戰。郭鋒於邠州西三十里令精騎二百五十人步卒五百人斫懷恩營。破五千衆。斬首千餘級。生擒八十五人。降其大將四人。馬五百匹。十一月。僕固懷恩引吐蕃之衆退。廣德二年。河西節度楊志烈被圍守數年。以孤城無援。乃跳身西投甘州。涼州又陷於寇。永泰元年三月。吐蕃請和。遣宰相元載杜鴻漸等於興唐寺與之盟而罷。秋九月。僕固懷恩誘吐蕃迴紇之衆南犯王畿。吐蕃大將尙結息贊磨尙息東贊尙野息及馬重英率二十萬衆至奉天界。邠州節度使白孝德不能禦。京城戒嚴。先是朔方先鋒兵馬使渾日進孫守亮屯軍於奉天以拒之。於是詔追副元帥郭子儀於河中府領衆赴援。屯於涇陽。諸將各屯守要害。初吐蕃列營奉天。渾日進單騎衝之。驍騎二百人繼進。衝突其營。左右擊刺賊徒驚駭。無不應弦而斃。日進拔一蕃將躍馬而歸。蕃將奮身。失其撒飯。日進之衆無中鋒鏑者。軍中望而益振。明日吐蕃悉衆圍之日。進命拋車夾石投之。雜以弓弩。賊死傷衆數日。斂軍回營。尋又日進夜斫賊營於梁毋神下。殺千餘人。生擒五百人。獲駝馬器械。上又下詔親征。括朝官馬。京城置團練。鎮西節度馬燧遇吐蕃遊奕四百餘人於武功東原。使五十人擊而盡殺之。無噍類。自十七日至二十五日晚。際始止。議者以爲天助吐蕃。殺任數以兵五千餘人犯白水縣。渾日進露布而至。屯於奉天馬鬼店。今月十九日已後。至二十五日已前。交戰二百餘陣。破吐蕃一萬餘衆。斬首五千級。生擒

一百六十人。馬一千二百四十二匹。駝一百一十五頭。器械幡旗共三萬餘事。朝官震懼。家口迴避者十室八九。禁之不止。自前年吐蕃犯王畿。後於中渭橋鄂豐城以營兵。至是功畢。吐蕃退至永壽北。遇迴紇之衆。雖聞懷恩死。皆悍其衆相誘而奔。復來寇。至奉天。兩蕃犢貳爭長。別爲營壘。吐蕃遊奕至德底。吐蕃又至馬鬼店。因縱火焚居人廬舍而退。迴紇三千騎詣涇陽降款。請擊吐蕃爲效。子儀許之。於是朔方先鋒兵馬使開府南陽郡王白元光與迴紇合於涇陽靈臺縣東五十里。攻破吐蕃。斬首及生擒獲駝馬牛羊甚衆。上傳親征。京師解嚴。宰臣上表稱賀。

舊唐書卷一百九十六上

舊唐書卷一百九十六上考證

舊唐書卷一百九十六上考證

吐蕃傳上遂復親征○臣酉按新書作罷親征復字當是罷字之訛今改正

失其撒飯一○疑有脫誤

舊唐書卷一百九十六上考證

後晉司空同中書門下平章事劉昫撰

列傳第一百四十六下

吐蕃下

承泰二年二月命大理少卿兼御史中丞楊濟修好于吐蕃四月吐蕃遣首領
 論泣藏等百餘人隨濟來朝且謝申好大曆二年十月豐州破吐蕃二萬餘衆
 生擒五百人獲馬一千五百匹十一月和蕃使檢校戶部尚書兼御史大夫薛
 景仙自吐蕃使還首領論泣藏隨景仙來朝景仙奏云贊普請以鳳林關爲界
 俄又遣使路悉等十五人來朝三年八月吐蕃十萬寇靈武大將尙悉摩寇邠
 州郭寧節度使馬璘破二萬餘衆擒其俘以獻之九月寇靈州朔方騎將白元
 光破之俄又復破二萬衆於靈武獲羊馬數千計關內副元帥郭子儀於靈州
 破吐蕃六萬餘衆十二月以蕃寇寇犯西疆增修鎮守乃移馬璘鎮涇州仍爲
 涇原節度使劍南西川亦破吐蕃萬餘衆五年五月徙置安悉拓靜恭五州于
 山陵要害之地以備吐蕃八年秋吐蕃六萬騎寇靈武蹂躪我禾稼而去十月
 寇涇邠等州郭子儀遣先鋒將渾瑊與賊戰于宜祿我師不利副將史籍等三
 人死之村墅居人爲驅掠者凡千餘人是夜瑊收合散卒襲賊營會馬璘亦襲
 其輜重凡殺數千人賊遂潰子儀大破吐蕃十餘萬衆初吐蕃犯我邠郊馬璘
 以精卒二千餘人潛夜掩賊營射賊豹皮將中目賊衆扶之號泣遂舉營遁去
 璘因收獲朔方兵健二百餘人百姓七百餘人駝馬數百匹九年四月以吐蕃
 侵擾預爲邊備乃降勅宜令子儀以上郡北地四塞五原襄渠稽胡鮮卑雜種
 步馬五萬衆嚴會柁邑克壯舊軍抱玉以晉之高都韓之上黨河湟義從汧隴
 少年凡三萬衆橫絕高壁斜界連營馬璘以西域前庭軍師後部兼廣武之戍
 下蔡之徭凡三萬衆屯于泗中張大軍之援忠誠以武落別授右地奇鋒凡二
 萬衆出岐陽而北會希讓以三輔太常之徒六郡良家之子自渭上而西合汴
 宋淄青河陽幽瀋總四萬衆分列前後魏成德昭義永平總六萬衆大舒左右
 朕內整禁旅親誓諸將資以千金之費錫以六牧之馬其戎裝戰器軍用邊儲

各有司存素皆精辦咨爾將相文武宣力之臣夫師克在和善戰不陣各宜保
 據疆界屯據要害惟明首尾相應若既悔過何必勞人如或不恭自當伐
 罪然後眷求統一以制諸軍進取之宜俟於後命十一年正月劍南節度使崔
 寧大破吐蕃故洪等四節度兼突厥吐渾氏蠻羌党項等二十餘萬衆斬首萬
 餘級生擒鷓鴣城兵馬使一千三百五十人獻于闐下牛羊及軍資器械不可勝
 紀十二年九月入寇坊州掠党項羊馬而去十月崔寧破吐蕃望漢城十四年
 八月命太常少卿韋倫持節使吐蕃統蕃俘五百人歸之十月吐蕃率南蠻衆
 二十萬來寇一入茂州過汶川及灌口一入扶文過方維白壩一自黎雅過邛
 峽關連陷郡邑乃發禁兵四千人及幽州兵五千人同討大破之建中元年四
 月韋倫至自大曆中聘使前後數輩皆留之不遣俘獲其人必遣中官部統徙
 江嶺因緣求財及給養之費不勝其弊去年冬吐蕃大興師以三道來侵會德
 宗初即位以德綏四方徵其俘囚五百餘人各給衣一襲使倫統還其國與之
 約和勅邊將無得侵伐吐蕃始聞歸其人不之信及蕃俘入境部落皆畏威懷
 惠其贊普乞立贊謂倫曰不知是來也而有三恨奈何倫曰未達所謂乞立贊
 曰不知大國之費而弔不及哀一也不知山陵之期而聘不成禮二也不知皇
 帝舅聖明繼立已發衆軍三道連衡今靈武之師聞命輒已而山南之師已入
 扶文蜀師已趨灌口追且不及是三恨也乃發使奉贊不二旬而復命蜀帥上
 所獲戎俘有司請準舊事頒爲徒隸上曰要約著矣言庸二乎乃各給纊二匹
 衣一襲而歸之五月以韋倫爲太常卿復使吐蕃其冬遣宰相論欽明恩等五
 十五人隨倫至且獻方物吐蕃見倫再至甚歡既就館聲樂以娛之留九日而
 還兼遣其渠帥報命二年十二月入蕃使判官常魯與吐蕃使論悉諾羅等至
 自蕃中初魯與其使崔漢衡至列館贊普令止之先命取國信勅既而使謂漢
 衡曰來勅云所貢獻物並領訖今賜外甥少信物至領取我大蕃與唐舅甥國
 耳何得以臣禮見處又所欲定界雲州之西請以賀蘭山爲界其盟約請依景
 龍二年勅書云唐使到彼外甥先與盟誓蕃使到此阿舅亦親與盟乃遣漢衡
 遣使奏定魯使還奏焉爲改勅書以貢獻爲進以賜爲寄以領取爲領之且謂

曰前相楊炎不循故事致此誤爾其定界盟並從之三年四月放先沒蕃將士僧尼等八百人歸還報歸蕃俘也九月和蕃使殿中少監兼御史中丞崔漢衡與蕃使區頰贊至時吐蕃大相尙結息忍而好殺以嘗覆敗於劍南思刷其恥不肯約和其次相尙結贊有材略因言於贊普請定界明約以息邊人贊普然之竟以結贊代結息為大相終約和好期以十月十五日會盟於境上以崔漢衡為鴻臚卿以都官員外郎樊澤兼御史中丞充入蕃計會使初漢衡與吐蕃約定月日盟誓漢衡到商量未決已過其期遂命澤詣結贊復定盟會期且告遣隴右節度使張鎰與之同盟澤至故原州與結贊相見以來年正月十五日會盟于清水西四年正月詔張鎰與尙結贊盟於清水將盟鎰與結贊約各以二千人赴壇所執兵者半之列於壇外二百步散從者半之分立壇下鎰與賓佐齊映齊抗及會盟官崔漢衡樊澤常魯于頔等七人皆朝服結贊與其本國將相論悉頰藏論滅熱論利陀斯官者論力徐等亦七人俱升壇為盟初約漢以牛蕃以馬鎰與之盟將殺其禮乃謂結贊曰漢非牛不田蕃非馬不行今請以羊豕犬三物代之結贊許諾塞外無豕結贊請出羝羊鎰出犬及羊乃於壇北刑之雜血二器而歃盟文曰唐有天下恢奄禹跡舟車所至莫不率俾以累聖重光歷年惟永彰王者之丕業被四海之聲教與吐蕃贊普代為婚姻固結隣好安危同體甥舅之國將二百年其間或因小忿棄惠為讎封疆騷然靡有寧歲皇帝踐祚愍茲黎元俾釋俘隸以歸蕃落蕃國展禮同茲叶和行人往復累布成命是必詐謀不起兵車不用矣彼猶以兩國之要求之永久古有結盟今請用之國家務息邊人外其故地棄利蹈義堅盟從約今國家所守界涇州西至彈箏峽西口隴州西至清水縣鳳州西至同谷縣暨劍南西山大渡河東為漢界蕃國守鎮在蘭渭原會西至臨洮東至成州抵劍南西界磨些諸蠻大渡水西南為蕃界其兵馬鎮守之處州縣見有居人彼此兩邊見屬漢諸蠻以今所分見住處依前為定其黃河以北從故新泉軍直北至大磧直南至賀蘭山駱鞞嶺為界中間悉為閑田盟文有所不載者蕃有兵馬處蕃守漢有兵馬處漢守並依見守不得侵越其先未有兵馬處不得新置并築城堡耕種今

二國將相受辭而會齋戒將事告天地山川之神惟神照臨無得愆墜其盟文藏於宗廟副在有司二國之成其永保之結贊亦出盟文不加於坎但埋牲而已盟畢結贊請鎰就壇之西南隅佛帳中焚香為誓誓之畢復升壇飲酒獻酬之禮各用其物以將厚意而歸二月命崔漢衡持節答蕃遣區頰贊等歸上初令宰相尙書與蕃相區頰贊盟於豐邑里壇所盟以清水之會不定遂罷因留頰贊未遣復令漢衡使於贊普六月答蕃使判官于頔與蕃使論頰藏等至自青海七月以禮部尙書李揆加御史大夫為入蕃會盟使又命宰相李忠臣盧杞關播右僕射崔寧工部尙書喬琳御史大夫于頔太府卿張獻蘇司農卿段秀實少府監李昌夔京兆尹王旭左金吾衛將軍渾瑊等與區頰贊等會盟於壇所初于頔至自蕃中與尙結贊約疆場既定請歸其使從之以豐邑坊盟壇在京城之內非便請卜壇於京城之西其禮如清水之儀先盟二日命有司告太廟監官致齋三日朝服陞壇關播跪讀盟文盟畢宴賜而遣之興元元年二月以右散騎常侍兼御史大夫于頔往涇州已來宣慰吐蕃仍與州府計會頔歲時吐蕃款塞請以兵助平國難故遣使焉四月命太常少卿兼御史中丞沈房為入蕃計會及安西北庭宣慰使是月渾瑊與吐蕃論莽羅率衆大破朱泚將韓旻張廷芝宋歸朝等於武功之武亭川斬首萬餘級貞元二年命倉部郎中兼侍御史趙奉為入吐蕃使八月吐蕃寇涇隴邠寧數道掠人畜取禾稼西境騷然諸道節度及軍鎮咸閉壁自守而已京師戒嚴上遣左金吾將軍張獻甫與神策將軍李昇昇蘇清沔等統兵屯於咸陽召河中節度駱元光率衆成咸陽以援之九月以吐蕃遊騎及於好時上復遣張獻甫等統兵屯於咸陽又詔遣左監門將軍康成使於吐蕃初吐蕃大相尙結贊累遣使請盟會定界乃命成使之至上皆原與結贊相見令其使論乞匄與成同來是月鳳翔節度使李晟以吐蕃侵軼遣其將王傑夜襲賊營率驍勇三千人入汧陽賊之曰賊之大衆當過城下無擊其首尾首尾雖敗中軍力全若合勢攻之汝必受其弊但候其前軍已過見五方旗虎豹衣則其中軍也出其不意乃是奇功必如其言出擊之賊衆果敗副將史廷玉力戰死之又寇鳳翔城下李晟出兵禦之一夕

而退。十月，李晟遣兵襲吐蕃之堆沙堡，大破之，焚其歸積，斬蕃酋屈律設贊等七人，傳首京師。十一月，吐蕃陷鹽州，初賊來也，刺史杜彥光使以牛酒犒之，吐蕃謂曰：「我欲州城居之，聽爾率其人而去。」彥光乃悉衆奔鄜州。十二月，陷夏州，刺史拓拔乾暉率衆而去，復據其城。又寇銀州，素無城壁，人皆奔散。三年春，命檢校左庶子兼御史中丞崔瀚爲入吐蕃使，相次又遣左庶子李銛使之，河東保寧等道節度使馬燧來朝，初尚結贊既陷鹽夏等州，各留千餘人守之，結贊大衆屯於鳴沙，自去冬及春，羊馬多死，糧餉不給，時詔遣華州潼關節度駱元光、邠寧節度韓遊瓌統衆與鳳翔鄜鄜及諸道戍卒屯於塞上，又命燧率師次於石州，分兵隔河與元光等犄角討之。結贊聞而大懼，累遣使請和，仍約盟會，上皆不許，又遣其大將論頰、厚禮、卑詞求燧請盟，燧以奏焉，上又不許，惟促其合勢討逐，燧喜，賂信詐，乃與頰、厚禮俱入朝，咸言其可信，許盟約。上於是從之，燧既赴朝也，諸軍但閉壁而已，結贊遽悉其衆棄夏州而歸，馬既多死，有徒行者，及是夏平涼之會，竟渝盟，馬燧亦由此失兵柄，而奉朝請矣。四月，崔瀚至自鳴沙，初瀚至鳴沙，與尚結贊相見，詢問其違約陷鹽夏州之故，對曰：「本以定界碑被牽倒，恐二國背盟相侵，故造境上請修舊好，又蕃軍頃年破朱泚之衆於武功，未獲酬償，所以來耳。」及徙涇州，其節度使閉城自守，音問莫達，又徙鳳翔，請通使於李令公，亦不見納，及遣康成王真之來，皆不能達，大國之命，日望大臣充使，兼展情禮，實無至者，乃引軍還，及鹽夏二州之師，二州懼我之衆，請以城與我，我求全而歸，非我所攻陷也。今君以國親將命，若結好復盟，蕃之願也，盟會之期及定界之所，唯命是聽，君歸奏決，定當以鹽夏相還也。」又云：清水之會，同盟者少，是以和好輕慢不成，今蕃相及元帥已下凡二十一人赴鹽州，節度使杜希全稟性和善，外境所知，請令主盟會，涇州節度李觀亦請同主之，又同章表上聞，游誘賂蕃中給役者，求其人馬真數凡五萬九千餘人，馬八萬六千餘匹，可戰者僅三萬人，餘悉童幼，備數而已。是日改崔瀚爲鴻臚卿，再入吐蕃，令瀚報尚結贊曰：「杜希全職在鹽州，不可出境，李觀今已改官，以待中，渾瑊充盟會使，約以五月二十四日復盟於清水，又令告以鹽夏二州歸于我。」

就盟會，上疑蕃情不實，以得州爲信焉。五月，渾瑊以充盟會使來辭，且受命，以兵部尚書崔漢衡爲盟會副使，司勳員外郎鄭叔矩爲判官，渾瑊赴會盟所，上令瑊統衆二萬餘人，遣華州潼關節度駱元光赴之，上令宰臣召吐蕃使論拉贊等於中書，議會盟之所，初崔瀚與尚結贊約復會於清水，且先歸我鹽夏二州，結贊云：「清水非吉地，請會於原州。」上梨樹，又請盟畢歸二州，瀚遣使與泣贊等同奏，上務懷柔遠人，皆從之，約以五月十五日盟于土梨樹，上召宰臣謀之，先是左神策將馬有麟奏：「土梨樹地多險隘，恐蕃軍隱伏，不利于我。」平涼川四隅坦平，且近涇州，就之爲便，由是乃定盟所於平涼川，時蕃使論拉贊已復命，遽追還告而遣之，渾瑊與尚結贊會於平涼，初瑊與結贊約以兵三千人列於壇之東西，散手四百人至壇下，及將盟，又約各益遊軍相規伺，結贊擁精騎數萬於壇西，蕃之遊軍貫穿我師，瑊之將梁奉貞率六十騎爲遊軍，繞至蕃中，皆被執留，瑊不虞也，結贊又遣人請瑊曰：「請侍中已下服衣冠劍佩，以俟命。」蓋誘其下馬，將劫持之，瑊與崔漢衡、監軍特進宋鳳朝等皆入幕次，坦無他慮，結贊命伐鼓三聲，其衆呼譟而至，瑊遽出自幕後，逼得他馬，跨而奔歸，時馬不加銜，瑊伏於轂而手加之，凡馳十餘里，銜方及口，故連騎之矢過而不傷焉，唯瑊之裨將辛榮招合數百人拒北，卓與賊接戰，須臾賊衆四合，榮力屈而降，鳳朝及瑊判官韓弁並爲亂兵所殺，漢衡及中官劉延魯俱文珍、李清朝、漢衡判官鄭叔矩、路泌、掌書記袁同直、大將扶餘準、馬寧及神策鳳翔河東大將孟日華、李至言、樂演明、范澄、馬弁等六十餘人皆陷焉，餘將士及夫役死者四五百人，驅掠者千餘人，咸被解奪其衣，初漢衡爲亂兵所擊，其從吏呂溫以身蔽之，刃中溫而漢衡獲免，漢衡乃夷言謂執者曰：「我漢使崔尚書也，結贊與我善，如若殺我，結贊亦殺汝，乃捨之，盡驅而西，既已面縛，各以一木自領，至趾約於身，以毛繩三束之，又以毛繩連其髮而約之，夜皆跽於地，以髮繩各繫一椀，又以毛繩都覆之，守衛者臥其上，以防其亡逸也。」至故原州，結贊坐於帳中，召與相見，數讓國家，因怒渾瑊曰：「武功之捷，皆我之力，許以涇州，鹽州相報，皆食其言，實我深矣，舉國所忿，本劫是盟，在擒瑊也，吾遣以金飾極格待瑊，將獻贊，既以

失之。虜致君等耳。當遣君輩三人歸也。呂溫帶瘡亦至。結贊嘉其義厚。給資之。結贊率其衆於石門道。中官俱文珍、渾瑊之將馬軍、馬燧之將馬弁歸于我。遂送漢衛叔矩等囚於河州。辛榮扶餘準等。於故廓州鄯州分囚之。結贊本請杜希全李觀同盟。將執二節將。率其銳師來犯京師。希全等既不行。又欲執渾瑊。長驅入寇。其謀也如此。上遣中官王子恆齎詔書以遺結贊。誓界不納。而還初。瑊與駱元光將發涇州。元光謂瑊曰。本奉詔令管於潘原。僅以應援待中。竊以潘原去盟所六七十里。蕃情多詐。待中儻有急。何由知之。請次待中為營。以虞其變。瑊以非詔旨。固止之。元光與同進。瑊之營西去盟所二十餘里。元光之營次之。其濠欄極深固。瑊之濠欄可踰。越焉。及瑊單騎奔歸。未及其營。守將李朝彩不能整衆。多已奔散。瑊至空營而已。器械資糧悉棄之。賴元光之衆陣於營中。瑊既入。賊追騎方退。元光乃先遣輜重。次與瑊俱申其號。令嚴其部伍。而還。瑊復鎮于奉天。六月。鹽夏二州吐蕃焚城門及廬舍。毀城壁而歸。七月。詔曰。乃者吐蕃犯塞。毒我生靈。倣擾隴東。深入河曲。朕以兵戈粗定。傷夷未廖。務息戰伐之謀。遂從通和之請。亦知戎醜。志在貪婪。重違修睦之辭。乃九尋盟之會。果為隱匿。變發遽官。縱犬羊兇狡之羣。乘文武信誠之衆。蒼黃淪陷。深用惻然。此皆由朕之不明。致其至此。既無德於萬衆。亦有愧於四方。宵旰貽憂。何嗟而及。今兵部尚書崔漢衡等。皆國之良士。朝之盡臣。學擊窮虜。眇然殊域。念其家室。或未周於屢空。錄以息男。庶或資於薄蔭。漢衡宜與一子七品官。司勳員外郎鄭叔矩。檢校戶部郎中。路必殿中侍御史。韓弁及大將孟日華。辛榮。李至。言苑澄。王頁。賈樂。演明。陽普。權文成等。各與一子八品官。試左金吾兵曹參軍。袁同直。檢校尉。裴頌及副兵馬使已下。各與一子九品官。仍並與正員官。餘將士各與一子官。仍委本使。即具名銜聞奏。於是遣決勝軍使唐良臣。以衆六百人。戍潘原。堡神策副將蘇太平。率其衆五百人。戍龍州。八月。崔漢衡至。自吐蕃。初。漢衡與同陷者。並至河州。尚結贊令召漢衡與神策將孟日華。中官劉廷區。俱至石門。而遣之。結贊令五十騎。送至境上。且贖表請進。及潘原。李觀使止曰。有詔不許更納。蕃使受其表。而返其人。自是吐蕃率羌渾之衆犯塞。分屯於潘口及

青石嶺。先是吐蕃之衆。自潘口東分為三道。其一趨龍州。其一趨汧陽之東。其一趨鈞竿原。是日。相次屯於所趨之地。連營數十里。其汧陽城。管距鳳翔四十里。京師震恐。士庶奔駭。賊遣羌渾之衆。衣漢戎服。偽稱邢君牙之衆。奄至吳山。及寶鷄北界。焚燒廬舍。驅掠人畜。斷吳山神之首。百姓丁壯者。驅之以歸。羸老者。咸殺之。或斷手。豎目棄之。而去。初。李晟在鳳翔。令伐大木塞安化峽。及是。賊並焚之。九月。詔神策軍將石季章。以衆三千戍武官。召唐良臣。自潘原。戍百里。城是月。吐蕃大掠汧陽。吳山。華亭等界。人庶男女萬餘口。悉送至安化峽。西將分殺羌渾等。乃曰。從爾輩東向。與辭鄉國。衆遂大哭。其時一慟而絕者數百人。投崖谷死傷者千餘人。聞者為之痛心焉。渾瑊遣其將任蒙主。以衆三千。戍好時。是月。吐蕃之衆復至。分屯於豐義及華亭。百寮入計。以破吐蕃圍龍州。刺史韓清。汧與蘇太平。夜出兵。伏於大像龕。及夜半。令城中及龕各舉火相應。賊大驚。因襲其營。賊乃退散。時吐蕃攻陷華亭。初。賊之圍華亭也。先絕其汲水道。其守將王仙鶴及鎮兵百姓凡三千人。皆在圍中。使人間道請救於龍州。刺史韓清。河。令蘇太平率一千五百人赴之。及中路。其遊騎百餘沒於賊。太平素儒。怯寡謀。遽引衆退。歸賊自是。每日令遊騎千餘至龍州。州兵不敢復出。凡四日。圍中絕水。援軍不至。賊又積柴城下。將焚之。仙鶴遂降於賊。賊並焚廬舍。毀城壁。虜士衆十三四。收丁壯棄老。而去。北攻連雲堡。又陷堡之三面。頗峻。唯北面連原。以濠為固。賊自其北。建拋擲七具。擊堡中。堡中唯一井。投石。俄而滿焉。又飛梁架濠。而過。苦攻之。堡將張明遠。與其衆男女千餘口。東向慟哭。而降。涇州之西。唯有連雲堡。每值候賊之進退。及是。堡陷。涇州不敢啓西門。西門外皆為賊境。權蘇殆絕。收刈禾稼。必布陣於野。而收穫之。獲既失時。所得多。空穡。於是涇人有飢憂焉。吐蕃驅掠連雲堡之衆。及邠。涇。編戶逃竄山谷者。并牛畜萬計。悉其衆。送至彈箏峽。自是。涇。邠。等賊之所至。俘掠殆盡。是秋。數州人無積聚者。邊將唯遣使表賀。賊退而已。十月。吐蕃數千騎。復至長武城。韓全義率衆之韓遊瓌之將。請以衆助之。遊瓌不許。及暮。賊退。全義亦引還。自是。賊之騎常往來。涇。邠。之間。諸城西門。莫敢啓者。賊又修故原州城。其大衆屯焉。四年五月。

吐蕃三萬餘騎犯塞分入涇邠寧慶麟等州焚彭原隰麻舍所至燒廬舍人畜
沒者約二二萬計凡二旬方退陳許行營將韓全義自長武城率眾抗之無功
而還遊瓌素無軍政且疾不能與閉城自守莫敢禦也先是吐蕃入寇恆以秋
冬及春則多遇疾疫而退是來也方感暑而無慮蓋華人陷者厚其資產質其
妻子爲戎虜所將而侵軼焉九月吐蕃將尙悉董星論莽羅等寇寧州節度使
張獻甫率眾禦之斬首百餘級賊轉寇麟坊等州繼掠而去五年十月劍南節
度使章阜遣將王有道等與東蠻兩林宜那時勿鄧夢衝等帥兵於故瀾州臺
登北谷大破吐蕃青海臘城二節度殺其大兵馬使乞臧遮遮悉多楊朱斬首
二千餘級其投崖谷赴水死者不可勝數生擒龍官四十五人收獲器械一萬
餘事馬牛羊一萬餘頭匹遮遮者吐蕃驍勇者也或云尙結贊之子類爲邊患
自其死也官軍所攻城柵無不降下蕃衆曰却數年間盡復舊州之境六年吐
蕃陷我北庭都護府初北庭安西既假道於迴紇朝奏因附庸焉蕃性貪狠徵
求無度北庭近羌凡服用食物所資必強取之人不聊生矣又有沙陀部六千
餘帳與北庭相依亦屬於迴紇迴紇肆其抄奪尤所厭苦其葛祿部及白服突
厥素與迴紇通和亦憾其奪掠因吐蕃厚賂見誘遂附之於是吐蕃率葛祿白
服之衆去歲各來寇北庭迴紇大相頡干迦斯率眾援之頻戰敗績吐蕃攻圍
頗急北庭之人既苦迴紇是歲乃舉城降於吐蕃沙陀部落亦降焉北庭節度
使楊襲古與麾下二千餘人出奔西州頡干迦斯不利而還七年秋又悉其丁
壯五六萬人將復北庭仍召襲古偕行俄爲吐蕃葛祿等所擊大敗死者大半
頡干迦斯始之曰且與我同至牙帳當送君歸本朝也襲古從之及牙帳留而
不遣竟殺之自是安西阻絕莫知存否唯西州之人猶固守焉頡干迦斯既敗
匈奴葛祿之衆乘勝取迴紇之浮圖川迴紇震恐悉遷西州部落羊馬於牙帳之
南以避之八年四月吐蕃寇靈州掠人畜攻陷水口城進圍州城塞水口及支
梁以營田詔河東振武分兵爲援又分神策六軍之卒三千餘人戍於定遠懷
遠二城上御神武樓勞遣之吐蕃引去六月吐蕃數千騎由青石嶺寇涇州掠
田軍千餘人還及連雲堡守捉使唐朝臣遣兵出戰大將王進用死之九月西

川節度使章阜攻吐蕃之維州獲大將論贊熱及首領獻于京師十一月山南
西道節度嚴震擊破吐蕃於芳州及黑水堡焚其積聚并獻首虜九年二月詔
城鹽州是州先爲吐蕃所毀自此塞外無堡障靈武勢隔西逼邠坊甚爲邊患
故命城之二旬而畢又詔兼御史大夫紇干遂統兵五千與兼御史中丞杜彥
光之衆戍之是役也上念將士之勞厚令度支供給又詔涇原湖南山南諸軍
深討吐蕃以分其力由是板築之際虜無犯塞者及畢中外咸稱贊焉是月西
川章阜獻獲吐蕃首虜器械旗幟牛馬於闕下初將城鹽州上命阜出師以分
吐蕃之兵阜遣大將董勳張芬出西山及南道破俄和城通轉軍吐蕃南道元
帥論莽熱率眾來援又破之殺傷數千人焚定康故城凡平柵堡五十餘所十
年南詔蠻蒙異牟尋大破吐蕃於神川使來獻捷語在南詔傳十三年八月黃
少卿攻陷欽橫濶貴四州吐蕃渠帥論乞髯蕩沒藏悉諾律以其家屬來降明
年並以爲歸德將軍十二年九月吐蕃寇慶州及華池縣殺傷頗甚十三年正
月邢君牙奏請於隴州西七十里築城以備西戎名永信城吐蕃贊普遣使農
桑昔贊表請修和好邊將以聞上以其豺狼之性數負恩背約不受表狀任其
使却歸五月十七日吐蕃於劍山馬嶺三處開路分軍下營僅經一月進軍逼
臺登城舊州刺史曹高任率領諸軍將士并東轡子弟合勢接戰自朝至午大
破之生擒大龍官七人陣上殺獲三百人餘被刀箭者不可勝紀收獲馬畜五
百餘頭匹器械二千餘事十四年十月夏州節度使韓全義破吐蕃於鹽州西
北十六年六月鹽州破吐蕃於烏蘭橋下十七年七月吐蕃寇鹽州又陷麟州
殺刺史郭鋒毀城隍大掠居人驅党項部落而去又鹽州西九十里橫槽烽頭
軍呼延州僧延素輩七人稱徐舍人召其火隊吐蕃沒勒遠引延素等疾趨至
帳前皆馬革枯手毛繩纏頸見一吐蕃年少身長六尺餘赤髭大目乃徐舍人
也命解縛縛坐帳中曰師勿懼余本漢人司空英國公五代孫也屬武后斬喪王
室高祖建義中泯子孫流播絕域今三代矣雖代居職位世掌兵要思本之心
無涯顧血族無由自拔耳此蕃漢交境也復九十里至安樂州師無由歸東矣
延素曰僧身孤親老懇祈全活悲不自勝又曰余奉命率師備邊因求資食遂

涉漢疆展轉東進至麟州城既無備援兵又絕是以拔之知郭使君是勳臣子孫必將活之不幸為亂兵所害適有飛鳥使至飛鳥猶中國驛騎也云術者上變召軍亟還遂歸之時詔章舉分遣偏將勒步騎合二萬出成都西山南北九道並進逼樓難老翁故維州保州松州諸城以紓北邊故也九月章舉大破吐蕃於維州十八年正月章舉擒吐蕃大首領論莽熱來獻賜崇仁里宅以居之莽熱吐蕃內大相也先貞元十六年章舉破吐蕃二萬餘眾於黎州舊州吐蕃遂大搜閱築壘造舟潛謀寇邊章悉控之於是吐蕃酋帥兼監統曩貢臘城等九節度嬰嬰龍官馬定德與其大將八十七人舉部落來降定德有計畫嬰嬰習知兵法及山川地形吐蕃每用兵定德常乘驛計議諸將稟其成算至是自以邊功不立懼得罪而歸心焉其明年吐蕃昆明城管磨些蠻千餘戶又來降吐蕃以其眾外潰遂北寇靈朔陷麟州詔章舉出兵成都西山以紓北邊章遂命鎮靜軍兵馬使陳泊等統兵萬人出三奇路戒戎軍使崔堯臣率兵一千出龍溪石門路南維保二州兵馬使邢玘奔諸州刺史董懷愕等率兵四千進攻樓通吐蕃維州城中北路兵馬使邢玘奔諸州刺史董懷愕等率兵四千進攻樓通老翁等城都將高個王英俊等率兵二千進逼故松州隴東路兵馬使元膺奔諸將郝宗等復分兵八千出南道雅州黎壽等路又令邛州鎮南軍使御史大夫韋良金發鎮兵一千三百續進雅州經略使路惟明與三部落主趙日進等率兵三千進攻通租偏松等城黎州經略使王有道率三部落主趙日進千過大渡河深入吐蕃界舊州經略使陳孝陽與行營兵馬使何大海章義等及磨些蠻三部落主苴那時率兵四千進攻昆明諾濟城自八月至于十二月累破十六萬眾拔其七城五軍鎮受降二千餘戶生擒六千餘人斬首一萬餘級遂圍維州救軍再至轉戰千餘里吐蕃連敗靈朔之寇引眾南下於是贊普遣莽熱以內大相兼東境五道節度兵馬使都統羣牧大使率雜虜十萬眾來解維州之圍王師萬餘眾據險設伏以待之先以千人挑戰莽熱見我師之少也悉眾來追入于伏中諸將四面疾擊遂擒莽熱虜眾大潰十九年五月吐蕃使論頗熱至六月以右龍武大將軍薛保兼御史大夫使于吐蕃二十年三月

上旬贊普卒廢朝三日命工部侍郎張薦弔祭之贊普以貞元十三年四月卒長子立一歲卒次子嗣立命文武三品已上官弔其使四月吐蕃使滅河南觀察使論乞再及僧南撥特計波等五十四人來朝十二月遣使論襲執郭志崇來朝二十一年二月順宗命左金吾衛將軍兼御史中丞田景度持節告哀于吐蕃以庫部員外郎兼御史中丞熊執易為副使七月吐蕃使論悉諾等來朝承貞元十年十月贊普使論乞縛勒藏來貢助德宗山陵金銀衣服牛馬等十一月以衛尉少卿兼御史中丞侯幼平充入蕃告冊立等使元和元年正月福建道送到吐蕃生口十七人詔給遞乘放還蕃六月遣使論勒藏來朝五年五月遣使論思耶熱來朝拜歸鄭叔矩路泌之柩及叔矩男文延等一十三人叔矩必平涼之盟陷焉凡二十餘年竟不屈節因沒於蕃中至是請和故歸之六月命宰相杜佑等與吐蕃使議事申書令虜且言歸我秦原安樂州地七月遣鴻臚少卿攝御史中丞李錡為入蕃使丹王府長史兼侍御史吳壹副之六年至十年遣使朝貢不絕十二年四月吐蕃以贊普卒來告以右衛將軍烏重元兼御史中丞充弔祭使殿中侍御史段鈞副之十三年十月吐蕃圍我宥州鳳翔上言遣使修好是月靈武於定遠城破吐蕃二萬人殺戮二千人生擒節度副使一人判官長行三十九人獲羊馬甚眾平涼鎮遠使郝玼破二萬餘眾收復原州城獲羊馬不知其數夏州節度田縉於靈武亦破三千餘人十一月靈州上言吐蕃入河曲夏州破五萬餘人靈武破長樂州羅城焚其屋宇器械西川節度使王播攻拔峨峨和樓羅等城十四年正月勅曰朕臨御萬邦推布誠信西戎納款積有歲時中或虧違亦當苞貸我有殊德軍不是恩重譯貢珍道途相繼申恩示禮曾無闕焉昨者蕃使奉章又至京堂將君長之命陳和好之誠臨軒召見館餼加厚復以信幣論之簡書亦既言旋讒及近甸遽聞熾聚來犯封陞河曲之間頗為暴擾背惠棄約斯謂無名公議物情咸請誅絕朕深惟德化之未被豈慮夷俗之不賓其國失信其使何罪釋其維繫以遂性示之弘覆以忘懷于衷苟乎庶使知感其蕃使論矩立藏等并後般來使并宜放歸本國仍委鳳翔節度使以此意曉諭八月吐蕃營於慶州方渠大軍至河州界十月吐

蕃節度論三摩及宰相尙塔藏中書尙綺心兒共領軍約十五萬衆圍我鹽州數重党項首領亦發兵驅羊馬以助閼歷三旬賊以飛梯鷄車木櫃等四面齊攻城欲陷者數四刺史李文悅率兵士乘城力戰城穿壞不可守撤屋版以禦之晝夜防拒或潛兵斫營開城出戰約殺賊萬餘衆諸道救兵無至者凡二十七日晚乃退十五年二月以祕書少監兼御史中丞田洎入吐蕃告良并告冊立三月攻掠我青塞堡七月遣使來弔祭十月侵逼涇州命右軍中尉梁守謙充左右神策京西京北行營都監統神策兵四千人并發入鎮全軍往救援以太府少卿兼御史中丞邵同持節入吐蕃充答請和好使駁前入吐蕃使祕書少監田洎柳州司戶初洎入蕃爲弔祭使蕃請於長武城下會盟洎懼怯恐不得還唯唯而已至是西戎入寇且曰田洎許我統兵馬赴盟誓遂駁之戎人實以邊將擾之致忿徒假洎爲辭也涇州上言吐蕃大將並退於是罷神策行營兵自田洎統夏州以貪狼侵擾党項苦之屢引西戎犯塞及是大兵入寇邊將郝玘數襲擊蕃盡殺其衆邠州李光顏復以全師而至戎人懼而退蓋田縉始生國患而賴光顏郝玘之驅戮也十一月夏州節度使李佑自領兵赴長澤鎮靈武節度使李聽自領兵赴長樂州並奉詔討吐蕃也十二月吐蕃千餘人圍烏白池長慶元年六月犯青塞堡以我與迴紇和親故也鹽州刺史李文悅發兵進擊之九月吐蕃遣使請盟上許之宰相欲重其事請告太廟太常禮院奏曰謹按肅宗代宗故事與吐蕃會盟並不告廟唯德宗建中末與吐蕃會盟於延平門欲重其誠信特令告廟至貞元三年會於平涼亦無告廟之文伏以事出一時又非經制求之典禮亦無其文今謹參詳恐不合告從之乃命大理卿兼御史大夫劉元鼎充西蕃盟會使以兵部郎中兼御史中丞劉師老爲副尙舍率御兼監察御史李武京北府奉先縣丞兼監察御史李公度爲判官十月十日與吐蕃使盟宰臣及右僕射六曹尙書中執法太常司農卿京兆尹金吾大將軍皆預焉其詞曰維唐承天撫有八紘聖教所臻靡不來廷兢業齊栗懼其隕顛繼武紹文疊慶重光克彰睿哲罔忝洪緒十有二葉二百有四載則我太祖權明號而建不拔鋪鳩名而垂永久賴上帝以答嘉應享皇靈以酬

景福蜀有意已越歲在癸丑冬十月癸酉文武孝德皇帝詔丞相巨擘巨元穎等與大將和蕃使禮部尙書納羅論等會盟于京師壇于城之西郊坎于壇北凡讀誓刑性加書復壞陟降周旋之禮動無違者蓋所以偃兵息人榮烟繼好燧建遠略規恢長利故也原夫吳穹上臨黃祗下載茫茫靈靈之類必資官司爲厥宰臣苟無統紀則相滅絕中夏見管維唐是君西裔一方大蕃爲主自今而後屏去兵革宿忿舊惡廓焉消除追崇舅甥曩昔結援邊接撤警戍烽輪煙患難相恤暴掠不作亭障甌脫絕其交侵襟帶要害謹守如故彼無此詐此無彼虞嗚呼愛人爲仁保境爲信畏天爲智事神爲禮有一不至權災于躬塞山崇崇河水湯湯日吉辰良奠其兩疆西爲大蕃東實巨唐大臣執簡播告秋方大蕃贊普及宰相鉢闡布尙綺心兒等先寄盟文要節云蕃漢二邦各守見管本界彼此不得征不得討不得相爲寇讎不得侵謀境土若有所疑或要捉生問事便給衣糧放還今並依從更無添改預盟之官十七人皆列名焉其劉元鼎等與論納羅同赴吐蕃本國就盟仍勅元鼎到彼令宰相已下各於盟文後自書名靈武節度使李進誠於太谷山下破吐蕃三千騎二年二月遣使來請定界六月復遣使來朝鹽州奏吐蕃千餘人入靈武界遣兵逐便邀截又言擒得與党項送書信吐蕃一百五十人是月劉元鼎自吐蕃使迴奏云去四月二十四日到吐蕃牙帳以五月六日會盟訖初元鼎往來蕃中並路經河州見其都元帥尙書尙綺心兒云迴紇小國也我以丙申年踰磧討逐去其城郭二日程計到即破滅矣會我聞本國有喪而還迴紇之弱如此而唐國待之厚於我何哉元鼎云迴紇於國家有救難之勳而又不曾侵奪分寸土地豈得不厚乎是時元鼎往來渡黃河上流在洪濟橋西南二千餘里其水極爲淺狹春可揭涉秋夏則以船渡其南三百餘里有三山山形如鐵河源在其間水甚清冷流經諸水色遂赤續爲諸水所注漸既黃濁又其源西去蕃之列館約四驛每驛約二百餘里東北去莫實延磧尾闕五十里向南漸狹小北自沙州之西乃南入吐渾國至此轉微故號磧尾計其地理當劍南之直西元鼎初見贊普於陶懼盧川蓋贊普夏衙之所其川在邈婆川南百里滅河之所流也時吐

蕃遣使論悉諾息等隨元鼎來謝命太僕少卿杜載使以答之三年正月遣使論答熱來朝賀四年九月遣使求五臺山圖十月貢犛牛及銀鑄成犀牛羊鹿各一寶曆元年三月遣使尙綺立熱來朝且請和好九月遣光祿卿李銳爲使以答之太和五年至八年遣使朝貢不絕我亦時遣使報之開成元年二年皆遣使來會昌二年贊普卒十二月遣論贊等來告哀詔以將作少監李瑋弔祭之大中三年春宰相尙恐熱東道節度使以秦原安樂等三州并石門木峽等七關款塞涇原節度使康季榮以聞命太僕卿陸耽往勞焉其年七月河隴耆老率長幼千餘人赴關上御延喜樓觀之莫不歡呼抃舞更相解辦爭冠帶于康衢然後命善地以處之觀者咸稱萬歲

史臣曰戎狄之爲患也久矣自秦漢已還載籍大備可得而詳也但世罕小康君無常聖我衰則彼威我威則彼衰威則我郊圻衰則服我聲教懷柔之道備預之方儒臣多議於和親武將唯期於戰勝此其大較也彼吐蕃者西陲開國積有歲年蠶食隣蕃以恢土宇高宗朝地方萬里與我抗衡近代已來莫之與感至如式遏邊境命制出師一彼一此或勝或負可謂勞矣迨至幽陵盜起乘輿播遷戍卒咸歸河湟失守此又天假之也自茲密邇京邑時縱寇掠雖每遣行人來修舊好玉帛纔至於上國烽燧已及於近郊背惠食言不顧禮義即可知也夫要以神明貴其誠信平涼之會畜其詐謀此又不可以忠信而御也孔子曰夷狄之有君不如諸夏之亡也誠哉是言

贊曰西戎之地吐蕃是強蠶食隣國驚揚漢疆乍叛乍服或弛或張禮義難攝其心豺狼

舊唐書卷一百九十六下

舊唐書卷一百九十六下考證

吐蕃傳劍南節度使崔寧大破吐蕃故洪等四節度兼突厥吐渾互變羌項等二十餘萬衆○互變當是氐蠻之訛改正

陷水口城進圍州城塞水口及支渠以營田○臣西按新書云陷水口塞營田渠語意較明若如此則似吐蕃自營田矣

關五十里向南漸狹小北自沙州之西乃南入吐渾國至北轉微○臣西按新書云積廣五十里北自沙州西南入吐谷渾變狹故號積廣尾據此是積自北而南乃變狹小不當云至北轉微也北字當是此字之訛今改正

舊唐書卷一百九十六下考證

後晉司空同中書門下平章事劉昫撰

列傳第一百四十七

南蠻 西南蠻

林邑 婆利 盤盤 真臘

陀洹 訶陵 墮和羅 墮婆登

東謝蠻 西趙蠻 羊柯蠻 南平僚

東女國 南詔蠻 羅國

林邑國漢日南象林之地在交州南千餘里其國延袤數千里北與羅州接地氣冬温不識冰雪常多霧雨其王所居城立木爲柵王著白氍古貝斜絡纏繞腰上加真珠金鎖以爲璲瑤卷髮而戴花夫人服朝霞古貝以爲短裙首戴金花身飾以金鎖真珠璲瑤王之侍衛有兵五千人能用弩及積以藤爲甲以竹爲弓乘象而戰王出則列象千頭馬四百匹分爲前後其人拳髮色黑俗皆徒跣得麝香以塗身一日之中再塗再洗拜謁皆合掌頓顙嫁娶之法得取同姓俗有文字尤信佛法人多出家父母死子則剔髮而哭以棺盛屍積柴燔柩收其灰藏於金瓶送之水中俗以十二月爲歲首稻歲再熟自此以南草木冬榮四時皆食生菜以檳榔汁爲酒有結遠鳥能解人語武德六年其王范梵志遣使來朝八年又遣使獻方物高祖爲設九部樂以宴之及賜其王錦綵貞觀初遣使貢馴犀四年其王范頭黎遣使獻火珠大如鷄卵圓白皎潔光照數尺狀如水精正午向日以艾蒸之卽火燃五年又獻五色鸚鵡太宗異之詔太子右庶子李百藥爲之賦又獻白鸚鵡精識辯慧善於應答太宗憫之並付其使令放還於林藪自此朝貢不絕頭黎死子范鎮龍代立太宗崩詔於陵所刊石圖頭黎之形列於玄闕之前十九年鎮龍爲其臣摩訶漫多伽獨所殺其宗族並誅夷范氏遠絕國人乃立頭黎之女婿婆羅門爲王後大臣及國人感恩舊主乃廢婆羅門而立頭黎之嫡女爲王自林邑已南皆卷髮黑身通號爲崑崙婆利國在林邑東南海中洲上其地延袤數千里自交州南渡海經林邑扶南

赤土丹丹數國乃至焉其人皆黑色穿耳附璫王姓刹利耶伽名護路那婆世有其位王戴花形如皮弁裝以真珠璲瑤身坐金牀侍女有金花寶鏤之飾或持白拂孔雀扇行則駕象鳴金擊鼓吹蠡爲樂男子皆拳髮被古貝布橫幅以繞腰風氣暑熱恆如中國之感夏穀一歲再熟有古貝草緝其花以作布僞者名古貝細者名白氍貞觀四年其王遣使隨林邑使獻方物

盤盤國在林邑西南海中北與林邑隔小海自交州船行四十日乃至其國與狼牙修國爲隣皆學婆羅門書甚敬佛法貞觀九年遣使來朝貢方物

真臘國在林邑西北扶南之屬國崑崙之類在京師南二萬七百里北至愛州六十日行其王姓刹利氏有大城三十餘所王都伊奢那城風俗被服與林邑同地饒瘴癘毒海中大魚有時半出望之如山每五六月中毒氣流行即以牛豕祠之不者則五穀不登其俗東向開戶以東爲上有戰象五千頭尤好者飼以飯肉與隣國戰則象隊在前於背上以木作樓上有四人皆持弓箭國尚佛道及天神天神爲大佛道次之武德六年遣使貢方物貞觀二年又與林邑

國俱來朝獻太宗嘉其陸海疲勞錫賚甚厚南方人謂真臘國爲吉蔑國自神龍已後真臘分爲二半以南近海多波澤處謂之水真臘半以北多山阜謂之陸真臘亦謂之文單國高宗則天玄宗朝並遣使朝貢水真臘國其境東西南北約員八百里東至奔陀浪州西至墮羅鉢底國南至小海北即陸真臘其王所居城號婆羅提拔國之東界有小城皆謂之國其國多象元和八年遣李摩那等來朝

陀洹國在林邑西南大海中東南與墮和羅接去交趾三月餘日行賓服於墮和羅其王姓察失利字婆末婆那土無蠶桑以白氍朝霞布爲衣俗皆樓居謂之千欄貞觀十八年遣使來朝二十一年又遣使獻白鸚鵡及婆律膏仍請馬及銅鐘詔並給之

訶陵國在南方海中洲上居東與婆利西與墮婆登北與真臘接南臨大海暨木爲城作大屋重閣以樓欄皮覆之王坐其中悉用象牙爲牀食不用匙筋以手而撮亦有文字頗識屋曆俗以椰樹花爲酒其樹生花長三尺餘大如人臍

舊唐書 卷一百九十七 列傳

割之取汁以成酒味甘飲之亦醉貞觀十四年遣使來朝大曆三年四月皆遣使朝貢元和十年遣使獻僧祇幢五人鸚鵡頻伽鳥并異種名寶以其使李訶內為果毅訶內請迴授其弟詔褒而從之十三年遣使進僧祇女二人鸚鵡玳瑁及生犀等

墮和羅國南與盤盤北與迦羅舍佛東與真臘接西隣大海去廣州五月日行貞觀十二年其王遣使貢方物二十三年又遣使獻象牙火珠請賜好馬詔許之

墮婆登國在林邑南海行二月東與訶陵西與迷黎車接北界大海風俗與訶陵略同其國種稻每月一熟亦有文字書之於貝多葉其死者口實以金又以金劍貫於四支然後加以婆律膏及龍腦等香積薪以燻之貞觀二十一年其王遣使獻古貝象牙白檀太宗重書報之并賜以雜物

東謝蠻其地在黔州之西數百里南接守宮獠西連夷子北至蠻土宜五穀不以牛耕但為畝田每歲易俗無文字刻木為契散在山洞間依樹為層巢而居汲流以飲皆自營生業無賦稅之事謁見貴人皆執鞭而拜有功勞者以牛馬銅鼓賞之有犯罪者小事杖罰之大事殺之盜物倍還其贓婚姻之禮以牛酒為聘女歸夫家皆自送之丈夫慚逃避經旬乃出讎聚則擊銅鼓吹大角歌舞以為樂好帶刀劍未嘗捨離丈夫衣服有衫襖大口袴以綿紬及布為之右肩上斜束皮帶裝以螺殼虎豹狼狽及犬羊之皮以為外飾坐皆踣踞男女推警以緋束之後垂向下其首領謝元深既世為酋長其部落皆尊長之謝氏一族法不育人女自云高姓不可下嫁故也貞觀三年元深入朝冠烏熊皮冠若今之髻頭以金銀絡額身披毛披為皮行膝而著屨中書侍郎顏師古奏言昔周武王時天下太平遠國歸款周史乃書其事為王會篇今萬國來朝至於此輩章服實可圖寫今請撰為王會圖從之以其地為應州仍拜元深為刺史領黔

州都督府又有南謝首領謝強與西謝隣共元深俱來朝見為南壽州刺史後改為莊州貞元十三年正月西南蕃大酋長正議大夫檢校蠻州長史繼襲蠻州刺史資陽郡開國公賜紫金魚袋宋鼎左右大首領朝朝大夫前檢校邛州

刺史賜紫金魚袋謝仙左右大首領繼襲播州巴江縣令賜紫金魚袋宋萬傳界首子第大首領朝朝大夫犍州錄事參軍謝文經黔中經略招討觀察使王礎奏前件刺史建中三年一度朝貢自後更不許隨例入朝今年懇訴稱州

接伴柯同被聲教獨此排攬竊自慚恥謹遣隨伴柯等朝賀伏乞特賜優諭兼同伴柯刺史授官其伴柯兩州戶口殷盛人力強大隣側諸蕃悉皆敬懼請比兩州每年一度朝貢仍依伴柯輪環差定并以才幹位望為眾推者充勅旨曰宋鼎等已改官訖餘依舊

西趙蠻在東謝之南其界東至夷子西至昆明南至西洱河山洞阻深莫知道里南北十八日行東西二十三日行其風俗物產與東謝同首領趙氏世為酋長有戶萬餘貞觀三年遣使入朝二十一年以其地置明州以首領趙磨為刺史

伴柯蠻首領亦姓謝氏其地北去兗州一百五十里東至辰州二千四百里南至交州一千五百里西至昆明九百里無城壁散為部落而居土氣鬱熱多霖雨稻粟再熟無徭役唯征戰之時乃相屯聚刻木為契其法劫盜者二倍還贓殺人者出牛馬三十頭乃得贖死以納死家風俗物產略與東謝同其首領謝龍羽大業末據其地勝兵數萬人武德三年遣使朝貢授龍羽伴州刺史封夜郎郡公貞觀四年十二月遣使朝貢開元十年閏五月大酋長謝元齊死詔立其嫡孫嘉壽襲其官封二十五年大酋長趙君道來朝且獻方物大曆中貞元初數遣使朝貢七年二月授其酋長趙主俗官以其歲初朝貢不絕褒之也自

七年至十八年凡五遣使來元和三年五月勅自今已後委黔南觀察使差本道軍將充押領伴柯昆明等使四年正月遣使來朝是月遣中使魏德和領其使并資國信物降璽書賜其王焉七年九年十一年凡三遣使來其年十二月又遣使來實正長慶中亦朝貢不絕寶曆元年十二月遣使謝良震來朝大和五年至會昌二年凡七遣使來

南平獠者東與智州南與渝州西與涪州接部落四千餘戶土氣多瘴癘山有毒草及沙虱蝮蛇人並樓居登梯而上號為千欄男子左衽露髮徒跣婦人橫

南平獠者東與智州南與渝州西與涪州接部落四千餘戶土氣多瘴癘山有

布兩幅穿中而貫其首，名爲通裙。其人美髮，爲髻垂於後，以竹筒如筆，長三四寸斜貫其耳。貴者亦有珠璫，士女少男，爲婚之法，女氏必先貨求男族，貧人無以嫁女，多賣與婦人爲婢。俗皆婦人執役，其王姓朱氏，號爲劍翁王，遣使內附，以其地隸于渝州。

東女國，西羌之別種，以南海中復有女國，故稱東女焉。俗以女爲王，東與茂州党項接，東南與雅州接，界隔羅女蠻及白狼夷，其境東西九日行，南北二十日行，有大小八十餘城，其王所居名康延川，中有弱水，南流，用牛皮爲船以渡，戶四萬餘衆，勝兵萬餘人，散在山谷間，女王號爲賓就，有女官，曰高霸，平議國事，在外官僚，並男夫爲之，其王侍女數百人，五日一聽政，女王若死，國中多斂金錢，動至數萬，更於王族求令女二人而立之，大者爲王，其次爲小王，若大王死，卽小王嗣立，或姑死而婦繼，無有篡奪，其所居皆起重屋，王至九層，國人至六層，其王服青毛綾裙，下領衫，上披青袍，其袖委地，冬則羔裘，飾以紋錦，爲小畫，警飾之以金耳垂，瓊足履，懸鞞，飾重婦人而輕丈夫，文字同於天竺，以十一月爲正，其俗每至十月，令巫者齋楮詣山中，散糶麥於空，大咒呼鳥，俄而有鳥如鷄飛入巫者之懷，因剖腹而視之，每有一穀來歲必登，若有霜雪，必多災異，其俗信之名爲鳥卜，其居喪服飾不改，爲父母則三年不櫛沐，貴人死者，或剝其皮而藏之，內骨於瓶中，糝以金屑而埋之，國王將葬，其大臣親屬殉死者數十人，隋大業中，蜀王秀遣使招之，拒而不受，武德中，女王湯滂氏始遣使貢方物，高祖厚賞而遣之，還至隴右，會突厥入寇，被掠於虜庭，及顏利平，其使復來入朝，太宗送令反國，并降璽書慰撫之，垂拱二年，其王敏臂遣大臣湯劍左來朝，仍請官號，則天冊拜敏臂爲左玉鈐衛員外將軍，仍以瑞錦製蕃服以賜之，天授三年，其王俄琰兒來朝，萬歲通天元年，遣使來朝，開元二十九年十二月，其王趙夷夫遣子獻方物，天寶元年，命有司宴於曲江，令宰臣已下同宴，又封夷夫爲歸昌王，授左金吾衛大將軍，賜其子帛八十匹，放還後，復以男子爲王，貞元九年七月，其王湯立悉與哥隣國王董臥庭、白狗國王羅施、通租國王弟鄧吉知南水國王姪薛尙悉囊、弱水國王董辟和、悉董國王湯息贊清遠國王

蘇唐磨，咄霸國王董統，遂各率其種落詣劍南西川內附，其哥隣國等，皆散居山川，弱水王，卽國初女國之弱水部落，其悉董國在弱水西，故亦謂之弱水西，悉董王，舊皆分隸邊郡，祖父例授將軍中郎果毅等官，自中原多故，皆爲吐蕃所役，屬其部落大者不過三二千戶，各置縣令十數人理之，土有絲絮，歲輸於吐蕃，至是悉與之同盟，相率獻款，兼齋天寶中國家所賜官誥共三十九通，以進西川節度使韋皋，處其衆於維州，給以種糧耕牛，咸樂生業，立悉等數國王自來朝，召見於麟德殿，授立悉銀青光祿大夫，歸化州刺史，鄧吉知，太府少卿，兼丹州長史，薛尙悉囊，試少府少監，兼霸州長史，董臥庭，行至綿州卒，贈武德州刺史，命其子利囉爲寶寧都督府長史，襲哥隣王，立悉妹乞悉漫，頗有才智，從其兄來朝，封和義郡夫人，其大首領董臥卿等，皆授以官，俄又授女國王兄湯厥銀青光祿大夫，試太府卿，清遠王弟蘇歷，顯銀青光祿大夫，試衛尉卿，南國王薛莫庭，及湯息贊，董統，女國唱後湯佛庭，美玉鉢，南郎唐並授銀青光祿大夫，試太僕卿，其年西山松州生羌等二萬餘戶，相繼內附，其黏信部落主董夢葱，龍諾部落主董辟忽，皆授試衛尉卿，立悉等並赴明年元會，訖錫以金帛，各遣還，尋詔加韋皋統押近界羌蠻及西山八國使，其部落代襲刺史等官，然亦潛通吐蕃，故謂之兩面羌。

南詔蠻本烏蠻之別種也，姓蒙氏，蠻謂王爲詔，自言哀牢之後，代居蒙舍州，爲渠帥，在漢永昌故郡東，姚州之西，其先渠帥有六，自號六詔，兵力相埒，各有君長，無統帥，蜀時爲諸葛亮所征，皆臣服之，國初有蒙舍龍生迦獨龍，迦獨生細奴邏，高宗時來朝，細奴邏生邏威，武后時來朝，其妻方娠，邏威次姚州，聞妻生子，曰吾且有子，死於唐地，足矣，子名曰威邏，皮邏威至京師，賜錦袍金帶，歸國，開元初，邏威死，子威邏皮立，威邏皮死，子皮邏閣立，二十六年，詔授特進，封越國公，賜名曰歸義，其後破洱河蠻，以功策授雲南王，歸義漸強，餘五詔浸弱，先是劍南節度使王昱受歸義賂，奏六詔合爲一詔，歸義既併，五詔服羣蠻破吐蕃之衆，兵日以驕，大每入朝，朝廷亦加禮異，二十七年，徙居大和城，天寶四載，歸義遣孫鳳迦異來朝，授鴻臚卿，歸國恩賜甚厚，歸義意望亦高，時劍南節

度使章仇兼瓊遣使至雲南與歸義言語不相得歸義常脚之七年歸義卒詔立子閣羅鳳襲雲南王無何鮮于仲通為劍南節度使張虔陀為雲南太守仲通福急謀虔陀矯詐待之不以禮舊事南詔常與其妻子謁見都督虔陀皆私之有所徵求閣羅鳳多不應虔陀遣人罵辱之仍密奏其罪惡閣羅鳳忿怨因發兵反攻虔陀殺之時天寶九年也明年仲通率兵出戎嶺閣羅鳳遣使謝罪仍與雲南錄事參軍姜如芝俱來請還其所虜掠且言吐蕃大兵壓境若不許當歸命吐蕃雲南之地非唐所有也仲通不許囚其使進軍逼大和城為南詔所敗自是閣羅鳳北臣吐蕃吐蕃令閣羅鳳為贊普鐘號曰東帝給以金印贊謂第為鍾時天寶十一年也十二年劍南節度使楊國忠執國政仍奏徵天下兵俾留後侍御史李宓將十餘萬軍在外涉海瘴死者相屬於路天下始駭然苦之宓復敗於大和城北死者十八九會安祿山反閣羅鳳乘機攻陷巂州及會同軍西復降尋傳贊大曆十四年閣羅鳳子鳳迦異先閣羅鳳死立迦異子為異半尋頗知書有才智善撫其眾吐蕃役賦南蠻重數又奪諸蠻險地立城堡歲徵兵以助鎮防半尋益厭苦之有鄭回者本相州人天寶中舉明經授巂州西瀘縣令巂州陷為所虜閣羅鳳以回有儒學更名曰蠻利甚愛重之命教鳳迦異及異半尋立又令教其子尋夢濛回久為蠻師凡授學雖半尋夢濛回得筆捷故半尋以下皆嚴憚之蠻謂相為清平官凡置六人半尋以回為清平官事皆咨之乘政用事餘清平官五人事回車讓或有過回輒撻之回嘗言於半尋曰自昔南詔嘗款附中國中國尚禮義以惠養為務無所求取今棄著歸唐無遠戍之勞重稅之困利莫大焉半尋善其言謀內附者十餘年矣會劍南西川節度使章舉招撫諸蠻宜為星虜望等歸化微聞半尋之意因令蠻寓書於半尋且招懷之時貞元四年也七年又遣間使持書喻之道出磨些蠻其魁主潛告吐蕃使至雲南吐蕃已知之令詰半尋半尋懼因給吐蕃曰唐使本蠻也章舉許其求歸無他謀遂執送吐蕃吐蕃益疑之多召南詔大臣之子為質半尋愈怨九年四月半尋乃與會長定計遣使趨莫羅眉由兩川梯大和堅由黔中或由安南使凡三輩致書於章舉各賫生金丹砂為費三

分前舉所與半尋書各持其一為信歲中三使皆至京師且曰半尋請歸大國承為藩國所獻生金以喻向北之意如金也丹砂示其赤心耳上嘉之乃賜半尋詔書因命章舉遣使以觀其情舉遂命巡官崔佐時至半尋所都陽宜咩城南去大和城十餘里東北至成都二千四百里東至安南如至成都通水陸行是時也吐蕃使數百人先佐時在南詔半尋悉召諸種落與議歸化或未畢至未敢公言密令佐時解袴柯使衣以袴柯服而入佐時不肯曰我大唐使安得服小夷之服半尋不得已乃夜迎佐時設位陳燈燭佐時乃大宣詔書半尋悉吐蕃知願左右無色而業已歸唐久之獻款流涕皆俯伏受命其明年正月異半尋使其子閣勸及清平官等與佐時盟於點蒼山神祠盟書一藏於神室一沉於西洱河一置租廟一以進天子閣勸即尋夢濛也鄭回見佐時多所指導故佐時探得其情乃請半尋斬吐蕃使數人以示歸唐又得其吐蕃所與金印半尋尋遣佐時歸仍刻金契以獻閣勸賦詩以餞之半尋乃去吐蕃所立帝號私於佐時請復南詔舊名佐時與盟訖留二旬有六日而歸初吐蕃因爭北庭與迴鶻大戰死傷頗眾乃徵兵於半尋須萬人半尋既定計歸我欲因徵兵以襲之乃示寡弱謂吐蕃曰蠻軍素少僅可發三千人吐蕃少之請益至五千乃許半尋遣兵五千人戍吐蕃乃自將數萬踵其後晝夜兼行乘其無備大破吐蕃於神川遂斷鐵橋遣使告捷且請章舉使閱其所虜獲及城堡以取信焉時章舉上言半尋收鐵橋已來城壘一十六擒其王五人降其眾十餘萬以祠部郎中兼御史中丞袁滋持節冊南詔仍賜半尋印鑄用黃金以銀為窠文曰貞元冊南詔印先是章舉奏南詔前遣清平官尹仇寬獻所受吐蕃印五二用黃金今賜請以黃金從蠻夷所重傳示無窮從舉之請也十年八月遣使蒙濛羅棟及尹仇寬來獻鐔梨浪人劍及吐蕃印八紐濛羅棟半尋之弟也錫資甚厚以尹仇寬為檢校左散騎常侍餘各授官有差俄又封尹仇寬為高溪郡王十一年三月遣清平官尹輔曾隨袁滋來朝又得先反著將衛景昇韓演等并南詔所獲吐蕃將帥伴誠百人至京師濛羅棟歸國在道而卒贈右散騎常侍授尹輔曾檢校太子詹事兼御史中丞餘亦差次授官又降勅書賜異半尋及

子閻勸清平官鄭回尹仇寬等各一書書左列中書三官宜奉行復舊制也九月異牟尋遣使獻馬六十四二年韋皋於雅州會野路招收得投降蠻酋領高萬唐等六十九人戶約七千兼萬唐等先受吐蕃金字告身五十片十四年異牟尋遣會望大將軍王丘各等賀正兼獻方物十九年正月旦上御含元殿受南詔朝賀以其使楊鎮龍武爲試太僕少卿授黎州廓清道蠻首領襲恭化郡王劉志寧試太常卿二十年南詔遣使朝貢元和二年八月遣使鄧傳傳來朝授試殿中監三年十二月以異牟尋卒廢朝三日四年正月以太常少卿武少儀充弔祭使仍冊牟尋之子驃信首蒙閻勸爲南詔仍命鑄元和冊南詔印七年十月皆遣使朝貢十一年五月以龍蒙威卒廢朝三日遣使來請冊立其君長以少府少監李銑充冊立弔祭使左贊善大夫許堯佐副之十二年至十五年比年遣使來朝或年內二三至者寶曆二年大和元年亦遣使來三年杜元穎鎮西川以文儒自高不練戎事南蠻乘我無備大舉諸部入寇牧守屢陳亦不之信十一月蜀川出軍與戰不利陷我邛州逼成都府入梓州西郭驅劫玉帛子女而去上聞之大怒再貶元穎爲循州司馬明年正月其王蒙嵯願以表自陳請罪兼疏元穎過失國家方事柔遠釋其罪復遣使來朝五年八年亦遣使來貢方物開成四年五年會昌二年皆遣使來朝

驃國在永昌故郡南二千餘里去上都一萬四千里其國境東西三千里南北三千五百里東隣真臘國西接東天竺國南盡溟海北通南詔些樂城界東北拒陽苴咩城六千八百里往來通聘迦羅婆提等二十國役屬者道林王等九城食境土者羅君潛等二百九十部落其王姓困沒長名摩羅惹其國相名摩訶思那其王近適則昇以金繩牀遠適則乘象嬪姝甚衆常數百人其羅城構以磚甃周一百六十里壕岸亦構塼相傳本是舍利佛城城內有居人數萬家佛寺百餘區其堂宇皆錯以金銀塗以丹彩地以紫纈覆以錦繡其俗好生惡殺其土宜菽粟稻梁無麻麥其理無刑名桎梏之具犯罪者以竹五十本束之復犯者撻其背數止五輕者止三殺人者戮之男女七歲則落髮止寺舍依桑門至二十不悟佛理乃復長髮爲居人其衣服悉以白氎爲朝霞繞腰而已不

衣繒帛云出於蠶爲其傷生故也君臣父子長幼有序華言謂之驃自謂突羅成閻婆人謂之徒里掘古未嘗通中國貞元中其王閻南詔異牟尋歸附心慕之八年乃遣其弟悉利移因南詔重譯來朝又獻其國樂凡十曲與樂工三十五人俱樂曲皆演釋氏經論之詞意尋以悉利移爲試太僕卿史臣曰禹畫九州周分六服斷長補短止方七千國賦之所均王教之所備此謂華夏者也以圓蓋方輿之廣廣谷大川之多民生其間胡可勝道此謂蕃國者也西南之蠻夷不少矣雖言語不通嗜欲不同亦能候律瞻風遠修職貢但患己之不德不患人之不來何以驗之貞觀開元之感來朝者多也贊曰五方異氣所稟不同維南極海曰蠻與戎惡我則叛好我則通不可不德使其瞻風

舊唐書卷一百九十七

舊唐書卷一百九十七考證

林邑傳以十二月為歲首○原本脫十字從新書添

東謝蠻傳冠為熊皮冠○原本誤作為熊皮履今改正

南詔蠻傳西復降尋傳蠻○原本脫降字從新書添

舊唐書卷一百九十七考證

後晉司空同中書門下平章事劉昫撰

列傳第一百四十八

西戎

泥婆羅

党項羌

高昌

吐谷渾

焉耆

龜茲

疎勒

于闐

天竺

罽賓

康國

波斯

拂菻

大食

泥婆羅國在吐蕃西其俗剪髮與眉齊穿耳擅以竹箭牛角綴至肩者以為姣麗食用手無七箸其器皆銅多商賈少田作以銅為錢面文為人背文為馬牛不穿孔衣服以一幅布蔽身日數盥浴以板為屋壁皆雕畫俗重博戲好吹蠹擊鼓頡頏推測盈虛兼通曆術事五天神鑄石為像每日清水浴神烹羊而祭其王那陵提婆身著真珠玻璃車渠珊瑚琥珀纓絡耳垂金鉤玉璫佩寶裝伏突坐獅子牀其堂內散花香大臣及諸左右並坐於地持兵數百列侍其側宮中有七層之樓覆以銅瓦欄檻楹楹皆飾珠寶樓之四角各懸銅槽下有金龍激水上樓注於槽中從龍口而出狀若飛泉那陵提婆之父為其叔父所篡那陵提婆逃難於外吐蕃因而納焉克復其位遂羈屬吐蕃貞觀中衛尉丞李義表往使天竺塗經其國那陵提婆見之大喜與義表同出觀阿耨婆婆池周迴二十餘步水恆沸雖流潦暴集燂石焦金未嘗增減以物投之即生烟焰懸釜而炊須臾而熟其後王玄策為天竺所掠泥婆羅發騎與吐蕃共破天竺三有功承徽二年其王尸利那連陀羅又遣使朝貢

党項羌在古析支之地漢西羌之別種也魏晉之後西羌微弱或臣中國或竄山野自周氏滅宕昌鄯至之後党項始強其界東至松州西接葉護南雜香桑迷桑等羌北連吐谷渾處山谷間亘三千里其種每姓別自為部落一姓之中復分為小部落大者萬餘騎小者數千騎不相統一有細封氏費聽氏往利氏頗超氏野辭氏房當氏米擒氏拓拔氏而拓拔最為強族俗皆土著居有棟宇

其屋織犂牛尾及羊毛覆之每年一易俗尚武無法令賦役其人多壽年一百五六十歲不事產業好為盜竊互相凌劫尤重復讎若讎人未得必蓬頭垢面跣足蔬食要斬讎人而後復常男女並衣裘褐仍披大氈畜犂牛馬驢羊以供其食不知稼穡土無五穀氣候多風寒五月草始生八月霜雪降求大麥於他界醜以為酒妻其庶母及伯叔母嫂子弟之婦淫穢悉戮諸夷中最為甚然不婚同姓老死者以為盡天年親戚不哭少死者則云天枉乃悲哭之死則焚屍名為火葬無文字但候草木以記歲時三年一相聚殺牛羊以祭天自周及隋或叛或朝常為邊患貞觀三年南會州都督鄭元璠遣使招諭其酋長細封步賴舉部內附太宗降璠書慰撫之步賴因來朝宴賜甚厚列其地為軌州拜步賴為刺史仍請率所部討吐谷渾其後諸姓酋長相次率部落皆來內屬請同編戶太宗厚加撫慰列其地為崙奉巖遠四州各拜其首領為刺史有羌會拓拔赤辭者初臣屬吐谷渾甚為渾主伏允所嗾與之結婚及貞觀初諸羌歸附而赤辭不至李靖之擊吐谷渾赤辭屯狼道坡以抗官軍廓州刺史久且洛生遣使諭以禍福赤辭曰我被渾主親戚之恩腹心相寄生死不貳焉知其他汝可速去無令汚我刀也洛生知其不悟於是率輕騎襲之擊破赤辭於巖遠山斬首數百級虜雜畜六千而還太宗又令岷州都督李道彥說諭之赤辭從子思頭密送誠款其黨拓拔細豆又以所部來降赤辭見其宗黨離始有歸化之意後岷州都督劉師立復遣人招誘於是與思頭並率眾內屬拜赤辭為西戎州都督賜姓李氏自此職貢不絕其後吐蕃強盛拓拔氏漸為所逼遂請內徙始移其部落於慶州置靜邊等州以處之其故地陷於吐蕃其處者為其役屬吐蕃謂之頭藥又有黑黨項在於赤水之西李靖之擊吐谷渾也渾主伏允奔黑黨項居以空閑之地及吐谷渾舉國內屬黑黨項酋長魏敦善王因貢方物又有雪山党項姓破丑氏居於雪山之下及白狗春桑白蘭等諸羌自龍朔已後並為吐蕃所破而臣屬焉其在西北邊者天授三年內附凡二十萬口分其地置朝吳浮歸等十州仍散居豐夏等界內自至德已後常為吐蕃所誘密以官告授之使為偵道故時或侵叛尋亦底寧寶應初其首領來朝請助國供鹽

州軍糧優詔褒美其在涇隴州界者上元元年率其衆十餘萬詣鳳翔節度使崔光遠請降實應元年十二月其歸順州部落乾封州部落歸義州部落順化州部落和州部落和義州部落保善州部落寧定州部落羅雲州部落朝鳳州部落並詣山南西道都防禦使梁州刺史臧希讓請州印希讓以聞許之貞元三年十二月初禁商賈以牛馬器械於党項部落貿易十五年二月六州党項自石州奔過河西党項有六府部落曰野利越詩野利龍兒野利厥律兒黃野海野寧等居慶州者號爲東山部落居夏州者號爲平夏部落秦泰大曆已後居石州依水草至是永安城鎮將阿史那思味擾其部落求取駝馬無厭中使又贊成其事党項不堪其弊遂率部落奔過河元和九年五月復置宥州以護党項十五年十一月命太子中允李寮爲宣撫党項使以部落繁富時遠近商賈齎貨入買羊馬至大和開成之際其藩鎮統領無緒恣其貪恠不顧危亡或強市其羊馬不耐其直以是部落苦之遂相率爲盜靈鹽之路小梗會昌初上頻命使安撫之兼命憲臣爲使分三印以統之在邠寧延者以待御史內供奉崔君會主之在鹽夏長澤者以待御史內供奉李鄴主之在靈武麟勝者以待御史內供奉鄭賀主之仍各賜緋魚以重其事久而無狀尋皆罷之

高昌者漢車師前王之庭後漢戊己校尉之故地在京師西四千三百里其國有二十一城王都高昌其交河城前王庭也田地城校尉城也勝兵且萬人厥土夏沃穀麥歲再熟有葡萄酒宜五果有草名白疊國人採其花織以爲布有文字知書計所置官亦採中國之號焉其王麴伯雅即後魏時高昌王嘉之六世孫也隋煬帝時入朝拜左光祿大夫車師太守封并國公仍以威屬宇文氏女爲華容公主以妻之武德二年伯雅死子文泰嗣遣使來告哀高祖遣前河州刺史朱惠表往弔之七年文泰又獻狗雄雌各一高六寸長尺餘性甚慧能曳馬銜燭云本出拂菻國中國有拂菻狗自此始也太宗嗣位復貢玄狐裘因賜其妻宇文氏花鏡一具宇文氏復貢玉盤西域諸國所有動靜輒以奏聞貞觀四年冬文泰來朝及將歸蕃賜遺甚厚其妻宇文氏請預宗親詔賜李氏封常樂公主下詔慰諭之時西戎諸國來朝貢者皆塗經高昌文泰後稍孱絕之

伊吾先臣西突厥至是內屬文泰又與葉護連結將擊伊吾太宗以其反覆下書切讓徵其大臣冠軍阿史那矩入朝將與議事文泰竟不遣乃遣其長史麴雍來謝罪初大業之亂中國人多投於突厥及諷利敗或有奔高昌者文泰皆拘留不遣太宗詔令括送文泰尙隱蔽之又尋與西突厥乙毗設擊破焉者三城虜其男女而去焉者王上表訴之太宗遣虞部郎中李道裕往問其狀十三年太宗謂其使曰高昌數年來朝貢脫略無藩臣禮國中署置官號準我百僚稱臣於人豈得如此今茲歲首萬國來朝而文泰不至增城深懸預備討伐日者我使人至彼文泰云鷹飛于天雉竄于蒿猶遊于堂鼠安于穴各得其所豈不活耶又西域使欲來者文泰悉拘留之又遣使謂薛延陀云旣自爲可汗與漢天子敵也何須拜謁其使事人闕禮離間降好惡而不誅善者何勸明年當發兵馬以擊爾是時薛延陀可汗表請爲軍向導以擊高昌太宗許之令民部尙書唐儉至延陀與謀進取太宗冀其悔過復下璽書示以禍福徵之入朝文泰稱疾不至太宗乃命吏部尙書侯君集爲交河道大總管率左屯衛大將軍薛萬均及突厥契苾之衆步騎數萬衆以擊之時公卿近臣皆以行經沙漠萬里用兵恐難得志又界居絕域縱得之不可以守競以爲諫太宗皆不聽文泰謂所親曰吾往者朝覲見秦龍之北城邑蕭條非復有隋之比設今伐我發兵多則糧運不給若發三萬以下吾能制之加以磧路艱險自然疲頓吾以逸待勞坐收其弊何足爲憂也及聞王師臨磧口惶駭計無所出發病而死其子智威嗣立旣而君集兵奄至柳谷進趨田地城將軍契苾何力爲前軍與之接戰而退大軍繼之攻拔其城虜男女七千餘口進逼其都智威移君集書曰有罪於天子者先王也咎深積積身已喪士智威襲位無幾君其赦諸君集謂曰若能悔禍當面縛軍門也又命諸軍引衝車拋車以逼之飛石雨下城中大懼智威窮蹙出城降君集分兵掠地下其三郡五縣二十二城戶八千口三萬七千七百馬四千三百匹其界東西八百里南北五百里先是其國童謠云高昌兵馬如霜雪漢家兵馬如日月日月照霜雪迴手自消滅文泰使人捕其初唱者不能得初文泰與西突厥欲谷設通和遺其金帛約有急相爲表裏及聞君集

差曲赦高昌部內從軍兵士已上父子犯死罪已下暮親犯流已下大功犯徒已下小功總麻犯杖罪悉原之時太宗欲以高昌爲州縣特進魏徵諫曰陛下初臨天下高昌夫婦先來朝謁自後數月商胡被其遏絕貢獻加之不禮大國遂使王誅載加若罪止文泰斯亦可矣未若撫其人而立其子所謂伐罪弔民威德被於遐外爲國之善者也今若利其土壤以爲州縣常須千餘人鎮守數年一易每及交番死者十有三四遣辦衣資離別親戚十年之後隴右空虛陛下終不得高昌撮穀尺布以助中國所謂散有用而事無用臣未見其可太宗不從竟以其地置西州又置安西都護府留兵以鎮之初西突厥遣其葉護屯兵於可汗浮圖城與高昌相影響至是懼而來降以其地爲庭州於是勒石紀功而旋其智威君臣及其豪右皆徙中國魏氏有國至智威凡九世一百三十四年而滅尋拜智威爲左武衛將軍封金城郡公弟智湛爲右武衛中郎將太山縣公及太宗崩刊石像智威之形列於昭陵玄闕之下智湛麟德中終於左驍衛大將軍西州刺史天授初其子崇裕授左武衛大將軍交河郡王卒封襲遂絕

吐谷渾其先居於徒河之清山屬晉亂始度隴止於甘松之南洮水之西南極白蘭地數千里有城郭而不居隨逐水草廬帳爲室肉酪爲糧其官初有長史司馬將軍近代已來有王公僕射尚書郎中其俗頗識文字男子通服長褶繒帽或戴羅纒婦人以金花爲首飾辨髮繫後綴以珠貝其婚姻富家厚出財貧人竊女而去父卒妻其庶母兄亡妻其諸嫂喪有服制葬訖而除國無常稅用度不給輒斂富室商人以取足而止殺人及盜馬者罪死他犯則徵物以贖罪氣候多寒土宜大麥蔓菁頗有菽粟出良馬羴牛銅鐵朱砂之類有青海周迴八百里中有小山至冬放牝馬於其上言得龍種嘗得波斯馬放入海因生驄駒能日行千里故代稱青海驄焉地兼鄯善且沫西北有流沙數百里夏有熱風傷斃行旅風之將至老駝便知之則引項而鳴以口鼻埋沙中人以爲候卽以氈擁蔽口鼻而避其患隋煬帝時其王伏允來犯塞煬帝親總六軍以討之

伏允以數十騎潛於泥嶺而遁其仙頭王率男女十餘萬口來降煬帝立其質子順爲王送之本國令統餘衆尋復追還大業末伏允悉收故地復爲邊患高祖受禪順自江都來歸長安時李軌猶據涼州高祖遣使與伏允通和令擊軌以自効當放順返國伏允大悅與兵擊之戰于庫門交綏而退頻遣使朝貢以順爲請高祖逕遣之太宗卽位伏允遣其洛陽公來朝使未返大掠鄯州而去太宗遣使責讓之徵伏允入朝稱疾不至仍爲其子尊王求婚於是責其親迎以羈縻之尊王又稱疾不肯入朝有詔停婚遣中郎將康處直諭以禍福伏允遣兵寇蘭廓二州時鄯州刺史李玄運上言吐谷渾良馬悉牧青海輕兵掩之可致大利於是遣左驍衛大將軍段志玄率邊兵及契苾黨項之衆以擊之去青海三十里志玄與左驍衛將軍梁洛仁不欲戰頓軍遲留不進吐谷渾遂驅青海牧馬而遁亞將李君羨率精騎別路及賊於青海之南懸水鎮擊破之虜牛羊二萬餘頭而還時伏允年老昏耄其邪臣天柱王惑亂之拘我行人鴻臚丞趙德楷太宗頻遣宣諭使者十餘返竟無悛心貞觀九年詔特進李靖爲西海道行軍大總管兵部尚書侯君集爲積石道行軍總管任城王道宗爲鄯州道行軍總管仍爲靖副涼州都督李大亮爲且沫道行軍總管并突厥契苾之彥爲赤水道行軍總管利州刺史高甌生爲鹽澤道行軍總管并突厥契苾之衆以擊之諸將頻與賊遇連戰破之獲其高昌王慕容孝傳孝傳有雄略伏允心膂之臣也靖等進至赤海遇其天柱三部落擊大破之遂歷于河源李大亮又俘其名王二十人雜畜數萬至且沫西境或傳伏允西走渡圖倫磧欲入于闐將軍薛萬均率輕銳追奔入磧數百里及其餘黨破之磧中乏水將士皆刺馬血而飲之侯君集與江夏王道宗趣南路登漢哭山飲馬爲海獲其名王梁屈忽經塗二千餘里空虛之地盛夏降霜多積雪其地乏水草將士噉水馬皆食雪又達于柏梁北望積石山觀河源之所出焉兩軍會於大非川至破邏貞谷伏允子大寧王順窮蹙斬其國相天柱王舉國來降伏允大懼與千餘騎遁于磧中衆稍亡散能屬之者纔百餘騎乃自縊而死國人乃立順爲可汗稱臣內附順卽伏允之嫡子也初爲侍子於隋拜金紫光祿大夫久不得歸伏允遂

立他子為太子，及得返國，意常快快，會李靖等諸軍所向剋捷，自以失位，欲因此立功。由是遂降，乃詔曰：吐谷渾擅相君長，竊據荒裔，志在凶德，政出權門，曾渠攜貳，種落怨憤，長惡不俊，野心彌熾，莫顧藩臣之禮，曾無事上之節，草竊疆場，虐割北庶，積惡既稔，天亡有徵，朕君臨四海，含育萬類，一物失所，責深在予，所以爰命六軍，申茲九伐，獲存活國，情非曠武，其子大寧王慕容順隋氏之甥，志懷明悟，長自中土，幸慕華風，爰見時機，深識逆順，以其懷德遠來，獨陷迷途，遂誅邪臣，存茲大計，翻然改轍，代父歸罪，忠孝之美，深有可嘉，子能立功，足以補過，既往之釁，特宜原免，然其建國西鄙，已歷年代，即從廢絕，情所未忍，繼其宗祀，允歸命胤，可封順為西平郡王，仍授趙胡呂甘豆可汗，太宗恐順不能靜其國，仍遣李光亮率精兵數千為其聲援，順既久質於隋，國人不附，未幾為臣下所殺，其子燕王諾曷鉢嗣立，諾曷鉢既幼，大臣爭權，國中大亂，太宗遣兵援之，封為河源郡王，仍授焉耆地也，拔勒豆可汗遣淮陽王道明持節冊拜，賜以鼓纛，諾曷鉢因入朝請婚，十四年，太宗以弘化公主妻之，資送甚厚，十五年，諾

曷鉢所部丞相王專權陰謀作難，將徵兵，詐言祭山神，因欲襲擊公主，劫諾曷鉢奔于吐蕃，期有日矣，諾曷鉢知而大懼，率輕騎走鄯善城，其威信王以兵迎之，鄯州刺史杜鳳舉與威信王合軍擊丞相王破之，殺其兄弟三人，遣使言狀，太宗命民部尚書唐儉持節撫慰之，太宗崩，刻石圖諾曷鉢之形，列於昭陵之下，高宗嗣位，以其尙主拜駙馬都尉，賜物四十段，其後與吐蕃互相攻伐，各遣使請兵救援，高宗皆不許之，吐蕃大怒，率兵以擊吐谷渾，諾曷鉢既不能禦，脫身及弘化公主走投涼州，高宗遣右威衛大將軍薛仁貴等救吐谷渾，為吐蕃所敗，於是吐谷渾遂為吐蕃所併，諾曷鉢以親信數千帳來內屬，詔左武衛大將軍蘇定方為安置大使，始徙其部眾于靈州之地，置安樂州，以諾曷鉢為刺史，欲其安而且樂也，垂拱四年，諾曷鉢卒，子忠嗣，忠嗣卒，子宣通嗣，聖曆三年，授宣通左豹韜衛員外大將軍，仍襲父焉耆地也，拔勒豆可汗宣通卒，子曠皓嗣，曠皓卒，子光嗣，及吐蕃陷我安樂州，其部眾又東徙，散在朔方河東之境，今俗多謂之退渾，蓋語急而然，貞元十四年十二月，以朔方節度副使左金吾衛大將

軍同正慕容復為襲長樂州都督，青海國王焉耆地也，拔勒豆可汗未幾卒，其封襲遂絕，吐谷渾自晉永嘉之末，始西渡洮水，建國於羣羌之故地，至龍朔三年，為吐蕃所滅，凡三百五十年。

焉耆國在京師西四千三百里，東接高昌，西鄰龜茲，即漢時故地，其王姓龍氏，名突騎支，勝兵二千餘人，常役屬於西突厥，其地良沃，多葡萄，頗有魚鹽之利，貞觀六年，突騎支遣使貢方物，復請開大磧路，以便行李，太宗許之，自隋末權亂，磧路遂閉，西域朝貢者皆由高昌，及是高昌大怒，遂與焉耆結怨，遣兵襲焉耆，大掠而去，西突厥莫賀設與咄陸弩失畢不協，奔于焉耆，咄陸復來攻之，六年，遣使言狀，并貢名馬，時西突厥國亂，太宗遣中郎將桑孝彥領左右曹曹弘機往安撫之，仍冊立唃利失可汗，可汗既立，素善焉耆，令與焉耆為援，十二年，處月處密與高昌攻陷焉耆五城，掠男女一千五百人，焚其廬舍而去，十四年，侯君集討高昌，遣使與之相結，焉耆王大喜，請為聲援，及破高昌，其王詣軍門稱謁，焉耆人先為高昌所虜者悉歸之，由是遣使謝恩，并貢方物，其年西突厥重臣屈利啜為其弟娶焉耆王女，由是相為唇齒，朝貢遂闕，安西都護郭孝恪請擊之，太宗許焉，會焉耆王弟頡真葉護兄弟三人來至西州，孝恪選步騎三千出銀山道，以頡真弟粟婆準為鄉導，焉耆所都城四面有水，自特險固，不虞於我，孝恪倍道兼行，夜至城下，潛遣將士浮水而渡，至曉，一時擊堞，鼓角齊震，城中大擾，孝恪縱兵擊之，虜其王突騎支首虜千餘級，以粟婆準導軍有功，留攝國事而還，時薦幸洛陽宮，孝恪鑣突騎支并其妻子送行在所，詔宥之初，西突厥屈利啜將兵來援焉耆，孝恪還師三日，屈利啜乃囚粟婆準，而西突厥處般啜令其吐屯來攝焉耆，遣使朝貢，太宗數之曰：焉耆者，我兵擊得，汝何人，輒來統攝，吐屯懼而返國，焉耆又立粟婆準從父兄薛婆阿那支為王，處般啜乃執粟婆準送於龜茲，為所殺，薛婆阿那支既得處般啜為援，遂有國，及阿史那社爾之討龜茲，阿那支大懼，遂奔龜茲，保其東城，以禦官軍，社爾擊擒之，數其罪而斬焉，求得阿那支從父弟先那準，立為王，以修職貢，及太宗葬昭陵，乃刻石像龍突騎支之形，列於玄闕之下，自是朝貢不絕。

刻石像龍突騎支之形，列於玄闕之下，自是朝貢不絕。

刻石像龍突騎支之形，列於玄闕之下，自是朝貢不絕。

刻石像龍突騎支之形，列於玄闕之下，自是朝貢不絕。

刻石像龍突騎支之形，列於玄闕之下，自是朝貢不絕。

刻石像龍突騎支之形，列於玄闕之下，自是朝貢不絕。

龜茲國即漢西域舊地也在京師西七千五百里其王姓白氏有城郭屋宇耕田畜牧爲業男女皆剪髮垂項齊唯王不剪髮學胡書及婆羅門書算計之事尤重佛法其王以錦蒙項着錦袍金寶帶坐金獅子牀有良馬封牛饒蒲萄酒富室至數百碩高祖卽位其主蘇伐勃駛遣使來朝勃駛尋卒子蘇伐疊代立號時健莫質俟利發貞觀四年又遣使獻馬太宗賜以璽書撫慰甚厚由此歲貢不絕然臣於西突厥安西都護郭孝恪來伐焉耆龜茲遣兵援助自是職貢頗闕伐疊死其弟訶黎布失畢代立漸失藩臣禮二十年太宗遣左驍衛大將軍阿史那社爾爲崑山道行軍大總管與安西都護郭孝恪司農卿楊弘禮率五將軍又發鐵勒十二部兵十餘萬騎以伐龜茲社爾既破西蕃處月處密乃進師趨其北境出其不意西突厥所署焉耆王棄城而遁社爾遣輕騎追擒之龜茲大震守將多棄城而走社爾進屯積石去其都城三百里遣伊州刺史韓威率千餘騎爲前鋒右驍衛將軍曹繼叔次之西至多禍城與龜茲王相遇及其相那利將羯獵顛等有衆五萬逆拒王師威乃僞遁而引之其王俟利發見威兵少悉衆而至威退行三十里與繼叔軍會合擊大破之其王退保都城社爾進軍逼之王乃輕騎而走遂下其城令孝恪守之遣沙州刺史蘇海政尙鞏率御薛萬備以精騎逼之行六百里其王窘急退保于撥換城社爾等進軍圍之擒其王及大將羯獵顛等其相那利僅以身免潛引西突厥之衆奔其國兵萬餘人來襲孝恪殺之官軍大搜倉部郎中崔義起與曹繼叔韓威等擊之那利敗走尋爲龜茲人所執以詰軍前後破其大城五所虜男女數萬口社爾因立其王之弟葉護爲王勒石紀功而旋俘其王訶黎布失畢及那利羯獵顛等獻於社爾尋以訶黎布失畢爲左武翊衛中郎將那利已下授官各有差太宗之葬昭陵乃刻石像其形列於玄闕之前永徽元年又以訶黎布失畢爲右驍衛大將軍尋放還蕃撫其餘衆依舊爲龜茲王賜物一千段先是太宗既破龜茲移置安西都護府於其國城以郭孝恪爲都護兼統于闐疎勒碎葉謂之四鎮高宗嗣位不欲廣地勞人復命有司棄龜茲等四鎮移安西依舊於西州其後吐蕃大入焉耆已西四鎮城堡並爲賊所陷則天臨朝長壽元年武威軍

總管王孝傑阿史那忠節大破吐蕃克復龜茲于闐等四鎮自此復於龜茲置安西都護府用漢兵三萬人以鎮之既徵發內地精兵遠逾沙磧奔資遺衣糧等甚爲百姓所苦言事者多請棄之則天竟不許其安西都護則天時有田揚名中宗時有郭元振開元初則張孝嵩杜暹皆有政績爲夷人所伏

陳勒國即漢時舊地也西帶葱嶺在京師西九千三百里其王姓裴氏貞觀中突厥以女妻王勝兵二千人俗事祆神有胡書文字貞觀九年遣使獻名馬自是朝貢不絕開元十六年玄宗遣使冊立其王裴安定爲疎勒王

于闐國西南帶葱嶺與龜茲接在京師西九千七百里勝兵四千人其國出美玉俗多機巧好事祆神崇佛教先臣于西突厥其王姓尉遲氏各屈密貞觀六年遣使獻玉帶太宗優詔答之十三年又遣子入侍及阿史那社爾伐龜茲其王伏闐信大懼使其子以駝萬三百匹饋軍及將旋師行軍長史薛萬備請社爾曰今者既破龜茲國威已振請因此機願以輕騎羈取于闐之王社爾乃遣

萬備率五十騎抵于闐之國萬備陳國威靈勸其入見天子伏闐信於是隨萬備來朝高宗嗣位拜右驍衛大將軍又授其子葉護玷爲右驍衛將軍並賜金帶錦袍布帛六十段并宅一區留數月而遣之因請留子弟以宿衛太宗葬昭陵刻石像其形列於玄闕之下垂拱三年其王伏闐雄復來入朝天授三年伏

闐雄卒則天封其子璽爲于闐國王開元十六年復冊立尉遲伏師爲于闐王數遣使朝貢乾元三年以于闐王尉遲勝弟守左監門衛率葉護囉爲太僕員外卿仍同四鎮節度副使權知本國事以勝至德初領兵赴國難因堅請留宿衛故有是命事在勝傳

天竺國即漢之身毒國或云婆羅門地也在葱嶺西北周三萬餘里其中分爲五天竺其一曰中天竺二曰東天竺三曰南天竺四曰西天竺五曰北天竺地各數千里城邑數百南天竺際大海北天竺拒雪山四周有山爲壁南面一谷通爲國門東天竺東際大海與扶南林邑鄰接西天竺與罽賓波斯相接中天

竺據四天竺之會其都城週迴七十餘里北臨輝連河云昔有婆羅門領徒千人肄業於樹下樹神降之遂爲夫婦宮室自然而立童僕甚盛於是使役百神

築城以統之。經日而就。此後有阿育王。復役使鬼神。累石為宮闕。皆雕文刻鏤。非人力所及。阿育王頗行苛政。置炮烙之刑。謂之地獄。今城中見有其迹焉。中天竺王姓乞利陁氏。或云刹利氏。世有其國。不相篡弑。厥土卑濕暑熱。稻歲四熟。有金剛。似紫石英。百鍊不銷。可以切玉。又有旃檀鬱金諸香。通於大秦。故其寶物。或至扶南交趾貿易焉。百姓殷樂。俗無簿籍。耕王者輸地利。以齒貝為貨。人皆深目長鼻。致敬極者。舐足摩踵。家有奇樂倡伎。其王與大臣多服錦麗。上為螺髻於頂。餘髮剪之使拳。俗皆徒跣。衣重白色。唯梵志種姓披白疊。以為異。死者或焚屍取灰。以為浮圖。或委之中野。以施禽獸。或流之於河。以飼魚鼈。無喪紀之文。謀反者幽殺之。小犯罰錢。以贖罪。不孝則斷手足。截耳割鼻。放流邊外。有文字。善天文算曆之術。其人皆學悉曇章。云是梵天法。書於貝多樹葉。以紀事。不殺生飲酒。國中住往有舊佛跡。隋煬帝時。遣裴矩應接西蕃。諸國多有至者。唯天竺不通。帝以為恨。當武德中。其國大亂。其嗣王尸羅逸多。練兵聚眾。所向無敵。象不解鞍。人不釋甲。居六載而四天竺之君皆北面以臣之。威勢遠振。刑政甚肅。貞觀十五年。尸羅逸多自稱摩伽陀王。遣使朝貢。太宗降璽書慰問。尸羅逸多大驚。問諸國人曰。自古曾有摩訶震旦使人至吾國乎。皆曰。未之有也。乃膜拜而受詔書。因遣使朝貢。太宗以其地遠。禮之甚厚。復遣衛尉丞李義表報使。尸羅逸多遣大臣郊迎。傾城邑以縱觀。焚香夾道。逸多率其臣下。東面拜受勅書。復遣使獻火珠及鬱金香。菩提樹。貞觀十年。沙門玄奘至其國。將梵本經論六百餘部而歸。先是遣右率府長史王玄策使天竺。其四天竺國王咸遣使朝貢。會中天竺王尸羅逸多死。國中大亂。其臣那伏帝阿羅那順篡立。乃盡發胡兵以拒玄策。玄策從騎三十人與胡禦戰。不敵。矢盡悉被擒。胡並掠諸國貢獻之物。玄策乃挺身宵遁。走至吐蕃。發精銳一千二百人。并泥婆羅國七千餘騎。以從玄策。玄策與副使蔣師仁率二國兵進至中天竺國城。連戰三日。大破之。斬首三千餘級。赴水溺死者且萬人。阿羅那順棄城而遁。師仁進擒獲之。虜男女萬二千人。牛馬三萬餘頭。於是天竺震懼。俘阿羅那順以歸。二十二年。至京師。太宗大悅。命有司告宗廟。而謂羣臣曰。夫人耳目玩於聲

色。口鼻耽於臭味。此乃敗德之源。若婆羅門不劫掠我使人。豈為俘虜耶。昔中山以食寶取弊。蜀侯以金牛致滅。莫不由之。拜玄策朝散大夫。是時就其國得方士那羅邇婆。自言壽二百歲。云有長生之術。太宗深加禮敬。館之於金鷄門內。造延年之藥。令兵部尚書崔敦禮監主之。發使天下。採諸奇藥異石。不可稱數。延歷歲月。藥成。服竟不効。後放還本國。太宗之葬昭陵也。刻石像阿羅那順之形。列於玄闕之下。五天竺所屬之國數十。風俗物產略同。有伽沒路國。其俗開東門以向日。王玄策至。其王發使貢以奇珍異物及地圖。因請老子像及道德經。那揭陀國有醯羅城。中有重閣。藏佛頂骨及錫杖。貞觀二十年。遣使貢方物。天授二年。東天竺王摩羅枝摩。西天竺王尸羅逸多。南天竺王遮婁其拔羅婆。北天竺王婁其那那。中天竺王地婆西那。並來朝獻。景龍四年。南天竺國復遣使來朝。景雲元年。復遣使貢方物。開元二年。西天竺復遣使貢方物。八年。南天竺國遣使獻五色能言鸚鵡。其年南天竺國王尸利那羅僧伽請以戰象及兵馬討大食及吐蕃等。仍求有及名其軍。玄宗甚嘉之。名軍為懷德軍。九月。南天竺王尸利那羅僧伽寶多。枝摩為國造寺。上表乞寺額。勅以歸化為名。賜之。十一月。遣使冊利那羅僧伽寶多為南天竺國王。遣使來朝。十七年六月。北天竺三國藏沙門僧密多獻寶汗等藥。十九年十月。中天竺國王伊沙伏摩遣其大德僧來朝貢。二十九年三月。中天竺王子李承恩來朝。授游擊將軍。放還天寶中。累遣使來。

罽賓國在葱嶺南。去京師萬二千二百里。常役屬於大月氏。其地暑濕。人皆乘象。土宜秔稻。草木凌寒不死。其俗尤信佛法。隋煬帝時。引致西域。前後至者三十餘國。唯罽賓不至。貞觀十一年。遣使獻名馬。太宗嘉其誠。賜以繒綵。十六年。又遣使獻特鼠。喙尖而尾赤。能食蛇。有被蛇螫者。鼠輒嗅而尿之。其瘡立愈。顯慶三年。訪其國俗。云王始租馨。擊至今曷。擯支父子。傳位已十二代。其年改其城為修鮮都督府。龍朔初。授其王修鮮等十一州諸軍事。兼修鮮都督。開元七年。遣使來朝。進天文經一夾。祕要方并著藥等物。詔遣冊其王為葛羅達支特勤。二十七年。其王烏散特勒灑以年老。上表請以子拂琳罽婆嗣位。許之。

仍降使冊命天寶四年又冊其子勃留準爲襲嗣賓及烏菴國王仍授左驍衛將軍乾元元年又遣使朝貢又有勃律國在罽賓吐蕃之間開元中頻遣使朝獻八年冊立其王蘇麟陀逸之爲勃律國王朝貢不絕二十二年爲吐蕃所破康國即漢康居之國也其王姓溫月氏先居張掖祁連山北昭武城爲突厥所破南依葱嶺遠有其地枝庶皆以昭武爲姓氏不忘本也其人皆深目高鼻多鬚鬣丈夫剪髮或辨髮其王冠氈帽飾以金寶婦人盤髻髻以卑巾飾以金花人多嗜酒好歌舞於道路生子必以石密內口中明膠置掌內欲其成長口常甘言掌持錢如膠之黏物俗習胡書善商賈爭分銖之利男子年二十卽遠之傍國來適中夏利之所在無所不到以十二月爲歲首有婆羅門爲之占星候氣以定吉凶頗有佛法至十一月鼓舞乞寒以水相潑咸爲戲樂隋煬帝時其王屈兀支娶西突厥葉護可汗女遂臣於西突厥武德十年屈兀支遣使獻名馬貞觀九年又遣使貢獅子太宗嘉其遠至命祕書監虞世南爲之賦自此朝貢歲至十一年又獻金桃銀桃詔令植之於苑囿萬歲通天年則天封其大首領篤婆鉢提爲康國王仍拜左驍衛大將軍鉢提尋卒又冊其子泥涅師師爲康國王師師以神龍中卒國人又立突昏爲王開元六年遣使貢獻鎖子甲水精杯馬腦瓶駝鳥卵及越語之類十九年其王烏勒上表請封其子咄曷爲曹國王默啜爲米國王許之二十七年烏勒卒遣使冊咄曷襲父位天寶三年又封爲欽化王其母可敦封爲郡夫人十一載十三載並遣使朝貢

波斯國在京師西一萬五千三百里東與吐火羅康國接北鄰突厥之可薩部西北拒佛菴正西及南俱臨大海戶數十萬其王居有二城復有大城十餘猶中國之雜宮其王初嗣位便密選子才堪承統者書其名字封而藏之王死後大臣與王之羣子共發封而視之奉所書名者爲主焉其王冠金花冠坐獅子牀服錦袍加以瓔珞俗事天地日月水火諸神西域諸胡事火祇者皆詣波斯受法焉其事神以麝香和蘇塗點額及於耳鼻用以爲敬拜必交股文字同於諸胡男女皆徒跣丈夫剪髮戴白皮帽衣不開襟并有巾被多用蘇方青白色爲之兩邊緣以織成錦婦人亦巾被裙衫辨髮垂後飾以金銀其國乘象而戰每一象戰士百人有敗者則盡殺之國人生女年十歲已上有姿貌者其王收而養之以賞有功之臣俗右尊而左卑以六月一日爲歲首斷獄不爲文書約東口決於庭其繫囚無年限唯王者代立則釋之其叛逆之罪就火祇燒鐵灼其舌瘡白者爲理直瘡黑者爲有罪其刑有斷手則足髡劓則輕罪剪鬚或繫牌於項以志之經時月而釋焉其強盜一入獄至老更不出小盜罰以銀錢死亡則棄之於山制服一月而卽言氣候暑熱土地寬平知耕種多畜牧有鳥形如鷹飛不能高食草及肉亦能噉大攫羊土人極以爲患又多白馬駃犬或赤日行七百里者駃金犬所謂波斯犬也出驛及大驢師子白象珊瑚樹高一二尺琥珀車渠瑪瑙火珠玻璃琉璃無食子香附子訶黎勒胡椒薑檉石蜜千年棗甘露桃隋大業末西突厥葉護可汗頻擊破其國波斯王庫薩和爲西突厥所殺其子施利立葉護因分其部帥監統其國波斯竟臣於葉護及葉護可汗死其所令監統者因自擅於波斯不復役屬於西突厥施利立一年卒乃立庫薩和之女爲王突厥又殺之施利之子單羯方奔拂菴於是國人迎而立之是爲尹恆支在位二年而卒兄子伊嗣候立二十一年伊嗣候遣使獻一獸名活禱蛇形類鼠而色青身長八九寸能入穴取鼠伊嗣候懦弱爲大首領所逐遂奔吐火羅未至亦爲大食兵所殺其子名卑路斯又投吐火羅葉護獲免卑路斯龍朔元年奏言頻被大食侵擾請兵救援詔遣龍州南由縣令王名遠充使西域分置州縣因列其地疾陵城爲波斯都督府授卑路斯爲都督是後數遣使貢獻咸亨中卑路斯自來入朝高宗甚加恩賜拜右武衛將軍儀鳳三年令吏部侍郎裴行儉將兵冊送卑路斯爲波斯王行儉以其路遠至安西碎葉而還卑路斯獨返不得入其國漸爲大食所侵客於吐火羅國二十餘年有部落數千人後漸離散至景龍二年又來入朝拜爲左威衛將軍無何病卒其國遂滅而部衆猶存自開元十年至天寶六載凡十遣使來朝并獻方物四月遣使獻瑪瑙牀九年四月獻火毛繡舞筵長毛繡舞筵無孔真珠乾元元年波斯與大食同寇廣州劫倉庫焚廬舍浮海而去大曆六年遣使來朝獻真珠等

拂菻國一名大秦在西海之上東南與波斯接地方萬餘里列城四百邑居連屬其宮宇柱櫳多以水精瑠璃為之有貴臣十二人共治國政常使一人將囊隨王車百姓有事者即以書投囊中王還宮省發理其枉直其王無常人閒賢者而立之國中災異及風雨不時輒廢而更立其王冠形如鳥舉翼冠及瑠璃皆綴以珠寶着錦繡衣前不開襟坐金花牀有一鳥似鶴其毛綠色常在王邊倚枕上坐每進食有毒其鳥輒鳴其都城疊石為之尤絕高峻凡有十萬餘戶南臨大海城東面有大門其高二十餘丈自上及下飾以黃金光輝燦爛連囉數里自外至王室凡有大門三重列異寶雕飾第二門之樓中懸一大金秤以金九十二枚屬於衡端以候日之十二時焉為一金人其大如人立於側每至一時其金丸輒落鏗然發聲引唱以紀日時毫釐無失其殿以瑟瑟為柱黃金為地象牙為門扇香木為棟梁其俗無瓦擣白石為末羅之塗屋上其堅密光潤還如玉石至於感暑之節人厭暑熱乃引水潛流上偏於屋宇機制巧密人莫之知觀者惟聞屋上泉鳴俄見四簷飛溜懸波如瀑激氣成涼風其巧妙如此風俗男子剪髮披披而右袒婦人不開襟錦為頭巾家資滿億封以上位有羊羔生於土中其國人候其欲萌乃築牆以院之防外獸所食也然其膾與地連割之則死唯人著甲走馬及擊鼓以駭之其羔驚鳴而騰絕便逐水草俗皆髡而衣繡乘輜駟白蓋小車出入擊鼓建旌旗幡幟土多金銀奇寶有夜光璧明月珠鵝鴨犀大貝車渠瑪瑙孔翠珊瑚琥珀凡西域諸珍異多出其國隋煬帝常將通拂菻竟不能致貞觀十七年拂菻王波多力遣使獻赤玻璃綠金精等物太宗降璽書答慰賜以綾綺焉自大食強盛漸陵諸國乃遣大將軍摩機伐其都城因約為和好請每歲輸之金帛遂臣屬大食焉乾封二年遣使獻底也伽大足元年復遣使來朝開元七年正月其主遣吐火羅大首領獻獅子羚羊各二不數月又遣大德僧來朝貢

大食國本在波斯之西大業中有波斯胡人牧斃於俱紛摩地那之山忽有獅子人語謂之曰此山西有三穴穴中大有兵器汝可取之穴中并有黑石白文讀之便作王位胡人依言果見穴中有石及稍刃甚多上有文教其反叛於是

糾合亡命渡恆曷水劫奪商旅其眾漸盛遂割據波斯西境自立為王波斯拂菻各遣兵討之皆為所敗永徽二年始遣使朝貢其姓大食氏名噉密莫末賦自云有國已三十四年歷三主矣其國男兒色黑多鬚鼻大而長似婆羅門婦人白皙亦有文字出駝馬大於諸國兵刃勁利其俗勇於戰鬪好事天神土多沙石不堪耕種唯食駝馬等肉俱紛摩地那山在國之西南鄰於大海其王移穴中黑石寬之於國又嘗遣人乘船將衣糧入海經八年而未及西岸海中見一方石石上有樹幹赤葉青樹上總生小兒長六七寸見人皆笑動其手脚頭著樹枝其使摘取一枝小兒便死收在大食王宮又有女國在其西北相去三月行龍朔初擊破波斯又破拂菻始有米麵之屬又將兵南侵婆羅門吞併諸胡國勝兵四十餘萬長安中遣使獻良馬景雲二年又獻方物開元初遣使來朝進馬及寶鈿帶等方物其使謁見唯平立不拜憲司欲糾之中書令張說奏曰大食殊俗慕義遠來不可實罪上特許之尋又遣使朝獻自云在本國惟拜天神雖見王亦無致拜之法所司屢詰責之其使遂請依漢法致拜其時西域康國石國之類皆臣屬之其境東西萬里東與突厥施相接焉一云隋開皇中大食族中有孤列種代為酋長孤列種中又有兩姓一號盆泥奚深一號盆泥末換其奚深後有摩訶末者勇健多智眾立之為主東西征伐開地三千里兼剋夏臘一名彭城鈔音所擊反摩訶末後十四代至末換末換殺其兄伊疾而自立復殘忍其下怨之有呼羅珊木蠟人並波悉林舉義兵應者悉令着黑衣旬月間眾盈數萬鼓行而西生擒末換殺之遂求得奚深種阿蒲羅拔立之末換已前謂之白衣大食自阿蒲羅拔後改為黑衣大食阿蒲羅拔卒立其弟阿蒲恭拂至德初遣使朝貢代宗時為元帥亦用其國兵以收兩都寶應大曆中頻遣使來恭拂卒子迷地立迷地卒子卒栖立卒栖卒弟訶論立貞元中與吐蕃為敵蕃軍大半西禦大食故鮮為邊患其力不足也十四年詔以黑衣大食使舍差焉羅沙北三人並為中郎將各放還蕃

史臣曰西方之國綿亘山川自張騫奉使已來介子立功之後通於中國者多矣有唐拓境遠極安西弱者德以懷之強者力以制之開元之前貢輸不絕天

寶之亂。邊徼多虞。邠邠之西。即爲戎狄。葦街之邸。來朝亦稱。故古先哲王。務寧

華夏。語曰。近者悅。遠者來。斯之謂矣。
贊曰。大蒙之人。西方之國。與時感衰。隨世通塞。勿謂戎心。不懷我德。貞觀開元。
葦街充斥。

舊唐書卷一百九十八

舊唐書卷一百九十八考證

党項羌傳拓拔氏。○此下而拓拔三字。從新書添。

吐谷渾傳地數千里。○原本脫地字。從新書添。

左傳并曹。○臣四。按新書本傳。爲左千牛曹參軍。并字當是曹字之訛。今改

正。

龜茲國傳及其相那利將羯獵顛。○原本脫將字。今添。

天竺國傳仍求有及名其軍。○臣四。按新書。巧名其軍。有及二字疑衍。

舊唐書卷一百九十八考證

後晉司空同中書門下平章事劉昫撰

列傳第一百四十九

東夷

高麗 百濟 新羅 倭國 日本

高麗者出自扶餘之別種也其國都於平壤城即漢樂浪郡之故地在京師東
 五千一百里東渡海至於新羅西北渡遼水至于營州南渡海至于百濟北至
 靺鞨東西三千一百里南北二千里其官大者號大對盧比一品總知國事三
 年一代若稱職者不拘年限交替之日或不相祗服皆勒兵相攻勝者為之其
 王但閉宮自守不能制禦次曰太太兄比正二品對盧以下官總十二級外置
 州縣六十餘城大城置傳薩一比都督諸城置道使比刺史其下各有僚佐分
 掌曹事衣裳服飾唯王五綵以白羅為冠白皮小帶其冠及帶咸以金飾官之
 貴者則青羅為冠次以緋羅插二鳥羽及金銀為飾衫筒袖袴大口白草帶黃
 草履國衣衣褐戴弁婦人首加巾幘好圍棋投壺之戲人能蹴鞠食用蓬豆罈
 簋罇俎豆洗頗有箕子之遺風其所居必依山山谷皆以茅草葺舍唯佛寺神廟
 及王宮官府乃用瓦其俗貧窶者多冬月皆作長坑下燃燭火以取暖種田養
 蠶略同中國其法有謀反叛者則集眾持火炬競燒灼之燹爛備體然後斬首
 家悉籍沒守城降敵臨陣敗北殺人行劫者斬盜物者十二倍酬贓殺牛馬者
 沒身為奴婢大體用法嚴峻少有犯者乃至路不拾遺其俗多淫祀事靈星神
 日神可汗神箕子神國城東有大穴名神隧皆以十月王自祭之俗愛書籍至
 於衡門廡養之家各於街衢造大屋謂之局堂子弟未婚之前晝夜於此讀書
 習射其書有五經及史記漢書范曄後漢書三國志孫盛晉春秋玉篇字統字
 林又有文選尤愛重之其王高建武即前王高元異母弟也武德二年遣使來
 朝四年又遣使朝貢高祖感隋末戰士多陷其地五年賜建武書曰朕恭膺寶
 命君臨率土祗順三靈綏柔萬國普天之下情均撫字日月所照咸使又安王
 既統攝遠左世居藩服思稟正朔遠循職貢故遣使者跋涉山川申布誠懇朕

甚嘉焉方今六合寧晏四海清平玉帛既通道路無壅方申輯睦永敦聘好各
 保疆場豈非感美但隋氏季年連兵構難攻戰之所各失其民遂使骨肉乖離
 室家分析多歷年歲怨曠不申今二國通和義無阻異在此所有高麗人等已
 令追括尋即遣送彼處有此國人者王可放還務盡撫育之方共弘仁恕之道
 於是建武悉搜括華人以禮賓送前後至者萬數高祖大喜七年遣前刑部尚
 書沈叔安往冊建武為上柱國遼東郡王高麗王仍將天尊像及道士往彼為
 之講老子其王及道俗等觀聽者數千人高祖嘗謂侍臣曰名實之間須相
 副高麗稱臣於隋終拒煬帝此亦何臣之有朕敬於萬物不欲驕貴但據有土
 字務共安人何必令其稱臣以自尊大即為詔述朕此懷也侍中裴矩中書侍
 郎溫彥博曰遼東之地周為箕子之國漢家玄菟郡耳魏晉已前近在提封之
 內不可許以不臣且中國之於夷狄猶太陽之對列星理無降尊俯同藩服高
 祖乃止九年新羅百濟遣使訟建武云閉其道路不得入朝又相與有隙屢相
 侵掠詔員外散騎侍郎朱子奢往和解之建武奉表謝罪請與新羅對使會盟
 貞觀二年破突厥顏利可汗建武遣使奉賀并上封城圖五年詔遣廣州都督
 府司馬長孫師往收瘞隋時戰亡骸骨毀高麗所立京觀建武懼伐其國乃築
 長城東北自扶餘城西南至海千有餘里十四年遣其太子桓權來朝并貢方
 物太宗優勞甚至十六年西部大人蓋蘇文攝職有犯諸大臣與建武議欲誅
 之事洩蘇文乃悉召部兵云將校閱并威陳酒饌於城南諸大臣皆來臨視蘇
 文勒兵盡殺之死者百餘人焚倉庫因馳入王宮殺建武立建武弟大陽子藏
 為王自立為莫離支猶中國兵部尚書兼中書令職也自是專國政蘇文姓錢
 氏鬚貌甚偉形體魁傑身佩五刀左右莫敢仰視恆令其屬官俯伏於地踐之
 上馬及下馬亦如之出必先布隊仗導者長呼以辟行人百姓畏避皆自投坑
 谷太宗聞建武死為之舉哀使持節弔祭十七年封其嗣王藏為遼東郡王高
 麗王又遣司農丞相里玄挺齎書往說諭高麗令勿攻新羅蓋蘇文謂玄挺
 曰高麗新羅怨隙已久往者隋室相侵新羅乘費奪高麗五百里之地城邑新
 羅皆據有之自非反地還城此兵恐未能已玄挺曰既往之事焉可追論蘇文

竟不從。太宗顧謂侍臣曰：「莫離支賊弒其主，盡殺大臣，用刑有同坑阱，百姓轉動輒死，怨痛在心，道路以目。夫出師弔伐，須有其名，因其弒君虐下，敗之甚易也。」十九年，命刑部尚書張亮為平壤道行軍大總管，領將軍常何等率江淮嶺破勁卒四萬，戰船五百艘，自萊州汎海趨平壤，又以特進英國公李勣為遼東道行軍大總管，禮部尚書江夏王道宗為副，領將軍張士貴等率步騎六萬趨遼東，兩軍合勢。太宗親御六軍以會之。夏四月，李勣軍渡遼，進攻蓋牟城，拔之。獲生口二萬，以其城置蓋州。五月，張亮副將程名振攻沙卑城，拔之，虜其男女八千口。是日，李勣進軍於遼東城，帝次遼澤。詔曰：「頃者隋師渡遼，時非天贊，從軍士卒，骸骨相望，徧於原野，良可哀歎。掩骼之義，誠為先典，其令並收瘞之。國內及新城步騎四萬來援遼東，江夏王道宗率騎四千逆擊，大破之，斬首千餘級。帝渡遼水，詔撤橋梁，以堅士卒志。帝至遼東城下，見士卒負擔以填塹者，帝分其尤重者，親於馬上持之，從官悚動，爭齎以送城下。時李勣已率兵攻遼東城，高麗聞我有拋車，飛三百勦石於一里之外者，甚懼之，乃於城上積木為戰樓，以拒飛石，勦列車發石以擊其城，所遇盡潰。又推撞車撞其樓閣，無不傾倒。帝親率甲騎萬餘與李勣會，圍其城，俄而南風甚勁，命縱火焚其西南樓，延燒城中屋宇皆盡。戰士登城，賊乃大潰，燒死者萬餘人，俘其勝兵萬餘口，以其城為遼州。初，帝自定州命每數十里置一烽，屬于遼城，與太子約，克遼東，當舉烽。是日，帝命舉烽，傳入塞，師次白崖城，命攻之。右衛大將軍李思摩中弩矢，帝親為吮血，將士聞之，莫不感勵。其城因山臨水，四面險絕，李勣以撞車撞之，飛石流矢，雨集城中。六月，帝臨其西北城，主孫伐音潛遣使請降，曰：「臣已願降，其中有貳者，詔賜以旗幟，曰：必降，建之城上。伐音舉幟於城上，高麗以為唐兵登也，乃悉降。初，遼東之陷也，伐音乞降，既而中悔，帝怒其反覆，許以城中人物分賜戰士，及是，李勣言於帝曰：「戰士奮厲爭先，不顧矢石者，貪虜獲耳。今城垂拔，奈何更許其降，無乃辜將士之心乎？」帝曰：「將軍言是也，然縱兵殺戮，虜其妻孥，朕所不忍也。將軍麾下有功者，朕以庫物賞之，庶因將軍贖此一城，遂受降，獲士女一萬，勝兵二千四百，以其城置巖州，授孫伐音為巖州刺史。我軍之渡遼也，

莫離支遣加尸城七百人戍蓋牟城，李勣盡虜之，其人並請隨軍自効。太宗謂曰：「誰不欲爾之力，爾家悉在加尸，爾為吾戰，彼將為戮矣。破一家之妻子，求一人之力，用吾不忍也。悉令放還，車駕進次安市，城北列營進兵以攻之。高麗北部倭薩高延壽、南部韓薩高惠貞率高麗靺鞨之衆十五萬來援安市，城中有對盧年老習事，謂延壽曰：「吾聞中國大亂，英雄並起，秦王神武所向無敵，遂平天下，南面為帝，北夷請服，西戎獻款，今者傾國而至，猛將銳卒，悉萃於此，其鋒不可當也。今為計者，莫若頓兵不戰，曠日持久，分遣驍雄斷其饋運，不過旬日，軍糧必盡，求戰不得，欲歸無路，此不戰而取勝也。延壽不從，引軍直進。太宗夜召諸將，躬自指麾，遣李勣率步騎一萬五千於城西嶺為陣，長孫無忌率牛進達等精兵一萬一千以為奇兵，自山北於狹谷出以衝其後。太宗自將步騎四千，潛鼓角，偃旗幟，趨賊營北高峯之上，令諸軍聞鼓角聲而齊縱，因令所司張受降幕於朝堂之側。日明日午時，納降虜於此矣。遂率軍而進，明日延壽獨見李勣兵欲與戰，太宗遙望無忌軍塵起，令鼓角並作，旗幟齊舉，賊衆大懼，將分兵禦之，而其陣已亂。李勣以步卒長槍一萬擊之，延壽衆敗，無忌縱兵乘其後。太宗又自山而下，引軍隨之，賊因大潰，斬首萬餘級。延壽等率其餘寇依山自保，於是命無忌勦等引兵圍之，徹東川梁以斷歸路。太宗按轡徐行，觀賊營壘，謂侍臣曰：「高麗傾國而來，存亡所繫，一麾而敗，天佑我也。」因下馬再拜以謝。天延壽等膝行而前，拜手請命。太宗簡倭薩以下酋長三千五百人，授以戎秩，遷之內地，收骸骨三千三百，盡坑之。餘衆放還平壤，獲馬三萬疋，牛五萬頭。明光甲五千領，他器械稱是高麗國振駭，后黃城及銀城並自拔，數百里無復人煙。因名所幸山為駐蹕山，令將作造破陣圖，命中書侍郎許敬宗為文勒石以紀其功。授高延壽鴻臚卿，高惠真同農卿。張亮又與高麗再戰於建安城下，皆破之。於是列長圍以攻焉。八月，移營安市城東，李勣遂攻安市，擁延壽等降衆營其城下，以招之。城中人堅守不動，每見太宗旄麾，必乘城鼓譟以拒焉。帝甚怒，李勣曰：「請破之日，男子盡誅，城中聞之，人皆死戰。」乃令江夏王道宗築土山，攻其城東南隅，高麗亦埤城增雉以相抗。李勣攻其西面，令拋石撞車壞其樓，

雉城中隨其崩壞，即立木爲柵。道宗以樹條苞壤爲土，屯積以爲山。其中間五道加木，被土於其上，不捨晝夜，漸以逼城。道宗遣果毅都尉傅伏愛領隊兵於山頂以防敵。土山自高而陟，排其城。城崩，會伏愛私離所部。高麗百人有積城而戰，遂據有土山而壅斷之。積火焚盾以自固。太宗大怒，斬伏愛以徇。命諸將擊之。三日不能射。太宗以遼東倉儲無幾，士卒寒凍，乃詔班師。歷其城，城中皆屏聲。僊幟城主登城拜手奉辭。太宗嘉其堅守，賜絹百疋以勵事君之節。初攻陷遼東城，其中抗拒王師，應沒爲奴婢者一萬四千人，並遣先集幽州。將分賞將士。太宗怒其父母妻子一朝分散，令有司準其直以布帛贖之。赦爲百姓。其衆歡呼之聲，三日不息。高延壽自降後，常積數，尋以憂死。惠真竟至長安。二十一年，高麗遣使來謝罪，并獻二美女。太宗謂其使曰：歸謂爾主，美色者人之所重，爾之所獻，信爲美麗，憫其離父母兄弟於本國，留其身而忘其親，愛其色而傷其心，我不取也。並還之。二十二年，又遣右武衛將軍薛萬徹等往青丘道伐之。萬徹渡海入鴨綠水，進破其泊灼城，俘獲甚衆。太宗又命江南造大船，遣陝州刺史孫伏伽召募勇敢之士。萊州刺史李道裕運糧及器械，貯於烏胡島。將欲大舉以伐高麗，未行而帝崩。高宗嗣位，又命兵部尚書任雅相、左武衛大將軍蘇定方、左驍衛大將軍契苾何力等前後討之，皆無大功。而還乾封元年，高藏遣其子入朝，陪位於太山之下。其年蓋蘇文死，其子男生代爲莫離支。與其弟男建、男產不睦，各樹朋黨以相攻擊。男生爲二弟所逐，走據國內城死守。其子獻誠詣闕求哀，詔令左驍衛大將軍契苾何力率兵應接之。男生脫身來奔，詔授特進遼東大都督，兼平壤道安撫大使，封玄菟郡公。十一月，命司空英國公李勣爲遼東道行軍大總管，率裨將郭待封等以征高麗。二年二月，勣度遼至新城，謂諸將曰：新城是高麗西境鎮城，最爲要害，若不先圖，餘城未易可下。遂引兵於新城西南，據山築柵，且攻且守。城中窘迫，數有降者。自此所向，射捷高藏及男建遣太兄男產將首領九十八人持帛幡出降，且請入朝。勣以禮延接。男建猶閉門固守。總章九年九月，勣又移營於平壤城南。男建頻遣兵出戰，皆大敗。男建下捉兵總管僧信誠密遣人詣軍中，許開城門爲內應。經五日，信

誠果開門，勣從兵入登城，鼓譟燒城門樓，四面火起。男建窘急自刺，不死。十一月，拔平壤城。虜高藏、男建等十二月至京師，獻俘於含元宮。詔以高藏政不由己，授司平太常伯。男產先降，授司宰少卿。男建配流黔州。男生以鄉導有功，授右衛大將軍。封汴國公。特進如故。高麗國舊分爲五部，有城百七十六戶，六十九萬七千，乃分其地置都督府九州，四十一縣，一百。又置安東都護府以統之。擢其酋渠有功者授都督、刺史及縣令，與華人參理百姓。乃遣左武衛將軍薛仁貴總兵鎮之。其後頗有逃散。儀鳳中，高宗授高藏開府儀同三司，遼東都督。封朝鮮王。居安東鎮。本蕃爲主，高藏至安東，潛與靺鞨相通謀叛。事覺，召還配流邛州，并分徙其人，散向河南隴右諸州。其貧弱者，留在安東城傍。高藏以承淳初卒，贈衛尉卿。詔送至京師，於頤利墓左賜以葬地，兼爲樹碑，垂拱二年，又封高藏孫寶元爲朝鮮郡王。聖曆元年，進授左鷹揚衛大將軍，封爲忠誠國王。委其統攝安東舊戶，事竟不行。二年，又授高藏男德武爲安東都督，以領本蕃。自是高麗舊戶在安東者漸寡。少分投突厥及靺鞨等。高氏君長遂絕矣。男生以儀鳳初卒於長安，贈并州大都督。子獻誠，授右衛大將軍，兼令羽林衛上下天授中，則天嘗內出金銀寶物，令宰相及南北衛文武官內擇善射者五人共賭之。內史張光輔先讓獻誠爲第一。獻誠復讓右玉鈐衛大將軍薛吐摩支。摩支又讓獻誠。既而獻誠奏曰：陛下令簡能射者五人，所得者多非漢官。臣恐自此已後，無漢官工射之名。伏望停廢此射，則天嘉而從之。時酷吏來俊臣嘗求貨於獻誠，獻誠拒而不答。遂爲俊臣所構，誣其謀反，殺之。則天後知其冤，贈右羽林衛大將軍，以禮改葬。

百濟國本亦扶餘之別種，嘗爲馬韓故地。在京師東六千二百里，處大海之北，小海之南，東北至新羅，西渡海至越州，南渡海至倭國，北渡海至高麗。其王所居有東西兩城，所置內官曰內臣。佐平，掌宣納事。內頭佐平，掌庫藏事。內法佐平，掌禮儀事。衛士佐平，掌宿衛兵事。朝廷佐平，掌刑獄事。兵官佐平，掌在外兵馬事。又外置六帶方，管十郡。其用法，叛逆者死，籍沒其家。殺人者，以奴婢三贖罪。官人受財及盜者，三倍追贓。仍終身禁錮。凡諸賦稅及風土所產，多與高麗

同其王服大袖紫袍青錦袴，高羅冠金花為飾，素皮帶，烏草履。官人盡緋為衣，銀花飾冠，庶人不得衣緋紫。歲時伏臘，同於中國。其書籍有五經子史，又表疏並依中華之法。武德四年，其王扶餘璋遣使來獻果下馬。七年，又遣大臣奉表朝貢。高祖嘉其誠款，遣使就冊為帶方郡王。百濟王自是歲遣朝貢，高祖撫勞甚厚。因訟高麗閉其道路，不許來通中國，詔遣朱子奢往和之。又相與新羅世為讎，數相侵伐。貞觀元年，太宗賜其王璽書曰：王世為君長，撫有東蕃，海隅遐曠，風濤艱阻，忠款之至，職貢相尋，尚想徽猷，甚以嘉慰。朕自祗承寵命，君臨區宇，思弘王道，愛育黎元，舟車所通，風雨所及，期之遂性，咸使乂安。新羅王金真平，朕之藩臣，王之鄰國，每聞遣師征討不息，阻兵安忍，殊乖所望。朕已對王姪信福及高麗新羅使人具勅通和，咸許輯睦。王必須忘彼前怨，識朕本懷，共篤鄰情，即停兵革。璋因遣使奉表陳謝，雖外稱順命，內實相仇。如故十一年，遣使來朝，獻鐵甲雕斧。太宗優勞之，賜綵帛三千段，并錦袍等。十五年，璋卒。其子義慈遣使奉表告哀。太宗素服哭之，贈光祿大夫，賜物二百段。遣使冊命義慈為柱國，封帶方郡王。百濟王十六年，義慈與兵伐新羅四十餘城，又發兵以守之。與高麗和親通好，謀欲取党項城，以絕新羅入朝之路。新羅遣使告急，請救太宗。遣司農丞相里玄獎齋書告諭兩蕃，示以禍福。及太宗親征高麗，百濟懷二，乘虛襲破新羅十城。二十二年，又破其十餘城。數年之中，朝貢遂絕。高宗嗣位，承徵二年，始又遣使朝貢。使還，降璽書與義慈曰：至如海東三國，開基自久，並列疆界，地實犬牙。近代已來，遂構嫌隙，戰爭交起，略無寧歲。遂令三韓之氓，命懸刀俎，尋戈肆憤。朝夕相仍，朕代天理物，載深矜愍。去歲王攻高麗新羅等，使並來入朝，朕命釋茲讎怨，更敦教穆。新羅使金法敏奏書，高麗百濟，骨齒相依，競舉兵戈，侵逼交至。大城重鎮，並為百濟所併。疆宇日蹙，威力並謝。乞詔百濟令歸所侵之城，若不奉詔，即自興兵打取。但得故地，即請交和。朕以其言既順，不可不許。昔齊桓列土諸侯，尚存亡國。況朕萬國之主，豈可不卹危藩。王所兼新羅之城，並宜還其本國。新羅所獲百濟俘虜，亦遣還王。然後解患釋紛，船戈偃革，百姓獲息肩之願。三蕃無戰爭之勞，比夫流血邊亭，積屍疆場，耕織並

廢，士女無聊，豈可同年而語矣。王若不從進止，朕已依法敕所請。任其與王決戰，亦令約束高麗，不許遠相救恤。高麗若不承命，即令契丹諸蕃渡遼澤入抄掠。王可深思朕言，自求多福。審圖良策，無貽後悔。六年，新羅王金春秋又表稱百濟與高麗，鞅鞅侵其北界。已沒三十餘城。顯慶五年，命左衛大將軍蘇定方統兵討之。大破其國。虜義慈及太子隆。小王孝演，僞將五十八人等送於京師。上責而宥之。其國舊分為五部，統郡三十七，城二百，戶七十六萬。至是乃以其地分置熊津、馬韓、東明等五都督府。各統州縣。立其酋渠為都督、刺史及縣令。命右衛郎將王文度為熊津都督。總兵以鎮之。義慈事親以孝行聞。友于兄弟，時人號海東曾閔。及至京，數日而卒。贈金紫光祿大夫，衛尉卿。特許其舊臣赴哭。送就孫皓陳叔寶墓側葬之。并為豎碑。文度濟海而卒。百濟僧道琛，舊將福信率眾據周留城以叛。遣使往倭國迎故王子扶餘豐，立為王。其西部北部並翻城應之。時郎將劉仁願留鎮於百濟府城。道琛等引兵圍之。帶方州刺史劉仁軌代文度統眾使道發新羅兵合契以救仁願。轉鬪而前，所向皆下。道琛等於熊津江口立兩柵以拒官軍。仁軌與新羅兵四面夾擊之。賊眾退走入柵。阻水橋狹，墮水及戰死萬餘人。道琛等乃釋仁願之圍，退保任存城。新羅兵士以糧盡引還。時龍朔元年三月也。於是道琛自稱領軍將軍。福信自稱霜岑將軍。招誘叛亡，其勢益張。使告仁軌曰：聞大唐與新羅約誓，百濟無間老少，一切殺之。然後以國付新羅。與其受死，豈若戰亡。所以聚結自固守耳。仁軌作書具陳福信遣使諭之道琛等特眾驕倨，置仁軌之使於外館。傳語謂曰：使人官職小，我是一國大將，不合自參。不答書遣之。尋而福信殺道琛，併其兵眾。扶餘豐但主祭而已。二年七月，仁願仁軌等率留鎮之兵大破福信餘眾於熊津之東。拔其支羅城及尹城、大山沙井等柵，殺獲甚眾。仍令分兵以鎮守之。福信等以真峴城臨江高險，又當衝要，加兵守之。仁軌引新羅之兵乘夜薄城，四面擊堞而上。比明而入，據其城。斬首八百級。遂通新羅運糧之路。仁願乃奏請益兵。詔發淄青萊海之兵七千人。遣左威衛將軍孫仁師統眾浮海赴熊津。以益仁願之眾。時福信既專其兵權，與扶餘豐漸相猜貳。福信稱疾臥於窟室，將候扶餘豐

聞疾謀殺之。扶餘豐覺而率其親信掩殺福信。又遣使往高麗及倭國請兵以拒官軍。孫仁師中路迎擊破之。遂與仁願之衆相合。兵勢大振。於是仁師仁願及新羅王金法敏帥陸軍進剿仁軌及別帥社爽扶餘隆率水軍及糧船自熊津江往白江。以會陸軍。同趨周留城。仁軌遇扶餘豐之衆於白江之口。四戰皆捷。焚其舟四百艘。賊衆大潰。扶餘豐脫身而走。僞王子扶餘忠勝忠志等率士女及倭衆並降。百濟諸城皆復歸順。孫仁師與劉仁願等振旅而還。詔劉仁軌代仁願率兵鎮守。乃授扶餘隆熊津都督。遣還本國。共新羅和親。以招輯其餘衆。麟德二年八月。隆到熊津城。與新羅王法敏刑白馬而盟。先祀神祇。及川谷之神。而後歃血。其盟文曰。往者百濟先王。迷於逆順。不敦鄰好。不睦親姻。結託高麗。交通倭國。共爲殘暴。侵削新羅。破邑屠城。略無寧歲。天子憫一物之失所。憐百姓之無辜。頻命行人。遣其和好。負險恃遠。侮慢天經。皇赫斯怒。恭行弔伐。旌旗所指。一戎大定。固可滌官污宅。作誠來裔。塞源拔本。垂訓後昆。然懷柔伐叛。前王之令典。與亡繼絕。往哲之通規。事必師古。傳諸叢冊。故立前百濟太子。子孫正卿。扶餘隆爲熊津都督。守其祭祀。保其桑梓。依倚新羅。長爲與國。各除宿憾。結好和親。恭承詔命。永爲藩服。仍遣使人。右威衛將軍魯城縣公劉仁願親臨。勸諭具宣。成旨。約之以婚姻。申之以盟誓。刑牲歃血。共敦終始。分災恤患。恩若弟兄。祇奉綸言。不敢失墜。既盟之後。共保歲寒。若有棄信不恆。二三其德。與兵動衆。侵犯邊陲。明神鑒之。百殃是降。子孫不昌。社稷無守。禋祀磨滅。罔有遺餘。故作金書鐵契。藏之宗廟。子孫萬代。無或敢犯。神之聽之。是饗是福。劉仁軌之辭也。歃訖。埋幣帛於壇下之吉地。藏其盟書於新羅之廟。仁願仁軌等既還。隆懼新羅尋歸京師。儀鳳二年。拜光祿大夫。太常員外卿。兼熊津都督。帶方郡王。令歸本蕃。安輯餘衆。時百濟本地荒毀。漸爲新羅所據。隆竟不敢還舊國。而卒。其孫敬。則天朝襲封帶方郡王。授衛尉卿。其地自此爲新羅及渤海靺鞨所分。百濟之種遂絕。

新羅國本并韓之苗裔也。其國在漢時樂浪之地。東及南方俱限大海。西接百濟。北鄰高麗。東西千里。南北二千里。有城邑村落。王之所居曰金城。周七八里。

衛兵三千人。設獅子隊。文武官凡有十七等。其王金真平。隋文帝時授上開府樂浪郡公。新羅王武德四年。遣使朝貢。高祖親勞問之。遣通直散騎侍郎庾文素往使焉。賜以璽書及畫屏風錦綵三百段。自此朝貢不絕。其風俗刑法衣服與高麗百濟略同。而朝服尙白。好祭山神。其食器用柳栝。亦以銅及瓦。國人多金朴兩姓。異姓不爲婚。重元日。相慶賀燕饗。每以其日拜日月神。又重八月十五日。設樂飲宴。賓羣臣射其庭。婦人髮繞頭。以綵及珠爲飾。髮甚長美。高祖既聞海東三國舊結怨隙。遞相攻伐。以其俱爲藩附。務在和睦。乃問其使爲怨所由。對曰。先是百濟往伐高麗。請新羅請救。新羅發兵大破百濟國。因此爲怨。每相攻伐。新羅得百濟王。殺之。怨由此始。七年。遣使冊拜王金真平爲柱國。封樂浪郡王。新羅王貞觀五年。遣使獻女樂二人。皆鬢髮美色。太宗謂侍臣曰。朕聞擊色之娛。不如好德。且山川阻遠。懷土可知。近日林邑獻白鸚鵡。尙解思鄉。訴請還國。鳥猶如此。況人情乎。朕愍其遠來。必思親戚。宜付使者聽遣還家。是歲真平卒。無子。立其女善德爲王。宗室大臣乙祭總知國政。詔贈真平左光祿大夫。賜物二百段。九年。遣使持節冊命善德柱國。封樂浪郡王。新羅王十七年。遣使上言。高麗百濟累相攻襲。亡失數十城。兩國連兵。意在滅臣社稷。謹遣陪臣歸命大國。乞偏師救助。太宗遣相里玄獎齋璽書賜高麗曰。新羅委命國家。不闕朝獻。爾與百濟宜即戢兵。若更攻之。明年當出師擊爾國矣。太宗將親伐高麗。詔新羅募集士馬。應接大軍。新羅遣大臣領兵五萬人入高麗南界。攻水口城。降之。二十一年。善德卒。贈光祿大夫。餘官封並如故。因立其妹真德爲王。加授柱國。封樂浪郡王。二十二年。真德遣其弟國相伊贊子金春秋及其子文正來朝。詔授春秋爲特進。文正爲左武衛將軍。春秋請詣國學觀釋奠及講論。太宗因賜以所制湯湯及晉祠碑并新撰晉書。將歸國。令三品已上宴錢之。優禮甚稱。永徽元年。真德大破百濟之衆。遣其弟法敏以聞。真德乃織錦作五言太平頌以獻之。其詞曰。大唐開洪業。巍巍皇猷昌。止戈戎衣定。修文繼百王。統天崇兩施。理物體含章。深仁偕日月。撫運邁陶唐。幡旗旣赫赫。鉦鼓何鏗鏗。外夷違命者。翦覆被天殃。淳風凝嶽顯。遐運競呈祥。四時和王燭。十曜巡萬方。維岳降

宰輔維帝任忠貞五三成一德昭我唐家光帝嘉之拜法敏為太府卿三年真德卒為舉哀詔以春秋嗣立為新羅王加授開府儀同三司封樂浪郡王六年百濟與高麗靺鞨率兵侵其北界攻陷三十餘城春秋遣使上表求救顯慶五年命左武衛大將軍蘇定方為熊津道大總管統水陸十萬仍令春秋為嶋夷道行軍總管與定方討平百濟俘其王扶餘義慈獻于闕下自是新羅漸有高麗百濟之地其界益大西至于海龍朔元年春秋卒詔其子太府卿法敏嗣位為開府儀同三司上柱國樂浪郡王新羅王三年詔以其國為鷄林州都督府授法敏為鷄林州都督法敏以開耀元年卒其子政明嗣位垂拱二年政明遣使來朝因上表請唐禮一部并雜文章則天令所寫吉凶要禮并於文館詞林採其詞涉規誡者勒成五十卷以賜之天授三年政明卒則天為之舉哀遣使弔祭冊立其子理洪為新羅王仍令襲父輔國大將軍行豹韜衛大將軍鷄林州都督理洪以長安二年卒則天為之舉哀輟朝二日遣立其弟與光為新羅王仍襲兄將軍都督之號與光本名與太宗同先天中則天改焉開元十六年遣使來獻方物又上表請令人就中國學問經教上許之二十一年渤海靺鞨越海入寇登州時與光族人金思蘭先因入朝留京師拜為太僕員外卿至是遣歸國發兵以討靺鞨仍加授與光為開府儀同三司寧海軍使二十五年與光卒詔贈太子太保仍遣左贊善大夫邢璣攝鴻臚少卿往新羅弔祭并冊立其子承慶襲父開府儀同三司新羅王璣將進發上製詩序太子以下及百寮咸賦詩以送之上謂璣曰新羅號為君子之國頗知書記有類中華以卿學術善與講論故選使充此到彼宜闡揚經典使知大國儒教之盛又聞其人多善弈碁因令善碁人率府兵曹楊季鷹為璣之副璣等至彼大為蕃人所敬其國碁者皆在季鷹之下於是厚賂璣等金寶及藥物等天寶二年承慶卒詔遣贊善大夫魏曜往弔祭之冊立其弟憲英為新羅王并襲其兄官爵大曆二年憲英卒國人立其子乾運為王仍遣其大臣金隱居奉表入朝貢方物請加冊命三年上遣倉部郎中兼御史中丞賜紫金魚袋錢崇敬持節齎冊書往弔冊之以乾運為開府儀同三司新羅王仍冊乾運母為太妃七年遣使金標石來

賀正授衛尉員外少卿放還八年遣使來朝并獻金銀牛黃魚牙納朝霞紬等九年至十二年比歲遣使來朝或一歲再至建中四年乾運卒無子國人立其上相金貞相為王貞元元年授貞相檢校太尉都督鷄林州刺史寧海軍使新羅王仍令戶部郎中蓋瑱持節冊命其年貞相卒立上相敬信為王令襲其官爵敬信即從兄弟也十四年敬信卒其子先敬信亡國人立敬信嫡孫俊邕為王十六年授俊邕開府儀同三司檢校太尉新羅王令司封郎中兼御史中丞韋丹持節冊命丹至鄆州聞俊邕卒其子重與無詔丹還承貞元年詔遣兵部郎中元季方持節冊重與為王元和元年十一月放衛衛王子金獻忠歸本國仍加試秘書監三年遣使金力奇來朝其年七月力奇上言貞元十六年奉詔冊臣故主金俊邕為新羅王母申氏為太妃妻叔氏為王妃冊使韋丹至中路知俊邕薨其冊却迴在中書省今臣還國伏請授臣以歸勅金俊邕等冊宜令鴻臚寺於中書省受領至寺宣授與金力奇令奉歸國仍賜其叔彥昇門戟令本國準例給四年遣使金陸珍等來朝貞元五年王子金靈章來朝貞元七年重與卒立其相金彥昇為王遣使金昌南等來告哀其年七月授彥昇開府儀同三司檢校太尉持節大都督鷄林州諸軍事兼持節充寧海軍使上柱國新羅國王彥昇妻貞氏冊為妃仍賜其宰相金崇斌等三人戟亦令本國準例給兼命職方員外郎攝御史中丞崔廷持節弔祭冊立以其質子金士信副之十一年十一月其入朝王子金士信等遇惡風飄至楚州鹽城縣界淮南節度使李鄴以聞是歲新羅飢其衆一百七十人求食於浙東十五年十一月遣使朝貢長慶二年十二月遣使金柱弼朝貢寶曆元年其王子金昕來朝大和元年四月皆遣使朝貢五年金彥昇卒以嗣子金景徽為開府儀同三司檢校太尉使持節大都督鷄林州諸軍事兼持節充寧海軍使新羅王景徽母朴氏為太妃妻朴氏為妃命太子左諭德兼御史中丞源寂持節弔祭冊立開成元年王子金義琮來謝恩兼宿衛二年四月放還藩賜物遣之五年四月鴻臚寺新羅國告哀質子及年滿合歸國學生等共一百五人並放還會昌元年七月勅歸國新羅官前入新羅宣慰副使前充兗州都督府司馬賜緋魚袋金雲卿可淄州長

史

倭國者古倭奴國也去京師一萬四千里在新羅東南大海中依山島而居東
西五月行南北三月行世與中國通其國居無城郭以木爲柵以草爲屋四面
小島五十餘國皆附屬焉其王姓阿每氏置一大宰檢察諸國皆畏附之設官
有十二等其訴訟者匍匐而前地多女少男頗有文字俗敬佛法並皆跣足以
幅布蔽其前後貴人戴錦帽百姓皆椎髻無冠帶婦人衣純色裙長腰襦束髮
於後佩銀花長八寸左右各數枝以明貴賤等級衣服之制頗類新羅貞觀五
年遣使獻方物太宗矜其道遠勅所司無令歲貢又遣新州刺史高表仁持節
往撫之表仁無綏遠之才與王子爭禮不宜朝命而還至二十二年又附新羅
奉表以通起居

日本國者倭國之別種也以其國在日邊故以日本爲名或曰倭國自惡其名
不雅改爲日本或云日本舊小國併倭國之地其人入朝者多自矜大不以實
對故中國疑焉又云其國界東西南北各數千里西界南界咸至大海東界北
界有大山爲限山外即毛人之國長安三年其大臣朝臣真人來貢方物朝臣
真人者猶中國戶部尙書冠進德冠其頂爲花分而四散身服紫袍以帛爲腰
帶真人好讀經史解屬文容止溫雅則天宴之於麟德殿授司膳卿放還本國
開元初又遣使來朝因請儒士授經詔四門助教趙玄默就鴻臚寺教之乃遣
玄默闊幅布以爲束修之禮題云白龜元年調布人亦疑其僞所得錫賚盡市
文籍泛海而還其偏使朝臣仲滿慕中國之風因留不去改姓名爲朝衡仕歷
左補闕儀王友衡留京師五十年好書籍放歸鄉逗留不去天寶十二年又遣
使貢上元中擢衡爲左散騎常侍鎮南都護貞元二十年遣使來朝留學生播
免勢學問僧空海元和元年日本國使判官高階真人上言前件學生藝業稍
成願歸本國便請與臣同歸從之開成四年又遣使朝貢

舊唐書卷一百九十九上

舊唐書卷一百九十九上考證

高麗傳領將軍常何○脫軍字今增
李步騎六萬趨遼東○脫遼字今增

百濟傳去歲王攻高麗新羅等使○臣西按前云與高麗和親又云太宗新征
高麗百濟懷二後又云高麗百濟唇齒相依則百濟之不伐高麗明矣此攻
字當是與字之訛或攻字下別有脫文

舊唐書卷一百九十九上考證

後晉司空同中書門下平章事劉昫撰

列傳第一百四十九

北狄

鐵勒

契丹

奚

室韋

靺鞨

渤海靺鞨

靺鞨

烏羅渾

鐵勒本匈奴別種自突厥強盛鐵勒諸郡分散衆漸寡弱至武德初有薛延陀契苾迴紇都播骨利幹多覽葛僕骨拔野古同羅渾部思結斛薛奚結阿跌白靺鞨散在磧北薛延陀者自云本姓薛氏其先擊滅延陀而有其衆因號爲薛延陀部其官方兵器及風俗大抵與突厥同初大業中西突厥處羅可汗始強大鐵勒諸部皆臣之而處羅徵稅無度薛延陀等諸部皆怨處羅大怒誅其酋帥百餘人鐵勒相率而叛共推契苾哥楞爲易勿真莫賀可汗居食汗山北又以薛延陀乙失鉢爲也啞小可汗居燕末山北西突厥射置可汗強盛延陀契苾二部並去可汗之號以臣之迴紇等六部在鬱督軍山者東屬于始畢乙失鉢所部在金山者西臣于葉護貞觀二年葉護可汗死其國大亂乙失鉢之孫曰夷男率其部落七萬餘家附于突厥遇頡利之政衰夷男率其徒屬反攻頡利大破之於是頡利部諸姓多叛頡利歸于夷男共推爲主夷男不敢當時太宗方圖頡利遣遊擊將軍喬師望從間道齎冊書拜夷男爲真珠毗伽可汗賜以鼓纛夷男大喜遣使貢方物復建牙於大漠之北鬱督軍山下在京師西北六千里東至靺鞨西至葉護南接沙磧北至俱倫山迴紇拔野古阿跌同羅僕骨靺鞨諸大部皆屬焉三年夷男遣其弟統特勒來朝太宗厚加撫接賜以寶刀及寶鞭謂曰汝所部有大罪者鞭之夷男甚喜四年平突厥頡利之後朔塞空虚夷男率其部東返故國建庭於都尉犍山北獨邏河之南在京師北三百里東至室韋西至金山南至突厥北臨瀚海即古匈奴之故地勝兵二十萬立其二子爲南北部太宗亦以其強盛恐爲後患十二年遣使備禮冊命拜其二子皆爲小可汗外示優崇實欲分其勢也會朝廷立李思摩爲可汗處其

部衆於漠南之地夷男心惡思摩甚不悅十五年太宗幸洛陽將有事於太山夷男謀於其國曰天子封太山萬國必會士馬皆集邊境空虚我於此時取思摩如拉朽耳因命其子大度設勒兵二十萬屯白道川據善陽嶺以擊思摩之部思摩遣使請救詔英國公李勣蒲州刺史薛萬徹率步騎數萬赴之踰白道川至青山與大度設相及追之累月至諾真水大度設知不脫乃亘十里而陳兵先是延陀擊沙鉢羅及阿史那社爾等以步戰而勝及其將來寇也先譚武於國中教習步戰每五人以一人經習戰陣者使執馬而四人前戰克勝即授馬以追奔失應接罪至於死沒其家口以賞戰人至是遂行其法突厥兵先合輒退延陀乘勝而逐之勳兵拒擊而延陀萬矢俱發傷我戰馬乃去馬步陣率長稍數百爲隊齊奮以衝之其衆潰散副總管薛萬徹率數千騎收其執馬者其衆失馬莫知所從因大縱斬首三千餘級獲馬萬五千匹甲仗輜重不可勝計大度設跳身而遁萬徹將數百騎追之弗及其餘衆大奔走相騰踐而死者甚衆伏屍被野夷男因乞與突厥和并遣使謝罪十六年遣其叔父沙鉢羅泥敦策斤來請婚獻馬三千匹太宗謂侍臣曰北狄世爲寇亂今延陀崛強須早爲之所朕熟思之唯有二策選徒十萬擊而虜之滅除凶醜百年無事此一策也若遂其來請結以婚姻緩縛羈縻亦足三十年安靜此亦一策也未知何者爲先司空房玄齡對曰今大亂之後瘡痍未復且兵凶戰危聖人所慎和親之策實天下幸甚太宗曰朕爲蒼生父母苟可以利之豈惜一女遂許以新與公主妻之因徵夷男備親迎之禮仍發詔將幸靈州與之會夷男大悅謂其國中曰我本鐵勒之小帥也天子立我爲可汗今復嫁我公主車駕親至靈州斯亦足矣於是稅諸部羊馬以爲聘財或說夷男曰我薛延陀可汗與大唐天子俱一國主何有自往朝謁如或拘留悔之無及夷男曰吾聞大唐天子聖德遠被日月所照皆來賓服我歸心委質冀得親天顏死無所恨然磧北之地必當有主捨我別求固非大國之計我志決矣勿復多言於是言者遂止太宗乃發使受其羊馬然夷男先無府藏調斂其國往返且萬里既涉沙磧無水草羊馬多死遂後期太宗於是停幸靈州既而其聘羊馬來至所耗將半議者以爲夷

狄不可禮義畜若聘財未備而與之婚或輕中國當須要其禮禮於是下詔絕其婚既而李思摩數遣兵侵掠之延陀復遣突利失擊思摩至定襄抄掠而去太宗遣英國公李勣援之見虜已出塞而還太宗以其數與思摩交兵重書責讓之十七年謂其使人曰薛爾可汗我父子並東征高麗汝若能寇邊者但當來也夷男遣使致謝復請發兵助軍太宗答以優詔而止其冬太宗拔遼東諸城破駐蹕陣而高麗莫離支潛令靺鞨誑惑夷男啗以厚利夷男氣懾不敢動俄而夷男卒太宗為之舉哀夷男少子肆葉護拔灼襲殺其兄突利失可汗而自立是為頡利俱利薛沙多彌可汗拔灼性褊急馭下無恩多所殺戮其下不附是時復以太宗尚在遼東遂發兵寇夏州將軍執失思力擊敗之虜其眾數萬拔灼輕騎遁去尋為迴紇所殺宗族殆盡其餘眾尚五六萬竄於西域又諸姓俟斤遞相攻擊各遣使歸命二十年太宗遣使江夏王道宗左衛大將軍阿史那社爾為瀚海道安撫大使右領軍大將軍執失思力領突厥兵代州都督薛萬徹營州都督張儉右驍衛大將軍契苾何力各統所部兵分道並進太宗親幸靈州為諸軍聲援既而道宗渡磧遇延陀餘眾數萬來拒戰道宗擊破之斬首千餘級萬徹又與迴紇相遇二將各遣使諭以綏懷之意其酋帥見使者皆頓顙歡呼請入朝太宗至靈州其鐵勒諸部相繼至數千人仍請列為州縣北荒悉平詔曰惟天為大合其德者弗違謂地蓋厚體其仁者光被故能彌綸八極輿蓋二儀振絕代之英聲畢天下之能事彼匈奴者與開闢而俱生奄有龍庭共上皇而並列僭稱驕子分天街於紫宸仰應旄頭抗大禮於皇極緬窺遠古能無力制自朕臨御天下二紀于茲粵以眇身一匡寰宇始勤勞於昧旦終致治於昇平曩者聊命偏師遂擒頡利今茲姑弘廟略已滅延陀雖靡駕出征未踰郊甸前驅所轡纒掩塞垣長策風行已振金微之表揚威電發遠襲沙場之外鐵勒諸姓迴紇月祿俟利發等總百餘萬戶散處北溟遠遣使人委身內屬請同編列並為州郡收其瀚海盡入提封解其辮髮並垂冠帶上鬱星昂歸於東井之躔下掩躡林袪入南山之圍混元已降殊未前聞無疆之業永貽來裔古人所不能致今既吞之前王所不能屈今咸滅之斯實書契所未有古

今之壯觀豈朕一人獨能蓋由上靈儲社錫以太康宗廟威靈成茲克定即宜備禮告于清廟仍頒示普天其後延陀西遁之眾共推夷男兄子咄摩支為伊特勿失可汗率部落七萬餘口西歸故地乃去可汗之號遣使奉表請居鬱督軍山北詔兵部尚書崔敦禮就加綏撫而諸部鐵勒素服薛延陀之眾及咄摩支至九姓渠帥莫不危懼朝議恐為磧北之患復令英國公李勣進加討擊勣率九姓鐵勒二萬騎至于天山咄摩支見官軍奄至惶駭不知所為且聞詔使蕭嗣業在迴紇中因而請降嗣業與之俱至京師詔授右武衛將軍賜以田宅咄摩支入國後鐵勒酋帥潛知其部落仍持兩端李勣因縱兵追擊前後斬五千餘級虜男女三萬計二十二年契苾迴紇等十餘部落以薛延陀亡散殆盡乃相繼歸國太宗各因其地土擇其部落置為州府以迴紇部為瀚海都督府僕骨為金微都督府多覽葛為燕然都督府拔野古部為幽陵都督府同羅部為龜林都督府思結部為盧山都督府渾部為臯蘭州斛薛部為高闕州奚結部為鷄鹿州阿跌部為鷄田州契苾部為榆溪州思結別部為躡林州白雲部為寘顏州凡一十三州拜其酋長為都督刺史給玄金魚以為符信又置燕然都護以統之是歲太宗以鐵勒諸部並皆內屬詔賜京城百姓大酺三日永徽元年延陀首領先逃逸者請歸國高宗更置溪彈州以安恤之至則天時突厥強盛鐵勒諸部在漠北者漸為所併迴紇契苾思結渾部徙于甘涼二州之地其骨利幹北距大海去京師最遠自古未通中國貞觀中遣使來朝貢遣雲鷹將軍康蘇密往慰撫之仍列其地為玄闕州俄又遣使隨蘇密使入朝獻良馬十匹太宗奇其駿異為之制名號為十驥一曰騰霜白二曰皎雪驄三曰凝露驄四曰懸光驄五曰決波輪六曰飛霞驄七曰發電赤八曰流金馭九曰朝麟紫十曰奔虹赤又為文以敘其事自延陀叛後朝貢遂絕契丹居黃水之南黃龍之北鮮卑之故地在京城東北五千三百里東與高麗鄰西與奚國接南至營州北至室韋冷陁山在其國南與奚西山相嶠地方二千里逐獵往來居無常處其君長姓大賀氏勝兵四萬三千人分為八部若有徵發諸部皆須議合不得獨舉獵則別部戰則同行本臣突厥好與奚鬪不利

則通保青山及鮮卑山其俗死者不得作塚墓以馬駕車送入大山置之樹上亦無服紀子孫死父母晨夕哭之父母死子孫不哭其餘風俗與突厥同武德初數抄邊境二年入寇平州六年其君長咄羅遣使貢名馬豐貂貞觀二年其君摩會率其部落來降突厥諷利遣使請以梁師都易契丹太宗謂曰契丹突厥本是別類今來降我何故索之師都本中國人據我州城以為盜竊突厥無故容納之我師往討便來救援計不久自當擒滅縱其不得終不以契丹易之太宗悅高麗至營州會其君長及老人等賜物各有差授其蕃長窟哥為左武衛將軍二十二年窟哥等部咸請內屬乃置松漠都督府以窟哥為左領軍將軍兼松漠都督府無極驍勇賜姓李氏顯慶初又拜窟哥為左監門大將軍其曾孫粘莫離則天時歷左衛將軍兼檢校彈汗州刺史歸順郡王又契丹有別部酋帥孫敖曹初仕隋為金紫光祿大夫武德四年與靺鞨酋長突地稽俱遣使內附詔令於營州城傍安置授雲麾將軍行遼州總管至曾孫萬榮垂拱初累授右玉鈐衛將軍歸誠州刺史封永樂縣公萬歲通天中萬榮與其妹塔松漠都督李盡忠俱為營州都督趙胡所侵侮二人遂舉兵殺胡據榮州作亂盡忠即窟哥之胤歷位右武衛大將軍兼松漠都督則天怒其叛亂下詔改萬榮名為萬斬盡忠為盡滅盡忠尋自稱無上可汗以萬斬為大將前鋒略地所向皆下旬日兵至數萬進逼檀州詔令右金吾大將軍張玄遇左鷹揚衛將軍曹仁師司農少卿麻仁節率兵討之與萬斬戰于西硤石谷官軍敗績玄遇仁節並為賊所虜又令夏官尚書王孝傑左羽林將軍蘇宏暉領兵七萬以繼之與萬斬戰于東硤石谷孝傑左陣陷沒宏暉棄甲而遁萬斬乘勝率其眾入幽州殺略人吏清邊道大總管建安郡王武攸宜遣裨將討之不能剋又詔左金吾大將軍河內王武懿宗為大總管御史大夫婁師德為副大總管右武衛將軍沙吒忠義為前軍總管率兵三十萬以討之俄而李盡滅死萬斬代領其眾萬斬又遣別帥駱務整何阿小為遊軍前鋒攻陷冀州殺刺史陸寶積屠官吏子女數千人俄而奚及突厥之眾掩擊其後掠其幼弱萬斬棄其眾以輕騎數千人東走前軍副總管張九節率數百騎設伏以邀之萬斬窮蹙乃將其家奴輕

騎宵遁至潞河東解鞍憩於林下其奴斬之張九節傳其首于東都自是其餘眾遂降突厥開元三年其首領李失活以默啜政衰率種落內附失活即盡忠之從父弟也於是復置松漠都督府封失活為松漠郡王拜左金吾衛大將軍兼松漠都督其所統八部各因舊帥拜為刺史又以將軍薛泰督軍以鎮撫之明年失活入朝封宗室外甥女楊氏為永樂公主以妻之六年失活死上為之舉哀贈特進失活從父弟娑固代統其眾遣使冊立仍令襲其兄官爵娑固大臣可突于驍勇頗得眾心娑固謀欲除之可突于反攻娑固娑固奔營州都督許欽澹令薛泰帥騎勇五百人又徵奚王李大輔者及娑固合眾以討可突于官軍不利娑固大輔臨陣皆為可突于所殺生拘薛泰營府震恐許欽澹移軍西入渝關可突于立娑固從父弟鬱于為主俄又遣使請罪上乃令冊立鬱于令襲娑固官爵仍赦可突于之罪十年鬱于入朝請婚上又封從妹夫率更令慕容嘉賓女為燕郡公主以妻之仍封鬱于為松漠郡王授左金吾衛員外大將軍兼靜析軍經略大使賜物千段鬱于還蕃可突于來朝拜左羽林將軍從幸并州明年鬱于病死弟吐于代統其眾襲兄官爵復以燕郡公主為妻吐于與可突于復相猜阻十三年攜公主來奔便不敢還改封遼陽郡王因留宿衛可突于立李盡忠弟邵固為主其冬車駕東巡邵固詣行在所因從至岳下拜左羽林軍員外大將軍靜析軍經略大使改封廣化郡王又封皇從外甥女陳氏為東華公主以妻之邵固還蕃又遣可突于入朝貢方物中書侍郎李元紘不禮焉可突于怏怏而去左丞相張說謂人曰兩蕃必叛可突于入面獸心唯利是視執其國政人心附之若不優禮廢之必不來矣十八年可突于殺邵固率部落奔奚眾降于突厥東華公主走投平盧軍於是詔中書舍人裴寬給事中薛保等於京城及關內河東河南河北分道募壯勇之士以忠王浚為河北道行軍元帥以討之師竟不行二十年詔禮部尚書信安王禕為行軍副大總管領眾與幽州長史趙含章出塞擊破之俘獲甚眾可突于率其麾下遠遁奚眾盡降禕乃班師明年可突于又來抄掠幽州長史薛楚玉遣副將郭英傑吳克勤鄒知義羅守忠率精騎萬人并領降奚之眾追擊之軍至渝關都山

之下可突于領突厥兵以拒官軍奚衆遂持兩端散走保險官軍大敗知義守忠率麾下遁歸英傑克勤沒干陣其下六千餘人盡為賊所殺詔以張守珪為幽州長史兼御史中丞以經略之可突于漸為守珪所逼遣使僞降俄又迴惑不定引衆漸向西北將就突厥守珪遣管紀王悔等就部落招諭之時契丹衙官李過折與可突于分掌兵馬情不叶每潛誘之過折夜勒兵斬可突于及其支黨數十人二十三年正月傳首東都詔封過折為北平郡王授特進檢校松漠州都督賜錦衣一副銀器十事絹綵三千疋其年過折為可突于餘黨泥禮所殺并其諸子唯一子刺乾走投安東得免拜左驍衛將軍天寶十年安祿山誣其會長欲叛請舉兵討之八月以幽州雲中平盧之衆數萬人就黃水南契丹衙與之戰祿山大敗而還死者數千人至十二年又降附迄于貞元常間歲來修藩禮貞元四年與奚衆同寇我振武大掠人畜而去九年十年復遣使來朝大首領悔落拽何已下各授官放還十一年大首領熱蘇等二十五人來朝自後至元和長慶寶曆太和開成時遣使來朝貞會昌二年九月制契丹新立五屈戌可雲應將軍守右武衛將軍員外置同正員幽州節度使張仲武上言屈戌等云契丹舊用迴紇印今懇請開奏乞國家賜印許之以奉國契丹之印為文

奚國蓋匈奴之別種也所居亦鮮卑故地即東胡之界也在京師東北四千餘里東接契丹西至突厥南拒白狼河北至靺鞨自營州西北饒樂水以至其國勝兵三萬餘人分為五部每部置俟斤一人風俗並於突厥每隨逐水草以畜牧為業遷徙無常居有氈帳兼用車為營牙中常五百人持兵自衛此外部落皆散居山谷無賦稅其人善射獵好與契丹戰爭武德中遣使朝貢貞觀二十二年酋長可度者率其所部內屬乃置饒樂都督府以可度者為右領軍兼饒樂都督封樓煩縣公賜姓李氏顯慶初又授右監門大將軍萬歲通天年契丹叛後奚衆皆屬突厥兩國常遞為表裏號曰兩蕃景雲元年其首領李大輔遣使貢方物睿宗嘉之宴賜甚厚延和元年左羽林將軍檢校幽州大都督孫儉率兵十二萬以襲其部落師次冷硯前軍左驍衛將軍李楷洛等與大輔會戰

我師敗績儉懼不敢進救遣使矯報大輔云我奉勅來此招諭將李楷洛等不受節度而輒用兵請斬以謝大輔曰若奉勅招諭有何國信物儉率軍中繒帛萬餘段并袍帶以與之大輔曰將軍可南還無相驚擾儉軍漸失部伍大輔乃率衆逼之由是大敗兵士死傷者數萬儉及副將周以悌為大輔所擒送于突厥默啜並遣使開元三年大輔遣其大臣粵蘇梅落來請降詔復立其地為饒樂州封大輔為饒樂郡王仍拜左金吾員外大將軍饒樂州都督五年大輔與契丹首領松漠郡王李失活咸請於柳城依舊置營州都督府上從之勅太子詹事羊師度充使督工作役八千餘人其年大輔入朝詔封從外甥女辛氏為固安公主以妻之賜物一千五百疋遣右領軍將軍李濟持節送還蕃八年大輔率兵救契丹戰死其弟魯蘇嗣立十年入朝詔令襲其兄饒樂郡王右金吾員外大將軍兼保塞軍經略大使賜物一千段仍以固安公主為妻而公主與嫡母未和遞相論告詔令離婚復以成安公主之女章氏為東光公主以妻之十四年又改封魯蘇為奉誠王授右羽林軍員外將軍十八年奚衆為契丹衙官可突于所脅復叛降突厥魯蘇不能制走投渝關東光公主奔歸平盧軍其秋幽州長史趙含章發清夷軍兵擊奚破之斬首二百級自是奚衆稍稍降二十年信安王禕奉詔討叛奚奚酋長李詩瑣高等以其部落五千帳來降詔封李詩為歸義王兼特進左羽林軍大將軍同正仍充歸義州都督賜物十萬段移其部落於幽州界安置天寶五載又封其王姿固為昭信王仍授饒樂都督自大曆後朝貢時至貞元四年七月奚及室韋寇振武十一年四月幽州奏邵奚六萬餘衆元和元年其王饒樂府都督襲歸誠王梅落來朝加檢校司空放還蕃三年以奚首領索低為右武威衛將軍同正充禮部兩州遊奕兵馬使仍賜姓李氏八年遣使來朝十一年遣使獻名馬爾後每歲朝貢不絕或歲中二三至故事常以范陽節度使為押奚契丹兩蕃使自至德之後藩臣多擅封壤朝廷優容之彼務自完不生邊事故二蕃亦少為寇其每歲朝貢常各遣數百人至幽州則選其酋渠三五十人赴闕引見於麟德殿錫以金帛遣還餘皆駐而館之率為常也

室韋者，契丹之別類也。居猗越河北，其國在京師東北七千里，東至黑水靺鞨，西至突厥，南接契丹，北至于海。其國無君長，有大酋領十七人，並號莫賀弗，世管攝之，而附于突厥。兵器有角弓、楛矢，尤善射。時聚弋獵，事畢而散。其人土著，無賦斂，或爲小室，以皮覆上，相聚而居，至數十百家，刻木爲犁，不加金刃。人牽以種，不解用牛。夏多霧雨，冬多霜霰，畜宜犬豕，養養而噉之。其皮用以爲韋，男子女人通以爲服，被髮左衽。其家富者，項著五色雜珠，婚嫁之法，男先就女舍，三年役力，因得親迎其婦。役日已滿，女家分其財物，夫婦同車而載，鼓舞共歸。武德中，獻方物，貞觀三年，遣使貢豐貂，自此朝貢不絕。又云，室韋，我唐有九部焉，所謂橫西室韋、山北室韋、黃頭室韋，大如者室韋小，如者室韋，遼蕭室韋，訥北室韋，駱駝室韋，並在柳城郡之東北，近者三千五百里，遠者六千二百里，今室韋最西與迴紇接界者，烏素固部落，當俱輪泊之西南，次東有移塞沒部落，次東又有塞曷支部落，此部落有良馬，人戶亦多，居噶河之南，其河彼俗謂之燕支河，次又有和解部落，次東又有烏羅護部落，又有那禮部落，又東北有山北室韋，又北有小如者室韋，又北有婆萬室韋，東又有橫西室韋，又東南至黃頭室韋，此部落兵強，人戶亦多，東北與達姪接，橫西室韋北，又有訥北支室韋，此部落校小，烏羅護之東北二百餘里，那河之北，有古烏丸之遺人，今亦自稱烏丸國。武德貞觀中，亦遣使來朝貢，其北大山之北，有大室韋部落，其部落傍望建河居，其河源出突厥東北界，俱輪泊，屈曲東流，經西室韋界，又東經大室韋界，又東經蒙兀室韋之北，落俎室韋之南，又東流與那河，忽汗河合，又東經南黑水靺鞨之北，北黑水靺鞨之南，東流注于海，烏丸東南三百里，又有東室韋部落，在猗越河之北，其河東南流，與那河合，開元天寶間，比年或間歲入貢，大曆中亦頻遣使來貢，貞元八年閏十二月，室韋都督和解熱素等一十人來朝，太和五年至八年，凡三遣使來，九年十二月，室韋大勝督阿成等三十人來朝，開成會昌中，亦遣使來朝貢不絕。

靺鞨蓋肅慎之地，後魏謂之勿吉，在京師東北六千餘里，東至於海，西接突厥，南界高麗，北鄰室韋，其國凡爲數十部，各有酋帥，或附於高麗，或臣於突厥，而

黑水靺鞨最處北方，尤稱勁健，每恃其勇，恆爲鄰境之患，俗皆編髮，性凶悍，無憂戚，貴壯而賤老，無屋宇，並依山水掘地爲穴，架木於上，以土覆之，狀如中國之塚墓，相聚而居，夏則出隨水草，冬則入處穴中，父子相承，世爲君長，俗無文字，兵器有角弓及楛矢，其畜宜猪，富人至數百口，食其肉而衣其皮，死者穿地埋之，以身襯土，無棺斂之具，殺所乘馬於屍前，設祭，有酋帥突地稽者，隋末率其部千餘家內屬，處之於營州，煬帝授突地稽金紫光祿大夫，遼西太守，武德初，遣間使朝貢，以其部落置燕州，仍以突地稽爲總管，劉黑闥之叛也，突地稽率所部赴定州，遣使詣太宗請受節度，以戰功封善國公，又徙其部落於幽州之昌平城，會高開道引突厥來攻幽州，突地稽率兵邀擊，大破之，貞觀初，拜右衛將軍，賜姓李氏，尋卒，子謹行，偉貌，武力絕人，麟德中，歷遷營州都督，其部落家僮數千人，以財力雄邊，爲夷人所懼，累拜右領軍大將軍，爲積石道經略大使，吐蕃論欽陵等率衆十萬人入寇，渾中，謹行兵士樵採，素不設備，忽聞賊至，遂建旗伐鼓，閉門以待之，吐蕃疑有伏兵，竟不敢進，上元三年，又破吐蕃數萬衆於青海，降重書勞勉之，累授鎮軍大將軍，行右衛大將軍，封燕國公，永淳元年卒，贈幽州都督，陪葬乾陵，自後或有酋長自來，或遣使來朝貢，每歲不絕，其白山部，素附於高麗，因收平壤之後，部衆多入中國，汜咄安居骨室等部，亦因高麗破後，奔散微弱，後無聞焉，縱有遺人，並爲渤海編戶，唯黑水部，全感，分爲十六部，部又以南北爲柵，開元十三年，安東都護薛泰請於黑水靺鞨內置黑水軍，續更以最大部落爲黑水府，仍以其首領爲都督，諸部刺史隸屬焉，中國置長史，就其部落監領之，十六年，其都督賜姓李氏，名獻誠，授雲麾將軍，兼黑水經略使，仍以幽州都督爲其押使，自此朝貢不絕。

渤海靺鞨大祚榮者，本高麗別種也，高麗既滅，祚榮率家屬徙居營州，萬歲通天年，契丹李盡忠反叛，祚榮與靺鞨乞四比羽各領亡命東奔，保阻以自固，盡忠既死，則天命右玉鈐衛大將軍李楷固率兵討其餘黨，先破斬乞四比羽，又度天門嶺以迫祚榮，祚榮合高麗靺鞨之衆以拒楷固，王師大敗，楷固脫身而還，屬契丹及奚盡降，突厥道路阻絕，則天不能討，祚榮遂率其衆東保桂婁之

故地據東牟山築城以居之。祚榮驍勇善用兵，鞞鞞之衆及高麗餘燼，稍稍歸之。聖曆中自立爲振國王。遣使通于突厥，其地在營州之東二千里。南與新羅相越，喜鞞鞞東北至黑水鞞鞞地方二千里，編戶十餘萬，勝兵數萬人。風俗與高麗及契丹同，頗有文字及書記。中宗即位，遣侍御史張行表往招慰之。祚榮遣子入侍，將加冊立。會契丹與突厥連歲寇邊，使命不達。睿宗先天二年，遣將崔訢往冊拜祚榮爲左驍衛員外大將軍、渤海郡王，仍以其所統爲忽汗州。加授忽汗州都督。自是每歲遣使朝貢。開元七年，祚榮死，玄宗遣使弔祭，乃冊立其嫡子桂婁郡王大武藝襲父爲左驍衛大將軍、渤海郡王、忽汗州都督。十四年，黑水鞞鞞遣使來朝，詔以其地爲黑水州，仍置長史。遣使鎮押。武藝謂其屬曰：「黑水途經我境，始與唐家相通，舊請突厥吐屯，皆先告我同去，今不計會，即請漢官，必是與唐家通謀，腹背攻我也。」遣母弟大門藝及其舅任雅相發兵以擊黑水。門藝曾充質子至京師，開元初還國，至是謂武藝曰：「黑水請唐家官吏，即欲擊之，是背唐也。」唐國人衆兵強，萬倍於我，一朝結怨，但自取滅亡，昔高麗全盛之時，強兵三十餘萬，抗敵唐家，不事實伏唐兵一臨，掃地俱盡。今日渤海之衆，數倍少於高麗，乃欲違背唐家，事必不可。武藝不從。門藝兵至境，又上書固諫。武藝怒，遣從兄大壹夏代門藝統兵徵門藝欲殺之。門藝遂棄其衆，間道來奔。詔授左驍衛將軍。武藝尋遣使朝貢，仍上表極言門藝罪狀，請殺之。上密遣門藝往安西，仍報武藝云：「門藝遠來歸投，義不可殺。今流向嶺南，已遣去訖，乃留其使馬文軌，恐勿雅別遣使報之，俄有洩其事者。」武藝又上書云：「大國示人以信，豈有欺誑之理？今聞門藝不向嶺南，伏請依前殺却，由是虜虜少。卿李道邃源復以不能督察官屬，致有漏洩，左遷道邃爲曹州刺史，復爲澤州刺史。遣門藝整向嶺南以報之。」二十年，武藝遣其將張文休率海賊攻登州。刺史韋俊詔遣門藝往幽州徵兵以討之，仍令太僕員外卿金思蘭往新羅發兵以攻其南境。屬山阻寒凍，雪深丈餘，兵士死者過半，竟無功而還。武藝懷怨不已，密遣使至東都，假刺客刺門藝於天津橋南。門藝格之不死，詔河南府捕獲其賊，盡殺之。二十五年，武藝病卒，其子欽茂嗣立。詔遣內侍段守簡往冊欽茂。

爲渤海郡王，仍嗣其父爲左驍衛大將軍。忽汗州都督欽茂承詔，赦其境內，遣使隨守簡入朝貢獻。大曆二年至十年，或頻遣使來朝，或間歲而至，或歲內二三至者。十二年正月，遣使獻日本國舞女一十一人及方物。四月，十二月使復來。建中三年五月，貞元七年正月，皆遣使來朝，授其使大常璫爲衛尉卿。同正令遺蕃八月，其王子大貞翰來朝，請備宿衛。十年正月，以來朝王子大清允爲右衛將軍。同正，其下三十餘人，拜官有差。十一年二月，遣內常侍殷志贍冊大嵩璘爲渤海郡王。十四年，加銀青光祿大夫、校檢司空，進封渤海郡王。嵩璘父欽茂，開元中襲父位爲郡王。左金吾大將軍、天寶中累加特進、太子詹事、賓客、寶應元年，進封國王。大曆中累加拜司空、大尉，及嵩璘襲位，但授其郡王將軍而已。嵩璘遣使敘理，故再加冊命。十一月，以王姪大能信爲左驍衛中郎將，虞候、婁蕃長、都督、茹富仇，爲右武衛將軍。放還。二十一年，遣使來朝。順宗加嵩璘金紫。光祿大夫、檢校司空、元和元年十月，加檢校太尉。十二月，遣使朝貢。四年，以嵩璘男元瑜爲銀青光祿大夫、檢校秘書監。忽汗州都督，依前渤海國王。五年，遣使朝貢者。二年，亦遣使來朝。八年正月，授元瑜弟權知國務。言義銀青光祿大夫、檢校秘書監、都督、渤海國王。遣內侍李重晏使焉。十三年，遣使來朝。且告哀。五月，以知國務大仁秀爲銀青光祿大夫、檢校秘書監、都督、渤海國王。十五年閏正月，遣使來朝。加大仁秀金紫。光祿大夫、檢校司空。十二月，復遣使來朝。貢長慶二年正月，又遣使來。四年二月，大敦等五人來朝，請備宿衛。寶曆中，比歲修貢。太和元年，四年，皆遣使來朝。五年，大仁秀卒，以權知國務大彝震爲銀青光祿大夫、檢校秘書監、都督、渤海國王。六年，遣王子大明俊等來朝。七年正月，遣同中書右平章事高寶英來謝冊命。仍遣學生三人隨寶英請赴上都學問。先遣學生三人事業稍成，請歸本國。許之。二月，王子大先晟等六人來朝。開成後，亦修職貢不絕。

嚮，匈奴之別種也。居于潢水北，亦鮮卑之故地。其國在京師東北五千里，東接靺鞨，西至突厥，南至契丹，北與烏羅渾接。地周二千里，四面有山環繞。其境人多善射獵，好以赤皮爲衣緣，婦人貴銅劍，衣襟上下懸小銅鈴，風俗略與契丹

同有都倫乾斤部落四萬戶。勝兵萬餘人。貞觀三年。其君長遣使貢方物。烏羅渾國。蓋後魏之烏洛侯也。今亦謂之烏羅護。其國在京師東北六千三百里。東與靺鞨。西與突厥。南與契丹。北與烏丸。接風俗與靺鞨同。貞觀六年。其君長遣使獻貂皮焉。

史臣曰。北狄密邇中華。侵邊蓋有之矣。東夷隔礙瀛海。作梗罕常聞之。非惟勢使之然。抑亦稟於天性。太平之人。仁空峒之人。武信矣。隋煬帝縱欲無厭。與兵遠左。急斂暴欲。由是而起。亂臣賊子。得以爲資。不戢自焚。遂亡其國。我太宗文皇帝親馭戎輅。東征高麗。雖有成功。所損亦甚。及凱還之日。顧謂左右曰。使朕有魏徵在。必無此行矣。則是悔於出師也。可知矣。何者。夷狄之國。猶石田也。得之無益。失之何傷。必務求虛名以勞有用。但當修文德以來之。被聲教以服之。擇信臣以撫之。謹邊備以防之。使重譯來庭。航海入貢。茲庶得其道也。贊曰。東夷之人。北狄之俗。爰考周官。是稱蠻服。未得無傷。已得何足。宜務懷柔。謂之羈束。

舊唐書卷一百九十九下

舊唐書卷一百九十九下考證

渤海靺鞨傳李盡忠反叛。祚榮與靺鞨乞四比羽各領亡命。東奔保阻。以自固。

○臣四 按新書李盡忠反時。有乞乞仲象者。與乞四比羽東走。渡遠水。保太白山之東北。阻裏婁河。自固。據此。則與比羽保阻者。非祚榮也。兩書互異。

自立爲振國王。○新書作震。臣四 按祚榮之父仲象。武后封震國公。則振當作震。爲合。

舊唐書卷一百九十九下考證

舊唐書卷一百九十九下考證

後晉司空同中書門下平章事劉昫撰
列傳第一百五十

安祿山子慶緒 高尙 孫孝哲 史思明子朝義

安祿山營州柳城雜種胡人也本無姓氏名軋華山母阿史德氏亦突厥巫師以下爲業突厥呼爾戰爲軋華山遂以名之少孤隨母在突厥中將軍安波至兄延偃妻其母開元初與將軍安道買男俱逃突出厥中道買次男貞節爲鳳州別駕收獲之年十餘歲以與其兄及延偃相攜而出感媿之約與恩順等並爲兄弟冒姓爲安及長解六蕃語爲互市牙郎二十年張守珪爲幽州節度祿山盜羊事覺守珪刺坐欲棒殺之大呼曰大夫不欲滅兩蕃耶何爲打殺祿山守珪見其肥白壯其言而釋之令與鄉人史思明同捉生行必剋獲拔爲偏將常嫌其肥以守珪威風素高畏懼不敢飽食以勝勇聞遂養爲子二十八年爲平盧兵馬使性巧黠人多譽之授營州都督平盧軍使厚賂往來者乞爲好言玄宗益信擢之天寶元年以平盧爲節度以祿山攝中丞爲使入朝奏事玄宗益寵之三載代裴寬爲范陽節度河北採訪平盧軍等使如故採訪使張利貞常受其賂數載之後黜陟使席建侯又言其公直無私裴寬受代及李林甫順旨並言其美數公皆信臣玄宗意益堅不搖矣後請爲貴妃養兒入對皆先拜太真玄宗怪而問之對曰臣是蕃人蕃人先母而後父玄宗大悅遂命楊鈺已下並約爲兄弟姊妹六載加大夫常令劉駱谷奏事與王俱俱爲大夫李林甫爲相朝臣莫敢抗禮祿山承恩深入謁不甚罄折林甫命王銜銜趨拜謹甚祿山悚息腰漸曲每與語皆揣知其情而先言之祿山以爲神明每見林甫雖感冬亦汗洽林甫接以温言中書廳引坐以己披袍覆之祿山欣荷無所隱呼爲十郎駱谷奏事先問十郎何言有好言則喜躍若但言大夫須好檢校則反手據牀曰阿與我死也李龜年嘗數其說玄宗以爲笑樂晚年益肥壯腹垂過膝重三百三十斤每行以肩膊左右攙挽其身方能移步至玄宗前作胡旋舞疾如風焉爲置第宇窮極壯麗以金銀爲篋篋籠等上御勤政樓於御坐東爲

設一大金雞障前置一榻坐之卷去其簾十載入朝又求爲河東節度因拜之男十一人長子慶宗太僕卿少子慶緒鴻臚卿慶宗又尙郡主祿山陰有逆謀於范陽北築雄武城外示禦寇內貯兵器積穀爲保守之計戰馬萬五千匹牛羊稱是兼三道節度進奏無不允引張通儒李庭堅平列李史魚獨孤閻俗在幕下高尙掌書記劉駱谷留居西京爲耳目安守忠李歸仁蔡希德牛庭珣向潤客崔乾祐尹子奇何千年武令珣能元皓田承嗣田乾真皆拔於行間每月進奉生口駝馬鷹犬不絕人無聊矣既肥大不任戰前後十餘度欺誘契丹宴設酒中著寶碧子預掘一坑待其昏醉斬首埋之皆不覺死每度數十人十一載八月祿山併率河東等軍五六萬號十五萬以討契丹去平盧千餘里至土護真河即北黃河也又倍程三百里奄至契丹牙帳屬久雨弓箭皆漲濕將士困極爰又夾攻之殺傷略盡祿山被射折其玉簪以壓下奚小兒二十餘人走上山壁坑中其男慶緒等扶持之會夜解走投平盧城楊國忠屢奏祿山必反十二載玄宗使中官輔璆琳覘之得其賄賂感言其忠國忠又云召必不至洎召之而至十三載正月謁於華清宮因涕泣言臣蕃人不識字陛下擢臣不次被楊國忠欲得殺臣玄宗益親厚之遂以爲左僕射却迴其月又請爲閑廐龍右羣牧等使奏吉温爲武部侍郎兼中丞爲其副又請知總監事既爲閑廐羣牧等使上筋脚馬皆陰選擇之奪得樓煩監牧及奪張文儼馬牧三月一日歸范陽疾行出關日行三四百里至范陽人言反者玄宗必大怒縛送與之十四載玄宗又召之託疾不至賜其子婚令就朝禮又辭十一月反于范陽稱奉恩命以兵討逆賊楊國忠以諸蕃馬步十五萬夜半行平明食日六十里以高尙嚴莊爲謀主孫孝哲高邈何千年爲腹心天下承平日久人不知戰聞其兵起朝廷震驚禁衛皆市井商販之人乃開左藏庫出錦帛召募因以高仙芝封常清等相次爲大將以擊之祿山令嚴肅得士死力無不一當百遇之必敗十二月度河至陳留郡河南節度張介然城陷死之傳首河北陳留郡門祿山男慶緒見誅慶宗榜泣告祿山祿山在聲中驚哭曰吾子何罪而殺之狂而怒官軍之降者夾道命交相斫焉死者六七千人遂入陳留郡太守郭納初拒戰

至是出降。至榮陽。太守崔無敵拒戰。城陷。死之。次于泥水。鬻子谷。將軍荔非守瑜。踰而射之。殺數百人。矢及祿山。輿祿山不敢過。乃取谷南而過。守瑜箭盡。投河而死。東京留守李愷。中丞盧奕。探訪使判官蔣清。燒絕河陽橋。祿山怒。率軍大至。封常清自苑西墮牆。使伐樹塞路。而奔祿山。入東京。殺李愷。盧奕。蔣清。召河南尹達奚珣。使之蒞事。初。常清欲殺珣。恐應賊愷。奕諫止之。常清既敗。唯與數騎走。至陝郡。高仙芝率兵守陝城。皆棄甲。西走潼關。懼賊追躡。相蹂藉而死。者塞路。陝郡太守竇庭芝。走投河東。賊使崔祐。守陝郡。臨汝太守韋城。降于賊。十五年正月。賊竊號燕國。立年聖武。達奚珣已下。署為丞相。五月。兩陽節度魯吳。率荆襄。黔中。嶺南。子第十萬餘。與賊將武令珣。戰于葉縣。城北。洹河。王師盡沒。六月。李光弼。郭子儀。出土門路。大破賊衆。於常山。郡東。嘉山。河北。諸郡。歸降者十餘。祿山窘急。圖欲却投范陽。會哥舒翰。自潼關。領馬步八萬。與賊將崔乾祐。戰于靈寶。西為賊覆敗。翰。西奔潼關。為其帳下執送于賊。關門不守。玄宗幸蜀。太子收兵。靈武。賊乃遣張通。備為西京留守。田乾真。為京兆尹。安守忠。屯兵施中。十一月。遣阿史那承慶。攻陷潁川。屠之。祿山以體肥。長帶瘡。及造逆後。而眼漸昏。至是不見物。又著疽疾。俄及至德二年正月朔。受朝。瘡甚。而中罷。以疾加躁急。動用斧鉞。嚴莊亦被捶撻。莊乃日夜謀之。立慶緒於戶外。莊持刀。領壁。李豬兒。同入祿山帳內。豬兒以大刀。斫其腹。祿山眼無所見。牀頭常有一刀。及覺難作。捫牀頭不得。但撼帷帳。大呼曰。是我家賊。腹腸已數斗。流在牀上。言訖。氣絕。因掘牀下。深數尺。為坑。以氈。裹包其屍。埋之。又無哭泣之儀。莊即宣言於外。言祿山。傳位於晉王。慶緒。尊祿山。為太上皇。慶緒。縱樂飲酒。無度。呼莊。為兄事之。大小必咨之。初。豬兒。出契丹。部落。十數歲。事祿山。甚。詰慧。祿山。持刀。盡去其勢。血流數升。欲死。祿山。以灰火。傳之。盡日。而蘇。因為。聞人。祿山。頗寵之。最見信用。祿山。肚大。每著衣帶。三四人。助之。兩人。擡起。肚。豬兒。以頭戴之。始取裙褲。帶及繫腰帶。玄宗。寵祿山。賜華清宮。湯浴。皆許。豬兒。等。入。助解。著衣服。然終見。刺者。豬兒。也。慶緒。祿山。第二子也。母康氏。祿山。糟糠之妻。慶緒。善騎射。祿山。偏愛之。未二十。拜鴻臚卿。兼廣陽太守。初。名仁執。玄宗。賜名。慶緒。為祿山。都知

兵馬使。嚴莊。高尚。立為僞主。慶緒。素懦弱。言詞無序。莊。恐衆不伏。不令見人。莊為僞御史大夫。馮翊郡王。以專其政。厚其軍將官秩。以固其心。二月。肅宗。南幸鳳翔郡。始知祿山。死。使僕固懷恩。使于迴紇。結婚。請兵討逆。其月。郭子儀。拔河東郡。崔乾祐。南遁。八月。迴紇。三千騎。至。九月。廣平王。領蕃漢之衆。收西京。走安守忠。賊之死者。積如山。阜。十月。賊將。尹子奇。攻陷。臨陽郡。殺張巡。姚閻。等。王師乘勝。至陝郡。賊懼。令嚴莊。領其驍勇。而來拒。廣平王。遣副元帥。郭子儀。等。與賊戰于陝西。曲沃。大破之。於新店。逐北二十里。斬首十餘萬。伏屍三十里。嚴莊。奔至東京。告慶緒。慶緒。率其餘衆。奔河北。保鄴郡。嚴莊。至河內。南來歸順。賊將。阿史那承慶。等。麾下三萬餘人。悉奔恆趙。范陽。從慶緒者。唯疲卒一千三百而已。僞中書令。張通。備。秉政。改相州。為成安府。署置百官。旬日之內。賊將。各以衆至者。六萬餘。兇威。復振。僞青齊。節度。能元皓。獨率衆歸順。明年。改乾元。元年。僞德州。刺史。王暉。貝州。刺史。宇文寬。等。皆歸順。河北。諸軍。各以城守。累月。賊使。蔡希德。安太清。急擊。復陷於賊。虜之以歸。樹食其肉。其下潛謀歸順者。衆矣。賊皆易置之。以縱屠戮。人心始離。又不親政事。繕治亭。招樓船。為長夜之飲。高尚。等各不相叶。蔡希德。兵最銳。性剛直。張通。備。證。而殺之。三軍。冤痛。不為用。以崔乾祐。為天下兵馬使。權領中外兵。乾祐。性。愷。士卒。不附。九月。肅宗。遣郭子儀。等。九節度。率步騎二十萬。攻之。以魚朝恩。為軍容使。初。子儀。之列陣也。使善射者三千人。伏於壘垣內。明日。接戰。子儀。麾其屬。僞奔。慶緒。逐之。伏者。齊發。賊黨。大潰。使薛嵩。求救於史思明。言。禪讓之禮。思明。先遣李歸仁。以步卒一萬。馬軍三千。先往。滎陽。以應。及至。滎陽。子儀。之圍已固。築城。穿壕。各三重。樓櫓之盛。古所未有。又引水。以灌城。下城中。水。泉。大上。井皆滿溢。以安太清。代乾祐。為都知兵馬使。思明。南攻魏州。節度使。崔光遠。南走。思明。據其城。數日。即乾元二年正月一日也。思明。僞稱。燕王。立年號。慶緒。自十月。被圍。至二月。城中。人相食。米。斗。錢七萬餘。鼠。一頭。直數千。馬。食。積。糞。麥。麩。及馬糞。濯而飼之。思明。引衆來救。三月六日。子儀。等。戰。敗。遂解圍。而南。斷河陽橋。以守穀水。思明。領其衆。營於鄴縣。南。慶緒。使。收子儀。等。營中糧。尚六七萬石。復與。孫孝哲。乾祐。謀。閉門。自守。議。更。拒

思明諸將曰今日安可更背史王乎張通儒高尙平列謂慶緒曰史王遠來臣等皆合迎謝對曰任公整往見思明思明與之涕泗厚其禮復命歸城經三日慶緒不至思明密召安太清令誘之慶緒不獲已以三百騎詣思明思明引入令三軍擐甲執兵待之及諸第領至于庭再拜稽首曰臣不克負荷棄失兩都久陷重圍不意大王以太上皇故將兵遣救思明曰棄失兩都用兵不利亦何事也爾爲人子殺汝父以求位庸非大逆乎吾爲太上皇討賊即垂出并其四第及高尙孫孝哲崔乾祐皆殺之祿山父子僭逆三年而滅初王師之圍相州也意朝夕屠陷唯術士桑道茂曰三月六日西師必散此城無憂卒如其言高尙幽州雍奴人也本名不危母老乞食於人尙周遊不歸侍養寓居河朔縣界與令狐潮鄰里通其婢生一女遂收之尙頗篤學瞻文詞嘗嘆息謂汝南周銑曰高不危寧當舉事而死終不能咬草根以求活耳縣尉有姓高者以其宗盟引置門下遂以尙入籍爲兄弟李齊物爲懷州刺史舉高尙不仕送京師并助錢三萬齊物寓書於中官將軍吳懷實以託之懷實引見高力士置賓館中令與男丞相錫爲學無問家事一以委之無何令妻父呂令皓特表薦之天寶元年拜左領軍倉曹參軍同正員六載安祿山奏爲平盧掌書記出入祿山臥內祿山肥多睡尙執筆在旁或通宵焉繇是寢親厚之遂與祿山解圍讖勸其反天寶十一年祿山表爲屯田員外郎及隨祿山寇陷東京僞授中書侍郎僞敕書制勅多出其手始尙與嚴莊孫孝哲計畫曰祿山以爲事必成及顏杲卿殺李欽溙於土門揚聲言樂王琬哥舒翰二十萬衆徇河北十七郡皆歸順顏真卿破袁知奉三萬衆於堂邑賀蘭進明再拔信都李光弼郭子儀繼收常山趙郡河北路絕者再河南諸郡皆有防禦潼關有哥舒翰之師祿山大懼怒尙等曰汝元向我道萬全必無所畏今四邊若此賴卿汁數州尙存向西至關一步不通河北並已無矣萬全何在更不須見我尙等遂數日不得見祿山憂悶不知所爲會田乾真自潼關至曉諭祿山曰自古帝王皆有勝敗然後成大事豈有一舉而得之者乎今四邊兵馬雖多皆非精銳豈我之比縱事不成收取數萬衆橫行天下爲一盜跖亦十年五歲矣豈有人能制我耶尙莊等皆佐命

元勳何得隔絕不與相見令其愛懼只此數人豈不能爲患乎外間聞之必心搖動祿山喜曰阿浩非汝誰能開豁我心裏事今無憂矣爲之奈何乾真曰不如喚取慰勞之遂召尙等飲宴作樂祿山自唱歌以送酒待之如初阿浩乾真小字也及慶緒至相州僞授侍中

孫孝哲契丹人也母爲祿山所通因得狎近及祿山僭逆僞授殿中監開殿使封王孝哲尤用事亞於嚴莊裘馬華侈頗事豪貴每食皆備珍饈性殘忍果於殺戮聞者畏之祿山使孝哲與張通儒同守西京妃王宗枝皆懼其酷與嚴莊爭權不睦及祿山死奪其使以鄧季陽代之慶緒之奔莊懼爲所圖因而來奔史思明本名宰干營州軍夷州突厥雜種胡人也姿瘦少鬚髮爲肩偃背厥目側鼻性急躁與安祿山同鄉里先祿山一日生思明除日生祿山歲日生及長相善俱以驍勇聞初事特進烏知義每令騎規賊必生擒以歸又解六蕃語與祿山同爲互市郎張守珪爲幽州節度奏爲折衝天寶初頗立戰功至將軍知平盧軍事嘗入奏玄宗賜坐與語甚奇之問其年曰四十矣玄宗撫其背曰卿貴在後勉之遷大將軍北平太守十一載祿山奏授平盧節度都知兵馬使十四載安祿山反命思明討饒陽等諸郡陷之十五載正月六日思明與蔡希德圍顏杲卿於常山九日拔之又圍饒陽二十九日不能拔李光弼出土門拔常山郡思明解圍而拒光弼光弼列兵於城南相持累月光弼草盡使精卒以車數乘於旁縣取草輒被擊之其後率十匹唯共得兩束草至劉蕡薦以飼之初祿山以賈循爲范陽留後謀歸順爲副留守向潤客所殺以思明代之又以征戰在外令向潤客代其任四月朔方節度郭子儀以朔方蕃漢二萬人自土門而至常山軍威遂振南拔趙郡思明退保博陵五月十日子儀光弼擊之敗思明於沙河上又攻之思明以騎卒奔嘉山光弼擊之思明大敗走入博陵郡光弼圍之城幾拔屬潼關失守肅宗理兵于朔方使中官邢延恩追朔方河東兵馬光弼入土門思明隨後傲擊之已而迴軍併行擊劉正臣正臣易之初不設備遂棄軍保北平正臣妻子及軍資二千乘盡沒思明將卒頗精銳皆平盧戰士南拔常山趙郡又攻河間爲尹子奇所圍已四十餘日顏真卿使和琳以一

萬二千人馬百匹以救之。至河間二十餘里，北風勁烈，駭不相聞。賊縱擊之，擒和琳以至城下。思明既至，合勢，賊軍益盛。李奐為賊所擒，送東京。又攻景城，擒李暉，暉投河而死。遂使康沒野波攻平原，真卿覺之，兵馬既盡，渡河而南。攻清河，糧盡城陷。擒太守王懷忠以獻。祿山將軍莊嗣賢圍烏承恩於信都，承恩母妻先為安祿山所獲。思明獲其男從則，使諭承恩，承恩遂降。思明與之把臂飲酒，饒陽陷。李系投火死。河北悉陷。尹子奇以五萬眾渡河至青州，欲便向江淮。會迴紇二千騎奄至范陽，范陽閉門二日，然後向太原。子奇行千里以救之。二年正月，思明以蔡希德合范陽上黨兵馬十萬圍李光弼於太原。光弼使為地道至賊陣前，驍賊方戲弄城中人，地道中人出擒之，敵以為神，呼為地藏。菩薩。思明留十月，會安祿山死。慶緒令歸范陽，希德留百餘日，皆不能拔而歸。自祿山陷兩京，常以駱駝運兩京御府珍寶於范陽，不知紀極。由是恣其逆謀。思明轉驕，不用慶緒之命。安慶緒為王師所敗，投鄆郡。其下蕃漢兵三萬人，初不知所從。思明擊殺三千人，然後降之。慶緒使阿史那承慶安守忠徵兵於思明，且欲圖之。判官耿仁智、忠謀之士謂思明曰：大夫崇重，人不敢言。仁智請一言而死。思明曰：試言之。對曰：大夫久事祿山，祿山兵權若此，誰敢不服。如大夫比者，逼於兇威耳，固亦無罪。今聞幸感皇帝聰明，勇智有少康周宣之略，大夫發使輸誠，必開懷見納。此轉禍為福之上策也。思明曰：善。承慶等以五千騎至范陽。思明悉眾介冑以逆之。眾且數萬，去之一里，使謂之曰：相公及王遠至，將士等不勝喜躍。此皆邊兵法，懼，頗懼相公之來，莫敢進也。請弛弓以安之。從之。思明遂以承慶守忠入內廳，飲樂之。別令諸將於其所分收其甲仗。其諸郡兵皆給糧，恣歸之。欲留者分隸諸營。遂拘承慶、斬守忠。李光弼使衙官敬僉招之，遂令衙官賈子昂奉表以所管兵眾八萬人及以偽河東節度高秀巖來降。肅宗大悅，封歸義王。范陽長史御史大夫河北節度使朝義已下并為列卿。秀巖雲中太守以其男如岳等七人為大官，使內侍李思敬將軍為承恩宣慰使，令討殘賊。明年改乾元元年。四月，肅宗使高承恩為副使，候伺其過而殺之。初承恩父知義為節度，思明常事知義，亦有開獎之恩。以此李光弼冀其

無疑，因謀殺之。承恩至范陽，數漏其情，夜取婦人衣，詰諸將家，以翻動之意諭之。諸將以白思明，其懼無以為驗。有頃，承恩與思敬從上京來，宣恩命，畢將歸。私第，思明留承恩且於館中，明當有所議。已令韓其所獲之牀，伏二人于其下。承恩有小男先留范陽，思明令省其父，夜後私於其子，曰：吾受命除此逆，明便授吾節度矣。牀下二人叫呼而出，以告思明。思明令執之，搜其衣囊，得朝廷所與阿史那承慶鐵券及光弼與承恩之牒。云承慶事了，即付鐵券，不可付之。又得簿書數百紙，皆載先所從反軍將名。思明語之曰：我何負於汝，而至是耶。承恩稱死罪。此大尉光弼之謀也。思明集軍將官吏百姓，西向大哭曰：臣以十三州之地，十萬眾之兵降國家，赤心不負陛下，何至殺臣。因擄殺承恩父子。因李思敬遣使表其事。朝廷又令中使慰諭云：國家與光弼無此事，乃承恩所為殺之善也。又有使從京至，執三司議罪人狀。思明曰：陳希烈已下，皆重臣，上皇棄之，幸蜀既收復天下，此輩當慰勞之。今尚見殺，況我本從祿山反乎。諸將皆云：為承恩之前事情狀可知。光弼尚在，憂不細也。大夫何不取諸將狀以誅光弼，以謝河北百姓。主上若不惜光弼，為大夫誅之。大夫乃安。不然，為患未已。思明曰：公等言是，乃令耿仁智、張不矜修表請誅光弼，以謝河北。若不從臣請，臣則自領兵往太原誅光弼。不矜初以表示思明，及封入函，耿仁智盡削去之。寫表者密告思明，思明大怒，執二人於庭曰：汝等何得負我命。斬之。仁智事思明頗久，意欲活之，却令召入，謂之曰：我任使汝向三十年，今日之事，我不負汝。仁智大呼曰：人生固有一死，須存忠節。今大夫納邪說，為叛逆之計，縱延旬月，不如早死。請速加斧鉞。思明大怒，亂捶殺之。腦流于地。十月，郭子儀領九節度圍相州。安慶緒偷道求救於思明。思明懼軍威之威，不敢進。十二月，肅宗以魏州歸順，詔遣崔光遠替之。思明擊而拔其城，光遠脫身南渡。思明於魏州殺三萬人，平地流血數日。即乾元二年正月一日也。思明於魏州北設壇，僭稱為大聖燕王，以周贛為行軍司馬。三月，引眾救相州。官軍敗而引退。思明召慶緒等殺之，併有其眾。四月，僭稱大號。以周贛為相，以范陽為燕京。九月，寇汴州。節度使許叔冀合於思明，明益振又陷洛陽。與太尉光弼相拒。思明恣行兇暴，下

無聊矣。上元二年，潛遣人反說官軍曰：洛中將士皆幽朔人，咸思歸。魚朝恩以爲然，告光弼及諸節度使，懷恩、衛伯玉等可速出兵以討殘賊。光弼等然之，乃出師兩道齊進。次榆林，賊委物僞遁，將士等不復設備，皆入城。虜掠賊伏兵在北邙山下，因大下。士卒咸棄甲奔散。魚朝恩、衛伯玉退保陝州。光弼懷恩棄河陽城，退居聞喜，步兵散死者數千人。軍資器械盡爲賊所有。河陽懷州盡陷於賊。思明至陝州，爲官軍所拒於姜子坂，戰不利，退歸永寧，築三角城。約一月內畢，以貯軍糧。朝義築城畢，未泥，思明至，詔之對曰：緣兵士疲乏，整歇耳。又怒曰：汝惜部下兵，違我處分，令隨身數十人立馬看泥，斯須而畢。又曰：待收陝州，斬却此賊。朝義大懼，思明居驛，朝義在店中。思明令腹心曹將軍總中軍兵嚴衛。朝義將駱悅、許叔冀、男季常等言：主上欲害王，悅與王死無日矣。因言廢與之事，古來有之，欲喚取曹將軍舉大事，可乎？朝義迴面不應，悅曰：若不應悅等，即歸李家。王亦不全矣。朝義然之，令許季常命曹將軍至，悅等告之，不敢拒。其夜，思明夢而驚悟，據牀惆悵，每好伶人寢食置左右，以其殘忍，皆恨之。及此，問其故曰：吾向夢見水中沙上羣鹿渡水而至，鹿死水乾，言畢如廁，伶人相謂曰：鹿者，祿也。水者，命也。胡祿命俱盡矣。駱悅入問思明所在，未及對，殺數人，因指在廁，思明覺變，踰牆出，至馬槽，備馬騎之。悅等至，令備人周子俊射中其臂，落馬曰：是何事？悅等告以懷王。思明曰：我朝來語錯，今有此事，然汝殺我，太疾，何不待我收長安終事不成矣。因急呼懷王者三，曰：莫殺我，却罵曹將軍曰：道胡誤我，道胡誤我，悅遂令心腹擒思明，赴柳泉驛，曰：事已成矣。朝義曰：莫驚聖人，否？莫損聖人，否？悅曰：無有時，周贊、許叔冀統後軍在程昌朝義，令許季常往告之。贊聞驚欲仰倒，朝義領兵迴贊等來迎，因殺贊。思明至柳泉驛，殺之。朝義便僞位，朝義思明孽子也，寬厚，人附之。使人往范陽殺僞太子朝英等，僞留守張通儒覺之，戰於城中，數日死者數千人，始斬之。時洛陽四面數百里，人相食。州縣爲墟，諸節度使皆祿山舊將，與思明等夷。朝義徵召不至，寶應元年十月，遣元帥雍王領河東朔方諸節度迴紇兵馬赴陝，僕固懷恩與迴紇左殺爲先鋒。魚朝恩、郭英又爲後殿，自灑池入。李抱玉自河陽入，副元帥李光弼自

陳留入。雍王留陝州，二十九日與朝義戰于邙山之下，逆賊敗績，走渡河，斬首萬六千，生擒四千六百，降三萬二千人。器械不可勝數。朝義走投汴州，汴州僞將張獻誠拒之，乃渡河北投幽州。二年正月，賊僞范陽節度李懷仙於冀州生擒之，送款來降。梟首至闕下，又以僞官以城降者恆州刺史成德軍節度張忠志爲禮部尚書，餘如故。趙州刺史盧淑定州程元勝、徐州劉如伶、相州節度薛嵩、幽州李懷仙、鄭州田承嗣，並加封爵，領舊職。思明乾元二年僞號，至朝義寶應元年滅，凡四年。

舊唐書卷二百上

後晉司空同中書門下平章事劉昫撰

列傳第一百五十一

朱泚 黃巢 秦宗權

朱泚，幽州昌平人。曾祖和，贊善大夫，贈禮部尚書。祖思明，太子洗馬，贈太子太師。父懷珪，天寶初事范陽節度使裴寬為衙前，對授折衝將軍及安祿山、史思明叛，累為管兵將。寶應中，李懷仙歸順，妻為薊州刺史平盧軍留後柳城軍使。大曆元年卒，累贈左僕射。祖父之贈，皆以泚故也。泚以父資從軍，幼壯健，腰帶十圍，騎射武藝亦不出人。外若寬和中頗殘忍，然輕財好施，每征戰，所得寶物輒分與麾下將士，以是為眾所推。故得濟其兇謀。初，隸李懷仙為部將，改經略副使。朱希彩既殺李懷仙，自為節度，以泚宗姓，甚委信之。希彩為政苛酷，人不堪命。大曆七年秋，希彩為其下所殺，倉卒之際，未有所從。泚營在城北，第浴，主衙內兵亦得眾心，殆變詐多端，潛使百餘人於眾中大言曰：「節度使非城北朱副使莫可，眾既無從，因共推泚。」泚遂權知留後，遣使奉表京師。十月，拜檢校左散騎常侍，兼御史中丞，幽州盧龍節度等使，幽州長史，兼御史大夫。其年泚上表，令弟滔率兵二千五百人赴京西防秋。代宗嘉之，手詔褒美。九年，就加檢校戶部尚書，賜實封百戶。幽州及河北諸鎮，自天寶末便為逆亂之地。李懷仙、朱希彩與連境三節度，名雖向順，未嘗朝謁。至是，泚率先上表，請自領步騎三千人入覲，詔修甲第以待之。九月，泚至京師，代宗御內殿，引見，賜御馬兩匹，戰馬十匹，金銀錦綵甚厚。又以器物十牀，馬四十匹，絹二萬匹，衣一千七百襲，賜其將士，賞犒之。感近時未有，泚又上表，請留京師，從之。因授其弟滔兼御史大夫，幽州節度留後，仍以河陽永平軍防秋。兵郭子儀統之，決勝軍楊猷兵，李抱玉統之，淮西鳳翔兵，馬璘統之，汴宋淄青兵，俾泚統焉。十一年八月，加拜同平章。尋令出鎮奉天行營，復賜金銀綉練并內庫弓箭，以龍之十二月，加檢校司空。鳳翔尹實封至三百戶。建中元年，涇州將劉文喜阻兵為亂，加泚四鎮北庭行

軍。涇原節度使與諸軍討之，涇州平，加泚中書令，還鎮鳳翔，而以舒王讓遠領涇原節度。二年，加泚太尉。朱滔將反叛，陰使人與泚計議，以帛書內蠟丸中置髮，書間，河東節度馬燧搜獲之，以聞，并送帛書及所遣使。泚惶懼，頓首乞歸罪。有司上勉之曰：「千里不同謀，非卿之過。」三年四月，以張鑑代泚為鳳翔節度。泚留後，留泚京師，加實封至一千戶，與一子正員官。其幽州盧龍節度太尉中書令並如故。四年十月，涇原兵叛，變為幸奉天，叛卒等以泚書統涇州，知其失權廢居，怏怏思亂，羣寇無帥，幸泚政寬，乃相與謀曰：「朱太尉久囚空宅，若迎而為主，事必濟矣。」姚令言乃率百餘騎迎泚於晉昌里第，泚乘馬擁從北向，燭炬星羅，觀者萬計。入居含元殿，明日移處白華殿，但稱太尉，朝官有謁泚者，悉勸奉迎，變駕既不合泚意，皆逡巡而退。源休至，遂屏人移時，言動悖逆，又感陳成敗，稱述符命，勸其僭偽。泚甚悅之。又李忠臣、張光晟繼至，咸以官閑積憤，樂於禍亂。鳳翔涇原大將張廷芝、段誠諫以潰卒三千餘自襄城而至，賊泚自謂眾望所集，僭竊之心，自此而定。乃以源休為京兆尹，判度支。李忠臣為皇城使，段秀實久失兵柄，故推心委之，遂發銳師三千言奉迎，乘輿實陰有逆謀。秀實與劉海賓謀誅泚，且虞叛卒之震驚法駕，乃潛為賊符，追所發兵。至六日，兵及駱驛，而迴因與海賓同入見泚，為陳逆順之理，而海賓於靴中取匕首，為其所覺，遂不得前。秀實知不可以義動，遽奪源休象笏，挺而擊泚，泚大呼曰：「反虜萬段，泚舉臂衛首，秀實格拉之，惘惘然。李忠臣馳助泚，泚素多力，纜破其面，逆徒謀集，秀實海賓遂併見害。明日，聲言以親王權主社稷，土庶競往觀之。八日，源休姚令言、李忠臣、張光晟等八人導泚自白華入宣政殿，即偽位，自稱大秦皇帝。號應天元年，愚智莫不憤心，侍衛皆卒伍，行列不過十餘人。下偽詔曰：「幽囚之中，神器自至，豈朕薄德所能經營，彭偃之詞也。」偽署姚令言為侍中，李忠臣為司空，兼侍中，源休為中書侍郎，平章事，判度支，蔣鎮為吏部侍郎，樊系為禮部侍郎，郎禮儀使許季常為京兆尹，洪經綸為太常少卿，彭偃為中書舍人，裴揆、崔幼貞為給事中，崔莫為御史中丞，張光晟、仇敬忠、敬釁、張寶、何望之、段誠諫、張庭芝、杜如江為節度使，仍以其兄子遂為太子，遂封弟滔為冀王，太尉尚書

令尋又號皇太弟。十日，泚自領兵侵逼奉天，竊威儀輦輦，闌道途蟻聚之衆，軍勢頗盛。以姚令言爲元帥，張光晟爲副，以李忠臣爲京兆尹，皇城留守，居中書省，尋以蔣鎮爲門下侍郎，李子平爲諫議大夫，兼平章事。泚軍合於城下，渾瑊、韓游瓌禦之。泚衆大敗，死者萬計。泚收軍於奉天東三里下營，大修攻具。明日，泚又分兵營於乾陵下，瞰城內。大震十一月三日，杜希全與泚衆戰於漢谷，官軍不利。自是泚益驕大，王師乘城而戰，人百其勇，賊多敗衄，或出野戰，官軍又獲利焉。泚乃大驅百姓填塹，夜攻城。城中設奇以應之，賊乃退。縮西明寺僧法堅有巧思，爲泚造雲梯。十五日辰時，梯臨城東北隅，城內震駭。渾瑊使侯仲莊設大坑爲地道，陷之。又縱火焚其梯，東風起，吹我軍，衆頗危。俄而風迴，吹賊軍，城益薪潑油，萬鼓齊震，風吹俱熾。須臾，雲梯與兇黨同爲灰燼。城中三門悉出，兵王師又捷。其夜，兵復出攻，泚衆敗績。李懷光以五萬人來援，自河北至。泚衆惶駭，因而大潰。長圍遂解，馮衆庶以懷光三日不至，城則危矣。三十日夜，泚走至京城。時姚令言於城中造戰格，拋樓，每坊團結，人心大異。泚自奉天迴，乃悉令去之。曰：「攻戰，吾自有計。」前此每三五日，即使人僞自城外來，周走號令曰：「奉天已破，百姓聞之，莫不飲泣，道路闐寂，時有入臺省吏人，不過十數輩，即官六七人，而亦令依常年舉選，初有數十人，陳狀旬日，亦皆屏退。泚自號其宅曰潛龍宮，悉移內庫珍貨，環寶以實之。識者曰：易稱潛龍勿用，此敗徵也。無幾，百姓剽奪其珍寶，泚不能禁止。明年正月一日，泚改僞國號曰漢，稱天皇元年。二月，李懷光既圖叛逆，遣使與泚通和，鑿爲幸梁洋。自此衣冠之潛匿者，出受僞官十七人焉。懷光初與泚往，復通好甚密，以錢穀金帛互相饋遺。泚與書，事之如兄約。云：削平關中，當割據山河，永爲鄰國。及懷光決計背叛，逼乘輿還幸。泚乃下僞詔書，待懷光以臣禮，仍徵兵馬。懷光既爲所賣，漸怒憤，遂領衆遁歸河中。三月，李晟駱元光尙可孤之衆，悉於城東，累敗泚衆。四月，泚使韓旻、宋歸朝、張庭芝等寇武功，渾瑊以衆及吐蕃論莽羅大敗歸朝，殺逆黨萬餘人於武亭川。五月，泚又使仇敬忠寇藍田，尙可孤擊之，大破泚衆，擒敬忠斬之。李晟駱元光尙可孤遂悉師齊進，晟屯光泰門，逆徒拒官軍，王師累捷。二十八日，官軍

入苑，收復京師。逆黨大潰。泚與姚令言、張庭芝、源休、李子平、朱遂以數千人西走，其餘黨或奔竄，或來降。泚衆緣路潰散，乃奔涇州，纔百餘騎。田希鑿閉門登陴，泚令謂鑿曰：「我與爾節度，何故背恩？希鑿乃使人自城上擲泚所送旌節於外，續又投火焚之。泚遂過數里，息於逆旅。泚將梁庭芬入涇州，說田希鑿曰：「公比日殺馮河清背叛，今雖歸順，國家必不能久容，公他日不免受禍。何如開門納朱公，與共成大事？希鑿以爲然。庭芬乃追及泚言之。泚大悅，使庭芬却往涇州，庭芬請授已尙書，平章事。泚不從。梁庭芬既求宰相不得，不復往涇州。從泚至寧州，彭原縣西城屯，復與泚心腹朱惟孝共射泚。泚走，墜故窖中。泚左右韓旻、薛綸、高幽魯、武震、朱進卿、董希芝共斬泚，使宋膺傳首以獻。泚死，時年四十三。姚令言投涇州，源休、李子平走鳳翔，尋並斬獲。宋歸朝之敗武功，降於李懷光，送與元斬之，唯不獲朱遂，傳爲野人所殺。或云與泚壻僞金吾將軍馬悅潛走，党項部落數月得達幽州。泚之僞逆，宦豎朱重曜頗親密用事。泚每呼之爲兄，時賊中以膺月大雨，僞屋官謂泚曰：「當以宗中年長者覆其災變，泚乃毒殺重曜，而以王禮葬焉。及京師平，亦出其屍而斬之。姚令言自有傳。」

黃巢，曹州冤句人，本以販鹽爲事，乾符中，仍歲凶荒，人饑爲盜，河南尤甚。初，里人王仙芝尙君長聚盜，起於濮陽，攻剽城邑，陷曹濮，及鄆州。先有謠言云：金色蝦蟆爭努眼，翻却曹州天下反。及仙芝盜起，時議畏之。左金吾衛上將軍齊克讓爲兗州節度使，以本軍討仙芝。仙芝懼，引衆歷陳許，襄鄧，無少長，皆虜之。衆號三十萬。三年七月，陷江陵。十月，又遣將徐君莒陷洪州。時仙芝表請符節，不允。以神策統軍使宋威爲荆南節度，招討使中使楊復光爲監軍。復光遣判官吳彥宏論以朝廷釋罪，別加官爵。仙芝乃令尙君長、蔡溫球、楚彥威相次詣闕請罪，且求恩命。時宋威害復光之功，並擒送闕，勅於狗脊嶺斬之。賊怒，悉精銳擊官軍，威軍大敗。復光收其餘衆，以統之。朝廷以王鐸代爲招討。五年八月，收復亳州，斬仙芝首，獻於闕下。先是君長弟讓，以兄奉使見，誅率部衆入崆峒山，黃巢、黃揆、仲八人率盜數千依讓。月餘，衆至數萬，陷汝州，虜刺史王鐸。又掠關東官軍，加討屢爲所敗。其衆十餘萬，尙讓乃與羣盜推巢爲王，號衝天大將。

軍仍署官屬藩鎮不能制時天下承平日久人不知兵僖宗以幼主臨朝號令出於臣下南衙北司迭相矛盾以至九流瀾亂時多朋黨小人讒勝君子道消賢豪忌憤退之草澤既一朝有變天下離心巢之起也人士從而附之或巢馳檄四方章奏論列皆指目朝政之弊蓋士不逞者之辭也巢徒黨既成與仙芝為形援及仙芝敗東攻亳州不下乃襲破沂州據之仙芝餘黨悉附焉時王鐸雖銜招討之權緩于攻取時高駢鎮淮南表請招討賊許之議加都統巢乃渡淮僞降于駢駢遣將張璠率兵受降于天長鎮巢擒璠殺之因虜其眾尋南陷湖湘遂據交廣託越州觀察使崔璆奏乞天平軍節度朝議不允又乞除官時宰臣鄭畋與樞密使楊復恭欲請授同正員軍將盧攜駁其議請授率府率如其不受請以高駢討之及巢見詔大詬執政又自表乞安南都護廣州節度亦不允然巢以士眾烏合欲據南海之地未為窠穴坐邀朝命是歲自春及夏其眾大疫死者十三四眾勸請北歸以圖大利巢不得已廣明元年北踰五嶺犯湖湘江浙逼廣陵高駢閉門自固所過鎮戍望風降賊九月渡淮十一月十七日陷洛陽留守劉允章率分司官迎之繼攻陝虢逼潼關陷華州留將奮鈐守之河中節度使李都詐進表于賊朝廷以田令孜率神策博野等軍十萬守潼關時禁軍皆長安富族世籍兩軍豐給厚賜高車大馬以事權豪自少迄長不知戰陣初聞科集父子聚哭憚於出征各於兩市出直萬計備雇販屠沽及病坊窮人以爲戰士操刀載戟不知鐵銳復任宦官爲將帥驅以守關關之左有谷可通行入平時捉稅禁人出入謂之禁谷及賊至官軍但守潼關不防禁谷以爲谷既官禁賊無得而踰也尙讓林言率前鋒由禁谷而入夾攻潼關官軍大潰博野都徑還京師燔掠西市十二月三日僖宗夜自開遠門出趨駱谷諸王官屬相次奔命觀軍容使田令孜王若儔收合禁軍扈從四日賊至昭應金吾大將軍張直方率在京兩班迎賊灞上五日賊陷京師時巢眾累年爲盜行伍不勝其富遇窮民於路爭行施遺既入春明門坊市聚觀尙讓慰曉市人曰黃王爲生靈不似李家不恤汝輩但各安家巢賊眾競投物遺人十三日賊巢僭位國號大齊年稱金統仍御樓宣赦且陳符命曰唐帝知朕起義改

元廣明以文字言之唐已無天分矣唐去丑口而安黃天意令黃在唐下乃黃家日月也土德生金予以金王宜改年爲金統賊搜訪舊宰相不獲以前浙東觀察使崔璆楊希古尙讓趙章爲四相孟楷蓋洪爲左右軍中尉費傳古爲樞密使王璠爲京兆尹許建朱實劉塘爲軍庫使朱溫張言彭攢李逵爲諸衛大將軍四面游奕使又選驍勇形體魁梧者五百人曰功臣令其甥林言爲軍使比之控鶴中和元年二月尙讓寇鳳翔賊敗出師禦之大敗賊於龍尾坡敗乃馳檄告諭天下藩鎮四月涇原行軍唐弘夫之師屯渭北河中王重榮之師屯沙苑易定王處存之師屯涇橋鄭延拓拔思恭之師屯武功鳳翔鄭畋之師屯四面俱會十二月宰相王鐸率荆襄之師自行在至鄭畋帳下小校竇致者驍勇無敵每夜率敢死之士百人直入京師放火燔諸門斬級而還賊人悚駭時京畿百姓皆於山谷累年廢耕耘賊坐空城賦輸無入穀食騰踊米斗三十千官軍皆執山岩百姓鬻於賊爲食人獲數十萬朝士皆往來同華或以賣餅爲業因奔於河中宰相崔沆豆盧瓚扈從不及匿之別墅所由搜索嚴急乃微行入永寧里張直方之家朝貴怙直方之衆多依之既而或告賊云直方謀反納亡命賊攻其第直方族族沈沈瓚數百人皆遇害自是賊始酷虐族滅居人遣使傳命召故相駙馬都尉于琮於其第琮曰吾唐室大臣不可佐黃家草昧加之老疾賊怒令誅之廣德公主并賊號咷而謂曰予即天子女不宜復存可與相公俱死是日并遇害二年王處存合忠武之師敗賊將尙讓乘勝入京師賊遁去處存不爲備是夜復爲賊寇襲官軍不利賊怒坊市百姓迎王師乃下令洗城丈夫丁壯殺戮殆盡流血成渠九月賊將同州刺史朱溫降重榮十一月李克用率代北之師自夏陽渡河屯沙苑三年正月敗黃揆於沙苑進營乾坑二月賊將林言趙章尙讓率衆十萬援華州克用合河中易定忠武之師戰於梁田坡大敗賊軍俘斬數萬乘勝攻華州壘柵以環之克用騎軍在渭北令薛志勤康君立每夜突入京師燔積聚俘級而旋黃揆棄華州官軍收城四月八日克用合忠武騎將龐從邁賊於渭南決戰三捷大敗賊軍十日夜賊巢散走

詰且克用由光泰門入收京師巢賊出藍田七盤路東走關東天下兵馬都監押楊復光露布獻捷於行在陳破賊事狀曰頃者妖與霧布盜嘯叢祠而岳牧藩侯備盜不謹謂大同之運當可容姦謂無事之秋縱其長惡賊首黃巢因得充盈窟穴蔓延菹蒲驅我蒸黎徇其兇逆展鉏鑿以成鋒刃殺耕牛以恣燔炮離魅晝行虺蜴反噬自南海失守湖外喪師養虎災深馴暴逆大物無不害惡靡不為狂狠貽朝市之憂瘡痍及腹心之痛遂至毒流萬姓盜汙兩京衣冠銜塗灰之悲郡邑起丘墟之嘆萬方共怒十道齊攻仗九廟之威豐殄積年之兇魏河中節度使王重榮神資壯烈天付機謀奮立功名志安家國至於屯田待敵率士當衝收百姓十萬餘家降賊黨三萬餘衆法當持重功遂晚成久稽原野之刑未快雷霆之怒自收同華逼近京師夕烽高照於國門遊騎俯臨於灞岸既知四隅斷絕百計奔衝如窮鳥觸籠似飛蛾赴燭雁門節度使李克用神傳將略天付忠貞機謀與武藝皆優臣節共本心相稱殺賊無非手刃入陣率以身先可謂雄才得名飛將自統本軍南下與臣同力前驅雖在癡餐不忘寇孽今月八日遣衙隊前鋒楊守宗河中騎將白志遠橫野軍使滿存驪雲都將丁行存朝邑鎮將康師貞忠武黃頭軍使龐從等三十都隨李克用自光泰門先入京師力摧兇寇又遣河中將劉讓王瓌冀君武孫珙忠武將喬從遇馮清將韓從威荆南將申屠悰滄州將賈浴易定將張仲慶壽州將張行方天德將顧彥朗左神策弩手甄君楚公孫佐橫衝軍使楊守亮驪雲都將高周彝忠順都將胡真絳州監軍毛宣伯壽弘裕等七十都繼進賊尙為堅陣來抗官軍厲門李克用率勵驍雄整齊金草叫譟而聲將動瓦哨鳴而氣欲吞沙寬列戈矛密張羅網於是塵軍背擊分騎橫衝日明而劍躍飛輪風急而旗開走電使賊如浪便可塞流使賊如山亦須折角蹂躪則積尸入地騰凌則積血成塵不煩卽墨之牛若駕昆陽之象楊守宗等齊驅直入合勢夾攻從卽至申羣兇大潰自崔春宮前殺至昇陽殿下攻圍戈不濫揮矢無虛發其賊一時奔走南入商山徒延漏刃之生佇作飲頭之器自收平京關二面皆立大功若破敵摧兇李克用實居其首其餘將佐同效驅馳兼臣所部領萬餘人數歲櫛風沐雨旣

茲平盪並錄以聞五月巢賊先鋒將孟楷攻蔡州節度使秦宗權以兵逆戰為賊所敗攻城急宗權乃稱臣於賊遂攻陳許管於潞水陳州刺史趙擊迎戰敗賊前鋒生擒孟楷斬之黃巢素龍櫓悲惜之乃悉衆攻陳州營於城北五里為官關之制曰八仙營於是自唐鄆許汝孟洛鄭汴曹濮徐兗數十州畢罹其毒賊圍陳郡百日關東仍歲無耕稼人餓倚牆聲聞賊俘人而食日殺數千賊有春磨皆為巨碓數百生納人於臼碎之合骨而食其流毒若是趙擊求援於太原四年二月李克用率山西諸軍由蒲陝濟河會關東諸侯赴援陳州三月諸侯之師復集四月官軍敗賊於太康俘斬萬計拔其四壁又敗賊將黃邠於西華拔其壁巢賊大恐收軍營於故陽里官軍進攻之五月大雨震雷平地水深三尺壞城壘賊自離散復聚於尉氏逼中牟翌日營汴水北是日復大雨震雷溝壑漲流賊分寇汴州李克用自鄭州引軍襲擊大敗之獲賊將李用楊景殘衆保胙縣冤句官軍追討賊無所保其將李謙楊霍葛從周張歸厚張歸霸各率部下降于大梁尙讓率部下萬人歸時溥賊自相猜間相殺於營州所殘者千人中夜遁去克用追擊至濟陰而還賊散於兗鄆界黃巢入泰山徐帥時溥遣將張友與尙讓之衆掩捕之至狼虎谷巢將林言斬巢及二弟鄴揆等七人首并妻子皆送徐州是月賊平

秦宗權者許州人為郡牙將廣明元年十月巢賊渡淮而北十一月忠武軍亂逐其帥薛能是月朝廷授別校周岌為許帥初軍城未變宗權因調發至蔡州聞府軍亂乃闌集蔡州之兵欲赴難俄聞府主租周岌未至巢賊充斥自寇郡城宗權乃督勵士衆登城拒守岌至即令典郡事天子幸蜀姑務剪寇上蔡有勁兵萬人宗權即與監軍楊復光同議勸王出師破賊以蔡牧授之仍置節度之號中和三年巢賊走關東宗權逆戰不利因與合從為盜巢賊既誅宗權復熾僭稱帝號補署官吏遣其將秦彥亂江淮秦賢亂江南秦誥陷襄陽孫儒陷孟洛陝號至於長安張誼陷汝鄭盧塘攻汴州賊首皆懷銳慘毒所至屠殘人物燔燒郡邑西至關內東極青齊南出江淮北至衛滑魚爛為散人煙斷絕荆榛蔽野賊既乏食啖人為儲軍士四出則鹽屈而從關東郡邑多被攻陷唯

趙彜兄弟守陳州。朱溫保汴州。城門之外。爲賊疆場。汴帥與充鄆合勢。屢敗賊軍。兇勢日削。龍紀元年二月。其愛將申叢執宗權。搥折其足。送於汴。朱溫出師迎勞。接之以禮。謂之曰。下官屢以天子命達於公。如前年中。翻然改圖。與下官同力勤王。則豈有今日之事乎。宗權曰。僕若不死。公何以興。天以僕霸公也。略無懼色。乃權送京師。昭宗御延喜樓受俘。京兆尹孫揆以組練陳之。徇於兩市。宗權檻中引頸。謂揆曰。尚書明鑒。宗權豈反者耶。但輸忠不効耳。衆大笑。與妻趙氏俱斬於楊柳之下。

史臣曰。我唐之受命也。置器於安。千年惟永。百蠻嚮化。萬國來王。但否泰之無恆。故夷險之不一。三百算祀。二十帝王。雖時有羈邑叛君之臣。乘危徼倖之輩。莫不才與兵革。卽就誅夷。其間沸騰大盜。三發安祿山。朱泚黃巢。是也。夫謀危社稷。將害君親。輒裂藩宮。未塞其罪。故不俟於多談也。然盜之所起。必有其來。且無間於天時。宜決之於人事。祿山母爲巫者。身是牙郎。偶緣微立邊功。遂至大加寵用。總知馬牧。特委兵權。愛天子之獨尊。與國忠之相忌。故不能以義制事。以禮制心。遂稱向關之兵。以期非望之福。此所以爲亂也。朱泚家本漁陽。性惟兇狡。耳習聞於纂奪。心本乏於忠貞。暨第爲亂階。身留京邑。小不如意。別懷異圖。但樂荒難之鳴。唯幸和鑾之動。緣幽帥之嘗。因亂得。謂神器之可以徵求。黃巢園苜蓿人。菴蒲賤類。因饑饉之歲。攝王尙之蹤。志在徵數。謀非遠大。一旦長驅江表。徑入關中。見五轆之蒙塵。謂寶命之在我。必若玄宗採九齡之語。行三令之威。不然使祿山名位不高。委任得所。則羣黎未必陷於塗炭。萬乘未必越於岷峨。德宗能舍垢匿瑕。不佳兵尙勇。不然則取李承之言。不委希烈伐叛。不然則取公輔之諫。早令朱泚就行。如此則未必有涇原之亂兵。未必有奉天之危急。僖宗能知人疾苦。惠彼困窮。不然則從鄭畋之謀。赦羣偷之罪。如此則黃巢不必能犯順。變御未必須省方。蓋差之毫釐。失之千里。蛇螫不能斷腕。蟻穴所以壞隄。後之帝王。足爲殷鑒。史朝義。秦宗權。乘彼亂離。肆行暴虐。虔劉我郡邑。僞竊我衣裳。終雖滅亡。爲害斯甚。茲亦珍氣之餘也。

贊曰。天地否閉。反逆亂常。祿山犯關。朱泚稱皇。賊巢陵突。羣孽披攘。徵其所以。

存乎懷藏。

舊唐書卷二百下

舊唐書卷二百下考證

朱泚傳十月泚自領兵便通奉天○臣四按涇原兵以十月三日叛僖宗出奔

泚發銳師追駕至六日兵及駱驪而回十日泚自領兵通奉天皆十月內事

也此處不應重書月數月字當是日字之訛今改正

黃巢傳鄭延拓拔思恭之師屯武功○臣四按新書鄭延李孝昌夏州拓拔思

恭鄭延下當脫李孝昌夏州五字

舊唐書卷二百下考證

